





~~QI II 14~~  
T. VI. 49-15

~~QI I 14~~

~~E VIII 15~~



111

111

111

۲۷

۲۷

R. P.  
**STEPHANI**  
**BAVNY**  
E SOCIETATE IESV.

**THEOLOGIÆ MORALIS**  
**PARS ALTERA.**









ILLVSTRISSIMO  
AC REVERENDISSIMO DOMINÒ D.  
**NICOLAO SANGVIN**  
SYLVANECTENSI EPISOPÒ,  
Christianissimo Regi à Secretioribus Consiliis.



PVS hoc literarium de Censuris cui nisi tibi dedicarem (Præsul Illustrissime) qui Censuram non metuis, infligis aliis? *Vita principis Censura est, eaque perpetua*, tua præ cæteris, ipsa enim quæ tecum nata est virtus, iisdemque quibus ætas tua coaluit incrementis, Censura est, quia de aspectu suo scelera corrigit. Erat ista quidem iam in te, cum puer esses, illis grauis, cum adolesceres formidanda improbis, iam autem matura in te viro, quos non motus in iis facit? quam non conspecta cognitaque, admirationem sui parit? Ita quam in bene præparatis te contuentium animis, virtus hæc tua vehementes amoris sui faces accendit, tam illa acres diuini cuiusdam odij, quo vitia defragare in illis omnia sit necesse, ignes generosa alit, vt quod de Christianorum pallio ambitiose Tertullianus olim, hoc de tuâ virtute, hoc de te, meliori dicere iure queas; *Censura sum, de occursum meo vitia suffundo, Grande est oris mei, grande oculorum beneficium, sub quorum recogitatu improbi mores erubescunt.* Nihil dico ad gra-

Plinius in  
Panegy-  
rico.

## EPISTOLA

tiam, quisquis te nouit, si tacitam vitæ tuæ, morumq; censuram vitare cupit, virtutem colit, scelera detestatur ac odit, de tuo quotidie aspectu, ac auditu, melior Deoque fit acceptior, nec erit vnquam, quin à te, vel tacente proficiat, paulatim enim in pectus descendis, & vim præcepti obtinet, audire te frequenter & videre. Factum ideò non sine numine puto, quò prodesse plurimis, tuisque extaret testimonium meritis, tua vt te, hoc est gentis familiæque tuæ propria virtus, in Senatum transcriberet. Hic verò quàm religiosè, quàm temperatè, quàm sanctè vixeris, quàm nihil nisi ad amissim gesseris, quàm charitate pupillorum innocentiam, viduarum solitudinem, pauperum inopiam contra vim defenderis, meminere qui te Senatore ereptos se sciunt à discrimine, nec enim te amor, vt multos, incitabat ad patrocinium, non ad vindictam odium, sed vt paucos, vbi moerens, affectaque iacebat æquitas, eò te recti, quæ tecum à puero creuerat, studiosum & amantem, inclinabat humanitas; ita fiebat vt cum in illo augustissimo totius orbis Concilio, reorum defendebas causam, non proderes Dei actua, cum aliena gerebas negotia, tua ac virtutis minimè neglectum ires, imo tua, quia aliena, vtiliter faceres, quàm te prudentiæ præstabili laude, etiam nùm miramur inclytum. Enimuero qui tunc talis eras, etiam nunc, post abdicatum magistratum est talis, sed hoc discrimine, periclitantibus ex officio tunc aderas, ius non rarò importunis miserorum fractus clamoribus dabas, nunc vltro, ac non rogatus, ad eorum subsidium aduolas, quæ-

rebant



## E P I S T O L A

rebant te tunc illi solitudinis suæ defensores, ac patronum, nunc non rogatus, sæpe non expectatus moestis ades, iacentes erigis, opibus solaris ac verbis, dumque eos tam amanter habes, tam paternè foues, tam liberaliter ac effusè bonis auges, qualis ante eras, non tamen humanæ, sed longè præstantioris, hoc est cœlestis ac diuinæ modo es, Senator Curia. Tunc te consiliorum murice tincta ornabat purpura, tunc te maiores tui vtriusque stirpis, longo retro ordine, in augustâ Parisiensi Curia, Præsides, Senatoresque infiniti propè numero, suâ illustrem reddebant gloriâ, eorum non te modò ceræ commendant, quæ nunquam fluent, non fumosæ imagines, gloriæ nepotum semina, quæ adhuc nitent, non arbor tua gentilitia proxima cœlo, ex quâ fructuum loco tot diuina eorum pendent facinora, vera tuæ nobilitatis testimonia, sed quæ sunt paucorum, animi præclara decora, sed quò te tua euexit virtus, non ambitus, aut aliena commendatio, Episcopatus tui illustria insignia. Huius autem, Ecclesiæque adeo vniuersæ maiestatem, quantâ tuearis constantiâ, quantâ & quam acri in id curâ excubes, ne hæc sibi sua aliquando detracta queratur ornamenta, ne immunitates ac priuilegia, narrare quis potest?

In Pontificem verò, eiusque leges quanta tua sit veneratio, quanta in cœlites religio, moderatio in omnes, malo in aliorum opinione esse, quam dicere.

Sanè constat, tam tibi sacra esse, ac religiosa Romana fulmina, vt audita tantùm, te terreant, conspecta exaniment. Amplificandæ autem Ecclesiæ,

## EPISTOLA:

diuinæque non in Dioecesi tuâ modò, sed vbique propagandæ gloriæ, quantate, ac quàm ardens dies noctesque cura sollicitum habeat nouit is solus, qui te suis è cœlo facibus æstuantem, semper ad noua, semper ad ardua acuit. Prodeunt ex hoc igne, suauibus intermixta lacrymis continua tua suspiria, tua vota, tuæ antelucanę preces, quastu ideo lucem vis præcedere, & arcanas esse, ne sint publicę, ac ab istiusmodi rerum admiratore populo cognitę, ac laudatę, ratus id esse satis publicum, quod Deus videt, laudatum, quod idem acceptum habet.

Istud autem quale est, & quantum ad laudem? quotidianis in Ecclesiâ tuâ princeps, interesse te officiis? diuina peragere mysteria, sacrâ quotidie litare hostiâ? & cum cęteri, semel quotannis sacrificare, satis esse ad officium existiment, te quotidie domesticum ac conuictorem habere Deum? O te tanto beatum hospite! ô te tam constanti tuâ in eius cultu voluntate mirabilem, cæteri, quam voles, religiosi sint ac pij, quandoque tamen cessant, quandoque de viâ, quietis causâ, deflectunt ad vmbacula, naturam defessi audiunt, animum remittunt, tantisper de seueritate vitę ad delicias diuertunt. Tu tui semper similis, quam semel tibi vitę, precum, officij, diuinęque Deo Patri, quot diebus in Ecclesiâ offerendę victimę legem dixisti, sic seruas, quasi è cœlo Christus, aut è Sina altero, nouus tibi quispiam sanxisset Moses.

Iam verò quod hæc tua erga Deum Cęlitesque religio, non ætatis sit, aut necessitatis, non noua, non le-

## EPISTOLA

uis, non personata, ac mutabilis, sed quod tecum in Episcopatu nata, iisdem exinde, quibus mens tua coelestibus epulis ad maturitatem prouecta, nunc in præstando officio, viuida manet acrata, par sibi semper ac similis in operandi constantiâ, quis non videt tam gloriosum in te istud, quam in aliis rarum? Nec es verò tibi soli bonus, penetrat ad alios tua virtus, crexisti virginibus templum nobile, vt Dei Mystes esses, coelitibus altaria, vt te ij aliquando coelitem habeant, puellis claustra, vt peccato sinus animæ omnes suæ, aditusque claudant, virtuti pandant ac Deo; Coenobium structura præcipuum, amplitudine conspicuum, vt tuis ibi viuant stipendiis sapientia ac castitas, securæ ambæ à periculis. Mitto eleemosynas occultas tuas, mitto Xenodochiis ac miseris miti per te solita quotannis ampla donaria. Illustre est quod sequitur, à te non semel, extremam propè religiosæ cuiusdam domus subleuatam inopiam, annonæ angustias munificentiam laxatas tua, ac ne eius fama manaret ad vulgus, aut eius alumnos, huius tuæ beneficentiæ, vel leuis è domo tuâ afflaret aura, per te seuerè pro imperio, domesticis ne te proderent, edictum esse, O factum te Nicolao Præsule dignum! factum aris, templisque consecrandum! factum, quod quo instinctu, & quorsum ageres, quamque verè inopum pater ac patronus esses, licet muti essemus omnes, indicat. Indicant & ipsæ edes tuæ, nam dum patent Religiosis cuiusquemodi, tam qui peregrini & aduenæ, quam qui Syluanecti sunt incolæ, quid loquuntur aliud, nisi eas te velle caritatis esse do-

# EPISTOLA.

micilium, mensam autem, in quâ tecum sedent, eorundem esse gratum ac suaue coenaculum? De Societate autem nostrâ loqui quid est necesse? in quam amoris tui ordiri hic panegyrim, nec breuitas Epistolæ, nec tuus finit pudor, erit aliquando, breuique ut spero, quum quibus, munificentia ipse regia sacrarium præparas, Musæ in tuas se laudes effusæ dabunt, quod quia iam diu cogitas, pro tuâ in ordinem nostrum caritate benigne, pro tua in Syluanectenses beneuolentiâ fructuose, gratias ego quantas tibi possum ac debeo, ago, habeoque maximas, & quia meum est alienis viuere beneficiis, tuum cui nunquam dandorum est penuria, datorum poenitentia, prodesse cunctis, pro eâ te, quâ me amoris humanitate complecti soles, oro, rogoque, ut huic qualicunque operi meo, quod tibi omni iure, & nomine lubens consecro, Illustrissimi tui nominis radios affulgere sinas, ut quas ab auctore, subiectâque materiâ tenebras habet, mirabili iucundâque virtutum tuarum luce dispellas. VALE.

Ex Collegio Parisiensi  
quarto Calendas Iunii  
anno reparatæ salutis  
1642.

ILLVSTRISSIMÆ AMPLITVDINIS TVÆ

Sequitur in Christo perpetuus  
STEPHANVS BAVNY.



# INDEX TRACTATVVM ET Quæstionum.

## TRACTATVS PRIMVS, De Censuris Ecclesiasticis.

### QVÆSTIO I.

- C**ENSURÆ nomine Theologi quid intelligant, pag. 1.  
 II. Explicatur definitio Censuræ, 2  
 III. Quot sint Censuræ, ibid.  
 IV. An & à quo habeat potestatem Ecclesia censuras ferendi & quando ea Vis cæperit, 3  
 V. Quem ad finem Censuræ ab Ecclesia ferantur, 6  
 VI. Quotuplex sit censura seu quomodo diuidi soleat, 8  
 VII. Quomodo differant censuræ quæ sunt à iure ab his quæ sunt ab homine, ibid.  
 VIII. Quis potest ferre censuras, 9  
 IX. An femina deleganda sibi potestatis à Papa ad censuras sit capax, 12  
 X. An Parochus castigandi rei per censuras ius habeat, 13  
 XI. An Episcopus Diocesis in qua peccatum est, punire possit eius authorem, quamuis diuersa sit Diocesis à sua, 14  
 XII. Quinam censuraligari possint, 15  
 XIII. An Censura ferri possit in mortuum, 18  
 XIV. Quas ob culpas ferantur censuræ, 20  
 XV. An in ferenda censura adhibenda sit aliqua monitio sub comminatione eius incurrenda nisi parcatur Iudici Ecclesiæ, 23  
 XVI. An vna tantum monitio sufficiat, an autem multiplex sit necessaria, 24  
 XVII. An censura verbis ferri debeat, 25  
 XVIII. A censura incurrenda quam excusent 26  
 XIX. An is quem censura ob culpam aliquam suam alia vinciri possit, 29  
 De Iudice absolvente à Censuris.

### QVÆSTIO I.

- I. A quo communiter absolui censura possit, 31  
 II. De iudice delegato absolvente à censuris, 32  
 III. An laicus, in articulo mortis positum, possit à censuris absolvere, 37  
 IV. An Episcopus in Diocesi existens aliena, possit suos subditos absolvere ab heresi, aut casibus in Bulla cænæ contentis, 49  
 V. De effectis Censurarum circa Reos, 50

- VI. Declaratio primarii effectus censurarum, seu quam per censuras non tollantur, 52  
 VII. Exceptio primarii effectus censurarum, siue quem omnino spiritualium Usus censura irretitus retineat, & quem non, 54  
 VIII. Quam licite & sine culpa, ab eo qui est in censura, fieri iura sinant, 55  
 IX. Quam possit qui est in censura licet illicitè & cum peccato, 57  
 X. De Irregularitate ob violatas censuras, 60  
 XI. De pœnis contumaciæ in censuris, 61  
 XII. De effectis censurarum circa non reos, 62  
 XIII. De obligatione vitandi censuris innodatos, 63  
 XIV. Explicantur aliqua dubia circa prædictam obligationem, 64  
 XV. Diuisio censura in suspensionem, excommunicationem & interdictum, ibid.  
 XVI. Diuisio censura in Ratam & irritam, 65

## TRACTATVS SECVNDVS.

### DISPVATIO PRIMA. de Excommunicatione.

### QVÆSTIO I.

- Quid sit Excommunicatio, 67  
 II. Quibus nominibus appellata est olim excommunicatio, 68  
 III. Quid Anathema ab excommunicatione differat, 69  
 IV. Quotuplex sit excommunicatio, 70  
 V. In quo excommunicatio quæ est ab homine, ab ea quæ iuris est, differat, 72  
 VI. Quodnam sit excommunicationis obiectum, quisque eius finis, 73  
 VII. Propter quam culpam ferri maior excommunicatio debeat, ibid.  
 VIII. In quibus casibus excommunicatio potest esse iniusta & tamen valida, 77  
 IX. Quid sit contumacia, cuius causa fertur excommunicatio & quotuplex, ibid.  
 X. An excommunicatus sit extra Ecclesiam & Dei gratiam, 78  
 XI. Quem modum in ferenda excommunicatione tenere oporteat, 79  
 XII. Quomodo sententia excommunicationis sit

## Index Tractatum

- ferenda & quibus vocibus, 80  
 XIII. An sententia excommunicationis scripto proferri debeat, 81  
 XIV. Quid sit seruandum in excommunicatione ferenda ex parte excommunicati, & de monitionibus quæ ei præmitti debent, ibid.  
 XV. An monitio personalis esse debeat, & quæ sint pænæ excommunicantis sine monitione, 84  
 XVI. Quid insuper excommunicatio ex parte excommunicantis, 85  
 XVII. Quibus notis internosci possit excommunicatio lata sententia ab ea quæ est ferenda, 88

### DISPUTATIO SECUNDA

De causa effectiua ac subiectiua

Excommunicationis.

#### QVÆSTIO I.

- Quinam Excommunicare iure possint, 91  
 II. An in Parocho simplici quæ Presbytero ius excommunicandi resideat, 94  
 III. An Prælatus excommunicare possit per sententiam suam subditum extra Diocesim, aut in loco exemplo positum, 95  
 IV. De causa subiectiua excommunicationis, seu quis excommunicari possit, 98  
 V. An sint aliqui qui excommunicari nequeant, 99  
 VI. In qua explicantur dubia de his qui excommunicare & excommunicari possunt, 104

### DISPUTATIO TERTIA DE

Absoluentæ Censuris.

#### QVÆSTIO I.

- Absolutio ab excommunicatione quoruplex, 112  
 II. Potestas absoluendi à censuris cui ordinariè sit commissæ, 113  
 III. An in mortis articulo excommunicatus quilibet absolui possit à quolibet, aut ad cautelam, 114  
 IV. De quibus censuris absolui possunt ordinarij, 116  
 V. An excommunicatio à iure non reservata ita ad ius Episcoporum pertineat, ut hæc à Parochis absolui nequeat, 117  
 VI. Recensentur censure late sententiæ Papæ non reservatæ iniure, & de quibus è Sacerdotum numero approbatus quilibet potest absolui, 119  
 VII. Recensentur excommunicationes Clementinarum nulli reservatæ, 121  
 VIII. Casus enumerantur, quibus est per Concilium Tridentinum adiuncta excommunicatio, eaque non reservata, 122  
 IX. Recensentur excommunicationes late sententiæ in Lateranensi & Constantiensi Conciliis promulgatæ, nulli tamen reservatæ, 124

- X. Quæ excommunicationes sint reservatæ Papæ in Gallia & vbiq; ibid  
 XI. An Pauli II. Constitutio de alienatione bonorum Ecclesiæ vitanda, excommunicationem Papæ reservatam inferat, 128  
 XII. An iudices à Papæ deputati, si minus à litigantibus capiant pænâ excommunicationis reservatæ Pontifici subeant & an Pauli II. Bulla id vetantis hoc præcipiat, 131  
 XIII. An Gregorij XIII. & Pij V. Constitutiones de clausura seruanda, pænâ excommunicationis ipso facto incurrendam habeant ac Papæ reservatam, 132  
 XIV. An peccantes contra Bullam Urbani quarti de simonia in Religionis ingressu excommunicationem incurrant Papæ reservatam, 139  
 XV. An Bulla Sixti V. de ordinatis per simoniâ excomm. Papæ reservatam inuehat, 141  
 XVI. An Pij quarti & quinti Bullæ Pontificiæ de confidentiali simonia, excommunicationem Pontifici reservatam habeant, 144  
 XVII. An è cenobio egredi deposito religioso habitu excomm. habeat Papæ reservatam, 147  
 XVIII. An excommunicatio lata à Iulio II. Pio IV. Gregorio XIII. Clem. VIII. contra Monachos lata sit sententiæ ac reservatæ Pontifici, 151  
 XIX. An qui occisi in duello funus insequitur, aut pro eo orat, peccare ac censuram incurrere sit censendus, 152  
 XX. A quo excommunicationes ab homine profectæ in hominem absolui debeant, 156  
 XXI. Quibus in casibus Episcopo absolui à censura Papæ reservata sit licitum, 159  
 XXII. An vi alicuius privilegiij, Episcopus absolui possit ab heresi, 160  
 XXIII. An cum datur plenaria indulgentia per modum Iubilæi intelligatur data potestas absoluendi à censuris, etsi istarum, non fiat specialis in Bulla Iubilæi mentio, 162  
 XXIV. An quando datur à summo Pontifice facultas absoluendi à censuris, & casibus Papæ reservatis, i. Bulla cœnæ intelligatur data absoluendi ab heresi, ibid.  
 XXV. An Episcopus absolutionem ab heresi, committere possit alicui, 163  
 XXVI. An prælati regulares, subditos suos absolui possint ab heresi occulta, 164  
 XXVII. An excommunicatus ab homine nominatim, absolui queat, vi commissionis Generalis, 165  
 XXVIII. An extra confessionem data de excommunicatione absolutio sit rata, 167  
 XXIX. Quibus verbis formaque utendum sit in absolutione censura, ibid.  
 XXX. An in mortis articulo absolui excommunicatus possit à Laico, 169  
 XXXI. An excommunicatus absolui in mortis articulo possit à simplici Clerico, 170  
 XXXII.

## Index Tractatum

- XXXII. *An cum Papa aut Episcopus super obtinenda absolutione censura, quam sibi reseruarunt, adiri ob causam non possunt, consuli aliquem de privilegiatis oporteat, talis beneficii consequendi gratia,* ibid.
- XXXIII. *An excommunicatus à suo Episcopo, possit absolui ab alio in cuius Diocesim postea transit,* 171
- XXXIV. *An data absolutio sub conditione de futuro valeat,* 172
- XXXV. *An inuiso data absolutio à censura sit valida,* 173
- XXXVI. *Quæ sint de iure in foro conscientie iniungenda post absolutionem censuræ,* 174
- XXXVII. *Ne Episcopus in absolutione censuræ peccet, quid ab eo illi præmitti præter dicta questione præcedenti sit necesse,* 176
- XXXVIII. *An absolutus ab excommunicatione in foro conscientie, possit cum quolibet libere, ac sine crimine congregari perinde ac si in foro publico esset absolutionis gratiam consecutus,* 177
- XXXIX. *An cum Roma, dantur discreto viro literæ, quibus ei sit potestas relaxandæ censuræ possit eius absolutio, à peccatorum remissione seungi,* 178
- XL. *An à peccatis absolutus, non autem ab excommunicatione, quæ se hic irretitum nesciebat iteratò earecitare sacerdoti liceat,* 179
- XLI. *An possit à regulari absolui percussor,* ibid.
- XLI. *An excommunicatum excommunicatione qualibet, hoc est tam maiore quam minore scienter & extra necessitatem absolue liceat à peccatis & non ab excommunicatione & si id fiat an sit Sacramentum validum.* 181
- XLII. *An aliqua sint tempora, in quibus fas sit parte ante non satisfacta Clerici percussorem notorium absolvere,* 182
- XLIII. *An qui veniales culpas remittere in conscientie foro potest, possit & censuras reservatas nemini,* 183
- XLIV. *An data ab excommunicatione absolutio, satisfactione parti non præstita teneat, maxime si exhiberi poterat,* ibid.
- XLV. *Explicantur quædam dubia circa absolutionem datam aut dandam à censuris,* 184
- XLVI. *Quinam excommunicati modo sint vitandi,* 187
- TRACTATUS TERTIUS**
- DISPUTATIO QUARTA DE**  
Excommunicationibus ob damnum temporale ferri ab Episcopo solitis,
- QVÆSTIO I.**
- An pro temporali damno ferri possit excommuni-*
- nicatio, 190
- II. *Quando monitoria concedi debeant, quæ forma, & pro quibus rebus,* 193
- III. *An iudici imperanti, sub excommunicatione, ut reum eiusque crimen qui sciunt, illud sibi indicent, ei parere qui illius conscii sunt debeant,* 193
- IV. *An quando iudices Ecclesiastici proposita pœna excommunicationis, edicunt his qui bona aliena, ab aliis possideri sciunt, eos apud se ut edant ac proferant, obsequi iis sit necesse sub crimine,* 195
- V. *An quando res est nota tribus, aut quatuor de Urbe, hæc sit indicanda Episcopo, edicto generali aut speciali, id sub excommunicatione iubenti,* 195
- VI. *An qui iustæ compensationis nomine, quidpià retinent, aut retineri norunt ab aliis, teneantur iudici se sistere, & quæ possident, quoque titulo ea sibi vindicant iudicare,* 196
- VII. *Nam lege indicandi furti quis teneatur, cum eius auctor propter paupertatem restitutionis faciendæ est impotens,* 197
- VIII. *An crimina non visa sed tantum audita, sint denuncianda,* 197
- IX. *Quæ sit causa ferendæ excommunicationis pro reuelatione veritatis cognitæ aut rei perditæ,* 198
- X. *Quid excuset ab incurrenda excom. quæ fertur ab homine in hominem, in ordine ad reuelationem debiti, restitutionem scripturæ, ex qua pendet causæ victoria,* 200
- XI. *An Episcopo sub pœna excom. id iubenti, denunciari debeat, qui ordinem compensandi sui non seruauit, sed prætermisissis antiquis creditoribus de bonis debitoris sui, sibi satisfecerunt,* 201
- XII. *An imperata à iudice reuelatio, Evangelicæ correctioni efficiat,* 207
- XIII. *An prelato præcipienti, ut si quis furem noverit, eum denunciet, parere sit necesse,* 208
- XIV. *An obligatio reuelandi ac denunciandi criminis furti V. C. exspirat elapso termino, à iudice ad eã re præstituto, ac in edicto suo posito,* 210
- XV. *An is ad cuius instantiam dicta est à prelato, sententia cum termino, intra quem proposita excommunicatione ei sit parendum, cum terminum possit producere, ac maiorem temporis intercapedinem concedere, &c.* 211
- XVI. *An cum est in edicto, ut qui de furto, aut crimine admissio aliquid scit, illud intra octo dies prelato denuntiet, teneatur hic obsequi, si alij absint, qui cum eo præsentibus aderant, &c.* 212
- XVII. *An Medici, Patroni, & alij, ad quos de rebus grauib, & occultis, consilij causa referri solet, in eorum redigi classẽ debeant, quibus præcepta est reuelari,* 213
- XVIII. *Solent Indices Ecclesiastici ac Inquisitores fidei proposita excommunicationis pœna edicere iis, qui Hæreticum aliquem norunt ut apud se, nomen eius edant ac proferant, &c.* 214

## Index Tractatum

XIX. Gallia quid obseruet tanquam sibi proprium in presenti materia, 216

### TRACTATVS QVARTVS.

DISPVATIO QVINTA DE  
Excommunicatione incurrenda ob  
percutsum Clericum.

#### QVÆSTIO I.

Quid intelligatur nomine percutientis Clericum, 219

II. Quis intelligendus nomine Clerici, quid per violentam percussione, 221

III. An semper & in omni casu ob percussione Clerici, incurratur excommunicatio, 228

### TRACTATVS QVINTVS.

DISPVATIO SEXTA DE  
Excommunicatione minore.

#### QVÆSTIO I.

Quid sit Excommunicatio minor, & quis eius effectus, 235

II. Excommunicationis minoris quæ sint causæ, 237

III. In quibus casibus contrahatur minor excommunicatio, 238

IV. An in nullo casu liceat cum excommunicato nominatim, aut notorio Clerici percussore communicare, 239

V. An omnis communicatio cum præciso non tolerato extra tempora allata questione præcedenti & iure permissa, lethale sit crimen an veniale tantum, 242

VI. Dentur ne iure casus aliqui, qui excommunicatione maiore afficiant communicantem cum excommunicato, 246

VII. A minore excommunicatione absolvere quis possit, ibid.

### TRACTATVS SEXTVS.

DISPVATIO SEPTIMA DE  
Effectibus excommunicationis maioris.

#### QVÆSTIO I.

An excommunicatus excommunicatione maiore recipere Sacramenta possit, & si faciat an peccet, 248

II. An Sacramenta ab excommunicato recepta sint valida, 250

III. An liceat à peccatis absolvere, antequam ab excommunicatione, & an data tunc absolutio valeat, 254

IV. An excommunicatus priuetur ætina administratione Sacramentorum, 255

V. Quæ sit pœna suscipientis Sacramentum ab excommunicato, 256

VI. An Sacramenta ab excommunicatis toleratis recipere ac petere liceat, 258

VII. Quæ sint pœnæ conferentis Sacramentum cum excommunicatione, 261

VIII. An excommunicatus in una Diœcesi, visitari debeat in alia, & carere Sacramentis, 262

IX. An excommunicatus sacris Ecclesiæ officiis vacare possit, 263

X. An coram excommunicato Missa dici queat, aut à fidelibus cum eo audiri, 265

XI. An excommunicatus priuetur sepultura & quæ sit pœna eam illis concedentium, 266

XII. Quomodo excommunicatus communibus Ecclesiæ suffragiis priuetur, 268

XIII. An si excommunicatus non toleratus, sit contritus communium suffragiorum Ecclesiæ possit esse particeps, 273

XIV. An excommunicatus orare possit, 274

XV. An & quomodo excommunicatio excommunicatum priuet communicatione fidelium tam in humanis quam in diuinis, 276

XVI. An excommunicatus ad Beneficium eligere possit & eligi, 277

XVII. An excommunicatus non toleratus iurisdictionem tam civilem quam Ecclesiasticam habeat, 280

XVIII. An excommunicatus beneficij sit capax, 282

XIX. Explicantur dubia quedam in presenti materia occurrentia, 284

XX. An excommunicatus priuetur communione fidelium in re iudiciaria, 288

XXI. An excommunicatus audiri possit & agere in foro, 290

XXII. An excommunicatus, testificari pro eo possit, aut alio quopiam in iudicio, 291

XXIII. Quenam causæ excusant ab incurrenda excommunicatione, 291

DE BULLA COENÆ  
cuiusque excommunicationibus.

#### QVÆSTIO I.

Explicat primum caput Bullæ Cœnæ Domini, 296

Explicatio capitis secundi & sequentium Bullæ cœnæ, 301

Explicatio capitis tertij Bullæ cœnæ qua parte de Immunitate agit Ecclesiæ, 303

Explicatio



## & Quæstionum.

*Explicatio casuum Bullæ qui pertinent ad communem Christianorum utilitatem,* 304

### EPITOME HUIUS TRACTATVS.

#### CAPVT PRIMVM.

- Quid sit excommunicatio* 314  
 II. *Exponitur quotuplex sit excommunicatio,* 316  
 III. *Quibus iudiciis cognoscatur quæ excommunicatio sit lata sententia, quæ ferenda,* ibid  
 IV. *Explicantur diuisiones, excommunicationis,* 317  
 V. *Explicantur modi quibus sententia est iniusta,* 318  
 VI. *Explicantur causæ aliæ ob quas sententia iniusta dicitur,* 319  
 VII. *Ferenda censura quis capax,* 323  
 VIII. *Pro quibus culpis feratur excommunicatio* 326  
 IX. *An innocens excommunicatione nonnumquam feriri queat,* 329  
 X. *An culpa quæ non apparet puniri censura valeat,* 331  
 XI. *Qualis esse externus actus debeat, ob quem incurritur excommunicatio* 332  
 XII. *An quodlibet peccatum excommunicatione puniri valeat,* 333  
 XIII. *Quanam à censura excusant,* 335  
 XIV. *An censura inferenda retardari vis possit, & quomodo,* 335  
 XV. *Quomodo concipi excommunicatio debeat & qua forma,* 338  
 XVI. *Excommunicationis effectus quis & quotuplex,* 339  
 XVII. *An obligatio vitandi excommunicati sit sub mortali,* 342  
 XVIII. *Ab excommunicatione absolueri cui sit permissum iniure,* 346  
 XIX. *Excommunicationis minoris qui sunt effectus & ab ea absolueri quis possit,* 346  
 XX. *Ab excommunicatione lata in Clericorum percussores quis absoluat,* 347

### TRACTATVS OCTAVVS

#### DE SVSPENSIONE.

##### QVÆSTIO I.

- Quid sit & quotuplex,* 348  
 II. *De causa effectuum suspensionis,* 346  
 III. *De causa materiali Suspensionis,* 350  
 IV. *Suspensionis quot sint species,* 353  
 V. *De forma sub qua suspensionis sententia ferri est necesse,* ibid.

VI. *de Regulis ad intelligentiam modi quo suspensiones solite sunt ferri,* 355

VII. *Quid & quantum valeant hæc dictiones (suspendo te) suspendo te à iurisdictione, officio & beneficiis,* ibid

VIII. *Explicantur dubia quædam circa prædicta* 359

IX. *A quo & quomodo suspensio tolli possit,* 368

X. *Quibus verbis constare debeat absolutio à suspensione,* 371

XI. *Quomodo interrumpatur suspensio,* ibid.

XII. *Quomodo violetur suspensio,* 372

XIII. *De suspensionibus à iure,* ibid.

XIV. *Recensentur suspensiones quæ iure sunt contra regulares late,* 373

XV. *Recensentur casus in quibus suspensio iure communi & antiquo incurritur ipso iure, aut factò à secularibus.* 374

XVI. *Quæ suspensiones ex mala ordinum receptione sequi iure soleant,* 375

XVII. *Recensentur suspensiones à male ordinantibus incurri solite,* 376

XVIII. *An aliqua ex suspensionibus memoratis, vsu sint contrario abrogata, an contra recepta omnes,* 377

#### QVÆRITVR.

*An Pij II. Constitutio cuius initium cum ex sacrum quæ pœna suspensionis eos, ipso iure factoque afficit, qui sine legitima ætate, vel facultate, vel extratempus legitimum, sacros ordines accipiunt, in vsu extra Italiam,* 378

XIX. *Sitne ipso factò suspensus qui ordinem sacrum e mentito titulo patrimonii aut beneficii à suo Episcopo suffragatur,* 380

XX. *An promoti per saltum iure sint suspensi,* 382

XXI. *An ordinum collatio sine reuerendis ordinarii, suspensionem iure factoque annexam habeat,* 383

XXII. *An qui concubinam demi suæ alit iure sit suspensus,* 384

XXIII. *An ipso iure factoque sit suspensus, qui ordines non seruatis interstitiis confert aut recipit,* 385

XXIV. *Quæ suspensiones obligent,* 386

### EPITOME TRACTATVS de Suspensione.

#### CAPVT I.

- Quid sit suspensio,* 390  
 II. *ab excommunicatione, interdicto, & irregularitate, suspensio quid differat & quomodo,* 391  
 III. *Suspensio quotuplex,* ibid.  
 IV. *De causis suspensionis,* 392  
 V. *Quos effectus habeat suspensio,* 393

## Index Tractatum

VI. an sibi inuicem, sunt hi effectus sic connexi, ut à se diuidi, aut separari nequeant,	394
VII. De relaxatione suspensionis,	ibid
VIII. De forma absolucendi à suspensione in foro iudiciali,	395

## TRACTATVS NONVS DE INTERDICTO.

### QVÆSTIO I.

Quid sit & quotuplex,	397
II. an interdictum locale comprehendat personas degentes in eo loco, sic ut ubique sacra audire, aut facere vel sepeliri non possint:	398
III. an interdictum locale generale comprehendat etiam Ecclesias privilegiatorum,	ibid.
IV. an interdicta ciuitate interdicanur suburbia, locaque ei contigua,	399
V. an interdicto Clero, censeantur religiosi inter- dicti,	400
VI. Quinam censeantur interdicti generaliter, qui specialiter ac nominatim.	ibid.
VII. Quis possit interdicere, quem, & quamob- rem,	401
VIII. Interdicti causa subiectiua quæ.	403
IX. Explicantur interdicti causa due alie, fina- lis scilicet & formalis,	ibid
X. an interdictum tam generale quam speciale imponi ob culpam alienam possit ac debeat,	404
XI. Quot modis violetur interdictum,	405
XII. Quæ sint pænæ Clerici interdicta violentis, ibid.	ibid.
De Effectibus Interdicti.	
XIII. Et primo de priuatione diuinorum officio- rum,	407
XIV. De secundo effectu sacramenti, qui est sacramentorum priuatio,	408
XV. an Ordo & matrimonium conferri sine cul- pa in interdicto valeant,	411
XVI. De tertio effectu interdicti, priuatione scilicet sepulture Ecclesiastica,	412
XVII. Explicantur dubia quædam circa prædi- cta,	413
XVIII. Recensentur casus in quibus generale interdictum generale incurritur,	417
XIX. In quibus casibus interdictum locale par- ticulare à iure feratur,	418

## EPITOME TRACTATVS de Interdicto.

### CAPVT I.

Quid sit interdictum,	424
-----------------------	-----

II. Interdictum quotuplex,	425
III. Quæ cæremonia sint in ferendo interdicto ad- hibendæ,	425
IV. Quenam vetantur interdicti tempore,	426
V. Quæ sint interdicti tempore permissa fidelibus,	427
VI. Interdictum ferre qui possint,	429
VII. An interdicto Clero populus ac Religiosi pro interdictis sint habendi,	430

## TRACTATVS DECIMVS DE DEPOSITIONE.

### QVÆSTIO I.

Quid sit & quomodo à suspensione differat,	431
II. propter quæ crimina sit infligenda depositio,	433
III. A quo & quomodo, fieri depositio debeat, quæ est dispositio ad degradationem	ibid
IV. An ad aliquem appellare depositio liceat,	436
V. Deposito cum fidelibus versari ac agere an sit licitum,	ibid
VI. An pænæ depositionis lata sententiæ ipso iure incurfa, liget in foro conscientie ante sen- tentiam declaratoriam.	437
VII. An in Episcoporum sit iure dispensare in de- positionis pænâ incurfa iure,	438
VIII. An depositus sit irregularis,	439
IX. quid sit degradatio & quotuplex,	ibid
X. Degradandi Clerici forma quanam sit & qualis,	440
XI. quid sit cessatio à diuinis, & quos effectus habeat,	441
XII. Vecessatio à diuinis sit licita quæ conditiones sunt necessarie,	ibid
XIII. Cessionem à diuinis ferre & auferre quis possit,	442

## TRACTATVS VNDECIMVS DE IRREGVLARITATE.

### QVÆSTIO. I.

Quid sit Irregularitas,	443
II. Effectus irregularitatis qui & quot sint,	444
III. Quæ sint causæ irregularitatis,	446
IV. An qui dubitat vtrum sit irregularis ante sen- tentiam, pro tali se gerere debeat,	448
V. An irregularis sit beneficii incapax ita ut colla- tio ei facta sit nulla,	450
VI. An irregularis valide absoluat,	451
VII. Quæ sint quibus per irregularitatem irregu- laris non priuatur,	453
VIII.	453

## & Questionum.

- VIII. Irregularitatis species qua, quot & quales, ibid.
- IX. quid sit defectus animi, & in quos cadat irregularitas ex eo orta, 454
- X. De illiteratis sentire quid sit necesse, & an dissentire cum illis possit ad ordines, & cui id sit permissum, 457
- XI. De sexu, & an ab eo nascatur Irregularitas 459
- XII. De irregularitate ex Bigamia, ibid.
- XIII. A quo tolli possit irregularitas que provenit ex Bigamia, 461
- XIV. De irregularitate que oritur ex defectu Natalium, 463
- XV. Dispensare cum illegitimis, quis possit, & qua eorum sit pena, si se ante dispensationem ordinari sinant, 465
- XVI. De irregularitate proveniente ex homicidio, 467
- XVII. An qui tuendi sui causa alium interficit sit irregularis, 468
- XVIII. An qui ob defensionem innocentis aliquem cecidit sit irregularis, 470
- XIX. An & quomodo homicidium, cuius casus est causa, irregularitate afficiat cum a quo est admissum, 471
- XX. Quomodo irregularitas incurratur ex mandato, 474
- XXI. An irregularitas incurratur tacendo, aut auxilio alteri ad se tuendum non prestituto, 475
- XXII. Ad quos pertineat irregularitas proveniens ex defectu lenitatis, 476
- XXIII. An Clerici in foro accusantes sint irregulares, 480
- XXIV. Cuius sit dispensare in hac irregularitate ex defectu lenitatis, 488
- XXV. Quomodo ex mutilatione sequatur irregularitas, ibid.
- XXVI. An milites in bello pugnantes & mutilantes sint irregulares, 489
- XXVII. Explicantur dubia quae in presenti materia, cuique possunt esse obvia, 490
- XXVIII. An ad contrahendam irregularitatem ex homicidio indirecte voluntario proindeque culpabili, culpa requiratur lethaliter, 500
- XXIX. An qui in mortem consensit, quam tamen necintulit, nec inferentibus comitem se addidit, sit irregularis, 501
- XXX. An qui homicidium factum suo nomine, ratum habet, sit irregularis, 502
- XXXI. An si Adulter, adultera maritum defendendi sui causa interimat, sit irregularis, 503
- XXXII. An qui abortioni dat causam, pro irregulari haberi debeat, 505
- XXXIII. An Dominus irregularis sit censendus, eo quod servus cui mandaverat Ioan-

nem occidere, ad eodem Ioanne sit occisus, 506

- XXXIV. An qui mutilari aliquem imperavit, sit irregularis, 507
- XXXV. An qui homicidam in faciendo seelere necandoque homine comitantur sint irregulares, ibid.
- XXXVI. An qui homicidium consuluit, ignorat tamen aut dubitat an sit admissum pro irregulari haberi debeat, 508
- XXXVII. An qui dubitat an mutilaverit sit irregularis, 509
- XXXVIII. An sit irregularis qui alteri nasum, digitum, aut aures abscidit, ibid.
- XXXIX. An Quando in rixa orta subito quis occiditur, dici hic possit occisus casu & an Episcopus in ea dispensare irregularitate valeat, 510
- XL. An qui saepius cum suspensione aut censura quapiam alia celebravit, plures irregularitates incurrerit, quarum in obtinenda dispensatione fieri mentio debeat ibid.

### De Curialibus

- XLI. Quinam intelligendi hoc nomine & an irregulares haberi debeant, 511
- XLII. De servis & obligatis ad ratiocinia, 512
- XLIII. An sint irregularitates aliqua, quae ex culpa in sacramentis recipiendis, ac dandis admissa solita sint nasci & quae, 513
- XLIV. An Rebaptizatus & rebaptizans sint irregulares, 514
- XLV. An ex iteratione aliorum sacramentorum sequatur irregularitas, 515
- XLVI. Quae & quales irregularitates ex ordinis abusu impositae sint Clericis, 516
- XLVII. De irregularitate quae provenit ex infamia, 517
- XLVIII. Quenam sint crimina ob quae infamia incurratur, 519
- XLIX. An crimina quae authorem suum infamia iuris inquinant, effectum hunc habeant, cum sunt occulta, & an talia haec est non cognita irregularitatem generent, 520
- L. Abstergenda infamia, tollendaque quis sit modus, 521

### De Hæreticis.

- LI. An sint irregulares, 522
- LII. An apostata sint irregulares, 523
- LIII. An hæretici sint irregulares ante sententiam iudicis declaratoriam, 525
- LIV. An beneficiis suis abire, eaque ante sententiam relinquere hæreticus debeat, ibid.
- LV. An Episcopus possit dispensare in irregularitate contracta ex hæresi occulta, 527
- LVI. De irregularitate quae ex defectu corporis nascitur, ibid.
- LVII. De irregularitate proveniente ex morbo corporis, 528

## Index Tractatum


<p>LVIII. Quomodo &amp; per quos tollatur Irregularitas, 533</p> <p>LIX. An Episcopis dispensare in irregularitate nonnunquam liceat &amp; qua, 535</p> <p>LX. Dispensandi in Irregularitate forma adhibenda qua &amp; qualis, 542</p> <p>LXI. Quanam excusent ab irregularitate, 543</p>	<p>...saris differat, 544</p> <p>II. Ut irregularitas contrahatur quid sit necesse, 546</p> <p>III. Quot modis contrahatur irregularitas, &amp; quos effectus habeat, 547</p> <p>IV. De Irregularitate qua contrahitur ex animi vitio, ibid.</p> <p>V. De Irregularitate qua ex corporis macula ori- tur, 549</p> <p>VI. De Irregularitate ex defectu corporis, 550</p> <p>VII. Qui sint Irregulares ex delictis infamibus. 552</p> <p>VIII. De Irregularitate ex homicidio, 555</p>
---	--

---

### EPITOME TRACTATUS de Irregularitate.

#### CAPVT I.

*Quid sit Irregularitas, & quomodo ab aliis cen-*



---

A P P R O B A T I O.

**E**G O Stephanus Binet<sup>us</sup> Prouincialis Societatis I E S V, in prouincia Franciæ, iuxta Priuilegium eidem Societati à Regibus Christianissimis Henrico III. decimo Maij 1583. Henrico IV. vigesimo Decembris 1616. & Ludouico XIII. nunc regnante decimo quarto Februarij 1611. concessum, quo Bibliopolis omnibus prohibetur, ne libros ab eisdem Societatis hominibus compositos absque eorumdem permissione imprimant. Permitto MICHAELI SOLY Bibliopolæ Parisiis degenti, vt librum qui inscribitur *De Censuris Ecclesiasticis*, à STEPHANO BAVNY, nostræ Societatis Theologo, compositum & eiusdem Societatis, grauium Doctorumque hominum iudicio approbatum, ad proximos decem annos diuendere possit. Datum Parisiis 21. Februarij 1639.

STEPHANVS BINETVS.

---

## PRIVILEGE DV ROY.



NOVVS PAR LA GRACE DE DIEV ROY DE FRANCE ET DE NAVARRE, Anosamez & feaux Conseillers, les Gensternans nos Cours de Parlement, Maistres des Requestes Ordinaires de nostre Hostel, Baillifs, Seneschaux, Preuosts, ou leurs Lieutenans, & tous autres nos Iusticiers & Officiers qu'il appartiendra, SALVT, Nostre cher & bien Amé MICHEL SOLY, Marchand Libraire à Paris, nous a fait remonstrier qu'il auroit recouuert vn Liure intitulé, *Tractatus de Censuris Ecclesiasticis, Composé par le R. P. Estienne Bauny, de la Compagnie de IESVS*, Auquel Liure il n'y a rien contre la Foy, bonnes mœurs, & Religion Catholique, Apostolique & Romaine, ainsi iugé d'estre Imprimé pour l'utilité publique, suivant les Approbations des Docteurs en Theologie de la Faculté de Paris, signées F. Laurens de la Motte, F. Simon Roger, & C. Meusnier, & l'acte du R. P. Binet Prouincial de la mesme Compagnie, cy attachez sous le contre-seel de nostre Chancellerie, lequel Liure il desireroit Imprimer, ou faire Imprimer, vendre & faire distribuer, ce qu'il n'ose faire sans nostre permission, qu'il nous a fait supplier luy vouloir sur ce accorder : A CES CAUSES, Auons audit Soly permis & permettons par ces presentes, d'Imprimer, faire Imprimer, vendre & distribuer ledit Liure tant de fois, en tels volumes qu'il desirera, & ce durant le temps & terme de dix ans, à compter du iour qu'il sera acheué d'Imprimer : Faisans tres expresse inhibitions & deffences à tous Libraires, Imprimeurs, & autres personnes de quelque qualité & condition qu'ils soient, d'Imprimer ou faire Imprimer, vendre, distribuer, ny extraire aucune chose dudit Liure sans le congé & consentement dudit Soly sur peine de confiscation des exemplaires qui auroient esté mis en vente au preiudice des presentes, & de mil liures d'amende, moitié à nous, & l'autre audit suppliant, & en tous ses despens, dommages, & interests : Voulons, & nous plaist, qu'en mettant vn Extraict des presentes au commencement ou à la fin de chacun desdits Exemplaires, elles soient tenus pour signifiées & venues à la cognoissance de tous, à la charge de mettre trois Exemplaires dudit Liure, sçauoir deux en nostre Bibliothecque, & vn en celle de nostre cher & feal Cheualier Chancelier de France le Sieur SEGVIER, à peine d'estre descheu du present Priuilege : S I vous mandons, & à chacun de vous enioignons que du contenu des presentes, vous faciez iouir, & vser plainement, & paisiblement ledit Soly, ou autres ayant droit de luy : Cessans, & faisans cesser tous troubles & empeschemens au contraire : Et au premier nostre Huissier ou Sergent requis, faire pour l'exécution des presentes, tous Exploits requis & necessaires, sans demander placet, visa ne pareatis que celsdites presentes, nonobstant clameur de Haro, Chartre Normande, prise à partie, & Lettres à ce contraires : CAR tel est nostre plaisir, nonobstant aussi oppositions ou appellations quelconques, pour lesquelles, & sans preiudice d'icelles ne voulons estre differé. Donnée à Paris le 18. iour de Mars 1639. & de nostre Regne le vingt-neufiesme.

PAR LE ROY EN SON CONSEIL.

RENOVART.

---

*Acheué d'Imprimer le dix-huictiesme Iuliet mil six cens quarante deux.*





# DE CENSVRIS ECCLESIASTICIS VNIVERSIM.

## TRACTATVS PRIMVS

### QVÆSTIO PRIMA.

#### CENSVRÆ NOMINE THEOLOGI quid intelligant ?



CENSVRÆ nomen, interdum dignitatem significat, quali apud Romanos præstabant, quos Censores à populi Romani moribus censendis appellabant, de quo Tertul. in lib. de carne Christi: Si reuera de lupa, aut sue, aut vacca prodire voluisset, & fera corpore indutus, Regnum calorum prædicare, tua opinor censura illi præscriberet? id est, tuum illi quasi iudicium opponeres.

Secundo idem valet censuræ nomen ac castigatio, quo sensus senes à Lyrico appellantur Censores minorum, id est culparum, quæ per eos admittuntur, correctores ac vindices, queriturque Satyricus, quodd dimittat cornos, Vexet autem censura columbas, & Plinius in Panegyrico Vita Principis censura est, eaque perpetua, ad eam dirigimur, ad hanc conuertimur.

Tertio, idem est ac pœna spiritualis & Ecclesiastica, qua Præfules magna in Ecclesia scelera, vt inobedientiam, sui contemptum, subditorum aduersum se contumaciam frangunt, ac domant. Ab hoc effectu est censura, variis olim appellata nominibus, & primo quidem dixere eam Apostoli in can. xi. eorum quorum creduntur authores priuationem communionis, duodecimo autem & 13. damnationem &

Pars secunda.

A abscessionem ab Ecclesia, can. 19. 30. 31. & 33. segregationem à fidelibus, De Graffis lib. 4. decis. cap. 1. nu. 5. & Henriques lib. 14. cap. 112. correctionem.

B Et quoniam exultans impietas, censuris vt vinculis astricta comprimitur, ne incapita grassetur infantium, eas vinculoꝝ, ac nexuum nomine notare placuit, patet ex forma, qua in reconciliandis mortalibus, quos censuræ, culpa sua vinciunt, communiter vtitur Ecclesia; in ea enim vinculoꝝ fit mentio, absoluo te à vinculo excommunicationis, suspensionis, &c. quemadmodum & in decretali qua fronte 25. tituli de appellatione, vbi Alex. Papa tertius recisos per censuram ab Ecclesia, astrictos ait excommunicationis & interdicti vinculis ob contumaciã, vel culpam, in quo quoniam se, suaque, à vi contemptuque tuetur Ecclesia, censuras arma esse dixit Innoc. 4. non quælibet, sed sacra, sed spiritualia, sed Ecclesiastica. Quoniam aduersus eius nimiam potentiam sufficiens temporalis defensio non aderat, potuit se etiam spiritualiter, gladio videlicet vtrò Ecclesiastico defensare, ac recurrere propter hoc ad arma spiritualia quæ sunt Ecclesiæ propria cap. 6. De sent. excommu. in 6. Præ ceteris autem magni est hæc facienda nomenclatura quæ est Concilii, cum de censuris loquens, eas disciplinæ veteris ac nouæ Nervos nominat sessionis

A

25. cap. 3. vt enim est in nervis robur hominis, ita & in censurarum vsu, Ecclesie se vires produnt, nervos incide, aut opprime ne agant, membris motum, homini ademit: sensum: tolle de Ecclesia supplicia, censuras. spiritualia verbera, confirmas vitia, virtutem enecas, breui ea per vim oppressa, impune vbique volitabit amentia, sincerum nihil, fucata omnia, perditaeque visentur in Republica, quae animi vulnera Ecclesieque certa dedecora, quoniam censuris coalescunt, coranturque omnia, eam obrem, dicuntur *medicinalis disciplina* 2. *quest. 1. can. Multi* 18. *cap. cum medicinalis, de sententia excommunicat. in 6. capite ex literis de constitutionibus*, quam iuste vero, vel, hinc patet quod vt habet Aristot. li. 2. ad Eudemum *Κακῶν ἰατρικαὶ μέθοδοι*: in pernis enim vis quaedam inest medendi animi, eaque certa, non fallax aut errans, quemadmodum sunt in medicina, ac pharmacis, valetudinis retinendae aut recuperandae semina: ita & in censuris. Quam enim multos alit Ecclesia, quos cum commoda, amor, beneuolentia, principumque charitas in viam reuocare errantes non potuisset, metu poenae, supplicisque, sapere ipsi sua sponte didicere illico, docente nemine!

## QVÆSTIO II

*Explicatur definitio censura.*

**E**st censura Graphio lib. 4. decision. cap. 1. *Morum correctio, scelerum vindicta*, Nauarro Enchiridii cap. 27. nu. 1. sententia lata à capace ordinis, mediante iurisdictione Ecclesiastica, fori exterioris.

Nobis *censura poena est spiritualis*, ad forum exterius Ecclesie pertinet, quae baptizatus eius imperiis non obsequens, quorundam bonorum spiritualium vsu priuatur, donec à contumacia recedat. Poena est, nam coercentis improbis infligitur, quod non habet irregularitas omnis, hæc enim cum ob vitia naturæ, eaque culpæ aliquando vacua, imponatur, absolute sumpta poena non est, quæ est vindicta scelerum, ijsque castigandis communiter à Magistratu irrogari solita, Bona autem quibus censura priuat *spiritualia sunt*, nam hæc membris non nocet, corpus incommodo nullo directe afficit, violentiam non reprimat, motus non frenat, sensus voluptate sibi debita nulla spoliatur, neque

**A** enim ieiunia indicit, verberationes imperat, multas pecuniarias reo non irrogat, sed quas actiones exercere, quibus Ecclesie bonis, animique ad merendum commodis gaudere, ac frui fidelis ante excommunicationem poterat, hunc eorum vsu censura priuat: & hoc est quod bonorum spiritualium nomine hic intelligimus: nec enim per censuram exuimur internis, vt sunt merita, non habitualibus, cuiusmodi sunt Spes, Fides, Charitas, non permanentibus, vt sunt character, quia est indebilis, non bonis operibus, secundum vim satisfaciendi & merendi quam habent, ex applicatione operantis, quia his homo inuitus priuari non potest, nec sunt in potestate ac arbitrio Ecclesie, quibus ergo externis tantum, circa quæ proximè eius iurisdictione versatur, hinc est quod bonorum spiritualium nomine, in definitione censuræ, propriè non alia intelligantur quam publica. seu communia, quo de genere sunt Ecclesiastica suffragia, satisfactiones, spiritualis iurisdictionis, sacramenta & beneficia, ceteraque huiusmodi, quorum dispensatio commissæ est Ecclesie, quibus per eam spoliari reum posse vsus ipse indicat, experientiaque; Nam quis nescit à Rege, aut suprema aliqua Republica, reo magnorum scelerum ob ea adimi bona posse, quæ sunt omnium communia, ergo & ab Ecclesia, quæ Dei ciuitas est, ac *castrorum ordinata acies*. Fit in definitione Ecclesie mentio, vt remoueantur magistratus seculares ac laici, qui etsi reos multare bonis, mittere in vincula, capite plectere, vno verbo, suppliciis quæ sunt, committeri, punire valeant, non tamè sacræ rei priuatione ac censuris, quæ quoniam infligi causa non cognita, reoque non admonito nequeunt, i. q. 2. can. 11. additum est ideo in definitione ad forum non internum, censuras spectare, sed ad externum tantum, in quo publice de criminibus inquiri solet.

## QVÆSTIO III.

*Quæ sint Censura.*

**E** FVIT olim, quorundam opinio septem esse, excommunicationem, suspensionem, interdictum, cessationem à diuinis, depositionem, degradationem & irregularitatem, eam præferunt quæ ex delicto nascitur, de hoc numero, Sotus dist. 22. question. 3. artic. 1. duas tollendas



lendas credidit, depositionem & degradationem, quinque alias retinuit.

Dico ergo tres duntaxat esse, ita ordinari Doctores.

Et probatur primo, ex capite statutum, de sententia cap. quarente de verborum significatione, vbi consultus Innocentius III. quid intelligendum sit per censuram Ecclesiasticam, quando ponitur in literis Pontificiis: Respondit, quod per eam non solum interdicti, sed suspensionis & excommunicationis sententia valeat intelligi, quibus verbis indicauit haud dubie, poenam aliam nullam praeter memoratas, nomine censuræ comprehendi, alioqui manca diminutaq; fuisset eius responsio, nec ponenda proinde inter decreta, sub titulo de verborum significatione, vbi hæc secundum notionem, ac totam suam amplitudinem explicare Pontificibus est in more.

Scio argumentum hoc negatiuum esse, neque tamen improbandum, quia argumenta negatiua, quæ Metaphysicè vi carent ac robore, censentur in iure concludere, secundum Nau. cap. 27. Auila 1. parte de censuris dub. 5. quod in præsentia materia valet vt quam maximè, nam quis Pontificem ea eruditione ac literatura præditum hominem existimet, tam parum in respondendo vidisse, vt quæ explicanda fuerant taceret, ac non nisi imperfectum, mutilumque responsum daret: vt fecisse cum oportuit, si præter censuras quas ea decretali tetigit, agnosci debent & aliæ.

Non erit ergo (inquies) irregularitas ex delicto, censura. Omnino: Nam etsi ab ea parum differat, ei tamen nec res nec censuræ nomen conuenit, argumentum esto quod Nauarro teste cap. 27 num. 254. Lay. lib. 1. tractatu 5 parte 1. cap. 1 cum à Romano Pontifice in Bullis facultas absoluedi à censuris datur, non comprehendatur irregularitas, nisi exprimatur, ergo cum stilus Romanæ Curie ius faciat vt supponitur. In capite ex literis de constitutionibus, cap. quam graui de crimine falsi, quam non est probabile irregularitatem in numero ac serie censurarum esse?

Quid quod constet eum qui irregularitate impeditus celebrat, non contrahere aliam irregularitatem? & tamen nulli non est certum, eum qui censuram celebrando violat, irregularem fieri: quo argumento cessationem à diuinis, à censurarum catalogo remouendam Nau. probat, meoque sensu prudentissime. Addo amplius non modò confessario videri permissum

A esse ab irregularitate reconciliare, quando in diplomate suo Pontifex potestatem ei annuit absoluendi ab omnibus casibus, sed multo maxime, cum ei vult licere ab omnibus censuris & poenis, quoslibet absolute, quia poenæ nomen cōiectura admodum verisimili, ad eas duntaxat refertur poenas, quæ sacramentorum vsum, seu receptionem impediunt, vel in quas proprie cadit absolutio, quo de genere non est irregularitas, quæ non absoluitur, sed dispensatur.

B Secus quam nobis Emanueli Sa est visum verbo enim absolutio numero antepenultimo hæc habet: *An vero qui potest absolvere ab omni censura, possit liberare ab irregularitate, orta ex peccato, alij aiunt, alij negant: probabile est posse, qui potest ab omni poena, poena illa enim est.*

C Ratio verò cur irregularitati inter censuras non sit locus, hæc est, quod non tam sit corrigendis fidelibus instituta, receptaq; ab Ecclesia, quam vt sacri mystic (hoc est ordinum ministri) decetiam statui suo congruentem habeant, cuius rei est hoc signum, quod excommunicatio, suspensio, interdictum, quamuis impediunt ordines eorumque vsum, quatenus sunt fidelium cum fidelibus cōmunicatio, non tamen directe ab eorum receptione, vel exercitio, prout sunt ordines, sola est irregularitas, quæ à receptione & executione eorundem, quatenus sunt tales, impedit. Auila part. 1. dub. 5. in respons. ad argumentum.

Ex his infertur, depositionem, degradationem, & istiusmodi poenas Ecclesiasticas, non esse censuras sed poenas duntaxat, quibus superior Ecclesiasticus, per canonem vel sententiam, grauiter delinquentes punit.

#### QVÆSTIO IV.

*An & à quo habeat potestatem Ecclesia censuras ferendi & quando ea vti cœperit.*

E Opinioni quæ mihi certa de questione proposita infidet, sunt hæc quæ sequuntur, lucis causa præmittendæ hypotheses.

Prima. Homines esse in Ecclesia, quibus admirabili erga eam providentia, potestatis sibi diuinitus à Patre traditæ partem ad laudem augustissimæ Triadis, hominumque commodum, clementissime Christus impertit, *Matth. 16. Tibi dabo cla-*

ues regni celorum, & quodcumque ligaueris, &c. *Matth. 18. Amen dico vobis, quaecumque alligaueritis super terram, &c.*

Est ergo potestas verè data, primo Apostolorum Principi Petro, cum ei à Christo suarum demandata est cura ouium, *Ioan. 21. Pascite oues meas*, data similiter cæteris Apostolis & quidem immediate ut ostendit. *Belarm. lib. 4. de Summo Pontif. cap. 16. & 23.* Probatque ex his seruatoris Christi verbis, *Ioan. 20. Sicut misit me Pater, & ego mitto vos*: Cypriani insuper testimonio de *Unitate Ecclesie*, cuius est hæc elegans in primis ad rem præsentem sententia, & quamuis Apostolis omnibus post Resurrectionem suam, parem potestatem tribuat, & dicat, *sicut misit me Pater, & ego mitto vos, accipite Spiritum sanctum, &c.* tamen ut Unitatem manifestaret, vnam cathedram constituit, & Unitatis eiusdem originem ab vno incipientem, sua auctoritate disposuit: hoc erant vtrique & cæteri Apostoli, quod fuit Petrus, pari consortio præditi, & honoris & potestatis, sed exordium ab Unitate proficiscitur, cum enim Ecclesie regimen sit Monarchicum, oportet auctoritatem omnem esse in vno, & ab illo ad cæteros deriuari, quod significatum est olim, *Numer. 11.* cum de spiritu Moysis acceptum dicitur quod cæteris communicaretur: non enim ut notat *August. quest. 18. in Numer.* ista ablatio diminutionem spiritus, qui erat in Moyse, significat, quia sic Moyse nihil profuisset habere adiutores, si ipse factus fuisset animo debiliior, sed deriuationem virtutis seniorum, à Moysis virtute, in quo tota resideret authoritas, in aliis autem ea esset quam à Moysse recepissent. Quare sedem Petri, aut verius ipsum Petrum loco proxime citato *nu. 17.* Cyprian. cõparat capiti, soli, radici, fonti, à quibus rami, radii, riuui, sensusque manant, hoc est Episcopi Prælati, Pastores, non extraordinarii illi, ut Apostoli, sed eorum successores proximi, quique hoc tempore admouentur ad gubernacula Ecclesie, vide *Bellarminum loco citato cap. 24.*

Hypothesis secunda. Potestas iurisdictionis qua pollet Ecclesia, non est tantum interior, hoc est eiusmodi, quæ ad solum forum sacramentale spectet, in quo nempe de conscientia duntaxat, internoque eius ac animæ bono, cura est Episcopo aut parochio, sed etiam exterior, ut pote ordinata ad Ecclesiam in exteriori foro per iudicia, pœnas, cæteraque quæ ad eam bonis temperandam moribus, regen-

damque sunt necessaria; eius autem iurisdictionis partes sunt admodum duæ, directiua & coercens, prioris vsus est maxime in sciscendis legibus, alterius vis est præcipua, totaque in reprimendo scelere, castigandis nocentibus.

Hypothesis tertia. Est vtrique hæc potestas in Ecclesia, patet ex *cap. Matth. 18.* quarto & quinto primæ ad Corinth. & ex communi certoque tam Ecclesie, quam Doctorum sensu. Et sanè neminem reor nisi hæreticum negatum ire, Ecclesiam qua nulla melior est, præstantiorque orbe toto Respublica, posse leges condere, subditisque imperare, quod decet & conuenit, hosque, si obsequi renuerint, pœnis coerceri posse.

Hypothesis quarta. Ecclesie finis non est alius, quam qui supernaturalis, cuius cõsequendi causa, eidem bipertita illa, de qua hypothesis secunda, potestas est concessa diuinitus, quare ut communis, priuatque multorum salus spectatur ab Ecclesia, ita & bonis abundat, quibus eam prouehat, eorum spe ad amore mortales alliciat, negligentibus ac reis, ea in pœnam subtrahat. Nā cui est ignotum, Rerum publicarum solenne hoc esse, eorum, quos mandatis suis reluctantes habent, contumaciam frangere, bonorum subtractione quibus bene de se, ciuibisque meritos, ad magna in dies acuiunt. At est Ecclesia Rerum publicarum non infima, quare ut magistratus illa suos habet, qui eam salutaribus monitis temperent, ac decretis, ut supplicia decernit quibus scelera punit, ita & præmia, quibus virtutes compenset, & ad magna, Dei, ac Religionis causa capeffenda incitet sacro suo inclusa ætario non pauca continet, quibus in pœnam admissorum ne nocentes fruantur ac gaudeant, facere eam posse quis negat? His ita præsuppositis.

Dico primò, in Ecclesia ferenda censura potestatem esse, conclusionem de fide certam esse, facit Concilii Constantiensis auctoritas, à quo session. 15. damnatus est Ioannis Hus articulus 14. Ecclesie fulmina, eorumque vsum tam temere improbantis quam impie.

Secundo est regendi auctoritas, quam directiuam nominant, si minus vana, ac certe inutilis ac otiosa, nisi eam coercitiua firmet, ac muniat: Quotusquisque enim quam voles moratus, sola virtutis indole, specieque captus, eam amplectitur? ad eius amorem mouemur plerique fere omnes, spe laudis ac glorie, reuocamur à vitiiis

vitiis metu pœnæ, ne ergo sit Ecclesiæ in moderandis mortalibus fructuosa parum opera, instructam eam esse oportuit potestate, si quid eos peccare contra bonos mores accideret, puniendi non quidem pœna vlla corporis, cum à sanguine puras manus habeat, non pecuniaria multa vlla, cum dare, non auferre soleat, ergo spiritali, quæ in bonorum non cuiusque modi, sed spiritualium priuatione sit sita, hanc ergo infligere, cum est necesse, ad multorum aut vniuscuiuspiam salutem ac bonum, ei diuinitus est permissum.

Nam quis credat voluisse Christum, Ecclesiâ, qua nihil est ei in terris charius, ea potestate carere, qua continetur salus fidelium, quæque continendis in officio subditis ei est in primis necessaria?

Equidem cum per se, ac directe temporalia non tractet, nisi per censuras, bonorum spiritualium vsu ac communione contumaces priuare posset, vix vllam ei à suis fas foret extorquere obedientiam, vix amorem sperare licitum.

Enimvero si Censurarum iusto metu non cohibetur improbitas, si quo minus in Ecclesiâ homines peccent, aut in Christiani hominis officium, plerique fœde incurrant ac impie, hæc non obstarent, amabo, quid homine fieret, aut quæ spes reliqua Ecclesiæ foret exterminandi à finibus suis vitij? si hæc Censuris earumque metu illud reprimere, in bonam frugem perditos, errantesque in viam reducere ei nefas esset?

Dico 2. *Hanc potestatem datam Ecclesiæ à Christo Domino, ea auctoritate qua illam instituit, diuina scilicet, & excellentiæ.*

Est contra quosdam qui potestatem Ecclesiæ imperatoribus acceptam referunt, hanc ab iis vt à capite ac fonte fluxisse in Ecclesiam tradunt, id enim quam ab omni specie abhorret veri? Ecquid enim est Christus Ecclesiæ constituendæ Princeps, constitutæ rector ac Dominus? quam parum est ergo probabile eum ad id Principum opera vsu? aut ab iis emendicasse imperium, vim ac potestatem, qua eam præditam ad multorum vtilitatem oportuit.

Eam sane excellentissimam independentem à Regibus Remp. esse voluit, qualē quis crederet, si non est potestate necessaria regendis subditis, iisdemque cum peccant, coercendis instructa? Quare nihil Ecclesiæ imperatoribus acceptum debet, præter splendorem & opes, quibus

A circumornatur.

Patet exemplis. Ab Anania & Saphira, non sine aperta Principis Dei vindicta, Petrus de mendacio pœnas repetit; Paulus incestuosum 1. ad Corinth. 5. Hymeneum & Alexandrum, naufragantes à fide sathanæ tradit, 1. ad Timotheum 1. quid tum reges, quid principes vtrique ad eam rem contulerant? aut ab imperatoribus quid tum habebat Ecclesiæ præter cruces, catistas & supplicia?

Dico tertio, *Vsum potestatis Censuræ ferende, ab Apostol. temporibus ad hæc quibus vivimus, continuata temporum serie, viguisse in Ecclesia.* Et quidem ab illis Ecclesiastica Censurarum fulmina in nocentes emissa esse indicat factum Pauli de quo proxime, indicant scripta ab iis consecutis temporibus decreta, multa & varia nam à 6. can. vsque ad 83. eorum, quorum dicuntur Apostoli authores, vix reperire est vllum, in quo non expressum aliquod excommunicationis, suspensionis, interdicti, aut irregularitatis vestigium notare non liceat, in 6. Episcopus, Presbyter, Diaconus, qui sæculares curas assument, deponi iubentur in septimo autem à gradu suo deici; *Si sanctum Pasche diem, ante Veris æquinoctium, cum Iudæis egerint.* In nono Diaconus qui oblationis factus non est particeps, à consortio segregatur communicantium, *vt author offensionis factus populo, & susceptionem præbens in offerentem.* In decimo, qui cum excommunicato simul orat, pariter excommunicatur. Apostolorum exemplum secuti Patres, rebellium contumaciam, iisdem armis fregerunt, quorum illi metu, ne hæc erumperet, suo tempore effecerant. Vnus erit omnium instat Cyprian. qui Epistola iuxta Panimeli editionē 28. Felicissimum de Ecclesia expulit, *Interim, inquit, cum Felicissimus comminatus sit non communicaturos in monte setum, qui nobis obtemperassent, id est, qui nobis communicarent, accipiat sententiam quam prior dixit vt abstentum se à nobis sciat, hoc est excommunicatum phrasi Cypriano vsitata, & communi.*

Fuit eius moris approbator ac testis August. Epistola enim 10. Auxilium arguit, quod Gallicanum cum familia sua excommunicasset, quam erat probabile integram non deliquisse, cum tenera puerorum ætas, rationis vt plurimum expertæ ac nesciæ, peccare nequeat, est & Innoc. Papæ primi factum super hac re cum in primis admirabile, Arcadium enim & Eudoxiam eius coniugem quod Chryso-

A iij

stomo molesti essent, nec ab ea iniuria ab-  
sisterent, piorum cœtu mouendos credi-  
dit, vereque mouit, anno salutis circi-  
ter quadringentesimo quinto.

Anastasium de hæresi conuictum, nec  
eorum congressum ac colloquia vitantem  
qui de ea erant suspecti, Symmachus an-  
no salutis quingentesimo decimo circiter,  
de Ecclesia expulit. Parem anno quingen-  
tesimo vigesimo sexto Childebertus,  
Clodouei filius, cum ignominia, pœnam  
ab Agapeto primo illatam sustinuit, quod  
Galterium luetosum in loco religioso ac  
sacro, manu sua, ipse ira percitus occidisset.

Cyprianus ut est in epist. 41. secundum  
edition. Pammelij Nouatianum Episcop.  
cum Matthæo Presbytero, & Augendo  
Diacono, à communicatione sua, & Ca-  
tholicorum cohibuit, Epistola 10. suspensum  
se à diuinis Presbyteros quosdam, in-  
cautos & temerarios minatur, si peccare  
perseuerent, *Ut ar, iuquit, ea admonitione,*  
*qua me vti Dominus iubet, ut interim prohi-*  
*beantur offerre, acturi apud nos, &c.* epist.  
49. ad Cornelium Papam ait Nouatum,  
qui eijsi habebat ab Ecclesia, id est excom-  
municari, de Presbyterio excitari (hoc est  
interprete Pamm. ibi à Presbyteri officio  
suspendi) sed & communicatione prohiberi  
iudicium Sacerdotum voluntaria discessione  
præuenisse. Ludouicum IV. Imperator.  
Ioan. 22. & Benedikt. XII. excommuni-  
carunt. Pighius li. 5. Hierarch. Eccles. cap.  
14. & 15. Gregor. II. Leoni Imperatori  
Iconomacho à se excommunicato, prohi-  
buit vestigalia solui ab Italis, Cedren. in  
vita Leon. Isauri. Luthericus Senonens.  
Archiepif. & S. Fulbertus in Lisiardum  
Archidiaconum Parisiens. quod Episcopo  
suo molestus esset ac grauis, excommuni-  
cationis sententiam dixere. Nos, inquiunt  
Fulberti ore epist. 34. à sanctorum Patrum  
sententia discrepare nolentes illum à commu-  
nitione separamus, quantum nostra potestati con-  
ceditur, donec resipiscat, & Episcopo suo digne  
humiliatus satisfaciat.

Dies me deficeret numerantem Episco-  
pos ac Præsules qui in simili causa, simili  
aut certe non admodum dispari pœna sæ-  
uierunt in vitia, de multis pauca hæc colle-  
gisse sit satis.

Dico vltimò, Potestatem hanc iudicia-  
riam Ecclesie, de iure diuino esse.

Causa est, quod sit à Christo instituta,  
quod ab eo benignitate prorsus incredi-  
bili ac diuina, sit Ecclesie tradita: Math.  
16. & 18. his verbis: *Quaecumque ligaueritis*  
*super terram erunt ligata & in cœlis.* Huma-

A nata tamen dicitur quia exercetur ab homi-  
nibus vnde Hieron. in hæc Matthæi 18.  
*quæcumque ligaueritis, &c.* Potestatem, in-  
quit, tribuit Apostolis, ut intelligant qui à ta-  
libus damnantur, humanam sententiam diui-  
na roborari, & Chrysost. homilia 4. in cap.  
2. ad Hebræos. Nemo cõtemnat Ecclesiastica  
vincula nō enim est homo qui ligat, sed Christus  
qui potestatem hanc dedit, & dominos facit ho-  
mines tãti honoris, ait Bonif. VIII. in Extra-  
uaganti vnam sanctam de maiestate, & obe-  
dientia. Est autem, inquit, hæc autoritas, etsi  
data sit homini & exerceatur per hominē non  
humana, sed potius diuina; ore diuino Petro da-  
ta, sibiq; a c suis successoribus in ipso, quem con-  
fessus fuit petra firmata, dicente Domino ipsi  
Petro, quodcumque ligaueris super terram.

Est ergo hæc potestas in sua origine di-  
uini iuris, humani autem in vsu, imo ta-  
lem esse simpliciter, nonnulli volunt quod  
eam asserant immediate à Romano Pon-  
tifice communicari Prælati, quod non est  
probabile.

## QVÆSTIO V.

*Quem ad finem Censura ab Ecclesia  
ferantur.*

V No verbo Censurarum ferenda-  
rum fines omnes complectemur, si  
salutem animarum, vel Dei gloriam, in  
his infligendis ab Ecclesia spectari dica-  
mus, ut quid tamen enucleatius assera-  
mus ac pressius, dicere placet has ferri, ut  
ægrifanentur, perditii puniantur, boni in  
officio contineantur, ideoque censuras,  
medicinas, arma, neruos vocari.

Ægros autem intellige, mente magis  
quam corpore inobedientes scilicet &  
contumaces, aut utrosque, quibus affli-  
ctam animi valetudinem, pia mater Ec-  
clesia, hac medicinali castigatione centu-  
rarum, reddere satagit, ideo Couar. prio-  
ri parte recollectionis in cap. alma, num.  
9. initio, ait excommunicationem ex fine  
medicinalem dici, quia fertur, ut sit medi-  
cina peccatis, & sicut medicina corpus pur-  
gans, non exiguis nihilominus illud damnis af-  
ficat, ita & censura hominem bonis spiri-  
tualibus, suffragiis, ac Sacramentis priuat,  
&c. & tamen satius est vel hoc modo sa-  
nari, quam perire. Vide Cassianum lib. 2.  
de Canonico nocturnarum cap. 16.

In hac autem curatione tripliciter Dei  
bonitatem imitatur Ecclesia, primo, quia  
filios suos, sicut & ipse, rebus aduersis ca-  
stigmat,



figat, & ad mentis sanitatem reuocat pœnis ac vexatione, intellectum culpis suis cæcum illuminat: docet Paulus qui 1. Corinth. 5. infamem illum Corinthium sathanæ tradidit, *In interitum carnis ut spiritus saluus fieret*, id est, ut duram, ut asperam vno verbo ut vexationem eiusmodi pateretur, qualē Energumenis præbere dæmō solet, vel etiam in vindictam & satisfactionem patrati criminis, dæmoni occidendustraderetur, ut animus saluus fieret, qui saluo corpore periisset. Secundò, quæ prioris est rationis Confirmatio, sicut Deus se peccatorum immemorem fore profiteretur, quotiescumque eorum auctor ac reus ingemuerit, ita Ecclesia quoties peccatores peccati pœnitet, & resipiscere illis lubet, absoluit. Tertiò, imitatur hæc Deū in suauitate pœnæ, quæ suauitas, etiā cum videtur fuisse acerbissima castigatio, incredibilis est plane, totaq; diuina, ut in punitione primi parentis est videre: peccati enim dona gratuita duntaxat sustulit, quæ illi naturaliter etiam non peccanti debita non erāt, scilicet iustitiam originalem, gratiam virtutes supernaturales charitatē, &c. Ecclesia similiter eum inobedientē & peruicacem semel, sæpiusque præmonitum censuris punit, nil ei aufert suum, sed eum priuat tantum vsu bonorum spiritualium, ut dicemus, quæ propria sanctorum sunt, & non peccatorum, & sic sine graui, aut rei familiaris iactura aut corporis offensa, aut status imminutione resipiscere ei est integrum, ut ait, *Vgol. sa. 1. cap. 25. num. 2.* Vide Sotum *li. de Iustitia q. 6. art. 6.* vbi docet Ecclesiam non priuare hominem per censuras, propriis ipsorum bonis, vide & *Henriq. lib. 13. cap. 1. n. 3.*

Curationis autem faciendæ modus quem tenet Ecclesia, in eo est, ut reo confusionem ingerat, est quippe confusio adducens gratiam & gloriam, *Ecclesiast. 4. vers. 25.* quam ideo populo suo petebat Daniel, *ca. 9. vers. 7. & 8.* medicinam hanc verò animi eximie expressit Paulus 2. ad Thess. 3. *vers. 13.* *Quod si quis non obedit verbo nostro per Epistolam, hunc notate & ne commisceamini cum illo, ut confundatur, & nolite quasi inimicum existimare, sed corripite ut fratrem.*

Ex quo loco pleraque ad censuras pertinentia erui possunt. Primò, earū subiectum scilicet *Christianus*: ad Christianos enim scribit, qui tum se fratres vocabant. Secundò, culpa cuius causa ferri debent inobedientiæ scilicet. Tertiò, monitio, cū notari peccatorē iubet & corripi. Quartò, correctionis modus, cum suauitate scilicet ac amore, eum considerando ut fra-

atrem ut ægrum non inimicum, non hostem, non desperatum. Quintò, censuræ effectus qui est prohibere consuetudinem excommunicati. Sextò, finis proximus, scilicet confusio, per quam hic ad obedientiam ac sanitatem reducatur.

Censuras autem gignendæ confusioni idoneas esse ac efficaces patet: Enimvero quis non erubescat cum Christi fideles, id est socios, id est vicinos, & amicos videt consuetudinem suam defugere, se autem Sacramentis arceri, aditu Ecclesiarum prohiberi, ingressum eiici foras, sacra sepultura, piorum precibus, publicis suffragiis, viuum mortuumq; mulctari? quis hic non metuat, quis non toto corpore contremiscat, cum se meminit diris sacrum ignis æterni futurum nisi resipiscat pabulum, *Summum enim, ait Tert. in Apolog. cap. 29.* futuri iudicii præiudicium est, si quis ita deliquerit, ut à cōmunionē orationis & cōuentus, & omnis sancti commercij relegatur.

Censurarum finis alter est, punire perditos, maximorum scelerum reos, viuentes ac mortuos iustis mactare suppliciis,

Voco perditos, qui in statu peccati mortiferi delierunt viuere, & quemadmodum Deus in eos nulla misericordia vtitur, quin potius, *Pana inimici percutit eos, castigatione crudeli, & insanabili fractura affligit*, ut loquitur ipse Ierem. 30. vers. 12. & 14. non solum quia eos summis bonis exuit, sed multo maximiè quia summis malis & tormentis quatit: ita Ecclesia mortuos, conuictos criminis, præsertim hæreseos, dignosque ideo censura, grauissimo quo potest anathemate, ferit, detestatur, & odit, nec solum bonis suis, & suffragiis priuat animam, sepultura Ecclesiastica corpus, sed eius etiā memoriam infamia prolequitur, corpus autem ipsum, quatenus capax est, cruciatibus, qui animi cruciatus referunt, obiiicit.

His finitimi sunt hæretici, atque à fide apostatæ, quoniam amissa fide, perdita sunt omnia, cum totum spirituale ædificium ab imo sit fundo erutum, nisi gratia Dei valde singularis, eis opem ferat, & hi omnium principes, singulis annis, in Bulla Cœnæ, solemnibus ceremoniis ab Ecclesia extorres fiunt, & obstinatione sua maiorem sibi in dies damnationem acquirūt: huc etiam pertinent ij, quos immedicabilis insania criminibus & censuris implicatos inuadit: iis enim censuræ punitiones tantum sunt, à quibus censuris absolui quidem possunt, sed sine vlla utilitate sua, non tamen sine peccato absoluentis & iniustitia,

Tertius censurarum finis est, ut contineantur boni in officio, nam ut ait Sapiēs Prou. 21. *Mulato pestilēte sapiētiore erit parulus, & ut aiebat apud Xenoph. Cræsus, & πῶνιμα & μαδῖμα, ob quam causam præcipue pœnæ publicè inferuntur, quod ignominia pars sit earum non minima.*

## QVÆSTIO VI.

*Quotuplex sit Censura, seu quomodo diuidi soleat.*

**D**iuiditur primo censura ex parte materiæ, in generalem, & particularem. Generalis personam certam non notat, sed eam duntaxat, quæ est rea conscientiaque delicti, cuius causa infligitur. Particularis est, quæ in personam certam fertur, expressam nomine proprio, aut dignitatis quam sustinet, vel officij quod obit, vel in talem quæ hoc aut illud fecerit; Exempli causa in Petrum, aut quemcumque alium, qui est furatus tali loco, quæ excommunicatio generalis erit, si non sit personarum, temporisque limitibus circumscripta ad satisfaciendum, sed publicetur in omnes generatim, qui furabuntur postmodum, hîc, aut ibi, domi, vel in templo.

Secundò, diuiditur ex parte formæ, seu modi, quo fertur, in comminatoriam, & eam quæ est sententiæ latæ. Prior non incurritur ipso facto, sed post iudicis sententiam latam, eiusque declarationem, & talis censura, exprimi solet verbo futuri temporis, ut *qui hoc fecerit excommunicetur, suspendatur, interdicator, vel verbis potestatem significantibus, ut excommunicari possit, &c.* Altera, hoc est latæ sententiæ, incurritur eo ipso, quod quis illud ipsum admittit cuius causa censura infligitur, idque ante iudicis sententiam, eiusque declarationem, & hæc solet exprimi verbo præsentis temporis, *excommunicamus* &c. aut aliquo ei æquipollenti, ut sit *excommunicatus, suspensus, interdictus, &c.* hoc enim clarè verba ipsa indicant, iudexque ipse dicendo, *Excommunicamus, suspendimus*, apertè significat mentis esse suæ, ut censura per tale factum incurrat.

Tertio, diuiditur in occultam & manifestam, publicam seu notoriam. Occulta est quæ nescitur lata, vel cuius causa ignoratur. Publica, quæ tenetur omnium conscientia, & cuius causa est manifesta.

Quartò, ex modo quo incurritur, diuiditur in denuntiatam & non denuntiatam. prior declaratur per sententiam iudicis,

A non item posterior.

Quintò, diuiditur in solemnem, & non solemnem. solemnis fit adhibitis ceremoniis, quarum usus est in Dei Ecclesia, quibus cum careat altera, dicitur non solemnis.

Sextò, ex parte causæ effectiuæ, diuiditur in eam, quæ est à iure, seu canone, & illam quæ ab homine. Prior sic vocatur, eo quod per statutum, seu legem feratur. Altera quod per hominis sententiam.

Septimò, diuiditur ex parte qualitatis & causis Censuræ iniustam, & iniustam.

B. Iusta est, quam infligit is qui potest, propter quod oportet, & quo modo debet. Est autem iniusta per se, vel per accidens.

Per se, cum procedit ex solo prauo iudicis affectu, sine causa vlla iusta. Per accidens quando est in eo defectus aliquis, non tamen essentialis, ut si excommunicans est irretitus censura aliqua, non tamen palam, sed occulte, aut eam ex praua intentione infligit, qdio vel inuidia, quibus autem documentis, ac notis, internosci possit censura latæ sententiæ, ab ea quæ est ferendæ, dicetur in tract. de excomm.

## QVÆSTIO VII.

*Quomodo differant censurae quæ sunt à iure, ab his quæ sunt ab homine.*

**T**res præcipuæ inter eas sunt differentiæ. Prima, quod quæ est ab homine, non sit perpetua, cum enim vis illius omnis ab eius iurisdictione pendeat qui illam tulit, eo satis functo illam quoque tolli, ac pereunte perire est necesse, saltem quoad censuram nondum contractam. v. c. Episcopus clericis prohibet ne tabernas adeant, ne clericali stola destituti, per plateas procedant in publicum, nisi à suorum exequutione ordinum suspensi esse velint, si hunc interim contingat mori, aut sedem Papæ auctoritate mutare in aliam, qui Clericus contra eius præscriptum, potus aut cibi causa tabernam ingreditur, non erit à suorum usu ordinum suspensus, sed tantum si ante mortem, aut eius discessum ab Episcopatu, eam intrauerit, à qua pœna ab Episcopo, qui sic clericos plecti voluit, aut ab eius successore, absolui eum oportet, ut notauit Felic. cap. 10. de excomm. non autem si in eam legem ab Episcopi obitu, aut eiusdem ad Diocesim aliam transitu commisit, quod hæc non sit perpetua, sed iisdem temporum definita terminis, quibus eius vita,

aut

aut commoratio in prouincia cum potestate. Quod de censura, quæ est à statuto, aut lege, dici similiter non potest, cum hæc sit perpetua, non quidem ratione subiecti, perinde ac si semper inhaereret alicui, cum absolutione tollatur, sed ratione virtutis, quam habet continuam ac perseverantem à iure non item alia.

Sunt hinc natæ istæ loquendi formulæ: *In æternum valitura constitutione mandamus, in perpetuum sancimus, & irrefragabili, & inuolabili constitutione decernimus.* Leges ergo, quæ censuram ferunt perpetuo obligant, nisi contrariis abrogentur, aut non vñ, vel consuetudine opposita tollantur.

Ratio differentię est, quod legislator, agat tanquam persona publica, eius auctoritate ac nomine, cuius locum tenet, id est Dei, hinc ergo consequitur, eius decreta ac leges tandiu durare, quandiu eius potestas, cuius vices gerit, durat, ergo cum diuina potestas sit perpetua, perpetuam quoque virtutem, vim seu momentum censuræ esse oportet quæ à legislatore est inflicta per canonem, statutum, aut legem, quod in censura quæ est ab homine similiter locum non habet, sic enim fertur à persona publica, ut sit tamē particularis, quare ea obeunte, censuræ quoque ab ea intertata in nocentes, virtus intercidit. Quia hæc non obligat, nisi vi iurisdictionis, quæ præstat qui eius est auctor, at istius cum obiit, aut Episcopus esse desit, nulla est iurdictio: quod si eum absolui est necesse, qui contra legem deliquit, aliquid imperantem aut verantem sub pœna incurrendæ censuræ, id oritur ex iure communi, quod statuit, ut nemo liberetur à censura quam incurrit, sine absolutione.

Secunda differentia est in eo, quod censura quæ est à iure, tantum spectet tempus futurum, quæ autem ab homine præteritum. Quæ enim sententia fertur per legem, aut sententiam generalem, fertur sub conditione futuri peccati, v. c. qui furatus fuerit, qui Petro, aut Ecclesiæ vim intulerit, sit excommunicatus, si enim neutrum fiat, à censura nihil metui poterit, cum hæc eos duntaxat stringi legislator velit, qui violatæ legis à se latæ rei erunt, quales tantum afficit censura, quæ est ab homine, per sententiam particularem, quid enim est in ea infligenda propositum ludici? peccatorem in bonam frugem reducere, culpa eum eximere, ab eius amore studioque auertere, admissam, à qua resipiscere non vult, emendare, factam ergo supponit, ergo ut quæ est à iure, à culpa, ne committatur, metu pœnæ incurrēdę, hominem auocat, ita quæ est ab homine, commissam emendat, hæcque proinde tempus

*Pars secunda.*

**A** præteritum, illa futurum spectat.

Tertiò differunt, quod censura quæ est ab homine, per particularem sententiam, trianam monitionem exigat, aut pro tribus vnam, cum in altera quæ est à iure, facta eius promulgatio, instar sit omnium.

## DE CAUSA CENSURARVM efficiente.

### QVÆSTIO VIII.

*Quis possit ferre Censuram.*

**B** **N**on alius, quam iudex, nec hic quilibet sed qui Christianus est, Ecclesiastica fori contentiosi iurisdictione præditus. Homo esse debet, nam oportet cum posse, scire, ac velle censuram ferre, quod est ratione vti, quæ est hominis propria. Posse autem facultatem naturalem indicat, itaque muti natura, vel casu, ad ferendam censuram non videntur idonei, cum ad eam nutus non sufficiant, sed sententiam, verbis ac oratione exprimere oporteat.

**C** Eam quoque decet esse liberam, libertate à metu, qui in constantem virum cadat, nam absolutio, vi, aut minis expressa, lege canonum est nulla, decreto Greg. X. in cap vñico de his quæ vi metusque in 6. ergo & obligatio eam contrahendi, cum iura sint ad soluendum, quam ligandū promptiora, sintque fauores ampliandi, restringenda odia, odiosum autem sit, & graue, excommunicationem quem plecti.

Contraria mihi tamen sententia, videtur perquam probabilis ob hæc argumenta.

**D** Primum, quod à simili ducta ratio, in pœnis, ac legibus, quibus imponi hæc solent, nullarum sit ad fidem faciendam virium, ut copiose probauimus, in trac. de iuris axiomatis.

**E** Secundum, quod absolutio à censuræ vinculo, extorta graui metu sit nulla, ex voluntate Pontificis oritur, cui è re communi, Ecclesiæque visum est esse, absolutionis, quamvis, metusque exculpfissent, vim omnem infringere, ne spe eius obtinendæ, improbis daretur occasio, inferendæ Episcopo iniuriæ. At de inflictione censuræ, nihil est eiusmodi sancitum à Pontifice, Conciliis, aut Patribus, ergo quod de eius absolutione coacta, ab iis est dictum, ad eiusdem impositionem trahi nec potest nec debet.

Tertium, ut efficaciter, ac valide infligatur censura, tria tantum sunt necessaria, potestas in infligente, ac voluntas, in reo autem, culpa, quæ ea pœna emendari possit ac debeat. at hæc omnia reperiri in eo possunt, quem merus grauis afficit, si ergo ab eo, reus tum

**B**



censura vapulet, non erit hæc sine plaga, quam curari ab eodem per absolutionem sit necesse.

Cum hominem autem in singulari nomine, ut Collegia, Capitulaque non excludo, quæ censuræ ius habent, quia illa corpus vnum moraliter sub vno capite coagmentant, & illud caput, homo est: ita Angelos, ita ab omni concretionem mortali liberas mentes excipio, quibus hominis coercendi per censuras, potestatem Deus non indulgit, quod non deceat hunc ei præesse Iudicem, quem nec videre ipse, nec ille veras audire, & reddere eidem voces possit.

Christianum autem hunc esse est necesse, nam quid turpius, quam fideli ius à Pagano, aut à sacris nostris alieno homine reddi? Negat Paulus 1. ad Cor. 6. ferendum esse, ut Christianus sæcularia infidelium iudicia de re minimi subeat, non autem Sanctorum, quanto ergo minus probaret Apostolus, si superstes adhuc foret, infidelem hominem, iudicem Ecclesiasticum agere, deque negotiis animæ, aut conscientie iure sententiam dicere? Itaque Christianus esse debet, quisquis in alterum, paratus est sacra censurarum vibrare fulmina, quo nomine, excluduntur primò, qui mysteria nostra non callent, aut iis imbui respuunt, ut Ethnici, vel ea probris infectantur, ac vellicant ut Iudæi, vel produnt, ut hæretici, vel deserunt, ut Apostata, his enim de Christianis quæstionem exercere, res eorum, negotiaque discutere, si rei sunt, pœnam imponere, lege canonum non est concessum, quia non potest quemquæ eius removere sententia, qui se iam præbuit ipse remouendum. Nicol. Pap. epist. 7. ad Michael. Imper. absurdum enim est, ut cui non licet etiam cum minimis, iuxta sacras regulas communicare, liceat de maioribus iudicare 24. q. 1. can. miramur 37. quæ etsi vniuersæ dicta, valeant in omnibus, quos per uicacia, errorque mentis auios, extra Ecclesiam malo suo impulit, maximè tamen de hæreticis, quos Lucius Papa 3. totius Ecclesiastici ordinis prærogatiua nudatos, & sic omni beneficio, & officio spoliatos, secularis relinquit arbitrio potestatis, animaduersione debitâ puniendos, cap. ad abolendam nono de hæretico: itaque dicendum, Catholicum sententia hæretici minimè teneri, non enim potest eui gladio ferire, quem accusare, vel in quem testificari non valet, si enim quos diuina testimonia non sequuntur, quia extra Ecclesiam sunt, pondus humani testimonij perdiderunt aduersus eos, qui in Ecclesia esse videntur nec aduersus eosdem Ecclesiasticæ auctoritatis pondus habere possunt, qui ab eius fide discessisse probati sunt 24. q. 1. can. miramur 37. §. potest autem.

Non sunt ergo hæretici, cæterique id ge-

nus viri, à Christianorum sacris alieni, de eorum numero hominum, qui sedere pro tribunali possint, iudicaturi Christianos, eosque cum peccarunt, nec ad recte viuendi normam redire obstinati volunt, censuris ad officium cogere. Facere id duntaxat potest Catholicus, ac Ecclesiæ, voluntate sua mancipatus, cum non ad seculares sed ad Ecclesiasticos, spiritualium rerum cognitio pertineat, Trid. sess. 25. c. 3. quare Laicis huiusmodi rerum tractatio interdicitur, in decretali, *decernimus de iudiciis*, quia ad Sacerdotes Deus voluit, quæ Ecclesiæ sunt, disponenda pertinere, non ad sæculi potestates,

quas si fideles sunt, Ecclesiæ suæ Sacerdotibus voluit esse subiectas, dist. 96. can. si Imper. 11. sunt enim Laici oues non pastores, subditi non iudices, ac proinde censuræ ferendæ incapaces, cum sint potestatis, ad eam rem necessariz expertes. Est enim hæc eiusmodi, ut si ne ea, inflicta censura, absque vi iaceat, ac efficacia, id enim iudicij ratio naturaque exigit, ut sententia feratur duntaxat in subditos ut ait Trid. sess. 14. c. 7. Est autem iurisdic-tio, potestas ipsa legitima dicendi iuris, vel iudicandi, quod proprium est iudicij munus

eosque tantum respicit, qui sunt eis subditi, iurisdictioni enim respondet è regione subiectio. Acquiritur autem illa à Clericis, non per consecrationem aliquam, sed per simplicem duntaxat iniunctionem, aut designationem subditorum ut ait Diu. Thom. 2. 2. q. 39. art. 3. & ibid. Caiet. ideoque non inhæret immobiliter, ut potestas ordinis, quæ consecratione confertur, sed pro superioris voluntate, acquiri solet vel amitti.

Et quoniam impediri ab opere, & eius exequendi carere potestate, paria sunt in iure, debet hæc iurisdic-tio esse libera, non restricta, agendi capax & idonea, cum est necesse, non impedita: impeditur autem per iustam appellationem, notoriam excommunicationem iudicis, aut amentiam, qui enim eo morbo laborat, aut hic & nunc non aduertit quid agat, nihil valide agit, quia non operatur humano more.

Ex dictis patet, Pontificem in nocentes, modo contumaces, posse ubiq; terrarum, æquitatis suæ aculeos erigere, eosque censuris, nisi resistant, coercere, ac stringere, quia omnium est iudex, nec est usquâ aliquis, qui eius, aut Pontificij priuilegiis, verè se ab eius exemptum iure asserere audeat, cū enim ovis sit, non Pastor, regi hic debet, & si de via declinet reduci, si erret corrigi, quæ me causa impellit ut credam, priuilegio fieri aliquo non posse, ut Christianus nulli sit censure obnoxius, sicut enim à Dei iure liberari nequit, ita nec à Pontificis, qui Dei est Vicarius in terris, Vgolin. tab. 1. cap. 2. §. 12. num. 76.

Patet



Paret 2. tantundem Episcopo in Diœcesi suo audere contra vitia fas esse, quantum Papæ, in vniuersa Ecclesia, quia iurisdictionē nactus est in eam spiritualement ac diuinam, vi cuius, nisi priuilegium à Romana sede ipsa habeat, aut eius membrum aliquod, tam illa quam istud, censuris coerceri ex causa possunt.

Iurisdicatio hæc porro ei competit, ratione dignitatis qua in Ecclesia præstat cæteris, magistratus quem gerit, personæ quam sustinet, cui est annexa iurisdicatio, secundo competit ei iurisdicatio ratione delicti, in Diœcesi cui præest, admissi: nam cum turpe sit non modo, ac fœdum, sed Reip. quoque Christianæ periculosum, peccata non plecti, quod exemplo se singuli ad malum, sed multo maxime spe impunitatis trahi sinant, è re publica, communique fuit, peccantem, etsi alterius sit Diœcesis, Episcopo ratione delicti sui subiici, cum potestate, iusti de eo repetendi supplicij, per censuras, dummodo adhuc in eiusdem versetur Episcopi territorio, aut citatus legitime fuerit, antequam inde commigraret aliò: ita Innocent. III. in decretali, *postulasti* 14. *de foro compet.* interrogatus enim à Senicensi Episc. ecquid delinquens in Diœcesi non sua, ab Episcopo eius præside, pro delicto ibidem commisso plectendus esset, respondit, *quod per Episcopum in cuius Diœcesi deliquit, sententia promulgari posset in eundem.*

Tertiò, iudicat punitque Episcopus, ratione vltionæ subiectionis, sic Pontifex conscientiam deponit apud Confessarium, ab eoque absoluitur, Henriq. lib. 6. cap. 8. num. 3. & 4. à Cappellanis autem suis Episcopi. An his autem, submittere se vltro Religiosi possint, explicabitur postea.

Pari cum Episcopis potestate gaudent eorum Vicarij, nisi hæc per eos sit restricta, quia vnum idemque cum iis tribunal habent vt dicitur cap. 2. *de consuetudine in* 6. Capitulum sede vacante, eiusque Vicarius, seu is ad quem Episcopalis iurisdicatio noscitur tunc temporis pertinere, Bonifac. VIII. cap. *vnico de maioriore & obed. in* 6. Abbates exempti, habentes iurisdictionem quasi Episcopalem, respectu eorum in quos illam habent, Sâch. lib. 3. de matrim. disp. 28. num. 6. Archiepiscopi in Episcopatibus suorum suffraganeorum, dum eos visitant, non aliter, colligitur ex cap. venerabilis de sentent. excomm. in 6. Cardinales in Ecclesia sui tituli, cap. his qui de maioriore & obed. ex priuilegio Generales & Prouinciales Ordinum, respectu suorum subditorum, erga quos potestatem exercent quasi Episcopalem. Diu. Thom. 22. qu. 33. art. 7. ad 5. in quo illis pa-

res sunt ac æquales Prælati Conuentuum, vt Priores, Guardiani, Rectores, Collector in Compend. Minorum verbo Guardianus parag. 4. quod etsi de foro interno intelligendum esse, non externo, scribat Portel. in dubiis, verbo Prælati iurisdicatio, num. 6. & in verbo Guardianus num. 2. nihilominus opposita mihi opinio videtur in praxi non modo tuta, sed & sequenda, cum constet Innoc. III. testimonio in decret. *cum in Ecclesiis* x. de maioriore & obed. S. Stephani canonicos Regulares, à suo Priore quod sibi obsequi nollent, excommunicatos esse, quod nec ille tentare, nec factum probare Innoc. induxisset animum, si nocentes censuris plectere, in iure superiorum domus non esset, & huius sententiæ fautor est ac patronus, Henriq. lib. 13. de excom. cap. 24. num. 3. Ibi enim ait quemlibet è Superioribus immediatis Mendicantium, posse subditos quibus cum auctoritate præsidet, censuris irretire quibuslibet, cui etiam assentitur Portelius in verbo Abbas addit. 1. num. 2.

C Ferre quoque Censuras possunt collegia, hoc est clericorum tam regularium, quam secularium congregatio, modo approbata ab Ecclesia, Concilia Generalia, Prouincialia Diœcesana, Canonicorum capitula, subditos habentia, cap. irrefragabili de officio iudicis ordinat. ac etiam regularium, pro modo facultatis, quam à suis statutis ac regulis habent, aut à summo Pontif. Ne quid tamen in eo peccent, sitque eorum censura rata, & efficax, necesse est, vt duæ minimum, dicti Collegij partes, dicturæ sententiam vna conueniant, & ex his qui conuenerint, iusque suffragij habent, maior, saniorque pars consentiat. Vgolinus tab. 1. cap. 6. §. 1.

Vltimò, infligendæ censuræ ius habent Archidiaconi, nō solemniter, sed quidē, priuatim, secundum Mosconium de maiest. Ecclesiæ lib. 1. par. 1. cap. 12. littera A. quo tamen non vtuntur, ed quod consuetudine contraria, ista se potestate priuari sunt passi.

In summa: prælati omnes Ecclesiastici, iurisdictionem habentes in foro externo, censuram ferre possunt iure ordinario in suos subditos, non obsequentes, quia aliter non essent sufficienti potestate præditi, ad gubernandam Ecclesiam cui præsunt, nam directiua, qua diuino beneficio præstant, ad eam optimis stabiliendam legibus, aut cæteris instruendam rebus, ad legitimum regimen necessariis, inermis foret ac infirma, si eam coercitiua defereret, nec illi coercere contumaces, & ad præstandam sibi obedientiam eosdem censuris compellere possent.

Habent eandem potestatem ex delegatione, quibus est à supradictis commissæ, dummodo sint eius ordinario iure capaces, quo de genere sunt Clerici, qui privilegiis gaudent Clericalibus, cum ad censuras, cum potestate spiritali infligendas, non ordo, sed iurisdictio spiritalis duntaxat exigatur, cuius non est incapax Clericus, secundum *Ægid. disp. 13. dub. 4. num. 32.* sed Laicus ut colligitur, ex *can. in noua 16. q. 7.* qui ex Concil. Hispal. est in eam causam translatus his verbis. *Indecorum est enim Laicum, Vicarium esse Episcopi, & seculares in Ecclesia iudicare, in vno enim eodemque officio, non debet esse dispar professio, quod etiam in lege diuina prohibetur dicente Domino. Non arabis in boue simul & asino, id est homines diuersæ professionis, in vno officio non sociabis, unde oportet nos, & diuinis libris, & Sanctorum Patrum obedire præceptis, constituentes, ut qui in administrationibus Ecclesiæ sociantur, Pontificibus discrepare non debent, nec professione, nec habitu, nam coherere, & coniungi non possunt, quibus & studia, & vita, sunt diuersa. Idem habetur, in Synodo Symmachi. Papa in *can. 3. cuius fit mentio 16. q. 7. can. non placuit.**

Possent tamen ex plenitudine potestatis, cum eo dispensare Pontifex, quia cum non nisi eius legibus, ac iure remoueatur Laicus ab hoc munere: sitque legislatori integrum, cum causa eius iusta aliqua subest, decreta sua refigere, abrogare, tollere, Laico ad promulgandas censuras, uti quin possit, non video.

Nobiscum sentiunt, *Vgolin. tab. 1. cap. 2. parag. 10. Nauar. cap. 17. num. 6. Tabiena verbo absolutio 2. num. 3. Henriq. lib. 13. cap. 24. num. 1.*

Obiicies, sunt Prælati, iure diuino, spiritalium causarum iudices, iis dirimendis à Christo constituti his verbis: *Quæcumque ligaueritis super terram, hanc ergo, communicare Papa Laico non poterit, cum in diuino dispensare iure, ei non sit permissum.*

Neganda est consequ. quod ex iusta causa delegari hæc potestas Laico possit, & proinde à Pontifice in diuino iure dispensari quod cum accidit, subiacent Clerici Laicis, non ut Laicis, sed ut Ecclesiastica iurisditione præditis, quam tamen iisdem communicari posse ab alio quam Papa, non existimo, quod id Pontificio iure cui Christiani subsunt omnes, sit prohibitum, in cap. decernimus de iudiciis.

## QVÆSTIO IX.

*An fœmina, deleganda sibi potestatis à Papa ad censuras, sit capax.*

**N**egant hi auctores Stephan. de Auila par. 1. dub. 6. *Ægid. de Coninch. disp. 13. dub. 4. num. 33. Henriq. lib. 6. cap. 2. num. 5.*

Ab iis discedunt, *Armilla verbo excommunicatio num. 24. Palud. in 4. dist. 19. qu. 2. Vgolin. tab. 1. cap. 2. parag. 7. num. 5. Tabiena verbo absolutio 2. num. 3. Fumus ver. excommunicatio num. 24. Laym. lib. 1. tract. 5. parte 1. cap. 3. num. 4. sub finem, ubi his verbis mentem expressit suam.*

Respondendum, duplicem esse clauem Ordinis & iurisditionis, illius incapax est omnino mulier, secundum Christi institutionem, huius autem capax esse potest, saltem ex cõmissione, & quoad exercitium, sicut & mere Laicus capax est: cum tamen Apostolorum successor censeri non debeat, quandiu extra clerum constitutus est. Ab horum auctorum partibus stant hi Doctores de

**C** Graffis decision. li. 4. c. 5. S. Tho. in 4. dist. 19. q. 1. art. 1. q. 3. ad 4. *Mulier, inquit, nec ordinis nec iurisditionis clauem habet, committitur autem ei aliquis usus clauium, quod accidit cum Abbatissæ datur potestas à Prouinciali, aut Pontifice, ut in ordine ad finem spiritali, consequendæ scilicet perfectionis, aut beatæ vitæ, communionem hebdomariam monialibus suis imperet, quod præceptum, quemadmodum & alia id genus spiritalia mandata, eis dari posse exequenda in virtute obedientiæ, & proinde sub mortali, scripsit Graff. lib. 4. decision. aurear. cap. 5. num. 5.*

Sequitur, ut argumentis omni luce clarioribus, ista omnia comprobemus.

Primum, si mulierem à Papa ad censuras, id est iusta de reis repetenda supplicia adhiberi repugnat, dissonantiam hanc certe peti est necesse, à natura, vel à sexu, qui dirigi non dirigere, subiici non præesse postulat, vel à clauē, cuius administrandæ fœmina natura suâ non est capax.

**E** Non primum, quia eius ac hominis, eadem est essentia, par conditio.

Non secundum, nam quis nescit eam, ad sceptræ, ad coronas, ad regnorum gubernacula, eorundem legibus, populi que voluntate vocari, si præter eam hæredes sunt nulli? non est ergo natura sua, iurisditionis incapax fœmina.

Non tertium, nam ferendæ censuræ, clauis ordinis, non est necessaria sed iurisditionis solum, *Henriq. li. 13. ca. 24. n. 1. Vgolin. tab. 1. ca. 2.*

*Graphius*

Graphius lib. 4. cap. 5. num. 2. Nauar. cap. 27. num. 41. Couar. priore parte releet. in cap. alma parag. 11. num. 1. & 10. Antonin. 3. par. summa tit. 24. cap. 75. Sed luculenta est, & quæ totum hunc locum conficit decretal. Cœlest. III. transmissam 15. de electione, ibi enim sciscitanti Episcopo, quid cum facere esset necesse, cum Diœcesis suæ Clericis, qui latas ab eo, contra illorum excessus, sententias excommunicationis, suspensionis & interdixit, per contemptum eludebant, dicentes quod potestatem non haberet eos corrigendi, quia sacro nullo adhuc ordine initiatus esset.

Respondit, Quod ex quo electionis suæ confirmationem accepit, de talibus, & consimilibus (præterea quæ maioris inquisitionis discussionem exigunt, & ministerium consecrationis desiderant) quod iustum est, & Ecclesiastica conuenit vtilitati, statuendi haberet libertatem, quod ergo fœminæ, ius ferendæ censuræ, dari à Pontif. benigne non possit, ac liberaliter, non oritur à claue, cuius illa sit ob sexum incapax.

Secundum, Est iurisdictio auctore Mol. tract. 5. de iustit. disp. 2. Laym. tract. 4. lib. 1. cap. 5. num. 1. Facultas habentis auctoritatem publicam, & eminentiam super alios, ad eorum gubernationem, ac regimen. At hæc tria concurrere possunt in fœmina. Primo auctoritas publica, nam est hæc haud dubiè in Abbatisa, quam subiectæ sibi plebi monialium, imperare posse, has autem eidem, obsequi oportere est certum. Est etiam eminentia potestatis super easdem, cum iis præsit, eas dirigat, easdem loco & gradu antecedit.

Quid? quod iis certa præscribat opera, quæ naturam superant, quæ cum ea commune nihil habeant, vt sunt orare, confiteri, psallere, quod cum iis dispenset in votis, ea rescindat, ac irritet, quod delinquentes in regulis puniat, quod iisdem, eligendi sibi Confessarij, cui certis anni temporibus, conscientiam explicent, potestatem tribuat? quæ omnia, spiritualis iurisditionis, quæ pollet, argumenta sunt, ac indicia, falsum est ergo, fœminas ex priuilegio, hoc est Papæ indulgentia ac beneficio, iurisditionis à temporaria differentis, capaces non esse.

Respondent aduersarij, fœminis, ab Ecclesia iurisditionē non concedi, sed eius vsum, sed cōtra. Cum quid Religiosæ suæ familiæ, Abbatisæ præcipiunt aut verant, præcipiunt ac verant, vt à Pontifice, aut Prouinciali, quorum vices agunt, delegatæ ad hoc munus. At delegatus non vsum duntaxat sed rem, sed potestatem, ac iurisditionem à delegante in se transmissam accipit: ergo, &c. Deinde est vsus, ius vendi re salua eius sub-

A. stantia; Less. lib. 2. cap. 3. dub. 6. num. 24.

Aueo iam scire de aduersariis, an res in vsum transferri suos ab vrente queat, quæ in eius non sit possessione ac manu? Si ergo iurisditionis vsum fœmina possidet, si eam habet, Papæ concessione ac indulgentia, ergo illius est, eiusdem dono ac priuilegio non incapax.

Quid? quod Abbatisæ, non iure quidem ordinario, sed ex Papæ priuilegio beneficia conferunt, Clericos, in Ecclesiis ad Monasterium suum pertinentibus, instituunt? vt Rhemis in Di. Petri cœnobio, ad Rhedones autem in S. Sulpitij? quod suspendunt ab officio, & beneficio? vt est in cap. dilectæ de maiorit. & obed. Vbi Glossa, Abbatisæ iurisditionem spirituales non negandam ait, licet imperfectam quæ est etiam Graphij opinio lib. 4. decisio. cap. 5. num. 12. quæ si vera sunt, dicta est causa, fœminæ, peræque ac Laico, ius domandæ per censuram contumaciæ, concedi potest à Pontifice, quo tamen quia eam vti, nec decet nec expedit, cum illam subesse, non præesse oporteat, nec loqui in Ecclesia, vt est in cap. 14. primæ ad Corinth. multo minus iudicare, vt faciunt, qui in reos excommunicationis sententiam dicunt, non putarem, è re esse communi Ecclesiæ, fœminæ, ad superbiam natura sua satis incitatæ, eiusmodi facultatis concessione animos addi. Quare fatemur vltro cum Laym. lib. 1. tract. 5. par. 1. de Censuris in communi cap. 4. num. vltimo, Quamuis mulier iurisditionem habeat spirituales & curam animarum quoad correctionem, & administrationem, quod etiā tradit Graph. loco citato à Christo tamen neque Ecclesiam ferendæ censuræ facultatem ei vnquam concessam esse, quod id nec salus publica, nec priuata cuiusquam exigeret.

## QVÆSTIO X.

An Parochus castigandi rei per Censuram ius habeat.

**B** Reus ero, quia hac de re futurus est postea disputandi locus copiosior, cum de excommunicatione sermo erit.

Respondeo ergo negative, causa est in promptu, quod ius fori exterioris Parochus non habeat, quæ est earum conditionum vltima, quæ sunt in ferente censuras necessariæ, vt sint validæ. Est autem forum primæua sua significatione locus exercendarum litium. cap. forus de Verborum significat. qui solet esse publicus, diuiditur autem fori, in internum seu conscientię & externum

B iij



seu Ecclesiasticum aut ciuile: de utroque maximè externo agitur, *cap. cum Episcopus de officio ordinarij in 6. de interno ab August. sermone 2. de vita Clericorum.*

Extremum autem est hoc ab interiori distinctum inter cetera, quod istud id est conscientie, aperiatur consilio nemine, præterquam Sacerdote, inter quos sine testibus, ac probatione exercetur, silenter ac tacite, ipsis solis duntaxat ut dixi consilis, arbitro præter eos nemine: externum autem eiusmodi multos exigit, cum in eo patronus, actor, & testes, cum probationibus interueniant, iudexque ipse (more cæterorum, qui diiudicandis miserorum causis in Regum, ac Principum tribunalibus præsident) ex allegatis, probatisque sententiam proferat, quæ est iudiciaria conditio, non autem ex priuata cognitione, ut habetur *2. q. 1. can. si peccauerit*, manifesta tamen, testibus aut accusatione non indigent, ut est in *can. manifesta ead. q. 6. causa.*

Hæc de differentia, inter utrumque tamen est consensus, quod neutrum exerceri sine iurisdictione valeat, quam Sacerdos præcisè ex ordine suo, aut characterem non habet, sicut nec subditos, nec enim recipiens potestatem remittendi peccata, iurisdictionem actualem recipit, nisi ex generali concessione Ecclesiæ in moribundos, quoad omnes autem, in eorum peccata venialia, sed tantum, cum Episcopus dat ei facultatem audiendi confessiones, (quæ potestas moralis est, & ab homine datur, cum quæ eidem per characterem tribuitur, sit realis, & à Deo per consecrationem, sicut & potestas conficiendi corporis Christi) aut certe parochiale beneficium obtinet, *Trid. sess. 23. cap. 15.*

Hæc autem iurdictio in Prælato ferente censuras, per excommunicationem maiorem impedita esse non debet, eò quod eius usus impeditum habere, perinde sit, ac nullam possidere, quod cum accidit, qui ab eo dependentem iurisdictionem obtinent, eam exercere nequeunt, ut docet Innoc. IV. in *cap. Romana de officio Vicarij in 6.* Censetur autem tunc impedita, cum qui ab homine, aut iure ea fruitur est denunciatus, vel notoriè excommunicatus, vel suspensus ab officio tantum, ut ait Vgolin. tab. 1. cap. 2. parag. 23. num. 8. vel est in potestate hostium, vel à superiore prohibitus in aliquem censuram ferre, vel ab eo, qui illa feriendus erat, legitime est appellatum, vel ipse in irregularitatem incidit, qua priuatus est clericali priuilegio, vel factus infamis, de *Graph. lib. 4. cap. 5. nu. 4.*

## QVÆSTIO XI.

*An Episcopus Diœcesis, in qua peccatum est commissum, punire possit eius auctorem, quamuis diuersa sit Diœcesis à sua.*

**D**ico primò, Episcopum posse aduenæ qui in sua Diœcesi deliquit, præcipere, ut satisfaciat laico & si parere renuit, eum excommunicare, adhuc in sua Diœcesi commorantem.

**B** Ratio est, quod talis, ratione delicti sui, sit subditus eius Episcopi, in cuius Diœcesi peccauit, unusquisque enim Gregor. IX. testimonio, ratione delicti, seu contractus, aut domicilij, siue rei, de qua contra possessorem causa mouetur, regulariter forum sortitur. At subditum à suo superiore plecti posse quis neget? ergo cum in pœnis numeretur excommunicatio, eam nocenti, pro auctoritate irrogare quin hic possit, ambigi nequit.

**C** Dixi commorantem adhuc in sua Diœcesi. Quia delictum non facit aliquem absolute subditum illius loci, in quo deliquit, sed tantum quandiu ibi est, aut saltem quando legitime fuit citatus, quare si post eam citationem egrediatur è prouincia, poterit à suo Episcopo ad alterius preces cui se sistere debebat, cogi ut coram illo causam dicat, & si renuat ab eodem excommunicari ut contumax, Coninch. disp. 13. dub. 7. concl. 2. num. 57.

**D** Causa est, quod à superiore puniri potest inferior. At ratione citationis adhibita, Episcopus loci in quo deliquit, ius in eum tantumquam subditum acquisiuit, opinione Greg. Papæ noni, quam in *Decretali 19. de foro compet. expressit*, his verbis, *Proposuisti nobis, quod quidam subditus tuus, ad petitionem cuiusdam aduersarij sui, à te legitime citatus ad causam, quia postmodum iurisdictionis alterius esse coepit, tuum intendit iudicium declinare. Porro dubium tue prudentiæ esse non credimus, quod is in prædicta causa, ius reuocandi forum non habet, quasi ab illoriam præuentus.*

**E** Dico secundò, Peregrinum seu aduenam, non comprehendit sententia quæ dicta est in committentes aliquod crimen, quando est in eo loco per modum transitus, aut in eo moram longam non est tracturus.

Ratio est, quod sit superioris duntaxat legem sciscere, pœnam nocenti imponere, vitia cum auctoritate, supplicij seueritate reprimere, quod sine iurisdictione fieri non potest valide, quali non sunt alij à superioribus instructi, utpote quibus tantum est à Christo seruatore dictum. *Quæcumque ligaueritis super terram erunt ligata & in cælis.*

At

At peregrini & aduenæ, transeuntes per Diocesim, aut in ea ad breue tempus commorantes, eius Episcopi, qui illi præest prouinciæ, non sunt subditi, ergo ab eo non sunt puniendi; ergo nec censura ligandi, nec iis proinde comprehendi legibus, quibus culpa aliqua prohibetur sub censura. Ita Clemens III. in cap. à nobis 21. de sentent. excomm. Interrogatus enim *Utrum si quis ita pronunciauerit, quisquis furtum fecerit, excommunicatus sit, hæc generalis clausula, ad ipsum excommunicatoris subditos referatur, an generaliter extendatur ad omnes, qui non sunt de iurisdictione illius.*

Respondit, quod hac sententia non nisi subditi obligantur, nisi forte plus contuleris maior & largior auctoritas delegantis.

Constat hinc primò, vt leges, hoc est statuta, ita & censuras, ad solos pertinere subditos.

Secundò, aduenas & peregrinos his non teneri, quia cum non sint Episcopi potestati obnoxij, deest ei potestas illos obligandi, nisi aliunde ei collata fuerit, quare quantumuis peccent, contra hoc statutum Episcopi *Quisquis furtum admisit sit excommunicatus*, non sunt tamen censendi esse extra Ecclesiam, ac excommunicati. Nisi forte domicilio in ea Diocesi constituto, contra dictum statutum delinquerent, quia cum tunc, elus sint Episcopi subditi, nihil est causæ quam obrem noui hi, recentisque incolæ, vim statuti, ac legis, cuius est hic auctor non sentiant, peræque ac antiquæ, cum omnium, par & æqualis esse conditio debeat.

Obiicies ratione delicti, sit quisque eius Episcopi subditus, in cuius Diocesi peccat, reprimi ergo & coerceri ab eo aduena poterit, ergo & censura plecti, si quid ea pœna dignum admisit.

Neganda est conseq. causa est, quod aduena, cuius commoratio in vrbe, aut Diocesi, breuis est, qualis censeretur debet transeuntis, aut tantillo definita temporis spatio, propriè non peccat in legem, statutum, aut imperium Episcopi, cum his teneri nequeat, utpote non subditus, quod si ea non seruando expers est culpæ, pœnæ quoque expers esse debet, cum hæc infantes non capiat, sed reos, sed nocentes, sed iustis, ac receptis superiorum imperiis non parentes. Peccat quidem aduena furando v. c. sed non contra Episcopi præceptum, id verantis sub censura, sed solum contra ius naturæ, aut commune, quare contumax, aut Episcopo inobediens, dici nequit, nec consequenter de eorum esse numero, quos censura ob contumaciam afficit.

An autem hæc absentem, an à Diocesi

A procul positum comprehendat, dicetur in tract. de excommun. vbi dedita opera inuestigabitur, vtrum Episcopus subditum suum extra Diocesim peccantem excommunicare valeat.

## QVÆSTIO XII.

*Quinam censura ligari possint.*

**N**ON alij, quam qui rei, quam qui rationis compotes, & præcepti capaces, Superiorem in Ecclesia militanti habent in rebus spiritualibus.

Rei esse debent, quia præter eos, non plectuntur alij: nam pœna culpæ, socia est, ac subsequa. Reum intelligo, tam qui crimen admisit, ob quod quis iuste punitur, quam qui censuram iniustam licet superbè contempsit, hic enim qui antea, hominum iudicio duntaxat reus erat, & ligatus, fit ob superbiam, & inobedientiam censura dignus verique coram Deo ligatus.

**C** Rei nomen insuper, in hac materia, ad eum pertinet, qui licet in se non sit reus, ad eum tamen refertur, vt membrum ad caput, quod in ipso etiam membro plectitur: sic ciues propter delictum Principis interdici possunt, vt hic in illis pœnam vtrumque culpis suis debitam ferat, prout statutum video à Bonifac. VIII. cap. si sententia 16. de sentent. excomm. in 6. Sic Deus qui propter peccata populi facit regnare hypocritam super eos, etiam in populum innocentem aduertit castigandi Regis proprij causa, de quo exemplum Scripturæ in Dauide suppeditant, 2. Reg. 24. cuius in numerando populo arrogantiam, eiusdem numerosa clades puniuit.

**D** Postremò hic intelligendæ rei nomine non singulares personæ tantum, sed multæ simul, quæ in eadem sunt culpa, quod in interdito est planum, in excommunicatione autem etiam habet locum, patet ex cap. Romana 5. de sentent. excommunic. in 6. vbi cum Innocent. quartus Vniuersitatem vel Collegium excommunicari vetuisset, addit tamen in eos promulgari posse sententiam, de Collegio & Vniuersitate, quos culpabiles esse constiterit, quare si omnes constiterit in culpa esse, excommunicari quoque omnes poterunt singillatim, aut vniuersè, Henric. lib. 13. cap. 25. num. 4. Sylu. Verb. excommunicatio 1. num. 10.

**E** Obiicies, Bonis spiritualibus nemo est nisi ob culpam propriam priuandus: Censuræ pœnæ sunt spirituales, non ergo ob culpam alterius irrogandæ.

Respondend. bona spiritualia strictius in

maiori sumi, quam minori, in illa enim gratiam & gloriam denotant: castigatio autē de qua ibi est sermo, idem sonat ac priuatio gratiæ in hac vita, & gloriæ in altera, cum in minori significet hæc etiā priuationem bonorum spiritualium quæ licet referantur ad salutem, non sunt tamen de eius necessitate, vt auditio sacri, preces publicæ pro nobis factæ, quam iacturam æquum est credere Deum compensare & innocentibus aliunde reddere quod eis tali priuatione deperit, nam vt August. loquitur lib. de vera Religione ca. 8. Pater cælestis qui in occulto videt, hos in occulto coronat.

Ratione vti debent, quia eius expertes, aut à statu deiecti mentis, vt peccare nesciunt, ita in peccato obstinati esse nequeunt.

Secundò, censura cum sit peccati pœna, alios non complectitur, quam qui peccare norunt, pueri ac furiosi laborare hoc vitio nesciunt. Si tamen aliqua vniuersitas, sine vlla exceptione suspendatur, vel interdicitur, furiosi, ac infantes in iisdem hærebunt pœnis, quibus illa: decreto Bonif. VIII. in cap. si sententia 16. de sentent. excomm. in 6. fidei hæc eius verba faciunt, cum alicuius terre & populus interdicto innodatur, singulares ex eo persone, quas interdictus esse constat, non debent alicubi, audire diuina, vel Ecclesiastica recipere Sacramenta.

Cæterum, si quis antequam in amentiam incideret, inchoato contumaciter crimine & non consummato, erat Ecclesiæ præceptis, ac legibus contumax, hic in excommunicationem iuris incidet, Suar. disp. 5. sect. 1. num. 20. ac vero etiam in eum ferri hæc poterit, Vgolino auctore ac teste tab. 1. cap. 17. §. 3. num. 4. Laym. tract. 5. par. 1. cap. 4. num. 3. quia eius est culpæ affinis, nempe inobedientiæ quam Christus & decreta Pontificia, censura corrigendam esse aiunt, Si Ecclesiam non audierit sit tibi sicut Ethnicus & Publicanus, quam ipse tamen nec dolore eluit, nec obsequio erga Ecclesiam absterfit.

Confirm. Absens, & inscius valide censura ligantur licet iniuste, furiosus autem habetur vt absens & inscius, vt habetur, lege 2. parag. furiosus, digest. de iure codicillorum.

Confirm. 2. Quem infania deprehendit in culpa lethifera, is si in eo statu viuere destinat, damnatur, etsi dum esset impos sui, redeundi ad Deum, ac peccati delendi dolore, ac lachrymis, incapax esset.

Si tamen amentis, aut furiosi morbus esset perpetuus prudentiæ non foret, eos à Iudice notari censura, cum enim sit hæc medicinalis pœna, maximè vero excommunicatio, eā infligi non expedit alteri, quā qui sanari potest, cuiusmodi non sunt amentes perpetui.

A Secundò, excommunicandus debet Superiori Ecclesiastico subesse, quia est excommunicatio, quemadmodum & censuræ aliæ, pœna culpæ, ergo irroganda subdito à superiore, non regio, ac ciuili, quia omnis eius potestas est temporaria, vt hic corpori tuendo, vt Reipub. incolumitati studere debet, ita præter ea, quæ vsurpantur sensibus, supplicia non habet, quibus ab eius finibus nata iam, aut nascitura vitia eliminet, Ecclesiastico iudice est opus, qui ea spirituali pœna terreat, cuiusmodi censuras omnes esse, notius est quā vt à me dici oporteat, huic ergo suberit, hunc suspiciet ac timebit, quisquis centura feriendus erit auctoritate publica.

B Quare particula proximè posita excluduntur primò, Dæmones, vtpote vitio suo obstinatè mali, nec contumaciam deponere, aut impietatem dediscere idonei. Nec refert quod humanis absistere corporibus, vera loqui, ab iniuria inferenda cessare, exorcismis Ecclesiæ, inuiti cogantur ac nolentes, nam hi censuræ non sunt, sed imprecationes, cuius rei est hoc argumentum, quod ab exorcista, iurisdictionem externi fori non habente, fieri soleant.

C Secundò excluduntur Angeli, qui etsi ad Ecclesiam pertineant, eius tamen non sunt subditi, sed custodes. Bernardus serm. 12. in Psal. qui habitat, & in serm. 92. super cantica, ait Angelorum custodiam Vicem habere mæcærie in vinea Domini, quæ est Ecclesia prædestinatorum, cum Paulus dicat. Nonne omnes ministratori spiritus sunt, nisi in ministerium propter eos, qui capiunt hereditatem salutis.

D Excluduntur tertio, Turcæ, Iudæi, Sarraceni, cæterique id genus viri, sacris baptismi vndis necdum loti, nec enim bonis aliis censura priuat, quam quæ sunt spiritualia, quorum Christianus fit in Baptismo particeps, quare cum priuatio supponat habitum, sicut exhereditatio, amissio, denudatio, ius ad hereditatem, possessionem, ac cætera quæ possunt amitti, qui Baptismi beneficio, non erit Christianorum adiunctus numero, censuris, earumque metu contineri non poterit in officio.

E Quid? quod hæc subditorum duntaxat sunt pœnæ? quod iis irrogandis necessaria sit iurisdicatio? qua omni caret Ecclesia in non Baptizatum, Cum hæc in neminem iudicium exerceat, qui non prius in ipsam, per Baptismi ianuam, fuerit ingressus, quid enim mihi, inquit Apost. de ijs qui foris sunt iudicare? Trid. sess. 14. cap. 2. de differentia Sacramenti Pœnitentiæ, & Baptismi.

Quartò, sequenti particula, qua qui censura affici debet, dicitur Superiorem Ecclesiasticum,

sticum habere, remouetur propria cuiusque A persona, cum enim nemo sibi ipsi sit Superior, eo quod iurisdicatio, ad personam distinctam esse debeat, nemo quoque ferire se censura potest, nemo ligare. Deinde ecquid non est contra rationem ut quis in propria sibi causa ius dicat? Ianuarius Gregorius Papa primus arguit lib. 2. *indictio ep. 34. quod pro vindicta iniuriæ propriæ (quod sacris regulis prohibetur) maledictionem anathematis innexerat*, ecquid id longe meliore fecisset causa, si in seipsum Ecclesiasticæ seueritatis erexisset aculeos ac si se loco auctoritate B propria mouisset, si per censuram, in infidelium se classem inclusisset? Itaque si cui Pontifex Episcopo imperet, eos ut suspendat, aut excommunicet, qui certi sunt criminis sibi consci, non erit ipse tamen, quamuis reus extra Ecclesiam, excommunicatus aut suspensus, si rem tamen negotiaque, cum excommunicatis habeat post sententiam latam, in eorum aggregabitur numero, & si in Ecclesia interdicta celebrauerit, erit ut quilibet alius irregularis, non ex proprio, sed communi ac vulgato iure, Vgolin. tab. 1. cap. 2. parag. 8. n. 6. & 7.

Quintò, excluditur Romanus Pontifex quia etsi sit in Ecclesia, non est in ea tamen ut subditus, sed tanquam pastor, eiusque caput, quare nec excommunicari potest, sunt enim censure, leges penales humani iuris, quo non teneri principem quoad vim coercentem, sed dirigentem tantum, opinio est Diu. Thom. 1. 2. qu. 96. art. 5. ad 3. Itaque si Papa aliquem iniuste pulsaret, si cui ex ira violentas manus inferret, etsi peccaret, excommunicatus tamen non esset. Peccaret, quidem, quia ad culpam lexeum obligat, hæc enim, cum sit æquitatis ac iustitiæ regula, ab ea ipsum deflectere, scelus est, absque alia executione, aut legis applicatione, quare in can. non liceat distinct. 86. prohibetur aliquem manu sua cedere, quod id sacerdotem non deceat, pœna verò, legis obseruandæ causa adhibetur, ut ait Soto lib. 1. de iustit. qu. 6. art. 7. quæ idcirco executione & applicatione indiget: executor autem est ipse Princeps, licet exequator per alium, absurdum verò est, ut seipsum quis cogat, etsi pœnam si voluerit, subire possit.

Adde, quod censurarum, eadem sit E quoad hoc ratio, quæ legum, sed hæc neminem vinciunt, nisi quem superior his comprehendendi intendit, ergo nec censure pertinebunt ad alios, quam quos his ligari Prælatus volet, at quis existimet in se scire velle Pontificem, iisdemque teneri pœnis ac legibus cum peccat, ac quemlibet è fœce populi, triobolarem hominem?

Pars secunda.

Vltimò, remouentur exempti, hoc est & Regularibus illi, quibus Pontificis indulgentia, beneficioque est concessum, ne ab Episcopis, (quorum potestati iure sunt communi obnoxij) ad quidpiam omittendum, aut agendum, censuris compelli queant, sicut sunt Mendicantes, testimonio Portelii in dubiis Regul. verbo Episcopus num. 5. & alij quamplures, in quorum privilegiis continetur, ne quisquam Episcopus vel Archiepiscopus, Monasteriorum suorum Monachos, pro vlla causa, vllòve loco, interdicere, suspendere, vel excommunicare presumat, Innocent. quartus cap. Volentes primo de privilegiis.

Casus sunt tamen numero quatuor, in quibus est Episcopo licitum animadvertere in Regulares, eosque ad præstationem officij censuris cogere.

Primus habetur in cap. 16. sess. 25. Trid. Concilij, ibi enim monentur Episcopi, ut curent nouitiis tam masculis, quam fœminis, & Monasterio abeuntibus, ante professionem omnia restituere, quæ sua erant, quam ad rem etiam per censuras Ecclesiasticas, si opus fuerit Superiores compelli possint.

Secundi fit mentio in cap. 5. eiusdem sess. nam ibi, sancta Synodus sub obtestatione diuini indicij Episcopis præcipit, ut in omnibus Monasteriis sibi subiectis, ordinaria, in aliis verò sedis Apostolicæ auctoritate, clausuram monialium, vbi violata fuerit, diligenter restituere, & vbi inuiolata est, conservari maxime procurent, inobedientes, atque contradictores, per censuras Ecclesiasticas, aliasque pœnas, quacunque appellatione postposita compescere.

D Tertius habetur sess. 13. cap. de obseruandis in celebr. Missarum, vbi Episcopis fit facultas prohibendi regularibus sub censuris, ne (si ita expedire iudicauerint) in Oratoriis celebrent, non obstantibus privilegiis, exceptionibus, appellationibus ac consuetudinibus quibuscunque.

Quartus est, cum qui Episcopus Regulares censuris notat, idem quoque est Legatus à latere, eiusmodi enim homini si fides est Portelii in dub. Regul. verbo excommunicatio in addit. num. 5. permissum est, contra exemptos, excommunicationem ac censuras quaslibet alias ferre, non alteri.



## QVÆSTIO XIII.

*An Censura ferri possit in mortuum.*

**D**isputant hac de re diligenter Couar. in cap. alma mater priore parte relect. §. 11. n. 8. Castro lib. 2. de iusta hereticor. punitione cap. 19. & 20. Nauar. cap. 27. n. 13. & n. 271. Steph. de Auila 2. par. cap. 4. disp. unica dub. 8. Egid. disp. 13. dub. 6. Laym. tract. 5. cap. 4. Grapfus lib. 4. cap. 6. nu. 9. Henric. lib. 1. cap. 21. n. 1. li. 13. ca. 25. Suar. to. 5. de censur. disp. 5. sect. 1. omniumque communis est, ac firmata rationibus multis opinio, mortuum censuræ capacem non esse.

Hanc ipsam sequitur Caiet. to. 1. opusculor. tract. 16. p. 5. parag. quod ad 2. Caiet prorsus assentitur D. Antonin. 3. par. tit. 25. cap. 75. & Sylu. verbo excomm. 1. num. 7. in eamque, tot & tantorum hominum auctoritate victi Theologi fere omnes, qui de Christiani hominis officiis commentarios scripserunt, hoc tempore pedarij currunt.

At mihi contraria sententia adeo est vera, nulla ut eam ratio, mouere possit: est enim Pontificio responso, factis antiquorum minimè dubijs, multorum decretis, ac denique firma ratione subnixa,

Dico ergo, *Esse mortui non omnium sint censurarum capaces, excommunicari tamen ob eadem crimina posse, ob quæ viui, excommunicati fuissent.*

Pars prima probatur de suspensione. Est enim perquam absurdum prohibere alicui, ne id agat, quod eum facere natura vetat: at defunctus, nec administrare beneficium, nec ei præesse potest, nec cætera obire ministeria, quæ Sacerdotis, aut Clerici sunt propria, ergo ab his, aut beneficio, suspendi nequit.

Pars altera quæ est de excommunicatione, probatur, his verbis quæ habentur causa 24. q. 2. can. damnationis §. parag. his auctoritatibus. Sunt, inquit canon, *quadam crimina, de quibus etiam accusari post mortem quilibet potest, vel damnari, veluti hæresis.*

Ad hoc testimonium, accedit & aliud, quo probatur de hæresi multos damnatos esse, quæ iis mortuis manifestari cœperat, quam in sententiam septem exempla proferruntur, & testimonia Diu. August. quinque 24. q. 2. can. sane 6. quæ indicant, *Impium dogma, & eos qui tali dogmati obnoxij sunt, anathematizari Ecclesiam velle, licet mortui sint, quam traditionem Ecclesiasticam, & alij Africani Episcopi seruauerunt, sed & Romana sancta Ecclesia, quosdam Episcopos post mortem*

*A anathematizauit, licet pro fide in vita sua, non essent accusati.*

Quid? quod Ecclesia in Constantiensi Concilio sess. 8. Wiclefum fatiis functum est execrata? quod Dioscorum, & Pyrrhum uti exsecta de corpore suo membra, putida illa multisque foetida criminibus, post mortem è fidelium erasos albo, publice anathematizari quanta Synodus voluit? ut est in edicto Iustiniani Imperatoris tomo concilior. 2. & in quinta Synodo collat. 8. pag. 77. qua pœna affectos cum Theodoro hæreticos quoque plurimos eiusdem decreto Synodi, narrant omni fide maiores historiarum.

Cui opinioni fidem facit Innocentij tertij decretalis à nobis 18. de sententia excomm. ubi est his verbis: *In certis casibus, in canonicis denotatis, ligasse legitur Ecclesia mortuos, & soluisse.* Faciunt ergo pro nobis exempla Patres, Pontifices, momenta etiam rationum, cuique non mediocriter in Theologicis exercitato occurrent, nec pauca, nec infirma, cum ad ea mentem ipse suam paulò attentius referet.

**C** Primum, qui cum viuerent, multis se contaminauere criminibus, in quibus etiam exhalauere spiritum, membra erant Ecclesiæ, ergo de ea eiici mortui possunt, & expelli.

Probatur, Probi & improbi sunt in Ecclesia dum viuunt, per externam professionem fidei Christianæ, Sacramentorum communionem, & subiectionem prælatis Ecclesiæ, ut docet Bellarm. lib. 3. de Eccles. cap. 9. At probi mortui, perstant in Ecclesia, licet non visibiliter, ergo & improbi mortui, ideoque agnito crimine, ob quod de ea merentur eiici, ab ea expelli poterunt.

**D** Dices damnati ergo futuri sunt de Ecclesia, quo quid magis ridiculum?

Respond. Vel sciuntur damnati esse, vel non: Si primum, non sunt de Ecclesia, eo quod hæc eos repudiet, quemadmodum & Dæmones: si alterum, sunt de Ecclesia præsumptiuè, & pro eis, fiunt preces & sacrificia, licet eis non profutura, ratio est quod esse viuum, vel mortuum, nihil mutet rationem subditi Ecclesiæ, quæ ex peregrinantibus Christianis constat, siue viuis, siue mortuis, vnde proprietas Ecclesiæ quod sit visibilis non est totius Ecclesiæ militantis, sed partis eius, quæ adhuc in terris agit.

**E** Secundo probatur assertio, Ecclesia ius in mortuos habet, etiam in exteriori foro, hoc ipso acquisitum, quod sunt baptizati, quo iure vitur, tollendo eis per censuras quidquid tolli potest, ut sepulturam, preces publicas, &c. quod autem eis omnia quæ

quæ viuis adimit, non tollat, id est ex acci-  
dēti, quia iis iam sunt priuati, vt si quis dam-  
netur ad amittendas aures & patriam, ex  
accidenti est, quod patriam tantum perdat,  
quia iam carebat auribus.

Confirm. Ecclesia ius habet in corpus, &  
animam mortui, corpus quidem non illud  
tantum arcendo à sepultura, sed humatum  
effodiendo, sed exurendo, vt in Wiclefo est  
factum à Constant. Concilio, sed locum in  
quo terræ fuit conditum, interdicens. In  
animam autē quia eam priuat Ecclesiæ suf-  
fragiis, quod est efficere, vt non communi-  
cet in eius precibus, meritis, & Missæ sacri-  
ficio, sicut cum superstites, ac viui cœtu pio-  
rum mouentur, Ecclesiæque pelluntur.

Sic Innocent. Papa I. vt est apud Nice-  
phor. lib. 4. historiarum cap. 34. Arfacium  
pseudoEpiscopum post mortem excom-  
municauit in epist. ad Arcard Imperat. *Ar-  
facium quem pro Ioanne Chrysostomo in thro-  
num Episcopalem introduxisti etiam post obitum  
exauertamus, Vna cum omnibus qui consulto  
cum eo communicarunt Episcopis, cuius etiam  
nomen sacro Episcoporum albo non inscriba-  
tur.*

Tertiò, potest mortuus, à quibilibet cen-  
suris absolui, ergo & innodari, quia eadem  
subiecti aptitudo, requiritur ad contraria,  
quare qui ad visum est aptus, cæcitatē quo-  
que contrahendæ non est incapax, quod au-  
tem mortuus, solui à censurarum nexu  
queat, quo implexus hæret, dixit Innocent.  
III. in decret. à nobis 28. his verbis: *Vnde  
quantumcunque se quis iuramento præstito, quod  
Ecclesia paret, humiliare curauerit, quantacun-  
que penitentia signa præcesserint, si tamen morte  
præuentus, absolutionis beneficium non potuerit  
obtinere, quamuis apud Deum absolutus fuisse  
credatur, nondum tamen habendus est apud Ec-  
clesiam absolutus. Potest tamen, & debet, ei Ec-  
clesiæ beneficio subueniri, vt si de ipsius viuentis  
penitentia, per euidentia signa constiterit, de-  
functo etiam beneficium absolutionis impenda-  
tur.*

Obiicies primò, si mortui solui possunt  
& ligari ab Ecclesia, idem erit vtriusque vi-  
tæ forum, mortuisque bona opera, & indul-  
gentiæ, non per modum suffragij, sed abso-  
lutionis applicari poterunt, id verò quàm sit  
alienum à vero, nemo non intelligit.

Minor est neganda. Quid est enim fo-  
rum? locus in quo iudicia exercentur, seu  
modus, ratio ac forma ea exercendi, at vtro-  
bique, id est hic, & in alio sæculo adhibetur  
eadem, cum quæ à ministris fiunt, hoc est  
Sacerdotibus in tribunali conscientiæ, hæc  
Deus Pater rata in cœlis habeat, iuxta illud  
Christi seruatoris, Matth. 18. *Quæcunque li-*

*gaueritis super terram erunt ligata & in cœlis,*  
quare non forum duplex, sed carceres duo  
sunt admittendi, in quos supremus iudex  
Christus Dominus ius habet, & secundum  
ipsum Vicarius eius, quod si quid est pecu-  
liare circa pœnas, & earum satisfactionem  
dicendum est, id esse accidentarium, & ex  
reseruatione Christi, sicut cum Episcopus  
reseruat sibi aliquem casum, quem non  
commitit Vicario, licet Episcopi, & Vicarij  
idem sit forum, proptereaque ab isto ad il-  
lum, non datur appellatio, vnde simplici-  
ter dici potest, idem posse Pontificem circa  
defunctos, quod circa viuos, ad satisfaciendū  
pro illis, per Missas, bona opera, oratio-  
nes, & indulgentias, licet aliter Bellarmin.  
sentia: lib. 2. de Purgatorio cap. 6. pro no-  
stratamen sententia facit, quod ipse cap. 18.  
sub finem asserit, particularia suffragia, quæ  
pro defunctis offeruntur Deo, conferri pec-  
uniæ, quæ ab vno quopiam soluitur pro al-  
tero, quæ sententiæ si est vera, defunctis pro-  
desse ex iustitia potest Ecclesia, & non tan-  
tum ex gratia, & acceptione Dei, vt ac-  
curatè docet Suar. tom. 4. disp. 48

Obiicies, *Arquod post mortem, nullus ex-  
communicari valeat, vel absolui,* inquit Gra-  
tian. 24. q. 2. statim initio, *ex Verbis Evan-  
gelij monstratur quibus dicitur quodcumque ligaueris  
super terram, &c. Super terram, inquit non  
sub terra, ostendens, quod viuentes pro varietate  
suorum meritorum, soluere possumus, vel ligare,  
de mortuis autem sententiam ferre non possumus,*  
quod confirmare videntur hæc Leonis ver-  
ba ad Narbon. Episcop. epist. 90. cap. 7.  
*Nos autem, inquit, quibus viuentibus non com-  
municauimus mortuis communicare non possumus.*

Respondend. primò, Ecclesiam aliter  
verba illa Christi interpretari solitam, vt  
refert Innoc. prolataque à nobis ex histo-  
riis testimonia indicant, quod mortuos ali-  
quando censurarum vinculis innexuerit.

Respondend. secundò, hæc verba, *super  
terram*, ad ligantes referri, non ligatos, ita  
Fælician. cap. 44. apud quem est hæc Diu.  
Chrysost. oratio, *Etenim qui terram incolunt,  
atque in ea versantur, iis commissum est, vt ea  
quæ in cœlis sunt, dispensent,* cum Fæliciano  
facit Maldonat. in eum Matthæi locum qui est  
ex cap. 16. nam ibi caput Apocal. 20. expli-  
cans, ait his verbis: *Quæcunque ligaueritis, A-  
postolis dari potestatem iudiciariam, eam-  
que in curandis piorum animabus, quæ ad iu-  
dicium præpositorum pertinent, versari.*

Ad Leonis auctoritatem Respondend.  
cum Innoc. non communicandum cum mor-  
tuis per absolutionem, si cum religionis con-  
temptu & contumacia excefferint, non au-  
tem si cum vera penitentia, & necessitatis

articulus beneficium absolutionis impedi-  
uerit.

Obiicies 2. Si ad Ecclesiam militantem  
mortui pertinent, erunt haud dubiè in via,  
meritaque consequi poterunt, quod est hæ-  
reticum.

Respondend. esse in via, quandiu enim  
flammis purgantibus expiantur, non sunt in  
patria, hoc est beatorum, Christique serua-  
toris, expetenda domicilia non incolunt,  
vix tamen actus omnes, operaque exerce-  
re nequeunt, sed quorum duntaxat sunt ca-  
paces, quare satisfacere possunt sicut in via,  
non autem mereri ut in vita.

Obiicies 3. Est excommunicatio medici-  
na ægrotantium, salus errantium, pœna  
contumacium, mortui nec sanari pos-  
sunt, nec in viam reduci, nec obedientes  
fieri.

Respondend. Excommunicationem me-  
dicinam esse, vel eius qui plectitur, vel alio-  
rum, ut eius exemplo sapiant. Secundò,  
mortuorum quoque pœnam esse.

Obiicies 4. Qui recens excommunicatur,  
noui debet esse criminis capax, moneri in-  
super ut contumaciam ponat, at mortuus  
quid peccat? de quo, vbi, & per quem admo-  
neri officij?

Respondend. sufficere ut sit in crimine,  
non est autem monitio necessaria mortuo,  
quia ea fit, ut reus timore censuræ imminen-  
tis satisfaciat, quod à mortuo nequit exigi  
cum læsæ satisfacere Ecclesiæ nequeat.

Obiicies quintò, Censura plekti homines  
possunt, non alij, mortuis propriè non con-  
uenit nomen hominis.

Minor physice est vera, moraliter falsa,  
corpus enim & anima siue coniuncta, siue  
separata, habentur pro homine, sic Beati di-  
cuntur esse in cœlo, damnati in inferno.

Dico vltimò, Crimina ob quæ eorum aucto-  
res excommunicari sunt soliti, in Dei Ecclesia  
fuisse varia. Primum est hæresis 24. q. 2. can.  
damnationis quinto & sexto, & in quinta Sy-  
nodo Constantinop. confessione seu colla-  
tione 5. Diodorus Archidiaconus, & Primice-  
rius reuerentissimus notariorum dixit, sunt nobis  
præ manibus quæ electa sunt, ad præsentem qua-  
stionem pertinentia, eo quod oportet & hæreticos  
post mortem condemnari. Et post pauca Photi-  
nus Diaconus probat ex Cyrilli scriptis, re-  
cusandos nobis esse hæreticos siue in viuis sint, siue  
non. Et collatione octaua eiusdem quintæ  
Synodi pag. 771. habetur Augustini diuer-  
sas epistolas recitatas, significantes quod oportet  
hæreticos & post mortem anathematizari,  
quam traditionem Episcopi Africani seruau-  
runt, sed & Romana sancta Ecclesia, quosdam  
Episcopos, & post mortem anathematizauit.

A Respondet Castrus anathematizatos qui-  
dem fuisse hæreticos, non tamen excom-  
municatos, quod anathema ab excommu-  
nicatione tam re quam nomine differat.

Respondend. primò, anathema iuris ca-  
nonici Doctoribus ac Conciliis idem esse ac  
excommunicationem, anathematizare quod  
excommunicare, quod probant Patres in  
Collatione 8. Synodi 5. Constantinop. ex  
his Pauli verbis ad Galat. 1. Si quis vobis Euan-  
gelizauerit præterquam quod accepistis anathe-  
ma sit. An ignorant, inquit, quod iudicium  
anathematis nihil aliud est, quam separatio à  
Deo? id est, excommunicatio, de qua re nos  
pluribus postea.

B Secundò, excommunicabantur post mor-  
tem qui hæreticis facultates suas relinquunt,  
Collat. 5. Synodi 5. Const. & in Concil. Africa-  
no sub Cypr. statuere Episcopi, ut qui facul-  
tates suas in testamento, vel ex intestato hæretico  
relinquunt, oportere & post mortem anathema-  
tizari.

Tertio, excommunicantur post mortem  
qui sibi violentas manus intulere 23. q. 5. can.  
placuit.

C Quartò is cuius mandato occisus est Cle-  
ricus Richard. in 4. dist. 8. art. 5. q. 4.

## QVÆSTIO X.

Quas ob culpas ferantur censura.

A Sertio prima, Communiter non sunt nisi  
ob culpas mortales infligenda, Concil. Vor-  
maciense can. 13. cum enim celsuræ pœnæ sint  
grauissimæ, ex leuibus eas infligi causis non  
debet, excommunicationem maxime, quæ  
est omnium maxima, ut patet, ex causa 11.  
q. 3. can. nemo Episcoporum. & can. nullus Sacer-  
dotum ead. q. & causa. Ratio est, quod pœna  
dicat ordinem ad peccatum, ergo grauis, &  
atrox, ad culpam communi ac veniali ma-  
iorem, qualis præter mortalem, nulla. Illud  
enim quod ait, si Ecclesiam non audierit, sit tibi  
sicut Ethnicus, & publicanus, grauius est, quam  
si gladio feriretur, si flammis absumeretur, si feris  
obiceretur, & mox, alligatur homo amarus, &  
infelicius Ecclesiæ clausus, quam quibuslibet  
grauissimis, & durissimis ferreis & adamanti-  
nis nexibus, August. lib. 1. contra aduersarium  
legis & Prophetarum cap. 17.

E Quid? quod Trident. sess. 25. cap. 3. Præla-  
tis imperet, ne quem excommunicent, aut  
litteras monitorias vlli concedant nisi causa  
discussa, ac post examen accuratum & dili-  
gens, reperta sit eiusmodi, quæ prudenti  
censeatur grauis.

Affertio secunda, Aliæ censura communi-  
ter



ter non possunt ferri, nisi ob mortale. Suar. disp. 4. sect. 4. nu. 7. Comitol. in res. onf. lib. 6. q. 46. Aegid. disp. 13. dub. 8.

Probatur, pœna debet esse culpæ par & æqualis, seu ut loquuntur alij, ei commensurata, cap. felicitis de pœnis in 6. Index pœnam meretur ex culpa, quare id ei cauendum esse Tull. præcipit, in primo Officiorum, ne maior sit pœna, quam culpa, atque ut ipse scribit in 3 de legib. Noxa pœna par esto, ut in suo quisque vitio plectatur, vis capite, auaritia multâ, honoris cupiditas ignominia sarcatur. At est suspensio magna pœna, quid enim contingere homini queat grauius, quam non posse sacra conficere, in Ecclesia diuina munera colere, Ecclesiastica sacerdotia obtinere? facit hæc paritque incommoda suspensio, est ergo contra æquitatem ea subiri, ac pœnarum pendendi tantum, ob culpam aliam, quam grauem.

Dixi communiter, quia nonnulli sunt opinati, suspensionem & interdictum irrogari etiam posse ob venialem noxam, cuius sententia patroni præcipui, Caiet. verbo præcepti transgressio, parag. pœna præceptorum, Nauar. cap. 17. num. 165. de suspens. secundum alios 151. Armil. verbo suspensio, quid enim, inquirunt, obstat, quominus priuari quis officio parui momenti valeat ab Episcopo, in pœnam culpæ leuiss?

Progressi sunt longius alij, dixere enim posse aliquem culpæ expertem suspensione coerceri, scripsit hoc his verbis, Diu. Thom. in 4. dist. 18. q. 2. art. 3. quæst. 2. ad 1. Aliquis sine peccato proprio suspenditur, sicut & totum regnum supponitur interdicto pro peccatis Regis. Itaque definitio illa suspensionis, ad hunc modum explicata à Nauar. in Enchirid. cap. 27. num. 151. Suspensio est censura, qua alicui personæ Ecclesiastica prohibetur exercitium sui officij, vel beneficij Ecclesiastici in totum, vel in parte, in certum tempus, vel in perpetuum, quoad partem, ob suam culpam, à iudice vel à lege, hæc (inquam) definitio, sic est corrigenda, ut culpæ nomen ad propriam trahatur, aut alienam, sine qua suspensionem irrogari non est æquum, cum ea vero; aut ordine ad illam inferri posse, indicant exempla quæ sequuntur.

Primum, in sess. 6. cap. 5. Trident. Concilij decernitur, ut Nulli liceat cuiusvis privilegij pretextu, Pontificalia in alterius Diœcesi exercere, nisi de Ordinarij expressa licentia, & in personis eidem Ordinario subiectis tantum, si secus factum fuerit, Episcopus ab exercitio Pontificalium & sic ordinati, ab executione ordinum, sint ipso iure suspensi. At esse hi sine culpa queunt, cum ab alieno ordinantur Episcopo, fac enim eum asserere, sibi ad hoc ministerium facul-

tatem à proprio loci Episcopo concessam, quis ei prudenter, ac cum ratione non credat? si creditur, sunt ergo, culpæ omnis expertes, ac vacui, qui se illi initiandos submitunt, nec tamen à suspensione futuri sunt liberi, non est ergo suspensio, necessario pœna culpæ alicuius, & suspensio admittæ, sed ab altero.

Secundum, sess. 14. cap. 2. extat decretum quo titulares, & clero carentes Episcopi percelluntur, qui Pontificalia officia, in alterius Diœcesi, nisi de loci Ordinarij expressa licentia exercent, & quoscunque ad se venientes, etiam si suorum Episcoporum, seu Prælatorum literas commendatitias non habeant, Clericali charactere insignire, & ad sacros Presbyteratus ordines promouere præsumunt. Contra faciens ab exercitio Pontificalium per annum, aliter verò promotus, ab executione Ordinum sic susceptorum, donec suo Prælati visum fuerit, ipso iure sint suspensi.

At quid vetat, eiusmodi Episcopum mentiri, sibi ius esse vnumquemque cooprandi in ordinem Ecclesiasticum? & ita eius sermone delusos Clericos, ad eum, bona fide ordinum causa accedere, ac proinde sine culpa? quos tamen ab eo sic promotos, ne officia suorum ordinum exequi possint, Ecclesia prohibet, verum est ergo, suspensionem, pœnam interdum non esse vllius culpæ, quæ sit à suspensio admittæ, sed ab Episcopo delinquente.

Assert. 2. Culpa in cuius vindictam fertur censura, debet esse inobedientia, per quam reus Ecclesiæ monita, eiusque auctoritatem spernere censeatur.

Ita P. Sotus lectione 3. de excomm. Nauar. c. 27. num. 9. Sairus lib. 1. cap. 9. num. 28. clarissime autem Christus, Matth. 18. & Pontifex in decret. ex parte de Verbor. signific. 23. in priori enim exigit Christus, ut excommunicandus parere noluerit Ecclesiæ, Si Ecclesiam non audierit, sit tibi sicut Ethnicus & Publicanus, id est perinde de illo cense, parem de eo opinionem concipe, ac si intra Ecclesiæ gremium, deque fratrum numero non esset.

In posteriori Pontifex Innoc. causas recensens, ob quas infligi excommunicatio valeat, contumaciæ expressè meminit, quia scilicet reus citatus stare noluit inui, offensæ similiter, quia videlicet iussus noluit maleficium emendare, & cap. de sentent. excomm. in 6. postquam dictum est quomodo excommunicatio sit pœna medicinalis non mortalis, subiungitur. Et hac eadem in suspensionis, & interdicti sententiis, volumus observari, quia ut Glossa adnotauit, ista tria paria sunt.

Cum autem auctore Diu. Thomæ 2. 2. q.

C. iiij

105. art. 1. ad 1. & q. 104. art. 2. duplex sit inobedientia, specialis vna, generalis alia, quæri, & disputari solet, ob quam earum oporteat censuram irrogari.

Est generalis inobedientiâ, peccatum quodlibet contra legem, quæ pro obiecto ea habet, propter quæ violari solet. Specialis, est culpa contra speciale superioris mandatum facta, quæ & inobedientia formalis dicitur, & hæc contemptum exigit superioris, aut legis formalem ac proprium. Iam ergo

Dico, *Satis esse ad incurrendam censuram, inobedientiam quæ materialis sit ac generalis tantum.* Ita Laym. tract. 4. lib. 1. cap. 5. nu. 1. Auila parte 2. cap. 5. disp. 1. dub. 11.

Primò qui id omittit aut facit, quod facere, aut omittere iubetur sub censura, peccatum vnum duntaxat committit ei virtuti oppositum, ex cuius motiuo, venit in eam mentem Superior id vt iuberet, aut vetaret, at non vnum, sed duo faceret, si inobedientiam, quæ censura plectitur, oporteret esse formalem, hæc enim est speciale peccatum, & à cæteris distinctum.

Secundò, vt quis dicatur Ecclesiæ inobediens, sufficit contemptus tam eius, quàm Superioris interpretatiuus, nam per eum sufficienter quis intelligitur inobediens, cum enim tam propter bona spiritualia quibus excommunicatus priuatur, quàm Ecclesiæ auctoritatem, comminantis censuram, quilibet ei debeat obsequi, & abstinere à peccato habente annexam censuram, id si omittit facere, censetur auctoritatem Ecclesiæ, minoris facere quam debeat, in quo, est interpretatiuus quidam contemptus Superioris, ac Ecclesiæ, ergo eiusmodi, qui censura infligendæ sufficiat.

Inde inferitur primò, censuras à iure, non omnes illatas esse, aut inferri ob contumaciam, quia eius irrogandæ causas alias habet Ecclesia Alexandro III. teste, in decretali *qua fronte de appellationib.*

Secundò, contumacia non quamuis inobedientiam, sed obstinatam, sed ex tumore mentis profectam significat. Iam vero, quam est improbable, hanc duntaxat à Pontificibus puniri per canones, non aliam?

Deinde est hic contumax, qui emendare culpam monitus, aut satisfacere pro ea quæ præterita est, neutrum tamen vult, id est nec satisfacere pro præterito, nec in futurum se abstinere, aut corrigere. Cōtumax item est qui tribus edictis propositis, vel vno pro tribus, quod peremptorium appellant, literis euocatus, præsentiam sui facere contemnit.

At qui incidit in censuram ipso iure, à iure

A ob solam inobedientiam est ligatus, quantumcunque eum facti pœniteat, illudque emendare velit & proponat in posterum Ecclesiæ præcepto parere.

Tum quia multa sunt iura, quæ pro delictis excommunicationem, non secus ac suspensionem, & interdictum ferunt.

Inferitur secundò, non esse necesse, vt quis sit formaliter inobediens, vt faciat aliquid propter contemptum præcepti, sed satis esse si formaliter contemnat præceptum, quicquid ipsum tandem, ad illud contemnendum moueat, formaliter autem quis contemnit præceptum, cum actu illud sciens, nihilominus contra illud facit, v. c. scio prohibitum cuique esse sub peccato, & censura, vt libris hæreticis, eosque legere, curiositate tamen captus, eos mihi legendos arrogo, contra obedientiam pecco, & in censuram incido, licet hæc animo non insideat cogitatio, quia istorum est librorum prohibita lectio, ea oculos, mentemque nihilominus pascere volo. Couar. parte 1. relectionis in cap. Alma parag. 7. num. 7. versu 4. hinc deducitur,

C Inferitur 3. eum, qui contra præceptum quidpiam agit, si eius non meminit, censuram, quæ eius transgressori est inflicta, non incurrere, quia non est hæc eius transgressio, propriè obedientiæ contraria, qui enim præcepti non meminit, ignorantia par est, ac similis, quandiu manet obliuio, ignorans autem inuincibiliter, excusatur, Henriq. lib. 13. cap. 17. n. 3.

Assertio quarta, *Actus, cuius causa censura fertur, externus esse debet, patensque & in genere suo completus.*

D Habet assertio partes duas, prior quæ est de actu, qui incurrat in sensum, probatur ratione Diu. Pauli, qui ad Corinth. de internisiudicare Ecclesiam negat, eò quòd hæc emendare, hæc corrigere, aut merita punire pœna non possit, cum probari ac maleficij peragi nequeant, nisi verbo, aut euidenti se signo prodant, quare quæ Deo soli scelerata sunt cognita, hæc censuris non castigat, aut emaculat, nec ei est in more hæresim quæ latet inclusa animo reseruare, aut inflicta excommunicatione ferire: similiter nec voluntatem efficiendi criminis, quod censura plecti solet, nec eius admittendi conatum ac laborem. Quia conatus, inchoatio tantum est actus, non autem actus ipse, cum absolutione omnimoda cuius est capax, ergo eorum actuum numero non comprehenditur, in quos censura cadit, odia enim iuxta regulam iuris in 6. Reg. 15. restringi, & fauores conuenit ampliari. In pœnis etiam benignior interpretatio est faciendâ, regula 49. ergo cum lex

pœnam imponens, odium habeat, utpote naturæ contraria, quæ libertatem amat, coactionem horret ac respuit, est hæc de actu perfecto, ac completo in suo genere, intelligenda loqui, non de alio, vera est ergo assertio.

## QVÆSTIO XV.

*An inferenda censura, adhibenda sit aliqua monitio sub comminatione eius incurrendæ nisi pareatur iudici Ecclesiæ.*

**C**ENSURIS monitionem aliquam præmitti oportere, dixerunt Concilia, Meldense sub Carolo Caluo habitum, anno reparata salutis 845. Turon. 2. anno Chariberti Regis 6. Christi 567. Tridentin. sess. 25. cap. 3. & Pontificibus Innoc. IV. in cap. Romana 5. de sentent. excomm. in 6. Alexand. III. in cap. reprehensibilis 26. tituli de appellationib. Innoc. III. in decretali 48. tituli de sentent. excomm. his verbis. *Sacro approbante Concilio, prohibemus ne quis in aliquem excommunicationis sententiam, nisi competenti (vel ut est in cap. reprehensibilis 26. de appellationib.) canonica monitione præmissa & personis præsentibus idoneis, per quas si necesse fuerit, possit probari monitio, promulgare præsumat.*

*Nisi forte talis sit culpa, quæ ipso suo genere, suspensionis vel excommunicationis pœnam inducat.* Alexand. III. cap. 26. de appellat. nam tunc censuræ monitionem præmitti vllam nihil est necesse, alias nunquam est omitenda.

Causa est, quod lex neminem vinciat, aut plectat, nisi promulgata. At est censura legis instar, admonitio autem promulgationis vicem tenet, secundum Vgolin. tab. 4. cap. 18. num. 2. est ergo censuræ præmittenda admonitio.

Secundò, ignorantem damno aliquo affici, non est æquum, ut habetur, cap. cognoscetes de constitutionib. At inscientiam monitio discutit, est hæc ergo adhibenda antequam reo irrogetur pœna. Ita Soto in 4. dist. 22. q. 1. art. 2. conclus. 4. Suarez disput. 3. sect. 8. Sanch. lib. 9. de matr. disput. 32. num. 13. 17. & 21.

Nituntur hac ratione: Omnes censuræ ex sua institutione exigunt, ut has Episcopus in eos duntaxat qui sunt contra Ecclesiæ iussa contumaces promulget. At eum contumaciæ arguere iuste quis potest, qui an quidpiam agere, aut omittere sit iussus, ignorat? ergo de eo docendus est à iudice, cum comminatione censuræ, nisi imperata faciat. *Quod si hic contra præsumpseris excommu-*

**A** *nicationis sententiam noverit esse illicitam, Innoc. IV. in cap. Romana Ecclesia de sentent. in 6. & licet iusta fuerit excommunicationis sententia, ingressum Ecclesiæ, per unum mensem si ibi nenerit interdictum, alia nihilominus pœna mulctandus, si visum fuerit expedire. Innoc. III. in cap. sacro approbante 48. extra de sentent. excommunic.*

An hæc autem, non tantum sit vitiosa, sed etiam ob defectum monitionum irrita, controuersantur DD. & talem esse negat Caiet. 22. q. 66. art. 2. parag. ad secundam dicitur.

**B** primò, quia Paulus incestuosum sine monitione vlla excommunicat. 1. ad Corinth. 5. Gregor. item, libelli famosi auctorem occultum, nisi seipsum prodat, ac iudici indicet causa 5. q. 1. can. quidam.

Quid? quod ab Ambrosio Theodosius ab Innoc. Arcadius, fuerint: ab Ecclesiæ auctoritate qua pollebant eiekti, ob factum absolutè præteritum? quod Nicolaus Papa duos Episcopos Thiergandum, & Guntherium, à sacris remouet altaribus, quod Lotherij libidinem, adulteriaque cum Gualdrada & Thierberga fouerent? 2. qu. 1. can. scelus 21.

**C** Sed enim sententia sola vera, & tenenda, est, non modo ut licitè, sed & validè censura feratur, ei monitionem aliquam sub comminatione eius subeundæ nisi pareatur, imperio Episcopi, aliquid præcipientis aut ventantis, necessario præmittendam videri. Ita Suar. disp. 3. sect. 12. num. 3. & disp. 18. sect. 3. num. 29. Ægid. disp. 13. dub. 9. num. 82. Laym. lib. 1. tract. 4. cap. 5.

Causa est, quod censuræ contumaciam postulent in eo, cui irrogantur publicè, at hæc esse nulla potest, cum præceptum superioris ignoratur, nescitur autem, cum non promulgatur, est hæc ergo promulgatio, seu monitio necessaria, ut quem Episcopus censura liget.

Patet ex dictis, peccare Iudicem mortaliter, cum in quempiam per censuras animaduertit ante de officio non monitum, quia culpæ leues, cuiusmodi sunt veniales, iuste nequeunt ac prudenter pœnis castigari asperis, grauibus, ac duris: at homini Deum metuenti contingere grauius quid potest, quam sacris arceri liminibus? ibi ne votis Deum placet ac precibus, cæterorum more, vetari? vtrumque Episcopo supplicium iura Canonum inferunt, punienti subditum, ante de re omitienda, aut agenda, sub censuræ pœna, non præmonitum ut est in cap. sacro de sent. in eo ergo peccati est plusquam leuis conscius.

Patet secundò, censuram ferri non posse,



ob peccatum, commissum quidem contra legem Ecclesiasticam, sed quod præterit, duratque tantum habitualiter, ( ut aiunt ) quia censura non afficit nisi contumaces, contumacem autem eum esse quis dixerit, cui nihil præcipitur, quod ab eo agi, aut omitti oporteat? quia ad hoc requiritur, ut monitus ab eo quod ei interdicitur, non ablistat, aut verò quod iubetur non agat.

Patet tertio, Suspensiones & interdicta, quæ ob peccatum olim admissum feruntur non perseverant tamen, quia eius memoria nulla est reliqua, censuras non esse sed pœnas. Enimverò est censura omnis medicinæ instar, hanc autem adhiberi curando corpori, sanandis morbis, a quibus eius valetudo læditur, illo ipso quo adhibetur tempore, ut ipse non dicam, res ipsa loquitur.

Ad argumenta autem initio allata pro Cæciliæ sententia.

Respondendum primò, non esse probabile, à Paulo prius censuram infligam, quam incestuosum secreto monitum.

Secundò, argumenta à negatione aut à silentio auctoris alicuius petita, nihil concludere valide, itaque nulla est hæc consequentia à Paulo incestuosum officij sui admonitum esse, sacræ non narrant paginæ, est id ergo ab eo prætermisum: quam enim multa æterno inuoluta sunt silentio? quæ tamen gesta esse cum laude, nemo honeste potest ac prudenter ambigere.

De Gregor. quod asseritur, negari debet, nec enim eum qui Castorium Notarium ac responsalem suum verbo, ac scripto improbè læserat, piorum movit numero, sed eum nisi errorem deponeret, seque proderet, sanctissimi Sacramenti usu, sub excommunicationis pœna interdictum voluit, verba ipsa canonis, *ex lib. 5. epist. 39. de prompta indicant: Quod si non exierit, neque publice confessus fuerit, quisque ille sit, qui hoc agere præsumpsit, vel consensum tantæ iniquitatis consilio præbuit, ex Dei, & Domini nostri Iesu Christi Spiritu definimus, ut sancti eius corporis, & sanguinis participatione privatus sit.*

Theodosium autem & Arcadium, ob culpas ante admissas, excommunicatos esse, non modo est incertum, sed manifestè falsum, in postremum enim Ecclesiæ gladium exemit Innocentius, quod Chrysostomum contra fas, iusque exulantem, domum reuocare nollet.

De Theodosio hæc habeo dicere, primò, cum ab Ambrosio non tam excommunicatum, quam dum patratum facinus pœnitentia elueret, aditu templi prohibitum.

Secundò, si fuit excommunicatus, de quo non constat, dico, ea non affectum pœna,

nisi monitum, & ob eam causam duntaxat, quod Deo, & Ecclesiæ per pœnitentiam satisfacere obstinate renueret.

Ad ultimum, dici debet Thergandum & Guntherium, à Nicolao & Synodo de Sacerdotali officio communi calculo depositos fuisse, excommunicatos nunquam, loquuntur hæ voces. *Igitur decernente nobiscum, sancta Synodo, in præsentia depositi, & ab officio Sacerdotali excommunicati, atque à regimine Episcopatus alienari indubitanter existunt: can. scelus ultimo causæ 2. q. 1.*

## QVÆSTIO XVI.

*An una tantum monitio sufficiat, an autem multiplex sit necessaria.*

**T**Rinam esse oportet, ut habet cap. constitutionem de sentent. excommunic. in 6. Statuimus, inquit ibi Pontifex, ut monitiones, quas ut canonicè promulgetur excommunicationis sententia, statuunt iura præmitti, iudices siue monitionibus tribus utantur, siue una pro omnibus, obseruent aliquorum dierum intervalla. Potest tamen vnica pro tribus fieri, præfixo eo temporis spatio, quod pro tribus sufficiat, iuxta leg. *consumacia dig. de re iudicata*, modus autem præfigendi tum termini, potest essetalis. Moneo te semel, pro tribus vicibus, ut intra tres hebdomadas, aut dies, hoc vel illud facias, concedendo tibi dies singulos pro singulis monitionibus, aut totum illud tempus pro tribus monitionibus.

**S**i tamen periculum esset in mora, resque ipsa, aut necessitas aliqua secus fieri exigeret, tunc officio, conscientiaque iudex satisfaceret, si à reo obsequium sub censura peteret, quam & neganti illico imponeret, dicendo v. c. *Sub pœna excommunicationis, interdicti aut suspensionis veto ne tale quid facias, impero ut obedias, quod ipsum quia facere recusas, sacræ altaribus remoueo, fidelium communionem priuo, suffragia Ecclesiæ communia ad salutem tibi prodesse nolo*, Laym. lib. 1. tract. 4. cap. 5. n. 4.

**D**ebet autem hæc monitio nomine iudicis fieri, & immediatè ipsi reo, sin minus in eius domo, aut si id esse nequit, in publico aliquo vrbis loco, vnde facile ad eum censuræ fama, notitiaque penetraret, Suar. disp. 3. sect. 11.

**E** Tertio debet, fieri personis præsentibus idoneis, per quas si necesse fuerit, possit probari, Innoc. III. in decretali sacro 48. de sentent. vbi Panormitan. ait, non esse necesse, monitionem in scriptis fieri, quod si fiat, non requiri personas quæ probare valeant, cum scriptio,

tio, eorum testimonium suppleat.

Quartò, debet monitio, de qua est quæstio sub comminatione censuræ, reo fieri, quia aliter, non erit hic præceptis Ecclesiæ inobediens, ac contumax, argumento est, quod eius incurrendæ metu, multi sapiunt, multi audaciam deponunt ac contumaciam, ne ergo reo causa detur aliqua querendi sibi fieri iniuriam, omissione rei necessariæ, ad eius inflectendum animum, iustus ei censuræ subeundæ ni pareat incutiendus est metus.

Aduertendum tamen, canonicam monitionem solum requiri ad censuram, quæ est ab homine infligenda pro culpa præterita, aut præsentē, in qua reus contumaciter persistit, aut pro qua satisfacere renuit. Suarez disp. 3. sect. 8. Laym. supra num. 5. Innocent. quartus expressè in cap. Romana de sentent. in 6. quia quandiu hic non iubetur sub censura emendare delictum, aut pro eo iussus satisfacere, non paret, non est contumax, cum contumacia supponat contemptum præcepti, quale nullum à superiore, in eum emanasse dicitur.

Aduertendum secundo, ad incurrendam censuram iuris, aut sententiæ cuiuscunque, pro culpa futura, v. c. si quis furatus erit. Quicunque hoc aut illud fecerit, sit excommunicatus, aut suspensus, monitionem nullam esse necessariam, quia tam lex quam præceptum, sub comminatione censuræ, generale, aut speciale, sufficienter pro se loquuntur, singulosque admonent si censuram vitare volunt, ne illud prætergrediantur, quare si fecerint, pro immorigeris merito haberi poterunt, & inter contumaces poni.

## QVÆSTIO XVII.

An Censura verbis ferri debeat.

Censura, sicut quælibet alia sententia, verba requirit, quibus iudex significet aliquem censura plecti v. g. excommunicare, vel subijcere excommunicationi, quare si hic animo tantum, quempiam censura illigatum velit, nihil facit, nec si alicuius communionem vitat, propterea excommunicat, quare cum eo impunè versari licebit, sicut nec absoluit, hoc præcisè nomine quod cum eo versetur. Romanus tamen Pontifex posset hoc modo aliquem censura plectere, ab eaq; eximere, si se hac ratione excommunicare, vel absolvere velle significasset, vt habetur clarissimè, ca. si summus Pontifex de sent. excomm., & in Clement. & sic putò explicandum canon. si inimicus dist. 93. si inimicus est iste Clemens, alicui pro actibus suis, vos nolite

Pars secunda.

A expectare, vt ipse vobis dicat, cum illo nolite amici esse, sed prudenter obseruare debetis, & voluntati eius absque commotione obsecundare, & auertere vos ab eo, cui ipsum sentitis aduersum, Ostiensis in summa, de sentent. excomm. parag. qualiter proferuntur, hoc in summo Pontif. valere ait, cuius voluntas legem facit, in aliis autem iudicibus, sententiam esse necessariam, sed certe illa significatio sine verbis, aut signis æquipollentibus fieri nequit.

B Verba dixi in genere, quia certa nulla & determinata inueniuntur in iure, quæ tamen adhibebuntur à iudice, idonea esse debent ad eius intentionem exprimendam, Sylu. excommunicatio 1. n. 5. alioqui sententia incerta erit ac nugatoria.

Debent etiam verba speciem censuræ exprimere, & quod hic & nunc feratur, proque præsentē tempore, alioqui erit tantum comminatio, non sententia. Quod si erunt aliquo modo dubia, quia non constat an ad præteritum, aut futurum pertineant: erunt hæc ex vi sua ac notione, maximeque ex intentione, ac consuetudine loquendi iudicis, diiudicanda, quo pertinet illud Gregor. lib. 26. moral. cap. 7. translatus in causam 22. q. 5. can. humanæ aures 11. Certe non erit ille, qui intentionem & voluntatem alterius variis explicat verbis, quia non debet aliquis verba considerare, sed voluntatem, & intentionem, quia non debet intentio verbis deservire, sed verba intentioni, quæ autem verba sententiam ferendam contineant, quæ lata, dicetur postea, in tract. de excomm. vbi etiam explicabitur, an scripto proferenda sit sententia, an autem viua vox sufficiat.

Notare interim placet, primo, personam in quam censura fertur, dilerte exprimendam esse, nam si est incerta, si hæc aut illa vage subiicitur censuræ, erit hæc nulla, quod tamen de ea duntaxat debet intelligi, quæ fertur ab homine, nam quæ à lege, vel statuto, vel obfuturas culpas, vniuersè & indefinitè imponitur, nullum notat, neminem necessario designat, nec est tamen inualida.

Secundo norandum, sententias hypotheticas ab homine latis, vim habere nullam, donec eis addita conditio, à natura ponatur, homine, vel casu, illasque tandiu censerī suspensas, sine vi ac robore, quandiu hæc non extat: quia conditio appositæ sententiæ, quæ censura est lata, indicat nolle iudicem eam à reo incurrī, donec ponatur, Cælestini III. testimonio in cap. præterea de appellationib. dum ait licere singulis appellare, dum impletur conditio, & ideo si iudex diem suū obeat antequam hæc esse incipiat, vel amoueatur ab officio, vel reus forum muret il-

D

lius iudicis, in censuram non incidet: quia hæc ante expletam conditionem erat nulla, & cum valere incipit, iudex in reum iurisdictionem non habet, quod intellige quando crimen non præcessit, v.g. si sententia Episcopi ita sit lata, *qui furto tale quid sustulerunt, nisi intra 10. dies restituerint, sint excommunicati*, qui sunt furati, etsi sexto die forum mutauerint erunt excommunicati, quia ex antecedente facto nata est obligatio, tam ut obsequi iudici debeant, quam ut censuris possint ad id adigi, & ratione delicti, subditi remanent illius Episcopi, ut patet, ex cap. *proposuisti de foro compet.* si autem nullum præcessit crimen, mutato foro non astringentur, imo nec si crimen fuerit secutum v.c. Episcopus excommunicauit omnes qui tale crimen in posterum committent, qui id commiserit, post mutatum forum excommunicatus non erit, imò etiam non mutato foro, si committat extra Diocesim, aut intra eam, aut in loco exempto ut habetur in cap. *ut animarum de constitut. in 6.*

### QVÆSTIO XVIII.

*A Censura incurrenda quænam excuset.*

**E**Xcusat primo, *Defectus culpæ mortalis in actione, quæ contra legem fit, eam sub censura prohibentem*, Secundo, excusat, *Defectus contumaciæ*. Tercio, ignorantia, tam culpæ in-existentis actioni, quam præcepti Ecclesiastici eam prohibentis sub censura.

Pars prima, quæ est de culpa, probationem habet facilem, est enim hæc, causa pænæ illatæ, aut inferendæ, cum à ratione abhorreat, innocentem plecti.

Secunda, cõmuni Theologorum axiomate nititur, quod censuram nõ incurrat, nisi qui peccat contra ius Ecclesiæ, cui etiam delinquendo est inobediens, at qui contra præceptum Ecclesiæ facere se ignorat, ei obsequi non recusat. Nec est contumax, nisi censuram illi adnexam esse intelligat, quia fieri potest, ut qui præcepto simplici ad opus omittendum, aut agendum non mouetur, censure audita, & cognita quæ eius est violationi adiuncta, impellatur ad officium: est hæc ergo cognitio, ad censuram incurrendam necessaria.

Verum enim, quoniam multiplex est ignorantia, acciditque, ut sit crassa, seu vincibilis, supina, & affectata, dubitari solet, qualem eam esse oporteat, quæ à censura excuset.

Faciam enodandæ quæstioni initiũ, ab explicatione cuiusque ignorantie, & quidem Magister sententiarum in 2. li. dist. 22. de igno-

**A**rantia, inuincibilem eorum esse ait, qui scire vellent sed non possunt, & hæc ignorantia non tam peccatum, quam peccati pœna est. Affectatam autem eorum esse dicit, qui cum possent scire, nolunt tamen. Crassam vero, seu supinam, illorum, qui nec volunt, nec nõ volunt scire, has ignorantie species paulo aliter ceteri explicant.

Alex. Halens. in 2. par. q. 112. memb. 2. inuincibilem agnoscit in iis quos nunquam de re, mala ne an bona esset, dubitatio vlla incessit. Simplicem, in iis qui aliquid præstant, ut sciant, sed non tantum, quantum esset opus, quam ignorantiam excusare ait à tanto, sed non à toto, Crassa, inquit, est, quando quis negligit scire, nec tamen vult senescire. Affectatam iis tradit, quibus placet ignorare.

D. Thomæ de hac materia apertior est, clariorque sensus. Crassam enim ignorantiam, vel supinam, scribit esse negligentiam, incuriam, seu desidiam cognoscendi ea, quorum est notitia necessaria, quam ipsam ignorantiam indirectè voluntariam, & vitiosam esse demonstrat in 1. 2. q. 19. ar. 6. & q. 76. ar. 3. quæ in quæst. loquitur, his verbis: *Ipsa ignorantia*

**C***est voluntaria, vel directè, ut cum aliquis studiosè vult nescire aliqua, ut liberior peccet, vel indirectè, sicut enim aliquis propter laborem, vel propter aliquas occupationes, negligit addicere id, per quod à peccato retraheretur, talis enim negligentia, facit ignorantiam esse voluntariam, & peccatum.*

Alij vt Sylu. in ver. *Ignorantia n. s.* ignorantiam crassam & supinam aiunt esse, quæ quis scienda non scit, ex negligentia lata, siue late culpæ, ut quia nõ scit publica & manifesta, quæ omnes sciunt, ad similitudinem hominis crassi, & supini, qui posita coram, iacentiaque ante pedes non videt.

**D**Vincibilis est, quæ superari posset, si adhiberetur ea diligentia, quam hic & nunc aliquis tenetur afferre. Affectata, cum quis studio ignorat, ut possit peccare liberior. Neque tamen est omnis ignorantia vincibilis mortalis, sed ea duntaxat, quæ est explicatè in definitione allata proximè similis, cum enim adhibetur diligentia ut sciantur quæ sunt scienda, sed non tanta, quanta deberet, ignorantia ista vincibilis quidem est sed non mortaliter, eo quod negligentia quæ est in veritate inquirenda commissæ, levis est. Ad quæstionem ergo, à censura incurrenda, excusat ne omnis ignorantia?

**E**Dico primò, *Qui immemor præcepti, quo aliquid iubetur, aut vetatur sub comminatione censura, illud violat, aut cum ignorantia non crassa aut supina, censuram non incurrit*, probat doctrinam hanc decretalis Bonifac. VIII. secunda de constitut. in 6.

*ut animarum periculum obuietur, sententiis, per statuta quorumcunque Ordinariorum prolatis, ligari nolumus ignorantes: dum tamen eorum ignorantia, crassa non sit, aut supina.*

Ratio est, quod cum inaduertentia ad præceptum Ecclesiæ, aut eius ignorantia non crassa, stare nequit contumacia, ac contemptus virtualis, in eo consistens, quod aliquis monitioni legis, aut præcepti, cum comminatione tantæ pœnæ, siue censuræ, parererecuset. *Nec enim ut est in lege si ignorans 10. dig. locati contemnit disciplinam qui ignorauit.* Ergo cum censuræ non sit locus, ubi nullus est contumaciæ, ignorans præceptum, sub comminatione censuræ latum, eam non incurrit, cum in illud transgreditur.

Dico secundò, *A censura excusari qui cum concomitante ignorantia, quidpiam facit aut omittit, quod fieri aut omitti sub comminatione censuræ iudex vetuit, Valq. 10. 1. in primam secundæ, disp. 125. cap. 3. Henricq. lib. 11. cap. 10. Sanch. lib. 9. de matrim. disp. 32. num. 26. Suar. disp. 4. sect. 8. n. 7. & 8. Petr. de Nauar. lib. 2. de restit. cap. 1. diff. 7.*

Ratio est, quod talis ignorantia tollit notitiam legis Ecclesiasticæ, sine qua tamen, contumaciæ, ac contemptui virtuali dictæ legis, locus esse quis potest? Est enim ignorantia concomitans in eo, quod operans legem nesciuit prohibentem quid fieri, quod hic tamen egisset non secus, etsi sciuiisset id lege esse prohibitum, tollit ergo hæc ignorantia præcepti notitiam, ergo & rationem voluntarij, consequenter & peccati, censuræque, cum hæc non nisi peccantes afficiat.

Indicat quidem prædicta ignorantia prauam in operante dispositionem in animi actua-lem aut habitua-lem, eamque culpæ non expertem, nego tamen eam obiectum censuræ esse, quod Ecclesia interna non puniat, sed quæ patent, quæque vsurpantur sensibus, vno, aut pluribus, dummodo tamen præcepti Ecclesiastici contumacem transgressionem, eamque externam habeant, ex quo sit consequens, operantem cum concomitante ignorantia, censuram non incurere, quod repugnet, ignorantem aliquid sub comminatione censuræ, esse lege Ecclesiæ vetitum, eiusmodi violatæ legis reum esse, & proinde contumacem, cum legis transgressio voluntaria esse debeat, cuiusmodi nemo eam dixerit, nisi in operante præcesserit aliqua præcepti cognitio, quam tamen concomitans ignorantia adimit.

Dico tertio, *Ignorantiam tam iuris quam facti, impedire censuram.* Assertionis huius auctor, ac approbator Alexand. III. in decretali si vero quarta de sentent. excomm. his verbis: *Si aliquis in Clericum nutriendem co-*

*nam, manus iniecerit violentas, propter hoc non debet Apostolico presentari conspectui, nec etiam excommunicatione notari, dummodo ipsum Clericum esse ignorauerit.*

Hinc enim argumentari sic licet. Quod quis nesciatur esse Clericus, ignorantia est facti, quod ignoretur, malæ eius tractationi censuram adiunctam esse, ignorantia est iuris, at vtrumque nesciuisse, Alexand. teste, est ab excommunicatione, quæ ab iniuria ei illata nascitur, liberum ac immunem esse, facti ergo, & iuris ignorantia, liberat à censura.

**B** Confirm. Censuræ nemo subest, nisi contumax, ac inobediens Ecclesiæ. At hoc appellari nomine non potest, nisi qui peccat in legem Ecclesiæ, peccare autem nemo est solitus, nisi cui cognitum est, obiectum circa quod delinquit, esse prohibitum, alioqui non esset eius culpa voluntaria, nec proinde vitiosa. At ignorantia tam legis, factum aliquod prohibentis sub censura, quam censuræ ei annexæ, voluntarium tollit, circa id quod ignoratur, ergo & peccatum, ergo & eius effectum, qui est censura, vera est ergo **C** assertio.

Dico quartò, *A censura excusatur ignorantia eius crassa, quando est causa antecedens, sine qua non violandæ legis, quæ aliquid prohibebat, aut iubebat, sub comminatione censuræ, id est quando ignorans eam non violasset, si sciuiisset latam esse censuram contra transgredientem, causa est, quod talis non est contumax, nec incorrigibilis, cum sola eum monitio emendare, ac in bonam frugem reuocare potuisset.*

Dico quintò, *Quando ignorantia, quæ est crassa, non est causa sine qua non, sed concomitans, hæc a censura non excusat,* sensus est, quod quando ignorans, est ita dispositus, ut etiam si sciuiisset opus, cui vacat, esse prohibitum sub pœna excommunicationis latæ sententiæ, illud nihilominus fecisset, eum censuram non effugere, sed ea teneri, perinde ac si sciens incurrisset in legem.

Causa est, quod talis sit verè contumax & incorrigibilis, contemnit enim Ecclesiam, & eius censuram, & de hac ignorantia est canon 2. de constitut. in 6. ubi est his verbis: *ut animarum periculum obuietur, sententiis, per statuta quorumcunque Ordinariorum prolatis, ligari nolumus ignorantes, dum tamen eorum ignorantia crassa non sit ac supina.*

Est in eadem sententiam scripta decretalis Innoc. III. cum illorum trigesima secunda, de sententia excommunicat. quam breuitatis causa missam facimus.

Dico vltimo, *Qui rem præceptam esse scit, aut vetitam, non tamen sub comminatione cen-*



*suræ, quamlibet imperatam omittat, aut prohibitam faciat, censuram tamen non incurrit, habetur in cap. 32. tituli de sentent. excommun. Ratio est prima, quod sententiis per statuta Ordinariorum prolati, non ligantur ignorantes de constit. in 6. cap. Ut animarum secundo, at qui nescit, præcepto censuram annexam esse, verè retenta verbi proprietate est ignorans, cum eius vim, ac circumstantias omnes, perspectas non habeat, de quarum numero est censuræ comminatio, incurrendæ ab eius transgressore, ergo, &c.*

Secunda, est censura pœna contumacium, hoc est eorum hominum, qui Ecclesiam tacitè ac virtute contemnunt, cum quæ ipsa fieri præcipit, aut omittit, negligunt, at cui non est censura cognita, resque sub eius incurrendæ comminatione prohibita, aut imperata, hic proprie eius cõtèmpor dici nequit, cum quæ sunt ignota homini, hæc negligere ipse, aut habere contemptui non possit: ergo, &c.

Quare quod de Clericis, qui contra statuta Siricij continentiam non colebant, dixit Innoc. cap. primo epist. 3. ad Exuperium Tholosanũ, illos pœnis ab eo in intèperantes constitutis non teneri, ad quos forma illa Ecclesiastica *visæ, & disciplinæ, non probatur pervenisse, sed ignorantibus veniam dandam, ita ut de cætero penitus incipiant abstinere, & ita gradus suos, in quibus inveni fuerint, retinent, ut eis non liceat ad potiora conscendere, quibus in beneficio esse debet, quod hunc ipsum locum, quem retinent, non amittunt, quod (inquam) dixit Innoc. de his Clericis, hoc de Christianis omnibus est censendum, ut eos ignorantia præcepti, iurisque, extra censuræ metum omnem constituat. Hæc de ignorantia, pergamus ad cætera.*

Quarta, ergo causa quæ à censura excusat, est defectus promulgationis, & receptionis legis, in qua sub ea aliquid præcipitur, aut vetatur ratio est, quod lex non nisi recepta obliget, ergo si eius, nullus vnquam inter homines usus fuit, nec censuræ quoque per eam delinquentibus constitutæ, esse poterit.

Quinto, excusatur à censura qui in legem peccat quidem, sed non lethaliter per actum externum, qui vere sit mortalis, etsi interior sit talis. Nam Ecclesia actus merè internos non punit, sed Deus, iuxta communem sententiam, quam habet Diu. Thom. 1. 2. q. 91. Suar. tom. 3. in 3. par. disp. 70. sect. 3. ex alia parte, noxas veniales constat censuris reprimi, ac coerceri non posse, vera est ergo assertio.

Sexto, excusat defectus actus interni, nam exterior sine interno, actus verus non

est, sed simulatus, Nauar. c. 11. Enchir. num. 27. Henriq. lib. 3. c. 21. §. 1.

Septimo excusat metus gravis mortis infamiz, exilij, iacturæ bonorum, &c.

Primo, quia eiusmodi timor, nonnunquam ab observatione præcepti Ecclesiastici liberat, cum non sit probabile velle Ecclesiam, matrem vtiq; pietissimam, decreta sua legesque, cum aperto mortis, aut infamiz discrimine, custodiri ab homine, liberabit ergo similiter hic metus, à censuræ nexu, quod autem præcepta cessent Ecclesiæ, cum animo metus talis imprimitur, probant Suar. lib. 3. de legib. c. 30. num. 14. Ægid. disp. 13. dub. 12. concl. 2. & exemplum est, in eo, quem Tyrannus domi, die festo cohibet, impeditque, metu mortis ne sacro interfit, talis haud dubiè ei obsequendo non peccat, quia *quod non est licitum in lege, necessitas licitum facit*, de regul. iuris regula 4. nec excommunicationem in eos latam, qui præcepto Ecclesiæ non satisfaciunt, incurrit.

Ratio est, quod qui ex graui metu peccat, alioqui non peccaturus, non censetur contumax, neque delinquere ex contemptu potestatis Ecclesiasticæ, sed ex infirmitate, sed ad censuram, contemptus saltem interpretatiuus Ecclesiæ est necessarius, ergo, &c. hæc ferè Laym. tract. 5. par. 5. c. 5. de censur. in communium. 9.

Nonnunquam dixi, quia incidere possunt tempora, in quibus propter mortis infamizque metum, violari Ecclesiæ præceptum non oporteat.

Primum, cum eius transgressio exigitur in contemptum Ecclesiæ, nam tunc quidlibet acre licet & toleratu asperum, dictuque, ferendum est potius, quam lædenda dignitas Ecclesiæ, cui naturæ iure, diuinoque, debita est veneratio.

Secundum tempus est, cum metus non est eiusmodi, qui hominem constantem mouere possit, ac debeat, nam à metu leui, cuiusmodi est offensusculæ apud Principem, iacturæ bonorum exiguæ, ut aurei vnus aut duorum, iusta nulli ac probabilis esse causa potest, præcepti Ecclesiastici non seruandi, ergo nec vitandæ censuræ, qua visum est Ecclesiæ, eius transgressionem pro auctoritate plectere, ab ea ergo non excusat metus, cui pro obiecto leue quidpiam obuersatur, curâ, studioque constantis viri, dignum non satis.

Tertium tempus, in quo metus à censura non excusat, nec à violatione præcepti humani, hoc est Ecclesiastici, in eo est, cum equitas, ratioque postulant dictum præceptum seruari, etiam cum aperto capitis, ac fortunarum periculo, quod accidit cum a-

Actio per censuram prohibita, ratione talis prohibitionis redditur intrinsecè mala, tunc eam exercens contra legem Ecclesiæ, licet ob metum graueni, peccat, & pœnam dictæ legis, puta censuram, aut irregularitatem incurrit.

Exemplum est in excommunicato nominatim, ac denunciato publice, quem cum tali vinculo celebrantem, metus etiam iustus à culpa & pœna, hoc est irregularitate eximit, vt dicetur postea. Et hæc de metu.

Octauo, excusat à censura, indeliberatio animi in violando præcepto Ecclesiæ, aliquid iubentis aut vetantis sub censura, nam hæc culpam mortalem impedit, ergo & censuram, cum hæc illam, vt effectus causam suam præsupponat.

Nono, excusat casus fortuitus, nam qui fortuitò, & non ex proposito committit in legem, etsi aliquando peccatum peccet æterno maciandum supplicio, non adhibendo sufficientem diligentiam, non est tamen contumax, nec præcepti Ecclesiastici contemptor, consequenter nec excommunicatus.

Decimo excusat incertitudo iuris aut facti, nam in dubio melior est conditio possidentis libertatem suam, quam non possidentis de regulis iurum in 6. regula 65.

Vndecimo, consuetudo rationabilis præscripta, extra de consuet. cap. finali.

Duodecimo, cum lex quidpiam sub comminatione censuræ vetans, præsumptione nititur, non veritate, solidè neminem ac efficaciter obligat, Sylu. verbo excommunicatio q. 9.

Similiter, nec cum cessat totus finis legis aut certe principalis. Henric. lib. 13. cap. 17. parag. 4. quia tunc eius omnis obligatio interit.

Decimotertio, vt necessitas, vtilitas, ac quæuis alia causa rationabilis, non seruandi legem, excusat à culpa, ita & à censura, Ægid. disp. 13. dub. 9.

Decimoquarto, cum censura est contra facientem, cooperantes, participantes, mandantes, consulentes, ea non comprehenduntur, nisi eorum specialis fiat mentio.

Primo, quia pœnas coerceri, odiaque restringi est necesse iuxta regul. iuris in 6. decimam-quintam, Odia restringi & fauores conueni amplari.

Secundo, lex subditos Principis eatenus afficit, stringitque, quatenus est hoc ei placitum, cum enim actus agentium moralium operentur secundum eorum intentionem, ad eos duntaxat, non alios pertinebit pœna legis, quos Princeps in ea vocibus designabit, iisque non ambiguus, ergo si facientem

A hæreere solum in censuræ pœna volet; ab ea cooperantes, consulentes aut iubentes erunt liberi. Quod si cooperantium in decreto fiat mentio, id intelligi debebit, cum limitatione triplici.

Prima est, quod cooperans causa sit efficax peccati, & sine qua principalis, de eo perpetrando cogitationem habuisset nullam, aut si aliqua eum pulsasset, non tamen efficaciter, ac cum effectu.

B Secunda, quod actio principalis causæ sit completa, v. g. mandat seruo Dominus plagas vt Clerico imponat, colaphum ei infringat, vt ille, id est imperans, societatem pœnæ, sicut & maleficij, cum seruo coeat, sitque vt hic excommunicatus, oportet Clericum male à isto pati, verbera corpore suo excipere, iniuriam in fama, aut membris recipere.

Tertia, quod cooperantium expressa fiat disertaque in lege, aut sententia mentio, nam si loquatur, de causa exequente duntaxat, aut consulente; mandans ea non comprehenditur, consequenter nec pœna peccantium propria.

## QVÆSTIO XIX.

An is quem censura ob culpam aliquam suam ligat alia vinciri possit.

Dico primò, Quem censura constrictum tenet, hic si post eius absolutionem habitam, rem pœna consimili dignam faciat, iteratò ea affici poterit.

D Ratio est, quod censuræ mortis instar non habeant, sed medicinæ, quam frequentari, ac repeti pro necessitate temporis, ac morbi, quo corpus afficitur, tam bene informata ratio, quam ipsa, qua se quisque prosequi debet charitas, exigit.

Dico secundo, Censura ligatum, antequam absoluat, iterum sæpiusque ligari posse, quia excommunicatus perseuerat subditus Ecclesiæ cum sit baptizatus, ergo & pœnis iisdem quibus ceteri obnoxius, si eas fuerit peccando commeritus.

E Confirm. Clementina secunda de sentent. excommunicat, in fine Pontifex, excommunicatos & interdictos publice, qui in ipsis Ecclesiis nominatim à celebrantibus, vt exeant, moniti, remanere præsumpserint, excommunicationis sententia, (à qua per sedem duntaxat Apostolicam, absolui possint) sacro approbante concilio innodat, vera est ergo Assertio.

Dico tertio, Si vno quopiam facto violentur variae leges, quarum observatio imperetur sub totidem censuris quot sunt leges diuerse numero, ea-



rum transgressor non una quapiam censura, sed A multiplici vincetur.

Probatum primò Innoc. III. testimonio in decretali cum pro causa 27. de sentent. excomm. ibi enim Archiepiscopus Lugdunensis dat in mandatis, ut ubi ei constiterit Archidiaconum, ob duplicem causam excommunicatum fuisse, & expressisse tantum alteram in literis, quas super absolutione sua impetrauit, ipsum tanquam excommunicatum, satisfacere Ecclesie sue pro altera, monitione premissa adigat, Clementina autem prima de sepulturis sancit Clem. ut qui propria temeritatis audacia, defunctorum corpora, non sine contemptu clauium Ecclesie, in cæmeteriis interdicti tempore, in casibus à iure non concessis, vel excommunicatos publicè, aut nominatim interdictos, vel manifestos usurarios scienter sepelire præsumunt, ipsos facto excommunicationis sententiæ subiaceant. Hinc enim patet, eum qui aduersus hoc Patris Conciliique decretum, dum interdictum viget, usurarium manifestum, nominatim excommunicatum, aut interdictum, terræ mandaret, non una sed triplici excommunicatione, stringendum esse: huius enim legis capita instar sunt plurium, habentque pœnam suam propriam, quæ incurrere potest, independenter à reliquis, quod autem unus, idemque triplici illa macula, de qua fit in Clement. citata mentio, sit resperius, est per accidens, cum reperiri queant in hominum numero plurimi, qui sint notati singularibus vitiis, ob quæ à Clement. sepeliri vetantur, quos tamen sacra impertiri humo posse, canonica Clementis quinti & Concilii Vienneensis lege repugnante, prudenter quis putet?

Confirm. Qui manifestum usurarium, publicè excommunicatum, ac nominatim interdictum, fato functos, domo effert tumultuando in templo, aut cæmeteriis, triplici se culpa impiat, ergo cum seiungi hæ ab eodem subiecto valeant, si vnica erit excommunicatione, qui trium est delictorum reus, duorum impunitatem habebit, nec constabit, quodnam eorum maximè præ cæteris plectetur, aut quod absoluetur à ludice, cum illud absolui erit necesse.

Obiicies, ergo qui Sacerdoti iniuriam, vimque inferet, in totidem excommunicationes incidet, quot ordines habet.

Nequaquam, causa est quod ex vna parte gradus Sacerdotio inferiores, id est, Diaconatus, Subdiaconatus, &c. ex accidenti personæ non inhæreant Presbyteri, sed per se, ex alia autè, vnica tantum lege percussio vetetur Clerici, quare mirabile videri nulli debet, si qui in Sacerdotem, eiusque dignitatem incurrit, vnica tantum, & simplici censura,

non septena vincatur, cum Sacerdos, non septies, sed semel tantum per tonsuram, in Clericorum cœtum sit ascitus, consequenter semel tantum sit Clericus.

Dico quartò, Cum plures legem Ecclesiasticam non seruant, quæ aliquid agi, aut omitti sub censura imperat, ea ligati sunt omnes, qui in eam peccant.

Ratio est, quod verè eam omnes violant, ut supponitur, sitque per accidens, quod idem sit numero subiectum, in quo hæc læditur, ut sitres Clericum eodem tempore percutiant, vnica est percussio, læsus vnus, tres lædentes, totidemque iniuriæ.

Confirm. vel eorum vnus tantum in censuram incidit, vel nullus, vel omnes, non primum, quia in pari sunt culpa omnes, ideoque maior non est vnus ratio quam aliorum, non secundum, enimvero absurdum est, imò impossibile legem infringi, & pœnam eius à transgressore non incurrere: ergo omnes, quod nos contendimus.

Dico quintò, Si in personis pluribus, lex censoria violetur ab aliquo, tot hic erit censurarum reus, quot personas offenderit, v. c. percutit quis eodem furore percitus, Clericos decem, decies est excommunicatus, eodem patrem & matrem impetu interimit, bis est homicida. Causa est, quod personæ singulæ, integra sunt, totalia, & per se distincta obiecta nefandi eius facinoris, estque fortuitum, quod ab eodem, non multiplici ac vario, sed eodem morbo animi laboranti, sint percussi.

Confirm. Si quis Clericos decem inhonorè pulsauit, semel tantum est excommunicatus, quæro ob quem nominatim de ea turba, si producat in specie aliquis, cum eadem sit omnium dignitas, eadem vitæ ratio, proferendi erunt omnes, & sic erit necesse dicere, tot censuras incurrisse eum, à quo sunt hi iniuriam passi, quot sunt hi numero.

Nec est dicere, à singularibus personis quæ sunt læsæ, iniuriam vnâ totalem resultare, quæ sit excommunicationis obiectum, nam primo, iniuriæ sunt hæ omnes graues. Deinde ut essent exiguæ, non coalescerent tamen ad conflandam vnâ aliquam, quæ sit tanta, quantam eam esse oportet, ut censura puniatur, sicut ex multis venialibus simul iunctis, non fit vnâ quæpiam culpa grauis ac mortalis.

DE IUDICE ABSOLVENTE  
à Censuris.

## QVÆSTIO I.

*A quo communiter absolui censuræ possit.*

**D**ico primò, *Censuram tolli communiter absolutione legitimi iudicis*, causa est quod absolutio iudicialis sit actio ex can. 9. sess. 14. Concil. Trid. sed ius ei dici nequit, in quem dicenti nulla iurisdictio competit, exigit enim iudicium (inquit Diu. Thom.) in 4. dist. 19. q. 1. art. 1. ad qu. 3. vim coactiuam in iudice, id est potestatem vt cogere reum possit, ad ea præstanda, quæ iudici, æquitas postulat, ergo tum ea iudices legitimi polleant, hoc est ciuiliū, capitaliumque causarum arbitri, dictum est verissime, in eo iudicio, in quo de conscientia, commercioque reparando cum hominibus agitur ob censuram, quæ tale cōmercium, ac consortium adimit hanc absolutione legitimi iudicis tollendam esse, Videndus Anton. in 3. parte tit. 25. cap. 2. §. 2. Richard. in 4. dist. 18. art. 9. q. 3. Rosella in verbo Absolutio num. 1. Angelus eod. tit. 1. num. 1. Caiet. in verb. excommunicatio tract. postrema de excomm.

Confirm. Excommunicatio seu censura quælibet alia, non cessat per mortem eam ferentis, vt colligitur ex can. si Episcopus 11. qu. 3. quia postquam per sententiam iudicis legitimi pœna est imposita, transit hæc in rem iudicatam, nec per mortem eius in quem est inflicta, quia pœna censuræ in excommunicato mortuo, quoad suos effectus remanet, priuationem scilicet sepulturæ, suffragiorum communium Ecclesiæ, cum iis hic carere debeat, iuxta cap. à nobis 2. de sentent. excomm. cap. is cui de sentent. in 6.

Quid si censura notatus contumaciā ponat? quid si Ecclesiæ obsequi statuatur?

Respondend. ne tunc quidem censuram desinere, exigit illa quidem antecedentem contumaciā, sed vbi est illa semel contracta, per seipsam deposita contumacia, non cessat, sed per absolutionem, quare nisi eius beneficium subsequatur, nec Episcopus, nec alij debent communicare eidem, nisi fuerit secundum formam post iuramentum præstitum absolutus, quia qui cum excommunicato scienter communicauerit, excommunicationis pœnam contrahit cum eodem. Clem. III. in decretali cum desideres 15. de sentent. excomm.

Dico secundò, *A censura per sententiam particularem lata, cum tantum iure communi ac ci-*

*tra priuilegium absolueri solitum, qui eam posuit, eum superiorem, aut in officio, provinciaque successorem.*

Opinionis huius auctor ac patronus Innoc. III. in cap. 11. de officio iudic. Ordinar. vbi ad consulta Helienfis Episc. respondet, sine mandato Pontificis excommunicatum à delegato, non posse per alium, præterquam in mortis articulo, absolutionis gratiam obtinere, nisi forte delegatus talis extiterit, cui alius succedat in onere, & honore, in eandem sententiam scripti sunt canones secundus Concil. Antioch. 1. decimus sextus Arelat. primi 47. Niceni Arabici: Nullus Episcopus soluat, quæ alius ligauit Episcopus, quandiu ille qui ligauit vixerit. Causa est, quod eiusdem sit soluere, & ligare de pœnit. dist. 1. cum enim sine iurisditione ambæ hæc actiones exerceri nequeant, eaque in excommunicatum, ac suspensum ab homine careant quilibet alij præter iudicem, eius superiorem, aut successorem, sit planum, à censura lata ab homine per sententiam, absolueri præter eos posse neminem, sicut est in assertionem positum, quare de Hugone Lugdun. Episcopo queritur Iuo epist. 65. quod Puteancenses à se & Coepiscopis ob furta, communionem priuatos se nesciente communioni reddidisset, ac per hoc, scelerum suorum impunitate, ad perpetranda maiora scelera relaxasset.

Dico tertio, *Censuram per sententiam generalem latam, ab eo remitti posse, cui vel iure ordinario, vel ex priuilegio, concessum est ab his absolueri, quæ sunt statuto, aut iure imposita.* Ita Tolet. li. 1. cap. 16. Henriq. li. 13. c. 28. n. 1. lit. Y.

Ratio est, quod censuræ lata generaliter, æquiparatur censuræ iuris, aut statuti, sed hanc remittere potest Sacerdos quilibet, modo eam sibi auctor canonis non reseruauerit cap. nuper de sentent. excomm. ergo & generalem inflicta ab homine.

Min. est certa, maior sic probatur, censura lata ab homine generaliter, non continet sententiam, cum hæc tempus connotet, personam denotet; rem designet, sed præceptum tantum, quidpiam vetans aut iubens sub censura, non ergo irrogatur iniuria iudici, non eius iurisditioni, si censuram quæ hic præcepti sui transgressores affici voluitis rescindat, ac adimat cui iure, aut priuilegio concessum est eam remittere.

Sane cum per citationem rei, quæ necessario antecedit sententiam causa iudicialis sit ccepta, sit iniuria Episcopo qui ei dedit initium, si alius illum absolueri tentet, præter superiorem aut eius successorem.

Excipiendi sunt casus sequentes, primus est, cum eius qui censuram tulit, iurisdictio interit, nempe quia cessauit esse iudex: aut est extincta, quia de Ecclesia per excomm-

municationem, exiit, aut est eius auctoritate qui poterat, depositus aut suspensus.

Secundus est, cum excommunicans delegata sibi potestate dixit sententiam, factaque sibi delegatio finem cepit, Nauar. in can. verbum de pœnitent. *distinct.* 1. Innoc. III. in cap. *quarenti* 26. de officio delegati, ibi enim sciscitanti priori S. Fidiani, quibus temporum spatiis crederetur delegati à Roman. Pontifice circumclusa auctoritas, respondit *delegatum ab eo, non solum usque ad quadrimestre tempus, quod ad soluendum debitum, à lege reo conceditur, sed usque ad integrum annum, iurisdictionem sibi commissam, ad exequendum sententiam exercere posse.*

Tertius est, cum superior iudici, qui reum censura irretiit, eius adimendæ potestatem tollit, habetur in cap. *grauè nimis de præb.* quia cum ab ea absolutio pendeat, utpote iurisdictionis actio, ea sublata, aut extincta inferior quid potest?

Quartus est, cum superior, factum inferioris, id est prolatam ab eo in reum sententiam, ex certa scientia, & cum cognitione causæ (ut aiunt) confirmat, Nau. in cap. *Enchirid.* 27. num. 40. Suar. *disp.* 7. *sect.* 2. n. 14. Ratio est, quod tunc eam superior sui iuris esse velit, sibi que propriam faciat, consequenter eius sibi absolutionem referuet ut docent DD. in cap. *ex frequentibus de institutionib.* Sylu. verbo *absolutio* 2. q. 4.

Quintus est, cum censuræ absolutio, est superiori eius qui inflixit, iure reservata, exemplum est incendiariis & excommunicatis pro violenta manuum iniectione in Clericum. Hi enim decreto Clement. 3. ex quo sunt per Ecclesiæ sententiam publicati, pro absolutionis beneficio, ad Apostolicam sedem sunt mittendi cap. *tua nos* 19. de sentent. excommu-

De superiore, quod est dictum, cum nempe à censura iudicis inferioris absolueret posse, de eo debet intelligi, qui supremam & plenam in eos potestatem obtinet, quos censura obstrictos tenet: qualem habet Papa in omnes excommunicatos, Generalis in eos, quos Priores, Guardiani, aut alij Superiores immediati ob culpam aliquam suam, censuris reuinxere Ecclesiæ, quia tales sunt eius subditi, ab eo ergo pro auctoritate vinculis solui suis poterunt, cum erit necesse.

Quid si Legatus à Latere, in ea residet ubi in qua Episcopus, etiamne ei tum fas erit, quem hic censura aliqua publicè notauerit, eius manum proprio Præsule posthabito, emaculandæ huic labi adhibere?

Nèquaquam: ratio est, quod subditorum causæ in prima ut loquuntur instantia, terminari coram Episcopo debeant, de quibus proinde Legato cognoscere, post Trident.

A Concilij constitutionem *sess.* 24. cap. 20. de reform. illicitum, nisi vel per appellationem ad ipsum deuoluantur, vel Episcopus, eas intra biennium à die motæ litis definire negligat.

Archiepiscopi par est eademque ratio, nam nisi ad eum facta fuerit loco, ac tempori opportuna promotio, aliorum quam qui immediatè sibi subiacent, nexus frangere aut laxare, lege Ecclesiastica id ei prohibente, non potest cap. *Venerabilibus de sent. excomm.* in 6. & tunc citari partes debent, ab eoque appellandi causa illis quæ fuerit cognosci, maximè si eius sit æquitas dubia ca. *Romana parag. cum autem de appellat.* in 6.

B Dixi non aliorum quam qui sibi subiacent, ut ostenderem Episcopos in causa Regularium super relaxatione censurarum, quas incurrunt, tentare iure nihil posse, cum sunt hæc iis irrogatæ ob culpam, quæ ad regularem disciplinam pertinet eo quod *Monachi correctio primoloco ad Abbatem spectet*, Glossa in cap. *quanto de officio Ordinar.* Excipe casum, in quo ipsi subessent Episcopis, nam tunc ab iniqua prælati sui sententia, ad iustam Episcopi appellare possunt secundum *Abbat. in cap. reprehensibilis de appellat.* Hæc de superiore.

C Quod autem successor, similiter à censura, quam antecessor tulit, absolueret valeat scripsit Bonifac. VIII. de maiestate & obedientia in 6. cap. 1. his verbis: *Episcopali sede vacante, potest capitulum, seu is, ad quem Episcopalis iurisdictione, tunc temporis noscitur pertinere, q̃s, quibus posset Episcopus si viueret, ab excommunicationis sententia, siue iuris, siue hominis fuerit, absolutionis beneficium impertiri.* Dicti sui causam hæc habet, quod successor, pari sit auctoritate præditus in sibi subditos, ac qui eum in magistratu, officioque præcessit, Vgolin. *tab.* 1. cap. 4. *parag.* 3. cuius rei hæc est ratio, quod potestas ligandi ac soluendi, Prælato competat, ratione beneficii, muneris, aut dignitatis suæ, at hæc non interit cum homine, sed ab eo, transfit in successorem, cum beneficio. Vera est ergo assertio.

## QVÆSTIO II.

De Iudice delegato absolvente à Censuris.

A D absolendum à censuris latis ab homine, delegari duobus modis quis potest, primo ab homine, id est iudice, secundo à lege, & quod ad primum.

Dico, *Delegatum habere eam potestatem, quam ei delegans communicauerit, non maiorem.*  
Ratio

Ratio est, quod Ordinarius iure communi subrogare sibi potest, qui partes suas ob-  
eant, qui prouinciam cum est necesse ge-  
rant, vices suas in administranda re commu-  
ni teneant, ergo cum quicquid delegatus  
potest, deleganti acceptum referat, non sibi,  
qui ex hypothese impar est ex se munerit,  
quod alterius nomine obit, his terminis  
eius auctoritatem circumscribi est necesse,  
quos delegans præstituit, hi ampliores esse  
nequeunt, quam quos ipse definit.

Dico 2. Quando Papa aut ordinarius mandat  
alicui ut excommunicet, aut suspendat certum  
hominem, sine alia commissione causæ, non posse  
hunc postmodum eum absolueret, quem alterius vo-  
luntate ac mandato ligauit.

Ratio est, quod tunc excommunicans non  
delegati sed executoris meri partes agat, si-  
cut notauit cum Vgolino Auila par. 2. cap. 7.  
disp. 1. dub. 9. casu 4. Suar. loco ante citato,  
sect. 2. num. 8.

An autem deficiente delegante, data de-  
legato iurisdictio intereat, res est auctorum  
opinionum ambigua.

Dubitandi hæc est causa, quod eodem  
modo delegatus ad delegantem non se ha-  
beat, quo Vicarius ad Episcopum, quorum  
quia idem est forum, tribunal vnum, ab il-  
lo, ad istum, nulla est appellatio.

Dico tamen tertio, mortuo, vel censuris im-  
plicato delegante, integra adhuc re, quam erat  
tractaturus delegatus, eius potestatem deficere  
sin autem ante mortem, vel illius excommunica-  
tionem, iurisdictio sibi demandata uti cæperit,  
eum rem inchoatam expleve posse.

Habet hæc assertio fidem ab auctori-  
tate Innoc. III in cap. licet vndique trigesimo,  
de officio & potestate iudicis delegati. Interro-  
gatus enim à Pietau. Episcopo, an collega  
defuncti, cui coniunctum cum illo, causæ co-  
gnitio demandata fuit à sede Apostolica,  
tam suo quam defuncti nomine, possit ne-  
gotium definire, Respondit, in hæc verba:  
Si iurisdictio à suo sibi collega delegata, eo vi-  
uente ut non cæperit, quia mandatum huiusmo-  
di, re integra, morte mandatoris expirauit, non  
habet solus officium iudicandi, si vero ante mor-  
tem illius, iurisdictio uti cæperit taliter deman-  
data, vices suas & alius poterit adimplere, qua  
ratione in rem præsentem dici expressius  
quid possit, nescio.

Dico 4. Potestatem quæ est à lege, eum absolueret  
à censuris, quæ ordinarius ligauit, duplici ex causa  
dari. Prima est, quia nec hic, nec qui eius no-  
mine eas tulit adiri, ac conueniri potest,  
Laym. lib. 1. tract. 5. c. 7. n. 2. sub finem, nam  
tunc si qui eis est suppositus, paratus est sa-  
tisfacere & cautionem præstare, quod quam  
primum poterit eius se cōspectui offeret, cui  
Pars secunda.

A absolutio referuatur, consequi hanc ei lice-  
bit ab alio quam eius auctore Nauar. lib. 5.  
consil. 49. num. 6. de sentent. excomm. edit. 2.  
ita ei asserendi auctor Alex. III. in decretalis  
qua fronte 25. ad Cantuar. Episcop. his verbis:  
Si quis pro contumacia, vel alia qualibet causa,  
interdicto, vel excommunicatione tenetur astri-  
ctus, & offert se ad iustitiam, de his, pro quibus  
sententiam ipsam excepit, index eum, (ne in ex-  
communicatione decedat) absolvere poterit, e-  
tiam si pars aduersa, ne absolueretur, appellationis  
obstaculum interponat: ab ipso tamen ante abso-  
lutionem, sufficienti cautione recepta, quod vel  
B in præsentia Romani Pontificis ad cuius audien-  
tiam appellatur, si maluerit aduersarius, vel co-  
ram iudice, cui causam delegauerit, iuris pareat  
æquitati.

Hæc Pontifex: habetque hæc causa, lo-  
cum maxime in mortis articulo, quem Pa-  
norm. apud Nau. cap. 2. nu. 9. definit tempus  
illud, in quo homines fere semper diem  
suum obeunt, cap. autem 26. n. 31. id tempus,  
in quo mors probabiliter timetur, quæ est o-  
pinio Couar. 5. 11. in ca. alma mater n. 8. Versu  
ego vero, Henric. li. 3. de pœnit. cap. 11. num. 3.  
C litera P. nostraque in tract. de Sacra. pœnit.

In articulo ergo, siue periculo mortis si is  
conueniri nequit, qui vinculum Ecclesiasticum  
reo intulit, nec alius, qui ab eo, aut supra eum  
facultatem habeat, in cuiuslibet Sacerdotis  
iure est id tollendi, eumque reconciliandi  
Ecclesiæ per impositionem manus, Trid.  
sess. 14. cap. 7. quem locum explicans Nauar.  
cap. 6. num. 26. solum excipit Sacerdotem hæ-  
reticum, à quo dissentunt, Felicianus de  
excomm. cap. 41. Henric. lib. 3. de pœnit. cap.  
11. num. 8. & lib. 13. cap. 27. num. 3. & lib. 14.  
D cap. 6. num. 7. D. Thom. in 4. sentent. dist. 28. qu.  
1. art. 1. ad 3. quæstiunculam, quum enim ibi  
dubitanter proposuisset, possetne is qui ani-  
mam agit, inducere ad tuam salutem, scele-  
rumque à se admissorum absolutionem, ac  
veniam, eos Sacerdotes qui hæresi, aut pel-  
licatu sunt contaminati, nimirum posse res-  
ponderet, quod spiritualis necessitas maior sit  
quam corporis, sed aliquis (inquit) in neces-  
sitate vltima, aliorum rebus uti potest inui-  
to domino, perque ac suis: ergo & in mor-  
tis articulo, ut spirituali suæ necessitati sub-  
ueniat, potest à non suo Sacerdote absolui.

E Eandem sententiam tuetur in 4. dist. 18. q. 4.  
art. 4. Canus in relect. de pœnit. parte tertia Ta-  
bienain verbo Absolutio 1. num. 32. Angelus in  
verbo Confessio 3. num. 2. Paludan. in 4. dist. 17.  
q. 3. art. 2. ipsique, dum de pœnitentia agere-  
mus, argumentis ostendimus, iure diuino,  
atque etiam perpetua lege Ecclesiastica, Sa-  
cerdotem quemlibet, posse in mortis arti-  
culo, quemuis à quouis peccato liberum fa-

E



ius excommunicationis, suspensionis, & interdicti, aliisque Ecclesiasticis sententiis, censuris & pœnis, à iure, vel ab homine, quavis occasione, vel causa latis, si quibus, quomodolibet innodatus existit, ad effectum duntaxat presentium consequendum absoluentes, &c.

Non prodesset tamen hæc absolutio, si prouisus de beneficio, excommunicatus esset ob hæresim. Hostiens. in cap. excommunicamus paragr. credentes de heretic. Felinus in cap. Apostolica de except. vel propter impios executores, seu nuntios Apostolicos, Anton. in 3. part. summe tit. 24. cap. 13. de excomm. propter literas Pontificis corruptas Rebuff. in comment. ad formam mandati in Concordat, aut moram in excommunicatione ultra annum, Boerius in decision. Burdeg. q. 290. eo quod talis negligentia, sui que incuria, animi male de fide sentientis, probabilis sit nota. Rebuff. proxime citat. Et quanquam quod Papæ, idem quoque Legato à latere, in collatione beneficii solemne sit facere, ut ei hypotheticam, & ut loquuntur absolutionem ad cautelam præmittere soleat, iuxta Felin. in cap. ad eminentiam de sentent. non est id tamen Episcopo similiter concessum, non vocata parte, glossa in can. excommunicatos 11. qu. 3. nisi sponte, motuque ut aiunt suo reum excommunicasset, non aliena præce. Rebuff. paragr. innodatus existit.

### QVÆSTIO III.

An Laicus, in articulo mortis positum, possit à Censuris absolueri.

**S**ermo est de absolutione data, aut danda si iure communi, absque speciali commissione, & quæritur, an Laicus, prima duntaxat tonsura initiatus, sine deputatione peculiari Pontificis, moribundum reconciliare Ecclesiæ eiusque Sacramentis valeat, Ecclesia ei in tali casu hoc est deficiente Sacerdote, aut iudice proprio, hanc ei iurisdictionem tacite tribuente.

Non posse defendunt Nauar. de pœnitent. distinct. 6. cap. 1. in princip. num. 83. & sequentib. Faber de censur. in 4. sentent. disp. 25. disp. 4. cap. 8. Turian. de censur. lib. 2. disp. 24. dub. 4. Couar. in cap. alma mater parte 1. paragr. 11. num. 9. Corduba in sum. q. 18. art. 2. dicto 1. Henriq. lib. 3. de excomm. cap. 27. num. 4. Sotus in 4. dist. 18. qu. 4. art. 4. Palud. in 4. dist. 17. qu. 3. Vgolin. tab. 1. cap. 4. paragr. 5. num. 7. Auila 2. par. cap. 7. disp. 1. dub. 3. conclus. 1. quæ præcipua sint huius opinionis firmamenta, intelligitur, post ex-

A plicatam secundam sententiam.

Contraria igitur opinio probata est his omnibus Syluestro in ver. absolutio 1. num. 8. Panormitano in cap. Pastoralis paragr. propterea de offic. Ordinarij, Angelo ver. absolutio 3. num. 39. de la Cruz in direct. par. 7. de excomm. dub. 3. conc. 1. Sancio in selectis disp. 44. num. 7. Tabienæ verb. absolutio 2. num. 8. Feliciano de excommunicatione cap. 42. Antonino 3. parte titulo 17. cap. 4. ut alij multi fileantur, qui hac de re dixerunt eleganter ac disertè, suamque sententiam scriptis impressam reliquerunt. His rationibus tueri se hæc potest opinio.

**B** Prima, Christianus quilibet, in quocunque necessitatis articulo, tenetur diuina ac naturali lege, grauiter laboranti opem ferre quam potest, ergo & præciso necessariis ad animæ salutem remediis indigenti, qualia sunt nouæ legis Sacramenta, non negare ea, sine quibus hæc ei præberi nequeunt, nā si secus ageret, immanise scelere obligaret, istud autem est censura relaxatio, hanc ergo Laicus, negare nec potest, nec debet. **C** genti animam, hoc est in mortis articulo, eiusque periculo constituto. Si enim hæc potestas dari potest à Pontifice Laico, cum eam concedi non est necesse, quid est causæ quamobrem in extrema ægri necessitate, eam Ecclesia Laico datam nolit?

Secundum argumentū bonitatis eiusdē Ecclesiæ nititur. Quā enim est parū verisimile, periclitantibus illam filiis, eo maxime tempore, nolle succurrere? aut sepultura Catholica, piorumque suffragiis priuare eos velle? Deinde si redintegradi hominis ius ac potestas, Laico dari potest, cum eam tamen concedi nihil est necesse, dubitare, an in dubiis ac periculosis ægri temporibus, illam Ecclesia, Laico datam esse velit, ecquid est eius caritati, prudentiæque iniuriam facere?

**D** Obiiciunt aduersæ partis fautores. Primò, Glossam can. Vltimi cause 24. q. 1. in qua est in spiritualibus Laicum, etiam in mortis articulo nihil posse, nisi quod est illi expressè concessum in iure, quo de numero non est censura relaxatio etiam in mortis articulo.

Respondend. huic Glossæ, duas esse contrarias, prima est in cap. à nobis, verbo non poterit de sent. excommunic. altera in cap. Pastoralis paragr. præterea de officio iud. ordinarij.

**E** Dicendum 2. quæ petuntur ex Glossa allata, sententiæ nostræ non officere, ait enim. De omnibus quæ spectant ad officium Sacerdotis, illud solum licere Laicis credo in necessitate, de quibus expressum inuenio. At absolueri à censuris, res non est functionis Sacerdotalis necessario, cum non Sacerdos, iurisdictione Ecclesiastica instructus, in externo

foro id possit, ut est in *cap. transmissam* 15. de *electione*.

Obiiciunt 2. Causa cur in mortis articulo, cuius Sacerdoti liceat, de censuris quibilibet absoluitur, locum non habet in Laico, nihil est ergo rationis, cur ei tum in eas arbitrium detur ac potestas.

Anteced. probatur, ideo voluntate Dei, & Ecclesie, Sacerdos quilibet, quemlibet in extremis versantem reddere potest Ecclesie, solutis tamen ante nexibus, quibus tenebatur, quod peccata his manentibus, ab eo remitti nequeant, ergo cum Laico ius in peccata, competere nullum queat, nec in censuras competet.

Anteced. est negand. cum consequentia confirmationis, nam cum nulla sit inter censuras, peccataque necessaria connexio, à censuris potest quis eximi, peccatis insolutis, quorum est in tribunali Dei, reus, nam ex quo Episcopus, electionis sue confirmationem accepit, quamvis Sacerdotali charactere necdum insignis, Celestini III. iudicio, de talibus & consimilibus (hoc est excommunicatis ac suspensis) præterea que maioris inquisitionis discussionem exigunt, & ministerium consecrationis desiderant, quod iustum est, & Ecclesiastica convenit utilitati, statuendi habet liberam facultatem, remitti ergo sine peccatis censuræ possunt, necnon ab alio, quam Presbytero.

A quibus absolutus à Laico si moritur, efferri poterit, terræque sacræ sine alia absolutione mandari, sin autem, conualuerit, pristinaque redditus valetudini curare se, suæque cœperit, eise sistet à quo tanquam à legitimo suo, veroque iudice, illi, vinculi sui, querenda solutio fuerat, ut de eius voluntate ac imperio, illis satisficiat, quorum causa est excommunicatus, alioqui in eandem relabatur censuram, ut post Pontificem in *cap. eos qui de sentent. excommunicat. in sexto*, habet Fœlicianus. Ex quo can. habetur insuper, posse quem citra mortis periculum, per Sacerdotem à sententia ab homine lata absolui, cum ei iudicem, à quo absolendus esset adire non est integrum ob impedimentum legitimum, cuiusmodi habere sunt censendi pauperes, quibus ad iter Romanum, opes copiarumque non suppetunt, aut corporis vires, ut infirmi, aut si adsunt, vagari tamen eos sexus, decenciaque non sinunt, ut mulieres, *cap. mulieres cap. cetero de sentent. excommunic.* aut pericula, quibus erit eorum salus, fama, si se viæ committant, exposita. Hæc enim pro excommunicato, aut censuris irretito cum faciunt, omnis est illis adeundi Episcopi, aut proprii Presbyteri à quibus absolui valeant, honesta, iusta-

A queratio, ut habetur in *cap. nuper de sententia excomm.* maxime si impedimentum futurum est perpetuum, aut ad multos annos duraturum, quod si breue foret, tantisper expectandum crederem dum sublatum esset, precumque tum Ecclesie, ac suffragiorum communium iactura quæ patitur, patientiæ, obedientiæque sue merito compensabitur.

B Est id autem absolventi cauendum in primis, ne pro absolutione data, aut imperianda, aliquid pretio æstimabile recipiat, ut admonet Pontifex in *cap. ad aures de Simon.* est enim ea exactio iniusta & simoniaca, simoniaca quidem quia absolutio spiritualis est actio, eaque à iurisdictione spirituali pendens, non est ergo eius venditio abiuncta à Simonia, data tamen pro pretio non est invalida si Sylvest. fides est in *verb. Simonianum. 8. dicto 4.* nec eius emptio, Simoniæ infecta vitio, si à redimendæ vexationis studio, amoreque sit profecta, quia in tali casta non datur pecunia, tanquam absolutionis pretium, eique æquivalens, sed tanquam mortuum, & medium alliciendi animi alterius, ut voluntatem pravam deponat, beneque dispositum absoluat.

C Secundo dans pecuniam eo fine quo diximus, non censetur irreuerentiam absolutioni facere, sed ei honorem deferre, dum suo facto illam sibi restatur esse necessariam, in quo quid est magnopere, quod rei spiritualis dignitatem offendant?

Est tamen ea pecuniæ exactio semper iniusta, quia ubi à reo satisfactum est culpæ, in cuius pœnam, censura est illi imposita, absolutio ei non est neganda, utpote ei debita.

D Casus vnus est tamen, in quo talis exactio macula carere omni est censenda, nempe cum pecuniæ certa summa à Superiore rependi à reo iubetur, quandiu in censura manebit, nam cum per ipsius stet contumaciam, quo minus absoluator, iustum est eam exigere cum peccati sit pœna.

Circa prædicta occurrunt hæc dubia.

Primò, *An labi quis in censuram interdum possit sine culpa.*

E Inficiantur Caietan. & Armilla in *verbo suspensio*, in eamque venissemmentem videntur quod pœna comes sit culpæ, ergo cum sint censuræ pœnæ Ecclesiasticæ, exque graues, non sunt hæc ab innocentibus repetendæ. Accedit eodem quod censuras percurrenti, quæ priscis Patrū nostrorum sæculis ab Episcopis fuere, aut Conciliis infligæ mortalibus, ne vna quidem se offeret, quæ non sit ob noxam irrogata, quam etiam lethalem esse oportere, sanxit *Concil. Aurel. 5. can. 2. Vermax. c. 13.* his verbis: *Nemo Sacerdorum*



dotum quemlibet recte fidei hominem pro paruis & leuibus causis, à communione suspendat, præter eas culpas, pro quibus antiqui Patres ab Ecclesia arceui iusserunt committentes.

Ab eorum tamen opinione deducunt multa, vt quod interdicta ciuitate v. c. sacrorum quoque vsu interdicti sint pueri, quos minor ætas, ingenium recti nescium, ponit extra omne peccati periculum. Deinde posse quempiam culpæ expertem suspensione coerceri iam pridem scripsit Diu. Thom. in 4. sentent. dist. 18. qu. 2. art. 3. questioncula 2. ad 1. Aliquis, inquit, sine peccato proprio suspenditur, sicut & totum regnum supponitur interdicto pro peccatis Regis, de quo nos postea pluribus, parentum sane scelera in liberis vindicari, humanæ diuinæque leges testantur, in Exodo c. 20. & 34. quos tamen, antequam nati essent, peccasse quis credat?

Dubium secundum, An omnis ignorantia mortalis, seu mortaliter culpabilis, sit crassa & supina, & proinde à censura non excusans.

Affirmat Suar. de Censuris disp. 4. sect. 10. num. 10. verum enim sententia contraria, quæ est Mart. Bresseri de conscientia erronea lib. 5. cap. 1. Sanch. lib. 1. in præcepta cap. 16. num. 7. sola vera est, & tenenda.

Ratio est, quod ignorantia crassa, & supina, Syluest. teste in verbo Ignorantia num. 5. sit ea qua quis scienda non scit ex negligentia lata, siue lata culpæ, vel quia non scit publica, & manifesta, quæ omnes sciunt, ad similitudinem hominis crassi, & supini, qui non videt etiam posita coram, quæ est etiam opinio Nauar. in summa cap. 23. nu. 45. Sed non omnis ignorantia eorum, quæ communiter sciuntur à sui similibus, crassa est, & supina, etsi sit mortalis.

Probatur, Ignorantia crassa oritur, Syluest. teste ex negligentia iuridica lata, siue lata culpæ, quæ est omissio diligentiae ab omnibus eiusdem conditionis hominibus adhiberi solitæ, vt Nauar. tradit loco proxime citato, quæ est quædam negligentia maxima, quæ sita & studiosa cap. quasitum de pœnit. & remissionib. & quæ ideo dicitur dolus cap. 2. de deposito. Sed vt omissio diligentiae ad ea intelligenda necessariz quæ eiusdem classis homines norunt sit mortalis & vincibilis, non requiritur maximâ, sed sufficit mediocri aliqua negligentia, ergo non omnis negligentia mortalis, est crassa aut supina.

Dubium tertium, An censura affici delinquens sit censendus, qui delictum non absoluit, cui pœnæ loco censura est addita.

Pro affirmante faciunt, qui in genere criminum, conatum ipsum, vt crimini proximum puniendum esse volunt. perinde ac si verè commissum esset, in his sunt Iurisperi-

ti in leg. si qua Cod. de Episcopis & Clericis. Et sane, si quæ ea dere leges sunt scriptæ, attendere placuerit, dubitationi locus ultra futurus est nullus, quid enim dilucidius de hac materia dici potest quam quod est in lege, si quis Cod. de Episcopis si quis non dicam rapere, sed attentare tantum, iungendi causam matrimonij sacratissimas Virgines auerit, capitali pœna feriatur & digest. ad leg. Corneliam lege Diuus: In maleficiis voluntas spectatur non exitus; quibus verbis docetur, non factum, sed causam eius, hominumque consilia, in pœnis irrogandis spectari oportere.

Mihi hæc tamen opinio, multis est nominibus improbabilis, primo, quod non ab omnibus concedatur, cum qui ad consciscendum scelus est nisus, eadem pœna puniendum, qua qui admisit, de quo videndus est Couar. in 2. par. relect. de homicidio nu. 6.

Secundò, quod leges perinde in conatum, ac factum animaduertentes, totius sint orbis consuetudine abrogatæ, testimonio Couarr. loco citato n. 6. 10. & 11.

Tertiò quod lex Ecclesiastica voluntatem non puniat, vtpote legislatori incognitam, sed opus, quare sic censeo, censuris illaqueari neminem, nisi qui actionem, quæ censura mulcatur, perfecit. Ita Panorm. in cap. cum in cunctis paragr. Clerici de electione sunt hæc eius verba. Posuit Ioan. Andreas vnum dictum semper mente retinendum in regula. Quia in Mercurialibus; super verbo pœna dicens. Quod vbi pœna apponitur à iure ipso facto propter aliquod delictum commissum, nunquam est locus illi pœnæ, nisi delictum illud sit consummatum, quantumcunque fuerit inchoatum, sed posset extraordinariè puniri, quia inchoauit. Sentiunt idem, dicuntque, Couar. in relectione de homicid. part. 2. num. 5. Alfonso à Castrolib. 2. de potest. leg. pœnal. cap. 6. vbi his verbis mentem suam aperuit. Ideo nunquam aliquis in excommunicationem incidet à iure latam, quamuis conetur facere id, propter quod est imposita excommunicatio, nisi verè perfecit illud.

Patet ex dictis primum, non teneri pœnis Gregorianæ constitutionis, contra monachos, qui ad locum certamini destinatum pugnæ causa se contulit, in eoque diu hæsit aduersarium operiens.

Patet secundò, ab iisdem immunes videri ac esse, qui strinxere enses, impediti sunt tamen ne eosdem in sese mutuo conuerterent, quia pœna Gregorianæ constitutionis ad eos non pertinet, inter quos est pugna condita, nisi certent, manumque ac ferrum reipsa conferant, est enim ea sanctio pœnalis, cuiusmodi quæcunque est, est hæc interpretanda strictissime, per regulam.

*Odia 15. de regul. iuris in sexto.*

Confirm. in pœnam legis non incidit, qui id non efficit, quod hæc punit, at hi inter quos est condita pugna, quamvis ultro citroque iniuriis se vulnerent, arma ad eandem parata ostendent; præfidentis animi ac ferocis signa multa inuicem indicent, re ipsa tamen quandiu non configunt, actionem propter quam excommunicantur non suscipiunt, ut ex his constitutionis verbis fit planum. *Auctoritate Apostolica statuimus, omnes illos, qui ex condito statuto tempore, & in loco conuento monomachiam commiserint, oportet igitur pugnam esse commissam, ad contrahendam istius bullæ pœnam propriam.*

Dubium quartum, *An pueri censurarum sint capaces.*

Omnino, sunt enim hæc pœnæ peccantium, at pueros, cum sunt doli capaces, peccare posse nemo ambigit, ergo & puniri quin valeant, nemo prudens negauerit.

Et primo quidem si feratur interdictum, contra vniuersum populum; eius pœnam & censuram eos pati, scripsit Syl. in ver. Interdictum 3. num. 18. sic enim ille: *interdicto populo, interdicti sunt impuberes eius, si sunt doli capaces, quia ætas illa plena est malitiis, & mendaciis: eos quoque si hominem interfecerint irregularitatem contrahere tradit Glossa in cap. 2. de delictis puerorum, Sylu. in verbo homicidium 3. qu. 1. excommunicationem autem similiter eos subire à canone latam, si quis suadente diabolo, cum manus violentas Clerico inferunt, dixit Panormitanus in cap. 2. de delictis puerorum, quam iuste verò ac prudenter, vel hinc patet, quod ab æquitate Ecclesiæ, solitaque sua aduersus miseros pietate non magis abhorreat, iustis hanc pœnis castigare iussis suis inobsequentes pueros, quam eosdem à Christo cœlesti exutos gratia, flammis addici sempiternis, si facinus ea pœna dignum forte consciscant, facit hoc Christus, facere ergo & alterum potest Ecclesia.*

Quid? quod non deceat ætatem ad vitia pronam, impunitate peccandi, ad maiora illiciti, fieret id verò, si quæ non sunt in viris ferenda, hæc in pueris dissimularet Ecclesia, censuris: hi ergo, quarum sunt capaces, coerceri poterunt, si quando quid peccarint, quod sit huic pœnæ par & æquale.

At qua ætate, quove eius anno illarum pœnam luent? quo pueritæ tempore huic subiici, voluntate Episcoporum poterunt? etiamne ante pubertatem, aut ea tantum inchoata, circa ætatis annum 14.

Sotus in 4. distin. 12. qu. 1. art. 11. eos ante annum duodecimum vel quartum decimum legibus Ecclesiæ teneri negat, consequen-

A ter pœnis eius ac censuris mulctari posse.

Panormitan. in cap. 2. de delictis pueror. nu.

4. Glossa in cap. postremum de sentent. excom. Antonin. parte 3. tit. 26. cap. 3. existimant eos illico ac sunt doli capaces, Ecclesiæ legibus permittendos esse, quod communiter accidit, cum in iis ea se ratio aperit, quæ non ad peccandum tantum requiritur, sed etiam ad parendum Ecclesiæ, quare ut excommunicatione possint affici, nosse debent, hanc inobsequenti pœnam ab ea propositam, ad eius autem cultum, ac salutis propriæ commodum pertinere, ei à se, cæterisque deferri obsequium.

B Dubium quintum, *An censura, actus valorem impediunt, qui exercetur ratione publici officij.*

Dico primò, *Quæ fiunt ab excommunicato, suspenso, aut interdicto, tolerato hæc actus valorem non impediunt.*

Ratio est prima, quod Ecclesia eiusmodi hominum generi vim ac potestatem agendi non adimat.

C Secunda, quod fides publica, Ecclesiæque tolerantia, opera in quæ tum incumbunt, publicæ tranquillitatis causa, pacisque, valere, ac rata esse velit, ita Doctores in leg. Barbarius dig. de offic. prætor. Nauar. in Manual. capite 9. num. 9. Valida est absolutio illi pœnitenti concessa, qui præ ignorantia confessus est Sacerdoti vinculo excommunicationis, interdicti vel suspensionis irretito, qui quidem non est publice denunciatus, sed solum est suspensus, vel excommunicatus per sententiam à iure, ab homine, vel statuto latam, quoniam censura occultæ in præterito tempore, & etiam alia in præsentis, nisi fuerint in publico denuntiata, non impediunt valorem actus, qui ratione publici officij exercetur, placuit hæc opinio Nauarri Panormitano in decretalē veritatis, de dolo n. 41. Tabienæ verbo excomm. 1. parag. 13. Innoc. in cap. 1. de schismaticis, ibi enim ait, conferentem ordines si est excommunicatus secretus, & toleratus, non impedire executionem ordinum in iis qui illos suscipiunt.

D Dico secundò, *Gesta ab excommunicato, suspenso, aut interdicto denuntiatis, inania esse, ac nulla, ita Innoc. III. in decretali veritatis 8. de dolo & contumacia, declarat à deposito, valide fieri nihil posse, nihil à suspenso, aut excommunicato publice, Ea nihilominus reuocantes, inquit, in irritum, quacunque post inhibitionem Apost. sedis, seu factam suspensionem, & excommunicationem, de rebus Ecclesiæ alienare præsumperit.*

Huius opinionis est hoc argumentum non leue, quod acta ratione officij, sint sine iurisdictione, cassa ac irrita: at hæc est excommunicatis, suspensis denunciatis ademp-

pta

pra per Ecclesiam, argumentum est canon. Innoc. III. 24. *ad probandum de sentent. & re iudicata*, vbi iurisdictionis defectu, ac inopia, datam à delegatis iudicibus sententiam, infirmendam scribit quod *vnus ex delegatis iudicibus, qui eam protulerunt, excommunicationis vinculo publicè esset innodatus, quādo sententia lata fuit*. Vera est ergo assertio, quæ à toleratis geruntur ac fiunt, eius occasione magistratus quem publicum gerunt, rata esse, quod in iis (quæ est Innoc. ratio) dignitas ac iurisdicctio resideant, ita quæ non tolerati faciunt, natura sua ruere, iacere, firma non esse. Sunt hi autem non tolerati Panormit. auctore ac teste in *cap. Veritatis de dolo*, qui sunt depositi, qui dignitatis insignibus spoliati, qui notorii percussores Clerici, aut publice sunt excommunicati.

Dubium sextum, *An dari, aut promitti superiori quid possit, vt ab excommunicatione non centemliberet.*

Est id pridem à Lucio Papa III. reprehensum, quod sit indignum, & Ecclesiastica rationi contrarium, *Vt absolutionis beneficium redimatur*. Equidem est hæc spiritualis, & à spirituali iurisdictione, vt effectus à causa pendens, quæ autem à concrectione sunt terrestri libera, quæ natura suâ spiritualia, hæc æstimari pretio, aut distrahi sine peccato posse, quis putet? empta tamen non est inualida, Sylu. si est fides in *verbo Simonia num. 8. dicto 4.*

Ratio est, quod culpa, potestatem superiori non adimat, nec voluntatem iuuandi excommunicati, quæ ambæ res, solæ sunt in Superiore ad eius abrumpenda vincula necessaria.

Quid si hunc ad huiusmodi commercia, impietatis plenissima, excommunicatoris cogat improbitas? à quo vt Ecclesiæ redderetur, eiusque Sacramentis, gratis, ac sine nummis, impetrare non potuit?

Eum Simonix arcessit Vgolin. *tab. 1. cap. 5. num. 5.* quod excommunicatoris vexatio, nihil sit aliud quam absolutionis negatio, quam redimere, est absolutionem emere. Hæcille.

Sed contra. Alienæ occurrere culpæ, ideoque pecuniam, aut ea quidpiam æstimabile, peccanti dare, vt ea ablistat, culpa nō est, est hoc ei vero qui vexationē redimit, propositum, non autem emere gratiæ aut reconciliationis cum Deo, Ecclesiæque beneficium, quod Diu. Thomæ non videtur improbandum in *4. sentent. dist. 25. qu. 3. art. 2. in fine & 2. 2. q. 100. art. 4. ad 3.* vbi agit de Iacobo, qui à fratre ius primogenituræ sibi diuina dispositione debita, emit sine vlla sua culpa, qua tamen Esau non caruit, illud

A vendendo. Idem dicendum, de excommunicato, cui debetur à suo Iudice, censuræ à se contractæ relaxatio, vbi satisfecit officio, eaque præstitit omnia, quæ læsa charitas, admissaque per eum culpa postulabat.

Dubium septimum, *An peccet, qui legem sancit, qua iubeantur excommunicati, certam pecuniam summam quot diebus, & hebdomadis pendere, quandiu se superiori absolutionis gratia, non sistent?*

B Respondend. quandiu per eorum contumaciam stabit, quominus è vinculis Ecclesiæ, quibus astricti hærent, liberi abeant, æquitatis esse, prudentiæque, pecuniam exigere, quæ sit peccati pœna, non absolutionis pretium, alioqui lex iniusta esset, eique morem qui gereret, improbus.

Dubium octauum, *An cum datur facultas absoluedi ab excommunicatione qualibet, & omnibus casibus, ijs duntaxat exceptis, qui continentur in Bulla cœnæ, censeatur etiam data facultas esse, absoluedi ab excommunicatione reseruata Episcopo?*

C Omnino, cum enim Papæ auctoritas, iisdē definita sit terminis, quibus orbis ipse, constat quæ ab Episcopis, immissa sunt vincula nocentibus, laxari ab eo posse, & rescindi, cum placet: ergo & ab illis, quos ad eam rem, sibi subrogatos volet, tanquam delegatos. Substituit autem, cum in Iubilæis, confessarios adhibet reconciliandis pœnitentibus, cum potestate censuras ac peccata remittendi cuiusque modi, exceptis his quæ cœnæ Bulla continet, possunt ergo tum Confessarij, eos absolvere à censuris & peccatis, quæ iuris esse sui voluere Episcopi.

D Velle autem Pontificem, Confessario cuiuslibet tum subesse reseruata ab Episcopo, indicat ipse concessionis contextus, ac series, ecquid enim illa loquitur, in Confessariorum esse iure, quidquid non est de eorum genere quæ reseruata sibi Pontifex vult in Bulla cœnæ? ergo & censuras Antistitum, alioqui vt illa excipit, sic & censuras excepisset, quas sibi proprie seruari in Diocesi Episcopi imperant: exceptio enim iuxta Iurisperitorum axioma verissimum, in non exceptis, firmat regulam *lege quæ situm digni de fundo instituit.*

E Dubium nonum, *An quando quis, ab excommunicatione absoluitur, cum obligatione reincidentia, nisi conditionem impleat absolutioni appositam, eadem numero excommunicatio redeat.*

Non redire probat hoc argumentum, quod quæ desierunt esse, renasci denuo sine noua quapiam actione nequeant, at fuit excommunicatio prima illa, absolutione Iudicis sic absterfa, nullum eius vestigium



ut sit reliquum, nā ex hypothesi eadem excommunicatus non iterat, quorum causa, primo in vincula incidit Ecclesiæ, non est ergo hæc eius excommunicatio in quam reincident, eadem numero, cum ea quam peccando primò subiit.

Est tamen ei perquam similis, & eatenus dicitur reincidente ac relabi, quatenus hæc irrogatur iure, propter inobedientiam & contemptum virtualem Ecclesiæ, in non præstando quæ hæc iussit, & quæ reincidentis olim acceptavit, quo de iure planum est testimonium in decretali Bonifac. VIII. eos qui 22. de sentent. excommunic. in sexto, ubi postquam eos lenitatis arguit, qui cum Episcopis suis de obsequendo iisdem fidem dedissent, hacque isti spe industi, eos censuris fecissent liberos, sua tamen promissa non fecissent, tādē decernit, ne sic censura illudant Ecclesiastica in eandem sententiam reincidente ipso iure, quam ad rem requiritur formalis in eo contemptus, qui absolutionem à censura sibi ab illo non quærit, qui dare poterat, patet ex textu ubi talis contemptus fit expressa mentio: quare qui ex metu, verecundia, aut quapiam alia causa, ad eum cui dicta censura est referuata non accedit, eam de nūo non incurrit, quia quod ad eum non veniat, non est tribuendum contemptui.

Dubium decimum, *An in Iubilæis dari possit absolutio à peccato cum reincidentia, & si nequit, quando sit hæc ei adiungenda conditio?*

Absoluendus vigore Bullæ, aut Iubilæi, absolute, & semota conditione omni debet absolui, nullo modo cum reincidentia, nisi præster promissa, eaque quæ secum ipse statuit, ut Iubilæi fructu gaudeat.

Primò, quia hic casus, non est de eorum numero, quos Papa Bonifacius non nisi cum hoc onere remitti voluit, ergo cum restringendæ sint pænæ, coercenda odia, danda in Iubilæis absolutio, non est limitanda reincidentia, ut circumstantia ad eius validitatem necessaria, cum casus, & censuræ, diuersi sint generis, dictaque proinde de eorum altero, intelligi de alio nequeant.

Secundò, Sacramentalis absolutio, conditionem non admittit de futuro, quia Sacramenta cum sunt, operantur necessario, nec eorum effectum suspendere potest vlla conditio, ab eius ergo abhorret essentia, ut detur cum reincidentia.

Quæ sunt ergo tempora, quibus eam conferri cum hac conditione iura præcipiunt? qui casus inter cæteros præcipui, quibus non decet canonum lege, conditionem hanc in absolutione omitti?

Duo, non plures, primus est, cum qui te-

nebatur obstrictus aliqua censura, est ab ea ob mortis imminens certumque periculum, solutus à iudice. Alter cum ab ea quidem est à Papa, vel eius legato exemptus, sed cum onere, suo se sistendi ordinario primo quoque tempore, aut alteri, quod tamen non præstitit, lubet audire Bonifacium ea de re sic loquentem in decretali, eos qui 22. de sentent. excom. in 6. Eos qui à sententia canonis, vel hominis (cum ad illum, à quo alias de iure fuerant absolventi, nequeunt propter imminens mortis articulum, aut aliud impedimentum legitimum pro absolutionis beneficio habere recursum) ab alio absoluntur, si cessante postea periculo, vel impedimento huiusmodi, se illi à quo his cessantibus absolui debebant, quam citò commodè poterunt, præsentare contempserint, mandatum illius, super illis, pro quibus excommunicati fuerant, humiliter recepturi, & satisfacturi, prout iustitia suadebat: decernimus (ne sic censura illudant Ecclesiastica) in eandē sententiam reincidente ipso iure. Idem statuimus de his quibus cum à sede Apostol. vel à legatis ipsius beneficium absolutionis consequuntur, iniungitur ut ordinari eorum suorum, vel aliorum quorumlibet suscepturi pœnitentiam ab eisdem, se conspectui representent, & passis iniuriam, satisfactionem exhibeant competentem. His duobus casibus exclusis, non datur à iure reincidentia, ut notarunt Couarr. in commentario can. Alma mater parag. 11. num. 6. Ludouic. de Beia par. 2. casuum, casu 30. respons. ad tertium dubium.

Dubium vndecimum, *An prius absolui pœnitentem oporteat, ab excommunicatione, quam peccatis, seu an absolutio excommunicato data, sit valida.*

Sunt in peccato, quod annexam censuram habet, spectanda duo, vnum est, reatus inimicitæ diuinæ, alterum, obligatio illam deferendi ad suum iudicem, primum tollitur contritione, aut absolutione legitimi Sacerdotis, alterum solius iudicis, à quo ut à reseruatore censuræ quam reo intulit, est hæc remouenda priusquam de peccatis detur ei per absolutionem venia. Iam ergo quæritur, an si secus fiat, hæc sit futura rata, ac valida.

Talem fore negauere Sylu. verbo Confessio 1. qu. 5. & verbo Confessor. 3. q. 8. Armilla verbo Absolutio num. 5. Sotus in 4. dist. 22. q. 1. art. 2. Valq. in 3. par. eo. 4. tract. de excom. dub. 4. Tolet. lib. 3. cap. 8.

E Patribus D. Cyprian. multis locis epist. maxime 10. 11. & 12. iuxta editionem Pammelij, quibus locis acriter eos sermone insequitur qui contra Euangelij legem, contra honorificam Martyrum petitionem, ante actam pœnitentiam, ante exomologesin grauissimi atque ex-

tremi

tremi delicti factam ante manum ab Episcopo & Clero in penitentiam impositam, offerebant lapsis pacem, *epist. 11. ad Martyr. & Confessor.* quam tamen parum utilem, quia eam non præcesserat de peccatis facta apud Episcopum confessio, & ab eo recepta absolutio, indicat hæc eiusdem sancti Martyr. oratio in tract. de lapsis, contra Domini ac Dei legem, laxatur incautis communicatio, (hoc est remittitur excommunicatio) irrita & falsa pax, periculosa dantibus, & nihil profutura accipientibus; non querunt sanitatis patientiam, nec veram de satisfactione medicinam.

Alij contra, hanc absolucendi rationem approbant, ac ferè omnes, huius sententiæ principem proferunt Angelum verbo Confessio 1. §. 10. quem postmodum sunt sequuti; Monal. tit. de sent. excomm. parag. 28. Supplementum verbo Confessio 1. parag. 4. Ludou. de Beia par. 3. casu 4. Nauar. Enchir. cap. 9. num. 3. Suar. 10. 4. disp. 31. sect. 3. num. 6. Caiet. in summa verbo absolutionis impedimenta Villal. tom. 1. tract. 9. difficult. 40. num. 7. quam in partem meus inclinet animus, docebunt assertiones proxime sequentes.

Assertio prima, Qui peccatorem Deo reconciliare parat, priusquam eum reconciliauerit cum Ecclesia per absolutionem à censura, quam contraxit, peccat. Ad hanc rem confirmandam haud leuia proferri argumenta solent, maiorum autem neruorum, hæc videntur.

Primum, quia contra quam Ecclesia præcipit, in communionem Sacramentorum eum vocat, qui hæc quandiu est ab ea exclusus, eiusdem legibus frequentare vetatur: nec enim ut est in can. quicunque vigesimo septimo causa 24. q. 1. qui ab unitate fidei, vel societatis Petri Apostoli, quolibet modo semetipsos segregant, vinculis peccatorum absolui, & ianuam possunt regni cælestis ingredi.

Secundum, excommunicato sacris interesse, eorumque gaudere fructu non licet, ut ostendamus postea, at inter diuina omnia, principem habere locum videtur Sacramenti perceptio, cum animæ causa, cultusque Deo exhibendi gratia, sit ab eodem institutum in Ecclesia.

Tertium, Censura magis à Sacramento rum usu remouet, quam à iure beneficiorum, ab illis enim directe, & immediate repellit, nec esse potest, quin hunc effectum in eo producat, quem afficit ligatque, cum repugnet esse in Ecclesia, & extra, quod tamen usu veniret, si excommunicato v. c. ad Sacramenta, eorumque aspirare usum fas foret, sed isti, iure Ecclesiæ interclusus est omnis ab beneficia aditus, cum enim excommunicatus communicari non debeat, patet quod Clerici excommunicationis vinculo innedatis, Et.

Pars secunda.

A clestastica beneficia conferri non possint, nec illi ea retinere valeant licet, nisi forsitan cum iis fuerit misericorditer dispensatum, cum canon fuerint consecuti canonicè. Innoc. III. in cap. postulastis de Clerico excomm. ministrante. Excommunicatis Sacramenta sunt ergo potiori neganda iure, quam beneficia.

Assertio secunda, Ad Sacramenta excommunicatum admittere, à nexu suo, hoc est censura quam culpa sua incurrit, non liberum, peccatum est sacrilegium.

B Probat, temerare rem sacram, id est, eam contra quam eius dignitas postulat, tractare manibus, vel mente, sacrilegium est Diu. Thoma auctore 2. 2. qu. 99. art. 3. Id facit quisquis impium, quisquis alienum ab Ecclesia, ac ab eius Sacramentis semotum per censuram, ad horum participationem & usum recipit, qualem esse excommunicatos omnes docet Pontifex Gregor. IX. in cap. si celebrat. Ultimo de Clerico excomm. ministrante.

C Secundo, Sacramentum conferre velle ei, cui non licet recipere, culpa est, eaque Sacramenti sanctitati opposita, proindeque sacrilegium.

At est Sacramentorum passiva administratio interdicta excommunicato in cap. si celebrat. citato: ergo & Sacerdoti actiua respectu eiusdem est prohibita.

Secundo, Sacerdoti ius extra Ecclesiani positus, dicere non licet, nam cum hæc auctore Paulo, potestatem in eos nullam habeat. Quid enim mihi, inquit, de his qui foris sunt iudicare? nec dare Sacerdoti potuit, cum id & illi concedenti esset criminofum, & Sacerdoti perquam flagitiosum. Sed absolutio sine iurisdictione, cuius hic liberum usum non habeat, data penitenti, labe est infecta sacrilegij, eum sit abusiua, ac sacrarum vocum, in quibus vis est, essentiaque formæ posita; applicatiua subiecto cum peccato. Vera est ergo assertio, excommunicatum, de peccatis excommunicatione durante absolui sine sacrilegio non posse.

Assertio tertia, Esi sit hæc absolutio illicita, est tamen valida, rataque.

Huius opinionis causæ multæ, præcipuæ sunt quæ sequuntur.

E Prima, quod est absolutio rata, cum est his ornata conditionibus quæ à sacris Theologis exponuntur, in quibus est, ut confessioni de peccatis integræ, ac dolenti, ab eo qui eam dare potest adueniat. At talis esse potest, quæ datur excommunicato, censura adhuc sua implicito; quid enim vetat, quominus eam integram obeat? dolorem autem de peccatis quæ concipere queat, cumque propter Deum summe dilectum, nemo

F



est qui ambigit, potestas autem absolventis dubia esse cui potest? cum hic sit excommunicati Superior ut supponitur, ordinario in culpas, hominesque iure præditus, & ab omni censura liber, data ergo excommunicato per eum absolutio, si non est licita, certe est rara.

Secunda, si est absolutio Sacramentalis excommunicato collata, ipso iure irrita, quæro quo maxime, diuino? at eius rei, nulla fit in sacris literis mentio. Deinde iure diuino, per id tantum, reddi potest absolutio inanis ac nulla, quo de eius substantia aliquid demitur, at nego quidpiam de ea detrahi, aut tolli per censuram, qua tenetur irretitus, qui cum ea absoluitur, ut est in priori argumento ostensum. Nec est similiter irrita iure Ecclesiastico, cum tale nullum dari queat, alioqui eius aliquod extaret in corpore iuris indicium quale nullum proferri potest.

Tertia, si censura absolutionem eius irritam redderet, qui bona fide eam recipit, illumque ad Sacramentum poenitentiae faceret inhabilem, & que faceret ad omnia, cum ex quo interdicta ei sint singula, at qui id dici de omnibus non potest ut antea est probatum, & probabitur postea fusius: ergo, &c.

Quarta, cum quis de suis peccatis apud inferiorem Sacerdotem confitetur, & defert censuram aliquam, quæ ad Superiorem conscientiae iudicem pertinet, potest Sacerdos inferior, iure suo, cuncta eius qui confitetur peccata audire, eique absolutionem largiri, pro absolutione autem censuræ, eum ad superiorem remittere, ut habet opinio probabilis, in quo casu, datur Sacramentalis absolutio, excommunicatione necdum subblata auctoritate Ecclesiae, valida ergo est, raraque flagitiorum remissio, excommunicato poenitenti data, quod erat probandum.

Antecedentis doctrinaeque in econtradictæ, assensor, & comprobator est Henricus, cum absolutionem, quæ est à ministro Ecclesiae, diuidi posse ait, tum ratione reconciliationis, quæ potest per partes fieri, sicut patet (inquit) in excommunicatione pluribus excommunicationibus, potest enim absolui ab una, sine alia. Quam doctrinam, Gabriel in 4. dist. 17. q. 1. art. 2. sequitur, docetque reconciliationem quæ fit cum Deo, diuisionem non admittere, posse autem eam, quæ fit cum Ecclesia, dicit idem S. Anton. 3. par. titulo 14. cap. 19. parag. 6. Caiet. in summa verbo Absolutionis impedimenta, Nau. in Manuali cap. 9. num. 4. Barthol. in Medina in summa lib. 1. cap. 11. parag. 3. de Beia parte 3. casu 4.

Quæ contra proferuntur, sensum habent expeditum, ac facilem, ut patebit ex eorum

A solutione.

Et primo Respondendum, Cypriani testimonio hoc tantum effici, quod ipsi ultro admittimus, peccasse Presbyteros cum cruce adhuc tempore, pace Ecclesiae nondum reddita, exomologesi necdum facta admissorum, lapsos reconciliabant Ecclesiae, quod esset hæc eorum laudabilis in speciem caritas, eiusdem Ecclesiae legibus opposita, Episcoporum auctoritati aduersa, ipsisque adeo reconciliatis, ac eorum commodis periculosa, & quidem opposita erat Ecclesiae legibus, priscisque venerandæ antiquitatis moribus, nam primo à lapso fiebat Sacerdoti priuata confessio, hanc sequebatur poenitentia publica, postquam fiebat exomologesis, id est confessio alia, quam publicam tuisset indicare videtur Pammel. in epist. 13. deinde sequebatur manus impositio, hanc autem ad Eucharistiam admissio, & libera cum fidelibus communicatio, quorum omnium cum nihil in pace lapsis concedenda, Carthaginenses Presbyteri seruarent, erat eorum aduersus illos præpropera immaturaque beneuolentia, ut Ecclesiae moribus minimè consentanea, non probanda Cypriano, eiusque ac nostro proinde iudicio damnanda.

Fuit etiam Episcopis probrosa, quia quod erat eorum munus proprium, à censura scilicet absoluere, ac lapsos Ecclesiae reddere, hoc sibi eius temporis Sacerdotes, temerario vendicabant ausu, sic illis honorem Sacerdotij sui, & Cathedra, ut Cypr. ep. 13. queritur, impiè subtrahentes ac iniuste. Erat etiam ea reconciliatio recipientibus periculosa, quia cum esset facta præposterè, more non seruato Ecclesiae, sæpe vertebatur eis in noxam, nec enim cum talem martyrum precibus ac libellis mendicant, querunt sanitatis patientiam, nec veram de satisfactione medicinam, poenitentia de peccatoribus excutitur, grauissimi, extremique delicti memoria aufertur: operiuntur morientium vulnera, & plaga lethalis, altis & profundis infixæ visceribus, dissimulato dolore contegitur, Cypr. de lapsis.

Enimvero cum sit hominis restitutio in Ecclesiam, culpæque condonatio per eum admissæ, quando ad idola sædo pietatis deliquio transit, iurisdictionis actio, data ab eo, qui eiusmodi potestate caret, inanis est ac nulla. Iam quæro, ecquid tali aliqua præditi essent Carthaginenses Presbyteri? cum ne quempiam ad communicationem admitterent, ante pacem Ecclesiae redditam, eorumque ea de re Episcoporum ac Cleri habitum, iis Cyprianus eorum Episcopus vetuisset tam frequenter, ut fidem faciunt eius epist. 10. maxime & duæ proximè quorū nihil est.

Primum

simile in casu proposito in quo supponitur à potente, censura remissa fieri. Sed habent aduersarij alia quæ opponant.

Primum, Est excommunicatus, vsu tam actiuo Sacramentorum, quam passiuo Papæ decreto prohibitus, in cap. si celebret. Vltimo de excommunic. ministrante: est ergo eorum incapax, ergo conferri ei non debent.

Prima conseq. est falsa, si in ea sit sermo de incapacitate quæ absolutionem nullam faciat, non autem illicitam.

Secundum, Impedit censura, ne qui ea est vinctus, valide excommunicet aut absoluat, ergo ne valide quoque absolui queat,

Anteced. respondendum est, cum distinctione, nam is quem censura ligat, notus est nemini, vel omnibus, puta, quia denunciatus est publicè, aut est notorius percussor Clerici.

Si primū, impenſa ab eo absolutio censenda est valere, quia censuræ occultæ, & non publicè denuntiatae coram & actus valorem non impediunt qui exercetur ratione publici officij, vt asserunt Doctores, in cap. ad probandum de sententia & re iudicata, si alterum, habenda erit pro inani, ac nulla, quia ad eam excommunicatus vim non habet sufficientem, & idoneam, vt pote quæ est ei sublata ab Ecclesia, sicuti est planum ex decretali Innoc. III. Vigesima quarta ad probandum de sententia & re iudicata, alteraque eiusdem, in titulo de dolo & contumacia, cui initium Veritatis est Verbum, vbi hic Pontifex in irritum reuocat, nullarumque esse virium indicat, quæcunque post inhibitionem sedis Apostolicæ, seu factam suspensionem, & excommunicationem, de rebus Ecclesiæ Curienſis Episcopus alienare præsumperat: hinc enim est perspicuum, facta per excommunicatum, qui denunciatus est in publico, subsistere non posse, nec proinde datam per eum absolutionem valere. Hæc enim vt sit rata, ac valida, pendet ab actuali iurisdictione absoluentis in absolutum, qualem in istum excommunicatus denunciatus nullam habet, cum hanc ei Ecclesia ademerit, quod potest, eo quod tam ipsa, quam eius concessio, humani sit iuris, non autem habitualis, quia talis iurisdictione cum charactere Sacerdoti confertur in ordine, ideoque diuini est iuris, quemadmodum & forma ipsa Sacramenti pœnitentiæ, vt pote à Christo instituta, quæ causa est, cur quoad valorem suum essentialem ab humana potestate non pendeat, & ex consequenti non possit impedire Ecclesia, ne prolata super pœnitente ei non proſit, per accidens tamen, & indirectè, vel ob peccatum mortale in quod excom-

municatio fertur, vel ob iurisdictionem actualem, quæ ad absoluendum requiritur, & est iuris positiui, vsu illius actiuum prohibere potest. Beia loco supra citato.

Dubium duodecimum, An peccet, qui excommunicatum iniuste, ac sine causa, absoluit in conscientia foro à peccatis, non à censura.

Nequaquam: causa est, quod non cuiuslibet censuræ relaxatio, absolutioni à peccatis præmitti debeat, sed veræ, hoc est eius, quæ Dei, prudentiumque iudicio sit talis. At quæ est iniusta, hoc est lata pro non crimine, non est talis, nec excommunicatio simpliciter & absolutè, sed secundum quid tantum, nempe in foro exteriori duntaxat, & quoad externam communionem.

Dubium decimumtertium, An habens facultatem absoluendi ab excommunicatione, delegare eam possit alteri.

Qui potestate est ordinaria ad absoluendum instructus, delegare eam potest alteri, patet in Episcopo, cui iure conceditur, constituere sibi plures, vel vnum Vicarium seu Officialem cap. quoniam de officio ordinarij. & cap. Romana eod. titulo in 6. qui etsi sit, ac reputetur ordinarius, iurisdictionem tamen delegatam eo nomine habet inter cætera, quod eam Episcopo acceptam referat. Hostiens. in cap. Romana de officio Ord.

Quare cum delegatus Papæ, ad vniuersitatem causarum, sit respectu earum quasi ordinarius, quemadmodum & qui ex privilegio perpetuo, sibi ratione dignitatis aut officij, concessio, potestatem absoluendi obtinet, eam cum lubebit, committere poterit alteri. In summa his quibus ex officio, in certis casibus competit illis absoluere, qui pro violenta manu iniectione, incidunt in canonem sententia promulgatæ, licet aliis huiusmodi absolutionem committere, cum viderint expedire, Greg. IX. extra de officio iudicis Ordinarij. cap. finali.

Possunt etiam Religionum Prælati facultatem quam habent dare alteri, patet ex citata decretali quam calculo suo cõfirmant, Sylu. verbo absolutio 4. num. 6. in fine, Henriquez lib. 6. cap. 7. §. 3.

Dubium decimumquartum, An excommunicati absoluere sese possint mutuo.

V. C. Presbyteri duo, pugnis se ac verberibus affecere inuicem, de his quæritur, an sua sibi mutuo, excommunicationis vincula possint tollere.

In hac enodanda quæstione operam suam posuere olim Sorbus in Annotat. ad Compend, verbo Absolutio quoad fratres paragr. sed si succederet, Beia 4. parte responsion. casu 6. Portelius par. 2. casuum casu 30. de qua quid sit sentiendū exponā aliquot assertionibus.

Prima Assertio, *Nec mutuam sibi deferre operam, nec delata vti possunt hi duo Presbyteri, si habent ad manum alios, quos ad expiationem culpæ suæ adhibeant, aut nihil sit necesse, prope-rato ad eam rem vti, nec quidquam eos urgeat operam sibi mutuo dare consentientibus.*

Probat, charitatis lege tenentur omnes, proximo suo causam culpæ non offerre, oblatam autem, si possunt tollere, sed hi, de quibus est hic sermo, auctores sibi sunt inuicem peccandi, cum contra caritatis prudentiæque iura petunt, ac se cohortantur mutuo, ut sibi absolutionis beneficium imper-tiant, quod tamen nequeunt sine peccato, eo quod eorum per Ecclesiam sublata sit ac suspensa iurisdictio, sine qua tamen prodesse quid potest manuum impositio? abso-lutio autem quando seiungi à sacrilegio? esset tamen ea postulatio culpæ expers in eo, qui illam à Prælato exigeret, cum & ille ius pe-tendi habeat, & iste obligationem dandi, quod autem in eo versetur opere, male, & cum culpa, tribuere ipse sibi debet, quam e-nim erat illi facile de peccatis dolere, ea retractare animo, meliora in posterum pro-pone-re?

Assertio secunda, *Si necesse est celebrare, ut evitetur scandalum, si dicenda Missa ut audia-tur à populo, cui alter percussorum præst, ambo sibi possunt remissione censura consulere, mutuo-que remittere, quia quod in lege non est licitum, necessitas facit licitum de regul. iuris regula 4. nec est probabile, velle Ecclesiam eos pri-uare remedio, quo si minus discuti necessi-tas, at ei certe occurrere potest, proindeque eorum auctoritatem suspendere tum velle, ac tollere, quam est improbabile? quod si*

integra manet, si non impedita ac restricta, voluntate benefica ac liberali Ecclesiæ, quid est rationis, quam obrem sibi hi inui-cem quod petunt, non tribuant?

Confirmatur, cum quis est ad eas redactus angustias vi morbi, ut eum mori oporteat, ab excommunicato absolui potest, cum e-nim Deus, nullius hominis æternum inte-ritum, sed salutem velit, instrumenta ad eam consequendam à se instituta, ei non vult eripi, eriperentur autem, si pœnitenti in mortis articulo, Sacramentum pœnitent-iæ, quod est ad salutem adipiscendam di-uinitus comparatum, excommunicatus tri-buere non posset, voluntate ergo Dei, & Ecclesiæ, quæ à Dei voluntate, & decreto discrepare non potest, excommunicato cui-libet in necessitate absolueret licitum, er-go & percussori notorio Clerici, quemlibet sui similem, si ambobus, aut eorum alteri metuitur infamia, populo autem scanda-lum, nisi hic & nunc ambo sacrificent, aut

saltem eorum alter: quam ad rem digne ob-eundam, ac sine scelere, opus est reconcilia-tione cum Deo per gratiam, cum Ecclesia autem per pœnitentiam, id est absolutio-nem, partem eius præcipuam, & censuræ incur-sæ relaxationem.

Obiicitur contra, sine iurisditione ab-solvere, est operam suam ludere, sed ex-communicatus excommunicatione maiore, Sacramentorum actiuo usu, eaque conse-rendi potestate caret 24. q. 1. can. *audiuimus eap. si celebrat de Clerico ministrante*, valide er-go nihil ac fructuose excommunicatus face-re, in alterius causa pari secum irretiti vin-culo poterit.

Respondend. primò, excommunicato cui-libet iurisditionem non tolli per censu-ram, quam peccando subiit, sed denuncia-to tantum & notorio Clerici percussori, ut est in Bulla Mart. quinti *Ad evitanda*.

Respondend. secundò, excommunica-tum regulariter carere iurisditione, eiusque usu, Ecclesiam tamen in gratiam fidelium, utrumque ei in necessitate relinquere, ne Sacramento pœnitentiæ, maxime necessa-rio salutis remedio destitutus, intereat.

Obiicitur 2. qui cum excommunicatio-ne exercet actum ordinis est irregularis, iu-betur enim deponi, aut ad tempus, ab offi-cio suspendi, decreto Alexand. Papæ tertij in cap. Clerici 3. & cap. latroes quarto de Clerico excomm. ministrante, quod iuste sane non fe-cisset Alexander ac honeste, si in excômu-nicati iure foret, alium cum res tempora-que urgent, absolueret.

Respondendum ad maiorem, in citatis canonibus, reos duntaxat plecti ac nocen-tes, quo de numero, cum non sint qui Sa-cramentum in necessitate administrant, eo quod Ecclesia id illis tacitè permissum esse velit, mirandum non esse, si quam illi depo-sitionis sententiam pro temeritatis suæ ausu incurrunt, ab ea sint hi, peræque ut à culpa liberi.

Dubium decimū quintum, *An cum Ponti-fex, postulanti à censura solui, annuit ut Con-fessarium sibi ad id idoneum eligat, cuius opera absolui queat, servata tamen iuris forma, necessa-rio illi sit detegenda conscientia in Sacramento, pœnaque verberum subeunda, quæ est canonibus præscripta.*

Dico primò, *Et si extra Sacramentum, re-mitti censura possit à prælatis, ut docent Ro-driguez to. 1. qq. quæst. 61. Portelius par. 2. ca-suum casu 30. & à Regularibus quibus id Pa-pæ benignitate licet, secundum Sanch. lib. 8. de matr. disp. 34. num. 29.* hac uti tamen po-terat nequeunt, cum sunt ab excommuni-cato, iuxta facultatem ei à Papa traditam,

electi



electi in eius Confessarium.

Pars prima, omnium ferè confessione est certa, nam Inquisitores sacri officij quis nescit, coram ac publice hæreticos à sua absolueret hæresi, & non à peccatis cæteris, cum eorum confessiones sæpe non excipiant? Deinde Apostatas, hoc est translugas, ac instituti desertores, à Religionum præpositis in ordinem recipi, ac à censura absolui, eorum confessione prius non audita, vsus ipse cœnobiæ communis indicat, vera est ergo assertionis pars prima.

Altera fuit an absolutio censuræ, à superiore iudice delegata, abiungi possit à peccatorum Sacramentali absolutione, habetque hæc probationem æque aut magis facilem, ac prima. Nam delegato concessi sibi iuris à delegante, terminos egredi in præstatione officij nō licet, secus ludit operam, nec uti par est, ac debet, commissam sibi prouinciam ex fide obit. At cum Pontifex excommunicato indulget, vt liberandi sui causa, Confessarium eligat, virum fide, ac industria conspicuum, ius eius ac facultatem, ad Pœnitentiæ Sacramentum restringit, ac reuocat; est hoc ergo absolutionis obtinendæ causa à censura, frequentandum.

Primo, quia talis potestas pro foro conscientie conceditur, quod forum propriè peccatorum iudicium respicit.

Deinde in priuilegiis quæ à Pontif. Romano dantur Religiosis, fit confessionis mentio, qua non audita, ad absoluendas censuras eis prædicta priuilegia non suffragantur, cum in iis dicatur eos posse, à censura absolueret, *ante tamen auditis pœnitentium confessionibus.*

Secundò, si confessio scelerum non est absolutioni præmittenda censurarum, cur Confessarij, Pontifex in sua Bulla meminit? cur ad Episcopum, excommunicatum non mittit? equidem cum Confessarius, quæ talis, confessionibus excipiendis nomen habeat, in eo quoque operam illum deferre suam pœnitenti, ac excommunicato vult Pontifex, sic quidem vt absolutio à censuris sit instar viæ, ac dispositionis necessariæ ad remissionem culparum, quam non nisi confesso dari posse, est certum.

Dico secundò, *Et si communiter forma absoluendi præscripta ab Ecclesia pro foro externo seruari debeat cum excommunicatus reconciliatur Ecclesie, ommissa tamen quin valide fiat, atque fructuose, non impedit.*

Antequam probetur, meminisse conuenit, preces quasdam instituto Ecclesie, absolutioni publicæ à censuris, præmitti oportere, de quibus nos supra in quæst. de eius modo, ac forma.

A Secundo iure quoque exigi primò, vt qui est ob graue delictum excommunicatus, iuret quod amplius tale peccatum non committeret, Alexand. III. in cap. ex tenore 10. de sent. excomm.

B Secundo, si in eum dicta est sententia excommunicationis, ob iniuriam illatam alteri, nisi ei sit satisfactum, aut ipse iniuriam remiserit, cogendus est satisfacere totaliter, aut ex parte, antequam censura suæ absolutionem recipiat, Innoc. quartus de sent. excomm. cap. 2. & cap. ex par. 23. de verbor. significatione, quod si pro contumacia notoria fuit in eum dicta sententia, ab eo impensæ repetendæ erunt, cap. venerabilibus 6. de sentent. excomm. in 6. quod si offensa, aut contumacia, pro qua est excommunicatus fuerit dubia, sufficiet cautionem dare, vt dicitur in eo canone, cuius rei est hæc ratio, quod æquitas non sinat, ab eo repeti, quod certò deberi non constat. Quod si nec satisfacere, nec cautionem realem dare ipse poterit, præstabit iuratoriam.

C Dico iam ergo, *Et si preces omittantur, ac Verbera, quibus excommunicatum oportet affici, Ecclesie instituto Veteri, absolutus tamen Valide ac Valide.*

Ratio est, quod absolutio, à voluntate iudicis habentis ad id potestatem idoneam, vim trahat: At esse ambæ hæc res possunt in iudice, quamuis preces præstitutas ab Ecclesia, cæteraque adhiberi in Diœcesibus singulis solita, non vsurpet.

D Secundo, cum secreto, & clam arbitris, vt in conscientie foro datur absolutio, eiusmodi cæremoniis nullus est locus, & tamen est hæc rata ac valida, non sunt hæc ergo ad eius substantiam necessariæ. Et quidem cum absolutio à censura, sit iudiciaria, non Sacramentalis, quibuscunque demum vtare verbis, dummodo exprimendæ intentioni absoluendi idoneis, id ipsum operatur, ac efficit, quod innuit, visitata tamen pro eo foro sunt ista. *Ego te absoluo à vinculo absolutionis, quam incurristi propter tale factum, & restituo te Sacramentis Ecclesie.*

E Quid si Papa, aut Episcopus, significant iis literis, quibus absoluendi facultatem delegato tribunt, mentis esse suæ, vt absolutio non nisi seruata iuris forma, ac satisfacta parte detur?

Priori loquendi modo Pontifici aliud propositum non existimo, quam vt Confessarium, cuius vtitur opera in soluendo Ecclesiastico censuræ vinculo, sedulo officij sui admoneat, eique quantum suadebunt æquitas, personæ conditio, ac tempus, iuris formam, Ecclesieque priscum morem seruandum esse, non autem, si ab eo tantillum re-



cesserit, absolutioni vim nullam, ac efficaciam esse velle, Ludouic. de Beia 4. parte ca. su 6.

Causa est, quod ea præscriptione nouam absoluendi formam nolit inducere.

De Altero maior est difficultas, quibusdam absolutionem irritam esse affirmantibus, nisi prius satisfactum sit parti, negantibus aliis. Pro priore parte stant Suar. disp. 7. sect. 5. num. 41. Caietan. verbo *absolutio ante ultim. paragra.* Henriquez lib. 7. cap. 13. num. 2.

Opinionis huius vnica est ratio, quod concessio subiecta conditioni futuri temporis, aut præsentis, non tenet, conditione ea non posita, vt patet ex cap. cum dilecta 22. de rescriptis, vbi Innoc. III. processum aduersus custodem Hostiensis Ecclesiæ, contra formam sui rescripti, ac iuris ordinem attentatum, irritum decernit ac inanem.

In eandem sententiam scripta est ab Honorio III. decretalis *Venerabili 37. de officio Iudicis delegati*, in qua Cusentini Episcopi acta omnia contra Cephaludens. Episcopum abroganda censet, quod *Abbas contra mandati sui tenorem, ad inquirendum verum de dilapidatione suspectus esset Episcopus, eo non restituto præcessit, & Archiepiscopus ipse, (cum iam functus esset officio, dicto Abbati committendo in integrum Vices suas) huiusmodi negotium dicto thesaurario non potuit demandare.*

Secundo, si qui ponit conditionem, nullo modo vellet, ea non extante, assentiri absolutioni, quamvis in Ecclesiæ foro censeretur valida, in foro tamen conscientie esset nulla, vt affirmant Theologi. In Ecclesiæ etiam foro, quando constaret Pontificem assentiri noluisse, pronunciaretur absolutio nulla: ergo cum potestas delegati, voluntate Papæ conditioni sic adhæreat, vt ab hac illam pendere velit, ista non seruata, illa corruet, ergo & absolutio. Et hanc communem esse Doctorum sententiam scripsit Ægidius de Coninch. disp. 14. dub. 16. num. 210. Quam tamen quidam non probant, eo quod adiectione conditionis appositæ, cum sit de genere earum quæ iure communi insunt, delegati potestas non restringitur, sed admonetur tantum, ad quid iure communi obligetur, sed omisio conditionis, quæ de iure inest, factum non reddit inualidum, ac inane, sed illicitum tantum.

Probat min. Condicio quæ de iure inest concessionis alicui, non plus operatur cum exprimitur, quam quando tacetur, sed cum non exprimitur, absolutio, ea non seruata, valide datur, quia potestas eius conferendæ, non sic præbetur, nec sub ea conditione ac lege, vt alias actus non valeat: ergo

A idem dicendum quando exprimitur. Hæc ille.

Dere præsentis iudicium est hoc meum. *Primo Peccare, qui contra quam Pontifex literis suis imperat excommunicatum à sua censura liberat, parte non satisfacta.*

Primò, quia hic iusta iubenti non obsequitur.

Secundò, quia potestatis sibi traditæ terminos egreditur.

Tertiò quia parti nocet, quæ non nisi ægre postea, reparationem est habitura illatæ sibi iniuriæ.

B Dico secundò, *Absoluentem hoc modo, id est, sine satisfactione prauia læso exhibita, teneri de damnis, si quæ forte sua incuria, negligentiaque ille est passurus.*

Causa est, quod eorum sit causa saltem indirecta, nam si præterita reparari curasset, prout mandabat Pontifex, nec reum absolutione impertiiisset, nisi post factam restitutionem damnorum, pecuniæ, aut rei, quarum causa impetrata est censura, læsus his non careret, ergo cum absoluens suo vitio, culpaque, huiusce carentiæ indirectè sit causa, eam præstare læso tenetur, sub culpa.

Dico tertiò, *Excommunicatum ante satisfactionem parti exhibitam validè, ab eo absolui qui habet potestatem ordinariam absoluendi, aut si delegatam, eiusmodi tamen quæ sit absoluta, nec conditione vlla restricta à iudice.*

Pars prima probatur argumento facili, nempe quod nusquam sit in iure irrita, aut Pontificum vel Conciliorum decreto irritanda. Et quoniam potestatis indefinitæ, hoc est nullis restrictæ circumstantiis, vis est eadem ac ordinariæ, dicendū est, absolutionem censuræ, datam à delegato, cuius potestas est absoluta, non conditione vlla contracta, tantum valere, quantum quæ ab ordinario præbetur.

Dico quartò, *Eum qui habet tantum potestatem absoluendi delegatam, absoluere inualide ante satisfactionem, si hoc expresse dicatur in delegatione potestatis, vt si dicatur, Alias absolutio sit nulla, aut non valeat, secus est (inquit Ægid, ante citatus num. 209.) si tantum dicatur, aliter non absoluat, vel nullatenus absoluat, quia etsi iis verbis prohibeatur absolutio, non tamen irritatur.*

QVÆSTIO IV.

*An Episcopus in Diœcesi existens aliena, possit suos subditos absolvere ab hæresi aut casibus in Bulla cœnæ contentis.*

**Q**Uod aliis in rebus, hoc in præsentī materia vsu venit, vt de ea varij varia existiment, ac sentiant. Abit in opinionem negantem Suarez 10. 5. de censur. disp. 41. sect. 2. num. 11. Henric. de Irregularitate lib. 14. nu. 5. Manuel. Rodrig. 10. 2. summa cap. 69.

Oppositam tuendam sibi Sanchez credit 10. 1. Decalogi lib. 2. cap. 11. num. 18. Ledesma 10. 2. summa tract. 1. cap. 6. post. 20. conclusion. difficult. 1. Fagundez in primum præcept. Decalogi lib. 1. cap. 15. quam nos opinionem vt ante Concil. Trident. tempora probabilem ac tutam, ita post eiusdem decreta, periculi plenissimam censemus, namque tum ius, ac magnorum Theologorum auctoritate configit. Ordiamur à Concilio.

In sessione 24. cap. 6. signatè hæc habentur. *Liceat Episcopis in irregularitatibus & in quibuscumque casibus, etiam sedi Apostolicæ reservatis, delinquentes quoscunque sibi subditos, in Diœcesi, per seipsos, aut Vicarium, ad id specialiter deputandum, in foro conscientie gratis absolvere: ergo cum à Concil. restringatur absolutio, ac facultas eam dandi ad Diœcesim propriam, extra eam extendi non debet.*

Peccata quidem alia in foro animæ, sine cognitione causæ, & iudiciali strepitu, Episcopus in aliena constitutus provincia remittere potest validè, & licitè, quod iurisdicctio voluntaria extra territorium exerceri valeat, non contentiosa ac clamosa, non autem, quæ continentur terminis Bullæ cœnæ Domini,

Cuius rei, ac assertionis hic posita, reddi hæc causa potest. Quod absolutio vtpote iudicialis actio Concil. Trident. testimonio, sess. 14. cap. de absolut. potestatem in reum, eiusque culpas exigat. At Episcopo data à Concilio loco definitur, ac personis, loco quidem, quia impertienda est in Diœcesi propria, personis autem, quia ab Episcopo, aut Vicario, subditis non est neganda, data ergo aliis, & alibi non valet.

Quid si extra Sacramentum potestate vti sua tentet? quid si absolvere non confesum?

Respondend. id cum posse, primo, quia absolutio ab excommunicatione non est Sacramentalis.

Secundo, ex dictis antea, Clerico primæ tonsuræ, hoc est aggregato in Clericorum numerum per tonsuram, ab Ordinario, hoc est Pontifice, aut alio, cui ex propria officij

**A** sui ratione, aut magistratus, quem obit in Dei Ecclesia, tanquam ordinarius, committi potest excommunicationis, ac cuiuslibet alterius censuræ absolutio, secundum Nauarr. Conc. 11. de privileg. q. 2. at quod isti, facere tūc est licitum, Episcopo non est prohibitum, ergo vt ille, id est Clericus, absoluit extra Sacramentum, ita & isti, id est Episcopo, hoc tentare, & aggredi est permissum. Nec refert, quod id eis tantum in foro conscientie, non eorum Vicariis, licere Concilium velit, sess. 24. cap. 6. nam his verbis Concilium tantum indicat, patrocinari se hæreticis, eorumque causæ fauere nolle, eos nempe per absolutionem Episcopi aut iudicis Ecclesiastici, eximendo à potestate magistratus regij, sic vt ab eo puniri de hæresi nequeant, si quæstionem de ea exerceri, aut litem illis super ea vnquam intendi contingat. Ita Homobonus par. 1. tract. 5. cap. 5. qu. 31. Claud. Soleri de potestate Confessor. cap. 30. par. 1. Diana par. 1. tract. de absolutione ab hæresi resol. 2. Versu Notandum est.

**B** Huic quæstioni agnata est alia, nempe num eiusmodi homini qui impiæ doctrinæ venenū ebibit, cum se in Catholicorum castra recipit, palam, & in ciuitatis vniuersæ oculis, eiuranda sit in Episcopi manibus hæresis, ac redeundum cum Ecclesia in gratiā, eo modo, quem suis ipsa legibus præscribit.

**C** Respondend. primo, in hæreticis publicis antequam absoluantur, reconciliatiōnis & pœnitentiæ signa exigi. Secundo, de iis constare debere Episcopo. Tertio, post eiuratam hæresim, impiaque dogmata, cogendos esse, vt spondeant, se in fidei veritate mansuros. Et quia sunt excommunicati, iuramento obligandos esse, ad odium hæresis, & promissum de ea nunquam profitenda edendum.

**D** An autem Sacramentaliter absolui possint, pœna iis prius non imposita, quam canones præstituunt, estque in eo, vt dum Psalmus *Miserere* canitur, publicè in scapulis vapulent, controuersantur auctores.

Sentit Comitulus lib. 4. resp. q. 2. peccare Episcopos, qui censura publica aut publico, irritos scelere, Ecclesiæ eiusque Sacramentis restituunt, & absoluunt sine iureiurando, psalmo *Miserere*, & verbere.

**E** Nobis quia non sunt ista in vsu, sufficit, cum eiuratione errorum publica, ac sponseiurata, de non profitenda vnquam hæresi, Episcopo se in vtroque foro submittere, in interno quidem, maculæ delendæ causa, quæ tali peccato adiuncta hæret, in externo autem extinguendæ censuræ, qua mulctari Ecclesiæ placuit, qui professione hæresis, capitales ac apertas ini-

micitias secum gerunt, quia tamen absolui Sacramentaliter excommunicatus non potest, nisi prius soluta eius excommunicatio fuerit, eius cum Deo reconciliationem, eiusdem cum Ecclesia, subsequatur est necesse.

## QVÆSTIO V.

*De effectis Censurarum circa Reos.*

**C**ensurarum effecta ad duo reuocantur capita, quædam enim ipsum irretitum afficiunt, quædam alios, de quibus postea.

Quod ad primum vnicus est, effectus primarius & generalis, secundarij sunt alij ex sententia censuræ violatz nati, de quibus Vgol. *tab. 1. c. 13. & 14.*

Primarius earum effectus est, vsus spiritualium priuatio, nam excommunicatus, Sacramentorum administratione & receptione priuatur, communionem item fidelium vt habetur, *cap. penultimo de sententia excommunicationis*, interdictus diuinis officiis, præsertim Missæ interesse non potest, *cap. penultimo de sententia excommu.* quæ pœna locum quoque proportionem quadam afficit, cum qui Episcopi auctoritate est interdictus, tacris operantes non admittat, in eo enim diuina officia expleri nequeunt, ne ab eo quidem, quem interdictum non tangit. Secus agentium pœna, est irregularitas Papæ reservata, *cap. is qui in Ecclesia, § is vero de sententia excommunicationis in 6.* suspensus similiter Ecclesiastica munera ex officio obire nequit vt toto tit. *de Clerico excommunicato*, ministrante cauetur.

Dixi *Priuari vsu*, nec enim Censuræ reo ius, & potestatem legitimam auferunt, ad pristina sua redeundi munia cum resipuerit, argumentum est, quod hæc fere per susceptionem Baptismi ac Ordinis accipitur, quæ Sacramenta, characterem animæ imprimunt indelebilem. Adde quod Ecclesiæ censuras irrogantis intentio nusquam fuerit, his qui sunt innodati, culpa sua ac scelere, cum ponunt contumaciam, ac ad frugem bonam redeunt, aditum ad honores Ecclesiæ claudere, aut potestatis suæ vsu tollere. Excommunicatus sane, ordinem si ei conferatur, recipit, patet ex *cap. cum illorum de sententia Excommunicationis* Sacramenta item vere confert, Eucharistiam conficit, etiam omnia illegitimè & impie. Hinc est etiam quod suspensus à beneficio, eius fructibus duntaxat priuetur non ipsius possessione & iure, vt patet ex *ca. cupientes 16. ca. Caterum de electione & electi potestate in 6.* vbi aperte pœ-

**A**na suspensionis à priuatione beneficij distinguitur, nec qui, suspensus, idem quoque suo est beneficio exutus nisi crimen ob quod est suspensus, excommunicatus, vel interdictus, beneficij priuationem inuehat, vt hæresis.

Dixi *spiritualium*, qua voce, eam scilicet accipiendo fuse, etiam Christiani intelliguntur, sunt enim spirituales res quædam, eo quod Deo sint dicati, eiusque templum per Baptismum & Eucharistiam effecti. *Nauar. de Iubileo notabili 31. num. 48. versu. Et quod in relectione* eoque pertinet articulus, communionis Sanctorum, id est consecratorum Deo.

Huius porro effectus tres sunt circumstantiæ, locus, tempus, & personæ, quod ad locum attinet, censura constrictus, vbique est priuatus vsu spiritualium, nam est hæc pœna personalis, sed sequitur sua pœna nocentem, sicut & culpa, & vniuersæ suum subiectum accidentia, ergo &c. Itaque interdictus, nusquam gentium audire sacrum aut interesse diuinis poterit, suspensus, fructibus beneficij caret, obuentionibusque annuis, etsi in eius Diocesi non sit situm à quo est suspensus, quod si dicta est in eum suspensionis sententia ab officio, ab eo vbique cessare, excommunicatus autem omnium Christianorum consuetudinem declinare debet, nisi quatenus iura permittunt. Vgol. *c. 13. §. 2. & communis doctorum sententia.*

Sotus tamen in *4. dist. 19. q. 1. art. 5.* id verum esse vult duntaxat in censuris à Pontifice latis, qui cum iurisdictione omnimodam hoc est vniuersam habeat, hoc est tam late patentem, diffusamque quæ patet orbis, & proinde tam in eum qui censura plectitur, quam ceteros quibuscum congregitur diuino beneficio obtineat, mirum videri nulli debet si his, ne cum eo versentur & agant vetare possit.

Sed respondend. cum Soto *dist. 22. qu. 2. art. 1. concl. 1.* non subditos eius Episcopi, qui censuram inflixit, ad excommunicatū vitandum obligari non ab eo, sed iure communi, quod ad omnes pertinet; eo enim cauetur, ne quis cum excommunicatis communicet, *can. si quis à proprio, 11. q. 3. & ibidem, canone sicut Apostoli &c. can. si quis frater*, & aliquot sequentibus. Idem Sotus ex Concilio Nicæno *can. 5.* hæc verba profert, *seruetur ista sententia vt si qui ab aliis excommunicantur, ab aliis ad communionem non recipiantur.* Idem habet Calixtus Papa loco cit. decretorum, *Couarr. parag. 3. num. 2. Vgol. cap. 13. parag. 8. & 10. Concilium Antiochenum canone 6.* *Si quis à proprio Episcopo fuit excommunicatus, ne prius ab aliis suscipiatur, quam fuerit à proprio Episcopo susceptus.*

De

De circumstantia temporis quæri duo possunt. Primum est, quando spiritualium rerum vsu priuetur reus, quando congressu hominum, culpa commissa?

Illico ac est hæc admissa cū tamen sub pœna Censuræ lata sententiæ, sit prohibita aut certe statim atque est lata à iudice, est enim hæc priuatio, quasi proprietas, naturam censuræ consequens, quod ipsum & significare Innoc. tertius voluit in *c. pastoralis de appellationibus*, dum ait excommunicationem, executionem secum trahere, quia nimirum nec illa, nec censuræ cæteræ, quæ spirituales sunt pœnæ, nullam ad executionem sui, exequentis actionem exigunt, cuius rei hæc videtur esse ratio quod censuræ sint vincula, vinculum autem ac ligatum forti nexu, ire huc & illuc, aut agere posse libere quis putet?

Rationem dat aliam, Vgolin: *cap. 13 §. 3. num. 3.* nempe quod res diuinæ, quod spiritualium vsus rerum, nobis in instanti tribuitur, nam accepto Baptismo, illico Christo coniungimur & Ecclesiæ, communicetotius corporis vita participamus, eadem est, similisque cæterorum Sacramentorum ratio, cum eorum effectus bene præparato animo in instanti tribuantur, ergo & instanti per censuras tollentur: vnumquodque enim eo modo adimitur, quo est inductum, quæ ratio bona est, modo caueatur amphibologia, quæ in voce statim ac instanti latet, non enim sunt eadem, quia posset hic vsus in instanti tolli, licet id post vnum annum fieret, nec excipiendæ sunt sententiæ, quæ sub conditione certi temporis feruntur, aut à quibus appellatur, quia nec illæ ligant nisi expleto tempore, nec hæc si perfectè latæ sunt, appellatione suspenduntur: quare statim atque censura est, sequitur effectus iste necessario.

Posterius est, quandiu & pro quanto tempore reus istarum vsu rerum, de quibus nos paulo ante, sit priuatus?

Respondend. tandiu donec absoluator, nam neque morte rei aut iudicis, neque abrogatione legis vt diximus, neque dolore, aut contritione ac satisfactione absolui est censendus, vt patet ex *cap. à nobis 2. de sententia excommunicationis*, & *cap. sacris* & *cap. is, cui de sententia excommunicationis in 6.* & aliis, quæ videri possunt apud Vgolin. *cap. 13. parag. 6. & 12. Nauar. c. 27. n. 36.*

Hinc est quod semel excommunicatus pro tali semper sit habendus, donec de absolutectione constiterit, vt docet Couar. in *caput alma, parag. 2. num. 6.* vbi etiam ait, quod qui cum eo communicant eum præsumere possint ac credere absolutum, si communi opinione ita putetur, habita ratione personæ & diutur-

Pars secunda.

A nitatis temporis.

Nec obstat quod passim dicitur, censuras ad tempus ferri, in quo etiam à depositione, & degradatione differunt, quæ in perpetuum reddunt homines incapaces rerum spiritualium.

Non obstat (inquam) enim uero sentiendū est has pœnas esse per se perpetuas, censuras autem ex accidente, vt enim potest reus satisfacere, & absolui quouis tempore, ita est per accidens, quod nolit aut morte interueniente non possit.

B Quod attinet ad tertiam circumstantiam, dubium est non leue, an qui occultè censura est ligatus, non tamen denunciatus, vsu spiritualium abstinere debeat, si abstinendo peccatum ipse suum prodat, sibi que infamiam creet: sit enim hic animo videtur constitutus vt non possit non peccare, vel per inobedientiam formalem, vel per scandalum.

Respondeo & dico primò, *In genere reum eundem remanere, siue censura eius sit publica, siue occulta, nec denuntiationem quidquam ipsi asferre, vel auferre, sed hanc spectare populum tantum, ad eumque referri, vt cum vitare teneatur.*

C Quia extraneus, ad euitanda, signate ait sibi non esse propositum, excommunicatos, suspensos, interdictos in aliquo releuare, nec eis quomodolibet suffragari; debet hic ergo, licet sit Parochus, aut ex officio teneatur sacrum facere, vniuersè loquendo abstinere sacris, aliter mortifere peccabit, fietque irregularis; qui autem sacro eius interfuit, modo ne sit denunciatus, aut notorius percussor Clerici, culpa vacabunt.

D Dico secundò, Cum Vgol. *cap. 13. parag. 4. num. 2.* cum reus, causam impedimenti prodendo, damnum famæ, aut alterius rei graue nullū incurrit, eam explicare, vsuque abstinere sacrorum debet, quod si his care nequeat, quin peccatum occultum suum prodat, sicque periculum famæ, vitæ, grauis iacturæ rei familiaris adeat, iusta erit ei causa diuina obeundi officia, sine vllò noui peccati committendi, aut irregularitatis incurrendæ metu.

E Causa est quod duplici obligatione cōcurrente, minor cedit maiori, at hic iura duo cōeunt, consiguntque inuicem, naturale & Ecclesiæ, primum hoc est naturale, præcipit non abstinere, quia vetat se infamare, positium è contra secus, eo quod censura priuat vsu spiritualium, illi ergo, non huic parendum, nisi forte quis credat, plam matrem Ecclesiam, velle morem sibi geri, aut cum tanto damno decreta sua seruari?

Confirmatur, Sacerdoti, ne se infamet, impune licet ac sine scelere, cum conscientia

G



tia peccati mortalis celebrare, si ei confessorij apud quem illud deponat, copia non suppetat. Tridentinum *sess. 13. cap. 7.* quidni ergo idem etiam censura ligato liceat? nam peccatum mortale non est minus impedimentum ad celebrandum, quam censura, nec propterea cogetur peccare, quia de admissis potest conteri, ac cum animo suo statuere, primo se quoque tempore obtinendæ absolutionis causa, conscientiam explicaturum Presbytero, plenè ac integrè.

Secundò, excommunicato occulto Eucharistia cum publice eam petit, à Parocho proprio est danda, si negari nequit quin infametur, aut in suspicionem commissi alicuius facinoris vocetur, Diu. Thomas 3. *par. quest. 80. art. 6.* vbi vniuersè de occultis agit peccatoribus, ergo & à nobis potest accipi, nec enim minus conseruare famam meam, quam alienam teneor, Vgolin. *tab. 2. cap. 7. §. 1. num. 239.* vbi ait irregularem ex occulto homicidio, si ei probabiliter est certum, cum nisi celebret infamatum iri, posse id ante dispensationem sine crimine facere, qui tamen inchoato sacro recordatur se esse in censura, ab eo cessare debet, nam non minus violatur auctoritas Ecclesiæ celebrando in excommunicatione, quam ante excommunicatum, aut publicum Clerici percussorem, at in his euentibus sacrum est intermittendum Presbytero: ergo, &c.

Dux tamen sunt exceptiones ab hac regula, altera timor infamiæ vel grauis damni imminentis, altera si Missæ canon sit inchoatus, multoque magis si incepta consecratio; tunc enim sacrum perfici est necesse, maius enim est malum, sacrificium inchoatum non absoluerè, quam illud ipsum excommunicato audiente & spectante celebrare: vide Diu. Thomam 3. *parte quest. 87. art. 6. ad secundum* Viualdum in *candelabro aureo de Eucharistia numer. 65.* Nauarrum de *Oratione cap. 16. num. 59. & 60.*

## QVÆSTIO VI.

*Declaratio primarij effectus Censurarum seu, quanam per Censuras non tollantur.*

**D**Vo in dubium vocari possunt, alterum an per censuras bona temporalia tollantur, alterum an etiam priuilegia.

Et quod ad primum Dico paucis, *censuris vinclos retinere suum patrimonium, rerumque suarum dominium, & possessionem, vsum fructum, ciuitatem, libertatem, captam item vsum,*

*A capionem posse perficere.*

Ratio est, quod hæc non sint spiritualia, nec eorum vltus, vnde adueniente censura in suo statu permanent, sicut viceversa adueniente iactura temporalium, supernaturalia intacta manent, & his sublati perire naturalia non est necesse.

**B** Possset tamen Ecclesia quæ ius in temporalia suorum subditorum habet, in ordine ad spiritualia his eos priuare. præsertim ad tempus, sicut datur in interitum caro, vt spiritus saluus fiat; Pleni sunt libri, plenæ historiæ subditorum, quos ab improborum principum obedientia, ac fidelitate eximere Papat placuit, de quibus Petrus Greg. *lib. 33. Synagmatum cap. 9. num. 2.* sed hæc licet præuiam censuram habeant, præcisè tamen vi eius non fiunt, sed potius in pœnam peccati propter quod iure bonis priuari debent, v. g. propter hæresim, vel in pœnam contumaciæ, quam in censura retinent; Excipiendus est ab hac regula casus, in quo specialiter canones derogant alicui ordinariæ potestati, vt in *cap. decernimus de sententia excommunicationis in 6. & cap. intelleximus de iudiciis*, excommunicatis facultas tollitur, agendi, patrociniandi, testificandi, &c. in iudicio, quæ tamen ordinariè ac communiter permissa sunt homini.

Quod ad secundum dico, *Clericos Laicosque quauis censura ligatos, sua priuilegia retinere, eisque vt prius, vti posse, nisi eis specialiter per sententiam derogetur*, hæc assertio vniuersè probari potest, sicut proxima, sed inductione apertius, vtiliusque.

**D** Primum de Clericis, deinde de aliis, Clericus igitur (quo nomine etiam Religiosi omnes continentur saltem quoad censuras, vt patet ex *cap. Parechianos Vestros de sententia excommunicationis*) Clericus inquam, in censura priuilegium retinet, vt qui eum percussit, in excommunicationem incidat.

Probatum primo, quia priuilegij huius vsus censuras non violat, nec obedientiam Ecclesiæ, cum nil sibi vsurpet, excommunicatus quod illa per censuras ereptum reo velit, nam hic nec Sacramentorum, nec hominum communione vtitur, nec officium aliquod diuinum obit, neque fit diuinorum particeps.

**E** Quid? quod Ecclesia causas, ob quas hoc priuilegio Clericum priuatum esse oporteat exprefferit? quarum prima est cum re ipsa de gradu suo est deiectus, *cap. degradatio, 2. de pœnis in 6. in fine.*

Secunda, cum contempto habitu Clericali, tyrannidi, se & enormitati inuerecunde immiscet, Clem. III. in *cap. cum non ab homine*

14. de sententia excommunicationis.

Tertia, cum Sodomix labe est infamis; ex constitutione Pij quinti, quæ incipit, *horrendum*: Adde & Digamum cap. *unico de Digamus in 6.*

Syluest. verbo *assasini*, num. 3. ait Clericos diffidatos, ob homicidium, per assassinos, impune sine excommunicatione posse occidi, quia priuati sunt omni priuilegio Clericali, quod ad secundâ causam de prædictis referri potest, deinde cum non suadente diabolo Clericus percutitur; nam quas ob causas, non incideret quis in excommunicationem cum percutiendo si excommunicatus non esset, nec incidet si ob easdem, eum excommunicatum percutiat. Deinde priuilegia Clerici amittit Clericus cum manifestus est hæreticus. Innocentius in cap. *si vere*, de sententia excommunicationis, & cap. *ad abolendam de hæreticis*, parag. *presenti*.

Nec enim est credibile Ecclesiam, quæ crimen hæreseos detestatur præ cæteris, vel le manifestum hæreticum priuilegiis fovere, & ad audendum, beneficentia sua impellere.

Contra tamen facit caput *ad abolendam 9. de hæreticis vbi sic* Lucius III. *Qui manifestò fuerit in hæresi deprehensus si Clericus fuerit, totius Ecclesiastici ordinis prerogatiua nudetur*, &c. quæ verba utpote imperatiui modi latam sententiam non continent, sed ferendam, ut notauit Vgolin. tab. 1. cap. 13. in parag. 15. dum hæc ergo in eum non dicitur, priuilegium clericale seruabit, Sylu. verbo *hæresis primo nu. 14. versu 4. hæreticorum pœna*.

Præterea datur hoc priuilegium, in fauorem ordinis Clericalis, & non Clerici ordinati, ut dicitur in cap. *contingit interdum 45. de sententia excommunicationis*. At est hæreticus (ut supponitur) Clericus, donec sit re ipsa depositus, ergo &c.

Confirmatur, depositio hoc à degradatione differt inter alia, quod hæc Clerico priuilegium hoc adimat, non illa, ut ait Sylu. verbo *degradatio num. 1. & 8.* innuuntque Nauar. cap. 27. num. 79. Tabiena verbo *degradatio num. 2.* Fælicianus cap. 1. de *depositione*.

Utraque sententia, tam momentis rationum quam Doctorum auctoritate est probabilis, ad priorem tamen inclino.

Vnde ad cap. *ad abolendam*. Responderi potest, prerogatiuæ nomine, non priuilegium de quo hic agitur, sed officium intelligi & beneficium, docent hæc verba citatæ decretalis, *totius Ecclesiastici ordinis prerogatiua nudetur*, & sic omni officio & beneficio spoliatus Ecclesiastico, &c. & cap. *degradatio de penis in 6.* priuilegium ab officio & beneficio separatur, itaque actualis hæretici degra-

A datio non est priuilegiorum spoliatio, quibus sua cum hæresis coram Deo hominibusque exuerat, sed positivæ pœnæ inflictio, quæ particularem iudicis executionem requirit, qualis est actualis degradatio, ut ait Angelus verbo *degradatio*.

Ad secundum patet ex dictis responsio.

Ad tertium dicendum, alios aliter sentire, saltem in crimine hæreseos, idque satis esse.

B Dices si priuilegiis Clericorum hæreticus excidit, impunè ante realem degradationem in eum manus sæcularis iudex mittere poterit, quo quid absurdius?

Respondend. non posse, quia deditionem rei in iudicum manus, fieri iura vetât, quam non præcessit realis degradatio, patet ex cap. *ad abolendam 9. & cap. primo de hæreticis in 6.* si tamen id iudex faceret, in excommunicationem non incideret, sed tantum peccaret, imo ne peccaret quidem, si propter periculum cum suo iudici tradendum comprehenderet.

C Secundum priuilegium, quod Clericus notoriè excommunicatus retinet, est ius Ecclesiastici fori, ut scilicet ante sæcularem iudicem conueniri nequeat; ne si velit quidem, patet ex toto tit. de foro competentis præsertim ex cap. *si diligenti*, vbi id cauetur sub excommunicatione & aliis pœnis, idque siue ad tutelam ordinis Clericalis, siue ut per alienam culpam, iudici Ecclesiastico, non fiat iniuria, si ei sui subditi subtrahantur.

D Tertium, pro rebus suis nec portoria, nec vestigalia præstare Clerici quamuis censura innodati debent, sed immunitate ordini concessa gaudent, cap. *primo*, & cap. *Clericis de immunitate Ecclesiarum in 6.*

E Commune est autem Clericis & Laicis, ut priuilegia exemptionum sibi sua seruent, nec ob censuras in ordinariorum potestatem recidant, Innocent. IV. cap. 1. de *priuilegiis in 6.*

Denique qualibet censura etiam interdicto ligatus, in Ecclesiam ut asyllum confugiens, Ecclesiarum immunitate gaudet, nec inde vi potest extrahi ut sentit Nauar. cap. 25. cap. 24. nam 17. q. 4. cap. *reum 9.* sine vlla restrictione præcipitur, *ut reum ad Ecclesiam confugientem nemo abstrahere audeat, neque inde damnare ad pœnam, vel ad mortem, ut honor Dei, & Ecclesiarum eius conseruetur*. Hæc ibi. Itaque non indignitatis hominis, sed diuini honoris ratio habetur, ut locus ei sacer sit instar asyli: non enim decuit, ut vbi orantes reos se fatentur vbi omnes veniam summis petimus animis, ibi reum, nihi referre gratiæ, nihil spiritualis emolumentum conse-

quid dotuique diuinæ non dari, quod domibus principum conceditur.

Accedit quod ab hac immunitate, canonica lege non excludatur alij, quam qui Ecclesiæ bellūve publici hostes intulere aliquādo, aut vero etiā cum ad eā tuendi sui gratia veniunt, imprudentes adhuc inferunt: vt apud Nicephorum *lib. 3. cap. 4.* de Eutropio Arcadii cubiculario legitur, qui quam legem ipse tulerat, vt vel ab aris rei vel inuicti extraheretur, hanc malo suo est expertus passusque. Vide syntagmata Gregorii *lib. 33. cap. 21.*

His adiungēdi lationes publici, his nocturni depopulatores agrorū addēdi, vt habetur *cap. inter alia de immunitate Ecclesiarum*, insuper & qui spe immunitatis in Ecclesiis vel Cœmeteriis, crimina perpetrant ibidem, *ca. Vltimo*, ab his si abiueris, Clerici ceteretiam censuris vincti, immunitate gaudent loci sacri. Enimuero si qui nostris non sunt adhuc initiati mysteriis Ecclesiam intrantes, vt Christiani fiant, hac immunitate potiuntur, vt docet Nauar. *cap. 25. num. 20.* nempe id iis qui iam pridem sunt Christiani iure negabitur: infertur ex dictis locum interdictum, vi huius censuræ, sua priuilegia non amittere, vnde ciuitas interdicta suas nundinas, vniuersitates, exemptiones, &c. retinet: Ecclesia interdicta, est instar asyli, sicut alia quæuis. Enimuero vis duntaxat interdicti est in eo, ne in Ecclesia eo affecta, diuina fiant, quare cum pœnas extēdi iura prohibeant, maxime in detrimentum Ecclesiæ, mea est opinio, reis in ea, salutis locum perfugiumque esse.

## QVÆSTIO VII.

*Exceptio primarij effectus Censurarum, siue quem omnino spiritualium vsum censura irritatus retineat, & quem non.*

**T**Ria hic sunt explicanda. Primò, quænam hic non possit.

Secundò, quænam licite, & sine culpa valeat.

Tertiò quænam illicite, & cum peccato, quæ propter prolixitatem, totidem erunt articulis explicanda.

Quod ad primum suppono, eorum qui sunt censuris ligati, quosdam occultos esse, manifestos alios ac notorios, rursus quosdam tolerari ab Ecclesia propter commune bonū, alios minimè, quales sunt qui de nomine appellantur, publiceque denuntiantur, quibus adiungi debent qui Clericorum percussores sunt publici.

Dico ergo primò, *Qui non tolerantur ab Ec-*

**A**lesia Sacramentum pœnitentiæ non conferunt, Vgol. *tab. 1. cap. 13. parag. 16. num. 12.* Nauar. *cap. 4. num. 2. cap. 9. num. 8. cap. 27. num. 272.* Couar. *priore parte in cap. alma parag. 6. num. 7. concl. 6.*

Probatur Sacerdos neque iurisdictionem actualem, neque eius vsum habet, nisi ex iure positivo & autoritate Ecclesiæ, at iurisdictionem hanc, eiusque vsum tollit Ecclesia excommunicatis, quos non tolerat, inuolidum est ergo & vsurpatum, quidquid ab eis actum fuerit. Vnde sequitur Parochum excommunicatum, munus suum alteri delegare non posse, quia eidem dare iurisdictionem, quod est delegare, non est permissum cum ea careat, Vgol. *tab. 2. cap. 10. §. 2. nu. 3. & c. 11. §. 4. n. 3.*

Probatur secundò ex parte recipientis Sacramentū. Non potest quis absolui à peccatis, in statu peccati mortalis positus, verèque peccans lethali, cum in re graui Ecclesiæ præceptum violet: ergo Sacerdos absolutionis beneficio eum non impertit, nihil ergo agit, nisi quod sacrilegium enorme ac graue committit.

**C** Dices quid si cum pœnitens denuntiatur nesciat?

Respondend. eum à culpa immunem fore ob ignorantiam, nil à confessione tamen consecuturum spiritualis commodi, quia pœnitentis ignorantia confessario iurisdictionem non tribuit, quare eidem iteranda erit confessio, vbi primum de re ei constiterit. Couar. *loco cit. §. 6. n. 7. Conclus. 7.* fatendum tamen Deum iuri communi alligatum non esse ac in gratiam simplicis populi, quod ministro deest, supplere posse.

**D** Excipiendus est etiam mortis articulus, de quo supra, quia iurisdictionem tam ad absoluendum à censuris quam peccatis, indulget eo tempore Ecclesia, vt patet ex Trident. *sess. 14. cap. 7.* etsi contra sentiat Couar. *§. 6. num. 8. concl. 8.* non tamen sine hesitatione, quare nec peccabit, nec irregularitatem contrahet, qui animam agentem absoluet, quod de conferente dicitur, idem multo magis, de recipiente in ea necessitate dici debet, quia propter quod vnumquodque tale & illud magis.

**E**i Dico secundò, *Neminem qui se siue iuste, siue iniuste censuris ligatum agnoscit, siue toleratus sit, siue non, ad Sacramentum pœnitentiæ appellere animum posse*, hæc assertio communis est omnium, præterquam Caietani in summa, *Verbo absolutionis impedimentum sub finem versurbi tertium est quod absolute loquendo, quem refutant Nauar. de pœnitentiā dist. 5. can. fratres num. 48. & apud Ioan. Gerton & Couar. item loco citato §. 6. nu. 6. concl. 4.* Vgol.

Vgol. *tab. 2. cap. 7. parag. 2. num. 5. & 6.* A  
pro opinione Caietani facere videtur  
Henriquez *lib. 1. cap. 25. & lib. 13. cap. 12.*  
*num. 2.*

Probatum autem conclusio, per censuram  
priuatur homo tam Sacramentorum perce-  
ptione, quam eorum usu: ad ea ergo acce-  
dere, animum si induxerit, Ecclesiæ præce-  
ptum negliget, & ita culpæ non erit expers  
ergo cum qui est mortiferæ alicuius con-  
fiscus accipit Sacramentum, committat sacri-  
legium, hic gratiam ac absolutionem non  
recipiet:

Confirmatur, ex communi usu Ecclesiæ,  
quæ prius à censuris, quam à peccatis absol-  
uit, quod etiam in mortis articulo fieri po-  
test ac debet, Couar. *parag. 6. concl. 4.* Quod  
si hæc vrgeret adeo, vix vt temporis tantum  
esset, quantum ad hæc verba pronuncianda  
est necesse, *absoluo te ab omnibus censuris &*  
*peccatis tuis*, quod vix est credibile, satis esset  
dicere, *absoluo te ab omnibus peccatis tuis.* Vi-  
de Viuald. in candelabro tractat in de ex-  
communicatione *n. 32.* Vgol. loco cit. *n. 7.*

### QVÆSTIO VIII.

*Quanam licite, & sine culpa, ab eo qui est in*  
*Censura, fieri iura simant.*

**D**ico primò, *Quemlibet, & quomodolibet*  
*censuris irretitum posse atque adeo debere*  
*in mortis articulo Baptismum conferre, si alius*  
*huius Sacramenti magis idoneus minister non ad-*  
*sit, sine ceremoniis tamen Ecclesiasticis.*

*Posse dixi*, id enim concedit Ecclesiæ de  
consecratione *dist. 4. can.* aliud est *39. can.*  
*nullus 46. can.* quomodo *41. nec* Hæ-  
reticos, Schismaticos, Iudæos, & Ethnicos  
ab hoc caritatis officio exclusos voluit, ne  
cuiquam deesset tam necessarium ad salu-  
tem Sacramentum. *Dixi debere*, nam *can. qui-*  
*cumque de consecratione dist. 4.* iubetur Pres-  
byter ubilibet gentium positus, sub pœna  
depositionis baptizare in articulo mortis in-  
firmum nondum Christo natum, ergo si Ec-  
clesia nō vult quidquam Presbytero ne ba-  
ptizet impedimento esse, nempe volet vt  
alij qui de iure esse ministri huius Sacra-  
menti possunt, censuris prohibeantur ne ba-  
ptizent?

Peccabit ergo excommunicatus, &c. tunc  
non baptizans, & quidem grauiter, cum o-  
mittentem hoc caritatis officium, pœna de-  
positionis qua vix vlla est grauior excipiat,  
nisi excusetur ignorantia.

*Dixi nisi adsit magis idoneus*, hoc est nisi sit  
ad manum qui minus impedimentum ha-

beat, præcipuum omnium est infidelitas;  
tum sexus, deinde ordinis priuatio, quarto  
ordinariæ iurisdictionis destitutio, postre-  
mo censura.

Quare si quem baptizari oportebit, erit  
hoc proprium Parochi munus, eius defectu  
baptizabit Sacerdos quilibet, alius, tum Cle-  
ricus à censura immunis, si tales nulli ad ma-  
num erunt, adhibebuntur ad eam rem Sacer-  
dos & Clerici censuris impediti, inde Laicus,  
post Laicum mulier, post hanc infidelis, qui  
ordo fere ex D. Thoma colligitur, *parte 3. q.*  
*67. & astipulantur Nauar. cap. 22. num. 7.*  
**B** Syluest. *Verbo Baptismus 3. num. 1.* in fine, v-  
bi ait melius esse baptizari à Laico, quam à  
præsente Sacerdote excommunicato, vel  
hæretico, vel suspenso, quæ tamen non est  
Vgol. opinio *cap. 13. num. 10.* ibi enim ait Sa-  
cerdotem excommunicatum potius debere  
baptizare, quam non Sacerdotem, imo, &  
Parochum excommunicatum, quam Sacer-  
dotem non Parochum, quia hæc necessitas  
impedimentum censuræ tollit, & ad com-  
mune ius reuocat, per quod Parocho in-  
cumbit conferre Baptismum, præ alio Sa-  
cerdote, & Sacerdoti, præ alio ordine Pres-  
byterij non insignito.

Ego contra, Ecclesiam existimo non solum  
hoc impedimentum censuræ in necessitate  
tollere, sed quodlibet aliud, sed prius tamen  
minus, quam maius, & si necessitas nō adsit,  
nullum tollere, vnde quia defectus ordina-  
riæ potestatis minor est quam defectus ex-  
censura ortus, ideo præsente Parocho ex-  
communicato, nō Parochus à censura liber,  
infirmum Ecclesiæ, Deoque per Baptismum  
adiunget, & quia minus est impedimentum  
in Diacono, defectus Sacerdotij, quam in Sa-  
cerdote, usus Sacramentorum priuatio, ideo  
Diaconus atque adeo quiuis Clericus, præ  
tali Sacerdote, baptizabit. Et quia ordinum  
quibus homines fiunt ad Sacramenta mini-  
stranda idonei, totalis ac integra carentia;  
maius est impedimentum quàm absentia pote-  
statis exequendi ordinis quo quis est instru-  
ctus. Ideo Clericum, præsertim Sacerdotem;  
censuris licet irretitum, Laico præferendum  
puto contra Syluest.

**E** *Dixi sine ceremoniis*, eas enim tum adhibere  
esset præter mentem Ecclesiæ, quæ vult tan-  
tum necessitati occurrere per ea, quæ sunt  
Sacramento essentialia quo de genere non  
sunt ceremoniæ, quare non modo peccat,  
quod eas adhibet, quasi ex officio admi-  
nistrans Sacramentum, vt solebat ante cen-  
suras, sed est etiam irregularis, non obstante  
necessitate; cui solum satisfacit, nec pec-  
cat, nec est irregularis.

Dico secundò, *Quemuis Sacerdotem in*  
G iiij



mortis articulo posse, ac debere absolue ab omnibus peccatis, & censuris, potest quidem, quia sic indulget Ecclesia pro eo tempore. Debet, quia sic exigit charitas, quæ animam perire non sinit.

At enim (inquiens) etiamne ceremonias Sacramenti proprias, adhibebit tum Sacerdos illud administrando?

Respondet Vgol. affirmatiue *parag. 17. num. 12.* quia Sacramentum pœnitentiæ administrari à Sacerdote non potest, nisi vt tali, ac propterea ex officio, itaque cum ei tum detur facultas administrandi Sacramenti, etiam & datur adhibendi ceremonias, quod in Sacramento Baptismi non valet, quoniam cum & Laicus, & Sacerdos administrare possunt, & in eo casu permittitur excommunicato baptizare sicut Laico. Hæc ipse.

At ego puto Ecclesiam quæ indulget hanc potestatem excommunicato, in gratiam moribundi pœnitentis, velle tantum ei concedere, quod est necessarium moribundo, non autem quod facit ad decus ac dignitatem excommunicati, quæ causa me impellit vt credâ, adhiberi has non posse sine irregularitate, id enim esset administrare hoc officium, sicut prius, quod censura irretitus citra irregularitatem nequit, nec excusat necessitas, quia non sunt ceremoniæ ad Sacramentum simpliciter necessariæ.

Ad Vgolinum dico, Sacerdotem administrare tunc hoc Sacramentum ex privilegio, quod non extenditur extra necessitatem, non autem ex officio: Sacerdos enim non absoluit vt Sacerdos v. c. sed vt iurisdictione præditus, nec puto Baptismum à Sacerdote excommunicato administrari quasi à Laico, cum vt dixi, Laicus sit minus idoneus ab baptizandum, quam Sacerdos excommunicatus, sed quasi à Sacerdote, absolutionem & dispensationem ad illam necessitatem habente.

Dico tertio, Omnia diuina munera quæ oneris rationem aliquam habent, à censuris innodato obunda esse, modo ne sint prohibita, assertionis est hæc ratio, quod non sit æquum reū ex sua culpa fructum ferre, cum damnum potius pœnamque pati debeat, Vgol. *tab. 1. ca. 13. parag. 13.* quare ad Ecclesiæ ieiunia sicut prius, & sub eadem pœna tenebitur, ad solutionem decimarum, eleemosinam in casu necessitatis, Eucharistiam, crucem, imagines Christi, & Sanctorum reliquias venerandas, præterea ad preces horarias, aut canonicas persoluendas, cum per censuram nec beneficio, nec ordine sacro, nec religiosa professione quis priuetur, his au-

tem nominibus aut eorum aliquo teneatur ad officium, etsi nec fructum beneficii, nec honorem propriæ dignitatis culpa sua participet, eas autem solus leget non cum alio, etiam excommunicato, nec cum famulo, nisi excuset necessitas, quia communicandi cum vlllo nisi in necessariis, quæ semper excipi intelliguntur, ius hic non habet, suspensus tamen vt alterius opera poterit, & cum eo recitare, quia hoc ipso communione hominum non caret, non tamen in choro nec cum superpelliceo, &c. quia sic ex officio legeret, à quo eum esse suspensum, supponimus, quæ autem isti licent, excommunicato peræque permissa non esse: causa est, quod omnis ei sit interdicta hominum societas ac congressio, non item suspensio.

Obiicies. non magis videtur teneri Parochus ad horas, quam Sacramenta administranda, aut recipienda, sed secundum & tertium non potest, ergo neque primum.

Respondend. disparẽ esse rationem, primum enim oneris est, secundum honoris, tertium autem ad bonum ipsius suscipientis pertinet, esset autem contra intentionem Ecclesiæ, quem vult castigare, hunc honore aliquo, vel commodo afficere, ideoque dum preces leget, abstinebit hac prece *Dominus vobiscum*, hoc enim ad ordinis sacerdotalis honorem pertinet, vt dixit Archidiaconus in *can. penultimum distin. 28.* earum locum hæc supplebunt, *Domine exaudi orationem meam*, quibus vt non Sacerdotes solent, Vgol. *cap. 14. parag. 1. nu. 10.* Maiolus *lib. 3. de Irregularitate cap. 21. n. 6.*

Dico quarto, *Posse cum qui est in censura, obire aliqua, quæ rationem pœnæ, aut obligationem non habent, sed tanquam priuatum, aut Laicum, non autem vt Ecclesiæ ministrum, v. g. mensæ benedicere, interesse, concionibus, viros graues à quibus excitetur ad dolorẽ, ac resipiscendum alloqui, ex propria deuotione percurrere rosarium, horarias preces legere, nec solum domi aut in agris, sed in Ecclesia modo seorsim, ab aliis Nauar. cap. 27. num. 19.* Potest etiam interdictus ab Ecclesia, aliquibus diebus festis sacro interesse, ac diuinis officiis in Ecclesia, vt habetur in *c. alma mater, de sententia excommunicationis in 6.*

Ratio communis est, quod his exercendis ad Dei amicitiam reditum, viamque sibi facilem munit, quod Ecclesia eius salutis auida in primis appetit, vnde miror Vgolinum *ca. 13. parag. 14. num. 6.* in ea esse opinione vt credat, excommunicato & interdicto fas non esse, aqua se benedicta aspergere, quia inquit, est quoddam Sacramentale ab Ecclesia

clesia ordinatum, tum ad disponendum ad gratiam, tum ad id quod feruorem gratiæ impedit tollendum, at censura constrictus non potest uti spiritualibus &c.

Nam propter hæc ipsa dicendum esset, Ecclesiam hac velle ipsos uti, nolle tamen de facto, quia maior ex confusione dum ea carent, speratur fructus, quæ ex usu eius, hæc ipsa est causa, cur homines loci interdicti, aqua lustrali à Sacerdote aspergi nequeant, ut ait Syluest. *Verbo interdictum* §. num. 6. nec seipsi aspergere, sicut nec excommunicati, quia est quoddam Sacramentale, cuius usus, sicut Sacramentorum, eis est sublatus non suspenso.

Postremo huc pertinent, quæcunque inveniuntur in iure concessa censura notatis, ob aliquem bonum finem, ut cum in fauorem fidei admittuntur, ut testimonium contra hæreticos ferant, *cap. in fidei fauorem, de hæreticis in 6.*

### QVÆSTIO IX.

*Quanam possit qui est in Censura, licet illicite & cum peccato.*

**D**ico primò, *Baptismum ab eo quem Ecclesia censuris innexum tenet, valide etiam extra necessitatem dari.* Fidem habet hæc assertio à *dist. 4. de consecrat.* eamque probat hæc ratio. Non sunt rebaptizandi, qui ab hæreticis ritè sunt, ac Christiano more sacris vndis abluti, de consecr. *dist. 4. can. 43. & can. ab antiqua 44. & can. siue hæreticus 51.* quia per bonos & malos ministros æque baptizat Christus *can. aliud est 39. eiusd. dist.* nec amittunt schismatici baptizandi potestatem *can. nullus 40.* id autem falsum esset, si censuris innodatum, baptizant puerum nefas foret.

Dico secundò, *Confirmationem, à censuris irretito, valide conferri & recipi.* Priorem partem tueretur, Vgolin. *parag. 16. num. 3.* qui id etiam de baptismo & ordine asserit, quod characterem imprimant, non est hæc tamen ratio, huius rei adæquata & vera: facit enim character ut confirmatio iterari nō debeat, non tamen ut conferatur à censuris ligato valide; Causa ergo eius rei verissima est, quod per censuras potestas non est sublata Episcopo, sed eius est tantum usus impeditus, in quantum pendet ea potestas, ab ordine qui Episcopo tolli nequit, usus autem à iurisdictione, quæ cum sit de iure positio, auferri potest ac adimi.

Posteriorem defendit Nauar. *de pœnitentia dist. 5. can. consideret parag. cautus num. 28. V.*

**A** golin, *tab. 2. cap. 7. parag. 2. num. 2.* Couar. *parag. 6. num. 5. Versu, ceterum etiamsi, Caietanus in summa, Verbo absolutionis impedi- menta sub finem.*

Rem probat Nauar. argumento facili ac obuio, nempe quod nemo quamlibet ad audendum proiectus, confirmationem iteratò ei dare auderet, qui eam ab Episcopo cum censura irretitus foret, dari sibi passus esset, cuius rei causa haud dubie non est alia, quam quia characterem, propriaque Sacramenti insignia, hæc quæ primo est collata ab excommunicato, aut censuris impedito Episcopo, animæ impressa reliquit.

**B** Ad hanc rationem Caietanus addit aliam in *Verbo confessio iteranda.* sub finem, nempe quod ex decretis Pontificum, aut iure non constet, à censuris suscepta Sacramenta irrita reddi, aut nulla, cum tamen multa excommunicatis sint inhibita, quæ si fiant sunt inania, ut acquirere beneficia, eligi ad aliquam dignitatem, &c. valebit ergo recepta in censuris confirmatio.

Dico tertio, *Matrimonium in censura valide conferri & recipi.*

**C** Assertionem hanc tueretur, iidem auctores qui supra Couar. in *Epitome quarti decretalium 2. parte cap. 6. initio num. 3.*

Proque ea facit decretalis Innoc. III. significasti 6. de eo qui duxit in matrimonium quam polluit, ipsaque ratio. Enimuero matrimonium contractus est, at eum excommunicatis inire vbi prohibitum, factum ergo in censura matrimonium, est ratum.

Dico quarto, *Extremam item vñtionem ab eo quem censura notat, valide conferri, Vgolin. tab. 1. cap. 13. parag. 16. num. 13.*

**D** Probatur, potestas conferendi huius Sacramenti pendet ab ordine, qui in conferente cum censura remanet, ergo si materiam idoneam, subiectumque Sacramenti capax inuenerit, vere illud conferet.

Dico quinto, *Eucharistiam in censura vere confici, & recipi, non tamen administrari sine culpa posse, ne quidem in mortis articulo.*

**E** Pars prima & secunda sunt certæ, omniumque communi approbatæ sensu, in 4. *dist. 13.* plerosque citat & sequitur Vgolin. *tab. 1. cap. 13. parag. 16. nu. 6.* sed instar est omnium Diu. Thom. qui tertia parte *qu. 82. art. 7. & 8.* docet hæreticos, schismaticos, excommunicatos & degradatos, hoc Sacramentum conficere, quia remanet in eis potestas consecrandi, tributa per ordinationem indelebilem sacerdotij.

Secunda pars, ab eodem docetur, 3. *parte qu. 80. parag. 3.* & ab Apostolo, cum eum asserit qui Sacramentum indigne accipit, iudicium sibi manducare & bibere; hinc enim

infertur ut à scelerato confici illud potest, ita & posse recipi, nefas autem id esse indicant Pontificum decreta multa & varia, in titulo de excommunicato ministrante, tum ratio ipsa, quæ exigit, ut extra communionem fidelium per censuram excommunicationis positus, communionis Sacramento priuetur, factusque aliquo modo per illam prophanus, à Sacramento omnium sacratissimo arceatur, administrari ergo illud nec decet: nec expedit censuris implicito, ne quidem in mortis articulo. Vgol. *tab. 1. cap. 13. §. 16. n. 9. 10. & 11.* eiusque rei est hæc ratio, quod id nulli unquam Ecclesia concessisse legatur. Sane Hermenegildum eximia indole iuvenem, stirpe Regem laudat Gregorius Papa, quod in Iaschate. cum in mortem immineret, ab Ariano oblata Eucharistiam respuerit, *causa 24. q. 1. can. ult. quia etsi exterius iacebat ligatus, apud se tamen in magno mentis culmine stabat securus*, Nec par est Sacramenti huius, & Baptismi, Pœnitentiæque in illo articulo, necessitas, nam qui tunc Eucharistico pane re ipsa non pascitur, pascetur in voto, & quia propter Ecclesiæ imperium ab eo sibi temperat, fru&u ut credibile est, non minore id faciet, quam si vere cum sibi dari permitteret, cum baptismi pœnitentiæque solū vorum, cū suscipi ambo possunt sit, periculosius, nec adultis cōmune cū infantibus.

Dico sexto, In censura orationes valide conferri & recipi.

Pars prior est Diui Thom. In supplemento tertiae partis qu. 38. art. 2. Couar. in *cap. alma* parag. 6. n. 6. Vgol. *cap. 13. parag. 16. num. 5.*

Probat, potestas quæ Sacerdoti datur cum consecratione, est perpetua, nec auferri unquam potest aut perire, sicut nec consecratio, ergo cum ab ea pendeat ordinatio, collata hæc in censura erit rata.

Equidem ut est in can. ab excommunicatis & can. ordinationes 9. q. 1. qui à separatis ab Ecclesia Romana consecrati sunt, cum ad Ecclesiæ Unitatem redierint, seruatis propriis ordinibus, misericorditer suscipi iubentur, tuere hi ergo iis collati valide.

At enim (inquies) ordinatio quæ ab excommunicatis celebratur, nullas omnino vires obtinet, nec consecratio est appellanda si fides est Gregorio lib. 3. epist. 20. Nos consecrationem (inquit) dicere nullo modo possumus, quæ ab excommunicatis hominibus est illicitè celebrata. Item excommunicati illicitè manus imponunt, quia potestatem ordinandi non habent, ubi autem est illicita manus impositio, vultus infligitur, vnde reiterari necesse est, quod minime probatur esse collatum, quæ est opinio Papæ Damasi epist. 4.

Respondend, ordines ab eorum executio-

A ne sciungendos esse: itaque si censura irritus, etiam hæreticus, ordines in Ecclesia Catholica receperit, eosdem, si quæ sunt Sacramento essentialia, formam scilicet & intentionem adhibeat, vel è conferet. Ecclesia tamen in odium Hærescos, Schismatis, aliorumue criminum, ob quæ ab Ecclesia præcisus fuit ordinans eos vult esse irritos, & quoad executionem, nullos, ut scilicet sic ordinati, ordines suos exercere nequeant, sed suspensi. Sint & irregulares, ut est in rubrica de eo qui fortune ordinem suscepit, à peccato enim excusat ignorantia, ab irregularitate nullo modo.

B Posterioriorem partem tuetur Couar. ibidem & Nauar. loco cit. dist. 5. de pœnitentiâ num. 29. Caiet. Verbo absolutionis impedimenta, qui idem etiam de Extrema vnctione asserit, Vgol. *1. cb. 2. cap. 7. §. 2. num. 2.* estque ad manum decretalis, cum illorum 32. de sententia excommunicationis, ubi Innocentius tertius vult excommunicatos, si fuerint seculares Clerici, & nihilominus ordines accipere non sint veriti, à susceptis ordinibus in perpetuum deponendos esse, Regulares autem esse suspensos. At deponi ab ordine, aut ab eius executione, vluque suspendi nequeunt alij, quā qui sunt eo initiati, nō ergo obstat cēsuræ quo minus eius collatio valida sit, ac rata.

C Dico septimò, Qui non est excommunicatus sententia iudicis, neque publicus percussor Clerici, Verū dat ac Validum pœnitenti pœnitentiæ Sacramentum, quare non est iteranda eius absolutio, siue pœnitenti nota sint eius vincula, siue ignota, Couar. §. 6. n. 6. concl. 5. pro qua opinione citat Adrianum Medinam, Caiet. & Nauar.

D Ad quos accedo, quod nullum intercedere videatur impedimentum, quominus sit ea absolutio valida, nam eam impertiens habet adhuc ex permissione Ecclesiæ, potestatem sufficientem ac idoneam, quāgiu hæc illam, ei per denuntiationem non abstulit, potestque pœnitens sine peccato, iure sibi ab Ecclesia indulto uti: dummodo absolutioni non ponat obicem, est hæc ergo valida & ex parte suscipientis sancta.

E Confirmatur ex c. si celebrat. 10. de excommunicato ministrante, ubi de excommunicato sic loquitur Gregor. IX. Peccat conferendo Ecclesiastica Sacramenta, sed ab eo collata, virtutis non carent effectu, cum non videatur à collatione, sed participatione Sacramentorum remotus.

Dico octauo, Qui bona fide recipit absolutionem, ne sciens, aut oblitus se constrictum censuris, vel qui putat probabiliter se posse absolui à peccatis, priusquam à cēsuris, deputabat Angelus, vere absoluitur à peccatis, nec tenetur cōfessionem cum sua sibi censura fuerit cognita, iterato facere.

Hæc

Hæc assertio est Couar. 9. 6. num. 6. conclus. 2. & 3. Nauar. de pœnitentia dist. 5. in can. fratres num. 4. Caietani in summa, verbo absolutionis impedimenta versu secundum est quod per accidens, & verbo Confessionis iteratio sub finem, Angeli verbo confessio 5. num. 10. Vgol. tab. 2. cap. 7. parag. 2. num. 5. & 6. Viualdi in candelabro de excommunicatione num. 30. versu 2. conclusio. Vbi hanc sententiam dicit esse probabilem & in praxi tutam, proque ea citat Paludanum, Adrianum, Ledesnam, Victoriam, Vgolinus autem etiam citat Ioannem & Bartholomæum Medinam, qui omnes fere, saltem sex primi, quos vidi, hoc ex professo disputant, Henric. lib. 13. ca. 12. num. 2.

Probatum autem, si censura absolutionem eius qui bona fide eam recipit, irritam faceret cumque redderet ad Sacramentum pœnitentiæ inhabilem, æque redderet ad omnia, cum perinde ei sint omnia interdicta, atqui de omnibus est probatum illa in cœsuris recipi valide, ergo & pœnitentiam. Non fit ergo hoc Sacramentum irritum à censura, quatenus Sacramentum; sed nec quatenus tale, quia supponimus nullum esse in conferente impedimentum, à recipiente autem non poni obicem gratiæ, cum nulla sua culpa ignoret in censura se esse: ergo, &c.

Confirmatur, ex cap. Apostolica de Clerico excommunicato ministrante, vbi dicitur celebrantes diuina, cum suspensionis suæ non sunt conscij, irregularitatem non contrahere, sed ab ea ob probabilem ignorantiam immunes esse, sic enim Gregor. eius nominis nonus *Quia tempore suspensionis ignari celebrastis diuina, vos reddit ignorantia probabilis excusatos.*

Dixi bona fide, quia vt ait Henriquez loco citato, si ligatus excommunicatione etiam minore, scienter à peccatis absolui velit, sine absolutione excommunicationis præuia ei impertita, absolutio est nulla, quia eius confessio manca est, nec integra, vt pote debito dolore & proposito destituta, ac vacua.

Quid si pœnitenti sua censura nota non erat, aut si nota, non vt reservata?

Fuit opinio Palud. dist. 22. qu. 3. & dist. 18. q. 4. non valere.

Præ illa placet Henriquetij sententia, ac aliorum, cum illo absolutionem receptam bona fide, & urgente scandalo, aut alia quapiam necessitate valere, quia Sacerdos in pœnitentem iurisdictionem non impeditam habet, nec enim hæc culpa rei admittitur iudici, itaque directe hic à non reservatis absoluet à reservatis indirecte, cum obligatione tamen

Pars secunda.

A illud superiori confitendi, cum erit opportunum.

Pro parte tamen negante, quæ est Adriani & Paludani apud Couar. loco cit. Syluest. verbo Confessor. 3. num. 12. est hoc argumentum.

Sacerdos quem non tolerat Ecclesia, quia est denuntiatus, absolvere siue scientem, siue ignorantem non potest, quia hæc eum ad id fecit inhabilem; ergo nec Sacramentum ab eo quis recipere potest quia ad id est per Ecclesiam inhabilis, ergo sicut ille nihil confert, ita iste nil recipit.

B Minor probatur, ex cap. si celebrat 10. de Clerico excommunicato ministrante, vbi est, peccare quidem excommunicatum conferendo Ecclesiastica Sacramenta, ab eo tamen collata, esse valida, quia non est à collatione sed à participatione Sacramentorum quæ in sola consistit perceptione, remota. Hæc Gregorius qui vt patet collationem receptioni opponit, cumque illam dicat validam, licet culpabilem, hanc sine dubio dicit esse inuálidam.

Respondend. hoc canone effici in speciem, omnem Sacramenti receptionem irritam esse, quod quia cum plerisque aliis pugnat in quibus validum dicitur Sacramentum, quod in censura receptum fuit, vt patet in ordine, ideo quærenda nobis eius est intelligentia.

Dico ergo Pontificem id in ea decretali spectasse, vt ostenderet censura irritum; Sacramenta conferre valide, de recipiente quod est additum, probationis instar habere, quam non est necesse demonstrari esse. Addendum insuper eam contraria consuetudine, & communi Doctorum sententia abrogatam esse.

Dici etiam potest, voluisse Pontificem Sacramentum ab eius effectu distinguere, & dicere, excommunicatum, vtrumque conferre in subiecto apto, non tamen vtrumque, id est Sacramentum & eius effectum recipere, sed tantum primum; effectu enim & virtute Sacramenti caret; qui illud recipit in censura, quia peccat faciendo contra præceptum Ecclesiæ, quæ eum à perceptione Sacramentorum remouet. Et ex hac assertione vt notauit Caiet. & post eum Nauar. locis cit. infertur plerosque qui excommunicati sunt, alterutra excommunicatione, & eius obliui, in ea perdurant multos annos, cum eius erunt memores, iterandæ confessionis iure non teneri, sed tantum absolutionis petendæ ab excommunicatione. In contraria vero opinione, ab eo sunt omnes iterandæ, qui in minorem excommunicationem inciderit nisi

H



à censuris priusquam à peccatis fuerit absolutus, hæc de Sacramentis pro instituta breuitate sufficiant, de Sacramentalibus sit vltima propositio.

Dico vltimò, *Non solum censuris innodatum, sed etiam denuntiatum, valide Sacramentalia consecrare, ea tamen indigere reconciliatione, in his sunt consecratio Ecclesie, Cameterij, Chrismati, altaris, calicis & ceterorum vasorum sacrorum, benedictiones item vestimentorum, domorum, aquæ, frugum, imò sponsi, & sponse, Abbatum ac Virginum, Vgolin. tab. 1. cap. 13. par. ag. 16. nu. 14. & 15. & tab. 2. cap. 10. Syluest. verbo consecratio 2. num. 6. Angelus verbo consecratio Ecclesie num. 6. Tabiena eodem verbo num. 3. versu 7. in fine.*

Probat, per censuram potestas ordinis non tollitur, vi cuius hæc fiunt.

Quid? quod ad iurisdictionem ista non pertineant, quæ denuntiato tollitur, quod eadem per censuram, culpamque prælati non fiant, consecrationis aut benedictionis materia incapax? quod nec forma sua virtute priuetur?

De personis maior est dubitatio, cum enim scienter excommunicati vtantur opera, & cōsequenter peccent, quam amabo gratiam benedictionis aut consecrationis accipient?

Pro certo tamē habeo benedictiones eiusmodi ac cōsecrationes esse validas; nō enim iterantur, sed tantum res illæ pro ipso farum cōditione legitime reconciliantur, vt cum prædictis docet Durandus lib. 1. rationalis diuinorum officiorum cap. 6. num. 46. & licet personæ ipsæ vt supponimus, peccent, dicendum tamen videtur eas tunc pro Dei benignitate posse recipere aliquam gratiam gratis datam, v. g. gubernandi, continendi &c.

Dixi indigere reconciliatione, quia his actionibus quæ fiunt ab homine, quem Ecclesia à se proser ipso, hæc grauiter offēditur resque ei ingrata quodammodo, & iniusta fiunt, vnde pro conditione naturæ suæ reconciliari eas oportet, idque per impositionem manuum, aquæ aspersionem, preces & ceremonias.

## QVÆSTIO X.

*De irregularitate ob violatas censuras.*

**D**Vpliciter fere censuræ contemnuntur. Primo faciundo, quod propter ipsas est illicitum.

Secundò, id omittendo, ad quod censuris compellimur, propter primum in irregularitatem incidimus; propter secundum aggrauationibus, reaggrauationibus, aliisq; ar-

**A** bitrariis pœnis subiicemus, quare de irregularitate hac quæst. de cæteris sequenti.

Irregularitas ergo (quo nomine intelligitur inhabilitas quædam ad suscipiendos ordines ac susceptorum vsum: irregularitas (inquam) ab eo contrahitur qui re ipsa excommunicatus, suspensus vel interdictus, solita diuinorum officiorum munera scienter exercet, aut exerceri coram se imperat.

**B** Dixi contrahi, est enim irregularitas pœnata sententiæ, ideoque nullam iudicis sententiam requirit.

Addidi re ipsa, nec enim ad incurrendam hanc pœnam, sufficit propria aut aliorum opinione, censura irretitum esse, etsi id ad peccandum sit satis, si quid conscientia reclamante fiat, sed oportet re ipsa irretitum esse, sicut in excommunicationem non incidit qui Laicum, quem putabat esse Clericum pupugit, Vgolin. tab. 1. cap. 14. par. ag. 1. nu. 24. cuius rei alia non est ratio, quam quod id iure non est cautum, sintque odia restringenda.

**C** Est hæc verò irregularitas reseruata Pontifici, licet excommunicatio à quouis inferiore prælato emanasset, docet Maiolus lib. 3. de irregularitate cap. 21. quod de maiore excommunicatione intelligendum censeo, nam qui minorem contrahit in eaque celebrat, non fit irregularis vt clarè dicitur, in cap. si celebrat. de Clerico excommunicato ministrante, licet, vt eligatur ad beneficium vel dignitatem Ecclesiasticam, omnino fiat inhabilis.

**D** De suspensione idem aperte dicitur, in cap. 1. de sentent. excommunicationis in 6. de interdicto non obscure ibidem cap. 11. cui est Ecclesie, &c.

Dixi solita, nec enim simpliciter prohibet Ecclesia, ne Clerici munera sua obeant, sed ne more solito, & sicut prius ex officio, patet ex canonibus proxime citatis.

**E** Ex officio autem diuina quempiam fecisse, & consequenter irregularem factum esse, colligitur primo ex loco vbi exercentur, secundo si sint eiusmodi, quæ à Clericis tantum administrari queant, nam quia solius est Episcopici cōfirmare, ordinare, consecrare, &c. Sacerdotis autem sacrum facere, confessiones audire, sepelire, benedicere, &c. quomodocumque ab illis hæc fiant, fecisse ex officio sunt censendi, si vero ea Clericus ministeria obeat, quæ à Laicis fieri est in more, v. c. baptizare in mortis articulo, sacro inferuire sine apparatu ac ceremoniis, & similia, ea non dicetur ex officio facere, sicut cū eas ceremonias ad sacrorum vsum adhibet, aut vestes eius ministerii proprias, diaconus quidem

dem Diaconi, Sacerdos Sacerdotij, tali enim modo his vacare, est ea exercere sicut prius, & non Laico ritu, quod diserte cautum est in Concil. Antioch. can. 4. & can. si quis Episcopus 7. causa 11. q. 3. eodem pertinet vespertinas preces in choro occinere cum superpellico, aut in proprio & ordinario loco cum cæteris &c. eorumque more.

Dixi *Diuina officia*, qualia haberi debent quæ ab ordinibus pendent, ad quos tantum irregularitas ordinem dicit, ideo qui ab excommunicatione absoluit sine ceremoniis, quæ ad Ordinem Clerici pertinent, non fit irregularis. huiusmodi enim absolutio minus non est ordinis sed iurisdictionis, Vgol. loco cit, num. 20.

Dixi *Scienter* quia ignorantia probabilis & non crassa, non solum à peccato excusat, sed etiam irregularitatem impedit, vt habetur in cap. Apostolica, de Clerico excommunicato ministrante, nam etsi de suspensione sola ibi fit sermo, habet tamen idem in cæteris censuris locum, Nauar. authore cap. summa 27. n. 244.

Ratio est, quod in hac re Pontifex, irregularitatem pœnam esse voluerit præsumptionis, ac temeritatis eorum, qui diuina in censuris exercent, ac celebrant, patet ex can. si quis Episcopus damnatus, 6. & can. si quis Episcopus in Concilio 11. q. 3. & cap. latroes de Clerico excommunicato ministrante, in priori enim exigitur, vt audeant, in altero, vt præsumant, quod si cum causa de censura sua dubitauerint, non ex leui tantum scrupulo, sacris abstinere ne peccent, & fiant irregulares. Innoc. III. capite illud Dominus 3. de Clerico ministrante.

Dixi denique *sicuret corâ se exerceri*, id est, vt loquitur Nauar. loco cit. si eorum celebrationi auctoritatem præstet, nempe quia principem locum in Dei Ecclesia tenet, vt Episcopus, aut in prouincia vt princeps. patet ex cap. illud Dominus, versus illud autem, Licet autem in hoc non videatur omnino culpabilis extitisse, quia tamen in dubiis via est eligenda tutior, nisi de lata in eum sententia dubitaret, debuerat tamen potius se abstinere, quam Sacramenta Ecclesiastica pertractare. Illud autem quod sub spe Veniæ diuina sibi fecit (postquam se a nobis noverat excommunicatum) celebrari, & communioni fidelium se ingessit, potius contra eum facere credimus quam pro eo.

Patet ex dictis, irregularitatem omni Clericorû ordini, si quid hi contra supra dicta faciât, annexam esse. Repugnat, Soto in 4. dist. 25. q. 1. art. 3. sed canones vniuersè loquuntur, nullumque eximunt, Clerici autem (inquit Alexand. III. in decretali Clerici 3. de Clerico excommunicante) Si quis à suis, aut etiam

A de mandato Romani Pontificis, ab alienis Episcopis interdicti vel excommunicati, diuina officia celebrauerint, nisi moniti sine dilatione redierint, perpetuæ depositionis sententiam pro ausu tantæ temeritatis incurrant. Quare non poterit etiam quæ minoris cuiuslibet sunt ordinis exercere, Maiolus lib. 3. cap. 21. num. 7. & Nauar. cap. 27. num. 163. qui à temporalibus est auctoritate legitima suspensus, vt ab officio Doctoris, Aduocati, Procuratoris, à quibus Ecclesia nonnunquam suspendit vt patet ex cap. si aduersus de hæreticis, ea exercendo munera, peccabit quidem contra præceptum Ecclesiæ, non fiet tamen irregularis, idem dicendum de recipiente fructus beneficii à quo est suspensus.

Similiter non fit irregularis qui in censura Sacramenta recipit, quia non est id vlli sub pœna irregularitatis prohibitum, sed peccati tantum, ac nouæ excommunicationis minoris.

Quid? quod recipere Sacramenta non fit Clericorum proprium dūtaxat, sed Christianorum omnium? quos tamen irregulares fore si Sacramenta suscipiant in censura, nemo dixerit.

Excipiendi sunt ordines, quod eos nominatim in eo statu recipi nolit Ecclesia in cap. cum illorum de sentent. excommunicatis. quod ab initiatis propter censuras exerceri nequeat, vt significatur in cap. Vltimo de Clerico excommunicato ministrante.

Soto in 4. sententiarum distin. 25. q. 1. art. 3. parag. in ordinatione, scribit, se nescire, sitne verum quod Syluester ait, cum qui in excommunicatione minores ordines recipit, irregularem esse, sed canon Clerici tertius vniuersè de ordinibus loquitur, quare non est audiendus.

Est & alia exceptio cuius meminit, Henricus lib. 13. cap. 6. num. 3 nempe non peccare Parochum, nec irregularem fieri, cum occulte excommunicatus, inductus tamen à subditis, etiam extra necessitatem, Sacramenta suppeditat, quia tunc alieno gaudet priuilegio, subditorum scilicet iure petentium, & vnicuique in censura posito, alieno se ære liberare, debitaque licet soluere.

## QVÆSTIO XI.

De pœnis contumaciæ in Censuris.

Contumax, variis pœnis & ab homine, & à iure plectitur, à iure quidem duas statutas esse reperio, priorem à Paulo III. habeturque apud Nauar. in can. ita quorundam de Iuacis notabili 11. in Glossa Vltima

num. 14. & 15. estque in eo sita ut qui per annum in censura culpa sua perstiterunt, generali absolutione quam summi Pontifices ultro, in concessione quarumcunque gratiarum, vel beneficiorum collatione tribuunt eiusque effectu, ac fructu minimè gaudeant: unde beneficii collatio facta eiusmodi hominum generi, quamvis eam absolutionem contineat, est nulla, ut docent Rebuffus in *praxi beneficiorum*, & Nauar. loco citato num. 17. quinetiam ea poena eos quoque qui quatuor mensibus, in censura hæsere sine poenitentia, nonnunquam affici, dixit Nauar. quare prudentiæ esse ait, in supplicatione quæ Pontifici offertur, clausulam hanc derogatoriam addere, non obstante scilicet regula de infordescensibus.

Pœna altera est, ut qui per annum in excommunicatione contumax perseverat, si excommunicatus est, quod in respondendo de crimine ob quod postulabatur in iudicio contumax extiterit, pro conuicto habeatur, poenamque supplicio tali crimini per leges debitam luat: canon enim *rursus trigessimus sextus causa undecima q. 3. Vult ut qui intra annum causam suam purgare contempserint*, nulla eorum vox postea penitus audiat, quod à Gelasio quoque statutum est eadem causa & questione *can. quicumque 37.* idem dicendum de crimine hæreseos, licet enim caput *cum contumacia de hæreticis in 6.* latam sententiam non contineat, suppletur tamen in authenticis, *lege Laxaros tit. de hæreticis*, de qua Couar. in *cap. alma* prior parte *parag. 7. num. 11. Versu sed & in causa hæresis*, ob quam excommunicatus quisquis erit, si de ea absolui non curat intra annum, non caret suspitione prauitatis hæreticæ contemnens mandatum Ecclesiæ *cap. excommunicamus primo de hæreticis*, Piasecius 2. parte *praxis c. 4* statuitque Concil. *sess. 25. cap. 3. de reformatione, ut quicumque per annum censuris nexus in illis inforderit, quacunque tandem ex causa ligatus fuerit, contra eum tanquam de hæresi suspectum procedi possit*, hoc enim ipso occasionem existimandi præbet, in ea se opinione esse ut credat, Ecclesiam potestatem ligandi & soluendi non habere, aut huiusmodi centuras, vana esse nomina, nugæque canoras, quod vtrumque hæreticum est, efficiet autem hæc suspicio, ut is in quem cadit, purgare se iubeatur, quod si facere non potuerit aut noluerit, habeatur pro conuicto.

Quæres, *An ex hac annali contumacia ipso iure Clerici sua emittant beneficia.*

Respond. vi contumaciæ præcisè aut censuræ, sed non amittere ea, sed fructus eorum tantum, ut habetur in *c. pastoralis de appella-*

**A** *tionibus in fine*, si crimen tamen de quo in iudicio appellatus est Clericus, huiusmodi esset de quo conuictus, peractusque si foret, priuaretur beneficio, crederem eum, post hanc annalem contumaciam, illo iure quam optimo autoritate iudicis posse spoliari: est enim contumacia huiusmodi, causa satis idonea, ob quam quis beneficiis suis excidat, etsi delictum, cuius causa est excommunicatus minus sit, quam ut hac poena plekti debeat, Couar. in *cap. alma mater* *parag. 7. num. 10. Vgolin. cap. 14. parag. 3. num. 5.*

**B** Ab homine vero punitur contumax, tã qui reus est primarius, quam qui ei adhæret ac communicat, arbitraria poena, eaque varia & multiplex, pecuniaria, corporali, spiritali, prout prælato prudens charitas dictauerit, sed ita tamen ut posterior sit, aut putetur priore grauior, tripliciter autem poenas augeri posse contumacium tradit Vgolin. *cap. 14 §. 3.*

Primò, diuersæ poenæ additione, ut qui suspensus est excommunicetur.

**C** Secundò, adiectione poenæ, eiusdem generis ut qui suspensus est à missa, à beneficio, omnique officio suspendatur.

**D** Tertiò, eiusdem poenæ iteratione, ut qui semel est excommunicatus, secundo, tertio sæpiusve excommunicetur, perseverans autem anathematizetur, aut deponatur, crescente scilicet poena, perseverante culpa, quando ergo contumax in censura, à iudice aliqua harum poenarum afficitur, huiusmodi punitio, aggrauatio dicitur, quia prior poena per huius accessionem fit grauior, quod si nec hac secunda poena respiscit, additur altera quæ dicitur regrauatio, licet etiam quater aut sæpius fiat, hæcque de censurarum effectis, ratione eorum qui eis irretiti sunt, dicta sunt.

## QVÆSTIO XII.

*De effectis Censurarum circa non Reos.*

**E** Innocentes poena aliqua affici, non est malum: compatiuntur enim inuicem membra, nec iuste Christianus recusare quid pati, pro salute proximi ægrotantis potest, poena hæc autem est, obligatio vitandi censuris irretitos, qui est generalis, imo censurarum erga ipsos, effectus solus ac vnicus.

## QVÆSTIO

## QVÆSTIO XIII.

*De obligatione vitandi Censuris innodatos.*

**N**on eadem est hoc tempore, quæ fuit maiorum ævo hæc obligatio. Olim quidem ipso iure tenebatur quisque, non solum notum excommunicatum, vel interdictum publice, priuatimque vitare, occulte autem quætalem esse non nisi tamen occulte nosset, patet ex cap. cum non ab homine de sententia excommunicationis & aliis. Hoc nostro sæculo Patrumque à temporibus Constantiensis Concilij, duo duntaxat hominum genera vitare tenemur, nominatim scilicet denunciatos, & publicos Clerici percussores, tredecim tere interiectis annis, subsecutum est Basileense Concilium, à quo iussi fideles non solum denunciatos, sed etiam publicos & notorios excommunicatos in congressu fugere. Et quanquam habeat vtrumque Concilium propugnatores suos, eosque plurimos, vt videre est apud Henriq. lib. 13. ca. 5. Viualdum de excommunicatione num. 70. Vgolin. tab. 1. cap. 13. parag. 7. num. 7. Couar. in cap. alma parag. 2. num. 7. numero tamen Constantiense superat, ipsoque communi vrbis ac orbis assensu, vt ait Nauar. cap. 27. num. 35. cui vt par est & nos quoque subscribimus, eiusque Extrauagantem, quam habet ibi Nauar. estque in constitutione Leonis 10. lata anno 1516. quæ incipit in eminenti, cum Ecclesia vniuersa amplectimur.

Tenentur ergo sub pœna excommunicationis minoris, fideles omnes censuris irretitos vitare, cum publice & nominatim denunciati sunt, vel si non sint denunciati, sunt tamen Clericorum percussores notorii.

Dixi teneri, quia sunt hæc Concilia quoad huiusmodi saltem decreta, approbata à Pontificibus, Martino V. Nicolao V. & à Concilio Lateranensi sub Leone X. sess. 11. & ab eodem Leone. Minoris excommunicationis dixi, est enim hæc pœna, conuersantium cum excommunicato, nisi forte eiusdem essent participes criminis, tunc enim in maiorem excommunicationem inciderent.

Dixi Censuris, omnes enim & singulas complectitur citata Extrauagãs, verba indicant, Vt nemo deinceps à communione alicuius in Sacramentorum administratione, vel receptione, aut aliis quibuscumque diuinis, vel extra, pretextu cuiuscumque sententiae, aut censura Ecclesiasticæ, seu suspensionis, aut prohibitionis ab homine, vel à iure generaliter promulgatæ, teneatur abstinere, vel aliquem vitare, aut interdictum Eccle-

A sasticum observare, nisi &c.

Dixi, publice denunciatos, v. g. in Ecclesiâ à Parocho, inter missarum solemnias, vel à iudice pro tribunali, multis consciis, vel cum literæ declaratoriæ tam censuræ contrahendæ, quam personæ excommunicatæ affiguntur loco publico, pro regionis consuetudine ac more, talē certē fuisse pristinæ Ecclesiæ, Honorij decretum indicat, relatum à Grat. in causam 11. q. 3. can. 20. Curæ sit omnibus Episcopis, excommunicatorum omnino nominatim Episcopis vicinis, quam suis Parochianis pariter indicare, eaque in celebri loco posita, præ foribus Ecclesiæ cunctis conuenientibus inculcare, quatenus in vtraque diligentia, & excommunicatis vbique Ecclesiasticus aditus excludatur, & excusationis causa omnibus auferatur, & in can. Apostolus 31. eiusdem causæ & quæst. hæc leguntur, fornicator sententiæ nominationem intelligens.

In hac autem denuntiatione, personæ vitandæ de nomine debent exprimi, ob eam causam, in excommunicationem fideles non incidunt, vtendo Caluinistis familiariter et si speciatim hi in bulla Cænæ quotannis excommunicentur, seque Caluinistas fateantur, imo quæ est Henriq. & Nauar. locis cit. opinio, si quis à iudice vocatus nominatim vt causam dicat, si sub pœna excommunicationis latæ sententiæ, citatus vt mentem suam respondeat parere abnuat, & ob contumaciam non comparendi, aut non parendi vocanti iudici, excommunicationem contrahat, eum vitandi, licet eius censura neminem lateat, nulla est necessitas, dum nominatum & publice non denunciatur à iudice.

Denuntiatis notorios percussores Clericorum addidi, quod eorum fiat in ea Extrauagante mentio, qui autem sint notorii, facilius est intelligere quam dicere, notorius communiter dicitur, qui in maiori parte viciniae, aut Collegij, aut pagi, notus est per testes oculos, in magna autem populo saque vrbe, non satis esse, factum visum à sex vel octo, vt dicatur notorium, scribit Henriq. loco cit. §. 2. Verum enim ne dubitationi sit locus Concilia ipsa explicant, quale notorium intelligant, cum aiunt, tale esse factum vt nulla possit tergiuersatione celari aut aliquo modo iuris suffragio excusari, quare Couar. in priorē parte relectionis, in canon. alma. §. 3. n. 2. tradit eum, qui in vno loco denunciatus est publice, vbique vitandum esse, eo quod non toleratur ab Ecclesia, ac si probari potest denuntiatio, publice, si nequit, occulte tantum vitandum esse.

H iij



## QVÆSTIO XIV.

*Explicantur aliqua dubia circa prædictam obligationem.*

**P**rimum, *An sine peccato conuersari cum excommunicatis liceat, &c.*

Nequaquam, quia Ecclesia peccatum non sustulit conuersantiū, sed pœnam duntaxat, & quo quis maius periculum conuersandi adit, nisi necessitas excuset, hoc eius est peccatum grandius, præsertim conuersando cum hæreticis, quorum sermo, vt cancer serpit.

Secundum, *An à Parocho excommunicato, interdicto, notorio concubinario &c. liceat audire sacrum, & accipere Sacramenta.*

Licet, atque adeo etiam exigere, nec enim eum peccare vtendo iure nostro cogimus, aut ei noxæ auctores sumus, cum si velit, culpam odisse, eam emendare, ac absolui valeat, Sacramenta tamen cum tractat, siue occulte, siue publice sit censuris irretitus, committit sacrilegium, & incurrit irregularitatem nisi excusetur, ex eo quod soluit debitum vt dixi antea.

Tertium, *An Parocho Sacramenta censuris implexo dare liceat.*

Ei qui nescitur excommunicatus publicè nunquam negabit, ne eum reddat infamem, manifesto non denunciato, si negare potest sine scandalo, nunquam dabit, neque si hæc negare ei sine damno suo sit liberum, alioqui vti poterit Ecclesiæ indulgentia, quod si is in contemptum censurarum, vel Ecclesiæ Sacramenta exigeret, ne morte quidem proposita conferenda erunt, quia dari tunc sine graui peccato nequeunt, Sacerdos autem non Parochus ius semper recusandi habet, modo postulante infamare caueat, in denunciato vero, vel publico Clerici percussore, non est timenda infamatio.

Quartum, *Si dum fit sacrum, aut ministrantur Sacramenta, diuinaue obeuntur officia, excommunicati se ingerant, quid agendum?*

Si sunt denunciati, vel percussores Clericorum publici, intermitti ea oportebit donec abeant, aut si abire sua sponte noluerint, foras abiguntur, secus facere, culpa est non tamen irregularitati nexa Gregor. X. auctor in cap. 15. de sententia excommunicationis in 6. causa eius rei vnica, nempe quod id non sit expressum in iure, Gregor. ibi.

Similiter, si ipsi suspensi, excommunicati, interdicti denunciati non fuerint, quantumuis diuina sacrilege exequantur, his tamen sine peccato interesse fas erit, quod si de-

**A**nuntiati erunt, populus templo egredi debet, excepto eo qui ministrat sacro, si tamen excommunicatus illud audit in vno sacello, licebit audire in alio, etiam in eadem Ecclesia, sic enim non communicatur excommunicato, Vgol. tab. 2. c. 8. §. 5.

Quintum, *An prophana cum censura innodatis tractari possint sine culpa.*

Possunt, quia diuina tantum sunt prohibita, nec in suspensione, & interdicto dubium esse vllum potest, quia per eas censuras prophana non vetantur.

**B** Dices non fauet Extraneus ad Editanda his qui sunt in censura, ergo cum eis conuersando peccabimus, quia cooperabimur eorum peccatis: si enim cum iis non vixerimus, nec hi nobiscum agent.

Respondet Viualdus de excommunicatione num. 78. cum Ledesma & Soto distinguendo, aut enim qui est à censuris liber, prius cum excommunicato incipit agere, aut viceversa, si primum neuter peccabit, quia liber privilegium habet, & in gratiam eius excommunicatus excusatur; Si secundum, excommunicatus peccabit sicut prius, quod intellige de communicatione ciuili aut vtere præcedenti responsione ad quartum & vide Vgolin. tab. 2. cap. 22. parag. 1. num. 3.

## QVÆSTIO XV.

*Diuisio Censure in suspensionem, excommunicationem & interdictum.*

**E**X singulis censurarum causis, aliquarum diuisio peti potest, tres tamen traduntur præcipue, prima est ab efficiente vt scilicet diuidantur in eas quæ sunt ab homine & à lege de quibus supra: A forma petuntur duæ aliæ, de quibus duabus quæstionibus sequentibus.

Et primo suppono censuram pœnam esse, & sententiam, vt pœna est. diuiditur in excommunicationem, suspensionem & interdictum, vt sententia in iustam & iniustam in ratam & irritam, de priore primum dicamus.

**E**Tres ergo sunt pœnarum spiritualium species, quas loco citato definiuimus, excommunicatio, suspensio & interdictum, neque plures, neque pauciores, etsi Soto 4. sententiarum distin. 22. qu. 3. art. 1. numeret quinque, adiuncta scilicet irregularitate & cessatione à diuinis, communis tamen sententia & autoritate, & ratione satis idonea confirmatur: Innocentius enim tertius, quærenti quid per centuram Ecclesiasticam debeat

debeat intelligi respondit sententiam suspensionis, excommunicationis & interdicti vt est in *cap. querenti de Verborum significatione*.

Ratio autem exacta huius numeri non facile affertur, Felicianus quidem *cap. de excommunicatione*, tribus tantum modis censuram ferri posse dixit pro triplici delictorum genere, & diuersitate, quam diuersitatem ipse non explicauit, fortasse nec potuit; nam pro eisdem delictis modo has, modo illas censuras latas inuenimus.

Vgol. *tab. 1. cap. 26*, dixit censuram tripartitam esse ratione eorum qui ipsa constringuntur, qui sunt Clerici, Laici, & loca, suspensio solos Clericos afficit, loca soli interdicto fiunt obnoxia, Clerici autem & Laici soli excommunicationi subiacent, maxime vero Laici, verum hæc exacti numeri ratio parum est exacta vt patet, quod etiam eius author significat, itaque aliam profert sine dubio meliorem, quoniam non est hæc pœna aliud, quam bonorum Ecclesiarum priuatio, dupliciter autem his priuari possumus, aut omnibus simul, aut aliquibus, Secundo priuari possumus hisce bonis actiue, passiuæ, & utroque modo, excommunicatione priuamur omnibus actiue & passiuæ, suspensione aliquibus actiue tantum, interdicto aliquibus utroque modo, quæ singula seorsim suis locis explicabuntur accuratius.

## QVÆSTIO XVI.

*Diuisio Censura in Ratam & Irritam, &c.*

**N** Auar. *cap. summa 27. num. 3.* & passim Omnes, sententiam censuræ in iustam diuidunt & iniustam: & hanc, in validam & inuvalidam subdiuidunt, siue ratam & irritam, quam etiam nullam vocant, rectius tamen institueretur hoc modo diuisio, quam etiam videtur secutus Felicianus *cap. 29. de excommunicatione*, vt censura primo in ratam & irritam diuidatur, rata autem iniustam, & iniustam, prior enim diuisio videtur otiosa, eo quod validum latius patet, quam iniustum, & est genus iustæ iniustæque sententiæ, deinde irrita non est iniustæ censuræ species, ne censuræ quidem, sicut homo pictus, non est species hominis, neque animalis, quia tamen habet aliquam similitudinem cum censura, ob quam & nomen ipsum retinet, ne nos affinitate sua fallat, non est plane prætermittenda imo agnoscenda; in diuidendo tamen inter veras species constitui non debet, sed à principio statim seponi.

**A** Rata ergo censura est, quæ habet ea quæ sunt de eius essentia, ex parte iudicis, rei, & causæ, ob quam censura fertur, quæ autem illa sint, dictum est suis locis.

Irrita siue nulla, cui aliquid essentialiale deest, quot autem illa sint, ex dictis est colligendum, Nauar. *cap. 27. num. 4.* quinque modos posuit censuræ irritæ, posuere alii septem, & inter eos Henric. *lib. 13. cap. 15.* tradit, defectu iurisdictionis censuram in septem casibus esse nullam, non negat tamē posse aliunde esse nullam, vt quæ errorē intolerabilem nonnunquā continere dicatur.

**B** Sunt qui nouē modos ponant, quindecim alii, vt Sylu. *Verbo excommunicatio 2. num. 1.* alii octodecim vt Felicianus *cap. 30.* Iusta censura est, quæ non solum essentialia habet, sed insuper requisita omnia ex parte causarum omnium, iniusta autem cui aliquid non essentialiale deest, quod tribus fere modis accidit.


**C** Primo ex malo iudicis animo, non sanitatis subditorum cupido, sed vltionis, aliaue perturbatione sauciato, & tunc nihilominus valet sententia, licet peccet qui eam dicit non quidem contra iustitiam vt supponimus, sed contra caritatem, quia sententia à iurisdictione vim habet non à iudicis bonitate.

Secundò, si causa iniusta fuerit, vt cum levis est culpa, iniustum enim est pœna graui qualis est censura, leue quodpiam erratum castigari, cum diuina lex iubeat, vt pro mensura peccati sit plagarum modus, Deut. 25. aut cum præsumpta contumacia, vere non fuit contumacia, vt si excommunicetur aliquis vt soluat debita, quæ soluere nequit, in his enim exterioribus & contentiosis oportet Ecclesiam opiniones & probabilitates sequi, ideo & fallere saepe contingit, & falli propter quod contingit interdum vt qui ligatus est apud Deum, apud Ecclesiam sit solutus, & qui liber est apud Deum, Ecclesiastica sit censura innotatus, Innoc. III. in decretali à nobis 28. de sententia excommunicationis, de quo & Vgolius *tab. 1. cap. 13. parag. 3. sub finem*, si tamen magnam haberet huiusmodi sententia iniustitiam, ac intolerabilem errorem, vt aiunt valida non foret, sicut esse est censenda, cum iniustitia est levis vel occulta, quia licet rigide loquendo, valere non debeat, cum, verà pœna veram culpam supponat, voluit tamen Ecclesia, vitandi maioris mali causa permittere, tales vt sententiæ vim haberent, maxime cum hæc scandalum nullum creent, eo quod iniustitia cuius arguuntur, non sit aperta & euident, cum reos constet semper esse querulos, ac pro se iustitiam, pro iudicibus autem iniustitiam facere, in communi

sermone dicere solitos fundata autem erit in eo castigatio, quod sit æquissimum priuatum quempiam etiam culpa sua nulla, pro communi bono damnum ferre, nam etiam è sano brachio ad sanitatem totius corporis sanguis elicitur, itaque negant nonnulli credendum esse Soto in 4. *sententiarum* dist. 22. q. 2. ar. 3. concl. 4. asserenti excommunicatum hunc non videri, nec Ecclesie carere suffragiis qui est innocens, licet probatus sit nocens, quod eiusmodi iniusta sententia par ei sit & æqualis, quæ est nulla, de quo nos alias.

Tertio, excommunicatio est iniusta si ordo iuris seruatus non fuerit, qui in eo est vt admonitiones fiant, vt scripto tradatur sententia, vt ea causam censuræ contineat, & cætera, de quibus antea, hæc enim si desint aut eorum aliqua, valebit sententia, quia sunt de iure positiuo, in quo dispensant Pon-

tifices, cum patiuntur valere sententias his non seruatis, & pœna nihilominus iudicem afficiunt, sic enim fit vt censura, quæ est natura sua formidabilis, terrorem maiorem inferat, dum constat eam malo etiam animo, & iniusta ex causa, ac præter iuris ordinem latam ligare, qui enim eam contemnit, peccatum mortiferum admittit vt docet S. Thomas in 4. *sententiarum* dist. 18. q. 2. ar. 1. ad 4. & alij plerique apud Couar. *priore parte electionis* in cap. *alma* parag. 7. num. 5. 6. & 7. Vgol. *tab. 1. cap. 13. §. 3. n. 5.* Henricq. *lib. 13. cap. 15.* ibi tamen ait Couar. cum qui iniuste est excommunicatus, si scandalum absit, occulte sine peccato, diuina celebrare officia posse, proque eadem sententia Caiet. Adrianum, Driedonem citat, additque, esse id ex mente canonum, de quo nos postea.





# TRACTATUS

## SECUNDVS

### DISPVLTATIO PRIMA

#### DE EXCOMMVNICATIONE.

#### QVÆSTIO PRIMA.

*Quid sit Excommunicatio.*



**E**ST Excommunicatio maior, *Censura Ecclesiastica, directe & absolute separans fideles à communione quæ in potestate est Ecclesiæ sacra, quam ciuile ceterorū fideiū.* Fideiū nomine intelligendi sunt baptizati, in quos solus illa potestatis exercet, *Censura* autem, pœna eiūdem Ecclesiæ autoritate illata, ad vindictā peccati à nocente admissi, quæ pœna non est cruciatus aliquis corporis, aut priuatio mera rei temporariæ, sed tam hæc, quam Sacramentorū, & suffragiorum dictæ Ecclesiæ, carentia: quæ duæ res, in definitione excommunicationis significantur nominibus communionis tam ciuilis quam sacræ.

Consistit autem communio ciuilis, in his actionibus quæ ad humanam societatem pertinent, vt est confabulatio, salutatio mutua, communis mensa, cæteraque, quibus inter nos, alij alijs communicamus, præter quam communionem sunt & alia. Triplicem Nauarr. facit in Enchirid. 27. numer. 17. internam, exteriorem & mixtam, interna sit per gratiam, fidem spem & charitatem, quibus duabus virtutibus, vt vnius corporis mystici mēbra, Christo capiti ac seruatori nostro ne dimur: iuxta Paulum ad Rom. 10. *Multi vnum corpus sumus in Christo, singuli autem alter alterius membra,* primæ ad Corinth. 12. *Sicut enim*  
Pars secunda.

**A** corpus vnum est, & multa habet membra, ita & Christus etenim in vno spiritu omnes nos baptizati sumus. Mixta, posita est in participatione eorundem Sacramentorum, suffragiorum & precum communium, insuper eiusdem sacrificij, ac rerum huiusmodi, sine vilo respectu ad fructus, quorum causa sunt hæc instituta à Deo in Ecclesia. Exterior vt diximus, est in cōmunicatione ac vñu rerum, quæ ad humanam societatem ac conuietum pertinent, & vtraque hac communicatione, externa scilicet ac mixta priuat excommunicatione, non tamen interiore, nam cui fides, cui spes, ac caritas nisi volenti potest adimi? à quo gratia nisi à volente perdi? Et licet excommunicatio maxime si maior est, esse sine eius carentia nequeat, ratione mortalis culpæ, cuius est pœna 11. q. 3. *canone Episcopi* 8. & *canone nullus Sacerdotum* 42. à qua pendet, vt effectus à sua causa, nunquam tamen impedit excommunicatio, quin ad eam communicationem homo cum Deo, redeat per pœnitentiam, nequit ergo fidelis per excommunicationem priuari cōmunionem interna cum Deo, per gratiam.

**C** Additum est propterea in definitione eaduntaxat per censuram cōmunicatione priuari hominem, *quæ sit in potestate Ecclesiæ,* qualis est Sacramentorum participatio actiua & passiuæ, sacrosanctum Missæ sacrificium, suffragia Ecclesiæ communia, horarum publica lectio in choro aut templo, indulgentiæ, sepultura, prælatorum iurisdicctio, beneficiorum collatio, dispensatio in votis, iuramentis, & impedimentis matrimonij, prima enim illa quæ purè est spiritalis, à solo Deo auferri potest, qui secundum legem ordinariam, charitatem non nisi ob peccatum peccantis proprium adimit, nec



fidem, nisi ob infidelitatem simile est in ordinum characteribus, quos nec Deus, nec Ecclesia vllitollunt.

Facta quoque est mentio censura, nec cuiuslibet, sed Ecclesiastica, palam vt facerem, mihi hic de diuina sermonem esse nullum, quam, qui labe scdatus est mortali contrahit, nisi eam dolore absterferit, partem habiturus est inter Dei familiares ac amicos nullam, mortuus autem æternis mactabitur in igne cruciante suppliciis.

## QVÆSTIO II.

*Quibus nominibus appellata est olim  
Excommunicatio.*

**P**rimò, dicta est segregatio in *Concil Antioch. can. 2.* quo sensu dixit Zonar. in eum canon. ἀφωρομήτης γίνεται ἡ ἐξω τῆς συναγωγῆς τῶν πιστῶν, id est, segregari & extra cætum fidelium eliminari.

Secundò, quod suspensioni, & interdicto conuenit, excommunicationi speciatim tributum video, vt censura diceretur à Tertul. in apolog. cap. 39. ibidem exhortationes, castigationes, & censura diuina, nā ei indicitur magnocumponere, vt apud certos de Dei conspectu.

Tertiò, vocatur à Concil. Tur. 2. can. 24. cælestis gladius, à Cypriano, epist. 62. spiritualis, spirituali gladio superbi, inquit, & contumaces necantur, dum Ecclesia eiiciuntur, Abstentio epist. 38. notabili 10. hinc abstenti pro excommunicati, & abstinere pro excommunicare phrasi apud eum satis vsitata & frequenti. Sic enim de Felicitissimo epist. 38. Accipiet sententiam quam prior dixit, vt abstentum se à nobis sciat, & in epist. 55. Felicitissimum hostem Christi, non nouum, sed iam pridem ob crimina sua plurima, & grauissima abstentum, & non tantum mea, sed plurimorum Episcoporum sententia condemnatum, reiectum & pulsum de Ecclesia.

Idem & alia periphrasi circumloquitur, Vt arcere à communicatione Epist. 28. & 40. Nō communicare vt in explicatione orationis Dominicæ, Eucharistiam quotidie ad cibum salutis accipimus, intercedente grauiore aliquo delicto, dum abstenti, & non communicantes à cælesti pane prohibemur, à Christi corpore separamur, & paulo post, vt manifestum est eos viuere, qui corpus eius attingunt, & Eucharistiam iure communicationis accipiunt, ita contra timendum est, & orandum, ne dum quis abstentus separatur à Christi corpore, procul remaneat à salute, comminante ipso nisi manducaueritis carnem filij hominis.

Idem ab eo expressum sub nomine cie-

**A** tionis ab Ecclesia, in Epist. 40. 47. & 55. idem dictum à Conc. Antioch. can. 2. Carthagin. can. 30. idem à Tertul. cum ait, in ca. 11. de idololatria lanistam arcendum ab Ecclesia, stupri reos prohibendos à communicatione fraternitatis, item ad uxorem lib. 2. cap. 3. impios relegandos in perpetuum dissidium, aduersus hæret. cap 30. eos submouendos à limine, & omni tecto Ecclesiæ, de pudicit. cap. 4. & 14. sic & absolvere ab excommunicatione appellat, largiri post liminium Ecclesiasticæ pacis, ad Ecclesiam reuocare, Ecclesiæ incorporare de pudicit. cap. 15.

**B** Iisdem quibus Cypr. & Tert. vsi sunt vocibus, Hieron. & Gregor. Nyssenus, nam ille excommunicatum epist. 1. eiici ait de Ecclesia rabido dæmonum ore discerpendum, iste autem, id est Nyssenus, segregatione (hoc est excommunicatione) ei claudi à Sacerdotibus portas Ecclesiæ in hac vita, in altera vero Regni cælorum ab Angelis, Nunc autem si quid humanitus acciderit, & mors repente tanquam fur aduenerit, scias tibi quæ illic sunt, esse clausa, sunt diligentes & non ludentes ianitores Regni, vident animam ferentem signa segregationis, non secus atque quempiam, qui sordida & impexa coma arguit carcerem, eamque eiiciunt à via quæ tendit ad eam, quæ bona sunt, & pulchra, Gregor. in orat. aduersus eos qui agrè ferunt reprehensiones. Et quoniam est excommunicatio pœna, eaque qualibet alia grauior, quod per eam de Ecclesiæ exterminati finibus prædæ simus, furorique expositi dæmonum, exosi Deo, diuinis eius oculis graues, Angelorum ludibrium, cœli terræque opprobrium, excommunicatum rabido dæmonum ore discerpi dixit Hieron. epist.

**D** 5. conteri etiam ac frangi spirituali mucrone, quo truncatus (inquit) eiicitur de Ecclesia, Miror sanctum Episcopum, in cuius Parochia esse Presbyter dicitur, acquiescere furori eius, & non Virga Apostolica, Virgaque ferrea confringere inutilem, & tradere in interitum carnis, vt spiritus saluus fiat, Hieron. epist. 53. eum autem tradi sathanæ dixit Apostol. 1<sup>a</sup> primæ ad Corinth. 4. quo quid est homini metuendum magis? quid maiori vitandum cura? abiicitur in ciuitatem in locum immundum deditus scilicet sathanæ, in interitum carnis, nec amplius reedificatur in Ecclesia post ruinam, Tertul. de pudicit. cap. 20. ergo spes ei salutis nulla reliqua, cum extra Ecclesiam beatum esse, ac in diuorum sanctimonia certum sibi habere locum, nulli sit concessum mortalium, Anathemati enim honoris gratia, nemo accedere audeat, & ab eo qui ab Ecclesia abscissus est, omnes separantur, tãquam à Deo abalienati, Chrysost. hom. ad Rom. 16.

QVÆSTIO

## QVÆSTIO III.

*Quid anathema ab excommunicatione differat.*

**E**st anathema, vox significatu ac notione ambigua, in bonam malamque partem usurpata à Doctoribus solita, secundum Chrysostomum hom. de anathemate tom. 5.

Et primò quidem *ἀνάθημα* penultima longa, idem est ac donum, ex voto, in accepti beneficii memoriam, Deo in templo appensum Pollux lib. 1. ideoque separatum à rebus prophanis, quandoque vero quod à Deo sciunctum est per impietatem, hac voce anathematis intelligi, cum complura diuinæ scripturæ exempla declarant, tum maxime, quod apud Iustinum legitur in hæc verba: *Anathema id dicitur quod Deo dedicatum, & in communem usum amplius non conuertitur, aut quod à Deo per malitiam est abalienatum*, Iust. lib. quæst. & respons. 4. q. 121.

In eandem sententiam scripsit hæc Chrysost. ad Rom. homil. 16. *Quid est anathema audi Paul. loquentem, qui non amat Dominum Iesum Christum, is anathema sit, hoc est ab omnium commercio segregatus, alienus ab omnibus sit. Nam quemadmodum anathema donum quod Deo dedicatur, nemo est qui temere manibus contingere audeat, nec ad id propius accedere, sic & eum, qui ab Ecclesia separatur, ab omnibus abscondens, ac tanquam longissime abducens, hoc nomine à contrario scilicet appellat, magno cum terrore omnibus interminatur, ab eo ut separentur, ac pedem referant, à ἀδελφότητι enim idem sonat, ac deuouere, detestari separare à Deo, ut in nouella 231. παραγ. βισπιζουδρ, & in consit. 31. quid est enim anathema, inquit Tarasius in actione 7. Synodi Nicenæ 2. nisi separatio à Christo ut enim anathemata quæ Deo oblata sunt à rebus aliis communibus, atque humanis segregantur, ita is qui anathema factus est, à reliquo fidelium cœtu, qui Deo additi, & dicati sunt auellitur, atque distrahitur, & ab ipso Deo, vel ipse potius à seipso Diabolo mancipatur, Zonaras in can. 3. eorum qui post primam & secundam Synodum sunt in templo sapientix editi, Anathema enim æterna est mortis damnatio, Concil. Meldense can. 56 quique sit sub anathemate ἀπὸ τοῦ πνεύματος τοῦ ἁγίου ἀρραβωνήσας, id est, diuellitur à Deo, Satana vero adiungitur, atque adducitur, si que illi in anathematis obnoxium ipsemet constituit, Zonar. supra.*

Et quoniam quæ Deo sunt inuisa, quæ di-

**A** uinis eius oculis dura ac graua, in ea mala omnia confluere, his oppleri, ac obrui est necesse, ob eam causam, qui nobis execrabiles, qui culpis suis odiosi sunt ac graues, proindeque fugiendi, ut à Deo abalienati, & ab Ecclesia abicissi, antiquis dicebantur anathema hoc est maledicti Hieron. in cap. 14. Zachar. loquens de Paulo optante anathema esse pro fratribus: *Pro fratribus salute, inquit, anathema esse cupit, imitari volens dominum suum, qui & ipse cum non esset maledictio, factus est maledictio*. His de nomine anathematis, eiusque usu prænotatis, respondere quæstioni non est difficile.

**B** Dico ergo primò, *Per anathema, communionis priuationem, ac suffragiorum Ecclesiæ maiorem non adferri, quam per excommunicationem*.

Probat, est anathema ex dictis idem ac sacer, execrabilis, & quasi quoddam piaculum, separatús, excisus à Deo: at idem significat excommunicatio, sic dicta quod quia ea percelluntur à communicatione corporis Christi arceantur, ut ex Cyprian. in tractatu de orat. Dominica antea audiui-

**C** mus. Dico tamen secundò, *Distingui ab excommunicatione anathema ceremoniis quibusdam, & accidentibus, præterquam quod maiore cum terrore, infamiaeque inferebatur ab Episcopo, suas etiam ceremonias formidinis pœnas habebat, quas in excommunicatione adhibitas non legimus Presbyteros scilicet duodecim, qui eius stipantes latera, lucernas ardentes manibus præferebant, quas in anathematis detestationem, ac odium proiecitas, conculcabant pedibus, ut est in can. debent 106. c. 3. Undecima q. 3. conculcatas autem ut narrat Glossa eius can. extra templum uti sal infatuatum eiici oportebat, nulli postmodum futuras vlui, can. non omnes 2. q. 7 hoc modo excommunicatum in Constantiensi Concilio fuisse Petrum de Luna, alias Benedict. XIII. scripsit Nauclerus, Venetos autem à Clem. V. quos anathemate notatos, sacris interdixit, eosque proseruis, vbicunque reperirentur, haberi voluit, Platina in Clem. V. extat & execratio facta per Gregor. VII. contra Henricum II. cum ab-*

**D** *rogatione Imperii, & solutione iuramenti subditorum, ab eius fidelitate, & translatione imperij in Rodolphum Platina in vita eius. Chilpericum aiunt cum in Episcoporum cœtu qui in Basilica Sancti Petri Parisiis est habitus anno salutis 357. reum se esse Prætextatus Rothomagensis Episcopus maiestatis læsæ confessus esset, petiisse ut in pœnam ab eo admissi sceleris, aut tunica eius scinderetur, aut centesimus octauus Psalmus, qui maledictiones Ischaroticas continet, super caput eius recitaretur.*

tur, aut certe iudicium contra eum scriberetur, ne in perpetuum communicaret Gregor. Turon. lib. 5. *historie* cap. 19. quæ pœna maiora in Gallia scelera plecti solita, indicat canon 24. Concil. Turon. 2. sub Cheriberto anno post Christum natum 567. ibi enim præcipitur eius Ecclesiæ Presbytero, cuius bona quispiam rapida cupiditate occupasset, ut eum officii admoneat: *Quod si pertinaciter in peruatione persistit, & se tollere post tertiam commonitionem de re illa, aut Ecclesiæ, aut propria noluerit, conuenit ut omnes omnino una conuentione, simul cum omnibus Abbatibus, ac Presbyteris, vel Clero, auxiliante Christo, circumsepto Clericali choro, necatori pauperum, qui res peruadit Ecclesiæ Psalmus 108. dicatur, ut Veniat super eum maledictio illa, quæ super Iudam venit, qui dum loculos faceret, subtrahebat pauperum alimenta, ut non solum excommunicatus, sed etiam anathematizatus moriatur.*

Ex quo patet primò, non Sacerdotes duodecim modo, sed omnes qui tum in ea erant Ecclesiæ, ubi in reum dicebatur anathema, Episcopo illud pronuncianti, fuisse præsentibus, ac testes, id enim hæc voces indicant: *Cum omnibus Abbatibus, ac Presbyteris, vel Clero, addo amplius, ab Episcopis quoque prouinciæ postulatam, ne tunc abessent, cum in reum dicebatur anathema: Illud etiam annecti placuit, ut quid de fratribus addandum solatium venire pro certa infirmitatis necessitate non potuerit, Abbates & Presbyteros in vice sua transmittat, quod si præter certam infirmitatis excusationem commonitus, aut venire, aut transmittere noluerit, remotum se à fratrum caritate cognoscat, Concil. Turon. 2. can. 24. sane in Meldensi Concil. sub Sergio Papa & Carolo iuniore, Episcopis præcipitur, ut eorum nemo quemlibet sine manifesta, & certa peccati causa, communionem priuet Ecclesiasticam. Anathema autem sine consensu Archiepiscopi, aut Coepiscoporum prælata etiam monitione nulli imponat, nisi vnde canonica docet autoritas can. 56.*

Secundò, colligendum ex dictis, anathema non nisi sub vitæ finem consueſſe solui, ac sæpe ne tunc quidem solutum, alioqui cur qui est excommunicatus, iuberetur à Concilio anathematizatus mori, si viuentis adhuc ac sani vincula, Ecclesiæ potestate rupta essent aut solui possent? ob eam causam appellatur in Concilio Parisiensi 3. *Perpetuum*, can. 5. & in secundo imperant Patres ut perpetuo anathemate feriatur, qui res Ecclesiæ confiscare præsumpserit, ob eandem causam dicitur irrevocabile, ab Aurelian. 5. can. 15. procellosum à Matisconensi 2. can. 14.

Tertiò, colligendum ex dictis, anathema summarum scriptoribus, idem esse ac qui est execrabilis, cum enim anathema sit

A separatio à Christo, Concil. Nicæn. 2. act. 7. vel quidpiam quod est à rerum aliarum se-iunctum consortio, Diu. Thomas in cap. 2. ad Galat. vel quod sui imprimebat odium in animis hominum, adeoque iisdem erat abominandum ac graue, quo sensu Iosue 6. vrbs Hiericho iubetur esse anathema & omnia quæ in ea sunt, & 1. ad Corint. 12. habetur neminē anathema Iesu dicere, nemo in Spiritu Dei loquens. dicit anathema Iesu, hoc est eum execratur, hinc est quod qui anathema promulgatur in Conciliis, idem quoque habeatur ut diuinitatis hostis, cælo terræque detestabilis, quasi in publicum infamiam expositus, ut notatus ab omnibus erubescat, & conuerso conueniat, illud quod sequitur, ut Spiritus saluus fiat in die Domini, Hieron. in lib. Iud. hom. 2. relatus à Grat. 11. q. 3. can. 21.

#### QVÆSTIO IV.

*Quotuplex sit excommunicatio.*

C D iuiditur excommunicatio primò, in duas quæ sunt à iure, & homine.

Secundò, in generales & specificas.

Tertiò, in cōminatorias & latæ sententiæ.

Excommunicatio iuris est, quæ continetur in iure canonico, vel per modum legis fertur, perseuerat autem etsi eius author diem suum obierit, estque talis excommunicatio, lata vel à Concilio, vel ab Episcopo Romano per statutum perpetuum, quod continetur in Extrauagantibus Clementinis, Bullis, aut decretis Pontificum.

D Particularis iuris excommunicatio, ortum habet à lege Synodica, lata in eum v. c. qui quiddixerit, aut egerit præpostere. Ita capite ut animarum 2. de Constit. in 6. decernitur, excommunicatione Synodica contra fures fulminata ab Episcopo, non comprehendi qui extra prouinciā positi degunt, quia in discenti extra territorium impune non paretur.

Est autem inter utramque hæc differentia, quod excommunicatio prioris generis, id est generalis, ad omnes pertineat qui sunt in Ecclesiā, posterior ad eos tantum, qui in Diocesi versantur ac habitant, de Graif. lib. 4. cap. 2. num. 1.

E Excommunicatio ab homine est ea, quæ à iudice Ecclesiastico fertur in reum per modum mandati, & sententiæ temporariæ, quia non habet causam perpetuam nec ordinariē vniuersalem, sed eius authore mortuo moritur, aut deposito ab officio, aut cum excommunicatis expirat, vel cum causa excommunicationis: & huiusmodi censurarum ab homine.

*Quædam*

Quædam sunt generales, specificæ aliæ, A  
generales neminem notant, sed vniuersos  
ac singulos, qui contumaces mandatis exti-  
terint secusque fecerint, quam vetatur aut  
iubetur per legem, vt si excommunicentur  
omnes qui videntur armis, specificæ homi-  
nem designant, nomen & crimen: vtrique  
hoc commune est, arcere à Sacramento-  
rum vsu actiuo, & passiuo, & communione  
in diuinis, ac si forte Clericus est, qui est ex-  
communicatus, & aliquem sui ordinis a-  
ctum exercere tentet, erit irregularis irre-  
gularitate à solo Papa dispensabili, si res erit  
cognita, si occulta, ab Episcopo, vt dicitur  
in Trid. sess. 24. cap. 6.

Et quanquam in hoc censura hæc duæ con-  
ueniant, differunt tamen, quod quæ est à iu-  
re, duret perpetuo, vt pote causam perpe-  
tuam habens donec reuocetur, aut in dissi-  
tutionem abeat, cum altera desinat, desi-  
nente eius auctore, secundo excommuni-  
cato absoluto aut mortuo, tertio transacto  
negotio, de quo agebatur.

Reliquæ sunt duæ excommunicationis  
species explicandæ, nomen vni commina-  
torix, alteri latæ sententiæ: comminatoria  
reuocat à culpa metu pœnæ subeundæ, latæ  
sententiæ est, quæ ipso facto incurritur, & v-  
traque iusta esse potest aut iniusta, iusta est  
in qua nulla circumstantia desideratur eã-  
rum, quas postulant canones ne sit iniqua,  
qualis erit, si sit circumstantiis ad actum vir-  
tutis necessariis circumscripta, nempe vt fera-  
tur à iudice in subditum contumacem, seruato  
iuris ordine, & cum intentione debita.

Iniusta è contra est, quæ aliquam aut plures  
earum desiderat, quare erit iniusta si timore  
terreno, si contra ordinem iuris, si propter  
odium alicuius, vel ad fauorem sine iustâ  
causa infligatur, *can. quatuor 11. q. 3.* ex quo se-  
quitur quod lædat potius inferentem quam  
excommunicatum, *can. certum can. de illiciti-  
ta 24. q. 3.*

Rursus diuiditur excommunicatio in va-  
lidam & inuolidam.

Est inuolida auctore Soto *dist. 22. q. 1. art. 1.*  
& Nauar. *cap. 27. num. 4.* in quinque ma-  
xime casibus.

Primus est cum à non habente authorita-  
tem infligatur.

Secundus, cum contra priuilegia alicui-  
us intentatur.

Tertius, cum patentem ac apertum erro-  
rem, eumque non tolerabilem in materia  
continet, si propter bonum opus, aut cul-  
pam venialem & non mortalem inferatur.

Quartus, si post appellationem legitimam.

Quintus si in ea sereda prætermittitur sit or-  
doiuris, aut si quis excommunicet aliquem, eo

quod nõ det id, quod de iure dare nõ debet,  
*Clement. Pastoralis de re iudicata*, aut si iudex  
participans cum excommunicato à se excommu-  
nicet, quæ tamen sine trina monitione præ-  
uia cum aliquot dierum interuallis excom-  
municauit, quo tamen tempore propter  
scandalum iudici parendum erit, quia in foro  
externo sententia lata ex falsa causa, & sine  
iuris ordine tenet, valeatq; donec de contrariis  
constet, *cap. sacro extra de sentent. & eod. tit. in 6. cap. 1.* Petr. Gregor. *Partitionum iuris lib. 4. titulo 16. cap. 1.* quoad Deum tamen non li-  
gat, *canone certo 43. & tan. non debitis 64. causa vndecima quest. 3.*

B Est autem excommunicatio latæ sententiæ  
censura, cui adiuncta est ipso facto pœna pri-  
uationis à sacrorum vsu, & communione fi-  
delium, sine alia iudicis sententia, soletque  
his verbis à Papa, Concilio, aut canone  
conciipi, *Sic ipso facto excommunicatus, incur-  
rat excommunicationem, Subiaceat excommu-  
nicationi, vel Excommunicamus.*

Comminatoria pœnam inferendam tan-  
tum habet, vt cum dicitur *Excommunicetur,*  
*Prohibemus sub pœna excommunicationis,* Nau.  
C *cap. 27. num. 12.* de qua nos postea pluri-  
bus.

Erit autem vtraque nulla secundum Glos.  
ad *cap. presenti 10. de sentent. excomm.* Petr.  
Gregor. *partition. iuris lib. 4. tit. 16.*

Primo, si post appellationem legitimè in-  
terpositam, appellans excommunicatus  
fuerit.

Secundò, si errorem intolerabilem ha-  
beat, de quo nos supra *cap. Venerabilibus de  
sent. in 6.*

D Tertio, si qui excommunicationem tulit,  
authoritate ad id necessaria careat, *cap. au-  
diuimus 3. de consuetud. cap. cum olim de pri-  
uileg.*

Quarto, si à iudice quidem suo est lata,  
sed excommunicato capite *audiuimus 4. &  
canone aperto 36. causa 24. q. 1.*

Quinto, si à delegato, sed contra dele-  
gantis intentionem excommunicetur *cap. fin. de præb. cap. autoritate de priuileg.*

E Sextò, si proferatur ab intruso vel à iu-  
risdictione suspensio, *can. alienationes 12. q. 2.*

Septimò, si proferatur à violante inter-  
dictum hominis, *cap. tanta de excess. prælato-  
rum.*

Octauò, si contra tenorem sui priuilegij  
*cap. cum Cappella & cap. quanta de priuileg.*

Nondò, si quid excommunicato sub pœna  
excommunicationis mandetur, quod esse  
nequit. Glossa in *cap. tuam de sentent. excom.*  
Greg. loco citato.



Alia est excommunicationis in maiorem & minorem diuisio, maior hominem tam perceptione Sacramentorum, quam communicatione cum fidelibus priuat, minor ab ea communione tantum separat, quæ est in passiuo vsu, seu perceptione Sacramentorum.

Excommunicationis autem maioris, quædam solemnitas dicitur, altera minimè. Solènis est execratio, vel ad maiorem terrorem introducta excommunicatio, adhibitis quibusdam ritibus, & dicitur *anathema* quod Cælestini III. iudicio adhiberi non debet nisi cum excommunicatio reo non profuit, si depositus, inquit, incorrigibilis fuerit, excommunicari debet, deinde contumacia crescente anathematis mucrone feriri, de iudiciis cap. cum non ab homine 17.

### QVÆSTIO · V.

*In quo excommunicatio quæ est ab homine, ab ea quæ iuris est, differat.*

**D**ifferunt primò, duæ hæ censuræ principio, ac efficiente sui causa, quæ enim est ab homine, certum aliquem exigit, qui illam infligat: quæ autem est à iure, nequaquam, cum eam non modo Episcopi, sed & Concilia generalia, aut provincialia, statuto perpetuo inferre queant.

Secundò, differunt amplitudine, prior enim cum authorem sui habet Episcopum, provinciarum suarum limites non egreditur, his arcetur, extra eos sese non effert, cap. à nobis 21. de sentent. excomm. quæ autem est à Papa vel Concilio generali per statutum non aliis circumscripta est locorum regionibus, ac spatiis, quam terrarum orbis, quæ autem est à iure, quod ab Episcopo in Synodo est provinciali sanctum, etsi sit perpetua quemadmodum prior, ad ea tamen loca non extenditur, quæ sunt extra provinciam posita, sicut nec eius iurisdictio à quo est lata.

Tertiò, differunt quod quæ est specialis, ab homine in hominem, excommunicati nomen exprimat, aut certè (quod habent Couarruias & Sotus) iis sit concepta vocibus, his argumentis notata ac signis, quæ certam ipsius notionem auditoribus imprimant, quod ea non facit quæ est à iure.

Quartò, differunt quod excommunicatio quæ est ab homine, ferri debeat ad emendandum peccatum præteritum, quod est adhuc aliquo modo præsens, in mora, aut contumacia, non autem ad impediendum futurum, Innoc. IV. author in c. Romana §. caueant de sent. excom. in 6. Caueant ne senten-

**A**tias excommunicationis tales, siue specialiter siue generaliter in aliquos pro futuris culpis, videlicet si tale quid fecerint, vel pro iam commissis sub hac forma, si de illis intra tale tempus minimè satisfecerint, proferre præsumant, nisi mora in exhibenda satisfactione, vel culpa, vel offensa præcesserit. At quæ est à iure, pro obiecto habet peccatum futurum, ut ipsum impediatur, Graffius lib. decision. 4. cap. 2. num. 7. neque tamen inficiari possumus, iusta esse aliquando tempora, quibus secus quam scripsit Graffius, vltu venire queat: nã quis in Episcoporum iure esse neget, peccatis quorum ubique plurima est seges, ne in Diocesi cui præsidet radices agant, pro autoritate ire obuiam? & quia verbis ac precibus non potest, sacris Ecclesiæ fulminibus ac armis territa, è provincia sua ad inferos vnde sunt pestilenti Dæmonum ore, ad bonorum perniciem afflata, retrudere cum ignominia?

**B**Quid? quod pro futuris culpis, sententias excommunicationis generaliter aut specialiter in aliquos, dici ab Episcopo tunc tantum Innoc. quartus in decretali Romana §. de sentent. excommunicat. in sexto, noluerit, cum rationabilis (quam in sententiis suis exprimant) causa non subest? at dari eiusmodi plurimas posse quis neget? sunt de hoc genere sequentes.

**C**Prima, cum non infrequenter ac raro, delictum in vrbe vel provincia aliquod, facienti turpe, Reipublicæ vero graue, admittitur.

Secundò, cum coniectura verisimili timetur, & ita, inquit Graffius, lib. 4. decision. cap. 2. num. 10. forensi vsu, & praxi iam diu inductum est, ut istæ excommunicationes generaliter ferri ab homine possint pro futuris culpis, ut refert Couar. in cap. alma mater parag. 10. nu. 1. quæ consuetudinē non omnino improbabile esse, ac præfui vitandam Clem. III. decret. à nobis 21. de sentent. excom. indicat, nec enim eos ibi arguit, qui sententias dicebant eiusmodi, sed eas, earumque vim & nexum ad eos duntaxat reuocat, ac cohibet, qui eorundem erant potestati obnoxii, à nobis fuit ex parte tua quasitum, Vtrum si quis ita pronunciauerit, quisquis furtum fecerit, sit excommunicatus, hac generalis clausula ad ipsius excommunicatoris subditos referatur, an generaliter extendatur ad omnes, qui non sunt de iurisdictione illius? ad quod dicimus, quod hac sententia non nisi subditi obligantur.

**E**Quintò, excommunicatio quæ est ab homine, ab ea quæ iuris est distinguitur, quod illa cesset eo mortuo, aut ablato ab officio, à quo est lata, nisi in eam lapsus quis esset, ante eius obitum, nam tunc eum oportere absolui ab eo, qui illi in iurisdictione successit

fit, aut eius superiore, ut habetur in *can. si Episcopus* 11. q. 3. qui eo est ex Epauensis Concilio translatus in cuius *can. 28.* est his verbis: *Si Episcopus ante damnari absolutionem, obitus rapiatur, correctum aut penitentem, successore licebit absolueret, cum altera, quæ est à iure permaneat eo defuncto, qui eius est auctor, nisi à successore, aut eius superiore abrogetur.*

## QVÆSTIO VI.

Quodnam sit Excommunicationis obiectum, quisue eius finis?

**O**biectum Theologis est duplex, materiale vnum, formale alterum, materiale est ipsa res, quæ per operationem attingitur, formale ratio per quam illa constituitur in esse obiecti, v. c. color obiectum est materiale visus, lumen formale, quia color sub aspectum non cadit, nisi illuminatus.

Dico primò, Excommunicationis obiectum materiale, esse pœnam quæ infligitur.

Probatum est illud obiectum operationis practicæ in esse intelligibili, quod est effectus in esse reali, sed pœna est effectus sententiz iudicis.

Maiores sic probatur, est hoc discrimen inter operationem practicam & speculatiuam, quod ista contempletur suum obiectum, illa autem faciat, non potest autem illud facere, nisi ante concepto modo, ac ratione illud faciendi, sicut qui domum extruit, eius formam in ligna, lapides, & cæmenta non inducet, nisi proposita sibi prius domus idea, ad cuius exemplum, eam in esse reali constituit.

Dico secundò, Excommunicationis formale obiectum esse aequalitatem inter culpam & pœnam.

Probatum, excommunicatio iustitiz vindicantis est actio, debet ergo inter nimium & parum, æqualitatem ponere, at qui peccauit habet plus æquo, qui autem est offensus, infra meritum ut docet Arist. 5. Ethicor. ca. 8. est hæc ergo inæqualitas, reuocanda ad id quod mediocritatem facit, vni quidpiam auferendo, peccanti nepe bonorum usum quibus fruitur, eique imperando ut satisfaciatur offenso, prout culpæ ac offensæ ratio exigit, sicut est in Deuter. 25. *Pro mensura delicti, erit & plagarum modus* Apocalyp. 18. *quantum glorificauit se, & in deliciis fuit, tantum date ei tormentum & luctum.*

Dico tertio, Excommunicationis finem primum, esse bonum Ecclesiæ publicum, secundarium, excommunicati ad bonam mentem reditum.

**A** Probatum est excommunicatio vindicantis iustitiz actio, at vindicare, at punire, eorum sunt partes tantum, qui magistratum gerunt in Rep. cui & consulere pro virili sua debent, excommunicatio ergo eius spectat spiritale commodum, bonumque, insinuat hoc Paul. 1. ad Corinth. 5. *Nescitis quia modicum fermentum totam massam corrumpit, & auferat malum ex vobis ipsis. Resecanda sunt carnes putridæ, inquit D. Hier. 24. q. 3. & scabiosa omnis à caulibus repellenda.*

Pars altera habet ab hac ratione fidem. Est excommunicatio medicinalis, non mortalis, ut ait Pontifex c. 1. de sent. in 6. adhibenda est ergo ut solet medicina, in ægroti scilicet salutem ac bonum, sic Apostolus primæ ad Corinth. 5. incestuosum satanæ tradit, in interitum carnis, ut spiritus saluus sit, in die Domini nostri Iesu Christi, & primæ ad Timoth. 1. *Ex quibus est Hymeneus & Alexander, quos tradidi satanæ, ut discant non blasphemare.*

Dices nulla est ergo futura iudicis Ecclesiastici in reum animaduersio, si hic turbet, si excandescat, ac tumultuetur, nec enim porrigenda est medicina, nisi qui bus est futura utilis, eo quod cessante causa, cessare quoque effectum sit necesse.

Respondendum, etsi in nocentis noxam celsura sit excommunicatio, eo quod hic sapere, ac posita contumacia Ecclesiæ morem gerere abnuat, profuturam tamen Reipublicæ Christianæ, qui est censuræ finis primarius, cuius voluntati obsequi, nutus ac imperia sequi, animum inducent ceteri, ne qua nocentem pœna plecti vident hæc illos eius, ac iudicis imperio reuinciat.

## QVÆSTIO VII.

Propter quam culpam ferri maior excommunicatio debeat.

**D**ubitandi hæc causa inter multas, quod olim inflicta videatur à Romanis Episcopis, leuibus admodum de causis, ut de ceteris taceam, in Romano Concil. Greg. eius nominis primus, Presbyteris ac Diaconis prohibet, ne canendis Psalmis dent operam, sub pœna excommunicationis ipso facto incurrendæ; sed id Subdiaconis ac minoribus Clericis intactum relinquunt. Si quis autem contra hoc decretum meum venire tentauerit, anathema sit, *can. autem 4.* eiusdem Concilii eadem pœnam irrogat, velantibus fœdum Romani Pontificis, quæ dux restamen, ut sunt exigua, ita non videntur acerbitate tanti supplicij, plectendæ, siquidem can.

si quis *distin.* 23. excommunicatur Clericus A qui comam nutrit, quo quid esse potest in speciem minus ad Dei gloriam, populique Christiani commodum utile?

Vt de responsione constet, Notandum est ante omnia, non hic nos loqui de excommunicatione, quam minorem vocant: hanc enim intentari ob peccatum veniale est certum, incurritur enim ob congressum vsuque cum nominatim excommunicato in rebus civilibus, quem culpæ maioris quam venialis quis arguat?

Notandum secundò, gravitatem materix in ordine ad mortale, tam ex obiecto, quam eius fine ac circumstantiis petendam esse, cuiusmodi coivisse tum non paucas est probabile, vi quarum, res de quibus hic agitur, censeri tum parvæ nec posse, nec deberet.

Prima assertio, *Iure tam Dei, quam Ecclesiæ, excommunicatio cui maior est nomen, non nisi ob mortale inferri debet.* Ordiamur ab ultimo, est ea de re insignis ac locuples oratio Leonis primi in epistola 86. ad Episcopos Galliarum & Germaniarum his verbis. *Nulli Christianorum facile communitio denegetur, nec ad indignantis fiat hoc arbitrium Sacerdotis, quod in magni reatus ultionem, inuitus & dolens quodammodo, debet inferre animus vindicantis, cognovimus enim pro commissis & levis verbis, quosdam à gratia communionis exclusos, & animam pro qua Christi sanguis effusus est, irrogatione tam seu supplicij sauciatam, diabolicis incursum ut facile asperetur obiecta. Certe si quædotalis causa emergerit, ut pro criminis qualitate, aliquem faciat iuste communionem privari, is tantum pœnæ subdendus est, quem reatus involuit.* Hæc ille. Quæ in sententiam scribere multa multi, antiquiora sunt quæ habentur in Concilio Nicæno *can.* 5. ubi iubetur inquiri, *an aliqua indignatione, aut contentione Episcopi sui, fideles sint excommunicati, in Concilio Agathensi can.* Episcopi 2. & *can.* nemo Episcoporum 41. *can.* nullus Sacerdotum 42. Undecima causa q. 3. quibus recenti memoria vis est addita à Concilio. œcumenico Trid. sess. 25. c. 3. de reformatione ubi prohibetur Episcopis, ne excommunicent ob aliam causam quam gravissimam, seu ut verbis utar Concilij, *Non alias quam ex re non vulgari, causaque per Episcopum diligenter considerata, quid autem rei non vulgaris nomine intelligi debeat, explicuit Meldense Concilium cum excommunicationem ferri vetuit ob culpam aliam quam mortalem, Episcopi qui Sacerdotali moderatione postposita, innocentes, & minimis causis culpabiles excommunicant, dicuntur culpæ affines esse, ob quam, communicatio eis denegetur à reliquis Episcopis usque ad tempus Synodi, Concilii.* Agath. *can.* 2.

A iure Ecclesiæ veniamus ad divinum ac naturæ.

Primò, pœnæ debent culpis pares esse ut dicitur in *cap. felix de pœnis in 6.* ubi præcipitur iudici ut *pœnam metiatur ex culpa*, ergo cum pœna excommunicatione nulla sit gravius *can. corripiantur 24. q. 3.* nasci hæc debet ex culpa gravi, at talis est sola mortalis ex Soto in 4. *dist.* 21. q. 1. *art.* 2. *concl.* 4. ergo ob solam mortalem iure divino, ac naturæ, intentanda est excommunicatio.

B Maior probatur, ut iusta de nocentibus reperere supplicia actus est vindicantis iustitiæ, ita est commutativæ, illa ipsa æquare culpis, non quod illis cum sunt mortales, par pœna vlla esse possit, id enim quoad æqualitatem esse nequit, cum sint diversorum ordinum, sed tantum quoad proportionem, quæ in hoc est posita, quod ut mortalis culpa in suo genere est magna, ita & excommunicatio in suo sit genere talis, hoc est non modica, Suarez *de censuris in communi disp.* 4. *sect.* 4. utpote quæ suffragiis Ecclesiæ, & cōmunionem tam activam Sacramentorum, quam passivam reum priuat, qua iactura quænam in hominum vita esse potest acerbior?

C Iam argumenti minor ostenditur auctoritate Christi, à quo Matth. 18. dictum legimus, per eum numerum iustorum auctum iri, qui modum peccatis suis ponit fratris sui admonitu (*sic audierit eum lucratus eris*) at hunc solum lucrari possumus, qui perierat aut è potestate Domini, contra ius fasque egressus erat, quod ipsum, nulli præterquam reo culpæ mortalis convenit: ob eam ergo solam, lege Dei, & naturæ, maior excommunicatio est imponenda, quare si ab ea, ob ignorantiam, vel animi passionem reus excusetur, excusabitur etiam à censura excommunicationis, suspensionis, & interdicti, Laym. *tract.* 5. *lib.* 1. *cap.* 5. *nu.* 1. Diana 3. *par.* *tract.* 6. *resol.* 51.

D Confirmatur cum Deus æquitatem diligat, quam & teneri in dictis, factisque nostris omnibus imperat, quis credat, sic eum fuisse sui, rectique nescium, ut quod in homine ferre ipse nequit, id auctoritate sua firmauerit? ut pro culpa levi, pœna acerba & gravis imponeretur homini, quod tamen fieret si noxa venialis castiganda esset eius imperio Ecclesiæ sacro fulmine, & tamen, nisi essent graviora delicta, quæ excommunicatione plectenda sunt, non diceret Apost. 1. ad Corinth. 5. *Congregatis vobis, & meo spiritu iudicavi tradere huiusmodi hominem sathanæ in interitum carnis,* Aug. de fide & operib. ca. 26. Equidè si fides est Gregor. Nissenensis, in oratione, aduersus eos qui agerunt reprehensiones, excommunicatus non modo



modo grauissimis in hac vita vinculis premitur, sed mortuus quoque cœlo in æternum exclusus, conquerens de suo malo consilio, flensque & eiulans, perpetuo erit in tetro & mœsto loco abiectus, tanquam in angulo, & nunquam desinet, & nullam admittet consolationem, luctum extendens in æternum, at nemo diuorum religionibus, eorumque est vita in cœlo indignus, nisi qui peccauit lethaliter, non est ergo excommunicatio, quæ hominem, Dei cœlitumque iucundissimo conspectu priuat, ob peccatum aliud quam mortale inferenda nocentibus, *can. nemo Episcoporum* 41. *can. nullus, can. plerumque paragrapho cause* ergo 11. q. 3.

Quam sententiam dixit quoque Aurel. Concil. 5. anno Childeberti 38. Christi 549. cum sanxit, *Vt nullus Sacerdotum quemquam recte fides hominem pro paruis & leuibus causis à communione suspendat, præter eas culpas, pro quibus antiqui Patres ab Ecclesia arceri iusserunt committentes.*

Sententiam dixere contrariam aliqui, maxime de suspensione vt Armilla verbo *suspensio* n. 1. Lopes in *instruct.* parte 2. ca. 32. de *irregularitate*, Molina de *iustit.* to. 4. tract. 7. disp. 75. n. 2. Megala in 3. part. lib. 7. cap. 2. q. 1. n. 7. & cum illis ego de excomm. minore, quam nec sine causa probabili ob veniale irrogari posse credo, cum Suar. de *censuris in communi* diff. 4. sect. 4. vt de facto incurritur propter communicationem in rebus humanis cum excommunicato vt habetur in Carthagin. 4. ca. 24. quam tamen ex obiecto leue quidpiam esse, maxime cum est in re temporaria, nemo prudens negare potest, suspensio autem, irregularitas ex delicto, & interdictum nunquam incurruntur quemadmodum & maior excommunicatio nisi ob mortale, secundum Sanchez de *matrimonio* lib. 6. disp. 32. Sa verbo *suspensus ab officio* versu qui certus est, Villalobos to. 1. tract. 21. diff. 28. n. 8. Bannes in 2. 2. q. 64. art. 8. tract. de *irregularitate*, quia cum suspensio & irregularitas sint pœnæ grauissimæ non est credibile eas ab Ecclesia ob solum infligi veniale.

Secunda assertio, *Potest Ecclesia vetare peccatum quodlibet mortale, sub pœna excommunicationis*, quia quod est mortale, locum in rebus malis, ac vitandis principem obtinet, cum præcludat aditum ad diuinam gratiam, est ergo eiusmodi quod hac pœna puniri queat.

Fieri id nihilominus communiter non debet, sed si quod Ecclesia censuris suis insequitur, id eiusmodi esse est necesse, quod specialem grauitatem habeat, coniunctam cum Ecclesiæ scandalo, quod aliter impedi-

Pars secunda.

A ri nequeat, est enim excommunicatio medicina, *causa* 2. q. 1. c. multi 18. & c. 1. de *sentent.* sed non nisi periculose laborantibus, ac plusquam vulgariter, medicina adhiberi solet, maxime aspera, rudis, & vellicans, & si talis datur, his qui aliter curari possunt, contra rationem datur, ita à pari non patiuntur prudentia ratioque, parè in eum censuram ferri, qui aliter emendari potest, qualis præsumitur esse qui Ecclesiæ monita non spernit.

B Assertio tertia, *Tale tamen peccatum internum esse non debet, nec præteritum, id est quod esse desit, nec proinde aliter amplius quam habitualiter perseuerat, qualia sunt non ieiunasse festo die, seruorum opera fecisse, sacrum tunc non audisse habetur* c. ex parte de verb. significat. in quo est, aliquem excommunicari iuste posse, quia satisfacere pro peccato, aut citatus iudici parere renuit & c. 1. de *sent. excom.* in 6. dicitur quod cū facta, infecta esse nequeat & excommunicatio, idemque est de suspensione nō sit pura pœna, siue vindicta, sed medicinalis, at peccatis præteritis medicina afferri nulla potest sed futuris, quæ sola impediri possunt, medicina enim futurum respicit, non mere præteritum, id autem cui per excommunicationem mederi Ecclesiam conuenit, ipsius est rei contumacia, quam per illam domari, frangique ad exemplum oportet.

Duo tamen sunt tempora, in quibus ferri ob culpam præteritam, censura potest.

Primum est, in eius pœnam quod est in suspensionibus creberrimum, sed tunc nō sunt hæ propriæ censuræ, vt pote non medicinales, Ægid. disp. 13. dub. 9. sed vindictæ, suppliciaque.

D Secundum est, cum censuræ sunt à iure, vel per sententiam generalem sunt latæ aut ferendæ, ipsoque facto incurrendæ, sic vt alia iudicis sententia non sit opus, nam tunc pro culpis præteritis, non tamen emendatis, eas ferri posse nemo ambigit, vt cum dicitur, *qui pro tali crimine nō satisfecerit sit excommunicatus*, cum enim culpæ non sint emendatæ, moraliter adhuc perseuerant, vt pote pro quibus necdum est satisfactum, nec obedientia iusta præcipienti reddita, in quo est contumacia.

E Quarta assertio, *Peccatum excommunicatione puniendum, non est aliud communiter quam inobedientia*, ita Diu. Thomas 2. 2. q. 2. Victoria in *summa* tract. de *excom.* nu. 6. Couar. in c. *alma mater* parte 1. §. 9. num. 1.

Sane peccatum illud quod excommunicandus admittit, dum Ecclesiæ parere rennit, in *can. 25.* Synodi Turon. secundæ, dicitur consistere, *in despectu Dei* (verba sunt Concilij) *Ecclesiæ & Pontificum.*

Secundò, non est censura instituta, nisi ad

K



frangendam nocentis inobedientiam aduersus Ecclesiam, Matth. enim 18. exigitur: vt excommunicatus noluerit Ecclesiam audire, peccatū ergo excommunicatione plectendū, esse debet inobedientia, hoc est contumacia.

In ea porro peccatur dupliciter, primo manifeste, secundo præsumptiue vt loquuntur, præsumptiue est quis inobediens, seu contumax, cum sciens se citandum à iudice, laret tamen, ne ad ipsum mandata eius penetrant, vt fecit Nestorius sicut est in Ephesino Concil. *parte 1.*

Secundò, cum impedit ne citetur, quia enim manifeste non apparet, eum nolle parere, ideo dicitur præsumptiue tantum contumax, tuncque est satis, iudicis imperium vni ex domesticis eius notum fieri, aut ad fores domus ipsius affigi.

Manifeste autem aliquis est contumax. Primo, cum audiente spectanteque iudice, parere se velle aut posse negat sententia, contra se per eum data, nulla tamen probabili eius negationis ratione reddita, *can. certum est 43. causa vndecima q. 3.*

Secundò, cum apertè ac palam facit contra id quod est prohibitum, vt si iussus manere domi ad certum tempus, eo necdum ex-  
cto, inde demigret, alioque abeat.

Tertiò, cum extra iudicium, coram aduersario, ac testibus ad fidem faciendam idoneis, negat certum sibi esse iudici imperanti obsequi.

Quartò, cum causatur iustum sibi non comparendi in certo loco impedimentum esse, quod tamen nec probat, nec ad superiorem iudicem appellat, in prætório ei suo per se, & alios, de absentia suae causa facturus fidem, ita declarata assertio probatur.

Per excommunicationem, homo Ecclesiasticis bonis, communione scilicet fideliumque suffragiis priuatur, & excidit, at quam parum est æquum, hac cum pœna affici, qui prius se de eius gremio per inobedientiam non subduxit? Stephan. de Auila *cap. 5. dub. 6. par. 1.*

Equidem vt quis Ecclesiae sinu censeatur exclusus esse, exigit Nicænum Concil. *can. 5.* vt suo Episcopo euidenter peccauerit, verba sunt canonis, ὅτι οἱ ὁμολογούμενοι τοῖς κληρικοῖς τῷ ἐπισκόπῳ καὶ λόγον ἀκριβήτως ποιοῦντες πάντα διδάσκειν, at in Episcopum eiusque iura proprie non incurrit, qui ei imperanti debitum non negat obsequium.

Secundò, ante censuram præmittenda est triplex monitio, at huius rei causa non est alia, quam quia ante illam, censerì contumax non potest, supponunt ergo canones ad censuram excommunicationis incurrendam, contumaciam esse necessariam, at

A hæc, inobedientia sublata stare qui potest? fac enim obsequi me monenti, fac parere eius voci, ecquid nota peruicaciae abstersa, audiam morigerus, Episcopoque non contrarius?

Tertiò, Christi imperio Matth. 18. requiritur in eo qui est vitandus vt Publicanus, & Ethnicus, contemptus Ecclesiae, *Si Ecclesiam non audierit, sit tibi sicut Ethnicus*, at Ecclesia maxime negatione obsequii sibi debiti contemnitur, hæc ergo excommunicationi in alium ferendæ, præsupponenda est necessario.

Notandum tamen in præsentī materia, formalem excommunicati inobedientiam non requiri, materialem sufficere & impropiam. Impropria est, cum ad violationem præcepti, non mouetur inobediens à superioris contemptu, dicendo apud se, (*nolo quia inbeor*) sed à motiuo, quolibet alio, modo cum operatur, memnerit præceptum esse de re omittenda, aut agenda sub excommunicationis pœna, alioqui actio, mala non esset, malitia inobedientia.

C Propria & formalis inobedientia est ea, quæ nititur formali superioris contemptu, estque in reiectione expressa imperij ab eo positi, quo sic declarato.

Dico, *Ad effectum excommunicationis Ecclesiastica, materialem inobedientiam sufficere*: ita Couar. *supra num. 7. §. 7. verbo 4.* quia cum disceditur à præcepto Ecclesiae, non faciendo quod præcipit, aut agendo quod vetat sub excommunicatione, virtute contemnuntur eius clauēs, & autoritas, ergo cum contumacia saltem tacita.

Quare qui consulto, id est cum conscientia prohibitionis factæ singulis, de ingredienda domo Monialium, in earum nihilominus septa penetrat, præter peccatum mortale, excommunicationem incurrit, non is vero, qui legem violat, actu quidem, sed sine memoria pœnæ quæ ei est adiuncta, quia sic non est Ecclesiae inobediens, obliuio enim par est ignorantia, at qui inuincibiliter, culpaque sua nulla, rem sub excommunicatione prohibitam esse nescit, ab eius est nexu, vinculisque liber, Henric. *lib. 13. cap. 17. num. 3.* ita non sunt (in probabili actuta sententia) excommunicati seculares, qui cum ignorantia legis Ecclesiasticae, quæ beneficia emi vetat, de iis tamen certo paciscuntur pretio.

Insertur 2. actum nullum internum quantumuis malum, excommunicationi inferendæ sufficere, si desit externus in suo genere lethifer ac mortalis, quare qui ira percitus ac odio, id est voluntate inductus lethali nocendi Clerico, in eum non nisi leuiter incurrit,

incurrit, quia eius impressioni se alter opposuit, ac ne ei necem inferret, obstitit, pro excommunicatione haberi non debet, quia talis percussio in suo genere talem poenam non meretur, sicut nec peccatum mere internum externo destitutum, causa est quod Ecclesia de occultis non iudicat *cap. tuis de Simoniam*, ergo nec de iis poenam per censuras repetit.

## QVÆSTIO VIII.

*In quibus casibus excommunicatio potest esse iniusta & tamen valida.*

**D**ico primò, Excommunicationem esse iniustam & tamen ratam & validam, quando fertur contra legalem iustitiam, id est secundum quam leges canonice præcipiunt.

Probat, sententia non definit esse rata, etsi in aliquo accidente deficiat: at forma iudicii præscripta in *can. sacro de sententia*, accidentaliter est dicta sententia.

Probat, tam illo *cap. quam cap. reprehensibilis de appell.* exigitur ut excommunicationi prætermittatur canonica monitio, id est trina & tamē *c. Rom. 2. de sent. in 6.* dicitur quod lata sine tali monitione sit iniusta non tamen inualida, vera est ergo assertio.

Dico secundò, Excommunicationem esse iniustam & inualidam primo ob defectum potestatis in excommunicante siue quia ea caret absolute, siue quia ea est impedita & suspensa, impedita quidem per censuram excommunicationis, suspensa autem per legitimam appellationem, quæ interposita fuit ante latam sententiam à iudice, habetur in *c. 1. can. præterea 2. de appellationibus cap. solet de sentent. excom. in 6.*

Ratio est, quod excommunicatio ferenda cum sit actio iudicialis iurisdictionem in infligente exigit, est enim sententia quæ lata in non subditum, à iudice non suo, est iniusta & nulla, vera est ergo assertio.

Dico tertio, Censuram esse inualidam si substantialis ordo iudicii prætermittatur, ut si reus ad sui defensionem non admittatur, maxime quando factum non est notorium, si nulla monitio sententiæ prætermittatur, quia in his duobus casibus sciri nequit an sit contumax.

Dico quarto, Censuram esse quoque inualidam si feratur, primo, ob causam iniustam & ei non proportionatam puta ob culpam venialem. Secundò, ob causam non subsistentem puta ob peccatum nunquam admissum, etsi putetur factum, quanquam falso. Tertio, si nec re ipsa, nec secundum allegationes & externi fori præsumptionem eius irroganda causa subsit, ut si Epit-

**A** copuse excommunicet eos qui in Paschate confitentur priuilegiatis quia talis excommunicatio intolerabilem errorem continet.

## QVÆSTIO IX.

*Quid sit contumacia, cuius causa fertur excommunicatio, & quotuplex.*

**Q**uoniam in contumaces & proteruos, excommunicationis poena est constituta, operæ pretium facturus videor, si quæ de ea animo concepta habeo, paucis hic indicauero.

Est in eo contumacia qui obfirmato animo iudici se sistere respuit aut patere, Vgol. *tab. 1. cap. 17. §. 7. num. 6. & 3.*

Dixi obfirmato; est enim hæc proprietas contumaciæ, quæ species est inobedientiæ, sæpius enim ex negligentia, vel leuitate animi, superiori quidpiam imperanti non paretur, hæcque in admonitionum contemptu, quæ ad labefactandum hominis animum præmitti solent, prodit se, ac exierit.

**C** Diuiditur autem contumacia bipertito, species eius prima est in non parendo, in non comparando alia, de vtraque agit *Cotuar. 1. parte in caput alma, §. 9. num. 3.* & quamquam duas has contumaciæ species ab inuicem distinctas neget, sed vnam sub altera, ut speciem sub genere contineri asserat: non comparere enim comprehenditur sub non parere, dici tamen vere potest, parere, fumi hoc loco strictius, nempe pro obedientia, quæ præstatur aut negatur iudici, quod qui facit peccat, estque contumax, qui autem male citatus, & à iudice non suo, ad iudicium venire iussus, aut alium pro se mittere, detrectat imperium, magistratum non contemnit, nam ut ait Petrus Gregorius *lib. 48. syntagmatis cap. 3. num. 1.* sine præiudicio iuris sit citatio, neque ex eo quod quis vocatus venit, ideo in iudicem consensit, cum exceptiones vel fori, vel actiones, vel priuilegia tunc coram eodem allegare queat. Contumax in non parendo est, non qui non parer, sed qui cum obedire teneatur, non obsequitur, puta qui iustam non habet rationem non parendi, ut habetur lege contumacia, digestis de re iudicata, & vtræque hæc contumacia iustam superiori, causam ferendam in non obsequentem censuræ suppeditat.

Contumaciæ posterior diuisio est, in manifestam, & præsumptam, Manifesta ut est in *ca. venerabilibus de sentent. in 6.* est quadruplex.

Prima, cum quis iudici sistere se velle

K ij

negat, probabili nulla excusationis suæ ratione reddita. A

Secunda, cum quis aperte eius iussa violat, contra eius imperia facit, quæ libido dicitur.

Tertia, si extra iudicium, citatus licet, coram aduersario & testibus idoneis, negauit se paritum.

Prima est manifesta, euidencia confessionis. Secunda rei. Tertia probationis, Quarta cum quis causatur impedimentum, v. g. non comparendi in certo aliquo loco, & id non probat, neque ad superiorem iudicem appellat, id probaturus, & iudex interim ordinarius pronuntiat, impedimentum tale nullum esse, tum reus manifesta tenebitur contumacia, quam appellemus licet, causationis.

Contumacia præsumpta est, quæ ad prædictarum aliquam non refertur, aut defectu vnius cuiuspiam circumstantiæ, aut alicuius adiectione, quæ culpam rei minuat, v. g. si nil dixit, sed latuit, vel aliter ne citaretur impedii, hic dicitur præsumptiue contumax, quia clare ac manifeste, eum parere nolle non constat, & quoniam est vtrique contumacia, tum vera tum falsa, quaeritur quid sit iuris, si falso putetur aliquis contumax?

Respondendum, si talis contumacia, in iudicio probata fuerit, sufficit ad censuram, sin autem sit euidens, & vt loquuntur notorium, aliquem non esse contumacem, in eumque tamen iudex sententiam dicat, erit hæc nulla, vtpote quæ intolerabilem errorem contineat, à quo sententiam nullam irritam esse communis est Doctorum opinio.

Notandum secundò, pro alterius contumacia, alium quempiam incurrere censuras non posse, de excommunicatione est id certum, vetant enim hoc iura pleraque. Sic instar omnium quod habetur in *can. si habes 24. qu. 3.* vbi fuit hæc quaestio Diui August. verbis disputatur, in epistola ad Auxentium 75.

Ratioque est aperta, excommunicari alium lege canonica non conuenit, quam qui est aperte contumax, vel talis esse præsumitur ex causa, qui neutro modo imperiis se opponit Ecclesiæ, materiam circa quam versetur excommunicatio non habet, contumax autem ac inobediens quisquis vere est, auditque, hic non pro aliena, sed sua plebitur contumacia, adhæret enim hæc personæ, nec in alium transfunditur, &c.

## QVÆSTIO X.

*An excommunicatus sit extra Ecclesiam, & Dei gratiam.*

**D**ico primò, Excommunicatum in interna gratia & charitatis communione persistere posse, multoque magis in eiusdem fidei & Spei vnitatem, ita sentiunt Couar. loco citato num. 5. & 8. & §. 6. num. 2. & §. 6. n. 2. §. 7. num. 5. Vgolinus, tab. 2. c. 9. §. 7.

Ratio est clara, quia excommunicatio non est peccatum, sed pœna peccati, solius autem peccati est tollere gratiam, contrarij scilicet suum contrarium, pœna autem non est opposita gratiæ. Deinde finis excommunicationis & censuræ omnis, est sanare hominem, & consequenter restituere gratiæ Dei, quæ est sanitas & vita animæ, pugnaret ergo cum fine suo, si gratiam ipsam auferret.

Denique perditio nostra non ex nobis sed ex aliena voluntate penderet, sicut alienæ voluntatis est, vt excommunicatione feriamur: Potest tamen dici, excommunicationem priuare nos gratia ex accidente, quia priuat nos Sacramentis & suffragiis, quibus præsens gratia augetur, & amissa recuperatur.

Dico secundò Iuste excommunicatum, ex eo quod est in peccato mortifero, & extra charitatem, non desinere esse in Ecclesia, & eius membrum, & habere imperfectum quendam & vitalem fidei, & spei motum, non à vita gratiæ, sed à vita Christi, aliquo modo coniuncti cuius membrum est, licet aridum, & vt manus arida conseruat vitam vegetatiuam, neque enim corrupta est aut fœtet, vt manus abscissa. Ita peccator, habet quendam vitalem motum fidei & spei, proptereaque potest esse Ecclesiæ membrum, imo legitimus eius minister vt ait Henric. lib. 13. cap. 4. num. 1. Quod elegantius explicat Bellarm. lib. 3. de Ecclesia ca. 9. in solutione primæ obiectionis, ait enim peccatores non esse vera membra corporis Christi, quantum attinet ad rationem membri, vt est pars quædam viui corporis, esse tamen vera membra in ratione instrumenti, vt Episcopos vera capita, Doctores veros oculos, seu linguam huius corporis, quia membra fiunt viua per charitatem, qua carent, at fiunt instrumenta operatiua per potestatem ordinis ac iurisdictionis, quam sine gratia stare posse, vt ipse non dicam, res ipsa loquitur.

Et licet in naturali corpore membrum mortuum, verum esse instrumentum operationis



rationis nequeat, potest tamen in mystico, quia in illo operari bene nisi per bona non potest organa, nec opera vitæ exercere si sunt eius exercendæ instrumenta mortua, si arida succique vacua, quod in corpore mystico locum similiter non habet, quia huius corporis anima, quæ est Spiritus sanctus, æque bene operatur per instrumenta mala, ac bona, viua & mortua.

Dico tertio, *Excommunicatum qui omnium conscientia est talis, ac proinde manifestus & denuntiatus siue id iuste, siue iniuste sit factum, esse extra Ecclesiam.*

Probatur, caret excommunicatus externa Sacramentorum communicatione ac hominum, à qua habet Christianus, ut sit in Dei Ecclesia eaque visibili, quæ est in terris, ut ait Bellarm. lib. 3. de Ecclesia cap. 6. in responsione ad primum, quia ad eam requiritur tantum veræ fidei professio, Sacramentorum communio, & subiectio ad legitimum Ecclesiæ Pastorem, qui est Rom. Pontifex.

Probatur, item ex can. *omnis Christianus* 11. q. 3. ubi ex August. habetur eum qui excommunicatur, sathanae tradi & fieri extra Ecclesiam. Dicit id Tertul. in primis de pudicit. cap. 3. illis, inquit, traditis sathanae, id est extra Ecclesiam proiectis, & alibi. Hoc est cap. 20. eiusdem lib. abicitur extra ciuitatem, in locum immundum deditus sathanae in interitum carnis, nec amplius reedificatur in Ecclesia post ruinam, Cyrillus in Ioan. lib. 6. cap. 20. sicut enim nunc homicida, vel adulteri, vel ceteri capitalibus criminibus rei, ab Ecclesia pelluntur, ita tunc confessores Christi, à Synagoga Iudæorum eliminabantur, Cypriani mens eadem, modusque loquendi, sic enim cum de excommunicatione disserit, *Spirituali gladio superbi & contumaces necantur, dum de Ecclesia ciuituntur*, epist. 62. eodem sensu absolutionem ab excommunicatione appellat, Tertul. in lib. de pudicit. cap. 15. *Post liminium Ecclesiasticæ pacis, absolueret autem ad Ecclesiam reuocare, Ecclesia incorporare.*

Et certe communis hominum sensus verbaque ipsa Scripturæ & Patrum, aperte clamant, excommunicatos extra Ecclesiam esse, ut pote ex ea pulsos factosque sicut Ethnicos & Publicanos.

Dixi, Manifestum & denuntiatum, quia qui occulte in excommunicationem iuris est lapsus, verè, adhuc est de Ecclesia, quæ visibilis est, sed numero, & non merito, sicut & occulti infideles, ut fusc docet Bellarm. loco cit. cap. 10. & vice versa, qui iniuste excommunicati sunt, & per charitatem in interna & præcipua Ecclesiæ communionem perseuerant, non sunt in Ecclesia

A numero, sed merito, non sunt corpore, sed animo, quod eis ad salutem est satis.

Obiicies, extra Ecclesiam, non potest vilius saluari, iniuste excommunicatus aut etiam iuste, ubi egerit penitentiam potest saluari, licet moriatur sine absolutione à censura, ergo non est extra Ecclesiam.

Respondet maiorem esse veram de eo qui est extra Ecclesiam & numero & merito, aut etiam solo merito.

Obiicies secundò, in Ecclesia est visibili, quisquis ex ea eiicitur, at qui culpâ suâ sese iam in excommunicationis vincula induit, ab Ecclesia per iteratam excommunicationem expellitur, in ea est ergo.

Respondet Vgolinus tab. 2. cap. 8. parag. 7. excommunicatos, quoad ea quæ in suum cedunt commodum esse extra Ecclesiam, non autem quoad Ecclesiæ in ipsos potestatem.

Vera responsio est excommunicationem quæ secundo intentatur, proprie ex Ecclesia non eiicere, quippe iam eiectum, sed magis magisque hominem, ad participanda Ecclesiæ bona reddere inhabilem.

C Nec facit Ecclesia contra illud Pauli, *Quid mihi de his, qui foris sunt iudicare*, latius enim patet esse subditum Ecclesiæ, quàm esse in Ecclesia, quare cum primum illud, ut quis sit censuræ capax, sufficiat, iterato moueri quis loco, & piorum numero per censuram poterit, cum per eos qui foris sunt, D. Paulus non subditos intellexerit.

## QVÆSTIO XI.

D *Quem modum in ferenda excommunicatione tenere oporteat.*

• **I**ntentandæ censuræ est hic modus seruandus, qui iudici, dum peccata punit, quare ut hic aduersus reos placabili esse debet animo, ac de his pœnas repetere, ira, odio, ac voluntate mala vacuus, ira his care mortis animi est necesse, quem Ecclesiæ autoritas, offensique numinis dolor aduersus nocentem incitat. Sit hæc ergo prima Ecclesiastici iuridici cautio, ut in intentando sacro Ecclesiæ fulmine, rectam intentionem habeat, qualis est futura, si nocentis commodum spectet, aut Ecclesiæ Deique gloriam, secus facere, est à recto, & æquitate deflectere, ut dicitur in can. *Episcopus, can. Presbyter* 11. q. 3. & cap. cum externi de sententia & re iudicata in 6. ac communiter & ex genere suo peccatum mortale, cum odium, nocendique studium charitati aduersari possint plusquam vulgariter, Secus est opinari;



dum cum iustitia quidem seruatur, nec in-  
fons iniquitate iudicij opprimitur, sed illud  
Iudex coactus pronuntiat, & non ex incli-  
natione iustitiæ, tunc enim est eius sententia,  
nisi quid aliud intercurrat, valida, cum pro-  
pensionis huius defectus, non impediatur, quin  
inter culpam admissam à reo, & pœnam  
excommunicationis qua punitur, sit æqua-  
litas.

## QVÆSTIO XII.

*Quomodo sententia excommunicationis sit fe-  
renda & quibus vocibus.*

**S**uppono 1. cum Sylu. excommunicatio 1.  
num. 13. iudici explicandam esse mentem  
suam, ac voluntatem excommunicandi de  
præsenti, nam si animo tantum quempiam  
censura illigatum velit, nil facit, Gabr. in 4.  
dist. 18. qu. 2. art. 2. conc. 7. Quia sententia sic  
dicenda est in reum, ut audiri & intelligi va-  
leat.

Suppono 2. neminem hoc ipso excom-  
municatum esse, quo vitatur ab Episcopo,  
eo quod declinatio rei à iudice, certa non  
sit eius condemnatio.

Suppono 3. Romanum Pontificem ex-  
communicare hoc modo, si se ante iis uti si-  
gnis velle indicauerit, habetur in cap. 4. si  
summus Pontifex de sentent. excommunicationis,  
in Clementinis, ubi his verbis Clemens, Si  
summus Pontifex scienter excommunicato partici-  
pet literis, verbo, vel osculo, ipsum per hoc absol-  
uere nulla ratione censetur, nisi se velle exprimat,  
illum ex hoc pro absoluto haberi.

Prima assertio, Certa nulla sunt verba ferende  
excommunicationi præstituta, quæ ei sint pro for-  
ma substantiali Vgolin. tab. 1. cap. 20. num. 1.  
nam hæc quæ habentur sub finem Concil.  
Arauscani primi, Canonica instituta, & san-  
ctorum Patrum exempla sequentes, Ecclesiarum  
Dei violatores, autoritate Dei & iudicio san-  
cti Spiritus, à gremio sanctæ matris Ecclesiæ, &  
consortio Christianitatis eliminamus, hæc in-  
quam non sunt necessaria, cum aliis vtantur  
PP. vt refertur in Concilio Chalcedonen-  
si actione 1. ubi dicta legitur sententia in Eu-  
tichem his verbis: Decreuimus per Dominum  
Iesum Christum, ab eo blasphematum, extraneum  
eum esse ab omni officio sacerdotali, & à nostra  
cōmunionē & primatu Monasterij, in Concilij  
autem Ephesini actio 2. cap. 10. condemna-  
tio Nestorij, Christo tribuitur. Concil. ver-  
ba sunt ista: Igitur Dominus noster Iesus Chri-  
stus quem suis ille blasphemis vocibus impetiit,  
per hanc sacram Synodum, eundem Nestorium om-  
ni prorsus Episcopali dignitate priuatum, & ab

**A** vniuerso nihilominus consortio Sacerdotum, &  
cœtu alienum esse decernit.

**B** Quare sufficit signum quoduis expressi-  
uum voluntatis excommunicandi, in ha-  
bente potestatem: Sylu. verbo excommunica-  
tio 1. num. 15. quia ad censuram irrogandam,  
nil requiritur præter potestatem eius impo-  
nendæ, & voluntatē externo signo sufficiē-  
ter declaratam, ea vtendi potestate contra  
eum, qui culpam admisit huic pœnæ propor-  
tionatam ac parem, at cum voluntate non  
necessario verbis exprimi potestas debet,  
cum scriptis, nutibus aut signis, patere pos-  
sit ignoranti, verba autem quæ maiorem  
excommunicationem irrogari notant, sunt  
ista excommunico, te aut his æquipollentia  
præscindote ab Ecclesia. Eiicio te extra Eccle-  
siam, & similia.

**C** Secunda assertio, Non sufficit verba esse ido-  
nea ad exprimendam intentionem iudicis censura  
innodantis, cum si talia non essent, nugatoria sen-  
tentia foret, sed in super speciem, exprimere censu-  
ræ debent, quæ in præsentem fertur, alioqui commi-  
natio tantum esset & non sententia. Quod si e-  
rit dubium, an verba inserta sententiæ; ad  
futurum pertineant, an ad præteritum, re-  
currendum erit ad verba, quibus hæc com-  
ponitur, ad intentionem iudicis, & loquendi  
consuetudinem, iuxta Greg. l. 26. moralium c.  
7. & refertur 12. q. 5. can. humane aures, ac si  
dubia erit iudicis intentio, an tutior potius,  
quam fauorabilior pars sit eligenda, ut scili-  
cet reus excommunicatum se putet, & pro  
tali se gerat, petendo absolutionem sui vin-  
culi, vel eius declarationem, dicetur po-  
stea.

**D** Olim quidem, quantum ex antiquis scri-  
ptorum monumentis colligere nobis licitum,  
ad Episcopi sententiam, addebatur,  
communis Cleri, ac Abbatum imprecatio,  
cum qua excommunicatus turpem in mo-  
dum, extrudebatur spectante populo de Ec-  
clesia, fidem facit canon 24. Concilij Turon.  
2. sub Chariberto Rege anno Christi 567.

**E** Reperio, & id præcisæ sæculis, inter ex-  
communicandum, fuisse in more, ut excom-  
municati tunica scinderetur, opinor, ut eo  
Patres indicarent emblemate, ab Ecclesiæ  
illum cœtu, Christique Domini cura tutela-  
que seiunctum esse: cuius moris meminit,  
Gregor. Turon. lib. 5. historia cap. 19. cum de  
conuentu Parisiis habito agit, in quo est cau-  
sa Prætextati Rothomagensis Archiepisc.  
Chilperico Rege accusante discussa anno  
Christi 577. Benedicti Papæ V. circumuen-  
tus enim à Bertheramno Episcopo, crimen  
de quo accusabatur à Rege, cum esset con-  
fessus, Petiit Rex, ut tunica eius scinderetur, sed  
horum in præsentem nullus vsus in Dei Eccle-  
sia,

sia, quare ad censuræ formam, non sunt necessaria.

Quid si scriptis literis reo iudex significet, se cum ob admissa crimina priuare sacris, excludere Ecclesia?

Respondend. satis id videri ut cum pœna illata, datilque ad illum epistolis declarata comprehendat, quia nihil est quod suadeat, sententiam vocibus ac ore proferendam esse, nam quod ex scripto dici eam oporteat ut est præceptum ab Innoc. IV. in Concil. Lugdun. & cap. cum medicinalis de sentent. in 6. abunde huic imperio fit satis, cum iudex animi sui sensum committit literis, reumque vtitata ac communi loquendi forma in Ecclesia, quâ quis ab ea ut indignus repellitur, ab eius Sacramentis, eorumque vtu remouet, Panorm. ad cap. præterea 2. de appellat. Regin. lib. 9. cap. 10. sect. 4. num. 195.

## QVÆSTIO XIII.

*An sententia excommunicationis scripto proferri debeat.*

**D**OCTORUM communis est opinio, scripta verbis adiungenda esse, tueretur se hæc opinio decretali Innocentij IV. cum medicinalis de sent. excomm. in 6. in qua hæc leguntur: *Quisquis excommunicat, excommunicationem in scriptis proferat, & causam excommunicationis expresse conscribat, propter quam excommunicatio proferatur.* Hæc ille.

Cui non vnam eiusce rei postulandæ causam fuisse reor.

Primò, ne festinatò, temerè ac sine prudentia pœnam hic vlli irroget, enim vero dum sententia scribitur, mens componitur, ira sedatur.

Secundò, ut haberet excommunicantis superior, si forte eius tribunal tentari à reo accideret, vnde ei auxilium, opemque, in tempore afferret.

Tertiò ut qui plectitur, causam supplicij sui intelligens, illam correctum iret.

Quartò, ut ex causa quæ sententiæ inserta foret, hanc omnes probarent, nemo reprehenderet.

Quare cum hæc sit Innocentij sanctio in re graui, quamque inter sit boni publici seruari, est eius violatio mortalis, Nauarri iudicio, Enchir. cap. 27. num. 18. Stephani de Auila 2. parte cap. 2. disp. vnica, quibus suffragatur ipsa ratio, nam pœnæ grauitas, culpæ sceditatem ac momentum indicat, at est præcepti huius præteritio, illud omittenti incurrendæ suspensionis occasio, manet enim suspensus per vnum mensem ab in-

gressu Ecclesiæ, & à diuinis officiis, qui sine scripto excommunicat. cap. 1. de sentent. excommunicat. in 6. & cap. sacro extra de sentent. excommunicat. intra quod tempus, si officium obierit certi ordinis proprium, vtu factorum priuabitur, & erit irregularis, quæ tamen pœna ad Episcopos non pertinet, eosque qui excommunicatum denuntiant, iuxta Auilam proxime citatum, quia ut suspensio Episcopos afficiat, debet expressa eorum fieri mentio in lege, quæ eam reis imponit, ut dicit decretalis, quia periculosum de sententia in 6. qualis nulla habetur in cap. cum medicinalis, de sententia excommunicat. in 6. & cap. sacri cod. tit. extra.

## QVÆSTIO XIV.

*Quid sit seruandum in excommunicatione ferenda ex parte excommunicati, & de monitionibus quæ ei præmitti debent.*

**D**ICO primò, præmonendum reum esse, ut Ecclesiæ pareat, Valentinum Concil. sub Lothario ann. 855. can. 23. Innoc. III. cap. sacro 48. de sententia excommunicat. his verbis: *Prohibemus ne quis in aliquem excommunicationis sententiam ferat nisi competentis monitione præmissa, quod inculcant & alij Pontifices, cap. statuimus, cap. constitutionem c. Romana 3. cod. tit. in 6. & c. omnes decime 16. q. 7.* De aliis autem censuris habetur, in c. reprehensibilis de appell. cap. statutum de sent. in 6. sciendū huius præcepti causæ fuere variæ.

Prima, quod antequam procedatur ad verba, adhibenda sint verba.

Secunda, quod à prudentia æquitatēque abhorreat, ignorantem damnum subire, ut dicitur in cap. cognoscentes de constitutionibus.

Tertia quod lex non obliget, nec puniat nisi promulgata, at excommunicatio legis instar habet, monitio autem promulgationis ergo, &c.

Quarta, quod excommunicatio ob pœnæ grauitatem, nō feratur nisi in contumacem 11. q. 3. can. nemo Episcoporum, qualis nullus est, qui ante excommunicationem particulariter latam, monitus non est, nam qui non obedit legi vetanti aut præcipienti aliquid sub censura, ipso facto incurrenda, vel superioris mandato, quod ad instar est continuæ monitionis, in sciente mandatum, vere est contumax & inobediens: ergo

Confirmatur, non est contemptus, nisi peccans norit excommunicationem latam esse in rebelles, eius enim notitia forte illū

in quem intentatur, reuocaret ad officium.

Debet autem hæc monitio fieri sub comminatione censuræ.

Primò, quia reus non censetur contumax, nisi post talem comminationem nolit obedire.

Secundò, quia ex Trident. sess. 25. cap. 3. censuræ non sunt adhibendæ nisi cum ad emendationem peccantis, mitiora remedia non suppetunt, at de eo constare non potest nisi post factam talem comminationem, sit enim sæpe, ut qui simplici monitione non mouetur, moueatur audita tali comminatione. Hæc Ægid. disp. 13. dub. 9.

Dico secundò, Cum Excommunicatio est ab homine, monitionem triplicem præmittendam esse: ita dicitur 16. q. 7. can. omnes decima, cap. contingit & cap. constitutionem, de sententia in 6. cap. reprehensibilis 26. de appellationibus cap. sacro 48. de sentent. excommunicat. Et probatur ex verbis Christi, Matth. 18. quæ reum tertio officij sui admonendum indicant, antequam vlla sit eius euitandi obligatio, & in Concil. Turon. 2. sub Chariberto, cum de reprimendis bonorum Ecclesiæ iniquis occupatoribus ageretur, Eos, inquit Concil. can. 24. conuenit à Presbytero eius Ecclesiæ, cuius interest admoneri, & si restitutionem distulerit, adhuc quasi filius ab omnibus fratribus ad reddendum missis epistolis compellatur, quod si pertinaciter persisterit, & se tollere post tertiam commonitionem de re illa noluerit conuenit ut Psalmus 108. dicatur ut veniat super eum maledictio, &c.

Has autem monitiones iuxta Sotum in 4. dist. 22. q. 1. art. 2. versu. 3. Henriq. lib. 3. de excom. ca. 22. n. 3. Sanch. lib. 9. disp. 32. n. 13. fieri oportet sub pœna excommunicat. quia cum hæc pœna, sit vltima & summa, non debet irrogari nisi ob contumaciam, eamque magnam: at hæc, contemptui non est iuncta, nisi puniendus hac censura, moneatur officij sui sub pœna eam subeundi.

Ob eam causam tradit Sanch. loco proxime citat. excommunicatum non esse, qui rem quidem malam esse nouit, ac à Deo, & Ecclesiæ prohibitam, sed non sub pœna excommunicationis incurrendæ, qua de re nos pluribus postea, cum de irregularitate q. de causis ab ea excusantibus. Sed ut vnde deflexit, eo reuocetur oratio, excommunicationi monitio præmittenda est triplex.

Prima secreta est (argue illum intra te & ipsum solum, Matth. 18.

Fit secunda coram testibus.

Tertia, audiente Ecclesiâ id est prælato, quem nos morem veneranda patrum antiquitas, decretaque docent seculorum om-

nium, quorum testimonia extant plurima, sacris interspersa canonibus, cap. illud 5. de Clerico excommunicato ministrante, & in Concil. Ephesino partis 2. actione 1. ubi à Patribus docentur Imperatores, Theodosius & Valentinianus, admonitum esse Nestorium officij, quod canones (inquit Concil.) præscribant tertio contumacem esse admonendum, & citandum τῶν χαϊνῶν τοῦ δευλευόμενον τῇ πρὶν κλήσει τοῦ δευχέσθαι τὸν ἀπειθύντα, quod repetitur actione 4. parte 2. quod si tertio, inquit Cyrillus vocatus adhuc non comparuerit, tunc demum sancta & œcumenica Synodus canones secuta, meritam sententiam in illum feret ὅτι τῇ προκληθεὶς κλήσει ἐὰν μὴ ἀπαντήσῃ τινὶ χεῦρα, ἐκ τῶν χαϊνῶν αὐτῷ ἡ ἀρχὴ οἰκουμενικῆς συνόδου ψηφισαὶ τὸν ἐποφειλόμενον.

Nobile ea de re testimonium est in Constant. Synodo act. 3. in qua Patres Eutychem datis ad eum literis sic affantur. Arbitramur te non ignorare quæ à sanctis regulis definita sunt, aduersus minime obediētes, & nolentes ad satisfaciendum occurrere, cum & tertia ad eos vocatio facta fuerit, ne ergo te ipsum huic quæ pie ab eis statuta sunt configas, vel nunc tertio à nobis vocatus per Presbyteros &c.

Eadem monita ad Dioscorum sunt data in Concil. Chalced. actione 9. quibus cum parere renuisset, Patres sacrum enseni in eum distinxere, ut indicant hæc eorum verba; petita ex damnatione ad illum missa. Præter alia hæc commissa in quibus inuentus es reus, etiam ter euocatus ab hac sancta Synodo, secundum diuinas regulas, ut accusationibus responderes, minime occurristi. Claudam hunc locum illustri Cælestini Papæ testimonio, in epistola ad Nestorium data, cuius exemplum extat in Concil. Ephesino parte prima, sic ergo ad Nestorium Pontifex. πρὶν αὐτὸν εἰς ὃ ἀδελφὸς κύριλλος ἦδυνε διὰ δυτέρων ἐπιστῶν μεθοδουθιναί, φησι θέλων σε τῷ το ποιεῖν ὅτι μετὰ τὴν πρώτῃν ἐδυτίχαι σε αὐτὸν ἐ ταύτῃ τὴν ἡμετέραν ἐπιτίμῃσιν, ἣν δὴ λόγῳ ἐστὶ εἶναι πρὶν τὴν λοιπὴν παντελῶς ἀπὸ τῆς τῷ συνεδρίῳ ἡμῶν & τῆς τῶν χριστιανῶν συνόδου ἀπεκλείσθης ἐὰν μὴ εὐθείως ταχέως εἰρημένα ἔσῃ σὺ διορθωθῇ ἐὰν μὴ εἰς ταύτην τὴν ὁδὸν ἐπαέλθῃς ἢ ἑαυτὸν χρεῖς εἶναι μαρτύρεται, &c.

Debet autem reus in huiusmodi monitione exprimi de nomine, hoc primum, secundo debet, hæc fieri coram idoneis testibus per quos probari possit ut habetur cap. sacro de sent.

Tertiò, tribus diuersis vicibus, aut vna pro tribus, cum competenti interuallo, ut si dicat iudex, moneo te pro tribus vicibus, ut intra tres hebdomadas, aut dies, hoc vel illud facias, cōcedēdo tibi singulos dies pro singulis monitionibus



aut totum illud tempus pro tribus monitionibus.

Quartò, requiritur vt hæ monitiones fiant iudicis nomine.

Quintò, ipsi reo immediate, aut si abest, in eius domo, quod si hoc ipsum sit difficile, in templo, aut alio loco publico, vnde notitia ad eum ex rumore publico peruenire queat, quod si per contumaciam non pareat, absens excommunicari poterit, iuxta Suar. disp. 3. sect. 11. Couar. in cap. alma parag. 9. Laym. tr. 5. lib. 1. c. 5. n. 4.

Ab hac lege excipiendi sunt casus sequentes, primus est quando excommunicatio fertur pro delictis inobedientiæ notoriis, cap. sacro 48. de sent. excomm. can. manifesta 16. cause secundæ q. 1. vbi habetur quod manifesta sine accusatione sunt iudicanda, cap. illud 5. de Clerico excommunicato ministrante, cap. Venerabilibus de sent. excommunicat. in 6. nam tunc aut nulla monitio est necessaria, aut si aliqua, non nisi vna, maxime si delinquentis clara est perspicuaque contumacia, vt si citatus dicat iudici se non compariturum, iussa non facturum.

Probatum, monitio fit ad sciendum, vtrum reus obedire velit iudici, nec ne, ad eum cõuincendum contumaciæ, at scitur sufficienter esse contumax, cum apertè negat se pariturum.

Secundò, non potest se reus purgare coram iudice, cum eius crimen est cognitum, sed eius rei causa monitio est instituta, cap. proposuit de concess. præb. ergo tum, necessaria nulla est monitio.

Dixi inobedientiæ vt ostenderem, non quoduis crimen apertum & notum inducere hoc vinculum, sed solius contumaciæ, nam etsi sit certum peccasse reum, non tamen constat eum esse Ecclesiæ immorigerum: ergo cum peccato ob quod fertur excommunicatio, annexa esse debeat inobedientia, ad eam probandam, monitio præmitti debet vna aut multiplex.

Secundus est, cum est periculum in mora Felinus in cap. Romana de sent. excomm. Glossa in cap. cum medicinalis 1. de sent. in 6. Synodus quinta Romana in hæc verba: Debet esse prouisio, vt vindictam admonitio manifesta præcedat, & res ablata qui retinet, æquitate patrocinante, legibus restituat, quod si neglexerit, & necessitas compulerit, demum prædonem sacerdotalis maturata districtio percellat, tunc autem est periculum in mora, quando periculum est impendentis mali, aut facti necessitas dilationem non patitur, in quo casu iudicem statim rem aggredi posse, excommunicationem comminari, & nisi reus obediat, illam ferre posse tradit, Layman. proxime citatus num. 4.

Pars secunda.

**A** Tertius est, cum excommunicatio fertur per legem, quæ instar statuti habet, aut ab homine, pro delictis futuris, vt si in Synodò provinciali dicat Episcopus, se excommunicare eos qui furabuntur imposterum hoc modo. Quicumque hoc fecerit ipso facto sit excommunicatus, suspensus, & ita colligitur ex cap. à nobis 21. de sent. & cap. reprehensibilis 26. de appellationibus, habetque expresse cum Panorm. in cap. Romana de sentent. Sayr. lib. 1. cap. 7. quia simul ac lex est promulgata, aut præceptum est latum sub comminatione censuræ, statim pro se loquitur, cunctosque quantum est satis sufficienter admonet, ne contra peccent, ob eam causam qui Clericum percutit, eo ipso excommunicationi subiaceret, latæ in can. si quis suadente 17. q. 4. quia qui canon, voluntate Pontificis censuram hanc inducit, abundè quotidie subditos admonet, ne id agant, cuius causa est hæc lata, ideoque non necessaria est alia monitio, vt constet an sit in opinione sua peruicax, Ecclesiæ autem inobediens.

**C** Tertia assertio, Excommunicatio quam non præcessit trina monitio non est nulla sed iniusta: ita Nauar. 27. Enchirid. num. 8. Couar. in can. alma mater. 1. parte 5. 9. num. 7. & probatur ex cap. Romana 5. de sent. in 6. vbi præcipitur Archiepiscopo Rhemensi, & eius Officiali, ne excommunicent sine monitione competenti, quod si fecerint (inquit canon) sciendum est eis, sententias suas iniustas esse, non tamen nullas. (Trinam dixi) nam omnem ommittere, est excommunicationem nullam reddere P. de Soto lect. 3. de excommunicat. Nauar. 27. num. 10. quia de ratione excommunicationis est, vt inferatur in pœnam contumaciæ aduersus Ecclesiam, at nulla est, cum non est præmissa monitio imperij Ecclesiastici, circa rem omittendam, aut agendam, sub pœna excommunicationis, quomodo enim quis censeri potest inobediens Ecclesiæ, si eam iubere ignoret? & quidem sub hac pœna, quæ quoniam est maxima, debet ei cognita esse, quia cum eius ignorantia, potest existimari peccans, paratus esse ad obediendum, cum ei proponetur voluntas Ecclesiæ. Quicquid sit de hac ratione, eiusque veritate: ita sane expresse habet cap. constitutionem 9. de sententia in 6. & cap. statuimus 13. eiusdem tit. vbi est his verbis: Statutum Greg. Pape X. factum ad declarationem constitutionis Innocentianæ, quæ prohibet participantes excommunicatis, ea participatione quæ solum minorem inducit, maiore excommunicatione ligari, monitione canonica non præmissa, in sententiis suspensionis, & interdicti, præcipimus inuolabiliter observari, decernentes easdem sen-



tentias non tenere aliter promulgatas.

Quarta assertio, hæ monitiones, quas dicimus tres esse oportere fieri uno, eodemque die non debent, sed inter utramque, moram sufficientem, ad exhibendam satisfactionem, intercedere est necesse, decreto Innoc. IV. in cap. Romana 5. de sent. in 6. & Gregor. X. in cap. constitutionem 9. eodem titulo & libro, hanc vero moram, quam Gregor. Competens intervallum nominat, oportet esse bidui, nam debet esse competens, secundum Innocent. in cap. Romana 5. de sent. in 6. at talis non est unius diei tantum, ergo duo ut minimum, sunt necessarii, quod autem unus non sit talis, habemus, ex cap. constitutionem 9. de sententia, ubi Gregorius X. exigit intervalla dierum numero multitudinis, ergo unus non sufficit, duo sunt necessarii secundum Laym. lib. 1. tr. 5. c. 45. n. 4.

Excipiendi sunt duo casus, primus est, cum propter præsentis circumstantias, restantam moram, ac dilationem non patitur, nam tunc ommissis competentibus intervallis, una monitio pro tribus esse poterit, ita Gregor. X. in ca. constitutionem 9. de sentent. excomm. in 6. his verbis: Statuimus ut inter monitiones, quas ut canonicè promulgetur excommunicationis sententia, statuunt iura præmitti, indices siue tribus monitionibus utantur, siue una, pro omnibus observent aliquorum dierum competentia intervalla, nisi facti necessitas, aliter ea suaserit moderanda. Moderanda dixit ut indicet, primo dierum intervalla fore competentia, si pro personatum, & negotiorum ratione, ea arbitrio suo iudex regat, si reus intra tempus ab eo præstitutum, obtemperare potest si velit.

Tertiò, his verbis Pontifex indicat, spatium certum nullum esse temporis, ad quod ea dierum intervalla, oporteat protrahi.

Quartò, necessitatem nullam, tantam esse posse, quæ excuset à prætermittenda cōminatione censuræ, quæ est vera monitio.

Secundus casus est, cum excommunicatione fertur à iudice in delinquentem, cui lex eam absque alia monitione comminabatur, si peccaret, Couar. in can. alma mater 1. parte parag. 9. num. 3. Tamen antequam denuntietur, ipsa criminis admissione excommunicationem aut censuram incurrisse, debet citari data illi copia sui defendendi, Laym. li. 1. trac. 5. c. 5. part. 1.

Primò, quia nemo condemnatur nisi auditus, Nauar. c. 27. n. 10.

Secundò, ad officium iudicis pertinet declarare, à reo crimen id admissum esse, cui per leges Ecclesiæ adiuncta est excommunicatio: fit id verò, eiusdē evocatione ad iudicium, ut id audiat Auila 1. parte de excom-

A municat. c. 5. dubio 5.

Sane cum de excommunicatione lata in Nestorium Constantinopolitanum, Ioannes Antiochenus ageret in conciliabulo, ut de eius vi, efficaciaque constaret singularis, dicto Ioanni qui ei cœtui præerat, in id incumbendum primo fuit, ut intelligeret an ἐλέγκων γινόμενον ἢ ἐρήμην καὶ πείρασται οἱ ἐπίσκοποι τὸν νεστόριον, conuietum, an vero indicta causa Nestorium Episcopi cōdemnassent, cui responsum esse à Candidiano acta memorant, quod sine ullo prorsus examine, iudicioque actum id à Cyrillo cæterisque esset, ὡς καὶ τινὲς κριτοὶ καὶ ἐκκλησιαστικὰ παρ' αὐτῶν πυνθύνοντο.

Notandum tamē est ex Sayro c. 12. l. 1. Reginald. lib. 9. cap. 10. sect. 2. num. 186. fieri id posse dupliciter, primo separatim, secundo coniunctim, separatim, si iudex reum admoneat ut intra tres dies vel duos, læso satisfaciatur, quibus exactis idem imperium iterat, illudque tertium repetit, coniunctim autem, cum assignatur tempus seu terminus, qui sit instar trium monitionum, proque illis valeat, ut si dicat iudex, admonitum te volo, ut intra sex dies, aut horas, quas tibi pro distinctis monitionibus canonicis esse inbeo, Petro satisfacias, ad iudicium accedas, resipiscas, &c. hæc enim monitio sufficit ex cap. constitutionem de sent. excomm. in 6.

## QVÆSTIO XV.

An monitio personalis esse debeat & quæ sint pœna excommunicantis sine monitione.

D Prima assertio, communiter qui anathematizari ferendus est, moneri debet à Prasule, Episcopum, enim, inquit can. 73. Apostolorum, de aliquo, per fide dignos accusatum, ab Episcopis vocari necessarium est, & si quidem comparuerit, & confessus, convictusque fuerit, censura irrogator Ecclesiastica: si vero vocatus non obtemperaverit, secunda quoque vice vocator, missis duobus ad eum Episcopis, quod si per contumaciam, nec sic quidem obtemperaverit, Synodus contra ipsum suam pronuntiato sententiam, ne quid tergiversando, detrectandoque iudicium, lucri facere videatur.

E Secundò, iudici constare debet, an excommunicandus sit contumax, cum excommunicatio non feratur nisi ob inobedientiam: at id sciri non potest, nisi personaliter (ut loquuntur) monitus, imperanti debita neget obsequia, ita Couar. relectione de sent. excomm. 5. 9.

Tertiò, quia Gregorii decreto in cap. constitutionem nono de sent. in 6. excommunican-

us ob participationem in crimine, nominatim est admonendus, at facta monitio nominatim, ut est personalis, ita fit quoque personaliter reo, qui est, nisi discat sapere excommunicandus à iudice: vera ergo est assertio.

Equidem vult Concil. Turon. 2. can. 23. excommunicandum ob peruationem bonorum Ecclesie, admoneri à Sacerdote cuius interest, bona Ecclesie sue non diripi, deinde ab Episcopis, per literas quibus eum officij sui commonefacerent, quod in quolibet etiam alio, obseruandum esse sanxere Galli Antistites, in Concil. Meldensi sub Carolo Caluo anno Christi 845. dictum est ergo verissime, qui censura plecti ob culpam aliquam suam est meritis: moneri personaliter oportere, ut posita contumacia, Ecclesie morem gerat.

A quo iudicem excusant, primum rei absentia, nempe cum hic latitat, ne conueniri possit, quomodo excommunicati sunt Nestorius & Ioan. Antiochenus in Concil. Ephesino *actione prima, quarta, & quinta parte 2.* horum enim domesticis, aut certe armatis militibus eorum domos circumualantibus, satis fuit Concilij iussa indicare, ut patet ex actis Concilij.

Secundò, Episcopum à monitione personali facièda reo, liberat eiusdem citatio prauia, nempe quia iam, ad eum imperia penetrarunt, Episcopi, iubentis ut sibi se sisteret, dicturus causam, ac vero etià sententià in foro super crimine in quod excommunicatio ferri debet, auditurus publicè, tunc enim monitiones si non omnes, at aliquas certe satis eius domesticis fieri, Felinus docet in *cap. Romana de appellat.* aut per edictum aut in tribunali ipso iudicis.

Tertiò, reum moneri personaliter non est necesse, cum à sua excommunicatione absolutus est quidem, sed inualidè sed irritè ac sine legitima autoritate, Rota *decis. 7.* in nouis, tum enim, de tentando iterum iudicio doceri potest, per imperium, quod exaratum litetis, valuis domus eius affigatur aut foribus.

Quartò, cum impedit quo minus ad ipsum admonitio perueniat: tunc enim satis est, eam domi eius fieri, *cap. quoniam frequenter parag. porro titulo de lize pendente.*

Quintò, cum monitio ad domum facta, peruenit ad excommunicandi notitiam, quia ut est in *regula 31. de regulis iuris in 6. cum qui certus est, certiorari ulterius non oportet.*

Sextò cum excommunicatio non fertur incertam personam, sed generaliter & indistinctè in eam, quæ admissi criminis est

A conscia, aut quæ in posterum illud consciscere erit ausa, quia cum eius author lateat, nec verò sciri queat commode, iussè non potest ac honestè à iudice exigì; eum ut conueniat, sibi que ac Ecclesie, nisi eius vapulare censuris velit, mature pareat, cuiusmodi excommunicationes censendæ sunt illæ, quæ in eos promulgari sunt è superiori loco solitæ, qui bona huius aut illius clam subdungere ac latenter, nisi hæc primo quoque tempore, ut est necesse, restituant integre, omniaque ac singula ex fide.

B Ratio est, quod excommunicatio actus sit humanus, potestatis à Christo traditæ Episcopo ac Ecclesie, in eo ergo exigit, qui illam in praxim reuocat, voluntatem id agendi, ad quod est instituta à Christo, ac relicta Ecclesie, hæc autem est ligandi, hæc ergo si caruerit, nulla erit.

Ad pœnas excommunicantis, sine monitione prauia, quod attinet, sunt ex numero duæ.

C Prima, eaque omnium grauissima, mortalis est culpa secundum Sotum in 4. *dist. 22. qu. 1. art. 2. conclus. 3. Nauar. cap. 27. num. 10. & 8.*

Secunda, suspensio, ab ingressu Ecclesie ad mensem, quam tamen non incurri nisi à sciente declarat hæc Clement. III. oratio in *cap. sacro 48. de sentent. excommunicat. Si contra presumpserit, etsi iusta fuerit sententia, ingressum Ecclesie, per mensem unum, sibi noverit interdictum*, nam præsumptio non est aliorum, quam qui audent, & tentant aliquid contra ius, celebrantis autem cum ea suspensione ac interdicto, pœna certa, est irregularitas secundum Nauar. *cap. 27. Enchirid. num. 8.* non afficit tamen Episcopos hæc pœna, ut est in *cap. quia periculosum de sententia in 6.* eo quod ab officio rerumque sacrarum usu, nunquam sunt suspensi, nisi nominatim eos sententia sua Pontifex ex-primat.

## QVÆSTIO XVI.

E Quid insuper postulet excommunicatio ex parte excommunicantis.

P Ræter monitionem canonicam, quæ talis est, cum est trina, id insuper Episcopus aut quilibet iudex alius dare debet operam, ne quem excommunicet nisi de scripto, & cum expressione causæ, & quamobrem ea pœna reum afficit Innoc. I V. huius solennitatis ac cæremonie ad excommunicationem necessariz meminit in *decretali medicinalis prima de sententia excommuni. in 6. his*

verbis: *Cautè* provideat index ut in excommunicatione ferenda, ostendat se prosequi quod corrigentis fuerit & medentis: quisquis igitur excommunicat, excommunicationem in scriptis profert, & causam excommunicationis expresse conscribat, propter quam excommunicatio profertur: ita extare lux sententiæ in Cyrillum, & Memnonem testimonium literis exaratum, voluere Episcopi conciliabuli habiti Ephesi, sic enim acta sub finem δὲ τῶν τῶν κυρίων ἐμείματος τῇ καθαίρεσιν τῶν δὲ λοιπῶν, τῇ ἀκοινωνήσῃσι ὑπαγορευθῆναι, & ταῖς πάντων ἑξομολογήσεσιν ἡμῶν κυρωθῆναι.

Horum sequutus exemplum, Hincmarus Rhemenfis Archiepiscopus, negat audientes à Synodo Sueffionensi, habita anno 853, sub Carolo Caluo, canonicos Rhemenfes, & Religiosos sanctorum Remigij & Theodorici, super exequutione suorum ordinum, quod eos ab Ebbone irregulari, ac deposito recepissent, contra Ecclesiæ canones, negat (inquam) eos audiendos, nisi scripta sua nomina, Synodo offerant, Quod (verba sunt Concil.) qui accusatur, vel qui excommunicatur, reconciliatus commendari subeat, & sic in cæteris, in tantum scriptura depositur, ut sicut beatus Gregorius, in commonitorio ad Ioannem defensorem scribit, sententia quæ sine scriptura profertur, nec nomen sententiæ habere mereatur, qui enim ab Ecclesiastica societate quolibet excessu discinditur, libellari scriptione, aut recipitur aut deijcitur. Hæc Concilium.

Ab ea tamen excipi lege, superiores Mendicantium, narrat Portelius in dubiis Regular. verbo excommunicare, cum aliquem fratrem particularem propter apostasiam, aut aliam similem causam, in Capitulo excommunicant, nam ut est in eorum privilegiis, excommunicare tum queunt verbo sine scriptis, non tamen sine monitione vna, locotrium, qualis futura est si dicat: Impero tibi ut ab eo tibi opere temperes, sub pœna excommunicationis, sic ut hæc monitio vires trium expleat, Compend. minorum verbo excommunicatio §. 7. quod & Societatis rectoribus permittitur, ut est in compendio priuilegiolorum dictæ Societatis, verbo excommunicatio.

Dixi in particularem nam lata excommunicatio per modum statuti vel ordinationis, sine scriptis est nulla, auctore Portelio ac illatiua pœnæ iuris, quæ est suspensio officii, Rodriguez to. 2. q. 50. art. 3. Fertur autem excommunicatio per modum statuti, quæ ponitur pro omnibus aut multis, & non pro vno duntaxat ut si dicat Superior, Voto ne quis egrediatur domo, sub pœna excommunicationis. Iubeo ut omnes missæ intersint diebus veneris.

Secundò, ex parte excommunicantis ne

A peccet requiritur ut intra mensem det excommunicato si postulet, exemplum sententiæ aduersum se latæ, ita Innoc. IV. in cap. cum medicinalis de sentent. in 6. Exemplum, inquit, huiusmodi scriptura teneatur tradere excommunicato intra mensem si fuerit requisitus, non obediens suspenditur à diuinis officiis, & ingressu Ecclesiæ per mensem.

Tertiò, ut excommunicatio sit rata eam oportet cum ligandi intentione ferri, Panor. in cap. ex parte de officio ordinarij, quia lex tum est ad obligandum vi destituta, cum per eam subditos astringi non est legislatori propositum, addo & necessariam ad id intentionem partis esse, ad cuius instigationem fertur, alioqui non obligat, Tolet. lib. 5. c. 9.

Respondetur, ad quædam dubia prædictis annexa.

Primum, an cum quis excommunicatur pro culpa præterita, admoneri à iudice debeat.

Omnino, quia præceptum Ecclesiæ, in cap. Romana §. de sentent. in 6. de monitione præmittenda censuræ infligendæ est vniuersale, ei ergo obsequi iudicem est necesse, cum de castigando crimine præterito agitur.

At illud præcedere non potest monitio comminatoria talis pœnæ, cum peccatum esse desierit, nec de eo impediendo sit questio, sed plæctendo tantum.

Respondend. peccata præterita simpliciter non plæcti ab Ecclesia, sed eorum auctores, cum Ecclesiæ parere renuunt, imperanti sub excommunicatione, ut pro illis Deo, læsisq; satisfaciant, aut ab iis sibi temperent, modumque imponant, quare cum Episcopus rei alienæ detentorem excommunicat, nisi restituat præstituto tempore, excommunicatio pro culpa præterita non imponitur, sed pro futura, quam incurreret ob contumaciam, quæ culpæ suæ erit adiuncta, non restituendo definito die, ac tempore, uti præscribit Ecclesia.

Secundum, An in inferenda hac censura, in cuius explicatione, modo versatur oratio, forma realis aliqua sit necessaria.

De eo ambigere iuste posse neminem existimo, nam in primis iure diuino est in excommunicante necessaria excommunicandi intentio, ob causam paulo ante à nobis allatam, Nauar. cap. 27. num. 11. estque hoc argumento, quod cum generalem ille dicit sententiam, hæc eos capere Doctorum opinionem non solet, quos ab ea vult exemptos esse, nec sua lege comprehensos, nec hos item, quos qui censuram precibus impetrarunt à iudice exclusos volunt: causa est quod hos iste duntaxat excommunicatione coercet, qui sunt eius conscij criminis, aut ad-

missi



missi rei, cuius reprimendi gratia eam dixit, sed facti facinoris, patrati furti, quod est v.g. nisi emendetur ab authore, censura plectendum, quam è loco superiore, frequenti concione iudex protulit, rei censendi non sunt alij, quam quos pro talibus is habet, ad cuius instantiam est lata, ea ergo non ligantur, quos ligari ille cum animo suo non constituit.

Ad intentionem, adici iure quoque diuino debet monitio, eaque trina, iure Ecclesiastico cum aliis cæremoniis ac ritibus, de quibus nos in hac disputatione satis fuisse.

Dubium tertium, *An cum crimen notum est omnibus, sententiæ excommunicationis præmitti monitio debeat.*

Si erit reus manifeste contumax, si inobediens Ecclesiæ, eiusque imperiis, eum moneri nihil est necesse, quia iustum causa subest, excommunicationis in eum ferendæ Couar. ad cap. alma mater 1. par. parag. 9. nu. 6. est enim contumacia adiuncta culpæ, quæ tali censura plecti, reprimique solet in Dei Ecclesia.

Est tamen opposita sententia probabilis, enimvero cum subeundæ pænæ metu, ad resipiscendum flecti queat, expedit hunc ei incuti, immitti que à iudice, vt vel inuitus parere Ecclesiæ animum inducat, quod eum esse sine monitione nequeat, eam omitti, ne tum quidem oportet, quæ videtur esse mens Soti 2. 2. quæst. 1. art. 2.

Dubium quartum, *An scripto facienda sit monitio.*

Et si hanc oporteat esse personalem, eo quod reo expediat certiore se de lite sibi intentata reddi, & quidem in negotio tanti momenti, non est tamen necesse, scriptum ad id adhiberi vllum, quia id iura non exigunt eius enim voluntatis, nullum est reperire in corpore iuris vestigium, nullum ex Pontificiis epistolis petatum testimonium.

Dubium quintum, *An trina semper adhibenda sit monitio, aut vna pro tribus, cum debitis dierum intervallis.*

Nequaquam, patet enim ex dictis supra; certa esse tempora, in quibus vnica omnium instar esse valeat, addo modo, iustam quoque interdum causam esse, non concedendi vllius ad deliberandum spatii vt si vir nobilis faces templo subiicere, si infesto in hostem gladio irruere, si violentas ei inferre manus pararet, posset Episcopus in hunc modum frænos eius furori iniicere: *Monco te semel, iterum, ac tertio, sub pœna excommunicationis incurrendæ, vt à cogitato hoc facinore desistas*, Henriq. lib. 13. cap. 17. Nauar. ca. 27. nu.

A 11. quando enim periculum est in mora, diminuentum est tempus, quomodo, inquit, & quantum oportuerit, & non plus, nec minus.

Similiter quando est aliquid à canone, aut homine per statutum sub excommunicatione prohibitum, potest superior monitione vnica præmissa, vetare sub ea pœna, ne id fiat, v. c. ne quis fornicetur, alioqui ipsum, si non obsequatur iam tum excommunicare, tunc enim, vt notant Antonin. 3. par. tit. 24. ca. 74. Sylu. excom. 1. nu. 13. Regin. lib. 9. ca. 10. sect. 3. num. 109. (cuius sunt hæc verba) nō est opus, monitione vt excommunicatio à tali incuratur post patratum scelus, sed statim in illam incidit.

B Dubium sextum, *An quando, non est à Iudice excommunicando forma seruata iuris, excommunicatio sit valida.*

Et si ille peccet, est tamen hæc rata, si quæ iure sunt diuino necessaria, habeat, primo, quia in ca. cum medicinalis 1. de sent. in 6. scribit Innoc. quartus eius nominis, *superiorem ad quem recurritur, sententiam, (contra quam præscribunt iura, latam) relaxare posse*, ergo erat valida, cum quæ sunt eiusmodi, remitti hæc, ac laxari solæ queant.

C Secundò, rata esse ac valida ea sententia non desinit, quæ tantum in accidente deficit, at forma iudicii præscripta in ca. sacro de sent. excom. & ca. quæ in medicinalis 1. eod. tit. in 6. accidentalis est eidem sententiæ, probatur tam in illo ca. quæ ca. reprehensibilis de appellation. exigitur vt excommunicationi præmittatur canonica monitio hoc est trina, & tamen cap. Romana de sent. 5. in 6. dicitur quod lata sine tali monitione sit iniusta, non tamen inualida, vera est ergo assertio.

D Dubium septimum, *Quando lata excommunicationis sententia sit inualida.*

Primò, cum substantialis ordo iudicij prætermittitur, vt si reus ad sui defensionem non admittitur, maximè quando factum non est notorium.

Secundò, si nulla præmittatur monitio, quia in his duobus casibus sciri nequit, an excommunicandus sit contumax.

Tertiò, si feratur ob causam iniustam, & ei non proportionatam, puta ob culpam venialem, Sotus in 4. dist. 22. q. 1. art. 2. concl. 1. quia à legitima potestate non prouenit, hæc enim à Christo Episcopis duntaxat est concessa, cum excommunicandus perit, Matth. 18. qui enim à peccato propter quod ea pœna est plectendus eum reuocat lucratur eius animam, tale autem non est nisi mortale.

E Quid? quod excommunicatio cum Ecclesia, eiusque spiritualibus commodis priuet, quem afficit vt est in can. nihil q. 3. hūc autem pœnis dignū quis putet, quem non nisi culpa leuis aliqua obstrictum tenet? quare qui mor-



verbis: *Cautè provideat index ut in excommunicatione ferenda, ostendat se prosequi quod corrigentis fuerit & medentis: quisquis igitur excommunicat, excommunicationem in scriptis profert, & causam excommunicationis expresse conscribat, propter quam excommunicatio profertur: ita extare suæ sententiæ in Cyrillum, & Memnonem testimonium literis exaratum, voluere Episcopi conciliabuli habiti Ephesi, sic enim acta sub finem δὲ τῶν τῶν κελεύει ἐμμένονος τῇ χειραίρεσιν τῶν δὲ λοιπῶν, τῇ ἀκοιωνήσας ὑπαγορευθῆναι, & ταῖς πάντων ἐπιτομαῖς ἡμῶν κυρωθῆναι.*

Horum sequutus exemplum, Hincmarus Rhemensis Archiepiscopus, negat audientes à Synodo Sueffionensi, habita anno 853. sub Carolo Caluo, canonicos Rhemenses, & Religiosos sanctorum Remigij & Theodorici, super exequutione suorum ordinum, quod eos ab Ebbone irregulari, ac deposito recepissent, contra Ecclesiæ canones, negat (inquam) eos audiendos, nisi scripta sua nomina, Synodo offerant, *Quod* (verba sunt Concil.) *qui accusatur, vel qui excommunicatur, reconciliatus commendari iubeatur, & sic in cæteris, in tantum scriptura depositur, ut sicut beatus Gregorius, in commonitorio ad Ioannem defensorem scribit, sententia quæ sine scriptura profertur, nec nomen sententiæ habere mereatur, qui enim ab Ecclesiastica societate quolibet excessu discinditur, libellari scriptione, aut recipitur aut deijcitur. Hæc Concilium.*

Ab ea tamen excipi lege, superiores Mendicantium, narrat Portelius in *dubiis Regular. verbo excommunicare*, cum aliquem fratrem particularem propter apostasiam, aut aliam similem causam, in Capitulo excommunicant, nam ut est in eorum privilegiis, excommunicare tum queunt verbo sine scriptis, non tamen sine monitione vna, locotrium, qualis futura est si dicat: *Imperat tibi ut ab eo tibi opere temperes, sub pœna excommunicationis, sic ut hæc monitio vires trium expleat, Compend. minorum verbo excommunicatio §. 7. quod & Societatis rectoribus permittitur, ut est in compendio privilegiorum dictæ Societatis, verbo excommunicatio.*

Dixi in particularem nam lata excommunicatio per modum statuti vel ordinationis, sine scriptis est nulla, auctore Portelio ac illatiua pœnæ iuris, quæ est suspensio officij, Rodriguez to. 2. q. 50. art. 3. Fertur autem excommunicatio per modum statuti, quæ ponitur pro omnibus aut multis, & non pro vno duntaxat ut si dicat Superior, *Voto ne quis egrediatur domo, sub pœna excommunicationis. Iubeo ut omnes missæ intersint diebus veneris.*

Secundò, ex parte excommunicantis ne

A peccet requiritur ut intra mensem det excommunicato si postulet, exemplum sententiæ aduersum se latæ, ita Innoc. IV. in cap. cum medicinalis de sentent. in 6. Exemplum, inquit, huiusmodi scriptura teneatur tradere excommunicato intra mensem si fuerit requisitus, non obediens suspenditur à diuinis officiis, & ingressu Ecclesiæ per mensem.

B Tertiò, ut excommunicatio sit rata eam oportet cum ligandi intentione ferri, Panor. in cap. ex parte de officio ordinarij, quia lex tum est ad obligandum vi destituta, cum per eam subditos astringi non est legislatori propositum, addo & necessariam ad id intentionem partis esse, ad cuius instanciam fertur, alioqui non obligat, Tolet. lib. 5. c. 9.

Respondetur, ad quædam dubia prædictis annexa.

Primum, an cum quis excommunicatur pro culpa præterita, admoneri à iudice debeat.

C Omnino, quia præceptum Ecclesiæ, in cap. Romana 5. de sentent. in 6. de monitione præmittenda censuræ infligendæ est vniuersale, ei ergo obsequi iudicem est necesse, cum de castigando crimine præterito agitur.

At illud præcedere non potest monitio comminatoria talis pœnæ, cum peccatum esse desierit, nec de eo impediendo sit questio, sed plectendo tantum.

D Respondend. peccata præterita simpliciter non plecti ab Ecclesia, sed eorum auctores, cum Ecclesiæ parere renuunt, imperanti sub excommunicatione, ut pro illis Deo, læsisq; satisfaciant, aut ab iis sibi temperent, modumque imponant, quare cum Episcopus rei alienæ detentorem excommunicat, nisi restituat præstituto tempore, excommunicatio pro culpa præterita non imponitur, sed pro futura, quam incurreret ob contumaciam, quæ culpæ suæ erit adiuncta, non restituendo definito die, ac tempore, uti præscribit Ecclesia.

Secundum, An in inferenda hac censura, in cuius explicatione, modo versatur oratio, forma realis aliqua sit necessaria.

E De eo ambigere iuste posse neminem existimo, nam in primis iure diuino est in excommunicante necessaria excommunicandi intentio, ob causam paulo ante à nobis allatam, Nauar. cap. 27. num. 11. estque hoc argumento, quod cum generalem ille dicit sententiam, hæc eos capere Doctorum opinionem non solet, quos ab ea vult exemptos esse, nec sua lege comprehensos, nec hos item, quos qui censuram precibus impetrarunt à iudice exclusos volunt: causa est quod hos iste duntaxat excommunicatione coercet, qui sunt eius conscij criminis, aut ad-

missi

missi rei, cuius reprimendi gratia eam dixit, sed facti facinoris, patrati furti, quod est v. g. nisi emendetur ab authore, censura plectendum, quam è loco superiore, frequenti concione iudex protulit, rei censendi non sunt alij, quam quos pro talibus is habet, ad cuius instantiam est lata, ea ergo non ligantur, quos ligari ille cum animo suo non constituit.

Ad intentionem, adici iure quoque diuino debet monitio, eaque trina, iure Ecclesiastico cum aliis caeremoniis ac ritibus, de quibus nos in hac disputatione satis fuisse.

Dubium tertium, *An cum crimen notum est omnibus, sententia excommunicationis praemitti monitio debeat.*

Si erit reus manifeste contumax, si inobediens Ecclesiae, eiusque imperiis, eum moneri nihil est necesse, quia iustum causa subest, excommunicationis in eum ferendae Couar. ad cap. alma mater 1. par. parag. 9. nu. 6. est enim contumacia adiuncta culpae, quae tali censura plecti, reprimique solet in Dei Ecclesia.

Est tamen opposita sententia probabilis, enimvero cum subeundae poenae metu, ad resipiscendum flecti queat, expedit hunc ei incuti, immittique à iudice, ut vel inuitus parere Ecclesiae animum inducat, quod eum esse sine monitione nequeat, eam omitti, ne tum quidem oportet, quae videtur esse mens Soti 2. 2. quæst. 1. art. 2.

Dubium quartum, *An scripto facienda sit monitio.*

Et si hanc oporteat esse personalem, eo quod reo expediat certiores se de lite sibi intentata reddi, & quidem in negotio tanti momenti, non est tamen necesse, scriptum ad id adhiberi vllum, quia id iura non exigunt eius enim voluntatis, nullum est reperire in corpore iuris vestigium, nullum ex Pontificiis epistolis petitum testimonium.

Dubium quintum, *An trina semper adhibenda sit monitio, aut una pro tribus, cum debitis dierum intervallis.*

Nequaquam, patet enim ex dictis supra, certa esse tempora, in quibus vnica omnium instar esse valeat, addo modo, iustam quoque interdum causam esse, non concedendi vllius ad deliberandum spatii ut si vir nobilis facies templo subiicere, si infesto in hostem gladio irruere, si violentas ei inferre manus pararet, posset Episcopus in hunc modum fratres eius furori iniicere: *Moneo te semel, iterum, ac tertio, sub poena excommunicationis incurrendae, ut à cogitato hoc facinore desistas*, Henriq. lib. 13. cap. 17. Nauar. ca. 27. nu.

A 11. *quando enim periculum est in mora, diminuendum est tempus, quomodo, inquit, & quantum oportuerit, & non plus, nec minus.*

Similiter quando est aliquid à canone, aut homine per statutum sub excommunicatione prohibitum, potest superior monitione vnica praemissa, vetare sub ea poena, ne id fiat, v. c. ne quis fornicetur, alioqui ipsum, si non obsequatur iam tum excommunicare, tunc enim, ut notant Antonin. 3. par. tit. 24. ca. 74. Sylu. excom. 1. nu. 13. Regin. lib. 9. ca. 10. sect. 3. num. 109. (cuius sunt hæc verba) *non est opus, monitione ut excommunicatio à tali incurratur post patratum scelus, sed statim in illam incidit.*

Dubium sextum, *An quando, non est à Iudice excommunicando forma seruata iuris, excommunicatio sit valida.*

Et si ille peccet, est tamen hæc rata, si quæ iure sunt diuino necessaria, habeat, primo, quia in ca. cum medicinalis 1. de sent. in 6. scribit Innoc. quartus eius nominis, *superiorem ad quem recurritur, sententiam, (contra quam praescribunt iura, latam) relaxare posse*, ergo erat valida, cum quæ sunt eiusmodi, remitti hæc ac laxari solæ queant.

C Secundò, rata esse ac valida ea sententia non desinit, quæ tantum in accidente deficit, at forma iudicii praescripta in ca. sacro de sent. excom. & ca. quæ in medicinalis 1. eod. tit. in 6. accidentalis est eidem sententiae, probatur tam in illo ca. quæ ca. reprehensibilis de appellation. exigitur ut excommunicationi praemittatur canonica monitio hoc est trina, & tamen cap. Romana de sent. 5. in 6. dicitur quod lata sine tali monitione sit iniusta, non tamen inualida, vera est ergo assertio.

Dubium septimum, *Quando lata excommunicationis sententia sit inualida.*

Primò, cum substantialis ordo iudicii praetermittitur, ut si reus ad sui defensionem non admittitur, maximè quando factum non est notorium.

Secundò, si nulla praemittatur monitio, quia in his duobus casibus sciri nequit, an excommunicandus sit contumax.

Tertiò, si feratur ob causam iniustam, & ei non proportionatam, puta ob culpam venialem, Sotus in 4. dist. 22. q. 1. art. 2. concl. 1. quia à legitima potestate non prouenit, hæc enim à Christo Episcopis duntaxat est concessa, cum excommunicandus perit, Matth. 18. qui enim à peccato propter quod ea poena est plectendus eum reuocat lucratur eius animam, tale autem non est nisi mortale.

Quid? quod excommunicatio eum Ecclesia, eiusque spiritualibus commodis priuet, quem afficit ut est in can. nihil q. 3. huius autem poenis dignum quis putet, quem non nisi culpa leuis aliqua obstrictum tenet? quare qui mor-

realiter non peccat, excommunicationem A nec à iure, nec ab homine incurrit.

Quartò, excommunicatio est inualida, cum nec reipsa, nec secundum allegationes, & externi fori præsumptionem eius inferendæ causa, vlla subest, vt si Episcopus eos excommunicet, qui in Paschate priuilegiatos, ad conscientiz suæ expiationem adhibent, quia talis excommunicatio errorem intolerabilem continet.

### QVÆSTIO XVII.

Quibus notis internosci possit excommunicatio lata sententia ab ea quæ est ferenda.

**I**N huius quæstionis enarratione diffusus non ero quod eam in tract. de legibus explanauerim, quantum ad rem quæ tum agebatur, videbatur mihi vtile ac necessarium, sit hæc ergo

Prima regula, cum sanctio, decretum, aut iussu superioris Ecclesiastici, verbis indicatiui modi, in puniendo reo per censuram, est conceptum vt *excommunico*, à saceris remoueo, priuote Christi fidelium, & Sanctorum communione, &c. est excommunicatio latæ sententiæ non ferendæ, Sylu. verbo *excommunicatio* à Castro in lib. 2. de lege pœnali ca. 6. §. 4. Comitulus lib. 6. responsionum q. 24. n. 8.

Causa est, quod verba præsentis temporis, ac modi indicantis, id ab eo, qui illa pronunciat, fieri indicent, quod denotant, at dum efferuntur, absque vlllo ordine ad futurum tempus, rem geri significant, est hæc ergo regula vera.

Secundum documentum, verba quæ significant pœnam incursum, latam quoque sententiam esse indicant eiusmodi sunt ista, *Declaramus, Dicimus, Denuntiamus, Definimus.*

Huius documenti est hæc ratio, quod hæc voces, ac similes, sententiam non habeant, ergo dictam esse præsupponunt.

Confirmatur, enuntiatio pœnæ, quam quis est culpis suis commertus, est voluntate superioris, eiusque inflietione posterior, at verbis allatis declarat iudex, reum lege Ecclesiæ, eiusque pœnis teneri, ergo cum hæc neminem obligent, nisi quem Ecclesia iis plectendum censuit, si vere illis comprehenditur, præcessisse debuit, in eum lata per iudicem sententia.

Eadem est ratio, cum dicitur, *Noueris te excommunicatum*, his enim verbis non fertur excommunicatio, sed significatur lata, quare si ea lex habeat, qui in illam offendet,

pro excommunicato habendus erit, quia antequam hic peccaret, eiusmodi pœna peccantibus erat irrogata, eam ergo subit, quisquis in illam incurrit.

Regula tertia, sanctio seu decretum censetur habere latam sententiam, cum nullum iudicis ministerium significat, aut hominis ad pœnam luendam functionem exigit, tale est, conceptum his verbis, aut similibus: *Excommunicationi subiaceat, eam subeat, habeatur pro excommunicato, incurrat excommunicationem, in eam incidat, scias te excommunicatum, sit anathema, sit excommunicatus*, Tabiena verbo *excommunicatio* 2. num. 4. Comitulus lib. 6. Responsionum q. 24. nu. 4. 5. Vgol. tab. 2. c. 28.

Causa est, quod hæc loquendi formæ, rem independentem à futuro tempore enuncient, ergo cum excommunicationem irrogent, eam vt inslictam de præsentis, ac proinde ipsum condemnationis actum significant, ac innuunt, nisi quid addatur, quod interpretationem ad sententiam ferendam deflectat.

Quarta verbum *sum* imperatiui modi, cui hæc adduntur, *ipso iure, ipso facto*, secum trahit latam sententiam, non ferendam.

Hanc regulam iurisperitorum fere schola omnis amplectitur, vt testatur Auila, nec meo iudicio sine causa. Quia sensus harum vocum, *ipso iure sit excommunicatus ipso facto extra Ecclesiam*, in eo est, prioris quidem, nullam aliam ab ea, expectandam esse à iudice sententiam, posterioris autem, operi quod sit contra legem, ac superioris voluntatem, reipsa adiunctam esse hanc pœnam, ergo latam esse in reum sententiâ indicant, non ferendam. Verbum enim *sum* quod verbū est (vt loquuntur) existentiz, potestatem hanc habet vt quocunq; modo, vel tempore effeatur, nullam actionem passionemue significet, sed rei tantum existentiam, præterquam in casibus producendis postea, Comitulus supra.

Quinta, quum de censura excommunicationis agitur, hæc verba canoni inserta aut legi per quam infligitur, *nulla alia expectata sententia aut declaratione, sine ministerio iudicis, auctoritate nostra, vi huius legis, sanctionis aut canonis*, hæc inquam verba sententiam latam continent, non ferendam à Castro lib. 2. de lege pœn. ca. 6. Caiet. in 2. 2. q. 62. art. 3. Sotus in 1. de iustitia & iure q. 6. ar. 6. nam hæc verba, *non expectata sententia, aut eius declaratione, sine ministerio iudicis*, excludunt sententiam ferendam, aut declarationem latæ, ergo includunt latam.

Sexta, cum lex dicit, *reum ad illam pœnam obligatum esse, in conscientia lata sententia est*, et si



et si lex talis in iure non extet.

Documenti ratio hæc est, quod tum, legislator tollat, aut potius præueniat actionem secundi iudicis circa reum, & consequenter fert sententiam, vbi enim de legislatoris voluntate excommunicatio incurritur, hoc ipso sententia obligat.

Septimò, excommunicatio in reum dicta, est latæ sententiæ, cum iis verbis est præscripta, quæ omnem subeundę pænæ cunctationem præcidunt, nec nouæ sententiæ locum relinquunt, cuiusmodi sunt hæc *nouerit se statim subiturum excommunicationem si hoc egerit, dixerit, &c.* quia cum hæc constitutio sententiam excludat, latam haud dubie continet, non ferendam.

Est item excommunicatio non ferendæ sententiæ, sed latæ cum sententiâ, decretum, aut iussum, quod eâ infligit, voces habet vnam, aut plures, quæ omne spatium temporis reiiciunt, quod aliter ad eius exequutionem, sibi iudex merito sumpsisset, vt sunt, *statim, confestim, incontinenti, è vestigio, repente, sine mora, indilate, immediate.*

Causa est, quod cum ferendâ est sententia, citari reus debeat, ac audiri, examinari testes oporteat, quæ omnia temporis moram postulant, quam tamen, illæ dictiones excludunt, signum est ergo, iudicem dixisse sententiam, latamque eiusmodi vocibus innui, non ferendam: Ita à Castro in *lib. de potest. legis pæn. cap. 7. parag. 6.*

Octaua si author sententiæ, in ea significet, transgressorem, à se absoluendum esse, nec ab alio id beneficium obtinere posse, donec pœnam illa lege contentam luerit, est sententia lata. Quia prohibitio per iudicem facta ne reus absoluator, pœnam incursum esset docet; ergo & latam esse sententiam, est enim pœnæ irrogatio, propria iudicis actio, qua proinde si reus terretur, hanc præcedere sententia debuit, est ergo dictio ei addita, quæ moram excludit temporis, (*statim, continuo*) vel quâ prohibetur, eius absolutionem sperare ab alio, quâ eo, qui illam infligit, iudex latæ sententiæ, non ferendæ.

Qualis est futura, primo cum terrorem habet ac comminationem supplicii, cuius argumentum præ se ferunt hæc sententiæ, *sub pœna excommunicationis, sub anathemate, sub interminatione diuini iudicij.* A Castro *lib. de potest. leg. pæn. cap. 1. parag. 1.*

Ratio est, quod pœnæ comminatio, futurum respiciat, non præsens, aut præteritum, ergo verba, quibus intentatur, sententiam non enuntiant, quæ sit lata.

Obiicies comminatio præsens fit de futura pœna, quoniâ peccatum est futurum, sed quando peccatum erit præsens, etiâ pœna videtur fu-

tura præsens sine alia noua iudicis sententia.

Respondendum non sequi tamen ideo, quod sententia sit lata, quia iudicis intentio non est nisi vt feratur. Patet ex *ca. relatum de iure patronatus*, vbi habetur, *sub interminatione anathematis prohibere curesis, & tamen additur. Si quis autem prohibitionis vestra contemptor extiterit, eum excommunicationi subdatis;* requiritur ergo præter comminationem, noua sententia, vt excommunicatio sit latæ & non ferendæ sententiæ.

Secundò, cum lex in irroganda censura, verbo, vel participio futuri temporis vtitur, sententiam ferendam continet, non latam. Regula recipitur à Sylu. *Verbo excommunicatio.* Abbate in *cap. si diligenti de foro competentis*, Felino, in *cap. Rodolphus de rescriptis*, Auila de censuris 2. par. cap. 2. disp. unica. Quia quæ actionem aut ministerium futurum indicant, hæc talis actionis, aut ministerii præsentiam, pro tempore quo enuntiantur, non denotant: futurum enim, non præsens, aut præteritum, sed quod erit, innuit. Quare his loquendi formulis. *Qui hoc fecerit excommunicetur. Qui percusserit ceteros fidelium, commercioque est priuandus*, non alia sententia intelligitur quam ferenda, quemadmodum & sequentibus ex Pandormitano in *cap. si diligenti de foro compet. n. 5. à communionem habeatur extraneus.* Nouerit se statim excommunicandum, quia hoc genere loquendi, præcipitur sententiæ celeritas in reum ferendæ, & non quæ iam sit lata.

Eodem pertinet, si lex pœnam excommunicationis infligat per verbum, quo declaratur aliqua actio, quia cum aliquid iubetur fieri, vt reus censeatur excommunicatus, nulla ratio necessaria credere suadet, eo verbo confici latam sententiam, non ferendam.

Tertiò, verba quæ sunt imperatiui modi usurpata à iudice, in imponenda, excommunicationis pœna, sententiam ferendam pronuntiant, non latam, si hæc ad iudicem dirigantur per modum imperij: recipiunt hanc regulam Castro *lib. 1. de potestate legis pæn. §. 3.* Comit. *lib. 6. q. 24.* & alii quamplurimi, quia per verbum tale, quale modo describimus, imperatur alicui vt excommunicetur, *Excommunicator enim & suspenditor*, referuntur ad iudicem; cui hæc actio præcipitur: non habebit ergo superioris imperium vim suam, nisi post dictam sententiam à iudice, ad quem tale præceptum tendit.

Excipiendæ sunt ab hac regula, ex loquendi formæ, quæ etsi sint imperatiui modi, ad reum tamen diriguntur, in secunda persona, aut tertia, vt, *excommunicationi subiaceat, eam subeat, in eam incidat, eam incurrat, esto excommunicatus.*

Quid si nescitur, in quam partem trahen-



da sit excommunicatio, & an lata sit, an **A** tiam ferendam. Hæc Comit. *supra* n. 7.

Respondendum, cum Glossa in *canonem pœnis de regulis* in 6. Stephano de Auila in *parte 2. disp. 1.* capiendam esse de ferenda potius: quam lata, quia odiâ restringi, fauoresque ampliari conuenit, *can. odia de regulis iuris* in 6. est ergo lex pœnalis, quo de genere est excommunicatio, dilatanda quando per eius dilationem, euitâtur animarum pericula, hominesque retrahuntur ab illicitis, vt ait à Graphiis *lib. 4. cap. 18. in expositione Bullæ*, idque ex Panormitano Abbate in *cap. ex tenore titulo qui filij sunt legitimi* num. 5. dilatatur hæc vero, cum in dubio indicatur esse ferendæ sententiæ, non latæ.


Quartò, etsi verbo substantiuo vis ea potestatisque insit, rei existentiam vt notet, proindeque quocunque modo, aut tempore efferatur, sententiâ latam contineat, eo quod nullam actionem aut passionem significet, secundum Comit. loco proxime citato, additum tamen participio futuri temporis, ad sententiam ferendam refertur, quare lex, seu constitutio, quæ à committendo scelere reum metu censuræ reuocat, his verbis: *Si peccauerit erit excommunicandus, est suspendendus*, sententiam ferendam minatur, latam non indicat, ratio est, quod participium futuri temporis, in naturam suam vim substantiuu verbi conuertat, sicut cum est præteritum, & verbo præsentis temporis additur, illud traducit ad præteritum, quare si hæc participia, cum verbis futuri temporis significant rem perfectâ esse, quæ lege statuitur, vt erit excommunicatus, suspensus, conficient sententiam latam; si vero significant rem, quæ statuitur, esse faciendam, vt erit excommunicandus, vel est, continent senten-

Quid si Episcopus in castigando scelere, loquendi modos qui sunt in communi vsu, adhibeat? quid si illis nocentem terreat? *No-ueris te esse excommunicatum, ni parueris indignationem omnipotentis Dei incurras, fero in te pœnam censuræ Ecclesiasticæ, aut disciplinæ sententiam, quæ est vsitata in Dei Ecclesia contra te pronuncio.*

**B** Priori enim significatur lata excommunicatio, quare si dicta ante non fuit, quid hic ad quem diriguntur, timere cum ratione possit ac debeat, nihil occurrit, nisi aliunde forte constaret, ea efferri à iudice, cum voluntate dicendæ in eum sententiæ.

**C** Alter autem modus in quo de diuina indignatione, aut Apost. Petri & Pauli fit mētio, denotat hoc vnum tantum, & nihil amplius, velle Episcopum morem sibi geri sub pœna peccati, non autem excommunicationem si fiat contra quam iubet, incurri, causa est, quod hæc reum non afficit nisi contumacem, quo vitio cum tamen laborare non constat, nisi dum rem præceptam, aut sub comminatione censuræ veritam, facere aut omittere cum perueracia abnuat, quod hic non accidit, vbi minæ præcessere nullæ, nulla subeundæ censuræ facta mentio in prædicto dicendi modo.

Est tertius modus ab excommunicatione similiter liber, censuræ enim, ac disciplinæ nomina, multa alia ab excommunicatione diuersa significant, quare cum incertitudo sententiam vitiet ex *Vgol. rab. 1. cap. 20. §. 3.* verbis, quæ sunt in hac tertia loquendi forma, excommunicationem non imponi, vt ipse non dicam, canonici iuris vel mediocriter scientes ac periti intelligunt.




# DISPUTATIO SECVNDA

## DE CAUSA EFFECTIVA AC subiectiua Excommunicationis.

### QVÆSTIO PRIMA.

*Quinam excommunicare iure possint.*



**C**AUSA efficiens excommunicationis est duplex, ordinaria vna, delegata altera, ordinaria est Ecclesiasticus iudex iurisdictionem fori contentiosi obtinens, Trid. sess. 25. cap.

3. de reformat. Nauar. Enchirid. 27. num. 1. Palud. in 4. q. 2. art. 1. & colligitur ex verbis Cyrilli Alexandrini in Concilij Ephesini partis secundæ actione 4. illic enim, Ioan. Antiocheni gesta in eum omnia, causatur irrita, quod essent & maioris sedis, quæ eius oratio ac querela inanis esset, si iurisdictione destitutus, sententiam excommunicationis dicere potuisset in alium.

Comperit vero hæc facultas Papæ, respectu omnium fidelium: Concilio generali: Anglez art. 4. de excommunicat. concl. 1. & quidem respectu omnium præterquam Papæ, quia Concil. est infra illum, & puniri nemo potest nisi à superiore, ita à Patribus congregatis Ephesi, depositus est Nestorius Constantinopolitanus Episcopus Concilij parte 2. actione 1. sic enim ibi γινώσκεις σαυτοὺς ὡς τῆς ἀγίας συνόδου καθήκοντα, καὶ πατρὸς ἐκκλησιαστικῆς ἐκθυσίης ὑπάρχον ἀλλότριον.

Tertiò, id tribuendum est Nunciis Apostolicis à latere in tota prouincia, quam vt legati curæ suæ commissam habent, quia in ea iurisdictionem exercent ac imperium quasi Episcopale & ordinarij proprium.

Quartò, Cardinalibus etiam non Presbyteris in Ecclesiis suorum titulorum. Vgol. in 1. cap. 2. parag. 20. Reginald. lib. 9. cap. 7. sect. 4. num. 120. quia ex priuilegio aut consuetudine id eis licet.

Quintò, potestatem hanc Prælati omnes  
Pars secunda.

**A** regulares in suos sibi subditos vindicant: Syluester Verbo Prælati parag. 1. & Anglez supra, his enim omnibus vniuerse dictum est à Christo Domino Matth. 18. *Quæcunque ligaueritis super terram erunt ligata, &c.* deinde est hæc potestas ad Pastorale munus quo finguntur necessaria, cum commode quantum est necesse, illud obire non posse videantur, nisi ius habeant per censuras Ecclesiæ puniendorum fontium, à quo quoniam in omnes partes Ecclesiæ reip. infinita commoda profluunt, iuste illud ac cum causa dictum à Trident. video sess. 25. cap. 3. firmamentum disciplinæ Ecclesiæ.

**B** Quod ad Episcopos attinet existimat Sotus in 4. dist. 19. qu. 1. eos absolutam potestatem excommunicandi non habere, proindeque si ab illis quidam sunt excommunicati, & egrediantur Diocesi, hoc ipso antiquæ suæ libertati restitui, cessatione plenæ vinculi excommunicationis, quo anteligi tenebantur. Sed errat, quia à Christo Matt. 18. potestas excommunicandi absolute attributa est Apostolis his verbis: *Quæcunque ligaueritis, &c.* ergo & Episcopis eorum successoribus.

**C** Primò, quia eandem ac Papa in Ecclesia, cui sunt commissi, potestatem habent, dependentem tamen, quia mediante Pontifice eam obtinent, in quantum facit eius liberalitas ac indulgentia, vt è populo ad magistratus Ecclesiasticos euecti, habenas teneant Ecclesiæ, quæ illis regenda committitur, quod tamen non impedit, quo minus non sit etiam de iure diuino saltem radicaliter, in quantum Christus voluit, vt in Ecclesia sua essent Episcopi, qui proinde instructi forent potestate necessaria ad gubernandum, sub qua continetur coercitiua per censuras, quam restrictam tamen ac limitatam dare Pontifex potest aut indefinitam ac latissime patentem.

**D** Secundò, quia talis potestas in Episcopis  
M

ad optimam Ecclesiæ administrationem est necessaria, alioquin esset inermis, & ad executionem suarum legum inualida, quomodo enim rebelles coerceri possunt nisi metu huius pœnæ? quæ causa est cur appelletur in Trident. *sess. 25. cap. 3.* Nervus disciplinæ Ecclesiasticæ & 16. q. 2. *can. visis 1. Sacer en- sis Christiæ Præfulum.*

Quare ad hanc diem extitisse præter hæreticos neminem existimo, qui hanc potestatem Episcopo negatum irret, quam in eo venerantur Concilia, Ephesinum primum, Chalcedonense, Trid. *sess. 6. cap. 3. sess. 14. cap. 4. ins canonicum can. qualiter 2. de accusat. & can. transmissam de electione.*

Præter Episcopos, insuper excommunicare possunt iure communi & ordinario, eorum Vicarii generales, *can. 2. de constit. in 6.* quia idē tribunal habet: Excommunicat etiā Capitulum sede vacante, quia succedit in locū Episcopi defuncti *can. unico de maiorit. in 6. & can. cum olim extra eodem tit.* Vicarius generalis ab eo constitutus ad regimen Ecclesiæ iuxta Trid. *sess. 25. c. 16.* Vniuersæ vt dictū est antea excommunicare potest qui iurisdictionem in foro externo habet, id est in eo loco ad quem causæ agitantur inter duos aut plures deferuntur. Est autem iurdictio potestas legitima iudicandi, quæ quinque modis alicui competit.

Primò, ratione officij vel dignitatis habentis annexam iurisdictionem.

Secundò ratione delicti, nam qui quidpiam in Diœcesi supplicio luendum admisit, in qua non habet domicilium, à iudice loci illius innodari potest, *can. cum contingat 13. de foro competenti*, modo ibi sit, aut antequam inde abscederet legitime sit citatus, *can. postulasti de foro competenti.*

Tertiò, ratione vltionis subiectionis *can. nos si in competentes 41. cause 2. q. 7.* in quo tamen casu necessarius est consensus superioris eius, cui est subiectus, is qui Episcopo se submittit: Sayr. *cap. 7. lib. 1. num. 35.* quia aliter fieret ei iniuria.

Quartò, per consuetudinem *cap. cum contingat 13. de foro competenti*, quia consuetudo vim legis habet, ex *cap. finali de constitut. & iurisdictionem largitur vt colligit Comitulus resp. moral. lib. 6. qu. 51. ex cap. dilecto de arbit. & can. conquestus 8. q. 6.*

Quintò, per priuilegium, *can. cum contingat 13. de foro compet.*

Patet hinc primò, prælatum Episcopo inferiore qui de iure communi, aut consuetudine legitime præscripta, ius habet citandi subditos suos, & cognoscēdi de eorum controuersis in externo foro, excommunicare posse, quia consuetudo iurisdictionem lar-

gitur, vt colligitur ex decreto Innocentii III. dilecti de arbitris ex *can. conquestus 9. q. 3.* qui canon est Nicolai Papæ & ex *cod. de emancipand. lib. lege vltima.*

Patet 2. præpositos Ecclesiarum collegiarū, Archidiaconos habentes curiam, Officiales eodē iure vtentes, vt Pontifarensem, Decanos, quorū est in quibusdam Ecclesiis canonicos, eorumque mores cum auctoritate corrigere, Ecclesiarum collegia quæ Cathedrali non sunt inferiora, mortuo Episcopo excommunicandi ius habere Nau. in *Enchirid. cap. 27. num. 5* quia potestas obligandi per censuras, forum contentiosum sequitur, quod citati omnes proprium habent cui præfunt.

Patet tertio, hanc quoque gratiam communionem rerum atque potestatis, transire ad earundem Ecclesiarum Vicarios, Episcopo mortuo, illis administrandis præpositos, quia quod earum collegio est permissum, hoc ipsum, constituto per illud Vicario non est negandum ex dictis antea.

Patet quartò, ab Abbate Monachos per censuram moueri loco posse, Sylu. *Excommunicatio 1. num. 5. Anton. 3. parte tit. 24. cap. 75. Vgolinus tabul. 1. cap. 10. num. 11.* quia cum Abbas est regularis, iudex est, ac moderator commissæ sibi plebis, ita de electione *cap. transmissam* significat Pontifex electum & confirmatum, ea quæ iurisdictionis sunt exercere posse, & quoniam eadem authoritas est Prioris Conuentualis electi, vel prouisi de beneficio curam animarum habente ac Abbatis; recte ideo Paludanus infert illum similiter ac istum excommunicare posse. Electi dixi aut prouisi de beneficio à superiore, nam qui dignitatem Prioris quam sustinet, Abbati soli debet, nihil in hoc genere tentare iure communi potest, sed voluntate ac delegatione sola Abbatis, cui auctoritatem omnem suam acceptam habet, eo tamen mortuo quidquid ille poterat dum viueret, potest & hic valide aggre, ac proinde reos censuris innectere, nexos soluere Paludanus apud Regin. *lib. 9. cap. 7. sect. 6. num. 123.* & hæc de modo potestatis ordinariæ acquirēdæ dicta sunt.

Iam de delegata, hanc autē Papæ benignitate Christianos omnes maxime masculos consequi posse, opinio est Doctorum Vgolini *cap. 2. §. 10. Couar. in can. alma mater de sent. excom. 1. par. §. 11. Reginald. lib. 9. cap. 7. num. 115. Suarez disp. 2. de censuris sect. 3.*

Probat, censuræ iuris sunt humani positiui in vŭ & exercitio, & quod à Laico intentari alteri nequeant, tribuendum est soli Pontifici, qui id ne sibi assumant inhibet, ergo cum quæ iuris sunt canonici amouere

loco

loco Papa queat, ut & abire à lege quam sibi posuit, ut communiter sacerdote proprio Rei, ad excludendū eum de gremio Ecclesiæ utitur, sic cū volet Laicū adhibere poterit ad id ministeriū. Modo ne fiat solēniter: Enimuero cū habeat publica Rei execratio preces plurimas ac ceremonias, non decet & illas ab alio quam Sacerdote concipi, & has à Laico frequentari. De Laicorum porro numero, Iudæos ac infideles segrego, quod non videatur pati æquitas, committi tam dignam prouinciam hominibus præter religionis Christianæ odiū iisdē insitum, impiis, vanis, subdolis, nominis nostri hostibus.

Quid? quod iis uti ad nocentium pœnam, spiritualement maxime, quæ imperando infligitur, ac proinde cum laude, molestia vero nulla, si eos præponere Christianis, quod non expedit.

(Ex delegatione) dixi, nam quis credat (quod assentando dixere olim Grassalius lib. 2. *regaliæ iure* 9. Vincentius Sigaldus in *allegat.* suis de bello italico) Christianissimum Regem, autoritate propria, Pontifice non probate, mouere cœtu piorum, Ecclesiæque, fontes posse? est enim potestas excommunicandi, potestas spiritalis & Ecclesiastica, spiritalis quidem, quia salutem animæ progressumque eius in virtute, ac culparum fugam respicit, nec enim censuræ finis alius, quam reuocatio hominis à vitio, plenaque affectionum eius moderatio, Ecclesiastica autē, quia Episcopis à Christo data fuit, Ecclesiæ causa, pacisque in ea seruandæ, cuius spes nulla; aut sane non nisi exigua, si magistratui Ecclesiastico vim coercendorum scelerum ademeris, cum vulgo pœnarum metu magis, quam honestate, virtutumque specie, in officio contineri soleant improbi, Oderunt, enim ut habet antiqua parœmia, *peccare mali formidare pœnæ.*

Iam hoc quæro utrum ad gubernacula Ecclesiasticæ reip. Reges sedeant, & non politicæ ac humanæ? si huic præsumunt, non illi, sane potestate carent spiritali ac diuina, utpote ad finem cuius causa regunt non necessaria, quod si in eos, hæc non cadit, causa est dicta, excommunicare reges nequeunt cum vindicare scelera, punire reos, superioris sit solius, eiusque qui iurisdictionem habeat, quali, respectu excommunicationis, destituti sunt Reges, si tamen excommunicare possunt Laicos, ut vult Grassalius (quod tamen non credo) ex commissione eos id facere, non propria virtute est credendum.

(Masculos) secundò dixi, ut excluderem fœminas, quæ iure communi innodare quæquam nequeunt, Henriquez li. 6. cap. 2. n. 3. Nauar. cap. 27. n. 1. Sylu. *excom.* n. 6.

Primò, quia eas subesse oportet non præesse, propter sexus ac animi infirmitatem.

Secundò, quia tam legibus ciuilibus, quam canonicis, incapaces sunt autoritatis publicæ 33. q. 5. *can. mulierem* 17. & l. *fœmina* ff. de *reg. iur.* & *can. de monialibus tit. de sentent. excommunicat.*

Tertiò, cum eiusdem sit absolvere cuius & necesse, si est fœminæ inhibutum expedire excommunicationis vinculo, est eidem quoque prohibitum illud cuiquam iniicere; verum est prius ex *can. proxime citato de Monialibus tit. de sentent.* ubi dicitur expresse Abbatissam, à censura non posse absolvere, dici ergo similiter debet, nec eam inferre vulgo posse.

An autem id officium Papæ beneficio præstare queat iam est videndum. Affirmantem tenent Paludanus in 4. dist. 19. q. 2. ar. 1. Soto dist. 20. q. 1. art. 4. Reginald. lib. 9. cap. 7. sect. 2. n. 117. Nau. *consil.* 73. de *sent. excom.* Suar. *disp.* 2. sect. 3. nu. 7. Ego quod aliorum qui secus sentiunt pace sit dictum, id Pontifici permissum credo, quod priusquam probem hypothesein assertioni præmunio, nempe de excommunicatione loqui nos posse dupliciter 1. ut est ferenda pro contumacia 2. ut est promulganda, & indicanda populo. Si primo modo sumitur equidem Pontificis autoritate eius inferendæ potestatem fœminæ committi posse sic ostendo dare operis agēdi capacitātē ei Papæ potest, cui natura ratioque non repugnant, quod tū iura cū naturæ mutare ac inuētere dicere nemo queat, at mulier à natura iurisdictionis non est incapax cum etsi eam viro subesse communiter oporteat non præesse: ordo hic tamen mutari Papæ voluntate queat: ergo, &c.

Multo magis cum secundò modo excommunicatio sumitur, nihil oberit quo minus ea Pontifex uti valeat ad denunciationem latæ à se sententiæ, quia hoc non est aliud quam eam habere suæ voluntatis interpretem sine iurisdictione quod non repugnat.

Equidē dispēsare Abbatissæ possunt in votis, & præscriptis ieiuniis per regulam, regere item tam moniales suas, quam religiosos qui sibi obedientiam promittunt, ut in religione fontis Ebraldi, quod etsi nonnulli improbent, negentque, eo quod dispensatio sine potestate iurisdictionis in foro externo esse nequeat secundum, *Lecl. c. 40. dub. 10.* cuius sunt eorum opinione incapaces fœminæ cum regi natæ sint, non regere ex Couarr. in *can. alma mater* paragr. 11. num. 2. Ut autem sibi subditos regere (inquiunt) & punire valeant, satis est eas habere aliqualem iurisdictionem ac qualemcunque, vsumque spi-



ritualis potestatis sibi à superiore demanda-  
tum, sicut habent, ex Diu. Thom. in *supple-*  
*mento* 3. *partis* 7. 19. *art.* 3. *ad* 4. & ab eo usu,  
seu iurisdictione aliquali ac imperfecta, ex  
Pontificis Romani, Ecclesiæque adeo vni-  
uersæ concessionetacita, habent propter bo-  
num commune religionum & priuatum  
personarum, vt in earum votis particulari-  
bus dispensare possint, consulto prius con-  
fessario prudenti aut viro docto.

Deinde vt eas regere queant, castigare, arguere quantum est necessarium & decēs, ad paternum ac domesticum regimen, non tamē inde sequi aiūt, in iis cēsurę ferēdā ius vllū esse, cum potestate clauium careant, ac ordinibus, sine quibus tamen aut dispositio- ne ad illos per tonsuram, nemo inferendę censurę est capax. Sed hęc de iure commu- ni dicta, non extraordinario sunt vera, vt probatum est de censuris in genere q. 9.

QVÆSTIO II.

*An in Parocho simplicique Presbytero ius ex-communicandi resideat.*

**V**Nica assertio, iure communi ac ordinario  
excommunicare Parochi nequeunt. Huius  
propositionis defensores sunt ac magistri, D.  
Th. in 4. dist. q. 2. ar. 2. ad questionculam 1. Di.  
Bonau. in eandem dist. 2. part. dist. q. 3. Sylu.  
excommunicatio 1. num. 5. Anton. 3. parte tit.  
24. Sotus in 4. dist. 22. q. 2. art. 1. concl. 2. Pa-  
norm. in can. cum contingat de foro competenti  
num. 30. Portelius parte 3. casuum casu 29. Na-  
uar. cap. 27. Enchir. num. 5. & in cap. cum con-  
tingat de re scriptis.

Primo, id non habet vi Sacerdotii, alio-  
qui quod ille, hoc sibi Sacerdotes singuli as-  
sumerent, & centuris in fontes animaduer-  
terent, quod nemo dicet, etsi parum con-  
sulte Gratianus scripserit 24. q. 1. *can. mira-*  
*mur 37. Vtramque potestatem baptizandi scilicet,*  
*& excommunicandi, sacerdotalem unctionem*  
*sequi, nec est hæc potestas, Parochi propria,*  
*precise quæ talis. quia ut sic, ius non habet*  
*Ecclesiastici gladii, sed sacrificandi, sed do-*  
*cendi, sed pascendi Sacramentis, ac concio-*  
*nibus, nec ei datur, hoc ipso quod fit Pa-*  
*rochus, & curam animarum recipit, eius e-*  
*nim officium hæc tantum consequitur, ius*  
*administrandi Sacramenta, hominibus suæ*  
*Parochiæ, potestas eos conuocandi ad con-*  
*ciones, &c.*

Secundò, etsi Parochus in foro pœnitentię iurisdictionē habeat, in exteriori tamen illa caret, sed potestas excommunicandi, eorum tantum est propria, qui sedem habent, ac tribunal, ad quę iuris obtinendi causa, adire cunctis liceat, Nau, c. 27. n. 5.

**A** Maior probatur, dum Parœciis præfi-  
ciuntur Parochi, aliam potestatem nullam  
recipiunt, quam quæ exequendisacerdo-  
tum officiis est necessaria ex Rosel. *Verbo ex-  
com. n. 22.* at hæc expleri omnia, per potesta-  
tem solius fori interni possunt: Et quidem  
Parochis, ius non esse contentiosi fori, hinc  
fit perspicuum, quod etsi hi habeant quo-  
rum procurandæ salutis incumbere, quos Sa-  
cramentis pascere, salutaribus institutis ad  
virtutem acuerere debeant, eorumque causas  
sæpe, ut arbitri ab ipsis electi componere,  
**B** non possunt tamen eos cogere, ut se sibi si-  
stant dicturi causam, ac visuri eius finem,  
sententia à se dicenda, aut dicta, in eos, aut  
actores, canonice coram se conuentos, hinc  
est quod nec proprie & strictè Prælati dici  
debeant sed largè tantum, quemadmodum  
vocantur Abbatissæ, teste Syluestro *Verbo  
Prælatus*, ergo cum excommunicatio in in-  
iuriam feratur, *can. sententia 11. q. 3.* nec inui-  
tos cogere Parochus possit, ut ad suum tri-  
bunal veniant, excommunicationis senten-  
tiam dicere in eos non poterit.

C Obiicies in can. *ab Ecclesiarum* 3. de officio ord. oppositum haberi, nam ibi dicitur eos qui gradu subsunt, ac potestate Episcopis, vt plebanum, qui non est alius à Parocho, reo loco per excommunicationem mouere posse, quam ordinarius eorum Præsul relaxare nequeat, illis non consultis, verba Alexan. III. sunt ista : *Mandamus*, quatenus si quando *Plebanus S. P. in Clericos Vel Laicos Paræcianos suos interdicti, vel excommunicationis sententiam tulerit, ipsam facias inuiolabiliter obseruari, & eam sine satisfactione congrua, & absque eiusdem plebani conscientia non relaxes.*

**D** Secundò, quia ita habet prouinciarum fere omnium praxis, fas ut sit Parochis, diebus Dominicis, ac festis, è superiori loco excommunicare fures, sortilegos, Magos, Veneficos, Fœneratores, quod eos sine scelere facere, ut quidpiam iure communi sibi concessum ex commissione, author est, Diu. Thom. in 4. dist. 18. q. 2. art. 2. ad 1. ubi ait Presbyteris Parochialibus facultatem non esse excommunicandi, nisi ex commissione, & in certis casibus, ut in furto, idem habet Sylu. verbo *excommunicatio* 1. num. 5. quod eis ex consuetudine approbata quæ iurisdictionem tribuit, ex *can. conquestus* 9. q. 3. & *cap. dilecti de arbitris*, conuenire scribit Richard.

Respondendum ad primum, in eo cano-  
ne tantum esse sermonem de Plebano  
quem Glossa in eum locum Prælatum  
fuisse asserit, etsi Episcopo inferiorem, vel  
Ecclesiæ cuiusdam Collegiæ præfectum,  
vt Portelius supra. Fauent explicationi In-  
nocentius in eam decretal. & Panormitanus

ibi not. 1. cum in eo Plebano agnoscant iudicis ordinarij auctoritatem, quæ tamen ex eiusdem sententia fuit tantum de iure speciali, puta ex præscriptione, consuetudine, priuilegio, vel commissione speciali, de iure autem cõmuni nullo modo Consuetudine dixi, nam hæc iurisdictionem largitur, vt colligitur ex decretali Innoc. III. dilecti de arbitris & ex can. conquestus 9. q. 3. qui canon est Nicolai Papæ, quam tamen consuetudinem in Ecclesia Latina nusquam vigere tradit Conitot. responsion. lib. 6. q. 51.

Ad secundum Respondeo 1. tales Excommunicationes esse tantum cominatorias.

Secundò esse tantum generales, Consuetum est, inquit, Richardus in 4. dist. 18. q. 1. art. 4. quod Parochi excommunicent suos Parochianos, committentes furtum vel rapinam in generali.

Tertiò dico, in eo tantum, vice Episcoporum fungi Parochos, esseque eorum veluti voluntatis interpretes, aut Synodi, cui placuit in eiusmodi criminum conscios, excommunicationis sententiam dicere.

Addo 4. tales excommunicationes, earum tantum esse, quæ ab Episcopo, aut statutis, sunt lætæ, denuntiationes.

Quintò huic consuetudini qua se niti ad inferendam censuram aiunt Parochi, derogatum esse à Concil. sess. 25. cap. 3. de reformat. cum prohibet pro rebus deperditis, censuras ferri nisi ab Episcopo causaque diligenter ab eo cognita.

Assertio secunda, Sicut tamen consuetudo largitur Parochis, vt excommunicare possint, ea vti queunt, Diu. Thom. in 4. dist. 18. Monald. in summa parag. quis potest excommunicare & quis non, Nauar. cap. 27. Enchir. num. 6.

Colligitur ex decretali Innoc. III. dilecti de arbitris, & ex canone conquestus 9. q. 3. qui canon est Nicol. Papæ, vbi unicuique Ecclesie sua seruari oportere priuilegia asserit, præterquam si Apostolica sedes aliquam Ecclesiam, vel ipsius Rectorem quolibet speciali priuilegio decreuerit honorare, faciunt ad eam rem, quæ scripsit Hieron. ad Heliodor. de laude vitæ solitariae epist. 1. Mihi, inquit, ante Presbyterum sedere non licet, illi si peccauero licet tradere me satana in interitum carnis, vt spiritus saluus sit in die Domini.

Assertio tertia, Parocho potestas hæc non competit iure ordinario sed speciali tantum, ex priuilegio, consuetudine præscripta, aut delegatione Episcopi tacita. Priuilegij fit mentio in can. conquestus 9. q. 3. consuetudinis apud Nauar. cap. 27. Enchir. num. 5. commissionis apud Monaldum ante citatum his verbis: Si scientibus Episcopis, & non contradicentibus, sententia huiusmodi proferantur, & Episcopi tales re-

putant excommunicatos, & tanquam excommunicatos absoluant, vnde ligant tales sententia, per approbationem huiusmodi Episcoporum, consentit Reginald. to. 1. lib. 9. cap. 7. sect. 5. num. 121. cum asserit Parochum excommunicare posse tanquam Episcopi Vicarium, qui vbiq; esse non potest.

### QVÆSTIO III.

An Prælatus excommunicare possit per sententiam suam subditum extra Diocesim, aut in loco exempto positum.

Svbditus duobus modis excommunicari potest, Primò, per statutum.

Secundò, per sententiam, statutum territorium afficit, eique inhæret, præceptum seu sententia personas, easque sequitur.

Dico ergo primo, Subditum extra Diocesim commorantem, nec statuto, nec sententia vlla Episcopi sui excommunicari posse: ita sentiendi auctores ac patronos habeo, Nauarr. cap. 27. num. 26. Couarr. 3. variarum cap. 20. num. 8. & me & illos in hanc sententiam trahit cum authoritate Concilii, ac Pontificum, è re ipsa deprompta ratio. Antiochenum quidem can. 22. qui est 7. cause 9. q. 2. seuerè Episcopo prohibet, ne alienam Diocesim ineat, nec quæ sunt Episcopi à quo hæc regitur, faciat can. autem animarum 2. de constitut. in 6. dicitur, iurisdictionem Episcopi, terminis Episcopatus sui ita circumscribi, vt extra eos non se efferat, circa actus ibi committendos, aut omittendos, quare vt ibimet Pontifex asserit, statuto Episcoporum excommunicantium, fur comprehendi non potest extra Diocesim commorans, quia extra territorium, inquit Papa, ius dicenti impune non paretur.

Secundo, iacet vi omni destituta excommunicatio, nisi eam corroboret inferentis iurisdicctio, est enim pœna, quæ non inferitur sine causæ cognitione iudiciaria, can. nemo 2. q. 1. cap. sacro de sent. excommunicat. nec nisi inuito can. sententia 11. q. 3. idque in pœnam admissi criminis cum contumacia, quare iustitiæ vindicantis est actio, cuius finis, morum est, vitæque correctio, aut vindicatio, at nō alterius est plectere, quā cuius manus armatæ sunt potestate, scelerum vindice, ergo si sunt Episcoporum exarmatæ extra prouinciam, ibi latentem, aut negotiorum causa commorantem, plectere non poterit, verum est prius, ex cap. vt animarum de constitut. in 6, nam illic dicitur extra territorium ius dicenti parendum non esse, quod nihil magis contra veritatem dici potest, si

potestas Episcopi proprię provincię terminis non finitur, cum superiori iusta imperanti, obsequium ubique sit debitum, nequit ergo legislator subditum extra provinciam agentem, ferire censura, aut si est in propria, à legiflatore seu iudice commorante extra provinciam.

Ratio est, quod sententia causę notitiam exigit 11. q. 3. *can. nemo*, proindeque iudicem, qui pro tribunali sedens, de ea quęstionem exerceat, testes audiat, quę sunt ad eius cognitionem necessaria pro autoritate sanciat, at extra Diocesim, Episcopus quid potest? eius cancellis ac terminis omnis eius potestas clauditur, in aliena sedere arbiter non potest, ergo nec sibi in ea subsellium erigere, non tribunal, de quo sententiā se dignam pronuntiet, Antiocheno Concil. id prohibente *can. 12. Episcopum non debere in alienam irruere ciuitatē, quę probatur ei non esse subiecta, neque in regionem, quę ad eius curam minime noscitur pertinere ad aliquid ordinandum, id est (ut est in Synodo Constantin. prima can. 2.) ne confundantur, & permisceantur Ecclesię secundum regulas statutas*, quia tamen nonnunquam accidit, Episcopos ē sede sua, contra fas, iusque eiici cum ignominia, ne impunitate freta improbitas, peiora audeat, sanxit Papa Clemens V. fas expulsis ut esset, diem reis dicere, eos cum Ordinariorum facultate, aut iis abnuentibus, illa petita tantum, nec impetrata, in locis suę Diocesi vicinioribus, mouere loco, extra Ecclesiam pellere, subditos etiam, modō ne trahantur ultra duas diētas à Diocesi, & sint culpę omnis expertes, ad se iuris audiendi causa ac dicendi vocare. Ita Clemens. V. in Clement. vnica de foro compet. his verbis: *Eisdem etiam Episcopis indulgemus, ut inter suos subditos, ne ob defectum iustitię, dispendium aliquod patiantur, possint in Diocesibus alienis in quibus moram traxerint, dummodo per se, vel per alium, hoc in propriis suis Diocesibus facere non audeant, vel non possint, iurisdictionem suam omnimodam exercere, ita tamen, quod subditi, qui expulsores vel eorum fautores, aut consiliarij non fuerint, ultra duas diētas, à fine suę Diocesis non trahantur.*

Dico tamen 2. *Reum qui cum in Diocesi esset ea fecit, dixitque, quę censuram merentur, ea coerceri posse etsi ea relicta aliō abscesserit*, Sylu. in verbo excommunicatio 2. nu. 8. Armilla eodem num. 30. *Ægid. de censur. disp. 13. dub. 7.*

Primo, quia ratione culpę, a se in Diocesi excommunicantis Episcopi admittę, sic illi, eiusque iuri submittitur in ordinē ad correctionem. ut quoties res exigit, ab eo puniri possit. Tradunt Doctores in ca. ult. de foro compet. & habet expresse cap. cum contingat

A 13. eius tituli, ibi enim sciscitanti Beluatensi Episcopo, num Clericos super excessibus coram se, nō autem Capitulo cui seruibant, conuenire oporteret, respondit Inno. III. in citata decret. his verbis: *Respondemus quod ad te, utpote Ordinarium, de talibus cōquerentes, debent habere recursum, maxime si super his impetrantur, quę in tua noscuntur Dioc. si commississe.*

B Secundo, si qui migravit in alienam provinciam, post admissum facinus, plecti non posset à proprio Episcopo, eius culpa remaneret impunita, nec enim in eam potest vindex insurgere, qui loco pręsidet, quo vitandę pęnę meritę causa reus deflexit, cum non sit eius authoritati obnoxius, nisi post delectum in eo domicilium, aut quasi domicilium, nec ex hypothesi (quam tamen non probamus) proprii Episcopi fulmina, ei sunt timenda, cum hęc non feriant, nisi in propria provincia, extra quam tamen reus est positus, ut supponitur.

C Confirmatur, subditus ratione domicilii, qui deliquit in aliena provincia, si à iudice delicti non est pręuentus, potest à iudice sui domicilii citari, & si est contumax, excommunicari, ut scripsere Couar. in pract. qq. c. 11. Vgolin. tab. 1. ca. 2. parag. 12. Laym. tract. 4. cap. 4. num. 7. vera est ergo assertio, quod absens, ratione delicti sui, potest à proprio Episcopo extra Diocesim censura plecti.

Dico tertio, *Tempora esse, in quibus sine culpa, qui se turpi transfugio in provinciam proximam, pęnę committit subtrahit, censura frangi possit.*

Primum est, cum id Episcopus loci, patitur, in eoquę processum iudiciarium fieri patitur Nau. c. 27. n. 6.

Secundum, cum locus, qui ad dicendam in reum sententiam, à proprio eius Episcopo deligitur, Episcopatu suo coheret, à quo non est nisi breuibus admodum spatiis disiunctus, quę enim parum à se sunt inuicem discreta, hęc moraliter censentur identitate spatorum, vna esse ac eadem.

E Tertium est, cum res patet, singulisque ita est peruia, ut de ea inquiri non sit necesse Nau. cap. Enchir 27. n. 6. cum enim in hoc casu delictū sit notoriū, causę cognitionem nullā exigit, non est proinde metuendum, ne Episcopus loci, læsum se queratur tali sententia, cum ea sine turbis & strepitu fiat.

Quartum est, quando lex excommunicantis Episcopi, principaliter respicit rem aliquam, in eius Diocesi positam, & ex consequenti personas, vel ut alii loquuntur cum subditus existens extra Diocesim, intra eam peccat. *Ægidius supra num. 6. conclus. 7. Nau. Enchir. cap. 27. num. 6. Sylu. verbo excommu-*



nicationum. 8. De Auila 2. parte de censuris in  
communica cap 3. disp. 1. dub. 2. concl. 3.

Ratio est, quod fictione quadam iuris, is  
qui abest, censeatur ratione rei, quæ iubetur,  
aut vetatur, peccare in territorio eam præ-  
cipientis, aut vetantis, ita qui in Parochiis  
non resident, procul à prouincia sua positi,  
sub pœna excommunicationis ad id possunt  
adigi, cui subiacebunt haud dubiè, ni pa-  
reant.

Causa est, quod fictione iuris, peccatum  
censeatur ab iis admissum esse in Diœce-  
si propria, eo quod res ibi fieri sit cen-  
senda, ubi fieri debebat & non est facta, le-  
ge qui non facit 121. de regulis iuris in 6. his ver-  
bis: *Qui non facit quod facere debet, videtur fa-  
cere aduersus ea, quæ non facit, & qui fecit quod  
facere non debet, non videtur facere id quod facere  
iussus est.*

Confirm. est diuino munere ac concessu,  
ea potestate instructus Episcopus, quæ ad sa-  
lutare prouinciæ suæ regimen est necessaria;  
hæc de qua loquimur est huiusmodi, nam si  
existens extra Diœcesim, ob peccatum in ea  
commissum, puniri non potest à suo Episco-  
po, ob culpam factam in suo Episcopatu, de  
ea iusta repetere supplicia nunquam fas erit,  
& sic impunitate corroborata improbitas,  
ad audendum qualibet fiet liberior.

Dices, ac enim ut est in cap. *Ut animarum*  
2. de constitut. ius dicenti extra territorium  
impunè non paretur, ac subditus domi non  
est, ergo ab isto, ille censura tangi nequit.  
Neganda est minor nam etsi corporaliter (ver-  
ba sunt Egid. loco proxime citato) sit extra  
Diœcesim, ratione tamen delicti, quod in ea com-  
mittitur, in ordine ad coercionem, censetur in ea  
esse, quare excommunicans censetur ius dicere in  
suo territorio.

Dico quarto, *Delinquentem in loco exempto,  
à suo Episcopo excommunicari non posse, Suar.  
disp. 5. sect. 4. num. 6.*

Causa est, quod Episcopus ius ibi maius  
non habeat, quam extra Diœcesim.

Dico quinto, *Religiosum, qui peccauit in a-  
lieno territorio, à superiori suo corrigi posse, &  
censura plecti, ob peccatum alibi patratum quam  
in Monasterio proprio.*

Ratio est, quod vbivis terrarum, superio-  
ri suo ac Regulari obsequium sit debitum, eo  
quod mutatione loci, eius subditus esse non  
desinat, nec ei sit liberum eligere territo-  
rium, ac relicto proprio ubi est professus  
tria vota, domicilium sibi nouum constitue-  
re: ergo cum in perpetua superioris sui po-  
testate fuerit, quamuis degeret alibi, cum  
eius subditus, cœnobiiq; sui sit incola, quàm  
hic iuste potest ac honeste, ob admissa in cœ-  
nobio proprio facinora, à Superiore celsura

A notari Ecclesiæ, tam in eum animaduertente  
iste licitè ob facta alibi, eumque punire po-  
test sine scelere.

Sane ita fere regnorum fere omnium pra-  
xis vsu confirmata tribunalium, ut in aliena  
peccantes prouincia, remittantur ad pro-  
prium, ab eius, id est proprio suo iudicandi  
Præside, qua de consuetudine; Zerola in  
praxi 1. par. verbo *Remissio reorum*, parag. ad 6.  
vbi dicit Episcopum iuste posse ac cum lau-  
de, Clericum suum repetere, quem alius in  
vinculis habet ob culpam suam aliquam,  
pœna dignum.

B Quid? quod Trid. sess. 25. cap. 14. ab Epis-  
copo, remitti religiosum velit ad Superio-  
rem, qui extra claustra, ita notorie deliquit,  
ut populo sit scandalo? & tamen de territo-  
rio nulla ibi fit mentio, sed tantum de Epis-  
copo: ergo cum lex non distinguat nec nos  
quoque distinguere conuenit, *lege non distin-  
guimus dix. de recept. qui arbitri.*

Dico sexto, *Ab Episcopo qui in propria Diœ-  
cesi residet, alienigenas ibidem versantes, extra  
Ecclesiam per excommunicationem poni posse.*

C Ratio est, quod culpa delinquentem ei  
submittat, qui loco cum autoritate præsi-  
det, ubi est admissa, quod veteres canonici  
iuris interpretes significatum voluere, cum  
reum forum fortiri dixerent ratione delicti,  
etsi alibi domicilii sui sedem stabilè fixam-  
que habeat, ita Gregor. IX. in cap. licet 20.  
de foro competenti, Scholiastes, in cap. 1. de ra-  
poribus Inreconsulti ad leg. 1. Cod. de sancta  
Trinit. & ad leg. Ultim. digest. de Iurisdict. om-  
nium iudicum. Itaque si qui est à Diœcesi Pa-  
risiensi oriundus, Meldis futeur, censuram

D ibi contra futes statutam subibit, nisi ante  
sententiam latam vrbe excedat, ac prouin-  
cia, quare si ad eum rumor deferat, fures  
Meldis, è superiori loco authoritate Pon-  
tif. fulminatos esse, ad eum lata contra  
hoc hominum genus sententia non pertine-  
bit, quia ut quis forum acquirat ratione de-  
lictæ, necesse est ut in fieri & conseruari in  
territorio alieni Episcopi maneat, nec tan-  
tum ei demandetur iurisdictio Ecclesiastica;  
itaque potest Episcopus Meldens. absentem  
reuocare, & non venientem, aut non resti-  
tuentem excommunicare.

E Notandum tamen, hæc in conscientia foro  
locum habere nullum, nec enim qui de-  
liquit in aliena Parœcia, eius Parocho con-  
scientiam explicare suam vlla lege debet,  
sed proprio, cum Dei ac naturæ iure teneat-  
ur in foro externo, proximo scandalizato  
satisfacere, quæ causa est, cur qui in Diœce-  
si non suâ iniuriam intulit, eo reuocari pos-  
sit, ut pœnam luat, eaque, lætæ æquitati  
quantum ratio postulat, satisfaciat.



realiter non peccat, excommunicationem A nec à iure, nec ab homine incurrit.

Quartò, excommunicatio est inualida, cum nec re ipsa, nec secundum allegationes, & externi fori præsumptionem eius inferendæ causa, vlla subest, vt si Episcopus eos excommunicet, qui in Paschate priuilegiatos, ad conscientie sue expiationem adhibent, quia talis excommunicatio errorem intolerabilem continet.

### QVÆSTIO XVII.

Quibus notis internosci possit excommunicatio lata sententia ab ea qua est ferenda.

**I**N huius quæstionis enarratione diffusus non ero quod eam in tract. de legibus explanauerim, quantum ad rem quæ tum agebatur, videbatur mihi vtile ac necessarium, sit hæc ergo

Prima regula, cum sanctio, decretum, aut iussum superioris Ecclesiastici, verbis indicatiui modi, in puniendo reo per censuram, est conceptum vt *excommunico*, à saceris remoueo, priuato Christi fidelium, & Sanctorum communione, &c. est excommunicatio latæ sententiæ non ferendæ, Sylu. Verbo *excommunicatio* à Castro in lib. 2. de lege pœnali ca. 6. §. 4. Comitulus lib. 6. responsionum q. 24. n. 8.

Causa est, quod verba præsentis temporis, ac modi indicantis, id ab eo, qui illa pronunciat, fieri indicent, quod denotant, at dum efferuntur, absque vlllo ordine ad futurum tempus, rem geri significant, est hæc ergo regula vera.

Secundum documentum, verba quæ significant pœnam incursum, latam quoque sententiam esse indicant eiusmodi sunt ista, *Declaramus, Dicimus, Denuntiamus, Definimus.*

Huius documenti est hæc ratio, quod hæc voces, ac similes, sententiam non habeant, ergo dictam esse præsupponunt.

Confirmatur, enuntiatio pœnæ, quam quis est culpis suis commertus, est voluntate superioris, eiusque inflictione posterior, at verbis allatis declarat iudex, reum lege Ecclesiæ, eiusque pœnis teneri, ergo cum hæc neminem obligent, nisi quem Ecclesia iis plectendum censuit, si vere illis comprehendi dicitur, præcessisse debuit, in eum lata per iudicem sententia.

Eadem est ratio, cum dicitur, *Noueris te excommunicatum*, his enim verbis non fertur excommunicatio, sed significatur lata, quare si ea lex habeat, qui in illam offendet,

pro excommunicato habendus erit, quia antequam hic peccaret, eiusmodi pœna peccantibus erat irrogata, eam ergo subit, quisquis in illam incurrit.

Regula tertia, sanctio seu decretum censetur habere latam sententiam, cum nullum iudicis ministerium significat, aut hominis ad pœnam luendam functionem exigit, tale est, conceptum his verbis, aut similibus: *Excommunicationi subiaceat, eam subeat, habeatur pro excommunicato, incurrat excommunicationem, in eam incidat, scias te excommunicatum, sit anathema, sit excommunicatus*, Tabiena Verbo *excommunicatio* 2. num. 4. Comitulus lib. 6. Responsionum q. 24. n. 4. §. Vgol. tab. 2. c. 28.

Causa est, quod hæc loquendi formæ, rem independentem à futuro tempore enuncient, ergo cum excommunicationem irrogent, eam vt inflictam de præsentis, ac proinde ipsum condemnationis actum significant, ac innuunt, nisi quid addatur, quod interpretationem ad sententiam ferendam deflectat.

Quarta verbum *sum* imperatiui modi, cui hæc adduntur, *ipso iure, ipso facto*, secum trahit latam sententiam, non ferendam.

Hanc regulam iurisperitorum fere schola omnis amplectitur, vt testatur Auila, nec meo iudicio sine causa. Quia sensus harum vocum, *ipso iure sit excommunicatus ipso facto extra Ecclesiam*, in eo est, prioris quidem, nullam aliam ab ea, expectandam esse à iudice sententiam, posterioris autem, operi quod sit contra legem, ac superioris voluntatem, re ipsa adiunctam esse hanc pœnam, ergo latam esse in reum sententiâ indicant, non ferendam. Verbum enim *sum* quod verbū est (vt loquuntur) existentie, potestatem hanc habet vt quocunq; modo, vel tempore efficitur, nullam actionem passionemue significet, sed rei tantum existentiam, præterquam in casibus producendis postea, Comitulus supra.

Quinta, quum de censura excommunicationis agitur, hæc verba canoni inserta aut legi per quam infligitur, *nulla alia expectata sententia aut declaratione, sine ministerio iudicis, autoritate nostra, vi huius legis, sanctionis aut canonis*, hæc inquam verba sententiam latam continent, non ferendam à Castro lib. 2. de lege pœn. ca. 6. Caiet. in 2. 2. q. 62. art. 3. Sotus in 1. de iustitia & iure q. 6. ar. 6. nam hæc verba, *non expectata sententia, aut eius declaratione, sine ministerio iudicis*, excludunt sententiam ferendam, aut declarationem latæ, ergo includunt latam.

Sexta, cum lex dicit, *reum ad illam pœnam obligatum esse, in conscientia lata sententia est*, et si

et si lex talis in iure non extet.

Documenti ratio hæc est, quod tum, legislator tollat, aut potius præueniat actionem secundi iudicis circa reum, & consequenter fert sententiam, vbi enim de legislatoris voluntate excommunicatio incurritur, hoc ipso sententia obligat.

Septimò, excommunicatio in reum dicta, est latæ sententiæ, cum iis verbis est præscripta, quæ omnem subeundę pænæ cunctationem præcidunt, nec nouæ sententiæ locum relinquunt, cuiusmodi sunt hæc *nouerit se statim subiturum excommunicationem si hoc egerit, dixerit, &c.* quia cum hæc constitutio sententiam excludat, latam haud dubie continet, non ferendam.

Est item excommunicatio non ferendæ sententiæ, sed latæ cum sententiâ, decretum, aut iussum, quod eâ infligit, voces habet vnam, aut plures, quæ omne spatium temporis reiiciunt, quod aliter ad eius executionem, sibi iudex meritisumpsiisset, vt sunt, *statim, confestim, in continenti, è vestigio, repente, sine mora, indilate, immediate.*

Causa est, quod cum ferenda est sententia, citari reus debeat, ac audiri, examinari testes oporteat, quæ omnia temporis moram postulant, quam tamen, illæ dictiones excludunt, signum est ergo, iudicem dixisse sententiam, latamque eiusmodi vocibus innui, non ferendam: Ita à Castro in *lib. de potest. legis pæn. cap. 7. parag. 6.*

Octaua si author sententiæ, in ea significet, transgressorem, à se absoluendum esse, nec ab alio id beneficium obtinere posse, donec pœnam illa lege contentam luerit, est sententia lata. Quia prohibitio per iudicem facta ne reus absoluator, pœnam incursum esset docet; ergo & latam esse sententiam, est enim pœnæ irrogatio, propria iudicis actio, qua proinde si reus terretur, hanc præcedere sententia debuit, est ergo dictio ei addita, quæ moram excludit temporis, (*statim, continuo*) vel quâ prohibetur, eius absolutionem sperare ab alio, quâ eo, qui illam infligit, iudex latæ sententiæ, non ferendæ.

Qualis est futura, primo cum terrorem habet ac comminationem supplicii, cuius argumentum præ se ferunt hæc sententiæ, *sub pœna excommunicationis, sub anathemate, sub interminatione diuini iudicij.* A Castro *lib. de potest. leg. pæn. cap. 1. parag. 1.*

Ratio est, quod pœnæ comminatio, futurum respiciat, non præsens aut præteritum, ergo verba, quibus intentatur, sententiam non enuntiant, quæ sit lata.

Obiicies comminatio præsens fit de futura pœna, quoniâ peccatum est futurum, sed quando peccatum erit præsens, etiâ pœna videtur fu-

A tura præsens sine alia noua iudicis sententia.

Respondendum non sequi tamen ideo, quod sententia sit lata, quia iudicis intentio non est nisi vt feratur. Patet ex *ca. relatum de iure patronatus*, vbi habetur, *sub interminatione anathematis prohibere curetis, & tamen additur. Si quis autem prohibitionis vestra contemptor extiterit, eum excommunicationi subdatis;* requiritur ergo præter comminationem, noua sententia, vt excommunicatio sit latæ & non ferendæ sententiæ.

Secundò, cum lex in irroganda censura, verbo, vel participio futuri temporis vritur, sententiam ferendam continet, non latam. Regula recipitur à Sylu. *verbo excommunicatio.* Abbate in *cap. si diligenti de foro competenti*, Felino, in *cap. Rodolphus de rescriptis*, Auila de censuris 2. par. cap. 2. disp. unica. Quia quæ actionem aut ministerium futurum indicant, hæc talis actionis, aut ministerii præsentiam, pro tempore quo enuntiantur, non denotant: futurum enim, non præsens, aut præteritum, sed quod erit, innuit. Quare his loquendi formulis. *Qui hoc fecerit excommunicetur. Qui percusserit catholici, cõmercioque est priuandus*, non alia sententia intelligitur quam ferenda, quemadmodum & sequentibus ex Pandormitano in *cap. si diligenti de foro compet. n. 5. à communione habeatur extraneus. Nouerit se statim excommunicandam*, quia hoc genere loquendi, præcipitur sententiæ celeritas in reum ferendæ, & non quæ iam sit lata.

Eodem pertinet, si lex pœnam excommunicationis infligat per verbum, quo declaratur aliqua actio, quia cum aliquid iubetur fieri, vt reus cõseatur excommunicatus, nulla ratio necessaria credere suadet, eo verbo confici latam sententiam, non ferendam.

Tertiò, verba quæ sunt imperatiui modis usurpata à iudice, in imponenda, excommunicationis pœna, sententiam ferendam pronuntiant, non latam, si hæc ad iudicem dirigantur per modum imperij: recipiunt hanc regulam Castro *lib. 1. de potestate leg. pæn. §. 3.* Comit. *lib. 6. q. 24.* & alii quamplurimi, quia per verbum tale, quale modo describimus, imperatur alicui vt excommunicet, *Excommunicator enim & suspenditor*, referuntur ad iudicem; cui hæc actio præcipitur: non habebit ergo superioris imperium vim suam, nisi post dictam sententiam à iudice, ad quem tale præceptum tendit.

Excipiendæ sunt ab hac regula, eæ loquendi formæ, quæ etsi sint imperatiui modi, ad reum tamen diriguntur, in secunda persona, aut tertia, vt, *excommunicationi subiaceat, eam subeat, in eam incadat, eam incurrat, esto excommunicatus.*

Quid si nescitur, in quam partem trahen-

da sit excommunicatio, & an lata sit, an ferendæ sententiæ?

Respondendum, cum Glossa in *canonem pœnis de regulis* in 6. Stephano de Auila in *parte 2. disp. 1.* capiendam esse de ferenda potius: quam lata, quia odiâ restringi, fauoresque ampliari conuenit, *can. odia de regulis iuris* in 6. est ergo lex pœnalis, quo de genere est excommunicatio, dilatanda quando per eius dilationem, cuitâtur animarum pericula, hominesque retrahuntur ab illicitis, vt ait à Graphiis *lib. 4. cap. 18. in expositione Bullæ*, idque ex Panormitano Abbate in *cap. ex tenore titulo qui filij sunt legitimi num. 5.* dilatatur hæc vero, cum in dubio indicatur esse ferendæ sententiæ, non latæ.

Quartò, etsi verbo substantiuo vis ea potestque insit, rei existentiam vt notet, proindeque quocunque modo, aut tempore efferatur, sententiâ latam contineat, eo quod nullam actionem aut passionem significet, secundum Comitol. loco proxime citato, additum tamen participio futuri temporis, ad sententiâ ferendam refertur, quare lex, seu constitutio, quæ à committendo scelere reum metu censuræ reuocat, his verbis: *Si peccauerit erit excommunicandus, est suspendendus*, sententiâ ferendam minatur, latam non indicat, ratio est, quod participium futuri temporis, in naturam suam vim substantiuu verbi conuertat, sicut cum est præteritum, & verbo præsentis temporis additur, illud traducit ad præteritum, quare si hæc participia, cum verbis futuri temporis significant rem perfectâ esse, quæ lege statuitur, vt erit excommunicatus, suspensus, conficient sententiâ latam; si vero significant rem, quæ statuitur, esse faciendam, vt erit excommunicandus, vel est, continent senten-

tiam ferendam. Hæc Comit. *supra* n. 7.

Quid si Episcopus in castigando scelere, loquendi modos qui sunt in communi vsu, adhibeat? quid si illis nocentem terreat? *No-ueris te esse excommunicatum, ni parueris indignationem omnipotentis Dei incurras, fero inter pœnam censuræ Ecclesiasticæ, aut discipline sententiâ, quæ est vsitata in Dei Ecclesia contra te pronuncio.*

Priori enim significatur lata excommunicatio, quare si dicta ante non fuit, quid hic ad quem diriguntur, timere cum ratione possit ac debeat, nihil occurrit, nisi aliunde forte constaret, ea efferri à iudice, cum voluntate dicendæ in eum sententiæ.

Alter autem modus in quo de diuina indignatione, aut Apost. Petri & Pauli fit mētio, denotat hoc vnum tantum, & nihil amplius, velle Episcopum morem sibi geri sub pœna peccati, non autem excommunicationem si fiat contra quam iubet, incurri, causa est, quod hæc reum non afficit nisi contumacem, quo vitio eum tamen laborare non constat, nisi dum rem præceptam, aut sub comminatione censuræ vititam, facere aut omittere cum perueracia abnuat, quod hic non accidit, vbi minx præcessere nullæ, nulla subeundæ censuræ facta mentio in prædicto dicendi modo.

Est tertius modus ab excommunicatione similiter liber, censuræ enim, ac disciplinæ nomina, multa alia ab excommunicatione diuersa significant, quare cum incertitudo sententiâ vitiet ex *Vgol. tab. 1. cap. 20. §. 3.* verbis, quæ sunt in hac tertia loquendi forma, excommunicationem non imponi, vt ipse non dicam, canonici iuris vel mediocriter scientes ac periti intelligunt.




# DISPUTATIO SECVNDA

## DE CAUSA EFFECTIVA AC subiectiua Excommunicationis.

### QVÆSTIO PRIMA.

*Quinam excommunicare iure possint.*



**C**AUSA efficiens excommunicationis est duplex, ordinaria vna, delegata altera, ordinaria est Ecclesiasticus iudex iurisdictionem fori contentiosi obtinens. Trid. sess. 25. cap.

3. de reformat. Nauar. Enchirid. 27. num. 1. Paulus in 4. q. 2. art. 1. & colligitur ex verbis Cyrilli Alexandrini in Concilij Ephesini partis secunda actione 4. illic enim, Ioan. Antiocheni gesta in eum omnia, causatur irrita, quod essent *ἡ μείζων ἐκκλησία* maioris sedis, quæ eius oratio ac querela inanis esset, si iurisdictione destitutus, sententiam excommunicationis dicere potuisset in alium.

Competit vero hæc facultas Papæ, respectu omnium fidelium: Concilio generali: Anglez art. 4. de excommunicat. concl. 1. & quidem respectu omnium præterquam Papæ, quia Concil. est infra illum, & puniri nemo potest nisi à superiore, ita à Patribus congregatis Ephesi, depositus est Nestorius Constantinopolitanus Episcopus Concilij parte 2. actione 1. sic enim ibi *ἡ ἀρχιεπισκοπή ἐκείνη ἐκ τῆς ἀρχιεπισκοπῆς καθήκοντος καὶ πρὸς ἐκκλησιαστικὴν ἐξουσίαν ὑπάρχειν ἀλλότριον.*

Tertiò, id tribuendum est Nunciis Apostolicis à latere in tota prouincia, quam ut legati curæ suæ commissam habent, quia in ea iurisdictionem exercent ac imperium quasi Episcopale & ordinarij proprium.

Quartò, Cardinalibus etiam non Presbyteris in Ecclesiis suorum titularum. Vgolinus tab. 1. cap. 2. parag. 20. Reginald. lib. 9. cap. 7. sect. 4. num. 120. quia ex priuilegio aut consuetudine id eis licet.

Quintò, potestatem hanc Prælati omnes  
Pars secunda.

**A** regulares in suos sibi subditos vindicant: Syluester verbo Prælati parag. 1. & Anglez supra, his enim omnibus vniuersè dictum est à Christo Domino Matth. 18. *Quæcunque ligaueritis super terram erunt ligata, &c.* deinde est hæc potestas ad Pastorale munus quo finguntur necessaria, cum commode quantum est necesse, illud obire non posse videantur, nisi ius habeant per censuras Ecclesiæ puniendorum fontium, à quo quoniam in omnes partes Ecclesiasticæ reip. infinita commoda profluunt, iuste illud ac cum causa dictum à Trident. video sess. 25. cap. 3. firmamentum disciplinæ Ecclesiasticæ.

**B** Quod ad Episcopos attinet existimat Sotus in 4. dist. 19. qu. 1. eos absolutam potestatem excommunicandi non habere, proindeque si ab illis quidam sunt excommunicati, & egrediantur Diocesi, hoc ipso antiquæ suæ libertati restitui, cessatione plenæ vinculi excommunicationis, quo ante ligati tenebantur. Sed errat, quia à Christo Matth. 18. potestas excommunicandi absolute attributa est Apostolis his verbis: *Quæcunque ligaueritis, &c.* ergo & Episcopis eorum successoribus.

**C** Primò, quia eandem ac Papa in Ecclesia, cui sunt commissi, potestatem habent, dependentem tamen, quia mediante Pontificis eam obtinent, in quantum facit eius liberalitas ac indulgentia, ut è populo ad magistratus Ecclesiasticos euecti, habenas teneant Ecclesiæ, quæ illis regenda committitur, quod tamen non impedit, quo minus non sit etiam de iure diuino saltem radicaliter, in quantum Christus voluit, ut in Ecclesia sua essent Episcopi, qui proinde instructi forent potestate necessaria ad gubernandum, sub qua continetur coercitiua per censuras, quam restrictam tamen ac limitatam dare Pontifex potest aut indefinitam ac latissime patentem.

**D** Secundò, quia talis potestas in Episcopis  
M



ad optimam Ecclesiæ administrationem est necessaria, alioquin esset inermis, & ad executionem suarum legum inualida, quomodo enim rebelles coerceri possunt nisi metu huius pœnæ? quæ causa est cur appelletur in Trident. *sess. 25. cap. 3.* Nervus disciplinæ Ecclesiasticæ & 16. q. 2. *can. visis 1. Sacer ensis Christi ac Præfulum.*

Quare ad hanc diem extitisse præter hæreticos neminem existimo, qui hanc potestatem Episcopo negatum irret, quam in eo venerantur Concilia, Ephesinum primum, Chalcedonense, Trid. *sess. 6. cap. 3. sess. 14. cap. 4. ius canonicum can. qualiter 2. de accusat. & can. transmissam de electione.*

Præter Episcopos, insuper excommunicare possunt iure communi & ordinario, eorum Vicarii generales, *can. 2. de constit. in 6.* quia idē tribunal habet: Excommunicat etiā Capitulū sede vacante, quia succedit in locū Episcopi defuncti *can. unico de maiorit. in 6. & can. cum olim extra eodem tit.* Vicarius generalis ab eo constitutus ad regimen Ecclesiæ iuxta Trid. *sess. 25. c. 16.* Vniuersæ ut dictū est antea excommunicare potest qui iurisdictionem in foro externo habet, id est in eo loco ad quem causæ agitandæ inter duos aut plures deferuntur. Est autem iurdictio potestas legitima iudicandi, quæ quinque modis alicui competit.

Primò, ratione officii vel dignitatis habentis annexam iurisdictionem.

Secundò ratione delicti, nam qui quidpiam in Diœcesi supplicio luendum admisit, in qua non habet domicilium, à iudice loci illius innodari potest, *can. cum contingat 13. de foro competenti*, modo ibi sit, aut antequam inde abscederet legitime sit citatus, *can. postulasti de foro competenti.*

Tertiò, ratione vltionis subiectionis *can. nos si in competentes 41. causa 2. q. 7.* in quo tamen casu necessarius est consensus superioris eius, cui est subiectus, is qui Episcopo se submittit: Sayr. *cap. 7. lib. 1. num. 35.* quia aliter fieret ei iniuria.

Quartò, per consuetudinem *cap. cum contingat 13. de foro competenti*, quia consuetudo vim legis habet, ex *cap. finali de constitut. & iurisdictionem largitur ut colligit Comitolus resp. moral. lib. 6. qu. 51. ex cap. dilecto de arbit. & can. conquestus 8. q. 6.*

Quintò, per priuilegium, *can. cum contingat 13. de foro compet.*

Patet hinc primò, prælatum Episcopo inferiore qui de iure communi, aut consuetudine legitime præscripta, ius habet citandi subditos suos, & cognoscēdi de eorum controuersis in externo foro, excommunicare posse, quia consuetudo iurisdictionem lar-

gitur, ut colligitur ex decreto Innocentii III. dilecti de arbitris ex *can. conquestus 9. q. 3.* qui canon est Nicolai Papæ & ex *cod. de emancipand. lib. lege vltima.*

Patet 2. præpositos Ecclesiarum collegiarū, Archidiaconos habentes curiam, Officiales eodē iure vtentes, ut Pontifarensem, Decanos, quorū est in quibusdam Ecclesiis canonicos, eorumque mores cum auctoritate corrigere, Ecclesiarum collegia quæ Cathedrali non sunt inferiora, mortuo Episcopo excommunicandi ius habere Nau. in *Enchirid. cap. 27. num. 5.* quia potestas obligandi per censuras, forum contentiosum sequitur, quod citati omnes proprium habent cui præfunt.

Patet tertiò, hanc quoque gratiam communione rerum atque potestatis, transire ad earundem Ecclesiarum Vicarios, Episcopo mortuo, illis administrandis præpositos, quia quod earum collegio est permissum, hoc ipsum, constituto per illud Vicario non est negandum ex dictis antea.

Patet quartò, ab Abbate Monachos per censuram moueri loco posse, Sylu. *Excommunicatio 1. num. 5. Anton. 3. parte tit. 24. cap. 75. Vgolinus tabul. 1. cap. 20. num. 11.* quia cum Abbas est regularis, iudex est, ac moderator commissæ sibi plebis, ita de electione *cap. transmissam* significat Pontifex electum & confirmatum, ea quæ iurisdictionis sunt exercere posse, & quoniam eadem autoritas est Prioris Conuentualis electi, vel prouisi de beneficio curam animarum habente ac Abbatis; recte ideo Paludanus infert illum similiter ac istum excommunicare posse. Electi dixi aut prouisi de beneficio à superiore, nam qui dignitatem Prioris quam sustinet, Abbati soli debet, nihil in hoc genere tentare iure communi potest, sed voluntate ac delegatione sola Abbatis, cui auctoritatem omnem suam acceptam habet, eo tamen mortuo quidquid ille poterat dum viueret, potest & hic valide aggre, ac proinde reos censuris innectere, nexos soluere Paludanus apud Regin. *lib. 9. cap. 7. sect. 6. num. 123.* & hæc de modo potestatis ordinariæ acquirēdæ dicta sunt.

Iam de delegata, hanc autē Papæ benignitate Christianos omnes maxime mæculos consequi posse, opinio est Doctorum Vgolini *cap. 2. §. 10. Couuar. in can. alma mater de sent. excom. 1. par. §. 11. Reginald. lib. 9. cap. 7. num. 115. Suarez disp. 2. de censuris sect. 3.*

Probat, censuræ iuris sunt humani positiui in vfu & exercitio, & quod à Laico intentari alteri nequeant, tribuendum est soli Pontifici, qui id ne sibi assumant inhibet, ergo cum quæ iuris sunt canonici amouere loco

loco Papa queat, ut & abire à lege quam sibi A  
posuit, ut communiter sacerdote proprio  
Rei, ad excludendum eum de gremio Eccle-  
siae utitur, sic cum volet Laicum adhibere pote-  
rit ad id ministerium. Modo ne fiat solenniter:  
Enimuero cum habeat publica Rei execratio  
preces plurimas ac ceremonias, non decet  
& illas ab alio quam Sacerdote concipi, &  
has à Laico frequentari. De Laicorum por-  
ro numero, Iudaeos ac infideles segrego,  
quod non videatur pati aequitas, committi  
tam dignam provinciam hominibus praeter  
religionis Christianae odium iisdem insitum, im-  
piis, vanis, subdolis, nominis nostri hostibus:

Quid? quod iis uti ad nocentium poenam,  
spiritualem maxime, quae imperando inflig-  
gitur, ac proinde cum laude, molestia vero  
nulla, sic eos praepone Christianis, quod  
non expedit.

(Ex delegatione) dixi, nam quis credat  
(quod assentando dixere olim Grassalius lib.  
2. *regalia iure* 9. Vincentius Sigaldus in alle-  
gat. suis de bello italico) Christianissimum  
Regem, autoritate propria, Pontifice non  
probante, mouere cœtu piorum, Ecclesiaeque,  
fontes posse? est enim potestas excommu-  
nicandi, potestas spiritalis & Ecclesiastica,  
spiritalis quidem, quia salutem animae pro-  
gressumque eius in virtute, ac culparum fu-  
gam respicit, nec enim censuræ finis alius,  
quam reuocatio hominis à vitio, plenaque  
affectionum eius moderatio, Ecclesiastica  
autem, quia Episcopis à Christo data fuit, Ec-  
clesiae causa, pacisque in ea seruandae, cuius  
spes nulla; aut sane non nisi exigua, si ma-  
gistratui Ecclesiastico vim coercendorum  
scelerum ademeris, cum vulgo poenarum  
metu magis, quam honestate, virtutumque  
specie, in officio contineri soleant improbi;  
Oderunt, enim ut habet antiqua parœmia,  
*peccare mali formidine poenae.*

Iam hoc quaero utrum ad gubernacula Ec-  
clesiasticæ reip. Reges sedeant, & non poli-  
ticæ ac humanæ? si huic praesunt, non illi, sa-  
ne potestate carent spiritali ac diuina, ut po-  
te ad finem cuius causa regunt non necessa-  
ria, quod si in eos, hæc non cadit, causa est  
dicta, excommunicare reges nequeunt cum  
vindicare scelera, punire reos, superioris sit  
solius, eiusque qui iurisdictionem habeat,  
quali, respectu excommunicationis, destituti  
sunt Reges, si tamen excommunicare pos-  
sunt Laicos, ut vult Grassalius (quod tamen  
non credo) ex commissione eos id facere,  
non propria virtute est credendum.

(Masculos) secundò dixi, ut excluderem  
fœminas, quæ iure communi innodare quæ-  
quam nequeunt, Henriquez li. 6. cap. 2. n. 3.  
Nauar. cap. 27. n. 1. Sylu. *excom*, n. 6.

Primò, quia eas subesse oportet non præ-  
esse, propter sexus ac animi infirmitatem.

Secundò, quia tam legibus ciuilibus, quam  
canonicis, incapaces sunt autoritatis publi-  
cæ 33. q. 5. *can. mulierem* 17. & l. *fœmina* ff. de  
reg. iur. & *can. de monialibus tit. de sentent. ex-*  
*communicat.*

Tertiò, cum eiusdem sit absoluere cuius  
& necesse, si est fœminæ inhibitum expedi-  
re excommunicationis vinculo, est eidem  
quoque prohibitum illud cuiquam iniicere;  
verum est prius ex *can. proxime citato de Mo-*  
*monialibus tit. de sentent*, ubi dicitur expresse Ab-  
batissam, à censura non posse absoluere, di-  
ci ergo similiter debet, nec eam inferre vul-  
go posse.

An autem id officium Papæ beneficio  
præstare queat iam est videndum. Affirman-  
tem tenent Paludanus in 4. dist. 19. q. 2. ar.  
1. Soto dist. 20. q. 1. art. 4. Reginald. lib. 9. cap.  
7. sect. 2. n. 117. Nau. *consil.* 73. de *sent. excom.*  
Suar. *disp.* 2. sect. 3. nu. 7. Ego quod aliorum  
qui secus sentiunt pace sit dictum, id Pon-  
tifici permissum credo, quod priusquam  
probem hypothesei assertioni præmunio,  
nempe de excommunicatione loqui nos  
posse dupliciter 1. ut est ferenda pro contu-  
macia 2. ut est promulganda, & indicanda  
populo. Si primo modo sumitur equidem  
Pontificis autoritate eius inferendæ pote-  
statem fœminæ committi posse sic ostendo  
dare operis agendi capacitatem ei Papæ potest,  
cui natura ratioque non repugnant, quod tunc  
iura cum naturæ mutare ac inuerrere dicere  
nemo queat, at mulier à natura iurisdictionis  
non est incapax cum etsi eam viro subesse  
communiter oporteat non præesse: ordo  
hic tamen mutari Papæ voluntate queat: er-  
go, &c.

Multo magis cum secundò modo excom-  
municatio sumitur, nihil oberit quo minus  
ea Pontifex uti valeat ad denunciationem  
latam à se sententiæ, quia hoc non est aliud  
quam eam habere suæ voluntatis interpre-  
tem sine iurisdictione, quod non repugnat.

Equidè dispensare Abbatisse possunt in vo-  
tis, & præscriptis ieiuniis per regulam, rege-  
re item tam moniales suas, quam religiosos  
qui sibi obedientiam promittunt, ut in reli-  
gione fontis Ebraldi, quod etsi nonnulli im-  
probent, negentque, eo quod dispensatio  
sine potestate iurisdictionis in foro externo  
esse nequeat secundum, L. c. 40. *de b. 10.* cuius  
sunt eorum opinione incapaces fœminæ  
cum reginæ sint, non regere ex Couarr. in  
*can. alma mater paragr.* 11. num. 2. Ut autem  
sibi subditos regere (inquiunt) & punire  
valeant, satis est eas habere aliqualem iurif-  
dictionem ac qualemcunque, vsumque spi-

ritualis potestatis sibi à superiore demandatum, sicut habent, ex Diu. Thom. in *supplemento* 3. partis q. 19. art. 3. ad 4. & ab eo usu, seu iurisdictione aliquali ac imperfecta, ex Pontificis Romani, Ecclesiæque adeo vniuersæ concessionetacita, habent propter bonum commune religionum & priuatum personarum, vt in earum votis particularibus dispensare possint, consulto prius confessario prudenti aut viro docto.

Deinde vt eas regere queant, castigare, arguere quantum est necessarium & decet, ad paternum ac domesticum regimen, non tamē inde sequi aiūt, in iis cēsurę ferēdæ ius vllū esse, cum potestate clauium careant, ac ordinibus, sine quibus tamen aut dispositione ad illos per tonsuram, nemo inferendæ censurę est capax. Sed hæc de iure communi dicta, non extraordinario sunt vera, vt probatum est de censuris in genere q. 9.

## QVÆSTIO II.

*An in Parocho simplicique Presbytero ius excommunicandi resideat.*

**V**Nica assertio, iure communi ac ordinario excommunicare Parochi nequeunt. Huius propositionis defēsores sunt ac magistri, D. Th. in 4. dist. q. 2. ar. 2. ad *questiunculam* 1. Di. Bonau. in eadem dist. 2. part. dist. q. 3. Sylu. excommunicatio 1. num. 5. Anton. 3. part. tit. 24. Sotus in 4. dist. 22. q. 2. art. 1. concl. 2. Panorm. in can. cum contingat de foro competentium num. 30. Portelius parte 3. casuum casu 29. Nauar. cap. 27. Enchir. num. 5. & in cap. cum contingat de rescriptis.

Primò, id non habet vi Sacerdotii, alioqui quod ille, hoc sibi Sacerdotes singuli assumerent, & censuris in fontes animaduertent, quod nemo dicet, etsi parum consulte Gratianus scripserit 24. q. 1. can. miramur 37. Vtramque potestatem baptizandi scilicet, & excommunicandi, sacerdotalem vñctionem sequi, nec est hæc potestas, Parochi propria, præcise quæ talis, quia vt sic, ius non habet Ecclesiastici gladii, sed sacrificandi, sed docendi, sed pascendi Sacramentis, ac concionibus, nec ei datur, hoc ipso quod sit Parochus, & curam animarum recipit, eius enim officium hæc tantum consequitur, ius administrandi Sacramenta, hominibus suæ Parochiæ, potestas eos conuocandi ad conciones, &c.

Secundò, etsi Parochus in foro pœnitentię iurisdictionē habeat, in exteriori tamen illa caret, sed potestas excommunicandi, eorum tantum est propria, qui sedem habent, ac tribunal, ad quę iuris obtinendi causa, adire cunctis liceat, Nau. c. 27. n. 5.

**A** Maior probatur, dum Parœciis præficiuntur Parochi, aliam potestatem nullam recipiunt, quam quæ exequendis sacerdotum officiis est necessaria ex Rosel. verbo excom. n. 22. at hæc expleri omnia, per potestatem solius fori interni possunt: Et quidem Parochis, ius non esse contentiosi fori, hinc fit perspicuum, quod etsi hi habeant quorum procurandæ salutis incumbere, quos Sacramentis pascere, salutaribus institutis ad virtutem acuire debeant, eorumque causas sæpe, vt arbitri ab ipsis electi componere, non possunt tamen eos cogere, vt se sibi sistant dicturi causam, ac visuri eius finem, sententia à se dicenda, aut dicta, in eos, aut actores, canonice coram se conuentos, hinc est quod nec proprie & stricte Prælati dici debeant sed largè tantum, quemadmodum vocantur Abbatis, teste Syluestro verbo Prælatus, ergo cum excommunicatio in inuitum feratur, can. sententia 11. q. 3. nec inuitos cogere Parochus possit, vt ad suum tribunal veniant, excommunicationis sententiam dicere in eos non poterit.

**C** Obiicies in can. ab Ecclesiis 3. de officio ord. oppositum haberi, nam ibi dicitur eos qui gradu subsunt, ac potestate Episcopis, vt plebanum, qui non est alius à Parocho, reos loco per excommunicationem mouere posse, quam ordinarius eorum Præsul relaxare nequeat, illis non consultis, verba Alexan. III. sunt ista: *Mandamus, quatenus si quando Plebanus S. P. in Clericos vel Laicos Parœcianos suos interdicti, vel excommunicationis sententiam tulerit, ipsam facias inuiolabiliter obseruari, & eam sine satisfactione congrua, & absque eiusdem plebani conscientia non relaxes.*

**D** Secundò, quia ita habet prouinciarum fere omnium praxis, fas vt sit Parochis, diebus Dominicis, ac festis, è superiori loco excommunicare fures, sortilegos, Magos, Veneficos, Fœneratores, quod eos sine scelere facere, vt quidpiam iure communi sibi concessum ex commissione, author est, Diu. Thom. in 4. dist. 18. q. 2. art. 2. ad 1. vbi ait Presbyteris Parochialibus facultatem non esse excommunicandi, nisi ex commissione, & in certis casibus, vt in furto, idem habet Sylu. verbo excommunicatio 1. num. 5. quod eis ex consuetudine approbata quæ iurisdictionem tribuit, ex can. conquestus 9. q. 3. & cap. dilecti de arbitris, conuenire scribit Richard.

**E** Respondendum ad primum, in eo canone tantum esse sermonem de Plebano quem Glossa in eum locum Prælatum fuisse asserit, etsi Episcopo inferiorem, vel Ecclesiæ cuiusdam Collegiæ præfectum, vt Portelius supra. Fauent explicationi Innocentius in eam decretal. & Panormitanus

ibi



ibi not. 1. cum in eo Plebano agnoscant iudicis ordinarij auctoritatem, quæ tamen ex eiusdem sententia fuit tantum de iure speciali, puta ex præscriptione, consuetudine, privilegio, vel commissione speciali, de iure autem cõmuni nullo modo *Consuetudine dixi*, nam hæc iurisdictionem largitur, ut colligitur ex decretali Innoc. III. dilecti de arbitris & ex can. conquestus 9. q. 3. qui canon est Nicolai Papæ, quam tamen consuetudinem in Ecclesia Latina nusquam vigere tradit Comit. responsion. lib. 6. q. 51.

Ad secundum Respondeo 1. tales Excommunicationes esse tantum cominatorias.

Secundò esse tantum generales, *Consuetum est*, inquit, Richardus in 4. dist. 18. q. 1. art. 4. quod Parochi excommunicent suos Parochianos, committentes furtum vel rapinam in generali.

Tertiò dico, in eo tantum, vice Episcoporum fungi Parochos, esseque eorum veluti voluntatis interpretes, aut Synodi, cui placuit in eiusmodi criminum conscios, excommunicationis sententiam dicere.

Addo 4. tales excommunicationes, earum tantum esse, quæ ab Episcopo, aut statutis, sunt latæ, denuntiationes.

Quintò huic consuetudini qua se niti ad inferendam censuram aiunt Parochi, derogatum esse à Concil. sess. 25. cap. 3. de reformat. cum prohibet pro rebus deperditis, censuras ferri nisi ab Episcopo causaque diligenter ab eo cognita.

Affertio secunda, *Sicubi tamen consuetudo largitur Parochis, ut excommunicare possint, ea utiqueunt*, Diu. Thom. in 4. dist. 18. Monald. in summa parag. quis potest excommunicare & quis non, Nauar. cap. 27. Enchir. num. 6.

Colligitur ex decretali Innoc. III. dilecti de arbitris, & ex canone conquestus 9. q. 3. qui canon est Nicol. Papæ, ubi unicuique Ecclesie sua servari oportere privilegia asserit, præterquam si Apostolica sedes aliquam Ecclesiam, vel ipsius Rectorem quolibet speciali privilegio decreverit honorare, faciunt ad eam rem, quæ scripsit Hieron. ad Heliodor. de laude vitæ solitaria epist. 1. Mihi, inquit, ante Presbyterum sedere non licet, illi si peccanero licet tradere me satanæ in interitum carnis, ut spiritus saluus sit in die Domini.

Affertio tertia, Parochi potestas hæc non competit iure ordinario sed speciali tantum, ex privilegio, consuetudine præscripta, aut delegatione Episcopi tacita. Privilegij fit mentio in can. conquestus 9. q. 3. consuetudinis apud Nauar. cap. 27. Enchir. num. 5. commissionis apud Monaldum ante citatum his verbis: Si scientibus Episcopis, & non contradicentibus, sententia huiusmodi proferantur, & Episcopi tales re-

putant excommunicatos, & tanquam excommunicatos absolunt, & deligant tales sententia, per approbationem huiusmodi Episcoporum, consentit Reginald. to. 1. lib. 9. cap. 7. sect. 5. num. 121. cum asserit Parochum excommunicare posse tanquam Episcopi Vicarium, qui ubique esse non potest.

### QVÆSTIO III.

An Prælatus excommunicare possit per sententiam suam subditum extra Diocesim, an in loco exempto positum.

**S**ubditus duobus modis excommunicari potest, Primò, per statutum.

Secundò, per sententiam, statutum territorium afficit, eique inhæret, præceptum seu sententia personas, easque sequitur.

Dico ergo primo, *Subditum extra Diocesim commorantem, nec statuto, nec sententia Vlla Episcopi sui excommunicari posse*: ita sentienti auctores ac patronos habeo, Nauar. cap. 27. num. 26. Couarr. 3. Variarum cap. 20. num. 8. & me & illos in hanc sententiam trahit cum auctoritate Concilii, ac Pontificum, & re ipsa deprompta ratio. Antiochenum quidem can. 22. qui est 7. causæ 9. q. 2. seuerè Episcopo prohibet, ne alienam Diocesim ineat, nec quæ sunt Episcopi à quo hæc regitur, faciat can. autem animarum 2. de constitut. in 6. dicitur, iurisdictionem Episcopi, terminis Episcopatus sui ita circumscribi, ut extra eos non se efferat, circa actus ibi committendos, aut omittendos, quare ut ibimet Pontifex asserit, statuto Episcoporum excommunicantium, sur comprehendi non potest extra Diocesim commorans, quia extra territorium, inquit Papa, ius dicenti impune non paretur.

Secundo, iacet vi omni destituta excommunicatio, nisi eam corroboret inferentis iurisdicctio, est enim pœna, quæ non inferatur sine causæ cognitione iudiciaria, can. nemo 2. q. 1. cap. sacro de sent. excommunicat. nec nisi inuito can. sententia 11. q. 3. idque in pœnatam admissi criminis cum contumacia, quare iustitiæ vindicantis est actio, cuius finis, morum est, vitæque correctio, aut vindicatio, at nō alterius est plectere, quā cuius manus armatæ sunt potestate, scelerum vindice, ergo si sunt Episcoporum exarmatæ extra prouinciam, ibi latentem, aut negotiorum causa commorantem, plectere non poterit, verum est prius, ex cap. ut animarum de constitut. in 6, nam illic dicitur extra territorium ius dicenti parendum non esse, quod nihil magis contra veritatem dici potest, si



potestas Episcopi proprię prouincię terminis non finitur, cum superiori iusta imperanti, obsequium ubique sit debitum, nequit ergo legislator subditum extra prouinciā agentem, ferire censura, aut si est in propria, à legillatore seu iudice commorante extra prouinciā.

Ratio est, quod sententia causę notitiā exigat 11. q. 3. can. nemo, proindeque iudicem, qui pro tribunali sedens, de ea quęstionem exerceat, testes audiat, quę sunt ad eius cognitionem necessaria pro authoritate sanciat, at extra Dięcesim, Episcopus quid potest? eius cancellis ac terminis omnis eius potestas clauditur, in aliena sedere arbitri non potest, ergo nec sibi in ea subsellium erigere, non tribunal, de quo sententiā se dignam pronuntiet, Antiocheno Concil. id prohibente can. 12. *Episcopum non debere in alienam irruere ciuitatē, quę probatur ei non esse subiecta, neque in regionem, quę ad eius curam minime noscitur pertinere ad aliquid ordinandum, id est (vt est in Synodo Constantin. prima can. 2.) ne confundantur, & permisceantur Ecclesię secundum regulas statutas*, quia tamen nonnunquam accidit, Episcopos ē sede sua, contra fas, iusque eiici cum ignominia, ne impunitate freta improbitas, peiora audeat, sanxit Papa Clemens V. fas expulsi vt esset, diem reis dicere, eos cum Ordinariorum facultate, aut iis abnuentibus, illa petita tantum, nec impetrata, in locis suę Dięcesi vicinioribus, mouere loco, extra Ecclesiam pellere, subditos etiam, modō ne trahantur vltra duas diętas à Dięcesi, & sint culpę omnis expertes, ad se iuris audiendi causa ac dicendi vocare. Ita Clemens. V. in Clement. vnica de foro compet. his verbis: *Eisdem etiam Episcopis indulgemus, vt inter suos subditos, ne ob defectum iustitię, dispendium aliquod patiantur, possint in Dięcesibus alienis in quibus moram traxerint, dummodo per se, vel per alium, hoc in propriis suis Dięcesibus facere non audeant, vel non possint, iurisdictionem suam omnimodam exercere, ita tamen, quod subditi, qui expulsi vel eorum fautores, aut consiliarij non fuerint, vltra duas diętas, à fine suę Dięcesis non trahantur.*

Dicotamen 2. *Reum qui cum in Dięcesi esset ea fecit, dixitque, quę censuram merentur, ea coerceri posse et si ea relicta aliō abcesserit*, Sylu. in verbo excommunicatio 2. nu. 8. Armilla eodem num. 30. *Ægid. de censur. disp. 13. dub. 7.*

Primo, quia ratione culpę, à se in Dięcesi excommunicantis Episcopi admissę, sic illi, eiusque iuri submittitur in ordinē ad correctionem. vt quoties res exigit, ab eo puniri possit. Tradunt Doctores in ca. vlt. de foro compet. & habet expresse cap. cum contingat

A 13. eius tituli, ibi enim sciscitanti Beluacensi Episcopo, num Clericos super excessibus coram se, nō autem Capitulo cui seruiebant, conuenire oporteret, respondit Inno. III. in citata decret. his verbis: *Respondemus quod ad te, vt pote Ordinarium de talibus cōquerentes, debent habere recursum, maxime si super his impetrantur, quę in tua noscuntur Dięce. si commississe.*

B Secundo, si qui migravit in alienam prouinciā, post admissum facinus, plecti non posset à proprio Episcopo, eius culpa remaneret impunita, nec enim in eam potest vindex insurgere, qui loco præsidet, quo vitandę pęnę meritę causa reus deflexit, cum non sit eius authoritati obnoxius, nisi post delectum in eo domicilium, aut quasi domicilium, nec ex hypothesi (quam tamen non probamus) proprii Episcopi fulmina, ei sunt timenda, cum hęc non sciant, nisi in propria prouincia, extra quam tamen reus est positus, vt supponitur.

C Confirmatur, subditus ratione domicilii, qui deliquit in aliena prouincia, si à iudice delicti non est pręuentus, potest à iudice sui domicilii citari, & si est contumax, excommunicari, vt scripsere Couar. in pract. qq. c. 11. Vgolin. tab. 1. ca. 2. parag. 12. Laym. tract. 4. cap. 4. num. 7. vera est ergo assertio, quod absens, ratione delicti sui, potest à proprio Episcopo extra Dięcesim censura plecti.

Dico tertio, *Tempora esse, in quibus sine culpa, qui se turpi transfugio in prouinciā proximam, pęnę commerte subtraxit, censura frangi possit.*

Primum est, cum id Episcopus loci, patitur, in eoquē processum iudiciatium fieri patitur Nau. c. 27. n. 6.

Secundum, cum locus, qui ad dicendam in reum sententiam, à proprio eius Episcopo deligitur, Episcopatu suo coheret, à quo non est nisi breuibis admodum spatiis disiunctus, quę enim parum à se sunt inuicem discreta, hęc moraliter censentur identitate spatiorum, vna esse ac eadem.

E Tertium est; cum res patet, singulisque ita est peruiā, vt de ea inquiri non sit necesse Nau. cap. Enchir 27. n. 6. cum enim in hoc casu delictū sit notoriū, causę cognitionem nullā exigit, non est proinde metuendum, ne Episcopus loci, læsum se queratur tali sententia, cum ea sine turbis & strepitu fiat.

Quartum est, quando lex excommunicantis Episcopi, principaliter respicit rem aliquam, in eius Dięcesi positam, & ex consequenti personas, vel vt alii loquuntur cum subditus existens extra Dięcesim, intra eam peccat. *Ægidius supra num. 6. conclus. 7. Nau. Enchir. cap. 27. num. 6. Sylu. verbo excommu-*

nicationum. 8. De Auila 2. parte de censuris in communi cap. 3. disp. 2. dub. 2. concl. 3.

Ratio est, quod fictione quadam iuris, is qui abest, censeatur ratione rei quæ iubetur, aut vetatur, peccare in territorio eam præcipientis, aut vetantis, ita qui in Parochiis non resident, procul à prouincia sua positi, sub pœna excommunicationis ad id possunt adigi, cui subiacebunt haud dubiè, ni pareant.

Causa est, quod fictione iuris, peccatum censeatur ab iis admissum esse in Diœcesi propria, eo quod res ibi fieri sit censenda, vbi fieri debebat & non est facta, lege qui non facit 121. de regulis iuris in 6. his verbis: *Qui non facit quod facere debet, videtur facere aduersus ea, quæ non facit, & qui fecit quod facere non debet, non videtur facere id quod facere iussus est.*

Confirm. est diuino munere ac concessu, ea potestate instructus Episcopus, quæ ad salutem prouinciæ suæ regimen est necessaria; hæc de qua loquimur est huiusmodi, nam si existens extra Diœcesim, ob peccatum in ea commissum, puniri non potest à suo Episcopo, ob culpam factam in suo Episcopatu, de ea iusta repetere supplicia nunquam fas erit, & sic impunitate corroborata improbitas, ad audendum qualibet fiet liberior.

Dicēs, ac enim ut est in cap. *Ut animarum* 2. de constitut. ius dicenti extra territorium impunè non paretur, ac subditus domi non est, ergo ab isto, ille censura tangi nequit. Neganda est minor nam etsi corporaliter (verba sunt Ægid. loco proxime citato) sit extra Diœcesim, ratione tamen delicti, quod in ea committitur, in ordine ad coercionem, censetur in ea esse, quare excommunicans censetur ius dicere in suo territorio.

Dico quarto, Delinquentem in loco exempto, à suo Episcopo excommunicari non posse, Suar. disp. 5. sect. 4. num. 6.

Causa est, quod Episcopus ius ibi maius non habeat, quam extra Diœcesim.

Dico quinto, Religiosum, qui peccauit in alieno territorio, à superiori suo corrigi posse, & censura plecti, ob peccatum alibi patratum quam in Monasterio proprio.

Ratio est, quod vbivis terrarum, superiori suo ac Regulari obsequium sit debitum, eo quod mutatione loci, eius subditus esse non desinat, nec ei sit liberum eligere territorium, ac relicto proprio vbi est professus tria vota, domicilium sibi nouum constitutur: ergo cum in perpetua superioris sui potestate fuerit, quamuis degeret alibi, cum eius subditus, cœnobiiq; sui sit incola, quàm hic iuste potest ac honeste, ob admissa in cœnobio proprio facinora, à Superiore cœsura

A notari Ecclesiæ, tam in eum animaduerrere iste licitè ob facta alibi, eumque punire potest sine scelere.

Sane ita fert regnorum fere omnium praxis vsu confirmata tribunalium, ut in aliena peccantes prouincia, remittantur ad propriam, ab eius, id est proprio suo iudicandi Præsidente, qua de consuetudine, Zerola in praxi 1. par. verbo *Remissio reorum*, parag. ad 6. vbi dicit Episcopum iuste posse ac cum laude, Clericum suum repetere, quem alius in vinculis habet ob culpam suam aliquam, pœna dignum.

B Quid? quod Trid. sess. 25. cap. 14. ab Episcopo, remitti religiosum velit ad Superiorem, qui extra claustra, ita notorie deliquit, ut populo sit scandalo? & tamen de territorio nulla ibi fit mentio, sed tantum de Episcopo: ergo cum lex non distinguat nec nos quoque distinguere conuenit, lege non distinguimus dig. de recept. qui arbitri.

Dico sexto, Ab Episcopo qui in propria Diœcesi residet, alienigenas ibidem Versantes, extra Ecclesiam per excommunicationem poni posse.

C Ratio est, quod culpa delinquentem el submittat, qui loco cum autoritate præsidet, vbi est admissa, quod veteres canonici iuris interpretes significatum voluere, cum reum forum fortiri dixeret ratione delicti, etsi alibi domicilii sui sedem stabilem fixamque habeat, ita Gregor. IX. in cap. licet 20. de foro competenti, Scholiaztes, in cap. 1. de raptoribus Iureconsulti ad leg. 1. Cod. de sancta Trinit. & ad leg. vltim. digest. de Iurisdic. omnium iudicium. Itaque si qui est à Diœcesi Parisiensi oriundus, Meldis furetur, censuram ibi contra fures statutam subibit, nisi ante sententiam latam vrbe excedat, ac prouincia, quare si ad eum rumor deferat, fures Meldis, è superiori loco auctoritate Pontif. fulminatos esse, ad eum lata contra hoc hominum genus sententia non pertinebit, quia ut quis forum acquirat ratione delicti, necesse est ut in fieri & conseruari in territorio alieni Episcopi maneat, ne tantum ei demandetur iurisdicatio Ecclesiastica, itaque potest Episcopus Meldens. absentem reuocare, & non venientem, aut non restituentem excommunicare.

D Notandum tamen, hæc in conscientie foro locum habere nullum, nec enim qui deliquit in aliena Parœcia, eius Parocho conscientiam explicare suam vlla lege debet, sed proprio, cum Dei ac naturæ iure teneatur in foro externo, proximo scandalizato satisfacere, quæ causa est, cur qui in Diœcesi non sua iniuriam intulit, eo reuocari possit, ut pœnam luat, eaque læsæ æquitati quantum ratio postulat, satisfaciat.

E

## QVÆSTIO IV.

*De causa subiectiva excommunicationis, seu quis excommunicari possit.*

**E**Xcommunicari potest Reus subditus, mentis compos, & in Ecclesia degens. Rei nomine eum intellige, qui fecit crimen contra quod intentata est excommunicatio, aut per testes fecisse est conuictus, quod cum accidit, etsi coram Deo sit innocens, tamen in modum excommunicati, in victu, colloquioque, ac omni demum vitæ genere se debet gerere.

Requiritur insuper ut excommunicandus sit excommunicantis subditus *cap. cum inferior 16. de maiestate & obed. cap. à nobis de sent. excommunicat.* Quia excommunicatio iurisdictionis est actio, quæ nulla est nisi in subditum, ob quam causam, nec quis à se ipso, nec ab inferiore, aut æquali, pœna hac plecti potest, Vgolin. *de censuris tabula 1. cap. 2. §. 6.*

Ratio est, quod excommunicatio non modo sit actio imperantis, sed & cogentis inuitum ad aliquid, at æqualis, æquali iubere nec repugnantem ad aliquid impellere potest. Ob eandem causam, nec Clerici à Laicis puniri, ut pote non eorum subditi, quoad coercionem, sed ut maxime quoad directionem, in quantum est id necesse, ut agi & impelli ad ciuitatis finem valeant, qui est publica tranquillitas.

Nec similiter Turcæ, ac sacris nostris non initiati populi, D. Anton. 3. *par. tit. 24. 74. parag. 1. Sylu. excommunicatio 2. n. 7. patet ex can. multi 2. §. 7* ipsaque ratione, nec enim Ecclesiastica correctio ut ibi dicitur, quæ fit per censuram, proprie est aliorum, quam qui ad Ecclesiam pertinent, iuxta Paulum negantem *primæ ad Cor. 5.* eorum sibi commissum iudicium esse qui sunt foris.

Deinde est excommunicatio Sacramentorum in Ecclesia priuatio, quibus, cum ad ea nunquam sint admissi, Turcæ proprie his priuari, qui possunt? nequit ergo censura in eos lata ab Episcopo esse valida, etsi hanc ille postea pro rata habeat, quia quæ ab initio non fuere valida, quæ nullarum virium, ac roboris, hæc tractu temporis non corroborari est planum, cum firmari, cum valere, iis tantum rebus accidat, quæ quoad effectum ab euentu pendent, secundum Vgol. *tabul. 1. cap. 2. §. 11. 12.* quo de genere non est excommunicatio, ut pote quæ illico ac irrogatur rata sit, aut irrita, infirma, aut valida.

**A** Neque tamen potest à superiore subditus excommunicari omni tempore, causa est, quod producendo huic effectui necessaria sit iurisdicatio, eiusque usus non impeditus, at hûc, & illam, impediri nonnunquam posse res ipsa, quæ multum per se potest, indicat.

Primò, cum est ille autoritate Ecclesiæ pulsus ab Ecclesia, ex proxime præcedenti quaestione.

**B** Secundò, cum ipse, aut subditus, extra Diocesim versantur, hic quidem, quia egresso prouincia ius non dicitur, *cap. Ut animarum de constitut. in 6.* Episcopus autem, quia excommunicatio, iurisdictionis est actio: hæc ergo ibi tantum censenda est valida, ubi Episcopus dicere ius potest, hoc ei vero extra Diocesim posito, fas esse auctores negant ac canones.

Sunt tamen Syluestro verbo *excommunicatio 1. num. 6. & Auilæ disp. 2. c. 3.* quinque casus in quibus id Episcopo in aliena Diocesi tentare est concessum.

**C** Primus est, cum id aggreditur ut paulo ante adnotauimus in loco vicino suo Episcopatu.

Secundus, cum in re manifesta, & quæ causæ cognitionem non exigit.

Tertius, cum de consensu Episcopi illius Diocesis, in qua versatur.

Quartus, cum subditus extra propriam Diocesim habitans, in propria, suæque, culpam admisit, Armilla verbo *excommunicatio 30.*

Primo, quia alioquin multa impunita relinqui, multa sine nota, censuraque præteriri esset necesse, nam nec in alieno territorio plecti, sua, id est pœna iusta pollent, ut supponitur, nec in proprio, cum qui est eorum auctor ac cōscius, absit, sedemque alibi fixerit, si non perpetuam ac stabilem, certe mutabilem & ad tempus, ergo nunquam.

**E** Secundò, cum Pontifex in *cap. Ut animarum 2. de constit. in 6.* excommunicari subditum, sed absentem vetat, de eo duntaxat loquitur, qui in alieno (ut aiunt) territorio ea meditat, ac facit, quibus legi fit iniuria, ergo si in proprio Episcopi peccauerit, poterit priuatione sacrorum ac precum Ecclesiæ communium, puniri.

Quintus est, cum post patratum alibi facinus, domum redit, nam si tunc sit ei læsus intenderit, sibi que hic per eum satisfieri velit, & ita Episcopus si iubeat cui tamen imperanti lædens morem non gerat, excommunicari ob contumaciam poterit.

Ratio est, quod delinquens, subditus est Episcopi, ad cuius Diocesim rediit, in qua etiā eius causa ventilatur, Præsule cognitore, ac iudice, causæ ergo nihil est, quam obrem

cum

## DE CAUSIS EXCOMMUNICATIONIS TRACT. II. 99

cum ab eo de crimine alibi commissio puniri nequeat.

Additū est (*mentis compos*) ut ea voce indicarem in animalia censuram hanc non cadere, nec proinde vacare culpa Parochos, qui flecti se læpe fidelium prece sinunt, ut fulmen hoc sacrum in locustas, mures & ventos intorqueant Enimvero cum sint hæc rationis expertia, ac proinde bonorum spiritualium naturā suā incapacia, quis non videt ea temerè ac frustra his in speciem exui? Sane cum in hominum opera sauiunt, ac more suo, fata non sine damno mortalium arrodunt, precibus fugari, tam aqua benedicta, quam adiurationibus, quas eam ob rem Ecclesiæ adhibere est solemne, dispelli possunt, in quo tamen est hæc Parochis adhibenda cautio, ne animantes ipsas, perinde ac si humana verba, eorumque sensus caperent alloquantur, sed ad Deum vim mentis suæ, precumque conuertant, ut pro cetera sua in homines pietate, has fructuum agrorumque pestes, ex eorum abactas finibus male perdat, Vgol. *tab. 1. cap. 17.*

Secundò, eadem voce (*mentis compos*) amentes ac furiosos de eorum excludimus numero, qui de Ecclesia remoueri ob culpam queunt. Quia sicut est probatum, cum de censuris in communi sermo erat, tales nec peccare, nec ubi peccauerint obstinate hære queunt in scelere, quod tamen est ad excommunicationem necesse, cuius infligendæ causa, vna duntaxat est contumacia, quæ quomodo, aut quando, esse queat, sine proposito, hoc est voluntatis in vno, eodemque constantia ac affectu illaudabili ac vitioso, non intelligo.

Excipiendus est casus, ex dictis antea, in quo priusquā id genus hominum, hac inuoluntudine animi tentari cœptum esset, Ecclesiæ imperia renuisset facere, nam pœna ad id tempus retrahitur si fides est, Vgol. *tab. 1. §. 3. n. 4.*

De mortuo dicere nihil in præsentī habeo, quod de censuris in cōmuni sermo cū esset, abunde quæ mei erant animi explanauerim. Eū sane improprie, & mediate excommunicari posse fatentur omnes, potest idq; dupliciter: primò Ecclesia quam religiose potest, ac sancte, inhibente ministris, ne eum vlla prece impertiant, ne in congressu, negotiisque, commune quidquam cum illo habeant, hoc enim est illum mediate, ac indirecte, priuatione suffragiorum communium, ac bonorum quæ ad vitam faciunt, censura innectere, Auila 2. *parte cap. 4. disput. 11. dubium 11.*

Secundò excommunicat Ecclesia mortuum, cum illum exsectum, ac ut membrum

Pars secunda,

fortens ac putidum, de cœtu suo eiectum denuntiat, quomodo in 6. Synodo actione vltima, Theodosius, Sergius, & Pyrrhus, quidamque alij vita pridem functi, è fidelium sunt crasi albo, quod recenti Patrum memoria, in Concil. Constantiensi. factum in Ioannis Wiclefi persona docent historiæ, suntque denunciationis istius effectus varij, primus, quod excommunicati ob hæresim, bona fisco acquiruntur, *cap. accusatus de hæretic. in 6.*

Secundus, quod liberi eius qui post mortem ob hæresim denuntiatus est ut hæreticus, infamiam iuris contrahant, neque admittantur ad beneficium Ecclesiasticum, aut officium publicum vsque ad secundam generationem.

Tertius, quod quidquid secus fit, fit irritè ac inaniter iuxta c. 2. *de hæretic. in 6.*

### QVÆSTIO V.

*An sint aliqui qui excommunicari nequeant.*

Primò, pro contracto ære, excommunicari in Gallia, Clericos non posse, sacrarum ædium ministeriis occupatos scribit Choppin. *de sacrapolitia libro 2. tit. 3. n. 3.* quare facta prouocatione abusus ergo, à debitore Clerico, qui quia soluendo non esset, Pontificia imprecatione deuotus erat, Senatus abusuè ab Episcopo actum pronuntiauit mense Ianuario anni 1569. Ancelino orante: Choppinus supra, id autem etsi fieri forte non deceat, factum tamen à Papa & Episcopo tenet.

Secundo Aurelianensi edicto anni 1560. *art. 18.* prohibentur Præsules, excommunicationis gladium distingere in reum, præterquam in maioribus negotiis, ac publicæ notæ, id est scandali crimen spectantibus, quæ tamen potestatis restrictio, est postmodum postulastis Præsulum Franciæ abrogata à Carolo IX. reuocato sacrarum animaduersionum pristino more auctore Fontanonio 4. *tomo edictorum regiorum*, & Renato *tit. 5. num. 4.* & ita vsus excommunicandi, pro debitis pecuniariis, qui e Gallia sublatus fuerat, restitui est cœptus.

Tertiò, Senatus placito, quod in legem, iusque toto regno transiit, obnuntiatio nulla Pontificia, pro debito promulganda est, nisi quam præcesserit in creditore, prehensio rerum solo coherentium, ac prædiorum, si quæ forte debitor possidet quod quia non est vsquequaque sacris Trident. Synodi edictis conlonum, cum intentari in eum religiosa Ecclesiæ verbera patiatur, quem æqui-

N



tas ac ratio ad officium inducere, redhibitione alienæ rei nequeunt, non probo.

Et vero priscis canonibus, totiusque orbis Christiani moribus, metu censurarum, veritas exprimi potest à consciis rei non satis cognitæ, ut de nocente, qui testium inopia, affici merita pœna non potest, iudex supplicia iusta repetat. Quid enim notius, quam de superiori loco identidem contorqueri solitas istius pœnæ subeundæ minas, in non reuelantē id, cuius causa ab Ecclesiastico iuridico literæ impetratæ sunt, quas appellamus communiter Monitorias? cur non similiter in non soluentē contracta à se nomina?

Quartò eximendos nonnulli aiunt à diris Pontificiis, v&igales Religiosorū exemptorū, quos *Firmarios* barbaro nomine appellamus, in quos cum in Monasteriis regularium habitant concipi non posse, hoc maxime nomine quod diuina in suis, ac propriis Parteciiis non obeant, Missam non audiant, &c. patet ex Bulla Alexandri III. data Cisterciensibus Gallis ea de re: & alia eiusdem sententiæ Alexandri V. concessa Præmonstratensibus, per quam tam ij, quam qui ipsis operam dant in agris excolendis ruri, aut domi suæ, eximuntur à iurisdictione ordinarij, consequenter & à potestate, quam ferendæ in reos excommunicationis, arguere sibi iure poterat, & quanquam intelligam, tam ex hoc diplomate, quam Iulij III. dato ad Antonium Odoinum Parochialis Ecclesiæ sancti Ioannis Baptistæ de Chauffenoto Senonensis Diœcesis, eiusmodi priuilegijs, seduci quosdam posse de subiectione Ordinario debita, sicque extra potestatem sui Diœcesani constitui, ut ab eo moueri de Ecclesia, id est excommunicari, ob admissa à se scelera nequeant, sic enim Iulius his verbis: *Si Venerabili Fratri nostro Archiepiscopo Senonensi, & pro tempore existēti dicta domus præceptori, vel quibusvis alijs ab eadem sede sit indultum, quod ad receptionem aliquorum non teneantur, ob id compelli, suspendi, interdici aut excommunicari non poterunt.* Est tamen huius beneficij concedendi Regularibus exemptis, eorumque domesticis, iusta causa: Enimvero loci exempti, ac constituti extra Diœcesim, eadem est ratio, cum ei quoad iurisdictionem, per eundem Episcopum exercendam, æquiparari soleant, ex cap. cum Episcopus de officio ordinarij in 6. cap. Volentes de priuilegijs eodem lib. & ex Clementina de priuilegijs sub finem, ubi Episcopus perinde prohibetur exercere suam iurisdictionem, in locis intra suam Diœcesim exemptis, ac in illis qui sunt extra, sed morantes in alieno territorio, Episcopi legibus, ac pœnis teneri nequeunt, cum eius

A potestas prouinciæ suæ sinibus claudatur, ergo nec regularium serui ac domestici, nisi quid, peccent cum sunt foris, & extra Monasterium, ratione cuius incipiant esse subditi Episcopi, quod & habent religiosi quilibet in iis casibus, quos Trid. & Henriquez referunt lib. 7. cap. 24. §. 3. *litera O. ad marginem.*

Neque tamē cū de istiusmodi hominū priuilegijs, in hac materia agitur, vllō modo probare possum quod scripsere Papon. li. 1. tit. 5. ar. 11. Lucas lib. 2. tit. 5. Bleianus li. de beneficijs cum dignitatibus & personatibus *litera E. ad marginem*, Gallicis moribus receptum esse, ut apud nos Pontificiæ abnuntiationes, in prima instantia nullius sint valoris, ideoque cum Rhemensis Archiepiscopus fulmina sacra contorsisset in Guillelmum Mardoium ob rescriptum Papale, curiæ sententia, iussum esse anno 1409. eiusdem solutionē suis impensis ex vrbe petere. Cur enim quod inchoata lite, aut finita, Papæ licet, sit eidem eius initio prohibitum? cur alieno ministerio, id est Gallicorum Antistitum, obedientiam à contumacibus exprimere debet? Cur quæ Episcopo cuiuspiam est permissa causæ cognitio, hæc Papæ sit neganda? cur quam Galli Antistites, pro se quisque, inferre possunt pœnam contumacibus, eam Papa per se nequit, sed tantum opera Antistitum? ad quos causa in prima, ut aiunt, instantia, defertur? quare huic istorum hominū opinioni fides habenda nulla.

Quintò, hoc Christianissimorum Regum priuilegium esse scripsere Feraldus regni liliorum, *priuileg. 4. & Chopinus de dominiot. 30. num. 4.* ut à communi omnium patre ac principe excommunicatione uti virgula censoria, in pœnam admissorum notari nequeant, eorumque hoc esse, regni que priuilegium, Pontificio ut interdicto, teneri pœnis ac vinciri non possint, incredibili Pontificum aduersum se beneuolentia, Nicol. III. Mart. III. Gregorii VII. IX. & X. Clement. IV. & Urbani V. quam diplomatis quisque suis extare voluere, ut authores sunt Maynard. lib. 4. qu. cap. 100. num. 23. Bleyan. in Theoria tract. de maiorib. beneficijs *litera D. in marg.*

Sed nec curiæ decreta, nec citata Pontificum diplomata (quæ an extent mihi est incompertum,) euincunt vnquam, viri ut boni animum ad credendum inducant, eius qui modo in naui Petri clauum tenet, frenos potestati iniectos esse, nec ubi res, ac causa exigunt, eum in Ecclesiæ causa audere posse, quod ab eo postulabunt æquitas, ac ratio.

Primò, quia par in parem potestatem non habet

habet ex cap. innotuit 10. de electione, ergo privilegia regibus mortuis, per memoratos Pontifices concessa, eorum successoribus in administranda Christiana Republ. non oberrunt: ergo quæ fuit illorum olim aduersus Galliam, in eis annuendis liberalitas, iusta quoque eorum successoris si Ecclesiam dicto aut facto vulnerent, in eorum castigatione ac censura, poterit esse æquitati coniuncta seueritas, quod enim olim Innocentio III. dicere licuit cum de dispensando illegitimo sermo esset, cuius electionem nullam esse declararat Alexand. III. in Concil. Later. hoc in præsentī causa dicere cuilibet alteri est permissum. Nobis per prædecessorē adempta non fuit potestas, cum non fuerit prohibentis intentio, qui successoribus suis nullum potuit in hac parte præiudicium generare pari cum eo potestate futuris, cum non habeat imperium par in parē.

Secundò, ex cap. dudum 14. de præbend. in 6. Pontifex maiorem sibi potestatem retinet, quam concedit, at id verum esse quī potest, si quem antiqui Pontifices Ecclesiasticæ excommunicationi subduxere, hunc eidem subiicere eorum successor non potest? Eo præsertim quod secundum canonicas, & legitimas sanctiones, per speciem generi derogatur, quanquam de genere in derogante specie, mentio nulla fiat, Gregor. X. in decretali dudum 14. de præbend. in 6.

Tertiò, Sensus indulti Pontificij, quo alicui conceditur, ne excommunicari, vel interdicti possit non est, ut absolute & simpliciter, reijci ab Ecclesia nequeat, sed ut pro tali causa nequeat, nisi facta à Papa mentione privilegij, vel ut non possit ab alio excommunicari, aut interdicto percelli, Rebuffus 1. parte praxis benefic. tract. de forma & declarat. nouæ promiss. verbo sed si venerabili fratri, quomodo ex eius mente intelligenda sunt concessa Regi privilegia, ergo si eorum fiat à Pontifice mentio, iisdem per eundem derogari poterit, speciali aliqua clausula, cuius rei iustam esse posse, causam quis neget? Quando ergo alicui indultum esset simpliciter, quod excommunicari nō posset, si insurgat cōtra matrē sedē Apost. excommunicari poterit, quia non potest esse sine capite, ca. cum non liceat de præscript. nec valeret tale privilegium, hæc Rebuff. loco citato §. 8. & quando.

Eiusdem cum eo opinionis est Grassal. Regalium Franciæ lib. 2. iure 10. verba eius adtexenda huic loco credidi, planum ut sit omnibus, æquis nostrorum, ab omni æuo scriptorum, de Romani Pontificis auctoritate in omnes, sensus extiterit: Istud privilegium Christianissimi Regis est intelligendum, ut excommunicari non valeat à Prælati Ecclesiæ inferioribus Papa, secus vero in excommunicatione ipsius Papæ, quia nec per privilegium

A potest quis à potestate eius eximi, sicut nec à potestate Dei, cuius est Vicarius & locum tenens, quia sic esset eximere à potestate Dei, quod est absurdum, lege nā & absurdū digest. de bon. lib. Ideo tale privilegium non valeret, secundum Panor. in c. cū instantia de censib. imo esset illi derogandum ut factum ab Urbano II. tradit, qui Philippum de Ecclesia expulit, quod propria dimissa coniuge aliam duxisset. Ex quo sequitur, inquit, privilegium de quo agitur, cessare respectu summi Pontificis, à cuius potestate nemo est exemptus can. cuncta per mundum 9. q. 4.

B Ex dictis colligere cuique est facile, quam parum prudenter, & vere, Galli quidam scriptores, in suos commentarios intulere, data ex vrbe, Regi & Reginæ privilegia, æterna esse, cum ea successorem in sede non obligent.

Secundò, quam ab iis indecore notati sint olim Pontifices, usurpatæ alienæ potestatis, maxime Benedictus XIII. quod Carolus VI. excommunicasset, quam bene Bonifacius VIII. quod in Philippum Pulchrum, quā religiose in Iulium II. quod Ludouicū, ense Ecclesiastico excommunicationis perculerint, dicta sit à profano homine Paschasio sententia disquisit. Fræcicarum lib. 3. c. 12. quod enim Ecclesiæ neruū incidat, quod eius stabilientæ robur ac firmitatem elidat, quod Conciliorū veritatem in populo traducat, quod summi Pontif. auctoritatem impetat, quod in maiorum religionem ac fidem, sine religione irruat, probare nemo probus potest.

Nam quis ferat nouum ē curia hominem ne quid dicam acerbius, de summa re, de sacrorum principe, de eius vi atque potestate sententiam dicere?

D Quanto Deus bone, Candidianus domesticorum Comes, illo fuit in hoc genere modestior. Venerat Imperatorum nomine ad Concilium, comitijs quæ quotidie habebantur ab Episcopis, de Deo, de Christo, de Virgine, de iustitia, de moribus intererat. quid tum dixit, quid attulit quod oleret arrogantiam? Aderat, audiebat hoc tantum, si quid amplius, ut iussus erat, tacebat. Nempe meminerat nefas esse, ut ad Episcopos Cæsares scripserant, Valentinianus & Theodosius, τὸν τῷ κατελέγει τῷ ἀγνώστῳ τῷ ἐπισκόπῳ μὴ τυγχάνοις τοῖς ἐκκλησιαστικοῖς σέμνμασι μύγνυσθαι.

E Ad seculares enim secularia pertinent, ad Sacerdotes Ecclesiæ, illis ius mænium est commissum, non sacrorum, in quæ efferatus qui irrumpit, perit. Nec enim salutare modo est singulis, sed necesse quoque regibus, ut Papæ Felicis oratione utar ad Zenonem. Cum de causa Dei agitur, ut iuxta ipsius constitutiones, regiam suam voluntatem subdere stant.

deant, non præferre, & sacrosancta per eorum Præsules, potius discere quam docere, neque in eius sanctionibus dominari velle, cuius clementia, Deus voluit eorum pia deuotionis colla submittere, ne dum mensura cælestis dispositionis exceditur, abeat in disponentis contumeliam.

Quæ dum Paschasius, tacitus secum ipse reputat, lubet de eo scitari, quidnam sequutus nouam hanc doctrinam intriuerit qua Reges, qua eorū affectu ac ministri, qua Senatus, qua Proceres à censuris liberi, liberi ab Ecclesiæ vinculis, Pontificia execratione quasi virgula, è tribunali Romano notari non possint?

Concilia? at aperte sunt contraria, Patres? Pontifices Antistites? at tam ei aduersantur, quam certum est Vrbanum VII. Romanæ præsidere Ecclesiæ. Repetamus si lubet antiqua sæcula, canones historias. Mentior si quid vspiciam firmioribus literis commendatum voluere posteris, si quid melioribus incisum tabulis, si quid maioribus expressum notis. Ecquid enim exponunt vniuerso orbi potentissimos Principes diris Pontificiis confixos, fœde, ad exemplum humanæ contumaciæ prostratos, bonisque vacuos? Quod ipsum solum si foret enimvero dicta causa esset, sic enim disputo, cui diem dicere, litem intendere, pœnā irrogare Imperatoribus fas fuit, cur id illi quoque hoc tempore, cum res temporaque exigunt, tentare sit nefas? Nisi forte horum quos micantes auro, simul ac aula pedem efferre contigerit, contuentis se populi oculos animumque furari cernimus, conditio sit melior, quam Arcadii, quam Anastasii Cæsaris quibus Romana Respublica tantum debere se prædicat quantum hominem, homini est permissum? Ecquid tamen ab Agapeto Arcadius, quod Chrysostomo sine causa infestus esset, prope fulminatus interiit?

Quid Anastasius? quid Childebertus ambo reges? Et vterque malo suo est expertus quam non parere Pontifici exitiabile sit homini. Ambo decretis sunt Pontificiis Symmachi & Innocentii, ab Ecclesia, quasi vncis abstracti, ambo ab amantissimis Christi amplexibus, censuris diuulsi. Ille quod ab alienato à veritate animo, è Monothelitarum pharetra deprompta arma in Ecclesiam moueret. Hic autem quod luetoti, viri optimi, innocenti sanguine iratas manus indecore, turpiterque fœdasset.

Nec narrare Paschasium pudet, cum de plebæ aulæ curiæque proceribus, de vindicandis Reip. membris ac partibus agitur, ex armatam esse Pontificis dexteram, quæ tam formidanda in reorum caput incumbit, ut irata succumbere, aut ab ea atteri, frangi-

A que sit necesse.

Eum nempe non timeant humiles dum, virgultaque iacentia, cuius commoti furor è æstumque ferre, cedri non possunt?

Neque hæc tantorum duntaxat Pontificum laus propria, manauit porro ad posteros, quare qui eorum fuit tum ardor in propugnanda Ecclesia, hunc Dei benignitate propagatum fœliciter, continuata retro serie, succedentes sibi inuicem Pontifices tenuere in meritis, vita, & sermone, ut memorare eos nolo, qui obscure nobis sunt aduersi, ita nec qui aperte isti sunt causæ propitii, silere quæro.

Gregorius VII. Henric. IV. Bonifacius eius nominis VIII. Philippum Pulchrum, Iul. II. Ludouicum XII. Clem. VII. & Paul. III. Henricum VIII. Pius V. Elizabetham Angliæ Reginā, decretis ipsi suis confixos de piorum Ecclesiæque gremio voluere submotos esse, quemadmodum Ambrosius, Theodosium at quem virum? & quamobrè? quod eadem fieri iussisset in fontium, templo expulit, in profanorum numero habuit.

Aluit olim Patrum memoria Celtica Britannia Principem, quàm templis, aris, ceremoniis, Episcopis, tam Deo, sibi, ac Leoni Pontifici contrarium. Nihil erat impuris eius manibus religiosum, nihil sacrum animo, nihil illibatum libidini. Nam ut taceam eius armis infesta itinera, exhausta templa, dissipata monumenta Cælitum, agros prædiaque Ecclesiæ, turpi sacrilegio aggregata eius ærario, præter insitam ferociam, Leonem non ferebat, hinc tantum illud ac tam immane odium sacrorum, Ecclesiæ, Antistitum, quod nisi autoritate sua, ut obiectis repagulis, Galli Episcopi in cursu stettissent, enimvero exundasset in bonorum omnium florentisque prouinciæ exitium.

Quibus ergo obicibus exarsuantis Neomenii procellosos impetus, quibus tumentes fluctus irati Principis compescuere molibus? Landrano Turonensi Archiep. Præsidente, Carolo Caluo assensum dante, coit in Concil. vniuersa Gallia, Deus bone, quæ ingeniorum fœcunditas, qui ciuitatum splendor, quæ Prouinciarum dignitas, quæ decora Ecclesiarum ac lumina, quæ linguæ, quanta subtilitas, quantæ virtutum, & eruditionis diuitiæ, augustum illud sacrarium impleuerunt?

Refert Lupus Ferrariensis Abbas, omnium eò Episcoporum inclinasse sententias, ut si amentiam, monitus Neomenius non poneret, tum enimvero, ad perpetuam sæculorum memoriam formidandis Ecclesiæ armis, palam & aperte orbe spectante vindicandam. O dignam vocem! ô sementem! ô herbam!



ô herbam! ô florem. Si quidem posses in horum pectoribus maturefcere, qui Senatui omnia cum tribuunt, Papæ pauca, Ecclesiam debilitant, maiestatem pessundant, quam lætam hoc tempore obseruantia erga Deum, Præsulesque legetem ferres, quam pacis ac obedientia vberem. Sed enim uero nostranos scelera tanto gaudere bono non sinunt. Quam in hoc genere nobis dispares **Henricus** Angliæ, & **Godefredus** Lotharingæ, ambo Principes qui scædis suis factis Pontifices cum exulcerassent, ille indignissima **S. Thomæ** clade, hic cum **Frederico** oppugnanda vrbe, ideoque piorum numero moti vterque essent, quas non de se penas exegere? quæ non supplicia, vt deterfa admisorum labe, redderentur Deo, cælo, Ecclesiæ?

Logos ergo narrat aduersarius, cum Pontifici integrum esse negat Reges, Principes, Senatores, contumacia lapsos, excludendi templis, Sacramentis, congressuque hominum.

Agedum ergo quoniam decretis, oraculis, exemplis, factisque summorum Pontificum superiores sumus, pro nobis an ratio similiter faciat, vestigemus. Equidē cum de vindicandis sceleribus agitur, eius est maxime, in eam rem incumbere, quem ē plebe ad Reip. gubernacula sublimem fortuna extulit. Nec enim inferri pœna potest sine sententia, nec hanc alius dicere, quam qui autoritate præditus, in salutem Reip. commodumque priuatum ciuium, Dei principisque voluntate excubat. Iam hoc quæro ecquid non imperia, sceptræ, regna, Curia, Pontificis potestati sint obnoxia? nam quem lateat ei nostri, ei Principum, ei orbis vniuersi curam commissam, cum in personâ Petri iussus est à Seruatore Christo, quantum est vbiq; hominum in salutaria diuini verbi, Sacramentorumque pascua, tam facto præire, quam voce, *Pasce oues meas*.

Ergo quem de cœno, scæceque facti homines, Pontifici cultum non abnuunt, hoc eum Principes, hoc procures exhibere ardentius conuenit, quo ex celsiori quam illi loco, ad conspectum positi, in quamcunque partem incubant, maiorem secum animorum inclinationem trahunt,

Bene habet, iam causæ nostræ fundamenta sunt iacta. Nam si Pontifici obsequi Reges debent, si tiaræ sceptræ subiici, si diadema sacræ purpuræ, si Romanæ curiæ priuata Regum, vt ad obsequium pronos præmiis, sic immorigeros, sic dueros, sic peruicaces, iustis in vrbe suppliciis puniri posse quis non videt?

Equidem quod Paulo, hoc ex causa, om-

nibus Episcopis licere scripsit Hieron. in Oseam; quare vt ille Corinth. ab Ecclesiæ gremio abstractum, sathanæ ob libidinem dedit in interitū, sic & hi quos potentioris suis sceleribus Ecclesiæ vident esse dedecori, vt corrupta labe membra, ne reliquo corpori contagio sua obsint, spiritali censurarum esse refecāt. Sic Firmilianum à Stephano 11. factis emotum Cyprianus narrat, quod collatum ab hæreticis Baptisma, inane esse diceret. Sic eodem auctoritate præside, Africanæ Synodi suffragiis confectus interiit, & Christianorum turba homo non ignobilis quod moriens Presbyterum contra decreta Præsulum, liberis suis intutorem adoptasset, mitto cæteros, ne, quod nolim, commemoratione rei minimè dubiæ, tempestrahere, arguar.

Ergo à Pōtifice Principes, si quid forte eos peccare contingat, vapulare nobiscum eligant, aut si parere nolunt, submoueri sacris, orbari Sacramentis, sine nobis non abnuant.

Sexto est, hoc quoque in regni priuilegiis, quod Rex ab vlllo regni sui, aut alterius Antistite, excommunicari nequeat, nec vt talis palam, ante in publica concione hominum renunciari suis popularibus, ita Feraldus priuilegio 6. Regni liliorum, Grassalius lib. 2. regaliū iure nono in cuius rei fidem, duas Feraldus à duobus Pontificibus Clemente V. & Martino, eius nominis item V. Bullas ea de re Regi datas narrat Clementi addit Grassalius loco proxime citato, Ioan. XXII. in Extrauag. frequentes circa finem de iudiciis, sed de Rege ibi ne verbum quidem, sed tantum de mendicantibus.

Quod autem tam Feraldus, quam Maynardus lib. 8. tit. 23. Chenutius in additionibus ad Paponium arr. 9. Fabr. de maioribus & minoribus beneficiis num. 51. & litera Q. ad marginem, Grassal. lib. 2. de iure regaliū iure nono parag. hinc est secundo, asserunt concessum quoque esse Regis officiariis, vt excommunicari similiter nequeant, pro actu exercitiū iurisdictionis temporalis, vt loquuntur, exemptosque ab Episcoporum iure, eorum auctoritate ac sententia, moueri de Ecclesiis non posse, quamuis in eius leges statutaque, fungendo suo munere, suæque obeunda prouincia peccent, credere vix possum.

Fac enim nobiles, corporis regii stipatores, ministeriis regiis occupatos in aula homines, vacationem fori Ecclesiastici habere, fac fulmina Ecclesiæ ab Episcopis in eos, cum sunt nocentes, stringi non posse, breui virtus, breui artes omnes expulsæ de ciuitatibus exulatum ibunt, infinita dicendi agendique licentia pro iis in eas reuocata. Quia



tamen regni praxis sic habet centumviralis A  
curiæ firmata decretis, quorum Feraldus  
privilegio 6. iuris liliorum, & Grassal. loco  
proxime citato, meminere, eam improbare  
nec volo nec audeo.

Septimò certius est, quod de excommu-  
nicatis in Concord. dicitur tit. de excommuni-  
catis vitandis 9. statuitur, eorum nempe qui  
notorij sunt Clericorum percussores in  
Francia, non necessario Christiano homini  
vitanda esse commercia, nisi cum sunt è  
superiore loco denunciati, ac pro talibus ha-  
beri iussi expresse, id est de nomine, ac spe-  
cialiter, aut certe sic eos notorie, ac perspi-  
cuae, in excommunicationis sententiam con-  
stat incidisse, nulla ut id queant, tergiuersa-  
tione celare, aut aliquo iuris suffragio excu-  
sare, quo quia tueri se possunt, notorij per-  
cussores Clerici, aut factum tergiuersando  
obtegere, ut si exempli causa, causentur se  
læsos, nec nisi honoris causa repercussisse,  
ex Nauar. in *Enchirid.* cap. *Ultimo num.* 26.  
dicere non metuo, eos, etsi vulgo ut Cleri-  
corum percussores cunctis cognitos, non  
necessario tamen fugiendos, quod solis per-  
missum est Gallis, cum in Constantiensi in  
*Extravag. ad evitanda*, & 17. q. 4. can. *si quis sua-*  
*dente diabolo* 28. iubeantur singuli modo ra-  
tionis capaces, ab eorum congressu, ut à sco-  
pulo animæ, ac gratiæ abscedere, Nauar. in  
*Enchirid.* cap. 27. num. 77. Sylu. verbo *excom-*  
*municatio* 6. num. 3. Caiet. eodem cap. 10. Aui-  
la 2. parte disp. 3. dub. 11.

Postremo etsi excommunicationis pœna,  
pulsari soliti sint contumaces, nulla spe eius  
tollendæ, nisi suæ amentię modum ante  
posuerint, & quæ expensa sunt in litem re-  
fundant, & iudicatum se facturos satisdato  
spondeant, ex Innoc. III. in cap. *cum olim*, &  
cap. *ex parte de verb. significat.* Hoc tamen  
tempore maiori lenitati apud Gallos est lo-  
cus, nam post solum edictum Melodu-  
nense, in cuius articulo 23. verabat Rex di-  
carum relaxationes appellatione pēdente so-  
lui aut remitti, curiæ placuit, ad tēpus earū  
vim suspendere, dū de appellatione iudiciū  
fieret, excepto duntaxat, si ij qui ad caute-  
lam, temporariam solutionem petunt Ec-  
clesiastici sui vinculi, ex manifesta offensa  
anathemate ferirentur, aut expromisso-  
rem, vademque suæ aduersus Ecclesiam fu-  
turæ reuerentiæ, dare renuerent, ita decre-  
tum est autoritate principis in comitiis  
Andegauensibus, quos nos magnos, dies  
dicimus anno 1539.

## QVÆSTIO VI.

In qua explicantur dubia, de his qui excommuni-  
care, & excommunicari possunt.

PRIMUM, *An Prelati, qui iurisdictionem*  
*quasi Episcopalem sibi vendicant, ac proinde*  
*possunt in subditis sibi gentes animadvertere cen-*  
*suris Ecclesiæ, potestatem hanc suam delegare*  
*alteri valeant?*

Valent, id ut sentiam, suadet hæc ratio,  
B quod qui Regularibus præsumt, Generalis,  
Prouincialis præpositus, Guardiani, Prio-  
res, Rectores, iurisdictione non tantum in  
interno, sed externo quoque foro polleant,  
eaque ordinaria, non tantum ex privilegio,  
sed etiam communi iure, sunt enim eorum  
pastores, Henriq. lib. 13. cap. 24. num. 3. qui-  
bus ex propria ratione sui muneris incum-  
bit, illos regere, ut ad bonarum studia ar-  
tium, stimulos illis addere, ita & à vitiis re-  
uocatos, continere in officio, at qui ordina-  
rium agit, proque tali habetur in Ecclesia  
C Dei, cum est ad eius gloriam, ac cōmodum  
subditorum necesse, aut utile, partes suas in  
administrando cōnobio, potest alteri com-  
mittere, ergo & excommunicandi.

Fit autem per privilegium Pontificis, vi  
cuius eximuntur privilegiati ab ordinariis,  
eorumque cura, primo, ut territorium Ge-  
neralis tam latè pateat, quam orbis, secun-  
do, ut regulares ab eo, aut Abbate, ad Epif-  
copum prouocare nequeant, sed ad solum  
Pontificem.

D Secundum, *An & quare, bestiarum adiu-*  
*ratio sit vetita?*

Dico primò, *Adiuvare creaturas irrationales*  
*directione sermonis ad eas, quasi ipsæ se moueant,*  
*aut nobis aduersa efficiant, malum est, malitia*  
*quæ sit Vanitatis propria.*

Primò, quia ridiculum est credere, in ani-  
mantes rationis expertes intētionem no-  
cendi cadere, ergo eas alloqui, peratque ac  
si id illæ vellent, aut possent non velle, va-  
num est.

E Dico secundò, *Adiuvare tamen eas posse, ut*  
*ab alio mouentur ad nocendum, & quidem si his in*  
*eum finem Deus utitur, orandus est, ut placetur,*  
*easque, ac illarum vim aliò deflectat ne noceant,*  
Diu. Thom. 2. 2. q. 90. art. 3. quod si adhibe-  
buntur à Dæmone in hominum perniciem,  
iubendus erit autoritate Dei, ut noxa, dam-  
nisque inferendis abstineat.

Dico tertio, *Culpam quæ in adiuvandis ac ex-*  
*communicandis huiusmodi rebus admittitur,*  
*superstitiosa cuiusdam Vanitatis esse.* Sanch.  
10. 1. in Decal. lib. 2. cap. 42. num. 39. Suar.

com.

tom. 5. in 3. parte diff. 5. sect. 1.

Ratio est, quod cum ratione animantes hæc careant, non possit non esse ridiculum, ac vanum, eas à nocendo censuris deterre-  
re velle, aut credere id istis artibus assequi quem posse, est hæc tamen culpa eiusdem Sanchesii opinione levis, quia, inquit, est sola vanitas quadam, nec animus sic adiuvantis est ridiculos facere exorcismos, ibid. num. 27.

Tertium, *An consuetudine induci excommuni-  
catio possit ac debeat.*

Sola nequaquam, ei superioris addi sen-  
tentia debet, aut certe constitutio, Nauarr. cap. 27. num. 7. Ostiensis apud Angel. Verbo excommunicatio 1. num. 6. Sylu. Verbo excom-  
municatio 1. num. 4.

Causa est, quod excommunicatio utpote odiosa, coactiuam potestatem exigat, quare necesse est ut constet, inductam esse ab habente potestatem, & qui excommunicare possit, ac valeat, qua potestate subditi cum careant, consuetudinis authores esse ne-  
queunt, quæ excommunicationem inferat. Si tamen alicubi consuetudo inualuit, ut tale quid faciens aut omittens v. c. carnes in Parasceue comedens, non communicans in Paschate, censeatur excommunicatus, eaque à Superiore, cuius est excommunicandi, ap-  
probetur, qui in eam commiserit, ea pœna tenebitur, non secus ac si sententia in eum dicta foret.

Ratio est, quod consuetudo rationabilis, ac præscripta legis vim habeat, ut docet D. Thom. 1. 2. q. 97. art. 3. Sylu. Verbo consuetudo num. 3.

Quartum, *An Angeli, vel homines mortui, excommunicandi ius habeant.*

Nequaquam, si de iure communi agitur, si de dispensatione Dei, secus.

Pars prior probatur, solis viatoribus est hæc potestas à Christo tradita, Ioann. 20. Matth. 16. & 18. his, quorum fit in quæstione mentio, viatoris appellatio non conuenit.

Quid? quod hominem ab homine regi doceat, quod mutua inter ipsos colloquia, commerciaque intercedere oporteat, ut iu-  
uare se inuicem, suamque promouere salu-  
tem maiori facilitate possint, quo non nisi viatoribus, hoc est superstitionibus facere est concessum.

Pars posterior, non minus est certa, quam prior. Enimuero habet Christus potestatem clauium absolutam, plenam, nec limite v-  
lo definita, quare ut claudit, & nemo aperit, aperit & nemo claudit, ita & eam quando, & quibus placet, committere potest delibatam, aut integram, sicut in templorum conse-  
cratione, ac Præsulum, contigisse est cer-

Atum. Amphilocheus enim in Episcopum consecratus est ab Angelo, Nicephor. lib. 11. cap. 20. Bellarm. lib. 1. de Sacrament. cap. 24. Ecclesiam S. Michael in monte Gargano dedicauit in honorem Angelorum, Diu. Thom. 3. parte 9. 64. art. 7. Iuuit alius Re-  
migium, cum Clodouei baptizandi beata il-  
luxit dies, eius enim inungendo sacro ver-  
tici oleum cum deesset, ampullam diuini cu-  
iusdam plenam, è cælo delatam baptizanti Remigio Angelus obtulit.

Quintum, *An excommunicatus excommuni-  
care valeat.*

Si est denunciatus, & non toleratus, hæc ei potestas non conuenit, in hunc sensum capi debent quæ ab Alexan. II. scripta sunt Vale-  
riano Martyri, ac à Gratiano relata in causa 24. qu. 1. can. 4. his verbis: *Audiuimus quod Henricus Rauennæ visus sit te excommunicare, Verum quia excommunicatus te excommunicare non potuit, Apostolica autoritate, te tuosque absoluen-  
do, mandamus exinde nunquam curare, præcepti est hæc causa, quod excommuni-  
catus, vsu potestatis iudicandi careat, Gregor. IX. testimonio in decretali exceptionem 12. de exception. ubi dicitur à iudicis officio re-  
pellendus, etsi non opponatur exceptio, quæ causa est, cur lata ab eo sententia infirman-  
da dicatur in cap. ad probandum 24. de sentent. & re iudicata, ergo cum esse hæc sine pote-  
state, eiusque vsu libero nequeat, dictaque à vero iudice ex causa iusta, in irritum reuo-  
cari non debeat, ut iubetur rescindi, quæ est ab eo prolata, qui est excommunicationis vin-  
culo publice innodatus, dicendus est excom-  
municare non posse, cum est denunciatus. Possit autem cum toleratur ab Ecclesia, id-  
que ob causam contrariam, nempe quod tunc vsu publici officii non sit priuatus.*

Sed enim (inquies) excommunicatus pu-  
blice, sed toleratus, est extra Ecclesiam. Omnino, sed negotamen inde sequi eum potestate ad excommunicandum necessaria priuatum esse.

Ratio est, quod hæc dignitatem sequatur non personam: toleratus autem, in officii dignitate, & vsu permanere sinitur.

Sextum, *An sede vacante Capitulum, aut creatus ab eo Vicarius in spiritualibus, excommu-  
care possit.*

Potest ita Rebuff. par. 1. praxis rubrica de deuolutionib. num. 62.

Ratio est, quod Episcopo satis functo, Ca-  
pitulum succedat in necessariis, cuius etiam vices tam in temporalibus, quam spirituali-  
bus obire dicitur, in cap. penult. & ult. de sup-  
plenda negligent. prælator. in 6. at est crebro necesse, reprimi vitia, coerceri magnæ faci-  
nora censura Ecclesiastica, cum si impunita

fuerint, si iusta eis nulla pœna imposita, pefsum ire omnia, bonas euertere artes, virtutum studia interire in Republ. sit necesse, excommunicare ergo ac suspendere, Capituli Vicarius vacante sede poterit Bonifacio teste de maiestate & obedient. in 6. cap. Vnico, his verbis: *Episcopali sede vacante, Capitulum, seu is, ad quem Episcopalis iurisdictio tunc temporis noscitur pertinere, iis, quibus posset Episcopus si viueret, ab excommunicationis sententia siue iuris, siue hominum fuerit, absolutionis beneficium impertiri potest, nisi ei fuerit à sede Apostolica specialiter interdicta potestas.*

Septimum, *An Episcopo si non est è superiori loco prohibitus, rem negotiaque habere vlla cum fidelibus, ins sit excommunicandi nocentes, cum res ipsa, ratioque culpa exigunt.*

Sensus est, an Episcopus in arma ruere Ecclesiæ, iisque contumaciam frangere semper valeat, cum non est à Superiore, culpa sua eiecetus ab Ecclesia.

Dico, *Non posse, quia cum non sola excommunicatio potestatis sua vsu priuat, qui tamen ad excommunicandum expeditus esse debet ac liber, sed & alia, quorum tripertita est ratio.*

Primum est, cum qui est Episcopo superior, ei prohibet, ne potestate sua utatur, ne quem suspendat, aut excommunicet, sique contra faciat, id pro irrito habendū esse, vt fecit Bonifac. VIII. in cap. quia plerique 4. de officio ordinar. in 6. vbi ab Episcopis censurarum metu retineri fideles, iisque interdicti vetat, ne quæ sunt ad Monasteriorum utilitatem opportuna, Abbati aut eorum superiori renuncient.

Secundum, quod ab infligenda censura Episcopum cohibet, est, cum ab eo ad superiorem est appellatum, antequam eam interrogauerit, quia tali appellatione potestas eiulque vsus suspenditur in Iudice, cap. pastoralis 28. de officio delegati cap. is cui 20. de sent. excommunic. in 6. si contra faciat, acta eius omnia sunt irrita, de restitut. spoliator. cap. significantibus 38. de officio delegati cap. ex conquestione & ibi Glossa penult. de restitut. spoliator. cap. ad presentiam de appellat.

Tertium tempus, in quo Episcopo non excommunicato, excommunicare non licet, est cum à reo ex causa rationabili ac honesta est recusatus in iudicem, siue antelitis contestationem, siue post, cap. si quis contra clericum, de foro compet.

Octauum, *An excommunicari possint heretici.*

Coniunctis sententiis hoc ipsum docuere, & factorum canonum & Theologiæ magistris, videndus, Sylu. in verbo heresist. q. 13. seu numero 19. Angel. verbum. 26. quorum alterq; est in munere sacræ inquisitionis egre-

giè sapienterque versatus, nam etsi foris sint, fuere tamen aliquando intus, in Ecclesiâ enim cooptati sunt per Baptismum, quod est satis vt puniri queant, Apostolus autem cum ius cognoscendi de his qui sunt foris adimit Episcopo, de iis durat exat loquitur, qui nostris non sunt vnquam imbuti Sacramētis, quare sicut, qui militiæ nomen dedit, esse sub sui Ducis potestate non desinit, quamlibet ad hostes deficiat, aut sub altero duce stipendia faciat, à quo reuocari si poterit, iustas haud dubiè transfugii sui ac defectionis pœnas dabit, ita & hæreticus, eoque quā ille iustius, quod baptismi characterem, quem culpa delere nulla potest, conferuet, cuius tamen occasione ac causa, Ecclesiæ subiicitur, videndus, D. Th. q. 22. additionum art. 6. ad primum.

Nonum, *Quid de iis sentire oporteat, quibus privilegium id conuenit, excommunicationi subesse ne possint.*

Respondend. primò, tribui id Papa posse nemini, ne à se plecti possit, aut corrigi, quia Ecclesiæ sibi cœlitus commissæ curam abii-cere nequit, aut deponere, cum eius, ac quotquot est vbique hominum sit Pastor, (quod enim Petro à Christo est olim dictum Ioan. 20. *Pasce oves meas*, illud ipsum Papa quoque sibi dictū existimare debet) ita nec est vllus, qui se eius potestati subtrahere, ac furari plenè possit ac integrè, ouis est, ad pascua duci, indeque domū reduci debet, ac si quādo de via abierit, pedito, lapide, aut baculo, in ouile cogi. Quod si ab Episcoporum foro, Papæ beneficio subductum se quis dicat, primo ipsa mihi priuilegii verba videntur discutienda, exinde forma, tertio aliorum si quæ eius generis vnquam sunt concessa, praxis, vsusque in Dei Ecclesia, quarto Papæ diplomata bullasq; legi placet, vt ex iis sciri queat ac erui, ecquid postmodum tale priuilegiū fuerit Papæ auctoritate reuocatum, aut Conciliorū decretis, oppositoq; vsu, ac more eoque legitime præscripto abrogatū. Enimvero Regulares constat, ab Episcoporum exēptos iure, in multis eisdem esse, vt Apostolica sedis delegatis subiectos per Concilium, vt videre est sessione 5. cap. 2. sessio 6. cap. 3. sess. 7. cap. 7. & 14. sess. 23. cap. 16. parag. nullas sess. 24. cap. 1. 2. 4. sess. 25. cap. 4. 11. 13. 14. nec infrequenter concessa à se priuilegia Papa reuocat vt colligitur, ex cap. de const. iur. in 6. & quando in indulto est expressum, quod quis non possit compelli, excommunicari, & interdicti, sic capiendum non est, vt non possit excommunicari simpliciter, sed vt non possit excommunicari pro tali causa, vel nisi facta priuilegii mentione, vt hic, vel vt non possit ab alio excommunicari, quam à Papa, prout est concessum (vt fertur)

Regi



*Regi Francie, ut est in libro liliorum Regis Francie 6. per Ioan. Feraldum. Rebuff. in praxi beneficiorum par. 1. tractatu de forma provisionis nona verbo sed si venerabili fratri nostro, quod autem de Rege scripsit hic author, ad Imperatorem quoque pertinere vult, Sylu. in verbo excommunicatio 1. num. 10. parag. nec similiter, ei assentiuntur Antoninus, 3. par. tit. 21. cap. 75. Armilla verbo excommunicatio 28. et si enim suis olim subessent Episcopis Imperatores ac Reges, ut Ambrosii factum loquitur à quo Theodosio imperatum narrant historiæ, ut publicè sub excommunicationis pœna pœnitentis animi signa daret: Baron. to. 4. pag. 531. è re tamen est communi, eos hoc tempore quoad hanc pœnam non subesse ordinariis, ob turbarum metum prope certum, si publicè, deque loco superiore excommunicati renunciarentur ab Episcopis.*

*Decimum, An exemptione loci tantum, excommunicari possint occasione contractuum, aut delicti extra locum exemptum admissi.*

*Posse dixit Innoc. quartus in decretali volentes de privilegiis in 6. Declaratione irrefragabili definimus, quod quantumcunque sic exempti gaudeant libertate, nihilominus ratione delicti siue contractus, aut rei, de qua contra ipsos agitur, ritè possunt coram locorum ordinariis conveniri, & illi, quoad hoc, suam in ipsos iurisdictionem exercere, quam legem suo quoque approbavit calculo Concil. c. 14 sess. 14. sess. autem 5. c. 2. monentur Episcopi id laborare, ut Parochi, Dominicis & Festis diebus plebes sibi commissas pro sua, & earum capacitate, pascant salutaribus verbis, id vero, si quis eorum præstare negligat, etsi ab Episcopi iurisdictione, exemptum se quavis ratione prætenderet, provida solitudine non desint ne illud impleatur, Eodem cap. parag. si vero, habetur Regularibus prædicandi verbi Dei potestatem ab iisdem Episcopis adimendam, si errores in populum disseminaverint, diem autem iis dici oportere ac pœnam imponi, si hæreses prædicaverint, etiamsi prædicator ipse, generali vel speciali privilegio exemptum se esse prætenderet, quo casu Episcopus auctoritate Apostolica, & tanquam Apostolica sedis delegatus procedat.*

*Dixi ratione loci nam qui occasione cordinis, quem profitetur, aut personæ quam agit & sustinet in Dei Ecclesia, est à censura Episcopali, Papæ indulgentia exemptus, ubicunque eum peccare contigerit, à suo excommunicari Præsule non poterit, Innoc. IV. decreto qui de huiusmodi hominum genere sanxisse legitur in cap. 1. de privilegiis parag. in eos, ne ordinarij iurisdictionem suam, quantum ad ista, ubicunque illi fuerint, penitus exercere possint.*

*Pars secunda.*

**A** *Vndecimum, An qui dubitat utrum sit excommunicatus, pro taliter se debeat.*

*Duplex est dubium, iuris vñum, facti alterum. Dubium iuris est, quando facta diligentia dubitatur, an excommunicatio à iure sit imposita, aut homine, an secus. Dubium facti, est cum scitur quidem, à lege aut superiore dictam esse excommunicationis sententiam, sed ignoratur an hoc, aut illud opus, ea comprehendatur, & an per illud sit incurfa.*

**B** *Dico primò, Dubitantem antecensuram sit lata, & post moralem diligentiam adhibitam ut de re constaret, hærentem in eo dubio, non teneri se pro excommunicato gerere, & à sacris abstinere, nec privatim nec publicè: ita Suar. to. 5. de censur. in 3. part. disp. 40. sect. 5. num. 15. Sanch. tom. 1. Decal. lib. 1. cap. 10. num. 32. Henric. lib. 8. de Enchirid. cap. 45. Sa verbo dubium numero 2.*

*Ratio est, quod nemo tenetur lege, quæ sibi non est sufficienter proposita, nam nulla obligat nisi promulgata, promulgatur autem, cum auctoritate Superioris proponitur observanda populis,*

**C** *At quando facta morali diligentia, ut de re constaret, sciri tamen non potuit, an lex aliqua censuræ esset, necne, talis lex, non est quantum sufficit, dubitanti proposita, ea ergo hic non tenetur.*

*Confirm. melior est conditio possidentis quam non, at in hoc dubio, tota est pro libertate possessio: ergo, &c.*

**D** *Secus quam nos opinantur Bresserus lib. 4. de conscientia dubia cap. 9. Valq. 21. q. 19. art. 6. disp. 65. cap. 3. & disp. 66. cap. 1. Azor. to. 1. instit. moral. lib. 2. cap. 19. q. 10. Comitol. lib. 6. q. 57. nu. 3. firmamenta huius sententiæ præcipua sunt.*

*Primum, quod in dubio morali, animus ad eam partem, quæ periculi est expers, sit flexendus.*

*Secundum, quod ita Innoc. III. in cap. illud de Clerico excommunicatio minist. existimet ibi enim Hildesemensem Episcopum arguit, quod dubius de excommunicatione in se lata, diuina officia solemniter celebraverat, qui tamen, quia in dubiis via est eligenda tutior, etsi de lata in eum sententia dubitaret, debuerat tamen potius se abstinere, quam Sacramenta Ecclesiastica pertractare.*

**E** *Respondendum primò, reprehendi Episcopum illum, quod cum fama publica narraret, eum excommunicatum, ei tamen non detulerit, sicque se certo peccandi discrimini obiecerit.*

*Secundò dici potest, Innoc. in ea opinione fuisse ut crederet, in dubiis, hoc est cum animus obparia rationum pondera in neu-*



tram partem propendet, tutiora omnia amplectenda cuique esse, quod visquequaque verum esse non putamus.

Dico secundò, *Cum dubium est facti, & à dubitante adhibita est diligentia, ut sciret ecquid à se gestum comprehenderetur sub censura, quæ data à superiore dicitur, non teneri se pro excommunicatione gerere, aut à sacris abstinere.*

Ratio est, quod durum sit nimis, aliquem sine certa excommunicationis à se incurse notitia, sacrorum sibi usum interdiceret, a-besse autem à consortio, congressusque propinquorum, cum id non sine magno suo facere queat incommodo.

Secundò, dubitare an factum aliquod de eorum sit genere, quod censura comprehenditur, est dubitare an lex sit & præceptum de eare impositum, at cum hoc dubio, quod iuris est, removere se nemo à sacris, eorum usui, aut fidelium congressui Ecclesie lege, aut naturæ tenetur: ergo &c.

Huius opinionis assertores sunt & patroni, Sanch. *ta. 1. de cal. lib. 1. cap. 10. nu. 33.* Suar. *ro. 5. de censuris disp. 40. sect. 5.*

Duodecimum, *Quid consilij sit ei capiendum, qui ignorat, an is cum quo congregatur, de eo sit excommunicatorum genere, quod ex Concilio Constantiensis Martiniq. V. decreto est vitandum.*

Est hæc questio disceptata & finita à Diu. Thom. *quodl. 4. q. 8. art. 14.* eique respondet in hunc modum. *Dubitatio de excommunicatione aliquorum, aut prædicti sententiam iudicium, aut sequitur, si prædicti, puta, cum nondum est declaratum, per iudicium consensum, aliquos esse excommunicatos, non sunt vitandi, quousque certo iudicio terminetur, sed si ambiguum oritur, postea concordem iudicium determinationem, magis standum est sententiæ iudicium.* Hæc S. Doctor, cum quo consentiunt Angel. in *Ver. excommunicatione 8. num. 13.* Nauar. in *summa cap. 27. Sylu. excommunicatione 5. n. 2.*

Rem ergo vniuersam distinctione explanandam censeo, ex S. Doctoris, aliorumque de prompta doctrina. Ergo si ruior fama, que, ex periti cuiuspiam hominis cautiue orta scientia, nartret excommunicationem absolutum esse, ut prudentia iuadet ei credere, ita & ratio iustitiæque exigunt, dubitationem omnem abiici, ecquid cum eo rem negotiaque habere, iura finant, quia nec viro probo, testibusque idoneis abroganda fides, quod sit hæc negatio, illis perquam iniuriola. nec retinenda sit homini dubitatio, quæ amorem erga alium perimit, societatem dissoluit, discordiarum cum eo semen-tem facit.

Quod si communis multorum sensus abit in contrariam, credi debet, censura nequa-

quam exsolutum esse, ac proinde commercium eius, colloquiaque vitanda, nisi forte ipse de se oppositum diceret, isque esset, propter probitatem vitæ, ac reuerentiam Ecclesie legibus à se semper exhibitam, cuius fides, in suspitionem vocari mendacii sine eius iniuria, damnoque non posset, tunc decenti se absolutionem & veniam ab Ecclesia impetrasse, credi potest, ac hæsitatio-ne omni reiecta ei communicari.

Decimumtertium, *An materia paruitas, in lege, excuset ab excommunicatione.*

Exempli causa visum est Ecclesie ob iustas causas, prohibere hunc sub excommunicatione, in eam legem quis peccat, de re aliena auertendo quid modicum, ut asses tres aut quatuor, quæritur, an hic sit in excommunicatorum habendus numero.

Respondendum negative, mihi in hac opinione præeunt graues Magistri, ac Summarum scriptores, quibus ita sentiendi causa vnica.

Nempe quod quæ à culpa mortali excusant, excusent quoque à censura, quid ita vero? nimirum esse hæc nequit, nisi sit contra mortalis culpæ certa eaque iusta pena, qualem non committit, qui modicæ rei contra fas auertit, est reus, ergo quæ à peccato excusant lethifero, à censura quoque liberant. Ita Grassius decisionum parte 1. lib. 4. cap. 8. num. 5. ait, eum excommunicatione contra loquentes Monialibus, non teneri, qui vni cupiam de illis, salutem diceret, aut tantillum, id est paucis, ac breuiter cum ea sermonem fereret, in quo ei altipulantur Finellus de casib. referuatis cap. 5. nu. 10. Antonin. Diana parte 3. tract. 5. Miscel-

D laneo *resolut. 69.* non probo tamen, quod temporis, ad peccandum necessario, limites tam exiguis præstituit, ut illud, spationi Psalmi *Miserere*, excedere non posse asserat: quam est enim à Dei alienum caritate, eum æternis maculare velle supplicij, qui tantillo tempore contra præceptum Ecclesie sermoni indulgeat ac lingux?

Decimumquartum, *An cum est certum, à Superiore in peccati certum genus per censuram animi aduersum esse, incertum autem, an is comprehendatur ut ceteri, teneatur, si quid in legem peccauero, pro excommunicato me gerere, fidelium congressum, commerciaque fugere, à re diuina abstinere.*

Non teneri, credere. Azor. *ta. 1. institut. moral. lib. 2. cap. 19. q. 12.* Salas *rat. disp. vnica sect. 18. num. 169.* si de rei veritate facta morali indagine, certi nihil appareat, sed eadem quæ ante, dubitatio animum percellat, ecquid quæ delinquentibus excommunicationem, irregularitatem aut quam-

libet aliam censuram, lex irrogat, vsu sit recepta, aut in me meique similes lata?

Causam sic sentiendi vnam habet, quod in pœnis pars sit amplectenda benignior, quod eū facere asserunt, qui post adhibitam diligentiam, vt de re sibi certo hæsitatione omni reiecta constaret, in eam partem flectit animum, vt existimet, legi vim deesse necessariam obligandi, quia v. c. est abrogata, quia vsu non recepta.

Scripte oppositum cæteri, princeps omnium, Sanch. 10. 1. Decal. lib. 5. cap. 10. num. 34. Fagund. in 2. precept. Decal. lib. 2. cap. 10. nu. 9. quorum calculo adiungo meum, hoc nomine maximè, quod cum de lege constet, stet pro ea præsumptio, & possessio, hinc enim argumentari sic placet.

Libertatē suā ac antiquæ possessionem, obtēdere iuste meritoque nemo potest, cū lex est certa, stat enim tunc pro ea possessio: at ex hypothesi constat legem esse, quæ factum facinus sub censura prohibet, quæ tamen an sit vsu cōtrario abrogata, nescitur ergo &c.

Ad rationem aduersæ partis respondendum, non dubitari de pœna, vt benignior suscipiatur interpretatio, sed de lege dubitari an sit abrogata, & in hoc dubio non apparet quomodo pars sit interpretationis amplectenda benignior.

Decimum quintum, *An excommunicatio incuratur ob culpam præteritam, id est quæ cessauit, nullamque contumaciam habet adiunctam.*

Nequaquam, omnis enim censura, vt est in cap. ex parte de verbor. significat. in eo super quem cadit, contumaciam exigit, eius enim vt subeundæ, ita & infligendæ, causæ duæ.

Prima cum reus iussus, & citatus ad iudicem, comparere non vult.

Secunda, cum iussus pro peccato commissio satisfacere, recusat: at habent ambæ hæ culpæ contumaciam, cum in vtraque reus superioris iussa facere nolit ac renuat.

Decimum sextum, *An excommunicatio ferenda, præsupponat peccatum mortale in eo, cui metus eius incurrere incurritur, nisi obsequatur legi auiudici.*

De suspēsiōe, irregularitate, ac interdicto nullus nobis hic sermo, has enim cēsura cum sunt cōminatoriæ; culpā nullam præsupponere, diximus antea, itaque de excommunicatione omnis est quæstio, hæc verò non similiter diiudicatur ab omnibus. Tradit Sanchez 10. 2. summa lib. 6. cap. 4. num. 50. cogi posse neminem ad opus, aut eius omissionem, sub metu, ac comminatione censuræ, nisi ante culpam aliquam lethalem conficiuerit.

Ratio eius est, quod lex quæ sub excommu-

nicatione quidpiam omitti aut fieri, præcipit, communiter monitionem non exigat aliam, vt excommunicari transgressor valeat.

Præsupponit ergo talis excommunicatio culpam in eo contra quem est perscripta, lethiferam.

Secus visum est Greg. de Valent. in prima secunde disp. 7. q. 5. punct. 7. Caietan. in summa verbo præcepti transgressio Driedoni lib. 2. de libert. Christiana, Castro Palao in opere morali tom. 1. tract. 3. disp. 1. puncto 15. num. 13. quo loco hæc habet: *Si excommunicatio est ferenda, tunc plures Doctores affirmant esse signum sufficiens transgressionis sub mortali: Et quidem, si excommunicatio sine vlla monitione & contumacia possit inferri, cenfeo certissimum. At quia existimo, cum censura annexa non est peccato, indigere semper alia monitione, vt imponatur, ea de causa, non est sufficiens signum mortalis obligationis. hæc ille, quæ hac ratione firmari possunt. Quod imperentur multa sæpe, de se adiaphora, quæ fieri, aut omitti, huius aut illius, speciatim non interest, sed solius Reipubl. hæc autem negligere, aut præterire, peccatum esse in particulari quopiā, quis existimet? si hic ab Episcopo, aut alio eius nomine, non moneatur, voluntatis esse suæ, illa ipsa omitti, aut fieri, quæ facienda singulis sua præscripsit leget. Non est ergo ferenda excommunicatio, signum mortalis obligationis, nisi cū promulgatur cū animo statim illam sine vlla monitione inferendi, Sanch. loco proxime citato nu. 51. & seqq.*

Decimum septimum, *An nominatim excommunicatus cuitari debeat, non tantum cum certo scitur excommunicatus, sed etiam cum de eo dubitatur.*

Respondend. vitandum esse cum fieri id potest sine magno incommodo eorum qui vitare debent, non fugiendum autē cum metuitur damnum notabile: prima pars habetur in cap. cum desideres de sent. excomm. vbi consultus Pontifex respondet, ab eius congressu colloquioque, abstinendum videri, quem fama Clericum percussisse narrabat, donec vel se purget, vel ad cautelam absoluator, quæro enim cur eum ad cautelā absolui oportuit, & alios eius carere colloquio, nisi quia in dubio incurrendæ censuræ, pars est sequenda tutior? sic enim in eam sententiam Innoc. III. in cap. illud de Clerico excomm. ministrante. *Quia tamen in dubiis vid est eligenda tutior, etsi de lata in eum sententia dubitaret, debnerat tamen potius se abstinere, quam Sacramenta Ecclesiastica pertractare, scilicet Episcopus Hildesemiensis, qui dubius de excommunicatione in se lata, diuina officia etiam solemniter celebrarat, à quibus*

O ij.

cur quæ corpore suo, ac animo supplicia, A maturam ætate viri tolerant, euaderent illis sæpe nequiores pueri? Quare eorum est petulantia excommunicationis fræno premenda, ne æquitatis limites exeant, aut si est egressa, sapere ut discat, volensque aut inuita ad officium redeat.

At quando? quoue ætatis anno, huius censuræ frænos, illis iniicere licitum? Sotus in 4. dist. 12. q. 1. art. 11. pueros negat ante duodecimum annum, legibus Ecclesiæ pœnifque subiaci, quam sententiam in 4. dist. 18. q. 1. art. 3. iterat his verbis: *A septem annis vbi desinit infantia, & incipit pueritia, peccare possunt, suis tamen præceptis & censuris, non vult Ecclesia, ante duodecimum annum, vel quantum decimum cogere, sed relinquit eos sub diuino iure.* Diu. Anton. in 2. par. tit. 9. cap. 8. parag. 2. pueros ante vndecimum annum à legibus Ecclesiæ maximè de confessione libet, consequenter à censuris.


Quid in re incerta consilij capiam, certius nihil habeo, quàm quod à nonnullis traditur, tum pueros legibus Ecclesiæ teneti, cum eas nosse possunt, cum quid, & quatenus, per eas cuique aliquid est licitum sciunt: ea enim mente prudentiaque cum sunt instructi, vt iis obsequendo laudem, ita & pernam ac

vituperium merentur, cum ab iis vltro ac volentes adeunt, quo autem anno maximè, eius sint capaces notitiæ, non vnius, idemque est omnium sensus.

Visum est nonnullis anno 10. aliis septimo, hoc eos bono à natura frui, cum enim eo tempore ob male facta verecundentur, ad bona autem spe laudis ac præmij allici à magistris soleant, signum est in iis haud dubium deliberantis animi ac ratione vtentis, consequenter obligationis ad parendum impositis sibi legibus ab Ecclesia, & ad pernam, si qua illis iniungitur ob earum violationem, forti subeundam animo. Ad hanc me opinionem inducit Couar. auctoritas in relectione capitis alma mater, de sentent. excomm. parte 2. parag. 4. num. 5. vbi censet interdictum locum habere in pueris qui post septennium, verba sunt eius, *etsi non sint dolique capaces, percipiunt tamen, & intelligunt aliqua ex parte, cognitionem habent diuinorum officiorum, cognoscentes missarum solemniam pertinere ad cultum diuinum, & ad Christianæ religionis professionem.* sic enim disputo peccantes pueros punire potest Ecclesia, dolique capaces interdicto afficere, ergo & excommunicatione, par enim ad vtrumque iurisdictio exigitur, par culpa.

○ iij





# DISPUTATIO TERTIA

## DE ABSOLVENTE A CENSURIS.

### • QVÆSTIO PRIMA.

*Absolutio ab Excommunicatione quatuorplex.*



ST hanc Quadruplex, absoluta, conditionata, ad cautelam, & reincidentiam. Absoluta datur pure, & simpliciter sine hypothese, aut restrictione ad tempus, vel modum

aliquem, conditionata habet hypothese[m] pendente[m] à præsenti, prætérito, vel futuro, quæ si defuerit, quo tempore exigitur ab absolvente, & poni deberet, absolutio erit nulla.

*Ad cautelam*, datur ei, qui non scitur certo excommunicatus, ut si forte fuerit, à censura liberetur. Innoc. IV. in cap. *Venerabilibus* 7. de sentent. in 6. vel ut ei cum cæteris, hisque cum illo agere liceat, aut ne eius facta sint irrita, sequæ sine metu offensæ tueatur cap. *Veniens* 2. de testibus.

Datur ergo absolutio ad cautelam, cum aliquis per superiorem absolui postulat, dum in se latam excommunicationis sententiam asserit esse nullam, Innoc. IV. in cap. *solet* 2. de sentent. excom. in 6. & tunc petenti, absolutio non est neganda, quamvis excommunicator vel adversarius se opponat, nisi eum excommunicatum, pro manifesta dicat offensa ibid. excommunicatus autem qui ad probandum admittitur, pendente probationis articulo, si quid in iudicio attentaverit, auctoritate dicti Pontificis est vitandus: Extra iudicium vero in officiis, postulationibus, & electionibus, ac aliis legitimis actibus admittitur, cap. *solet* 2. de sentent. in 6. nec fit irregularis si ante absolutionem celebret, Rebuff. in additionibus ad regulas Cancellarie.

Datur insuper Absolutio ad cautelam, quando sententia redditur nulla ex conie-

A ctura probabili, aut præsumptione, vel fama est aliquem esse excommunicatum, de quo tamen certo non constat, & tamen vult animæ suæ consulere, vel actum aliquem exercere, à quo excommunicatum iura repelli statuunt, Rebuff. in praxi benef. tractatu de additionibus ad regulas Cancell. reg. 64. qui addit talem absolutionem impediri, primo si per procuratorem petitur, secundo si ineptè, tertio si à non suo veroque iudice, quarto si forma non servetur, ut accidit, cum absoluitur satisfactione non præstita, quinto impeditur hæc absolutio, ratione temporis ut si festo die petatur, c. *finali de feriis*: Solemnibus enim feriis (nisi necessitas urgeat, vel pietas suadeat) usque adeo convenit ab huiusmodi abstinere, ut consentientibus partibus, nec processus habitus teneat, nec sententia, quam contingit diebus huiusmodi promulgari, Greg. IX. cap. *consequens* 5. de feriis.

*Absolutio ad reincidentiam* datur pro certo tempore tantum, aut cum aliqua conditione, quam si absolutus non impleverit, rursus in excommunicationem non eandem quidem, sed priori similem incidit.

Dixi similem nam censura illa in quam quis reincidit, non est eadem numero cum illa, quæ per veram absolutionem sublata fuit, est tamen similis, quia ei æquivallet, eademque moraliter reputatur, Sanch. lib. 2. moral. cap. 13, num. 28. quare qui propter mortis imminentis periculum, aut aliud legitimum impedimentum, ab alio absoluuntur, si cessante postea periculo, vel impedimento huiusmodi, se illi a quo his cessantibus absolui debebant, quam cito commode poterunt, contempserint præsentare, mandatum ipsius super illis, pro quibus excommunicati fuerant humiliter recepturi, & satisfacturi, prout iustitia suadebit, decernimus, ne sic censura illudant Ecclesiastica, in eandem sententiam recidere ipso iure, Bonifac. VIII. in decretali eos qui 22. de sentent. excomm. in 6.

Circa dicta quæritur, An petenti absolutionem ad cautelam, nocere ea petitio possit, & proinde reputare eum oporteat pro excommunicato.

Non



Non nocere, nec per hoc fateri se excommunicatum, dixerit Panormit. *ad ca. ad presentiam de appel. & Portel. parte 3. casum casu 29.*

Ratio est, quod multa, vitandæ molestiæ causa, dici agique soleant, quæ nec sunt necessaria, nec admissæ alicuius culpæ confessio tacita.

Ex dictis inferendum primò, absolutionem iudicalem esse sententiam, qua quis Sanctorum communioni restituitur, patet ex formula absoluendi ordinaria in qua est, *Restituo te Sacramentis Ecclesiæ, & communioni fidelium.*

Ratio est, quod absolutio id dissolvat, quod excommunicatio ligauerat, iusque quod erat ablatum restituit, reponendo eum in eum locum, in quo erat ante excommunicationem.

Inferend. secundo, excommunicatum, in integrum absolutione censuræ restitui, nam hæc priuationem bonorum spiritualium admittit, quod esse nequit nisi restituto priori iure ad sacrificia, suffragiaque Ecclesiæ quibus eum excommunicatio priuauerat, quodius est instar habitus, priuationem formaliter expellens, sicut lumen tenebras.

Inferendum 3. non alia bona excommunicato per eius absolutionem restitui, quæ per se primo, & præcise ei excommunicatio ademerat, alia quæ ei occasionaliter tantum sunt ablata, non reparat, ut Episcopatum, dominium, principatum, iurisdictionem, quibus occasione censuræ excommunicatus excidit, hæc enim ut recipiat decreto nouo iudicis est opus.

## QVÆSTIO II.

*Potestas absoluendi à censuris cui ordinariæ sit commissæ.*

**C**ensuræ ut peccata quælibet remitti sine iurisdictione nequeunt, quod absolutio sit iurisdictionis actio sane puniri aut absolui nocens non potest ab alio quam iudice, ob quam causam appellatur absolutio à Trident. iuridicalis actus, ac postulati iudicii ratio, ut in eo, sententia dicatur ab habente potestatem, ergo & iurisdictionem, quæ proprie nihil est aliud quam potestas legitima dicendi iuris vel iudicandi.

Ut autem est hæc iurdictio duplex, delegata & ordinaria, ita & hominum duo sunt genera, quibus licet id facere cum fructu, Ordinarii scilicet iudices, ac Delegati, qui hoc sunt à se se inuicem distincti, quod illi potestatem absoluendi ordinariam habeant,

**A** hi delegatam, est autem potestas ordinaria ea quam Prælatus Ecclesiasticus suo iure non alieno mandato habet, proprioque nomine exercet, ut habetur *lege & quia nec ff. de iurisdictione*, hæc autem id est delegata, potestas, est qua quis ordinarij aut delegantis nomine fungitur.

Ordinarij autem iudices hi fere sunt, summus Pontifex, eius Legati, Patriarchæ, qui & Primates à quibusdam appellantur, nam ut dicitur *dist. 99. Primates & Patriarchæ diuersorum sunt nominum, sed eiusdem officij.*

**B** Quartò, Episcopi & Archiepiscopi habentes subditos.

Quintò, Generalis, & perpetuus administrator Cathedralis Ecclesiæ à Papa datus.

Sextò, Vicarius à capitulo electus, quando vacat Pastore Cathedralis Ecclesiæ, *Trid. sess. 14. cap. 6.*

**C** Septimò Cardinales in Ecclesiis, quæ eis assignatæ sunt pro titulo *cap. his quæ pro Ecclesiis 11. de maiorit. & obedientia*, ubi ab Honorio Papa III. Clericis & Capellanis Ecclesiæ S. Laurentij in Damaso præcipitur, *ut Cardinali qui tunc est in ea Ecclesiâ, manua- lem obedientiam, & reuerentiam, & honorificentiam omnem exhibeant, correctionem ipsius Cardinalis recipientes humiliter, & excommunicationis, interdicti, & suspensionis sententias, quas tulerit in eos, & Ecclesiis eorundem, inuolabiliter conseruantem, cui enim stringere, vincire ac innodare, eidem quoque soluere est concessum, ergo cum primum Cardinalis possit, poterit & alterum.*

**D** Octauò, ab excommunicatione absoluunt Abbates, & Prælati Monachos suos, ac regulares. *Portelius in addit. ad Verbum Abbas num. 1. & in verbo excommunicatio num 18. & sequentib. de dubijs regular.*

**E** Nonò, collegia, quo nomine accipienda est congregatio quælibet Clericorum, siue secularium, siue regularium, ab Ecclesiâ approbata, ut Concilium Generale, Pro-uinciale, Diocesenum, & Capitulum Canonicorum habentium subditos, Capitulum item regularium, quibus competit cum ordinarij nomine potestas eius propria, ac proinde absoluendi, quæ an aliis quoque competat in mortis articulo, aut cum ob solam communicationem cum excommunicato, incurfa est excommunicatio dicitur in questione proxime sequenti.

## QVÆSTIO III.

*An in mortis articulo excommunicatus quilibet, absolui possit à quolibet, aut ad cautelam.*

**P**rima assertio, *Ab excommunicatione ad cautelam, & in omnem euentum, Sacerdos quilibet absoluit.*

Paret ex communi absoluendi forma, vñtata in Ecclesia, in qua approbatus absoluerese velle dicit, in quantum potest, pœnitensque indiget.

Secunda Assertio, *Ab excommunicatione minori, absolueret potest Sacerdos quilibet approbatus.*

Probat, *ex cap. nuper 29 de sent. vbi Papa ait, cum qui communicauit cum nominatim excommunicato, absolui posse à suo Episcopo, Parocho, vel proprio Sacerdote, ac per Parochum ac proprium Sacerdotem et si intelligantur alii quam simplices Presbyteri non tamen diuersi ab approbatis: ergo qui à mortalibus absolueret poterit, quia est approbatus, poterit quoque ab excommunicatione minore.*

Quid si præter Sacerdotem simplicem alius nullus sit super?

Multorum est Doctorum opinio, censuram hanc, ab eo non posse tolli, in eam mentem veniunt, inducti hac vna causa, quod absolutio actus sit iudicialis, valide ergo, riteque vt exerceatur, iurisdictio est in exercente necessaria, at omni est destitutus simplex sacerdos, ab eo ergo (inquiunt) excommunicatus minore excommunicatione absolui non potest.

Opinionis huius auctores ac patroni Diu. Antonin. in 3. par. titulo 25. cap. 2. parag. 2. Richard. in 4. dist. 18. art. 9. q. 3. Rosella in verbo absolutio num. primo, Angel. ead. titulo num. 1. Caiet. in verbo excommunicatio tractatione postrema de excomm. Auila parte 2. cap. dub. 1. disput. 1.

Ego nodum hunc solui posse existimo, distinctione facili. Aut enim habet excommunicatio minor ortum à veniali culpa, aut incurritur ob mortalem si primum, à Sacerdote quolibet etiam simplici, remouere eam posse dicunt, hi authores Tabiena in verbo Absolutio 2. num. 5. Nauar. in summa ca. 27. num. 25. Altiliodorenf. in summa lib. 4. q. 4. Diu. Thom. in 4. sentent. distinct. 18. q. 2. art. 5. ad primam quest. vbi scribit his verbis: *Respondet dicendum ad primam questionem quod à minore excommunicatione quilibet potest absolueret qui potest absolueret à peccato participationis, sed à peccato participationis venialis*

**A** quilibet potest absolueret, cum peccatorum venialium remissio sequatur potestatem Ordinis vt affirmat Diu. Thom. in ead. dist. & questione ar. 3 Si autem originem suam trahit à mortali, hæc à Sacerdote simplici absolui non poterit.

Obicit Auila loco citato excommunicatione minor est censura, quæ imponitur à iure, sed censura, cum sit vinculum, exigit in eo à quo dissoluitur iurisdictionem in foro exteriori, qualem nullam habet simplex Sacerdos.

**B** Minor est neganda, nam hoc ipso quod illi à peccatis absolueret permittitur, conceditur etiam eidem siue à Deo, siue ab Ecclesia vt possit censura laxare, quæ ex tali peccato in actu aliquo humano, atque politico sine vlla censuræ clauiumque contempione duxit originem, Comit. lib. 6. responsion. q. 36.

Obicit 1. quod est in cap. nuper de sententia, ibi enim interrogatus Pontifex, à quo posset absolui, quis cienter cum excommunicato nominatim, rem negotiaque habuit, respondit ab Episcopo, Parocho, vel proprio Sacerdote, quorum nominum tribui simplici Sacerdoti nullum potest, ergo &c.

Respondendum in eo canone, agi de eo, qui excommunicationem minorem, ob culpam mortiferam subiit, nullo modo ob venialem.

Secunda assertio, *Absolutio censuræ cuiuslibet, à quolibet Sacerdote impartita, in mortis articulo est valida*, quia vt habet Trid. sess. 14. cap. 7. licet eo tempore cuiuslibet, perpetua lege Ecclesiastica quemlibet à peccatis suis Sacramentaliter expositis absolueret, ergo & à censuris. Antecedens est certum, nam quis credat Ecclesiam tùm velle Sacerdoti clausum aliquid aut reseruaturn esse? quod si foret, quod pro charitate est institutum, haud dubie in noxam vergeret innocentium.

Consequentia probatur, Sacramentalis absolutio dari nulli potest, nisi à censura ac excommunicatione libero, cum per eam excommunicatus priuetur, tam actiua Sacramentorum administratione quam passiuæ, ergo si in mortis articulo potest à Sacerdote cœtu quilibet, quemlibet reconciliare Deo per gratiam, & peccatorum eius remissionem, poterit & à censuris, quarum nulla tum est reseruata secundum Trid. loco citato,

Excipit cum B. Thom. 3. parte q. 82. art. 7. ad 2. Nauar. in summa cap. 26. num. 26. & in Commentario can. 1. dist. 6. de pœnitent. hæreticos atque schismaticos duo hominum genera, quæ quia cœlo ac terræ sunt exosa valide quidquam facere non est probabile, Ecclesia

clesia ius (inquiunt) negante illos absoluendi, à quibus, fide ac religione abhorrent quod ira esse decuit, ne in confessione materiam seducendi fideles caperent, eosque impellendi in fraudem, ac exitium erroresque veritati Christianæ oppositos.

Est tamen contraria sententia priore probabilior ac tenenda quam defendunt Paludanus in 4. dist. 25. q. 5. Sylu. verbo *Confessor* 1 §. 16. Toletus lib. 1. cap. 14 quia in tanta ac tam præsentī necessitate abhorret à pietate optimæ matris Ecclesiæ solitaque eius erga liberos suos charitate, eosdem necessario salutis remedio priuare, faceret id vero, si de animæ salute periclitanti, quia de peccatis suis vero ac necessario contritionis dolore non tangitur, Sacramentum pœnitentiæ diuinitus comparatum ad salutem adipiscendam ei negaret: ergo de voluntate licentiaque saltem tacita Ecclesiæ urgente fato aut eius probabili periculo, absolvere à censura qualibet & proinde ab excommunicatione Sacerdos quilibet poterit.

Extra ea tempora, non valet absolutio data ab iis, cæterisque, auctoritatem ad eum effectum non habentibus, quos & ab ægro, cum eum in mortis absoluunt periculo, exigere est necesse sancte ac religiose, sibi ut iuret, se ubi conualuerit, commodaque erunt tempora, superiorem absolutionis causa aditurum, nec ab eius amodo imperatis discessurum, habetur in cap. ea noscitur 13. de sententia excomm. cap. quamuis 58. cap. de cetero 11. eiusdem tit. item cap. nuper 29. ob quæ promissa Sacerdoti facta, si moribundus ubi ei per valetudinem fas erit non impleuerit, suis antiquis ac Ecclesiæ hoc est excommunicationis nodis reuincietur ut est in decreto Bonifac. VIII. eos qui 22 de sent. in 6.

Tertia Assertio, Hoc erant olim lapsi Diaconi, quod sunt Christianis hoc tempore periclitantibus de salute Presbyteri, quare, ut ab his isti, ita & à Diaconis illi cū mors premeret, à censura absolui poterant, Cyprianus testis epist. 13. secundum editionem Pammeli iuxta communem decima septima lib. 3. ibi enim cum quidam de lapsis pacem à Martyribus, & confessoribus promissam, per Cypriani absentiam habere se non posse gemit, ad illorum interim mitigandos gemitus, Presbyteris mandat atque Diaconis, ut si qui libello à martyribus accepto de sæculo excederent, exomologesi facta, & manu eis in pœnitentiam imposita, cum pace mitterentur ad Dominum, sanctissimi Martyris sunt hæc verba epist. 13. Occurrendum puto fratribus nostris, ut qui libellos à Martyribus acceperunt, & prerogatiua eorum apud Deum adiuari possunt, sincommodo aliquo & infirmitatis

Pars secunda.

A periculo occupati fuerint, non expectata presentia nostra apud Presbyterum quemcumque presentem, vel si Presbyter reperiatur non fuerit, & in gere exitus caperit, apud Diaconum quoque exomologesi facere delicti sui possint, ut manu eis in pœnitentiam imposita, veniat ad Dominum cū pace.

Ita porro esse ut in assert. ponitur argumenta mihi suadent bina.

B Primum, erat pax quam Confessores ac Martyres, destinatis eam ad rem libellis suis ad Episcopum & Clerum, dari lapsis postulabant, relaxatio satisfactionis per Episcopum pœnitentibus impositæ, atque ad Ecclesiæ communionem admissio, Pammelius in commentario epistola 10. Cypri. num. 3. quod quia esse non poterat, nisi sublata censura, quæ Christum in tormentis negantibus, tanquam culpæ suæ iusta pœna, erat imposita, dicebantur peccata dimittere Presbyteri ac Diaconi, cum lapsis reditum permittebant in Ecclesiam, Cypri. teste in epist. 22. sed lapsorum reparatio, sed eorum ad sacra Ecclesiæ reuocatio, Sacramentorumque ac liberè cum fidelibus cuiusquemodi communicationis concessio, excom. peccando contractæ certa est ac indubitata remissio, fuit tum hæc ergo, Episcoporum voluntate, ac concessu, in Diaconorum iure, Nam de peccatis absoluendis eorum opera ac studio, intelligi posse quæ in epist. citata Cyprian. scripsit, quis putet? cum ad Presbyteros solos ista Seruatoris verba pertineant. Quorum remiseritis peccata remittuntur eis, quorum retinueritis retenta sunt eis. Ius, inquit Ambrosius, lib. 1. de pœnit. ligandi atque soluendi solis Sacerdotibus est permissum, ad quos, ut alibi dicit, ab Apostolis est transmissum, eadem scripsere Hieron. & Hilarius in Matthæum.

D Secundum, certum est dogma iuris, eiusdem esse soluere, cuius ligare, sed Clemente teste lib. constit. 8. habuere Diaconi absente Presbytero potestatem excommunicandi, ergo & absoluendi: Quam sibi quoque Cypriani xuo cum incredibili vendicarent ausu Martyres, in carceribus Christi causa hærentes, ut indicat hæc Luciani Martyris ad Celerinum oratio epist. 21. Scire debes quid circa nos actum sit, cum benedictus Martyr Paulus, adhuc in corpore esset vocauit me, & dixit mihi, Luciane, coram Christo tibi dico, ut si quis post arcessionem meam (hoc est mortem) abs te pacem petierit, des in nomine meo, sed & omnes quos Dominus in tanta tribulatione arcessere dignatus est, vniuersi ex compacto vniuersis pacem dimisimus. Cum hanc (inquam) sibi Martyres condonandæ culpæ ac censuræ per eam contractæ licentiam arrogarent, enumeratio restitute Episcopi, Cyprian. præ cæteris, Deique esse, non alterius, delictis quæ in

P



cum sunt admissa, largiri veniam intrañt. de lapsis, argumentis è sacra petitis pagina ostendit, ex quo sequi ait, quod si quis praepræ festinatione temerarius remissionem peccatorum dare se cunctis putat posse, aut audet Domini præcepta rescindere, non tantum nihil prodest, sed et obest lapsis, pronocasse est iram, non seruasse sententiam, nec misericordiam Dei prius deprecandam putare, sed contempto Domino, de sua facultate presumere.

#### QVÆSTIO IV.

De quibus censuris absolvere possunt ordinarij.

**O**rdinarios hic eos nomino qui regendi populi potestate sunt præditi, quam ipsi sibi vendicant ratione beneficii quo fruuntur, aut curæ pastoralis qua funguntur autoritate summi Pontificis, cui soli, tanquam supremo principi Ecclesiæ conuenit, ordinarium constituere iuxta ea quæ dicuntur 2. q. 6. can. à iudicibus 34. ubi hæc leguntur: Ordinarij sunt qui ab Apostolico, ut Ecclesiastici, vel ab imperatore, ut saculares, legitimam accipiunt potestatem.

Ordinarios inquam hic appello, quibus ex officio competit Ecclesiastica iurisdictio in foro externo, quali potiuntur qui potestatem habent condendi iuris, vel statuti, cum adiectione censuræ. In quibus locum habet haud dubie Concilium, argumento est quod à sacra Synodo Ephesina act. 5. parte 2. Cyrillus Alexandrinus, & Memnon Ephesinus, ab excommunicationis in eos latæ à Ioanne Antiocheno, & 49. Episcopis, nexu sint soluti, similiter in Ephesino 2. Eutichiani Monachi, ut refertur in actione 1. Chalcedonensis Concilij, Synodo supplices accidunt, ac ut eius autoritate, ab excommunicatione sint liberi demisse petunt, quid enim dici ab iis in eam rem poterat ardentius, propter quod supplicamus vestre sanctæ Synodo, condonetur nobis quod pro tanto, tamque iniquo cruciatu, quem inique sufferimus à sacerdote, reddere vero nobis communionem iniuste ablatam, illi vero talia perpetranti vicissitudinem eorum, quæ communicauit iniuste: in Concil. autem Nicæno can. 5. hæc leguntur, qui suo peccauerint Episcopo euidenter, excommunicati rationabiliter ab omnibus astimantur, usque quo vel Episcoporum congregationi placeat, vel Episcopo humaniorem pro talibus ferre sententiam, & in Rhe mensi sub Dagoberto anno Christi 630. significatur, enitendum esse, ut nullus temere excommunicetur, & si excommunicatus existimat se iniuste damnatum, in proxima Synodo habeat licentiam reclamandi, & si iniuste damna-

tus fuerit absoluator.

Pari cum Synodo potestate gaudet Capitulum sede vacante cap. 2. ne sede vacante, nam in omnibus quæ iurisdictionis sunt succedit Episcopo, nisi in casibus iure expresso vetitis, Barbosa de officio Episcopi alle. 51. Pari cum isto fruuntur iure, Prælati religionum, ut Abbates, Portelius de dubijs Regular. verbo Abbas, Ordinum Generales, quasi Prælati, ut Prouinciales, Priores Conuentuales, Rectores, Correctores apud Minimos, ita Abbas in cap. possessionum num. 1. de probat. Geminianus in cap. 2. de constit. in 6. Vicarii Generales Episcoporum, si modo delegatione ab iis ad causas omnes sint nacti, Paris. de resignat. lib. 3. q. 11. num. 20. Piascius 2. parte praxis cap. 4. de persona iudicis.

Dico ergo, Episcopis, ac paulo ante memoratis hominibus fas esse reos non solum suarum legum, sed omnium in super, quæ à Conciliis generalibus, vel Romanis sancitæ sunt Pontificibus, cum excommunicatione eaque non reseruata absolvere, Nau. ca. 27. n. 39. Sylu. verbo absolutio 1. n. 4. Henriq. li. 13. ca. 28. nu 5. Auila parte 2. ca. 7. disp. 1. dub. 4. tuetur se hæc opinio Innoc. III. testimonio in ca. nuper 29. de sent. ubi ex commiissione Papæ tacita, qui excommunicatione non reseruata innodatus hæret, dicitur ab alio absolui posse, quam qui eam intulit, modo specialiter eius absolutionem sibi non retinuerit, hoc ipso enim quod conditor Canonis, eius absolutionem specialiter sibi non retinet, concessisse videtur facultatem aliis relaxandi, vera est ergo assertio.

Secundo est tum absolutio excommunicationis valida cum sit consentiente Ecclesia, talis est, quæ ab Episcopis datur, de criminibus à Papa, aut Concilio non reseruatis, cum hoc ipso quo ille, & istud, à quibus est alicui crimini adiuncta excommunicatio, eam non retinent, aliis videantur facultatem concedere eam relaxandi, ut ex Innoc. colligitur loco supra citato.

Dico secundo, Quod Episcopo competit, idem quoque tribuendum esse Legato à latere, quia eadem est eius iurisdictio, ac Episcopi in sua Diocesi, quæ causa est cur ab excom propter non violentam manuum iniunctionem in Clericos, id est eorundem leuem percussio nem incurfa, absolvere eidem liceat ut colligitur ex decretali Innoc. III. nona de officio legati, ubi violenta manuum iniunctione in Clericos, Legatis absoluendi ius esse negat, nisi de speciali gratia id illis à sede Apostolica concedatur, ergo cum exceptio in non exceptis regulam firmet, sola que violenta iniectio manuum à iure Legati remoueat, relaxare leuem poterit.

Episcopi autem per Concil. sess. 24. ca. 26. peccata



peccata reservata Pontifici, modo occulta A  
absoluunt, ut Simoniam in beneficiis.

Secundo, censuras reservatas, quæ sunt  
tres excommunicatio, suspensio, interdi-  
ctum.

Tertio, irregularitates.

Quarto, est etiam Episcopis permixtum  
dispensare cum iis, qui ob culpam privati  
sunt beneficiis aut officiis iam obtentis, eos-  
dem quoque rehabilitare posse ad officiū, vel  
beneficium est probabile, nam etsi Conci-  
lium sess. 24. cap. 6. casuum duntaxat refer-  
uatorum & suspensionum meminerit, nec  
exprimat priuationes officiorum, & inhabi-  
litates hæ, tamen intelliguntur suspen-  
sionis nomine, & in ea includuntur Por-  
tel. ad dubia Regul. verbo Abbas in addition.  
lib. 1.

### QVÆSTIO V.

An excommunicatio à iure non reservata ita ad  
ius Episcoporum pertineat, ut hæc à Páro-  
chis absolvi nequeat.

Absolui non posse, contendunt in re  
Theologica præstantes viri, Durand.  
in 4. dist. 19. qu. 4. Diu. Antoninus 3. parte tit.  
17. cap. 11. Caiet. in summa verbo absolutio 2. nu.  
2. Rosella in verbo Confessor. 1. n. 3. Comitol.  
1. respons. q. 16.

Quibus pro aduersa parte opponimus, D.  
Thom. in 4. dist. 18. qu. 2. art. 2. Bonauen. ea-  
dem dist. q. Ultima, Nauar. Enchir. 27. num. 39.  
Sotum in 4. dist. 22. q. 2. art. 3. concl. 3. Couarr.  
in commentario Alma mater par. 12. quorum  
ego opinionem, quia priore mitior est, se-  
quendam in praxi existimo.

Dico ergo, Ab excommunicationibus quæ  
maiores sunt, nec sunt tamen in iure Papæ aut  
Episcopis reservatæ, Párochos, & religiosos  
posse absolueré. Est contra authores primo  
loco citatos, Piasecium item in casibus refer-  
uatis, & Barbofam de officio Episcopi parte 3.  
pro Angel. verbo absolutio 2. Sylu. ver. absolu-  
tio 1. n. 2. Armilla eodem n. 35. Henriq. li. 13. de  
excommunicat. cap. 37. num. 3. Suar. t. 5. disp. 7.  
sect. 3. n. 23 & Toletol. 1. cap. 16. Præposito de  
censuris in communi q. 1. dub. 14.

Probari potest hæc propositio ratione du-  
plici. Prima autoritate nititur Innoc. in  
cap. nuper 26. de sent. excomm. quo in capite  
expressè habetur excommunicatum ex-  
communicatione non reservata, à proprio  
posse Sacerdote aut Episcopo absolui, ver-  
ba canonis sunt, in secundo casu, à suo Episcopo  
vel proprio Sacerdote poterit beneficium absolutio-  
nis obtinere, quia cum conditor canonis eius abso-

lutionem sibi specialiter non reservauit, eo ipso vi-  
detur concessisse aliis facultatem relaxandi. Ac  
proprio Sacerdotis nomine intelligitur Pa-  
rochus, secundum Præpositum dub. 14. concl.  
1. n. 91. ac quicumque simplex Sacerdos, qui  
à mortali potestate sibi à iure concessa, aut  
delegata à Papa, vel Ordinario, relaxare  
culpas potest in sacro tribunali conscientie  
ut diximus in tract. de penit. Enimvero per  
factā sibi audiendarū confessionū facultatē  
à Párocho, siue alio quouis ordinario, sim-  
plex Sacerdos subditos acquirit, de iis ergo  
in foro penitentiali bene mereri potest  
non secus ac Párochus, vincula quibus atri-  
cti hærent autoritate qua pollet dissoluen-  
do, ergo ut Pontifex committere Episcopo  
potestatem absoluendi à censuris creditur,  
hoc ipso, quod eas fori sui, notitiæque esse  
non præcipit, ita & Sacerdoti cuilibet eam  
tribuere existimabitur, cum par pro eo, simi-  
lisque ac pro Episcopo, ratio faciat.

Hanc porrò potestatem ex commissione  
conuenire Párochis, ac Presbyteris, perz-  
que ac Episcopis, & non tantum tacite, affir-  
mant Reginaldus l. 9. c. 1. sect. 5. num. 15. Lay-  
man. tract. 5. part. 2. cap. 5. num. 1. ob eam cau-  
sam quod in cap. nuper citato, dicat Pontifex  
non reservata ab authore canonis, à proprio  
absolui Sacerdote posse, ad id ergo est hic ab  
eo speciali delectus prouidentia, & proinde  
est hoc ei munus actu & proprie commissum  
à Pontifice, & non virtute tantum ac tacite,  
quia tacet, aut ab eo exerceri patitur.

Obiicies, si Párochus ab excommunica-  
tione maiori, quam author canonis sibi non  
reseruat, absolvere potest in interno foro  
ac conscientie, poterit & in externo valide,  
ac cum fructu, at nemo id asseret, cum reli-  
gius ac Párochus nullam in eo foro censu-  
ræ ferendæ potestatem habeant, non pos-  
sunt ergo excommunicatione istiusmodi ir-  
retitum absolvere.

Maiores est neganda, nam quis nescit, con-  
cessione summi Pontificis, ius esse religiosis  
Mendicantibus, hæretici Deo per absolu-  
tionem reconciliandi in foro interno? quam  
tamen pro externo dare nequeunt, cum ad  
eos non spectet, notam ex hæresi tollere,  
qui qui sunt iniusti, honoribus sunt Ecclesiæ  
indigni, incapaces beneficii, certum ergo  
argumentum à foro externo trahi ad inter-  
num nequit.

Obiicit Comitulus 2. eadem est Párochi  
in absoluendo autoritas, quæ religiosi, &  
vice versa, tanta huius, quanta illius Clemen-  
tina dudum de sepulturis, sed illi hoc est Regu-  
lari, fas esse negat Clemens V. tentare cum  
fructu quidpiam in impertienda absolutione  
ab excommunicatione lata à canone Clemen-

*tina religiosi de privileg.* ergo & Parocho eam postulanti reo concedere, non est Ecclesiæ, canonumque lege concessum.

Neganda est minor, nam in ea Clementina expresse hæc habentur: *Religiosis qui excommunicatos à canone præterquam in casibus à iure expressis, vel privilegiis sedis Apostolicæ concessis, &c.* at decretalis Innoc. III. cui initium nuper 29. tituli de sententia excommunicationis, à censuris in quas potestas Religioso nulla convenit, signate eam Pontifex excipit, quam author canonis sibi servatam non voluit, quam in iure Episcoporum, ac Sacerdotis proprii vult esse: ergo cum ex Clementina dudum de sepulturis, Religiosis è Mendicantium familia tantum in pœnitentium causa audere liceat, quantum Parochis, ut hi, non reservata remittunt: ita & illi facilius idem in pœnitentium commodum ac gratiam poterunt.

Obiicitur 3. postulat hoc æquitas decorique ratio, ut ab eo tantum Pontifex, excommunicationem quam sibi non reservat, absolvi velit, cuius autoritas in Ecclesia irrogandarum censurarum, secundum illum est maxima, cuiusmodi Episcopum esse nemo non intelligit.

Respondendum primo, non omnia, quæ in procuratore adhibentur mentium, venustate decentiaque metienda esse, pendere multa à Papæ voluntate, arbitrioque oportuit, ut eius est, potestatem ab Ecclesiasticis vinculis laxandi dare, ita & cohibendi stringendique cum lubet, vel contra, quod in præsentī negotio accidit, cum ad dissolvendum excommunicationis, sibi non sepositæ nexum, velit Episcopum ac Parochum, idoneos ac capaces esse.

Respondendum secundo, publicum multorum commodum & salutem, vnius cuiuspiam honori, aut decoro potiora esse, exigere autem pacem ac incolumitatem communem, ut præter Episcopum, à quo sæpe fideles, incertum qua ex causa, alieno sunt animo, nec proinde sunt, nisi ægre ac cum labore eum adituri, habeat alios res publica Ecclesiastica, qui egentibus necessaria salutis præsidia, censurarum absolutione suppeditent.

Obiicitur 4. secus olim opinatos esse eruditione ac doctrina præstantes viros, Bonifacium VIII. Benedictum XI. in Extravag. inter cunctas de privilegiis, Richardum de Senis, Vice-Cancellarium Romanæ Ecclesiæ, & Berengarium, cum à quo sextus decretalium est coagmentatus, ac quod modo nos docemus, diserte eos negasse, nempe inferiorem Episcopo Presbyterum, ea præditum esse potestate, qua ornatum cum esse convenit,

A qui à sententia maioris excommunicationis latæ à iure, non reservata tamen: absolvere quempiam satagit.

Respondendum primo, nullum eius rei extare canonem, nullam præterquam in opere, quod de sententia, ac interdicto, Berengarius scripsit, apparere literis testatam fidem.

Dicendum 2. alium à nobis stare Pontificem, contra Bonifacium, virtutum æque, ingenique laude præstantem, cum eoque lectissimam Theologorum sobolem, quos errare in re tanta quis credat?

B Circa prædicta quaeritur primò, *An qui alicui ex causa facultatem absolventi à casibus reservatis tribuit, det etiam laxandi censuras.*

Respondendum, cum distinctione, nam vel ea potestas datur à Papa, vel ab Episcopo.

Si primum, certum est in casibus reservatis comprehendere censuras, cum sibi Papa nihil nisi ratione excommunicationis adiunctæ, reservatum esse velit, Navar. cap. 27. num. 261.

C Si secundum in concessione reservatorum, includi censuras non est probabile, cum hæc à peccatis differant, possintque illa tolli, istis non sublati, quare cum à diversis non fiat illatio, ut ex lege Papinianus exuli ff. de minoribus probat Barbosa de officio Episcopi parte 3. allegatione 52. num. 5. in concessione potestatis ad abstergendam peccati maculam, censura Episcopo reservata non comprehenditur.

D Quaeritur 2. *An cum Episcopus potestatem suam omnem transfert in aliquem, ut audiendis confessionibus vacet cum fructu & pœnitentium commodo, hoc genus excommunicationum quod ad suum tribunal deducere est solitus, censeri debeat, illi permittere.*

E Negat Barbosa allegat. 52. num. 6. Sed contra, nam quid hac formula verborum, quid concessione potestatis suæ tam ampla significat Episcopus, quam se velle ut ei in excipiendis confessionibus tantum liceat, quantum sibi? qui enim potestatem omnem dicit, partem eius nullam excipit, at potest Episcopus reservata absolvere: ergo & per eum delegatus ad hoc munus.

Quod autem est hic de Episcopo dictum, par est quoque intelligi, primo de Legato Papæ, ut summi Principis.

Secundo, de eo cui per privilegium Pontificis perpetuum, vacare reconciliandis per absolutionem mentibus licet, siue quod ea commissi dignitati ac muneri quo fungitur sit annexa, siue quod extra ordinem, ab eo ad hanc tam excellentem repurgandarum mentium provinciam sit electus, ut Mendicantes.

dicantes.

Tertio, intelligi quoque de eo debet cui delegata est causarum vniuersitas, cum vi coactiua, & iurisdictione in vtroque foro, quali potestate Vicarios Episcopi Generales frui non est dubium, nam vt dicitur in *cap. fin. de officio ordinarij*, qui ex propria officii sui ratione, de certo peccatorum ac casuum genere potest absolvere, id ipsum, suo vt faciat nomine, potest cum expedire iudicat alteri committere.

## QVÆSTIO VI.

*Recensentur censure late sententia Papæ non re-  
seruata in iure, & de quibus è Sacerdotum  
numero approbatus quilibet potest  
absolvere.*

**P**rimò excommunicantur qui vi vel metu, absoluedi libertatem extorquent ac exprimunt. Ne autem, inquit Gregor. X. in decret. vnica de his quæ vi in 6. vindicta, violentia crescat audacia, eos qui absolutionem, seu reuocationem huiusmodi, vi vel metu extorserint, excommunicationis sententiæ decernimus subiaccere, esse enim censuram hanc late sententiæ hæ voces indicant: *Excommunicationis sententiæ decernimus subiaccere*; Papæ autem re-  
seruatam non esse, probat eius ea de re silē-  
tium, enimvero si hanc sui duntaxat iuris esse voluisset, vtique declarasset.

Notasse tamen iuuerit satis non esse ad incurrendam hanc pœnam, metum incussum esse, nisi sit sequuta absolutio: *Absolutionis beneficium ab excommunicationis sententia, vel quamcunque reuocationem ipsius, per vim vel metum extortam, presentis constitutionis auctoritate omnino viribus euacuamus*, Greg. X. supra.

Secundò, quia de conditione, naturæque metus non fit in eo canone mentio, quemadmodum nec de censura, iustane sit an iniusta, reuocatio sententiæ quamlibet iniusta, quolibet metutam per se illato, quam alios, etiam leui expressa, excommunicationis pœnam, metum inferenti irrogat.

Dixi expressa nam qui dictam à se sententiam suspensionis aut interdicti, metu quidem reuocaret, sed a se suscepto, non aliunde illato, vt hic culpæ in isto casu nullum dat locum, ita nec pœnæ,

Secundò, excommunicantur ipso facto Monachi, qui arma intra septa Monasterii sine Abbatum facultate penes se habent: dixit in eos hanc sententiam Clemens V. in Clement. ne in agro de statu monachorum, §. quia verononnulli.

**A** Tertio, pari pœna tenentur, qui administrationē aliquam non habentes, ad curias principum, absque speciali pralatorum suorum licentia se conferre præsumunt, neutra tamen est reseruata Pontifici, vt notauit Nauar. *cap. 27. manual. num. 139.* vbi armorum nomine tam offensiuæ, quàm defensiuæ, vt thoraces, cassides &c. intelligit, ab hac tamen pœna excusantur, qui per obliuionem, iuris ignorantiam, negligentiam, arma sibi sine intentione nocendi retinent, id ibid. aut extra Monasterium deferunt, aut ea aliunde venientes adferunt Sebast. Medicis in *summa peccatorum capitalium*.

**B** Quartò, vetat idem Pontifex in Clement. prima de religiosis domibus sub pœna excommunicationis (quam contrarium facientes incurrere vult ipso facto) ne qua mulier Beguinis in eodem vitæ ac professionis genere, sociam se addat, ac comitem, Religiosis vero, per quos eadem mulieres, in huiusmodi beguinali statu foveri, & ad ipsum suscipiendum duci dicuntur, sub simili excommunicationis pœna, (quam eo ipso, si secus egerint incurrant) inhibet, ne mulieres prædictum statum assumptum sectantes, vel de nouo assumptas, quoquo modo admittant.

Ab hac tamen eos censura absolvere, è Sacerdotibus approbatis quilibet potest, quod eam sibi Pontifex specialiter reseruasse non legatur.

**C** Quintò, Fratricelli Beguni, & Bisochi, iubentur esse extra Ecclesiam, lata in eos excommunicationis sententia, quam ipso facto ab iis incurri vult Pontifex, Si statum, siue sectam ab ipsis assumptam sectentur ulterius, Episcopos quoque & eorum superiores, & alios Prelatos quoscunque, qui prædictis personis, vel aliis, ritum viuendi, & habitum supradictos, præter Apostolicæ sedis specialem auctoritatem deinceps concesserint, prædictæ excommunicationis pœnæ, ipso iure decernimus subiaccere, Ioan. 22. in Extrauag. sancta Romana titulo de religiosis domibus, eam tamen remittere potest Episcopus, vel quilibet Sacerdos alius approbatus, eo quod eam sibi non reseruet Pontifex.

**D** Sextò, communicans scienter nominatim excommunicato in crimine criminoso, ei consilium impendendo, auxilium vel fauorem, est excommunicatus, ea nuper de sentent. excommun. 29. & quia est particeps criminis ab excommunicato admissi, ac per hoc ratione damnati criminis videatur in eum delinquere qui damnauit, ab eo, vel eius superiore, delicti tunc erit absolutio requirenda, cum facientem & consentientem par pœna constringat, quia tamen auctor canonis, eius absolutionem sibi specialiter non reseruauit, eo ipso videtur concessisse facultatem &

*liis relaxandi*

Septimò, excommunicatione vincti hærent, non tamen reſeruata, qui ad Cardinales cum ſunt in conclauſi ſcripturam mittunt, aut nuntium, vel qui cum ipſorum aliquo, clam & ſecreto loquitur Gregor. X. in Concil. Lugdun. relatus in *cap. vbi periculum 3. de elect. in 6.*

Octauò, excommunicationem incurrunt ipſo facto Religioſi, qui de ſuperiore loco populum à ſoluendis decimis auocant, *Clement. cupientes 3. de pœnis*, ſed hanc iniure Episcoporum eſſe ac Sacerdotum qui in approbatorum ſunt claſſe, communis eſt Doctorum opinio.

Nonò, Laicæ perſonæ, quæ de fide Catholica publice. & priuatim diſputant, *cap. 2. §. inhibemus, de hæretic. in 6.*

Decimò Doctores qui ſcienter Religioſos leges aut phyſicam docent, eoſque in ſcholis ſuis habitu dimiſſo retinere præſumunt, *cap. vbi periculosa 2. ne Clerici vel Monachi in 6.* ſimiliter & religioſi qui ad ſtudia literarum pergunt licentia ſibi ante à Prælato non conceſſa cum conſilio ſui Conuentus, aut maioris eius partis Bonif. *ibid.*

Vndecimò, qui bona Eccleſiarum, Monafteriorum, aut locorum ipſorum vacantium occupare præſumunt ipſo facto decreto Greg. X. in *cap. generali 13. de elect. in 6.* excommunicationi ſubiacent non reſeruata tamen quemadmodum nec duæ priores *Sebaſtianus Medicis ſupra.*

Sunt præter has cenſuras & aliæ in decreto & decretalib. numero X. quarum abſolutio Episcopo aut approbatis Sacerdotibus in Parœciis eſt permiſſa.

Prima habetur in *can. adminiſtratores cauſa 23. q. 6.* iudicesque afficit qui admoniti ab Episcopis, aut aliis Eccleſiaſticis, omittit ius illis reddere ob negligentiam, vel iniquum animum.

Secunda eorum eſt propria, qui non electi à duabus partibus Cardinalium in Papam, ſuæ tamen electioni conſentiunt *cap. licet quinto extra de elect.*

Tertia, ad Doctores & Scholares Bononienses pertinet qui domos Doctoris alterius aut Scholaſticorum conducunt *Clem. III. in Decretali prima exreſcripto, de locato & conductione.*

Quarta notat Episcopos in *cap. quoniam de officio ordinarii qui in ciuitate diuerſarum linguarum ſuſcipiunt gubernationem eorum qui ſunt ſui, priuſquam ſuſcipiantur à proprio Episcopo in coadiutorem ſuum.*

Quinta eſt aduerſus eos qui à Clericis vetigalia exigunt aut tributa, cuius auctor Innoc. III. in Concil. Lateranenſi & refertur

A *lib. 3. decretal. cap. non minus 4. & cap. aduerſus 7. de immunitate Eccleſ.* à qua abſolui nequeunt, donec ſatisfactionem fecerint competentem, *cap. 4.* nam etſi egenti ciuitati, vel Principi, à Clericis ſubueniri oporteat, id tamen non aſſentiente Romano Pontifice, aut Episcopis fieri non debere, planum eſt ex certis ſanctionibus Pontificum, & earum interpretum testimonio, eſt *can. aduerſus 7. de immunit. Eccleſiar.* qui eſt Innocent. III. cum præſſet Lateran. Concilio generali quo nihil ad eius rei fidem poteſt eſſe expreſſius, eſt decretalis Bonifac. VIII. cui initium.

*Clericis ſub eod. tit. in 6.* Benediſti XI. conſtitutio in *Extranag.* quod olim de immunitate, Clementis V. in Concil. Vienneniſi generali, *cap. 1. eodem tit.* Leon. X. in Concil. Lateranenſi generali *ſeſſ. 9. in conſtitutione cuius eſt initium ſuperna diſpoſitionis.*

Sexta, in religioſos eſt dicta, qui è cœnobiiis egreſſi, medicinæ aut iuriſprudentiæ dant operam, niſi ea intra bi-meſtre repetant Alexand. tertius in decretali *non magnopere 3. ne Clerici vel Monachi, & Honorius III. in cap. ſuper ſpecula 10. eiusd. tit.*

Septima, excommunicat Sacerdotem qui eſt Vicarius Vicecomitis, aut præpoſiti ſecularis, niſi admonitus, eo magiſtratu aut cura abſtineat, Alexand. III. *cap. Clericis in ſacris 5. Ne Clerici vel Monachi.*

Tres ſunt aliæ, quæ & ipſæ Bullæ ſcœnæ Domini ſunt inſertæ.

Prima eſt de ſchiſmaticis *diſt. 19. can. nullitas.*

D Secunda eos ligat qui bona Chriſtianorum naufragio perdita occupant, & occupata non reddunt, *cap. excommunicationi 3. de raptoribus.*

Vltima eſt contra eos qui ſtatuta contra libertatem Eccleſiaſticam obſeruari iubent, coguntque.

Præter quas, reperio & alias in ſexto decretalium, Clementinis & Extrauaganantibus, contra facinoroſos publicatas, nemini tamen reſeruatas.

Primo enim excommunicantur eius vrbis magiſtratus, vbi creatur Pontifex qui in id pro virili non incumbunt, vt quæ ſancita ſunt in decretali *vbi periculum de electione in 6. parag. præterea,* iuſſaque ſunt ſeruari in creatione Papæ, hæc in praxim redigantur ab electoribus.

Secundo excommunicantur qui vocati à monialibus, vt electioni ab iis de Abbatiffa faciendæ præſint, eamque dirigant, ſibi ab his rebus non temperant, ex quibus naſci vel ali poteſt diſcordia *cap. indemnitatibus 43. §. extremo de elect. in 6.*

Tertio



Tertio, sunt excommunicationis sententia innodati qui Clericos (ad quos in aliquibus Ecclesiis, Monasteriis aut iis locis spectat electio) pro eo quod rogati, seu inducti eum pro quo rogabantur eligere noluerint, vel consanguineos eorum aut ipsas Ecclesias per se vel alios spoliando, seu iniuste alias persequendo, gravare præsumpserint cap. sicut cuncti 12. de elect. in 6.

Quarto, in cap. generali 13. eiusd. tituli usurpantes de nouo vacantium Ecclesiarum custodiam, Clerici quoque earundem, ac Monachi Monasteriorum, qui hoc fieri procurant, excommunicationi Papæ autoritate subduntur.

Quinto, eandem pœnam subire iubentur, à Greg. X. in Concilio generali Lugdunensi Laici, qui Prælatos vel capitula Ecclesiarum, seu alias personas Ecclesiasticas, ad submissiones sibi faciendas bonorum immobilium, seu iurium Ecclesiæ, compellunt, nisi post competentem monitionem, (remissa submissione quam per vim aut metum exegerunt) Ecclesias, & bona Ecclesiastica eis submissa, taliter in sua libertate dimittant, cap. hoc consultissimo finali de rebus Ecclesiæ non alienand. in 6.

Sexto qui per se vel alios, tam suo quam alieno nomine exigunt ab Ecclesiis aut Ecclesiasticis personis portorium seu pædagium, cap. quanquam de censib. in 6.

Septimo in excommunicationis laqueum incidunt, qui nouum ordinem Mendicantium, vel religionem creant, eius habitum sine speciali Papæ facultate alteri communicant. Gregor. X. in decretali Religionem prima de religiosis domib. in 6.

Octauo, qui iurisdictionem Ecclesiasticam ac iudices Ecclesiæ impediunt, ne faciant officium, cap. quoniam 4. de immunitate Ecclesiar. in 6. aut ne coram iis litigetur.

Nono, qui vetant subditis, ne quid Clericis vendant aut ab iis emant, ne frumenta molant, panes coquant, aut alia præstent officia de immunit. Eccles. cap. extremo in 6.

Decimo, Qui hæreticos, credentes, receptatores, defensores, vel fautores eorum, præsumit Ecclesiastica tradere sepultura, usque ad satisfactionem idoneam, excommunicationis sententiæ, Alexand. III. decreto subiaceret, in cap. quæcunque 2. de hæreticis in 6. nec beneficium absolutionis meretur, nisi propriis manibus publice eiusmodi corpora extumulet.

Vndecimo, excommunicatio est in decretali, de inquisitionis negotium 18. de hæreticis in 6. quam Bonifac. Papa VIII. in eos latam voluit, qui cum iurisdictionem temporariam habeant, Episcopis & inquisitoribus operam suam inprehendendis, puniendisque hæreticis rogati non deferunt, aut iussu eam nauare, non obediunt,

A Duodecimo, sunt excommunicati qui per assassinos Christianum interficiunt. cap. 1. de homicid. in 6.

Decimotertio, Clerici modo non Episcopi qui in suis terris versari sinunt sceleratores publicos alienigenas, aut eos inde non expellunt, vel eis ad scœnus exercendum domos locant, Greg. X. in cap. 1. de vsuris in 6.

## QVÆSTIO VII.

B Recensentur excommunicationes Clementinarum nulli reseruata.

Sunt in Clementinis excommunicationes præter iam memoratas plurimæ.

Prima est in capientes fructus beneficii & infringentes sequestrum inductum super eo ab ordinario, Clement. de sequestratione possessionum & fructuum lib. 2. titulo 6.

C Secunda est in eos qui in cœmeteriis interdicti tempore, in casibus non concessis à iure, vel excommunicatos publice, aut nominatim interdictos, vel manifestos vsurarios scienter sepelire præsumunt, à qua absolui prohibentur, nisi prius ad arbitrium Diocessani Episcopi, eis quibus per præmissa fuerit iniuria irrogata, satisfactio competens fuerit exhibita. Clement. prima de sepultur. tit. 7. lib. 3.

Tertia est in Religiosos, qui decimas ex terris aut noualibus ad se non pertinentes occupant, aut solui ab aliis, vi vel fraude obstant. Clement. I. de decimis 1.

D Quarta similiter cadit in Religiosos, qui animo nocendi prælatis suis aut Monasteriis, aulas adeunt principum, Clement. ne in agro parag. quia vero de statu Monachor.

Quinto, qui visitatores monialium impedire præsumunt nisi moniti resipiscant, ipso facto, excommunicationem incurrunt, Clement. I. de statu Monach. lib. 3. tit. 10.

E Sexto, percelluntur excommunicatione qui scienter in gradibus consanguinitatis vel affinitatis constitutione canonica interdictis, aut cum monialibus contrahere matrimonialiter non verentur. Necnon religiosi ac moniales, ac Clericos in sacris ordinibus constitutos matrimonia contrahentes, Clementina prima de consanguin. & affinitate lib. 4. tit. unico.

Septimo, excommunicantur qui literas Papæ recens electi impugnant, antequam coronetur, Extrauag. finali de sententia excommunicationis, inter communes.

Octauo Religiosi non seruantes interdictum aut cessationem à diuinis quam seruat Ecclesia Cathedralis, vel Parochialis oppidi, Clementina ex frequentibus primo de sent. excom. tit. 10. lib. 5.

Nono tenentur hac pœna Mendicantes, qui aliquos ad vouendum, iurandum, vel fide interposita, seu alias promittendum inducunt, vt sepulturam apud eorum Ecclesias eligant, vel iam electam vltius immutent, Clemens quintus, in Clementin. 3. de pœnis parag. sane temerarios.

Decimo, similem sententiã incurrunt ipso facto Religiosi, qui vt audientes à decimarum Ecclesiis debitum solutione retrahant, aliqua in sermonibus suis, vel alibi proferre præsumunt, Clementina cupientes 3. de pœnis lib. 5. tit. 10.

Vndecimo, Clemens Mendicantes in officio metu excommunicationis retinet, ne domos ad habitandum, vel loca quacumque de nouo recipere, recepta hucusque mutare vel ea transferre in alios cuiusvis alienationis titulo audeant.

Duodecima excommunicationis est iis imposita qui Papæ nuntios aut Legatos impediunt, ne ea quorum causa sunt in prouincias missi, exequi valeant, Ioan. 22. in Extrauag. super gentes prima de consuetudine inter communes.

RECENSENTVR excommunicationes quæ sunt in extrauagantibus, nemini tamen reseruata.

Primo in Extrauag. Ioan. XXII. suscepti de electione excommunicantur personæ singulares omnes, quæ fructus vacantis beneficii aliter diuidunt, quam ibidem decernitur, nisi intra mensem resipuerint cum effectu, nisi Episcopus fuerit aut Superior Prælati, nam hi à Pontificalibus & ingressu Ecclesiæ suspenduntur, Capitulum autem, Vniuersitas vel Collegium interdicto supponuntur.

Secundo, sub excommunicationis pœna, omnes, & singuli cuiuscumque status, præminentia, dignitatis, aut conditionis existant, iubentur à Ioanne XXII. à denominatione iurisdictionis, nominis, aut officij sumpta sine Papæ licentia, post vacationem imperii, simulque ab eius usu, & exercitio abstinere cap. vnico ne sede vacante titulos.

Tertio, excommunicantur ab eodem Pontifice in Extrauag. contra de religiosis domibus, qui statum, sectam, siue ritum Fratrum assumptum sectantur, aut ipsum postmodum assumere præsumunt, de quibus antea.

Quarta excommunicatio ab eodẽ in eum fertur, Extrauag. dierum de pœnit. tit. 12. qui Rectorem Anconitanæ prouinciæ, iudicem aut iudices, vel ipsius prouinciæ Thesaurarium tenuerit, ad offendendum illum insequutus fuerit, aut occiderit, &c.

In communibus idem Ioan. eos excommunicat, qui Legatos, vel Nuntios Apostolicos in officio legationis impediunt, Extrauag. super gentes de consuetudine.

A Episcopus item eorumque superiores, hoc est Patriarchas & Archiepiscopos qui habitu transformato venientes ad curiam, de ipsa Romani Pontificis non præsentati conspectibus, vel saltem ab eo recedendi licentia non obtenta, recedunt Extrauag. vt Prælatorum inepta de maiorit. & obedient. cap. 2.

B Sixtus autem quartus, Episcopus, Archiepiscopus, Plebanos, Curatos, Priores, Guardianos, &c. excommunicat qui pacta inter eos conuenta non seruauerint, à qua excommunicatione absolui eos verat, nisi de consensu expresso partis læsæ, & debita satisfactione præmia Extrauag. vt Vices de treuga & pace cap. 2.

C His censuris addendæ sequentes Pauli 2. in Extrau. Ambitiosa de rebus Ecclesiæ non alienandis, contra eos lata, qui eius bona abalienant non seruata forma alienationum propria, Bonifacii VIII. in Extrau. detestande de sepulchris, contra eos qui defunctorum corpora exenterant, & concidunt, vt in loco certo ossa sepeliant, est eiusmodi tamen excommunicatio Papalis, sicut & quæ est à Mart. V. inflicta in Regulares Mendicantes, qui ad alios Ordines transeunt, Carthusiensium excepto, sine Superioris licentia, in scriptis habita, Extrau. viam ambitiosa de regularib.

## QVÆSTIO VIII.

Casus enumerantur, quibus est per Concilium Tridentinum adiuncta excommunicatio eaque non reseruata.

D Primò, qui decimas subtrahunt aut impediunt iubentur excommunicari, nec ab hoc crimine nisi plena restitutione secuta absolui, Trident. sess. 25. cap. 13. de reformat.

E Secundò, Qui alicuius Ecclesiæ, seu cuiusvis secularis, vel regularis beneficii iurisdictiones bona, census, ac iura feudalia, fructus, seu quacumque emolumenta, quæ in pauperum usus ac ministrorum conuerti debent, per se, vel alios, vi, vel timore incusso, seu etiam per suppositas personas Clericorum aut Laicorum, in proprios usus conuertere præsumit, seu impedire ne ab eis percipiantur ad quos iure pertinent, is anathemati tandi, decreto Concilij subiaccere debet, quandiu iurisdictiones, res iure, fructus &c. Ecclesiæ eiusque administratori siue beneficiato integre restituerit sessione 22. cap. 12. de reformat.

Tertiò, Concubinas si qui non eiecerint, seu que ab earum consuetudine non se iunxerint, excommunicatione feriendos esse, à qua non absol-

untur,

uuntur, donec re ipsa admonitioni paruerint, sanxit idem Concil. sess. 34. ca. 8. fieri ergo id non debet nisi postquam dicti concubinarij fuerint admoniti, à quo verò? & quoties? ab ordinario, tribulque repetitis vicibus, Trid. ibid.

Quartò, qui docere, prædicare, aut asserere pertinaciter, aut etiam publice disputando defendere præsumit, ei quem peccati mortalis conscientia grauat, confessionem Sacramentalem perceptioni Eucharistice præmittendam non esse, eo ipso excommunicatus existit, Trident. sess. 13. can. 11.

Quinò, inter raptorem & raptam, constans est nulla potest, fidaque coniugij societas, nisi hæc tuto loco posita, in illud sponte ac libere consentiat, nihilominus raptor ipse, ac omnes illi consilium, auxilium & fauorem præbentes, sunt ipso iure excommunicati, & perpetuo infames, omniumque dignitatum incapaces, & si Clerici fuerint, de proprio gradu decidunt, Trid. sess. 24. c. 6. de reformat.

Sextò, qui inuitos, ac nolentes, ad matrimonia contrahenda adigunt, viri Principes, domini, ac magistratus temporales, anathematis pœna, quam ipso facto incurrant, notantur à Concilio, ac ne directè, vel indirectè subditos suos, impediunt aut quosuis alios, quo minus liberè matrimonia contrahant, ea pœna proposita, deterrentur, à Concil. Trident. sess. 24. ca. 19.

Septimò, excommunicantur qui virginem, viduam, aut scēminam quamcunque, præterquam in casibus iure expressis vi, aut metu ad vouendū in religiosa familia vota tria regularia adigunt, aut capiendum in ea regularem habitum, nec hos modo ea censura stringit, sed & quoscunque qui ad id illos cōsilio, opera, auxilioque conferendo iuue-  
re, quique scientes eam non sponte ingredi Monasterium, aut habitum suscipere, aut professionem emittere, quoquo modo eidem actui vel præsentiam, vel consensum, vel auctoritatem interposuerint, Trident. sess. 25. c. 18. de reformat.

Octauò, Simili anathemati subiicit eos, qui sanctarum virginum, vel aliarum mulierum voluntatem vel accipiendi, vel voti emittendi, quoquo modo sine iusta causa impediunt, Trid. ibid.

Nonò, qui congregitur cum altero singulari certamine, pœnis tenetur homicidarum, infamiae sempiternae notatur laque, excommunicationis irretitur fune, & si in conflictu decesserit, ius ei Ecclesiasticæ sepulturæ est nullum, Tridentin. sessione 25. cap. 19.

Decimò, monomachiam præcipere, suadere, spectare, adiuuare, excommunicatio-  
Pars secunda.

nis pœna proposita prohibentur omnes, sic concilio, ibid. sic Gregor. XIII. sic Clemente VIII. decernentibus.

Vndecimò, ex decreto Concilij ea quoque pœna ad eos pertinet, qui locum istiusmodi conflictui in terris suis concedunt, eoque ipso, in iurisdictione ac dominio ciuitatis, castri, aut loci, in quo, vel apud quem fieri permiserint, quod ab Ecclesia obtinent priuati intelliguntur, Concil. sess. 25. c. 19.

Duodecimo, Episcopis sub obtestatione diuini iudicii, & interminatione maledictionis æternæ præcipitur, ut in omnibus Monasterijs sibi subiectis ordinaria, in alijs vero, sedis Apostolicæ auctoritate clausuram monialium, ubi violata fuerit restitui, & ubi inuiolata est, conseruari procurent, Sess. 25. c. 5. quod si aliquæ restiterint per censuras Ecclesiasticas compesci debent, Bonifac. VIII. ca. periculoso 1. de statu regularium in 6. §. & quoniam, Trid. supra.

Decimo tertio, excommunicationis ipso facto incurrendæ pœna proposita, prohibetur omnibus cuiuscunque conditionis, sexus, vel ætatis fuerint, intra septa Monasterij ingredi, sine Episcopi vel superioris licentia in scriptis obtenta, Trid. sess. 25. ca. 5.

Decimo quarto. Principes orantur, magistratus autem sæculares iubentur sub pœna excommunicationis ipso facto incurrendæ, operam suam & auxilium deferre Episcopis, ut moniales claudi queant implorantibus, Trid. ibid.

Decimo quinto, quandiu monialis probatur, (& idem est de Nouitio in virorum Monasterijs) præter victum & vestitum date cœnobio nihil potest, ne hac occasione discedere nequeat, itaque id illi ne faciat, religiosis autem similiter ne quid ab ea recipiant, sub anathematis pœna, Tridentina Synodus præcipit, sess. 25. c. 16.

Decimo sexto, Clerici qui mulieres parum pudicas, post intermissum earum consortium, hasque dimissas, repetere, aut alias huiusmodi scandalosas adiungere sibi non verentur, excommunicationis gladio iubentur capite diminui Tridentinum sessione 25. cap. 14.

## QVÆSTIO IX.

*Recensentur excommunicationis late sententia  
in Lateran. & Constantiensi Conciliis pro-  
mulgata, nulli tamen reservata.*

**I**N Lateranensi Concilio cui præfuit A-  
lexand. III. à perceptione corporis &  
sanguinis Domini alieni esse perhibentur,  
qui hæreticorum commercia ac congressus  
non vitant, can. 27.

*Credentes præterea, receptores, fautores, & de-  
fensores hæreticorum excommunicationi decerni-  
mus subiicere, (inquit Innoc. III. in Concil.  
Lateran. can. 3.) firmiter statuentes, ut si post-  
quam quilibet talium, fuerit excommunicatione  
notatus, satisfacere contempserit infra annum,  
extunc, ipso iure sit factus infamis.*

Tertiò, iubentur excommunicationis gla-  
dio percuti, ab omni officio & beneficio Ec-  
clesiastico deponi, qui baptizatos à Latinis  
rebaptizant, Innoc. III. in Concil. Latera-  
nensi can. 4. & vero Gallis nefas erat, abs-  
que Pasche solemnitate illo tempore baptizare,  
nisi illos, quibus mors vicina erat, quos graba-  
tarios dicunt. Quod si quis in alio pago, contuma-  
cia faciente, post interdictum hoc, infantes suos  
ad baptismum detulisset in Ecclesias, non reci-  
piebantur. Presbyter autem ipsos recipere præsu-  
mens, tribus mensibus à communione Ecclesie se-  
questatus erat, Antislodor. can. 18.

## QVÆSTIO X.

*Quæ excommunicationes sint reservatæ Papæ.  
in Gallia & vbiq̃ue.*

**O**Mnium prima censenda est, quæ ab  
Innocentio II. contra percussores  
Clericorum est lata in decreto *causa 17. q. 4.*  
*can. si quis suadente 29.* inciditque in tempo-  
ra D. Bernardi circa annum Domini 1130.  
ante quæ tempora fuit Ecclesia à reservatis  
libera, quæ tamen reservatio (ut est homi-  
num, ac xui corruptela) vbiq̃ue crescente  
audacia, ad eius, scelerumque aliorum re-  
medium, crescere Pontificum providen-  
tia debuit, cuius ut exemplum extaret apud  
posteror, sanxit pro potestate hic Pontifex,  
ut si quis in Clericū vel Monachū violentæ ma-  
nus iniiceret, vinculo anathematis subiaceret, &  
nullus Episcoporum illū præsumeret absolvere, (nisi  
mortis urgente periculo) donec Apostolico conspe-  
ctui præsentaretur, & eius mandatum susciperet,  
præter hanc excommunicationē, alia nulla si-  
militer reservata, Decreto reperitur inserta.

Decretales Pontificum literæ, quinque  
tantum continent, quæ Pontificii sint iuris.

**A** Prima, habetur in *ca. quærenti 26. de offic.  
delegati*, estque eorum propria, qui excom-  
municati à delegato Papæ, ab eo, aut Ponti-  
ficeliberari negligunt intra annum, Nauar.  
*ca. 27. n. 40. & 93.* quia ut potestas delegati,  
exunte anno delinit, eiusque sententia  
mandata effectui tunc cessat, sic eam extra  
id tempus prorogare delegatus, aut eius e-  
xequutionem arbitrari non potest suo pro-  
sequi.

Et licet aliquibus extendenda videatur  
hæc pœna ad quemlibet, à quolibet Episco-  
pi delegato censura irretitum, audiri tamē  
**B** non debent, quia de ea re *can. non loquitur*,  
sed de solis Papæ delegatis, quare cum pœ-  
næ non sint communicandæ cum aliis, quam  
quorum fit mentio in *canone de reg. iuris in  
6. reg. 49.* ab huiusmodi Papæ delegatis ad a-  
lium, non videtur trahi posse argumentum,  
nec proinde honeste excommunicationis ab  
isto latæ absolutio deriuari posse ad Papam,  
si intra annum excommunicatus cum Ec-  
clesiā nō redierit in gratiam, & ita qui ab E-  
piscopi Vicario excommunicatus, annum  
& amplius, manebit eius irretitus nexibus,  
& ab Ecclesia exclusus, Papa ei non ne-  
cessario absolutionis obtinendæ causa, a-  
deundus erit, sed Episcopus.

Secunda, ad Clericos pertinet non om-  
nes quidem, sed eos duntaxat, qui in diuinis,  
cum nominatim excommunicato à Papa, &  
denuntiato participant de *sent. excommunic.*  
*cap. significavit 18* vbi sic Clemens III. Cle-  
ricos qui scienter & sponte participauerunt ex-  
communicatis à nobis, & ipsos in officiis recepe-  
runt, eadem excommunicationis sententiā (id est  
**D** maiori) cum ipsis non dubitamus inuolui, quos e-  
riam pro beneficio absolutionis habendo, ad nos  
volumus cum literarum tuarum insinuatione re-  
mitteri.

Ad hanc tamen incurrendam censuram  
quinque exiguntur.

Primo, quod qui communicat, sit Clericus.

Secundo, quod communicet cum excom-  
municato à Papa, & per sententiam denun-  
ciato.

Tertio, quod eius cum eo communicatio,  
**E** sit in diuinis.

Quarto, quod sit spontanea factaque  
scienter.

Quinto, quod eam timor constante di-  
gnus homine non expresserit, Barbossa de of-  
ficio & potestate Episcopi allegat. 50. n. 88. sunt  
& aliæ excommunicationes, tres numero,  
in Decretalibus quas tamen non subiri est  
certum, nisi promulgatæ palam & denun-  
tiatæ ab Episcopo fuerint.

Prima ab Innoc. III. in eum est dicta, qui  
se falsas habere Papæ literas cognoscit nisi illas in-  
tra



tra 20. dies resignet aut destruat, cap. dura 4. de crimine falsi. Non comprehendit tamen hæc censura impetrantes literas subreptitias, de Graphiis ca. 18. num. 99. Barbosa de officio Episcopi parte 3. allegatione 50. num. 86. nec alios quam qui non parent intra tempus à can. præscriptum, post promulgatam ab Episcopo Papæ voluntatem, sic enim Innoc. III. in decret. citata, parag. adicientes Statuimus ut generalem excommunicationis sententiam promulgetis quam per singulas Parochias faciatis innouari, quod si quis falsas literas se habere cognoscit intra 20. dies illas destruat, aut resignet, si panam excommunicationis voluerit euadere quam nisi in mortis articulo sine speciali mandato nostro nolumus à quoquam relaxari.

Quarta est contra incendiarios, nam ca. 19. tua nos de sent. edicitur Episcopis, cæterisque, ne eos ab Ecclesia opera suâ per excommunicationem exclusos, publice, eisdem reconcilient, cum id Papæ solius, in eos beneficium esse oporteat, incendiarij, ergo ab Episcopo excommunicati & publice protalibus cogniti, ex quo sunt per Ecclesia sententiam publicati, pro absolutionis beneficio ad Apostolicam sedem sunt mittendi, Clem. III. ibi, quia tum excommunicati sunt, excommunicatione Papæ reservata de qua re consulendi, Sylu. verbo incendiarius q. 1. & verbo excommunicatio casu 3. Suarez in disp. 12. sect. 2. n. 15.

Dixi Ab Episcopo, quia ut ex Caiet. refert Nauarr. in summa ca. 27. num. 94. nullus est canon in iure, qui eiusmodi homines excommunicet, quare excommunicari eos oportet ab Episcopo, Incendiarij porro nomine, quem vitari conuenit à temporibus Concilij, Constantiensis, hic intelligitur tantum, qui nominatim est denunciatus excommunicatus, secundum Nau. ca. 16. Enchir. n. 94. non autem generaliter tantum. Nec verò quilibet incendiarius motus, aut mouendus est piorum numero, sed is duntaxat, qui facies subdidit loco sacro, & religioso, quo nomine etiam intelligitur cæmeterium, & spatium priuilegiatum circa Ecclesiam, modo ad eam pertineat, Gloss. in can. si canonicum 10. q. 3. & in can. deuotissima 12. q. 2. quare incendiarii, qui autoritate propria, malo studio, odioque, aut culpa lata, ignem subdidit profanæ ædi, agris ac segetibus possunt ab Episcopo absolui si fides est Toletolib. 1. ca. 35. n. 5.

Excommunicatio quinta Papæ reservata cum est denunciata, habetur in ca. conquesti de sent. excommunic. ubi effractor & spoliator Ecclesiæ, postquam ab Episcopo denunciatus est populo, tanquam excommunicatus, ab alio absolui nequit: quam ab ipso Pa-

pa: ab Episcopo vero antequam eius culpa in noticiam communem plebis venerit, per propriam eiusdem sententiam, dummodo tamen satisfacere velitei qui passus est iniuriam Saitus l. 3. c. 29. n. 16.

Vbi notandum primo Clement. III. in c. citato duo complecti, effractionem violentam non arcæ, non seræ, sed forium, & spoliationem, ac proinde eius lege non teneri qui alterutrum tantum fecisse conuincitur ut aperuisse fores clauæ, Panorm. in ca. fin. de furtis num. 2. Nauar. ca. 27. num. 94. effractio (quo nomine intelligitur etiam suffossio parietum) violenta esse debet, eique addi furtum rei sacræ. Lubeq. Pontificem audire: sic ergo Clemens eo loco. Conquesti sunt nobis Regin. canonici quod I. de Mala Frena, & eius sequaces quasdam Ecclesias Regin. Episcopatus violententer confregerunt, easque spoliare minimè dubitarunt. Mandamus quatenus si ita est, memoratos sacrilegos, excommunicatos nunciatis, & faciatis sicut excommunicatos arctius vitari, donec passis iniuriam congruè satisfaciant, & cum literis vestris rei veritatem continentibus, Apostolico se conspectui representent.

Ex dictis patet, quod qui sine effractione, ingressus Ecclesiam quam apertam reperit, furatus est calicem, excommunicatum non esse, quemadmodum nec qui templi fores animo quidem furandi effregit, sed tamen non est furatus, quia Clemens vtrunque postulat. Per Ecclesiam autem, intellige etiam Monasterium, Hospitalia & alia loca pia, autoritate Episcopi consecrata, non alia Nau. supra.

Præter excommunicationes has sunt & alix tam in decreto, quam decretalibus ac Pontificiis aliis bullis numer. 63. sed quia non sunt hæc reseruatæ Pontifici, eas missas facimus.

Quæ in sexto decretalium propriè sunt in eius iure, quatuor sunt numero, in Clementinis quinque, in Extrauagantibus septem, ordiamur à sexto decretalium.

Quæ in eo ergo, iuris sui esse Pontifex voluit, censuræ sunt quatuor.

Prima est contra ciues Romanos, qui in Senatorem, Imperatorem, Regem, aut eius Fratrem & comitem, sine Romani Pontificis consensu aliquem eligunt, cap. fundamenta de electione in 6.

Secunda, contra inuadentes Cardinales, id est ut explicat Bonifac. VIII. in ca. felix 5. de pænis, qui eos insequuntur hostiliter, vel percutiunt, aut capiunt, aut socii sunt facientium, vel fieri mandantium, vel factum ratum habentium, aut consilium dantium vel fauorem, id est qui comitati prædictos fuerint ad scelus.

Tertia est contra eos qui iniuria afficiunt excommunicantem, suspendentem, interdicentem, aut eius consanguineos in propria eorum persona aut bonis, de *sent. in 6. ca. quicunque* 11. qui quidem si in eadem sententia permanent, duorum mensium statio, ex tunc, ab ea non possunt, nisi per sedem Apostolicam, absolutionis beneficium obtinere, Bonifac. ibi quare si se absolui ab Episcopo ante exactum hoc tempus curauerint, Papalem excommunicationem non incurrunt, ut patet ex textu. Notandum tamen pœnam hanc incurrere, non modo quando consanguinei læduntur, sed & famuli excommunicantis, eiusque amici, & omnes illi, quorum grauamen, grauanti videtur esse excommunicantis grauamen, Nauar. c. 17 n. 99.

Quarta est contra Clericos, qui quod iure vœtigalis Laici solunt, id ipsum sponte pendunt secularibus, Bonifac. VIII. ca. *Clericis* 3. de immunitate Ecclesiarum, hæc tamen à Clemente V. reuocata fuit in Vien. Concilio, nec in hac parte in Bulla cœnæ, Lateranensi & aliis Pontificum sanctionibus apparet innouatam esse, ut notarunt Toletus & Comitol. *respons. li. 1. q. 95.*

quæ continentur in Extrauagantibus sunt sequentes. Prima nobiles afficit aut Dominos temporales, qui cogunt aliquem ad celebranda diuina officia in locis interdictis, aut impediunt ne excommunicati ab Ecclesia eiiciantur Clement. graue nimis de *sent. excom.*

Secunda, his irrogatur qui ex Papæ Sixti IV. priuilegio absoluunt ab aliquo istorum quinque votorum, scilicet peregrinationis in Hierusalem, Romam, Compostellam, religionis & castitatis, nisi in dictis confessionalibus fiat mentio illorum de certa scientia cum derogatione illius Extrauag. Paulus II. in Extrauag. et si Dominici gregis 5. de pœnit. & remissionib. lib. 5. Extrauagantium.

Tertia eos respicit, qui absoluunt à casibus reseruatis Pontifici, de quibus fit in prædicta Extrau. mentio sine speciali licentia Pontificis Paulus Venetus Papa II. in Extrauaganti et si Dominici 3. de pœnit. & remissionib. lib. 5. Extrauag.

Quarta intentatur in eos qui Anconitanos, aut è Marchia oriundos, ad ciendas seditiones, turbas, aut rebellionem contra Pontificem commouerint, commotis auxilium aut consilium dederint, &c. aut qui eorum aliquem percusserint, vulnerarint, occiderint qui in illa prouincia iudicem, aut Vicarium pro Papa egerint, Ioan. XXII. in Extrauag. prima de pœnit. tit. 12.

Quinta est in eos lata, qui alterutram opinionem de B. V. conceptione ut hæreticam

A damnant, aut patronos earum opinionum mortifere peccare putant, quique in concionibus ea de re habitis, aut habendis contentiose disputant, aut de ea aliquid scribere præsumunt, ita Pontifex in Extrauag. 2. de reliquiis & veneratione Sanctorum, quæ renouata est à Trid. sess. 5. in fine, à Pio V. in const. super speculam, de anno 1570. tamen quia nunquam Parisiis est recepta nobis non est magnopere curanda, quanquam ut quod res est eloquar, permittit Pius V. Doctoribus, in vtramque partem ea de controuersia inter Academicos, ubi scandali metus est nullus, differere: tenentque authores ab excommunicatione fore liberum, qui pro alterutra parte, concionem ad populum habet sine contentiosa disputatione, aut refutatione partis alterius: Qui contra quam Papa præcipit de cœceptione loquitur, aut sentit, Suspensionis pœnam à diuinis, absque noua declaratione ipso facto incurrit, si modo fuerit in sacris constitutus, & quocūq; præterea gradu, siue dignitate vel administratione fungatur, illis omnibus est ipso iure priuatus, & ad eadem vel similia munera obrinenda, perpetue inhabilitatis censura, ipso facto est obnoxius, Pius in constitut. citata.

Excommunicatio sexta, dicta est in Regulares, qui cuiuspiam sunt auctores vouendi, iurandi, aut promittendi, se in eorum Ecclesiis electuros sepulturam Clem. de pœnis ca. finali, hic tamen excusat ignorantia, quia adesse debet color fraudulentus Sylu. verbo temere, qui esse nequit cum ignorantia.

D Septima, in religiosos cuiusquemodi est lata, qui Clericis non religiosis, aut Laicis, Sacramentum vñtionis extremæ, aut Eucharistiam ministrare, matrimonia celebrare, hoc est ut loquuntur solemnizare sine Parochi licentia, aut priuilegio summi Pontificis præsumunt, aut absoluere ab excommunicatione iuris: Præterquam (inquit Clement.) in Clementina prima de priuilegiis in casibus à iure expressis vel priuilegiis sedis Apostolicæ concessis eisdem vel à sententis per statuta prouincialia aut Synodalia promulgatis, seu à pœna & culpa absoluere præsumperint excommunicationis incurrant sententiam ipso facto dumtaxat per sedem Apostolicam absoluendi.

Excusat primo omnis ignorantia tam iuris quam facti etiam crassa, Caiet. verbo excommunicatio ca. 64. quia can. requirit præsumptionem, quæ nulla est sine noticia rei agendæ aut omittendæ.

Secundo excusat venia obtenta à Parocho aut eius Vicario, Caiet. Supra, Sylu. verbo excomm. 7. n. 31.

Octaua est contra percussores Episcoporum Clem. de pœnis. Paul. II. in Extrau. et si Dominici

*Dominici de pœnitent.*

Nona, est contra eos qui diuina perturbare officia præsumunt, cum sunt nominatim denunciati excommunicati, vel interdicti Clement. II. *de sent. excom.*

Præter has si quæ sunt reliquæ, nunquam fuere receptæ saltē in Gallia, aut si aliquando vim in ea habuere Antistitum pietate ac diligentia, hæc contrario desiere vlu, aut earundem abrogatione in antiquum sunt iuris ordinem redactæ, secundum Nauarr. *cap. 27. num. 54. & 75.* quemadmodum & quæ à Trid. latæ sunt, de quibus nos antea.

Decima, est contra eos qui fructus beneficii litigiosi sequestratos per iudicis sententiam quoquo modo præsumunt occupare Clement. I. *de sequestratione & poss. fructuum*, qua pœna dantes quoq; ac accipientes affici, eos nempe qui pro collatione, siue traditione possessionis beneficii, partem fructuum seu distributionum eiusdem exigunt, statuit Pius V. in constitut. quæ incipit *durum nimis*, excommunicati sunt pariter qui absoluunt à Simonia super ordinibus, vel beneficiis assequendis Paulus I. in Extrauag. etsi Dominici de pœnit. *& remission.*

Ad has censuras adiiciendæ aliæ quinque quarum dum viueret auctor fuit ac reseruator earundem Clemens.

Prima est contra Inquisitores, Clement. prima *de hæreticis parag.* Verum, qui quoniam Gallis sunt incogniti incognita quoque iisdem est hæc censura vi cuius, qui odij, gratiæ vel amoris, lucri aut commodi obtentu, contra iustitiam & conscientiam suam omiserint contra quenquam procedere, ubi fuerit procedendum &c. præter alias pœnas pro qualitate culpæ imponēdas eisdem: Episcopus aut superior suspensionis ab officio per triennium, alij vero excommunicationis sententias eo ipso incurrant. Hæc Clemens.

Secunda est contra Fratres Mendicantes, qui ad alium ordinem sine licentia transeunt ordine Carthusiensium excepto, quam pœnam iam recipientes quam recepti ipso facto incurrunt, & à nemine nisi duntaxat à Romano Pontif. (præterquam in mortis articulo) excommunicationis huiusmodi possunt absolutionis beneficiū quomodolibet obtinere, & nihilominus secus facta non tenent, & nullius existunt efficaciæ vel momenti Martin. I V. in Extrauag. *de regular. cap. 1.*

Tertia, quarta, & quinta, non sunt in usu, prima eos afficit qui absoluunt sub prætextu facultatum Sixti Papæ I V. Secunda exenterantes mortuorum corpora, Extrau. 2. *de sepulturis.* Tertia mittentes arma Saracenis, qui quoniam modo sunt nulli, nulla quoque est hæc excommunicatio.

Circadicta de Mendicantibus, ad alios

A ordines Monasticos conuolantibus, præterquam Carthusianorum, notandum inter Mendicantes, Societatis Iesu Regulares Clericos numerari, ad eosque pertinere pœnas omnes, quibus Mendicantes, qui mutato primæ vitæ statu alium capessunt, plecti Martinus voluit, pariterque ad Religiosos omnes præter Carthusianos, qui Societatis IESV Clericos sine facultate in suum ordinem admittunt, vt habetur in constitutione Pij V. quæ incipit *equum reputamus*.

Additum ab eodem Martino anno 1419. B in Extrauag. quæ incipit, *Viam ambitiose cupiditatis*, vt in hoc genere quicquid geritur à superioribus aliorum ordinum, respectu fratrum Mendicantium iure sit irritum, iubenturque sub eadem pœna dicti Mendicantes ad propria Monasteria redire, setotos in prima vocatione sua dedere, quæ omnia confirmata sunt à Paulo III. anno 1541. Extrauag. quæ incipit, *Romani Pontificis*, cum imperio Patribus Capucinis ne Franciscanos de obseruantia quos nominant, sine scripta licentia Prælati in suum ordinem coopotent, nisi Principi Deo ac sibi inuisi esse velint.

Reliquæ sunt excommunicationes quatuor, quarum duæ spectant Simoniacos & eorum affeclas: mediatores barbaro nomine dicimus, tam in recipiendo pretio, quam dando, idque ex pacto pro ordine, beneficio & ingressu in Religionem Paulus II. Extrauag. 2. *de Simonia*, Urbanus V. in Extrau. *he in vinea*.

Tertia vsuras cohibet punitque, nam peccam excommunicantur qui eas per statuta fouent Clement. I. *de vsur.* Eandem etiam D sententiam incursum, nisi statuta talia hætenus edita, de libris communitatum ipsarum intra tres menses deleuerint.

Quæ autem censura ciues Romanos eligentes in Senatorem Romanum, Imperatorem aut Regem insequitur, *can. fundamenta 17. de electione in 6.* nos non respicit, proindeque nec timenda Gallis.

Hatum vis maior, quæ *can. felicis 5. de pœnis & can. quicumque 11. de sent. excommu. in 6.* dictæ sunt in insequentes Cardinales, aut male tractantes verbis aut opere, qui se excommunicarunt aut suspenderunt ab usu ministerij sui, quia vt hæc peccata nobis esse possunt cum aliis communia, ita & possunt in nobis excommunicationis pœna plecti.

E In privilegijs autem Ordinum septem scribuntur.

Prima est in ingredientes Monialium monasteria scienter ac deliberatè, & cū notitia censuræ, eiusmodi actui adnexæ sine Generali facultate, vel in casibus nō permissis.



Secunda est in auctores libellorum, quibus Ordini Minorum aut Prædicatorum creatur infamia, quos propterea famulos nominant.

Tertia in eos est inflicta, qui utriusque ordinis religiosos temerè asserunt, in statu perfectionis non esse, nec iis permissum esse mendicato vivere, aut pœnitentibus de Papæ, aut Episcoporum facultate ac consensu, aurem dare consentientibus.

Quarta est aduersus eos, qui eorundem Ordinum locis, vim inferunt,

Quinta in detinentes eorum Apostatas, maximè si moniti eos reddere animum ob-  
stinent.

Sexta in minores, cooptare ac in suum ordinem sine Papæ facultate recipere præsumentes, qui in D. Dominici familia tria sunt vota professi solemniter.

Septima in eos qui libris editis, aut verbo, palam vel in compitis ambos Ordines ex Parisiensium Academicorum albo eradendos docent, quas etsi sibi Pontifices reseruatæ esse voluere, quia tamen nunquam innotuere populo, nunquam quantum est satis, fuere promulgatæ ad notitiâ, cum eo obligare rigore, quem notat Pontifex non puto, quanquam de aditu ingressuque in Monialium religiosa sepra, sine Generalis venia, dicetur postea, monuisse in præsentis sufficit, peccata omnia quibus est ex eorundem voluntate Pontificum adnexa censura, in Episcopi cuiuslibet ac approbatorum iure esse, præterquam primum de aditu in cœnobium monialium.

### QVÆSTIO XI.

*An Pauli II. constitutio de alienatione bonorum Ecclesiæ vitanda, excommunicationem Papæ reseruatam inferat.*

Casus est talis. Domum ducentis aureis nummis æstimatam, quod sibi parum cœnobioque utilis foret, diltrahendam cum Abbas & Monachi crederent, de pretio cum emptore conueniunt, qui stipulatur, tantundem in pecunia numerata, qua conditione ille Abbas, cum homine decedit, eique domum ducentis aureis nummis tunc numeratis attribuit.

Quæritur, An Abbas & Monachi in legem Paulinam commiserint, pœnaq; in ea transgressoribus proposita incurrerint.

Conferam huius quæstionis explicationem in nonnullas hypothèses.

Prima Alienatio proprie sumpta, est actio, per quam rei Ecclesiasticæ dominium

A in alium transfertur, lege 1. Cod. de fundo, Glossa in ca. cum nulli liceat, de rebus Ecclesiæ non alienandis Sylu. in verbo alienatio numeri 1.

Improprie est id, quo res integra, aut eius pars aliqua, vel proprietas communicatur cum alio, & vtrique legibus est Ecclesiæ prohibita, pactum enim omne, non tantum per quod ipsorum bonorum dominium transit in alium, Paulus illa sua constitutione, cui est initium: *Ambitiose de rebus Ecclesiæ non alienandis* inhibet, sed etiam concessionem, hypothecam, locationem conductionem ultra triennium, necnon infeudationem, vel contractum emphyteuticum, præterquam in casibus iure expressis, &c. ab his enim contractibus & similibus, datur usus rei, vel fructus, non integrum eius dominium ac perfectum, sed aliquale ac mancum, & hæc est secunda hypothesis.

Tertia, est bonorum Ecclesiasticorum alienatio sacratis Pontificum legibus interdicta, ut Leonis I. Symmachi, Leonis IV. in Concilio Romano, Gregorii Magni quorum decretales relatæ sunt in causa 12. qu. 2. sicut Symmachi Alexand. III. Cælestini tertii, Innoc. III. sunt subiectæ sub titulum de rebus Ecclesiæ non alienandis. Hanc quoque vetuere, Greg. IX. Innoc. IV. Greg. X. de reb. Ecclesiæ non alienand. in 6. Paulus Venet. in Extrauag. *Ambitiose*, Clemens V. in Clementina eod. titulo. Paulus IV. in constitutione sua *Iniunctam*. Concilia similiter Aurelian. 3. can. 18 septima Synodus can. 12. Toletan. 3. can. 3. his verbis: hæc sancta Synodus nulli Episcoporum licentiam tribuit, res alienare Ecclesiæ, quia & antiquioribus canonibus hoc prohibetur, Concilium Roman. tertium sub Symmacho can. 4. Non liceat inquit, Papæ, prædium Ecclesiæ alienare aliquo modo, nec in usum fructum iura dare

Quarta, Bonorum nomine quæ alienari prohibentur intelligenda sunt.

Primò, immobilia Synodus Romana can. 6.

Secundò, directum dominium ac utile, argumento est, quod illud in nouum feudum, ad vitam alicui concedere oppignere, & hypothecare sit illicitum Clemente V. teste, Clementina 1. de reb. Ecclesiæ non alienand. 1.

Dixi in nouum feudum, quia si ab antiquo Ecclesiæ bona concessa hoc modo fuissent, aut in Emphiteusin, possent deinceps sine alia solemnitate à Prælato concedi, ut est in Bulla Pauli II. *Ambitiose de alienationib.*

Ratio est, quod hæc concessio non sit noua alienatio sed potius executio ordinationis antiquæ Abbas in cap. super de reb. Eccl. non alienand. quod in constituendo feudo recenti ac nouo locum perinde non habet, etsi enim cum alienatio



alienatio propriè sùmitur, contractus non comprehendat alios, quam venditionem donationem, permutationem quibus directum rei traditæ dominium transfertur, iuxta leg. 1. Cod. de fundo dotali & lege alienatam digest. de verbor. significat. in præsentī tamen materia, & qualibet alia favorabili late debet accipi, ut comprehendat etiam feudum, emphyteusim, & locationem in longum tempus, quibus usus-fructus siue dominium vtile transfertur, Layman. lib. 3. tract. 4. sect. 5. cap. 10. num. 2.

Equidē nō sunt Clerici bonorum Ecclesiæ Domini, sed procuratores & Oeconomi, ut est in decretali Alex. III. cui initium, fraternitatem tuam de donationib. facit autem contra ius, fidemque boni Oeconomi, qui bona Domini eo non modo inconsulto, sed etiam repugnante ac inuito distribuit, quare qui bona Ecclesiæ, quæ in Christi patrimonio censerī dixit Inn III. in c. cū secundū Apostolū extra de præbend. Bonif. VIII. in decretali ex eo de elect. in 6. abalienat, aut destruit: Ut homicida in conspectu iudicis reputatur 12. q. 2. can. 1. Et si enim omnium negotiorum Ecclesiasticorum curam habeat Episcopus, & eadem, ut Deo contemplante dispēset, non tamen illi licet ex his aliquid omnino contingere, aut parentibus propriis, quæ Dei sunt condonare can. 39.

Quartō in bonis quæ vendi, distrahi, ac abalienari sine consensu Pontificis nequeunt, numeranda iura veniunt, actiones, debita, Redoanus de reb. Eccl. non alienand. q. 2. cap. 6. Piafec. 2. parte prax. c. 5. art. 4. n. 8. indicatq; Concilij Epau. can. 7. vbi est his verbis: Quicquid Parochiarum, Presbyter de Ecclesiasticis iuris possessione distraxerit, inane habeatur ac vacuum, in venditorem actione competenti vertenda, hæcque mihi esse causa videri solet, cur census in re Ecclesiæ cōstituere beneficiario nō liceat tam qui sit perpetuus, quam vitalitius Redoanus de reb. Eccles. non alienand. cap. 27. quia esse census sine iure pensionis annuæ colligendæ ex Ecclesiæ redditibus non potest, iura autem, actiones debita eodem esse censentur discrimine, quo res ipsæ, ad quas tendunt: ergo cum illæ absque solemnitate quando sunt immobiles, abalienari nequeant, nec iura quoque ipsa poterunt.

Dixi cum sunt immobiles, nam ut est pecunia de bonorum mouentium genere, ita & debitum quod ad eam tendit uti terminum, Laym. supra num. 2. sub finem.

Quintō vox alienationis in hac materia comprehendit mobilia, quæ seruando seruari possunt & sunt pretiosa, Enim. Sa verbo alienatio, ita vasa argentea aureaque, vestes, calices alienari prohibentur in Concil. A-

Agath. can. 6. his verbis: Casellas, vel mancipiola Ecclesiæ, vel vasa ministerij, quasi commendata fidei proposito, integro Episcopi iure possideant, id est ut hi neque vendere, neque per quoscunque contractus, res unde pauperes viuunt alienare præsumant.

In hanc classem, armenta bouum ouiumque cogunt Quarata apud Piafecium supra, & Laymanus: contraria mihi tamen opinio in praxi videtur & lenior & tutior quant defendit, Emm. Sa in verbo alienatio, eadem est arborum, sylvarumque ratio, nec enim cum cæduntur, ad pecuniam ex iis colligendam, monetur Episcopus, multo minus Romanus Pontifex, facultatis ad eam rem obtinendæ gratia, quare iusto mihi rigidiores esse videntur, Nauarr. in consil. 6. de rebus Eccles. non alienandis Baldus & Iason in Authent. qui rem Codice de sacros. Eccles. Piafec. num. 9. cum aiunt in alienationibus incisionem arborum numerandam esse, quæ sit cum detrimento rerum Ecclesiæ, sed nostram sententiam propugnat Emman. Sa verbo alienatio.

Mobilia dixi quæ seruando seruari possunt, & sunt pretiosa, nam minuta, nam leuia, Episcopo distrahere est licitum, 12. q. 2. can. terrulas, etiam inconsulto capitulo Concil. Agathense primum can. 6. minusculæ Verrores, aut Ecclesiæ minus viles, peregrinis, vel Clericis saluo iure Ecclesiæ, in usum præstari permittimus.

Hypothesis prima. Locatio quæ fit ad longum tempus alienationis nomine comprehenditur, quale est, quod nouem est annis maius. Bleyan. de Patrimonio Ecclesiæ & Ecclesiasticorum num 37. & in comment. litera Z. quare facta eo modo, & extra metas nouennij non valet in Gallia, nisi ad eam iuris solemnitates fuerint adhibitæ, talem fori Gallici usum esse indicant Senatus Luteiani præiudicia multa, & grauias, de quibus Papon. lib. 1. tit 13. arresto 4. Chenutius in additionib. omnibusque Capitulis ac Collegiis anno 1548. prohibitum esse, ne de cætero bona sua Ecclesiastica locarent ad vitam conductoris, aut tempus diuturnum, scripsit Rebuff in compendio alienat. rerum Eccles. num. 9.

Hypothesis 2. Et si abalienari bona Ecclesiæ non debeant, possunt tamen nonnunquam sine culpa; nempe cum iusta eius rei causa aliqua suppetit: hæc autem est quadruplex,

Prima est vrgens necessitas, Concil. Agathense i sub Symmacho can. 6. Authentica in porrectum Codic. de sacros. Ecclesiis cap. nulli liceat de rebus Eccles. non alienandis, quare si Ecclesiæ premeretur debitis, nec ad ea sol-

tiosæ de reb. Ecclesiæ non alienandis, lib. 3. tit. 4. inferiores, vero Prælati, commendatarii, & aliarum Ecclesiarum rectores, beneficia vel administrationē, quomodolibet obtinentes, prioratibus, personatibus, officiis, canonicatibus, præbendis, aliisque Ecclesiasticis, cum cura, & sine cura, secularibus & regularibus beneficiis quorum res & bona alienarunt duntaxat, ipso facto privati existunt, illaque absque ulla declaratione vacare censentur, possuntque per locorum Ordinarios, vel alios ad quos eorum collatio pertinet, liberè de iure conferri, Paul. ibid. ad quas pœnas addi placuit & alias, nam Episcopus vel Abbas, (verba sunt can. 19. causa 12. q. 2.) debent ab iis, Episcopus quidē ab Episcopatu, Abbas autem à Monasterio, tanquam qui dispergit quæ non collegit.

Nec ea modo pœna fuere contenti Antistites plectere, Ecclesiæ bona qui venderent, nam eos à suorum usu ordinum deicit Concil. Aurelian. 3. can. 23. anathemate vero fulminari eos Romana Synodus imperat can. 7. ab iis autē tantum rependi Ecclesiæ de suo, quāta fuit rei ab iis distractæ, æstimatio Agathense. Quod si fecerint, inquit ibi Concil. can. 49. conuicti in Conciliis, & ab honore depositi, de suo tantum restituant, quantum visi sunt præsumpsisse, & can. 22.

Vendere autem & donare non præsumant, quod si fecerint, aut fecerunt, & facta venditio non valebit & de facultatibus si quas habent proprias, ad eandem Ecclesiam reddant, & communione priuentur, non sunt tamen hæ pœnæ moribus videntium receptæ, & si essent, non nisi post sententiam declaratoriam admissi criminis, & exequutoriam, implendæ forent.

## QVÆSTIO XII.

An Iudices à Papa deputati, si munus à litigantibus capiant pœnam excommunicationis reservata Pontifici subeant, & an Pauli II. Bulla id vetantis, hoc præcipiat.

Quoniam in constitutione Pauli Papæ secundi, quæ incipit *Munera* de anno 1466. est ius hoc sancitum, ut nemo Rectorum, Gubernatorum, vel Officialium quorumcunque Romanæ Ecclesiæ, munus accipiat, præter esculenta & poculenta, quæ biduo consumi possint Romæque non raro ad citramontanos iudices mittantur, qui de iure ambiguo respondeant, illudque acquisita iudicii sui lance finiant, quæritur an eiusmodi viri teneantur pœna excommunicationis latæ sententiæ, Romano Pontifici reservata, ac restitutionis faciendæ rei acceptæ, ac tantidem, quæ duæ sunt pœnæ quibus

Pars secunda,

A bus prædictus Pontifex animaduertit tam in suos Iudices, quam dantes.

Dico primò, Ad Iudices delegatos citramontanos, indifferenter ac promiscuè, pœnam hanc non spectare.

Primo, quia Paulus de Officialibus Romani status loquitur, Gregor. autem XIII. in constitutione quæ incipit, *Ab ipso Pontificatus*, & Clem. VIII. in alia quæ est de bono regimine, & administratione ciuitatum, edita anno 1592. Pontificatus sui anno primo, quibus est eadem subiecta materia quæ Paulinæ, has suas sanctiones duntaxat valere volunt in omnibus locis Romano Pontifici mediate vel immediate subiectis, nec non in omni genere tribunalium, iudiciorum, & causarum tam spiritualium, quam secularium, at qui extra urbem sunt Papæ loco, ac nomine, arbitri de rebus magnis, proprie dici nequeunt status Romani officiales, cum sæpe sint Galli, aut Hispani, nec quæ regnæ, vrbes, prouinciasque hi iudices incolunt, hæ Romano Pontif. mediate aut immediate subiacent, de his ergo iudicibus non est Paulina sanctio.

C Secundo quæ accipiuntur, ac dantur, dari debent & accipi, ex pacto, & promissione occulta, vel manifesta, facta sub generalibus, & plenariè non expressis aperte verbis, pro aliqua iustitia, vel gratia, in causis, vel iudiciis, seu alias per literas Apostolicas, & quibuscunque modis apud sedem Apostolicam obtinenda, Cherubinus commentariis in Bullam Bonifac. VIII. cui initium *excommunicamus & anathematizamus* de anno 1295. At quos Pontifex in diuindicandis controuersis sibi in prouinciis extra Italiam sitis, subrogatos habet delegatos iudices, hi communiter operam suam ad obtinendam à Papa gratiam, aut iustitiam non locant, cum eam ipsi, iusque litigantibus eius auctoritate reddant plenissimum, & quale leges, decretaque canonica postulant.

D Dico secundò, Multari hac pœna Iudices eos duntaxat qui Papæ vices agunt, in terris ei immediate, aut mediate subiectis, cum munera accipiunt, ut quæ sunt officij faciant, inique la fore dant, dummodo ea momenti sint alicuius, ac pretii, nec dentur, post tributam gratiam aut iustitiam.

Pars assertionis prima fidem habet à verbis Clement VIII. in bulla speciali de hac materia, edita anno 1592.

Secunda à re ipsa, sineque legis, ecquid enim Pontifici in ea scienda propositum fuit corruptelæ viam ad prætoria claudere, cuique ius suum illibatum seruare, equitatem in iudicando tenere, at in modicis, corruptelæ faciendæ vis deficit, quemadmo-

R

dum & in esculentis, nisi forte quis putet, flexurum se ad turpia scædæque iudicis animum, leui aliquo munusculo, aut puerorum crepundiis? Equidem quæ locum habent, in minimis, ea rationem non habent muneris, Tiraqu. teste in suo tractat de iudic. in reb. exigend. Versu 82. nec mentem peruertere, sensumque mutare solent iudicis, vt scribit Nauar. in commentar. constitutionis Gregoriana de datis & acceptis.

Pars fuit vltima de oblatiis, post finitam litem, tributam gratiam, nam lex de obtinenda gratia loquitur, nullo modo de obtenta, ergo ad hanc, ab illa, trahi ac deduci non potest, quæ prima est ratio.

Secundo qui liberalitatem secutus, dat aut accipit aliquid, non tenetur pœnis constitutionis secundum Nauar. in commentario quem edidit in constitutionem Gregorianam, sed quæ post litem offeruntur iudici, offeruntur non vt illecebra consequendi iuris sui, aut maturandi iudicij, sed vt caritatis, officijque præstiti compensatio, ergo &c.

Tertio, cessante fine, cessat legis vis & obligatio, sed vbi finem lis habuit, euertendi iudicis metus omnis abest, nec pecunia iustitiam reus querit, aut eam iniquis pretiis interimit, ergo post eam habitam dare quid liberaliter ac gratis, constitutionem Paulinam non lædit.

Dico tertio, Delegatis à Papa iudicibus non nocet Paulina constitutio, quia non fuit recepta, aut si fuit, vsu est abrogata contrario, Comitulus lib. 6. respos. q. 6. aut per non vsum inanis reddita, nullarumque virium, quod probat, ex eo quod ab Angelo in verbo excommunicationis tit. 5. Sylu. in verbo excomm. 7. Nauar. in summa cap. 27. non sit sita inter reseruatæ Pontifici, quæ autem à Bonif. VIII. ante Pauli tempora, ea de re scripta fuerat sanctio, excommunicationis pœna secus facienti proposita, à Clem. V. reuocatam esse docent hi omnes Paludan. in 4. dist. 18. q. 3. art. 5. Angel. in verbo excommunicatio 5. casu 35. Sylu. eodem titulo 7. excommunicatione 36. Gregorij autem XIII. constitutio vt testatur Nauar. & Comitol. locis ante citatis alijs quam qui in Curia Romana munera capiunt aut dant pro scælici exitu causæ spiritualis, itaque in eam non committerent, qui in curia ob iudicandam causam profanam, munus acciperent, aut extra Curiam, etiam ob spiritualement, vt Nauar. ac Comitolo est visum.

### QVÆSTIO XIII.

An Gregor. XIII. & Pij V. constitutiones, de clausura seruanda, pœnam excommunicationis ipso facto incurrendam habeant, ac Papa reseruatam.

**I**Ntra septa Monasterij puellaris recepta mulier diu cum latitasset ob periculum, in quo eius pudicitia versabatur in sæculo, inde egressa è professis eiusdem cœnobij virginem, qua toto illo tempore, quo seducta à suis in tenebris ac solitudine religiosæ domus vixerat, perquam amicè & familiariter vsa erat, secum abducit, de his quæritur, an ambæ sint excommunicatæ, ambæ violatæ vtriusque Pontificiæ sanctionis reæ.

Respondeo ad constitutiones Pontificum, earum præcepta, ac iura, id quod est in controuersia, attendendum esse. In constitutione ergo Pij quinti quæ incipit: *Circa pastoralis officij*, Bonifacii Papæ VIII. quæ incipit. *Periculoso* hoc ius sancitum est, *Moniales sub perpetua in suis Monasterijs, seu domibus, de cætero debere permanere clausura*, in qua omnes discrimine nullo ac indifferenter (vt loquuntur) Episcopo subiici, etiam eas quæ reguntur à Regularibus, ab eoque ad illam cogi posse, ac debere, decreuere Patres in Concil. Trident. sess. 25. cap. 5. de regul. & Bonif. VIII. in cap. *periculoso* de statu regular. unico parag. & quoniam, & quidem in virtute obedientie, sub obtestatione diuini iudicij, & interminatione maledictionis æternæ, quæ præcipienditatio, voluntatē in Pontif. obligandi Episcopos sub mortali indicat, ad clausuram inducendam in Monasterijs, in quibus deest, & quoniam est omnis potestas vi coactiua destituta, inanis ac manca, iubentur prædicti Episcopi, moniales omnes quæ obstinato animo huic clausuræ resistent, omnibus iuris & facti remedijs compellere easdem tanquam rebelles, & incorrigibiles ad præcise subeundam dictam clausuram, & perpetuo obseruandam. Pius V. in Bulla cum initium, *circa pastoralis de anno 1566. 4. Calend. Iunij.*

Gregoriana vero constitutio quæ incipit *Vbi gratia*, de anno 1575. facultates omnes perimit ac delet, tam à se, quam decessoribus suis concessas, Ducibus, Marchionibus, Comitibus, & alijs cuiusque modi tam viris quam scæminis, ingrediendi Monasteria, domos, & loca monialium ac etiam virorum, quorumuis ordinum, iisque inhihet, sub pœna excommunicationis ipso facto incurrendæ, super qua à nemine nisi à Romano Pontifice (præterquam



(præterquam in mortis articulo) absolutionis beneficium possit impetrari, ne ipsarum licentiarum prætextu, Monasteria huiusmodi quoniam modo ingredi audeant: quare ex utriusque huius constitutionis iure.

Dicendum primo, nemini intra septa monialium fas esse ingredi sine facultate superioris, eaque in scriptis habita, Trident. sess. 25. cap. 5. Bonifac. VIII. cap. *Unico de regular. in 6.* pœna transgressoribus imposita, est excommunicatio, nulli tamen prædicti vi concilii reservata.

Nemini dixi, ut ostenderem ab hac lege excipi neminem, sed omnes cuiuscumque generis aut conditionis, sexus vel ætatis fuerint, ea comprehendere Trident. supra.

Quid si admissi intra septa Monasterij, puellæ fuerint aut pueri? quid si nondum rationis compotes in sacra virginum domicilia aditum aliena sibi opera manuque reperiant?

Quorundam est opinio, hos nec pœnæ, nec peccati capaces esse ante septennium, quod eotempore lux se rationis in iis euoluat, non antea, Llamas in *methodo curationis*, Sanch. ro. 2. *summa lib. 6. cap. 16. num. 7.* ex quo concludunt, à censura eos esse liberos per quos id ætatis pueri, admittuntur ad claustra monialium, puellæ vero intra septa virorum.

Qua de sententia deducit me cum Concilii ac Pontificis Greg. auctoritas, tum ratio ipsa, ut enim pro certo habeo, non peccare pueros, nec proinde mulandos pœnâ, qui rationis perfectæ tempora nec dum sunt ingressi, debet enim omnis culpa deliberata esse, ac voluntaria, cuiusmodi esse non potest sine rationis aduertentia, ita eomentem inflectere meam nequeo, ut existimem sine peccato esse, qui pueros, aut puellas minores septennibus, mares quidem in monialium, fœminas autem in virorum claustra intromittunt.

Primo, quia moniales sub pœna excommunicationis ipso facto incurrendæ, prohibentur sine iusta causa, cuius Episcopus iudex sit ac arbiter, quenquam admittere intra septa Monasterij, quæ particula cum sit indefinita, ac generali æquiualens, pueros ac puellas infra septennium comprehendere, clarius est, quam ut à medicis doceatur.

Quid? quod Concilium sess. 25. cap. 5. omnibus cuiuscumque sexus, ætatis ac conditionis, aditum ad sanctimonialium sacra domicilia, interdictum esse velit? ex quo sequitur quod cum antiquo veterique Iuris peritorum axiomate, distinctioni nullus ibi ab homine locus esse debeat, ubi nullam lex

A adhibet ætatem, à nobis; qua puero in puellarum claustra ingressum concedi sit nefas, præscribi non debere.

B Equidem (quæ prima est ratio) certa esse legis implendæ tempora debent, ut enim quæ præcipit, veratque, statuta sunt, firma, ac perspicua, alioqui si incerta forent, ac obscura, si mutationi obnoxia, verborum quibus constaret obscuritas, ad eius intelligentiam præcluderet aditum, ita rei per eam præscriptæ diuersitas, aut incertitudo temporis, quo eam impleri est necesse, dissimilitudinem inter eiusdem prouinciæ, vrbisque ciues, in operando pareret, quod est vitandum.

C Futurum hoc vero, quam nulli est dubium? cum inter Theologos reperiantur hoc nostro æuo, qui tempus seruandæ huius legis ad quartum annum, alij ad sextum, ad septimum & octauum reuocent alij, sint vero non pauci qui ab hoc in Monasteria ingressu, trium & quatuor annorum ætatem excludant, voluisse autem Pontificem ut in cuiusque potestate esset, hanc arbitrio suo fingere quis credat?

Secundo, cum à fine quem sibi in sciscenda lege Princeps statuit, petenda sit maxime, vis eius ac potestas, hac tenerij sunt censendi præ exteris, in quos cadit ratio prædicti finis, sed in hanc includendi sunt classem viri ac puellæ, quæ in sua septa, minimæ stirpis, ac ætatis pueros iuxta ac puellas intromittunt, aut receptos tolerant.

D Sic enim intelligo, Gregorium, cum claustra esse viris monialium cœnobia voluit, & contra virorum, fœminis, id spectasse, ut pericula prolapsionis omnia iis subtraherentur, vel (quæ est Bonifacii oratio cap. *periculoso de regularib. in 6.*) *ut sic à publicis & mundanis conspectibus separate omnino seruire valeant Deo liberius, (& lasciendi opportunitate sublata) eidem corda sua, & corpora, in omni sanctimonialia diligentius custodire.* At scire aucto, ecquid ea vitia quæ concipi solent à viris conspecta fœmina, non recalescant ad aspectum puellæ, cum qua hoc peccatur impunius, liberiusque, quo est eius ætas infirmior, quo ad præcauendum impotentior, ut est vitij ignara, ut fraudis nescia, ut resistenti impotens, sic vim quam patitur, aut ferret impauida, quia vitiosam non credit, aut si de iniuria queritur, blanditiis facile placebitur, & ita (quod Bonifacio tamen & Gregorio facere fuit in animo) virorum atque fœminarum castimonie, suo diplomate non satianti viri prouiderent, quare cum quæ in viris hætenus reprehendimus, ac timeamus, hæc in fœminas quoque, quarum est sexus libidine perzquæ ac virorum infestus,



cadere vitia valeant, mihi idcirco perquam est probabile, moniales cum se adiri sinunt, suaque à pueris septennibus, ac vero etiam ætate minoribus penetrari domicilia, nexu excommunicationis in Pij V. constitutione Romano Pontifici reservatæ, vinciri.

Dicendum secundo, non alios in excommunicationis Gregorianæ laqueum ruere, quam qui prætextu licentiarum sibi olim à Papa concessarum aut Legato, monialium Monasteria penetrant. Ita *Miranda in manuali tract. de monialibus quest. 2. art. 10. conclus. 1.* Barbosa *de potestate Episc. par. 3. allegat. 102. num. 37.* Sanch. *10. 2. summa lib. 6. cap. 16. num. 78.* Zerola *in praxi Episc. par. 1. verbo moniales ad 8. questum.*

Causa est, quod verba legis intelligenda sint strictè ac propriè, nec alio detorquenda quam fert germana eorum propriaque significatio, ergo cum Gregorius eos lege sua duntaxat coerceat, qui facultates obtinent Pontificias, sibi que earum prætextu portas monasterii puellaris recludi volunt, non est ad alios vis eius porrigenda, nec extendenda ad casum in ea non comprehensum, cum pœnas restringi, priuilegia autem, bonaque Principum diduci, & cum multis communicari deceat, quare illas ex rationis identitate protrahendas ad alios, quam quos pœnalis constitutio denotat, scripsit Sanch. *lib. 10. de matr. disp. 4. n. 3.*

Ex quo inferendum primo, Abbatissam, censura non ligari, vi huius Gregorianæ sanctionis, cum monasterii fores viris aperit aut fœminis non prætextu facultatum, quas sibi traditas à Pontifice memorant, sed ob causam ab hac diuersam, nam eorum solum Papa meminit, cum Abbatibus & Abbatissis præcipit, ne in monasteria, domos, & loca sua, quocunque prætextu huiusmodi licentiarum, & facultatum, ingredi faciant & permittant, Gregor. *Extrav. Vbi gratia.*

Inferendum secundo, peccare quidem moniales contra hanc Gregor. sanctionem mortaliter, sed sine censura, cum sæcularibus introitum in domum largiuntur prætextu dictarum facultatum.

Ratio est, quod hæc Abbatibus & Abbatissis infligatur, nullo modo monialibus.

Inferendum tertio, per hanc Bullam nulla mulctari pœna, qui sine facultate admittunt & qui ingrediuntur, etiamsi ingrediantur, & admittantur ad malum finem, Diana *1. part. tract. 16. miscellaneorum resolut. 32.*

qui pro opposita opinione pugnat ut Zechius *de repub. Ecclesiast. titulo de regularib. ca. 3. num. 11. de Beia parte responsionum prima, casu 30.* Gregorium aiunt loquutum de omnibus, qui contra quàm exigit Concilium sine

A Episcopi facultate aut Prælati, cuius interest eam largiri, monialium internas ædes, septaque intrant, quam eorum opinionem persuadent argumenta sequentia.

Primum, quod cum de obligatione legis agitur, volûtatis legislatoris potior sit habenda ratio, quàm verborum quibus est perscripta, quare si quæ est inter utraque pugna saltem in speciem, verba ad voluntatem non hæc ad illa trahi debet, Baldus *in leg. cum verum Cod. de fidei commissis*, sed voluisse Pontifices Pium & Gregor. quoscunque, quomodolibet cœnobita monialium subeuntes sine venia, reservata sibi excommunicatione irretire, docent Nauar. *cap. 27. n. 150. excommunicat. 61.* Azor. *tom. 1. institution. moral. lib. 13. ca. 8. q. vltima*, Hocque Sixtum V. declarasse Villaguta tradit *tract. de usuris quest. 35. num. vltim.* & proinde eandem sibi mentem fuisse quæ Pij quinti fuerat, cum fœminas à cœnobitis virorum excommunicatione proposita deterruit, quo tamen virtute facultatum quas sibi traditas narrabant, frequentes itabant, nam ut hic tam verbo quam scripto respondit, mentis suæ non fuisse fœminas constitutione sua complecti tantum, quæ prætextu facultatum in virorum septa admitti volebant sed quascunque alias eo penetrantes sine venia, quique illas intro ducere, aut recipere non timebant. Ita & fecisse Gregorium cum ab Eminentiss. Borromæo Cardinali, ea de re consultus esset, Villagutz est opinio loco citato.

D De Pio V. eiusque mente dubitare non sinunt hæc eius voces in Extravag. *Romanum Pontificem* de anno 1570. cuius Confector meminit in priuilegiis ordinum Mendicantium. *Auctoritate Apostolica tenore presentium dicimus, & declaramus, fuisse, & esse mentem & intentionem nostram, quod dictæ literæ non solum comprehenderent & comprehendant mulieres habentes & pretendentes facultatem, & indulta ingrediendi monasteria, sed etiam omnes, & quascunque mulieres alias, tam in genere quam in specie.* Itaque

Dicendum tertio, etsi quæ priori assertione sunt dicta, similitudinem veri habeant, tamen non tantum Romæ, sed hic quoque Lutetiæ Parisiorum, ac vicinis circa prouinciis Galliæ, Pij V. ac Gregorii de non intrandis monialium monasteriis valere legem, eiusque pœnas omnes.

Adiri non debent, quia decretalis Bonifacii VIII. quæ incipit periculoso vnica de regularib. in 6. moribus vtentium pridem est recepta in Gallia, sicut & cæterorum Pontificum cæteræ, quæ in corpus canonicum sunt relatæ, at hæc ingressum in monasteria monialium vult singulis interdictum esse, vitari ergo

Et

debet. Et quidē metu non modo culpæ, quā fugere rebelles in hoc genere, ac in obsequētes nequeunt, sed & pœnæ, (quæ pars est altera assertionis) per Gregorii sanctionem, huic hominum generi irrogatæ.

Enimvero recipiendæ legis duplex est ratio, expressa vna, tacita altera, expressa publicationē habet & consensum superiorū ac populi. Tacita vsum dūtaxat, cū effectu pœnæ, quem lex ipsa inferre solet, secumque vehere, at hanc parit Pii quinti constitutio ubique per Galliam, cum nemo sit paulo religiosior quin existimet, sibi à Papa, aut aliis ad id potestatem eius liberalitate natis, excommunicationis per ingressum intra monialium septa incurssæ, absolutionem petendam esse, valet ergo Pii constitutio etiam quoad pœnas in hoc regno.

Confirm. est consuetudo interpres legis *cap. cum dilectus de consuetud.* notatque Beia *parte 1. restor. f. casu. 30. ex Ioan. Andr. in cap. cum dilecti de consanguin. & affinitate*, at est Gallix vniuersæ sensus, excommunicationis censura innodari, qui sine Episcopi facultate aut superioris monialium, earum regulares domos ingreditur: ergo &c.

Minorem vsus ipse experientiaque certam faciunt.

Maior probatur, Sunt sacrarum ædium incendiarii omnium opinione excommunicari, & quidem, si sunt Episcopi ore, è loco superiore ac publico denunciati, istius censuræ nexum, solus Romanus Pontifex tollit, eo quod huius sibi solutionem seruata voluerit *in cap. tua nos de sentent. excommunicat.* at Nauarro auctore ac teste, non est in corpore iuris reperire vllum canonem, quo possit argui. è piorum cœtu motos esse vnam, qui improbitate inducti animi, aut odio aduersus Ecclesiam, religiosis eius ædibus, templisq; funestas faces subiecissent, multo minus auctoritate vlla Pontificum aut Conciliorum potest confici, legem esse aliquam, qua id genus hominum Deo, eiusque templis infestum, iubeatur ab Episcopo notari publice, populoque declarari, quod vt infame, ac propter censuram quam culpa sua ac scelere subiit, vti fœda corruptum lue vitari debeat, est id ergo totum consuetudini tribuendum, non rationi *qua defendi non potest*, (inquit Nauar. *cap. 27. maxual. num. 94.*) nisi id haberet consuetudo, & teneatur quod illa tolerata & approbata à prelatiis, vim habet legis, aut statuti excommunicantis. Quæ me causa impellit vt sentiam, quibus in locis, religioni non ducitur, pro absolutione ingressus in monialium septa, Episcopi implorare beneficentiam, ibi Gregorianæ sanctioni locum nullum esse, & quicquid peccatur, in

A Concilium ac decretalem Bonifacii adiutum in ea loca prohibentis, peccari quidem cum culpa, sed eiusmodi tamen quæ censuram Papæ reseruata non habeat.

Dicendum quarto, etsi communiter Episcopi, pro se quisque, pœna excommunicationis ipso facto subeundæ, secus facienti proposita, vetent ingressum in monialium sacra domicilia, vbi tamen id ab eis negligitur, nec hi pensi quidquam habent, an eorum fores apertæ sint promiscuè cuilibet, an clausæ, non est virorum in sanctimonialium religiosas domos, aut mulierum, in istorum conclaue domesticum, aut claustrum aditus, culpæ coniunctus, quæ excommunicationem eo penetranti irroget.

Partem Assertionis primam, si minus certam, at certe probabilem efficit Episcoporum in moderanda Diœcesi sua, caritas ac prouidentia, nec enim suspicari, nedum affirmare prudentia patitur: suo illos deesse officio, aut iusto Pontificum non parere imperio, quo vtroque tamen eos laborare sceleris est necesse, si ad iniuriam exposita esse monasteria, ad libidinem autem, vitiaque moniales patere sinant quæ earum, cum viris conuictu ac consuetudine, muris ostiisque conclusa excitari, ac verò (quod est dolendum) sæpe solent magno suo dedecore, animique perniciæ concipi, nam vt omnium saluti consulere, puellarum maximè, ita & earundem peccatis, cum sunt facta, medicinam promere, ne fiant autem, qua possunt arte obitare debent, si negligunt, partes suas non obeunt, officium boni præfulis non faciunt, nec etiam inferioris ac subditi summo Pontifici, quid enim hic iubet? illud ipsum *in cap. periculoso quod Concilium Trident. in sess. 25. cap. 5. Vt in omnibus monasteriis sibi subiectis ordinaria, in aliis vero, sedis Apostolicæ auctoritate, clausuram sanctimonialium, vbi violata fuerit, diligenter restitui, & vbi inuolata est, conservari maxime procurent, inobedientes, atque contradictores, per censuras Ecclesiasticas, aliasque pœnas, omni appellatione proposita compescant*, quod cum eos facere sit probabile, & illud quoque est verisimile, puellarum cœnobium nullum esse, à cuius aditu viros non arceant. Quod si facere negligunt palamque cuncti, infantes pueros in monialium ædes introferunt, aut ipsi eas impune iisdem, consciis nec reclamantibus addeunt, excommunicationem hi non incurunt, non Episcopalem, quia nullam inflixisse supponimus, non Papæ, quia eius rumore, ac fama, nunquam sunt eorum vel leuiter perstrictæ aures.

Dicendum quinto, Vt in ædes monialium quæ sanctæ sedi sub sunt aut Episcopo, ingre-

di cuique sine culpa liceat, facultate eius ad id opus esse, Bonifac. in cap. *periculoso*, eaque examinata, probata, discussa, literis exarata, ac chartæ commissa, quam cum erit necesse, producere is possit, cui ad eas adeundi facta est potestas, ita Trident. *sess. 25. cap. 5. Sanctæ sedis dixi ac Episcopo*, quia eius est ingressum in monialium claustra concedere, cuius est iisdem clausuram indicere secundum Ioan. Monach. in cap. *periculoso de statu regularium*, sed id Episcopus dare iubetur operam in cap. 1. *de statu regularium in 6. paragr. & quoniam*, & in Trident. *sess. 25. ca. 16. ut segregata à profanæ plebis multitudine, claustrumque exclusis cuiusquemodi viris uiuant, nec intra eadem Monasteria illos admittant, in illius cui suam integritatem voluntate spontanea deuenerunt, grauem offensam, & religionis opprobrium*, Bonifac. in cap. *periculoso de statu regularium paragr. 1. ab iis ergo petenda est potestas. A superioribus autem regularibus, si prædictæ sanctimoniales eiusmodi aliquem habeant, cui obsequantur ac pareant*, Grassius 1. *par. decision. lib. 4. cap. 23. num. 6. Sanchez to. 2. summa cap. 16. num. 13. Causa est, quod hi soli illis præsideant, eas gubernent ac regant, ad hos ergo* (inquit Piassec. in *praxi Episc. par. 2. c. 5. art. 7. de visitatione sanctimonialium n. 5*) non alios pertinet ingrediendi Monasterii facultatem facere.

Ecquos autem (dicat aliquis) Prælatos nominas? Generales, Prouinciales, ac immediatos dictorum Conuentuum prælatos, nisi hanc illis potestatem, prædicti Generalis ac prouinciæ præpositus ademerint, quia textus absolutè hanc illis tribuit, Sanch. *supranum. 16.*

Non est tamen concedenda nisi ex causis necessariis, Concil. *cap. 5. sessionis antecitæ*, ingrediens cum licentia quidem, sed quam causa non necessaria ac honesta excusat, est excommunicatus, excommunicatione Papæ reseruata, secundum Piassecium *num. 6. articuli antecitati.*

*Necessariam dixi, non necessitate quidem Metaphysica, ac Logica, sed Morali, qualem vir prudens iudicat, minorem tamen exigi in fœminis quam viris, cum de ingressu illis permittendo agitur, dixere, Rodrig. tomo 1. q. 44. art. 4. & Portelius in dubiis regular. verbo clausura num. 4. esseque sufficientem ille credidit, cum matronæ honor periclitatur in sæculo, metusque est, ne si Religio illi non pateat, tanquam iactatæ portus, pudicitie naufragium faciat, quod tamen Portelius & Miranda to. 1. q. 1. de monial. art. 7. improbant.*

Enimuero, inquiunt, cum sit fœminarum castitas ubique virorum infesta libidine,

nec sit ciuitas quæ venerem non oleat, parum dixi, locus in orbe penè nullus, quem luxuria non subeat, nullus aut pauci quos pestilens hæc flamma non urat, nec enim æui senio moritur, aut effœtis naturæ viribus extinguitur: O si posses, inquit Cypr. ad Donat. *epist. 2. in sublimi specula constitutus, oculos inferere secretis, recludere cubiculorum occultas fores, penetralia referare, aspicias ab omnibus fere geri, quod nec possit aspicere frons iudica, & quæta ubique libidinum probra domesticis sunt patietibus oblecta, quorum quo secretior culpa eo maior audacia? cum inquam sit hoc malum commune, ac naturæ prope humanæ insitum, si eius vitandi causa, fas esset fœminis, in augusta sacrarum virginum penetralia se abdere annuentibus Episcopis, breui vacuatis urbibus, plena forent profanis mulieribus cœnobis, quod incommodum: quia fugiendum, ac à prælatis pro cætera sua prouidentia impediendum, ideo censent prædicti auctores, in eorum iure non esse, huiusmodi fœminis ingressum, inoramque in sanctimonialium sacratis domibus annuere, cum quibus ne sentiam, à praxi communi Antistitum persuadeor, qui se iustis istiusmodi mulierum querelis, ac lachrymis, flecti nonnunquam sinunt, ut in monialium pudico sinu, malis suis finem, animo quietem, castitati securitatem quærant, pro quibus, cum causæ æquitas faciat, sentio in hac causa, cæterisque id genus, posse Episcopos cum laude cœnobiolorum fores, quæ aliis sunt claustris, illis apertas esse velle.*

Sanè ancillas habere moniales possunt, easque sæculares cum est necesse, hoc è S. Claræ familia Virginibus concessit Paul. III. hoc Pius V. & quem hic numerum ad tres aut quatuor pro quolibet cœnobio reuocat, Sixtus quintus ad vsque denarium, progredi voluit, Portelius *supra num. 5.*

Aduertendum hic verò nomine me Prælati, ad quem aditum ad puellarum immaculatos cœtus concedere pertinet, Abbatissas non intelligere, nec eorum cœtum præsides, aliquanto his inferiore gradu, ac potestate virgines, quas Priorissas dicimus. Nam eorum esse duntaxat hunc permittere, cui incumbit ex officio, monialibus de clausura seruanda legem dicere, docent Canonum interpretes, Ioan. Andreas, Francus, & Dominicus in caput periculo de *statu regular. in 6. num. 5. & 10. Sanch. loc. antecitato num. 2. At Episcoporum, Abbatum, & Prouincialium propriæ sunt hæ partes, Episcoporum quidem in omnibus Monasteriis sibi subiectis ordinaria, in aliis vero sedis Apostolicæ auctoritate Bonifac. VIII. in cap. 1. de *statu regular. in 6. Abbatum autem, ac superiorum,* qui*



in eas exercent imperium, quæ Papæ benignitate, ab Episcoporum sunt potestate liberæ, in his quæ sui sunt iuris: ita Pius V. in motu proprio. *Circa pastoralis, Concil. Trid. sess. 25. cap. 9. Bonifacius in cap. periculoso. Patriarchis, Primatibus, Archiepiscopis, & Episcopis mandamus, quatenus eorum quilibet in ciuitate, ac Diocesi propria, in Monasteria monialium sibi ordinario iure subiecta, sua, in his vero, quæ ad Romanam immediate spectant Ecclesiam, sedis Apostolicæ auctoritate. Abbates vero & alij tam exempti, quam non exempti Prelati Ecclesiarum, Monasteriorum, & ordinum quorumcumque in Monasteriis sibi subiectis, de monialibus includendis quam primum commode poterunt, providere procurent, quare si quid in hac parte Abbatissæ facere tentauerint, id non modo irritum ac inane, sed & viciosum est futurum.*

Contraria sententia patronum vix habet vllum, præter Nauar. præsidium eius est vnicum, nempe quod Papa Bonifac. in decretali prima de statu Regular. in 6. & Trident. Synodus sess. 25. cap. 5. Superiori id permissum esse velint, at est Abbatissa monasterij sui superior, vt est in cap. dilecta 14. de excessibus Prelatorum, vt lotrenensis Abbatissa in Meldensi Diocesi appellatur caput & patrona Clericorum, qui illi in eo cœnobio suberant, ac sacrosancto Missæ officio celebrando, illi ac monialibus operam dabant.

Sed respondendum, non superiorem quemlibet sibi id arrogare posse, de quo est quæstio, sed eruditionis prudentiæque laude commendabilem, nam discutere, nam probare causas debet, quæ obrem, postulanti copiam sibi Monasterij subeundi fieri, hæc tribui oporteat, aut negari, facere id vero posse sceminam rerum ignaram omnium, quis credat? Maneat ergo, cum de Prelatis ingrediendæ cœnobiticæ virginum domus, facultatem annuentibus est sermo, Abbatissas in eorum esse non posse numero, nisi cum Papa, Episcopus, aut regularis Superior, id eis licere volunt in calu raro, eoque necessario.

De consensu tamen tacito Papæ, & Ecclesiæ, ingredi ad moniales solent sine licentia alia, Medici, Chirurghi, Pharmacopola, Fabri, & id genus viri, quorum est opera monialibus necessaria, ad opus quod ipsæ per se præstare nequeunt, id enim facere si possent, illis in earum intrare cœnobiū fas non foret.

Ratio est, quod cum ingressum iusta ac rationabilis causa excusare debeat cap. periculoso 1. de statu regular. in 6. parag. 1. at hæc deficit, cum quæ viri, hæc obire quoque sceminæ possunt, æque ac illi redde ac commodè, tria enim causæ iustitiam & æquitatem, in materia præsentis faciunt, primum, quod

A res cuius causa cœnobiū ingredi Laicum oporteat, fieri per monialem nequeat, aut domus vtilitas non sinat.

Adiungendi medicis confessarii, quorum eo ingressus honestior, iustiorque videri debet, quo est eorum opera, quam medicorum, agræ fructuosior, quare vt hanc illi inuisere possunt quoties, & quam sæpe est necesse, ita & Confessarii eidem dare confitenti aures poterunt, non modo sub finem vitæ, cum anima in discessum imminet, sed cum ea de re rogabuntur ex præscripto regulæ, vel pia quapiam causa, cæteris ministrantur Sacramenta pœnitentiæ & Eucharistiæ, Rodrig. 10. 1. q. 44. art. 4. Sanch. cup. 16. lib. 6. tom. secundi num. 44. Portellus supra num. 7.

Neque ad id eis, quemadmodum nec medicis fabris, latomis, cæmentariis, & aliis operariis quibus carere monialibus non est facile, specialis eaque in scriptis licentia est necessaria, quia etsi in cap. periculoso causa rationabilis & manifesta, ac de illius ad quem pertinuerit speciali licentia exigatur, vt ingressus vel accessus ad moniales pateat, abiit tamen hæc sanctio vt alit plurimæ in ventum, vsu contrario, nec est è Medicorum familia quisquam, qui vocatus ad opem decumbenti puellæ afferendam, Superiorem aut Prælatum ante sibi cōsulendum existimet, ecquid eam iuuari illi placeat, quam afflicte manum medicam, ac opportuna curandæ valetudini remedia proferat. Nec ab Episcopo Fabri Latomi, Hortulani; & si qui sunt Monasterio necessarij id genus operarij, facultatem literis exaratam sibi ad propria artis suæ ministeria, in monialium cœnobio obeunda, cum erit necesse, postulant, quos tamen lethalis arcessere culpæ hætenus nemo est ausus. Quare quod de licentia ad ingressum obtinenda in scriptis, dixit Tridentin. id est intelligendum de aliis, quam quorum est opera ad monialium temporale bonum, aut salutem moraliter necessaria, quales habendi hi omnes de quibus antea, quos cum Gregorio XIII. in Extrauaganti quæ incipit: *Dubis quæ emergunt*, monitos volo peræque ac ille, *Prelatos tam seculares, quam regulares quibus cura, & regimen Monasteriorum monialium quouis modo incumbit, facultate sibi ex officio attributa, ingrediendi Monasteria prædicta, ita demum vti posse, si id faciant in casibus necessariis, & si sunt Prelati, à paucis, iisque senioribus ac Religiosis personis comititi, ita ipsis illico egrediendum domo esse, nec per cubicula aut effricinas vagandum, quod tamen non tollit, inquit Portel. in dubis regular. verbo Clausuram n. 14. paruum moram vti anam & moralem, dummodo non sedcant ad colloquendū,*



Secunda est in auctores libellorum, quibus Ordini Minorum aut Prædicatorum creatur infamia, quos propterea famulos nominant.

Tertia in eos est inflicta, qui utriusque ordinis religiosos temerè asserunt, in statu perfectionis non esse, nec iis permissum esse mendicato vivere, aut pœnitentibus de Papæ, aut Episcoporum facultate ac consensu, aurem dare consentientibus.

Quarta est aduersus eos, qui eorundem Ordinum locis, vim inferunt,

Quinta in detinentes eorum Apostatas, maximè si moniti eos reddere animum obstant.

Sexta in minores, cooptare ac in suum ordinem sine Papæ facultate recipere præsumentes, qui in D. Dominici familia tria sunt vota professi solemniter.

Septima in eos qui libris editis, aut verbo, palam vel in compitis ambos Ordines ex Parisiensium Academicorum albo eradendos docent, quas etsi sibi Pontifices reseruatæ esse voluerit, quia tamen nunquam innuere populo, nunquam quantum est satis, fuere promulgatæ ad notitiâ, cum eo obligare rigore, quem notat Pontifex non puto, quanquam de aditu ingressuque in Monialium religiosa sepra, sine Generalis venia, diceretur postea, monuisse in præsentis sufficit, peccata omnia quibus est ex eorundem voluntate Pontificum adnexa censura, in Episcopi cuiuslibet ac approbatorum iure esse, præterquam primum de aditu in cœnobium monialium.

### QVÆSTIO XI.

*An Pauli II. constitutio de alienatione bonorum Ecclesiæ vitanda, excommunicationem Papæ reseruatam inferat.*

Casus est talis. Domum ducentis aureis nummis æstimatam, quod sibi parum cœnobioque utilis foret, dilatrarendam cum Abbas & Monachi crederent, de pretio cum emptore conueniunt, qui stipulatur, tantundem in pecunia numerata, qua conditione ille Abbas, cum homine decedit, eique domum ducentis aureis nummis tunc numeratis attribuit.

Quæritur, An Abbas & Monachi in legem Paulinam commiserint, pœnasque in ea transgressoribus propositas incurrerint.

Conferam huius quæstionis explicationem in nonnullas hypothesas.

Prima Alienatio proprie sumpta, est actio, per quam rei Ecclesiasticæ dominium

A in alium transfertur, lege 1. Cod. de fundo, Glossa in ea, cum nulli liceat, de rebus Ecclesiæ non alienandis Sylu. in verbo alienatio numero 1.

Improprie est id, quo res integra, aut eius pars aliqua, vel proprietas communicatur cum alio, & utraque legibus est Ecclesiæ prohibita, pactum enim omne, non tantum per quod ipsorum bonorum dominium transit in alium, Paulus illa sua constitutione, cui est initium: *Ambitiose de rebus Ecclesiæ non alienandis* inhihet, sed etiam concessione, hypothecam, locationem conductionem ultra triennium, necnon infeudationem, vel contractum emphyteuticum, præterquam in casibus iure expressis, &c. ab his enim contractibus & similibus, datur usus rei, vel fructus, non integrum eius dominium ac perfectum, sed aliquale ac mancum, & hæc est secunda hypothesis.

B Tertia, est bonorum Ecclesiasticorum alienatio sacratis Pontificum legibus interdicta, ut Leonis I. Symmachi, Leonis IV. in Concilio Romano, Gregorii Magni quorum decretales relatæ sunt in causa 12. qu. 2. sicut Symmachi Alexand. III. Cælestini tertii, Innoc. III. sunt subiectæ sub titulum de rebus Ecclesiæ non alienandis. Hanc quoque vetuere, Greg. IX. Innoc. IV. Greg. X. de reb. Ecclesiæ non alienand. in 6. Paulus Venet. in Extrauag. *Ambitiose*, Clemens V. in Clementina eod. titulo. Paulus IV. in constitutione sua *Iniunctam*. Concilia similiter Aurelian. 3. can. 18 septima Synodus can. 12. Toletan. 3. can. 3. his verbis: hæc sancta Synodus nulli Episcoporum licentiam tribuit, res alienare Ecclesiæ, quia & antiquioribus canonibus hoc prohibetur, Concilium Roman. tertium sub Symmacho can. 4. Non liceat inquit, Papæ, prædium Ecclesiæ alienare aliquo modo, nec in usum fructum iura dare

D Quarta, Bonorum nomine quæ alienari prohibentur intelligenda sunt.

Primò, immobilia Synodus Romana can. 6.

Secundò, directum dominium ac utile, argumento est, quod illud in nouum feudum, ad vitam alicui concedere oppignere, & hypothecare sit illicitum Clemente V. teste, Clementina 1. de reb. Ecclesiæ non alienand. 1.

E Dixi in nouum feudum, quia si ab antiquo Ecclesiæ bona concessa hoc modo fuissent, aut in Emphyteusin, possent deinceps sine alia solemnitate à Prælato concedi, ut est in Bulla Pauli II. *Ambitiose de alienationib.*

Ratio est, quod hæc concessio non sit noua alienatio sed potius executio ordinationis antiquæ Abbas in cap. super de reb. Eccl. non alienand. quod in constituendo feudo recenti ac nouo locum perinde non habet, etsi enim cum alienatio

alienatio propriè sùmitur, contractus non comprehendat alios, quam venditionem donationem, permutationem quibus dictum rei traditæ dominium transfertur, iuxta leg. I. Cod. de fundo dotali & lege alienatam digest. de verbor. significat. in præsentem tamen materia, & qualibet alia fauorabili late debet accipi, vt comprehendat etiam feudum, emphyteusim, & locationem in longum tempus, quibus vsus-fructus siue dominium vtile transfertur, Layman. lib. 3. tract. 4. sect. 5. cap. 10. num. 2.

Equidè nō sunt Clerici bonorum Ecclesiæ Domini, sed procuratores & Oeconomi, vt est in decretali Alex. III. cui initiū, fraternitatem tuam de donationib. facit autem contra ius, fidemque boni Oeconomi, qui bona Domini eo non modo inconsulto, sed etiam repugnante ac inuito distribuit, quare qui bona Ecclesiæ, quæ in Christi patrimonio censeret dicit Inn III. in c. cū secundū Apostolū extra de præbend. Bonif. VIII. in decretali ex eo de elect. in 6. ab alienat, aut destruit: Vt homicida in conspectu iudicis reputatur 12. q. 2. can. 1. Et si enim omnium negotiorum Ecclesiasticorum curam habeat Episcopus, & eadem, vt Deo contemplante dispenset, non tamen illi licet ex his aliquid omnino contingere, aut parentibus propriis, quæ Dei sunt condonare can. 39.

Quartò in bonis quæ vendi, distrahi, ac abalienari sine consensu Pontificis nequeunt, numeranda iura veniunt, actiones, debita, Redoanius de reb. Eccl. non alienand. q. 2. cap. 6. Piafec. 2. parte prax. c. 3. art. 4. n. 8. indicatq; Concilij Epau. can. 7. vbi est his verbis: Quicquid Parochiarum, Presbyter de Ecclesiasticis iuris possessione distraxerit, inane habeatur ac vacuum, in venditorem actione competenti vertenda, hæcque mihi esse causa videri solet, cur census in re Ecclesiæ cōstituere beneficiario nō liceat tam qui sit perpetuus, quam vitalitius Redoanus de reb. Eccl. non alienand. cap. 17. quia esse census sine iure pensionis annuæ colligendæ ex Ecclesiæ redditibus non potest, iura autem, actiones debita eodem esse censentur discrimine, quo res ipsæ, ad quas tendunt: ergo cum illæ absque solemnitate quando sunt immobiles, abalienari nequeant, nec iura quoque ipsa poterunt.

Dixi cum sunt immobiles, nam vt est pecunia de bonorum mouentium genere, ita & debitum quod ad eam tendit vti terminum, Laym. supra num. 2. sub finem.

Quintò vox alienationis in hac materia comprehendit mobilia, quæ seruando seruari possunt & sunt pretiosa, Enim. Sa verbo alienatio, ita vasa argentea aureaque, vestes, calices alienari prohibentur in Concil. A-

Agath. can. 6. his verbis: Casellas, vel mancipiolas Ecclesiæ, vel vasa ministerij, quasi commendata fidei proposito, integro Episcopi iure possideant, id est vt hi neque vendere, neque per quoscunque contractus, res vnde pauperes viuunt alienare præsumant.

In hanc classem, armenta bouum ouiumque cogunt Quarata apud Piasecium supra, & Laymanus: contraria mihi tamen opinio in praxi videtur & lenior & tutior quam defendit, Emm. Sa in verbo alienatio, eadem est arborum, sylvarumque ratio, nec enim cum cæduntur, ad pecuniam ex iis colligendam, monetur Episcopus, multo minus Romanus Pontifex, facultatis ad eam rem obtinendæ gratia, quare iusto mihi rigidiores esse videntur, Nauarr. in consil. 6. de rebus Eccles. non alienandis Baldus & Iason in Authent. qui rem Codice de sacros. Eccles. Piafec. num. 9. cum aiunt in alienationibus incisionem arborum numerandam esse, quæ fit cum detrimento rerum Ecclesiæ, sed nostram sententiam propugnat Emman. Sa verbo alienatio.

Mobilia dixi quæ seruando seruari possunt, & sunt pretiosa, nam minuta, nam leuia, Episcopo distrahere est licitum, 12. q. 2. can. terrulas, etiam inconsulto capitulo Concil. Agathense primum can. 6. minusculas veriores, aut Ecclesiæ minus viles, peregrinis, vel Clericis saluo iure Ecclesiæ, in vsum præstari permitimus.

Hypothesis prima. Locatio quæ fit ad longum tempus alienationis nomine comprehenditur, quale est, quod nouem est annis maius. Bleyan. de Patrimonio Ecclesiæ & Ecclesiasticorum num. 37. & in comment. litera Z. quare facta eo modo, & extra metas nouennij non valet in Gallia, nisi ad eam iuris solemnitates fuerint adhibitæ, talem fori Gallici vsum esse indicant Senatus Luteiani præiudicia multa, & grauiora, de quibus Papon. lib. 1. tit. 13. arresto 4. Chenutius in additionib. omnibusque Capitulis ac Collegiis anno 1548. prohibitum esse, ne de cætero bona sua Ecclesiastica locarent ad vitam conductoris, aut tempus diuturnum scripsit Rebuff in compendio alienat. rerum Eccles. num. 9.

Hypothesis 2. Et si abalienari bona Ecclesiæ non debeant, possunt tamen nonnunquam sine culpa; nempe cum iusta eius rei causa aliqua suppetit: hæc autem est quadruplex,

Prima est vrgens necessitas, Concil. Agathense sub Symmacho can. 6. Authentica ius porrectum Codic. de sacros. Ecclesiis cap. nulli liceat de rebus Eccles. non alienandis, quare si Ecclesia premeretur debitis, nec ad ea sol-

tiosæ de reb. Ecclesiæ non alienandis, lib. 3. tit. 4. inferiores, Vero Prælati, commendatarij, & aliarum Ecclesiarum rectores, beneficia vel administrationē, quomodolibet obtinentes, prioratibus, personatibus, officiis, canonicatibus, præbendis, aliisque Ecclesiasticis, cum cura, & sine cura, secularibus & regularibus beneficiis quorum res & bona alienarunt duntaxat, ipso facto privati existunt, illaque absque ulla declaratione vacare censentur, possuntque per locorum Ordinarios, vel alios ad quos eorum collatio pertinet, liberè de iure conferri, Paul. ibid. ad quas pœnas addi placuit & alias, nam Episcopus vel Abbas, (verba sunt can. 19. cause 12. q. 2.) debent abici, Episcopus quidē ab Episcopatu, Abbas autem à Monasterio, tanquam qui dispergit quæ non collegit.

Nec ea modo pœna fuere contenti Antistites plectere, Ecclesiæ bona qui venderent, nam eos à suorum usu ordinum deiecit Concil. Aurelian. 3. can. 23. anathemate vero fulminari eos Romana Synodus imperat can. 7. ab iis autē tantum rependi Ecclesiæ de suo, quāta fuit rei ab iis distractæ, æstimatio Agathense. Quod si fecerint, inquit ibi Concil. can. 49. conuicti in Conciliis, & ab honore depositi, de suo tantum restituant, quantum visi sunt præsumpsisse, & can. 22.

Vendere autem & donare non presumant, quod si fecerint, aut fecerunt, & facta venditio non valebit & de facultatibus si quas habent proprias, ad eandem Ecclesiam reddant, & communione priuentur, non sunt tamen hæ pœnæ moribus vitentium receptæ, & si essent, non nisi post sententiam declaratoriam admissi criminis, & executoriæ, implendæ forent.

## QVÆSTIO XII.

An Iudices à Papa deputati, si munus à litigantibus capiant pœnam excommunicationis reservatæ Pontifici subeant, & an Pauli II. Bulla id vetantis, hoc præcipiat.

QVonia in constitutione Pauli Papæ secundi, quæ incipit *Munera* de anno 1466. est ius hoc sancitum, ut nemo Rectorum, Gubernatorum, vel Officialium quorumcunque Romanæ Ecclesiæ, munus accipiat, præter esculenta & poculenta, quæ biduo consumi possint Romaque non raro ad citramontanos iudices mittantur, qui de iure ambiguo respondeant, illudque æquisima iudicij sui lance siniant, quæritur an eiusmodi viri teneantur pœna excommunicationis latæ sententiæ, Romano Pontifici reservata, ac restitutionis faciendæ rei acceptæ, ac tantidem, quæ duæ sunt pœnæ qui-

Pars secunda,

A bus prædictus Pontifex animaduertit tam in suos Iudices, quam dantes.

Dico primò, Ad Iudices delegatos citramontanos, indifferenter ac promiscuè, pœnam hanc non spectare.

Primo, quia Paulus de Officialibus Romani status loquitur, Gregor. autem XIII. in constitutione quæ incipit, *Ab ipso Pontificatus*, & Clem. VIII. in aliâ quæ est de bono regimine, & administratione ciuitatum, edita anno 1592. Pontificatus sui anno primo, quibus est eadem subiecta materia quæ Paulinæ, has suas sanctiones duntaxat valere volunt in omnibus locis Romano Pontifici mediate vel immediate subiectis, nec non in omni genere tribunalium, iudiciorum, & causarum tam spiritualium, quam sæcularium, at qui extra urbem sunt Papæ loco, ac nomine, arbitri de rebus magnis, proprie dici nequeunt status Romani officiales, cum sæpe sint Galli, aut Hispani, nec quæ regnâ, vrbes, prouinciasque hi iudices incolunt, hæ Romano Pontif. mediate aut immediate subiacent, de his ergo iudicibus non est Paulina sanctio.

C Secundo quæ accipiuntur, ac dantur, dari debent & accipi, ex pacto, & promissione occulta, vel manifesta, facta sub generalibus, & plenariè non expressis aperte verbis, pro aliqua iustitia, vel gratia, in causis, vel iudiciis, seu alias per literas Apostolicas, & quibuscunque modis apud sedem Apostolicam obtinenda, Cherubinus commentariis in Bullam Bonifac. VIII. cui initium excommunicamus & anathematizamus de anno 1295. At quos Pontifex in diiudicandis controuersis sibi in prouinciis extra Italiam sitis, subrogatos habet delegatos iudices, hi communiter operam suam ad obtinendam à Papa gratiam, aut iustitiam non locant, cum eam ipsi, iulque litigantibus eius auctoritate reddant plenissimum, & quale leges, decretaque canonica postulant.

D Dico secundò, Multari hac pœna Iudices eos duntaxat qui Papæ vices agunt in terris ei immediate, aut mediate subiectis, cum munera accipiunt, ut quæ sunt officij faciant, inique la fore dant, dummodo ea momenti sint alicuius, ac pretii, nec dentur, post tributam gratiam aut iustitiam.

Pars assertionis prima fidem habet à verbis Clement VIII. in bulla speciali de hac materia, edita anno 1592.

Secunda à re ipsa, sineque legis, ecquid enim Pontifici in ea sciscenda propositum fuit corruptelæ viam ad prætoria claudere, cuique ius suum illibatum seruare, æquitatem in iudicando tenere, at in modicis, corruptelæ faciendæ vis deficit, quemadmo-

R



dum & in esculentis, nisi forte quis putet, flexurum se ad turpia foedaque iudicis animum, leui aliquo munusculo, aut puerorum crepundiis? Equidem quæ locum habent, in minimis, ea rationem non habent muneris, Tiraqu. teste in suo tractat de iudic. in reb. exigend. Versu 82. nec mentem peruertere, sensumque mutare solent iudicis, ut scribit Nauar. in commentar. constitutionis Gregorianæ de datis & acceptis.

Pars fuit vltima de oblatis, post finitam litem, tributam gratiam, nam lex de obtinenda gratia loquitur, nullo modo de obtenta, ergo ad hanc, ab illa, trahi ac deduci non potest, quæ prima est ratio.

Secundo qui liberalitatem secutus, dat aut accipit aliquid, non tenetur pœnis constitutionis secundum Nauar. in commentario quem edidit in constitutionem Gregorianam, sed quæ post litem offeruntur iudici, offeruntur non ut illecebra consequendi iuris sui, aut maturandi iudicij, sed ut caritatis, officijque præstiti compensatio, ergo &c.

Tertio, cessante fine, cessat legis vis & obligatio, sed ubi finem lis habuit, euertendi iudicis metus omnis abest, nec pecunia iusticiam reus quærit, aut eam iniquis pretiis interimit, ergo post eam habitam dare quid liberaliter ac gratis, constitutionem Paulinam non lædit.

Dico tertio, Delegatis à Papa iudicibus non nocet Paulina constitutio, quia non fuit recepta, aut si fuit, usu est abrogata contrario, Comitulus lib. 6. rescript. q. 6. aut per non usum inanis reddita, nullarumque virium, quod probat, ex eo quod ab Angelo in verbo excommunicatio tit. 5. Sylu. in verbo excomm. 7. Nauar. in summa cap. 27. non sit sita inter reseruatæ Pontifici, quæ autem à Bonif. VIII. ante Pauli tempora, ea de re scripta fuerat sanctio, excommunicationis pœna secus facienti proposita, à Clem. V. reuocatam esse docent hi omnes Paludan. in 4. dist. 18. q. 3. art. 5. Angel. in verbo excommunicatio 5. casu 35. Sylu. eodem titulo 7. excommunicatione 36. Gregorij autem XIII. constitutio ut testatur Nauar. & Comitol. locis ante citatis alios quam qui in Curia Romana munera capiunt aut dant pro felici exitu causæ spiritualis, itaque in eam non committerent, qui in curia ob iudicandam causam profanam, munus acciperent, aut extra Curiam, etiam ob spiritualement, ut Nauar. ac Comitolo est visum.

### QVÆSTIO XIII.

An Gregor. XIII. & Pij V. constitutiones, de clausura seruanda, pœnam excommunicationis ipso facto incurrendam habeant, ac Papa reseruatam.

**I**Ntra septa Monasterij puellaris recepta mulier diu cum latitasset ob periculum, in quo eius pudicitia versabatur in sæculo, inde egressa è professis eiusdem cœnobij virginem, qua toto illo tempore, quo seducta à suis in tenebris ac solitudine religiosæ domus vixerat, perquam amicè & familiariter vsa erat, secum abducit, de his quaeritur, an ambæ sint excommunicatæ, ambæ violatæ vtriusque Pontificiæ sanctionis reæ.

Respondeo ad constitutiones Pontificum, earum præcepta, ac iura, id quod est in controuersia, attendendum esse. In constitutione ergo Pij quinti quæ incipit: Circa pastoralis officij, Bonifacii Papæ VIII. quæ incipit. Periculoso hoc ius sancitum est, Moniales sub perpetua in suis Monasterijs, seu domibus, de cætero debere permanere clausura, in qua omnes discrimine nullo ac indifferenter (ut loquuntur) Episcopo subiici, etiam eas quæ reguntur à Regularibus, ab eoque ad illam cogi posse, ac debere, decreuere Patres in Concil. Trident. sess. 25. cap. 5. de regul. & Bonif. VIII. in cap. periculoso de statu regular. unico parag. & quoniam, & quidem in virtute obedientie, sub obtestatione diuini iudicij, & interminatione maledictionis aeternæ, quæ præcipiendi ratio, voluntatè in Pontif. obligandi Episcopos sub mortali indicat, ad clausuram inducendam in Monasterijs, in quibus deest, & quoniam est omnis potestas vi coactiua destituta, inanis ac manca, iubentur prædicti Episcopi, moniales omnes quæ obstinato animo huic clausuræ resistunt, omnibus iuris & facti remediis compellere easdem tanquam rebelles, & incorrigibiles ad præcise subeundam dictam clausuram, & perpetuo obseruandam. Pius V. in Bulla cum initium, circa pastoralis de anno 1566. 4. Calend. Iunij.

Gregoriana vero constitutio quæ incipit Vbi gratia, de anno 1575. facultates omnes perimit ac delet, tam à se, quam decessoribus suis concessas, Ducissis, Marchionissis, Comitissis, & aliis cuiusquemodi tam viris quam fœminis, ingrediendi Monasteria, domos, & loca monialium ac etiam virorum, quorumuis ordinum, iisque inhihet, sub pœna excommunicationis ipso facto incurrenda, super qua à nemine nisi à Romano Pontifice (preterquam



(*præterquam in mortis articulo*) absolutionis beneficium possit impertiri, ne ipsarum licentiarum prætextu, Monasteria huiusmodi quouis modo ingredi audeant: quare ex utriusque huius constitutionis iure.

Dicendum primo, nemini intra septa monialium fas esse ingredi sine facultate superioris, eaque in scriptis habita. Trident. sess. 25. cap. 5. Bonifac. VIII. cap. unico de regular. in 6. pœna transgressoribus imposita, est excommunicatio, nulli tamen prædicti vi concilii reservata.

Nemini dixi, ut ostenderem ab hac lege excipi neminem, sed omnes cuiuscunque generis aut conditionis, sexus vel ætatis fuerint, ea comprehendi Trident. supra.

Quid si admissi intra septa Monasterij, puellæ fuerint aut pueri? quid si nondum rationis compotes in sacra virginum domicilia aditum aliena sibi opera manuque reperiant?

Quorundam est opinio, hos nec pœnæ, nec peccati capaces esse ante septennium, quod eotempore lux se rationis in iis euoluat, non antea, Llamas in *methodo curationis*, Sanch. to. 2. *summa lib. 6. cap. 16. num. 7.* ex quo concludunt, à censura eos esse liberos per quos id ætatis pueri, admittuntur ad claustra monialium, puellæ vero intra septa virorum.

Qua de sententia deducit me cum Concilii ac Pontificis Greg. auctoritas, tum ratio ipsa, ut enim pro certo habeo, non peccare pueros, nec proinde mulctandos pœnâ, qui rationis perfectæ tempora nec dum sunt ingressi, debet enim omnis culpa deliberata esse, ac voluntaria, cuiusmodi esse non potest sine rationis aduertentia, ita e mentem inflectere meam nequeo, ut existimem sine peccato esse, qui pueros, aut puellas minores septennibus, mares quidem in monialium, fœminas autem in virorum claustra intromittunt.

Primo, quia moniales sub pœna excommunicationis ipso facto incurrendæ, prohibentur sine iusta causa, cuius Episcopus iudex sit ac arbiter; quenquam admittere intra septa Monasterij, quæ particula cum sit indefinita, ac generali æquiualens, pueros ac puellas infra septennium comprehendi, clarius est, quam ut à medicis debeat.

Quid? quod Concilium sess. 25. cap. 5. omnibus cuiuscunque sexus, ætatis ac conditionis, aditum ad sanctimonialium sacra domicilia, interdictum esse velit? ex quo sequitur quod cum antiquo veterique Iurisperitorum axioma, distinctioni nullus ibi ab homine locus esse debeat, ubi nullam lex

adhibet ætatem, à nobis, quæ puero in puellarum claustra ingressum concedi sit nefas, præscribi non debere.

Equidem (quæ prima est ratio) certa esse legis implendæ tempora debent, ut enim quæ præcipit, vetatque, statuta sunt, firma, ac perspicua, alioqui si incerta forent, ac obscura, si mutationi obnoxia, verborum quibus constaret obscuritas, ad eius intelligentiam præcluderet aditum, ita rei per eam præscriptæ diuersitas, aut incertitudo temporis, quo eam impleri est necesse, dissimilitudinem inter eiusdem prouinciæ, vrbisque ciues, in operando pareret, quod est vitandum.

Futurum hoc vero, quam nulli est dubium? cum inter Theologos reperiantur hoc nostro æuo, qui tempus seruandæ huius legis ad quartum annum, alij ad sextum, ad septimum & octauum reuocent alij, sint vero non pauci qui ab hoc in Monasteria ingressu, trium & quatuor annorum ætatem excludant, voluisse autem Pontificem ut in cuiusque potestate esset, hanc arbitrio suo fingere quis credat?

Secundo, cum à fine quem sibi in sciscenda lege Princeps statuit, petenda sit maxime, vis eius ac potestas, hac tenerij sunt censendi præ exteris, in quos cadit ratio prædicti finis, sed in hanc includendi sunt classem viri ac puellæ, quæ in sua septa, minimæ stirpis, ac ætatis pueros iuxta ac puellas intromittunt, aut receptos tolerant.

Sic enim intelligo, Gregorium, cum clausa esse viris monialium cœnobita voluit, & contra virorum, fœminis, id spectasse, ut pericula prolapsionis omnia subtraherentur, vel (quæ est Bonifacii oratio cap. periculoso de regularib. in 6.) *ut sic à publicis & mundanis conspectibus separata omnino seruire valeant Deo liberius, (& lasciuendi opportunitate sublata) eidem corda sua, & corpora, in omni sanctimonia diligentius custodire.* At scire aueo, ecquid ea vitia quæ concipi solent à viris conspecta fœmina, non recalcant ad aspectum puellæ, cum qua hoc peccatur impuni, liberiisque, quo est eius ætas infirmior, quo ad præcauendum impotentior, ut est vitii ignara, ut fraudis nescia, ut resistendi impotens, sic vim quam patitur, aut ferret impauida, quia vitiosam non credit, aut si de iniuria queritur, blanditiis facile placabitur, & ita (quod Bonifacio tamen & Gregorio facere fuit in animo) virorum atque fœminatum casumonia, suo diplomate non satianti viri prouiderent, quare cum quæ in viris hactenus reprehendimus, ac timeamus, hæc in fœminas quoque, quarum est sexus libidine peræque ac virorum infestus,

cadere vitia valeant, mihi idcirco perquam est probabile, moniales cum se adiri sinunt, suaque à pueris septennibus, ac vero etiam ætate minoribus penetrari domicilia, nexu excommunicationis in Pij V. constitutione Romano Pontifici referuatæ, vinciri.

Dicendum secundo, non alios in excommunicationis Gregorianæ laqueum ruere, quam qui prætextu licentiarum sibi olim à Papa concessarum aut Legato, monialium Monasteria penetrant. Ita *Miranda in manuali tract. de monialibus quest. 2. art. 10. conclus. 1.* Barboza *de potestate Episc. par. 3. allegat. 102. num. 37.* Sanch. *to. 2. summe lib. 6. cap. 16. num. 78.* Zerola *in praxi Episc. par. 1. verbo moniales ad 8. questum.*

Causa est, quod verba legis intelligenda sint strictè ac propriè, nec alio detorquenda quam fert germana eorum propriaque significatio, ergo cum Gregorius eos lege sua duntaxat coerceat, qui facultates obtinent Pontificias, sibi que earum prætextu portas monasterii puellaris recludi volunt, non est ad alios vis eius porrigenda, nec extendenda ad casum in ea non comprehensum, cum pœnas restringi, priuilegia autem, bonaque Principum diduci, & cum multis communicari deceat, quare illas ex rationis identitate protrahendas ad alios, quam quos pœnalis constitutio denotat, scripsit Sanch. *lib. 10. de matr. disp. 4. n. 3.*

Ex quo inferendum primo, Abbatissam, censura non ligari, vi huius Gregorianæ sanctionis, cum monasterii fores viris aperit aut fœminis non prætextu facultatum, quas sibi traditas à Pontifice memorant, sed ob causam ab hac diuersam, nam earum solum Papa meminit, cum Abbatibus & Abbatissis præcipit, ne in monasteria, domos, & loca sua, quocunque prætextu huiusmodi licentiarum, & facultatum, ingredi faciant & permittant, Gregor. *Extrav. Vbi gratia.*

Inferendum secundo, peccare quidem moniales contra hanc Gregor. sanctionem mortaliter, sed sine censura, cum sæcularibus introitum in domum largiuntur prætextu dictarum facultatum.

Ratio est, quod hæc Abbatibus & Abbatissis infligatur, nullo modo monialibus.

Inferendum tertio, per hanc Bullam nulla mulctari pœna, qui sine facultate admittunt & qui ingrediuntur, etiamsi ingrediantur, & admittantur ad malum finem, Diana *1. part. tract. 16. miscellaneo resolut. 32.*

Qui pro opposita opinione pugnât ut Zechius *de repub. Ecclesiast. titulo de regularib. ca. 3. num. 11. de Beia parte responsionum prima, casu 30.* Gregorium aiunt loquutum de omnibus, qui contra quàm exigit Concilium sine

A Episcopi facultate aut Prælati, cuius interest eam largiri, monialium internas ædes, septaque intrant, quam eorum opinionem persuadent argumenta sequentia.

Primum, quod cum de obligatione legis agitur, volûntatis legislatoris potior sit habenda ratio, quâ verborum quibus est perscripta, quare si quæ est inter vtraque pugna saltem in speciem, verba ad voluntatem non hæc ad illa trahi debet, Baldus *in leg. cum verum Cod. de fidei commissis*, sed voluisse Pontifices Pium & Gregor. quoscunque, quomodolibet cœnobii monialium subeuntes sine venia, referuata sibi excommunicatione irretire, docent Nauar. *cap. 27. n. 150. excommunicat. 61.* Azor. *tom. 1. institution. moral. lib. 13. ca. 8. q. vltima*, Hocque Sixtum V. declarasse Villaguta tradit *tract. de usuris quest. 35. num. vltim.* & proinde eandem sibi mentem fuisse quæ Pij quinti fuerat, cum fœminas à cœnobiis virorum excommunicatione proposita deterruit, quo tamen virtute facultatum quas sibi traditas narrabant, frequentes itabant, nam ut hic tam verbo quam scripto respondit, mentis suæ non fuisse fœminas constitutione sua complecti tantum, quæ prætextu facultatum in virorum septa admitti volebant sed quascunque alias eo penetrantes sine venia, quique illas intro ducere, aut recipere non timebant. Ita & fecisse Gregorium cum ab Eminentiss. Borromæo Cardinali, ea de re consultus esset, Villagutæ est opinio loco citato.

D De Pio V. eiusque mente dubitare non sinunt hæc eius voces in *Extravag. Romanum Pontificem* de anno 1570. cuius Confessor meminit in priuilegiis ordinum Mendicantium. *Auctoritate Apostolica tenore presentium dicimus, & declaramus, fuisse, & esse mentem & intentionem nostram, quod dicta litera non solum comprehenderent & comprehendant mulieres habentes & pretendentes facultatem, & indulta ingrediendi monasteria, sed etiam omnes, & quascunque mulieres alias, tam in genere quam in specie.* Itaque

Dicendum tertio, etsi quæ priori assertione sunt dicta, similitudinem veri habeant, tamen non tantum Romæ, sed hic quoque Lutetiæ Parisiorum, ac vicinis circa prouinciis Galliæ, Pij V. ac Gregorii de non intrandis monialium monasteriis valere legem, eiusque pœnas omnes.

Adiri non debent, quia decretalis Bonifacii VIII. quæ incipit *periculoso* vnica de regularib. in 6. moribus vtentium pridem est recepta in Gallia, sicut & cæterorum Pontificum cæteræ, quæ in corpus canonicum sunt relatæ, at hæc ingressum in monasteria monialium vult singulis interdictum esse, vitari ergo

Et

debet. Et quidē metu non modo culpæ, quā fugere rebelles in hoc genere, ac in obsequētes nequeunt, sed & pœnæ, (quæ pars est altera assertionis) per Gregorii sanctionem, huic hominum generi irrogatæ.

Enimvero recipiendæ legis duplex est ratio, expressa vna, tacita altera, expressa publicationē habet & consensum superiorū ac populi. Tacita vsum dūtaxat, cū effectu pœnæ, quem lex ipsa inferre solet, secumque vehere, at hanc parit Pii quinti constitutio ubique per Galliam, cum nemo sit paulo religiosior quin existimet, sibi à Papa, aut aliis ad id potestatem eius liberalitate natis, excommunicationis per ingressum intra monialium septa incursum, abolutionem petendam esse, valet ergo Pii constitutio etiam quoad pœnas in hoc regno.

Confirm. est consuetudo interpretis legis *cap. cum dilectus de consuetud.* notatque Beia *parte 1. respos. casu. 30. ex Ioan. Andr. in cap. cum dilecti de consanguin. & affinitate*, at est Galliæ vniuersæ sensus, excommunicationis censura innodari, qui sine Episcopi facultate aut superioris monialium, earum regulares domos ingreditur: ergo &c.

Minorem vsus ipse experientiaque certam faciunt.

Maior probatur, Sunt sacrarum ædium incendiarii omnium opinione excommunicati, & quidem, si sunt Episcopi ore, è loco superiore ac publico denunciati, istius censuræ nexum, solus Romanus Pontifex tollit, eo quod huius sibi solutionem seruata voluerit *in cap. tua nos desentent. excommunicat. at Nauarro* authore ac teste, non est in corpore iuris reperire vllum canonem, quo possit argui. è piorum cœtu motos esse vnam, qui improbitate inducti animi, aut odio aduersus Ecclesiam, religiosi eius ædibus, templisq; funestas faces lubiecissent, multo minus auctoritate vlla Pontificum aut Conciliorum potest confici, legem esse aliquam, qua id genus hominum Deo, eiusque templis infestum, iubeatur ab Episcopo notari publice, populoque declarari, quod vt infame, ac propter censuram quam culpa sua ac scelere lubiit, vt fœda corruptum lue vitari debeat, est id ergo totum consuetudini tribuendum, non rationi *quæ defendi non potest*, (inquit Nauar. *cap. 27. manual. num. 94.*) nisi id haberet consuetudo, & teneatur quod illa tolerata & approbata à prelatiis, vim habet legis, aut statuti excommunicantis. Quæ me causa impellit vt sentiam, quibus in locis, religioni non ducitur, pro abolutione ingressus in monialium septa, Episcopi implorare beneficentiam, ibi Gregorianæ sanctioni locum nullum esse, & quicquid peccatur, in

A Concilium ac decretalem Bonifacii aditum in ea loca prohibentis, peccari quidem cum culpa, sed eiusmodi tamen quæ censuram Papæ reseruata non habeat.

Dicendum quarto, etsi communiter Episcopi, pro se quisque, pœna excommunicationis ipso facto subeundæ, secus facienti proposita, verent ingressum in monialium sacra domicilia, vbi tamen id ab eis negligitur, nec hi pensi quidquam habent, an eorum fores apertæ sint promiscuè cui libet, an clausæ, non est virorum in sanctimonialium B religiosas domos, aut mulierum, in istorum conclauē domesticum, aut claustrum aditus, culpæ coniunctus, quæ excommunicationem eo penetranti irroget.

Partem Assertionis primam, si minus certam, at certe probabilem efficit Episcoporum in moderanda Diœcesi sua, caritas ac prouidentia, nec enim suspicari, nedum affirmare prudentia patitur: suo illos deesse officio, aut iusto Pontificum non parere imperio, quo vtroque tamen eos laborare scelere est necesse, si ad iniuriam exposita esse C monasteria, ad libidinem autem, vitiaque moniales patere sinant quæ earum, cum viris conuictu ac consuetudine, muris ostiisque conclusa excitari, ac verò (quod est dolendum) sæpe solent magno suo dedecore, animique perniciē concipi, nam vt omnium saluti consulere, puellarum maximè, ita & earundem peccatis, cum sunt facta, medicinam promere, ne fiant autem, qua possunt arte obitare debent, si negligunt, partes suas non obeunt, officium boni præsulis non faciunt, nec etiam inferioris ac subditi summo Pontifici, quid enim hic iubet? illud ipsum D *in cap. periculoso* quod Concilium Trident. *in sess. 25. cap. 5. Vt in omnibus monasteriis sibi subiectis ordinaria, in aliis vero, sedis Apostolicæ auctoritate, clausuram sanctimonialium, vbi violata fuerit, diligenter restitui, & vbi inuolata est, conservari maxime procurent, inobedientes, atque contradicētores, per censuras Ecclesiasticas, aliasque pœnas, omni appellatione proposita compescant*, quod cum eos facere sit probabile, & illud quoque est verisimile, puellarum cœnobium nullum esse, à cuius aditu viros non arceant. Quod si facere negligunt palamque cuncti, infantes pueros in monialium ædes introferunt, aut ipsi eas impune iisdem, consciis nec reclamantibus addeunt, excommunicationem hi non incurrun, non Episcopalem, quia nullam inflixisse supponimus, non Papæ, quia eius rumore, ac fama, nunquam sunt eorum vel leuiter perstrictæ aures.

Dicendum quinto, Vt in ædes monialium quæ sanctæ sedi subsunt aut Episcopo, ingre-



in eas exercent imperium, quæ Papæ benignitate, ab Episcoporum sunt potestate liberæ, in his quæ sui sunt iuris: ita Pius V. in motu proprio. *Circa pastoralis*, Concil. Trid. sess. 25. cap. 9. Bonifacius in cap. periculoso. Patriarchis, Primatibus, Archiepiscopis, & Episcopis mandamus, quatenus eorum quilibet in civitate, ac Diocesi propria, in Monasteria monialium sibi ordinario iure subiecta, sua, in his vero, quæ ad Romanam immediate spectant Ecclesiam, sedis Apostolicæ auctoritate. Abbates vero & alij tam exempti, quam non exempti Prelati Ecclesiarum, Monasteriorum, & ordinum quorumcunque in Monasteriis sibi subiectis, de monialibus includendis quam primum commode poterunt, providere procurent, quare si quid in hac parte Abbatissæ facere tentauerint, id non modo irritum ac inane, sed & viciosum est futurum.

Contraria sententia patronum vix habet vllum, præter Navar. præsidium eius est vnicum, nempe quod Papa Bonifac. in decretalis prima de statu Regular. in 6 & Trident. Synodus sess. 25. cap. 5. Superiori id permissum esse velint, at est Abbatissa monasterij sui superior, ut est in cap. dilecta 14. de excessibus Prelatorum, uti Iotrenensis Abbatissa in Meldensi Diocesi appellatur caput & patrona Clericorum, qui illi in eo cœnobio suberant, ac sacrosancto Missæ officio celebrando, illi ac monialibus operam dabant.

Sed respondendum, non superiorem quemlibet sibi id arrogare posse, de quo est questio, sed eruditionis prudentiæque laude commendabilem, nam discutere, nam probare causas debet, quam obrem, postulanti copiam sibi Monasterij subeundi fieri, hæc tribui oporteat, aut negari, facere id vero posse sceminam rerum ignaræ omnium, quis credat? Maneat ergo, cum de Prelatis ingrediendæ cœnobiticæ virginum domus, facultatem annuentibus est sermo, Abbatissas in eorum esse non posse numero, nisi cum Papa, Episcopus, aut regularis Superior, id eis licere volunt in calu raro, eoque necessario.

De consensu tamen tacito Papæ, & Ecclesiæ, ingredi ad moniales solent sine licentia alia, Medici, Chirurghi, Pharmacopola, Fabri, & id genus viri, quorum est opera monialibus necessaria, ad opus quod ipsæ per se præstare nequeunt, id enim facere si possent, illis in earum intrare cœnobiū fas non foret.

Ratio est, quod cum ingressum iusta ac rationabilis causa excusare debeat cap. periculoso 1. de statu regular. in 6. parag. 1. at hæc deficit, cum quæ viri, hæc obire quoque sceminæ possunt, æque ac illi rectè ac commodè, tria enim causæ iusticiam & æquitatem, in materia præsentis faciunt, primum, quod

A res cuius causa cœnobiū ingredi Laicum oporteat, fieri per monialem nequeat, aut domus utilitas non sinat.

Adiungendi medicis confessori, quorum eo ingressus honestior, iustiorque videri debet, quo est eorum opera, quam medicorum, ægræ fructuosior, quare ut hanc illi inuisere possunt quoties, & quam sæpe est necesse, ita & Confessarii eidem dare confidenti aures poterunt, non modo sub finem vitæ, cum anima in discessum imminet, sed cum ea de re rogabuntur ex præscripto regulæ, vel pia quapiam causa, cæteris ministrantur Sacramenta pœnitentiæ & Eucharistiæ, Rodrig. to. 1. q. 44. art. 4. Sanch. cap. 16. lib. 6. tom. secundi num. 44. Portelius supra num. 7.

Neque ad id eis, quemadmodum nec medicis fabris, latomis, cæmentariis, & aliis operariis quibus carere monialibus non est facile, specialis eaque in scriptis licentia est necessaria, quia etsi in cap. periculoso causa rationabilis & manifesta, ac de illius ad quem pertinuerit speciali licentia exigatur, ut ingressus vel accessus ad moniales pateat, abiit tamen hæc sanctio ut aliæ plurimæ in ventum, usu contrario, nec est e Medicorum familia quisquam, qui vocatus ad opem decumbenti puellæ afferendam, Superiorem aut Prælatum ante sibi cōsulendum existimet, ecquid eam iuvare illi placeat, quam afflicte manum medicam, ac opportuna curandæ valetudini remedia proferat. Nec ab Episcopo Fabri Latomi, Hortulani; & si qui sunt Monasterio necessarii id genus operarij, facultatem literis exarata sibi ad propria artis suæ ministeria, in monialium cœnobio obeunda, cum erit necesse, postulant, quos tamen lethalis arcessere culpæ hætenus nemo est ausus. Quare quod de licentia ad ingressum obtinenda in scriptis, dixit Tridentin. id est intelligendum de aliis, quam quorum est opera ad monialium temporale bonum, aut salutem moraliter necessaria, quales habendi hi omnes de quibus antea, quos cum Gregorio XIII. in Extravaganti quæ incipit: *Dubius quæ emergunt*, monitos volo peræque ac ille, *Prelatos tam seculares, quam regulares quibus cura, & regimen Monasteriorum monialium quovis modo incumbit, facultate sibi ex officio attributa, ingrediendi Monasteria prædicta, ita demum uti posse, si id faciant in casibus necessariis, & si sunt Prælati, à paucis, iisque senioribus ac Religiosis personis comituti, ita ipsis illico egrediendum domo esse, nec per cubicula aut effricinas vagandum, quod tamen non tollit, inquit Portel. in dubiis regular. verbo Clausuram n. 14. parvam moram vel anam & moralem, dummodo non sedeant ad colloquendū,*



Dicendum sextò, à pœnis Gregorianæ sanctionis excusari, qui Monasteria puellarum sine licentia subeunt, in earum necessitate graui.

Ratio est, quod nonnisi reos, culparumque plulquam vulgarium conscios, multari pœna, eaque non facile cuique tolerabili oporteat, cum inter hanc, & illas similitudo quædam communionis, ac proportio intercedere debeat sed ingressus in sacras virginum ædes, quem necessitas imperat culpa vacat; quod enim in lege non est licitum necessitas licitum facit *de regul. iuris regula 4* quare si incendij extinguendi causa, si tutandæ virginum pudicitia quæ periclitatur à prædonibus, qui ad eas suffossis mœnibus clam se ac latenter insinuare non sunt veriti, tota se repente eo vicinia coniiciat, non habebit in hoc caritatis opere æquitas, quod merito arguat.

Dicendum 7. non impedire facultates ab Episcopo habitas, aut aliis, qui præbere possunt, quo minus qui eas sunt nati, excommunicationi subiaceant, si his extra necessitatem vtuntur, Gregorii ea de re est ad manum constitutio his perscripta verbis in Extrauag. vbi gratia: *Sub iisdem pœnis, ipso facto incurrendis prohibemus, atque interdiciamus omnibus, & quibuscunque personis Ecclesiasticis & secularibus, ac etiam ordinum quorumcunque etiam Mendicantium regularibus, ne prætextu licentiarum ab Episcopis, vel superioribus quibus illas concedendi in casibus necessariis tantum, ex decreto Conc. Trid. facultas tribuitur, ne monasteria ipsa Monialium prohibitu, sed necessitatibus urgentibus duntaxat ingredi, neue moniales subeisdem pœnis illas aliter admittere præsumant.* Abbates autem Priores, Ministri, & quicunque Superiores Regulares, quinetiam & Episcopi prohibentur vti facultate huiusmodi, si quam habent, præterquam in casibus, vt præfertur necessariis: *Quod si contra fecerint auctoritate Apostolica, Gregorius in motu proprio cui initium Dubius quæ emergunt decernit eos qui Pontificalis dignitatis fuerint, pro prima vice, qua contra fecerint, ingressu Ecclesie interdictos, pro secunda à munere Pontificali, & à diuinis suspensos, ac deinceps ipso facto absque alia declaratione excommunicatos existere.* Regulares verò officio, ac ministerio priuatos, excommunicationi similiter subiacere, quæ dignitatum, officii ac ministerii priuatio, iudicis sententiam declaratoriam exigit, vt executionem habeat.

Causa est, quod sit pœna, ad sui executionem aliqua hominis actione indigens, omitti ergo hæc non debet, si à iudice negligitur, abire hunc officio magistratuque quem gerit, necesse non erit, qua de re nos alibi pluribus,

A Ratio est, quod præter sententiam, quæ propriè respicit pœnam, requiritur insuper criminis seu facti declaratio, cum sententia iudicis, quæ vocatur condemnatoria, definitiua, seu executoria, quæ in beneficiis, dignitatibus, & officiis in eo est, vt qui aliqua huiusmodi possidebat, his priuetur per iudicem, facta eorum collatione alteri, Henriq. l. 13. c. 56. parag. 2. & 3. Valq. in primam secundæ disp. 168. cap. 4. num. 25. & 30. Less. lib. 2. de iustit. cap. 29. num. 63. Equidem in cap. primo de homicid. in 6. imponitur homicidæ pœna depositionis ipso facto, & additur, *nulla alia requisita sententia*, & tamen in eod. canone excipitur declaratio facti seu criminis (postquam inquit canon) *istud probabilibus constiterit argumentis*, proferri ergo debent, nec ab alio quam iudice, qui his inductus, reum officio, aut beneficio quibus à canone priuatur, exiit. Non est hæc tamen criminis declaratio, aut sententiæ, id est executio pœnæ Episcopis, Abbatibus, & Regularibus impositæ à Gregorio, necessaria in Gallia, quod hæc eius sanctionem, qua parte pœnas istas irrogat, nunquam sibi recipiendam putauerit.

Dicendum octauò, Episcopum & priuilegiatum quemlibet, ab excommunicatione Papali incurrenda, aut incurfa ob ingressum in Monasteria monialium cum factum est occultum, absolueri posse, non autem ab inhabilitate ad dignitates & officia.

Assertionis pars prima, nititur concessione facta Episcopis in Trident. sessio. 24. cap. 6. vbi dicuntur, *delinquentes quoscunque sibi subditos (modo crimen sit occultum & ad forum nondum sit deductum) in Diocesi sua per se ipsos, aut Vicarium, ad id specialiter deputandum in foro conscientia, gratis absolueri posse.*

Causa est, quod facultati datæ Episcopis à Concilio per sequentem legem non derogetur, nisi hæc, talis derogationis mentionem fecerit, sed Episcopis per Concil. est integrum, absolueri ab omni casu occulto, qua de potestate non fit in excommunicationis istius reservatione mentio, ergo &c.

Minor est certa, maior autem probabilitate non caret, nam quis credat noluisse Ecclesiam decretis vim hanc suis inesse, maxime cum sunt in cœtu facta cõmuni Antistiti, id est orbis totius præstantissimorum hominum, vt clausulæ derogatoriæ vim posteriora statuta, si hæc illis forte essent cõtraria, non haberent, nisi de illis ista mentionem specificam facerent, quare dicendū est, inquit Diana par. 1. tract. 16. resol. 35. *Episcopum vigore Concilii Trid. sess. 24. c. 6. posse absolueri ab excommunicatione dum modo sit occulta, contracta ex ingressu ad Monasteria Monialium*, quæ est opinio

opinio Hentiq. lib. 7. cap. 26. Viualdi in *Can-*  
*del. par. 3. c. 12. n. 22.* Couar. l. 4. *Variar. ca. 15.*

In quo Episcopis Papæ beniguitate, sunt Religiosi priuilegiati auctoritate propè patres, nā vt ait Sorbus in *priuilegia Medicarum Ver. ingressus in Monasteria monialium n. 11.* est que in cōpendio priuilegiōrū eorūdem Ordinum, Religiosis societatis nostræ à Paulo III. singulari erga eam amoris testimonio indukum esse, vt possint hi toties quoties ab omnibus casibus sedi Apostolicæ reseruatīs, & ab omnibus pœnis; & censuris confurgētibz ex eis, præterquā in contentis in Bulla cœnæ absoluerē, quare cum quæ vni Ordini sunt impertita priuilegia, ad alios, maxime si sunt de Mendicantium numero, communicatione transeant, quod nobis licet in hac causā, licebit & ceteris.

Pars assertionis altera fuit de inhabilitate ad beneficia, & officiorum priuatione, in qua dispensare Episcopo non est integrum, nati in eius iure ea tantum sunt, quæ occulta, nec ad forū sunt cōtentiosum deducta at tam ea inhabilitas, quam priuatio de hoc non sunt genere, nam cum nec incurrantur ex probabili opinione nisi per sententiam iudicis declaratoriam, casus dari nullus potest, quo sint latentes & occultæ.

#### QVÆSTIO XIV.

*An peccantes contra Bullam Vrbani quarti de Simonia in religionis ingressu excommunicacionem incurrant Papæ reseruatam.*

Casus est eiusmodi, cum animaduertet quidam è nobili stirpe satus Adolefcens, stratum sibi viam in sæculo, tam suasionē comitum suorū, quam exemplis ad omnium ærumnarum barathrum, ad immēssissimum inferorum oceanum: enīmihero quod perpetuum fere est diuitum vitium, voluptatum anidus, beatitatis immemor, æternitatis oblitus, sese in libidinē totum immerferat, è qua quandiu in domo paternā omnibus delibutus deliciis viveret, vix vllum sibi ad bonam frugem transitum cum videret, (est enim libido vitium insanabile, catenam stygiam recte appellaueris, annulos ex annulo pender, lasciuia lasciuiz est substructa, altera ex fine alterius nascitur, vbi ei semel paretur, tam diuturno quā miserabili morbo animus occupatur) secum statuit hostem fugiendo, vincere. post mentem lautio rem, post saliares cœnas, post epulas copiosiores abstinentiæ studere, mundo valedicere, iustas à seipso de peccatis præteritis pœnas in religione exigere, ad quam vt aditum sibi

Pars secunda.

A recluderet, quem clausisse videbatur rerum omnium ignorantia, in ætate iam matura annis, magnæ spe dotis, Regularium animos implet, omnibus munera spondet, quibus hic ac Superior ille cœti, eius postulatīs annuit, hominem recipiunt, expleto Nouitiatus anno cœtui illum suo adiungunt, Quæritur an tam hic, quam illi, in Vrbani quarti extrauagantem commiserint, sintque ob Simoniam excommunicati.

Dubitandi causam suppeditat Vrbani quarti constitutio, quæ est prima de Simonia in lib. 5. extrauagantium ibi enim diserte Prælati inhibet, ne tam à maribus, quam à mulieribus volentibus ingredi eorum religionem, Ecclesias, monasteria, prioratus, domos seu loca, in earundem personarum receptione, aut ante vel post illam, quoscunque pastus, prandia, seu cœnas, pecunias, localia, aut res alias etiam ad vsum Ecclesiasticum; seu quempiam alium deputata, aut deputanda, directè, vel indirectè, petere vel exigere quoquo modo præsumant, quod si secus egerint, nos (inquit) si singulares sunt persone, tam dantes, quam accipientes huiusmodi excommunicacionis, si capitulum, seu conuentus fuerit, suspensionis sententijs, eo ipso decernimus subiacere, quæ quomodo, & quo sensu capi intelligique debeant, ex Doctorum mentē, inuestigare paulò accuratius est necesse.

Et quidem pro certo habeo, primo Simonia affines, reosque non esse, qui donis ac muneribus iter sibi in superiorum animos muniunt, quibus delinita eorum seueritas, fleciti tandem se sinat ad ingressum in religionem, quam infimis ambiunt precibus, eis vltro sponteque annuendum. Ita Diana de dubiis regularib. resoluit 64.

Primo, quia hic nulla est emptio, cum in vnum idemque, duæ voluntates non coeant, vna dandi, altera accipiendi pretii quod sit bono religionis oblato æquiualens,

Secundo, Simonia pactum exigit, cum sit studiosa voluntas emendi spirituale, pro temporali, quale hic nullum interuenit, non sunt ergo munera à candidatis Ordinibus data eorum superioribus, vt sic illos propitios, fauentesque sibi ad vora sua habeant, Simoniaci intēcta labe.

E Tertiò, Quæ persone ipse ingredientiæ purè & sponte, & plena liberalitate, omni pactione cessante, dare vel offerre Ecclesijs, Monasterijs, Prioratibus, domibus, locis huiusmodi dare volunt, cum gratiarum actione licite capi possunt vt est in Extrauag. Vrbani sane ne in vinea Domini, ac habet munera de quibus hic sermo, suam à liberalitate originem, nec enim vt extorquentur aut metu, nec mutua intercedunt vlla inter dantem & recipientem scēdera, pactio hic reperitur nulla, nulla reli-

gionis concedendæ pro receptis muneribus: præstita à Prælato fides, sunt hæc ergo si non ab omni, saltem à Simonia pura scelerare.

Dico secundò, *Committi Simoniam, cum pro statu Religioso quid sumitur vii pretium*, quia est hic spiritualis, tã ex parte caulæ, à qua habet initium, quam finis, cuius caula cum institui placuit, vt enim ipse non dicam, res tamen ipsa loquitur, Religiosi status Deum auctorem esse, ab eo leges, statutaque, à quo omne bonum in homines dimanat, fluere. Omnis quidem virtus, munus à Deo est, singulari tamen ratione Religio.

Primo enim menti allucet, vt vicina pericula præuideat, mundum horreat, captiosas eius illecebras metuat, promissa rideat, opes vti quisquiliis despiciat, voluntatem afficit vt quæ vitanda, quæ fugienda, animus videt, hæc non appetat, & quoniam infrænem appetentiam sub legis imperium compellere, legem sibi dicere, deliciis nuntium remittere, naturam vincere, res est periculosa plena molestiæ, luctantem hominem confirmat, ne ob pugna difficultatem, animum, spemque vincendi despondeat, sed opem cælo affuturam erecto animo confidat, quam & ipse indidem larga manu suppeditat. Est ergo religiosus status, in caula sua, principioque, spiritualis ac diuinus. Est etiã talis in fine cuius est gratia. Ecquid enim spectamus, ecquid quatrimus in abiudicandis mundi curis, pompisque, quam vt Deo sacri, totos nos in eius obsequium, cultumque abdamus? eo preces spectant nostræ tam diurnæ quam nocturnæ, eo ieiunia, eo vota, quæ nō à summis labris, sed à pectore, intimoque sensu veniunt, quæ cum naturæ terminos finesque omnia exeant, quis non videt Religiosæ vitæ statum, non vt humana cætera humi repere, sed naturæ similitudine diuinis prope parem esse, itaque pro eo sine Simonia, dari nihil debere, nec posse.

Dico tertio, *Simoniam esse iuris Ecclesiastici, aliquid capere pro ingressu in Monasterium, quando ei tantum est reddituum, quantum est nutriendis alumnis suis necessarium*: ita Laym. lib. 4. tract. 10. cap. 8. parag. 4. num. 39. deque eo patens est, aperta que Diu. Thom. sententia in 4. dist. 25. q. 3. art. 2. q. 2. ad 7 si sine gravamine possit recipi Novitius, *simoniacum est aliquid exigere*, Cælestini III. in cap. dilectus filius 30. de Simonia Innocentii III. in cap. quoniam 40. Alexandri III. in cap. non satis 8. eiusd. tituli, qui omnes asserunt pecuniam pro ingressu religionis, quicumque dat aut accipit, partem eum cum Simone habiturum, sic autem, id est *persimoniacum prauitatem* admissum, ac receptum, à loco religioso

A amotum ad agendam pœnitentiã in Monasterium arctius compingendum esse Cælestinus III. c. 30. de Simonia. Quod si forte propter nimiam multitudinem, moniales receptæ in sorores, pro pretio alibi nequiverint commodè collocari, ne damnabiliter in sæculo euagentur, recipientur in iisdem Monasteriis dispensatiuè de nouo, mutatis prioribus locis, & inferioribus assignatis, hoc etiam circa Monachos, vel alios regulares decernimus observandum, Innoc. III. in decret. 40. de Simon.

B Assertionis autem hæc est causa, quod cum Monasterio opum abundè est ad impensas communes, quidquid datur, vt in eo locum sibi quis habeat, dari præsumitur pro statu ipso religioso, aut iure recipiendæ præbendæ Monachalis cum cæteris, quæ duæ res cum sint spirituales, (nam ius obventionis annuæ, diurnæque, effectiuè seu consequutiue est spirituale, ratione scilicet officii, quod obitur à regulari) iusta causa Ecclesiæ extitit, prohibendi singulis, ne pretio iter sibi ad religionem facerent, idque sub motiuo religionis, cuius violatio in præsentī materia, C Simonia labem haberet.

Dico tamen quartò, *Decretum hoc Urbani reuocatum esse, aut certè nunquam fuisse receptum*, Less. de iustit. & iure cap. 35. num. 131. traduntque Suar. cap. 59. num. 7. Laym. lib. 4. tract. 10. cap. vlt. parag. 5. num. 70. in religionibus virorum raro hanc Simoniam committi, eo quod vel tenuitas reddituum Monasterii, vel diuturna consuetudo, talem exactionem cohonestare possit. Interdum vero sine obligatione, ac sponte aliquid offertur ab ingredientibus, quod nullo modo prohibitum est accipere. Hæc Laym. loco proxime citato, quemadmodum nec pro sustentatione, quod quando accidit, acceptio & datio, Simonie speciem non habent.

Dico quartò, *Urbani legem de Simonia pro religionis monialium ingressu, à tribus Pontificibus, Mart. V. Innocent. VIII. Clement. VII. reuocatam esse*, docent Nauarr. cap. vltimo, Enchirid. num. 106. Tolet. lib. 1. cap. 36. num. 7. Laym. supra.

E Equidem cum est monialium completus numerus, aut eorum est cœnobium bonorū indigens, exigere ab ea quidpiam, quæ in earum coopari numerum desiderat, vt inde necessaria sibi vitæ subsidia habeat, non est Simoniacum. At quicquid secum moniales è paterna domo, in cœnobiticam, ad quam admittuntur asportant, sustentationis dant causa, ergo sine culpa.

Maiores probatur, cum quid sustentationis nomine petitur, spirituale non venditur, sed quod ingressuræ ad vitam sit satis, quod haud dubiè profanum est ac temporale.

Minor ostenditur hoc modo, quod postulat



latur uti conditio necessaria ne alia grauentur eius ingressu, ut fieret, si cum ea cæterarum præbendarum diuidenda forent, quod incommodum ferre ipsæ gratis non tenentur, cum vitio dari nulli soleat, quod se extra damnum constituat, acceptione rei, quæ illi pretio respondeat. Equidem est in more dotem à virgine, religionis auida exigere, quem quia tacite approbat Ecclesia, cum non damnando, arguere culpæ honestè nemo potest, quemadmodum nec quæ gratis ac liberaliter ab ingressuræ propinquis, aut professæ, lautiora paulò conuiuia regulari familiæ cui ascribitur, apparantur.

Dico ultimo, *Urbani bullam quoad pœnas sublatam esse*, cõmunis enim est Doctorum opinio propter Simoniam, excommunicationem hoc tẽpore nõ incurri nisi in duobus casibus Ordine scilicet & Beneficio, Angelus *ver. Simonia 6. n. 4. in fine*, Sylu. *ver. Simonia q. 19. tertiapœna in fine*, Nauar. *cap. 21. Enchirid. nu. 111. consil. 85. & 87. de Simon. editione 1. S1 verbo Simonia num. 6. Tolet. lib. 5. cap. 93. Azorius to. 3. l. 12. n. 21. q. 6* qui etiam citat Rosellam & Tabienam, Gregor. de Valentia *to. 3. disp. 6. q. 16. puncto 6. in fine*, Lessius *lib. 2. de instit. cap. 35. dub. 23 num. 130.* Sanè Paulus II. & Pius quintus in his diplomatis quæ scripsere de Simonia, eam excommunicatione non puniunt, nisi cum est in Ordine aut beneficio admissa, quod est argumento, Urbani constitutionem, aut nunquam receptam esse, aut si fuit, iam tum, id est suo æuo abrogatam fuisse, oprandum tamen esset ne quam Moniales vitæ sibi ac professionis sociam allegerent, nisi gratis, ac sine pretio, Nauar. *in tract. de redditib. Ecclesiasticis qu. 1. monitione vltima*, de quo cum volent, legem Superiores sibi, posterisque seruandam sancient.

## QVÆSTIO XV.

*An Bulla Sixti quinti de ordinatis per Simoniam excommunicationem Papæ reservatam inuehat.*

**S**cripsit anno 1588. Sixtus Papa V. bullam, cui initium *sanctum & salutare* in qua tam Episcopis, male aliquem ad Ordines promouentibus, quam ordinatis pœnas non paucas, nec leues imponit, Episcopos enim primo à collatione omnium ordinum vult esse suspensos, quo nomine an etiam intelligi tonsura debeat, disputant auctores, tenentque partem affirmantem Suar. Laym. *lib. 4. tract. 10. cap. vlt num. 71. Lessius lib. 2. cap. 35. dub. 24. num. 134.*

**A.** Ego negantem ob hoc argumentum. Quæ voces legem componunt, per quæ pœna infligitur, strictè hæc capi debet ac proprie, de Sixtina Episcopos ab ordinum conferendorum iure remouens, pœnam habet, cum Episcopo præsertim pio, accidere grauius nihil queat, quam potestate priuatum esse, aggregandi per ordines ad statum Ecclesiæ, quos ille dignos existimat: ergo cum Tonsura non sit ordo, sed dispositio quædam, viaque ad illum, qui auctoritate Apostolica ordinis conferendi iure excidit, illico, non est credendus tonsuram largiri non posse.

**B.** Secundo, sunt Episcopi constitutione Sixti, ab executione suspensi munerum Pontificalium, & proinde à templorum, & calicum consecratione, benedictione vestium, &c.

Tertio est ingressus Ecclesiæ illis interdictus.

**C.** Quarto si contra interdictum quid egerint, suspensi sunt à suarum administratione Ecclesiarum, & perceptione fructuum, quos sibi sua beneficia pariunt.

Quinto sunt excommunicati excommunicatione, à qua eos absolvere nisi Pontifex nemo potest, quas pœnas subiri similiter ab ordinatis per Simoniam idem qui supra Sixtus voluit, ut notauit Cherubinus, *lib. 2. compendij in Bullarium, bulla Sixti nonagesima prima.*

Duo ergo hic quærentur. Primum, an hæc Xisti sanctio excommunicationem vbique inferat. Alterum male ordinati ac per Simoniam, canonicæ quæ sint pœnæ.

**D.** Respondeo ergo Xisti bullam in his prouinciis, vim habere nullam.

Primo, quia ne leui quidem fama multis est cognita.

Secundo, quia ab his, quorum interest eius notitiam hominum imprimere animis, promulgata nunquam fuit, ne dum recepta.

Tertio, quia ad terminos iuris est communis à Clem. VIII. redacta auctore Less. *lib. de iustitia 2. cap. 35. dub. 24. num. 134.*

Alterum in quæstione erat, si ne iure canonum pœnæ aliquæ male ordinatis, maxime vero Simoniacè, inflictæ.

**E.** Respondeo, quod sæpe censui, & respondi esse, & quidem qui per saluum ordine se sacro initiari patitur, aut qui eum quasi suffragatur ab Episcopo, mentito beneficii seu pæsimonii titulo, suspensus est propter Concilii Chalcedonenlis canonem, qui sextus est actionis 15. quem Gratianus retulit in distinct. 70. his verbis. *Neminem absolute ordinari Presbyterum, vel Diaconum, vel quemlibet*



bet in Ecclesiastica ordinatione constitutum, nisi A manifestè in Ecclesia civitatis, siue possessionis, aut martyrio, aut in monasterio qui ordinatur, mereatur ordinationis publicata vocabulum. Eos autem qui absolutè ordinantur, decrevit sancta Synodus vana habere manus impositionem, & nullum tale factum valere, ad iniuriam ipsius qui eum ordinavit, quorum verborum est hic sensus, eum qui contra ius huius canonis, ordinem sacrum erit adeptus, eundem exercere non posse, quod quomodo intelligi oporteat, dicetur tract. sequenti de suspensione.

Certius est quod de ordinatis per Simoniam traditur, primo enim sunt hi ab ordinum suorum executione suspensi, Extravag. cum detestabile de Simonia, Sylu. verbo suspensio n. 7. non omnium tamen, sed eorum duntaxat, quos Simonia: fœda labe infecit, ut in quo quis peccavit, in eo pœnam debitam sustineat, quam opinionem uti probabilem defendi posse, scribit Less. loco proximè citato.

Ordinum autem nomen hic positum, ad sacros non tantum pertinet, seu maiores, quare minorum susceptio, in probabili multorum sententia, meaque, suspensionem inuehit: vere enim sunt Sacramenta, ut ostendimus in tract. de Ordine, non Sacramentalia tantum, ergo comparare sibi pretio è minoribus ordinibus vnum aliquem, est tacitè pœnis subesse velle, quibus Paulus in Extravag. cum detestabile ordinatos per Simoniam, afficit.

Quare si hi cum ea suspensioe, sacris se altaribus sacrificij causa admouerint, erunt irregulares, ut qui cum censura celebrent, quæ est secunda pœna, qua qui pretio irrepere ad ordines, mulctantur à prædicto Pontifice, quanquam (ut quod res est eloquar) non alios pœna hæc afficit, quam qui per se, aut alios, pecunia sibi iter ad ordines muniunt, nec enim in alios statui exemplum conuenit, quam qui sunt rei, at qui causa sua nescit admissam esse Simoniam quid peccat? qui quæ sunt ignorante se ac nescio facta cum Episcopo improbat, in quo conscientiam maculat?

Non potest tamen hæc suspensio cum est notoria, (quæ est ordinatorum per Simoniam pœna tertia) ab alio quam Pontifice adimi Laym. lib. 4. tract. 10. cap. vltim. parag. 7. nu. 71. Ab Episcopo autem si casus sit occultus, & ad forum contentiosum necdum deductus Lessius lib. 2. cap. 55. dub. 24. num. 136. etsi esset Simonia cum eo commissa, quia per eam, potestate sibi à Concilio concessa Less. 24. cap. 6. non excidit, aut ab ea suspenditur, quicquid dicat Comitolum. l. 6. respons. q. 41.

Quarta pœna eiusmodi hominum, est excommunicatio incurrenda ipso facto, quæ ad eos etiam pertinet, qui quoquo modo eius auctores extitere, mediatores aut procuratores, à quibus nisi à Romano Pontif. pro tempore existente, non possunt absolui, præterquam in mortis articulo constituti, Paulus in extravag. cum detestabile 2. de Simonia parag. statuentes, ubi notandum, ad eam pœnam exigi, ut pecunia quæ datur ordinis gratia, detur ante eius collationem, nam hi duntaxat sunt plerendi, qui Simoniacè sunt ordinati, Paul. in extravag. cum detestabile, at id non accidit, cum pecunia, aut quidpiam ei æquiualens, collatum ordinem sequitur, ergo eius post susceptum ordinem oblatio, non est causa futura suspensionis, aut censuræ cuiuspiam alterius in dante.

Confirm. gratis ordinem qui suscipit, dici Simoniacè ordinatus non potest, at ordinationem eius, qui illa iam facta, pecuniam ordinati offert, nec pactio præcessit vlla, nec pecunia, Simoniacæ ergo appellari non potest, ergo nec eiusmodi, quæ suspensionis, pœna male ordinatis proposita, puniri debeat.

De Irregularitate nonnulli dubitant, eamque male ordinati pœnam esse quintam adiunt ut Vgolinus tab. 4. cap. 4. quibus ne assentiar obstat hæc ratio.

Iuris axioma est vulgare, non nisi violatione censuræ, irregularem quem esse, at in priori naturæ, cum confertur ordo Simoniacæ, necdum est excommunicatio, necdum est suspensio, sed erit in posteriori aliquo signo naturæ subsequente, quo tempore non exercetur actus vllus ordinis, ut patet, non est ergo susceptioni Simoniacæ ordinum, adiuncta irregularitas ipso facto, sed eorū vlu in suspensione, aut excommunicatione, quibus qui per Simonia labem ordinem suscepit, constitutione Paulina est vinctus, quemadmodum & qui in obtinendo Ecclesiastico beneficio Simoniacam fraudem admisit.

Primo, enim est suspensus, secundum Comitolum. l. 6. q. 41. quamuis contradicat Nau.

Secundo est excommunicatus excommunicatione de qua Papa solus absoluit, Paul. II. extrav. cum detestabile de Simon. pertinetque hæc pœna ad omnes tam qui occultè, quam qui palam, & notoriè sunt tales, aut qui ad id detulere operam, mediando (ut loquuntur) aut procurando.

Tertio, beneficium comparatum pretio, ac per Simoniam retineri nequit, Glossa in cap. constitutus de transactionib. sed dimitti debet etiam ante Iudicis sententiā: Rebuff. secunda parte praxis titulo de Simon. in resig. num. 4. quia omnis prouisio beneficii in qua inter-

intercedit Simonia voluntaria, cum peccato mortali, ipso facto, etiam in conscientia, est ante omnem sententiam irrita, & nullius valoris, Paulo decernente in citata extrauag. per electiones, postulationes, confirmationes, provisiones, seu quasvis alias dispositiones, quas Simoniaca lahe contigerit fieri, & quae viribus omnino careant, in Ecclesiis, Monasteriis, dignitatibus, personatibus, & quibusvis beneficiis, aut aliquo eorum, cuiquam in nullatenus acquiratur, nec inde faciat aliquis fructus suos, sed ad illorum omnium, quae percepit restitutionem, sub animae suae periculo sit adstrictus. Sitamen occulta est Simonia, ordinarii collatio titulum coloratum efficit Gornesius q. 12. in regulam de triennali possess. limitatione prima in fine.

Causa est, quod absolutio à Simoniano occulto data, ceterique actus spiritualis iurisdictionis quos obit, sunt validi, quod esse non posset, nisi titulum coloratum haberet secundum communem sententiam.

Quarto, qui beneficii per Simoniam acquisiti est reus, eius fructus non acquirit, itaque perceptos restituere sub peccati poena debet, quia ut est in c. *Mattheus 23. de Simon. Simoniano* sponte dimittenda est administratio Ecclesiae acquisitæ pretio, proindeque Simoniacæ, ergo & fructus, rei enim non suæ, retineri ac seruari fructus non convenit, at beneficii quod sibi quis mala arte, hoc est Simoniacæ comparat, verus non est, ac legitimus possessor, ut patet ex verbis citatæ extrauag. eius ergo restituendæ sunt obventiones, fructusque, & quidem ante sententiam, quod Nauar. *Enchirid. 25. num. 111. ad 15. Suar. in cap. 57. num. 33. Reginald. lib. 13 cap. 12. num. 176.* ex eo colligunt, probantque, quod iure naturæ, aliena relinqui debeant, nulla expectata sententia, ut est in can. *primo causæ 14. q. 6.* ubi est his verbis: *Fidentissime dixerim, eum, qui pro homine ad hoc interuenit, ne male ablata restituat, & qui ad se confugientem (quantum honeste potest) non compellit ad restituendum, socium esse fraudis & criminis.*

Quinto est Simoniacus inhabilis ad idem beneficium obtinendum, cap. nobis fuit 33. de Simonia & cap. penult. de electione, ubi Honorius III. asserit Episcopum non posse dispensare cum eo, cui ignorati sua causa commissam esse Simoniam, collata est prælatura, posse vero, si citantum simplex beneficium collatum fuerit. Si alicuius electionem propter Simoniam, eo ignorante, ac ratum non habente commissam contigerit reprobari, cum eo super prælatione, ad quam talis fuerat electus, illa vice non potest Episcopus dispensare quamvis circa eum, qui ignoranter recipit beneficium simplex

A per Simoniacam prauitatem, post liberam resignationem Episcopi dispensatio tolleretur. Hinc enim sic argumentamur. Qui dispensatione eget ad aliquid, ad id est iure inhabilis, cum dispensatio non sit aliud quam iuris relaxatio, sed is cui collata est Prælatura per Simoniam, eodem ignorante commissam, dispensari nequit ut eam possideat, sedis tantum, qui eo modo simplex recepit beneficium, ergo ad id est inhabilis, ergo & is qui sciens & volens in eo consequendo admisit hanc culpam.

B Sexto, quia Paulus in Extrauag. cum detestabile, citata poenas omnes renouat iuris antiqui contra Simoniacos, quas vult eos ipso facto incurrere, quæ sūt poenæ depositionis, & priuationis, his etiā affici poterūt per sententiam Iudicis, quia sententia iuris subeunda ipso facto, non excludit declaratoriam incursum criminis, ut antea ostendimus. Equidem Alexand. III. in decretali de hoc autem 11. de Simon. non ait conuictos de Simonia, aut confessos in iure, esse actu depositos ab altaris ministerio, sed deponendos, & Deodatus cap. 7. eiusdem tituli, Simoniacum ait meritum esse, ut ab ordine male accepto remoueat.

C Septimo, excommunicantur cum Simoniano, quicumque ei auctores extiterint committendæ, Simoniacæ, aut etiam adiutores, ut amici, parentes & propinqui, qui eam procurant, aut qui voluntatis utriusque contrahentis interpretes sunt ac nuntii, ut mediatores, dummodo eius efficaces sint causæ, cuiusmodi censendi hi soli, sine quibus ea non fieret, ut ex communi sententia docet Nauar. *Enchirid. cap. ult. num. 51.* nam ob consilium duntaxat, aut auxilium, quod inane fuit, ac nullarum virium, eo quod effectum res sortita est nullum, excommunicationem non sequi, communis est sententia.

Sunt autem mediatores hi soli in hac materia, qui cum ambobus transigunt, qui vnius ad alterum voluntatem referunt, qui quod cuique certum est dare, aut recipere pro beneficio, contracturis renunciant, ac dicunt.

E In quo hi à procuratoribus differunt, quibus est satis ad hoc nomen, quod cum contrahentium altero agant, quod cum ad beneficium sibi pretio comparandum, aut distrahendum, inducant. Et hæc hominum genera duo, pari cum Simoniacis teneri poena, nec liberos esse posse ac immunes ab excommunicationis censura per Paulum inflicta, docent summarum auctores.

Est & alia contra Simoniacos Pii quinti constitutio expedita anno 1566. qua non ad

possessum modo beneficium per Simoniam labem redduntur hi inhabiles, sed ad alia omnia sed præterquam quod non est hæc constitutio recepta usu, insuper locum non habet nisi post iudicis sententiam.

Argumento sunt hæc verba: *Quicumque crimen Simoniacæ prauitatis commisisse conuictus fuerit, pœnis ergo non suberit, nisi qui admissi huius criminis peragi poterit, Nauarr. consil. 42. de Simonia, Sa correctus verbo simon. num. 9 Reginald. 10. 2. lib. 23. num. 183. Flaminio de Resignationib. lib. 4. q. 2. Suar. lib. 4. cap. 58.*

Ratio est, quod canonistarum communis sit hæc, receptaque opinio, ex constitutionum principio, earundem interpretationem petendam esse: ergo cum de iudicio, futuraque in eo conuictione de commissio Simonie crimine, in sanctionis suæ limine loquatur Pontifex, ea conuictione omissa, aut non peracta, est hæc sine vi futura ac robore.

### QVÆSTIO XVI.

*An Pij quarti, & quinti Bullæ Pontificiæ de confidentiali Simonia, excommunicationem Pontifici reservatam habeant.*

**C**Asus est eiusmodi Beneficium cum possideret homo grandi iam natu, cuperetque de nepote bene mereri à quo in ipsum multa erant profecta beneficia, illud ei resignat, sed cum spe, fiduciaque ut in partem fructuum quos possessori suo tale beneficium parturit, minimæ stirpis fratrem aduocet, quaeritur num hæc renunciatio, Simonie confidentialis labem habeat, pœnasque, & à quibus solui eas oporteat.

Est confidentia, Flaminio in tract. de confidentialibus q. 1. num. 49. *Spes quod is cui collator confert, quem patronus præsentat & offert, quem eligens eligit, cui resignans relinquit beneficium, illud ipsum sibi, aut alteri postea cum pacto, & conuentione expressa vel tacita resignabit, aut ex eo pensionem dabit.* Est spes instar generis, cum latius hæc longe pateat quam Simonia, nec sit vitiosum sibi aut amicis bene velle, spem consequendi beneficii concipere, modo ne mala arte. Cætera differentiarum vicem explent, quæ enim natura sua spes est ad vtrumque indifferens, mala fit ac redditur adiectione pacti, de retinenda reddituum parte, de repetendo breui eodem beneficio, per se, aut alium cui resignabitur.

Alii confidentiam nominant, pactum expressum aut tacitum, quod intercedit inter eligentem & electum, collatorem & eum cui beneficium

**A** confertur, resignantem & resignatarium, quod elapso aliquo tempore, eligens ab electo, conferens à collatorio, beneficium recipient, aut fructuum eius partem aliquam, aut si nolint ipsi, eorum loco alij. Quare (quod est monitum Nauar. cap. 23. num. 109. Viualdi de simon. num. 28. Less. lib. 2. de iustit. cap. 35. dub. 6. num. 95.) qui resignat, aut procurat alicui beneficium, confidens illud ipsum aliquando amico, aut nepoti resignandum, sed libere, sicut & ipse sine obligatione ei vlla largitur, non peccat hoc peccati genere, cui nos confidentialis Simonie nomen damus.

**B** Ratio est, quod esse Simonia nulla potest sine pacto (est enim contractus vltro citroque obligatorius, hoc est ut loquuntur alij voluntas studiosa emendi spiritale pro temporali) sed hic ex hypothese nulla est pactio, transactio nulla. Vnde quantumvis speret quis, vel confidat, si nulla est occulta, vel aperta conuentio, nulla intentio obligandi, nulla quoque est Simonia, Less. num. 95.

Fit autem confidentialis Simonia modis quatuor, primo per accessum, secundo per regressum, tertio per ingressum, quarto per pactiōnem pensionis recipiendæ, & partis fructuum beneficii quæ detur conferenti, aut alteri personæ quam ille designauerit, quos modos his verbis est complexus Pius V. in bulla, cui initium Intolerabilis edita anno 1569. *Quare nos volentes periculosam talium audaciam, noui iuris subsidio cohibere, præsentium auctoritate statuimus, ut si quis quacunque auctoritate Ecclesiam, vel Monasterium, aut aliud beneficium Ecclesiasticum quale ex resignatione vel cessione cuiuscunque personæ simpliciter, aut cum circumspecta retrocessionis, cum regressu vel accessu, etiam sola dimittentis intentione receperit, vel illa, vel illud etiam in euentum regressus, vel accessus, eidem dimittenti, vel alteri postea conferatur, aut illius fructus, vel eorum pars alij, vel aliis concedantur, vel pensiones soluantur ex eisdem, hac confidentia censetur.*

Est autem accessus, quando qui confert, aut procurat alteri beneficium, id agit cum confidentia, id est pactiōne, quod collatarius illud ipsum et postea, aut alteri, quem designauerit, resignabit.

**E** Ingressus accidit, cum quis ante captam possessionem alteri resignat beneficium seruatō sibi iure ex confidentia id est pacto, eius possessionis ineundæ, si is cui illud resignat præmoriatur, aut fiat Episcopus.

Regressus in eo est, ut quis beneficio renunciaret cum confidentia id est pacto, quod idem beneficium certo tempore ad renunciantem regressurum sit, aut alium v. c. consanguineum, fratrem, aut nepotem, cum per ætatem eius capaces esse poterunt, vel

cum



cum ipsemet renunciens, beneficium sibi A  
seruat, partem tantum fructuum eius, relicta  
ei, qui eius est tantum possessor in spe-  
ciem.

Iam ergo ad quæstionem, excommunica-  
tio per Bullas Pii quarti & quinti, quæ sunt  
de confidentia, lata contra simoniacos con-  
fidentarios (ut aiunt) estne de earum nu-  
mero, quæ sunt reservatæ Pontifici?

Causa dubitandi unica, quod ubi, quan-  
do, & à quo, promulgatæ fuerint, ac rece-  
ptæ, non constat, quæ autem Romæ cusa di-  
plomata, ab Episcopis non vulgātur, aut eo-  
rum exemplo ac imperio in praxim non re-  
uocantur à populo, his cum non teneri  
communis est opinio.

Dico primò, *Nusquam receptam videri, Pij  
quinti Bullam quoad eam partem, in qua eos  
censura notatos esse præcipit, qui beneficium  
resignant alicui, aut conferunt, ea lege, ut promi-  
sus, illius fructus si non omnes, at eorum partem  
aliquam, ad utilitatem conferentis, aut cedentis  
relinquat, vel pensionem ei pendat ac numeret, cui  
collator aut resignans voluerint.* Ita Lessius lib.  
2. cap. 35. dub. 16. num. 97.

Causa est, quod talis pactio depen-  
denter à voluntate Papæ facta, non sit illi-  
cita.

Secundo, etsi sit ab Episcopi, aut collato-  
ris dignitate perquam alienum, partem sibi  
reservare fructuum, causæ tamen esse iustæ  
possunt, quomobrem hos communicari  
nonnunquam cum aliis oporteat, ita à Re-  
ge Christianissimo sæpe in obventionum  
sacrarum communionem ac partem vocan-  
tur nobilium liberi, cum Doctores ea lege  
ad Sacerdotia Pontifici offerat, ut his ad stu-  
dia, vitæque necessaria subsidia pensionis  
nomine Papa permittente quidpiam tri-  
buant, quam Christianissimi Principis vere  
cælo dignam munificentiam, quis merito  
culpæ arcessat aut Simonie? At quod esse,  
& fieri potest sine crimine, de eo fas est pa-  
cisci, mutuaque partium consensione transi-  
gere: ergo &c.

Dico secundò, *Confidentarios, violatæ Pia-  
næ sanctionis reos esse, quia ubique quoad sub-  
stantiam longa est recepta consuetudine  
ut docet Laym. lib. 4. tract. 10. cap. ultimo §.  
8. num. 75. in Italia, autem, Germanique,  
quoad eius pœnas omnes.*

Prima est Papalis excommunicatio Na-  
uar. cap. Enchirid. 23. num. 103.

Secunda priuatio beneficiorum omnium,  
pensionum, administrationum, officiorum,  
dignitatum, non est hæc tamen ante iudi-  
cis sententiam, mandanda effectui ab ipso  
reo in conscientia, opinione Lessii cap. 35.  
Laym. parag. 8. de simonia, num. 77. Suar. cap.

44. num. 13. quia etsi Princeps magnorum  
reos criminum, lege lata rebus suis, earum-  
que dominio, ac iure in eas acquisito priua-  
re valeat, ita ut ante Iudicis sententiam tam  
isto, quam illis cedere debeat, iuxta com-  
munem DD. sententiam apud Suar. lib. 3. ca.  
5. de legib. non est ea tamen vis legum, qua-  
rum sunt Papa & Princeps authores hoc  
tempore, ut ista se severitate seruari velint,  
quia nec id Papæ, Principibusque placitum,  
nec sunt à nobis eorum decreta cum eo ne-  
xu, vinculoque recepta, ferri sententiam  
volumus, rerum quæ iuris sunt nostri, vñ  
ac potestate exui nisi iussi, coactique à Iudi-  
ce nolumus: beneficium officia, ac magi-  
stratus, dummodo illa per nos regamus aut  
alios, voluntate Papæ tacita retinere quan-  
diu iudex finit, possumus, atque ita decet  
Couarr. 4. decret. par. 2. cap. 6. parag. 8. num.  
8. Nauar. in commentar. de datis ac promiss.  
not. 31. Auila par. 1. de censur. dub. 7. Sanch. lib.  
2. moral. cap. 26. Suar. 10. 1. de Relig. tract. 3. lib.  
4. de simon. cap. 43. num. 13. Vbi hanc regulam  
tradit. quando aliquis per pœnam priuatur  
re sua, non obligatur ad executionem ante  
sententiam, quæ est etiam Laym. opinio lib.  
1. tract. 4. cap. 15. num. 6.

Tertia, est interdictum ab ingressu Eccle-  
siæ pro Episcopis, & maioribus Prælatiis, si-  
cut excommunicatio pro minoribus.

Quarta, est inhabilitas non tantum ad be-  
neficium Simoniacè acquisitum per confi-  
dentiam, sed ad alia omnia.

Quinta, Resignatio vel collatio beneficij,  
in quo Simonia admittitur, est irrita, notant  
tamen Laymanus supra & Emman. Sa ver-  
bo simonia num. 7. renunciantem Simonia-  
cè, puniri quidem posse, priuatione sui  
beneficij, eo tamen iure factoque priuatum  
non esse, quia renunciatio est nulla, quod  
autem inane est ac nullum, producere quid  
potest? idem docet Nauar. cap. 23. num. 105.  
Garcias parte 2. cap. 3. §. 2. n. 214.

Sexta, Beneficia in confidentiam accepta,  
& collata, sed à Apostolicæ sic sunt reservata,  
ut ab Episcopis aut Prælatiis aliis conferri  
nequeant.

Dico tertio, *Pij quinti constitutionem de con-  
fidentia nunquam fuisse receptam in Gallia,  
quod Concordatis videretur esse contraria  
in his enim tam fructuum, quam beneficii  
reservatio omnis est prohibita, volumus quo-  
que & ordinamus quod in Regno, Delphinatu &  
Comitatu, de cetero non dentur aliqua gratia ex-  
pectatiua ac speciales, vel generales reservatio-  
nes, per nos, & sedem prædictam non fiant &c.  
Concord. in rubrica de reservationib. tam gene-  
ralibus quam specialibus sublatiis, ergo cum hæ-  
beat Pii V. constitutio quidpiam huic legi*



contrarium, nempe tam fructuum reservationem quam beneficii obtenti per fraudem Simoniacam, causa Gallis videtur esse non omnino iniusta eius reprobanda, ut parum iuri suo, legibusque consentanea.

Dico tamen quarto, *Confidentarios, iisdem ferme poenis ac censuris constringi in Gallia, per Sixti V. Bullam in ea receptam, quibus hi affecti sunt, vinctique alibi, cum enim animaduertetur Sixtus eius nominis quintus, non probari Gallis ob causam superiori assertionem allatam Bullam Pij quinti, aliam anno 1587. pro sola Gallia contra confidentarios edidit, in qua quaedam sunt regni propria.*

Primo, enim vult omnibus esse liberum, absolutionis obtinenda causa à censura, quae extra Franciam soli Papae est reservata, super ea adire Legatum à latere, commorantem Auentione, aut Nuncium Apostolicum Lutetiae.

Secundo, non vult Sixtus, Papae reservari beneficia, circa quae facta est confidentia, sed ordinariis Collatoribus, vel si eius participes sunt ac conscij, aut si hi intra semestre conferre negligant cum vacauerint, vult ea deuolui ad proximos Superiores, non ad Papam, sine vllotamen nominationis regis prauiudicio, aut illorum, qui ius habent Patronatus ad illa beneficia.

Tertio statuit ut fructus beneficiorum ita vacantium, posthac non censeantur esse Papae debiti, sed pauperibus, aut Ecclesiis circa quas Simonia dicitur admessa, quibus reparandis, ornandis, aut extruendis poterunt ab ordinariis attribui: haec Sixtus, in suo ad Gallos diplomate, cuius meminit Nauar. in tomo 3. operum, iuxta editionem Lugdunens. anni 1597.

Ad quorum intelligentiam notandum nos censuræ nomine quamlibet poenam Ecclesiasticam comprehendere, ut est irregularitas, & ad omnia beneficia inhabilitas, qui enim poenas dicit quomodolibet incurfas, ut fert textus Bullae Sixtinae, nullā excipit.

Notandum secundo, absolutionem quae ab his poenis à Nuncio, aut Legato dabitur, pro utroque foro, ratam fore ac validam, causa est quod nulla ad forum conscientiae, restrictione addita, absolutam eis Pontifex potestatem praebat dispensandi in poenis, à se contra Simoniacos positis.

Notandū 3. non habere has poenas locum in permutatione confidentiaria, enimvero non nisi cessionum ac resignationum meminit in Bulla sua Pius, ut verba quibus est concepta indicant, docentque Nauar. *consil. 77. de simon. Suar. lib. 4. cap. 43. num. 11.* quo nomine praesertim in materia tam odiosa ac

A poenali, intelligi non debet renuntiatio, quae permutationis sit causa.

Dico tamen quinto, *Vnum esse, in quo non est haec Sixti Bulla recepta in Gallia, in regressu nempe ad beneficium resignatum causa mortis, si resignantem pristinae suae valetudini restitui discussio morbo accideret.* Enimvero est huiusmodi resignatio, Sixti lege non ferenda, quam tamen Gallia recipit, ut in praxi iuris canonici ostendere memini, quare si quis mori ex morbo metuens, beneficio suo cesserit in alterius gratiam, reparatis viribus, ei restitui à Iudice iubebitur, etsi resignatarius in eius possessionem iam venisset, ut ex variis Parlamenti decretis probat Brodæus ad Loueti *arresta verbo resignatio, Petr. Millardus in tract. de poeniten. cap. 67. instructione quinta, cuius moris vim ac rationem ex Concilio Trident. sess. 21. cap. 2. repetit, vbi cum de resignatione sit sermo, ratam eam esse posse negat, quae Clericum beneficio exuit, vnde ei vitæ commoda ad cultum, decoremque status, cōmeatus necessarii suppetebant, ac habet id locū in subiecta materia ut patet, cum paucos admodum Ecclesia habeat, qui gratis ei ac liberaliter, spe nulla mercedis illecebræ, aut Ecclesiastici stipendii, suam illi nauant operam ergo &c.*

Similiter est in Gallorum moribus, ut quis beneficium suum resignet alteri, cum pacto ut hic tertio suum relinquat, in quo si hic fidem fallat, nec pacta conuenta faciat, auctoritate iudicis adigetur ad praestationem resignationis, eo modo quo est inter eos concepta, quia non est haec beneficii cessio, nuda resignatio, sed permutatio beneficii resignantis cum beneficio tertii, quae contrahendi ratio, non est Pii quinti diplomati Pontificio aperte contraria: In ceteris receptam esse in Gallia Sixti bullam contra confidentarios mihi persuadet tam decretum Gallorum Antistitum, ab iis anno 1586. aduersus illos editum, de quo Imbertus in praxi ciuili, *commentar. ad cap. 22 lib. 3. quam Henrici III. vniuerse in omnes quos Simonie labes iniecit, cuius est in statuum Blesiensium art. 21. & conferentiar. lib. 9. titulo 8. series* E *formaque his perscripta vocibus. Les Archeuesques & Euesques procederont soigneusement, & seuerement sans dissimulation, n'exception de personne, contre les personnes Ecclesiastiques, qui auront commis le crime de Simonie par les peines indites & portees, par les saints Decrets, & Constitutions canoniques. Enjoignons aux Baillifs, & Seneschaux proceder au semblable contre les personnes laïcs coupables & participants du mesme crime.*

Sunt autem haec in Confidentarios dictae poenae

pœnæ à Sixto Papa quinto.

Prima est excommunicatio incurrenda ipso facto.

Secunda nullitas collationis beneficii, in quo confidentia est admissa, quia beneficium Simoniace possessum vacat, & ut tale est impetrabile, decreto tam Pii quarti in extrau. 108. parag. quare & parag. fructuum quam Pii V. in extrauag. intolerabilis & Sixti V. at nec vacaret, nec ut possessore vacuum impetrari posset, si valida esset, rataque eius collatio, quia sic in manus capacis, ab eo penes quem est ius conferendi, venisset, quæ duæ res collationem beneficii stabilem reddunt ac firmam, quare cum decreto horum Pontificum impetrari possit, habenda est eius collatio pro inani, nulliusque roboris ac momenti, & ita si à Pontifice sibi illud quispiam obtinuerit falsinæ (ut loquuntur) ac nouitatis super possessorio literas à magistratu regio in Gallia obtinere cum oportebit, Rebuff. in constitut. regias, tit. de causa possessionis beneficior. & in praxi titulo de Simonia in resignatione, quibus si Simoniacus beneficii possessor restiterit, iisque ac Iudici, obsequi animum non induxerit, lis ei à Deuolutario (si beneficium de eorum sit numero ad quæ nominare Regi competat) coram regiis magistratibus in magna consilij camera intabitur, non tamen cum fructu, post decennalem eius possessionem (ut aiunt) eo quod Simoniam obiici Simoniaco, post annos decem à prouisione, Gallica non ferunt tribumalia, ne in perpetuum iura beneficiorum incerta sint, ac dubia, ut testatur Bleyanus in Theoria tract. ult. de complurib. aliis benefic. nu. 57. littera S. ad marg. Charondas in lib. Pandectar. titulo 9. sicque iudicatum ait in Senatu Parisiensi, per celebri arresto 4. Maij an. 1574. quod & ipse repetit in lib. 1. responsion. cap. 47. in fine. Bergeronus in resolut. art. 11. Chenut. in addition. ad Paponium lib. 3. titulo 12. arresto 1.

Pœna tertia, est inhabilitas ad idem beneficium, quæ tamen locum in conscientia non habet aut sententiam.

Quarta est inhabilitas ad omnia, cui non necessario obsequendum, nisi cum cogit iudex Less. teste lib. 2. cap. 35. num. 147. Reginald. lib. 23. n. 183.

Tres tamen sunt conditiones necessariæ ut hæc pœnæ incurrantur.

Prima, ut in hac confidentia non solum promissio, sed & pactum, donatio seu procuratio, & beneficii acceptatio intercedat Nauar. Enchirid. cap. 23. num. 110. Less. ca. 35. num. 148.

Secunda ut non interueniat permutatio beneficii, ubi enim inuenitur in confiden-

A tia, propriæ cessant eius pœnæ.

Causa est quod prædicta Pontificum diplomata, de resignatione & cessione loquuntur, de permutatione nullo modo. Ita Nauar. Concil. 77. de Simon. Suar. cap. 43. num. 11. quæ etsi de permutantibus dicantur verissimè, ad collatores traduci nequeunt, eo quod omnis sit illis interdicta Simoniaca prouisio.

B Tertia conditio est, ut ista confidentia non tantum illicita, sed etiam natura sua Simoniaca fuerit ante has bullas, nec enim Pio aut Sixto, fuit vnquam in animo, Simoniam nouam inducere, sed vsitatam ad eam diem pœnis insectari grauioribus, quam quibus à priscis Pontificibus olim multata fuerat, ut probat Nauar. consil. 80. de Simon. num. 4. & cap. 23. Enchirid. num. 109. in fine & 110. in fine.

C Est & alia pœna, nempe fructuum restitutio, quos beneficium Simoniace obtentum protulit, quandiu in Simoniaci potestate, manuque fuit, quos in Ecclesias, piasque causas impendere, mos est Galliarum, ut exemplis, curiarumque Lutetiarum decretis probant Charondas lib. 7. responsion. cap. 190. Pelcus lib. primo actionum forens. act. 50. Tournelus in arrestis littera S. num. 40.

D Est hoc tamen animaduersione dignum, quod in Simonia reali tam in Ordine, quam beneficiis vsuuenit, ut excommunicationem non pariat, nisi vtrinque sit completa, hoc in confidentiali non seruari, ut enim ex ea resultet excommunicatio, sufficit eam esse ex parte rei spiritualis impletam, nam hoc ipso quod res spiritualis datur, & accipitur, Simonia incurritur, ut habent Bullæ Pii V. & Sixti item quinti.

## QVÆSTIO XVII.

An è cœnobio egredi, deposito religioso habitu, excommunicationem habeat Papa reseruata.

E CAsus est talis, adolescens ut nobilis stirpe, ita disciplina ac instituto Monachus, tam vitæ tædio, quam illaudabili cœdissimorum hominum instinctu, ac desiderio vitæ liberioris, de hæresi amplectenda consilia accipit, quam ut profiteretur impuni, quo viueret à patria, amicisque longius, in Hollandiam, abiecta veste cœnobitica traicit, vnde tempestate reiectus in Galliam, diuino ut creditur consilio, ac ut fit, in portu agnitus, de reditu in Monasterium, vnde mali Dæmonis suasu turpiter excefferat, cum notis ac amicis agit quod cupiebat istorum precibus, ab Abbate im-

T

petrat.

Quæritur, num hic vllam sine superioris commeatu, & ob causam flagitiosam domo religiosa egrediens in censuram inciderit.

Secundo ad quem attineat ab hac eum soluere.

Tertio, num diuina interim obire officia, num sacrosancto Missæ sacrificio fas ei sit adesse.

Eundem in respondendo ordinem sequi placet, qui est quæstionum inter se, Facto ergo à censura principio, videtur religiosus qui habitum sacrum, sæcularium profano commutat, in censuram excommunicationis incidere, an autem factorum quoque vsu prohiberi eum oporteat, disquisitionis est alterius, quæ operæ hic nostræ partem aliquam sibi vendicabit.

Sic ergo est constituendum initio, è religione transfugam, habitu deposito, excommunicationis irretitum esse nexu, scilicet. Bonifacio VIII. in decretali *Ut periculosa ne Clerici vel Monachi* lib. 6. his verbis: *Ut periculosa Religiosis euagandi materia subtrahatur, districtius inhibemus, ne de cetero aliquis quancunque religionem, tacite vel expresse professus in scholis, vel alibi, temerè habitum suæ religionis dimittat neque accedat ad quavis studia literarum, nisi à Prælato, cum consensu sui conuentus, vel maioris partis eiusdem, sibi eundi ad studium licentia primitus sit concessa, si quis autem horum temerarius violator existerit, excommunicationis sententiam incurrat ipso facto.*

Ergo fugientis è Monasterio, habitu ante dimisso, pœna est excommunicatio Caiet. in *Ver. excom.* n. 61. Caiet. assentiuntur Armilla *Verbo habitus*, Palud. in 4. dist. 18. q. 3. art. 3. casu 12. Less. l. 2. c. 41. dub. 15. num. 109. qui omnes sufficere aiunt quod eum temere, cōsilioque nullo, instituti sui testem ac indicem abiiciat, hoc enim quid homini non omnino hebeti, accidere potest turpius? præsertim enim hæc actio, indignam viro magnarum rerum auido, mollitiem animi ad mutationem proni, ac facilis, quo quid fecidius? cum tenacem in proposito constantiam, ad extremum vitæ spiritum tenuisse, magnarum sit laus propria mentium. Iusta ergo fuit Ecclesiæ causa, castigandi censurâ tanti decoris, quod à transfuga in vniuersi ordinis infamiam, discessu è claustro, cum animæ suæ ac virtutis interitu, est admissum.

Dixere eandem sententiam consecutis temporibus Pontifices duo Innocent. VIII. contra Minoritas, vt est in eorum priuilegio. *Verbo Apostata* parag. 22. contra Augustinianos Iulius XI. hoc tamen discrimine, quod prior, excommunicationem suam nulli reseruata esse voluit, vt fecit posterior, qui

A censuram Augustinianis ob egressum è religione sua habitu relicto infligendam, iuris sui esse sanxit, si infra 8. dies mandante ipsorum generali, ad Conuentum non redirent, Portelius in *dubiis regular. Verbo Apostata.*

B Facilis hinc ergo sese iam aperit, explicandæ quæstionis secundo loco positæ ratio, nam si est innodatus vinculo Ecclesiastico Monachus, domo se subducens, si quia sine missione, ac superioris commeatu necessario, egressus est è cœnobio, sacro religiosæ militiæ paludamento deposito, cum Ecclesiastica stringit excommunicatio, cuius alterius quam patris, id est Abbatis aut Superioris auxiliarem manum peteret, cuius beneficentia, tam necessario tempore, quam illius, frui speraret aut vellet?

C Sane sunt censuræ omnes in ordinariorum potestate, quoad nexus solutionem positæ, quas sibi pro autoritate seponendas Pontifex non credidit Nauarri testimonio *ca. 27. Enchir. nu. 39.* Stephani de Auila Tolet. lib. 1. cap. 16 quibus ita sentiendi auctor Innoc. III. in cap. *nuper* 29. de *sent. in 6.* vbi est expresse vt sæpe monuimus antea, excommunicatum excommunicatione non reseruata Pontifici, à proprio suo Sacerdote absolui posse, at Abbas ordinarius est Monachi, cui & loco est Parochi, nec est Pontifici religionis desertio, & fuga reseruata in canonibus, Portel. *supra* n. 4. a Prælato ergo suo Apostata Monachus, Deo per absolutionem censuræ suæ, reconciliari poterit, & non ab alio, nisi permiserit. Quia absolutio iurisdictionis est actio, at ea solis est Prælati, in subditos exemptos concessa à Pontifice, ab his ergo absoluendi sunt Apostatæ, non ab aliis, qua potestate cum sint præditi in non reseruata, Confessarii ordinis, approbati à Prælato, sentiunt prudentissimè qui Apostatam ab habitu, aiunt absolui posse in foro conscientiæ, à quouis Confessario ordinis, approbato per suum Prælatum, Portelius *supra* num. 3. & 4. in externo autem ab Abbate, aut Prælato tantum.

D Ratio est, quod in tali foro, absolui Apostata non potest nisi in publico fratrum conuentu, cui præesse, in quo ius dicere, solius est Superioris, ac Prælati, non alterius, nisi cui hanc ipse prouinciam committendam putauerit.

E Lubet hic tamen advertere antequam aliò deflectat oratio, non omnes qui religiosum dimittunt habitum, excommunicatione stringi, nonnulla enim à Doctoribus excipiuntur tempora, quibus id religioso caritas aut metus annuunt.

Primum est cum non temerè relinquitur, quod accidit (inquit) Portelius de dubiis

*Verbo*



*Verbo habitus num. 4. cum animo vagandi deponitur, cum ob turpem causam, cum publice nec sine scandalo intuentium de quo iudicare, ad virum prudentem ac bonum pertinet.*

Secundum est quum exiit habitus ad commodiorem quietem, aut somnum, ad corpus leuandum, aut exercendum, vitanda cordis aut carceris pericula, quæ transeunti per terras hæreticorum sunt timenda, Longus in *Compend. verbo habitus*, Rodrig. *to. 2. q. 76. art. 6.*

Tertium est, cum ioco & ad breue tempus deseritur, vt ad ludendum, currendum saltandum, dummodo citra scandalum: in his casibus, veste indutus religiosa qui non progreditur in publicum, nec facinore nec censura obligatur: tria enim requirit Pontifex in *canone periculosa*, vt in eum quis committat, primum vt vere deponatur habitus, secundum vt temerè, tertium vt vagandi causa, quæ me ratio impellit vt credam cum Angelo, ad eum excommunicationis sententiam non pertinere, qui intra Monasterium esset sine habitu, aut qui sine causa eum occuleret, aut ei laicum superimponeret Panorm. in *cap. Deus qui de vita & honestate Clericorum cū quo consentiunt*, Tabiena in *Verbo excomm. n. 5. & 23. Geminianus in cap. vt periculosa ne Clerici vel Monachi n. 6.* In quo eis contradicunt cæteri fere Doctores omnes, quod ea vestis occultatio, Pontificiæ menti sit opposita, quid enim spectauit Bonifacius quid quæsiuit cum habitum abiici religiosum prohibuit? obuiam ire flagitiis, fugare mala, quæ sæculi licentia sæculari obuelat veste? at quid interest ad suscipienda crimina, inter eum qui religiosum indumentum abscondit ne noscatur, & eum, qui reiiicit?

Verum enim hæc ratio, momentum apud me habet non nisi modicum ac leue. Enim uero cum de censura contrahenda agitur, mens est spectanda Pontificis, non legis utilitas aut finis, ergo cum Pontifex, excommunicatione eum plecti velit, qui est sine habitu, non qui eum sæculari obtegat, ille prior solus, non iste qui proprie legem non violat, eius pœnis, ac censuratenebitur.

Ita de tribus quæsitis tertium explicandum restat. Nempe an interim dum Apostata Monachus absoluitur, diuina frequentare mysteria, Missæ aures accommodare, ac animum ei per Ecclesiæ iura sit licitum?

In quo longa oratione vtendum maxime mihi non censeo, nam quis nescit arceri sacris ædibus excommunicatos, aut

A cui non cognitum, palam officiis religiosis, ac cœlestibus Ecclesiæ, iis interesse prohibitum? Vetus enim est querela Candidiani præpositi domesticorum Theodosii Imperatoris, Nestorio Constantinopolitano, ac Ioanni Antiocheno, templorum clausos fuisse omnes aditus, Cyrilli Alexandrini ac Memnonis Ephesiorum Episcopi, importunis imperiis, sic enim de Memnone, in actis Conciliabuli Ephesini, Concilior. *tomo 1. his omnibus, puta 58. Nestorianorum partium hæreticis, Episcopis, τὰ τε ἅγια μαρτύρια ἡ τὸ ἅγιον ἀπερόλιον ἀπέκλεισι μὴδὲ τὴν ἁγίαν πνευματικὴν τῶν ἐπὶ τῶν ἐπισκόπων ἐπιτελεῖσθαι* 1. 55. *Martyrum ædes præclusit & sanctam Apostoli basilicam, & ne sacrum quidem Pentecostes diem Episcopis celebrare permisit.*

Quid? quod Ecclesiæ isti fulmine, per excommunicationem, omni sint congressione fidelium, vsu ac communicatione priuati *cap. penul. de sent. excomm. can. nihil, can. Engeltrudam 11. q. 3.* At si quando, maxime sane sibi mutuo fideles communicant, cum audiendi sacri causa, cœtus agunt. Quare eos celebrare excommunicato speciatim prohibitum *cap. illud de Clerico excommunic. ministr. cap. is qui de sent. in 6. cap. Episcoporum de priuilegiis in 6.* Huic ergo de quo præsens est quæstio, abstinendum officiis, ac sacro, dum Ecclesiæ reconcilietur, ac Deo, nisi is esset, cuius à choro missæque, aut vesperis absentia, esset cæteris exitio ob scandalum, nam tunc citra culpam omnem, in eadem incumbere cum aliis opera posset, iuxta Nauar. *cap. 27. Enchirid. Sayrum li. 2. de censur. cap. 12. num. 5. Emman. Sa correctum verbo excomm. n. 17.*

Causa est, quod diuino iure, aut humano, naturale diuinum sit potius, at Ecclesiastica sola lege, vitanda sunt excommunicato commercia fidelium, naturali, ac diuina, sua cuique infamia: ergo vbi famæ obsequi suæ non poterit, vnaque legi Ecclesiasticæ, qui censura est quasi virgula notatus Pontificia, omnis erit ei honesta ratio, eius seueritatem non curandi in neglectu sacrorum.

Dices valere quæ diximus quo tempore est excommunicati culpa censuraque omnibus cognita, qualis haud dubiè non est præsens, cum paucorum tantum conscientia teneatur, ergo dictum est à nobis, non nisi imprudenter (inquies) transfugæ huic carendum esse sacrificio, humanoque hominum inter homines commercio. Hæc habent religiosi, cuius hic causa agitur, fautores, ac Patroni, quo freti, patrociniū eius suscipiant, à quibus, quam tamen parum, aut nihil, opis ei sit sperandum, declarabit sequens oratio.



Dico ergo primò, *Excommunicatum etsi toleratum à suffragiis Ecclesiæ communibus, quantum ad valorem, ex eius applicatione promanantem, subsidij nihil opisque sperare posse.* Ita Stephan. de Aula 2. parte cap. 6. dub. 64. conclus. 3. pro qua opinione citat Soto in 4. dist. 22. qu. 1. art. 4. Couar. in cap. alma mater parte 1. parag. 6. num. 4. quia Christi Seruato-  
ris merita, ex applicatione Ecclesiæ nulli possunt prodesse, nisi quibus partem eorum aliquam vult communicatam esse, at nihil sibi commune cum excommunicatis quibuslibet, etiam toleratis, in precibus suffragiisque esse vult Ecclesia, nam eos excludit, istiusque fructus ac commodi suauitate omni deiicit.

Confirm. Est distributio fortunarum communium Domini, Oeconomi facta manu, inanis ac irrita, cum ab eius discedit imperio, multo magis cum in eorum communione recipit, quos ille exclusos voluit, at aliena, id est Christi vindicis merita dispensat eius nomine Ecclesia, à quibus tamen nec ista, nec ille, volunt emolumentum vllum manare in excommunicatum etiam toleratum, de Christi voluntate testes habemus, sacros Euangelij narratores, *Luc. & Mattheum* cap. 18. quorum sunt hæc in rem præsentem diuinæ voces, *si Ecclesiam non audierit* (quod facit quisquis obstinatè illi se præfert ut excommunicati ac præcisi omnes) *sit tibi sicut Ethnicus &c.*

Quid? quod Apostolus 1. ad Corinth. 5. excommunicatum tradit sathanæ quod si quid intelligo, quoad effectum non est aliud, quam priuari diuinis opibus, in quibus, haud dubiè communia sunt publica que Ecclesiæ suffragia. De voluntate ergo Christi Domini, res est minime dubia, clarior Ecclesiæ, iudicium esto penes eos, qui cum cura, oculos in canones referent, *decimum quintum cum desideres &c. 28. à nobis est de sentent. excomm.* in eorum enim primo hæc habet Clem. III. *nisi beneficium absolutionis subsequatur, ille qui excommunicatur non debet communioni fidelium restitui, præsertim cum ex eo iuramento absolutionem consecutus non sit, &c. constet eum excommunicatam fuisse, &c. verum sit absolutum non esse.* Episcopus, nec alij debent communicare eidem, & quanquam à tempore Constant. Concil. non sint euitandi fidelibus excommunicati alij, quam qui sunt nominatim denunciati, toleratis tamen nihil licet amplius, quam quod ante Concilium eius rei testes sunt hæc voces, *Per hoc tamen non intendimus releuare, neque inuare sic excommunicatos, suspensos, interdictos, aut prohibitos, Concil. Const. in Extrau. ad euitanda.* Hinc enim sic argumenta-

**A** mur, sacris interesse mysteriis, Missæ sacrificium audire excommunicatus non potest, eo quod communibus illum suffragiis priuat Ecclesia, reddendo eum ad illa participanda inhabilem, ergo pro eo etià tolerato hæc offerri missæque licitè nequeunt ex intentione Ecclesiæ.

Contraria sententia defensores habet Nauar. *Enchirid. cap. 27. num. 36.* Portelium *parte 3. casuum casu 10.* qui ambo tradunt pro eo orari posse publicè, quia etsi excommunicationem publicè incurrerit, non tamen fuit nominatim denunciatus excommunicatus, quia mortuos, eorumque congressum defugere non tenemur, quibus cum viuerent, familiariter uti fas erat, at communicare cum excommunicato tolerato, fidei cuiuslibet est licitum, tam in temporalibus, quam spiritualibus: ergo.

**B** Est hæc sententia, authorum fide qui eam tuentur ac propugnant probabilis, nostra tamen est in praxi præferenda, ut tutior quare.

Dico secundò, *Excommunicato cuiuslibet etiam tolerato, nec denunciato, citra scandalum aut moralis necessitatis tempora, prohibitum esse coire societatem consilij, tam in humanis, quam diuinis, cum fidei vltro, proindeque sine peccato, sacrosancto Missæ sacrificio interesse cum non posse.* Ita authores citandi postea cum agetur de effectis excommunicationis.

Probatum quod vitare fidelium commercia, cœtusque excommunicatum oporteat, pœna est peccati, ab eo admissi, at non minus eo attinentur occultus, ac toleratus, quam qui à superiore in publico hominum cœtu nominatim est de superiore loco fulminatus: ergo ut huic, commune nobiscum esse nihil potest, ita nec illis.

**D** Secundo, per Extrauagant. Mart. V. in Constantiensi, cui est initium ad euitanda, excommunicatis nihil accessit opis, auxilii que, sed tantum fidelibus, ergo qua lege singulis, olim vitandi fideles erant, ita & sunt hoc tempore. Ita patet argumenti allati maiorem stabilem non satis esse veramque, ac proinde negandam,

**E**

## QVÆSTIO XVIII.

*An excommunicatio lata à Julio II. Pio IV. Gregorio XIII. Clem. VIII. contra Monomachos lata sit sententia, ac reservata Pontifici.*

**C**ONTRA pugiles, diuersa diuersorum Pontificum decreta extant, omnium antiquissimum est Iulii II. in quo anno 1509. cum pugnares, tunc eos dominos qui locum ad pugnandum annuunt, excommunicatione ferit latæ sententiæ, multa insuper quatuor millium ducatorum pro prima vice, & priuatione feudi pro alia, verum nec hæc excommunicatio vlli reservatur, nec ea alij coercentur, quam qui S. R. Ecclesiæ mediate vel immediate sunt subiecti. Cherubinus *tomo 1. compendij Bullarj bulla 19.*

Dixi *Antiquissimum* nam etsi essent hæc pugnae singulares, tam iure civili quam canonico prohibita, ut est in *cap. 1. de purgari, & lib. 1. Cod. de Gladiatorib.* iureque diuino ut ostendit Lancelotus in *suo templo Iudic. lib. 1. cap. 1. parag. 7. num. 7.* non tamen constitutione vlla Pontificum, ac cum ea adiectione poenarum quibus hæc priuata certamina, extra belli iustitempora puniri est certum.

Scripsere in eandem sententiam, & alii Pontifices: de quibus postea, fuere seueriores cæteris Pius IV. Clemens VIII. & Gregorius XIII. primum enim priorum Pontificum contra monomachiam leges latas, fixas esse volunt & ratas, deinde nouas sceleri poenas adiiciunt, tertio eas vbique terrarum valere iubent, quarto excommunicatione affici volunt hos omnes pugnares prouocantes fauentes, spectantes, certantes consulentes, comitiuam, verba sunt pia sanctionis, praestantes, locum certamini tribuentes, modo ne sint Imperatores aut Reges, quinto poenam hanc quoque pertinere ad eos vult Clemens, qui scripta exarant, aut exarata euulgant, quæ manifesta nominant, verba sunt hæc legis. *Qui aliis ad singulare certamen publice, vel occulte inuicendum, vel ad prouocandum aliquem ad pugnam: siue ad huius generis scripta, quæ manifesta, quæque chartula prouocatoria appellantur, scribenda, dictanda, mittenda, deferenda, diuulganda, auxilium, consilium, operam, vel favorem praestiterint, siue id suaferint, siue mandauerint &c.* hic iam ergo quaeritur an horum trium Pontificum animaduersio, sit in omnes, qui in sese inuicem infesto incurrunt ense, etiam si non ex condictione.

Secundo, *An solius sit Pontificis à censura*

*A incurfa absolutio.*

De quaestione prima, est inter Doctores altercatio, Comitolo placet *lib. responsion. 6. q. 14.* duella quacunque ineantur ratione, à Clemente VIII. punita esse, quia hoc spectasse constitutione sua videtur incredibili sapientia Pontifex: à Christianorum finibus cladem ut hanc singularis certaminis, animorum certam, ac presentem perniciem procul pelleret, quod non esset assecutus, nisi omnem pugnae speciem, modumque, Christianis voluisset esse prohibitum.

**B** Flauio Cherubino *tomo 3. compendij Bullarj in explanatione Bullæ Clement. VIII. II. scholio 1. secus visum*, ibi enim negatiue respondet ad quaestionem, quæ non est in hac materia infrequens, nempe, *ecquid si incontinenti orta inter aliquos rixa, unus alterum iracundia motus, ad dimicandum in certo loco inuitet, & incontinenti ibi dimicent*, ambo in excommunicationem incidant, censet ergo excommunicationi subiiciendos omnes non videri, qui tam laceffiti, quam volentes, inter se dimicant, pugnamque capeffunt soli.

**C** Stant ab eius partibus *Ioseph. Ludouicus decis. Lucen. II. num. 11. Farinacius q. 119. num. 24. & consil. 9. nu. 33. Thulcus in verbis duellum conclus. 605. num. 17. Franc. Suarez in Enchirid. casuum conscient. lib. 7. verbo duellum, Riccius in praxi to. 3. resol. 5.*

Opinionis huius praesidium est vnicum, quod in Clem. & Greg. legem duella prohibentem non incurrant: exigit enim vterque ea ex condictione fieri, cum assignatione loci & temporis, sic enim Gregorius, *statuimus primo illos qui ex condictione statuto tempore, & in loco conuento monomachiam commiserunt &c.*

**D** at quæ praecoci subitoque fiunt impetu, ac ira, hæc non fiunt ex condictione. Condicere enim, est diem, locumque communi consensu constituere, quo quid fiat, sic Cicero condicere cenam alicui, pro indicere, & denunciare se affuturum, Crassus, inquit ille in epist. ad Lentulum, *ut quasi testata esset populo Rom. nostra gratia, pene a meis laribus est in prouinciam profectus, nam cum mihi condixisset, cenauit apud me*, quo in significato Sueton. in Tiberio & Claudio libidinoso ac prodigo seni, ea lege cenam condixit, ne quid ex consuetudine immutaret, aut demeret, ergo cum ira, furorque vehemens deliberationem perfectam adimant, quæ tamen condictionem exigit, arma laceffitus quisquis capit, temereque ac sine consilio prouocanti ad pugnam se sistit, quæ tamen certo tempore, & loco ad eam capeffendam caret, hic ex condictione in arenam, praeliumque non venit, poenam ergo à Clemente Monomachis constitutam proprie non subit.

T iiij

Argumento respondendum, optasse quidem Pontificem à Christianorum cœtu singulares pugnas auertere, non tamen aliam quam quæ circumstantiis notata esset loci, temporis & modi, idque ambos, Pontific. Clement. & Gregor. innuere voluisse duplici hac voce *ex composito, ex condicto*, quas cum ira respuat, quisquis ea possessus, ad arma illico ac sine mora veniet, in pœnam utraque bulla constitutam non incidet.

Quæstio fuit altera, *An quæ dimicationi singulari excommunicatio, legibus est Pontificiis adiuncta, sic sit ei reservata, ut cuilibet alterius remissio interdicta censeri debeat ac vetita.*

Et mihi quidem ea de re cogitanti, quæ sequuntur, speciem videntur habere veri.

Primum pœnis subiici, quibus affici duellantes voluere Gregor. & Clemens, qui certo loco, ac tempore designato, ad pugnam singularem, quamvis solemnitate alia nulla adhibita, inuitati veniunt, Sanch. lib. 2. moral. cap. 39. num. 28. Delrius *disquisition. magicar. lib. 4. cap. 4. quæst. 4. sect. 2. num. 26.*

Secundum ea pœna coerceri, (nisi eius forsitan, legisque illam imponentis, ignorantia excusentur,) qui adhuc verba alterutrius è duobus, *Veni, talite loco certaturus expecto* in arma ruunt, ad locum certamini destinatum abeunt.

Causa est, quod quæ inter eos pugna suscipitur, proprie sit duellum, sit enim ex pacto inter eos inito, proindeque ex condicto: nam hoc nomine pactum circa locum, & tempus designari, bonorum est authorum opinio, eos autem condicere vel hinc patet, quod locum, tempusque præsens denotent, illudque acceptent, peræque ac facerent futurum: legis ergo violatæ quæ duella prohibet proprie sunt rei, proindeque à censura non liberi, Delrius *disquisit. magic. lib. 4. cap. 4. sect. 2.* Bonacin. *ro 3. excomm. extrabullam cœna disp. 2. q. 3. pun. 48. num. 7.*

Tertium & mihi quoque perquam est probabile, pœnas tam temporales, quam spirituales, ab excommunicatione, loci interdicto ubi est duellum commissum, diuersas, ut sunt priuatio beneficiorum, & dignitatum Ecclesiasticarum, si personæ duellantes Ecclesiasticæ fuerint, ac inhabilitas tam ad prædicta beneficia, quam alia obtinenda postea, iudicis sententiâ exigere.

Ratio est, quod quæ pœnæ iure acquisito priuant, hæc subiri ante sententiâ iudicis, declaratoriam criminis, ob quod incurruntur, nec soleant, nec debeant. Filliuc. *tract. 29. cap. 9. num. 178.* Suar. *ro. 5. de censur. dispue. 40 sect. 2.* Fagund. *lib. 5. in decal. cap. 8. num. 9.* Et si. cum is ergo qui contra Clementis le-

A gem pugnam est ingressus, beneficii possessor esset, eo non nisi per iudicis sententiâ excidet, quod erat probandum.

Quarto, & hoc verisimile iudico *Sepentrionales*, verba sunt Laymanni lib. 3. *sect. 5. tract. 3. cap. 5.* seu ob ignorantiam, seu quia constitutiones illæ Pontific. secundum hunc sensum promulgata, & in usum deductæ non sunt, à censura excusatos videri.

B Quintum addo quibus in locis Clement. & Gregor. diplomata vim habent, Religiosos vi suorum priuilegiorum, à censura ob duellum incurra posse absolvere.

Primo, quia id eos Clem. non prohibet facere, nisi prætextu priuilegii alicuius sui, aut indulti, at qui eius vi, ac virtute, secundum quod est receptum absoluit, id facit vi priuilegii sui, & non prætextu, vera est ergo &c.

C Secundo, concessa regularibus priuilegia dicuntur à Paulo eius nominis V. innouata fuisse, hoc est de nouo concessa: hanc enim isti voci notionem subiectam esse probati dicunt authores, ergo ut ante, sic & modo, in Priuilegiatorum est iure, excommunicationis ob duellum incurræ remissio, ita Hurtado *disp. 29. de peccat. difficult. 30.* Bonac. *ro. 3. disp. 11. q. 3. punct. 40.*

D Sexto dico, cum duellum est occultum, nec ad forum contentiosum deductum, à censura quam inducit, absolvere Episcopos, posse vi potestatis sibi ad hoc concessæ à Concil. *sess. 24. cap. 6.* ita Hurtado *de peccatis diff. 30.* Fagund. *lib. 5. cap. 8. num. 5.* quia priuilegia quæ sunt in iure inserta, per clausulam generalem reuocari non censentur, nisi de iis fiat specialis mentio, Peregrinus *q. 37. num. 3.* Sanchez *3. de matrim. disp. 36.* at de Concil. mirum est in diplomatis Clem. & Greg. silentium, ergo &c.

#### Q. V. ÆSTIO XIX.

*An qui occisi in duello funus insequitur, aut pro eo orat, peccare ac censuram incurrere sit censendus.*

E Causus est eiusmodi, ex condicto cum in Carenam descendisset, singulari certamine cum hoste pugnaturus, vir nobilis, ab eodem, tertia impressione transfixus, fœde interiit, nec mora, elatus, ac amicorum stipante turba, à Clericis est, antequam res manaret ad Principem qui id impedisset, loco sacro sepultus, nec id modo, sed eius quoque defuncti Manibus, publica prece, ac sacrificiis tam Clerici, quam eius propinqui cœleste numen propitiare, quæritur,

an utrumque sit à Clericis cum culpa ex  
censura factum.

Dubitandi hæc vna est causa quod in Mo-  
nomachos excommunicationem dictam esse  
constet à Pontificibus Iulio II. in quadam  
sua constitutione quæ incipit *Regis pacifici* in  
qua tam pugnâtes, quàm eos dominos qui lo-  
cum ad pugnandum concedunt, excommuni-  
catione lata sententiæ innodat à Leone itē  
X. in bulla cui initium *sam Deo quam homini-*  
*bus* Clemente VII. in constitutione inchoa-  
ta his verbis: *Consuevit Romanus Pontifex,*  
Pio IV qui superioribus seuerior excommu-  
nicatione sibi reseruata (quod illi non fece-  
rant) in prouinciis sanctæ sedi subiectis affi-  
cit, prouocantes, tentantes, ad id locum  
concedentes, ad pugnam comitantes, char-  
tas duelli subscribentes, affigentes, publi-  
cantes, astantes, certantes, adhærentes, fau-  
tores, consulentes.

Quam quoque poenam ut quæstione præ-  
cedenti diximus, suis diplomatibus confir-  
mauere constitutis annis Gregor. quidem  
XIII. anno 1582. sanctione quæ incipit *ad*  
*tollendum*, Clemens autem VIII. anno 1592.  
speciali ea de re diplomate, cuius præcipua  
sibi capita explicanda sumpsit Flavius Che-  
rubin. tom. 3. comment. in constitut. 11. quare  
cum optimo cuique nihil esse possit per le-  
ges Ecclesiasticas cum excommunicatis, in  
vita, victu, negociis, ac precibus commune,  
ut est in cap. à nobis, cap. sacris de sententia ex-  
communicationis in Arausicano 1. can. 11. Turo-  
nem. 2. cap. 1. & 8. & 11. q. 3 per multos ca-  
nones, venit in mentem ambigere, ecquid  
ob violatas has leges, in excommunicatio-  
nis sese vincula induerint Clerici, ac propin-  
qui, quibus extrema, idest funebria officia  
exhibere mortuo placuit.

Quid sentire quemque sit necesse, paucis  
explicandum videtur, & quoniam locus est  
lubricus, est hæc qualiscunque nostra res-  
ponsio, prius enunciatis quibusdam ful-  
cienda.

Primum, legem vim in populo, stabilem  
nullam ac firmam habere, quæ moribus v-  
tentium non sit recepta, secundum Gratian.  
can. in istis dist. 4. Archidiaconum & Turre-  
crem. ibidem art. 2. Enimvero ut commune  
habet iuris peritorum axioma, tum instituun-  
tur leges, cum promulgantur, firmantur,  
cum suscipiuntur moribus. Nec est alia, ad  
manum paratior ratio, qua se prouinciæ, re-  
gna, nationes, à peccato eximant, violatio-  
ne canonum, quam eorum antiquo non vsu,  
nec pugnat cum primo hoc nostro enuncia-  
to veritas.

Equidem Theologi & Iurisperiti fate-  
ri coguntur, non maiorem vim & potesta-

A tem esse legum, quas condit Princeps, quam  
principis, neque huius maiorem, quam ve-  
lint ij, à quibus eligitur, & in quem suam  
transferunt potestatem, sed populus cum  
principem creat, & potestate instruit, non  
vult valere eius scita, legetque, nisi cum po-  
pulo eas recipere, ac probare est visum, sic  
Navarrus *Enchirid* 23. nn. 41. Dixi receptam,  
inquit, quia antequam recipiatur, saltem per  
maiorem partem vniuersitatis, cuius pars est  
transgressor, non ligat, quoniam promulgari vi-  
detur, cum conditione, si recipiatur, saltem per  
maiorem partem.

B Secundum enunciatum, lex lata populum  
non stringit à quo est reiecta, aut quæ non  
est promulgata à Principe, est de hoc gene-  
re atq; his verbis præscripta, à Iustiniano sē-  
tentia l. de quibus ff. de legibus *Ipsa leges, nulla*  
*aliæ de causa non tenent, quam quod iudicio po-*  
*puli non sunt receptæ*, hunc sequuntur è Theo-  
logis Maior in 4. dist. 15. q. 4. Driedo de liber.  
Christiana cap. 9. documento 2. Armilla verbo  
lex n. 11. Azor. tom. 1. lib. 5. cap. 4. quæst. 1. num.  
3 Henric. lib. 7. cap. 20. Flamin. de confidentia  
quæst. 11. n. 19. & 18. Omnium hæc est vnica

C ratio quod ad ferendam legem, sint in Le-  
gislatore ambæ hæc res necessariae, potestas  
ac eius sciendæ voluntas, cum obligatio-  
ne futura in plebe ei obsequendi, quo-  
rum alterum cum deest, legem quoque  
oportet inanem esse ac nullam nam quis iu-  
ste agi aliquid imperet: aut ab operando po-  
pulum efficaciter cohibeat, nisi qui ad id  
potestatem sit nactus idoneam? qua ij soli  
sunt præditi, qui ad gubernacula reipubl. se-  
dent cum imperio, Iura autem ipsa quam  
habitura sunt perennitatem, nisi ab iis Re-  
ges, aut Respubl. velint certum esse modum  
præfixum populo, quem hic in agendo se-  
quatur? legis enim anima Legislatoris est  
intentio, cum ab intellectu manare nulla  
possit operandi necessitas, sed à voluntate,  
cuius est eam afferre, ac in obiecto ponere,  
si qua forte carebat antea, pro exemplo sit,  
quod in materia iustitiæ, voluntas Principis  
faciat, ut res tanti valeat, & non pluris, in  
materia temperantiæ, ut hic & nunc, cibis  
sit abstinendum vetitis, hæc ergo duo ad  
legem concurrere in Legislatore est neces-  
se, potestatem, & intentionem obligandi,  
sed in Principe, aut Rege, non est potestas,  
ad obligandum populum per legem, nisi  
eam ipsemet acceptet, cuius rei est hæc ra-  
tio, quod hic illā à se in eum, non nisi sub hac  
conditione transfulerit, quod illius legibus  
non obligaretur, nisi in eas consentiret per  
acceptationem, ut Romanorum factum in-  
dicat, quibus tantum annuentibus, valebant  
leges quæ ideo rogationes dictæ, quod à Tri-



buno rogaretur populus, eas ut ratas esse vellet.

Et quamquam hæc, in Pontificum legibus ratio non subsistat, ut qui Deo soli acceptam suam auctoritatem debeat, non plebi, quia tamen deest altera conditio obligandi, scilicet intentio id faciendi antequam lex acceptetur, certum mihi prope est, vim nullam Pontificis esse legibus, ante earum acceptationem à populo, quia conditio cum qua illi proponuntur, non est impleta: ergo nec voluntas eiusmodi est in legislatore, qualem esse est necesse, ad plenam operandi necessitatem inferendi populo.

Quod autem Pontifex pro reliqua sua caritate, ac beneficentia, in subiectas sibi gentes, nolit independentem ab earum acceptatione illas obligare per suam legem, docent Nauarr. in *summa* cap. 23. num. 41. Gers. 10.3. tract. de *Vita Episcopali* lect. 4. Driedo de *libert. Christiana* lib. 1. cap. 9. & indicat petita tam à facti æquitate ratio, quam Pontificum benigna indole, nec enim est credibile eos velle motus ciere in populo, aut id haberi pro lege, cui non conuenit legis notio, at utrumque velle Pontifices est necesse, si ad obligandum per legem, eorum voluntas non dicit ordinem ad populi acceptationem & consensum. Et quidem tumultibus plena futura sunt omnia, nam (ut est populus, recti indocilis) ferre non satis æquo poterit animo, vim sibi repugnanti per legem inferri, nec tum est lex futura, cum communitati poni debeat, ut sit ei loco regulæ, ad quam opera sua vitamque componat, at repudiata à populo, eiusque parte maiori, communis non erit operum regula, hæc ergo bina incommoda nasci oportet, si non est voluntas Pontificum in ferenda lege, ordinata ad consensum populi, eiusque approbationem, his ita præsuppositis.

Dico primo, *Quibus in locis, auctoritatem habent diplomata Pij. IV. & Clem. VIII. Pontificum, nec fas esse in missa orare publice, pro occiso in duello, nec extrema ei reddere officia, que sunt mortuo exhiberi à superstitionibus solita, insequutione videlicet funeris, aut pompæ funebris apparatus.* Ita Couarr. in *can. alma mater* parte 1. parag. 9. aum. 4. Stephan. de Auila 2. parte cap. 6. dist. 9. cub. 6. Sotus in 4. dist. 22. q. 1. art. 4. Suarez disp. 9. sectione 2. num. 17, *Præpositus de excomm. qu. 2. dub. 6. num. 35.* qui omnes missam ac communia Ecclesiæ suffragia, neganda asserunt excommunicato, etiam non denunciato & tolerato.

Probatur, oratione publica pro eo orari non debet, qui animam efflauit probabiliter in peccato mortali, ut est in cap. *fures 2. de furtis*, at occiso in duello spes salutis vlla, quæ

A potest esse reliqua? quæ innocentie seruatur verisimilitudo?

Confirmatur, contra mandatum Ecclesiæ facere, nunquam extra necessitatem extremam est licitum, at prohibet Ecclesia, ne excommunicati cuiusquemodi, etiam tolerati, quo de genere sunt monomachi, in communionem bonorum suorum veniant, publica que eis suffragia applicentur, ut sunt fructus horarum canonicarum, ac precum, quæ in Missæ sacrificio fiunt, ergo nefas.

B Quod autem ea sit mens Ecclesiæ, patet ex eo quod hæc in *Extrav. sua ad curanda*, patrocinari noluerit excommunicatis, quod faceret tamen, si esse hi possent suorum bonorum participes.

Secundo, si pro iis publice orari potest, licet & sacrificium offerre, quod pietas audire horret.

C Tertio, occisis ab hoste in singulari certamine, Ecclesiastica sepultura est neganda Trident. sess. 25 cap. 19. Clemens in *sua constitut. de duello*, sed sepultura Ecclesiastica, ut pote à profana distincta, non fit sine precibus & cantu, Clericisque funus insequentibus, his ergo pro defuncto in duello orare publicè est illicitum.

Contraria sententia est Nauarr. cap. 27. *Enchirid. num. 36.* pro qua est hoc argumentum quod à temporibus Constantiensis Concilij, fas sit Catholico cuique familiariter ac liberè cum excommunicato tolerato agere.

D Sed in promptu est responsio, verum id esse, dummodo sit hæc eius communicatio cum præciso, communicanti utilis, excommunicato nullo modo, eo quod mentis non fuit Patrum in Concilio, isti patrocinari ac prodesse, ut fieret, si pro eo supplicare Deo publice fas foret, spectat enim oratio, spiritale eius pro quo fit commodum, quod & promouet facta ut oportet, ab ea ergo abstinendum Clericis, ab ea propinquis palam & publice temperandum.

Quid si nihilominus incumbant in preces?

E Mortuo nihil sunt allaturæ commodi quod enim hæc, suffragiaque profint fidelibus, id totum ex Ecclesiæ voluntate oritur, ergo si hæc ex iis commodum peruenire nulum velit ad excommunicatum eandem applicatione per ministrum benefica, quid consequetur hic boni, quid utilitatis ad æterna beatæ vitæ gaudia?

Anteced. est certum, nam priuata suffragia à communibus hoc solo nomine differunt, quod hæc priuati sint cuiuslibet, illa Ecclesiæ, ergo ut illorum nemo potest esse particeps, sine voluntate eius ad quem pertinent,

ment, ita nec istorum repugnante Ecclesia.

Consequentia probatur, Bona spiritualia Ecclesie quemadmodum & alia quælibet cuiusvis hominis, vtilia esse nulli possunt, nisi ei applicata: ergo cum applicari nequeant nisi de eius consensu: est enim applicatio, donatio quædam, cui vis nulla est, nisi à voluntate donantis, si iis Ecclesia priuatos esse excommunicatos etiam toleratos velit, quo de genere sunt omnes qui singulari certamine diem suum obeunt, hæc illis, quamlibet minister velit ac tentet, applicari cum fructu non poterunt.

Confirm. si excommunicatus toleratus, bonorum communium Ecclesie partem aliquam habere, ministri voluntate benefica, posset, excommunicationis vis est nulla, cum eius quæ maior dicitur, præcipua ratio in hoc consistat, quod ita monomachum excommunicatum ab Ecclesia præscindat, ut eius non sit membrum, quoad participationem bonorum communium illius, ex Suar. de censur. tom. 5. disput. 9. sect. 1. num. 17. At excommunicationis iustæ, ab eo scilicet innocentem illatæ, qui potest, ut est Pontifex, & ob peccatum lethale, vim nullam esse, quis credat? Nequit ergo ministri beneficentia, in communionem precum, communiumque bonorum Ecclesie vocari pugil, ubi quæ in eum est à Pontificibus dicta excommunicationis sententia, Principum ac populi voluntate est recepta.

Dico secundò, Qui precibus aut sepulturâ monomachos impertunt, nusquam locorum excommunicatos esse.

Causa est, quod Ecclesiastica vincula, nullum stringant, ob sui cum præciso consortium, nisi de nomine, publica que omnium, aut maioris partis civium conscientia fittalis, ut ex decreto PP. in Constantiensi Concil. Doctores colligunt, quibus hoc statuere est visum ad communem salutem, in Extravag. ad evitanda, nemo ut deinceps teneatur, aliquem ratione alicuius sententiæ, vel censuræ, vitare in Sacramentorum receptione, vel administratione, vel aliis rebus externis, nisi hæc in eum specialiter sit publicata, aut denunciata, vel nisi pro sacrilega manuum in Clericum iniectione, eum sententiâ latam à canone, adeo notorie constiterit incurrisse, ut nulla possit tergiversatione celari. At nec è superiori loco, unquam dicta est excommunicationis sententia in monomachum, nec eundem inuisum esse Ecclesie, Deo, & hominibus constitit, vilo superioris decreto, cuius exemplar, è templi Valuis, aut fori publici columnis, pendens, populo notum fuerit, ergo quæ per preces

Pars secunda.

aut sepulturam, intercedit cum eo communicatio, excommunicationi ac censuræ non cohæret.

Addo amplius, nullibi ne quidem ius in locis, ubi sunt Pontificum promulgata diplomata, videri vetitum in conflictu singulari mortuum mandare terræ, antequam id iudicis mandata vetent, quia ut est in quæst. proxime præcedenti dictum, pænæ quæ iure acquisito hominem exuunt, incurrri non solent ante sententiâ iudicis, declaratoriam criminis ob quod subiri debent, Sanch. tom. 1. in Decal. lib. 2. cap. 39. & 7. de matrim. disp. 13. Filluc. tract. 29. cap. 9. num. 178. at fidelibus, hoc ipso quod eos Christus Dominus per baptismum in familiam asciuit suam, ius ad sepulturam Ecclesiasticam competit, quo privari sine culpa aliqua sua, non patitur æquitas, dum ergo è tribunali iudex non loquitur, dum ab occiso pœnas non repetit, in tumulum illum maiorum inferri, conscientie saluo, incolumique iure nihil vetat.

Secus quam nos Bonacina sentit to. 3. disp. 2. puncto 48. num. 22. quod existimet pœnas Ecclesiasticas quæ in priuatione sunt positæ, ipso facto, admissioque inturri crimine.

Ab eo præter citatos dissentiunt Peregrin. q. 3. Hurtado de peccatis diff. 30. §. circa dictum, Stephan. de Aula 2. parte cap. 6. disp. 9. dub. 6. his verbis: Per hæc patet quod non licet sepelire in loco sacro excommunicatum toleratum, antequam absolvaatur: nam hoc directè cederet in favorem, & maximum honorem ipsius excommunicati.

Sed nostram sententiâ tenent Fagund. in Decalog. lib. 5. cap. 8. n. 9. Navar. c. 27. Enchirid. num. 36. Nunc, inquit id est post Constant. Concil. non negatur sepultura iis, qui excommunicati moriuntur, nisi sint denunciati.

Confirm. quibuscum dum viverent, agere Catholico licuit, licet & cum mortuis, ut est commune Theologorum axioma, sed cum tolerato ab Ecclesia, congregari licet: ergo &c.

Dico tertio, Qui reos violatæ legis Ecclesiæ de monomachia, terræ in Francia mandant cum apparatu Ecclesie consueto; aut fato functos, Deo publicè in sacrosancto Missæ sacrificio commendant; nulla, citra scandalum, aut prohibitionem Episcoporum, culpa se impiant.

Probatur, si quæ admitterent, ei haud dubie initium esset à violatione legis Ecclesiæ de pugilibus, ut vivis, sic mortuis auersandis ob censuram, in cuius se laqueos pugnando induere, vel certè quia perquam est turpe, pro eo, quem mors deprehendit in mortali scelere, preces fundere. At ut est hoc postremum ambiguum, (nam momenta temporum, quis novit? Quis animæ ad

Deum redeuntis subitōs motus? quis de admissis pœnitentiæ, salutare aculeos? quis instinctus) ita certum est alterum, leges de monomachia Pontificias in Gallia esse incognitas. Sint hæc indicio.

Primò, quod in urbem, absolutionis impetrandæ causa, pugiles non mittantur.

Exinde quod eorū attritu cū sunt mortui, quasi in pestifera contagē, nec homines, nec religiosæ, Deoque sacratæ ædes, cum in eas sunt illati, censeantur pollui.

Tertiò, quod palam, ac in omnium oculis, mortui tam suis, id est gentilibus, quam alienis tumulis soleant inferri, Episcoporum miro silentio, nisi cum id ipsi lege prohibuere Synodi, ergo cum lex quæ promulgata, aut recepta non est, obligandi facultate careat, ut sunt omnes de monomachis in Gallia, non erit earum transgressio, prout sunt leges quædam Ecclesiæ, lethaliter culpabilis, nec proinde rei sceleris, sunt futuri, qui, quod est Romæ, aut in Italia prohibitum, eiusmodi homines honore sepulturæ dignabuntur, aut precum, Portelius *part. 3. casu 10. concl. ult. num. 3.*

Dicat aliquis qui vero constat, & unde, citatas bullas, hic omni vi, roboreque destitutas, ob earum non receptionem in Gallia.

Primò, quia incertum est, an vnquam populo spectandæ præstiterint, aut ei ab Episcopis, aut aliis eorundem imperio significatæ fuerint.

Secundò, quia earum nullus est aut fuit hætenus vsus toto regno: quæro enim, quando, & vbi dictum aut auditum sit vnquam hic (hoc est Parisiis) aut vicinis circa oppidis, exhumata defunctorum in duello corpora? quando reconciliatæ Ecclesiæ? quando cœmeteria? quæ eorum fuissent polluta attritu, ut fieri debuisset haud dubiè, si de monomachis scriptæ leges à Pōtificibus, vigerēt in Gallia? quare quod de Germania scripsit Laym. *l. 3. tract. 3. part. 3. c. 5. n. 4.* dici potest pariter de aliis prouinciis, ac Septentrionales (verba sunt eius) seu obignorantiam, seu quia constitutiones illæ secundum hunc sensum promulgatæ, & in vsu deductæ non sunt, à censura excusari.

## QVÆSTIO XX.

*A quo excommunicationes ab homine profectæ in hominem, absolui debeant.*

**P**rima assertio, Eius est duntaxat, qui excommunicationem nominatim in hominem, dixit, illam tollere, non alterius, nisi sit eius superior successor aut delegatus.

Assertioni fides est primò, à decretalibus epistolis Innoc. III. in cap. per tuas 49. & can. sacro 48. de sent. cap. prudentiam paragr. sexto de officio iudicis delegati cap. ad reprimendam, cap. pastoralis paragr. præterea de offic. ordinarij can. 47. Concil. Nic. can. 16. Concil. Carth. 6. Antiocheni 6.

Secundò, fides est eidem à ratione, quia eiusdem est soluere, & ligare, & ut dicitur in can. verbum de pœnit. dist. 1. par est ius soluendi, & ligandi, quibus verbis innuitur quod solutio, coercitioque, communiter ad eundem pertineant, dummodo duret in eo iurisdic-tio, secus si sit extincta per depositionē, aut impedita per excommunicationem, aut censuram aliam, vel tempus quo absolui debebat sit finitum, ut in iudice delegato, iuxta cap. querenti de offic. delegati, si horum nihil interuenit, ab eo solo qui illius est author, vel eius superiore, aut successore. excommunicatio remitti poterit.

Episcopis quidem facere id ne audeant, prohibet Concil. Sardicense can. 16. his verbis: Si quis Clericorum, ab Episcopo suo fuerit communionem priuatus, & ad alterum perrexerit Episcopum, & scierit ille, ad quem confugerit, eum ab Episcopo suo fuisse abiectum, non oportet ut ei communionem indulgeat, quod si fecerit, sciat se cōuocatis Episcopis causam esse dicturum, & can. 17. eum qui fuit à communionem separatus, nullus alius debet præsumere ut recipiat, & communioni societ, quorum sunt hæc quam simillima, quæ tomo 1. Concil. habentur sub finem Concil. Arausici primi: Nullus Episcopus, alterius Parrochianum excommunicare, vel reconciliare præsumat, sine consensu, vel conscientia proprii Episcopi, quod facere cum tentauisset Dioscorus Alexandrinus, iure notatus est à Patribus Chalcedonensis Cōcilij quorum est, hæc aduersus illū oratio, ad Imperatores Valentinianum & Martianum: Adhuc & quosdā à diuersis Conciliis rite damnatos, in communionem propria auctoritate suscepit, sanctis regulis præcipientibus, excommunicatos ab aliis, in communionem alios non debere suscipere. Hæc Patres, quorū quam simillima sunt ista ex Concil. Carthagin. can. 9, si quis Episcopus



*pus vel Presbyter velit recipere eos qui pro criminum suorum meritis Ecclesia sunt eiekti, ipse æquali crimini obnoxius Videbitur.*

Excipit Concil. Agathense 1. can. 3. casum in quo excommunicatus, innocens esset, aut non nisi ex leui minimaque causa culpabilis, nā tunc Episcopo proprio cum absolvere renuente, vicini illum Antistites admittere ad communionem possunt, isque maxime qui ei in Episcopatu successit, Epau. Concil. canone 28. in hæc verba: *Si Episcopus, antedam- nati absolutionem obitu rapiatur, correctum aut penitentem licebit absolvere*, ratioque est aperta, Qui succedit alteri, hominum est opinione iurisque interpretatione communi idem cum præcessore suo moraliter.

Nec is modo, qui in defuncti locum est subrogatus, sed & Capitulum sede vacante censuris ab eo positis cum fructu exiit, ca. si Episcopus 3. de supplenda negligentia in 6. ibi enim sancit Bonif. VIII. *Vt si Episcopus à Paganis aut Schismaticis capiatur, non Archiepiscopus sed Capitulum, ac si sedes per mortem vacaret, illius in temporalibus & spiritualibus Vicarius ministrare debebit*, hinc enim sequitur quod cum Episcopi defuncti potestas maneat penes Capitulum, ut ab illo, si viueret, ita & ab isto remitti censuram posse, de maiestate in 6. nisi ei fuerit à sede Apostolica specialiter interdicta potestas, ibi.

Certatamen sunt tempora, quibus excommunicanti est interdicta absolutio vinculi, quod nexuit alteri.

Primum est cum ipsemet in excommunicationem maiorem incidit, eamque non toleratam, Nauar. cap. 27. num. 40. quia si ne iurisdictione absolutio est nulla, at omni caret quem Ecclesia non tolerat, vult enim Alexand. quartus in ca. decernimus 8. de sent. in 6. ut ab agendo, patrocinando, testificando, indices seculares ab Ecclesiasticis per censuram compellantur, excommunicatos repellere, at absolvere est agere, &c. est hæc ergo actio excommunicato prohibita.

Secundum, cum autoritate Papæ, sine vlla causæ notitia excommunicatio est intentata Nauar. cap. 27. num. 44. tunc enim exequens eius mandata non potest absolvere postquam excommunicauit Nau. ibi.

Tertium, quando excommunicatio est ab inferiori quidē inflicta, sed consulto superiore, hoc est Papæ, à quo etiam ex certa est scientia confirmata eius sententia, quia confirmare sententiam est suo modo eam dicere, ita c. conquest. 22. de sent. Clem. III. negat iniure esse Episcopi, offraetores sacrarum ædium absolvere, quando ab eo, aut alio quopiam, eius imperio dicta est in eos excommunicatio, sed ad Papam absolutionis causa

recurrendum esse sanxit Innoc. III. in cap. cum accessissent 8. de constitut. dignitatem quæ sublata est de Ecclesia decreto Capituli, quod per Papam confirmari placuit, amplius non vacare, nisi postea ipsi canonici contraxerint, aliquem videlicet eligendo.

Quartum, tempus est cum excommunicatio est in incendiarium fulminata, nam eius absolutio soli est reseruata Pontifici, cap. tua nos 19. de sentent.

Quintum ac postremum, cum qui à delegato Papæ est excommunicatus, per annum integrum, vel aliquanto amplius perseverat in Ecclesiæ vinculis, nam ut est in cap. querenti 26. de potestate & officio delegati, auctoritas excommunicantis ex commissione, anno cessante cessat, totaque ad Pontificem relabitur, cum enim usque ad integrum annum, iurisdictionem sibi commissam ad exequendum sententiam exercere valeat, Innocentij concessu, in cap. citato, patet cum eo tempore, absoluendæ ac ferendæ censuræ potestatem finem capere.

Quid si censura neminem in particulari notet, sed communiter omnes qui in legem peccabunt? ut si dicat legislator excommunicare se omnes, qui à beneficiis suis, sine causa aberunt?

Respondendum, eam à quolibet remitti posse, quia quæ vagæ, quæ communiter ac designato nemine, excommunicatio infligitur, æquiparatur in hac parte censuræ iuris, siue statuti, secundum Laym. lib. 1. tract. 5. cap. 7. Nauar. cap. 27. num. 44. at ex dictis antea excommunicationes iuris, quæ non sunt reseruata, ex probabiliori sententia, à quolibet approbato absolui possunt.

Secundò, censura irrogata generaliter, sententiam iudicis, quam rescindere alius non possit quam qui tulit, proprie non continet, sed potius præceptum sub tali pœna impositum, ergo &c.

Quid? quod canones quibus vetatur absolutio censuræ, mentionem particularis casus, & hominis faciant? quod hæc non habet de qua loquimur.

Quartò, cum odia in mitiorem partem trahi oporteat, verbaque legis quæ pœnam irrogat, proprie capi debeant, hoc est in ea notione quæ illis ex hominum instituto conuenit, excommunicatio generaliter lata in fures, v. c. reseruata Episcopo non erit, si vniuersè sic concepta, non sit proprie in hominē. At verum est prius, quæro enim quem voces denotent? quem extra Ecclesiam, speciatim collocent qui furatus est sit excommunicatus? ergo non est generalis excommunicatio, de earum genere, quæ sint eius auctori reseruata.



Et hanc opinionem tenent Couar. in can. *alma mater* 1. parte parag. 12. Nauar. 27. num. 44. Reginaldus lib 9. cap. 2. num. 30. Sa *Verbo absolutio ab excomm.* num. 5. Coninch. de censuris disp. 14. dub. 16. num. 257. Henric. lib. 13. cap. 28.

Censurere tamen oppositum Suarez disp. 7. sect. 2. n. 22. disp. 19. sect. 2. n. 6. & alij apud Stephanum de Auila loco proxime citato.

Assertio secunda, Superior eius qui excommunicauit, modo talis sit non dignitate tantum, sed iurisdictione respectu personæ, & quoad causam de qua agitur, nominatim excommunicatum potest absolueret.

Primò, quia superiori in ratione absoluerendi, iure permissa sunt omnia quæ inferiori in eo genere aggredi, ac retare conceditur, sine scelere, in bonū spiritale rei, ergo Episcopo, aut Papæ, de quorum licentia, Abbas, Parochus, Archidiaconus, aut alius quispiam delegatus, Ecclesiasticam excommunicationis sententiam dicere, permissum est eam tollere, eiusque nexum cum lubet rescindere, sic Alexand. III. in cap. cum ab Ecclesiarum 3. de offic. ordin. ait conceptam à plebano S. P. in Clericos, & Laicos, excommunicationis aut interdicti poenam, post satisfactionem parti exhibitam petitumque dicti plebani consensum relaxari per Episcopum posse Eam, inquit, sine congrua satisfactione & absque eiusdem plebani consensu ac conscientia, non relaxes.

Quid? quod Gelasius Papa 1. in libro de anathematis vinculo, quem tomo 2. Conciliorum insertum constat, in rem præsentem hæc scribat Inferior potiore absolueret non potest, sola ergo sedes potior inferiorem conuenienter absoluit, proinde inferioris loci Pontifices, qui nulloatenus se nouerant potiore sibi sine prima sede se posse resolueret, præcipue quem eius sententia nouerant obligatum, præuicatoria absolute, non illum penitus exuerunt, sed se præuicatione potius nexuerunt, quæ si sunt vera dicta est causa, ius dicere inferiori superior, eiusque iudicium infringere cum laude potest, non istius ille.

Ad hæc testimonia, accedunt rationum pondera. Episcopo ut cōmuni Patri sua subest prouincia, in quam proinde pro conscientia foro, potest omnia, ut pote quæ diuinitus eius est commissa prouidentia, ut administraretur & sicut expedit, est necesse 10 q. 1. can. quæcunque fo. can. præcipimus 24. cause 12. q. 1. Ergo si res communis, si vnius, aut plurium salus priuata exigit, acta inferioris iudicis abrogari, sententiam ab eo dictam rescindi, facient id sine culpa Episcopus & Papa, eius superiores.

Secundò, iurisdicctio quæ Episcopo in Diæ-

cesi sua conuenit, non est tam stabilis, firmaque, ut superiori, hoc est Papæ, potestatem quam in illam, adeoque Ecclesiam vniuersam nactus est cælitus, adimat, cum isti hoc est Papali, Episcopalis sit subordinata.

At Papam, ut patrem ac iudicem Ecclesia vniuersa agnoscit, cui tam in se, quam membris suis ius dicit, dare hoc ergo & Episcopo poterit, ergo & eius acta si res ferat inania, nullaue reddere, ergo & censuram vnicuique inflictam tollere.

Tertiò, quæ suo indulgenda subdito superiori credidit, hæc in eius redundare detrimentum non debent, redundarent autem, si quos inferior facultate sibi ab Episcopo, aut Pontifice demadara vinxit, hi ab utroque solui, aut liberari non possent, dicta ergo ab inferiore sententiam in nocentem, ab eius superiore infirmari, nihil est quod impedit, ita Henric. lib. 13. de excommunicatione cap. 28. num. 3. Præpositus de censur. in communi. qu. 1. dub. 13. num. 86.

Id tamen tentare, ac facere superiori prohibet, nisi cū circumstantiis quæ sequuntur.

Prima, ut hoc non nisi eo approbante faciat, qui excommunicauit alterius nomine, aut suo, alterius quia est delegatus, proprio, occasione scilicet muneris ac officij quod in re publica publicum gerit, Alexand. III. in decretali, cum ab Ecclesiarum 3. de officio iudicis ordinarij, Abbas in cap. per tuum de sententiam 6. Glossa in cap. Ecclesiarum de sent. excom.

Causa est, quod superior inferiori iura sua illibata seruare debeat, ne quid culpa sua de eius auctoritate apud plebem intereat, nihil ergo eum in hac causa par est aggredi ac tentare, nisi prius eo admonito, qui excommunicauit.

Secunda conditio est, ut non nisi citata parte si ad eius instantiam maximè sententia in excommunicatum est dicta, & post satisfactionem, illi exhibitam, vinculis suis eximatur, Concil. Valentin. sub Leothario habitum anno 855. can. 23. collata tamen absolutio absque citatione partis, valet, quia auctoritas quæ inferiori, beneficio superioris ac indulgentia competit, hunc sua, id est propria non exuit, cum sit ordinaria, ita fas est Archiepiscopo, ius dicere suffraganeorum suorum subditis.

Primò, cum ad eius tribunal appellant.

Secundò, cum eorum Diæceses ex officio visitat, quo tempore, quos hi tenent in Ecclesiæ vinculis, hoc est censuris obligatos, liberos, si patiatur æquitas, dimittere poterit, dummodo his, quorum interest excommunicationi vim suam esse, iniuria irrogetur nulla, quod fiet si antequam absoluantur, lætis illi satisfaciant.

Tertiò,

Tertio, à censura suffraganeorum absoluit Archiepiscopus, cum isti improbe eius absolutionem differunt, aut negant.

## QVÆSTIO XXI.

*Quibus in casibus Episcopo absolvere à censura Papæ reservata sit licitum.*

**P**rimò, Episcopus tamper se, quam Vicarium, ad id specialiter deputatum, censuras ex delicto subditi occulto ortas relaxat, Trident. sess. 24. cap. 6. Piassec. 2. parte cap. 1. art. 3. subartum dixi, nam alieno, id est alterius Diocesis homini prodesse non potest. Nauar. lib. 1. consil. de offic. ordin. consil. 8. Ratio est, quod in eum iurisdictionem nullam habeat, sine qua tamen quid est absolutio?

Tunc autem delictum censetur occultum, cum non est publicum Auila 7. parte disp. 10. dub. 6. publicum non est, non tantum quod testibus probari nequit, sed quod non est notorium, manifestum, aut famosum, nam in hæc tria partitur publicum, opinione Comitoli l. 6. resp. q. 44 n. 2. Crimen occultum id esse alii voluit, quod non est deductum ad forum contentiosum, vel si est, non est tamen probatum, deducta enim ad tribunal forense, excipiuntur tantum in irregularitatibus, & suspensionibus, & non in excommunicationibus, aut aliis casibus Papalibus, quare antequam de irregularitate, aut suspensione sententiam iudex dixerit terminatam, in iis Episcopus dispensare nequit, sicut potest post terminatam litem, quod tum iniuria iudici nulla fiat, cum enim officio suo sit functus, eius auctoritas infringi non potest, aut imminui per Episcopum eum dispensantem, quia iam est a censura absolutus. Ergo cum restrictio potestatis Episcopalis in absoluendo à censuris deductis ad forum contentiosum, tota fundetur in voluntate Concilii, à quo est hæc inducta, alienæ auctoritatis conseruandæ causa, nec hæc absolutione, aut relaxatione vinculi Ecclesiastici lazi post sententiam à iudice dictam soleat, hæc ei absolutio erit concilii lege permissa.

Secundo, intelligitur delicti occulti nomine, factum quod quidem est manifestum, in ratione facti, non tamen mali, & prohibiti, cum enim eius malitia latet, factum occultum est, quia malum est, & prohibitum V. G. celebrat aliquis publice in suspensione, si non scitur quod sit suspensus, dicitur crimen eius occultum, etsi ipsa celebrandatio, nulli non sit spectantium nota, Nau. cap. 27. nn. 255. & 241.

**A** Tertio, id occultum dicitur, quod nec est notorium notorietate facti, aut criminis, qualia sunt quæ extusationem aliquam habent, aut non sunt admissa à reo in iudicio, aut à iudice condemnata.

Quarto occultum est, quod non est manifestum, aut famosum, *Notorium*, inquit Luc. III. in cap. 7. de cohabitari Clericor. definitur, de quo Presbyter canonicè condemnatur, occultum quod ab Ecclesia toleratur.

Manifesta sunt, de quibus est fama in maiori parte Ciuitatis aut Collegii, orta à scientibus; Sex, septem, & octo personæ, rem scientes in magna ciuitate, non possunt efficere, ut hæc dicatur notoria non occulta, Portellus ad dubia regularia verbo dispensare num. 9. Diana prima parte tract. de absolut.

Secundo famosa sunt, quæ nituntur famæ partis maioris ciuium, orta ex vno sciente, vel ex indiciis, aut ex præsumptionibus, illis æquipollentibus Gloss. in can. manifesta 2. q. 1. & in ca. vestra 7. de cohabitatione Clericorum.

**C** Jam ergo dico excommunicationes ac casus omnes Papales, qui proueniunt ex delicto occulto, etsi deducti sint ad forum contentiosum, posse absolui ab Episcopis, dummodo non sint probati aut publice noti, quia deducta ad forum contentiosum, excipiuntur tantum in irregularitatibus & suspensionibus, verba ipsa indicant, liceat Episcopis in irregularitatibus omnibus, & suspensionibus ex delicto occulto prouenientibus, exceptis deductis ad forum contentiosum dispensare.

Secundo, remittere Episcopus potest excommunicationes natas ex leui percussione Clerici Clem. III. in cap. peruenit 17. de sent. excommunicationis: De his, inquit, qui Clericis non enormem, sed modicam & leuem iniuriam irrogarunt tuæ fraternitatis arbitrio ducimus committendum.

**T**ertio relaxat omnes & singulas, quæ Sacerdoti inferiori soluendæ conceduntur à Papa ut Abbati, &c. nam inferioris nomine, Episcopus intelligitur, secundum Innocentium & quæ dispensatio vel absolutio reservata Papæ, privilegio iuris conceditur inferiori, videtur concedi Episcopo, Nau. cap. 27. num. 112.

**E** Quarto, cum excommunicatus impeditur senio, morbo, aut aliter, sedem Romanam super absolutione censuræ suæ consultare, licet Episcopo eum reconciliare, extra de sententia excomm. cap. 26. & in cap. eos qui 22. de sent. & extra eodem titulo cap. ea noscitur 13. cap. de casero, cap. quamuis 5. 8. cap. mulieret 6. & cap. quod his 26.

Impeditur autem quis varie, primo ægritudine Præpositus de censuris in communi q. 1. n. 101. etiam non periculosa.

Secundo, metu mortis, subeundæ in vi,

V ii,

aut grauis alicuius incommodi incurrendi A  
*Nauar. cap. 27. num. 90. parag. ad tertiam, Auila 2. part. cap. 7. disp. 1. dub. 6.*

Tertio, inopia, quarto ætate, vt si senex est, aut impubes, non probro tamen, quod ait Piaſecius supra, huic, cum vir factus erit, absolutionis causa, adeundum esse Pontificem, cum *cap. 58. citato eum, ab itinere in urbem, cum adoleuerit, excuset Gregor. nonus.*

Quinto, impedit sexus muliebris *cap. mulieres 6. vniuerſe quidlibet quod viri prudentis iudicio excommunicato moram proficiſcendi in urbem, facere potest Nau. c. 27. num. 88. eoque antiquior Clemens Papa tertius cap. ea noſcitur 13. de ſententia, libet hic eius verba ponere. Consultationi tue duximus reſpondendum, quod mulieres, ſenes & valetudinarij, ſeu membrorum deſtitutionibus impediti, licet ad Apoſtolicam ſedem non veniant, ab Episcopis valeant fidelium communioni reſtitui, ſatisfacto iuxta facultates his, quibus per eos conſtituerit iniurias irrogatas, ſi vero infirmitatis tempore, timore mortis beneficium absolutionis fuerit indultum, iuramento præſtito iniungatur illdem, vt poſtquam ſanitati fuerint reſtituti ad Romanam Eccleſiam, vel eius Legatum accedant, mandatum Apoſt. ſuper talibus recepturi, ſcripſerat idem Alexand. III. in cap. de cætero 11. eiſdem tituli; niſi quod legati non meminit, Idem Greg. nonus in ca. quamuis 58. eiſdem.*

Quid ſi ante absolutionem, nuncius mitti à reo eius obtinendæ cauſa Romam poteſt? quid ſi cōueniri Legatus à latere, loco Episcopī? quid ſi eorum aliquis, quibus ex priuilegio id audere, ac in Sacramento pœnitentiæ, ſuper confeſſione licitum eſt, in bonum pœnitentium, cum admiſſa ab iis culpa, adnexam ei cenſuram diſſoluere, etiam ne excommunicato absolutionis impetrandæ cauſa, adeundus hic erit? aut ſollicitandus precibus, vt poteſtatem ſuam alteri, cauſa ſua committat? vel ſi eſt relinquendus Episcopus? adigine ad id reus debet?

Negant Henriq. lib. 12. ca. 3. de matrim. & lib. 6. de pœnit. ca. 9. num. 7. Ægidius diſp. 14. dub. 16. num. 240. Auila parte 2. de cenſuris diſp. 1. dub. 6. quia abſoluendi authoritas, quæ reſeruatione peccati, ſublata fuerat, redit impedimento poſito, vi cuius reſeruans adiri non poteſt, absolutionis ab eo obtinendæ gratia.

Secundo, quia eius rei nulla ſit in canonibus mentio.

Tertio, quia ſic vix vnquam poſſet Episcopus abſoluere à Papali cenſura, cum fere ſemper ſint religioſi, qui poteſtate abſoluedi ab excommunicationibus Papæ reſeruatis, ſunt præditi.

Quarto, quia extraordinaria poteſtas conceſſa Legato, aut Religioſis, non tollit ordinariam Episcoporum, quibus ius commune poteſtatem in neceſſitate circa cenſuras Papæ reſeruatas tribuit, eaſque tollendi.

Pro opinione oppoſita, eſt hæc ratio, poteſtas abſoluendi à cenſuris, iure communi facta Episcopis aut aliis, à neceſſitate ortum habet, at hæc ceſſat, cum ſuppetit, qui ordinaria aut delegata authoritate, abſoluendi à reſeruatis eſt inſtructus: ita quidem apud Ægidium de miniſtro pœnitent. dub. 12. num. 90. & B  
 meo iudicio probabiliter quare eſt hæc ſententia in conſcientia probabilis, actuta.

## QVÆSTIO XXII.

• An vi alicuius priuilegij, Episcopus abſoluere poſſit ab hæreſi.

Sermo eſt de priuilegio, cuius meminimus initio præcedentis quæſtionis, vi cuius, conceſſione Trident. ſeſſ. 24. ca. 6. licet C  
 Episcopis, quælibet delicta Pontifici reſeruata, modo ne ſint nota, ſed occulta, & à ſubditis ſuis ſint admiſſa, in Diœceſi ſua per ſeipſos, aut Vicarium ad id ſpecialiter deputandum in foro conſcientiæ abſoluere: Idem quoque, inquit Concil. & in hæreſis crimine, in eodem foro conſcientiæ, eis tantum, non eorum Vicariis erit permiſſum.

Quæritur ergo in præſenti, an vi huius priuilegij, Episcopus hæreticos ſed incognitos, reconciliare poſſit Eccleſiæ. Cauſa dubitandi D  
 eſt, quod in Bulla cœnæ, dicatur expreſſe, à caſibus in ea contentis, abſolui poſſe neminem, niſi à ſummo Pontifice, vel alio, cui id de ſpeciali eius mandato ſit conceſſum, non obſtante quocunque priuilegio, vel clauſula Concilij generalis, quo præcepto vtrum abrogetur, ac intereat data Episcopis facultas, iam eſt videndum.

Prima ſententia eſt Nauar. ca. 27. nu. 275. Suar. diſput. 30. de Sacram. ſeſſ. 2. num. 11. Piaſec. 2. parte praxiſ ca. 1. art. 2. num. 4. Suar. 10. 5. de cenſuris diſp. 21. ſeſſ. 3. num. 5. Comitoli in reſponſionibus moralibus, Ricci parte 3. deciſione 280. num. 1. Ragucij in lucerna Parochorum qu. 125. Fabri de Sacramento Ordinis dub. 25. q. 1. diſp. 3. ca. 4. Floroni de caſibus reſeruatis parte 1. ca. 1. parag. 22. Torreblancæ de magia diſp. 3. ca. 10. Villalobos par. 1. tract. 9. dub. 61. num. 2. Tolet. in explicatione Bullæ cœnæ excommun. 4. poſt prædictæ Bullæ promulgationem id Episcopis interdictum eſſe, quod probant, primo reſponſis Gregorij XIII. Clementis VIII. Pij V. quorum meminit Genuenſis in praxi art. 67. num. 10. Ibi enim tradit ab vtriſque



que significatum esse, responsumque viuz vocis oraculo, Episcopos nihil posse valide in absoluenda hæresi, sine speciali sanctæ sedis licentia, quod potestas iis olim à Tridentino concessa, iisdem sit hoc tempore per Concilium adempta, eo quod priuilegium, quod Episcopis est indultum per Concilium, reuocatum sit à Pontificibus, ac quot annis reuocetur in bulla Cœnæ Domini, vt respondit Congregatio Cardinalium, teste Genuensi loco citato, Suar. to. 4. in tertia parte, disp. 3. sect. 2. num. 12. Maiolo de irregular. lib. 5. cap. 46. num. 6. docetque Nauar. cap. 27. num. 275. summo pœnitentiario negatam esse à Gregor. XIII. & Pio V. facultatem absoluendi ab hæresi, nisi cum certis modificationibus.

Secunda priori opposita defensores habet hos authores Gomez in bulla Cruciatæ clausula 10. Pet. Ledesma 1. to. summæ tract. 1. cap. 6. diff. 7. Henriq. lib. 6. cap. 14. §. 7. litera M. Episcopos existentes in sua Diœcesi hoc tēpore, sicut & olim, hæreticos sibi subditos absoluere ab hæresi externa occulta posse.

Nititur primo autoritate Cardinalis Caraffæ à quo nomine Congregationis sibi Comitulus responsum esse ait, nihil per bullam derogatum esse, aut etiam derogari hoc tempore antiquis Episcoporum priuilegiis, quod & fecisse Pium quantum docet Viualdus in explicatione bullæ num. 141. qui in eadem est sententia in candelabro cap. de absolutione num. 13 cum Victorello in annotationibus ad Toletum in fine. Sa verbo Episcopus nu. 37. Puteano in secundam secundæ q. 11. art. 4. dub. 2. Fagundez de præceptis Ecclesiæ tract. 2. lib. 8. cap. 8. & in præcept. Decal. lib. 1. cap. 15. Becan. to. 2. cap. 15. de pœnis hæreticor. q. 2. num. 5. Ver. 4. D Portelio in additionib. ad dubia regularia verbo Episcopum num. 1.

Qui omnes asserunt in iis maxime locis ubi non est inquisitio, vt hîc in Gallia, Episcopum à quacunque hæresi absoluere posse etiam in foro exteriori, si non præcise hoc nomine quod sit Episcopus, saltem ideo, quod sit inquisitor ordinarius contra hæreticos.

Probatur primo, hæc verba bullæ Cœnæ Etiam si casus hi in genere, vel in specie, in prædictis facultatibus concedantur, intelligi de casibus bullæ publicis, & non occultis debet, vt authores sunt Becanus & Fagund. loc. citatis. At facultas Concilij loquitur de absolutione casuum occultorum, qui sunt sedi Apostolicæ reservati, vt notant Sanchez tomo 1. Decalogi lib. 2. ca. 11. num. 27. Fagundez in præceptis Decalogi lib. 1. ca. 15. num. 7. Becan. tom. 2. ca. 15. de pœnis hæreticorum q. 2. n. 5.

Secundo probatur, ex ca. 9. ad abolendam

A extra de hæreticis, ubi Lucius III. Clericos negat priuandos officiis, & beneficiis, si post deprehensionem erroris, ad fidei Catholicæ vnitatem sponte recurrere, & errorem suum ad arbitrium Episcopi regionis, publice cōfesserint abiurare, & satisfactionem congruam exhibere, hinc enim sequitur, in Episcoporum potestate esse, hæreticos reconciliare Ecclesiæ, culpamque contractam condonare, idque iure communi ac canonum.

B Quid? quod Episcopus inquisitor sit Ordinarius contra hæreticos, testimonio Bonifacij, in ca. per hoc 17. de hæreticis in sexto, sed hic absoluit ab hæresi in vtroque foro, vt est in decretali Clementis III. vt officium 11. de hæret. in 6. traduntque Homobonus in examine parte 2. tract. 11. cap. 6. q. 11. Putean. loco citato, Garcias de benef. to. 2. parte 2. ca. 10. n. 121. freti his verbis quæ in citata decretali habentur, Si aliquis ex prædictis hæretica labo primitus abinrata, redire voluerit ad Ecclesiæ vnitatem, ei iuxta formam Ecclesiæ absolutionis beneficium impendatis: ergo cum per Bullam Cœnæ reuocentur priuilegia vel quæ generalis Concilij clausula continentur, non autem quæ sunt iuris communis, vt est in Episcopo potestas absoluendi ab hæresi, & bulla Cœnæ cum clausulis illi adiectis, obesse non poterit.

Tertio, si per Bullam Cœnæ, non sunt reuocata Episcoporum priuilegia, aut verius si ius commune per eam non tollitur, vt ante, sic & modo reddere Episcopi poterunt hæreticos Ecclesiæ, per absolutionem vinculi quo tenentur, sed verum est prius, nam quod Episcopus absoluere possit ab hæresi non cognita, iuris est communis.

D Primo, quia olim ab iis est relaxata quæ erat publica, nullique non nota, testes quartadecimani quos constat Ecclesiæ reconciliatos esse à Patribus Ephesinis, actione 6. partis 2. eius Concil.

E Quid? quod in ca. nonerit 49. de sententia & c. ad abolendam 9. de hæreticis, hæresis non referueretur Papæ? sed pro eius absolutione qui à lege Diœcesanæ iurisdictionis sunt exempti, & potestati Apostolicæ subiacent, Episcoporum subire iudicium debeant, vt est in ea decretali: at quæ peccata per Canonem seruata non sunt Pontifici, hæc relaxare Episcopis est integrum ex Caiet. verbo excommunicatio ca. 1. & ca. nuper 29. de sent. excommunicat.

Ad ea quæ opponuntur ex responsis Pontificum Gregor. XIII. & Pij quinti (de quibus Nauar. ca. 27. num. 275) & Congregationis, dicendum est, de iis authenticè ac iuridice non constare, quantum est necessæ ad spoliandos Episcopos sua possessione, & ita non obstante Bulla Cœnæ, posse eos ab



hæresi, & alijs casibus occultis Bullæ absol. A  
uere, etiam si noti sint aliquibus, modo hi  
maiores Urbis, Collegii, aut Communita-  
tis partem non faciant: Fagundez *supra num.*  
9. vt enim tales casus dicantur publici, & sic  
ponantur extra potestatem Episcopi.

Requiritur primo, notitia maioris partis  
personarum, quæ communitatem, viciniam,  
Collegium, aut urbem componunt in qua  
sunt admissi, quare si ea decem constet ho-  
minibus, non est satis crimen esse notum  
quinque ex illis, sex minimum eius habere  
notitiam debent.

Secundo, requiritur, vt tales casus non sint  
deducti ad forum contentiosum, aut si sunt,  
ne sint probati ab vnico saltem teste.

Tertio requiritur vt reo sit intimata de-  
latio, seu deductio ad forum externum, si e-  
nim ei significata nõ fuerit, quantumuis cri-  
men sit deductum ad forũ illud, & in eo ali-  
quo modo probatum, saltem vnico teste, di-  
cetur tamen casus occultus in ordine ad ab-  
solutionem Episcopi, & dispensationem in  
irregularitate, excepta ea quæ oritur ex ho-  
micidio voluntario in qua et si sit occulta so-  
lus Papa dispensat. De Graphiis *lib. 1. decis. c.*  
13. n. 32. Auila de censur. parte 2. ca. 7. disp. 1. dub.  
11. conclus. 3. Sanch. tom. 1. Decalog. lib. 2. ca. 11  
num. 21.

### QVÆSTIO XXIII.

*An cum datur plenaria indulgentia per modum  
Iubilæi, intelligatur data potestas absoluendi  
à censuris, etsi istarum, non fiat specialis  
in Bulla Iubilæi mentio.*

**N**ON dari, mihi intgr cetera, sit hoc no-  
mine probabile, quod indulgentiæ, &  
absoluendi authoritas à censuris, sint res  
disparatæ, quare vnā sine alia concedi,  
Romanæ Ecclesiæ vsus habet. Equidem cum  
de Iubilæo quod centesimo quoque anno  
recurrat, sermo est in iure Canonico, censu-  
rarum nulla sit mentio, sed tantum plenissi-  
mæ peccatorum omnium veniæ, quare cum  
tantum Iubilæa valeant, quantum sonant,  
(vt aiunt) nec amplius, si hæc, censuras in  
Confessariis esse iure nõ asserant, ab his  
pœnitentes non nisi conatu irritato liberare  
Confessarii tentabunt, ita Suar. in tract. de  
fide disp. 21. sect. 4. num. 21, Auila de censur. par.  
2. ca. 7. disp. 1. dub. 7. conclus. 1. Diana tract. de  
absolut. ab hæresi resol. 1.

### QVÆSTIO XXIX.

*An quando datur à summo Pontif. facultas ab-  
soluendi à censuris, & casibus Papæ reser-  
uatis, in Bulla Cænæ intelligatur data  
absoluendi ab hæresi.*

**Q**Vi pro affirmante pugnant sunt hi au-  
thores, Soufa in Bullam Cænæ ca. 2. &  
disp. 5. Becanus in summa Theolog. par. 5. qu. 2.  
B Pinellus de casib. reseruat casu 2. num. 20. Bar-  
bosa de potestate Episcopi parte 2. allegat. 40.  
num. 5. ad quam sententiam propendunt, Fa-  
gundez in primum præcep. Decalog. lib. 1. ca. 16.  
num. 2. Filliucius, tom. 2. tract. 22 ca. 6. Regi-  
nald. tom. 1. lib. 9. ca. 14. num. 224. Cherubin.  
in compendio Bullar. tomo 3. constit. 24. Pauli V.  
Defensores aduersæ partis in re Theolo-  
gica præstantes viri, sunt hi, Henriq. lib. 7.  
ca. 13. Nauar. ca. 27. num. 275. Vivaldus verbo  
absolutio num. 16. Vgolinus tabula 1. ca. 10. pa-  
rag. 4. num. 17. Couar. in priore parte comment.  
alma mater, parag. 11. num. 13. Suar. in tract. de  
fide disp. 21. sect. 4. num. 21. Portelius in additio-  
nibus ad dubia Regularia verbo hæresis num. 26.  
Præpositus de censur. in communi dub. 14. num.  
102. de re tota quid iudicii habeam, aliquot  
enuntiatis planum faciam.

Primum Enuntiatum, In locis hæresi non in-  
fectis, non intelligitur data potestas absoluendi ab  
hæresi occulta, aut manifesta in vtroque foro, nisi  
litteris Apostolicis id specialiter contineatur.

**F**idem faciunt Pauli IV. & Pii V. diplo-  
mata, in quibus ambo hi Pōrifices, ius remit-  
tendæ huius culpæ, fidei censoribus in His-  
pania tribuunt, quibus ab Henrique additi  
sunt duo. lib. 6. ca. 16. Urbanus scilicet IV. Greg.  
XIII. quod eos facturos fuisse, homines  
nempe eruditione iuxta, ac virtute præsta-  
biles, quis credat? si in facultate ampla illa, &  
circumstantiis contracta nullis, absoluendi à  
casibus quos ad suum tribunal Papa reuocat,  
continetur hæresis?

Secundo, quæ est Pottelii argumentatio  
loco citato num. 26. in concessione generali  
non veniunt ea, quæ quis non esset in specie  
verisimiliter concessurus de regul. iuris in 6.  
regul. 8. at Papam plerique omnes, coniectu-  
ra non improbabili freti, aiunt responsu-  
rum, si de re eum forte consulerent Epif-  
copi, mentis suæ fuisse nunquam, nec esse  
modo, eis remittendæ hæresis iurare, nisi  
cum id expresse, Roma tanquam ex tripode  
significat, vt declarasse Gregor. XIII. &  
Pium V. authores negatiuæ sententiæ asse-  
runt, huncque esse Romanæ Curia stylum,  
hunc morem, lōgo sæculorum vsu firmatū.

Enuntiatum

Enuntiatur secundum, *In regionibus ad A Septentrionem positis, licet ei qui à casibus Bullæ Cœnæ, siue ex privilegio communi alicuius Iubilæi, aut Religionis, siue privato absolvere poterit, licet (inquam) ei in foro conscientie, absolvere ab occulta hæresi.*

Primo, quia id ita Romæ declaratum esse in pœnitentiaria anno 107. & ita in praxi servari scribit Filliucius tom. 1. tract. 8. cap. 10. num. 263.

Secundo, cum Pontifex ea de re multos ambigere non nesciat, ac hæresim interdum à concessione generali casuum quam non nulli tribuit, excludat, hoc ipso illis eius absolventis potestatem concedit, quod eius non meminit.

Tertio, cum sit utile, ac vero etiam sæpe necesse, pœnitentes absolui posse, vero simile est velle Pontificem, id vt Confessarius, ad bonum fidelium liceat, proindeque in concessione illa generali hæresim comprehendere, ita innuit Præpositus de censuris in communi dubio 14. num. 103. cum ait in facultate absolventi à casibus Bullæ Cœnæ interdum ratione loci, comprehendendi hæresim.

Est tamen in facultatis istius usu Confessariis adhibenda hæc cautio.

Primo, ne cui in vrbe Catholica suspecto de hæresi, facile manus imponant, ne minutz plebi scandalum generent, potestatis autem sibi ad eam rem traditz ignaris, offensionem creent, eum ergo ad Episcopum, aut si quis est alius in vrbe, à quo pro utroque absolui foro queat, remitti oportet, sic enim turbatum in populo, sic querendi Episcopis causa omnis tolletur, cum se non neglectos videbunt, sed absolutionis causa adiri, & rogari tam à pœnitente, quam Confessariis.

Secundo, est id illis quoque laborandum imprimis, vt de hæreticorum sæpe præpropere neminem, in hæretica Ciuitate, ad Catholicorum suauolentia dogmata transferant, ob metû relapsus, cû enim hic inde migrare alio, seque eximere nisi ægre, peccandi periculo nequeat, propter eius assidua colloquia cum popularibus suis, dubiæ scilicet mentis, ac fraudulentæ hominibus, raro nec nisi post repetitas de absolutione cõsequenda frequentes preces, vota que lachrymis mixta, recipi potest, ac debet in Ecclesia.

## QVÆSTIO XXV.

*An Episcopus, absolutionem ab hæresi, committere possit alicui.*

Causa dubitandi petitur ex verbis Concil. sess. 24. cap. 6. vbi Patres aiunt in Episcoporum potestate, arbitrioque esse, casus omnes Bullæ cœnæ reseruos Pontifici, remittere tam per se, quam Vicarium, ad id specialiter deputandum, non item hæresim quam in foro conscientie, eis tantum, non eorum Vicariis vult permissum esse absolvere, quæ causa Theologis multis exitit, asserendi, hanc eis potestatem tribuendam non videri.

Præcipui inter eos, numerandi veniunt, Gutier. qu. canonicar. lib. 1. ca. 13. num. 29. Suar. tomo 4. disp. 30. sect. 2. num. 9. & 15. & de fide, spe, & charit. te disp. 21. sect. 4. num. 8. Ledesma to. 1. summa tract. 1. ca. 6. post 20. conclus. difficult. 6. sic Episcopis, condonanda hæresis ius competere, vt id alteri committere nec licitè possint, nec validè, Particula enim tantum Concilii, decreto adiecta, vt pote taxatiua, commissionem omnem excludit, tam generalem pro omnibus casibus, & causis, quam specialem pro reseruatiss, & specialissimam, in causa hæresis.

Contrariam doctrinam sunt complexi, Nauar. lib. 1. consilior. tit. de constitut. consil. 1. qu. vltima, num. 89. & lib. 1. tit. de sentent. excom. consil. 15. q. 2. & 3. Sanchez to. 1. Decal. lib. 2. ca. 11 num. 23. Emman, Sa in Verbo Episcopus num. 37. Emman. Rodrigu. in Bull. Cruciatæ parag. 9. num. 69. Henriqu. lib. 6. ca. 14. num. 7. & in Glossa littera O. Diana in tract. de absolut. hæresis resolut. 2. quæ mihi opinio & tuta, & sequenda videtur. Rationes quæ me in eam mentem adducunt, cum tantorum globi hominum, ingenio iuxta, ac eruditione præstantium sunt istæ.

Prima quod iurisdicctio, potestas & imperium, quæ ex Principis privilegio competunt alicui ratione dignitatis, & officii, non autem personæ propriæ, delegari ex natura sua queant. At est potestas absolventi ab hæresi, annexa Episcopi dignitati, nõ personæ, cum Concilium, nullius in particulari meminerit, non Petri, non Ioannis, sed Episcoporum communiter, ergo cum nomen Episcopi, nomen sit hominis, publicam personam sustinentis, prouinciæ suæ, officiique partem alteram, quæ est in hæresis absolutione sita, committere poterit, cui maxime visum erit.

Secunda, cum verba adhibentur aliqua, eius potestatis correctoria, quæ in perpetuum indignitati Episcopi, eiusque officio est adiuncta, sunt hæc in eum sensum capienda, ut quam minimum illi officiant, ac iuri communi præiudicium afferant, cum non sit probabile velle Ecclesiam, aut Concilium, ea reprivare Episcopos, quæ illis iure quam optimo ratione officii competit, ac personæ, quam obeunt; At minus eis de auctoritate sua deperit, minus de maiestate sui magistratus ac nominis, si committere quem possunt cum est necesse, qui de hæresis crimine, hic & nunc, absoluat suo nomine, est hoc ergo eorum relinquendum arbitrio.

Debet hæc tamen commissio specialis esse, Communis, & ad omnes Bullæ occultos casus, aut hæresim, reprobanda est, ut Concilio non conformis, secundum Navar. lib. primo consilior. consil. primo de constitut. q. Ultima num. 89. Sa in verbo Episcopus num. 37. Corduba in summa q. 8.

## QVÆSTIO XXVI.

*An Prelati regulares, subditos suos absolvere possint ab hæresi occulta.*

**E**st hæc disputatio in duas diuisa partes, in prima quaeritur, an ius sit penes Prælatos regulares, hæresis iis hominibus remittendæ, quos suæ habent obnoxios potestati, ac curæ.

In secunda disputatur, an tale ius sit à Pontifice reuocatum, aut à Bulla cœnæ.

Utraque quaestio tractatur à Doctoribus, quorum, de ea non idem, unusque est sensus.

In partes affirmantium concedunt, Sanchez de matrim. lib. 8. disp. 2. num. 3. Suar. in 3. part. to. 4. disp. 30. sect. 2. num. 7. Megala in 1. par. lib. 1. ca. 13. num. 10. Portelius ad dub. regul. verbo Abbas num. 6. ubi hæc habet. Prior Dominicanus, & proinde communicantes, habent erga suos subditos in foro conscientie tantum, & per se ipsos tamen, omnem auctoritatem absoluedi, & dispensandi, quam habent Episcopi erga suos subditos, quæ concessio facta à Pio V. habetur in Bullario Rodrig. fol. 920.

Secus quam illi loquuntur ac sentiunt Megala in conf. 21. num. 6. Nouarius in singular. conclus. 3. num. 10. Diana par. 1. tract. de absolut. ab hæresi resolut. 6. Fagundez in primum præceptum Decal. cap. 15. num. 21. quam sententiam, ne sequamur, multa nos mouent.

Primum, quod auctoritati Prælatorum regularium noceat.

Secunda, quod eorum subditos priuet ne-

**A** cessario ad salutem remedio, absolutione scilicet criminis, in quod, ex iis labi possunt plurimi. Nam quod de Episcopis, aut Inquisitoribus sanctæ fidei dicitur, ad quos ire, & ab iis impetrare solutionem nexus sui, regulares possunt, etsi asseratur verissimè, quantis est id tamen peruium molestiis, quantis, & quam certis expositum animæ, salutisque periculis? quæ subire, consulto ac scienter, cum Dei nobis gratiam eripiunt, culpa est, eaque contra ius naturæ, lethifera, sed hoc discrimen sponte ij eligunt, qui egressi claustro, Episcopum de absolutione suorum criminum sollicitatum eunt, vel enim id scienter faciunt Prælato ac probante, vel inuito, ac ignorante, si secundum, peccant, cum eo renitente domo egredi, aut ignorante committere se itineri, inobedientia sit scelus. Si primum, etsi contra regulam, aut obedientiam non delinquant, culpa tamen non sunt omnino vacui, quod religioni tali facto scandalum ingenerent, bonum eius nomen, famamque violent. Nam quid facilius, quam plebi natura sua suspicaci, eam tum opinionem imprimi, esse ab eo graue quidpiam admissum, de quo cum ab Episcopo absolui sit necesse?

**B** Quæ famæ, nominisque dedecora ut videntur, Regulares præpositos oportuit ea potestate præditos esse, quæ subditis sibi gentibus, reconciliandis cum Deo & Ecclesia, est necessaria. Societatis sanè nostræ Prouinciales ac Generalem, suos de hæresi absolueri posse, scribit Ortizius in summa ca. 5. nu. 29. Peirinus de priuileg. Minor. to. 1. ad constitut. 4. Sixti IV. parag. 5. num. 20. quod eis speciali priuilegio concessum voluit Greg. eius nominis XIII. ut est in eiusdem Societ. Compendio parag. 7. & 8. facultate iisdem Generali & Prouincialibus relicta, subrogandi sibi in casibus particularibus, non vniuersim, tamen ac generaliter, nisi res secus exigeret (de quo sunt ipsi iudices, ac arbitri) qui suo nomine de eo crimine absoluant, Suar. de Religione.

**C** Fuit altera quaestio, de istiusmodi duratione priuilegii, & an sit per Pontifices abrogatum, aut per Bullam cœnæ, eiusdem qui quotannis eam legi Romæ imperat, voluntate ac literis reuocatum.

In quo sibi, ut plerisque alijs, Doctores non consentiant.

Reuocatum esse scripsit Portelius in dubijs regular. verbo Abbas num. 21.

Suar. tom. de censuris disp. 21. sect. 3. num. 4. nodum soluit hac distinctione, priuilegia vel sunt eiusmodi, quibus detur facultas absoluedi à casibus Bullæ cœnæ in generali, vel in specie tantum, ut cum permittitur absolu-

tio

tio piratarum. Si primum, eorum vis omnis interiit, quod ea Pontifici reuocare pridem placuerit. Si secundum, perseverant, iisque in bonum fidelium, uti est in laude ac merito. Hæc ille.

Cum his ego sentio qui ea privilegia reuocata negant.

Primo, quia ea quotannis renouantur, ac vocetenus confirmantur à Pontifice, ad instantiam Procuratorum cuiusque Ordinis, testimonio Portelii, *in dubiis Regularib. Verbo Abbas num. Vlt.*

Secundo, per Bullam cœnæ, quælibet non prohibetur absolutio casuum quos continet, sed ea duntaxat, quæ privilegiorum prætextu datur, ergo cum prætextus sit color quæsitus ut exposuit Budæus *in leg. illicitas dig. de officio præsid. leg. sub prætextu, Cod. de transact.* vel ut loquuntur alii, id quod sub specie veri exercetur, non peccabunt regulares in Bullam, si cum absoluunt de hæresi, aut casibus aliis Bullæ occultis, id legitima auctoritate faciunt, & non colore quæsito, aut sub aliquo velamine, ac verum est consequens, nam per privilegia sibi concessa à Pontifice, eiusdem benignitate tantundem hi possunt, quantum ipse, cum sunt eius subdelegati.

Quid? quod Societatis IESV Patribus indulgisse dicatur Gregor. eius nominis XIII anno reparata salutis 1584. ut per Bullam non censeantur eorum abrogata privilegia? ut est in Compendio eiusdem Societ. *in Verbo Bulla cœnæ parag. 2.* quod notauit Suar. *de religione to. 4. tract. 18. lib. 9. ca. 20. nu. 18.* Portel. *in dubiis Verbo Bulla cœnæ*, data ergo à Greg. XIII. religionis huius ordinis, à Pio autem V. Patrum Dominicanor. superioribus potestas absoluendi ab occulta hæresi, in iisdem perseverat hoc tempore.

Obiicit Fagundez lococitato, Episcopis solis dari à Patribus Concil. *in sess. 24. ca. 6.* facultatem absoluendi hæretici occulti.

Causa est, quod eorum duntaxat fiat mentio, non regularium, *Licet*, inquit Concil. ibi, *Episcopis in irregularitatibus omnibus & aliis &c. dispensare.*

Ad antecedens dicendum: Episcopi nomen bipertitè sumitur, primo proprie, pro his duntaxat. qui Episcopali sunt charactere insignes, secundo latè, ut ad eos quoque pertinet, qui iurisdictionem quasi Episcopalem habent, occasione provinciarum quam obeunt, muneris quod faciunt, Episcopi nomen primo modo acceptum, Regulares non amplectitur, sed altero tantum.

Obiicit secundo, potestas impertiendæ absolutionis de hæreti, iistantum per Concilium est concessa, quibus competeat an-

tea, ac regulares ante concilium Trident. habitum, non leguntur vti hoc iure, ergo nec sibi vindicare id poterunt hoc tempore.

Maiores est falsa, nam per Pontificis Pii quinti beneficentiam, Priori Dominicanorum suos ab hæresi licet absoluere, ac cum iis in votis dispensare, quem tamen Pontificem, constat, Concilio tempore posteriorem esse.

Obiicit tertio, nunquam censetur facta ulli ab hæresi absoluendi licentia, nisi in literis quibus hanc potestatem Papa alicui annuit, hæresis expresse meminerit, secundum Fagundez supra, Sanchez *tom. 1. summa lib. 2. ca. 11. num. 7.* at in privilegio Patribus Dominicanis concessa à Pio Pontifice, ne vox quidem est vnica, qua significetur id eis licere per Pium, sed in eo est duntaxat, tantum eorum Priori permissum esse erga inferiores suos: quantum Episcopo erga suos subditos.

Respondend. primo, implicitè mentionem hæresis fieri à Pio V. in bulla sua, nam vult Dominicanos, tantum in ratione absoluendi subditos suos posse, quantum per Concil. permittitur Episcopo, in illa *sess. 24. ca. 6.* at hæresis fit ibi mentio, ergo & in Bulla Pii saltem implicitè.

Secundo respondend. maiorem esse falsam, quia hoc ipso, quod Pontifex, à concessione facta alicui absoluendi à casibus, hæresim nominatim non excipit, eius relaxandæ facultatem tribuit, Diana *in tract. de absolut. ab hæresi resolut. 6. parag. sed respondeo*, quod hinc probat quod cum hanc vult alicui negatam esse, illam expresse excipiat, ut factum esse à Gregor. XIII. in Bulla, qua Patribus S. Bernardi in Hispania, absoluendi à casibus quibuscumque, ius esse voluit, scripsit Ludovic. Portelius *in dubiis regularib. Verbo Abbas num. 6.* nam de eorum numero hæresim excludit.

## QVÆSTIO XXVII.

*An Excommunicatus ab homine nominatim, absolui queat Vi Commissionis Generalis.*

**N**Equaquam, ut sic sentiam inducor ab hac causa, quod non sit credibile, Papam velle, liberalitate sua ac indulgentia, fideles esse ab eo obsequio liberos, quod superiori suo negare nequeunt sine culpa, id autem accideret si qui nominatim exclusus est per censuram de Ecclesia, ab alio quam qui eum loco mouit, censuraque perculit, absolui posset.



Probatur minor, excommunicationis, sicut & cuiuslibet censuræ reo intentandæ, causa non est alia, quam obedientia, quæ quia ut oportet, ultro ac sponte non præstatur, metu ac terrore subeundæ pœnæ extorqueri debet ab eo, contra quem fertur, à qua liberari nequit nisi obediat, at id superiori obtinere à suo subdito, non est facile, si hic ab alio, quam innodante, solui potest, nam eo prætermisso, alterum cōueniet istius rei gratia, quod quid ad firmandam eius ac subditorum, contra superiores, audaciam esse potest efficacius? quare si quis *Presbyter, aut Diaconus, per Episcopum à communione exclusus sit, hunc neutiquam ab alio fas sit, suscipi, quam ab eo, qui ipsum à communione exclusit, nisi forte Episcopus, qui ipsum à communione segregauit, defunctus sit, ita canon 33. Apostolorum, citatus ab Alexand. Episcopo Constantinop. apud Theodoret. lib. 1. cap. 4. quem Nicæn. magnum Concil. confirmans atque declarans sic statuit can. 5. Seruetur & ista sententia, ut hi qui ab aliis excommunicantur, ab aliis ad communionem non recipiantur, quæ etsi de non priuilegiatis, iure communi dicantur verissime & seclusa commissione Papæ, dici tamen etiam probabiliter possunt de priuilegiatis, ob causam allatam, pacem scilicet, ac quietem, retinendam in Ecclesia, quâ turbari est necesse, cum hi Papæ indulgentia, licet Episcopi aut excommunicatis fulmina in certum contorta hominē, reddere per absolutionem irrita, ac sine effectu.*

Quæ sententia est Stephan. de Auila de censuris part. 2. cap. 7. disp. 3. dub. 10. conclus. 1. Coninch. de Sacram. disp. 14. dub. 16. conclus. 3. num. 207. nota primo, inquit, quando quis nominatim est excommunicatus, aut causa deducta est ad forum contentiosum, reum communiter non esse absoluendum pro foro conscientię, ab eo, qui per talia priuilegia, id facere potest quia hoc perturbaret ordinem iuris.

Sentiunt. idem Vasq. in 3. par. to. 4. tract. de excomm. Præpositus de censur. in communi dub. 13. num. 80. his verbis: Notandum 1. absolutionem censuræ contra aliquem in particulari latæ, ita reservari his quos diximus, ut ab ea nullo modo possint absolvere, qui vi priuilegiorum possunt absolvere à censuris, vel etiam vi iubilæi, imo neque posset id alius Episcopus, ad cuius territorium forte se contulerit is, qui est censura irretitus ibi fixurus domicilium, quia saltem quando sententia fertur ex causæ cognitione, alter ita subiicitur ferenti censuram, ut hic permanentem sortiatu iurisdictionem in tali causa, ergo etiam ut solus beneficium absolutionis possit impendere. Hæc ille.

Contraria tamen sententia ut probabilis, defendi potest, priuilegiato scilicet, quem

A sibi Pontifex in repurgandis conscientiis fidelium substituit, cum potestate eos eximendi ab omnibus casibus, quos solius auri fori esse voluit, priuilegiatis (inquam) fas esse excommunicatum nominatim ab homine, reconciliare Ecclesiæ, ita Dian. tract. 11. prima part. resol. 26.

B Ratio est, quod quæ illis à Pontifice facultas à censuris absoluendi conceditur, detur illimitata, ac sine restrictione, non est ergo limitanda hac, aut illa in specie, cum omnes comprehendat. Qui enim omnes dicit, nullam excludit, quare si omnium sibi reseruatum ius, ac potestatem, Pontifex alicui concesserit, censetur etiam concedere absolutionem à reseruatis Episcopo, Ægid. de Coninch. qui tamen absolute contrarium in praxi tenendum ait, disp. 14. dub. 16. num. 207. nisi forte reus in loco degeret, ubi eius excommunicatio nota non esset, aut necessitas incumberet hic & nunc absoluendi.

C Secunda assertio, Quando solum conceditur generalis potestas absoluendi à censuris reseruatis Pontifici, non censetur in ea comprehendi casus Bullæ: ita Ægid. disp. 14. dub. 16. de excommunicatione num. 246. Præpositus de censur. in communi dub. 14. num. 102. quia sunt hi specialiter reseruati, non censetur ergo eorum reseruatio per concessionem generalem sublatæ: specialis facultas est necessaria, quia à concessione casuum, est is remouendus, quem concedens videtur tacite exclusisse, nec verisimiliter concessurus fuisse, si ei venisset in mentem, can. in generali de reg. iuris in sexto, regula 81. ac casus Bullæ, ita sunt reseruati Pontifici, ut eorum remittendorum facultatem videatur concessisse nemini, nisi de opposito constet, per concessionem particularem.

D Sentiunt alij contrarium, in euentu quo eiusmodi facultas datur generatim alicui ordini, vel per iubilæum, nam tunc quia est gratia Principis, late est interpretanda Ægid. disp. 14. dub. 16. num. 245. Henric. lib. 13. cap. 27. quam sententiam probabilem esse putat Suar. de censuris disp. 7. sect. 5. num. 12.

E Tertia assertio, Ut ut sit de potestate absoluendi, priuilegiatis concessa à Papa, data tamen per eos absolutio excommunicatis, tantum est pro foro interno utilis, Ægid. dub. penult. de excommunicat. Nauar. Enchirid. 27. num. 39 Reginald. lib. 9. cap. 1. num. 19. quia cum hæc concessio, sit in materia odiosa, contra rigorem iuris, ac potestatem ordinariorum, non videtur concedi per verba generalia, secundum omnem suam amplitudinem, quare etiam absolutus restituatur participationi Sacramentorum, & communium precum Ecclesiæ,

sia, manet tamen obnoxius poenis Ecclesiae, A quales sunt, repellere ab agendo, iudicari inhabilem ad beneficium obtinendum.

Excipiendus est casus in quo excommunicatio lata esset pro debitis, in gratiam partis laesae, nam si hæc sibi satisfactum esse fateatur, aut condonatum debitum, aut in absolutionem rei, id est creditoris sui consentiat, hanc in foro interno datam, valere etiam pro externo est probabile, quid ita vero? quia Pius Papa V. absolutionem in foro externo, valere negat, parte non satisfacta, ergo si se hæc contentam dicat, si sibi satisfactum asserat, pro utroque foro valebit absolutio.

### QVÆSTIO XXVIII.

*An extra confessionem data de excommunicatione absolutio, sit rata.*

**I**N opinioniones contrarias distractos Doctores video, eorum classes omnino sunt duæ.

Prima negantium, inter quos chorum ducit, Navar. Enchiridii cap. 26. num. 31. & lib. 1. consiliar. tit. de sentent. excommunicat. consil. 28. ad 4. qu. Corduba in summa q. 19. & 187. Et se adiunxere comites Emanuel in Bullar. parag. 9. num. 54. Couar. in commentario canonis alma mater parte 1. parag. 11. num. 16.

Opinionis huius præcipua fundamenta sunt, primum, quod in Compendio privilegiorum societatis nostrae, relaxandæ censuræ auctoritas, quam dictæ Societatis Presbyteris Pontifex dilargitur, ad confessionem restringitur, qua audita eam, inquit ibi Pontifex, possint absolvere.

Secundum, quod eiusmodi facultas tantum detur pro interno foro, ergo extra Sacramentum data, non est rata.

Secunda huic opposita, patronos habet non inferioris notæ Theologos, quorum in hærendo vestigiis.

Dico, ad hoc ut quis per privilegium, aut Iubilæum absolvere ab excommunicatione possit, & id in foro interno valde faciat, non est necesse confessionem absolutioni præmittere, ita Auila 2. parte cap. 7. disp. 13. dub. 13. Aegidius de ministro poenitentiae disp. 8. num. 84. & disp. 14. de censuris dub. 16. num. 262.

Probat, absolutio censuræ, est sublatio vinculi, quo quis impeditur ab usu, & participatione Sacramentorum, remouetur autem à congressu, commercioque fidelium, at tolli potest hoc vinculum, aliter quam confessione, factum Prælatorum indicat, quibus

sæpe ad officium est satis, si de censura tollenda rogati, eam soluant, poenitente pro admissis, eorumque condonatione, ad Sacerdotum tribunal remisso. Quod sæpe fieri expedit, ut cum poenitentibus, aut Præfili, id per tēpus non licet, illis quidem conscientiam suam explicare, isti autem explicatam intueri cominus, eique medicinam facere.

Argumentis allatis respondendum: primo quidem, iis verbis *audita confessione*, loqui Papam velle, de peccatis reservatis, à quibus esse liber nemo potest nisi confessus; hanc porro mentem eius esse, ostendit textus ipse paragraphi, in quo ut de censuris, ita de peccatis, est sermo. Sunt hæc ergo verba (*audita confessione*) referenda ad absolutionem à peccatis, non autem ad absolutionem à censuris: Diana tract. 11. de Bulla Cruciatæ re. sol. 26.

Ad secundum dico per ista verba pro foro interno, significare Pontificem, remissam censuræ, non valere in foro externo, hoc tantum: nullo vero modo, quod eius absoluendæ potestas, extra Sacramentum redigi in actum nequeat, cum inter utramque, nulla sit necessaria connexio, ratione cuius addi absolutioni de peccatis, eique confessionem eorum non præmitti oporteat. Ita Sanch. lib. in Decal. 6. 11. n. 13. & Præpositus dub. 14. de censur. in cōmuni n. 100. his verbis: Ita particula pro foro conscientie, videtur designare, ita absolutum non posse se tueri, allegando suam absolutionem, si contingat pertrahi ad iudicium, propter crimen pro quo est absolutus, Suarez disp. 7. sect. 5. num. 16. itaque licet iudex possit talem punire in foro contentioso, is tamen qui est absolutus, quando non trahitur ad illud forum, potest in omnibus se gerere ut absolutum, etiam publice. Hæc ille.

### QVÆSTIO XXIX.

*Quibus verbis, formaque, utendum sit in absolutione Censuræ.*

**D**Ico primò, Solam absoluendi voluntatem non sufficere.

**E** Ratio est, quod absolutio sit concessio facultatis, facta excommunicato, ut cum aliis communicet; at hæc dari & permitti nequit nisi verbis, aut externis quibusdā signis, quæ voluntatem internam permittentis sufficienter significant: sic enim & interna animi nostri sententia vulgare aliis, & hi ea cognoscere sunt soliti.

Dico secundò, Certa tamen verba pro foro conscientie ex rei natura nulla esse, quibus excommunicationis absolutio, nec ipsa, sit impertienda.

X iiij

Probatur, cum absolutio sit culpæ aut vinculi remissio, à quo liberari reus postulat, pendet hæc à voluntate superioris, aut alterius, habentis ad id potestatem, quæ quantum est satis, ei qui absolui postulat, exprimitur, aut alteri eius loco, at hoc verbis quibuscumque libet, aut signis, modo ad id indicandum idoneis, fieri quid obstat? ergo verba quælibet, aut signa, absoluendo à censura homini sufficienti, quæ quantum est satis absolutio-nem ab eadem indicant.

Confirmatur, possunt nullo discrimine verba cuiusque modi ad excommunicandum adhiberi, modo sint apta communi hominū opinione innuere excommunicatis sensum, & iudiciū, ergo & ad absolutionem impertientiam, quælibet sufficienti, modo declarent, id absoluentem sufficienter velle, & quantum est satis. Cum nec natura iudicii, nec Ecclesiæ antiqua praxis, certa verba postulet, quæ tanquam ei essentialia, usurpare in hoc ministerio oporteat, vsus tamen communis Ecclesiæ, aliqua exigit, quæ præteriti honeste ac omitti nequeunt.

Dico ergo tertio, *Sacramento penitentiae verba hæc adhibenda esse aut similia*, Absoluo te ab excommunicatione quam incurristi ob furtum V. G. & restituo te Sacramentis Ecclesiæ & communioni fidelium In nomine Patris & Filij & Spiritus sancti.

Dico quarto, *Cum excommunicatio remittitur solemniter, sequendam esse loci cuiusque consuetudinem, ac formam Ritualibus cuiusque Diocesis præscriptam, eiusque maxime, ubi absolutio impenditur, quæ forma tamen, quemadmodum & aliæ ceremoniæ, adhiberi in ea absolutione solitæ, non sunt ad eam necessariæ, necessitate essentiali, sed præcepti tantum, quare eas omittere, veniale tantum esse* dixit Auila 2. parte cap. 7. disp. 13. dub. 2.

Dico quinto, *Quando excommunicatio propter grave aliquod crimen contracta fuit, cuiusmodi sunt, Clerici enormis percussio, crimine falsi, incendiū, & quæ continentur in Bulla cænæ, iuramentū à penitente ante eius absolutionē exigendū erit, quod amodo Ecclesiæ morem geret, quod mandatis eius obtemperabit, nec proinde id peccati genus committet amplius, cuius occasione ac causa, repulsus est ab Ecclesia, insuper quod & præstabit omnia, quæ ab eo Prelatus circaverit, cuius causa factus est reus, iuste ac cum ratione postulat: Ita Alexand. III. in decretali ex tenore 10. de sentent. excomm. his verbis: Mandamus quatenus recepto ab eo iuramento, quod tuo debeat mandato parere, ipsum vice nostra, à sententia qua tenetur, absolvas, sibi que in virtute iuramenti præcipias, ne de cætero in Clericum manus iniiciat violentas, nisi se defendendo, &c.*

Notavit tamen à Graph. lib. 4. ca. 47.

A communiter iuramentum à pueris non debere exigere, quod ad culpam, sint ob gratiam faciles ac proni, nec ab eo quem probabile est non facturum promissa, ne iuramenti delatio sit ei occasio peierandi, similiter nec pro quocumque delicto, sed tantum gravi, postulandum dicunt, Henric. lib. 17. de excommunicat. cap. 28. Sylu. verbo absolutio 3. nu. 35. Egidius disp. 14. dub. 16. nu. 204. qualia sunt incendium publicum, ut dicebam paulo ante, verberatio Cardinalis, falsificatio literarum Apostolicarum, percussio notabilis Clerici; data tamen absolutio sine iuramento prævio, est rata, Sylu. verbo absolutio 3. num. 3. quia non est de eius essentia, quemadmodum nec preces quas præmitti olim absolutioni solitas, habet canon 108.

In primis enim olim Episcopi, tot cum numero absolvere debebant, quot excommunicauerant. *Satagensibus quibusdam, ut Hugoni redderetur Remense Episcopium, repugnavit Rectoricus Laudunensis, & Catalaunensis Episcopus, asserentes, quod à tot Episcopis excommunicatus, à minore numero absolui non posset.* Concil. Meldense sub Ludouico 4. anno Christi 962. Sane qui reum excommunicauerat, antequam Ecclesiæ venire debebat, & Presbyteri duodecim cum eo, & si ille terra prostratus, Veniā postulat, inquit canon, & de futuris cautelam pponet, tunc Episcopus apprehensa manu eius dextera, in Ecclesiam illum introducat, & communioni Christianæ reddat, Concil. Arausic. ut refertur 11. q. 3. can. cum aliquis 168.

Prius tamen, eiusdem decreto Concilii recitabantur Psalmi septem penitentiales, cum his precibus Κύριε ἐλέησον Saluum fac servum tuum Domine, Alias clara voce canebatur Psalmus (Miserere) aut alius, quo durante, si commode poterat, excommunicatus vapulabat fune, aut flagellis, aut virga in scapulis, non nudis illis quidem, sed opertis velamine, quia ita usus ac consuetudo ubique obtinebat, Pontifice sciente & probante, quod etiam servus abatur in mortuo, qui quidem si sepultus erat in loco sacro, non necessario exhumandus erat, sed tantum cum in prophano: & tunc qui corpore suo verbera exciperet, si fuisset sanus ac superstes, tolerabat in omulo, qui ideo vapulabat à iudice virgis aut corrigia spectante turba.

Verberationem excipiebant, preces Κύριε ἐλέησον Pater noster, solum fac servum tuum, &c. Esto Domine turris fortitudinis, Nihil proficiat inimicus in eo. Dominus exaudi orationem meam. Dominus vobiscum. Oremus. Deus cui proprium est misereri, &c. postmodum addebatur absolutio, auctoritate Domini nostri Iesu Christi & Apostolorum Petri & Pauli mihi concessa, absolvo te à vinculo excommunicationis



communicationis, quam incurristi propter hanc aut istam causam, & restituo te Sacramentis Ecclesie, & communioni fidelium, In nomine Patris &c. Hæc fere Innoc. III. in decretalis à nobis 28. de sentent. excommunicat. qui hæredes quoque ipsius defuncti ad satisfaciendum pro ipso, si monitione promissa noluerint per distractionem Eccl. compelli imperat.

Dico ergo sexto, Quando absolvens ad satisfactionem tenetur, absolutioni censura, satisfactionem à reo pro illata parti iniuria præmittendam esse integram si potest, si minus, ex parte. Tuetur se hæc opinio.

Primo autoritate Innoc. III. in ca. ex parte 23. de verbor. significat. deinde ratione: nam prodesse vni cuiquam, cum aperto alterius discrimine, caritas non finit, quam autem nulli est dubium, læso certum imminere propinquum; noxæ periculum, si reum, hoc est, eum à quo damnum, aut iniuriam esset passus, absolutione iudex impertiatur, antequam (quod est necessitatis, officii ac iustitiæ) læso ille satisfaciat petitione veniæ aut restitutione rei sibi debitæ, vbi enim est deleta culpa, vbi suum reo solutum vinculum, vbi comunicandi promiscue, ac libere cum omnibus facultas hic raro est data de satisfactione cogitationem suscipit, aut si quam habet, non nisi eiusmodi, quæ tarde, ac ægre mādari soleat effectui, quæ etsi timenda non forent, negligi tamen non posset satisfactio, ut quæ iustitiæ est lege debita, ac ab Innocentio eius nominis tertio præcepta in c. ex parte 23. de verborum significat. vbi postquam excommunicationis inferendæ causas esse duas dixit, contumaciam nempe, quia scilicet nocens citatus stare noluit iuri, & offensam, quia videlicet iussus maleficium noluit emendare, in primo casu ait congrue satisfieri ut sententia relaxetur, si prius sufficiens standi iuri cautio tribuatur, in secundo, si offensa est manifesta, credit non satisfieri congrue ut relaxetur sententia, nisi prius sufficiens præstetur emenda. Hæc ille de satisfactione quæ à reo exhibenda est læso.

### QVÆSTIO XXX.

An in mortis articulo absolui excommunicatus possit à Laico.

**M**ihi duo sunt certa, vnum est, vñtata forma Ecclesie, cum quis publice absoluitur & solemniter, Laicum in reconciliando præciso, sub finem vitæ, vñ non posse, quia habet ea absoluendi forma, ritus ac cæremonias, quas frequentari ab alio non conuenit, quam ministro Ecclesie publico, ut quod Sacerdotibus consuevit, usque ca-

**A**mentibus, præcinente autem eo, qui censuram laxat, ac nomine Ecclesie Deo supplicet populus ei, ut ad illam redeunt, eiusdem benignitate ac indulgentia, introitus pateat.

Alterum est, de peccatis absolutione Sacramentali, absolvere Laicum non posse, quia caractere ad eam rem necessario non est instructus, sine quo remitti crimina, ac deleri posse, nemo dixit vnquam Catholicus.

**B**Itaque de absolutione à censuris, cū mors imminet, aut timetur probabiliter, nec haberi quis potest de propriis Sacerdotibus (in quo Angelus ver. Confessio 3. nu. 7. Armil. in verbo Absolutio. 12. mortis articulum constitutum esse volunt) de absolutione (inquam) à censuris est sermo queriturque, an in mortis articulo Laico laxare excommunicationis vinculum, ac solvere liceat, & de hoc grauis est inter Doctores altercatio, vbi reliquorum dicta recitauero quid meæ sententiæ sit, aperiam.

**C**Turrian. de censuris li. 2. disput. 24. dub. 4. Præpositus in 3. par. q. 1. de censur. in comuni dub. 14. n. 96. Villal. to. 1. tract. 16. difficult. 20. n. 18. Hurtado de exco. disp. 15. diff. 1. n. 3. Suar. & Vasq. bene per absolutionem mereri de excommunicato Laicum posse negant, eo tēpore, quo periclitatur de capite. Vnicum est eorum præsidium, quod Laicus sit iurisdictionis spiritualis incapax, non sit autem probabile, nisi de eo cōstet per aliquod decretū Pōtificis tū derogari iuri cōmuni quoad cōditionem tam ad absolutionē necessariam.

**D**Concedunt alij, quorum mihi communior ac probabilior videtur opinio, in his sunt Ragucius in lucerna pæchor. titulo de absolut. q. 124. Sancius in select. disp. 44. num. 7. Angelus verbo absolutio 3. num. 17. Syluester verbo Absolutio 1. num. 8. Ledesma ca. 8. de excomm. dub. 4. cæteri; quorum meminimus, cum de censuris in communi sermo esset.

His autem rationibus, præter allatas eo loco, præsens nititur opinio.

Primo, est Laicus quilibet, modo sacris Baptismi vñdis lotus, iurisdictionis spiritualis capax, hanc ei tum ergo dari valide ab Ecclesia, ad ægri spirituale commodum, non est improbabile, nempe ut pro eo, vbi satis, ac naturæ concesserit, publice oretur, sacra sepultura donetur, &c.

**E**Secundo, omnium est opinio maximè Glossæ in cap. pastoralis parag. præterea de officio iudic. ordinarij Clericum primæ tantum tonsuræ insignibus notatum, reconciliando homini cum Deo, per absolutionem censuræ, qua ligatus hæret, posse ab Ecclesia præfici, ergo & sic ab Ecclesia factum esse, pie est credendum.



Equidem si Carolo de Grassaliis habenda fides (quam tamen ei in hac materia nullam tribuo) hanc Francorum Rex Christianissimus potestatem habet, nec eā tantū morte, aut eius periculo definitā, vel metu, cur non & Laicus quilibet in necessitatis casu? hoc est in dubiis, afflictisque ægri temporibus? Grassaliy sunt hæc verba li. 2. regaliū iure 9. *Hinc est tertio quod nedum Rex Christianissimus ab aliis excommunicari non potest, imò ipse alios, saltem Laicos ex iusta causa excommunicare potest secundum Vincent. Cugn. in allegationibus suis de bello Ital. c. regali versu superest videndū.*

Hinc enim sic disputo, qui vincere, qui ne-  
dere, idem quoque in libertatem vincitum  
potest asserere, vť est omnium bene de re  
Theologica iudicantium conflata consen-  
sio, at excommunicat Papæ benignitate  
Rex Galliz, vt habet hic author, ergo & ab-  
soluit, quæ ergo ei facultas est concessa ab  
Ecclesia, potest & Laico, ab eadem tribui,  
in bonum miserorum ac commodum, quod  
erat probandum.

Ad argumentum respondendum: esse qui-  
dem Laicum, iure communi iurisdictionis  
incapacem, hanc ei tamen communicari à  
Papa posse, nec enim est quisquam qui cum  
neget, Laici opera vt ipse ad excommuni-  
candum, admitti ergo pariter debet, eius  
authoritate posse Laicum ad absolutionis  
beneficium excommunicato impertiendum,  
sele accingere.

### QVÆSTIO XXXI.

*An excommunicatus absolui in mortis articulo  
possit à simplici Clerico.*

**P**OSSE deficiente Sacerdote, habent Glos-  
sa cap. Pastoralis parag. præterea de officio  
iudicis ordinar. Præpositus quæstione proxi-  
me præcedenti citatus num. 97. probatur ex  
his verbis Innoc. III. in cap. pastoralis citato  
excommunicatus ab huiusmodi delegato, non po-  
test per alium (præterquam in mortis articulo)  
absolutionis gratiam obtinere, Vbi per alium (in-  
quit Præpositus ibi) videtur intelligi omnis is,  
cui potest committi iurisdictione ecclesiastica, quo  
de numero Clericum esse, nemo opinor am-  
bigit.

Secundo, causa cur Laico committi ex-  
communicationis absolutio in mortis articulo  
nequeat, eorum authorum opinione, qui  
secus quam nos indicant, est, quod iurisdic-  
tionis spiritualis non sit capax, at non facit  
contra Clericum hæc ratio, vt patet, cum  
per tonsuram, cooptetur inter Christi mini-  
stros, futurus aliquando mysteriorum eius

A dispensator.

Obiicies data per Clericum, excommuni-  
cationis incurrit relaxatio in mortis articulo,  
excommunicato futura est inutilis, ei er-  
go est neganda.

Est vtraque propositio falsa, prior quidem,  
quia data absolutio eo temporis momento,  
ad hoc excommunicato prodest, vt pro eo  
mortuo oretur, vt in loco sacro sepultura  
donetur, quæ relaxatio post eius mortem,  
promiscuè ab omnibus concedi nec potest,  
nec debet, sed ab eo qui ligauit, quare cū est  
censura cuius absolutio quæritur, ac datur,  
Pōtifici reservata, aut alteri, hæc non potest  
à quolibet post mortem indulgeri, sed ab  
eo dūtaxat, cuius erat excommunicato dum  
viueret, beneficium hoc conferre.

Est consequentiæ falsitas ex antecedente  
perspicua, nam etsi ad Sacramentalem ab-  
solutionem, censuræ remissio non valeat, ad  
alia tamen proficit, vt ad suffragia, precesque  
Ecclesiæ publicas, ac sepulturam in loco sa-  
cro.

### QVÆSTIO XXXII.

*An cum Papa aut Episcopus super obtinenda ab-  
solutione censura, quam sibi reseruauerunt, adiri  
ob causam non possunt, consuli aliquem  
de privilegiatis oporteat, salis bene-  
fici consequendi gratia.*

**I**ta censuit dixitque Nauar. cap. 27. Enchi-  
rid. nu. 89. dicentque omnes, qui asserunt,  
ei non licere qui Catholici, & non præcisi  
Sacerdotis copiam habet, à præciso, & ex-  
communicato, in mortis articulo, salutis &  
Sacramenti medicinam flagitare, similiter  
nec peccata sua in alterius auribus colloca-  
re, cum ea Sacerdoti proprio, hoc est Paro-  
cho potest indicare.

Quam sententiam summarum scriptores  
Innocent. tribuunt inca. nuper de sentent. ex-  
comm. qua in opinione sunt & magni Theo-  
log. qui à pœnitente duo exigūt vt illi mor-  
tis articulus largiatur, posse à quolibet Sa-  
cerdote de censura, aut peccatis absolui, pri-  
mum est, vt ei mortis probabile periculum  
immineat, alterum, vt ad proprium Sacer-  
dotem non sit facilis aditus.

Mi hi quæstionis propositæ statum paulò  
attentiùs consideranti, sic videtur, cum iu-  
sta est causa non conueniendi superioris, hoc  
est Papæ, idem de censura, quod de peccatis  
esse oportere iudicium, cuiuslibet nempe in  
mortis articulo posito fas esse, cui collibi-  
tum erit, conscientiam suam detegere, ab eo-  
que vt peccatorum, ita & censuræ remissam  
petere,

petere, licet non desint qui ob privilegia sibi concessa, eam si non maiore, at certe fructu certiore dare queant.

Ratio est, quod in eo articulo cesset reservatio.

Anteced. est ex Trid. verbis planum in sess. 14. ca. 7.

Conseq. probatur, ideo est ad reservatorem eundem, quod peccatum, utpote reservatum, in eius sit iure, non alterius, at ex hypothese nulla est reservatio in articulo mortis, atque ideo omnes Sacerdotes, quoslibet poenitentes, à quibusvis peccatis & censuris absolvere possunt, Trident. sess. 14. cap. 7. ei ergo, qui est excommunicationis vinculo irretitus, non sunt tum necessario adeundi Papa & Episcopus, qui censuram sibi vel culpam reservandam putarunt.

Confirm. cum conveniri Papa nequit, redit ad Episcopum facultas, quæ ei per Papæ reservationem ablata fuerat, ergo non tantum in mortis periculo, sed etiam extra illud, quolibet alio tempore, si iusta est Papæ non conveniendi causa, peti ab eo censuræ reservatæ absolutio poterit, quamvis viros provincia habeat multos, ac doctos, relaxandæ censuræ Pontificiæ potestate præditos, ut Legatum, Mendicantes, & privilegiatos reliquos.

Confirm. est absolutionis reservatio, onus ac odium, ergo restringendum, quantum patitur æquitas, coercetur autem, cum ad reservatorem solum, absolutionis obtinendæ gratia, poenitens ire non cogitur, ergo si eum abesse contigerit absolvet Episcopus, & si hunc sua alibi negotia tenebunt impeditum, Parochus, qui si aberit, in approbati cuiuslibet iure erit, dare postulanti, quod ei iuste negandum non videtur, vinculi sui scilicet ac censuræ laxamentum sed ea lege, ut cum primum ei erit expeditum ac facile, sistat se Papæ, aut datis ad eum literis impetret, excommunicationis à se contractæ solutionem, id si facere negliget, in excommunicationem reincident prior non absimilem, de quo docendus ipse erit per Confessarium Henriq. & Auila par. 2. cap. 7. dub. 6. concl. 3.

Iustæ autem Pontificis non adeundi sunt hæ causæ, prima sexus fragilitas qualis est mulierum cap. mulieres, cap. de cætero, cap. velatum de sent. excom.

Secunda, ætas siue senilis cap. quamvis de sent. siue puerilis siue puberum propria ca. 1. & cap. quamvis de sent. excom.

Tertia mortis periculum in itinere cap. non dubium cap. ea nescit ureod. titulo.

Quarta paupertas, aut longa infirmitas, et si non periculosa, cap. quod de his de sent.

Pars secunda.

A Quinta, cura animarum, quibus timetur, cum abesse ab urbe Romanum iter coget cap. ne pro dilatione de poenit. & remissionib.

Vniuersè quicquid hominum prudenti sensu, videbitur eiusmodi, quod excommunicatum à capeffendo itinere in urbem excusare valeat, eundem quoque absolutionis à censura qua tenetur, obtinendæ causa, licet Episcopo submitter, vel in eius absentia, Parocho. Similiter, (inquit Tannerus tom. 4. disp. 6. q. 10. dub. 6. num. 112.) si excommunicatus excommunicatione Papæ reservatus, propter legitimum impedimentum, Papam, aut alium ad eo facultatem habentem, adire non possit, potest absolvere Episcopus, quod si nec Episcopum possit adire, Parochus, eoque deficiente, quivis approbatus Confessarius.

### QVÆSTIO XXXIII.

An excommunicatus à suo Episcopo, possit absolui ab alio, in cuius Diocesim postea transit.

C Dico primò, Excommunicatum per generalem sententiam ab eo absolui Episcopo posse qui præst loco, in quo domicilium constituit, ita Suarez de censur. disp. 7. sect. 2. n. 19.

Ratio est, quod talis excommunicatio non est eius auctori reservata, nec superiori, poterit ergo ab eius loci Episcopo absolui, quod excommunicatus migravit, ibi sedem fixurus, vel habiturus, diuturnam habitationem. Præpositus de censur. in communi dub. 14. q. 1. n. 92.

Dico secundò, Et si esset hæc excommunicatio reservata Episcopo qui eam tulit, non tamen in Episcopatu, ubi reus versatur, qui culpa sua illam in alia Diocesi incurrit, posset hic nihilominus absolui, Ægidius de Coninch. disp. 14. dub. 16. num. 258.

Ratio est, quod reservatio non sit nisi respectu Sacerdotum, in quos reservas ius habet ac imperium, eorum enim potestatem per reservationem cohibet, quodque eis alioqui in causa poenitentis tentare fas fuisset, efficit, ne amodo eis liceat sine culpa, operisque nullitate, sed Episcopus ad cuius Diocesim excommunicatus venit relicta propria, non est in iure alterius Episcopi, ab isto ergo franos alienæ potestati immitti, & Episcopum alterum ad cuius Diocesim excommunicatus transit, ab absolvendis delictis quæ ipse sibi non reservavit, nec decet nec licet.

Dico tertio, Excommunicatum per particularem sententiam, & de nomine, absolvendum ab eo esse, qui illam dixit, quia de iure talis censura sic est ei reservata, qui eam inflixit, ut permanentem in eo iurisdictionem sortiatur, te-

Y

cundum Præpositum *dub. 13. num. 89.* excommunicando enim cum causæ cognitione ab eolis est incepta, ergo & eam terminari ab eodem iudice est necesse, Suarez & Coninch. locis ante citatis, Laym. *lib. 1. tract. 5. cap. 6. num. 4.*

Dico tamen vlt. Valde esse probabile, excomm. per particularem alterius Episcop. sententiam, ab Episcopo loci, in quo versatur, absolui posse, si sedem in eo sibi stabilem, firmamque delegit, quia tunc ei tanquam superiori subest, hicque in eum vicissim iurisdictionem, quanta est ad absolutionem necessaria, obtinet, nihil est ergo rationis, quamobrem si hic velit, excommunicatum per particularem alterius Episcopi sententiam, reddere Deo, Ecclesizque, per absolutionem contractæ ab eo censuræ, non possit: huiusque opinionis sunt Gabr. Vasq. *dub. 20. num. 5.* Turrian. *lib. 2. de censur. disp. 15. dub. 5.*

Locum tamen hæc non habent in eo qui communicat cum excommunicato in crimine criminoso, præbendo ei scilicet fauorē, auxilium &c. seu in crimine propter quod censuram reus subiit, nā talis à nullo alio potest absolui, quam à conditore Canonis, vt est in *cap. Nuper 29. de sentent.*

Patet ex dictis, cum qui dum in alieno Episcopatu versabatur, excommunicacionem incurrit, quia cōmisit in statutum, quo decernebatur vt, qui hoc aut illud admitteret, censeretur excommunicatus, à proprio suo Episcopo, cum in patriam redierit, reconciliari posse, quia talis eius excommunicacio, reseruata non est Episcopo, cuius legem est transgressus, estque de earum genere, quæ sunt à iure, quæ quia nulli sunt reseruata, possunt licitè ab approbatis remitti. Secus dicendum foret, si dies illi, lisque intentata fuisset à non suo Episcopo, quo tempore ille in sua Diœcesi trahebat moras, qua in lite, ob iustam eum causam Sacris moueri accidit, nam tunc ab eo reconciliari debet, non à proprio, eò quòd eiusdem sit liti finem imponere, à quo eidem datum est initium, Greg. noni fuit hæc opinio in decretali proposuisti 19. de foro competenti vbi est his verbis. *Proposuisti nobis, quod quidam subditus tuus, ad petitionem cuiusdam aduersarij sui, à te legitimè citatus ad causam, quia postmodum iurisdictionis alterius esse cepit, tuum intendit iudicium declinare. Porro tuæ prudentiæ dubium esse non credimus, quod is in prædicta causa, ius reuocandi forum non habet, quasi ab illo iam præuentus,* Quibus verbis significat Pontifex, legitimè citatum, teneri coram iudice citante, causam prosequi, non obstante, quod post citationem forum mutauerit: verum est ergo, eius Episcopi forum non mutandum, à

A quo facta est rei citatio, aut causæ agitandæ, vel iam agitandæ inchoatio.

### QVÆSTIO XXXIV.

*An data absolutio sub conditione de futuro valeat.*

Sermo hic nobis nullus. De absolutione à peccatis, hanc enim absolutam esse oportet, data sub conditione de futuro est sacrilega, & nulla.

B Ratio est, quod in nostra non sit, aut Presbyteri situm potestate, Sacramenti effectum suspendere: Christi enim voluntate, eiusdemque institutione, operatur cum est, est tunc verò, cum verba, in quibus sita est formæ ratio, proferuntur super materia, cum intentione debita, at qui Sacramenti effectum à conditione vult pendere, infusionem gratiæ, ac remissionem culpæ, dari non vult antequam impleatur conditio, quæ est absolutioni adiecta, quam tamen confert tunc nō posse, sit ex hoc argumento perspicuum, quod forma, materiaque Sacramenti deerunt, cum esse incipiet conditio: ergo & illa.

C Quid? quod apposita conditio de futuro Sacramentum reddit nullum, quia falsum, verba hæc enim *Absoluo te* id operantur haud dubiò, quod innuunt, at de præsentis significant, ergo & peccata hic & nunc obliterant, at habet hoc conditio omnis de futuro, vt rem cui adiicitur reiciat in tempus venturum, consequenter ne peccata deleantur, cum forma cui accidit profertur: est ergo falsa, proindeque sacrilega, ac nulla. Caiet. in *sum. verbo Confessio 5. num. 9.* Nauar. in *man. cap. 26. num. 12.*

D Est hic ergo de censura duntaxat questio, & an his verbis concepta eius absolutio, *Absoluo te si vestieris*, sit valida. Talèq; esse, si Doctorum sensu, communique approbatione, iudicandum est de hoc genere, nemo aut pauci negant, & quidem pro vera ac efficaci eam habent magni Summarum scriptores Turrian. *de censur. lib. 2. disput. 24. dub. 1.* Henriq. *lib. 13. ca. 29. num. 4.* Emman. Sa *verbo absolutio ab excommunicat. num. 2.* Theologi autem Suar. *de censur. disput. 7. sect. 8. num. 11.* Coninch. *disp. 14. nu. 218.* Ludouicus de Beia *parte 2. casu 31.*

E Ratio est, quod absolutio à censura, à sola voluntate absoluentis eiusque iurisdictione pendeat, ergo eam quibuscunque verbis visum erit ac modis, indulgere excommunicato poterit, sed his hypothesim, ac conditionem addi aliquam quid repugnat? maxime cum

cum



cum ea sublata possit Superior nolle absolue-  
re, cuius oppositum de Sacramentali est ab-  
solutione censendum. Enimvero cum de-  
terminatam à Christo formam habeat, quæ  
mutari non debet, inest eius verbis, ex Chri-  
sti instituentis virtute, ac meritis, delendi  
peccati vis ac potestas, quæ conditione eius  
effectum suspendente, impediri nequit ne-  
dum tolli, ob rationes initio quæstionis po-  
sitas.

Confirm. data de censuris absolutio, cum  
conditione futuri eventus, nullo iure irrita-  
tur, ergo est licita, ergo & valida, si conditio-  
ne posita, sub qua conceditur, censuram adi-  
mit, facit id vero, cum eam lex nulla reddat  
irritam, non positivam, nam proferri eiusmodi  
nulla potest, non naturalis, in quo enim  
se natura, ratioque læsas queri possunt, si  
quis è vinculis suis sinatur egredi, sub condi-  
tione secuturi effectus?

### QVÆSTIO XXXV.

*An inuito data absolutio à censura sit valida.*

**E**Sse, mihi rationes multæ persuadent, ac  
variarum omnium sit instar. Quod per quas  
causas quid ponitur, per easdem & tollatur,  
de regul. iuris reg. 1. at est censura repugnanti  
infligenda, modo ex causa honesta, & iusta, va-  
lida rataque, ergo & eius absolutio.

Quid? quod hæc ex parte excommunica-  
ti, aliud non postulet quam culpam, ut irro-  
getur? quod eius relaxatio, absolventis sit  
soli actio? quæ omnia falsa forent, si indul-  
ta censuræ remissio, consensum eius exige-  
ret, quem ab ea solui convenit.

Dubitationis autem est inter Scriptores  
non minimæ, ecquid similiter, data relu-  
tanti nexus sui, vinculi remissio, sit per-  
missa. Mihi in re satis ancipiti, dubiaque,  
distinctione uti ad plenam eius notitiam, vi-  
detur omnino non esse absolum.

Dico ergo primò, Cum est excommunicatio  
promulgata ab homine, hanc quoque nolentem rela-  
xare licet: Diu. Thom. in 4. dist. 18. q. 2. art. 8.  
Vasq. dub. 18. num. 14. quia non habet ea rela-  
xatio ullius iniuriam, non remittentis, quia  
volenti non fit iniuria. Deinde ius non est  
ad seipsum propriè, ergo nec iniuria, quæ est  
iuris sui ab alio voluntaria transgressio. Nec  
est etiam in quo se violatum, in quo læ-  
sum, is verè dicere possit, cui inuito, ac no-  
lenti indulgetur censuræ remissio. quia ius hic  
obtinere nullum potest, quo honeste pos-  
sit, ac cum ratione obistere, ne sibi per in-  
dulgentiā, ac caritatem superioris, à quo fuit  
pulsus de Ecclesia, ad eam reditus pateat, li-

**A** cita est ergo eius licet inuito reconciliatio, li-  
cita absolutio, etsi absistere contumacia, cul-  
paque nollet, propter quam excommunica-  
tioni subiacere est iussus Faber de censur. in 4.  
sentent. dist. 25. q. 1. disp. 4. ca. 8. num. 261. maxi-  
me verò, si Episcopo constet aut iudici, ex-  
communicationem nō prodesse, nocere au-  
tem excommunicato plurimum, quia nec  
errorem deponere, nec peruvicaciam obsti-  
natæ mentis dediscere animum inducit: tunc  
enim (inquiunt Turrian. & Faber) absolui  
contra voluntatem, nolensque poterit.

**B** Dico secundò, Cum est censura à iure, eius-  
que remissa, certa sunt Papæ voluntate adiunctæ  
ceremoniæ, ut quod contracta veniā deprecabitur,  
quod parti satisfaciet, aut facturum se promittet,  
hæc condonari remittique inuito non debet. Quia  
culpæ deprecatio, satisfaciendi expressa pro-  
missio, ut voluntatem indicant repetendæ  
Ecclesiæ, ita & vitandæ culpæ. Si tamen id iu-  
ra non exigent, si satisfactionis, ac tollen-  
dæ iniuriæ non meminissent, uti partis ad  
absolutionem necessariæ, etiam quæ iure ef-  
set contracta excommunicatio, inuito pos-  
set adimi, quia cum id iura non vetent, taci-  
te censetur concedere ut fiat, cum cautio-  
ne tamen triplici.

**C** Prima, quod in tertii detrimentum non  
vergat; sic enim læderetur æquitas, ac cari-  
tati aduersus Deum & proximum vis fieret.  
Secunda, quod scandali metus omnis absit.

Tertia, quod iusta sit aliqua existimandi  
causa futurum, ut quæ excommunicato cen-  
sura oberat, ei profutura sit ad animi muta-  
tionem in melius, eiusdè tribuenda remissio.

Dubium, An solemniforma absoluendi à cen-  
suris prætermissa, valeat absolutio forma essen-  
tiali servata.

**D** Valere sentiunt Doctores ferè omnes ut  
ait Sylu. in verbo Absolutio 3. parag. sciendum  
est. Villal. in summa to. 1. tract. 15. offic. 24. nu.  
5. antequam probetur notare placet modos,  
seu formas à censuris absoluendi duas esse,  
vna ad necessitatem pertinet, ad solemnita-  
tem alia, prior quæ essentialis & intrinseca  
quoque dicitur, est in iis sita verbis, quæ re-  
motionem censuræ significant, ut sunt absol-  
uere ab excommunicatione, relaxo tibi excommu-  
nicat. Altera quæ appellatur extrinseca, seu  
solemnis, bipertita est, quædam enim con-  
sistit in eo, ut fiat cum psalmo pænitentiali Mi-  
serere & tam oratione Dominica, quam alia  
consuetæ, Innoc. III. in decretali à nobis 28. de  
sent. excom.

**E** Alia iuramentum habet, ab absolvente  
expressum de eo, cui datur absolutionis be-  
neficium, quod amodò sanctè ac religiose  
obsequetur mandatis absolventis seu Ec-  
clesiæ, cui iurciurando præceptum addi de-



cundum Præpositum *dub. 13. num. 89.* excommunicando enim cum causæ cognitione ab eo lis est incepta, ergo & eam terminari ab eodem iudice est necesse, Suarez & Coninch. locis ante citatis, Laym. *lib. 1. tract. 5. cap. 6. num. 4.*

Dico tamen vlt. Valde esse probabile, excomm. per particularem alterius Episcop. sententiam, ab Episcopo loci, in quo versatur, absolui posse, si sedem in eo sibi stabilem, firmamque delegit, quia tunc ei tanquam superiori subest, hincque in eum vicissim iurisdictionem, quanta est ad absolutionem necessaria, obtinet, nihil est ergo rationis, quamobrem si hic velit, excommunicatum per particularem alterius Episcopi sententiam, reddere Deo, Ecclesiæque, per absolutionem contractæ ab eo censuræ, non possit: huiusque opinionis sunt Gabr. Valsq. *dub. 20. num. 5.* Turrian. *lib. 2. de censur. disp. 15. dub. 5.*

Locum tamen hæc non habent in eo qui communicat cum excommunicato in crimine criminoso, præbendo ei scilicet fauorē, auxilium &c. seu in crimine propter quod censuram reus subiit, nā talis à nullo alio potest absolui, quam à conditore Canonis, ut est in *cap. Nuper 29. de sentent.*

Patet ex dictis, eum qui dum in alieno Episcopatu versabatur, excommunicationem incurrit, quia cōmisit in statutum, quo decernebatur ut, qui hoc aut illud admitteret, censeretur excommunicatus, à proprio suo Episcopo, cum in patriam redierit, reconciliari posse, quia talis eius excommunicatio, reseruata non est Episcopo, cuius legem est transgressus, estque de earum genere, quæ sunt à iure, quæ quia nulli sunt reseruata, possunt licitè ab approbatis remitti. Secus dicendum foret, si dies illi, lisque intentata fuisset à non suo Episcopo, quo tempore ille in sua Diocesi trahebat moras, quia in lite, ob iustam eum causam Sacris moueri accidit, nam tunc ab eo reconciliari debet, non à proprio, eò quòd eiusdem sit liti finem imponere, à quo eidem datum est initium, Greg. noni fuit hæc opinio in decretali proposuisti 19. de foro competenti ubi est his verbis. *Proposuisti nobis, quod quidam subditus tuus, ad petitionem cuiusdam aduersarii sui, à te legitimè citatus ad causam, quia postmodum iurisdictionis alterius esse cepit, tuum intendit iudicium declinare. Porro tuæ prudentiæ dubium esse non credimus, quod is in prædicta causa, ius reuocandi forum non habet, quasi ab illo iam præuentus,* Quibus verbis significat Pontifex, legitimè citatum, teneri coram iudice citante, causam prosequi, non obstante, quod post citationem forum mutauerit: verum est ergo, eius Episcopi forum non mutandum, à

A quo facta est rei citatio, aut causæ agitandæ, vel iam agitandæ inchoatio.

### QVÆSTIO XXXIV.

*An data absolutio sub conditione de futuro valeat.*

Sermo hic nobis nullus. De absolutione à peccatis, hanc enim absolutam esse oportet, data sub conditione de futuro est sacrilega, & nulla.

B Ratio est, quod in nostra non sit, aut Presbyteri situm potestate, Sacramenti effectum suspendere: Christi enim voluntate, eiusdemque institutione, operatur cum est, est tunc verò, cum verba, in quibus sita est formæ ratio, proferuntur super materia, cum intentione debita, at qui Sacramenti effectum à conditione vult pendere, infusionem gratiæ, ac remissionem culpæ, dari non vult antequam impleatur conditio, quæ est absolutioni adiecta, quam tamen conferri tunc nō posse, sit ex hoc argumento perspicuum, quod forma, materiaque Sacramenti deerunt, cum esse incipiet conditio: ergo & illa.

C Quid? quod apposita conditio de futuro Sacramentum reddit nullum, quia falsum, verba hæc enim *Absoluo te* id operantur haud dubiò, quod innuunt, at de præsentis significant, ergo & peccata hic & nunc obliterant, at habet hoc conditio omnis de futuro, ut rem cui adiicitur reiiciat in tempus venturum, consequenter ne peccata deleantur, cum forma cui accidit profertur: est ergo falsa, proindeque sacrilega, ac nulla. Caiet. in *sum. verbo Confessio 5. num. 9.* Nauar. in *man. cap. 26. num. 12.*

D Est hic ergo de censura duntaxat questio, & an his verbis concepta eius absolutio, *Absoluo te si restiteris*, sit valida. Talèq; esse, si Doctorum sensu, communique approbatione, iudicandum est de hoc genere, nemo aut pauci negant, & quidem pro vera ac efficaci eam habent magni Summarum scriptores Turrian. de *censur. lib. 2. disput. 24. dub. 1.* Henriq. *lib. 13. ca. 29. num. 4.* Emman. Sa *verbo absolutio ab excommunicat. num. 2.* Theologi autem Suar. de *censur. disput. 7. sect. 8. num. 11.* Coninch. *disp. 14. nu. 218.* Ludouicus de Beia *parte 2. casu 31.*

E Ratio est, quod absolutio à censura, à sola voluntate absoluentis eiusque iurisdictione pendeat, ergo eam quibuscunque verbis visum erit ac modis, indulgere excommunicato poterit, sed his hypothesim, ac conditionem addi aliquam quid repugnat? maxime cum

cum

cum ea sublata possit Superior nolle absolue-  
re, cuius oppositum de Sacramentali est ab-  
solutione censendum. Enimvero cum de-  
terminatam à Christo formam habeat, quæ  
mutari non debet, inest eius verbis, ex Chri-  
sti instituentis virtute, ac meritis, delendi  
peccati vis ac potestas, quæ conditione eius  
effectum suspendente, impediri nequit ne-  
dum tolli, ob rationes initio quæstionis po-  
sitas.

Confirm. data de censuris absolutio, cum  
conditione futuri euentus, nullo iure irrita-  
tur, ergo est licita, ergo & valida, si conditio-  
ne posita, sub qua conceditur, censuram adim-  
it, facit id vero, cum eam lex nulla reddat  
irritam, non positiva, nam proferri eiusmodi  
nulla potest, non naturalis, in quo enim  
se natura, ratioque læsas queri possunt, si  
quis è vinculis suis sinatur egredi, sub condi-  
tione securi effectus?

### QVÆSTIO XXXV.

*An inuito data absolutio à censura sit valida.*

**E**ffe, mihi rationes multæ persuadent, ac  
variar, omnium sit instar. Quod per quas  
causas quid ponitur, per easdem & tollatur,  
*de regul. iuris reg. 1.* at est censura repugnanti  
inflicta, modo ex causa honesta, & iusta, va-  
lida rataque, ergo & eius absolutio.

Quid? quod hæc ex parte excommunica-  
ti, aliud non postulet quam culpam, vt irro-  
getur? quod eius relaxatio, absoluentis sit  
soliis actio? quæ omnia falsa forent, si indul-  
ta censuræ remissio, consensum eius exige-  
ret, quem ab ea solui conuenit.

Dubitationis autem est inter Scriptores  
non minimæ, ecquid similiter, data relu-  
tanti nexus sui, vinculi remissio, sit per-  
missa. Mihi in re satis ancipiti, dubiaque,  
distinctione vti ad plenam eius notitiam, vi-  
detur omnino non esse absolum.

Dico ergo primò, *Cum est excommunicatio  
promulgata ab homine, hanc quoque nolentivela-  
xari licet*: Diu. Thom. in 4. dist. 18. q. 2. art. 8.  
Vasq. dub. 18. num. 14. quia non habet ea rela-  
xatio vllius iniuriam, non remittentis, quia  
volenti non fit iniuria. Deinde ius non est  
ad seipsum propriè, ergo nec iniuria, quæ est  
iuris sui ab alio voluntaria transgressio. Nec  
est etiam in quo se violatum, in quo læ-  
sum, is verè dicere possit, cui inuito, ac no-  
lenti indulgetur censure remissio. quia ius hic  
obtendere nullum potest, quo honeste pos-  
sit, ac cum ratione obistere, ne sibi per in-  
dulgentiã, ac caritatem superioris, à quo fuit  
pulsus de Ecclesia, ad eam reditus pateat, li-

**A** cita est ergo eius licet inuiti reconciliatio, li-  
cita absolutio, etsi absistere contumacia, cul-  
paque nollet, propter quam excommunica-  
tioni subiacere est iussus Faber *de censur. in 4.  
sentent. dist. 25. q. 1. disp. 4. ca. 8. num. 261.* maxi-  
me verò, si Episcopo constet auriudici, ex-  
communicationem nō prodesse, nocere au-  
tem excommunicato plurimum, quia nec  
errorem deponere, nec peruicaciam obsti-  
natæ mentis dediscere animum inducit: tunc  
enim (inquiunt Turrian. & Faber) absolui  
contra voluntatem, nolensque poterit.

**B** Dico secundò, *Cum est censura à iure, eius-  
que remissa, certe sunt Pape voluntate adiunctæ  
ceremonie, vt quod contracta veniã deprecabitur,  
quod parti satisfaciet, aut facturum se promittet,  
hæc condonari remittique inuito non debet.* Quia  
culpæ deprecatio, satisfaciendi expressa pro-  
missio, vt voluntatem indicant repetendæ  
Ecclesiæ, ita & vitandæ culpæ. Si tamen id iu-  
ra non exigent, si satisfactionis, ac tollen-  
dæ iniuriæ non meminissent, vt partis ad  
absolutionem necessariæ, etiam quæ iure es-  
set contracta excommunicatio, inuito pos-  
set adimi, quia cum id iura non vetent, taci-  
te censetur concedere vt fiat, cum cautio-  
netamen triplici.

Prima, quod in tertii detrimentum non  
vergat; sic enim læderetur æquitas, ac cari-  
tati aduersus Deum & proximum vis fieret.

Secunda, quod scandali metus omnis absit.

Tertia, quod iusta sit aliqua existimandi  
causa futurum, vt quæ excommunicato cen-  
sura oberat, ei profutura sit ad animi muta-  
tionem in melius, eiusdē tribuenda remissio.

**D** Dubium, *An solemniforma absoluendi à cen-  
suris prætermissa, valeat absolutio forma essen-  
tiali seruata.*

Valere sentiunt Doctores ferè omnes vt  
ait Sylu. in verbo Absolutio 3. parag. sciendum  
est. Villal. in summa to. 1. tract. 15. diff. 24. nu.  
5. antequam probetur notare placet modos,  
seu formas à censuris absoluendi duas esse,  
vna ad necessitatem pertinet, ad solemnita-  
tem alia, prior quæ essentialis & intrinseca  
quoque dicitur, est in iis sita verbis, quæ re-  
motionem censuræ significant, vt sunt *absol-  
uote ab excommunicatione, relaxo tibi excommu-  
nicat.* Altera quæ appellatur extrinseca, seu  
solemnis, bipertita est, quædam enim con-  
sistit in eo, vt fiat cum psalmo pœnitentiali *Mi-  
serere &* tam oratione Dominica, quam alia  
consueta, Innoc. III. in decretali à nobis 28. de  
sent. excom.

Alia iuramentum habet, ab absolvente  
expressum de eo, cui datur absolutionis be-  
neficium, quod amodò sanctè ac religiose  
obsequetur mandatis absoluentis seu Ec-  
clesiæ, cui iureiurando præceptum addi de-

bet, in *Virtute iuramenti* vt loquitur Alexand. A literis Pontificis mentio.

III. in cap. ex tenore 10. de *sentent. excommun.* quod in legem, seu canonem, ob quem violatum, excommunicationem incurrit, amplius non committet.

Tertio, exigenda est ab eo satisfactio, eaque ante absolutionem exhibenda, si potest, deprecatione offensæ, ac reparatione iniuriæ, quod si nequit, iubendus est præstare cautionem, aut pignoratitiam, aut fideiussoriam, et si id non potest, saltem iuratoriam.

His præmissis dico primò, Absolutionem quæ datur à censura, ratam esse, dummodo habeat B quæ ad eius essentiam pertinent, hoc est Verba ad absoluentis intentionem exprimendam idonea. D. Thom. opusc. 22. de forma absolut. Sacramentalis cap. 2. hoc enim absolutio à censuris à Sacramentali differt, quod ista vim suam verbis debeat, quæ habent efficaciam ex institutione diuina, quæ est causa, cur mutari sine certo formæ interitu nequeant, quod in altera non est timendum, eo quod verba, quibus coagmentatur ac constat, efficaciam suam habeant ab intentione dicentis vnde quibuscumque tandem hic vtatur, rata futura est ac valida, modo eius exprimendæ intentioni idonea, quare

Dico secundò, Secluso contemptu, & scandalo, mortale non esse, caeremonias in absolutione excommunicationis adhiberi solitas, omittere, Tannerus tom. 4. disp. 6. q. 10. dub. 6. num. 124. dub. 3. Auila par. 2. cap. 7. disp. 3. dub. 2.

Ratio est, quod nulquam præceptæ legantur esse sub eo rigore. Secundo non est earum omissio absolutioni, eiusque efficaciam opposita, vt enim ab earum præsentia vim non trahit, sed à voluntate sola absoluentis, idoneis verbis expressa, ita nec ei noxa vlla ex earum præteritione aduenit, cum nullas ex priuilegio Mendicantes adhibeant.

At satisfieri parti læsæ, ac à reo, hoc est excommunicato, iuramentum de obsequio exhibendo postmodum Ecclesiæ ac iudici, exigere Pontifices imperant, ergo si horum aliquid fuerit ex negligentia præteritum, non erit censuræ absolutio valida.

Neganda est conseq. primo, quia iuramentum in multis non exigitur, nec vero communiter nisi in piacularibus, magnisque E delictis exigere posse scribit Antonin. in 3. parte tit. 24. cap. 77. & tamen valet sine eo data absolutio.

Secundo, Et si non nisi satisfactione exhibita solui excommunicatus debeat, data ei tamen absolutio valet, eo quod hæc non pendeat à voluntate tertii, sed absoluentis, modo ne sit eius impedita iurisdictio.

At crebro satisfactionis vt conditionis cuiusdam ad absolutionem necessariæ fit in

Respondend. cum adhibentur hæc verba *Satisfacta parte*, speciali cautela, & tanquam conditio sine qua non, hanc seruandam videri, datæque sine satisfactione absolutionem nullam esse, quia pendet hæc ex voluntate delegantis, qui ex hypothesi vult ad eius validitatem satisfactionem præmitti.

Quod si contra inferuntur priuilegio, ac literis quibus absolueri à censura facultas datur, quomodo ius ea commune accipit. Dicendum est, iis delegari potestatem, non restringi, sed per ea admoneri officii, eique dandam operam in primis, ne vis æquitati fiat, iniuriæque parti, proinde ei incumbere, vt non nisi satisfactione pro offensæ, iniuriæque exhibita, excommunicatum reconciliet. Hæc autem verba, *In forma consuetæ Ecclesiæ*, non tam significant præscriptionem verborum, quibus vtendum est in absoluerendo, quam rerum, quæ faciendæ sunt, cum excommunicatus absoluitur, quam interpretationem sequuntur, Anton. Diana 5. parte tract. 9. resol. 12. & Ludouic. de Beia parte 2. C casuum casu 29. his verbis: *Quamuis iuris forma absolueri excommunicatum regulariter seruanda sit, nihilominus si prætermittatur, non propterea inualida erit absolutio, quia cum hæc absolutio non sit sacramentalis sed iudiciaria, quibuscumque verbis fiat, dummodo adsit absoluentis intentio, efficaciam habet. Adeo quod etiam si in Bulla Papæ committatur potestas absolueri secundum formam iuris, peccabit quidem confessor illam non seruans, nihilominus tamen absolutio erit valida, quamuis talis forma non seruetur, quia non est intentio Papæ, nouam absolutionis formam inducere per illa verba, sed solum admonere confessorem, cui absolueri potestas committitur, id quod ad suum officium secundum iuris dispositionem pertinet.*

### QVÆSTIO XXXVI.

*Quæ sint de iure in foro conscientie iniungenda, post absolutionem censuræ.*

Primo, imperandum pœnitenti vt animum ad mandata Ecclesiæ, iudicisque paratum in posterum afferat.

Secundo monendus est sedulo, de non violando amplius canone, vel constitutione in quam commisit, Alexand. III. in cap. ex tenore de *sentent.*

Tertio, iniungenda est ei pœnitentia, quæ iusta & æqualis eius culpis putatur & quidem sub peccato, si in Sacramento absoluitur eius excommunicatio.

Primo, quia ei incumbit ex officio curare ne



re ne Sacramentum imperfectum sit ac mutilum, tale est, sine tertia eius parte, quæ est satisfactio.

Secundo, quia Christi vices agit in vindicanda illata Deo iniuria. An autem similiter, & cum ea obligatione pœnitentiam acceptare hic debeat Doctores disputant, Scotus in 4. dist. 17. & 19. Gabr. dist. 16. q. 2. Armilla Verbo Confessio parag. 29. Sylu. eod. primo, parag. 25. Nauar. Enchirid. cap. 26. num. 20. Ludou. de Beia pa. 3. casuum casu 3. scribunt ad id eum non teneri, iterat eandem sententiam Nauar. his verbis: Pro qua Scoti sententia adferri multa possent, quæ consulto omitto, eo quod videam, in vrbe, & in orbe receptum, ne cuiquam denegetur absolutio, eo solo quod nolit acceptare pœnitentiam sibi iniunctam, modo habeat propositum verum satisfaciendi Deo, viuens per bona opera, & indulgentias, vel mortuus in purgatorio cruciatu horrendo. Tuetur se hæc opinio argumentis plurimis.

Primo, quod cum pœnitentia, parte Sacramenti tertia, peccatorum remissio vinculum nullum necessarium habeat, nam & moribundo, nam ægro, nam imminenti in mortem, non necessario imponi vlla debet.

Quid? quod à Sacerdote pronunciari forma super pœnitente confesso, & contrito possit, nulla ei per obliuionem pœnitentia imposita, quod cum accidit, data ei ita bene affecto absolutio, crimina obliterabit omnia, non est ergo pœnitentiæ, quam satisfactio nem dicimus, vis vlla ad productionem gratiæ, culparumque remissam in Sacramento: quid ergo peccaturus est pœnitens, si eam, vt ad hunc effectum non vtilem repudiet?

Secundo, si est acceptanda pœnitentia sub peccato, maxime quia id laborare pœnitentem est necesse, vt de admissis Deum placeat, eique satisfaciat, at nec id est certum, & si foret, vtrumque facere pœnitens potest aliter, nempe in hac vita per bona, in igne purgante per supplicia, sibi tum irroganda cœlitus.

Tertio, non est obligatio sub mortali inuehenda vlla, nisi quæ lege diuina, naturali aut humana nititur, aut ex a petitur, at eiusmodi assignari nullam posse ad satisfaciendum in hac vita, pro peccatis remissis, docent Adrian. de satisfact. Medina Codice de pœnit. tract. de satisfact. de Beia supra, De diuina res est notior, quam vt vlli anceps esse debeat ac dubia, de Ecclesiastica similiter probatio facilis est, ac perspicua, quæro enim, vbi, à quo & quando est sancita? qui eam libri, quæ Concilia, historiaeque continent? & quod eius impletioni tempus sit præscriptum? quorum nihil cum in monumentis sacris, aut profanis reperire sit facile, in eam mentem cita-

ti auctores eunt vt existiment pœnitenti non necessario vt ab omni sit peccato liber, pœnitentiam quæ sibi sit à Confessario, clauæ non errante inflicta, acceptandam esse, nec cum est suscepta, dependendam integrè ac vt Christianum decet, ex fide.

Qua de sententia, Theologi prioribus doctrina & eruditione nō impares, me auocant Richardus de S. Victore in tract. de potestate ligandi ac soluendi cap. 8. Magister in 4. dist. 18. Tradidit eandem sententiam Diu. Tho. in eand. distinct. & in additionib. q. 18. art. 3. & in 3. parte q. 80. art. 2. vbi his verbis est locutus: Requiritur ex parte pœnitentis, primo quidem voluntas compensandi, quod fit per contritionem, secundo quod se subiiciat arbitrio Sacerdotis, quod fit per confessionem, tertio, quod recompenset, secundum arbitrium ministri Dei quod fit per satisfactionem & ideo Contritio, Confessio, satisfactio ponuntur partes pœnitentiæ.

Mitto alios, quorum mihi si singulos enumerare vellem, ingens se turba offerret, negantium in pœnitentis iure esse, constitutam à Sacerdote à quo absolui petit, pœnitentiam recusare, aut datam, & acceptatam non obire.

Rationes quibus opinionem suam fulciunt, firmanque, præcipuæ sunt istæ.

Prima, Iudici quæ honesta sunt, ac iusta imperanti ex officio, parendum est sub peccato, habet enim vim coactiuam (inquit Diu. Thom.) 2. q. 67. art. 1. alioqui eius iudicium non esset efficax, possetque eius infringi ac eludi à reo sententia. Sed qui audiendis confessionibus in sacro conscientiarum tribunali Sacerdos præsidet, iudex est, eiusque absolutio iudicialis actus, ex can. 9. sessio. 14. Concil. Trident. ergo iubenti vt pœnam suscipiat, obsequi pœnitens debet.

Secundo, quæ iuris sunt diuini, violari sine culpa aliqua nequeunt, nam quid fœdus aut hominis dignitate indignius, quàm vt Dei iussa quæ sunt sancta, quæ religiosa, sacrilego refingat ausu? id sane aggredi non modo est dictu turpe, sed cum horrendo coniunctum scelere. At est integritas Sacramenti pœnitentiæ, diuini iuris, cum eam Christus iubeat, quæ integritas stare sine latifactione quæ potest? quam tamen violat, qui pœnam sibi à Sacerdote iniunctam renuit, aut admissam non facit, sed ad purgatorium alterius vitæ ignem reiecit, ergo id ei non licet, ergo sub peccato eam suscipere susceptamque debet dependere.

Sit hoc igitur tertium Sacerdotis, in excommunicato absoluendo officium, illi pro offensa, iniuriaque, Deo vt pro facultatis suæ modo satisfaciat, imperare.

Quantum, culpæ pœnam æquare, quan-



tum in hac mortalitate licet homini.

Quintum malo medicinam remediis oppositis facere, ut si quis piorum cœtu, numeroque est auulsus, quia insontes maledictis proscidit, quia Episcopi famam nomenque fœdis suis factis verbisque affixit, cogendus est deprecari veniam, laudatione compensare maledicentiam. Si quia veneri ac ventri plus æquo erat deditus, de Ecclesia est extrusus, ieiunio, cibi potusque parsimonia, in eam sibi reditum quæret. Paleis a sellum pasendum esse non hordeo, pridem castissimus Hilarion monuit: Ut Diabolus intemperantiâ, & gulâ vitiis omnibus pandit aditum, ita virtutibus, quæ exulatum ab his animi monstris missæ erant, reditum ad hominem conciliat. In summa, vulneribus congrua Confessarius aprabit remedia, suavia asperis, vaniloquentiam, linguæque pruritum silentio, otium labore curabit, si commercia hominum in negotiis si in conuictu communi colloquia, si in eadem domo amicorum contubernia, contra legem Ecclesiæ excommunicatus appetiit, & habuit, hac pœna præceptoq; stringendus erit, ut à fidelium congressu aliquanto se tempore remoueat, solusque domi viuât. Quod si populares suos ac domesticos in fraudem exemplo suo impulit, si violandæ legis de vitanda excommunicati consuetudine, auctor illis, aut aliis extitit, errati veniam ab iis deprecabitur, cæterisque qui sciunt ab eo, cum excommunicatione damnatus esset, damnationis pœnam neglectam esse.

### QVÆSTIO XXXVII.

*Ne Episcopus in absolutione censura peccet, quid ab eo illi præmitti præter dicta, quæstione præcedenti sit necesse.*

**O**lim quidem non nisi exomologesi facta, ac impositione manuum Episcopi, & Cleri recepta, reconciliari solitos, quos suæ culpæ ab Ecclesia extorres egerant, colligere est cuique facile, ex Cypri. epistolis 10. & 11. iuxta editionem Pamm. libri autem ter: ij 14. & 15. in priori enim, Presbyteros arguit quod temere pacem lapsis darent, citra conscientiam Episcoporum, ut magis ipsi perirent, & qui erigere se poterant, plus caderent. Nam cum in minoribus, inquit, peccatis quæ non in Dominum committuntur, pœnitentia agatur iusto tempore, & exomologesis fiat inspecta vitæ eius, qui agit pœnitentiam, nec ad communicationem venire quis possit nisi prius illi ab Episcopo, & Clero manus fuerit imposita Cypri. epist. 12. illi contra Euangelij legem, ante altam

**A** pœnitentiam, ante exomologesin grauissimi atque extremi delicti factam (hoc est negatæ fidei Christianæ, blasphemiarque in Deum admittæ ut ipse scribit epist. 10.) ante manum ab Episcopo & Clero in pœnitentiam impositam offerre lapsis pacem & Eucharistiam dare, id est sanctum Domini corpus profanare audebant.

Quæ de reditu ad Ecclesiam per excommunicationis remissionem intelligi, planum facit hæc ratio, ex modo loquendi quo vulgo Cypri. vitur, ipsaque adeo Elibertini Concil. sanctione petita. Sic ergo disputo.

**B** Qui eiurata fide Catholica, ad Gentilium nefanda sacra, turpi defectione transibat, huic, siculpæ pertælus, Christum ut ante propitium sibi cupiebat in Ecclesia, sacra synaxis ut excommunicato, toto vitæ suæ tempore negabatur, concedenda tantum in morte, at lapsi cum multis essent aliis impliciti vitiis, tum maximè de idolorum cultu, Christi que seruatoris repudiata lege, ac honore infames erant, in excommunicatorum ergo albo numeroque locum habebant.

**C** Confirmatur, communicationis in re diuina, humanaque priuatio, eius est censuræ effectus, cui nomen est excommunicatio, arcere enim ac cohibere communicatione, phrasi Cypriano vsitata, idem est, ac expellere Ecclesia, cœtu piorum mouere, & excommunicare, epist. 41. iuxta editionem Pammelij 11. autem lib 3. Cum ex literis quas secum ferebant (Mathæus Augendus & Longinus) & eorum sermone Nouatianum factum Episcopum comperissemus, eos à communicatione nostra statim cohibendos esse censuimus, & epist. 49. ad Cornelium de Nouati sceleribus. Hanc conscientiam criminum, iam pridem timebat, propter hoc se non de Presbyterio excitari tantum

**D** (hoc est auctore Pammelio ibi suspendi à Presbyteri officio) sed & excommunicatione prohiberi pro certo tenebat. Est ergo communicationis priuatio, argumentum excommunicationis incursum, longe apud Cypria. certissimum. Sed lapsi, erant ea pœna perculsi omnes, sint pro indicio iustæ eius querimoniarum, epist. 10. quod cum in minoribus peccatis agunt peccatores pœnitentiam iusto tempore, & secundum disciplinæ ordinem ad exomologesin veniant, & per manus impositionem Episcopi & Cleri in excommunicationis accipiant, hoc vero tempore, persecutione adhuc persenerante nō dum restituta ipsius Ecclesiæ pace, ad communicationem admittuntur, & offertur nomen eorum, & nondum pœnitentia acta, nondum exomologesis facta nondum eis manu ab Episcopo & Clero imposita, Eucharistia illis datur, erant ergo excommunicati omnes.

**E** Confirm. secundo, vult Cyprian. epist. 13 iuxta antiquam editionem 17. lib 3 ut qui incommundo

incommodo aliquo & infirmitatis periculo occupati fuerint, sic ut ipse adiri aut expe-ctari nequeat ad eos reconciliandos, aut Presbyteri non sit copia, apud Diaconos exomologesi facere delicti sui possint, ut manibus eis imposita veniant ad Dominum cum pace, ergo cum de peccatis absolvere hi non possint, Cypriani locus de excommunicatione lapsorum est intelligendus cui proinde ritu laudabili priscæ Ecclesiæ, præmittenda erat pœnitentia publica, culpæ exomologesis, quæ sanè non nisi Episcopi & Cleri impositione manuum remittebatur.

Secundo absolutioni præmittenda satisfactio, quod si inopia aut iusta alia causa eam cum non patiat fieri, is qui est absolvendus ut licite absolvatur, iurabit primo, se quoque tempore id facturum, data si opus est lætio cautione pignoratitia, aut fideiussoria, præterquàm in hæresi, in qua nulla est necessaria, quod in ea agatur honor Dei, non restem-poralis, satis erit ad explendum officium, si spondeat hæreticus, se dictum Dei honorem reparaturum pro viribus, reuocando in viam, quos ab ea auertit, ad veram autem religionem, quos fraudibus suis ac sermone, ab ea, veraque fide abduxit, quæ quam sint sacris decretis Ecclesiæ conformia, patebit ex sequenti oratione quæ additam reperi in Concilio Arausicano, sub Leone: Cum aliquis excommunicatus vel anathematizatus pœnitentia ductus veniam postulat, & emendationem promittit, Episcopus qui eum excommunicauit, ante ianuam Ecclesiæ venire debet, & duodecim Presbyteri cum eo, qui eum hinc & inde circumstare debent, ubi etiam esse debent illi quibus iniuria, vel damnum commissum debet emendari, aut si iam emendatum est, eorum testimonio comprobari; Deinde interroget Episcopus si pœnitentiam iuxta quod canones præcipiunt pro perpetratis sceleribus percipere velit, & si ille terræ prostratus, veniam postulat, culpam confitetur, pœnitentiam implorat, & de futuris cautelam spondet, tunc Episcopus apprehensa eius manu dextera in Ecclesiam illum introducat, & ei communionem & societatem Christianam reddat, & septem Psalmos pœnitentiales decantet cum istis precibus Kyrie eleison. Pater, &c. Post hæc secundum modum culpæ pœnitentiam ei iniungat & literas per Parochiam suam dirigat, ut omnes no-verint eum in societate Christiana receptum esse. Hæc ibi.

Quæ de absolutione excommunicationis infligæ duntaxat à iure, intelligi oportere, dixit Monaldus in summa paragr. de forma absolutionis folio 66. sed oppositum canon ipse citatus indicat, ubi de homine, dictaque ab eo sententia est sermo, Quæ autem excommunicatio est à iure, absolui quidem hæc de-

bet, secundum Innocent. III. in decretali à nobis 28. extra de sent. excomm. hac forma, ut fiat cum pœnitentia psalmo, & tam oratione Dominica, quam alia consueta, hæredes quoque ipsius, ad satisfaciendum pro ipso, si monitione præmissa noluerint, per districtiorem Ecclesiasticam sunt compellendi, cæremonias autem adhiberi omnes, de quibus fit in citato canone mentio, nulla necessitas, quare mihi huius authoris quoad hoc non probatur opinio, probanda tamen quoad cætera, ut quod absolui percussorem Clerici non deceat, nisi iuramento præstito, quod mandatis Ecclesiæ morem sit gesturus in posterum, nec proinde Monacho, aut Clerico manus illaturus unquam, nisi defendendo se in continentia id est, antequam se conuertat ad contrarium actum, aut de mandato suorum faciat prælatorum, vel nisi super eum prælationis officium habeat. Monaldus de excomm. maiore paragr. de forma absolutionis.

### QVÆSTIO XXXVIII.

C An absolutus ab excommunicatione in foro tantum conscientie, possit cum quolibet liberè, ac sine crimine congregari, perinde ac si in foro publico esset absolutionis gratiam consecutus.

D Non posse, hac maximè ratione sua-deor, quod quibus causis quid ponitur, iisdem ut in regula iuris prima dicitur tolli debet, at est excommunicatus auctoritate Episcopi publica, publice à fidelium distra-ctus consuetudine, ergo ad eum, nisi de eius voluntate ac consensu, redire est licitum, nam quid æquius quam ut cui communio fidelium publica, iure est Ecclesiæ publico adempta, hæc eodem illi reddatur iure?

E Quid? quod iuxta Episcopo querendi causa exinde detur? quod scandali non minima leuisque, minutæ plebi? si quem suum scelus, Ecclesiæque imperia, remouent à turba, eiusque congressione ac sermonibus, palam cum ea colloqui, res negotiaque quæ cæteri libertate inter se transigunt, cum quolibet ausu mirabili habere liceat: quæro enim, unde Episcopo, plebique de eius reconciliatone cum Deo, & Ecclesia, constare possit? quæ in arcano conscientie iudicio geruntur ac fiunt, lucem nesciunt, hominum conspectum ac aures horrêt, nesciri volunt, silentium appetunt, quis ea, bonus è cælo genius, populum edocebit? quis Episcopum? quare eiusmodi homini absoluto tantum in conscientie foro perinde ac ante, humana sunt vitanda consortia, nisi forte eorum, qui-

bus de eius absolutione constaret: cum quibus communicare cum posse scribit, Navar. tom. 2. consilior. consilio de excomm. 15. quam tamen opinionem, ut lubricam, & intutam, reprobant Comitol. responsion. lib. 6. q. 6. & Couarr. in cap. alma mater parte 1. relectionis parag. 2. num. 6. quod qui semel est excommunicatus, sit habendus perpetuo pro tali, donec cum absolutum esse multorum fide, aut argumentis æque firmis, constiterit, quod ipsum confirmat Innocent. III. decretalis 28. à nobis de sentent. excommunic. nam in ea habetur: quod quantumcunque se quis iuramento prestitit, quod Ecclesie mandato pareret, humiliare curaverit, quantacunque signa penitentiae præcesserint, si tamen morte præventus, absolutionis beneficium non potuerit obtinere, quamvis absolutus apud Deum fuisse credatur, nondum tamen habendus est apud Ecclesiam absolutus. Si tamen ex privilegio, daretur ab excommunicatione absolutio, posset ex probabili quondam sententia ita absolutus, Sacramenta recipere, sacro ministrare, ubi scandali metus abest, quod etiam procedere nonnulli aiunt, in casu, quo quis virtute privilegiorum Mendicantium absoluitur, eorum hoc est vnicum fundamentum, quod his absoluta datur, ac indefinita censuræ remittendæ auctoritas & potestas, non est hæc ergo ad forum restringenda internum duntaxat, sine causa.

Secus dicit ac sentit Comitol. responsion. lib. 6. q. 6. nam quid ab eo dici contra poterat expressius, quam peccare, qui excommunicatum in interiori foro cōscientiæ, absolutum ad diuina admittit? dixit Comitol. sic enim ille in citata q. n. 3. Ego sane, inquit, Sacerdotem eum, qui eiusmodi excommunicatum in foro tantum cōscientiæ absolutum admitteret ad diuina, & mortifera culpa, & suspensione, non item irregularitate teneri arbitraver, nec secus de Sacerdote indicatum iri prorsus affirmo.

Sententia tamen opposita quam propugnant Auila de censur. par. 2. cap. 7. disp. 3. dub. 12. Acosta in explanatione Bullæ q. 50. Vilalobos to. 1. tract. 27. claus. 9. parag. 2. nu. 24. Anton. Diana tract. 11. primæ part. resolut. 26. probabilis est, tutaque in praxi dummodo scandali nullum sit periculum, probetque excommunicatus absolutum se esse, testimonio Confessarii, à quo ad eius rei fidem schedam petendam esse, manu Notarii, sigilloque obsignatam dixit Rodrig. in bulla parag. 9. num. 5. & post cum Crucius in director. cōscientiæ par. 2. tract. de excommunicat. dub. 5. conclus. 3. quam pro foro externo valere scripsit Acosta, in iis censuris maximè quæ sunt à iure, & ita à sacro remouendum altari non esse, qui eiusmodi schedula se

A probaret ab excommunicatione ob percussum Clericum contracta solum, quod absolutio Bullæ cruciatæ (idemque est de Mendicantium privilegiis iudicium, secundum Dianam proxime citatum) quoad censuras à iure latis, non solum pro foro animæ, sed etiam in iudiciali, Diana par. 1. tract. 11. resolut. 26.

B Deinde de censuris latis ab homine, iisque promulgatis duntaxat Papa loquitur, cū eas per Bullam & privilegia, absolui pro foro externo posse negat, ne fori eius auctoritati fiat iniuria, iurisdicōque qua pollet, turbetur aut intereat, quare contra sic absolutum procedi potest non secus ac si de peccatis confessus non esset.

### QVÆSTIO XXXIX.

An cum Roma, dantur discreto viro l.tera, quibus ei sit potestas relaxande censuræ, possit eius absolutio, à peccatorum remissione seiungi?

C Nequaquam, primo quia diriguntur Confessario, non Petro, non Paulo, ergo cum onere confessionis excipiendæ eius, quem prædicta censura vincitum tenet, quæ si sunt vera, dicta est causa, qui à penitente deligetur ad hoc salutare ministerium, potestate sibi ad absoluendum tradita vti extra Sacramentum non poterit, nec proinde peccatis insolutis censuram remittere.

D Deinde quam parum est verisimile Pontificem, ea prudentia ac pietate hominem, velle excommunicato liberum esse ad Ecclesiam reditum, nec pro caritate sua conari, ei prius ad amicitiam cum Deo, bonamque frugem, absolutione à peccatis recepta, parere fores? quare sic statuo, suam à penitente Sacerdoti cōscientiam explicandam esse, antequam eius beneficio liber à censuris abire queat, sicque à peccatorum Sacramentali absolutione, remissionem censuræ auelli non posse. Et quoniam quæ discreto viro Confessario mandata diriguntur, ad forum sunt restricta cōscientiæ, ab eo formam seruari non est necesse quæ est in capitibus extenore, & à nobis de sentent. excomm. à Romano præscripta Pontifice, ad iudicium enim hæc externum pertinet, cum quo interno, quid est commune?



## QVÆSTIO XL.

*An à peccatis absolutus, non autem ab excommunicatione, quæ se hic irretitum nesciebat, iterato ea explicare Sacerdoti debeat.*

**N**equaquam, quid signi? quid argumenti? Næpe confessionem iterari non oportet nisi cum fuit nulla, at talem esse nemo dixerit bona fide obitam, quam est sequuta absolutio, data ab eo, qui potestate ad eam rem necessaria erat præditus. Habet enim confessio vitium vel ex defectu contritionis vel integritatis in pœnitente vel iurisdictionis & intentionis in absolvente, nam cum pœnitens peccata sua more historico narrat, neque ex eorum commemoratione dolorem suscipit, vel verecundia impeditus, aut etiam dolose mortiferum aliquod peccatum occultat, præcepto confitendi nō satisfacit, quare non potest absolui, sed de iisdem peccatis iterum debet apud Sacerdotem confiteri, sed de eo qui bona fide peccata sua Sacerdoti exposuit, non autem censuram quæ cum vinculo tenebat, nihil tale dicitur, habuit enim eius confessio contritionem comitem, aut certe attritionem eiusmodi, quam Deus exigit. Deinde antea vitæ scelera, quæ recognovit, omnia ne vno dempto Sacerdoti explicuit, potestate ad absoluendum necessaria instructo, non est ergo illi necessario repetenda confessio.

Secundo, cum multa nos lateant, multa oculos etiam perspicaces ac lynceos effugiant, quibus Deus ab humana mente offenditur, quam nulli vnquam aut paucis quiescere fas foret, iuste, ac cum cauta ambigentibus singulis, ecquid forte cum sunt confessi, censura irretiti tenerentur, à qua cum se absolutos nesciant, renouandæ confessionis legem sibi impositam, nec sine anxietate, mœstitiaque animi crederent, quo quid absurdius? minusque Dei benignitati ac clementiæ consonum? Quare ad explendum viri boni officium, vbi de culpa constiterit, cui lege Ecclesiæ, adiuncta censura erat, per obliuionem tamen aut ignorantiam iuris, vel facti, non fuit explicata confessario, satis erit hanc illi diiudicandam offerre, non sunt repetendæ cæteræ, quia prius sunt remissæ, cuius rei est hæc causa, quod Sacramento, per pœnitentis obliuionem aut ignorantiam, mora nulla, quominus esset efficax, afferri potuerit, rem enim quæ culpa caret, in damnum vocari non conuenit, nec detrimentum ante prohibitionem possunt ignorantes incurrere, Pars secunda.

**A** quod eos postmodum dignum est vetitos sustinere Gregor. cap. 2. de constitut. & can. sine culpa de regulis iuris in 6. regula 23. sine culpa, nisi subsit causa, non est aliquis puniendus.

Idem de eo sentiendum, qui se quidem de contracta excommunicatione reum in Sacramento confitetur, sed ei, à quo in eum beneficium remissæ censuræ, aut culpæ manare ac deriuari ob defectum potestatis nequeat, quæ eum tamen, errore iuris, aut facti, probe munitum credebat pœnitens, huic enim cum se illusum, cum se falsa alieni iuris opinione deceptum intelliget, nihil erit necesse confessionem, quæ rata fuit retexere, dabit operam, de excommunicatione ab eo absolui: hoc tātum, causa est, quod etsi forte culpa Sacerdos non vacet, quod concessæ sibi facultatis terminos sit egressus, relaxando censuram, quæ iuris erat non sui, sed alieni, fuit tamen pœnitentis confessio valida, vt pote facta ab eo dolenter & integre, quam eius bonitatem euertere Sacerdotis imperitia, aut censura non remissa nequeunt, non imperitia, quia si ad tres actus pœnitentis qui complectuntur omnes dispositiones ad remissionem peccati necessarias, accedat cum intentione debita, Sacerdotis absolutio, Sacramentum est ratum. Non excommunicatio, quia hæc à Sacramento, eiusque effectu non diuellit, quem bona fides, tã eius quàm culpæ illi cōiunctæ ad Sacerdotis genua, veniam deprecantem aduoluit. Quid ita vero? Nempe Sacramentum nunquam non in bene præperatum pectus gratiam transfundit, at à bona fide, cum qua pœnitens tam admissa, quam censuram à se contractam ad Sacerdotem affert, habet hic vt Sacramento obicem, eiusque effectui producendo non ponat, non facit ergo excommunicatio, Sacerdoti narrata, qui ad eam absoluendam putabatur idoneus, ne sit confessio rata ac valida.

## QVÆSTIO XLI.

*An possit à Regulari absolui percussor Clerici.*

**P**Osse, responderūt pridem Rodrig. to. 1. qq. Regul. q. 61. art. 8. & 5. Nau. in manuali cap. 28. num. 42. Vega Minimus in summa Verbo Absolutio casu 28. Sane id Societatis nostræ hominibus à Paulo III. concessum esse, fidem eiusdem Societatis priuilegia faciunt. Est hæc tamen regulari priuilegiato, antequam reum percussi Clerici absoluat, tenenda cautio, vt ab eo, læso satisfieri det operam: Satisfactio hæc vero par esse in omnibus ac æqualis non debet.

Z



Primo si illata est plaga, si factum vulnus cui sanando expēsas fieri oportuit, erunt hę restituendę ante omnia, si nullum est inflitum, nec percusso aliquid pręter honorem aut æstimationem in populo interiit, restitutioni pecuniarię locus nullus erit, quia cū fama, dignitate interuallis propē infinitis pecuniam, id est vile fortunę membrum superet, inter hanc & illam, æqualitas esse nulla potest, nec proinde restitutio, quę cum sit commutantis iustitię actio, tantum refundere læso, tantum redhibere, iniuriam passo debet; quantum reparantis opere improbo, ei contra ius, falsque est ademptum, vnde est hęc ergo petenda, & ad quas regulas reuocanda satisfactio? iniuria enim facta Clerico a percussore necessariam ei legem imponit, cum damni sarcienti, si quod percussus subiit, tūm compensandę iniurię.

Primo si pręter honorem, nihil ei percussio abstulit, nulla percussori imperanda est restitutio, vt paulo ante est dictū, nec enim honor æstimationem recipit, cum in rebus humanis sit nihil, quod eum merito ac dignitate exæquet, id quod sacrę confirmant literę, cum aiunt Prouerb. *melius esse bonum nomen quā diuitias multas.*

Secundo pręter expensas, in morbi curationem factas, (si quo tamen ex vulnere est affectus) lucri pręterea cessantis, tempore morbi ratio habenda erit, eiusque ante absolutionem datam, exigenda erit à percussore reparatio, ratio est, quod eius per iniquam actionem sit causa.

Tertio, *Quoniam reparatio inæqualitatis, existens in actionibus, & passionibus, satisfactio nominatur, sicut reparatio inæqualitatis existens in rebus restitutio,* Diu. Thom. in 4. sent. dist. 15. qu. 1. art. 5. *quæstioncula 1. ad 1.* locum autem habet præcipue satisfactio in iniuria, & contumelia, quę si tolli nequeunt, mitigari certe, ac leniri conceptus ex illis dolor mœstitiaque potest, eam obrem, reum violati Clerici, verberare aut pugnīs ei infra-ctis absoluēdum non credo, nisi petita prius venia de illata ei iniuria, id quod canones non pauci, ipsaque adeo æquitas exigit, vt ex superius dictis constat.

Qui tamen in honore suo propugnando, quem Clericus qui est percussus iniuriose apperebat, alapam ei aut verbera intulit, non tantum præstabit, quātum præstari ab eo est necesse, qui non inuasus in caput Clerici, corpusque irruit, ita Ludou. Portel. *par. 3. casuum casu 37. n. 2.* Iul. Clarus in sua *praxi criminali §. iniuria nu. 14.* & auctor Repertorij inquisitorum verbo *Iniuria parag. si pronocas,* ibi enim habetur, quod *pronocatus ad iram, si*

*verbo, vel facto iniuriam faciat pronocanti, non teneri iniuriarum,* quam in sententiam it Nauar. *ad can. si quis reatus de pœnit. dist. 1. nu. 4. parag. tertio quod.*

Ex communi igitur sententia, si quis in famę suę defensione Clericum percutit, tractari debet humanius, quā si vltro ac sponte, & non pronocatus intulisset iniuriam.

Quarto, sentiendum idem, cum Clericus nullius est domi forisque rei ac nominis, vno verbo, cum est eius vita, ob antea actę vitę scelera infamis.

Quinto si percussus fuit aggressor, si hic prior, hominem inter suos nobilem, iniuria affecit vt enim hic se tuēdo, culpam suscepit nullā, ita nullam contraxit obligationem satisfaciēdi pro iniuria, nam hanc propulsauit, non fecit, neque ex eo, quod iure sit, obligatio oritur, quā *gignere solet, quod fit iniuria,* Comitol. *lib. 4. respons. q. 11.* Aut si nascitur aliqua, non tamen eiulmodi, quę deprecatione venię, aut abiectione supplici ad pedes læsi Clerici elui debeat. Et si enim hic verbis læsit, facta his quoque addidit, nocere voluit, iniuriam Laicus retudit, vim repressit, hominem male mulctatum domum remisit, quid hic habet Clericus quod queratur? aut quare maxime factam sibi reparari iniuriam appetit? quam ipse Laico primus inflixit, illa ipsa, quam recepit compensatur, hac æqualitate, ac quacunque compensatione contentus esse debet, supra si quod postulat, iniuste ac sine ratione postulat, Ludouic. Portelius 3. *par. casuum casu 37.*

Neque tamen percussorem liberum esse volo à præstando iuramento, quod Ecclesię morem geret amodo, sibi que temperabit in posterū à vi inferenda Clerico id enim Honorius Papa exigit in *c. super eo 51. & c. venerabili 52. de sent. excomm. Ac si infirmitatis tempore, timore mortis beneficium fuerit absolutoris ei indultum, iuramento præstito eidem debet iniungi, vt postquam sanitati fuerit restitutus, ad Roman. Ecclesiā, vel eius legatum accedat, mandatum Apostolicum super talibus recepturus,* Clem. III. in decretali *ca. noscitur 13. de sentent. excomm.*

Quod tamen iuramentum, cum virtute priuilegii, à Mendicantibus excommunicatus absoluitur, necessarium non esse, scripsere Reginald. *lib. 1. cap. 19. sect. 3.* & Portelius loco ante citato.

Causa est, quod priuilegio suo Pontifex regularibus facultatem tribuit dispensandi cum istiusmodi hominibus, ne se sibi offerant, Romamque eant.

## QVÆSTIO XLI.

*An excommunicatum, excommunicatione quolibet, hoc est tam maiore, quam minore scienter & extra necessitatem absolueri liceat à peccatis, & non ab excommunicatione, & si id fiat, an sit Sacramentum validum.*

**D**ico primò, Peccare mortaliter, qui pœnitentem à peccatis soluit, prius quam à censura. Causa est,

Prima, quod contra præceptum Ecclesiæ, admittere ad Sacramenta, qui eiusdem est voluntate, ac lege, ab iis exclusus, culpa sit non modo obedientiæ, sed & Religioni opposita, cum ea indigno, cum immerenti communicet, quod sacrilegij instar habet ac speciem. Sed hoc habet omnis excommunicatio, ut à Sacramentorum participatione passiva, quotquot sunt ea vincti remoueat: ut est expressè in decret. si celebret. finali, tituli de Clerico excom. ministrante.

Secunda, Ecclesia excommunicatum à diuinis officiis remouet, eidem ad Sacramenta aditum prohibet, Sacerdoti, ne illi ea quâdiu eo vinculo illigatus hæret, cõmunicet, imperat, at est inter diuina officia, numeranda confessio, ut pote religionis actio, ad Dei cultum promouendum in hominum animis maximè utilis, quam ei tamen obire, quam frequentare Patrum decreta vetant, in can. Engeltrudam vltimo, causæ 3. q. 4. & 24. q. 1. can. quacunque 27. his verbis: *Quicumque ab unitate fidei, vel societatis Perui Apostoli quolibet modo semetipfos segregant, tales nec vinculis peccatorum absolui, nec ianuam possunt regni cælestis ingredi.*

Sancè verat Innoc. III. in decretali à nobis 28. de sentent. excomm. ne cum excommunicato, quandiu non relaxatur eius vinculum, etsi de eius reconciliatione cum Deo constaret, communicare fidei liceat, at quæ maior esse potest communicatio, quam in Sacramentorum usu, hæc ergo ministrare excommunicato, excommunicatione eius durante non licet,

Dico secundò, Absolutionem Sacramentalem excommunicato datam, ab eoque receptam, esse validam, nec proinde iterato de iisdem peccatis, confessionem instituendam esse necessario.

Pars prima probatur, Si est Sacramentum scienter excommunicato collatum, bona tamen fide ab eo susceptum, inane, ac nullum, defectum hunc oriri est necesse ab Ecclesia quæ ita censuit, aut à Sacerdote, cui omnis est ab illa adempta iurisdictio, aut ab excommunicato ipso.

**A** Non primum, quia id nullo iure est cautum.

Non secundum, nam ab eo, nihil est admissum, quamobrem iurisdictionem suam amisisse dici queat, cum potestate sibi ab Episcopo tradita ut supponimus, ad eorum remittenda peccata, qui de eare supplices illi fient.

Non vltimum, quia nusquam legitur, excommunicatum de subiectione Sacerdotum passiva substractum esse, bona ergo fide si se illis absoluendum à peccatis obtulerit, id beneficium consequi poterit, etsi eorundem improbitate, non prius censurarum sibi vincula, quam peccatorum sint exempta.

Secundo sunt Sacramenta reliqua, excommunicato collata, valida, rataque, ut probatum est antea, quam non est ergo creditu facile, solum pœnitentiæ Sacramentum cassum esse, cum excommunicatio reddat tantum eius receptionem iniquam, non inuvalidam?

**C** Quare nostræ sententiæ patrocinantur Richard. in 4. dist. 18. art. 10. qu. 4. Angelus Confessio 5. parag. 20. & Confessio 1. parag. 20. Caietan. in summa verbo absolutionis impedimentum, Nau. Enchir. ca. 9. n. 4.

Contrariam tamen tuentur Paludan. in 4. dist. 17. q. 6. art. 3. Diu. Antonin. in 3. parte tit. 14. cap. 19. parag. 4. casu 5. nec modo irritum ac inane Sacramentum esse, ei collatum quem excommunicatio maior irretitum tenet, sed etiam illaqueatum minore, dixerunt supradictæ defensores sententiæ, Soto excepit, qui illud in 4. dist. 22. q. 1. art. 1. valere ait datum excommunicato minori excommunicatione, non item maiore.

**D** Dico tertio, Sacramentum pœnitentiæ ab excommunicato, suspensio, interdicto denunciatis publice, aut notorio Clerici percussore datum, ratum esse non posse ac validum.

Causa est, quod absolutio iurisdictionem exigat in dante ut valeat, quæ carent tamen qui sunt de eorum hominum genere, quos notat assertio, Innocent. ipse auctor in cap. ad probandum 24. de sententia & re iudicata, ubi sententiam, quæ à iudicibus delegatis lata erat, de electione custodis, infirmam ait, quod vnus ex iudicibus delegatis, qui eandem sententiam protulerant, excommunicationis vinculo publice esset innodatus quando sententia lata fuit, & cap. Veritatis 8 de delo, ac contumacia, ea in irritum reuocat omnia, quæ Curienfis Episcop. post inhibitionem Apostolica sedis, seu factam suspensionem & excommunicationem, de rebus Ecclesiæ alienare presumpserat, cuius rei causa haud dubiè non alia, quam quod excommunicatio in quam

Z ij

culpa sua lapsi ambo erant, ius vtrique dicendę sententię, resque ab alienandi Ecclesię, ademisset.

An autem similiter ad condonationem venialium, sit aliqua iurisdictio necessaria, qua cum denunciati careant, ab eorundem absolutione excidant, controuersantur auctores, & in eorum concedo sententiam, qui partem sibi affirmantem tuendam existimant, sunt hi vero qui sequuntur. Prepositus in 2. par. q. 2. dub. 8. num. 49. Auila 2 par. cap. 6. disp. 13. dub. 1. conclus. 3. quid enim impedit ab Ecclesia suspendi ex causa potestatem, quę Sacerdoti cuiuslibet inest remittendę culpę leuis, ac humanę?

Hoc Gabrieli Vasqu. non probatur in 3. parte tom. 4. q. 93. art. 1. dub. 6. num. 8. quod credat Sacerdoti cuiuslibet, iure diuino, in noxas humanas, hoc est veniales iurisditionem competere, eique semper ac quolibet tempore earum respectu, materiam applicatam esse, quo ex principio infert, p̄ciso qui denunciatus est publice, aut percussori Clerici notorio, ne de venialibus cognoscat in tribunali sacro conscientię, interdicti non posse, ad effectum Sacramenti impediendum efficaciter. Sed ab hac opinione deducit me hęc ratio. Quod in cœnobiis, vbi primus disciplinę viget ardor, non cuiuslibet adire quemlibet confessionis causa sit permisum, sed duntaxat ab eo designatos qui p̄est domui, à quo solo absolui cœnobitę valeant, hos vero arcessere criminum, quę venialia grauitate superent, quam est ab eorum pietate, ac sensu quem insidere de ea, optimo cuique est necesse, alienum? & tamen minuta eorum errata, leues culpas, Presbyteri à Superiore audiendis fratrum confessionibus minime designati vetantur absolueret: est hęc ergo eorum iurisdictio respectu venialium, iuris Ecclesiastici, sicut & mortalium Diana quinta par. tract. 9. resol. 4.

### QVÆSTIO XLII.

*An aliqua sint tempora, in quibus fas sit parte ante non satisfacta, Clerici percussorem notorium absolvere.*

**N**on hic loquimur de Clericis bigamis qui degunt in matrimonio, nam his priuilegia non competunt, quę Bonifac. VIII. in constitutione sua de Clericis coniugatis, quę incipit, *Clerici qui cum vnicis de Clericis coniugatis in 6. illis tribuit, qui cum vnicis & virginibus contraxerunt si tonsuram & vestes deferant Clericales vt priuilegium re-*

*tineant canonis 17. q. 4. can. si quis suadente.*

Nullus similiter sermo hic nobis, de Clericis, quos passim vagari constat, sine lare sine tecto, non modico famę suę, ordinisquę detrimento, de cæteris intelligenda est quęstio, & quanquam iure nouo Concil. Trid. sit cautum, sess. 23. cap. 6. *Vt Clericus prima tonsura, aut quatuor minoribus ordinibus insignitus fori priuilegio non gaudeat, nisi beneficium Ecclesiasticum habeat, aut Clericalem habitum aut tonsuram deferens, alicui Ecclesię, ex mandato Episcopi inferuiat, vel in seminario Clericorum, aut in schola, vel in vniuersitate, delibentia Episcopi, quasi in via ad maiores ordines versetur, eos tamen canonis priuilegium retinere, sibi responsum esse ab Eminentiſſ. Cardinali Caraffa, quem ea de re consuluerat, scribit Comitol. respons. lib. 1. q. 54. & lib. 6. q.*

De his ergo Clericis, quos constat palam esse tales, quęritur, an cum sunt ignominiose, ac cum iniuria tam suā, quam ordinis ab aliquo habiti, offensę iustam vllam causam aut querelę habeant, si hic Deo reconcilietur, & Ecclesię, ipsis si minus reclamantibus ac inuitis, attamen non placatis antea satisfactione competenti ac congrua.

Mihique minime est dubium, si p̄e iis nullam esse, temporaque in quibus ea prius non exhibita, absolui reus potest ad tria referenda esse.

Primum est, cum hic appetitus, iniuriam iniuria compensauit,

Secundum, cum est adhuc in potestate Patris aut Tutoris, nam si ad verba, verbera addidit, ac vulnera, quibus curandis impensas in Medicos fieri oportuit, nec hic habeat bona vlla castrensia, aut quasi talia, quibus contracta hęc nomina expungat, nolitque Pater filii loco soluere, eaque lasso suppeditare, quibus exacerbatus eius animus placeatur, absolui debet filius sine satisfactione data, vel oblata, vel eius cautione.

Causa est, quod impossibilium nulla sit obligatio, at filio nihil quod lasso pro impensis refundat, suppetit in re familiari vt supponitur, nec patri eius supplere vices est certum, cum ad id non teneatur, quandoquidem non est ad damnum per eum datum cooperatus, vt tenent Iul. Clarus in praxi crimin. q. 86. num. 3. & 4. Less. lib. 2. de iustitia cap. 9. dub. 17. num. 12. Cogi tamen debet filius, deprecari veniam delicti sui à Clerico, eidemque sanctę ac religioſe polliceri, nihil se postmodum commissurum eiusmodi de quo iuste possit conqueri.

Tertium est, cum Clericus oblatam sibi ab eo satisfactionem, eamque quę delicto æqualis esse iudicabatur à viris prudentibus acceptare



acceptare renuit, absolui similiter hic poterit, quod enim æquitas, ratioque postulabant facturum se recepit, nec est tamen à læso Clerico admissus, si quid ei, de iure suo postmodum in recuperandis impensis deperibit, sibi imputet, non alteri, qui obtulit sed effectui inani ac casso.

Idem dicendum, cum percussoris desideria vota que satisfaciendi, læsus protrahit, cum de die in diem reiiicit, petitiones eius omnes eludit, nam quis tum credat, Ecclesiam, matrem utique pientissimam, velle ut is quem facti sui pœnitet, non sine salutis suæ periculo, precibus suffragiisque careat fidelium? & quia Clerico parum pio, parum de sua salute, fama que sollicito, sine causa iusta vlla sic est placitum, Sacramentis, eorumque usu priuatus gemat?

### QVÆSTIO XLIII.

*An qui veniales culpas remittere in conscientia foro potest, possit & censuras reservatas nemini.*

**N**equaquam, causa est, quod Innoc. III. in decretali nuper 29. de sentent. excomm. id duntaxat licere velit Sacerdoti proprio, vel Episcopo, at nomen Sacerdotis proprii, ad Parochum duntaxat, eosque qui illius auctoritate, aut Papæ, à mortali possunt absolvere, pertinere ergo, &c.

Ex quo sequitur Sacerdoti simplici, & non approbato ad confessiones, relaxanda minoris excommunicationis ius non competere.

Causa est, quod hæc tolli nequit, nisi facultate ei concessa, quem illa stringit recipiendi Sacramenti, at hæc potestas nuspiam Sacerdoti simplici tributa legitur, aut si eam iure diuino, vel Ecclesiæ positio possidet, locus ostendatur ex quo ea erui possit ac debeat.

### QVÆSTIO XLIV.

*An data ab excommunicatione absolutio, satisfactione parti non præstita teneat, maxime si exhiberi poterat.*

**Q**uestioni cum distinctione respondendum est quam facilitatis causa duplici assertionem explicabimus.

Prima assertio, *Absolutio data à superiori antequam absolvendus satisfaciat parti cum potest, etsi sit illicita, est tamen valida.* Habet assertio duas partes, in priori dicitur, absoluentem

**A** peccare, in secunda, quod illo tamen facit, facere valide, vtrique probatur.

Prima quidem sic, violatio Canonis aliquid præcipientis, maxime cum eius prætereundi iusta causa nulla afferri potest, nunquam non est inferiori illicita, quia in canone qui violatur, superior læditur eiusque imperium, quod non fit sine peccato, at in decretali 23. ex parte de verborum significat. edicitur Episcopis, & aliis, ne excommunicatum Ecclesiæ reconcilient, antequam parti satisfecerit, quod eius reconciliatio facta aliter iniuriam læsi habeat, cui timendum est, ne obtento beneficio absolutionis, eius aduersarius officium negligat, ac ut ante, ei molestus esse pergat.

**B** Secunda probatur, ad valorem absolutionis, sufficit voluntas eius impertiendæ ab eo qui potest, expressa verbis. At superior gaudet potestate absoluta ad absoluendum, nec est hæc restricta ad tempus, aut conditionem, qua tamen ex hypothese vult uti, in bonum postulantis, ergo si reuocatur ad actum, tenet.

**C** Secunda assertio, *Absolutio data à delegato Papæ, aut Episcopi, contra formam mandati, de non absoluendo ante satisfactionem, est nulla.* Ita Caiet. verbo absolutio §. penult. Suar. disput. 7. sect. 5. num. 41. de censur. Nauar. cap. 27. num. 32. Cappeauilla cap. 10. de forma absolutionis.

Probatur primo. ex cap. cum dilecta 22. de rescriptis cap. venerabili 27. de offic. delegati, vbi reddita à delegatis sententia, contra quam eis fuerat à delegante præscriptum, dicitur fuisse nulla, ab Honorio quidem III. in cap. 37. ab Innocent. item III. in cap. cum dilecta citato, vbi processum delegati, contra formam rescripti & iuris ordinem attentatum, irritum decernit ac inanem.

**D** Secundo, cum delegatus auctoritate ad absoluendum careat, nisi accepta à delegante, eatenus uti ea valide & licite ei est permissum, quatenus, & quomodo, superiori deleganti videtur. At conditio addita potestati datæ delegato à delegante, quod excommunicatum non absoluet, nisi satisfactione parti plene exhibita, circumstantia est, sine qua, delegans vult absolutionem à delegato datam esse nullam. ergo &c.

**E** Probatur minor, non potest iudex sine culpa, ante satisfactionem læso præstitam, velle ut absolutio sit valida, cum tam ipse, quam delegatus, eam reo impertiri nequeant, satisfactione non exhibita sine læsi iniuria, magna que proinde iniustitia, si prætereatur, ergo cum caritas quæ cuique aduersus alium sincera esse debet ac vera, credere veret quemquam peccare, aut eius peccato consensum dare, nisi de eo clara ha-



beantur indicia, iusta cuique credendi est A  
causa, potestatem non esse à delegante da-  
tam delegato, absolventi excommunicatum  
ante satisfactionem læso factam, ergo.

Quæres quid iuris, cum Papa dat extraor-  
dinariam potestatem absolventi cum his  
verbis, *Forma observata iuris, & an absolutio*  
*sit valida cum non observatur ista forma.*

Respondet Henric. lib. 13. cap. 28. parag. 1.  
absolutionem esse inuálidam.

Nauar. contra cap. ult. Enchiridij num. 37.  
validam esse affirmat, ratio est, quod cum di-  
citur *satisfacta parte, vel servata iuris forma,*  
si aliud non addatur, sit potius admonitio  
eius, quod ab absolvente omitti nequit,  
quam conditio necessaria, ut rara sit, ac va-  
lida eius absolutio, quia quando Papa vult  
aliquid adiacere ad eius validitatem, dicere  
solet, eam aliter datam esse inuálidam ac  
nullam, quod cum hic non asserat, argumen-  
to est velle eum ut valeat, quare valet abso-  
lutio data virtute mandati Papæ, ad absolventem  
secundum formam iuris, quamvis ea non servetur,  
ut valeat et facta sine illa, ab ordinario auctori-  
tate ordinaria, Nauar. cap. 27. num. 37.

Quid si ob peccatum, non alteri quàm  
eius auctori noxium, censura est infligenda?

Negat Cypr. in tract. de lapsis num. 65. ante  
offensam placatam indignantis Domini, & mi-  
nantis, pacem peccanti excommunicato dari oport-  
ere, concessamque videri nullam, indicant hæc  
eius verba. *Non est pax illa* (quo nomine re-  
conciliatione cum Deo intelligit) *sed bellum,*  
*nec Ecclesie iungitur qui ab Ecclesia separatur,*  
*quid iniuriam beneficium vocant? quid eis qui fle-  
re iugiter, & rogare Dominum suum debent, in-  
tercepta pœnitentia lamentatione communicare se  
simulant?*

Respondend. Cypriani & Episcoporum  
sui temporis talem fuisse sensum, ut scribit  
iple in epist. ad Antonian. de Cornel. & Nouat.  
52. nec quenkum extra mortis probabile  
periculum absolui potuisse, ex mutuo eo-  
rundem pacto, ac consensu, non peracta  
prius publica pœnitentia, ut est in commen-  
tar. Pammel. ad hunc tractatum. Hoc ta-  
men tempore quia alia sunt Episcoporum  
iudicia, mens Ecclesiæ alia, cuius est inter-  
pres praxis ipsa, ab expiata conscientia, à re-  
purgata culpis anima, vno verbo à mitigato  
numine, solutione iustæ pœnæ pro delicto,  
remissam censuræ non pendere, & ita ante  
satisfactionem obitam postulanti dare  
posse.

## QVÆSTIO XLV.

*Explicantur quedam dubia circa absolutionem  
datam aut dandam à censuris.*

**D**ubium primum, *An absolutio data ex  
causa falsa, aut iniusta, sit valida.*

Respondet valere, causa est, quod ad va-  
lorem eius, voluntas habentis potestatem,  
exterior expressa sufficiat, ac cum causa ini-  
usta & falsa, stare potest, tam voluntas quam  
potestas absolventis, ita sentiunt Sa verbo  
absolutio num. 14. Couar. in can. alma, parte  
1. parag. 11. num. 14.

Equidem ut est in cap. 16. de sentent. in 6.  
potest quis sine vlla sua culpa præuia sacris  
interdici, ergo & absolui sine causa.

Excipiendi sunt duo casus primus est,  
cum qui ob plures causas est excommunica-  
tus, superiori censuram duntaxat vnam ex-  
plicat, suppressis aliis, cap. cum pro causa 27.  
extra de sentent. vbi Innoc. III. Lugdun. Ar-  
chiepiscopo præcipit, *ut si ei constiterit, Ar-  
chidiaconum ob duplicem causam excommunica-  
tum, expressisse tantum alteram in literis, quas  
super absolutione sua impetrauit, ipsum tanquam  
excommunicatum, satisfacere pro altera, moni-  
tione præmissa cogat.*

Secundus est, cum absolventis veram  
causam tacuit, & narravit falsam, nec fuit  
eius superiori propositum, potestate sua uti  
nisi vera dixerit, sic Alexand. Papa tertius  
in cap. ex parte 5. extra de officio iudicis ordinarij,  
interrogatus enim à Cantuar. Episcopo, an  
qui occultatis excessibus suis, pro quibus  
absolutionis beneficium, per sedem Apost.  
meruerant, pro absolutis essent habendi, si  
veram excommunicationis suæ causam ex-  
lassent.

Respondit, cum est id certum, censura  
compelli eos oportere, ut ad sedem A-  
postolicam absolutionis causa redeant; ex-  
tra hos duos casus, data absolutio ex falsa  
causa, aut iniusta tenet, secundum Sylu. ver-  
bo absolutio num. 13. Sa absolutio ab excommu-  
nicat. num. 14. Nauar. Enchirid. cap. ultimo  
num. 35.

**D**ubium secundum, *An censura absolutio  
vi extorta teneat?*

Respondet non valere, si vis iniuste illa-  
ta est absolventi: Ita Gregorius X. in Con-  
cilio generali Lugdunensi & refertur in ca-  
pite absolutionis beneficium vnicuique, de his, qua  
vi metusque in 6 eam enim auctoritate Aposto-  
lica viribus vacuat. Ne (inquit ibi Pon-  
tifex) sine vindicta, violentiæ, crescat audacia,  
eos qui absolutionem seu remotionem huiusmodi

vi vel

*vi vel metu extorserint excommunicat. sententia subiaccere decernimus.*

Debet autem ad hanc primam incurrendam metus esse grauis.

Secundo, indirectè saltem incuti, in ordine ab absolutionem obtinendam, alioqui non tam erit causa absolutionis, quam eius occasio, & consequenter non poterit dici extorta esse per vim aut metum.

Tertio debet metus esse iniustus, nam si eius inferendi causa aliqua reo iusta suppetit, absoluitur valide.

Est similiter absolutio censuræ irrita, quæ datur, aut impetratur fictione dolosa, errorem atque inuoluntarium efficiente.

Ratio est, quod absolutio à voluntate, seu intentione absoluendi libera, proficisci debet, at quæ fraus in impetrante, erroris est causa volitionem liberam tollit, ergo impetrata absolutio cum fraude istius generis, est nulla, Sanch. lib. 2. moral. cap. 12. num. 9. Suar. de censur. disp. 7. sect. 6. num. 12.

Valet tamen absolutio ab eiusmodi vinculo data absenti per literas, & nuntium, aut repugnanti ac inuito: Ita Sotus in 4. dist. 22. q. 2. art. 3. Henric. lib. 13. cap. 29. num. 1. Sanch. lib. 2. moral. cap. 9. num. 14. Suar. de censur. disp. 7. sect. 7. num. 4. & sect. 9. in fine. Nauar. cap. 26. num. 14.

Causa est, quod pœnæ ut absenti imponi possunt, ita & ab his eximi: nam quid prohibet, homicidam, qui latitat, aut in fugam se dedit, ne in manus veniret iudicis, damnari posse capitis? at sunt censuræ spirituales, ac Ecclesiasticæ pœnæ: ergo ut ignorantia ac absenti possunt infligi, modò nota sit eius contumacia, ita & eidem remitti, sola voluntate potestatem habentis, dummodo ea humano modo sit significata & expressa.

Idem de repugnante ac inuito dicendum, nisi forte pertinaciter persisteret & in crimine cui excommunicatio est annexa, nã talem absolvere nemo potest nisi canonis author: Suar. disp. 7. sect. 7. Laym. lib. 1. tract. 5. par. 2. cap. 6. num. 9.

¶ Dubium tertium, *An censura de qua cum obligatione Reincidentiæ est quis absolutus sine noua eius culpa redeat.*

Prima assertio, Si excommunicatio, eiusque effectus suspenditur ad actum aliquem, aut tempus, in quo consistit absolutio cum reincidentia, secundum Nauar. cap. 27. num. 277. eo elapso, redibit illa sine nouo crimine.

Probatum quod excommunicatio vim suam in excommunicatum non exerat, à voluntate oritur iudicis, cui sic est placitum ob iustam aliquam causam, ergo ubi velle deficiat ut excommunicatio excommunicatum

A non liget primà eius vis, obligatioque recurret, at velle definit, cum eius suspensioni certum tempus præstituit, ergo eo finito, reditura est excommunicatio.

Secunda assertio, *Noua culpa nulla, ab inobedientia virtuali distincta, est in excommunicato necessaria, ut hic in antiquam suam censuram relabatur, si ab ea est absolutus cum obligatione reincidentiæ, si non poneretur conditio, cum qua fuit illa remissa,*

Est contra Nauar. 27. Enchirid. num. 277. Stephan. de Auila parte secunda cap. 7. disp. 3. dub. 14. Henric. lib. 13. cap. 29. num. 2. Ægid. disput. 14. de excommunicatione dub. 16. num. 216.

Et probatur, ut censurarum absolutio, à superioris voluntate, expressa verbis, iisque sufficientibus pendet, ita & earum reuolutio, sed superiori sic est placitum, ut qui reus est violatæ legis, ideoque excommunicatus, antiquis suis reuincatur nexibus, nisi hæc, aut illa, quæ in eius fuere absolutione designata, faciat, ergo eorum præteritio est excommunicationis futura reuolutio.

C Secundo, qui effectus à conditione futura pendet, ista cessante, & ille cessat, at excommunicationis solutio, tam à voluntate superioris pendet, eaque efficaci, quam à conditione ei apposita, restitutione scilicet rei ablata, aut aditione superioris, cum erit commodum, ergo nisi hic adeatur, aut restituatur res ablata, non sequitur excommunicationis absolutio.

Obiicies vel excommunicatio absolute fuit remissa, per absolutionem reo datam cum reincidentia, vel secundum quid, nempe quia eius vis suspensa fuit, ita ut secundum se, & in actu primo manserit, non primum, quia quæ absolute sunt ablata, hæc redire nequeunt nisi de nouo producantur. Non secundum, quia excommunicatio secundum ius ordinarium, ac communem usum non suspenditur, noua ergo culpa est necessaria, ut antiqua censura redeat.

Dicendum ad minorem, comuniter nõ suspendi excommunicationem, nec eius effectum à iudice, quia eius voluntas absolute fertur & sine conditione ad eam remittendam, secus tamen euenire posse, ut accidit in casu præfenti, quid enim verat, ita liberari aliquem ab excommunicatione, ut nisi satisfecerit iterum incipiat ea ligari, sine vlllo nouo suo peccato, cum id totum à voluntate absoluentis pendeat, qui censuram haud dubie, eiusque effectum potest suspendere, cum id minus sit, quam tollere, qui autem minus potest, possit, & id quod est maius ut patet, non est hæc tamen suspensio propria absolutio, sed imperfecta, & secundum quid, ex

quo sequitur, excommunicatum ab excommunicatione toto illo medio tempore non esse liberum, sed eam quæ illum tunc non ligabat, nisi quasi in actu primo, incipere iterum ligare in actu secundo.

Obiicies, non potest denuò quis ligari excommunicatione noua, sine nouo peccato, at qui reincident in excommunicationem de nouo ligatur, cum absolutus à prima excommunicatione fuerit. Maior est falsa, excommunicatio enim quæ redit, proprie noua non est, sed vel prior, quæ absolute non fuit ablata, sed tantum pro certo tempore, & pro reliquo sub conditione, qua non posita, vel excommunicatio redit propter peccatum antiquum, aut quod est probabilius, noua aliqua priori similis, quæ à iure ipso infligitur, ob inobedientiam & contemptum virtutalem, qui in eo est, quod excommunicatus ea non faciat, quæ facturum se promiserat, vel conditionem non impleat, cum qua ei data fuit absolutio.

Dubium quartum, *An qui excommunicatus à suo Episcopo domicilium aliò transfert, ab Episcopo loci in quo degit, absolui possit.*

Assertio prima, Si excommunicatio per generalem tantum sententiam in eum est lata, tam qui præest Episcopatus in quem excommunicatus transit, quam Sacerdos ex approbatis quilibet, eam dissoluere cum fructu poterit.

Probatur, excommunicationis quæ lata est per generalem sententiam, eadem est ratio, ac eius, quæ est quidem à iure, sed non reseruata, secundum Couar. in can. alma parte 1. parag. 12. Nauar. 27. num. 44. Henrici. lib. 13. cap. 28. num. 5. At est ista, in Sacerdotum iure, qui audiendis confessionibus de superioris licentia dant operam: ergo, &c.

Assertio secunda, Excommunicatus per specialem sententiam Episcopi, de cuius Diœcesi, transit in aliam, absolui non potest ab eo, cuius esse incipit Diœcesanus, ac subditus, quia excommunicatio ab homine, remitti ab eo debet, & non ab alio, ne ille queratur factam sibi iniuriam, iurisque ordinem perturbatum esse: At quæ per specialem sententiam infligitur, est talis, manat enim ab homine in hominem, cum designatione eius speciali, ac propria, culpæque ob quam est irrogata à proprio iudice.

Confirmatur Benedictus XI. in Extrauag. inter cunctas de privilegiis, inter casus iure reseruatos Episcopis, declarat esse crimen cuius excommunicationem infligit, multo ergo magis excommunicationem specialem in hominem reseruari iisdem est credendum: id enim & iurisdictionis ordo postulat, & decorum, ut à nobis est in summa non le-

uium auctorum sententia, & coniecturis minimè captiosis ostensum.

Quid? quod si secus factitaretur, audacibus, & ad omne scelus paratis, elabendi è suorum iudicum manibus, via muniretur prope certa, meritaque de peccatis deuitandi supplicia, cum in alienas Diœceses illico ac quid eos contra Deum, aut proximum consciscere, casus feret, migrare valeant, ibique tam à culpa, quam censura ei adiuncta à loci Episcopo absolui, quo quid magis veri ab simile?

B Confirm. nulla ratio suadet dari à proprio Episcopo, alieno Sacerdoti potestatem maiorem absoluendi suum subditum peregrinantem, aut in aliqua Diœcesi commorantem, quam concedat à se approbatis, sed huius nullum est remittendæ excommunicationis specialis ab homine, ergo nec alieno.

C Secundo cum causa agitari coram aliquo iudice est cœpta, de ea cognoscere nequit alius isto abnuente, quia beneficio inchoati iudicii, notitiæque de præsentī controuersia habitæ, iurisdictionem quasi permanentem in ea, cæterisque omnibus quæ ad eam pertinent, sibi comparauit, qua potestate priuari nequit sine iniuria: At causa ut supponitur, cœpta est disceptari, ac discuti apud alium iudicem, quam eum, ubi nunc excommunicatus versatur, cum ex hypothesi, is qui Diœcesi præest vnde discessit, eum excommunicauerit, quod non nisi causa cognita fieri potuit, aliter peccasset & tam censura, quam eius absolutio, ad causæ complementum pertinent, ergo ab eo indulgenda erit eius remissio qui intulit.

D Confirm. Episcopo in cuius Diœcesim quis commigrat maior & amplior absoluendi à censura, & peccatis reseruatis potestas non competit, quam Sacerdotibus suis Episcopus reseruans, aut excommunicans dicitur, aut excommunicato tribuitur, cum ei conceditur ut confessarium sibi eligat.

E At cum Episcopus suo subdito (verba sunt Pontificiæ sanctionis) concessit ut sibi possit idoneum eligere confessorem, ille, quem is elegerit, in casibus, qui eidem Episcopo specialiter reseruantur, nullam habet potestatem, ut est in decretali Bonifac. VIII. si Episcopus de penitent. & remissionib. in 6. ergo nec Episcopus, in cuius Diœcesim, excommunicatus eo excommunicationis genere, de quo est sermo, secedit, nam quis ambigat eam sibi Episcopum reseruati esse velle, nec ab alio, quam à se soluendam?

Dubium quintum, *An si excommunicatus ab homine Religioni det nomen, ab eius prælato absolui possit.*

Respondeo posse, si per generalem sententiam



tentiam aut statutum dicta est in eum sententia, non autem si est appellatus de nomine, & per specialem sententiam, causaque ad forum contentiosum deducta, exclusus est de Ecclesia, nec enim Pontificem Romanum decuit, Religiosis quidpiam permittere, quod exitiale esset disciplinæ Ecclesiasticæ, vergeretque in dedecus, ac contemptum Ordinariorum, cuiusmodi eam potestatem esse, dixere viri doctrina iuxta, ac innocentia conspicui, eo quod viam ad audaciam munit, multisque contemnendæ autoritatis publicæ, ac Episcoporum, occasionem tribuit. Hæc illi.

Mea tamen est opinio, talem si sit in Mendicantium cooptatus familiam, ab eorum superiore absolui posse, vt à delegato summi Pontificis, cuius indulgentia, priuilegioque, potestate est ad id necessaria præditus.

Dubium sextum, *An pœnitentiarius in Cathedralibus, aut privilegiatis in Canoniciis, communicare aliis facultatem liceat, quam habent à Pontifice absolendi à reseruatis.*

De omnibus casibus negant Paludan. in 4. dist. 17. Cappeauilla cap. 3. de potest. excommunicat. q. 1. Aloysius Riccius in praxi fori Eccles. par. 1. resolut. 419. Zerola in praxi pœnit. cap. 25. q. 17. Homobonus de casibus reseruatis parte 1. cap. 5.

Causa est, quod delegatus ad nudum ministerium subdelegare nequeat, sed Religiosis sola Sacramenti ministratio, aut absolutio à censura tribuitur, vices ergo suas committere in hac materia non possunt alteri, sine expressa ad hoc Papæ licentia.

Propositio vtrique Gregorij noni autoritate longe est certissima, fidem facit hæc eius oratio in cap. quoniam 43. de officio iudicis delegati, Cæterum (salua legatorum sedis Apostol. autoritate) nulli cui commissum fuerit predicare crucem, excommunicare, vel absolvere aliquos, dispensare cum irregularibus, liceat hæc de cætero aliis demandare, quia non sibi iurisdictio sed certum ministerium potius committitur in hac parte.

Posse tamen Regulares, casus alicuius particularis, ac indiuidui, in facto occurrentis, absolutionem alteri committere valide, ac sine culpa, scripsit Diana prima parte tract. 17. miscellann. resolut. 53. Ad Pœnitentiarium quod attinet, credo similiter ab eo quemcunque de approbatis, ad solutionem casus alicuius, de his quos sibi reseruauere Episcopi, honeste posse substitui ac cum fructu, non autem ad omnium, Piasecius in praxi parte 2. cap. 1. num. 35. nisi hoc ei fuerit expresse ab Episcopo concessum.

Pars prima, quæ est de casu aliquo speciali sic probatur. Ordinario cum aliis, quos ad

Pars secunda.

A eam rem idoneos credit, autoritatem suam communicare, omni iure est permissum: at habet Pœnitentiarius in multorum opinione, locum inter Ordinarios, cuius rei sunt hæc argumenta.

Primum, quod Cathedralis Ecclesiæ sit membrum, quod in ea gerat magistratum, præbendamque de multis vnam obtineat, cui audiendarum confessionum adiuncta est provincia, iusque vice Episcopi absolendi à casibus ipsi reseruatis, absque aliqua alia eius facultate, secundum Piasecium cap. 6. num. proxime citatis, Cappeauilla ibi casib. reseruatis cap. 3. q. 1. difficult. 2.

Secundum, quod ita Ecclesiarum omnium usus habeat, sic praxis ferat communis Episcopatum omnium.

Tertium, quod ei autoritate Concilij sess. 24. cap. 8. distributiones quotidianæ negari non debeant, etsi præsentibus tantum eas dari oporteat, dummodo quo tempore sit officium, confessionibus audiendis vacet, verum est ergo, eius præbendæ officium coherere publicum confessionum excipendarum in publico Episcopi loco, proindeque esse ordinarium.

Pro parte altera, nempe quod alteri subdelegare Pœnitentiarius nequeat potestatem absolendi de omnibus nisi hoc ei fuerit expresse concessum ab Episcopo, sic probatur. Delegatus ad nudum ministerium, iterum subdelegare non potest, nisi hoc ei expresse concedatur, cap. ultimo parag. ceterum de officio delegati, talis est multorum opinio Pœnitentiarius respectu casuum omnium occurrentium; & non alicuius in particulari: ergo, &c.

## Q V Æ S T I O XLVI.

*Quinam excommunicati modo sunt vitandi.*

O Lim quidem, hoc est ante tempora Constantiensis Concilij, excommunicati excommunicatione maiore vitandi omnes erant, eoque modo, quo de eorum excommunicatione, ac censura, cuique constabat, qui ergo publice, hoc est à superiori loco, in frequenti plebis cœtu, de piorum numero rescissus erat, hic ab omnibus, coram ac publice, vbi, ac quoties eorum se offerebat conspectibus, vitandus erat, priuatim autem ac occulte, cuius excommunicatio occulta erat, ac paucorum, aut vnius duntaxat comprehensa notitia, sic enim Clem. III. in decretali cum non ab homine 14. de sent. exco. Cōsultationi tuæ respondemus, quod à cōmunionē illius qui pro sacrilega manuum iniectioe in Cle-

A 2



vicum, in edictum excommunicationis incidit, licet denuntiatus non sit, debet abstinere, nisi forte id ei soli pateret, in quo casu ipsum priuatim tantummodo euitabis quandiu ab Ecclesia toleratur: Ut saltem verecundia rubore suffusus, pro latenti excessu, satisfacere compellatur, & in Concil. habito in palatio Vernis habent hæc Patres can. 9. Qui scienter cum excommunicato communicauerit sciat se esse excommunicatum, similia fere habent, Sardicense can. 16. Carthagin. & Aquilgran. sub Ludouico Pio can. 54.

Im vero post Basileense & Constantiense Concilium, duo tantum excommunicatorum genera vitari debent, denuntiatorum scilicet nominatim, ac eorum qui aliquem percussere Clericum notoriè, ac palam. Et quanquam secundum Basileense Concilium, in perceptione & administratione Sacramentorum, diuinis officiis, aut extra ea, teneantur singuli excommunicatos, modo notorie sint tales, etsi non denuntiatos fugere, in quo à Constantiensi differt, isti tamen standum est, non illi, quia talis est Doctorum sensus, Antonini 3. part. tit. 26. cap. 3. Caiet. in summ. verbo excommunicatio. Minor Henriq. lib. 13. cap. 5. nu. 1. Ægid. disp. 14. dub. 2. num. 9. Auilæ 2. parte cap. 6. disp. 2. dub. 2. quem praxis vniuersa fidelium, approbata per Ecclesiam confirmat, ac stabilit, nec enim religioni ducimus, rem negotiaque cum hæreticis in communi congressu habere, cum iis viuere, domi ac foris versari.

Quod cum id Pontifice vidente fiat, ac tacente, ab eius consensu, confirmati Constantiensis Concilii argumentum, quoad hunc articulum peti debet, & quanquam id non esset, quod tamen ex Basileensi affertur, momentum non haberet.

Primo, quia quoad hoc, aut non fuit confirmatum, Ægid. teste loco proxime citato, aut non fuit decretum hoc canonicum, utpote factum postquam est ab Eugen. IV. reuocatum, sicut ex Turrecremata secunda parte summæ Ecclesiasticæ cap. 100. refert Auila 2. parte cap. 6. disp. 2. dub. 2.

Sunt autem ij nominatim excommunicati, primo quorum nomen expressum est in sententia, aut aliquid est huiusmodi in ea adiectum, ratione cuius distincte nosci possunt, ab omnibus, ut quando dicitur qui præest Ecclesiæ tali v. c. sit excommunicatus, qui natus est tali patre & est eius primogenitus, sit Sacramentis priuatus Ecclesiæ.

Dixi distincte, quia persona ita declarari debet, ut de ea ambigendi nullus sit locus, quare si duo erunt in ciuitate cognomines, hoc est eiusdem nominis, ex. adhibendæ

A notæ erunt, quæ utrumque sic separent ab inuicem, ut de excommunicatione, à qua eorum alter afficitur, dubium supersit nullum.

Neque cum de nomine, ab Ecclesia reiectum esse, est satis, ut promiscuè vitari debeat à plebe, cum quoque publice denuntiari est necesse, id est publicari sententiam, in eum latam, vel voce iudicis, aut alterius eius loco, vel schedulis loco publico affixis, quæ nomen excommunicati, eiusque crimen contineant.

B Causa est, quod id Concilia, Basileense & Constantiense, ad euitanda scandala exigant, Concilij sunt hæc verba, ad euitanda animarum pericula, statuit sancta Synodus, ut nemo deinceps teneatur aliquem ratione alicuius sententia, vel censura vitare in Sacramentorum receptione, vel administratione, vel in aliis rebus externis, nisi talis censura sit specialiter publicata, & denunciata contra aliquam personam.

C Dixi necesse esse excommunicatum publice denuntiari, nam ut vitari debeat, non sufficit quod iudex in suo prætorio, audientibus causidicis, eorumque clientibus, eum fugiendum esse admoneat, de eo fideles doceri oportet in loco publico, ut templo, quo maxime tempore frequens est in eo hominum concio, ut in missa, vel in foro communi vrbs, aut templi valuis, per schedas, inibi de ea re affixas, quas cuique legere, & inde Ecclesiæ voluntatē ac iudicium intelligere sit promptum. Ita Glossa Clem. primæ de sepultura verbo publice, Armilla verbo excommunicationum. 60.

D Secundo sunt ij censendi nominatim excommunicati, & denuntiati, quos Episcopus id fecisse publice denuntiat, quamobrem authoritate legum ac voluntate Pontificum, est eorum congressus, optimo cuique declinandus ne peccet, nam hoc ipso quo crimen commississe dicitur, cui est ipso facto annexa excommunicatio, quamuis ante excommunicatus nominatim non fuerit, sed tantum generaliter per sententiam impositam, est tamen vitandus, non secus ac si de nomine, excommunicationis censura affectus esset.


E Ratio est, quod declarare iuridice aliquem excommunicatum esse, idem sit virtute ac implicite, ac eius commercium in communi vita, ac sermone singulis interdicere.

Est id tamen Ecclesiastico iudici laborandum in primis, ut excommunicati famæ nominique consulat, ne eum violatæ legis, quæ transgressorem excommunicatione ipso facto subeunda punit, reum esse declarat, nisi prius citatum, iussumque pro se loqui, ac dicere, quæ accusato in sua causa licent, quia condemnari

condemnari nemo debet nisi auditus, con-  
uictusque: vel sponte confessus, *can. notum sit*  
*2. qu. 1. cap. quamvis de poenis in 6.* nec sine  
iudiciario ordine *can. in summa 2. q. 1.* Glof-  
sa fin. in cap. Ecclesia de constitut. *can. iudex 2.*  
*q. 1. can. nihil contra 2. q. 1.* ob eam causam de-  
nuntiari excommunicatus nemo potest, ni-  
si per suum iudicem *Nauar. lib. 5. consil. de*  
*sentent. excommunicat. consil. 3.* quia de coin-

**A**stitui debet quaestio, crimen discuti, audiri  
testes, citari reus, cumque de se confiteri,  
aut alieno convinci testimonio est necesse,  
antequam fecisse crimen, cui iure excom-  
municatio adiuncta erat, ipso facto, declare-  
tur ab Episcopo, eius Officiali, aut Vicario,  
declaratus autem vitari perque debet, ac si  
nominatim excommunicatus foret, in quo  
autem iam est videndum.

Aa ij





# TRACTATUS TERTIVS. DISPVATIO QVARTA DE EXCOMMUNICATIONIBVS OB damnum temporale ferri ab Episcopo solitis.

## QVÆSTIO PRIMA.

*An pro temporali damno ferri possit  
excommunicatio.*



**S**UPPONO primo, excommunicationem pro damno temporali aut rebus deperditis, à nullo præterquam Episcopo, communiter & ordinariè concedi posse, & cum conceditur, id ab eo non nisi re ante diligenter examinata & discussa fieri posse, *Trid. sess. 25. cap. 3.*

Suppono secundo, ab Episcopo censuram recuperandis rebus amissis negante, ad Archiepiscopum appellare fas cuque esse, *Prosp. de August. in additionibus ad Quarantam in summa Bullarum Verbo Archiepiscopi auctoritas*, quia de gravamine, ad alium qui est iudice superior, appellare licitum cuque esse, dixit, *Glossa in cap. Romana Verbo minus legitima de appellat. in 6.*

Suppono tertio, vacante sede, posse Capitulum per se, aut Vicarium quem sibi administrandæ Diocesi substituet, monitorias literas (vt loquuntur) dare postulantibus, quia in his quæ sunt iurisdictionis necessariæ Episcopo succedit Capitulum, *Barbosa de officio & potestate Episcopi allegatione 96.*

Suppono quarto, monitorias eiusmodi literas, pro excommunicatione nullas dari in criminalibus, *Riccius in praxi decis. 278. & resol. 240. Barbosa in alleg. 96. num. 32. & alij*

**A** apud eum.

Causam hanc uterque reddit, quod earum concessio, irregularitatis periculum habeat, quid est enim aliud, impellere aliquem censuræ metu, ad crimen cuius causa quis est necandus explicandum iudici, quam eius ingulum petere? vim eius vitæ, ac fortunis inferre? vno verbo eum indirecte de medio tollere? cum eam notitiam mors sit secutura certissime. Quare secundum stylum Curia Romanæ, hæc clausula dictis literis inseritur, *Nolumus autem quod ex revelatione huiusmodi, si eam fieri contingat, nisi pro civili interesse, & similiter tantum agi possit, alias revelationis ipsa, nec in iudicio, nec extra, fidem faciat.*

Prima assertio, Possit pro damnis temporalibus excommunicatio à iudice Ecclesiæ contendi: ita *Trid. sess. 25. cap. 3.*

Probatur, potestas Ecclesiæ, etsi primo & per se spectet spiritualia, indirecte tamen attingit temporalia, vt sunt hæc ad illa necessaria, at salus fidelium promouenda, maximeque eius, à quo res aliena possidetur cum iniuria, est quid spirituale. Restitutio vero, quid temporarium, ergo imperari hæc cum censura poterit, vt facit ad bonum animæ.

Secundo, nemo ambigit, peccata lethalia censura plesti posse à Prælate, at in bonis quis suis opibulque, lædi potest non vulgari, ergo & in furem aut damni auctorem excommunicatio ferri. Eam sane Concilium *sess. 15. cap. 3.* infligi non vult nisi ab Episcopo, & tunc non alias, quam ex re non vulgari, causaque diligenter ac magna maturitate per Episcopum examinata, quæ eius animam moueat.

Quod ad monitoria attinet non sunt hæc, ad

ad finem reuelationis, cum pœna excommunicationis dari solita, concedenda de facili, & non nisi pro re graui, ab ipsomet Episcopo, posse tamen ea etiam per eius Vicarium generalem indulgeri, si hæc facultas ipsi fuerit ab Episcopo expresse concessa, respondit S. Congregatio, vt testatur Genuens. in praxi cap. 1. num. 1. & Piafec. in praxi Episcop. parte 2. cap. 4. de pœnis art. 13. de excomm. n. 4.

Secunda assertio, *Id tamen ex quo damnum temporale redundat in alium, & cuius causa impetratur excommunicatio, debet ita esse cognitum, vt tamen eius author nesciatur.*

Probat, literæ non dantur monitoriæ nisi in subsidium, id est cum argumenta desunt, faciendæ fidei necessaria, quoque tempore cognosci aliter veritas non potest, Trident. sess. 25. cap. 3. Lazar. de monitoriis sess. 1. q. 15. num. 3. proinde eas imperare nihil est necesse, cum reo arma suppetunt, quibus de hoste victor euadat, hoc est cum pro se, contra illum argumenta habet, quibus eum admissi malefici peragat apud iudicem, vt testes, aut instrumenta omni fide maiora, Hentiq. lib. 13. cap. 17. num. 4. *litera B.*

Enimuero facile est cuique, cum author sceleris, publica est fama, aut sui ipsius confessione cognitus à seculari iudice obtinere, vt istud ille (quod exigit æquitas) capite, aut ære luat.

Secundo perueriti ordinem, quem in Republica à principe aut magistratu poni, ad multorum salutem & commodum oportuit, res est eiusmodi, quam probare prudens nequeat, at cum iudex, quem eam ob rem, præfectum esse foro princeps voluit, ius suum vt cuique redderet authorem scit criminis, nec in eum quæstionem instituit, nisi post impetratas ab Ecclesia monitorias literas, ordo turbatur, administrandę Reipublicę ratio pessundatur: ergo & impetrata excommunicationem in pœnam criminis, cuius scitur author, cum hoc sit seculari potestati ad Ecclesiam, præpostero transferre ausu, cuiusque vsurpare iudicium, Auila teste, vbi supra.

Quare Galli Antistites tam suo ipsi instin-  
tu, quam Concilij sess. 25. cap. 3. prohiben-  
tis ordinario, vt quodcumque executio realis,  
vel personalis in qualibet parte iudicij ab ipsis fieri  
poterit, abstineant se tam in procedendo quam de-  
finiendo censuris Ecclesiasticis, Galli (inquam)  
Præsules eas non concedunt nisi attestante  
iudice, sibi satis de authore facti, de quo ha-  
betur quæstio non constare, ac proinde me-  
tu numinis, ad eius reuelationem, conscios  
per censuram adigendos esse, ergo cum au-  
thor scitur, factumque est cuique peruium

A aut testes sunt ad manum, qui delictum pro-  
bent, concedi talis excommunicatio non  
potest.

Excipit casum Auila partis 2. cap. 5. disp. 2.  
dub. 1. in quo de recuperandis bonis Eccle-  
siæ agitur, vel detentis ab aliquo de Clericis,  
nam etsi hic, & illi, à quibus Ecclesia læditur;  
omnibus sint noti, in eos tamen vibrare cen-  
surarum suarum tela, Ecclesia potest, dum-  
modo tamen ante sit alia experta remedia;  
vt comprehensionem pignorum, &c.

Nec id modo est necesse, sed hoc insuper;  
vt damnum cui reparando Diræ Ecclesiasti-  
cæ impetrantur, sit notabile Trident. sess.  
25. cap. 3. vbi Concilium Prælatos admonet  
vt non nisi *sobrie, magna que circumspectione;*  
& *pro re non vulgari, causa que diligenter exa-*  
*minata que eorum animum moueat, spiritalem*  
suum ensem distingant, ne contemnatur;  
adhibitus in paruis rebus, perniciem parit  
potius quam salutem, Trid. supra.

Arenim quando detrimentum plusquam  
mediocre, graueque est censendum?

Existimat Riccius resol. 238. Barbosa de  
officio Episcopi allegat. 96. num. 31. Curia Ro-  
manæ praxim habere, vt non dentur excom-  
municationes illæ, quæ præmissis monito-  
ribus, ad finem reuelationis pro rebus de-  
perditis conceduntur, aut auersis, nisi rei  
acceptæ valor, summam aureorum 50. ex-  
cedat, licet non vna, sed multiplici manu,  
vicibusque repetitis sit vero suo, legitimo-  
que subducta domino.

Sed est regnorum omnium, Gallięque  
præ ceteris stylus, praxi huic oppositus, res  
enim per se loquitur, pro summa huic impari,  
longeque minori, monitorias huiusce-  
modi literas concedere Episcopis in more  
esse, ad quos spectat, considerata loci con-  
suetudine, vel potentium paupertate, iudi-  
care quæ summa sit grauis, quæ leuis.

Respectu pauperis, summam viginti aut  
triginta ducatorum, obtinendis vbique mo-  
nitoriis sufficere, scripsit Piafecius in praxi  
parte 2. cap. 5. art. 13. de pœnis num. 14. quæ ta-  
men in alia persona diuite, leuis creditor,  
hancque esse causam ait, cur Romę concedi  
non soleant, nisi pro summa ad minus du-  
centorum aureorum Genuens. in praxi. Epis-  
copos dixi: nam ab his duntaxat impetrandas  
literas monitorias non ab aliis, dixit Conc.  
supra.

Quamquam eo nomine, eius quoque Vi-  
carium generalem intelligi oportere, prop-  
ter communionem eiusdem foci cum illo, vt  
est in cap. 2. de consuetud. in 6. censuere viri  
doctrina iuxta, ac virtute conspicui; maxi-  
me si ad id facta ei ab Episcopo, expresse fa-  
cultas esset, Genuensis in praxi cap. 1. num. 1.

A z iij



Notare hic placet primo statuisse Pium Pontificem anno 1570. die autem lun. 27. ut mandata pro restitutione seu reuelatione huiusmodi dentur, ad eorum duntaxat instantiam quorum ciuilitate interest.

Secundo ut quilibet libelli supplices obtinendis monitoriis offerentur Ecclesiastico iudici, rem ipsam de qua agitur, rei que valorem nominatim & specificè exprimant, nisi forte sint pro Ecclesiis, locis piis, Communitatibus, Collegiis aut vniuersalibus succensoribus quos verisimile est certam rerum notitiam non habere, Pij V. Constitutio, & tunc sufficiet res ipsas iis designare vocibus, quæ indicent eas minime vulgares existere.

Aduertendum secundo sic ea monitoria concipienda esse, ut tam detentoris non restituentis, quam scientium, nec tamen reuelantium, expressa fiat in iis mentio, nam si hos duntaxat Episcopus in illis comprehensos vellet, dubitandi causa foret, an qui rem penes se, clam malaque habet arte, de eorum foret numero, quos superioris imperio literis tuis expresso, parere est necesse, cum prodere se nemo, certoque se vitæ, aut infamie periculo teneatur exponere, Genuens. *supra cap. 2.*

Aduertendum tertio in criminalibus, vel infamatoriis, vel ubi metus est scandali, monitoria concedenda non esse Abbas in cap. dilectorum de testibus, nec reuelationes, super his factas, à Parocho dandas Iudici cum quid continent, quod vergat in infamiam tertii, aut ex quo criminalis actio sequi possit, sequuta forte pœna mortis aut mutilationis membri, ob criminalitatem huiusmodi infligenda, Pialecius vbi supra.

Aduertendum quarto, monitoriis istis non ligari existentes, extra territorium Iudicis ea concedentis, quia lex, sententia, & statutum, extra statuentis territorium non obligant, ut dicitur in cap. de animarum. 2. de constitutionibus in 6. cum extra territorium ius dicenti non pareatur impune Bonifac. ibi.

Tertia assertio, Et si excommunicatio pro restitutione rei ablata, aut veritatis incognita reuelatione, ferri communiter ante duas monitiones premissas non debeat, contra determinatam personam, lata tamen tenet.

Pars prima, probationem habet expeditam, ac facilem, petitam ab autoritate Patrum, in Concil. sess. 25. cap. 3. repetitam enim monitionem cum exigant, antequam censura percuti quis valeat, omitti sine culpa nequit, obedientiæ iustitiæque opposita, obedientiæ quidem, quia Episcopi aut Concilij, imperata non facere, culpa est maculam habens inobientiæ, nocere autem alteri, ei vim inferre aut noxam, improbitatis

ac iniustitiæ: ac facit utrumque, qui (ut præcipitur) monitiones numero duas, censuræ futuræ non præmittit, nam primo, Concilio eas exigenti non obsequitur, certa autem reo infertur iniuria, si resipiscendi locus illi sit nullus, ope monitionis Ecclesiasticæ, de re reddenda, aut veritate, quæ latet euulganda, antequam excommunicetur.

Secunda ostenditur, censura inanis non est, ac nulla, nisi quæ iniusta, aut quæ errorem intolerabilem, ac non ferendum continet, præsens non est talis, valida est ergo.

De maiore, ambigendi non est locus, Minor probatur, non est censura iniusta, nisi cum is cui intentatur, culpa vacat, estque innocens, nec errorem intolerabilem continet, nisi cum fertur, ob veniale, aut opus non malum, quod hic non accidit, cum ab eo qui est excommunicatione plectendus, supponatur esse admissum crimen, & quidem ea pœna dignum, nec est etiam inualida ob usurpatam iurisdictionem, cum absolute peccata omnia iurisdictioni subsint Ecclesiæ.

Deinde est Episcoporum proprium hoc munus, dare operam ut qui culpæ est mortalis reus, eius fuga, odioque reconcilietur Deo, sed is in quem vibratur excommunicatio, ob rem alienam, quam penes se habet, aut temporale damnum alteri illatum, reus est lethalis culpæ, ut patet, cum qua, spes ei consequendæ salutis, nisi eam pœnitentia, lachrymisque eluat, esse quæ potest? ferri ergo ab Episcopo, pro damnis temporariis, censura potest: quod cum facit, causa eius directa, ac per se, utilitas est spiritalis proximi, D indirecta & secundaria, bonum temporale læsi.

Ex quo sequitur primo, Episcopos culpæ non posse peragi, cum iudicibus censuram efflagitantibus obsecundat, perinde ac si hi in se, potestatem suam hoc est iudicium sæculariū transferrēt, cū in eos penes quos imperium nō habent, homines scilicet vita, moribusque turpes excommunicatione sæuiunt.

Patet secundo, etsi extra casum allatum in exceptione assertionis secundæ, censuris pro redhibitione alieni, aut recuperatione perditæ, uti Episcopo non liceat, cum delinquens & delictum tenentur vnus aut multorum conscientia, si tamen faciat, facere valide, etsi illicite Stephan. de Auila parte 2. cap. 5. disp. 2. dub. 1. concl. 4.

Causa est, quod pro eo stent omnia ad censuræ bonitatem idonea, ac necessaria, iurisdicção non impedita ex parte excommunicati, sufficiens ad eam pœnam materia, nempe mortalis culpa, quod autem in aperta, perspicuaque tam delinquentis, quam delicti notitia, adhiberi censura honeste nequeat,

queat, reddi hæc causa potest, quod ea non nisi in externis morbis usurpari debeat, prius enim palpanda est plaga, prius lenienda balsamo, quam flamma irritanda, aut ferro 24. q. 3. can. ecce autem. At cum author criminis est cognitus, quis non videt cum verberum metu, prehensione fortunarum, posse à iudice ad officium adigi? hæc est ergo prius in criminosi commodum tentanda curatio, quam delabatur Episcopus ad acre, durum ac difficile censurarum pharmacum.

Patet tertio valere similiter excommunicationis latæ vinculum, contra retinentem aliena, cui non est trina præmissa monitio, cum ad eius validitatem vna sufficiat, quæ sit trium loco.

Nec est quod à nobis in probatione primæ partis dictum quis asserat, reo fieri iniuriam, cum non admonetur officii, antequam cum excommunicatio feriat, nam iniuria nobis eo loco idem sonat, ac peccatum, seu damnum datum: iniuria, enim Græco verbo *ἀδικία* lege 1. & lege 5. digest. ad legem Aquilianam, quidpiam est dignitati hominis non consentaneum, quod ipsum quoque virtuti alicui, putà charitati aut misericordiz est contrarium, quo modo dicimus fieri iniuriam pauperi, cum negatur ei eleemosyna, aut impeditur à recipienda, ex eo enim dicta est iniuria, quod iure, & iustitia careat, quasi non iuria, lege 1. digest. de iniur. & famosus libell. l. 45. paragr. procurator dig. de procurator.

## QVÆSTIO II.

Quando monitoria concedi debeant, qua forma, & pro quibus rebus.

**N**on sunt concedenda monitoria, nisi ad finem reuelationis (vt aiunt) aut pro deperditis, seu subtraclis rebus, Trid. sess. 25. cap. 3. de reformat. & quando veritas aliter nosci non potest, vnde si sciretur reus, fur v. c. aut detentor, & posset contra illum agi via ordinaria, neganda hæc essent, nisi forte testes deessent ad probandū. tunc enim moneri possent quibus res est cognita, vt testimonium veritati redderent, quare (vt ante est dictum) mandatur iudicibus Ecclesiasticis, cuiuscunque dignitatis existant, vt quodcumque executio realis, vel personalis, in qualibet parte iudicij, propria autoritate ab ipsis fieri poterit, abstineant se, tam in procedendo, quam definiendo, à censuris Ecclesiasticis, seu interdicto, quod si hæc aduersus reos fieri non poterit, sitque erga iudicem contumacia, tunc eos anathematis mucrone feriatis, Concil. ib.

**A** De forma autem quæ in conscribendis monitoriis seruari conuenit (quæ fuit quæstionis pars altera) emanauit ordinatio Pii Papæ V. tenoris sequentis, Sanctissimus in Christo Pater & D. N. D. Pius diuina providentia Papa V. presenti quod perpetuo obseruare vult scripto ordinat, vt mandata pro restitutione seu reuelatione huiusmodi dentur, ad eorum duntaxat instantiam, quorum ciuilitate interest, quæ supplicationes rem ipsam de qua agitur, reique Valorem nominatim & specificè exprimant, nisi forte sint pro Ecclesiis, locis piis, communitatibus, vniuersitatibus, Collegiis, aut vniuersalibus successoribus, quos verisimile est certam verum notitiam non habere, tunc enim hac ipsa personarum qualitate expressa, ita demum ferri poterit quædam in genere designatio rerum, sineque nimis vaga, & incerta, & inuenerisimilis sit, & tamen ostendat res ipsas, minimè vulgares existere.

**B** Ex quo sequitur primo vltro concedi monitoria nec debere, nec posse, sed ad eorum duntaxat instantiam quorum interest.

**C** Secundo exponendum esse à supplicante iudici, quanta sit, quantique valeat res de qua agitur.

Tertio, si de valore præcise non constet, Episcopum docendum esse, eam non vulgarem existere.

## QVÆSTIO III.

An Iudici imperanti, sub excommunicatione, vt reum cuiusque crimen qui sciunt, illud sibi indicent, ei parere qui illius conscij sunt, debeant.

**D**

**C**rimina quædam sunt occulta, manifesta alia: occulta sunt, quæ nullo, aut tribus duntaxat, quatuorue consciis sunt admissa, manifesta quæ in omnium, aut certe multorum, vt maioris partis vrbis, aut vicinæ sunt conscientia, puta quia sunt famosa, aut notorietate facti vel iuris notoria.

**E** Ad hæc quædam sunt quæ sunt secreta, quæ occulta, vel certè creduntur talia sunt tamè vere in Reip. perniciè comparata, vel priuati alicuius, nisi iis eatur obuiā. Deinde vel sunt præterita, vel futura, vel præsentia. & de his secundum modos omnes istos institui potest quæstio, pro cuius explicatione sit.

Prima assertio, Iudici imperanti sub censura, vt delicta in futurum pendencia, comparata tamen in detrimentum tertij sibi manifestentur, detegi debeant cum sunt publica: Ita Salon. 2. 2. q. 68. art. 1. controuers. 2. Fagund. in 8. præcept. Decal. lib. 8 cap. 51.

Assertionis est hæc causa, cuique incumbit ex charitate, alienis malis medicinam

afferre, perque ac suis, cumque hanc per se facere nequit, ad id opus, alterius auxiliū implorare debet, & operam, ergo multo magis cum superioris accedit imperium, adest autem, cum peccata, quæ futura sunt aliis noxia, edici sibi sub censura præcipit, ei ergo tum est obsequendum, sub inobedientie crimine.

*A*ssertio secunda *Quando peccatum est secretum, nec vergit in tertii cuiuspiam damnum, speraturque fore, ut qui est eius auctor pareat admonenti, ac se corrigat, ab eoque desistat, non est iudicis mandatum cum ea seueritate capiendum, ut putetur ille velle obligare sub excommunicatione, & mortali crimine, ad illud reuelandum* Ita Nauar. in summa cap. 7. num. 134. Sanchez lib. 6. consilior. cap. 2. dub. 15. num. 10. Auila 2. parte disp. 4. dub. 3. conclus. 2.

Ratio est, quod quando præcipitur ut qui rem aliquam scit, eam per denunciationem manifestet, intelligitur de eo qui scit, & probare potest, Nauar. loco proxime citato, Sanchez supra, sed quæ sunt secreta, probari nequeunt, ergo &c.

Talia tamen peccata sæpe sunt denuncianda, & quidem si perniciofa sunt Reip. & his iudiciis ostendi possunt, quæ fidem faciant, denunciatores vera loqui: ita Diu. Thom. 2. 2. q. 33. art. 7.

Disi huius hæc est causa, quod minori bono maius præferri debeat, at bonum publicum priuato præstat, ergo isti illud est antefendum, sed fama vnius cuiuspiam hominis, priuatum est bonum, salus communitalis, eius propagatio, aut conseruatio, commune & publicum, ergo huius præ illa cura est habenda potissima.

*A*ssertio tertia, *Quando peccata sunt preterita, & emendata, nec fuere vnquam publica, & pro presenti non habent effectum vllum pendente à futuro, qui timere debeat, non sunt hæc denuncianda*, Sanchez in consil. lib. 6. cap. 2. dub. 15. Auila 2. parte disp. 4. dub. 3.

Probatur, cessante causa, & ea quoque cessare est necesse, quæ ad eam, necessarium habent, aut accidentalem aliquem ordinem, sed criminis admissi denunciatio, correctionem respicit ut finem, morum mutationem, lætique satisfactionem, ut terminum, quo tendere, & cuius causa fieri eam oporteat, quæ duæ res tamē supponuntur non amplius existere, nec timendæ, ergo &c.

Dixi si non sunt publica: talia enim, vel quæ habent infamiam, effectumque pendente in futurum, sunt denuncianda, ad superioris edictum ac imperium.

Causa est, quod ad iudicis officium persineat, videre ne quid detrimenti Resp. capiat, & si est illatum, dare pro virili operam,

*A* ut modo qui esse potest optimus, reparetur, ab his quorum interest, sed ex hypothese vulnus est Reipub. impositum per peccantis infamiam, vitæque malè à plurimis instituendæ periculum, cui hic illos exemplo suo exposuit, quas tamen plagas, dedecoraque iudici Ecclesiastico sanare non est facile, nisi sciantur, nec sciri nisi declarentur, ergo cum talis declaratio ad eorum curationem sit via, præcipi à Prælato potest, omitti ergo ab inferiore nequit sine crimine.

*B* Peccata cætera quamuis tribus sint aut quatuor personis cognita, non sunt tamen manifestanda superiori ut iudici, eorum reuelationem imperanti, siue generaliter per edicta, siue specialiter sub excommunicatione, quia cum hic procedit via inquisitionis, & ut iudex, opus est infamia, potest tamen illi reuelare ut patri, Sanchez lib. 6. consilior. cap. 11. dub. 15. n. 7.

*A*ssertio quarta, *Iudici reuelationem criminis imperanti, quod est notorium, & generaliter inquirenti quis illud commiserit, obtemperandum est sub peccato mortali, & excommunicatione, si eius auctorem dici sibi ab eius incurrendæ pœna mandauerit.*

Causa est, quod hic iusta præcipit, ut supponitur, quod eum sciri, ac cognosci, ut in eum violatæ legis statuatur exemplum, è re sit communi, priuataque peccantis.

*S*ecundo, si quando iudici est obsequendum, maxime cum de reo quæstionē exercet iuridicam, facit id vero, cum eam de crimine notorio instituit. Quid ita vero? quia est eius notorietas, actoris instar, eo quod ut est in cap. 9. de accusationib. euidentia patratæ sceleris non indiget clamore accusatoris, itaque habet ab ea iudex ut testes possit examinare, num auctorem sceleris sciant, perinde ac si accusatio, cuius vicem supplet, præcessisset Reginaldo teste lib. 24. cap. 3. sect. 6. n. 5.

*A*ssertio quinta, *Quando sub pœna excommunicationis iudex imperat, indicari sibi criminofum, ut eum corrigat, cogatque parti satisfacere, ei est parendum, et si nulla rei infamia, nulla semiplena probatio, criminisque accusatio præcesserit.*

*E* Causa est, quod nihil tale imperium habeat, quod non sit rationi, ac æquitati consonum, ecquid enim est oprabilius, ecquid homini præstabilius, quam esse in Dei Ecclesia, quibus eius salus sit curæ? qui cum iustentent ne ruat, qui cum ceciderit, erigant, cum errauerit in viam reducant? id superior efficit cum de vita eius, moribusque, vult à scientibus instrui, ut si hi, & illa maculam forte aliquam contraxerint, eam salutaribus monitis eluat, censura purget, ac si quæ sunt



in eo situ horrida, zuo ac ætate ad interitum spectantia, restauret.

Quid quod aliena procurare commoda, subiectæ sibi gentis damna impedire, studio suo, ac providentia, pars sit curæ, officii-que magistratus tam civilis, quam Ecclesiastici non minima, ecquid hic vero id spectat, cum de criminoso, ab his, qui illum norunt, doceri satagit, ut ei quem læsit, cui iniuriam intulit, satisfaciat?

At est (inquies) tale mandatum charitati repugnans, ac aduersum, cum rei famam vulneret, de eius virtute conceptam opinionem pessundet.

Respondend. primo, eiusmodi iacturæ si quæ tamen est metuenda, cum esse causam, non alium.

Secundo, eius retinendæ cum alieno damno, ius ei nullum competere, quale est timendum, si author delicti iudicem lateat, si ab eo corrigi, & ad satisfaciendum læso, coginequeat.

Tertio, quia etsi criminosus inde diffametur, iusta ei tamen causa nulla est querendi, de quantulacunque famæ suæ iactura, eo quod hæc ob culpam suam accadat, quæ emendare non vult, & quæ verè tali pœna est digna, maxime quando damnum est mortale, Regin. lib. 24. cæ. 3. sect. 6. n. 55.

#### QVÆSTIO IV.

*An quando iudices Ecclesiastici proposita pœna excommunicationis, edicunt his qui bona aliena ab aliis possideri sciunt, eos apud se ut edant ac proferant, obsequi iis sit necesse sub crimine.*

**D**ico primò, Si præter unum aliquem, nullus alius sit in Vrbe, aut provincia, qui aliena bona in potestate, manuque furis esse sciat, hic ad eum iudici manifestandum non tenetur.

Primo quæ probari nequeunt, hæc non sunt euulganda magistratui, ne quæ aperit famæ tam furis, quam suæ noxam afferat, illius quidem, nam à probi viri opinione, in qua ad eum diem in hominum vixit animis, publicatione culpæ suæ excider, prædoque publicè audiet: Suæ autem, quia probationum inopia, pro calumniatore habebitur, & ita omnium iudicio ac sensu tam qui sunt mi sunt, quam qui è plebe infimi, iacebit inglorius, & sine nomine.

Secundo, iudici non necessario est parendum cum non sunt eius imperia, edictaque iusta, ac iuridica, eiusmodi sunt, quæ pro obiecto reuelationem faciendam rei occultæ habent, enimvero tunc iniuste contra

Pars secunda.

**A** reum in foro proceditur, cum nulla præcessit infamia, cum testis in cum nullus producit, accusator nullus, indicia admissi sceleris nulla dantur, aut si quæ proferuntur, sanè non nisi leuia, ac infirma, quæque fidem eius facere nullam possunt Gomez tom. 3. Variar. cap. 1. num. 49. Fagundez lib. 6. in 8. Decalogi præceptum cap. 51. num. 9. quæ omnia in occulto reperiuntur crimine, aut eorum pars maxima, eius ergo indicandi iudici, nulla est vi eius edicti necessitas, aut obligatio.

**B** Dico secundò, Quando delictum est publicum, aut semiplene probatum, vel saltem est contra eius authorem magna præsumptio, infamiaque, qui rei sunt apud alium per iniuriam existens confesij, tenentur sub pœna peccati, & excommunicationis, parere iudici, illamque, ac eius iniquum detentorem prodere.

Probatur, iudici cum iuste præcipit, necesse est obsequi: at cum crimen est publicum, & contra eius authorem præcessit infamia, utrumque aperiri sibi ac detegi, iuste ac iuridice imperat, in hoc enim iuridicus processus consistit, ut seruetur forma iudiciorum, quæ in eo versatur, ut contra reum producantur testes & accusator, quod in casu proposito accedit, nā facti notorietas accusatoris vicem supplet, Innoc. III. teste ac authore in decretalis sua nos 8. de cohabitatione clericorum, in hæc verba. Si crimen eorum ita publicum est, ut merito debeat appellari notorium, in eo casu, nec testis, nec accusator est necessarius, cum huiusmodi crimen nulla possit tergiversatione calari. Itaque si de Clericis ipsis talis habeatur suspicio, ut ex ea scandalum generetur in populo, licet contra ipsos non apparuerit accusator, eis tamen est canonica purgatio indicenda, quam si præstare noluerint, vel defecerint in præstanda, canonica debetis animaduersione punire, quæ ergo furta sunt publica, aut semiplene probata, & contra eorum authores præcessit infamia, hæc iudici manifestari sibi iubenti sub censura, non sunt dissimulanda aut regenda.

#### QVÆSTIO V.

*An quando res est nota tribus aut quatuor de Vrbe, aut Paræcia, hæc sit indicanda Episcopo, edicto generali, aut speciali, id sub excommunicatione iubenti.*

**D**ico primò, Hanc ei à confesjis dici sine culpa posse, ad emendam & non pœnam.

Primo, quia est caritatis ac prudentiæ, alienæ saluti, commodisque consulere, hoc facit qui Episcopum uti patrem de alienis

Bb



culpīs admonet, ut earum parentes ac aucthores officii sui commonefactos, in viam reducat.

Secundo, quilibet errantes corripere, turbantes firmare, peccantes ut fratrem decet, benigne hortari potest, ut abiudicatis à se culpīs, cum Deo in gratiam redeant, peccata oderint ac horreant, virtuti studeant: ergo à fortiori facere id per Episcopum poterit, aut iudicem Ecclesiasticum.

Dico secundò, Cum Iudex via inquisitionis ad pœnam delicti procedit, teneri neminem in casu posita assertionis ei patefacere, quæ de reo non nit.

Probat, occulta reuelare ad præceptum Superioris nulla est obligatio, at quæ tribus aut quatuor duntaxat de collegio aut vicinia sunt cognita, occulta sunt, si in ea minimum sunt decem. Quia ut notauit Suarez tomo 4. de pœnitent. disput. 30. sect. 2. num. 2. Sanchez tomo 2. summa lib. 2. cap. 11. num. 99. Fagundez in 1. præcept. Decalog. lib. 1. c. 15. delictum occultum hic sumitur prout opponitur publicò & notorio in iure, publicum autem & notorium in iure est, quod notum est maiori parti viciniae, Parochiae, Collegij, Monasterij, dummodo saltem decem personæ inueniantur in ea vicinia, Parochia, Collegio, &c. Sanch. supra.

Secundo, cum reus non est infamatus, iudex iniuste procedit, ergo ei tum parere ac obsequi, nihil est necesse.

Tertio, de se testificari nemo tenetur, nemo crimen suum, quod duorum aut trium conscientia teneri non ambigit, & de quo interrogatur à iudice, obligatur agnoscere, ac fateri, nisi aliquomodo sit publicum ratione infamiae, aut indiciorum, ergo nec alienum.

Conseq. probatur, Peccata prodere, aut ea in lucem trahere, alienis committenda auribus, quandiu sunt occulta est nefas, eo quod famæ parcere alienæ charitas æquitasque imperent: at ex hypothese cū hæc duobus tantum aut quatuor è vicinia sunt cognita, occulta sunt, ergo non euulganda, quæ ratio locum habet similiter in propriis, cū famam suam prostituere, causaque iusta nulla prodigere, nemini fuerit vnquam in laude.

## QVÆSTIO VI.

An qui iuste compensationis nomine quidpiam retinent, aut retineri norunt ab aliis, teneantur iudici se sistere, & quæ possident, quoque titulo ea sibi vendicant, indicare.

**D**iscrepantes ea de re, sententia fuisse duæ, prima affirmans, negans altera, quam tuentur Comitoli. responsionum lib. 6. q. 4. Lessius lib. 2. cap. 12. dub. 10. num. 61. Angelus in verbo furtum parag. 41. Syluest. eod. nu. 19. eorum præsidia præcipua duo.

Primum in excommunicationis laqueum, ij se tantum ob negatum superiori obsequium induunt, qui mortaliter offendunt, at non est culpæ affinis, qui iure compensationis, tantum sibi de bonis alterius assumit, quantum hic sibi debet, sic enim non alienum, sed quod est suum recipit.

Secundum Edicto, eiusque pœna nemo tenetur, nisi secundum voluntatem, ac intensionem iudicis à quo emanauit: at non est credibile hunc velle, ut ad eum excommunicatio pertineat, qui sibi vendicat quod ex iustitia sibi est debitum, hoc enim ille ius si excluderet, in errorem laberetur intolerabilem, nec peccaret, qui ei dicto audiens non foret, nisi in tribus casibus, primo quando debitum erat dubium, secundo quando qui compensatione utitur, notabiliter ultra equalitatem est progressus, tertio quando rem alienam accepit, quæ non erat debitoris, extra hos casus (inquit Lessius supra) retinens aliquid compensationis nomine non ligatur excommunicatione.

Obiicies, at enim improbat à Romana curia, hæc compensandi sui ratio, cum literas annuere petentibus quotidie soleat, quibus in eos ferri excommunicatio præcipitur, qui superiori non significant, ut iubentur in iis literis, quos norunt bona occupasse aliena, per speciem recuperandæ rei quam causantur sibi esse debitam, à Romanis autem iudicis peccari in hoc genere, aut ab iis ius creditoris hoc edicto suo perimi quis credat? quod si nec illi peccant ista iubendo, nec qui eos non declarant quos in alienam possessionem prætextu compensandi sui, manum immisisse sciunt, à culpa sunt liberi, dicendum sane videtur, edicto eos comprehendendi, qui quæ sunt in alterius peculio ad se traducunt, ut quæ sibi sunt ab eius possessore ac domino debita, hæc præsentī vindicatione recuperent.

Respondendum primo, à Romanis ius non tolli compensationis certum, sed incertum, aut non verum, ita Comitoli loco ante citato.

Secundo

Secundo dicendum, ab iis excessus argui, A vt cum plus sibi sumpsit creditor quam par esset, aut quod non erat debitoris, sed alterius, ita Fagund. lib. 8. commentario. in Decalog. cap. 51. num. 13. vbi ex Nauarro in can. inter Verba 11. q. 3. conclus. 6. corollario 66. infert teneri vi edicti neminem, cum est acceptio ex parte iniusta, aut incerta, eam integram manifestare iudici, sed tātū quoad id in quo iniqua est aut dubia, quia de ea tantum loqui ac iubere iudici est certum, non alia, tunc enim *monitoria sic sunt intelligenda quādo recompensatio fuit illicita, vt quia nimia, vel creditum suum erat dubium, quo casu sententia ligat*, Syluester in Verbo furtum n. 19.

Quid si via communi, hoc est auctoritate iudicum, ac imperio, sua creditori obtinere erat integrum? & sic sibi ius non dicere?

Respondendum peccasse quidem in accipiendi modo, in rei autem acceptæ detentione culpæ nihil esse; itaque cum illud peccatum, quod forte fuit mortale, non sit amplius, sed præterierit, propter illud excommunicari nequit, neque ob detentionem, cum non sit mortalis: ergo nullo modo, quod nobiscum dicunt ac sentiunt Angelus in Verbo furt. parag. 41. Sylu. in Ver. furtum num. 19.

## QVÆSTIO VII.

*Num lege indicandi furti quis teneatur, cum eius author propter paupertatem restitutionis faciendæ est impotens.*

S Ayrus in clau. regia cap. 14. num. 31. Fagund. lib. 8. in Decal. cap. 51. num. 15. respondent non teneri, si qui auertit alienum inops est, is autem cui subductione rei suæ irrogata fuit iniuria, his est facultatibus præditus, vt re prædicta facile, ac sine magno suo incommodo carere possit.

Ratio est, quod qui alienum nouit facinus, de eo superiorem docere necessario non debeat, nisi cum ab isto corrigi, ab eo autem qui admisit, interrumpi, aut modo reparari quam optimo valeat: at impotentia furem à restituendo liberat: ergo & eum, cui hic est cognitus, ab obsequio Episcopo aut superiori exhibendo, super eius reuelatione faciendæ eorum alterutri.

Confirm. iudici proposita excommunicationis pœna, edicēti singulis, vt qui furem norunt, hunc sibi prout in edicto iubentur, edant ac proferant, parere hi tum debent, cum facere id furē, aut aliū est necesse, cōtra quē monitoriæ literæ sunt impetratæ: at ex

hypothesi fur V. C. illata reparare damna, aut bona clā à se de alieno interuersa peculio, quandiu premitur inopia, reddere non tenetur, ergo nec qui eū admissi furti reum esse norunt, obligantur edicto tum obsequi, reumque deferre Episcopo id iubenti.

Partes tamen viri boni non explebunt, nisi illum id operam dare admoneant, vt intra præstituta per edictum tempora, ablata si potest restituat, alioqui facturos se officium, deque eius crimine, iudicem prout est in edicti literis, planè deferreque docturos.

B Quod si opum tantum habet, quantum vt conscientiæ suæ, munerique satisfaciat est necesse, eū de restituendo mora interposita nulla commonefacient, ac si dicto suo non erit audiens, nomen eius illico ad iudicem deferent, & idem erit in dubio, (inquit Fagundez supra,) nempe quando hi, quibus eius est culpa perspecta, de illius sunt certi potentia, incerti autem ac dubij, de effectu & an statim restituer.

## QVÆSTIO VIII.

*An crimina non visa, sed tantum audita, sint denuncianda.*

A multis narrantur multa, discrimine tamen non leui, nam quidam solo suo nomine, specieque, fidem orationi suæ faciunt, quia pii, quia graues, quia nō vulgari inter suos religione sunt ac virtute præditi, quam alii leuitate suæ, indoleque ad vitia omnia inclinante vellicant, ac subruunt, pro horum ingenio, moribusque inter se discrepantibus, nostra erit ad propositam quæstionem, accommodata responsio.

D Dico ergo primò, *Quidere aut crimine, de quo est quæstio, notitiam animo aliam impressam nullam habet, quam quæ ei sermonibus est ingenerata hominum, quos sua virtus, meritaque non commendant, huic tacere satius esse, quam loqui, ac quæ ab huiusmodi hominum genere, leuitate sua infami, didicit palam iudici prodere*, Nauar. Enchirid. cap. 25. num. 46. & in can. inter Verba 11. q. 3. conclus. 6. corollario 66. Sanchez in consil. lib. 6. cap. 11. dub. 15. conclus. 3.

E Ratio est, quod ab his, singulos abstinere oporteat, quæ notam inurere sibi leuitatis, apud viros graues possunt, eiusmodi est eorum relatio, quæ quis non nouit nisi horum ore hominum, quos sua leuitas infames, deque mendacio suspectos semper facit, quæ quis ergo ab illis didicit, taceri debent, nec in forum produci, ne reo damnum inferant, Nauarri sunt hæc verba in cap. Enchirid. 25. num. 46. excusat à reuelando, quando à tali

but. & taliter audiuit, ut ob id moneri non debeat, A ferri mandat.  
 praesertim si denunciaturus esset talis, qui lenitas ob illam denuntiationem notarctur, aut cuius testimonio in iudicem magis, quam oporteret moueret.

Dico secundò, Qui audiuit, sed nescit à quo, & si scit, indicat tamen eum similiter ab aliis ignorantibus accepisse, iudici sub censura pœna exagentis, sistere se non tenetur, ut hac eum qua ab ipsi didicit, edoceat.

Ratio est, quod quæ sunt authore nullo, aut certe incerto, ac dubio sparsa per vulgus, fidem non faciant, est ergo eorum manifestatio inutilis, ergo non facienda necessario, quare potest tùm dicere (inquit Sanch. proxime citatus) se de subiecta in edicto materia, audissenihil, intelligendo itaut dicere teneatur.

Idem sentiendum in casu, quo is à quo hic de facto inter loquendum, ut sit, in communi amicorum congressu, instructus esset, iudicem adiisset, eique cuncta quæ in rem presentem forent, narrasset, nam cum tunc aliorum, qui de illo crimine dedicere, testimonium inutile sit ac superfluum, hoc à iudice exclusum, nec literis edicti sui comprehensum videtur, proinde non necessario reddendum sub culpa. Nauar. cap. 25. summa numero 46.

Dico tamen tertio, Quæ à personis fide dignis sunt audita, hæc denuncianda esse iudici, si eis non sunt ab his à quibus eadem didicimus, pro officio suo munereque exposita. Ita Nauar. in can. inter verba corollar. 65. num. 787. Sanch. supra dub. 16.

Causa est prima, quod quæ viri graues memorant, hæc fidem in populo habeant.

Secunda, quod notitia ex auditu, vera sit notitia, eaque generandæ infamiæ idonea, ut est in cap. Inquisitionis 21. de accusationib. ex cuius colligi contextu potest hæc infamiæ definitio: Est rumor ortus de aliquo crimine, non à maleuolis, & maledicis, sed à probis hominibus & honestis, sparsus per maiorem partem viciniae, in qua quis habitat, nam ut quis sit infamis, oportet rumorem esse publicum Innoc. teste in decretali inquisitionis citata parag. quasi nisi interrogatus enim Vtrum aliquis super eo crimine reputari debeat infamatus, de quo ipsum duo, vel tres, vel etiam plures dixerint infamatum, licet de ipso nihil sinistri in publico audiat. Negatiuè respondit, ac proinde ad depositionis sententiam procedendum non esse, nec propter dicta paucorum, reputandum eum infamatum, cuius apud bonos, & graues viros lesa opinio non existit, quæ si sunt vera, est & hoc longe verissimum, quæ à viris sunt grauib. dicta, hæc iudici tacèda non esse, cum ea ad se pœna excommunicationis proposita re-

## QUESTIO IX.

Qua sit causa ferenda excommunicationis pro reuelatione veritatis incognita, aut rei perditæ.

Sensus est an sit necesse præcessisse mortale in eo, contra quem fertur excommunicatio ab homine, pro aliqua rerum su-  
 B pradiatarum, ad hoc, ut eam incurrisse censeri queat, ad cuius rei intelligentiam sit

Prima assertio, Ut contrahatur excommunicatio à non parente legi Ecclesie de restituenda re aliena, aut veritate detegenda, quæ nescitur, & est occulta, prærequiritur in eo culpa lethali similis.

Probat, causa excommunicationis proxima, & immediata, est contumacia, hoc est præcepti Ecclesiastici violatio, contra obedientiam, eaque ab obfirmata in contemptum legis voluntate, consulto profecta. At  
 C est contumacia, mortalis in re graui, ut pote legis alicuius deliberata transgressio, quæ priuata peccantis, aut multorum salus ac utilitas continebatur, excommunicationis ergo quæ contra eos, qui turpi silentio veritatem obscurant, aut velant, vel alienum non restituunt, reus esse nemo potest, nisi qui in eo, culpæ lethalis maculam contrahit.

Confirmatur, cap. Romana 5. de sententia excommuni. in 6. negat Innoc. eius nominis quartus in Episcoporum iure esse, vilius audaciam censura reprimere, nisi mora in exhibenda satisfactione, vel culpa, seu offensa præcesserit, quod edicto Aurelianensi anni 1560. art. 18. confirmare Regi Carolo nono placuit: ibi enim Episcopis, eorumque Vicariis, amodo licere vetat, monitiones excommunicationi præuias, aut censuras promulgare vllas, præterquam in causa maiorum criminum, quæ sili aliter aut curari nequeant, aut publici scandali, Imbertus in praxi ca. 62. lib. 1. & quanquam hæc Ecclesiasticæ potestatis restrictio, paucis post annis, hoc est anno 1571. ad postulata Antistitū Galliz sit sublata, facultate eidem concessa in art. 18. Regiæ  
 D Constitutionis cui initium. Sur les Doyens, excommunicandi, quos ea pœna dignos repererint, modo ne contra decreta Ecclesie, sed in casibus, eiusdem Ecclesie lege licitis dūtaxat: re tamen Senatui Parisiensi, ita moderari est visum, cū promulgari est cœpta in Curia, ut arresto speciali, xris alieni nomine, excōmunicari neminē voluerit, qui creditori sua prædia vtrēda addicere potest, aut etiā addixit, interim dum ei per se, aut alium,  
 E pro



pro contractis nominibus fiat satis, ad quam auctoritatem, additur & hæc ratio.

Fraterna correctio excommunicationem ex præcepto Christi præcedat est necesse, Matthæi 18. *Si peccauerit in te frater tuus vade & corripe eum inter te &c.* At non nisi crimina sunt, aut quæ criminum instar habent, quæ à recto deerrant, quæque corrigi à superiore possunt, ac debent, ergo peccatum excommunicationi, quam monitoria præcedunt, præsupponi debet, ut quidpiam ei præuium.

Secunda assertio, Per accidens tamen, intendenda excommunicationi culpa venialis sufficit, exempli causa graue est à ciuibz alicui illatum damnum, quod tamen habito ad singulos respectu, exiguum est, ac leue, ut cum successiue, ac per vices, aliena hi ingressi vineam, eam sunt depopulati, nullo ea de re prius inter se communicato consilio, id enim si fecissent, excederet haud dubie eorum culpa venialem, cū obligatione in quolibet reparandi integri damni, in defectu aliorum, quia in moralibus idem est ex certa scientia, ac intentione, damnum irrogare, ac in illud efficaci voluntate ferri, loquimur ergo de iis, qui casu ac independentem, alter ab altero, nocent alteri, in quo, etsi non plus peccent quam venialiter, tamen pro sua quisque parte, cogi sub excommunicationis pœna, ad reparationem detrimenti illati potest: ita Couar. 1. *Variarum* cap. 3. num. 12. Soto in 4. dist. 22. q. 1. art. 2. & lib. 4 de iustitia q. 7. art. 3. Suarez disp. 20. de excomm. ab homine sect. 3. num. 3. Barbosa de officio & potestate Episcopi allegatione 96. num. 29. Suarez dist. 10. sect. 2.

Probatur, intentari excommunicatio prudenter, ac cum laude potest, cum de damno reparando agitur, aut de eo ne accidat, omni qua cura licet, impediendo, ad charitatē enim Ecclesiæ aduersus fideles pertinet, videre ne hi quid detrimenti spiritalis accipiant, ne cū est importatum, inopia aut desperatione pereant, at noxa, quæ est vero possessori vineæ, sectione racemorum, vitiumque necesse irrogata, non potest ei detrimentosa non esse, ac grauis, næ ergo ad eam impediendam aut tollendam, fulminari à Præsule, cui singulorum chara salus esse debet, excommunicatio poterit.

Patet hinc primo, ferendę censurę causam, temporale duntaxat damnum non esse, cum enim respectu cuiusque, à quo est factum, sit leue, nec magni faciendum, cum spectatur solitarie, ac proinde iustitia grauem per se obligationem eius reparandi non inferat, ex quo consequitur, non esse in superioris Ecclesiastici potestate, intra latitudinem huius virtutis, aliquam addere, quæ

fit notabilis, ac obiectum peccati mortalis, quia ut recte adnotant Suarez *romo 5. de censuris* disp. 20. sect. 1. num. 6. præsens materia nempe venialis culpa, eius non est capax, quare ei virtuti ac illius obligationi, adtexere debet aliam, nempe obedientiam, quæ ut operandi necessitatem sub mortali imponat ei, ad quem dirigitur, debet in superiore motiuum aliquod esse iustum, & graue imperandi restitutionem rei ablata, aut reuelationem occultæ, quod motiuum spiritale esse debet, suamque trahere originem à salute, tam eius cui fit imperium, quam cuius causa à superiore datur subdito, ut accideret, si restitutionem fieri esset necesse ad vitanda peccata, litesque inter verum dominum rei ablata componendas, cumque, penes quem hæc est cum eius iniuria, vel ad impediendum in legitimo eius possessore mœsitudines, ob illius carentiam, aut culpæ probabiliter in eo futuræ periculum, nempe, quia priuatus res sua, cogetur furari, aut præ inopia animi mœrore se conficiet, quia cum potestatis spiritalis, quali pollent Episcopi, finis sit salutis alienæ procuratio, ac regnorum Ecclesiæque tranquillitas, hæc demum materia censenda est proportionata esse lethali culpæ in hoc genere, qua priuata aliquorum salus, aut publica continetur, ergo si rem alienam restitui, aut occultam reuelari, intersit boni publici, aut priuati vnius cuiuspiam, aut plurium, & si de se minuta sit & exigua, cur præcipi eius redhibitio, aut reuelatio, ab Ecclesiastico Iudice sub mortali non possit, scire de aduersariis auco.

Patet hinc secundò, Ecclesiam cum excommunicationem non restituentibus alienum infligit: ad eorum culpam qui furtis suis minimis nocere Domino, respectum non habere, nam hæc fuit tantum venialis, sed ad mortalem, ab illorum quolibet illico admittendam, ac Ecclesiæ imperanti restitutionem damni ab iis facti, ob bonum spirituale læsi, contumaces & immorigeri sunt futuri, addi potest quemlibet pœnæ huic fore obnoxium, vbi grauitur se vna cum reliquis, illi nocuisse intelliget, etiamque nocere modo, parte damni minime redhibenda, cuius author exitit.

Tertiò, quia appetere, quia velle graue malū alterius, aut illi quando minimo tuo incommodo potes facile, minimè occurrere, peccatum est lethale, sed vtrumque efficit, qui pro rata nocementi, cuius est causa, domino nihil rependit quod eius sit loco, eadem enim eius esse videtur ratio, quæ illius, qui per minima furta, quorum quodlibet tantum veniale est, rem suam auget, & alienam



minuit, hic enim ubi summam attingit, quæ ad mortale sufficit, peccat mortaliter, non restituendo tam assem ultimum, quam reliquos, quia vniuersæ pecuniæ retentio, accedente ultimo asse qui est ad complementum materiæ necessarius, quæ furtum mortale constituit, domino damnosa esse incipit, proindeque lethalis, quare cum eadem in causa præsentis sit ratio non restituentis id, cuius accessio ad furta reliqua, domino non vulgariter nocuit, ut ille, ita & iste dicendus est mortale peccatum contrahere.

Confirmatur, pro mortali culpa, quam quis emendare in se renuit, innodari censura potest: at talis admittitur ab eo, qui leue damnum quo affecit alterum, non reponit, à quo tamen, vna cum eo, quod cæteri sigillatim pro se quisque fecere, graue redundauit incommodum in tertium, ad quod reparandum etiam scit excommunicationem impetratam esse, culpa (inquam) committenda ab huiusmodi homine est mortalis, quemadmodum conficit hæc ratio.

Si dedita opera, si consulto & ex pacto inter se mutuo, omnes qui sigillatim ac pro se quisque, leuiter tamen huic homini nocuere, impetum fecissent in eius fortunas, non est dubium, quin se culpâ inquinassent lethiferâ, etsi materia circa quam suæ actionis, respectu cuiusque leuis foret, at quantum ad grauitatem materiæ, culpæque quantitatem, idem est moraliter, quod multi ex certa scientia, aut conuentione inter se mutua noceant, ac ex crassa aduertendi negligentia, tantum est diuersitas in causalitate vnius, circa actionem alterius, ergo ut illi, ita & isti culpæ lethalis rei sunt futuri.

### QVÆSTIO X.

*Quid excuset ab incurrenda excommunicatione quæ fertur ab homine in hominem, in ordine ad reuelationem criminum, solutionem debiti, restitutionem scripturæ, ex qua pendet causæ victoria.*

**P**rima assertio, Quando sine magno reuelantis incommodo spiritali, aut temporario, in honore & fortunis, criminis reuelatio fieri non potest, ad eam nulla est obligatio. Ita Nauar. ca. 25. num. 50. Graphius lib. 4. decis. cap. 8. num. 34. Reginaldus lib. 9. de absolutione cap. 11. nu. 212. Sanchez lib. 6. consilior. cap. 2. dub. 22.

Probat, alteri consulere nemo tenetur cum damno suo aliquo, plusquam mediocri, secundum Sylu. verbo familia qu. 2. eo quod Ecclesia tacite hunc casum excipiat: ita non obligatur seruus herum prodere, à

**A** quo excipiendus est verberibus, subditus domino, cuius offensionem metuit, nec quilibet alius, reum magnorum criminum deferre iudici, id ab eo exigenti sub censura, si sibi ac suis mortem inde imminentem timeret, si fortunis exitium, quod certum ac propinquum, propter interminantis potentiam ac gratiam credit, & vitare nequit: lex enim naturalis, & caritas, vnicuique præcipit ut se suaque diligat Diu Thom. in 2. 2. q. 64. art. 5. Similiter potest Clericus, cui est ad testandum dicta dies à Iudice, fuga rebus suis consulere, aut veritatem de qua interrogatur simulare, si iustam existimandi causam habet, fore, ut audito suo testimonio iudex reum morte afficiat, & ita tanquam irregularis à sacris remoueat ordinibus.

Secunda assertio, *Nec seipsum reus manifestare iudici debet.* Graffius supra num. 18. Nauar. cap. 17. manual. num. 100. Auctor, inquit, incendi, aut alterius delicti manifesti occultus, non potest pœna excommunicationis compelli ad se manifestandum.

**C** Primo, quia nec reus sui accusator esse cogitur, extra Sacramentum pœnitentiæ, nec accusatus de crimine, tenetur illud de se admittere, nisi sit per testes cognitum.

Secundo, nil est rationis, quamobrem iure tuendæ famæ suæ spoliari quis debeat, ac confessione delicti, suspicionē iudici, populoque, iis de rebus facere, tanquam à se admissis, quas ipsi nosse volunt, maxime cum nemo, ut est in can. 2. causa quinta quæst. 1. semetipsum innotescere debeat.

**D** Ab assertione excipiendi sunt casus sequentes. Primus est, cum præcessit accusatio, aut infamia, qua si laborare eos constar, quibus publico in foro, dies coram iudice dicta est de furto, aut sanesunt eiusmodi, ut communiter habeantur in plebe de eo suspecti, vel certè tam aperta eius dedere iudicia, ut non nisi imprudenter ac temere, secus de iis iudicari possit, tunc enim, inquit Graffius, principalis reus qui rem detinet alienam, tenetur eam reuelare, vel restituere, si vult excommunicationem vitare.

Secundus casus eorum est proprius, qui alienas scripturas seruant, nam si hæc ad eos non pertinent sed ad alium, cum quo litigant, isti representari debent, quia in metu parisi incommodi subeundi ab utroque, præferendus est ille maxime è duobus, cuius ius est maius, illustriusque: at tale est eius, pro quo facit earum literarum possessio, sunt hæc ergo ei reddendæ, nec proinde ab eo seruandæ ad quem non spectant.

Tertia assertio, Quando sic est occultum crimen, ut de eo non præcesserit infamia, nec vero argumenta suppetant vlla, quibus probari valeat, in eo

in eo casu præceptum superioris de eo reuelando sub censura non obligat Soto *de iust.* 5. q. 5. art. 1. Nauar. 25. *Enchirid.* num. 46. Fagundes lib. 8. in *Decalog.* cap. 51. Rosella *Verbo excomm.* 7. num. 20. Nam principi præcipienti contra formam iuris, tam humani quam diuini, non necessario est parendum, cum imperia quæ ab illa forma defleunt ac abeunt, vt pote inualida, nullaque, quia non sunt iuridica, seruari non debeant, at criminis occulti reuelatio est huiusmodi, cum de eo quæstionem exercere iudex nequeat, nam contra reum progredi ei nefas, nisi cum publica laborat infamia, aut in eum, ea ab accusatore proferuntur, quæ prope fidem faciant, quorum nil accidit cum crimen ita est occultum vt de eius authore nulla habeatur suspicio.

Quid? quod nunquam sit licitum proximum traducere, cum in inuidiam ac suspicionem culpæ vocare, vnde timet infamiam, traducitur autem denuntiatione criminis, quod ab eo admissum quidem est, sed vno tantum conscio, non pluribus qui solus scit (inquit Rosella) *Verbo excommunicatio* 7. num. 20. non tenetur reuelare prælato publice, imo tenetur non reuelare publice, sed secreto vt corrigat secreta. Idem quod Rosella dicit Syl. consentit Ioan. Tabiena *Verbo inquisitio* parag. extremo, cum ait eum censuram excommunicationis vitaturum, qui non adiret Prælatus, à quo is qui clam deliquit, corrigendus esset, addit Angelus in *Verbo denuntiatio* parag. 13. cum more iudicali agunt Prælati, non cogi quempiam indicare id quod probare non potest, cui tamen indicari posset, si Prælatus partes susceperet & ageret patris.

Cum his pro veritate proposita faciunt etiam, Auila 2. parte disp. 4. dub. 9. Nauar. in *summa* cap. 25. num. 46. Panormit. in cap. nouit de iudiciis num. 41. negant enim ambo, denuntiationi locum esse in occulto delicto quod probari non potest vtiturque vltimus autoritate Glossæ in can. si peccauerit 2. q. 1. & Ioan. Andr. in cap. nouit ille de iudiciis, qui sic scribit: *Caveat denuntians quod peccatorem convincere possit, quia ei etsi sit Episcopus non creditur* 6. q. 2. can. si tantum 2. his verbis: *Si tantum Episcopus alieni sceleris se conscius nonit, quando probare non potest nihil proferat, & 2. qu. 7. can. plerumque 27. hæc leguntur. Boni viri propterea sufferunt aliorum peccata, & tacent, quod sæpe deferuntur publicis documentis, quibus ea, quæ ipsi sciunt, iudicibus probare non possunt.*

Ab assertione excipienda sunt ea crimina, quæ quanquam occulta, paucisque aut nulli cognita, sunt tamen contra bonum commune, aut priuatorum, quibus sunt vul-

gariter detrimentosa, ac noxia, de Graph. 4. decis. cap. 8. num. 33. sunt enim hæc Ecclesiastico indicanda iudici, tanquam patri, vt ea pro cætera sua pietate, paternoque erga delinquentem affectu, corrigat & à commissa sibi plebe, in cuius bonum ac salutem incubare pro charitate debet, omnino remoueat, Sylu. *Verbo excommunicatio Versu secundo dicto* 3. quod faciet, si à conscio de illis monitus, quæstionem de veritate rei constituat, vt ea cognita, in authorem facti vindex ultorque veniat.

Tertia assertio, *In quinque item casibus, nemo tenetur obsequi sententiæ, à superiore Ecclesiastico latæ, de re latente, & occulta detegenda, sub pænâ censura.*

Primus est, si est cui est hæc cognita, eam per testes, literas, aut indicia vel argumenta sufficientia probare nequeat, Henriq. lib. 13. cap. 18. Graph. lib. 4. decis. cap. 8. num. 32.

Causa est, quod sublato fine, & ea quoque tolli sit necesse, quæ ad illum, vt media referuntur ad terminum, at est omnis denuntiatio, à natura instituta, publicæ salutis causa, puniendi scilicet criminis, aut rei perditæ recuperandæ gratia, quæ duo obtineri tamen nequeunt, cum probari hæc non possunt, ergo cum crimen eo modo nescitur, quem æquitas ratioque ipsa postulat, vt fidem eius reuelans in aliorum animis, maximeque iudicis imprimat, non necessario prodire debet, cum Edictum in genere contra scientes, non alios comprehendat, quam qui eius fidem, quâ norunt facere valeant, quare in can. placuit 6. q. 2. qui desumptus est ex Afric. Conc. can. 99. admonetur Episcopus, *vt caveat ne dicat in quenquam quod aliis documentis convincere non potest.*

Secundo qui denuntiat, & non probat, præsumitur calumniator, Glossa in can. si sacerdos de penit. dist. 6. at exponere se huic infamix, nemo alterius causa debet, ergo cum probari res nequit, non est necessario manifestanda.

Ab hac assertione excipiendi sunt sequentes casus.

Primus est, cum literis monitoriis, quas nominant, nõ præcipit Episcopus subditis sibi gentibus, vt se denuntiatores præstent, ac exhibeant, sed testes, tunc enim qui facti, cuius notitia quæritur, sunt conscii, illud aperire iudici debent iuridice interroganti, quia Ecclesiæ in eo quod iubet est parendum, cum non obsequendi iusta causa nulla subest, ergo si hæc scientem, prodire velit vt testem, & non vt actorem, pro veritate quin eloquatur, ac ea denuntiet quorum est conscius, ratio cum nulla legitima excusat.

Secundus est, cum matrimonii causa agitur, nam qui scit inter sponsum & sponsam impedimentum intercedere naturale, diuinum, aut Ecclesiasticum, vi cuius stabile inter eos esse coniugium nullum queat, denuntiare illud, quamlibet probare nequeat, Deilege debet ac Ecclesie, Genuensis *ca. 2. num. 2.* Sanchez *3 de matrim. disp. 13.* Paludan *in 4 dist. 27. q. 1. art. 3.*

Primo, quia bene infomata ratio, bonis alienis consulendum docet ut suis, at quod impedimentum matrimonium dirimens, non indicetur ei, cuius est pro autoritate videre ne fiat, via est, eaque longe certissima coniugibus, ad multa scelera utpote qui cum eo impedimento futuri sint in concubinato perpetuo, quique ex eis nascentur liberi, habendi sint illegitimi.

Secundo, ideo in alia materia tacendi cuique iusta est causa, quia eam cum probare nequeat, prudentiae est, non se exponere probabili periculo subeunda calumniae, at in causa praesenti de matrimonio, cessat hoc periculum, eo quod testis vnus ad illud impedimentum inducendum sit satis, ut est in titulo capituli 12. de Sponsalibus, his verbis: *Dictum vnus asserentis impedimentum, impedit matrimonium contrahendum*, etsi qui testis, idem quoque denuntiator foret, Sanchez *lib. 3. disp. 13. num. 2.* eodem pertinet causa religionis ac fidei, in qua criminis contra eam admissi delator, habetur pro teste.

Tertius casus est, cum retentio rei alienae, quae iubetur manifestari, cum leui coniuncta est culpa, vel certe grauem non supponit, in occultanda scriptura V. C. aut re aliena subducenda factam, quia sententiae quae est nulla, non est parendum necessario sub peccato, at excommunicatio ferenda, aut lata ob culpam leuem, est nulla, ut pote quae errori intolerabili sit iuncta, deest enim causa ut supponimus, nempe mortalis culpa, cum contumacia, ergo, &c.

Secundum tempus, in quo cuius est honesta ratio, non parendi Episcopo, imperanti sub censura, rem perditam, aut auersam prodi, est cum, is qui eam habet, illam tanquam debitam detinet, aut iure compensationis, nempe ut sibi, rebusque suis consulat: ita Nauar. *consil. 75. de sentent. excommunicationis num. 8.* Barbosa *supra allegatione 96. nu. 31.* Graffius *lib. 4. ca. 8.* Quid si author Edicti, id est Episcopus, aut quilibet alius iudex Ecclesiasticus, ius excluderet legitimae compensationis, vetando nempe, ne quis sibi compensationis nomine, tantumdem de bonis alterius capiat, quantum sibi ab eo deberi existimat?

Respondet Angelus in *Verbo furtum parag.*

A 41. tale edictum utpote errori proximum, iniustum fore, proindeque culpae affinem non esse, qui edicto non esset audiens, pro Angelo pugnant Ioan. Tabiena in *Verbo inquisitio parag. extrema*, Sylu. in *Verbo furtum num. 16.* Nauar. in *summa cap. 25. num. 46.* qui omnes asserunt ius compensationis ab Episcopo, aut iudice, Edicto suo non tolli, & ita illo, eiusque poena non teneri, qui secus faceret, quam ille iuberet.

B Ratio est, quod monitoriae literae, ut diximus supra, Edictaque Pontificum, eostantum obligent ad reuelandum, qui rem iniuste penes se habent, aut haberi ab alio sciunt, ut dicit Barbosa loco citato, at qui compensationis iure, de alieno habet tantundem, quantum est ei debitum, iniustitiae non potest argui, quia habet suum.

C Secundo excommunicatio non incurritur nisi ob peccatum mortale contra obedientiam, at qui rem iuste detinet, puta in compensationem damni recepti, aut quia sibi est debita, eam non reddendo, non est praecipio Ecclesiae inobediens, cum hoc, ad rei alienae detentores duntaxat, & non veros possessores pertineat, ergo &c.

Excipiendus est casus, in quo scriptura quae reddi praecipitur sub excommunicationis incurrendae poena, aduersarii foret, ut diximus antea, non eius qui possidet, aut apud quem latet, quia cum creditoris, ac domini, conditio melior sit quam cuiusvis alterius, res ei debita, etiam cum dantis detrimento reddi debet.

D Secundo, cum ad eam retinens ius non habeat, sed aduersarius qui eam postulat, si ille hanc retinet, retinet alienum, cum obligatione restituendi quidquid damni inde sequetur.

Quid si scriptura nec est aduersarii, nec habentis, sed tertij?

Respondendum, tradendam eam esse nihilominus, quia etsi exigens ad eam ius non habeat iustitiae, illam tamen iuste, ac cum ratione postulat, Praelatus item eius exhibitionem honeste praecipit, ac efficaciter, hoc est cum autoritate, ergo is quem penes erit, tenebitur eam lege obedientiae postulanti exhibere.

E Tertio edicto obsequendum non est necessario, cum author criminis de quo inquiritur in iudicio, & quod reuelandum est, consanguineus est reuelantis Vgolinus *cap. 45. parag. 7. Versu 6.* Auila *2. parte cap. 5. disp. 4. dub. 1. concl. 5.* & eiusdem capituli *disp. 5. dub. 1. Verbo ex dictis.*

Probat, prodere se nemo tenetur Graffius *lib. 4. cap. 8.* ergo nec consanguineum usque ad quartum gradum inclusiue, cum ambo in vna personam moraliter coeant quidpiamque



piamque vnum censeantur esse moraliter,

Secundo, ea quorum est conscius reuelare non tenetur qui de iure nequit ad testificandum adigi, Vgolinus proxime citatus, Barboſa de offic. *Episcopi allegat.* 96. num. 52. at consanguinei vsque ad quartum gradum inclusiue, ad testificandum contra Gentiles suos, ac consanguineos produci nequeunt, Auila 2. parte cap. 5. disp. 5. dub. 2. conclus. 1. Gutierrez lib. canonic. *questionum* cap. 11. num. 35. nisi in casu hæresis, eo quod hæc in detrimentum commune vergat, læsæ insuper maiestatis, ac blasphemix in Deum, cuius rei est hæc causa, quod Dei honos, ac gloria, Regisque ac regni incolumitas, parentum ac propinquorum reuerentiæ præferri debeant. Consanguineorum autem nomine, intelliguntur parentes, & aliæ ascendentes, socer, gener, vitricus, priuignus, fratres, & horum filij, & reliqui intra quartum gradum, ita quæ licet isti sciant, quod aliquis cognatus retinet scripturas, vel fecit furtum, & tamē nō vult parere, non tenetur denunciare, Auila proxime cit. qui eius rei causam reddit duplicem, primam, quod amicitix fœdera inter cognatos sancta esse, firmaque oporteat, dissolui autem ea sit necesse, per reuelationem admissorum ab iis criminū. Alterā, quod filio nocere pater, denunciādo eius crimen nequeat, nisi & sibi obſit, & quidē non vulgariter, facit enim naturæ cōmunio, sanguinisque inter vtrumque intercedit, communia vtriusque vt sint mala, lædique vnus sine alio nequeat.

Secundo, complectitur etiam consanguineorū nomen, coniugem ipsam Barboſa supra n. 59. Nau. in canonē inter verba concl. 6. pro qua sententia Lazarius de monitione sect. 3. q. 11. & de blasphemia q. 12. num. 67. Menochius de arbit. casu 248. quia vir & vxor censentur vna caro, at nemo se iudici dedere, nemo se ei occidendum tenetur tradere: ergo nec vir suam coniugem accusare.

Quid si præter eos non sunt vlli, qui denunciare valeant?

Montalius lib. 2. *legum fori* titulo 8. lib. 9. Capella Tholosana in decis. q. 3. Sanch. in consil. lib. 6. cap. 11. dub. 18. n. 9. Imbertus in praxi fori lib. 1. cap. 41. docent, cum defuncti qui denunciant, aut testentur, priuilegiatōs, id est consanguineos omnes, vxoremque adeo in virum produci posse, & vice versa. Regulariter inquit Nauar. cap. 25. *summa* n. 48. priuilegiati possunt cogi ad testificandum in defectum aliorum testium, etiam maritus contra vxorem, & è contrario quæ est etiam opinio Aufreerii in q. 3. Capella Tholos. parag. tunc enim, nisi forte vterum vxor gereret, prægnansque esset, Baldus in leg. in iuri digest. de testib. nam cum tunc ad iurandum cogi nequeat, secundum

Pars secunda.

A Aufreerium loco proxime citato, nec in testē vocari potest, cum hanc obire provinciam non alii queant, ac debeant, quam iurati.

In opposita sunt opinione Gregor. Lopez parte 3. tit. 16. lib. 11. & Stephan. Auila loco citato, quam quia probabilem tutamque cenſeo, existimo priuilegiatos, cuiusmodi censendi sunt omnes consanguinei, editis Episcoporum non comprehendi, nec proinde excommunicationem incurrere, si quæ de crimine, aut re cuius gratia promulgatæ sunt monitoriæ, non responderint.

B Ratio est, quod contra ius commune non possint iudices inferiores aliquid statuere, ergo cum habeāt à iure cōmuni, id est naturali consanguinei, vt sanguine sibi iunctos denunciare non debeant, ad id ab Episcopo, aut quolibet alio iudice Ecclesiastico cogi nequeunt: Sylu. in verbo correctio q. 7. quod etſi in causis criminalibus duntaxat, valere velit, etiam in ciuilibus admittendum puto, quia cū illi sibi inuicē agnatione cohererēt & sanguine, vt contra se dicere, ita nec contra cognatos debent: vniuerſe enim loquuntur Nauar. cap. 25. num. 27. & Auila loco ante citato, nec ad criminalia eorum priuilegium reuocant, ac contrahunt.

C De seruis autem cenſeri quid debet? Eis incumbere, peræque ac cæteris, parere literis monitoriis, nisi sibi cum ratione, à Dominis verbera metuant, ac plagas, Capella Tholosana in q. 4. his verbis: *Quæritur item fuit, an familiaris vel seruator, produci possint contra dominum conclusum fuit quod sic, quæ est etiam Aufreerii opinio in eum locum, de stylo, inquit, Curia Parlamenti, non repellitur testis, si opponatur quod sit familiaris, nisi iudiciatur quod sit commensalis continuus ad primum, & ollam.*

D Quartus casus in quo non obligat præceptum de reuelando crimine, aut scriptura occultis, est, cum nihil de viroque scio nisi per auditum, & is à quo didici rem iudici exposuit, Nau. in canon. inter verba cōcl. 11. n. 321. Graff. l. 4. decis. c. 8. n. 30. quia ad eius verba fideique, mea nihil est additura narratio, ergo edito, eiusque pœna non tenebor, si ei non paruero.

E Idem dicendum est, cum res tantum est eius beneficio cognita, cui fides nulla est debita, puta quia turpibus suis, fœdisque factis est indignus, cui narranti credatur, idem censendum de pueris, quorum vt ætas leuitate est infesta, ita animus in omnes est auras, ventosque rumorū mobilis, quibus si credi oporteret, aut rumusculis qui per vicos circunferuntur vrbium imprudēter ac authore sæpe nullo, pauci aut verius nulli forent orbe toto culpa vacui, sic impune in omne

Ec



grassatur fama, sic populus malevolentiz A  
suz fumo, praelara obscurat facinora: audita  
ergo à pueris, maleuolis, aut fide indignis,  
detegenda non sunt iudici.

Primo, quia periculum habent infamiz  
consciscendz proximo.

Secundo, cum non manifestantibus in-  
fligitur excommunicatio, non alii eo intel-  
liguntur nomine, quam quibus vere de re cō-  
stat, scire enim est veritatem visu percep-  
tam, mente retinere, Graff. supra, hoc autem  
de illo dici posse quis credat, qui à personis  
leuitate sua contemnendis, aut ex aliorum  
recitatione, per vicos & plateas quidpiā in-  
telligunt: hi ergo duntaxat reuelare tenen-  
tur qui audierunt à personis fide dignis, vel  
à parte principali, nam tunc dicuntur scire,  
idque probabiliter vt ait Graff. *supra* n. 30.

Quinto excusatur qui rem quidem nouit  
quam iubetur sub excommunicatione ape-  
rire, non aperit tamen, quia habet impedi-  
mentum aliquod legitimum, quod eum à  
mortali excusat, non parendo, vel saltem à  
contumacia.

Probat, non reuelatio rei, aut criminis,  
quod imperatum est detegi per Ecclesiam, C  
non importat excommunicationem in non  
reuelante, nisi cum peccat mortaliter per  
inobedientiam, ergo si pro eo facit aliquid  
quod eum à mortali liberet, illud manifesta-  
re minime tenebitur.

Eiusmodi est primo, quod rem cuius cau-  
sa dicenda est excommunicationis nisi restitua-  
tur, certo aut sane probabiliter suā esse sciat.

Secundo, quod eam ex causa, vt ad com-  
pensationem debiti retineat.

Tertio, quod Doctōris vnus viri boni &  
eruditi opinionem sequatur, asserentis rem D  
non reddendam, nec hic & nunc parendum  
monitoriis, in iis enim euentibus, si senten-  
tiz iudicis non obsequitur, in excommunica-  
tionem non incidit, quia petenti nunc rem  
sibi, aut scripturas reddi, ius deest de Graph.  
expresse lib. 4. decis. ca. 8. n. 11.

Quarto, si factum de quo agitur, sibi non  
est nisi per confessionem cognitum.

Quia iusta nulla suppetere vnquam vlli  
causa potest violandi sacri sigilli, nec quæ si-  
bi sunt à pœnitente dicta in sacro tribunali  
consciētiz. In summa, res quælibet in impe-  
dimentis est ponenda, quæ quamuis de facto  
non sufficiat, putatur tamen talis à non obe-  
diente.

Probat, cum bona fide stare non potest  
mortalis culpa, iuxta illud Gen. 20. *Num gen-  
tem ignorantem & iustam interficies.* At opinio  
in non reuelante, iusti alicuius impediementi,  
facit in eo bonam fidem, ergo si tunc non  
obsequitur præcepto de re manifestanda sub

excommunicationis pœna non peccat.

In re autem, & non in opinione tantum, se-  
quētes causæ colliguntur omnes, aut sigillatim  
earū aliqua, à necessitate nexuq; monitoriis  
obsequēdi subpœna, in iis proposita, liberāt.

Prima, si qui rem subduxit, aut possedit, fa-  
ctus est ad eius restitutionem impotens, quia  
ad impossibile nemo tenetur, *lege impossi-  
bilitum ff. de Regulis iuris.*

Secunda, cum restituere quidem illam po-  
test, sed non commode, quia quod quis non  
potest commode, censetur absolute non  
posse, *lege nepos ff. de Verbo signif.*

B Dicitur autem aliquis commode restituere  
non posse, cum reddi ab eo res nequit, sine  
detrimento boni altioris ordinis, puta famæ:  
vitæ, honoris, Barbosa *allegat.* 96. de offic. E-  
piscopi n. 49. tit. 4. ca. 8.

Ad casus quinque supra memoratos, in qui-  
bus res denuncianda non est sub peccato, ad-  
dendus est sextus, nempe cum hæc tantum  
scitur, via consultationis, secreti, aut aliter,  
nec enim Ecclesiasticum præceptum vt po-  
te humanum, præualere potest naturali, at  
natura admonet non esse euulgāda temere,  
ac facile, quæ alicui sunt sub secreto credita,  
non sunt hæc ergo ad superioris mandatum  
detegenda Nau. c. 25. n. 42.

Excipiendus est casus, in quo, ex taciturni-  
tate non reuelantis vi edicti Ecclesiastici,  
id quod nouit magnum alicui in fortunis, aut  
vita, damnum impenderet, nam tunc præcep-  
tum de secreto seruādo, Ecclesiastico post-  
ponendum foret, de reuelādo crimine, quia  
cum præcepta plura cœunt, quæ simul seruari  
nequeunt, maius minori, strictius laxiori,  
minusque obliganti præualet, at faciunt pro  
reuelatione imperata præcepta duo, Eccle-  
siasticum quidem, & naturale de auertendo  
magno proximi incommodo, quorum præ-  
ceptorum vis est haud dubiè maior, quam  
naturalis de secreto non prodendo.

Secundo, non sunt pacta conuenta iniqui-  
tatis vincula, essent autem, si obstatet pro-  
missio de seruanda fide, ne innocentis dā-  
num caueretur, ergo si quæ alicui sunt dicta  
sub secreti fide, sunt talia, quæ non detecta in  
aliorum damnum redundarent, hæc superiori  
silenda non erunt, Nau. c. sum. 25. n. 42. ma-  
xime si impediri via alia damnum quod me-  
uitur nequeat, & tunc inquit Nauar. non est  
detegendum aliquod vltra necessarium, ne-  
que quantum est necessarium, si maius ex eo dam-  
num fame, in eum qui detegitur, quam in damni-  
ficationem, damnum bonorum redundat.

Dixi via secreti consultationis, aut sigilli sacri,  
nam si res est aliter cognita, ad præceptum  
est Superioris manifestanda, ob bonum  
commune, & priuatum læsi.

Tertio,

Tertio, fides secreti, vim non habet obligandi contrarius, damnumque alicuius tertii ut enim est in lege pacta quæ *Cod. de pactis. Pacta quæ contra leges, constitutionesque vel contra bonos mores sunt, nullam vim habere indubitati iuris est.* Huic legi par est illa, quæ est in eodem *Cod. eodemque tit. & Cod. de inutilibus stipulationibus. lex ex instrumento.* Omnia quæ contra bonos mores, in pacto, vel stipulatione deducuntur, nullius momenti sunt.

At est contra ius Superioris, quod eius imperio præponatur secreti ratio, contra autem bonos mores, quod ne violetur secreti fides, sinatur quis damnum pati cui charitas occurrere, cum commodè licet, iubet.

Septimus casus in quo ad superioris præceptum, non est rei scitz facienda reuelatio, est, cum hæc creditur futura inutilis, eò quod iudex animo est in reum propenso plusquam est iustum, aut certe ad vindictam criminum nimis remisso,

Octauus, cum is ad cuius emendationem, & partis læsæ satisfactionem, reuelatio quaeritur, est iam emendatus, ac parti satisfecit, aut probabiliter speratur emendatio, & partis satisfactio: *Regin. 10. 2. lib. 9. c. 11. n. 212. P. de Nayar, lib. 2. de restitut. cap. 4. nu. 216.*

Ratio est, quod cessante causa, cesset quoque edicti seu monitorii obligatio, ac causa excommunicationis ferendæ pro rebus deperditis, quæ non redduntur cum possunt, est peccantis correctio, & læsi extra damnum positio, recuperatione rei suæ, ergo si verumque est factum, causa iam nulla superest, reuelandi eius, qui criminis author esse creditur, quas non deferendi causas legitimas complexus est his verbis *Nau. in summa cap. 25. n. 46.*

Septimo, Peccat qui absque causa non paret iudici præcipienti, ut denuntiet talia & talia crimina, vel debita, & est excommunicatus si mandatum fuit sub pœna excommunicationis lata sententia, & tenetur restituere, dixi absque causa quia multa excusare possunt, quorum primum est, quod peccatum est occultum, aut peccator iam emendatus, aut sola fraterna correctione emendabilis, tunc enim non est parandum ante fraternam correctionem. Secundum defectus probationis peccati denuntiandi. Tertium quod a talibus, & taliter audiuit, ut ob id moueri non debeat. Quartum denuntiatio eius a quo audiuit. Quintum nosse eum qui furatus est, vel tenet illud, retinere in compensationem alterius tanti vel pluris quod sibi debetur. Sextum quod per solam sacramentalem confessionem nouit. Septimum quod per solam secretam consultationem pro Concilio habendo nouit.

Patet ex dictis primo ab eo qui non est soluendo et si vere rem sit furatus, quam iubetur reddere sub excommunicatione, eam

A pœnam non contrahi, quia impossibile nullum est obligatio de regulis iuris in 6. incurritur autem illico, ac ei suppetet unde creditori satisfaciatur, quia durat lata contra eum sententia, cuius tamen est executio ob paupertatem suspensa.

Quid si non potest integre quidem contracta nomina dissolvere, sed ex parte?

Respondend. ad id teneri iure quam optimo, quia quado præceptum est de re quæ partes habet, si tota nequit, certe pars eius quæ potest, præstari debet, alioqui peccabitur.

B Patet secundo excommunicationis subeundæ sententia contra scientes lata, nisi reos superiori iudicent, eos non teneri, quibus certo constat, rem ex debito legari, aut in compensationem alterius debiti realis, aut operæ eius domino exhibitz, substractam esse ab eo cui merces sua non est soluta, nam istum in præsentia materia lex cogere nulla potest ad se prodendum iudici, ergo nec istos ad illum indicandum, quia ubi principalis non tenetur reuelare, nec accessorij *Graff. supra nu. 12. quia accessorium sequitur naturam principalis de reg. iuris in 6. reg. 42.* Certo dixi quia si anceps esset, dubiaque retinentis probitas, nec sciretur, ei iustam esse causam seruandæ rei quam habet, aut subduxit, sententiæ de ea manifestanda parendum foret, quia in dubio melior est possidentis conditio, quam non possidentis: at est Ecclesiæ præceptio in possessione, præferenda est ergo dubio, de iustitia retentionis rei alienæ à tertio, hoc est eo apud quem esse scitur.

C Patet tertio, uxori ac liberis censuram timendam non esse, si non reuelent quæ ab istis, & illa, sunt de re patris, qui omnia dilapidat, clam sublata: ab illa quidem dotis nomine, ab istis autem ne fame pereant, habeantque unde parce, honeste tamen pro vitæ suæ ac generis conditione viuant, quia cum in eo non peccarint, nihil est magnopere, cur edicto obtemperandum sibi existiment.

## QVÆSTIO XI.

E An Episcopo sub pœna excommunicationis id iubenti, denunciari debeant, qui ordinem compensandi sui non seruauerunt, sed prætermisissis antiquis creditoribus de bonis debitoris sui, sibi satisfecerunt.

EXigit quæstionis huius explicatio intelligentiam alterius, nempe, an ius priorum creditorum, quibus prius satisfieri oportet, compensationi moram ac impedimentum afferat.

Dubitandi causa inter reliquas, non vltima est, quod lege ciuica debitor eiusque hæres, iubeantur damna præstare omnia creditoribus, si his præteritis, eoque qui habet hypothecā priorem, aut priuilegiatam, posteriori creditori soluat, à quo nihilominus quicquid isti solutum fuerit, recuperare autoritate sua, aut iudicis, impunè illi possint, ac sine crimine lege scimus 22. parag. et si præfatam Codice de iure deliberandi.

Hæc dubitatio, quæ percellere solita est multorum animos, in eam opinionem quosdam induxit ut crederent, compensationis nomine, capi aut retineri de bonis debitoris nihil posse, nisi prius creditoribus satisfiat, tempore prioribus, quod eorum ius sit potius quam possessoris, iuxta iuris axioma. *Qui prior est tempore, potior est iure.*

Mihi contra de re tota, paulo attentius cogitanti, videri solet, creditori ius esse compensandi sui, nec necessario curam ei suscipiendam ullam esse de creditoribus reliquis, quibus debitoris bona nondum sunt addicta.

Primo, quia non est æquum, rem illum suam amittere, cum possit recuperare.

Secundo, cum creditori iusta est metuendi causa, ne debitor versuram faciat, potest hic per iudicem adigi, ad preces vnus de illis, ut capione supellectilis, aut carcere, si est opus, contracta dissoluat nomina, etsi hic à quo prædicto debitori dies est dicta apud iudicem pro impetranda solutione debiti, tempore multis aliis sit creditoribus posterior, inter quos tamen nullum est prælationis priuilegium docent Nauar. cap. 17. num. 13. Syluest. restitutio 6. qu. 8. Less. lib. 2. de iustit. cap. 15. dub. 5. num. 39.

Causa est, quod sua eum diligentia, quæ hypothecæ instar est, aut priuilegij, potior rem facit cæteris, sic enim Sylu. loco citato: *Si creditor vigilauit, exigendo debitum in iudicio, vel extra, potest, imò debet, et debitor soluere, antequam bona debitoris autoritate iudicis incipiant possideri, Nauarri par similisque oratio est, num. citato. Quando creditor in petendis debitis suis in iudicio, vel extra illud, fuit aliis diligentior, non solum potest, sed etiam debet, prius illi, quam aliis soluere, modo alij non sint magis priuilegiati.* Iam ergo sic disputo creditori licet, ius suum apud iudicem prosequi: ergo & per se exequi, retinendo tantum de bonis debitoris, quantum ei credidit, sicut perspicuis verbis permittit lex postrema Cod. de compensat. sic enim loquitur. *Compensationes ex omnibus actionibus, ipso iure fieri sancimus, nulla differentia in rem, vel in personalibus actionibus inter se obseruanda.*

Confirm. sui quisque præ aliorationem

A habere potest, ut enim vita mea, mihi cuiuslibet alterius, carior esse debet, ita me, mea-que, plus diligere debeo, quam quemlibet alium bonaque eius, hoc enim recta caritas exigit, at peruerteretur hic eius ordo, si in recuperanda re mea, cogitare deberem, vtrum is apud quem est, anterioribus creditoribus aliquid debeat, quorum ante merationem habere debeat, sic enim eius commodis, sic eius rei domesticæ, ac familiari, magis quam meæ consulerem. Quare cum se dat opportunitas, cum loci, temporisque ratio patitur, potest sibi quisque creditor ius dicere, seque compensare, quare non peccat accipiendo suum debitum, quod diligentius petiit, si alij non sunt magis priuilegiati, Nau. supra, cautioque hæc seruetur.

Prima, ut moraliter constet, rem sibi ex iustitia esse debitam, nam si dubitat, si anceps animi, dubiusque vacillat, modo in hanc, modo illam inclinans partem, manus ab ea, animumque absteineat est necesse, quod melior sit in dubio possidentis conditio. Idem dicendum, cum non nisi ex gratitudine re est debita Less. c. 12. dub. 10. n. 58.

Secunda, ut si rem maioris pretij æstimationis, quam quæ est debita, ceperit, reponat quod est ad æqualitatem necesse.

Tertia cautio, ut aliter recuperari nequeat, vel non sine molestia, ac labore, puta quia debitor gratus est iudici, creditori autem infestus, parumque placabilis, vel si est vtriusque ex æquo studiosus, periculum est tamen, ne si adeatur, amicitia quæ multis vicissim officiis, inter creditorem coaluit, intereat.

Quarta, ne è tali compensatione, damnum erumpat, aut graue malum, ut scandalum, infamiam, iacturæ æstimationis propriæ, qualis est timenda, cum iusta metuendi est causa, ne compensanti lis intendatur, tanquam furi, tanquam alienæ rei iniusto raptor, quod est admonitum Lessij loco proxime citato num. 60. vbi duo ad rem præsentem non parum vtilia, in commentarios retulit.

Primo enim cauendum esse ait, ne iterum peti id possit, ad quod abscondita sufficiunt.

Secundum, cum à iudice, de loco superiore frequenti populo edicitur, ut qui rem aliquam habet, quæ in pæculio creditoris erat, aut haberi scit ab alio, hunc sibi pœna excommunicationis proposita denunciaret, non teneri se prodere, qui compensationis iure eam possidet Nauar. cap. 17. manual. num. 134. nec qui eam pro eo absconditam ac latentem seruat, quia edicto suo iudex, eos dumtaxat ad manifestationem rerum de quibus est quæstio, adigit, qui alienum possident, at ius compensationis efficit, ut qui eo est



est vsus, intra iustitiæ limites, alienum nihil habeat, nullo ergo iure, se bonaque quæ à debitore suo abstulit, iudici aut Episcopo sistere compellitur aut denunciare, nisi in casibus, qui sequuntur.

Primus est, quando debitum erat dubium.

Secundus, quando plus longe, sibi de alieno attribuit, quam quâ tum erat ei debitum, proindeque & licitum.

Tertius, cum rem accepit, quæ debitoris non erat, de bonis enim quæ propriè sunt eius, non alterius, fieri debet compensatio. Et quanquam multorum opinione, compensationem hanc depositum non admittat, ex decretali *bona fide de deposito & lege extrema Cod. de compensationib.* oppositum ramen videtur Lessio probabile *cap. 27. dub. 4. num. 16.* saltem in foro conscientiæ, quando rei recuperandæ alia non suppetit ratio, quia iure naturæ, & gentium, potest sibi quisque ex re aliena satisfacere, quando aliter solutionem non potest obtinere, quæ est sententia Less. supra Nauar. *cap. 17. num. 115.* Emm. Sa verbo *deposit. num. 4.* his verbis: *Potest in conscientia & depositum, & commodatum pro debito detineri, quicquid sit de foro exteriori in quo ut tradunt Sylu. verbo compensatio num. 3. Panormit. & alii, datur etiam indirecta compensatio, quæ definitur, retentio rei acceptæ, donec fiat solutio, directæ, est debiti & crediti inter se contributio, Scholiastes Angeli parag. 12. verbo depositum.*

Ex dictis facilis est ad quæstionem initio positam responsio, neminem teneri prodere cum de creditoribus, qui cum modificationibus allatis; sibi prius aliis de bonis debitoris satisfacit.

## QVÆSTIO XII.

*An imperata a iudice reuelatio, Euangelicæ correctioni officiat.*

**D**ico primò, *Correctionem Euangelicam, denuntiationi præmittendam esse, cum pro futura speratur, & nondum præmissa fuit:* Ita Nauar. in can. inter Verba 11. q. 3. concl. 6. corollario 66. & Enchirid. *cap. 17. num. 134.* Fagundez in 8. præcept. lib. 8. cap. 51. num. 3. Comitol. in responsionib. lib. 6. q. 4. n. 4.

Causa est, quod superior, quæ sunt diuini iuris, ac naturalis, euertere præcepto suo nequeat, non sunt hæc enim eius potestati obnoxia, nec talia, circa quæ accidere possit vlla mutatio, ut enim natura statuta est, inuariabilis ac perpetuo eadem, nec proinde de earum rerum genere, quas arbitrio emouere suo vlli sit licitum, ita quæ à Deo sunt

**A** præcepta, in iure non sunt hominum, sed Euangelica correctio, id est secreta, iuris est diuini positiui Matth. 18. *Si peccauerit in te frater tuus vade & corripe inter te, & cum solû, si te audierit, lucratus eris animam eius &c.* quod ipsum etiam ratio, naturaque præcipit.

**B** Nam quis nescit bene informatum animum præcipere homini, ut quàm minimum famæ alienæ noceat, nihilque non faciat, ægro medicinam ut afferat, priusquam nescientibus ac ignaris, plagas eius, vulneraque prodant, ergo si fraterna correctione, peccanti potest consuli, eam ante denuntiationem non oportet omitti, nec secus præcipere Superior potest, aut ne adhibeatur vetare, cum eius iussa, legi naturali ac diuinæ consentanea esse debeant, alioqui errorem continerent non ferendum, nec obligationem ut eis pareretur, haberent vllam.

Dico secundò, *Si monitus non sapit, si post correctionem Euangelicam, obstinati animi duritiem reus non ponit, si superiori, ut ante, obsequi remittit, hunc ei, eiusque crimen manifestandum videri.*

**C** Primo, quia tum si quando, Christi seruatoris præceptum vim habet, dic Ecclesia si Ecclesiam non audierit, &c. Matth. 18.

Secundo, cum ipsi per nos non possumus, ad salutem proximi promouendam, Deique gloriam, aliena uti opera est necesse, ne se charitas læsam queratur ac dicat, utimur autem, cum criminofum nostris non emendatum sermonibus ac monitis, nec iudici paratum obsequi, eidem deferimus reuocandum in viam, ac cohortatione sua sanandum, vel carcere ac censura Ecclesiæ plectendum,

**D** ut est meritis.

Dico tertio, *Superioris edicto de manifestando delicto, eius auctore, aut re auersa, obtemperandum necessario non esse, cum eam restitutam vel læso satisfactum, auctoremque emendatum esse constet, conclusionem subscribunt P. de Nauar. lib. de restitut. 2. cap. 4. part. 2. dub. 9. num. 217. Toletus lib. 5. summa cap. 57. num. 3. Nauar. cap. 25. num. 33. Fagund. lib. 8. in præcepta Decal. cap. 51. num. 4.*

**E** Ratio est, quod cessante fine, cessare etiam quoque oporteat quæ ad illum ordinantur ut media: Iam hoc quarto, Iudici denuntiationem criminis, aut occultæ rei imperanti, quid sit præ cæteris propositum maximè? Opinor, quod res ipsa loquitur, docetque vsus, sistere in cursu vitia, ne ad insontium exitium porro pergant, & sciant, reparare si quid detrimenti vlli intulerint, in bonam frugem, mali fontem ac auctorem, metu pœnæ reuocare: ergo si est id opera sua diligentiaque assecutus, qui vitæ eius, operumque concius, hominem à continuando dehor-

C c iij



ratus est scelere, quid eum adire iudicem est A  
necesse, ut quod ipse magna sua laude ob-  
tinuit ab homine, per eundem iterum fieri  
expetat?

Excipiunt summarum authores hære-  
sim, qua qui semel sunt infecti, ut probe  
singunt animum, seque ad fraudes compo-  
nunt, fidem eiuratae suae improbitatis facile  
non faciunt, quare eis non nisi ægre, ac iura-  
tis credi debet, ideoque ne noceant, iudici  
sunt denunciandi, Fagund. supra, ac contra  
eos, quando & quoties hic imperat, oblici si  
quid in fide, vita, & moribus queat, unicui-  
que vere & planè incumbit dicere.

A prima assertione, in qua admonitionem  
præmittendam esse denunciationi dixi, ex-  
cipiendi sunt casus sequentes.

Primus cum peccator præsumitur incorri-  
gibilis.

Secundus, cum timetur magnum dam-  
num, & periculum est in mora, si expecte-  
tur admonendi opportunitas Graffius lib. 2.  
decision. aurear. ca. 69. n. 15.

Ratio est, quod commune bonum priva-  
to vnius cuiuspiam anteferri debeat, ex hoc  
capite concludit hic author in causa hære-  
sis, factæ coniurationis in Remp. aut corru-  
ptelæ in fide, moribusque, periculo item dis-  
seminandi erroris in populo, ex quo virtuti  
labes, religioni interitus imminet, Præla-  
tum adeundum illico, deque imminente pe-  
riculo syncere eum edocendum, omissa  
correctione Evangelica.

Tertius casus est, cum non speratur profu-  
tura correctio, tum enim in ea operam po-  
nere, quid est aliud quam bonum otium in  
nugis perdere?

Quartus est, cum sibi quis à peccatore me-  
tuit, cum verbera, opprobrium, aut amicitia  
cum eo olim contractæ iacturam ti-  
met.

Quintus, quando iisdem quibus ille sce-  
leribus est infamis, tunc enim inquit August.  
lib. 2. de sermone Domini in monte cap. 30. non  
reprehendi aut obiurgari, sed inuitari debet  
ad pariter cauendum nobiscum, Diu. Tho.  
in 2. 2. qu. 33. art. 5. fraternæ correctioni pec-  
catum præteritum officere ait propter tria,  
primum, quia inquit ex peccato precedenti, indi-  
gnus redditur ut alium corrigat. Secundo, red-  
ditur indebita correctio propter scandalum ex  
correctione si peccatum corripientis sit manife-  
stum. Tertio, propter superbiam corripientis, in  
quantum scilicet aliquis propria peccata parui  
pendens seipsum proximo præfert, in corde  
suo.

### QVÆSTIO XIII.

An Prælato præcipienti, ut si quis furem none-  
rit, eum denunciaret, parere sit necesse.

Dico primò, Furem, culpæ reum non esse,  
si Prælati decreto non obtemperet, Graph.  
lib. 2. cap. 69. Iulius Clarus lib. 5. recepat. in  
præctica criminali q. 16.

Ratio est, quod reus, sui accusator esse  
non cogitur extra Sacramentum pœnitentia,  
nec crimen suum prodere: est enim contra  
caritatem, qua se quisque debet profe-  
qui, arma hosti in manus porrigere quibus  
pereat, quo se peccato maculat, temeritatis,  
scilicet ac odij aduersum se taciti, qui de se  
ea confitetur, quibus in suspicionem iudici  
de iis rebus veniat, quas capite suo luat.

Confirm. ad id adigi superioris imperio  
aliquem, quod naturali, diuino, ac humano  
iuri repugnat, malum est, eiusmodi est oc-  
cultorum reuelatio per eum facienda cui  
sunt nota.

Et quidem de naturali probatur, Naturæ  
repugnat ut quæ sunt aliena à scientia pu-  
blica, hæc iudicio subsint publico, in quo præ-  
ter reum & iudicem, requiruntur accusator,  
& testes, qui crimen ore, fideque sua proba-  
tum, omnium subiiciant oculis, quod cum  
accidit, haud dubiè non est occultum.

Deinde natura non patitur, ut idem sit  
agens & patiens in damnum suum, quod ra-  
men usu veniet, si se fur, aut quilibet alius  
delicti occulti author, seipsum ad iudicis edi-  
ctum prodere debet.

Esse similiter contra ius diuinum, vel hinc  
patet, quod contra Sodomam, sententiam  
mortis ac exitij Deus non dixit, nisi post-  
quam eius libido nota fuit omnibus, deque  
ea publice, ac in omniū ore male hæc audire,  
infamisque extitit: clamor (inquit Deus) So-  
domorum ascendit ad me & descendam &c.

Et de Cain Genes. 4. dicitur, Quid fecisti?  
Vox sanguinis fratris tui clamat ad me, iuti ex-  
go naturali ac diuino repugnat, cogi quem  
seipsum prodere iudici culpamque suam,  
E quandiu est hæc secreta, nullique nota.

Aduersatur etiam canonico nam extra de  
accusatio. cap. inquisitionis 22. vetantur Supe-  
riores de vilo quæstionem habere, aut sen-  
tentiam dicere, qui non laborat infamia, ve-  
ra est ergo allata pro assertione eius confir-  
matio.

Secus quam nos opinantur Sylu. in verbo  
correctio q. 9. Graph. l. 2. decis. c. 69. n. 31. sen-  
sumque suum probant autoritate Greg. pri-  
mi, quem (aiunt) pœna excommunicatio-  
nis

nis proposita iussisse cuidam, qui peccatum responsali suo affinxerat, ut se proderet. Quia quisquis, inquit, veraciter loquitur, semetipsum innotescere non debet formidare, oportet, ut publicè exeat, & quaecunque in contestatione sua loqui præsumpsit, ostendat. Quod si non exierit, neque publicè confessus fuerit, quisquis ille sit, qui hoc agere præsumpsit, vel consensum intēcata iniquitatis consilio præbuit, ex Dei, & Domini nostri Iesu Christi Spiritu definimus, ut sancti eius corporis & sanguinis participatione priuatus sit, Gregor. lib. 5. epist. 36. siue c. 130. & refertur 5. q. 1. can. 2. Ad hanc auctoritatem.

Secundum argumentum nobis opponit Sylu. nepe quod sententiæ iustæ sit parendū qualis cēlenda est, (inquit) quæ nihil illicitū continet, cuiusmodi est, ait, quæ reuelationē rei etiā occultæ præcipit, aut personæ, de qua nulla præcessit infamia, quia mandatum superioris intelligendum est secundum ius, ordineque Euangelico seruato.

Obiicit 3. si occulta exponi iudici id mandanti nequeunt, maxime quia probari non possunt, nam denunciationi locum in huiusmodi non esse, dixerunt Panormit. in cap. nouit de iudiciis num. 41. & Ioan. Andreas ibid. ubi sic scribit, caueas denunciari, quod peccatorem conuincere possit, quia ei aliter etiam si sit Episcopus non creditur 5. q. 2. can. si tantum & can. placuit, at id denunciationem occultorum non impedit, nam probatio rei iudicandæ, aut iudicandæ, ei tantum incumbit, qui voluntarie, & non coacte, & à iudice astrictus aliquid denunciat, quod hic locum non habet, cum denunciari non nisi iussus id faciat, vi scilicet edicti de re, aut persona declaranda.

Sed respondendum argumento priori (nam de mente Gregorii postremo nobis erit sermo) respondendum (inquam) negatione minoris, si in ea agatur de delictis secretis, quæ in aliorum iniustam perniciem non vergunt, nam ut eorum denuntiatio est iniusta, ita & imperium quod de ea facienda manat à Prælato ad subditos, nam potestatis humanæ limites excedit, præcipere ac velle ut in foro, ubi tantum publica agitantur crimina hoc est notoria, aut de quibus est infamia, secreta, quæque carent testibus, argumentis, ac probationibus euulgentur.

Argumenti alterius est itē neganda minor, & ad eius. Confirmationē dicendū, pertinere ad denunciantis officiū, probare denunciata, aliter peccat mortaliter infamando iniuste proximum excommunicatio enim cum sit actus iurisdictionis exterioris, non comprehendit nisi delicta in exteriori foro perspicua, aut quæ testibus reddi possunt talia.

A Ad factum Gregorii ex citato canone petitum respondendum primò, probabile esse, de authore criminis huius, præcessisse infamiam, aut indicia extitisse tam clara, perspicuaque, ut hæc argui nisi ægre, mendacij non possent, in quo casu, reo de se fatendum, iudicique id præcipienti sub pœna in edicto proposita obsequendum esse dixere auctores qui paulo ante Sylu. verbo correctio q. 8. & in verbo dubium q. 1. de Graphiis n. 28. Est autem infamia in præsentī materia, sermo communis populi, seu antecepta vulgi animis opinio, quod ab hoc aut illo, certo sit patrum facinus, de cuius auctore ambigitur in iudicio. Infamia enim, & ignominia (inquit Cornel. Front.) hoc differunt, quod ignominia imponitur ab eo, qui potest animaduersione notare, infamia ex multorum sermone nascitur, ut enim hæc quæ iuris dicitur auctoritate sola legis nominatim infligitur, unde ex famosis actionibus condemnatus, iustam contrahit nominis maculam, ita infamia facti, ex ipsa rei indignitate secundum censuram bonorum virorum est, lege 2. digest. de obseq. à liberis & libertis parentib. præstand.

C Respondend. 2. ita præcepisse Gregor. quod in ea opinione esset, à qua abire, cum non sit in re, materiaque fidei, puto cuique esse liberum, quod si non erit ad stomachum hæc responsio. Addi tertia poterit, fuisse qui famosi huius libelli authorem contra responsalem Greg. accusaret, cuius solius voce, suffragioque, damnari cum non posset, aut certo peragi criminis, iussisse Gregor. (quod poterat) se sibi ut sisteret, nam cum semiplene ut loquuntur delicta probata sunt, aut de iis est aliqua infamia, vel indicia fortia, teneri reum se iudici prode, ac admitta recognoscere. Doctorum est opinio apud Graph. loco ante citato.

D Responsio quarta, excommunicationem latam à Gregor. non cadere supra debitum reuelandi delictum commissum, sed supra id quod erat futurum, si Sacramentum corporis Christi, in illo peccato sumeret, nam cum is qui alienæ famæ iniuriam intulit, eam restituere teneatur cum iactura propriæ, si nequit aliter, nec ex tali restitutione periculum ei capitis imminet, recte excommunicari à Gregor. potuit, qui libellum in responsalē suū scripserat nisi se proderet, eo quod non se manifestando, iniuriam illatam detractione sua non reparabat, cum qua culpa pasci Christi corpore, & sanguine potari, quid erat aliud, quam diem sibi contempti Christi dicere, nouoque se crimine impiare à quo prædicti libelli auctorem ut deterreret Pontifex, sumptioni corporis Christi & san-

guinis tam indignæ, excommunicationem addidit.

Dico secundò, *Conscium facti criminis non teneri vi edicti, aut præcepti Superioris, illud ei detegere, cum ipsi soli est cognitum, scitque eius auctorem id nosse, nisi forte in Reip. bonique communis, aut proximi perniciem vergeret.* Longus part. 2. de iudicio regulari casu 5. de denuntiis.

Ratio est, quod cum magno suo incommodo, aut eius subeundi certò periculo, superiori obsequi non sit necesse, nam quis credat id eum velle? at magna sunt, eaque indubia argumenta offensionis, ac simultatum futurarum inter eum, & reuelantem eius peccatum, si hoc eius solius conscientia scit teneri, nam cum à iudice sistetur ad prætorium, super eo dicturus causam, ut est hominum suspicax ingenium, in eum solum nominis sui ad iudicem delati causam referet, & sic contracta inter eos amicitia solvetur, regnabit odium, non sine periculo faciendæ iacturæ in fama bonisque, cui se ut pareat iudici, eiusque faciat imperia, exponere nemo tenetur in conscientia. Claudam hunc locum insigni testimonio Graphij, hic ergo num 32. cap 68. lib. 2. sic scribit, *In casibus, in quibus reus, siue qui scit delictum, tenetur reuelare, considerandum est quod non tenetur reuelare iniuriam passio, quia hoc esset odia nutrire. Item si hoc mandatum esset generale, non tenetur reuelare iudici publice, quando non potest probare, sed bene secretè ad correctionem. Si tamen iudex præcipit quod vult sibi dici in iudicio, debet intelligi, salvo ordine Evangelico, quod si vult iudex ut probet, cum non possit, & denuntiet ante correctionem, non tenetur, quia sententiâ continet intolerabilem errorem, Armilla in Ver. excommunication 31. Hæc ille.*

Confirmatur, Occulta & quæ probari nequeunt, puniri nec debent nec possunt, ergo nec reuelari ad mandatum iudicis.

Anteced. probatur pœna de infonte repeti nulla potest. At quâ diu crimē de aliquo non probatur, innocens habetur: ergo &c.

Conseq. probatur, cum potestas iudicis, forum publicum respiciat, hicque rei punitionem intendat, non potest præcipere, nisi ea quæ eò, ut ad finem tendunt, at occulta, eorumque reuelatio, ad pœnâ infligendam nocenti non sufficiunt: unde in decretali inquisitionis 21. & tertia dubitationis de accusationibus respondit Episcopo Gebenn. Innocent. III. *nullum esse pro crimine, super quo aliqua non laborat infamia, seu clamosa insinuatio non præcessit propter dicta huiusmodi, puniendum, quinimò depositiones contra eum recipi non debere, cum inquisitio fieri solum debeat, super illis, de quibus clamores aliqui præcesserunt, quare de-*

lictum licet sit notorium, si tamen persona quæ illud commisit est occulta, non subest potestati iudicis, quia illa quæ non subiacent scientiæ publicæ, publico quoque non subest iudicio Lud. de Beia in responsionib. parte 2. casu. 2.

Secundo quæ iuris sunt naturalis aut diuini, hæc abrogari à iudice nequeunt, hunc enim obsequi Deo ac naturæ conuenit, eorumdem obtemperare legibus, nō has refingere, antiquare ac tollere: at occulta regi iuris est naturæ, nisi sint prodictiones, aut hæreses, similiaque crimina quæ in damnum publicum cedunt, ergo ea detegi, reuelari, ac manifestari sibi, aut alteri pœna excommunicationis proposita, præcipere iudex non potest.

Quod occulta velari natura iubeat, nec in apertum trahi: conficit hæc ratio.

Alienæ nocere famæ, tam Dei, quam naturæ iura vetant. ob causam iustitiæ lege est restituenda cum aufertur, secundū D. Th. 2. 2 q. 62. ar. 2. ergo & occulta proponere crimina per quæ aliena fama læditur, culpa est, eaque iniustitiæ, ergo ut id fiat, præcipere iudex non potest, & si faciat, nulla ei sic iubenti debetur obedientia, plerumque enim (ut est in homil. August. de poenitent. & refertur 2. q. 7. can. 27.) boni viri propterea sufferunt aliorum peccata & tacent, quia sæpe deseruntur publicis documentis, quibus ea, quæ ipsi sciunt, iudicibus probare non possunt.

#### Q. VÆSTIO XIV.

*An obligatio reuelandi ac denuntiandi criminis furti V. C. exspiret elapso termino, à iudice ad eam rem præstituto, ac in edicto suo posito.*

Cum crimina sibi detegi iudices imperant, aut alia, quæ sciri Reip. ac boni communis interest, certum tempus diemque præstituant singulis, V. C. decimum, aut nonum, à die promulgati edicti, quo illis obsequi, remque sibi, si qui forte eam norint, clarè narrare ac perspicuè oporteat. Quæritur ergo, an exacto dierum decem spatio, quo clauditur iudicum præceptio, hæc sic cesset, ut nulla postmodum lege, eius conscij, ei teneantur obsequi, si forte aliquid ipsi de crimine, aut re norint, de qua doceri iudices volunt, quam eosignare ad salutem communem aut priuatam proximi non oportet, & de eo duplex est opinio.

Prima negantium, quam propugnant Suar, *tom 5. de censur. disp. 20. sect. 3. nu 14.*

Lazarus



Lazarius Papiensis in suis questionibus. canonic. A  
sect. 2. q. 6. n. 5. Sanchez. de matrim. l. 3.

Secunda opposita, priori meo iudicio probabilior, elapso termino qui ad reuelandum est præfixus, dierum V. C. nouem aut decem, obligationem præcepti Ecclesiastici extinctam esse: Ita Anton. Genuens. in praxi Neapolit. cap. 1. num. 7. Fumus verbo excommunicat. 4. parag. 4. Beia 1. parte casuum casu 47. Armilla Ver. excom. parag. 34. opinionis huius sunt hæc firmamenta.

Primum, censuræ vis est nulla, nisi secundum voluntatem iudicis eam promulgantis, at temporis, at dierum designatio, intra quos reuelari rem sibi iudex imperat, est tacita quædam per eum facta declaratio, quod ultra hos dies, neminem edicto suo comprehendere velit, si enim aliud ei in mente foret, diem utique decimum non apponeret, ergo eo transacto, cessat omnis edicti obligatio: quare qui eo toto absuerunt tempore ab urbe, ubi eius facta est promulgatio, aut ad quos eius postea atrepsit notio, eo finito, de re quam sciunt, aut crimine, eloqui nihil, aut detegere sub peccato, eiusque pœna debent, res est enim plena odij, quam proinde extendi, ac v'tra præstitutos sibi limites prorogari non conuenit, cui hæc ergo non nisi post definita temporis, ac dierum spatia innotuit, aut quo tempore est promulgata excommunicatio contra non obsequentes, ab urbe aberat, ea non tenetur, ut quæ ultra decem illos dies, in quibus, absentem præceptumque iudicis cum pœna ei apposita ignorantem, non tangebatur, minime extendatur, Reginald. rom. 1. lib. 6. cap. 12. num. 218. Philarchus de officio Sacerdot. par. 1. lib. 3. cap. de excom. 34.

Secundum, cessat præceptum, cessante tempore quo ponitur, in hoc enim à lege inter cætera distinguitur, quod hæc sit perpetua, firma ac stabilis, nec morte ferens moriens. At cum è superiori loco à Prælato edicitur, ut res aut crimina sibi per eorum gnaros ac confcios innotescant, non lex aut i. atu ū sciscitur, sed mandatum datur, cuius vis omnis, certo est circumscripta tempore ut supponitur, cum iubeat ut intrator dies sub excommunicationis incurrendæ pœna detur effectui: ergo eo elapso, non durat eius obligatio.

Cuius oppositum in opposita sententia est dicendum, nempe tam præsentem, quam absentes, ad quorum notitiam publicatio edicti non peruenit, teneri ubi primum eam sciuerint, intra illum ipsum terminum, in edicto assignatum à die notitiæ eius rem, restituere, reuelare, aut denuntiare, sub eadem excommunicationis pœna,

Pars secunda.

dummodo idem sit iudex, & cum eadem autoritate perseverans.

Dicendum secundo, in ea sententia, obligationem parendi edicto Prælato, quæ ex iusta aliqua causa, aut impotentia extincta fuerat, reuiuiscere cessante ea impotentia, aut alio quopiam simili impedimento, quare factus potens ad restituendum, tenebitur intra alium æqualem dierum terminum, numeratum à die, quo impotentia aut impedimentum cessabunt, rem reuelare, reum denuntiare, crimen iudici indicare.

B Quam id vero sit parum probabile, ut ipse non dicam, res ipsa, quæ per se semper multum potest, eloquitur, nam quis credat, post viginti aut triginta annos, ex vi edicti, obligari aliquem ad restituendum, aut vulgandum, quod ei ante per inopiam, aut metum subeunda iacturæ alicuius, in re sua familiari aut fama nō licuit, & ni fecerit, hoc ipso excommunicatum esse? Tenetur quidem semper, & eo toto tempore, quo potest, post elapsum terminum rem sublatam Domino suo reddere, est enim hæc obligatio de iure naturæ; quæ semper durat, dum res non restituitur, ut dicebam paulo ante, nec fuit suspensa nisi ob inopiam, aut similem aliquam causam, sed nego, eum ad id teneri vi edicti, cum eius vis omnis, pœnæque ei appositæ interierit, vna cum termino, qui ad parendum ei præstitutus fuerat.

## Q V Æ S T I O X V.

An is ad cuius instantiam dicta est à Prælato sententia cum termino, intra quem proposita excommunicationis ei sit parendum, eum terminum possit producere, ac maiorem temporis intercapedinem concedere, iudice ante non consulto.

D Ico posse, primò, quia cum res tota ab eius pendeat arbitrio, nec enim iudex aut Prælatus debitorem amplius aut strictius obligare intendunt, quam velit creditor: tacite ergo ad eius prorogationem consentire hic est censendus.

E Secundo, iure suo cedere quisque potest, sed ad ius læsi, hoc est eius cui illatum est damnum, pertinet, ut res ei sua intra tempus in edicto præfixum reddatur, aut eius ablata auctor iudici indicetur, quo iure decessit ultro, cum illud prorogat, ac ad delinatum, aliud adiicit, quo sibi aperte satisfiat commodè, est id ergo ei licitum.

Tertio potest creditor, in cuius gratiam concessa est à Prælato excommunicatio subeunda à debitore, nisi tempore sibi per

D d



edictum designato, & contractum dissol-  
uat, illud plene ei remittere, ergo &  
eidem concedere, ut non obtemperet  
sententiæ iudicis illo tempore, quo est à  
se, sub pœna censuræ iussus, sed alio, quod  
sit priore productius, ac longius, hoc enim  
non est aliud, quam solutionem differre seu  
debitori permittere ut moras soluendi tra-  
har.

Dico secundò, Non posse inconsulto ac nes-  
ciente iudice, partem aduvs instantiam lata  
est excommunicatio, tempus eius innouare, aut  
mutare, sed prorogare tantum, quæ est opi-  
nio Toleti lib. 1. cap. 9. num. 4. Vgolini de  
censuris tabula 1. cap. 2. paragraph. 6. Suarez  
de censuris disputatio. 3. sect. 6. num. 11. Est in-  
nouatio, cum tempus à priore diuersum,  
longeque maius creditori tribuitur ad pa-  
rendum, Prorogatio, cum æquale præstitui-  
tur à iudice, exempli causa, tempus mutat, ac  
innouat, qui dies viginti, triginta, aut plu-  
res, parti assignat; intra quos sententiæ pa-  
reat. Prorogat, qui spatio præstituto à iudi-  
ce ad satisfaciendum, æquale adiicit, exten-  
dendo illud, vsque ad aliud simile, V. C.  
ad nouem aut decem dies, quem terminum,  
iudex esse voluit iussis suis explendis posi-  
tum, mutabitur hic vero, si pars parti alteri  
annuat, ut non nisi post duodecim, viginti,  
aut triginta dies exequatur, quæ edicto suo,  
sententiæque iudex ei præstanda manda-  
rat.

Probat, excommunicatio vim non  
habet à voluntate partium, sed iudicis, est  
enim iurisdictionis actio, quam partes nul-  
lam in sese mutuo, possident, tolli hæc er-  
go, aut suspendi, ad earum arbitrium non  
potest, suspendetur autem eius obligatio ad  
tempus ab illis præstitutum, tollitur verò  
si pro designato à iudice, fas est partibus, eo  
nesciente, exequendæ suæ sententiæ sub ex-  
communicatione ipso facto subeundæ, tem-  
pus præfigere longius, quam ipse statuit, mu-  
tari: hoc ergo, ac ab iis innouari iudice mi-  
nime conficio ac volente, non potest.

## QUESTIO XVI.

*An cum est in edicto, ut qui de furto, aut crimi-  
ne admissio aliquid scit, illud intra octo  
dies Prelato denuntiet, teneatur hic  
obsequi, si alij absint, qui cum eo  
presentes aderant, cum est  
factum facinus.*

**D**ico non teneri. Responsi causam hanc  
producit Lazarius in lib. de questionib.  
sect. 2. quest. 11. numero 1. quod decreto de re  
exponenda quæ latet, detegendo fure, aut  
parricida, qui nesciuntur: cognosci autem est  
necesse, ut puniantur, non comprehendan-  
tur alii, quam qui sic sciunt, ut quæ dicunt,  
argumentis omni luce clarioribus probare  
valeant, Nauar. cap. 17. Enchir. num. 134. &  
in repet. can. inter verba 11. q. 3. concl. 6. quia  
iubentur rem dicere ut accusatores, non te-  
stes. Denunciator autem nec potest, nec  
debet alia denunciare, quam quæ potest  
probare, alias peccat mortaliter, & tenetur  
famam alterius restituere, damnumque, si  
cuius forte istiusmodi reuelatione iniusta,  
causa extitit: secundum Nauar. cap. Enchir.  
18. num. 40. & 61. Tolet, 5. summa cap. 27.  
num. 6. Fagund. lib. 8. cap. 52. num. 22. At qui  
solus in iudicium contra reum progreditur,  
solus ei litem intendit, solus crimen obicit,  
nihil proficit, infamat quidem, non probat:  
infamato autem, iusta tum est causa que-  
rendi de facta sibi ab eo iniuria, petendique  
eam reparari, restitutione boni nominis sibi  
ab illo ablati. Ita Longus parte 2. de iudicio re-  
gulari casu 5. num. 12. quia præceptum quo iudi-  
ces iubent, ut qui sciunt, denuncient, limitandum  
est, inquit, ut solum procedat de iis qui quæ sciunt  
probare possunt, & nu. 10. eiusdem tract. sic lo-  
quitur. Sicut contra seipsum, ita nec contra al-  
ium tenetur quis reuelare, dummodo crimen sit  
occultum, adeo ut nec infamia specialis sit de illa  
persona reuersa, nec indicia sufficientia, vel se-  
mplena probatio.

**E**xcipiendus est casus, in quo de matri-  
monio, eiusque impedimenti agitur, cum  
enim testis vnus, ad illud impediendum suf-  
ficiat, incumbatque omnibus pro virili sua,  
peccata impedire aliena, denunciandus est  
haud dubiè, qui cum impedimento dirimen-  
te meditatur cōtrahere, ne se in ea vitia præ-  
cipitem agat, vnde ei postea emergere nō sit  
facile. Si tamen ei per Rom. Pont. matrimo-  
nium facere cum eo impedimento fas esset,  
cessaret hæc in eo caritatis obligatio. Enim-  
vero eo spectat hæc de qua loquimur denun-  
ciatio, ei ope, beneficioque ut occurratur pec-  
catis

catis futuris, ac Sacramenti nullitati ac irreuerentia. At horum nihil potest metui, cum quicquid impedimenti inter sponfos suberat, illud tollere Pontifici est visum, facit enim dispensatio, ut eodem sint uterque loco, ac si inter eos nihil unquam rei intercessisset, quæ eorum contractui moram necceretur.

Secundus casus est, cum non præcipitur sub excommunicatione denunciatio, sed solatestificatio, ita Graphius loco ante citato, Longus parte 2. de iudicio regul. casu 5. num. 12. parag. quod dictum, ubi ex Nauar. in canon. inter verba 11. q. 3. conclus. 6. corrol. 66. nu. 780. hæc habet. Quando præcipitur, ut reuelemus quod scimus, ut denunciatores, non autem ut testes, quia si ut tales nobis præciperetur, teneremur deponere, ut tales quod scimus, etsi id probare nequeamus, eiusdem sunt opinionis Angelus verbo denuntiatio num. 3. Nauar. cap. 17. num. 235. Fagund. lib. 8. cap. 52. parendi tamen obligatio est nulla, nisi de re, aut crimine, de quo inquiritur iudex semiplenam probationem habeat, iusteque ac iuridice procedat, quare ab eo quoque requirere testis potest, ut sibi statum causæ indicet, ut sciat quid, aut quomodo testificari debeat, Fagund. loco cit. num. 27.

Sciri autem his notis argumentisque potest quod ut testis, & non ut denunciator, iubeatur ad reuelandum quis progredi.

Primo, cum iudex præcipit, ut quibus res est nota, hi testificentur aut denuncient, verba enim in sua, propriaque notione debent intelligi, at quid à Præfato clarius dici potest exprimendæ menti suæ, quam ut testis in rem præsentem qui eius est conscius veniat? hoc ei ergo nomine, subsellia sunt fortentanda, explicanda quæ nouit, testimonium pro veritate licet occulta, diserte ac clare ei incumbit reddere.

Secundo testimonium iudex exigit, non denunciationem, cum ex modo proponendi, ac coniecturis quæ eius præcesserit imperium, aut ei connexæ hærent, id intelligere cuique est facile, taciti enim, & expressi vis est eadem: ergo si coniecturæ, si signa id eum velle indicent, ei obtemperandum est non secus, ac si verbis, mentem suam exprompsisset ac animum.

Tertio cum in decreto præcipimur dicere, quicquid de re tam visus, quam auditus, famaue ad nos detulerint, si erunt monitoria de furtis, ea denunciari duntaxat, non reuelari ut à teste, tali loquendi forma iudex imperat Lazar. sect. 2. q. 20. num. 12. Cordubæ qu. 64. Quod si causa in qua de crimine, disceptatur, est cœpta discuti, testimonium imperatur, non denunciatio, nec enim est hæc tunc necessaria, cum capitali causæ ab accu-

satione initium esse debeat. Quod si non est inchoata, si dies reo necdum dicta, iudex colloquendi modo, actionem ei vult intendi, crimen eius deferri, vno verbo sibi denunciari, quicquid eorum conscientia comprehenditur, quibus præceptum ponitur.

Causa est, quod rem proponi oporteat antequam diiudicetur, proponitur autem, cum à sciente defertur ad iudicem, postulat hic ergo non testimonium, sed denunciationem facti criminis, cum causa criminalis nondum est inchoata, & est in edicto, ut quicquid visu, auditu, aut aliter de re cognoscitur, iudici exponatur à scientibus, intra tale aut tale tempus.

Porro ea scire tantum dicimur, quæ sensu aliquo externo usurpauimus, aut ex narratione, vel confessione partis extra Sacramentum didicimus, secundum Henricum lib. de censur. 13. cap. 18. num. 5. & Fagund. supra, & ita testis esse nemo potest, omni exceptione maiora, nisi qui facinus cum patratetur, hausit oculis, aure percepit, manu, aut sensu quolibet alio tetigit, Graphius lib. 2. cap. 68. num. 29. Tamen cum res familiaris in iudicio agitur, quariturque eius reparatio, tenetur testis ea dicere, quæ sibi de ea sunt cognita etsi ea probare nequeat,

## QVÆSTIO XVII.

An Medici, Patroni, & alij, ad quos de rebus grauib, & occultis, consilij causa referri solet, in eorum redigi classẽ debeant, quibus præcepta est reuelari.

NEquaquam; quia est reuelatio eiusmodi rerum, quæ alicui sunt commissæ consilij capiendi causa, bonis moribus opposita, societati humanæ aduersa, amicitia quæ necesse homines inuicem est necesse, inimica. Fac enim, ea euulgari quæ à cliente, patrono suo uti firmamenta causæ suæ, præsidiaque (ut putat) victoriæ de aduersario consequendæ, sunt secreto exposita, breui filebit curia, obmutescunt pulpita, exulabit fides, nemo Patronorū utetur opera, nemo iudicum, quo quid innocentia, quid virtuti funestius accidere queat, non intelligo. Et si obstetricibus est in laude, confiteri de caritate prægnanti exhibita, quæ securitas esse nascituræ proli poterit? cum matres natura plurimas genuerit, quæ metu secuturæ infamiae, æterna sobolis suæ salute, honorem suum famamque, priorem sunt habituræ, eamque ne ab obstetrice prodantur inhumaniter sunt ac scdè occisuræ, quare cum crimen eorum alicui de notatis in titulo, de-

Dd ij

claratum est ad consilium, solatium aut auxilium, vel ad medendum, illud Iudici sibi sub pœnis acerrimis præcipienti detegi, dici non debet, quia seruare secretum in hoc casu, est de iure naturæ, cui præualere nequit Ecclesiasticum, cum facere contra naturam, ut non est permissum homini, ita nec superiori contra eam quidquam præcipere. Deinde, si malorum tollantur remedia, si miseris solita adimantur in aduersitate solatia, quid eis erit super, quam obrem cordi sit eis vita?

Quid? quod multi iureiurando se ex fide facturos officium spondeant? quod in eo obeundo, viri se boni partes omnes fidelissime expleturos promittant? quorum nihil præstituros eos est certum, si iubente iudice, eos qui fidei suæ corporis & animæ suæ salutem commissam esse voluere manifestent? quarecum præstet, auctoritatem Episcopi ac Prælati minorem esse, quam Rempub. scandalis lædi, animas in apertum exitium trahi, perire fidem, amicitias, fœdera que perimi, ut certo accidet, si obstetrix puellam nobilem, cui parienti operam suam detulit, iudici reuellet, aut chirurgus ægrum recepto vulnere in conspectu, in quo hostem interemit, censeo eos lege teneri nulla, quæ de crimine norunt hæc mandanti indicare iudici.

### QVÆSTIO XVIII.

*Solent Iudices Ecclesiastici ac Inquisitores fidei proposita excommunicationis pœna edicere ijs, qui hæreticum aliquem norunt, ut apud se, nomen eius edant ac proferant, hic quaeritur an is denunciari debeat, si non est crimen eius cognitum, nec defectu testium probandum.*

**D**Enunciandum dixere hi authores Barbosa de potestate Episcop. parte 3. allegat. 96. Diu. Thom. 2. 2. q. 23. art. 7. Sotus 5. de iustit. q. 5. art. primo, & de tegendo secreto memb. 2. q. 5. Sanctarellus de hæresi cap. 9. dub. unico num. 3. & 4. opinionis huius præcipua sunt hæc firmamenta.

Primum, quod proximi salus, bono communi addita, anteferenda sit priuato vnius cuiuspiam commodo, sed est hæresis publicæ rei, priuatæque eius quem inficit, inimica in primis, serpit enim, & ut in mala contagio, ad incautos incogitatis vulgi animos penetrat, ut qui communicat superbo, induit superbiam, Eccl. 13. ita & qui hæretico affluet diu securus non erit, nihil contagiosius corruptis eius moribus, hi addiscuntur, & ad-

**A** hærescunt facile, nec enim sibi tantum, errat hæreticus sed & aliis erroris causa est, qui ab eo in hos trās funditur. In summa, ut quædā in cōtaetos vitia corporis trāsiliūt, ita & hæreticus mala sua proximis tradit, publicæ ergo saluti nocet, nocet & sibi, eius autem crimen, verum quidem, sed occultū Episcopo aut inquisitori qui desert, soli sibi infamiam creat, cum sit periculum ne probationum inopia, calumniator audiat, quod incommo- dū quamquam magnum, ac prudenti cuique iure metuendum, non est tamen eiusmodi, quod communi multorum, exitio conferri debeat, suas ergo rationes in eius delatione criminis, posteriores habere quisque debet communibus ac publicis.

Secundum, etsi probari hæresis nequeat, non est tamen eius delatio inutilis, utpote quæ iudici causam est datura inquirendi studiosius, ecquid in delato adhærescat hæc labes, emaculanda sua cura.

Mihi tamen secus sentienti hæc in contrariam partem suppeditabant argumenta.

**C** Primum, quod Christi imperio, quæ sunt secreta, secreto argui oporteat, non publice, coram iudice aut in multorum oculis Matth. 18. Si peccauerit in te frater tuus (hoc est coram te ut ibi explicat August.) corripe eum intra te & ipsum solum.

**D** Secundum argumentum, denunciandi hæretici in casu posito, nulla est obligatio, si est hæc criminis quo notatur, denunciatio facta iudici, futura huic ad remedium inutilis, accusato autem noxia, at est utrumque non sine causa, eaque probabili, deferenti metuendum; cum enim nemo vnius duntaxat testimonio pereat, de hæresi accusatus ab vno quopiam (hoc tantum) & non conuictus, pœnam soli mutatione, aut capite non luet, eius ergo ad iudicem delatio, ad vindictam, aut medicinam prodesse nihil potest & delato obest, quia famæ eius infertur iniuria, cum sit authore Less. lib. 2. de iustit. cap. dub. contra iustitiam, admissum crimen, ignotum tamen detegere cuiuspiam. Ob hoc argumētum inquisitori ac Iudici de hæresi occulta, quæque in iudicio probari nequit ab eius consilio, doceri se tamen ac moneri iubentibus, parendum esse negant hi authores Reginal. lib. 24. cap. 3. sect. 6. num. 50. Megala in 5. par. lib. 1. cap. 5. Decian. tract. crimin. 10. 1. lib. 5. cap. 50. num. 4. Palatius in rep. cap. not. 3. parag. 26. Fagund. lib. 1. cap. 26.

**E** Argumentis autem partis oppositæ respondere est facile.

Primo quidem, negando in iure esse Reip. exigere, ut famæ meæ certo detrimento, mala quæ metuit, auertam, maximè cum est incertum



incertum vtrum id sim iactura rei tantæ facturus, an non.

Ad secundum dicendum, contra denunciatum vi denunciationis sibi factæ, nihil posse fieri à iudice, nec de hæretico eum quæstionem instituere, aut de crimine cuius est suspectus, inquirere vi eius posse, Fagundes in 1. præcept. lib. 1. ca. 26. n. 7.

Quid si hæresis probari, quid si multorum conscientia, testimonioque reuinci possit, etiamne Episcopo, ac Inquisitori iubentibus eam detegi, parere filium contra patrem, & vxorē contra maritum est necesse? B

Nonnullis aientibus negant alij, distinctione dirimenda est controuersia: nam si aperte Pater grassatur in Remp. si eius perniciem hæresi sua molitur, ac quærit, si erroris sui sementem palam facit in minutæ plebis animis, Patrem prodere debet filius, maritum vxor, Simancha lib. de Cathol. instit. tit. 29. n. 4. Genuens. in praxi cap. 18. causa est eadem quæ est initio quæstion. allata, petita à caritate, quæ maior esse debet ac in Rempub. potior, quam in priuatum quempiam.

Quid si soli sibi Pater est malus, & filius à iudice, vel vxor interrogetur contra maritum vt testis, neutri necesse est, in vtrumque quod scit eloqui, quia bene instituta ratio singulos admonet ne se prodāt, cum id natura abhorreat vt rationibus suis oppositum, seipsum autem perdit, qui patri, fratri, aut marito insidias struit, aut crimen aperit quo sunt perituri certo, cum moraliter pro vna eademque persona censeris soleant, Homobon, in exam. Ecclesiast. part. 1. tract. 7. ca. 7. q. 32. C

*Explicantur dubia ad propositæ quæstionis intelligentiam, de reuelatione criminum superiori facienda, non inutilia.*

**P**rimum, Quinam censendi sunt scire personam delinquentem, vel delictum, quod superiori iubentur edicere.

Quicumque illud visu, vel alio aliquo externo sensu percepere, vel ex rei confessione, extra pœnitentiæ Sacramentum, aut petitionem consilij ad solatium nouere: Tum homo scit (inquit August. relatus à Gratiano in causa 22, can. hoc videtur 8.) si ei rei de qua iuratur, testis fuit, aut vidit, aut conscius fuit, id est aliquo modo cognouit, aut oculis suis cōspexit, aut ipse qui iurat illi indicauit. E

Secundum, An, & quando delicta detegi superiori oporteat vti Patri.

Primo quando probari iuridice nequeunt, & tamen hæc ab illo sciri est necesse, ne nocere pergant, aut porro ad Reipub. pernici-

ciem infontiumque, in vrbe prouinciaque serpent.

Secundo, expedit delicta Prælato aperiri, cum de his emendari, ac corrigi debet eorum author.

Tertio, cum de eorum sunt numero, quæ à priuato impediri ne fiant nec facta possunt ab eodē corrigi, quia ea non est autoritas nec his à natura, eiusque authore Deo, ingenij ac eruditionis dotibus præditus, quæ vt facinoroso criminis sui odium imprimant, vtiles sunt ac necessaria, quibus cum superior sit instructus, vt qui ad consilium, metum, remediaque ad illum à relapsu præseruandum efficacia potest addere, censeo ad eum vti Patrem de occultis criminibus, referendum esse, nisi ea esset mollitudine animi, quæ futuræ correctionis spem omnem adimeret, eumque in tali opere versari non sineret.

Tertiam, An denunciatione sit opus, quando reus peccaturus amplius non creditur, eo quod occasiones ei peccandi omnes sunt præcisæ, aut in alium est mutatus, deque perditio, factus est per integram suorum criminum exomologesim homo frugi. D

Ne credam, suadet hæc mihi ratio, quod authore Christo tunc demum facienda sit peccatis denuntiatio, cum reprehensus non sapit, cum solus remotisque vt aiunt, arbitris, ab vnico solo de officio admonitus culpam dediscere, ac odisse renuit, tunc enim lis ei est intentanda apud Ecclesiam, non ante, Corripe inter te, & illum solum, si te audierit lucratus eris fratrem tuum, si te non audierit, dic Ecclesie, Matth. 18. at ex hypothesi reus contumaciam posuit, aut verius ponere, nulla propè interposita tēporis mora in animum induxit, & ita facturus probabili coniecturâ, si non certa creditur, non est ergo tum denuntiandus.

Quartum, Num in excommunicationem inciderit qui iussus à iudice, ad dictum diem reddere, quantum abstulit, edicto non paruit.

Vel furtum eius est perspicuum, deque eo in iudicio constat, aut extra, vel non constat, quia clandestinum est, quia obscurum, quia nulli certo cognitum, si primum, edicto illi est parendum, si vult excommunicationis vitare laqueum, si alterum, nec se, nec flagitium suum debet prodere.

Primo quia cum iuridice, seruataque fori forma non procedat Episcopus, ei non necessario est parendum.

Secundo, cum periculum famæ, vitæ vel honoris, conflatur reo, criminis à se facti confessione, non debet hic ad mandatum iudicis illud in apertum, lucemque promere. Iam cui esse ambiguum potest, non impro-

D d iij



babile eum famæ, ac forte vitæ subire periculum, cum de se facinus fatetur, quod in sola ad hanc diem suspitione hominum fuit positum, edicto ergo hac de causa non obtemperando, non peccat, si non peccat, nec eum excommunicatio, quod se minime prodiderit, ligat, tantundem tamen domino, quantum de eius fortunis habet, restituere debebit, cum fas erit.

Quintum, *An qui culpa sua, hoc est in pœnam patrati alicuius sceleris, aut ob defectum ætatis, legibus est ciuicis ac canonicis incapax dicendi testimonij, teneatur Ecclesiastica, de manifestando reo aut eius peccato occulto.*

Dico teneri, ita Nauar. cap. summa 25. nu. 5. in hæc verba. *Inhabilitas*, inquit, *non excusat à parendo eiusmodi mandatis*, Sanch. in consiliis lib. 6. cap. 11. dub. 18. nu. 71.

Causa est, quod patrocinari nemini suum scelus debeat, aut ex eo lucrum consequi, prodesset autem, si quia hic peccauit, sistendi se iudici nexu solutus esset.

Secundo, si quia iure testificandi, in pœnam delicti aliquis est priuatus, ideo quoque est ab obsequendo superioris edicto de manifestando crimine liber, ut errasse erit peccatori hoc nomine optabile, quod non cogetur ad prætorium venire iudicis, testandi causa: ita Reipub. damnosum erit ac noxium, cum defectu testium, in nocentes de violatis Principum legibus statui non poterit exemplum, quo quid periculosius?

Est tamen tempus vnum, cum se inhabiles, ab obtemperando iudici, eiusque decretis de manifestando scelere, excusare possunt honeste, ac iuste, nempe cum metuunt ne sibi sua crimina ex probrentur palam, & in confesso prætorii publico, cum hac enim tam cruenta sibi, ac nomini suo plaga imposita, aut imponenda in omnium oculis à delicti sui consciis, eos obsequi debere iudici quis credat?

Sextum, *An qui scit, eum penes quem aliena sunt bona, hæc compensationis iure possideri, teneatur illum enunciare iudici?*

Nequaquam, causa est, quod edictum Ordinarii illos duntaxat comprehendat, qui alienum possident, idque fraude, furto, iniuria, at ius compensandi, facit ut quæ in debitoris sunt peculio, hæc creditoris esse incipiant, atque eorum sit dominus, cum ea compensandi sui causa capit.

Secundo, qui ea bona fecit hoc titulo, ac nomine sua, cum alienum nihil possideat nullo iure compellitur se Ordinario prodesse, ergo nec qui illa nouit ab eo sic possideri.

Septimum, *An crimen alterius, quod est occultum, Reipub. tamen aut tertio noxium, est tamen, eiusmodi quod probari nequeat, sit superiori,*

*aut Prelato dicendum.*

Dubitandi hæc vna causa, quod eius famam talis manifestatio vulneret, quod dispensatione, mandato, aut facultate vlla Episcopi, non potest esse licitum.

Dicendum nihilominus, peccata quæ in apertam multorum perniciem vergunt, declaranda esse iudici tum iubet, præmissa tamen antea correctione fraterna, si per eam creduntur emendanda, aut vitanda, quæ spes si deerit adhibenda non erit, sed illico super his, superior admonebitur, resque illi vniuersa prout gesta erit, explicabitur,

B sic hæreticus ne alios corrumpat, sic proditor ne ciuitatem hostibus dedat, sic lepra infectus, sic corpore affectus, ne cum aliis contagem communicet, sic à natura impeditus, aut lege canonica, ne matrimonium cum ea contrahat, cuius ei societas, commerciaque sunt inhibita, superioris est autoritate imperii que mature cohibendus, quod si eius fama, si honor tali denunciatione non nihil læditur, æquabili ferre id cum animo conuenit, quod innocentis, cuius vitæ ac fortunis insidias molitur, maior sit habenda ratio, quam eius famæ, qui hanc non nisi scelere, foedisque factis suis seruata cupit, ita 4. Reg. 16. laudatur Elizeus, quod quæ Rex Syriæ vasto destinabat animo, in bonorum exitum, Israël patefecerit, Dauidi autem Absalonis nequissimi filii in optimum Patrem nefandissima consilia, Chusai 2. Regum 17

## QVÆSTIO XIX.

D *Gallia quid obseruet tanquam sibi proprium in præsentimateria.*

Primo sacris abdicari, templisque arce-  
ri neminem patitur, quod æs alienum iussus dissoluere, continuo non paruerit nec indicatum fecerit, pignoribus enim captis aut rerum solo adherentium pignoratione debitor prius est ad solutionem urgendus, quod si nihilominus contumax esse pergat, tum locus erit censuræ, sane ante prehensionem mobilium Ecclesiastico ritu, communicatione neminem mouendum esse, sed eius bona discuti oportere antequam excommunicetur, ob iudicatum non solum, scripsit Imbert. in praxi lib. 1. cap. 62. itaque curiam iudicare solitam Chopp. tradit de sacra polit. lib. 2. tit. 3.

Secundo, nec ob debita, imprecatione Pontificia percelli Clericum posse, sanxit Carolus eius nominis IX. anno 1571. art. 8. *Ne pourront les Ecclesiastiques estre excommuniés pour argent par eux deu, sans à leurs creanciers à faire*

*faire proceder contre eux, par execution de leurs meubles, & saisie d'immeubles.*

Tertio, non licet Ecclesiastico iudici in Gallia, Laicum remouere ab Ecclesia per censuras, quod edicto vnico etiam cum cōminatione peremptorij, ad eius subsellia vocatus, venire noluerit, quatuor edictorum numero, eius est peruincenda contumacia, hunc ordinem qui non seruat, non tantum litis coram se intentatæ sumptus refundere, à Magistratu regio iubebitur, sed etiam quanti citati à iudice Ecclesiæ intererat. Hac iniuria cum non affici, gesta que aduersus illum omnia declarabuntur irrita, Imbertus supra.

Quarto, edicto Aurelianensi anni 1560. art. 18. est veritum ne censura promulgetur, præterquam in maioribus negotiis ac delictis non communibus, ibidem quoque Episcopis, eorumque Vicariis prohibitum reperio, ne censuras Ecclesiasticas, aut monitiones vt loquuntur vlli indulgeant, nisi in casu criminis ac scandali publici. *Ne pourront les Prelats, gens d'Eglise, Officiaux, decerner monitions, & User de censures Ecclesiastiques, si non pour crime & scandal public.*

Quinto, Gallis Regibus concessum est à Clemente Papa VII. anno 1530. Maij 24. *Vt nulla regni ciuitas, castrum, villa, locus, territorium, vel districtus, pro debito pecuniario, Ecclesiastico interdicto supponi possit, ita liber literarum, ac constitutionum Romani Pontificis collectaneus, qui in Curia tabulis asseruari dicitur.*

Sexto: concedi in Gallia monitiones nequeunt nisi Senatu permittente, cum enim hic constetur ex parte Clericis, viris religiosis ac grauibus, quorū est de spiritualibus rebus cognoscere, nō videntur hi absone facere, cum iudicant, locum esse concedendæ censuræ, ac monitionis, eiusdemque impetrandæ à iudice Ecclesiæ, Tournetus tom. 1. *litera M. art. 82.*

Septimo, literæ monitoriæ quas S. Genouefæ nominant concedi nequeunt nisi aduersus Abbatibus subditos, idque in casibus, quos priuilegiatos nominant, & in cursu litis iam agitari cœptæ in prætorio inter litigantes, proindeq; incidenter, & non ab initio, quo eam moueri, ac intendi accidit, sed consequenter, vt aiunt, & eius instituendæ gratia, prout à centumuirali curia iudicatum ferunt scriptores nostri.

Octauo, etsi Iudex dum de tabularum substractione agitur, quæ ad litis institutæ definitionem faciūt, aut de veritate facti occultioris eruenda, imprecationes Ecclesiæ impetrari sinat, in id tamen incumbere Episcopus debet ne terrificas execrationum

A clausulas, quas olim in Ecclesia frequentatas testantur histeriæ, literis his adiciat, aut contra reuelantem, vsurpari iubeat, veluti quod campanis pulsatis, cereisq; ardentibus in terrâ proiectis, gehēnæ deuoueatur, si Episcopo non paruerit, nec enim in hac morum humanitate, qua Gallia vititur tantæ seueritati locum esse, iudices volunt, quare de iis appellantes tanquam ab abusu audiunt, & auctoritate sua contra fori Ecclesiastici ministros protegent.

B Nono, excommunicari nemo speciatim potest, in Gallia, quod Episcopo reuelationem veritatis occultæ imperanti, non paruerit, Tournetus in *Arrestis litera M. art. 83.*

C Ratio est, quod quæ liti accidunt, ac quæ etiam mota controuersiæ nascuntur eius occasione, ac causa, seu incidenter (vt loquuntur) harum notio arbitriumque, ad iudicem secularem pertineat reum ergo Episcopus id est earum rerum conscius, quarum causa concessa est monitio, ad sua citare subsellia non potest, vt causam dicat, ac conuictus alieno, id est testium ore, contempti imperij Ecclesiastici, super manifestatione rei ablitæ, pœnam, exclusionem sui ab Ecclesia per censuram ferat, hancque fori praxim esse, præiudicia Senatus multa ac varia indicant, quorum meminere Chop. l. 2. de sacra polit. tit. 5. num. 4. Tournetus supra.

Decimo, non recipiuntur in Gallia execrationes Antistitum, hoc est monitiones, quibus immobilia declarari, restituiue iubent, sed mobilia solum, Guenois in *comment. cap. 62. lib. 1. praxis fori per Imbert. litera I.*

D Vndecimo, nec ex quibus persona certa appellatur de nomine, aut iis designatur circumstātiis, quæ eius notitiam auditorum animis imprimant, Bergeronus in *memorabilib. vitiis* item forēt, si personas quæ contendunt inter se, exprimerent de nomine, aut aliquas in suspicionem admissi criminis traherent, quod enim iis iniuriam tali modo loquendi inferant, traducantque apud populum, vt inanes ac irritæ, proindeque nullarum virium, habentur in foro Tournet. in *arrest verbo monitorium art. 84.*


E Duodecimo, cum Roma mittuntur literæ, quibus Pontifex imperat, vt conscij rei de qua in iis agitur, eam indicent, aut reddant si possunt, promulgari hæ ab alio quā qui Episcoporum iudex est ordinarius, aut eorum Vicarius, nequeunt. Indiscriminatim hæ quidem olim, vt erat Pontifici collibitum, exequendæ committebantur cuilibet, modo, non nisi ab ordinariis id est Episcopis, aut eorum Vicariis, promulgari debent, secus si quid à Pontifice factum

erit, tanquam ab abusu ad supremam tribuna-  
lia appellare fas erit Imbert, *l. 1. praxi* c. 62.

Decimotertio, cum de crimine instituta  
est in foro quæstio, cuius veritas indaganda  
est aliquo testimonio, cauendum est iudici  
Ecclesiastico, ne inoneri populum sinat de  
aliis delictis euulgandis, aut eidem, literis  
suis monitoriis imperet, ut si quid de reo in-  
audierint censura dignum, ab eo tamen di-  
stinctum cuius causa sunt hæ obtineat, illud  
ipsum iudici prodant, alioqui ab his, tan-  
quam ab abusu appellare fas erit Bellordeau  
*lib. 2. controu.* 89.

Decimo quarto, & hoc moribus Gallicis  
receptum esse tradunt Paponius *lib. 1. titulo 5.*  
*arresto 11.* Bleyan. in *Theor. tract. de benefi-*  
*cum dignit. personatu, vel officio litera E. ad*  
*marginem*, Guenois *ad cap. 62. lib. 1. praxi* Im-  
*bertiana*, quod lata ab Italis excommu-  
nicatio nullius sit apud nos momenti in pri-

ma instantia, quare cum Rhemensis Ar-  
chiep. quendam cum quo ei negotia quadam  
intercesserant, mouendum ab Ecclesia in  
vim rescripti impetrati ab vrbe curasset,  
iussus est à Senatu cum vinculis soluere, aut  
eorum solutionem Roma expensis suis pe-  
cuniarque quærere, esse hoc autem Gallo-  
rum priuilegium, non aliorum, calculo suo  
sententiaq; declarauit Curia: nam cum cen-  
sura Pontificiæ parendum sibi homo alieni-  
gena, negotii causa commorans tum in  
Gallia non crederet, eam Senatus sua au-  
thoritate, ad quam tanquam ab abusu ap-  
pellauerat, infringendam putauit, nec in suo  
nomine præsidium nullum reperit, arresto  
enim à petitione sua submotus, quod Gal-  
lus non esset, Pontifici ut postulabat æqui-  
tas, obsequi est coactus Lucas *lib. 5. tit. 5. pla-*  
*cito 5.*



TRACTATUS



# TRACTATUS

## QVARTVS

### DISPVATIO QVINTA

#### DE EXCOMMVNICATIONE

incurrenda ob percussum Clericum.

#### QVÆSTIO PRIMA.

*Quid intelligatur nomine percutientis  
Clericum.*



**P**RIMA assertio,  
*Nomine percutientis  
intelligendi veniunt  
Viri iuxta ac fœmi-  
na, vniuersi cuiusque  
modi homines, qui ra-  
tione præditi persona  
sacra manus violētās  
scientes inferunt, vt*

*dicitur in cap. mulieres 6. de excommunicatione cum  
enim ab his sanctitati, reuerentiæque Cle-  
ricis debita fiat iniuria, manuum in eos im-  
missione violenta ac impia, quis eos à cul-  
pa liberos asserat? quis à pœna? & quan-  
quam pueri fœminæque committere se-  
vitæ, urbemque petere absolutionis conse-  
quendæ causâ, non necessario debeant, non  
sunt tamen à pœna huius canonis, si in eum  
incurrant, censendi liberi, cum hæc culpam  
sequatur, quæ in pueros, si rationis sunt com-  
potes, quemadmodum & fœminas cadere  
potest, ambo ergo si Clericos male tractent,  
habeantque religiose parum ac decenter,  
placiti excommunicatione poterunt vt cæ-  
teri.*

*Secunda assertio, Hoc nomine intelligendi  
quoque sunt prælati, quibus subditos sibi Clericos, aut  
alios, eorum potestati non obnoxios, per personas  
quibus id non competit, percutiunt, Molina tract.  
3. disp. 51. qui factum consulunt, ex cap. mu-*

*Pars secunda.*

**A** lieres sexto de sententia, is enim verè committit, cuius auctoritate, vel mandato delictum committi probatur Alex. III. ibi.

Percutiunt etiâ moraliter qui factum suo nomine approbant, aut faciendū imperant, cap. cum quis 22. de sent. in 6. Cum quis, inquit Bonifac. VIII. ibi, absque tuo mandato manus iniicit in Clericum tuo nomine violentas, si hoc ratum habueris, excommunicationem latam incur-  
Et antequam incurris, itē qui ad id consilium, auxilium aut fauorem exhibent, Angelus ex-  
com. 5. n. 31. Innoc. III. in cap. quanta præsum-  
tionis 47. de sentent. excomm. quod vt habet  
Alex. III. in decretali mulieres 6. eiusd. tit. is com-  
mittit vere cuius auctoritate vel mandato deli-  
ctum committi probatur, ob eam causam non  
solos violentiæ authores, puniendos Ecclesia cre-  
dit, facientes quoque, & consentientes, pari ple-  
tendos pœna Catholica semper damnauit autho-  
ritas, eos autem delinquentibus fauere interpretamur, qui cum possint, manifesto facinori desinunt  
obuiare, hæc Innoc. in cap. 47. de sent. excomm.  
vt id autem quod est alterius nomine fa-  
ctum, eidem imputetur ad pœnam, has con-  
ditiones concurrere est necesse.

**B** **C**

Primo, percussione eius intuitu factam esse oportet etsi hanc non mandarit: Glossa in cap. 23. de sent. in 6. Sylu. verbo consensus q. 5. parag. 1.

Secundo, is cuius nomine aliquid est factum, approbare illud debet, ratumque sub ea consideratione habere, quâ creditur causa sua, nomineque factum esse: sic enim vt est in regula iuris 10. & in cap. 22. de sent. in 6. ratihabitiō retro trahitur & mandato compara-  
tur, quare si is, cuius nomine verbera sunt il-

*Ec*



lata Clerico, ea quidem approbet, sed ignoret, quod gratificari sibi percussor his inferendis voluerit, aut illatam sibi per Clericum iniuriam reponere, cumque vlcisci, in quo ratio faciendi aliquid alterius nomine est sita, approbans in excommunicationem non incidet.

Quare qui eandem admissam, aut plagas Clerico gaudet impositas, rem tamen arguit, doletque factam sua causa, is hanc ratam habere quantum est ad poenam necesse, non creditur, & sic censura non tenetur vlla, Auila 2. parte disp. 53. dub. 9. Comitol. lib. 6. de irregularit. qu. 63. similiter qui inimico suo Clerico interfectionem, vel plagam illatam ab aliquo approbat, deque ea interfectori aut lædenti gratias agit, etsi non suo nomine, nec causa sua occisus aut læsus fuerit, hæc homicidij approbatio, ac ratihabitio, excommunicationis aut irregularitatis notam incurrit nullam, verissima est enim iuris regula 9. lib. 6. his verbis: *Ratum quis habere non potest, quod ipsius nomine non est gestum, quæ regula totidem pene verbis repetitur à Bonifac. VIII. in decretali cum quis 22. de sent. in 6. Si iniectio eadem tuo non sit facta nomine, tunc licet pecces ratam habendo eandem, non tamen propter hoc excommunicationis vllius vinculo innodaris, cum quis ratum habere nequeat, quod eius nomine non est gestum.*

Tertio, ad rem præsentem requiritur, vt ratihabitio cuius causa incurritur excommunicatio ob vulneratum Clericum, signo aliquo externo pateat, nam Ecclesia non castigat occulta, ergo vt facinus admissum ab aliquo redundet in tertium, quoad poenam per ratihabitionem, debet hæc innotescere signo sensibili. Nam vt inquit Diu. Thom. cui Theologi assentiuntur in 4. distinctione vigesima tertia quæst. tertia articulo primo quæst. prima, *Homicida voluntate, verba sunt eius, incurrit reatum poenæ æternæ, sed non irregularitatem, vel excommunicationem aut aliquid eiusmodi.*

Quarto, debet ratihabitio eo tempore esse saltem potentia, quo fit actus, nam retro trahitur & mandato comparatur in iure, ex capite cum quis de sentent. excommunicationis in sexto, at id est impossibile, nisi qui ratificat sit eiusmodi vt mandare possit, quare quæ amentis, aut pueri nomine, ante perfectum rationis vsum fiunt, non eis quoad effectum subeundæ censuræ nocent, si cum erunt sui compotes, ea rata habeant; quia communis est Doctorum opinio, ratihabitionem nõ mereri poenā, nisi ambo extrema sint habilia, vt loquuntur, id est excommunicandus mandare potuerit, & ratum habere, sicut res

geri ab alio potuit, Panormit. in cap. 1. de conversione infidelium numero decimo, Comitol. respons. libro sexto quæstio. 63. resque sit eiusmodi, quam per alium exequi possit, vt homicidia cædes &c. Panormitanus in cap. mulieres de sent. nu. 8.

Quinto, vt aliquid alterius nomine factum dicatur, requiritur vt delictum sit tale, quod possit per alium committi.

Circa dicta hac assertionem, & priori, aduerte primo, consulentem excommunicationem non incurrere, sicut nec mandantem, nisi iussione sua, consilioque, tanquam causæ morales, efficaciter influxerint in effectum, id est violentam iniectionem manuum in Clericum, quia per canonem non punitur voluntas sed effectus, sed hic quando est, à vera est causa tantum, non alia, cuiusmodi non est, quæ in effectum non influir.

Aduerte secundo, mandantem, consulentem, adhortantem, hac poena non teneri, si ante factum facinus ab exequentem, non tantum significant sibi gratum non esse, vt fiat suo nomine, sed et am argumentis non omnino inualidis contrarium ei persuadere conentur, quàm illius animo prius imprefferant, tunc enim clades aut verbera, iubenti ac consulenti non sunt tribuenda, sed executori soli, ac eius malitiæ Syluest. excommunicatio 6. qu. 5.

Secus dicendum est, cum mandatario de mandantis reuocatione non constitit, & ante eam sibi patefactam, eandem fecit, nam tunc vterque censendus est excommunicatus ex Syluest. loco proxime citato, Reginald. cap. 17. libri primi numero 216. Auila parte secunda cap. quinto disput. 3. dub. 7. conclus. 2.

In contrariam partem transgressi sunt aucthores, hi Nauarr. 27. numero 33. Tolet. libro primo cap. 85. Layman. libro primo tractatu quinto parte secunda cap. quinto numero septimo, negant enim reuocatione consilii aut adhortationis factæ ad vim inferendam Clerico, vel iniuriam, vitari censuram, nisi is cui suaseram, vere dissuaderi se siuerit, ac à nece & plagis absterneat, ad quas ante meis inductus videbatur esse sermonibus, quia vere causa, vel potius concausa cædis ac iniuriæ extiti, si qui eam innocenti irrogauit, in eam mentem meis inductus rationibus venit.

Sed contra, nam ego aut consiliarius quilibet alius, esse ac dici causæ effectus non possumus, nisi ad eum moueatur executor vi dati, ac recepti consilij

at eius retractatione seria, impeditur hic metus, videt enim confessione consilarii ingenua se lapsum, eius autem rationes non fuisse eiusmodi quibus adhibenda fides esset, quare si agit, inductione ipse sua, motuque agit non alterius, ipsique soli non consilario, affingenda est effectus secuti culpa.

Idem dicendum de mandate, nam ut quis peccasse dici queat mandando, ac excommunicationem incurrisse per actum mandatarii debet hic eius nomine, causaque, vim Clerico facere, at facit mandati reuocatio vera & seria, ut iam mandantis gratia opus non fiat, sed operantis solius, ergo isti soli non illi imputandum, ergo factum homicidium, inflicta Clerico verbera, plagæ eidem impositæ, mandanti censuram non inferent, sed executori soli, qui improbitate potius sua quam alienis est rationibus impulsus ad iniuriam, quam si solus luat, sine mandantis aut consulentis consortio, quis arguat? estque hæc sententia Auilæ loco cit. disp. 3. dub. 7. Conc. 3. Anton. in 3. parte titulo 28. cap. 2. par. 2.

Tertia assertio, Etiam percutientium nomine hi sunt intelligendi, qui cum impedire possint & debeant ex iustitia, ne quando ledatur Clericorum dignitas, ac nomen, id tamen incauti, parumque de officio solliciti non faciunt, extra de sentent. excomm. cap. quanta 47. eos enim delinquentibus favere interpretamur, qui cum possint, manifesto facinori desinunt obviare, inquit ibi Bonifacius, similiter qui percussioni Clerici assentiuntur in excommunicationem incidunt cap. quanta de sentent. facientes enim & consentientes pari poena plerumque, Catholica condemnat auctoritas, dummodo tamen illatæ iniuriæ cooperentur per fauorem, auxilium, aut imperium, Glossa in cap. cit. & Bonifac. VIII. in cap. Ut. de homicid. in sexto, ait irregularem cum esse, qui mandat aliquem verberari, si mandatarius fines mandati excedens, mutilet, aut occidat, is qui (inquit) mandat aliquem verberari (licet expresse inhibeat ne occidatur, vel membro aliquo mutiletur) irregularis efficitur, si mandatarius mandati fines excedens, mutilet, vel occidat, cum mandando in culpa fuerit, & hoc evenire posse, debuerit cogitare, Bonifac. VIII. in cap. de homicid. 3.

Si tamen ut est dictum antea, mandans mandatum reuocet, aut iniuriam inferri vetet, hæcque reuocatio mandatario innotescat, ut ille à culpa secuti homicidii, ita & à poena immunis erit, Glossa in caput cum quis de sentent. in 6. Sylu. verbo excommunic. 6. par. 5. casu 3. Henric. lib. 14. cap. 16. par. 2. littera R. quia nemo excommunicationem incurrit, nisi qui Ecclesiæ contumax est &

A rebellis, qui mandatum suum reuocat, antequam executioni detur, non est talis.

Notandum tamen quod in his quatuor cooperantium generibus, limitanda sit poena excommunicationis ad cooperantem, qui est causa efficax, sine qua non fieret ista percussio.

Notandum secundo, quod excommunicationem non incurrit qui postquam mandauit, moritur antequam percutiatur Clericus, nam si post mortem aliquam incurreret excommunicationem, posset fieri ut quo tempore quis est beatus, idem quoque excommunicatus foret, quod est contra rationem.

Notandum tertio, cum dixi in excommunicationem incidere, qui cum possint, Clerici percussione non impediunt, de iis duntaxat id intelligendum esse, qui iam tenebatur ex officio, vel iustitia impedire, ut sunt prælati, iudices & alii, qui potestatem in Republica habent: Ita Glossa in cap. 47. extremo de sentent. & Henric. lib. 14. cap. 12. par. 7. littera S.

## QVÆSTIO II.

Quis intelligendus nomine Clerici, quid per violentam percussione.

PRIMO intelligendus Clerici nomine qui sacris est initiatus ordinibus, etiā interdictus, irregularis, excommunicatus & suspensus. Nauar. lib. 1. consil. consil. 7. de aetate & qualitate, Graphius lib. 2. decisionum cap. 47. num. 28. etiam depositi verbo tantum, nisi essent solemniter degradati, & curiæ sæculari traditi Graff. ibid.

Secundo, Monachus professus religionis approbatæ cap. cum illorum de sentent. quo nomine etiam intelligendi sunt milites commendatarii, secundum Nauar. consil. 13. de regular.

Secundo Moniales cap. de monialibus 33. tit. de sent. excom.

Tercio, Nouitii cap. religioso eodem tit. in 6. sunt enim in via, ad religionis susceptionem, cum enim in fauorabilibus capiuntur religiosorum nomine, eorundem quoque priuilegiis gaudere eos est necesse, Nauar. lib. 1. consil. 5. de foro compet.

Quarto, complectitur Monachorum nomen, coadiutores temporales aliter fratres oblatos, cap. non dubium, cap. ex tenore, cap. de monialibus. canone religioso de excommunicatis in 6.

Quinto, Eremitas, qui ut Religiosi, superiori obtemperant eique obedientiam præ-

Ec ij

stant Tabiena verbo excommunicatio 5. num. 21. Rodrig. *tomo 3. regular. 44. q. 49. art. 4.* quod si voto nullo astricti sint, alicui tamen additi sunt Ecclesie, aut ordini, cuius superiori etiam obsecundant, eique sunt in omnibus morigeri, ut eius ordinis, ac Ecclesie privilegia gaudent, eo quod tunc personae censeantur Ecclesiasticae, ita & privilegio canonis: Reginald. *lib. 1. cap. 17. nu. 214.*

Ex quo consequitur eos pugnari imperi, vel calcibus aut verberibus affici, sine excommunicatione afficientis non posse, Laym. *lib. 1. tract. 5. par. 2. cap. 5.* Rodriguez *ro. 2. q. regul. q. 63. art. 4.*

Ut autem eis, Clericisque vniuersis profuit hoc privilegium, quae sequuntur sunt necessariae.

Primo non debent esse bigami, bigamia vera & propria *cap. 7. de bigam. in 6.*

Veram dixi, nam impropria quam similitudinariam dicimus, caditque in eos qui cum sint religiosi, aut Sacerdotes, vel sacris ordinibus initiati, matrimonium contrahunt, ac consummant, ut enim non sunt hi verè ac propriè bigami, quemadmodum est in *c. nuper 4. de bigamis*, ita nec eos eiusmodi bigamia isto priuat privilegio, cum tales post factam poenitentiam, ad Clericatum redire, ac Clericalem habitum deferre debeant, secundum *Ægid. disp. 14. dub. 15. n. 17.*

Secundo, ioculatores esse ac histriones non debent *de vita & honestate Clericorum in 6. cap. Clerici primo*, qui enim per annum artem exercent ludionis, mimi, aut parasiti, ipso iure, si autem breviori tempore & tertio moniti non respuerint (Bonifacii VIII. decreto) careat omni privilegio clericali.

Et quanquam exigant aliqui ad usum huius privilegii ut Clericus, cum tonsura habitum gesserit, & alicui Ecclesie ex mandato Episcopi deseruiat in diuinis, aut in aliqua schola, uel vniuersitate cum eiusdem licentia, quasi in via ad maiores ordines versetur, ut Laym. *lib. 1. tract. 5. par. 2. c. 5. n. 2.* Dian. *3. par. tract. 5. respons. 8.* asserunt.

Opposita tamen sententia quam defendunt Auila *2. par. disp. 3. dub. 11. conclus. 3. cap. 5.* à Graphiis *lib. 2. decis. cap. 47. num. 27.* & alii ante à nobis citati, probabilitate non caret, Clericum nempe, defectu habitus non amittere privilegium canonis, sed tantum fori, sic ut ratione eius iacturae, conueniri queat coram Laico iudice.

Iam vero in quo sit ea percussio posita, quae excommunicationi dat causam, examinare placet paulò accuratiùs, proque eius explanatione sit

Vnica assertio, *Violenta Clerici percussio, est iniuriæ contactu ignominioso, & infami sita, qui*

*A contactus est tam in plagarum ac cicatricis illatione, quam in dedecorosa, statuique Clerici contraria attrectatione.*

Alij dicunt percussione violentam Clerici, quidpiam esse, quo vis personae afferatur, in detrimentum graue reuerentiae, & honoris ei debiti, seu actionem exteriorem iniuriosam, circa Clericum, aut res ei adhaerentes: nam omnium iudicio excommunicatur qui per contemptum saluam in eius faciem, aut aquam iniicit, Nauar. *cap. 27. num. 77.* Ægidius *disp. 14. dub. 15. num. 165.* qui eum de curru turpiter ac sœde delicit, qui

*B vi detinet aut trahit, Sylu. excommunicatio 6. num. 11. Angelus eodem num. 5. Coninch. supra, & tamen nulla sunt vulnera, plagae nullae, aut verbera, sed sola ignominia deiectionis à curru, detenti, aut tracti quò non volebat, ergo probrosa tractatio, immediate facta vel mediate, ratione rei coniunctae eius corpori, cuiusmodi est id quod Clericus manu tenet, equus cui insidet, vestis qua operitur, sufficit ad inducendam hanc censuram. Ita Nauar. iudicio *cap. 27. num. 77.* Ægidii *disp. 14. num. 165.* pro excommunicato haberi debet.*

*C* Primo qui equitantis Clerici frænum manu cohibet, ne progredi possit, aut cingulum ephippij incidit, ut ex equo labatur ac cadat, idem ibid, Reginald. *lib. 1. cap. 17. numero 211.*

Dixi cum violentia, nam qui clam ac latenter pecuniam Clerici subripit, vestes iacentis auertit, aut abdit, siue voluntate directa cum concludendi in loco, excommunicationi canonis non subest, teste Ægidio *disp. 14. dub. 15. num. 166.* Suarez *disp. 22. sect. 1.* quia ad incurrendam hanc censuram, requiritur violentia, quæ in facto praesenti est nulla, ob quam causam qui per iocum Clericum verberat, censura non tenetur vlla, eo quod tali opere nulla infertur violentia, Reginald. *lib. 1. can. 17. nu. 211.* ut quis enim ei subsit debet actu vim aliquam iniuriöse adferre eorum corpori immediate, vel mediate, ratione rei quæ illi sit coniuncta, qualis est res quam manu tenent, equus cui insidet Ægid. *supra.*

*E* Secundo excommunicatur, qui Clericum puluere, aqua, aut salina inspergit Glossa *in can. si quis suadente 17. q. 4* quia etsi non sint istae graues iniuriæ respectu corporis, tales sunt tamen, & mortales, comparatione honoris qui læditur.

Tertio, qui eripit ei aliquid è manibus cum violentia, nisi res sit eiusmodi, quam propria ipse autoritate vendicare sibi queat ut suam, quia per furtum est ei ablata, quod autem Reginald. asserit *lib. 1. cap. 17. nu. 206.* id illico post furtum oportere fieri, & pecca-



re qui aliquāto post tempore, eam vi de manibus Clerici extorquet, verè ab eo dictum non credo, nam vnicuique licet rem suam recuperare, ac eam apud quemcumque reperit tollere, cur enim quod Clerico licet respectu Laici, huic respectu Clerici non licebit?

Quarto est excommunicatus qui Clericum illicite in vincula coniicit, ex *cap. nuper de sent. vi capit*, aut capiendum iniuste mandat, *Graphius l. 2. c. 48. n. 12.*

Quinto, qui cum ne domo egrediatur libere, ac sine pudore impedit, qui pulsauit, qui manu aduersus eum leuata, quasi formidinem iniecturus verberare velle finxit, *Laym. lib. 1. tract. 5. parte 2. cap. 5. de excomm. num. 5.* quia his rebus Clerici honor contumeliose læditur.

Sexto, qui cum tam acerbe, ac animose insequitur, vt cogatur ad se eximendum discriminari, in præceptis dare. *Reginald. num. 207.*

Patet hinc primo, peccare contra canonem, ac eius pœnis teneri, qui Clericum violentem licet, male afficit, quia eius indigna tractatio, in contemptum Ordinis vniuersi cedit, cuius causa, primo & per se vetita est Clericorum violenta percussio, vt dicitur in *cap. contingat 1. de sent. excomm.*

Patet secundò, ab hac pœna liberos esse, qui clam in bona Clerici impetum faciunt, quia eorum interuersio per latronem facta, non est probrosa Clerico nec statui, cum sit difficile, iacturæ in bonis suis faciendæ causas omnes præuerrere.

Deinde in materia odiosa, pœnæ, legum interpretatione sunt restringendæ, ergo cum in canone Clerici percussi fiat mentio, non opum eius, aut fortunarum, ad earum auersionem non est extendenda excommunicationis.

Patet tertio, ad incurrendam censuram huius canonis, exigere grauem iniuriam, quæ proinde sit mortalis in ratione sacrilegii, cum sit hoc proprium obiectum Ecclesiasticæ huius pœnæ.

Vt autem sit talis, duo exigere est certum: primum vt affectus interior faciendæ iniuriæ, de se sit mortalis.

Secundo, vt actio exterior, id est violentia, sit grauis in læsione corporis aut honoris, vnum enim sine altero, ad incurrendam excommunicationem non sufficit.

CIRCA dicta quaeritur primo, *An qui primaduntaxat tonsura sunt initiati, privilegio canonis gaudeant, sintque decorum Clericorum genere, quos offendisse, excommunicationis vinculo sit se innodasse.*

Negant hi authores Ægidius de Coninch,

*A disp. 14. dub. 15. num. 163. Suarez disp. 22 sect. 1. num. 11 Laym. lib. 1. tract. 5. parte 2. cap. 5. num. 4* nisi sit hic Clericus, habitu seu amictu qui Clericum decet insignitus, alicuius Ecclesiæ obsequio, Episcopi mandato addictus, aut in schola Academiae, Episcopi concessu commorans, quasi in via ad ordines.

Affirmant alii vt *Comitolus lib. 1. q. 54. lib. 6. q. 20. Nauar. lib. 4. consil. 25. de privileg. edit. 2. Auila de censur. parte 2. cap. 1. disp. 2. dub. 9. conclus. 3.*

**B** Probat excommunicationem ipso iure, factoque contrahit, qui Clerico violentas infert manus. At est hoc Clericorum nomine decorus, qui Episcopi manu Clericorum tonsura est notatus: ergo &c.

Maiores ex verbis decretal. *Innoc. II.* plana, cum in ea planissime hic Pontifex Clerici meminerit.

Minor autem similiter, est *Innoc. III.* testimonio perspicua, interrogatus enim ecquid cum oporteret censere Clericum, cui fuisset ab Abbate tonsura collata, respondit affirmatiuè, eo quod *iuxta formam Ecclesiæ datam ab eo* (cum est Sacerdos) Clericalis ordo conferatur, *cap. cum contingat nono, de atate & qualitat. praeficiendorum.*

Confirmatur auctoritate Comitoli, narrat enim *respons. lib. 6. qu. 20.* cum à se sacrae Congregationis exoptatum fuisset iudicium, ecquid ij Clerici, qui Tridentinae Synodi decreto, privilegio fori priuantur, eo quod habitu, tonsura, ac beneficio Ecclesiastico careant, canonis privilegium illico perderent; responsum se à Cardinali Caraffa hoc tulisse et si istis Clericis de quibus agitur, pereat fori privilegium, non iisdem propterea interire *Canonis Innoc. II. si quis suadente diabolo.*

**D** Est hæc sententia tam viri huius fide quam ratione probabilis. Prior est hac tamen communior, eo quod fori privilegium, longe difficilius amittatur quam canonis, ergo si illud defectu habitus, ac tonsuræ perimitur à Concilio, & istud quoque eius voluntas tolli, non est improbabile, cum primum iuris sit diuini, humani alterum.

**E** Sed neganda est conseq. ad confirm. respondendum privilegium fori non esse in multorum sententia nisi humanum, ideoque non habere hanc robur vllum.

De habitu autem quod assertur sciendum est, certum nullum esse, qui sit communis provinciarum omnium, sed cuiusque sequendum morem esse, *Ambrosinus de immunit. cap. 33. num. 13.* hic tamen est Clerico necessarius vt fori privilegium habeat, cuius ope distingui à secularibus queat, *Antonin. Diana parte 2. tract. 1. de immunitate Ecclesiastica resolut. 63.* in dubio autem an sit ta-

Ee iij



lis, solius est iudicis Ecclesiastici statuere.

Quæritur secundo, *An Clerici omnes canonis privilegio gaudeant.*

Privilegiū canonis in eo est, ut nemo Clericis violentas manus possit adferre, quin in censuram excommunicationis incidat, à qua solus Romanus Pontifex absoluit, nisi forte levis esset iniuria, quo tempore (ut dicitur postea) absolutio Episcopo permittitur, hic ergo quæritur an quorumcunque Clericorum percussio, percutienti censuræ vinculum iniiciat.

Respondendum negatiuè, nam primo excluduntur bigami *cap. unico de bigamis.*

Secundo, qui vitam degunt in matrimonio sine tonsura & habitu *cap. unico de Clericis coniugatis.*

Tertio, qui post tonsuram acceptam, Clericali relicto habitu, ad sæcularem vitam redeunt, eiusque negotiis se immiscunt, *cap. 45. de sentent. excomm.* Ad eos ergo privilegium hoc pertinet, non modo qui sacris sunt initiati ordinibus, sed qui prima tonsura decorati, in religiosam Domini sortem per tonsuram cooptantur, nam in eorum numero qui vocantur & sunt Clerici, non modò qui sacris ordinibus sunt initiati, sed etiam psalmistæ recensentur in canone, *Cleros & Clericos 1. dist. 2. 1.* quo tamē nomine, eos qui primam tonsuram habent intelligi, auctores sunt Sylu. *xx. Ecclesia q. 3. Versu 4.* Angelus *excom. 5. casu 1. n. 27.* Nau. *cap. 27. Enchir. n. 79. Regin. lib. 1. cap. 17. n. 212.*

Sed quid si Clericorum more vestiti non incedant? quid si Ecclesiæ in diuinis non inseruiant? Ne tunc quidem eos hoc careere privilegio, negant à Graphiis *lib. 2. decis. cap. 48. num. 27. Regin. paulo ante citatus num. 213.* quam nos quoque sententiam diximus, ut est in quæst. proxime præcedenti.

Secundo Clerici coniugati, qui cum uicis, & virginibus contraxerunt, si tonsuram & vestes Clericales deferant, & alicui Ecclesiæ, cui seruiant, fuerint ab Episcopo ascripti, privilegium retinent Canonis ab Innoc. 11. editi, in fauorem totius ordinis Clericalis, Bonifac. VIII. *de Clericis coniugatis in 6.*

Sunt & alii non pauci, quibuscum communicatur hoc privilegium, de quibus postea.

Quæritur tertio, *An Tertiarij, quales sunt, qui regulam S. Dominici aut Francisci sunt amplexi, inter Clericos sint censendi.*

Dico primò, Tertiarios qui tria vota professi in ordine Mendicantium eius Superiorem agnoscunt, cuius nutibus ac imperio, vita suæ consilia moderantur ac regunt, esse quam perfectissime Clericos. Quid est enim Clericus? qui de sorte domini est, vel qui Dominipartem habet. Gene-

raliter enim Clerici nuncupantur qui in Ecclesia Christo deseruiunt, *can. Cleros 1. dist. 21.* at sunt Tertiarij, in sortem Christi adlecti, cui & per vota sua obsequium exhibent religiosum & sacrum: sunt ergo Clerici.

Dico secundò, Tertiarios qui domi suæ degunt, etsi habitum ordinis ferant, eique bona sua offerant, Clericos non esse.

Primo, quia personæ non sunt religiosæ. Cherubinus tom. 1. commentar. in Bullas Pontificias ad diploma Nicol. 4. secundum, scholio 22 quod ipsum notari significat in compendio privilegior. fratrum Mendicantium parag. Tertiarij, scriptumque est à Leone X. in Bulla 22. cui initium dum intra mentis arcana, in cuius parag. 18. est expresse Tertiarios in domibus propriis degentes, reputari ut Laicos, in decimo vero nono, cum viuunt collegialiter, seu cum claustralibus expresso voto, & sub habitu, privilegiis fratrum gaudere, quod anno demum 1612. decreto suo Congregatio Cardinalium concilij Trident. interpretum, firmavit his verbis: *Sacra Congregatio consulta respondit, fratres Tertiarios Mantellatos, corrigatos, aliosque similes, ita demum ordinis cuius tertie regule habitum assumpserunt, privilegiis potiri, & ab ordinarij iurisdictione exemptos esse, si viri collegialiter viuant, seu cum claustralibus habitent.*

Quæritur quarto, *Quid sentire oporteat de Apostatis, hominumque certo genere, qui habitu quidem religioso amicti, vitam agunt, sed suo arbitrio, non prælati, à quo nec ad illum usum Ecclesiasticum, primumque, sunt deputati.*

Apostatas hoc est è clauetro religiosi sepe fugitivos homines, cædi à sciente non posse sine censura, etsi regulari veste deposita vrbes circumeant, ac oppida, notius est, quam ut à medicis sit necesse, quia nec nomen nec rem, Clericique privilegia in iis apostasia perimit, quam enim vere antea, tam sunt extra claustra disciplinæ, cœnobii-que regulis ac votis astricti: cædi ergo sine censura à sciente nequeunt.

Non item alii, qui religiosa quidem amicti sunt veste, sed sub nullius viuunt potestate, quæcunque sunt placita faciunt, quolibet abeunt, quam enim esset absurdum, quam à ratione alienum, Ecclesiam his fauere, iisdem illos beneficiis afficere quibus Clericos, aut quis illos Ecclesiasticis personis adnumeret, qui præter habitum nihil habent, Ecclesiæ autem operam non exhibent? ego illos pari loco habeo quo Laicos qui regularium vestes ut S. Francisci ex deuotione tantum gerunt.

Quæritur quinto, *An cum manuum iniectio fit in clericum absque affectu mortali, incurrat hæc pœna.*

Certum

Certum est Clericis, nonnunquam ab incogitantibus, ac nesciis iniuriam fieri, ut si ab ignaro magistratus quem in Ecclesia gerunt sæpe vapulent, si à sciente quidem, sed non animo lædendi aut nocendi, damnum tollerent, quod cum accidit, quæritur an qui tum nocet, qui tum lædit aut verberat, excommunicationem subeat.

Dico primò, *Excommunicationi canonis minime subici, qui cum ignorantia inculpabili status Clericalis, ad quem est is vocatus, cui irrogatur iniuria, eum pugnis aut calcibus pupugit.*

Probat, excommunicationi non est locus, ubi culpæ deest mortali, at maculam omnem culpæ mortalis eluit ignorantia maximè probabilis, excusationi locus est ergo, ne excommunicationi canonis subsit, qui ignorans male Clericum afficit, tractatque.

Dico secundò, *Ad subeundam censuram canonis si quis, opus est, ut affectus interior, cuius impulsu manus violentæ iniiciuntur in Clericum, sit mortalis.*

Ratio est, quod hæc censura eos duntaxat afficiat, qui culpā lethalem contrahunt nocendo Clerico in fortunis, corpore, aut honore, at talem nullā admittit, cuius animus iniiciendæ manus in Clericum, eam peruersitatem non attingit, quæ peccatum mortale constituit: ergo &c.

Dico tertio, *Ut actus exterior censura canonis eum subiciat, à quo est Clericus affectus iniuria, debet hic esse mortalis.*

Ratio est, quod hæc pœna nemo plectitur, per sententiam, nisi quem constat peccasse mortaliter, de eo vero argumenta nullā sunt verisimilia, nisi quæ petuntur ex actione externa, quæ secundum moralem existimationem grauis est ac notabilis, qualis est futura, si sufficiat ad grauem iniuriam contra Clerici honorem, & reuerentiam ei debitam.

Confirmatur, peccatum mortale tantum, punitur excommunicatione, at leui iniuriæ ratio peccati mortalis non conuenit, nec hæc ad illud constituendum sufficit.

Quæritur sexto, *An ad incurrendam hanc censuram, requiratur corporalis aliqua læsio.*

Nequaquam, communis enim est opinio, in canonem eum committere qui in Clerici faciem, per ludibrium aut contemptum excreat, qui eum aqua aspergit, puluere commaculat ac inficit, facta enim ei iniuria redundat in contemptum ordinis, ac dignitatis Clericalis, idque plusquam vulgariter, non est ergo ad incurrendam hanc censuram corporalis vlla læsio necessaria, talibus enim actibus, vita eius, fortunæ ac membra graue quid patiuntur ac ferunt?

Quæritur septimo, *Quot sint, & quæ ad incurrendam hanc censuram ex parte iniuriam fa-*

*cientis, & passi, conditiones necessariae?*

Ex parte patientis, duntaxat est vna, nempe ut sit Clericus vel Monachus, quo nomine non professos modo superiorum ordinum Clericos, sed Nouitios & Nouitias, Conuersos & Moniales intelligi, Doctorum communis est sensus.

Ex parte autem facientis iniuriam duæ, prima est violentia, altera iniuriandi Clerici intentio, prima significatur his verbis: *Violentas manus iniecerit*, altera duobus his aliis, *suadente diabolo*, Panormit. ad cap. 1. & ad cap. si vero 2. de sentent. excomm. quod enim impulsu Demonis, ac suasu in Clericum fit, ei est, statuique Clericorum iniuriosum.

Ad violentiam quod attinet, etsi eius inferendæ instrumentum dicatur esse manus, non est tamē necesse, hanc per eam effici cū enim lata hæc sit excommunicatio, ad tuendam status Clericalis dignitatem, hæcque non minus lædatur aliis rebus, quam iniectio manuum, ea voce non debuerit propriè manus intelligi, cum aliarum rerum exclusionem, quibus vis fit Clericali statui.

Quæritur octauò, *Quinam Clerici priuentur privilegio canonis.*

Primo bigami cap. 1. de bigamis in 6.

Secundo, coniugati qui non gerunt habitum Clericalem & tonsuram cap. unico de clericis coniugat.

Tertio, qui realiter sunt degradati cap. 2. de pœnis in 6.

Quarto, Clericus in minoribus constitutus, qui omnino habitum Clericalem deserit, nec vllum beneficium possidet, nec alicui Ecclesiæ ex Episcopi mandato deseruit, nec in vniuersitate aut schola aliqua, ex Episcopi licentia, ut se ad maiores ordines præparet, versatur ac degit.

Quinto, *Qui se ioculatores seu galiardos faciunt, aut bufones* cap. unico de vita & honestate cleric. quales sunt qui ludiones mimos aut parasitos agunt.

Sexto, qui negotiis sæcularibus deposito habitu se immiscunt, & ter moniti ab Episcopo non se emendant cap. contingit 45. de sent. excomm.

Septimo, qui habitu relicto, enormitati se ac tyrannidi immiscunt, hi enim ante omnem sententiam, privilegio canonis excidunt: habetur in cap. perpendimus 23. & cap. cum non ab homine 14. de sentent. excommunicat.

Quæritur nono, *An qui verbis duntaxat Clerici nomen famamque lædit, pœna subsit canonis.*

Non subesse ut credam, hæc me inducit ratio, quod canon postulet, vis ut aliqua eius inferatur corpori immediatè, aut mediatè,

ratione rei quæ illi sit coniuncta, ut vestis qua tegitur, baculus cui innititur, quare qui aliquem metu mortis domi detinet ne inde exeat, pro excommunicato non est habendus, quia tum ei vis nulla infertur, Suarez *disp. 22. sect. 1. num. 31.* secus sentiendum esset si concluderetur ne posset egredi, quod lubet, sic enim vis ei mediate fieret, eum detinendo in loco in quo est, ac versatur.

Quæritur decimo, *An in excommunicationem incidat, qui Clericum percuti iussit in pœnam, qua vere dignus est, ac etiam maiore.*

Dico primò, *De Clerico repeti pœnas posse, utcumque culpa sua pares.*

Primo, quia scelera impunita esse non oportet.

Secundo, cum Clericum peccasse constat, nemo est qui illi, aut Clericorum ordini iniuriam factam putet.

Dico secundò, *A Patre consanguineis, & magistris, Clericos puniri posse cum delinquant.*

Ratio est, quod eos status extra parentum potestatem non ponat: ergo cum antequam in Clericorum cooptarentur ordinem, parentibus sic subessent, ut iis non parere ac obsequi capitale esset, peruiaces autem, eorumque non parentes obsequiis, ab iis puniri possent, quin & facti Clerici ab iis redargui, plecti ac corrigi queant, dubitandum non videtur. *De Graphiis lib. 2. decisio- num cap. 48. n. 35.*

Dico tertio, *Clericos si sunt facinorosi, si factiosi, si perniciem propriae aut alienae vite molientes, tuta conscientia, ac sine excommunicationis metu illos comprehendere posse, ut iudici sistantur Ecclesiastico, ab eoque puniantur, Comitoli. lib. 1. respons. q. 96. Nau. & alii.*

Ratio est, quia impune licet, & sine vlla culpa, Clericum occidere qui in fortunas aut domum facit impetum, cum sine eius nece, eas res in tuto ponere ac seruare, sibi que consulere inuasus non potest: ergo pariter licebit id facere, cum patris, matris aut amicorum commodis ac vitæ struantur insidiae.

Dico quarto, *Peccat tamen Laicus, pœnamque sibi excommunicationis conciliat, qui innocentem Clericum inique, aut plusquam meruit, percutit: vel si iuste, ac causa correctionis, aliter tamen quam ius disponit.* Ita Caiet. in verbo *excommunicationis* cap. 10. notabili 4. Nauar. cap. 27. num. 76.

Probat, punire innocentem, aut si nocens est supra eius meritum, ac contra quam æquitas postulat, culpa est, eaque de illarum genere quæ casu, ac vniuerso Clericorum ordini in eius persona sit iniuriosa: causa est hæc ergo de se sufficiens ac idonea, excommunicationis inuehendæ in eum qui percutit.

A Similiter est sacrilegus, ac excommunicatus, qui secus quam ius permittit, (quia scilicet modum non seruat quem lex canonica præscribit ac imperat) supplicia de Clerico merita exigit, partis prioris hæc est ratio, quod modum illum ad religionis materiam pertinere legislator velit, habet ergo eius violatio sacrilegii maculam, ac excommunicationis adiunctam pœnam.

Patet ex dictis primo. Abbati incumbere, per se subditum suum castigare, aut si necessitas urget, per Clericum vel Monachum *cap. vniuersitatis de sentent. excomm.* nunquam per Conuersum ac Laicum ut ex eodem capite colligitur.

Sequitur secundo, peccare Laicum, qui sententiam dicit in Clericum, qua similiter percuti iubeatur à Laico, amboque, id est tam iubentem, quam obsequentem, tam iudicem pœnam præscribentem, quam exequentem, excommunicationis pœnam incurrere, nisi forte esset Clericus de eorum numero, qui in vitæ turpitudine, & scelerum infamia inueterasset, nullamque melioris frugis spem afferret, nam cum illi secundum Ostiensem in *cap. perpendimus de sentent. excomm.* etsi habitum & tonsuram gerat, priuilegium immunitatis & canonis concidat ac pereat, nihil est rationis quam obrem dici oporteat, eum à Laico iudice, aut alio, eius imperio puniri sine scelere non posse.

D Sequitur tertio, Episcopo permissum non esse, manibus suis aliquem excedere, *ex cap. non liceat dist. 86.* quia est id, à personæ maiestate, quam sustinet in Dei Ecclesia, perquam alienum, quare ad eam rem, Clerici operari debent; non alterius, incidunt tamen tempora, in quibus Laicum ad id adhibere ministerium, non sit malum, nec proinde censura dignum.

Primum est, cum Clericus inueniri nullus potest, qui id obire velit, aut ad illud sit idoneus, *Graphius lib. 2. decisio. cap. 48. num. 39. Nauar. cap. 27. num. 86.* Enimuero cum Clericos non deceat: impunè dicere ac facere, quæcumque libet, coerceri autem, reprimique eorum ad malum impetus ab Episcopo inflictione iustæ pœnæ nequeant, quis non videt è re tum esse communi, Laici manu frenos eorum licentiæ iniici, suppliciaque peccatis imponi auctoritate Episcopi? *Sylu. verbo excommunicatio 6. num. 6. num. 11. Reginaldus lib. 1. cap. 17. num. 220.*

Secundum est, cum consuetudo longo corroborata usu in Diœcesi inualuit torqueri Clericos, ac puniri per Laicum, *Graphius supra, cum enim hæc legis vim habeat, à pœna*



pœna subeundæ excommunicationis tam Episcopum, tormenta ac supplicia imperantem, quam Laicum, ea Clerico imponentem excusabit, non autem à culpa, iubentem Episcopum ut his verbis scripsit Nauar. cap. 27. num. 87. *Ecclesiasticus qui consuetudinem secutus, torquet, aut cadit Clericum per Laicum, non est excommunicatus, licet peccet, quia consuetudo etsi non excusat à culpa, excusat tamen à pœna ordinaria, iuxta glossam in cap. venerabilis de consuetud.*

Quæritur vndecimo, *An censendus sit aliquis graviter esse percussus in ordine ad excommunicationem incurrendam qui calcibus fuit appetitus in platea.*

Affirmat Sairus de censur. lib. 3. cap. 28. num. 6. quia percussio ratione loci publici, quæ alioqui levis esset, fit enormis: ita ille cum aliis apud Maceratensem variarum resol. lib. 11. num. 10. Addo ego non parum eo opere, ac simili, Clericorum dignitatem ac nomen lædi, nam quid ad eorum contemptum esse potentius potest, quam vnum eorum quempiam calcibus peti in oculis omnium?

Opinio contraria defenditur à Diana tract. 16. res. 23. Reginaldo lib. 1. cap. 19. sect. 1. num. 240 Nauar. cap. 27. num. 92. quia ut percussio censeatur esse gravis, quæ est in publico facta debet duo habere, primo quod sit notabilis, secundo quod generet scandalum. Primū deest (inquit Diana) percussioni dicti Clerici qui calce est in platea imperitus, quare existimat cum aliis, quod percussus, ab Episcopo absolui poterit. ab excommunicatione incurfa ob iniuriam sic Clerico illatā.

Hæc sententia non est probabilis, quid enim Clerico magis esse probrosum, turpeque potest, quam spectāte vrbe, infra seruos poni, cum maiore dedecore ignominiaque plecti, quam qui sunt sceleratissimi, nec enim hi, aut illi, si quid peccent in platea vapulant, aut si ibi imprudentiæ suæ pœnas pendunt, non eam calcibus sed virgis luunt, quare prima mihi sententia ut probabilior & quenda videtur in praxi.

Quæritur duodecimo, *An Monialis quæpitione aut vena sectione aborsum intendit sit excommunicata.*

Respondit Ludouicus Molina de iustitia to. tract. 3. disp. 51. num. 4. non esse, quia hic non est violenta manu iniectio in seipsum, iniuriosa, violenta & contumeliosa: quod tamen canon exigit, violentam non esse hac ratione probatur, scienti & volenti non fit proprie iniuria, nec est etiā percussio sui iniuriosa statui Ecclesiastico: nā ad eum Monialis non pertinet, status enim Ecclesiasticus est eorum proprie qui tonsuram habet & Pars secunda.

A per eam aggregantur Ecclesiæ.

Quæritur decimo tertio, *An voluntarie percussus seipsum sit excommunicatus.*

Affirmatiuam docent Carolus de Grassis de effectibus Clericorum effectu 9. num. 82. tract. 5. par. 2. ca. 5. num. 5. Molina tom. 4. de iustitia tract. 3. disp. 51. Raynerius in catalogo censurarum cap. 9. exceptione 1. Reginald. lib. 1. cap. 17. n. 209.

Contrariam tuentur Turrian. de censur. lib. 3. disp. 29. dub. 2. Barbosa to. 4. part. 2. decreti ca. 17. q. 4. n. 38. Diana 3. par. tr. 5. resol. 81. quam ut priori probabiliorē tenēdam in praxi cōseco.

B Primo, quia canon si quis manifeste loquitur de persona distincta à percussente, indicant hæc verba: *Si quis suadente diabolo in Clericum violentas manus iniecerit.*

Secundo, quia Innoc. II. in eo can. exigit ad effectum incurrendæ excommunicationis, ut violentia inferatur Clerico qui percussus, at etsi Clericus se percussit, Ordini Clericorum iniuriam faciat, ut habet canon contingit 36. de sententia, non tamen violentiam sibi vllam affert, cum id volens & sciēs agat ut significat Innoc. in decretali citata his verbis: *Respondeo quod huiusmodi manus iniectio etsi non violenta, tamen iniuriosa videtur, cum ille canon non tam in fauorem Clerici ordinati, quam in fauorem ordinis Clericalis fuerit promulgatus.*

Tertio, quia in canone citato de sententia, Innocent. III. non dicit, eos qui hactenus Clericos percusserunt, eorum precibus inducti, excommunicationem incurrisse, quod tamen tacendum non fuerat, si res ita se habuisset, nam hoc erat in questione, sed prohibendos ne id in posterum faciant.

D Quarto, quia in eodem can. dicitur, quod Clericus qui post prohibitionem consentit in huiusmodi percussione, sit tantum excommunicandus, non autem quod sit excommunicatus ipso facto, ut fuisset necesse, si percussioni Clerici, factæ eius voluntate, ipso facto esset excommunicatio adiuncta, nam tunc ut habetur in cap. quante 47. de sentent. excom. tam Clericus, quam qui eius voluntate ac imperio eum verberibus afficeret, pro excommunicato habendus esset, cum facientes, & consentientes, pari pœna plectendos, Catholica condemnat authoritas, Innoc. III. ca. quantum de sententia excomm.

E Quæritur decimo quarto, *An qui Clericum notorie percussit, vitari debeat.*

Affirmatiua nonnullis placet, ideo quod Constantiense Concil. expresse habeat, publicum Clerici percussorem vitandum esse.

Contraria tamen sententia defenditur à Couar. in cap. alma mater parte 1. paragra. 2.

Ff



ro, hic quem sic iracundia ad nocendum Clerico impellit, debet ab ea illico abstinere, nam si sciens & volens pergat ei molestus esse, ac grauis, censurainnodabitur.

Idem est, si quis casu fortuito, præter intentionem Clericum lædat aut vulneret, nam erlitum forte peccet in eo mortaliter, non adhibendo debitam diligentiam, non est tamen excommunicatus, quia deest contumacia ad censuram necessaria, deest etiam violenta manuum iniectio vt habet Tolet. lib. 1. cap. 31.

CIRCA dicta proponuntur aliqua dubia.

Primum, *An Pater animaduertens in Sacerdotem filium, reus sit violatæ legis Ecclesiasticæ, de non verberando Clerico.*

Nequaquam: quia Patri quoad correctionem sui subsunt liberi, Sacerdos filius est, nec à charactere ius sibi prætexere vllum potest, vi cuius à patria potestate sit liber, nam quis credat filium hoc ipso quo Sacerdotio sit insignis, sic iuris sui fieri, vt in eum, patris autoritas omnis sit perempta? Episcopos quidem scimus, vt est in canone 20. distinct. 54. iniuriis esse, ius enim patrie potestatis soluit Episcopalis dignitas, filios autem sacrorum beneficio ordinum, ab ea immunes esse non legimus quare si quid Sacerdos in vita, moribusque, sacra indignum persona quam sustinet, peccauerit, à patre emendari, quamuis sit Sacerdos quin possit: non ambigit de Graph. lib. 2. cap. 48. num. 36. Hoc autem intellige, inquit, etiamsi in percussione aliquis fuerit excussus, cum non possint verbera semper suspendi in statera, eandem sententiam sequuntur, Syluest. excommunicatio 6. casu 8. Auila parte 2. cap. 5. disp. 13.

Secundum, *An Clericus maiorum ordinum, qualis est Diaconus, corrigi absque excommunicatione à magistro possit ac puniri.*

De Prælato Ecclesiastico, & magistro habetur expresse in cap. 1. de sentent. & in cap. ex tenere 10. c. d. tit. nam in priori absolute de Clericis omnibus nullo discrimine, in altero de Subdiacono expressa ab Alexand. III. fit mentio, quos omnes à magistro corrigi, ac pro culpæ qualitate ac modo, plecti posse tradit, nihilominus perspicuitatis maioris causa.

Dico primò, *Constitutos in sacris ordinibus, cum delinquant, posse sine culpa, ac censura pœna vlla, à magistris suis conuenienti aliquo supplicio affici:* Ita Nauar. cap. 27. num. 81. Reginald. lib. 1. cap. 17. num. 231. Suarez disp. 22. sect. 1. num. 48. Laym. lib. 1. tract. 5. parte 2. cap. 5. n. 8. causa 5.

Primo, quia magistris absolute, ac sine restrictione fit potestas à Pontif. in cap. 1. de sen-

sent. percutiendi scholares Clericos, correctionis & disciplinæ gratia, at sacrorum ordinum Clerici, discipuli esse possunt, & Laici eorum magistri, ergo ab his illi cum id disciplina scholastica exiget, emendari poterunt, iustaque plecti pœna.

Secundo, qua potestate pater, eadem quod in liberos suos cum scholas discendi causa frequentes obeunt, eorundem voluntatem magistri sunt præditi, sed pater de filio delinquire, vt est dictum antea, repetere pœnas potest impune, ac sine excommunicatione, ergo & magistri tam Laici, quam

B Presbyteri.

Dico secundò, *Non decere tamen maiorum ordinum Clericos, ei subiaci correctioni, qua mos est in pueros animaduerti.*

Res ipsa de se clara, explanatione non indiget, nam quis ferat grandi iam natu homines, verberari publice, plagasque nudo recipere corpore?

Equidem nulla nonnunquam accidunt, quæ in Sacerdotalibus sunt reprehendenda personis, plus tamen erga corrigendos agere debet beneuolentia, quam temeritas, plus adhortatio, quam comminatio, plus charitas quam potestas, Leo Papp. epist. 82. ad Anastas. Thessalon. Episcop. cap. 1. quare non est dignum vt prælatus honorabiliora membra sua prout voluerit, & ei placuerit, verberibus subiiciat & dolori, ne dum incaute subditos percutit membra, ipse quoque debitam sibi subditorum reuerentiam subtrahat Concil. Bracar. 3. can. 6. Hæc me causa impellit vt credam, cum de castigandis in schola maiorum ordinum Clericis agitur, receptæ consuetudini standum esse in foro Ecclesiæ, verbisque communiter plus dandum esse, quam plagis, qui odio ac maleuolentia eos ad pœnam, suppliciaque commerita vocat, pœnam in se canonis, censuramque aduocat, vt est apud Nauar. cap. 27. num. 81. Caiet. verbo excom. cap. 10. notab. 6. quæ etsi ferendæ tantum sententiæ olim esset, vt ex his verbis constat quæ sunt ex Concil. Braccaren. 2. de prompta can. 9. Si quis aliter, quam dictum est prædictos honorabiles subditos, licentia præcepta potestatis elatus, malitia animi tantum crediderit verberandos, iuxta modum verberum, quæ intulerit, excommunicationis pariter & exilii sententiam sustinebit, est hæc tamen censura lata sententiæ, factoque ipso incurrendæ hoc tempore.

Tertium, *An qui Clericum tumultuantem, è templo cum ignominia eiecit, peccet in canonicum.*

Neutiquam, modo ne ex ira odioque faciat, dixere hæc sententiam Pontifices duo Gregor. IX. in cap. cum voluntate 54. de sent. acopi. Clemens III. in cap. veniens 36. eiusd.

F f ii

infrequente ac obscuro, solum, ac sine comite, & cum armis eius generis, à quibus abstinere Clericos iura imperant.

Secundus est quando Laicorum more procedit in publicum, sine habitu & tonsura, nec aliunde scitur quod scit Clericus, aut de Christi familia religiosus, Auila 2. parte cap. 5. disp. 3. dub. 13. quibus de rebus est interrogandus poenitens à confessario, ac si sibi illum nunquam visum, cognitum nunquam fuisse dixerit, sitque eius affirmatio dubia, id politico iudici cum adhibito iuramento confirmare iubebitur cap. si vero 4. de sentent. excomm. si prestare autem noluerit iuramentum, quia violentas manus eum constat in Clericum iniectisse, ab illo sicut ab excommunicato conuenit abstinere.

Secundo excusat percussione Clerici à censura, necessitas, ut cum ei à percutiente vis infertur obtinendæ rei alicuius gratia, quæ est illi tunc, euadendæ morti, aut graui cuiuspiam necessitati opportuna.

Ratio est, quod eamvi tum extorquens Laicus, culpæ argui nequeat, cum necessitas communia reddat omnia, proprium ac peculiare certo homini relinquat nihil. Nauar. cap. 27. numer. 84. Antonin. 3 parte tit. 24. cap. 1.

Ratio est, quia id non facit animo inferendi Clerico iniuriam, sed sibi subueniendi ac necessitati suæ.

Tertius casus, in quo non est percussio Clerici censuræ iuncta, est quando disciplinæ causa per Prælatum est facta, aut Ecclesiæ magistrum Alexand. cap. 1. de sentent. & cap. ex teore 10. eodem tit. in priori enim negat ad Apostolicam sedem mittendum magistrum, si scholarem Clericum intuitu disciplinæ, vel correctionis percusserit, quia non potest in ipso iniectio manuum violenta notari, in posteriori autem, canoni vim ait fieri, & ita excommunicationem incurri, nisi qui manus violentas Clerico intulit, id fecerit, se defendendo, aut de mandato suorum prælatorum, vel nisi super eum prælationis ministerium, aut magisterium habeat, aut cum ipso in eadem Ecclesia socius habeatur.

Neque modo impune Prælati licet in Clericos peccantes animaduertere, sed & senioribus respectu iuniorum, amicis & propinquis respectu familiarium. Labet Greg. IX. audire ea de re loquentem, in cap. cum voluntate 54. de sentent. si qui vero ratione officij, quod in Ecclesia obtinent, aut etiam alij Clerici seniores, zelo deuotionis pueros, vel adolescentes, in minoribus ordinibus constitutos, turbantes diuinum officium, & si qui obtentu prælationis, vel magisterij, subditos & scholares, corre-

A Etionis causa leuiter forte percusserint, excommunicationis sententiam non incurrent, quod & de his dicendum est, qui aliquos de familia sua, vel propinquos inferiorum graduum, simili modo ut cohibeantur à suis insolentiis, & scientia bonisq; moribus informantur, duxerint corrigendos, quare nec pater carnalis, nec frater, nec herus excommunicationem incurrit, quando correctionis causa percutiunt, ille filium, alter fratrem, tertius famulum Clericum, aut senes Clerici, pueros & adolescentes in minoribus constitutos, minus pie, ac religiose se gerentes quàm oportet, dummodo percussio moderata sit non nimia.

Idem quoque sentiendum de casu, in quo iussu iudicis Laici, Clerici ex consuetudine vapulant ob enorme crimen, consuetudo enim præscripta ut Ecclesiæ legem abrogat, ita & poenam, est hæc tamen magistris ac magistratibus in castigandis Clericis tenenda cautio, ne eorum censura, iustæ moderationis ac poenæ terminos excedat. Tabiena verbo excommunicatio 5. num. 7. nam qua parte egreditur æquitatis limites, maiorque est quàm admissa culpa, excommunicationem iudici Ecclesiastico, & Laico infert, poenam maiorem quam sit æquum, imponentibus nocenti Clerico.

Scio quosdam secus credere, in eaque opinione esse ut existiment, peccare mortaliter tam iudicem Laicum, poenam decernentem in Clericum, quam quicuius imperia in repetitione poenæ committitur exequitur, in quibus est Reginald. lib. 1. cap. 17. num. 219. his verbis: Cum ita sit lege Ecclesiastica statutum (nempe Clericus nunquam puniatur per Laicum ex cap. vniuersitatis de sent. excomm.) sit ut si Index Laicus poenam percussione in Clericum statuatur, & eam per se vel alium exequatur, tam ipse quam executor, incurrit excommunicationem, etiam si reus fuerit dignus illa, ac etiam maiore poena. Hæc ille. quibus cum consuetudo vniuersæ Galliæ, tum ferè tribunalium omnium praxis reclamet, quam tamen nemo nisi parum prudenter, ob id peccati potest arcessere, non ab eo à sententia proxime dicta, quam ut dixi antea, ruentur Nauar. & Graphius, impune nempe ac sine excommunicationis ideo subeundæ metu ac timore, Clericos à Laicis moderate plecti ob culpam posse.

Quarto, excusat ab hac poena, causa percutiendi Clerici honesta ac rationabilis, ut si à voluntate tuendi sui vel alieni corporis, famæ, bonorum ac pudicitæ, ortum habeat, aut à necessitate repellendæ iniuriæ ab eo illatæ, aut inferendæ, patet ex cap. si vero 3. de sent. excomm. ubi est his verbis: Si Clericum

quia scilicet per se non intenditur siue quia violentia non intenditur, ut cum quis incastigando filio modum ex imprudentia egreditur, siue quia non intenditur quod sit in Clericum, ut cum ex ignoantia Clericus percussus aut capitur Caiet. in summa verbo absolutio cap. 10. num. 13. vera est ergo responsio.

Sextum, An & quando ab hac censur a liberet Episcopus.

Liberare iure communi Episcopum, cum est Clerici percussio levis, dixit Clemens tertius in cap. peruenit 17. de sent. excommunic. Ex quo consequitur, præter eam, dari & alias, eam tripertitam iuris interpretes faciunt, leuem, enormem, mediam, levis est quæ maculam nullam, nullam carnis lacerationem, aut dentium euulsionem habet: Laym. lib. 1. tract. 5. par. 2. cap. 5. n. 10. qualis est ut loquitur à Graph. lib. 2. c. 48. n. 47. quæ fit manu, pugno, colapho, pede, baculo, aut lapide, sine macula vlla, contusione carnis, dentium effractione, auulsione crinium, &c.

Dicunt alij, leuem dici, quæ collata cæteris, nec grauis est, nec media, de quo Episcopi, aut prudentis est confessarii iudicare, Nauar. authore ca. 27. num. 92. quod iudicium ex variis circumstantiis facti, personæ læsæ, vellædentis, loci vel temporis formare conuenit: Facti quidem, ut si percussio sit levis cum modica sanguinis effusione è naso, Personæ, si non sit vlla virtute spectabilis, aut stirpe, Loci, si remotis arbitris, ac nullo conficio,

Erit enormis ex factæ, si Clerico membrum amputabitur, si manus, si auricula, si cicatrix, si macula, ex percussione impressa vultui appareat, si membrum iteratione verberum, ita contundi accadat, ut ad solita sua munera sit inutile, si ex vulnere sanguis effluat copiosus ac abundans, modo ne ex naribus. Ex his, aut venula manans, percussionem grauem non efficit Nauar. loco citato, Regin. n. 240. & Graphion. 49. testibus.

Erit atrox ex circumstantia personæ lædentis ac læsæ, si plebeius homo ex fœce, & luto factus, principem verberet, magistratum lædat, si superiorem inferior, ciuis aliquis Sacerdotē. A loco habet percussio ut sit grauis, si corā & in multotū fiat oculis, ut in platea, in tēplo frequenti concione hominū, si spectante prælato aut iudice. A tempore autem si in die festo ratione cuius scandalum creet populo, Graph. supra. n. 51. Regin. n. 240.

Inter iniurias atroces in hoc genere ponit Ioann. Papa XXII. quod dens frangatur, quod euellantur multi capilli, quod in carne liuor, ex percussione membrorum, contusio remaneat.

Quæ autem nihil habet eiusmodi, nec tamen penitus est levis, inter mediocres locari debet, quæ est dubia, pro graui est existimanda iuxta Nau. c. 27. n. 92. Graph. lib. 2. ca. 48. n. 49.

Iam ergo ad quæstionem, absolueret ab hac cēsur a quibus est permissum à iure? Episcopo, si est percussio levis, Romano, si enormis, Prælato regulari respectu sui Monachi, si item est levis, aut mediocris, cap. Monachi de sent. excomm. in eo enim est canone quod tam illi quam regulares canonici, quocūque modo se in claustr o percusserint, non sint ad Apostolicam sedem mittendi; sed secundum providentiam, sui Abbatis disciplina subdendi quod cum de enormi capi non debeat, eo quod tum ad Ecclesiam Romanam recursus sit habendus: ita discernente Honor. III. in ca. 50. de sent. excomm. & Innoc. III. in decretali eum illorum 32. de leui erit ac mediocri intelligendum, quare cum excessus regularium extiterit difficilis, ac enormis, ut pote si ad mutilationem membri, vel effusionem sanguinis est processum, aut in Episcopum aut Abbatem, violenta manus iniecta, cum excessus tales & similes, nequeant sine scandal o præteriri, cap. cum illorum 32. super eorum est relaxatione, ac remissa, consulenda sanctæ sedes. Si vero claustr alis aliquis, in religionem personam alterius claustr i, manus iniecerit violentas, per Abbatē proprium, & eius, qui passus est iniuriam, absoluitur: quod si Clericum percusserit sacularem, non nisi per Apost. sedem (ut scandalum euitetur) absolutionis gratia poterit promereri, hæc Innoc. in decret. cum illorū citata, ab utroque autem Prælato tam lædentis, quā læsi absoluetur, si qui læso præsidet aduocetur ab alio, ut factam religioso suo iniuria remittat, proque ea pœnam in satisfactio-nem lædenti imperet, vel imperatam acceptet, aut verò, vices suas, si adesse nolit, committat superiori lædentis, ut eum iuxta suum arbitrium absoluat, Panorm. in cap. cum illorum de sent. nu. 13. Molina tract. 3. disp. 5. Laym. supra num. 10. notab. 3.

Septimum, Sunt ne tempora aliqua, seu casus, in quibus de percusso Clerico haberi ab alio possit absolutio, quam Papa Romano.

Omnino, primus est mors, seu eius periculum Trid. sess. 14. c. 7. in id quisquis fato suo, culpaue venit, à quolibet absolui posse scribere Pontifices Innoc. II. & Clem. III. ille in c. si quis suadente, hic in c. quod de his 26.

Secundus est sexus qua voce significatur, mulieribus iter in urbem suscipiendum non videri, de quo est Alex. III. de cr. numero sexta in tit. de sent. exco. his verbis: Mulieres, vel aliæ persone, quæ sui iuris non sunt, ab Episcopo Diocesano absolui possunt, si manus in Clericum iniecerint violentas.



Tertius est, *infirmitas*, à qua habent ægri, corporeq; debiles, id est mēbri alicuius vsu destituti, senes aut pueri, vt ab Episcopo recōciliari Ecclesiæ possint, etsi iniuria per eos facta Clerico grauis foret: iuxta caput quod de his 26. cap. ea nescitur 13. de sent. excom. in quo sic Clem. III. Consultationi tuæ duximus respondendum, quod mulieres, senes, & valetudinarii, seu membrorum destitutionibus impediti, licet ad sedem Apost. non veniant, ab Episcopis valeant communioni fidelium restitui, satisfacto iuxta facultates, his quibus per eos constiterit iniurias irrogatas.

Quartus est *inopia*, eaque tanta, vt excommunicato facultatem adimat comitatus necessarii, ad consulendum sedem Apostolicam, aut Legatum super obtinenda absolutione censuræ, Nauar. cap. 27. num. 88. Syluester absolutio 4. num. 3. casu 8.

Ratio est, quod non sit probabile, Ecclesiam ea seueritate agere velle cum paupere, vt mendicato Romam absolutionis causa eat, aut domi suæ uxorem, liberosque, quos labore suo, ac manuum exercitio alebat, squallore luctuque misere confectos relinquat: ergo ab itinere Romano, aut ad Legatum, excusantur hi pauperes, qui vel mēdicato viuunt, vel ex artificio quod norunt, ac fastitant, à quo tamen exercendo eos itinera reuocāt ac impediunt: vnde accidit, familiam, id est uxorem, liberos, magnis premi rei familiaris incommodis, quæ quandiu durabunt, illos lex canonica ad sui obserua-

tionem obstrictos non habebit, consequenter nec ad iter suscipiendum in urbem, aut Legatum.

Quintus est eorum proprius qui iuris non sunt sui, sed alieni: vt enim viuūt hi sub potestate alterius, ita eo repugnante, aut non consulto, viæ se Romanæ committere non debent, quare ne se prodant, culpamque suam, ab Episcopo absolui poterunt: ita in c. mulieres de sent. excom. decernente Alex. III. sic enim ibi, mulieres, inquit, vel alia persone, quæ sui iuris non sunt, ab Episcopo Diocesano absolui possunt, si manus violentas in Clericum iniecerint, quemadmodū & pueri, Clericiq; collegialiter viuētes id est sub eodē recto, etsi sint plenæ ætatis, dummodo non odio vel inuidia, vel indignatione, sed leuitate iocosa, se inuicem percusserint: cap. super eo primo de sent. excom. Libet audire ea de re loquentem Graphium loco proxime cit. n. 93.

Sextus, nota quod plures sunt manuum iniectioes ab hac excommunicatione exemptæ, quarum prima, est manus iocosa, Glossa in cap. 1. de sent. excom. etiam grauis intra fines tamen ludi, quod idem intelligo de percussente, vt cum percussus à Clerico ludente, statim etiam sine deliberatione repercutit, quia hæc est conditio ludi, & quidem naturaliter impulsus, & grauius percussus, etiam vt repercutiat, ne videatur inferior, & generaliter dicit, Richard. in 4. dist. 18. quod percussus non ex deliberatione, quamvis turbatus, non incidit, & idem est si ludens percussit deliberate, modo iocosa leuitate, & sine dolo.



TRACTATUS





# TRACTATUS

## QVINTVS,


### DISPVATIO SEXTA

#### DE EXCOMMVNICATIONE

minore,

#### QVÆSTIO PRIMA.

*Quid sit excommunicatio minor, & quis eius effectus.*



**S**T minor excommunicatio censura Ecclesiastica, quæ usu Sacramentorum passiuo, seu eorum perceptione, ac beneficiorum Ecclesiasticorum participatione priuat, ob conuersationem cum excommunicato, Gregor. IX. in ult. cap. de Clerico excommunicato ministrante.

Eius effectus præcipui tres, primus, isque directus, ac per se, ius passiuum Sacramentorum adimere.

Secundus, electione passiuæ ad beneficium excludere, in quantum, facta de excommunicato hoc excommunicationis genere, est irritanda.

Tertius in culpam tradere eum, qui Sacramenta confert cum hac censura, quos effectus Gregor. IX. in cap. si celebrat. de excommunicato ministrante: expressit his verbis: *Si tamen scienter talis electus fuerit eius electio est irritanda pro eo quod ad suspensionem eorum eligitur, à quorum perceptione à sanctis Patribus est priuatus*, Gregorium sequuti sunt Couar. incan. alma mater parte 1. parag. 8. num. 2. Auila 2. parte disput. 12. dub 2.

Qua in materia occurrit hoc primo querere, quam culpam admittat, qui cum hac censura Sacramenta recipit, mortalem an

Pars secunda.

**A** venialem? Mortalem agnoscunt Sylu. ex comm. 4. num. 1. Tabienlis eodem 8. num. 1. in hanc mentem veniunt inducti hac maxime ratione, quod sit hæc receptio contra præceptum Ecclesiæ in re graui, quo excommunicatis hoc excommunicationis generis adignit percipiendi Sacramenta, quam sententiam quoque sunt amplexi Caiet. in verbo excommunicatio cap. ultimo sub finem, Reginaldus lib. 32. cap. 17. num. 141. cui vis est, ac pondus ab autoritate Greg. Papæ non in decretali si celebrat. 10. de Clerico excom. ministrante, ibi enim eum qui minori est excommunicatione ligatus, grauiter peccare ait, cum celebrat, cuius rei causa haud dubie non est alia, quam quia sacrificando Sacramentum recipit, est ergo eius susceptio in excommunicato excommunicatione huius generis lethalis, cum qui peccat grauiter, mortaliter quoque delinquere sit censendus.

**B** Leuius peccare, qui hac censura nexus, Sacramenta ministrat nec eum culpæ grauioris, quam quæ duntaxat est venialis, reprehendi posse, dixerunt hi Theologi: Sotus in 4. dist. 22. Couar. in cap. alma mater par. 1. parag. 8. Ægid. disp. 14. dub. 17. Suar. disp. 24. sect. 2. num. 11. Sotus in 4. dist. 22. q. 2. art. 3. Layman. lib. 1. tract. 5. parte 1. cap. 4. num. 4. Suarez de censur. disput. 24. sect. 2. num. 9. & 12.

**C** Opinionis huius sunt hæc firmamenta. Primum quod excommunicatus excommunicatione minore, tantum à Sacramentorum participatione sit remotus, Cælest. 3. in cap. à nobis 2. de exceptionibus, ergo ea conferendo non facit contra præceptum Ecclesiæ, ergo nec

Gg

peccare est credendus.

Dixit eandem sententiam Gregor. Papa nonus in cap. *Ultimo de Clerico excommunicato ministrante*, peccat, inquit, conferendo Ecclesiastica Sacramenta sed ab eo collata virtutis non carent effectu, cum non videatur à collatione, sed participatione Sacramentorum, quæ in sola consistit perceptione, remotus: ergo nisi conferens Sacramenta in minori excommunicatione, ea quoque recipiat, extra culpam mortalem erit.

Secundum, causa cur excommunicato minore excommunicatione, vitiosa sit Sacramenti collatio, est in eo, quod à ratione, & Sacramentorum dignitate, nimium quantum videatur alienum, ut qui à recipiendis excluditur, eadem administret, ac est hæc irreuerentia levis, cum culpæ non dicatur lethifera conscius, qui animum ad conferenda Sacramenta appellat, ergo ex eo opere, nasci vlla talis non potest, quam in sententiam iuit Nauar. cap. 26. *summæ num. 24.* his verbis: *Potest & ministrare Sacramenta, si dando non recipiat, quia missus ad communicandum alios non peccat, quia parte dat, sed quia sumit.*

Quod si potest, ergo & valide ea ministrat ac confert, neque enim ab vlllo actu ordinis, aut iurisdictionis hoc ipso est suspensus, ut sentiunt Couarr. parag. 8. nu. 1. Henric. lib. 13. cap. 3. Vgolin. tabula 3. cap. 8. num. 13. Peccat tamen id agendo, ut dictum est antea, venialiter, negari enim non potest irreuerentiam committi erga Sacramenta, cum ea magis trañet, qui dat, quàm qui recipit, ergo cum hic peccet, peccabit & alter, quod est contra Nauar. in cap. *summæ 27. num. 24.* vbi conferentem cum hoc vinculo, ab omni excusat peccato, sicut & Graphius lib. 14. ca. 10. n. 3 nisi conferendo, ea quoque recipiat.

Sed his aduersatur Gregor. IX. in cap. *si celebrat. citato*, cum conferentem, absolute ac vniuersè peccare asserat, quod ab eo dici non debuisset, si tantum in vno id casu, eoque accidentario faceret, ex accidente enim est, quod is qui ea confert, sibi recipiat, sicut non rectè dicitur quis simpliciter peccare, dando eleemosynam, quia interdum accidit, ut dando alijs, de ea aliquid sibi retineat, ac seruet.

Secundo, in præsentì materia quæritur, an electio excommunicati minore excommunicatione, sit ipso iure valida,

Iure nullam esse, cum est scienter facta, tradit Sylu. *excomm. 4. num. 4.* Petrus Soto de excommunicatione lect. *Ultima*, Comitoli. lib. 6. *respons. q. 28. num. 4.* Panormitan. in ca. *extremum de Clerico excommunicato ministrante*, Ostiensis ibid. explanans enim verbum

A illud irritanda, idem valere tradit ac irrita nuncianda est.

Idem persuasum est Ioanni Andr. explicanti caput extremum de Clerico excommunicato ministrante. Idem visum Butrio in explanatione eiusdem capituli.

Aliorum humanior est opinio, nam aiunt eam tantum irritandam esse, cum est facta scienter: valere autem ratamque esse, cum est facta ignoranter: ita Felinus ad can. *dilecti ex exceptionibus nu. 3.* Richardus in 4. dist. 18. art. 7. qu. 4. Suar. to. 5. *disput. 224. q. 2. num. 21.* Eius fundamentum vnicum est Gregor. IX. *authoritas in cap. finali si celebrat de Clerico excommunicato ministrante*, vbi electionem excommunicati minoris, non irritam, sed irritandam dixit, si celebrat, inquit, minori excommunicatione ligatus, licet grauiter peccet, nullius tamen irregularitatis notam incurrit, nec eligere prohibetur, vel ea quæ ratione iurisdictionis sibi competunt exercere, si tamen scienter talis electus fuerit, eius electio est irritanda. Hæc Pontifex, ratio esse potest quod beneficium Ecclesiasticum ordinatur, ad Ordines sacros, & Missam, sed ab his repellitur qui excommunicatione minore est ligatus, ab illis quidem quia sunt Sacramenta, ab ista autem, in quantum per eam Sacramentum recipitur, ergo, &c.

Irritam tamen (inquies) dixit Innoc. III. in ca. *postulasti de Clerico exco. ministrante*, Clericis (inquit) excommunicationis vinculo innodatis, Ecclesiastica beneficia conferri non possunt, non est ergo solum irritanda collatio, sed etiam est irrita.

Sed respondendum, ibi loqui Innocent. de excommunicato excommunicatione maiore, argumento est, quod Innocent. causam incapacitatis quæ est in excommunicato ad beneficia, ad Ecclesiæ leges referat, vetantis fideles cum excommunicatis communicare, quod in excommunicato eo excommunicationis genere de quo præsens est sermo, locum non habet, ut patet.

Ad partem alteram quod attinet, quæ est de ignorantia.

Dicendum est, electionem irritandam non secus, quia ignorantia non facit ex inhabili habilem, sed tantum excusat à culpa. Cætera quæ maior excommunicatio excommunicato adimit, tam in diuinis quam humanis, excommunicatio minor non tollit, ut sunt ius Ecclesiasticæ sepulturæ, suffragiorum Ecclesiæ, iurisdicção Ecclesiastica, & ciuilis in iudicijs beneficiorum collatio, ac ad ea actiua electio.

Huic autem censuræ nomen est excommunicatio minor, non quod parua re priuet, nam quid esse Sacramentis vtilius, maiusque potest? horum tamen vlu, fructuque cum interdic

reddicit, quem nequit, vincitque, quid est ergo causæ, quam obrem vocetur à scriptoribus hoc nomine? eius nomenclaturæ ratio non est una, sed multiplex.

Prima, quod ob minus peccatum quam maior infligi soleat.

Secunda, quod pauciores quam ista effectus habeat.

Tertia, quod opinione hominum, qui omnia sensu magis metiuntur, quam iudicio, longe sit acerbius, duriusque à communi coniungi consortio, congressuque hominum, quam Sacramentis, quæ quia frequentantur à paucis, raro tanti ab his, promiscuaque plebe fiunt, quanti ea, ob ingentia diuinaque quæ hominum generi commoda progenerant, æstimari est necesse.

## QVÆSTIO II.

*Excommunicationis minoris quæ sint cause.*

**M**aterialis remota, est Christianus, proxima quoad Deum, quoduis peccatum mortiferum etiam occultum, propter quod peccatori non licet Sacramenta recipere in conscientia, imo neque dare. Sylu. Verbo excommunicatio 4. nu. 2. Dupliciter enim traditur homo de Ecclesia, in potestatem diaboli, vno modo, cum delictum eius manifestum sit Ecclesie, & per Sacerdotes de Ecclesia pellitur, ut notatus ab omnibus erubescat, & conuerso conueniat quod sequitur, ut spiritus saluus fiat. Alio modo quis traditur diabolo, cum peccatum eius manifestum non sit hominibus, Deus autem qui videt in occulto prospiciens eius mortem, vitii & passionibus seruientem, & in corde eius non se diligi, sed instantiam, aut auaritiam, aut libidinem, istum talem ipse Dominus tradit satanae Hieronymum, in libr. Iud. homil. 2. & refertur 11. qu. 3. can. 2.

Quoad homines similiter causa excommunicationis est peccatum nam olim cuilibet si notorium esset, annexam fuisse censuram, Henricus narrat in lib. 13. cap. 3. nu. 4. imo & infamiam, si Gratiano est fides in can. illi qui tertio causæ sextæ q. 1. qui est ex epist. Fabiani Papæ secunda ad Orientales depromptus, nam ibi habetur peccatores cauendos, & ad emendationem, si voluntariè noluerint, compellendos, quia infamie maculis sunt aspersi, & paulo post excommunicatos vitari idem Papa præcipit, quia infamia sunt notati, antequam sacerdotali auctoritate sanentur, & in gratiam sanctæ matris Ecclesie redintegrentur, quia qui extraneos sunt, nobiscum communicare non possunt.

Dixi cuilibet, nam auaros, fornicarios, raptores, maledicos in communi congressu, colloquioque, adhibere ad solatium conciliumque, Paulus vetat 1. ad Corinth. 5. Nunc autem scripsi vobis non commisceri, si is qui frater nominatur inter vos, est fornicator, aut auarus, aut idolis seruiens, aut maledicus, aut ebriosus, aut rapax, cum eiusmodi nec cibum sumere. Quod est argumento, à peccatis cæteris, quæ fordidate, memorata ab Apostolo quant aut superant, censuram abiunctam non esse.

Ut ut sit de prioris æui more, sane constat, hoc tempore huius excommunicationis materiam esse conuersationem cum excommunicato quæ nonnunquam est mortalis, maximè quædo ea est in diuinis, à quibus, directe & per se Ecclesia prohibet, venialis autem si hæc in humano duntaxat conuictu fiat, Henricus lib. 13. cap. 3. nu. 4. Et hæc de censuræ huius dispositiua, ac materiali causa dicta sunt.

Efficiens est duplex ius, & homo, ius quidem, quatenus ob conuersationem cum excommunicatis, hæc ab eo lata sententiæ infligitur in canone. Ab homine est autem cum in pœnâ culpæ imponitur sicut posse, quemadmodum & aliam, quæ maior dicitur, scripsere D. Anton. 3. parte tit. 25. cap. 2. §. 1. à Graphiis lib. 4. cap. 10. nu. 4. Couarr. parag. 8. nu. 3. Syluest. excomm. 4. nu. 2. Versu 10.

Et quanquam ferat usus hoc tempore, ut istiusmodi censurâ Episcopus aut alius neminem feriant de nomine, posse tamen Gregorii factum indicat, à quo Ianuarii hortatores, ac ad flagitiū conuictos, excommunicatos hoc excommunicationis genere, modoque, hæc eius oratio petita ex Gregor. lib. 7. indict. 2. epist. 3. (ad eundem Ianuarium) indicat: Eos quorum consilio hæc egisti, in duobus mensibus excommunicatos esse decernimus, ita tamen, ut si quid eis intra duorum mensium spatium humanitus aduenerit, benedictione viatici non priuentur, quam hæc quoque ratio confirmat ac stabilis.

Iurisdictione externi fori quisquis in Dei Ecclesia fruitur, ac gaudet, iusta nocentes pœna, meritæque si reuincat, non peccat: at est minor excommunicationis pœna peccati non vltima, ergo eiusmodi, quam reo irrogari ab Ecclesiastico iudice, ei sit in laude, nullo modo in crimine.

## QVÆSTIO III.

*In quibus casibus contrahatur minor excommunicatio.*

**O**tro recensuit Innoc. in cap. primum de sentent. excomm. quinque Diu. Thom. in 4. dist. 18. q. 2. art. 1. qui omnes, suam ab eandem communione rerum, cum excommunicato, excommunicatione maiore, ducunt originem, non secus ac illa ipsa participatio, seu communio quæ est in vitio, ab harum rerum aliqua, quæ continentur hoc carmine.

*Os, orare, Vale, communicatio, mens negatur.*

Quibus verbis significatur, excommunicatos vitandos in omnibus, quæ communicationem cuiusquemodi cum illis habent, & primo quidem in sermone, ac signis benevolentie, quomodocunque hæc se prodant, tam per nutum, verba, missas literas, quam amplexus, oscula, & munera Ægid. & Suar. multis locis, Auila 2. parte disp. 9. cap. 6. dub. 3. qui omnes aiunt id hac voce, *Os*, intelligi, ac proinde præcisos denunciandos, semper & ubique fugiendos, nisi se forte ultro ingererent, nam cum facile per leges humanitatis vitari tunc nequeant, quis prudenter ac iuste existimet, Ecclesiam in eo casu fideles punire velle hac pœna? eam autem pertinere ad singulos qui sine causa vlla iusta cum excommunicatis communicant, habes ex Concilio Antioch. can. 2. his verbis: *Si quis de Episcopis Presbyteris Vel Diaconis, Vel quilibet ex Clero deprehensus fuerit cum excommunicatis communicare, iste priuetur communione, tanquam qui regulam confundat Ecclesie.*

Secundo, fugiendi sunt excommunicati in precibus, ac communi usu suffragiorum Ecclesie, quo nomine, preces Ecclesie publicas, probi authores intelligunt, quales sunt, quæ ab eius ministris panduntur suo nomine, quo de genere sunt officia, precesque, quas Missale continet, Breviarium & Pontificale, & ad Sacramentorum, Sacramentaliumque usum, adhibentur, hocque significat particula *Orare*.

Per quam intelligi quoque Nauar. cap. 27. manual. num. 20. ait participationem Sacramentorum, diuinorum officiorum, & quarumlibet precum in Ecclesia, intra, vel extra eam, cum aliis dicendarum, quam ego opinionem probabilem existimo.

Tertio, quoniam prohibet Apostolus, Dei hostibus & Ecclesie, salutem dici. *Ne autem quidem ei dixeritis*, in hoc quoque sunt ex-

**A** communicati non tolerari fugiendi, quod vox, *Vale*, proxime sequens indicat, qualis autem esse debeat hæc salutatio interdicta fidelibus, non est æque omnibus certum.

Suarez de excommunicatione maiore disp. 15. sect. 2. Sylu. Verbo excomm. 5. num. 3. Nau. cap. 27. num. 20. aiunt nihil referre, nutum fiat, an verbis, aut defectione capitis, cum his omnibus modis præceptum violetur Ecclesie.

quare eos Paludanus in 4. sentent. disp. 18. q. 6. art. 2. in legem committere Ecclesie ait, qui excommunicato assurgunt, aut eum alio

**B** honorifico aliquo gestu prosequuntur, quod istis rebus magis, plus sibi venerationis ac obsequii deferri homines existiment, quam verbali aliqua, simplici appellatione salutis, ut vulgo fit inter propinquos, aut eiusdem ciuitatis accolæ.

Quid? quod caritas, qua Deum prosequi quisque debet, eius hostes, homines scilicet summa ignominia, infamiaque notatos non ferat, in Ecclesie eos execrantis dedecus, ac probrium suspici, in honore haberi ac colitur? quod tamen efficit, qui transeuntibus assurgit, caput detegit, genua, corpusque reuerentie causa inflectit, sunt hæc ergo, animi erga excommunicatum, si minus bene affecti, at certe de eo non male sentientis argumenta, lege Ecclesie vetita.

**C** Contra pugnant Tabiena Verbo excommunicatio 8. num. 5. Sotus in 4. dist. 22. q. 1. art. 4. conclus. 2. Angelus Verbo excommunicatio 8. num. 4. Anton. 3. part. tit. 25. cap. 2. Sa correctus Verbo excommunicatio, qui omnes, salutem quæ hic est prohibita, eiusque modum, ad eam restringunt quæ fit verbis, ac voce.

**D** Primo, quia cum aliquem nostro nomine saluere iubemus, non signa muta & inania, sed verba ab eo, cui prouinciam hanc committimus, quibus id ei significet, exigimus.

Secundo ætate, opibus, ac scientia, nobis non dispares, imo etiam inferiores salutamus, quibus tamen signa honoris, ac reuerentia nulla exhibemus.

**E** Tertio, quia præter verba, signum nullum est natura sua ad salutandum institutum, nec mos communis hominum, habet vllum proprium, sed tantum ex accommodatione usu, hæc est causa cur cum tantis, ac tam excellentibus viris, excommunicationem minorem incurrere non putem, qui reuerentiam excommunicato exhibent, eumque resalutant, assurgendo, caput aperiendo, genua flectendo & id genus obsequia, ultro ac sponte, citra sermonem, & alloquium deferendo.

Existimat Auila parte 2. cap. 6. disp. 9. dub. 9. secto 2. non excommunicari qui excommunicatum,



municatum, à quo scit se salute donari, honore & ipse afficit, non quidem animo eum resalutandi, alioqui excommunicationem minorem incurreret, sed ne inurbanus sit, ac audiat, quam in rem citat Nauar. *Enchir. ca. 27. num. 20.* sed de ea re ne verbum quidem ibi habet, sed tantum ea signa quoad forum conscientiarum, posse fieri sine intentione resalutandi, dicendo intra se, *Deus te conuertat.*

Penultima particula ( *communio* ) interdicitur omnimoda conuersatio in Sacramentis, orationibus etiam inter duos priuatis extra Ecclesiam, colloquiis, contractibus, quos fieri, & iniri sine colloquutione mutua non posse, norunt qui voces exprimendis animi notionibus adiuuentas sciunt, haeque nisi fideli commissas auri, inutiles vanaeque esse, quod ne accidar, coram, ac sibi praesentes eos esse oportere, qui rem negotiaque habent, quibus transigendis vox sit necessaria, nemo est qui non intelligit.

Paeta ergo, conuentaque hominum inter se reciproca, ad conuersationem referuntur sicut mensa ad cohabitationem, eiusdemque domicilii consortium, eiusdem mensae, ac thalami vsum, quem ex praedictis antea, non excommunicato cuilibet, sed nominatim, & publice denunciato, aut notorio percussori Clerici interdictum, docet cum Henricu. *lib. 10. cap. 5.* omnis Theologorum natio.

Notat tamen Auila 2. parte cap. 6. disput. 9. cum de habitatione agitur, quae fideli cum excommunicato sit prohibita, non aliam eo nomine intelligi, quam quae est in eadem domo, pro eodem negotio, nam pro diuersis, uti licere eodem lecto, ac etiam cubiculo cum excommunicato, ibidem asserit, modo ne cum illo fidelis comedat, in eodem lecto dormiat, cum illo loquatur, sermonesque misceat, quam in opinionem trahit Angelum verbo excommunicatio 8. num. 4. Sylu. eodem verbo 5. num. 3. Armilla in eodem num. 42. proque eis est haec ratio, quod cum poenae leniendae sint, quemadmodum & odia, lex poenalis proprie, ac verborum quibus constat, potestati consentaneè intelligi debet. At tam mentis, quam communionis nomina, ad domicilium, ac habitationem in eadem domo, cubiculoque, pro diuersis negotiis, quis deriuat? si sermo non interuenit eiusdemque mensae ac lecti communio? ergo &c.

Nota secundo, ne quidem vi canonis, excommunicati congressum fideli prohibentis, isti eiusdem cubiculi cum illo vsum interdici ad potum & somnum, modo mensa & lectus, non sint eadem, nec sint inuitati ambo ad idem prandium, quia cum non est idem prandium, idem lectus, &c. inter eos

A nulla est communio, quae ratio locum cum habeat, quando eidem quidem mensae assident, sed ut locis, ita disiuncti quoque sunt animis, inferunt aliqui ab excom. praesentia, nihil fidelem vitii trahere, quod in hac materia, non tam mensae materialis vnitas spectari debeat, quam moralis, seu eiusdem prandii participatio, qualis hic nulla accedit, cum & diuersae apponantur fideli, & excommunicato epulae, nec ab eodem inuitati sint ambo, aut alter ab altero. Cuius oppositum est dicendum, cum moraliter eadem est mensa, iidem cibi, suntque ad idem conuiuium inuitati ambo, nam tunc mensarum diuisio, aut cubiculorum, excommunicationem non impedit, cum moraliter inter se in epulis, conuiuioque communicent.

## QVÆSTIO IV.

An in nullo casu, liceat cum excommunicato nominatim, aut notorio Clerici percussore communicare.

L Icet in omnibus, quos complexus est Gregor. VII. lib. 1. regesti & post eum Gratianus in can. centesimo tertio quoniam multos causa 13. q. 5. notanturque memoriarum causa hoc versu.

*Vtile, lex, humile, res ignorata, necesse.*

Vtile, indicat communicare cum excommunicato posse aliquem, in eius vtilitatem ac commodum, Nauarr. cap. 27. num. 26. Henricu. lib. 13. cap. 22. & 23. est autem haec vtilitas duplex, spiritualis vna, eaque tam excommunicati quam nostra, id est communicantis propria, alia est temporalis. A spiritali habet excommunicatus, ut Confessario peccata explicare sua, ei deponere conscientiam valeat, hic autem, ut cum admonere de officio, ad saniora illum consilia adhortari eaque gratia salutem eidem dicere, illi scribere, in illius se amicitiam insinuare impunè possit, ac cum laude, colligitur ex ca. cum voluntate 54. de sentent. excom. in quo est eum excommunicationis sententiam non incurrere qui cum excommunicato in his quae ad absolutionem aut alias ad animae salutem pertinent in locutione participat, et si incidēter alia verba interponat, quibus & aliis id genus officiis humanitatis, ad bonam frugem reuocari facilius queat, idemque est de aliis, quae eatenus in fauorem excommunicati sunt licita, quatenus per ea speratur emendandus, aliter vsurpari nequeunt, ex Henricu. loco citato.

Causa est, quod fidem omnem superet, Ecclesiam matrem scilicet pietissimam tanta cum excommunicatis, alumnis utique

fuis in feueritate agere uelle, ut eis, cōgrefſū, non excommunicati, utilem ac neceſſariū ſibi ad ſalutem animæ interdicit Rebuff. in explicat. one concord. tit. de non uiſandis excommunicatis.

Ita licet à Parocho excommunicato, occulto tamen, aut tolerato, ut tomo primo probauimus, confeſſionem petere, aut Sacramenta, ſi non eſt alius, qui æque id poſſit facile, ac commodè, quia eius defectus ac inopia neceſſitati tribuitur, à qua lex habet ut non violetur, de regulis iuris regula 4. ſimiliter poteſt excommunicatus in re dubia conſuli, ſubſidium ab eo temporale aut ſpirituale exigere, quando qui tribuat, alius non eſt ſuper, aut certe non tam commodè. Laym. lib. 1. tract. 5. par. 2. cap. 2. num. 16. ſimili ratione non excommunicato permittitur in cap. reſponſo de ſentent. coram non tolerato in Eccleſia uerba facere, eidem quæ ſaluti eius conueniunt ſpirituale, conſulere, quòque facilius in eius ſe animum inſinuet, ea adhibere licet omnia, quæ humanitatē olent, ac ſapiunt: Nauar. cap. 27. num. 26. uice uerſa conſeſſum eſt fidelibus, ab excommunicato non tolerato petere ſpirituale conſilium pro ſe, aut pro alijs, & etiam temporale valde neceſſarium, quando non occurrat alius ſimilis à quo petatur, Nauar. num. 25. Auila 2. par. diſp. 10. cap. 6. dub. 2. Item licitum eſt exhibere ei aliqua ſigna exteriora beneuolentiæ ut eum ſalutare, detegere caput, & ſi mittat ei conſilium in ſcriptis poteſt in principio epiſtolæ ponere ſolitam ſalutationem, Auila ſupra dub. 2. Angelus uerbo excommunicatio 8. num. 4. diſt. 22. q. 1. art. 4. dicti huius vnica eſt ratio nempe quod conſeſſo ſine, etiam media ad illum ſint permiſſa, ex quo argumento ſequitur, eatenus tantum ſigna huius beneuolentiæ licita eſſe, quatenus ſperantur excommunicato profutura, ea adhibere cum proſectus ſpes eſt nulla, eſt excommunicationi minori, quæ tali communicatione incurritur, ſubefſe uelle, Sylu. uerbo exco. 5. n. 4.

Ab excommunicato tamen non tolerato, repetere debitum, aut ſubſidium corporale, non eſt ſideli illicitum: Nauar. cap. 27. num. 27. Laym. lib. 1. tract. 5. parte 2. cap. 2. num. 16. temporalis enim utilitas pro obiecto temporale habet commodum, quo degenerare ſunt debitum, ac ſtipendia, &c. hæc ergo à denunciato excommunicato petere non eſt illicitum, nec uice uerſa huic, à debitore. Quanquā tempora ſe offerunt, præque cæteris vnum, in quo hic non neceſſario tenetur petenti ſatisfacere, nempe, ſi eſt eius debitum ex liberali promiſſione, quam iurata ortum: eſt hæc enim facta cum hac hypotheſi tacita, ſi res in eodem ſtatu perſeuerent, niſi valde immutentur, quod

hic tamen accidit ut apparet, cum creditor ex non excommunicato factus ſit præciſus Leſſius de cauſis excuſantibus à reſtitutione dub. 19. num. 8. quod non placet Stephano de Auila, eo quod ex promiſſione libera, & uoluntaria, debita non minus ſint debita, etſi obligatione non tam ſtriſta, quam quæ ex contractu emptionis aut mutui ſunt orta, ut patet, cum pacta conuenta præſtari oporteat ſub culpa de pactis cap. 1. non alia tamen quam ueniali, eo quod fidelitas, ad quam ea implere pertinet, ſtriſtius non obliget.

Secundo, à lege Eccleſiæ prohibentis communicationem excommunicati denuntiati & publici, ſeu notorii percufforis Clerici: lex excuſat coniugii, à qua lege habent maritus, & uxor, ut vna uerſari, & debitum ſibi coniugale mutuo reddere poſſint, etſi eorum alter ſit excommunicatus 11. q. 3. canone quoniam 53. Nauar. cap. 27. num. 27. à quo tamen eis abſtinendum foret, ſi excommunicati eſſent ob contractum matrimonium, puta quia eſt initum cum impedimento ab eorum altero cognito Sylu. uerbo excomm. 5. num. 4.

Nec eſt modo debiti petitiō ab uxore, excommunicato permiſſa, ſed quælibet etiam communicatio alia, in gubernatione familiaris, ac domus, quare inuicem colloqui, menſa eadem uti queunt, &c. Caiet. uerbo excommunicatio cap. 81. parag. illicita.

Dicti huius eſt hæc cauſa, quod excommunicato repetere à ſuo debitore debitum pecuniariū liceat, ergo & coniugale: Quod autem communicare inter ſe, quantum familiare obſequiū & auxiliū exigit, impune poſſint, dixit Innoc. III. in c. inter alia 31. de ſent. excomm. clariſſime autē Greg. VII. in can. quoniā 103. cauſa 11. q. 3. cū enim ſerui & ſcæminæ, ab obſequio quod exhibere ante incurſā cenſurā tenebantur, ſcæmina quidē uiro, ſerui hero, non ſint per excomm. exempti ſecundum Innoc. in canone proxime citato, ad familiare obligantur obſequium, & ita per conſequentes ad communionem, ſine qua illud nequeunt exhibere cap. inter alia citato, ad quod obſequiū diuina cū non pertineant, nulla in eorum genere, eſſe communicatio poteſt

cum excommunicato, quia hoc eſſet cum præciſo communicare in re ad ſalutem eius non neceſſaria, quod eſt prohibitum, ſicuti in his pro quibus eadem perſona ſunt excommunicatione notata, ut in criminibus, in quibus communicare non debent, ſed ab eis penitus abſtinere de ſentent. excommunic. cap. inter cætera.

Ab hac lege excipiendi ſunt caſus ſequentes. Primus eſt, cū domi præter maritum eſt alius, eodem excommunicationis vinculo irretitus, nam tunc non modo ſcæminæ, lege eſt

ge est Ecclesiastica prohibitum eo uti, sed & marito domi suæ illum retinere, contra ius commune Ecclesiæ, quare ab utroque si officio, suæque conscientiæ vult scēminæ consultum esse, diuertere debet aliud, nec cum marito suo, ac altero, qui denunciatus supponitur, communicare in re politica, civili ac diuina.

Casus alter, in quo scēminæ cum marito, nihil esse commune potest, est, cum periculum assentiendi culpæ mariti imminet, aut participandi in ea, nam etsi scēminæ cum viro, cæteris autem qui certis hominibus arctiori obnoxietate astricti hærent, cum iis congregari, ac in communi victu versari liceat, in his tamen pro quibus sunt excommunicatione notati, ut in criminibus, communicare non debent, sed ab iis abstinere: secundum Innoc. III. in cap. 31. de sentent. excomm.

Tertius casus est, cum excommunicatio lata est propter defectum in matrimonio, petitum ex impedimento naturali, aut Ecclesiastico, ratione cuius validum esse nequit, Henric. lib. 13. cap. 22. §. 2.

Nam cum tunc, vir & vxor simul cohabitare sine animæ periculo nequeant, inflicta est hæc pœna, ut separentur ab inuicem, donec finem lis intentata habeat, ergo ei non parere peccatum est, tam contra obedientiam, quàm charitatem, quæ læditur per scandalum, quod est tali cohabitationi coniunctum, porro nomine mariti & vxoris non includuntur sponsus & sponsa quia reuera non sunt coniuges, nec tenentur cohabitare, sed domo cubiculoque ab inuicem seiuncti viuere, cum ut est in Trid. sess. 24. cap. 1. ante benedictionem Sacerdotalem in templo suscipiendam, in eadē domo cohabitare non debeant.

Humilitatis nomine ea intelligenda sunt obsequia, quæ à seruis, ancillis, ergastulariis, mancipiis, rusticis, & colonis suis sunt debita dominis, patri autem à filio Nauar. cap. 27. num. 27. quæ tam his præstare sine culpa est permittum, quàm illis ista exigere, decreto Gregor. VII. in can. quoniam multos 103. causa 11. q. 3. in quo est his verbis: Apostolica itaque auctoritate ab anathematis vinculo hos subtrahimus, videlicet vxores, liberos, seruos, ancillas, seu mancipia, nec non rusticos seruientes, & omnes alios qui non adeo curiales sunt, ut eorum co. filio scelera perpetrentur, & eos qui ignoranter excommunicatis communicant. Quare si pater familias domus, excommunicationis sententiæ fuerit innodatus, à participatione illius familia excusatur Innocent. III. in decretali si vere 34. de sentent. excomm. similiter & qui debitum repetunt tam pecuniarium, quam humanitatis, officii, aut charitatis, quia si ali-

ter fieret, viderentur creditores damnum ex liberalitate, excommunicati autem præmium ex cōtumacia reportare, cum ad hoc debitum exoluendum, ipsi illis maneant obligati, & ab excommunicatis exigere possit, & recipi, quod debetur cap. 34. citato.

Filiorum autem nomine, comprehendi promiscue omnes, qui hoc nomine censentur in iure. communis est Doctorum opinio, tales sunt legitimi, spurii, adoptiui, nepotes, priuigni, & emancipati, nam cum manumissione (nos emancipationem dicimus) filius non desinat esse obligatus parentibus, ad obsequia illis præstanda debita, hoc nomine comprehendi omnes, qui possunt esse filii, ut asseram, ipsa quæ semper per sese multum valuit, ratio conuincit.

Placet tamen aduertere, primo filiorum nomine spirituales non intelligi, nempe qui occasione Baptismi, aut Confirmationis sunt tales, respectu eorum, qui hæc ipsis Sacramenta tribuerunt, aut eos in illis susceperunt, Vgolinus cap. 23. parag. 7. num. 11.

Secundo notare lubet, rusticos hinc dici non quoslibet, sed proprios ipsius excommunicati colonos, vinitores, agricolas videlicet, qui ei in villis excolendis, opereque rustico procurando, ante excommunicationem operam dabant, nam ea iam promulgata, illi se dedere, aut in eius domo, aut suburbano prædio, negotia eius procurare, nefas.

Tertio, iuuat & hoc addere, in hunc numerum includi tam aulicos, qui sunt de familia Principis excommunicati, quàm Clericos, Episcopi denunciati domesticos, & religiosos, respectu sui superioris, causa est quod hi tam in spiritualibus, quàm temporalibus Superiori suo subsint, Medina Cod. de resist. ergo quod Ecclesia tolerat in seruis, nisi contrarium exprimat, non damnat in religiosi respectu sui Superioris.

Quarto notandum est, hoc titulo nō excusari Aulicos, & Clericos, qui ad familiam Episcopi, aut Principis excommunicati non pertinent, nisi eos excuset utilitas, cuiusmodi esset, si seiunctione sui ab excommunicato Episcopo, vel Principe, facturi essent iacturam stipendii gratuiti, ac liberalis, quod ob delatam utrique operam expectabant, amborum beneficentia.

Notandum quinto, concessionem hanc intelligendam esse reciprocè, ut etiam pater cum filiis, dominus cum seruis excommunicatis non toleratis, sine violatione Ecclesiasticæ legis communicare possit: docent, Nauar. cap. 27. num. 27. Laym. supra Auila 2. parte cap. 6. disp. 9. dub. 6.

Nec in humanis modo, sed diuinis quo-



fuisset in seueritate agere uelle, ut eis, congressu, A non excommunicati, utilem ac necessariu sibi ad salutem animæ interdicit Rebuff. in explicat. one concord. tit. de non vitandis excommunicatis.

Ita licet à Parocho excommunicato, occulto tamen, aut tolerato, ut tomo primo probauimus, confessionem petere, aut Sacramenta, si non est alius, qui æque id possit facile, ac commode, quia eius defectus ac inopia necessitati tribuitur, à qua lex habet ut non violetur, de regulis iuris regula 4 similiter potest excommunicatus in re dubia consuli, subsidium ab eo temporale aut spiritale exigi, quando qui tribuat, alius non est super, aut certe non tam commode. Laym. lib. 1. traët. 5. par. 2. cap. 2. num. 16. simili ratione non excommunicato permittitur in cap. responso de sentent. coram non tolerato in Ecclesia verba facere, eidem quæ saluti eius conueniunt spirituali, consulere, quodque facilius in eius se animum insinuet, ea adhibere licet omnia, quæ humanitatē olent, ac sapiunt. Nauar. cap. 27. num. 26. vice versa concessum est fidelibus, ab excommunicato non tolerato petere spirituale consilium pro se, aut pro aliis, & etiam temporale valde necessarium, quando non occurrit alius similis à quo petatur, Nauar. num. 25. Auila 2. par. disp. 10. cap. 6. dub. 2. Item licitum est exhibere ei aliqua signa exteriora beneuolentiæ ut eum salutare, detegere caput, & si mittat ei consilium in scriptis potest in principio epistola ponere solitam salutationem, Auila supra dub. 2. Angelus verbo excommunicatio 8. num. 4. dist. 22. q. 1. art. 4. dicti huius vnica est ratio nempe quod concessio sine, etiam media ad illum sint permissa, ex quo argumento sequitur, eatenus tantum signa huius beneuolentiæ licita esse, quatenus sperantur excommunicato profutura, ea adhibere cum profectus spes est nulla, est excommunicationi minori, quæ tali communicatione incurritur, subesse uelle, Sylu. verbo exco. 5. n. 4.

Ab excommunicato tamen non tolerato, repetere debitum, aut subsidium corporale, non est fidei illicitum. Nauar. cap. 27. num. 27. Laym. lib. 1. traët. 5. parte 2. cap. 2. num. 16. temporalis enim utilitas pro obiecto temporale habet commodum, quo de genere sunt debitum, ac stipendia, &c. hæc ergo à denunciato excommunicato petere non est illicitum, nec vice versa huic, à debitore. Quamquam tempora se offerunt, præque cæteris vnum, in quo hic non necessario tenetur petenti satisfacere, nempe, si est eius debitum ex liberali promissione, quam iurata ortum: est hæc enim facta cum hac hypothese tacita, si res in eodem statu perseuerent, nisi valde immutentur, quod

hic tamen accidit ut apparet, cum creditor ex non excommunicato factus sit præcisus Lessius de causis excusantibus à restitutione dub. 19. num. 8. quod non placet Stephano de Auila, eo quod ex promissione libera, & voluntaria, debita non minus sint debita, etsi obligatione non tam stricta, quam quæ ex contractu emptionis aut mutui sunt orta, ut patet, cum pacta conuenta præstari oporteat sub culpa de pactis cap. 1. non alia tamen quam veniali, eo quod fidelitas, ad quam ea implere pertinet, strictius non obliget.

B Secundo, à lege Ecclesiæ prohibentis communicationem excommunicati denunciati & publici, seu notorii percussoris Clerici: lex excusat coniugii, à qua lege habent maritus, & vxor, ut vna versari, & debitum sibi coniugale mutuo reddere possint, etsi eorum alter sit excommunicatus 11. q. 3. canone quoniam 53. Nauar. cap. 27. num. 27. à quo tamen eis abstinendum foret, si excommunicati essent ob contractum matrimonium, puta quia est initum cum impedimento ab eorum altero cognito Sylu. verbo excomm. 5. num. 4.

C Nec est modo debiti petitio ab vxore, excommunicato permessa, sed quælibet etiam communicatio alia, in gubernatione familiaris, ac domus, quare inuicem colloqui, mensa eadem uti queunt, &c. Caiet. verbo excommunicatio cap. 81. parag. illicita.

Dicti huius est hæc causa, quod excommunicato repetere à suo debitore debitum pecuniariu liceat, ergo & coniugale: Quod autem communicare inter se, quantum familiare obsequiu & auxiliu exigit, impune possint, dixit Innoc. III. in c. inter alia 31. de sent. excomm. clarissime autem Greg. VII. in can. quoniam 103. cause 11. q. 3. cū enim serui & fœminæ, ab obsequio quod exhibere ante incursum censuram tenebantur, fœmina quidē viro, serui hero, non sint per excomm. exempti secundum Innoc. in canone proxime citato, ad familiare obligantur obsequium, & ita per consequens ad communionem, sine qua illud nequeunt exhibere cap. inter alia citato, ad quod obsequiu diuina cū non pertineant, nulla in eo rerum genere, esse communicatio potest cum excommunicato, quia hoc esset cum præciso communicare in re ad salutem eius non necessaria, quod est prohibitum, sicuti in his pro quibus eadem persona sunt excommunicatione notata, ut in criminibus, in quibus communicare non debent, sed ab eis penitus abstinere de sentent. excommunic. cap. inter cetera.

E Ab hac lege excipiendi sunt casus sequentes. Primus est, cū domi præter maritum est alius, eodem excommunicationis vinculo irretitus, nam tunc non modo fœminæ, lege est



ge est Ecclesiastica prohibitum eo uti, sed & marito domi suæ illum retinere, contra ius commune Ecclesiæ, quare ab utroque si officio, suæque conscientiæ vult scemina consultum esse, diuertere debet aliò, nec cum marito suo, ac altero, qui denunciatus supponitur, communicare in re politica, civili ac diuina.

Casus alter, in quo scemina cum marito, nihil esse commune potest, est, cum periculum assentiendi culpæ mariti imminet, aut participandi in ea, nam etsi scemina cum viro, cæteris autem qui certis hominibus arctiori obnoxietate astricti hærent, cum iis congregari, ac in communi victu versari liceat, in his tamen pro quibus sunt excommunicatione notati, ut in criminibus, communicare non debent, sed ab iis abstinere: secundum Innoc. III. in cap. 31. de sentent. excomm.

Tertius casus est, cum excommunicatio lata est propter defectum in matrimonio, petitum ex impedimento naturali, aut Ecclesiastico, ratione cuius validum esse nequit, Henric. lib. 13. cap. 21. §. 2.

Nam cum tunc, vir & uxor simul cohabitare sine animæ periculo nequeant, inflata est hæc pœna, ut separentur ab inuicem, donec finem his intentata habeat, ergo ei non parere peccatum est, tam contra obedientiam, quàm charitatem, quæ læditur per scandalum, quod est tali cohabitationi coniunctum, porro nomine mariti & uxoris non includuntur sponsus & sponsa quia reuera non sunt coniuges, nec tenentur cohabitare, sed domo cubiculoque ab inuicem seiuncti vivere, cum ut est in Trid. sess. 24. cap. 1. ante benedictionem Sacerdotalem in templo suscipiendam, in eadē domo cohabitare non debeant.

Humilitatis nomine ea intelligenda sunt obsequia, quæ à seruis, ancillis, ergastulariis, mancipiis, rusticis, & colonis suis sunt debita dominis, patri autem à filio Nauar. cap. 27. num. 27. quæ tam his præstare sine culpa est permittum, quàm illis ista exigere, decreto Gregor. VII. in can. quoniam multos 103. causa 11. q. 3. in quo est his verbis: Apostolica itaque auctoritate ab anathematis vinculo hos subtrahimus, videlicet uxores, liberos, seruos, ancillas, seu mancipia, nec non rusticos seruientes, & omnes alios qui non adeo curiales sunt, ut eorum co. filio scelera perpetrentur, & eos qui ignoranter excommunicatis communicant. Quare si pater familias domus, excommunicationis sententiæ fuerit innodatus, à participatione illius familia excusatur Innocent. III. in decretali si Verè 34. de sentent. excomm. similiter & qui debitum repetunt tam pecuniarium, quam humanitatis, officii, aut charitatis, quia si ali-

ter fieret, viderentur creditores damnum ex liberalitate, excommunicati autem præmium ex cōtumacia reportare, cum ad hoc debitum exoluendum, ipsi illis maneant obligati, & ab excommunicatis exigere possint, & recipi, quod debetur cap. 34. citato.

Filiorum autem nomine, comprehendi promiscue omnes, qui hoc nomine censentur in iure. communis est Doctorum opinio, tales sunt legitimi, spurii, adoptiui, nepotes, priuigni, & emancipati, nam cum manumissione (nos emancipationem dicimus) filius non desinat esse obligatus parentibus, ad obsequia illis præstanda debita, hoc nomine comprehendi omnes, qui possunt esse filii, ut asseram, ipsa quæ semper per se semultum valuit, ratio conuincit.

Placet tamen aduertere, primo filiorum nomine spirituales non intelligi, nempe qui occasione Baptismi, aut Confirmationis sunt tales, respectu eorum, qui hæc ipsis Sacramenta tribuerunt, aut eos in illis susceperunt, Vgolinus cap. 23. par. 7. num. 11.

Secundo notare lubet, rusticos hæc dici non quoslibet, sed proprios ipsius excommunicati colonos, vinitores, agricolas videlicet, qui ei in villis excolendis, opereque rustico procurando, ante excommunicationem operam dabant, nam ea iam promulgata, illi se dedere, aut in eius domo, aut suburbano prædio, negotia eius procurare, nefas.

Tertio, iuuat & hoc addere, in hunc numerum includi tam aulicos, qui sunt de familia Principis excommunicati, quàm Clericos, Episcopi denunciati domesticos, & religiosos, respectu sui superioris, causa est quod hi tam in spiritualibus, quàm temporalibus Superiori suo subsint, Medina Cod. de restit. ergo quod Ecclesia tolerat in seruis, nisi contrarium exprimat, non damnat in religiosis respectu sui Superioris.

Quarto notandum est, hoc titulo non excusari Aulicos, & Clericos, qui ad familiam Episcopi, aut Principis excommunicati non pertinent, nisi eos excuset utilitas, cuiusmodi esset, si seiunctione sui ab excommunicato Episcopo, vel Principe, facturi essent iacturam stipendii gratuiti, ac liberalis, quod ob delatam utrique operam expectabant, amborum beneficentia.

Notandum quinto, concessionem hanc intelligendam esse reciprocè, ut etiam pater cum filiis, dominus cum seruis excommunicatis non toleratis, sine violatione Ecclesiasticæ legis communicare possit: docent, Nauar. cap. 27. num. 27. Laym. supra Auila 2. parte cap. 6. disp. 9. dub. 6.

Nec in humanis modo, sed diuinis quo-

que, est hæc communicatio serui cum domino, filii cum patre, & contra, patris cum filio licita, quia in correlatis, quod statuitur de vno, censetur etiam de altero statutum, quando eadem est vtriusque ratio: vt habet Laym. lib. 1. tract. 3. parte 2. cap. 2. nu. 16. nam ius seruos excipit, respectu domini ad euitandum animarum periculum, vt est in canone *quoniam multos* 11. qu. 3. quod idem similiter locum habet in domino respectu serui, patre respectu filii, &c.

Necessitatis nomen de qua fit mentio in versu, significat quod omnes qui ratione contractus, sunt obligati alicui personæ excommunicatæ, non impediuntur ab eius censura, quominus possint cum ea agere, in his, quæ ad præstationem dictorum contractuum pertinent, colligitur ex cap. inter alia 31. de sentent. excomm. vbi Innoc. III. declarat quod hi qui ante excommunicationem tenebantur obsequi alteri, aut eius familiæ adhærere, occasione contractus alicuius cum eo initi, cum adhuc debitum daret, non esse per excommunicationem suam, aut eorum cum quibus ante contraxerant, à prior obnoxietate solutos sed ad familiare teneri obsequium, & per consequens, ad communicationem sine qua illud exhiberi non potest.

Quare creditor qui excommunicatus non est, à debitore excommunicato debitum exigere, & cum eo communicare super hac re potest: ita Pontifex Innoc. in cap. si verè de sent. excomm.

Ratio est, quod cum excommunicatis non toleratis licita sit communicatio, quoties ea sine magno incommodo vitari nequit, ob quam causam sine culpa ab excommunicatis stipendia petere, & eorum mensæ accumbere, singulos posse communis est sensus, quia vt habet regula 4. iuris quod non est in lege licitum necessitas licitum facit.

Verùm quid dicendum, inquires, de his qui cum excommunicato non tolerato contrahunt? etiamne iis licet sine culpa, cum eores negotiaque habere, eaque præstare officia, ad quæ vi contractus se obligant.

Respondendum est posse, quia canone *quoniam multos* 303. causa 11. qu. 3. absolutè serui & ancillæ, ab anathematis vinculo subtrahuntur, cum debita obsequia dominis suis exhibent, eo quod non ita sint Curiales, inquit Gregor. VII. vt eorum consilio scelera perpetrentur, causa ergo iusta est nulla, eos eximendi ab hac lege, quæ ad eos duntaxat pertinet, qui mala fide, cum excommunicatis non toleratis contrahunt, cum vbi iura distinctionem nullam adhibent, nec à nobis afferri vlla debeat.

## QVÆSTIO V.

*An omnis communicatio cum preciso non tolerato extratempora allata questione precedenti & iure permissa, lethale sit crimen, an veniale tantum.*

**T**Ractatur hæc quæstio à Diu. Thoma in 4. sentent. dist. 8. q. 2. art. 4. ad quæstionculam 3. & quodl. 11. q. 8. art. 9. Adriano in 3. q. de clauibus exceptione 8. Gabr. in 4. dist. 18. q. 3. art. 1. & 2. qui tres, & alii complures aiunt.

Certum esse primo, peccare cum mortaliter, qui in crimine communicat, propter quod Ecclesia excommunicatum sacro suo ense perculit, seu causa excommunicationis D. Tho. supra.

Secundo certum esse asserunt peccare plusquam venialiter, qui communicat cum eo, quem Romanus Pontifex per censuram, à fidelium Christianorum cœtu submouit, & excommunicatum denunciavit, sic in cap. significauit de sentent. excommunic. Clem. III. Denunciat autem Pontifex per se, vel alios.

Primo scripto, quod locis publicis affixum, rem vniuersam singulis edisserat, Patæque mentem.

Secundo declaratione peccati publica, ab Ecclesiæ sacro, de superiori loco, inter Missarum solennia aut præcone in compitis colligere id cuique facile ex actis conciliabuli Ephesini contra Cyrillum & Memnonem to. 2. Conciliorum vbi Comes Candidianus narrat à se refixū, τῷ πρῶτῳ καὶ μετὰ τὸ καθαιρετικὸν μετ' ὀλίγον δὲ καὶ τῇ τῇ ἀγορᾷ ἀκηκοῖναι δημοκρίτους περιόντας τὴν καθάρσιν τῶ νεστορίῳ ἐκπομπέειν, id est, Post paucos quoque dies audisse præcones depositionem Nestorij, cum pompa buccinantes.

Tertio est communicatio cum non tolerato lethalis, cum similiter in illos, qui cum eo rem habent, dicta est excommunicationis sententia, simulque in omnes participantes, Sotus in 4. distinet. 22. qu. 1. art. 4. Comitoli lib. 6. respons. q. 26. sic Episcopi Orientales asserunt in epistola ad Rufinum Episcopum τῶς κοινωνήσας νεστορίῳ παντελῶς ἐξωθεῖσθαι τῆς ἐκκλησίας, communicantes Nestorio ab Ecclesia expelli, Concil. Ephesinum in actis conciliabuli. Participant autem in crimine criminoso (vt loquuntur) qui excommunicato in eodem crimine fauent ope aut consilio Nauarr. cap. 27. num. 32.

Certum quarto, communicare cum excommunicatis, per se culpam esse mortiferam quando cum iis communicatur in diuinis D. Tho. in 4. dist. 18. q. 2. art. 4.

Quinto

Quinto, in contemptum Ecclesiæ, ad quos casus adiungendi sunt & ij, ex quibus scandalum nascitur, ut cum communicans exemplo suo cæteris ad contemnendam censuram præit, vel cū infirmæ plebi conquerendi de superiore, aut eius negligendi ansam tribuit vel illi molestiam, clamoribus suis inobedientiaque parit, cum contra prælati imperium, mandatumque facit, cum perinde cum excommunicato versatur, ut cum cæteris, quos censura non afficit.

Dicunt alii, in communicando cum excommunicato, culpam mortalem suscipi, maximè vero Durandus in 4. dist. 18. q. 5. Almainus in eadem distinct. q. 1. art. 3. cum pertinaciter, & effrenate id fit, secus quando timide, quando verecunde, & cum animi ægitudine, obiter, & in paucis: causa prioris partis est, quod talis communicatio haud dubium Ecclesiæ contemptum habeat.

Posterior autem nixitur, hoc commune Theologorum axioma, quod in præceptis Ecclesiæ, à mortali culpa excuset materia leuitas, qualis est, levis aliqua, ac moderata collocutio cum excommunicato, obiter & in paucis.

Victoria in tract. de excom. q. 10. duos casus nominat, quibus iure diuinò à communione cum excomm. declinare singulos oportet.

Primus est, cum excommunicatio fidem & mores lædit, fidem quidem, quando communicas, in suspicionem apud populum veniet, quod Ecclesiæ, eiusque potestati fidem non habeat.

Secundus est, cum excommunicatus communicatione sua cum non excommunicato, opem, ac subsidium, sibi ad delicti sui defensionem comparat, putà, quia hic opibus, potentiaque cum præstet, animos excommunicato dat ad audaciam, & contumaciam, abistendo scilicet mandatis Ecclesiæ, eius abnuendo imperia, aut quæ læso facta est iniuria, verbis ac opere minime deprecando.

Quinto constat actiones quæ excommunicatis sunt prohibita, ad tria omnes reduci capita.

Primum est, earum rerum, quæ solis sunt concessæ fidelibus, ut sunt auditio Missæ, Sacramentorum perceptio.

Secundum, eas actiones respicit, quæ Christianorum quidem sunt, sed non omnium, uti beneficia conferre, ad ea nominare aut eligere, munus iudicis Ecclesiastici, vicedomini aut Aduocati facere.

Tertium est earum, quæ nobis cum ethnicis sunt communes, ut contrahere, testari, iudicare in foro externo: suntque ciuiles ac politice.

Dico ergo primò, *Semper esse mortale ex genere suo, communicare cum præciso non tolerato in rebus primi generis, id est diuinis, & sacris.*

Quia talis communicatio grauis est materia, quæque directe, per se primo, excommunicato prohibetur ab Ecclesia, magnam enim habet, ac sacrorum dignitati repugnantem indecentiam, quæ censuræ vim omnem infringit, quod ut Ecclesiæ vera soboles, membraque admittuntur ad Sacramenta, sic excommunicatus qui est eiusdem Ecclesiæ autoritate à suo abscissus sinu, repulsusque uti solent alienigenæ, eisdem Sacramentis perinde ac fideles cæteri, fruatur ac gaudeat, dicitur enim Matth. 18. *Sic tibi sicut Ethnicis.*

Casum ab hac assertionem vnum excipiunt Auila 2. par. c. 6. & 8. dub. 3. concl. 1. Ægid. disp. 14. dub. 14. cap. 146. nimirum in quo ea communicatio exigua breuisque foret, ut cum tantillo quis tempore in templo hæret, dū vnus quispiam Psalmus mediocriter longus legitur, aut quando priuatim cum præciso horas quis aliquoties citra tamen contemptum Ecclesiæ recitat, de quo nos antea.

Dico secundò, *Peccare item mortaliter ex genere suo, qui in gratiam excommunicati, actiones secundi generis exercet: Ita Ægidius nu. 146. & 7. Comitol. lib. 6. resp. q. 29.*

Causa est quod actio, quæ notabiliter præcepto repugnat, eiusque fini, sit mortalis, at hæc de quibus hic est quæstio, sunt tales.

Maior est certa cum ex notabili repugnantia operis cum fine præcepti, petatur materiæ grauitas, contra quam facere, omnium consensu est mortale.

Minor probatur, finis Ecclesiastici præcepti, de vitando excommunicato, est frangere eius contumaciam, fideles continere in officio, & reuerentia aduersus Deum, & Ecclesiam, cum ab ea vident excommunicatum abiici, & arceri à beneficiis ut indignum, at repugnant huic fini actiones secundi generis, nempe electio excommunicati ad beneficia, tam actiua quam passiuæ, eorum facta eidem collatio, nam cum iis actionibus, aut potius rebus, ad quas terminantur, augeatur excommunicati supra cæteros potentia, crescat eius cum opibus vis, & autoritas, nihil est rationis, cur non existiment fideles: ita secum actum iri, ac agi vident cum præciso, vnde sequitur in illis autoritatis Ecclesiasticæ censurarumque neglectus, quo nihil accidere potest Ecclesiæ funestius, Episcopis autem luctuosius.

Dico tertio, *Communicare cum non tolerato in rebus tertij generis, hoc est politicis ac ciuicis quæque nobis cum infidelibus sunt communes, non*

*esse communiter nisi veniale.*

Quia non sunt hæc nisi quid leve nec proinde cum contemptu coniunctæ clauium, aut Ecclesiæ, Paludan. in 4. dist. 18. q. 6. art. 3. Adrian. in 3. q. de clauibus excep. 8. thesaurus in parte 2. praxis Ecclesiæ cap. 4.

Quam sententiam Sotus in 4. dist. 22. q. 1. art. 4. assignat cunctis Theologis, quos asserere ait in communione civili, inesse tantum leuem culpam, extra tempora ante patefacta, pro qua opinione sunt hæc argumenta.

Primum, quod veri speciem nullam habeat, velle Ecclesiam matrem vtiq; sapientissimam, æternis aliquem addici flammis, ob colloquia, verbaque aliquot, temere cum excommunicato habita, id enim nec communis boni ratio, nec lex caritatis permittit.

Quid? quod eius pœnæ nulla extent in canone vestigia? quod nonnisi graua crimina, quæque mortifera, turpique animum macula inquinant, plecti hac pœna sint solita? cuiusmodi vocem esse aliquam consulite non satis prolata, quis dicet?

Sane cum tam sint homines ad loquendum procliuēs, non decuit iis ab Ecclesia peccandi causam obici, non eorum conscientis laqueum injici, non ob solita humanitatis inter se officia, hominisque vnus cuiuspiā salutationē, multos æternæ dānationis, mortiferæque noxæ periculo obicere, quod tamen faceret, si communionem cum excommunicato in te temporaria, ac civili, fidelibus localem esse vellet.

Obiiciunt aduersæ partis defensores ac patroni, quod præcepti cuiuslibet Ecclesiastici violatio, crimen habeat, quo proinde cauere non posse asserunt, qui legem de excommunicato vitando, cuiusque congressu, colloquutione, & consuetudine, non feruant.

Respondendum, non omnia Ecclesiæ præcepta, eaque præcipue, quæ pœna nocentes afficiunt, obligare ad mortale, sicut nec cuncta diuina, vt est præceptum de vitanda communione excommunicati in humanis, cui qui non parec, peccatum quidem contrahit, sed non lethale ob leuitatem materiz.

Respondendum secundo, cum Diu. Tho. in 4. sentent. dist. 18. q. 2. art. 4. quaestione 3. in respons. ad 2. agere contra præceptum eum, qui communicat in diuinis cum excommunicato, præter præceptum autem, cum aliis in rebus communicat & quodl. 12. q. 8. ar. 9. scribit per communionem cum excommunicato in humanis, non contemni præceptum Ecclesiæ, aut contra illud fieri directè, ac per se, sed tantum indirectè, ac per accidens, inquan-

tum præceptum Ecclesiæ, fideles à communionē in diuinis fecerint directè, ac per se, à communione hominum per accidens.

Ex dictis sequitur peccatum esse mortale, audire Missam cum non tolerato etiam si ad id seingerat: ita Nauar. cap. 27. num. 19. Sotus in 4. dist. 22. q. 1. art. 4. Auila dub. 7. disp. 9. p. 2. c. 6.

Causa est, non quod proprie fidelis & denuntiatus inter se communicent, nam quæ inter eos communicatio esse potest? cum vnus alium non audiat, nec cum eo loquatur, aut illi ministrat, sed quod pietas vtriusque ac religio, tacita sit, patensque professio vnionis, quæ vtrique est in eodem Ecclesiæ corpore, à quo tamen est excommunicatus vti membrum putens, ac frigidum, relictus Ecclesiæ gladio, quæ conjunctionis species, cum præciso fugienda est fidei, ex vi censuræ, Suaris testimonio tomo 5. de censuris disp. 12. sect. 1. num. 16. qui addit, eum, & ceteros fideles obligari ad egrediendum illico è templo, ac in illud subire excommunicatum animaduertent.

Aliorum est opinio orandum esse vt egrediantur, etsi parere nolit, esse eiciendum, implorato si opus est, seculari brachio, vt loquantur, circa tamen sanguinis effusionem, aut verberationem, ac si Missa nondum erit inchoata, Sacerdoti redeundum illico esse ad Sacrificium, quia ante oblationem non incipit sacrificium quod si consecrauerit, aiunt cetera absolui debere, vsque ad sacrificij consummationem, qua peracta, iterum monendum excommunicatum esse, vt discedat, temploque exeat, quod si obstinare in sententia periculauerit, in eoque permanere induxerit animum aiunt quæ de Missa super sunt vel omittenda, vel priuatim clam excommunicato, dicenda esse in sacristia, quia obligatio cum vitandi, maior est quam complenda Missæ. adiectione partis non necessariæ, iuxta Nauar. d. 27. art. notabilis 16. quod si contra facere Sacerdos præsumpserit, præter excommunicationem suspensus erit ab Ecclesia, can. Episcoporum de priuilegiis in 6. qua suspensione durante, si intra Ecclesiam celebrauerit, fiet irregularis, cap. 12. de sex. excom. in 6. non alibi ex Nauar. cap. 27. t. 2. uelut. num. 101. Comitolo lib. 6. q. 6. num. 3.

Patet secunda, nec communicare reo excommunicato esse permittum cum fidelibus in foro, circa necessitatem, ad cuius assertio- nis intelligentiam notandum est, reorum duo esse genera, quidam enim sunt voluntarii, necessarii alii, illi sic dicuntur quod vltro in forum sua sponte, ac non coacti veniant,



niant, cum isti alieno imperio, non sua voluntate illud subeant. Iam ergo dico voluntariis forum debere esse clausum, cum non in alienum commodum, sed suum tantum illud frequentent, quia non est Ecclesiæ Concilium illis prodesse, sed prohibitione rerum quæ aliis sunt permittæ, eos in bonam frugem reuocare. Dico ergo necessarios in iudiciis versari posse, causa est, quod de malitia reportare commodum non debeant, iuxta Alexand. III. *in cap. intelleximus de iudiciis*, quare eis permittitur se defendere, non tamen per se, sed per alium, ut ante est dictum, & consequenter executiones tam dilatorias contra omnes aduersarios suos subiacere, quibus causas proferant, quas habent eos recusandi, quam peremptorias, ut præscriptionem, solutionem &c. Ut patet ex *ca. com inter de exceptionibus*, qui autem pro eis agent, sine peccato cum illis communicabunt, modo eis de iniustitia causæ non constet, tunc enim peccarent & excommunicationem minorem incurrerent, vide Henriquez lib. 13. cap. 7. §. 5. & Vgolinum cap. 16.

An autem tam Ecclesiastica hæc communicatio quam civilis, excommunicato sit prohibita cum fidelibus sub mortali, in alia materia quam auditione Missæ, disputant aucthores.

Caietanus *verbo excommunicatio cap. 81. Nauar. cap. 29. nu. 28.* putant venialem tantum esse, quod *Ægidio disp. 14. dubio 14. num. 147.* vniuersæ dictum non placet, quia electio & præsentatio ad beneficium, tam actiua, quam passiva, actiones sunt valde honorificæ, quas non est credibile Ecclesiam velle, permissas excommunicatis, quos decuit priuatos esse omnibus functionibus, quas est indecens ab iis fieri, idem esse de iudice tam civili, quam Ecclesiastico, docent Lessius lib. 2. cap. 29. num. 39. & Henr. qu. lib. 13. cap. 7. nu. 6. quæ cum censura, excommunicatis in foro utroque, ius dicere non expedit quod tale munus, & illi honorificum, & aliis quibus datur sit utile, quod munus eiusque exercitium, cum sine Ecclesiæ in infligendis censuris valde pugnat.

Existimat tamen Lessius ubi supra, probabile esse, talem excommunicationem iudicis excommunicati cum fideli in iudicando, non esse nisi venialem, multo magis aduocati, testis, procuratoris, & actoris cum iudice, reo, ministris fori, & aliis. Sane constat eos qui communicant cum excommunicato in politicis, & mere civilibus negotiis, ut sunt humana commercia, conuiuius quotidiani, in eo non peccare nisi venialiter, quia talis communicatio est reuelius, nec primo & per se repugnans fini cen-

A surarum, qui est communicatio in rebus Ecclesiasticis & spiritualibus, non autem in politicis, nisi indirecte ac secundo.

Quare (quod est corollarium tertium) sequitur, cum est necesse fas, cuique esse ab excommunicato quantumvis denunciato, in mortis articulo, baptismi Sacramentum petere, & accipere, consilium cum rerum exitus incerti sunt ac dubii, pro sua, alteriusve salute quærere, si nemo præter eum dandi sit capax, quin etiam corpori suo necessaria ab eo quemque recipere, pro victu vestituque, ab eodem emere, aut mendicato postulare posse, quicquid ratio temporis exigunt: ita Gregor. VII. ut re-  
B fertur 11. q. 3. *can. quoniam 103.* his verbis: *Quicumque orator siue peregrinus, aut viator in terram excommunicatorum deuenit, ubi non possit emere, vel non habeat unde emat, ab excommunicatis accipiendi licentiam damus. Et si quis excommunicatis non in sustentationem superbia, sed humanitatis causa, dare aliquid voluerit, non prohibemus.*

Atenim præstatne mendicare quam ab iis emere?

C Meum non est sed Vgolini responsum, eam necessitatem quæ eum ad mendicandum adigit, cuius conditio ac dignitas mendicitatem non tolerat, excusare ut impune possit ab excommunicatis emere, quin etiam licet (inquit) non magno quisque labore, transeundo per loca infecta hæresi, necessaria circumferre possit, licite tamen potest non circumferre, ibique emere: In morbo item tam suo quam suorum, denunciati medici opera, si non sit alius qui ei sit eruditione similis, uti non est in vitio, quemadmodum nec cum fortunæ famæque in discrimen vocantur excommunicatos adhibere ad consilium, ab iis auxilium collabenti rei suæ, deficientibus aliis petere. Itaque excommunicato peregrè eunti Romam, absolutionis maximè gratia hospitium, sed seorsim, & solitarium dare, molitori frumentum eius molere, pistori panem, coquo cibum parare licitum. Addo amplius posse singulos eum defendere, ne iniuste, & non iuridice capiatur, percutiatur, vel occidatur, eius item bona, quæ iniquè non detinet ipsumque ad eò contra inimicos bello defendere, similiter & in iudicio. Primum, patet ex *can. Iulianus 94. cap. se 11. q. 3.* alterum ex *cap. intelleximus 7. de iudicis*, in priori hæc habet ex Ambrosio, Gratian. *Iulianus Imperator quamuis esset Apostata, habuit tamen sub se Christianos milites, quibus cum dicebat producite aciem pro defensione rei publ. obediabant ei, in altero, ad petita Paduani Episcopi sic respondet. Quia postulasti à nobis, utrum excommunicatus in iudicio stare possit.*

H h ij

*Respondemus quod conueniri potest, & debet per A alium respondere.*

### QVÆSTIO VI.

*De iure casus aliqui, qui excommunicatione maiore afficiant communicantem cum excommunicato*

**D**Antur, iique si scriptoribus fides, numero tres.

Primus est, inquit, Sotus in 4. dist. 22. q. 1. art. 4. cum communicatur in crimine propter quod Ecclesia in excommunicatum distinxit anathematis gladium, participatur autem in eo crimine, cum communicans, consilio, ope, gratiaque reum adiuuat, Nauar. cap. 27. nu. 32. consilio quidem si eum doceat de modo, quo se contra authorem censuræ defendat, Ope, ac gratia, si amicorum potentia, aut sua abutatur ad eum tuendum, contra superiorem, eiusque sententiam. Nam cum talis communicet crimini, & participet criminoso, ac per hoc ratione damnati criminis, videatur in eum delinquere qui damnauit, ab eo, vel eius superiore, merito delicti tunc erit absolutio requirenda, cum facientem & consentientem par poena constringat, Innoc. III. in cap. nuper 29. de sent. excomm. Ad subeundam tamen hanc censuram debet excommunicatus, cum quo participatur, esse nominatim excommunicatus, ac denunciatus, Nauar. cap. 27. num. 112. quia post extrauag. Constantiensis Concilii, denuntiationis scientia est necessaria, secundum Comitol. lib. 6. q. 29. num. 4 & Nauar. ibi, qua qui est instructus, & nihilominus cum excommunicato criminis societatem coit, toties excommunicationem contrahit, quoties cum eodem in crimine participat idem ibid.

Secunda conditio, ad hanc censuram subeundam necessaria, est, ut hæc sit iam ob crimen incurfa Nauar. cap. 27. nu. 112. incurrenda non sufficit idem ibid.

Secundus casus, in quo maior excommunicatio similem inducit ei quæ est reo infligenda, est cum in illum dicta est sententia, ac sub ea poena talis participatio est interdicta, & hoc communicanti non est incognitum, nam tunc ob contumaciam, id est inobedientiam, ac superioris id vetantis contemptum, iusta est, eidem causa talis poenæ irrogandæ homini sic affecto.

Tertius est, quando in diuinis, hoc est Sacramentis excommunicato denunciato conferendis, iisdem ab illo recipiendis, aut eius sacro audiendo, vel coram eo faciendo, scienter & sponte ei communicatur, dum-

modo tamen cum Papa à fidelium cœtu remouerit, non alius, Clem. III. in cap. significauit de sent. excom.

Censura hæc tamen ut subeatur, quinque sunt in canonistarum sententia, conditiones necessariae, quas à Clemente III. designatas video in cap. significauit 18. de sentent. excommunic.

Primum, ut participantes sint Clerici.

Secundum, ut scienter id agant.

Tertium, ut sponte.

Quartum, ut in diuinis participant.

**B** Quintum, ut cum excommunicatis à Papa, iuuat hic optimi Pontific. verba ponere, ex quibus de re, ut diximus vniuersa, iudicium fiat. Clericos (inquit) qui scienter & sponte participauerunt excommunicatis à nobis, & ipsos in officiis receperunt, eadem sententia excommunicationis cum ipsis, non dubitamus inuolui, quos etiam pro beneficio absolutionis habende, ad nos volumus cum litterarum tuarum insinuatione remitti.

### QVÆSTIO VII.

*A minore excommunicatione absolueret quis possit.*

**D**E hac re opiniones sunt duæ.

Prima D. Tho. in 4. dist. 18. Monaldi in sum. c. de exco. minore §. Item licet & à maiore, eam à Sacerdote quolibet remitti posse.

Subscribit hanc sententiam, Nauar. in summa cap. 27. numero 39. excommunicatum, inquit, minore excommunicatione potest absolueret quilibet Sacerdos, qui potest absolvere à peccatis, quamuis non sit eius Parochus, si non habet nisi venialia, & num. 25. eiusdem cap. Quilibet Sacerdos simplex, et si non sit Parochus, sicut potest absolueret à venialibus, non habentem mortalia, secundum Caiet. id constanter affirmantem, ita potest eundem absolueret à veniali.

**E** Ratione hac inductus est in eam mentem maximè, Nauar. quod Presbyteros oēs existimet recipere habitualement iurisdictionem cum ordinibus, sed inefficacem, quæ tamen sit actualis & efficax, per legitimam rei subiectionem, qui quoniam habet tantum venialia, potest quem vult assumere, ex tacita legislatoris sententia. Hæc ille, sed sine fundamento, supponit enim per Ordines, dari Sacerdotibus in habitu iurisdictionem tollendi censuras, sicut & peccata, quod probandum erat.

Equidem cum sit minor excommunicatio, sententia quædam à canone lata, aut iudice, iurisdictionem in eo exigit à quo remittitur, non item venialia. At hæc caret Sacerdos simplex

simplex, aut si ea est, ex tacito Ecclesiæ consensu instructus, ut dicunt hi authores, proferatur locus aliquis ex quo id probari possit.

Quare ad eorum opinionem accedo, qui ius relaxandę excommunicationis quam minorem vocant alii cōpetere negant quā qui mortalia in sacro tribunali conscientię potest remittere.


Hi sunt Caiet. *Verbo excom. minor sub finem.* Couar. *parag. 12. num. 6.* Graphius *lib. 14. cap. 15. num. 80.* & S1. Henriq. *lib. 13. cap. 3. num. 2. litera P.* & *cap. 28. num. 5. litera O.* Soto in 4. *sentent. dist. 22. q. 2. art. 3. conclus. 1.* Petr. Soto *lectione 4. de excom.* Sylu. *Verbo absolutio 1. n. 3.* Coninch. *disp. 14. dub. 17. concl. 1. n. 264.*


Probat hęc assertio primo Innoc. III. testimonio in *cap. nuper 29. de sentent. excom.* ibi enim rogatus, an in Presbyteri simplicis potestate foret, excommunicatum solvere, de eo tacuit, Parochum autem, ac Sacerdotem proprium, qualis vulgo existimatur qui in mortalia ius habet, excommunicationem quam sibi non reservavit conditor canonis, laxare posse respōdit, quod his ergo Innoc. concessit, Sacerdoti simplici negatum voluit.

Secundo, sine iurisdictione fori externi

A esse nequit censurę absolutio, cum sit datę sententię à canone, aut iudice dissolutio. Ac nullam habet Sacerdos simplex, cum ab Ecclesia, dari alteri non soleat, quam qui mortalia remittit in Sacramento secundum Henriq. locis proxime citatis, aut cui à iure, aut homine, talis potestas sit commissā, Laym. *lib. 1. par. 2. cap. 4.*

Nec est ratio eadem venialium, quę censurarum, cum non sint illa, Sacramentalis absolutionis materia necessaria, sicut est excommunicatio, quā minorem dicunt potestatis iuridicę ac externę. Quare est eius absolutio, à simplici Sacerdote collata, si nō est ad confessiones audiendas admissus ab Ecclesia, omni iure irrita, estque præterea decreto Clement. V. in *Clement. 1. de privileg. excommunicatione* Papę reservata innexus, Vgolini iudicio ac sensu *tab. 3. cap. 4. parag. 4.* Sylu. *Verbo excom. 9. nu. 37.* cum qui audiendę confessionis ius non habet, ideo quod auctoritate Præfulum, commeatu ad id munus necessario careat, iurisdictionem sibi duplicem contra ius, fasque arroget, culpę in primis remittendę in foro conscientię, & postmodum censurę.





# TRACTATUS

## SEXTVS,


### DISPVATIO SEPTIMA

#### DE EFFECTIBVS EXCOMMVNICATIONIS

maioris.

#### QVÆSTIO PRIMA.

*An excommunicatus excommunicatione maiore recipere Sacramenta possit, & si faciat an peccet.*



**EXCOMMVNICATI** excommunicatione maiore pœnz sunt multę, p̄cipuas complexi sunt Patres Concilii apud Palatium Vernis sub Pipino can. 9. Et vt sciatis qualis

sic modus excommunicationis in Ecclesiam non debet intrare, nec cum vlllo Christiano cibum vel potum sumere, nec eius munera accipere debet, vel osculum porrigere, nec in oratione se iungere nec salutare antequam ab Episcopo suo fuerit reconciliatus.

Habet his consentanea propeque similia Calixtus in epist. 2. ad Gallos, excommunicatos, inquit, à Sacerdotibus tribus, nullus recipiat, ante vtriusque partis examinationem, nec cum eis in oratione, potu, cibo, aut osculo communicet, nec aue eis dicat, quia quicumque in iis vel aliis prohibitis, excommunicatis scienter communicauerit ipse simili excommunicationi subiacebit. Communicatur autem in diuinis cum excommunicato varie. Primo, cum oblatione, secundo sine ea, vt colligitur ex Concilii Ancyra. can. septimo, vbi est his verbis, Vtrum vero cum oblatione recipiendi sint, an ad solam communionem admitti debeant. Vnusquisque Episcoporum examinet & can. 9.

*Per aliud sexennium pœnitentia recipiant lo-*

**A** cum, alio vero anno id est decimo communionem sine oblatione recipiant, est autem communicare sine oblatione, idem ac communicare in oratione, à precibus non excludi, communicare cum oblatione seu vt loquitur canon p̄dicti Concilii nonus perfectione frui seu ad perfectionis gratiam peruenire, vt est in 6. canone reconciliari Sacramentis, participem corporis & sanguinis Christi fieri, quod auctore Baron. ad ann. Christi 314. Sylu. primum, perfectionis gratia dicebatur: siue plena communio, eo quod pœnitens nihil minus tum a reliquis haberet Christianis.

**B** Erant olim & alii inter fideles communicandi modi diuersi duo, scilicet per fermentum & formatas, fuere formatae, Epistolae Canonicae, notatae Græcis elementis α. υ. α. quæ octogenarium & quadringentesimum primum numerum significant, Petri quoque Apostoli prima littera addebatur id est α. Deinde eius qui scribebat Epistolam littera ι. eius cui scribitur secunda, accipientis tertia, ciuitatis quoque de qua scribebatur quarta, & indictionis (quæcunque ea tandem erat) postremo nonagenarius & nonus numerus cum particula α. υ. υ.

Non fuit tamen harum vocum vis eadem ac necessitas informatis, nam quatuor primæ nunquam erant mutandæ nempe α. υ. α. α. id est Pater, Filius, Spiritus sanctus, & quod adiciebatur in fine α. υ. υ. reliquæ quibus indicabantur nomina scribentis offerentis, recipientis, temporis quo scripta, & loci ex quo data formata erat, mutabantur pro occasione diuersa personarum, locorum & temporum,

Iuit



Fuit fermentum idem quod oblatio, à populo offerri, vel à Presbytero subministrari, de proprio, ab eodemque benedici, atque in singulos diuidi solita, de qua est canon Pii Papæ I. inscriptus his verbis in tomo primo Conciliorum. *Vt de oblationibus quæ offeruntur à populo, & consecrationibus quæ supersunt, vel de panibus quos deferunt fideles ad Ecclesiam, vel certe de suis, Presbyter conuenienter partes incisas habeat in vase nitido, & conuenienti, vt post Missarum solemnias, qui communicare non fuerint parati, omni die Dominico, & in diebus Festis Eulogias accipiant, quas cum benedictione prius faciat, has porro fermenti nomine appellari consueisse, demonstrant hæc verba in Melchiade, hic fecit vt oblationes consecratae per Ecclesias, ex consecratu Episcopi dirigerentur, quod declaratur fermentum, quamobrem, vero id fieret, indicat hæc Innoc. I. oratio in epist. 1. ad Decentium cap. 5. quia Ecclesiarum Presbyteri propter plebem sibi creditam, nobiscum conuenire non possunt, idcirco fermentum à nobis consecratum per Acolytum accipiunt, vt se à vestra communione illa dicunt iudicent separatos, significabant ergo fideles hoc symbolo communicationis accepto, se fide & charitate cum Episcopo qui miserat, coniunctos esse, prohibiti fuere propterea in Concil. Laod. can. 32. ne ab hæreticis eulogias acciperent, quia sunt maledictiones potius quam benedictiones, excommunicato certe dare Sanctus Albinus noluit, vt est in eius actis, apud Surium die prima Martii, quemadmodum nec formatas antiqui Patres, vlli cuius fides, ac religio anceps illis foret, ac dubia, nam qui dabat, eum qui ferebat, de fide recte sentire, sicque vt Catholicum inter Catholicos, Catholica communicatione oportere recipi, indicabat.*

In temporalibus esse quoque potest communicatio cum excommunicato, eaque quadruplex, in re iudiciaria, contractibus, vltimis voluntatibus, & quotidiano congressu de quibus sigillatim nobis agere necesse, facto tamen prius à Sacramentis initio.

Prima assertio, Excommunicati excommunicatione maiori, de qua tantum hic loquimur, denuntiati, aut notorii percussoris Clerici, prima pœna est prohibitum esse à Sacramentorum perceptione passiuam.

Habetur indecret. illud Dominus 5. de Clerico excom. ministrante cap. cum illorum 32. de sent. excom. vbi Innocent. III. excommunicatos à susceptis ordinibus in perpetuum deponendos ait, eos, ergo suscipere nequeunt, nec pro inde Sacramentum aliud, vt est in can. 13. Concil. Valentini sub Lothario an. 855. & colligitur ex ca. si quem 59. de sent. excom. ibi enim habetur excommunicatum à communione

A fidelium priuatum esse, ergo & potestate conferendi Sacramenta, ac recipiendi, cum in eo maxime communicetur cum fidelibus.

Conciliis & decretis Pontificum fauet ipsa ratio, quæ est duplex.

B Prima quod peruiacem, ac statutis Ecclesie reluctantem, non deceat ad earum rerum possessionem admitti, quæ pia sunt, beneque erga matrem animatæ soboli, ei-que per omnia morigeræ debita, qua laude excommunicatum non prætare, longe est certissimum: ergo nec Sacramentis dignandum fidelium,

Secunda, est Sacramentorum passiuam priuatio, pœna excommunicationis minoris, vt est in decretali Gregor. IX. si celebrat. Vltima de Clerico excommunicato ministrante, & in cap. si quem 59. de sentent. excom. ergo & maioris, cum hæc illa longe sit grauior, quare qui ordines cum excommunicatione recipit, sit irregularis, Sacramentum tamen ei collatum est validum.

C Secunda assertio, Qui excommunicationi maiore irretitus, antequam sit ab ea absolutus, Sacramenta administrat, aut recipit, peccat mortaliter, Nauar. cap. 27. num. 18. Sairus lib. 2. thesauri cap. 1. n. 2.

D Primo, quia Ecclesie non obedit, secundum Caiet. Verbo absolutionis impedimentum, Nauar. in can. fratres de pœnit. dist. 5. num. 38. Auila 2. parte disp. 12. dub. 2. quæ excommunicatos pœnis additis, Sacramentorum vsu prohibet, & communicatione cum fidelibus in re sacra, ac diuinis officiis, quæ solemniter celebrare, aut eorum se celebrationi ingerere vetatur in cap. illud Dominus 5. de Clerico excommunicato ministrante, quo cum nihil sit grauius, quandoquidem ea actione Sacramenta indirectè tractantur, quin eius author vere mortaliter peccet, eam exercendo non potest ambigi.

E Secundo animum ad Sacramenta appellere cum culpæ lethalis conscientia, est lethale, at est omnis excommunicatio maior, culpæ lethalis admixtæ iusta pœna, cum ob venialem infligi non debeat 11. q. 3. can. nemo Episcoporum, quæ culpa habitu tandiu remanet, quandiu excommunicatio, quæ eius est causa, non tollitur, & licet per pœnitentiam internam, culpæ macula deleta esset, remanet tamen in plebe scandali iusta causa cum præcisum administrandis Sacramentis operam dare videt, aut recipiendis contra Ecclesie præceptum, quare cum culpa nunquam vacet, qui plebi causa est scandali, nec ab ea liber excommunicatus est futurus, qui Sacramenta recipiet, aut conferet censuræ impeditus nexibus.

Excipiendus est casus, grauis necessitatis cuiusmodi esset, si periculum mortis immineret, si infamiae, mutilationis, aut iacturae bonorum, nisi excommunicatus ea reciperet, aut conferret, quia Ecclesia cum tanta seueritate non obligat, ut leges suas seruari velit, cum vitae aut honoris sui discrimine.

Tertia assertio, *Tale peccatum ad speciem sacrilegij pertinet*, quia moralis Sacramenti profanatio, sacrilega est at Sacramento participare cum mortali, quale est excommunicati, Sacramenta frequentantis cum censura, est illud ipsum moraliter profanare, tollit enim reuerentiam quae est illi debita in quo rationem sacrilegij constituit, Diu. Th. 2. 2. q. 99. art. 1.

Sunt tamen duo quae ab hoc peccato excusant. Primum, est ignorantia inuincibilis tam iuris quam facti, facti quidem, ut quod reus sit excommunicatus, iuris autem quod ei cum censura ad Sacramenta accedere non liceat, Suar. *tomo 5. disp. 10. sectione 10. num. 4.* Palud. in 4. dist. 14. q. 4. quia peccatum nullum est nisi voluntarium, at ignorantia maxime inuincibilis & probabilis, notitiam adimit, sine qua esse actio voluntaria nequit, ergo nec vitiosa.

Secundum est grauis necessitas, qualis est eius, cui mors intentatur aut infamia, nisi celebret, aut communicet, nam hic ad euitandum mortis periculum, infamiam, scandalum, aut aliquod tale malum, Sacramentum impune potest ac sine scelere recipere, quia lex de euitando eiusmodi periculo, cum sit naturalis, praevalet Ecclesiasticae, quare cum horum alterutrum accidit, non modo excommunicatus non peccat, administratione Sacramentorum passiuam, sed & eorum gratiam recipit, quod Reginaldus erudite adnotauit *tomo 2. lib. 32. cap. 1. num. 2.* nam ei non apponit obicem, ut pote de admissis dolens ex animo, Deique causa, ut supponimus, retinensque cum eo dolore, habilitatem ad Sacramenta, non obstante excommunicatione, cum hic eius effectus, voluntate Ecclesiae, in postremo, euentu, scilicet scandali, & mortis quae timetur, cesset, in priori autem re ipsa, ac naturae iure.

Confirmatur Sacramenta non ponentibus obicem, conferunt gratiam, certo ac infallibiliter, cum sint agentia naturalia, quae necessario agunt cum sunt, quem effectum impedire non potest Ecclesia, cum ex institutione Christi sequatur.

Quarta assertio, *Spectat haec poena non tantum ad excommunicatos denunciatos, & manifestos Clerici percussores, sed etiam ad occultos.*

Causa est, prima quod Ecclesia per Extraneam ad euitanda, patrocinari excommu-

nicatis nolit, faueret autem si qui iure antiquo remouebatur à Sacramentis, ad ea admitteretur per ius nouum istius extraneantis.

Secundo, quia sic censurae Ecclesiasticae futurae sunt in maiori reuerentia, si illico, ac id est admissum, cuius causa incurruntur, & ubique, vim suam expromant in quoslibet nocentes, non expectata eius denuntiatione, aut denuntiatoria criminis sententia.

## QVÆSTIO II.

*An Sacramenta ab excommunicato recepta sine valida.*

Sermo mihi hic nullus de iure, utrum ea scilicet exigere excommunicatus possit, extra necessitatem licite, nam de eo postea, in praesenti tantum agitur an recepta valeant.

Et certum est, eum peccare mortaliter, qui insoluto vinculo excommunicationis, quo tenetur, Sacramentum aliquod recipit.

Causa est, quod usurpatio rei sacrae in mortali, ob indecentiam, maximamque, quae in eam admittitur irreuerentiam, lethifera sit & mortalis, ob eam causam non penitentibus chrisma infundi non potest, quia genus est Sacramenti, reliquaque iis Sacramenta negantur, similiter, Innoc. ad Decentium epist. 1. cap. 1. & refertur, in can. illud 2. dist. 95. at Sacramenta sunt res quaedam sacrae, & excommunicato interdicta sub mortali, cap. cum illorum 32. de sentent. excomm. ubi in poenam

violatae legis canonicae, qui scienter in contemptum Ecclesiasticae disciplinae, cum excommunicatione ordinari se fecerint, ab executione suscepti ordinis & officii iubentur manere suspensi.

Sanè est sacrilegium auctore Diu. Thom.

2. 2. q. 99. art. 3. rei coelestis ac sacrae violatio, quae non potest, non esse Deo grauis, & ingrata, ut pote eius offensae, tacitoque coniuncta contemptui, ob quam causam, cum diuinae assidere mens mens est homini iniecta coelitus, iubetur 1. ad Corinth. 11. se probare, & sic edere de pane vitae, ne exitium inde sibi miser accersat, vnde ei certo

sacris cumulata bonis vita expectanda erat. At qui animo, foedis suis corrupto actibus, palci se Sacramentis, reficique patitur, ea foede non sine auctoris iniuria, hominum non male de pietate sentientium iudicio, commaculat, ergo & se quoque sacrilegii turpi nota infamat. Is enim qui pro sui criminis conscientia reputat se indignum grauius peccat, si se ingerat irreuerenter ad Sacramentum, de celebrat Missarum cap. de homine 7.

An autem similiter operâ ludat, ac Sacramentum

inane recipiat, nullarumque virium iam est videndum.

Pro affirmante faciunt hæc argumenta.

Primum, quod excommunicatio hominem Sacramentorum vsu priuet, tam actiuo, quam passiuo vt est in *cap. si celebrat. de Clerico excommunicato ministrante*, ei ergo collata, non sunt valida.

Secundum data ab excommunicato peccatorum absolutio, momentum non habet, eo quod dicta sine iurisdictione sententia viribus careat, quæ tamen omni est excommunicato lege Ecclesiæ adempta in *cap. ad probandum de re iudiciis*, & *cap. Veritatis de dolo & contumacia*, sed à censura non minus Sacramenti receptio impeditur, quam eius collatio, ergo vt excommunicatus absolue-re validè, ita nec poenitentia sacramentum recipere fructuose potest.

Sunt huius opinionis defensores ac patroni, Palud. in 4. dist. 17. q. 6. conclus. 2. Armilla Verbo absolutio num. 5. Sylu. Verbo Confessor. 3. q. 3. postremi sunt hæc verba. Siue quis sit excommunicatus iuste, siue iniuste, dum tamen excommunicatio teneat, siue stet per eum, quod non est ab excommunicatione absolutus, siue non, absolui non potest à Sacerdote, vel ab homine à peccatis, excommunicatione manente, etiam si esset minor.

Opposita sententia Angelo placuit Verbo Confessio 5. parag. 10. quam confirmat Ludouic. de Beia parte responsion. 3. casu 4. cui & ipse assentior, rem declarant assertiones sequentes.

Prima assertio, Sacramenta Confirmationis, Eucharistiæ, Ordinis, Vnctionis extremae, & Matrimonij, à praeiis, hoc est excommunicato & denunciato, aut Clerici percussore notorio capiuntur valide. Ita Couar. in can. alma mater par. 1. §. 6. num. 6. Nauar. cap. 27. num. 67. Suarez disp. 10. de censuris sect. 3. de Graphiis decis. lib. 1. cap. 18.

Primo, vt hæc Sacramenta rata sint ac valida, hoc vnum duntaxat exigitur, vt debitæ materiæ applicetur forma, cum intentione in ministro, & recipiente necessaria, at hæc in Sacramentis excommunicato collatis reperiri possunt omnia, sunt hæc ergo rata.

Quid si à scienter recipiantur sponte, malæque fide?

Et si illicite, recipiuntur tamen valide, quia cum Sacramentorum natura, virtusque, à Christi institutione dependeat, impediri iure Ecclesiæ non potest.

Deinde, cum excommunicatio hominem Sacramentorum incapacem, & gratia non efficiat, non erunt hæc in illo nulla, nisi quia ita placet Ecclesiæ hoc vetanti, qua de vo-

Pars secunda.

**A** luntate constet per canonem: At ne talis est vllus, & si esset, inanis foret, nullarumque virium, cum Sacramenta à Deo pendeant, ab Ecclesia non item: quam constat matrimonium directe, & immediate prohibere non posse, sed mediate tantum, faciendo scilicet, vt ambo coniuges, contrahendi cum impedimento, sine Parocho nempe & testibus, non sint capaces, quod potest, cum ad eam vt pote Rempublicam perfectam spectet, formam, modumque statuere, quem in contrahendo à suis vult seruari, ne eorum pacta, consentaneaue sint cassa & irrita.

**B** Probatum tertio, inductione facta per Sacramenta omnia, vere enim excommunicatus consecrat, vt habent canones sequentes, canon intra, septuagesimus septimus cause 1. q. 1. quamuis celebrans sit irregularis vt dicitur *cap. 1. de sent. excommunicationis in 6. intra Catholicam enim Ecclesiam, in mysterio corporis & sanguinis Domini, nihil à malo minus perficitur Sacerdote, quia non in merito consecrantis, sed in verbo perficitur Creatoris, & Virtute Spiritus sancti, 1. qu. 1. can. 77. ergo cum celebrans Sacramentum recipiat quod consecravit, excommunicatum pane cœlesti refecti non est ambiguum. Baptizat item excommunicatus ad fructum efficaciter & valide: can. nunc autem can. cum autem 4. 6. can. tunc valere 42. de consecrat. dist. 4. can. si inter 25. can. Baptismus 26. & sequenti eiusdem distinct.*

**C** Sacramentum quoque Ordinis, ratiū esse ab eo receptum, ex eo conficitur, quod Ordinatio imprimatur character, cuius tamen vsus impeditur, can. præter parag. Verum distinct. 32. cap. 1. Versiculo irritus & cap. 2. de schismaticis cap. cum illorum de sententia excommunicationis cap. 1. de eo qui furtiue Sacramentum recipit.

**D** Matrimonium item est validum ab excommunicato contractum *cap. significasti de eo qui duxit in matrimonium quam polluit*, nec est qui Sacramentum Confirmationis iterato ei conferendum existimet, qui excommunicatus cum esset, sacro est perunctus chrismate ab Episcopo *cap. 1. de eo qui furtiue ordin. suscepit*, nec data infirmo Extrema vnctio reiteratur in eodem morbo vt tradunt DD. in 4. distinct. 23. Vera est ergo Assertio, Credendum est enim quod in verbis Christi Sacramenta conficiantur, cuius prius creantur imperio, eius vsque verbo recreantur ad melius 1. q. 1. can. 77.

**E** Confirmatur, vt Ordo Confirmatioque valeant, satis est per ea Sacramenta characterem imprimi, accidit id verò, tam quando sunt ab excommunicato collata, quam recepta, pendet enim hic effectus, à valore

Sacramenti, eiusque substantia, nullo modo a dispositione recipientis aut conferentis.

Secunda assertio, *Certum item, pœnitentia Sacramentum impertitum excommunicato va-  
rū esse, ab eo bona fide, vel in necessitate susceptū,  
aut cum probabili censura ignorantia, qua ligatur.*

Nobis patrocinantur hi authores Richar-  
dus in 4. dist. 18. art. 10. q. 4. Angelus Confes-  
sio 5. parag. 20. & confessio 1. parag. 20. Ca-  
iet. in summa verbo absolutionis impedimentum  
Nauar. Enchirid. cap. 9. num. 4. Ægid. disp. 14.  
dub. 5. Laym. lib. 1. tract. 5. par. 2. cap. 2. num. 1.  
Anglez in 4. sentent. Vbi de excommunicatione  
art. 13. difficultate 1. conclusione 1. Couar. in can.  
alma mater parte 1. parag. 6.

primo, quia confertur à ministro legiti-  
mo, cum intentione absoluendi, ac debita  
forma, applicata suæ materiz, & ei confer-  
tur, qui cum sit attritus, & in bona fide, non  
ponit obicem gratiz, valet ergo ad fructum,  
gratizque effectum, quem excommunica-  
tio non impedit, vt patet in eo, qui conteritur,  
antequam à sua censura absoluator.

Secundo, si Sacramentum pœnitentiz da-  
tum excommunicato est nullum, id sane fit  
ideo, quod Ecclesia præcisum reddat inca-  
pacem, tam huius, quam aliorum Sacramen-  
torum, vel quia aufert iurisdictionem à Sa-  
cerdotibus in illum, non primum, quia Ec-  
clesia non potest immediate reddere ali-  
quem incapacem Baptismi, aut Ordinis, er-  
go nec Pœnitentiz, cum Sacramentorum  
omnium eadem sit ratio.

Secundo, quia si se excommunicatus sub-  
iiceret Episcopo, aut Papæ, quibus est sua  
excommunicatio reservata, eamque cum  
aliis confiteretur, hi autem ex ignorantia  
iuris, vel facti, de illa eum directe non ab-  
soluterent: non desineret tamen esse verè ab-  
solutus, à peccatis quidem directe, à censura  
autem indirecte, ergo per censuram non  
redditur homo ad Sacramenta inhabilis,  
alioqui data ei absolutio in hoc casu, irrita  
esset, ac nulla, quod est falsum, Ægidius  
disp. 14. dub. 5. n. 28.

Nec secundum, quia si à Confessario tol-  
leretur hæc potestas, excommunicatum ab-  
solvare non posset, ne quidem in casu igno-  
rantiz inuincibilis, cum qua penitus ad eum  
accederet, quod est falsum.

Probat, ignorantia non dari iurisdic-  
tionem alteri, sed eum tantum à peccato excu-  
sat. Ita autem esse ostenditur, qui per igno-  
rantiam confiteretur alteri peccatum reserva-  
tum, de quo iste, non potest absolvere, ab  
eo vere non remittitur, sed tenetur pœni-  
tens, illud postea subiicere habenti potesta-  
tem, ad quod tamen nulla esset obligatio, si  
ignorantia iurisdictionem daret, vera est er-

go consequentia.

quid? quod per excommunicationem ho-  
mo non priuetur iurisdictione passiva, id est  
ea quam in ipsum alii habent, semper enim  
est subditus, sed tantum priuatur actiua, quam  
exercere poterat in alios.

His argumentis suffragatur, & hæc ratio,  
cuius Caiet auctor, quod nullo in canone sit  
cautum, absolutionem Sacramentalem esse  
nullam, deinde quod nulla efficax ratio  
persuadeat, Sacramenta cætera vera esse, ac  
rata, cum excommunicato sunt collata, cas-  
sum autem esse solius pœnitentiz, bona fide,  
aut cum ignorantia suæ censuræ receptum.

Deinde (quæ est Nauar. argumentatio  
cap. Enchirid. 9. num. 4) excommunicatio non in-  
ducit defectum substantialem absolutionis à pec-  
catis, quamuis excommunicatus quidam & acci-  
pit eam scienter, sacrilegium committat, & ma-  
xime prædicta excommunicatio valet, quando ex-  
communicatus nesciebat, vel non advertebat se  
esse excommunicatum. Hæc ille.

Secus quam nos vt dixi sentit Palud. in 4.  
dist. 17. q. 6. art. 3. dist. 22. addi debent So-  
tus in 4. q. 1. art. 2. Sylu. in verbo Confessio 1. pa-  
rag. 5. Tabiena in verbo Confessio q. 1. num. 26.  
volunt enim hi omnes, Sacramentum pœ-  
nitentiz ei inane esse, qui tenetur maiore  
excommunicatione, sed nostra sententia  
est tenenda.

Dixi in assertione bona fide, vt ostende-  
rem ab hac assertione excipiendum casum  
esse, in quo pœnitens, cum conscientia ex-  
communicationis quam incurrit, aut eius  
ignorantia culpabili, peccata sua Sacerdoti  
exponeret, puta, quia non scit, quod eum ta-  
men latere non debebat, excommunicatum  
se esse, aut cum excommunicatione absolui  
non posse, tunc enim quia gratiz ponit obi-  
cem, nec Sacramentum recipit, nec eius fru-  
ctum, non Sacramentum, quia esse istud ne-  
quit, cum destituitur parte aliqua, quæ ad es-  
sentiam suam sit necessaria. At hoc in casu  
præsentī accidit, nam confessioni vis est nul-  
la, nisi sit integra, at qui sui vinculi, est con-  
sciens, supponitur illud non confiteri, nec  
excommunicationem qua vinculus hæret, &  
ita Sacramentum non fieri integrum, aut si  
exponit, ei exponere cui extra necessitatē,  
remittere illam non est licitum, quod  
quia fit contra præceptum Ecclesiæ, decla-  
ratum in cap. si quem 59. de sententia excomm.  
non vacat scelere, enim uerò ibi scribitur,  
excommunicationem maiorem separare à  
communione fidelium, quæ oratio si est  
vera, dicta est causa, ab solutio à censura ex-  
tra necessitatem, datur cum culpa.

Est & aliunde excommunicati confessio  
tunc nulla, eo quod illam hic obit, sine pro-  
posito



posito nam qui Sacramentum cum excommunicatione cognita recipit, voluntatem contaminandi Sacramenti virtualem habet actacitam, absolutionem ab eo exigendo qui illam dare nequit, quod non licet, & ita ponit obicem gratiæ.

Quid? quod in censura ignorantia vincibili, implicite est volita culpa, quæ admittitur ab eo, qui confiteretur in mortali contra præceptum Ecclesiæ, de non communicando in diuinis cum aliis, quædiu durat eius excommunicatio, & præterea de non petenda absolutione sui vinculi ab eo, qui illam nequit tribuere, nam explicite voluntaria, & implicite eiusdem sunt malitiæ, vt colligitur, ex *cap. si culpa de iniuriis*. At Confessio instituta, cum conscientia mortalis culpæ, mortalis est, ergo & ea quæ sit ab excommunicato sciente vere suum impedimentum, aut si illud ignorat, non nisi vitiose ac cum culpa,

Quæquam verum est, defectum hunc non oriri præcise ab excommunicatione, sed à defectu dispositionis in suscipiente, de *Graphiis lib. decis. 1. cap. 18. num. 3. & 6.* quare quod scripsere Paludanus in *4. dist. 7. q. 6. art. 3.* Diu. Antoninus in *3. parte tit. 14. cap. 19. §. 4. casu quinto de iteranda confessione*. Sotus in *4. dist. 22. q. 1. art. 1.* Sacramentum pœnitentiæ ei esse inutile, qui est irritus excommunicatione, de qua certi tamen nihil habet, aut si est ei aliqua eius rei injecta cogitatio, eiusmodi tamen, quæ homini non luadeat, Sacramentum cum ea susceptum, nullum esse, est hoc (inquam) falsum vt docte probat, Nauar. in *can. fratres dist. 5. de pœnitent. num. 45.* & in *Enchirid. cap. 9. num. 3.* quia rem, quæ culpa caret in damnum vocari non conuenit. *cap. 2. de const. & can. sine culpa de regulis iuris in 6. regula 23.*

Deinde quod est argumentum Regin, *lib. 6 cap. ultim. num. 172.* ignorantia probabilis censuræ, qua quis tenetur, eum ab omni culpa sacrilegii liberat, non ergo per eiusmodi ignorantia à consequendo fructu Sacramenti impeditur, cum eo tantum hi priuentur, qui per peccatum mortale, cuius sunt consci, gratiæ in se effectum impediunt.

Patet ex dictis primo, Confessionem factam ab excommunicato qui ignorabat suum vinculum, aut qui bona fide illam obiit, putans se posse, iteradum non esse, vbi quod à se gestum erit, rescuerit, quia tunc tantum repetenda est confessio, cum fuit irrita ac sine fructu, at Sacramentum pœnitentiæ bona fide susceptum, tale non fuit iura enim excommunicatum à Sacramentorum participatione excludentia, verba non habent irritantia, sed tantum prohibentia, patet ex

*A cap. significasti de eo qui duxit*, vbi matrimonium iniuri quidem ab excommunicato prohibetur, sed non irritatur, at quæ istius, eadem quoque aliorum Sacramentorum est ratio.

Patet secundo, ordinem collatum excommunicato valere, & cum irritus dicitur ac cassus à *S. Greg. lib. 7. epist. 20. & nona q. 1. can. 1.* id hunc sensum habere, quod cum excommunicatione eo vt ordinato non liceat, sine dispensatione, ac facultate superioris Episcopi, illum rehabilitantis, *can. præter hoc dist. 32* quod perinde est quoad vsum, ac eo ordine initiatum non esse.

Patet tertio, quod si suscipiens Sacramentum, peccet mortaliter, Sacramentum fore inualidum, ac nullum, non ratione excommunicationis præcise, sed ob defectum dispositionis necessariæ.

Patet quarto, cum excommunicatione, vel peccato reseruato, & alia non reseruata ei exponenda esse, cui absoluedi à reseruatis facultas nulla suppetit, nam si præter reseruata, aut peccatum, cui adiuncta est excommunicatio, pœnitens Sacerdoti aliud non explicet, Sacramentum erit inualidum, defectu iurisdictionis in confessario ad absoluedum necessariæ.

Argumentis allatis pro sententia opposita respondendum. Priori quidem, in quo dicebatur per excommunicationem, vsum Sacramentorum passiuo, priuari hominem, id sic intelligi oportere, vt sit sermo, non de priuatione absoluta, sed licita tantum, peccat ergo excommunicatus grauissime, si sciens Sacramenta percipit, sed non quod iure sint nulla & irrita, præter pœnitentiam, quæ quoniam sine dolore, & proposito vitæ melioris stare nequit, quo tamen carere excommunicatum est necesse, qui se sciens Sacerdoti absoluedum à peccatis offert, peccat, concessaque ab isto peccatorum remissio est verè nulla.

Ad secundum respondendum, ex Anteced. consequentiam non sequi, quia cum Sacramentorum, dispensatio, sit quid iuris humani, Ecclesia circa eam sic sancire potuit, vt nulla esset absolutio quæ ab excommunicato denunciato, vel notorio Clerici percussore daretur, eo quod ad illam iurisdictionem sit necessaria, quam vtrique tamen adimit *in ca. ad probandum de re indicata*, quod non fecit respectu excommunicati, bona fide peccata sua consentis ei, quem censura excommunicatione non ligat:

## QVÆSTIO III.

*An liceat à peccatis absoluerè, antequam ab excommunicatione, & an data tunc absolutio valeat.*

**D**ico primò, Peccare contra religionem mortaliter, qui excommunicatus prius à peccatis, quam censura liberat, quia ad Sacramenta admittit, quem his privari Ecclesia præcipit in cap. si celebrat de Clerico excommunicante, in quo religionem lædi, & sacrilegium concipi, scribit Div. Thom. 2. 2. qu. 99. art. 3. cum sacrilegium in hoc consistere ait, quod aliquis irreverenter se habeat ad rem sacram, inter quas res, inquit, summum locum obtinent Sacramenta.

Secundo sacris interesse ac divinis, non est excommunicato denunciato licitum cap. saceris de Vi. nec similiter fas est ad illa eum admittere; cap. 3. de privilegiis, id qui facit tam, regularis, quam secularis quantumcunque exemptus, ultra alias penas, incurrit interdictionem ab Ecclesie ingressu, donec ad arbitrium eius, cuius sententiam contempserat, satisfaciatur competenter, *Thesaurus parte 2. c. 7. num. 2.* sed inter res sacras, primo loco numerare Sacramenta convenit, ergo hæc dari excommunicato non expedit.

Dico secundò, *Data absolutio à peccatis, & nō à censuris, absolute est, & ex naturæ rei valida.*

Probatur, omnium opinione, ac sensu, possunt Sacerdotes, cum ad eos pœnitentes adeunt, casibus reservatis impediti, qui excommunicationem annexam habent, vrgereque necessitas absoluendi, nec tamen est facilis ad reservatorem, aut eum qui excommunicavit aditus, possunt (inquã) à peccatis absolutionē impertiri, & eos pro relaxatione censuræ, ad Superiorem conscientie iudicem remittere, quam absoluendi rationem, in more Ecclesiæ politam esse, affirmat Maior in 4. dist. 17. q. 5. propos. 3. Sotus in 4. dist. 18. q. 2. art. 5. Gerson alphabeto 41. dicit idem S. Anton. in 3. parte tit. 14. cap. 19. parag. 6. Viguerius in institut. Theologicis cap. 16. parag. 4. versu 17. verum est ergo ab excommunicatione, aut censura qualibet alia, per se, & directe, Sacramenti vim ac effectum non impediti.

Confirm. sunt Sacramenta alia præciso data, valida, vt probatum est antea auctoritate canonum, ergo & pœnitentie, nisi vim eius evertat ac dissipet, perueria recipientis affectio.

Confirm. secundo, si est absolutio præciso impensa iure irrita, eius effectus extare

**A** monumenta aliqua in canone est necesse, cum non decuerit rem tantam, quæque tanti, ad bonum publicum, animæque progressum interest, silentio prætermitti, at proferri tale nullum est facile, quo clare pateat, absolutionem ab eo datam, qui scit à pœnitente suo excommunicationem contractam esse, cuius hic tamen inter confitendum non meminit, inane esse ac nullum.

**B** Sequitur ex dictis iterandam ab eo confessionem non esse, qui conscientiam suam Sacerdoti quidem explicuit, sed non excommunicationem in quam se lapsus nesciebat, aut si sciebat, præterlapsa est confitentis memoriam, cum ad eius genua vt pœnitentes solent, admotus esset, sed sufficere, si censuram cum hæc redibit in memoriam, eidem absoluendam proponat.

**C** Ratio est, quod hæc non sit repetenda confessio, nisi cum fuit nulla, ex defectu doloris, integritatis, aut iurisdictionis, at institutam à pœnitente, eo quo diximus modo, nihil horum deficit, vt supponimus, fuit ergo hæc eiusmodi, quam arcescere culpæ nemo queat, illam ergo iterandi cum erit excommunicatio cognita, necessitas est nulla.

Sequitur secundò, nec confessionem iterato faciendam esse, cum pœnitens excommunicationem quidem suam est confessus, sed ei, quem errore iuris aut facti, putabat ad eius absolutionem conferendam idoneum, & ita ab illo, est à peccatis absolutus, priusquam à censura, per confessarii obliuionem, aut ignorantiam crassam, sed satis esse si ab eo qui potest, eius cum licebit, absolutionem obtineat.

**D** Ratio est, quod culpa nulla confessarii Sacramentum reddit irritum, nisi quæ defectum in eo habet iurisdictionis in pœnitentem, aut intentionis illum absoluendi, cuiusmodi tamen non est præsens vt patet.

Dico tertio, *Cum est excommunicatio iniusta, à peccatis absolui excommunicatum posse prius quam ab excommunicatione.*

**E** Ratio est, quod non entis nullus sit effectus, proprietas nulla, at excommunicatio, quæ est pro non crimine inflicta, verè & simpliciter non est excommunicatio, sed tantum in foro externo non est eius ergo pro foro conscientie, querenda absolutio, ei ergo quæ est à peccatis, postponi hæc sine peccato poterit, quæ est à censuris.

Dico quarto, *In iure non esse Pontificam, nec Ecclesiæ, primò per se, & directe, sic à passim Sacramentorum usu arcere, vt hæc sunt invalida, cum suscipiuntur.*

Causa est, quod eorum valor à materia, forma, eorumque applicatione cum intentione debita pendeat, at hæc Ecclesiæ, & Pontifici

Pontifici cum diuini sint iuris, non subsunt A ergo directè, & per se primo, facere nequeunt, ne suscepta operentur in anima, id cuius causa, sunt à Deo instituta.

Per accidens tamen vsum illum impediunt, cum occasione peccati, quod censura plectitur, iurisdictionem actualem excommunicato adimunt, sine qua, pœnitentiæ vis ad productionem gratiæ, est nulla.

#### QVÆSTIO IV.

*An excommunicatus princeps actiua administratione Sacramentorum.*

Sensus est, ecquid excommunicato per Ecclesiam, liceat Sacramenta dare postulanti- bus, & an ministrata valeant, ad cuius quæstionis notitiam supponendum.

In excommunicatis quosdam tolerari ab Ecclesia, alios minime, tolerantur quos à sacris altaribus Ecclesia non arcet, vt sunt qui excommunicati non sunt nominatim, nec denunciati, aut percussores Clericorum notorii, non tolerantur, quibus cum sacris ministeriis, Ecclesia nil vult esse commune extra necessitatem, vt sunt proxime nominati, nos autem à communione nullum suspendimus nisi accusatum publice, atque conuictum, vel sponte confessum similiter publice, Iuo Carnot. epist. 81.

Prima assertio, Extra casum necessitatis moralis, excommunicatus denunciatus, aut notorius percussor Clerici, licite sacrificare nequit, aut Sacramentum conferre, præterquam Baptismi, ac Pœnitentiæ in mortis articulo.

Ita sentiendi causa mihi à decreto Antiocheni Concil. can. 4. Si quis Episcopus à Synodo depositus, vel Presbyter, vel Diaconus à proprio Episcopo aliquid de ministerio sacro attingere ausus fuerit, nullā amplius spem restitutionis in alia Synodo, neque defensionis locum ei habere liceat, sed & omnes, qui ei communicant, ex Ecclesia eiciantur loco huius vocis ministerio sacro, est in Græco λειτουργία quo nomine non sacrorum celebratio, inuentique sacrificii oblatio solum (inquit in eum canonē Zonaras) sed omnes præterea summi Sacerdotis functiones intelliguntur, præter Baptismum.

Quid si sint præter eum alii, censuræ immunes, qui hæc Sacramenta ministrare valeant?

Respondend. ab eo Baptismum præberi non posse, vt hæc, quæ sequuntur argumenta probant.

Primum, quod non faciat ad Dei gloriam, si tamen contra honorem Sacramento delitum, illud à præciso, quem omnibus ra-

lem esse constat, culpæque proinde mortalis reum, conferri in oculis Ecclesiæ.

Secundum, quod cum sunt ad manum, qui puerum eo impertiant, non deceat in eius manu, ac potestate esse bona Ecclesiæ, communicanda mortalibus, qui eam, eiusque imperia negligit.

Quare dicendum est eis non præcipiendo sed consulendo, vt seipso ab officiis Ecclesiasticis suspendant, vel à Sacramentorum communione abstinant, quia tali humilitate & pœnitentia verius agitur, & salus reparatur tutius munitur. Sacramenta tamen à talibus tractata per indignitatem eorum non sunt deteriora, sicut propter dignitatem meliorum non sunt meliora, sed apud quoscunque sunt, secundum B. Augustin. eadem ipsa sunt, Iuo Carn. ep. 81. ad Laurent. Priorem carieatis.

Assertio secunda, Cum extra necessitatem excommunicatus absoluit, facit id irritè ac inane, Indicat hæc oratio Gelasii primi Conciliorum tomo 1. pagina 442. his verbis: Nec prauaricatoria absolutione rei, reum soluere potuerunt, & depulsis undique Pontificibus Catholicis hæreticisque suppositis, participem suum tam absoluerè nequinerunt, quàm ipsi non erant absoluti: ad hoc testimonium accedit ratio.

Rata esse absolutio non potest sine iurisdictione, at hæc per Ecclesiam est adempta excommunicato non tolerato, quem constat, à collatione & participatione Sacramentorum, remotum esse, per canones, præterquam in mortis articulo, quo tempore Sacerdotes omnes iure diuino habere iurisdictionem absoluendi quolibet, scripsit Paludan. in 4. dist. 17. q. 3. art. 2. S. Antonin. in 3. parte titulo 14. cap. 19. Caietan. in verbo absolutio.

Eandem sententiam tuetur Sotus in 4. dist. 18. q. 4. art. 4. Tabiena verbo absolutio 1. nu. 32. & plerique alii magnæ authoritatis Theologi, testimonio victi concilii Trident. in sess. 14. cap. 7. quod est de reservatione casuum ubi est, quemlibet à quolibet Sacerdote absolui posse, in articulo, seu discrimine aperto mortis, cum tamen extra illa tempora, absolutioni à peccatis, censuræ remissionem præmitti oporteat, ne in resacra Sacerdos cum excommunicato communicet, quod ei non est licitum, nisi cum agrius agitur, vt in periculo mortis, quo tempore Deo id & Ecclesia concedentibus, cuique facultas est absoluendi quemlibet, à culpa qualibet, quam tum non possit ab humana authoritate adimi Sacerdotibus, dixit Victoria in libello de Sacram. qu. 159. idque meo sensu verissime, est enim hæc facultas fundata in charactere Sacerdotali, ergo vt hic

perire ac deleri nequit: ita nec illa emori, suspendi quidem potest ac ligari, ut de facto coercetur in præciso denunciato, sed dissolui ac laxari quoque potest, ut accidit, cum mortis necessitas imminet, cuius rei sunt hæc indicia,

Primum, quod necessitas legi humanæ non sit subiecta, de regulis iuris regula quod non est, quarta.

Secundum Doctorum sensus communis.

Tertium Concilii autoritas.

Quartum Martini Papæ III. imperium in can. quicumque 22. de consecrat. distinct. 4. nam ibi pro autoritate, Presbyteris singulis præcipit, ni deponi velint, ut infirmos morti proximis, Ecclesiæ per Baptismum adiungant.

Quamquam ut verum fatear, satius foret, à Laicis eos baptizari, quam ab illis, cum sunt excommunicati.

Causa est, quod sit credibile, Ecclesiam tacentiam quadam interpretatione voluntatis suæ, malle impedimentum minus, quam maius tollere, at minus est impedimentum, quod ex defectu iurisdictionis ad Baptismum in Laico, præsentem Parocho aut Sacerdote oritur, quam quod ex censura nascitur.

Secundo, honeste non potest ac prudenter excommunicatus obire, nedum sibi autoritate propria vindicare hoc ministerium, nisi in quantum est ad salutem Baptizati necessarium, tale non est, cum alterius habetur copia, quam excommunicati ac præcisi.

Dixi (extra casum necessitatis morales) hæc enim cum adest, siue sit intrinseca ratione scandali, aut infamiae, quam sibi excommunicatus apud plebem metuit nisi celebret (maxime si in eo loco degat, ubi eius excommunicatio non est nota, nam ubi est cognita, infamia iuste timeri nequit) siue extrinseca, occasione mortis, quæ ei proponitur nisi pareat, iusta est illi causa, Sacramenta non negandi postulanti, ita Suarez disp. 6. sect. 3. num. 7. Egidius disp. 13 num. 103. Layman lib. 1. tract. 5. cap. 2. n. 5.

Causa est, quod non videatur Ecclesia, severitate tanta imperare suarum legum custodiam, ut has servari velit cum periculo infamiae, scandali, aut capitis.

Huius necessitati addendus est casus, in quo interveniret error communis, cum titulo præsumpto, hæc enim duo cum iurisdictionem tribuant, ab iis habet Sacramentum poenitentiae collatum ab excommunicato, ut sit validum.

Affertio secunda, Toleratum licite conferre Sacramenta, quoties aut ipsius gravis necessitas, aut notabilis proximi utilitas exigit indubitanter est iuris, quia censuræ occultæ, nisi promul-

gatae populo fuerint, valorem actus qui ratione publici officii exercetur, non impediunt, ut tradunt Doctores in leg. Barbarius digest. de offic. Proconsulis, de Beia respons. parte 3. casu 4. Nauar. Enchir. cap. 9. num. 9. his verbis: Valida est confessio, & absolutio illi poenitenti concessa, qui præ ignorantia confessus est Sacerdoti, vinculo excommunicationis, vel suspensionis irretito, qui quidem non est publice denunciatus, sed solum est excommunicatus vel suspensus, per sententiam à iure, ab homine, vel statuta latam.

B Alterum assertionis huius fundamentum, nempe quod natura, vis, valor, ac substantia Sacramentorum, ab applicatione formæ ad materiam cum intentione debita, secundum Christi institutionem pendeat, quæ veritas ab Eugen. IV. in Concilio Florentino definitè sancita, tradita est his verbis: Hæc omnia Sacramenta tribus perficiuntur, videlicet rebus, tanquam materia, verbis tanquam forma, & persona ministri conferentis Sacramentum cum intentione faciendi quod facit Ecclesia, quorum si aliquid desit non perficitur Sacramentum. Florentin. de Sacram. sed hæc omnia in Sacramentis, quæ ad validam sui collationem iurisdictionem, in conferente non exigunt, sed solam ordinis potestatem, præstare toleratus potest, ergo & Sacramentum conferre valide, etsi non licitè, quia cum Ecclesia mutare nequeat quæ sunt Sacramentis essentialia, cuiusmodi tria hæc duntaxat esse, nemo est opinor qui neget, non potest hæc impedire, quin à tolerato collata, sint valida.

D Similiter offerre potest non toleratus sacrificium valide, quia in eo remanet potestas ordinis, à qua habet ut sacrificare valeat, quin etiam in eius est arbitrio, fructum sacrificii applicare cui voluit.

Primo, quia talis applicatio est interna, in quam Ecclesia nihil potest.

Secundo, quia ei permissum est Christi merit, ac eiusdem benignitate attribuire cui vult in Missa.

## QVÆSTIO V.

E

Quæ sit poena suscipientis Sacramentum ab excommunicato.

P Rima assertio, Qui ab excommunicato suscipit ordines, ad eorum est executionem vsumque inhabilis: ita intelligendi sunt, canon ordinationes quintus can. nos consecrationem prius can. excommunicari illicitè secundus, cause none q. 1. ubi hæc ex Gregorio epistolæ lib. 3. epistola 20. referuntur. Nos consecrationem quæ



quæ ab excommunicatis hominibus celebrata est, dicere nullo modo possumus, item excommunicati illicite manus imponunt, quia potestatem ordinandi non habent, ubi autem est licita manus impositio, ibi vulnus infligitur. Unde reitervetur necesse est quod non probuitur esse collatum, nempe quia in hæresis, ac aliorum criminum odiû, ob quæ ab Ecclesia tunc præcisi erant Episcopi hæretici non puci, vult Gregor. gesta ab iis in ordinatione Clericorum, irrita esse ac nulla, non quod characterem, sed executionem, Schismaticorum enim & hæreticorum Sacramenta quoniam extra Ecclesiam sunt, iuxta sanctorum Patrum Traditiones, formam Sacramentorum, non autem virtutis effectum habent, can. præter hoc 6. dist. 32. enimvero si à Schismatico collatus Ordo Sacramentum est, ergo non est inanis ac nullus, non habet tamen virtutis effectum, quia agentibus, & suscipientibus contra instituta Pontificum obsunt, cum talibus & ordinationum, & Sacramentorum confectio, & aliter quam permissum est, scienter susceptio, à canonibus prohibeantur can. præter citato dist. 32.

Secundo, non habent virtutis effectum, quia ædigi in actum nequeunt, eo quod ab eorum sit usu suspensus qui se ab horum aliquo quos Ecclesia è sinu suo, gremioque repulit, initiari est passus, sic enim de Maximo in Constantinop. Synodo sub Damaso can. 6. Propter eius totius indisciplinationis doctrinam, quæ Constantinopoli orta est, statutum est, ne Maximus fuisset aut esse putetur Episcopus, neque his qui ab eo ordinati, qualemcunque gradum Clericatus obtineant, ab omnibus scilicet, quæ circa eum, vel ab eo gesta sunt, in irritum revocatis.

Tenent tamen ordines sic suscepti.

Primo, quia iterari nequeunt.

Secundo, quia sublato per superiorem impedimento, hi qui iis sunt instructi, iisdem possunt uti libere.

Tertio, ordinatio pendet tantum à potestate ordinantis, & debita applicatione formæ ad materiam, cum intentione tam conferentis quam suscipientis, at est in Episcopo præciso, ordinandi potestas plenissima, cum sit effectus characteris, qui est in eo indelebilis, potestque asserre omnia ad Sacramentum necessaria, conferens tamen est irregularis cap. is qui 20. de sentent. in 6. ubi Bonifac. VIII. ait cum irregularem effici, qui contra interdictum (& idem est de censura qualibet alia) diuinis se ingerit in suo agens officio sicut prius.

Quarto, Sacramenta nulla præterquam pœnitentiæ, ab interna recipientium dispositione pendent, sed tantum ab applicatione materiæ, & formæ, quam ab excommunicato, hoc est tam præciso quam non

A præciso applicari cuilibet posse, & quidem valide, sed non licite dixere Patres & Concilia ut patet ex causa 1. q. 1. fere per totam.

Equidem vult Innocentius tertius cap. cum illorum de sententia 32. excommunicatos, qui scientes se excommunicationis vinculo irretitos, ordines tamen accipere non sunt veriti, ab iis susceptis in perpetuum deponendos, vel ut habet idem canon sub finem ab executione suscepti ordinis & officij manere suspensos, sed deponi ab ordine, & ab eius suspendi usu, qui possunt, si hic non est iis collatus vnquam? tam ergo ab Episcopo, quam excommunicato quolibet, cuilibet præberi posse Papæ Innocent. testimonio est certum.

Secunda assertio, Qui cum excommunicatione matrimonium contrahit, peccat, quia communicat in Sacramentis, cum vxore futura, quod ei est prohibitum, non vitiat tamen eius excommunicatio matrimonium ex dictis antea, sed tantum priuatur eius usu, eo quod non sic huius lege Concilii permissus, nisi post acceptam benedictionem à Sacerdote, ex formula ritumque Ecclesiæ, hæc vero fieri qui potest, quandiu durat excommunicatio? cum sit spiritualis quædam communicatio, Ecclesiæque peculiare suffragium, quibus rebus priuari excommunicatum, voluntate Ecclesiæ cui non est cognitum?

Tertia assertio, Si nihilominus coniuges matrimonio suo utantur ante Parochi benedictionem, aut alterius de eius licentia, non peccant mortaliter, quia Trid. sess. 24. cap. 1. eam non præcipit, sed consulit, præterea hortatur sancta Synodus, ut coniuges ante benedictionem Sacerdotalem, in eadem domo non cohabitent.

Secundo, argui culpæ coniuges nequeunt, si post contractum matrimonium procreandis liberis vacat, positi in excommunicatione ab eorum altero, aut ambobus, ob peccatum incursum, ergo nec si hæc coniugium præcesserit, eius usum impedit.

Quarta assertio, Excommunicato suscipienti Sacramenta diuersa ab ordine, nulla iure ipso statuta est pœna, quia nusquam talis vlla extat, ergo cum in pœnis pars sit amplectenda mitior, magis autem ad humanitatem accedat, nullam sine certo, patentique iure inducere, pœna haud dubie nulla mulctari conuenit, qui Sacramenta ab ordine diuersa, conferri sibi expostulant aut sinunt.

Peccat tamen mortaliter, quisquis ab excommunicato vitando, Sacramenta recipit, quia communicatio omnis in diuinis, cum eo est lethalis, venialis autem cum est in humanis tantum: Toletus lib. 1. cap. 11. parag. 16. tunc effectus Suarez disput. 15. de censuris

sect. 2. Thesaurus praxis Eccles. parte 2. A sententia scriptis suis inseruit, Ivo Carnot. epist. 81. his verbis: de excommunicatis communis sententia non tamen nominatis, siue in Capitulo, siue in Concilio facta sit illa excommunicatio, siue sint Simoniaci, siue Presbyteri uxorati idem consilium est, quod est de aliis criminosis, quia non sunt à communione suspendendi, nisi publice confessi: quia & Dominus Iudam furem sciebat, & ita excommunicatum, ut etiam diabolum nominaret, tamen quia non fuit accusatus, donec se ipsum Dominum prodendo manifestauerit, minime eum abiecit. De subiectis quoque idem

### QVÆSTIO VI.

*An Sacramenta ab excommunicatis toleratis recipere ac petere liceat.*

**N**on licere, nisi in graui necessitate dixerere multi, eo quod toleratus non vacat culpa, ministrando Sacramenta, siue necessitate aut utilitate magna petentium, maximè si alius, æquè ac ille idoneus habeatur ad manum, id qui facere possit, ac velit, cum à ratione abhorreat, prudentiaque, administrandis Sacramentis eum intendere, cui id est prohibitum à iure.

Quod si ea dare tolerati nequeunt sine scelere, nec nos illa sane possumus eorum opera industriaque recipere, hoc ipsum enim, quid est aliud quam cum iis communicare? quam sacrarum rerum societatem cum iis coire? quod sacra Pontificum decreta ventant, ratioque ipsa, quæ cum recta est prudensque, cooperari alienæ culpæ, aut eius authorem esse dissuadet homini, quam notam tamen non effugit, qui conferendo sibi Sacramento, excommunicatum adhibet. Hæc authores illi.

Pugnant contra Sanch. lib. 7. de matrim. disp. 9. num. 8. de Graff. decisio. lib. 1. cap. 16. num. 21. Laym. lib. 1. Theol. tract. 5. parte 2. cap. 5. num. 4. Viuald. in candel. de excomm. num. 78. & 79. quid iudicii de ea quæst. habeam, exponam sequentibus assertionibus. Si prius in memoriam lectori reuocauero, toleratos dici hos tantum, qui non sunt notorii Clericorum percussores, nec sunt nominatim excommunicati, ac denunciati, sit iam ergo:

Prima assertio, *Communicare cum excommunicatis in rebus civilibus, eodem modo nuncliet, ac si excommunicati non essent*, quia id concedit Concilium. Dices concedere quidem sed iustam ei concessionem subesse oportere causam, alioqui inanem hanc ac nullam fore.

Respondendum gratis id dici, quia de eo nulla fit à Concilio mentio.

Secundo, cum multa in horas, ac momenta fere singula incidant, quæ fidelem cogant, cum tolerato versari ac agere, ei non satis consultum fuisse à Concilio, si absque causa, eaque iusta, nullum voluisset ei cum tolerato negotium intercedere, quia antalis aliqua, hic & nunc suppetat communicandi cum eo, dubitandi semper est honesta occasio, ex qua ingentes ac acres animi anxietates ac morsus, nasci necesse est, quam

B sententiam scriptis suis inseruit, Ivo Carnot. epist. 81. his verbis: de excommunicatis communis sententia non tamen nominatis, siue in Capitulo, siue in Concilio facta sit illa excommunicatio, siue sint Simoniaci, siue Presbyteri uxorati idem consilium est, quod est de aliis criminosis, quia non sunt à communione suspendendi, nisi publice confessi: quia & Dominus Iudam furem sciebat, & ita excommunicatum, ut etiam diabolum nominaret, tamen quia non fuit accusatus, donec se ipsum Dominum prodendo manifestauerit, minime eum abiecit. De subiectis quoque idem

Assertio secunda, *Licet etiam communicare cum tolerato, ad illud opus parato quod ab eo suscipitur & petitur.*

Probatur, si est ea communicatio vitiosa, sane illam oportet à prohibitione Ecclesiæ, vitium trahere, aut à cooperatione communicantis in peccato cum illo, non primum, quia eam communicationem permittit Ecclesia, in Constantiensis Concil. Non secundum, primo, quia alienæ culpæ nemo se socium præbet ac comitem, cum eius non est causa, resque est eiusmodi, quam peccans obire possit honeste, ac licite, ac in sacris cum tolerato communicans, causa non est peccati, quod ille est facturus administrando Sacramentum.

Primo, quia non postulat ut peccet, sed ut Sacramentum det, quod piè potest ac laudabiliter facere, respiciendo à peccato,

Secundo, culpa quique in eo vacat opere, in quo iure se occupat, quæ enim iure fiunt, prudenter fiunt, quæ prudenter ac cum ratione geruntur, hæc scelus non habent, sed qui cum tolerato in re sacra communicat, se sponte ad eam offerentem, facit pro suo iure, Ecclesia id ei in Constant. Concilio permitte: ab eo ergo Christi mysteria possunt recipi, Nec enim potest aliquis, inquit Nicolaus Papa, ad consulta Bulgaror. cap. 71. quantumtuncque pollutus sit Sacramenta diuina pollueri, quæ purgatoria cunctarum contagionum existunt, nec potest soligradius per cloacas & latrinas transiens, aliquid exinde contaminationis attrahere, proinde qualiscunque Sacerdos sit, ab eo, usquequo Episcoporum iudicio reprobetur, communicatio percipienda est.

E Tertia assertio, *Existente graui causa, potest induci toleratus etiam non Parochus, ad collationem Sacramentorum omnium, quorum conferendum est capax, si præter eum, non sit alius, à quo, ea pœnitens similiter recipere valeat*, Suarez disp. 11. sect. 4. num. 10. Egid. disp. 13. dub. 1. conclus. 4. Talis autem causa, hoc est grauis, petendi Sacramenta à tolerato existeret, si quis aliter

aliter sine cōfessione efflaturus esset animā.

Primo, quia grauis necessitas, aut causa quāpiam alia similis, irreuerentiam omnem, si quæ est forte in exigendo Sacramento, ab excommunicato tolerato, abstergit & emaculat.

Secundo, quia ad hoc quoque ius habet, quo non est priuandus sine causa, eaque iusta Suarez *disp. 11. sect. 4. num. 15. Coninch. disp. 13. dub. 3.*

Tertio, potest creditor ab excommunicato sine culpa petere, vt pecuniam sibi debitam persoluat, ergo vt Sacramentum sibi quoque præbeat.

Quarto malum non est ad Sacramenta sibi conferenda, excommunicatum adhibere non tamen vitandum, quia est toleratus, nisi quia Ecclesia eius vsum prohibet, aut quia est hic tacita eiusdem ad peccatum inductio, non primum, enim uero Ecclesia à temporibus Constantiensis Concil. communicare in diuinis cum excommunicato tolerato non prohibet, argumentoe st, quod eius interesse sacro, nemini interdictum esse velit, vt hæc ex extrauaganti petita verba indicant, *ad euitanda scandala, indulget sacra Synodus, vt nemo deinceps à communione alicuius, in Sacramentorum administratione pretextu alicuius censure absteineat*, ex quibus sic arguendi sese offert occasio.

Sacramentum ab excommunicato tolerato petere, est cum eo communicare haud dubie, at per Concilium omnis est cuique, cum excommunicato tolerato in Sacramentorum administratione communicatio licita; non est hæc ergo eius ad Sacramentum conferendum inductio, nec similiter inducti opera vitiosa inducenti ac mala, non illi, primo, quia res ab eo utiliter fieri potest ac bene, nam quid cum prohibet de peccatis Dei causa dolere, aut exacte vitæ acta arguere? de illa instituenda in posterum religio se accipit, consilia capere?

Secundo, cum est aliqua iusta causa petendi Sacramenti à tolerato, non peccat hic illud conferendū, id ergo ab eo postulare, non est illum ad culpam inducere.

Antecedens probatur, cum actus aliquis permittitur, etiam cetera sine quibus hic esse licitus nequit, concessa consentur, at petendi ab excommunicato tolerato Sacramenti, cuique ius est ac potestas, ergo & isti administrandi, ac proinde sine peccato, nec modo tunc, sed quoties & quam sæpe, cum fidelicommunicare est necesse, sacras actiones obeundo, dummodo non se hic ingerat, & prius conteratur quam eas exerceat, vt dicitur postea.

Par. secunda,

A Dixi in assertione *non Parochus*, quia vt fideles, Parochi sui operam, in administrando Sacramento aliquo exhiberi sibi iuste postulent, longe minor in iis causa exigitur, quia ad id ius habent, & ille ratione sibi demandatæ prouinciæ, obligationem non negandi Sacramenti, nec quidlibet aliud quod promouendæ eorum saluti est necesse, aut vtile, vt notarunt Auila, Suarez, & Ægidius locis ante citatis,

B Minor item causa requiritur, vt à parato conferre Sacramenta, aut Missam celebrare, tam hanc quàm illa sibi ab eo expetant, quam à non exposito, & imparato.

Ratio est, quod minus illi, quàm isti causa ac existant eiusmodi actionis Laym. *lib. 1. tract. 5. par. 2. cap. num. 5.*

Quarta assertio, *Peccat excommunicatus vltro se sacris ingerendo ministeriis, ac sine eorum necessitate graui, quorum causa ea obit.*

C Ratio est, quod Ecclesia per extrauagantem *ad euitanda*, excommunicatis fauere directè nolit, aut iis quidpiam concedere, quod illis ante non liceret, quare nec hi Sacramenta conferre, nec sacro Missæ officio operam dare possunt, nisi quatenus est hoc postulantibus vtile, aut necesse, proindeque si præsto erit alius non excommunicatus, qui æquè utiliter ea ministrare possit, hæc ab illo postulanda erunt, excommunicato præterito.

Ratio est, quod excommunicatus non sit à culpa liber, cum Sacramentis conferendis animum sine necessitate applicat, at cum alterius æque ad ea impertienda idonei, copia suppetit, nihil est, quod esse necesse suadeat, ad eorum vsum adhiberi præcisum.

D Quid? quod Dei hostem, quod inimicum quod ab eius sacris extorrem hominem, prophana tractare manu instrumenta gratiæ; pacis organa, diuina mysteria reconciliandis Christi fidelibus instituta cælitus non deceat? cum non desunt qui ad eorum bonum, ea ministeria religiose obeant: quare quid tum hæc sibi ab illis suppeditari vult, ac tribui, peccat: quia eos ad culpam tali prece incitat, Auila 2. *par. cap. 6. disp. 8. dub. 2. Coninch. disp. 14. de excomm. dub. 3. Suar. disp. 11. sect. 4. n. 17.*

E Directè dixi, quia per accidens, ex consequenti seu indirectè, extrauagans citata excommunicatis prodest. Enim uero ne facta fidelibus potestas cōmunicandi cum illis, vana sit & inutilis, dicendum est, illis quoque ad communicationem legitime prouocatis permissum esse communicare, imo etiam ad id teneri, vt si sint Parochi, Sacramentum autem qui postulant, sint Parochiani, nec per

Kk



excommunicatos stet quominus ante communicationem absoluantur.

Ratio est, quod facultas data fidelibus cum eis communicandi, ad actum redigi nequeat, nisi istis quoque sit impune, cum illis versari ac agere, Couar. in comment. alma par. 1. parag. 7. num. 9. Suar. disp. 11. sect. 4. num. 9. Auila loco ante citato.

Sequitur ex dictis non peccare quidem fideles contra legem, communicationem cum excommunicatis prohibentem, quādiu eam nulla necessitas, aut causa iusta suadent, nec proinde excommunicationem minorem ob id eos incurrere, sicuti notarunt, Auila 1. par. cap. 6. disp. 8. dub. 1. Laym. tractatus 5. par. 2. cap. 5. Aegid. disp. 14. dub. 3. cons. 6. sed tantum contra naturalem charitatem, si eos intelligant quos ad Sacramenta sibi largienda inducunt, ob eam communicationem contumaciores fore, quam antea, aut in peccato mortali, eiusque conscientia administraturos Sacramenta scienter ac voluntarie, quia caritatis est, beneque informatae rationis, non tantum alienis peccatis occurrere, cum impediri possunt, sed multo maxime, ad ea detestanda conscios impellere, ac eorum vitandorum modum, formamque praescribere.

Sequitur secundo, quod etsi fas sit cuilibet, cum tolerato agere, ab eo tamen, tam priuatim, quam publice, eiusque congressione abstinere quemque posse, dummodo eius excommunicatio publice sit nota, vel sufficienter probati possit, quia quod commercia cum praeciso, tolerato tamen, sint fidei permessa, fauor est ac gratia, qua quisque si volet, cedere potest, eique non insistere. Itaque contra actorem excommunicatum, isto excommunicationis genere, excipere reus potest, item contra testem, & iudicem, &c. sicuti de iure antiquo tradunt Doctores in 4. dist. 18. & Laym. loco citato num. 4.

Sequitur tertio, etsi cum excommunicatis toleratis, id est non denunciatis & percussoribus Clericorum notoriis, sit cuique fidelium liberum, communicare in sacris ac prophanis actionibus, ad id eos tamen non cogi.

Primo, quia quod ob gratiam alicuius conceditur non est in eius dispendium retorquendum de reguliuris in 6. reg. 61.

Secundo, quia privilegio uti suo, nemo debet necessario, argumento est, quod privilegiatus ei renunciare valeat, ut enim dicitur in cap. si de terra 6. de privilegiis liberum est unicuique suo renunciare privilegio.

Quinta assertio, Citra inductionem postulantis, etiam potest excommunicatus toleratus non Parochus, conferre Sacramenta licite, quoties id communis, aut priuata alicuius necessitas, etiam

A Vulgarinon maior exigit, Suar. de censuris disp. 11. multo magis, cum est grauis, aut agitur particularis alicuius utilitas, est authorum omnium, quorum in assert. 3. nominare censuimus, quia hoc ipso, quod quis toleratur ab Ecclesia, eadem est potestate praeditus, qua prius, ad necessaria, vtiliaque plebi ministeria obeunda, instructus erat: Licite ergo, inquit, Hildemens. Synodus anni 1526. can. 1. à quocunque Sacerdote ab Ecclesia tolerato, diuina mysteria audiuntur, & alia recipiuntur Ecclesiastica Sacramenta.

B Dixi cum est necesse, aut vtile proximo, quia excommunicato tolerato eatenus est Sacramentorum permessa administratio, quatenus est hæc in fauorem postulantium, at id accidit tum maxime, cum hæc ei sunt ad salutem necessaria, aut valde opportuna.

Sexta assertio, Ne excommunicatus quem Ecclesia tolerat, peccet in administrando Sacramento, quod quis ab eo sibi petit ut vtile, aut necessarium, debet prius conteri, & si per tempus licet, confiteri, & absolui, causa est in promptu.

C Est enim id cuique laborandum, ne rem sacram in malo statu, id est peccati exerceat, oportet itaque ut conscientiam emaculet, antequam ei se operi accingat.

Secundo, si est alius, præter eum non excommunicatus, qui indigentis Sacramento, postulata facere valeat, erit eius officii ac muneris, hunc ad illum remittere, sibi que ab eo adiuuando per collationem Sacramenti quod postulat, missionem petere, seque excusare.

D Primo, quia excommunicato, quem Ecclesia tolerat, Sacramenta administrare non licet nisi cum est necesse, quod non accidit cum adest alterius, quam excommunicati copia,

Secundo, excommunicatus non denunciatus, perinde tenetur lege Ecclesiastica de fidelibus vitandis, ac non toleratus, cum ei Constantiense Concil. fauere noluerit, extra tempora præcedenti assertione notata, necessitatis aut utilitatis proximi: ergo si erit præter excommunicatum alius, à quo Sacramenta possint recipi, ut hæc à tolerato non erunt danda, ita nec communiter ab eo postulanda.

Excipiendus est ab assertione Parochus, cui si suus Parochianus confiteri velit non alteri, tenetur hic ex officio morem ei gerere, quia creditori cum licet, & exigit, debitum illud negari non potest nec debet, at est Parochianus creditor, cum ideo Parocho stipendia numeret, ut se Sacramentis imperat, ergo &c.

Vltima assertio, Etsi toleratus Sacramenta administrans



*ministrans cum conscientia peccati, nempe quia A*  
*non est contritus, aut à censura absolutus peccet*  
*mortaliter, non fit tamen irregularis, si se ante*  
*absoluerit, quia, vt irregularitas ex ad-*  
*ministracione illicita Sacramenti contraha-*  
*tur, debet id administranti esse per Eccle-*  
*siam prohibitum sub tali pœna, id est irre-*  
*gularitate, contra quam hic peccet, dum*  
*Sacramentum tribuit, at neutrum hic acci-*  
*dit, cum defectus contritionis ius tantum*  
*naturale diuinum respiciat, nec tolerato sit*  
*prohibitum, cum hac pœna ministrare Sa-*  
*cramentum ei qui indiget, Ægidio teste su-*  
*pra num. 19.*

Quod autem toleratus peccet, præbendo  
 Sacramenta sine necessitate, & non contri-  
 tus, cum a ius est ad manum æque idoneus  
 non excommunicatus, qui æque vtiliter ea  
 administret, fit ex eo planum, quod sit inde-  
 cēs, publica Ecclesiæ ministeria ab eo obiri,  
 qui ab ea, est culpa sua præcisus, peccat ergo  
 contra Sacramenti reuerentiam, qui ad il-  
 lud tribuendum se accingit, vltro ac sine ne-  
 cessitate, & non rogatus. Dicendū enim est  
 eiusmodi hominum generi, *vt seipfos ab offi-*  
*ciis Ecclesiasticis suspendant, & à Sacramento-*  
*rum communione abstineant, quia tali humilita-*  
*te, & pœnitentia verius agitur, & salus repara-*  
*tatius munitur, Iuo Carnot. epist. 81. ad Lau-*  
*rent. Priorem Monasterii caritatis.*

Et hinc facilis se ad argumenta initio  
 posita respondendi ratio aperit,

Primum enim est verissimum, ob causam  
 tam hic quam assertionem quarta allatam.

Secundum item, vt habet Laym. *lib. 1.*  
*tract. 5. par. 2. cap. 5. num. 5.* quamuis non sit  
 improbable tam fidelem postulante, quam  
 toleratum Sacramentum ministran-  
 tem sine causa, vacare culpa, quæ est opi-  
 nio Thomæ Sanchez *lib. 7. de matrimon. disp.*  
*9. num. 8. Sotus in 4. distinct. 22. q. 1. art. 4. con-*  
*clus. 1.* quia cum Concil. Constant. absolute  
 concessam facultatē fidelibus esse voluerit,  
 communicandi cum præcisus, tam in sacris  
 quam politicis, consequenter & his inte-  
 grum, ac impunè esse voluit, Sacramenta  
 dare, in eoque non peccare, si ea rogati ad-  
 ministrarent & non ad id ministerium vltro  
 ac volentes venirent.

## QVÆSTIO VII.

*Quæ sint pœne conferentis Sacramentum cum*  
*excommunicatione.*

**D**ico primò, *Vsum eius actuum excom-*  
*municato excommunicatione maiore inter-*  
*dictum esse, colligitur ex cap. vlt. de Clerico ex-*  
*communicato ministr.*

Secundo probatur hac ratione, quia non  
 decet Ecclesiam bonorum suorum admini-  
 strationem ac vsum, committere homini si-  
 bi parere nolenti, valent tamen (vt ante est  
 dictum) ab eo collata ex causa aliquā neces-  
 saria ac vtili, præterquam Pœnitentia, quæ  
 est Sacramentum.

Addunt Nauar. insuper *cap. 22. num. 4.*  
*Suar. disp. 11. sect. 1. Auila parte 2. cap. 6. disp. 3.*  
*dub. 3. conclus. 4.* & alii, etiam à non tolerato  
 Eucharistiam & sacram vñctionem moritur-  
 ris dari posse, quando eis recipiendi alterius  
 Sacramenti facultas nulla se offert, eo quod  
 Ecclesia quæ nullius hominis quamlibet fa-  
 cinorosi æternum vult interitum, sed salu-  
 tem eius sempiternam, nolit quemquā in eo  
 articulo, necessario vitæ beatæ consequen-  
 dæ instrumento carere, ergo cum paucorum  
 sit admodum contritio caritate formata, eius  
 autem vicem Sacramenta quolibet attritio-  
 ni iuncta suppleant, credibile est velle eam,  
 hæc iis à quouis Sacerdote, quocunque tan-  
 dem is scelere, & quacunque sit censura ob-  
 strictus, suppeditari.

Dico secundò, *Excommunicatum non tole-*  
*ratum, Sacramenta conferentem illicite, excepto*  
*Baptismo non solemni, irregularem fieri, quia*  
*omnis excommunicatus exercens actum*  
*ordinis sacri, fit irregularis vt dicitur po-*  
*stea.*

Dico tertio, *Qui Sacramenta excommunica-*  
*tis largiuntur nō toleratis, sunt ab ingressu Eccle-*  
*sie interdicti, ita dicitur in cap. cum Episcoporum*  
*de priuil. in 6.* si autem dicti non tolerati  
 sunt excōmunicati à Papa, is qui eis confert  
 Sacramenta, aut cum iis communicat in di-  
 uinis officiis, est excommunicatus excom-  
 municatione Papæ reseruata *cap. significauit*  
*de sent. excomm.* quem adiri tamen absolu-  
 tionis obtinendæ causa, vt sit necesse, requi-  
 ritur vt participans sit Clericus. Secundo  
 vtscienter hoc faciat. Tertio, vt sponte.

## QVÆSTIO VIII.

*An excommunicatus in vna Diœcesi, Visari debeat in alia, & carere Sacramentis.*

**E**ffe id necesse perhibent canones, ut Quintus Concil. Nicæni 1. his verbis: *De his qui communione priuantur, seu ex Clero, seu ex Laico ordine, ab Episcopis per vnamquamque prouinciam sententia regularis obtineat, ut hi qui abiciuntur ab aliis non recipiantur, consentientia Nicæno habet canon 2. Concilii Triburiensis sub Arnulpho Imperat. anno 895. Metensis sub Rotberto Episc. canon 6. Lateranensis sub Alex. III. can. 9. his verbis: Excommunicatos & nominatim interdictos, tam ab illis, quam ab omnibus aliis, iuxta Episcoporum sententiam statuimus euitandos. Elegans est, & ad hanc rem in primis pertinens, canon Valentini Concil. sub Lothario Imperatore anno 855. in hæc verba: Si ab vna Ecclesia fuerint excommunicati, in nulla alia, falso & furuiue communicandi inueniant facultatem, eodem pertinet can. 13. Apostolorum: Si quis Clericus aut Laicus, a communione suspensus, ad aliam properet ciuitatem, & suscipiatur præter commendatitias litteras, & qui susceperunt, & qui susceptus est, communione priuentur. Similia loquuntur ac habent Metense Concil. sub Arnulpho can. 8. & Tribur. an. 895. sub eod. Imper. can. 2.*

Quare queritur Iuo, quod Adeliciam puteacensem Dominam, Hugonem filium eius, & Paganum à se excommunicatos Ecclesiastice, & Apostolica autoritate, exigentibus culpis suis, in infamiam pulsos, Fulco Parisiensis Decanus recepisset in communionem Epist. 141. in quo eum contra veterum statuta Patrum, ac Gallicanæ Ecclesiæ morem peccasse, indicant quæ ipse Daimberto Senonensium Archiepiscopo scribit, Epist. 130. Sic enim, inquit, antiquitus est institutum, & nuper in Arueruensi Concilio, omnium Episcoporum qui aderant consensu confirmatum, ut ab vno Episcopo, quemlibet pro iniuriis excommunicatum, vicini quoque Episcopi excommunicent, Idem legibus Francicis statutum video lib. 1. tit. 1. maxime autem ut qui ab vno Episcopo, est excommunicatus, excommunicetur quoque ab aliis, nec ab iis in communionem recipiatur, quos spectat canon si quis cause 11. q. 3. sic Iuo de Ioanne Aurelian. Episcopo queritur Epist. 137. quod Paganum à se excommunicatum autoritate ipse sua non reprimeret, sed in Diœcesi sua impune morari ac hæterere sineret, quo vitio laborasse quoque Hugon. Archiepiscopum Lugdunensem, &

**A** sanctæ sedis Legatum scribit Epist. 65. *sacerdotes, enim, quosdam à me & Coepiscopis meis communione priuatos, me, nesciente communioni reddidistis, ac per hoc scelerum suorum impunitate, ad perpetranda maiora sacrilegia relaxastis, quod fieri non debuisset ex eo probat quod, iuxta vincula non soluit nisi vera pœnitentia, firmata superioris, aut eius qui excommunicauit, absolutionis indulgentia.*

**B** Quanquam hic, ut alibi, distinctioni est locus, aut enim de excommunicatione agitur, cuius cognitio est habita in Sacramento Confessionis, aut extra, item de conuictu, congressuque priuato, & occulto cum excommunicato, vel publico.

Si primum, certum est nec publice, nec priuatim eius esse vitanda commercia, quem ipsius solius confessione in Sacramento, constat esse subuotum ab Ecclesia.

**C** Causa est, quod ea fugienda sunt in comuni vita, Presbytero tamen ante ceteros, quæ odium ingenerant inuidiamque Sacramento inurunt, cuiusmodi omnium iudicio esse potest, Sacerdotis ab excommunicato discessio, ex qua haud dubiè Sacramentum Confessionis odium suscipit.

Quod si contra, de excommunicati censura est certum alieno testimonio, vel fama communi, ac publica, vel quia me ipsum eius non fallentis notitiæ testem habeo.

**D** Dico similiter esse fugiendum in conuictu, Sacramentis, ac precibus, quia lex Ecclesiæ, quæ non toleratum vbique à fidelibus vitari præcipit, loco nullo restringitur. quàm late patet orbis, tam potestatem suam vimque fusè exerit, Concilium Antiochenum 1. can. 6. & can. 2. ergo non in loco tantum vbi Ecclesia censura excommunicatum perculit, ibi est declinandus, sed & in alio, ad quem transit, si ad eum fama vinculi, quo tenetur penetrauerit, In quo si mihi acquiescere non vultis auctoritati saltem Patrum obtemperate, quæ Parochianos alterius Ecclesiæ ab alia Ecclesiâ recipi non debere testatur. Iuo Epist. 10. ad Hugonem Ecclesiæ Aurelian. Episcopum legitur enim in Concilio Meldensi can. 9. de illis autem qui intra Parochiam beneficium aut hereditatem habent, & alterius Episcopi Parochiani sunt, placuit ut excommunicentur, nec ante ex Parochia exeant, quam quæ perpetrarunt digne emendent.

**E** Quod si de eo non sit rumor, sed pauci duntaxat, atque adeo solus ipse scit, qui hanc communicationem, sibi licita sit, necne ambigit, quid iuris?

Dico secundò, Si in ea Vrbe in qua excommunicatus versatur, nemo sit censuræ eius quæ tenetur, conscius, præter vnum aut paucos, & ita non sit eius excommunicatio, aut denuntiatio co-

gita.

Respond. ad conseq. vitandum quidem excommunicatum in omni loco, sed eo modo qui sit proportionatus ac conformis notitiae, de excommunicatione excommunicati habitae, sic ut si haec sit publica publice, si priuata & clandestina, clam, priuatim ac occulte cuitetur.

К к иу

mittant, qui vero contra præsumpserint, ingressum Ecclesia sibi nouerint interdictum.

Quare excommunicato operari sacris non licet, litare, offerre, preces canere in Ecclesia, quæ Sacerdotum propria sunt munera, nec ad illam cum admittere, cum hæc fiunt. In admittentē pœna dicta est excommunicationis à Concil. Alemannia, habito anno 1225. Conrado Cardinali Portuensi præside, iussu Honor. III. *Statuimus*, inquit, ibi Episcopi, *ut postquam tales excommunicati fuerint in vicinis locis publice denunciati, Sacerdos qui coram eis celebrauerit, simili pœna puniatur, in celebrantem autē irregularitas est lata.*

Dixi cum fiunt, ut indicarem excommunicatis non esse prohibitum priuatim orare in Ecclesia, concionis causa ei se præsentem sistere, eam post absoluta diuina officia subire, sicuti docet Henric. lib. 13. cap. 7. num. 2. Suar. disp. 12. sect. 2.

Equidem est excommunicato omnis cum fidelibus interdicta communicatio, *can. nihil can. Engeltrudam* 11. q. 3. at maior esse vix vlla potest, quam cum diuina agitantur mysteria, celebrantur, aut audiuntur, quare graui se culpa excommunicatus impiat, cum diuinis officiis se obtrudit, facit enim contra præceptum Ecclesiæ de re graui, ac momenti maximi, ei à sacris Pontificibus impositum, *cap. illud de excommunicato ministrante, & cap. is qui de sentent. in 6.* Enimvero nihil est subsidii allatum excommunicatis per *Extrauag. ad euitanda*: Ergo ut ante, sic & modo, diuina eos mysteria vitare, nec ea celebrare est necesse.

Secunda assertio, Si excommunicatus diuinis officiis vacet, quo more obiri solent in Ecclesia id est solemniter, aut coram se go modo fieri imperet, est irregularis. Ita Nauar. cap. 27. num. 244. Suar. de censuris disp. 12. sect. 1. num. 8. Patet ex toto titulo de Clerico excommunicato ministrante, & cap. primo de sententia & re iudicata in 6. vbi hæc habentur, *sciturus quod suspensione durans, si damnabiliter se ingesseris diuinis, irregularitatis laqueos se inuoluet, secundum canonicas sanctiones.* Ita Innoc. IV. probaturque assertio ex cap. illud de Clerico excommunicato ministrante, vbi dicitur irregularis esse qui celebrationi diuinorum in excommunicatione se ingerit, at actu se ingerit qui Missam celebrat, ergo, &c.

In huius rei fidem est ad manum ea de re Alexand. III. decretum in Lateran. Concilio, parte 10. cap. 51. rogatus enim à quibusdam Clericis sibi ut culpæ in celebrando sacræ Missæ officio admittæ veniam pro paterna sua caritate annueret hoc nomine ac causâ præteritis, quod eiusdem criminis socios haberent non paucos, rem ad Tole-

tanum Archiep. remittendam credidit sed ea lege, ut rei veritate diligenter inquisita, si 40. solummodo vel pauciores in his deliquisse constaret, omnes in perpetuum ab officio Sacerdotali deponeret. Si verò multitudinem magnam in hoc peccasse cognosceret, eos perpetua depositione condemnaret.

Dixi (ex more) quia non prohibet Ecclesia absolute, & simpliciter diuina officia, ab excommunicato denuntiatio fieri, sed ex officio, quomodo ea exercere cognoscetur.

Primo, si talia sint, ut repugnet ea ab aliis fieri quam Clericis, ut est in Episcopo, confirmare, in Sacerdote sacrum facere, confessiones audire.

Secundo, si fiant cum solemnitate, caeremoniis, & testibus, iis defungi, ut solent Laici, etsi sit malum, non tamen eiusmodi, ut ei actioni cōiuncta sit irregularitas, Suar. disp. 12. sect. 1. Causa non est alia quā voluntas Ecclesiæ, quæ caeremonias adhiberi à ministris suis solitas prohibet usurpari à præciso, in functione publica sui ministerii, pœna irregularitatis non parenti addita, ut ex toto titulo de Clerico excommunicato ministrante, licet colligere.

Ex more dixi, ut innuerem ab hac esse pœna liberum, qui domi suæ preces Canonicas decurrit, aut alibi, priuatim tamen ac solus, nam publice operam his nauare nō est tutū.

Neque excommunicato prohibitum est modo, diuina obire officia, sed & audire, quare neque in loco sacro eis interesse potest, neque profano, nec extra Ecclesiam, hærendo in eo spatio, vnde audiri queant, ut vel hinc patet, quod interdicti tempore fieri diuina submissa voce iubeantur, nec excommunicati aut interdicti percipiant, *cap. quod in te de pœnit. & remiss.* ibi enim ianuæ iubentur esse clausæ, non solum ne hi templū ingrediātur ac subeant, sed etiam ne quæ ibi fiunt, ipsi percipiāt, ut notauit Vgol. tabula 2. cap. 8. parag. 3. ac ne quidem, si excommunicatos, cecos aut surdos esse, ut morbi cōtingeret, sacris hi sine culpa officiis interesse possent quia eiusmodi priuationibus & dānis, non restituantur Ecclesiæ. Quid autē Sacerdoti præstare sit necesse cum excommunicatus diuinis se ingerit dicetur postea.

Interim, nosse conuenit primo, excommunicato prohibitum non esse, preces priuatim decurrere, imo ad id eum teneri, si beneficium habeat, aut ordinem sacrum, ne ex iniquitate sua commodum reportet, secundum Nauar. cap. 25. num. 102. Suar. disp. 12. sect. 2. num. 13. qui addunt, idem dici oportere, etsi fructibus sui beneficii priuetur, eo quod officium in excommunicatione, facere suā nequeat quia culpa sua accidit, per quod cum

fiat,



stat tantum, quod fructus non percipiat, *Dammum autem quod quis culpa sua sentit, imputare debet sibi, non aliis, reg. 86. in 6.*

Secundo, meminisse conuenit, Clerico excommunicato non tolerato, quando horas canonicas priuatim cum alio recitat, vetitum esse dicere, *Dominus vobiscum*, quia esset quædam communicatio cum aliis, sed loco eius precis, dici hanc posse, *Domine exaudi orationem meam*. Addunt aliqui, Sacerdotem pronuntiatione dictæ precis, irregularem fieri, quia in excommunicatione exercet actum ordinis, negant alii, nisi cum publicè ac solemni ritu pronuntietur, & non priuatim, quia tunc non exercetur actus ordinis, cum à Subdiacono priuatim orante dici possit. Deinde irregularitas quæ in poenam infligitur, non subitur nisi ob mortale, cuiusmodi esse duarum harum vocum prolationem, *Dominus vobiscum* quis dicat? non est ergo hæc culpa in excommunicato plusquam venialis *Laym. lib. 1. tract. 5. par. 2. cap. 2. num. 6.*

Tertio, nec hoc est prættereundum, cum nomine diuini officii, non intelligatur concio, permissum esse excommunicato non tolerato, eam audire in templo, quo tempore diuina officia in eo non celebrantur, non autem his interesse, aut cum fidelibus cum fiunt agere.

Secus qui facit, peccat mortaliter, nisi eum necessitas excuset aut ignorantia *Ægid. disp. 14. dub. 7. num. 50.* quia præceptum in re graui violat, omnis enim participatio in diuinis, materia censetur grauis, quia & per se est talis, & directa, ac primaria intentione, prohibetur ab Ecclesia, vnde peccat excommunicatus mortaliter, Sacramenta recipiendo, aut administrando, &c. vt dictum est antea, at in his duabus vocibus *Dominus vobiscum*, materiam reperiri ad mortale idoneam nemo est tam parum cogitans, dicere qui velit, & ausit, venialis est ergo duntaxat, *Ægid. supra, num. 54.* fugienda tamen, nulla autem in audienda cathechesi, aut concione, nam haberi hæc potest licite ab Ecclesiaste, vt est in decretali *responsio 43. de sentent. excomm.* interrogatus enim Pontifex à Ferrariensi Episcopo, an ad populum sententiis excommunicat. & interdicti ligatum, quot hebdomadibus dicere ipse posset, respondit *sine scrupulo conscientia, hoc cum facere posse, cum viderit expedire, dummodo contra formam interdicti nullum ei diuinum officium celebretur*, hinc enim sequitur, audiri quoque concionem ab excommunicatis impunè posse, ac sine crimine, equidem cum salus publica aut priuata aliquorum agitur, omnis est honesta ratio agendi cum non tolera-

to, at habet pro fine concio, bonum eorum spirituale qui illam audiunt, ergo vt illam habere ob eam causam, ita & audire licitum.

## Q V Æ S T I O X.

*An coram excommunicato Missa dici queat, aut à fidelibus cum eo audiri.*

**D**ico primò, *Diuina mysteria coram excommunicato celebrari non posse.* Ita Concilium Alemannie sub Conrado Cardin. can. 6. Bonif. in c. alma mater de sent. exco. in 6. quia excommunicatis rem negotiaque habere cum fidelibus non licet, can. Engeltrudam 11. qu. 3. at cum excommunicato vere communicat in diuinis, qui Missam coram eo celebrat, nam qui Missæ interest, eam Sacerdotis opera, ministerioque Deo offert, vicissimque iste, pro se suam oblationem numini representat, itaque est id isti specialiter prohibitum in cap. 15 qui 18. de sent. excomm. in 6. in quo Bonifacius VIII. ait eum qui presentibus maiori excommunicatione notatis celebrat, temere agere, irregularitatis tamen, cum id iure non sit expressum, laqueum non incurrere, in Concilio autem citato initio can. 7. is qui coram illis sacrificat iubetur excommunicari & quidem excommunicatione simili, hoc est maiori in cap. autem Episcoporum de privilegiis in 6. iis, qui tales ad diuina officia præsumunt admittere, ingressu Ecclesiæ interdictur, quod est argumentum, in hac re communicare cum præcisolicere nemini, sine mortali peccato.

**D** Præcisî porro nomine non alii intelligendi, quam denunciati, & Clericorum percussores notorii, quia post Constantiense Concilium, licitum est fidei cum tolerato agere, tam domi in priuatis colloquiis, quam in templis, cum adhibere vitæ suæ, ac pietatis socium, & quanquam hic peccet acquiescendo fidei non excommunicato, cum quo, per leges Ecclesiæ non debet versari, extra necessitatē non tamen fidelis, nisi in casu quo illum ad id induceret, sine causa.

**D**ico secundò, *Huius culpa irregularitatem nullam conuenit esse*, quia eius nulla est in sacris canonibus mentio; ergo cum nulla sit inuehenda in Ecclesiam, quam non Pontifex statuerit, aut Concilia vt est in cap. 15 qui 18. de sententia excomm. non est Missæ celebratio, coram denunciato, aut non tolerato, citra casum in priori assertionem declaratum, irregularitate plectenda.

At enim (inquies) est in Concil. Alemannie sub Cardin. Portuensi anno 1224. cap. 6. eos qui scienter ante excommunicatos

celebrant, infames esse, at qui sine re, nomineque sunt in Republ. hi quoque sunt irregulares ergo &c.

Respondend. concilium hoc prouinciale esse, ab eo proinde fieri leges non posse, quæ vbique obligent.

### QVÆSTIO XI.

*An excommunicatus priuetur sepultura & quæ sit pœnæ eam illi concedentium.*

**Q**uia ad diuina officia pertinet procuratio sepulturæ per sacros homines est hic eius adiungenda tractatio, in qua tria considerabimus, corpus sepeliendum, personas quæ sepeliunt, & locum sepulturæ, pro prioris intelligentia sit

Prima assertio, *Non potest infirmus excommunicatus petere, vt in hoc vel illo loco sacro sepeliatur.*

Primo, quia sic, diuinis ingerere, se vellet quod est malum.

Secundo, abire velle à lege Ecclesiæ, ac eniti vt violetur ab alio, aut à se, nulli potest accidere sine scelere, at est excommunicati mortui in tumultum illatio, prohibita sacris Pontificum legibus: Clementis tertii in cap. sacris 12. de sepulturis, Alexand. III. in cap. 2. de heret. in 6. Innoc. III. in cap. consulisti de consecratione Ecclesiæ vel altaris, nam hic cœmeteria in quibus excommunicatorum corpora tumulantur, vt eorum attactu polluta, reconcilianda esse ait, aspersione aquæ solemniter benedictæ, sicut in dedicationibus Ecclesiarum fieri consuevit, vult autem Alexand. eos, qui hæreticos vel fautores eorum scienter præsumpserint Ecclesiasticæ tradere sepulturæ, vsque ad satisfactionem idoneam excommunicationis sententia subiacere, cum enim sacris sit canonibus institutum, vt quibus non communicauimus viuis, non communicemus defunctis, & vt caueant sepultura qui prius erant ab Ecclesiastica vnitae præcisi, nec in articulo mortis Ecclesiæ reconciliati fuerint, de sepultur. cap. 2. quis non videt æquitatis rem esse plenissimam, vt qui Ecclesiæ decreta violat, eiusdem autoritate iustam audaciæ suæ ac temeritatis pœnam ferat? est ergo sepulturæ Ecclesiasticæ pro excommunicato postulatio, illicita.

Tertio, est communicatio in diuinis cum fidei excommunicato denunciato prohibita, ergo & eius petitio, sed sepultura ad res diuinas pertinet, maxime si fiat in loco sacro.

Primo, quia ius ad illam habent soli fideles ique Ecclesiæ obediētes.

Secundo, quia nec emi, nec vendi potest sine simonia, vt dicitur in Concilio Valsensi

**A** tomo 2. Concil. can. vltimo, & refertur 13. q. 2. can. præcipiendum, quod indicat ius sepulturæ spiritale esse, ergo mortui tumulatio in loco sacro, quædam est in diuinis cum eo communicatio, in quantum corpus ad animam refertur, & est honor eiusmodi qui ei deferretur, indicium vnionis, quæ cum Ecclesiâ viuēti intercessit, qualis tamen ob censuram qua est ictus, ei nulla exitit, sed communicare mortuo non licet, cum quo dum viueret commune nil nobis in conuietui esse potuit, Leo Papa ad Rusticum Narbonn. epist. 92. cap. 6. & refertur 24. q. 2. can. 1. & 11. q. 3. can. quicumque, dictum est ergo verissimum, nec posse excommunicatum petere ius sepulturæ in loco sacro, nec hoc ei concedi posse.

**I** Secunda assertio, *Si eam non petit, & eius excommunicatio est occulta, aut certe non est ager denunciatus, vel notorius Clerici percussor, in loco religioso sicut ceteri sepeliri poterit.*

**C** Probatum non prohibetur sepeliens participare in diuinis cum defuncto, cum quo dum superstes erat participare libere poterat, vt dicitur in cap. ex parte 11. de sepult. quod refert Nau. Enchir. ca. 27. n. 36. & 137. verbo 3. at etsi denunciato per Ecclesiæ voluntatē, eiusque leges libera non sit communicatio cum quolibet, tamen est cuilibet concessa cum illo, igitur hi soli excommunicati loco sacro sepeliri non poterunt, qui denunciati erunt, aut notorii Clericorum percussores; per quorum sepulturam locus polluitur quē reconciliari oportebit aspersione aquæ solemniter benedictæ secundum Innoc. in ca. consulisti de consecrat. Ecclesiæ, quod quandiu non fiet, nec diuina inibi fieri officia, testimonio Suar. tom 3. disp. 81. sect. 4. nec fideles sepeliri poterunt Bonifacii VIII. decreto in cap. unico de consecrat. Ecclesiæ vel altaris in 6.

Confirm. cuique per Constant. Concil. est licitum absolute communicare in sacris & prophanis cum tolerato, ergo & in sepultura cum nullibi excipiat.

**E** Quid si sit hæreticus? Respond. hæreticos quoad hoc peiori non esse conditione ceteris, quare quandiu non sunt denunciati, non prohibentur præcisè, & vt sic, sepeliri, indicio est, quod in cap. quicumque de hæreticis in 6. Papa loquatur de hæreticis damnatis per sententiam; quales non sunt tolerati, vt notant Ægid. disput. 14. dub. 8. Suarez disput. 12. sect. 4.

Tertia assertio, *Locus in quo præcisos sepeliere vetitum est non nisi sacre est.*

Primo, quia Clemen. I. de sepulturis & ca. sacris 12. extra eod. tit. fit mentio cœmeterii quod ex forma Ecclesiæ ritumque, benedici est in more.

Secundo

Secundo, excommunicati eo loco sepeliri prohibentur, in quo illis aliqua nobiscum post mortem esse potest communio, at nulla est nisi in sacro, cum ad illum tantum fidelium asportentur cadauera, ibi autem eos sepeliri prohibet Alexand. III. in Concil. Lateran. parte 31. cap. 5. de excommunicatis, intelleximus inquit ibi Pontifex, quod hospitalarij nominatim excommunicatos contra prohibitionem Ecclesiasticam presumunt tradere humane Christiane sepulture, non cogitantes quā graue sit eū illis in morte cōmunicare, quos dum viuerent, Ecclesia pro suis excessibus, à sinu suo segregauit, Unde quoniam huiusmodi presumptionem nolumus, nec debemus aliquatenus tolerare, discretioni tue, &c.

Quarta assertio, Excommunicato denunciato sine absolutione & conuisione defuncto neganda est Ecclesiastica sepultura, ita enim sacris est canonibus constitutum, ut quibus non communicamus viuus, nec communicemus defunctis, & ut careant Ecclesiastica sepultura, qui prius erant ab Ecclesiastica unitate præcisi, nec in articulo mortis, reconciliati fuerint, Clem. III. in c. sacris 12. de sepultur.

Pœnæ secus facientis sunt duæ, prima excommunicatio latæ sententiæ, à qua nullatenus sunt absoluedi, nisi prius ad arbitrium Diocesani Episcopi, eis quibus per præmissa, iniuria fuerit irrogata, satisfactionem exhibuerint competentem, Clem. V. in Clement. prima de sepulturis.

Ab ea tamen excusant primo, ignorantia tam iuris quam facti, secundo bona fides, illa quidem, quia ut incurratur excommunicatio vult Papa excommunicatos, scienter & cum præsumptione mandari terræ cui notitiæ aduersatur ignorantia, sicut bonæ fidei temeritas & audacia: hæ enim cū contēptu clauis, quem in sepelientibus ut censuræ subiaceat, Pontifex exigit, stare cum illa nequeunt.

Tertio, excusat ab hæ censura locus, qui si sacer non erit, hæ sepelientem non afficiet, in sacris autem habentur templum, & cœmeterium, ut pote communi vlti Ecclesiæ, sepulturæ deputata defunctorū, Cœmeterij sane meminere duo Pontifices Clemens III. in cap. sacris citato de sepulturis, & Alexand. III. in Concil. Lateran. parte 31. cap. 5. Templi autem Ægid. disp. 14. de excom. dub. 3. num. 6.

Pœna altera sepelientium præcisum denunciatum, contra statutum Ecclesiæ, est obligatio eius exhumandi, Discretioni tue mandamus, inquit Alexand. III. in cap. citato Concil. Later. quatenus prædictos fratres moneas, & hortoris, & ex nostra parte præcipias, ut si quos in excommunicatione defunctos in cœmeterijs sepelierint, extra cœmeteria eos penitus eiciant.

Pars secunda.

A Clarius Clemens III. in cap. sacris. Si ab aliorum corporibus discerni poterunt, exhumari debent, & procul ab Ecclesiastica sepultura iactari. Idem ab Alex. III. in cap. quicumque 2. de hæreticis in 6. sancitū in hæreticos reperio, nam hic non contentus censura strinxisse, qui illos, eorum credentes, fautores, defensores, Ecclesiasticæ tradere sepulturæ scilicet præsumunt, eos quoque absolui negat oportere, nisi propriis manibus publice extumulēt, & proiciant huiusmodi corpora damnatorum. Si tamen discerni ab aliis non possunt, exhumari ea non oportet, ne per imprudentiam defunctis, eorumque corporibus irrogetur iniuria.

B Quod si defunctus ante mortem contritionis signa dederit, licet absolutus non fuerit, exhumandus tamē non erit, sed absoluedus ab eo, à quo viuus debuisset, cap. à nobis 28. de sentent. excommunicat. multoque magis, si antequam efflaret animam, esset per Sacerdotem à censuræ suæ nexu solutus, iuramento tamen ante præstito facturum se parti latæ satis, hoc ut putem suadet Alexand. III. responsum in Lateran. Concil. parte 30. cap. 52. consultus enim à Lucensi Episcopo ecquid eorum propinquis fieret, qui pro excommunicatis sub finem vitæ, vades se præbebant, respondit, eos monendos esse, ut fidem promissi faciant, proque iis satisfactionem exhibeant, quod si fecerint, qui laborans in extremis, præstito iuramento per Presbyterum, obtinuerit ab excommunicationis sententiâ relaxari, in cœmeterio sepeliri poterit, si autē propinqui monitis acquiescere cōtradixerint, quia iam non est peccatum purgatum, defuncto Ecclesiastica sepultura neganda erit.

C Dix denunciatō, quia toleratus etsi nō absolutus, modo signa pœnitentiæ dederit, tamen in loco sacro sepelitur licite, quia nullo iure positiuo, naturali, aut diuino prohibetur, honesteque ei suffragia applicantur Ecclesiæ. Idem dicendum, quando dubitatur, an contritus decesserit, quia semper pars melior est præsumenda, & si negarentur ei tū suffragia Ecclesiæ, ac sepultura, infamis fieret, eiusque propinqui omnes, quod vita re caritas præcipit Ægid. supra num. 66.

D Quæstio fuit altera, quinam ad hanc pœnam incurrendam, dicendi sint excommunicatum humo ac sepulturæ tradere? an hi tantum qui cadauer tumulo condunt, in fossam inferunt, an etiam qui ei se honoris causa, comites addunt, sepulturæ locum tribuunt, aut vltro accipi sinūt, psalmos occinunt, ære campano de precibus pro defuncto facientis populum commonefaciunt, cruces, cereos, aliaue ad funus spectantia gerunt.

Henriquez lib. 13. cap. 11. num. 3 priores tan-

L1



tum, hoc est qui cadauer fossæ imponit, eam incurrere pœnam ait, quia hi soli proprie dicuntur sepelire, quare cum verba in proprio, & rigoroso sensu capi debeant, legis maxime quæ pœnam infert, hi soli (inquit) violatæ censuræ futuri sunt rei: quæ opinio est etiam Caiet. *Verbo excomm. cap. 46. Nau. Enchirid. cap. 27. num. 137.* Declaratio quinta (inquit) quod solum qui sepeliunt, & collocant corpus in sepulchro, incurrunt hanc censuram, & non qui efferunt, vel prosequuntur, aut diuina officia peragunt, quamuis solus baiulus sepeliret. Hæc ille,

Censet Vgolinus *tabula 2. cap. 8. parag. 6. num. 3.* eos omnes in excommunicationem incidere, qui eas operas ad sepeliendum præstant, sine quibus non sepeliretur mortuus, cuiusmodi sunt, qui corpus deferunt, tumulum effodiunt, in eo defunctum ponunt, cum humo operiunt, qui cum prohibere possunt, & debeant ne sepeliatur, non prohibent, sed ad sepulturam admittunt, quod diserte vetat Bonifac. VIII. sub pœna interdicti ingressus in Ecclesiam *cap. Episc. de privil. in 6.*

Item qui sepeliendum mandant, qui procurant, qui præsentiam suam accommodant ne quis impediatur, quo minus sepultura donetur, quia in hos proprie conuenit (inquit *Ægid. disp. 14. dub. 8. num. 68*) tale quid audacia temeraria facere, & in contemptum clauium; quæ est etiam Suarij opinio *disp. 12. sect. 4. num. 10.* si tamen crederent eum absolutum, aut dedisse cautionem iustam, aut id ab Ecclesia, sub eo pœnæ genere nescirent esse vetitum, ab ea pœna forent liberi, quia Clemens V. in *Clement. 1. de sepultur.* præsumptionem & scientiam in sepeliente, ad eam pœnam incurrendam, exigit.

Similiter & hi mihi à censura eximendi videntur, qui eam operam adhibent, sine qua tamen, solita in mortuo sepeliendo, redderentur humanitatis officia, maxime si hæc bona illi fide præstent, ut qui honoris causa, prosequuntur funus, aut rogati Ecclesiæ laudabili instituto ac ritu, psalmos canunt, sic enim multitudini parcitur, & legi, interpretatione ridicula ac fallaci vis non infertur.

Obiicies, Qui se eorum exhibent comites, qui cadauer efferunt, aut tumulo conducunt, his quos censura ligat, communicant, in minorem ergo excommunicationem sunt lapsi.

Anteced. est falsum, nam illi censuram subire non sunt censendi, aut ea vincti esse, nisi sepulto mortuo, reque, quod aiunt, perfecta, & integra, at tunc eis ultra non communicant, ut res loquitur.

Ad locum quod attinet, (quæ fuit tertio loco proposita quaestio,) Dicendum vide-

etur non alium quam sacrum esse sepeliendo excommunicato prohibitum, scio in *Clem. 1. de sepult. & cap. sacris de sepulchris canone consulti de consecration. altaris, solius cœmeterii mentionem fieri, Ecclesiam tamen etiam non consecratam intelligi, loci sacri nomine negare quis ausit? Gregorio nono maxime asserente in decretali nona de immunitate Ecclesiæ, quod Ecclesiæ in qua diuina mysteria celebrantur, licet adhuc non extiteris consecrata, nullo iure privilegium immunitatis adimi, queat quia obsequiis diuinis dedicata, nullius est temeritatis ausibus profananda.*

quare si in ea tumultetur excommunicatus, tam ipsa, quam cœmeterium ei contiguum censetur esse pollutum, nec debet antequam reconciliatum fuerit, in eo aliquis sepeliri, polluto tamen cœmeterio, per huiusmodi sepulturam, licet Ecclesiæ contiguo, non debet Ecclesia polluta reputari, ne minus dignum, maius, aut accessorium principale ad se trahere videatur ut dicitur in *cap. unico de consecrat. Ecclesiar. in 6.*

Et quoniam vnumquodque tollitur eo modo, quo est inductum, ideo reconciliata Ecclesia, & cœmeterium quod ob Ecclesiam pollutum erat, censi debet reconciliatum docet Vgol. *tab. 2. cap. 8. parag. 5.* posse tamen excommunicatum sepeliri in loco profano, licet cōtiguo loci sacri, tradit Glossa in *Clement. citat.* Imo si cœmeterium est auctum, sine auctoritate Episcopi, in ea parte, quæ est auctum, nondum tamen cōsecratum, sepeliri, cum posse scribunt, Vgolin. *parag. 5. nu. 1. Henriq. lib. 13. cap. 11. num. 3. littera M.*

## QVÆSTIO XII.

*Quomodo excommunicatus communibus Ecclesiæ suffragiis priuetur.*

Est hic excommunicationis effectus alter, quod qui ea est notatus communibus priuetur Ecclesiæ suffragiis, id est auxiliis cuiusque modi, maxime vero spiritualibus, quæ ex publicis ministrorum officiis ac sacrificiis, deriuari ad fideles solent, est enim Ecclesia, mysticum quoddam corpus, fideles autem eius membra, partesque, Pauloteste, *Vos autem estis corpus Christi & membra de membro, prima ad Corinth. 12.* quare quæ membrorum est inter se coniunctio, qui nexus, ac societas, eadem esse debet fidelium inter se. & ut cuiusque membri opera, in totius corporis, membrorumque cedunt commodum, ita sibi ope mutui Christiani ad æternæ vitæ ac immortalis præmiæ conferunt, eo spectant quæ à Davide sunt scripta



scripta, in communionem venire se bonorum omnium, quæ ubique ad principis Dei gloriam geruntur ac fiunt, *Particeps sum omnium timentium te Domine, & custodientium mandata tua.* Eodem quoque pertinent, quæ à Paulo commendantur omnibus, ut vicissim sua sibi onera communicent, *Alter alterius onera portate, & sic adimplebitis legem Christi.*

Habent ergo Christiani, Dei & Ecclesiæ singulari caritate, ius ac potestatem communibus his bonis communicandi per sacrificia, Sacramenta, indulgentias, quibus ut eorum est domina, aut certe dispensatrix Ecclesia, excommunicatos, ut contumaces, ut Dei inimicos ac hostes, ut tantis indignos bonis, ad terrorem nocentium, eorumque priuatum bonum spoliât, ut hoc suo percussu malo, sapere tandem, ac ad bonam i edire mentem discant.

Ita Doctores, ex quorum ego scriptis atque sententiis, quæ valde distractæ videntur, delibare quædam statui. Quæ magis necessariam cognitionem habent, hæc incertas, minimeque dubias notitias conferre placet, ex quibus, fiet exinde ad quæstionis in titulo positæ explicationem progressio.

Prima, eaque apud Catholicos certa est, opera bona vim habere satisfaciendi ac mærendi, hoc ipso quod fiunt, quo in genere sunt, quæ ex Christi institutione fiunt in Ecclesia, ut Sacramentorum administratio, & hæc profunt ex opere operato (ut aiunt) quia propriam gratiam rite susipientibus conferunt, quocunque tandem in statu sit minister, ut docetur, 1. q. 1. can. *nonne Sodomitæ can. remissionem versusi ergo Sacramenta.*

Alia vim habent ex opere operantis solum, propterea que tantum valent, quanta est eius probitas, ac charitas, ut priuata cuiusque preces. Habent alia vim ex utroque capite, ut Sacramenta administrata à viro probò, Missæ sacrificium Deo oblatum ab homine non malo, quod non tantum vim operis operati habet, ut Sacramentum, sed etiam ut sacrificium, & ut tale, à Christo Domino est institutum, Sotus lib. 9. *de iustit. quæst. 2. art. 2.*

Notitia secunda, operis cuiuslibet boni, valor est triplex, generalis qui omnibus conuenit, qui Sanctorum communionem continentur, specialis, qui eius est proprius, pro quo quis orat, ieiunat, celebrat, tertius operantis proprius, quem Scotus quodlibeto 20. specialissimum nominat, eique conuenit, qui existens in gratia, bene operatur, nec ab eo tolli potest, sicut nec ipsa actio, eiusue bonitas, potest non eius esse, qui eam elicit & exercet.

Notitia tertia, Peccatori potest quisquis est

A in Dei gratia, iustitiam, bonaque inferioris ordinis, ex Dei liberalitate impetrare. Veritatem hanc, scriptura & ratio loquuntur, prior quidem Matth. 9. cum ait Paralytico eius culpas remissas fuisse omnes, propter fidem illorum qui eum illi obtulerant.

Quid? quod Ecclesia per Sanctorum merita, precesque, gratiam & veniam dari mortalibus postulet? quod oranti Stephano, Pauli ad Deum conuersio sit concessa? August. *serm. 4. de Stephano* quod Sodomitæ locus apud eum indulgentiæ, veniæque extitisset, si iustos decem, quos eius iræ furoriqu; placando opponeret, habuisset ad manum.

B Equidem Deū decet, pro cætera sua in homines charitate, aures ad eorum vota, precesque apertas gerere, maximè si de eorum sunt numero, qui eius amicitia ac gratia, posteriora habent omnia, nam cur eorum preces, desideriaque respueret, aut infecta vellet, in omnibus, ac per omnia, sanctissimæ eius voluntati obsecundant? & si voluntatem timentium se facit, & deprecationem eorum exaudit, in rebus quæ ad salutem suam, aut suorum, parum aut nihil conferunt, eam nempe ut inanem nullamque negliget, cum agitur vnus cuiuspiam aut plurium incolumitas?

C De cæteris donis res est clara, nam si gratiam hosti suo, ad iusti preces impertit, si cum ea amorem, virtutesque cæteras, quæ quoniam in bene præparatum pectus influunt, infusæ dicuntur, cur non præberet cætera, quæ ut sunt momenti ab beatam immortalitatem nullius, aut exigui hostibus plena sæpe manu largiri solet? Loquuntur sanè historiz, Beatissimæ Virginis ac Sanctorum precibus, multis scientiam, non paucis bonam mentem, plurimis de admissis dolorem vehementem ac acrem, ad diuinam concitatum impetum, ad vitam, viresque longa vi morbi tantum non consumptas reditum aliaque non pauca concessa esse, quæ si sunt vera, cuiusmodi esse nemo sanæ mentis, fideique ambigit, dicta est causa, ad multa, eaque diuinissima munera, Sanctorum merita, mortalium sunt generi perquam utilia.

D Notitia quarta, potest Ecclesia hæc aliaque id genus beneficia, per ministros suos, bonos iuxta ac malos, impetrare à Deo, peccatoribus ac impiis.

E Sic enim argumentamur, si vnus id potest cur non multi? si hic & ille, gratia tantum apud Deum valent, cur non iusti omnes? si è populi turba, homo aliquis, inter homines stirpe sua vilis ac inops, peccatori dona cælitus impetrat, cur non iusti omnes qui sunt

Ll ij

in Ecclesia? quorum ea nomine postulantur à Deo, illa ipsa ab eo non sunt habituri, pro sua reuerentia?

Facit hæc argumentatio, palam ut sit omnibus, publicas preces, Ecclesiæque factas nomine, plus valere, quam priuatas, vix enim est credibile, esse nunc in viuus sanctum ullum in Ecclesia, qui par sit meritis apud Deum, Sanctis omnibus aliis collectim sumptis.

Dixi per ministros iustos, iniustosque, quia sicut quod sit in Christi persona, eius institutione ac imperio, summi est meriti, etsi qui id obit ministerium vitiiis scateat, ita quod in persona sponsæ Christi geritur, ex eius institutione, vel iussione, magni est hoc ipso meriti: quo in numero, sunt horæ canonicæ, letaniæ, ieiunia, supplicationes, licet qui his vacat, in peccato hæreat: ita Couar. par. 3. num. 6. Gabriel. & Gerson apud ipsum, quæ ergo Ecclesiæ nomine offeruntur ab Ecclesiæ ministris, vim semper habent ex opere operantis, cum Ecclesia sit sancta sæpe etiam operato, cum ipsa opera à Christo sint instituta. Imo Henriq. lib. 13. cap. 11. ait horas canonicas, & Sacramentalia quæ ab Ecclesia, potestate sibi data diuinitus instituta sunt, habere vim ex quadam ratione operis operati, quamuis à peccatore & excommunicato exhibeantur, quæ est multorum sententia.

Iam ad quæstionem, estne excommunicatus cõmunibus Ecclesiæ priuatus suffragiis?

Est suffragium ut hoc loco sumitur, cum commune est, communis totius Ecclesiæ oratio, per quam fidei impetratur ab Ecclesia auxilium spiritale, quo iuuetur in spiritu, qualis oratio est Missa, horæ canonicæ, cæteraque preces, quæ in Ecclesia fieri publice sunt solitæ, ut matutinæ, vespere &c.

Nisi malis suffragii nomine intelligere auxilium, quod alicui conferimus, ei meritum operis communicando, siue ut pro eo satisfiat, quod ad iustitiam commutatiuam attinet, siue ut ei aliquid impetretur, quod est iustitiæ distributiue.

Quod si suffragium priuatum erit, priuati hominis erit oratio, in qua solus, priuatimque Deo preces nuncupat, quam ad rem, etsi admodum expressa orantis intentio sit utilis, virtualis tamen sufficit, quæ est in eo, ut precum, quas Deo fundimus, fructum manare aliquem ad eos velimus, qui communibus charitatis nobiscum deuincti sunt vinculis; nam hoc ipso tacite nostra illis applicamus merita, ut eorum intuitu, Deus eos adiuet: Priuari ergo communibus Ecclesiæ suffragiis, est carere fructu, qui ex cõmunibus ministrorum Ecclesiæ sacrificiis, & oratio-

nibus, ad fideles abundanti deriuatur copia.

Sunt autem præter hæc communia suffragia, & alia particularia, personarum particularium, quibus, notis sibi hominibus, aut alijs, dona quædam ac beneficia, à Deo impetrant, inter quæ hoc est discrimen.

Primo, quod illa vim ac valorem ex intentione habeant.

primo quidem Ecclesiæ,

Secundo, personæ offerentis.

Tertio, à Christi institutione, ut salutare Missæ sacrificium.

Differunt communia Ecclesiæ suffragia, à priuatis priuatorum, primo fructu.

Secundo, differunt, quod priuata priuatorum hominum, eis non prosint nec alijs, nisi facta in gratia, cum illa, id est communia, à dignitate offerentis non pendeant, quare in mortali obita, ad satisfactionem valent, aliaque spiritalia commoda, quia offeruntur Ecclesiæ nomine quæ est Deo quam gratissima, Auila 2. parte cap. 6. disp. 4. dub. 11. quod de Missæ sacrificio verissime ante alia dicitur, cum ab institutione Christi, vim ad satisfaciendum hauriat, qua vi priuari improbitate ministri non potest, cum ab eo non pendeat sed à Deo solo.

Tertio, differunt, quod priuata, vnius cuiuspiam hominis sint opera, communia vero, opera sint quidem, sed multorum; quæ à pluribus, vnius eiusdemque corporis facta membris, in cæterorum redundant commodum, ideoque huc iustorum omnium opera pertinent, nec eorum modo, qui communi nobiscum fruuntur aura, sed qui eam etiam à primis orbis cõditi cunabulis hausere cum spiritu, Noë, Abel, Abraham, Isaac, &c. Patriarchæ, Prophetæ, Apostoli, Martyres, quorum ex operibus, thesaurus constituitur Ecclesiæ, quatenus sunt meritoria, impetratoria, satisfactoria, habet enim opus quodlibet bonum viatoris, vim triplicem, merendi, impetrandi, satisfaciendi, sed diuersimodè, nam solius Christi opera, potuerit mereri alijs de condigno, proque iis satisfacere ex rigore iustitiæ efficacissime, iustque impetrare quidlibet, tam vi dignitatis infinite, qua præstabant quam pacti, cum Deo Patre iuncti, Isaia 53. Si posuerit pro peccato animam suam, videbis semen longæuum cum nostra, cæterorumque hominum opera, non nisi imperfectè, id est ex congruitate quadam, decentiaque id agant, facitque hæc congruitas, tale ut meritum in impetrationem incidat, nititur hæc autem in liberali ac benefica donantis voluntate, meritum autem in persoluentis debito tantum: Enimvero cum quæ operamur, cogitamus, ac dicimus, mercedem merito suo non imparem præstolentur

in cœlis & quidem supra condignum, nihil est, quod iis respectu aliorum, nisi ex congruitate, decentiaque sit debitum.

Est insuper in Dei benignitate magnum contra Demones præsidium, infinitum prope ad salutem, peccatique odium adiuumentum, hoc porro, aliaque id genus beneficia, genere ipso diuersa, fructu præcipua, pro solita sua in homines munificentia, peccatori Deus in eorum gratiam, quos in amicorum, ac charorum numero habet, largiri sæpe est solitus, fidem eius rei faciunt quæ sequuntur ex scriptura petita testimonia, Gen. 30. *Experimento diuici, quod benedixerit mihi Deus propter te* Gen. 39. *Benedixit Dominus domui Egypti, propter Ioseph, & multiplicauit tam in ædibus, quam in agris, cunctam eius substantiam.*

Addenda his auxiliis, singularis quædam, at præcipua Principis Dei beneuolentia, quæ singulos etiam immerentes, ac indignos, non tam suâ, quam amicorum causa prosequitur, mala quibus possunt opprimi, auertendo aliò ne noceant, bona, quibus eorum ornari animus, virtusque si qua eius forte habent semina, augeri possit ac crescere, vberè eis manu ac sæcunda largiendo, quæ diuini in hominem amoris argumenta, testimoniaque, vtrum cum triplici illo bonorum genere, quæ sunt in impetratione merito & satisfactione posita, excommunicato tolli possint ab Ecclesia, iam est videndum.

Prima assertio, *Potest Ecclesia priuare, ac de facto priuare excommunicatum denuntiatum spiritualibus his suffragiorum commodis*, habetur in cap. sacris 38. & c. à nobis 28. de sententia excommunicationis, in quibus vetat Pontifex ne pro eo oretur, aut ad illum pars bonorum Ecclesiæ aliqua deriuetur.

Accedit ratio, est Ecclesia bonorum suorum domina, seu Christi nomine, meritum eius dispensatrix, ergo vt ea applicare dignis, ita & hæc negare indignis potest.

Secundo, Paulus 2. ad Corinth. 5. excommunicatum Sathanæ tradit qui iuxta Christiani seruatoris verba, Matth. 18. eiciendus est ab Ecclesia, at extrudi ab Ecclesia, nõ est quoad effectum aliud, quam eius priuari bonis, in quibus haud dubie sunt suffragia.

Tertio, non possunt Ecclesiæ merita iis esse utilia, quibus non applicantur, at Ecclesia ea excommunicatis non applicat, imo eos his excludit: ergo.

Major probatur, non potest alienum meum fieri, sine eius voluntate cuius est, ita autè se res habet in bonis Ecclesiæ respectu peccatorum, & excommunicatorum, non autem respectu iustorum, nam vnus ex illis opera, non sunt aliena alteri, quia amicorum Dei, omnia sunt communia, quare nec re-

quiritur intentio formalis & expressa ad ea communicanda aliis.

Secunda assertio, *De facto Ecclesiasticis legibus, nil spiritualis commodi ad excommunicatum denuntiatum ex communibus Ecclesiæ suffragiis prouenit.*

Causa eius rei potissima, est eiusdem Ecclesiæ voluntas expressa, in binis canonibus, Vigesimo octauo de sent. excom. & 38. in quibus ambobus, Papæ placuit, excommunicato nobiscum nil esse commune, vt in vita & congressu, ita & in suffragiis & orationibus communibus, quare peccat mortaliter qui pro eo publice orat ex Nauar. de horis cap. 19. num. 67. quia facit contra præceptum Ecclesiæ in re graui Henriquez lib. 9. cap. 15. parag. 13. litera P. Sairus lib. 2. cap. 3. num. 15. pertinet enim ad maiestatem Ecclesiæ vt eius bona, non communicentur ingratis ac immorigeris ea repugnante, nec sine ratione.

Tertia assertio, *Non modo peccat Sacerdos orando publice pro excommunicato denuntiato, sed eius insuper preces sunt irritæ, ac nullæ, si eas Deo offert vt publicus Ecclesiæ minister.* Ita Adrianus in tract. 4. de clauibus dub. 3. Sairus loco proxime citato.

Probatur Oeconomus, non modo peccat dispensando bona domini contra rationabilem eius voluntatem, sed si facit, vane facit ac sine effectû, cum eius acta vim habeant nullam, nisi vt à Domino approbantur, eiusque sunt voluntate: at Sacerdos, Oeconomus est Ecclesiæ iuxta Paulum, sic nos existimet homo vt ministros Christi & dispensatores: ergo si ea contra voluntatem Ecclesiæ applicet alicui, applicabit sine fructu.

Confirmatur, fructus ex hac oratione sperari nullus potest, si ei repugnat esse meritoriam, repugnatautem, nam non est Ecclesiæ voluntate talis, cum eam arguat, cum fieri prohibeat, suoque nomine, Deo pro denunciato offerri nõ cupiat. Nec est etiam ex merito operantis Deo grata, aut ei cuius sit gratia, fructuosa ac utilis, enimvero cum sit hæc eius actio vitiosa, vt pote præcepto contraria, obedientiæ autem quam à Christianis exigit Ecclesia, aduersa, ecquem amabo ex illius virtute meritoque fructum traheret?

Quarta assertio, *Priuatim tamen, menteque & animo, cuique Deo pro excommunicato, supplicare est licitum, vt in Memento, ita Diu. Th. in 4. dist. 18. q. 1. art. 1. Hostiensis in summa lib. 3. de sentent. excommunicat. num. 17. Sylu. verbo excomm. 1. num. 2. & verbo Missa 1. parag. 4. Sairus lib. 2. thesauri cap. 4.*

Primo, quia mentalis oratio, interna est actio, sicut & Christi meritum applicatio, sed potestatem in actus internos Ecclesia



nullam habet: ergo, &c.

Secundo non vetat hæc nisi vota publica, qualibus tantum suffragii publici nomen datur, at meritum Christi à priuato applicatio, publica censeretur non potest oratio, quare nec valet nisi ex opere operantis ut ait Couar. *parag. 6. conclus. 6. & 7.* Henriquez *lib. 13. cap. 12. nu. 3. littera Q.* cum Ecclesiæ precestanto plus valeant, etiam ex opere operantis, quam priuati, quanto est maior gratia & sanctitas in tota Ecclesia, quam in vno quopiam homine.

Quarta assertio, *Non modo mente, sed & ore, fidelibus licet priuatim, pro excommunicato, Deo preces fundere.*

Est hæc assertio omnium communis, quam & defendunt Soto in 4. *dist. 22. q. 1. art. 4.* Stephanus de Auila 2. *parte cap. 6. dub. 4. conclus. 1. & 2.* in hæc verba: *Excommunicatus etiam non toleratus, ex vi excommunicationis non manet priuatus particularibus Ecclesiæ suffragiis, nec fructu ab illis proveniente, hinc enim sic argumentamur.*

Priuata suffragia, sunt ea quæ personæ priuatæ faciunt, non ut ministri Ecclesiæ, quo de numero, sunt orationes, eleemosynæ, ieiunia, quæ propria animi inductione, aut afflatu sancti Spiritus fideles suscipiunt, at in orationibus, aliqua est vocalis, eleemosynæ autem, & ieiunia sentiuntur, non ergo mente solum, sed & ore, preces priuatim pro excommunicato concipere est licitum.

Pro hæreticis sane, eorum bona fruge, ac ad fidem conuersione, orare in die Parasceues, solemne est Ecclesiæ, ad cuius exemplum, sibi quoque pro illis, propitiadum cœlesti numen, viri Sancti existimant, nec sine merito, ac caritatis in illos commendatione, Henricus *lib. 13. c. 11. Egid. disp. 14. dub. 6.*

Secundo, non videtur Ecclesia, priuare posse præcisum aliis suffragiis, quam quæ ei subsunt, quam in classem cogendæ sunt orationes publicæ, processiones, indulgentiæ, horæ canonicæ, & Missæ, at quis preces, quas priuatim Deo religiose facimus, subesse putet alteri quam homini? bona autem alia in quæ fideles, Christianè incumbunt ac cum laude pendere quis existimet ab Ecclesia? non vero à virtute, meritoque supplicantis? ergo &c.

Tertio, Potest priuatus quisque, modo ne prohibeatur ab Ecclesia, merita sua pro quolibet offerre Deo, & pro eo, quod petierit impetrare, at id Ecclesia non vetuit, poterit ergo quilibet, priuatim preces & quælibet alia opera offerre Deo pro excommunicatis, modo ne, ut pro membris Ecclesiæ. Minor est certa, Maior probatur, sacrarum litterarum testimonio ecquid enim Matth. 9.

A remissa sunt peccata paralytico propter fidem illorum, quorum iadiutus manu, operaque ad Christum obrepserat?

Ecquid Stephani votis ac precibus ad Deum, Paulus donatus est Ecclesiæ? August. teste sermone 4. de S. Stephano, Equidem ut est in Genesi, Sodomitæ Deus recepit in gratiam, si decem apud eos iusti iuuenti essent, quæ nos eius freti facilitate animi, ac indolæ facta ad misericordiam, gratiam, & de admissis veniam, dari nobis in Litanis cum Ecclesia postulamus, Sanctorum precibus, ac meritis.

Neque obstat quod Hierem. 15. videatur his verbis innui contrarium, *Si stiterit Moyses & Samuel coram me, non est anima mea ad populum istum*, indicat enim hæc oratio, rem ex Dei pendere beneficentia, ex iustitia autem (ut loquuntur) debitam non esse.

Pater hunc primò, quam sit deterioris conditionis excommunicatus, præ eo, qui est in peccato mortali, cum applicatione bonorum operum totius Ecclesiæ, fructuque, tam qui ex opere operantis, quam operato aut indulgentiis sperari potest, quæ cum sint bona publica, ea Ecclesia non vult excommunicatis diuidi, aliisque quos excidisse à gratia sua culpa, nec ad eam, pœnitentia veròque de peccatis dolore, rediisse constat: ut docet Nauar. *de tubilao notabili 17. num. 1. & sequentib.*

Pater secundo, ex dictis, excommunicatum carere speciali prouidentia, quæ Deus Ecclesiæ filios, id est sua membra licet ægra, custodit, carere insuper Christi meritis, quæ fidelibus per Sacramenta, quibus ipse caret, communicantur, præterea longe magis pœtere Dæmonum tétationibus, quam ceteros, cum eis reliquorum membrorum virtus faueat, proque iis resistat acriter, ut ait Couar. *initio relect. partis prioris nu. 5. & 6.* propterea enim tradi satanæ dicitur, ut tyrannidem in eum parem exerceat, quam olim exercebat in corpora, quæ de re Vgol. *cap. 9. parag. 8.* itaque de excommunicato dicamus licet, tentatur validius, defenditur parcius, peccat crebrius, illustratur rarius, surgit tardius, viuit formidolosus, desperat promptius, damnatur facilius, torquetur vehementius, contra quàm dixerat Diu. Bernardus de homine Religioso, in *hom. super verbis Domini. Simile est regnum cælorum*, nisi ad sit Dei specialis misericordia, quæ aliquando secundum abyssum prouidentia suæ, peccatis, quasi beneficiis prouocata, miserum efficaciter è limbo profundi extrahit videndus Caieran. *tract. 17. cap. 13. Vgolus cap. 9. parag. 9.*

Pater tertio, pro excommunicatis ut membra sunt Ecclesiæ, neque Missæ sacrificium



sacrificium, neque preces offerre, nec legibus Ecclesie fas esse, quicquam oblationis nomine in eum finem ab iis aut alijs, eorum nomine accipere: ita Innocentio III. in decretali sacris 38. de sentent. excomm. prohibere visum, ita Augustino, quem Clericis interdixisse constat, ne Bonifacii excommunicati, oblationes ac munera susciperent *can. miror 17. qu. 4.* & quamquam sine ullo orandi pacto dentur, magno tamen animo respici debent, vel hoc solo nomine, quod est per quã turpe auersari hominem, nõ eius dona, Equidẽ qui Cain oderat, eiusque scelera, ad eius non respexit munera, quare tunc cretẽ incedit Christiana religio, cum aut ea facit quã Christus fecit, aut euitat quã Christum euitasse cognoscit. Donationes, & concessiones excommunicatorum, quibus nec dicendum est *Aue*, propter infirmos, vitandas esse consulimus: non quod Dei creatura, ex eis munda, immunda fiat, quia Domini est terra, sed ne simplicium ex hoc infirmetur conscientia, cum talibus coniecturis existimant, bonis eorum malefacta placere, vel quæ prius abhorrebant mala non esse, Iuo Carrot. Laurentio religioso Monasterij Caritatis ep. 81. Si quid tamen ab excommunicato deberetur Ecclesie, exigere id ab eo posset, & hic ad soluendum etiam excommunicatione adhibita compelli: patet ex *can. oblationes & sequent. 13. q. 2.* Quid si idẽ elemosynam offerat? quid si misericors largitione stipis esse appetat, eamque verẽ porrigat?

Respondendum, recusandam videri, nec nisi in necessitate posse capi *11. qu. 2. can. excellentissimus, & can. quoniam multos*, habet enim ea liberalitas communicationem cum fidei non excommunicato mutuat, eamque legibus canonicis veritam, nisi in necessitate.

### QVÆSTIO XIII.

*An si excommunicatus non toleratus, sit contritus, communium suffragiorum Ecclesia possit esse particeps.*

Certa, minimeque dubia responsio est, non posse, quæ est Soti in 4. dist. 22. q. 1. art. 1. Suar. disp. 9. sect. 3. num. 2. Vgolini tab. 2. cap. 9. parag. 1. num. 4. parag. 2. num. 3.

Probat, quandiu subsistit manetque in actu causa, tandiu quoque eius effectũ subsistere ac manere est necesse, sed excom. quã maiorem nominant, effectus proprius est suffragiorum Ecclesie communium priuatio, & hæc, id est excommunicatio, manet cum contritione. Nam si per eam tollitur, tolli sane est necesse dispositiue, vel forma-

liter, aut efficienter, primum ad rem nihil facit, nam dispositiue censuram tolli, nihil est aliud, quam excommunicato iter sterni ad eius absolutionem, parari viam, modumque ei certum ostendi, quo ab ea se eximat. Non tertium, quia eiusdem est effectiue censuram auferre, cuius est inferre, sed excommunicatio omnis est à iure, aut homine, ergo eorum erit eam tollere. Nec secundum, formalis enim formæ ablatio, est à forma sibi contraria, censuræ autem esse pœnitentiam oppositam formaliter, quis dicat? ergo &c.

Secundo, in decretali à nobis 28. de sentent. vult Innocentius III. excommunicatum cum contritione mortuum, à censura sua absolui, cuius rei alia nulla esse causa potest quam ne communibus Ecclesie suffragijs priuatus maneat, quæ eius causa, ac in ipsum commodũ offerri canones prohibent, eo quod, ut est in *can. desideres 15. & cap. à nobis 28. de sententia excomm.* per pœnitentiam tollatur quidem culpa contumaciæ, non autem vis censuræ, ac pro eo, quem excommunicatio publica astrictum habet, orare nefas, cum ex dictis antea, priuetur communibus Ecclesie suffragijs, hoc est potestate passiuæ, ut pro eo sacrificium, precesque Deo offerantur.

Lubet audire Innoc. III. ea de re sic loquentem. *Quantacumque pœnitentiæ signa præcesserint, si tamen morte præuentus, absolutionis beneficium non potuit obtinere, quamuis absolutus apud Deum fuisse credatur, nondum tamen habendus est apud Ecclesiam absolutus. Potest tamen & debet, ei Ecclesie beneficio subueniri, ut si de ipsius viuentis pœnitentiæ, per euidentia signa constiterit, defuncto etiam absolutionis beneficium impendatur ut autem in vno pariter & eodem negocio, & rigorem seruemus, & mansuetudinem ostendamus, statuimus ut illius mortui absolutio à sede Apost. requiratur, qui cum viueret, ab ea fuerat absolendus, aliorum autem absolutionem ex præmissa causa ceteris indulgemus, à quibus dum viuerent fuerant absolendi.* Hæc ille, extra cap. à nobis 28. de sentent. excommunicationis.

Contraria sententia habet hos autores, pro patronis Anton: 3. parte tit. 25. cap. 76. Nauar. cap. 27. num. 18. de iubilæo notab. 18. de Auila 2. parti cap. 6. disp. 4. dub. 2. & alios apud illum, nititurque his argumentis.

Primo, cessante contumacia, cessat quoque excommunicatio, cum istius imponendæ illa sit causa, sed contritio tollit contumaciam.

Deinde, qui per verum dolorem emaculat, culpasque suas lauat, amplius non est sceleris vllius reus, fecit enim, & facit, quod

est in se positum,

Quid? quod hæc videatur esse Ecclesiæ intentio?

Secundo est contritus, per verum dolorem animi, membrum Christi viuum, ergo & Ecclesiæ, sed membra Ecclesiæ, cœlesti animata spiritu, in communionem honorum eius veniunt, cuius aguntur motu, impelluntur halitu & spiramine, qui est Christus Dominus, eiusque Ecclesia, ad eos ergo amorum bona si non omnia, at certe pertinent aliqua.

Sed hæc solutionem habent expeditam & facilem, nam ad primum dici debet, contumaciam tolli quidem per pœnitentiam quoad affectum, non autem quoad rem ipsam, & effectum, effectus enim veræ pœnitentiæ, est subiici Ecclesiæ, eius parere legibus, quod tamen contritio præcise ac proprie quæ talis est, non efficit, nam officii præstatio, mandatorum Dei, & Ecclesiæ executio, actus est obedientiæ, non amoris.

Quid? quod hoc ipso, quo quis peccata sua retrahat animo, Ecclesiæ, proximoque per suam contumaciam læto, non satisfacit, non est ergo contritio, talis contumaciæ ablatio.

Tertio, etsi deposita culpa & contumacia, remitti censura debeat, non tamen ex privato aliquo indicio, sed publico, cuiusmodi non est contritio.

Ad secundum respondendum, hominem verum Christi membrum per pœnitentiam fieri, sed non Ecclesiæ, nam cum hæc corpus sit mysticum, idque visibile, ad eam priuatim ac propriè non pertinent, nisi qui inuicem colligantur visibili aliquo vinculo, cuiusmodi est eorundem Sacramentorum participatio publica, quæ cum excommunicato denunciato sit interdicta, patet aliquem esse posse Christi membrum per amorem, & non Ecclesiæ.

Secundo responderi potest negatione potestemæ consequentiæ, nam vt demus iustificatum per amorem, viuum esse membrum Ecclesiæ, negamus tamen eum esse participem suffragiorum, ac precum, quas illa per ministros suos, nomine cōmuni fidelium fundit, cum ad eos tantum earum fructum aliquem deriuari velit, qui sunt cum ea reconciliati, Regin. lib. 31. cap. 3. nu. 10. & Laym. lib. 1. tract. 5. parte 2. cap. 2. num. 5. addunt excommunicatum etiam non absolutum per pœnitentiam, fieri idoneum ad participandum bonis, quæ mutuo influxu, membra Ecclesiæ censentur sibi inuicem communicare hoc nomine, quod iusti, eo quod iusti sint facilius impetrent, & citius exaudiantur à Deo propter alios, cum quibus charitate

A sunt coniuncti, non tamen participare influxum eius spiritualis auxilii, qui ex publicis atque ab Ecclesiæ intentione dependentibus suffragiis prouenit, cum eorum priuatio, pars sit quædam pœnæ, aut certe effectus censure, à qua necdum est excommunicatus factus liber.

Quod de intentione Ecclesiæ dicitur, est falsum, nam vt dicit Clem. III. in cap. cum desideres 15. citato cum constet eum excommunicatum esse, non tamen absolutum, nec Episcopum nec alii debent communicare eidem, nisi fuerit secundum formam Ecclesiæ absolutus.

## QVÆSTIO XIV.

*An excommunicatus orare possit.*

N On querimus an sacro interesse possit, ac debeat, quia certum est, id ei lege Ecclesiæ non licere, secundum Nauar. cap. 24. num. 3. Armilla verbo Missa num. 29. culpæque expertem eum esse, cum ei statim se diebus ac horis præsentem non exhibet, quia præceptum de audienda Missa, obligat tantum non impeditos, quorum in numerum referri excommunicatus non potest.

Petit ergo tantum primo, an vi excommunicationis liberetur præcisus ab onere precum quas antequam censura vapularet, Deo fundere tenebatur ex officio,

Secundo, an ei dari vitio possit Missæ non auditio, cum est in petenda absolutione negligens.

Tertio, an alternatim cum alio, tam priuatim quam publice, horas canonicas possit legere.

Prima assertio, Excommunicatus si est Clericus maiorum ordinum, aut beneficiarius, potest ac debet dicendis horis priuatim dare operam. Ita Sylu. verbo horæ num. 5. Nauar. cap. 25. num. 102.

Nam quis credat velle Ecclesiam, excommunicato, aliquo suo prodesse opere, nedum excommunicatione in eum lata? cum sit pœna quæ eum onerat, non exonerat, alias utilis ei commodaque sua foret iniquitas, quod repugnat. Nec refert quod priuetur beneficii sui fructibus, per can. pastoralis de appellat. & officium debeat ob fructum.

Nam primo beneficii titulum, eiusque possessionem retinet.

Secundo, id eius solius est vitium, non Ecclesiæ, quod imputare sibi proinde debet non alteri, nō secus ac secundū, nempe quod culpa sua obuentionibus careat, quod fructus beneficii nō percipiat, hoc enim tribuere sibi cū debeat, eius occasione ab horarū lectione liberari

liberari cum non decet, & sic soluta manet A prima quæstio.

Secunda assertio, *Tam publice quam priuati prohibentur est excommunicato denunciato, horas cum sociis subsidii causæ legere*: ita Couar. in can. alma parte 1. par. 3. Suar. tom. disput. 12. sect. 2. Longus in canon 12. Apostolorum ubi hæc habentur, *Si quis*, inquit can. citatus proxime, cum damnato & excomm. Clerico, veluti cū Clerico simul orauerit, iste dānetur, quæ verba vt sunt absoluta, ita absolute de cōmunicatione qualibet in precibus, debent intelligi.

Accedit ad hunc canonem ratio, Si omnis est excommunicato non tolerato per Ecclesiam prohibita communicatio cum fidelibus, cum his orare horasque legere non poterit: verum est prius, ex can. Apostolorum 11. & 12. ex can. Concil. Sardic. 13. Antiocheni 49. Carthagin. 29. Posterius autem ex canone excommunicatos 17. causa 11. q. 3. can. cum excommunicatos 8. eiusd. quæstionis & cause.

Non est tamen hæc eius præuaricatio, citra contemptum Ecclesiæ lethalis, in sententia Auila 2. parte cap. 6. quia in ratione communicationis interdictæ excommunicato, horarum cum aliquo recitatio, censenda est leuis, Auila ibidem.

Id ei tamen curandum est ante omnia, ne inter orandum uti illi accidat hac salute, *Domine vobiscum*, quod hæc eorum tantum sit propria, qui ministros publicos agunt, quibus & sacram cum populo communicationem significant, qua prouincia defungi, excommunicati lege Ecclesiæ nequeunt.

Neque tamen assentior affirmantibus, habere vsum huius precis, in præstatione officii, maculam in Sacerdote lethiferā, eamque irregularitate puniendam, quia hæc Ecclesiæ supplicia, acerbæ illa sane & grauiæ, non cadunt in rem tam leuem, quam est salutis apprecatio priuata, remotisque arbitris, per duo verba, non est ergo lethalis.

Deinde quid in eo læditur Ecclesia, quid proximus, aut anima? si nō ergo ex contemptu ea fiat oratio, culpam in ea includi maiorem veniali quis putet?

Fecit autem in assertionis probatione mentionem communicationis cuiuslibet, vt indicare preces nō tantū publicas, vt sunt eæ, quæ fiunt ex instituto Ecclesiæ, quales sunt horæ canonicæ, sed & voluntarias. vt est recitatio officii B. Virginis, communiter legi cum excommunicato denunciato non posse, quia non modo in necessariis, sed & liberis precibus, ei auxilio alterius non excommunicati, prohibitum est uti, quod omnis illi cum fidei, tam in conuietū, quam sermone communicatio sit Ecclesiæ lege interdicta, qualem tamen intercedere Pars secunda.

inter orantes cum alternatione, nemo negatum ibit, cum qui simul Deo laudes pangunt, per modum vnus coniunctique illas Deo offerant, & ita inter se communicant.

Deinde quinque tantum sunt casus excepti, qui cum excommunicato consuetudinem congressumque permittunt, quos isto hexametro concluderunt DD.

*Vtile, lex, humile, res ignorata, necesse.*

quorum nullus, excommunicato non tolerato suffragatur in materia precum, non primus (ceteros enim remoueri aperte constat) nec enim est hoc recitanti propositum, voce sua, ac opera, salutem excommunicati quem adiuuat, prouehere, ei culpæ suæ odium imprimere, virtutis ac aduersus Ecclesiam, amoris ac reuerentiæ sensum dare, sed eum leuare parte laboris, quem habet priuata officii recitatio, qua tamen caritate ob contumaciam est indignus.

Quæstio explicanda superest extrema, nempe an excommunicatus mortalis sit culpæ reus, cum est in petenda absolutione censuræ, qua tenetur, negligens.

Et huius quidem controuersie diiudicatio est, vt culpam admittat nullam, aut si aliquam non nisi leuem, contra charitatem sui, & obedientiam Ecclesiæ debitam, quæ eum per censuras ad subiectionem, ac reconciliationem cū Deo intendit impellere, in quo deesse, culpa est citra contemptū non nisi leuis vt patet, aut verius nulla, quia hæc nemini iniecta videtur necessitas sub peccato graui, consulendi sibi de mediis, ad perfectionem vitæ necessariis, vt est oratio, facta aut facienda Deo in sacrosancto Missæ sacrificio, aut disponendi se remotè, eius vt audiendi omni tempore sit capax, alioqui peccaret æger, qui pharmaca fortia respiceret, quibus breui sanus esse potest, primæque suæ reddi valetudini, & ita Missæ interesse citius, quam si languidis tantum vtatur ac mitibus, peccaret similiter, qui è carcere, in quem est coniectus propter debita, quæ soluere potest, non conaretur illico egredi, ne missa careret, quod est absurdum.

Confessionis tamen ac Eucharistiæ eadem non est ratio.

Primo, quia redire cum Deo in gratiam, magis est homini utile, quam Missæ interesse, pasci pane vitæ magis necesse, quam sacrificanti commodare aures & oculos, peccat ergo contra charitatem sui grauius, qui vt Christo domino fruatur in Eucharistiæ Sacramento, non magis in absolutione petenda censuræ laborat, quam vt Missam audiat.

Secundo ratio est alia Confessionis, & Eucharistiæ frequentandæ in Paschate, quam

M m



Misſe quot hebdomadis audiendæ Domini-  
co die, cauſa eſt, quod præceptum de o-  
beundis eo tempore duobus illis Sacramen-  
mentis, longe ſit grauius, quam de Miſſa, in  
eo enim agitur de hominis ad Deum redi-  
tu, vnione eius cum eo, ſolutione item nexû  
omnium quibus aſtrictus hæret, ad ea ergo  
amouenda ſe vis iſtius præcepti porrigit ac ef-  
fert, quæ eius præſtationem impediunt, quo  
de numero eſt cenſura, eius ergo remiſſio,  
querenda eſt excommunicato, alioqui abijt  
ab officio, nec ſine peccato.

### QVÆSTIO XV.

*An & quomodo excommunicatio excommuni-  
catorum priuaret communicatione fidelium tam  
in humanis quam diuinis.*

**E**ffectus eſt excommunicationis alter, pro-  
hibere excommunicatos omni cõmunica-  
tione fidelium ciuili, ſeu politica, ſicuti  
habetur cap. 2. de exceptionib. cap. nuper cap. ſi  
aliquando de ſentent. excommun. canone ſicuti  
Apoſtoli can. ad menſam 11. queſt. 3. vbi fide-  
lium nomine baptizatos omnes intellige  
quod eorum mentio fiat in cap. penult. de ſen-  
tent. & quoniam de eorum numero ſunt hæ-  
retici & excommunicati, iis quoque citra  
neceſſitatem aut vtilitatem, agere cum alio  
excommunicato eſt prohibitum: Si quis, in-  
quit can. 11. Apoſtolorum, cum excommunicato  
ſaltem in domo locutus fuerit, iſte cõmunionem priue-  
tur, idque colligere licitum cuique, ex epi-  
ſtola Ioannis Comitis Sacrenſis ad Impera-  
torem, vbi narrat contendisse Epheſi con-  
gregatos Episcopos non modo audiente  
Nestorio, legendas non eſſe Iuſtini literas,  
ſed nec quidem eius conſpectum ferendum  
eſſe: Concil. Epheſinum in articulis conci-  
liabuli & can. 11. Concilii Arauſicani primi,  
hæc leguntur. *Placuit in reatum venire Episco-  
pum, qui admonitus de excommunicatione cuius-  
que ſine reconciliatione eius qui cum excommuni-  
cavit, ei communicare præſumpſerit, in Chalced.*  
*hæc habentur, ſcientibus hoc omnibus qui poſtea  
colloquantur ei ( Euticheti ſcilicet ) & ad eum  
conuenerint, quoniam rei erunt & ipſi, pœna ex-  
communicationis ſicut qui non declinauerunt con-  
fabulationes eius: ergo agere cum excom-  
municatis fidei eſt illicitum, quod quam ſit  
grave, Monachorum ad Concil. Chalcedo-  
nenſe querelæ data indicant, Flauianum  
Conſtantinopolitanum accuſantium, quod  
per Theodotum & Abteſum eos à congreſ-  
ſu, colloquioque remouiffet Eutichis præce-  
poris ſui ac magiſtri, quo nil ſibi accidere  
poruiſſe grauius, epiſtola ad Concil. Epheſinum*

**A** ſecundum data indicant, in actione prima Chal-  
cedonenſis Concilii tomo concilior. 2. quæ iterare  
placuit in Turon. 2. Synodo can. 1. & 8. in hæc  
verba: *Quicumque Episcopus illum quem alter  
Episcopus excommunicatum habet, poſtquam fue-  
rit de ipſius excommunicatione admonitus præ-  
ſumpſerit communicare, vſque ad Synodum ex-  
communicatus habeatur, quæ pœna ad omnes  
pertinet etiam alienæ Diœceſis Turon. 2.  
can. 1. nec ei ex alia provincia vllus Episcopus in-  
tereâ communicare præſumat, ipſe enim ſua diui-  
ſionis præparat inſtrumenta: qui cum ſuis fratri-  
bus in membris Eccleſiæ non concordat: pœna au-  
tem communicantis cum excommunicato,  
eſt excommunicatio Turon. Concil. 2. can.  
25. Si quis contra decreta noſtra tali temeratori  
communicare præſumpſerit, in ſe cauſam excom-  
municationis transformet, & eum eodem ſe à  
charitate omnium Sacerdotum cognoſcat eſſe re-  
motum, quod inſertum quoque eſt in Concil.  
Braccat. 1. can. 33. & 72. Concil. Chartag.  
4. his verbis: *Qui communicauerit, vel orauerit  
cum excommunicato, ſiue Clericus ſiue Laicus ex-  
communicetur, & in Antioch. 1. can. 2. Si quis  
de Episcopis, Presbyteris, Diaconis ſeu quilibet  
ex Clero deprehenſus fuerit cum excommunicatis  
communicare, etiam iſte priuetur communione,  
tanquam qui regulam confundat Eccleſiæ.**

**C** Nomine autem ciuilis communicatio-  
nis, quæ eſt interdicta excommunicatis cum  
fidelibus.

**D** Primo, intelligitur quæuis humana ſo-  
cietas per verba, nutus, literas, munera,  
item per contractus, commercia, men-  
ſam communem, & iter, quæ tamen capi de-  
bent (inquiunt authores) ſic vt formaliter,  
dedita opera, ac ex certo conſilio, vna iter il-  
lud faciant, aut in eadem menſa edant, &  
non tantum caſu, ac fortuito, & præter inten-  
tionem, nempe quia in eandem viam, hoſ-  
pitium, ac domum, præter expectationem  
ac incogitanter incidere, de qua re legendus  
Sylu. verbo excommunicat. 5. num. 3.

**E** Secundo, eſt hoc certû cõuerſationis nomi-  
ne cõprehendi amicitia ſignum quoduis, vt  
oſcula, amplexus ſalutationes, quæ à Paulo &  
Ioanne excommunicatis exhiberi non ſi-  
nuntur ab illo quidem 1. ad Cor. 5. *Vetamur  
cum illis cibum ſumere, ab iſto autem cap. 1. 2.  
canonica Aue eiſdem dicere, quamuis non de-  
ſunt qui hanc ſalutem ad eam, quæ verbis fit,  
reſtringant, exiſtimâtes proinde licitum eſſe  
excõmunicato, honoris cauſa aſſurgere, aut  
ei caput detegere, contrarium tamen vt  
probabilius, defendunt Sylu. excommun. 5.  
num. 3. Suarez diſput. 15.*

**F** Notandum 3. huic res negotiaque nobiſ-  
cum eſſe poſſe, per conſtractum tam ante  
dictam in eum ſententiam, quam poſt illam  
latam



latam, & de vtraque eius communicatione cum fidelibus, quæstionem hîc esse.

Notandum 4. Effectum hunc de quo agimus, in eo esse, quod excommunicatio excommunicatum impediât, ne sit iudex, actor, procurator aut testis in causis etiâ civilibus, vt patet, ex cap. ad probandum de sententia & re iudicata.

Prima assertio, Cum excommunicato communicare est licitum in his quæ sunt necessaria ad præstationem contractus ante excommunicationem iniuncti, eiusmodi sunt exactio debiti & eius solutio.

Probatur primo, ex cap. intelleximus de iudiciis, vbi contra excommunicatum datur iudicialis actio: ergo multo magis extra iudicium, per literas & verba repetendo rem suam.

Secundo probatur, tam excommunicatus, quam non excommunicatus, per censuram dominio rerum suarum iure diuino aut Ecclesiastico non excidunt, ergo eas si sibi vendicent, aut à denunciato, & nominatim excommunicato quasi debitas repetant, quis iure culpæ audeat? in quo etsi aliqua intercurrat communicatio, tam tamen quemadmodum & irreuerentiam, quæ in Sacramentis ex dubia materia oritur, excusat alterutrum de contrahentibus, cum utilitate coniuncta necessitas, ex Regid. disp. 14. dub. 11. num. 101.

Secunda assertio, Etsi contractus celebratus durante excommunicatione, per se valeat, eius tamen usus suspenditur.

Prima pars habetur in cap. si vere 34. de sentent. excomm. vbi Innoc. III. permittit cruce signatis, Venetorum qui erant excommunicati, nauigia ingredi, prout inter eos conuenerat, eo quod ad hoc debitum exsoluendum, ipsi illis manebant obligati, & ab excommunicatis exigere potest & recipere quod debetur, ibi.

Innocentii testimonio addenda ratio petita ab experientia, nam in primis, tenet matrimonium non præcisi cum præcisa cap. significasti de eo qui duxit, valet secundo solemniter in religione facta ab excommunicato professio, sacrorumque receptio ordinum, cap. cum illorum 32. de sentent. excomm. ergo & alii contractus omnes, nec enim matrimonii, potior est ratio quàm professionis, ac voti castitatis in ordinum susceptione quæ duo, etsi imperfecti sint contractus respectu Dei, perfecti sunt tamen si comparètur Religiosus, & maiorum ordinum Clericus cû religione, & Ecclesia, in qua profitentur.

Quod autem tales contractus suspendi debeant quoad effectum, quæ fuit pars altera assertionis ostenditur, communicare cum

excommunicato non est permissum legibus Ecclesiæ, nisi excuset aliqua circumstantiarum ex allatis, at impleri contractus nequit, nisi contrahentes mutuo inter se vtrinque communicent, est ergo eius executio suspensa dum excommunicatus absoluitur.

Dixi (per se) quia in sequentibus casibus contractus excommunicati cum alio celebrati, sunt nulli.

Primus est, cum ille vt minister Ecclesiæ contrahit, quod facit, quando & quoties de re ad beneficium pertinente transigit, aut ex vi muneris sibi ad id commissi, omnis enim pactio, transigentium potestate vacua, est iure nulla, at omni excommunicatus tum caret, respectu rei Ecclesiasticæ.

Secundus est, cum in fraudem communicationis per Ecclesiâ prohibita, contrahentes pacti sunt, antequam ab eorum altero incurreretur excommunicatio, de negotio postea gerendo.

Causa est, quod omne pactum de re illicita, est nullum, de regulis iuris in 6. reg. 54. vbi dicitur iuramentum contra bonos mores non esse obligatorium: at pactum de quo hîc agimus, est tale, nam est promissio de re mala, nempe de non seruando statuto Ecclesiæ.

Tertius est, cum contractus ab excommunicato initus, pendet ab aliqua eius actione, aut superioris, quæ iure Ecclesiastico est nulla, vt pluribus ostendunt, Nauar. cap. 27. & Summistg.

## QVÆSTIO XVI.

An excommunicatus ad beneficium eligere possit & eligi.

Incommodum sextum quo excommunicatio quam maiorem vocant, excommunicatum afficit est priuatum esse vsu officij publici, hoc est vt Reginaldus explicat lib. 31. cap. 5. num. 25. potestate, quæ ipsi competit ratione officij, quod publicum gerit, tam in Ecclesia, quàm extra. Enimuerd ratio priuationis in excommunicato, est ipsius segregatio à communione fidelium, & Christi corpore 3. q. 4. can. Engeltrudam quarto, ergo cum ei in ministeriis tam diuinis ac sacris, quàm secularibus & Laicis, cum illis versari, ac agere non liceat, nec erit ei quoque saluo iure conscientie liberum, suum, id est proprium obire ac præstare officium, quare consecrare calices, ac vestes, ad mysteria peragenda necessarias (quod esse sine iurisdictione externi fori potest) nec cæmeteria, virgines & Ecclesias, Episcopo licitum, mul-

Am ij

to minus ordines conferre, à peccatis absol-  
uere, cum Ecclesia excommunicatos reuo-  
care in gratiam. An autem ad Ecclesiasticas  
dignitates dignus adinuenire, beneficia illis  
Ecclesiastica deferre, in partem vocare offi-  
cij, excommunicato similiter sit veritum, in-  
quirere est operæ pretium.

Dico primò, *Non tolerato canonica interdi-  
ctum esse lege, beneficium Ecclesiasticum vlli  
conferre*, Rebuffus in concordata rubrica de ex-  
commun. non vitandis, Ægid. de excom. disp.  
14. dub. 10. n. 88.

Ratio est, quod excommunicatus omni sit  
potestate spirituali priuatus, sine qua tamen  
administrari Ecclesia, regique qui potest  
eo tamen nomine intelligenda non est po-  
testas spiritualis quolibet, sed iurisdictionis,  
causa est quod suspensus ab ordinatantum,  
ea facere possit omnia, quæ sunt iurisdictionis,  
secundum Piaſec. in praxi Episcop. par. 2.  
ca. 4. n. 11. cadit ergo hæc priuatio in eam, &  
non in ordinem, & proinde priuatus iurisdic-  
tione in spiritualibus, conferre non poterit,  
ergo nec excommunicatus cap. vnicon ſede  
vacante in 6.

Dico ſecundò, *Collatio beneficii facta à Vi-  
cario Episcopi non tolerati, ſimiliter eſt nulla, eſi  
ille à cenſura immunis ſit ac liber.*

Ratio eſt, quod Episcopi & Vicarii vna ſit  
perſona moraliter, ob quã cauſam ab Offi-  
ciali ad Episcopum appellari non poteſt: Ne  
ab eodẽ ad ſeipſum (cum idem ſit auditoriũ vtriuſ-  
que) appellatio interpoſita videatur, Secundum  
Bonifac. VIII. cap. 2. de conſuet. in 6. ergo cum  
Episcopi beneficia conferre valide nequeat,  
cũ non ſunt tolerati, nec poterunt illorũ Vi-  
carii: cum eorum nomine tantum, acceptaq;  
ab iis auctoritate agant. Enimvero per exco-  
municationem eius Preſulis, cuius vices o-  
beunt ac ſuſtinent, Vicarii ita ſunt ſuſpenſi, ſi-  
cut ſi per mortem eſſent renocati Gloſſa vltima  
in Clement. final de procurat. & Panorm. in ca.  
quoniam de offic. delegati, citati à Rebuff. in  
Concord. titulo de excom. non vitandis.

Dico tertio, *Excommunicatum denuncia-  
tum, nec valide eligere nec præſentare ad benefi-  
cium poſſe.*

Primo, quia electio & præſentatio colla-  
tionis inſtar quoddam habent, ac ſpeciem,  
ſed hæc facta ab iſtiusmodi hominum gene-  
re, inanis eſt ac nulla, ergo & cum electione  
præſentatio.

Secundo, dant electio & præſentatio præ-  
ſentato & electo, ius ſpirituale, cui iuri no-  
men eſt ius in rem, ſed iſtiusmodi iuris con-  
ferendi, non toleratus eſt incapax, utpote cui  
omnis eſt auctoritate Eccleſiæ adempta iurisdic-  
tio, neutra ergo ſtat ac ſubſiſtit actio,  
cum præſentans, & eligens, non tolerati am-

bo, inualidè iurisdictionis actus exerc eant.

Dixi præſentato à Clerico, quia præſentato à  
Laico, ius per ſuam præſentationem nullum  
acquiritur ad beneficium, Ægid. diſp. 14. dub.  
10. num. 94. ſed totum ab inſtituente pender  
Rebuffus ſupra, verum quidem eſt, quod  
oblatus reiici, ſi dignus eſt ab inſtituente E-  
piſcopo non debeat, ſed negotius ſpirituale  
vllum ita oblato acquiri, cum eius confe-  
rendi poteſtate Laicus careat, Ægid. ſupra.

Quid ſi eligentis aut præſentantis excom-  
municatio, occulta eſſet: quid ſi iniuſta?

B Dico quarto, *Si quo tempore electio ſit aut præ-  
ſentatio, de cenſura nullitate certo conſtat, erunt  
hæc pro raris habenda ac valida*, Ioann. Andr.  
in cap. dilectis de appellationib. Rebuff. in Con-  
cord. de excom. non vitandis.

Ratio eſt, quod iurisdictionis Eccleſiaſti-  
cæ, aut vſus eius priuatio, ſit effectus excom-  
municationis duntaxat quæ ſit vera, ac va-  
lida, nam non entis nulla eſt proprietas.

Confirm. effectus in actu, cauſam requi-  
rit in actu, ſed iurisdictionis priuatio, eſt ef-  
fectus in actu, ergo eius cauſa in actu eſſe de-  
bet, ſed excommunicatio quæ iniuſta eſt ac  
nulla, non eſt actu, ergo priuationis prædi-  
ctæ nõ eſt cauſa, quandoquidẽ quod nihil eſt,  
cauſa eſſe alicuius rei nequeat, ergo &c.

C Dixi ſi de cenſura nullitate certo conſtat, nam  
ſi erit hæc dubia, ſi anceps, pendebit ab  
euentu, tam electionis quam præſentatio-  
nis factæ validitas, nam ſi nulla pronuncietur  
excommunicatio, valebit electio & collatio, alio-  
qui ſecus, Rebuff. ſupra paragrapho primo fallit.

Dixi ſecundo, ſi quo tempore ſit præſen-  
tatio, aut collatio, conferens & præſentans ex-  
communicati forent, nam ſi eſt excommunica-  
tio præſentatione, & collatione poſterior  
tempore, ab ea non ſunt ex conferentis,  
ac patroni actiones, tracturæ vitium, ut eſt  
in cap. propoſuit 8. de Clerico excom. miniſtr. vbi  
declarat Innoc. III. collationem beneficii  
ei factam, qui prius quidem excommunica-  
tus fuerat, ſed collationis tempore erat ab-  
ſolutionis gratiam conſequutus, valere ra-  
tamque eſſe.

Ratio eſt, quod excommunicatio non re-  
trotrahitur, cum id nec natura, nec iuris  
poſitiui aut diuini ratio poſtulet.

Altera fuit quæſtio de cenſura, quæ foret  
occulta, an ab ea nempe præſentationis vis  
omnis intercideret, aut collationi momen-  
tum deeſſet ac robur, ſi illam eo loco ex-  
communicatus faceret, vbi non eſt eius cen-  
ſura, mortalium vllicognita.

Et de ea diuerſa diuerſi ſentiunt: Valere  
Ægid. aſſerit, diſp. 12. dub. 10. num. 88. negat  
Rebuff. ſupra paragr. collatio etiam facta.

Diſtinctione facili, controuerſia dirimi,  
com-

componique potest.

Dico ergo quintò, *Si nescitur quod collator sit excommunicatus*, quia in eo loco versatur, ubi eius censura est occulta, valet collatio, non autem facta à patrono præsentatio.

Pars prima probatur, quæ à persona ratione officii publici, quod in republ. gerit, exercentur ac fiunt, sunt hæc rata, cum non est eius vitium manifestum, eò quòd Ecclesia ob bonum publicum, illius defectum supplet, conferendo illi ad singulos actus iurisdictionem actualem, vt Doctores docent ex lege Barbarius de offic. Prætoris.

At Episcopus, cæteri que Collatores ordinarii, magistratum in Ecclesia publicum obeunt, habent ergo ab Ecclesia potestatis tantum, quantum est instituendis beneficiariis, aut aliis ad Ecclesiæ regimen adhibendis opportunum, ac vtile.

Pars altera quæ de præsentante fuit, probationem habet facilem, nam in his, quæ ratione privati officii geruntur ac fiunt, non est differentia inter occultum & publicum, secundum Rebuff. de excommunicat. non vitandis paragr. collatio facta: at patronus priuatum agit hominem, cum præsentat ad beneficium, & excommunicatus, qui est publicè & in omnium oculis renunciatus talis, potestatis inopia valide nihil in beneficiorum materia, Ecclesiæque regimine ac cura efficit. Vera est ergo assertio, præsentati per excommunicatum non toleratum, denunciatum tamen, actus esse inualidos.

Dico tamen sextò, *Collationem ab Episcopo non impedito factam de beneficio, ad quod ei patronus non toleratus, dignum hominem obtulit, validam esse, ratamque.* Ita Suar. disp. 14. sect. 2. num. 31. Ægid. disp. 14. dub. 10. num. 95.

Ratio est, quod tale beneficium datur ab eo qui potest non cuilibet, sed digno, ac præsentato, iure non contradicente, alioqui de eo ius extaret aliquod, aut Apostolica constitutio.

Peccat tamen Episcopus, cum sciens præsentantis defectum, ei in collatione beneficii acquiescit, ad quod tamen offert idoneum, quia sic cum excommunicato communicat, nõ est tamen hæc culpa nisi venialis, in sententia Suarü, nulla autem, si ratio, publica que Ecclesiæ commoda, beneficium diu vacare non sinerent.

Dico septimo, *Excommunicatis fas non esse beneficia sua inuicem permutare, aut non excommunicato, cum eorum aliquo.*

Probatur, est hoc excommunicationis proprium, vt dicitur postea, excommunicatum reddere inhabilem ad beneficium Ecclesiasticum cap. postulasitis 7. de Clerico excommun. ministrante, at permutatione acqui-

ritur beneficium compermutantis, nouusque titulus, vt cum Lessio de permutat. in tractatu beneficior. scribit Glossa Pragmatica in paragr. item insuper in verbo disponere de collationib. facta ergo ab excommunicatis, aut eorum aliquo beneficii permutatio, inanis est ac nulla.

Nulla item electio, quia est hæc iurisdictionis actio, cum nõ aliis, quàm quibus ius ad eam faciendam competit, eligere ad magistratus Ecclesiæ sit permissum, at est hæc in excommunicato nulla, aut certe impedita ac suspensa.

Ut autem eligere excommunicatus, ita nec eligi potest, causa est quod Sacerdotia, ac dignitates Ecclesiasticas capere nequeat, qui animu gerit vitiosum ac perditum: quod ad ea patere eiusmodi hominum generi aditum iura prohibeant, Personatum enim, Dignitatum, & Beneficiorum, quæ in Cathedralibus Ecclesiis, & Collegiatis reperiuntur, Trident. Concil. sess. 24. cap. 18. & 22. cap. 4. irritam provisionem esse decernit, nisi dentur iis qui (verba sunt Concilii) *etatem, & alias habilitates integre habere dignoscuntur*, ergo cum in habilitatibus principatum teneat vitæ probitas, morumque innocentia, quæ excom. non florere laude, explorati est iuris, facta de eo aut ab illo electio non tenet.

Secundo, publica crimina iter ad Sacerdotia Ecclesiastica obstruunt, secundum Osiens. & Archidiacon. in can. in scriptis sine in scripturis 8. q. 1. at non nisi ob istiusmodi crimen censura infligitur, excommunicationis sententia in reum dicitur, crimen enim publicum hoc ab occulto differt, quod illud in iudicio conuinci queat, occultum non item, habet ergo excommunicatio cum est publicata in sua causa, hoc est peccato, cuius puniendi causa irrogatur, ad firmitatem electionis, veritatemque tollendam, causam idoneam.

Quid si plures ad eam concurrunt non tamen excommunicati omnes, sed ex iis aliqui? Repellendos à concilio, cæterosque super futura electione habendo, superioris, aut alterius ad quem eum cogere pertinet, autoritate, scribit Ægid. disp. 14. dub. 10. n. 95. electione tamen à non excommunicatis factam, valere non secus asserit, quia excommunicator u non maior (inquit) habenda tunc est ratio, quam si concioni in qua illa plurius est facta suffragiis, non inter fuissent, cum enim eorum acta sint irrita, vt communiter Doctores colligunt ex cap. inter Benerum 16. de electione, ubi electio à suspensis, id est non toleratis facta, dicitur inualida, planum est eodem istos habendos loco, quo qui non sunt, illorum autem suffragia, patet esse cuphis



ponderis ac momenti, quorum vis est ad A electionem nulla.

Rebuffi alia est opinio, nam in Concordatis loco à me citato antea, electionem ait inanem fore ac inuolidam, si se suffragatoribus per censuram non impeditis, excommunicatus aliquis de denunciatorum numero comitem addat, nec eum illi à suo excludant cœtu, repellantque ut indignum, qui in illo sedem sibi habeat, secumque sententiam suffragando dicat, ita loquendi huic auctori causa vnica, Pontificis auctoritas in ca. *Ultimo de procuratoribus*, ubi Gregor. eius nominis nonus ait procuratorem repellendum, quem constituit communitas cum suis rectoribus, quos sciebat excommunicatos esse, sed hinc, hoc constat tantum, & nihil amplius, electionem cui excommunicatus denomine, & denunciatus interfuit irritari posse, irritam iure tamen non esse.

### QVÆSTIO XVII.

*An excommunicatus non toleratus iurisdictionem tam ciuilem quam Ecclesiasticam habeat.*

**S**ensus est an non toleratus excommunicare valeat, an actum exercere, qui ut sit ratur, iurisdictionem exigit.

Et communis est Doctorum opinio, primo, Clericum excommunicatum, & denunciatum, excommunicare non posse, quia ut est in *can. audiuius 4. causa 24. q. 1.* actus iurisdictionis ab excommunicato exerciti, sunt nulli, sed excommunicatio, iurisdictionis est actio, cum punire nemo possit, ac debeat, nisi qui iurisdicendi potestatem habet, ex dictis antea.

An autem pertineat hæc pœna ad omnes excommunicatos, etiam non denunciatos, Doctorum omnium non idem est iudicium, non sensus.

Quidam ea toleratos comprehendere negant, asserunt alii, quia cum sint eiectionis de Ecclesia, eiicere alios nequeunt, nec vinculi ipsi, alios vincire: quare multorum est, magnæque auctoritatis in Ecclesia hominum opinio, latam ab excommunicato tolerato, excommunicationis sententiam, non valere, quæ est Diu. Thomæ in 4. *sentent. dist. 18. q. 2. art. 2. quæstioncula 3. Palud. in 4. dist. 17. q. 6. art. 3.* ubi huius opinionis fundamentum constituit in lege Barbarius. Est præterea Glossæ in *can. audiuius 24. q. 1. & in cap. 2. de ordinatis ab Episcopo qui &c.* Layman. lib. 1. tract. 5. parte 2. cap. 5. num. 5. Suar. *disp. 14. sect. 2. n. 15.*

Huius sententiæ firmamenta duo sunt

præcipua.

Primum, quod excommunicatus excommunicare nequeat, ut est in responso Alexand. II. *causa 44. qu. 1. can. audiuius 4.* quod cum sine adiectione pronuntiaueris, intelligere quiuis potest, ex natura huius censuræ manare, ut qui ei est obnoxius, eadem alterum subicere nequeat.

Secundum, nullius est iurisdictionis capax mortuus, sed excommunicatus quoad spiritualia, habetur pro mortuo, secundum Baldum, qui ex Archidiacono in *can. nullus dist. 62.* ait excommunicatum titulum dignitatis spirituales non recipere.

Plurimum tamen maiorumque auctorum sententia est, actus iurisdictionis excommunicati tolerati, esse validos in utroque foro, quandiu non repellitur, docet Nannar. *cap. 27. num. 7. Sotus in 4. dist. 22. q. 2. art. 1. Henricus de excom. cap. 7. Ægid. disp. 14. dub. 10. num. 89. Lessius lib. 2. cap. 29. dub. 7.*

Ratio est, quod per Ecclesiam in Constant. Concilio liceat fidelibus, libere agere cum excommunicatis toleratis, in omnibus rebus, tam humanis quam diuinis, tam spiritualibus quam politicis, ergo tacite quoque permittit, actus eorum esse validos.

Primo, quia alioqui sequeretur magna perturbatio.

Secundo, esset quoque eiusmodi concessio inutilis, quorsum enim concederet, ut ab illis ius ad beneficium exigere, præsentationem, & confirmationem possemus petere, si sunt hæc eorum acta inania, si irrita & nullarum virium? quare à Concilii temporibus, vis excommunicationis, qua omnis omnino communio cum fidelibus, interdicebatur excommunicato, sublata est aut suspensa in tolerato, qui Ecclesiæ indulgentia, quandiu non repellitur, potest omnia quæ non excommunicatus.

Dixi quandiu non repellitur, quia ut iudices seculares, per censuram Ecclesiasticam, ab Ecclesiasticis iudicibus, (canonica monitione premissa) repellere excommunicatos ab agendo, patrocinando, & testificando in suis curiis & iudiciis compelluntur, ab Alexand. IV. in decretali. *Decernimus 8. de sentent. excomm. in 6.* ita & priuati quique, quos rerum suarum status cogit causam in eorum tribunali dicere, cōta iudices excommunicatos excipere possunt, censuram tamen quam obiciunt, eius speciem, & auctorem probare debent intra octo dies: Quod si non probauerint, iudex in causa procedere debet, reum in expensis, quas actor ob hoc, diebus illis se fecisse docuerit præhabita laxatione condemnans, Innoc. IV. *cap. 1. de exceptionib. in 6.*

Dico secundò, Excommunicatum tolera-

sum



tum excommunicare Valide, quandiu contra eum non excipitur.

Ratio est, quod iurisdictione ad id necessaria polleat, quid ita vero? quia quandiu contra eum non excipitur, habetur publice verus iudex, Ecclesia cum tolerante, ac supplente propter bonum commune defectum iurisdictionis, qua carent denuntiati, & quanquam ad omnes excommunicatos etiam toleratos, pertineret hæc pœna, eo quod canones vniuersè loquantur, ac generaliter, hunc tamen rigorem mitigare, placuit Ecclesiæ in Concil. Constantiensi, ac suspensionem iurisdictionis tollere, quam olim excommunicatio continebat, quod necessarium fuit, in hoc rerum statu, quo multi succrescente malitia, Ecclesiæ fulmina, aut non audiunt, aut audita negligunt.

Confirm. excommunicati tolerati vsum iurisdictionis suæ retinent, ergo & potestatem excommunicandi.

Tertio, eorum acta publica valent vt colligitur ex cap. ad probandum de sentent. & re iudicata, ergo & ab iis lata excommunicatio.

Dixi quandiu contra eum non excipitur, quia etsi cum excommunicato tolerato, versari ac agere quemlibet, iura sinant, non tamen imperant.

Ratio est, quod facultas communicandi cum tolerato, fideles respicit, non illum, est enim hæc istorum causa data, non illius, ergo si illis ita visum erit, contra eum excipere poterunt, illum respicere, nec cum eo tractare.

Dico tertio, Excommunicatum cum id sibi assumit officium, peccare mortaliter, nisi excuset ignorantia, inconsideratio, aut coactio.

Doctrinam hanc tradunt Less. lib. 2. de iustit. cap. 29. dub. 7. Ægid. disp. 14. num. 89. ex multis rationibus, quibus hoc effatum probari potest, satis erit seligere vnicam.

Quod in re graui, abire à præcepto Ecclesiæ, non modo homini fœdum sit ac turpe, sed etiam piaculare, at est excommunicato cuiuslibet, etiam tolerato, prohibita communicatio cum fidelibus 11. q. 3. can. 15. can. 25. can. 28. can. excellentissimus 102. & in Concil. Carthagin. 2. can. 7. in Synodo apud Carisiam habitæ cap. 13. epistolæ eiusdem auctoritate Synodi missæ ad Ludouicum Germaniæ Regem, quæ communicatio res est grauis, cum sit excommunicato criminosa, fidelibus autem vt plurimum exitiabilis: ergo &c.

Contrariam sententiam dixit Caiet. in verbo excommunicatio, eo quod humana excommunicati cum fidele communicatio, quidpiam sit leue, nam quid Ecclesiæ de maiestate sua, quid de salutē, aut virtute, per

A eam priuatis interit?

Sed dicendum est primo, eam excommunicato ipsi esse noxiam, vt pote contra debitam Ecclesiæ obedientiam.

Secundo communicationis nomen summate, non pro congressu modo colloquioque in communi vita cum fidele, sed etiam pro vsu, ac exercitio potestatis, quæ illi ratione officii conuenit, qui vsus, cum dignitatem quandam connotet, quæ tota quanta est, debetur Ecclesiæ vt causæ, non potest eius vsus contra eius interdictum, poni in rebus minimis, cum contemptum eiusdem oleat, sibi culpis suis insensum hominem, bonis vti suis contra quàm præcipit.

Equidem vt toleratum potestate sibi olim ad excommunicandum concessa, est contra Ecclesiæ finem in ferendis censuris, qui est domare contumacem, eumque per censuras cogere, vt ad bonam mentem redeat.

Deinde est hoc non indecorum modò ac turpe, sed etiam alienum à ratione, & contra Extra. ad euitanda tantum audere ac posse excommunicatum toleratum, quantum non excommunicato iure est permillum.

C Quid? quod Ecclesia excommunicatis etiam toleratis per Extrauag. ad euitanda fauere nolint? quod eis conciliadi sibi honoris causas, ac semina, concessa per Martini quinti diploma Pontificium esse noluit? cuius tamen oppositum euenire est necesse, si excommunicandi ius ac potestatem tolerati retinent, quæro enim ecquid hoc eis non sit valde honorificum? secundo vtile ac fructuosum? & tamen nulla in re eis fauere Concilio fuit propositum, peccant ergo cum vltro, ac non rogati, suaque sponte tolerati hoc sibi officium arrogant, sumuntque.

D Excusant tamen, vt dixi ignorantia, ac necessitas, non absoluta, illa quidem, sed moralis, honestatis scilicet cuiusdam ac decentiæ, vt cum partes ius sibi reddi postulant, aut causa iusta aliqua est suborta, quæ obrem oporteat Iudicem Ecclesiasticum, metu censuræ continere reum in officio, tunc enim hic non peccat, eo quod Concilium concedit, vt in aliorum commodum, tam ille quam Laicus munere suo fungi possint.

E Obiicies contra secundam assertionem, excommunicari non potest nisi contumax, sed appellari nequit hoc nomine qui excommunicato tolerato non obsequitur: ergo cū excommunicari nequeat alius quam qui contumax, excommunicatus toleratus excommunicare neminem poterit.

Minor probatur, contumax esse is non potest, qui obsequi ei renuit, qui præcipere nequit, at est tolerati iurdictio suspensa, redigi ergo in actum non potest aliquid impe-

rando, quod fieri sit necesse ab eo, cui iubetur, ne dicatur, & audiat contumax. A

Argumenti minor est neganda, Confirmationis autem consequentia est falsa, quia eodem modo, quoad exercitium actuum iudicialium, habet se excommunicatus toleratus, sicut se habebat olim excommunicatus occultus, hic enim habebat iurisdictionem suam impeditam, sicut ille, ergo sicut erant actus illius validi, Ecclesia defectum eius supplente, ita & erunt istius, insuper ut illi debebat reus obsequi, ac morem gerere, nisi contra eum exciperet: ut dicitur in cap. 1. de exceptionib. in 6. ita & isti Ægid. disp. 14. dub. 10. num. 9. Nauar. cap. 27. num. 1. Laym. supra.

Obiicies secundo, nullum ius, nulla gratia excommunicatis conceditur, nisi quatenus tendit hæc in bonum fidelium, at excommunicatio non est de hoc genere.

Respondend. primo, prodesse excommunicationem ceteri fidelium, in quantum eius subeundæ metus eos à culpa cohibet.

Respondend. secundo, etsi excommunicatis toleratis in dicta Extrauag. nulla gratia directè sit facta, ideoque peccent, si communioni fidelium, seu in sacris, seu in politicis se ingerant, indirecte tamen & per consequentiam, multa eis concedi per Concil. & quidem, ne facta potestas fidelibus, ab iis Sacramenta petendi, si sunt Parochi, aut iustitiam, si sunt iudices, sit inutilis, frustratoria, ac vana, fatendum est eiusmodi toleratis, iurisdictionis suæ usum ademptum non esse, sicuti notant apud Laym. loco præcitato, Suarez disp. 11. sect. 4. num. 4. Auila parte 2. cap. 6. disp. 3. dub. 2. conclus. 3. quare nec mirum videri debet, si eam cum est necesse, in actum reuocare queant per censuram.

Obiicies 3. quæ ab excommunicatis toleratis fiunt, hæc ad petitionem fidelium, & ob eorum fauorem fieri oportet, at excommunicari ab Episcopo nemo petit, aut damnari à iudice, neutri ergo licet, eorum alterum, durante eorundem excommunicatione ac censura facere.

Respond. ad minor, petere quidem neminem ut excommunicetur, aut capite damnetur, peti id autem posse ab aliis, quorum interest, ad exemplum posterorum peccata non esse sine pœna.

## QVÆSTIO XVIII.

*An excommunicatus beneficii sit capax.*

**E**ffectus excommunicationis non minimus est, excommunicatum reddere ad beneficia Ecclesiastica inhabilem, cum ei conferri nullum debeat, sic decernente Innocent. III. in cap. postulastis 7. de Clerico excomm. ministrante.

**B** Quid enim hac eius oratione clarius? Clericis excommunicationis vinculo innodatis, Ecclesiastica beneficia conferri non possunt, nec illi valent ea retinere licite, nisi forsitan cum eis fuerit misericorditer dispensatum, cum ea non fuerint canonicè consecuti, nam si ea hi non assequuntur canonice, acquirunt inualide, & consequenter non sunt ad ea habiles, perspicuitas tamen maioris causa, res est explicanda paulo diffusius.

Dico ergo primò, Censura nulla, collationem quæ Papalis est, inanem reddit ac nullam.

**C** Ratio est, quod hæc absolutionem consequi eorum soleat, quibus ad beneficia obtinenda sit quis inhabilis. patet ex praxi, formaque communi, qua in conferendis beneficiis uti Papa est solitus, de qua Rebuff. parte prima praxis, rubrica de tertia parte signature, num. 1. & in rubrica de noua forma prouisionis parag. nos tibi præmissorum, quod enim excommunicato facta de beneficio collatio non valeat, cap. postulastis 7. de Clerico excomm. ministrante, nec rescriptum, cap. 1. de rescript. in 6. ideo ab ea, censurisque reliquis, si quibus forte irretitus tenetur Clericus, beneficii Ecclesiastici candidatus, à Papa benignè absoluitur, indicant hæc eius verba in Concordatis petita ex forma mandati Apostolici parag. ac volentes præfato N. præmissorum suorum meritorum intuitu, gratiam facere specialem, ipsumque à quibusvis excommunicationis suspensionis, & interdicti, aliisque Ecclesiasticis sententiis, censuris, & pœnis, à iure, vel ab homine, quauis occasione, vel causa latis, si quibus quomodolibet innodatus existit, ad effectum præsentium duntaxat consequendum, harum serie absoluentes & absolutum fore censentes, &c.

Hæreticis tamen non prodest ea absolutio cap. excommunicamus parag. credentes de hæreticis, ne inde ansam capient contemnendæ Ecclesiæ, censuræque in eos latæ Rebuffus prima parte praxis de forma & declaratione nouæ prouision. num. 9.

Ab ea similiter subsidium sibi nullum habent, qui intra anni spatium, à celsura absolui negligunt, in eaque (ut loquuntur canones) infordeſcunt, quia per eam moram suspicio-

nem

nem de se hæresis faciant, malèque in Ecclesia affectæ mentis *Glossa in cap. final. de penitent.*

Tertio, in eandem cogendi sunt classem, qui literis Apostolicis vim faciunt, earum adiectione rerum, aut sectione, quibus reddantur falsæ, Innocent. III. *in decretali ad falsariorum 7. de crimine falsi*, cum enim eos ibi excommunicatione feriat, omnibusque officiis, & beneficiis Ecclesiasticis in perpetuum exuat, hancque eis pœnam quotannis, in cœna Domini infligat, ac renouet Pontifex, à veri probabilisque abhorret specie, velle cum, hanc absolutione maculam elui, quam prouisio, collatiæque beneficii præfixam habet, quod Iulii eius nominis tertii Pontificia sanctio planum facit, his inchoata verbis. *item voluit, &c.*

Dico secundò, *Ab excommunicatione quam minorem vocant, aditum ad beneficia occludi nemini.*

Est hæc conclusio contra Canonistas aliquos à quibus stat quoque Azorius *to. 2. lib. 6. cap. 7. q. 7.* non item Suarez, vt videre est in *disp. 24. de censuris sect. 2. num. 19.*

Ratio est, quod Gregorii, noni testimonio minori excommunicatione ligatus, cum scienter est electus, eius electio est irritanda, pro eo quod ad susceptionem eorum eligitur, à quorum perceptione est à sanctis Patribus priuatus, non est ergo eius electio ipso facto inualida sed inualidanda à Iudice, non facit ergo minor excommunicatio, ne rata sit excommunicato eo excommunicationis genere facta beneficii collatio.

Dico tertio, *Beneficium excommunicato maiori excommunicatione, ordinariè nō conferri nisi inualide.*

Commendat hanc sententiam Innoc. *in cap. postulastis de Clerico excommunicato ministrante*, ipsaque ratio duplex, prima, quod excommunicatus iuris sit spiritualis incapax.

Secunda, quod cum beneficium detur propter officium *de rescriptis cap. finali*, ei demandari nullum debet, qui præstare nequit officium, ad hoc genus, excommunicati prædicti pertinent, nec enim Deo litare, horas publicè legere, sacra frequentare, administrandis Sacramentis populo operam dare possunt sine scelere, ergo nec beneficiū recipere, cum ei nequeant deseruire, *de Clerico excomm. ministrante cap. ultimo*, quæ cum in toleratis locum habeant, perque ac cæteris, vt istis dari beneficia Ecclesiastica non debent, nec possunt, ita nec illis, quia *per Constant. Concil. in extrauag. ad euitanda*, non redduntur ad illa habiles, & si est ea Concilii Sanctio aliquibus utilis, sane non excom-

Pars secunda.

municatis, sed fidelibus tantum, quibus impune cum illis communicare, ac versari vult esse liberum, non item toleratis:

Casus sunt tamen tres numero, in quibus facta excommunicato beneficii collatio est valida, primus est, cum illud triennio possedit quietè ac sine turbis.

Ratio est, quod qui beneficium cum titulo colorato triennio possidet, fiat illo elapso eius possessor verus ac legitimus, titulo qui coloratus est tantum, transeunte in verum vt post Gomefium *in can. si quando de rescriptis exceptione 10. num. 9.* scribit Nauar. sed cuiusvis ordinarii tolerati, & nondum depositi collatio, titulum coloratum efficit, docet Gomefius *q. 28. in regulam de trienniali possessione pacifica num. 10.* Probus *in pragmatica sanctione titulo de pacific. possess. verbo coloratum num. 10.*

Tunc enim titulus est talis hoc est coloratus, vt est in regula Cancellariæ, quū datur ab Episcopo, vel alio collatore ordinario, qui reservatione iuris non impeditur, omnes autē in Dei Ecclesia reseruatos esse quis dicat? ergo cum exceptio in non exceptis firmet regulam in contrarium *lege nam cum liquidè digest. de pecun. legata, lege quasitum 12. parag. si quis fundum digest. de fundo instructo*, si beneficium excommunicato datum, Papæ reseruatum non fuerit, ab ordinario collatum, coloratum ei tribuet titulum, debet hic tamen operam dare vt absoluator, vt officio prout expedit, ac debet, fungi suo valeat.

Secundus casus, in quo beneficii collatio excommunicato facta, est valida, est cum eius censura est occulta, nam canon ille *postulastis*, de eo quem excommunicatum esse certò constat, non autem de occulto capi debet: est enim hoc Iurisperitorum axioma longè certissimum, quod quando in canone, aut lege, exprimitur eius ratio, quantumcunque sit hæc generalis, latèque patens, restringendam tamen hæc esse, iuxta rationē in ea expressam, ex quo sequi aūt quod vbi isti nullus est locus, nullum quoque esse legi aut canoni, ita Nauar. *consil. 5. de testament.* Azorius *to. 2. lib. 5. cap. 16. qu. 9.* Age ergo, videamus quid rationis ac causæ Pontifici extitit, excommunicati à beneficiis excludēdi? Nempe quod cum excomm. comunicari non debeat *cap. postulastis 7. de Clerico excomm. ministr.* at non habet hæc ratio locum in occulto, cum vitari non debeat, sed nominatim excommunicatus, ac denuntiatus, vt est in *Concordat. titulo de excommunicatis non vitandis, & in Extrauag. ad euitanda.*

Casus tertius in quo beneficii collatio ex-

N n



communicato facta est rata, est cum hic ignorabat talem se esse, ita Nauar. in can. fratres de poenitent. dist. 3. num. 43. cui aduersatur cum Suar. disp. 13. de censur. sect. 1. num. 3. Aegid. disp. 14. dub. 9. num. 70. eorum vnicum est præsidium quod ignorantia excusare quidem à peccato valeat, sed illum ad actum redere habilem, qui alias eius est incapax, nequeat.

Conciliantur ambæ hæc sententiæ dicendo posteriori locum esse in foro externo, priori in conscientia: Enimvero est inhabilitas poena maior ac ærior, quam irregularitas, eam ergo non nisi ob culpam infligi conuenit, eamque grauem. At qui ignorans aliquid agit, aut recipit, non peccat, collato ergo sibi beneficio non excidit, qui cum excommunicatum se nesciret, aut esse se talem oblitus esset, eo donari se est passus.

At peccauit (inquit Suar.) cum est in censuram lapsus. Omnino: & ideo poenam tunc luit, quare cum bis pro eodem plesti crimine nemo debeat, ad excommunicationem qua tunc est ob culpam peccator castigatus adiaci ad beneficia Ecclesiastica, inhabilitas non debet.

Ad id quod ex communi Theologorum effato est allatum, non facere ignorantiam actum ex irrito, ratum ac validum. Responderi debet, valere id in lege absoluta, non poenali, nam cum eius sciendæ causa, sit culpa, hac cessante, eius quoque effectum qui est poena, cessare est necesse, cap. cum cessante 60. de appellationib. Ab ignorantia autem excusari singulos à poena, quam qui scienter operantur, non effugiunt, exempla multa indicant.

## QVÆSTIO XIX.

*Explicantur dubia quedam in presenti materia occurrentia.*

**P**rimum. An quando excommunicatus collatum est beneficium, per eius absolutionem sic eualeatur facta ei collatio, ut alia noua nulla, ad eius possessionem validandam sit opus.

Noua opus esse magnorum est Theologorum opinio Lessii, lib. 2. de iustitia cap. 34. dub. 22. num. 119. Aegid. disp. 14. dub. 9. num. 73. inter Canonistas Rebuff. de excomm. non vitandis in Concordat. parag. Aduertendum, Nauar. cap. 27. num. 194. Rationum momenta pro hac sententia, etiam meracente, cuique mediocriter versato in Theologicis, occurrunt multa.

Primum quæ ab initio fuere nulla, hæc non conualescunt tempore, non enim firma-

**A** tur tractu temporis quod de iure ab initio non subsistit de regulis iuris in 6. regula 18. sed excommunicati ad Ecclesiæ dignitates, beneficia, que promotio, viribus est vacua, quicquid ei ergo aduenerit de nouo à consensu conferentis, non erit firmum.

Secundum excommunicatis Ecclesiastica beneficia conferri non possunt, nec illi valent ea retinere licet, nisi fuerit cum eis misericorditer dispensatum, cap. postulastis 7. de Clerico extom. ministrante. Sed hæc dispensatio nouæ collationis est instar, ergo si non fiat, beneficii primo collati retentio, vitiosa erit & inualida.

**B** Tertium, donatio incapaci facta non tenet, sine nouo donantis assensu, exemplum est in religioso professo, qui quoniam iuris acquirendi est incapax, non est satis ut donum fecisse suum censi queat, quod per Pontificem postea ei facultas fiat illud acceptandi, donationem nouam ad priorem, quæ nulla fuit, accedere oportet, cum vi eius nunquam res donata sufficienter à donatio acceptari potuerit.

**C** Causa est, quod ut donatio efficax sit ac firma, voluntatem in donante efficacem exigit, transferendæ rei suæ in donarium, qualem tamen habere nullam potest in professi gratiam, cum talis voluntatis obiectum non sit tunc idoneum & capax, ergo cum collatio, quædam sit veluti iuris in beneficium donatio, cuius est excommunicatus incapax, quandiu durat eius vinculum, ut hæc absoluto valere incipiat, necessaria est noua eius collatio.

**D** Contraria tamen opinio quam tuentur à canonici iuris interpretibus plurimi, non est iudicio Thomæ Sanchez improbabilis, eius præsidia præcipua sunt duo quorum meminit in lib. 8. de matrim. disp. 7. num. 12. & post eum Less. & Aegid. Primum & potissimum est quod ex parte conferentis, verus fuit consensus, qui si efficax esse, ac sortiri effectum non potuit, causa soli fuit imputanda collatio, ut pote qui rei sibi tum collatæ erat incapax, ergo cum per absolutionem censuræ, qua tenebatur implicitus, impedimentum cessauerit esse, hic sola eius acceptatione beneficii possessor esse incipiet.

**E** Dubium secundum. An excommunicatio, sicut & qualibet alia Ecclesiastica inhabilitas collationem beneficii reddat ipso facto irritam.

Inhabilitas quoad rem præsentem omnino est duplex, à diuina lege ortum habet earum altera, ab Ecclesiastica alia, prioris exemplum suppeditat, quisquis est ad obendum munus, à natura, eiusque bonis non satis idoneus, ut sunt mulieres, infantes, furiosi, & amentes. Ecclesiasticæ autem, Simoniaci, irregulares, suspensi, excomm. ceterique



terique id genus viri, qui partes explere quidem suas officiumque præstare possunt, sed ne faciant, impedit Ecclesia.

Est rursus inhabilitas Ecclesiastica duplex, prior, peccati vera est pœna, & quidem grauis, vt hæresis, simoniæ, homicidii, sodomix. Posterior non tam est pœna, quàm conditio, seu qualitas quam in iis exigit Ecclesia, qui beneficium ambiunt, vt sunt ætas, tonsura, ex legitimo natum esse coniugio, nec censura vlla vinctum esse.

Dico primò, *Inhabilitatem ad officia, gradus dignitates & beneficia, quæ est pœna peccati nostri, aut parentum, eorum collationem non reddere ipso facto irritam.*

Ratio est, quod ea collatarius retinere licite valeat, quandiu iis per sententiam non priuatur, non est ergo eorum collatio inuálida, ipso facto,

Anteced. probatur, ante sententiam declaratoriam incursum criminis, ac verò etiam executoriam, legi non necessario est parendum, quæ transgressori pœnam amissionis bonorum, beneficii seu rei possessæ imponit, Emman. Sa verbo pœna num. 1. Sanchez lib. 9. de matrim. disp. 30. num. 1. Filliuc. tract. 44. Thesaurus in praxi Eccles. parte 1. cap. 28. Nauar. in comment. de datis & promiss. notabili 31. num. 44. Ludouic. Molina to. 1. de iustitia tract. 2. disp. 96. parag. duo obserua.

Dixi licet, nam hæ pœnæ non obligant ante sententiam pro foro conscientix, sed tantum in externo, Azorii testimonio to. 2. lib. 6. cap. 1. 2. 3. & 4.

Dico secundò, *Inhabilitatem quæ à censuris & irregularitate oritur, factam beneficii collationem reddere ipso iure & facto irritam, ita Thesaurus parte 1. praxis Ecclesiast. cap. 3.*

Ratio est, quod lex Ecclesiastica, quæ beneficiarium vult à censuris immunem esse, ac liberum, pœnalis non sit, sed absoluta, ergo illico ac est, obligat in conscientia, ergo cum excommunicatos neget admittendos ad beneficia, erit eorum ad illa promotio, in conscientia inanis ac nulla.

Confirm. est conditio omnis non necessaria, contractui aut donationi adiecta, eius suspensiuæ quare hac non extante, donationem quoque præstare, ac implere non est necesse, cum eius defectus, absentiaque, ei vim omnem ad obligandum adimat, sed est beneficii collatio quasi donatio, cui ex intentione Ecclesiæ vt sit rata, est hæc appositæ conditio, vt collatarius non sit censura vlla vinctus, eius ergo non remotio, collationis est irritatio.

Dubium tertium, *Peccat ne collator, si beneficium excommunicato scienter conferat.*

Omnino: primo, quia cum eo communi-

cap. contra quàm Ecclesia præcipit, quæ ratio etsi locum in tolerato non habeat, quod hæc libera cum eo colloquia, commerciaque, esse Christianis singulis patiat, in Constant. Concil. aliunde tamen ad eius regimen, beneficiaque sine culpa vocari non posse, constat ex decretalib. Papæ Innocentii literis, Enimvero in cap. postulastis 7. de Clerico excomm. ministrante, eos ait qui talibus, beneficia scienter conferunt, tandiu debere à beneficiorum collatione suspendi, donec super hoc veniam consequi mereantur, vt puniantur in hoc, in quo delinquere præsumpserunt. Sed suspensio, sicut & censura quælibet alia, peccati certa est pœna, nec alterius in præsentī materia, quam beneficii indigno collati hoc est excommunicato aut interdicto, est ergo eorum ad beneficia Ecclesiastica promotio, culpæ in promouente admissio, in quam ne se Senonenses canonici tum temporis interdicti induerent, iisdem de solita benignitate concedit, vt sibi per postulationem, vel electionem canonicam de persona congrua consulerent: de postulatione prælator. cap. 1.

Dubium quartum, *Ad quem pertineat dispensare cum excommunicato, vt post absolutionem suæ censura, beneficium retineat.*

Dico primò, *Id posse Pontificem ceterosque ad quos eius collatio pertinet.*

Ratio est, quod talis dispensatio, nihil sit aliud, quam virtualis quedam ipsius beneficii secunda collatio, Aegid. supra num. 73. ergo qui conferre illud non excommunicato potest, poterit & ei, qui in censuram est lapsus, post absolutionem eius habitam.

Dico secundò, *Si censura occulta fuit, cum collatario vbi ab ea legitime erit absolutus, dispensare Episcopum posse vt beneficium in ea, sibi collatum retineat. Ita Azor. tom. 2. lib. 6. cap. 7. qu. 2.*

Ratio est, quia illi per Concil. Trident. sess. 24. cap. 6. dispensare in conscientix foro permittitur, in irregularitatibus ex occulto peccato prouenientibus, sed irregularitatis nomine, inhabilitatem quoque ad officia, beneficia, & eorundem priuationes intelligi, scripsere Henriqu. lib. 13. cap. 56. num. 1. Sanch. in decalog. lib. 6. cap. 15. num. 78. Bonacina de clausura q. 1. pun. 5. *Inhabilitate*, inquit Sanchez citatus, contracta, delictum occultum potest Episcopus dispensare cum sibi subditis, virtute Trid. sess. 24. de reform. quam sententiam vti probabilem defendi posse habet Thesaurus in praxi Eccles. parte 1. cap. 23. dicto 6. ampliat. 2. etsi contrariâ in praxi sequendam dicat, omnium ratio est, quod inhabilitas, partialis quædam sit irregularitas, ergo qui in hac dispensat, dispensabit & in alia.

Dubium quintum, *An inhabilitas excomm-*

*municati ad beneficia Ecclesiastica retinenda, quæ ei sunt in excommunicatione collata, tollatur per regulam de triennali possessione pacifica.*

Tolli dummodo sit occulta, sit ex eo mihi probabile, quod à beneficio concessio, per regulam, excipi is non debeat, quem hæc ab eo usu non excludit, sed ista eo alium non priuat, quam qui titulo colorato nullo nititur, quem tamen pro eo facere, cuius inhabilitas est occulta, Doctorum est opinio. Est enim titulus tunc coloratus, cum datur ab eo qui potest, & nihil impedit, at quoad inhabilitas latet, non est impedimentum collationis cognitum, quia ut supponitur, dictæ inhabilitatis argumenta nulla suppetunt, signa nulla, quibus probari valeat, estque beneficium ab eo, cui conferendi ius competit: excommunicato datum: ergo, &c.

Secundo, exceptio in non exceptis firmat regulam, ut Diu. August. ex scriptura colligit li. 1. de sermone Domini in monte cap. 25. referturque à Gratiano 32. q. 7. canone Dominus 6. sed regula de triennali possess. pacifica, Simoniacos duntaxat & intrusos excludit, ergo non alios, ergo nec inhabiles, inhabilitate quam censura progenerat.

Tertio, iurisdictionis spiritualis actus omnes, quos exercet, qui occulte est inhabilis, rati sunt, firmi, ac validi, fieri id vero sine titulo colorato non potest, ut patet, traduntque Sanch. lib. 3. de matr. disp. 2. l. num. 49. & alii apud illum, maneat ergo quod in responsione quæstionis est positum, inhabilem modo qui est occultus, hac regula comprehendendi & iuari: ita Gomesius in hanc regulam q. 2. 10. 15. 27. & 28. Sanch. lib. 7. de matrim. disp. 42. num. 15. Nam qui palam, omniumque est conscientia inhabilis, triennio, nec quolibet alio ampliori spatio, quo beneficium possidet, tueri se posse, sit ex eo perspicuum, quod inhabilitate, quæ nulli non est cognita, quia est publica, tollatur color tituli, ergo & effectus regulæ, seu beneficium, quo eos frui Pontifici placuit, qui cum titulo in speciem vero, ac legitimo, qualis est coloratus annis tribus, aut pluribus, sine lite ac turbis, beneficium possidere pacifice.

Ab hac ergo (inquies) regula commodi nihil sperare sibi, nedum promittere toleratus poterit, cum eius censura ferè nunquam non sit mortalibus cognita, quod tamen negauimus antea.

Anteced. est falsum, neque enim quæ ex peccato, aut censura inhabilitas oritur, manifesta creditur, quantum ad præsens attinet negotium, effectumque impediendi colorati tituli, nisi sit declarata per sententiam iudicis, est res clara ex Constant. Concil.

**A** Extraneag. ad euicanda & Concordatis titulo de excommunicat. non vitandis, quam auctoritate sua corroborant firmantque Suar. disp. 14. de censur. sect. 2. num. 3. Nauar. Enchirid. 27. num. 35.

Dubium sextum, An Ecclesiastica pensio excommunicato decerni queat.

Discepratur hæc quæstio à Suare disp. 13. sect. 1. num. 12. Stephano de Auila 2. par. cap. 6. disp. 5. dub. 5. conclus. 2. Ægid. disp. 14. dub. 9. num. 85. eique ad hunc modum respond. Auila, Loquendo de pensione spiritali, quæ fundatur in titulo spiritali, probabile est, quod collata excommunicato sit valida.

Opinio opposita placet his auctoribus Couarr. in can. alma mater 1. parte parag. 7. num. 2. Giganti de pensonib. q. 14. Amilz loco proxime citato, Layman. lib. 1. tract. 5. par. 2. cap. 2. Thesaur. par. 1. praxis Eccles. cap. 31. argumenta quibus in eam mentem veniunt sunt ista.

Primum, quod pensio pars sit beneficii.

**C** Secundum, quod sit ius percipiendi fructus ex beneficio, & proinde spiritalis titulus, ita Thesaurus.

Tertium, quod Pontificiæ tabulæ, quibus pensionis ex alieno beneficio colligendæ ius alicui conceditur, absolutionem à censuris habeant ad cautelam, quod est argumento in ea esse opinione Pontificem, ut existimet, excommunicatum pensionis incapacem esse, ita Couar.

Mihi in eorum partes concedenti, qui pro pensionario faciunt, occurrit in primis Iurisperitorum axioma vulgare, cum de pœna agitur, verba legis quibus nocenti imponitur, usurpanda propriè, hoc est in vero suo, germanoque sensu sumenda esse, at beneficii nomine, ac dignitatem Ecclesiæ, ad quas excommunicato Innoc. Papa tertius in cap. postulastis 7. de Clerico excomm. ministrante, & in cap. 1. de postulatione Prælatorum, aditus vult omnes oclusos esse, non intelligitur propriè pensio, cum eius sacræ functionis exercendæ non competat, quod tamen est essentialis beneficio, ut ostendetur in tract. de beneficio.

**E** Quid? quod ad beneficia soli admittantur Clerici, quod sint perpetua, quod diurni horarum, nocturnique pensii adiunctum onus habeant? quorum nihil pensionario incumbit ex officio, nam quid vetat, fructus ei pensionis nomine assignatos, certo definiri tempore ut anni, duorum aut trium? Possessiones quidem Ecclesiæ quas Papa Symmachus in epistola ad Cæsarium distrahi prohibet, dari posse ait, Clericis bonorum meritorum, aut Monasteriis, religionis intuitu, aut peregr.

reg. 1255

regrinis, sic tamen vt hæc ipsa non perpetuo, sed temporaliter perfruantur 16. q. 1. canone possessiones 61. videntur vt Pontificis Symmachi opinionione ac sensu, potest pensio non esse perpetua: eam quoque non Clericis concedi posse, praxis Romana indicat, quæ est enim Pontificis erga Principes admiranda benignitas, is sæpe partem sacrorum prouentuum non infimam, pensionis loco ad necessaria vitæ subsidia indulget, sicut in cap. finali de magistris, suppeditari vult Academicis præceptoribus ab Episcopo, & Capitulo si proprii redditus Ecclesiastici non sufficiunt, & quam a Pensionario horas de Beata (vt aiunt) dici Pius quintus imperet, non sunt hæc tamen canonicæ, nec ab eo legendæ quotidie, cum obligatione mortalis culpæ, quæ omnia aliaque id genus non pauca indicant, pensioni, rem nomenque non conuenire beneficii.

Ad argumenta facilis responsio, primum enim & secundum negari debent, est enim beneficium ius spirituale, pensio quid temporale, nihil spiritualitatis annexum habens, vt ex Panormit. in cap. ad audientiam 2. extra de rescriptis, docet Bleyanus in Theoria tract. de pensione beneficii num. 3.

Tertii neganda Minor, ideo enim in literis, quibus pensionem Pontifex postulanti annuit, absolutio à censuris ponitur, ne eius rescriptum per excommunicationem reddatur inualidum.

Dubium septimum, An excommunicatus, sic beneficii sui fructibus sit priuatus, vt eos percipere conscientia salua nequeat.

Gravis in primis est, nec vllò modo contemnenda hæc quæstio, quæ tractatur à Couar. lib. 3. Variar. cap. 13. num. 8. Versu duodecimo, Suar. de censuris disp. 13. sect. 2. Gutierrez. canonic. quæst. lib. 1. cap. 1. num. 92. Vgolino tab. 2. cap. 12. Henric. lib. 13. cap. 13. & 14. & aliis, quorum vt in rebus cæteris, sic non est in ista, idem sensus atque iudicium, excommunicatum enim ipso iure beneficii sui fructibus priuatum esse, docent Couarr. & Suar. locis citat. Garcias item de benefic. par. 74. cap. 13. num. 90. quam sententiam probabilem esse Thesaurus innuit par. 1. praxis Ecclesie cap. 32. parag. fallit tertio.

His non assentiunt Sanchez li. 3. de matrim. disp. 51. num. 12. Stephan. de Auila, parte 2. cap. 6. disp. 6. dub. 1. conclus. 2. Egid. disp. 14. dub. 9. num. 81. Laym. lib. 1. tract. de excom. cap. 2. num. 9. docent enim hi omnes excommunicatum beneficii sui fructus percipere posse, dummodo ei per se aut alium inferuiat, quid iudicii super hoc quæstionis genere habeam, exponam conclusionem duplici.

Dico primum, Excommunicatum post denun-

ciationem, licite priuari posse beneficii sui fructibus, ita Innoc. III. in cap. 53. de appellat. parag. Verum, his verbis, illi prouentus Ecclesiastici meritiò subtrahuntur, cui Ecclesie communi denegatur.

Dico secundò, Excommunicatum etiam occultum, Ecclesiastici beneficii fructibus, & administratione carere ipso iure, ita ex Innoc. III. can. proxime citato, colligere est facile & probatur.

Ita excommunicato sui sunt beneficii subtrahendi fructus, sicut denegatur Ecclesie communio, sed hæc illi iure, factoque negatur ipso, trahit enim censura secum executionem, nec sententiam declaratoriam exigit, vt vim suam in nocentem exerat, cum hæc, in priuatione consistat, quæ excommunicationis actionem positiuam nullam vt executioni mandetur, postulat.

Confirm. Ideo Innoc. testimonio ac sensu post appellationem denunciari excommunicatus potest, quia per hoc non amplius ligatur, atqui si non esset ipso facto priuatus fructibus, amplius ligaretur per eorum subtractionem, quam si hi ei non auferrentur: ergo hæc priuatio excomm. ipso facto sequitur, & non tantum sententiam in reum latam.

Quod verum est quoque, licet se hic iniuste excommunicatum causetur, ideoque appellet, interim enim dum de appellationis interpositæ æquitate iudex sententiam dicat, prouentus ei subtrahuntur Ecclesiastici, vt est in eo cap. in quo Pontifex subtractionem fructuum, in communionis Ecclesiasticæ denegatione fundatam esse ait, licet Glossa ibi, aliter sentiat, quam bene, nihil hic auiet dicere, cum à ratione abhorreat, vt qui officio non fungitur, fructibus gaudeat, qui eius causa dari solent, quare si percipit, ad eorum restitutionem in conscientie foro tenebitur, non minus, quam qui horas canonicas non recitat.

Verum enim (inquies) post absolutionem etiamne amissos fructus reddi hic sibi, postulare iuste potest?

Si erat excommunicatio iusta, hoc ei concedi æquitate illæsa non potest, nā absolutio, sublato censure vinculo, percipiendorum amodò fructuum, ius ei duntaxat, potestatemque tribuit, in quæ est illata iniuste, quod rationi perquæ est conforme, vt præteritorum iactura, resipiscendi à culpa occasio ei sit ac causa.

Si autem erit iniusta, aut nulla, eos vt postulare sibi reddi, ita restitutos retinere poterit, & quoniam distributiones censentur in fructibus, eas quoque qui iniuste excommunicatum se narrat, restitui sibi ab iis, qui illas occuparunt, iure quàm optimo poterit, nam cum quotidie sacris interesse officiis solet, ab iisque non nisi iniuste per censuram



eius ab Ecclesia sunt eiekti, iidem quoque ab officio sunt suspensi, secundum Nauar. cap. 27. num. 21. Vgolinum lib. 2. cap. 11. Caietan. in Verbo excommunicatio cap. Vltimo, cum illud exercere nequeant sine communicatione cum fidelibus, quæ ratione censuræ quæ illos vincit, iis est prohibita. Sunt ergo à iurisdictione sua suspensi, vt est in cap. tanta 18. de excessib. prelator. in quo Gregor. IX. auctoritate Dei omnipotentis omnem institutionem, destinationem, collationem prebendarum, beneficiorum ac dignitatum præsumptas, per Episcopum (qui censuram incurerat eo quod interdictum violauerat) decernit irritas & inanes.

Dico secundò, Iudicem Laicum, siue ordinarium, siue delegatum, siue supremum, siue subordinatum, quæ ex publica denuntiatione constat esse excommunicatum, iurisdictionis vsu carere, & ita carere, vt quæ sententia, leges, decreta ab eo sine lata, irrita sint & inania, patet ex cap. ad probandum 24. de sententia & re iudicata, inanis quoque eius est auctoritas, ab eodem in aliquo interposita iudiciali actu, inanis iudicium ab eo delegatio, cum iurisdictionem sine qua nihil quæunt, ab eo accipere nequeant, in odium tamen hæreseos, excommunicato fas esse dixit Alexand. III. quæstionem instituere de hæreticis, ac in eos exercere iudicium, sic enim ab eo statutum esse declarat hæc, ex ea. præfidentes 6. de hæreticis in 6. de prompta oratio Præfidentes regimini alicuius regni, prouincia (licet excommunicati vel de factorantur & non de iure iurisdictionem habentes, ad requisitionem ordinariarum, possunt ac debent contra hæreticos iustitiam & suum officium exercere.

Quid si supremus iudex V. G. Princeps sit excommunicatus, & denuntiatus, nulla ne erit in subordinatis ei iudicibus potestas? iurisdictio nulla, sicut excommunicato Episcopo, nulla est Vicarii?

Respondend. illos iurisdictionem sibi à Principe collatam, antequam esset extra Ecclesiam retinere, non enim eorum & Principis, vnum est, idemque forum, sicut est. Vicarii & Episcopi, eos tamen mutare principi, aut alios eis subrogare non licet, quia iurisdictione caret in priores, nec posterioribus communicare vllam potest.

Quæ porrò de iudice sunt hic dicta, de arbitro, & arbitratore, eorumque sententiis intelligenda sunt similiter, idque tam quoad exercendam iurisdictionem, quam acquirendam dignitatem, quæ illi est adiuncta, de qua re fusius Vgolin. tabula 2. cap. 13. parag. 3. Arbitrum porro cum Iurisperiti vocant, qui iudex est quidem, sed non à lege datur, aut principe, sed ex compromisso sumptus à

litigatoribus lege Pomponius digest. de arbitris, proposita etiam poena ligatori qui eius sententiæ stare noluerit, quæ si non est adiecta dicitur arbitrator, & illius sententia vulgo laudum, & arbitrium, huius autem, arbitramentum.

Vgolin. tab. 2. cap. 11. parag. 6. num. 3 putat arbitramentum ab excommunicato denuntiato iniuste quidem ferri, valide tamen, non autem arbitrium, eo quod arbitria ad iudiciorum formam redacta sint, non arbitramenta, quæ se habent sicut contractus, qui, etsi non debeant ab excommunicato iniri, iniri tamen non sunt irriti, at cum inter vtraque non sit discrimen, nisi adiectæ aut non adiectæ poenæ, vt ait Spiglius in lexico iuris ex Aleiato, cum hoc discrimen non sit essentialiale, idem de vtrisque dicendum videtur.

Dixi si est excommunicatus & denunciatus, nam tolerati acta omnia sunt valida, Ecclesia eius defectum supplente, vt ex communi notat Auila, 2. par. cap. 6. disp. 7. dub. 1. conclus. 2. dub. 3. concl. 2. dub. 4. conclus. 2. Potest quidem eû Iudex repellere si excommunicatio sit nota, non tamen ad id obligatur, nisi pars aduersa de excommunicatione excipiat, eamque, intra octo dies, si non sit notoria, demonstret, Innoc. IV. in cap. 1. de exceptionib. in 6. his verbis: Si quis excommunicationem opponit, speciem illius, & nomen excommunicatoris exprimat, sciturus eam rem se deferre debere in publicam notionem, quam intra octodierum spatia, probare valeat apertissimis documentis.

Dico tertio, Peccare mortaliter iudicem, qui in excommunicatione non tolerata iudicat, eligit, testes audit.

Affertionis hæc est causa, quod iudicando, alienum sibi vendicat, ius ac potestatem alteri debitam occupet cum enim vti sua ei per censuram non liceat, vis ea iudicandi qua erat instructus, ad illum reuoluitur, à quo eam acceperat, proindeque illi iniuriam vsurpatione rei, quæ est eius, non sua, irrogat.

Idem est de aliis actionibus iudicium. Enimvero facit auditio testium merces illis vt sit à litigantibus, debita, ergo cum in foro, fori, eorum testimonium sit nullum, eis iustum operæ suæ stipendium numerantibus, iniuriam facit cum restitutionis de re accepta faciendæ obligatione.

De Aduocato, Tabellione, & cæteris fori ministris, nihil est necesse dicere, nam vt à primo (hoc est Aduocato) ordiatur, certum est, cum est excommunicatus à iudiciis, Alexandri Papæ quarti decreto excludi, in cap. decernimus 8. de sentent. excomm. in 6. quem, admodum & cæteros sine quorum ministe-



riis, & opera, exerceri in pratorio iudicia nequeunt, pertinetque ad iudices seculares, eos cum sunt excommunicati excommunicatione maiore, repellere ab agendo, patrocinando, & testificando in suis curiis; quam ad rem per censuram Ecclesiasticam ab Ecclesiasticis iudicibus sunt compellendi, Alexand. cap. decernimus citato, facere id quoque reos posse, habet Gregor. noni decretalis 18. de exceptionibus ne quisquam in periculum anime sue, excommunicato communicare cogatur, quæ excommunicationis maioris publicæque, exceptio in qualibet parte iudiciorum opposita, lites differt, repellit agentes, ut ex hoc magis Ecclesiastica censura timeatur, communionis periculum evitetur, contumacia vitium reprimatur, & excommunicati (dum à communibus actibus excluduntur) rubore suffusi, ad humilitatis gratiam, & reconciliationis affectum, facilius inclinentur, Innoc. IV. de exceptionibus in 6. cap. 1.

### QVÆSTIO XXI.

An excommunicatus audiri possit & agere in foro.

**A**SSERTIO prima, Excommunicatus siue à iure siue ab homine, licet non sit denunciatus, dummodo tamen ita sit eius censura cognita, ut de ea testibus, eorumque voce, convinci possit publice apud iudicem, siue is sit ordinarius, siue delegatus, siue Ecclesiasticus, siue Laicus agere non potest.

Causa est, quod Extraneus ad evitanda, excommunicatis non faueat, ut facere eam esset necesse, si illis eorumque querelis locus foret in iudicio.

Assertio secunda, Non solum per se, sed neque per Procuratorem, qui ab eo auctoritatem accipiat, excommunicato licitum est agere, etsi ei antequam in excommunicationem incidere, rerum suarum curam mandasset.

Ratio est, quod hic ei ius agendi dare nequeat, quo caret, secus sentiendum si aliunde illud habeat, ut à lege, sicut Vicarius Capituli sede vacante, nam tunc etsi essent Canonici singuli excommunicati, modo ipse tamen ab eo vinculo sit liber agere poterit, quemadmodum & quo tempore hanc ei facultatem indulisset excommunicati Superior, non quidem excommunicati nomine, nec proinde tutor pupilli, curator minoris, pater filii nomine, in propriis eorum bonis agent, sed quasi accepta auctoritate à lege, & à iure naturæ.

Quid si reus ipse, à quo actor exceptione apposita repellitur, sit excommunicatus?

Respondend. exceptionem valere non

**A** secus, quia actor non fit ad agendum idoneus ac habilis, per alterius vitium aut vinculum, sed per proprium, si tamen actor excommunicatus exclusus non fuit, quæ acta ab eo fuerint in iudicio, irrita non erunt, ut patet ex cap. 1. de excep. in 6. idque ad dirimendas lites, & vitandas expensas inutiles, nisi specialiter in eius actoris excommunicatione cautum esset, vana ut forent ac inutilia omnia quæ in iudicio faceret, Vgolinus cap. 15. parag. 1. num. 12. quæ cautio etsi omittatur, certum est tamen excommunicatum eo excommunicationis genere, de quo nos proxime, accusare non posse, lege Ecclesiæ in Sueff. sancita Synodo sub Carolo Caluo, anno 853. actione 5. his verbis: *Licet ipsi accusatores & criminatores Episcoporum, ad accusationem ipsorum non essent idonei, sicut scriptum est in Africano can. 95. qui postquam excommunicatus fuit, in ipsa adhuc excommunicatione constitutus, siue Clericus, siue Laicus, recusare voluerit, desinimus eum ad accusationem non admitti, & in Concilio Constantinop. can. 6. hæc habentur, Si aliqui eorum ab Ecclesia, ob aliquas causas, prius condemnati, vel excommunicati fuerint, siue ex Clero, siue ex Laicorum ordine, statutum est, μη τὸ τοῖς ἐκκλησίαις καὶ τοῖς πρεσβυτέραις ἐπιτρέψαι τὸ ἐκκαλεῖσθαι ἑαυτοὺς ἐπὶ τοῖς ἁμαρτίαις, hoc est non licere illis Episcopum accusare, priusquam proprium crimen absterferint.*

Verum enim (inquies) etiamne conveniri in causa tam civili quam criminali reus potest, si sit excommunicatus, & non toleratus?

**C**ommunis responsio est, posse, nè ex culpa ipse sua utilitatem reportet, ac commodum, tunc tamen non per seipsum, sed per Aduocatum respondere debet, si idoneum reperire valeat, sitque causa ardua, ut DD. colligunt ex cap. intelleximus de iudiciis, ad quod tamen compelli non posse, si ipsemet sit paratus se defendere, speretque se facturum quolibet alio melius, scripsere Aegid. dub. 11. Laym. lib. 1. tract. 5. par. 2. cap. 2. num. 5. quorum opinioni ego quoque subscribo ut probabili.

**E** Quanquam distinctione hic opus, nempe reorum genera esse duo: quidam enim sunt voluntarii (ut loquuntur) necessarii alii: illi vel generatim cum plerisque aliis, in ius vocantur, aut nominatim, sub conditione, aut etiam quia ultro instant ut citentur, ac contra se agatur. Necessarii sunt ipsi, non modo qui arguuntur, sed quorum de re purè ac simpliciter disceptatur. Illi ergo hoc est voluntarii excommunicati si fuerint in iudicio esse nequeunt, quia ad illud suo commodo veniunt, ac eis Ecclesia fauere non vult sed agitare potius ac vexare ut resipiscant, possent tamen

tamen in alterius vtilitatem ac commodum iudicio se sistere, quia caritatis officia impedire non vult Ecclesia, qui autem in reorum est necessariorum numero, hic inius venire compellitur, ne ei sua malitia sit utilis ac commoda, vt ait Alexand. tertius in cap. intelleximus de iudiciis, eique se defendere non tamen per se, sed per alium permittitur, & consequenter exceptiones tam dilatorias, contra aduersarios suos obiiicere, quibus recusandi eos, causas profert; quam peremptorias, vt solutionem præscriptionem, &c. vt patet ex cap. cum inter de exceptionib. qui autem eius partes tuebuntur ac agent, sine peccato communicare cum illo poterunt, modo eis de causæ suæ iniustitia non constet, enimvero tunc peccarent, minoremque excommunicationem incurrerent.

Iidem à sententia contra ipsum lata, appellabunt eius causa, quam appellationem prosequi ipsi quoque poterunt, nisi lata in eum excommunicatio clausulam denegationis, audientiae, aut remotæ appellationis habeat, quæ à solis Romanis Pontificibus, qui Ecclesiasticum iudicem superiorem non habent, adhiberi potest. Vide Henriq. lib. 13. cap. 7. §. 5. & Vgol. cap. 16.

## QVÆSTIO XXII.

*An excommunicatus, testificari pro reo possit, aut alio quopiam in iudicio.*

**D**ico primò, Excommunicatum in iudicio fungi non posse testis munere, ita Pontifex in cap. decernimus de sententia excommunicationis in 6. licet dicat censuram suam nullam, aut iniustam esse, nam prius absolui debet saltem ad cautelam, idque etsi probatio per alios haberi nequeat, & in alium excommunicatum, modo non sit hæreticus, testimonium dicendum foret, id enim conceditur in derestationem hæresis cap. fidei de hæreticis in 6. si tamen à nemine in iudicio reiectus fuerit, eius testimonium ratum erit, sicut acta excommunicati actoris non repudiati, vt dicitur cap. 1. de exceptionib. in 6. nec solum testis à iudicio, sed etiam contractibus & instrumentis, & præcipue à testamentis excluditur, iis confirmandis si adhibebitur, inania erunt ac nulla, nisi vulgo omnium opinione communi, habeatur pro non excommunicato, quinetiam si dicta quidem in eum est excommunicatio sed quæ promulgata tamen non fuit, hæc propter Extravagantem ad euitanda, vim eorum non infringet, quia testium tolerantium acta sunt

Pars secunda.

**A** rara, quandiu contra eos non excipitur cap. 1. de except.

Possuntque post obtentam de censura absolutionem, testari de eo quod viderunt, eritque instrumentum quod sigillo suo manuque signabunt, ratum ac validum: denunciati autem excommunicati, vt & fautoris hæreticorum, testimonium plane est nullum.

Reliquus est scriba publicus siue notarius, vel tabellio, cuius non tolerati acta scriptaque publica, ratione publici muneris quod gerit, inania sunt, ac sine robore, vt patet ex can. nullus tertio q. 4. & cap. decernimus de sent. excomm. in 6. in eorum enim canone primo vetat Stephanus, ne suscipiantur nec à quoquam credantur, quæ ab eis dicuntur, vel conscribuntur.

Occulti tamen si erunt, vim sunt in gratiam populi habitura, cui fauere Ecclesia in extrauaganti ad euitanda voluit: quod autem in cap. excommunicamus 1. parag. credentes de hæreticis in 6. iudicibus, aduocatis, tabellionibus & ceteris excommunicatis, hæreticorumque fautoribus, annus datur, intra quem debeant resipiscere, & post quem sententiæ eorum, patrocinia, instrumenta, nullam obtineant firmitatem, de occultis intelligitur, quorum acta, ob extrauagantem etiam post annum illum non sunt irrita, donec publice ab his quorum interest, sint denunciati.

## QVÆSTIO XXIII.

*Quenam causæ excusant ab incurrenda excommunicatione.*

**E**xcusat primo, Culpæ leuitas 11. q. 3. can. nemo Episcoporum 41. Par enim non est æquumque, pœna grauissima qualis est excommunicatio, alium plecti, quam qui maximi criminis est reus, ita qui obiter tantum & cursim, pauca de hæretico libro legit, vt paginam, aut transcripsit, etsi animo hæretico, est à censura liber Vasquez in 1. 2. disput. 166. c. 5. num. 20.

**E**Secundo excusat, defectus contumaciæ Suar. de censuris disp. 4. sect. 5. cuius nos antea rationem attulimus: ita Cyrillus Alexandrinus in epistola ad Clerum Constantinopolitanum inserta actis Ephesini Concilij queritur iniuste se excommunicatum à Ioanne Antiocheno, quod citatus ab eo ad iudicium non fuerit, nec proinde pertinax.

Tertio excusat, non receptio canonis aut legis, eorumque non promulgatio, quia lex nunquam obligat, nisi recepta & promulga-

Qo

ta, nec intelligitur vnquam obligare cum fertur à legislatore, nisi cum hac conditione, si vsu recipiatur *dist. 4. can. 3. parag. leges*, refertque ac multis probat Azor. *romo 1. lib. 5. cap. 4. q. 5.* Idem dicendum si consuetudine rationabili & præscripta contrarium in mores communes sit inuectum, *extra de consuetudine cap. fin.* quam vim habet etiam irratiōabilis, ex multorum sententia, eaque probabili, dummodo sit præscripta, tempus autem ad præscribendum contra excommunicationem Papalem est 40. annorum contra Episcopalem decem, Azor. *loco citato cap. 18. q. 10.*

Quarto excusat defectus actus externi.

Causa est, quod Ecclesia internos non puniat Diu. Tho. *1. 2. q. 91. art. 4. Caiet. q. 11. art. 3. Graphius decisionum lib. 4. cap. 8. num. 43.*

Quinto excusat, similiter in præsentia externi actus, absentia, defectusque interni.

Causa est, quod sine interno consensu, voluntatis opera quæ incurrunt in sensus, non sint peccata.

Secundo, quia non sunt vera opera, sed tantum simulata, ob quam causam qui communicat cum hæreticis in speciem, lucri causa aut metus, sine animo renuntiandi fidei, non est hæreticus, nec incurrit excommunicationem ex sententia vera Nauar. *cap. 11. num. 116. Henriq. lib. 13. cap. 21. num. 1.* et si Caiet. contrarium existimet verum esse *2. 2. q. 94. art. 1.* cum ait, consentientem in infidelitatis opus externum, et si animo sit Catholicus, esse tamen hæreticum, ac vt talem excommunicatum, quæ fuit etiam opinio Nauar. vt de se, loco proxime citato fatetur.

Sexto, cum lex actum sub censura verbis prohibet, quæ effectum vltimum includunt, donec talis effectus consummetur, non incurreretur excommunicatio, sit exemplum, vetat Episcopus sub pœna excommunicationis homicidium, antequam læsus diem suum obierit, lædens non est censendus excommunicatus, quia ex hypothese actum absolutum, & non inchoatum tantum, punit Ecclesia, cum verba legis intelligenda sint proprie, maxime in odiosa materia, odia enim sunt restringenda, pœnæ mitigandæ, ita sunt à pœnis excusandi quibus monomachi à Trident. *sess. 25. cap. 19.* sunt affecti, qui in arenam quidem pugnatu- ri venerunt, effectum tamen irritum, quia ab amicis sunt prohibiti, item qui vim Ecclesiastico inferre est conatus, quam tamen errore manus, aut gladii, non potuit, Vgolius *tab. 1. de censuris cap. 9. parag. vltimo*, quia re ipsa manus illi violentas non intulit, quod tamen prohibet *can. si quis suadente*, vt notauit Suarez *dist. 4. de censuris in genere sect. 3. n.*

A 4. Caietan. Verbo excommunicatio in principio.

Idem dicendum de eo qui hosti plagam mortalem quidem intulit, sed à qua est arte, aut diuino beneficio sanatus, quia nunquam incurritur excommunicatio lata per legem prohibentem peccatum, sub nomine quod effectum includit, nisi sit consummatus, & perfectus, ergo si lex homicidium sub excommunicatione prohibeat, ab eis liberis erit, cuius actio tendens natura sua ad mortem, effectum caruit.

B Simile de eo iudicium esse est necesse, qui actionem quidem exercuit lege prohibitam, sed tamen insufficientem ad effectum.

Excusat etiam ab excommunicatione metus mortis, quia ad excommunicationem requiritur contumacia, & interpretatiuus contemptus, qui autem graui metu peccat, alioqui non peccaturus, non censetur contumax, nec delinquere ex contemptu Ecclesiasticæ potestatis, sed ex mera infirmitate naturæ Suar. *dist. 4. sect. 3. Laym. lib. 1. tr. 5. parte 1. cap. 5. num. 9.* ergo qui ex metu graui præceptum violat, cui coniuncta est censura, eam non incurrat.

C Confirmatur leges Ecclesiæ ordinariè non obligant, cum tanta seueritate, vt mors præligi debeat earum transgressionem.

Casus vnicus est excipiendus ab hac regula: nempe cum actio, prohibita per censuram, ratione prohibitionis, ac circumstantiæ, est intrinsecè mala, tunc non licet eam facere propter metum. Sit exemplum si ex com. metu mortis proposito, communicare

D secum aliquem in diuinis cogeret in contemptum Ecclesiasticæ potestatis: nam in hoc casu, communicans contra legem Ecclesiasticam delinquit, & pœnam eius, puta censuram aut excomm. incurrat cuius causa lex est condita, modò actus sit cõsummatu exẽpli causa, vulnerauit quis alium contra canonem, qui homicidiũ vetat sub pœna excomunicationis, sed nõ vulnere ad mortem inferendam idoneo, talis non est in excommunicatorum numerum referendus, quia lex non quamlibet actionem prohibet, E sed eam tantum, ex qua effectus aptus est sequi, enimvero hunc lex maxime vitatum cupit ab homine, & ideo illum sub excommunicatione prohibet, ergo si actio non sit eiusmodi, ex qua secuturus sit effectus, et si per accidens eueniat Chirurghi vitio, aut aliter, non tamen excommunicationem operanti inferet.

Septimo excusat ignorantia inuincibilis tam facti, quam iuris, id est legis, quæ aliquid sub censura prohibet, et si illud idem iure



naturali, aut antiquo positum esset vetitum: vt si V. G. sciat aliquis duellum iure naturæ esse prohibitum, ignoret tamen inuincibiliter, id quoque Ecclesiastico interdictum esse, nouoque Trident. ac Bullarum Gregor. XIII, Clementis VIII. contra monachos, habebit ignorantiam excommunicationis, quam proinde non incurreret, in eas leges aliquid peccans: ita Nauar. cap. vlt. Enchirid. num. 16. & 274. & lib. 3. consil. iuxta 2. editionem consil. 12. de voto, Tolet. lib. 1. cap. 8. num. 7. Regin. tom. 1. lib. 9. cap. 11. sect. 1. nu. 198. Vgolinus tab. 1. cap. 9. parag. 8. nu. 6. Angelus excommunicatio 7. casu vltimo, Suar. 10. 1. disp. 4. sect. 8. num. 2. Azor. lib. 1. instit. cap. 15. 1. 3. Sanchez lib. 9. de matrim. disp. 32.

Probatur ex cap. si vero 2. de cleric. excomm. vbi dicitur eum à quo Clericus est percussus, quem ignorabat esse talem, à sententia excommunicationis liberum esse, & can. 9. Concil. Agath. qui refertur 82. distinct. can. 2. & incipit, Proposuisti expresse significatur Clericos Ecclesiasticis pœnis contra reos à Sacerdotio latis, ignorantes non teneri & cap. 2. de Const. in 6. habetur quod sententiis per statuta Ordinariorum non ligantur ignorantes.

Secundo excommunicari nemo potest sine culpa, eaque mortali, nam quantitas pœnæ respondere debet quantitati delicti, vt habetur in cap. felix de panis in 6. at ignorantia inuincibilis tam iuris, quam facti, rationem omnem culpæ tollit, aufert enim voluntarium, quod consistit in eo, quod cognoscantur singula, quæ insunt actioni.

Tertio nemo proprie inobediens esse potest, cum ignoratione præcepti sui superioris, ergo cum excommunicatio pœna sit inobedientium, qualis non est, qui de superioris præcepto certi nihil habet, ab ea excusabit omnis ignorantia probabilis.

Omnem dixi, vt innuerem loqui me de ignorantia tam iuris particularis, quam communis, decernentis excommunicationem, propter factum, diuina aut naturali lege prohibitum, quale est homicidium, nam cum excommunicatio pœna sit contumacium in Ecclesiam, non est satis ad eam incurrendam, admisisse factum censura dignum, nisi qui admittit, nouerit Ecclesiam id factum prohibere sub ea pœna, & ita illud faciendo contra eius præceptum, sit contumax, ac est huic notitiæ contraria ignorantia inuincibilis præcepti Ecclesiastici, tale factum inhibentis, sub ea pœna, cum si illud nosset, forte ab opere abstineret,

Deinde quaero, ecquid canon vt animarum de constitutionibus in 6. in quo dicitur per statuta ordinariorum, non comprehendere ignorantes, non sit vniuersalis, tamque late

A patens, quam patere possunt eorum leges: quare cum non ea modo, quæ humanis legibus prohibita, vitare queant, patet in his quoque, cum sub excommunicatione inhibentur, excusationi locum esse, ab ignorantia inuincibili, qua tunc laborare quis est censendus, cum id quod ignorat, ad eius officium non pertinet, Vgol. tab. 1. c. 9. §. 8. n. 6. Angelus in verbo excom. 7. casu vlt. num. 3.

Vincibilis è contra est, quædo res ignorata partem efficit muneris, quod ignorans obit, aut obire tenetur: causa est quod ignorantia eius rei quam quis scire debet, non possit non esse culpabilis, vt dicitur in cap. si culpa de iniuris, cum sit indirecte voluntaria, commissio enim hoc modo dicitur esse voluta, cum homo potuit & debuit facere, quæ præterit, & non fecit, at hæc duo reperiuntur in ignorantia rerum sciendarum ex officio, nam tenetur quilibet, res nosse quas ei incumbit, facere ex propria ratione muneris quod gerit, vt supponimus, ergo etiam & potest.

C Consequentia probatur, cum impossibile nullum sit obligatio, ad ea obligari tantum quis potest, quæ in eius sunt potestate, ergo cum ignorans quæ sunt officii sui, ea cognoscere debeat, etiam poterit.

Vbi notandum est, vt ignorantia censeatur vincibilis & crassa, satis non esse, vt sit nescientia rerum pertinentium ad officium nisi ei non vulgaris adiuncta sit negligentia cap. si culpa de iniur. fieri enim potest vt quis ea quæ sui sunt muneris, nesciat inuincibiliter, ac sine culpa, quia etsi ad illorum notitiam comparandam, diligentiam adhibuerit, eam tamen acquirere sibi non potuerit, quem tamen in hoc casu iure ac honeste accusare quis potest de scelere? Adiungenda est, ergo ignorantia, cognoscendi negligentia, quam cum quis posset ac deberet deponere, negligit tamen: quæ causa est cur quidam ignorantiam inuincibilem definiant, nescientiam eius rei, quam quis non tenetur scire, vel si tenetur, non potuit, quia ei in mentem nunquam hæc obligatio venit, aut si venit, nunquam potuit qualibet diligentia adhibita, talem notitiam assequi, ex quo apparet à sensu contrario, vincibilem eam dici, quæ superari potuit, & debuit, qualem esse si accadat, & ita sit crassa, aut supina quid iuris?

E Prima sententia est Sanchez lib. 9. de matrim. disp. 32. nu. 30. & sequentibus, ignorantiam vincibilem iuris, vel facti, modo non sit crassa, excusare à pœnis, quæ constituntur, tam Papæ, quam Episcoporum legibus, pro qua etiam citat Angelum, Syl. Tab. Leodesm. Henric. lib. 13. de excom. cap. 23. & alios. Idem docent Ægid. disp. 13. dub. 11. Sotus in 4.



diff. 28. qu. 1. art. 2. Laym. lib. 1. tract. 5. cap. 5. A  
num. 8.

*Secunda Suarii disp. 4. de cens. in comuni  
sect. 10. ignorantiam iuris aut facti nunquam  
à pœnis censurarum eximere, nisi & à mor-  
tali liberet.*

Ad quæstionis intelligentiam, notandum  
primò, ignorantiam crassam dici, quæ earum  
est rerum, quæ cuique etiam hebeti sunt no-  
tæ, & quæ obtineri modica adhibita diligen-  
tia cum potuisset, non est acquisita per igno-  
rantis negligentiam, quare à culpa lata ori-  
ginem habet, alioqui mortalis non esset.

Aduertendum est tamen, ad hoc vt ignorantia sit crassa , oportere, vt is in quo est, cogitationem susceperit , aut in suspicionem venerit impositæ censuræ, & nulla, aut pene nulla veritatis indagine adhibita, opus prohibitum exequatur , non sine virtuali contumacia , contemptuque interpretatio.

Notandum secundo, ignorantiam affectatam eam esse, quæ quia captatur, & queritur, dolo coniuncta esse præsumitur, *lege 2. parag. generaliter digestis de doli exceptionibus*, qualis est eorum, qui ut suæ libidini vacent, quæ agenda & fugienda sunt, nosse respuunt, quibus ita præsuppositis.

Dico primò, Probabile esse ignorantiam Vincibilem, & mortaliter malam facti, vel iniuris imponentis censuras, excusare ab illis, modo non sit crassa, & supina, Ita Sanch. loco citato probatur ex can. 2. de constit. in 6. vbi vniuersaliter dicitur, ab omnibus sententiis quorumcunque ordinariorum, excusare ignorantiam, quæ non est crassa & supina, quod ideo est statutum, vt periculis animarum occurratur, quod non minus in constitutionibus Pontificum locum habet, quam Episcoporum, at non omnis ignorantia ex probabili sententia, quæ mortaliter est culpabilis, supina quoque est, & crassa, sed ea duntaxat quæ nata est ex eo, quod quis vel nullam, vel admodum exiguam diligentiam adhibuerit, vt sciret quæ nosset tenebatur.

Ex quo apparet ignorantiam vincibilem, in ratione culpæ, non vniufmodi omnem eſſe, & æqualem, erſi enim omnis quæ eſt vincibilis, ſit mortalis, tamen in latitudinem eiufdem ſpeciei, vna maior eſt alia, nempe quæ craſſa eſt, & ſupina, ea quæ tantum eſt vincibilis pure ac ſimpliciter.

Dico Secundò, *Probabilius esse, nullam ignorantiam excusare à pœna, nisi quæ liberat à mortali culpa*, quia excommunicatio est effectus culpæ eius generis, cui ex voluntate Ecclesiæ coheret, quæ ergo ignorantia ab hac operantem non eximet, nec eundem ab eius effectu liberum reddet,

A Dico tertio, Ignorantiam concomitantem  
tam facti, quam qualitatis, ob quam imponitur  
pœna, si sit antecedens, excusare à censuris, ita  
Suar. sect. 8. disp. 4. num. 8. Vasquez tomo 1. in  
1. 2. q. 76. art. 3. disp. 126. num. 4. & sequentibus  
Henriq. lib. 11. de matrim. cap. 10. Sanchez lib.  
9. de matrim. disp. 32. num. 31. quia pœnæ præ-  
sertim censurarum, feruntur in peccata vè-  
ra, eorumque qualitates, ergo si propter  
ignorantiam excuseris vel à peccato, vel eius  
qualitate, reus non es pœnæ, at qui quidpià  
cū concomitante ignorantia efficit, etsi pec-  
cet ob prauum affectû quē habet, circa illud

obiectum, actus tamen externus, eius culpa vacat, quia nec de se malus est, vt patet, nec à mala voluntate imperatur. Sit hoc exemplum, in prætereuntem hominem displodit quis bombardam, putans inuincibiliter eum esse feram, idem facturum si hostis suus, illac iter haberet, talis peccat quidem, ob hanc voluntatem, non tamen displodendo bombardam, eaque displotione hominem interimens, quia vt sic non est ea actio voluntaria, cum destituta sit noticia, ad id necessaria, quare si quis cum ignorantia inuincibili qualitatæ personæ, Clericum percutiat, quem Laicum existimat, sic affectus, vt eum nihilominus percuteret, si talem esse nòsset, non incurrit excommunicationem. Quia licet hic, & istiusmodi alii, qui ignorantia concomitante laborant, quæ sit antecedens, interno affectu peccent, opus tamen externum ab illo, saltem efficaciter non promanat, at ex dictis antea, Ecclesia excommunicatione, vel irregularitate plectit actus

**D** externos efficaces, in hoc vel illo genere peccati: à praua eiusdem generis voluntate manantes: Non euaderet tamen excommunicationem qui putans se hominem Clericum cedere, verberaret Paulum, item Clericum, quia error tantum hic est in persona, non in re prohibita, eiusque qualitate, nam Clerici percussio, est voluntaria, inuoluntaria autem in eo, quod sit eius hominis læsio, non alterius quàm animo suo efformat, quanquam si quis lapidem proiciat, quo Petrum Clericum illac transeuntem percutiat, eoque interim non hunc, sed alium casu tran-

**E** seuntem, & inuincibiliter improuisum percutiat, censura non innodabitur. Ratio diuersitatis horum casuum est, quod in priori, affectus & opus externum, sint omnino mala & efficacia, & Ecclesiæ lege sub excommunicatione prohibita: in posteriori vero solus sit affectus, cui si opus externum additur, non aliud sane quam inefficax, quæ duo præcise punire non intendit Ecclesiæ, & sic licet existimes eum quem percutis esse Clericum, si tamen vere non sit talis, non es ipso facto excommunicatus.

excommunicatus.

Quid est ergo, (inquies) quamobrem à Confessario ad superiorem reiciantur absolutionis causa, qui ex ignorantia incurrere in Clericos, si hæc censuram omnem discutit.

Respondendum id fieri non tam quia est necesse, quam quia sedandis scrupulis Confessarii est utile, qui in re conscientie tuta omnia sequi, non tam suâ, quam pœnitent-

tis causâ debet, ne se, & illum in laqueum inducat, peccandique periculum, patet ex dictis multo minus excusari ab excommunicatione lata, aut ferenda, qui cum affectata ignorantia præceptum violant, quo aliquid sub excommunicatione fieri veratur, quia ignorantia quæ est affectata, est directè volita, & malitiam seu dolum formalem in se includit Laym. supra.





# DE BULLA COENÆ EIVSQUE EXCOMMUNICATIONIBVS.



VNT hæc omnium grauis-  
simæ, non tamen tempore,  
ac antiquitate primæ, nam  
quantum meminisse licet,  
Martino V. non sunt prio-  
res, cuius, abrogato prius  
Ioanni XXIII & Benedi-

cto XIII. Pontificatu, creatio in annum in-  
cidit 1417. Nouemb. 11. qui dies quoniam  
S. Martino est sacer, ex Odono Columnen-  
si Martino V. appellari voluit. Equidem  
D. Thomas, cum cæteris Scholasticis, sex  
tantum casus enumerat, quos religiose Pon-  
tifici reſeruato, suo tempore fuisse narrat,  
eosque ab his quæ Bulla Cœnæ Presbyteris  
communiter esse vult intactos ac factos, nõ  
modicũ diuersos, quanquam vt quod res  
est eloquar, Dn. Thomas longe videtur esse  
cœnæ Bulla antiquior, eius enim meminisse  
videtur Clemens V. qui Benedicto Bonifa-  
cio VIII. ſuccellori, & Archiepiscopo Bur-  
degalenſi ſubrogatus eſt ac ſubleſtus, anno  
1309. cum ait *lib. 2. de iudici. cap. 1. à Bonifac.*  
VIII. conſtitutum, vt citationes de perſonis  
fierent, etiam extra dies ſolemnes, in quibus  
*Romani Pontifex, proceſſus facere conſue-  
runt generari, vbi Gloſſa intelligit dies ec-  
cæſiæ Dominicæ, Aſcenſionis, & dedicationis  
baſilicarum SS. Petri & Pauli. Vt vt ſi ſane  
conſtat, bullam de qua hic nos in præſenti,  
renouari quotannis, Romæque legi, neque  
eſt tamen de eam genere quæ ſunt ab ho-  
mine, vt putat Sotus in 4. diſt. 22. qn. 2. art. 3.*  
Sed hæc, quæ eſt opino Nauar. cap. 17. nu.  
74. *Exclusionis deſecomm. cap. 16. Viualdi in  
explicatione Bullæ conſtitutum. 129.*

Cauſa eſt, quod ei uident non ſit ac Pon-  
tificis, à quo priuilegiũ lucem vidit, interius  
ac finis, quod cenſuræ, quod pœnæ, quas ſa-  
tis magno numero complectitur, vigere  
non deſinant, deſinente Pontifice in huma-  
nis eſſe, ſed vim ſuam retineant, donec pro-

A mulgata noua alia bulla, abrogentur & ceſ-  
ſent.

Notandum autem præſentes Bullæ caſus  
omnes, viginti comprehenſos numeris, ad  
aliquot capita, quæ quæſtiones totidem, ac  
articulos componunt reduci poſſe.

Primum ad fidem pertinet. Secundum  
ad Eccleſiam Romanam. Tertium ad Ec-  
cleſiam vniuerſe ſumptam. Quartum com-  
muniter ad libertatem Chriſtiani populi.

B

## QVÆSTIO PRIMA.

*Explicatur primum caput Bullæ cœnæ Domini.*

Hæc caput perſonarum genera vnde-  
cim continet; priori loco recententur  
hæretici, quos conſtat excommunicatione  
percuſſos eſſe 24. q. 4. canonibus Acharius &  
audacius ſibi enim dicitur, eum qui in hære-  
ſim ſemel damnatam labitur, eius ſedamna-  
tione inuolueri, & extra de hæreticis cap. ad a-  
bolendam, cap. excommunicamus, & de ſentent.  
excommunic. cap. nouerit, non erat hæc tamen  
vlli reſeruata, ante promulgatam cœnæ  
Bullam.

Eſt autem hæreticus, qui præter Eccleſiæ  
conſenſum, aliquam ſibi ſententiam, quam  
ſequatur, eligit, quare hæreticum oportet,  
partem proſtricti fidei, abnuere aliam, inter-  
gram oppugnare, ac negare, Apoſtatarum  
eſt, non hæretici.

Secundo debet ea negatio eſſe pertinax.  
Eſt in eo autem ſita pertinacia, quod ſe Ec-  
cleſiæ, eiusque iudicio ſic præferat, vt quam-  
libet pro comperto habeat, ſecus quam ſe,  
tam eam, quam viros doctriinã iuxta ac reli-  
gione nobiles ſentire, errores tamen dedif-  
cere ſuos, vt veritatem, id eſt, Eccleſiæ, ac  
illorum veriſſimum ſenſum hauriat, ani-  
mum inducere obſtinatus noli.

Patet

Patet hinc primo, pro hæreticis non habendos, ad quos, ab hæreticis utique natos parentibus, de fide ac religione Catholica, inter hæreticos fama nulla est allapsa, similiter nec qui alia, ex simplicitate quadam aut ignorantia sentiunt, quam Ecclesia, parati cum de eius sensu eruditi fuerint, suo repudiato, id est proprio, ac malo, Ecclesie publicum verumque sequi. Sunt item hæretici Augustin. teste lib. 18. de Civitate cap. 51. qui in Ecclesia Christi, morbidum prauumque quid sapiunt. si correcti ut sanum, rectumque sapiant, resistunt contumaciter, suaeque pestifera & mortifera dogmata emendare nolunt, sed defendere persistunt, hæretici sunt.

Pro talibus ergo habendi (modo ne sint tantum mentales) qui cum baptisati sint, Christique doctrinam professi, ab aliquo fidei articulo pertinaciter dissentiunt, vel de eo deliberata voluntate dubitant, aut contrariæ fidei, hoc est doctrinae, vel errori contra auctoritatem Ecclesie Catholicae secus docentis, assensum præbent.

Ad hanc autem pertinaciam, non est diuturnitas aliqua temporis aut mora necessaria, ut putat Byluester verbo *hæresis* primo nu. 5. sed voluntas sentiendi contra id quod credit Ecclesia Catholica; & si hæreticum non tam ex vno actu, quam ex pluribus, & ex habitu vocare nobis sit in more, quales describit August. lib. 18. de Civit. Dei cap. 51. qui in Ecclesia Christi morbidum aliquid prauumque sapiunt, si correpti, & sanum rectumque sapiant, resistunt contumaciter, suaeque pestifera & mortifera dogmata emendare nolunt, sed defendere persistunt, hæretici sunt, & foras exeuntes, habentur in exercentibus inimicis, refertur 24. q. 3. can. 31. qui in Ecclesia.

Qui autem inter hæreticos enutriti, cum ipsis ignorantia inuincibili, aut venialiter tantum culpabili, ac noxis sentiunt, non sunt hæretici, unde August. epist. 62. initio, & habetur 24. q. 3. can. dixit Apostolus, sed qui sententiam suam, (inquit) quamvis falsam atque perversam nulla pertinaci animositate defendunt, praesertim quam non audacia presumptionis suae pepererunt, sed à seductis atque in errorem lapsis parentibus acceperunt, quarunt autem eam sollicitudine veritatem, corrigi parati, cum innoverint, nequaquam sunt inter hæreticos deputandi. Hæc ibi quæ etiam à Castro citat. libro primo cap. 17. de iusta hæreticorum punitione.

Ex dictis fit planum, primo hæresim errorem esse in fide, Iuo Carnot. epist. 138.

Secundo bipertito eam diuidi, in mentalem & externam. Mentalis est in iudicio pertinaci, deliberato tamen, contra aliquid quod tanquam de fide, ab Ecclesia propo-

nitur. *Hæresis*, inquit Hieronymus in epist. ad Galat. cap. 1. Græce ab electione dicitur, quod scilicet eam sibi unusquisque disciplinam eligat, quam putat esse meliorem, quicunque igitur aliter scripturam intelligit, quam sensus Spiritus sancti flagitat, quo scripta est, licet de Ecclesia non recesserit, tamen hæreticus appellari potest.

Externa in apertum prodit, idque verbo, aut signo aliquo quod sensum feriat, eaque cum interna, ad incurrendam excommunicationem est necessaria.

Ita secundo patet, ab hæresi interna sola, aut externa seorsum item sumpta, sine priore, feriri censura neminem, censetur is tamen hæreticus externus, qui ita pertinaciter adhæret alicui opinioni, ut quidquid in oppositum ceseat Ecclesia: tamē illā doceat tanquam de fide, Fernandez in medulla par. 3. cap. 9. sect. 1. sicut enim fides cordis est ad iustitiam, cordis autem confessio ad salutem, ita hæresis error est ad impietatem, professio vero eiusdem erroris est ad perniciem, Iuo epist. 238.

Secundo excommunicantur Apostatae, id est qui à fide Catholica ad Indæos, Saracenos, aliosue infideles transeunt, & in quorundam opinione Magi, qui æque infideles sunt ac hæretici, ac etiam aliquanto peiores, si quod illis esse solemne aiunt, baptismum eiurant, dæmonem adorant: quia tamen hic non nominantur, & pœnæ sunt restringendæ, Magia non est reservata in hac bulla, nisi hæresim, vel apostasiam à fide habeat, Nauar. cap. 27. nu. 56.

Sunt autem hæreticorum, credentes ut est apud August. initio libri de Utilitate credendi, qui imaginatione quadam veritatis, ac pietatis illusi, hæreticis falsas ac novas opiniones vel gignentibus, vel sequentibus, credunt.

Breuitè, credentes hæreticorum sunt, qui implicitè credunt, quod hæretici explicitè, pertinaciter tamē, nempe quia credunt verum esse, quod hæreticus credit, etsi nesciant, quid iste credat in specie, Nauar. cap. 27. num. 55. vel ut ait Caiet. verbo excommunicatio cap. 45. qui deliberato consensu in hæresim potius, quam Ecclesie.

Cuiusmodi esse solerè personas idiotas ac rudes; scribit à Graff, loco citato cap. 1. aut etiam doctas, quæ hæreticis implicitè, & sine inquisitione assentiuntur, & his opponuntur simpliciter Christiani, qui credunt quod ab Ecclesia creditur, & hoc ipso fideles sunt & Catholici, sicut illi hæretici; quod etiam notauit à Castro lib. cit. cap. 17. ubi plura de credentibus hæreticorum.

Ita patet, eorum ut loquuntur credentes, dupliciter accipi.

Primo, pro iis, qui illos existimant Deo gratos, in eoque quem profitentur errore,



iter ad beatam immortalitatem ingredi, & hi non excommunicantur in bulla,

Secundo, pro iis qui peruerfis eorum dogmatis fidem habent, qui ea ab errore, eiusque suspitione remouent; iis credunt, non explicitè quidem huc, aut illi in particulari, sed implicite, credendo in confuso, quidquid haereticorum credunt, & hos bullæ terminis, pœnisque teneri docent, Sanch. to. 1. Decal. lib. 2. cap. 10. num. 1. Nauar. cap. 27. num. 55. Toletus in bulla coenæ excom. 1. num. 17.

Quia impliciti & expliciti, seu taciti & expressi vis eadem est ac virtus lege 32. ff. de legat. & lege qui ad certum, digest. locati, Laym. lib. 1. tract. 4. cap. 22. num. 7. sed qui explicitè cum pertinacia, vera esse credit quæ hæreticus asserit, hæreticus est & excommunicatus, ergo & qui fidem iis habet implicitam, & in confuso, credendo videlicet vera esse quæ ille credit & docet, Nauar. cap. 27. num. 55.

Ad receptatorem quod attinet, existimat Castro hoc nōmine etiam intelligi, qui vel semel hæreticum, etiam patrem domi suæ receperit vel occultauerit, quæ est etiam sententia Archidiaconi apud Syluest. verbo hæresis 1. num. 10. Versu receptatorem, & ius ciuile non videtur distinguere receptatorem à receptore, ut patet ex leg. congruit ff. de officio præsidis & leg. 1. ff. de receptoribus.

Suppono enim Ecclesiæ, ex qua legitima legum ipsius, est interpretatio petenda, mentē esse, quantum in se est, hæresim persequi, & exterminare, non solum verbis & edictis, sed etiam propriis certorum officialium, (quos fidei Inquisitores vocant) studiis, quorum industria cum receptatores hæreticorum obstant, paribus eos pœnis spiritualibus inuolui oportuit.

Itaque receptatores intelliguntur, ubi hæretici latebras quarunt, ubi Iudicum diligentiam, & Ecclesiæ in hæretica peste auertenda sollicitudinem eludunt, non autem ubi ea solutis bacchatur habenis, & impudenter frontem meretricis ostentat, hoc posito.

Dico tres requiri condiciones, ut quis in censuram hanc, isto præcise nomine incidat.

Prima est, vs hæreticus non semel recipiatur, sed sæpius, est contra Tolet. in summa in bulla casu 1. num. 21. Sanchez to. 1. Decal. lib. 2. cap. 10. num. 10. Fagund. lib. 1. Decal. cap. 12. num. 9.

Causa est, quod receptio frequentiam connotat, ut vox ipsa indicat, & in pœnis benignior est interpretatio facienda.

Secunda, ut cognoscatur esse hæreticus, nam ignorantia excusat, & quidem pro modo suo.

Tertia, ut recipiatur quatenus hæreticus,

A non ut amicus aut consanguineus sicut receptator latronis est, qui furtorum est eius particeps, consiliorum, autem eiusdem non est inscius: quoniam ut ait Caiet. Verbo absolutio cap. 1. termini formaliter ac propriè sunt capiendi, ac intelligendi à sapientibus ac peritis in qualibet facultate; cui assentitur Nauar. cap. 27. num. 55. Agraphis loco cit. Verbo receptatores num. 34. Vivaldus in explicatione bullæ num. 8.

Ratio primà est, quod Ecclesia non probet, hæresi à quoquam faueri ac eius affeclis, aut magistris, non fauet autem, qui eos recipit, ut amicos, aut consanguineos formaliter non autem ut hæreticos, quare verba Bullæ hos duntaxat comprehendunt, qui dant hæreticis receptaculum in fauorem sui criminis, ita ut mixtali receptaculo, perseuerent in suis delictis vel ministros iustitiæ inuadentes, eosdem effugiant, de Beia loco citato.

Secunda non stringit afficitque hæc bulla alios, quam peccati mortalis conscios utpote cuius duntaxat maior excommunicatio iusta est pœna can. nemo, can. nullus 12. q. 3. At quis culpæ cum lethalis arguat qui patri, qui

C amico, aut consanguineo latebras præbet, ne pereat? Caritatis est, prudentiæque, miseris opem ferre, ne infamiam subeant, aut notam, omni qua fas est homini virtute facere, quam ergo non est simile verò, arcessi culpæ posse, qui hæreticum hominem, domi suæ excipit, non ut eius errori patrocinium præbeat, hæresi faueat, eum in tuto, contra vim ponat, sed ut ei tanquam amico consulat, ut propinquo in dubiis suis afflictisque temporibus auxilium afferat. Maneat ergo, quod qui hæreticum recipit ut amicum,

D ut consanguineum, ut pauperem, ut peregrinum, ut hospitem, ut dominum, in hanc Bullæ censuram non incidere, quia amici, cognati, hospitis, subditi mens non est intentioque, recipere hæreticum, sed amicum Dominum peregrinum, quibus accidit hæresi infectos esse, quod multo magis de filio recipiente patrem, & uxore maritum dici debet, quia una persona quodammodo reputantur: & cognati affinesque, qui receperant latrones mitius quam alii puniri iubentur, leg. Ultima ff. de receptoribus. Vivaldus loco citato num. 9.

E quia cum natura culpam hanc leniat, ab iis tantas, tamque graues repeti pœnas, bene informata ratio prohibet, quantas alienigena, si legi vim faceret, corpore suo lucret; Equidem naturam exuere iura eius omnia relinquere, nisi inhumanus esse, ac audire quis velis, honeste non potest ac licite, deponit autem, quisquis patri, quisquis amico ac propinquo afflictis, humanitatis inter ho-

mines

mines officia solita denegat, ut cum facere est certum, qui patri hæretico, quæsito ad mortem, non ut tali præcise, sed ut pater est, latebras ac perfugium recusat ac abnuat. Sub ea ergo consideratione, opem ei quisquis laboranti adferet, excommunicationis labem, remque effugiet, saltem in foro interno, nam de externo res aliter habet, secundum Nau. lib. 5. concilior. concilio 14. tit. de hæreticis, Fagundez in 1. præcept. Decalogi lib. 1. cap. 12. n. 6. de hæreticis.

De quorum fautoribus cum Castrensi lib. 1. cap. 16. de iusta hæreticorum punitione, hæc habeo dicere.

Primo, eo censi nomine, quotquot gratia, fauore, opibus, aut alio quopiam modo, simili illis eo præcise nomine quo sunt hæretici fauent, ne à fori Ecclesiastici ministris comprehendendi, aut comprehensi plesti valeant, similiter qui iisdem opem in tuenda sua hæresi deferunt, hi eorum sunt, ac dicuntur, veri fautores, Sayrus to. 1. lib. 3. cap. 5. num. 6. Sanch. to. 1. Decal. lib. 2. cap. 10. num. 11. Syluest. Verbo hæresis num. 10. q. 7.

Secundo, faueri hæreticis opere, ac voce, voce quidem eos laudando, ut probos sanctos, innocentes, solum quia sunt hæretici, vel consilium dando, ut iudicis manus euadant eludantque; aut docendo qua via, & quo modo id assequi valeant 23. q. 4. can. est iniusta, fauent etiam hæreticis qui eorum hæresim defendunt, pro ea contendendo verbis, ac rationibus, quod qui facit, non solum est hæreseos in utroque foro fautor, reusque excommunicationis reservatque, sed etiam hæreticus, aut eo peior, ut habetur in can. qui aliorum 24. q. 2. & can. qui consentit 11. q. 3.

Fauet item doctrinæ hæreticæ, qui Hugonottos negat esse hæreticos, qui eos fideles, religionem autem reformatam veram esse ait: verba enim dicta seriò: accipienda sunt formaliter, at est Hugonottus ab Ecclesia damnatus ut hæreticus; in foro tamen interiori, loquētis spectandus est animus, nam si id amore personæ, & non hæresis asserit, peccat quidem grauiter, non tamen in excommunicationem incidit, in foro tamen exteriori plestetur ut fautor hæresis, Pontificiaque absolutione indigebit.

Ad personam quod attinet. Dicendum est eum qui hæretico cognito tali fauet, eum amicitiae causa mentiendi non esse hæreticū, aut intercedit apud iudicem, vel principem spe emendationis, ut eum morti eripiat, aut ei dat consilium, vel auxilium ad elabendum: dicendum inquā, eius esse in exteriori foro fautorem, etsi eius intercessione

Pars secunda.

Auxilio vel fauore mortem non euaserit, quia fauere, totum actum suum citra euentum habet, ob quem fauor præstabatur.

In foro autem conscientie, qui nullam fauendi hæresi intentionem habuit, in excommunicationem non incidit, similiter qui pro hæretico nondum cognito tali, patrociniū suscipit, neutro in foro censuram, nec poenā in bulla contentas incurrit cap. si aduersus de hæreticis.

Sequitur ex dictis primo, aliquem hæresis, ac hæreticorum fautorem, quantum ad excommunicationem incurrendam, duobus modis esse posse.

Primo commissione, omissione altero, seu quod idem est, positivè, & negativè.

Sequitur secundo, poenam hanc non incurri protectione hæreticorum qualibet, sed ea tantum, quæ est intuitu hæresis, eiusque tuendæ causa, Fagund. lib. 1. Decal. cap. 13.

Sequitur tertio, non excommunicari modo, qui hæretica pollutos labe tueretur ac protegit, sed etiam de hæresi suspectum esse, qui enim alios cum potest, aberrare non reuocat, seipsum errare demonstrat cap. qui alios 2. de hæreticis, & non caret scrupulo societatis occultæ, qui manifestis criminibus desinit obuiare 23. q. 3. can. qui potest 8.

Sequitur quarto, Aduocatos, Notarios, similesque id genus viros, qui foro dāt operam, in excommunicatis habendos esse, cum facere officium contra hæreticos renuunt, est enim hæc omissio eorundem tacita quædam defensio.

Sequitur quinto, in eorum societatem ac classem minimè cogendos videri, qui amore illecti, misericordia, aut spe lucri capti, hæreticorum causæ fauent, Sylu. Verbo hæresis 1. num. 10. q. 7. Sayrus to. 1. thesauri lib. 3. cap. 5. num. 7. Sanctarell. tract. de hæresi cap. 12. num. 17.

Causa est, quod legis verba in proprio suo veròque capi significatu debeant, at non proprietuetur hæresim, qui ea inquinatum alio fine, quam seruandæ, propagandæque hæresis suæ defendit ac propugnat: ergo.

Sexto, Tabelliones ex opposito Notariosque, qui hæreticorum patrociniū suscipiunt, instrumenta conficiunt, testium dicta hæresis intuitu, in illorum defensionem excipiunt peccare contra Bullam, ac in admissi à se criminis poenā, censuræ subiaci Sanch. to. 1. Decal. lib. 2. cap. 1. num. 18. Fagundez lib. 1. in Decal. cap. 13. num. 17. non item si operam suam nauent in re ciuili, aut eum à vi, inferenda ab hoste eripiunt, quia hoc est proximum eximere discrimini, hoc caritati erga illum studere, ac amoris, quod ut nulli potest esse in vizio, ita nec poenæ aut censuræ.

Pp

furæ iusta esse occasio: sunt ergo hæreticorum defensores in hac materia, Episcopi ac Prælati, cum eos eiicere, capere, aut punire possunt, non faciunt tamen, officiumque negligunt; Magistratus autem seculares, cum sibi traditos ab Ecclesia non puniunt, ut patet ex cap. *ad abolendam*, parag. *statuimus de hæreticis*, & cap. *excommunicamus* parag. *monentur ibidem*, ubi grauib. pœnis subiiciuntur, Caiet. Verbo *excommunicatio* cap. 2. tales autem esse fautores patet, ex can. *qui potest*. 23. q. 3. & apud Deum sunt rei malorum, quæ ab hæreticis fiunt quibus fauent insuper ministri Iustitiæ, ut loquuntur qui eorum inquisitioni deputati, muneri suo notabiliter defunt. priuata veto personæ cum testimonium legitimè requisitum non proferant; ut autem agnitos denuntient, sub pœna censuræ huius Bullæ non tenentur, sed tantum sub peccato mortali, ut aiunt Agraphiis cap. 18. num. 24. lib. 4. Nauar. lib. 5. concilior. *de hæreticis concilio* 3 qui viribus potentiaque pro hæresi pugnant, obsistuntque quantum licet ne magistratus Ecclesiasticus, vel politicus, iustis in hæreticos pœnis, cuiusmodi homines grauius præcedentibus peccant, inciduntque in foro exteriori, in Bullam Cœnæ, non autem in interiori, si personam alio iusto titulo defendunt, non sunt tamen ab omni culpa vacui, quod taciti silentesque, patiantur hæresim bacchari in Ecclesiam, non sine certo animarum periculo.

Quod ad libros de hæresi attinet, sciendum est, eos prohibitos esse vel præcise vi indicis librorum quos Papa esse vult interdictos, vel vi Bullæ cœnæ; & omnium quidem vsum sub pœna excommunicationis esse veritum, hoc tamen discrimine, quod excommunicatio quam iudex inuehit, seu potius Pauli IV. constitutio anno 1564. edita, & Clementis VIII. anno 1595. non sit reseruata, ut ex istis Bullis patet; & affirmat Agraphiis lib. 4. cap. 18. num. 42. & 43. sit autem inflicta per Bullam, quam cœnæ nominamus. Hoc posito.

Dico primò, *In excommunicationem Bulla Cœnæ incidere, qui hæreticorum libros, hæresim continentes, vel de religione tractantes, legunt, retinent, imprimunt, defendunt*. Assertio probatione non indiget, sed declaratione: itaque censuræ huius obiectum, duo sunt librorum genera, actio circa ea quadruplex.

*Hæreticorum libros dixi*, id est qui non solum sunt, sed etiam publicè cognoscuntur hæretici, eo quod eorum nomina in prima sint classe indicis, vel quod ab ordinariis, & inquisitoribus declarati sint tales; ut patet ex præfatione prædicti indicis; fortasse enim priuata alicuius hæretici cognitio, me ad vi-

A tandum eius librum non obligat, quemadmodum non teneor ipsimet autorem vitare nisi sit denuntiatus, nec satis est, cum de hæresi suspectum esse, quod notauit Agraphiis loco cit. num. 43. sed est opus talem, à Catholicis haberi passim, quod Erasmo non conuenit, multo ergo minus erunt prohibiti Catholicorum libri, licet hæresim contineant, siue propriam, siue alienam, dummodo eam tantum refutandam adducant, sentit Nauar. cap. 27. num. 56.

B Dixi *hæresim continentes*, quia libri hæreticorum qui hæresi carent, ut psalmi Bucanani; hebdomada prima du Bartas, hoc nomine non prohibentur.

C Agraphiis loco cit. num. 42. addit, ut hæresim ex professo contineant, alioquin ad Bullam cœnæ non pertinent, licet intermiscantur in eis pleraque fidei non congruentia, ut in aliis eiusdem Bartasii libris, in thesauro Græco Henrici Stephani, emendatione temporum Scaligeri, commentariis linguæ Latinæ Doleri, Rhami operibus humanioribus, Apophthegmatis Lycosthenis, Betulei, & Vuolfi commentariis, &c.

Multo autem minus Respublica aut Dæmonomania Bodini, Lauræti Vallæ, Donatio Constantini, Ludouici Viuis opera, Peregrinus & Philopatus Luciani, & cæteri, quorum authores non sunt hæretici, quos tamen omnes sine facultate legere non licet, donec expurgentur, sub pœna excommunicationis non reseruatur.

D Dixi *de religione tractantes*, idque ex instituto, quia qui liber obiter, & ex occasione, aliqua habet ad religionem pertinentia, non statim de religione tractare dici debet, sed qui versatur, V. G. circa scripturas sacras, aut vertendas, aut exponendas, tractatus omnes de fidei dogmatibus, aut Ecclesiæ potestate, non autem qui argumentum à scriptura sumptum explicat, & quo modo ab Homero, aut à prophano authore sumeretur, sine hæresi tamen, pro arbitrio tractat, ut Iudith & hebdomada Bartasii, aut qui vitas vitiaque Pontificum Romanorum, seu vera, seu falsa, etiam cum præiudicio religionis explicat. Ita patet ut prædicta incurtatur excommunicatio conditiones quatuor exigi, primo ut libri sint hæreticorum.

E Secundo, ut hæresim contineant, aut de religione tractent.

Tertio, ut scienter legantur, retineantur, imprimantur, defendantur.

Quarto, ut id sine debita licentia fiat.

Quare qui libros penes se infidelium habent, licet hæresi plenos, ab hac sunt tamen pœna immunes ac liberi, quia vere non sunt hæretici, ergo qui iis vtitur, qui hos in manus

nus



aus capit vt legat, in legem non peccat, quia venon sunt ciuimodi homines hæresis infecti tabe, ita nec sunt eorum libri, propriè loquendo, hæretici, nec proinde qui eos oculis ac manibus terunt, excommunicati, Vgolinus *de casib. Papæ reservatis* 2. parte cap. 1. Verbo de eorum libris parag. 1. Fagundez in primum præceptum decalogi cap. 4. num. 5.

Dixi qui imprimunt, qua voce continentur non solum omnes qui typographica arti dant operam ad talem librum licentet excudendum, sed etiam qui eius exemplaria euulganda describunt, istorum enim eadem est ratio ac aliorum,

Adieci qui defendunt, quia defenderelibrum hæreticum, nihil videtur esse aliud, quam defendere hæresim, nisi cum exceptione hæreteos defendatur, aut laudetur, quod videtur esse aliud quam defendere, sed in foro conscientie attendendus erit animus.

Dico secundò, qui alicuius authoris scripta propter hæresim, vel falsi dogmatis suspicionem damnata legerit, habueritue, ipso iure, in excommunicationis penam incidit, eamque ob causam, in eum tanquam de hæresi suspectum, inquiri & procedi potest, ita Pius quartus in Bulla, Dominici gregis, & Clemens VIII. in Bulla, sacrosanctum.

Dicitur cuiusvis authoris, id est non hæretici cogniti: tales enim pertinent ad Bullam cœnæ, sed suspecti de hæresi, Ethnici, Mahometani, Iudæi, vnde Erasmi colloquia, Luciani Peregrinus, Thalmud Rabinorum, Alcoranus Sarracenorum prohibentur.

Dicitur scripta, ad comprehendendum etiam breuia scholia, annotationes, præfationes, epistolas, apologias, indices, poemata, & cætera hæretica, vel suspecta de hæresi, quorum lectio, vel detentio, excommunicationem inuehit.

Dico tertio, Qui alios libros alia de causa prohibitos legerit, habueritue præter peccatum mortale, Episcoporum arbitrio seuerè puniendus est: ita prædicti Pontifices ibidem; hi sunt qui ad infidelitatē viam muniunt, & bonos mores corrumpunt, in quibus sunt in primis Magici omnes libri, de quibus est regula 9, Indicis; & obscœni, de quibus regula 7. si ex professo lasciuia tractent, idque quacumque lingua, exceptis antiquis, qui tamen pueris prælegi non possunt, neque forte vulgari lingua haberi, cum propter linguæ maternæ elegantiam tantum permittantur.

Dubium autem esse potest, an prognostici isti libelli, quos vulgus *Almanach* vocat, prohibiti censeantur.

Dico non videri, quia quæ dubitationem in Bulla cœnæ & Clem. VIII. afferre po-

terant; ex Bulla Pauli V. sublata sunt, & quia cum prædicunt ea quæ ex humana voluntate pendent, non certò euentura affirmare audent, nec pro talibus etiam accipiuntur, sed vt probabilitatum, cum astris, Deum sapientesque dominari profiteantur, & experientia doceat, quæcumque huiusmodi affirmant, ferè semper mendaciter affirmari.

Dices, quid de Bibliis lingua vulgari approbatis, quid de libris controuersarum etiam vulgariis est tenendum?

Respondeo ex regula 4. & 6. Indicis, non posse legi, sine licentia Episcopi, vel & Inquisitoris, scripto habita, qui eam dabunt, Confessario aut Parocho testificante, talem lectionem legenti non nocituram, quod etiã in Scholasticis locū habere videtur: Regulares autem à Prælatis licentiam habent, vt dicit regula 4. pœna autem est peccatum mortiferum, vt habet regula 10. in fine.

Respondeo secundo, videri mihi, saluo meliore iudicio, hanc lectionem interdictam tantum ineruditis, & qui Latina non satis intelligunt, quia iis Ecclesia consulit qui periclitantur, & iis tantum licentia erit necessaria.

Reliqui sunt in hoc articulo Schismatici, qui ab Ecclesiæ vnitatem se segregant, vel qui in Schismate nati, educatique, eis consentiunt & scienter adherent, & tales videntur hæreticorum credentibus respondere.

Equidē sæpe Schismatici incidunt in hæresim, vt si quis aliquid credere vellet cum Ecclesia Germanica, quod à Romana damnaretur, qui autem in temporalibus, aut propter temporalia Papæ obedire respueret, non esset Schismaticus, vt docet Agraphiis nu. 33. & innuit Nauar. cap. 27. num. 57.

#### Explicatio capitis secundi & sequentium Bulla Cœnæ.

Ad hoc caput octo casus, tredecim numeris comprehensi pertinent, qui bipertito distinguuntur, in eos nempe, qui res spirituales, & temporales spectant.

Primus ad eos spectat qui à sede Apostolica appellant ad futurum generale Concilium, eosque quorum auxilio, vel fauore appellatum erit, sicut Rebuffus ait appellasse vniuersitatem Parisiensem, cum Franciscus primus literas Leonis I. approbandas proposuit, ideoque incidunt in interdictum latæ sententiæ huius bullæ: Nauarrus tamen hac censura eum teneri negat, qui consuluat appellationem, effectum non secuto, cap. 27. manual. n. 110.



Iusta porro est hæc pœna, cum huiusmodi appellatio, & iniusta sit & periculosa: iniusta quidem, non secus ac filii, à patris sententia, ad reliquam familiam appellantis; Inepta, autem, qualis est eius, qui malit ouium Iudicium, quam Pastoris sequi; Periculosa, cum eiusmodi appellatione Schismati aperiatur ianua. Equidem est appellatio à minori ad maiorem prouocatio. At Papam esse supra Concilium fuisse & eruditè docet Bell. lib. 2. de Conciliis à cap. 13 ad finem libri.

Casus secundus, habetur num. 3. in quo excommunicantur piratæ maris Mediterranei præsertim, qui loca sedi Apostolicæ subiecta, obnoxiaque, aut his vicina, latrociniis infesta habent

Vbi nota primo, in bulla Greg. XIII. quam exponit Nau. excommunicari piratas omnes & præcipuè istos; in bulla autem Clementis VIII. anni 1595. & Pauli V. anni 1606. piratas Oceani non includi.

Ad hanc ergo censuram subeundam, requiritur primò vt hi ceterique prædones, de quibus est hic sermo prædas agant non in flumine, sed mari, eoque Christianorum, nec quorumlibet, sed quod Italiz imminet, estque in Papæ dominio, aut Principis alterius, cuius ex ditione, facilis sit ad proximum, quod Papæ subest, eiusque potestati, transitus,

Causa est, quod id Bulla exigat, vt hæc verba indicant. *Pirata discurrentes mare nostrum à monte Argentario, vsque ad Terracina.*

Secundo, exigitur vt qui mare nautant, perque illud patentibus ac apertis vagantur velis, sint pirata, in eoque deprædentur. Ita D textus.

Sunt autem piratæ qui quasi ex officio piraticam exercent, & quidem si solum discurrent prædæ intenti, vt patet ex verbis Bullæ, multo autem magis si interficiant, si mutilent, si spolient, si seruituti subiiciant, quemadmodum erat in prædicta Bulla Gregorii, vt etiam aduertit Agraphius, licet aliter Viuald. putet, sine ratione tamen; cum Pontifex discurrentes tantum posuerit; sicque mare infestum deprædationibus red-dentes, qui finis est, ad quem tollendum, lex ista fertur.

Infertur hinc primo, eos qui vela in mari facientes datâ occasione piraticam exercent, hoc est piratarum instar se gerunt, vt milites ad bellum profecti, mercatores ad negotiandum, inimici ad vlciscendas iniurias, in hanc bullam non committere, licet præter peccatum mortiferum, ad restitutionem te-neantur.

Item putat Agraphius de piratis, qui in

A alios sibi similes impetum faciunt, eorumque bona auerunt, quod paria delicta compensatione tollantur mutua, sed puto cum falli, quia qui spoliant, piratæ sunt, & ex accidenti est, quod qui spoliantur, eandem artem fastitent, quid? quod non suis bonis, sed alienis priuentur?

Ad rem autem non videtur facere Graphii ratio ex citato petita axiomate: nam ad eos duntaxat pertinet, qui cum sunt sibi mutuo obligati, eque suo vtrunque officio defunt, vt coniuges, quorum si vterque fidem fallat, neuter ius habet alteri debitum, negandi.

B Non videntur autem remiges Christiani qui Turcarum sunt mancipia, in hanc censuram incurrere, quando mortis metu, scienter sub dominis suis piratis remigant, quia huiusmodi necessitati parcat Ecclesia, quia tamen cooperantur sceleri, & reuera piratæ sunt & ipsi, mortis metus aut verberum non facit quominus mortiferè peccent, vt dolenter fatetur Nauar. cap. 27. n. 63. in fine, & Agraphius in hunc locum.

C Tertius habetur num. 6. contra literarum Apostolicarum falsarios, de qua re Nauar. num. 62. Illud tantum moneo, hac bulla eos includi, qui supplicationes à bulla signatas, siue gratiæ, siue iustitiæ fuerint, falsificant.

Ad incurrendam autem hanc censuram tria exiguntur, primum veritatis mutatio, alterum dolus, postremum tertii præiudicium, quare falsarii quoad hunc textum dicuntur, qui dolo veritatem in literis Apostolicis immutarunt, in præiudicium tertii, quorum si vnum deficit, non dicitur falsum, vt incurratur in pœnas civiles vel canonicas, Graphius lib. 4. de cisionum cap. 18. Rebuff. in praxi benefic. verbo anathematizamus falsarios.

Quartus est in num. 8. contra eos quiannonam ceteraque, quæ ad victum sunt necessaria, ne Romam deuehantur impediunt, idque animo lædendæ Romanæ Curie, aut caritatis in urbem inuehendæ, nam qui mercium exportationem prohibent metu propriæ necessitatis, aut ad vitandam communicationem cum peste infestis, hanc pœnam non incurrunt, licet inde caritas, aut famines urbem vexet.

E Quintus habetur n. 9. & 10. in eos qui vi dolo aut quouis alio modo eos vexant, qui ad urbem deuotionis causâ veniunt, & quandiu in ea manent, vel ab ipsa recedunt, sed in 9. includitur ea, quæ est 11. apud Nauar. num. 66. de usurpantibus sibi iurisdictionem in Romana Curia contra externos, in 10. vero extenditur excommunicatio in eos, qui auxilium, consilium vel fauorem dederint ad peregrinos

peregrinos diuexandos.

Sextus continetur in n. 12. 13. & 14. & fertur in eos qui ledi Apostolicæ, & Romanæ Curie circa lites causatque præiudicant, nam 12. *excommunicantur*, qui per se vel alios, damnum iis inferunt, qui ibi litigant, & quidem talium occasione causarum, nec aliter, qui autem eos iniuriis afficeret propter huiusmodi lites, vel libellis famosis traduceret, licet grauiter peccaret, in hanc tamen censuram non incideret, ut notat Viualdus in eundem *numer.* 13. *excommunicantur* qui prætexentes grauari se à Romana Curia, ad Laicam potestatem appellant.

Numerus autem 14. eodem refertur, in quo omnes Canonistæ aut tacent, aut sudant in excusandis principibus, quorum autoritate de causis Clericorum, aut beneficiis, priuilegiorum prætextu, iudices in foro agere sunt soliti, quibus etiam per viam contractus datis ac habitis, derogatur per hanc Bullam, ut indicant hæ voces. *Non obstantibus priuilegiis.*

Verum dicat aliquis, cum hæc res sit ordinaria in omnibus Regnis & Monarchiis, nec tamen principes eiusmodi, vel eorum officiales à Papa tractentur, aut habeantur pro excommunicatis, videtur ipse in particulari excusare, quos in genere condemnat.

Sed responderi ex altera parte potest, hoc non satis esse, ne incidant in Bullam, neque ut absoluantur ubi inciderint, ut patet ex dictis *disp.* 1. *qu.* 2. *art.* 1. nec dissimulatio Pontificum satis ostendit eos illorum regnorum morem probare, quem quotannis iterata prohibitione damnât, præsertim cum remedium adhibere non possit; Ego rem sapientioribus definiendam relinquo, Nauarrus certe *lib.* 1. *Concil. concilio* 1. *q.* 5. & 6. ait cum communi doctrina legem non receptam non ligare, nulla enim alia ex causa ipsæ leges nos tenent, quam quod iudicio populi receptæ sint, ut habetur *l. de quib. ff. de legib.* At ista lex quatenus beneficia spectat, cum nunquam in Gallia vel recepta, vel seruata sit, non videtur obligare, nisi quatenus non derogatis, quæ Leonem inter & Franciscum concordata sunt, ut scilicet Rex habeat nominationem eorum, quibus debeant à Pontificibus beneficia conferri, & ut causæ apud proximos iudices tractentur, nec ad summum Pontificem immediatè deuoluantur, nisi maiores & in iure nominatæ, de quibus, vide causam 3. *q.* 6. *nota.*

Septimus habetur *num.* 10. in occupantes bona immobilia Ecclesiæ Romanæ, nam de mobilibus aliud erat caput, quod à Sixto V. sublatum est, nec à Clemente VIII. aut Paulo V. repositum.

A

*Explicatio capitis tertij Bullæ Cane qua parte de immunitate agitur Ecclesiæ.*

**H**Ve pertinent numerus 11. 14. ex parte 15. 16. 17. 18. & 19. quibus vel primaria Ecclesiæ membra, vel Ecclesiastica iurisdicatio, vel immunitas à Laicæ potestatis violentia defenditur, nam *num.* 11. Prælati Ecclesiastici tam Cardinales, qui pertinent ad sedem Apostolicam, quam qui non pertinent, armis excommunicationis proteguntur, quæ pro Cardinalibus seuerissime habetur in *cap. felix de penis* in 6. quas penas ait Nauar. *num.* 67. extendi ad eos qui hic numerantur *num.* 14. & quatuor sequentibus, quos omnes ob materię affinitatem, vnica excommunicationis sententia videtur colligasse Põtifex, statuit enim ne causæ beneficiales à suis iudicibus Ecclesiasticis, ad Laica tribunalia deducantur, qua de re vide constitutionem Martini V. cuius initium est *ad reprimendas.*

C

*Num.* 15. proteguntur personæ Ecclesiasticæ, & percelluntur censurâ, qui eos immunitate sua, & priuilegio Ecclesiastici fori gaudere non sinunt, præsertim qui statuta contra huiusmodi immunitatem condunt, aut iis vtuntur, quod iteratur in fine bullæ, ibi *ac quoad eos, &c.* Vide Rebuffum in *rubrica de proiectione concordatorum, & Bell. lib.* 1. *de Clericis cap.* 28 & *supradicta q.* 20. *art.* 3. & alios, qui doceant priuilegium fori Clericorum, esse de iure diuino, Papam tamen aliquando, ex causa posse aliquas Clericorum causas secularibus iudicibus committere, ut patet ex *can. Mennam* 2. *q.* 5.

D

*Num.* 19. eadem immunitas defenditur in causis criminalibus, cum Clerici sunt criminum rei, in quos nisi cum degradati, brachio seculari traduntur, nullâ Laici exercere potestatem possunt, nec sufficit prætextus quod ab Ecclesiastica potestate, non puniantur crimina, istorum enim culpa, non dat eis iurisdictionem, de Clericis tamen Assassinis, vide aliquid speciale apud Fælicianum, *tract. de degradatione cap.* 14. in fine, *num.* autem satis tuti sint ab hac censura iudices Laici, si in publicis consiliis sedeant, cum aliquibus iudicibus Ecclesiasticis, sententiamque contra Clericos ferant, non definitio, quia priuilegium à sede Apostolica ad eam rem forte habent.

E

*Num.* 16. iurisdicatio Ecclesiastica propugnatur, & excommunicantur, qui iudicium Ecclesiasticorum sententias eludentes, ad Curias seculares recurrunt.

*Num.* 17. redditus Ecclesiastici à rapina &

Pp iij

Rursus hæc occulta, diuiduntur in duo, A quædam enim sunt omninò talia, alia penè tantùm. Ista sic appellant, non quod à nẽmine sciuntur, sed quod legitime in iudicio probari nequeant. Ista id est penè occulta, quoniam pauci sunt testes, nec ad forum sunt contentiosum adhuc deducta. His ergo sic præsuppositis.

Dico primò, *Qui crimen hæresis ex se, & natura sua occultum admisit, Bullæ excommunicationem non incurrit.* Ita Diu. Thom. 2. 2. q. 104. art. 5. his verbis: *In his quæ pertinent ad interiorem motum voluntatis, homo homini obedire non tenetur, sed solum Deo.* Hinc Seneca de beneficiis lib. 3. cap. 20. *Errat si quis existimat, seruitutem in totum hominem descendere, paruim melior excepta est, corpora enim obnoxia sunt, & adscripta dominis, mens vero est sui iuris.*

Equidem (quæ est Diu. Thomæ argumentatio 1. 2. q. 91. art. 4. De his statui, tan- cirque lex potest, de quibus iudicium fieri, at esse de internis animi motibus, prudens tale nullum potest, sed de his duntaxat, quæ usurpantur sensibus, vno aut pluribus.

Obiicies, *Clementina 5. parag. Verum de hæreticis excommunicatione inquisitor percellitur, qui odio, aut spe lucri innocentem punnit, aut hæreticum è iudicio abire liberum, amore finit aut fauore.* At odium, spes & amor, inclusa latent animo, nec videntur.

Respondendum, ibi non ob solum odium, eique amorem oppositum pleæti, qui disceptandis de fide controuertiis sunt præpositi, sed multo maximè, propter ea quæ inde nascuntur, oculisque patent aut auribus, peccata scilicet fœda ac grauia, qualia sunt, iniqua vexatio, criminis non admissi impositio.

Obiicies secundo, *extra cap. dolentes de celebrat. Missarum, qui in sacri est celebratione officii negligens suspenditur, aures autem ad diuina intentas non porrigere, negligenter ac otiose diuinis operam dare, res sunt eiusmodi, quæ soli Deo sunt notæ, non homini, interna ergo puniri opera excommunicatione possunt, aut censura alia.*

Respondend. primo, pœnam de qua ibi fit mentio ferendæ esse sententiæ, non laræ.

Secundo, sermonem ibi esse de culpis quæ in lucem prodeunt, per externa opera. Sic enim canon, *Si quando cum hæc celebrantur, inter sint chori silentium fugientes, intendunt exterius colloquutionibus Laicorum, &c.*

Dico secundò, *Censuræ contra hæreticos promulgata, hoc ipso subesse reum, quo in ea proumpit opera: quæ sunt excommunicationis pœna se-*

*riri solita, etiam si sint occulta per accidens.*

Causa est, quod sint mala, ac censuræ obiectiua causa, eique proportionata, sit autem omnino per accidens, quod visa, audita, vel percepta à quoquam non fuerint, quæ ergo hæresis ad istud genus rerum pertinet, Pontifici subest, pœnisque latis in hæreticos, ab eoque absolui debet, non ab alio. Ita Sotus lib. 1. de instit. q. 6. art. 6. conclus. 4. Candidus de Apostasia disquisit. 12. art. 1. dubitat. 6. Nauar. in summa cap. 27. num. 56. quia sufficit natura sua esse probabile, licet contingat probari non posse, ad hoc, ut includatur sub potestate humana, & pœnis eius, hæc Nauar. ib.

Dico tertio, *Ab hæretico mentali, excommunicationem non incurri, nisi verba, aut signa quibus errorem suum in apertum profert, proditque hic foras, sint de se, ac ex instituto hominum declaranda menti suæ, errorique idonea,* Bannez 2. 2. qu. 11. art. 4. dub. 2. argum. 3. contra conclus. 3. Sanch. lib. 2. oper. moral. cap. 8. n. 8. Candid. supra conclus. 2.

Probat, Ecclesiæ de statu hominis, quem pœna ob culpam suam afficit, constare certo debet, ne innocentem male mulctet, certa hæc autem ei esse nequit, si verborum quibus mentem suam explicat, potestas est ab explicatione hæresis aliena, aut ei conueniens non satis, aptaque. Vera est ergo assertio.

Dubium secundum, *De occulta hæresi, absolvere cui permissum?*

Dico primò, *Reconciliandi hæretici, qui duntaxat est mentalis, ius esse sacerdoti approbato cuiuslibet.*

Causa est in promptu, nullique dubia, quod non sit ea culpa, de earum numero, quas fori sui iurisque Pontifex esse voluit, nec enim alias de classe communis serieque nozarum subtrahit, à se remittendas, quam quæ sunt externæ.

Dico secundò, *De hæresi quæ est occulta tantum per accidens, quia nempe, cum conceptam animo, verbis hæreticis enunciat aut scripto; testis ei nullus interest, qui prædictæ opinionis quæ improbe antecepta menti habet contra Ecclesiæ doctrinā, eamque euulgat verbo aut scripto, sit conscius.* Sententiā hanc E tuentur è Theologis Doctores non pauci, Nauar. cap. 27. summa num. 260. lib. consilior. consilij de privileg. Bann. 2. 2. q. 11. art. 4. dub. 2. post secundam conclus. Viuald. in candelabro sacram. par. 1. tract. de absolut. num. 13. Portelius verbo Episcopus num. 12. alij apud Sanch. lib. 2. summa cap. 11. num. 27.

Ratio est, quod lex specialis, tolli per generalem illa posteriore tempore non soleat, nisi ei expresse sit contraria, ut scribit, probatque Nauar. loco citato proximè, sed



lex quorannis in Bulla cœnæ renouari solita, de vitanda Episcopis, ac cuiusquemodi Presbyteris ad confessiones expositis, absolutione casuum, quos sibi reſeruos eſſe Papa voluit, eo quod facultates ad id omnes eiſdem per Concil. olim conſeſſas, per Bullâ cœnæ reuocet, non eſt expreſſe contraria Concilio, quia hæc vt docet Nauar. loco prænominato, de caſibus occultis complices habentibus loquitur, non verò concilium. Deinde dici quid vetat, voluntate Pontificis eas duntaxat reuocari facultates per bullam cœnæ, quibus caſus condonare publicos, Episcopis ſas erat, de quibus loqui Concilio propositum nunquam cum fuerit, ſed de occultis tantum, lex poſtrema Pontificum, promulgari cum bulla cœnæ quorannis ſolita, non eſt Tridentinæ facultati, conſeſſiſque Episcopo in ea Synodo priuilegiis oppoſita, nedum eorum reuocatiua, quare iſti modo, non ſecus ac antea, in vim eorum, de caſibus bullæ cœnæ, dummodo occultis, abſoluere ſas erit, quia lex poſterior (inquit Candidus to. 1. diſquiſit. 3. de abſolut. art. 35.) generaliter & indiſtincte loquens limitari poteſt per ſpecialem antiquiorem, ſi expreſſis verbis non contradicat, quamuis in lege ſit clauſula non obſtante lege contraria, ſic enim lex ſed & poſteriores digeſt. de legibus, concepta his verbis. Poſteriores leges ad priores pertinent, niſi contrariæ ſint.

Confirm. Concilii Oecumenici decretis ac legibus, poſtérieure aliqua derogari non ſolet, niſi earum ſpecialis ac expreſſa fiat mentio his verbis: non obſtante lege, aut conſtitutione Concilij, vt colligitur, ex cap. ex parte de Capellis Monachorum, ibi enim Honorius Papa III. ait in Prioratibus Monachorum non poſſe ſingulos Monachos commorari, etiam ſi ſuper hoc habeant reſcriptum Apoſtolicum, niſi in illo fiat mentio de Lateran. Concil. Cum autem, inquit, id obuiet Lateran. Concil. de quo nulla mentio eſt in literis dictis, fraternitati tuæ reſpondemus, quod huiſmodi literas ab Apoſtolica ſede non creamus emanſſe. Honorio aſtipulantur Henriq. lib. de Indulg. 7. cap. 26. num. 16. Sanchez & Viualdus locis ante memoratis.

Pugnant tamen contra idem Sanchez lib. 2. c. 11. Suar. to. de pen. diſp. 3. ſect. 2. n. 11. Candidus diſquiſit. de abſolut. 3. art. 35. dubit. unica Penna in directorio Inquiſitor. 3. par. q. 92. comment. 141. cauſas ita allerendi has habent.

Primam, quod ita declarauerint Pius V. & Gregor. XIII. quique Concilii diiudicandis controuerſiis præſunt in Congregatione Cardinalium Episcopi, doctrina iuxta ac virtute, conſpicui.

Secundam, quod curiæ praxis, ſtylusque in

A eo abſolutionis genere, verſari Episcopos non ſinat, quam & inanem, ſine vi eſſe ac robore decernit, hæc illi, quibus ſatis faciunt alii, dicendo,

Primo certò non conſtare ac authenticè id à Gregorio, ac Pio, dictum vnquam eſſe.

Secundo Congregationis iudicium, ſenſumque, magni quidem faciendum, utpote qui legis inſtar apud eruditos, pioſque habeat, de eo tamen certi nihil ſcriptis extare literis, & ita, cauſam ſibi iuſtam extare nullam, concedendi ad eorum partes, deſerta ſua.

B Dico tertio, Inquiſitoribus permiſſum quæque eſſe abſolvere de hæreſi. Ita Toletus lib. 4. ſumma cap. 4. num. 5. Henriq. lib. 6. de penit. cap. 7. num. 3.

Aſſertioni fides eſt à Clemente VII. quem id illis voluiſſe, eorumque Commiſſariis licitum, indicat eiſdem hæc de re conſtitutio cui initium. Cum ſicut Verſu vobis etiam, in ſuum à Penna translata directorium, in ſine.

C Dico quarto, Quod poſſunt Episcopi in ſuorum ſubditorum cauſa facere, idem quoque Regularibus Prelatis licere, in ſuorum commodum.

Rem indubitati iuris certamque reddit, in primis Pii quinti conſeſſio, in motu quodam proprio, cuius, ne lapſu temporis interiret, memoriam in commentariis à ſe de Regularium ſtatu editis extare Rodriguez voluit, tomo 1. q. 4. regular. q. 61. art. 9. ibi enim Pontifex, tantum in abſolutione hæreſis à ſubditis ſuis conceptæ, ad Dei gloriam, eos vult poſſe, quantum per Concil. Episcopis, in ſuorum ſubſidium eſt permiſſum ſeſſ. 24. cap. 6.

D Equidem Societatis noſtræ religioſis induliſit, pro cætera ſua benignitate Gregor. eius nominis XIII. vt ab hæreſi occulta per ſuos ſuperiores abſolui poſſint Compend. Societatis Ieſu verbo abſolutio par. 3. & 7.

Oſtauo autē 9. additur quod iuxta priuilegiū Minoritis conſeſſum, poſſunt eiſdem Societatis Generalis, & Prouincialis, ſuos ab hæreſi, vel apoſtaſia abſoluere, poenæque à iure his præſtitutas ſceleribus commutare, eas minuendo, augendo, dummodo non ſint hæc publica, notæque ſæculatibus.

E Dub. 3. An Episcopus extra Diœceſim poſitus ab hæreſi abſoluere ſubditum valeat?

Sanch. to. 1. Decal. cap. 11. n. 17. affirmatiuè reſpondet, probatque hinc vel maximè, quod fidem ſuperet, Episcoporum poteſtatem, iuraque contrahere, aut certis locorum interuallis circumscribere, Concilio fuiſſe vnquam in animo.

Addit



Addit quod commune sit effatum, eos in animæ tribunali, foroque, vbiue ius suis possidere, ac voluntariam iurisdictionem exercere, ob quæ argumenta, & alia his similia opinionem hanc non improbabilem esse tradunt Suar. *to. 4. in 3. part. disp. 30. sect. 2. num. 3. Ledesma to. 2. tract. 1. ca. 6. difficult. 1.*

Contra tamen pugnat Concil. cuius est hæc oratio *sess. 24. cap. 6. Liceat Episcopis in quibuscunque casibus occultis etiam sedi Apostolicæ reservatis, delinquentes quoscunque sibi subditos, in Diocesi sua, per seipsos, aut per Vicarium gratis absolvere*, ergo cum Episcopus extra Diocesim existens, non sit in sua, priuilegio Concilii, eiusque fructu, ibi gaudere non poterit, & ita nobiscum sentiunt, Suar. *to. 5. de censur. disp. 41. sect. 2. num. 11. Henric. lib. 14. de irregularit. cap. 21. num. 5. facit ad eius fidem. Quod pœnitens à suo Episcopo de hæresi occulta absolui possit, sed hæretici occultis Episcopum proprium, eum videri in cuius Diocesi is residet, habet Fagundez in 1. præcept. cap. 15. num. 13. & lib. 8. præcepti secundi Ecclesiæ cap. 8. num. 54. maxime vero si est hæc eius mora in Diocesi aliena, aliquanti temporis, non ergo extra Diocesim positum, ab hæresi occulta, aut casibus cœnæ absolueret subditum suum, Episcopo licitum.*

Dub. quartum, *An absolutio hæretico occulto, si tamen conuerso data valeat?*

Dico primò, *Inanem esse ac irritam.*

Ratio est, quod actus agentium, ab eorum intentione pendeant, at nunquam fuit absoluenti propositum, nexum quo tenetur hæreticus pro autoritate soluere, si simulare ageret, si fictè ac non verè, est ergo ex defectu intentionis, in absolvente Episcopo necessaria, facta hæretici reconciliatio cum Ecclesia, coram Deo (ac ut aiunt, in conscientia tribunali inualida.

Dico secundò, *Hominum opinione ac sensu, hoc est in externo foro, eiusmodi hominem pro absoluto habendum esse.*

Causa est, quod interna hi sensa animi non penetrent, cordis non scrutentur latebras, non finem, non consilia, non quo sua quisque cogitata ac opera referat, explorent, de his, vi venatores ex vestigio, per ea quæ oculos, sensusque feriunt, æstimant, cætera negligunt: quare si Deo postmodum excitante, errorem suum hæreticus oderit, si fictionem cum vero dolore, eum absolutionis causa tunc consulat, qui de hæresi occulta concessione Ecclesiæ, eum potest reuocare cum illa in gratiam, censuramque ut par est laxare.

Quid si in fidei Christianæ dogmata non Pars secunda.

A semel incurrit? quid si non vnum, sed plures eius articulos repetitis vicibus falsitatis ac mendacii arguit? & tamen de vnica tantum absolui censura petit, alias silentio prætereit?

Mihi quid in hac controuersia statuendum videatur, duabus exponam propositionibus.

Prima, vero est quàm simillimum, eum qui bona fide hæresim vnā Episcopo exposuit, aliarum immemor, esse à censura his annexa liberum.

B Causa est, quod censurarum, eadem sit quæ casuum reservatorum ratio, sed hi in reservatis iure esse desinunt, cum hic, aut alius de eius facultate, in pœnitentis gratiam potestate uti sua voluit: ergo & censura, quare cum in memoriam admissorum, quibus est censura adiuncta, redire pœnitenti dabitur, officio suo, conscientiaque facturus est satis, si hæc Confessario cuilibet modo approbato, delenda subiecerit: ita Candidus de absolutione *disquisit. 3. art. 44. dubit. 2.*

Posterior propositio. Qui mala fide hæreses aliquas Episcopum aut inquisitorem exalat, vnā autem ei duntaxat & alteram condonandam explicat, explicatæ tantum remissam obtinet.

Ratio est, quod censura multiplici, vna non sufficit absolutio, ut constat ex decret. cum pro causa 27. de sentent. excommunicat. vbi est his verbis: *Discretionis tue mandamus, quatenus si vobis constiterit dictum Archidiacon. ob duplicem causam excommunicatum fuisse, & expressisse tantum alteram in literis, quas super absolutione sua impetrauit, ipsum tanquam excommunicatum satisfacere Ecclesiæ suæ, pro altera, monitione præmissa cogatis*, ergo cum non vnus tantum hæresis, ac censura incutiat sit reus, qui in plura religionis Catholicæ dogmata, uti falsa, erroneaque sciens impigit, ei ad explendas viri boni partes non est satis, cum conscientiam ipse suam explicabit, Episcopo dicere, hæreticum se esse. Ita auctores qui citati paulo ante.

Dub. quintum, *An cum in Iubileo, aut priuilegio, sit potestas alicui absoluenti à casibus Bullæ cœnæ, intellecta quoque censeatur ea voce, hæresis.*

E Est hæc quæstio magna animorum contentione disputata in scholis, vixque vllus fuit hætenus in explanatione iuris de conscientia ambigui cum aliqua versatus laude, quin operæ suæ partem aliquam in peruestiganda quæstione proposita, collocatam voluerit, neque tamen eiusdem opinionis societatem coiungere omnes.

In affirmantem iuere pedibus, pari voluntatis ac iudicii consensione hi omnes, Sotus

in 4. dist. 22. qu. 2. ore. 5. conclus. 5. Corduba in summa qu. 8. Farinacius de hæresi qu. 192. num. 62. Viuald. in candelab. de absolut. num. 13. & 16. & in casib. Bulla coenae casu 20. num. 14. Filiiuc. 12. 1. tract. 8. cap. 18. q. 9. num. 265. Regin. in praxi lib. 8. cap. 5. num. 53. etiam ex parte pugnat pro hac sententia, Teneri, inquit, non potest, quod dicit Sotus, generalem facultatem absolventi ab omnibus censuris & peccatis, includere absolutionem ab hæresi, nisi forte sit hæresis omnino occulta, nec aliis damnosa, de qua Papam informari nihil videretur necessarium ad adificationem Ecclesiæ.

Coniunctis sententiis oppositum docere, & sacrorum canonum & Theologiæ Magistri, sententiam Reginaldi iam indicauimus, cui perquam est similis Suarii de fide spe, & charitate disp. 21. sect. 4. num. 21. Valq. de excom. dub. 19. num. 3.

Venio ad summarum explanatores, idem enim ac Theologi defendunt Azor. tom. 1. lib. 10. q. 12. Henriq. lib. 8. de pœnit. cap. 16. num. 12. Nauar. in summa cap. 27. num. 275. Couar. in can. alma mater par. 1. parag. 11. num. 5. de Graphiis lib. decision. aurear. 1. cap. 13. num. 22. Credo, inquit, nec virtute iubilæi concedentis generaliter licentiam absolventi à casibus sedi Apostolicæ reservatis, etiam in Bulla coenae contentis, posse aliquem absolvere ab hæresi, etiam occulta, nisi id specialiter concedatur, Inculcat idem in lib. 4. cap. 18. num. 2. his verbis: Vnde inferitur quod quando per iubilæum conceditur facultas absolventi à quibuscunque casibus, etiam sedi Apostolicæ reservatis, non intelligitur esse concessa facultas absolventi à casibus in Bulla contentis. Rursus inferitur quod concessio priuilegio religionibus, absolventi à quibuscunque casibus, & censuris Apostolicæ sedi reservatis, non intelligitur concessum priuilegium absolventi à casibus in bulla contentis, quam ego sententiam à Catechismo Neapolit. dictam video lib. 3. cap. 2. iteratam autem à Graphio lib. 1. cap. 13. num. 23. Acrius quam omnes alii, pro ea dimicauit Thomas Sanchez tomo 1. summa lib. 2. cap. 12. num. 10. vbi firmamenta causæ suæ præcipua duo profert.

Primum, quod generalis concessio ea complecti non soleat, quæ probabiliconiectura à delegante exclusæ forent, si ei in memoriam venissent, sic enim Bonifac. VIII. in regula 81. de regul. iuris in 6. his verbis: In generali concessione non veniunt ea, quæ quis non esset verisimiliter in specie concessurus, quæ totidem penè verbis inculcat de officio Vicarii in 6. cap. cum in generali 3. at speciem veri nullam habet, hæresim sic à Pontifice, cuiusque absolutionem fieri nihili, aut negligi, ut eius remittendæ potestas omnibus sit indulta, hoc

A ipso, quo hic peccata ac cœsuras his adiunctas, in iure vult esse Episcopi, aut cuiuslibet alterius? E re enim est, tam communi fidelium, quam priuata singulorum, quos hæresis inficit, eius in omnium animis imprimi odium, sit id verò potentius, cum ad eius absolutionem, aditus si non interclusos, at certe magnis esse vult difficultatibus interseptos, quales esse est necesse, cum quæ vniuersæ facultas datur, casus omnes coenæ absolventi, non comprehendit hæresim: ergo, &c.

B Secundo causæ suæ præsidium Sanch. & alii à triplici duorum Pontificum responso petunt narrant enim à Pio V. anno 1572. à Greg. autem XIII. ad ann. 1577. Curia Romanæ affectis declaratum esse, mētis suæ nec esse, nec fuisse vnquam, ut quod in cæteris Bullæ coenæ casibus, ac censuris, in iubilæis confessariis omnibus, Regularibus autem per indulta illis priuilegia licere volunt, hoc ipsum in hæresi audeant: Ita Reginald. lib. 8. cap. 5. sect. 1. num. 53. Manuel. in addition. ad bullam parag. 9. num. 66. apud Sanchez lib. 2. in Decalog. cap. 12. num. 10. hancque Romanæ Curia, ac Confessariis omnium praxim esse aiunt. De qua tamen quia non constat, sicut nec certò saltem, & authenticè de Gregor. & Pii responsis, non est hæc, istorum mihi hominum opinio tanti, ut præ ea, priorem aliorum contemnendam existimem: minimum enim est in eorum qui illam docent, eruditione ac nomine probabilis, verisimilitudinem ratio augeat. Nam qui omnes nuncupat ac dicit, nullum excipit, ergo cum in iubilæis, casus bullæ coenæ omnes sibi reservatos, Papa confessariis omnibus delendos subiicit, hæresim nō excludit, quæ inter cæteros principem locum habet.

D Deinde (quæ est ratio Fagundez qui pro prima opinione pugnat in 1. præceptum Decalog. cap. 16. num. 1. & in 2. Ecclesiæ præcepto lib. 8. cap. 8. num. 33. & 38.) Deinde (inquam) cum hæresim Papa vult exceptam esse, id significat, cuius rei fidem iubilæa non vnum, sed plura facere, verba quibus sunt concepta, loquuntur narrant enim, cuilibet de casibus bullæ reservatis arbitrandi Papæ benignitate ius esse præter hæresim, ergo cum hæc non excipitur, tacite eius absolutio permittitur.

E Dub. 6. Quid cum hæretico publico, hoc est eo homine, qui multos annos in conuictu hæreticorum fuit, quorum & doctrinæ impiæ venenum mortiferum obbibit, facere sit necesse, cum ad pœnitentiæ Sacramentum accedit.

Existimant aliqui, culpam eius prius Sacramentali posse absolutione extingui, quam haustum virus palam euomat, seque cum Ecclesia, cui bellum pestiferis suis opinionibus

nionibus indixit, in gratiam restituat, quibus ne assentiar hæc me, quæ proximè ratio sequitur, impellit ac mouet.

quem ab Ecclesia, culpa tam sua, quam lata ab Episcopo, aut Prælato sententia remouit, huic ad Sacramenta aditus patere nullus potest, nisi reconciliato, ac censuratum, eius ope, ac beneficio qui potest, soluto nexu, modo quem suis Papa legibus præscribit. Sed hæresim quisquis est publicè, ac in multorum professus oculis, is iure Ecclesiæ in excommunicatorum est numero, culpæque quæ sit reservata Pontifici manifestè reus ac conscius: cum ergo à vinculis prius expediti suis, quam liberari à culpa, quæ censuram adnexam habet, est necesse, est ergo censuræ absolutio, absolutioni à culpa quæ est occulta, præmittenda necessario.

Quid si est censura publica? quid si scelere est publico irretitus hæreticus? nempe quia nulli non est in ciuitate aut prouincia pro talis cognitus?

Respondend. ei vtriusque fori reconciliationem videri necessariam, publici scilicet, & non Sacramentalis, occulti & Sacramentalis, istius quidem, quia quæ animæ maculæ adhærent, ex sunt eluendæ lachrymis ac confessione.

Illius autem, quia læso numini, Ecclesiæque satisfacere conuenit, quid enim esse potest equius, quam qui publice communis tatem offendit, publicè quoque ei satisfaciat? fit id verò maximè reconciliatione publica, quam publica item præcessit pœnitentia, ex veteri Ecclesiæ præscripto suscepta, quæ enim in conscientia arcano iudicio geruntur, notitiam aliquam & fidem habere publicam nequeunt, quare post errores, impiæque eiurata dogmata, in fide se Catholica mansurum esse, scripto spondere pœnitens debet, idque publicè, vel priuate, prout crimen publicum fuit vel occultum. Et quoniam est hæreticus ipso iure excommunicatus, cum iureiurando, verberare & miserere absoluetur prout, ius edicit Pontificium, de quo nos antea, qui enim palam læsit communitatem, huic ab eo satis fieri publicè, ratio ipsa imperat.

Septimum, *An in quibus prouinciis viget hæresis, sic sint eius professores, ac affecta, censuratum reuincti nodis, ut eos in congressu, communique consortio vitare sit necesse.*

Nequaquam, causa est, quod ad euitanda scandala, mentiumque pericula, statuisset Martinus V. dicatur, ut nemo posthac eius alloquia, aspectum, commercia, tam in Sacramentorum actiuo vsu, quam passiuo, diuinisque officiis, ratione cuiusvis sententiæ, aut censuræ Ecclesiasticæ, vel suspensionis

A vitare debeat, si talis sententia, suspensio, aut censura, promulgata non fuerit, ac denunciata specialiter & expresse à iudice, contra certam personam, collegia, locum, vniuersitatem, vel nisi excommunicandi, hoc est reis tam sit patens, perspicuaque culpa, ut hanc iste tergiuersatione, iurisque remedio tueri nullo queat, vel certe sit hic notorius percussor Clerici, per hoc tamen non intendit Ecclesiæ (inquit Pontifex) releuare, neque iure quopiam sic excommunicatos, suspensos, interdictos aut prohibitos iuuare, quare debent, quantumuis sint occulti, hominesque lateant, eorum oculos, congressumque fugere, Cencil. Constantiense in bulla cui initium ad euitanda.

B Obiicies fauere hæretico, qui in excommunicatorum non vult referri numerum, nemo potest ac debet, ac fauet, quisquis cum eo rem negotiaque habet, cum eo ergo congressi sine censura nulli licitum.

Respondend. hæreticum duobus spectari modis posse.

C Primo formaliter, ac propriè, & ut hæretica est respersus labe.

Secundo, ut est hic, aut ille, eiusdem communionem nobiscum naturæ mortalium pœnis obnoxia cum eo versari primo modo culpa est, quam Pontifex censura in Bulla cœnæ luendam præcipit.

D Non secundo, quia legis, quæ pœnam præscribit, ideoque pœnalis appellatur, verba stricte sunt intelligenda, ac proprie, secundum Gloss. *Clement. 1. de sepulturis, & in clement. 1. de consanguinit.* eo quod pœnas restringi oporteat, ut est in *can. pœne dist. 1. de pœnit. & lege penult. de pœn.* at hæreticus, non quemlibet, sed erroribus contra fidem, eiusque dogmata infamem denotat: pœnæ ergo quæ in eos legibus sunt canonicis statuta qui illi suffragantur, ac fauent, ad eos duntaxat pertinent, qui eius patrocinantur hæresi, cumque ut talem iuant, ac protegant, quod cum non faciant, qui solita caritatis officia, ab homine homini exhibenda, ei præstant, ut sunt salutatio, sermo familiaris, ac congressus, eos excommunicationi subici, nemo prudenter ac cum ratione affirmauerit: alioqui magni non modo arguendi essent sceleris, qui in Gallia, Germaniaque cum hæreticis contrahunt, commerciorum societatem cum iis ineunt, sed etiam pro excommunicatis, quemadmodum & hæretici habendi forent, quo quid absurdius? cum id genus homines, merces, similiaque ad cômune bonû, emere, ac distrahere sub ea præcise ratione qua de fide male sentiunt, nec velint, nec soleant, sed ut cæteri, in quorum mores, vitamque hæretica nulla irrepsit labe.

Qq ij



Quid? quod negotiatio sit de iure gentium omnibus concessa, nullo autem prohibita cum hæreticis, alio respectu, quam quod sunt tales: argum. l. in delictis parag. si de tracta dig. de noxa, eis enim ut sunt homines, cum displicentia, odioque hæresis qua laborant, favere posse scribit August. relatus à Gratiano 23. q. 3. can. duo ista nomina 35. his verbis: *Duo ista nomina cum dicimus, homo peccator, non utique frustra dicuntur, quia peccator est corripe, quia homo est, miserere, nec omnino liberabis hominem, nisi persecutus fueris peccatorem, & paulo post.*

*Non ergo suscipimus peccatores, propterea quod sunt peccatores, sed tamen eos ipsos, quia homines sunt, humana consideratione tractemus, persequamur in eis propriam iniquitatem, misereamur communem conditionem: ita sine metu censuræ hæreticum domi recipi, de potestate iudicis subduci, ac occultari posse, non ratione hæresis, quam recipiens, aut subducens execratur animo, sed consanguinitatis ac amicitiae, seu quia amicus est, ac consanguineus: dixerunt nobiscum, Sanchez Simancas de Catholicis institut. tit. 15. num. 21. Fagundez lib. primo in Decal. cap. 12. num. 8.*

Octauum, *An qui hæreticum recipit, aut ei metu mortis, quam ab ipso, aut alio inferendam sibi, si secus faciat, pro certo intelligit, excommunicationi bullæ subiaceat.*

Id ne sentiam euincit hæc ratio. Legi humanæ cum probabili, certoque vitæ periculo non est parendum necessario, eo quod Ecclesia nolit cum tanta seueritate decreta seruari à fidelibus, at quæ sanctio, hæreticum excludi domo iubet, aut non recipi, ne iudicis potestatem ac manus euadat, humana est, ergo non necessario seruanda, capitis sui periculo.

Secundo, non alios pœna legis comprehendit, ac afficit, quam qui propriè in eam incurrunt: quo à crimine, eiusque suspicionem immunes sunt ac liberi, qui hæreticum non complectuntur, ac recipiunt præcise, quia istiusmodi est maculæ notatus infamia, sed quia consanguineus, amicus, &c. sed qui vitæ suæ tuendæ causa, latebras præbet hæretico, qui perruptis iudiciorum laqueis, quibus irretitus tenebatur, fugientem excipit, ne vim extrema sibi minitantis sentiat, eum propriè hæresis causa non recipit, sed vitandæ mortis: ergo ad eum pœna bullæ, ac sanctionis Ecclesiasticæ, de hæretico non recipiendo, sub censuræ iusto metu, non pertinet.

quid si admittatur hæresis causa, quid si cum intentione ac animo in recipiente, eius fouendæ? quid si cum voluntate fauendi, sed antequam in excommunicationem lapsus esse

denunciatur ob hæresim?

Recipientem à culpa, censuraque liberat, Vgolin. de censur. Papa reservatis 2. par. cap. 1. Verbo receptatores parag. 2. eo quod per constitutionem Martini quinti, non alios vitari sub censura oporteat, quam qui sunt è superiore loco publice, aut frequenti populi concione denunciati, aut notorii persecutores Clerici.

Quæ opinio, hoc mihi maxime nomine non probatur, quod communionem cum hæretico excommunicato, Pontifex in bulla cœnæ minime prohibeat, sed eius ut est hæreticus, receptionem, quare debet hic sub ea præcise ratione, quæ à Catholicis fide, moribusque diffidet, recipi, quam ad rem, actus sunt duo necessarii, primus intellectus, voluntatis alter, illius quidem, qui receptum repræsentet esse hæreticum, istius autem, per quem recipiens, illum recipiat animo, intuitu, atque intentione fauendi hæresi.

Nonum, *An qualibet cuiuslibet libri hæretici lectio sit sub censura prohibita.*

Factum prudens, factum nostris, posterisque nepotum nostrorum suspiciendum sæculis, verat enim Ecclesia, librorum qui Calvinum olent, aut Lutherum, vsum sub censura, pestis enim ipsissima sunt, hi tales libri, & lectori merissimum venenum, non tanget hos quisquis fidem cordi habet. *Lamiae nudauerunt mamma, lactauerunt catulos suos Threnorum 4. in quem locum sic Hierony. Possunt Lamiae hæretici accipi, hi tunc mamma nudant, quando suum errorem libere prædicant, tunc catulos lactant, quando male sequaces, parvulorum animas dum peruersa insinuant, ad impietatem nutriendo confirmant.* Quare huius notæ libros à Christianorum oculis ac manibus arceat Constantinus. ut est in l. 2. histor. tripart. c. 15. sanxit enim *ut si qua conscriptio facta ab Arrio reperiretur igni traderetur, iussere Valer & Martinianus ambo Augusti lege quicunque Cod. de hæretic. ut omnes libri qui Eutychetis & Apollinaris dogma complexi erant, cremarentur.* Idem de libris Nestorii sanxit Imperat. Theodosius lege damnata Cod. de hæretic. de libris Seueri Iustinianus Novella 42. hoc enim vnum agunt libri hi, & similes, lectorum ut animos, hæresis lue venenent, & ut animum ad cogitationes in fide periculosas, si non ad sermones contra fidem, aususque pelliciant: tangi ergo à Christiano non debent, si non vult infici & perire.

Et quanquam non essent olim à pœna omni Ecclesiastica liberi, qui hæreticorum sibi libros legendos credebant, sunt hoc tamen tempore tam Pii quinti constitutione præfixa librorum prohibitorum Indici, quam aliorum Pontificum, quorum auctoritate



thofitate, Bulla cœnæ quotannis promulgatur in vrbe, excommunicati, qui his legendis dant operam. Quæ pœna eos vt afficiat, conditiones quæ sequuntur, sunt necessariæ.

Prima vt scienter hi id faciant.

Secunda sine licentia.

Tertia, vt prædicti libri hæresim contineant, deque ea ex professo agant, eam explanent ac tractent.

Quarta, vt ab hæreticis sint scripti, quarum conditionum si vel vna desit, excommunicatio non subitur, quare qui fragmenta quædam Catholicis inserta libris, sed ex hæreticis deprompta legit, aut alterius firmata voce, oreque percipit, Ecclesiæ fulmen metuere non debet, eo quod in eius legem, decretaque de hæreticorum non peruolutandis, legendisque scriptis, proprie non committit.

Itaque ad propositam quæstionem.

Respondend. etsi sit librorum qui de religione parum religiose disputant, vsus ac lectio in vitio, censuram ei tamen adiunctam nullam esse nisi sit quaternis illis, de quibus paulo ante est dictum, notata circumstantiis.

Decimum, *An ab ea excuset materia paruitas.*

Pro parte negante sunt hi auctores, Vgolin. de censur. Papæ reservatis 2. parte verbo ac eorundem libros parag. 1. Versu 8. Tolet. in Bulla Cœnæ excomm. 1. num. 24. nituntur hoc argumento, quod Papa excommunicet eos qui quomodolibet defendunt hæreticos, at eorum libros manibus terere, aut legere, est eosdem defendere: ergo, &c.

Contrariam sunt sectati Sanchez lib. 2. moral. cap. 10. num. 31. Duardus in explicat Bullæ Cœnæ lib. 2. canone 1. q. 46.

Filliucius tom. 2. tract. 27. cap. 7. num. 204. Fagundez in 1. præceptum lib. 1. cap. 14. numero 3.

Ratio est, quod materiæ paruitas in hac materia, peræque ac cæteris locū habeat, ergo vt ab ea transgressio præcepti maculam non nisi venialem, in aliis rebus accipit, ita & in præfenti erit librorum lectio à paruitate materiæ veniabilis. Qui vnā solum paginam hæretici libri legit non est censendus excommunicatus, parum enim condonatur, Emman. Sa de excommunicationibus bullæ num. 1.

Dixere idem Sanchez lib. 2. cap. 10. num. 31. Diana tract. 11. resolut. 20. qui in rebus minimis paginam quoque vnā de libris maioribus haberi volunt, in quo eos audiendos negant Suarez tract. de fide disp. 20. sect. 2. nu. 20. Bonacinade censuris disp. 2. q. 5. punct. 4. nu. 13. quod libri cuiuslibet hæretici, facta vel

obiter, cursimque lectio, periculi plusculum habeat, ab ea ergo quisquis sapit: omni qua potest contentione animi, viriumque, gressum referet.

Sed hæc mihi ratio non est tanti, vt propter eam à citatis, paulo ante scriptoribus, recedendum existimem, nam non à periculo vnus aut alterius cuiuspiam petitur excommunicatio, quæ ob lectionem libri hæretici incurritur, sed à communi, at quis putet, metuendi causam esse, ne salutis naufragium faciant, viri pii iuxta ac eruditi omnes, quorum in manus oculosque pagella libri hæretici vna incurret? non est ergo istiusmodi quantitas, natura sua, genereque ipso exigua, ad peccatum mortale, censuramque incurrendam idonea.

Vndecimum, *An qui à Catholico scriptum de hæresi librum, in manus sumit, eo animo, si neque, vt contentas in eo hæreses intelligat, excommunicationi bullæ Cœnæ subiacet?*

Non subiacere vt credam suadet hæc ratio, Libri non sunt alii à Bulla Cœnæ prohibiti, quam qui ab hæreticis compositi, at is de quo est quæstio, non est istius generis, cum eius author bene ac sincere de religione Catholica sentiat.

Quid? quod affectum solum ad hæresim Pontifex non puniat? quod sciendi quæ sunt eius dogmata, quæ scita, ac iussa, desiderium ac votum, etsi non probet, censura tamen non pleat? sed factum: id est libri lectionem hæretici Sanch. to. 1. sum. l. 2. c. 10. n. 23. Suar. in 3. parte to. 5. disp. 21. sect. 2. num. 10. Nauar. cap. 27. Enchir. num. 36. his verbis: Qui habet, vel legit libros Catholicorum, referentium dicta hæreticorum etiam desumpta ad verbum ex libris eorum, non incurrit excommunicationem, quia non sunt libri hæreticorum, etsi principaliter legeret illos ad sciendum dicta & rationes eorum.

Duodecimum, *An ad eos hæc censura pertineat, qui legunt ad amicum per hominem male de fide sentientem, missam epistolam, in qua est hæresis eius vna de multis.*

Nequaquam, quia epistola liber non est, quare cum verba legis, quæ pœna legentes, ac retinentes, aut vero in lucem libros hæreticos populo visendos dantes afficit, hæc ad eos, penes quos est aliqua hæretici hominis epistola, hæresim continens, explicans aut defendens, aut qui eam sibi legendam vel imprimendam existimât, non pertinet, ita Sanchez tomo 1. sum. lib. 2. cap. 10. num. 29. Fagund. tom. 1. in Decalog. lib. 1. cap. 14. numero 11.

Decimum tertium, *Quibus indic iis deprehendi valeat, librum ab autore scriptum hæretico, de religione differere aut tractare.*

Qq ij

Primo, si in scriptura, aut eius parte aliqua explicanda versetur, secundo, si præcipua fidei dogmata, si summa ac prima Theologiæ capita enodanda sibi ad imperitæ plebis captum assumat, si in religionis nostræ, id est Catholicæ arcanis mysteriis euoluendis, operam suam collocet, est in his enim præcipua ac palmaris fidei materia, cum quæ sancta sunt, quæ augusta in Religione Catholica mysteria, hæc sunt quoque diuina credenda fide.

Secundo, de religione ii libri disputant, qui quæ sunt ad sanctorum, Deique venerationem ac cultum, populo explicant.

Tertio, qui de Monachis, eorumque votis commemorant,

Quarto, qui quid in moribus, quid in omni ratione, vitæque genere, cuique sit sequendum indicant.

Quinto, qui de Prælati Ecclesiæ, eorumque munere, aut populi aduersus eos caritate, ac obsequendi voluntate & obligatione, præcepta dant ac monita.

Sexto, qui de iure conscientie, qui de Christiani hominis officiis, qui de virtutibus ac vitiis responsa continent, habent enim hæc vel in primis ad diuinum cultum momentum præcipuum, ita & disseminandi erroris, pietatis autem in populorum animis peruertendæ, periculum non modicum, quare ut ea chartis committi non decuit, ita sub censuræ subeundæ iusto metu prohiberi oportuit.

Decimum tertium, *A censura libros hæreticos legenti aut retinenti proposita, quid excuset?*

Primo, tã ignorantia talis pœnæ quam qualitatibus libri, nam bulla eos duntaxat coercet, qui scienter libros legunt hæreticos, at scientiæ opposita est ignorantia.

Huic opinioni opitulantur Sanchez tom. 1. Decal. lib. 2. cap. 10. num. 38. Fagund. to. 1. in Decal. lib. 1. cap. 14. num. 19. at qualis? cuiusque modi (inquit Fagund.) id est tam quæ crassa, quam quæ affectata, ex quo sequi ait, non modo eos qui cum ignorantia crassa, & lata culpa, quidpiam eorum faciunt, quæ Bulla arguit circa librorum vsum, sed eos etiam qui ambiunt, affectantque authoris nescire nomen, resque ipsas adeo, de quibus tractat, quo liberius eas oculis, animoque ipsi suo subiiciant, extra culpam omnem, censuramque esse, quod qui ignorans agit aliquid, scienter ut canon exigit, in eo non versetur.

Mihi secus videri solet ob hæc argumenta.

Primum, quod bona fides, rectaque conscientia, nihil agit cum ancipiti cogitatione

A recti & æqui, qui scire renuit, ecquid sibi Deus, aut Ecclesia aliquid imperent, aut ventent, dubitationem habet, aut obscuram saltem præcepti notitiam, seu cogitationem: caret ergo in operando bona fide.

Secundum, ignorantia crassa & supina æquiparatur cum dolo, at hic à censura non excusat, cum fraus nemini dolusque patrocinari debeant, ne culpa vlli sua fructuosa esse videatur ac utilis: ergo, &c.

B Tertium, ignorantia crassa & supina, à pœna censurarum non liberat, ex communi Doctorum sententia, & cap. *Ut animarum 2. de constitutionib. in 6.* his verbis: *Ut animarum periculis obuietur, sententiis per statuta quorumcunque ordinariarum prolati, ligari nolumus ignorantes, dum tamen eorum ignorantia crassa non fuerit, aut supina, non ergo decreto huic, & sanctioni Pontificis satis consentaneè, dixerunt authores qui supra, pœna legentium libros, ab hæreticis exaratos teneri, qui quos manibus terunt, leguntque, culpa sua ignorant esse in bulla prohibitos.*

C Est tamen eorum opinio probabilis, tutaque in conscientia, quod Ecclesiæ (ut aiunt) sit hoc duntaxat in bulla propositum, punire delictum formaliter & expresse vitium, at huiusmodi esse nequit, cum non est cognitum, propriè quæ tale, & sub ratione culpæ.

Secundo, à censura eximuntur qui authorem libri quem legunt de fide suspectum esse, deque ea male sentire nesciunt, Vgolinus de casib. Papæ reservatis 2. parte versu ac eorundem libros parag. 1. num. 1. Sanchez & Fagund. locis citatis.

D Ratio est, quod bulla vtrumque ad censuram incurrendam exigat, hoc est tam authorem, hæreticis laborare infamia, quam eius opus scaterere erroribus, aut de religione, eiusque exhibendæ modo agere.

Tertio, excusat respectu legentis materię paruitas Graßius lib. decis. 4. cap. 18. num. 47. Sayrus tom. 4. thesauri lib. 3. cap. 15. n. 16.

Decimum quartum, *An qui librum hæreticum, legi audiunt, sint excommunicati, perinde ac qui legunt.*

E Respondent qui hac de re scripsere commentarios, auditores in eorum classem non cogendos, quos censura comprehendit, quæ libros de hæresi imprimentes, aut legentes ligat.

Ratio est, quod statuta quæ pœnam indicunt, strictissimè sint interpretanda ut est in regula odia de regul. iuris in 6. ad eandemque sententiam aggregare Doctores non paucos perquam est facile, inter quos conuenit locum pœnæ nunquam esse, nisi in legem committatur, propriè sumptam, ac secundum

dum quod verba sonant, quibus est concepta, qui audit, proprie non legit, ergo cum eos duntaxat, poenae statuta legibus comprehendant, quos in eas proprie peccasse est certum, qui de haeresi disputantem, aut eam, ut est scriptis ab authore commissa, legentem audit, excommunicationem non subit.

Quid si eam legi quis imperet, quid si consulat, aut mandet?

Respondeo ne tunc quidem excommunicationi contra istum locum esse, quia cum punitur aliqua actio, aut eius author, in communionem eiusdem poenae qua iste, & illa coercentur, consulens, mandans ac imperans non vocantur. Atque ita censura in agentem lata, consulentem ac mandantem nisi exprimantur specialiter, amplecti non solet, etsi improprie & moraliter, ipsi dicantur facere, ut probat Sanchez lib. 3. de matrim. disp. 49. num. 2. legens tamen domini mandato ac imperio peccat, legendoque censuram sibi excommunicationis conciliat, Sarsell. 1. Et de haeresi cap. 13. dub. unica num. 9.

Decimum sextum, Quinam imprimentiis nomine intelligi in Bulla debeant.

Primo, qui characteres aggregant, conunguntque, ad expressionem haeresis.

Secundo, qui eos atramento imbuunt, torcularia premunt, chartas madefaciunt, madefactas praelo supponunt, literas, quanto conatu possunt, in iis imprimunt,

Tertio, qui operi praesidet, cuiusque nomine, typographiae procedit labor, cum enim quae aliena facimus opera, affingi haec nobis soleant, quae typographiae ministeriis addicti homines laborabunt ac facient, haec eius praesidi, dominoque, ut auctori debent attribui.

Quarto, qui typis librum excudi mandat, non autem qui excusum domi seruat, nam

A in eorum qui impressioni dant operam, numero classet; reponendum quis putet? similiter nec qui librum corrigit, nec qui ea quae in illum casu, aut industria menda irrepsere, obliterat, cum errata expungere, distorta in ordinem referre, punctis ac commatis non notata distinguere, non sit proprie, librum in quo haec sunt, typis mandare.


Decimum septimum, An haeretici iure sine diuino excommunicati.

B Ita visum Latomo in assertione Louanien-  
sis determinationis contra Lutherum, Clitho-  
ueo in assert. Veritarum Concilij Senonens. E-  
chio in Enchirid. ca. de haeticis comburend. ni-  
tuntur hac ratione, quod eorum commercia,  
congressumque cum Catholicis, scriptura  
prohibeat, Matth. 18. Sit tibi sicut Ethnicus &  
Publicanus. 2. ad Corinth. 7. quae pars fidei cum  
infidelis. 2. ad Thessalonicis 3. Ut subtrahatis vos  
ab omni fratre ambulante inordinate, & non se-  
cundum traditionem quam acceperunt à nobis,  
C ad Titum 3. haeticum hominem post unam, &  
secundam correptionem denota. 2. Ioan. 1. si  
quis venit ad vos, & hanc doctrinam non  
affert, nolite recipere eum in domum, sed nec Aue  
ei dixeritis.

Sequenda tamen sententia contraria.

Primo, quod in iis locis ne verbum qui-  
dem sit de excommunicatione vel modi-  
cum.

Secundo, quod si essent à fide alieni, ha-  
eretici, praeteris diuina excommunicati  
lege, vitandi forent omni tempore, etiam  
non denunciati, quod est contra praxim ita-  
que dicendum, his & similibus scripturae te-  
stimoniis, praecipii fidelibus, ut se ab eorum  
contubernio hominum segregent, quorum  
est fides anceps ac dubia, ut est haetico-  
rum omnium, videri etiam, his verbis de iis  
excommunicandis mandata Praelatis dari.





# E P I T O M E E O R V M, Q V Æ D E EXCOMMUNICATIONE SVNT DICTA, cum probatione ex Canonibus, Conciliis, & Patribus deprompta.

## CAPVT PRIMVM.

*Quid sit Excommunicatio.*



Excommunicatione agitur causa 11. q. 3. 24. q. 1. 2. & 3. in decretalib. de sentent. excommunicat. titulo 38. & in 6. titulo 11. à Diu. Tho. in 4. dist. 18. Soto dist. 22. Nauarro cap. 27. manual.

Couar. in cap. alma mater.

Hanc prisco maiorum æuo, in vsu fuisse & ad nocentium iustam pœnam frequentari solitam, docent ex Augustini ore petita testimonia quæ sequuntur, de Genesi ad litteram ca. 11. Alienandus inde vtiq; fuerat, vel iam moriturus, vel etiam tanquam excommunicatus, sicut etiam in hoc Paradiso, id est Ecclesia, solent à Sacramentis altaris visibilibus, homines disciplina Ecclesiastica remoueri, & to. 4. li. de fide & operib. ca. 2. explicans hæc verba Apost. 1. ad Corinth. 5. Auferte malum ex vobis ipsis. Quomodolibet, inquit, intelligatur, siue vi seueritate Ecclesia mali excommunicationibus corripiantur, &c. & lib. 5. quæstionum super Deuteronomi, ait Excommunicationem nunc agere in Ecclesia, quod agebat in antiqua lege interfectio epistola autem 74. ad Deuterium Episc. petit vt Diaconus quidam à Clericorum gradu, congruè Ecclesiastica seueritate deiectus, cauendus omnibus innotescat.

Apostolorum noti sunt Canones, nota decreta legentibus 61. 62. 63. 64. & 65. in quorum primo qui mortis metu Christi nomen negat ab Ecclesia reicitur, in aliis autem à communione excluditur qui cū hæreticis orat, qui in concertatione aliquem temerè

A verberat, aut necat, aut Dominico vel Sabato ieiunat.

Quid? quod Apostol. 1. ad Corinth. 4. incestuosum Satanæ possidendum tradit hoc est à corpore Ecclesiæ, vt membrum putidum ac foetens, ense Ecclesiastico rescisum, procul à cæterorum cœtu abiicit? Sic enim hunc locum explicat Tertul. de pudicitia cap. 13 Illis, inquit, traditis Satanæ, id est, extra Ecclesiam proiectis cap. 20. Abiicitur extra ciuitatem in locum immundum, deditus scilicet Satanæ in interitum carnis, nec reedificatur in Ecclesia post ruinam, quæ etiam est interpretatio Hieronym. in Ezech. cap. 17. Ambros. de pœnit. cap. 14. August. lib. de fide & operib. cap. 26. Quæ ergo Ecclesiæ, eadem quoque censuræ sunt ac excommun. primordia. Ne Episcopalis arrogantia exultimes, esse segregationem, lex est patria, vetus est regula Ecclesiæ, quæ cœpit à lege, & fuit confirmata in gratia. Considera sanctum Paulum, in reos emittentem sententias segregationis, & iuuenem Corinthium eocurantem medicamento, qui satanicè nouerca insano erat captus amore. Gregor. Nyssen. in oratione aduersus eos qui egre ferunt reprehens. Hæc de excommunicandi antiquo vsu in Ecclesia.

Est autem excommunicatio pœna Ecclesiastica 11. q. 3. can. ad mensam eaque spiritalis obligans animas, August. epist. 75. ad Auxilium Episcop. Damnatio quam facit Episcopale iudicium (quæ pœna nulla in Ecclesia maior est) August. de corrept. & gratia cap. 15. relatus à Grat. 24. q. 3. canone corripiantur 17. non est hæc amentum iugulans, sed sanans, non eradicans, sed firmans. Qui enim excommunicatur, vt Apostolus ait, ad hoc excommunicatur, vt spiritus eius saluus fiat in die Domini, Disciplina enim est excommunicatio, non eradicatio, Urbanus Papa 14. 7. 3. can.



can. notandum 37. potestque hanc Si Deus voluerit, in correctionem saluberrimam cedere, atque proficere, August. de corrept. & grat. cap. 15.

Et quoniam censuræ metu, multi sibi à vitiiis temperant, viri boni officium præstant, quæ hominem dedecet, & in quæ ultro, isto non castigati religioso metu ruerent, magna cautela prouidentiaque vitant, camobrem appellatur nervus disciplina Christiana, mucro cælestis, separatio à Christi corpore Cyprian. de orat. Dominicanum. 51. August. serm. 11. de verbis Domini, Origen. in Levitic. homil. 14. medicina non mortalis disciplinans non eradicans, Innoc. IV. in Concil. Lugdun.

Sic autem vocatur, quia à communione corporis & sanguinis Domini notatum prohibet 11. q. 3. can. ad mensam 24. parag. hæc sententia, præterea à communicatione fidelium, & Sacramentorum, quo ab effectu vocatur, ἀκοινωνία excommunicatus autem ἀκοινωνητός can. 10. Apost. & can. 32. Est & alia censuræ nomenclatura vsitata Patribus, nam eam ab iis appellatam video vinculorum nomine, Si haberes, inquit Greg. Nyssenus in capite oculos apud animæ essentiam, ostendissem tibi segregationem & habitum, cuius collum premitur gravissimis vinculis. Nos quidem (subiicit Chrysost. ad pop. Antioch. hom. 76.) primum ne trahamur in necessitatem optamus, quod si venerimus, nostrum implemus officium, vincula iniicimus.

His expressa nominibus excommunicatio definitur censura Ecclesiastica qua Christianus parum Ecclesiæ obsequens, sacris arcetur fideliumq; congressu. Perspicuitatis maioris causa, dicunt alii, censurâ esse sententiâ, à canone prolatam, aut iudice Ecclesiastico, quâ homo Christianus, bonis fidelium communibus excluditur, hoc est Sacramentis, publicis Ecclesiæ, votis, suffragiis, ac precibus, & congressu demum, colloquioque cum Christi plebe mutuo, quæ tria, bona dicuntur esse Christianorum communia, iisque priuari, in quos Ecclesiæ gladium stringit, fulmina que sua euibrat.

Ut est tamen inculpæ quas conscire potest humana mortalitas, magna varietas, ita est & in celsuris, facultatis ac virium in repetenda de iis pœna, par ferè diuersitati inæqualitas. Excommunicatio, cui nomen est minoris, earum rerum partem alteram duntaxat, homini adimit, maior omnes, rem ipsam excommunicationis distributio, planam faciet.

At enim parētis est, (inquies) quæ liberorū amor, cura que sollicitat eos blāditiis cogere ad officium, odiosa est omnis cum seueritate coniuncta castigatio, debemus amando corripere non nocendi auaritate, August. serm. 16. in Mat-

Pars secunda.

A thæum super hæc si peccauerit in te frater, quod est Pauli admonitum ad Roman. 14. Infirmum in fide suscipite, non in disceptationibus cogitationum, suscipere enim, fouere est, Dominus susceptor meus id est adiutor, & ad Galat. 6. Fratres & si præoccupatus fuerit, hoc est prauentus fuerit, homo in aliquo delicto, vos qui spirituales estis, instruite huiusmodi in spiritu lenitatis, id est blande, leniter, cum affectu, qualem reperiri in excommunicante non est facile, cum pœna omnium maxima peccantem afficiat.

B Quid? quod malos, quod improbos, tolerare iubeamur? quod ferre eorum ingenium, parum docile rectique nescium, dum maturefcit, prudentiæ sit in politicis non vltimæ 24. qu. 4. can. tu bonus 2. can. quid ergo, can. tolerandi primo.

Ad hæc, tria habent Episcopi quæ respondant. Primum pietatis esse, censura in nocentes animaduertere, censurarum vinculis eos ne præcipientes in peccata porro ruant, reprimere. Quid enim tam pius, quam medicus ferens ferramentum, plorat secandus, & secatur. C plorat vrendus, & vritur. Non est illa crudelitas, absit, ut seuitia medici dicatur, seuit in vulnus ut homo sanetur, quia si vulnus palpatur, homo perditur. August. serm. 15. in Matthaum quare non omnis qui parit amicus est, nec omnis qui verberat inimicus, meliora sunt vulnera amici, quam voluntaria oscula inimici, melius est cum seueritate diligere, quam cum lenitate decipere, vtilius esurienti panis tollitur, si de cibo securus, iustitiam negligit, quam esurienti panis frangitur, ut iniustitie, seductus acquiescat, & qui phreneticum ligat, & qui lethargicum excitat, D ambobus molestus, ambos amat. August. epist. 48. ad Vincent.

Secundo, respondent Episcopi, ad id se cogi, arma sibi à reo porrigi, quibus vel iniuri eius peruicaciam tundant, frangant audaciam. Nos quidem ad soluendum duntaxat rei potestate vellemus, quin imo nec huius necessitatem vellemus habere, nullum enim volumus apud nos captiuum esse: non ita miseri sumus & arumosi, licet valde simus viles. Si vero coacti fuerimus, ignoscite: non enim sponte, E vel volentes, sed plus vobis dolentes ligatis iniicimus vincula.

Addunt postremò, esse de re tam publicâ, quam priuata, in reorum contumaciam exemplum statui, rebelles, ac Ecclesiæ legibus inobsequentes homines, censuris notari. Et quidem exigit id priuata rei utilitas, ne porro peccare pergat, quæ enim est impunitate munita improbitas, tempore crescit, non deficit, dissimulata firmatur, correctâ minuitur, ut enim qui peccantē blādimentis adulantibus palpat, peccandi fomitem subministrat,

R r

nec comprimit delicta, sed nutrit, ita qui consiliis fortioribus redarguit, simul & astringit, fratrem promouet ad salutem. Imperitus est medicus, qui vulnerum tumentes sinus manu parcente conrectat, & in alci viscerum recessibus, virus inclusum dum seruat, exaggerat.

Nec est modo peccanti vtile, cum censura plesti, sed & Ecclesie, quæ magna haud dubiè in moribus detrimenta, dedecoraque breui ferret, si merita culpis suis supplicia, nocens exiret, nec ferret, meum non est, sed Origenis iudicium in Hierem. hom. 9. Peccauit quispiam, & post peccatum postulat communionem, si ei conceditur quod rogat, in incommumodum omnium, venia procedit, & laxatis frænis, sceleribus panditur via. Sin verò cum rationabili deliberatione, non ut misericors, nec rursus ut crudelis index, sed & quasi vni preuidens, & de omnium salute pertractans, considerauerit populi damnum in vnius venia, haud dubium est, quin faciat eiici vnum de Ecclesia, ut multos saluet incolumes.

Sunt in eandem sententiam scripti hi canones, canon duo ista nomina trigessimus quintus causa 23. q. 4. can. qui peccat, c. si Ecclesia ea. questum c. si quos igitur, c. si non parag. breuiter cum sequentibus vsque ad can. debet homo, eiusd. ij. & cause, est ergo intentandæ censuræ contra reum, eiusque puniendi per censuram, iusta superiori causa.

## CAP. II.

*Exponitur quotuplex sit excommunicatio.*

**D**ividitur ergo excommunicatio primo, in eam quæ est à iure, seu canone, & aliam quæ irrogatur ab homine.

Secundo, in eam quæ fit à Christi corpore, & eam quæ est à communione fidelium: vtrique explicatur his verbis: *Hæc sententia excommunicatio vocatur, quia à communione corporis & sanguinis Christi notatum prohibet, sicut & Adam, ab esu ligni vite, excommunicatus est: est & alia sententia, quæ anathema vocatur, qua quisque separatur à consortio fidelium, de qua supra cum excommunicatis nolite communicare 11. q. 3. can. 24. parag. hæc sententia.*

Tertio diuiditur in maiorem & minorem, maiore priuatur homo Sacramentis, Ecclesie communibus suffragiis, & communicatione fidelium. Minore autem, sola Sacramentorum administratione passiva, & potestate recipiendi beneficii, aut officii Ecclesiastici cap. si celebrat. Vltimo de Clerico excommunicante.

Maiores est rursus duplex, comminatoria, & ipso iure, factoque subeunda. Iure incur-

**A**ritur, quando per canonem, statutum, aut constitutionem infligitur, aut infligi præcipitur. Si primum, dicitur ipso facto incurri, si alterum, quia nihil præter minas completur, comminatoria est non facti. Priore dicuntur homines separari ab Ecclesia can. certum nono causa 24. q. 3. eiici de eius castris, canone 7. eiusd. qu. & cause, tradi satanæ ab Hieron. hom. 2. in lib. Iudicum, quod maxime contingit, cum delictum rei manifestum sit Ecclesie, & per Sacerdotes de Ecclesia hic pellitur, ut notatus ab omnibus erubescat, & conuerso conueniat illi illud, quod sequitur ut spiritus saluus fiat in die Domini Iesu Christi 11. q. 3. can. 21. qui ex Hieronymo est desumptus homil. citata.

## CAP. III.

*Quibus indiciis cognoscatur, quæ excommunicatio sit lata sententia, quæ ferenda.*

**C** Quæ autem excommunicatio lata sit sententiæ, quæ ferendæ, his argumentis ac notis internoscitur.

Prima, si lex seu constitutio, aut decretum, in imponenda excommunicationis sententiæ, utatur verbo futuri temporis *Excommunicabitur* comminatoria est, ac ferendæ sententiæ.

Secunda, vox imperatiui modi, legi aut sententiæ addita, excommunicetur, priuetur sacris, interdicator, excommunicationem ac interdictum in peccati pœnam inferendum sonat, illatum neutiquam.

**D** Tertia hæc verba. *Sub interminatione anathematis, cadat omni iure suo. Subiiciatur, habeatur pro excommunicato excommunicationem se incursum nouerit*, secum trahunt sententiam ferendam non latam, *Sebastianus Medicis in summa peccatorum capitalium q. 42.*

Quarta, quoties lex quæ pœna afficit, comminationem pœnæ iniicit, sententiam ferendam continet: verba autem minas intentantia sunt sub pœna excommunicationis, prohibemus, sub anathemate, præcipio sub excommunicatione, aut eius interminatione.

**E** Latam autem sententiam ostendunt primo; verba indicatiui, modi aut præteriti, quæ pœnam irrogant, aut irrogatam declarant, ut *excommunico, subiaceat, ipso facto excommunicationem incurrat, excommunicatum censemus, alioqui excommunicatum te noueris.*

Secundo, latam quoque sententiam declarant, aduerbia quædam sententiæ addita, quæ moram temporis omnem excludunt, ut *statim continuo*, aut interpretationem sententiæ *Omnino, penitus, prorsus, omnibus modis*, his

his enim iudex significat nolle se pœnam A differri aut prorogari in crastinum, aut mentem suam alio trahi quam verba denotant.

Tertio cum constitutio aut lex verba complectitur, quibus vtuntur Concilia, cum aliquem de hæresi damnant, iudex hoc ipso, eum in quem dicit sententiam, ab Ecclesia eiusque bonis segregat: eiusmodi sunt, *fit anathema maranatha*, pars ei nulla sit in Ecclesia Christi, *fit Sanctorum hostis*, *fit excommunicatus*, quia tum legis suæ ac verborum quibus constat, iudex eundem esse vult sensum, qui est Ecclesiæ ac Conciliorum, cum quempiam male de religione fideque sentientem, vti putre membrum, de corpore suo flammis vrendum sempiternis exsecrat, at hæreticos Concilia, Ecclesiæque, illico ac in eos est dicta sententia, in hostium loco habent, quare à sacris religionis Catholicæ extorres, ac alienos, à suo procul sinu pullos eiicit, ac remouet: ergo, &c.

Confirm. verbum *fit* additum participio indicatiui modi, rem ex vsu communi, perfectam esse commonstrat, at esse talis nequit, nisi ratione sententiæ quæ sit lata, ergo sicut verbum *Est* coniunctum huic participio *excommunicatus*, excommunicationem inflictam denotat, ita & vocis *fit*, copulatæ eidem participio, notio suberit eadem, itaque non ferendæ, sed latæ sententiæ nota certa futura erit, ac pœnæ iam irrogatæ quædam velutitessera.

## CAP. IV.

*Explicantur diuisiones excommunicationis.*

**N**Equè his se terminis excommunicatio continet.

Diuiditur enim præterea in generalem & particularem, iustam & iniustam. Generalis est, quæ personam non notat, hominem non designat, quem ab Ecclesia extorrem faciat, sed ad omnes se porrigit, quos temeritas, & audacia, violatæ legis reos constituent, cuius causa censura à iudice prodit, eius generis sunt sequentes. Si quis cognitis gestis Nicæni concilij (de ordinandis Clericis) aliud quam statutum est facere præsumpserit, & non in eo perseverandum putauerit: hic excommunicatus habeatur, nisi per correctionem fratrum emendauerit errorem. Toletan. 1. in principio. Quisquis Pontificum, aut sanguine propinquis, aut fauore personis quibuscunque sibi deuinctis talia commendare luera (Ecclesiarum & Monasteriorum) tentauerit, quod fecerit, in irritum deuocetur, & qui ordinauit, annuæ excommunicationi subiaceat. Toletan. 10. can. 3.

Particularis excommunicatio est ea, quæ in certum promulgatur hominem, ob culpam, cuius est, fama conuictus aut testibus, eiusmodi est quam Innoc. II. Abailardo inflictam voluit, in epistola ad Samsonem Rhemenf. Archiepiscop. *Petri Abailardi peruersa dogmata, sanctorum canonum auctoritate, cum suo auctore damnamus, si quis de propria cognatione, vel quam cognatus habuit, duxerit uxore, anathema sit*, Greg. in Concil. Rom. can. 9.

Iusta est, quam æquitas causæ, circumstantiæque ceteræ fulciunt, à quibus iudicium laudem habet ac meritum.

Iniusta est, quam odium, ira, aut cupiditas à iudice, contra infontem præter fas extorsit, cuiusmodi Patres improbant, irritamque esse narrant, & idcirco à Synodo retractandam aiunt, Concil. Carthag. 4. can. 28. aut diiudicandam, vt est in Concil. Vernis can. 9. quod quoniam ad Episcopi dignitatem non facit, ne his se animi morbis occupari ad æternam nominis sui infamiam sinat, admonent Leo & Innoc. III. ille in epist. 87. ad Episcopos Vienn. prouincia, hic in Concil. Lateranens. can. 49. Prioris sunt hæc verba. *Nulli Christianorum facile communio denegetur, nec ad indignantis sit hoc arbitrium Sacerdotis, quod in magni reatus ultionem, inuitus & dolens, debet inferre animus vindicantis*, quare ne quando iræ fræna laxari ac odio, fas sibi Ecclesiastici iudices crederet, faciendum sibi pro cætera sua prouidētia cum censeret Innoc. III. hæc interenda de Episcoporum consilio ætis Synodi Lateran. voluit in can. 87. Sub interminatione diuini iudicii penitus interdiximus, vt causa cupiditatis nullus audeat excommunicationis vinculo vllum innodare.

Sententia rursus iniusta diuiditur in validam & irritam. Irritæ vis est nulla, quare nõ necessario vlla ei adhibenda est veneratio. Valida, iniusta tamen, contemni nequit, ei obsequi palam quisque, & in omnium oculis debet, ne imperitæ plebi, querelæ ac scandali causam præbeat. *Habet tamen potestatem is qui abiectus est, vt Episcopus finitimos interpellet, & causa eius audiat, ac diligentius tractetur, quia non oportet ei audientiam negari roganti, & ille Episcopus qui iuste aut iniuste eum eiecit, patienter accipiat, vt negotium discutatur, vel probetur sententia eius à pluribus, vel emendetur.* Tamen priusquam omnia diligenter, & fideliter examinentur, eum qui fuerit à communione separatus, ante cognitionem, nullus alius debet presumere, vt communioni societ, Concil. Sardic. can. 17. Concilium apud Palatinum Vernis habitum, can. 9. excommunicatus licentiam habet Venire ad Metropolitanum, & ibidē secundum canonicā institutionem diiudicetur interim suam excommunicationem custodiat.

R r ij



## CAP. V.

*Explicantur modi quibus sententia est iniusta.*

**E**rit autem sententia iniusta, valida tamen, si eam non pietas, non æquitas, non iuris reddendi, aut officii præstandi studium ac voluntas expresserint, sed odium, ira, cupiditas ac auaritia, & quidem gratie meminere Concilia Agathense can. 3. *Vormac. can. 14.* Ira Leo epist. 87. ad Episcopos Viennensis provincie. *Cupiditatis & auaritie, Innoc. III. can. 49.* Concil. Lateran. Ita fit interdum, ut aliqui non recto iudicio eorum qui præsumunt, Ecclesiam pellantur & foras mittantur, Origen. in *Leuitic. hom. 14.*

Est etiam iniusta, cum eius promulgandæ causa non est sufficiens ac idonea, quod quale sit, & quam Christiano præsule indignum, est in Concilio habito in Germania sub Conrado Cardinali can. 4. his verbis: *Quante temeritatis & presumptionis existat, quod qui seruare debent canonicas sanctiones, in quibus aperte continetur, quod nullus aliquem sine rationabili causa excommunicare presumat, eas frangere non formidant, plures non amore iustitie, sed liuore odii, vel fauore aduersariorum, excommunicationis vinculo innodantes, nullus ignorat.*

Estque tunc excommunicato insoni, magno ferenda animo sententia, quæ in eum lata erit, nec desperare debet, nec se otio, & desidia tradere, sed bonis operibus nitens, mille viis ad Ecclesiam reuerti, satagere debet, Hieronym. in cap. Hier. 19. quare quod olim, idem excommunicatis, hoc quoque tempore dictum esse credere conuenit, Si forsitan ob aliquod peccatum, de congregatione fratrum, & de domo Dei eiicimur, reluctari non debemus, sed æquo animo, latam in nos ferre sententiam, & dicere cum Propheta. Iram domini sustinebo, quoniam peccauit ei, donec iustificet causam meam, Hieron. in *Ezech. cap. 17.* Læso fas tamen appellare ad Archiepiscopum Concil. apud Paladium Vernis habitum can. 9. & in Nicæno can. 5. Aquilgranensi sub Ludouico Imper. 1. anno 816. can. 42. iubentur Põtifices quotannis inquirere in Conciliis quæ bis quolibet anno in Diocæsis singulis fieri oportebat, an pusillanimitate aut contentione, aut alio quolibet Episcopi vitio, aliquis sit à Congregatione seclusus.

Hoc tamen differt excommunicatio, quæ iusta nulla causa nititur, ab ea cui initium est ab odio vel ira, quod ista effectus omnes vixæ censuræ in eo producat, quem afficit, alia non item, itaque ut vim illa, momen-

**A** tumque habet in utroque foro, ita ei obsequi singulos est necesse, quod de ea similiter dici nequit, quæ leui de causa, aut verius nulla, est in insonem lata, huic enim parere nihil est necesse in foro conscientie, ut cum ratio ipsa tunc Gregor. pauca hæc verba, petita ex ep. 24. l. 2. indicatione 10. indicant, *Comperimus quod Laurentius quondam frater, & Coepiscopus noster, nullis se culpis exstantibus, communione prsuauere, ideoque huius præcepti nostri auctoritate munitus, officium tuum securus perage, & communionem sume sine aliqua formidine.*

**B** Quisquis tamen est eiusmodi, ut conscientie bonitate fretus, in se censura dignum residere nihil pro certo habeat, seque proinde iniuste, nec sine excommunicantis crimine, piorum numero motum esse, etsi non sit Deo, superisquetali sententia inuisus, publice tamen debet se pro excommunicato gerere, diuinis abstinere, hominum oculos, commerciaque vitare, ratione scandali, quod ex horum usu operum in minutæ plebis ciceretur animis.

**C** Quod si secus facere animum induceret, eo quod nullius se conscientia sceleris teneri, iniustamque proinde scit esse dictam in se sententiam, in foro conscientie irregularis non foret, nec acta per illum essent nulla, secus in externo Aula 2. par. ca. 6. dub. 2. & 3. *Si quis enim non recto iudicio eorum qui præsumunt Ecclesiam depellatur, & foras mittatur, si non ita egerit, ut mereatur exire, nihil leditur ab eo, quod non recto iudicio ab hominibus videatur expulsus, Origen. in Leuitic. homil. 14. & ita fit interdum, ut ille qui foras mittitur, intus sit, & ille foris, qui intus retineri videtur, Origen. ibi.*

**E** Et ideo habet potestatem is qui abiectus est ἐπὶ τοῦ ἐπίσκοποι τῆς μητροπόλεως τῆς αὐτῆς ἐπισχῆς καὶ ἐκφυγῶν, confugiendi, ad Episcopum Metropolis eiusdem provincie, ut causa eius audiat, & diligentius tractetur, & ἡ ἐκφυγὴ μὴ ἐπὶ τῶν ἑσθλῶν ἀποδοῖται, nec enim decet aures non præbere posulantibus Concil. Sardic. can. 17. Quare si erat Episcopus in culpa, si iniusta eius sententia, iuebatur eam reuocare, de quo est salubre August. admonitum ad *Auxilium Episcopum epist. 75.* aut vero à Metropolitano, vel Episcopis reddebatur inanis, ac nulla, quod quia non poterat ei non videri graue, hortantur cum Patres in Sardicensi Concil. can. 17. *patienter accipere, ut negotium discutiatur, ut vel probetur à pluribus sententia eius, vel emendetur, ἢ κυρωθῇ αὐτῇ ἢ διόφρασις ἢ διορθώσις τῶν, quanquam acerbius in eiusmodi Episc. labentibus annis scuitū esse video nā in Conc. Paris. ut refertur 24. q. 3. can. de illicita 6. pari cum excommunicato*



nicato à se, præter fas legesque canonum, pœna iubetur affici. *Qui non legitime excommunicaverit, in tantum absteineat à sacra communione tempus, quantum maiori Sacerdoti visum fuerit, ut quod iniuste fecerit, ipse iuste patiatur.* Et hinc S. Gregor. ad Ioannem Episcopum, iniuste excommunicantem inter cetera scribit, dicens, *castatis prius, atque in nihilum redactis prædictæ tuæ sententiæ decretis, ex beati Petri principis Apostolorum auctoritate decernimus, triginta dierum spatium, te sacra communione privatum, ab omnipotenti Deo, tanti excessus veniam, cum summa penitentia, ac lacrymis exorare.*

Longius est progressus Innoc. eius nominis III. nam in decretali sacro 48. de sent. excomm. sanxit ut cum adversus excommunicatorem de iniusta excommunicatione confiteretur, excommunicator condemnatur ad interesse excommunicato, alias nihil (si culpa qualitas postulaverit) superioris arbitrio puniendus, cum non levis sit culpa, tantam infligere pœnam infonni.

## CAPVT VI.

*Explicantur causæ alia ob quas sententia iniusta dicitur.*

**E**st præterea, iniusta sententia, si percellat innocentem, Cæpisti, inquit August. *serm. 16. de verbis Domini, habere fratrem unum tanquam publicanum, ligas illum in terra, sed ut iuste alliges vide, nam iniusta vincula dirumpit iustitia, & in Psalm. 36. concione 3. relatus in can. 53. causæ undecima qu. 3. Si ad tempus damnaris ab homine, & dixit sententiam Proconsul in Cyprianam, alia est sella terrena, aliud tribunal cælorum: ab inferiore accepit sententiam, à superiore coronam.*

Hocque ipsum est, quod summarum scriptores aiunt, sententiam quæ intolerabilem errorem continet, quo nec maior ullus esse, nec peior potest, quam cum innocens virgis Ecclesiæ vapulat, iniustam esse: Deinde est iniusta, cum pro leuibus peccatis est infligta, par enim esse pœnæ culpa debet, levis quæpiam, ac si plebitur, æquitas in iudicando non tenetur, quare id operam dare debet Episcopus, ne quemquam recte fides hominem, pro paruis, & leuibus causis à communione suspendat, Concil. Aurelan. 5. can. 2. Vormaciense can. 13. *Quod si Sacerdotali moderatione postposita, innocentes aut minimis causis culpabiles, excommunicare præsumpserit, aut ad gratiam festinans recipere noluerit, à vicinis Episcopis cuiuslibet provincie moneatur, & si parere noluerit, communio illis, usque ad tempus Synodi à reliquis Episcopis non denegetur, ita præcipiunt Concil. Agathense can. 2. Quare Nicænum can. 5. in-*

**A**quiri iubet in Synodo, an quis pusillanimitate, indignatione aut contentione, aut alio quopiam Episcopi vitio videatur quis à congregatione seclusus, ut pœnas non cohibiti animi, iræque non repressæ, luat.

**T**ertio excommunicatio est iniusta, si feratur à non habente auctoritatem cap. nullus 3, de Parochiis, nam qui ordinare excommunicatum non potest, nec indicare potest, Adrian. Papa ibi, ob eam causam excommunicatus, suspensus & interdictus, qui nominatim sunt denunciati, excommunicare nequeunt, eo quod iure canonum, vsu sint iurisdictionis in suos subditos priuati, colligitur ex can. nos Sanctorum 15. q. 6. ubi dicitur. *Nos Sanctorum prædecessorum nostrorum, statuta tenentes, eos, qui excommunicatis fælicitate aut Sacramento constricti sunt, Apostolica auctoritate à iuramento absoluiimus, & ne sibi fidelitatem obseruent omnibus modis prohibemus, quousque ipsi ad satisfactionem veniant, sunt enim extra Ecclesiam, quàm ergo parum est simile vero, alios ex ea posse ab illis eiici? vinetique cum sint alios ab iis vinciri posse, quare constitutiones & sententiæ, quæ ab excommunicatis huiusmodi, vel de eorum mandato fuerint promulgatæ, inanes & irritæ habeantur, nullo unquam tempore, Innoc. III. in Concil. Later. can. 46. idem habet Carthagin. Concil. 3. can. 27.*

Sane si ut est in citato canone, eos iurisdictione carere, aut eam non habere liberam, sed suspensam voluit Ecclesiæ: eis obsequi nō tenentur subditi, quicquid ergo hi statuent, quicquid fieri iubebunt, ac volent ut iudices: firmum non erit, stabilitatis parum aut nihil, ei pro certo inerit.

**D**ixi si sunt denunciati, nam à temporibus Constantiensis Concil. sunt excommunicati tolerati, acta omnia rata, sententia valida, quandiu nō est hic, è superiori loco denunciatus de nomine, docent Nauar. ca. 27. num. 7. Sotus in 4. dist. 22 q. 2. art. 1. Henricus. de excommunicat. cap. 7. Lessius lib. 1. ca. 29. dub. 7. num. 17.

**R**atio est, quod in eo Concilio, liberam Christianis omnibus facultatem esse velit Ecclesia, res negotiaque habendi cum excommunicatis, quorum ipsa congressus, commerciaque, subditis sibi gētibus non interdixit de nomine, voluit ergo iudicium acta publica, quos ipsa censura notasset, non tamen publice promulgasset, rata esse, alioqui cur concederet, ut ad eos cuique iuris obtinendi causa ire liceat? cur eisdem de rebus maximis consuli sinit? cur ab iis ad beneficia, legitimo patrono offerri? cur eorundem collationes exigi? si tales eorum actus sunt inuálidi? noxia sane esset eiusmodi concessio, cum in multorum perniciem

R r iij

cederet. Videtur ergo Ecclesia, dum in prædicto Concilio, veterum est canonum moderata rigorem, circa communionem cum excommunicatis, tacite etiam sustulisse suspensionem iurisdictionis, quam olim excommunicatio continebat hæc Lefsius.

Olim dixi nam ante Concilium, quæcunque occulti excommunicati gerebant, minime valuisse, defendunt plurimi, fuit hæc quidem Diu. Thom. sententia in 4. dist. 18. art. 2. q. 2. Paludani in 4. dist. 17. q. 6. art. 3. quam videtur Alexand. II. 24. q. 1. can. audiuimus 4. Audiuimus, inquit, quod Henricus Rauennas dictus Archiepiscopus, visus sit te excommunicare, verum quia excommunicatus, te excommunicare non potuit, Apostolica auctoritate, te tuosque absolucndo mandamus exinde non curare, notanda verba, quæ absolute pronunciata, & sine adiectione à Pontifice, indicant manare ex natura huius censuræ, vt qui ei est obnoxius, eidem alterum subiicere nequeat nisi hunc eius effectum Ecclesia impedierit.

Quarto excommunicatio est iniusta, quando fertur contra excommunicati priuilegia, quali gaudent Rex & Regina Galliarum respectu Episcopi proprii, Religiosi Mendicantes, ceterique cum quibus sua priuilegia de Romani Pontif. beneficentia communicant. His enim indultum legimus Regi quidem & Reginæ ab Alexand. IV. Nicolao III. Martino III. Gregor. VIII. IX. X. & XI. Clemente IV. Urbano V. vt ab Episcoporum censuris immunes, eisdem per eos subiici non possent: vt referunt Maynardus in lib. 4. question. cap. 100. num. 23. Bleyanus in Theoria tract. de maioribus & minorib. beneficiis.

Minoritis idem à Nicolao IV. concessum esse, nisi in causis, in quibus à Papa, vel à iureiudices delegati constituuntur, est in ceremoniali Bibliotheca Vaticana, & apud Portelium verbo excommunicatio num. 3. in Compendio autem Societatis Iesu titulo excommunicatio parag. 5. quod supradictos Regulares excommunicatio per Legatum à latere vniuerse, ac generaliter lata (vt loquuntur) non capiat, nisi id illa specificè exprimat.

Tria tamen sunt tempora, in quibus per censuras ab Episcopo, regulares ad officium cogi posse, dixere magni Theologi.

Primum habetur in Trident. sess. 25. cap. 15. vbi Patres in Episcoporum iure esse aiunt, per censuras Ecclesiasticas, si sit opus, compellere, qui cœnobiiis præsunt vt Nouitiis tam masculis, quam foeminis, ante professionem remigrantibus ad sæculum, restituant quidquid ipsi, aut eorum nomine consanguinei,

A in Monasterium intulerant.

Secundum est, cum de clausura monialium agitur, nam si quæ illarum Episcopo eam restituere meditantibus obsequi noluerint, inobedientes atque contradicentes per censuras Ecclesiasticas, aliasque pœnas, quacunque appellatione postposita, compescere iubentur sess. 25. cap. 5.

B Tertium, sacrosanctum spectat Missæ sacrificium, ad cuius honorem, cultumque quia pertinet, nō in priuatis illud domibus aut extra Ecclesiam fieri, vult sacrosancta Synodus, Episcopi ius vt habeant, vetandi regularibus, ne ibi faciant.

In summa, quæcunque ad decentem Missæ celebrationē faciunt, hæc pro auctoritate Episcopis vult Gōc. esse permessa, sic vt tanquam delegati sedis Apostolicæ ea prohibeant, mandent, corrigant, statuunt, atque ad ea iniunctæ seruandæ censuris Ecclesiasticis, aliisque pœnis, quæ illorum arbitrio constituentur, fidelem populum compellant, non obstantibus priuilegiis, exemptionibus, &c. Trident. sess. 22. cap. de obseruandis & evitandis in celebratione Missæ.

C In aliis casibus in quibus Regulares iurisdictioni Episcoporum subduntur, & tamen propter eorum priuilegia suspendi, excommunicari, aut interdici nequeunt, aliis pœnis puniri possunt, vt notant hi auctores Felinus in cap. dilectus de officio ordinarii, Portelius in dubiis regularib. verbo Episcopo, Piafeci in praxi part. 2. cap. 3. n. 58. quo tamen hic loco existimat, Regulares excommunicari, suspendi, & interdici posse in casibus, quibus ex ordinatione Concil. subduntur iurisdictioni Episcoporum, etsi priuilegia illi contraria habeant, quod hæc ab eodem Concilio sint sublata, vt patet ex verbis proxime citatis cap. 22. cap. de obseruandis &c. & sess. 25. cap. vltimo de Regularibus, sed pace eius sit dictum, nihil regularibus de priuilegiis suis per Concilium deperisse cum ab eo est certum tempore, ea Pontifices omnes renouanda sibi duxerint.

D Sexto, excommunicatio est iniusta, cum fertur post interpositā appellationem legitimā: facta post excommunicationem iam latam, effectum eius nō suspendit, si aliquis reclamauerit quod iniuste sit excommunicatus, licentiam habet ad Metropolitanum venire, interim suam excommunicationem custodiat, Concil. Vernis habitum canone 9.

E Vltimo est iniusta cum prætermisso iuris ordine intentatur, vt si infligitur non præmissa monitione triplici, Innoc. IV. in cap. 5. Romane 5. de sent. excomm. in 6. quoquo tamen modo lata semper est timenda,

Ac si indiscrete, inquit apud S. Fulbertum epist. 116. Turonensis Archiepiscopus scribens

bens ad quendam præfulem, ac si sine causa temerariam in te, quod absit, excommunicationem intorsissem, sustinere tamen iudicium tui pastoris, & à sacra celebratione cessare debuisti quod quia non fecisti, & consultice superbia tui magistri, interdicta parvipendisti, prudens te in voraginem excommunicationis precipitasti, accipe quid super hoc B. Gregor. dicat. Vtrum iuste, an iniuste, obliget pastor, pastoris tamen sententia gregi timenda est, ne is qui subiectus est, & cum iniuste forte ligatur, ipsam obligationis sue sententiam ex alia culpa mereatur. Pastor ergo vel absolueret indifcrete timeat, vel ligare, is autem qui sub manu pastoris est, ligari metuat vel iniuste, nec pastoris sui iudicium reprehendat, ne etsi iniuste ligatus est, ex ipsa tumida reprehensionis superbia, culpa que non erat, fiat.

## CAPVT VI.

*Quando excommunicatio irrita sit ac nulla.*

**N**ulla autem est, & inualida excom. primo si qui eam tulit, iurisdictione caruit, aut eam impeditam per censuram excommun. suspensionis aut interdicti habuit, vel suspensam per appellationem legitimam, quæ fuit interposita ante sententiam absolute latam Innoc. IV. cap. solet 2. de sentent. excommun. in 6. Alexand. III. cap. 1. de appellationib.

Dixi ante sententiam, quia quæ illam sequitur eius effectum non suspendit aut impedit, & sicut excommunicatio, sic ab officio, vel ab ingressu Ecclesiæ lata suspensio, aut ipsius effectus, per appellationem sequentem minime suspenduntur, Bonif. VIII. in c. is cui 20. de sent. exco. in 6.

Causa est, quod excommunicatio executionem secum trahat, cum est valida cap. pastoralis 53. de appellat. quare appellans post eam, non obstante appellatione denunciari poterit, Innoc. III. in c. pastoralis parag. Verum quis de appellat. quia excommunicatus per denuntiationem amplius non ligatur, ibid. nihil est ergo causæ quam obrem excommunicatus ante appellationem post eam denunciari non valeat ut euitetur.

Secundo, inualida est, nullaque excommunicatio, cum est irrogata sine causa, eaque rationabili, ac iusta, Innocent. III. sunt hæc verba in cap. 47. Concil. Lateran. Caveat diligenter, ne ad excommunicationem cuiusquam absque manifesta & rationabili causa procedat, ad quam si forte taliter processerit, & requisitus humiliter processum huiusmodi non curauerit absque gravamine renocare, gravatus apud superiorem deponat, de iniusta excommunicatione quærelam, & ipse per se, vel per alium, prout viderit ex-

A pedire, sufficienti cautione recepta, munus ei absolutionis impendat. Cumque aduersus excommunicatorem de iniusta excommunicatione constiterit, excommunicator condemnatur excommunicatio ad interesset.

Equidem pro parvis ac leuibus causis aliquem à communione suspendere prohibentur Episcopi in Concil. Aurelian. 5. cap. 2. Vocationis. can. 23. quod non oporteat. animam pro qua Christi sanguis effusus est, irrogatione tam saui supplicii sauciatur, & inermem quodammodo, ex utraque omni munimine, diabolicis incurvis, ut capiatur, obici, Leo epist. ad Episcop. Vien. prouincia.

Causa est, quod inter culpam & poenam, intercedere similitudo quædam in gravitate debeat, excommunicationi autem cum culpa leui, quodnam esse potest commune vinculum? Est illa natura sua, seu eritatis ac molestiæ plenissima: nā quid homini cōtingere potest in vita acerbius, quam luce ac suauissimo hominum congressu, alioquoque privari? aut quid funestius, quam à Sacramentorum lætis, ac abundantibus pascuis, familiarum animum relictum? quam ergo facit ad insitam Ecclesiæ benignitatem parum, quam ad Antiquum admirabilem, prudentiam, prore, quæ in infinita naturæ nostræ infirmitate, vix est culpanda, canonum ac poenarum, quas reconditas habent multiplices ac varias, seu eritatem expromere? Causæ ergo pensandæ sunt, & tum ligandi atque soluendi potestas exercenda, Gregor. homil. 26. in Euang. Ioann.

Ac si aliquando casus ferat innocentem notari, à Christianorum turba, ut morbidum pecus secludi, ab Episcopo de Ecclesiæ sinu per censuram extrahi, etsi hæc illum caritate, cæterisque beatorum opibus, quas è cælo in bene præparatum pectus, vis diuina infundit, minime spoliet, publice tamen, quandiu erit opinione hominum, hostis Ecclesiæ, quandiu erit eius Sacramentis ac suffragiis orbatus, nec illa obire, nec ista expetere aut communibus interesse precibus in templo poterit, Sub magno ergo moderamine pastores Ecclesiæ, vel soluere studeant, vel ligare, sed Vtrum iuste vel iniuste obliget pastor, pastoris tamen sententia gregi timenda est, Gregor. homil. 26. in Ioan.

Ne tamen Episcopi peccent cum excommunicant, id laborare eos est necesse, ne id faciant nisi canonice, hoc est obseruatis legibus, quæ iure sunt canonum excommunicanti præstitutæ.

Primo itaque quisquis excommunicat, excommunicationem in scriptis proferat oportet, & causam excommunicationis expresse conscribat, propter quam excommunicatio profertur, Innoc.



Primo, si in scriptura, aut eius parte aliqua explicanda versetur, secundo, si præcipua fidei dogmata, si summa ac prima Theologiæ capita enodanda sibi, ad imperitæ plebis captum assumat, si in religionis nostræ, id est Catholicæ arcanis mysteriis euoluendis, operam suam collocet, est in his enim præcipua ac palmaris fidei materia, cum quæ sancta sunt, quæ augusta in Religione Catholica mysteria, hæc sunt quoque diuina credenda fide.

Secundo, de religione ii libri disputant, qui quæ sunt ad sanctorum, Deique venerationem ac cultum, populo explicant.

Tertio, qui de Monachis, eorumque votis commemorant,

Quarto, qui quid in moribus, quid in omni ratione, vitæque genere, cuique sit sequendum indicant.

Quinto, qui de Prælati Ecclesiæ, eorumque munere, aut populi aduersus eos caritate, ac obsequendi voluntate & obligatione, præcepta dant ac monita.

Sexto, qui de iure conscientie, qui de Christiani hominis officiis, qui de virtutibus ac vitiis responsa continent, habent enim hæc vel in primis ad diuinum cultum momentum præcipuum, ita & disseminandi erroris, pietatis autem in populorum animis peruertendæ, periculum non modicum, quare ut ea chartis committi non decuit, ita sub censuræ subeundæ iusto metu prohiberi oportuit.

Decimum tertium, *A censura libros hæreticos legenti aut retinenti proposita, quid excuset?*

Primo, tã ignorantia talis pænæ quam qualitatibus libri, nam bulla eos duntaxat coercet, qui scienter libros legunt hæreticos, ac scientiæ opposita est ignorantia.

Huic opinioni opitulantur Sanchez tom. 1. Decal. lib. 2. cap. 10. num. 38. Fagund. ro. 1. in Decal. lib. 1. cap. 14. num. 19. at qualis? cuiusque modi (inquit Fagund.) id est tam quæ crassa, quam quæ affectata, ex quo sequi ait, non modo eos qui cum ignorantia crassa, & lata culpa, quidpiam eorum faciunt, quæ Bulla arguit circa librorum vsum, sed eos etiam qui ambiunt, affectantque authoris nescire nomen, resque ipsas adeo, de quibus tractat, quo liberius eas oculis, animoque ipsi suo subiiciant, extra culpam omnem, censuramque esse, quod qui ignorans agit aliquid, scienter ut canon exigat, in eo non versetur.

Mihi secus videri solet ob hæc argumenta.

Primum, quod bona fides, rectaque conscientia, nihil agit cum ancipiti cogitatione

A recti & æqui, qui scire renuit, ecquid sibi Deus, aut Ecclesia aliquid imperent, aut ventent, dubitationem habet, aut obscuram saltem præcepti notitiam, seu cogitationem: caret ergo in operando bona fide.

Secundum, ignorantia crassa & supina æquiparatur cum dolo, at hic à censura non excusat, cum fraus nemini dolusque patrocinari debeant, ne culpa vlli sua fructuosa esse videatur ac utilis: ergo, &c.

B Tertium, ignorantia crassa & supina, à pœna censurarum non liberat, ex communi Doctorum sententia, & cap. *ut animarum 1. de constitutionib. in 6.* his verbis: *ut animarum periculis obuietur, sententiis per statuta quorumcunque ordinariarum prolati, ligari nolumus ignorantes, dum tamen eorum ignorantia crassa non fuerit, aut supina, non ergo decreto huic, & sanctioni Pontificis satis consentaneè, dixere auctores qui supra, pœna legentium libros, ab hæreticis exaratos teneri, qui quos manibus terunt, leguntque, culpa sua ignorant esse in bulla prohibitos.*

C Est tamen eorum opinio probabilis, tutaque in conscientia, quod Ecclesiæ (ut aiunt) sit hoc duntaxat in bulla propositum, punire delictum formaliter & expresse vitium, at huiusmodi esse nequit, cum non est cognitum, propriè quæ tale, & sub ratione culpæ.

Secundo, à censura eximuntur qui auctorem libri quem legunt de fide suspectum esse, deque ea male sentire nesciunt, Vgolinus de casib. Papæ reservatis 2. parte versu ac eorundem libros parag. 1. num. 1. Sanchez & Fagund. locis citatis.

D Ratio est, quod bulla vtrumque ad censuram incurrendam exigat, hoc est tam auctorem, hæresis laborare infamia, quam eius opus scaterere erroribus, aut de religione, eiusque exhibendæ modo agere.

Tertio, excusat respectu legentis materiæ paruitas Grassius lib. decis. 4. cap. 18. num. 47. Sayrus tom. 4. thesauri lib. 3. cap. 15. n. 16.

Decimum quartum, *An qui librum hæreticum, legi audiunt, sint excommunicati, perinde ac qui legunt.*

E Respondent qui hac de re scribere commentarios, auditores in eorum classem non cogendos, quos censura comprehendit, quæ libros de hæresi imprimentes, aut legentes ligat.

Ratio est, quod statuta quæ pœnam indicunt, strictissimè sint interpretanda ut est in regula odia de regul. iuris in 6. ad eandemque sententiam aggregare Doctores non paucos perquam est facile, inter quos conuenit locum pœnæ nunquam esse, nisi in legem committatur, propriè sumptam, ac secundum



dum quod verba sonant, quibus est concepta, qui audit, proprie non legit, ergo cum eos duntaxat, pœnæ statutz legibus comprehendant, quos in eas proprie peccasse est certum, qui de hæresi disputantem, aut eam, ut est scriptis ab autore commissa, legentem audit, excommunicationem non subit.

Quid si eam legi quis imperet, quid si consulat, aut mandet?

Respondeo netunc quidem excommunicationi contra istum locum esse, quia cum punitur aliqua actio, aut eius author, in communionem eiusdem pœnæ qua iste, & illa coercentur, consulens, mandans ac imperans non vocantur. Atque ita censura in agentem lata, consulentem ac mandantem nisi exprimantur specialiter, amplecti non solet, etsi improprie & moraliter, ipsi dicantur facere, ut probat Sanchez lib. 3. de matrim. disput. 49. num. 2. legenstamen domini mandato ac imperio peccat, legendoque censuram sibi excommunicationis conciliat, Sanctarell. tr. Et de hæresi cap. 13. dub. unica num. 9.

Decimum sextum, *Quinam imprimentium nomine intelligi in Bulla debeant.*

Primo, qui characteres aggregant, coguntque, ad expressionem hæresis.

Secundo, qui eos atramento imbuunt, torcularia premunt, chartas madefaciunt, madefactas prælo supponunt, literas, quanto conatu possunt, in iis imprimunt,

Tertio, qui operi præsidet, cuiusque nomine, typographiæ procedit labor, cum enim quæ aliena facimus opera, affingi hæc nobis soleant, quæ typographiæ ministeriis additi homines laborabunt ac facient, hæc eius præsidii, dominoque, ut auctori debent attribui.

Quarto, qui typis librum excudi mandat, non autem qui excusum domi seruat, nam

A in eorum qui impressioni dant operam, numero classequ; reponendū quis putet? similiter nec qui librum corrigit, nec qui ea quæ in illum casu, aut industria menda irreplere, obliterat, cum errata expungere, distorta in ordinem referre, punctis ac commatis non notata distinguere, non sit proprie, librum in quo hæc sunt, typis mandare.


Decimum septimum, *An hæretici iure sint diuino excommunicati.*

B Ita visum Latomo in *assertione Louanien-sis determinationis contra Lutherum*, Clithoueo in *assert. Veritatum Concilij Senonens.* Echio in *Enchirid. ca. de hæreticis comburend.* nititur hac ratione, quod eorum commercia, congressumque cum Catholicis, scriptura prohibeat, *Matth. 18. Sit tibi sicut Ethnicus & Publicanus. 2. ad Corinth. 7. quæ pars fidei cum infidei. 2. ad Thessalonic. 3. Ut subtrahatis vos ab omni fratre ambulante inordinate, & non secundum traditionem quam acceperunt à nobis, ad Titum 3. hæreticum hominem post unam, & secundam correptionem deuota. 2. Ioan. 1. si quis venit ad vos, & hanc doctrinam non affert, nolite recipere eum in domum. sed nec Ave ei dixeritis.*

Sequenda tamen sententia contraria.

Primo, quod in iis locis ne verbum quidem sit de excommunicatione vel modicum.

Secundo, quod si essent à fide alieni, hæretici, præ cæteris diuina excommunicati lege, vitandi forent omni tempore, etiam non denunciati, quod est contra praxin itaque dicendum, his & similibus scripturæ testimoniis, præcipi fidelibus, ut se ab eorum contubernio hominum segregent, quorum est fides anceps ac dubia, ut est hæreticorum omnium, videri etiam, his verbis de iis excommunicandis mandata Prælati dari.






# E P I T O M E E O R V M, Q V Æ D E EXCOMMUNICATIONE SVNT DICTA, cum probatione ex Canonibus, Conciliis, & Patribus deprompta.

## CAPVT PRIMVM.

*Quid sit Excommunicatio.*



**D**E excommunicatione agitur causa 11. q. 3. 24. q. 1. 2. & 3. in decretalib. de sentent. excommunicat. titulo 38. & in 6. titulo 11. à Diu. Tho. in 4. dist. 18. Soto dist. 22. Nauarro cap. 27. manual.

Couar. in cap. alma mater.

Hanc prisco maiorum xuo, in vsu fuisse & ad nocentium iustam pœnam frequentari solitam, docent ex Augustini ore petita testimonia quæ sequuntur, de Genesi ad litteram ca. 11. Alienandus inde vtrique fuerat, vel iam moriturus, vel etiam tanquam excommunicatus, sicut etiam in hoc Paradiso, id est Ecclesia, solent à Sacramentis altaris visibilibus, homines disciplina Ecclesiastica remoueri, & to. 4. li. de fide & operib. ca. 2. explicans hæc verba Apost. 1. ad Corinth. 5. Auferte malum ex vobis ipsis. Quomodolibet, inquit, intelligatur, siue ut seueritate Ecclesiæ mali excommunicationibus corripiantur, &c. & lib. 5. quæstionum super Deuteronom', ait Excommunicationem nunc agere in Ecclesia, quod agebat in antiqua lege interfectio epistola autem 74. ad Deuterium Episc. petit ut Diaconus quidam à Clericorum gradu, congruè Ecclesiastica seueritate deiectus, cauendus omnibus innotescat.

Apostolorum noti sunt Canones, nota decreta legentibus 61. 62. 63. 64. & 65. in quorum primo qui mortis metu Christi nomen negat ab Ecclesia reicitur, in aliis autem à communione excluditur qui cū hæreticis orat, qui in concertatione aliquem temerè

**A** verberat, aut necat, aut Dominico vel Sabato ieiunat.

Quid? quod Apostol. 1. ad Corinth. 4. incestuosum Satanæ possidendum tradit hoc est à corpore Ecclesiæ, ut membrum putidum ac foetens, ense Ecclesiastico rescisum, procul à cæterorum cœtu abiicit? Sic enim hunc locum explicat Tertul. de pudicitia cap. 13. Illis, inquit, traditis satana, id est, extra Ecclesiam proiectis cap. 20. Abiicitur extra ciuitatem in locum immundum, deditus scilicet Satanæ in interitum carnis, nec reedificatur in Ecclesia post ruinam, quæ etiam est interpretatio Hieronym. in Ezech. cap. 17. Ambros. de pœnit. cap. 14. August. lib. de fide & operib. cap. 26. Quæ ergo Ecclesiæ, eadem quoque censuræ sunt ac excommun. primordia. Ne Episcopalis arrogantiæ exultimes, esse segregacionem, lex est patriæ, vetus est regula Ecclesiæ, quæ cepit à lege, & fuit confirmata in gratia. Considera sanctum Paulum, in reos emittentem sententias segregacionis, & iuuenem Corinthium cœcurantem medicamento, qui satanicè noueræ infano erat captus amore. Gregor. Nyssen. in oratione aduersus eos qui agre ferunt reprehens. Hæc de excommunicandi antiquo vsu in Ecclesia.

Est autem excommunicatio pœna Ecclesiastica 11. q. 3. can. ad mensam eaque spiritalis obligans animas, August. epist. 75. ad Auxilium Episcop. Damnatio quam facit Episcopale iudicium (quæ pœna nulla in Ecclesia maior est) August. de corrept. & gratia cap. 15. relatus à Grat. 24. q. 3. canone corripiantur 17. non est hæc amentingulans, sed sanans, non eradicans, sed firmans. Qui enim excommunicatur, ut Apostolus ait, ad hoc excommunicatur, ut Spiritus eius saluus fiat in die Domini, Disciplina enim est excommunicatio, non eradicatio, Urbanus Papa 24. 7. 3.

can.

can. notandum 37. potestque hanc si Deus voluerit, in correctionem saluberrimam cedere, atque proficere, August. de corrept. & grat. cap. 15.

Et quoniam censuræ metu, multi sibi à vitis temperant, viri boni officium præstant, quæ hominem dedecet, & in quæ ultro, isto non castigati religioso metu ruerent, magna cautela providentiaque vitant, eam obrem appellatur *neruus discipline Christianæ, mucro cælestis, separatio à Christi corpore* Cyprian. de erat. Dominicanum. 51. August. serm. 11. de verbis Domini, Origen. in Levitic. homil. 14. medicina non mortalis disciplinans non eradicans, Innoc. IV. in Concil. Lugdun.

Sic autem vocatur, quia à communione corporis & sanguinis Domini notatum prohibet 11. q. 3. can. ad mensam 24. parag. hæc sententia, præterea à communicatione fidelium, & Sacramentorum, quo ab effectu vocatur, *excommunicatus* autem *excommunicatus* can. 10. Apost. & can. 32. Est & alia censuræ nomenclatura vltata Patribus, nam eam ab iis appellatam video vinculoꝝ nomine, Si haberes, inquit Greg. Nyssenus in capite oculos apud animæ essentiam, ostendissem tibi segregationem & habitum, cuius collum premitur gravissimis vinculis. Nos quidem (subiicit Chrysost. ad pop. Antioch. hom. 76.) primum ne trahamur in necessitatem optamus, quod si venerimus, nostrum implemus officium, vincula iniicimus.

His expressa nominibus excommunicatio definitur censura Ecclesiastica qua Christianus parum Ecclesiæ obsequens, sacris arcetur fideliumq; congressu. Perspicuitatis maioris causa, dicunt alii, censuram esse sententiam, à canone prolatam, aut iudice Ecclesiastico, quæ homo Christianus, bonis fidelium communibus excluditur, hoc est Sacramentis, publicis Ecclesiæ, votis, suffragiis, ac precibus, & congressu demum, colloquioque cum Christi plebe mutuo, quæ tria, bona dicuntur esse Christianorum communia, iisque priuari, in quos Ecclesiæ gladium strinxit, fulminaque sua euibrat.

Vt est tamen inculpis quas conscire potest humana mortalitas, magna varietas, ita est & in cæsuris, facultatis ac virium in repetenda de iis pœna, par ferè diuersitati inæqualitas. Excommunicatio, cui nomen est minoris, earum rerum partem alteram duntaxat, homini adimit, maior omnes, rem ipsam excommunicationis distributio, planam faciet.

At enim parètis est, (inquiens) quæ liberorū amor, curaque sollicitat eos blâditis cogere ad officium, odiosa est omnis cum seueritate coniuncta castigatio, debemus amando corripere non nocendis autare, August. serm. 16. in Mat-

Pars secunda.

A *thæum super hac si peccauerit in te frater, quod est Pauli admonitum ad Roman. 14. Infirmum in fide suscipite, non in disceptationibus cogitationum, suscipere enim, fouere est, Dominus susceptor meus id est adiutor, & ad Galat. 6. Fratres & si præoccupatus fuerit, hoc est præuentus fuerit, homo in aliquo delicto, vos qui spirituales estis, instruite huiusmodi in spiritu lenitatis, id est blande, leniter, cum affectu, qualem reperiri in excommunicante non est facile, cum pœna omnium maxima peccantem afficiat.*

B Quid? quod malos, quod improbos, tolerare iubeamur? quod ferre eorum ingenium, parum docile rectique nescium, dum maturefcit, prudentiæ fit in politicis non vltimæ 24. qu. 4. can. tu bonus 2. can. quid ergo can. tolerandi primo.

Ad hæc, tria habent Episcopi quæ respondeant. Primum pietatis esse, censura in nocentes animaduertere, censurarum vinculis eos ne præcipientes in peccata porro ruant, reprimere. Quid enim tam pius, quam medicus ferens ferramentum, plorat secandus, & secatur. C *plorat vrendus, & vritur. Non est illa crudelitas, absit, ut seuitia medici dicatur, seuit in vulnus ut homo sanetur, quia si vulnus palpat, homo perditur. August. serm. 15. in Matthaum quare non omnis qui parit amicus est, nec omnis qui verberat inimicus, meliora sunt vulnera amici, quam voluntaria oscula inimici, melius est cum seueritate diligere, quam cum lenitate decipere, vtilius esurienti panis tollitur, si de cibo securus, iustitiam negligit, quam esurienti panis frangitur, ut iniustitia, seductus acquiescat, & qui phreneticum ligat, & qui lethargicum excitat, ambobus molestus, ambos amat. August. epist. 48. ad Vincent.*

Secundo, respondent Episcopi, ad id se cogi, arma sibi à reo porrigi, quibus vel inuiti eius peruicaciam tundant, frangant audaciam. Nos quidem ad soluendum duntaxat *uti potestate vellemus, quin imo nec huius necessitatem vellemus habere, nullum enim volumus apud nos captivum esse: non ita miserrimus & arumnosus, licet valde simus viles. Si vero coacti fuerimus, ignoscite: non enim sponte, vel volentes, sed plus vobis dolentes ligatis iniicimus vincula.*

Addunt postremò, esse è re tam publicam, quam priuata, in reorum contumaciam exemplum statui, rebelles, ac Ecclesiæ legibus inobsequentes homines, censuris notari. Et quidem exigit id priuata rei utilitas, ne porro peccare pergat, quæ enim est impunitate munita improbitas, tempore crescit, non deficit, dissimulata firmatur, correctaminiuitur, ut enim qui peccantē blâdimētis adulantibus palpat, peccandi fomitem subministrat,

R r

nec comprimit delicta, sed nutrit, ita qui consiliis A fortioribus redarguit, simul & astringit, fratrem promouet ad salutem. Imperitus est medicus, qui vulnerum tumentes sinus manu parcente contrectat, & in altis viscerum recessibus, virus inclusum dum seruat, exaggerat.

Nec est modo peccanti utile, eum censura plecti, sed & Ecclesie, quæ magna haud dubiè in moribus detrimenta, dedecoraque breui ferret, si merita culpis suis supplicia, nocens exiret, nec ferret, meum non est, sed Origenis iudicium in Hierem. hom. 9. Peccauit quispiam, & post peccatum postulat communionem, si ei conceditur quod rogat, in incommo- dum omnium, venia procedit, & laxatis fra- nis, sceleribus panditur via. Sin verò cum ratio- nabili deliberatione, non ut misericors, nec rur- sum ut crudelis index, sed & quasi vni pronidens, & de omnium salute pertractans, consideraerit populi damnum in vnius venia, haud dubium est, quin faciat eiici vnum de Ecclesia, ut multos sal- uet incolumes.

Sunt in eandem sententiam scripti hi ca- nones, canon duo ista nomina trigessimus quin- tus causa 23. q. 4. can. qui peccat, c. si Ecclesia ca. quesitum c. si quos igitur, c. si non parag. breuiter tum sequentibus vsque ad can. debet homo, eiusd. ij. & causa, est ergo intentandæ censuræ contra reum, eiusque puniendi per censu- ram, iusta superiori causa.

## C A P. II.

*Exponitur quotuplex sit excommunicatio.*

**D**ividitur ergo excommunicatio primo, in eam quæ est à iure, seu canone, & aliam quæ irrogatur ab homine.

Secundo, in eam quæ fit à Christi corpo- re, & eam quæ est à communione fidelium: vtrique explicatur his verbis: *Hæc sententia excommunicatio vocatur, quia à communione cor- poris & sanguinis Christi notatum prohibet, sicut & Adam, ab esu ligni vitæ, excommunicatus est: est & alia sententia, quæ anathema vocatur, qua quisque separatur à consortio fidelium, de qua supra cum excommunicatis nolite communicare* 11. q. 3. can. 24. parag. hæc sententia.

Tertio diuiditur in maiorem & minorem, maiore priuatur homo Sacramentis, Eccle- siæ communibus suffragiis, & communica- tione fidelium. Minore autem, sola Sacra- mentorum administratione passiuæ, & po- testate recipiendi beneficii, aut officii Eccle- siastici cap. si celebrat. Vltimo de Clerico excom- ministrante.

Maior est rursus duplex, comminatoria, & ipso iure, factoque lubeunda. Iure incur-

ritur, quando per canonem, statutum, aut constitutionem infligitur, aut infligi præci- pitur. Si primum, dicitur ipso facto incurri, si alterum, quia nihil præter minas comple- ditur, comminatoria est non facti. Priore dicuntur homines separari ab Ecclesia can. certum nono causa 24. q. 3. eiici de eius castris, canone 7. eiusd. qu. & causa, tradi satanæ ab Hieron. hom. 2. in lib. Iudicum, quod maxime contingit, cum delictum rei manifestum sit Ec- clesie, & per Sacerdotes de Ecclesia hic pellitur, ut notatus ab omnibus erubescat, & conuerso conueniat illi illud, quod sequitur ut spiritus sal- uis fiat in die Domini Iesu Christi 11. q. 3. can. 21. qui ex Hieronym. est desumptus homil. ci- tata.

## C A P. III.

*Quibus indicis cognoscatur, quæ excommunicatio sit lata sententia, quæ ferenda.*

**C**Ux autem excommunicatio latæ sit sententiæ, quæ ferendæ, his argumen- tis ac notis internoscitur.

Prima, si lex seu constitutio, aut decre- tum, in imponenda excommunicationis sententia, utatur verbo futuri temporis Ex- communicabitur comminatoria est, ac feren- dæ sententiæ.

Secunda, vox imperatiui modi, legi aut sententiæ addita, excommunicetur, priue- tur sacris, interdicatur, excommunicatio- nem ac interdictum in peccati pœnam infe- rendum sonat, illatum neutiquam.

Tertia hæc verba. *Sub interminatione ana- thematis, cadat omni iure suo. Subiiciatur, habeatur pro excommunicato excommunicationem se incursum nouerit*, secum trahunt senten- tiam ferendam non latam, *Sebastianus Medi- cis in summa peccatorum capitalium* q. 42.

Quarta, quoties lex quæ pœna afficit, comminationem pœnæ iniicit, sententiam ferendam continet: verba autem minas in- tentantia sunt sub pœna excommunicationis, prohibemus, sub anathemate, præcipio sub excom- municatione, aut eius interminatione.

**E** Latam autem sententiam ostendunt pri- mo; verba indicatiui, modi aut præteriti, quæ pœnam irrogant, aut irrogatam declarant, ut excommunico, subiaceat, ipso facto excom- municationem incurrat, excommunicatum cen- semus, alioqui excommunicatum te noueris.

Secundo, latam quoque sententiam de- clarant, aduerbia quædam sententiæ addita, quæ moram temporis omnem excludunt, ut statim continuo, aut interpretationem sen- tentiæ Omnisno, penitus, prorsus, omnibus modis, his



his enim iudex significat nolle se pœnam A differrî aut prorogari in crastinum, aut mentem suam alio trahi quam verba denotant.

Tertio cum constitutio aut lex verba complectitur, quibus vtuntur Concilia, cum aliquem de hæresi damnant, iudex hoc ipso, eum in quem dicit sententiam, ab Ecclesia eiusque bonis segregat: eiusmodi sunt, *sit anathema maranatha*, pars ei nulla sit in Ecclesia Christi, *sit Sanctorum hostis*, *sit excommunicatus*, quia tum legis suæ ac verborum quibus constat, iudex eundem esse vult sensum, qui est Ecclesiæ ac Conciliorum, cum quempiam male de religione fideque sentientem, vti putre membrum, de corpore suo flammis vrendum sempiternis exsecrat, at hæreticos Concilia, Ecclesiæque, illico ac in eos est dicta sententia, in hostium loco habent, quare à sacris religionis Catholicæ extorres, ac alienos, à suo procul sinu pullos eiicit, ac remouet: ergo, &c.

Confirm. verbum *sit* additum participio indicatiui modi, rem ex vsu communi, perfectam esse commonstrat, at esse talis nequit, nisi ratione sententiæ quæ sit lata, ergo sicut verbum *Est* coniunctum huic participio *excommunicatus*, excommunicationem inflictam denotat, ita & vocis *sit*, copulatæ eidem participio, notio suberit eadem, itaque non ferendæ, sed latæ sententiæ nota certa futura erit, ac pœnæ iam urogatæ quædam velutitessera.

## CAP. IV.

Explicantur diuisiones excommunicationis.

**N**Eque his se terminis excommunicatio continet.

Diuiditur enim præterea in generalem & particularem, iustam & iniustam. Generalis est, quæ personam non notat, hominem non designat, quem ab Ecclesia extorem faciat, sed ad omnes se porrigit, quos temeritas, & audacia, violatæ legis reos constituent, cuius causa censura à iudice prodit, eius generis sunt sequentes Si quis cognitis gestis Nicæni concilij (de ordinandis Clericis) aliud quam statutum est facere præsumserit, & non in eo perseuerandum putauerit: hic excommunicatus habeatur, nisi per correctionem fratrum emendauerit errorem. Toletan. 1. in principio. Quisquis Pontificum, aut sanguine propinquus, aut fauore personis quibuscunque sibi acunctis talia commendare lucra (Ecclesiarum & Monasteriorum) tentauerit, quod fecerit, irritum denocetur, & qui ordinauit, annua excommunicationis subiaceat. Toletan. 10. can. 3.

Particularis excommunicatio est ea, quæ in certum promulgatur hominem, ob culpam, cuius est, fama conuictus aut testibus, eiusmodi est quam Innoc. II. Abailardo inflictam voluit, in epistola ad Samsonem Rhement. Archiepiscop. Petri Abailardi peruersa dogmata, sanctorum canonum auctoritate, cum suo auctore damnamus, si quis de propria cognatione, vel quam cognatus habuit, duxerit uxore, anathema sit, Greg. in Concil. Rom. can. 9.

Iusta est, quam æquitas causæ, circumstantiæque ceteræ fulciunt, à quibus iudicium laudem habet ac meritum.

Iniusta est, quam odium, ira, aut cupiditas à iudice, contra infontem præter fas extorsit, cuiusmodi Patres improbant, irritamque esse narrant, & idcirco à Synodo retrahendam aiunt, Concil. Carthag. 4. can. 28. aut diiudicandam, vt est in Concil. Vernis can. 9. quod quoniam ad Episcopi dignitatem non facit, ne his se animi morbis occupari ad æternam nominis sui infamiam sinat, admonent Leo & Innoc. III. ille in epist. 87. ad Episcopos Vienn. provinciae, hic in Concil. Lateranensi

can. 49. Prioris sunt hæc verba. Nulli Christianorum facile communia denegetur, nec indignantis sit hoc arbitrium Sacerdotis, quod in magni reatus ultionem, inuitus & dolens, debet inferre animus vindicantis, quare ne quando iræ frana laxari ac odio, fas sibi Ecclesiastici iudices crederet, faciendum sibi pro cætera sua prouidentia cum censeret Innoc. III. hæc inferenda de Episcoporum consilio ætis Synodi Lateran. voluit in can. 87. Sub interminatione diuini iudicii penitus interdiximus, vt causa cupiditatis nullus audeat excommunicationis vinculo vllum innodare.

Sententia rursus iniusta diuiditur in validam & irritam. Irrita vis est nulla, quare nõ necessario vlla ei adhibenda est veneratio. Valida, iniusta tamen, contemni nequit, ei obsequi palam quisque, & in omnium oculis debet, ne imperitiæ plebi, querelæ ac scandalij causam præbeat. Habet tamen potestatem is qui abiectus est, vt Episcopos finitimos interpellet, & causa eius audiat, ac diligentius tractetur, quia non oportet ei audientiam negari roganti, & ille Episcopus qui iuste aut iniuste eum eiecit, patienter accipiat, vt negotium discutatur, vel probetur sententia eius à pluribus, vel emendetur. Tamen priusquam omnia diligenter, & fideliter examinentur, cum qui fuerit à communione separatus, ante cognitionem, nullus alius debet præsumere, vt communioni faciat, Concil. Sardic. can. 17. Concilium apud Palatium Vernis habitum, can. 9. excommunicatus licentiam habet venire ad Metropolitanum, & ibidè secundum canonicam institutionem diiudicetur interim suam excommunicationem custodiat.

R r ij

## CAP. V.

*Explicantur modi quibus sententia est iniusta.*

**E**rit autem sententia iniusta, valida tamen, si eam non pietas, non æquitas, non iuris reddendi, aut officii præstandi studium ac voluntas expresserint, sed odium, ira, cupiditas ac avaritia, & quidem gratie meminere Concilia Agathense can. 3. *Vormac. can. 14.* Ira Leo epist. 87. ad Episcopos Viennensis provincie. Cupiditatis & avaritie, Innoc. III. can. 49. Concil. Lateran. Ita fit interdum, ut aliqui non recto iudicio eorum qui præsumunt, Ecclesia pellantur & foras mittantur, Orig. in *Leuitic. hom. 14.*

Est etiam iniusta, cum eius promulgandæ causa non est sufficiens ac idonea, quod quale sit, & quam Christiano præfule indignum, est in Concilio habito in Germania sub Conrado Cardinali can. 4. his verbis: *Quanta temeritatis & presumptionis existat, quod qui servare debent canonicas sanctiones, in quibus aperte continetur, quod nullus aliquem sine rationabili causa excommunicare præsumat, eas frangere non formidant, plures non amore iustitie, sed liore odii, vel favore aduersariorum, excommunicationis vinculo innodantes, nullus ignorat.*

Estque tùm excommunicato infonti, magno ferenda animo sententia, quæ in eum lata erit, nec desperare debet, nec se otio, & desidia tradere, sed bonis operibus nitens, mille viis ad Ecclesiam reuerti, satagere debet, Hieronym. in cap. Hier. 29. quare quod olim, idem excommunicatis, hoc quoque tempore dictum esse credere conuenit, Si forsan ob aliquod peccatum, de congregatione fratrum, & de domo Dei eiciamur, reluctari non debemus, sed æquo animo, latam in nos ferre sententiam, & dicere cum Propheta. Iram domini sustinebo, quoniam peccavi ei, donec iustificet causam meam, Hieron. in *Ezech. cap. 17.* Læso fas tamen appellare ad Archiepiscopum Concil. apud Palatium Vernis habitum can. 9. & in Nicæno can. 5. Aquilgranensi sub Ludouico Imper. 1. anno 816. can. 42. iubentur Põtifices quotannis inquirere in Conciliis quæ bis quolibet anno in Diocæses singulis fieri oportebat, an pusillanimitate aut contentione, aut alio quolibet Episcopi vitio, aliquis sit à Congregatione seclusus.

Hoc tamen differt excommunicatio, quæ iusta nulla causa nititur, ab ea cui initium est ab odio vel ira, quod ista effectus omnes vix censuræ in eo producat, quem afficit, alia non item, itaque ut vim illa, momen-

**A** tumque habet in vtroque foro, ita ei obsequi singulos est necesse, quod de ea similiter dici nequit, quæ leui de causa, aut verius nulla, est in infontem lata, huic enim parere nihil est necesse in foro conscientie, ut cum ratio ipsa tùm Gregor. paucula hæc verba, petita ex ep. 24. l. 2. indictione 10. indicant, *Comperimus quod Laurentius quondam frater, & Coepiscopus noster, nullis se culpis extantibus, communione priuauerit, ideoque huius præcepti nostri auctoritate munitus, officium tuum securus perage, & communionem sume sine aliqua formidine.*

**B** Quisquis tamen est eiusmodi, ut conscientie bonitate fretus, in se censura dignum residere nihil pro certo habeat, seque proinde iniuste, nec sine excommunicantis crimine, piorum numero motum esse, etsi non sit Deo, superisquetali sententia inuisus, publice tamen debet se pro excommunicato gerere, diuinis abstinere, hominum oculos, commerciaque vitare, ratione scandali, quod ex horum vñu operum in minutæ plebis ciceretur animis.

**C** Quod si secus facere animum induceret, eo quod nullius se conscientia sceleris tenere, iniustamque proinde scit esse dictam in se sententiam, in foro conscientie irregularis non foret, nec acta per illum essent nulla, secus in externo Aui. 2. par. ca. 6. dub. 2. & 3. *Si quis enim non recto iudicio eorum qui præsumunt Ecclesie depellatur, & foras mittatur, si non ita egit, ut mereatur exire, nihil leditur ab eo, quod non recto iudicio ab hominibus videatur expulsum, Origen. in Leuitic. homil. 14. & ita fit interdum, ut ille qui foras mittitur, intus sit, & ille foris, qui intus retineri videtur, Origen. ibi.*

**E** Et ideo habet potestatem is qui auctus est ἐπὶ τοῖς ἐπισκοποῦσι τῆς μεταπολίως τῆς αὐτῆς ἐπαρχίας καὶ φυγῆναι, confugiendi, ad Episcopum Metropolis eiusdem provincie, ut causa eius audiat, & diligentius tractetur, & ἔξῃ γὰρ μὴ ὑπὲρ τοῦ ἐκείνου ἀποδοῦναι, nec enim deest aures non præbere postulantibus Concil. Sardic. can. 17. Quare si erat Episcopus in culpa, si iniqua eius sententia, iuebatur eam reuocare, de quo est salubre August. admonitum ad Auxiliū Episcopum epist. 75. aut vero à Metropolitano, vel Episcopis reddebatur ipanis, ac nulla, quod quia non poterat ei non videri graue, hortantur eum Patres in Sardicensi Concil. can. 17. patienter accipere, ut negotium discutiatur, ut vel probetur à pluribus sententia eius, vel emendetur, ἢ χωρὶς αὐτοῦ ἢ συνφασίς ἢ διορθώσις τῷ χῶ, quanquam acerbius in eiusmodi Episc. labentibus annis sauitū esse video nā in Conc. Paris. ut refertur 24. q. 3. can. de illicita 6. par. cum excommunicato

nicato à se, præter fas legesque canonum, pœna iubetur affici. Qui non legitime excommunicauerit, in tantum absteineat à sacra communione tempus, quantum maiori Sacerdoti visum fuerit, ut quod iniuste fecerit, ipse iuste patiatur, & hinc S. Gregor. ad Ioannem Episcopum, iniuste excommunicantem inter cetera scribit, dicens, cassatis prius, atque in nihilum redactis predictæ tue sententiæ decretis, ex beati Petri principis Apostolorum auctoritate decernimus, triginta dierum spatium, te sacra communione priuatum, ab omnipotenti Deo, tanti excessus veniam, cum summa penitentia, ac lacrymis exorare.

Longius est progressus Innoc. eius nominis III. nam in decretali sacro 48. de sent. excomm. sanxit ut cum aduersus excommunicatorem de iniusta excommunicatione confiteretur, excommunicator condemnatur ad interesse excommunicato, alias nihil (si culpa qualitas postulauerit) superioris arbitrio puniendus, cum non levis sit culpa, tantam infligere pœnam infanti.

## CAPVT VI.

Explicantur causæ alia ob quas sententia iniusta dicitur.

**E**st præterea, iniusta sententia, si percellat innocentem, Cap. si, inquit August. serm. 16. de verbis Domini, habere fratrem tuum tanquam publicanum, ligas illum in terra, sed ut iuste alliges vide, nam iniusta vincula disrumpit iustitia, & in Psalm. 36. concione 3. relatus in can. 53. can. undecima qu. 3. Si ad tempus damnatus ab homine, & dixit sententiam Proconsul in Cyprianam, alia est sella terrena, aliud tribunal cœlorum: ab inferiore accepit sententiam, à superiore coronam.

Hocque ipsum est, quod summarum scriptores aiunt, sententiam quæ intolerabilem errorem continet, quo nec maior vllus esse, nec peior potest, quam cum innocens virgis Ecclesiæ vapulat, iniustam esse: Deinde est iniusta, cum pro leuibus peccatis est infligta, par enim esse pœnæ culpa debet, leuis quæpiam, ac si plectitur, æquitas in iudicando non tenetur, quare id operam dare debet Episcopus, ne quemquam rectè fidei hominem, pro paruis, & leuibus causis à communione suspendat, Concil. Aurelan. 5. can. 2. Vorma-  
ciense can. 13. Quod si Sacerdotali moderatione postposita, innocentes aut minimis causis culpabiles, excommunicare præsumserit, aut ad gratiam festinans recipere noluerit, à vicinis Episcopis cuiuslibet prouinciæ moueatur, & si parere noluerit, communio illis, usque ad tempus Synodi à reliquis Episcopis non denegetur, ita præcipiunt Concil. Agathense can. 2. Quare Nicænum can. 5. in-

**A**quiri iubet in Synodo, an quis pusillanimitate, indignatione aut contentione, aut alio quopiam Episcopi virio videatur quis à congregatione seclusus, ut pœnas non cohibiti animi, iraque non repressa, luat.

**T**ertio excommunicatio est iniusta, si feratur à non habente auctoritatem cap. nullus 3, de Parochiis, nam qui ordinare excommunicatum non potest, nec indicare potest, Adrian. Papa ibi, ob eam causam excommunicatus, suspensus & interdictus, qui nominatim sunt denunciati, excommunicare nequeunt, eo quod iure canonum, vsu sint iurisdictionis in suos subditos priuati, colligitur ex can. nos Sanctorum 15. q. 6. vbi dicitur. Nos Sanctorum prædecessorum nostrorum, statuta tenentes, eos, qui excommunicatis fidelitate aut Sacramento constricti sunt, Apostolica auctoritate à iuramento absolimus, & ne sibi fidelitatem obseruent omnibus modis prohibemus, quousque ipsi ad satisfactionem veniant, sunt enim extra Ecclesiam, quàm ergo parum est simile vero, alios ex ea posse ab illis eiici? vinetique cum sint alios ab iis vinciri posse, quare constitutiones & sententiæ, quæ ab excommunicatis huiusmodi, vel de eorum mandato fuerint promulgatæ, inanes & irritæ habeantur, nullo unquam tempore, Innoc. III. in Concil. Later. can. 46. idem habet Carthagin. Concil. 3. can. 21.

Sane si ut est in citato canone, eos iurisdictione carere, aut eam non habere liberam, sed suspensam voluit Ecclesia: eis obsequi nō tenentur subditi, quicquid ergo hi statuent, quicquid fieri iubebunt, ac volent ut iudices: firmum non erit, stabilitatis parum aut nihil, ei pro certo inerit.

**D**ixi si sunt denunciati, nam à temporibus Constantiensis Concil. sunt excommunicati tolerati, acta omnia rata, sententia valida, quandiu nō est hic, è superiori loco denunciatus de nomine, docent Nauar. ca. 27. nam. 7. Sotus in 4. dist. 22 q. 2. art. 1. Henricus de excommunicat. cap. 7. Lessius lib. 1. ca. 29. dub. 7. num. 17.

**R**atio est, quod in eo Concilio, liberam Christianis omnibus facultatem esse velit Ecclesia, res negotiaque habendi cum excommunicatis, quorum ipsa congressus, commerciaque, subditis sibi gētibus non interdixit de nomine, voluit ergo iudicant acta publica, quos ipsa censura notasset, non tamen publice promulgasset, rata esse, alioqui cur concederet, ut ad eos cuique iuris obtinendi causa ire liceat? cur eisdem de rebus maximis consuli sinit? cur ab iis ad beneficia, legitimo patrono offerri? cur eorundem collationes exigi? si tales eorum actus sunt inuálidi? noxia sane esset eiusmodi concessio, cum in multorum perniciem

R: iij



bens ad quendam præfulem, ac si sine causa temerariam in te, quod absit, excommunicationem intorxissem, sustinere tamen iudicium tui pastoris, & à sacra celebratione cessare debuisti quod quia non fecisti, & consiltrice superbia tui magistri, interdicta parui pendisti, prudens te in voraginem excommunicationis precipitasti, accipe quid super hoc B. Gregor. dicat. Vtrum iuste, an iniuste, obliget pastor, pastoris tamen sententia gregi timenda est, ne is qui subiectus est, & cum iniuste forte ligatur, ipsam obligationis suæ sententiam ex alia culpa mereatur. Pastor ergo vel absolvere indifcrete timeat, vel ligare, is autem qui sub manu pastoris est, ligari metuat vel iniuste, nec pastoris sui iudicium reprehendat, ne etsi iniuste ligatus est, ex ipsa tumida reprehensionis superbia, culpa quæ non erat, fiat.

## CAPVT VI.

*Quando excommunicatio irrita sit ac nulla.*

**N**ulla autem est, & inualida excom. primo si qui eam tulit, iurisdictione caruit, aut eam impeditam per censuram excommun. suspensionis aut interdicti habuit, vel suspensam per appellationem legitimam, quæ fuit interposita ante sententiam absolute latam Innoc. IV. cap. solet 2. de sentent. excommun. in 6. Alexand. III. cap. 1. de appellationib.

Dixi ante sententiam, quia quæ illam sequitur eius effectum non suspendit aut impedit, & sicut excommunicatio, sic ab officio, vel ab ingressu Ecclesiæ lata suspensio, aut ipsius effectus, per appellationem sequentem minime suspenduntur, Bonif. VIII. in c. is cui 20. de sent. exco. in 6.

Causa est, quod excommunicatio executionem secum trahat, cum est valida cap. pastoralis 33. de appellat. quare appellans post eam, non obstante appellatione denunciari poterit, Innoc. III. in c. pastoralis parag. Verum quis de appellat. quia excommunicatus per denuntiationem amplius non ligatur, ibid. nihil est ergo causæ quam obrem excommunicatus ante appellationem post eam denunciari non valeat ut euitetur.

Secundo, inualida est, nullaque excommunicatio, cum est irrogata sine causa, eaque rationabili, ac iusta, Innocent. III. sunt hæc verba in cap. 47. Concil. Lateran. Caveat diligenter, ne ad excommunicationem cuiusquam absque manifesta & rationabili causa procedat, ad quam si forte taliter processerit, & requisitus humiliter processum huiusmodi non curauerit absque gravamine renocare, gravatus apud superiorem deponat, de iniusta excommunicatione querelam, & ipse per se, vel per aliū, prout videris ex-

A pedire, sufficienti cautione recepta, munus ei absolutionis impendat. Cumque aduersus excommunicatorem de iniusta excommunicatione constiterit, excommunicator condemnatur excommunicato ad interesse.

Equidem pro parvis ac leuibus causis aliquem à communione suspendere prohibentur Episcopi in Concil. Aurelian. 5. cap. 2. Vormacionf. can. 23. quod non oporteat. animam pro qua Christi sanguis effusus est, irrogatione tam saui supplicii sauciata, & inermem quodammodo, ex utraque omni munimine, diabolicis incurfibus, ut capiatur, obici, Leo epist. ad Episcop. Vien. provinciae.

Causa est, quod inter culpam & poenam, intercedere similitudo quædam in gravitate debeat, excommunicationi autem cum culpa leui, quodnam esse potest commune vinculum? Est illa natura sua, seueritatis ac molestiæ plenissima: nā quid homini cōtingere potest in vita acerbius, quàm luce ac suauissimo hominum congressu, alioquoque privari? aut quid funestius, quàm à Sacramentorum lætis, ac abundantibus pascuis, famelicum animum reici? quam ergo facit ad insitam Ecclesiæ benignitatem parum, quam ad Antichristum admirabilem, prudentiam, prore, quæ in infinita naturæ nostræ infirmitate, vix est culpanda, canonum ac poenarum, quas reconditas habent multiplices ac varias, seueritatem expromere? Causa ergo pensanda sunt, & tum ligandi atque soluendi potestas exercenda, Gregor. homil. 26. in Euang. Ioann.

Ac si aliquando casus ferat innocentem notari, à Christianorum turba, ut morbidum pecus secludi, ab Episcopo de Ecclesiæ sinu per censuram extrahi, etsi hæc illum caritate, cæterisque beatorum opibus, quas è cælo in bene præparatum pectus, vis diuina infundit, minime spoliet, publice tamen, quandiu erit opinione hominum, hostis Ecclesiæ, quandiu erit eius Sacramentis ac suffragiis orbatus, nec illa obire, nec ista expetere aut communibus interesse precibus in templo poterit, Sub magno ergo moderamine pastores Ecclesiæ, vel soluere studeant, vel ligare, sed Vtrum iuste vel iniuste obliget pastor, pastoris tamen sententia gregi timenda est, Gregor. homil. 26. in Ioan.

Netamen Episcopi peccent cum excommunicant, id laborare eos est necesse, ne id faciant nisi canonice, hoc est obseruatis legibus, quæ iure sunt canonum excommunicanti præstitutæ.

Primo itaque quisquis excommunicat, excommunicationem in scriptis proferat oportet, & causam excommunicationis expresse conscribat, propter quam excommunicatio profertur, Innoc.



IV. cap. cum medicinalis 1. de sentent. excomm. in 6.

Secundo, Exemplum huiusmodi scripturæ tenetur excommunicato tradere intra mensem, si fuerit requisitus ibi.

Tertio, super hac requisitione, publicum quoque instrumentum facere debet, seu literas testimoniales, sigillo authentico consignatas ibid.

Quarto, cauere debent Episcopi, ne sententias excommunicationis siue specialiter, siue generaliter in aliquos pro futuris culpis, videlicet si tale quidpiam fecerunt, vel etiam pro iam commissis, sub hac forma, si de illis intra tale tempus minimè satisfecerint, proferre præsumant cap. Romana 5. de sent. in 6.

Quinto, sacro approbante Concilio decreuit Innoc. III. in Concil. Lateran. can. 47. ne quis in aliquem excommunicationis sententiam, nisi competenti commotione præmissa, & presentibus idoneis personis, per quas, si necesse fuerit, possit probari monitio, promulgare præsumat, statuere idem Innoc. IV. in cap. Roman. 5. de sent. in 6. Alexand. III. in Lateran. Concil. can. 6. Symmachus in Synodo Rom. 6. Meldense Concil. can. 56. legendi ea de re canones, reprehensibilis 26. can. cum speciali 61. de appellationibus.

Trina autem communiter monitio esse hæc debet, eaque dierum aliquot interuallis interpositis fieri, vel vna pro tribus: Greg. X. in cap. constitutionem 9. de sent. excomm. in 6. & quanquam vna quæpiam ad valorem excommunicationis necessario præmitti debeat, quando est hæc ab homine, non tamen trina, præterquam si Episcopus, aut alius Prælatus sententiam excommunicationis in eos dicat, qui cum excommunicatis participant, ea communicatione, quæ minorem tantum excommunicationem inducit, nam hæc, in eo casu rata non est ac valida, nisi excommunicandi nominatim, & canonice hoc est præmissa monitione triplici, admo- neantur officii: Declarantes decernimus, ita demum monitionem canonicam in hoc casu, si alijs ritè seruatis, eos qui monentur, exprimat nominatim, statuimus quoque, ut inter monitiones quas (ut canonice promulgetur excommunicationis sententia,) statuunt iura præmissi, iudices sine monitionibus tribus vetantur, siue vna pro omnibus, abseruent aliquorum dierum competentia interualla, nisi facti necessitas, aliter ea suaserit moderanda Gregor. X. in Concilio Lugdun. relatus in 6. decretal. tit. 11. cap. 9. in 6.

Qui secus facit, formamque iudicii in excommunicatione ferenda præscriptam, in supradictis canonibus prætermittit sine iusta causa, vno mense ab ingressu Ecclesiæ, & diuinis officiis suspensus manet, ut habetur

A in ca. cum medicinalis primo de sentent. excomm. in 6. & extra cap. sacro approbante 48. eiusd. tituli.

Est tamen eius sententia rata & valida, quia defectus qui in ea interuenit ob non seruata formam, quæ in cap. sacro 48. extra de sententia excommunicat. & in 6. eod. titulo cap. Romana, cap. constitutionem nono, postularur accidentaliter tantum est Laym. lib. 1. tra. 5. part. 1. cap. 6. num. 1. de censuris in genere, Suar. de censur. disp. 2. sect. 12.

Statuisse tamen Patres, qui B. Francisci de obseruantia (ut aiunt) disciplinam profitentur in Hispania: auctor est Portelius in dubiis regularib. verbo excommunicare n. 1. excommunicatio inanis ut esset, ac irrita, sine scriptis lata, quod de ea duntaxat capiendum esse, quæ est per modum ordinationis, ac statuti permanentis, scribit Rodrig. to. 2. q. 59. art. 3. Dicta in particularem, hunc aut illum C. hominem, absque scriptis, rata est, nec pœnas iuris, id est suspensionem ab ingressu Ecclesiæ ad mensem, adiunctam habet Portelius supra, & verbo suspensio num. 9. Auila & alii, quorum est hæc opinio, satis esse ad præstationem officii, si Episcopus aut quilibet Superior, subditum suum contumacem ac immorigerum, verbo tantum, oreque tenus, censura notet, scriptis non est opus nisi ad vitandum mortale, sine illis, excommunicationem valere tradit Nauar. cap. 27. num. 8. non item in Franciscanorum ordine, cum Prælati quid omitti edicunt, aut fieri, sub excommunicationis pœna, quod ordinationis vim habeat aut statuti, cuiusmodi esse, credi tunc debet, quando permanenter, hoc est non ad tempus definitum ac certum, nec vni tantum, sed omnibus religiosis ponitur, & in perpetuum, ut si dicat Superior se, Omnibus interdictum esse velle, sub excommunicationis pœna, religiosa monialium frequentare cœnobio.

Et quanquam scelera omnia latebras expetant, nec videri aut cognosci aueant, velintque in hac tamē censurarū materia, imponi vlli nulla potest, nisi citato, audito, & monito, debet enim præsens esse is contra quem facienda est inquisitio, nisi per contumaciā absenserit Innoc. III. in Concil. Lateran. can. 8. Quare caueant, inquit Concil. Carthag. 4. can. 30. indices Ecclesiæ, ne absente eo, cuius causa ventilatur, sententiam proferant, quia irrita erit, causam in Synodo profecto dabunt.

Ratio est, quod non alius quam contumax percelli excommunicatione debeat. At iudici constare qui potest, morem Ecclesiæ, sibi que gerere reum nolle, si de eo non est admortuus? vel damnari iuste de crimine indicta causa, ac non auditus quis potest? itaque certum

certum ei praeſtitui tempus debet, intra quod iudici respondeat, ſequē, ſi voluerit, de obiectis ſibi ſceleribus defendat ac purget, Soto in 4. diſt. 22. q. 2. art. 2. concl. 2. quod ideo verum eſt, inquit Nauar. cap. Enchirid. 27. num. 11. quod excommunicatio eſſet omnino nulla, ſi ferret eam praelatus, vel iudex in executionem ſententiae, vel praecepti ſine praeuia cognitione, & ſine clauſula iuſtificatiua lata circa praeterita, id eſt dato termino ad allegandas cauſas ſiquas habuerit, contra huiusmodi mandatum.

De quo quemadmodum & de excommunicatione futura, niſi pareat, perſonaliter admoneri reus debet. Ita in Concilio Lateran. Innoc. III. cap. 47. his verbis: *Sacro approbante concilio prohibemus, ne quis in aliquem excommunicationis ſententiam, niſi competenti monitione praemiſſa, & praſentibus idoneis perſonis, per quas ſi neceſſe fuerit, poſſit probari monitio, promulgare praſumat, idem eſſe in Concil. Alemanniae habito Honorii tertii imperio Conrado Portuenſi Cardinali praefide, anno 1125. idem (inquam) ſtatutum reperio in can. 4. in Exoniensib. conſtitutionib. per Stephan. Archiepiſcopū tomo Conc. 4. mone-ri ergo debet excommunicandus, aut per eum ſtare, quominus citari aut admoneri poſſit, Clement. de lite pendente 2.*

Ab ea monitione excuſat abſentia & dolus, quae duo in eo ſunt, quod vocatus legitime ad cauſam perſonali citatione, venire recuſet, quod malitioſe latitet, quod ne conueniri queat, locum de loco ſubinde mutet, id enim cum accidit, ſufficit iudicis imperium, domi-cius ſignificari, aut de domeſticis alicui, per quem de eo doceatur dominus aut herus, quod ſi ne tunc quidem cauſam dicturus in torum veniat, omnis erit honeſta ratio Epīſcopo, aut alteri Praelato, animaduertendi in eius ſclera per cenſuras, quo modo, rituque, ſolet Eccleſia. *Confite-tur enim de omnibus, quiſquis ſe ſubterfugere iudicium dilationibus probat, & maniſeſtum eſt confiteri eum de crimine, qui indulto, & toties delegato iudicio, purgandi ſe occaſione non vitur, nihil enim intereſt, vtrum in praſenti examine omnia, quae dicta ſunt, comprobentur, cum ipſa quoque pro confeſſione, procurata toties conſtet abſentia, Bonifac. epiſt. 2. Id ſane fuiſſe in vſu priſcis patrum noſtrorum ſaeculis, fidem facit haec Leonis quarti oratio, in actis Romanae Synodi contra Anaſtaſium. Anaſtaſium auctoritate ſuffulci canonica, Apoſtolicis literis poſt tertiam, & quartam vicem vocauimus, & vbi redire diſtulit, congregatis Epīſcoporum concilio, cum eum non potuiſſemus videre, vel habere ſpeciale praſentiam, communi eum decreto ſancta communionē priuauimus, Volentes ſuam, per huius excommunicationis cenſuram,*  
*Pars ſecunda.*

**A** ad gremium ſanctae matris Eccleſiae perſonam reducere. Poſtmodum vero expectantibus nobis, ſi-que ad diem ſtatutum, & vltra, praſatus Presbyter non aduenit, poſt tranſactum autem placitum, dum eum mandatis noſtris, temere reuſentem conſpexiſſemus, ne vltius ſuo exemplo Eccleſiaſticus ordo confunderetur, & Chriſtiani-tatis religio profanaretur, anathematū eum vin-culo, cum Sacerdotum noſtrorum conſenſu innodaui-mus.

**B** Eſt monitionis iſtius canonice exem-plum nobile apud S. Fulbertum epiſt. 116. ibi enim querenti cuidam quod excommuni-catus ab Archiepiſc. Turonenſi fuiſſet, an-tequam eſſet monitus, reſpondet: *Te vocatum eſſe, qui tibi miſſas à me ſcis literas, qui vel non inſanus aſſeras? te igitur rationabiliter pro tua culpa, & canonice vocatum, & à diuino officio ſeparatum recognoſcendo plange.*

**C** Ternae vero monitionis, quam cenſurae praemitti oporteat meminit Iuſtiniſt. 98. ad Rogerium Cardinalem, ab eo enim reprehenſus quod Simonem de Melpha excommunicaſſet ob adulterium, ſe non peccaſſe reſpondet, eo enim (inquit) ſaepe vocato, & monito, & bis aut ter indultis ſpatiis quae voluit, cauſam eius multa mora, & multa lima diſcuſſi, & eo ad vltimum, omnem ſubterfugiente iuſtitiam, iudiciali ſententia in eum data, ex lege anathematis eum vinculo alligauimus, quandiu poenitentia remedio non delcuerit maculam adulterij ſui.

## CAPVT VII.

*Ferenda cenſura quis capax.*

**D** Non alii, cenſuras ferre ordinario iure poſſunt, quam qui iuriſdictionem fori externi habent, quali ſunt praedicti, Praelati omnes, Alexand. III. teſtimonio in cap. cum ab Eccleſiarum 3. de offic. ordinarij, quare cum ab ſiſ Eccleſiaſtica ſententia in male factores aliquos promulgatur, rata & firma debet conſiſtere, & vſque ad dignam ſatiſfactionem inuiclabiliter obſeruari. Eſt ergo iuriſdictio ad cenſuram neceſſaria, quia nulla ſententia niſi à ſuo iudice dicta conſtringit: Iulius epiſt. 2. cap. 34. niſi epiſc. Epīſcopus, precibus exoratus concedere voluerit, Innocent. in epiſt. 2. cap. 7.

**E** Probat, non alii delicta punire poſſunt, quam qui in eorum authores iuriſdictionem in foro externo poſſident, ergo nec cenſuras, ſine ea, infligere in nocentes.

Anteced. probatur. Poenae infligētia, quan-dam ſecum neceſſitatem inuehit, parendi magiſtratu eam infligenti, ac eſſe obliga-tio eiſmodi non poteſt, ſi magiſtratus au-thoritatem non habet imperandi tale ſup-

plicium, ergo ad puniēda delicta, necessaria est in puniente authoritas. Quare nemo aliterum Parochianum indicare, aut excommunicare presumat, quia talis indicatio, vel ordinatio, aut excommunicatio, vel damnatio, nec rata erit, nec vires ullas habebit, quoniam nullum aliterum iudicium nisi sui sententia tenebitur, aut damnabitur, Calistus Papa epistola 2.

Corollarium primum, Summus ergo Pontifex censuras contra quemlibet Christianum ferre potest, quia ubique terrarum ius dicit. Quare cum Concil. Moguntinum sub Arnulpho *can. 14.* dixisset, Episcopo ius non esse excommunicandi Parochiani non sui, addidit hæc verba *Salua tamen in omnibus Apostolica auctoritate.*

Gregorium sane, eius nominis septimum scimus, Fredericum Imperatorem eiecisse ab Ecclesia, à Zacharia Chilpericum Regem depositum, ob spretam ab eo religionem, moresque splendori regio, non conformes, Eginhardus *in vita Caroli Magni*, Cedrenus *in vita Leonis I/auri*, Paulus Diaconus, *lib. 6. cap. 5. de gestis Longobard.* Marianus Scottus *lib. 3. Chronologia* à Gregorio item VII. Henricum IV. Imperatorem, redactum in ordinem, ab Innocent. III. Othonem IV. Blondus *Decade 2. li. 6.* Ludouicum IV. Imperatorem, à Ioanne XXII. & Benedicto XII. excommunicatum, à Greg. II. Leon. Imperator. Iconomachum. Zonar. *in vita Leon. I/auri*, ab Agapito Clotarium, nisi interempti Gualteri domini Iuetoti, liberis satisfaceret, ab Adriano II. Carolū Caluum interdicto suppositum, ni relinqueret Lotharii regnum filio ipsius Ludouici fruēdum: ab Urbano II. Philip. I. anno 1088. quod vxorē Berthā repudiasset, Philippum Augustum à Celestino III. ob similem causam, à Bonifac. VIII. Philippum item pulchrum, à Nicolao I. Lotharium Regem, ni relicta Valdrada pellice, Tetbergam vxorem reciperet Paul. Emil. *li. 3.*

Equidem est Romanus Pontifex, *Pater Patrum, Sacerdotum Sacerdos*, vt dicitur, *in Laterana Synodo sub Martino I. cui Christus principatum Sacerdoti super omnes contulit, vnaque facultatem iudicandi de fide, & Sacerdotibus*, vt scribit Adrianus Papa I. *ad Carol. Magnum de imaginibus tomo Concil. 3.* per eius os Petrus loquitur, vt est *in actione 18. sexta Synodi Constantinop. sub Agathon:* ergo quod cuilibet Episcopo particulari licet, licebit & Pontifici, sed à Nicetio Treuirensi Episcopo, Clotariū Regem non seimel excommunicatum esse, scribit Gregor. Turon. *in vita Patrum Galliar. cap. 17.* à Methodio Morauorum Apostolo, eorum Principē, quod in ipsum sacra peragentem, canes venaticos immisisset: & à

A Gregorio Sanctonensi, Nantium comitem ob interfectum Sacerdotem Gregorius Turon. *lib. 5. histor. cap. 36.* ab Iuone Carnotensi, Simonem de Melfa ob adulterium, Iuo ep. 98. Puteacensis castri dominum ob immunitates violatas Ecclesie ep. 129. dicere ergo in omnes similiter excommunicationis sententiam Papa poterit, si eius imperia obstinatè hi facere renuant.

Quo iure Episcopus, eodē fruitur & Generale Conciliū: eius rei fidem faciunt exēpla sequentia, à Nicæna enim Synodo secunda, actione septima, dictū est Iconoclastis anathema, Theodosio Ephesi Episcopo, anathema, Sifinnio Pastillæ anathema, &c. A Constantiensi *ss. 16.* Carolus de Ducil, & Henricus de Torre, excomunicatione irriti sunt iussi, aut verius denūciari, per Tulensem & Virdunensem Episcopos, nisi ablata restituerent, *Auctoritate Dei omnipotentis Patris & Filii & Spiritus sancti Amen. Committimus, & sub excommunicationis pœna mandamus, &c.*

C Episcopi autem alios coercere his vinculis nequeunt, quam qui in eorum Diocesi commorantur *cap. 3. de officio ordinarii*, Archiepiscopi, si quando suffraganeorum suorum subditos in officio continent, censurarum metu, id duntaxat agunt, cum visitant, aut causa ad eos, per appellationem est deuoluta aut simili modo, colligitur ex *cap. venerabilibus 7. de sentent. excomm. in 6.* Vbi est his verbis: *A subditis suffraganei, emendat pecuniarias potest Archiepiscopus secundum consuetudinem regionis exigere, in casibus in quibus ei licet eos excommunicationis vinculo inmodare.*

D Excipiendus est casus, in quo Episcopus quereretur, canonicos absque rationabili causa, in sui contemptum cessasse à diuinis, nam tunc, *Metropolitanus ad querelam ipsius tanquam super hoc delegatus à nobis, saluter eos per censuram Ecclesiasticam, cognita veritate castiget, quod pœna metu talia de cetero non presumant*, Innoc. *in Concil. Later. can. 7.*

Corollarium secundum, Vicarii item Episcoporum reprimendorum nocentium per censuras potestatem habent, quia vt dicitur *in cap. 2. de consuet. in 6.* sunt Ordinarii & habent vnum tribunal cum Episcopis, quorum vices agunt, non potest tamen Officialis Archiepiscopi, suffraganeum excommunicare Archiepiscopo non absente, *cap. 1. parag. finali de officio ordinarii in 6.*

Excommunicandi ius item habet Capitulum sede vacante, eiusque Vicarius, quia illud succedit in locum Episcopi defuncti, vt notauit Abb. *in cap. cum olim de maior. &c. & obediencia*, & habet omnimodam iurisdictionem, quæ iure ordinario competit Episcopo, cap.



cap. bis quæ 11. & cap. cum olim Episcopus 14. de maior. & obed. & cap. si Episcopus de supplenda negl. prælator. in 6. Nauar. de temp. ordinat. conf. 31. Piafeci in praxi par. 2. ca. 1. vbi dicit Capitulum sede vacante posse etiam cum illegitimo dispensare ad minores Ordines & simplex beneficium, quemadmodum Episcopus ipse faceret, si viueret, ex causa tamen legitima, & propter quam dispensatio esset debita, Quaranta in summa Bullarum verbo Capitulum versa quæro 2.

Tertio etiam viuentem Episcopo, Excessus Canonorum Ecclesiæ Cathedralis, qui consueverunt corrigi per Capitulum, per ipsum in ipsis Ecclesiis, quæ talem hæcenus consuetudinem habuerunt, ad communionem & infusionem Episcopi, corrigantur infra terminum competentem, ab Episcopo præfigendum, Innoc. III. in Concil. Later. can. 7.

Excommunicare autem nequeunt, qui sunt extra Ecclesiam dist. 1. de pœnitent. can. Verbum: 24. q. 1. can. audiuimus 4. multo minus hæretici 24. q. 1. can. 5. & can. ait Celestinus 35. can. Achatius 3. parag. si ergo finali, Idem dicendum de Laicis 24. q. 1. can. Subdiaconus 39. §. his verbis: Alia vero Sacramenta, ut sunt corporis, & sanguinis Domini, excommunicationis, vel reconciliationis, si ab hæretico, vel Catholico non sacerdote ministrentur, vel nullum vel lethalem habebunt effectum.

Corollarium tertium, non nisi à sui loci prælato quis est excommunicandus, 6. q. 3. can. denique Suffredus 3 vbi Nicol. Papa primus, significat eum debuisse, primatus sui & non aliorum Dioceses antistitem præstolari iudicium, neque similiter subditi Episcopi in aliena Diocesi commorantes, ab eo excommunicari queunt, ob culpam ibi admissam, patet ex cap. 2. de constit. in 6. vbi hæc habet Bonifac. eius nominis VIII. Statuto Episcopi quo in omnes qui furtum commiserint, excommunicationis sententia promulgatur, subditi eius furtum, extra ipsam Diocesim committentes, minime ligari noscuntur, cum extra territorium ius dicenti non pareatur, hæc can. ex quibus clare colligitur Episcopum nihil posse valide præcipere extra suam Diocesim, circa actus ibidem committendos, aut omittendos, & propria huius rei ratio est, quod ut habetur in lege ultim. digest. de iurisdictio-  
ne omnimoda iudicium. Si quis supra iurisdictionem suam iudicet, ei non pareatur, at Episcoporum iurisdic-  
tio non se extendit extra limites sui territorii, ergo eis aliquid imperantibus, extra territorium, non necessario est parendum, ergo nec deferendum censuris, quas aduersus eos, ferrent qui extra suam Diocesim culpam aliquam ea pœna dignam admitterent.

A Dixi ob culpam, quæ alibi fieret quam in Diocesi. Quia si intra eius terminos committeretur, posset reus qui aliò se recepisset, tam per statutum, quam sententiam particularem Episcopi sui, censura affici, ut tenet cõmunis Doctorum omnium opinio, & ratio est, quia et si corporaliter sit extra Diocesim, ratione tamen delicti, quod in ea patrauit, in ordine ad coercionem, censetur in ea esse, quare Episcopus illud puniens, iudicandus est id in territorio suo facere, & ius proinde in illo dicere.

B Qui tamen in aliena Diocesi peccat, ab eius loci Episcopo excommunicari potest, Concilium apud Compendum can. 5. Placuit pro communi utilitate, & instante necessitate, ut nullus Episcoporum grauiter ferat, si eius Parochianum pro depredationis causa, alter Episcopus excommunicauerit, in quam sententiam habet hæc Iuo Carnotensis in quo simili acquiescere non vultis, auctoritati saltem Patrum obtemperare, quæ Parochianos alterius Ecclesiæ ab alia Ecclesiæ excommunicatos, dum in sua Parochia morarentur, à propria Ecclesiæ recipi non debere testatur, Iuo epist. 209. ad Hugon. Ecclesiæ Anrel. Episcopum, legitur enim in Concil. Meldensi can. 11. De illis autem qui infra Parochiam beneficium aut hereditatem habent, & alterius Episcopi Parochiani sunt, & de loco ad locum iter faciunt, rapinas & depredationes faciunt, placuit ut excommunicentur, nec ante ex Parochia exeant, quam quæ perpetrarunt, digne emendent.

C Corollarium quartum, qui abiit è provincia suâ in aliâ, post inchoatam litem antelium Episcopum, potest ab eo citari ut compareat ad dicendam causam, & si parere renuerit, excommunicari: Quia per transitum in aliam Diocesim nõ desinit esse subditus Episcopi, qui de crimine de quo accusatur, quæstionem exercere instituit.

D Corollarium quintum, non potest excommunicari subditus, qui in aliena Diocesi constitutus, peccauit contra statutum sui Episcopi V. C. vetuit sub pœna excommunicationis ne quis res negotiaque cum Iudæis vlla haberet, Petrus vbi N appulit, Iudæos adiit, ab iis de lingua Hebraica eiusque mysteriis edoceri voluit, pecuniam etiam ab iis mutuam accepit, in eum Episcopus Ecclesiæ fulmina ideo vibrare nequit. Quia statuta Episcopi vim suam non exerunt extra eius provinciam, ut dicitur can. 2. de constit. in 6.

E Corollarium sextum, qui contra sententiam particularem Episcopi sui, aliquid prohibentis sub pœna excommunicationis, illud ipsum extra Diocesim suam efficit, non ideo est excommunicatus, V. C. eunti ad loca sacra prohibet Episcopus, ne ad hæreti-



cos diuertat, aut per certa oppida, heresi infecta transeat, si imperata non facit, non est excommunicatus. Ita expresse Ægid. *disp. 13. de censur. dub. 7. nu. 61 conc. 6. Auila disp. 2. cap. 3. dub. 2. Henriq. lib. 13. cap. 26. n. 1.*

Ratio est, *Quod extra territorium itus dicenti non patetur imponere de consuet. ca. 2. in 6.* quibus verbis ut iam dixi, significatur, Episcopum nihil posse valide præcipere existenti extra suam Diocesim, circa actus ibi committendos aut omittendos, quæ ratio æqualiter valet, siue censura feratur per sententiam, siue per statutum. Ægid. loco ante citato,

Contrarium docent Emman. Sa *Verbo Index. Laym to. 1 tract. 5. par. 1. cap. 4. nu. 7.* sed solido nullo fundamento, quare absolute nostra opinio ut probabilior, tenenda est in praxi.

## CAPVT VIII.

*Pro quibus culpi feratur excommunicatio.*

**E**ccllesiastica autem censure nulla ob solum peccatum veniale est ferenda, sic Concilia, sic Patres Conc. Meldensede anno Christi Seruatoris 845. Caroli autem Calui 6. in hæc verba can. 56. *Ut nemo Episcoporum, quælibet sine certa, & manifesta peccati causa communione priuet Ecclesiastica, anathema autem, sine consensu Archiepiscopi & Coepiscoporum, prælati etiam Evangelica monitione, nulli imponat, nisi vnde canonica docet auctoritas, quia anathema, æterna est mortis damnatio, & non nisi pro mortali imponi debet crimine, & illi qui aliter non potest corrigi, quæ opinio Patrum & Doctorum est omnium communis, Gregorii Nazianzi in orat. de moderat. in dispens. seruand. & in Apolog. 1. ibi enim in eos inuehitur, qui indistincte portas Ecclesiæ omnibus apertunt, & passim margaritas ante porcos absque delectu abiiciunt. Sensus idem Chrysost. in homilia de anathemate, idem Gregor. hom. 26. in Euang. vbi Pastores admonet ut sub magno moderamine soluere studeant, velligare, quod sit pœnas coarctando culpis, quam æqualitatem non seruari est certum, cum noxæ leues cuiusmodi sunt veniales, magnis castigantur suppliciis, ut excommunicatione, aut pœna qualibet alia simili, Vt enim manifestum est eos vinere, qui corpus eius (id est Christi) attingunt, & Eucharistiam iure communicationis accipiunt, ita contra timendum est, & orandum, ne dum quis abstentus id est excommunicatus, separatur à Christi corpore, procul remaneat à salute, comminante ipso, & dicente, nisi manducaueritis carnem filij hominis non habebitis vitam in vobis, Cyprian.*

**A** tract. de orat. Dominica, at beatæ vitæ immortalia gaudia, negari homini quis credat, ob culpam veniali similem? non est hæc ergo eius inferendæ pœnæ causa quæ ei iter ad æternam munit, nisi respiscere maturè animam inducit.

Dixeret Theologis eandem sententiam Ægidius de censur. *disp. 13. dub. 8. nu. 68. & Laym. cap. 5. de censur. in communi n. 1.*

**B** Et probatur primo, pœnæ quoad eius fieri potest, proportionatæ esse debent culpis, quarum causa imponuntur reis *cap. felix de penis in 6.* nam earum inflictio, est actio commutantis iustitiæ, ad quam pertinet æquare supplicia delictis, ergo cum censuræ, graues sint pœnæ, utpote magnis à cælo commodis donisque, homini intercludentes aditum, graue quoque in eo peccatum perexigunt: ita Saitus *to. 1. lib. 9. q. 4. nu. 17. Vasq. 1. 2. disp. 158. ca. 5. n. 48.* quare causæ pensandæ sunt & tunc ligandi atque soluendi potestati exercenda, Gregor. hom. 26. in Euang. Ioan. quod si causa talis eueniat ut pro commissi criminis qualitate, iuste faciat aliquem communionem priuari, is tantum pœnæ subdendus est, quem reatus inuoluit, Leo ep. 87. ad Episc. provinc. Viennensis. *Cum dolore enim amputatur, etiā quæ paruit pars corporis, & diu tractatur, si potest sanari medicamentis. Sic Episcopi effectus boni est, ut optet sanare infirmos, serpentina auferre, vlcera adurere, aliquam non abscondere, postremo quod sanari non potest cum dolore abscondere, Ambr. lib. 2. officior. cap. 27.*

Secundo probatur, inductione facta per omnes censurarum gradus.

**D** Et primo, certum est irregularitatem, quæ ex delicto oritur, non nisi ob mortale incurri, secundum Nauar. *cap. 27. nu. 252. Soto de iustit. lib. 5. q. 1. art. 9.* quia alias, pœna non responderet culpæ, eique impar foret.

Secundo est id excommunicationis proprium, ut tradunt Auila *par. 2. ca. 5. disp. 1. dub. 2. Nauar. cap. 27. n. 9. Diu. Thom. in 4. dist. 18. q. 2. art. 1. Vgolin. in tab. 1. ca. 27. n. 2. Suar. de excom. disp. 18. sect. 3.* patetque ex loco Cyprian. ante citato.

**E** Quod per eam excommunicatus excludatur ab Ecclesia, ita Cypr. *epist. 8. lib. 2. ad Cornelium*, loquens de Nouato eiusque horrendis sceleribus, hæc omnia commisit & miscuit, ut qui eiici de Ecclesia & excludi habebat, iudicium Sacerdotum voluntaria discessione præcederet, eiicit ergo excommunicatio ab Ecclesia can. *Omnis Christianus can. nihil 11. qu. 3.* ergo & à gloria æterna, cum Christianæ religionis professio, via sit ad gloriam, at nemo vita beata est indignus, nisi qui peccauit lethaliter, ergo excommunicatio ob solum mortale

mortale est ferenda Trident. sess. 25. cap. 3. de A  
reformat. Concil. Meld. can. 56. Aurelian. 4. c. 2.  
Vormaciense can. 13. & refertur 11. q. 3. can. ne-  
mo 41. can. nullus Sacerdos. 42.

Et quoniam ut est in Concil. Aurelian. 5.  
can. 2. Nemo Sacerdotum quenquam recte fidei  
hominem pro parvis & leuibus causis à commu-  
nitione suspendere debet, præter eas culpas, pro quibus antiqui Patres, ab Ecclesia arceri iusserunt  
committentes, operæ facturus meæ precium  
videor si quæ cuique culpæ censuram iura  
adiunctam voluere, & ex qua causa infligi  
iubeant, paucis hic ac veluti strictim indi-  
cauero.

Causa ergo prima est, cum quis decreto  
vel prælati sui constitutioni morem non ge-  
rit *ca. si quis 2. ca. quod super 9. ca. cum Ecclesiis*  
*10. de maiestate & obed. & 11. q. 3. can. 51. Epif-*  
*copus, & 24. q. 3. can. si quis 21.*

Casus excipiendi duo, primus, cum est à  
Superioris mandato interposita appellatio,  
*cap. licet 14. de sent. excom. in 6.* Alter cum qui  
parere renuit ob contumaciam, iter est ad  
Papam ingressus, causam ei suam expositu-  
rus *cap. dilecti 52. de appell.*

Secundo, qui religionis causa ad Aposto-  
lorum euntes limina, impetunt, bonis cuer-  
tunt, fortunis exhauriunt, nam donec satis-  
fecerint, communione Christiana carere  
iubentur *24. q. 3. can. 23.*

Tertia causa ferendæ excommunicationis  
est, cum quis sapere renuit, errorem de-  
discerere spuit, de officio admonitus corrigi  
nescit *24. q. 3. can. tam Sacerdotes 14. Ut enim*  
*summā huiusmodi habere debet de his, qui pereunt,*  
*quatenus eorum redargutione corrigantur à pec-*  
*catis, ita si incorrigibiles apparuerint, ab Ecclesia*  
*separari debent, & can. ecce autem 18. eiusdem*  
*questionis & causæ, qui ex Prospero de vita*  
*contempl. lib. 2. ca. 7. est desumptus, habetur*  
*quod si Episcopi æquanimiter sustinentis, ac pie*  
*inrepantis medela non procefferit, in eis qui diu*  
*portati, & salubriter obiurgati, corrigi noluerint,*  
*tanquam putres corporis partes debent, ferro ex-*  
*communicationis abscindi.*

Quarta causa est, cum quis est animo à  
religione Catholica alieno, cum veritatem  
exosus, errores amplectitur fidei contrarios,  
eosque cum pertinacia defendit, ac tuetur,  
Alexand. III. in Concil. Later. can. 27. cre-  
dentes præterea, fautores, receptores, de-  
fensores tam prauitatis hæreticæ, quam qui  
eam profitentur publicè, excommunicari  
queunt decreto Innocent. III. in Concil.  
Lateran. can. 3.

Quinta, si magistratus Ecclesiasticus vim  
patiat, potest hic inferentem excommuni-  
care, vel eius terram interdicto subiicere In-  
noc. IV. in decret. dilecto sexta de sent. excom.

in 6. nam cum liceat cuilibet, suo vicino, vel pro-  
ximo pro repellenda ipsius iniuria, suam imparti-  
ri auxilium, imò si potest & negligit, videatur in-  
iuriantem fauere, ac esse particeps eius culpa, li-  
cuit profecto ipsi Decano, proprio sibi subuenire  
subsidio, & suammet temporalem iniuriam, sua  
propria defensione iueri, sicque, utrumque quo-  
dammodo gladium, & temporalem & Ecclesiasti-  
cum, alterum altero videlicet adiungere.

Sexto excommunicari iubetur, qui Eccle-  
siam contra immunitatem, vel libertatem ei  
cōcessam grauat *ca. non minus 4. de immunit.*  
*Ecclesiasticæ ca. nouerit 49. & ca. grauem 53. de*  
*sent. excomm. qui statuta & consuetudines*  
*contra eiusdem Ecclesiæ libertatem inue-*  
*hit, nisi ea de capitularibus suis, intra duos men-*  
*ses, post huiusmodi publicationem sententiæ fece-*  
*rit amoueri, & idoneè sicut res exigit, cauerit*  
*quod simile de cetero non debeat attentare, Ho-*  
*nor. III. ca. nouerit 49.*

Septimo excommunicationis sententiam  
non euadit, qui in vinculis ac custodia, Cle-  
ricum sine latione detinet *ca. nuper de sentent.*  
*excomm. nisi id ratione officii aut disciplinæ*  
*faciat ca. 1. parag. neque magister, & ca. cum*  
*voluntate 54. parag. si qui vero de sentent. ex-*  
*comm.*

Octauo, Qui superbe se à communione Epif-  
copi separar, & schisma cum alijs facit, & sacra  
ministrat, anathema habeatur, & suum locum  
perdat *11. q. 3. can. 5.*

Causa nona, ferendæ excommunicatio-  
nis est, si quis Ecclesiam effregerit, si effra-  
ctam spoliauerit, *ca. conquesti 22. de sentent.*  
*excommunicatio.*

Decimo, si absolutio, vel excommunica-  
tionis reuocatio, per vim extorta fuerit, eos  
enim qui alterutrius rei essent, ac conscii, de-  
creuit Gregor. eius nominis X. excommu-  
nicationis sententiæ subiaccere *ca. 1. de his que*  
*vi metusue causa.*

Vndecimo, excommunicatur qui excom-  
municato communicat, *cap. cum desideres 15.*  
*ca. significauit 18. ca. quod in dubiis 30. parag. 1. de*  
*sentent. excom. 11. q. 3. can. præcipue 3. can. pla-*  
*cuit 9. can. Tengaldum 10. can. si inimicus 15. can.*  
*16. & 17. eiusd. questionis & causæ ca. ad re-*  
*stitutionem 3. parag. ceterum de sent. excom. in*  
*extranag. communib.*

Duodecimo, Si quis perpetrato perituro, aut  
quolibet criminali peccato, ad confessionem venire  
noluerit, ab Ecclesia repellendus est, siue à com-  
munione, aut consortio fidelium, *ut nullus cum eo*  
*bibat, aut comedat, aut oret 22. q. 1. can. Vlt.*

Decimo tertio, sunt Simoniaci à Gregor.  
VII. in Concil. Romano in persona Arnul-  
phi Cremonensis Episcopi anathemate per-  
culsi, quemadmodum, & à Paulo II. in Extra.  
cmm det. stat. 2. de Simon.

Decimo quarto, qui bona Ecclesie sibi A vendicat, malaque arte comparata sibi contra fas seruat *tanquam sacrilegus indicatur, & donec se correxerit, & Ecclesia propria privilegia seu res restituerit, & reseruauerit, renuntiatur anathema*, in Synodo 8. Generali sub Adriano II. can. 18. & refertur 16. q. 3. can. placuit.

Decimo quinto, de iure Ecclesie, aut titu-  
lorum eius, præter aurum, argentum, vestes  
aut mobilia ad ornamenta diuina minime  
pertinentia quid iure perpetuo, ab alienans,  
honoris sui iactura plebitur, *qui autem petit aut accipit, vel qui Presbyterorum, aut Diaconorum,* B  
*seu defensorum danti subscribit, quo iratus Deus animas percutit, anathemate feriri precipitur* in Synodo Romana 3. sub Symmacho can. 6.

Decimo sexto, qui periurium confiteri  
renuit, excludendus est ab Ecclesia 22. qu. 1.  
can. penultim. parag. finali & can. sequente.

Decimo septimo, *Ei qui ariolos, aruspices, vel incantatores obseruat, aut phylacteriis vitur, anathema dicitur* 26. q. 1. can. 5. quod tamen non esse lata sed ferendæ sententiæ planum fit ex can. 42. Concil. Aurelian. 1. & 42. Agathensis & Leonis 4. epistola ad Episcopos Britannia ca. 4. ut refertur 26. q. 3. can. sortes 7. his verbis: Volumus sortes omnino damnari, & inter Christianos ultra nolumus nominari, & ne exerceantur, sub anathematis interdicto prohibemus.

Decimo octauo, qui extra fornicationis  
causam, uxorem dimittit tandiu ab Ecclesiasti-  
ca communione priuatus, & Ecclesia manere a-  
lienus debet, quandiu societatem relicte coniugis  
sinceriter non amplectitur, & fouet, Concil.  
Tolet. 12. can. 8. refertur 32. qu. 5. can. præcep-  
tum 21.

Decimo nono, excommunicati sunt in  
iure, aut certe excommunicandi.

Primo qui matri vel filie spirituali, id est  
suscepit in Baptismate, aut Confirmatione,  
stuprum inferunt 33. q. 2. can. si quis.

Secundo qui seipso parte corporis aliqua  
mutilant can. Apost. 23.

Tertio, qui cum Episcopo, fauore ciuili  
magistratus ordinato, & rursus deposito  
communicant can. Apost. 29.

Quarto qui Presbyterum aut Diaconum  
contumelia afficit can. Apost. 55.

Quinto qui mancum aut mutum, surdum  
ue aut cæcum, aut eum cui vitiosus incessus  
est, subannauerit can. Apost. 56.

Sexto, qui falsum dixit testimonium 24.  
q. 3. can. itaque censuimus.

Septimo qui duas uxores simul habet causa  
q. 3. can. non aut qui Clericum, aut religiosum,  
vel pauperem bonis exuit, can. si quis de pe-  
tentibus can. illi qui ead. q. & causa.

Vicesimo, illata alicui grauis iniuria iusta est

causa, eius excommunicandi à quo est im-  
posita, ita apud S. Fulbertum ep. 116 Archie-  
piscopus Turonens. Hand. præfulem iuste ab  
Ecclesia, eiusque sacrisse motum ait, quod  
Canonicos Carnot. laxisset factis, & verbis,  
quod vineas canonicorum S. Mauricii, præter cetera  
qua in suam matrem Ecclesiam, Fulconis iussu in-  
tulerat opprobria, radice tenus cōminuisset, qua-  
re cum Episcopo suo Lisiardus Parisiensis  
Archidiaconus grauis esset, eoque contem-  
pto, omnia ad arbitrium gereret, eum Lu-  
thericus Senonum Archiepisc. & Fulbertus  
Carnutens. Episcopus, ut sacris indignum  
altaribus, à piorum cœtu sententia sua sub-  
mouere, dum resipisceret, & Episcopo suo hu-  
miliatus satisfaceret, excommunicationi mi-  
nus sunt (inquit) additæ, quod nisi cito resipis-  
cens, ad satisfactionem veniret, in plenaria Sy-  
nodo perpetuo anathemate feriretur, iussi sunt  
insuper Parisiens. Clerici ut ipsi Lisiardo  
excommunicationis literas ostenderent, ut  
tam horrenda pericula, uti grauitur admonitus  
exiret, Fulbert. epist. 34.

Cum homicidio & adulterio. Excom-  
municationis intentanda causa vicesima  
prima est, impudicitia, Qui opinantur cetera  
elemosynis facile compensari, tria tamen morti-  
fera, esse non dubitent excommunicatione punien-  
da, donec penitentia humilior sanentur, impu-  
dicitiam, homicidium, adulterium, August. 10. 4.  
de fide & operib. ca. 19.

Vicesima secunda, intentandæ censuræ  
iusta causa, est illata alicui per furtum iniu-  
ria, Nolentes, inquit August. epist. 54. reddere  
quos nouimus, & male abstulisse, & unde red-  
dant habent, arguimus, increpamus, & detesta-  
mur, quosdam clam, quosdam palam, sicut diuer-  
sas personarum, diuersam videtur posse recipe-  
re medicinam, nec in aliorum perniciem, ad ma-  
iorem insaniam irritari, aliquando etiam, si res  
magis curanda non impedit, sancti altaris com-  
munionem priuamus.

Et quoniam à Greg. II. Pontif. dictum est in  
Romano Conc. imperante Leone, anathe-  
ma in eos, qui Presbyteram, Diaconam,  
Monacham, aut commatrem spirituales,  
aut neptem, vel nouercam suam, aut nurum,  
vel consobrinam duxerint in uxorem, eam-  
obrem iustam ab his criminibus excommuni-  
cationis infligendæ causam peti posse cre-  
dimus, quemadmodum & à raptu virginis  
aut viduæ, consultatione arupiscum, & id  
genus hominum, cum Dæmone pacifcen-  
tium, eo quod ea crimina pariter cum cæ-  
teris est, execratus Gregor. in eo Concil.  
can. 10. 11. & 12.

Infertur hinc primo, excommunicatione  
maiorem, quæ reo ob veniale infligitur,  
iniustam esse, & nullam Suar. disp. 18. de ex-  
com.



com. sect. 3. nu. 6. quia actio quæ proficiscitur à non habente potestatem in foro externo, aperte est nulla, sed non est iniure Ecclesiæ, venialia punire tanta pœna, quanta est excommunicatio maior, aut irregularitas: ita Suar. disp. 40. sect. 3. nu. 27. Ægid. disp. 18. de censur. dub. 2. n. 13. alioqui pœna superaret culpam, quod est iniquum.

Infertur secundo, eum qui ob ignorantiam iuris aut facti, aut incogitantiam, quæ voluntarium perfectum tollit, vel aliam quamlibet passionem animi, excusatur à mortali, excusari quoque à censura, quia sublata causa, eius quoque effectus tollitur, sed causa censuræ incurrendæ, est culpa, eaque mortalis, ergo qui ab ea immunis est, ac liber, à censura quoque vacuum se ac liberum censere potest.

Infertur tertio, Et si ratione scandali quod timeatur, excommunicatus ob culpam, quæ est mortali minor, congressum fidelium vitare debeat, coram Deo tamen, & in conscientia, citra scandalum, eos ad alloquium mensamque adhibere nō est veritum. Quia in foro interno non datur locus præsumptioni, ubi contraria est veritas.

Dixi quando excommunicatio est de eorum numero, quæ maiores sunt, quia ex communi Doctorum sententia, excommunicatio minor, ob veniale ferri potest. Patet ex praxi Ecclesiæ, quæ eum pro excommunicato, isto excommunicationis genere habet, qui in re ciuili cum excommunicato de nomine, ac promulgato publice congredditur, quæ congressio cum sit leuis, malitiam veniali maiorem complecti non potest.

Quod si olim multa sunt in Concil. prohibita sub excommunicatione, quæ videbantur leuia, vt comam nutrire, can. si quis dist. 83. & in canonibus ab Adriano I. collectis can. vltimo, quæ habentur tamē Concil. 3.

Respondendum, ea tum temporis, ob circumstantias quasdam fuisse eiusmodi, quæ materia forent grauis prohibitionis, vt quod ex vsu comarum longiorum, quam ferret honestas, ac decencia Clericorum propria, magna sequeretur in populo perturbatio, ac scandalum, quæ duo cum in præsentem esse, ac metui desierint, comarum quoque vsus prolixiorum, quam æquitas, ac Clericorum dignitas postulat, desit esse materia præcepti obligantis sub mortali. Quare quod Doctores asserunt, rem leuem prohiberi non posse sub mortali, de ea intelligunt, non quæ absolutè sit parui momenti, sed quæ omitti aut fieri sine scandalo valeat, aut violatione præcepti alicuius grauis.

Infertur postremo, excommunicatum,

A excommunicatione quæ iniusta est & nulla, beneficii capacem esse, sibi que collatum retinere posse, secundum Nauar. in can. cum contingat de rescript. remed. 6. nu. 9, & 11. Vgolin. ca. 13. parag. 1. nu. 2. Hentiq. lib. 13. ca. 14. parag. 1. Anton. Riccinl. lib. 4. ca. 13. parag. 1. Barbof. iuris Ecclesiast. lib. 3. cap. 13. de collat. nu. 39.

B Ratio est, quod inhabilitas ad beneficia, sit effectus eius censuræ duntaxat, quæ est valida, ac peccati mortalis iusta pœna, alioqui cum culpæ commensurata non esset, iniqua foret, vt pote maior, quam peccantis demeritum foret, quod non est ferendum.

## CAP. X.

An Innocens excommunicatione nonnumquam feriri queat.

C Ensura nulla ferri potest in eum qui non peccauit is enim tantum pœna subdendus est, quem reatus inuoluit, Leo IV. epist. 87.

D Secundo, cum censura quælibet, magnis commodis spiritalibus, eum priuet in quem infligitur, magna ei iniuria fieret, si hæc tollerentur immerito ac infanti.

Crimen ergo cuius causa intentatur excommunicatio, aut censura, personale esse debet, quia ex Christi institutione non alius excommunicatione feriendus, aut censura est ligandus, quam qui Ecclesiæ imperia non facit cum contumacia, ac hanc contemnere, ei non obsequi, illam non audire, personale est vitium, ergo pro eo tantum, quod est excommunicati proprium, excommunicatio ferenda est, non alio, nec capere se posse Augustinus ait, quomodo anime innocentes pro scelere alieno (ex quo non trahunt sicut ex Adā, in quo omnes peccauerunt originale peccatum) spiritali supplicio puniri queant 24. qu. 3. can. 1. si quis frater nominatur fornicator, aut auarus, aut idolu seruans, cum huiusmodi nec cibum sumere.

E Ex quibus verbis datur intelligi, quod nisi primum aliquis nominatus fuerit de crimine, id est vel coram iudice accusatus, & conuictus, vel in iure, ipse de se fuerit confessus, quod nec sententia est ferendus, nec ab eius communione abstinendum; Gratian. initio cause 24.

Corollarium primum, ob culpam patris, filius censura notari nequit, nec vxor ob mariti crimen: ita August. ad Auxilium Episcop. epist. 75. & refertur, 24. q. 3. can. si habes. 1. his verbis: Si habes de hac re sententiam certis rationibus, vel scripturarum testimoniis exploratam, nos quoque docere digneris, quomodo



recte anathematizetur pro patris peccato filius, aut pro mariti, vxor, aut pro Domini seruus, aut quisquam etiam in domo, nondum natus, neque similiter pro vnus cuiuspiam peccato anathematizari possit tota familia, quare eundē Augustus admonet, vt anathematis sententiam, quam contra familiam vnā, eiusque domesticos omnes iratus dixerat, reuocet, ne de Ecclesia homines innocentes violententer abstrahantur, & interficiantur, quod Vormacienie Concilium prohibet in can. 13. & sequenti. Lubet hic verba apponere, hæc autē sic habent, vt nullus Sacerdotum, quemquam recte fidei hominem pro paruis, & leuibus causis à communione suspendat, Episcopi vero si Sacerdotali moderatione proposita, innocentes, aut in minimis causis culpabiles, excommunicare præsumpserint, à vicinis Episcopis cuiuslibet prouincie, communico illis. Usque ad tempus Synodi non negetur hæc Concil. can. 14.

Corollarium secundum, Nec Vniuersitas, Collegium aut ciuitas, immediate excommunicari possunt.

Primò, quia vt habet Innoc. IV. in can. Romana 5. de sent. excom. nonnunquam exinde contingeret innoxios huiusmodi sententia irretiri, cum non sit probabile, omnes & singulos de ciuitate aut vniuersitate peccare.

Secundo, excommunicatio maior non incurritur nisi pro peccato personali, id est actu aliquo, qui proprius sit certæ ac determinatæ personæ, sed vniuersitas, vt abstracta à singularibus membris, non est persona vera, nec peccat, nisi quia singuli qui ad illam pertinent id faciunt, excommunicari ergò immediatè nequit, vt abstracte sumitur, & præcisè à membris suis.

Dixi immediatè, nam si vniuersitas sumatur pro solis nocentibus, tunc censuræ aduersus illam locus erit, quia sic non punietur aliquis nocens. Fieri id vero potest duobus modis, primo generaliter, vt dicendo, excommunico omnes & singulos nocentes de tali vniuersitate, secundo nominando specialiter eos qui sunt rei, vt si dicatur excommunico P. Ioan. & c.

Præterea, excommunicationis solium memini, quia interdicti ciuitas potest quemadmodum & vniuersitas, Stephan. de Auila 2. par. cap. 4. disp. vnica dub. 5.

Causa est, quod interdictum non semper pro culpa eorum ponitur, qui interdicuntur, sed in eius odium qui præest ciuitati & est excommunicatus, quare si interdicti culpa careant, etsi interesse diuinis officiis nequeant, non tamen priuantur Ecclesiæ suffragiis. Addunt Henric. lib. 14. ca. 25. m. 4. de Auila par. 1. disp. 3. dub. 2. suspensionem ex alieno quoque crimine descendere, sed Na-

uar. sententia tom. 2. conf. lib. 5. conf. 7. num. 6. eam scilicet non imponi nisi ob peccatum proprium, probabilis quoque videtur, ac proinde eiusmodi quam tenere in praxi, vt securam ac poenitentibus benignā quisque potest.

Corollarium tertium, Omnis excommunicatio, quæ ob alienam culpam intentatur alicui, est iniusta & nulla, quia cum errore est coniuncta, cap. solet, & cap. venerabilibus de sentent. excomm. in 6. parag. potest quoque, tunc enim vt dicitur in illo can. error intolerabilis in excommunicatione interuenit, quando imponitur innocenti, aut ob actionem de se non malam, aut Ecclesiæ præceptis non contrariam, at id accidit, cum excommunicatio fertur in aliquem, ob culpam non suam, sed alterius qui non peccauit, ergo cum nullius crimen maculet nescientem, August. epist. 48. ad Vincentiam, alioqui quis locus reseruaretur innocentie, si crimen esset proprium, nescire alienum? censura ob alienam culpā illata, iniusta est, & irrita: cū alius puniri non debeat, quā qui peccauit, 1. q. 4. can. quia præfatus 5. can. crimen 6. can. Iudei ead. q. & causa ca. 1. ca. certum parag. illicita, c. 2. de his quæ sunt à maiori parte capit.

Excipiendi ab hac regula casus sequentes.

Primus est, cum alterius imperio, crimen est commissum, cap. mulieres de sententia excommunic. in 6. vbi Alexand. III. illos ait, quorum auctoritate, vel mandato, manus in Clericos violentas iniectas constat, Romam mittendos esse, cum is committat verè, cuius auctoritate vel mandato delictum committi probatur, placuit opinio eadem Clement. III. in decretal. vniuersitatis 24. de sententia excomm. in qua eos narrat, qui Clericos mandato alieno verberant (etiā si causa subesset) excommunicationis sententiam donec ad Apostolicam sedem veniant, nequaquam euadere.

Secundus est, cum quis scelus fieri quidem non iussit, sed factum suo nomine ratum habuit, cap. cum quis 23. de sentent. excom. in 6. sic enim Bonifac. cum quis absque tuo mandato manus iniicit in Clericum tuo nomine violentas, si hoc ratum habueris, excommunicationem latam à canone incunctanter incurris, cum rati habitio retrohatur, & mandato debeat comparari.

Tertius est, cum quis crimen quod prohibere poterat ne fieret, non prohibuit, ita Innoc. III. Ne autem solos violentia huiusmodi actores, aliquorum præsumptio existimet puniendos, facientes & consentientes pari poenæ plectendos, Catholica condemnat auctoritas: eos delinquentibus fauere interpretamur, qui cum possint, manifesto facinori desinunt obuiare cap. quante

47. de sententia excommunicationis.

Reus ergo, factique sceleris conscius, excommunicari solus potest, præterquam in casibus proximè positis, fieri id vero per superiorem est necesse, cum ille eius potestatis subest, nam ut est in *cap. à nobis 21. de sent. excommunicat. cap. Romana 5. parag. 1. cod. tit. in 6. excommunicationum sententia ab Archiepiscopo suisque Officialibus generaliter promulgata, subiectos iurisdictioni eiusdem Archiepiscopi tantumligant.*

Ab ea autem reo inferenda excusatur Episcopus, cum reus Papæ beneficentia, ac privilegio, ab illius est iure subductus, nec ab eo excommunicandus, Honor. III. in *cap. quando 26. de privileg. nisi forte Clericum hic percuteret, vel excommunicato communicaret, hoc enim casu privilegium ei non prodesset cap. nulli 8. de sentent. excom.*

Secundo excusatur superior à censura in reum ferenda, quando excommunicationis irrogandæ, causa manifesta non est, nec factis probata *cap. sacro 48. parag. caucat de sent. exco. 2. q. 1. can. nemo 11. q. 3. can. nemo, aut si patet, est hæc tamè levis, nec approbata canonibus 11. q. 3. can. nullus, can. plerumq; parag. cause ergo, aut delinquens iam est depositus, vel alia pœna punitus can. Apost. 24.*

## CAP. X.

*An culpa quæ non apparet puniri censura valeat.*

**C**ulpa autem non alia excommunicatione aut censura puniri potest quam externa, secundum quod Paulus admonet, *In promptu habentes vlesci omnem inobedientiam 2. ad Corinth. 3.* Equidem de internis Ecclesia non iudicat, *can. cogitationis distinct. 1. de pœnis. can. erubescant dist 31.* his verbis: *Erubescant impij, & aperte intelligant, iudicio Spiritus sancti eos qui in sacris ordinibus Presbyteratu, Diaconatu, Subdiaconatu sunt positi, nisi caste vixerint, excludendas ab omni eorumdè graduum dignitate. De manifestis quidem loquimur: secretorum autem, & cognitor Deus, & iudex est.*

Quod autem Ecclesia de internis non iudicet, probat ratio. De eo iudicare fas tantum, quod iudicanti plenè est cognitum, atqui Ecclesiæ non sunt extra sacrum confessionis tribunal actus interni cogniti, de iis ergo quæstio institui euidenter nequit: ex quo sequitur, quod si de iis iudicium magistratui Ecclesiastico ferre non licet, nec licere quoque eosdem punire, aut vetare sub excommunicatione, responsum Gregor. IX. indicat in *cap. fin. de Simon,* ibi enim eos teneri legibus statuentibus pœnas Simoniæ negat, qui commiserint Simoniam sine villo

Pars secunda.

**A** pacto externo, ex mero affectu interno, nam cum hic affectus sit malus, ac Religioni oppositus, si actus internos puniret Ecclesia, ut externum illum qui propriè ad Simoniam pertinet, quando ex interno affectu procedit, excommunicatione castigat, ita & affectum hunc punire debuisset, quod tamen non fecit, signum ergo est, credidisse Pontificem, non posse per Ecclesiam actus merè internos, censura, aut excommunicatione affici.

**B** Sæpe tamen exiguntur ut conditio, sine qua, actus externus culpabilis non esset, nec proinde capax prohibitionis vllius sub pœna excommunicationis aut censuræ.

Est communis doctrina, & probatur, excommunicatio, sicut & quælibet alia censura, fertur tantum ob mortale, at externa nulla actio est talis, nisi informetur ab interna, à qua habet ut sit voluntaria, illi ergo interna coniungi debet, ut sit censura materia.

**C** Sic in *Clem. 1. de statu Monachor. parag. quia vero, excommunicantur, qui ut Prælati suis, aut Monasteriis damnum inferant, ad curias Principum se conferre præsumpserint, Clementina multorum de hæreticis ca. 1. parag. Verum quia: excommunicantur, qui odii, gratia, vel amoris, lucri aut commodi temporalis obtentu, contra iustitiam & conscientiam suam omiserint procedere contra hæreticos.* Simili modo, excommunicantur interdum à Pontifice, qui scienter crimen aliquod admittere præsumpserint, aut opus facere, quod ipse prohibet, quibus verbis, actus internus haud dubiè non punitur, ut patet, sed significatur exigi tanquam conditio necessaria, ut ob actum exteriorum, in se etiam prohibitum, censura hic & nunc incuratur.

## CAPVT XI.

*Qualis esse actus externus debeat ob quem incurritur excommunicatio.*

**Q**uamquam non est necesse, actum externum cuius causa iure incurritur excommunicatio, aut censura, notum esse multis, ut hunc tamen effectum habeat, debet esse in suo genere completus, primam partem huius regulæ tuentur *Henriq. lib. 3. ca. 27. parag. 2. littera H. & K. Regim. n. 162. Caiet. verbo hæresis.*

Enimvero qui hæresim animo conceptam, cum pertinacia euulgat in cubiculo, ubi solus versatur, est secundum omnes Doct. excommunicatus, & tamen non est hæc eius culpa vlli mortaliū cognita, ut supponitur.

Tt

Confirm. sunt Simoniaci quos confidentiarios nominant, excommunicati per Bullas Pii quarti, Pii V. & Sixti V. quarum meminere Nauar. ca. 23. *Enchir. num. 110. Suar. lib. 4. de censur. ca. 43. Azor. to 3. lib. 12. cap. 10.* Et tamē saepe non sunt nisi sibi ipsis inuicem cogniti, ergo ad incurrendum censuram iure impositam, non est necesse actionem cui iure est adiuncta, multis notam esse, satis est, natura suā talem esse, ut cognosci queat, etsi defectu circumstantiarum, testimonium sui nullum habeat, & ita sit per accidens occulta.

Iure dixi, nam censura quæ irrogatur à Iudice in pœnam culpæ, cum requirat processum, & causæ cognitionem, ut in reum sententia dicatur, non debet culpa occulta esse, nam legitimè probanda est autoritate testimonii, alioqui reo fieret iniuria, at testimonium nullum esse potest verum, & efficax, nisi de cognitis, aut auditis, quod testimonium non sufficit ab vno aliquo dici, cum singularibus testibus non credatur; *cap. bone 1. cap. cum dilectus de elect. cap. cum Veniens 1. cap. licet de testib. sed tot oportet produci quot faciendæ fidei sunt necessarii, qui numerus est minimum duorum, ut dicitur in cap. in omni de testibus & attestat 4. & lege Vbi numerus de testib.*

Ex dictis sequitur primò, ad irregularitatem contrahendam ex opere aliquo suo, non esse necesse, ut sit manifestum, aut multis notum sic Nauar. cap. 27. 194. & probatur ex Trid. sess. 24. ca. 6. de reform. vbi aperte Conc. supponit, irregularitatem ex crimine occulto posse contrahi, cum Episcopis concedit facultatem dispensandi in irregularitatibus omnibus & suspensionibus ex delicto occulto prouenientibus excepta ea quæ oritur ex homicidio voluntario, & exceptis aliis ad forum contentiosum deductis.

Quare non videtur opinio Glossæ in cap. vltim. de tempor. ordinandorum, probabilis esse, scilicet neminem præter homicidam, fieri irregularem, ob crimen ita occultum, ut probari in foro externo non possit, quia canonibus quos pro se citat derogatum est per Concil. loco citato.

Sequitur secundo, extra Galliam, suspensos esse ab usu Ordinum acceptorum, qui eos, ante etatem legibus Ecclesiæ præstituram suscipere, etsi hæc eorum culpa, nulli sit, præterquam sibi cognita; Nauar. tom. 2. Concil. lib. 5. Concilio 44. de sent. n. 15.

Dixi extra Galliam nam ut habet hic author loco cit. numquam Bulla Pii II. in ea publicata, ac recepta fuisse ab Episcopis legiur, quare cum legem omnem ut vim habeat, promulgari ac recipi oporteat, ab

his quorum interest, defectu vtriusque conditionis, hæc quæ de suspensione est, ab usu Ordinum receptorum, vim in Gallia nullam habere est censenda.

Sequitur 3. suspensionem omnem quæ est iusta, siue à iure siue ab homine lata descendat ex crimine, & siue sit occulta, siue publica, impedire usum illius actus Ecclesiastici officii, à quo reus suspenditur, nec fieri sine peccato mortali posse. Quia illum exercere est contra obedientiam Ecclesiæ debitam. Nauar. to. 2. consil. lib. 5. consilio 7.

Iam probanda est pars altera, in qua dicebatur, non quolibet actu nostro externo, ac sensibili, qui est peccatum, excommunicationem ac censuram incurrere, sed tantum completo.

Sic autem probatur, lex pœnam imponens, strictè est interpretanda ac propriè, cum sit onerosa ac grauis, restringenda est potius, quam amplianda, iuxta axioma iuris, quo dicitur: *Odia coercenda esse, fauores autem extendendos*, sed lex quæ censura decernitur, est pœnalis, mitiusque est, ac innocenti melius, dictæ legis verba propriè sumere ac strictè, de actu in suo genere completo, quam imperfecto, & alterâ sui parte manco, ergo, &c.

Confirm. Actio nulla, censuram Ecclesiæ meretur, nisi sit mortalis, & sensibilis, quia si mortalis non esset, pœna culpam excederet, nempe excommunicatio, quæ in Ecclesia nihil est grauius, culpam venialem ob quam inflingeretur nocenti, & si hæc culpa non esset externa ac visibilis, ab Ecclesia puniri non posset, utpote quæ de internis non iudicat, ergo quando censura fertur ob peccatum, nisi aliud exprimatur, intelligendum est de completo in suo genere. Sic Auiila parte 2. cap. 5. disp. 3. dub. 5. Nauar. lib. 5. consilior. de sent. excom. consilio 3. n. 2.

Hinc corollaria plura inferuntur, quæ etsi de excommunicatione, tanquam de præcipua censura dicantur, in aliis quoque similiter locum habent.

Primum est, actum propter quem fertur excommunicatio aut censura, tunc dici completum, quando voluntati internæ, adiicitur actus exterior, qui proprie significatur per verba legis eum prohibentis.

Secundum, in Gallia excommunicatos non esse apparitores, ac præfectos vigilum, qui Clericos noctu cum armis deprehensos, mittunt in carcerem, ac armis suis spoliunt. Quia cum legibus Galliæ istiusmodi hominum generi sit permessa Clericorum comprehensio, ob crimen quod appellatur in foro portus armorum *detritus*, non potest ea censeri mortalis, nec proinde materia excommunicationis



communicationis, ut notauit Nauar. *de sent. excomm. consilio 25. iuxta 2. edit. num. 1.* Quod enim per se licet, hoc impunè cuique ac sine culpa facere, cum placet, licet: sed ex Nauar. loco proximè cit. Magistratus regius Clericum arma indebitè portantem, punire pœna civili potest, virtute consuetudinis immemorabilis, quæ vim habet priuilegii, ut refert Aufrerius *in repetitione clement. 2. de officio ordinarij regula 1. fallens. 10.*

Corollarium tertium, Excommunicatum non esse, qui Clericum conatus est percutere, non percussit tamen, quia non potuit, aut impeditus fuit.

Ratio est, quod conatus ac voluntas, Ecclesiæ legibus puniri non soleant, sed actus ipse, qui est in suo genere completus ac perfectus.

Corollarium quartum, Pro excommunicationis item habendos non esse, qui in campum processerunt, pugnandi causa gladios distinxerunt, sed ne se impeterent, sunt ab amicis cohibiti. Quia cum lex Ecclesiastica, de duello vitando, sub pœna excommunicationis, sumi proprie debeat, non voluntatem, non conatum, aut præparationem ad pugnam committendam amplectitur, sed illam ipsam, ac congressum dissidentium inter se, ergo si ad eum non est ventum, non sunt hi existimandi excommunicati.

Corollarium quintum, Eos qui scienter indignum eligunt, iuris pœnas non incurtere, nisi in eo perstiterint quod ex votis eorum, communis electio subsequatur, cap. *perpetuo sanctio- ni de elect. in 6.* Quia eorum electio etsi vitiosa, completa tamen non fuit in genere peccati, eo quod effectu caruit.

## CAPVT XII.

*An quodlibet peccatum excommunicatione puniri valeat.*

**N**ON quodlibet tamen est censura puniendum, sed inobedientiæ duntaxat ac contumaciæ, per quam reus, Ecclesiæ monentis ac præcipientis, auctoritatem contemnere censeatur. Victoria *in summa tract. de excomm. num. 6.* Couar. *in can. alma mater par. 1. parag. 9. n. 1. P. Sotus lect. 3. de excomm.* Quisquis probatus fuerit per contumaciam nolle obtemperare, cum hæc primæ sedis Episcopo fuerit probatum, det literas, ut nullus ei communicet donec obtemperet, Concil. Mileuitan. can. 24. African. can. 89. & in Agath. can. 2. Contumaces Clerici prout dignitatis ordo permiserit, ab Episcopis corrigantur, in Turon. autem Synodo can. 25. diserte dicitur peccatum illud

**A** quod excommunicandus admittit, dum Ecclesiæ parere renuit, consistere in despectu Dei & Pontificis, quibus morem non gerit, de quo illis constare ut queat, neminem inauditum ac non ante ad dicendam causam vocatum, damnare debent: quæ luoni cum de Rotrococho comite excommunicando esset quæstio causa respondendi Galloni Parisiensi Episcopo extitit in *epist. 93.* Ego seruato legum tramite, nolo quenquam more saccariorum sine audientia punire, nolo satana tradere, donec vel audientiam subterfugiat, vel iudicium contumaciter respuat.

**B** Equidem contumaciam ac despectum præcepti Ecclesiastici exigere, probant verba Christi imperantis Matth. 18. *Ut qui Ecclesiam non audierit sit nobis tanquam Ethnicus & Publicanus,* hoc est, apud nos eodem sit loco, quo infidelis aliquis: quæro enim quid sit Ecclesiam non audire, nisi eam contemnere? at hæc maximè despicitur negatione obsequii sibi debiti, est ergo eiusmodi inobedientia excommunicationi ferendæ in alium, necessario præsupponenda.

**C** Tertio, est censuræ cuiuslibet præmittenda canonica monitio ab Episcopo, præterquam in casibus infra dicendis, sed huius rei causa non est alia, quam quia ante illam, aliquis censendus non est contumax, ergo supponunt canones, ad incurrendam censuram excommunicationis, contumaciam esse necessariam, sed hæc sine inobedientiâ esse nequit, fac enim me obsequi monenti, fac parere eius voci, ecquid notâ peruicaciæ abstersâ, audiam morigerus? ac Episcopo non contrarius? Est ergo inobedientia excommunicationi ferendæ præuia, eius certe meminit expresse Constant. Concil. in *sess. 28.* cum de Friderico duce Austriæ agitur, *sancta Synodus valeat tantam inobedientiam & rebellionem notoriam vlesci, declarat, &c. excommunicandos autem ibidem nominat rebelles & contumaces.*

**D** Esse autem contumax quis potest præsumptiue, & manifeste, præsumptiue aliquis censebitur contumax, si sciens se citandum à iudice, lateat, ne ad ipsum, mandata eius perueniant, secundo si impediatur ne citetur, quia enim manifeste non apparet eum nollet parere, ideo dicitur præsumptiue tantum contumax, & in hoc casu, satis est ut excommunicationem incurrat, si mandatum Episcopi, aliquid ei sub interminatione censuræ imperantis, innotescat vni ex eius domesticis, aut ad eius fores affigatur.

**E** Manifestè aliquis est contumax, primo, cum negat coram iudice, pariturum se sententiæ contra se latæ, nulla tamen probabili ratione reddita eius negationis causam.



est 23. causa undecima q. 3.

Secundo, cum fecit aperte contra prohibitionem aut mandatum, ut si iussus manere domi ad certum tempus, ante illud clausum, ea egrediatur.

Tertio, cum extra iudicium, negat coram aduersario, & testibus se paritum.

Quarto, cum causatur impedimentum non comparendi in loco, ad quem est citatus, quod tamen non probat, nec ad Superiorem iudicem appellat, ei probaturus causam absentiae suae.

Ex quo patet ad censuram, non requiri formalem inobedientiam, sed sufficere materiale, & impropria.

Est impropria cum inobediens ad violationem praecepti non mouetur à contemptu Superioris, dicendo apud se, nolo quia iubeor, sed ab alio quocunque motiuo, modo cum operatur, meminerit praeceptum esse deere omittenda, aut agenda sub poena excommunicationis. Propria, & formalis inobedientia, est ea quae habet formalem contemptum Superioris, qui positus est in reiectione expressa imperii ab eo positi.

Non requiri autem ad Censuram, formalem inobedientiam; sed sufficere generalem, & interpretatiuum contemptum, ostenditur sic

Ad ferendam censuram contra aliquem, satis est, quod in re graui Ecclesiae morem non gerat, sed qui discedit à praecepto Ecclesiae, non faciendo quod praecipit, aut agendo quod verat sub excommunicatione, virtute contemnit eius auctoritatem & clauis, ergo formalis inobedientia ad censuram non est necessaria, sed materialis & impropria sufficit, quare, qui sciens prohibitum esse ab Episcopo ingressum in Monasterium Monialium, sub interminatione excommunicationis & censurae, nihilominus in earum septa sine superioris licentia ingreditur, praeter peccatum mortale, cuius reum se facit, violando tale praeceptum in re graui, excommunicationem quoque incurrit.

Ex dictis sequitur primo, non subiacere Censurae eos, qui factum suum ignorant esse iure Ecclesiae prohibitum, quia censurae, poenae sunt contumaciae, at esse contumax non potest, ac Ecclesiae inobediens, qui ab ea quidpiam prohibitum esse ignorat, ut dicitur in regula proximè sequenti.

Sequitur secundo, nec contra vllum censuram ferri posse, qui non sit reus alterius iuris violati, quam diuini aut naturalis.

Primo, quia *Matth. 18.* expresse ad excomm. incurrendam requiritur ut excommunicandus Ecclesiam non audiat, ergo non sufficit quod ab eo praeceptum violatur

A naturale aut diuinum, alioqui malè facta fuisset mentio contumaciae, in spernendo mandato Ecclesiae.

Secundo, sunt censurae institutae ad frangendam inobedientiam erga Ecclesiam, at nemo potest dici ei inobediens, qui non peccat contra eius praeceptum, ergo ad incurrendum censuram requiritur, ut reus peccet contra aliquod praeceptum Ecclesiae.

Sequitur tertio neminem excommunicari posse, pro peccato vilo suo merè praeterito, & quod esse desiit, quia culpa praeterita, nullam arguit contumaciam in eius auctore contra Ecclesiam, quam tamen esse necessariam ad censuram, communis est Doctorum opinio.

Sanè Caelestin. III. in can. ex parte, qui est 23. tit. de verbor. significat. cum de causis ferendae excommunicationis disputat, non nisi duas commemorat, easque cum praesenti contumacia coniunctas, nempe quia nocens, citatus stare noluit iuri, vel etiam pro offensa, quia videlicet iussus noluit maleficium tollere.

Secundo, cum excommunicatio auctore Innoc. IV. in cap. 1. de sentent. excomm. in 6. medicinalis sit, non mortalis, disciplinans, non eradicans, dum tamen is in quem lata fuerit non contemnat, infligi debet tam corrigendi causa quam medendi, at qui contumaciam depoluit, & peccare contra Ecclesiae praeceptum desiit, etsi de scelere praeterito puniri possit, ac corrigi, non tamen sanari, cum cessando à violando Ecclesiae praecepto, cessauerit zger esse, cum ergo iudex Ecclesiasticus caute providere debeat, ut in ferenda excommunicatione ostendat se prosequi quod corrigentis fuerit & medentis, ut dicitur, cap. 1. de sentent. in 6. eius curae erit, ac providentiae, censuram non infligere ob peccatum praeteritum, quod quia cessauit, curationem non indiget.

Sequitur quarto, non ab homine modò, sed ne quidem à iure, censuram vllam ferri posse, ob peccatum praeteritum, quantumuis enorme, quod actu aut habitu non continuatur. Actum culpa perseverat, quando de facto admittitur, nec per poenitentiam eius, qui illam admisit, aut aliter reuocatur. Habitu vero continuari censetur, quando in aliquo suo effectu remanet, qui tolli potest: ita dñum proximo illatum perseverat, quādiu non restituitur, aut eius inferendi causa non tollitur, quare si censura puniendus erit eius auctor, his illam verbis concipere erit necesse, quae ordinem dicant ac habitudinē ad tempus praesens, hoc modo. Qui furtum admiseris, & intra mensem nō satisfeceris, excommunicatus

*municatus esto. Qui contra præceptum sui Episcopi à provincia est egressus, suspensus esto ab usu beneficii, & officij, si intra bimestre ad propriam Diocesim non redierit.*

Ratio est, quod censura, ferri nulla possit, nisi ad domandam rei contumaciam, at ibi reperitur hæc tantum, ubi est inobedientia, ac præcepti violatio: ergo, &c.

## CAP. XIII.

*Quenam à censura excusent.*

**E**Xcusant à censura ignorantia, inaduer-  
tentia, consuetudo præscripta, metus  
gravis, defectus potestatis, & monitionis, &  
quidem excusat ignorantia tam facti quam  
iuris, si sit inuincibilis. Quia censura non in-  
curritur sine culpa, at ignorans inuincibili-  
ter malitiam rei in qua occupatur, quam ap-  
perit aut efficit, non peccat, quia factum, de-  
fectu scientiæ, & notitiæ omnium eius qua-  
litarum, non est voluntarium, ergo nec  
peccatum.

Quid si operans, cognoscat quidem id  
quod facit, malum esse, quia oppositum est  
iuri naturali, ac diuino, ignoret tamen esse  
prohibitum iure Ecclesiastico, aut si intelli-  
git, nescit tamen censuram ei adiunctam:  
quid iuris?

Respondend. in neutro casu censuram  
incurrere, non in primo, quia censura nun-  
quam imponitur nisi contumaci, ac sper-  
nenti præceptum Ecclesiæ, at talis nemo  
censetur esse, quandiu ignorat voluntatem  
Ecclesiæ, &c.

Quare qui ignorans se excommunicatum  
esse, celebrat, vel alios actus similes facit, nõ  
est irregularis. Ancharan. in cap. 1. notab. 6. de  
prob. in 6. Rebuff. in concord. tit. de excomm.  
non vitandis verbo statuiamus, nec ob id bene-  
ficio priuari potest id. ibid. Panorm. in cap. il-  
lud de Clerico excomm. ministr. & Staphylæus  
in tract. de literis gratiæ, itaque qui cuiusmodi  
hominis beneficium à Papa dari sibi cupit,  
eidem exponet, quod sciens se excommu-  
nicatum celebrauerit. Rebuff. supra ver. no-  
tandum est.

Confirm. maleficia voluntate ac propo-  
sito sunt distincta. cap. cum voluntate de sent.  
excomm. at qui ignorat inuincibiliter præ-  
ceptum Ecclesiæ, nec expresse, nec implicite  
vult illud transgredi. Non primum, ut patet.  
Nec secundum, quia cum iura sint à se inui-  
cem distincta, & naturale ab Ecclesiastico  
seungi possit, non potest in transgressione  
præcepti primi generis, dici quod violatio  
Ecclesiastici contineatur, tanquam effectus

**A** in causa. Verum est ergo quod dicimus, nec  
implicitè, nec explicitè, violationem præ-  
cepti Ecclesiastici quod ignoratur, sub vo-  
luntatem cadere, ideo præcise, quod quis  
peccet contra ius naturæ.

Confirm. actio voluntatis mala non est,  
alio malitiæ genere, quam quæ ei repræsen-  
tata est ab intellectu. quia ut sic est volunta-  
ria, non aliter, at ex hypothese res tantum  
apprehenditur mala esse, malitia quæ iuri  
diuino aut naturali sit contraria, & non Ec-  
clesiastico, ergo actio per quam violabitur  
ius naturale, aut diuinum, dici non poterit  
esse contra Ecclesiæ imperium, ergo nec  
inobediens, qui illam efficit.

**B** Similiter non incurrit censuram, qui scit  
quidem rem esse ab Ecclesia vetitam, sed  
non cum adiunctione Censuræ.

Probat, reus non censetur absolu-  
tè contumax, nisi præceptum Ecclesiæ vio-  
lando, quod sub interminatione censuræ  
obseruare iubetur, ut vel hinc patet, quod si  
præceptum tale nosset, cum poena censuræ  
adiuncta, illud seruaret, ac Ecclesiæ impe-  
ranti pareret, non est ergo absolute censen-  
dus contumax, quandiu in ignorance di-  
ctæ poenæ versatur.

**C** Confirm. Per cap. 2. ut animarum de constit.  
in 6. innocentes non ligantur sententiis or-  
dinariorum per statuta prolatis, ergo à pari  
non astringentur censuris, quæ erunt late  
per statuta, aut sententias, si eas nesciuerint.  
Ita tenent Nauar. cap. 27. num. 27. Sanch.  
lib. 9. disp. 32. num. 21. Suar. disp. 4. sect. 9. num.  
19. Henric. lib. 13. de excomm. cap. 23. num. 2. Le-  
desma de matr. qu. 55. art. 6. dub. 3. ad 4.

**D** Et hæc de ignorantia sint dicta, venia-  
mus ad alia, & primò excusare inaduerten-  
tiam, ab incurrenda censura, ostendit hæc  
ratio. Non alii castigantur hac poena quam  
nocentes, sed qui non aduertens præceptum  
esse de re omittenda aliquâ aut agenda, sub-  
excommunicationis poenâ, cum nihilomi-  
nus, omittit aut facit eâ non est nocens. Quia  
actio nulla est mala, nisi quæ voluntaria.  
Sed quæ fiunt inconsideratè, ac sine aduer-  
tentia, non sunt talia, nam inconsideratio &  
non aduertentia, æquiparantur ignorantia  
inuincibili, secundum Portelium in dub. regu-  
larib. verb. excomm. n. 9.

**E** Secundo excusat metus, isque gravis.  
Quia censura, nunquam incurritur, nisi quis  
peccauerit contra præceptum Ecclesiæ, sed  
metus efficit, ne quis contra illud peccet.

Probat, Præcepta Ecclesiæ non obli-  
gant nisi consentanee eius voluntati, aut iu-  
dicis ea imponentis, sed hæc non exigit à  
quoquam, ut cum metu graui subeundi ali-  
cuius periculi, in vitâ aut honore, legibus

suis pareat, ergo ut non peccabit in tali casu, ita nec excommunicabitur. Sic Nauar. cap. 27. num. 63. paragr. septimum, Henric. lib. 13. ca. 21. num. 3. Auila 7. par. disp. 2. dub. 7. conc. 1. Ægid. disp. 13. dub. 12. num. 98. & 99. Suar. disp. 4. sect. 3. num. 14.

Tertio à consuetudine, eaque præscripta, habent Reges Gallie ut à nullo sui regni Antistite excommunicari, aut declarari possint excommunicati, Grassalius de iure litorum Feraldus privileg. 5. Rebuff. in praxi beneficiar. parte 1. in forma & declarat. nona promissionis, versu sed si venerabili fratri BoHELL. lib. 2. decret. Eccles. Gallie. tit. 16 Aliis placet hoc ei à Pontifice concessum esse, quemadmodum & eius Ministris, ac Officialibus, ne notari censura possint, occasione rei, quæ ad eorum munus, prouinciamque pertineat, Grass. supra, Boch. in summa verbo excommunicatio, eademque lege, aut verius Pontificis voluntate, eosdem exemptos esse aiunt, ab Episcoporum legibus, imperantium ut quæ quisque nouit de crimine, cuius causa litteras monitorias, ut aiunt, concessere postulantibus, ad notitiam eius consequendam, hæc sibi aut Parocho significet, hos inquam magistratus ea lege non comprehendendi narrant, cum res, qua de agitur, est eiusmodi, ut ad proprii sui muneris functionem pertineat. Sed de hac re alias.

#### CAP. XIV.

*An censura inferenda retardari vis possit, & quomodo.*

**I**mpeditur autem Ecclesiastici potestas iudicii, per appellationem, hæc enim temporis, locoque interposita, obstat ne in appellantem censura promulgetur, Innoc. III. in cap. dilectus filiis 55. de appellat. Adrianus Papa in capitulis a se collectis ex Synodis & canonib. diuersis tomo consilior. 3. quare accusato si iudicem suspectum haberet, nunquam non appellare licuit, ut vitiatam causam appellationis remedio subleuaret, & apud alium iudicem amotis dilationibus audiri posset. Adrianus supra; Ut sit hæc tamen efficax, tempore præcedere aliquo sententiam debet, cap. adhuc 37. quæ ea est posterior, illam non moratur: Alexandri III. in ea decretali est hæc, super re utraque sanctio. Noveris quod sicut post appellationem excommunicari non possunt, sic interdictum nequeunt, cui ante appellationem constat suppositos, declinare, idem ab eo responsum Remens. Archiepisc. in Concil. Lateran. parte 10. de appellationib. cap. 7. & Vigoriensi Episcopo, cap. 8. & nono: habet enim appella-

**A** tio facta ut oportet, hoc est canonicè, effectus duos, primus est, causam ad superiorem iudicem deuoluere, alter est, ita prioris iudicis auctoritatem suspendere, ut illius mandatum non vigeat etiam sub césuris factum, Alexand. III. in Concil. Lateran. parte 10. cap. 9. & 10. quare excommunicatus, post appellationem desistere à diuinis non tenetur, quia excommunicatio est nulla cap. de electi 66. de sentent. excomm. nec fit celebrando irregularis Rebuff. in concordat. tit. de excomm. non vitandis 9. Unde, longe tamen est ad conscientie pacem securius, sibi à celebratione ante absolutionem habitam, modum imponere, ab eaque cessare: ita Innoc. III. decretalis per tuas 40. de sentent. excomm. In aliis nisi gratiam absolutionis imploret, non debet audiri, ne sententiam Ecclesiasticam contemnere videatur, ac per hoc amplius ex suo contemptu ligetur.

**C** Excipiendus est casus, in quo excommunicationem nullam, ac irritam esse, quia intolerabilem errorem continet, aut est post appellationem imposita, probare appellanti esset in animo: in his enim casibus, ad probationem eorum, etiam si absolutionem non petat, debet admitti, sed donec de ipsis constiterit, euitari debet in aliis, Innoc. cap. per tuas 40. de sent. excomm. tunc enim ad cautelam absolui potest Innoc. ibi, Rebuff. in praxi benef. tractatu de additionib. in regulas cancellarie regula 65. paragr. sed nunquid.

**D** Appellationi tamen, si imprudens erit, friuolaque, Episcopum deferre nihil est necesse, cuiusmodi est futura, si causa legitima nulla nitatur, si, de quo queri iuste appellas possit, ac debeat, sententia in eum lata nihil habeat, ut si statutis ordinis, aut canonicis consentanea sit legibus, qualè esse non potest ambigi, cum hæc, culpam censura puniri volunt, quæ est ab excommunicato admissa, nec est eorum aliquid, quæ sunt ad sententiarum validitatem, Pontificiis necessaria sanctionibus, à iudice præteritum: primo enim eum admoneri oportet officii, cap. sacro 48. de sentent. excomm. cap. reprehensibilis 26. eod. titulo cap. cum speciali 61. de appellat. cap. statuumus 3. & cap. Romana 5. de sentent. excomm. in 6. quod si monitus, contumacie modum non ponit, tum enim uero iuste ab Ecclesia spirituali verberare vapulat, omnis enim iniuria, quæ admonitione non corrigitur, anathemate plendenda est, ritu prisco ac vetere Ecclesie: Iuo Carnot. epist. 141. ad Fulconem Parisiensis Ecclesie Archidiaconum.

**E** Quo autem ea monitio fieri modo debeat, expressit Ioan. XXII. lib. 5. Extravag. communium tit. 5. cap. unico de furtis, clarissime autem Constantiens. Oecumenica Synodus sess.



sess. 19. his verbis: *Sancta Synodus diversos ac singulos Episcopos, Abbates, Priores, Præpositos &c. liberos & eorum quemlibet in solidum, ad quem, vel ad quos, presentes nostra littera perueniunt, tenore presentium requirit, atque monet, primo, secundo, tertio, & peremptorio terminis, communiter, & diuisim eisque, & eorum cuilibet in virtute sanctæ obedientiæ, & sub excommunicationis pœna lata sententiæ, districte precipiendo mandat, quatenus statim visis presentibus dictum Fredericum Austria ducem, &c.*

Excusat iudicē à præmittenda monitione, primo facti necessitas cap. constitutionem 9. *versu nisi facti necessitas, de sentent. excom.*

Secundo delicti qualitas, quod est tale, ut iure excommunicationem mereatur sine sententiâ cap. *reprehensibilis 26 de sentent. extra hos casus, moneri reus debet, ac citari, ut duorum, vel trium fratrum spiritualium testimonio peculiariter adhibito, & modus criminis agnoscat, & modus pœnitentiæ irrogetur, Concil. Toletan. 11. circa tempora Adeodati can. 7. Leo epist. 83. quod Gallos antistites facere solitos loquuntur hæc pauca, ex Iuonis epist. 193 de prompta, ego seruato legum tramite, nolo, quenquam more sicariorum sine audientia punire, nolo satana tradere, donec vel audientiam subterfugiat, vel iudicium contumaciter respuat: consulatur super hoc Euangelium, &c.*

Et quoniam prohibentur Episcopi quemquam excommunicare sine ordine iudiciario cap. 1. *de excessibus prelatorum: oportet eos cuncta rimari, & ordinem rerum plena inquisitione discutere, interrogandi, ac proponendi patientia ab eis prebita, ut actio partium limitata sit pleniter, Adrian. Papa in capitulis ex diuersis Synod. collectis, nihil dare amoris, nihil odio, æquitati omnia: Concil. Tolet. 11. can. 7. ut his liberi affectibus hominum diuersis non pateant, cauetur ca. 1. de sentent. excomm. in 6. 11. qu. 3. can. si Episcopus 4. & can. placuit 88. causæ ergo pensandæ sunt, & tunc ligandi, atque soluendi potestati exercenda Gregor. homil. 26. in Euangelia.*

Et quoniā ut est in c. 9. Synodi habite Suefion. in causa Hincmari, qui ab Ecclesiastica societate buolibet excessu disinditur, libellari scriptione aut recipitur, aut deicitur, de sententiâ excommunicationis à iudice proferenda in scripto, eiusque causæ illi inferenda ac eius exemplo excommunicato exhibendo cap. 1. de sentent. excomm. in 6. par. 2. quisquis igitur *versu & causam excommunicationis, mentionem hic quanquam strictim facere placuit, ut indicare appellacioni tunc locum esse, cum his est conditionibus, aut earum aliqua constituta censuræ sententiâ.*

Potest hæc verò fieri ad finitimos Episcopos 11. q. 3. can. si Episcopus 3 & 4. Concil. Re-

A. *menfe sub Dagoberto: Ad superiorem aut Papam can. 5. Concil. Lateran. sub Alexand. III. parte 10. cap. 8. & 9. etiam si in literis quibus causæ cognitio ab eo est delegato iudici commissæ, ea videretur prohibita adiectione huius clausulæ, Non obstante appellacione nam per eam illa duntaxat, promociō intelligitur remoueri, quæ à iure non indulgetur expresse Innoc. III. in cap. pastoralis officii 53. quare si appellans grauatus erit iniuste, grauamen huiusmodi poterit per appellacionem emendari: Innoc. supra. Sunt his perquam similia quæ ab Alexand. III. sunt scripta in Later. Conc. parte 10. de appellat. ca. 9. interrogatus enim à Viigoriensi Episcopo utrum sententiâ pro appellacione, quam ex incidente quæstione fieri sæpe contingit, sit suspendenda, licet causa fuerit appellacione remota commissæ, respondit, si aduersa pars, de falsi suggestionem, in appellacionem proruperit, non est sententiâ propter hoc differenda, si in literis commissionu, appellacionis obstaculū inhibeat, nempe, quia natura non patitur, ei aures ad misericordiam non patere, qui se aduersarii mendaciis peti queritur, ad ignominiam, aut mortem.*

An autem excommunicatus, qui ad Superiorem prouocat, ante finitum iudicium absolui debeat, declarauit Alexand. III. in Lateran. Concil. parte 31. de excommunicatis cap. 4. his verbis: *Quia quæsitum est à nobis ex parte tua, si liceat tibi eos, qui excommunicationis vinculo ab Episcopis aut suffraganeis tuis fuerint innodati, & ad audientiam tuam appellant, absolui, antequam steterint tuo iudicio, inquisitionis tue respondemus, quod si post appellacionem inter eos sententiâ excommunicationis est promulgata; absolutione nō indigent; cū sententiâ post appellacionē lata, neminem ligare possit, si autē ante appellacionē fuerint excommunicati, ante ingressū causæ, recepto ab eis iuramento, secundum Ecclesiæ consuetudinem debes eos absolui, cum autem à te vel Episcopo fuerint absoluti, causam audire debes, & eam sine debito terminare, quia nec excommunicati ante absolutionem sunt audiendi, nec causa ad eos à quibus est appellatum, debet aliquatenus remitti.*

quale autem, & qua de re iuramentum hoc esse oporteat, idem in decretali epist. ad Cantuar. Episcop. relata rom. Concil. 3. in Later. Concil. parte 31. cap. 2. exprimit his verbis: *Si pars aduersa ne absoluiatur, appellacionis interponat obstaculum, ab ipso tamen ante absolutionem, sufficiente cautione recepta, quod vel in presentia Romani Pontificis, ad cuius audientiam appellatur, si maluerit aduersarius, vel coram iudice, cui Rom. Pontifex causam delegauerit, vel coram eo, in quo utraque pars conuenerit, iuris taceat æquitati.*



Et quanquam ad superiorem prouocare cuilibet, etiam regulari liceat, non tamen à pœna, aut correctione statuta per regulam, quia cum hæc seruetur, cum quæ præcipit executioni mādantur, de excessu, aut grauiamine, cuius tamen causa conceditur appellatio, argui iudex nequit: hanc ideo recipi oportere negat Conc. Later. par. 1. c. 6. in locis vero religiosi hoc volumus observari, ne Monachi, siue quicunque religiosi, cum pro aliquo excessu fuerint corrigendi, contra regularem Prælati sui, & Capituli disciplinam, appellare præsumant, sed humiliter ac discretè suscipiant, quod pro salute sua utiliter eis fuerit iniunctum.

Facta, particularibus sententiis à & pro grauiamine appellatio, intra annum est terminanda, de appellat. c. 45. quod si innocentiam suam toto illo tempore appellās non probauerit, plekti censura à suo iudice poterit Clementis III. decreto in ca. dilecta de appellat. 39. Gelasii causa 11. q. 3. can. quicunque 37. in Lateran. Concil. par. 31. can. 6. Alexand. III. in Concil. Lateran. parte 1. ca. 6. Prioris sanctio sic habet. Quicunque intra annum siue civiliter, siue publicè causam suam coram suis excommunicatoribus non peregerint, ipsi sibi aditum audientie clausisse videantur. Et quanquam annui spatii, intra quod excommunicato fas sit agere, non fiat ab Alexandro vlla mentio, sed tantum termini, infra quem si prosequi neglexerit, libere tunc Episcopus sua auctoritate vretur, parte 1. cap. 6. eius tamen Conc. Carthaginense g. meminit in ca. 12. & non 14. ut est in causa 11. q. 3. can. rursum 36.

## CAPVT XV.

Quomodo concipi excommunicatio debeat & qua forma.

**E**Xcommunicationi autem inferendæ, certa nulla est verborum forma necessaria, quælibet modo sit exprimendæ menti eius qui excommunicat idonea, sufficit. A Gregor. VII. (ut est in 4. tom. Concilior. pag. 77.) & in historia Platinz, Henricus Imperator anathemate est notatus, ac dignitatibus omnibus priuatus, præmissa ad Christum, B. Virginem, sanctumque Petrum oratione in hunc modum. Beate Petre Apostolorum Princeps, inclina quæso aures tuas, & me seruum tuum exaudi, & post pauca. Fateor ego, ac meritò quidem, mihi tuâ gratia, non meritis meis, populi Christiani curam demandatam esse, concessamque ligandi ac soluendi potestatem, hæc igitur fiducia fretus pro dignitate ac tutela Ecclesiæ, omnipotentis Dei nomine, Patris, Filij & Spiritus sancti, Henricum qui temerè in Ecclesiam

**A** tuam iniecit manū, Imperatoria, regiaque dignitate deicio, & Christianos omnes, imperio eius subiectos, iuramento illo absoluo, quo fidem veris regibus fideles præstare consueuerūt. Præterea quia monita mea, imò tua, ad suis ipsius, populorumque salutem pertinentia contempsit, & se ab Ecclesia Dei, quam seditionibus pessundare cupit, separauit, cum anathematis vinculo colligo, certo te sciens esse Petrum, in cuius petra, ut in vero fundamento rex noster Christus Ecclesiam edificauit. Alias satis sibi esse existimabat Pontifex, denunciare populo, reū excommunicatum in legem peccasse, cui canonum iure adiuncta erat censura, sicut à Constantiensi Concilio factum video, in causa Friderici Austriæ Ducis, sic enim Patres in sessione 28. Ideo sancta Synodus tantam inobedientiam, & rebellionem notoriam vlisci volens, per hanc sententiam quam fert in his scriptis pronunciat, decernit, & declarat, dictum Fridericum anathematis, & sacrilegii vinculis innodatum, factum idem à Clemente V. in Andronicum Palzologum, sententia sic habet, Andronicum Palzologum Græcorum Imperatorem, hæreticorum, ac hæresis ipsorum & schismatis antiqui fautorem, de fratrum nostrorum consilio denunciamus excommunicationis sententiam latam à canone incurrisse, ac ipsius fore sententiæ vinculo innodatum Extrauag. de sent. excom. 3.

**C** Sententiæ in Andronicum dictæ à Synesio, verba paulo sunt ab his diuersa, sensus tamen idem. Sic ille. Postquam non amplius monendus est homo, sed velut insanabile membrum à nobis ressecandus, ut ne societate, etiam quod sanum est, simul corrumpatur, nam inquinamentū facile distribuitur, & qui tægit scelestū, particeps sit reatus illius. Propter hoc Ptolemaidis Ecclesiæ, ad omnes vique terrarum sorores suas hæc mandat. Andronico & suis, & Tonami & suis, nullum templum Dei aperiatur, omnis sacerdotus, omne sacrum templum conclusum sit. Non est Diabolo portio in Paradiso, qui etiam si clandestinè ingressus fuerit, expellatur. Admoneo autem & priuatum quemque, & Principem, ut ne sub eodem tecto cum ipso habitet, neque eandem mensam particeps, Sacerdotes, ut ne viuentes, alloquantur & mortuos simul deducant, Synesius epist. 58.

**E** Breuius, sed eodem effectu, sensuque, loquuti leguntur Episcopi in Arausic. Cōcil. ut refertur 11. q. 3. canone 107. Canonica instituta, & sanctorum Patrum exempla sequentes, Ecclesiarum Dei Violatores, auctoritate Dei, & iudicio sancti Spiritus, à gremio sanctæ matris Ecclesiæ, & à consortio totius Christianitatis eliminamus, quoad vsque resipiscant, & Ecclesiæ Dei satisfaciant.

Ita loquentem Episcopum, Sacerdotes numero duodecim circumstabant cum faci-

bus

bus ardentibus, quas in conclusione anathematiz, vel excommunicationis proicere aut in terram, & conculcare pedibus, iuebantur, 11. qu. 3. can. debent 106. qui autem Paræciis præcant eosdem singulis diebus dominicis, & festiuis, pulsatis campanis, & candelis extinctis excommunicatos publicè nunciare Ioann. XXII. in extrauag. communib. lib. 5. ca. v. nico de furto parag. mandamus, datis propterea ad eos literis monebantur tam de ipsa, quam de censuræ causa: Vt id sentiam, persuadet hæc verba petita ex can. 106. causa 11. q. 3. epistola per Parochias mittatur, continens excommunicatorum nomina, & causam excomm. quam sententia interesse quoque suæ, Iudex addebat, ad nocentis odium. cuius rei exemplum præter alia suppeditat Synodus 7. generalis can. 7. in hæc verba: *Anathematizamus Photium, primo, propter nequissimam inuasionem Ecclesiæ Constantinopolitanae, cum aliis malis operibus suis, secundo propter inuentionem falsarum Vicariorum, tertio propter concilium Vanitatu, quod celebrare tentauit, quarto propter crimina, quæ falso contra sanctissimum Papam Nicolaum in suo conciliabulo proposuit.*

Anathema tamen Episcoporum nulli fas erat imponere, sine consensu Archiepiscopi aut Coepiscoporum, prælata etiam Evangelica monitione, nisi vnde canonica docet autoritas, Concil. Meldense sub Sergio & Carol. Iuniore anno 845. canone 56.

## CAP. XVI.

*Excommunicationis effectus quis & quoruplex.*

**E**ius non vnus est, sed multiplex effectus.

Primus est, à diuinis eorumque actibus, excludere, Alexand. III. in cap. cum plantar. 3. parag. *excommunicamus de privilegio Concil. Sardicenses can. 16. quo tamen nomine non continetur concio, cui interesse excommunicato licitum per Innoc. III. in ca. responsio 43. de sent. excom.*

Secundus est, priuare excommunicatum orationibus Ecclesiæ, suffragiisque publicis, de quo extat Innoc. constitutio, his verbis: *Non sunt orationes pro eo domino porrigende, nisi cum de ipsius viuente penitentia per euidentia signa constiterit ca. sacris 38. de sentent. excommunicatio.*

Tertius, excommunicatum à sacris remouere altaribus, nec cum inibi sacris vacantem ministeriis pati, 11. q. 3. can. si quis Episcopus 3. & can. si quis Episcopus 4. eiusd. qu. & causa.

Quartus, ab omnibus actibus forensibus Pars secunda.

**A** excludere, excepta sui defensione, quare excommunicatus nec iudex, nec actor, aut testis esse potest, de priore est hoc Nicol. Papæ monitum in epist. ad Michaellem Imperat. miramur quomodo excommunicati ad iudicandum recepti sunt, cum secundum Apostolicos canones, sine commendatitiis literis in communione sola recipi prohibeantur. Absurdum etenim est, ut cui non licet cum minimis, iuxta sacras regulas communicare, liceat penes vos etiam de maioribus iudicare. Vt hoc autem facere præciso iure Ecclesiæ est nefas, ita & litem nocenti intendere, diem reo dicere.

**B** Sanxit id Fabianus in epist. 1. Omnes qui sanctorum Patrum statuta, tam præteritis quam futuris temporibus anathematizant, submouemus, & ab omni accusatione fidelium alienamus. Placuit idem Stephano epist. 2. placuit & Xisto II. epist. item 2. in qua est a Sanctis prædecessoribus suis plerumque iam statutum esse, ut nemo anathema, in alterius suscipiatur accusatione, & in Ephesino Concil. ca. 1. cautum reperio, ne Metropolitanus prouinciæ, qui seculis tentiret quam Concilium, aut Apostatarum se cœtui adiungeret, is contra Episcopos prouinciæ, nullo modo aliquid agere, efficere ne posset, cum iam dehinc ex omni Ecclesiastica communione concilium eum eiecisset, & ob id nullam potestatem, aut ius agendi quidquam haberet, eodem pertinet quod eiusdem auctoritate Concilii Catholici Clerici ab hæreticorum sint potestate, iureque exempti, in summa (inquiunt Patres) Clericos orthodoxæ & œcumenicæ Synodo consentientes, iubemus, eis qui defecerunt, aut defecturi sunt, Episcopis nullo pacto, aut ratione subiectos esse debere, Concil. Ephesin. canone 3.

**E**st in hanc sententiam luculenta Gallorum Antistitiū sententia in actione 8. Concil. Sueffion. sub Leone IV. & Carolo Caluo anno 853. his verbis: *Posteaquam quis excommunicatus fuerit, in ipsa adhuc excommunicatione constitutus, sine sit Clericus, sine Laicus, si accusare voluerit, definitum ad accusationem non admitti, ut mirum videri nulli debeat, si à Theologis quinto loco in effectibus excommunicationis ponatur, quod priuæ iurisdictionis vsu, tollendo actuale, tam in foro penitentia, quam contentioso, tam Ecclesiastico quam seculari, de istius priuatione sic Pontifex. Nos sanctorum prædecessorum statuta tenentes, eos, qui excommunicatis, fidelitate aut Sacramento constricti sunt, Apostolicæ auctoritate Sacramento absoluius, & ne sibi fidelitatem obseruent prohibemus, Greg. VII. in Synodo Rom. can. 2. De Ecclesiastica non usurpanda Emmo Nouiomagensis Episcopus in Concilio Sueffion. Leone IV. anno 853. ca. 9. cum de ordinatis ab Ebbone rela-*

tum esset ad Concil. Protulit rotulam, auctoritatem canonicam & Apostolicam continentem, quod qui ab ipso voluerant, & visi fuerant ordinari, in gradum Ecclesiasticos, ab eodem quod idem non habuit, nemo accipere potuit, damnationem vique quam habuit, per pravam manus impositionem eis dedit, quia qui particeps factus est damnato, quomodo debeat honorem accipere inueniri non potest, & sic quinta actione, canonica & Apostolica auctoritate decretum est à sacratissima Synodo, ut quicquid in ordinationibus Ecclesiasticis, idem Ebbopost damnationem suam egerat, secundum traditionem Apostolica sedis, præter sacrum baptisma, quod in nomine Trinitatis perfectum est, irritum & vacuum habeatur.

Effectus excommunicationis sextus est, priuare excommunicatum communicatione Sacramentorum passiva, etsi per se, ac vi sua, hæc illa non reddat inania & irrita.

Septimus est in eo, quod ab actiua eorundem collatione, eum remoueat, quamuis ex iis nullum irritum reddat, præter pœnitentiam, eo quod iurisdictionem exigat, quæ excommunicato, iure est canonico adempta.

Octauo eundem priuat usu ordinum. Ordinationes (inquit Synod. Placentina sub Urbano II. can. 9) quæ ab hæresiarchis nominatim excommunicatis factæ sunt, & ab eis, qui Catholicorum adhuc viventium Episcoporum sedes inuaserunt, irritas esse iudicamus.

Nono, excommunicationis est hoc quoque proprium, facere ut qui ea, maxime maiori est innodatus, beneficii sit incapax Ecclesiastici, ca. postulastis 7. de Clerico excommunicato. quare ad illud eligi aut præsentari non debet, Lessius lib. 2. ca. 34. dub. 22. num. 116. facta eius à patrono præsentatio, aut ab electoribus electio, aut à cedente resignatio, est irrita, Rebuffus parag. formula dimissoriarum num. 14. Couar. in ca. alma mater 1. parte parag. 7. num. 1. & 2.

Decimo, excommunicato omnis est interdicta communicatio cum fidelibus tam civilis per contractus & testamenta, quam politica & humana per orationes, colloquia, ceteraque, quæ hominibus esse possunt cum homine varia in vita commercia, de quo Patrum sunt ac Conciliorum infinita prope testimonia, extat Calixti Papæ epist. 2. cap. 2. Chrysostomi hom. 25. ad cap. 11. ad Hebræos nobilis oratio, quæ à Gratiano inserta est cause 11. q. 3. can. 24. Adde & Eutychianum epist. 2. Vernense conc. can. 9 his verbis: In Ecclesiam non debet (excommunicatus) intrare, nec cum illo Christianus cibus, vel potus sumere, nec ius munera accipere debet, vel osculum porrigere, iu oratione se iungere, nec salutare, antequam

ab Episcopo suo fuerit reconciliatus. His consentanea loquitur, ac præcipit, Arelat. secundam can. 30. Secundum instituta seniorum, si à communione, Sacerdotali fuerit auctoritate suspensus Episcopus, hunc non solum à Clericorum, sed etiam à totius populi colloquio, atque conuiuio, placuit excludi, donec resipiscens ad sanitatem redire festinet.

Ob eam causam iuebantur Episcopi ut ante obiter est insinuat, eum denunciare, nec id modo, sed & vicinis Episcopis de eius censura literas dare: fidem facit canon 8. Concil. sub Conrado habiti anno 1225. in Germania, cuius fit mentio in quarto tomo Concilior. Si Episcopus aliquem excommunicauerit certa de causa, denunciet vicinis Episcopis per suas patentes literas, ut excommunicatum denunciari faciant, & euitari, & tunc sine difficultate excommunicatum faciant publice denunciari, & in Diocesis suis arctius euitari.

Sic enim institutum est antiquitus, & nuper in Aruernensi concilio omnium Episcoporum, qui aderant consensu confirmatum, ut ab uno Episcopo, quemlibet pro iniuriis Ecclesiasticis excommunicatum, vicini antea Episcopi excommunicent: Iuo Carnot. epist. 130. ad Daimbertum Senonens. Archiepisc. quare Fulconem qui tunc Ecclesiæ Parisiensis præerat, amicum arguit in epist. 141. quod quos ipse auctoritate Apostolica segregauerat ab Ecclesia, sibi, suisque tam in familiari congressu, quam Sacramentorum usu, vitandos non crederet. De cetero culpo dilectionem uestram, quod Paganum à nobis Ecclesiasticis excommunicatum, & Apostolica auctoritate, exigentibus culpis suis in infamiam pulsus, in communionem recipiis, & Hugonem Puteacensem similiter, quod à nobis fieri de vestris excommunicatis manifeste culpæ retu. Moneo itaque ut de cetero, quam à nobis institutam in necessitate vestra vobis fieri velletis, eadem nobis in necessitate nostra faciatis, huc pertinent quæ paulo ante de Synesio in Andronicum luxuente, sunt dicta.

Qui quidem effectus comprehenduntur hoc versiculo.

*Os, orare, vale, communicatio, mensa negatur.*

Per Os, intelliguntur colloquia cum excommunicatis, Orare, communicationem ac conuentus indicat in sacro audiendo, recitando officio, Sacramentis dandis aut recipiendis, quos instituere, aut habere, cum excommunicato prohibet Calixtus epist. 2. relatus à Grat. 11. qu. 3. can. excommunicatus 17. Excommunicatos à Sacerdotibus nullus recipiat, ante virtusque partis examinationem, nec cum eis in oratione, aut cibo, aut potu, aut osculo communicet nec aue eis dicat.

Sunt his consentanea, quæ habentur in Concil. apud Palatium Vernis sub Pipino anno



anno 744. can. 9. Si quis ab Episcopo suo correptus, & excommunicatus fuerit, qui cum ipso communicauerit sciēter, sciat se esse excommunicatum, in Concil. Aquilgran. sub Ludou. Pio anno 816. Si quis à proprio Episcopo communione priuatus sit, non ante suscipiatur ab aliis, quam suo reconcilietur Episcopo, idem habet Antiochen. Concil. can. 6. Nec est hæc modo communio in humanis, prohibita, sed & in diuinis, fides sit pene Sardicense Concil. in cuius can. 16. hæc habentur: Si quis Clericorum ab Episcopo suo communione fuerit priuatus, & ad alterum perrexerit Episcopum, & scierit ille, ad quem confugit, eum ab Episcopo suo fuisse abiectum, non oportet ei communionem indulgere. Pœna contra facienti statuta, est excommunicatio, in Concil. Altisiodor. tempore Deus dedit anno 614. can. 39. Si quis Presbyter aut quilibet de Clero, excommunicatum absque voluntate ipsius, qui eum excommunicauit, sciens receperit, aut eum illo panem manducauerit, aut colloquium habere decreuerit, simili sententiæ subiacebit, quæ uocula pœnam ferendæ sententiæ indicat, non latæ, qualis in Concil. Vernis can. 9. communicanti cum præciso infligitur, ibi enim de eo sic canon sciat se esse excommunicatum excommunicatione scilicet minore, ut est dictum antea, si tamen nec sic emendari poterit, regis iudicio, exilio condemnandus dicitur ibid. quod non est in usu, sed sola excomm. ut est in actione 8. Cōc. Sueff Leone IV Pont. & in Remensi sub Eugen. II. can. 1.

*Mensa* idem significat ac contubernium, domumque eandem in qua habitent excommunicatus & alii ab hac censura liberi, quanquā probabilitate non vacet, eadē hos uti domo posse, modo diuersis distincta habitationibus, in quarum vna sit excommunicatus, non excommunicati in aliis: Toletus cap. 11. nunquā autem extra necessitatem illis est licitum, eidem assidere mensæ, in eaque iisdem vesci epulis, in eodem, communi cubiculo versari, eodem lecto uti.

Cum autem excommunicatos nomino, nō alios quam denunciatos intelligo, cū toleratis, sed non promulgatis agere, cuiq; liberū.

*Quæ enim de malorum uitanda communione dicuntur, de illis tantum nocentibus intelliguntur, quorum facinora, aut ita nota sunt, ut probatione non egeant, aut quæ confessione euidentissima sunt, aut iudiciali ordine publicata, aut sufficientibus testimoniis comprobata* Iuo Carn. epist. 98. ad Robertum. Quid si excommunicati, aut alij cuiuspiam, excommunicati denunciati censura sit nota?

Respondet idem author publicè à communione repellendum non esse, sed tolerandum, Sicut ipse Dominus nocentem suam usque ad condignum exitum tolerauit, & eum sa-

**A** cram mensam cum innocentibus communicare permisit, unde habetur in Concil. Agathensi can. 8. si tantum Episcopus alicui se scelus conscius nouit, quandiu probare nō potest, nihil proferat, sed cū reo ad compunctionem cordis, secretis compunctionibus elaboret, qui si correptus pertinacior fuerit, & cōmunioni publicæ se ingesserit, ille quādiu probari nihil potest, in communione omnium & illius qui eum reum iudicat, permaneat. In conclusione huius sententiæ, solus excommunicator rei, à communione eius, quem excommunicauit, excipi non præcipitur, sed excipiendo permittitur abstinere, quia exceptiones non solent esse regula, sed permissiones Id. ibid.

**B** Dixi publicè nam occultè vitari debet, neutro autem modo quem Ecclesia tolerat patet ex Extrau. ad euitanda de qua nos alibi.

Quare præisci zui vsus, Ecclesiæ legibus approbatus ferebat, ut de excommunicatione lata in quempiam, vicini admonerentur Episcopi, Excommunicatos, inquit Eugen. III. in Concil. Remensi can. 1. à suis Episcopis, ab aliis suscipi modis omnibus prohibemus, Episcopus autem, qui sententiam promulgauerit, eam utiuis Episcopis enunciet, id ipsum præcipit Concil. habitum in Germania sub Conrado Cardinalica. 8. quod fecisse, Iuo Carnotensis legitur, in ep. 209. ad Hugonem Ecclesiæ Aurelian. Decanum, & in 130. ad Daimbertum Senonens. Archiep. in 129. ad Ioan. Aurelian. Episc. nā in priori Raginaldum, in duabus postremis, Adelesiam Puteacensem dominam, & eius adiutores à se excommunicatos significat.

**D** Cuius moris causæ fuere dux, prima, ut quam Episcopus sententiam dixerat, hanc ceteri ratam esse vellent, suoque suffragio firmarent, Episcoporum nullus, inquit Innoc. II. in Synodo Romana can. 9. nullus excommunicatum in communionem suscipias, imo susceptam sententiam quisque confirmet, quod obseruabatur tū maxime, cum quis potestate accepta à Pontifice, alterius Episcopi Parochianum sacris ac bonorum cœtu mouebat, ita mihi sentiendi causā ab his Iuonis verbis in epist. 129. ad Ioann. Aurel. Episcopum. Quando dixit, Papa scilicet, ut confirmaretis sententiam nostram, eam tūc dictam in prædictam Dominam, iam dixerat Parochianam esse vestram, & tamen dedit Carnotensi Ecclesiæ licentiam excommunicandi eam pro sui iniuriā. Rogo itaque vos, & moneo, ut impleatis præceptum quod accepistis, quia & ego ad præsens, non priuabor Apostolice munere quod accepi, & in epistola 130. ad Daimbertum, Senonens. Archiep. De cetero Adelesiam Puteacensem Dominam, & Hugonem filium eius, cum ceteris adiutoribus suis, propter tyrannidem quam exercent, ex Apostolica auctoritate, à nobis excommunicandos, præcando



*et & Sponte participauerunt excommunicatis à nobis, & ipsos in officiis receperunt, eadem excommunicationis sententia cum ipsis, non dubitamus inuolui, quos etiam pro beneficio absolutionis habendo, ad nos volumus cum literarum tuarum insinuatione remitti.*

Alterum est, quando participatur cum excommunicato, in crimine criminoso, cuiusmodi id est, propter quod hic in excommunicationem incidit, quia cum per hoc ratione damnati criminis videatur (communicans) in eum delinquere qui damnavit, ab eo, vel eius superiore, merito delicti tunc erit absolutio requirenda, cum facientem & consentientem par pena constringat, Innoc. III. in decret. nuper 29. de sentent. quo argumento fretus Gregor. Papa nonus, respondit, Concubinos Clericos, quorum concubinæ sunt Ecclesiasticæ censuræ distictione notatæ, sententia maioris excommunicationis inuolui, qui post laram sententiam communicant in eodem crimine criminoso.

Patet ex dictis responsionis initio positæ veritas, peccare nempe mortaliter, qui cum excommunicatis, in re sacra participant, cum sint re ipsa ac de facto excommunicati in casibus allatis, aut excommunicandi, decreto Calcedon. Concil. & Pontificis Fabiani, qua feriri pœna posse alios quam qui culpæ mortalis sunt rei quis credat?

Quinque tamen sunt tempora, in quibus cum excommunicato agere, cuique est impune, hoc est sine culpa, aut pœnæ contrahendæ formidine, sunt hæc isto comprehensa versiculo.

*Vtile, lex, humile, res ignorata, necesse.*

Vtile, tempus indicat, quo communicatio cum excommunicato vitando, non est in vitio, nempe cum agitur eius salus, cum id fortunæ eius exigunt, cum ut eius animo bonisque consulatur, expedit eum adiri, moneri, instrui. Ab hoc capite, licet ei qui est in illius ære, qui credito pecuniam ab eo mutuam accepit, eidem redhibere, contracta nomina expungere, hominem officii admonere, ut se Ecclesiæ, eiusque imperiis submittat, rogate.

Lex uxori ad maritum aditum esse indicat in his, quæ matrimonium spectant, cumque eo viuere hanc posse ac versari, sine nota. Humile obsequia à seruis Domino, à liberis patri exhiberi posse designat, sine pœna, aut culpa. Res ignorata ignorantiam significat, tam iuris quàm facti, quæ ut à peccato, ita & ab eius supplicio operantem eximit, sicut & necessitas tam excommunicati propria, quam communicantis cum eo, hic enim ut in plerisque rebus aliis, axioma iuris valet: *Quod in lege non licet necessitas licitum facit, est*

A hæc autem duplex, spiritualis & corporalis, prima ad animam, ad corpus, commodaque temporalia pertinet altera, quæ duæ res cum periclitantur, nisi excommunicato opem tuleris, aut ab eo vicissim oblatam receperis, omnis est honesta ratio, eius exigendæ aut dandæ.

B Ex dictis patet excommunicati pœnas (quod initio huius capitis est dictum) esse genere ipso multiplices, effectû graves, cum cum Ecclesiâ indignum censeat, ad quem pars bonorum suorum aliqua perueniat, hæc autem sunt tria, conuersatio externa, quæ in conuictu mutuo, colloquiisque hinc & inde reciprocis, est sita, Sacramentorum participatio, orationes, & suffragia Ecclesiæ communia, Fernandez de excomm. ca. 9. parag. 1. num. 2. pœna ergo excommunicati propria, est ab his excludi precibus, quæ publice fiunt, nam priuatim ut in memento hoc est, ea parte sacrificii, in qua meminisse tam nostri solemus, quàm aliorum, Deo excommunicatum offerre, pro eo preces fundere, ut contumaciam ponat, ad bonam frugem redeat, lachrymis scelera eluat, Deo & Ecclesiæ satisfaciatur, est caritatis, magnæque opus plenissimum prudentiæ.

Ad preces quibus excommunicatus priuatur, addenda est sepulturæ in loco sacro priuatio, ac administrationis Sacramentorum actiue, passiueque, præterquam baptismi, quem conferre cum est ad salutem pueri necesse, Laicorum ritu, ac more, excommunicato licitum est, non aliter.

D Similiter & illi valde cauendi sunt, inquit, Fabian. ep. 2. de quibus Apost. ait, cū huiusmodi hominibus nec cibum sumere, quia infamia sunt notati, antequam Sacerdotali auctoritate sanentur, & nisi excommunicatus resipiscat, veniâque peccati supplex sibi ab Ecclesiâ deprecatur, (id est) post excommunicationem ad penitentiam non se inclinauerit, per principem puniri debet, Concil. Tribur. can. 1. & per forasticam potestatem sicut seditionarij ab omni plebe expelli, Martin. Braccar. ca. 37. aut in exilium mitti regis iudicio, Concil. apud Palat. Vornis can. 9. quod si parere renuerit, vult cum Arnulphus Imperator ad id vi armata adigi, ac si tam rebelles extiterit, ut comprehendendis repugnare studuerit, & in tali temeritate interfectus fuerit, iudicio Episcoporum interfectores nulla imponatur penitentia.

*Ecclesia præsit, cuius iudicio atque sententia non modo dissensiones circa fidem tollantur.*

Sed etiam scelera quælibet eius voce imperioque solvantur. Tarentinus Episcopus in oratione ad Patres Concilii Basileensis. *tomo Concilior. 4.*

Secunda definitio, in Episcoporum esse iure, remittere censure, non tantum quas iustis de causis ad suum ipsi tribunal reiciunt, sed etiam latas à decessoribus suis, Epauenses Concilii. *can. 28.* & Romano Pontifice, si notæ non sunt populo, sed occultæ, aut si cognitæ, non sunt hæc tamen Papæ specialiter reservatæ. Est hæc definitio hac munita probatione. Cum Episcoporum iurisdictio sit pastoralis, ordinaria, in Dei Ecclesia necessaria, tanquidem illis est in Dioceseon suarum regimine, ac animarum procuracione licitum quantum Papæ in administratione totius Ecclesiæ, at isti ligandi ac soluendi potestas est data diuinitus, ad terrorem nocentium iuxta ac salutem bonorum, ergo & Episcopis. Quæ autem censura sunt occultæ, quæ ad forum non sunt contentiosum deductæ, has ad Episcopum pertinere si non sunt specialiter Papæ reservatæ, dixit Trident. *sess. 24. ca. 6.* & Innocent. III. in *ca. nuper 29. de sentent. excommunic.* ubi ita dicitur his verbis quod quando conditor canonis, censura absolutionem sibi specialiter non reservauit, eo ipso videtur concessisse facultatem aliis relaxandi.

At enim (inquiens) quæ per Concilium Episcopis indulta sunt privilegia, loco citato proximè, hæc quotannis inania redduntur, ac irrita, per Pontificem in Bulla cæntæ.

Negari id debet, quia quæ Concilio, aut Pontifici sancire ad gloriam, aut commodum Ecclesiæ quandoque placuit, hæc tantione non abrogantur insequentem, nisi id te, expresse, ac signate velle dicat Pontifex, Bonifacius eius nominis VIII. auctor in *ca. licet Romanus 2. de constitut. in 6.* approbatores Viualdus in candelabro aureo & Bannes 22. q. 11. art. 4. quibus ea est mens iniecta per hæc Papæ verba. *Quia tamen locorum specialium, & personarum singularum consuetudines, & statuta (cum sint facti & in facto consistant) potest probabiliter ignorare, ipsi (dum tamen sint rationabiles) per constitutionem à se nouiter editam, (nisi expresse canentur in ipsa) non intelligitur in aliquo derogare.*

Absoluit ergo Episcopus ab excommunicatione Papæ reservata, cum est occulta, facere id tamen nisi satisfactione læso prius oblata & facta prohibitu, & cū eius cuius interest absolutionem dari, aut negari, cōsensu expresso, aut tacito: Ita Alex. III. in *cap. 7. de excommunicatis parte 31. Lateran. Conc.* Cum

A Episcopo præcipit, ne quam S. Pancratii Plebanus, in Clericos aut Laicos Parochianos suos, excommunicationis sententiam tulerat, sine congrua satisfactione, & absque conscientia ipsius plebani, aliqua ratione relaxet.

Secundo, si censura Papæ sit reservata, quam tamen absolui ab Episcopo, aut alio ex causa, & aequa iusta sit necesse, id Episcopus non faciet, nisi sufficiente cautione recepta, quod in præsentia Romani Pontificis, vel coram iudice, em Roman. Pontifex causam delegauerit, vel coram eo, in quo pars utraque conuenerit, iuris pareat aquirari. Alex. III. in *epist. decret. ad Cantuar. Episc. 10. Conc. 4.*

B Tertio, non est excommunicatus absoluentus, quandiu permanet in crimine, Cum enim iusta vincula non dissoluant nisi vera cordis conuersio, excommunicato adhuc permanente in crimine, ad persuasionem quamlibet personæ splendida quid est anathema destruere, nisi seipsum præuicatorum constitueret? Iuo Carnotensis. ad Rogerium Cardinal. *ep. 98.*

Quarto, si Episcopo constiterit, absolutionis beneficium à Papa impetratum esse subreptitiè, & ex causa falsa, absolutum cogere debet censuram Ecclesiasticam, cum literis suis veritatem continentibus, redire ad sedem Apostolicam, si verò id ei non constiterit, & eum suspectum habuerit, quod non fuerit veritatem confessus, ipsum compellere debet coram se quod veritatem confessus fuerit, purgationem præstare, Concil. Lateran. sub Alex. parte 31. *ca. 1.*

Adhuc absoluit Episcopus ab excommunicatione incurta ob percussum Clericum, si eum iusta aliqua causa excusat à Romano itinere, absolutionis petendæ causa, & primo, si Clerici infra puberes annos, sese adinuicem, vel unus alterum percusserit non sunt ad sedem mittendi, quia etas eos excusat, imò si sunt plene etatis, sed non de odio, aut inuidia vel indignatione, sed leuitate iocosa se inuicem percusserint, nec magistri si Clericum scholarem intuitu correctionis vel disciplina percusserint Concil. Lateran. parte 14. *cap. 7. de his qui incedunt in canon.* Mulieres item vel aliæ personæ, quæ sui iuris non sunt, possunt à Diocesano Episcopo absolui, Concil. ibid. *ca. 12.* Quod si Laicus habens capitales inimicitias, vel alias iustas causas, quibus abstinere rationabiliter excusatur, ut sine periculo Apostolico nequeat se conspectui præsentare, licet Diocesano Episcopo, accepto iuramento, absolutionis gratiam impertiri, sed illi sub iuramento debito est iniungendum, ut quam citius habuerit opportunitatem. Romanum Pontificem adeat, mandatum Apostolicum suscepturus, Concil. Lateran. *supra ca. 3.*

Quinto, & hoc mihi statuendum videtur in causa præsentis, esse vero quam simillimum, Priuilegiatos, Papæ beneficio, indul-

gentiaque, censuras omnes, quas iuris sui, forique Pontifex esse voluit, laxare posse, consequenter & casus omnes, quos ad tribunal suum pertinere sanxit, nam cum hi annexam excommunicationem maiorem habeant, præter duos, quantum mihi scire reliquit (primus est in Bulla Sixti quinti, aduersus male promotos Clericos, & Episcopos in ordinum collatione peccantes, secundus est Clementis VIII. contra regulares, quidpiam sine superioris facultate donantes,) cum (inquam) casus sint nulli (hoc est peccata lethalia) quorum absoluendorum, Parocho ac Sacerdoti simplici, à Pontifice Romano, tum ad morum disciplinam, tum ad Ecclesiasticæ administrationis formam retinendam, potestas sit adempta, quos idem Pontifex subesse regularibus, & ab his absolui posse non velit, ecquid est à nobis dictum verissime, quæ alicui iniecta sunt in urbe Ecclesiastica vincula, hæc Papæ beneficentia, ac venia, à priuilegiatis solui posse? non tamen quæ ab homine homini, id est ab Episcopo certæ sunt ac determinatæ personæ iniecta, nam Papæ aduersus Regulares liberalitas, est his restricta limitibus, quibus continetur Ecclesiæ dignitas, publica que multorum salus, ac incolumitas, at periclitatur vtraque, si quos Episcopi, ob scelera sua, loco, Ecclesiæque signate mouerunt, ac de nomine, hos eidem ac Deo reconciliare, Episc. non inconsulto modo, sed sæpe etiam reclamante, regulares Papæ voluntate possunt, sic enim Antistitum auctoritatem perfundari, sic ordinem quem in Ecclesia vigere, ad splendorem eius & gloriam Christus voluit, euersti, sic eius fulmina, quæ terrori esse impus sunt solita, negligi est necesse, nam quis in se ea intorqueri, quis eorum formidanda mole atteri, quis Episcopi iuste in vitia scruientis iram metuat, si ab hac, & illis Regulariū opera, cū volet, liber esse potest?

Id quid Episcopis olim esse noluerit licitū Concilia, Sardicense, Nicænum, Antiochenum, & alia, & regulares illud posse impune hoc tēpore quis credat? Prioris sane æui sensum aliū esse indicat Altisiodor. Concil. hic canon. *Si quis Presbyter, aut quilibet de Clero, aut de populo, excommunicatum absque voluntate ipsius qui eum excommunicauit, scienter receperit, aut cum illo panem manducauit, simili sententiæ subiaceat*, Concil. Antisiodorensis can. 37. in Nicæno autem primo, excommunicatus, ab Episcopo proprio, aut Concilio absoluendus dicitur, non alio. *Seruetur & ista sententiā, ut qui ab aliis excommunicantur ab aliis ad communionem non recipiantur, quousque Episcopus in comuni, vel ipsi Episcopo suo, visum fuerit, humaniorem circa eos ferre sententiā,*

A Nicæn. can. 1. quam est id ergo parum verò simile, quod olim Ecclesia Episcopis solis concessum voluit, id Pontificem modo, licere velle regularibus? cum disciplinæ Ecclesiasticæ interitu, nec sine probabili iustaque Antistitum omnium offensione? quæ ambo incommoda, timeri honeste ac prudenter cum nequeant, cum excommunicatio ab homine quidem est, sed generalis in homines, hanc priuilegiari, sicut & è Sacerdotibus approbatus quilibet, absoluendum mortalium ius habens, laxare potest, Emm. Sa verbo absolutio ab excom. Similiter &

## CAPVT XIX.

*Excommunicationis minoris qui sunt effectus & ab ea absolueri quis possit*

MInorem absolueri potest, quisquis à peccato propter quod incurritur, Nauar in Enchir. c. 27. n. 25. & comment. in can. placuit dist. 6. & quanquam censura hæc imponi per sententiam possit ob veniale, secundum Nau. ca. 27. n. 25. communiter tamen non incurritur, nisi ob participationem cū excommunicato nominato, & denunciato quam tamen emaculant, ac ab omni peccati lue absterfam liberant.

*Veile, lex, humile, res ignorata necesse.*

Quarum vocum est hic sensus, ab excommunicatione minore excusari singulos ignorantiam iuris, prohibentis aliquid sub censura, quam facti, quæ tū accidit, cum quis id se fecisse ignorat, quod censura plectitur, Lex ab ea excusans triplex est, matrimonii, naturæ, & ciuilis, à prima, habet vxor, ut eadem cum marito mensa, domoque uti possit. A secunda, permittitur filio, ut patrem sequi, eique in omnibus obsequi non sit turpe, à tertia, licet debitum ab excommunicato repetere eumque in ius vocare.

Tres sunt particulæ reliquæ, quarum est notio, intelligentiaque cuique peruia, ideoque non est in earum explicatione, quantum mihi videre datur, mora nobis trahenda longior.

Dixisse modo sufficiat istius excommunicationis effectus dūtaxat esse duos. Prior est non posse ad magistratus Ecclesiasticos, beneficiaque excommunicatum hoc genere excommunicationis eligi: facta tamen de eo electio iure non est irrita, sed irritanda ea, si celebrat fin. de Clerico exco. Alter eius effectus, est in eo, quod qui est ea notatus, Sacramēta recipere nequeat, etsi ea conferre valeat sine crimine, nisi forte ea conferendo suscipere debeat, in quo etsi peccet mortaliter,

non est tamen de eorum numero, quos irregulares dicimus, ca. si celebrat, de Clerico excomm. ministr.


## CAP. XX.

*Ab excommunicatione lata in Clericorum percussores quis absoluat.*

**O**rdinariè autem ab excommunicatione incursum ob percussum Clericum, absoluit Romanus Episcopus aut ab eo delegati. Si qui se in tantam vesaniam & presumptionem erexerint, quod hac vel alia occasione violentas manus in Clericos iniecerint, tam malefactores ipsos, quam illos de quorum mandato id fuerit perpetratum, publico accensis candelis, & pulsatis campanis aperte excommunicatos denunciate, & facite sicut excommunicatos deuotari, donec Deo & sanctæ matri Ecclesiæ satisfaciant, & humiliter vestrum rei veritatem continentibus ad sedem Apostolicam accedant, Alex. III. to. 4. Concil. ca. 5. parte 14. de his qui incidunt in canonem, idem habetur, ca. 11. 12. & 13. Si tamen habens iustas causas, quibus ab itinere rationabiliter excusetur, ut sine periculo, Apostolico nequeat se conspectui presentare, licet Diocesano Episcopo, accepto iuramento, secundum morem

**A** Ecclesiæ, absolutionis gratiam impetrari, sed illi sub iuramento debito est iniungendum, ut quam citius habuerit opportunitatem, Romanum Pontificem adeat, mandatum Apostolicum accepturus. Alex. III. ad Cænonian. Episc. to. 4. Concil. pag. 143.

**B** Ab itinere Romano excusantur impuberes pueri Clerici, qui se ex odio, aut inuidia non percutiunt, mulieres; & alii corpore debiles, de quibus est in Concil. Later. sub Alex. III. parte 14. can. 7. his verbis: Si Clerici infra puberes annos sese ad inuicem, vel unus alterum percusserit, non sunt ad Apostolicam sedem mittendi, quia eos etas excusat, nec Clerici, etiam si sint plenæ etatis, si non de odio, & inuidia, vel indignatione, sed leuitate iocosa se inuicem percusserint, nec magistri, si Clericum scholarem intuitu discipline, vel correctionis percusserint, quia non potest in iis violenta manus iniectio notari. In can. autem 12. eiusd. Concil. & partibus hæc leguntur. Mulieres etiam vel alie persone, quæ sui iuris non sunt, possunt à Diocesano Episcopo absolui. De his verò qui magna sunt potentia, & ita delicati, quod magnum laborem sustinere nequeunt, tale damus tuæ petitioni responsum, quod status personæ, & veritas negotii Romano Pont. est intimanda, & secundum consilium eius, de commissio scelere sunt puniendi.








# TRACTATUS OCTAVVS DE SVSPENSIONE.

## QVÆSTIO PRIMA.

*Quid sit & quotuplex.*



**S**VSPENSIO est censura Ecclesiastica qua Clericus ut talis, ob culpam suam, aut alienam, priuatur à lege, vel iudice, usu ac exercitio officii sui, vel beneficii, ad tempus, vel in perpetuum, ex toto, aut ex parte, Nauar. *Enchir. cap. 27. num. 151.*

Dicitur (*Censura*) ut distinguatur ab irregularitate, depositione & degradatione, quas non comprehendit censura nomine, communis est eruditorum opinio, eo quod medicinales non sint poenae, vel si sunt, sane non sunt censurae, Coelestini III. testimonio in *cap. querenti 20. de verborum significat*, interrogatus enim quid censura in literis Apostolicis innueret, respondit *per censuram Ecclesiasticam non solum interdici, sed suspensionis, & excommunicationis sententiam intelligi*: ergo cum depositionis ac irregularitatis in eo canone non meminerit, censurae nomen eas non comprehendit.

Dicitur (*Ecclesiastica*) ut distinguatur à poena, quae personis civilibus, Laicis & prophanis imponi solet cum illis nonnunquam officii sui usu interdicitur, Clerici sit metio, quia solus suspensionis est capax.

Additur *ut talis*, ut cetera remoueat poenarum genera quibus affici Clerici possunt, non ut tales, sed sub alio respectu ac nomine quam Clericatus, & ut sunt personae Ecclesiasticae, in quas tamen solas cadit suspensio, remouet hæc enim ab exercitio iurisdictionis

**A**nis Ecclesiasticæ, vel beneficii, quæ duæ res solis competunt Clericis, itaque in eos, si deliquerint, ferri iubetur suspensio in *cap. quoniam 9. de vita & honestate Clericorum*, ubi Gregor. eius nominis septimus, Episcopo imperat ut Clericos sibi minus obsequentes, *per suspensionem officij, vel beneficij, aut grauiori etiam poena si opus fuerit, ad obseruantiam compellat*. Hoc verò, Clerici, nomine, intelligi quoque Monachos, Religiosos, & Moniales, quæ dignitatem inter suos habent aliquam, periti authores tradunt, quare in Abbatiis cadere quoque suspensionis censuram posse aiunt, Henriquez *lib. 13. & Laym. lib. 1. tract. 5. parte 3. cap. 2. num. 2.*

**B**Dicitur (*ob culpam suam aut alienam*) Enimvero etsi suspensio quæ est poena admissi criminis, propriæ culpæ sit effectus, eamque supponat ut causam, imponi tamen etiam ob alienam nihil verat, argumento est, quod decreto Concil. *sess. 6. cap. 5. ordinati ab Episcopo in aliena Diœcesi sine ordinarii licentia, ab executione suorum sint ordinum ipso iure suspensi, qua poena iteratò multantur in sess. 14. cap. 1. & tamen fieri potest ut ordinati in eo nihil admiserint quod tantæ poenæ par sit & æquale, fac enim eos ab ordinante persuasos, se quæ agebat iure, nec non loci ordinario assentiente agere, & ita ab eo sacris se mysteriis initiari passos esse, quæro quid sit in eo magnopere præter credulitatem forte nimiam, quod culpæ possit argui?*

**C**qui præter facilitatem quandam animi, ac naturæ nulli aduersantis indolens, quod in suspicionem sceleris vocari queat? & tamen Ecclesiæ, concilique lege, à suorum sunt usu ordinum suspensi, est hæc ergo eorum poena, non propriæ ulli suæ culpæ, sed alienæ, id est ordinantis ascribenda.

Equidem

Equidem Castrus Palaus in opere moralis. 1. tract. 3. disp. 1. punc. 15. num. 3. & cum eo Antonin. Diana parte 3. tract. 6. miscellaneo resol. 71. hoc differre suspensionem ab excommunicatione aiunt inter cætera, quod ista etiam vt ferenda, communiter voluntatem in comminante iudice obligationis à se inferendæ sub mortali indicat, nisi ad terrorem duntaxat sit posita non autem animo eius illico infligendæ reo, sine monitione vlla alia præuia, quem morem fori esse, & ita passim à iudicibus Ecclesiasticis fieri, scripsit Sanchez in summa tom. 2. lib. 6. cap. 4. num. 5. cum tamen suspensio, irregularitas & interdictum, cum ferendæ tantum proponuntur eam obligationem non innuant, eo quod, inquit Diana supra, suspensio, irregularitas & interdictum, imponantur extraculpam, dictum est ergo verissime, Doctorumque iudicio consentaneè, suspensionem, culpæ quæsit à suspensio admissa, aut alienæ, effectum esse.

Differt autem ab excommunicatione.

Primo quod cuius excommunicari possit, non autem suspendi, sed soli tantum Clerici, iique omnes præter Papam. Caiet. verbo suspensio, Layman. lib. 1. tract. 5. parte 3. cap. 2.

Secundo, quod suspensio vniuersæ lara ob delictum, Episcopos non tangat, nisi eorum fiat expressa mentio, vt est in cap. quia periculosum de sent. excomm. in 6. qui tamen à Generali excommunicationis sententia nunquam sunt Ecclesiæ voluntate liberi.

Tertio hoc differt ab excommunicatione suspensio, quod illa communibus Ecclesiæ suffragiis, & fidelium communicatione, etiam in humanis, hominem priuet, non autem suspensio.

Quarto, suspensio receptionem Sacramentorum non prohibet, sed officii vel beneficii Ecclesiastici (vt sunt præcise talia) vsum, functiones ac exercitium, his enim priuat, eorumque administratione tam actiua, quam passiva, vt hæc est communicatio, cum fidelibus, non autem vt est exercitium, functioque ab Ecclesiastica potestate proueniens.

Quinto, excommunicari vniuersitas non potest, cum non sit probabile omnes de ea esse culpabiles, quod tamen ad excommunicationem est necesse, suspēdi autem possint, non tantum personæ singulares, sed etiam tota Clericorum communitas, V. C. capitulum, constat ex cap. quia sepe 40. de electione in 6. Vbi Capitula, Cōuentus, Collegia & singulares eorundē personas, quæ bona à prælatis Ecclesiarum dimissa, vel vacationis tempore obuescentia, quæ in utilitatē dictarū Ecclesiarū, expendi, vel futuris successoribus deberent reservari, occupant, inter se diuidunt, diripiunt, dissipant, dilapidant,

quos Bonif. eius nominis VIII. vult, vt ei ipso sint, & maneat, ab officio & beneficiis quibusque tandiu suspēsi, donec plenè restituerint quidquid de bonis perceperint supradictis. cap. quia sepe citato.

Sexto, habet excommunicatio effectus suos determinatos ac certos, quorum vnum separare, ac disiungere ab alio, non est in potestate Episcopi, cum ei iure Pontificio ac communi sint annexi, de quo illi statuere arbitrato suo non est licitum, cum quæ sunt ab Ecclesia, aut Pontifice in rem communem decreta, hæc mouere, nedum rescindere Episcopus valeat, quorum nihil in suspensione vfu venit, vt pote quæ effectum nullum natura sua determinatum, eique necessario in iure annexum habeat, cum sit in suspendentis potestate, ab vna actione priuare, & non ab alia, vt dicitur postea.

Septimo differunt, quod excommunicari nemo, nisi qui mortalis est culpæ conscius, excommunicatione saltem maiore, possit ac debeat, possit autem ex solo peccato veniali, incurri suspensio, Caiet. in summa verbo suspensio num. 1. eius præsidium vnicum, quod minus incommodi hominum generi afferat, priuari aliquem functione propria sui ministerii, aut beneficii, quam Sacramentorum passiuo vfu, sed ab his remoueri quis potest per excommunicationem ob peccatum veniale solum, ergo & suspendi à iure beneficii sui, vfuque officii.

## QVÆSTIO II.

### De causa effectiua Suspensionis.

D

PRIMA assertio, Qui potest excommunicare potest etiam suspendere, quia qui potest maius, potest etiam minus in eodem genere, at maius est excommunicare quam suspendere. Ita Ius commune, Papa, Concilium generale, quemcunque Clericum in quacunque orbis parte degentem pœna hac afficere possunt, Episcopi, Generales, & Provinciales Ordinū, suos subditos particulares, ratione loci aut delicti, ob causas quas ante memorauimus tract. de excom.

E

Meminiſſe eos tamen conuenit, in plectendis fontibus, potestate, quasi pharmaco non nisi cum morbus animi curari aliter nequit, vti se sua non debere, olim quidem sine Concil. mouere loco Sacerdotem, interdictum erat Episcopo, Decernimus, inquit Patres Concil. Hisp. 2. can. 6. vt iuxta Patrum Synodalem sententiam, nullus nostrum sine Concilij examine, deicere quemlibet Presbyterum aut Diaconum audeat: nam multi sunt qui indif-

XX ij

cussos potestate Tyrannica, non auctoritate damnant & sicut nonnullos gratia fauoris sublimant, ita quosdam odio inuidiaque permoti humiliant, Episcopus enim Sacerdotibus solus honorem dare potest, solus auferre non potest.

Secunda assertio, *Quenquam suspendere à diuinis, Parochis est inhiisum*, quia carent fori externi iurisdictione, nec alia habent quam in foro pœnitentiæ, quare si pœnitenti Clerico imperet ut ab altari ad tempus abtineat, etsi peccet non obediendo, non tamen est irregularis, causa est, quod irregularitas culpam sequatur non quamlibet, sed censuræ violatæ, at quæ à Parochis contra Presbyteros suspensio dimanat, censura non est, nec nisi improprie suspensio est, quæ autem ab Episcopo fertur in personam exēptam, extra casus in quibus illam suam exercere potestatem potest, ob eandem causam est irrita: ita teste Anton. in 3. parte tit. 27 cap. 4. Alexander Pontifex in priuilegio cuius initium est *Nimis iniqua*, pro auctoritate dixit, suspensiones per Episcopos ceterosque prælatos in fratres Prædicatores latas, nullas esse, quod ab eorum iurisdictione sint liberi.

Tertia assertio, *Abbatissa iure communi Clericos sibi subditos suspensione proprie sumpta punire nequit*, Glossa in cap. dilecta de maioris. & obedientia, nec enim est sexus muliebris, sine Papæ dispensatione huiusmodi, in quem iurdictio cadere valeat, quod probare cuique proum ac facile, Diu. Thom. auctoritate in 4. distinct. 19. qu. 1. art. 1. qu. 3. cui summarum interpretes assentiuntur, & præcipue Sotus in 4. dist. 20. q. 1. art. 4.

Scio aliquas, maxime quæ profitentur Regulam sancti Benedicti, sub reformatione Montis Cassini, vsu longo præscripsisse potestatem aliquid prohibendi, aut iubendi subditis sibi religiosis Monachis, sub pœna suspensionis ab officio Ecclesiastico, & perceptione fructuum beneficii, si quod possident, ut in Armorica, sed hæc prohibitiones, quæ in aliis, ut Abbatibus, actus iurisdictionis ferēt, in iis, ob causam allatam, non sunt tales, nec proinde suspensiones nisi improprie.

Quarta assertio, *Suspensus à iurisdictione si nominatim non sit talis, & denunciatus, suspendit valide, non tamen sine scelere*, Henriq. lib. 13. ca. 8. num. 6. littera A. & Auila cap. 6. de excommunicat. disp. 6. dub. 3.

Probatur, à temporibus Concilii Constantiensis non tenemur vitare nisi denominatos, notoriosque Clericorum percussiores: ergo in Sacramentorum administratione, aliisque id genus rebus, communicare cum iis si denunciati non erunt, fas erit hominum

A cuiuslibet, per eos ergo gesta futura sunt in eo statu valida, alioqui non cauerentur animarum pericula, quibus tamen Patres ea Extrauaganti cautum voluere.

Pars secunda probatur, Concilio nunquam in mentem venit, nunquam Patribus, quidpiam quod in excommunicati aut suspensi commodum cederet, literis suis statuere, ergo nec eos à culpa contrahenda usurpati actus iuridici liberare, cum id illis foret ad gloriam utile, in quo iis prodesse ac auctoritate sua eosdem ad illam prouehere, nunquam Concilio visum, ergo ante extrauagantis in eo scriptæ tempora, nec modo quoque, peccatum mortale inducere in facientes id, à quo sunt suspensi, ei est permisum.

Patet hinc, suspensioni tribui oportere, quod sit culpæ mortalis occasio, causaque in eo, qui contra præscriptum superioris aut Ecclesiæ in eo versatur opere, à quo est suspensus cap. 15. manual. 27. num. 163.

Secundo est hoc quoque in effectis suspensionis collocandum, quod suspensi acta reddat inania, in eo materiæ genere cuius illi fuit interdicta tractatio.

Tertio, si quis actum exercet ordinis proprium, à quo est suspensus, aut vero eum ab Episcopo quo more cæteri recipit fit irregularis, Innoc. IV. in decretal. 1. cum medicinalis de sent. in 6. non est tamen in irregulariū ponendus numero, qui dicit ad populum postquam id ei est per Præfulem vetitum, Sylu. & Armilla verbo suspensio.

Causa est, quod concionari quod hortari quod è loco superiori, vitia loquendo insequi, actus non sit ordinis, cum Fratribus Minoribus & Religiosis Clericis Societatis IESV. necdum ordinatis competat, Gregorii XIII. beneficentia, quam bullato diplomate expresse testatam voluit.

Suspensionis effectus vltimus, est reddere suspensum inhabilem ad eligendum, tam actiue, quam passiuè, item ad conferendum beneficium.

### QVÆSTIO III.

#### De causa materiali Suspensionis.

PRIMA assertio, *Clerico qui solus est subiectum suspensionis, communiter imponi hæc pœna non solet, nisi ob culpam.*

Probatur, est suspensio proprie dicta pœna.

Primo, quia est censura.

Secundo, quia adimit suspensio vsum potestatis Ecclesiasticæ, at pœna, culpam aliquam



quam vt sui causam in eo præsupponit qui punitur, Patet ex cap. 2. de constitut. vbi dicitur, rem que culpa caret in damnum vocandam non esse, ergo cum suspensio sit pœna, non nisi ob culpam, est ei inferenda quem afficit, peccata enim, vt Cœlestinus tertius asserit, in cap. secundo de his que fiunt à maiori parte, suos auctores tenere debent, nec pœna est vlietius extendenda, quam fuerit in excedente delictum repertum.

Secundo puniri non potest nisi reus, culpam enim pœna premit comes, vt est apud Horat. lib. 4. ode 5. & apud Ciceron. libro officiorum primo. Et sane contra rationem est, vt cuius virtuti merces debetur, hic pleatur immeritus, sed suspensio pœna est, nam quid accedere homini queat acerbius, quam sacra non posse conficere? nec in Ecclesia, diuina obire munera? aut Sacerdotia adipisci? pœna hæc ergo, ei non est nisi ob culpam aliquam infligenda, Nauar. Enchir. 27. num. 163. Henric. lib. 13. cap. 34. Soto in 4. dist. 22. quest. 3. art. 1. Caiet. verbo suspensio nu. 1.

Secunda assertio, Cum non suspenditur certa aliqua & determinata persona, sed communitas, fieri id potest ob culpam alterius.

Ita Henric. de irregularitate cap. 34. num. 1. Auila 3. parte disp. 3. dub. 2.

Et probatur, communitate ab exercitio alicuius operis suspensa, non licet vlli de ea, exercere actum illum, in quem cadit suspensio, maxime publice, propter scandali periculum, at non est credibile omnes de communitate reos esse, non est ergo improbabile suspensionem ob alterius culpam quam suspensi, ferri posse, quod est contra Regin. lib. 32. tract. 2. cap. 18. num. 5.

Tertia assertio, Cum tamen communitas, vt Capitulum. V. C. aut Conuentus aliquis suspenditur, ob vnius, aut plurium culpam, vt Episcopi, Detani, Archidiaconi, & id constat, quisquis est de Canonicorum turba noxæ expers, quisquis culpa vacuus, extra scandalum, non necessario abstinere debet ab eo opere, à quo suspensa est prædicta communitas. Ita Ægid. & probatur, autoritate Canonis, quia sepe 40. de electione in 6. vbi tacite innuitur, innocentes ac à furto in Prælati defuncti bonis admissio liberos, pœna suspensionis latæ contra communitatem canonicorum, in quos hæc culpa conferebatur, minime comprehendendi, nam Bonifac. ibi præsumptionis meminit, ergo cum in eos duntaxat, suspensionem ab officio, beneficioque cadere velit, quos laborare hoc vitio constiterit, eius expers quisquis erit, erit & suspensionis, Bonif. verba in ea decretali sunt talia. Nos ipsorum ausus reprimere, ac Ec-

clesiarum indemnitatibus præcauere volentes decernimus, vt si qui de cetero talia præsumpserint, &c.

Secundo iure quod quis legitime possidet, priuari non potest propter alienam culpam, nisi in casibus iure expressis, vt sunt crimen læsæ maiestatis, perduellionis, hæresis, id vero accideret, si innocens teneretur eo non defungi ordine, à quo tota communitas est suspensa.

Est hæc opinio secuta ac probabilis, qua parte communitatem respicit, absolute tamen dicendum videtur, extra hunc casum, cuius in canone citato fit mentio, suspensio ob alienam culpam abstinendum esse iis operibus, quibus suspenditur, nam quis dicat initiato in aliena Diœcesi, sine venia ordinarii, fas esse suorum ordinum officia exequi, à quibus præcepto Ecclesiæ interdicatur, in pœnam promouentis Episcopi? nam pœna iis est adhibenda, quibus lex imponitur quam violant, at hæc datur Episcopis, vt planum est ex decretis Trident. Synodi sess. 6. cap. 5. sess. 14. cap. 2. non puniunt ergo iunctiones hæc Ecclesiasticæ, quæ executionem ordinis ab alieno Episcopo dati adimunt, culpam vllam promoti, qui cum bona fide, ac proinde sine vilo suo scelere, passus sit eum sibi conferri ab eo, qui ius habere se assererat, cooptandi quemlibet in Ecclesiasticum ordinem, ergo in eo, promouentis culpa pleatur.

Quarta assertio, Culpa punienda suspensione ex probabiliore sententiâ, debet esse mortalis, quia pœna par esse debet culpæ, Noxæ, inquit Tull. de legibus. pœna par esto, vt in suo vitio quisque pleatur, vt capere, auaritia, mulctæ, honoris cupiditas, ignominia sanciantur. At est suspensio pœna grauis, nam quid acerbius, duriusque contingere vlli queat, quam litare non posse? nec in Ecclesia diuina munera colere, beneficia obtinere, obtenta regere in suum ac aliorum commodum, eorum bona dispensare? Non est ergo innocenti irroganda suspensio, cuius causa, non est nisi grauis culpa, ac mortalis, cum non conueniat tantum pœnarum, ab vilo pro re quapiam leui, nec facile in hac naturæ infirmitate vitanda homini, dependi.

At est excommunicatio minor, haud dubie suspensione grauior, cum illa passiuæ Sacramentorum perceptione priuet, quibus vt nihil est ad meritum. vitæque beatæ fructum vtilius, ita nihil esse eorum priuatione tristius, acerbiusque potest, & tamen grauem culpam excommunicatio minor non exigit, sed venialem, sed humanam: ob similem ergo, imponi suspensionem quid vetat?



Neganda est maior, nam præter remotionem à sacris officiis, quo de numero est sacrosancti Missæ sacrificii celebratio, includit & alia suspensio, nempe priuationem vsus sacrorum ordinum, administrationis officii, & beneficii, quæ pœnæ cum sint publicæ, omnibusque peruiæ, acrius pungunt Clericos, ac vulnerant, quam passiuæ Sacramentorum administratio Laicos, quos sæpe pauci teneri hac pœna sciunt, ignorant autem plurimi.

Contraria tamen sententia, quæ est Caietani *Verbo suspensio num. 1.* ob auctoritatem viri non est improbabilis.

Quinta assertio, *Nihil tamen repugnat suspensionem leuem aliquam, ob leuem imponi culpam.* Ita Nauar. *in manuali cap. 27. num. 151. & 159. Suar. disp. 28. sect. 4.*

Causa est, quod sic non lædatur æquitas, cum inter pœnam & culpam, intercedat æqualitas, quid enim rationis produci potest, quamobrem Episcopus canonici tarditatem in faciendo munere, aut linguæ pruritum, inaniaque quorundam colloquia, inter diuina officia, reprimere nequeat suspensione à celebranda Missa, vice vna aut altera, aut lucrandis distributionibus? id si est in eius iure, à nobis quoque dictum est vere, obesse nihil, quamobrem irrogari suspensio non valeat ob veniale, & hanc sententiam defendit etiam Armilla *Verbo suspensio numero 4.*

An autem sine vlla sua culpa, labi etiam quis in suspensionis censuram possit, iam est videndum, quanquam quis ea de re animi mei sensus foret, dicere mememini antea, cum de censurarum materiali causa est dictum *tract. 1. & in isto q. 3.* quod ergo tum statui, iterum hic repeto, ob alienam culpam suspendi quem posse, quod ut credatur, faciunt petita hæc è Conciliis testimonia.

Primum, est in Concil. Nicæno *can. 17.* Ordinationem eius Episcopi, qui alienæ Diocesis Clericum ordinat, sine consensu sui Episcopi, irritam esse, verba canonis sunt ista, *Si quis ausus fuerit aliquem qui ad alterum pertinet ordinare in sua Ecclesia, cum non habeat consensum Episcopi ipsius, à quo recessit, irrita erit eiusmodi ordinatio.* Idem statuitur in Concil. Antiocheno *can. 22. & 13.* quod si secus quam ei præcipitur, facere inducat animi an, *Irrita quidem quæ ab eo gerentur, existent, ipse vero incompotus motus sui, & irrationabilis audacia, subeat ultionem, ex hoc iam damnatus à Concilio.* Hinc enim sic argumentamur.

Culpa ad eos duntaxat pertinet, qui legem sibi impositam violant, ac hæc datur

A Episcopo, non Clericis, ut patet, & tamen eorum est irrita ordinatio, facta ab Episcopo non suo, id est, ut exponit Glossa decretalis Gregor. X. *eos qui de temporibus ordinatione rata non est, quoad executionem, recipiunt quidem characterem, sed ordinis functione priuantur in Episcopi odium, ad quem solum culpa non seruata legis est referenda, quam etiam suspensione ordinum, ac functionis eorundem, punitam vult, ut loquuntur hæc verba, can. 13. Concil. Antiochen. incompotus motus sui, & irrationabilis audacia subeat ultionem, quæ enim sunt incompotus, quæ à ratione aliena, hæc ipsa quoque sunt mala, cum nulla nisi quæ consulto geruntur, ac cum ratione, hoc est prudenter, sint bona.*

Quid? quod audacia classicis authoribus, vox sit mali ominis, hanc enim Festus *lib. 1. ab aude*, hoc est cupide, insolenter, ac immoderate, dictam esse vult, quare audacia quidpiam est in homine scædum ac turpe, quo facinus nullo periculi aut pudoris metu perterritus molitur, & *audenter* apud Iuricons. idem sonat, quod temere, quod imprudenter, longeque liberius quam sit par & æquum *Vlpian. lib. 1. parag. finali digest. si pars hereditatis petatur.*

Quod sentimus ac loquimur duo canones minime obscuris verbis persuadere possunt.

Primus est, Concil. Chalcedon. *actio. 15. can. 6.* alter Urbani Papæ ad Lugdunens. Archiepisc. *6. q. 2. can. Lugdunensis Parochia*, in quorum priori, vetantur omnes, ordinari ab alieno Episcopo, quod si secus factum erit, *Decernit sancta Synodus, sic loquitur canon, vacuam haberi manus impositionem, & nusquam posse ministrare ad Ordinantis iniuriam.* vident? ut ordinantis solius, ordinati autem nullo modo fiat in hoc canone mentio?

Deinde quid est in ordinantis iniuriam, ordinatum ministrare non posse, nisi hunc reici, ac ab ordinis suscepti vsu remoueri, ut malè sit ordinanti, eique ex animo deleat? quod pœnæ ei debitæ pars est quædam non vltima, cum contemni, actaque sua discindi vtinania, ac nulla, acrius animum feriat, quam iactura opum, quamlibet etiam grandium. quare cum culpam omnem in conferentem reiciant canones, maxime citatus Urbani, & tamen ab eo ordinati suspensionem subeant, concludendum videtur, quempiam culpæ expetrem, suspensione coerceri posse, pœnamque comitem quidem esse culpæ, sed non nostræ necessario, sed nostræ, aut alienæ, quod hic accidit.

QVÆSTIO

## QVÆSTIO IV.

*Suspensionis quot sint species.*

**V**ariæ, & quidem duas agnoscit Vgolinus *tab. 4. cap. 5. Tres Nauar. cap. 27. num. 154. Henriq. lib. 13. cap. 31. num. 3. Cæteri in longe maiori numero*

Primo enim diuiditur in totalem, & partialem.

Secundo in totalem absolute, & secundum quid.

Tertio in perpetuam, & ad certum tempus.

Quarto in eam quæ est à beneficio solum, & alteram quæ est ab officio.

Quinto reperitur suspensio quæ vtrumque complectitur, nempe prohibitionem vsus officii, & beneficii simul.

Nec obstat quod singillatim posita, non plus operentur hæc pœnæ, quam simul, nam vt non desinunt esse diuersi morbi, quibus surdus quis seorsim, & mutus efficitur, & quo surdus simul, & mutus. Ita nec suspensiones, quia quod vna prohibet, non permittit alia,

Equidem qui absolute suspenditur si neque ex verbis, neque ex intentione iudicis colligitur aliqua limitatio. censetur ab vtroque suspensus, id est officio ac beneficio & proinde maiore suspensione affectus, vt ait Henriq. *li. 23. cap. 31. num. 1.* quæ suspensio vocatur etiam totalis absolute, quia ad omnia se munia extendit, quæ Clericorum sunt propria, & huius suspensionis exemplum est in *Clem. 1. de decimis & in cap. tuarum 11. de privilegiis*, in quo Innoc. III. Lugdun. Archiep. imperat, vt exhortationis officio interdicit hospitalarios, qui per provincias certos homines colligendis fidelium elemosinis, contra veritatem, ac cruce dominica falso signatos mittebant, missos autem, si sunt Laici excommunicationis mucrone percellat, si Clerici ab officio beneficioque suspendat, nullo prorsus privilegio beneficio, vel appellationis remedio prævalente. Erit autem totalis, secundum quid, seu in certo genere, si functiones officii, vel beneficii, fieri à suspenso vetet, Et quidem suspensio totalis ab officio dicitur, per quam quis impeditur ab omni officio, tam ordinis, quàm iurisdictionis Ecclesiasticæ administrationis, suspensio à beneficio est totalis, per quam quis ab eius administratione, & fructuum perceptione suspenditur, partialis est, cum est tantum ab aliquo actu ordinis, officii, vel beneficii, ordinis quidē, si interdicitur reo Missæ celebratio, V. C. aut confessionum auditio, Officii, si prohibeatur Parocho, V. C. substituere sibi Vi-

**A** carium, si ei licere nolit Episcopus, facultatem excipiendarum confessionum vlli dare, isti autem, hoc est Episcopo, si ordinare quæquā Pontifex ex causa non permittat. Beneficiu, si non sinatur ex eius prouentibus viuere, aut illud pro autoritate administrare, aut distributiones quotidianas acquirere.

Sunt & aliæ suspensionis magis communes, ac vsitatæ diuisiones, vt in eam quæ est ab homine, item in maiorem, & minorem, de quibus dicendi suo tempore locus erit.

## QVÆSTIO V.

*De forma sub qua suspensionis sententiam ferri est necesse.*

**A**ssertio prima, Dicta in aliquem suspensionis sententia, sub quacunque verborum forma, dummodo intentionem suspendentis expriment, pro rata habenda est ac valida.

**C** Probat, suspendere est priuato alicui, aut certe communitati legem dicere, at hæc quibuscunque verbis posita, modo idoneis ad intelligentiam, vim suam in subditos exercet, ergo & suspensio, quæ interdum est ferendæ sententiæ, lata aliàs, ferendæ quidem, cum lex, canon aut iudex, vtuntur hac voce, suspendatur, latæ vero cum lex suspensum eū indicat his verbis, sit ipso iure vel facto suspensus.

Secunda assertio, Iure tamen canonico certæ sunt solemnitates suspendenti seruandæ, ne peccet.

**D** Prima est, vt suspensionem antecedit monitio, maxime si hæc irrogatur ob contumaciam, & nō ob præteritam culpam aliquam. Ita Nauar. *Enchirid. 27. num. 159. Sylu. Verbo suspensio q. 11. Armilla eodem num. 17. Auila part. 3. disp. 3. dub. 1.*

**E** Primo, quia eam exigit canon Apostolorum 32. perscriptus his verbis: Ceteri Clerici quicunque tali consentiant deponantur, Laici vero segregentur, hæc autem post vnam, secundam, & tertiam Episcopi obsecrationem fieri conueniat. Sunt in eandem sententiam scripta quæ sequuntur decreta Conciliorum ac Pontificum: Alexandri quidem III. in Concil. Lateran. parte 1. cap. 6. his verbis: Quocirca ne vel prelati valeant sine causa grauari subiectos, vel subditi pro sua voluntate sub appellationis obtentu, correctionem valeant eludere prelatorum, presenti decreto statuimus, vt nec prelati, nisi canonica commonitione præmissa, suspensionis, vel excommunicationis sententiam ferant in subiectos, nisi forte talis sit culpa, quæ ipso genere suo, excommunicationis pœnā inducat. In Oxoniensi Concil. anno Seruatoris 1230 circiter, habito in Anglia, hæc leguntur. Ad hæc Ecclesiastici ordinis utilitate pensata, pariter & hono-

re, decreuimus ne Archidiaconi, vel eorum officiales, sententias excommunicationis, suspensionis, & interdicti, in aliquem audeant promulgare, vbi excessus non est manifestus, nisi admonitione canonica precedente.

Secundo cum impunitate muniatur peccandi audacia, ne delicta crescant, serpentque in Republica ad bonorum perniciem, vt à magistratu regio coerceri possunt, ac reprimi, ita & ab Episcopis, Deique in animorum procuracione, cum iurisdictione Vicariis, vbi sunt admissa, spirituali aliqua pœna decet affici, talis est suspensio: ergo cum ad eam incurrendam requiratur contumacia, hæc autem non accadat, sine præcepti notitia, quod non seruatur, de eo admoneri peccantem est necesse, vt pœnam eius transgressori propositam subeat.

Pars altera quæ est de contumacia suspensione puniendi, cui monitionem præmittendam diximus.

Probatur hoc modo, nemo nisi quem refragari præceptis Ecclesiæ constat, censura feriri debet, at Prælato de inobedientia contumaciaque suspensi constare nequit, nisi prius moneatur tale quid ab eo præcipi, & quidem sub tali pœna.

Secus qui facit, ac sine monitione præuia suspendit, manet ipse suspensus per mensem ab ingressu Ecclesiæ, quod Henric. cap. 39. lib. 13. & Auila 3. parte disp. 3. dub. 2. Probant ex cap. sacro de sentent. excommunicat. cap. cum medicinalis eod. titulo in 6.

Ibi enim quoad hunc effectum producendum suspensioni & interdicto vim eandem inesse Pontifices volunt, ac excommunicationi.

Secundo, & hoc suspensionis irrogandæ forma postulat, vt feratur scripto, quod causam quam obrem Episcopo reo eam infligere placuit, expressam habeat.

Tertia, vt eius copia, suspensio intra mensem detur, si hanc sibi tribui exigit, Innoc. IV. in cap. 1. de sent. excomm. in 6. super qua requisitione instrumentum fieri publicum debet, vel literæ testimoniales, sigillo authentico consignatæ: Innoc. ibi. quæ enim ad excommunicationem Pontifex exigit, hæc eadem in suspensionis & interdicti sententiis vult obseruari ibi præcipit, circa quæ tria sunt notanda.

Primum in suspensionibus, quæ vniuersè intentantur ac generaliter pro facto futuro, siue imponantur à iure, siue ab homine, per modum prohibitionis generalis, aliam monitionem non requiri, quam legis, aut mandati publicati. Quia, cum lex, qua quid vniuersè præcipitur, aut vetatur, personam determinatam ac certam pro fine, obiecto-

A que non habeat quam respiciat & cui fiat, prudenter ac honeste non satis, eam admoneri aliquis peteret, quærerem enim exempli causa ab eo, cur hanc potius quam illam, de mandato monendam crederet, cum omnium par sit, eademque ratio?

Secundo nec est hoc silendum, eum qui sine scripto suspendit, ab ingressu prohiberi Ecclesiæ, diuinisque officiis per mensem ca. cum medicinalis 1. de sent. excomm. in 6.

Secundo, teneri suspensio de damnis ex suspensione securis.

B Tertio, superioris arbitrio, qualibet alia punire pœna posse, vt pœna docente discant, qui Ecclesiæ præsident Episcopi, aut eorum vices gerunt Officiales ac Vicarii, quantum sit culpa, & quam grauis, temere, nec considerate satis, Ecclesiæ intentare sacra in reum fulmina Innoc. IV. in cap. medicinalis 1. de sent. excomm. in 6.

C Tertio, placet & id quoque aduertere, pœnis modo memoratis subesse iudicem, qui quempiam ab actu suspendit, qui ei iure, & non ex permissione simplici competit, vt est in Parocho confessiones excipere, in simplici Sacerdote celebrare, itaque si hunc Episcopus ab audiendis confessionibus remoueat, quibus eius indulgentia, solaque facultate operam dabat, non incurreret prædictas pœnas, quia cum tunc proprie à ministerio, quod ei ratione characteris, aut personæ sit debitum, quam in Dei Ecclesia sustinet, non suspendit, sed iurisdictionem quæ ab eo pendebat, adimit: hac ratione superiores non peccant qui sibi subditos, à confessionibus tam suorum, quam externorum audiendis suspendunt, nam etsi iurisdictionem à Papa habeant, non tamen absolutam, sed ab eorum voluntate pendentem, seculares autem à facultate Episcopi, post Trid. obtinenda necessario, nam confessionibus audiendis vacare nemo potest, nisi ab eo approbatus per examen, & à superiore si religiosus est, ei oblatus fuerit.

D Aduertendum tamen quarto, istæ pœnæ, hoc est suspensioni, exacto mente finem esse.

E Ratio est, quod eam extra hæc tempora producere superiori non sit propositum, ergo cum hæc ab eius voluntate pendeat, istaque menstruo definiatur spatio, eo finito, ac cessante, cessabit quoque suspensio.

QVÆSTIO

## QVÆSTIO VI.

*De Regulis ad intelligentiam modi quo suspensiones solite sunt ferri.*

**S**upponendum primò, Suspensiones quasdam esse, quæ suspendant ab officio tantum, alias à solo beneficio, quasdam autem ab utroque simul.

Supponendum secundò, Suspensionum vim hanc esse, ut earum quædam suspendant ab officio, vel beneficio, in totum, aut ex parte, ad certum tempus, aut in perpetuum.

Supponendum tertio, cum qui culpa sua aut aliena est suspensus ab ordine vno, sapere ei quoque superioris exercitium interdictum esse, quod quando eueniat indicandum est, quam poterit clare & breuiter.

**A**ssertio prima, *Qui ab inferiori suspensus est ordine, illi in superiori versari, eumque obire non est licitum.*

Causa est, quod qui minus nequit, nec maioris quoque sit capax Syly. verbo *suspensio numero 5. Angelus eodem num. 3.*

Ab hac regula, tres sunt excipiendi casus.

Primus est, cum in suspensione inferioris ordinis, additur particula (*solum*) nam eius expressio, superiorum est ordinum quibus ita suspensio defungi licet, tacita quædam exclusio.

Secundus est, cum in sententia quæ Clerico suspensionem infert, solius sit concionis ad populum mentio, cum enim eam habere, ac sacra obire ministeria differant, potestatis ad prædicandum negatio, certa non est executionis ordinum inhibitiō, quia ubi cessat legis ratio, & hanc quoque cessare est necesse, at quæ causa superiori est auctor suspensionis imperandæ à concionibus, nempe suspensio in scititia, ac earum rerum ignorantia, quæ sunt explicandæ populo, hæc in usu non reperitur ordinum, cum ad permouendos sacris concionibus animos, maior exigatur eruditio quam ad collationem aut executionem ordinum. Ut ut sit constat eum qui est ab inferiori suspensus ordine, etsi peccet, propria superioris exercendo opera, eo ipso tamen irregularem non fieri.

Primo, quia non suspenditur ab ordine superiori nisi indirecte, & per consequens.

Secundo, quia nemo censetur irregularis, aut à sacris remouendus altaribus, nisi quem canones repelli ab iis imperant, at eum à rebus diuinis extorrem esse non iubent qui dat superiori ordini operam, à quo tamen non

*Pars secunda.*

**A** est per se primo suspensus ac directe, sed tantum, consequenter & implicite, quia est ei inferioris administratio, cum eius functione prohibita.

**A**ssertio secunda, *Qui à superiori suspensus est ordine, V. C. Sacerdotio, non necessario ei inferioris usus est vetitus.*

Causa est, quod cum ordo superior hominum opinione, reque ipsa sit inferiore sanctior, non censetur quis illico ob exercitium maioris, quod ei est prohibitum, ab inferioris quoque usu remotum esse.

**B** **A**ssertio tertia, *Qui ab opere determinato, & certo suspenditur, non est ab aliis suspensus, quæ cum illo non cohærent necessario, causam eius rei aliam non habeo, quam quod pœnas restringi oporteat, can. pœna de pœnit. dist. 1. & can. edia de reg. iur. in 6. suspensus ergo à certo aliquo operum genere, ab aliis, cum quibus commune nihil habent, abstinere eos nihil est necesse: Ita cui prohibita est concio, legere Euangelium suspensus autem à Missæ celebratione, confessionibus audiendis dare poterit operam.*

**C** **A**ssertio quarta, *Qui ab eo opere est suspensus quod est cæterorum veluti fundamentum ac basis, ab istorum quoque est usu prohibitus, ex Syly. verbo suspensio num. 5.*

Causa est, quod pereunte fundamento, ruere quoque ædificium, & remoto principali, accessoria quoque tolli sit necesse: ergo suspensus ab eo usu Ordinum, qui est cæterorum causa, atque principium, suspensus est quoque ab aliis.

## QVÆSTIO VII.

*Quid & quantum valeant hæc dictiones (suspendote) suspendote à iurisdictione, officio & Beneficiis.*

**P**rimus suspendendi modus, latiusque cæteris patens, continetur his vocibus (*suspendo te*) de cuius sensu ac intelligentia variant scriptores, Glossa in Clem. 2. parag. cæterum de priuilegiis, putat eo significari remotionem ab officio tantum, hoc est beneficio eiusque administratione, quod mihi non probatur, quia causa est nulla cur eius significatio ad eum duntaxat sensum trahatur, non autem ad alia quæ Clerico competunt, habentque vna cum officii carentia, usus quoque ordinis, ac administrationis beneficii priuationem, ac carentiam.

Quare sequenda est sententia eorum, qui illis vocibus asserunt remoueri suspensum ab omnibus, quæ ei conueniunt, in quantum

*Y y*



est Clericus, quia causa nihil est, cur hæ voces trahantur potius ad ordinem, quam ad cætera, quibus ex propria sui muneris ratione Clerico vacare conceditur: ita Sayrus lib. 4. cap. 12. Thesaurus in praxi Eccles. parte 2. Verbo *Usura* 7. & Verbo *Curia* 4. notab. 1. Layman. lib. 1. tract. 5. par. 3. cap. 1. num. 2. Filliuc. tract. 17 cap. 1. nu. 9.

Excipiendus est casus, in quo ex orationis serie, oppositum colligere fas esset; & ex vocibus tam quæ sequuntur, quam quæ præcedunt, intelligere, suspensionis sententiam dictam à iudice, non ad omnia quæ Clerico ex propria muneris sui ratione sunt permessa extendi; nam tunc ad suspendentis caput, restringi debent. Sicut, inquit Reginald. lib. 32 tract. 2. cap. 16. num. 21. qui excommunicatur sub hac verborum forma absoluta, excommunico te, censetur ex cap. si quem de sent. excomm. ligari maiore excommunicatione, quæ sine restrictione sortiatur excommunicationis effectus, ita qui suspenditur sub hac forma, suspendote, censendus est irretiri suspensione quæ absque restrictione priuet tam officio, quam beneficio, nisi aliud constet ex circumstantiis & potissimum ex intentione iudicis, alioqui per eam ab omni spirituali officio tam ordinis, quam iurisdictionis, & Ecclesiasticæ iurisdictionis impeditur, quia cum ea propositio sit indefinita, & vniuersali æquivalens, intelligitur de suspensione ab officio, seu diuinis, & beneficio. Proexplicatione modorum sequentium sit.

Prima assertio, *Suspensus à iurisdictione, eiusque actibus, non est ab ordine, eiusque functione seclusus.* Ita Suarez tomo 5. in in 3. partem Diu. Thom. disp. 26. sect. 4. primo, quia vt colligitur, ex cap. transmissam de elect. 15. & cap. aqua de consecrat. Eccles. iurdictio non pendet ab ordine, cum illam non Ordinatus habeat, nam in priori habetur, quod ex quo electionis suæ confirmationem quis accepit, de omnibus quæ maioris inquisitionis discussionem non desiderant, nec consecrationis ministerium, statuendi liberam habet facultatem. In altero est quod licet Episcopus committere valeat, quæ iurisdictionis existunt, quæ ordinis tamen Episcopalis sunt, non potest inferioris gradus Clericis demandare. Hinc enim sequitur iurisdictionem ab ordine sciungi posse, quod erat probandum.

Secundo, cum suspensio natura sua effectum determinatum ac necessario sit incohærentem non habeat, est in suspendentis potestate, reum hac aut illa priuare actione, non autem alia, facit id vero, cum iurisdictionis solius in sententia sua meminit, & non ordinis.

Excipe casum, in quo actus vnus alteri con-

nexus foret, nam tunc eius suspensio, secum suspensionem trahit alterius, *exempli causa suspensio ab usu Sacerdotij*, ab eo quoque, qui est ad Sacramenta administranda, suspensionem connotat, quod istorum ministratio, iurisdictionem in ministrante postulet.

Secunda assertio, *Suspensus ab officio, prohibetur ea facere, quæ illi ratione iurisdictionis, ordinis & administrationis Ecclesiæ competunt*, Suar. tomo 5. disp. 26. sect. 26. antequam probetur notare iuuat, officium à quo dicimus suspendi Clericum, esse ius alicuius rei Ecclesiasticæ gerendæ, ab ordine, iurisdictione, vel administratione profectum, hæc enim tria comprehenduntur officii nomine, quare qui simpliciter suspenditur ab officio, ab his quoque exercendis prohibetur, vnde ea. 1. de sententia & re iudicata in 6. iniquus iudex ac improbus ab executione officii per annum suspenditur, & vt nomine officii multa Pontifex comprehendi innueret, addit dignum esse, vt qui in tot præsumit offendere, pœna multiplici castigetur.

Equidem ea voce comprehendendi quoque nominatim ordines, Innoc. IV. ibid. non obscure indicat, vbi enim cum suspensione dixit affici, qui famæ suæ prodigus, & proprii persecutor honoris, contra conscientiam, in grauamen partis alterius quicquam fecit per gratiam, addit quod si damnabiliter suspensione tali durante, diuinis se ingererit, irregularitatis laqueo se inuoluit, secundum canonicas sanctiones, ergo cum hæc non incurratur, nisi ministrando Sacramenta, aut actum ordinis exercendo, à quo exercens sit suspensus, officii nomine, ordines quoque comprehendendi est necesse.

Est etiam suspensus à iurisdictione, quia hæc officium, & non ordinem sequitur, ita Felic. de susp. cap. 11. *versu suspensus ab officio tantum*, qui ait in hanc sententiam ire Doctores omnes, cui subscribit Vgol. tab. 4. cap. 6. parag. 1. & Henric. cap. 32. n. 1. lib. 13. Itaque nihil hic quod potestatem ac iurisdictionem sapit, facere poterit, vt absolueret à censuris, conferre beneficia, eligere vel etiam eligi, quia nobis constituit ait Pontifex in cap. cum dilectus 8. extra de consuetudine, electionem ipsam à suspensis, & de suspenso esse celebratam eam iustitia exigente cassauimus. Innoc. III. & quanquam, qui secus quam canones imperant, quidpiam facit tale in hoc genere, mortifere peccet, irritaque sit per eum facta electio, non tamen vlla contrahitur irregularitas, quia hæc irrogata tantum legitur in pœnam violatæ censuræ, quod fit, cum qui ea innodatus hæret, diuinis se ingerit, Felinus in cap. Apostolicam de exceptionib.

13. Felicianus cap. 11. Suar. *de censur. disp.* 27. *sect.* 3. num. 6. quorum in numerum non est referenda electio, his ita præsuppositis probatur assertio.

Aus qui proficiuntur ab ordine, aut iurisdictionem prærequirunt, ut sint rati, ac validi, ad officia muneraque Sacerdotum, aut beneficiariorum propria pertinent, ita litare, ita facere, ita pro se populoque sacrosanctum Missæ sacrificium Deo offerre Sacerdotis partes sunt propriæ, ut pote quarum causa instituitur in Ecclesia, Deoque de populi turba, sæceque segregatus, initiatur: Petrus Gregorius *de benef. cap.* 7. ergo suspensus ab officio, quæ ordinis sunt, aut potestatis, non potest exequi, idque non in eo tantum loco, ubi est suspensus, sed omnibus, Glossa in *canon. quisquis Episcoporum* 4. q. 5. & in *cap. pastoralis* parag. Verum de appellat. quia ubique superiori suo, iusta mandanti & cum auctoritate, parere inferiori est necesse, ergo & cessationem imperanti ab officio, à quo eum suspendit, tenetur tamen ita suspensus, canonicas horas legere, quia alias culpa ei sua foret utilis, quod nec decet, nec oportet, ne ex ea commodum reportet, quod bene informata ratio non patitur, interesse tamen nequit capitulo, cum iure suffragii, Sayr. c. 5. lib. 4. quia ibi sententiam dicere, est ea quæ Clericorum sunt propria facere, pro canonico se gerere, cum eius rei causa inter cæteras, istiusmodi hominum generi beneficia dentur ac præbendæ, authore Lessio de beneficiis, ergo prohibitus facere officium, Ecclesiastici Magistratus imperio, vetatur quoque suffragari in capitulo, non item orare, non interesse divinis officiis, cum fiunt, non sacrificanti operam suam ut ministri solent deferre, non in necessitate sacris baptismi undis tingere, non mortuos sepulture tradere, quatenus hæc & similia officia, Laicis etiam competunt, Layman. *parte tertia de censuris cap.* 1. num. 2. Avila *par.* 3. *disp.* 2. *dub.* primo.

Et quoniam Doctorum est certa firmaque opinio, suspensionem & interdictum, præscriptos sibi terminos non egredi, qui speciatim ab aliqua officii parte erit suspensus, V. C. ab ordine, aut à tali, vel tali alicuius Sacramenti ministerio, illud tantum prohibetur agere, ei alia permittuntur omnia, ut patet ex *cap. significavit de corpore vitæ* tit. & toto tit. de Clerico percussore, nec suspensus ab ordine, suspenditur à iurisdictione, nisi in foro conscientiæ, eo quod ea sine actu exerceri nequeat, & ita sentit Vgolin. *loco cit.* parag. 5. & suspensus à maioribus, non suspenditur à minoribus, docet enim usus experientiaque, cum qui ab Episcopalis est sus-

pensus, Sacerdotalia non modo impune sed & cum laude posse exequi, non tamen cum apparatu Episcopali, Nauar. *cap.* 27. num. 163. *versu* 3. infertur & Henric. *cap.* 32. parag. 2. & Vgolin. *ta.* 4. *cap.* 6. parag. 6. ibi etiam docent, cum qui est minorum usu actu prohibitus, à maioribus quoque suspensum esse, qui enim in inferioribus subsistere non meretur, ad superiores gradum facere, aut in iis occupari digne posse quis putat? Pomponius, *lege qui indignus ff. de Senatoribus*, nisi forte aliam esse suspendentis mentem, constans esset certa opinio *cap. ult. de temporibus ordinationum* in 6. eodem modo si est simpliciter suspensa iurisdictione, iuridice interim agi nihil poterit, ut est planum in collatione beneficii, quam à suspensio fieri posse negat Pontifex in *cap. graue nimis* 29. de Præbendis & *cap. unicon sede vacante* in 6. quæ his sunt addenda ad plenam propositæ quæstionis notitiam explicabuntur sequentibus assertionibus.

Tertia assertio, *Qui suspensus est ab officio, fructus beneficii, qui non dantur ob præsentiam in choro, suos facere, & retinere sine culpa potest.* C Henric. *liq.* 13. *cap.* 32. parag. 3. Reginald. *lib.* 32. *cap.* 19. num. 11. quia beneficium & officium differunt: ergo cum Clericus, præcise per suspensionem non priuetur nisi eo actu, cuius in illa fit mentio, aut qui illi adhæret, suspensio ab officio, suspensionem à fructibus beneficii secum non trahet, distributionum tamen quas diurnas nominant, cum fient, particeps esse non poterit, quod hæc non sint debita aliis, quam qui diuinis intersunt officiis Vgolin. in *tab.* 4. *cap.* 6. parag. 3. à quibus tamē eum abesse est necesse, qui est D suspensus à iure aut homine ab officio.

Confirmatur nomine beneficii nusquam canones intellexere officium, nec contra: ergo cum pænæ extendi non debeant, suspensus ab officio, non prohibebitur retinere beneficium, eiusque fructus.

Quarta assertio, *Suspensus ab officio non potest diuina facere officia, nec quæ beneficii sunt exequi, nec ministrare Sacramenta, ea tamen recipere quorum est capax, idque potest cum fructu, præter ordinem.*

E Pars assertionis vltima est clara, nam recipere Sacramenta, officium non est Ecclesiasticum: ergo suspensus ab officio, interdicta non est Sacramentorum receptio nisi ordinis, sed collatio.

Enimvero cui prohibetur consequens, huic quoque cententur & antecedentia vetita esse, *cap. si celebret de Clerico excommunicato ministrante*, sed ordini annexum est officium Ecclesiasticum, à quo ordinandus, supponitur suspensus esse, ergo & à recipiendo

ordine, potest tamen canere in choro Laicorum more, Missæ interesse, gaudere indulgentiis cum conceduntur: sepeliri in loco sacro ex Nau. lib. 5. Concil. 64. de sentent. excomm. nam suspensio à diuinis, de iis exercendis intelligitur, & non audiendis.

Quod autem suspensus à beneficio, eius administratione careat, patet ex cap. cupientes 16. parag. ceterum de electione in 6. Ibi Nicolaus eius nominis tertius, canonicos qui electis intra octo dies, electiones presentare distulerint, si in hoc culpabiles extiterint, omnibus beneficiis suisque in ipsa Ecclesia obtinent, de cuius electione agitur, per triennium continuum, vult eo ipso fore suspensos, atque si intra illud tempus propria se his temeritate, vel alio quafito colore ingesserint illis ipso iure perpetuo priuatos esse: Ideoque dandos eiusmodi beneficiariis suspensis æconomos, qui eorum nomine, suspensione durante, beneficiorum quibus sunt commissi, negotia gerant, deque illorum fructibus sustententur, vt dicitur in cap. 2. de appellat. & cap. ea 3. de statu Monachorum parag. si vera, cadit autem hæc pœna in quemuis qui beneficio sit præditus, Episcopos autem & his superiores, oportet nominatim esse suspensos, ob cap. quia periculosum de sent. in 6.

Quinta assertio, *Suspensio à beneficio, indebiti sunt fructus illi, qui dantur tantum possessori suo, ob præsentiam in choro, præstationem eorum munerum, quæ facere ei est prohibitum per suspensionem.*

Probatur fructus obuenire Beneficiario nequeunt sine iure ad illos, at etsi per suspensionem ius fructuum non tollitur, saltem impeditur, respectu eorum qui sunt debiti ob officium, nam beneficium est ius percipiendi bona Ecclesiastica propter spirituale officium, ergo suspensione à beneficio, ius quoque ad illud suspenditur, ergo & ad fructus debitos propter executionem ministerii, quo non fungitur ob suspensionem, quare in can. præter 32. dist. cauetur ne suspensus partem ab Ecclesia suscipiat, id est commodum ac fructum vllum.

Sexta assertio, *Suspensio à beneficio, ius non est percipiendi ex eo fructus solitos.*

Probatur auctoritate canonis, ratione, & grauium Doctorum sententia, canone quidem, n. in 6. dist. 32. cauetur his verbis: *Neque partem ab Ecclesia recipiat*, huc adde rationes quæ sequuntur: Omittenti canonicas preces, omnium consensu fructus non sunt debiti, nam ergo iuste eos nullus tribuendos existimauerit, non præstanti Ecclesiastica munera quæ debet, datur enim beneficium ob officium, quod Ecclesiæ exhibere oportet, ex cap. finali de rescriptis in 6.

A Secundo, non residens fructus beneficii sui iure non possidet, ex decreto Trid. sess. 6. cap. 2. sess. 23. cap. 1. at residere est per se officium facere, quod suspensus ab officio, Ecclesiastica lege impeditur exequi, ergo non fungens chori munere, mercedem non potest capere, quæ presentibus tantum est debita.

Poterit tamen beneficiarius si pauper est, nec habet aliunde vnde viuatur, quia fructus alios ex beneficio non percipit, quam qui ei ex præstatione officii obueniunt, poterit inquam ex illis tantum sibi petere, ac sumere, quantum est necesse, vt vitam vtcunque toleret, ne in ordinum contumeliam, ac dedecus, mendicare cogatur, Tolet. lib. 1. cap. 14. Sayrus lib. 5. cap. 6. num. 4. Glossa in cap. cum Vintoniensis de electione.

Eius rei causa est ex concessione Ecclesiæ tacita repetenda, quæ Clerico beneficiario, ne in opprobrium ordinis Clericalis, scdè eleemosinam ostiatim corroget ad vitam suam quam suorum necessariam, non autem ad status decentiam, non obstante suspensione, suppeditat.

C Progrediuntur longius alii, nam ei obuentiones omnes beneficii, fructusque attribuunt, quos illi deberi aiunt, si præstet officium, sententiæ huius auctores ac patroni sunt Stephanus de Auila par. 2. cap. 2. disp. 6. dub. 1. concl. 1. & 2. & parte 3. disp. 2. dub. 2. conclus. 6. P. Nauar. lib. 2. de rescriptis cap. 2. num. 237. quam probabilem quoque esse scribit Layman. loco citato.

Septima assertio, *Suspensio à beneficio, præcise quæ est talis, non est suspensio ab officio, sed à sola perceptione fructuum, ac temporali administratione beneficii.*

Pars prima prob. non est suspensio à beneficio, suspensus quoque ab officio, maxime si iudex illud non prohibeat ei facere, at non vetat, nam ei decurrendæ sunt preces canonice vt ante, exercenda iurisdictio, vel administratio, ratione officii competens, quæ est opinio Laym. r. act. 5. par. 3. ca. 1. num. 3. Glossa in cap. cum Vintoniensis de elect.

Pars altera fidem habet à can. cupientes parag. ceterum de elect. in 5. in quo si suspensus à beneficio eius administrationi se ingerit, eo ipso est illo priuatus, priuat ergo suspensio à beneficio, eius administratione temporali, & spiritali sacrarum actionum, temporali quidem, quia suspensus lege Ecclesiastica constituendus est æconomus, Laymanni testimonio loco citato, nec aliam ob causam haud dubiè, quam quia illius temporalis administratio ei est interdicta. Spiritali autem, quia suspensus, iure sacro canonum est impeditus, quo minus fungatur iis muneribus

muneribus quæ Ecclesiastica necessitas requirit, & hæc est causa, cur ea non faciens, fructus à beneficio, uti suos, colligere nequeat.

Huius opinionis approbator est Innocent. in cap. sicut de cohabit. Clericor. & mulierum approbatrix item Glossa in cap. pastoralis de appellationib. in verbo subtrahantur, maxime quando suspensus in suspensione perseverat, nec ab ea absolui, pro eo ac potest, ac debet, procurat.

Caret ergo suspensus à beneficio, eius fructibus, ac administratione, eo tamen non excidit, nec iure conferendi, quia collatio à iurisdictione pendet, quæ per suspensionem à beneficio intacta relinquitur, ut ait Henr. l. 13. c. 32. n. 4. & per eam tantum impeditur collectio fructuum beneficii eiusque administratio, ut est in cap. cupientes tam citato §. ceterum de electionibus in 6. & cap. 1. par. qui vero eodem libro & tit. ubi docetur, eum qui se beneficio, durante suspensione ingerit, eo priuari, ideoque ei administrando præficiendus est Oeconomus, qui non tam suo quam veri eius ac legitimi possessoris nomine illud regat, negotia eius gerat, deque eius fructibus se sustentet & aliat ut dicitur c. peruenit 28. de appellationibus, & cap. ea, qua de statu Monachorum par. si vero dilapidator, non cadit autem hæc pœna in Episcopos, & his superiores, nisi nominatim suspensos, propter cap. quia periculosum de sent. excom. in 6.

### QVÆSTIO VIII.

Explicantur dubia quedam circa prædicta.

**P**rimum, An qui à beneficio, vel officio, est suspensus, utriusque vsu, ac exercitiū interdictum habeat, an alterius tantum, an neutrius.

Neutrius: cum enim anceps sit, ambiguaque sententia, nec ratio sit vlla, cur in vnam partem præpendere potius, quam aliam sit necesse, ab eorum altero magis quam alio non prohibebitur, Henr. cap. 32. nu. 4. Maiolus, Sylu & alii.

Contraria sententia est Laym. lib. 1. parte 3. tract. 5. cap. 1. n. 2. suspensionem cum fertur indistincte, & absolute, ab officio vel beneficio, intelligi debere de omnibus, cum nulla sit ratio eius limitandæ, maxime si ex verbis canonis, nulla limitatio possit colligi.

Secundum, An qui multa habet beneficia, si simpliciter à beneficio suspendatur, ab omnibus sit suspensus?

Respondend. cum Vgolin. tab. 4. ca. 8. par. 4. si id ex verbis, aut suspēdentis intentione, nequit colligi, de culpa, eiusq; natura,

**A** illius rei argumentum sumendū esse, & quidē si peccatum cuius causa quis suspenditur, est in damnum alicuius Ecclesiæ, in qua ille beneficium vnum, pluraue habet, & simpliciter suspenditur à beneficio, tam ab eo quam aliis, quæ in ea Ecclesia possidet, suspensus erit, quia talis suspensio ob causam est lata, quæ propriè illam Ecclesiam respicit, The-saurus verbo gratia c. 2. Verju, adverte §. si vero alibi beneficia habeat, ea retinebit, sin autem culpa sit contra statum, vel honorem Clericalem, & suspenditur à beneficio, eo quod habitum gestare Clericalem nolit, à perceptione fructuum beneficiorum que obtinet, est eo ipso suspensus, Clem. II. de vita & honestate Clericorum, cum Glossa ibid. verbo beneficiorum, & innuit Facic. de suspens. cap. 14. in fine.

Mendicabit ergo (inquies) contra Trid. sess. 21. c. 2. de reformatione, cum præter fructus ac redditus beneficiorum, quibus instructus erat, subsidia ei ad vitam nulla suppetant.

**C** Reipond. si suspensio deest ex patrimonio unde se sustentet nec honesto labore victum sibi ob infirmitatem virium parare potest, ei de beneficii fructibus tantundem erit dandum quantum nec essitas exiget, si suspensio in pœnam non in contumaciam sit lata, ut communiter sentiunt Doctores apud Vgol. c. 8. par. 3.

Tertium, An suspensus à beneficio, ab officio quoque sit suspensus.

Nequaquam: Toletus lib. 2. summe ca. 43. num. 4. Panormitan. in ca. cum dilecti de consuetud. Nauar. ca. 27. num. 153.

**D** Ratio est, quod suspensio per suspensionem tam quæ est à iure, quam homine, id duntaxat prohibeatur, quod propriè verba sententiæ significant, ergo cum alia huic voci beneficium subiecta sit notio, quam officio, suspensus ab vno non erit similiter ab alio, quare suspensus à beneficio, diuina officia exercere poterit, ut prius, imo si est Parochus, in ea incumbere debet ut ratio exigit. De iurisdictione verò quid consensum?

**E** Ab ea suspensum non esse, quem sententia suspendit tantum à beneficio, nisi hæc adnexa sit beneficio, & non officio: nam accessorij principalis naturam sequitur, ergo cum iurdictio effectus sit beneficii, cum eius intuitu beneficiario sit debita, suspensio ab isto, iurisdictionis quoque suspensionem inferet.

Quartum, Ecquid suspensio ab ingressu Ecclesiæ prohibeat suspensio, cuiuscumque oraminis intra illam, exercitium solemne & publicum.

Omnino colligitur ex cap. 20. de sent. in 6. Deinde vetito principali ea quoque prohibe-



bentur omnia, quæ illud solent consequi, at ingressus in Ecclesiam ordinatur ad cultum Dei, sacraque Clericorum officia, ergo in ingressu ad Ecclesiam, qui Clerico prohibetur, & alia quoque vetantur quorum meminimus.

Dixi in Ecclesiam, quia extra eam sacrificare in altari portatili, suspensus poterit, aut etiam in cæmeterio, nec enim ut supponitur, aliud hæc suspensio prohibet quam ingressum Ecclesiæ, at Cæmeterium non est Ecclesia, ei tamen prohibetur sepeliri tam ibi quam in templo, nisi ante mortem doloris signa dederit in ordine ad absolutionem receptam, aut recipiendam *cap. ii. cui 20. de sentent. in 6.* sepultus tamen licet impænitens diem suum obierit, Ecclesiam non polluit, ex *can. cit. ii. cui* quem iuxta probabilem tutamque sententiam refert Sayr. *lib. 4. canon* ita habet, *is cui Ecclesiæ interdicitur ingressus, cum sibi per consequens, censeatur ipsa diuinorum celebratio interdicta, irregularis efficitur, si contra interdictum huiusmodi, diuinis in ea se ingerat, in suo agens officio sicut prius. Talis quoque si hoc interdicto durante decesserit, non debet in Ecclesia vel cæmeterio sepeliri nisi pœnituerit.*

Quintum, quid his verbis intelligat Pontifex, cum aliquem à corpore & sanguine Christi, suspendit.

Existimant aliqui, eum à receptione communionis remoueri, proindeque esse excommunicationem minorem partialem. Ita Armilla verbo *Missæ* num. 12.

Dicunt alii, per ea, excommunicationis maioris sententiam in reum ferri, quam opinionem tuentur hi auctores Paludan. *in 4. dist. 11. qu. 1. art. 2.* Maiolus *de irregularit. lib. 3. cap. 16.*

Verissima sententia est, iis verbis suspensionem partialem à diuinis, id est à celebratione sola Missæ innui, quam defendunt Filiucius *de susp. num. 104.* Nauar. *miscell. 86.* Thesaurus *parte 2. praxis verbo Missæ cap. 3.*

Ratio est, quod suspensio, cum sit pœna, ultra verborum proprietatem extendi non debeat, at Sacerdos corpori Christi, ac sanguini raro extra sacrosanctum Missæ sacrificium communicat, ab hac ergo communione eum suspendere, est ei vsum Missæ interdicere.

Sextum, vi harum vocum *suspendo te ab Episcopali ordine*, quos actus exercere Episcopo non sit licitum.

Non alios quam qui Episcoporum sunt proprii, & Sacerdoti iure ordinario competere nequeunt, quales sunt confirmare, ordinare, &c.

Quid si suspensio sit à solis Pontificali-

A Respondend, ea suspensione, vsum duntaxat insignium, quæ Episcopis ferre est in more, directè, primo & per se, his vetari, indirectè autem, & consequenter opera omnia, quæ sine his ei obire non licet, qualia sunt sequentia. Confirmare, ordines conferre, altaria, Virgines, calices, & Ecclesias consecrare, quare Missam priuatim celebrare, ad populum dicere, confessiones excipere, ius in prætorio reddere, causas audire potest Episcopus licitè ac validè, cum ad ea ministeria, pallium, cæteraque id genus Episcoporum insignia, non sint absolutè necessaria.

B Septimum, *An suspensus noui beneficii sit capax.*

Huius grauissimæ quæstionis explicator est Lessius *lib. 2. de instit. cap. 34. dub. 2. num. 116.* tribusque canonibus conficit, suspensum sine scelere non posse, ac effectus nullitate, beneficium admittere, quam sententiam subscribi video à Toletio *in summa lib. 1. cap. 14. parag. vlt.* Sayro *de censur. lib. 4. cap. 5. num. 5. & 6.* omnium eadem sunt argumenta, eaque petita ex *ca. dilectus 8. de consuetud. ca. cum inter 16. de elect. ca. cum bonæ 8. de atate & qual. ordinand.*

C Verum enim, pace eorum sit dictum, ex illis colligi tale nihil potest, sed suspensi electionem, aut factam ei collationem de vacante beneficio, irritandam, non autem ipso facto esse irritam, nam in *cap. 8. de consuetud. Innoc. III. ait se electionem à suspensis, & de suspensio celebratam, iustitia exigere cassare*, non fuit hæc ergo iure ipso inutilis, cassa, ac nulla, *cap. autem cum inter 16. de electione*, præcipit, Abbati de Cella S. Petri, *ut si constiterit, quod electio facta fuerit à suspensis, ea omnino cassetur cap. vero 8. de atate*, consultus Cælestinus Papa tertius, utrum qui beneficium in suspensione sunt adepti, rationabiliter retinere illud possent, respondit, quod non licet eis illa, quæ habuerunt beneficia, vel quæ postmodum sunt adepti aliquatenus retinere, itaque Baranensi Archiepiscopo dedisse se in mandatis, *ut eos protanta pertinacia, & contemptu Apostol. beneficiis quæ haberent, non differret soliare*, quæ verba haud dubiè, electionem non irritam, sed irritandam denotant, proindeque non sententiam

D latam, sed ferendam tantum.

E Itaque etsi sit electio de suspensio, aut facta ei beneficii collatio illicita, non est tamen ipso iure nulla, quam sententiam docent Suarez *de censuris disp. 26. sect. 3. num. 7. & disp. 27. sect. 5. num. 25.* Sylu. verbo *excomm. 4. num. 4.* Innoc. in *cap. nostri de concessione preb. num. 1.* eamque ut non improbabilem defendi posse scribit Less. *lib. 2. cap. 34. dub. 22.* nam Pontifex in *cap. cum bonæ de atate*, eodem modo de beneficiis ante suspensionem

nem habitis loquitur, ac de acquisitis post eam, at illa sponte non tenentur dimittere, ergo nec ista, est ergo facta de iis collatio valida, rataque, eiusmodi tamen, rescindere non sit nefas.

Octauum, *An suspensus à beneficio eligere possit ac eligi, conferre beneficium, aut ei nouum aliquod dari.*

Licet ac valide, vtrumque posse suspensum facere vt credam, faciunt argumenta sequentia.

Primum, quod suspensum à beneficio tantum, nihil sit quod impediatur quominus quæ sunt sui muneris, exequatur ac obeat, secundum Sayrum *lib. 2. de censur. cap. 6. num. 4.*

Secundum, est suspensio à beneficio, ab ea quæ vñum officii prohibet diuersa, nã vtrique eadem non subest notio, sed distincta, vt verba ipsa præ se ferunt, ergo cum dicta in aliquem suspensionis sententia vim habeat, vocibus conformem, quibus est concepta, qui erit à beneficio suspensus, & non ab officio, istius vñum retinebit liberum, vt ante, & non vñlo modo prohibitum: quare si ei competit electio, eligere vt prius poterit, & conferre, & quoniam officii causa, conferri beneficium solet, cum qui ab isto est suspensus, impeditum officium non habeat, suspensio à beneficio licite potest ac validè nouum dari aliquod ab Episcopo, aut alio ad quem spectat eius collatio, Fagundez *in 5. precept. lib. 5. cap. 2. num. 49.* Si tamen conferendi beneficii ius ac potestas suspensio competere, eius occasione ac cautela, tali iure per suspensionem excideret, factaque proinde ab eo collatio, illicita foret ac nulla, quia principali prohibito simul & quæ ei sunt annexa, ac quasi accessoria, vetari constat.

Nonum, *An suspensus ab ordine, ab horarum liberetur onere.*

Id qui putet, esse credo neminem.

Primo, quia precum solutio, propriè non est ordinis actio.

Secundo, quia abhorret à vero, Ecclesiam velle, vt quis commodum ex turpi aliquo suo opere, nedum ex crimine referat, quod tamen accideret, si ab exoluendo solito horarum penso liber esset, id autè nolle Ecclesiam (quod fuit in maiori) fit vel hinc perspicuum, quod censuris id suis agat, vt in pœnam admissorum à se criminum, bonis suis, ac opibus fideles priuentur, non autem nouis vt commodis augeantur. Sic Sotus *lib. 10. de instit. qu. 5. art. 3. Sanch. lib. 7. consil. cap. 2. dub. 54.*

Quid si eas cani oportet, quid si publicè in choro dici?

Respondend. à suspensione ab ordine

A huic pietati erga Deum, moram nullam aut impedimentum obici, nam per eam Clericus ab administratione Sacramentorum duntaxat, executione iurisdictionis Ecclesiasticæ, & susceptione ordinum remouetur, non autem à cantu & precibus, apprecari tamen populo Dei præsentiam his vocibus Dominus vobiscum non potest, quia est actus ordinis à quo per suspensionem priuatur.

Decimum, *An suspensus ab officio, sit quoque suspensus à beneficio.*

Ita censuere inter Summarum interpretes viri eruditione nobiles Cardinal. *in Clement. primam q. 7. de priuileg. Gloss. in Clement. cupientes verbo suspensi de pœnis, Immola in ca. dum dilectus de consuetud. Turrecrem & Ostientis apud Comitol. respons. lib. 6. q. 42. num. 7. Salsedus in practica criminali cap. 230. q. 42. num. 7.* ita illis opinandi causæ admodum dux.

Prima, quod beneficium datur propter officium de rescriptis *in 6. cap. 15.* ergo suspensus ab officio, censetur quoque suspensus à beneficio, nam accessorium principalis naturam sequitur, ergo cum beneficium, officii sit accessorium, istius suspensio, futura quoque est alterius, id est beneficii, non amissio, quidem, sed fructuum, iurisque ad illos, suspensio.

Secunda, excommunicatio beneficii possessi obuentionibus tam diurnis quam annuis excommunicatum spoliatur, ergo & suspensio.

Consequ. probatur, est excommunicatus eam ob rem beneficii fructibus priuatus, quod censura quæ eum obstrictum tenet, eum quoque omni Ecclesiastici officii vñu priuet. At idem operatur suspensio in suspensio.

Loquuntur his meo sensu prudentius, qui contra quàm illi, docent & sentiunt, Tolemus *lib. 1. summa cap. 43. num. 5. Nauar. lib. 5. consil. 51. de homicid. & cap. 27. manual. num. 160. Sa verbo suspensio num. Auila disp. 2. dub. 1. conclus. 6. Coninch. dub. 2. conc. 1. Fagundez in 5. precept. Decal. cap. 2. num. 36 & 40. Suar. tomo 5. de censuris disp. 26. sect. 3. num. 24.*

Ratio est, quod officium, & beneficium, res sint disparatæ, inuicem non necessario coniunctæ, separari ergo vna potest ab alia, ergo qui ab officio duntaxat est suspensus, non idem quoque est à beneficio.

Confirm. cum de multiplici suspensionum varietate supra est actum, ex communi, vera tamen Doctorum opinione est dictum, præcipuas huius censuræ species tres esse, ab officio tantum, à beneficio, & ab officio & beneficio simul, quæ partitiõ esset haud dubiè inanis, ac superflua, si suspensio

ab officio, ex natura sua secundam hanc includeret, quæ est à beneficio, quam tamen ut à priori distinctam agnoscunt iura cap. inter 10. de canonica purgat his verbis: *Licet Ecclesiastica constitutio sales ab officio tantum, usque ad purgationem canonicam doceat suspendendos, quia tamen etiam eum à beneficio propter immanitatem suspendisti, nolumus improbare.*

Confirm. legis aut sententiæ quæ pœnam infert, verba propriè intelligi debent, in eoque sensu, quem à prima sui institutione sunt sortita, at huic voci *Officium*, vim eandem ac potestatem subesse nemo dicet, ac isti *Beneficium* primū enim illud ab efficiendo dicitur, estque id quod unusquisque efficere debet, ut nulli officiat, seruata scilicet honestate, quid loco, quid tempori, quid personis conueniat, ita inofficiosus dicitur, qui contra publicam honestatem quid facit, inofficiosus parens, qui sanguinis ex se procreati, & pietatis obliuiscitur.

Beneficium autem in iure civili propriè pro priuilegio sumitur, hoc est pro iure præcipuo, quod certæ personæ, ætati sexui, vel conditioni est attributum, Ecclesiastico autem, est ius percipiendi fructus propter officium spirituale quod obitur, quæ ab officio diuersa esse, distinctaque, cui non comperitur? suspendi ergo ab eorum altero, non est prohiberi ab utroque.

Confirm. sunt suspensiones, pro varietate rerum quibus priuant, variz, at suspendi ab officio, pœna est, ab ea quæ beneficii priuationem habet diuersa, prior enim administrationem beneficii impedit, constitutionem Vicarii, absolutionem à culpis, renunciationem digni alicuius hominis pro beneficio vacante, inflictionem censuræ, cohortationem ad populum, posterior autem quæ est suspensio à beneficio, iure priuat colligendorum fructuum, aut eius administrandi temporaliter, quæ ab inuicem seiungi posse quis non videt? ergo & suspensiones, quæ ergo est ab officio, hæc non necessario suspensionem infert à beneficio.

Ad argumentum, pro contraria sententia allatum.

Respondendum primo, negando consequentiam quia cum ex natura rei, vnum non sit adnexum alteri, beneficio officium, vel contra, ab inuicem separari ambo possunt, proindeque & vna suspensio, exequutioni mandari sine alia.

Ad confirm. dicendum, non quodlibet officium, instituti, ac instituendi beneficii causam esse, sed horarum, id est fundendarum precum pro Ecclesia, beneficii patronis ac fūdatoribus, ab eo vero officio eximi,

A Episcopi priuata lege posse neminem, cum Concil. Constant. maxime, regnorum praxis omnium, ac prouinciarum, Pii V. auctoritas in Bulla speciali ea de re, ac recepta vbiq; consuetudo, horas canonicas, quod est beneficii præcipuum onus, aut eius pars maxima, potissimaque, ab eius possessore dici, religiose integre, ac deuote, quot hebdomadis ac diebus exigant.

Vndecimum. *An suspensus ab officio in perpetuum, per iudicis sententiam, à beneficio quoque sit suspensus.*

B Esse, dixit Toletus in *summa lib. 1. cap. 43. nu. 3.* Cardosa in *praxi iudiciali verbo Graph. lib. 4. decisio. aurear. ca. 25. num. 7.* Laym. *lib. 5. tract. 5. par. 3. ca. 1. nu. 3.* Sayrus *lib. 4. ca. 6. num. 17.* Sanch. *de matr. lib. 3. disp. 51. num. 13.*

Firmamentum eorum vnicum est, quod perpetua ab officio suspensio, perpetua sit suspensio à beneficio, eiusque priuatio, quid ita vero? quia datur beneficium (inquiunt) ob officium, ergo si defungi officio non datur, neque beneficio frui, eiusque fructibus permittitur.

C Contra pugnant Theologorum schola scriptores non vltimi, Viuald. in *candel. tract. de susp. num. 17. concl. 1.* Henriq. *lib. 13. de excom. & susp. ca. 32.* & alii: Pro opinionis suæ fide, rationem hanc proferunt, quod suspensio ab officio, diuersum quid sonet à suspensione à beneficio, nec habet à perpetuitate, naturam ut aliam induat, aut vim maiorem producendi effectus habeat in beneficium, à suspensio possessum, ergo ut suspensio ab officio quæ est ad tempus, non est priuatio beneficii, ac eius fructuum: ita nec quæ definito tempore non clauditur, beneficii suspensionem infert aut carentiam.

Secundo, in pœnis non datur locus argumentis à simili, aut earum extensioni ad alia, à rebus in quas cadunt vere diuersa, ergo cum suspensio sit pœna, ab officio eiusque usu, trahi hæc ad beneficium non poterit.

Negare tamen non ausim, quin ei, cui interdicta sunt in perpetuum officii sui munera, incumbat illo decedere, per simplicem cessionem, aut resignationem in fauorem tertii, quod potest, quandiu eo per iudicis sententiam necdum est priuatus.

E Pars prima probationem habet facilem, quæro enim quorsum, & quamobrem vocatur quis ad Ecclesiæ, beneficiique regimen? Nempe ut hoc, & illam ex fide curet, propria vtriusque negotia gnauiter procuret ac sedulo, vno verbo beneficiarii munera obeat omnia, vnum de multis ex negligentia, incuriaque prætermittere, est officio, sibi que ac conscientiz deesse, nec proinde sine crimine,



crimine: ergo si erit perpetua suspensio, si nullo circumscripta temporis intervallo, nunquam erit, cum quæ magistratus Ecclesiasticus quem gerit, munera postulat, hæc faciat, ergo ne contra officium peccasse aliquando arguatur, non præstando quæ beneficii ratio exigit, aut illud relinquet ultro, aut resignabit alteri minime impedito: quod eum posse, quæ pars responsionis altera fuit, sic probatur, Ob suspensionem ab officio perpetuam, non est Clericus beneficiarius, ipso iure, & facto, suo priuatus beneficio, sed priuandus, ergo dum priuatio per iudicis sententiam accidat, de eo iste arbitrato suo statuere, ac disponere in alterius gratiam, per resignationem poterit.

Tertio suspensio ab officio quamuis perpetua, à suspensione quæ est à beneficio, semper est diuersa, ergo non necessario illatiua est alterius, cum in pœnis non detur extensio, nec sit beneficium officii accessorium.

Argumenti pro contraria parte allati, neganda est consequentia in eo sensu sumpta, quem intendunt aduersarii, volunt enim suspensionem à beneficio, & fructibus illius, sic includi in perpetua suspensione ab officio, vñ hæc illā necessario inferat, & hoc est quod negamus, nam etsi suspensus in perpetuum ab officio, beneficio renunciare debeat, cum enim detur ob officiū, si hic istud implere nequit indirecte manet obligatus ad illud resignandum, non tamen ex defectu præstandi officii, aut suspensione ab illo, infertur illico suspensio à beneficio, aut eius priuatio, cum suspensus ab officio, illud resignare possit, & in rigore per alium exequi officium, vt sunt litare superis, Missæ sacrificium diebus festis dicere, concionari, confessiones excipere &c. in quo casu, adiuncta beneficio suo commoda, fructusque tanquam debitos, vindicare sibi, ac petere poterit.

Dubium duodecimum, *An suspensio verbo tantum lata, & non scripto, officio priuet & beneficio.*

Dico primò, *Peccare mortaliter, qui quæ sibi sunt per suspensionem prohibita, facere apparat*, quia in re graui, & quam interest boni publici non fieri, superiori non obedit, Portelius in dubio regular. verbo suspensi num. 2. non est tamen irregularis ob solam executionem officii, contra præceptum superioris aut Episcopi, sed est eius puniendus arbitrio, Suar. de censur. disp. 26. sect. 2. num. 30. Portelius loco citato proxime num. 2.

Dico secundò, *Suspensionem proprie sumptam non esse, cum Prælati solo verbo alicui opus aliquod vetat, aut præcipit, sub ea pœna, ita Na-*  
Pars secunda.

A uar. consil. 62. de sentent. excomm. Auila 3. par. disp. 3. concl. 4. quia hæc nullarum est virium nisi à legislatore hoc est Episcopo, eam infligente sit volita, at eam Episcopum aut Prælatum velle, cum verbo tantum, mentem suā eloquitur & non scripto, quis honeste credat ac prudenter nemo enim in dubio præsumendus est peccare, at peccat, qui suspensionis sententiam dicit in aliquem solo verbo, cum eam Innoc. IV. in scriptis proferri imperet, & causam excommunicationis & suspensionis conscribere, propter quam excommunicatio proferatur, vel suspensio. Qui autem B indicium huiusmodi constitutionis temerarius existit violator, per mensem vnum ab ingressu Ecclesie, & diuinis officiis ipso facto, est suspensus, Innoc. IV. in cap. cum medicinalis primo de sentent. in 6. ergo cum ab intentione suspendentis, suspensio dependeat, eaque verisimiliter careat, qui ad verba, scriptum non addit, quod dictam à se sententiam, eiusque causam contineat, talis suspensio verbo tantum prolata, probabiliter est nulla.

Quia tamen in dubio intentionis Prælati obligare volentis, stat pro præcepto possessio, quæ non possessione est potior, eam ob rem existimo sic suspensio abstinendum esse officio, administratione beneficii, eiusque fructibus, quod si non fecerit, non est futurus ideo irregularis, nisi actum aliquem ordinis exerceat, Portelius supra, qui etsi illicitus, validus tamen erit ac ratus, absolutione Sacramentali dempta, quæ indubitæ est nulla, secundum Suar. tomo de censur. 5. disp. 26. sect. 2. num. 30. & Portel. proximo citatum.

Dubium decimum tertium, *Quæ sint opera à quibus sibi temperare suspensi à beneficio debeant.*

A sola perceptione fructuum, eiusque administratione temporali, vt est fructuum locatio, contractuum super his renouatio, Lay. lib. 1. par. 3. c. 1. tract. 5. quare ita suspensio Oeconomus est constituendus, qui quæ sunt eius officia, in eiusdem beneficii temporali regimine, gerat ac suppleat, ingerens se administrationi illi prohibita, iure canonum beneficio est priuatus ipso iure, decreto Nicol. III. in decretali cupientes de elect. in 6. par. rag. ceterum.

E Dixi *A sola perceptione fructuum, ac temporali administratione beneficii*, nam si fides est auctori citato proxime num. 3. par. rag. Corollarium 3. suspensus à beneficio, suo debet officio satisfacere, & iurisdictionem, vel administrationem ratione officii competentem exercere, itaque si sit Episcopus, initiare sacro ordine, in Clericorum numerum per tonsuram allegere, reos ac contumaces



excommunicationis muctrone ferire, vulneratos absolutione sanare poterit, quæ est communis sententia Doctorum cum Glossa in cap. Vintoniensis de elect. Toleti in summa c. 43. n. 4. Nau. in summa c. 27. nu. 151. versu 6.

Si tamen ea iurisdicção adnexa erat beneficio, non officio, tunc suspensus à beneficio, eo ipso suspensus erit à tali iurisdicção quæ illi est accessoria iuxta opinionem Fagund in 5. præceptum Decal. lib. 5. ca. 2. cuius rei est hæc ratio, quod accessoriū naturā principalis sui sequi solet de regul. iuris in 6. regul. 43.

Dubium decimum quartum, Cum suspensus à beneficio, fructus suos non faciat, cui eos restitui est necesse?

Suppono primo de diuite, nulliusque rei indigo homine, sermonem esse, pauperem enim, cui ad victum, & depensum quotidianum, tantum in ære, aut re familiari non suppetit, quantum est ad decentiam necesse, de fructibus collati sibi beneficii vindicare sibi tantum posse, quantum ad sui, suorumque sustentationem decentem ac honestam ratio exigit: Sayrus lib. 4. thesaurica. 16. num. 12. & de censur. li. 5. ca. 6. Nauar. ca. 25. nu. 124. Suar. disp. 27. sect. 2. dub. 2. concl. 6. Fagundez supra num. 49. debet tamen de absolutione sua, sic suspensus esse sollicitus, quam culpa sua nulla, impetrare cum valeat ni faciat, à culpa non liberabitur.

Suppono secundo, ad suspensum à beneficio, mercedes eius, non pertinere, quod probatur auctoritate canonis, ratione, & auctorum sententia. In canone præter 6. dist. 32. cauet his verbis: Alexand. II. de concubinario loquens, quem Leo, & Nicolaus, à sacrorum usu decretis suis vt suspensum remouent. In Presbyterio ad diuinā officia, cum his, qui præfata constitutioni obedientes fuerint, non maneat, neque partem ab Ecclesia suscipiat.

His addenda ratio cum quid datur alicui sub conditione, ea non polita, donatio est nulla, sed beneficiario, ea lege committitur beneficium, vt Ecclesiastica munera præstet, quæ debet, datur enim beneficium propter officium quod Ecclesiæ præstari oportet ex ca. extremo de rescript. in 6. ergo cum suspensus à beneficio, Ecclesiastica lege sit impeditus, quominus in actionum administratione verſetur, quas beneficii status, conditioque exigit, fructus ex eo, vt suos colligere non poterit.

Huius sententiæ comprobatores sunt, Fagundez loco ante citato, Angel. in verbo suspensio, num. 3. Tab. cod. tit. num. 5. Glossa in ca. pastoralis de appellationib. in verbo subtrahantur, sic enim loquitur. Suspensus ab officio, nihil debet de beneficio Ecclesiæ attrectare, alius

A est deponendus, & in hoc equiparatur excommunicato. Sensus idem opinioque exitit Steph. de Auila 3. par. disp. 2. dub. 1. nostra, inquit, conclusio generaliter loquitur, scilicet suspensionem à beneficio solum extendi ad fructus.

Nihilominus, quia mercedes solitæ, diurnæque obuentiones, ac annuæ, non penduntur tantum pro beneficii administratione temporali, sed multo maximè pro horis, ac cæteris oneribus, quæ subire Clericum beneficiarium est necesse, eam obrem existimo, non omnibus illum priuatum esse, sed iisduntaxat, quæ curæ sunt paræ, quam cum pro temporali eiusdem beneficii regimine subire oportuit. Nam suspensus à beneficio, non est similiter ab officio, Auila loco proxime citato, non quidem ab eo quod illi conuenit ratione beneficii, cuiusmodi est eligere, idem ib. Tabiena verbo suspensio nu. 4. ergo ei vacandum est, ex præscripta forma Ecclesiæ, ergo cum id gratis facere non debeat, huic eius operæ correspondere partem aliquam fructuum mercedis nomine est necesse, non sunt ergo suspensio à beneficio negandi omnes, sed ii tantum qui sunt illi debiti, ratione administrationis temporariæ beneficii, aut eius officii, seu actus à quo est suspensus, Auila 3. disp. 2. concl. 6. quos proinde, vt non suos seruare nequit, sed perceptos tenetur reddere. Sed enim cui? Turrecremata & Præpositus, secuti Glossam in Clement. II. de vitæ & honest. Clericor. aiunt, fructus à quotidianis distributionibus collectos, iis accrescere, qui diuinis intersunt officiis, cæteros quos beneficium parturit, deberi Ecclesiæ, ac in eius commodum ac utilitatem conuerti oportere, quam in sententiam, vt communem, Doctores fere omnes, ipseque eorum exemplo, ac auctoritate victus, concedo.

Dubium decimum quintum, An suspensus à iurisdicção, exercere possit actus ordinis, & contra suspensus ab ordine, actus iurisdicçãois.

Dico primò, suspensum ab ordine, ea omnia obire posse iurisdicçãois opera, quæ actuale vsum Ordinis non requirunt, Caiet. verbo suspensio, Henric. ca. 32. num. 4.

Ratio est, quod pœna ad alia extendi non debeat, quam quæ per legem, aut superioris voluntatem sunt expressa, at pœnæ est instar, eiusque nō vulgaris ac minimæ, quod quis potestate vti sua non sinatur, quæ pœna tamen non significatur suspensione ab ordine cum hic à potestate & iurisdicçãoe differat: quare vt Episcopo suspensio ab ordine, fas est excommunicare & suspendere, eo quod hæc duo ab ordine non pendeant, vt colligitur ex cap. transmissam 15. extra de elect. in quo Cælest. III. asserit, Episcopum,

Episcopum, nullo licet sacri ordinis charactere insignem, ex quo, electionis sue confirmationem accepit habere de talibus & consimilibus ( hoc est reus ) quod iustum est, & Ecclesiastica convenit vilitati, statuendi liberam facultatem, ita ex opposito confessiones excipere, sacro Christi Servatoris corpore fideles non potest pascere, eo quod hæc actuale Ordinis vsum exigant, alteri tamen absoluendi potestatem committere non vetatur, Laymah. *supra num. 5.*

Dico secundò, *Suspensum à iurisdictione, eos omnes actus exercere posse, ordinis, aut spiritualis officij, qui iurisdictionem non postulant, actualem.* B. Suarez disp. 26. sect. 4. num. 16. ratio eadem quæ superioris assertionis.

Deinde suspensio à iurisdictione ea tantum sunt prohibita, quæ proprie denotantur iurisdictionis nomine, aut cum ea connexionem habent necessariam, at ut est hæc distincta ab ordine, ita cum non significat proprie, nec in multis, ut exerceatur valide, requirit actualis vsum iurisdictionis.

Vera est ergo assertio ex qua sequuntur hæc corollaria.

Primum Episcopo, aut alteri prælato, à iurisdictione suspensis auctoritate Pontificis, impune esse sacro Missæ sacrificio interesse, in choro psallere, præciorem agere, in ara rem divinam facere, quia hæc sine iurisdictione esse possunt ac fieri, cum cantus plebeis sit ac Sacerdotibus communis, audire autem Missam, vel facere, promiscue possint Sacerdotes simplices, ac Laici, quos tamen Laicos auctoritate sua, vel Ecclesiæ, iurisdictionem in quenquam exercere posse, nemo opinor existimat.

Corollarium secundum, quia suspensus à iurisdictione, obire ea opera, muniaque non potest, ad quorum substantiam, necessaria est iurdictio, ei non licet à peccatis absolvere, si facit, operam ludit, poenitenti non proficit, & si est Parochus, Sacramenta suis non præbebit quibus, ut pastor ordinarius, si Episcopus subditos suos sacris non initiabit ordinibus, quia hi actus ordinis, sacraque officia, sine iurisdictione rata non sunt ac valida, ergo ab ea suspensus qui erit, illa non nisi illicite ac cum crimine exercebit.

Dubium decimum sextum, *An suspensus à Diaconatu vel Subdiaconatu diu sine, ab ambo-* bus, eorumque propriis actibus sit suspensus.

Nequaquam, sed nec ab eorum aliquo.

Causa est, quod nulla sit ratio quamobrem ab vno, abstinere potius hic debeat, quam alio, à neutro ergo est suspensus, Stephan. de Auila 3. part. disp. 2. dub. 2. concl. 7. contra

A absolute qui est suspensus ab ordine, ab usu maiorum & minorum est ordinum suspensus, quia cum hæc propositio *Suspendo te ab ordine*, sit inde finita, ex parte prædicati, æquualet in hac materia vniuersali, & ita quandiu durat hæc pœna, de nullo potest Episcopus bene mereri, collatione ordinis vlli sacri.

Similiter suspensio ab officio Sacerdotis, ab omni excludit actu Sacerdotis proprio, quales sunt sacrificare, Sacramentum Eucharistiæ, Poenitentia, & Vnctionis extrema ministrare, solemniter baptizare & benedicere, non autem Euangelium aut Epistolam legere, quæ ad Diaconi, & Subdiaconi munera pertinent.

Dubium decimum septimum, *An suspensus à beneficio possit eligere, & eligi.* Eligendi ius ei omne per suspensionem adimi, scripsit Nauar. ca. manual. 27. nu. 193. Henric. lib. 13. cap. 32. parag. 4. Sayrus lib. 4. ca. 6.

Contra pugnant hi authores Stephan. de Auila par. 3. disp. 2. dub. 2. concl. 4. Sayrus lib. 4. ca. 6. Suarez disp. 27. num. 34. Coninch. disp. 5. dub. 2. concl. 5. tuetur se hæc opinio auctoritate Innoc. III. in ca. cum Vintoniensis 25. extra de electione, ubi quosdam de capitulo, eligere posse ait, quamlibet eligendi iure culpa sua priuati forent: Nos, inquit, attendentes, quod isti post primam electionem, admiserant illos ad celebrandam secundam, & quod decretum concilii memorati, decreuit huiusmodi præsumptores vna vice duntaxat, eligendi potestate priuatos, quoniam electio, quæ coram nobis celebrare volebant, non iam secunda, sed tertia concurrebat, ad eligendum, illos censuimus admittendos. Auctoritatem hanc confirmat hæc ratio. Non nisi ab his actibus suspensio à beneficio excludit, qui significantur nomine beneficii, at ea voce, fructuum perceptio duntaxat intelligitur in hac materia, quæ ei etiam solum est prohibita, Auila supra concl. 4. Laym. par. 3. libri primi ca. 2. num. 4. non autem quæ sunt officii, aut certe iurisdictionis, ad quorum alterum electio pertinet, ergo suspensio à beneficio, eligere, ac ad magistratus Ecclesiæ suffragio suo vocare dignos, non est canonica lege vetitum.

E. Eligitamen, aut beneficium nouum non potest consequi, probant id Pontificum decretales varix, cū dilectus 8. de consuet. Innoc. III. cap. cum inter R. Seniore decimo sexto de elect. Cælestin. III. cap. cum bonæ octauo de ætate & qualitate ordinandorum, ibi consultus Pontifex, ecquid Clerici in quos suspensionis sententia promulgata fuerat, digni viderentur, quibus noua conferrentur beneficia respondit, quod non liceret eis illa, quæ habuerant.

rāt beneficia, vel quæ postmodum essent adepti, aliquatenus retinere, proindeque hos illis spoliandos videri.

Causa est, quod beneficium detur propter officium, ergo qui officii præstandi, idem quoque incapax est beneficii Gregor. IX. ca. VI. de Clerico excomm. ministrante. Eius, inquit, electio est irritanda, pro eo, quod ad suspensionem eorum eligitur, à quorum perceptione à sanctis Patribus est priuatus.

Ex hoc tamen loco videtur confici, quod etsi suspensio, tam quæ est ab homine, quam quæ à iure, hominem beneficia indignum faciat, eiusque collatione, hanc tamen non esse ipsi iure irritam, sed infirmam, & ita non teneri beneficiarium ea ablata per superiorem, illud sponte dimittere, quæ sententia est Less. lib. 2. ca. 34. dub. 22. num. 116. Suar. de censur. disp. 26 sect. 3. num. 7. & disp. 27 sect. 5. num. 25. Laym. loco antecitato num. 3. tutaque in conscientia, nec plus ex c. dilectus, colligi potest: quod autem ex Cœlest. decretali cum bona de ætate producit in contrarium vim non habet,

Primo, quia in ea, dicuntur Clerici, de beneficiis suspensione durante prouisi, spoliandi his esse non spoliati.

Secundo, affecti sunt hac pœna prædicti Clerici, non absolute & præcise, quod suspensi essent, sed quod triennio integro per contumaciam, summamque salutis suæ incuriam in ea censura permansissent, quod indicant hæc verba. Vnde Archiepiscopo dedimus in mandatis, ut eos pro tanta pernicacia, & contemptu Apostolico, beneficiis quæ habent, non differat spoliare.

Dubium decimum octauum, *An suspensus ab ingressu Ecclesiæ, Sacramentorum sit incapax.*

Omnino, nam quid habet ingressus Ecclesiæ, commune cum Sacramentis, aut eorum tam passiuo, quam actiuo usu: ergo cum aditus in Ecclesiam, aut commoratio in ea, priuationem Sacramentorum non significet, aliud autem sententia sua prohibitum Clericis, iudex esse nolit, quam quod verba quibus est concepta exprimunt, suspensus ab Ecclesiæ ingressu, præcise vi talis pœnæ, non est Sacramentorum futurus incapax, sed tantum executionis ordinum intra Ecclesiam, & auditionis diuinorum officiorum. Quare percipere Sacramenta in Ecclesia, orare, quo tempore non celebrantur diuina officia, horas legere solus potest, aut cum alio, dummodo submissa voce, hæcque est causa, cur nonnulli existiment, cum quis aditu prohibetur Ecclesiæ, non tam suspendi, quam interdici, eo quod suspensio, diuinis hominem officiis non priuet, eorumque

A auditione, multoque minus sepultura, quod tamen facit suspensio ab ingressu templi, ita Henric. cum Steph. de Auila par. 3. disp. 2. concl. 13. non est ergo suspensio sed interdictum.

Dubium decimum nonum, *An vitandi sine suspensi, in iis rebus, in quibus sunt suspensi.*

Quæst. est hic sentus, an communicare cum suspenso, in his ipsis rebus, à quibus est suspensus, culpa sit, eaque mortalis.

B Dico primo, Ex vi præcepti Ecclesiastici, congressum nemo, colloquiaque vitare suspensi debet, quæro enim, quæ literæ, qui libri id mandent, quo tempore & Pontifice, id sit in commentarios, & cuius maximè, relatum? communicare ergo cum suspenso quia nullam est prohibitum, rem negotiaque cum eo in communi vita, humanisque commerciis, habere, cuique est licitum.

Dico secundo, Cum eo tamen in actibus communicare, à quibus à iure est suspensus, aut ab homine, peccatum est in duobus casibus.

Primus est, cum ad eos inducitur.

C Secundus, cum ab eo postulantur ii actus, qui ob suspensionem sunt nulli.

Pars prima probatur, in fraudem aliquem impellere, eique peccandi causam esse, nialum est & exitiabile, impellitur autem, cum qui actus ei sunt prohibiti, ad eos verbis inducitur aut precibus, ergo cum culpa.

Alterius tadem ferè est probatio. Facere, ut actum quis in fauorem alterius exerceat, qui sit nullus, culpa est, eaque caritati opposita, id efficit quisquis est causa ut actum iurisdictionis quis exerceat, à qua est priuatus per suspensionem, V. C. ut Sacramentaliter absoluat, aut quæstionem de crimine instituat, quod tamen nequit, quia est ab officio & iurisdictione ob crimen aliquod suum suspensus. Extra hos duos casus, cooperationis scilicet peccato suspensi, & actui iurisdictionis, à qua est per hanc censuram priuatus, malum non est uti eius opera.

Nunquam autem: primo cum est iusta aliqua causa adhibendi eum ad illa ministeria, quæ tum, id est premente necessitate postulantur.

E Secundo cum se sua sponte, vltroque, ad ea offert, cuiuslibet gratia.

Tertio cum non est denunciatus, quia à Conc. Constantiensis temporibus in Extranag. ad euitanda, nulla est necessitas euitandi suspensos, aut excommunicatos, quos Ecclesia tolerat.

Dubium vigesimum, *Quando & quo tempore vitari suspensus debeat.*

Quando est denunciatus publice talis, non ante, nec alias, ita Basileensis & Constantiensis constitutio Mart. V. Pontifice edita



edita: est autem Basileensis his verbis digesta. *Ad vitandum scandalum, ac multa pericula, subueniendum quoque conscientiis timoratis, statuit quod nemo deinceps à communione alicuius in Sacramentorum administratione, aut aliis quibuscunque diuinis, vel extra, prætectu cuiuscunque sententiæ, aut censura Ecclesiastica, seu suspensionis, aut prohibitionis ab homine, vel à iure generaliter promulgata, teneatur abstinere, vel aliquem vitare, aut interdictum Ecclesiasticum obseruare, nisi sententiæ, prohibitio, suspensio, vel censura huiusmodi fuerit, vel contra personam, colloquium, vel vniuersitatem Ecclesiasticam, aut locum certum, aut certam personam à iudice publicata, vel denunciata specialiter, & expresse, aut si aliquem ita notoriè excommunicationis sententiâ incurrisse constiterit, quod nulla possit tergiversatione calari, aut aliquo iuris suffragio excusari.*

In quo Basileense decretum à Constantiensi seiungitur, vult enim Basileense vt ex eius contextu patet, vitari quemlibet notoriè excommunicatum, id quod de notorietate facti intelligi oportere, verba ipsa decreti indicant, probatque Couar. in *relectione ca. Alma mater par. 2. parag. 2. num. 7.* cum Constant. de eo nihil præcipiat, sed de duplici duntaxat excommunicatorum genere, primum est eorum, quos sententiæ iudicis damnauit, ac denunciavit. Alterum eorum, qui tam perspicuè, ac manifesto, vim intulere Clerico manuum in illum iniectione, vt factum nulla possit tergiversatione, iurisque suffragio excusari.

In quo autem (inquies) vitari suspensus denunciatus debet? Non in coitione mentionum, non in colloquiis ac sermone vt sit familiari plurium, non in congressu ac negotiis, sed iis duntaxat actibus, à quibus cum auctoritate publica, & Ecclesiæ, suspendi placuit, vt si est à celebratione Missæ prohibitus, si ab vsu Ordinum, ab eo sacrificium petere, cum illi ex more dat operam, ei interesse, ab eo ordinè postulare, vel recipere, si est Episcopus, nulli licet lege Ecclesiæ.

Dubium vicesimum primum, *An suspensus ab ordine, officio, aut iurisdictione, prohibetur ubique actus exercere, quos ei per suspensionem, iudex voluit esse prohibitos?*

Omnino, quia censura non locum, sed personam afficit, ergo quocunque eam casus, aut fortuna detulerit, censuræ in eam latæ nexus, tenebit arctissimè vagantem qualibet, *Excommunicatio*, inquit Abb. in *ca. ad reprimendam de offic. ordinarii*: afficit personam, eamque sequitur, sicut lepra leprosum, at quod in hoc censuræ genere valet, valere quoque est censendum in aliis, Laym. *supra ca. 1. num. 76.*

A Dubium vicesimum secundum, *An sit suspensioni essentialis, & intrinsecum, quod feratur in scriptis.*

Alienis verbis non meis quæstioni propositæ satis faciam, sic ergo Portellus in *aubis regularib. verbo suspensionum. 9.* *Suspensio poni debet in scriptis alias non obligat, & ponens illam, peccat mortaliter*, Rodrig. *to. 4. addition. c. 143. num. 11.* vbi ait quod si Prælati, dicat *verbo tenus alicui Religioso, ne ministrat tale, aut tale Sacramentum, talis prohibitio, non est suspensio, neque censura, & proinde contra faciens peccabit mortaliter, sed non erit irregularis.* Hæc ille.

B Secus quam ille, Suarez sentit de *censuris disp. 2. sect. 13. n. 8.* sententiæ enim sine scripto dictam, aut literis, mortalem quidem asserit, sed non inuvalidam, verum enim id in excommunicatione valere ait, in suspensione minimè, cuius diuersitatis causam, inter vtramque, cum ambarum eadem videatur esse ratio, vt verum fatear, non agnosco, & tamen Portellii sunt hæc verba, *de suspensione Doctores strictius loquuntur, & in illa non admittunt excusationem, si feratur absque scripto.*

C Dubium vicesimum tertium, *Quomodo cognosci possit, quod suspensio iure incurratur ac facto.*

Suspensionem non esse latæ, sed ferendæ sententiæ, his interholci documentis potest.

Primum si constitutio, aut lex, post suspensionem prononciatam adiungat, ipso iure, ipso facto, aut eo ipso, continet latam sententiæ, ferendam autem; cum quid præcipit aut vetat sub pœna eius incurrendæ, Piassec. *praxis Episc. parte 2. ca. 4. art. 12. num. 10.* Alfons. à Castro in *2. lib. de lege pœnali ca. 1. parag. 1. Glossa in ca. 1. de Sagittariis.*

Causa est: quod pœnæ interminatio, eam supponat necdum impositam, sed imponendam, cum enim futura pro obiecto habeat, non præterita, aut præsentia, ratio indicat ab ea sententiæ confici; non quæ iam sit lata, sed ferenda auctoritate iudicis, ac opera, præmissaque vt ius imperat; mutatione canonica. Glossa in *ca. mic. de Sagittar.*

E Erit autem suspensio latæ sententiæ, si verbum vnum aliquod præsentis temporis, aut plura habeat, aut aduerbium quod moram omnem temporis excludat vt si iudex dicat, *suspēdo te si, &c. aut statim, illico ac hoc, aut illud feceris, scito te suspensum esse*, sed plura de hac re in tract. de *censuris in communi.*

Similiter habet decretum iudicis, aut constitutio suspensionem irrogans, latam sententiæ non ferendam, cum verbis vitur, vno, aut pluribus, ministeriū quæ nullum iudicis, aut munus hominis ad eā infligendā potest.

Z z iij



stulant ut cum participio adiungitur verbum sit aut erit. Thesaur. 2. part. praxi Ecclesiast. vel monialis ca. 2.

Ratio est, quod verbum *sus* verbum sit existentie, ergo quocunque modo pronunciatum eam denotat, nec actionem ullam hominis aut passionem, quæ sit ab ea, quæ est suspensi aut excommunicati distincta, postulat, quare cum iudex dicit *sus* suspensus de suspensione lata sententiæ eum loqui, verbaque quibus est concepta, ita intelligi non est dubium, quod est contra Gloss. in can. si quis dist. 13. & aliam in ca. si quis em. Clericis de Vita & honest. Clericor. quæ in hoc, ut in plebisque aliis, audiri non debet.

### QVÆSTIO. IX.

A quo & quomodo suspensio tolli possit.

**P**rima assertio, Quanda suspensio est à iure siue generalis siue specialiter particularis, imposita propter contumaciam, cum expressa, aut tacita conditione, ut tunc, & non ante relaxetur quam suspensus à contumacia destiterit, nisi expresse Papa referretur, potest à suspensio ordinario auferri, colligitur ex ca. nuper de sent. excom. ca. ex literis de transiit. traduntque Henricus lib. 13. ca. 35. littera B. cum aliis quos ibi citat: Sa verbo suspensio num. 14.

Causa non est alia quam quæ est allata tract. de excomm. eaque petita ex Pontificis concessione tacita, nam hoc ipso, quod hic illam sui iuris, forique non facit eam sibi reservando, censetur tacite eius absoluendæ potestatem communicare Episcopis, quæ illis etiam comperit in omnes casus Papæ reservatos, licet ut puræ pænæ, seu in perpetuum, seu ad certum tempus sint decreta, modo ex occulto crimine nascantur, eoquæ non deducto ad forum contentiosum, ut est in Concil. Trid. sess. 24. ca. 6.

Secunda assertio, Suspensio absolute lata, si est ab homine, ab illo tantum remittitur, qui auctor est iuris, vel statuti quo iubetur incurri, vel eius successor, superiore, aut aliquo ab eis delegatum.

Quia eiusdem est solvere quæ ligavit, aut certe eius qui parem cum illo, aut maiorem habet potestatem, & in tribus casibus, potest hic omnium consensu, licite ab inferiori suo suspensum absolvere.

Primus est, cum quæ iure statuuntur in ca. cum medicinalis de sent. in 6. in ferenda suspensione non servavit,

Secundus, cum est ab eo appellatum ad eum qui est illo dignitate ac potestate superior, nã et si communiter remitti debeat ad

A suum ordinarium, id est eum, à quo appellavit, absolui tamen à superiore poterit, si inferior rogatus, id facere renuerit, iuxta dicta tract. de excommunicatione.

Tertius est, quando suspensio non est reservata, lataque est ab homine per generalem sententiam.

Vbi notandum est, quod etsi ordinarius qui suspendit, suspensum absolvere valeat, tria tamen esse tempora, quibus id ei permissum esse definit.

B Primum est, cum sæculares aut regulares Clerici, ab Episcopo vel ordinariis, priuantur officio, ob admissionem hæretici denunciati ad Sacramenta, vel Ecclesiasticam sepulturam, vel quando eleemosynas sibi aut alia ab eodem oblata recipiunt, tunc enim suspensi, aut officio suo priuati, ab Episcopo restitui nequeunt, sed à Papa duntaxat, cap. excommunicamus 13. parag. credentes de hæret. Innoc. III. in generali Concil. ex quo est desumptus canon citatus, verba cuius sunt talia, Clerici non exhibeant huiusmodi pestilentibus Ecclesiastica Sacramenta, nec eos Christiani præsumant sepulture tradere, nec eleemosynas, aut oblationes eorum percipiant, alioqui suo priuentur officio, ad quod nunquam restituantur absque indulto sedis Apostolicæ speciali: similiter quilibet regulares, quibus hoc etiam infligatur, ut eorum privilegia, in illa Diocesi non serventur, in quales excessus præsumperit perpetrare.

D Tempus secundum, in quo suspensio ab eius auctore tolli nequit, est, cum quis à proprio est Episcopo degradatus, ca. extus denotionis 11. de Clerico non residente, ibi enim Innoc. III. rebelles ac contumaces Clericos, ab Episcopis per suspensionis & excommunicationis sententiam, ad obedientiam, officiumque, sic compelli oportere ait, ut in eos tamen degradationis sententiam, non promulgant, ut cum eis misericorditer agi possit, nempe quia degradatos ab eis restitui non posse censebat.

E Postremum, cum quis beneficia indignis contulit, & semel ac iterum, à Concilio Prouinciali admonitus, nec culpæ suæ modum faciens, ab eodem in pœnam peruicacitæ, ab eorum collatione suspenditur, nam tunc, ab hac eum suspensione, nisi per Papam, aut Patriarcham absolui posse, negavit Innoc. III. in decretali graue nimis 29. de præbendis, Metropolitanus tamen à Concilio suspendi non debet, sed ab eo denunciari Pontifici, Metropolitanus delictum, inquit ibi Innoc. superioris iudicio relinquatur, ex parte Concilij nuntiandum, ut autem hæc salubris promissio, plenior consequatur effectum, huiusmodi suspensionis sententia, præter Romani Pontificis auctoritatem, aut proprii Patriarchæ, minime relaxetur.

Tertia

Tertia assertio, Si suspensio feratur ad certum tempus, ut mensem, aut annum, hæc finitur cum illo, sine ulla alia absolutorie. Hurtadus de suspens. diffinit. 12. colligitur ex ca. præterea de cleric. percuſſore, ubi Sacerdos quidam cuius imperio mulier fustibus cæsa fuerat, suspenditur ad bimestre ab administratione Missarum, à qua suspensione, nulla tamen dicitur ei necessaria absolutio, vera est ergo propositio.

Secundo, lex non obligat nisi secundum intentionem Legislatoris, sed suspensio lex quædam est, pœnalis tamen, ergo ad voluntatem suspendentis reuocanda est eius efficacia, ac duratio, sed Prælati ex hypothesi, extra illud tempus, annum V. C. aut mensem, suspensionem prorogari non vult aut extendi, ergo eo finito, finitur & ipsa: ita Graff. lib. 4. decis. ca. 25. num. 14.

Eademque ratio suspensionis, ad tempus indeterminatum latæ, cum ordine tamen ad suspensæ voluntatem, cui præcipitur ut satisfaciatur V. C. aut peniteat, ut ab ea liberetur, alterutro enim posito, id est satisfactione, aut penitentia, aut conditione qualibet alia impleta, quam petebat superior, per se ipsam suspensio, sine alia superioris declaratione cessat, ac definit, Nauar. c. 27. num. 161. Henric. lib. 13. ca. 35.

Ratio eadem est quæ assertionis prioris, ac petenda à iudicis voluntate, qui sententiam suam ad illud tempus contrahit, nec extra illud, eam porrigi vult & extendi quare eo elapso, aut opere facto, quod iudex imperat suspensio ex se ipsa, absque alia relaxatione, seu ablatione definit.

Quarta assertio, si præ pœna, lata est suspensio à Pontifice, aut canone, ad tempus ante illud finitum, subditum suum absoluerit Episcopus nequit.

Primo, quia illa temporis definitio, habet reservationis instar.

Secundo, si suspensionis remissio, esset tum in Episcopi iure, qui ea astringitur antequam expletum eius tempus, ea se solui vellet, idque Episcopus ut faceret, sæpe precibus suis exprimeret, sicque illuderetur canonici, cuique pœnæ, quod concedi vili non debet facile, si esset tamen ob debitum incurſa, in quo Episcopo dispensare est integrum, absolvere etiam ab ea posset, si autem lata foret pro contumacia, vel ut per eam culpa satisfiat à suspensio admittitur, nulla est ei necessaria absolutio, si esse cesset contumacia & satisfaciatur, quia ubi reus contumacia ponit, vel parti satisfacit, voluntati quoque superioris satisfaciatur, ergo cessat ipso iure suspensio, patet ex ca. Presbyter 13. cap. 2. §. 5. ubi ex Cœcilio Illudens, hæc leguntur suspensatur Presby-

ter vsque ad eandem satisfactionem, digna vero satisfactio est, quando siue secundum canones, siue ad arbitrium Episcopi, septem sibi collegas adiungit, & iuratur in sacrosancto Evangelio coramposito, quod crimen sibi illatum non perpetravit, & hac satisfactione purgatus, secus deinceps suum exequatur officium.

Si tamen erat suspensus, in publico vrbis cœtu denunciatus, vitandi scandalis gratia, de re vniuersa docebitur populus, eumque pro absoluto haberi oportere, ac reconciliari Ecclesiæ, quam clare poterit adfuisse commonebitur, Vgolin. loco citato num. 5.

Quid si certum nullum tempus durationi suspensionis statutum esset, ut accideret, si sententia, verba hæc haberet, suspendo te ad tempus, non alia?

Eius durationem decennem tunc fore dixit Felinus, quo fundamento fretus non video: hoc vnum pro certo habeo, durationis eius spatium, longius vita, aut iurisdictione suspendentis, esse non posse.

Quid si ad eius beneplacitum lata esset? quid si durationis eius non alii termini essent, quam quos sibi fore gratos ait?

Responsio eadem quæ questionis superioris, suspensioni finem eundem fore qui vitæ, nisi forte beneplacitum dignetur respiceret, Vgolin. §. 9. tunc enim ad successorem prorogabitur, maxime si sit hæc suspensio ad beneplacitum sedis Apostolicæ, ex cap. si ratio de reſcriptis in 6. quæ enim ibi à Bonifacio VIII. de beneficiis ad Papæ beneplacitum concessis alicui; sunt scripta, ad institutum traduci nostrum possunt, sic ergo ille, si gratioſe tibi à Rom. Pontifice concedatur, ut beneficia quæ tempore tuæ promotionis obtinebas, posses vsque ad tuæ voluntatis beneplacitum retinere, huiusmodi gratia per obitum (per quem ipsius beneplacitum omnino extinguitur) eo ipso explicatur. Secus autem, si vsque ad Apostolicæ sedis beneplacitum, gratia concedatur prædicta, tunc enim quia sedes ipsa non moritur, durabit perpetuo, nisi à successore fuerit reuocata.

Quid si suspensio per definitiuam sententiam simpliciter sit lata, & in pœnam?

In perpetuum tunc lata intelligitur, nec sine absoluteione tollitur, quemadmodum feruus simpliciter ad vincula damnatus, non ad annum aut mensem, sed in perpetuum damnatus creditur lege feruus Cod. de panis.

At enim quid est suspensionem ferri ut censuram quid ut pœnam.

Fertur ut censura, quando fertur ob contumaciam, respectu Ecclesiæ, & medicinali-

ter, hoc est corrigendi rei causa, quod cum ipse fecit, estque censura Ecclesie factus melior, debetur ei absolutio ut habetur in *ca. sacro 48. de sent. exco.* non est suspensio tamen censuræ nomen, nisi eam præcesserit monitio, eaque triplex. aut una pro tribus *ca. cum medicinalis primo de sent. exco. in 6.*

Est hæc in pœnam, cum fertur ad tempus certum ut in *c. præterea 2. de Clerico percussore*, aut in perpetuum, aut quando fertur ab homine, & non præcessit admonitio, & in nullo ex his casibus, etsi emendatio ponatur, absolutio est debita, Hurtadus de *suspens. diff. 11. num. 28.* sed ex re ipsa, impleto termino siue temporis, siue operis, ad quem usque est lata, aut ante illum completum, cessat per Superioris dispensationem.

Quinta assertio, *Quando suspensio lata est non ut censura, sed in pœnam, siue ab homine siue à iure generaliter, tolli non potest, nisi ab eo qui in eo iure dispensare potest, aut à Papa quando lata est ab homine.*

Ratio est, quod in pœna legis, dispensare nequeat qui est eius auctore inferior, at suspensio absolute non tollitur, sed dispensatione. nam non est culpa, sed eius pœna: ergo, &c.

Præter Episcopos suspensionem auferre Prælati Regulares possunt.

Et primo quidem dispensant cum subditis ordinatis ante ætatem, vel absque licentia: quemadmodum & in irregularitate contracta ex ministratione illius Ordinis, durante suspensione: Capucinus in *compend. verbo ordines sacri fol. 282.* Portelius in *dub. regularibus verbo Ordinis suspensio*, Viuald. in *candelab. titulo de Sacramento Ordinis tit. 15.*

Dissentit Sayrus lib. 6. de *cenfur. c. 12. n. 13.* & seq. de suspensione cuius incurrere causa, est ordinis ante ætatem legitimam susceptio, quod per Conc. *sess. 23. c. 12.* derogatum sit privilegii regularium. Est tamen nostra opinio plena verisimilitudinis. Nam Episcopum constat, per se aut Vicarium suum, dispensare posse cum ordinato, si ante legitimam ætatem celebrauerit, sitque delictum occultum, nec deductum ad forum contentiosum, Viuald. in *candelab. titulo 15. de Sacram. Ordinis titulo de tempor. ordinationum*, Henriq. lib. 14. ca. 20. num. 3. Iuno & cum est res publica, delictumque nemini non cognitum, in eo dispensare Episcopum posse, opinio est Viualdi supra, & Lud. Portelii in *dub. Regul. verbo Ordinis sacri suspensio*, dummodo tamen non sit hoc deductum ad forum contentiosum, sed quod Episcopis, iure communi est in subditorum suorum causa licitum, idem quoque Prælati regularium, Pii quinti benignitate, ac privilegio, Prioribus Dominicanorum

concesso, est permissum, quo de privilegio Portelius in *ver. Abbas num. 6.* & *Verbo dispensare verbo Confessor erga fratres*, & *ver. Prælati quoad absolvendos fratres*, quibus locis disertè asserit, Prælati concessione Pontificum fas esse, subditos à quibuscunque peccatis & censuris reservatis sedi Apost. absolvere. At est suspensio promoti ante ætatem legitimam, censura Ecclesiastica, ergo de earum numero, quæ in Episcoporum sunt iure, quoad absolutionem, ac dispensationem tam ab illa quam irregularitate, ob celebrationem contracta, suspensione durante, quæ etiam est opinio Rodrig. tom. 1. q. 20. art. 14. Ludouici de Beia *parte casuum 4. ca. 37.*

Ad argumentum Sayri respondendum est, reuocata quidem esse à Concilio privilegia, concessa Regularibus, quibus ante ætatem præstitutam ibi à Concil. iisdem licebat sacris adiungi ministris per Ordinem, non autem quæ Episcopis absolventi, & dispensandi in censuris ac irregularitatibus, facultatem tribuunt.

Secundo dispensant Prælati regulares cum suis, ut sine dimissoriis literis Episcopi, in cuius Diocesi morantur, ordinari possint à non suo Episcopo, sed alieno, idque Alex. quarti privilegio, (de quo Rodrig. in *Bullario fol. 54.*) & Pauli III. ut enim ille Patribus Franciscanis, ita & iste Religiosis Societatis IESV indulgit, ut à quocunque Episcopo non impedito per Ecclesiam, ac habente communicationem & gratiam sedis Apostolicæ, ordinari possint. *Compend. Societat. verbo Ordines parag. 1.*

Tertio, & hoc Religiosis permissum esse voluere Pontifices, ut extra tempora, ordinari possint testimonio Rodrig. to. 3. q. 2. art. 5. & Ioann. à Cruce in *Epitome lib. 2. ca. 8. dub. 1.* ubi id à Clem. VIII. Patribus Congregationis S. Ioann in Lusitania, recenti Patrum nostrorum memoria, concessum tradit.

Quarto dispensant cum subditis promotis per saltum, si est hoc eorum delictum occultum, Portelius in *dub. verbo ordinis sacri suspensio*, non autem si publicum, quia id per Trid. *sess. 23. c. 14.* Episcopo non est licitum.

Quinto, in *Compendio Societatis IESV parag. 6. verbo absolutio*, conceditur ut omnes illius Religiosi, per Generalem aut ab ipso deputatos, possint absolui ab omnibus peccatis, ante, vel post ingressum religionis commissis, itemque ab omnibus sententiis, censuris & pœnis, à iure, & ab homine, Portelius supra, exceptis quatuor, hæresi scilicet, schismate, falsatione literarum Papæ, & delatione armorum ad infideles Vega 1. par. *summa cap. 49. Versu casus reservatus, casu. 1.* Portel. *verbo Abbas Prior num. 10.*

QVÆSTIO

## QVÆSTIO X.

*Quibus verbis constare debeat absolutio à suspensione.*

**N**on aliis necessario, quam quæ explicandæ absolutæ menti sint satis, communiora tamen sunt ista, *absoluo te à suspensione quam incurristi ob tale crimen, vel causam hanc, & illam, & restituo te executioni tuorum ordinum*, præmittendæ tamen ei sunt certæ ceremoniæ ex præcepto Ecclesiæ.

Prima est, exactio iuramenti à suspensio, de stando in posterum mandatis Ecclesiæ, vel absolutæ *cap. super eo 51. cap. venerabili 52. & cap. extenore 10. extra de sentent. excom.* quod maxime locum habet, cū hic ea pœna est affectus, ob crimen insolens ac graue, *Nauar. Enchir. cap. 27. num. 161. parag. 6.*

Secunda, vt in virtute iuramenti præstiti, præcipiatur illi, ne in posterum in idem delictum incurrere, aut illud admittere audeat.

Tertia, vt parti læsæ satisfaciatur, si crimen cuius causa suspensus fuit, damnum alicui intulit, *cap. porro 7. & cap. Parochianis 9. de sentent. excomm. in quorum priori Alexand. III. sic loquitur: Monere debes & inducere, vt his quos laeserunt congrue satisfaciant, & Apostolico se conspectui præsentent.*

Quarta vt virtute prædicti iuramenti, imponatur ei moderata aliqua pœnitentia, vt discat amplius non peccare.

## QVÆSTIO XI.

*Quomodo interrumpatur suspensio*

**P**rima assertio, *Suspensio interrumpi potest & suspendi, ante absolutionem, quoad effectum, autoritate Papæ, vel illius à quolata est, vel ab eius successore aut superiore.*

Probat, etsi ferendæ censuræ potestas, iuris sit diuini, est hæc tamen quoad determinatos modos, & effectus humani, potest ergo Ecclesia eius effectum suspendere, vt facit, quoties & quando eius liberalitate nobis est integrum, communicare cum excommunicato, aut hic ad cautelam absoluitur, nempe vt tam illi nobiscum, quam nobis cum illo congregari liceat, ergo à pari, sic per superiorem suspensionis effectus suspendi poterit, vt cum ea celebrari sine irregularitatis, aut alterius censuræ metu, suspensio sit permissum, ita Innoc. in *cap. cum inter de censuer. Panormit. in cap. dile-*

Pars secunda.

**A** *Etus num. 22. de appellat. nam quod existens in peccato mortali celebrare nequeat iuris est diuini, quod autem id facere suspensio aut excommunicato non sit licitum, iuris est Ecclesiastici, in quo Papæ dispensare est liberum, ex cap. alma mater 24. de sent. in 6. vbi permittitur interdictis, quatuor anni festiuitatibus, interesse diuinis, In festiuitatibus, inquit canon, natalis Domini Pascha, Pentecostes, & Assumptionis Virginis, pulsantur campanæ, & ianuis apertis alta voce diuina officia solemniter celebrentur.*

**B** Secundo potest suspensio in totum tolli à Papa, aut Prælato qui eius est author, ergo & ad tempus interrumpi, cum hæc vim non habeat, nisi à voluntate proferentis, & quidem quantam cupit, nec ampliorem, nec minorem, sed eius voluntati consentaneam, ac conformem.

**C** Secunda assertio, *Potest item Episcopus effectum huius censura suspendere*, quia eam integre tollere potest, ergo & partem id est effectum eius aliquem, illa interim remanente in suo esse, tollitur autem cum interrumpitur, cum obligatione in suspensio reincidenti, hoc est relabendi in illam post certum tempus, *Nauar. ca. 27. num. 155. Couar. in ca. alma parte 2. parag. 2. num. 4. Reginald. lib. 32. c. 22. num. 42.*

Tertia assertio, *Appellatione item legitima impeditur suspensionis effectus, & quidem, si illa hanc præcessit, eam omnino impedit, ne sit valida*, quia vt habetur in iure, appellatio præcedens sic ligat, ( vt aiunt ) manus iudicis, vt progredi in causæ cognitione valide nequeat *cap. ad hæc 37. de appellat. & ca. cum contingat 36. de officio delegat. cuius author Innoc. III. quo loco negat excommunicationi post interpositam appellationem ad sedem Apostolicam, aut censuræ alteri, vim inesse vllam. Noueris, inquit Lucius III. in cap. ad hæc citato, quod sicut post appellationem excommunicari non possunt, sic interdictum non possunt, cui ante appellationem constat suppositos: declinare.*

Quod si suspensionem sequatur appellatio, tunc si illa à conditione futura pendeat, ante eam positam, impeditur ne effectum habeat, colligere id facile ex *can. ad hæc 30. & ca. dilectis 55. de appellat. vbi negat Innoc. III. in Decani iure fuisse, post appellationem ad Metropolitanum interpositam, sententiam in reum dicere.*

**E** Quid si suspensio sit absoluta, vt cum dicitur simpliciter, *suspendo te V. C. à sacro, & eam sequitur appellatio?*

Si suspensio, officii vsum interdicat, si ingressum in Ecclesiam, si res spirituales, nullo hæc modo per appellationem sequentem suspenditur Bonifac. VIII. *cap. is qui 20. de*

AAa



*sent. in 6, & Glossa ibid. sicut excommunicatio fit ab officio, & ab ingressu Ecclesie lata suspensio, aut ipsius effectus, per appellationem sequentem minime suspenduntur.* Bonifac. loco citato.

Quid si suspensio sit ab officio temporario? V. C. ab ingressu in possessionem?

Eiusmodi appellatio sequentis sententiæ effectum suspendit, habetur *lege neque tantum ff. de appellat.* etiam & per appellationem impeditur suspensio à beneficio.

Causa est, quod suspensio quæ pro obiecto habet beneficium, non aufert titulum, sed solum receptionem fructuum impedit, ergo cum fructus sint temporales, & ad beneficiarii vitam necessarii, appellatio quæ sententia suspensionis erit posterior, eandem impedit, ne vim suam exercent in appellantem Innocent. in ca. ad hæc de appellat.

## QVÆSTIO XII.

*Quomodo Violetur Sussensio.*

**P**rimo exercendo actum per eam vetitum.

Secundo communicando cum suspensio. De his ergo duobus modis hic est agendum, videndumque an obiri hi sine peccato queant, pro responsione sit

Prima assertio, *Qui exercet actum à quo est suspensus, peccat ex genere suo mortaliter*, quia facit contra graue præceptum Ecclesiæ, Stephan. de Auila 3. parte disp. 1. dub. 1. conclus. unica.

Excusant tria, primo indeliberatio, ut si operans non aduertat se suspensum esse.

Secundo leuitas materiæ, ut si hic actum minoris ordinis, sine solemnitate exercent, in quo etsi contrarium habeamus Nauarrum in cap. citato num. 163. absolute tamen sententia nostra & tuta est, & probabilis, quia minorum ordinum actus est nullus, qui fieri à Laico non soleat, si tamen consuetudo esset alia, crederem peccaturum mortaliter, qui ab his ordinibus suspensus, eos solemniter ac cum superpelliceo obiret in Ecclesia.

Tertio excusat à mortali exercentem actum, à quo est suspensus, charitas, quæ scilicet eum in alterius gratiam versari in eo ministerio imperat, quia ut ab excommunicatione, ita & à suspensione, quoad actus non exercendos per eam prohibitos, excusant.

*Vtile, lex, humile, res ignorata, necesse.*

Secunda assertio, *Communicare cum suspensio denunciato in temporalibus, peccatum est veniale, in diuinis mortale.*

**A** Quia à leuitate materiæ habet actio, ut sit venialis, à grauitate lethalis, sed congregatum suspensio in politicis, leue quidpiam est, graue in sacris, qui tamen eo coartitur, in diuinis, nec est suspensus, nec irregularis, nec censura vlla alia implicitus, quia talis poenæ non meminere vsquam canones.

Tertia assertio, *Actus ordinis in suspensione factus est validus, etsi sit culpabilis, & irregularitati coniunctus.*

**B** Prob. validitas actionis sacræ, quam minister, id est initiatus sacris ordinibus obit, tã à potestate eius ac intentione, quàm necessariis ex parte materiæ formæque pendet, ac adhibere hæc omnia in Sacramentorum vsu, Clericus suspensus potest, ut enim est Ordinis sacri character indelebilis, quæque ei sacrarum functionum potestas est adiuncta, à Christo Seruatore, ut capite ac fonte, non ab Ecclesia principaliter pendet, sic hæc non potest vim eius, & efficaciam tollere, ad quam, quid est causæ, quomobrem ad materiam & formam debitam asserre minister intentionem rectam, Christi que voluntati, consentaneam nequeat? sunt ergo ordinis sacri actus, quos suspensus contra quàm ei est permissum, priuatim obit, aut publice, validi: sola Sacramentalis absolutio excipitur, quæ ita est actus ordinis, ut ab ea fieri postulet, qui iurisdictione polleat, ergo si ea per suspensionem Clericus priuetur, ut accidit, quando & quoties suo interdicitur officio, data per eum absolutio, rata non erit.

## QVÆSTIO XIII.

*De Suspensionibus à iure.*

**D**E hac re, etsi scripsere varii varia, de earum tamen numero, certi mihi nihil videtur posse statui, nam si Pontificum Bullas omnes spectaueris, earum infinitus prope est futurus numerus, ius tamen canonicum non nisi certo definitas numero complectitur.

Barthol. Med. lib. 1. instruct. Confess. cap. 1. ponit tantum quinque, Sa verbo *suspensio*, huic numero addit alias quindecim, sic ut eius opinione non sint nisi viginti in iure, Nauar. ca. ultimo agnoscit 16. Toletus lib. 1. ca. 48. recenset 28. Tabiena 36. Angelus 37 Syluester verbo *suspensio* quadraginta, Glossa in Clem. fin. de poenis plusquam 50. Raphael Rastellius de censur. in particulari q. 9. art. 2. paulo plures 60. quarum suspensionum quindecim, receptionem Ordinis impediunt, eius recepti exercitium sex, administrationem beneficii octo præter quas, & alias 8. numerat

rat

rat quas defectus varii pariant.

Contra Episcopos extant plurimæ, quarum dux suam ab eorum promotione ad Episcopatum, ducunt originem, vnde cum ab ordinibus male per eos collatis, quæ à beneficiis vitiose distributis, ab aliis defectibus tredecim, contra Religiosos totidem, præcipuæ sunt quæ sequuntur.

#### QVÆSTIO XIV.

*Recensentur suspensiones quæ iure sunt contra Regulares late.*

**P**rima est contra recipientes ordines sacros absque Prælati sui dimissionis literis, hi enim decreto Concil. sess. 6. ca. 5. 23. ca. 8. sunt suspensi à suorum ordinum executione, quandiu eorum ordinario visum erit, & absolutio referuatur arbitrio ipsorum Ordinarii, Trid. supra Thesaurus verb. *Apostata* parte 2. praxis & verbo *Ordo* ca. 23.

Secunda contra Prælatos alienantes bona suorum Conuentuum absque debita solemnitate, Rodrig. tomo 1. q. 27. art. 10. est hæc porro solemnitas in eo posita, quod eorum consensui, adiungatur etiam consensus maioris partis Conuentus, illorum sine istius, & vice versa huius, sine illorum, hoc est Prælatorum consensu, non sufficit, Portelius in dubiis verbo *alienare* num. 1. quem ad consensum, accedere quoque debet euident Ecclesiæ, aut Monasterii utilitas, iure canonum rerum quæ ab iis possidentur alienatio est nulla, nisi eidem Ecclesiæ perspicuam utilitatem adferat, Rodriguez to. 1. q. 27. & in Clement. de rebus Ecclesiæ non alienandis ca. 1. Item fundi Ecclesiastici locatio, quæ tribus annis sit diuturnior, nulla est in omni foro, secundum Comitol. lib. 3. respons. q. 4. num. 4. per Extrauagantem Pauli II. ambitiosa de rebus Ecclesiæ non alienand. quæ ab aliis recentioribus Pontificibus Paulo IV. & Pio V. confirmata est.

Tertia est contra Prælatum, bona Ecclesiæ immobilia, eiusque iura Laicis subiicientem absque Papæ licentia, nunquam enim non fuit, quin Romani Pontifices hanc in regularibus odissent licentiam, domibus suis noxiam, fuit enim interdicta à Symmacho, Leone I. Leone IV. Gregor. I. & Gelasio quorum decretales sunt in causa 12. q. 2. his adiungendi Alexand. II. Cælestin. III. Innoc. III. quorum sanctiones sub titulum sunt subiectæ de rebus Ecclesiæ non alienand. Clem. V. in Clementina eodem tit. Paulus II. in Extrauag. ambitiosa eodem tit. Paulus IV. in constitutione iniunctum nobis, quorum omnium

**A** maxime vero Clement. V. in Clem. citata, decretum hoc fuit, ut ipso facto dicti Prælati suspensi essent ab officio, tam diuinorum quam temporalium administratione, hoc est prælaturæ, procurationis cellarii, &c.

Quarta est contra Religiosos, usurpantes sibi decimas Parochiæ abiq; priuilegio, estque hæc suspensio ab officio & beneficio, si requisiti per illos quorum interest, infra mentem non desistant, vel usurpata aut retenta, infra menses duos non restituant: de decimis ca. 3. Felicianus supra.

**B** Quinta est contra Prælatos, qui intra Monasterium admittunt fœminas.

Sexto Religiosi qui in contemptum disciplinæ Ecclesiasticæ, sacris se ordinibus iniuncti offerunt, ab ordinis sic suscepti executione sunt suspensi, si vero id ex ignorantia iuris, aut facti fecerint, à suo Prælato dispensari queunt, ita Pontifex in cap. cum illorum 32. de sentent. excommunic. & can. si quis dist. 58.

**C** Septimo ipso facto regulares non professi, sine titulo ordinati, sunt suspensi decreto Pii V. in diplomate ea de re speciali, cui initium Romanus Pontifex sacrorum Conciliorum auctor, ibi enim decernitur eiusmodi homines, executione ordinum omnino carere, nullasque prorsus & irritas promotiones existere, sicque promotas personas, in altari ministrare non posse, quinimo ministrantes priuilegiis, exemptionibus, immunitatibus, & aliis gratis Clericis concessis, omnino priuari.

**D** Octauo suspensionem à diuinis incurrit Religiosus, qui in statu Apostasiæ, sacros ordines suscipit, ex cap. finali de Apostatis & nisi dispenseetur à Papa, etiam reuersus ad Ordinem, ab eorundem exercitio ordinum cessare debet Sanch. lib. 6. in Decalog. cap. 8. num. 24. Suar. to. 4. de relig. lib. 3. cap. 1. nu. 29. Est item cum habitu dimisso minores suscipit, ab eorundem executione suspensus in perpetuum, per cap. cum illorum de sentent. excomm. Suar. de censur. disp. 31. sect. 1. num. 57. Bonac. de Sacram. ordinis punc. 5. parag. 1. num. 11. & super tali suspensione dispensat solus Papa, Thesaur. par. 2. praxis verbo *Apostata* cap. 1. num. 3. si res tamen occulta foret, dispensaret Episcopus, ut priuilegii illi concessi in Trid. sess. 24. cap. 6. Emman. Sa verbo *irregularitas ex ordine* num. 9.

**E** Nono, recipiens ordinem in excommunicatione pro manu iniectio, si est Clericus secularis est deponendus, si regularis ab executione ordinis est suspensus, nisi probabilis eum ignorantia excuset & factum non sit graue Innocent. III. in cap. cum illorum 32. de sentent. excomm. cum eo quia Archiepiscopi & Episcopi absque mandato specia-

li sedis Apostolica dispensandi facultatem non habent, quibus etiam absolutio talium interdicta est, cum maiora intelligantur illis prohibita, quibus vetita sunt minora, Romani Pontificis auri- bus intimari debet, ut ab eo secundum rigorem, vel aequitatem responsum prodeat, prout discretio sua viderit faciendum, cum illorum citato.

Decimo venationi aut aucupationi clamorosa Monachi nigri cum interfunt, aut vacant, poenas suspensionis à beneficio, & inhabilitatis ad aliquod de nouo acquirendum incurrunt, Clementina ne in agro.

### QVÆSTIO XV.

*Recensentur casus in quibus suspensio iure communi, & antiquo, incurritur ipso iure, aut facto à secularibus.*

**P**rimo quorundam opinione fornicarii notorii, ac concubinarij, antiquo sunt iure suspensi Concil. Roman. sub Leone IX. cuius decretum renouatum est ab Alexandro II. in can. prater 6. dist. 32. & in can. nullus 5. eiusdem dist. ibi enim Nicol. prohibet, ne quis Missam audiat Presbyteri, quem scit concubinam indubitanter habere, aut subintroducat mulierem, & can. prater ead. dist. Alex. II. ex parte Omnipotentis Dei & auctoritate Beatorum Apostolorum Petri & Pauli precipit, & omnino contradicit, ut qui concubinam palam duxit, omnino Missas non canet, nec Euangelium, aut Epistolam, ad Missam legat, neque in Presbyterio ad diuina officia, cum his qui prefata constitutioni obediens fuerint maneat neque partem ab Ecclesia suscipiat, ex his verbis diiudicata nostra manet opinio, in qua conspirant Glossa in cap. postremum de cohabit. Clericorum & mulierum, & in canon prater dist. 32. Panormitan. in cap. vestras de cohabit. Clericorum & mulier. in 6. Innocent. in cap. vestra de cohabit. Clericorum. Notorij fornicatores, inquit, sunt ipso iure suspensi, astipulantur Rosella in verbo Clericus 3. num. 6. Angelus in verbo concubinaris num. 2. S. Antonin. in 3. par. tit. 27 cap. 3.

Secundo suspendi debet Clericus, prouocans ad duellum, aut illud acceptans Alexand. III. testimonio in cap. 1. de Clerico in duello pugnantis, cum enim siue duellum obtulerit, siue oblatum sulceperit, deponendum esse ait, quæ verba cum ad Episcopum referuntur, sententiam ferendam indicant, non latam Nauar. cap. 27 num. 136. Henric. lib. 13. cap. 39. Suar. de censur. disput. 31. sect. 4. n. 23. Suspenduntur ite iudices qui sine monitione prauia excommunicant cap. sacro extra de sentent. excommunic. estque hæc sus-

A pensio tam iuris quam facti.

Tertio qui excommunicat absque scripto, in quo sit causa censura lata, aut qui exemplum huius scripturæ excommunicato intra mensem non tribuit, cum de eo requisitus fuerit, est suspensus ab ingressu in Ecclesiam per mensem, contemptaque talis suspensio, irregularitatem parit, quam solus Pontifex dispensatione tollit Innoc. IV. in cap. 1. cum medicinalis de sent. excom.

**B** Præterea sic excommunicans, est à diuinis officiis suspensus, modo ne sit Episcopus, quia nisi peculiaris, expressaque eius fiat intentio, Innocent. IV. decreto in ca. quia periculosum 4. de sentent. excom. in 6. sententia de suspensione, tam quæ est à iure, quam quæ ab homine non subest, Genuens. in praxi ca. 24. num. 5.

Ad incurrendum tamen hanc poenam requiritur temeritas, Suar. de censuris disp. 37. sect. 1. num. 2. non scientia, Thesaurus 2. parte prax. in verbo censura c. 2. declarat. 3. ignorantia crassa, seu culpa lata, sufficit Genuens. c. 24. num. 1. praxis, quia temeritas non dicit dolum, sed fatuitatem: Thesaur. loco cit. est enim defectus concilii, seu species imprudentia S. Thom. authore in 2. 2. q. 35. art. 25.

**C** Quarto, ab officio & beneficiis ipso facto sunt suspensi Clerici, Donec plene restituerint, qui Episcopi mortui aut Prælati regularis bona relicta diripiunt, dilapidant, dissipant, consumunt, aut sede vacante successori debita, sibi attribuunt de elect. in 6. ca. 40. quæ sepe contingit, Episcopi autem, & eorum superiores ab ingressu Ecclesiæ, qui in dignitatibus, prioratibus sibi subiectis, bona occupare præsumunt inuenta, morientibus eorum rectoribus ca. presentinono de officio ordinarij.

**D** Quinto, iudex Ecclesiasticus qui contra ius, & conscientiam, in iudicio quidquam facit per gratiam ac pecuniam, & ita parti alteri est grauis, iure est suspensus, ac factio, Innoc. IV. de sent. & re iudicata in 6. ca. 1. his verbis: Si quis autem iudex Ecclesiasticus ordinarius, aut etiam delegatus, fame sue prodigus & proprii persecutor honoris, contra conscientiam & contra iustitiam in grauamen partis alterius, in iudicio quidquam fecerit per gratiam, vel per sordes, ab executione officii per annum, nouerit se suspensum: ad estimationem litis parti quam laesit, nihilominus condemnandus, qui autem procedere in crimine heresis negligit, contra eum aduersus quæ erat procedendum, suspensus est per triennium ab officio de Hæreticis in Clement. ca. multorum 1. par. 5.

**E** Sexto, toto triennio suspenduntur à beneficio habito & habendo qui Episcopum eligunt non legitimum, aut legitima aetate, scientia, & moribus non præditum, Alex.

III. in Concil. Lateran. can. 3. & refertur in A  
cap. cum à cunctis 7. de elect. present decreto  
statuimus, ut nullus in Episcopum eligatur, nisi  
quitragesimum ætatis annum exegerit, & de legi-  
timo matrimonio sit natus, qui etiam vita &  
moribus commendabilis demonstratur. Deinde  
addit Clerici si contra formam istam quenquam  
elegerint, & eligendi tunc potestate priuatos, &  
ab Ecclesiasticis beneficiis triennio noverint se  
suspensos, Episcopus autem, si contra hæc fecerit,  
aut consenserit fieri, in conferendis predictis offi-  
ciis, & beneficiis, potestatem amittat, & per ca-  
pitulum, aut Metropolitanum, si Capitulum con-  
cordare nequiverit, ordinetur. Idem ab Innoc.

IV. decretum in Concil. item Lateran. cap. 25.

Quod autem de Clerico eligente contra  
formam, ab Alexand. dicitur, intelligi debet,  
primo de sciente, secundo de eo, qui ad E-  
piscopatum, & non ad alia inferiora eligit.  
Nauar. authore ca. 27. num. 155. Viualdo de  
suspens. num. 66. Tabienli ver. suspensio parag.  
6. casu 6. Thesaur. praxis Eccles. par. 2. cap. 3.  
Verbo electio notab. 2. hæc tamen, id est bene-  
ficia, quæ Episcopatu sunt inferiora, conti-  
neri etiam in decreto Alexand. III. dixere  
Suar. de censur. disp. 31. sect. 3. num. 10. Bonac.  
de censuris in particulari disp. 3. q. 4. pun. 1. nu. 10.  
sed prior opinio, ut communior, ita quoque  
est secunda securior & mitior.

Tertio notandum, hanc suspensionem  
quæ verè est lata sententiæ, iuxta Sanchez  
in opusc. lib. 3. ca. 1. dub. 6. num. 25. de beneficiis  
tantum intelligi, quæ in ea sunt Ecclesia, ad  
quam fuit electio, Thesaur. loco ante cita-  
to, Sanch. in consil. 4. lib. 2. ca. 1. dub. 6. n. 16.

In communionem eiusdem pænæ cum  
aliis adiungendi, primo excommunicatus  
excommunicatione maiore, secundo non  
seruantes interdictum, ut enim illi sunt ab  
omni actu legitimo suspensi de sententia ex-  
comm. in 6. ita illi sunt ab officio, beneficio &  
omni iurisdictione interdicti, de excessibus  
prelatorum ca. tantum 18.

Similiter qui probare, eiusque rei fidem,  
quam electo ad dignitatem, vel personatum  
obiecit, facere nequit, à beneficiis quæ pos-  
sidet, triennio est suspensus ad quæ si intra  
illud tēpus, propria se temeritate ingesserit eis ip-  
sis perpetuo est priuatus, nullam super hoc, de mi-  
sericordia sē, aut fidem, aut fiduciam habiturum  
Innoc. IV. ca. 1. de electione & electi potest.

Octauo, qui scienter celebrant aut celebrari  
faciunt diuina in ciuitatibus, villis, castris, seu  
locis aliis interdictis ab ordinariis, siue delegatis  
iudicibus, vel à iure, aut excommunicatos publice  
aut interdictos, ad diuina officia, seu Ecclesiasti-  
ca Sacramenta, vel Ecclesiasticam sepulturam  
admittunt, ab ingressu Ecclesiæ sunt suspensi,  
donec de transgressione huiusmodi, ad arbitrium

eius, cuius sententiam contempserint, satisfecerint  
competenter, Bonifac. ca. 8. de privilegiis in  
sexto.

Nono, etiam ipso facto est suspensus qui ad  
presentationem alicuius ordinatur, cum pacto  
nihil petendi ab eo: Greg. IX. sanctio sic ha-  
bet, in ca. 45. de simonia, Si qui ordinauerit seu  
ad ordinem presentauerit aliquem, promissionem  
vel iuramentum ab eo recipiens, quod super promi-  
sione sua non inquietet eundem, ordinator à colla-  
tione, presentator vero ab executione ordinum,  
per triennium, & ordinatus ab ordine sic suscepto,  
donec dispensatione super hoc per sedē Apostoli-  
cam obtinere meruerint, noverint se suspensos, &  
in ca. per tuas 37. eod. titulo, fit mentio cuius-  
dam qui cum titulum certum non haberet,  
quendam Presbyterum exorauit, ut ipsum ad  
Ecclesiæ suæ titulum presentaret, cum pa-  
cto, quod ab eo nihil in posterum peteret,  
qui cum anceps esset, ac dubius, ecquid ad  
superiores ordines transitus ei liber esset, res-  
pondit Innoc. III. in ea decretal. quod nisi cum  
eo fuerit misericorditer dispensatum, nec ad supe-  
riores ascendere, nec in suscepto deberet ordine mi-  
nistrare, quas pœnas à Trident. innouatas in  
sess. 21. ca. 2. de reformat. docent Henric. li. 13.  
ca. 37. num. 2. Auila 2. par. disp. 2. dub. 5. concl.  
1. Thesaur. praxis Eccles. parte 2. verbo Ordo  
ca. 31. parag. 4.

Decimo, ab executione suorum est ordi-  
num iure suspensus qui se his Simoniace id  
est oblato pretio initiari est passus Paulus II.  
in Extrauag. cum de re tractabile 2. de Simonia de-  
claramus inquit quod omnes illi qui Simoniace  
ordinati fuerint, & suorum suorum ordinum executio-  
ne suspensi, hoc ipsum tradidere S. Antonin.  
in 3. par. tit. 27. ca. 2. Comitol. lib. 6. q. 41. &  
quoniam de ordine sermo incidit, placet hic  
earum suspensionum breuem indiculum  
addere, quas ex culpa circa ordines, aut eo-  
rum collationem, vel receptionem admitta,  
incurri iura volunt.

## QVÆSTIO XVI.

Quæ suspensiones ex mala ordinum receptione  
sequi iure soleant.

E PRIMO est ex indebita ordinis receptio-  
ne suspensus qui eum sibi conferri parti-  
tur, ab eo qui renunciauit Episcopatu, quo-  
ad locum ac dignitatem, ca. unico de eo qui E-  
piscopatu renunciauit.

Secundo qui eum recipit ante legitimam  
ætatem, & à Trident. præscriptam in sess. 23.  
ca. 12. & à Pio II. in Bulla de ea re spe-  
ciali.

Tertio, suspensus est Clericus, qui ordi-



natus fuit ab alieno Episcopo, sine proprii licentia, *can. si quis ausus* dist. 71. *Concil. Nicen. can. 16.* Pius II. in Bulla de qua Rodriguez in *Bullario* fol. 197. & Gratian. 9. q. 1. can. 2.

Quarto, qui extra tempora his est sine dispensatione initiatus *ca. sane de tempor. ordination.*

Quinto, non seruatis interstitiis, Trident. *sess. 23. ca. 2.*

Sexto, per saltum, *ca. unico de Clerico per saltum promot.*

Septimo, ab Episcopo excommunicato declarato, vel notorio Clerici percussore, vel suspenso, vel interdicto declarato, vel notorie hæretico, *ca. 1. & 2. de Schismaticis, & can. ordinationes 9. q. 1. & ca. per tuas de Simonia 35. Nauar. in manu. ca. 27. num. 24. Portelius in dubiis regular. Verbo irregularitas numero 7.*

Octauo, Clerici seculares si scienter promoueri se fecerint in excommunicatione positi, aut suspensione, indispensabiles sunt, & à susceptis ordinibus deponendi, si vero ex ignorantia iuris vel facti id fecerint, à solo sunt Papa dispensabiles, *ca. cum illorum 32. de sent. excom.*

Dixi scienter nam ea poena non teneri bona fide promotum docet Thesaurus in 2. *par. praxis* ver. Ordo *ca. 4.* quemadmodum nec qui minores tantum ordines dari sibi cum ea censura est passus, Auila 7. *par. disp. 2. sect. 1. dub. 5. Nauar. consil. 48 de sentent.*

Nono, qui ordines furtiue recipit, est ipso iure, factoque à susceptis suspensus, irregularis autem quoad suscipiendos *ca. 1. 2. & 3. de eo qui furtiue ordines suscipit Laym. de sacra ordinat. ca. num. 1.*

Decimo, suspenditur qui sine titulo, hoc est idoneo ad vitam, comæatu destitutus, sacris donari se finit ordinibus Urbani II. decreto in *can. Sanctorum* dist. 70.

## QVÆSTIO XVII.

*Recensentur suspensiones à male ordinantibus incurri solite.*

**P**rimo, ordinans ante legitimam ætatem est suspendendus, non suspensus à collatione ordinum *can. vel non est compos de temporib. ordination. Tolet. lib. 1. ca. 61.*

Secundo conferens tonsuram ante septennium completum, est suspensus per annum ab eius collatione *ca. final. de temporib. ordinat.*

Tertio, publico pœnitenti ordines conferens est suspendendus, non suspensus, dist. 55. *can. nullus pœnitentem. Auila 1. par. 3. disp. 5.*

**A** *dub. 8. parag. septimus.*

Quarto, conferens tonsuram illiterato, ipso facto est suspensus ab eius collatione per annum *ca. fin. de tempor. ordinat.* non afficit tamen hæc poena, nisi eum qui penitus est illiteratus Tolet. *lib. 1. ca. 64. parag. 3.* idest qui neque legere nouit, nec scribere Sayrus *lib. 4. ca. 12. num. 8. Henric. lib. 13 cap. 38. num. 2. Thesaur. ver. Ordo ca. 9. nu. 2.*

qui autem Sacerdotem non sufficienter literatum ordinat, ordinationis iure excidit pro futuro tempore, *can. si quis Episcopi 1. q. 1.* quam suspensionem lata sententiæ esse à collatione talis ordinis immerito dati, docent Maiolus *lib. 1. ca. 6 nu. 2. Sayrus lib. 4. nu. 17.* ferenda autem tantum, Suar. *disp. 40. de censur. sect. 8. num. 5. Bonac. de censur. partic. disp. 3. q. 2. pun. 3. Glossa in eum can. verbo ordinationis.*

Quinto sacros ordines duos eodem die vni & eidem conferens, est ipso iure ab eorum ordinum collatione suspensus, per *ca. litteras de temporib. ordinat. & Maiol. lib. 3. c. 24. num. 13.* secundum alios suspendendus, ita Suarez *disp. 31. sect. 1. num. 40.*

**C** Sexto, conferens ordines subdito alieno sine illius Ordinarii dimissorialibus literis, aut licentiâ, incurrit suspensionem ipso facto per annum, à collatione ordinum, *ca. eos qui de tempor. ordinat. Suar. de censur. disp. 31. sect. 5. n. 3* & non tantum à male collato, vt est Archidiaconi opinio in eum canonem, sed aliis etiâ vt est in Conc. Trid. *sess. 23. c. 8. de refor.* his verbis: *Vnusquisque à proprio Episc. ordinatur, quod si quis ab alio promoueri petat, nullatenus id ei, etiâ cuiusvis generalis, aut specialis rescripti, vel privilegiis prætextu, etiam statuta temporibus permittatur, nisi etiâ probitas ac mores, ordinarii sui testimonio comprobentur, si secus fiat ordinans à collatione ordinum per annum, & ordinatus à susceptorum ordinum executione, quandiu proprio ordinario videbitur: sit suspensus.*

Septimo, est Episcopus suspensus à Pontificalibus, qui rogatus ab Episcopo vt ordines in suo Episcopatu conferat, eos aliis præbet, quam qui sunt eius Episcopi subditi, à quibus est rogatus, *de ordinat. ab Episcop. qui Episcop. renunciauit ca. 1. Trident. sess. 6. cap. 5. de reformat.*

**E** Octauo, si quis ordinet coniugatum ad primam tonsuram, per annum est ipso iure suspensus à collatione ipsius tonsuræ *ca. nullus de temporib. ordinat. in 6.* ordinans bigamum aut maritum viduæ, aut corruptæ, aut repudiatæ, priuatur potestate ordinandi *can. expenitentibus, dist. 50. & cap. 2. de bigamis non ordinand. & per annum celebratione Missæ can. nullus pœnitentem 2. dist. 55. qui sumptus est ex Concil. Arelat. 3. can. item 3.*

Similiter

Similiter qui irregularem ad ordines recipit, indignus est, qui eopostmodum conferat, Abb. in ca. *Veniens de filiis Presbyter*, nisi ea irregularitas sit in eius potestate, & sciens ordinauerit, nam tunc in ea dispensasse censetur Fœlic. supra.

Nono, qui ordinant neophytum, id est disciplinis Ecclesiasticis non imbutum, Zozimi Papæ decreto, carent potestate conferendi eius ordinis, quem sine ordine, contra precepta Patrum, crediderunt presumendum dist. 5. can. qui Ecclesiasticis 1. eadem pœna plectitur, qui indignum sublimare non metuit, facilius enim est, ut hanc dignitatem tali dando ipse amittat ordinator, quam eam obtineat ordinatus. Cui conuictio sociabitur, qui sibi eum credidit, largiendo Pontificium, sociandum, qualis enim ipse sit, quisquis tales ordinauerit, ostendit, Cœlest. ad Episcopos Galliarum epist. 2. cap. 3.

Décimo, Qui in aliena Diœcesi ordinat alienos Clericos, vel consecrat altaria, anno à Missarum celebratione, cessare debet Aurel. Concil. 3. can. 7.

Vndecimo, Qui contra canones bigamum ordinauerit, vnius anni spatio se sciat esse suspensum à Sacerdotio Concil. Aurel. 4. can. 10.

### QVÆSTIO XVIII.

An aliqua ex suspensionibus memoratis, vsu sint contrario abrogata, an è contra recepta omnes.

**D**ico primò, Ex suspensionibus quas recensent authores & habentur, octo numero in Tridentin. Concil. nullas ut sic, obligare in Gallia.

Primo, quia ut Antistitum autoritate innotuere Gallis nunquam, ita nec ab eis fuere receptæ, his ergo illos teneri non est probabile.

Secundo, non est earum autoritas, visque maior, quam decretorum eiusdem Concilii, quæ ad fidem, aut Sacramentorum administrationem non pertinent, at hæc in Gallia non obligant, ut ostensum est antea, Nauarriac aliorum testimonio, ergo nec istæ.

Dico secundò, Harum suspensionum quæ octo sunt numero, primâ ad Episcopos pertinere, cuiusvis privilegij prætextu, exercentes Pontificalia in aliena Diœcesi, sine licentia ordinarii loci, aut si cum illa, saltem in alios, quam qui ipsis sub sunt, sess. 6. ca. 5. quos eam ob rem vsu Pontificalium priuatos ad annum voluit, ordinatos autem ab illis, executione suorum ordinum Trident. sess. 23. cap. 8.

Notandum vero, nomine Pontificalium, intelligi actiones Episcopalis ordinis pro-

**A** prias, ut sunt consecrationes vasorum Ecclesiarum, Virginum, & Chrismatis, Confirmatio, benedictio vestium, & corporaliû, Sanchez lib. 7. consilior. ca. 1. dub. 50. Sayrus lib. 4. ca. 16. num. 29. Eodem pertinent actiones omnes Sacerdotes, quæ sine apparatu Pontificali, hoc est mitra, ac baculo exerceri nequeunt, Barbosa allegat. 6. num. 5. Tonturaitem, opinione Thesauri praxi Episc. par. 2. ca. 4. Thomæ, Sanchez lib. 7. consil. ca. 1. dub. 50. quibus non assentiuntur Henriq. & Bonnac. à Thesauo citati loco qui supra.

**B** Notandum secundo, Episcopum censuram hanc non incurrere, exercendo Pontificalia in sua Diœcesi erga personas alterius Diœcesis, citra collationem ordinum, Armilla verbo Confirmatio num. 3. Viuald. de Sacramento Confirmat. num. 30. Henriq. lib. 3. ca. 6. num. 6.

Causa est, quod id iure nullo sit cautum, quare confirmare potest, ad se ex aliena confluentes Diœcesi, si non licite, saltem sine censura, ac suspensione, Henriq. lib. 3. ca. 6. num. 6.

**C** Secunda habetur sess. 7. ca. 10. respicitque capitula literas dimissorias concedentia alicui, qui occasione beneficii recepti, aut recipiendi arctatus non est, aut Episcopo licentiam, ordinandi sede vacante intra annum à die vacationis, nam sic ordinati si in minoribus sunt constituti, nullo privilegio gaudent in criminalibus, in maioribus autem ab executione ordinum ad beneplacitum futuri Prælati, sunt ipso iure suspensi Trident. sessione 7. ca. 10.

Tertia, habetur sess. 14. ca. 2.

Quarta, sess. 23. ca. 2.

Quinta, sess. 23. ca. 10.

Sexta, sess. 24. cap. 1.

Septima, sess. 25. cap. 13.

Octaua, eadem sess. ca. 14. quarum commemoratione supersedeo, quia maximam partem, Abbates spectant aut Episcopos, quæ quia non sunt promulgatæ, nec receptæ ab his, quorum interest in regno, non obligant.

Sunt & suspensiones pleræque aliæ contra Episcopos per totam dist. 30. quas non esse latæ, sed ferendæ sententiæ, dixit Glossa in ca. 2. de foro compet.

**E** Ex eorum numero infantem quisquis ordinat, illiteratum, bigamum, solemniter pœnitentem, vel indignum, suspenditur per annum à collatione ordinum, in quibus peccauit dist. 55. can. nullus can. si quis Episcopi 1. qu. 1. & cap. finali de temporibus ordinat. in 6.

Aliorum tamen opinio ea que non improbabilis habet, suspensionem hanc contra ordinantem non esse latæ, sed ferendæ sententiæ, ita Auila parte 3. disp. 5. dub. 8. Bonac.

cina de suspensionib. particularib. q. 2. puncto 6. A  
Pœnitens autem, si solemniter & non publi-  
cet tantum pœniteat semper est irregularis,  
proindeque & suspensus Couar. in *Clemen-*  
*tin. si furiosus* parte 1. num. 10. de homicid. Bo-  
nac. lococitato.

Nec refert quod à Sixto Papa V. in bulla  
contra male promotos 91. quæ incipit *san-*  
*ctum*, dicta sit in eum qui bigamum ordinat  
suspensionis incurrendæ ipso facto senten-  
tia, nam hæc Sixti constitutio quoad hoc à  
Clemente abrogata fuit, & rescissa, vt no-  
tat Thesaurus 2. parte praxis Ecclesiast. verbo  
*Ordo* cap. 2. parag. aduerte.

Sunt & aliæ contra Episcopos latæ sus-  
pensiones numero prope infinitæ, sed aut  
nunquā fuisse hæc promulgatæ, aut si fuerūt,  
iudicis sententiam exigunt, vt ligent, effe-  
ctumque habeant, magis vrgent, vt pote  
quæ ad plures pertinent, quæ sequuntur, po-  
sitæ à iure in Clericos, & primò.

### QVÆRITVR.

*An Pij II. Constitutio cui initium cum exsa-*  
*crarum quæ pœna suspensionis eos, ipso iure fa-*  
*ctoque officit, qui siue legitima etate, vel fa-*  
*cultate, vel extra tempus legitimum, sacros*  
*ordines accipiunt, in vsu sit extra Italiam.*

**E**Quidem an hæc pœna ipso iure, & facto,  
Clericis sit inflicta, summarum discep-  
tatores in controuersiam vocant.

Et in partē affirmantē Romani scriptores  
fere oēs abeunt, ob hoc argumentū, quod  
Xistus V. noua quadam sua constitutione  
contra male promotos, antiquam illam Pii  
II. & confirmari & innouauerit, cuius exē-  
plum sequendum sibi cum censuisset, Clem.  
VIII. pœnas Clericorum in suscipiendis or-  
dinibus peccantium, sic probauit, vt tamen  
inflictas à Xisto ad hunc modum sit mo-  
deratus *motu proprio & ex certa scientia, ac de*  
*Apostolica potestate plenitudine hac nostra perpe-*  
*tuò valitura constitutione, prædictas literas ad ter-*  
*minos sacrorum canonum, ac constitutionis felicis*  
*memoria Pij II. sub data Rom. apud S. Petrum*  
*ad Kalendas Decemb. anno Domini 1461. cuius*  
*tenor præsentibus pro expressis haberi volumus, &*  
*ad dispositionem decretorum sacri Tridentini Con-*  
*cil. restringimus, & reducimus, nec non censuras,*  
*& pœnas, in isdem Xisti literis contra quoscun-*  
*que, præterquam contra simoniacos ordinantes, &*  
*ordinatos, inflictas, quas volumus in suo robore*  
*permanere, aliis etiam pœnis & censuris per con-*  
*stitutionem Pij II. Conciliumque Trid. intun-*  
*ctis saluis, & firmis remanentibus modera-*  
*mur & abolemus. Datum Romæ apud S. Petrum*

anno Incarnationis Dominica 1505. pridie kalen-  
das Martij.

Ad hæc Pontificum decreta addunt scri-  
ptores Itali Romanæ Ecclesiæ consuetudi-  
nem, quæ sic promotos pro suspensis habet,  
vnde inferunt, sensum hoc tempore nostrum  
non oportere esse alium, ac proinde eos qui  
contra Pii II. legem committunt, ipso iure  
& facto esse suspensos quoad ordines ma-  
le susceptos, non autem quoad alios, rite  
ante collatos, Suar. de censuris disp. 31. sect. 1.  
num. 31. Alterius 10, 2. disp. 10. ca. 1. dub. 2. The-  
saurus parte 2. praxis Ecclesiast. verbo *Ordo* ca. 1.

B Diana resol. 152. tract. 4. par. 2. Bonac. de susp.  
partic. q. 1. punct. 1. num. 8.

Ne tamen ipsis assentiar, cum ratio, tum  
grauissimorum hominum facit autoritas.

Dico ergo, *Non videri suspensos ipso facto*  
*in Gallia, qui Sacerdotii ordinem in etate non le-*  
*gitima suscipiunt, & si suspensi essent, tamen ab*  
*Episcopo at solui posse.*

Pars prima probatur primo, quia dicta Pii  
constitutio, contrario est abrogata vsu, id di-  
xisse, ac sensisse, qui de hoc genere contro-  
uersiæ summas sunt elucubrat in Italia, viri  
eruditione iuxta, ac virtute præstabiles, scri-  
bit Comitol. lib. 6. respons. q. 37. num. 1. & q. 43.  
item primo, proinde ordinatos, contra di-  
ctam sanctionem ipso iure suspensos non  
esse, sed suspendendos. Dixere idem Anto-  
nin. 3. par. ca. 16. Maior in 4. dist. 24. q. 5.

Secundo, facit ad eiusdem rei fidem, quod  
Pii sanctio, nusquam extet in corpore iuris  
scripti, quod solum tamen, aut maxime o-  
bligat in Gallia.

D Tertio non sunt ordinati ante ætatem le-  
gitimam, suspensi facto & iure, nisi quia id  
Clementi VIII. constituere placuit in suo  
diplomate, quo Xistinam constitutionem,  
quod nimium acris esset, est moderatus,  
nam ante illa tempora, scriptores omnes v-  
no Nauarro excepto, crediderunt hoc Pii II.  
decretum, de quo in præsentī agimus, non  
fuisse vsu receptum, atque ideo ordinatos  
ante ætatem præscriptam per Concilia, non  
fuisse suspensos, sed suspendendos, ita Co-  
mitol. lib. 6. respons. q. 37. & q. 42. eiusd. libri,  
propterea quod (inquit) Piam sanctionem  
E vsu contrario abrogatam censebant. At Gal-  
lis Clementina hæc sanctio, nunquam in-  
notuit, ab ea ergo nulla eos obligandi vis  
dimanat ac fluit.

Quarto legi non promulgatæ nec recep-  
tæ, non necessario parendum est sub crimi-  
ne, sed in multis locis Piana constitutio non  
est recepta, vt testantur Fumus verbo *irre-*  
*gularitas*, Corduba in *summa casu* 144. nec  
in Gallia, promulgata vnquam fuit Nauar-  
ro teste lib. 5. consil. 44. de sentent. excommu-  
n.

iuxta



iuxta secundam editionem num. 15 de temporibus ordinat. lib. 1. consil. 1. quare cum bullæ non publicatæ non obligent, Salas de legibus disp. 21. sect. 13. num. 23. Emm. Sa verbo lex num. 23. Suar. de legib. lib. 6. ca. 1. num. 3. Thesaurus in praxi Eccles. par. 2. verbo clausura regular. ca. 5. præfens de non recipiendo sacro ordine ante legitimam ætatem, suspensionem eam violentanti non inferet.

Scio quidem in Tholosana Prouinciali Synodo, habita anno 1590. 3. parte parag. 7. admissam esse, sed Episcoporum vnius prouinciæ præiudicium, toti regno ius dicere posse quis existimet? Sane constat, etiam in iis locis, in quibus aliquando recepta fuit, eum suspensioni per eum latæ non subesse, qui bona fide ante ætatem lege necessariam, initiari se Presbyterio patitur Caualer. decisione 1. Rota parte 2. decis. 200. Nauar. ca. manual. 27. num. 155. Dianatract. 4. de Sacramentis resol. 182. Portelius in dubiis regularibus verbo Ordines sacri n. 13.

Primo, quia pœna suspensionis per Pium inflicta, præsumentes tantum afficit, at qui bona fide quid facit, aut ordines recipit, credendo se habere ætatem ad ordines idoneam, proprie præsumere dici nequit, præsumit enim qui sciententat, aut aliquid contra ius audet, sic Alex. III. in Conc. Later. loquens de Clericis vel Monachis, sed nec procuratores, inquit, Villarum, aut iurisdictiones etiam seculares sub aliquibus principibus viris, ut eorum iustitiarius fiat, Clericorum quisquam exercere præsumat, id est tentare audeat, quare ad incurrendam hanc censuram Doctores exigunt scientiam, seu ignorantiam affectatam ut Toletus lib. 1. ca. 61. Suarez disp. 31. sect. 1. num. 26.

Quid si (inquires) ordinatus ante ætatem in Gallia, discat cum tempore, eam quæ est ad ordines necessaria, sibi defuisse cum est factus Sacerdos, & cum ea notitia celebret?

Respondent aliqui irregularitatem incur-rere, sed id Peirino nõ probatur, in privilegiis Minorum to. 1. consil. 1. Iulii II. nec Dianæ loco ante citato, quia ordinatus bona fide, non fit irregularis, quid ergo est causæ, cur talis sit, & audiat, celebrando cum conscientia violatæ legis Ecclesiasticæ, qua non tenebatur, eo quod non esset in ea prouincia ubi degit, promulgata, & recepta, prohibet quidem Concilium, ordines suscipi ante legitimam ætatem, sed ut notat Ledesma, in summa to. 1. de sacram. ca. 7. conclusione 1. nihil dixit de his qui celebrant postea cum fide, notitiaque violatæ dictæ legis, quos non peccare mortaliter sic faciendo, idem authorasserit loco citato, & apud Dia-

Pars secunda.

A nam resol. 182. de Sacramentis.

Quid si ordinatus, ordines ante legitimam ætatem recipiat, quia in inquirendo an eam attigisset, diligentiam officio parem non attulit?

Respondent Villalobos tom. 1. tract. 11. diff. 11. num. 6. Diana de Sacram. resol. 192. hoc censuræ genus, ac suspensionis, sine præsumptione non contrahi, proindeque omnem ignorantiam, etiam crassam, modo non sit affectata, à suspensione & irregularitate excusare, & quanquam non sit Episcopus, ad maiores ordines minorem annis quam ius exigat, promouens, ipso facto ac iure suspensus, est tamen ab eorum collatione suspendendus, ut est in ca. vel non est compos de temporib. ordination. docetque Maiolus lib. 1. ca. 30. num. 9.

Maiores ordines dixi ut tonsuram excluderem, quam qui confert ante septennium completum, suspensionem incurrit per annum à collatione tonsuræ, per ca. finale de temporib. ordinat. in 6. estque hæc suspensio Papæ reservata intra annum, Thesaur. verbo Ordo ca. 1. parag. 5. si tamen esset culpa Episcopi occulta, nec casus proinde vlli cognitus, posset hic à suo Confessario absolui vigore Trid. Concil. sess. 24. ca. 6. si hanc ei facultatem dādam crederet: Et licet essent, quæ à nobis sunt dicta de non receptione Pianæ bullæ in Gallia, minus vero conformia, nihilominus pœnis ea contentis non subesset, ordines ante præscriptam ætatem per canones recipiens, nisi cum his conditionibus.

Prima est, ut hic eos mala fide dari sibi possulet, verèque recipiat Caualer. decis. 1. Thesaur. praxis Ecclesiast. par. 2. ver. Ordo 1. limitat. 3. imo multi, ut testatur hic auctor, præsumptionem, seu scientiam aut ignorantiam affectatam ad hanc pœnam incurrendam exigunt ut Tolet. lib. 1. ca. 61. Suar. disp. 31. sect. 1. num. 26. quia ea constitutio fertur ad temeritatem reprimendam, qualis nulla reperitur, cum scientia malitia rei in qua quis versatur, ignoratur, aut non affectatur & quaeritur, contenti sunt alii ignorantia crassa ut Laym. de Sacramento ordin. ca. 16. parag. quartum, Bonacina parte 1. num. 3. est veraque opinio probabilis ac tuta.

Secunda conditio necessaria subeundæ huic pœnæ est, ut Ordines qui suscipiuntur sint sacri, qui donatur minoribus, non est proprie suspensus, sed suspendendus, per cap. vel non est compos de tempor. ordinat. cui suffragantur Salzedo ad Diaz ca. 26. verbo ante ætatem Thesaurus ver. Ordo ca. 1. num. 3. quare antesententiā suspensionis latam, celebrans in minoribus sic susceptis, hoc est ante ætatem legitimam, nõ fit irregularis, Auila disp.

BBb



5. de suspens. dub. 7. Filliuc. tract. 29. num. A 275.

Pars altera est clara. Quæ enim suspensio Papæ non est reservata, hæc in Episcoporum est iure, at præsentem sibi non reservavit Pontifex Pius II. ut notarunt Bonac de suspens. particul. q. 1. nu. 11. Thesaurus prax. Episc. par. 2. verbo Ordo ca. 1. & quanquam eam Xistus eius nominis V. sibi postea reservatam esse voluerit, hanc tamen reservationem Clem. VIII. sustulit, pœnasque reliquas, ac illam intra terminos iuris restrinxit in Bulla sua 40. quæ incipit *Romanum Pontificem* de qua Quaranta verbo Ordo pa. 387.

### QVÆSTIO XIX.

*Sit ne ipso facto suspensus qui ordinem sacrum ementito titulo patrimonii aut beneficii à suo Episcopo suffragatur.*

**S**ensus est an qui sine titulo seu beneficio Ecclesiastico, aut patrimonio ordinari solent ab Episcopo, sit suspensus tam iure quam facto.

Dico primò, *Peccare contra ius canonum, qui Episcopum decipit, falsum ei titulum tam patrimonij, quam beneficii obtrudendo, ut eius intuitu ac causa, sacro aliquo donetur ordine*, quia est id Clerico prohibitum ab Urbano II. in Concil. Placentiæ habito, & à Chalced. in can. 6.

Dico secundò, *Qui ordinem sacrum est adeptus sine titulo, iure antiquo suspensus esse*, verba Concil. Chalcedon. aperte sensum hunc habent, *Neminè absolutè* (idest ut exponunt ibi Glossa sine titulo & Thesaur. in praxi Eccl. verbo Ordo ca. 11.) *ordinari iubemus Presbyterum vel Diaconum, nisi manifeste in Ecclesia sua civitatis, siue possessionis, aut in martyrio, aut in Monasterio, hic qui ordinatur, mereatur ordinationis publicæ vocabulum. Eos autem qui ordinantur, decrevit sancta Synodus vacuam habere manus impositionem, & nullum tale factum valere, ad iniuriam eius qui ordinavit.*

Sunt ab his non dissona, quæ petuntur ex Urbani II. canone in Cœc. Placentiæ habito, qui canon habetur dist. 70. his verbis: *Nos Sanctorum canonum statutis consona decernimus, ut sine titulo facta ordinatio, irrita habeatur. Ad eos canones addenda Xisti quinti constitutio, qua suspensos esse seculares sancit, qui sine titulo sufficientis patrimonii, aut beneficii, initiantur ordinibus, in qua parte, non est illa à Clem. VIII. emendata, sed auctoritatis novæ accessione firmata.*

Dico tertio, *Suspensos hoc tempore ipso facto non esse, qui destituti sufficienti ac idoneo ad vitam comite, sacros sibi ordines procurant: ita*

Piassecius in praxi Episcop. lib. 1. par. 1. ca. 1. art. 7. his verbis: *Tenendum est n. n. incurrere ipso facto suspensionem, ordinatum sine provisione sufficienti*. Turtianus de censur. lib. 5. disp. 46. dub. 1. Auila 3. par. disp. 5. dub. 5. conclus. 5. Hurtad. de suspens. diff. 13. num. 48. Ægid. dub. 5. num. 38. Villal. tom. 1. diff. 10. tract. 18. nec desunt ad eius fidem argumenta, eaque non infirma.

**B** Primò, quod quæ eam pœnā statuunt, iura sint nulla, canonice leges nullæ, quod si aliquarum est copia, eas produci nobis ab aduersario petimus, quæ enim in canone neminem, & can. Sanctorum dist. 70. contineri videbantur, sunt hæc ab Innoc. III. abrogatæ in ca. cum secundum 16. de Præbendis, his verbis: *Licet autem prædecessores nostri ordinationes eorum qui sine certo titulo promouentur in iniuriam ordinatum, irritas esse voluerint & inanes, nos tamen benignius agere cupientes, tandem per ordinatores vel successores eorum provideri volumus ordinati, donec per eos Ecclesiastica beneficia consequantur.*

**C** Verum enim etsi priorum canonum vim constitutione illa sua abrogavit Innocent. reuixere hi tamen (inquies) decreto Concilii in sess. 21. ca. 2. in quo *Antiquorum canonum pœnas innouando*, idem quod ab Urbano olim II. sancitum fuerat: Patribus in hac materia statuere placuit, ita aduersæ partis propugnatores apud Comitol. lib. 6. q. 38. Respondendum primo de mente Concil. non constare certo ac perspicuè, secundum Piassec. loco citato proximè.

**D** Secundo dicendum cum Diana to. 1. miscellaneo. 2. resolut. 5. non alias à Concil. renouatas esse pœnas, quam quæ ab Innoc. III. in ca. cum secundum Apostolum extra de præbendis decretæ sunt in Episcopum, qui contra quàm præcipiunt antiqui canones, Clericum rebus ad vitam necessariis, hoc est titulo sufficientis patrimonii, aut beneficii destitutum initiant, & ita censuisse Congregationem dirimendis Concilii controuersis præpositam, est opinio Toleti lib. 1. cap. 48. numero 5. Coninch. de Sacrament. disput. 16. dub. 5. num. 38. Garzia de benefic. 10. 1. parte 2. ca. 5. num. 28. Cenedo collect. 33. num. 2. Henricus in summa lib. 13. de excommunicat. ca. 37. nu. 2. & in Glossa litera G. Paris. de resignat. lib. 2. q. 6. num. 18. Gonzal. supra octauam Regulam Cancellaria Glossa 5. parag. 10. num. 24. quæ declaratio Toleti opinione lib. 1. ca. 48. num. 20. & Piassecii tenenda est, cum in pœnis sequenda sit pars benignior ean. odia regul. 15. can. in obscuris reg. 30. & can. in pœnis de Regulis iuris 6. regula 49. ubi habetur quod in pœnis benignior interpretatio sit facienda, alibi vero quod pœnæ legum interpretatione sint molliende non augende,

*augenda*, non est ergo ordinatus sine beneficio, pensione, aut patrimonio, suspensus ipso facto, Diana expresse supra Auila 3. par. diff. 5. concl. 2. Henriq. & Coninch. supra, nec vero suspendi debet, si his rebus destitutus ad ordines arrepsit, sciente & consentiente Episcopo, aut saltem non repugnante, The-saurus 2. par. prax. Verbo Ordo ca. 11. & in hoc casu debet ipse, aut eo deficiente eius successor, taliter ordinato providere de necessariis ad victum, ca. Episcopus & ca. cum secundum 15. de prebendis.

Quid si hic non peccauit, sed examinato-  
re tantum?

Respondendum, cum distinctione, nam vel Ordinatus mala arte, doloque irrepsit ad ordines, asserendo verisimilibus argumentis, suppetere sibi necessaria ad vitam, vel bona fide, si primum ordinatus est suspensus, & Episcopus ad nihil obligatur. Decius in ca. Episcopus num. 24. The-saurus supra: Enimvero non aliū coerceri pœnis decet, quā qui est reus, at cuius culpæ cōsciū potest esse tum Episcopus & falsis ei instrumentis ac literis est à Clerico impositum, culpam hic debet, non ille, cui Clerici fides suspecta, esse non debuit, ne ergo ex culpa sua, consequatur cominodum ac laudem quod non decet, cum nemini fraus sua patrocinari debeat, ca. sedes Apostolica de rescriptis, de provisione ei curanda Episcopus sollicitus esse non debet. Quod si e contrario, bona se fide Episcopo, aut eius nomine examinatores, sine vlla se provisione obtulit, & tam hi quam ille, cum ad ordines admittendum crediderint, tūc enimvero tenebitur Episcopus reparare quicquid illi peccauerint, nam de facto, eorumque culpa, quorum opera ministerioque, ad res suas vitur, illum eiusque similes teneri dixit, Glossa in ca. ad hac offic. Archidiaconus.

Patet ex dictis, aduersariorum confessione ac sensu ordinatum ex defectu tituli, non esse suspensum, nisi cum Episcopo imponit, fingitque sibi non deesse, cum tamen omni careat.

In contrariam partem transgressi sunt hi auctores inter Canonistas non vltimi Nauar. Enchir. ca. 27. num. 58. & Medina in summa ca. 11. parag. 8. sunt hæc eorum præsidia.

Primū, Decretalis Innoc. III. per tuas literas 37. & Gregor. IX. si quis ordinauerit 45. de simonia, in qua ab usu amouentur ordinū, qui sunt his initiati sub emendicato, & non veraci titulo, si quis ordinauerit, inquit Greg. IX. seu ad ordinem præsentauerit aliquem, promissionem vel iuramentū ab illo recipiens quod super provisione sua, non inquietet eundem, ordinatores

A collatione, præsentator ab executione ordinum per triennium, & ordinatus ab ordine suscepto donec dispensationem super hoc obtinere meruerint, non uerint se suspensos.

B Secundum est, in Extrat. Pii II. cum ex sacrorum, ubi suspenduntur ipso facto, qui sine proprii Præsulis commendatitiis literis, ab alieno, hoc est Episcopo non suo, sacro impertiuntur ordine, at has ille literas negaret haud dubie, si patrimonium, quo sibi illi aditum patere volunt ad ordines, falsum esse sciret, ac fictum, ergo cum facultas, quæ ultra concedentis voluntatem datur, non se efferat extendatque, nec hic in ordinationem consentiat decipientis se Clerici, eius recipiendæ facultatem, illi suis literis indulgere, quis putet?

Responsio expedita & facilis.

C Primis nempe illis canonibus, de patrimonio non agi, sed beneficio, iureque ad illud, quod tamen ex pacto beneficiati, & Clerici præuio, cum re temporali, aut eius remissione, mutabatur non sine Simonia, nam in can. per tuas 37. ordinandus petit ad titulum Ecclesiæ alienæ præsentari Episcopo, cum pacto quod eius Ecclesiæ portionem nullam recipiet, at hoc est ius spirituale pro temporali relinquere, quod est Simonicum.

Secundæ probationis solutio, nihilo est priore difficilior.

Primo enim dicendum videtur, ex bulla Pii II. argumentum peti firmum nullum posse; nam cum non sit recepta extra Italiam, ex ea obligatio manare in nos nulla potest.

D Secundo, ut esset hæc Pii II. Extrauagans, moribus recepta, nullum tamen nobis ex ea in præsentari præiudicium timendum foret, in eum enim animaduertit, qui ordines sine Reuerendis suscipit, quod non facit, qui patrimonium, aut beneficium simulatum ad Episcopum cum attulisset, ab eo dimissorias literas obtinuit, et si per fraudem, non tamen sine eius licentia, quod si se hic deceptum super eius patrimonio queratur, aut titulo, sibi imputet cui incumberebat ex officio discutere, ecquid asserens, vera narraret necne.

E Quid si pactum intercedat Clericum inter, & alium, quod patrimonium, super quo ordinari satagit, ei restituet illibatum, & integrum, nec ab eo victum petet?

Respondend. valere pactum & à promittente implendum in foro conscientiarum, nec ideo tamen ordinatum suspensum esse, Turrian. lib. de censur. 5. disput. 46. dub. 1. Fornarius ca. 8. num. 8. de ordine.

Ratio est, quod pœnæ constitutæ in ca. per tuas de simonia, non procedunt in casu, quo

BBb ij

quis patrimonium constituit promouendo, cum pacto fiduciario de eo retrocedendo, aut fructibus illius, quia tam canon ille quam penult. loquuntur de accommodato beneficii titulo *Theſaur. in par. 2. prax. verbo Ordo ca. 11. Tolet. lib. 1. ca. 35. num. 134. Quaranta verbo Ordo parag. verbo resolutiue.*

Secus tamen sentiendum in Nauarri & aduersariorum opinione, quia ordinatus cum tali pacto perque se habet, ac si sine titulo aut patrimonio ad ordines promotus esset.

Quid si de facto restituatur ac vere?

Si patrimonium fictum erat, valebit retrodonatio in foro conscientie. *Stephan. de Auila 3. disp. 5. conclus. 3.*

Primo, quæ nostri non sunt iuris, sed alieni, hæc veris restituenda sunt dominis, patrimonium quod fingitur dari, nec datur tamen, non est nostrum sed alterius, ergo, &c.

Secundo, quod res sua priuetur, qui dare se illam futuro Clerico ad victum mentitur, ac fingit, pœna est, ergo imponenda à iudice per sententiam, non ab initiando, aut initiato Clerico, reddere ergo ei est licitum, quod ab amico verbo tenus beneficium recipit, aut patrimonium.

Dixi in foro conscientie, nam in externo, donans eo priuabitur, & retrodonatio ordinati rescindi ab Episcopo poterit, aut alio, in pœnam fraudatæ ac deceptæ per eum Ecclesie, si vero patrimonium verum erat donatio tam ante quam post susceptos ordines non valet, quia Trident. *sess. 21. ca. 2. ad eius validitatem exigit consensum Episcopi, sine quo ait patrimonium donari non posse, ergo cum hæc dictio nullatenus nullitatem ipso iure inducat, iuxta Gloss. Clement. 2. de sequestratione, quam sequitur Nauar. supra Henric. lib. 13. de excomm. ca. 28. Auila supra, donatio patrimonii, super quo quis est ordinatus, ab eo facta, non valebit, nisi fiat pœsione sibi ex eo reseruata, quæ ad victum sufficiat, aut dictum patrimonium restituatur, acquisito beneficio,*

## QVÆSTIO XX.

*An promoti per saltum, iure sint suspensi.*

**A**ffirmatiua multis placet quod in *ca. 1. 2. & 3. de eo qui furtiuè suscipit ordines, Alexand. III. Lingon. Episcopo & aliis prohibeat ne sic promotos in sacris ordinibus ministrare permittant.*

Negatiua tamen est probabilis, tutaque in conscientia, eiusmodi nempe homines suspensos vere non esse, sed suspendendos,

**A** proindeque nec irregulares fieri, si in suspensione celebrent, peccaret tamen, quia in legem Ecclesie committunt, nec Pontificibus obediunt, dixere Tabiena *verbo irregularitas 4. Henric. lib. 13. ca. 35. parag. ultimo, habetque expresse can. sollicitudo primus dist. 52. vbi Alexand. II. Constantinop. Episcopo scribit in hæc verba, Nos charitati tue mandamus, vt ab officio Sacerdotali eum prohibeas, donec proximo quatuor temporum ieiunio, Subdiaconatus ministerium sibi rite imponas.*

Quæ verba sententiam haud dubie ferendam, non latam sonant.

**B** Secundo, dixere quoque sic ordinatos, impeditos esse, ne licite in receptis ordinibus per saltum ministrent, donec accipiant ommissum, ita Canonistæ apud *Tolet. lib. 1. ca. 71. num. 7. Angel. verbo irregularitas 1. num. 36. Armilla eod. numero 68. Tabiena eod. 4. parag. 4. conclus. 5.*

Tertio, indicant verba citata promoueri per saltum, idem esse, ac omisso inferiori ordine, superiores recipere.

Quarto, fieri id validè, non tamen licitè, nec proinde iterari oportere, eo quod superior, virtualiter inferiorem contineat, *Nauar. ca. 27. nu. 242. Tolet. lib. 1. ca. 71. num. 8. Scio Canonistas secus sentire ac dicere, apud Henric. in ca. 1. de Cleric. per saltum promot. cum ordines collatos ante tonsuram inanes esse, nullosque tradunt, proindeque iterandos, sed contraria sententia, vt pote Doctorum communis, est tenenda, Theſaurus praxis Eccles. parte 2. verbo Ordo ca. 13. quemadmodum & Canonistarum de suspensione incurrenda, non incurſa, promotione Clerici per saltum.*

**D** At enim (inquies) *Trid. sess. 23. c. 14. Episcopis permittit vt ex legitima causa cū ita promotis dispensent, quod superflue sane fieret ac sine causa, si illi suspensi non forent.*

Respondendum, eam concessionem de his intelligendam videri, qui per sententiam iudicis ab suorum sunt vlu ordinum remoti.

Vt vt sit, constat pœnam hanc non incurri à promoti per saltum in minoribus, quia expresse de Subdiaconatu loquitur *can. sollicitudo cit. de Diaconatu autem ca. 1. extra de Clerico per saltum promoti, at quæ de vno dicuntur, non sunt hæc sine causa desectenda alio, vt notauit Nauar. lib. 3. consil. consil. de voto 4. nec in odiosis pœnas extendi conuenit, sed restringi. Idem consil. 3. de temp. ordin. num. 2. iuxta secundam editionem & consil. 28. de sen. iuxta primam.*

## QVÆSTIO

## QVÆSTIO XXI.

*An ordinum collatio sine reuerendis ordinarij, suspensionem iure factoque annexam habeat.*

**D**ico primò, *Videri mihi probabile in Gallia locum suspensioni in eos latæ, qui ordinantur sine literis dimissoriis nullum esse, etsi cum his iniunctos alieno Episcopo se tradunt peccent mortaliter.*

Partem primam commendauere scriptis suis Suar. disp. 31. sect. 1. num. 4. Ioan. Andr. in ca. quod translatus de temporib. ordination. Nauar. conf. 27. nu. 3. eod. tit. probatur.

Ordinati sine dimissorijs ipso facto non sunt suspensi nisi per Extrauag. Pii II. relatum à Rebuffo parte 2. praxi beneficiarij et tit. de Clericus male promotis & per Trid. sess. 23. ca. 8. at nec illa, nec istud, in Gallia sunt recepta prouincijs, ergo ne hæc suspensio, Rebuffi sunt hæc verba: *promoti ab alieno Episcopo sine dimissorijs ad sacros ordines, suspensi sunt ab ordinum executione quoad se, non alios, quod si interim in eisdem ordinibus susceptis ministrent, non incurrunt irregularitatem de iure.* Ioan. Andreæ idem iudicium cum in ca. quod translatus de temporibus ordinationum, hanc pœnam suspensionis aliunde quam ex constitutione Pii II. non aduocet, cum ergo sit hæc in Gallia & Hispania sine vi & momẽto, vt scripsit Nauar. lib. 1. consilior. consil. 1. de temporib. ordinationum, non est illatura pœnam suspensionis ipso iure ac facto,

Opponunt aduersæ partis defensores ac patroni quod est in Concil. Nicæno can. 17. sancitum his verbis: *Si quis aliquem qui ad alterum pertinet, ordinare ausus fuerit in sua Ecclesia, cum non habeat consensum ipsius Episcopi à quo recessit Clericus, irrita erit eiusmodi ordinatio hoc est vt 9. q. 2. can. 1. Gelasius Papa ait, nullas vires habitura, quod à Sardicensi quoque Concil. can. 19. ab Antiocheno can. 21. statutum video, quare cum ordinationem esse irritam, idem sit ac executionem eius impeditam esse, sequitur ordinatum sine literis dimissorijs, hoc est vt loquitur Concil. Antioch. supra, sine consilio & voluntate regionis illius Episcopi, vnde est oriundus Clericus, suspensum esse, quæ est etiam Concil. Trident. sanctio sess. 14. ca. 2. & 23. ca. 8. de reform. vbi sic ordinatum ab exercitio ordinis suscepti, ad beneplacitum proprii Episcopi suspendit.*

Respondendum primo, habere citatos canones ferendam sententiam non latam, nam primus verbo futuri temporis. *Erit* est conceptus, non præsentis.

**A** Secundo, dicendum, Concilij mentem in eo esse, non quod ordinatus, ordinibus eorumque vsu careat, sed quod celebrando peccet, antequam proprius Episcopus eam ordinationem ratam habuerit, nõ tamen quod sit suspensus, aut irregularis, ita Glossa in ca. eos de temporib. ordination. verbo statuit, Suar. disp. 31. sect. 1. num. 14. Armilla verbo Ordo num. 16. & alij apud Thesaur. in praxi verbo Ordo ca. 16. qui hanc sententiam tam de promoti ad sacros ordines, quam minores & primam tōsuram, ait esse probabilem, & proinde factam ei collationem de beneficio validam esse, in quo ei assentiuntur Nauar. cap. 27. & consil. 29. num. 1. de temporib. ordinar. Guido Papæ decis. 449.

Ad id quod additur renouasse Patres in Trident. Concilio ius antiquum, quo sine literis Episcopi dimissorijs, ordinati de facto suspensicerant.

Respondendum, minorem falsam esse, nam per illud sic promotus (vt ostendimus) suspensus non erat sed suspendendus Toleto teste lib. 1. ca. 49. & habetur expresse, extra de tempor. ordin. ca. quod translationem 11. & de officio Archidiaconi ca. significasti 8. vbi Pontifices à sacris ordinibus, eorumque vsu remoueri imperant, ordinatum ab Episcopo alieno, sine proprii licentia, quam commendatitix id est dimissoriæ cōtineant. Innocentii III. in ca. quod translationem 11. sunt hæc verba. *Cum Clericus Græcus Episcopo Latino subiectus, à Græco Pontifice ordinatus, nisi de mandato, vel licentia sui Episcopi fiat, interdicens est ei ordinis executio sic suscepti, tanquam ab alieno Pontifice, sine mandato vel licentia sui Episcopi ordinato, ca. autem significasti 8. de officio Archid. hæc habet, interdicas Archidiacono tuo, ne sine conscientia tua, & auctoritate, literas suas promouendis concedat, & eis etiam præcipias, ne ad ordines andræant conuolare, quod si contra prohibitionem tuam venire præsumserint, executionem eis ordinum susceptorum totaliter interdicas, est ergo hæc pœna non latæ sed ferendæ sententiæ.*

Contraria tamen opinio est in praxi tutior, ob decretum recentiorum Pontificum, à quibus ipso sunt facto suspensi saltē Ultramontani; ab Episcopo tam Citramontano, quam Italo, sine literis dimissorijs sacris iniuncti ordinibus, quam pœnam sibi quoque reseruata volunt,

Dixi (sacris) nam non sacrorum susceptio, suspensionem adnexam non habet quia in Bulla Pii II. de anno 1455. sacrorum fit mentio, at vnius expressio alterius est tacita negatio ca. nomine de præsumpt. cum si de sacris quoque constitutionem suam intelligi voluisset Pontifex, eius rei monumentum



haud dubiè aliquod verbo vel scripto dedisset *ca. ad audientiam de decimis*, quod cum sibi agendum non crediderit, argumento est pœnam hanc ad minores non pertinere ordines.

## QVÆSTIO XXII.

*An qui concubinam domi sua alit, iure sit suspensus.*

**I**Nhunc sensum ferme Doctores omnes coeunt, concubinarium publicum, seu notorium, qui est Sacerdos, vel etiam non Sacerdos, modo sit Clericus iure antiquo suspensum esse.

Præcipui sunt Archidiaconus in *ca. postremum de cohabitatione Clericorum & mulierum*, Turrecremata in *can. præter dist. 32. Panorm. in ca. vestra de cohabitatione Clericorum & mulierum num. 6. Innocent. in ca. vestra eodem tit. & in calce commentarii vbi sic ait, notorii fornicatores sunt suspensi ipso iure.*

Affirmant idem Diu. Antonin. in 3. parte tit. 27. *ca. 3 Sylu. in verbo concubinarium qu. 4. Rosella in verbo Clericus 3. num. 2. Angelus in verbo concubinatus num. 2. Nauar. ca. Enchirid. 25. num. 76. & 77. Rebuff. in concord. titulo de publicis concubinar. Maiolus lib 5. ca. 37. Boerius decis. 558. Comitol. lib. 1. responsion. qu. 57. & lib. 16. qu. 42. Tolet. lib. 1. ca. 47. verbo aduerte 2. Felician. de suspens. ca. 14.*

Mea tamen est opinio, concubinariū ipso facto, iure nouo suspensum non esse, sed suspendendum, author ita mihi sentiendi, Hurtado de suspens. difficult. vltima nu. 4. Couar. in Clement. si furiosus 1. parte parag. 1. num. 5. vbi sic loquitur, non audeverem secundum eam iudicare quenquam irregularem, tamen si consulerem ut dispensatio peteretur à Romano Pontifice,

Stat à Couarr. Scotus in 4. dist. 13. q. 2. art. 1. non longe ab extremo, nam cū neget eum Presbyterum irregularem esse, qui tenet concubinam, & interim celebrat, dicere quoque debet, ei suspensionem timendam nullam esse, nam si ipso iure foret suspensus, celebrando irregularitatem contraheret. Cum utroque sentiunt Laym. lib. 1. tract. de irregul. ca. 4. num. 11. Suar. disp. 31. sect. 4. num. 1. Bonac. tract. de susp. q. 7. parte 4. num. 2. Lambertinus de iure patronat. p. 1. lib. 2. q. 1. art. 20. Thesaurus 2. par. praxis verbo concubinatus primo.

Firmamentum opinionis huius primum est, quod canonica lex sit nulla, quæ directè ea pœna concubinam publicam afficiat, & si aliquando fuit aliqua, modò tamē exoleuit, planeque in usu esse desit. Medina, in sum-

ma lib. 1. ca. 11. parag. 8. Suar. disp. 31. sect. 4. Thesaurus supra, hodie, inquit, illa suspensio est desueta, & nullam censuram incurrit concubinarium publicus.

Secundum quod Concil. sess. 25. ca. 14. de reform. concubinariorum eiusmodi si Episcopis sunt inferiores, suspensione coercendos esse dicat quoad Ordinarius, uti sedis Apostolicæ delegatus arbitrat, quod ab eo dictum foret superflue, ac sine causa, si iure illi factoque suspensi essent.

Hanc nobiscum sententiam docent Turrian. lib. 5. de censuris dist. 46. dub. 5. Gutierrez in questionibus canonicis lib. 1. cap. 5. num. 43. Auila parte 3. dist. 5. dub. 2. Et quanquam ob facti infamiam scortator Clericus, & fornicator notorius, pœnam mereantur, non sunt tamen præcisè, ob hanc facti infamiam irregulares, sed tantum ob notorium adulterium, ut ait Henric. ca. 36. qui addit consuetudine interprete, ob notorium concubinatum non incurri suspensionem ante iudicis monitionem, quæ aperte à Trident. Synodo docetur sess. 21. cap. 6. & sess. 25. cap. 14.

utrobique de reformatione, sic enim illa in cap. citato. Si à superioribus moniti, à concubinis non se abstinerint, tertia parte fructuum, obuentuum ac proventuum beneficiorum suorum, ipso facto sint privati, quæ fabricæ Ecclesiæ, aut alteri pio loco arbitrio Episcopi applicetur, sin vero in delicto eodē cū eadem, vel alia femina perseverantes, secundæ monitioni non paruerint, à beneficiorum suorum administratione, quoad ordinarius arbitrat, suspendantur, & si ita suspensi, nihilominus eas non expellant, aut cū iis etiā versentur, tunc beneficiis, proventibus, pensionibus, officiis quibuscunque priuentur, & inhabiles, &c.

Vbi notandum primo, quod etsi ipso facto, fructuum parte tertia privati dicantur, sitque proinde hæc pœna latæ sententiæ, non obligare tamen ante sententiam declaratoriam vel condemnatoriam, ita Thesaurus supra n. 4. & apud eum Garcias parte II. ca. 10. num. 190. Sanch. tom. 1. in Decalog. lib. 2. cap. 5. num. 10.

Notandum secundo, cum Lucii III. testimonio in decretali vestra quæ est septima tituli de cohabit. mulier: crimen notorium sit, de quo Presbyter canonice condemnatur, aut quando non diffitetur, Clericus concubinarium erit notorius ex *ca. quesitum de cohabitatione Clericorum & mulierum*, qui vel in iudicio de tali crimine conuictus, confessusue est, vel qui ita viuit, ut eius concubinatus nulla possit tergiversatione celari, nec proinde suspendendum, nisi peccatum eius sit notorium per sententiam, seu confessionem factam in iure, aut per euidentiā rei, quæ tergiversatione celari non possit, Greg. IX. ca. quesitum cit.

Addit

**A** Addit Leo X. in constitutione qua incipit in eminenti de anno 1516. eos quoque esse publicos concubinariorum, qui mulierem de incontinentia suspectam, & diffamatam tenent, & per suum superiorem admoniti, eam reipsa non dimittunt, Publici, inquit, Leo X. in concordat. titulo de publicis concubinariis, intelligendi sunt. non solum hi quorum concubinatus per sententiam, aut confessionem in iure factam, & per rei evidentiam, quæ nulla possit tergiversatione calari notorius est, sed etiam qui mulierem de incontinentia suspectam, & diffamatam tenent, & per suum superiorem admoniti, ipsam cum effectu non dimittunt, quid autem sit in hac materia Galliarum proprium, declaravit Leo X. ibidem.

Vult enim concubinariorum post habitam constitutionis suæ notitiam, quam præsumendi sunt, post menses duos posse acquirere, à perceptione omnium fructuum suorum beneficiorum, trium mensium spatio, ipso facto suspensos esse, Statuimus, inquit, quod quicumque Clericus cuiuscunque conditionis & præcipientia fuerit, qui post præsentium notitiam (quam habere præsumitur, per duos menses post earundem præsentium publicationem in Ecclesiis Cathedralibus) fuerit publicus concubinarius, à perceptione fructuum omnium beneficiorum suorum trium mensium spatio sit ipso facto suspensus concord. in rubrica de publicis concubinariis parag. & insuper primo, vult insuper ut qui concubini est superior, ubi primum talem eum esse certo nouerit, ei præcipiat, ut intra certum tempus concubinam dimittat, & si illam non dimiserit, vel dimissam, seu aliam publico resumpserit, ipsum omnibus suis beneficiis priuet, hominemque ad quoscunque honores dignitates, beneficia, & officia inhabilem renuntiet: sic tamen ut in eius sit potestate, cum illo in his post dimissam concubinam, vitæque manifestam emendationem dispensare, quod mutato consilio ad priora vitæ studia, libidine sua scæda redierit, tum enim uero vult eum spe omni sublata dispensationis obtinenda in posterum, ad prædicta prorsus esse inhabilem, quæ omnia aliquanto post tempore. diplomate cui initium cum primum Apostolatus, innouauit Pius Papa quintus.

Confirmavit autem Concilium sess. 25. ca. 14. auxitque, nam concubinariorum si beneficia non habuerint, carceris, suspensionis, inhabilitatis ad obtinenda beneficia, & aliis poenis puniri voluit, nulla appellatione obstante, idque summarie, ac sine iudicii forma vlla, quod tamen, non ad Archidiaconos, Decanos aut alios inferiores sed Episcopos pertinere voluit, ut sine strepitu & figura iudicii procedant.

## QVÆSTIO XXIII.

An ipso iure, factoque sit suspensus, qui ordines non seruatis interstitiis confert aut recipit.

**T** Empus intet vtrumque ordinem intercedere aliquod est necesse lege Ecclesiæ, & quidem inter tonsuram, & minores ordines, vnius diei spatium exigunt aliqui ne quis eadem die, Clericus sit simul & Laicus, quod non probant hi Theologi Sayrus de censur. lib. 7. ca. 10. num. 2. Auila 7. parte disput. 9. sect. 1. dub. 4. Thesaur. in praxi parte 2. Verbo Ordo ca. 16. ob eam causam quod de eo non loquatur Concil. praxisque sit opposita Episcoporum omnium, quare qui eadem die, tonsuram, & minores dari sibi ordines patitur, censuram nullam contrahit: Sayrus loco proxime citato n. 22. Suar. nu. 43. disput. 31. sect. 1. incurreret autem, si cum minoribus, sacrum aliquem ordinem susciperet, Nauar. teste ca. 25. num. 71. auctore autem Cælestino III. in ca. 2. de eo qui furtiue ordinem suscepit, ubi de eo consultus qui subdiaconatum cum minoribus, vno eodemque die temerario ausu receperat, respondet in hæc verba: Quia ille Clericus in hoc multum excessit, mandamus quatenus cum in minoribus duntaxat ordinibus celebrare permittas, est ergo à posteriori sibi collato ordine suspensus, qui non seruatis interstitiis, duos eodem die recipit, quorum alter tantum sit sacer, nam ordinati in susceptis ordinibus (duobus maioribus scilicet) de iuris rigore ministrare non debent, Cælest. III. in ca. innotuit nobis 3. de eo qui furtiue ordinem suscepit.

**D** Verum enim, quanta inter vtrumque ordinem fluere temporum spatia est necesse? Minores eodem die dari omnes possunt dispensatione Episcopi Sanch. lib. 7. opuscul. ca. 1. dub. 27. Thesaurus supra, aut sine ea, si ita habet consuetudo prouinciæ Cælestin. III. ca. 2. de eo qui furtiue ordinem, ad sacros autem, non nisi post annum à susceptione postremi gradus, promoueri est licitum: Tridentinum sess. 23. ca. 11. nisi Ecclesiæ utilitas, aut necessitas aliud iudicio Episcopi exposcat.

**E** Dico iam ergo non receptam esse hanc legem, qua iubentur singuli, non nisi seruatis interstitiis temporum, ordinari.

Primo, quia ea sibi seruanda non credunt Episcoporum plerique in Gallia, ut res ipsa per se loquitur.

Secundo quod in eo tempore dispenset Episcopus, cum ante illud explem ad ordines initiandos admittit Portel. in dubiis regularib. verbo suspensio.

Quid? quod Sixti quinti diploma Pontificium, quod id Episcopis iuxta ac Clericis sub suspensionis pœna præcipit, nūquam plebi, nunquam Clericis, Episcopisque innotuit? multominus eorum auctoritate, ac istiusmodi decreti approbatione, vim ac pondus in eorum Diœcesibus habuit.

Quid? quod Gregorius alio diplomate hanc suspensionem sustulit? ut tradunt Suarez de censur. disp. 31. sect. 1. num. 43 Reginald. 10. 2. lib. 22. tract. 2. num. 71. Portellus par. 3. casu 40. num. 1. quod Trident. cui de interdictis præcipere placuit in sessione 23. ca. 13. & 14. eorum custodiam hac severitate pœnæ non mandarit ut ea non seruanti subeunda esset in peccati pœnam suspensio? quare cum quæ scelera legibus non plectuntur, nec hæc à priuatis coerceri supplicio vlllo oporteat, ut tradit Zerola 6. par. praxis Episcopalis verbo Ordo parag. 8. facere mihi illi Antistites recte videtur ac prudenter, cum isti pœnæ locum in Diœcesi sua nullum esse putant.

Obligant tamen hic & vbique suspensiones quæ sequuntur.

#### QVÆSTIO XXIV.

##### Quæ Suspensiones obligent.

**P**rimo suspēdi potest ad arbitrium Episcopi proprii, qui sine literis eius dimissorialibus ab alieno Episcopo ordinari se patitur, tñ Trid. Conc. decreto sess. 13 c. 8. quàm Aurelian. 5. canone 5. Nullus Clericum seu lectionem alienum, sine sui concessionem Episcopi, vel promouere, vel sibi quibuscumque conditionibus audeat vindicare. Quod si quis fuerit hanc constitutionem transgressus, memorata personæ ab honore, vel officio suscepto iuxta arbitrium sui Episcopi suspendantur.

Secundo valet suspensio, quæ Clericis Ultramontanis ordinem suscipientibus ab Episcopo Italo, inflicta legitur à Clemente IV. in cap. sepe contingit primo de temporib. ordination. in 6. vbi est his verbis: Statuimus ut nullus Episcoporum Italia, de cetero Ultramontanum Clericum ordinare presumat, nisi à nobis licentiam specialem habeat, vel ab Episcopo de cuius Diœcesi traxit originem ordinandus, vel in cuius Diœcesi beneficiatus existit, eos vero quos contra præmissa contigerit ordinari, manere volumus absque spe dispensationis super hoc à sede Apostolica obtinenda suspensos, ac ordinantes pœnitentia condigna puniri.

Ab hac censura excusat primo ignorantia inuincibilis, ac vero etiam secundum quosdam, moraliter vincibilis, ennuero ut est in ca. 2. tituli de constitut. in 6. ordinariorum

**A** sententiis per statuta prolatis non ligantur ignorantes, at suspensionis inferendæ communis modus, ac ratio, est per sententiam, ergo cum indefinita propositio (ut aiunt) vniuersali æquiualeat, non de excommunicatione modo, sed suspensione & interdicto, intelligenda erit Bonifacii sanctio.

Confirmatur, non nisi contumaces censura afficit, Nauar. teste ca. 27. num. 59. at legis, at iuris inscius, quo factum aliquod suspensione plectitur, non est contumax, non superiori, eiusque iussis immorigerus, ea ergo non tenetur.

**B** Confirmatur, cum culpam sibi aliquam absoluendam, in eius odium referuat Pontifex, ut fecit Sixtus quintus delictum male promoti ad ordines, qui legem ignorat inuincibiliter, qua tale facinus iuris sui esse vult, ab ea est pœna liber, quam à transgressore subiri illi placuit, etsi peccare se non nesciat, Portellus in dubiis regularib. verbo ignorantia num. 21. est enim talis reservatio pœnæ, in delinquentis odium posita, ac ignorantia pœnæ, ab ea illos liberat, qui in legem committunt: ergo, &c.

**C** Secundo à suspensione contrahenda ab Ultramontano, ob ordines ab Italo Episcopo receptos, excusat triennalis apud illum commoratio, ad modum domestici, nam tunc per Concil. illum promouere Episcopo est permittum sess. 23. de reform. ca. 9. modo ne sit titularis, nam isti talis est interdicta promotio in sess. citata & 14. ca. 2. de reformatione.

**D** Tertio, excusat Gregor. X. constitutio in ca. eos qui 2. de temporib. ordinar. in 6. qua Clerico licitum esse voluit, ordinum causa adire quemlibet è vicinis Episcopis, quando proprius, id est suus, suspensus est ab eorum collatione in pœnam male ordinari alicuius Clerici, Clericum quoque parochia taliter suspensorum, postquam eorum suspensio fuerit manifesta, absque ipsorum etiam licentia, interim recipiendi ordines, ab aliis Episcopis vicinis, alias tamen Canonicè, liberam concedimus facultatem. Gregor. X. in cit.

Tertio inter suspensiones, & hæc quoque est adnumeranda, quæ ab ordinato incurritur ob pactum, quod ab ordinante necessarios ac utiles traducendæ vitæ commectus, non exigit etsi horum inops sit, ac indigus, huius censuræ author Gregor. IX. in decretali si quis 45. de simon. idemque referuator, hic enim ordinatum, ab ordine suscepto abstinere vult donec dispensationem per sedem Apostolicam obtinere meruerit.

Quarto valet suspensio, ligatque tam hic, quam alibi, incurrenda aut contracta ab eo, qui ad Sacramenta, aut sepulturam eum admittit



misit, qui erat nominatim excommunicatus, vel interdictus ab homine, & publice denuntiatus, talis enim suspenditur ab ingressu Ecclesiæ, donec satisfecerit ad excommunicantis, aut denuntiantis arbitrium, qui contra præsumpserint, (præter alias pœnas iure statutas) ingressum Ecclesiæ sibi nouerint interdictum donec de transgressione huiusmodi ad arbitrium eius cuius sententiam contempserint, satisfecerint competenter, Bonifac. VIII. de privilegiis in 6. ca. Episcoporum 8. locum tamen hæc suspensio non habet nisi contra exemptos si Nauarro est fides, cap. 27. num. 157.

Quinto est suspensus ab ordine, qui sacris initiatur cum pacto, non petendi à Patrono, aut beneficiario, ad cuius præsentationem fuit ordinatus, necessaria ad vitam, cap. penult. de Simon. estque huius suspensionis dispensatio reseruata summo Pontifici ibidem.

Ratio est, quod sit hæc pactio, Simonia coniuncta vitio, ordinatio enim ac præsentatio, quæ sunt opera naturam superantia, componuntur cum re temporaria, cessione scilicet victus, ac alimoniarum, qua contrarius, fasque omne, redimi illa opera placet, quod Simonia labe non caret.

Sexto, qui ordinem ab Episcopo recipit nominatim excommunicato, vel à collatione ordinum suspenso, publicèque denuntiato, aut qui Episcopatu, quo est aliquando functus, nuntium remisit, ab eius est suspensus usu, extra de ordinatis ab Episcopo qui renuntiavit Episcopatu ca. 1. nam ibi Alex. III. vult eum qui à tali aliquo Episcopo, ordines sacros recepit quia indignum se fecit executionem officii non habere, quod est ab eo suspensum esse.

An autem ignorantes, ea quoque pœna afficiat, controuersantur auctores, qui eos sibi non tuendos existimant, cum Cypriano contendunt, omnia quæcunque faciunt excommunicati & heretici, carnalia esse, inania, ac falsa, ita ut nihil eorum quæ illi gesserint, à nobis probari debeat 1. q. 1. can. 70. consequenter nec ordines, quorum actionibus Dei gloriam haud dubiè, salutemque mortalium contineri non nescimus.

Deinde suspensionem hanc pœnam esse negant, proindeque culpam aliquam cum ratione ab his posse sepep̄ exigere, quos ligat.

Ex quo inferunt, ea lege ignorantes non magis quam sceleris expertes & vacuos comprehendi, quod Urbanus Papa II. ab excommunicatis, quondam tamen Catholicis ordinatos, si eorum religiosior vita, & doctrina prærogatiua visa fuerit promereri, in ipsis quos acceperunt ordinibus, permanere sinat, nulla culpæ, aut affectatæ ignorantia, vel Ecclesiasticæ

Pars secunda.

A legis, per eos contemptæ, facta mentione, quod est indicio, censuisse Pontificem, non reos modo, sed & innocentes, ab alienis ab Ecclesia, rescissisque hominibus ordinatos, hac teneri censura posse, proindeque & ignorantes.

Ne ad eorum tamen partes transcam, facit hæc vna ratio, quod nocentes, quod culpabiles, quod Dei aut Ecclesiæ iurium transgressores, pœna duntaxat feriat, non pios, non obsequentes, ergo cum suspensio sit pœna, ad eos non perueniet, sed ignorantia, eaque maxime quam probabilem nominant, non modo culpam, sed eius quoque suspicionem omnem, ab operante dimouet, non est ergo à suorum executione ordinum suspensus, qui eos sibi ab homine, quem nesciebat excommunicatum, aut suspensum esse, conferri est passus.

Ita nobiscum Turrianus de censuris lib. 5. disp. 46. dub. 2. Diana par. 5. tract. 15. resol. 39. Atenim (inquies) ordinatos quoque non scienter, suspensos esse Alexand. asserit, ca. primo de ordinatis ab Episcopo, &c. non est ergo ignorantia de earum genere rerum, quæ ab hac suspensione liberant.

Duplex est ignorantia, inuincibilis vna, crassa & vincibilis altera, excusat prior, non secunda, & de ea tantum Alexandro in sua decretali est sermo.

Porro in hac suspensione à sciente contrafacta, dispensat solus Papa, ubi autem non scienter, nisi crassa & supina fuerit negligentia, discretus Pontifex dispensare poterit, Alexand. III. ca. 1. de ordinatis ab Episcopo qui renuntiavit Episc. & ca. 2. eiusdem tit. Gregor. IX. cum clericis qui ab excommunicato Episcopo ignoranter, inquit, ordines receperunt, per suos poterit Episcopos dispensari.

Septimo, ipso sunt iure, & facto suspensi, qui in consequendo sacro ordine Simoniam admisere, qua de suspensione, Summistæ pleraque satis implicare colligunt, ex toto tit. de Simonia, quàm benè nihil ad præsens negotium, legendi Viuald. de suspensione & num. 16. ad 43. Felicianus ca. 14. Henricus lib. 13. ca. 37. Sylu. verbo suspensio num. 7. Co-uar. in ca. si furiosus 1. parte parag. 1. n. 7. & alii.

E Dico ergo breuiter ex Bulla Pii V. quæ incipit cum primum Apostolatus, in qua constitutiones præcedentium omnium Pontificum, contra Simoniam renouat, præsertim autem Pauli II. quæ habetur extra cum detestabile de Simonia. Dico inquit 1. Qui Simoniam in consequendis ordinibus commisisse est conuictus, eo ipso ab illorum executione, per decennium sine spe dispensationis suspensus esse, & per annum carceribus mancipandus, ita Põtifex quæ ut patet de foro exteriori, magna ex parte debet intelli-

CCc



gi, at Paulus II. decernit vt simoniace ordinati, tã manifesti, quam occulti, à suorũ sint Ordinũ executione suspensi, nec hoc modò sed vt explicat Henriq. in loco cit. num. 3. in fine, Sylu. verbo suspensio num. 7. Versu primo & tertio, Viuald. nu. 36. etiam ab ordinibus prius rite susceptis, & à superioribus accipiendis eos vult impediri, deinde vt eiusmodi culpæ absolutio summo sit Pontifici reservata, sicut excommunicationis, quæ ipso facto incurritur, & irregularitatis dispensatio, si suspensio, & excommunicatio violatæ fuerint, per celebrationem sacrosancti sacrificii, patet id totum, ex eadem Extrau. Pauli II. cui Diu. Antoninus in tert. part. tit. 27. ca. 2. Comitol. l. 6. q. 41. assensu leguntur.

Quid si ordinatus ab eo qui contulit ordinem, aut amico seu consanguineo suo admittam esse Simoniam ignoret? Cum eo dispensare ordinator non poterit, sed eius successor, vel ordinarius, qui Diocesi præerit, in qua sic ordinatus habebit beneficium, ac domicilium, quod si seculus Simonie erit admissum ab ordinato, ordinante inscio, poterit huius concedere, vt ministret, non in eo ordine, quem per labem Simonie recepit, sed alio rite suscepto ad superiores tamen nũquam ascendet. Comitol. lib. 6. q. 41. responsio. Sylu. & Henriq. loco cit. & mediatores incurrunt excommunicationem Papæ reservatam Paulus II. ibid. huc pertinet illa Simonia quam castigat Gregor. IX. ca. penultimo de Simonia, scilicet vt qui cum pacto, de non petendis ab ordinante alimentis, est ordinatus, sit suspensus ab ordine sic suscepto, donec cum eo à sede Apostolica dispense, est enim huiusmodi pactum, vt dictum est antea simoniacum docentque Henriq. ca. 37. initio & Sylu. verbo simon. n. 8. Versu 5. & ratio est quia remittitur temporale, pro spiritali consequendo, nẽpe annua pensio, aut ius exigendi ab Episcopo alimenti, quod sine dubio est temporale, pro re spiritali, ordine scilicet sacro.

Dico 2. Quicũq; ordines simoniace cõfert de iure cõmuni antiquo, à collatione ordinũ omnium est ad triennium suspensus, vt ca. penult. de Simon. vel alii loquuntur in perpetuum Thesaurus verbo Simonia ca. 5. & vbi Bulla Sixti V. 91. sanctum & salutare, est in vñ, est etiam ab executione munerunt Pontificalium suspensus, & ab ingressu Ecclesiæ interdictus quod interdictum Papæ est reservatum Sixtus V. in Bulla 9. contra male promotos.

Dico tertio, Quemlibet etiam occultum beneficii, vel officij, aut dignitatis collatorem simoniacum, & mediatorem, prater excommunicationem Papalem, ab executione ordinum suspensum esse, l. q. 1. can. 109. omnesque eius prouisiones,

A confirmationes, ipso quoque iure esse nullas: Ita Mart. V. in Extrauag. quæ incipit, sacro, & alia quæ incipit, damnabilis, quas refert Syluest. verbo simon. n. 19. Versu 3. est, quibus consentanea prorsus est Pauli II. Bulla in qua, hanc pœnam, communicari vult eũ omnibus qui dando, vel accipiendo quomodolibet simoniam commiserint, sed illud quomodolibet ad solos simoniacos in ordine vel beneficio restringendũ esse dicunt Sylu. loco cit. & Nau. c. 23. num. 111. Versu septimo, quod nullum Henriq. lib. 13. ca. 37. num. 3. littera T. clarissime B Urbanus Papa in Concil. Placent. can. 3. & 4. Qui scienter à simoniaco se consecrari (imo excommunicari permiserint) eorum consecrationem omnino irritam esse decernimus, hoc idem statuerunt Alexand. II. & Nicola. vt refertur l. q. 1. ca. de catero 109. & can. 119. eiusl. q. & cause.

Est ergo suspensus ipso iure qui scienter ordinatur à simoniaco, non autẽ bona fide, aut ignoranter l. q. 1. can. 108. similiter & qui in obtinendo Ecclesiastico beneficio simoniacam fraudem admisit, nam quod in C Papæ censuram eamque reservatam incidat, res est Doctorum fere omnium, confessione ac Pauli II. in Extrau. cum detestabile testimonio certissima.

Ferè dixi, nam eũ licet simoniacũ in beneficio suspensum esse negat Nau. in manuali ca. 23. n. 111. dicto 3. verum potior nobis esse debet summorum Doctorum opinio Diu. Thom. in 2. 2. q. 111. art. 6. ad 1. his verbis: Si verò sit Simoniacus, quia obtinet ordinem simoniacũ, vel quia dedit, vel recepit beneficium simoniace, vel fuit mediator simonie, si est publicum est ipso iure suspensus, & quoad se, & quoad alios, sed quando est occultum, est suspensus ipso iure, quoad se tantum, & non quoad alios. In huius viri sententiam pedibus concesserunt hi omnes, Paludan. in 4. dist. 25. q. 5. arti. 1. conclus. 2. Turrecremata in canone statuimus l. q. 1. num. 4. Antonin. in 2. part. tit. 1. ca. 5. parag. ult. art. 6. Sotus lib. 9. de iustit. q. 8. art. 2. Maior in 4. dist. 25. q. 7. Angel. in verbo simonia 6. num. 6. Rosella eodem 6. num. 1. ad quartum, Panormit. in cap. tanta, & cap. per tuas de simon. & quidem si beneficium est simplex, aut occultum est crimen, aut notum, si fuerit (inquit Comitol. lib. 6. q. 41. occultum, beneficiarius suspensus est, quoad se, quoad alios autem suspendendus & Episcopus dispensare potest, sicut & in minoribus ordinibus in quibus facta est simonia, Felician. ca. 14. de suspens. Adde tu, inquit Comitol. supra, si probatum erit, & si abdicat se Sacerdotio, per flagitium simonia adeptus, agatque pœnitentiam, post hanc perpetratam, vñ suo ordine, aliisque beneficiis legitime impetratis poterit, quod si crimen manifestum sit, tam quoad se quam quoad alios suspensus erit.

Hæc

Hæc ille quæ confirmantur hoc argumento.

Est suspensio à beneficio, censura, quæ à fructuum eius perceptione beneficiarium remouet, simonia impedimentum hoc inuehit, paritque, nam in *Extravag. cum detestabile*, decernit Paulus, ut electiones, collationes, presentationes & alia prouisiones beneficiorum, per simoniam realem factæ, nullum ius tribuant, & ut prouisi fructus suos non faciant, sed sub periculo anime suæ, ad horum restitutionem teneantur, est ergo simoniacus in beneficio, ab eo suspensus iure & facto, esse quoque suspensum ab actibus omnium ordinum scripsit *Fælician. de suspens. ca. 14.*

Cum eo dispensabit solus Papa, si simonia erit publica, vel deducta ad forum contentiosum, & consentiente beneficiario concepta, *Lessius lib. 2. ca. 35. dub. 25. num. 140. Fælician. supra*, si occulta, cum eius conficere dispensare posse Episcopum, dixere Syluest. & Comitol. loco citato, dummodo ad eum sceleris contagio non pertineat.

Causæ sic sentiendi duæ.

Prima, quod nusquam eam censuram Papa sibi referuatam voluerit, saltem quod constet.

Secunda, quod etsi olim iuris illam sui fecisset, cessat tamen hæc eius reseruatio, concessione Concilii *sess. 24. ca. 6.* sub nomine suspensionis, irregularitatis, vel casus occulti, ita *Less. supra, Henriq. lib. 13. ca. 36 de excomm.* dispensare ergo cum simoniaco occulto, ut beneficium retineat circa quod simonia est commissæ, Episcopo licitum, quæ tamen ab iis dicta, de simplici beneficio tantum intelligi debere, probat *Sylu. verbo suspensio num. 7.* eo quod in *ca. nobis fuit 27. de simonia, & ca. penult. de elect.* habeatur indulgere Episcopum non posse simoniaco in beneficio, ut ei prælatura concedatur, quo ignorante, fraus fuerat admissa simoniæ, in eius collatione, sed tantum simplex beneficium, est ergo veræ *Sylu. & Doctorum aliorum animaduersio.* Habet his consentanea *Fælician. in ca. 14. de susp. si simonia*, inquit, est commissæ ignorante beneficiario, nec. *Ullus dolus Simoniæ est in Episcopo; dispensare cum ipso potest in beneficio talis Episcopus, postquam candide ei beneficium fuerit renunciatum, atque etiam ut ministrare possit in ordinibus, ante post beneficium susceptis.*

Quod si simonia committatur circa exequias, sepulturam, officia, consecrationem cæmeterii, aut vasorum, venditione Chriftatis, in his post factam pœnitentiā secundum *Fælicianum de suspensione ca. 14.* Episcopus dispensare potest, & si huiusmodi Simonia est occulta, eius opinione non fit irregularis qui suspensioni prædictæ contrahent,

A sed tantum cum est manifesta.

Similiter dispensat Episcopus cum ordinato simoniacè, quando eo ignorante, à consanguineo, eius causa commissæ est simonia, dummodo ipse admissæ tum culpæ conscius non fuerit, nam si ipse in ordine conferendo peccauit, in gratiam ordinati nihil poterit, eius successor cum eo duntaxat dispensabit, aut alius Episcopus, in cuius Diœcesi ordinatus domicilium suum constituet. Et quoniam pœnæ non sunt extendendæ, etsi qui simoniace ordinem suscipit, ab eo sit suspensus, non tamen est, quoad ea quæ sunt iurisdictionis, quare si antea poterat excommunicare, vel absolueret, & alia id genus facere, poterit & suspensus ab ordine.

Insuper peccare, ac suspensionis laqueo implicitum esse existimo, qui contra legem Concilii prohibentis, ne quis sine proprii Parochi facultate, sponso matrimonio coniungere, aut benedicere audeat, utrumque tamen facere non veretur, quod ipsum, mecum ut credant, quibus res ipsa est ambigua minusque certa, eo quod non sint decreta Concilii recepta in Gallia, facit hæc vnica ratio.


Est Concilii sanctio de matrimonio clam non contrahendo, rata, plenaque roboris, ac firmamenti in Francia, ergo & constitutio, quæ in eos Presbyteros animaduertit, qui diuino timore postposito, in animarum suarum periculum, sine proprii Parochi licentia, sponso, eorumque pollicitis de coniugio mutuis, intersunt, ut enim lege quæ finem præcipit, eadem quoque indirecte iubentur media, sic illa admissa, & eam quæ est de mediis, non improbari ac reici, sed admitti ac volentibus recipi animis est necesse, alioqui prior illa de fine, inanis esset, sine vi ac robore, cum pauci eam sibi seruandam ducerent, violarent spe impunitatis plurimi, quare mihi verba Concil. de matrimonio cogitanti, probabile est, Presbyterum qui contra eius legem, Ecclesiæque consuetudinem, benedictionem sponso impertitur, & ita se contrahendi matrimonii testem, ac benedicendi ministrum exhibet, in censuram suspensionis incidere, nam in constitutione illa cauetur, his verbis: *Quod si quis Parochus, vel alius Sacerdos, sine regularis, siue secularis sit, etiam si id sibi ex privilegio, vel in memorabili consuetudine licere contendat, alterius Parochiæ sponso, sine illorum Parochi licentia, matrimonio coniungere, aut benedicere ausus fuerit, ipso iure, tandem suspensus maneat, quandiu ab ordinario eius Parochi, qui matrimonio interesse debebat, seu à quo benedictio accipienda erat, absoluitur, Trident. sess. 24. ca. 1.*

CCc ij

Dices constitutionem Concil. eos duntaxat notare, qui id sibi ex privilegio, vel immemorabili consuetudine licere cōtendunt; quod minime videtur in omnes Sacerdotes cadere, rudes maxime, nec satis scientes legum Ecclesiæ.

Respondendum primo, crassam & supinam eiusiuris ignorantiam, quod cerdonibus, & rusticis, in hac luce temporum, non est incognitum, Sacerdoti ad culpā, eiusque pœnam evitandam, prodesse non posse, æquatur enim dolo à Doctoribus, idcirco mihi oppido est verisimile, tueri se decreti nescientia, ignorantiaque, Sacerdotem nullum nec debere, nec posse,

Respondendi secundo potest, Sacerdotem cum alterius Parœciæ sponso, sine illorum Parochi facultate, matrimonio coniungere, aut benedicere audeat, si non verbo ac lingua, re tamen ac opere contenderet acite, id sibi licere, itaque cum taciti, & expressi vis sit in iure eadem, quin in eam legem peccantes Presbyteri, suspensionis vinculo sint astricti, uti sanxit Concilium: non ambigo.



## EPITOME TRACTATVS DE SVSPENSIONE.

### CAPVT PRIMVM.

#### Quid sit Suspendio.



**S**T huius vocis *Suspendio* potestas in iure multiplex, interdum enim idem sonat ac impedimentum, ita Gregor. nonus in cap. *quasitum* 10. de cohabitatione mulierum ait, quemlibet pro mortali peccato, quoad seipsum esse *suspendum*, non tamen evitandum in officiis, quia quantum ad alios, etiam in casu proposito *suspendus* non est, hac enim oratione significat, res sacras, Missæ vero sacrificium præ cæteris, ei vitandū esse, quem culpa mortalis Deo exosum reddit, ab ea tamen impediri fidelium neminem, quo minus cum eo, res negotiaque libere habeat.

Secundo idem valet interdum *suspendio*, quod excommunicatio maior, eaque latæ sententiæ, opinione Palud. in 4. dist. 11. q. 1. art. 2. Maioli de irregular. lib. 3. ca. 16. parag. ex iis

**A** igitur. Alterii tract. de suspens. disp. 11. c. 3. colum. 2. ut enim nonnunquam in antiquis Pontificum literis, excommunicationis nomen, pro suspensione capitur, ut notant Glossa in can. *decernimus* 18. distinct. Sylu. ver. *suspendio* parag. 6. Tabiena num. 7. & Henric. lib. 13. ca. 38. num. 3. ita *suspendio*, excommunicationis loco usurpatur ab iisdem: Thesaurus teste in parte 2. prax. Eccles. verbo *Concilium* ca. 2.

**B** Tertio, *suspendio* idem est, sæpenumero ac priuatio, at cuius rei? communicationis cum Deo in augustissimo Sacramento, aut colloquio ac cōgressu cū hominibus in cōmuni vita, notionis primæ ex eplū suppeditat Romana Synodus sub Zacharia can. 9. qui refertur, in can. nullus *Episcopus* 57. de consecrat. distinct. 1. ubi sanctè ac religiose prohibetur Pōtifex, ne quis cum ad *Missarum* solemnia celebranda ingressus fuerit, nisi passio interuenierit, ullomodo audeat data oratione recedere, ut ab alio *Episcopo*, aut *Presbytero* *Missarum* solemnia suppleantur, quod si quis *presumpserit*, præter quod posuimus agere, inquit Zachar. citatus paulo antea, à sacro corpore, & sanguine Domini nostri *IESV Christi* sit *suspendus*, hoc est ut ego

**C** interpretor, priuatus, in eundem trahi sensum debent, quæ ab Arelatensi Concil. 2. sub Syuestro sunt scripta can. 19. Si quis adesse neglexerit, aut cætum fratrum, antequam dissolueretur Concilium, crediderit deserendum, alienum se à fratrum communione cognoscat, his enim verbis significant *Episcopi*, pro autoritate, qua valebant, cæterorum se cætu Antistitum remouere, ac communicatione cum iis, pro fortunato scilicetque statu Ecclesiæ, exclusos velle, qui ante finitum Concil. domum aut ad suos se reciperet, ita Quaranta verbo *Concilium provinciale*, quæst. 18. numero 7.

**D** Quarto, quod nobis est interdictum, hoc est nonnunquam in iure *suspendio*, sit pro testimonio, exemploque, quod est in ca. 1. de sentent. excommunic. in 6. ibi Innocent. Papa quartus, cum de excommunicatione loquitur, eam non nisi scripto, quod eius infligendæ causam habeat, ferri vetat, cuius scripti exemplum excommunicato detur si exigat, super qua postulatione, instrumentum quoque fieri voluit, sigillo consignatum authenticum, pœna ei qui secus faceret hac addita, *de per unum mensem ab ingressu Ecclesiæ, & divinis officiis sit suspendus*, hoc est Bonacina interprete de censur. in communi disp. 3. q. 5. punct. 1. parag. 2. num. 17. Suar. de censur. disp. 37. sect. 1. num. 2. interdictus ab Ecclesia, vsuque tam actiui diuinorum, quam passiuo.

**E** Quinto (& hæc est propria huius vocis notio apud Theologos,) est *suspendio* censura, Cælestinus III in ca. *querenti* 20. de verbor.



bor. significat, vbi quærenti quid per censuram Ecclesiasticam intelligi debeat, cum in literis Apostolicis ea vox ponitur, respondet per eam non solum interdicti, sed & suspensionis, & excommunicationis sententiam intelligi.

Ita vero sumpta, definitur Censura qua Clericus, ob culpam tam suam quam alienam, à iure, vel à iudice, à beneficiorum vel officiorum, aut ordinum, vel Ecclesiastica iurisdictionis, & quandoque ab omnium, aut plurium executione, ad tempus, aut in perpetuum prohibetur, Breuius est suspensio censura, qua Clerico inhibetur exercitium potestatis, ei competentis, aut debite, ratione officii Clericalis, aut beneficii, aut vtriusque. Censura generis vices explet, quia est pœna medicinalis, non mortalis, disciplinans non eradicans Innoc. IV. ca. cum medicinalis primo de sentent. excomm. in 6. in quo cum interdicto conuenit, particulæ reliquæ ponuntur in ea definitione, loco differentiarum.

## CAP. II.

*Ab excommunicatione, interdicto, & irregularitate, suspensio quid differat, & quomodo.*

Certum est censuras, de quibus facta est in titulo mentio, esse inter se similes in aliquo, dissimiles in plerisque: Inuicem cōueniunt in eo, quod ordinum usu, officioque omnes priuent, nec enim excommunicato operari sacris, litare, psallere in choro cum cæteris publicè, Sacramenta extra necessitatem postulanti dare, fas est conscientiarum, Ecclesiarumque iure, in hoc ergo, ei cum suspensio conuenit. Nec est interdicti causa potior, cum extra certa tempora, de quibus nos postea, templum subire, in eo rem diuinam obire, aut audire, sine culpa nequeat.

Differunt autem, à sese hæ censuræ mutuo, quod etsi re vna, eademque priuent, non tamen modo eodem ac simili: excommunicatio eius usum mortalibus adimit, quatenus est quædam communicatio, per modum societatis cum illis, circa quos versatur, Suspensio vero ut est exercitium, quædamque Clericalis potestatis functio. Interdictum autem, prout est usus ille, bonum quoddam participabile ab aliquo, & non ut est ministerium potestatis Clericalis, aut bonum commune fidelibus inter se, aut vni cum aliis Hurtad. de suspens. difficult. I. numero 2.

Ab irregularitate differt suspensio primo quod illa ad Laicos, Clericosque diffundatur absque discrimine, cum ad Clericos tantum suspensio pertineat.

A Secundo, irregularitas sacris initiandos ab ordinum susceptione, susceptorumque usu prohibet, suspensio non recipiendos, sed obtentorum executionem impedit, irregularitas Ecclesiastica non nisi viros, suspensio fœminas quoque afficit, cum à beneficiis, eaque, quam in moniales, hoc est subditas sibi puellas, potestatem exercent, suspendi interdum Abbatissæ soleant.

B Tertio suspendi non potest, quem Ecclesia beneficio, aut ordine non impertit, cum eius usu rei, impediri nemo nisi ridicule possit ac soleat, quam non habet, facit hoc tamen irregularitas, quæ suo iure non modo ab obtentis, sed obtinendis quoque, Laicos iuxta ac Clericos remouet.

## CAPVT III.

*Suspensio quoduplex.*

Suspensionis autem triplex est genus (Panorm. in cap. sicelebrat de Clerico excomm. ministrante canonistæ in cap. nostra de cohabitatione Clericor. & mulier. vnum quoad se tantum, alterum quoad alios tantum, tertium & quoad se, & quoad alios. Primū est, cum ob peccatum à se conceptū prohibetur quis ab officio, ita crimē quodlibet quod est natura sua mortale, suspensionem dicit, ostensum est capite huius Epitomes primo, quia impedit, ne quis sancte, ac ut Christianos decet religiose ad Sacramenta, tam recipienda, quàm danda animum applicet.

E Suspensio quoad alios est, cum cui diuinis officiis, sacroque Missæ sacrificio non interdicitur, eiusdem auditio prohibetur aliis; hanc pœnam sanxisse Gregor. VII. in concubinos publicos tum historię, tum hæc eius oratio indicat, relata in can. si quis dist. 81. si qui sunt Presbyteri, Diaconi, vel Subdiaconi, qui in crimine fornicationis iaceant, interdicimus eis, ex parte Dei omnipotentis, & S. Petri auctoritate, Ecclesie introitum, usque dum pœniteant, & emendentur, si qui vero in suo peccato perserverare maluerint, nullus vestrum, officium eorum audire presumat, quia benedictio eorum vertitur in maledictionem, & oratio in peccatum.

Suspensio quoad se, & alios est, cum quis per sententiam canonis, & iudicis, ab officiis suis suspenditur, & hæc suspensio maior appellatur, quæ ad priora genera duo pertinet, minor.

Secundo diuiditur suspensio in propriā, & impropriā propria censuræ sibi rem, nomēque vindicat, neutrum altera, isto suspensionis genere, modoque sunt ab officiis suis suspensi Laici, cum iis fungi prohibentur à potestate

CCc iij



legitima, *ca. si aduersus de hereticis*, Nauar. *ca. 27. num. 153. in fine*, Henriq. *cap. 31. num. 1.* cum enim prouincia quam obeunt, munera quæ gerunt, Ecclesiastica non sint ac sacra; non est eorum interruptio, propria suspensio, sic peregrini Clerici, sic Presbyteri sine formati Episcopi sui literis, aliquid commigrantes, celebratione publica sunt suspensi, *Concil. Antiochenum can. 3. & 7.*

Sic qui sunt ad opus aliquod inhabiles, aut à præstatione officii, lege canonica aut civili cessare iussi, vel ob animi inualetudinem, aut corporis, indigni haberi, qui diuina in altari mysteria Deo Patri offerant, suspensi dicuntur, *in titulo de Clerico ægrotante ministr. in 6. & can. communiter 3. dist. 35. & can. mul-torum 2. dist. 32. Speciosus Subdiaconus*, (inquit Greg.) *quod à recepto ordine cum vxore congressus esset, ab administratione se suspendit officio, & usque in obitum sui tempus, notarij quid:mgessit officium, & à ministerio, quod Subdiaconum oportuerat exhibere, cessauit.*

Tertio diuiditur suspensio in eam quæ est à iure, & aliã quæ est ab homine. A iure quidem, cum lex est, aliqua statutum, aut canon quo hæc pœna peccaturo infligitur, ita infamatus de crimine, suspenditur à ministerio sui officii Ecclesiastici, donec se purgauerit *can. si mala fama, can. Presbyter 2. qu. 5. can. nullus can. Presbyter dist. 32.* Ab homine irrogatur suspensio, cum reum ideo ac præceptis Ecclesiæ parum obsequentem hominem, suspensione à suorum vlu ordinum, vel administratione beneficii, in officio cohibet, ut enim excommunicatio est tum ab homine, cum eam Prælati, auctoritate necessaria ad id præditus, in personam certam, vnam aut plures ob culpam aliquam factam aut faciendam intorquet, ita & suspensio, quæ est ab homine, ab homine proficiscitur in hominẽ.

Differt hæc autem à priore, quam iuris dicimus, quod ista futurum respiciat, eos scilicet qui quidpiam contra canonem, aut Pontificiam legem admittent, quæ autem est ab homine, non solum in culpas futuras, aut negligentias animaduertat sed etiam præteritas, fertur enim suspensio in nocentem ut censura, & in pœnam, priori modo contumaciam edomat, errantem in viam reuocat, culpam ne fiat impedit ac retardat, posteriori admissam punit ac castigat.

Quarto diuiditur suspensio tam quæ est à iure, quam quæ ab homine, in absolutam & hypotheticam, absoluta, simpliciter & omnino, fieri quid prohibet, aut iubet. Hypothetica, non ligat donec conditio extet. Quod ad durationem pertinet, suspensio interdum est simplex, aliquando ad certum tẽpus, aut incertũ verbi gratia, quousque sus-

penfus pœnitentiam egerit, aut satisfecerit, simplex sine notatione ac circumscriptione temporis intelligitur, estque perpetua, cum perinde sit aliquem simpliciter suspendi, atque perpetuo Fœlicianus *de suspensione ca. 11.*

## CAPVT IV.

*De causis suspensionis.*

**V**T cæterarum rerum, ita & suspensionis causæ assignantur quatuor. Efficiens est, qui suspendit, quod his duntaxat conuenit, qui ius fori externi habent, ordinarium aut delegatum, hoc est puniendi in externo foro, per censuras Ecclesiæ, excommunicando, interdicens, &c. Nauar. *cap. 27. num. 159. Valentia disput. 7. quæst. 18. punc. 1.*

Ratio est, quod suspendere ad eos duntaxat pertineat, qui ius possunt dicere, & ad aliquid metu pœnæ cogere, quod iudicis solius proprium est munus, qui cum directiua, est etiam coercente potestate præditus, quali non fruuntur, nisi qui iurisdictionem externi fori habent.

Materialis est duplex, remota & proxima, illa, persona est non quælibet, sed Ecclesiæ per rōsuram aut ordines sacra, quam Ecclesiasticam communiter nominant. Proxima non tantum est peccatum mortale, sed etiam veniale, Caiet. *in summa verbo suspensio*, Nauar. *ca. 27. num. 159. Auila 3. parte disp. 3. dub. 3.* cum imponitur ob peccatum alienum, sæpe non ligat innocentem, ut cum totum Capitulum suspenditur, qui expers est culpæ ob quam lata est suspensio, ab ea est liber, Martinus Funes *in speculo morali, & practico ca. 14. num. 13.*

Dicunt alii, suspensionis obiectum materiale, iuris priuationem esse, quod Clerico competit, ad ea quæ sunt officii, beneficii, aut ordinis munera propria, cum res, tempusque exigunt, religiose ex antiquorum canonum præscripto, formaque obeunda, formale verò, æqualitatem esse, inter culpam & pœnam, quatenus ius ac facultatem exercendæ eius functionis adimit, quæ erat ante Clerico debita.

De fine id tantum habeo dicere, primum (ut censurarum omnium) id esse, quo salus, ac incolumitas publica continetur Ecclesiæ, ac conseruatio disciplinæ. Secundarium spectare mores, delinquentis Clerici peccata, quæ censuræ huius acerbitate corrigere, ac punire, Iudici Ecclesiastico cum eam infligit, est pro fine.

Eius inferendæ forma, modusque, qui ver-bis

bis exprimi debeat per canones, definitus est nullus, nonnulla tamen, ut sit rata, iure diuino postulat, Ecclesiastico alia, priore, auctoritatem in suspendente, cum intentione eius poenæ reo irrogandæ, nam hanc de illo æqualem culpæ repetere, nisi iudici, à Deo, Ecclesiæ, aut Pontifici, potestatem habenti, non licet.

Est enim suspensio lex quædam, ergo quas hæc ut sit æquæ, cōditiones exigit, hæc in suspensione inponenda omitti nequeunt, at lex iusta, seu præceptum iustum superioris Ecclesiastici, aut etiam Laici, ligat in foro conscientie ad metas rationis, seu causæ finalis, quæ est S. Thomæ opinio in 4. distict. 17. q. 3. art. 4. quæstioncula 1. ad 5. Præcepta, inquit, iuris positiua, non se extendunt, ultra intentionem præceptantis. Verum est ergo cum suspensionis ferendæ potestate, eius quoque rei intentionem in suspendente iure naturali exigi.

Sunt & alia quæ ab eo, adhiberi vult Ecclesiæ.

Primo cum in cōtumaciæ poenam fertur, monitionem triplicem, Innoc. IV. in cap. cum medicinalis 1. de sentent. excommunic. in 6. Abbas in cap. reprehensibilis de appellationib. quia nemo nisi feruato iudiciario ordine, spirituali vlla plebendus est poenæ, Alex. III. in cap. peruenit primo, de excessib. prælatorum, nec contumax dici quis, aut esse vere potest, nisi prælati imperia, iussaque, sibi certo nota facere abnuat, nosse autem qui potest, nisi ad se rumore nuncio, aut verius Prælati mandato, ad se delata, est hæc ergo delatio, monitioque, suspensioni præmittenda necessario, præsertim si feratur ob contumaciam, lata in poenam ea non indiget, Abbas in cap. Prebiterium 1. de Clerico excomm. ministr. Suar. de censuris disp. 3. sect. 10 n. 3. Placc. par. 2. praxis c. 4. art. 12. nu. 3.

Secundo postulat Ecclesiæ ut in scriptis feratur, & cum expressione causæ, propter quam imponitur, aliter, ipso facto iudex, qui eius est causa, à diuini suspenditur, & ab ingressu Ecclesiæ per mensem, Inno. IV. in c. cum medicinalis 1. de sent. in 6. Si quis autem iudex, huiusmodi cōstitutionis temerarius extiterit, violator, per mensem unum ab ingressu Ecclesiæ, & diuini officii nouerit se suspensum. Superior autem, ad quem recurritur, sententiam ipsam sine difficultate relaxans, latorem excommunicato ad expensis, & omne interesse condemnnet, & alius, puniat animaduersione condigna.

Tertio, Exemplum huius scripturæ tenetur iudex suspensio tradere intra mensem, si fuerit requisitus, super quarequisitione, instrumentum publicum fieri, vel literas testimoniales confici, sigillo authentico confirmatas, Innocent. ibid.

A imperat.

Non est hæc tamen conditio adeo necessaria, ut non valeat, ea deficiente, iuste inflicta suspensio, in quibusvis sententiis, excepta definitima, Speculum morale practicum ex Martino Funes de sumptum cap. 4. num. 5.

## CAP. V.

Quos effectus habeat suspensio.

B Abet autem suspensio effectus genere multiplices.

Primus est priuatiuus, estque in eo, ut suspensio ius ac facultatē ea exercendi adimat, quæ ante suspensionem poterat, & quidem si hæc cadat in officium, non modo actiones Ordinis, sed omnes insuper quæ iurisdictionis sunt Ecclesiasticæ, obire non finitur, quia vtraque potestas tam iurisdictionis, quam ordinis, est vere officium.

C Effectus suspensionis alter, irritatiuus dicitur, eo quod opera quæ à iurisdictione pendent, à qua tamen est quis suspensus, irrita reddat, ac nulla.

Ratio est, quod hæc ab eius vsu libero & non impedito, vim suam capiant, abolitio V. C. à potestate Sacerdoti relicta ad reconciliandum penitentem, eiusque vsus, at quisquis est à iurisdictione sua suspensus, auctoritate Ecclesiæ publica, hic eius exercitium, vsusque impeditum habet, non liberum, est ergo actio, quæ à iurisdictione pendet, ut sit rata, inualida & irrita, ab eo facta, cuius est iurisdictionis suspensa.

D Quod in eo tamen locum tantum habet, quem Ecclesiæ non tolerat, quia vsus exercitui à suspensio tolerato, verè est validus, quia eo ipso, quod Ecclesiæ illum tolerat in fauorem aliorum fidelium, relinquunt illam sufficientem, etiam quando ipse se ingerit, ut valide exerceat actus, erga illos, sub conditione, si ab illis acceptentur, Hurtad. de suspens. diff. 5. num. 14.

E Tempus est tamen cum quæ denunciatus operatur, per accidens sunt valida, nempe cum est titulus saltem coloratus, & error communis in populo, Ecclesiæ suppletur, in vilitatem fidelium, defectum iurisdictionis impedit, & tamen ad ea opera quæ suspensus facit, omnino necessaria.

Effectus suspensionis tertius, prohibitui nomen habet, in eoque versatur, ut suspensio, contrahendæ maculæ mortalis sit causa, cum ea obit ministeria, quæ sunt ei sub hac poenâ prohibita, nisi sint hæc leuia, naturæ suæ talia, quæ delicti lethalis nequeant esse materia.

mittenda videtur esse relaxatio; qui imposuit, aut eius est superior vel successor.

Casus tamen sunt duo, in quibus id ei tentare ac cum fructu facere sit nefas.

Primus est, cum iure dicta est suspensio-  
nis sententia, quod hereticos denuncia-  
tos Sacramentis impetierint, ab his stipem  
corrogarint, aut oblatam vltro recepe-  
rint, mortuos autem in locum sacrum, se-  
pulturæ dandos extulerint, hos enim offi-  
cio suo, à quo ob eiusmodi delicta, ab or-  
dinariis sunt priuati, restitui, absque indul-  
to sedis Apostolicæ specialis oportere, aut pos-  
se, negat Innocent. eius nominis tertius in  
decretali excommunicamus 13. de heretic. parag.  
credentes.

Secundus est, cum quis à Concilio ideo est  
suspensus, quod semel & secundo admonitus,  
vt beneficium non nisi dignis tribueret,  
non tamen sapuit, nam eiusmodi suspensionis  
sententiam præter Romani Pontificis auctorita-  
tem, aut proprii Patriarchæ, minime relaxan-  
dam, Ecclesiæ in generali Concilio pla-  
cuit, vt est in cap. graue nimis 29. de Præben-  
dis.

Qui à iure, vel iudice, tam suspensione  
generali, qualis est ea in qua communitas  
suspenditur, in qua ipse tanquam eius pars,  
ac membrum continetur, quam speciali,  
qua ipse nominatim, & conditionaliter ta-  
men, aut ad certum tempus suspenditur,  
subsequente conditione, vel tempore sus-  
pensionis peracto, absque alia relaxatione  
absoluitur. Panorm. in cap. cum tu de Usuris, &  
in cap. non est de Sponsalib.

Si autem est eius suspensio à iure lata ea-  
que non reservata, hanc suspensi ordina-  
rius remittere poterit, vt est in cap. nuper 29.  
de sent. excom.

Quia cum non sit ab homine in homi-  
nem, nulli fit iniuria, usurpatione potesta-  
tis quæ illius sit propria, & cum non sit re-  
servata, eo ipso videtur inferiori con-  
cessa, aut facultas ad id reservatori reli-  
cta.

Quod si est suspensio propter impedi-  
mentum corporis imposita, aut peccatum,  
à quo absolueri Episcopo non sit licitum,  
in ea dispensare non poterit, quia pœna quæ  
est simpliciter apposita ob peccatum, perpe-  
tua intelligitur: Felician. de suspens. cap. 15.  
non autem ob contumaciam, quia tam cano-  
nici iuris, quam Pontifici moris non existit, vt  
is qui propter contumaciam communionem priua-  
tur, cum satisfactionem congruam exhibuerit, re-  
stitutionem obtineat: Innoc III. in cap. ex literis  
11. de constitutionib.

Dispensat hic tamen in omnibus, ex deli-  
cto occulto prouenientibus, exceptis ad fo-  
Pars secunda.

rum contentiosum deductis, Trident. sess.  
24. cap. 6. proindeque cum eo, qui benefi-  
cium, vel ordinem simoniacè contulit, aut  
vt id fieret mediator exiit, si res sit occul-  
ta, item in simonia admissa circa defuncto-  
rum exequias, consecrationem cœmeterii  
& vasorum, similiter dispensare potest cum  
ordinatis extra tempora, absque literis di-  
missoriis, vel promotis per saltum, vt in or-  
dine suscepto ministrent, non autem vt non  
habitos recipiant: si tamen ministrent ante  
dispensationem in ordine male collato, ir-  
regularitatem in eorum opinione, qui has  
suspensiones vbique vigere, ac ratas esse  
asserunt, non vitabunt.

## CAPVT V.

De forma at solvendi à suspensione in foro  
iudiciali.

VT iudici cum palam suspendit ac pu-  
blice, exprimere mentem suam verbis,  
quæ exarata sint literis, est necesse, ita & cum  
eum in foro, audiente populo à censura exi-  
mit, quas animo anteceptas notiones ha-  
bet, cum oportet chartæ sub certa verborum  
forma committere. Est hæc communis ac v-  
sitata in Dei, Ecclesiæ: Quia de tali negotio N.  
propter quod suspensionis sententiam à beneficio,  
vel ab officio, & executione ordinum, aut ab v-  
troque incurreras, emendationem plenam, & pœ-  
nitentiam condignam egisti. Ideo ego N. aucto-  
ritate quæ fungor, sententiam suspensionis huius-  
modi misericorditer relaxo, indulgens tibi, vt in  
posterum, sicuti antea, tuo, vel tuis beneficiis  
frui, aut in susceptis ordinibus ministrare, seu of-  
ficiis fungi, vel eis omnibus gaudere possis in no-  
mine Patris & Filij & Spiritus sancti.  
Amen.

Dixi in foro iudiciali quia in interno, vt  
fas iudici verbis quibuscumque, modo quæ sen-  
sum eius, ac censuræ absolutionem expri-  
mant, cuiusmodi sunt renoco, remoueo, relaxo  
sententiam, absoluo, & id genus alia, eiusdem  
cum his potestatis, idem de eo dictum volo  
cum suspendit, nam etsi certam, in dicenda  
E suspensionis in reum sententia, verborum  
seriem, formamque eum adhibere in Dei,  
conscientiæque tribunali non sit necesse,  
hanc tamen aut similem, cum coram, ac in  
multorum oculis, nocentem ista censura  
vinciunt, tenere Episcopis ac prelatis est in  
more, Quia constas te N. tale quid commisisse,  
idcirco te à beneficio, vel ab officio, & ordinum  
executione, aut ab vtroque suspendimus, vsque  
ad tale tempus, vel ad nostrum beneplacitum: In  
nomine Patris & Filij & Spiritus sancti, Amē.

DDd

mittenda videtur esse relaxatio, qui imposuit, aut eius est superior vel successor.

Casus tamen sunt duo, in quibus id ei tentare ac cum fructu facere sit nefas.

Primus est, cum iure dicta est suspensionis sententia, quod hæreticos denunciatos Sacramentis impetierint, ab his stipem corrogarint, aut oblatam vltro receperint, mortuos autem in locum sacrum, sepultura dandos extulerint, hos enim officio suo, à quo ob eiusmodi delicta, ab ordinariis sunt priuati, restitui, *absque indulto sedis Apostolica specialis* oportere, aut posse, negat Innocent. eius nominis tertius in decretali *excommunicamus* 13. de hæretic. parag. credentes.

Secundus est, cum quis à Concilio ideo est suspensus, quod semel & secundo admonitus, ut beneficium non nisi dignis tribueret, non tamen sapuit, nam eiusmodi suspensionis sententiam præter Romani Pontificis auctoritatem, aut proprii Patriarchæ, minime relaxandam, Ecclesiæ in generali Concilio placuit, *ut est in cap. graue nimis* 29. de Præbendis.

Qui à iure, vel iudice, tam suspensione generali, qualis est ea in qua communitas suspenditur, in qua ipse tanquam eius pars, ac membrum continetur, quam speciali, qua ipse nominatim, & conditionaliter tamen, aut ad certum tempus suspenditur, subsequente conditione, vel tempore suspensionis peracto, absque alia relaxatione absoluitur. Panorm. in cap. cum tu de Usuris, & in cap. non est de Sponsalib.

Si autem est eius suspensio à iure lata eaque non reseruata, hanc suspensi ordinarius remittere poterit, ut est in cap. nuper 29. de sent. excom.

Quia cum non sit ab homine in hominem, nulli sit iniuria, vsurpatione potestatis quæ illius sit propria, & cum non sit reseruata, eo ipso videtur inferiori concessa, aut facultas ad id reseruatori relicta.

Quod si est suspensio propter impedimentum corporis imposita, aut peccatum, à quo absolueri Episcopo non sit licitum, in ea dispensare non poterit, quia pœna quæ est simpliciter appositæ ob peccatum, perpetua intelligitur: *Fœlician. de suspens. cap. 15.* non autem ob contumaciam, quia tam canonici iuris, quam Pontificii moris non existit, ut is qui propter contumaciam communione priuatur, cum satisfactionem congruam exhibuerit, restitutionem obtineat: Innoc III. in cap. ex literis 11. de constitutionib.

Dispensat hic tamen in omnibus, ex delicto occulto prouenientibus, exceptis ad so-

Pars secunda.

A rum contentiosum deductis, Trident. sess. 24. cap. 6. proindeque cum eo, qui beneficium, vel ordinem simoniacè contulit, aut ut id fieret mediator extitit, si res sit occulta, item in simonia admissa circa defunctorum exequias, consecrationem cœmeterii & vasorum, similiter dispensare potest cum ordinatis extra tempora, absque literis dimissoriis, vel promotis per saltum, ut in ordine suscepto ministrent, non autem ut non habitos recipiant: si tamen ministrent ante dispensationem in ordine male collato, irregularitatem in eorum opinione, qui has suspensiones vbique vigere, ac ratas esse asserunt, non vitabunt.

## CAPVT V.

De forma at soluendi à suspensione in foro iudiciali.

V T iudici cum palam suspendit ac publice, exprimere mentem suam verbis, quæ exarata sint literis, est necesse, ita & cum cum in foro, audiente populo à censura eximit, quas animo anteceptas notiones habet, cum oportet chartæ sub certa verborum forma committere. Est hæc communis ac visitata in Dei Ecclesia: Quia de tali negotio N. propter quod suspensionis sententiam à beneficio, vel ab officio, & executione ordinum, aut ab utroque incurrerat, emendationem plenam, & penitentiam condignam egisti. Ideo ego N. auctoritate quæ fungor, sententiam suspensionis huiusmodi misericorditer relaxo, indulgens tibi, ut in posterum, sicuti antea, tuo, vel tuis beneficiis frui, aut in susceptis ordinibus ministrare, seu officiis fungi, vel eis omnibus gaudere possis in nomine Patris & Filii & Spiritus sancti.

Amen.


Dixi in foro iudiciali quia in interno, uti fas iudici verbis quibuslibet, modo quæ sensum eius, ac censuræ absolutionem exprimant, cuiusmodi sunt *renoco, remoueo, relaxo sententiam, absoluo*, & id genus alia, eiusdem cum his potestatis, idem de eo dictum volo cum suspendit, nam etsi certam, in dicenda suspensionis in reum sententia, verborum seriem, formamque eum adhibere in Dei, conscientiarque tribunali non sit necesse, hanc tamen aut similem, cum coram, ac in multorum oculis, nocentem ista censura vinciunt, tenere Episcopis ac prælatis est in more, Quia constat te N. tale quid commisisse, idcirco te à beneficio, vel ab officio, & ordinum executione, aut ab utroque suspendimus, usque ad tale tempus, vel ad nostrum beneplacitum: In nomine Patris & Filii & Spiritus sancti, Amē.


DDd



Quod si Episcopus, aut Prælatus quilibet alius, fieri quid velit, aut omitti sub pœnis incurrendæ suspensionis, his aut similibus utetur verbis: *Quicumque tale quid egerit, aut non egerit, eum in his scriptis à beneficio vel officio suspendimus, vel nouerit se suspensum, In nomine Patris & Filii & Spiritus sancti*, quibus verbis significatur lata sententia Suarez de

*A censuris disp. 3. sect. 3. Piasecius 2. part. praxis Episcop. c. 4. art. 12. n. 10. non autem ferenda, ut habet Glossa in can. si quis dist. 23. & alia Glossa in cap. si quis de Clericis de vita & honestate Clericorum, hæc enim verba Nouerit se suspensum, se suspensioni subiacere, ait esse ferendæ sententiæ, non latæ, sed male.*






# TRACTATUS NONVS DE INTERDICTO.

## QVÆSTIO PRIMA.

*Quid sit & quotuplex.*



**Q**UOD interdicere, probatis auctoribus idem sit ac vetare, placuit Ecclesiæ, interdictum in ea significatione sumere, ut idem esset ac prohibitio, quo modo usurpatur in Concil. Aurel. 3. can. 7. 10. & 21. & Libert. & Nicæo can. 16. 40. & 49.

Est autem interdictum in hac materia censurarum, *Censura Ecclesiastica*, Christianos priuans diuinis officiis, Sacramentorum usu, sacraque sepultura, prout hæc ad diuinum cultum, honoremque tendunt.

Dicitur censura, quod imponatur emendandi gratia, ac ob admissa scelera, & ut distinguatur ab iis prohibitionibus, quibus est iniure civili interdicti nomen, quo proprie decretum intelligitur, quo Prætor in possessionum controuersis, aliquid fieri iubet aut vetat, & alia sunt exhibitoria, per quæ Prætor aliquid exhiberi imperat, alia noxalia per quæ permittitur seruum noxę dedere, lege s. dig. de interdicto, sunt & restitutoria & fraudatoria, illisque iubetur quid restituere, istis rescindit Prætor, quæ sunt in fraudem factæ tertii, ut pupilli aut creditorum, & eorum nulli censuræ res, nomenque conuenit, quemadmodum nec illi, quo iniure canonico certis diebus aliqua prohibentur.

Sacramentorum fit mentio, ac cæterarum demum rerum, quæ cum fructu sunt in Ecclesia. Ut quid ei cum reliquis censuris sit commune, indicetur. Quod enim illis, & huic quoque, idem est obiectum materiale,

**A** à diuinis nempe officiis excludere.

A quibus tamen distinguitur, quod his interdictum priuet, in quantum referuntur ad Principis Dei cultum, quem ut motiuum in eo ferendo Ecclesia respicit, & quo eos iustis de causis per interdictum vult esse priuatos.

Distinguitur ergo ab interdicto excommunicatio, & suspensio, quod illa Sacramentis priuet, eorumque usu, ut sunt quædam communicatio cum fidelibus. Hæc autem id est suspensio, ut Sacramentorum tam actiua quam passiuæ administratio, aut sepultura, officiique diuini præstatio, usus est in Sacerdote potestatis sibi concessæ, qui per censuram suspenditur, quæ rationes haud dubie ab inuicem differunt, cum alterius sit generis, priuari usu Sacramentorum, ut per ea cultus Dei promouetur, quam ab iisdem reiici, ut societatem nexumque hominum inter se firment, hæc de interdicti natura.

Diuiditur autem primo in locale & personale. Et eorum quodlibet (quæ secunda est diuisio interdicti) in generale, speciale, & particulare, tam locale quam personale. Interdictum locale, dicitur à loco, in quo prohibetur tam Sacramentorum collatio quam, munerum Ecclesiasticorum executio, quæ nos officia dicimus.

Personale denominationem habet à personis, quibus immediate, primo, & per se, tam Sacramenta, quam officiorum Ecclesiasticorum usus interdicitur.

Quod si interdictum mixtum erit, non tantum castrum, oppidum, Prouinciã comprehendet, sed & personas in iis degentes.

Interdictum generale locale, est illud  
DDd ij

quo regnum integrum interdicatur, prouincia, aut Diocesis, seu quod fertur in locum generalem, qui à communitate occupatur, & ita omnes Ecclesie vrbs, regni vel oppidi interdicuntur. Locale speciale, est castri alicuius, ciuitatis, aut villæ, seu quando interdicuntur vna, vel duæ vel tres tantum Ecclesie. Singulare seu particulare, est certæ Ecclesie vel Capellæ.

Personale generale, est quando interdicatur populus totius Regni, Prouinciæ, aut Dioceseos, speciale, cum pars eius aliqua, vt Collegium, vt Capitulum aliquod, aut Clerici particularis alicuius Ecclesie.

Personale singulare, quando persona aliqua determinata, aut indefinita, aut plures vnius loci, quæ tales sunt, à sacris eorumque usu arcentur, sed de hac re copiosius canonici iuris Interpretes, & Summistæ: Nauar. in Enchirid. cap. 27. Sylu. verbo *Interdictum*. Angel. eod. Stephan. de Auila 5. parte disp. 1. dub. 1. Reginald. to. 2. lib. 32. tract. 2. cap. 25. num. 3. 4. & seq. Laym. lib. 1. tract. 5. parte 4. cap. 1.

## QVÆSTIO II.

*An interdictum locale comprehendat personas, degentes in eo loco, sic vt vbiq; sacra audire, aut facere, vel sepeliri non possint.*

**D**ico primò, *Interdicto locali personas non comprehendit immediate, per se & absolute, sed mediate tantum, ac cum respectu ad hunc locum specialem, qui est interdictus.*

Partem primam assertionis defendunt Nauar. cap. 27. num. 167. Sotus in 4. dist. 22. q. 3. art. 1. Reginald. proxime citatus num. 5. habentque hanc rationem quæ se tuentur.

Quod interdictum locale non sit positum personis loci interdicti, si hæ non sunt culpabiles, aut ad puniendum in iis eius Re-ctorem ac Dominum, non est latum quod accidit cum interdicuntur ciuitas & ciues, ex Glossa ad cap. si sententia verbo *interdicti*; quod personis (inquam dicti loci) liceat tunc audire sacrum, ac si Sacerdotes sunt, illud facere, cum alibi versantur, quod non esset si interdictum locale, comprehenderet æquè primo & absolute personas, ac locum ipsum, cum ei qui est interdictus, vbiq; parendum sit præcepto Ecclesie, ac proinde in omni loco abstinendum sacris, vt dicemus postea.

Secunda pars est ipsa per se intellectu facilis. Nam in loco interdicto, non licet eius populo, nec cuilibet aduenæ ac externo, administrare, aut recipere Sacramenta,

**A** Missam facere, vel audire, vel Ecclesiasticam sepulturam usurpare: ergo interdictum locale, mediate personas afficit.

Confirm. cum locus, interdicti non sit capax, vt pote quod pœna est, quæ culpam sequitur, assignandi sunt aliqui quos afficiat, non alii quàm qui illum incolunt, ergo mediatè, ac vt in dicto loco sunt, interdictum in eos cadit,

## QVÆSTIO III.

**B** *An interdictum locale generale, comprehendat etiam Ecclesias privilegiatorum.*

**C**ausa dubitandi est, quod vt in personis exemptas Episcopi ius nullum habent, ita nec in eorum Ecclesias: ergo ab interdicto locali generali, ab iis posito, excipi debent eorum Ecclesie.

Dico tamen in interdicto locali generali, etiam exemptorum Ecclesias contineri: Ita Nauar. cap. 27. Auila 5. parte disp. 1. dub. 3. Portelius de dub. regular. verbo *interdictum numero* 6.

**D** Et probatur primo, ex Trident. sess. 25. ca. 52. vbi id expresse statutum est his verbis: *Censura & interdicta, nedum à sede Apostolica emanata, sed etiam ab Ordinariis promulgata, mandante Episcopo, à regularibus in eorum Ecclesiis publicentur, atque seruentur, quod verum quoque esse Portelius asserit, etiam si interdictum esset nullum, & inualidum, maximè si à matrice seruetur, vel ab omnibus Parochialibus Ecclesiis, Rodrig. q. 108. art. 4. ad illud.*

Secundo, si essent religiosorum Ecclesie, ab interdicto generali locali liberæ, inane omnino esset, ac sine fructu. Cum cuilibet de ciuitate interdicta fas foret, Missam in iis audire, sacramenta recipere aut dare, quod incommodum vitari cum debeat, & illud quoque fugere est necesse, ne dicamus ab interdicto locali generali, Monasteria eximi.

Quæres, vnde id accadat, cum in ea, Episcopo ius sit nullum? ad explicationem.

**E** Dico secundò, *Non ab Episcopo, sed Pontifice Romano exemptorum Ecclesiarum, interdicto in hoc casu subiaci*, huius opinionis author Bonifacius VIII. in cap. si ciuitas 17. tit. de sentent. excom. in 6. vbi rationem facti sui hanc reddit. *Ne vilipendi valeat sententia interdicti, quod fieret si vt ante diximus, à Parochiis facilis esset, liberque transitus ad regularium Ecclesias, tam Missæ, quam sepulture, ac Sacramentorum causa.* Ex dictis facilis est ad causam dubitandi responsio, Religiosos

ligiosos interdicto generali locali obligatos esse, hocque in Ecclesiis suis, seruandum videri. Minoritis tamen à Leone X. concessum aiunt, ne eorum Ecclesiarum, ad personarum alicuius instantiam interdicti queant, *Compendium Minorum Verbo interdictum* 1. parag. 15. quod accidit, cum pars id exigit, quare si à Legato aut Episcopo, ex causa, iusta rogante nemine, motuque proprio poni in eorum Ecclesiis interdictum accadat, seruandum erit, quemadmodum & quo tempore tota ciuitas, aut oppidum in quo prædictæ sunt Minorum Ecclesiarum, interdicatur.

Casus est tamen vnicus, in quo ad partis instantiam interdicti prædictas Ecclesias nihil repugnat, nempe cum hæc interim, de com meatu ad vitam necessario pro regularibus prouidet: Leo ibid. Portellus *dub. regular. Verbo interdictum num. 3.*

## QVÆSTIO IV.

*An interdicta ciuitate, interdicantur suburbia, locaque ei contigua.*

**D**ico primò, *Interdicta ciuitate, interdicti quoque suburbia, locaque ei adiacentia.* Tuetur se hæc assertio, autoritate Bonifac. VIII. *canone si ciuitas* 17. de *sententia in 6.* ubi eam definit his verbis: *Si ciuitas, castrum aut villa, subiiciantur Ecclesiastico interdicto, illorum suburbia, & continentia adificia, eo ipso intelligi volumus interdicti.*

Deinde quia appellatione vrbis continentur etiam suburbia *lege 2. dig. de verbor. signific.* Probatque Rebuff. *tract. de nominationib.* D q. 16. num. 11.

Primo, ex *Glossa pragmatica sanction. parag. in Ecclesiis, Verbo existunt, tit. de collation.*

Secundo, ad eam rem affert Parisiens. curiæ præiudiciũ, super Ecclesia S. Laurentij, quæ et si extra muros positam, nepe in parte ferè extrema suburbii S. Martini, credidit tamen intelligendam esse Lutetianæ ciuitatis nomine, nec proinde alteri quam graduato eius curam committendam esse.

Tertio si suburbia essent ab interdicto cui subiecta est ciuitas, omnino libera, eius vis omnis iaceret, cum ad ea sacrorum causa, populo adire sit facile.

Quid? quod accessorium naturam principalis sequatur? sed, suburbia ciuitati adiacent, parsque eius sunt aliqua, licet improprie, ergo vt interdicta Parochiali Ecclesia intelliguntur etiam eius oratoria ac Capellæ, ita & ciuitate interdicto supposita, supponuntur & suburbia Layman. *lib. 1. tract. 5. parte 4. cap. 1.*

**A** Suburbiorum autem nomine, ea ædificia intellige, quæ prope ciuitatem, in aliquo sunt ordine extructa, Sylu. *Ver. interdict. 2.*

Continentia vero, ea sunt proprie, quæ non procul ab vrbe visuntur, nullo inter se ordine, nulla contiguitate disposita, Auila supra, & ad quæ ex vrbe, facilis est transitus sacrorum causa.

Quid si suburbia ad eandem non pertineant Diocesim ac ciuitas?

**B** Respondeo, tũm mihi quoque videri probabile, hæc eadem pœna comprehendi ac urbem, non vi autoritatis Episcopi, quia nullam in ea obtinet vt suppono, cum ad aliam Diocesim pertineant, in qua nullam, sed in suam duntaxat, iurisdictionem habet, sed vi iuris communis, quod in *cap. si ciuitas ante citato*, statuit vt interdicta ciuitate, suburbia quoque interdicta censeantur, ne interdicti vis omnis pereat, populo liberum accessum habente ab suburbia, sacrorum causa, & ita sentiunt Sayrus *lib. 5. cap. 3.* Reginald. & Auila locis ante citatis, ex quorum mente dicendum videtur, sublato interdicto ab vrbe, id quoque cessaturum in suburbis, quia sublato principali, aufertur & accessorium.

Dico secundò, *Interdicta ciuitate, vel Ecclesia, interdicti quoque earum partes omnes, tam quæ extant tempore interdicti, quam quæ ei postea aduenient.*

Prioris partis est hæc ratio. quod in toto partes includantur, quare cum Ecclesia quæ interdicatur, interdicti quoque sacella eius omnia oportet, ac cœmeteria ei cõtigua, nõ autem spatiis dissita, ita authores Ægid. *diff. 17.* Reginald. *lib. 32. tract. 2. cap. 25. num. 10.* Tab. *Verbo interdictum*, Auila 3. parte disp. 1. dub. 3. quibus mens ea à decretali Bonifac. VIII. est iniecta, in qua de re præsentis sententiam suam dicit his verbis: *Ratione quoque simili, si sit Ecclesia interdicto supposita, vel subiecta, nec in capella eius celebrari, nec in cœmeterio ipsius eidem Ecclesia contiguis, poterit sepeliri, secus si ei contigua non existant.*

Secunda pars ratione hac ninitur. Quod pars adueniens Ecclesiæ, vnã moraliter faciat, ac componat cum antiqua,

**E** Deinde quia Ecclesia quæ restauratur, eadem censetur esse cum diruta, patet in flumine nauis, veste, quæ restituta, ac resecta, additione nouarum partium, eadem habentur, non diuersa moraliter à seipsis, cum tempore præterito collatis, vt dicitur in *lege proponebatur digest. de Iudiciis.*

Dico terciò, *Destructa Ecclesia, vel ciuitate interdicta interdictum non tolli, etiamsi nona nouæque ades in eodem loco construantur.*

Probat, Interdictum locale locum in;

DDd iij



interdicit, at destructis parietibus adhuc remanet idem locus, ergo habebitur eodem modo interdictus quo antea,

Obiicies, destructa Ecclesia, & iterum reedificata, iterato est consecranda, ex Panorm. in can. *proposuisti de consecratione Ecclesie vel altaris*: ergo noua Ecclesia, loco prioris extructa, non est interdicta.

Anteced. est verum, quia consecratio est parietum, qui cum esse desierint, eorumque loco noui sint positi, ex formula Ecclesie erunt consecrandi.

At eadem non est interdicti ratio, cadit enim non in parietes, sed locum, qui cum idem sit, idem quoque remanebit interdictum, ac ante.

Obiicies 2. Destructa Ecclesia, & noua eodem loco reedificata, amittuntur indulgentie priori concessae, ex Palud. in 4. dist. 20. q. 4. art. 1. Nauar. in comment. de iubilaeo 31. num. 26. & tamen indulgentie sunt gratia, ergo à fortiori destructa Ecclesia, tollitur interdictum.

Respond. Indulgentias concedi Ecclesie, ut ad eam fideles libentius frequentiusque conueniant, ideoque ea subuersa, & has quoque desinere.

At vero interdictum est loci Ecclesie, qui idem manet, etsi parietes auferantur, hac ratione concessa Ecclesie priuilegia, manent ea destructa, quia sunt concessa loco in quo est, ex Alexand. in leg. inter stipulantem parag. sacrum dig. de verbor. obligat. & Iasone ibid.

## QVÆSTIO V.

*An interdicto Clero, censeantur religiosi interdicti.*

**P**rima sententia affirmat, quam tuentur Nauar. Enchirid. 27. num. 166. Reginal. lib. 31. tract. 2. cap. 25. num. 7. Couar. ad can. alma mater 2. parte parag. 1. num. 8.

Secunda negat, cuius se patronos profitentur, Sylu. verbo *Interdictum* 2. num. 17. Armilla eod. num. 10. Auila parte 5. dist. 1. dub. 4. conc. 7. Henric. lib. 13. cap. 42. num. 3. Ægid. de Coninch. de censur. disput. 17. dub. 1. num. 9. Portelius de dubiis regular. verbo *interdictum* num. 5. Sayrus 5. de censur. cap. 4. num. 29.

Probantque primo, quia in odiosis nomine Cleri non veniunt religiosi Ægid. proxime citatus, eam obrem opinor, quod verba, cum de pœnis agitur, proprie sint intelligenda, at Clerus in vera sua notione, religiosos non significat, cum qui religiosus est, non necessario sit Clericus, & contra: ergo cum

A censura non transcendat res significatas per verba legis, aut sententie, qua imponitur, in interdicto Cleri, non continentur Religiosi.

Secundo interdictum personale generale sic fertur in personas, quatenus pars sunt populi, aut communitatis talis, ut primo, per se ac directe, in eam communitatem tendat, ut corpus aliquod constituit, at religiosorum communitas, eadem non est quæ Cleri. Patet ex fine utrorumque, ac legibus, ad quas se, actaque sua componunt, quas duas res in Clero, ac Religiosis, certum est non esse similes, Clerico enim ad beatam vitam sufficit, temperate viuere ac caute, quam ad laudem addere debet Religiosus & aliam, perfectionis scilicet, gradui suo, ac statui consentaneæ, quo faciunt leges, constitutionesque singulorum ordinum propriæ, quibus cum Clerici careant, non possunt vnum idemque corpus componere cum Religiosis, ergo nec hi teneri pœna interdicti, in illos lati.

Excipiendus est casus, in quo culpa ad Religiosos quoque pertineret, ob quam Clerici subiacerent interdicto. Nam cum in quouis interdicto, censeantur speciatim interdicti hi esse, qui illi causam dederunt: ut colligunt Doctores ex cap. si sententia 16. de sentent. excomm. in 6. ab eo esse liberi religiosi non peterunt, si ut Clerici, culpa se inquinarent, cuius plectendæ causa, dicta est utrisque, in persona Cleri duntaxat, interdicti sententia.

Obiicies, nomine Cleri intelliguntur omnes, qui sunt à Laicis distincti, at ut sic comprehendit Monachos, ut patet, ergo, &c.

D Ad maior. respondendum est, Clerum cum vage & confuse sumitur, id denotare quod in antecedenti dicitur, non autem cum strictè & propriè, ut accidit, quando pro corpore, id est hominum multitudine certa usurpatur, quæ suis legibus, ac institutis vitam componens, ad finem tendit sibi peculiarem ac proprium. Et in hoc postremo sensu, nomen Cleri in quæstione sumitur.

## QVÆSTIO VI.

*Quinam censeantur interdicti generaliter, qui specialiter ac nominatim.*

**D**ico primò, Cum interdictum est generale, inhiberi à sepultura, Sacramentis, & aninis officiis, qui in interdicto populi continentur, tanquam membra, & partes eius populi, qui interdicuntur

*interdicitur, et si non nominentur, nec interdicto causam dederint.*

Causa est, quod in toto, eius quoque partes comprehendantur omnes.

Quid si Laicorum duntaxat mentio fiat in interdicto?

Respondendum, tale interdictum personale populi, seu Laicorum habitatorum loci, non includere Clericos.

Ratio est, quod lex alios non notet, quam qui significantur per verba eius, nec sententia alios puniat, quam quos exprimit, at Laici non sunt iidem qui Clerici, quare celebrare isti poterunt, non tamen illi sacro Missæ officio interesse, sicut interdicto Clero, fas est Laicis, aduocatis aliunde Clericis, ut ad res diuinas, ac operam eorum ad sacrificium exigere, eique interesse, ex Nauar. & Reginald. num. 7.

Dico secundò, *Interdictos specialiter hos esse, qui sunt de familia interdicta*, quia speciale interdictum vniuersitatem non afficit: nominatim autem, qui expresse in interdicto nominantur, aut sufficienter designantur.

Patet ex ipsa notione nominis, quæ non nisi indiuiduæ personæ conuenit, aut si pluribus, non tamen, nisi ut hæc sunt abinuicem seiunctæ, nec ad faciendam communitatem vnā aggregatæ, ob quam causam putarem, interdictum contra fures, s. aut 4. qui non nominantur, quia nesciuntur, sed tantum in communi, speciale non esse, sed particulare.

Patet hinc discrimen quod est inter interdictos generaliter & specialiter, seu singulariter. Nam generaliter interdicti, quandiu sunt de populo interdicto, non possunt vquam interesse diuinis, quia cum interdictum sit personale, sequitur personam. Tamen si domicilium ita mutant ut membra amplius non sint illius populi, cessabunt quoque esse interdicti.

Ratio est, quia interdictum personale generale ligat personas, quatenus sunt membra illius populi: ergo si mutatione soli, ad illum pertinere desierint, cessant esse interdicti.

Ob causam oppositam dicendum est, quod qui ad populum interdictum aliunde adueniunt, cum voluntate constituendi ibi domicilij, interdictos esse illico, ac illud sibi in eo loco, aut vrbe delegerint.

Causa est, quod hoc delectu, eius loci ciues, populique membra esse incipiant.

Dico tertio, *Nobiles, Duces, Marchiones, Comites, ac Barones, interdicto eidem subiacerent, quo populum, et si sint innocentes.*

Quia licet sint membra eminentiora, ta-

men sunt vera membra populi. Et licet sæpe sint exempti ab aliquibus oneribus, tamen hoc non arguit, eos de populo non esse, sed potius contrarium, alioqui talis exemptio, necessaria eis non foret.

Dico quartò, *Interdicto non subesse, qui in ciuitate populi interdicti habitant ad tempus, studij, vel negotiorum causa.*

quia ad eam non pertinent, ut pars ad totum, aut ad corpus membrum.

## QVÆSTIO VII.

*Quis possit interdiceret, quem, & quamobrem.*

**D**E causis interdicti hic agitur, efficien-  
te, subiectiua, materiali & obiectiua.

Et notandum primò, interdicti materiam duplicem esse, remotam vnā, proximam alteram, remota sunt personæ, vniuersitas, & Collegia, proxima peccatum aliquod.

Notandum secundò, Interdictum distribui in locale generale tantum, personale & speciale, & de causa vtriusque, quæstionem hic esse, quam assertionibus sequentibus explicabimus.

Prima assertio, *Is tantum interdiceret iure communi, ac ordinario potest, qui excommunicare, & suspendere.*

Quia ad vnumquodque eorum requiritur, & sufficit fori externi iurisdictio, quæ cum Episcopi polleant, illisque functis, Capitulum, Prælati, Abbates, Priores, certum est eos interdicti efficientem causam esse posse, iuxta Suar. tom. 5. disp. 36. sect. 1. Sotum in 4. disp. 22. q. 3. art. 1. concl. 3. Reginald. cap. 26. nu. 14 Fernandez parte 2. cap. 12. num. 4.

Non tamen extra proprium territorium, quia extra illud non habent iurisditionem, nec locum, qui proprie sibi sit subiectus, quare loquendo de interdicto locali, omnino statuendum est, extra prouinciā suā, Episcopum ponere vllum non posse. Eidem autem, cum est personale, subiicere personas posse, in casibus illis, in quibus eum diximus excommunicare posse subditum in aliena Parœcia versantem: hoc dixit Auila parte 5. disp. 2. dub. 2. & de suspens. disp. 4. dub. 1. conclus. 2. Sebastianus Medicis in summa peccat Capitulum tit. 9. q. 5.

Equidem est in Ecclesia potestas ligandi, non coarctata, aut limitata ad hūc aut illum modum, sed generalis, quæ omnes modos ligandi, non solum ad pœnam, sed etiam ad culpam, iustis de causis illam nō absoluendo comprehendit, ita colligunt Patres ex illis verbis. Quidcunque ligaueritis Matth. 16. & 18. & Luca 10. Qui vos audit me audit, quem

locum de Episcop. Cyprian. intelligit lib. 1. A  
 epist. 3. & lib. 4. epist. 9. lib. 5. epist. 6. unde, in-  
 quit, per temporum, & successionum vires, E-  
 piscoporum ordinatio, & Ecclesiaratio decurrit.  
 Ut Ecclesia super Episcopos constituatur, & om-  
 nis actus Ecclesie per eosdem prepositos gubernetur,  
 & ad Inbalianum epist. 73. iuxta editionem.  
 Pammelij unde intelligimus non nisi in Ecclesia  
 prepositis, & in Evangelica lege, ac Dominica  
 ordinatione fundatis licere baptizare, & remis-  
 sam peccatorum dare, sed inter modos ligandi,  
 quos Ecclesia seruat & adhibet, numerari  
 debet interdictum, quod est in eo, ut Epis-  
 copitam Romanus, quam qui Diocesis  
 president, possint in foro exteriori, priuare  
 fideles bonis spiritualibus, quorundam Sa-  
 cramentorum fructu, diuinorum officiorum  
 & sepulturæ usu, quare cum hæc facultas à  
 Christo ut à fonte, in eos dimanet, ac pro-  
 fluat, huius censura sicut & cæteratum, ef-  
 ficiens causa ministerialis Papa & Episcopi  
 dici possunt: Benzonius de interdicto Veneto  
 cap. 2.

Secunda assertio, Tam persona, quam Col-  
 legia, prouinciaeque & Vrbes interdici possunt.  
 Rem definire canones maxime sequentes,  
 de vrbe fit mentio in cap. si ciuitas 15. & cap. si  
 sententia 17. de sentent. excomm. in 6. can. alma  
 mater 24. eod. titulo, quid enim vetat, sacro-  
 rum usu, ac Missæ, Sacramentorumque,  
 prohiberi Collegium, in pœnam culpæ ad-  
 missæ, à maiori parte eorum hominum, qui  
 illud coagmentant?

At non est communitas capax in se rerum  
 spiritualium (inquies) cum abstracte sumpta  
 ac proprie, ens sit rationis, ergo cum priua-  
 tio, aptitudinem in subiecto exigat ad for-  
 mam, qua priuare debet, Sacramentis, ac  
 sepultura proprie, orbari non potest, ergo  
 nec interdici.

Respondend. est communitatem, perse  
 quidem capacem non esse actuum, quibus  
 interdictum priuat, esse tamen in partibus  
 suis, ac personis particularibus, quæ illam  
 integrant.

Ex quo patet communitatem duobus ac-  
 cipi modis posse, primo formaliter, secundo  
 materialiter, ut his nempe & illis personis  
 conficitur, verumque esse, eam primo mo-  
 do capacem non esse actuum, quibus priuat  
 interdictum, esse autem, cum supponit pro  
 omnibus eius partibus.

Assertio tertia, Si Episcopus, aut pastor Ec-  
 clesie, interdictum ferant in communitatem, eo  
 non ligantur, ipsi, secus si sit locale.

Pars prima est huiusmodi, de qua ambigi  
 iuste nequeat, nam nemo in se iuridice ad-  
 uertere, ac se absolute per se, & directe vin-  
 culo censuræ potest obligare, cum in se iurif.

ditionem fori externam non habeat.

Pars altera similiter est certa, Interdictum  
 enim locale locum afficit, ex quo in personas  
 redundat, seipsum ergo Episcopus interdi-  
 cere potest per accidens. Et hæc de materia  
 interdicti remota dicta sunt, veniamus ad  
 proximam.

Assertio quarta, Interdictum locale siue ge-  
 nerale sit, siue speciale, imponi non potest, nisi ob  
 mortale eius, cuius causa ponitur. Ita P. Henriq.  
 cap. 5. num. 2, Reginald. loco proxime citato, &  
 alij.

B C Causa est eadem quæ allata est à nobis  
 cum de excomm. sermo esset. Enimvero  
 debet intercedere similitudo aliqua inter  
 culpam & pœnam, & vice versa, ergo cum  
 in genere pœnæ, interdictum sit graue, non  
 nisi ob mortale inferri poterit, & quidem  
 eiusmodi, quod sua grauitate cætera superet,  
 si fides est habenda Auilæ 5. parte disp. 3. dub. 2.  
 quo enim eius vis & efficacia, ad plures per-  
 tinet, quam excommunicationis, quæ uni-  
 cum tantum afficit delinquentem, hoc quo-  
 que causam interdicti grauiorem esse con-  
 uenit, quo non modo fontes comprehendi  
 est certum, sed etiam innocentes.

Assertio quinta, Interdictum personale ge-  
 nerale, aut speciale, non potest imponi nisi ob mor-  
 tale peccatum personæ eius, cuius causa infertur,  
 Suar. disp. 36 sect. 3. Eadem ratio est quæ præ-  
 cedentis assertionis, nempe quod culpæ par  
 & æqualis esse pœna debeat.

Quid si sit personale singulare? credit  
 Armilla verbo suspensio num. 1. Molina de in-  
 st. t. 10. 4. tract. 7. disp. 75. num. 1. Caiet. Verbo in-  
 terdicti violatio Henriq. cap. 5. num. 2. Auila 5.  
 parte disp. 2. dub. 2. conc. 2. ob peccatum suum  
 veniale, interdicto puniri quem posse, quæ  
 est etiam opinio Emm. Sa verbo Interdictum  
 num. 7.

D Nituntur maxime hoc argumento, quod  
 excommunicatio minor, pœna sit grauior  
 interdicto, nam illa Sacramentis priuat,  
 istud autem, sola auditione diuinorum offi-  
 ciorum, & Ecclesiasticæ sepulturæ, quæ duæ  
 res in ratione pœnæ, non sunt cum Sacra-  
 mentorum priuatione conferendæ, ergo ut  
 minor excommunicatio reum tantum ve-  
 nialiter afficit, ita & interdictum personale  
 singulare, eiusmodi tantum culpæ conscium  
 notare poterit.

E Sed neganda est maior, cum opinio-  
 ne hominum, à qua pœnarum acerbitas  
 est petenda, durius sit homini, arceri  
 diuinis officiis, quam Sacramentis, in-  
 dicio est, quod multis, Sacramenta sint in  
 odio, aut certe contemptu ac radio, ut  
 quicquid frequentius non obeant, quam se-  
 mel tantum annis singulis, & sæpe coactè,  
 cum

cum quotidie templa frequentent, sacrum ibi inaudiant & in speciem pie admodum & religiose.

Deinde cum non habeant hæc duæ censuræ priuationem earundem rerum, sed omnino diuersarum, ex argumento allato inferri tantum potest, quod secundum quid tantum, minor excommunicatio grauitate interdictum superet, & hoc illam, quod est verissimum, cum se habeant ad inuicem tanquam excedens & excessum.

Dico ergo mihi probabilius videri, interdicti quoque personalis singularis causam, aliam non esse quam culpam mortalem.

In quâ me mentem impellit ratio, quæ ex æqualitate supplicii cum eius causa, quæ est culpa necessario est petenda. Quare cum acerbius homini religioso actimenti Deum esse nihil possit, priuatione Ecclesiasticæ sepulturæ, Missæ, Vesperarum, ac diuinorum officiorum, abhorret à prudentia dicere, tantæ pænæ causam leuem esse. Et huius opinionis sunt Sanchez de matrim. to. 4. lib. 9. disp. 32. num. 29. Suar. to. 5. disp. 4. sectione 10. Filiuciusto. 1. tract. 20. cap. 3. num. 58. Laym. lib. 1. tract. 5. cap. 4. num. 4. quibus obstant Sa verbo Interdictum num. 7 Henriq. lib. 11. ca. 50. num. 2. Auila par. 5. disp. 3. dub. 2. maxime si interdictum sit ad breue tempus, & natura sua leue.

## QVÆSTIO VIII.

*Interdicti causa subiectiua quæ?*

**I**nterdicti materialis causa, seu subiectus, non solum sunt personæ particulares, siue Ecclesiasticæ, siue seculares, sed etiam vniuersitas in communi, Nauar. cap. 27. num. 168. Sylu. verbo interdictum 3. num. 1. Bonifac. VIII. in decretali quanquam 4. de censibus in 6. vbi quâ quemque pænâ plecti oporteat, ob imposita Clericis pedagia, ac gabellas, sic declarat, *Qui contra fecerint, si persona fuerint singulares, excommunicationis, si autem collegium, vel vniuersitas, ciuitatis, castri, &c. ipsa ciuitas, castrum, vel locus, interdicti sententias ipso facto incurrant.*

Secundo interdicti materialis causa est locus, cap. si sententia 16. & ca. si ciuitas 17. de sentent. excomm. in 6. vbi castri, villæ, ciuitatis, & Ecclesiæ fit mentio, vti rerum quæ Ecclesiastico supponi interdicto queunt.

Tertio, non modo nocentes interdicto ob culpam suam subiecti possunt, sed & infantes, quatenus sunt vniuersitatis interdictæ pars aliqua, aut principis quem puniri

Pars secunda.

**A** oportet, potestati obnoxii, vt enim filius, res est quæpiam patris, ita & subditus domini, hic ergo in isto, & ille in filio, tanquam in re quapiam, quæ ad eorum ius pertinet, recte puniri ac iuste sunt censendi, & ita censuræ, non modo pænæ rationem habent, quantum ad eos qui pro illis castigantur, sed etiam medicinæ quoad eos qui plectuntur, etsi sint inculpabiles, Diu. Thom. 1. 2. q. 87. art. 8. Castro lib. 1. de lege pæn. cap. 3.

**B** Hos autem licet immerentes eadem inuolui pænâ, qua dominos eorumque Principes, æquitas ipsa postulat.

Primo vt hi de admissio à se crimine cuius causa ciuitatem ac prouincias, innocentes æque ac noxios, interdicto vident suppositos, acriori doloris sensu pungantur.

Secundo, prodest etiam in fontibus, interdictum quo afficiuntur, vt odio tam culpam quæ eius est causa, quam illius auctorem prosequantur, cum se sine causa vlla sua, propter eius crimen sacris arceri vident.

## QVÆSTIO IX.

*Explicantur interdicti cause due aliæ, finalis scilicet & formalis.*

**I**nterdicti finalis causa multiplex, omnes tamen ad sequentes, aut earum aliquam, reuocare memoriæ ac perspicuitatis gratia facile.

Et primo quidem id mihi in interdicto spectare videtur Ecclesia, vt Principi, qui eo plectitur, culpæ suæ odium imprimat, eoque vehementius, quo ad plures eius effectus pertinere videt, ac manare copiosius, nam quid accidere homini non omnino hebeti potest acerbius, quam culpa sua iacere in luctu ac squallore populos, infantes iuxta pueros ac mulieres, ac cuiusque modi homines priuari sacris, à sacramentis ac diuinis reici officiis, ac vbi illis vltima sua ac decretoria dies aduenerit, sine solitis sepulturæ Catholicæ honoribus terræ mandari? ac in suū, hoc est maiorum tumultu ritu Catholico inferri nō posse? hæc omnia secum incommoda vehit, trahitque interdictum Ecclesiæ, non modicis ergo pungi doloribus Principem est necesse, si charitatis ei aduersum se, suosque sensus superest adhuc aliquis, vt enim hi ægri esse, eo valente ac sano, nequeunt, ita nec potest ille nō gemere, his gemētibus cum quæ mala, quæ animi vulnera patiuntur ac ferunt, in eius perniciem caputque, ac sanguinis, communionem quadam amoris certo redundant ac vergant.

Secundo interdictum cum imponit Ec-

EEe



clesia, quod cuique natura licet, tueri se facit, cum enim ob principis contumaciam bellum quoddam eum inter, & illam intercedat, quis non videt iustam isti ac honestam subesse causam distringendi in eum interdici? subditosque eius, ne illi consentiant, ac faueant, priuandi Sacramentis, ac diuinis officiis? cum enim, bonis se eius causa, maximis ac diuinis orbari vident, non possunt, si Catholici esse pergunt, eius non odisse superbiam, improbare contumaciam, quod quandiu faciunt, ne ei propitij sint ac placabiles, ne peruicaciae approbatores, metui iuste non potest.

Tertio silere templa, mœrere altaria, sacra à populo minime frequentari officia, interdico personas, ac prouincias subiei vult Ecclesia, vt his rebus, mœrorem suum de obduratione Principis præ se ferat, cum tunc temporis via Sion lugeant, eo quod nemo sit qui ad solemnitatem veniat, pompam enim omnem sacrorum, ceremoniarumque in Dei cultu vsurpari solitas negligit, vt Principem lugendum esse indicet, cumque istiusmodi tristi ac miserabili rerum facie, ad Deum, seque ipsum reuocet, ita Tolet. in summa lib. 1. cap. 19. num. 11.

Ad formam quod attinet, qua iudici interdici oporteat, sic habeto, eam in iure certam nullam esse, ac expressam, vt notant Sylu. verbo *interdictum* 3. parag. 7. Henric. lib. 13. cap. 50. ad eius tamen essentiam quando est ab homine, multa concurrere, quæ formam vicem gerant, vt quod in scriptis feratur, cap. 1. de sent. exco. in 6. cum expressione causæ ob quam imponitur, monitione trina præuia, ac speciali denunciatione nominatim facta & in indiuiduo certi loci, vel certæ personæ, vt dicitur in cap. reprehensibilis de appellationib. & cap. statuimus 3. de sententia excommunicationis in 6. maxime si feratur in participantes cum excommunicatis, ab eo, à quo emanat interdictum, Nauar. ca. 27. num. 164. Henric. lib. 13. cap. 50. num. 3. Non est tamen monitio hæc necessaria, cum interdictum fertur vt pura pœna ob delictum, Suar. tom. 5. disp. 36. sect. 3. sed tantum cum per modum censuræ imponitur ad reprimendam contumaciam, Suar. ibi. An autem exigatur denuntiatio ad effectum, vt tam loca, quam personæ euitentur, dicitur postea.

Et quanquam certæ nullæ sint, propriæque voces adhibendæ necessario ad interdictum, eiusmodi tamē esse oportet, tam ipsas, quam quæ his adiunguntur, & quæ eas præcedunt, & subsequuntur, vt significet sermonē de hac censura fieri, vt constat, ex cap. non est vobis de sponsalib. alioqui sententia nihil efficeret, nec effectum interdicti proprium pro-

A duceret vt docet Suar. disp. 3. sect. 2.

## QVÆSTIO XL

An interdictum tam generale quam speciale, imponi ob culpam alienam possit ac debeat.

**R**espondendum est posse, sic enim Pontifices in cap. sicut de iur. iur. 29. cap. non est 11. de sponsalibus cap. sane 11. de offic. iudicis de legat. vbi dicitur iudici delegato permissum esse, rebellem Episcopum, ac Papæ inobsequentem punire interdicens ei ingressum Ecclesiæ ac terram illius, verba sunt cap. qua ad iurisdictionem pertinet suam, speciali interdicto supponendo. Docentque Castrius Palaus to. 1. tract. 3. disp. 1. puncto 35. Diana 3. parte 6. miscell. resolut. 76. cum asserunt suspensionem, irregularitatem, & interdictum imponi aliquando extra omnem culpam, interdici & suspensi.

**C** Neque id modo verum est de locali interdicto generali, sed personali quoque. Quomodo enim locus interdici potest, in pœnam culpæ ab eius Domino admissæ, ira & personæ ei subiectæ, in illius odium, aut si id repugnat, repugnantia causa producat. Dixi locale generale, ob culpam Domini vel gubernatoris, nam ob culpam priuatæ alicuius personæ interdici aliquem: vetat Basilicenses Concil. sess. 10. quoad hanc partem à Nicolao V. approbatum.

**D** Dices puniendum esse neminem, sine sua aliqua culpa, at quid peccauit populus, interger, qui ob peccatum Principis interdicitur? cum pueros, aliquid admittere honestati Christianæ oppositum, non sit credibile, nec enim ea ætate ratione vtuntur, sine quatenus, peccato locus esse quis potest?

Ad maio. Respondend. primo falsum esse, puniri posse ob culpam alienam, neminem, cum vsus experientiaque doceant, nocere liberis paterna scelera, ob quæ priuati hæreditate sibi debita, igni sæpe & aqua interdiciuntur nulli merito suo.

**E** Respondend. 2. interdictum in casu proposito, non esse respectu populi innocentis, supplicium, sed tantum afflictionem, ita Alfonso. Castrius lib. 1. de lege pœn. cap. 3. Auila 5. par. disp. 3. dub. 1. ad primum, quæ sine culpa, non tamen sine iusta causa imponi afflictio potest, exemplo Tobia, quem Deus est passus capi oculis, vt posteris exemplum esset patientiæ.

Aduertendum hic tamen ob debita Domini, & que ab eo contractum, interdicto regnum aut prouinciara supponi non posse vetante id Pontifice in Extraneo. Proinde attendentes

*rendentes de sentent. excommunicat.* quod non videatur Ecclesiasticæ benignitatis esse, pro re nihili exerere censurarum enssem, ac fulmina, maximè cum cuique rationes suppetant, nec pauca, nec inualida præter censuras, recuperandi quod sibi à Principe debitum esse, causari potest.

## QVÆSTIO XI.

*Quot modis violatur interdictum Ecclesiasticum.*

**P**rimo violatur à Clerico si interdictus specialiter, aut personaliter, actum sui ordinis exercere præsumat, quo tempore irregularitatem contrahit, Sylu. *Verbo interdictum* 6. num. 2. Ordinis autem nomine, Missæ intelligendæ veniunt, Horæ canonicæ collegialiter recitatæ, exequiæ, ac benedictiones solennes, omniaque de quibus habentur Rubricæ in Breuiario, vel Missali, Benzonius de *iustitia interdicti Veneti cap. 5. exceptis his*, inquit, *quæ sunt dispositiones, vel sequelæ ad aliquod Sacramentum, eo tempore licitum exhiberi, sicut Catechismus respectu Baptismi, & commendatio animæ, quæ respectum habet ad absolutionem in pœnitentia ministratam* Berzon. lococitato proximè.

Secundo violatur interdictum à Clerico, si cum interdictus non sit, diuina officia tamen celebret in loco interdicto.

Tertio, si personaliter ac specialiter interdictus, sacris intersit, vel Sacramenta sibi prohibita dari sinat.

Quarto si interdictos personaliter, post factam interdicti denunciationem, diuinis interesse, vel Sacramenta ab iis patiaturs recipi.

Interdictum autem locale violatur à Clericis & religiosis, si diuina celebrent, non obseruata moderatione *cap. alma mater de sentent. in 6.* id est cum pulsu campanarum, ianuis apertis, non exclusis excommunicatis, & interdictis, voce elata, ut à Laicis audiri possint.

Secundo violatur, cum qui præsumunt Ecclesiæ, alios sine dicta moderatione, diuina officia in loco interdicto celebrare sinunt, ita Pontifex in *cap. non est vobis de sponsalib. ibi. Ne celebretis, nec alium celebrare permittatis.*

## QVÆSTIO XI.

*Quæ sint pœna Clerici interdicta Violantis.*

**D**ico primò, *Peccare Clericum mortaliter, cum interdictum violat*, quia in re quæ plurimi interest ad dignitatem Ecclesiæ, eius præcepto morem non gerit.

Excusant primò, inaduertentia, secundo materiæ leuitas, quæ in eo maximè conficitur, quod Clerici aliquem V. C. subitò ac incogitante ad diuina officia admittant, aut contra præscriptum interdicti, psalmum vnum cum eo canant. Suar. *disp. 34. sect. 4. num. 9. & 10.* vbi tradit in rebus leuibus quoad præsens institutum, non habendam esse Sacramenti vllius administrationem, secundo nec lectionem solemnem epistolæ, aut Euangelii, vel orationis publicæ, quæ præmissa, *Dominus vobiscum*, tempore diuini officii canitur, quod hæc ob rei dignitatem, materiam grauem constituent, quam opinionem Ægidius quoque defendit *disp. de censur. 17. dub. 43. num. 65.* non est hæc autem grauitas ex sola illius longitudine æstimanda, sed etiam ex magnitudine auctoritatis, & solemnitatis cum qua profertur, sic peccare mortaliter hebdomadarii qui Sacerdos est Reginald. asserit *cap. 30. num. 46.* qui orationem in choro canit, & Episcopum qui benedictionem fidelibus impertit, quia etsi sint de se res leues, tamen ut sunt pars officii diuini, sunt notabiles. Idem ibid.

Dico secundò, *Peccare item mortaliter Laicos, cum interdictum locale violant.*

**D** Primo cum fraude, mendacioque, facultatem obtinent audiendi in eo diuina officia, putà, quia mentiuntur se Clericos, aut habere priuilegium.

Secundo, cum ingressi templum aut locum interdictum, Clericos cogunt, ut coram se diuina celebrent officia, aut ipsimet ea sic in eo celebrant, quomodo celebrata à Clerico, reprehenduntur in interdicto.

**E** Probaturs assertio primo, quia mendacis quia fraude, alteri sunt causa, nempe Clericis, faciendi contra præceptum Ecclesiæ, prohibentis ad diuina interdictos admittere, aut in loco interdicto, quod esse non potest sine scandalo, cum res scitur.

Secundo, quia est hæc actio, cum contemptu Ecclesiæ coniuncta.

Peccant item mortaliter, cum per vim in locum se interdictum inferunt, indeque iussu egredi, Clericis id imperantibus parere rehuunt. Nauar. *cap. 27. num. 187.* Auila 5. par.

EEc ij

disp. 5. dub. 5. Equidem cum diuinæ rei celebratio, ad eum modum, quo à Clericis fieri solet, in loco maximè interdicto, indecentiâ habeat non vulgarem, eamque repugnantē Ecclesiæ voluntati, quis non videt, tolerabilem eam non esse, proindeque lethalem?

Placet mihi tamen eorum opinio, qui negant Laicum cum personaliter non est interdictus peccare plusquam venialiter, quando sine vi, fraude ac scandalo diuinis interest officiis, quæ est sententia, Nauar. cap. 27. nu. 187. Sylu. verbo interdictum 6. n. 7.

Ratio est, quod lex interdicti localis, directe ac per se ad Laicos non tendat: eius ergo obligatio, comparatione eorum est minus grauis quàm Clericorum, ergo cum hi peccent mortaliter, non peccabunt alii nisi venialiter.

Dico tertio, Clericum qui interdicti sententiam, non profert in scriptis, pœnam constitutionis, Innoc. I V. cui initium cum medicinalis de sentent. excomm. subire, quæ est in eo sita, ut per mensem illi sit Ecclesiæ ingressus interdictus, cum quo impedimento si celebrat, est irregularis per decretalem Bonifac. VIII. n. qui de sentent. excommunicat. in 6. his verbis: *Is cui est Ecclesiæ interdictus ingressus, irregularis efficitur, si contra interdictum huiusmodi, diuinis in ea se ingerat, in suo agens officio sicut prius, cum sibi per consequens, censeatur in ipsa diuinorum celebratio interdicta.*

Vt autem quis teneatur hac pœna non opus est dolo, ut docet Glossa in cap. 1. de sent. excomm. satis est fatuitas, stulticia, & negligentia, & item ignorantia crassa, quæ non sit causa sine qua non actionis, ex sententia Comitoli. 6. Respons. q. 51. num. 3. qui de hac vniuersa re sic scribit. *Ignorantia crassa & supina, inquit Panormit. in can. Apostolica de Clerico excomm. ministrante num. 3. dicitur quando de facili potuit quis scire, & non curauit, & in eodem comment. ignorantia, inquit, crassa & supina, & latissima culpa æquiparantur scientiæ, etiam in pœnis delictorum, pro quo est textus in can. 1. de ordinato ab Episcopo qui Episcopatu renuntiavit, quod & alii dixere minime contemnendi Theologi, maxime Sotus in 4. dist. 43. q. 1. art. 32. concl. 5.*

Ex quo patet quam verè à nobis sit dictum, quod cum dolo, crassa negligentia æquetur, sciendiæque æquipolleat, ad hanc pœnam incurrendam, non exigi dolum in eo quem afficit, sed sufficere ignorantiam crassam celsuræ, quæ non sit causa sine qua non actus, consulenda quæstio, quam de hac re institui-  
mus in tract. de censuris in genere.

Dico quarto, Clericum tam secularem quam religiosum, qui præsumit illicite diuina celebrare in locis interdictis, aut excommunicatos & interdi-

A Etos publicè, nec toleratos, ad Sacramenta diuina officia, & Ecclesiasticam sepulturam admittit, suspendi ab ingressu Ecclesiæ, donec satisfecerit si cuius sententiam violauit, Bonif. VIII. in cap. Episcoporum 8. de privilegiis in 6. Qui contra præsumpserint, ingressum Ecclesiæ sibi nouerint interdictum donec de transgressione huiusmodi, ad arbitrium eius cuius sententiam contempserint, satisfecerint competenter.

Est item irregularis Clericus, qui interdictum locale aut personale violat, per actum ordinis patet, ex can. 11 qui 13. parag. 13. vero, & cap. 11. cui Ecclesiæ 10. de sent. in 6. sic enim Bonifac. in priori sua sanctione *Is vero qui scienter in loco celebrat supposito interdicto, irregularitatem incurrit, à qua nequit per alium, quam per Roman. Pontificem liberari, Religiosi autem etiam exempti, illud non seruantes, maxime cum ab Ecclesia Cathedrali, aut Parochiali eius loci in quo sunt, custoditur, incurrunt excommunicationem Clement. I. de sentent. excommunic. quemadmodum & qui nominatim interdictum, & denuntiatum in loco sacro sepeliunt, Clement. I. de sepultur. à qua, inquit Clem. V. nullatenus absoluantur nisi prius ad arbitrium Diocesani Episcopi, eis, quibus per præmissa fuerit iniuria irrogata, satisfactionem exhibuerint competentem.*

Dico quinto, Eum à quo violatur interdictum, hac insuper pœna teneri, ut nec eligere nec eligi possit, Sylu. interdictum 6. q. 2. Henrici lib. 13. q. 46. num. 3. Comitoli lib. 6. responsion. q. 50. num. 3. & 4. nec ad beneficium postulari, ex decretali Innoc. III. prima de postulationib. prælatorum. Nec ea diuina facere quæ ex officio solet, quas pœnas etiam in sœmina religiosa agnoscunt Diu. Anton. 3. parte tit. 25. cap. 4. parag. 1. Sylu. in verbo Interdict. 6. q. 3. Comitoli num. 4.

Est hæc etiam pœna, Clerico spernenti interdictum Ecclesiasticum constituta, ut iurisdictionis actum valide exercere nulum valeat. Ita Sylu. in verbo interdictum 6. num. 3. quia communis est Doctorum bene sentientium diiudicatio, eum suspensum esse ob hoc peccatum ab officio, & beneficio. Sane Gregor. IX. in decret. tanta 18. de excessib. prælator. Episcopi cuiusdam Hispani opera omnia, per eum à violatione interdicti Ecclesiastici gesta, irrita esse nulla quæ sanxit. Auctoritate, inquit. Dei omnipotentis omnem institutionem, destitutionem, collationem præbendam, beneficiorum, dignitatum præsumptas, per eundem Episcop. & excommunicationis seu interdicti sententias in quoscunque prolatas ab eo, post interdicti violationem eiusdem, decernimus irritas & inanes. Quem in locum scribens Glossa. Nota, inquit, in verbo irritas & inanes quod qui non seruat sententiam interdicti beneficia vel dignitates

dignitates conferre non potest, tanquam suspensus, item nec talis potest excommunicare aliquem, cum quantum ad Sacramenta Ecclesie, excommunicatus reputetur, & paulo post. Ex eo quod dicit irritas patet, quod institutiones, & excommunicationis sententiae nullae fuerunt 24 q. 1. can. audiuius.

Dico sexto, Tam eum qui impedit ne interdictus templo exeat, quam interdicti ipsi, si moniti inter Missarum solennia egredi, parere noluerint, excommunicationem incurrere Papae reservatam, ita Clem. V. Clem. 2. de sentent. excommunicat. his verbis: Ne igitur excessus sic graues excedentium impunitate trahantur ab aliis in exemplum, praesumptores praefatos, necnon excommunicatos publice & interdictos, qui in ipsis Ecclesiis nominatim a celebrantibus, ut exeat moniti, remanere praesumpserint, excommunicationis sententia, (a qua per sedem duntaxat Apostolicam possint absolui) sacro approbante Concilio innotamus.

## DE EFFECTIBVS INTERDICTI.

## QVÆSTIO XIII.

Et primo, de priuatione diuinorum officiorum.

**E**ffectus interdicti quatuor sunt numero. Primus, priuare diuinis officiis cap. si sententia, cap. ult. de sententia in 6.

Secundus, prohibere Sacramentis non omnibus, sed quibusdam, ut est in cap. alma mater de sentent. excomm. in 6. & cap. quod in te de penit. & remissionibus.

Tertius, remouere a sepultura Ecclesiastica cap. si ciuitas de sent. in 6.

Quartus, irregularem eum reddere qui in loco interdicto celebrat. cap. is qui de sententia excommunicat. in 6. de quibus priusquam disseram, notatum volo, officii nomine, de quo hic est quaestio, intelligi primo Missae sacrificium, secundo recitationem publicam & solemnem Ecclesiasticarum precum, hoc est factam cum ritu & caeremoniis, quae ad Ecclesiasticos proprie pertinent, suntque institutae ab Ecclesia, ut a Clericis seruentur ad Dei laudem, deinde confectio nem Sacramentorum, ac Sacramentalium, cuiusmodi est benedictio aquae lustralis, eiusdemque asperio, quae nomine fit Ecclesiae, non priuata benedictio mensae, aut personae alicuius.

Dico ergo, Omnia officia diuina interdicti tempore, Clericis prohibita esse, praeter Missas & horas: officij autem nomine, ea duntaxat intelligimus, quae in Ecclesia ab ipsius ministris tali modo fiunt, ut a Clero tantum ad illa specialiter or-

**A** dinato, & deputato fieri possint, Suarez tom. 5. disp. 34. sect. 3. num. 7. Pars prima habetur in cap. responso de sentent. excommunicationis, ubi generaliter dicitur, diuinum officium celebrandum interdicti tempore non videri, quod iteratur in cap. permittimus eod. titulo.

**B** Quare verissimum est Panormitani monitum in cap. Tanta de excessibus Praelatorum, Sacerdoti aut Praefuli nefas esse, post interdictum Prouinciae toti, aut regno inflicto, absolutionis solennia exhibere, orationes cum stola, & psalmum poenitentialem dicere, in Ecclesiam poenitentes introducere, sunt enim haec ordinis, ac officii diuini pars non minima.

**C** Nam functio, quae certo est ordini sacro, siue minori, siue maiori attributa, proprie diuinum est officium, Panormitano teste, in can. secundum de Clerico excomm. ministrante, Anton. in 3. parte tit. 26. cap. 4. parag. 1. Rosella in verbo interdict. 2. at orationem cum stola dicere, Sacerdotis est proprium, non saecularium, quibus eius usus omnino est vetitus.

Additum est in assert. praeter Missam, & horas canonicas, his enim pietatis ac religionis erga Deum officiis, vacare posse Clericos non interdictos, tempore interdicti localis generalis, in Ecclesiis & Monasteriis, auctor est Pontifex in can. alma mater extremo de sent. excomm. in 6.

**D** Ecclesiarum autem nomine, an oratoria quoque approbata, aliaque loca in quibus celebrari Missae possunt, intelligi debeant, controuersantur auctores, & ad partes negatium concedit Turria l. 6. disp. 49. dub. 1. & diff. 7. num. 18. Pro contraria opinione faciunt ex opposito Suar. disp. 34. sect. 1. num. 8. Villalob. to. 1. tract. 19. diff. ult. 5. Filliuc. to. 1. tract. 18. cap. 3.

**E** Horum omnium vnica est ratio, nempe, quod in materia fauorabili, oratoria sacro cultui deputata, Ecclesiae nomine comprehendendi soleant, In his ergo interdicti tempore, quemadmodum in Monasteriis & Ecclesiis dici Missa poterit, modo adsint quae sequuntur, primum, ut id fiat ianuis clausis, secundum voce submissa, tertium, exclusis excommunicatis & interdictis, quantum non pulsatis campanis.

In quo est causa nostra longe potior, quam Clericorum veterum, quibus etsi permitteret Pont. in cap. quod in te de Panit. & remissionib. operari quotidie, non tamen alibi quam in sacris religiosorum domibus, quae tres tantum numero de omnibus, debebant in hanc rem deligi: Cum istius rei Clericis concessione Papae liceat, in omnibus;



& qualibet regni aut provincie parte sacris operari, ac precari, Auila 5. parte disp. 4. sect. 2. dub. 2. *Ægid. disp. 17. dub. 2. num. 28. & 29.*

Circa dicta notandum primo, ea duntaxat intelligi de interdicto locali generali, & personali, aut locali speciali. Quia persona cui interdicta sunt diuina, ea nusquam obire potest, Sylu. *Verbo interdictum* 5. q. 1. Nauar. cap. 27. num. 174. Nec ad eam rem similiter apta sunt templa eius loci, qui interdictus est specialiter, quia de eo canon *alma*, non loquitur, ergo cum antequam canon hic fieret, in his templis interdictis specialiter, facere non liceret, nec nunc quoque, cum ea prohibitio per canon. *Alma* non cessaue- rit.

Notand. 2. quod etsi in Ecclesia interdicta specialiter, non liceat Clericis recitare simul sollemniter, & cum cantu horas canonicas, aut alia diuina officia, liceretamen eisdem, Missam vnā singulis hebdomadis in illa dicere, quia hoc iure antiquo concessum erat, per decretal. *permittimus* 57. de sententia excommunicat. nec immutatum est aut ablatum, per can. *Alma*, ergo seruandum ut antea, cum in his quæ ibi non nouantur, ius antiquum retinendum esse, dicatur in eo canone.

Notand. 3. Clericorum nomine intelligi etiam initiatos prima tonsura, si beneficium habeant, aut sint cælibes, & non bigami, ac vestem, & tonsuram Clericalem gerentes, alicui Ecclesie ex mandato Episcopi inferant, aut studiis ad maiores ordines suscipiendos, dent operam in Academiis iuxta decret. Concil. sess. 23. cap. 6.

His aggregandæ sunt moniales omnes, exinde Eremitæ, & è religiosis Laici etiam non tonsurati, quia cum de priuilegiis agitur, eos omnes nomen Clerici complectitur, iuxta Sylu. in *Verbo Clericus* 1. num. 1.

Tertio Clerici nomine etiam Nouitii, & quæcunque personæ Ecclesiasticæ, tum incolæ, tum alienigenæ.

Ratio est quod Bonif. VIII. mens fuit id laborare, ut tempore interdicti diuina peragerentur officia, in Ecclesiis sicut prius, ergo qui Clerici, ante interdictum diuinis operâ dare officiis debebant, hos quoque interdicti tempore, illis vacare est necesse, modo remissa voce, & exclusis suspensis, interdictis, & excommunicatis.

Notand. 4. Laicis nihil esse per canones concessum, nec proinde illis licere interditi tempore tam personalis quàm localis, extra tempora iure concessa in can. *alma* templum ingredi, itaque si sibi sacrificio Missæ interesse velint, nec expelli possint, eam Clerici prosequi non poterunt, nec inchoatam absolue-

re, si non sit canon inceptus Auila parte 5. disp. 1. dub. 1. conclus. 3.

Tria tamen sunt tempora, in quibus Laico permittitur, sacris se præsentem officiis sistere.

Primum est, cum est necesse, ut si sacrificaturus ad manum non habeat Clericum, qui sibi ministret, eius loco exhibere se poterit Laicus, modo non sit interdictus specialiter, Suarez disp. 34. sect. 1. num. 34.

Secundum est, cum de eo habetur priuilegium, quo fruitur, quisquis Papæ concessione, celebrare, aut audire diuina interdicti tempore potest, nā hoc ipso, permittitur eius seruis ac domesticis, vna eam illo, ei interesse ut possint cap. *licet de priuileg. in 6.*

Tertium est, in quatuor festiuitatibus, de quibus in cap. *alma mater Natalis*, scilicet Dominus, Pascha, Pentecostes, & Assumptionis Virginis gloriosa, in his enim populum ad diuina conuocare officia æris campanifono, eademque celebrare Clericis est licitum, excommunicatis prorsus exclusis sed interdictis admixtis, quibus ob reuerentiam dictarum solemnitarum, præfatis diebus participationem permittimus diuinorum, inquit Bonif. in cap. *alma* 24. de sentent. excom. in 6. dummodo tamen ad altare non appropinquent, Eucharistiæ sumendæ causa, qui in speciali sunt interdicto, vel generali causam dedere, *Ægid. Coninch. disp. 17. dub. 2. n. 3.* An autem alio tempore Eucharistia, Sacramentaque reliqua interdicto à fidelibus sunt permixta, & quatenus, explicabit sequens quæstio.

D

## QVÆSTIO XIV.

De secundo effectu Sacramenti, qui est Sacramentorum priuatio.

Dico primò, In interdicto, Sacramentorum usum tam actiuum, quam passiuum prohibitum esse. Veritatem huius sententiæ confirmant, Innoc. III. in cap. quod in te 11. de penitent. & remissionib. & Bonifac. VIII. in cap. si sententia 16. & cap. *alma mater* 24. de sentent. excommunic. in 6. in quorum postremo sic Bonifac. præcipit: In terris seu locis Ecclesiasticis interdicto suppositis, nulla (certis casibus & Sacramentis exceptis) diuina celebrentur officia, vel ministrentur Ecclesiastica Sacramenta, qui autem sint hi casus, quæ Sacramenta tempore interdicti excepta, proindeque concessa à iure, explicabunt sequentes conclusiones.

Dico itaque secundò, Interdictum non priuare Sacramenta Penitentia, habetur in cap. *alma mater* de sentent. in 6. Concedimus quod tempore

per interdicti, ab homine vel à iure prolatis, non tantum morientes, sed etiam viuentes, tam sani quam infirmi, ad pœnitentiam admittantur. Dicitur hæc tempore interdicti, sano an infirmo nihil refert, cum moderatione tamen duplici.

Prima ut excommunicati, ad ipsam non admittantur, nisi in articulo mortis.

Secunda, ut negetur his, propter quorum culpam, dolum, aut fraudem, interdictum est impositum, aut qui ad illud sunt cooperati dando auxilium, consilium, vel fauorem, nisi prius patri læsæ satisfaciant, aut se satisfacturos spondeant, data cautione pignoratitia, aut si per inopiam nequeunt, iuratoria. Dum tamen, inquit canon, excommunicati non fuerint, quos præterquam in articulo mortis admitti volumus ad eandem, illis etiam propter quorum culpam, dolum, vel fraudem lata est interdicti sententia.

Scio Patres Suarium *disp. 33. sect. 1. nu. 16.* & *Ægid. disp. 17. de interdicto dub. 1. num. 40.* velle Pontificem in eo can. tantum de absolutione solenni agere, & non de priuata, & in foro conscientie, quam excommunicatum ibi recipere posse tradunt ab eo, cui ad iudicia, aut officium proprium, potestatem sufficientem tribuunt, quare cum in *can. alma mater*, dicitur tempore interdicti excommunicatis, dandam absolutionem non esse præterquam in mortis articulo. Sermo (inquiunt) est primo, de absolutione solenni, in qua usurpantur certæ quædam ceremonie quæ ad officium Ecclesiasticum pertinent, in quo Clericis versari tempore interdicti est prohibitum.

Secundo sermo est (inquiunt) de his qui cum potestate ad absoluendum careant, excommunicatum reconciliare Ecclesiæ non possunt, extra mortis articulum, quo tempore, ne quod est institutum pro caritate, in eius exitium vertat, quolibet approbato efficaciter Ecclesia, ac cum fructu, ad hoc ministerium utitur.

Scio, inquam, hæc ab eis scripta esse, nec improbabiler, contrarium tamen, ut ipsemet Suar. admonet, non est omnino respuendum, ita sentienti subscribere Rutilius Benzonius *de iustitia Pontificii interdicti cap. 6.* Laym. *de interdicto cap. 7.*

Aduerte tamen, quod si sano Sacramentum Pœnitentie ministretur intra Ecclesiam, fieri id debere eo tempore, quo non celebrantur Missæ, aut diuina officia in choro, quia talis ad pœnitentiam concessione Pontificis admitti potest, sed illi eiusdem facultate in eo canone non permittitur, interesse diuinis officiis, absolui ergo, ac audiri intra Ecclesiam pœnitens non debet citra priui-

legium, cum in choro canitur.

Dico tertio, Baptismum, Confirmationem, & Eucharistiam ministrari posse tempore interdicti, hoc tamen discrimine quod priora duo Sacramenta paruulis æque ac adultis conferri queant, firmis adhuc & valentibus, Couar. *par. 2. parag. 2. num. 7.* Auila *disp. 4. dub. 4. concl. 1.* postremum autem non nisi ægris, & constitutis in mortis periculo, quacunque tandem ex causa hæc immineat.

Habet assertio quoad primam partem fidem à *cap. non est vobis de sponsalibus* & *decretali quoniam, 19. de sentent. in 6.* ubi est his verbis: *Quoniam in Baptismo & Confirmatione quæ necdum pueris, sed adultis, propter moræ periculum exhiberi possunt, licet tempore interdicti, quare licet tum Episcopo, chrisma pro confirmatione, & ad baptismi ritum conficere, Bonifac. canone citato proximè, idque in loco etiam interdicto, Sylu. verbo confirmatio §. num. 4. Henrici. lib. 13. cap. 45. eidem quoque licitum tum esse, tam ratio, quam iura voluerunt, consecrari baptizandorum oleum, Nauar. cap. 27. num. 178. quia cum finis est permissus, media quoque ad eum consequendum adhibere est in laude, tentare tamen ea non posset Episcopus, si interdictus esset specialiter Suar. *disp. 33. sect. 1. affecto autem interdicto tantum generali, cui causam non dedit, fas id esse, scripsit Benzonius loco proxime citato, Portelius in dubiis, verbo interdictum num. 11.**

Pars altera, quæ est de Eucharistia, declaratur in *cap. quod inter de pœnit. & remiss. 11. cap. permittimus 37. de sent. excomm.* nam in priori significat Innoc. pœnitentie nomine intelligere se quoque Eucharistiam, quæ morientibus cum dolore offensi numinis, ac præuia confessione scelerum, non est neganda.

In altero concedere se Greg. IX. asserit, ut interdicti tempore, quot hebdomadis sacrum fiat, ne morituris desit copia viatici. *Permittimus Ecclesiarum ministris semel in hebdomada, tempore interdicti non pulsatis campanis voce remissa, ianuis clausis, excommunicatis & interdictis exclusis, Missarum solemnias celebrare causa conficiendi corpus Domini, quod decedenti in pœnitentia non negatur.* Quare cum in iure antiquo nulla facta sit mutatio, ut olim tempore interdicti semel per hebdomadam, sacrum fieri poterat in loco etiam specialiter interdicto, ut haberent infirmi, vnde sibi viaticum peterent, ita & modo, secundum Nauar. *cap. 27. num. 175. Ægid. disp. 17. dub. 2. num. 43.*

Est autem circa administrationem horum Sacramentorum, Notandum primo, ea, non obstante interdicto, solemniter exerceri ac dari posse, Baptismum quidem, cum exor-

cismis, vnctione, oleo, & chrismate. Quia cum Sacramenti alicuius administrandi facultas datur, data intelligitur de omnimoda, ac secundum eam rationem, qua consuevit in Ecclesia conferri, iuxta iuris prescriptionem ac formam. Addit amplius Sylu. *interdictum* 5. qu. 7. dari aliter non posse sine culpa.

Quod spectat ad Eucharistiam, idem est de ea sensus ac de Baptismo. Suar. *disp.* 23. *sect.* 1. nu. 28. quia cum omni sit honore digna, etiam supremo ac Patrie, non videtur esse, ut quæ ad eius cultum, adhibentur more communi Ecclesie, hæc omittantur interdicti tempore.

Quare tunc ut alias eam ad ægrotum deferenti Presbytero, præire poterunt pueri cum facibus, ac campanula, cuius sonitu excitentur prætereuntes, aut in officinis suis morantes, ad reuerentiam ei debitam.

Notand. 1. non in interdicto duntaxat locali generali, permissum esse Parocho donare moribundum viatico, sed personali quoque tam communi, quam singulari. Quia in eo *cap. quod in te citato*, dicitur communionem non negandam esse iis morientibus, quibus pœnitentia conceditur, at nulli quantumcunque culpabili, modo verè ac sincere de admissis doleat, deneganda est pœnitentia, ergo nec communio absque culpa. Notare quoque hic placet baptismum à persona quæ interdicto est subiecta, conferri posse, quia id necessitas Sacramenti exigit. Si tamen esset interdictum personale, aut generale locale, cui baptizans causam dedisset, baptizare non posset nisi in necessitate, & absque solennitate propter suam culpam, propriam interdicti pœnam sustinens tanquam reus effectus Reginald. *li.* 32. *tract.* 3. *cap.* 27. *num.* 23.

Notand. 3. articuli mortis nomine, intelligere me quoque eius probabile periculum cum Couar. *par.* 2. *parag.* 3. n. 1. Armil. *ver. interdictum* num. 45. quoniam in iure mortis, articulus eiusque periculum communiter non differunt, ut ait Nauar. *Enchirid.* 27. nu. 271. *parag.* 7. Proinde ad sacramentum admitti queunt, mulier vicina partui, miles ad pugnam acrem, periculofam, ac difficilem, in oppugnatione vrbs, ducis sui imperio properans, nauta de nauigatione longa ac multis difficultatibus implicita cogitans, possunt (inquam) hi omnes tempore interdicti, tam localis, quam personalis, ad communionem recipi. Quia pericula in quæ ultro ac volentes se induunt, aut coacti alieno imperio, miles quidem ac nauta, cum de nauigatione Indica, aut vrbe expugnanda cogitant, eos in extremam perniciem, pro-

A peque certam mortem vocant, ergo quod in interdicto licet morientibus, & his quoque permissum est in animæ commodum.

Notand. 4. etsi Clericis Presbyteris sacrificare iura annuant, ac consequenter communicare, iis tamen quandiu vrbs, aut prouincia, in qua sunt interdicto nexæ herent, iis (inquam) extra mortis periculum, communicare more Laicorum, esse illicitum, Henric. *de indul.* lib. 7. *cap.* 13. *num.* 4. Auila 5. *part. disp.* 4. *dub.* 5. Quia iure antiquo communicatio tantum est danda morientibus, cum interdictum locale generale durat, at Clericis Sacerdotibus alia nulla facultas est relicta, per *cap. alma mater de sent.* in 6, quam ut sacrificare valeant, iis est ergo neganda communicatio, si tempore interdicti eam sibi dari, eo modo quo datur Laicis affectent, & petant.

Pars assertionis tertia probenda superest, nempe interdicta vrbe aliqua, aut Prouincia, Confirmationem recipi ac conferri posse. Sic ergo probatur,

Cum facultas rei alicuius datur, ea censentur etiam omnia permissa esse, quæ ad eius perfectionem, usum, ac complementum pertinent. Sed ex privilegio, Baptismi collatio est concessa in interdicto, & Confirmatio quædam eius est completio, ergo ut Baptismus, in interdicto dari potest, ac recipi, ita & Confirmatio.

Quod autem sit Confirmatio Baptismi completio, patet. Est enim Baptismus Sacramentum fidei, Confirmatio Sacramentum item, in quo robur datur homini, ad eam libere confitendam, sed Baptismus, perfectionem omnem suam non habet, externam maxime, si se prodere, fidemque suam, Baptizatus non audet, quam ad rem tamen cum Confirmatio animat: ergo, &c.

Equidem cum esset ciuitas Ferrariensis interdicto supposita, aueretque scire eius Episcopus, an liceret ei baptizatos pueros in frontibus consignare, cum præter baptismum pueros, & pœnitentias morientium vniuersa ibi sacramenta interdicta essent, sciscitanti respondit, Innoc. III. in decretali responso 43. de sententia excomm. Quod sicut baptizari possunt pueri, sic & baptizati ad Confirmationem in frontibus, ab eo possent sacro chrismate deliniri.

## CAPVT. XV.

*An Ordo & matrimonium conferri sine culpa in interdicto valeant.*

**D**ico primò, *Interdicto durante ordinem sacrum conferri nullū posse*, quia in canone nō est vobis de spōsalibus, (in quo nulla est facta mutatio per cap. *alma mater*) non fit mentio ordinis in serie Sacramentorum, quæ tum possunt dari & nec ex alia parte, eius recipi, necessitas vlla vrget, sicut sub finem vitæ Eucharistiæ & pœnitentiæ, ergo, &c.

Secundo, *non debent alicubi (casibus expressis à iure duntaxat exceptis) audiri diuina, vel Ecclesiastica recipi Sacramenta*, Bonif. VIII. in c. *si sent. de exco. sent. in 6.* sed sacra ordinatio nullibi excipitur, ergo ipsa simpliciter, & vniuersim interdicta cōsecutur, & vt est in Clem. exim de parad. parag. porro de verborum significatione, vbi aliquid generaliter prohibetur, quod expresse non conceditur, intelligitur denegatum.

Excipiendus est casus, in quo tanta esset Sacerdotum penuria, vt nulli reperirentur in vrbe, pauci autem admodum in magna aliqua Prouincia, qui & morientium confessiones excipere, & expiatis culpis suis pascere cœlesti cibo possent, Ange. verbo in interdicto 6. num. 8. Henriq. cap. 45. Villadiog. de irregularitate tit. de interdicto, Benzonius supra cap. 6.

Ratio est, quod cum aliquid conceditur, hoc ipso indulgeri quoque omnia censeantur, sine quibus illud esse nequit, alioquin esset ea concessio otiosa ac inutilis, sed in interdicto, permittitur morientibus, vsus Confessionis & Eucharistiæ, quæ duo Sacramenta stare sine Sacerdotis ministerio nequeunt, ergo si nullus erit, à quo ministrari valeant, creari non obstante interdicto poterit, qui id officium, in commodum ægrotum obeat.

At enim (inquies) Extrema vnctio potestne Eucharistiæ & confessioni adiungi, ad petitionem duntaxat ægri?

Respondend. negatiue, nam id prohibet Pontifex in cap. *quod in te de pœnit. & remissionibus*, his verbis: *Licet per generale interdictum, omnibus denegetur, tam Extrema vnctio, quam Ecclesiastica sepultura, &c.*

Ex quo patet, ne quidem Religiosis & Clericis indulgendum hoc Extremæ vnctionis beneficium esse, nisi speciale de ea recipienda, aut administranda, privilegio donati essent, etsi specialiter interdicti non forent.

Hac enim voce (omnibus) comprehensum  
Pars secunda.

**A**di eos est certum, cum qui omnes dicit, neminem excipiat. Si tamen eo tempore ob morbum, vel similem aliquam causam, Sacramenta alia ab iis non possent recipi; tum enim uerò Extremæ vnctionis negandum illis non foret, eò quod non sit probabile, Ecclesiam priuare tum velle aliquem, necessario ad salutem remedio, cuiusmodi est Extrema vnctio, in casu quo non contritio, sed sola attritio eius animum occupat.

Dico secundò, *In interdicto fas cuique esse, ad matrimonium animum adiungere, ita & illud re ipsa contrahere valide.*

Primo, quia non eximitur de Sacramentorum numero, quorum vsus permittitur fidelibus interdicti tempore, nam de eo mirum vbiq; silētium, nec est reperire canonem in Conciliis, aut corpore iuris, quo eius vetetur celebratio.

Secundo est matrimonium primo, & per se contractus naturalis, secundo autem & per accidens Sacramentum, in quantum Deo visum est, tale pactum eleuare ad esse Sacramenti, at per interdictum generale, res negotiaque inter se agere, fideles nulla lege prohibentur, ergo nec matrimonium contrahere, maximè cum in interdicto ea tantum Sacramenta prohibeantur, quæ ex participatione, ac Ecclesiæ ministerio pendent, cuiusmodi non est matrimonium, cuius contrahentes ministri sunt. Sanè habet canon Cajetanus de feriis, eam esse Romanæ Ecclesiæ consuetudinem omni vt tempore ineatur. Et quidem non validè tantum, sed & licitè, vt testimonio multorum suoque probat Sanchez lib. 7. de matrim. disp. 8. num. 2. quod etsi negent Reginald. lib. 31. tract. 3. cap. 27. nam. 28. Suar. tomo 5. disp. 33. sect. 1. num. 51: cum aliis quos citat, nostra tamen sententia, absolute mitior est, oppositaque probabilior.

Nefas est tamen eo tempore Sacerdotem, ad benedictionem nuptialē, spon sis imperitiendā adhibere, quod sit hæc, officium diuinum, ac sacrum: nam est actus Sacerdotalis ordinis, cum ad solum Presbyterum pertineat, sponsum & sponsam ex formula Ecclesiæ benedicere, quæ benedictio in certis est precibus posita, super Missæ sacrificio recitari ab eodem Sacerdote solitis, ob eam causam non licet Episcopis in interdicto generali locali, aut speciali, primam tonsuram dare, aquam solenniter benedicere, palmas aut cineres, aut actus quospiam sacros publice exercere, eo quod ad diuina reducuntur officia, quæ tamen interdicti tempore prohibita esse, Ecclesia voluit, ita Sylu. & alii quos citat & sequitur, Suar. disp. 34. sect. 3. similiter interdictus ab actu Sacerdotali,

FFF



pōtēficalia, exercere nō potest, quia hęc sine Sacerdotū actibus propriis, executioni mandari nequeunt Benzoniū supra. Quod de benedictione nuptiali tamen est dictū, Couar. non probatur in commentario cap. Alma par. 2. parag. 2. enim vero cum sit hęc, diuinum quoddam officium, exerceri eo modo potest, quo illud obire est licitum, at in interdicto generali ianuīs clausis ac campanis non pulsatis Missa dici potest, ergo & benedictionem nuptialem dari sic posse nihil vetat, hęc ille satis probabiliter.

### QVÆSTIO XVI.

*De tertio effectu interdicti priuatione scilicet sepultura Ecclesiastica.*

**D**ico primò, *Qui interdicti sunt personaliter ab ingressu Ecclesie, his sepulturam Ecclesiasticam negandam esse*, Sylu. in verbo interdict. 5. q. 2. par. 4. Suar. 10. 5. disp. 35. habeturque expresse in cap. si cui de sent. excom. in 6. his verbis: *Is cui est interdictus ingressus Ecclesie, si durante interdicto decedat, non debet in Ecclesia, vel cœmeterio Ecclesiastico, nisi pœnisuerit, sepeliri.*

Quid si interdictum generale sit, ut accidit cum est tota communitas interdicta à sacerdotum officiorum & Sacramentorum usu? non autem singulare ut hic & ille.

Respondendum, eo innodatos, ab Ecclesiastica sepultura in loco non interdicto, non excludi, si denunciati non fuerint, ita Suar. disp. 35. sect. 3. Regin. lib. 32. tract. 3. ca. 29. num. 38. Quia per extrauagantem Mart. V. ad cuiusandam, vitare cuiusquam personæ communionem non tenemur, siue in diuinis, siue in humanis nisi sit nominatim è superiori loco denunciatū, culpa eū sua in censurā incidisse: ergo nec in sepultura Ecclesiastica cuius rei est hęc causa, quod quibus viuīs communicamus, etiam mortuis communicare possumus 24. q. 2. can. sanè sed interdictos personaliter non tenemur à sacris officiis quæ in loco non interdicto celebrantur repellere, nisi sint denunciati, ergo nec eorum corpora cum sunt mortui.

Dico secundò, *Qui non est interdictus personaliter, sepeliri in loco sacro posse, distincto tamen ab eo in quem interdictum speciale cadit*, Tabiena interdict. 5. num. 11. Auila 5. par. disp. 4. sect. 2. dub. 1. concl. 2.

Causa est, quod nihil cum ab hoc beneficio consequendo impediat, non locus, cum sit sacer, nec quidpiam quod illum ex parte Ecclesie afficiat, cum supponatur interdictus non esse. Nec persona aut aliquid ei adiacens, cum ab omni immunis sit Ecclesie

A vinculo, ut supponimus: alibi ergo quam in Ecclesia specialiter interdicta, humari poterit.

Dico tertio, *Per interdictum generale locale prohiberi, ne quis Laicus in loco sacro sepulturam accipiat, habetur in ca. cum plantare ca. de privilegiis de privileg. Clem. 1. de sepulchris, cap. Episcoporum de privileg. in 6.*

Laicorum expresse facta est mentio, nam per decretal. quod in te de pœnitentiis & remissionib. concessum est Clericis, qui interdictum seruauerunt, cui causam dedere, sepulturam sibi in loco religioso quærere, quo de numero sunt Ecclesia & cœmeterium: Auila dub. 2. sec. 3. eoque nomine, non intelligitur locus quilibet, ad sepulturam deputatus, sed qui per Episcopum ad eam rem est benedictus, ac affectus, Auila sec. 3. dub. 2. concl. 1. Est tamen in istiusmodi sepultura procuranda, cautio hęc tenenda tumultantibus, ei ut dent operam silenter ac tacite, sine cantu, non pulsatis campanis, ac sine solennitatibus aliis, Reginald. cap. 29. num. 37.

**C** sacro dixi, quod in profano humari, decedenti sit licitum, qui ubi sublatum interdictum fuerit, illico exhumabitur, deportandus in Ecclesiam aut cœmeterium Sylu. interdict. 5. q. 8. par. 1. Naagar. 27. num. 176.

Dico quartò, *In interdicto personali generali sufficere, ut singula eius membra, in sacrificiis, ac sepultura, vitare teneamur, si communitas ipsa sit denunciata.*

Ratio est, prima, quod hęc, illa ut totum partes suas contineat, ergo denunciata communitate, membra eius quoque singula censerī debent esse denunciata: ergo & vitanda.

**D** Secunda, quod promulgare de communitate singulos interdictos, moraliter sit impossibile, & tamen sunt vitandi in sepultura, & diuinis officiis: censetur ergo hęc promulgatio sufficienter facta, in denunciatione communitatis.

Dico quinto, *in locali interdicto, eos qui non sunt interdicti, nec interdicto causam dedere, sepeliri posse in loco sacro non interdicto*, Suar. disp. 55. sect. 3. n. 3. Auila par. 5. disp. 4. dub. 1. concl. 2.

Ratio est, quod in locali interdicto personæ non sint interdictæ nisi per accidens, comparisone scilicet loci interdicti.

**E** Dico sexto, *Clericorum corpora, & personarū Ecclesiasticarum, quæ personaliter sunt interdictæ, & non violauerunt interdictum illicita celebratione, posse in interdicto locali, in locis sacris etiam interdictis sepeliri, si sine campanarum pulsu in silentio.*

Huius veritatem assertionis, verba Innoc. III. in decretali quod in te 11. de pœnitentiis & remissionib. indicant. Concedimus, inquit, ex gratia ut Clerici decedentes, qui tamen seruauerint inter-

*interdictum in cœmeterio Ecclesie sine campanarum pulsatione, cessantibus solemnitatibus omnibus, cum silentio tumultentur.*

Excipiendæ sunt festiuitates quatuor, Paschæ, Pentecostes, Natalis Domini, & Assumptæ Virginis, nam vt in iis diuina celebrari officia, ita & defuncti Clerici exequiæ fieri tum possunt sollemniter. Laym. *de interdicto* cap. 1. num. 3. si tamen aliud corpus eius deferri posset quam in locum specialiter interdictum, id omnino curandum foret, Sylu. teste *Verbo interdictum* §. 9. *Ultima*, Laym. ib. si vero vna duntaxat esset Ecclesia, eaque specialiter interdicta sepeliri ibi nihilominus posset, Suar. *sect. 2. num. 4.* Portelius in dubiis *Verbo interdictum* numero 43. dum iur ad Ecclesiam, quo scilicet sepulturæ causa, corpus deferretur, tamen psalmos posse, aut etiam submissa voce dici negat, ibid. Portelius: sanè ad Ecclesiam cum ventum fuerit, in ea Missa dici cæteraque pro mortuo fieri solita, submissa tamen voce, iannuitq; clausis, poterunt Suar. *disp. 35. sect. 1. n. 4.*

## QVÆSTIO XVII.

*Explicantur dubia quadam circa prædicta.*

**D**ubium primum, *An interdicta terra alicuius Domini temporalis, censeantur quoque interdicta possessiones, quas habet in aliis Diocesisibus.*

Respondendum, affirmatiue, dummodo vniuerse ac generaliter, eius terra sit interdicta. Vis enim censura petenda est ex voluntate eam infligentis, cum sit instar legis, quæ ab intentione legislatoris, efficaciam suam arcessit, at iudici Ecclesiastico est hoc propositum, diuina vt officia in omnibus locis sileant, vbi potestatem is exercet, cuius in pœnam, generali interdicto eius possessiones omnes sunt deuinctæ. Sunt enim verba quibus sententia dicitur à Iudice, voluntatis eius certa testimonia, at in toto, declarato verbis omnia complectentibus, eius quoque partes, membraque continentur, ergo cum generali interdicto terra alicuius Principis supponitur, ne minima quidem eius ditio, ab eo est exempta.

Dubium secundum, *An is cui interdictus est ingressus Ecclesie, possit audire diuina officia, aut ea obire in cœmeterio, aut alibi.*

Dico primò, *Eum cui in Ecclesiam prohibetur à superiore ingredi, interesse non posse rei diuinæ, quæ in ea celebratur*, quia est hoc illi lege Ecclesiastica prohibitum, nec enim locus ipse interdicatur, cum ei non competat ingredi, sed personæ, habet ergo rationem interdicti personalis, ergo cum interdictum

**A** quod est tale, personam à diuinis officiis arceat, iis qui est interdictus ab ingressu Ecclesie, interesse non poterit.

Dico secundò, *Ne quidem id ei permissum esse, cum extra Ecclesiam in eoloco hæret, vnde audire, & spectare possit, quæ inibi geruntur, ac fiunt.* Ita Suar. *disp. 35. sect. 4. num. 7.* Regin. lib. 32. tract. 3. cap. 29. num. 41.

**B** Causa est, quod tale interdictum, prohibitio sit, non tantum ingressus Ecclesie, sed etiam participationis diuinorum in ea, vt Suar. docet, at audiens diuina è loco vicino Ecclesie, in qua celebrantur, eorum sit particeps, cum offerantur Deo, pro omnibus, qui tam corpore, quam animo, iis præsentiam suam accommodant, quod in interdictum quadrat, de quo loquimur. *Is autem cui interdictus est ingressus Ecclesie cum sibi perconsequens, censeatur ipsa diuinorum celebratio interdicta, irregularis efficitur, si contra interdictum huiusmodi, diuinis in ea se ingerat, in suo agens officio, sicut prius: is quoque si decedat interdicto durante, non debet sepeliri in Ecclesia, vel cœmeterio, cap. in cui de sent. in 6.*

**C** Dico tertio, *Interdictum ab ingressu duntaxat Ecclesia, posse in cœmeterio diuina audire, & obire, quia nomen Ecclesie, positum in lege pœnali, qualis est ista, presse intelligendum est ac rigide, quo modo sumptum, haud dubie excludit cœmeterium, & alium locum non sacrum, contrarium tamen Portelio visum loco citato num. 50.*

Dubium tertium, *An quando aliquis de subditis eius Principis, cuius terra interdicto generali locali est supposita, transit ad aliam Prouinciã, non interdictam, cesset esse interdictus.*

**D** Partem negantem asserunt Hostiensis, & alij citati à Sylu.

Mihi tamen opposita videtur in praxite-nenda.

Primo, quia cum locale interdictum, loco circumscribatur, extra eum non obligat, sed ei quodammodo inhæret, in hoc distinctum à personali, quod istud personam sequatur, quocunque tandem se transferat, cum locale definiatur loco, nec extra eum se efferat.

**E** Secundo, eadem est interdicti localis ratio in negotio præsentis, quæ legis municipalis, vt nominant, at hæc extra territorium Principis, à quo est lata non obligat, ergo nec interdictum.

Tercio, Ideo Petro V. C. prohibitum est in terra interdicta vacare sacris, quod sit subditus talis principis aut Domini, cuius terra ob culpam ab eo admissam, interdicto subiaceret, at transitu in alienam prouinciã, in qua sibi sedem figit, desinit Petrus eius esse subditus, ergo, &c.

FFf ij

Quarto, ut lex non obligat, ultra intentionem Legislatoris, ita nec sententia alium comprehendit, quam designatum à iudice, at hic ex dispositione communi iuris, ac interpretatione, hostantum vult teneri interdicto locali generali terræ Principis, qui sunt eius subditi, ac pro tempore, quo tales esse remanent, ergo si esse desierint, ut vere desinunt, electione domicilij in alia prouincia, interdicto obligari desinunt.

Dubium quartum, *An interdictum quo quis priuatur ingressu Ecclesie, verum sit ac proprium interdictum.*

Respondend. affirmatiue, est enim species veri interdicti quod distribuitur in generale & speciale, & vtrumque in generale & speciale loci, aut personæ: ergo interdictio ingressus Ecclesie, in singularem personam illata, vere & proprie est interdictum.

Secundo efficit interdicti huius violatio, irregularem eius violatorem, ut quoduis aliud proprium, verumque interdictum, quum violatur: ergo proprie & verè interdictum esse & censeretur debet.

Dubium quintum, *An ei cui interdictus est ingressus Ecclesie, patere possit aditus in templum priuatæ orationis causa, quo tempore Ecclesiastica officia in ea non celebrantur.*

Couarruu. in can. *alma mater* 2. parte relect. parag. 1. num. 3. Reginald. lib. 32. trac. 3. cap. 29. num. 41. cum Chalderino, Ægid. de Coninch. disput. 17. dub. 2. num. 41. & aliis, credunt huic homini interdicto, in templum priuatæ orationis causa aditum esse, cū illic officia diuina non exercentur, quia Ecclesia proprie (inquiunt) est instituta, ad audienda diuina officia, non autem ad fundendas orationes priuatas, nisi per accidens, & consecutiue.

Ad contrariam sententiam meum animum defert tum ratio, tum multorum Doctorum autoritas.

Enimvero cum non ingredi Ecclesiam pœna sit, à iudice reo illata, ad vindictā criminis ab eo admissi, illam sufferre debet quolibet tempore, siue in ea celebrentur diuina officia, siue non.

Quid? quod verba legis ac sententiæ, proprie intelligi debeant, cum nihil est rationis cur ab eorū proprietate abire oporteat, cuiusmodi nihil est in præsentī causa: quare in hanc partem inclinant nobiles Theologi, ac interpretes iuris canonici, Innoc. in can. *sacro de sentent. excomm.* num. 2. Comitol. lib. 6. q. 49. num. 4. Benzon. de interdicti Veneti iustitia cap. 6. Sylu. in Verb. interdictum §. q. 6. Rosella eod. 8. num. 7. à quibus diuelli sine magna causa non est facile.

Ad argumentum pro parte opposita alla-

tum.

Respondendum est interdictum ab ingressu Ecclesie, abstrahere à ministerijs, quorum causa est hæc instituta, nec per interdictum ab ingressu in Ecclesiam aliud prohiberi, quam id quod nomen ipsum indicat, id est aditum in illam, non potest is ergo, cui Ecclesie aditu est interdictum, ad eam ob priuatam orationem accedere.

Dubium quintum, *Cuius sit interdictum locale generale, aut personale item generale infligere.*

Non alterius quam Papæ, aut alicuius ab eo ad hanc rem delegati, Sylu. verbo *interd.* 3. q. 5. Auila §. parte disput. 3. concl. 5. vbi ait ex Couar. tom. 1. secunda parte relect. in can. *alma mater* parag. 1. de interdicti num. 4. hanc prouinciam non nisi raro, ac ægre, Roma demandari vlli Præfulti, ac si committi accidat, e cautionem hanc tenendam, ut primo (verba sunt Couar. loco citato) *decernatur interdictum in Ecclesiam Parochialem delinquentis & simul in aliam Parochialem, aut Collegiatam.*

Secundo, durante contumacia in duo Monasteria, vel Ecclesias Collegiatas.

Tertio, in totam Diocesim, ac tandem delinquente indurato, Cathedralem Ecclesiam interdicti. Quæ quia sedes est sapientiæ, Concilij domicilium, nunquam in dispositione odiosa nomine Ecclesiarum, Ciuitatis aut Diocesis comprehenditur, ex Staphilæo de literis gratiæ.

Ut ut sit de hoc modo, sane constat, generale interdictum locale, aut personale, item generale, intentari non posse nisi ob culpam mortalem, eamque grauissimam, Reginald. lib. 32. trac. 3. cap. 16. num. 20. quod de locali quoque speciali dicendum esse existimo, maxime si cadat in Cathedralem Ecclesiam, ratione non vtar alia quam quæ visa est Reginaldo, ad huiusce rei fidem idonea. Nempe quod sit tale interdictum pœna grauissima, ut quæ priuet communitatem cultu publico, quo solent homines ad deuotionem excitari. Debet ergo culpæ grauissimæ effectus esse, ut inter eam & pœnam sit aliqua proportio.

Dubium sextum, *An interdictum poni possit ob culpam aliam quam contumacia.*

Respondendum est posse, Nauar. cap. 27. num. 165.

Primo, quia non est necessario pœna contumaciæ, ut excommunicatio Auila disput. 3. quinta parte dub. 4.

Secundo, exceptio in non exceptis firmat regulam, ut habet commune axioma iuris, ergo cum ab his censuris, quæ præuiam monitionem exigunt suo effectui, & efficaciam, Pontifex

Pontifex interdictum eximat, in cap. Romano de sentent. excomm. in 6. sequitur ob delictum præteritum incurri posse, monitio ideo est excommunicationi præmittenda, ut Ecclesiastico iudici constet, ecquid reus animum inducat, Ecclesie obsequi, ergo si non est ad interdictum necessaria, poni hoc ob aliud peccatum poterit, quam contumaciæ: ergo ob peccatum præiens, aut præteritum.

Dico tamen secundò, Cum fertur interdictum, contra participantes cum interdictis, eosdem nominatim à iudice, qui sententiam interdicti in eos capit, officij sui tertio admonendos esse, aut semel duntaxat, seu monitione unica, pro tribus, cum intervallo competenti, alias interdictum fore nullum: ita Sylu. verbo excommunicatione 2. parag. 1. casu 9. Nauar. Enchirid. 27. nu. 165. & expresse Pontifex can. statutum de sent. excomm. in 6.

Ratio est, quod agere, versari, vivere cum interdicto, res sit eiusmodi, quæ natura sua laude careat ac scelere, est enim adia phora, proindeque apta fieri bene aut male: ergo ut ad eum statum trahi queat, in quo, interdicto plesti queat, è serie indifferentium euocanda est, ad malarum numerum, fit id vero cum prohibetur, ac repetita monitione, homini præceptum Ecclesie, de communione omni cum interdictis vitanda edicitur: ergo, &c.

Dubium septimum, An interdictus ab ingressu Ecclesie ad diuina admitti queat à Clerico.

Respondendum est non posse, admittentis pœna interdictio ingressus Ecclesie, ex decretali Bonifac. VIII. Episcoporum de privilegijs lib. 6. & si ab ingressu Ecclesie interdictus, in ea celebret fit irregularis, ex alia decretali eiusdem Bonifac. quæ incipit is cui de sentent. excomm. lib. 6. in qua est his verbis: Is cui est Ecclesie interdictus ingressus, cum sibi per consequens censeatur inesse diuinorum celebrationum interdicta, irregularis efficitur, si contra interdictum huiusmodi, diuinis in ea se inge rit.

Quare interdictus ad confessionem peccatorum admitti non debet, nec ad eam rem recipi in Ecclesiam, quia interdicto, prohibita est diuinorum officiorum frequentatio, at confessionis auditio, eiusdemque usurpatione ad expiationem animæ, pars est diuini officij non vltima.

Vt enim ante diximus, est diuinum officium, functio certo ordini sacro, maiori vel minori attributa, secundum Panormit. in can. secundum de Clerico excomm. ministrante, sed audire confessionem sacramentalem pœnitentis, eûq; absolueret, est functio diuina,

A Sacerdotii ordini assignata: ergo eâ exerce re in interdicti commodum, est prohibitum.

Dubium octauum, An qui interfunt diuinis officiis, aut sacrificio, templo egredi debeant, cum ad ea recipitur interdictum denunciatus.

Respondendum insontes, qui Sacerdoti aut Clerico diuina celebranti adsunt, nulla culpa inquinari, si in aduentu nominatim interdicti, & denunciati templo non exeunt, rem sacram non omittunt.

Sententiam hanc subscribunt Diu. Anto. in 3. parte tit. 26. cap. 4. parag. 1. Syluest. interdictum 6. num. 4. Caiet. in summa verbo interdictum parag. sed si clericis, Comitol. respon sion. lib. 6. q. 50. Rosella in verbo interdictum 3. num. 10. Angelus cod. 7. num. 10.

Secundo dicendum, omnes qui nomina tim sunt interdicti, vitandos esse in actibus à iure prohibitis, non autem illos qui genera liter sunt interdicti, quouique per iudicem specificentur, quia post Concil. Constan tiense, nulla est vitandi alterius interdicti necessitas, quam qui est publice omnium conscientia, aut iudicis sententia pro tali co gnitus, quare (inquit Benzon,) de iustitia in terdicti Veneti cap. 5. nec in diuinis, vel tempore celebrationis diuinorum, vitandi sunt, etiam pu blicè, illis præsentibus, nisi constet de sententia, vel denunciatione publica, quod si Sacerdos scienter admittat ad diuina illum, qui est interdictus, etiam publicè, alii non tenentur exire. Hæc ille.

Est & altera assertionis huius ratio, nempe quod Ecclesia legem omnibus interdictos vitandi in diuinis non imposuit, sed tan tum Clericis. Ita Comitulus.

Istis verò, si sacro Presbyterii initiati sunt ordine, & non est locus interdictus, sed per sona, ecquid rem diuinam coram ea facere liceat, dubiū res est, ambiguique iuris.

Opinionem negantem amplexus est Fa ber de censur. in 4. dist. 25. q. 1. disp. 5. cap. 2. num. 113.

Affirmantem Suar. Turrianus lib. 6. q. 49. dub. 2. Mercerus in 3. part. q. 24. de interdicto dub. 3.

Ratio est, quod id nusquam reperiatur ef se prohibitum, iura enim quæ interdictos excludi imperant, de interdicto sunt intelli genda locali, de personali nullo modo. Ita hi auctores.

Prior tamen opinio ut communior mihi videtur sequenda in praxi, & consequenter relinquendam esse Missam ante canonem, si interdictus templo nolit egredi.

Dubium nouum, At is cui interdictum est ingressu Ecclesie, in ea humari possit, si pœnitue rit, aut à Sacerdote absolutus animam efflauit.



Respondendum posse, confirmat id Couarr. in can. *alma mater*, parte 2. relectionis par. 1. num. 3 rationes quæ cum in illam mentem adduxerint, breuitatis causa non producimus, quod instar omnium sit Bonifac. VIII. *authoritas in decret. is cui de sentent. excommu. in 6* à quo ibi constitutum legimus, posse hunc si pœniteat, sepeliri in Ecclesia aut cœmeterio.

Qua ex oratione infert primo, Comitoli. lib. 6. *respons. q. 10. ex Couarr. Ioanne Andr. & aliis*, cum qui sic est interdictus, posse à quolibet Sacerdote absolui, quod de casu extremæ necessitatis intelligi debet, alioqui errat, cum censuræ quæ sunt ab homine, ab eo solo qui tulit absolui exigant, cum per tempus non extremæ necessitatis licet.

Infert secundo, sic interdicto, sepulturæ beneficium indulgendum esse, cū Sacerdotis inopia, peccata explicare sua non potuit, quæ tamen vero doloris actu retractauit.

Quid si diem suum interdictus obeat, feriis Paschalibus, aut nascentis Christi: quo tempore singulis palam & apertè, cœtum agere, diuinis in æde sacra officiis interesse licet?

Existimant præstantes hi viri Sotus in 4. dist. 22. q. 3. art. 1. Henriq. lib. 13. cap. 44. num. 5. Emman. Sa *verbo interdictum num. 8. mortuum inferri tūm posse in locum sacrum, quia cui, cum superstitè ac viuo fas est congregi, licet & cum defuncto. Sentire ac loqui prudentius hi videntur, qui mortuo sepulturam tūm negant.*

Ratio est, quod hæc, effectus sit interdicti, à priuatione diuini officii distinctus, cui nec necessario est coniunctus, vnde ex concessione vnus, non apte infertur alterius concessio. Ita Suar. *disp. 38. sect. 1. num. 13. Coninch. de Sacram. disp. 17. dub. 2. Gordonus 10. 2. lit. 7. q. 16. cap. 4. num. 44.*

Dubium decimum, *An benedictio mensæ fructuum, aut vestium religiosa, sit in interdicto prohibita.*

Causa dubitandi vnica, quod, officii diuini pars sit non vltima mensæ benedicere super Missæ sacrificio, ex formula Ecclesiæ preces legere, quibus aliquid sanctitatis deriuetur, in professuræ nouas vestes, ad solutionem.

Dico primò, *Vt est Sacerdotis benedictio solemniter impetrata, id est cum baculo & Versu Adiutorium nostrum, aut Dominus Vobiscum, in interdicto vetita, ita est simplex licita.*

Pars prima probatur, Est diuinum officium actio, Sacerdoti, aut Clerico conueniens ratione ordinis, vel vt habent alij. Est diuinum officium, id quod est ordinatum ab Ecclesia, ad vsum Ordinum, Sacramen-

torum, aut Sacramentalium, vel ad horas Canonicas. Talis est benedictio, quæ à Sacerdote aut Abbate datur, cum pædo Pastorali, vel eodem occinente. *Adiutorium, &c.* aut Domini præsentiam, astantibus apprecante, his verbis: *Adiutorium.* Nec enim est aliis baculi vsus permissus, quam Clericis, vt nec precis cuius mox meminimus, scilicet *Dominus Vobiscum, Adiutorium, &c.*

Pars altera, probationem habet facilem, nam quis nescit mensam benedici promiscuè à quolibet, ac à Laico recitari preces posse, super indumentis nouæ professæ. peræque ac à Sacerdote? non habet ergo earum rerum frequentatio, propria vt sit Sacerdotis, aut ordinis actio, nec proinde vetita in interdicto.

Ob eam causam, eidem ac regularibus, Clericisque omnibus impune permittitur, Litanias in Ecclesia, vel extra canere, modo ne cum cruce, superpelliceo lineo, oratione quam præcedant, hæc verba, *Dominus Vobiscum, Auila 5. parte disp. 4. dub. 1.*

Quia est hic versus deputatus sacro alicui ordini, quare eius loco dicendū est, à Laico *Domine exaudi orationem meam*, nec præferri crux est solita, procedentibus in publicum, religionis causa, nisi Sacerdotis imperio, cui proprie exmunere, prouinciaque sua incumbit, processionem instituere, in eaque plebem regere.

Dubium vndecimum, *An interdicti vitari debeat.*

Respondet Benzonius in cap. 5. *trac. de iustit. interdicti Veneti*, (quod nos paulo antea subindicauimus) omnes nominatim interdictos, ac denunciatos in actibus à iure prohibitis, vitandos esse, non autem illos qui generaliter interdicti sunt, quousque specificentur, nisi forte, inquit, adeo notoria esset eorum participatio, vt inficiationi non esset locus quod omnino seruandum est, ob decretum Concil. Constantiensis de moderatione excommunicationis, & interdicti: nec in diuinis, vel tempore celebrationis diuinorum vitandi sunt, nisi constet de sententia, vel denunciatione. Hæc ille.

Esse hanc vero necessariam, tam quando interdictum est à iure, quam homine vt obligationem inducat, ligetque, ad effectum, vt tam loca quam personæ euitentur, habet Constant. Concil. in *Extravag. ad euitanda, scandala*, approbata à Martino V. & postea à Leone X. in *Lateran. Concil. 3. sess. 11.*

Denunciatur autem, cum è superiori loco in æde sacra, frequenti populo, inter Missarum solemnias, aut alio tempore, quo magna est plebis concio, promulgatur superioris imperio, aut in locis publicis, prædicti interdicti sententia affigitur, vt ab omnibus legi

legi queat, quod quandiu non fit, nullam à celebratibus in locis interdictis, irregularitatem contrahi, dixere auctores multi, & quidem meminere denunciationis, Maiolus de irregul. lib. 3. cap. 20. num. 10. & sequent. Nauar. cap. 27. num. 187. affixionis autem Benzonius cap. 2. ubi habet, necesse non esse, ut sententia communicetur omnibus, aut ad omnia prouinciarum oppida deferatur, sufficere si in Metropoli publicata fuerit, aut in loco affixa publico, ex quo ad ceteras prouinciarum vrbes, oppidaque eius perueniri notitia possit, colligitur ex can. quod dicitis 14. dist. 16. ubi Nicolaus ait, Constantinopoli qui degunt, iustam ignorantiam canonum causam prætexere nullam posse, quod eos Sardicense Concilium, ubi fuere conditi, scriptique, non lateret, publice enim facta nemo debet, vel censetur ignorare 12. q. 2. can. qui & humanis & 8 q. 1. can. licet.

Dubium Duodecimum, Quomodo incurrat, & tollatur interdictum.

Incurrendi interdicti causam oportet esse grauem, ut indicat Bonifac. in Extravag. 2. de sentent. excomm. cum enim olim, leuibus admodum de causis, ut pro debitis decerneretur, edito cavit, ne amodo, villa, ciuitas, castrum, locus, territorium, vel districtus auctoritate ordinaria, vel delegata, supponatur, Ecclesiastico interdicto, pro pecuniario debito, vel pro cuiusvis monete, vel pecunia quantitate, quacunque occasione, vel causa, seu quouis quæsito colore, quæ autem hætenus secus attentata fuissent, ea decernit irrita esse, ac nulla.

Et quoniam fit in ea constitutione mentio castri, vrbs, &c. credidere Nau. c. 27. Enchir. num. 168. & Couar. eam de interdicto generali duntaxat intelligendam esse, proindeque ferri particulare posse ob eam causam: Ego cuiusque loci, prouinciæque consuetudinem sequendam puto, nec in hac re, ut cæteris, ab ea recedendum esse.

### QVÆSTIO XVIII.

Recensentur casus in quibus generale interdictum iure incurritur.

**P**rimo decernitur interdictum generale aduersus vniuersitates, id est quosuis cætus hominum, qui contra Ecclesiasticas personas, id est Deo sacras, concedunt repræsentationes (ut loquuntur) vel concessas extendunt, nisi hanc facultatem intra mensem reuocauerint, sic Gregor. X. cap. etsi de iniuriis & damno in 6. Item in ciuitatem, castrum aut villam cuius collegium Ecclesias aut personas Ecclesiasticas, prædicia soluere compulerit, pro rebus, quas negotiationis causa non deferunt, donec exacta plenarie restituant, de censib. cap. quanquam.

Secundo latum est interdictum contra

**A** quamcunque vniuersitatem, siue hominum cætum, qui domos locauerit alienigenis vel aliis, de terris suis, publicè scænebrem pecuniam exercentibus, aut exercere volentibus, Greg. X. in cap. Usurarum primo de Usuris in 6.

**B** Tertio est, omnis ciuitas, præter Romanam interdicta, quæ occidentibus Cardinalem aut percutientibus, consensum dederit, aut auxilium, vel intra mensem eiusmodi homines non punierit de pœnis in 6 cap. felix parag. finali, his verbis: Ciuitas vero quæ facientitalia, vel facientibus, seu præsumptibus, in his consilium, vel auxilium dederit, aut fauorem, vel infra mensem saltem, taliter delinquentes, non duxerit puniendos, Pontificali eo ipso dignitate priuata, & nihilominus remaneat interdicta.

**C** Quarto est etiam eius domini terra interdicto supposita, qui Episcopum temere percussit, aut cepit, aut capientibus, vel lædentibus auxilium præstitit, sic Clem. V. in Clement. 1. de pœnis parag. 3. Terra quoque illius, (dum tamen ultra unam Diocesim non contineat) usque ad condignam satisfactionem eiusdem, nec non locus, aut loca in quibus Episcopus captus detinebatur, quandiu detentio ipsa in eisdem durauerit, Ecclesiastico subiaceat interdicto.

Quinto, in eadem Clement. parag. ciuitas, interdicto vrbs ea subest quæ Episcopum suum iniuriosè, vel temere percussit, aut cepit, vel hæc fieri mandauit, idque donec satisfecerit: potestas verò, consiliarij, balliui, scabini, aduocati, consules, vectores, & officiales ipsius, in præmissis culpabiles existentes, similiter excommunicationis sententia, à qua non valeant absolutionis beneficium obtinere, sunt subiecti.

**D** Sexto, in Extravag. super gentes de consuetudine, locus, regnum & prouincia, sacris interduntur, cum Rex, Princeps, ac dominus, auctoritate qua pollent, impediunt ne Legatus, aut nuntius Apostolicus, munus cuius causa in ea sunt loca missi à Pontifice, exquantur ac præstent.

**E** Septimò, sunt eorum Regularium Ecclesiæ interdictæ, qui eius quem sermonibus ipsi suis induxerant ad electionem sepulture in suis cœnobiis, cadauer ibidem terræ mandarunt, nisi intra decem dies, omnia quæ occasione prædictæ sepulture habuerint, Ecclesiæ in qua tumulandus erat, restituant. Sic enim Bonifac. VIII. cap. animarum 1. de sepulturis in 6. his verbis: Si vero iidem religiosi vel Clerici prædictos in suis Ecclesiis, vel cœmeterijs sepelire præsumpserint, ad restitutionem tam sepulcrorum corporum (si petantur) quam eorum omnium, quæ occasione sepulture illorum, peruenierint quomodolibet ad eosdem, intra decennium integraliter faciendam, ipsos obligatos esse censemus. Quam nisi fecerint, Ecclesia ipsa, apud quas sepulti fuerant, necnon cœmeteria earundem, ex

tunc eo ipso sint, & tandiu maneat Ecclesiastico supposita interdicto, donec ab eis plenaria facta fuerit restitutio omnium predictorum.

Octavo, Capitula interdicto subduntur, quæ literas dimissorias alicui concedunt infra annum à die vacationis, qui beneficii Ecclesiastici recepti, aut recipiendi occasione non arctatur, Trident. sess. 7. cap. 10.

Nono, pari pœna puniuntur & illa, quæ de fructibus primi & secundi anni vacantium beneficiorum sibi attribuunt, quæ beneficiariis debentur, Ioan. XXII. in Extrau. Unica ne sede vacante.

Personale autem interdictum incurrunt sequentes. Ab ingressu quidem Ecclesiæ per mensem, qui excommunicat aliter quam iura sinunt, hoc est non in scriptis, causam expresse continentibus, aut monitione non præmissa, aut negato ei in quæ est dicta sententia, eius exemplari ac copia, cap. sacris 48. de sent. & cap. 1. eod. titulo.

Secundo, Episcopatum recipiens, aut beneficium cum dignitate de manu Regis aut personæ laicæ, prohibetur Ecclesiam ingredi, quousque locum, quem sub crimine tam ambitionis, quam inobedientiæ, cepit, resipiscendo nõ deserit. similiter etiam de inferioribus dignitatibus Ecclesiasticis constituimus 16. qu. 7. can. si quis 12.

Tertio ab ingressu in Ecclesiam interdicitur, qui procuraciones in pecunia, non autem in victualibus, aut à non visitatis recipit: de censibus in 6. cap. Romana.

Quarto, quilibet tam qui exemptione fruitur, quàm qui ea caret siue Clericus secularis siue regularis, interdictos ad Ecclesiasticam sepulturam præsumens admittere, vel iis spectantibus celebrare, aut celebrari diuina facere, est interdictus ab ingressu Ecclesiæ ita Bonifac. in cap. Episcoporum 8. de privilegiis in 6. Talis enim, inquit ibi Pontifex, præter alias pœnas à iure statutas, ingressum Ecclesiæ sibi non erit interdictum, donec de transgressionem huiusmodi, ad arbitrium eius, cuius sententiam contempserit, satisfecerit competenter, pœna hæc tamen non subitur, nisi à scientibus, nam præsumptionem in iis exigit, qualem sine scientia esse non posse, docet Sanch. lib. 9. de matrim. dist. 32. n. 38. & quoniam humana sunt, mitiaque præcepta Ecclesiæ, ad eos hæc pœna non pertinet qui metu mortis, iacturæ fortunarum aut honoris, eos coguntur recipere, ac verò etiã minoris mali formidine.

Thesaurus in praxi Ecclesiæ par. 2. Verbo censura cap. 7. quare metum leuem ab hac excusare pœna secus facientem. scripsere Suarez dist. 4. sect. 3. num. 15. & Thesaur. verbo censura cap. 8. parag. requiritur.

Nec est interdictus tantum qui excommu-

nunicatum publicum, aut interdictum nominatim, tempore interdicti sepulture mandat, sed est insuper excommunicatus, excommunicatione Papæ reservata, à qua absolut nullatenus potest, nisi prius ad arbitrium Diocesani Episcopi, eis quibus fuerit illata iniuria, satisfactionem obtulerit competentem, à religiosis autem ad sepulturam admissi nominatim excommunicati, & interdicti interdicti tempore, Ecclesias eorundem in quibus est hæc facta, interdictas reddunt ex cap. Episcoporum 8. de privileg. in 6.

B

## QVÆSTIO XVIII.

In quibus casibus interdictum locale particulare à iure feratur.

**P**rimo sanctimoniales, & mulieres, quæ canonicæ nominantur, nisi vitam suam in melius corrigant & emendent, & superfuitatem vestium deferant, in claustro permanent, Eugen. III. decreto in Concilio Remensi can. 4. prohibentur diuina in suis Ecclesiis celebrare officia.

**C**Secundo, eorum, qui partem decimarum, vel aliarum obventionum Ecclesiasticarum, in quibus ius obtinet patronatus, sibi ex pacto retinent, cum eo inito, quem beneficio donandum Papæ, vel Episcopo offerunt, terra supponitur Ecclesiastico interdicto, donec Ecclesiam liberam cum suo iure dimittant, Concil. in Germania habitum sub Conrado Cardin. can. 9. est hoc tamen interdictum non latæ sed ferendæ sententiæ, quia est hæc verbo imperatiui modi concepta, ac à iudice dicenda, in pœnam admissæ simoniæ.

**D**Tertio, est interdicta Ecclesia, quæ homicidio, aut humani effusione sanguinis iniuriosa ac illicita, vel feminis per adulterium, aut fornicationem procurata, polluitur, nam tunc diuina in ea peragi officia ante reconciliationem non posse, colligitur ex can. si motum 19. & can. Ecclesiis 20. de consecratione dist. 1.

**E**Quarto interdicto subest Ecclesia, ex qua propter patronorum discordiam, quæ suo Sacerdotem fungi officio non finit, Episcopus reliquias tollit, ac inibi sacrum, aut officia diuina fieri inhibet, ideoque eius fores, ostiaque nulli patere permittit: de iure patronatus cap. 1. & 2.

Quinto, nec in ea Ecclesia, diuina ritu publico, celebrari possunt, quæ per simoniam est consecrata, quia Ecclesia, quæ pactione consecrata fuit, potius execrata, quam consecrata dici debet 1. q. 4. can. Ecclesia 11.

Sexto, placuit Episcopis Africanis, Episcopopus

copis ut est in *can. 26. dist. 1. de consecrat. ut A* alsaria, quæ passim per agros, & per villas, tanquam memoriæ martyrum construuntur, in quibus nullum corpus, aut reliquiæ martyrum condita probantur, ab Episcopis si fieri potest evertantur, si hoc propter tumultum non finitur, plebes admoneantur ne illa loca frequentent, interdicta sunt ergo, idque iure.

Septimo, Ecclesiam in qua pagani sepulti sunt, non liceat consecrare, neque Missas in ea celebrare, sed iactari foras, & mundari oportet.

Octavo, Ecclesia in qua hæreticus est sepultus perpetua sepultura caret, ita decernente Alexand. III. in *cap. quicumque 2. de hæretic. in 6.*

Nono, tam Ecclesia, quam eiusdem cæmeterium, Ecclesiastico interdicto manent supposita, si in ea quispiam est sepultus, à Religiosis, aut Clericis ante persuasus, cum ut locum præ alio eligeret, ibique sepeliri se velle, iuramento adhibito firmaret, nisi prædicti Religiosi, aut Clerici, tam eius ossa quam cætera omnia, quæ inde acceperint, intra decem dies restituant Bonifac. VIII. in *cap. ut animarum 1. de sepulchris in 6.*

Pars altera quæstionis fuit, de modo interdicti relaxandi, de qua hoc vniuersæ habeo dicere.

Primo, per se illud cessare, elapso tempore, vel conditione, sub qua latum fuit, puta satisfactione facta, vel elapso anno, vel si is propter quem locus est interdicto suppositus: quandiu in eo fuerit, abscedat, hoc ipso enim quo ponitur conditio, & interdictus Ecclesie desinit esse contumax, cessare quoque interdictum, per se ac sine absolutione, dixerunt plurimi, cuius opinionis, ac authorum eius, meminit Suar. *disp. 38. sect. 1. n. 4. et si se* cus ipse existimet, maximè in postremo casu, nempe cum est interdictum ob perseuerantiam in peccato impositum, V. C. donec satisfecerit, aut loco, quandiu quis in eo fuerit. Verissima sententia continetur sequentibus assertionibus.

Prima, Interdicta generalia, personalia, & localia, quæ iure sunt communi imposita, nec tamen reservata sunt, possunt tolli auctoritate Episcopi, vel alterius iurisdictionem habentis, in communitatem interdictam, quia ut scribit Innoc. III. in *cap. nuper 29. extra de sentent. excomm.* quando conditor canonis eius absolutionem sibi specialiter non reservauit, eo ipso videtur facultatem aliis concessisse relaxandi.

Assertio secunda, Quando interdictum personale generale communitatis, est à iure cum tacita reservatione, ut accidit, cum ad certum tempus, vel sub certa conditione imponitur, Episcopus illud relaxare non poterit, nec suspendere ante im-

Pars secunda.

pletam conditionem.

Ratio est, quod in superioris lege dispensare Episcopo non sit permissum, ergo nec in interdicto generali personali communitatis, iure imposito, nisi forte esset ortum à delicto occulto, ad forum contentiosum non deducto, nam tunc ab eo absolueret Episcopum posse, decreto Concil. quoad subditos proprios docent, Layman. *lib. 1. tract. 5. par. 3. cap. 5. num. 2.* Benzonius de interdicto Veneto *cap. 2.* & quoad externos etiam, si Pape ita visum fuerit, quam facultatem sibi collatam fuisse à Gregor. XIV. scribit Benzon. absolui ergo debet communiter ab eo qui illud tulit, aut superiore eius, aut alio de eorundem commissione *can. si Petrus 24. q. 1* aut eo cui facta est reservatio, vel alio de commissione eius, aut per privilegium iuris, quale Trident. *sess. 24. cap. 6.* datur Episcopis.

Assertio tertia, Interdictum personale speciale non reservatum, post satisfactionem, aut satisfaciendi cautionem, tolli potest à quolibet confessorio approbato, vel Episcopo, Suar. *disput. 38. sect. 2.* Reginald. *lib. 32. tract. 3. cap. 32. numero 56.*

Ratio est eadem quæ assertionis primæ, tacita scilicet Papæ concessio, declarata in *cap. nuper de sent. excomm.* idem dicendum quando interdictum est locale, nec reservatum, tunc enim absolutione Episcopi illius loci, potest tolli, non alterius.

Pars prima, fidem habet à *can. nuper citato.* Altera ab hac ratione,

Relaxatio interdicti localis, ut pote ad locum spectans, qui non est materia fori penitentialis, iurisdictionem requirit fori causarum, at eam respectu spiritualium, habent tantum Episcopi: ergo, &c.

Forma autem qua interdictum remitti oporteat, certa est nulla, ac determinata, Caietan. in *verbo absolutio*, Angel. *verbo interdictum num. 1.* visitata tamen in Ecclesia, quando interdictum est locale, his verbis comprehenditur, *Interdictum tali loco propter talem causam impositum, auctoritate qua fungor, remoueo, In nomine Patris, &c.* cum autem est personale, *Absoluo te à vinculo interdicti, quod incurristi ob talem causam, In nomine Patris & Filii & Spiritus sancti.*

Dubium decimum tertium, An aliqua, & quæ sint Clericis aliisque in interdicto concessa privilegia.

Primo, diuinis interesse officiis, interdictis est licitum, cum de eo bullatum ex vrbe diploma recepere à Pontifice.

Secundo Clericus quilibet, etiam primæ tonsuræ, modo ne coniugatus, quilibet veste sit, & tonsura instructus, eodem, quo qui

G G g



bullam habent iure gaudet, ac privilegio, itaque quoties, & quando erit ei placitum, diuina audire, eisque præsentem se sistere poterit, nisi de iis esset, qui interdicto causam culpa sua, fraudeque dedissent: quo autem ille tempore, templum petet, sacris cœlitum, ac Dei religionibus daturus operam, eodem penetrare seruis totique admodum eius familiæ fas erit, Bonifacii VIII. concessione in decretali licet vobis 11. de privilegiis in sexto his verbis, cum conceditur singulari personæ, ut modo præmissis celebrare valeat, vel audire diuina, eius familiares domestici, ad audiendum cum ea, & celebrandum sibi diuinum officium licitè admittuntur. Non sic autem in familiaribus conuentus, seu collegii est censendum, illi enim, nisi privilegiati fuerint, admitti non debent. Eiusmodi quoque concessione gaudere non debet is, cuius causa, seu culpa, vel fraude fuit interdicti sententia prolata.

Tertio, & hoc summi est beneficii loco, tempore interdicti, concessum est Clericis, quod in sacro humari loco valeant, cum illud seruauerunt, extra de pœnitent. & remissionib. cap. 11.

Concedimus, inquit Innoc. III. ex gratia, ut Clerici decedentes, qui tamen seruauerunt interdictum, in cœmeterio Ecclesiæ, sine campanarum pulsatione, cessantibus solennitatibus omnibus, cum silentio tumulentur.

Quarto Minoritis indulgit Leo X. ne eorum interdicti possent Ecclesiæ ad partis instantiam, nisi tota interdicta esset ciuitas: Compend. minor. verbo interdictum parag. 15.

Dixi ad instantiam nam quæ à Legato vel Episcopo interdicta imponuntur, hæc sunt seruanda Regularibus. Eorum tamen Ecclesiis, Leonis indulgentia specialiter indici nulla queunt, nisi iis causam dederint, aut is cuius prece ac instinctu sunt inflicta, illis de victu provideat. Compend. Minor. verbo interdictum 1. parag. 15. Tunc autem eas interdicti specialiter vsu venit, cum solæ interdicuntur, aut in literis, specialiter & principaliter nominantur, Portelius in dubis regular. verbo interdictum num. 3.

Quinto personæ ipsæ, quæ de cœtu sunt, familiaque B. Franc. specialiter ab Episcopo aut Legato à latere interdicti nequeunt, nisi id eis Pontifex diserte, ac plane concessum esse vellet, qua de voluntate, testes eius esse debent literæ, author huius priuilegii Clem. IV. apud Rodrig. ro. 2. qu. 108. art. 2. pro quo facit & ipsa ratio, nam supponi interdicto, hi soli possunt ab Episcopo, in quos ei iure potestas competit, ac iurisdictio in foro externo, at eiusmodi nullam habent Episcopi in Mendicantes, cum ab eorum

A sint potestate, iureque exempti Papæ voluntate.

Dubium decimum quartum, An Parochus qui præsentiam suam, coniugibus matrimonium contracturis accommodat, censeri interdictus debeat.

B Nequaquam, quid causæ, quid argumenti? quod hæc eius præsentia actus non sit ordinis, hanc enim, nec effectum omnino inani ac irritum, eam exhibere potest quilibet, Parochi munere fungens, etsi sacro destitutus ordine, nec enim est hic Sacramenti minister, sed ambo coniuges, quos idè ab interdicto constat esse liberos, sibi ministrantes inuicem, quod ad hanc rem operam deferant, ut ministri quidem, sed non sacri, quæ causa ad baptizantem quoque sæcularem pertinet, qui quoniam non est ex forma, ritumque Ecclesiæ, ad sacra religionis Christianæ mysteria obeunda, dandaque petentibus institutus, irregularitatem baptizando non contrahit, ut facit Parochus.

C Dubium decimum quintum, Quam pœnam Laici subeant, qui interdictum personale violant.

Ultra graue peccatum, ut habetur in Clement. grauis 2. de sentent. excomm. quod est in Sylueff. sententia, mortale tunc tantum, cum nihili sit autoritas Ecclesiæ, aut ex contemptu violatur interdictum, nam tunc in pœnam talis culpæ, Laicus excommunicationi reseruatur Pontifici subiaceret.

Primo, cum Clericum directè vel oblique, apertè, vel per cuniculos, ad diuina quomodolibet in locis interdicto suppositis celebranda, adigit.

D Secundo cum interdictos, aut excommunicatos, ad rem diuinam inibi audiendam inuitat ac allieit.

Tertio cum eiusmodi homines à sacris lege Ecclesiæ prohibitos, iussosque ab his qui possunt, templo cum diuina peraguntur officia egredi, tuentur, ac ne obsequantur iusta monentibus, obstant.

E Quarto, eam quoque pœnam excommunicati ac interdicti de nomine, ac publicè, subeunt, qui non obstante monitione (ut aiunt) iisdem facta à celebrantibus, templo ut exeant, in eo tamen remanent, Rutilius de interdicto Veneto cap. 5.

Dubium decimum sextum, An qui interdicto est affectus testari valeat.

Non posse, dixit Armilla verbo interdictum parag. 1. sed fundamento, aut solida nulla ratione fretus. Sentiant itaque meo sensu prudentius, qui parem interdicti ac excommunicati rationem esse aiunt, quare ut isti testari, sic & illi licitum esse tradunt, quam opinionem ut communè Suarez amplectitur dist.

*disp. 15. sect. 19.* quod nulla vspiam è canone, aut iure civili petita sanctio reperiatur, qua Pontifici, aut Regibus sit visum excommunicatos priuare testandi iure, cuius rei esse hoc signum potest.

Quod quando hunc effectum non testandi, lex in peccati poenam subiri ab excommunicato voluit, id expressit, vt sit cunctis perspicuum de hæreticis *ex cap. excommunicamus parag. credentes de hæretic. de usurariis non prius restituentibus, vel cautionem sufficientem dantibus in cap. Ultimo de vsura in 6.*

At est omnis (inquit) excommunicato vetita cum fidelibus communicatio: ergo & testamenti confessio.

Respondend. argumento hoc duntaxat confici, excommunicatum non vacare culpa, cum testamentum scribit, quod autem sit irritum ac inane, cum conditiones ad sui validitatem necessarias habet, nullo modo. *Couar. de testam. par. 2. num. 18.*

Dubium decimum septimum, *An ciuitas, aut Ecclesia, supponi possint interdicto, ob culpam priuati cuiuspiam hominis.*

Questioni pridem est factum satis à Leone X. in Concordatis rubrica de interdicto nõ leuiter ponendo. *Statuimus quod nulla ciuitas, oppidum, castrum, aut villa, aut locus Ecclesiastico supponi possit interdicto, nisi ex causa, seu culpa ipsorum locorum, aut domini, seu rectoris vel officialium: propter culpam autem, seu causam alterius cuiuscunque priuata personæ, huiusmodi loca interdicti nequaquam possint, autoritate quacunque ordinaria, vel delegata, nisi persona prius fuerit excommunicata, ac denunciata, seu in Ecclesia publicata, aut domini, seu rectores, vel officiales ipsorum locorum, autoritate iudicis requisiti huiusmodi personam excommunicatam, infra biduum inde cum effectu eiecerint, aut ad satisfaciendum compulerint.* Canonici autem, qui à diuinis consuetudine, aut iure cessare possunt, causam suæ cessationis expriment, in instrumento publico, vel patentibus literis, sigillorum suorum, aut alterius authentici munimine roboratis, & illud, vel illas ei, contra quem cessare intendunt, exhibebunt *Gregor. X. in cap. si canonici 2. de officio ordinarij in 6.*

Dubium decimum octauum, *An in interdicto, diuina officia aliquando celebrari possint sollemniter.*

Omnino, idque in festiuitatibus Natalis domini, Pascha, Pentecostes, & Assumptionis Virginis gloriose, Bonifac. VIII. in decret. *Alma finalis de sentent. excomm. in 6.* quibus Martinus V. & Eugen. IV. additum esse voluere festum corporis Christi, cum Octaua. Versatur in hoc verò memorata sollemnitas, quod campana pulsantur, & ianuis aper-

*tis alta voce diuina officia (adhibitis cæremoniis vstitatis in Ecclesia) celebrentur cap. alma mater citato.*

Complectitur autem festiuitas non tantum primum diem (idest Paschæ) vt accipere Suar, *disp. 34. sect. 1. num. 39. Reginald. 10. 2. lib. 32. tract. 3. cap. 28. num. 536.* sed sequentes duos, qui in Pentecoste, Paschate, & Natali Domini, sunt festiui, quia in honorem, ac eorum dierum memoriam, coli soliti sunt in Ecclesia, etsi (quod in Natiuitate maxime accidit) Sanctorum sint quorundam religionibus sacri, Ecclesiæ instituto laudabili: docent Sotus in 4. dist. 22. q. 3. art. 1. *Auila par. 3. disp. 4. sect. 2. dub. 4.*

Dubium decimum nonum, *An Episcopus, interdicti à se lati lege teneatur, peraque ac ceteri.*

Dico primò, *Observandi interdicti, cuius auctor est Pontifex, onus incumbere Episcopo, nec ab eo recedere posse sine crimine, nisi in casibus iure expressis.*

Ratio est, quod superiori iusta imperanti necesse sit singulos obsequi, nisi violatæ obedientiæ rei esse velint, ergo & Episcopum, cum Papæ sit subiectus, ergo cum non sit hic à iure communi, diuina aut naturali lege, ab officio præstando liber, quæ vitanda sunt, aut agenda cuique, cum est interdicta à Pontifice ciuitas, aut Prouincia, hæc facere Episcopum erit necesse, ne peccet.

Secus si quid sibi tentandum crediderit, ab officio & beneficio est suspendendus, *Greg. IX. in decretali tanta 8. de excessib. Pralat. irregularitatem autem non effugiet, si celebret vel diuina officia aut Pontificales actiones, in loco à Papa aut iure, interdicto obeat, Benzon. cap. 6. de interdicto.*

Dico secundò, *Episcopum tamen, interdicti generalis à iure, vel ab homine luti, lege non teneri, nisi de eo in sententia, expressa sit facta mentio, Nauar. cap. 27. num. 162. eoque antiquior Innocent. Papa quartus in decretali, quia periculosum 4. de sentent. excomm. in 6. quod enim ei, eiusque superioribus sit periculosum, propter executionem Pontificalis officij, quod frequenter incumbit, vt in aliquo casu suspensionis, vel interdicti sententiam, ipso facto incurrant; nos, inquit, Innocent. cap. citato, deliberatione prouida duximus statuendum, vt Episcopi, & alij superiores prelati, nullius constitutionis occasione, sententiæ, siue mandati predicti incurrant sententiam. Vltatenus ipso iure, nisi in ipsis, de Episcopis expressa mentio habeatur, Vbi notandum, suspensionis ac interdicti duntaxat meminisse Pontificem, vt indicet eos ab excommunicatione lata generaliter, non eximi, eosque vt fideles ceteros, hac censura stringi, cum illos ab eius vi non excusat, Nauar. cap. 27.*

GGg ij

num. 155. Henriq. lib. 13 cap. 34. num. 2. Suarez A  
disp. 33. sect. 3. parag. sed quæras.

Dico 3. Episcopo in id incumbendum esse, cū à se, aut eius superiore, ciuitas, regnū, aut prouincia interdicitur, ne quid contra illud admittat, Syluest. Verbo interdictum parag. 1. Henriq. lib. 13. cap. 50. quia in membris, caput in operatione conforme esse conuenit, ne turpi inter se dissidio, bellum naturæ indixisse videatur, secus, pœnas à iure contra violantes positas, ipsamque adeo irregularitatem non effugiet, Sylu, & Henriq. supra.

Dubium vigesimum, *Sintne aliqui in Dei Ecclesia, qui Papæ privilegio, interdicto supponi* B  
*nequeant.*

Omnino, nam primo, interdicto Clero vniuerso vrbis alicuius, aut prouinciæ, si verba aliud non indicent, Religiosi non sunt interdicti, quia in odiosis nomine Cleri, non intelliguntur Religiosi, Portelius in dubiis Verbo interdictum num. 5. Sayrus lib. 5. de censur. cap. 4. num. 29.

Secundo, Leonis Papæ X. indulgentia, Minorum Ecclesiæ interdicti ad instantiam precesque personæ priuatæ nequeunt, Compend. fratrum Minorum Verbo interdictum 1. parag. 15. ciuitate tamen, aut oppido, vbi sunt hæ sitæ, generali interdicto suppositis, & hæ quoque pro interdictis sunt habendæ, cuius rei ratio est à nobis qu. 3. redditæ antea.

Dixi ad instantiam nam si Episcopus, proprio ipse motu, ex causa tamen, eas interdicendas crediderit, sequenda erunt eius imperia, ac interdictum seruandum, etsi qui id exigat, petatque, reperire sit neminem, Trid. sess. 25. cap. 12. de Regis.

Addo amplius, cum est locale generale, non à Minoritis modo, sed à Religiosis quoque cæteris, seruandum esse, dummodo seruetur à matrice Ecclesia, etsi aperte nullum esset, & inualidum Portel. in dubiis Verbo interdictum num. 7. Rodtig. q. 108. cap. 4.

Pœna non seruantium, est excommunicatio incurrenda ipso facto, cuius author Clemens in Clement. prima de sentent. excomm. cap. 1. à qua tamen non est absolutionis causa vrbis petenda, cum hanc sibi Papa non reseruet, Matricis autem Ecclesiæ nomine, non Cathedralis modo, sed & Paroecialis quælibet intelligitur, vt est in Clement. citata affirmatissime.

Tertio, interdicto populo non includuntur pueri, cæterique doli non capaces, licet illis sepultura negetur, nec includitur extraneus illic habitans, nec interdicto loco, includuntur simpliciter, tanquam specialiter, vel personaliter, illi. qui non sunt culpabiles, possunt enim alibi (si absit scandalum)

celebrare, audire diuina officia, ac sepeliri, Benzonius de interdicto Veneto cap. 6.

Quarto, Terræ, prouinciæ, regna, ciuitates, Regis ac Reginæ Galliæ, interdicto supponi nequeunt, vt est in manuali placitorum, at cuius? Papæ an Episcoporum? Amborum, inquit Bleyanus, in Theoria, tract. de maioribus & minoribus beneficiis num. 22. litera D. in margine, opinio fuit alia Rebuffi in Concord. rubrica de interdictis non ponendis leuiter, & de Grassaliis lib. 2. iure nono, ibi enim ambo asserunt, Galliæ priuilegium quidem à Pontifice esse concessum, vt interdicti nequeat, sed ab Episcopis, non Papa, vtriusque hic verba lubet apponere. Nimirum, inquit Grassalius, ius Francorum Regis, vt excommunicari, aut interdicti non valeat, ad prelatos, non autem ad ipsum summum Pontificem refertur, Rebuffi sensus idem, Clemens factus concessio ne terra Regis, vel Regina, interdicto ab Episcopis, vel aliis subiiciatur sine licentia sedis Apostolicæ quod priuilegium confirmauit Alexand. IV. Nicol. III. Mart. IV. Et demum, inquit idem ibi. conuentum fuit inter Papam & Regem, ad tollendum lites & quæstiones, vt supponi possent Regis terra, & regnum, hac forma in textu isto conscripta. Hæc ille.

Forma hæc autem est in eo, quod nullaciuitas, oppidum, aut castrum, Ecclesiastico supponi possit interdicto, nisi ex causa, seu culpa ipsorum locorum Domini, aut Rectoris, vel Officialium, propter culpam autem cuiuscunque personæ priuatæ, huiusmodi loca interdicti nequeant, nisi persona prius fuerit excommunicata ac denunciata seu publicata.

Dubium vicesimum primum, *An interdictus ab ingressu Ecclesiæ, possit ex adiacente, ac vicino cœmeterio, Missam audire.*

Ita vt sentiam, hoc argumento inducor. maximè, quod quæ voces legem vt loquuntur pœnalem constant, hæ intelligi, capique stricte debeant, sic vt earum notio, aliud, quam ad id quod iis proprie denotatur, non trahatur, sed est lex de interdicto seruando pœnalis, nec Ecclesiæ nomen, proprie cum sumitur, & vt principio rebus significandis fuit impositum, cœmeterium denotat, non facit ergo contra Episcopi imperium, de templo non ingrediendo, qui ad eius fores, aut ex propinquo cœmeterio, diuinis interest: ita Reginal. lib. 32. trac. 3. cap. 29. num. 41. Filliuc. to. 1. trac. 18. cap. 5. num. 105.

Dubium vicesimum secundum, *An Violatio interdicti in Laico sit mortalis.*

Veniale esse tantum, cum interdictum locale citra contemptum Laicus violat, mortalem autem cum est interdictum personale, scribit Regin. in praxi lib. 32. trac. 3. c. 30. n. 42. cum Soto in 4. dist. 22. q. 3. ar. 1. c. 6.

Ratio

Ratio est, quod ex eo præcisè quod contra Clericorum intentionem, quibus obsequi Laicum ratio, iuraque imperant, quidpiam hic faciat, culpa eius non sit lethifera, at cum se hic diuinis, in loco interdicto ingerit, contra id tantum facit, quod nolle debent Clerici, patiq; illæsa conscientia nequeunt, cum hunc à sacris prohibere officiis Ecclesia iubet, non est ergo eius culpa mortalis.

Confirm. est peccatum omne, præcepto alicui contrarium, at nullum est, quo primo per se, ac directè, vetentur Laici locum interdictum ingredi, nam quicquid est in hoc genere, quod mandandum credidere Pontifices, Clericorum est proprium, quibus in cap. alma mater extremo de sentent. excomm. in 6. præcipitur, ut interdictum seruent, diuina officia ianuis clausis, voceque submissa, celebrando, quin etiam exclusis Laicis, tam interdictis quàm non interdictis, si quid ergo peccent in hoc genere laici, quidpiam tantum est leue, contra reuerentiam Clericorum statui debitam, mortale nullo modo, nisi interueniente scandalo, contemptu, aut violentia.

Erit tamen lethalis hæc eorum culpa, si cum personaliter sint interdicti, interdictum hoc suum non seruent, Suar. disp. 35. sect. 4. num. 2. & 3.

Ratio est, quod præcepta Ecclesiæ in re graui, ad mortale obligent, at habet interdictum omne personale, præceptum, quo præcepto, ab usu Sacramentorum, aut officiorum, quæ solenni fieri ritu, in Dei Ecclesiæ solent, interdictus arcetur, quæ obligatio est in re graui, cum ad Christianæ legis Sacramenta diuinaque officia pertineat, est ergo personalis interdicti violatio, tam Laico quàm Clerico mortalis.

Confirm. præcepti grauitas ac obligatio, à personis non pendet quibus imponitur, sed à voluntate imponentis, reique præcepti qualitate ac natura, cum ad rem non faciat, quod qui per illud iubetur aliquid facere, diuites sint, aut inopes, nobiles aut ignaui, laici aut Clerici, sed est prohibitio quæ per interdictum personale, fit personæ, grauis haud dubie, cum sit in materia Sacramentorum ac diuinorum officiorum, & per eam intendit Ecclesiæ, obligationē inducere tali materię similem, hoc est grauem, ergo qui secus facit, quàm vetat, aut præcipit Eccle-

A sia, interdictum personale violando, tam quàm Clericus est, quàm laicus, peccat mortaliter, nisi cum ignorantia, rei leuitas, dispensatio aut vrgens necessitas dispensent, Regin. lib. 32. trac. 3. cap. 30. num. 34.

Dubium vicesimum tertium, An Violatio interdicti in Clerico, sit lethalis.

B Est interdicti cuiuscunque, id est tam localis quàm personalis specifiçi, ac generalis transgressio, mortalis in Clerico, patet ex dictis in proximè præcedenti dubio, ratioque ipsa duplex indicat: prima ex grauitate materię petitur, nam quid diuinis officiis, ac Sacramentis, esse potest in re Christiana grauius? hæc autem in interdicto tam locali, quàm personali, frequentari promiscuè ac sine discrimine Ecclesiæ prohibet.

Altera à pœnis ducitur, & primo quidem violantes interdictum Clerici, in Sacramentorum materia.

Sunt irregulares ipso facto.

Secundo, inhabiles, ut possint eligi.

Tertio, sunt suspensi ab officio.

C Quarto, possunt quoque priuari beneficio, Miranda 10. 2. qu. 37. art. 9. concl. 1. Portellus de dubiis regular. verbo interdictum num. 21. Si vero sunt Monachi, ipso sunt iure, facto, que excommunicati, decreto Clement. V. in Clementina 1. de sentent. excomm. his verbis: Nos igitur in Dei Ecclesiæ, vniuersitatem conseruare volentes, circa interdictorum obseruantiam prædictorum, auctoritate sedis Apostolicæ, vel à locorū ordinariis positorum, de fratrum nostrorum consilio, districte præcipiendo mandamus, quatenus religiosi quicunque, tam exempti, quàm non exempti, cuiuscunque ordinis, & conditionis existant, cum Cathedralē, vel matricem, seu Parœciale loci Ecclesiā, illa sciuerint, aut viderint obseruare, absque fraude & dolo, cum moderatione cap. alma mater obseruent, alioqui non seruantes, excommunicationis sententiæ, hoc ipso volumus subiaccere, quare cum sint pœnæ infligendæ, aut inflictæ, grauitatis culpæ testes ac indices, sine quæ admodum in rerum natura paucæ, quæ acerbitate suæ priuationem à sacris, hominumque colloquio ac conuictu, per excommunicationis censuram æquent, nedum superent, quis seruandi cuiusque modi interdicti, nexum in Clerico grauem esse, ac proinde sub mortali, non vider?





# EPITOME

## TRACTATVS DE INTERDICTO.

### CAPVT PRIMVM.

#### *Quid sit Interdictum.*

**I**ST interdictum, nonnunquam idem ac suspensio, vsurpatur in hac significatione in cap. primo de sentent. excomm. in 6. vbi excommunicans non præmissa monitione, ac sine scripto, per mensem vnum ab ingressu Ecclesie & diuinis officiis suspenditur, ab Innoc. IV. hoc est vt interpretantur, Suar. de censur. disp. 37. sect. 1. num. 2. Bonac. de censur. in comm. disp. 3. q. 5. punct. 1. Thesaurus prax. Eccl. par. 2. verbo censura cap. 2. ab actu actiuo & passiuo diuinorum interdicatur.

Est autem interdictum propriè Censura, priuàs vsu quarundam rerum, prout hæ sunt cõmunes fidelibus, maxime autem spiritali bono quod est in Sacramentis, diuinis officiis, & quæ his sunt annexa vt est sepultura, Innoc. c. quod in te 10. extra de pœnit. & remiss. Clarius est interdictum cõsura à iudice Ecclesiastico, aut iure propter delictum, aut aliam rationabilem causam lata, quæ terra alicui, Ecclesie vel personæ, prohibetur aliquando Missæ sacrificium, ingressus in templum, aut celebratio diuinorum officiorum publica, siue cum aliis in diuinis communicatio participatioque, atque administratio, tam actiua quam passiva sacramentorum, præter quam Baptismi & Pœnitentiæ.

Officii porro nomine non intelliguntur alia, quam quæ sunt sacro alicui adnexa ordini, & non nisi ab Ecclesie ministris, ad id specialiter deputatis exercentur, nunquam à Laicis, vt est Missa solennis à Presbytero cum Diacono & Subdiacono hinc & inde stipantibus dicta, horæ canonicæ statis horis psalli, choris hinc & inde alternantibus solitæ, lectio Euangelii cum stola & Dalmatica.

Interdicto non nisi grauissima puniuntur scelera, vel Principis, vt est in cap. non est vobis 11. de sponsalib. vbi ab Alexand. III. interdicto supponitur Anglia, quod qui tùm illi Rex præerat cum imperio, pro discordia, quæ inter ipsum & filios, suborta erat, eo-

**A** rûdem vxores captiuas detineret, Interdum ob totius ciuitatis aut regni culpam, interdicti fideles solent, cum enim hæc integrè, & excluso nemine, excommunicari nequeant, vt est in cap. Romanæ de sentent. excomm. in 6. nec sit tamen è re communi, Ecclesieque dignitate, peccata aliqua impunita relinqui, ne munita impunitate improbitas, honestatis repagula, iuraque perfringat omnia, id est diuina iuxta ac humana, reprimi hanc oportuit, intraque æqui limites interdicti metu reprimi, hoc est Ecclesiarum silentio, ac à diuinis officiis cessatione toto regno, ita ab Eugen. III. in Synodo Remensi can. 17. qui hæreticos & eorum sequaces; qui in partibus Guasconie ac Prouinciæ commorantur, recipere præsumeret, non tantum anathemate, quo animas Deus percutit, est percussus, sed & in terris eius donec condignè satisfaceret, diuina sunt interdicta officia. Sanxitque Alexander III. in decretali quadam sua ad Carnotens. Episcopum, vt index delegatus secundum officij qualitatē temperatè procedens Episcopo (contumaci) vel ingressum Ecclesiarum vel Sacerdotale officium interdicere, aut etiam terram illius, quæ ad iurisdictionem suam pertinet, interdicto supponeret, de officio & potestate iudicis delegati cap. 11.

**N**eque ob delicta modo Principum, aut ciuitatum, interdicti Ecclesie sunt solitæ, sed & priuatorum, sic in Concil. Pictau. can. 1. statutum legimus, vt nullus de Clero acciperet de manu Regis, vel comitis, vel cuiuslibet laicæ personæ donum Episcopatus vel Abbatie, vel Ecclesie, id si Laici facerent, Ecclesiasque violenter tenere præsumerent, excommunicari sunt iussi, in Ecclesiis vero illis, inquit canon, nullum diuinum officium fiat, nullus ibi oret, lumen non ponatur, mortuus non sepeliatur. In Concil. autem Remensi sub Eugen. III. can. 4. iussæ sunt moniales quæ nominantur canonicæ, nec viuebant religiosè, emendare vitam suam in melius, luxum vestium ponere, ciborum delicias in victu non querere, opes non ambire, in commune viuere, claustro non egredi, eodem refectorio ac dormitorio (vt loquuntur) vti Quod si vsque ad proximum Apostolorum festum, inquit ibi Eugen. non adimpleuerint, ex tunc in earum Ecclesiis, donec hoc nostrum mandatum adimpleant, diuina prohibemus officia celebrari, est ergo interdictum pœna scelerum, non quæ à Principe modo, aut ciuitate sunt facta, sed aliis.

CAP.

## CAP. II.

*Interdictum quoduplex.*

**I**nterdictum triperito diuiditur, in personale, locale, & mixtū ex utroque, quodlibet autem istorum, duplex est, generale & particulare, de verbis significat. cap. 17. generale non est duntaxat quando regnum, vel provincia tota subiicitur interdicto, propter quod & iustitia deperit & prelatorum sententie contemnuntur, cum in aliis provinciis interdictis, diuina celebrentur, sed etiam cum in castris, villis, pagis, diuina celebrari prohibentur, Alexandri III. testimonio, in cap. cum in partibus de verbis significat. his verbis: significatione vobis presentium intimamus, quod cum in privilegiis de regno, vel provincia, nihil expresse dicitur, nomine terræ, non solum, regnum, vel provinciam, intelligi volumus, verum etiam villam, & castrum, ut in his locum habeat, quod de generali dicitur interdicto. Communiter tamen generale interdictum est, cum totum regnum, vel tota ciuitas interdicatur.

Speciale est, cum alicuius ciuitatis, vna vel plures Ecclesie interdicto subiacent, non omnes, quod cum fit, etiam suburbia ea poena comprehenduntur, cap. si ciuitas 17. de sentent. excomm. eo quod ciuitatis nomine, intelligi hæc communiter soleant: quemadmodum appellatione Ecclesie, cappellæ ei contiguae & cœmeterium. Bonifacius ibid.

Rursus generale interdictum diuiditur in locale & personale. Locale est, cum locus omnis vbi persona fuerit, & quocunque perrexerit, interdicatur, quo fit ut hæc secū interdictum loci ferat & dicitur eam obrem mixtum seu deambulatorium. Personale generale, est cum omnes alicuius ciuitatis incolæ, provincie, vel regni interdicuntur. Speciale cum aliqui tantum, aut vnus, quæ interdicta, inter se hoc differunt, quod istud reostantum afficiat, comprehendat autem alterum etiam infantes, ut pueros, & amentes, Bonifac. author in decret. si sententia 16. de sentent. excomm. in 6. Cum propter delictum Domini, vel rectoris, est ciuitas interdicta, ciues eiusdem, qui culpabiles non existunt, dummodo & ipsi propter dominum, vel rectorem puniendum, in eis non fuerint interdicti, &c. approbatores Nauar. Enchiridii cap. 27. & Fernandez parte 2. cap. 12. qui duplicem eius rei rationem profert primam, quod interdictum sit signum iustitie Ecclesie, ideoque pati omnes mœrorem, luctumque ex aliena culpa sit æquum secundam quod, tunc qui causam interdicti dedit, magis con-

## CAPVT III.

*Quæ ceremonia sint in ferendo interdicto adhibenda.*

**E**Vulgari in quenquam interdictum ab homine non debet, nisi admonitum, Alexand. III. cap. non est vobis 11. de sponsalibus nos itaque attendentes iustum & honestum esse, ut viri suas petant uxores, mandamus, quatenus eundem regem, ad eas reddendas sollicitè moneatis. & si iuxta monitionem vestram, filiis suis uxores suas, intra certum terminum non restituerint, ex tunc, in quacunque vestrarum provincia, vel transferuntur, donec ibi fuerint, nulla diuina officia præter baptismum paruulorum, & pœnitentias morientium celebretis, nec permittatis aliquatenus celebrari. Monitionem hanc autem trinam esse oportere, Bonifacii fuit opinio in cap. statutum 13. de sent. excomm. in 6. nam canonica esse debet, decreto Gregorii Papæ X. & Innocent. IV. in cap. cum medicinalis primo de sentent. excomm. in 6. & aliorum in cap. sacro 48. extra eod. titulo, cap. reprehensibilis 27. cap. cum speciali 61. de appellat. cap. statuimus 3. cap. Romana 5. de sent. in 6. ac esse communiter monitio canonica non solet, nisi quæ est iterata tertio, cum debito dierum inter vtramque interuallo, cap. Romana 5. de sentent. in 6. iustissime ergo exigit Bonifac. ut quæ de monitione canonica excommunicationi præmittenda sanxere Pontifices, hæc in suspensionis & interdicti sententiis inuolabiliter obseruentur, cum decreto, easdem sententias non tenere aliter promulgatas cap. statutum 13. de sentent. in 6.

Secundo cum ab homine interdictū imponitur, publicari in scriptis debet: tertio imponi cum causa rationabili, Innoc. IV. in cap. primo de sentent. excomm. in 6. Quisquis excommunicat excommunicationem in scriptis profert, & causam excommunicationis expresse conscribat, propter quam excommunicatio profertur, sunt enim hæc necessaria, ne interdictum censeatur iniustum esse, ac vero nullum, ut accideret, si & nulla præmitteretur monitio, aut si ferretur à non suo iudice, vel sententia errorem contineret intolerabilem, quo vitio cum laborat, seruari non debet, ut oportet cum est iniustum tantum, sententia enim pastoris, siue iusta, siue iniusta fuerit, timenda est 11. q. 3. can. 1. Quod autem de admonitione dicitur, capi sic debet ut hæc non sit respectu omnium interdicendorum necessaria, nam in generali interdicto, quod ob delictum communitatis, aut publicæ tan-

tum personæ affligitur, locum non habet, A nec secundo, cum hoc est à iure, quia ipsa eius cognitio, admonitionis, est loco: Cui est ergo facienda monitio? ei qui interdicti est causa, hoc vero non necessario obseruare conuenit, nisi sententia contra personas certas, aut locum à iudice publicata, & expresse sit denunciata. At ubi publicandum & quo loco.

Si generale sit ciuitatis, in matrice eius Ecclesia cap. 1. de postulat. praelatorum, quare intimari illud in eiusdem ciuitatis Paroeciis nihil est necesse, Tolet. cap. 2. de interdicto, B Fernandez loco ante citato num. 8. nossetamen oportet earum Parochos, quæ sequuntur.

#### CAPVT IV.

*Quenam vetantur interdicti tempore.*

**P**rimo prohibetur Missæ celebratio in loco interdicto, ianuis apertis, ac proinde in domibus, viis, agris.

Dixi ianuis apertis, quia clausis, voceque submissa, ac excommunicatis & interdictis exclusis, sacrificium offerri Deo posse etiam in Oratoriis approbatis ab Episcopo, communis est veraque opinio, dummodo non sint hæc, templaque alia, in quibus fieret, interdicta specialiter, nec ad ea admittatur aliquis, qui ad eam rem priuilegio careat, Nauar. cap. 27. num. 175.

Secundo dum est Ecclesia interdicta specialiter, obire in ea, consueta Ecclesiæ officia illicitum, Missæ autem operam in ea dare, cunctis est prohibitum nisi rogatis, idque Eucharistiæ renouandæ causa, quamobrem vna tantum singulis est dicenda hebdomadis, Suar. de censur. disp. 34. sect. 2. num. 1.

Tertio, horæ canonicæ dici cum cantu nequeunt, & referatis atque patentibus Ecclesiæ foribus, tantum baptismus ibi datur, infirmis autem remedio pœnitentiæ, & communionis subuenitur, Concil. Pictau. can. 1.

Quarto non sunt in interdicto Sacramentalia vlli licita, cuiusmodi sunt olei benedictio, chrismatis, aquæ benedictæ, vasorum, vestium sacrarum, & similium, quæ ab Ecclesia, solenni sunt instituta ritu.

Quinto campanæ vt per eas signum datur ad missam, aut diuina officia, pulsari nequeunt, possunt tamen pro concione, salutatione Angelica, &c.

Sexto, Per generale interdictum denegatur omnibus tam vñctio, quam Ecclesiastica sepultura, Innoc. III. ca. quod in te 11. de pœnitent. & remissionib.

Septimo, in Ecclesiis interdictis, decreto Pictau. Concil. can. 1. cauetur ne diuinum officium fiat, nullus ibi oret, lumen non ponatur, mortuus non sepeliatur. Pictau. can. 1. & ca. non est vobis 11. de sponsalib. iubentur Episcopi Angli dare operam, ne in prouinciis suis interdictis, vlla diuina officia præter baptismum, & pœnitentiæ morientium celebrent.

Octauo, interdictis, & nominatim excommunicatis, patere non debet ad sacras ædes, diuinaque officia aditus, Clementina 5. cum sequente de sentent. excomm. ca. cum plantare 3. de priuilegiis & excessib. cap. in qui 18. parag. is vero de sent. excomm. in 6. Innoc. III. in Concil. Lateran. canone 61. alius 58.

Nono ab Alexand. III. est decretum in cap. 3. de priuilegiis, excommunicatos, & nominatim interdictos, tam à diuinis officiis, quam aliis omnibus, iuxta Episcoporum sententiam emittendos.

Decimo, nec hoc omittendum Sacramentorum omnium vsum in loco interdicto prohibitum esse præterquam Baptismi & Pœnitentiæ, cap. sponso 43. de sent. quæ nemini est neganda, sed tam sano, quam infirmo, etiā in Ecclesia specialiter interdicta, danda cap. alma mater de sentent. Portel. verbo interdictum in dubiis regularibus, nisi interdicto causam dedisset, aut ei auxiliū, consiliūq; præstitisset, aut sanè essent parati ambo, Ecclesiæ obsequi eique ac parti quantum in eorū est potestate, pro iniuria satisfacere, aut de satisfaciendo idoneam cautionem dare Bonifacii VIII. est hoc monitum in cap. alma mater 34. de sent. excomm. in 6. Illis propter quorum culpam, dolum, vel fraudem lata est sententia interdicti, vel qui ad perpetrandum delictum, cuius occasione interdictum est latum, præbuerunt auxilium, consiliū, vel fauorem, nisi de ipso delicto prius satisfecerint, vel de satisfaciendo idoneam cautionem dederint, &c. non est pœnitentiæ beneficium aliquatenus concedendum, est tamen pœnitenti interdicta confessio, dum publice in templo diuina peraguntur officia, aut dicitur Missa quia tempore interdicti, hoc licet nemini, citra priuilegium.

Et quanquam infirmis duntaxat, Eucharistia præbenda sit in viaticum omnitempo- E re, cap. quod in te 11. de pœnitent. & remissionib. In illo enim verbo, per quod morientibus pœnitentiam non negamus, inquit ibi Innoc. III. Viaticum etiam quod verè pœnitentibus exhibetur, intelligi volumus, vt nec ipsum decedentibus denegetur, etsi (inquam) infirmis, nō sanis extra Paschæ tempus Eucharistia dari debeat, Bonifacio tamen placuit, quod tempore interdicti ab homine, vel à iure prolato, non tantummodo morientes sed etiam viuentes, tam sani, quam infirmi, ad pœnitentiam (quæ propter prauitatem,

Et facilitatem ad peccandum summe necessaria est licite admittantur, dum tamen excommunicati non fuerint, quos admitti (præterquam in mortis articulo) noluit ca. alma mater 24. de sent. excom. in 6.

## CAP. V.

Que sint interdicti tempore permessa fidelibus.

**N**on modo est pœnitentia, interdicta ciuitate aut Ecclesia, permessa fidelibus, tam sanis quam infirmis, sed & baptis-  
mus cap. non est de sponsalibus 11. & cap. respon-  
so 43 de sent. excom. Concil. Pictauiense can.  
4. sponsalia item personaliter interdictis  
non sunt prohibita, Tolet. de interdicto ca.  
3. num. 9. quia non sunt Sacramentum, bene-  
dici tamen non debent Viuald. de Sacramen-  
tis in genere, Fernand. par. 2. ca. 12. num. 17.  
Secundo posse quoque Episcopos cum ma-  
gna Sacerdotum est inopia, celebrare ordi-  
nes, scripsere Sylu. interdict. 5. q. 7. Couar. in  
ca. Alma par. 2. parag. 3. sicut & fœminæ,  
quæ partui est vicina, morique eius oppres-  
sa doloribus metuit, porrigi Eucharistiam,  
Rodrig. 10. 2. q. 109. art. 3. Portelius in dubiis  
Verbo interdict. num. 14. eaque adhiberi om-  
nia, cum ad infirmam defertur, quæ ad eius  
celebritatem honoremque pertinent, vt  
quod in decenti habitu, superposito mundo velami-  
ne, feratur ante pectus cum omni reuerentia, &  
timore, insuper lumine præcedente, Honor. III.  
de celebrat. Missarum ca. 10. campana item  
pulsante, secundum Portelium loco citato,  
vt eius sono fideles admoniti, prætereunt  
flexo genu, omni qua possunt animi demis-  
sione, cultuque, venerentur ac suspiciant,  
quinetiam quorundam est opinio, quam  
probabilem Suarez existimat disp. de censur.  
33. sect. 1. num. 39. Clericis non Presbyteris,  
qui ad eam spectant Ecclesiam vbi diuina  
quot diebus peraguntur officia, licet sine  
cætu, & voce submissa: negandum non videri  
quod tamen Fœlicianus de interdicto &  
Rodrig. loco cit. num. 13. improbant, non  
item quod sequitur, sæcularibus scilicet in  
Paschate ad implendum præceptum Eccle-  
siæ, impertiendam esse ita Suar. supra num.  
37. Portelius num. 16.

Æque sunt certa quæ sequuntur, licere Mi-  
noritis, fratres tertii ordinis ad diuina officia  
admittere, si forsan Ecclesiæ, ad quas pertinent, à  
diuinis fuerint officiis interdicti, & si ipsos mori  
contingat, sepultura Ecclesiastica illis non nega-  
tur nisi excommunicati, vel nominatim fuerint  
interdicti, quod si Ecclesiarum prælati, apud Ec-  
clesias suas, eos non permiserint sepeliri ipsi fratres  
Pars secunda.

**A**d suas Ecclesias defirant tumultandos, Innoc.  
III. de priuileg. cap. 24. Templariis similiter  
concessum esse Alexand. III. voluit in cap.  
cum & plantare 3. de priuilegiis parag. quod si tem-  
plarii, si ad Ecclesiam venerint interdictam, se-  
mel vt in anno ad Ecclesiasticum officium admit-  
tantur, cap. & plantare, nec hoc tantum, sed  
cum aliqui fratrum suorum, qui ab eis mittun-  
tur ad recipiendas fraternitates, sine collectas, in  
quamlibet ciuitatem, castellum, vel vicum adue-  
nerint, si forte locus ille, à diuinis officiis sit inter-  
dictus, in eorum incundo aduentu, semel in anno  
aperiantur Ecclesiæ, vt exclusis excommunicatis  
ibidem diuina officia celebrentur, Innoc. III.  
cap. vt priuilegia 24. de priuilegiis.

**B** Tertio quod religiosis quibusdam est in-  
dultum, ad Episcopos extendi Innoc. voluit  
in Concil. Lateran. vt refertur cap. 25. de  
priuilegiis, vt cum commune terra interdictum  
fuerit, excommunicatis & interdictis exclusis,  
possint quandoque ianuis clausis suppressa voce, &  
non pulsatis campanis, diuina celebrare officia nisi  
hoc ipsum fuerit illis expresse interdictum, quo  
de priuilegio regularibus indulto, sit men-  
tio in cap. quod in te 12. de pœnitent. & remissio-  
nibus, item in cap. permittimus 57. de sentent.  
excom. & in cap. ultimo parag. adiciamus præ-  
terea eod. titulo in 6.

**C** Quarto, conceditur Clericis ab Innoc. in  
cap. quod in te 12. de pœnitent. vt decedentes, qui  
tamen seruauerint interdictum, in cœmeterio Ec-  
clesiæ, sine campanarum pulsatione, cessantibus  
solemnitatibus omnibus, cum silentio tumulen-  
tur.

**D** Quinto Regularibus litare quotidie, &  
diuina officia facere in Ecclesiis, & Mona-  
steriis suis permittitur, modo ne recitentur  
elata voce, ianuis apertis, excommunicatis,  
& interdictis admissis, cap. alma vigesimo  
quarto de sententia in sexto, quinetiam in suis  
conuentualibus Ecclesiis binæ & binæ, vel simul  
tres, horas canonicas si legere inducant ani-  
mum ab omni futuri sunt culpa liberi cap.  
quod in te de pœnitentiis, hæc tamen psallendo  
decurrere illicitum, ne forte eis canentibus  
& diuinum celebrantibus officium, aliquis ex-  
communicationis macula aspersus se inferat,  
Gregor. VII. in Concil. Roman. ca. 17. quare  
voce tam remissa loqui debent quod  
exaudiri non possint, Innocent. cap. quod in  
te citato.

**E** Idem licere Presbyteris sæcularibus, in  
templis & monasteriis, dixit Fœlicianus in  
cap. de interdicto 7. quare diuina quotidie ce-  
lebrare officia, Missæ operam dare, canoni-  
ci tempore interdicti, (vt prius) possunt, ac  
debent, submissa tamen voce, ianuis clausis,  
excommunicatis & interdictis exclusis. Pri-  
uato autem cuilibet, similiter sunt hæc quæ

HHh



sequuntur licita.

Primo psalmorum aut Euangeliorum, quæ in diuino officio legi solent, interpretatio, quia non prohibetur concio *ea. responso 43. de sent. excom.*

Secundo priuata in Ecclesia precatio.

Tertio, aquæ benedictæ in eius ingressu asperio.

Quarto, puerperæ in Ecclesiam ad reddendas Deo gratias, introductio.

Quinto, animæ à corpore abeuntis commendatio: etiam fas est Laicis, cum in suis sodalitatibus coeunt, psalmos canere in Ecclesia, litanias dicere, Sacerdoti, autem absque stola excommunicatum absoluer.

Ratio est, quod quæ memorata sunt proximè, nec Sacramenta sint, nec diuina officia, utpote non necessario, solenni dicenda ritu.

Sexto, in interdicto permittitur generalis confessio, absolutio eiusdem generis in Missa angelica salutatio, mensæ benedictio, crucis adoratio in die parasceues, sine precibus pro hac re institutis.

Permissa sunt etiam officia, in confratritatibus exhiberi Deo solita, cohortationes ad virtutem, mulierum purificatio post partum, sunt enim hæc omnia eiusmodi, quæ à Laicis fieri valeant, aut si Sacerdotis operam exigunt, non exhibendam tamen necessario publicè, nam ea secreto geri quid vetat? *Nau. ca. 27. num. 171.*

Septimo cõcionis causa habere cœtum populi, eique conuocato in templum, explicare mysteria fidei, licitum est Episcopo, aut Ecclesiastæ, interdicti tempore, testimonio Innoc. III. in decretali 43. ad Ferarien. Episcop. *de sent. excomm.* præterea baptizatos pueros, ad confirmationem in frontibus sacro chrismate delinire *ibid.* modo sine solennitate Syluest. *Verbo interdictum 5. q. 7. Nauar. ca. 27. num. 174. & 178.*

Octauo, fructus benedicere, orare priuatim in oratorio interdicto cuique licitum, *Fernand. supra num. 17. Nauar. n. 176. & 177.*

Causa est, quod hæc officia, propria non sint Clericorum munia, cum ea obire Laici, nec sine fructu, commodoque, possint.

Nõno, celebraturo, cum deest qui operam illi suam accomodat, in eam rem laicum licet assumere, modo non excommunicatum, *Suar. supra num. 31.* non tamen si Clericum, aut priuilegiatum ad manum habeat, *Rodrig. 10. 2. q. 114. art. 4.* aut famulum quia *per priuilegium famulatus, potest Dominus illum admittere secum*, *Portelius in dubiis regularib. Ver. interdictum num. 29.*

Decimo, morienti cum Clericus assidet, pro felici eius ad Deum transitu, Christi passionem, & Litanias legere, sine stola tamen

ac superpelliceo, atque vsitata hac oratione: *Dominus vobiscum*, citra culpam, eiusque suspensionem potest.

Ratio est, quod hæc præstari à Laicis cum possint, inter diuina censer. officia non debent, nec proinde Clerico esse prohibita.

Vndecimo, cum populo sacrosancta Eucharistia adoranda in æde sacra proponitur, ut Ecclesiæ in necessariis suis, dubisque temporibus, opportuna impetrentur à Deo auxilia, cultum ei exhibere in illa, Laici iuxta ac Clerici, liberè ac cum fructu possunt, nisi forte templum, ubi ad venerationem, loco conspicuo ac patenti Eucharistia visitur, interdictum esset specialiter, aut hæc illi exhiberetur religio, cum diuina sunt officia, quo tempore nemini absque Papæ facultate, ac priuilegio, interesse rebus sacris est concessum.

Duodecimo in interdicto generali fas est Clericis extra Ecclesiam, horarum pensum alternatim ac in chori modum, vna dependere, modo ne vocem elata, claraque, ut queant intelligi, *Suar. disp. 34. sect. 3. num. 13.*

Argui culpæ similiter, cum ratione Laici generaliter interdicti nequeunt, cum templum, spectaturi quid in eo extra Missarum tempus, ac officii, geratur ac fiat, frequentes subeunt, aut rogati, amicis honoris causa, socios se dant ac comites, cum baptizato nomen imponunt, confirmandum Episcopo offerunt, cū cœlesti mensæ assidentes, eorum pietatem ac modestiam, fluentes ex eorum oculis, præ teneritudine animi lacrymas, cū diuinæ cuiusdam voluptatis sensu mirabili, contemplantur ac spectant. *Suar. disp. citata sect. 4. num. 31. & sequent.*

Regularibus autem, interdicto generali persistente, sunt hæc quæ sequuntur permissa, mensæ benedicere, Deo cum solempni cantu, grates post cibum reddere, *Compend. Minorum Verbo interdictum parag. 20.* per professionem Nouitios religioni adiungere, & in illa *Veni Creator* occinere, cum cæteris cæremoniis, dummodo sit interdictum auctoritate ordinaria positum. *Portelius supra n. 65. & seq.* suos familiares ad diuina officia & Sacramenta admittere, *Rodrig. 10. 2. q. 114.* seruos item Monasterii, eosque cum naturæ concedunt sepultura tradere, quosunque etiam alios, viuentes Monasterii stipendiis, eorumque familiam, id est tam viros quam mares, est id S. Hieronymi Patribus concessum à Benedicto XIII. ut est in eorum *Compendio, Verbo interdictum parag. 1.* consequenter aliis, qui cum iis in istius facultatis vsu, Papæ beneficentia communicant. Ab Alexan. autem IV. Minoritis indultum video, ut operarios quosunque, etiam in eorum

num Monasteriis non degere, quo die apud A  
cor laborant, ad diuina recipere possunt. of-  
ficia Capucinus in suis additionibus ad Compend.  
Verbo Interdictum 3. parag. 6. Miranda tam. 2.  
q. 38. art. 12. concl. 13.

Est hoc etiam Papæ erga regulares, non  
minimum beneficium, quod interdictum  
etiam autoritate Apostolica positum, pos-  
sint suspendere, quando autem, & in quo-  
rum celebritate coarctum, dicitur cum de  
cessatione à diuinis sermo fiet.

Fit ex dictis cuique perspicuum, interdi-  
cti effectus tres esse, non plures, priuation-  
em Sacramentorum, tam passiuam quam  
actiuam, diuinorum officiorum, & sepultu-  
ræ Ecclesiasticæ carentiā, nā inferri in locum  
non factum cadauera fidelium, ibique ter-  
ræ mandari posse sine crimine, vt ipse non  
dicam, res ipsa, nomenque ipsum indicat, se-  
pulturæ adiectum, Ecclesiasticæ scilicet, quæ  
vt est distincta à gentili, benedictionum  
nescia, ita sola est Christianis interdicti tem-  
pore prohibita.

## CAP. VI.

*Interdictum ferre qui possint.*

**I**nterdicti author idem est, qui excommu-  
nicationis, sacris enim interdiceret, co-  
rumque usu, ad iusticiam pertinet, eamque  
scelerum vlticem, de his autem merita re-  
perere pro autoritate supplicia, cui nisi Præ-  
lato licitum? huic ergo soli vrbes, castra, vi-  
cos & oppida interdiceret est permissum, aut  
eo ex humanis sublato, Capitulo, & non  
cuiuslibet canonico. Dixit hanc sententiam  
Cœlest. III. in cap. super eo secundo de his qua  
sunt à maiore parte capituli, Querenti enim  
apud eum Gileberto Claramontanorum  
Episcopo quod è canonicis suis, quidam non  
primarum partium, qualibet occasione as-  
sumpta, sine suo & canonicorum consensu,  
pro rebus nihili, terras æque ac prouincias,  
magno populorum, ac diuini cultus detri-  
mento, interdicto supponere minimè vere-  
rentur, respondit, id vero sibi probari non  
posse, itaque interdictum in aliqua Ecclesia, per  
aliquem, vel per aliquos ex canonicis, sine suo, &  
aliorum fratrum assensu positum, nullatenus obli-  
gare, nisi talis excessus, & tam grauis extiterit,  
propter quod, Ecclesia merito silere debeat, nec fe-  
rendum, vt prætextu occasionis huiusmodi, ab  
aliis interdictum obseruetur, nisi eius, & aliorum  
canonicorum consensus accesserit.

quare cum per quas causas quidpiam est in  
natura rerum, iisdem & tolli queat, de regul.  
iuris regula prima, quæ interdicta erunt ab

homine, hæc eius arbitrio ac voluntate, aut  
superioris, tolli poterunt, quod si erunt à iu-  
re, & reseruata, publica, ac manifesta, à so-  
lo Papa, si occulta, ab Episcopo, potestate  
ad hanc rē idonea ac sufficienti, sibi à Con-  
cilio tradita in sess. 24. cap. 2.

Quod si reseruata non fuerint, cessante  
causa propter quam sunt posita, tolli ab E-  
piscopo poterunt, à solo vero Papa, si hæc  
perseueret.

**T**olli dixi, nam suspendi nonnunquam so-  
lent, vt populo rebus diuinis vacare, animo  
curis expedito liceat, ob eam causam Boni-  
facio visum, vt in festiuitatibus Natalis Domi-  
ni, Pasche, Pentecostes, & Assumptionis Virgi-  
nis gloriose, pulsatis campanis, ianuis apertis,  
alta voce, diuina officia solenniter celebrentur,  
excommunicatis prorsus exclusis, sed interdictis  
admissis cap. alma mater 24. de sentent. excom.  
in 6.

**A**ddunt aliqui festum corporis Christi, &  
Sanctorum omnium, ita tamen vt de inter-  
dictorum numero, quibus diuina illis die-  
bus frequentare mysteria in Missa, Vesp-  
erisque licet, excludi illi debeant, quorum ob  
delictum, interdicti sententia est lata. Adhuc  
possunt illis diebus, panes, fructus, aqua so-  
lenniter benedici, aquæ aspersio fieri, Vir-  
gines, altaria, calices, indumenta, Abbates  
& Abbatissæ benedici, Monialibus velum  
dari, cum hæc non sint Sacramenta, sed pa-  
tius certa diuina officia.

Quid si tūc aliquis diem suum obeat etiam  
ne loco sacro per leges Ecclesiæ humanus  
erit?

**O**mnino, at quo modo? quo erit placitum,  
hoc est prælata cruce, præcinente Clerico-  
rum choro qui funus præcedit, subsequente  
populo, amicis hinc & inde comploranti-  
bus, in iisdem tamen solennitatibus inter-  
dicto persistente, Extremam vñtionem da-  
re, aut sanis Christi corpus impertiri non li-  
cet, sed tantum animam agentibus: viaticum  
enim in morte positus non est negandum:  
can. penitentes 63. dist. 50.

**E**xtra hæc tempora, dare diuinis officiis  
operam, cum apparatu, quem adhibet Ec-  
clesia, nulli licitum, nulli in locis interdicto  
suppositis, Ecclesiastica obire officia, Clerici  
qui talia præsumunt, sunt Ecclesiasticis beneficiis  
spoliandi, Monachi vero vel moniales, in arctio-  
ribus Monasteriis, ad peragendam penitentiam  
detrahendi, Innocent. III. in decretali postulasti  
parag. quasiuistis, de Clerico excommun. mini-  
strante.

Huic pœnæ addita est à Bonifac. alia cap.  
Episcoporum 8. de priuilegiis in 6. parag. qui  
vero, nempe ab ingressu Ecclesiæ exclusum,  
eiusque aditu prohibitum esse, donec de trans-

HHh ij

gressione huiusmodi ad arbitrium eius, cuius sententiam contempserint, satisfecerint competenter, cap. Episcoporum 8. de privilegiis in 6.

## CAP. VII.

An interdictio Clero populus ac religiosi, pro interdictis sint habendi.

**P**rimo, interdictio Clero, non est interdictus populus, item è conuerso *ca. si sententia* 16. de sent. excomm. interdicta tamen ciuitate, vel populo, ciues sunt singuli pro interdictis habendi *cap. si sententia citato parag. cum vero* nisi sit ob delictum Domini interdicta ciuitas, tunc enim alibi, ad diuina admitti officia ciues posse, habet citatus canon *si sententia* non tamen in ciuitatis interdictæ suburbiis, nam illà interdicta, hæc quoque, ac continentia ædificia omnia, pariter tenentur pœna, quæ in capellis quoque, ac cœmeteriis, respectu Ecclesiæ interdictæ, locum habet, vt est in *cap. si ciuitas* 17. de sent. excom. in 6. hac enim à rebus sacris tacere iussa, capellæ quoque ac cœmeteria, interdictio sunt supposita,

Addo secundo, quod Clero generaliter interdictio, Clerici vacare omnes à diuinis debent, præter Episcopos, & his dignitate priores Archiepiscopos, ac Primate, qui nullius occasione sententiæ, constitutionis, aut decreti, ac suspensionis, interdicti pœnas subeunt, nisi expressa de iis fiat in canone mentio, *cap. quia periculosum de sentent. excomm. in 6.* Ab his tamen cessare regulares nihil est necesse, quia in materia, odiosa, qualis est præsens de interdictio, intelligi hi Cleri nomine non solent, quemadmodum nec populus, quia vtriusque vocis, hoc est Cleri & populi, diuersa est significatio, ergo interdictio populi, Clerum excludit, mareque & fœminas cuiuscunque dignitatis, ætatis ac conditionis comprehendit, consequenter & infantes, cum sint de populo, nec refert quod vt doli sunt nescii, ita & peccati, quia ad interdictum culpa nulla est necessaria, cum infantes etiam completi soleat.

## CAP. VIII.

Quas pœnas incurrere soleant, interdictum qui violant.

**P**rimo, sunt Clerici irregulares, suspensi, & inhabiles, qui interdictum violant, actum ordinis sui proprium exercendo, de

**A** Sacerdote (eadem autem, parque est aliorum ratio) sic Bonifacius VIII. in *cap. 18. de sent. exco. in 6.* Qui scienter celebrat in loco supposito interdictio (nisi super hoc privilegiatus existat aut à iure sit concessum eidem) irregularitatem incurrit, à qua nequit per alium, quam per Romanum Pontificem liberari, & adeo efficitur ineligibilis, quod nec ad eligendum, cum aliis debeat admitti, excusat tamen bona fides licet ignorantia crassa coniuncta, modo ne sit affectata, Portellius de irregul. in dubiis num. 36. Suar. sect. 4. num. 15.

**B** Secundo, Qui ad officia diuina audienda, excommunicationis, vel interdicti sententia innodatos euocare, seu, qui ne excommunicati publice, aut interdicti, de Ecclesiis, dum in ipsis Missarum aguntur solemnia, à celebrantibus vt exeant prohibere, nec non interdictos, qui in ipsis Ecclesiis, nominatim vt exeant moniti, remanere præsumpserint, excommunicationis sententiæ, à qua per sedem duntaxat Apostolicam possint absolui, sunt innodati Clem. V. de sentent. excom. in clement. cap. gravis 2. Ad hanc autem pœnam incurrendam, requiritur præsumptio, vnde ab ea excusant bona fides, & metus etiam leuis, Thesaur. par. 2. praxis ver. cœsura cap. 10. secundo requiritur vt locus ipse, vnde exire excommunicatus iubetur, sit specialiter aut generaliter interdictus, quod tamen negant, Bonac. de censur. in pars. disp. 2. q. 3. punct. 20. num. 14. Filliucius tract. 15. num. 74.

**C** Tertio, interdictos qui terræ mandat, aut non interdictos, interdictum cum in ciuitate viget, aut prouincia, tandiu est ab ingressu interdictus Ecclesiæ quandiu ei videbitur cuius sententiam contempsit, quod vt fiat licite, requiritur in sepeliēte præsumptio. Bonifac. cap. 8. de privilegiis in 6. Qui contra præsumpserint, inquit canon, præter alias pœnas à iure statutas, ingressum Ecclesiæ sibi nouerint interdictum donec, &c.

**D** Quarto in Sacramentorum materia, interdictum violans, est irregularis, inhabilis vt possit eligi, & à beneficio suo suspensus ipso facto *cap. 11 qui de sentent. excom. in 6.* quo etiam priuari potest per sententiam. Miranda co. 2. q. 37. art. 9. conclus. 1. Quod si religionem sit professus, interdictum non seruans est ipso facto excommunicatus, Clem. V. in *cap. frequentibus*, primo de sentent. excom. in clement. lib. 5. Quod etiam in interdictis, & cessationibus à diuinis, indictis per prouincialium Conciliorum statuta, vel ipsorum auctoritatem, obseruari idem Pontifex præcipit, ibid.

**E** Quarto, excommunicatos, nominatimque interdictos, ac denunciatos ab Episcopo, religiosi exempti ad diuina si admittunt præter peccatum mortale, quod violando præcepto Ecclesiæ faciunt, illas ipsas Eccle-

ita

fiat, in quibus interdictos contra fas, æquum-  
que recipere culpa sua, interdicto subiiciunt  
ita Alexand. III. in decretali cum plantare 3. de  
privileg. parag. si contra ultimo.

Sexto Clerici violantes interdictum per-  
sonale, vel locale, suspensionem ab officio  
& beneficio contrahunt, Auila part. 5. disp. 5.  
dub. 4. parag. præterea Sayrus lib. 5. cap. 14. num.  
12. non est hæc tamen a beneficio sententia  
latæ, sed ferendæ Suar. disp. 34. sect. 4. num. 16.

**A** Ac si celebrare in prædicto interdicto, mo-  
niti perierint, perpetuæ depositionis pen-  
nam subeunt Clerici, inquit Alexand. III. in  
cap. 3. de Clerico excomm. ministrante, si qui-  
d fuit. Vel etiam de mandato Pontificis ab alienis  
Episcopis interdicti, vel excommunicati, ante  
absolutionem divina officia celebraverint, nisi mo-  
niti sine dilatione redeierint, perpetuæ depositionis  
sententiam, pro ausu tantæ temeritatis incu-  
rant.







# TRACTATUS DECIMVS DE DEPOSITIONE.

## QVÆSTIO PRIMA.

*Quid sit, & quomodo à suspensione differat.*



ST huic vocis non vna, ac simplex subiecta potestas, interdum enim idem est ac expulsio, vt in can. 19. Concil. Niceni, vbi Paulianistæ redeuntes ad Ecclesiam, si culpæ expertes fuerint, rebaptizati à Catholicæ Ecclesiæ Episcopo ordinari iubentur, si vero eos examinatio non eos esse aptos deprehendit, deponi eos oportet, id est eiici Balsamone teste in eum canon. παρελήφθη τὸ τῆς καθαίρεσως ῥῆμα ἀπὸ τῆς ἐκκλησίας, id est hic depositionis nomen pro expulsionem est acceptum.

Nonnunquam idem est ac irregularitas vt in can. Apostol. 65. Si quis Clericus in pugna, pulsatum aliquem occiderit vno ictu, deponatur propter procliuatatem & temeritatem, nonnullis etiam, per causam Apostolici canonis 11. quo iubetur, vt si quis cum sit Clericus, vna cum eo, qui est depositus orauerit, deponatur & ipse, nonnullis (inquam) est visum, quod nos à cætu fidelium mouere dicimus, ac excommunicare, illud ipsum esse deponere, εἰς τὸν πᾶν καθαίρεθέντα ὑποβληθῆναι ἔ ἀφορισμῶ, ἔ διατὴ το καλυθῆναι ἰνὴ μετὰ τὸ τῶ προσηγῆναι, id est dixerunt hic depositum segregationi subijci, & ob eam causam esse prohibitam cum eo precationem, qui enim cum excommunicato vel in domo precatus fuerit iubetur ab Apostolis, segregari in can. 10. hoc est Balsamone interprete ab Ecclesiâ eiici, ὁ μὲν γὰρ ἀφορισμένος ἐκ τῆς ἐκκλησιαστικῆς συνάξεως καλύεσθαι, Balsam. can. 13. Apostol.

Nonnunquam idem est ac irregularitas vt in can. Apostol. 65. Si quis Clericus in pugna, pulsatum aliquem occiderit vno ictu, deponatur propter procliuatatem & temeritatem, nonnullis etiam, per causam Apostolici canonis 11. quo iubetur, vt si quis cum sit Clericus, vna cum eo, qui est depositus orauerit, deponatur & ipse, nonnullis (inquam) est visum, quod nos à cætu fidelium mouere dicimus, ac excommunicare, illud ipsum esse deponere, εἰς τὸν πᾶν καθαίρεθέντα ὑποβληθῆναι ἔ ἀφορισμῶ, ἔ διατὴ το καλυθῆναι ἰνὴ μετὰ τὸ τῶ προσηγῆναι, id est dixerunt hic depositum segregationi subijci, & ob eam causam esse prohibitam cum eo precationem, qui enim cum excommunicato vel in domo precatus fuerit iubetur ab Apostolis, segregari in can. 10. hoc est Balsamone interprete ab Ecclesiâ eiici, ὁ μὲν γὰρ ἀφορισμένος ἐκ τῆς ἐκκλησιαστικῆς συνάξεως καλύεσθαι, Balsam. can. 13. Apostol.

A Hunc tamen citati canonis, vocisque in eo adhibitz sensum non esse, verborum ipsa series quibus contextitur, aperte indicat, vult enim Clericum, qui cum deposito preces fuderit, aut ei sacrificanti intererit, pari cum eo teneri pœna, at hic depositione plectitur, non cœsura vlla, non est ergo depositio idem ac excommunicatio.

Magis ad veritatem accedunt, qui depositionem, aiunt pro suspensione, promiscuè in iure accipi, pro quibus faciunt, canones sequentes, Vigésimus nonus Apostolorum & tricesimus, prior sic habet, si quis Episcopus, per pecunias hanc sit dignitatem affecutus, vel Presbyter vel Diaconus deponatur, & ipse qui eum ordinauit, id est à suorum sit ordinum suspensus vsu. In altero hæc lego, Si quis Episcopus secularibus principibus vsus, per eos Ecclesiam adeptus sit, deponatur, & segregetur, id est à communione sit abiunctus fidelium.

C Est tamen à suspensione distincta depositio. Primo quod hæc inter censuras locum non habeat, nam quamuis sit pœna, non tamen est medicinalis, vt suspensio, sed vindicatiua.

Secundo à suspensione differt, quod hæc ministeriis ordinum ad tempus priuet, beneficiis & officiis, depositio in perpetuum, absque spe restitutionis in pristinum statum, vsuque eorundem bonorum iuxta can. 8. de dolo & contumacia & quarta Antiocheni Concilij, vbi Episcopus, Presbyter, & Diaconus, quos deponi in Synodo contigerit, locum defendendi sui, aut restitutionis spem aliquam, in sequenti Synodo habere prohibentur: Si quis Episcopus damnatus à Synodo, vel Presbyter aut Diaconus à suo Episcopo, ausi fuerint aliquid de ministerio sacro contingere, siue Episcopus iuxta præcedentem consuetudinem,

dine, siue Presbyter, aut Diaconus, nullo modo liceat ei, nec in alia Synodo, restitutionis spem, aut locum habere satisfactionis. Fas depositoramen erat per Pontificem, res suas, in Synodo agere, Ecclesiam intrare, ad sacram mentem assidere cum Laicis.

Est autem depositio duplex, verbalis & actualis. Prior accidit, cum quis priuatur in perpetuum beneficio Ecclesiastico, & officio, non tamen privilegio Clericali fori, canonis, & bonorum, de quo Innoc. III. in ca. Veritatis 8. de dolo his verbis: Tulimus sententiam perpetue depositionis in ipsum, & eum tam à Pontificali, quam ab omni Sacerdotali officio priuantes, sine spe restitutionis reliqua, duximus condemnandum, & ad hanc poenam infligendam non requiritur Episcoporum numerus, quem ad degradationem canones exigunt, sed sola Episcopi sententia, etiam sine Capitulo, nam eius non fit mentio in ca. Veritatis citato, sed tantum Episcopi, & Abbatis, quibus causæ cognitio ab Innoc. commissa fuerat.

Est & alia verbalis depositio, quæ degradatio verbalis dicitur, ad degradationem actualem præparans, quæ Clericum deponit ab ordine, officio, beneficio, & privilegio clericali, & requirit numerum Prælatorum, de qua nos depositione postea & hæc nunquam est lata sententiæ ut prior, sed ferenda tantum, cum specialem exigat quam tam Episcopus deponentis proprius dicat, quam alii ei assistentes, in quo à suspensione distinguitur, quam ab ordinario solo imponi posse est certum, alio aduocato nemine.

Tertio ab ea differt depositio, quod hæc non nisi in casibus à iure expressis infligi solet Sayrus lib. 5. de censur. cap. 21. num. 5. imo nec debeat, cum de eius rigore multum sit ob fragilitatem hominum remissum, Theaur. par. 1. cap. 27. prax. Ecclesiast. possit autem suspensio pro peccato mortali, impediendo sub ea poena ne fiat, aut puniendo iam factum.

His differentiis, addenda quarta, quod suspensio à beneficio, suspensum eo non priuet, sed fructibus, suspensio à iurisdictione, eius usu duntaxat, cum depositio, vtriusque possessione, dominioque spoliât.

Quinto non nisi ob grauia, enormiaque scelera, deponi quis potest, ut dicemus postea, cum tamen ut supra ostendere memini, suspendi aliquem nihil vetet: ob culpam lethali imparem, imo & non suam.

Quid? quod Clericum pro nullo crimine deponi posse, dixeret veteres, de quo non fiat specialis in iure mentio, & quod secundum quosdam, non sit multiplicatum, propter hæc verba petita ex cap. tuæ 6. de pœnis: Clerici in latrociniis vel aliis magnis sceleribus deprehen-

A si à suis ordinibus degradati, debent in carcerem detrudi, quod suspensio non exigit.

Est ergo depositio, amotio ab altaris ministerio, seu ordinis, officii ac beneficii priuatio perpetua, absque vlla spe restitutionis, cum suspensio sit quidem remotio ab usu ordinis, ac officii sed ad tempus tantum, fructuum priuatio non beneficii.

## QVÆSTIO II.

Propter quæ crimina sit infligenda depositio?

B Non nisi pro grauibus, quæ autem sint habenda talia, Abbas prudentis arbitrio relinquendum tradit, Anton. in cap. dilectus de purgat. canonica, id crimen graue nominat, quod ex præscripto legû, poena mortis in foro puniri solet, quod refert ac sequitur Felinus in cap. qualiter de accusat. Graue crimen appellant alii, quod auctori suo creat infamiam, cum populi scandalo, Ioan. Andr. in cap. 1. de accusat. diuque est continuatum Glossa in cap. 1. dist. 81. eodem pertinere nonnulli asserunt, gloriari ac de commissio à se crimine laudem quærere quod Innoc. III. cap. 9. de excessib. Prælator. id ferri non oportere asserit in Clerico, eo quod sit graue crimen pro quo proinde appellatione cessante præfatum Clericum ab officio & beneficio suspendi, ab Episcopo imperat.

C Eorum mihi præ cæteris probatur opinio, qui crimina capitalia, depositione digna esse, cum Patribus Concil. Agathensi autumant, sic enim illi in can. 30. Si Episcopus, Presbyter, aut Diaconus capitale crimen commiserit, aut chartam falsauerit, aut falsum testimonium dixerit, ab officij honore depositus in Monasterium detrudatur, & ibi quandiu vixerit laicam tantummodo communionem accipiat, simile decretum est in Conc. Aurel. 1. can. 11. capitalia autem tripartitam diuisionem habent, nam quædam sunt grauia, his grauiora alia, & tertia grauissima.

D Ad primum genus pertinent sequentia, furtum, homicidium non qualificatum, & periurium, de homicidio loquitur in hunc modum Papa Nicolaus in can. 5. dist. 50. Clericum qui paganus occiderit, non oportet ad maiorem gradum prouehi, qui carere etiam debet quæstio, homicida enim est. De furto & periurio canon Apostol. 25. Episcopus aut Presbyter aut Diaconus qui in fornicatione aut periurio aut furto captus est, deponatur. De Adulterio Concil. Aurelian. 3. can. 2. Si quis Clericus adulterasse, aut confessus aut conuictus fuerit, depositus, ab officio, communionem concessa, in Monasterio toto vitæ suæ tempore detrudatur, est in eandem

*sententiam*, Neocesar. Concil. can. 1. Paris. sub Lorchario & Ludouico lib. 1. can. 35. Presbyter, si fornicatus fuerit, vel adulterium commiserit extra Ecclesiam abiici, & ad penitentiam inter Laicos redigi oportet, Neocesar. Concil. can. 1.

Quæ autem sunt adulterio grauiora crimina, hæc quoque depositione sunt digna, ut incestus, hoc est coniunctio venerea cum consanguineis, aut affinibus, quos etiam incesti nomen complectitur 35. q. 3. can. de incestis, peccatum contra naturam, 32. q. 7. can. adulterij malum & de excessib. prælatorum cap. Clerici 4. ubi est his verbis: Quicumque illa incontinentia, quæ contra naturam est, (propter quam ira Dei, venit in filios diffidentia, & ciuitates igne consumpsit) deprehensi fuerint laborare, si Clerici fuerint, deiciantur à clero, vel ad agendum penitentiam in Monasteriis detrudantur.

Ut castitatem autem insigniter violant ac lædunt, stuprum vi illatum, complexus cum spiritali filia ac oscula, Presbyteri coniugium cum scæmina, ita qui horum est criminum conscius, reusque, à Symmacho & Cælestino deponi iubentur, peccans quidem cum spiritali filia, 30. q. 1. can. omnes 8. & sequenti in quo hæc lego, Si quis Sacerdos cum filia spiritali fornicatus fuerit, sciat se graue adulterium commississe, Sacerdos qui malum exemplum dedit hominibus, ab officio deponatur, & peregrinando 12. annis pœniteat, postea ad Monasterium vadat, ibique cunctis diebus vitæ Deo seruiat, de peccante cum Virgine & moniali can. si quis Episcopus 28. q. 1. de eo qui à suscepto Presbyterii ordine vult maritus esse, ac pater, præcipit Toletanum Concil. 8. can. 7. in fine, his verbis: Si Clericus relabatur ad coniugium, moresque sæculi, mox omni Ecclesiastici ordinis dignitate priuetur, ut apostata, à sancta Ecclesia liminibus, & societate habeatur prorsus exclusus, Monasterii claustris, donec vixerit, sub penitentia retrudendus.

Adhuc depositione digna sunt hæc crimina, sacrilegiū iuxta Concil. Agathensis can. 4. ubi Clerico qui furtum Ecclesia fecit, peregrina communio dari præcipitur: Coniuratio Clericorum contra Episcopos 11. q. 1. can. coniurationum 21. 22. 23. ebrietas repetita, Hostiens. in sum. tit. de tempor. ordination. parag. & cui, grauis in Deum blasphemia, maximè crebra, crebroque iterata 22. q. 1. can. si quis per capillum, Episcopi neglectus, ac præceptorum eius, à propriis subditis, Pius Papa epist. 2. Si quis Sacerdotum, vel reliquorum Clericorum, suo Episcopo inobediens extiterit, aut insidias ei parauerit, aut contumeliam, aut conuicta intulerit, & conuinci poterit, mox depositus surit tradatur. Adq̃ his debet concubinitus

A publicus ac manifestus à quo admonitus Clericus se non correxit, cap. sicut ad extirpanda 4. de cohabis. Clericorum & mulierum. Consultatio aruspicum, augurum, eorumque omnium qui magicam artem exercent 26. qu. 7. can. admoneant 7. Simonia, Concil. Aurel. 2. can. 4. can. Apostol. 30. si quis Episcopus aut Presbyter, aut Diaconus per pecunias hanc obtinuerit dignitatem, deiciatur, si quis autem secularibus potestatibus usus, Ecclesiam per eos obtineat, deponatur, can. Apost. 31. effectum eundem habent ac pariunt, vsura, ac ieiunii quadragesimalis violatio: de priori est canon 10. Concil. Elibert. his verbis perscriptus, Si quis Clericorum, detectus fuerit vsuras accipere, placuit degradari, id est deponi, & abstinere, de altero loquuntur sic Apostoli, can. 69. Si quis Episcopus, vel Presbyter, vel Diaconus, vel cantor, vel lector, sanctam Pascha quadragesimam non ieiunat, praterquam si propter imbecillitatem impediatur, deponatur.

In summa, quæ crimina infamiam adiunctam habent, hæc si sunt notoria, depositione sunt digna, Thesaurus praxis Ecclesiast. parte 1. cap. 33. & parte 2. verbo Missa cap. 2. est enim omnis infamis, irregularis, ut docent Tolet. lib. 1. cap. 74. Sayrus de censur. lib. 6. cap. 12. num. 12. & 13. ergo deiectionis ab ordine, beneficioque, non incapax, quæ pœna, scelera omniaque accidere circa Sacramentorum cultum, presbyteri culpa solent, plebs à delinquentis superiore posse, dixit Cardinal. in cap. extremum de celebrat. Missæ, Thesaurus verbo Missa cap. 2. dummodo de iis instituta ante fuerit quæstio, testiumque fide, ab eo hæc admissa esse constet, coniectura non improbabili. Nam si hæc (inquit D Balsamon in canon. nonum Gangrenf. Synodi) nec confessus fuerit nec aperte conuictus ἐδιδόκει καὶ ὁμοθυμαδὸν ἀλλὰ τὰ αὐτῶν καὶ οἱ ἄλλοι τῶ ἱερωτοῦ ἢ πεισσοῦται, id est non labefactabitur, sed in eius potestate erit sacra celebrare, vel cessare, prout ei sua dictarit conscientia, quare cum de depositione sermo esset, statuere Patres in eo canone, neminem ut hæc afficeret, nisi conuictum, aut confessum, ob eam causam adiecere (inquit ibi Balsamon) τὸν φατέρον ἐλέγχον, διὰ τὸ μὴ δύνασθαι ἀποδείξασθαι, εἰ μὴ διὰ φατέρων ἀποδείξωσιν ἢ τοὶ διὰ χειρὸς μαρτύρων πέντε ὁμνούντων, hoc est, apertam probationem postulant, eo quod nemo deponatur, nisi per apertas probationes, scilicet per affirmationem quinque testium iurantium.

Verum enim inquires 55. canon Apostolicus; & 84. eos deponi imperant, qui Episcopos, regesque iniuria afficiunt, est ergo ad eiusmodi iniurias, easque solas, redigenda depositio, nec ad ea reuocanda crimina,



mina, quorum est à nobis instituta commemoratio.

Neganda est conseq. primo, quia infinita prope est legum copia in Conciliis, quibus alii, quam qui Episcoporum ac Regum contemptores in ordinem iubentur redigi, deque Clericis fieri laici, hoc est deponi, huic enim poenæ canon Apostol. 20. fideiussores subiicit, non quoslibet, cum id pauperis causa facere, humanitatis sit ac misericordię, sed qui in eo lucrum captant ac quærunt, διὰ τὴν αἰχρότητα τῆς ἐγγύας i. propter fideiussionis turpitudinem Bals. ibi. Remouentur item in can. 25. ab ordinum usu, Ecclesięque regimine, quos improbitas, homicidii reos fecit, similiter Concil. Chalced. decreto, in can. 17. qui Clerici, vel Monachi, turbantur in Episcopos authores extitisse conuicti fuerint, de gradu proprio, id est sacro Clericorum excidunt: Gennadii quoque epistola eum cum Apostolis in can. 30. depositioni subiicit, tam qui vendit, quam qui emit Spiritus sancti gratiam.

Secundo infames, id est, culpa sua sine nomine nullaque apud populum opinione virtutis præstabili commendabiles, indigni sunt qui inter sacros Ecclesię magistratus, fruuntur Clericorum honoribus, ac est eius qui se scelere aliquo plusquam vulgari impiat, fama apud probos exigua, aut nulla, iniuria ergo ei nulla irrogabitur, si de loco, quem merito suo nullo possidet, præceps autoritate Ecclesię deciderat: ita autem ab omni æuo maiores sensisse nostros præter alios, loquitur Bals. in can. 12. Synodi Carthagin. cui præfuit Aurelius eiusdem vrbis Episcopus, imperante Romę Honorio Constantinopoli Theodosio. Mihi, inquit, videatur ex omni actione, quę infamiam irrogat, pecuniaria scilicet & criminali, iis qui sunt sacri, infamiam iniri, secundum vniuersalem & indistinctam legum constitutionē εἰδὼν ὅτι πολλὰς ἱεραιμίας. Soto κλοπῆς καὶ ἀπειθείας συνδυάσας, id est, videlicet multos sacros propter furtum synodali deponi.

### QVÆSTIO III.

A quo & quomodo, fieri depositio debeat, quę est dispositio ad degradationem.

**D**epositionis tres sunt hæc species, ab officio tantum, beneficio solo, & ordine duntaxat, & hæc omnes, ac singulę tam seorsim, quam coniunctim, ab alio fieri quam Episcopis iura prohibent, & quidem si erat olim deponendus ab ordine, aut à beneficio Presbyter, vel Diaconus, id à proprio eorum

Pars secunda.

**A** Episcopo fieri erat necesse vt est in can. 4. Antiochena Synodi, cui adiungendos hoc tempore, aliquos è capitulo, maximè cum de depositione ab ordine agitur, nisi consuetudo patrię sit alia, scripsit Fœlician. de degradat. cap. 3. quo tamen fundamento, & quamobrem, non video, nec enim eius rei meminere Concilia, Pontifices, aut Patres, imo contrarium, nam Clericis, præter Presbyterum, & Diaconum, ab vno Episcopo iudicandos, statuisse Concilium Carthag. tradit Balsamon in canon. 12. Concil. Carthagin. supra citati, sunt hæc eius verba, ὁ δὲ ὁδὸς ἐπισκόπων τὴν ἀλλοτριότητα, τὴν δὲ τὸν πρῶτον διὰ τὴν ἑτέραν τὸν διάκονον διὰ τὴν ἑτέραν.

Ad Episcopum quod attinet, eadem, statq; semper in Ecclesia eius deponendi ratio non fuit: Antiochena enim Synodus, id in Episcoporum cætu publico vult fieri: Si quis Episcopus damnatus à Synodo, vel Presbyter, aut Diaconus à suo Episcopo, ausi fuerint, &c. can. 4. Carthag. autem Conciliū rem Episcoporum n. 12. decidi arbitrio imperat: Si quis, inquit canon eius Synodi 12. Episcopus extra tempus Synodi, criminis accersatur, is à duodecim Episcopis audiatur, Presbyter à sex Episcopis, & proprio, & Diaconus à tribus, quos tamen canones inter se non pugnare, sit ex eo planum, quod authore Balsamone in eum locum, hæc de duodenario Episcoporum numero, maioris sint securitatis causa, à Carthagin. cauta Concilio: enimvero cum Synodum cogi sæpe rei communi non expediat, sit autem necesse, scelera, magna maximè, ne porro ad bonorum perniciem pergant, impunita non esse, hanc Episcopis 12. committi prouinciam oportuit, quando est difficile vt plures conueniant, quare cum licet, conuocari Synodus debet, alioquin appellandi ad superiorem, Episcopo deposito, iusta præbebitur occasio, ab eoque ad Synodum, quod cum Ioanni Amathuntis Episcopo, qui, ab altero item Ioanne Cypri Archiepiscopo, depositus ex causa fuerat, facere visum foret à Luca Patriarcha, vniuersaque Synodo, eius est infirmata depositio, διὰ τὸ τὸ μὴ μετὰ τὴν ἑτέραν τὸν πρῶτον ἐπισκόπον τῆς πόλεως κύριον ἐκκλησίας ἢ καὶ τῆς ἐκκλησίας, εὐχρηστικῶς τὰ ὅσα ἔστιν περὶ τὸ, eo quod non accersita fuisset vniuersa Synodus Cypriorum Ecclesia, etsi magna esset eius cogende facultas, & quanquam poenę huic imponendę, certa nulla sit ac stabilis verborum forma, quam Episcopo tenere sit necesse, ne operam ludat, aut erret, est hæc tamen quę sequitur eiusmodi, ad quam suam componere cum fructu poterit.

Quia nobis euidenter ac legitime constat te N. tale crimen vel talia commisisse quę non solum



gratia, sed etiam damnabilia sunt, ac damnoſa, idcirco auctoritate qua fungimur, te N. ab omni beneficio, aut officio, vel ordine, ſiue omnibus ſententialiter perpetuo duximus deponendum, & deponimus, ac de poſito declaramus, denunciamus, ſententiamus, pronunciamus, In nomine Patris & Filii, & Spiritus ſancti Amen. Hæc Fœlicianus de depoſitione cap. 3.

## QVÆSTIO IV.

An ad aliquem appellare depoſito liceat.

**P**rimo, ad Imperatorem omnes ei fuiſſe appellandi clauſos aditus, conſtat ex decreto Antiliſitum in Antiochena Synodo can. 12. ſecus facienti iuſta tum pœna, ab iis eſt poſita, ſcilicet ſine reſtitutionis ſpe vlla, ordinum in perpetuum priuatio, quod ſi hæc parui pendentes (inquit Concil.) moleſti Imperatori fuerint, eos nulla dignos venia eſſe, nec locum ſatisfactionis habere, nec ſpem futuræ reſtitutionis penitus operiri diiudicamus.

Conſtat ſecundo, ei quoque appellare fuiſſe nefas, ſi contra quàm eum deponendo, vetuerant Episcopoi, ea miniſteria impleſſet, à quibus ſententia eum ſua remouerant: Qui ob manifeſta crimina, inquit Baſamo in canon Apoſt. 28. eſt legitime depoſitus, δια τοῦτο μὴ ἐκκλησίᾳ βοηθεῖν ἔχει, ideo appellationis auxilium non habet, grauior in eum ab Apoſtoliſ ſtatuta eſt pœna, nam vt impius τῆς ἐκκλησίας ἐκδιώκεται & ἀναδίστατος ab Eccleſia, piorumque cœtiu reiicitur: Si Episcopus vel Presbyter, vel Diaconus, iuſte ob manifeſta crimina depoſitus, ſibi aliquando creditum miniſterium attingere audeat, ab Eccleſia abſcindatur can. Apoſt. 28. lege autem ciuili vt eſt in lib. Baſilicar. 3. cap. 1. tit. 1. Episcopus à Synodo depoſitus, ad Episcopatum auctoritate propria remigrans, aut in eo, contra iuſta Episcoporum imperia perſeuerans, centum milliaribus, longe à ciuitate ex qua eſt eiectus, habitare cogitur.

Certum eſt tamen, ei, cæteris que, quos ob culpam ſuam aliquam, ab altaris miniſterio Eccleſia reiicit, appellare ad Synodum faſeſſe, auctor ita mihi aſſerendi Antiochena Synodus can. 12. quid enim his verbis expreſſius: Si quis à proprio Episcopo Presbyter, aut Diaconus, aut à Synodo fuerit Episcopus forte damnatus, & imperatoris auribus moleſtus extiterit, oportet ad maius Episcoporum conuerſi conſilium, & qua putauerint habere iuſta, plurimis Episcopis ſuegerant, eorumque diſcuſſiones ac iudicia præſtolentur. Fecit id Ioan. Amathuntis Episcopus, quem à Ioan. Cypri Archiepiſcopo depoſitum ac damnatum, Sy-

**A** nodus ad quam appellauerat, dignitati ſuæ priſtinæ reſtituendum credidit Baſam. ad canon 12. Carthagin. Concil. ſi tamen ei cœtui, in quo quis priuatis omnium ſuffragiis damnatus eſſet, omnes eius prouinciæ interfuiſſent Episcopoi, damnato appellationi non erat locus: Si quis Episcopus de certis criminibus accuſatus, condēnetur ab omnibus Episcopis eiſdem prouinciæ, cunctique conſonanter eandem contra eum formam decreti protulerint, hunc apud alios nullo modo iudicari, ſed firmam concordantium Episcoporum manere ſententiam Concil. Antioch. can. 15.

## QVÆSTIO V.

Depoſito cum fidelibus verſari ac agere, an ſit licitum.

**D**epoſiti, pœnæ fuere olim in iure varia, omnium eſt vulgatiffima, ac communis, depoſitio ipſa, qua ſola eum aliquādo ſolitū pleſti, eſt certum, vt videre eſt in Abbate portus veneris, eius Diacono & Subdiacono quos Greg. lib. 4. epiſt. 5. ſeu 45. ſacro ordine irreuocabiler priuatos, laica tantum cōmunionem donari in poſterum voluit.

Huic additæ ſunt & aliæ, vt incluſio in Monasterio, de qua Concil. Moguntini eſt ſanctio, his verbis: Diſtum eſt nobis Presbyteros propter ſuam negligentiam canonicè degradatos, & ſeculariter gradu amiſſo, agenda pœnitentia bonum negligere, vnde ſtatuiſmus, vt gradu amiſſo, agenda pœnitentia gratia in Monasterium, aut in canoniā regularem mittantur, non fuit id tamen perpetuum, ſed Episcopoi arbitrio, iudicioque relictum, locum vt eligerent in quem depoſitum amandare ad exemplum poſſent, colligere id cuique ex verbis Gregor. loco ante citato pronum ac facile, maxime ex his Eugen. Papæ relatis à Grat. diſtinct. 81. can. Sacerdos 7. Sacerdos aut quiniſ, alius in ordine Eccleſiaſtico proueſtus, ſi in eo ſcelere inuenitur, quo abſciendus comprobatur, depoſitus prouidentia Episcopoi, benè prouiſo, loco conſtituatur, vbi peccata lugeat, & ulterius non committat, fuit etiam cum ad perpetuos damnaretur carceres, indicat contra falſarium data ab Innoc. III. ſententia in decretali nouimus 27 de Verborum ſignificat. quem in perpetuum carcerem ad agenda pœnitentiam includi iuſſit, pane doloris, & aqua anguſtiæ ſuſtentandum, vt commiſſa deſleret & ſtenda ulterius non committeret.

Vbi tamen non eſt iure canonico expreſſa pœna, eſt hæc iudici arbitraria, hoc eſt ad voluntatem eius reo imponenda, lege 1. parag. expilatoris dig. de affect. quod ſi patratum

pátratum ab eo facinus, de eorum esset genere, quæ perpetuis carceribus lege canonica ab auctore suo sunt luenda, ut est confessionis reuelatio, c. omnis viri usque sexus de pœnit. & remissionib. ei de beneficii sui fructibus, (si quod habet) suppeditari tantum auctoritate iudicis oportebit, quantum est ad eum alendum necesse, si caret, ei non secus de congruo ad vitam comœatu ab Episcopo prouidebitur *can. de lapsis 15. q. 6.* quia tamen non est hæc ad Monasterium detrusio, vñtata hoc tempore, quod qui iis præsumunt, ut communiter à iurisdictione sunt Episcoporum exempti, ab his, ad eiusmodi reos domi suæ, ut in ergastulis recipiendos, adigi nequeunt, de curandis deposito alimentis, Episcopes non admodum esse oportet sollicitos.

Omnium, quæ in illum sunt legibus decretæ, pœna meo sensu grauissima est, vñtato sancti Missæ sacrificii, ac ministeriorum, quæ Sacerdotum sunt propria, interdictum esse, sic *canon Antiochenæ Synodi 4.* Si quis Episcopus à Synodo depositus, vel Presbyter, vel Diaconus, à proprio Episcopo, sacrum celebrare ausus fuerit, siue Episcopus secundum præcedentem consuetudinem, siue Diaconus, nullam amplius spem restitutionis in alia Synodo, neque defensionis locum ei habere liceat.

Iam ad quæstionem, licet deposito cum fidelibus libere ut ante viuere? pacisci, ac transigere, aut negotiis faciendi loci etatem ac consilium inire?

Si indecisa, si dubia, si pendens adhuc eius est causa, quia ab Episcopo appellauit ad Synodum, hoc est Antistitum, cum ad conciliū, de fide, de moribus, de cæremoniis, aut ambiguo iure disceptatur, coeunt, ut ei præstare officium, ut antiqua, id est pristina sua Clerici exercere munia potest, ita & cum quolibet, nullo discrimine, prout erit necesse, colloquia miscere, fœdera contrahere, in eadem habitare eade, eadem uti mensa, impune, hoc est conscientie illæso iure poterit, quia si non perit, certe vim suam in nocentem sententia non exerit, cui est ab eo opposita appellatio, quare si habet eius auxilium, decreto Concil. Sardic. *canone 4.* eius loco non subrogabitur Episcopus nisi causa fuerit in iudicio Episcopi Romani determinata, nec cum à fidelium congressu, lata depositionis sententia repellat, mea non est, sed Patrū & Doctorū opinio ac Balsamonis firmata testimonio in *can. 18. Apost. εἴ γε βοηθῶσαι καλῶς ἐπὶ ἀμφοτέρωσι μὲν ὅτι τὸ κεκρίμενον καὶ αὐτῶν κατακρίθησιν, λειτουργῶν*, hoc est si appellatione iuuatur, & de eo quod aduersus eum statutum est, adhuc ambigitur, non condemnabitur si ministret.

quo ergo est id ei tempore vetitum, quo, cum fidelibus congregari? quo in dubiis suis amittisque temporibus eorundem opera uti?

Primo, cum est Episcoporum omnium suæ prouinciæ suffragio, calculoque damnatus.

Secundo, cum contra quàm æquitas, ratioque postulant, contempto Antistitum imperio, à quibus est prohibitus sacris operam dare, tamen Deo litat, ei in Missa, immaculatam hostiam sacrificat, canon enim Apostolicus, & Antioch. 4. vult eos qui iuste sunt depositi, nec habent appellationis auxilium, abdicari, si Sacerdotale quidpiam faciant, appellare autem deposito non licet, cum est perfecta condemnatio, qualem esse, quæ est in nocentem perfectæ Synodi facta iudicio, scripsit Balsamon his verbis in canonem 4. Antioch. Synodi, *ἀποτίθεσθαι μὴ προσδύχουσαι πρὸς ἐπίσκοπον συνόδου, τῆς ἐκείνου πλῆθους καθαρεύουσας*, aduersus hanc enim non est, inquit, appellatio, nec cum his depositi Episcopi appellauerunt, & bis victi sunt, quod cum accidit omnis est cum iis in redi- uina communicatio vetita, sit pro argumento, pœna depositionis communicanti cum illis in eiusmodi rerū genere imposita: in *can. Apost. 11. Carthag. Concil. 9. Antiocheni 4.* in priori hæc leguntur, *Si quis cum sit Clericus, una cum eo qui est depositus, orauerit, deponatur & ipse*, præcipitur in altero, ut Episcopus qui in communionem depositum recipiet, equali crimini sit obnoxius, ergo & pœnæ διὰ τὸ το καθαίρεσιν αὐτῶ ἐπὶ ἡρώς, hoc est propterea depositio illi infligitur Balsam. in *can. Apostol. 11.*

## QVÆSTIO VI.

An pœna depositionis lata sententia, ipso iure incursa, liget in foro conscientie ante sententiam declaratoriam.

Sensus est, in qui ultro volensque incurrit in crimen, cui iure depositionis adiuncta est pœna, abire officio, beneficioque, iniussus debeat.

Dico id à deposito exigendum non videri, nisi post sententiam, docent Henriq. *lib. 14. ca. 5. num. 1. in comment. littera F. & lib. 13. ca. 56. Suar. de censur. disp. 31. sect. 4. num. 22 The-saurus praxis Eccles. parte 1. ca. 27. versu quæres.*

Ratio est, quod Ecclesiastica pœna nulla, hominem re possessa priuans, siue sit temporalis, ut multa pecuniaria, siue mixta, ut beneficii priuatio, ipso etiam iure, aut fa-

Ili ij

Ad infligenda, locum in conscientia, ante sententiam iudicis habeat, docent Syluest. & Angel. *ver. Assassinus*, & alii quos citat Suar. *lib. 5. delegib. ca. 8. num. 5.* hancque esse communem Doctorum sententiam, docet Azor. *to. 1. lib. 5. ca. 7. q. 1. & 3.*

Tuetur se hæc opinio auctoritate canonum, ut decimi noni cum secundum leges de hæretic. in 6. ubi hæreticorum bona, ipso iure, addicuntur fisco, & tamen in eodem can. dicitur, bona eos sua, ante sententiam non teneri missa facere, regiisque ministris possidenda dare. Similiter in c. 1. de homicidio in 6. pœna depositionis à beneficio, dignitate, ordine, officio ipso facto, Christiano per Assassinos mortem inferenti imponitur, etiam nullatenus alia requisita sententia, & tamen in eodem ca. excipitur facti declaratio, seu criminis, Postquam, inquit canon, probabilibus constiterit argumentis, aliquem tam execrabile scelus commississe, nullatenus alia excommunicationis, vel depositionis, seu diffidationis aduersus eum sententia requiratur.

Ratio est, quod non idem sententia, ac criminis declaratio significet, illa enim pœnam respicit, hæc autem expositionem delicti, seu furti admissi, cuius causa, est infligenda pœna, nihil est ergo quod depositum vigeat, abire beneficio, aut ultro se suo priuare beneficio, ac propriis eius fructibus ante sententiam.

Confirm. hoc differunt pœnæ merè spirituales, ut est excommunicatio, à mixtis, quod illæ, utpote in priuatione positæ, executione secum trahant, non istæ, quo ex discrimine oritur, ut illæ incurrantur ipso facto in conscientia, ante omnem sententiam, non istæ, quia re sua nemo priuatur, nisi per sententiam iudicis, quæ condemnatoria vocatur, definitiua, seu executoria, quæ in beneficiorum materia, in eo est posita, ut possessori auferantur, alterique dentur, docent hanc sententiam Vasq. in 1. 2. disp. 168. ca. 4. num. 25. & 30. Henric. lib. 13. ca. 56. parag. 2. & 3. Caiet. in 2. 2. q. 62. articulo 3. Couar. in Epitome lib. 4. decretal. par. 2. ca. 6. parag. 8. num. 10. Emman. Sa. *ver. pœna* num. 1. Lessius lib. 2. de iustit. ca. 29. num. 63. Regin. to. 1. lib. 13. nu. 287. Thesaurus prax. Eccles. par. 1. ca. 27. Vnde non potest iudex, inquit, secularis interim procedere, contra Clericum ipso iure degradatum, seu priuatum omni priuilegio Clericali.

## QVÆSTIO VII.

An in Episcoporum sit iure dispensare in depositionis pœna, incursum iure.

**D**ico primò, Cum id eis speciali non est lege prohibitum, Episcopis fas esse, in depositionis pœna lata sententia, ipso incursum iure, dispensare, cum crimen ob quod est quis depositus, adulterio non est grauius. Alterius tomo 2. tract. de suspens. disp. 2. ca. 9. Riccius resol. 22. Thesaur. parte 1. prax. ca. 27. & 23. Hanc opinionem subscribit Alexand. III. in decret. csi Clerici 4. de iudiciis parag. de adulteriis, his verbis: De adulteriis vero, & aliis criminibus, quæ sunt minora, potest Episcopus cum Clericis, post peractam penitentiam dispensare. Equidem cum in ea, (ut est natura ad lapsum prona,) ruant non infrequenter homines, decuit hanc illis legem, seueritatis & acrimoniar plenissimam non imponi, ut quoties in ea naturæ vitio, aut culpa sua præcipientes irent, absolutionis causa Romanum iter susceperent. Peti autem delicti grauitas, de quo est hic sermo, à virtute, eius natura, merito, ac dignitate non debet, sed à pœnæ acerbitate qua plectitur, quare in sacrilegio, furto, adulterio, periurio, dispensare Episcopo licitum, non in hæresi ac simonia, quia hæc duo crimina, pœnarum, quibus coerceri in iure solent, acerbitate longe prioribus sunt maiora, Tolet. lib. 1. ca. 62. Sayrus lib. 7. de censur. cap. 11. num. 15. & ca. 12. num. 3.

Tunc autem id facere, Episcopis non est concessum, cum est id illis prohibitum, aut est dispensatio depositionis, Pontifici reſeruata, quod accidit, cum est ad tēpus determinata, Thesaur. praxis lib. 1. cap. 38. *versu* dico 4. & ca. 24. Sayrus lib. 5. cap. 15. num. 10. quia tam suspensionis absolutio, quam depositionis dispensatio, eo ipso censetur reſeruata, quo eius durationi tempus præſcribitur, Sanch. de matr. lib. 13. disp. 52. num. 2. Thesaur. praxis lib. 1. ca. 24.

Dico secundo, Super degradationis pœna, hoc est priuatione priuilegiorum omnium, quæ Clerico competunt dispensare Episcopos non posse.

**E** Primo, quia crimen propter quod, cuius priuilegium interit, cæteraque quæ Clericis concessa voluit Ecclesia, adulterio est maius, ut pœnæ grauitas indicat, ergo eiusmodi, quod Episcoporum non sit iuri obnoxium.

Secundo, degradatus actu, reparari nequit, nec pristino statui restitui Greg. Papa I. L. 7. epist. 25. ad Sabinian Martinus Papa in can. qui semel dist. 50. quia si lapsus ad suum ordinem reuertendi licentia concederetur, rigor canonice præculdubio

proculdubio frangeretur disciplina, dum pro reversionis spe, prava actionis desideria, quisque concipere non formidaret, at depositio ab omni Clericali privilegio, degradationi actuali æquivaleret: ergo, &c.

## QVÆSTIO VIII.

*An depositus sit irregularis.*

**P**rima assertio, *Ex crimine cui iure est adiuncta depositio, non contrahitur irregularitas, si tale crimen est occultum.*

Primo, quia irregularitas non nisi in casibus iure expressis, incurri solet, ut est in *ca. is quide sentent. excommunicat. in 6.* at canonica lex est nulla, qua lege sancitur, ex tali quem crimine irregularem fieri, quod si quæ foret eiusmodi, tum enimvero pro irregulari habendus eius auctor esset, Avila testimonio, *Hentiq. lib. 13. ca. 36. lit. M. Navar. in Enchir. ca. 27. num. 248.*

Assertio secunda, *Quisquis est tamen iure depositus, est idem quoque irregularis.* Thesaur. *parte prima praxis ca. 33. & probatur.*

Quisquis est aliqua aspersus infamia, quisquis in populo turpi, scædaque notatus macula, à qua habet, eius ut existimatio in populo iaceat, sitque verè nulla, huic in Dei Ecclesia ad honores, publicosque magistratus, aut ordines aditus est nullus, at culpa qualibet modo notoria, quæ depositionem meretur, infamia conciliatur homini, à quo est admissa, ergo & irregularitas.

Maior est certa, & patebit postea, cum de irregularitate ex infamia sermo erit, Minorem autem pro vera, certa que habent Saurus de censuris *lib. 7. ca. 12. num. 12.* Thesaur. *1. par. cap. 33. versu 2. & sane ut est in can. infames 6. q. 3.* quæ crimina famam auctoris sui maculant, quæ collectam apud plebem viri boni opinionem labefactant, ac perimunt, his iure adnexa est depositio ut patet ex quaest. huius tract. 2. vera est ergo secundo loco posita propositio.

## QVÆSTIO IX.

*Quid sit Degradatio & quotuplex.*

**D**egradationis vis eadem apud canonum scriptores, quæ depositionis nudæ, ac simplicis, vocum ipsa inter se confusio, ac ambarum significatio eadem, id indicat nam qui depositi, ij quoque degradati dicuntur in *can. dictum 8. distinctionis 81.* vice versa degradati dicuntur depositi à Pio Papa in

*epist. 2. cuius oratio refertur his verbis 11. q. 1. can. si quis Sacerdotum 18. Si quis Sacerdotum, vel reliquorum Clericorum, Episcopo suo inobediens fuerit, aut insidias ei paraverit, aut calumniam, aut convitiâ intulerit, & convinci potuerit, mox depositus curiæ tradatur, & recipiat quod inique gesserit, nec enim alii quam qui degradati, secularis arbitrio potestatis, animadversione debita puniendi relinquuntur.*

Differt tamen à depositione degradatio, quod illa priuationem duntaxat habeat ordinis, aut beneficii, vel utriusque, sine intentione tamen traditionis seculari curiæ, cæterisque cæremoniis, quas numeraturi sumus postea, hæc autem, id est degradatio, cum priuatione ordinis, officii, & beneficii, eam includit, quæ est à privilegiis Clericorum propriis, cum solenni cæremonia, & traditione degradati in potestatem magistratus Laici.

Definitur autem remotio à sacro altaris ministerio, absque restitutionis spe ulla, cum priuatione cuiuscunque Clericalis privilegij, excepto charactere, qui deleri natura sua non potest, nam inter tempora, quæ multa incidunt, quibus Clericis sua privilegia intereunt, numerare illud convenit, quo Clericus in vitæ turpitudine, ac scelerum infamia inueteravit, nullâque melioris frugis spem affert, nam tunc, quamvis veste Clericorum propria, tonsuraque ornatus procedat in publicum, omni tamen Clericali privilegio potest per degradationem exui, quæ privilegia tria sunt numero, fori, canonis & bonorum.

Est autem hæc degradatio duplex, verbalis una, actualis alia, illa fit verbis, nempe cum in Clericum, degradationis sententia dicitur. Ista actu, cum lata in eum sententia executioni mandatur, priori, Clericis concessa privilegia non concidunt, nisi sequatur incorrigibilitas Panormitano teste in *cap. abolendam 9. de hereticis, Reginald. lib. 32. ca. 23. num. 54.* Couar. *ca. practicarum quaest. 32. nu. 2.* posteriori autem cessant ac intereunt. Est & alia inter utramque differentia, nempe quod verbalis esse nequeat, nisi eo Episcoporum adhibito numero, quem exigi supra diximus, aut eorum loco Abbatibus ius mitræ habentibus, ac baculi, quos non necessario actualis postulat, sed consultos supponit, & à proprio vocatos Episcopo, secum ut de reo quaestionē instituerent, suoque calculo, dictam in eum sententiam firmarent.

Neque vero exigit vocalis omnis degradatio, Episcoporum præsentiam, sed eius tantum Clerici, qui in sacris constitutus ordinibus, Diaconum agit, aut Presbyterum in Dei Ecclesia, his destitutus, degradari potest à proprio Episcopo, præsentē capitulo



toto, aut duobus saltem, vel tribus, qui eius vices suppleant, imo vbiq; consuetudo inualuit, Bonifacii approbata lege, in *ca. non est* 3. *de consuetudine*, vt ne quidem in deponendo minorum ordinum Clerico, adhibere secum è canonicis aliquem Episcopus debeat. *Non est*, (inquit dum tamen sit alia prescripta canonice) consuetudo, quam allegat Episcopus, reprobanda, quod in inquirendis, puniendis, & corrigendis subditorum excessibus, consilium sui capituli requirere minime teneatur, in degradando autem iuniori Clerico, Concil. sess. 13. cap. *de reformat.* 4. vt esset pœnæ huius executio promptior, sanxit, in Episcopi arbitrio vt esset, Episcoporum loco, aduocare sibi in dicendo iure nocentibus, socios Abbates totidem, qui vsum mitræ haberent ac baculi, quot iure antiquo Episcopos eorum depositioni interesse erat necesse, sex quidem in degradatione Presbyteri, tres in depositione Diaconi *can. felix* 15. q. 7. vel si Abbatû copia facilis nō esset, tot è clero, in dignitate constitutos homines, scientiaque commendabiles: Quæ autem crimina, pœna hac puniri soleant, dictum est q. 2. huius tractatus quibus addenda sunt sequētia, crimen nefandum contra naturam, decreto Pii V. in constitut. cuius verba refert, Nauar. in *manual. cap. 27. num. 249.* crimen falsi *ca. ad falsarior. de crimine falsi* calumnia, seu contumelia Episcopo illata, *can. si quis Sacerdotum* 11. q. 1. celebratio sacrosancti mysterii ante ordinationem, ex decreto Clement. VIII. cui initium etsi alius felicitis recordationis Paulus Papa IV. de anno 1601. & si fides est auctoribus, qui de causis scripsere capitalibus, ac modo eas agitandi, maximè Diazio in *præctica criminali ca. 129.* quem sequitur Piasce. in *praxi Episcop. par. 2. ca. 4. art. 14. num. 13.* eadem pœna degradationis, & traditionis curiæ sæculari, delicta quædam grauiora, enormiaque, pro suo arbitrio afficere Episcopus potest, vt in crimine parricidii factum saepe, ambo hi auctores testantur.

## QVÆSTIO X.

*Degradandi Clerici forma quanam sit, & qualis.*

**D**E actuali nobis tantum hic sermo, nam in verbali, eorum nihil, quæ Pontificale ad eam rem exigit, præter sententiam, qua prærogatiuis Clericorum propriis exuitur, adhibere Ecclesiæ est in more, quare depositum verbaliter, nisi fuerit incorrigibilis, curiæ sæculari dedere, Episcopo non licet, quia vt est Ecclesia humanitatis amans, acer,

Abbitatem in pœnis respuit, moderata diligit, tentari ante vult omnia, quam nocens peccat, itaque si amentiam non ponit, nec se corrigit, excommunicari poterit, quod si nec sic sapit, tūc enimvero (quod Cœlestinus præcipit) sæculari iuridico dari poterit, vt meritis capite suo pœnas luat. Si Clericus, inquit Cœlest. in quocunque ordine constitutus, in furto vel homicidio, vel periurio fuerit deprehensus atque legitime conuictus, ab Ecclesiastico iudice deponendus est, qui si depositus incorrigibilis fuerit, excommunicari debet, deinde contumacia crescente, anathematis mucrone feriri, postmodum vero, si in profundum malorum veniens contempserit, quum Ecclesia non habeat ultra quia faciat, ne possit esse ultra perditio plurimorum, per sæcularem comprimendus est potestatem, *ca. cum non ab homine de iudiciis.*

Cum ergo degradari actu aliquem est necesse, qua id forma, modoque facere est opus? Eodem, quo eius exauthorizatio fieri est solita, qui militiæ deseruit armatæ, cui militaria detrahuntur insignia, sicque à militia remotus, castris reuicetur, priuatus consortio, & priuilegio militari. Nam degradandus vestibus sacris indutus, in manibus habens librum, vas, vel aliud instrumentum, seu ornamentum ad suum ordinem spectans, ac si deberet in officio suo solenniter ministrare, ad Episcopi præsentiam adducitur vbi Episcopus publice singula, siue sint vestes, calix, liber, seu quævis alia, quæ illi iuxta morem ordinandorum Clericorum, in sua ordinatione ab Episcopo fuisse tradita, singulariter aufert, ab illo vestimento quod datum fuerat ultimo inchoando, vsque ad primam vestem, quæ datur in collatione primæ tonsuræ, tunc queraditur caput illius seu condetur, ne tonsuræ, seu Clericatus vestigium remaneat in eodem. Potest autem Episcopus, in degradatione huiusmodi, vt verbis aliquibus ad errorem, illis oppositis, quæ in collatione ordinum sunt prolata, dicendo Presbytero, hæc vel similia verba in remotione planctæ. *Auferimus tibi vestem Sacerdotalem, & te honore Sacerdotali priuamus, Bonifac. VIII in ca. degradato 2. de pœnis in 6.*

Fieri idem debet de ornamentis aliis iuxta formulas in Pontificali traditas, adiectisque his verbis, quæ quorsum prædicta ornamenta remoueantur, indicent: vt cum cum superpelliceo exuit, dicit, *Auctoritate Dei omnipotentis, Patris & Filij & Spiritus sancti, ac nostra, tibi auferimus habitum Clericalem, & nudamus te religionis habitu, atque deponimus, degradamus, spoliamus, & exuimus te omni ordine, beneficio, & priuilegio Clericali, ac velut possessionis Clericalis indignum, redigimus te in seruitutem, & ignominiam habitus secularis, ac status.*

Mitto cætera, quia cuique ex Pontificali expedita

expedita esse possunt ac prompta, ut quod A Clericus per Ecclesiasticum iudicem degradatus sæculari tradatur curiæ puniendus, qua voce significari ait Cœlest. III. *in ca. non est 27. de Verb. significat.* rogandum iudicem esse, ut degradatum in suum forum recipiat.

## DE CESSATIONE A DIVINIS.

## QVÆSTIO XI.

*Quid sit cessatio à divinis & quos effectus habeat.*

**E**st cessatio à divinis, impedimentum quoddam canonicum, silentium certo in loco divinis imponens laudibus, ac desistentiam à quorundam Sacramentorum administratione, duplex est, generalis & specialis, illa regnum, civitatem, provinciam, ac etiam quorundam opinione, Parochiam afficit, ista certum locum V. C. Sancti Pauli Ecclesiam, causa eius indicendæ proxima, est Ecclesiæ mœsticia, occasionalis privati cuiuspiam offensa, quod enim Iudæis olim, cum à patrio abstracti solo, Babylone, situ confecti ac mœrore degerent, usu venit, ut organa sua, quibus, cum omnia illis ex nutu, domi suæ fluerent, Deo laudes occinebant suavitatem mirabili, in exilio muta esse vellent, in acerrimi doloris eius testimonium, quo intimis exulcerati sensibus, ad ripas fluminis, lachrymis madidi iacebant, ita & Ecclesia, silere tēpla, negari fidelibus hoc est liberis suis Sacramenta patitur, ut quis quantusque eam mœror occupet, ob violatas sacrorum caeremonias, contemptumque numen, indicet, quare censura non est, cum non sit medicinalis pœna, nec contumaciæ frangendæ causa, inflicta.

Eius effectus sunt, primus, prohibere ne divina fiant officia, secundus ne administrentur Sacramenta, non quælibet, & omnia, sed ad salutem non necessaria, itaque nec sanis pœnitentia, nec Clericis dari ordo potest. Cœlestini III. decretum sic habet *in ca. non est vobis 11. de sponsalib.* nam ibi Prælati constitutis per Angliā, severe edicit, ne publica vlla laude personare templa, eodem pœnitentiæ frequentandæ causa, coire fideles sinant, quandiu inuitis ac reclamantibus liberis, rex Pater, eorum vxores in sua potestate, contra ius fasque omne retineret in palatio, aut alibi: *Si iuxta commonitionem vestram filiiis suis vxores suas intra certum terminum non restituerit, ex tunc, in quacūque provinciarum vestrarum detinentur, vel transferuntur, donec ibi fuerint, nulla divina officia, præter baptismum*

*parvulorum & pœnitentiæ morientium celebratis, nec permittatis aliquatenus celebrari, Cœlestini III. ca. 12. de sponsal.*

Et quoniam est confirmatio baptismi complementum, sicut & Eucharistia ad beatam immortalitatem morienti viaticum, negant Doctores non pauci, legi Ecclesiasticæ de servanda cessatione, iniuriam fieri, si cum est, vigetque, recens initiato confirmatio, animam agenti Eucharistia præbeatur in viaticum, cui ego opinioni, quia est mitis, quia miseris fructuosa, ac utilis, quia placita Doctoribus plurimis, subscribo volens.

## QVÆSTIO XII.

*Ut cessatio à divinis sit licita, quæ conditiones sint necessariae.*

**C**essatio à divinis, nulla iure legitur imposita, sed concessa tantum, quam ad rem certæ sunt conditiones necessariae, prima ut non nisi ob gravem inferatur offensam, Ecclesiæque illatam iniuriam.

Secunda, si cessare canonici volunt, sintque de eorum collegio absentes aliqui, debent hi ad deliberandum vocari, ecquid cessare oporteat, quod si illis ita visum erit, per se aut alium, operam dabunt, ut is contra quem, cessare illis est animus, irrogatam emendet iniuriam, & hæc est tertia numero conditio, licita ut sit cessatio.

Quarto debent tam cessantes, quam is contra quem cessatur, intra mensem à cessatione, itineri se Romano dare, aut procuratores ad Papam, loco suo in urbem mittere, qui eum de re vniuersa, ac cessandi causa certiores faciant, ita Bonifac. VIII. *Si collegium, aut conventus Ecclesiæ alicuius, inquit, ad cessationem duxerit procedendum, ex tunc intra unius mensis spatium; pars utraque, videlicet ij qui cessant, & illi etiam propter quorum factum à divinis cessatur, iter arripiant per se, vel per procuratores idoneos, cum munimentis, & altis ad negotium ipsum spectantibus, ad sedem Apostolicam veniendi, Bonifac. ca. 8. de officio ordinarii in sexto.*

Quinto, qui cessare volunt, prout in aliquibus Ecclesiis sibi ex consuetudine vindicant, antequam ad cessationem huiusmodi quoquomodo procedant, in instrumento publico, vel patentibus literis sigillorum suorum, aut alterius authentici munimine roboratis, cessationis causam exprimere debent, & illud, vel illas ei, contra quem cessare intendunt, assignare, Gregor. X. *in ca. si canonici 2. de offic. iudicis ordinari. in 6.*

Sexto, causa quamobrem potest ciuitas

aut populus, prohiberi sacris, par esse debet ac æqualis incommodis, ex tali cessatione nasci solitis, ac verè futuris, alioqui qui eam tulit, damna reparare omnia tenebitur, quibus sacrorum priuatio Clericos affecisse putabitur, eo quod sacro sancto Missæ sacrificio operam dare, aut psallendis horis consueto more nequuerint, quod si cessationis indicendæ iusta superiori, aut canonicis causa aliqua extiterit, tum enimvero, ei contra quem cessatur, stipendia, detrimentaque omnia quæ se Clerici ab ea cessatione causantur passos esse, præstanda erunt, vt est in decretali *si canonici 2. de offic. iudicis ordinarij in 6.*

separabiles, Henric. *ca. 54. litera K. Hurtad. diff. 3. de cessat. à diuinis num. 60.*

Peccant autem mortaliter, qui cessationem violant, quia in re graui, ab Ecclesiæ præcepto abeunt, Religiosi autem licet exempti, excommunicationem ipso facto subeunt si eam cum seruatur à Cathedrali, matrice, aut Parochiali Ecclesia, legitime à Prælato, seu loci Ordinario aut statutis prouincialibus inflicta, similiter non obseruauerint, Clement. I. *de sent. excom.* non est tamen hæc excommunicatio reseruata Pontifici, Thesaurus *in praxi Eccles. par. 2. verbo cessatio à diuinis cap. 1.*

An autem celebrando, aut actum ordinis exercendo solenniter, in loco seu Ecclesia, contra cessationem à diuinis, incurratur irregularitas, nonnulli ambigunt, & in affirmantem inclinant, Ioan. Andr. Ancharanus *in can. si canonici de officio ordinarij in 6. & alij, apud Suar. sect. 2. dispur. 39.* cum est cessatio generalis, puta totius loci, ciuitatis, vel oppidi, quia tum interdictio est similis.


Contra pugnant alij, Sylu. *verbo cessatio q. 15. Paludan. dist. 18. q. 8. Hurtadus diff. 4. num. 61. tract. de cessat. à diuinis, Auila par. 6. disp. 6. concl. 4. dub. 2. ad quos accedo, quod nusquam de ea pœna fiat in canonibus mentio: ergo cum irregularitas induci nulla debeat, nisi quæ iure sit expressa, istaque nusquam extet, eam qui celebrat in loco, vel Ecclesia, contra cessationem tam particularem loci alicuius quam generalem regni, ciuitatis, aut prouinciz, non contrahet, Thesaur. *supra nu. 2. par. sed dubium.**


### QVÆSTIO XIII.

*Cessationem à diuinis ferre, & auferre quis possit.*

**Q**ui iurisdictionem fori externi habet ordinariam, aut delegatam, vel ex privilegio expresse concessa, aut ex consuetudine introducto, quali sunt potestate præditi canonici, ac communitates aliquæ Ecclesiasticæ regularium, ac sæcularium, hanc tamen nec illi, nec istæ, nisi seruatis conditionibus, de quibus quæstione præcedenti, conscientiz illæso iure indicere possunt.

Eam autem relaxabit ac soluet, qui posuit, vel eius superior aut successor, non tamen eius effectus diuidet, quia inuicem sunt connexi, nec à se se mutuo nisi à Papa





# TRACTATUS VNDECIMVS DE IRREGVLARITATE.

## QVÆSTIO PRIMA.

*Quid sit Irregularitas.*



**E**ST Irregularitas non ius impeditiuum promotionis, vt vult Marianus Sotinus, nam ius significat habitum, non priuationem, cuiusmodi est irregularitas, multominus est vitium, cuius causa quis priuatur ordinibus, vt scribit Couarruias in *Clementinam si furiosus*, 'est enim vitium, vt Theologi & Philosophi tradunt, habitus non priuatio, sicut est peccatum nisi forte vitium sumas in eo sensu, quo olim fulmen dicebatur vitium comitorum, & Augures renuntiabant, magistratus vitio creatos videri, sed tunc vitium nihil est aliud quam impedimentum, quo modo vsurpatur, *Canone si quis Viduam dist. 34. & dist. 56. canone quia simpliciter*, quomodo & à nobis tota hac disputatione accipitur.

Est ergo irregularitas impedimentum Ecclesiasticum, iure canonico introductum, directe impediens perceptionem ordinum, & indirecte eorum vsum, vel vt alii loquuntur: *Inhabilitas ex aliquo impedimento canonico orta, quo quis directe sit inhabilis ad recipiendos ordines, & vtendum receptis*: ita Nauarrus ca. 17. *Enchiridij num. 191. Viualdus de irregularitate numer. 4. Tabiena verbo irregularitas initio, Henrici lib. 14. cap. 1. numer. 2. Suar. tom. 5. dist. 40.* etsi vt verum fatear, irregularitas non tam sit impedimentum, quam id quod ex eo nascitur, sicut ignorantia, non est inhabilitas ad doctoratum, sed eam efficit,

Pars secunda.

**A** cum quis ideo eius ministerli sit incapax, quod sit ignarus, ita in presenti materia, ideo quis impeditur ab ordine suscipiendo, & ab vso suscepti, quod sit irregularis, id est, que extra regulam, quæ communis est aliis, præpositio enim, (in) inter Latinos compositioni additæ, negat id quod ei subiungitur, vt intactum quod non est tactum, quare irregularare, idem est in presenti materia, ac quod non est intra regulam, quæ in hoc negotio tota est in eo, vt qui initiatus est sacris ordinibus, iis vti queat, quod tamen irregulari non licet, hæcque est causa, cur impedimentum in definitione irregularitatis à nobis allatæ, loco sit generis quemadmodum cætera quæ huic voci subiiciuntur, vice differentiarum, ex Couar. loco citato, Henrici lib. 14. cap. 1. cum iis vocibus, irregularitas ab aliis separatur inhabilitatibus, cuiusmodi est sanitas, verbi gratia, ad Extremam vñtionem, hæc enim cum non nisi ægrotis dari soleat, bona valetudo, est respectu eius inhabilitas, quemadmodum & ordo sacer manifesta est ad matrimonium incapacitas, nõ esse ieiunium, ad Eucharisticum panem, cum nec Clerici maiorum ordinum, vxorati esse queant, nec pransi participare sacris mysteriis.

**E**st vero impedimentum, in presenti materia, idem ac inhabilitas, verusque potestatis Ecclesiasticæ effectus, à qua quisquis est irregularis, idem quoque est ad id, respectu cuius est irregularitas, inhabilis, puta ad susceptionem ordinum, & susceptorum vsum, quod quia est positium, ideo in definitione irregularitatis poni debuit, cum intelligi moralis impotentia nequeat, nisi per ordinem ad actus, aut effectus reales, cuiusmodi est ordinum perceptio, eorumque re-

KKK



uocatio ad actum.

Porro hoc impedimentum Ecclesiasticum, esse dicitur.

Primo, ut indicem irregularitatem, propriè iure civili, aut potestate temporali, induci nullam posse, cum ad eam de rebus spiritualibus arbitrari, statuere ac disponere, non pertineat, ut sunt ordines sacri, & Clericorum status.

Secundo, ea particula denotare placuit, irregularitatem iuris diuini nullam esse, nam incapacitas ad ordines, aut susceptorum usum, quæ à iure diuino, aut natura oritur, non est aliud, quam potentiz ad eos actus negatio, quod irregularitati propriæ non conuenit, quæ est per modum priuationis, quam supponere proinde in subiecto, eorum capacitatem actuum, ad quos quis est inhabilis per irregularitatem, est certum, nihilominus non raro accidit, ut hi etiam, qui ob impedimēta isto iure, aut naturæ prohibita, remouentur ab ordine, eiusque usu irregulares sint, ac dicantur, hocque modo, est amens irregularis, sed hæc appellatio non est nisi impropria, cum sit omnis irregularitas iure introducta Ecclesiastico, ut notant Syluester *verbo irregularitatis* q. 2. Angelus in eodem *verbo*.

Est vero hæc particula *directe* in definitione irregularitatis addita, ut significaremus eam distinctam esse à censuris, quæ impediunt communicationem cum fidelibus, ut excommunicatio, vel usum ordinum, ac ministerii quod alicui competit ratione beneficii, ut suspensio, auditionem diuini officii, cum interdictum, ut irregularitas sola, suscipi ordines prohibeat.

Secundo differunt censuræ ab irregularitate, quod illæ ex propria sua ratione infliguntur ob culpam, tanquam pœnæ purè medicinales, sit autem irregularitas, moralis inhabilitas personæ ad suscipiendum ordinem, aut suscepti executionem ob aliquem defectum, aut moralem maculam, qua eos carere decet, qui ad altare accedunt, quos puros esse conuenit, bonæ famæ, ac immaculatos, quare irregularitas hominem ad ordines directè reddit inhabilem quatenus ordines sunt, ut aiunt, Nauar. *cap. 27. num. 191.* Henriq. *lib. 14. cap. 1. num. 2.* quia in impedimentis quæ irregularitatem inuehunt, hoc ipso indecentiam ordini Clericali repugnantem ac contrariam inducunt, quod non habent censuræ, à quibus, nemo fit nisi indirectè ad ordines inidoneus, quatenus sunt nempe communicatio in diuinis cum fidelibus.

A

## QVÆSTIO II.

*Effectus irregularitatis qui & quot sunt.*

**P**rimus est, reddere inhabilem ad suscipiendos ordines, qui tamen non sunt irriti, cum hoc impedimento collati, aut habiti, modo cetera adhibeantur ad eos necessaria. Enimvero lege Ecclesiæ, irregulares à sacris ordinibus prohibiti, ab ea non priuantur potestate, aut verius capacitate eos recipiendi, cum dantur, nec Episcopi, charactere, ceu facultate eos conferendi, ex alia parte, materiæ debitæ applicari forma potest, non sunt ergo sacri ordines irregularibus collati, nulli.

Eorum tamen usu (qui secundus est irregularitatis effectus) sunt priuati, quæ de re fidè tam canones, quàm usus ipse cōmunis Ecclesiæ facit amplissimam, de Episcopatu quidem habetur *dist. 56. can. quia simpliciter 14.* ubi Urbanus II. cum Petronio illegitimo, eodemque Legionensi Episcopo dispensat: **C** Nos, inquit, *Apostolicæ mansuetudinis gratia admonento, à ceteris quæ Sacerdotium impediunt criminibus, tam tui professione, quam fratrum testimonio, ab huius peccati vinculo absolutum, in suscepto Sacerdotali officio confirmamus, itaque Episcopo irregularitate nexo, nihil quod sui sit Episcopalis ordinis agere est licitum. Illiteratus quidam cum esset, seque talem haberi vellet, nam Donatum legisse se nunquam aiebat, de Episcopali munere, quo eum inscitia reddebat indignum, Pontificia est sententia deiectus in cap. quamvis de ætate & qualitate ordinandorum.*

D

De Sacerdotio legitur in *ca. significasti nobis 18. de homicid. voluntario & ib. ca. tu nos duxit, & cap. de cetero 11. & cap. Presbyterum 7.* ubi his verbis Episc. Alex. III. alloquitur, *Presbyterum quendam qui puerum insuitu disciplina percussit in capite, cum post paucos dies expirasset, tã ab omni altaris ministerio perpetuo debes remouere, quam ab officio sacerdotali deponere, si ex ipsa percussione interiit, ex quo sequitur eiusmodi irregularem Presbyterum, nec baptizare nisi in necessitate, nec celebrare nisi in periculo, metuque infamiz, nec alia, quæ cum ordine sunt Sacerdotali cōnexa, ab eo que pendentia, obire posse, ut audire confessiones, sit aumen audiat, & iurisdictione necessaria non careat, ratæ erunt.*

E

De Diaconatu & minoribus loquuntur item canones, de primo extat decretalis Alexand. III. *de cetero 11. de homicidio in qua est, quod Diaconus, qui homicidio causam dedisse videtur, non sit ad sacerdotium promouendus cap.*

cap. autem ad audientiam 12. eiusd. tituli, Clemens Papa III cum quodam Sacerdote dispensat, ut minoribus ordinibus sit contentus.

Non essent tamen Presbyter & Diaconus à suorum usu ordinum remouendi, si esset irregularitas orta ex defectu corporali sine ulla irregularis culpa, ut si Diaconus digitos post susceptum ordinem amisisset, aut Sacerdos oculos, nam etsi per eos defectus, fiant ambo inhabiles, ille ad Sacerdotium, hic ad sacrificium, tamen & ille cantare Euangelium, & iste audiendis confessionibus. habendisque concionibus ad populum, vacare poterit, de quo extat decretalis Eugenii quarti Presbyterum 4. de Clerico aegrotante aut debilitato.

An autem beneficio, eiusque redditibus possessores suos similiter irregularitas priuet, res est in opinione Doctorum. Affirmantem tenent Couarruias in regulam peccatum parte 1. parag. 1. num. 6. Nauar. cap. 27. num. 251. Auila par. 7. disp. 3. dub. 6. concl. 3. Reginaldus lib. 39. cap. 2. & cap. 9. num. 150. Suarez disput. 40. de censuris sect. 2. num. 14. & 36. ita affirmandi causam vnicam habent, quod beneficium officii causa dari soleat, ex canone finali de re scriptis in 6. sed illud obire irregularis non potest, ergo nec donari beneficio, cum qui officii sit incapax, beneficio quoque suo sit priuatus, ut dicitur canone si quis Sacerdotum distinctione 81. nisi forte esset hoc beneficium de eorum numero, quæ nullum ordinis usum exigunt, sed tantum lectionem horarum, quam cum nec irregularitas impediat, nec eis etiam obtinendis moram vllam afferet.

Negantem tuentur Syluester verbo excommunicatione 4. num. 4. Innocentius quartus in canonem 3. cum nostris de concessione prebend. Felinus in canonem 2. de accusationibus nu. 26. veniunt in hanc sententiam, quam ego in conscientia tutam puto, inducti hac maxime causa, quod in pœnis pars sit amplectenda suauior, refellenda autem quæ est humanitati aduersa, ut dicitur regula odia de regulis iuris in 6. quare cum sit instar pœnæ, potestate admittendi beneficii priuatum esse, hac affici neminem conuenit, sine auctoritate iudicis, aut legis, sed non est facile reperire vllum canonem, quo irregularis interdicat iure recipiendi beneficii permissio singulis, ab eo ergo excludendus non est temere.

Confirm. beneficii collatio non est irrita ipso facto, sine iure expresso, ca. si soli de concess. preb. in 6. sed canon assignari nullus potest, quo facta collatio irregulari, sit nulla, ergo, &c.

Argumentis oppositæ sententiæ, respondendum, priori quidem dicendo hoc impe-

dimentum non esse perpetuum, sed eiusmodi, quod per Papam tolli possit, aut Episcopum, & proinde ex impedimento certi temporis, non satis prudenter inferri, in irregulari perpetuam esse incapacitatem tenendi beneficii.

Posterius facilem habet explicationem dico enim primo, in canone citato, sermonem nullum fieri de priuatione actuali beneficii, quæ sit lata sententiæ, sed ferendæ tantum.

Dico secundò, ad rem non facere exemplum, cum Alexander secundus canone illo 17. dist. 81. loquatur de Clericis, qui repudiatæ vitæ suæ modo, religioso illo ac facili, amplectuntur profanum, ac difficilem coniugium, ita vero esse ut loquor, declarat Alexandri oratio, concepta his verbis: Si quis Sacerdotum, vel Diaconorum, aut Subdiaconorum, contumaciter officium deserens, sceminam sibi potius elegit, sicut sponte ad fornicationem dimittit officium, ita ad prauaricationem dimittere cogatur etiam inuitus beneficium, quæ verba, ut patet, referuntur ad iudicem, cum eius solius sit reum cogere, nec aliter, quam per sententiam. Ut ut sit de veritate huius sententiæ, constat ab irregularitate, quæ beneficio obtento superuenit, eo præcise neminem priuari, ita Nauartus Enchiridij cap. 27. num. 251. Panormitanus in canonem tanta de excessibus prelatorum num. 2.

Assertioni fides est, à canone Clericis 3. tituli de Monachis & Clericis, in quo iubetur, honore exui, ac loco suo eiici Clerici, qui mutilant, aut causis de mutilatione se immiscunt, quod facere sine irregularitate nequeunt, ergo cum hoc verbum canonis insertum (honore priuentur) sententiam duntaxat ferendam à iudice indicet, ipso facto, irregulares priuati non sunt beneficiis ante habitis, alioqui non fuisset necessarium Pontifici præcipere ut loco & gradu moti, aliis exemplo forent, benignitatis Christianæ in seruanda vita aliena.

Secundo, irregularitas excludit tantum ab ordine, eiusque usu, ut ex definitione allata initio patet, ergo ad beneficii priuationem extendi non potest, quæ sit ipso facto, & ante sententiam, quia in pœnis ut pars mitior est sequenda, ita sunt hæc intelligenda semper cum restrictione verborum, ad id quod proprie sonant, ergo cum ordinis nomine, non intelligatur beneficium, non erit irregularis censendus, iure ipso aut facto, eo priuatus esse, quod Pontifex in ca. ex literis de prelatorum excessibus indicat, ubi Episcopus qui operam suam ad partiduum contulerat, & ita irregularitatem contraxerat, iubetur Episcopatu cedere, & si pareret

renuat, eo spoliari à iudice, quod est argumentum, illum eius retinendi iure non excidisse antea: alioqui quid fuisset necesse hanc pœnam illi imponere?

Tertio pœna ciuilis nulla, aut Ecclesiastica, homines re possessa priuans, siue talis pœna sit temporaria, siue mixta, etiam ipso iure, vel factò inflicta, locum habet in conscientia ante iudicis sententiam, vt aiunt Angelus, Syluester, Armilla & summissæ in verbo *Assassinus*, Azor. to. 1. lib. 5. cap. 11. q. 1. & 3. quæ sane oratio est vera, etiam si beneficiarius sententiam blanditiis, muneribus, mendaciis, falsisque testibus, vel aliter impediret, non tamen sine peccato, dùmmodo absit violentia Nauar. cap. 13. *Enchiridij* num. 21. Valquez. in 1. disput. 173. cap. 2. num. 13. Azor. to. 1. lib. 5. cap. 8. q. 5. quæ si sunt vera, cum lex est aliqua hominem re sua, in pœnam admissæ culpæ spolians, multo magis cum de eo nihil legislator statuit, sed Ecclesiastica lex est nulla, quæ ipso iure, Clericum irregularem beneficiis priuet, quorum titulum & dominium ante irregularitatem contractam habebat, iis ergo non est ipso iure & factò, censendus priuatus.

Iusta tamen est causa hæc illi adimendi.

Primo cum est in mora petendæ dispensationis.

Secundo, cum beneficium requirit actus irregulari prohibitos, sic *canone si celebrat. finali de Clerico excommunicato ministrante*, decreuit Gregorius IX. cum qui excommunicatione minore irretitus cum esset, electus tamen est in beneficiarium, de gradu, eiusque possessione deturbandum esse, electione quæ de eo facta erat, inani reddita, pro eo quod (verba sunt canonis) ad suspensionem eorum eligitur, à quorum perceptione, à sanctis Patribus priuatus est: quæ cū in irregulari locum habeant, peræque ac excommunicato: vt hic, sic ille, iuste suo priuari beneficio poterit.

Excipiendus est casus, in quo irregularitas prouenit ex morbo, nam tunc iusta nulla est causa sœuendi in ægrum, priuatione rei suæ, nam afflictio non est afflictio danda, sed eius miseræ est compatiendum, vt habet *canon ex parte quintus de Clerico ægrotante vel debilitato*, quod non accideret, si necessaria vitæ subsidia, cum beneficio, adimerentur morbo, ac eam ob rem irregulari.

At enim (inquiens) præesse sibi commissæ plebi non potest, eamque per valetudinem regere, ergo cum beneficii prouentus, fructusque, ei duntaxat sint debiti, qui præstat officium, huic erogandi nulli erunt.

Respondend. in id incumbendum Episcopo tum esse, vt coadiutorem virum bo-

num, ac prouidum ei sufficiat, per quem tam ægrotanti beneficiario, quam populo consulatur, vt dicitur in *canone de rectoribus* 3. & *canone ex parte 5. de Clerico ægrotante*.

Ex dictis sequitur 1. collationem beneficii, irregulari factam, iure non esse irritam, sed irritandam, Laym. lib. 1. tract. 5. par. 5. cap. 1. num. 3. quam quoque sententiam probabilem esse, scripsit Coninch. disp. 18. dub. 1.

Secundo patet ex dictis, collatorem, cense-  
B feri hoc ipso dispensare cum irregulari, quod ipsi beneficium confert, si sciuit eius irregularitatem, & est præditus potestate dispensandi: Suarez & Layman loco ante citato.

### QVÆSTIO III.

*Quæ sint causæ Irregularitatis.*

**A**SSERTIO prima, *Irregularitatis causa efficiens non est alia quam lex canonica.*

Huius veritatis præsidium est vnicum, Bonifac. VIII. auctoritas, in decretaliis qui 18. de sententia excommunicationis in 6. Illic enim irregularitatem incurri vllam negat, nisi quæ iure sit expressa, & ob factum canonibus notatum, ergo cum ius, distinguatur ab homine, istius non erit pœnam hanc imponere, in quo præiudicatum nolo Romano Pontifici, cum enim sit supra canones, non est dubium, quin peccatum aliquod admit-  
C tendum, punire possit, in habilitate ad ordines, eorumque vsum, quod est eius auctoritatem, irregularem reddere, nomine ergo hominis, Episcopi à Papa distincti, & Sacerdotes alii sunt intelligendi.

Probatur secundo, irregularitas imponitur per modum canonici impedimenti, ob reuerentiam debitam sacro altaris ministerio, ergo vt sacrificium in tota Ecclesia est idem, ita & impedimenta debent esse per totam Ecclesiam eadem, talia esse nequeunt, nisi per Papam imposita, cum Episcopi iurisdic-  
D tio, sit ad certam Diocesim contracta, non extenta per orbem, vt est Pontificis Romani, ergo irregularitas iure solo Pontificio vniuersali, imponi potest, non Episcopali, ac proinde particulari.

**A**SSERTIO secunda, *Et si defectus ob quem irregularitas incurritur, debeat esse specificè nominatus in iure, neque ab vno, ad alium casum similem, fieri extensio debeat*, vt docent, Nauar. cap. 27. num. 194. Laym. tract. 5. par. 5. cap. 1. num. 6. Suar. disp. 40. sect. 5. & 9. probabile tamen est tam consuetudine Ecclesiæ diuturna, quam auctoritate Doctorum ita sentientium irregularitates aliquas induci posse, ita Laym. proxime citatus.

Causa



Causa est, quod consuetudo, Pontificis consensu tacito firmata, sit constitutiva iuris, ergo si per eam aliquis sit irregularis, pro tali habendus erit.

Assertio tertia, *Causa materialis irregularitatis duplex est, peccatum, & defectus tam corporis, quam animi, etiam non culpabilis.*

Probat, bigami sunt irregulares ex *canone Apostolorum 12. & can. acutus dist. 26. illiterati & serui can. illiteratos 1. dist. 36. canone 81. Apostol. energumeni Concil. Eliberitum can. 26. & can. 78. Apostol. membro aliquo destituti dist. 35. can. precipimus 10. & can. 77. Apostol. At bigamia non est vitiosa, cum eam Ecclesia approbet, sæpe autem amentia, alique morbi, tam animi quam corporis, vitio eorum nullo, qui illis laborant, eosdem afficiunt, verum est ergo, irregularitatem nonnunquam ex defectu oriri non culpabili.*

Peccatum autem ob quod incurritur irregularitas, mortale est, iuxta *Nauiar. cap. 27. num. 152. de Graphiis prima parte decisionum lib. 4. cap. 9. Henric. lib. 14. cap. 3. Soto in 4. dist. 28. q. 1. art. 2. quia cum irregularitas pœna sit, eaque grauis, non potest diuina in hominem beneficentiæ consentaneæ, imponi ob veniale, aliter pœna debito æqualis non foret, quo quid iniquius?*

Secundo, ignorantia, quæ non est supina, affectata, & nimis crassa, excusat à pœnis per ordinationum statuta impositis, ergo & actio alia quælibet, malitiam habens non aliam quam venialem.

Tertio, irregularitas quæ est ex delicto ob latam culpam infligitur, aut actionem ex obiecto suo, plusquam vulgariter malam, patet ex *cap. quasitum de pœnitentiis & remissionibus, ubi Pontifex, interrogatus an Græci Sacerdotes, qui filios suos lætentes dicebantur opprimere, irregulares essent: Respondit his verbis: Si istis procurantibus, aut studiosè negligentibus, filij reperientur oppressi, ab officio altaris debent perpetuo abstinere, sed lata culpa, id est negligentia ea sciendi, quæ sunt ad præstationem officij necessaria, est mortalis, maxime cū boni tam priuati, quàm publici interest, illud non omitti, sed conuenienter fieri, quæ tamen omissio, in omissione diligentia requisita, ad comparisonem talis scientiæ implicite est volita.*

Secunda pars assertionis, defenditur à *Glossa in canonem vltimum de temporibus ordinationum, Alphonso à Castro lib. 1. de lege pœnali cap. vltimo. quod à natura abhorreat, seipsum, iudici puniendum dedere, sui que deditio, infamiam tam suo nomini, quam alieno facere, præstat vtrumque vero, qui vitio occulto laborans, eius, aut impedi-*

menti, cuius est causa, veniam sibi à superiore dari postulat.

Assertio quarta, *Est si sit probabile actum vitiosum, ob quem incurritur irregularitas, etiam occultum, si tamen sit externus, & natura sua talis, vt videri possit, ad eam inuehendam sufficere, contrarium tamen probabilitate non vacat.*

Pars prima, defenditur à *Nauiarro 27. Enchiridii num. 194. & probatur, quia in Tridentino sess. 24. cap. 6. datur facultas Episcopis dispensandi in omni irregularitate proveniente ex occulto peccato, excepto homicidio voluntario, ergo irregularitas contrahitur ob delictum externum.*

Secundo, quod delictum probari debeat, id sit vt iudex sententiam dicat, eamque acquiriti consentaneam, sed ad incurrendas censuras, nulla requiritur iudicis sententia, cum hæ ipso facto dicantur subeundæ, ergo nec vt actus vitiosus, qui irregularitate plectitur, sit cognitus.

Dixi modo sit externus, nam de internis, Ecclesia primo & per se, non iudicat, sed ex accidenti tantum, in ordine nempe ad actiones externas, nec enim quæ latent, Ecclesiæ iudicanti quoad pœnam, iis infligendam subiacent, at interna cum oculis, sensusquæ fugiant, nec accusari, nec à testibus probari queunt, ergo nec in iudicio plecti.

Secundo, actum externum solum punire solent canones, cuius rei est hoc argumentum, quod eius solius simpliciter & sine addito, mentionem hi faciant, dicunt enim homicidam, V. G. irregularem esse, non autem qui alienæ duntaxat necis author esse voluit, & ita de aliis criminibus, at dici homicida proprie non potest, nisi qui vitam ademit, qui violentas manus intulit, & non tantum inchoate per voluntatem.

Pars ecunda, eandem habet probationem, ac quæ, sub finem præcedentis assertionis est posita, & ad eius fidem decretales duæ pertinent, prima *Alexandri III. cui initium est ex tenore, Gregor. IX. altera, eaque vltima tituli de temporibus ordinationum, interrogatus enim Gregor. an adulteri, similesque viri, ab usu suorum ordinum cohibendi essent, respondit in hæc verba, si proposita crimina, ordine iudiciario comprobata, vel alias notoria non fuerint, nõ debent hi, præter reos homicidii post pœnitentiam, in iam susceptis aut suscipiendis ordinibus impediri.*

Assertio quinta, *Quæ tamen crimina irregularitatem inuolunt, ac inferunt, eo nomine tantum, quod sunt notoria, aut coniuncta cum iuris, aut facti infamia, hæc in omnium sententia si sunt occulta, hunc effectum non habent.*

Causa est, quod peccata talia cum ignorantur, auctorem suum statu Clericali iudi-



gnum non faciunt, obindecentiam, quæ in A eo versatur, quod famosus, hoc est male nominatus in Republica, promoueat per ordines ad sacra ministeria.

Sexta assertio, *Causa finalis irregularitatis non est alia, quam erga statum Sacerdotalem resque diuinas, exhibenda reuerentia à mortalibus*, patet quo enim plura ad dignam sacrorum celebrationem sunt necessaria, quo maior in iis postulatur dignitas, qui in Dei Ecclesia sacro Sacerdotii magistratu ad multorum comodum fruuntur, hoc Christiani maiorem metum, cultumque, ad sacrum altare, diuinaque mysteria afferunt.

Assertio vltima, *Forma irregularitatis inducendæ, certa nulla est, Ecclesia præscripta lege.*

Probat, nam interdum ei est satis dicere, irregularitatem incurri, aliàs addit prohibere se hæc aut illa facienti, promoueri, aut ad sacros aspirare ordines, admitti ad sacra ministeria, cuiusmodi loquendi modos, multos ac varios, congerit Viuald. cap. de irregularitate, Imo notat Henriq. lib. 14. cap. 1. hæc verba, *suspendatur, degradetur, deponatur ab officio, maledictione feriatur, communione priuetur*, sumi non raro pro irregularitate.

Notandum tamen quod etsi peccatum occultum, communiter irregularitatem non pariat lege canonum, ab ea tamen lege excipi homicidium, arg. cap. *quæsum* 17. *tali de temporibus ordinat.* idque propter sceleris enormitatem, & defectum lenitatis.

Secundo, excipienda sunt peccata, quibus censura est annexa, nam si in ea celebratur, incurritur irregularitas, etsi hæc celebratio occulte fiat à suspensio, vel excommunicato.

Notandum secundo, peccatum propter quod irregularitas incurritur, debere esse secundum quantitatem operis externi mortale, & in eo dolum, & contumaciam exigere, sicut in excommunicatione, ab eaque excusare ignorantiam etiam crassam, secundum Nauar. consil. 15. *de temporib. ordinat.*

Patet ex dictis primo irregularitatem non incurri per solum interiorem actum animi, sic Nauar. cap. 27. num. 193. Couar. relect. de homicid. par. 1. num. 4.

Causa est, quod voluntatis actus, humano non sub sint iudicio, nec sub illud cadant, quod si nonnunquam sit potestas dispensandi in irregularitate mentali, id de occulta est intelligendum, quæque nullo modo ad forum pertinere externum potest.

Patet 2. neminem ex solo voluntatis animique conatu ad aliquid, irregularem fieri, nisi ad eum accedat effectus, & ita qui mortem alicui sunt machinati, ea non se-

quuta, aut qui eos accusarunt, sed conatu inani ac irritato, irregulares non esse.

## QVÆSTIO IV.

*An qui dubitat Vtrum sit irregularis ante sententiam, pro tali se gerere debeat.*

Affirmant Comitulus respons. lib. 6. q. 57. Henriq. lib. 14. cap. 3. parag. 1. Angelus de Coninch. disp. 18. de irregularitate dubio 1. Auila parte 7. disp. 2. dub. 5. quid sit tenendum explicabitur sequentibus assertionibus.

Assertio prima, *Qui dubitat irregularitatem facto suo cōiunctam esse, excepto homicidio, nullo iure tenetur abstinere iis operibus, quæ irregulari sunt prohibita, ac pro tali publice se gerere, si post diligentem inquisitionem, ad quam obligatur, de re ipsa, aut iure constare nequiverit*, ita Rebelus par. 2. lib. 1. q. 2. sect. 2. Fernand. parte 2. Theol. cap. 12. Suar. de censuris disp. 40. sect. 5. num. 20.

Habet assertio partes duas, in priori dicitur, ei, qui de irregularitate sua dubitat, adhibendam esse diligentiam, vt sciat, ecquid ea obligetur, necne, in secunda, si cum ea diligentia, dubium perseveret de irregularitate, dubitantem, eius pœnis censendum esse, non teneri, vtrique probatur, prior hoc argumento.

Operari cum dubio, an res sibi sit licita, necne, est certo exponere se peccandi periculo, quod culpa non caret, facit id, qui cum dubio facti an sit irregularis, pro tali se non gerit nam si occiderit V C. irregularitas est valitura, & violanda per actionem quam lex Ecclesiastica fieri ab irregulari sub pœna censuræ prohibet.

Confirmatur operari cum ignorantia vincibili malitiæ, quæ inest actioni, in qua, quis versatur sciens, & volens, malum est, cum in ea ignorantie notitia, volita implicite sit peruersitas operis quod sit, at qui in dubio speculatio impedimenti Ecclesiastici quo se ligari existimat, pro virili sua non desudat instrui, ecquid vere impediatur, ignorantia vincibili laborat, ergo cum culpa.

Assertionis pars secunda, fidem habet ab auctoritate Pontificis, nec enim vt dicitur in cap. 15 qui 18. de sententia excommunicationis in 6. vlla est inducenda irregularitas, præter eam, quæ habetur speciatim & expresse in iure, sed facit incertitudo iuris, super irregularitate, de qua dubitatur, vt cuique iusta sit causa existimandi, nullam esse, nam si extaret, sciretur, ergo in tali dubio nemo tenetur se gerere pro irregulari, nec peccare censendus est, exercendo actum ordinis sui,

sui, situm sit necesse, in eo occupari: etsi de rei veritate doceri non potuerit, ac dubium suum depellere per se, vel alium, Suarez de censuris disp. 40. sect. 5.

Dicti huius est hæc causa, quod post adhibitam diligentiam, quæ deceat virum bonum, cesset periculum peccandi, nam posito quod quærenti inutilis sit suus labor, ignorantia præcepti vetantis aliquid fieri sub pœna irregularitatis, incipit ei esse inuincibilis: at violatio præcepti cum hac ignorantia, transgredienti non est culpabilis, cum ut sic, non sit voluntaria in ratione transgressionis formalis, ac propriæ, & hæc dicta sint de dubio iuris. Videamus an idem iudicium esse debeat, de eo qui dubitat, ecquid id fecerit, quod iura irregularitate puniunt, quod Doctores facti dubium nominant.

Assertio secunda, *Qui dubitat se admisisse factum, cui adiuncta est irregularitas, non necessario gerere se debet in utroque foro pro irregulari, excepto casu homicidii*, ita viri aliqui docti huius temporis, nitunturque his argumentis.

Primo, quod in dubio potior sit conditio possidentis libertatem suam, & immunitatem à pœna, quam non possidentis, ut dicitur de regulis iuris in 6. regula 11. & 65.

Secundo, est irregularitas contracta ex delicto, pœna, ergo eius naturam sequi debet, at pœna reo non imponitur, quandiu dubium est eius peccatum.

Primo, quia de illo conuinci debet ore testium, & actoris.

Secundo, si post intentatam litem, non possit accusator probare ea, de quibus reum accusauit, est hic absolendus, cap. *ut beneficia Ecclesiastica, sine diminutione dentur*: at rem esse dubiam, est, argumenta certa non suppetere, quibus probetur facta esse, ergo non est punienda, puniretur autem si hæc irregularitatem in dubio pareret, saltem quoad effectum, non suscipiendi ordines, aut non exercendi susceptos.

Tertio, in conscientia pars tuta teneri potest, omiſſa tutiori, at hæc est probabilis, & tuta, cum nitatur rationibus, & patronos habeat viros religionis, & scientia commendabiles, ut sunt Suarez disp. 40. sect. 6. num. 3. 4. & sequentibus. Reginald. lococitato.

Dixi excepto homicidio, quia in dubio an sit admissum, dubitans pro irregulari haberi debet, tam in foro interno, quam externo, ita habetur in cap. *audientiam de homicidio*, & cap. *petitio penult. eiusd. tit.* estque Doctorum communis opinio, quæ fundatur in responsione Pontificum, qui ob periculum specialis indecentiæ, si postea innotesceret, homicidam ad sacri altaris ministerium accessisse,

A ei, in tali dubio ab ordinum abstinendum usu, sanxere, in cap. *significasti de homicidio*. Quod cum de factis cæteris nihil dixerint, si aliquando dubitabitur utrum sint admissa, nihil erit necesse à sacris abstinere aris, quia non est statuenda irregularitas, nisi in casibus à iure expressis ut est in cap. *is qui de sent. excom. in 6.* sed de solo casu homicidii voluntarii expressum est, ut quis in dubio facti censeatur irregularis, ergo, &c.

Secundo in pœnis, pars est amplectenda mitior, irregularitas pœna est, estque suauius extra casum homicidii, eorum qui de irregularitate contracta dubitant, neminem ea teneri, ergo est id sequendum in praxi.

Patet ex dictis primo, cum qui dubitat an sit legitimus, inter irregulares locandum non esse, proindeque ordinari si volet, posse.

Patet secundo, homicidii nomine intelligi veritum, quia odia sunt restringenda.

Tertio, excusandum ab hac pœna, qui utrum mutilauerit, dubius est animique anceps, quia mutilatio non est homicidium sed via ad illud, ergo, &c.

Obiiciunt aduersarii dici in canone ad audiendam, extra de homicidio & canone significasti eodem titulo, cum de irregularitate agitur, in dubio facti partem tutiorem sequendam esse, ergo qui scit se hominem vulnerasse, V. G. dubitat tamen utrum interemerit, tenetur si fides est Pontificibus, abstinere à receptione ordinum, eorumque usu.

Respondend. primo, quod hic dicitur partem tutiorem sequendam esse in dubio, vniuerſe falsum esse, cum quæ tuta sunt, ut sunt extra culpam, (alioqui cessarent esse talia) ita etiam fieri possunt citra vitium.

Respondend. secundo, velle tantum Pontifices, Episcopis duntaxat hoc seruandum esse, ut in dubio irregularitatis, sequantur partem tutiorem, iubendo eis, de quibus dubitant an sint irregulares, ut ob reuerentiam rerum diuinarum abstineant, ab ordinibus, ex quo tamen non sequitur, ei qui de facto suo dubitat, abstinendum esse usu perceptorum, tanquam si irregularis esset.

Dices si vere in conscientia, is qui de facto suo ambigit, an sit tale, ut irregularitatem habeat adiunctam non tenetur pro irregulari se gerere, male id Pontifices in his canonibus exigunt.

Negandum est sequi, cum enim ad Papam pertineat, primo, videre ne quid in sacros ordines, debitamque eis venerationem peccetur.

Secundo, pœnam de actionibus repetere, quæ sunt malæ, vel si non sint tales, sunt ea-

men ex quorundam sententia, periculo peccati & irreuerentia in res factas, vt sunt ordines, exposita, iusta ei causa fuit imperandi Episcopis: vt in eiusmodi homines, de euentu facti sui dubios fierent, eorum remotio- ne ab ordinibus, ex quo tamen non sequitur, vlli necesse esse se prodere, aut in dubio facti, poenam subire, quam vitare nequeunt, quicquid admissi vere sunt rei.

Respond. 3. etsi Pontifici sermo de irregularitate foret in dictis canonibus, eum tamen de omni non loqui, sed ea duntaxat quae ab homicidio oritur, quod cuiusmodi tamen sit, dicetur postea, à quo quia Clericos longissime abesse oportet, voluisse Pontificem in illius odium, vt se quisque in dubio irregularem duceret, quod perque locum habere in aliis peccatis non potest, ex quibus irregularitas nascitur, ita Aegidius disp. 18. de irregularitate num. 2.

Respondend. vltimo, in dictis canonibus, Pontifices nullam facere mentionem irregularitatis proprie dictae, quaeque incurratur ipso iure, vt notarunt interpretes, sed interditi tantum, quo tempore prohibetur Sacerdoti sacrum dicere, quod semper sit post sententiam iudicis, maxime si sit personale, ergo cum nulla irregularitas sit inducenda, quae non sit in iure, nec in ipso dicatur expresse, quod in dubio facti, praeterquam in homicidio incurratur non erit obligandus, qui de quopiam dubitat, vt se tanquam irregularem à sacris ordinibus remoueat.

## QVÆSTIO V.

*An irregularis sit beneficii incapax ita ut collatio ei facta sit nulla.*

**A** Ssetio, Irregularitas nec beneficio possessio priuat, nec acquisiti de nouo collationem irritat.

Pars prima defenditur à Nauarro cap. vlt. Enchiridii, estque à nobis probata antea.

Pars altera Syluest. placuit verbo excommunicatio 4. num. 4. Innoc. IV. in canonem 6. de concessione praebende, Felin. in canon. 21. inquisitionis de accusationibus. num. 6. & sequentibus.

Ratio est, quod nullus sit canon quo probetur irregularem, beneficii incapacem esse, quare cum inhabilitas induci nulla debeat, sine canone, deque ea nullus extet, credi debet, irregularem beneficii consequendi incapacem non esse. Ac proinde in conscientiae foro adigendum non esse, noua collatione reparare, si quid vitii fuit in priore, quare non peccat, qui beneficium acceptat in irre-

gularitate, dummodo ab ea, intra anni spatium auctoritate Apostolica, aut Episcopali, liberari se curet, ita Sylu. loco citato.

Ratio est, quod iure communi annus beneficiario conceditur, vt se ad praestandum officium praeparet, Clementina secunda de aetate & qualitate ordinandorum. quae renouata est in Concil. Trident. sess. 24. cap. 4. admissa à Nauar. Concil. 8. de praebend. num. 2. & interpretibus Concil. ad session. citatam, in Gallia autem satis est, quod eiusmodi qualitas intra biennium haberi possit, de quo nos in tract. de benef.

Adnotare tamen hic placet, irregularem, vt sit in foro externo securus de beneficio obtento, tria praestanda esse.

Primum id dare debet operam, vt super irregularitate contracta, dispensationem obtineat, deinde alteram, super inhabilitate ad idem beneficium.

Tertium, vt iterato idem sibi beneficium conferatur.

Ratio est, quod in foro externo, facta irregulari collatio, irregularitate durante irrita reddi possit ac inanis, est ergo prudentiae in irregularem, sibi ne id accidat, potestate Papae consulere.

Et de hoc foro intelligi Doctores debent, cum collationem beneficii, irregularem factam, ratam esse negant ac validam, Suar. disp. de censur. 40. sect. 2. nu. 30. Nec sic prouiso danda tantum est opera, vt à Pontifice irregularitatis dispensationem habeat, sed & inhabilitatis ad idem beneficium, ac nouam eiusdem beneficii collationem à superiore ita Syluest. verbo excommunic. 4. num. 4. Innoc. IV. in canon. 6. cum nostris de concess. praebende, Felinus in canon. 21. Inquisitionis de accusationibus. num. 6. & 8. Fuit enim prima valida, ac capaci facta, ergo non iteranda necessario in conscientiae foro. Nec est vllius momenti, quod aduersae partis patroni contra afferunt, dari beneficium scilicet, propter officium, quod tamen est irregularitate impeditum. Nec enim est hoc impedimentum perpetuum, cum à Papa tolli possit aut Episcopo, ergo vt peccatum mortale quo impeditur Parochus ne fungatur officio, beneficii collationem non impedit, ita nec irregularitas,

## QVÆSTIO



## QVÆSTIO VI.

*An Irregularis Valide absoluat.*

**R**atas esse confessiones, quas irregularis excipit dixere Pet. Corneio in 3. part. *Diu. Thomæ tract. 3. de irregularis. disp. 5. dub. 3. q. 3. Villalobos com. 1. tract. 2. difficul. 2. num. 8. Suar. de censur. disp. 4. sect. 2. num. 46. Lessius de iustit. lib. 2. cap. 22. dub. 8.*

A parte altera pugnant hi auctores Hurtado disput. 1. de irregular. difficul. 11. num. 19. Comitoli. lib. 6. responsion. q. 58. de tota hac controuersia, quodnam meum sit iudicium, demonstrabo sequentibus assertionibus, quibus aduenire lucem volo ab his notitiis.

Prima, non alii absolueri possunt, quam qui auctoritate pollent ad id necessaria, est enim absolutio iuridicalis actio, ius autem dicunt hi duntaxat, qui auctoritatem in eos obtinent, quos coercere legibus, aut ex eorundem emittere laqueis possunt, cum volunt.

Notitia secunda, Remitti peccata non possunt nisi ab eo, qui præter potestatem ordinis, potestatem etiam habet iurisdictionis, estque potestas utraque iure diuino necessaria, ad remittenda peccata in Sacramento confessionis.

Notitia tertia, iure diuino iurisdictionem immediate à Christo nemo habet, nisi solus Pontifex, Petri successor in Ecclesiæ regimine, quid est enim iurdictio? potestas in personam subiectam, quæ sola est iurisdictionis materia, secundum *Diu. Thom. dist. 19. q. 1. art. 3. at præterquam Petro cui dictum est Ioan. 21. Pasce oues meas, & Apostolis quibus dictum est, Accipite Spiritum sanctum quorum remiseritis peccata, non est ulli à Christo, regendæ Ecclesiæ data auctoritas, iurisdictionem ergo iure diuino, immediate à Christo, præter eos nemo sibi vindicat.*

Notitia quarta, iurdictio quam solo humano iure, Presbyteri in personas, earumque culpas habent, duplex est, ordinaria, & delegata, Priore præstat, qui à Papa, Imperatore, Principe, Collegio aut Vniuersitate eam obtinet, ut Prælati Collegiæ Ecclesiæ qui ab ea est electus, aut ei à Papa præpositus, *Glossa in cap. cum ab Ecclesiarum de officio ordinarii, aut à canone ut Episcopi 16. q. 1. can. 1. & q. 7. can. omnes & 25. dist. can. per lectis.*

Delegata iurdictio in iis residet, qui ab ordinariis ad societatem muneris sui vocantur, hoc est qui vices illis suas integre committunt, aut ex parte.

Pars secunda.

**A** Notitia quinta, etsi irregularis iure ipso, suorum vsu ordinum excidat, tolerari tamen potest ab Ecclesiâ, nec, cum illos in præxim reuocat, puniri aut reuerti.

Ratio est, quod per quas causas quid ponitur iisdem & tolli potest, *de reg. iuris reg. 1.* At quod irregulari præstare quæ sunt ordinis, eaque in suum, ac aliorum commodum exequi non liceat, ab Ecclesiæ voluntate, ac lege oritur, quam vim obtinere vult nullam, pro eo tempore, quo irregularem in suorum functione munerum tolerat, ergo, &c. quib. ita præmissis.

**B** Dico primò, *Peccare mortaliter, qui scienter peccata sua irregulari explicat in Sacramento Pœnitentiæ, absolutionis habenda causa.*

Ratio est, quod ab eo culparum suarum remissionem petere, qui eam sine peccato non potest concedere, lethalis sit culpa, at qui istiusmodi pœnæ genere, quam irregularitatem dicimus, irretitus hæret, peccata absolueri non potest sine culpa, cum id eum facere iura Ecclesiæ noua ac vetera, non sinant. Est enim irregulari ordinum sacrorum vsus Pontificum decretis prohibitus, ergo cum absolutio, actio sit quædam sacri ordinis, hoc est Presbyterii, cuius collatio in ordinatione, ordinato dat clauem, non tamen executionem, aut eius actum, ut ait *Diu. Thom. in 4. dist. 18. q. 1. art. 1. ad quæst. 2. ea impertire pœnitentem, sine culpa irregularis non potest.*

Dico secundò, *Qui irregulari ad pedes accidit absolutionis causa, cum conscientia tamen notitiaque legis Ecclesiæ, qua irregularem ab hoc sacro munere remouet, eam non recipit.*

**D** Ratio est, quod confessio quæ comitem non habet contritionem, accedente absolutione est repetenda: at qui sua peccata ei confitetur, à quo scit se sine culpa absolui non posse, de illis dolorem non suscipit, cum actu peccet, ergo præcepto non satisfacit, cū nō absoluitur, sed iterum de iisdem peccatis, debeat apud Sacerdotem dolenter cōfiteri.

**E** Confirm. ad peccandum quempiam alligere est nefas, sed irregulares peccant conferendis Sacramentis, ergo hæc ab illis petere non licet, sed qui in re graui, quo ei tempore Sacramentum confertur, committit in legem Ecclesiæ aut Dei, ponit obicem gratiæ, nec in numero contritorum est, ac pœnitentium, sed fingentium, ergo etsi absoluitur, facit hæc eius fictio confessionem nullam, vereque sacrilegam, ita *Turrian. de censur. lib. 8. disp. 58. dub. 2.*

Dico tertio, *Confessiones irregulari Parocho, sed tolerato factas, ratas esse, nec repetendas, ita auctores primæ sententiæ quibus addendas Ioan. Præposit. in tertia parte Diu. Thom. qu.*

LLI



1. de irregularitate dub. 5. num. 13.

Causa est, quod Ecclesie tolerantia, sit quædam veluti, tacita illi facta concessio potestatis, ad absoluendum necessarii, at ex parte absoluentis Presbyteri, id duntaxat exigit absolutio, ne sit inanis ac irrita, data ergo ab irregulari, qui sit toleratus, ab eo vitium non accipit, nec proinde est hæc iteranda necessario.

Confirm. ad hoc ut penitenti prosit, Sacerdotis absolutio, sufficit, si iurisdictionis sue vsum voluntate Ecclesie liberum habeat: Habetis vero, quem hæc in Sacramentorum administratione tolerat, nec à Pœnitentia, ac Eucharistia collatione remouet, absolutio ergo ab eiusmodi concessa hominè, vana non est, ac nulla, ergo non iteranda.

Confirm, irregularitas actus ordinis proprios non irritat, ut consecrationem Ecclesie, altaris, Virginis, nec etiam alios, qui iurisdictionem in exercente prærequirunt, ut excommunicare, suspendere, interdicere, secundum Præposit loco proxime citato, ergo nec absolutionem, cæteraque in foro conscientie exerceri solita.

Dico quartò, Confessionem qua fit irregulari denunciato, ac promulgato à iudice Ecclesiastico, probabiliter esse nullam.

Primo, quia concessa à suspensio peccatorum remissio, interdicto, aut excommunicato notoriè, nullarum est virium Nauar. in manual. cap. 9. num. 8. Auila de censur. parte 7. disp. 2. dub. 6. conclus. 7. nisi talis Sacerdos absque sua culpa factus sit inhabilis ad vnum vsum ordinis, & non ad alium, ut qui sine culpa amisit digitos, iste enim licet fiat inhabilis ad sacrificandum, non tamen ad absoluendum, Auila supra, sed est irregularitas, quædam veluti suspensio, ab ordinum vfu & exercitio: ergo data ab irregulari absolutio, erit inualida.

Secundo carere potestate ad aliquid, & hæc impeditam habere, sunt idem, sed irregularis, potestatem ordinum coercitam habet, ac restrictam, ergo ad actum non reuocandam cum fructu, non est ergo irregularis, Sacramenti minister idoneus, ac habilis.

Dupliciter enim ut ait Diu. Thom. in 4. dist. 17. q. 3. art. 4. questiu. 5. potest contingere, ut quis alterius confessionem audire non possit, nempe, quia iurisdictione caret, aut ordinis executionem non habet, sicut irregularis, vera est ego assertio, irregularem, quandiu est talis, nec eius amotum est impedimentum, confessiones excipere vtiliter, ac fructuose non posse.

Tertio data sine iurisdictione absolutio est inanis, eo quod potestatem ad illam exigi certum sit apud omnes Theologos, & pios Catho-

**A** ilcos, at ea irregularis caret, eius enim materia est, plebs subiecta, secundum D. Thom. 4. dist. 19. q. 1. ar. 3. quam Ecclesia vult ab irregularis potestate subtracta esse, hoc ipso quod eum publice talem esse pronunciat, alioqui cur diceret? cur eum apud populum traduceret? quare cum qui potest remouere irregularitatem, & postea potestatem audiendi confessiones ei conferre, id tamen Episcopus non faciat, sed potius oppositum, irregulari cum denunciatur, nec proinde toleratur ab Ecclesia, ius absoluendi adimi quis non videt?

**B** Obiicies est in lege Barbarius Philippus digest. de officio Prator: eius acta quæ irrita esse debebant, eo quod ad præturam promotus esset, cum tamè conditione seruus esset, proindeque eius dignitatis incapax: rata tamè esse oportere ac valida, ob eorum utilitatem ac commodum, qui apud illum egerant, quia populus Romanus, cuius auctoritate hic ei magistratus collatus erat, potuisset etiam seruo hanc potestatem decernere, at eadem est ratio absolutionis approbandæ, quæ ab irregulari datur, & gestorum in foro publico perferuum, quies scilicet ac tranquillitas populi Christiani, cui perpetua ambigendi causa foret, ecquid ab eo factum fuisset satis præcepto de obeunda confessione, si facta irregulari non est rata, sed reperenda.

**C** Respondendum, minorem esse falsam, quæ enim ab irregulari in conscientie tribunali geruntur publicam non continent utilitatem, sed priuatam pœnitentium, quæ ergo pro Barbario profertur ratio, ab irregulari non facit, sit hoc pro argumento, acta, dicta, decreta Barbarii, vim habuere, quia populus Romanus seruo potestatem hanc decernere poterat, at irregulari notorie tali, ac denunciato, absoluendi sui potestatem dare populus non potest, quæ ergo à Barbario eiusque actis, ad irregularem, à populo Romano ad Christianum, à foro externo ad internum, argumentatio petitur, nullarum est virium, in illo enim valet auctoritas Imperatoris, ac populi, in isto autem solius Dei, itaque quod in controuersia politica diiudicanda momentum habet, ad res spirituales, & Sacramenta translatus suapte ruit sponte.

QVÆSTIO

## QVÆSTIO VII.

*Quæ sint quibus per Irregularitatem irregularis non priuatur.*

**D**ico primò, *Per irregularitatem irregulari ius non adimi faciendi actus sacros, eo modo quo fiunt à Laicis.*

Quia irregulari prohibetur tantum vsus ordinum suorum aut eorum susceptio quibus caret, at quæ fiunt à laicis opera non sunt ordinum, cum eorum sint incapaces: non sunt hæc ergo ex vi irregularitatis, irregulari prohibita.

Confirmatur, est irregularitas incapacitas, vel vt alii aiunt impedimentum iure Ecclesiastico inductum, quo quis directe, ac per se, ordines recipere vetatur, indirecte autem susceptos exercere, at actus quibus potest in Ecclesia defungi laicus, sacri non sunt, cum hanc à persona denominationem habeant, quæ peculiari quodam ritu, Deo est sacra, aut à charactere, quorum neutrum laico competit, non sunt ergo Clericorum opera, prout obiri possunt à Laico, irregulari ex vi irregularitatis prohibita.

Dico secundò, *Quelibet Sacramenta, ab irregulari sumi posse præter ordinem & quæ ab eo pendent: ita Henricus lib. 14. cap. 2. num. 5. litera C. ad marg. Sylue. ex com. 4. nu. 4. Nauar. Enchiridis 27. n. 253. Suarez de censuris disp. 48. sect. 2. num. 8. & probatur, irregularitas est tantum ad ordinem, & respectu eius, ad functiones quæ ei sunt propriæ, ergo alia Sacramenta non impedit.*

Consequentia probatur est irregularitas, inhabilitas ad Clericorum ministeria, quæ sunt sacra, aut ad characterem quo separantur à Laicis, at Clerici ab his non separantur per Sacramenta diuersa ab ordine, ergo irregulari ea recipere non est vetitum, Caiet. Verbo irregularitas initio, Felician. 11. proæmio de irregular. & cap. 13. Layman. lib. 1. tract. 3. parte 5. cap. 1. num. 3.

Confirmatur bigamus confirmari potest, absolui, & sub vitæ finem sacro oleo vngi: non sunt hæc ergo ei Sacramenta prohibita.

Dixi in assertionem quæ ordinem supponit, & ab eo pendent, vt ostenderem, irregulari celebrare fas non esse, quia est hoc vti ordinibus, ac in præcipuo eorum operum, quæ sunt irregulari interdicta, versari, cum vsus ordinum nullus consecrationi corporis Christi dignitate respondeat, ob eandem causam nec fas est communicare, sub vtraque specie, vt rectè annotauit Suarez de irregularitate disp. 4. sect. 2. num. 9. nec admi-

**A** nistrare sibi Eucharistiam, quia vtriusque speciei receptio, citra priuilegium solis sacrificantibus conuenit, estque distributio Eucharistiæ, propria perfectæque Presbyterii actio.

Dico tertio, *Ab irregularitate iurisdictionem, irregulari non adimi, maxime si hæc beneficio iam obtento, aduenit.*

**B** Probatur iurisdictio non pendet ab ordine, sed officio, vt colligitur ex decretali Celestini tertii quæ incipit, *transmissam* 18. extra de electione, vbi confirmatus in beneficio ad quod est electus, exequi posse dicitur quæ sunt sui muneris. Respondemus, inquit Papa, quod ex quo electionis tuæ confirmationem accepisti, de talibus & cõsimilibus, præterea quæ maioris inquisitionis discussionem exigunt, & ministerium consecrationis desiderant, quod iustum sit, Ecclesiastica conueniens vtilitati statuendi habere liberam facultatem, ergo cum ab irregulari, beneficium per irregularitatem superuenientem, non tollatur in eo quoque remanens iurisdictionem, ad functionem non dependentem ab vsu ordinum necessaria, quare valide omnes actus iurisdictionis exercet, quamuis illos non licet, qui actum ordinis requirunt, Coninch. disput. 18. dub. 1. num. 7. Laym. parte 5. cap. 1. tract. 3.

## QVÆSTIO VIII.

*Irregularitatis Species quæ, quot & quales.*

**I**rregularitatem diuidunt aliqui in totalem & partialem, talis ac proprie dicta irregularitas est, quæ omni ordine suscipiendo, & suscepti exercitio priuat, vt bigamia, & homicidium. Partialis est, quæ Clericum ordinatum non omni ordinis ministerio, sed aliquo tantum priuat, vt ascensu V. G. ad superiorem ordinem, ita Sacerdos cui pollex est abscissus, irregularis est respectu Missæ dicendæ, non confessionum, quas licite potest excipere.

**E** Diuidunt alii irregularitatem in eam quæ est indecentiæ, incapacitatis, & sceleris. Indecentiam ex conditione personæ naturali nonnunquam oriri aiunt, vt quod initiandus aut iam sacris initiatus ordinibus sit cæcus, manu mancus, pede captus, aut mente, aliquando vero ex actu virtutis, vt quod iudex sententiæ mortis dixerit in nocentem, sæpe autem ex actu vitioso, vt est videre in crimine enormi notorio, vel eo quod apertam habet cum ministerio altaris repugnantiam.

Irregularitatem diuidunt alii in eam, quæ ex defectu culpabili oritur, & eam quæ ex non vitioso ac culpabili. Defectus incul-

pabilis irregularitatem fundans, est quintuplex, corporis, animæ Sacramenti, perfectæ lenitatis, & sexus, qui defectus notantur hoc versu.

*Baptismus, ratio sexusque, scientia corpus,* quibus verbis significatur, cum qui baptizatus non est, irregularem esse, secundo foemina & hermaphroditum, tertio amentem, quarto ignarum, id est, carentem ea scientia quæ ad decentem ordinis suscipiendi, aut suscepti executionem est necessaria, postremo vitio corporis aliquo laborantem, quod impedit ne ministrare omnino possit in ordine suscepto, aut certe nõ sine periculo. Culpabilis defectus est quadruplex, illicita deformatio, ordinum mala susceptio, aut exercitium, iteratio Baptismi, & crimen enorme, seu notorium. Alii irregularitatem vniuersè duplicem faciunt, vtriusque autem species multas: omnis enim irregularitas ex defectu provenit aut delicto, tanquam eius causis, inter vtrâque autem intercedere discrimen, idque non modicum, indicant quæ sequuntur, primum quod irregularitas quæ defectum habet, vti sui causam, eo percunte pereat, cessante cesset, cum quæ est ex delicto, maneat donec dispensetur. Alterum, quod hæc non modo aditus ad ordines interclusos omnes habeat, sed eorum etiam usu interdicit, cum quæ est ex defectu solo, in iis tantum ministrare prohibeat ac vetet, circa quæ deficit.

Tertium quod quæ irregularitates sunt ex delicto, sic sint in Episcoporum iure, vt in iis, cum ex crimine occulto ortum habent, non deducto ad forum contentiosum, dispensare possint, præterquam in ea quæ homicidio voluntario nascitur, non item in his, quæ sunt ex defectu, nam bigamo, spurio, ac notho, per eorum facultatem, accessus ad sacra altaria ordinesque nullus esse potest.

Quæ autem est istiusmodi hoc est ex defectu, octo habet sub se species nimirum ex defectu natalium, originis, libertatis, ætatis, honestæ famæ, corporis, animæ, Sacramenti: Irregularitatis autem ex facto contractæ non vitioso, duæ sunt species, prima ex bigamia, ex homicidio inuoluntario nascitur altera, ex facto quod est criminofum ac illaudabile septem, primâ parit homicidium voluntarium, quo continetur etiam mutilatio, secundam Baptismi iteratio, tertiam ordinis susceptio, quartam ordinis collatio, quintam usus ordinis, sextam hæresis, aut aliqua talis infidelitas, septimam infamia, aut delictum quod eam conciliare solet homini.

A

## QVÆSTIO IX.

*Quid sit, defectus animi, & in quos cadat irregularitas ex eo orta.*

B

**E**st defectus animi, vt hoc loco sumitur, *Infidelitas* in primis, animus enim in præsententi materia, non nude accipitur, sed vt suis, ac supernaturalibus excultus dotibus, maximè vero fidei, à cuius, ac virtutum priuatione, habent infideles primo, secundo Neophyti, hoc est recens ad fidem conuersi, vt sint irregulares, tertio amentes, quorum duo sunt genera, quidam enim mentis inuoluntudine occupantur labili tantum, qualis est eius, qui in furorẽ versus, aliquando insaniuit, quæ insania ortum ex febris, aut apprehensione vehementi, & acri alicuius obiecti habuit, vt dicitur in *canone maritum distinctione 33*. Alii sic sunt affecti, vt sit amentia in illis per modum habitus, quæ veram, & permanentem causam in organorum læsione, aut humorum vitiositate fundatam habeat, de vtraque ergo quoniam hic est disputandum.

C

Dico primò, *Ab amentia eaque perpetua, homines fieri iure naturali ac diuino irregulares.*

Probatum susceptio ordinis, actus est humanus, requirit ergo ex sua natura consensum suscipientis, cumque liberum, nam quis in re momenti istiusmodi, qualis est ordinatio, cum cum ratione repudiet? cum ab ea abhorreat repugnanti ac inuito statum dari ab Ecclesia perpetuū, sed consensus maxime deliberatus, in amētē nõ cadit, nā sine usu rationis quo caret, talis esse qui potest?

D

Quid si non est eius dementia perpetua? quid si vi morbi aliquando quidem insaniuit, sed pharmacis sanus factus, conualuit?

Dico secundò, *Aut agitur de suscipiendis ordinibus cum hoc impedimento licet præterito, aut de susceptorum usu.*

E

Si primum, existimant aliqui, absque vlla dispensatione conferri eos ab Episcopo posse, si habeatur testimonium Medici de valetudine plene recuperata, probabilius tamen sentiunt alii vt *Henriq. lib. 14. cap. 8. num. 9.* fieri id non posse sine Papæ facultate, cum sit hominum opinione probrosum, sacra mysteria ab amente tractari, cumque sanis, in usu rerum istiusmodi præfici, ergo cum irregularitatis quæ vera est, dispensatio, iure non concedatur Episcopo, maxime si sit hæc de earum numero, de quibus in præsententi fit mentio, Papa consulendus super eius dispensatione obtinenda videtur, & non tantum Episcopus, quia admodum est verisimile, ta-

lem

Iam tam perfecte curari non posse quin probabiliter iterum aliquando morbo tentetur.

Quod si de sano iam ordinato agitur, cessante eius amentia, cessatura quoque est Ecclesie prohibitio, de non celebrando, utendoque ordine suo, cum tali defectu, Glossa in *canonem maritum ante citatum*, Reginald. tract. 1. de irregularitate sect. 2. patet, Nā habet ordinatus ius ad vsum acquisitum ordinis, quo sine culpa aliqua sua non priuatur, nisi per superuenientem causam, ergo si hæc cessauerit, cessabit irregularitas, docet Ægidius expresse *disput. 18. de irregularitate num. 107 Maiolus lib. 2. cap. 13. num. 5.*

Ad hunc tamen vsum ordinum requiritur Episcopi iudicium ac consensus *canone communiter dist. 33.* iudicium quidem recuperatæ valetudinis, consensus autem ad executionem, Ægidius *dub. 13. conclus. 2.*

Et quanquam dicantur amentes probandi esse triginta diebus, antequam celebrent, in *canone communiter dist. 3.* ut de recuperata valetudine constare queat Ecclesie, nihilominus dici potest cum Antonino in 3. parte titulo 28. cap. 5. Reginald. lib. 30. cap. 4. nu. 39. id totum Episcopi arbitrio relictum esse, qui pensatis circumstantiis loci, personæ, morbi, additisque medicis, asserentibus timendum amodo non esse, ne iteratò amens eodem morbo tentetur, suorum ei ordinum potestatem faciet.

Amentibus in hac pœna adiungendi sunt Lunatici (ut vocant) qui per temporum intervalla non sunt sui compotes, item Arreptitii, hoc est qui in terram arrepti à dæmonibus deiici ac elidi solent, *dist. 33. canone communiter 2. & 16. Concil. Arausicani 1.*

Tertio, Epileptici qui sæuiente vi morbi, ratione carent, quos irregulares esse dicitur in *canone maritum canone communiter dist. 33.*

Et quidem si ordinati non erunt, etsi integre à morbo sint liberati, initiari tamen prohibentur *canone 3. 4. & 5. dist. 23.* si erunt, celebrare quidem poterunt, sed cum his quatuor conditionibus.

Prima, ut non sit eorum morbus frequens, non crebro rediens; nam si sæpe, indidemque recurrat, etsi lucida intervalla habeant permittendi tamen non erunt sacris mysteriis operam dare.

Secunda est ut eiusmodi morbus non sit violentus, cuiusmodi est, cum est caducus, ut loquuntur.

Tertia, ut operantibus, è sacerdotum turba vnus aliquis adsit ieiunus, qui supplere sit paratus, si quid forte de sacrificio propter morbum, omissum esset, quia sic obuiatur incommodis quæ timentur Nauar. cap.

A 27. *Enchiridij.*

Quarta ut probetur morbi qualitas, frequens ne sit, & acerbus, an rarus, & lenis, nā si cum grassatur ac sæuit, aliquid ab ægro agi solet, quod sit maiestate sacrificii indignum, horroremque spectantibus iniiciat, ut sunt spumare, frendere dentibus, terram pugno quatere, spe excussa omni concessionis obtinendæ in posterum, à sacris erit remouendus altaribus, ut dicitur in *canone communiter canone Clerici dist. 33.*

B Dico tertio, Neophytus hoc est recens à paganorum, aut Iudeorum erroribus conuersos ad Christi cultum, similiter irregulares esse, ita Piacetius in *praxi Episcopali parte 1. cap. 1. Nauar. Enchiridij 27. num. 205.* tueretur se hæc assertio.

Primo, auctoritate Apostoli 1. ad Timotheum 1. ibi enim ad Episcopatum admitti posse negat Neophytum ne in superbiam elatus in iudicium incidat diaboli.

C Idem conficitur Concilii Laodicensi testimonio *canone 3.* non oportet Neophytum ad ordinem promoueri Sacerdotalem, Arelatenfis 2. *canone 1.* ubi Neophytum Patres ad Diaconatus vel Presbyterii officium assumi prohibent, *Ordinari ad Diaconatus & Sacerdotii officium Neophytum non oportere.*

D Tertio ratione, non expedit eum magistrum esse, qui sed discipulum nunquam est professus, ut dicitur in *canone miserrum 4. dist. 61.* & cum superiorem agere qui nunquam est in illo gradu obsequutus Sacerdoti, talis est Neophytus ex Felino in *canonem eam te de rescriptis*, & proinde iuste Patres aditus ei omnes clausos esse voluere ad ordines, nisi post annos aliquot à suscepto baptismo, in fide, eiusque sincera professione exactos.

E Ob eam ego causam inter alias, statutum puto in Tolet. *Concil. 4. can. 63.* ne Iudeis, aut his qui recens ex eorum sunt superstitione ritu transcripti in Ecclesiam, officia committantur publica, quia ut dicitur 17. qu. 4. *can. constituit 31.* sub hac occasione Christianis iniuriam faciunt, cum enim eorum sit in fide dubia constantia, metuendum est cuique, ne pro innata sibi leuitate, ac perfidia, ad pristina gentis dogmata, turpi à Christianis transfugio, sacrilegi remigrent, quare ne sacra nostra contaminent, officia eis publica, hoc est ordines sacri negari debent, ut ait Maiolus lib. 3. cap. 51. num. 14. planumque est cuique colligere ex Zozimi verbis *can. si officia dist. 59. Celestini ead. distinct. can. ordinatos sub sinem*, Leon. I. in *epist. ad Episcop. African.* ut refertur *dist. 61. can. miramur*, cuius rei causæ reddi multæ possunt, est hæc non postrema, ne fallatur Ecclesia, cum se Clericum habere existimat, qui Christianus



nō est nisi nomine tenus, vnde Conc. Agath. *can. 34.* Iudei, inquit, quorum perfidia frequenter ad Veneritū redit, si ad leges Catholicas redire voluerint, octo mēses intra Catechumenos, Ecclesia limen introeant, inculcatur hoc ipsum, de consecrat. *dist. 4. can. Iudei, & can. plerique ex Iudeis ead. dist.* fuit tamen postmodum hoc octo mensium spatium, ad eos probandos constitutum: ad 40. contractum, testis canon ne quod absis de consecrat. *dist. 4.* neque tamen Episcopis eam obrem concessum, praeproperē eis ut ē Iudaismo, Neophytos initiare sit in laude, sunt enim multi inobedientes, vaniloqui & seductores, maxime qui de circumcissione sunt ad Titum i. quamobrē increpandi sunt dure *ut sani sint in fide, non intendentes Iudaicis fabulis*, admouendi autem ad magistratus sacros Ecclesiae, raro aut nunquam, ad Clericorum ordines lentē, ac post accurata longaque eorum in fide, moribusque nostris constanti exhibita documenta. Merito enim Sanctorum Patrum venerabiles sanctiones, cum de Sacerdotum electione loquerentur, eos de muni donec sacris administrationibus censuere, quorum omnis aetas, à puerilibus exordiis, vsque ad perfectiores annos, per Ecclesiasticam disciplinam stipendia cucurrisset, ut unicuique testimonium prior vita praeberet, nec posset de eius promotione dubitari, cui pro laboribus multis, pro moribus castis, pro artibus strenuis, celsioris loci praemium deberetur, Leo. I. in epist. 85. aliter 87. ad Episcopos African. cap. 1. Secus tamen vsu venire nonnunquam potest, nempe cum tanta est Neophyti eruditio, tanta & tam exaggerata eius virtus, ut futuræ in eo superbiae, reductaeque ad priora vitae instituta, metus absit, quo de genere, cum essent Ambros. & Nicolaus ambo diui homines, aspirante è cælo numine, Imperatore approbante, petente plebe, Episcopis, cleroque vniuerso suffragante, ad gubernacula sunt euecti Ecclesiae.

Dico quartò, Oriundos à Iudeis, aut infidelibus, si à primis infantiae crepundiis, fuerint ad Christianorum mysteria per Baptismum adlecti, à beneficiis, ac ordinibus sacris, iure communi remouēdos non videri, Couar. prima parte in Clement. si furiosus parag. 7. num. 2. conclus. 6. Nauar. cap. 27. num. 205.

Ratio est, quod ab Ecclesiae gradibus, statuque Clericorum, non alii lege sint canonum exclusi, quam qui Hæretici aut Neophyti, ad neutros hi de quibus est sermo modo, pertinent, spectantque, nec enim Maranus, quod sciam, Neophytum sonat, cum potius à Mauris, maranos, quasi maurannos dictos esse, suspicari liceat, neque recens dici possunt in fidem infiti, qui à primis vitae suae annis, de Christi fuisse ovis, nec ut nobilitas à parentibus, ita religionis Christianae

A professio, aestimatur ab auis, eorumque auro aut meritis, quare Tornacensi Episcopo praecepisse Alexand. III. legitur in decretali eam te 7. de rescriptis, ut P. qui de gente Iudeorum originem duxerat, & diuina gratia fidem Christi susceperat, in canonicum reciperet: pro eo enim quod Iudeus quis extiterit, ipsum de dignandum non videri. Quia tamen in liberos parentes, ingenium moresque transfundunt suos, vel incogitantes ac incauti, saepeque mali corui, malum sit ouum, ideo cæteris paribus, si aliorum sit copia, qui honores, oneraque Clericorum ambiant, hos illis sine controuersia anteferendos crederem.

B Dixi communi iure nam habent particulares Ecclesiae quod sequantur, in communitate vsu, Toletanae quidem Ecclesiae statuere olim placuit, ne in ea, natus ex Iudæo, Saraceno, aut hæretico, beneficiarius esse posset Nauar. consil. 7. de constitutionibus, ad societatem autem nostram, simili notatus infamia natalium, admitti decreto Congregationis nequit.

C Dico quintò, Et si Nouitios ad sacros promoueri ordines non posse, Gregor. dixerit *dist. 48. can. sicut Neophytos*, non est id tamen moribus modo nostris, vsuque receptum, nam quid vetat initiari Nouitium? vitaque de moribus probatum referri in Sacerdotum numerum? Eligi potest in Episcopum, Bonifacio VIII. teste, cur non etiam in Diaconum? sunt hæc Pontificis istius verba in cap. nullus 28. de elect. in 6. Ad dignitatem Episcopalem (ad quam nouitii eliguntur interdum) talem in secularibus ac regularibus Ecclesiis eligi minime prohibemus.

D Dico sextò, Laicos recens ad Clerum cooptatos, ad superiores ordines praeproperè promoueri licite non posse, id est per saltum, aut non seruatis interstitiis, hæc enim duo constituit Ecclesia, ut eos lente festinare cogat, qui oneris Sacerdotalis ignari, ad illud conuolant, neque vires suas, cum eo librant, ac comparant.

E Pro hac assertionem est tota *dist. 61. & fere duæ præcedentes. Assuescat*, inquit Urban. *can. si officia 2. dist. 59. in domini castris*, in letorum primitus gradu diuini rudimenta seruitij, nec illi vilescat, Exorcistā, Acolytum, Subdiaconum, & Diaconum per ordinem fieri, nec hoc saltu, sed statutis maiorum ordinatione temporibus, & *dist. 48. can. sicut Neophytus*, Ordinatē ad ordines ascendendum est, nam casum appetit, qui ad summi loci fastigia, postpositis gradibus per abrupta querit ascensum.

Quarum constitutionum rationes hæc reddi possunt prima, ne praeproperè festinans ad ordines, incidat in superbiam, quasi eo indigeret Ecclesia, *dist. 48. can. Neophytus*.

Secunda, ne alios secum perdat, si excus cæcum

eum ducat. Tertia ne aliis Clericis qui diu A  
Ecclesię seruięrunt fiat iniuria dist. 6. can. quid  
proderis.

## QVÆSTIO X.

De illiteratis sentire quid sit necesse, & an dis-  
pensari cum illis possit ad ordines, & cui id  
sit permissum.

**A**ssertio prima, Sunt illiterati, id est qui  
Latine non intelligunt, irregulares,  
decreto Aurelianensis Concilii canone 16. B  
in hæc verba: Presbyter vel Diaconus sine lite-  
ris nullatenus ordinetur, quam in sententiam  
Patres Romani Concilii sub Hilario Papa  
anno 465. hæc commendata literis esse vo-  
luere, ne, (verba sunt Concilii) in sciti lite-  
rarum, nec non & aliqua membrorum damna  
perpessi, ad sacros ordines aspirare audeant, quis-  
quis talium consecrator extiterit, factum dissol-  
uet, id est executionem susceptorum impe-  
diet: huius rei existant, & alia monumenta,  
quam plurima, impæssa sacris canonibus, vt  
canone illiteratos, qui est Gelasii distinctione 36.  
canone finali de ætate & qualitate, canone præci-  
pius distinctione 34. vbi nulla literatura tin-  
cti, iubentur in iis locis hære, in quibus  
sunt constituti, omni spe illis adempta, supe-  
rioris gradus obtinendi in Ecclesia, ac si sunt  
beneficarii, cum animarum cura, decreto  
Concilii Tridentini sess. 21. cap. 6. illis coad-  
iutores suffiendi erunt, donec ad munus  
suum exercendum facti fuerint idonei, parte  
fructuum illis assignata, pro sufficienti victu, Tri-  
dent. ibid.

Assertio secunda, Literarum in scitia, vera  
est irregularitas, quidquid secus Henric. as-  
serat lib. 10. c. 16. nu. 2. & lib. 14. cap. 8. nu. 11.

Assertionis causę multę, prima ab aucto-  
ritate, aut verius Pontificum voluntate ac  
decreto ducitur, à ratione altera, ordiamur  
à prima, Gelas. Papa in can. illiteratos 1. dist. 36.  
eos corpore vitiatos adnumerat, parieos lo-  
co cõstituit, quo qui suis se secure manibus,  
atque sunt hi, & illi, extra regulam, canonemq;  
de suscipiendo ordine legitime, ergo, &c.  
Illiteratos, inquit ibi Pontifex, aut aliqua parte  
imminutos, nullus presumat ad Clericatus ordinem  
promouere. Ignorantia, enim vt est in Concil.  
Tolet. 4. can. 24. mater cunctorum errorum,  
maxime in Sacerdotibus Dei vitanda est, qui do-  
cendi officium in populo Dei susceperunt.

Hinc enim argumentari sic lubet, Omne  
Sacerdotum opus in prædicatione diuina, & do-  
ctrina consistit, Clericorum autem, vt adfiscunt  
cunctos tam fidei scientia, quam operum discipli-  
na, Concil. Tolet. can. 24. Sed literis carens, sa-

cris non potest esse aptus officiis, Gelas. Papa  
epist. ad Episcop. per Lucaniam cap. 18. vt refer-  
tur dist. 36. can. illiteratos 1. est ergo literarum  
ignorantia, irregularitas perfecta ac vera.

Confirm. cap. vltimo de temporib. ordinat. ve-  
tat Pontifex, ne prima tonsura illiterato de-  
tur, quod explicans Trident. sess. 23. cap. 4.  
ait: tonsura non initiandos, nisi qui legere,  
& scribere norint, fideique rudimenta ap-  
primè calleant, quare qui sine literis ac do-  
ctrina, ad ordines irrepsert, et si tractentur  
mitissime, promoueri tamen vltius vetan-  
tur, vnde Gelas. epist. 6. itaque (inquit) de  
cætero modis omnibus hæc vitentur, nec  
quisquam talis suscipiatur in clerum, si qui  
verò vel temeritate propria, vel incuria  
possidentium, tales ante suscepti sunt, in his,  
in quibus constituti sunt locis, eatenus per-  
seueret, vt nihil vnquam promotionis acci-  
pian, satisque habeant, hoc ipsum sibi pro  
nimia miseratione permissum, itaque eis  
tùm datur coadiutor decreto Concil. sessione  
21. cap. 6. dum se faciendo officio, explendo-  
que suo muneri, reddunt idoneos.

**C**ustissimis tamen de causis, cum nonnu-  
lis dispensat interdum Pontifex, nempe vt  
facilius per eorum potentiam, ab aduersariis  
tuta sit, securaque Ecclesia, est hæc tamen  
dispensatio indirecta ac impropria, vt notat  
Navar. cap. 27. num. 205. scilicet in ætate, in  
defectu autem scientiæ, nequaquam, cum  
sit hic indispensabilis, non eo præcise nomi-  
ne, quod characterem animæ imprimi, aut  
ordinem conferri impediat, vt tradit Glossa  
in can. omnes dist. 38. sed quod eius executioni  
moram, ac impedimentum afferat.

**D**Assertio tertia, Est scientia iure diuino, in Sa-  
cerdote ad ministerij sui functionem necessaria:  
ita Maiolus lib. 1. cap. 3. num. 13. quod molitur  
Gratian. conficere testimoniis, petitis ex  
variis scripturæ locis, potentissimus om-  
nium, est his verbis: Osee 4. Versu 6. Quia tu  
scientiam repulisti, repellam te, ne Sacerdotio  
fungaris mihi. Equidem est Sacerdotum opus, in  
prædicatione, diuina, & doctrina Conc. Tolet. 4.  
can. 24. in id vero eos incumbere, præcepto  
diuino est necesse, Concil. attestante sess.  
24. cap. 1. præcepto diuino mandatum esse omni-  
bus, quibus animarum cura commissæ est, oues suas  
cognoscere, pro iis sacrificium offerre, Verbi-  
que diuini prædicatione, Sacramentorum administra-  
tione pascere.

Assertio quarta, Pro diuersitate ordinum, di-  
uersa quoque est in ordinatis, necessaria scien-  
tia.

Ad tonsuram qui primus est gradus, viaque  
ad ordines, oportet rudimenta prima fidei  
nosse, Latine posse legere, & scribere: Tri-  
dentinum sessione 23. cap. 4. propositum con-

cepisse animo viræ Clericalis, cap. *Ultimo de A*  
*temporib. ordinationum*, ac Sacramento Con-  
 firmationis esse instructum.

Minores conferendi non sunt, nisi Latine  
 linguæ intelligentibus, & à Parocho testi-  
 monium habentibus, de schola & moribus,  
 Trid. *sess. 23. c. 11.* Maiores autem dandi sunt  
 tantum, callentibus quæ sunt necessaria ad  
 functionem sui ministerii, Trid. *sess. 23. cap.*  
*13.* & quidem Presbyteros, quibus cura a-  
 nimarum incumbit, ea esse litteratura con-  
 uenit, quæ par sit, tam Sacramentorum ad-  
 ministrationi licitæ, quam informandæ ple-  
 bi, docendæque fidei dogmata, Henrici *lib.*  
*14. cap. 8 in fine.*

Sunt enim eorum functiones præcipuæ  
 duæ, prima in corpus Christi verum, altera  
 in mysticum, & quanquam primam obire  
 possint, ea sola scientia instructi, quæ ad de-  
 centem administrationem Sacramenti Eu-  
 charistiæ sufficit, non tamen alteram, itaque  
 Parochi ea eruditione florere debent, cum  
 qua rudes mysteria fidei docere, dedocere  
 vitia, eaque reprimere dicendo, virtutis au-  
 tem studium in animis audientium im-  
 primere valeant, reliquos vero beneficiarios  
 sine cura, ea doctrina satis est exultos esse,  
 cum qua suo officio ac munere defungi pos-  
 sint, quod est in eo, ut beneficium admi-  
 nistrare suum, ac regere, sacrosancto Missæ  
 sacrificio operam dare, horas legere queant,  
 ut est necesse.

De Episcopis, hoc tantum habeo dicere,  
 quo est eorum persona ac dignitas illustrior  
 in Ecclesia, hoc eos eruditione maiori esse  
 oportere quam reliquos, sciant igitur (in-  
 quit Concilium Toletanum quartum) *cano-*  
*ne 24. scriptores sacros, & canones, cum omne*  
*opus eorum, in prædicatione & doctrina consi-*  
*stat, atque adificent cunctos tam fidei scientia,*  
*quam operum doctrina.* Hæc ibi Patres.

Qui de ea loquuti sunt planius, hæc scrip-  
 sere, primo requiri in Episcopo rerum geren-  
 darum prudentiam.

Secundo. eos secularium negotiorum ha-  
 bere oportere solertiam, ut eorum cautela,  
 & Ecclesiæ seruentur indemnes, & cuique  
 necessaria pro suo modo ministrètur, aiunt-  
 que à B. Gregor. repulsum esse Episcopatu  
 quendam, quod plus æquo simplex esset.

Addunt tertio, seculares eos literas debere  
 callere, exemplo Danielis & Moïsis, qui om-  
 ni Hebræorum, & Chaldæorum scientia  
 eruditi erant.

Quarto sacras *dist. 38. can. ignorantia, can.*  
*nullo Sacerdotum.*

De Diaconis & Subdiaconis dici hoc vni-  
 uerse potest, literis eos, iisque quæ ad exer-  
 cendum ordinem pertinent oportere instru-

ctos esse Trident. *sess. 23. cap. 13.* quare non  
 videtur necesse, ut quæ sit materia, forma-  
 que ordinum, quos accipiunt, aliaque his si-  
 milia, ut naturam characteris ac tempus, quo  
 imprimitur animæ, intelligant.

Veniamus ad quæstionem alteram nem-  
 pe an ita illiterato ad sacros ordines, præclu-  
 datur aditus, ut ei recludi nequeat, & si pate-  
 re potest, per quem, & cuius beneficio?

Antequam eisatis fiat. Notare placet, qui  
 Latine scit quidem legere, aut scribere, non  
 tamen intelligere, absolute illiteratum esse,  
 B secundum Rebuffum *tract. de pacificis posses-*  
*ribus numero 214.* etsi alii contendant, signifi-  
 cari hoc nomine illiterati, eum tantum, qui  
 nunquam audiuit grammaticam, hoc argu-  
 mento inducti, quod *cap. finali de etate &*  
*qualitate ordinandorum*, scriptum videant,  
 ideo depositum quendam fuisse tanquam il-  
 literatum, quod nunquam, (verba sunt ca-  
 nonis) *de grammatica didicisset, nec Donatum*  
*legisset*, nihilominus non est id illiteraturæ,  
 certum & efficax argumentum, cum usu, ac  
 eruditorum consuetudine, disci possit lin-  
 gua Latina, & intelligi, hoc posito sit.

C Assertio quinta, *Cum penitus illiterato dis-*  
*pensare nemo potest directe, ut inter ordinatos lo-*  
*cum habeat.*

Ad hanc mihi opinionem præeunt Cora-  
 sius *de beneficiis parte 3. cap. 5.* Maiolus *lib. 1.*  
*cap. 32. num. 13.* Bernardus Dias *in practica cri-*  
*iminali cap. 18.* & probatur.

Contra ius est naturæ, & diuinum, ali-  
 quem ad id, quod facere nequit, assumere, ac  
 in iure naturæ, & diuino, directe dispensare  
 D Papa non potest, non facit tamen defectus  
 hic scientiæ, eum, in quo est, incapacem cha-  
 racteris, sed tantum exequutionis suscepti  
 ordinis, ad quam est iure diuino, maxime  
 autem respectu Sacerdotalis ordinis, scientia  
 aliqua necessaria.

Assertio sexta, *Indirecte tamen & oblique*  
*dispensat Pontifex in hoc defectu*, non quidem  
 respectu ordinis, sed beneficii, nam pueris  
 adhuc latentibus, sæpe Episcopatus, sæpius  
 Abbacias, & alia beneficia attribuit, quos ea  
 ætate, muneris suo æquales esse quis credat?  
 aut eruditionem habere ad bonum plebis si-  
 bi commissæ idoneum? ergo indirecte dis-  
 pensando cum illis, quando in ætate dispen-  
 sat Pontifex, in scientia dispensare quis non  
 videt?

## QVÆSTIO XI.

*De sexu, & an ab eo nascatur Irregularitas.*

**A**SSERTIO prima, *Fœmina & hermaphroditus, magis in fœminam quam Virum declinans, iure diuino, & naturali sunt irregulares.*

Primo, quia nunquam ab instituta Ecclesia visum, ei vt præesset fœmina.

Secundo, quia id ei per canones non est permixtum & hæc causa Innocentio III. extitit in decretali nona 10. de pœnitentiis & remissionibus, reprehendendi Abbatisas aliquas, quod quæ ad sacros ordines pertinent, hæc sibi intolerabili arrogantia vsurparent, cum id ne Beatæ quidem Virgini concessum fuerit, de quo consulendus Epiphanius hæresi contra Antidicomarianitas, Canisius lib. 5. cap. 16. Baronius tom. 10. Annalium ad annum 853. Leo nonus epist. 1. cap. 23. vbi Archiep. Constantinop. & Græcos arguit, quod fœminam euexissent ad Ecclesiæ Constantinopolitanae gubernacula, sibi vt ius publice ausu non ferendo diceret, Henricus lib. 1. cap. 21. num. 2. Huc pertinet quod distinctione 23. canone sacras, prohibetur sanctimonialibus, ne sacra vasa, aut vestes tangerent, incensum circa altare deferant, quem abusum, Papa Soterius Christianæ demissionis pestem vocat Concilium Cabilonense sub Ludouico pio exitium & perniciem ordinis Ecclesiastici, & quam Patres in Concilio Parisiensi primo, exterminandam omnimodo à Gallicana Ecclesia asserunt.

Assertio secunda, *Sic est fœmina irregularis, vt ne quidem apta sit ordinari: ita Diuus Tho. in supplemento q. 39. art. 1. Sotus in 4. dist. 25. q. 1. art. 2. conclus. 1.*

Ratio est, quod in muliere desit significatio, in qua fundatus est ordo, vnde sic argumentamur, Sacramentum est signum, ergo qui eius, ac significationis à Deo inditæ est incapax, erit quoque Sacramenti, sed mulier, non est eiusmodi in quam cadere propria ordinum significatio valeat, eminentia scilicet gradus super alios, cum enim viro sublit, Genesis 3. eumque agnoscere debeat vt caput, 1. ad Corinth. 11. in cuius rei signum velamen supra caput ferre debet, nec tonderi, vir autem ex Paulo, vtrumque faciat, iure diuino mulier est ordinum incapax, per quos Clerici, in statu regiminis, & praelationis collocantur.

Quod autem Sacramenti non sit capax, qui nec significationis, res ipsa loquitur, nec enim cuius membra ablui, cuius tingi aquis,

Pars secunda.

**A** ac lauari corpus nequit, vt pueri adhuc in materno latentis vtero, is nec spiritualis ablutionis, nec Baptismi est capax Diu. Tho. teste 3. parte q. 68. art. 11. similiter nec qui curari potest, suæque, id est pristinae reddi valetudini, nec spiritualem, per Extremæ vntionis Sacramentum sperare ei est concessum, Diu. Thom. in supplement. q. 32. art. 1. vera est ergo argumenti allati maior propositio.

Verum item fœminas irregulares esse, nec enim in infirmitate rationis ac iudicii qua laborant, personam sustinere possunt tam grauem, ac illustrem, quanta est initiatorum in Dei Ecclesia, quorum officia gerere, aut iis esse pares si nequeunt, quis illas, ad hæc à Deo destinatas credat, ad quæ obeunda, idonea sunt illis à natura negata præsidia?

De Hermaphroditis fuit altera quæstio, quos ab ordinibus hoc præcipue nomine reici constat, quod sint monstra, characterem tamen reciperent, si magis in virum incalescerent quam fœminam, quemadmodum & ista, si erumpente natura, mutaretur in virum, neutri tamen recepti cum character ordinis, vsus liber esset, sed in perpetuum suspensus, Sotus in 4. dist. 1. q. 5. art. 8. Maiolus lib. 1. cap. 27. num. 5.

## QVÆSTIO XII.

*De Irregularitate ex bigamia.*

**E**ST bigamia in iure, communiter triplex vera, interpretatiua, metaphorica. Sylu. verbo bigamia num. 3. Bellarm. lib. 1. de Clericis cap. 24. obiecit. 7. Nauar. cap. 27. num. 193. Vera, oritur ex duobus veris, & consummatis matrimoniis, vt dicitur in cap. cum decorum de Clerico coniugato canone cum maritum dist. 33.

Metaphorica nascitur ex duplici coniugio, quorum alterum est metaphoricum, illegitimum alterum V. C. cum Christo metaphorice quis contrahit per vota solennia, aut receptione ordinis maioris, hic ergo si nihilominus cum aliqua fœmina contrahat, bigamus fit per similitudinem 37. q. 1. canone quotquot 24.

Interpretatiua est, quæ vere, & ex natura rei non est bigamia sed ex iuris fictione, interpretantis aliquem habuisse duas vxores, quod accedit primo, contrahendo cum vna valide, illegitime autem, & inualide cum alia, nempe quia prior fœmina viuebat, aut aliud tale impedimentum intercedebat, ratione cuius matrimonium secundum

MMm



secundum nullum erat, vt sunt affinitas, consanguinitas, & cetera eiusmodi.

Quam ad rem necessaria est consummatio vtriusque, hoc est carnalis copula cum vtraque, facit enim matrimonii faciendi intentio cum ambabus fœminis, subsequuta copula, vt ius interpretatiue duas illas designatas animo coniunctiones: pro duplici matrimonio habeat, etsi proprie non sit nisi vnum, & ad coniunctos hoc modo, digamorum pœnas extendit Pôtifex in cap. nuper de bigamis, vt referunt Ægid. Henric. & Auila.

Accidit secundo interpretatiua Bigamia, cum ducitur corrupta, aut vidua, quæ à prior marito est cognita, hæc enim coniunctione incurrit irregularitatem, habent hic canones can. 13. & 15. dist. 34. & decimus quartus dist. 32. can. præcipimus dist. 34. nonus Aurelianensis Concil. tertii, Gerundensis octauus.

Tertio, contingit interpretatiua bigamia, quando quis Virginem, primum sibi in coniugem assumpsit, sed quam cognouit post adulterium ab ea admissum, siue sciens, siue ignorans, siue sponte, siue coactus, si cuius vxor, inquit canon. 11. dist. 34. adulterium commisisse, cum esset adhuc laicus, fuerit probatum, hic nullo modo ad ministerium Ecclesiasticum admitti potest. Quo de impedimento consulendi sunt Corasius parte 3. de beneficiis cap. 3. Couarruias in Clementinam si furiosus 1. parte par. 2. Rebuffus in concordata & tractatu de nominationibus, causa autem contrahatur, in hoc casu irregularitas est defectus Sacramenti: coniunctio enim viri cum fœmina, postquam adulterauit, non habet perfectam similitudinem Christi cum Ecclesia. His præmissis, sit

Affertio prima, Qui aliquo de his tribus modis bigamus est, idem quoque est irregularis, huius rei fidem facit primo canon. Apostolicus 17. præscriptus, his verbis: Si quis post baptismum fuerit secundis nuptiis copulatus, non potest esse Episcopus, Presbyter, aut Diaconus, quod Leo I. confirmat his verbis Conciliorum tomo 2. hos ergo, id est viduarum maritos, quicunque tales sunt admissi, ab Ecclesiasticis officiis & a sacerdotali nomine Apostolica sedis auctoritate iubemus arctari, ergo ducens viduam est irregularis.

Equidem in lege veteri Leuit. 21. vers. 24. Ezech. 44. versu 22. Sacerdos viduam & repudiatam prohibetur accipere, & in Epau-nensi Concil. can. 1. vetatur, ne reperta maritus Presbyter aut Diaconus ordinetur. Mittote simonia alia pleraque, ad rem præsentem facientia, vt Conciliū Aurelianensis canon. nonum, secundum & tertium dist. 26. Gerundensis Concil. octauum Carthag. 4. 69. Arelat. tertii sub Leone I. secundū Romani, sub Hi-

lario Papa, item secundū Hispalensis sub Honorio Papa, & Sisebuto Rege: quartum, Propositionem nostram stabiliat aperta ratio: Est, matrimonium institutum in Ecclesia, vt eius cum Christo nexum, ac coniunctione omnino diuinam ac mirabile repræsentet. At hæc duobus exprimi coniugiis qui potest? vt quæ vnionem duplicem, non vnā significant, merito ergo bigamos ab ordine deturbat Ecclesia, eosque propter indecentiam statu Clericali in quo sunt Sacramentorum ministri, priuat, cum tamen in eo quod duarum sint coniugum viri, ab eorum auctore abeant, qui præter Ecclesiam, sponsam non habuit.

Secundo est bigamia, signum incontinentiæ, can. proposuisti 2. dist. 82. quæ auctoritatem in Clericis, ad amorem viduitatis & continentie necessariam, in animis fidelium imprimendū, nimium quantum imminuit, quare qui post acceptos ordines, redit ad coniugium, iubetur in eo consistere, nec ad superiores gradus ascendere canon. 24. Africanus Concilij primi, sub Theodosio & Valentiniano Imperatoribus & canone 9. Tarraconensis primi, eadem pœna mulctantur bigami.

Ad eam rem tamen, duo sunt necessaria, primum matrimonii consummatio cum vtraque, alioqui non fiet carnis diuisio, nec pertinebit ad illud cōiugium designandum, quod inter Christum & Ecclesiā, per carnis mysterium est cōtractum. Secundo, requiritur vt matrimoniorum alterum, sit verum & validū, quia vt coniunctiones irritæ ac inanes, matrimonia nec esse, nec dici queūt, ita nec imagines, symbolaque vnionis Christi, cum Ecclesia, & tamen non alia coniugia, quam quæ vera, mulctantur hac pœna inhabilitatis ad ordines, vt constat ex canone 25. citati Concilij.

Pari autem cum bigamis pœna puniuntur, qui eos sacro ordine insigniunt, hos enim Concil. Aurelan. tertium can. 10. vnus anni spatio, ab omni officio Sacerdotis, suspensos esse voluit, illicite autem promotos, à potestate & vsu suorum ordinum, quæ suspensio vocatur à Concilio regradio. Nouerit vestra dilectio, inquit Innoc. I. epist. 22. ad Episcop. Macedonia cap. 1. nec ad vltimum Ecclesiastici ordinis locum, tales assumere, & si reperi fuerint, submouere, & Concil. Carthag. 4. can. 69. simili sententia suspensionis scilicet ab officio ordinandi, subiacebit Episcopus, si sciens ordinauerit Clericum, cum qui viduam, aut repudiatam vxorem habuit, aut secundam.

QVÆSTIO

## QVÆSTIO XIII.

*A quo tolli possit Irregularitas quæ provenit ex bigamia.*

**A**SSERTIO prima, Præter Papam nullus in vera bigamia dispensare potest circa sacros ordines, potest tamen Episcopus in similitudinaria, ita Henriquez lib. 2. de Sacramentis cap. 6. de irregularitate lib. 14. cap. 20. Sayrus lib. 6. ca. 6. num. 21.

Pars prima assertionis nititur hoc argumento.

Quod canon non existet quo id reperitur concessum Episcopis, ergo cum iuri canonico, & Ecclesiastico subsint, quo prohibentur bigami ordinari, cap. 1. de bigamis in 6. cap. nuper, cap. ultimo extra cod. tit. & Innoc. III. epist. 22. dispensare non poterunt cum illis Episcopi.

Pars altera vim habet ab hac ratione, quod Papæ tacita concessio, idē operetur quod expressa, at tacita id Episcopis annuit, ne Monachi ad petendam dispensationem irregularitatis à se contractæ cogantur Monasteriis egredi, Clerici autem cum periculo incontinentiæ, scandaloque infirmorum, diuagari quolibet.

An autem privilegiati uti ad id Episcoporum opera possint, perinde ac alii, quos huius potestati obnoxios habent, quæstio est iuris incerti, ac inter auctores ambigui, de qua, ut hic minus utili, alius dicendi futurus est locus.

Assertio secunda, *Dispensat Papa in omni bigamia.*

Causa est, quod hæc solo Apostolorum iure, proindeque humano sit inducta, ac Papa, iuri humano præest, & eandem cum Apostolis auctoritatem habet, etsi diuerso modo sibi collatam.

Scio à Lucio III. in cap. super eo de digamis, scriptum esse, in digamis contra Apostolum dispensare fas non esse, quod repetitur in ca. sequenti, & cap. ult. cod. tit.

Sed respondend. id hunc sensum habere, quod non nisi raro, & cum causa fieri id debeat, sane dispensari cum iis posse, scribit Diu. Thom. in supplem. q. 66. art. 5. factumque ipsum Lucii indicat, quem cum Archiepisc. Panormitano dispensasse scribit Maiolus lib. 1. ca. 33. n. 14. & 15. quod ipsum hæc quoque ratio indicat, par in parem non habet potestatem. per Apostolos ergo, ne in his impedimentis Ecclesiasticis dispensare valeret, obligari Papam non decuit.

Addi ad supradicta, maioris intelligentiæ

**A** causa hæc possunt.

Primo sensisse S. Thom. in 4. dist. 27. q. 3. ar. 3. & Syluest. verbo bigamia, Episcopum cum quocunque bigamo dispensare posse ad ordines suscipiendos, quam sententiam seruari posse ubi est vsu recepta, dixit Suarez disp. 49. sect. 5. num. 4.

Secundo Episcopum cum quocunque bigamo dispensare posse, ut in minoribus ante bigamiam susceptis, ministret.

**B** Tertio, ei tamen permissum non esse, Ecclesiasticum beneficium bigamo conferre, cui ordinum minorum ministerium sit annexum. Trident. sess. 23. cap. 17. de reformat. Quod si ministeriis quatuor minorum Ordinum exercendis Clerici cælibes præsto non erant, sufficere possint etiam coniugati, dummodo non bigami ad ea munia obeunda.

**C** CIRCA dicta quæritur primo, Quid sit causa, quamobrem dici hæc irregularitas soleat, ex defectu Sacramenti, hoc enim modo & nomine appellatur in can. acutius 2. dist. 26. & cap. debitum de bigamis. Propter sanctitatem autem Sacramenti, (inquit Aug. in epist. ad Titum, relatus à Grat. in can. acutius) sicut femina, si catechumena vitata est, non potest post baptismum inter Dei Virgines consecrari, ita non absurdum est bigamum, non peccasse, sed normam Sacramenti amisisse, non ad vitæ meritum, sed ad Ecclesiasticæ ordinationis signaculum necessariam.

**D** Respondend. huic nomenclaturæ originem esse à defectu, impotentiaque ad significandum Christi cum Ecclesia coniugium, per assumptionem carnis, nam ut ait Diu. Thom. in supplemento q. 66. art. 1. cum Sacramentorum auctor sit Christus, & eius loco minister ea tradat, non potest à Bigamo plene ac perfecte is referri, qui vnus vni Ecclesiæ sponsum se dedit.

**E** Perfekte dixi, manca enim certo modo, deficientque mysteriis huius significatio cernitur in matrimonio iterato, aut cum vidua, cum Christus Ecclesiam sibi vnicam iunxerit, nec ab alio assumptam, consulendus August. lib. de bono coniugali cap. 18. Vtunque sit de causa, de re ambigere nefas, cum Paulus 1. ad Timoth. 3. & ad Titum 1. Episcopum & Diaconum fieri quenquam vetet, qui sit digamus quod eius præceptum infinitis postmodum est ab Ecclesia stabilitum canonibus ac decretis dist. 26. 27. 33. & 34. & toto titulo de digamis non ordinand. vide Henricum lib. 12. cap. 6. num. 9. Sylu. verbo bigamia.

Quæritur secundo, An Bigamo qui verè est talis, permittere Papa possit, ut ad ordines sacros aspiraret.

Omnino, etsi enim id facile omnibus indulgeri non debeat, quod ut est in decretali

MMm ij

Lucii tertii, secunda de bigamis, id sit contra Apostolum, id est ut habet Cœlest. III. in decretali sequenti, à doctrina sit Apostoli, & institutionibus Ecclesiæ alienum, cum eo tamen hominum genere dispensari posse, certum est Magistrorum dogma, D. Thom. in supplem. q. 66. art. 5. Maioli lib. 1. cap. 33 num. 14. & 15. firmatum factò Lucii III. quem Maiolus loco proxime citato, ait dispensasse cum Panormit. Archiep.

Quid? quod Paulus, cæterique Apostoli, Papæ, cū par eius sit, & æqualis in Ecclesiam auctoritas, ne id tentaret, vetare nequiverint? cum prædecessoris sui legibus, successor à præstando officio, deterreri nec possit, nec debeat.

Tertio quaeritur, An habendus sit pro Bigamo, qui quam corruptus ante matrimonium, ei legitime, ritumque Ecclesiæ, postmodum coniungitur.

Respondend. non habendum, quia irregularitas oritur ex pluribus matrimoniis, bene aut male contractis, aut si ab vno, quod tamen sit tale, ut scilicet ab alio, aut aliis viris, quam qui maritus est proprius, ante cognita fuerit, quod hic ut apparet locum non habet, cum hæc seipsam non prostituerit alteri, quam cui nupsit.

Quarto quaeritur, Quis possit dispensare cum Religiosis, professis aut Clericis sacro aliquo ordine initiatis, in bigamia eorum similitudinaria.

Qui Deo se per votum obligat, metaphoricè, hoc est improprie, ac non nisi quadam similitudine, cum eo contrahit, ut est in Concil. Tribur. & epist. 2. Innoc. ad Viterbicum cap. 13. virginibus quæ nupsent agendam esse penitentiam, quia earum sponsio à Domino tenebatur si enim inter homines, solet bona fidei contractus nullaratione dissolui, quanto magis ista pollicitatio, quam cum Deo pepigit, solui sine vindicta non debet? 27. q. 1. can. hæc vero nono, si hic ergo nihilominus cum scilicet de facto contrahat, bigamus per similitudinem dicitur ut ait Bellarm. l. 6. de Clericis cap. 14. obiect. 7. & Doctores ex cap. ult. de bigamis, & can. 18. Ancyranæ Synodi, ut refertur 27. q. 1. can. quotquot 24. De his ergo qui virginitatem pollicitam prævaricati, professione contempta, inter bigamos, hoc est qui ad secundas nuptias transferuntur, haberi debent, can. quotquot proxime citato, de his inquam quaeritur, à quibus, irregularitatis à se contractæ, dispensationem quaerere debeant.

Dico primò, Clericos qui in sacris ordinibus constituti, sociaverunt sibi virginem in scilicet in matrimonium, ab Episcopo suo restitui posse officio, & cum iis dispensari, in irregularitate contractæ per incestus hæc na-

ptias, maxime, si penitentia, lachrymisque culpam suam eluerint, Alexand. III. in cap. sane Sacerdotes quarto tit. de Clericis coniugatis. indicant hæc verba. Post longam penitentiam, & vitam laudabilem continentes, officio suo restitui poterunt, & ex indulgentia sui Episcopi, eius executionem habere, nec modo in suscepto ministrare ordine, sed ad superiorem quæque Episcopi concessione, ac indulgentia, eadem re posse dixit idem Alexand. in decret. 1. qui Clerici vel vouentes: consultus enim à Rhe mensi Archiep. quid Diacono fieri oporteret, qui uxorem acceperat, respondit quod si contrito & humiliato corde, ad Ecclesiam redire voluerit, dimissa illa, quam accepit in uxorem, & absolutione obtenta, iniuncta sibi penitentia, de utroque excessu, post eam peractam penitentiam, posse ei Diaconatus officium reddi, & si perfectæ vitæ & conversationis fuerit, Presbyterum ordinari.

Dico secundò, Et si Prelatis interdicta sit dispensatio cū subditis in bigamia vera, & interpretativa, quæ accidit quando contrahitur cum duabus virginibus, aut cum vidua, est tamen in similitudinaria, eisdem, cū ordini exempto præsumt, dispensatio permixta, Lay. li. 1. tract. 5. par. 5. ca. 6. sub finem, Ludouic. Portelius in dubiis verbo dispensare, num. 4. Rodriq. 10. 1. q. 24. art. 20.

Est assertionis huius probatio, petenda ex Compend. Societ. IESV, verbo dispensare, parag. 5. & 6. ibi enim habetur dictæ Societatis Generalem præpositum, cum subditis in bigamia dispensare, ex concessione Sixti IV. facta Carthusiensibus. & in Compendio Diu. Hieron. verbo Ordines sacri parag. 6. Prelatis eius ordinis cōceditur, ut cum bigamo, qui in eo loco est ignotus, dispensare valeant, ut ad sacros admittatur ordines.

Quinto quaeritur, An pro irregulari haberi debeat, qui meretricem in scilicet in feminam sibi deligit.

Ita sentiendum, infamis enim est meretrix, ideoque Clericali indigna coniugio, unde fere tales personæ, comædiarum actricibus, annumerari sunt solitæ, ut habetur in canone maritum dist. 33. & in can. 17. Aposto. Qui viduam accepit, vel eiectam, vel meretricem, vel seruam, vel mimam seu scenicam, non potest esse Presbyter, vel Episcopus, vel Diaconus, vel omnino de numero Sacerdotali.

Quid si cum ea contractum matrimonium sit nullum?

Ex eo irregularitatem non nasci, scripsit Nauar. Enchir. 27. num. 195. atque ita à sacra penitentiaria responsum esse.

Res est meo iudicio distinctione explicanda, vel enim viduam, aut corruptam, vitæ affectu sibi maritali copulat, vel absque eo, vult

vult sibi esse coniugem si primum erit irregularis, si secundum nequaquam.

Sexto quaeritur, *An qui interpretatur tantum est digamus, verè sit, reque ipsa digamus.*

Nequaquam, nam non est ibi bigamia vbi geminum non fuit connubium, de iure, aut de facto, at hic non est nisi vnicum.

Maiores probatur, duo sunt in coniugio, animorum consensio, & corporum commixtio, ut dicitur in *cap. debitum de digamis*, ita ut si desit alterum, non censetur matrimonium in ordine ad irregularitatem, at hic consensus defuit, nec enim qui corruptam ab alio, sibi voluit esse feminam, aut qui suam uxorem cognovit, post admissum ab ea adulterium, qui duo sunt modi quibus fit quis interpretatur bigamus, cum duabus contrahere, iungique voluit, ergo, &c.

Confirmatur, si qui cum corrupta matrimonii societatem coit, digamus est, digama quoque erit meretrix, digamus item, qui ab alio sibi copulatam nec tamen cognitam ducit, at est id contra *cap. de digamis*, vbi id expresse negatur.

Est tamen irregularis, hoc modo contrahens quia in *can. meritorium dist. 33.* dicitur, cum non ordinandum in Clericum, qui concubinam, vel meretricem in matrimonium assumpserit, ex quo colligit Glossa, cum qui Virginem concubinam habuit, licet postea eam in uxorem sumat, promoueri tamen non posse, & *dist. 34. can. curandum* disertè habetur, ad sacros ei ordines aspirandum non esse, qui uxorem duxit non virginem, quod iteratur *canone precipimus ibid.* & *cap. 2. de Clericis coniugatis* & *eod. titulo in 6. cap. vnico* & *can. seriatim dist. 32.*

Sed enim, secus Doctorum fere omnium turba sentit.

Omnino, sed dicendum est, voluisse eos tantum haberi tales, ratione poenae non facti, quia &que sunt irregulares ac digami, aut vero de ea sunt intelligendi femina, quae affectu maritali sit corrupta, Couar. in *Clement. si furiosus 1. parte parag. 2. num. 2. versu nec refert quod ad irregularitatem.*

Vnde habent ergo ut sint irregulares si non ex bigamia?

Ex infamia, infamis enim est meretrix, aut concubina, ideoque Clericali coniugio indigna, vnde fere tales personae annumerantur mimis, ancillis, &c. *irregul. 5.* est dictum.

Septimo quaeritur, *Vnde habent qui metaphorice tantum sunt bigami, ut dicantur tales.*

Respondend. à poenae, culpaeque similitudine, indicat id canon quotquot 27. q. 1. vbi inter digamos habenda dicitur, quae virginitas

tem pollicita, prauaricata est, professione contempta, at par est in viris castitatem professis ratio, aut in Laico qui cum in moniali professus contraxit ut censent, Felicianus *cap. 6. Nauar. cap. 27. num. 195. Sylu. verbo bigamia num. 1. in fine.*

Poenae autem similitudo patet ex *can. Monacho 27. q. 1.* vbi dicitur, *ut Monachus qui uxori sociatus fuerit, tanta prauaricationis reus, nunquam Ecclesiastici gradus sortiatur officium, & can. si quis sacro, ibi iubentur hi ab Ecclesiis cœnobiiisque eiici, ac in ergastula detrudi, qui cum religioso sint, ac sacro votorum nexu obstricti, capi se tamen, ac implicari feminæ amoribus, in incestu coniugio sinunt.* Iustinianus autem *C. si quis rapuerit*, vult eiusmodi raptores, & incestos corruptores, etiam laicos, bonis priuari, & capitali supplicio affici, additur etiam excommunicatio *ibid. ca. Virginem, cap. aut si qua virgo, & cap. sane de Clericis coniugatis*, permittitur Episcopo, ut cum huiusmodi, post longam poenitentiam dispensare possit.

#### QVÆSTIO XIV.

*De Irregularitate quæ oritur ex defectu Natalium.*

**P**rima assertio, *Ut à beneficiis, pralaturis, & dignitatibus, ita & ab ordinibus, iure communi repudiandi sunt omnes illegitimi.* Nauarrus *cap. 27 num. 294.* Piascius in *praxi Episcoporum, parte 1. art. 4. de conferendis ordinibus num. 8.* Rebuff. in *prima parte tract. de dispensatione super defectu natalium.*

Nituntur hi omnes voluntate Pontificum & Conciliorum decretis, quæ referuntur in *cap. consuluit, de seruis non ordinandis in rubrica de filiis Presbyterorum, & cap. 1. eiusdem tituli in 6.* vbi illegitimi ex dispensatione quidem Episcopi, ad minores ordines promoueri, ac beneficio simplici ab eo donari posse dicuntur, quod & Less. confirmat cū *lib. 2. de iustitia tr. de impedimentis ad beneficia*, eos ait ad sacros aspirare ordines non posse, nisi probante Papa. Sunt ergo irregulares, tam nothi, quam spurii, & naturales. Quod ab Ecclesia iustissime est factum, primo, in odium paterni criminis, quod hæc detestatur in filiis, in quos exemplum statuere Deo sæpe visum, paterno enim debent perire supplicio, in quibus paterni, hoc est hereditarij criminis exempla metuntur *6. q. 1. can. si quis 22.*

Et hæc est causa altera, ob quā à Sacerdotio remouentur illegitimi, nempe propter incontinentiæ periculum ex imitatione paterna.

Tertia est propter ordinis dignitatem, ut

MMm iij



autem in huius explicatione quæstionis ordine procedatur, notare libet. Illegitimorum alios esse specie, & opinione hominum tales, alios reipsa, de primis.

Dico primò, *Qui specie tantum sunt illegitimi, non esse irregulares*: Antequam probeatur, iuuat aduertere modos esse octo quibus quis est illegitimus, specie tantum tenus.

Prinius est eorū, qui ante matrimoniū parentum suorum sunt geniti, tales enim post cōtractum deinde matrimonium, legitimos esse habendos dixit Alex. III. in cap. tanta & cap. conquestus 10. qui filii sint legitimi, nam si sunt geniti à solutis, id est aptis inter se contrahere, dum rei veneræ operam dabant, hoc ipso, quod eorum pater, & mater, legitimam matrimoniū societatem inter se postea cocunt, censentur legitimi *canone tanta canone conquestus 10. titulo qui filii sint legitimi*.

Causa est, quod matrimonium subsequens, in fauorem susceptæ prolis, benignitate iuris, quasi retrahitur ad tempus, quo hæc est concepta à matre, secundum Syluest. *Verbo illegitimus qu. 10. Placitum in praxi parte prima titulo de conferendis ordinibus ar. 4. n. 11.*

Dixi si apti erant contrahere tempore copulæ habitæ, nam si tunc impedimento tenebantur aliquo, etiam ignorato, ratione cuius, vir & mulier, sociari simul veris nuptiis non poterant, ex iis nata tunc soboles, per subsequens matrimonium, legitimari non poterit, ex cap. tanta de filiis Presbyterorum quod referunt Syluester *Verbo legitimus*, & Angelus *Verbo legitimationum. 7.*

Probatur, quod ab initio non valuit, non corroboratur tractu temporis, nisi beneficio rei alicuius, quæ ad eum effectum vim habeat, at filii ex illicita copula nati, sunt illegitimi, nec eos canones habent pro legitimis, nisi cum à solutis, & aptis ad contrahendum tempore copulæ, sunt suscepti.

Secundo legitimi habentur filii, qui ex matrimonio quidem sunt suscepti, inani illo quidem ac nullo, sed quod ex ignorantia inuincibili, putabatur iustum, *capite cum inter cap. ex tenore qui filii sint legitimi*.

Idem censendum de habitis in matrimonio, quod postea canonice est dissolutum, si ante diuortium fuerunt geniti, *cap. cum inter qui filii sint legitimi*, & filii geniti ex alterutrius matrimonio secundo suscepti: sunt item legitimi *cap. perlatum est ibid.*

Tertio, sunt liberi legitimi, cum suscipiuntur ex matrimonio illicito, quia nempe prima viri vxor adhuc viuebat, sed quæ tamen credebatur mortua, nam tunc in gratiam vxoris secundæ, liberi ab ea suscepti, in isto matrimonio sunt legitimi *cap. ex tenore qui si-*

*lii sunt legitimi.*

Quarto, natus ex matrimonio prohibito, sed quod postea fuit per dispensationē licitū, talis (inquam) post natiuitatem, censetur legitimus, quia dum Pontifex matrimonium eiusmodi ratum habet per dispensationem, illud ita approbat, ac si initio absque impedimento contractum esset.

Quinto, filii eorum quorum matrimonium legitime celebratum fuit, & totius vitæ quieto conuictu roboratum, legitimi sunt censendi *cap. peruenit qui filii, &c.* & quidem licet matrimonium esset nullum, ut ait Co-uar. tit. 2. parte epitom. quarti decretal. cap. 8. parag. 1. num. 2. modo adsit bona fides alterutrius parentum, & in facie Ecclesiæ fuerit celebratum.

Sexto legitimi sunt, nati ex parentibus, qui ante susceptam fidem, in gradu iure canonico prohibito contraxerunt, *cap. gaudemus qui filii sunt legitimi*, & *cap. gaudemus de diuortiiis*.

Septimo filii Clericorum, qui alias legitime ordinati, inuita tamen vel ignorante vxore ordinati sunt, licet geniti sint à parente in sacris constituto, sunt legitimi colligitur ex dist. 32. *can. speciatim & can. coniugatus de conuersione coniugatorum*, & *cap. ex parte de filiis Presbyterorum*. Secus est, si sciente & consentiente vxore, vir est ordinatus, tūc enim vterque parens, rei illicitæ operam dedit. Sic sentit Sylu. *Verbo illegitimus num. 6.* Henriq. lib. 11. cap. 20. num. 1. Est hoc autem intelligendum in Ecclesia Latina, nam in Græca, tales nec sunt illegitimi, nec dispensatione etiam inter Latinos egent, *ca. cum olim de Clericis coniugatis*, licitum enim est Græcis in minoribus vxotem retinere, qui tamen illis initiatus contraheret, valide nihil faceret & proles esset spuria, Maiolus lib. 1. cap. 6. num. 9.

Octauo natus de matre adultera, si talē se non credit non est irregularis, iure autem potest ei non credere, ut tradunt Less. lib. 2. de iust. Henriq. lib. 14. cap. 8. nu. 10. primo quia ex fama, opinioneq; boni nominis, quo mater gaudet admodū est imprudens qui se legitimū non reputat. Secūdo, minus est mali, filiū non credere matri, quā credendo, reputare eā adulterā, præsertim si quo tēpore est conceptus, cum ea pater maritalem ducebat vitam, quod si fidem illi adhibet, est irregularis, ac dispensatione Papæ ad maiores ordines indiget, Maiol. lib. 1. cap. 7. nu. 3. Co-uar. cap. 8. parag. 3. tam ergo

Dico primo, *Illegitimos qui non specie tantum, sed reipsa sunt tales, siue occulti sint siue cogniti, irregulares esse*, patet ex capite primo de filiis Presbyterorum *canone item 1. dist. 56.* & reperitur in cap. per venerabilem qui filii sint legitimi

*etiam in fine*, vbi in confirmationem huius veritatis dicitur, tam Mosaicam legem quam canonicam, prolem susceptam ex adulterio, ita detestari, ac odisse, quod vsque ad decimam generationem ei in Ecclesia ingredi sit nefas hoc est, sacris initiari ordinibus nequeat, sicut notauit Maiolus *lib. 1. cap. 4.* nunc tamen vi Mosaicæ legis, non nascitur in quoquam talis obligatio, cum illa quoad præcepta quæ vocantur ceremonialia, esse desierit.

Confirmatur specialiter quidem de adulterorum filiis cauetur, *distin. 56. canone Canonianensem*, ratio autem irregularitatis in illis, est primò, quod per eos deformeretur honestas Ecclesiæ, vt dicitur in *cap. Vltimo de filiis Presbyterorum*.

Secundo quod parentes in filiis, & hi alioquin innoxii, pro parentibus, saepe suo lu ant capite, plectique etiam in ære valeant ac honore, *capite Vergentis de hæreticis in fine canonis si quis cum militibus 6. q. 1.*

Tertio, quod huiusmodi homines, vt plurimum profligatis esse soleant moribus, quia à parentibus in tenera ætate sunt neglecti, quia cum incuria magnas sunt ab iisdem antequam adoleuerent, habiti, quæ causa est, cur fere semper paternæ sint in virili ætate imitatores incontinentiæ, Maiolus *lib. 1. cap. 4. Henric. lib. 14. cap. 8. num. 10.* & clarissime in *cap. literas de filiis Presbyterorum*.

Dico secundò, illegitimum non modo irregularem esse, sed culpabiliter promotum, raro aut nunquam, sine magno labore rehabilitari posse, ac si susceptis ordinibus sine dispensatione utatur, peccare, ita Syluester verbo irregularitatis q. 10. Maiolus *lib. 1. cap. 7.* sin autem inculpabiliter sit promotus, cum primum res ei nota fuerit, ab ordinibus susceptis, eorumque usu, donec dispensationem ex vrbe habeat, eum abstinere erit necesse.

Dixi vbi cognouerit, quia iuris aut facti dubitatio non sufficit, si tamen ante ordinum suspensionem esset quis de legitimitate sua dubius, promoueri hunc non debere, sed tutiorem partem sequi oportere, docent Vasq. *1. 2. disp. 66. n. 4. 8. Tolet. lib. 1. ca. 32. Hurtado de Irreg. disp. 2. diff. 17.* quia nemo (inquiunt) exponere se debet periculo faciendi contra prohibitionem irregularitatis, sententiam oppositam dixere, Auila *disp. 3. dub. 10. Egid. dub. 12.* quia nemo in dubio nec à se, nec ab alio condemnari debet.

Vtraque sententia est vt probabilis, prima tamen tutior,

Et quoniã similes sunt illegitimis expositi, hoc est quorum parentes latent, de his hic est aliquid addendum.

Et primo quidem, eos reputari illegitimos, si de eorum parentibus non constet,

A Hurtado de irreg. diff. 17.

Causa est, quod tales communiter, & non nati ex legitimo matrimonio, exponi soleant. Deinde quod in dubiis, nemo præsumatur legitimus, sed id ei sit probandum, vt docet Couarruias in epitome ad 4. decretalium parte 2. cap. 8. parag. 3. in Clementinam si furiosus, parte 1. num. 9. Itaque hoc titulo sunt irregulares, nec promouendi, sine dispensatione saltem Episcopi, vt ait Couarruias ibidem: si tamen promoti iam essent sine dispensatione, vt ordinibus suis possent, ex probabili multorum opinione, quia in dubiis melior est conditio possidentis, deinde quia tunc præsumendi essent legitimi, cum non sit credibile, peccare Episcopum voluisse, eos ordinando sine Parochi testimonio, super legitimitate suorum natalium, Henric. *lib. 11. cap. 20. num. 2.* Contraria opinio est Piassec. parte 1. cap. 1. art. 4. num. 15. expositos dispensatione non indigere ad ordines, primo, quia præsumuntur legitimi *cap. cum debeat. de iudiciis*, secundo, quia in dubio pro proli fauore iudicatur *cap. ex tenore qui filii sunt legitimi*, quæ opinio est probabilis tutaque in conscientia.

## QVÆSTIO XV.

Dispensare cum illegitimis, quis possit, & quæ eorum sit pœna, si se ante dispensationem ordinari sinant.

PRIMA assertio. Cum crimen parentum est cognitum, ad maiores ordines, dignitates, prelaturas, & beneficia duplicia, solus Papa dispensat cum illegitimo.

Ratio est, quod sit eius solius, vt canones interpretari, sic infirmare cū est necesse: at vetatur, *Sacerdotum filii, & alii non legitime nati, ad dignitates & personatus & alia beneficia curarum animarum habentia sine, dispensatione sedis Apostol. promoueri, nec id modo, sed promoti quoque iubentur ab iis amoueri, in decret. Gregor. noni, nimis in tua 18. de filiis Presbyterorum.* Secus ergo quid tentare Episcopo vetitum, *Ne id præsumatur de cætero*, inquit Gregor. nonus *ca. citato, distictius inhibemus*, est à Papa ergo ad hæc beneficia, expectanda dispensatio, quæ si erit absoluta, si indefinita, si exceptione carens, ex probabili multorum opinione, non modo ordinum, sed beneficiorum quoque capax erit legitimus, quia sicut simpliciter restitutus, ad omnia restituitur, sic simpliciter legitimatus, intelligi debet legitimatus ad omnia, ad quæ se potestas legitimantis extendit, si hic nihil exceptit, cum fauores sint ampliandi, pœnæ autem & odia restringenda.

Ad minores autem, & beneficium sim-

plex, dispensare potest cum illegitimo Episcopus, ut habet expresse canon. *primus & secundus de filiis Presbyterorum in 6.* quem sequitur Rebuffus parte 2. *praxis titulo super defectu de dispensatione parag.* Videamus, Lessius de beneficiis, qua potestate præditum quoque Capitulum esse, sede vacante tenent, Navar. primo tomo Conciliorum Concilio 31. de temporibus ordinationum, Abbas in canonem cum olim de maiestate & obedientia, quia facultas dispensandi, pendet à iurisdictione, at hæc sede vacante, vniuersa in Capitulo residet. quoad ea, quæ moram pati nequeunt, ut ostensum est tract. de beneficiis.

Assertio secunda, Irregularitas quoque ad ordines in illegitimo tollitur, per canonicam eius professionem in religione, hanc assertionem veram reddit canonum auctoritas, sic enim Pictau. Concil. *ut filii Presbyterorum & alii ex fornicatione nati ad sacros ordines non promoueantur, nisi Monachi fiant, cap. 1. de filiis Presbyterorum.*

Dixi quoad ordines, nam per professionem, non fit illegitimus habilis, ad obtinendum Episcopatum, dignitates maiores, aut minores, tam in cœnobio quam extra, Hurtado supra, nisi ad eam rem Papæ accedat dispensatio cap. 1. de filiis Presbyterorum. Rebuffus de dispensatione super defectu natalium, imo nec cum professio ad beneficia secularia simplicia, aptum facit, quia ut regularia regularibus dantur, non aliis, ita & secularibus secularia ex capite super eo de regularibus, & canone placuit, 16. q. 1. probant Suarez de censuris, Reginaldus de irregularitate cap. 7. num. 75. Palsacius parte 1. art. 4. de ordinibus conferendis, & quanquam prohibuerit Sixtus quintus anno 1587. in constitutione quæ incipit cum de quibus, ne illegitimis locus esset ullus inter religiosos, sicut Clemens octauus inter Cardinales, est hæc tamen prohibitio, quoad religionem sublata à Gregorio XIV. alia constitutione de anno 1591. cuius initium est *circumscripta*, eius ergo beneficio, potest illegitimus religiosus esse, non Cardinalis, cum moderatione tamen duplici, prima, ut illegitimi virtus & probitas, eius vitium corrigat ac suppleat, secunda si à Patre Religioso sit genitus, ut eo viuente non recipiatur in eodem ordine, Portelius verbo illegitimus num. 4.

Assertio tertia, Illegitimi suscipientes ordinem ante dispensationem, ipso iure ab eo sunt suspensi, in eo tamen si celebrant, irregulares non fiunt ea irregularitate quæ fertur contra violantes censuras, Couarruias in Clementinam si furiosus parte 1.

Primo, quia cum Roma mittitur ei dispensatio, qui celebravit in ordine ante facul-

tatem eius recipiendi cum defectu natalium, non fit vlla irregularitatis tam à se idcirco incurse, quam per eam celebrationem, mentio, ut tamen fieri deberet si quam ideo contraxisset.

Secundo, non incurritur irregularitas celebrando cum suspensione, nisi casu quo hæc imposita est ob delictum, qualis non est multorum opinione, præsens.

Quid si defectus sit occultus, quid si vitium natalium solis parentibus sit cognitum, eritne tum Episcopo licitum dispensare cum illegitimo sui defectus conscio ad ordines sacros, & beneficium curatum?

Ita visum Auilæ 7. parte disp. 3. dub. 7. quod nō oporteat quenquā traducere, de quoquā ea narrare, quæ cognita in certâ eius vergunt infamiam, quod accideret, si illegitimo occulto, Papa super defectu quæ patitur in natalibus, necessario consulendus esset, sic enim hic parentes suos violatæ pudicitie tacite argueret, eosque offensi numinis faceret, quod temerè nulli est tentandum.

Mihi tamen eorum opinio visa semper est vero propior, qui secus quam ille, & scribunt & sentiunt, sunt in his Navar. Enchirid. cap. 27. num. 194. Suar. disp. 50 sect. 5. num. 5 ita exiltimandi hæc mihi causæ.

Prima, quod ut est in cap. 1. de filiis Presbyterorum. per sacram illegitimi initiationem dignitas deformetur Ecclesie, est hæc ergo per dispensationem tollenda deformitas.

Secunda, quod etsi illegitimi irregularitas, crimen supponat, ex eo tamen proxime ac formaliter, hæc non oritur, sed ex morali macula, & nota personæ, quæ non nisi dispensatione abstergi potest. Si tamen bona fide, illegitimus ad sacros arrepsisset ordines, iisque insignitus esset, cū eo Episcopus, natalium defectu cognito dispensare posset, ut in iis ministraret, Henricus lib. 14. cap. 8. Auila supra disp. 3. dub. 6. Imo etiam in quorundam sententia, si mala fide, vitium scilicet originis suæ occultum subticendo, iis initiari se esset passus. Celestinus tertius auctor in decretali nisi cum 10. de renunciat. Non tamen propter quamlibet irregularitatem personæ, debet ei qui regulariter ministrant, cedendi licentia indulgeri, ut pote si de legitimo matrimonio non sit natus, qui licet irregularitatem huiusmodi nō potuerit subiicere, si tamen & culpa latet, & causa, cum eo qui laudabiliter suum implevit officium, (iniuncta sibi poenitentia competenti) potest non minus vtiliter, quam misericorditer dispensari.

Quid si aliquis à Rege legitimetur aut Principe, eritne per eam legitimationem, Ordinum sacrorum in Religione, aut officiorum capax?

Non

Non existimant hi auctores Portelius in A  
dubiis verbo illegitimus num. 5. Rodrig. in addit.  
ad summ. verbo legitimare conclus. 5. parte 1. cap.  
244.

Ratio est, quod vt Ecclesia regi nequit à  
Laico, ita nec iura eius legesque refigi, ab  
eo debeat, abrogari ac tolli, quæ ab ea reli-  
giosè ac prudenter, ad bonuû cômune, aut  
quorundâ priuatum sût decreta, vt vitentur,  
aut fiant, ergo nec impedimenta canonica,  
nâ quis à Principe impedimenta matrimonii  
discindi, aut ad Ecclesiastica munia, benefi-  
ciaque reddi aliquem idoneum, ac habilem,  
sola eius auctoritate posse putet? Addo ampli-  
us, dispensatum ad ordines, aut dignitates  
in cœnobio, non ideo legitimorum iure frui,  
cum enim legitimatio notione ac significa-  
tu à dispensatione differat, cui per dispen-  
sationem adnumerari Clericis est permis-  
sum, hic eo præcise nomine, quam ab ortu  
maculam traxit, non deponit, aut eluit.

## QVÆSTIO XVI.

*De Irregularitate proueniente ex homicidio.*

**I**N nonnulla theoremata conferam quæ  
ad quætionem præsentem pertinent.

Primum, duplex est homicidium, casuale  
vnum, voluntarium alterum.

Secundum homicidii nomine, communi-  
ter intelligitur cædes culpabilis, ideoque et si  
iudices, accusatores, testes, cæterique fori  
assæclæ, ac ministri omnes, lege sint Eccle-  
siæ inter irregulares collocandi, non tamen  
præcise ideo, quod infanti vim fecere, quod  
vitæ eius nocuere, quod sua eum, aut alio-  
rum opera, tale nihil cogitantem oppresse-  
re, sed quod humanitate careant, quæ Christi  
fuit olim, modoque esse debet Clericorum  
laus, virtusque propria.

Tertium, nonnulli sunt facinorosi, ad  
quos sine vlllo scelere occidendos, natura,  
aut sui amor, charitasque gladiû porrigunt,  
quo de genere sunt ii, qui alienæ vitæ mo-  
liuntur insidias, qui capiti nostro cum telo  
imminent, in illud nisi reprimantur, factu-  
ri impetum, hos enim, quisquis vt vitam  
suam tueatur interimit, quando non est alia  
via expediendæ salutis, omni scelere homi-  
cidii est solutus Diu. Anton. in 3. parte tit. 4.  
cap. 3. ante parag. 1.

Theorema quartum, adimi homini vita  
potest in iudicio à magistratibus, in bello à  
militibus, vbique ab infante, cuius salus  
ab irato hoste in discrimen vocatur, de his  
ergo inquirendum sigillatim, ac per ordi-  
nem, an facta ab eis, cædes iisdem labem  
Pars secunda.

irregularitatis afferat.

Dico primò, *Homicidium voluntarium quæ-  
le est dolo malo, animoque occidendi, seu ex propo-  
sito reipsa perpetratum, irregularitatem inferre  
facienti.*

Eius rei sunt testes Pontificum decreta-  
les literæ, titulo de homicidio 4. Alexand. III.  
sicut dignum 6. Innocent. III. significasti nobis  
18. Nicolai Papæ in can. 39. Martini Brac-  
carensis in can. si quis voluntarie 44. distinctio-  
ne quinquagesima, Clementis quinti, in Clem.  
sisamosus, Ioan. 8. in can. 4. dist. 50.

**B** Reipsa dixi, quia et si voluntas afferendæ  
necis culpam habeat, tamen quandiu latet  
quandiu se cohibet, nec opere se profert, ir-  
regularitate non punitur, *Ægid. disp. 18. nu.  
60.* imo nec armorum ad occidendum sum-  
ptio, nec percussio, quamlibet sit de earum  
numero, quæ pœnis tenetur canonis, si quis  
suadente diabolo, nec sanguinis ex imposito  
vulnere effusio, secundum Abbatem in caput  
si aliquid de homicidio verbo irregularitas nu. 12.  
Suarez de censuris disp. 44. sect. 3. quia Eccle-  
sia homicidium, eiusque auctorem punit, ac  
conatus, ac opera, voluntasque occidendi,  
aut sâguinis effusio illata plaga, dici proprie  
homicidium nequeunt, itaque qui alteri stru-  
xit insidias, pro irregulari habendum non  
esse, si eas mors non est sequuta, habet, canon  
vltimus cause 15. et canon sicut 32. qu. 2. & ta-  
men est cicatrix plusquam conatus.

**C** Potest autem homicidium quoad hunc ef-  
fectum producendum, dupliciter esse volun-  
tarium 1. directe 2. indirecte, directe est  
ei homicidium voluntarium, qui animum ne-  
candi habet, vereq; ex electione necat, indi-  
recte qui id vult, id appetit, facitque, ex quo  
tâquam ex causa, sequetur certo homicidiû,  
alteroque de his duobus modis, esse homici-  
dium voluntarium debet, vt irregularitatem  
in eius auctore pariat, quia cadit hæc tan-  
tum in eos, qui vere eius sunt causa, actu, aut  
virtute & implicite, sed homicida esse nul-  
lus potest, nisi qui mortem alteri intulit, al-  
terutro de his duobus modis, nec propinqua  
eius esse causa potest, nisi dictum, aut factum  
aliquod, sufficienter in eam dirigat, secun-  
dum Nauarrum in cap. Enchiridy 27. numer.  
**D** 211. vbi ait propinquam causam homicidiû,  
dictum esse, aut factum aliquod, directum ad oc-  
cisionem, aut mutilationem ex eo sequentem, vnde  
infert Reginaldus cap. 9. de irregularitate nu.  
100. irregularem non esse qui arma sine in-  
tentione nocendi distrahit, quia non habet  
hæc eius actio, necem alienam pro fine, ad  
quam, illico ac vendentis voluntate tendet,  
irregularis esse incipiet, quia earum rerum  
directione, tendentiaque in finem, charitati  
proximi contrariû, mortis causa est moralis,

NNn



Patet ex dictis ex homicidio irregularem A nullum fieri nisi qui eius sit causa.

Patet secundo, duobus modis fieri id posse, primo directe, & per se, nempe cum ex proposito, & non casu mors inferitur, secundo indirecte & in causa, cū qua hæc inseparabiliter coniungitur vt cum quis venenum propinat, quod conciliandæ morti medium esse scit certum, promptum, & efficax, & ideo illud suppeditat, quia iste moraliter idem facit, quod alius qui ex proposito & directe interimit.

Dico secundò, Quando plures vnus sic vul- B nerant, vt postea intereat, omnes sunt irregulares, si ad necem vere sunt cooperati, tam in se, quam in modo, nempe vt celerius accideret, ita Doctores ferme omnes probaturque hac ratione.

Earum rerum defectus in Clerico, quibus Christus Dominus excelluit, dum viueret, eum Clericatu deturbat ac deiecit, ob quam causam criminosi, & bigami, à sacris sunt alieni ministeriis, quod isti vnicū Christi cum Ecclesia coniugium, illi autem eius innocentiam non referant, sed homicidæ longe sunt ab humanitate Christi, patientiaque dissiti, qui cum patiebatur non comminabatur, tradebat autem iudicanti se iniustè.

Quid? quod qui plagam intulere mortuo, vere sint homicidæ? cum ad eius necem, tam exemplo ipsi suo, quam vulnere, sermoneque, quo ad eam se vicissim animarūt: sint cooperati? sunt ergo Irregulares.

Dixi modo mors sequatur, quia cicatrices si solæ sunt, aut membrorum contusio, irregularitatem non inuehunt, nisi eas mors consequatur, aut membri mutilatio, secundum Nauarrum *Enchiridii* 27. num. 223. *Ægidium de irregularitate* dub. 8. num. 28. Reginald. eodem tract. n. 101. Est autem de concursu, physico ad mortem, ex quo sequitur irregularitas P. de Hurtado his verbis expressa sententia de irregular. disp. 11. diff. 5. num. 17. Non solum qui occidit, aut mutilat, est irregularis, quando id facit solus, sed etiam quando cooperatur ad id, quia etiam est verè homicida, ac proinde quando duo, ita percusserunt aliquem, vt vtriusque percussione fuerit occisus, vterque est irregularis, quamuis neutrius percussio, seorsim esset sufficiens, quia vterque vere est homicida, si adiuvit vt mors citius contingat, quamuis percussio fuerit levis, est irregularis. His fere similia, nec verbis ac oratione dissona, scripsit Ludouic. Portel. de dubiis regul. in verbo homicidium nn. 9. Incurrunt irregularitatem omnes concurrentes ad mortem, etiam remote, si quis concurrat sciens, & videns talem suam actionem operaturam ad mortem, vt qui parat venenum ad epotandum, sic animi mortem intendit in se, & in causa efficaci,

quæ præstantissimorum hominum oratio, in ea nos mente, nec sine ratione confirmat, ac stabilit, vt quod est in quæstionis huius progressu positū, verè à nobis dictum censeamus, irregularitatis ex homicidio voluntario contrahendæ, modos esse duos, directum vnum, in proposito ac voluntate eius inferendi, indirectum alterum, in applicatione causæ, quæ cum eo cohereret necessario.

## QVÆSTIO XVII.

An quituendi sui causa alium interficit sic Irregularis.

A Ssertio prima, Qui ita pro vita pugnat, vt eam retinere nequeat, nisi morte eius qui eam vi adoritur, non est irregularis, si modo limites in ea moderata tutela non exeat, ita Nauar. *Enchiridii* 27. num. 253. disp. 46. de censur. sect. 2. num. 11. Auila 7. parte disp. 5. sect. 13. dub. 3. num. 253. Henriq. lib. 14. cap. 3. parag. 4. Comitulus sexto responsionum q. 54. Less. lib. 24. de iustitia cap. 9. dub. 8. num. 52. tucur se hæc opinio 1. auctoritate Clementis V. in Clementina si furiosus de homicidio, per scripta his verbis: si furiosus aut infans, cum dormiens, hominem mutilet, vel occidat, nullam ex hoc irregularitatem incurrit, & idem de illo censemus, qui mortem aliter vitare non valens, suum occidit vel mutilat inuasorem.

Clementi assentiuntur Pontifices alii duo Alexander tertius in canone significasti de homicidio, Innocent. III. in ca. si vero de sententia excommunicat. 18. in quibus, ambo hi Pontifices, signatè enuntiant, vim vi honestè repelli posse, & cum alia via expediendæ salutis non ostenditur, necessitate ad id impellente, hostem interimi posse.

Secundo probatur assertio ratione. Mors priuata defendentis se auctoritate illata, ab irregularitate est libera, si sit hic innocens, culpæque in ea inferenda expers, at ea omni hic caret, cum vim hosti defendendi sui causa infert, ergo & irregularitate homicidis propolita.

E Tertio, nunquam est homicidium voluntarium, nisi quando quis directe intendit alium opprimere, at qui seruandi sui causa, inuadentem obtruncat, eius interitum directe non vult, nec procurat, sed tantum sui, salutisque suæ cōseruationem accustodiam, quare nec censetur in foro conscientie committi homicidium, cum voluntarium non est, sed tantum casuale, Nauar. vlr. *Enchir.* num. 239. & 211. Tolet. lib. 1. cap. 80. num. 12. Suar. disp. 44. de censur. sect. 1. num. 3. ergo si vim

vim vi illatam repulit, si vt vitam suam tueretur adorientem cecidit, nec vlla alia iniuriatio poterat seruandi sui, quam nece inuadenti adferenda, eumque necando, vt non deliquit id faciendo, ita nec se vlla irregularitate illigauit.

At quorum ætas fuit Clementis quinti constitutione prior, aliter docuerunt, sic enim Diu. Thom. in 2. 2. q. 64. art. 7. ad 3. Scotus in 4. dist. 25. q. 1. art. 1. loquens de homicidio inuoluntario secundum quid, scribit his verbis: *Si autem inuoluntariū secundum quid, vt pote quia non potuit euadere mortem, nisi occideret, irregularis est, dixere idem cum Scoto Richardus in eand. dist. art. 5. q. 3. Paludan in eand. dist. q. 4. art. 2. conclus. 3. suamque hic opinionem confirmat hac ratione, Quia iudex qui maiore necessitate adductus, hoc est, vt crimen vitæ mortiferum, reum interficit, irregularitatem tamen vitæ non potest.*

Respondend. ita esse, à Clemente tamen minimè recedendum, quod eius auctoritas, nobis, quam cuiuspiam alterius, potior in hac parte esse debeat.

Obiicies secundo, non modo, contra nos facere Theologos sed & Concil. Trid. in cuius sess. 14. cap. 7. est his verbis: *Si vero homicidium, non ex proposito, sed casu, vim vi repellendo, vt quis se à morte defenderet, fuisse commissum narretur, quam eb causam etiam ad sacerdotum ordinem, & altaris ministerium, & beneficia quæcunque, iure quodammodo dispensatio debeat, committatur loci ordinario, qui non nisi causâ cognita, & probatis precibus, & narratis, nec aliter dispensare possit.*

Respondend. Concil. ibi loqui de necessitate quæ sine alterius morte, vitari poterat, ita Nauar. cap. 27. num. 211. & 239. Tolet. lib. 1. summa cap. 74. parag. hæc dicta sunt, Hurtado disp. 11. de irregul. diff. 10. num. 35. hoc est de homicidio ad defensionem vitæ non necessario, & proinde culpabili, de quo nobis hic nulla quæstio.

Pater ex dictis primo, cum moderatio inculpatæ tutelæ, in eo consistat, sine quo vis illata repelli nequit, irregularem fore, qui cum possit eripere se periculo, in quod eius est salus adducta, hostem tantum lædendo, tamen interimmit, quia cum cicatrice aut plaga aliqua tolerabili, reprimi eius audacia posset, vt supponitur, salusque appetiti in tuto poni, ad cicatricem facile curabilem, lethalis est addita, quæ illi mortis causa extitit, culpa ergo est in eum conferenda homicidii, quia etsi vim vi repellere omnes leges & iura permittant, quia tamen id debet fieri cum moderamine inculpatæ tutelæ, non ad sumendam vindictam, sed ad propulsandam iniuriam, non videtur Sacerdos à pœna homicidii penitus excusari, In-

A noc. III. in decretali significasti 18. de homicid.

Pater secundo, à nece quoque hosti illata, irregularitati locum fore, cum procuratur ad vindicandam iniuriam præteritam, & non ad præsentem auertendam, quia catenus alienæ vitæ strui possunt insidie, quatenus sunt hæc seruandæ propriæ opportuna, & vtilis, sic enim vis vi repellitur, at si hostilis impressio præterit, modoque non est, vita in discrimen non vocatur, ergo quicquid à verberante, aut occidente fit, non tam tetundendæ alienæ audaciæ causa, ac tuendi sui geretur, quam necandi hostis.

B Nihilominus qui vitam suam tueri poterat vulnerando tantum, hic dum occidit pœna veri homicidæ non punitur, vt cum Rosella in verbo homicidium 1. num. 2. tradit Comitulus responsionum lib. 4. q. 10. num. 22.

Pater tertio, non excusari ab irregularitate, qui pro vita sua pugnando illicite, inuadenti vitam eripuit, Tabiena verbo irregularitas 2. Syluester in verbo homicidium 3. q. 4. dicto 3. quia lex ab irregularitate ex homicidio cum excusans, qui se defendendo occidit, de defensione tantum licita, est intelligenda, cum hæc vitæ non faueat, quare qui publicum lictorem interimmit, à quo auctoritate iudicis agitur in vincula, irregularis est censendus, cum nocenti non sit permillum, contra iudicem eximere gladium, ac aduersus eum, eiusque ministros, eo ad se tuendum vti.

Pater quarto, dispensationem ei nullam esse necessariam, qui manus violentas alteri ad propriæ vitæ defensionem intulit, ita Reginaldus lib. 3. tract. 2. cap. 9. num. 112.

D Causa est, quod non sit necessaria dispensatio, nisi cum præcessit legis Ecclesiasticæ violatio: at non est inuadentis occisio, cum moderatione inculpatæ tutelæ, tuendi sui causa facta, legis vllius transgressio, ergo nec irregularitatis contrahendæ occasio, cū hæc culpâ in homicidio commissio auctoritate propria habeat, quod si secus existiment aliqui, de casu duntaxat sunt intelligendi, in quo periculum scandali esset, aut futuri scrupuli in eo, qui necasset, tunc enim optimum est factu antequam ad ordines, beneficia, aut dignitates Ecclesiasticas admittatur, per sententiam Episcopi, aut viciniore Metro- politani declarari, tale homicidii sine culpa, pœnaque irregularitatis perpetratum esse, quare si factum sit occultum, inquit Reginald. loco proxime citato, & per eam necessitatem homicida inueniatur excusatus à mortali, is nec dispensatione, nec sententia declaratoria indigebit, vt expressit, Henricus lib. 14. cap. 10. parag. 2. Hæc ille.

NNn ij

## QVÆSTIO XVIII.

*An qui ob defensionem innocentis aliquem cecidit sit irregularis.*

**D**Vo hic quærentur, primum an qui ad necessariam Reipublicæ, vel proximi defensionem, aggressorem opprimit, debeat, ut irregularis ab usu suorum ordinum remoueri.

Aiunt repellendum esse, hi omnes Nauarrus cap. 21. num. 213. Reginaldus lib. 30. ca. 9. num. 107. Caietan. 22. q. 40. art. 2. Couar. in Clementinam si furiosus parte 7. parag. vnicò, Fernandez parte 2. cap. 10. parag. 14.

Primo, quia causæ nihil subest, cur hæc pœna iudicem, quem sine culpa, & ex obligatione iustitiæ, dicere constat sententiam innocentem: potius afficiat, quam qui amicum suum, aut Remp. inuadentem, obtruncat.

Secundo, ad irregularitatem quæ ex defectu perfectæ lenitatis contrahitur, non requiritur culpa, satis est, obtruncari aut mutilari hominem, cum præstet iniuriam pati, ad perfectam Christi imitationem, cuiusque mansuetudinis, quam inferre, excepto casu, in quo de vi propulsanda, vitæque tuenda agitur, nam cum pro amore, quo se quisque prosequi debet, omni ratione qua honeste potest, eximere se discrimini debeat, non est censendus à Christi mansuetudine multum discedere, qui quam ille naturæ legem indidit propugnandi sui, hanc in repellenda à suo corpore iniuria sequitur.

Pugnant contra Sylu. Verbo bellum 3. qu. 12. Molina to. 1. tract. 2. disp. 109. Laym. lib. 3. trac. 3. par. 3. caq. 9. Auila par. 7. dub. 5. sect. 3. Opiniones istius sunt hæc fundamenta.

Primum quod homicidium ex quo incurritur irregularitas, voluntarium esse debeat ac spontaneum, tale non est, commissum pro defensione Reip. aut proximi.

Secundū, ex homicidio non incurritur irregularitas, nisi sit mortale, aut defectum lenitatis habeat, neutrum reperitur in præsentis, non primum, ut patet. Nec secundum, quia mortalis, non infertur à iudice in pœnam admissæ culpæ,

Confirmatur in hominis nece, facta reipublicæ defendendæ causa, vel proximi, nulla est culpa, nec lenitatis defectus, non primum, cum id ratio prohibere nequeat, quod lex præcipit naturalis, & diuina, at defensio tam proximi, quam Reip. cum eorum agitur honos, aut periclitatur salus, iuris est naturæ, cum ab eo pars quælibet habeat, ut se

A totius causa, discrimini obiciat, nec esse actio vlla vitiosa queat, quæ rationi est consentanea ac conformis, cuiusmodi præsentem esse nemo ambigit. Nec secundum, quia satis superque humanus est ac lenis, qui naturali lege coactus, camolitur, quæ ab eo tum fieri, ratio virtusque postulant: facit hoc argumentum ut existimem hanc sententiam probabilem, ac tutam esse in conscientia.

Fuit altera quæstio, *An qui impetum facit in fortunas alienas, interimi sine interimentis irregularitate queat?*

**B** Negant Auila, Ludouicus de Beiz 2. parte casuum casu 3. Reginaldus lib. 3. cap. 9. sect. vltimum. 108. & sequenti, Fernand. par. 2. ca. 10. parag. 14. Ver. dico quarto, Piasecius 1. parte praxis cap. 1. art. 5. num. 7.

Affirmant Lessius lib. 2. cap. 9. dub. 11. num. 75. Henric. lib. 14. cap. 11. parag. 15. Maiolus lib. 5. cap. 48. Sotus lib. 5. de iustitiæ q. 1. art. 8. Hurtado de irregul. difficult. 10. num. 37. Probatur.

**C** Sine irregularitate tueri se quisque salutemque suam in tuto locare potest, ergo & fortunas, cum sint hæc media ad eam rem necessaria.

Confirmatur, in cap. interfecisti 2. extra de homicidio, habetur Presbyterum deponendum non videri, qui vitæ suæ conservandæ ac fortunarum causa, furem oppresserat, cum ergo sit irregularitas, quædam quasi depositio, id est inhabilitas ad suscipiendos ordines, susceptosque ad usum reuocandos, non erit Sacerdos, propter homicidium, pro rerum suarum defensione illatum, irregularis, verba canonis sunt eiusmodi, *si sine odij meditatione te tuæque liberando, huiusmodi Diaboli membrum interfecisti, si aliquid ieiunare volueris bonum est, si Presbyter eadem fecerit non deponatur: capite autem dilecto 6. de sententia in 6. Laudatur Aurelian. Decanus, quod Ballium quendam armis bona sua occupare parantem repulerat, in quo tamen nulla incurrendæ irregularitatis, aut incurse sit mentio, ut debebat, si est hæc sui ac rerum suarum defensio, sub irregularitate prohibita Clerico, ergo se, fortunasque suas alieno capite qui propugnat, irregularitate senon illaqueat. Lubet audire loquentem Innocentium quartum in dicta decretali. Equidem, inquit, cum liceat cuilibet vicino suo & proximo, pro repellenda illius iniuria, suum impertiri auxilium, imo si potest, & negligat, videatur iniuriam fouere, ac esse particeps eius culpæ, licuit profecto ipsi Decano, proprio sibi met subuenire subsidio, & suam, & temporalem iniuriam, sua propria spiritali defensione tueri, sicque Virumque quodammodo gladium, & temporalem*

*ralem, & Ecclesiasticum, alterum altero adiuuare, maxime quia hi duo gladij consueverunt ad inuicem sibi suffragari, & in iniuriam alterius, subuentione mutua frequentius exerceri. Et paulo post, cum omnes leges, omniaque iura, vim repellere, cunctisque se defensare permittant, licuit utique ipsi Decano, (si predictus Balliuis, cum bonis suis mundanis iniuriose spoliare, & ea violententer occupare praesumpserit) contra illius violentiam, iniuriamque se tueri. Hæc Innoc.*

Pro quorum fide facit & hæc ratio.

In casu presenti non incurritur irregularitas ob culpam, cum ex præcepto charitatis, qua se quisque prosequi debet, & proximos, eorundem bonis prospicere eū oporteat, peccatque ac suis, eaque protegere. Nec ob defectū lenitatis, nec enim interimens ex defectu virtutis interimit cum ad hanc rem, cum tam charitas, quam præceptum adigant, ergo cum non aduersetur virtus vna alteri, mansuetudini charitas, non erit irregularis ex homicidio, qui illud, se suaque tuendi causa, fecit.

Obiiciunt aduersæ partis defensores, ac patroni, decretalem Alexand. III. cui initium suscepimus 10. tituli de homicid. in qua eum irregularem esse pronunciat, qui latrones, quos habebat in vinculis, neci dedit, cum se soluere niterentur, cuius dicti rationem hanc reddit, quod expediebat potius, post tunicam relinquere pallium, & rerum sustinere iacturam, quam pro conseruandis vilibus rebus, & transitoriis, tam acriter in alios exardescere, hinc enim concludunt, morte aliena, fortunas redimi, ac seruari sine irregularitate non posse.

Respondend. negatione consequentiae, quæ ex Antecedente non sequitur, cum is de quo in ea decretali agitur, rei illicitæ dans operam, occidisset, & quidē post furtum iam factum, quod est omni modo vetitum, non facit ergo ab aduersariis Alexand. III. decretalis. Existimat sane Laymannus loco ante citato, occidendi furis, aut alterius cuiuslibet, à quo fit in fortunas nostras impetus, rationem omnem honestam esse, si tam hæc, quam honor, fama, ad vitam sunt nostram, aut bonum eximium aliquod consequendum, necessaria, quod cum semper, & omni ferè tempore accadat, mirari nemo debet, si suscepta pro illis contentio, quamuis non seiuncta ab inuadentis homicidio, irregularitatem nesciat.

## QVÆSTIO XIX.

*An & quomodo homicidium, cuius casus est causa, irregularitate afficiat eum, à quo est admissum.*

**E**st homicidium casuale, quod præter voluntatem & scientiam operantis, ex merito casu, euenit: triplex enim à Doctoribus distinguitur, vnum quod voluntate, alterum quod necessitate, tertium quod fit casu, hancque homicidii diuisionem probat Glossa in can. de his dist. 50, Halens. in 3. par. q. 34. memb. 1. art. 1. internoscendi autem casualis homicidii ab intento, directæque ab occidente voluto, hæc est ratio. Si mors actu non quaeritur, nec ab operante, certa nulla ac efficax eius consciscendæ causa affertur, & tamen aliquid fit, siue consulendo, siue iubendo, ex quo sequitur, casu hæc fieri dicitur, non consulto, deditaque opera.

**C**ausa est, quod cum præter scientiam, animusque occidentis adueniat, voluntaria esse nequeat, cum ad eam, voluntatem directam ac spontaneam non attulerit, nec aliud, quod eius conciliandæ causa sit efficax, ita casui fortunæque mors est imputanda eius, qui accepto vulnere, ei se curandum tradidit, qui ex incertia, artisque Chirurgicæ ignorantia, illum perdidit.

Quamquam non tantum casui mors est tribuenda, cum aliquid sit verè, ex quo illa sequitur, sed etiam cum omittitur, nam si omissionem rei cuiuspiam mors certo sequatur, hæc eius erit causa per accidens, & casu, causa quidem, quia ad eam cooperatur: per accidens autem, quia non est expresse volita. Ad rem ergo, ex homicidio casuali, an, & quando oritur irregularitas?

**E**am incurri negant Sotus in li. 5. de iustitia q. 1. art. 7. & Sanch. lib. 9. de matr. disp. 32. n. 25. Sayrus lib. 7. cap. 5. num. 13. nisi opus cui parricida consulto dat operam, de se sit periculosum, mortemque concilians, quod si tale non est (inquiunt) ideoque nec Clericis prohibitum, quia cum eius periculo non est coniunctum, sed ob aliam causam, tunc irregularitati nexum non esse, cuius rei causam hanc reddunt, quod homicidium in genere moris, & parricidii, tunc non sit voluntarium, cum opus ex quo forte oritur, periculo est vacuum, sane voluntarium non est in se, ut patet, nec in causa, opere scilicet, ex quo mors sequitur, cum supponatur, hanc in eo nec esse præuisam, nec cognitam, & ita inferunt, Clericum deprehensum in adulterio, irregularem non esse, si cum moderamine



in culpa tutelæ, maritum opprimat adulteræ, à quo quærebatur ad necem, quod est contra Reginaldum lib. 30. cap. 9. num. 11. Nauarrum cap. 27. num. 238. quia etsi operam daret rei illicitæ, ex catamen casu tantum, mors aliena sequitur, cum adulterium non sit eius causa per se, nec Clericis prohibeatur ob homicidii futuri periculum, sed ob alias causas.

Secunda sententia est Diui Thomæ 2. 2. q. 62. art. 3. Caietani ibidem, Syluestri verbo homicidium 25. regula 3. Tabienæ verbo irregularitas primò parag. 4. de Beia tomo 1. casuum casu 4. Sanchez lib. 9. disp. 32. num. 22. quæ explicatur sequentibus conclusionibus.

Affertio prima, *Homicidium casu factum, irregularitatem non infert, si opera dabatur rei licite, fuitque diligentia ad vitandam necem adhibita, quam exigebat prudentia*: Ita Innoc. III. in cap. dilectus filius 13. de homicidio, ibi enim ab hac pœna Clericum liberat, qui sanitatis recuperandæ causa equitas, præter opinionem, puerum oppresserat, eo quod dictus Clericus, nec voluntate, nec actu homicidium perpetravit, nec dedit operam rei illicitæ cap. autem lator 2. declarat Alexander eius nominis tertius, huic, ab irregularitate impedimentum ad ordines, eorumque vsum nullum esse, cuius gladius fortuito cadens in terram, Clericum cum quo luctabatur, interemerat.

Ad hoc testimonium accedit ratio.

Homicidium irregularitatem non inuehit nisi sit voluntarium, sed casuale non est eiusmodi, quia etsi sit actus hominis, non tamen operantis in morem hominis, id est cum aduertentia. Sane non est tale homicidium, actus humanus, id est cum prævia circumstantiarum omnium notitia, cum quibus fieri potest, elicitus, ideoque, nec pœnæ est obnoxius, nam nec directe, nec indirecte in opere ipso, quod fit, est volitus, cum in eo non contineatur virtualiter, nam periculo vacat, nec est volitus ratione alicuius negligentiae, cum operans nihil diligeret, seu cautionis necessariæ, omisisse fingatur ad vitandam necem.

Hincque infertur, eos qui ægros capiendi cibi causa, aut quietis mouent, & diligentiam ne iis noceant, mortemque appropere, adhibent, irregulares non esse, si ex tali motu, tentato bona fide, diem illi suum in illorum complexu obeant, Caietanus 2. 2. q. 74. art. 8. Nauar. cap. 27. num. 228.

Dixi bona fide, quia si iactatio fuit imprudens, si violenta, aut ad mortem accelerandam relata, non erit haud dubie, in multorum opinione probabili, separata ab hac pœna, Couar. ad Clementinam si furiosus parte 1. parag. 4.

Affertio secunda, *Clericus rei sibi prohibite dans operam, quo de genere est censenda quæcumque, ab eius est aliena statu, personæque quam sustinet in Ecclesia, indigna, ut sunt venari, mæderi, ægros quo more ac modo chirurgi solent, per sectionem aut aduersionem sanare velle, deinde omnis ea actio, quæ natura sua periculosa est, ac cum certo, aut certe probabili mortis discrimine coniuncta, ut est displotio bombardæ, domum versus aut fenestras hostis, Clericus inquam in his occupatus operibus, fit irregularis, diligentia non obstante qualibet, à se præmissa, aut ad præcauendum periculum, quod est operi tali suo connexum, adhibita, ita Auila 7. parte disp. 6. dubio 11. Nauar. 27. Enchiridii num. 235. Reginald. lib. 3. cap. 1.*

Ratio est, quod humanâ prudentia, rerum natura mutari nequeat, nec quamtauis diligentia fieri, ut quæ actio, natura sua est periculosa, talis esse desinat, ergo in volitione talis operis, quod à periculo seiungi nequit, indirecte quoque sequens homicidium, tanquam in causa sua, & quæ de se, natura sua ad illud tendit, est volitum, sed homicidium cui vitium inest, semper in eo irregularitatem parit, qui illud efficit, ergo & illud quod sequitur ex opere prohibito, hoc est, Clerico, tum temporis non permissio, cui tamen dat operam.

Secundo diligentia, ad vitandum periculum mortis, sequuntur ex actione, cui natura sua cohæret, adhiberi sufficiens, ac necessaria nulla potest, nisi cum omittitur, ergo quicquid ab hac omissione diuersum erit, operantem ab irregularitate non eximet, sed tam propter rem illicitam, cui hic dat operam, quam propter negligentiam, seu diligentiam non adhibitam, damnandus erit.

Sequitur hinc primo, rem illicitam, quæ cum fit, admittitur homicidium, ex quo irregularitas nascitur, talem esse oportere, quæ ex genere suo, mutilationis aut homicidii causa esse soleat, iuxta Sotum lib. 5. de iustitia q. 1. art. 9. Couar. ad Clementinam si furiosus parte 1. parag. 4. num. 10. aut si non est necis certa causa, & efficax, saltem quæ sit talis, ut eius periculum in se habeat, ut est aporum venatio, hastiludium, cruris aut brachij incisio.

Patet secundo, irregularem esse, qui casu aliquem enecat, dum apros insequitur, aut ceruos, quæ venatio, quia fit canibus, armis, ac clamore venantium, clamorosa dicitur.

Ratio est, prima, quod ea venandi ratio utpote clamorosa, Clericis sit vetita, proindeque illicita.

Secunda, quod difficilis, quod ardua, quod periculosa

periculosa sit, aliezque plenissima, nam quid facilius, quam armorum tractandorum ignaros, ac rudes Clericos, quidpiam tentare ac facere inter venandum, quod famæ non modo suæ, ac opinioni noceat, sed eorum quoque vitæ, quibuscum feras agitant, aut aliorum? quod etsi raro accidat, eo quod istiusmodi venatio cum hominum interitu, ac exitio non sit coniuncta necessario, tamen quia ad Clericorum dignitatem non facit, iisdem est prohibita, consequenter dum in ea versantur soli, aut cum Laicis, rei illicitæ dant operam, ita si mors ex ea sequatur, licet cautionis nihil ac diligentiz in ea præcauenda omiserint, eos esse tamen irregularitate innodatos, docet Nauar. ca. 27. n. 237. Caiet. 27. q. 64. art. 8. Molina tract. 3. disp. 77. parag. Clerici.

Patet tertio, Clericos qui chirurgiam per adustionem aut incisionem faciunt, morte sequuta, irregulares esse, mea non est opinio, sed Innoc. III. in cap. sententiam 9. ne Clerici Vel Monachi & in cap. tuanos 19. de homicidio, quia hæ curationes Clericis sunt prohibitz, in c. sententiam citato, vt natura sua periculosa, & ab eorum statu, & professione aliena, nisi necessitas, vel pietas excuset, quare Nauar. cap. 25. num. 110. Sanch lib. 6. moral. cap. 14. numero 18. ius enim naturale exigit, vt si præter, eos nullus sit, qui ægro periclitanti salutarem manum admoveat, hi ei non desint, sicut docent Molina tract. 3. disp. 8. cum iis tamen dispensari posse, post condignam satisfactionem, vt diuina celebrare possint mysteria dixit Innoc. III. in decretali tuanos 19. de homicid. Licet, inquit ibi, Monachus multum deliquerit, officium alienum usurpando, quod sibi minime congruebat, si tamen causa pietatis, & non cupiditatis id egerit, & peritus erat in exercitio chirurgiæ, omnemque studuit, quam debuit diligentiam adhibere, non est ex eo, quod per culpam mulieris, contra consilium eius accidit, adeo reprobandus, quod non post satisfactionem condignam, cum eo misericorditer agi possit, vt diuina valeat celebrare. Cum autem sit de Clericis in hoc correlatorio mentio, non sunt eo nomine intelligendi quilibet, sed sacrorum tantum ordinum, aut Religiosi: Minoribus autem instructi tantum, ab hac sunt pœna liberi, si ab arte chirurgica quam exercent, mors sequatur, aut mutilatio, quia de his nulla sit in canone mentio, testis Innoc. III. sanctio his præscripta verbis: Nullam chirurgiæ artem Subdiaconus, Diaconus, Vel Sacerdos exerceat, quæ adustionem vel incisionem inducit, cap. sententiam 9. ne Clerici Vel Monachi, quare cum nulla inducenda sit irregularitas, nisi cuius initium est, ac origo à iure, Clerici minorum ordinum, faciunt,

res chirurgiam, cum sectione, vel igne, ab ea futuri sunt liberi, Lay. li. 3. tract. 3. par. c. 10.

Patet quinto, etsi sit probabile, Clericos qui cum muliere grauida, contra decorum iocantur ac ludunt, inconcinne tamen, irregulares esse, si scemina cum qua discunt, aut saltant, foetum deponat, quod in opinione probabili Nauarri cap. 27. n. 236. Perez in lib. 8. ordinamenti Clericis & Monachis, sunt hæc opera, in quibus versari nõ nisi scdè possunt, ac cū scandalo prohibita: probabilius est tamen eos cum argui negligentiz in præcauendo periculo nequeunt, extra irregularitatem esse, quia ex cap. is de sententia excomm. in 6. nulla est inducenda irregularitas, nisi cuius in sanctionum Ecclesiasticarum, & canonicarum volumine, expressa fiat mentio, at irregularitatem incurri, nunquam dixere Pontifices, cum est adhibita à Clerico diligentia, ne obesset.

Secundo, ex homicidio nulla sequitur irregularitas, nisi sit aliquo modo volitum, sed mors pueri, ex depositione materni vteri sequuta, non est eiusmodi, & quidem non fuit volita directe, cum nunquam, Clerico, iocando cum muliere grauida, in animum venerit, eius foetum abigere, aut necare. Nec dici similiter potest alterum, hoc est indirecte & implicite esse tale homicidium volitum, quia in diligentia quæ adhibita supponitur à Clerico, ne quid puero ac matri male contingeret, omnis est discussa negligentia, quæ tamen sola est homicidii indirecta causa, vt tradit Ægidius de irregularitate dubio 9. conclusione prima nu. 82.

Assertio tertia, Debet tamen hæc actio illicita, ex qua sequitur homicidium, esse eius causa propinqua, cuiusmodi censetur esse factum, aut dictum quodlibet, ex natura sua, consuetudine, aut intentione operantis, velatum ad necem, aut deformationem.

Probatum qui vitiose, & culpa sua, vino immodico vsus (verbi causa) innocentem opprimit, aut ferit, non est irregularis, si tunc primum incurrit in vitam alienam, quia semper antea cū alienatis à vino sensibus, sui corpus non erat, somno se ac quieti dabat, furori & sœuitiæ indulgebat nunquam, cuius rei causa non est alia, quam quia ebrietas nec natura sua, nec consuetudine, nec operantis voluntate, ad necem innocentis tendit.

Maiores probatur, irregularitas quæ oritur ex homicidio, citra casum defectus lenitatis, est pœna solius culpæ mortalis, at visillata per homicidium ab ebrio, qui non præuidit, eam à se admittendam in eo statu, culpa vacat, cum hæc sit ab homine extra se posito, quæ indirecte in sua causa, præscita non fuit, cum antea semper componeret

se sopori, ergo, &c.

Contraria sententia quæ est Henriq. lib. 14. cap. 3. par. 7. & cap. 15. par. 1. 2. 3. & 4. Laym. lib. 3. cap. 4. n. 4. habet in foro conscientie, nunquam incurri irregularitatem, etsi Clericus vacet operi illicito, nisi in eo obbeundo peccarit mortaliter.

Censent alii ad hoc ut homicidium casuale imputetur ad culpam, & pœnam, satis non esse quod sequatur ex opere illicito, sed insuper exigi, ut non sit adhibita sufficiens diligentia, ad illud vitandum, quæ diligentia si adhibita fuerit, quantumcunque Clericus det operam rei illicitæ, irregularitatem tamen non incurri.

Ratio est, quod non incurritur irregularitas, de qua hic agitur nisi intercedat culpa homicidii, sed nunquam intercedit, cum ratione diligentie præstitæ, homicidium non censetur voluntarium, ita Emman. Sa *Verbo irregularitas num. 4. Coninch. disp. 18. dub. 9. num. 30. Hurtado de irregularitate disp. 3. diffi. 3. num. 28.*

Quare Clericus non dans operam rei illicitæ, aut si talis sit, quæ tamen non est coniuncta mortis periculo, non subit irregularitatem ex homicidio casuali, ita Syluester *Verbo homicidium 2. par. 15.* quia irregularitas est pœna peccati admissi, in non adhibenda diligentia requisita, quæ cum sit gravis, non est irroganda, quamlibet ob culpam, sed gravem tantum. At huiusmodi non est homicidium ex culpa levi tantum admissum, quia cum sit est extra potestatem hominis, summam in omni re adhibere diligentiam, ita & ea quæ sunt cum levi coniuncta culpa, vitare ac fugere.

Confirm. negat in cap. *quesitum 8. Clem. III.* puniendos parentes, remotione ab usu ordinum, quorum incuria non mortali, liberi, qui cum iis in eodē iacebāt lecto, sunt oppressi, sed si ipsi procurantibus vel studio se negligentibus, culpa ergo negligentie admittendæ in homicidio casuali, ad incurrendam irregularitatē, gravis esse debet ac mortalis.

## QVÆSTIO XX.

*Quomodo irregularitas incurritur ex mandato.*

Suppono primo, Irregularem esse eum, Scius imperio (quod ad efficientem causam pertinet) aut suppeditatione armorum, vel deductione ad locum, ubi quis ab hoste expectatur ad mortem, aut consilio quod ad causam formalem, pollicitatione præmii, quoad finalem, suppono (inquam) cum qui talis est, ut eius ministerio, vis importa-

A. ra sit proximo, irregularem esse Syluester *Verbo homicidium 1. q. 7. Portelius in dubiis regular. Verbo homicidium num. 10. & sequentib. Nauartus Enchiridii 279. num. 233. Suarez disp. 44. sect. 2. num. 189. Piasecius parte 1. tractatu de conferendis ordinibus cap. 1. art. 5. Hurtado disp. 11. diffi. 6. probatur, mandanti & cæteris, de quibus facta est mentio, mors occisi, ut minimum indirecte est voluntaria, ergo mala, ergo eiusmodi, à qua separari pœna per Ecclesiam paricidis proposita, nequeat.*

B. Secundo, tam qui imperant, quam qui parent, neci alienæ cooperantur, quia eius causæ sunt morales, sunt ergo homicidarum plectendi pœnis propriis, in quibus locum habet irregularitas.

Suppono secundo, mandati summa genera quatuor esse, generale, particulare, licitum, & illicitum. Est licitum, cum quis auctoritate propria, ut Princeps supremus, Rex, Imperator, aut qui ab eo, aut alio, qui potest, auctoritate demandata, nocentem post allegata & probata, iustæ morti addicit.

C. Est illicitum, eum priuatus aliquis, potestate ad id destitutus ac vacuus, aliquem occidi imperat.

Generale mandatum est, quod fit per modum legis, statuti, aut decreti, imperando scilicet, ut qui hoc, illudue facinus admiserit, capite plectatur.

Particulare est, cum tam persona intermenda, ut Ioannes, Claudius, quam dies, locus, tempus, modusue adimendæ vitæ notantur: hoc posito.

Dico primo, Irregularitatem non contrahi, per mandatum generale mortis inferendæ.

Ratio est, quod tale mandatum, sequitur mortis non sit causa efficax, nec proxima, cum impediri potuerit, aut non procurari.

Excipiendus est casus, in quo, superior statuti sui executionem in delinquentem, more iudicis fieri præciperet nam tunc defectu lenitatis, ut iudices cæteri, forique ministri, remouendus foret ab ordine.

Dico secundo, Speciali imperio irregularitatem opere subsequuto contrahi, huiusmodi assertionis præsidia sunt duo.

Primum est in canone sicut dignum 6. de homicid. cap. ultimo cod. tit. in 6. canone si quis viduam 8. dist. 50. ubi est his verbis: si homicidii, aut facti, aut præcepti, aut consilio, aut defensione, post baptismum conscius fuerit, & per aliquam subreptionem ad Clericatum venerit, detur.

Alterum est in ratione. qui mortis alteri inferendæ est causa, hic ea sequuta ut irregularis



gularis à sacrorum usu ordinum remouetur, ac qui quæpiam, ad mortem impetio suo dat præcipit, vere est eius causa, eaque moralis, ut ex eo sit planum, quod primo & per se damna consequuta reparare debeat, & in eius defectum, exequens eius iussa.

Dico tertio, *Tam mandato homicidii licito, quam prohibito, expresso aut virtuali, irregularitatem contrahi, si tale mandatum, est causa eius proxima, & particularis*, Henrici, lib. 14. cap. 12. parag. 6.

Ratio est, quod mandans ab eo imperio habeat, ut vere sit homicida, cuiusmodi quisquis est, irregularis est.

Patet ex dictis primo, ut Episcopi culpa omni carent, sibi subrogantes, qui ius suo loco subditis dicat, ita & à pœna homicidii liberos esse, cum generaliter tantum, ac vniuersè, nemine notato, Vicariis suis imperant, ut scelera exagitent, meritaque pœna puniant, quia tunc non sunt mortis vlli illata, aut inferendæ causa particularis, ac proxima, nec proinde irregularitatis, sicut cum in reum certum, ac designatum, iudicem immittunt, dando ei in mandatis cum viuere ne finat.

Patet secundo, mandantem illico irregularem effici, ac mandatarius, quod est iussus efficit, etsi inter eius imperium, remque imperatam, plusculum intercedat temporis, quia ab intercurrente spatio non habet imperans, ne non sit causa factæ necis.

### QVÆSTIO XXI.

*An Irregularitas incurratur tacendo, aut auxilio alteri ad se tuendum non præstito.*

**D**ico primò, *Qui tacet, aut alterum cum potest non adiuvat, irregularitatem non incurrit, si homo sit priuatus, pari tantum, aut non maiore aliqua auctoritate præditus, quam qui vim infonsi parat.*

Causa est, quod qui insidias alteri paratas non aperit, aut ab iis innocentem non eripit, silentio non sit ipse suo, aut non defensione, mortis ei illatæ causa, non effectiua ut patet, nec moralis, quia taciturnitas ac non defensio, cum conditionis æqualitas intercedit inter eum cui efficaciter mors intendatur, & qui tacet, mortis non sit causa, cum loquendo occidentis conatum irritum non redderet, & inefficacem ad eam inferendam ut patet.

Secundo, contra charitatem qui peccat, nunquam sic est damni, quod ei repugnat, causa, ut illud restituere debeat. At inferiorem, aut æqualem ei cui struuntur insidie, sola illi charitas obligat, ut opem adferant,

Pars secunda.

**A** ac imminenti eius damno occurrant & non iniustitia, ergo cum homicidium, ex quo irregularitas sequitur, restituendi obligationem inducat, defensionis ommissio, in eo qui non nisi ex charitate inuasum tueri debet, irregularitatem non pariet.

Tertio, ommissio auxilii ad impediendum casum alterius necessarii, non est proprio homicidium, quia ex charitate tantum tale subsidium erat debitum, non autem ex iustitia.

Causa est, quod qui illud non exhibet proprio in necem influere non credatur, quod tamen ad homicidium est necessarium, ergo non est irregularis.

Dico secundo, *Qui necem alterius ut potest, & debebat ex iustitia, non impedit, puta quid ex officio, vel ratione stipendij, vel alicuius obligationis, ab ea illum tenebatur eripere, homicidio sequens irregularem esse*: ita Doctores apud Maiolum lib. 5. de irregularitatibus cap. 48. parag. 3. Sayrum de censur. lib. 7. cap. 4. Bonacin. disp. de censur. 7. q. 4. puncto 8.

**C** Probat, qui ex iustitia opem ferre tenebatur alicui, & non facit, quo ex defectu mors sequitur, reus est homicidii, cuius etiam vera est causa, quia in illud influit, occisum priuando re sibi debita, ac necessaria, auxilio scilicet, quod tenebatur ei non negare, ne periret quemadmodum is quoque vere mortis eius est causa, cui cum ipse non sit in extrema necessitate positus, panem vnicum, qui erat ei ad vitam, necessario suo tempore opportunus, ac utilis, subtrahit, sed est homicida irregularis, ergo & qui homicidium, cum ad id ex iustitia obligatur, non impedit.

**D** Secundo, cum non protegere, cuius salus in discrimen vocatur, cum debes, & potes, est homicidio aliquo modo, opem ferre ex canone periculosè 23. de penitentia dist. 1. quod homicidium, in omissione opis necessariae ad eius salutem, est indirecte voluntarium, nisi forte qui debet, iusto metu cohibitus, iniuriam non repelleret ut exigit æquitas, nam tunc tanta non videtur, & tam acriter plectendus pœna, cuius rei causa non est alia, quam voluntas Ecclesiæ, quæ id iuste, ac cum ratione postulare nequit, cum metus qui in constantem virum cadit, grauiusque dicitur, singulos ab obseruatione legis Ecclesiasticæ eximat, ergo & à pœnis eius violatori impositis.

Contraria sententia patronos habet Gabr. Vasq. Hurtadum disp. 2. de irregul. diff. 6. num. 34. Turrian. de censuris lib. 9. disp. 63. dub. 3. quam & probabilem his argumentis reddunt, primo.

Quod quæ ex homicidio irregularitas oritur, veros ac proprios homicidas afficiat,

OOO



At qui casum alienum ac eladē non impedit, ut vere non necat, ita nec proprie causam dat homicidio, sed tantum per accidens non prohibendo.

Confirm. Qui furtum non impedit, fur in iure non dicitur, ergo nec homicidio, qui diligentia ipse sua, ac cura non obstat, ne vita auferatur alteri.

Sane excommunicatus non esset, qui Clericum in quem habet imperium, violentiæ percussorum non eximit, nisi id Pontifex in cap. *quantē de sentent. excomm.* sanxisset, cōtra eos, qui eam dolo non impediunt, quare cum de homicidio, cuiusmodi nihil iura Ecclesiastica sanxerint, illud qui non impedit, irregularis non erit. Hæc mihi sententia probabilis videtur, superior tamen securior.

Secundum quam, patet ex dictis primo, militem, qui pacto stipendio operam suam ad defensionem alterius addictam habet, eiusque similes, irregulares fieri, si cum culpa sua sinant interimi.

Patet secundo, hac pœna non teneri, quos mentis ignauia, mortis metus, turbarum odium, vitæ traducendæ suauiter ac tranquille desiderium, à tutela aliena reuocat, est enim omissio officii, præstandi ex charitate alteri, vitiosa quidem, sed non malitia homicidii propria.

Excipiendus est casus, in quo ex omissione subsidii, exhibendi innocēti, audacia aggredienti cresceret, fieretque ad inuadendum promptior, nam tunc si non modo charitas, sed & iustitia, ab eo viri boni officia repetunt, ea negando, causa erit homicidii, quo sequuto incurretur ab eo quia non fecit officium, irregularitas.

Tertio, cum opis ferendæ alteri, cum releuandi oppressi ac iacentis, nulla sit necessitas, quādo id sine magno nostro aut rerum nostrorū detrimento fieri non potest, patet magistratū, qui ratione officii publici, quod in republica auctoritate gerit Principis, lege charitatis aut iustitiæ teneri ciues defendere, similiter nec Dominum, cui ex iustitia suos cū potest, incūbit eximere discrimini, irregularitatem nō contrahere, si sibi, ac rebus suis metuant, quas factas testas seruare, seque in tuto locare posse non credunt, si se alienæ opponant violentiæ, ut domesticos ab ea suos obtegant.

Patet vltimo. Aduocatos, eorumque coadiuvas, quos procuratores vulgo nominant, irregulares esse, si causæ sibi commissæ præuaricentur, si datæ fidei, si clientes deferunt si momenta causæ præcipua negligunt, si arma ad victoriam necessaria abiiciunt, infirma sumunt, ex quo eos capite luere accidit,

A quia culpa sua, dolo scilicet, ac fraude, eis creauere perniciem.

Par pœna similisq; testes afficit, qui à magistratu iussi, veritatem palam eloqui, à qua salus pendet infontium, eam nunquam damnādo satis silentio subticent, Regin. lib. 30. tract. 3. cap. 12. num. 17. quia ex iustitia, dare Aduocati debent operam, ne clientes contra fas iusque opprimantur, cum ad id industriam suam ac fidem locatam habeant.

## QVÆSTIO XXII.

B Ad quos pertineat Irregularitas proueniens ex defectu lenitatis.

Q Vot quot ad eadē concurrunt efficaciter, etiam sine culpa, ad hos Ecclesiastica hæc pœna pertinet, & primo irregulares habendi sunt ex hoc capite iuridici, quique foro, Principis loco præsident, vbi de salute & capite nocentium agitur, huius opinionis firmamenta duo.

C Primum Conciliorum auctoritas, instar sit omnium, canon tricesimus Concilii Toletani quarti, vbi est his verbis: *Quia Sacerdotes à Christo ad ministerium salutis sunt electi, vbi consentiunt legibus fieri iudices, vbi inuincendo supplicii indulgentia promittitur, non vbi discriminis sententia preparatur, si quis ergo Sacerdorum, contra hoc commune consilium discussor in alienis periculis extiterit, sit reus effusi sanguinis, apud Christum, & apud Ecclesiam perdat proprium gradum.*

D Irregulares sunt ergo hi omnes ex defectu lenitatis, qui iudicia exercent capitalia, ratio est, quod sententiam dicere capitis, quod de nocente pœnas quamuis iustas repetere, sit contra mansuetudinem Ecclesiasticam, Alexand. III. teste in cap. *suscepimus* 10. de homicid. est enim indecēs ut qui personam Christi gerit in altari, hostiam immaculatam Deo offerens, vitam homini auferat, cuius ille conseruandæ gratia, propriam perdidit.

E Secundo sunt ideo & ex hoc defectu, incapaces ordinis, Assessores iudicum, testes, accusatores, Notarii, Scribæ publici, quique reo custodes ad mortem eunti, comites adduntur ne euadat, quibus addendi qui in capitalibus causis sunt patroni, quos Innoc. Episcopis in Synodo Toletan. constitutis, epist. 24. cap. 2. deponi imperat, eo quod ad Clericatum peruenire nequeant, ut ipsemet ait in epist. ad Felicem 4. cap. 3. ad quæ accedit hæc ratio.

Quod hi operam suam ad mortem efficacem afferant, ergo cum homicidæ cuiusque modi

quemodi, Ecclesiasticæ irregularitatis nota sint infames, ab ea fore liberos quis credat, quorum est in hac assertionem facta mentio Regum scilicet, ac Principum ministros in caula capitis?

Casus excipiendi sunt duo, primus est, cum ad certi ac designati hominis interitum, nec testis, nec notarius, aut patronus, operam suam deferunt, sed vsuuerfantur ad pœnâ nocentium, quia istiusmodi hominû opera, à morte huius, aut illius abstrahit, ergo si sequatur, eius hic censi causa non debent.

Secundus est, cum quis tantum remote, per accidens & indirecte, alienæ mortis est causa, indirecte quidem, quia litem ei creat, qui est ex alia causa diminuendus capite, remote autem qui ea faciunt, quæ proxime in mortem non influunt, ita qui scalas & funes ad suspendendum conficiunt remote mortem nocenti afferunt, quos tamen irregulares non esse communis est opinio.

CIRCA dicta quæritur primo, *An sit irregularis, quisquis ei litem intendit, qui postea iudicis ore, sententiaque, in foro perit.*

Qui in causa civili diem alteri dicit in pretorio principis, non est hic irregularis haud dubie, quia hoc non est accusare, sed agere, accusatio enim crimen desiderat, hominem ut notet, rem ut definiat, quorum primum in repetitione rei suæ deficit, & quamquam accusare, vniuerse sumptum ac generaliter, idem valeat communiter, ac virgere ad dicendam causam, Alciatus in leg. qui accusare Cod. de edend. quæ causa est, cur accusationis nomine, civilis quoque actio veniat, l. iudiciorum in fine dig. de accus. & inscrip. propriam tamen accusare, & accusatio ad crimina, eorumque delationes referuntur, unde est accusatio proprie, ex qua pœna mortis imponitur, vel corporis coercitio, vel multa pecuniaria fisco applicanda. Actio autem, ius persequendi in iudicio, quod sibi debetur, Angel. rubr. iust. de publicand. iudic.

Secundo est id quoque certum, Clericum irregularem non esse, si iudex capite multandum crediderit, quem ille in causa quidem capitis accusavit, sed quæ morte puniendi non erat, causa est, quod tum, iudici eiusque imprudentiæ, non autem accusationi Clerici, sententia tribui debeat.

Tertio, qui in persona vel rebus suis, aut suorum, iniuriam est passus, potest absque irregularitatis metu vlllo, res suas auctoritate iudicis, in foro repetere, actionem civilem contra furem instituere, etsi intelligat, cum probabiliter damnandum, dummodo protestetur se accusati mortem non querere, sed suam, ac Reip. salutem. Ita Bonifa. VIII. in decret. 2. de homicidio in 6. Alioquin, inquit,

A si Prælati aut Clerici, propter metum eiusmodi (quia iudex ad pœnam sanguinis posset procedere) de suis malefactoribus valiter conqueri non auderent, daretur plerisque materia trucidandi eisdem, & ipsorum bona libere depredandi, quare qui sine tali protestatione, quempiam in foro peccati arcesseret, etsi eius mortem nolleret, irregularis esset.

Quid si verbo tenus duntaxat, ac proinde cum fraude dicat actor, accusati se mortem non cupere, quam tamen desiderat?

Navar. cap. 27. num. 226. irregularem pronuntiat, quia protestationem eiusmodi non adhibet, quam canones exigunt, hoc est veram, non fraudulentam & fictam, itaque causa secuturæ mortis est censendus.

Cui opinioni repugnat Couar. 3. parte relect. de homicid. num. 5.

Primo, quia ex interno voluntatis affectu, ac opere, irregularitas nasci nulla solet.

Secundo, quia de huius protestationis faciendæ modo, nulla fit in decretali citata Bonifac mentio, frustra ergo sincera postulatur intentio.

C Quid? quod mitigari odia oporteat, restringi pœnas, quod esse qui possit, si ad verba, accedere debet vobis ac intentionis sinceritas, intelligere non est facile, sufficit ergo verbis facta protestatio, etsi futuræ mortis destituta desiderio.

In persona sua, aut suorum dixi, hoc est domesticorum, amicorum, aut ita coniunctorum, ut eorum iniuria, communionem quadam sanguinis, aut necessitudinis, in conquerentem redundare videatur, nam qui de damno sibi non coniuncti hominis, iniuriaque, in foro apud iudicem conqueritur, eiusque nomen inter accusatos, eosque defert, quamlibet immunem se, ac alienum à petitione vindictæ dicat, irregularitatem tamen non evitat, si in accusatum mortis aut mutilationis sententiam, criminis gravitate ita postulante, iudex proferat, Navar. cap. 27. num. 217. Molina tract. 3. disp. 8. num. 8.

E Ratio est, quod ad sui, suarumque rerum defensionem, interclusos vlli esse aditus, Ecclesia noluit, ne impune, cuique nocendi daretur improbis occasio, at esset ad sui defensionem via clausa, si res suas repetere in iudicio, si earum iniquum detentorem, furti agere, sine contrahendæ irregularitatis metu non liceret, quæ ratio cum cesset, ubi res non propria, aut honor accusantis agitur, sed aliena, non est mirandum si protestatione cum iuvare Ecclesia, contra sua decreta, de incurrenda irregularitate noluerit, qui iniuriam ad se non atinentem, iudicio persequitur, ex quo mortis, aut mutilationis sententia consequitur.

## QVÆSTIO XXIII.

*An Clerici in foro accusantes sint irregulares.*

**S**ermo hic mihi primo, de accusatione quæ pro fine deformationem habet corporis, per necem hominis, aut eiusdem mutilationem,

Sermo mihi secundo, de accusatione in causa sanguinis, Advocato pro actore, contra eum patrocinante, ut seueritatis in eum suæ aculeos iudex erigat, hominemque his alte confossum perdat.

Et certum est, accusationi in causa sanguinis, irregularitatem adiunctam esse, decreto Innoc. III. *in canone sententiam finali tituli de Clerici, in can. studeat dist. 50. & dist. 51. can. 1.* cui enim est incognitum, irregularitate teneri eum, qui causam dat propinquam mutilationi, aut homicidio? eiusmodi autem esse, quis non videt, accusationem rei in foro, aut publico causatum auditorio: tam enim probabile, aut certum, accusato Clericus exitium creat, eum arcessendo criminis quam si iudici eius necandi, auctor esset, quod qui facit, admissi notam homicidii non effugit Aug. teste *tract. 42. in Ioan. Noli, inquit, putare te non esse homicidam, quando fratri tuo mala persuades, si fratri tuo mala persuades, occidis, & alibi ut refertur 33. q. 3. can. perniciose 23. Perniciose, inquit, se decipiunt qui existimant, eos tantum homicidas esse, qui manibus, hominem occidunt, & non potius eos, per quorum consilium & fraudem, & exhortationem, homines extinguunt.*

Confirm. est testimonium de his rebus, per quas mors infertur, eius causa, ut pote quod in sententiam sanguinis per se influit, iudicem ad eam determinando, atque testimonii, eadem quoque est accusationis ratio, cum nemo nisi accusatus, auditus, & conuictus, damnari possit ac debeat.

Certum 2. Clericum irregularem non esse; qui cum diem quidem certo homini pro ære alieno, debitisque dixisset, multari eum capite contigit, quia sententiæ contra se data, ex peruicacia obsequi noluit, nam cum talis accusatio non sit homicidii causa proxima, sed remota tantum, de irregularitate suspecta esse non potest, ut colligitur ex *cap. postulasti de homicidio.*

Certum 3. Clericum de crimine accusantem, quod capitis, aut membrorum diminutione plecti, leges ac æquitas non sinunt, irregularem non esse, si eum iudex ex ignorantia, aut inueterato in eum odio, fune læ cruci perdendum, sententia sua, imperioque addi-

A cat, Auila 7. parte disp. 5. sect. 1. dub. 1.

Causa est, quod Clerici actio non sit puniendi hac pœna, nisi ut est causa per se, sequitur mortis, at non est subiecta materia eiusmodi, sed iudicis imperitia, qui contra ius, de innocente pœnas, æquo maiores repetit.

Sentiendum secus foret, ac proinde extra irregularitatem Clericum non esse, si spectatis, tam loci quam personarum circumstantiis, videre debebat aut poterat, accusatum ab insciente passurum iudice, quod horret ratio, refugit æquitas, prudentia ac humanitas pati nequeunt. His præmissis sit,

Prima assertio, *Ut Clericus, vel accusans malefici ob quod perire eum legibus est necesse, non sit irregularis*, quorundam opinione profiteri debet, actionem non se suam eo dirigere, ut accusato periculum mortis creet, sed solum ut æquitas ius suum obtineat, nam est ideo Clericis interdicta accusatio in causa sanguinis, quod per eam, mortem accusati censeantur velle, ac querere, at cessat hæc suspicio, cum clare, & vere iudici enuntiant, sibi nihil in alieni criminis delatione, cum nocentis interitu esse velle, *cap. prelati 2. de homicidio in 6.*

Deinde est Clericus, qui reo litem intendit capitis, hoc est (ut loquuntur) accusat criminaliter, ideo irregularis, quod causam det homicidio proximam, at ab hac eum suspicione protestatio eximit.

Dixi *expresse* nec enim tacita sufficit, qualis est eius, qui accusati quidem mortem non appetit, sed vitam, sed id non exprimit: debet ergo actualis esse hæc protestatio, verbisque, aut signis declarata, ut dicitur in decretali citata Bonif. VIII. quæ incipit *Prelatis*, his verbis: *Ne contra eos talia presumantur, protestando expresse, quod ad vindictam, seu pœnam sanguinis non intendunt, imputari non debet.*

Additur *in causa sanguinis* nam si leue crimen aliquod, resque quæpiam ciuica in foro agitur, non videtur esse hæc denunciatio necessaria, secundum Henric. *lib. 14. cap. 12.* & Glossam *in canonem prelati*, ac situm accusatum mori accadat, iudicis ignorantia, aut improbitati, eius erit ascribendus interitus, non actori, alioqui, inquit *canon prelati* citatus, si *Prelati, aut Clerici propter metum huiusmodi* (quia iudex ad pœnam sanguinis posset procedere) de suis malefactoribus taliter conqueri non auderent, daretur plerisque materia trucidandi eosdem, & ipsorum bona libere depredandi.

Quid si accusator significet quidem, accusati se mortem nolle, sed ore tenus duntaxat.

Respondent aliqui ut Fernandez *in medulla parte 2. cap. 10. parag. 14.* & Nauar. *supra*, irregularem



irregularem esse non secus, quæ opinio magnam apud me veri speciem habet; probabilior est tamen in fauorem Clericorum, opinio asserentium, ab irregularitate immunem actorem esse, quam defendunt Couaruias *ad Clementinam si furiosus parte 2. parag. 5. num. 2.* Henricus *lib. 14. cap. 11.* quod ut Clericus eximatur ab eorum numero, qui quoniam homicidio dant causam, in irregularitatem incidunt, satis sit per canonem *prelatis de homicidio in 6.* cum uti protestatione, de qua agimus, quæ quia externa tantum esse potest, frustra postulatur interior, cum ius quo statuitur, quod vitetur irregularitas protestatione prædicta, restringi ad eam, quæ sit voce, simul & animo, non debeat. Priuilegia enim ampliari ac diduci, odia autem restringi conuenit.

Quid? quod Ecclesia de internis non iudicet? quod cum abdita eam lateant, eorum defectum punire nequeat? ne quis ergo accusando sit irregularis, exigere internum illum affectum non potest.

Verum enim, quod accusatori licet cum effectu vitandæ irregularitatis, quando reo capitis diem dicit, etiamne ad patronos, testes, Iudices, Aduocatos, cæterosque fori ministros pertinet? eam ut declinent, vitentque, cum protestationem hanc initio causæ adhibent?

Non posse censuere magni viri Vgolinus *de irregul. cap. 6. parag. 9. num. 3.* Laym. *lib. 3. sect. 5. tract. 3. parte 3. cap. 7. num. 5.* Molina *ro. 4. tract. 3. disp. 74. num. 5.* Hurtado *disp. 2. difficult. 11. num. 41.* Henricus & Turrian. ab hac ratione opinionem suam reddunt probabilem, quod facultas protestandi, accusatori soli concedatur in iure, non aliis, ad eos ergo extendi non debet, Laymanni sunt hæc verba: *Exinde intelligitur, cum Couar. parte 2. parag. 5. num. 5. Henricus, lib. 14. cap. 12. num. 9. Suar. disp. 47. sect. 3. Aduocatum ac testes, in causa criminali, nihil per protestationem adiuvari, si ex eorum allegationibus Iudex ad causam sanguinis motus fuerit.*

Proius dixere & sensere mitius Cominch. *disp. 18. cap. 10. num. 95.* Præpositus *in 3. parte si. 5. de irregul. dub. 13. nu. 104.* his enim visum, Aduocatis & testibus, idem, irregularitatis vitandæ causa, competere beneficium, quod accusatoribus, quare ut ab istis, irregularitatis labem omnem protestatio remouet, ita & ab illis,

Probandæ huic assertioni causam hanc asserunt, quod nisi testes, & Aduocatos, par ac similis sequeretur gratia, ac quæ accusatori est concessa, facta isti facultas foret inutilis, quam enim pauci contra reum pro accusatore dicerent, quam pauci pro veritate testi-

monium redderent? cum omnes, tantæ pœnæ subeundæ iustus metus, à dicendo, orando, defendendo, & testando retraheret, sicque fieret, ut nec reus puniri, nec accusatori concessum priuilegium prodesse posset, ergo ut istum accusatio in causa criminali irregularitate non afficit, cum est protestatus mortem accusati se nolle, ita nec testes, & Aduocatos lædet, si idem publice eloquantur, sincere tamen ac candide: hæc mihi opinio videtur in conscientia tuta, nec proinde in praxi damnanda.

**B** Verum enim excusatne in qualibet causa materiaque, eiusmodi protestatio?

Primo excusat ab irregularitate Clericum, qui eum accusat, à quo in fama, bonis propriis, suoque corpore læsum se sequitur.

Secundo, cum res consanguineorum, patris, filii, fratrum sibi commissorum, ac eorum, quibuscum tam arcto necessitudinis vinculo nexus hæret, ut eorum iniuria ad ipsum communionem sanguinis pertineat, Hurtado supra, Molina *tract. 3. disp. 44. num. 11.* Laym. *supra, num. 5. parag. sunt autem.*

**C** Tertio, excusat protestatio Clericum ab irregularitate, cum eum accusat qui damno aliquo Ecclesiam, aut commissam sibi plebem affecit, aut ei diem dicit qui Reipubl. nocere parat, nam ad auertendum graue eius detrimentum, aut innocenti imminens periculum, illum accusare fas est Clericos; dummodo ante sententiam protestetur ac dicat vindictam se non querere, aut mortem ut est in *cap. 2. de homicidio in 6.* quanquam non desunt qui protestatione in hoc casu opus non esse asserant, ut Molina & Præpositus locis citatis. Et quoniam de Clericis præsens est disputatio, hic addenda videntur aliqua quæ ad eos in hac materia pertinent, & primo.

**D** Queritur, *An cum in bello iusto, manus cum hoste conferunt, & pugnando interimunt aliquem, sint irregulares.*

Respondend. quibusdā non videri, ratio est, quod dum finis est licitus, permissusque singulis, media quoque ad eum, natura sua aut vtentis voluntate idonea capessere, non sit in vitio: at est huiusmodi mors hostium, illata per Clericos, cum patria, aut ciuitas, cuius sunt membra, de fortunis ac salute, periclitantur.

**E** Mihitamen mensest alia, quæ canones bini, ratioque ipsa ingenerant. Enimvero est irregularitas non tam pœna, quam moralis quædam macula, seu indignitas ad altaris ministeria, at faciūt, hæc res ambæ cōtra Clericos, congregientes in bello cum hostibus, quæ est enim à personæ maiestate, quæ in Dei Ecclesia Sacerdos gerit, alienū, cum incuba-



re sanguini? vitā quam vel corpore ipse suo, saluteque, tueri Christi exemplo debet, hominibus eripere? Eum qui mortalium omnium fuit mitissimus, se in altari hostiam, Deo Patri immaculatam offerentē refert, ac exprimit, id verò facere qui possit, concipere non est facile, si illi est impune, bellis assuescere, si ut milites ceteri faciunt, sanguinē hostium haurire licet cum laude. Eos sane cum arma gessere, cum in bello vivere aliquanto tempore, esse à sacris remouēdos altaribus, scripsit Innocent, *epist. 24. ad Episcop. Hispanie cap. 2.* quod ipsum sanxere qui Concil. Toletano primo interfuere Hispani Antistites: sic enim illican. 8. *Si quis post baptismum militauerit, aut cingulum ad necandos fideles sumpsit, etiam si grauius homicidia non admisit, si ad Clerum admissus fuerit, Diaconi non accipias dignitatem.*

Secundo quæritur, *An Clerici qui capitis supplicio interfunt sint irregulares.*

Respondend. cum distinctione, aut enim morituro præsentiam suam accommodant, ut carnifex aspectu suo ad extorquendam laqueo rei animam, sit expeditior, moriturus autem ad fugiendum lentior, ac tardior, quia eorum autoritate, ne id cogitet, velitque, impeditur, & hoc si animo constitutum habent, vere sunt irregulares, iuxta Angelum, in *Verbo homicidium 1. num. 25.* Innocent. III. in *decret. ex literis 10. de excessibus Prelatorum*, ubi Albigenensem Episcopum officio indignum iudicat, eoque priuandum quod auctoritatem suam ad suspendium cuiusdam furis præstitisset.

Ad hoc Innocent. responsum accedit ratio, nempe quod tunc causam homicidio proximam, Clerici tribuant, ut qui vere ei cooperentur, illudque accelerent. Quod si contra, pœnæ de nocente repetendæ per litterorē, se tantū spectatores exhibent, & nihil amplius, etsi in eo de curiositate excusari nequeunt, proindeque nec de culpa, ab irregularitate tamen immunes eos esse docent, Nau. *Enchir. 27. n. 214.* Molina *de iustitia trac. 3. disp. 8. num. 13.* quia ad criminosi mortem, nihil de suo adferunt, ergo nec homicidæ dici vere queunt.

Tertio quæritur, *An Clericus pro irregulari sit habendus, qui absolutionem iudici negat, reum absoluerit, ac e cavere in libertatē asserere paranti.*

Respondend. negatiuè cum Henric. *lib. 14. cap. 12. parag. 4. littera A.* si iudici tantum in confessione indicet, quid ex officio, Reip. ac nocentibus debeat, quæ sint eius partes, quæ in infligenda pœna, nocentibus munera: quæ ex oratione, factus ad vindictam animosior, rei quem in vinculis habet, puniendi pro meritis occasionem capiat, nam con-

A fessario incumbit ex officio uti patri, penitentē admonere sui officii, earumque rerum renouare ei memoriam, à quarum omissione impeditur peccatorum remissio, eiusque Sacramentalis absolutio: at peccat iudex, qui de nocente pœnam repetere, qui in eum, notissimi maleficii conuictum, testium voce exemplum statuere publicum renuit, cum utrumque Reipublicæ, tam iustitiæ lege quam charitatis debeat, quare cum qui prouincia defungi sua, nec facere officium sit paratus, quod tenetur explere, absolutionis sit incapax, non peccat confessarius, cum eam iudici sic disposito non impertit, ergo nec eum admonendo officii, hortandoque ut secundum allegata & probata, reum puniat, ergo nec est ex eo existimandus irregularis.

Quarto quæritur, *An ab irregularitate excusetur Clericus, cum in bello iusto militibus est auctor, ut præclare rem gerant, seque viros in conflictu exhibeant, dicendo, state, occidite, pugnate, bombardas displodite.*

Respondend. primo, Clericum cum cohortatur tantum milites ad pugnam, irregularem non esse, Glossa in *can. seiscris 7. q. 1.* Portel. in *dubiiis regular. verbo homicidium nu. 43. in addit.*

Ratio est, quod eiusmodi cohortatio à morte abstrahat.

Secundo, quod non sit hæc opposita iustitiæ, nec cuilibet alteri prohibitioni.

Respondend. secundo, cum Clericus cohortatur ad necem, ab irregularitate excusari non posse, nisi cum eo dispensasset Pontifex. Responsonis pars prima probationem, habet facilem: nam concurrere ad alienam necem, ex quocunque fine etiam bono, pœnam irregularitatis in Clerico adiunctam habet, ex Nauarro *cap. 27. num. 217.* Antonin. *3. parte titulo 28. cap. 2. parag. 5.* Portelio supra, qui omnes aiunt irregularem ob eam causam esse, qui ligna ad comburendum hæreticum, ut virtutis studio, zeloque fidei, sic Calvinianæ sectæ odio conuehit, sic enim ad eius mortem, exitiumque operam suam confert, quod est malum, & Clerico prohibetur.

Secunda assertorem habet & patronum Couarruiam ad *Clementinam si furiosus parte 2. parag. 3. num. 2.* pro fundamento rationem hanc habet.

Potest Pontifex irregularitatem, ubi est contracta tollere, ergo & impedire ne incuratur.

Confirmatur, quod Clericus, aut alius sit irregularis ex homicidio iusto, id oritur à iure Pontificio, at in eo dispensare potest Pontifex, ac facere ne vim suam in eum exercent

exerceat, à quo non seruatur, ergo & ne ex eius violatione ea pœna sequatur.

Quæritur quinto, *Liceat ne sine irregularitate Clericus, cum Vrbs ab infidelibus obsidetur, aut nauis in qua versatur, à piratis Calvinianis oppugnatur, propria se manu tueri, ac repugnantes occidere.*

Respondend. licere, primo, quia cum irregularitas sit pœna, extra casum defectus lenitatis, non incurritur sine culpa, at ea omni vacat Clericus, tuendo urbem, in qua versatur, nauim qua vehitur, ab impressione hostium, nec sine eorundem clade, cum quæsito ad mortem semper sit permissum, se defendere, maxime cum est innocens, ut sunt Catholici, respectu aggredientis hæretici.

Secundo, lex positua ad eum casum se non extendit, in quo dispensaret legislator si adesset, at talem esse præsentem, nemo sanæ mentis non intelligit, ergo, &c.

Tertio, qui necessitate impellente cædit aduersarium, quoniam aliâ via non ostenditur expediendæ salutis, Clementis V. auctoritate in *Clement. prima de homicidio*, omniumque Theologorum consensu, irregularitatem contrahit, at Clericus in vrbe obsessa ab hostibus inuaditur, in nauis, à Calvinianis cum ferro ad mortem quæritur, ergo, &c.

Sexto quæritur, *An Sacerdos qui reum comitatur ad mortem, irregularis censeri debeat, si eum cohortetur, ut celeriter scalas ascendat, grandique passu ad locum supplicio destinatum vadat.*

Negant Henriq. lib. 14. cap. 12. num. 7. Regin. lib. 30. tract. 2. cap. 9. num. 103. Diana tract. 5. 3. parte resp. 79. Villal. to. 1. tract. 21. diff. 27. num. 13. Portelius in dubiis regular. verbo homicidium num. 46.

Causa est, quod cū Presbyter non sit iudex, nec de ministris fori vnus aliquis, nec coope-retur cum iis ad mortem, eam absolute procurando, aut ea sine quibus executioni mandari nequit, faciendo, incurrere pœnam hanc nisi ex delicto mortali nequeat, quale non interuenit cum res est leuis, & indeliberata, cuiusmodi esse quæ in exemplum sunt posita, tradunt cum citatis auctoribus Vasq. Turrian. de censur. lib. 9. disp. 66. dub. 3. quare mea sententia, inquit Portelius supra, religiosum infirmarium, vel comitantem ad patibulum non esse irregularem, si bona fide, absque culpa mortali, & in re parua dicat, vel faciat aliquid, ex quo per tantillum tempus, mors dicatur accelerari.

Similiter non sunt irregulares qui furcam faciunt, funes aut crucem factam vendunt, qui ense tribuunt, aut cætera, quibus ut instrumentis, vita est extorquenda rei, nam cum irregularitatis contrahendæ, duplex

fit ratio, altera ex defectu, ex homicidio iniusto altera, ex neutro possunt capite, hi de quibus est mentio, irregularitati subesse, non primo, quia ministri non sunt iustitiæ, nec vt tales operantur, nec secundo, quia in eo culpa vacant, suntque securæ mortis causa admodum remota, vt enim in hoc genere, nempe ex defectu lenitatis irregularitatem quis contrahat, debet eius cooperatio ad mortem, aut mutilationem esse aliquomodo notabilis, & non admodum remota, aut per accidens, Layman. lib. 4. sect. 5. tract. 3. parte 3. cap. 7. num. 2.

Septimo quæritur, *An pro irregulari sit habendus, qui mortem rei procurat, ac appetit, iudicem ad eius vindictam acuendo, verbis, signo, atque sermonibus.*

Pro tali eum habent Doctores, præ cæteris Henriq. lib. 14. cap. 12. num. 8. his verbis: *Actor priuatus, seu agens, & procurator contra reum, qui mortem aut deformationem quærit, est irregularis.*

Causa est, quod cum ministris fori, ad executionem dictæ in reum sententiæ, tum concurrat.

Secundo, quod est hic, directa voluntate causa mortis, à quo ad eam decernendam ratione officii sui moueri iudex solet, eiusmodi autem eum esse qui iudicem impellit, agitque contra reum, vt de eo meritas pœnas exigat, quis neget?

Retraetari tamen secundum constitutionem canonis voluntas hæc cæsetur per protestationem, quam iuxta cap. 2. de homicid. in sexto, facere quilibet, ante litis contestationem debet, dicendo sanguinis se vindictam, mortemque rei non postulare ac quæ-rere, nam etsi esset talis protestatio ficta, velletque actor, vt per iudicis sententiam, causa ille capiteque caderet, euitaretur tamen irregularitas non secus, secundum Laym. loco cit. nu. 6. Henriq. cap. 11. in fine, Auilam dub. 9. Nauar. cap. 27. num. 226. Sylu. verbo homicidium 2. q. 8.

Octauo quæritur, *An præter iudicem, forique ministros, sint & alii, qui ex defectu lenitatis irregularitatem contrahant?*

Omniino, suntque de hoc numero, quotquot moraliter ad necem cooperantur alterius.

Primo, ex intentione, vt qui scienter suum offert ad suspendium, gladium ad homicidium, fasces ad vrendum.

Secundo, per actionem ad hoc ordinatam, vt si testetur quis in causa sanguinis, si furem indicet, si viam qua aufugit, si locum vbi latitat, si confessarius reo adhibitus, car-nificem moneat, venisse tempus, quo iudicis imperio sit parendum, si eum oret vt gla-

dium magis acuat, &c. nam mortis acceleratio etiam ex pia causa, & meritoria, si non est culpabilis, ac certe irregularitati est iuncta, Laym. cap. 7. Molina tract. 3. disp. 74. nisi ex charitate, eaque urgente, originem duceret, ut accideret, si periculum esset in mora, si metus futuræ desperationis in summa cruciatu acerbitate, quibustum extremo suo, maximèque necessatio tempore, reus configit, esset tamen irregularis. qui criminofum iudici traderet, si hanc eius deditionem mors exciperet, Nauar. in can. periculose disp. 1. de pœnit. ad finem notab. 2. similiter qui delinente magistratui imperat, certum ut hominē extremo supplicio afficiat, carnifici autē, vitam ei ut laqueo, primo quoq; tēpore extorqueat, quia est hoc eius imperium, mortis illatæ aut inferendæ propinqua causa.

Ob rationem oppositam, qui arma facit, aut vendit, funes aut scalas parat ad mortem, non huius aut illius, aut certe cuiuspiam hominis, sed nocentium tantum in communi, irregularitatem non subit, quia talis in eorum necem non nisi valde remote influit, planeque per accidens: quod quia spectatores supplicii non faciunt, ab irregularitate sunt liberi, est tamen lege canonica Innoc. III. in decretali sententia quæ est nona tituline Clerici vel Monachi, Clericis prohibitum, in eo loco promiscue cum plebe consistere, ubi in eius oculis, de nocente pœna capitis repetitur coram & publice.

Nono quæritur, *An Episcopi sine irregularitatis metu illo causas sanguinis committere possint certo homini, qui suas vices in iudicando obeant.*

Dico primò, *Possē Episcopos, temporalem iurisdictionem obtinentes, sibi substituere magistratus, ac iudices, qui suo nomine, quæstionem de delictis instituant, eaque, cum pœna sunt digna, supplicio iusto puniant.*

Ratio est, quod Episcopis incumbit promunere, dare id operam, ne in provinciis, quibus præsunt, scelera libere grassentur, ac impunè in infantiū perniciem, singula meritis coercere cruciatibus, quos per se infligere Episcopi cum nequeant, esse quid potest æquius, quam ut per alios, ipsi in improbos, violatæ iustitiæ exempla statuunt? eos ergo ad eam sibi rem, si subrogent, quis cum ratione arguat?

Dico secundo, *Episcopos temporale ius habentes, hoc est subditos sibi in temporalibus populos, leges sciscere sine irregularitate posse, quas transgredi sit violanti capitale.*

Ratio est, quod ad incurrendam irregularitatem ex defectu lenitatis, oporteat ut cooperatio ad mortem, vel mutilationem sit notabilis, non remota, & per accidens, ac

A Episcoporum, leges sciscitentium, ex quarum transgressione mors sequitur nocentium, cooperatio propinqua non est, ac per se, sed remota, & per accidens, cum ipsi mortis sententiā nec pronuntient, nec exequantur nec intendunt, sed magistratui ferendam committant, ergo cum ad incurrendam irregularitatem, quæ ex homicidio iusto provenit, necesse sit, ut ab eo qui eius occasione est irregularis, procedat factum, vel dictum, directum ex se, & suapte natura, vel ex intentione speciali operantis in deformationem, vel necem: Episcopi à quibus cum legem subditis suis dicunt, horum nihil fit, ex morte, aut mutilatione secuta vi sententiæ secularis iudicis, cuius sunt occasione legis à se latæ causa per accidens, irregulares non erunt.

Confirmatur, est hoc irregularitati, de qua est hic sermo, speciale, & proprium, ut ad eam causa propinqua exigatur, quam intentio ita specialis sequatur, ut sit sufficienter ex parte operantis ordinata in homicidium, Portelius par. 1. casuum casu 50. ac res hæc dicitur in Episcopum condentem decreta, quibus publica provincie suæ salus continetur, ac regitur, non cadunt, nec enim in iis promulgandis populo, aliud ei obversatur animo, quam status sui tranquillitas, pax familiarum, fuga scelerum, vita virtutum, quod quid esse potest honestius? quid in omnem partem publicæ rei fructuosius? reus ergo esse irregularitatis non potest, quamvis ex iis sequatur homicidium, Tabiena verbo irregularitas 2. num. 4.

D Equidem non sunt Clerici, quique sunt in exercitu ducibus ac militi à confessionibus, cum eos ad constantiam animant, suorum priuati usu ordinum, nam et si cohortationem hanc suam, necesse secuturæ sunt ac homicidia, cum res geri ex voto contra hostes in prælio, sine sanguine nequeat, nō sunt tamen lege canonica de eorum numero, quos irregulares schola nominat.

Primo, quod nullius in vitam, membraque impetum faciant, nemini noceant, omnibus bene consultum velint.

E Secundo, quod dum hi suos ad certamen acuiunt, spectent id duntaxat, ut victores euadant, de nece inferenda aduersariis, ne verbum quidem, quare si esse posset incruenta victoria, talem haud dubie sibi, suisque peterent, innocentem, scilicet, ac ab inimicorum sanguine vacuam, puramque, quod si voti esse sui compotes sine multorum clade nequeunt, id non est specialiter, ex sua cohortatione intentum, S. Antonini testimonio 3. par. tit. 28. cap. 2. parag. fin.

Dico tertio, *Episcopum ex irregularitate non eripi,*



*eripi, cum ipse per se, in nocentem dicit mortis sententiam, aut iudici imperat ut de eo poenas suspendio exigat, quia Ecclesiasticis, sacrisque hominibus in hoc genere rerum, aut consilium dare, aut sententiam ferre, iura Ecclesiastica minime permittunt, neque est is extra irregularitatem, qui suo consilio, mandato, aut responso, auctor est alteri, quenquam interimendi, aut mutilandi, licet iuste hoc forte ob eius delicta horrenda & grauius faceret.*

Aqua lege exemptos esse, qui prouinciis, ciuitatibus & oppidis Romanæ Ecclesiæ, cum auctoritate præsumunt, ut legati Apostolici. Nuntii, quos Xistus quintus voluit constitutione sua quam in facinorosos & proscriptos edidit, id posse, nam his sine irregularitatis incursum, licere respondit, inferiores iudices cogere ad pronuntiandum de capite, ac fortunis huiusmodi hominum.

Causa est, quod irregularitas ex homicidio iusto nata, poena sit Ecclesiastica, ut ergo eam infligere is potest, cuius est Ecclesiæ ius dicere, ita & tollere, adimit autem Pontifex, cum eam vigere in Christiana Reipubl. aut illa vnum aliquem, aut plures constringi abnuat, facere ergo Papa potest, fas ut sit Episcopo, aut cuiuspiam simili Prælati statuere, rei capi ut queant, ac in crucem mitti.

quam facultatem etsi non habeant Episcopi communiter, nec qui de eorum numero, ius externi fori, gladiique, sibi per alios vindicant, sunt tamen ab irregularitate liberi, si de repurganda latrociniis prouincia legem ferant, qua lege, certo cuiuspiam homini moriendum esse intelligunt, quia captus à iudice, luet capite, suæ poenas amentis.

Primo, quia ut irregularitas, ex homicidio contracta, ob lenitatis defectum, pro re iustissima, opere scilicet quo æquitatis plenissimo incurritur, (nam quid iustius quam puniri scelera, furta de prouincia exigere, virtutes ab actis vitiis, ad eam quasi postliminio retrahere) ut est hæc (inquã) irregularitas operi coniuncta laudabili, nempe vindicanti iustitiæ, ita est hoc ei speciale, causam ut exigat, nec sic propinquam, intentionem autem in operante, ita specialem, ut sit ab eo ordinatum in homicidium, at neutrum facit Episcopus, neutrum Ecclesiæ Præsides ac rectores, cum exterminari de prouincia, vitia statuunt, cum puniri fures, capite plecti perduelles, lege lata imperant. Enimvero id spectant, id quærunt, ut dictum est, id duntaxat moliuntur, & agunt, ut Remp. florentem, habeant, homicidiis ac furtis obuiam eant, itinera publica secunda reddant, errantes in viam reducant, officii sui singula

Pars secunda.

los commune faciât, quod ut assequi queant legem pronunciant, qua iudici animaduertere in nocentes sit permittum, vi cuius, si quis intreat, est id illis inuoluntarium, ut docent Sylu. *Verbo homicid. 3. parag. 5.* Ludouic. de Beia *parte 1. respons. casu 30.* ergo & irregularitate vacuum, similique nulla poena plectendum.

Minor est certa, maior probatur: sunt Religiosi, ac Clerici, immunes ab hac poena, cum in bello pro fide contra hæreticos, ad dimicandum animose ac fortiter, milites sermonibus suis animant, etsi in ardore conflictus ac pugnae, vtrinque multi cadant, quia non istorum interitum, non vulnera, non casum suadent ac quærunt, sed victoriam, sed principis sui, sed Dei gentisque Christianæ gloriam, quam hæreticis succumbere, aut iis animi fortitudine cedere indignum putant, quod si ut sunt dubii, accipiteque bellorum exitus aliquid humanitus eorum alicui accidat, est id præter eorum spem ac cohortationem intentum, quare ut in eo caritatis officio, Clerici cum versantur, culpa vacant, ita & irregularitate, quæ est homicidarum poena, notari non debent.

Equidem (quæ est altera assertionis positæ ratio) ad irregularitatem, quæ est ex homicidio iusto, duo sunt necessaria, primum eius faciendi voluntas certa, ac directa, alterum, factum aut verbum ex se, naturaque sua, vel ex speciali operantis intentione, in necem, aut membri mutilationem directum, in neutro peccant Episcopi, aut eorum similes Clerici, temporali potestate præditi cum fures, lege lata iubent, prouincia egredi, aut si in ea manserint, nec tamen ad bonam frugem, damnata vita priore redierint, capite minui, eos primo, per se, ac directe perditos volunt, sed poenæ metu, mutatos in melius, nec est statutum, quod mentis sensum, magistratui ac popularibus explicent, primo, per se, directe, ac specialiter mortis causa, aut ad eam relaxum, sed vniuersæ tantum ac secundario, quod ad contrahendam irregularitatem, satis non esse, dixerunt Archidiaconus. 23. *quest. 3. can. officia.* Panormit. in *cap. sententiam, ne Clerici vel Monachi.*

Obiicies in reum sententiam mortis dicere, sine irregularitate Episcopus non potest: ergo nec legem, qua stante, eum rueret, ac perire est necesse.

Neganda est consequens discriminis hæc est causa, quod Episcopus in casu consequentis, nemini expresse & actu, damnum statuto suo velit, inferat, aut patet, sed tam Diocesis suæ ac prouinciæ, quam priuatorum tranquillitatem, & pacem, quos sic, saluos esse,

PPp



vult & incolumes, metuque pœnæ vitia dediscere, virtutem amplecti ac amare, in Anteced. autem actionis fit mentio, qua rei vita exprimitur, ex eaque, homicidium primo per se, & directe sequitur.

Obiicies secundo, expressi & taciti, in iure vis est eadem, quia hæc duo æquiparantur inter se *lege cum quid digest. de rebus credit. & cap. quemadmodum de iureiur.* sed qui per statutum, criminosos interim præcipit, virtute huius, vult necem, ergo cum ad irregularitatem sufficiat, eam in causa velle, vt ex cap. continebatur & cap. Presbyter de homicidio. fit planum: irregularitatem Episcopi non vitabunt, si nocentes occidi lege lata præcipiant.

Respondend. primo, maiorem in præsentia materia falsam videri, quæ enim irregularitas est homicidio iusto adiuncta, fieri per causam eius propinquâ postulat, cum intentione in operante, quæ ad aliud principaliter non feratur, itaque velle illud in causa virtute & implicite, nõ sufficit, vt in iis patet, qui ad pugnam cum hoste in bello iusto in eundam fortiter, milites cohortantur, quos irregulares non esse, communis est, veraque DD. opinio, sunt ergo maior, minorque, veræ duntaxat in iniusto homicidio, quod irregularitati pariendæ, sufficit in causa sua volitum esse: quare *Clericus iurisdictionem habens temporalem, ex eo, non fit irregularis, quod constituat indicem pro causis criminalibus. siue in genere, siue pro aliquo in particulari, & in individuo, quamvis sequatur mors, hæc Hurtadus disp. 2. de irregul. difficult. 11. num. 42.*

Decimo quæritur, *An Clerici aut Religiosi, qui militia degunt, armisque instructi vt ceteri milites, in campum prodeunt, sint irregulares.*

Si iustum est bellum, ipsi autem propria manu nullum interimunt, à susceptorum non sunt vsu ordinum, aut suscipiendis prohibiti, Nauar. cap. 27. nu. 215. Suar. disp. 47. sect. 6. num. 9.

Causa est, quod non à conatu, non à voluntate aut à discrimine, periculoque mortis intentandæ, sed ab intentata, hoc est à facto ipso, opereque nascatur irregularitas, si ergo neminem in bello defuncto iusto, Clerici ceciderint, etsi armati in eo, turmisque fuerint militaribus ascripti, irregulares non sunt futuri.

At enim (inquiunt aduersarii) præcipit Innoc. eius nominis III. in cap. quod in dubiis 5. de pœnis, deponi Presbyterum, qui ad pugnam capeffendam, stimulos oratione sua militi in exercitu fecerat, similiter eum, Sacerdoti auctore esse, in can. 24. de homicidio, vt si de interfectione cuiusquam in consi-

ctu, sua cum conscientia remorderet, à ministerio altaris abstinere reuerenter, cum sit consultius, in huiusmodi dubio abstinere, quam temerè celebrare.

Respondend. ad rem de qua præsens est quæstio, citatos canones non facere, cum de vi facta per Clericū, sermo in ea sit nullus, sed tantum de militia, in quam se conscribi est passus, & quam est professus, innocentem tamen, ac sine sanguine.

Respondend. secundo, in priori can. agi de Clerico qui alieno sanguine manus suas in bello iniusto fecerat.

Tertio, de eo qui erat milites nominatim hortatus in prælio iniusto ad cædē, à qua cohortatione, ei omni abstinendū studio fuisse, paulo ante est probatū, ita vero esse, canon ipse loquitur. *Quia tam Sacerdotes, inquit ibi Innoc. qui gubernant naues ad pugnam, quā qui personaliter exercent consuetum, & hi qui alios incitant ad pugnandum, oēs enormiter peccant, de rigore canonico eos credimus deponendos.* Enimvero si fecissent hi in bello iusto stipendia, si se, suaque tantum defendissent ab iniuria, vt essent in eo, à culpa liberi, sic iustè non fuissent ac honestè, ordinum suorum priuati vsu. Deinde quæro ecquid non auctoritate canonum, ac communi omnium consensu Doctorum, vim vi repellere liceat? si licet, quā verè dici possunt ab Innoc. peccasse, idque enormiter? de eade ergo illicita, malaque, Innocentio cum sit sermo, mirari nemo debet, si de gradu deiecit tam Sacerdotes, quam milites, irregulares sint habiti.

Ad alterum caput respondendum, bellum de quo ibi est sermo, non defensium tantum, sed ad nocendum quoque, fuisse à Sacerdote & militibus comparatum, quæ autem in bello huius generis, cædes fiunt, irregularitatem, eas facienti, pro certò inuehunt.

Vndecimo quæritur, *An censeri irregularis Sacerdos is debeat, qui suo consilio, cuidam agro celeris interitus causa exitiit.*

In irregularitatem, quæ est ex homicidio non voluntario, cum lapsus esse, centuisse se olim, in quinque Theologorum cœtu, in quo hæc disceptata fuerat quæstio, scripsit Comitoli, in respons. lib. 6. q. 5.

Ab eo irregularitatem remouent Henric. lib. 14. cap. 12. num. 7. Auila de censur. par. 7. disp. 5. sect. 2. par. 8. Reginald. lib. 30. tract. 2. cap. 9. num. 103. Laym. lib. 3. sect. 5. tract. 3. par. 3. cap. 7. num. 2. eo quod talis acceleratio, culpam aliā non habeat quam negligentix, seu inconsiderantiæ, ac inconsultæ rationis in Sacerdote, qui ea non prospexit, quæ accurati ac diligentes Sacerdotes prouident.

Eum

Eum alii à paruitate, seu leuitate materix, ab irregularitatis incurfu excusandum putant, quantum est hoc enim (inquiunt) & quam non curandum, quod qui in mortem imminet, ad quam auctoritate iudicis, imperioque à liſtore trahitur, eius tempus ac horam, cūtillo anteuertat interuallo, Sacerdotis opera ac conſilio: quare ſi eſſet hoc notabile, ſi diei vnius aut plurium, ab irregularitate Sacerdotem non fore liberum dixit Laym. loco citato proxime.

Ab eo, ceterisque, quorum hic paulo ante, nomina dedimus, diſſentiunt, Vaſqu. Turrian. *de cenſur. lib. 9. diſp. 66. dub. 3. Diana par. 3. tract. 5. miſcellaneo reſolue. 79.* Negant enim hi omnes acceleratione mortis, quæ culpa vacat, quantalibet ſit magna, irregularitatem ab his contrahi, qui non ſunt iuſtitix miniſtri. Vterius, inquit Turrian. eſt caſus frequens, an incurrat irregularitatem, qui aliquo modo facit, vel dicit aliquid, ex quo citius ſequatur mors rei, quando illum comitatur, vt ſi dicat pergamus citius, vel ſi dicat reo, aſcende citius, P. Auila & Henriq. ſolum excuſant hos actus ab irregularitate, quia non ſolent eſſe plene liberi, quod neceſſarium eſt ad talem irregularitatem.

Ego vero exiſtimo diſtinctione opus eſſe, nam vel iſti actus ſunt peccata motralia, quia qui illos facit iniuſte, eſt cauſa, vt mors citius fiat & tunc incurritur irregularitas, quæ oritur ex delicto, de quo non agimus, neque tale peccatum ſit à perſonis religioſis, in hoc euentu, vel non ſunt peccata, & tunc non exiſtimo incurri irregularitatem ex defectu lenitatis, niſi aliquid faciant vt miniſtri publici iuſtitie, concurrendo ad cauſa probationem, ſicut aduocati, & teſtes, vel pœnæ executionem vt miniſtri iuſtitie. Hæc ille.

Patet hinc primo, irregularitate Sacerdotes non affici, in quorum ſinu ægri animam agunt, dum eos attollunt, erigunt, aut mouent.

Patet ſecundo, his qui in Chriſtianæ pietatis, charitatisque officio fungendo verſantur, nihil ab irregularitate metuendum eſſe, ſi dum ægros agitant, dum curant, dum de latere ad latus, è lecto ad lectum mutāt, extremū hi in eorum oculis anhelitum eſſant, Reginald. *lib. 30. tract. 2. cap. 9. Filliuc. tom. 1. tract. 16. cap. 10. num. 278.*

Ratio eſt, quod irregularitatem ex lenitatis defectu non ſubeant, niſi qui iudices, aut eorum miniſtros agunt in foro, quæ autem eſt ex delicto, hæc peccatum mortale, vt cauſam ſui, præſupponat neceſſario.

Patet tertio, eſſe ab irregularitate immunem ac liberum, qui reo eſt auctor, vt reſti iugulum inferat, ſecuri ad ſectionem, caput ſupponat, viam ad ſupplicii locum, breuio-

rem ineat, eo quod dies in occaſum vergat, populusque nimia feſſus mora tumultuetur, ſequē diutius in loco reorum ſuppliciiis deſtinato, detinere ægre ferat, ac moleſte. Diana ſupra.

Ratio eſt, quod irregularitas ex homicidio, cum eſt iniuſtum, culpam in inferente ſupponat, eamque mortalem, cum ex lenitatis defectu trahit originem, operam ac miniſterium in fori actionibus, at genus hoc hominum, de quibus in proxime explicatis corollariis eſt actum, culpam in earum uſu rerum, monitis, aut ſermone, nullam contrahit, nec eſt de fori miniſtris ac aſſecſis, ergo ſuadendo, operando, loquendo, quæ ſunt in corollariis indicata obiter, irregularitatem non ſubit.

Duodecimo quæritur, *Sitne irregularis, qui iudici ſententiam in reum mortis proferenti, aſſeſſor.*

Reſpondendum, pro tali habendum eſſe, ratio eſt, quod iuſtiſſimæ nocentis morti, conſilio, ope, præſentiaque ſua fauet, quod ipſum eſt moralem eius cauſam eſſe: quod ad irregularitatem ſufficit, in hoc enim homicidium iniuſtum, quoad productionem huius effectus, à iuſto diſtinguitur, quod ad illum, cauſa quæcunque ad cladem directæ, in homicidio iniuſto ſit ſatis, non autem iniuſto, ſed proxima & ſpecialis, quæque ad illam per ſe ac natura ſua tendat, quod in præſenti accidit, cum aſſeſſoris ſint hæ partes, iudicem pro tribunali ſedentem iuuare conſilio, de cauſa capitali quæſtionem cum inſtituit, eius ſuffragio ſuum addere, ſicque reum abſoluere, vel perdere.

Decimo tertio quæritur, *An confeſſarius, lenitatis violatæ ſit reus, cum interrogatus à principe, quid iudicij ſuper crimine à reo commiſſo habeat, & an morte ſit dignus, necne, reſpondeat dignum videri.*

Conſent aliqui conſulenti principi aut iudici, Sacerdotem explicare mentem ſuam contra reum ſine irregularitate non poſſe, ſed cum ad iuriſperitos, conſilii cauſa remitti oportere, quare extra irregularitatem cōfeſſarium non fore, ſi reum meritis ſceſorum ſuorum pœnas, non niſi capite ſuo luere, ac expiare poſſe reſpondeat. Ita Auila *parte 7. diſp. 5. ſect. 2. dub. 6. Henriq. lib. 14. cap. 16. num. 4.* quod Eccleſiaſticis, ſacrisque hominibus, ſententiam de vita dicere, iura Pontificia non ſinant, *quare debet reſpondere,* inquit Turrecremata, *hoc non pertinet ad conſulatis peritos, ita ille in cononem peſſima 23. 4. 8.*

Bonacina *de cenſur. diſp. 7. q. 4. punct. 1. de la Cruz in director. 10. conſciens. parte 2. de irreg. dub. 3. conſcluſ. 4.* narrant, in confeſſarii iuræ

esse indicare iudici, quid præscribant leges, quid statuere principes, quid æquitas, ipsa ratioque postulent, vt Deo, ac virtuti per reum offensa, fiat satis, ad id de suo quicquid addiderit, vt iudicis animum exacerbet, manusque eius ad vindictam acuat, irregularitatem parere. Vniuerse enim & in communi ( vt loquuntur ) de rei crimine, pœnaque ei per leges debita, mentem suam edisserere, vt vacat scelere, ita fit sine narrantis irregularitate, dicit enim, *Iudici*, inquit Turrecremata supra, quod potuit ei dici nempe quod puniat secundum quod ius dicitur, dum tamen non exprimat, quod puniat eum ad sanguinem & ad mortem.

Imo si meam mihi opinionem affirmare liceat, potest confessarius sine ullius irregularitatis incurfu, de nocente quid sentiat expromere, ac magistratui vt conscientia satisfaciatur ac officio, auctor esse, coercendi eum scilicet, iustis legum pœnis.

Præeunt mihi in hac mente Vasq. & Diana 7. parte tract. 5. miscellaneo resolut. 80. Turrian. de censur. lib. 9. disp. 66. dub. 4. sunt hæc eius verba: solet queri an incurrat irregularitatem vir doctus, qui interrogatus à iudice, an sit obligatus ad occidendum aliquem, respondet esse obligatum.

Ego censeo non incurrere, etsi expresse dicat, iudicem obligari ad occidendum, quia non est ius, ex quo colligatur incurri, si interrogatus respondeat, esse obligationem seruandæ leges eius materie, & incurrere si expresse dicat esse obligationem occidendi. Hæc ille.

Facit etiam pro hac opinione ratio, enimvero ex defectu lenitatis, irregularitatem hidunt ax contrahunt, qui ius dicunt, vt magistratus, aut dictum executioni in causa criminali tribuunt, vt fori ministri, aut voce ipsi sua, sicut testes, & accusatores, vel manu, vt notarii, iudicem in formanda lite de capite adiuuant: at in hanc non sunt classem cogendi, consultor & confessarius, irregulares ergo censerî nec debent, nec possunt, etiamsi clare, diserte, ac perspicue, in casu illo particulari respondeant, de quo consultuntur, peccaturum iudicem, nisi auctoritate sua, ac imperio, nocens, quod peccauit in legem, capite luat Regibus enim & Principibus faciendæ iustitiæ, facultatem consultis Episcopis & Archiepiscopis non negat Ecclesia, inquit canon Innocentii II. qui incipit pessimam 23. qu. 8.

Queritur decimo quarto, Sitne confessarius irregularis, qui tam prece, quam ratione reo suadet, iudici nihil de eorum, de quibus accusatur, obtegat, maxime si hanc eius confessionem, mors certa exceptura sit.

Dico primò, Confessario absolutionis benefi-

A cio fontem impertendum non esse, si de crimine interrogatus iuridice, fateri id nolit, quod iudicem nosse est necesse ad vindictam.

Ratio est, quod qui de admissis doloris sensum nullum habet, aut ea in posterum vitare, cum animo suo non statuit, absolui nequeat, quod neque contritionem, neque attritionem ad Sacramentum afferat, quæ attritio seu contritio est in actibus pœnitentis, hoc est in materia pœnitentiæ, pars ex institutione diuina omnino necessaria. Comitol. lib. 1. q. 32. num. 4. at qui veritatem silentio obruit, qui de delicto, cuius est conscius, & de quo, non tantum accusatoris, ac testium, sed omnium pene communi voce, conscientiaque, est in publico vrbis prætorio peractus, non moreretur, angiturque animo, hic contritione caret, cum hæc esse simul cum peccandi voluntate nequeat, qualem tamen habere cum quis neget, qui de suo crimine confiteri renuit? cum iure suis eum iudex interrogationibus, ad id vrget, in eaque inficiatione perseuerat, absolui ergo nequit.

Si tamen ipse reus ambigeret, vtrum ei esset necessaria lex imposita apud iudicem, facti aperiendi, nulloque mendacio, ac tergiversatione obtegendi, puta quia dubitat an hic illum legitime, iusteque interroget, an potestate ad id idonea sit præditus, aut quia est in ea opinione vt existimet, sibi sine mortifera culpa, sicut & reis cæteris esse licitum, veritatem facti inficiari, quæ iure est extorta, ac semiplene probata, cum tunc confessarius vrgeretur non deberet, ac cogere, ad confessionem facti publicam.

Primo, quia vt Sotus loquitur, in lib. de ratione tegendi secreti memb. 2. q. 7. parag. & Vero in dubio declinandum est in fauorem rei, maxime in causa mortis, quia peius est hominem occidere, quam iudici non perare.

Secundo, quia etsi contra suam conscientiam, ac opinionem, absoluere pœnitentem Sacerdos non debeat, quia est improbi animi eam abiicere, ab eadem, in re graui discrepare, opinione tamen propria ad tempus posita, ad pœnitentis sui sensum, ac opinionem fingere se posse, si hæc ab eruditis, ac piis probabilis iudicetur, affirmant hi omnes, Maior in prologum 4. sent. fol. 9. Adrian. quest. 3. de confessione dub. 7. Conradus in volumine de contractibus q. 100. conclusionem 3. Syluester in verbo confessio 4. num. 3. Tolet. in lib. 3. de instruct. Sacerdotem cap. 20. vt non est ergo in præsentî casu, absolutionis beneficio priuandus reus, sic nec cogendus de maleficiis suis confiteri in iudicio, vbi confessus, certo vita, fortunisque omnibus exciderit.

Extra hunc casum, nocens de cuius salute agitur



agitur in iudicio, tenetur crimen prodere, de quo interrogatur iuridice, quia superiori iusta imperanti non obsequi, nunquam non est exitiosum acturpe, cum ratione vero iudex præcipit, quando fori, legumque seruata forma, de facto doceri vult à reo.

Est hæc vero forma, in tribus rebus maxime.

Prima, quod qui iudex causæ præsidet, potestate ad id necessaria polleat, & sic sit competens.

Secunda, vt delictum semiplene sit probatum, per vnum saltem testem, omni exceptione maiorem, aut per infamiam quæ præcessit.

Tertia, vt id reum non lateat, sed quo sint in statu resuæ, intelligat, iudice, testes, eorumque verba, fidemque, ei coram exhibente, Diu. Thom. 2. 2. q. 69. art. 2. Caietan. ibid. de Beia parte 3. casu. 17.

Dico secundò, In irregularitatis laqueum non se inducere confessarium, cum suo reus imperio, obiecta crimina confitetur, ob quæ ultimo est afficiendus supplicio.

Est contra Comitol. lib. respons. 6. qu. 60. Probatur, est cohortatio reo facta, iudici vt pareat, actio digna laude, plenaque meriti, nec tamen eiusmodi, quæ à necessaria vlla lege, cum morte obsequentis rei sit coniuncta, cum eius confessionem, per se infallibiliter moraliter, à morte excipi non sit necesse, vt patet, nec est ex intentione confessarii, ea cohortatio ordinata ad rei mortem, sed ad eius salutem, cum sine eius certa perniciæ, iudici veritatē facti inficiari nequeat, de qua cum iure quam optimo interrogat.

Secundo ad contrahendam irregularitatem ex opere licito, debet esse necis, aut deformationis causa, eaque propinqua, remota ad hunc effectum non sufficit, vt colligitur ex his Augustini verbis in epist. 154. ad Publicolam, *An vero quoniam Apostolus satis egit, vt in tribunum notitiam perferretur, insidias sibi à quibusdam perditis preparari, & ob hoc deductores accepit armatos, si in illa arma scelerati homines incidissent, Paulus in effusione sanguinis eorum, suum crimen agnosceret, absit, vt ea quæ propter tuum ac licitum facinus, si quid per hæc, præter nostram voluntatem cuiquam mali acciderit, nobis imputetur.* At non est confessarius mortis illatæ reo, aut inferendæ, ob crimen rerum capitalium iudici detectum, quod absque scelere reticere ab se non poterat, propinqua causa, quid est enim propinqua causa? Quoad præsens negotium, est dictum, *vel factum licitum, directum sufficienter in deformationem inde secutam, dixi directum quia oportet vt sit tale quod tendat in deformationem ex se, siue suapte natura, vel intentione operantis, vt est*

*ictus lethifer etiam sine intentione occidendi, vel contra, ictus ex se non deformativus cum intentione deformandi, hæc Nauar. cap. 27. manual. num. 211. ergo cum non sit confessarii cohortatio, natura sua, ac per se illatiua cladis, nec eo, ex voluntate referatur, eam adhibentis Presbyteri, irregularis nec hic esse, nec dici cum ratione poterit.*

Obiicies ad subeundam irregularitatem sufficit, quod homicidium sit volitum in se, aut in causa, vt est in cap. Presbyterum 7. & cap. continebatur 8. de homicid. intentio enim virtualis seu tacita, æquiparatur expressæ seu actuali, lege cum quid dig. de rebus creditis, at qui reo confessionem delicti suadet, aut imperat, ex qua scit iudici eius perdendi causam fore, virtute vult eius interitum, cum sit impossibile, moraliter loquendo, seruataque lege iustitiæ, criminis auctorem iudici esse notum, eundemque vitare supplicium.

Respondendum, maiorem esse veram in homicidio iniusto, non in eo, quod ex actu honesto ac iusto oritur, nam vt ex eo resulter irregularitas, oportet vt per se, & ex natura sua, causet homicidium, vel in illud speciatim, distincte, ac principaliter, feratur operantis intentio, ratio est, quod vt speciale est in hac irregularitate, vt pro actu etiam iustificato imponatur, ita speciale est vt ad id requiratur causa, ita propinqua, & intentio specialis, Nauar. cap. 27. num. 216.

Quæritur decimo quinto, *An absque irregularitatis incurrendæ periculo, denunciare Clericus possit ea crimina iudici, quæ suis auctoribus, cum erunt probata, certam perniciem afferrent.*

Affirmant Nauar. in summa cap. 18. num. 54. Caiet. 2. 2. qu. 33. art. 7. Fagund. lib. 8. in Decalogum ca. 5.

Ratio est, quod nec ea denuntiatio causam morti certam, & propinquam afferat, sed remotam tantum, nec furta homicidiaque nocentium, qui euulgat, id constitutum animo habeat, vt eorum auctores pereant, sed tantum ne in exitium boni publici, capitaque infontium bacchari pergant, ergo cum quæ irregularitas, ex actu honesto ac laudabili originem ducit, necessario exigit, vt hic eius sit propinqua causa, vel ex intentione cladis faciendæ ab operante prodeat, non faciet ea denuntiatio irregularem Clericum, sacris ordinibus, eorumque indignum vsu.

Confirm. minus est denunciare Clericus futuræ mortis in denunciato laico auctor quàm Episcopus, ei quem provinciam suam iudicem præposuit, imperans, ne fontes sinat viuere, nam imperia iussa que, magis in necem influunt, quam simplicia nudaque monita, at Episcopus, si homicidio aut alio maleficio ab



aliquibus in iurisdictione sua commisso balliuo suo, aut alij cuiunque iniungat, ut super hoc veritatem inquirens, iustitia debitum exequatur, irregularis censeri non debet, Bonifac. VIII. in cap. Episcopus ne Clerici vel Monachi, ergo nec Clericus, furta homicidiaque, ac eorum auctores denunciatis.

Quæritur decimo sexto, An qui notario operam navant in transcribendis actis iudicii, Principisque literis, aut magistratus, quibus mortem inferri reo imperant, eadem poena teneantur quæ Notarij.

Nequaquam, quia ad rei necem non concurrunt, cum hæc mandanda non sit effectui, nisi accedente manu, ac subscriptione Notarii, cui soli, quia publica fides est habenda, supplicia de reo, iudicis auctoritate nunquam exigentur, nisi de ea, eiusque voluntate per Notarium constare certo queat.

Quæritur decimo septimo, An pro irregulari sit is habendus, qui à iudice impetrat, ut mitiore morte, vel breviori, reus violata legis exemplum posteris relinquat, & ita Clerico liceat, ab eo petere, ut potius gladio pereat, quam crementur lento igne.

Nequaquam, eius rei duplex est ratio, prima, quod hæc postulatio, non sit absoluta ad eius mortem cooperatio, nec iuvare iudicem dici prudenter possit, qui impetrat ut qui est occidendus, tantum mutiletur brachio altero, aut pede.

Secunda, quod diminutio supplicii, quo reus voluntate iudicis est plectendus, reparandi damni, aut aliquid restituendi parentibus, obligationem nullam habeat, si eum forte interimini iniuste accidat, quod est argumentum, preces eius ad mortem non concurrere, postulando ut sit hæc lenior, breviorque quam fuisset aliter.

Addi potest, quod hæc irregularitas, quæ ex defectu lenitatis tantum contrahitur, in impetrantem, ut exemplum à iudice humanitatis extet in reum, non cadat, cum id perfectam Christi mansuetudinem referat, qui non nisi infra condignum plectitur, compensat autem ultra meritum.

#### QVÆSTIO XXIV.

Cuius sit dispensare in hac irregularitate ex defectu lenitatis.

**D**ico primò, Id Episcopo concessum non esse.

Ratio est, quia ante Concilii Tridentini tempora, hanc ei potestatem lex Ecclesiastica nulla annuebat, ac hæc, Concilii beneficentia non crevit, nisi quoad irregularita-

tes ortas ex delicto occulto, ut habetur in eius sess. 24. cap. 6. quare etsi damnare nequeam, quod scripsit Couarruias, dari tempus aliquod, quo id non modo sine peccato tentare fas sit Episcopo, sed etiam valide, & cum effectu, quia, inquit, homicidium defectu lenitatis illarum, casuali est quam simillimum, cui proinde equiparatur in iure, ac infortuito dispensare potest Episcopus, ergo & in præfenti.

Sed facilem habet hæc Couarruiæ argumentatio responsionem.

**B** Enimvero non potest homicidium quod à iudice inferri reo est iussum, dici fortuitum, cum sit directe volutum, & in nocentis poenam, ab eo clare imperatum, ac diserte, cuiusmodi esse casuality quis dicat? quæ ut non sunt præiussa, ita nec ab inferente volita.

Dico secundò, Dispensare in hac irregularitate posse omnes, qui Papæ liberalitate, dispensandi in qualibet, potestatem sibi vindicant, excepta quæ ex homicidio voluntario, mutilatione, bigamia, ac defectu natalium, oritur, Nauarrus cap. 27.

**C** Enchiridij num. 240.

Ratio est, quod non sit hæc irregularitas proprie alligata homicidio, ut effectus causæ suæ, quia homicidium, est iniusta in vitam membraque alterius impressio, nec aliud quam quod est iniustum, dici potest voluntarium, Nauar. teste numero proxime citato.

#### QVÆSTIO XXV.

**D** Quomodo ex mutilatione sequatur irregularitas.

**E** St mutilatio secundum Glossam primam Clementinæ si furiosus, truncatio id est diminutio corporis, per membri alicuius separationem, ut colligitur ex can. sicut virgeri 47. causæ. 1. q. 1. ca. Clericis 5. ne Clerici vel Monachi.

Est autem membrum pars hominis, quæ per se, officium habet distinctum, ac peculiare in humano corpore, ut sunt manus, pes, oculus, Nauar. cap. 27. num. 206. Couar. par.

**E** 3. Clem. in princip. num. 8. Molina tract. 3. disputat. 69. oculus enim videt, pes graditur, palpat manus, enimvero si fides est Aristoteli lib. 10. de partib. animalium cap. 5. membra sunt in corpore, operationis causa, & quidem distincta: cum Paulo teste ad Romanos 12. non omnia eundem actum habeant, ita quid quid non habet in corpore separatum officium, proprio membri nomine non potest intelligi, quicquid in oppositum censuerint, Caietanus 2. 2. quæst. 65. art. 10. Suar. tom. 5. disp. 44. sect. 2. num. 9. ubi digitum membrum vult

vult esse hominis, in quo consentientem habet *Ægidium de Coninch. dubitatione 8. de Irregularitate conclusionem 4.* illic enim rationem membri ab ornatu corporis, ad quem confert, vel ab auxilio petit, quod ex eius adiunctione, habent corporis partes alie, quod enim in corpore, specialem habet cooperationem ad principalis membri munus, hoc secundum istos auctores, membrum dicitur, ex quo inferunt irregularem esse, qui alteri digitum, aurem, aut nasum abscidit, causam hanc reddunt, quod canones mutilationem appellent, quamlibet abscissionem partis organicæ, ob quam corpus humanum sua integritate priuatur, & imperfectum redditur, sed de hac re nos postea.

Côtraria opinio ut probabilior, est tenenda, primo, quia absurdum est, eas partes in humano corpore, habere rationem membri, quæ non habent functionem per se distinctam, sed tantum ei sunt ornamento, aut aliis habentibus proprium munus, opem in eo obeundo afferunt, cum si digitus propriam membri rationem obtineret, qui plures secum in lucem asferret, quam natura postulat, plura quoque haberet membra, quod nemo dicet.

Secundo, qui digito auriculari caret, non ideo est irregularis, cum ad contactum hostiæ non sit necessarius, ergo proprie digitus membrum non est, nec auulsus impedimentum irregularitatis affert, nisi sit necessarius ad contactum hostiæ, ut index, & pollex utriusque manus, aut ex eius carentia, magna aliqua nascatur deformitas in operante, & hanc sententiam tenent, *Aquila de censur. parte 7. disp. 5. sect. 2. dub. 1. Bonac. de censur. disp. 7. q. 4. punct. 8. num. 8. Fernand. in exam. parte 2. cap. 10. parag. 14. Diana 2. parte tract. 15. resp. 20.* his ergo præmissis sit

Prima assertio, *Irregularis occasione mutilati membri habendus est nemo, nisi qui illud è corpore resecat.*

Quia non alii sunt irregulares ex vi sibi illata aut alteri, quam qui per eam, se aut alios mutilant, at eiusmodi mutilatio, præsupponitur facta aut à natura, quia membro destitutus in lucem venit, aut ab alio qui illud resecuit.

Secunda assertio, *Non est ab hoc mutilationis prohibita capite irregularis, qui membrum suum, aut alterius, non amputauit quidem, sed inutile, aut aridum per contusionem, aut verberationem reddidit, ita Nauarrus cap. 27. num. 227. Couarruias 3. parte prælectionis de homicidio, Sotus lib. 5. de iustitia q. 2. art. 7.*

Primo, quia nemo mutilatus, ac membro aliquo suo priuatus dicitur, nisi cum est resectum, sublatumque de corpore.

Secundo, quia ex *canone sicut 47. cause 1. q. 1.* qui manum habet aridam, verum membrum habet, licet mortuum, impotens ac sine sanguine.

Tertio irregularitas non comprehendit alios, quam qui sibi sunt violatorum canonum conscii, contra quos peccarunt, cum pænæ & odia restringi debeant, sed exsiccatio, non est mutilatio, contra quam tamen lata est irregularitas, ergo suum, aut alterius membrum qui reddit aridum, aut inutile, non est irregularis.

Assertio tertia, *Qui mutilandi sui in rixa, aut deprehensus in crimine causam dedit, non est irregularis, ita Hurtadus disp. 2. de irreg. diff. 14. num. 52. Præposit. in 3. parte q. 5. dub. 114.*

Ratio est, quod irregularitati nullus sit locus, nisi in casibus expressis à iure, at huiusmodi aliquod, reperire non est facile, quo statuatur ut qui rixando aut iocando cum muliere, aut vi ei inferenda, alterum eo redigit, ut vlciscendi sui causa, aut salutis expediendæ, quæ erat in discrimine, impetum in eum facere, membrumque ei tollere est necesse, irregularis esset, alioqui proferatur, tum nos lapsos fatebimur.

Sunt quidem canones iique non pauci, quibus mutilationi pœna decernitur, sed hi mutilantem tantum respiciunt, hunc notant, hunc ex zelo iræ, aut indignatione, abscissione partis alicuius in corpore suo, sibi ipsi infestum, irregularitate afficiunt: fit id planum ex *can. is qui dist. 5. can. auaritiæ dist. 33. 22. & 23. Apostolor. ubi hæc loquuntur: Si quis abscidit semetipsum, id est si quis amputauit sibi virilia, non fiat Clericus, quia suipsius homicida est & Dei conditionis inimicus, & can. 23 Si quis cum Clericus fuerit, absciderit semetipsum, omnino damnatur, quia sui ipsius homicida est.* Quare opposita sententia, mihi ut improbabilis, videtur reiicienda, nec in praxim deducenda.

## QVÆSTIO XXVI.

*An milites in bello pugnantes & mutilantes sint irregulares.*

**D**ico primò *Qui in bello iusto, ac defensivo, aliquem mutilat aut interimit, irregularem non esse ratione homicidij, probatur.*

Fas cuique est naturæ lege, absq; irregularitatis periculo ac metu, recuperare res suas, ac si opus est, eas si sunt alicuius momenti, tuto in loco ponere, ac seruare, cum furis morte, sed bellum à Republica, aut principe indictum, pro recuperatione suarum rerum, aut defensione alicuius sui iuris, est iustum,

ergo cum bona publica priuatis præsent, A non erit irregularis, qui ad ea tuenda mortem infligit aut vulnus Tannerus in 3. parte disp. 6. q. 10. dub. 11. Hurtadus disput. 11. de irregular. difficult. 12. num. 44. imo in eo bello non est prohibitum Clericis pugnare, nec occidere. Hurtadus supra.

Quid si bellum sit aggressiuum, iustum tamen?

Respondend. qui in eo pugnant, occidunt & mutilant, etiam si sint Clerici irregulares non esse, modo hi suis ipsi manibus sanguinē non effundant, vtrumque autem faciant, B alii, hoc est, mutilent, occidant, Diana 4. part. resolut. 27.

Dices, at enim tam milites, quam Clerici, ad inferendam hosti mortem, præsentia sua socios ac commilitones animant, fortesque ad audendum faciunt? ergo vt iudices forique ministri, à sacris sunt exclusi ministeriis, quia suppetias, ac auxilium morti tribuunt, suaque autoritate, executionem iusti homicidii promouent, sic & illi.

Respondend. primo, per se, & directe, milites qui vim corpori non inferunt, nocentque, cladis faciendæ auctores non esse, nec ad eam iuuare, sed tantum exemplo suo facere, strenue vt pugnent remque gerant alii, remote ergo & per accidens, ad neces cum fiunt, illi cooperantur, quod ad irregularitatem ex dictis antea non sufficit: cum illi, hoc est satellites & ministri fori, ad certā & determinatam occisionem huius scilicet, vel illius hominis, operam suam deferant.

Dico secundò, *Pugnantes in bello iniusto irregulares esse ex defectu lenitatis, & significationis*, assertionis eadem causa quæ alterius de irregularitate, proueniente ex defectu lenitatis.

Dico tertio, *Clericum in bello defensionis, militem ad rem bene gerendam, hostesque dolendos adhortantem, nemine in particulari designato, irregularem non esse*, ita Hurtadus supra, contra Reginaldum & alios, probatur.

Cum finis est licitus, media ad eum constat non esse prohibita, sed tam sui, quam Reip. defensio, quam pro fine, bellum habet, honesta est, & ad eam, militum ad hortatio vti medium ad finē tendit, est ergo licita & honesta, & proinde irregularitatis pœna non afficienda.

Dico quarto, *Si bellum sit iniustum, omnes in eo occidentes, aut occidentibus operam suam accommodantes, cohortando, laudando, aut seruando sarcinas, irregulares esse.*

Quia mutilatio & homicidium in bello iniusto sunt iniusta, & peccata, ergo eiusmodi, quæ pœnam propositam homicidio inuehant, quæ est irregularitas.

Secundo consulere, hortari, laudare, ad

ad causam efficientem pertinent, eamque moralem, & efficacem, cum actio laudem sequatur, ac consilium, ergo qui bellum suadet, qui laudat aut consulit, eius moralis est causa, ergo & homicidiorū, quæ in eo fiunt implicite, & in causa sua, nam qui causa est causæ, est etiam causa causati, vt est in veteri philosophorum axioma.

Dico quintò, *Non solum occidentes in bello iniusto, eos qui sunt partis aduersæ, sed in eo pugnantes, irregulares esse*, Egid. de Coninch. disp. 18. dub. 10. n. 98. Hurtado de irreg. disp. 2. diffie. 6. num. 45.

Causa ita asserendi illis, & mihi, est vnica, nēpe quod eorum quilibet, homicidiorum quæ ab aliis fiunt, morales sint causæ, cum ad ea, mutuo se conspectu animent, quam opinionem tuentur etiam Villal. 10. 1. tract. 21. difficult. 29. n. 1. Laym. lib. 3. sect. 5. tract. 3. parte 13. cap. 8. num. 2.

## QVÆSTIO XXVII.

C Explicantur dubia quæ in præsentia materia, cuique possunt esse obuia.

Q Væritur primò, *An vt homicidium sit voluntarium, necesse sit voluntatem in illud ferri, primo, per se & directe.*

Nequaquam, nam qui Virgini gravidæ potionem medicatam offert, excutiendo vtero, qui vicino, cui est infestus, aut cum quo simulcates gerit, venenum propinat, vt eius morte, illas exitiabili concludat exitu, homicidii tā est reus, quā qui maxime, & tamē quis nō videt, de veneno, dādo, capere eum posse cōsilia, etsi actu & expresse, eius opprimēdi voluntatem actualē nullam habeat, vt ergo homicida quis sit, ac iudiat, sufficit, fati cum alieni, ac interitus causam efficacem esse, (vt aiunt) hoc est ei coherentem, nec nisi raro ab illo abiunctam ita qui in præparatam materiam faces iniicit, eius est exustæ causa, qui gladio in aliquem districto irruit, nocendi animo, vulnerisque ei imponendi, in quacunque corporis parte, & quo modo, est irato hosti licitum, si istud erit lethale, si mortiferū, sequuta morte, qui plagam fecit, homicida dicetur tam vere, quam qui animam ense hausit, quia hoc modo percutere velle, moraliter loquendo, est homicidio causam dare, eamque efficacem, cum de mille, quos ira furorque in fatum alienum animant, vix sit vnum inuenire, qui non vitam, sensumque ei eximant, in quem male animati, infesto gladio sic irruunt, vt eum percussum omni modo quo licet, velint & appetant.

Quæritur



quæritur secundo, *An Clericus irregularis haberi debeat, qui alium quidem consulto laesit, sed non in ea parte corporis, cuius plagæ sine lethales, ut in manu, brachio, aut femore, quam tamen cicatricem, mors est inopinatus ac præter expectationem, spemque sequuta omnem.*

In quæstionis huius explicatione sic est versatus, Suar. in *tomo de censuris* disp. 64. sect. 1. num. 4. ut existimet.

Primo tale homicidium dici non posse voluntarium, cum præter scientiam, & animi occidentis sit factum: voluntarium enim homicidium auctore Couar. in 2. parte elect. de homicidio ferme in principio, est, quod dolo malo, animo occidendi committitur.

Secundo, est in ea quoque opinione ut credat, cum irregularitate, quæ est homicidarum pœna propria, impeditum esse.

Ratio est, quod iniusta hominis occisio casu facta, irregularitatis in Clerico sit causa, cum hic rei sibi prohibita, nec naturæ, divino, aut humano iure permixta, dabat operam, quod hic accidit.

Cordubæ tamen 2. *questionarij* q. 26. Soti lib. 5. de iustit. q. 1. art. 9. Hurtado de irreg. disp. 11. diff. 8. num. 29. Henrici lib. 14. ca. 15. Valq. 62. disp. 100. num. 39. Layman. lib. 3. tract. 3. sect. 5. parte 3. cap. 10. num. 1. opinio est, irregularem non esse, quod ex homicidio casu factum, non incurratur irregularitas, ut est in ea. ex literis 15. de homicidio, ibi enim ab Innoc. III. cuiusdam permittitur Monacho, ad cuius motum, lignum à campanili casu decidens, puerum oppresserat, promoueri ad superiores ordines, idem in cap. *significasti* 16. eiusdem tituli, de eo responsum est, cuius equus præter voluntatem selloris, raptus in cursum, quandam mulierem pedibus conculcatam attriuerat, cum enim interrogatus ecquid equi seciisset vitium, ignorasse se respondisset, Episcopo Paduano, à quo de re consultus fuerat, dedit in mandatis Innoc. *quatenus si ita esset, ad cautelam, eidem iniungeret penitentiam competentem, quæ peracta, non impediret, quo minus in susceptis ministraret ordinibus, & ad maiores valeret promoueri.* Fuit idem Alex. III. iudicium in cap. *lucor* nono eodem tituli. Enimvero Clerico, cuius cultellus, quem ad latus habebat, in alterum, quem ad teram ioco & per ludum proiecerat, incidens, eum casu fortuito confoderat. Clerico (inquã) ad sacros ordines liberum esse oportere accessum, nec ob improvisum Clerici occisum, ab iis, aut susceptorum usu remouendum tradit, quare mihi admodum est probabile, laicum ex homicidio mere casuali ac fortuito, irregularitate non ligari, Clericum autem, eo duntaxat tempore, ut ante diximus, quo vacabat rei periculosa ac vetita. Differentiæ est hæc

Pars secunda.

causa, quod in illo, id est Laico, hanc canones conditionem non exigant, ut in Clerico manifestè postulant, Innocent. quidem in decretali dilectus filius 13. & cap. Ioan. Sacerdos 23. de homicidio. Gregor. autem nonus, cap. quidam ultimo eod. tituli, sic enixi sunt. Attendens igitur quod Sacerdos dabat operam licite rei, studuit etiam, quam potuit diligentiam adhibere, circumstantibus (quibus periculum imminerebat) ita tempestivè & alia voce præmonitis, quod & intelligere potuerunt, Inquisitioni tuæ respondemus, quod ob hanc causam, non debet, quoad officium, vel beneficium impediri. Contraria tamen sententia, est probabilis, etiam quoad Clericum ea facientem, quæ non licet, ex quibus casu homicidium sequitur, quia irregularitas non nisi in casibus iure expressis contrahitur, ac canonica lex est nulla, quæ lege casu interimens irregularis fiat: ergo, &c.

Quæritur tertio, Ecquid ei, qui irregularitatem fugere cupit, quæ ex inuoluntario ac fortuito homicidio oritur, necessario sit vitandum.

Dico primò, Quando homicidium casuale est voluntarium, hoc est præuisum in causa, scilicet ex suspitione, & non fuit adhibita prudens diligentia, ne eueniret, eo secuto irregularitatem incurrere, colligitur ex canonibus Ioann. Sacerdos 23. cap. quidam 25. cap. dilectus filius 13. extra de homicidio, nam ibi habetur capellanum Lingonensis Episcopi, & alium Sacerdotem, ex homicidio casu factum, irregulares non esse, quod nec voluntate, nec actu illud perpetraverint, nec operam rei illicitæ dederint, studuerint autem omnem adhibere diligentiam, ne hæc ulli noceret, ergo à contrario sensu, si non est hæc allata, remouebit operantem à suscipiendo ordine, usuque suscepti.

De causa autem, in qua effectus præuideri non debuit, ne esset voluntarius, est decretalis Alexand. III. *Presbyterum numero septima* Innoc. III. *significasti* 16. & 17. in quibus est, Clericum & Monachum, quorum ex opere, quidam casu interierat, in susceptis versari posse ordinibus, Clericum quidem, quod equi sui, à quo improviso puor attritus fuerat vitium non sciret, Monachum autem, quod aliquem per locum transire, aut ibidem existere, vel etiam illuc, de consuetudine venire non crederet, quando lignum mouit, cuius casus puerum oppressit, causæ ergo præuisio, eiusque volitio, maxime si cum illa effectus certo cohereret homicidium fortuitum irregularitati facit esse annexum.

Dico secundò, Non necessario ei vitandum esse, qui irregularitatem quæ ex homicidio fortuito nascitur, fugere cupit.

Primum est, ne rei non licitæ, nec sibi permissæ det operam, alterum ne culpam subeat negligentia, seu inconsiderantia, in

QQq



præcauendo futuri homicidii periculo, nam si eius animum vel leuis perstringat suspicio, aut cum aliqua etiam minima percellat dubitatio, quod ex opere cui incumbit, mors sit secutura, irregularitatis maculam ex homicidio tali non effugiet, vt pote voluto saltem indirecte, & in causa sua præcognito, quamuis suspiciosè tantum ac dubiè, colligere id proum cuique, ac facile, ex decretali Bonifac. VIII. *Vltima de homicid. in 6. per scripta his verbis: Is qui mandat aliquem verberari, ( licet expresse inhibeat ne occidatur vllatenus, vel membro aliquo mutiletur ) irregularis efficitur, si mandatarius fines mandati excedens, mutilet, vel occidat, cum mandando in culpa fuerit, & hoc euenire posse debuerit cogitare, hinc enim sequitur, in negligentia practicè & efficaciter non cogitandi de præcauendo homicidii periculo, illud indirecte fuisse volutum, vt in causa, & proinde, cum hic ideo, Bonifac. opinione ac sensu, qui alium verbis affici mandarat, irregularis ex eius nece fuerit, quamlibet hæc præter voluntatem, iussaue imperantis accidisset, & hunc quoque pari impediendum nexu, in quem culpa, seu negligentia inconsiderantis, seu inconsultæ rationis cadet, super opere, ex quo sequuturum est homicidium casuale, ac fortuitum, qualè autem esse hanc negligentiam oporteat, leuem an latam, iuridicam an Theologicam, an vtramque, dicetur postea.*

Quæritur quarto, *An homicidium aliquod, cuius causa casus extitit, irregularitate afficere eum possit, qui in alterius interfectione culpam non contraxit vllam.*

Layman. lib. 3. sect. 5. tract. 3. par. 3. cap. 10. nu. 3. eo propendet vt velit, sine Clerici culpa vlla, irregularitatem induci, cum hic in eo occupatur opere, quod ea ratione illi est illicitum, quod cum homicidii periculo sit coniunctum, quomodo Monachis, & Clericis in sacro ordine constitutis, specialiter est prohibitum, cap. tua nos 19. de homicid. & cap. sententiam ne Clerici vel Monachi, per incisionem, aut aduersionem, morbis remedia facere, quomodo à Chirurgis adhiberi sunt solita.

Verum enim hanc eius opinionem multa redarguunt, primum canonum auctoritas, deinde grauium doctrina hominum, postremo ratio, canones quidem, nam vt est in ca. is qui 18. de sentent. excom. in 6. nemo irregularitatis, ( cum id non est expressum iure ) laqueum incurrit, at nusquam eos irregularitate Pontifex notat, ac stringit, qui cum sint Clerici, ad eas ministeria demittunt, quæ à Chirurgis in ægrorum curatione, per aduersionem aut sectionem factitari sunt solita: prohibentur hæc quidè ab Innoc. Sacerdoti, Diaconis

A & Subdiaconis in cap. sententiam 9. ne Clerici vel Monachi, & in decretali tua nos 19. de homicidio, sed non cum irregularitate, iure ipso ac facto subeunda à trālgressore: sic enim Pontifex in cap. illo 19. Licet ipse Monachus multum deliquerit, officium alienum vsurpando, quod sibi minimè congruebat, si tamen causa pietatis, & non cupiditatis id egerit, & peritus erat in exercitio chirurgiæ, omnemque studuit, quam debuit, diligentiam adhibere, non est ex eo, quod per culpam mulieris, contra consilium eius accidit, adeo reprobandus, quod non post condignam satisfactionem, cum eo misericorditer agi possit, vt diuina valeat celebrare.

Quinto quæritur, *An qui alteri ad cædem promittit auxilium, in numero sit irregularium.* Ab irregularitatū numero promissū ad necè alienā auxiliū, excipiūt aliqui, quod eiusmodi impedimentū in toto Ecclesiasticarū sanctionū volumine, nō reperiatur expressum.

At ipse tum canonicarum, quam philosophicarum legum auctoritatem secutus, ad contrariam opinionem ab eo, censeoque, ab his pollicitis, irregularitatem, seu impedimentum nasci, ad ordinis susceptionem, susceptique executionem ac vsum, si ab his occisor ad necem inferendam, factus est animosior, & ita moralis eius causa.

Ratio est, quod vt sacræ nos sanctiones, Doctorumque præceptiones edocent, irregularitatem effugere homicida nequeat, at qui promissis suis, alteri causa extitit, lethi inferendi audacius, & celerius quam fecisset, si hunc eiusmodi pollicitis ac verbis non impleisset, ei ergo iure quàm optimo irrogata est irregularitas hoc nomine, quod iniquissimæ occisioni fauit, promissione auxiliū.

Sexto, quæritur, *An cum irregularem censeri oporteat, qui vulnus hosti non lethale inflixit, ex quo tamen dum curatur, medici imperitia egit animam.*

Dico primò, si chirurgi inopia, aut quia deerant qui læsi curam susciperent, hic ad vulneris sui, etsi non mortiferi curationem, necessariis remediis destitutus interit, iniuste vulnerans, est irregularis.

Ratio est, quod ei soli, tum vt morali causæ, mors debet tribui, cuius haud dubie inflictum vulnus, causa physica extitit, tradunt id Sotus lib. 3. de iustitiæ. q. 1. art. 9. Nauar. cap. 27 num. 223. Auila parte 7. disp. 6. sect. 1. dub. 5. idemque de eo esse iudicium, qui occasione plagæ se impositæ, causa fuit, cur læsi valetudo tentari cæpta est morbo, à quo interit docent, Layman. lib. 3. sect. 5. tract. 3. par. 3. cap. 10. Couar. parte 2. Clement. parag. 2. num. 6. ita loquendi rationem hanc habent, quod est causa causæ, inquit, sit etiam causa causæ.

Sed

Sed eorum pace sit dictum, non facit commune hoc axiomà philosophicum ad rem præsentem, nisi ea, quæ causæ censentur nomine, inter propinquas locum habeant, remotæ vt non propriè, sed tantum vt occasiones in mortem influunt, ita nec eos qui illas præbent, homicidas propriè denominant, illustrabo hoc exemplo, quod est doctissimi Hurtado *de irregularitate disput. 11. difficult. 8. num. 31.*

In publicum Sacerdos cum armis progreditur, aliquantulum viæ cum processisset, in aduersarium incidit, hic cum se illi viribus esse videret imparem, ex eius se oculis festinus eripit, in fugam abiicit, Sacerdos fugientem insequitur, tormentum quod gerit, eminus displodit, hostem in femore vulnerat, sed non lethaliter, statuit tã hic auctor quàm Suar. *disp. 45. sect. 6. Ægid. num. 86 & Nauar. cop. 27. num. 223.* hunc irregularem non esse si ex malo regimine infirmi, verba sunt Hurtado loco cit. *imperitia chirurgi mors sequatur, quia quamuis percussio illa sit occasio, vt ex intemperantia, aut ex labore percussus, aut ex vento corrumptentibus vulnus, aut ex medicamento nocivo applicato, percussus moriatur, est tamen occasio adeo remota, vt ob eam non dicatur percussus occidisse, nec proxime iunisse ad mortem, sed tantum ad eam dedisse occasionem remotam, & ex ea mortem originatam fuisse, atqui hoc ipsum est, quod in præsentī materia accidit, cum non tam vulnere quam morbo superuenienti, tanquam causæ extrinsecæ, mors ascribi debeat.*

Dico secundò, Quando percussus diem suum obit, non tam ex vulnere, quam medici imperitia, seu negligentia, aut ipsiusmet percussus incuria, vulnerans tenetur tantum de vulnere, non autem de homicidio quoad pœnam, hoc est irregularitatem & obligationem refarciendi damni.

Pars prima, defenditur ab Hurtado loco citato, Suar. *disp. 45. sect. 6. Ægid. num. 86.*

Causa est, quod percutienti mors percussu tribui tùm non debeat, vt causæ, sed chirurgi eiusque inertia, ergo cum irregularitas pœna sit, eius duntaxat propria, qui homicidii causa propinqua extitit, & non remota tantum in occasione, inferendæ mortis ab alio, aut futuræ casu aliquo, & ex accidenti, qui vulnus non lethale imposuit alicui, ex quo hic, non tam est mortuus, quam ex incuria propria, aut chirurgi imperitia irregularitate, homicidarum pœna propria non tenetur.

Confirm. qui ad mortem de suo nihil confert, non est omnium opinione irregularis, at in nostro casu id accidit. Enimuero cum plaga levis fuerit, non lethalis, per eam vulnerans, mortis dedisse causam, aut ad eam

A cooperatus esse dici nequit.

Verum enim Nauar. *cap. 27. num. 223. Henriq. lib. 14. cap. 14. num. 4. Layman. lib. 3. sect. 5. tract. 3. par. 3. cap. 10.* contrariam sententiam, veram iudicant, opinione hac inducti, quod existiment irregularitatem vitare non posse, qui per actionem suam culpabilem, periculosam, ac cum aliena coniunctam iniuria, homicidii occasionem præbuit, quod eum fecisse non est dubium, qui læsit, cum si à plaga læso inferenda sibi temperasset, mors secuta non esset, quare non sola medici aut vulnerati negligentia, sed simul etiam vulneratio causa mortis extitit. Hæc illi.

B A quibus tamen nulla assertioni nostræ sit noxa, eo quod Maior propositio, in qua vis est argumenti tota, sit falsa, cum non omnes, qui alienæ neci occasionem culpa sua tribuunt, hi eiusdem censi causa debeant, Lessi est hic sensus, *lib. 2. cap. 9. dub. 15. num. 102.* Si alicui, inquit, vulnus inflixisti non lethale, sed mors est secuta, vel malitia medici, qui noxia apposuit, vel negligentia eiusdem, vel temeritate læsi, qui remedia opportuna adhibere noluit, hæc occisio censetur tibi fortuita, unde non eris reus homicidii, nec teneberis ad restitutionem vt homicida, sed solum vt vulnerans, ratio est, quia etsi vulnus est aliqua occasio, tamen reuera non est causa mortis, sed negligentia medici, vel ipsius læsi, tenebatur enim vterque diligentiam adhibere. Hæc ille.

C Ex quibus duo mihi, necessario quodam inuicem colligata nexu, inferri posse videntur.

D Primum reum homicidii non esse, qui vulnerauit.

Secundum secuta morte chirurgi improbitate, aut alia causa simili, putà si læsus se neglexit, si remedia curando vulnere opportuna non adhibuit, si se discrimini vltro obtulit, si intemperanter vixit, cum qui læsit, sed nō lethaliter, irregularem non videri secundum Lessi. *lib. 2. cap. 9. dub. 15. num. 102.* qui id ex his Innocent. verbis colligit in *cap. significasti 18. si iudicio peritorum medicorum, talis percussio asseritur non fuisse lethalis, cum de ceteris credendum sit ipsi, qui non accusatur, vel denunciatur ab aliquo, sed per seipsum consilium appetit salutare, post pœnitentiam ad cautelam iniunctam, in Sacerdotali poterit officio ministrare.*

E Queritur septimo, An qui homicidium fieri iussit, irregularis censi debeat, si post renotatum à se necis faciendæ imperium, mandataris quod erat iussus, faciat.

In certa quædam theoremata conferam, quæ ad quæstionis intelligentiam, viam struant.

QQq ij

Primū est, in irregularitatis se laqueos induere, effectu secuto, qui aliquē interim imperāt, cōstat ex c. sicut dignū 6. de homicid. can. si quis viduam 8. dist. 30. vbi est his verbis ex Concil. Martini Papæ cap. 26. si homicidij, aut factō, aut praecepto, aut consilio, aut defensione, post baptismum conscius fuerit, & per aliquam subreptionem, ad Clericatum venerit, deiciatur.

Secundum, vt cruminosos occidere non licet, nisi iis qui publicæ personæ potestatem gerunt, ita nec mandare fas est vlli, præterquam illis ipsis, pœnas vt ab iis admissorum aliqui repetant eaque nocentium sanguine eluant.

Tertium vt sunt tamen facinorosi nonnulli, ad quos occidendos, sine vllō scelere natura gladium porrigit, vt sunt nocturni fures de quibus Tull. in Miloniana, August. in quest. 84. in Exod. & lex furem dig. ad leg. Corneliam de sicariis, in hæc verba: Furem nocturnum si quis occiderit, ita demum impune ferret, si parcere ei sine suo periculo non potuit, præterea occidi possunt, quotquot alienæ vitæ struunt insidias, nam his ad defensionē propriæ, adimi vitæ posse, est ex intimo naturæ iure erutū, & à Iurisperitis probatū, ff. de iust. & iure lege vt vim ff. ad legem Aquiliam lege sed etsi, vt (inquam) cum ex de alterius qui vim infert, aut timetur ne inferat, vt fur nocturnus, vitam tueri suam quisque potest, ita & seruis, ad eius defensionem vt incumbant, etiam cum alienæ vitæ detrimento, iuberi sine peccato vllō potest, quod enim facere per nos impune possumus, nostra quoque fieri causa per alium, quis culpæ arguat? His ita prænotatis.

Dico primò, Qui mandauit, suasitue homicidium, reuocato mandato, vel consilio, scelere liberatur.

Causa est, quod ea reuocatio, impedit ne mādans, mortis alienæ sit causa, cum in eā influere imperio suo, consilioque desinat.

Dico 2. Mandatum reuocatione finiri, quam reuocationē semper facere, mandanti est concessum, etiam si id se non facturum, esset iurisiurandi religionē interposita pollicitus, Piasec. in praxi parte 2. cap. 4. art. 2. de persona Actoris num. 19.

Partis primæ hæc est causa, quod aliena vtio opera in procuratione suæ familiæ, aut rei cuiuspiam alterius, ea nemini imposita sit necessitas, à qua illi recedere non sit licitum, ergo nec mandanti culpæ dabitur, si quam mandatario prouinciam interimendi hostis dedit, eam reuocet, suoque nomine, executioni dari nolle significet,

Pars altera æqualis est cum ista firmitudinis.

Primo, quia non est obligatorium contra bonos mores præstitum iuramentum de regul. iuris in

6. reg. 58. quod de vita alicui adimenda præceptum datur est eiusmodi, ergo & iuramentum, cum accessorium naturam sequatur principalis de regul. iuris in 6. reg. 42.

Secundo, non est iuramentum iniquitatis vinculum, esset autem, si mandatum de interimendo aliquo datum, reuocari non posset, eo quod ad id non reuocandum se mandans astringi iuramento voluit, ergo, &c.

Dico tertio, Mors à mandatario illata homini, post reuocationem mandati, ei à mandante imputatur, illum irregularitate non vincit.

Primo, quia facit hæc reuocatio, vt mandans necis factæ, moralis non sit causa, cum ab eius mandato, ac iussione, mandatarius non fuerit ad patrandum facinus motus.

Secundo, tunc mandatum aut consilium in mortem nec delictum influit, quando nec istud, nec illa, ab ea volūtate procedit, cuius ipse mandans, aut consulens causa fuit: at isti ascribi neutrum potest cum efficaciter mandans aut consulens, mandatario & consultario significauere, non placere sibi, res suo vt nomine geratur ac fiat.

Probat, in mandato res mandantis agitur, nēpe in eius gratiam, & vt ei placeatur. at est mandati reuocatio causa certissima, cur non operetur mandatarius mandantis causa, nec vt ei gratum aliquid ab eo accidat, nam quæ sunt grata, aut in gratiam sūt alterius, hæc ad eius facere stomachum, voluntatemque est necesse, quod hic locum non habet, cum ei mandantis voluntas aduerferetur.

Hancque sententiam tuentur vt veram Nauar. cap. 27. num. Portelius in dubiis regular. ver. homicidium num. 10. Hurtado de Irregular. disp. 2. diff. 6. num. 23. Ægid. numer. 180. disp. 14.

Dico quartò, Licet plus opera studique in reuocatione consilij, quam mandati Doctores exigant, eadem tamen est vtriusque ratio, quandiu mandati reuocatio, non innotescit mandatario.

Pars prima, intellectum habet facilem, qui enim consilium dat, eius qui consilium petit, causa dat, qui autem mandat, sua causa mandat, quæ causa est, cur cum mandatarius nomine mandantis agat, nempe vt eius voluntati morem gerat, hoc ipso quo hic mandatum reuocat, & hæc eius reuocatio innotescit mandatario, iam iste suo, non illius nomine operatur, & agit, cessat enim eius morio, ratione cuius, opus ex illa sequutum, ei vt causæ efficienti morali, erat imputandum.

Dixi si innotescit mandatario, nam si de ea hic nihil audierit, mandator de effectu sequuto tenebitur non secus, quia ex vi mandati præcedentis sequetur, tanquam causæ

causæ sine qua non, unde etiam incurreret censuras, & irregularitatem, si forte mandanti (V. C. in percussione Clerici) posita sit, Less. supra n. 17.

An autem (quæ pars quæstionis secunda fuit) si mandatarius post reuocationem consilii, in sententia persistet, nec à concepto scelere desistere, ac modum sibi statuat imponere, lædendum, aut ad mortem destinatum, admonere mandator per literas, aut nuncium debeat, ut salutis suæ rationem habeat, ei prouideat sibi que caueat, iam est videndum pro rei grauitate accuratè, pro solenni mea inscribendo, dicendoque, breuitate, paucis, non tamen obscurè.

De eo autem, (quod ferè in rebus ceteris vsu venire solet) sententiæ variant. Faciunt pro affirmante Turrian. de censur. lib. 7. dub. 3. Hurtado de irregul. diffus. 2. diff. 6. num. 24. Angel. in verbo homicidium num. 14. Rosella eod. 2. num. 2. & 3. Panorm. in cap. ad audiendum de homicidio. Subscribit hanc opinionem Comitol. lib. 4. q. 10. num. & theoremate 19. his verbis: Itaque si quempiam vides tuo consilio ad eundem alterius animatum, nec te dissuadentem eadem, ab illo audiri, certiores facere debes eum, cuius vita paratur exitium.

Ab his dissentiunt Auila par. 7. diff. 6. sect. 2. dub. 4. conclus. 3. Villalobos to. 1. tract. 21. diff. 20. num. 7. Henricus lib. 14. cap. 16. num. 2. Opinionis suæ habent hoc firmamentum, quod etsi mandans iniuriam ei fecerit, cuius mortem imperauit, cessauit tamen hæc eius iniuria, per reuocationem mandati de ea facienda dati, quia quantum potuit sustulit, ostendendo non modo eam sibi ingratam ac insuauem fore, sed ab ea quoque mandatarium diducendo verbis, ac oratione.

Quid? quod eum in cuius caput conspirauerat, admonendo ut saluti suæ perspiciat, se apud eum, de conflato sibi per illum exitio, suspectum reddat? quod his suspicionibus, amicitiam, si quæ inter eos coaluerat, dissoluat ac perimat? cum quo metu, periculoque, vtrum mandatori necesse sit loqui, consiliaque olim concepta de morte eius consciscenda, eaq; occidendo prodere, iuris de conscientia ambigui scientes, ac peritos, iudicæ volo. Ego sanè mentem inducere nequeo ut credam, mandanti præceptum ea dere impositum vllum esse, ac proinde priori sententiæ, posteriorem hanc anteponendam credo.

Contra quam sic pugnant aduersarii. qui mortem alterius suadent, aut imperant, ei haud dubie iniuriam faciunt, ergo quæ ex ea damna consequentur, reparare quoque eos est necesse, ergo & ne accidant impedire pro viribus, mandans ante alios, ergo cum via ad id certissima sit occisio eius, qui ad

A mortem est destinatus, hæc ne eueniat mandantem obligari, quis non videt? ergo & admonendum illum ut sibi caueat.

Respondendum ad primam consequentiam, quæ ex iniuria primo illata (nempe cum de interimendo homine, mandatum ad mandatarium à mandante primo exiit) detrimenta contingere, aut accident, ab eo ex æqualitate reparanda esse, non ea vero, quorum mandatarius solus est auctor, qualia sunt, quæ ab eo post reuocationem mandati aut consilii, eiusque actione redundant in eum, cui ut noceretur, mandans imperauerat. Quod hæc ei vero soli imputari debeant, sit hinc planum, quod ab eius voluntate sola, non mandantis, eaque ex alio motiuo concepta prodeant, quæ voluntas plane per accidens, & fortuito, priorem mandantis sequitur.

Obiiciunt secundo, mandans est causa, cur mandatarius vim fortunis aut corpori eius, in quem incurrat, afferat, nam si hunc ille non odisset, si illum iræ mandarii affurori minime obiecit, nunquam isti haud dubiè venisset in mentem, in fontem petere, stantem affligere, valentem lædere, eius corpus aut bona profligare.

C Respondend. negando Anteced. quod enim molitur mandatarius à reuocatione mandati sibi antea à mandante impositi, non ex opere mandantis, aut eius aliqua erga lædendum maleuolentia prouenit, sed ex mandarii malitia, qui suo pre motu ei facit iniuriam, cum iam mandantis nomine amplius non agat, sed suo, ut patet, & ita ab hac obiectione incommodum nullum opinionem nostræ est timendum.

D Quæritur octauo, An quando plures adoriuntur aliquem, irregulares censendi sint omnes, etsi cum vnus quispiam lethaliter percusserit, non alij.

Communis est sententia Nauarri & aliorum affirmans, quam his verbis est complexus Hurtado de irregul. diff. 2. diffic. 6. num. 21. Quando multis aggreduuntur aliquem, si occidatur omnes sunt irregulares, quamuis vnus tantum percutiat.

E Ratio est, quod omnes admissæ per eum necis sint rei, nempe, quia vulneranti animos sua præsentia addidere ad facinus, & ne vicissim ab isto, qui in vim adorientis incidit, humanitus pateretur aliquid, conferti tam armis obstitere suis, quam multitudine ac numero, id ipsum scripsit Comitol. responsion. lib. 4. quæst. 10. Socii ait, homicida, siue ad eius auxilium, siue ad necem expediti, cum sequitur homicidium, homicida sunt, irregularitatis ergo notam fugere nequeunt, cum hæc homicidas promiscuè ac sine discrimi-



ne & ex æquo omnes afficiat. Itaque non A tantum, quando præmissio consilio sed etiam quando subito aggrediuntur, si percutiens, aliorum aggressionem fuit animatus, aut defensus, ac proinde in bello iniusto, omnes milites, quamvis sint plura millia, & etiam omnes custodientes sarcinas, sunt irregulares, quamvis unus tantum occidat, aut mutilat, quia quilibet assistentia aliorum animatur, & custodia adiuvatur. Ita Hurtado loco citato.

Quæritur nono, An magistratus qui scit itinera lacrocinis infesta esse, in urbe, autem per noctis tenebras grassari sicarios, in capitaneis fontium nec eos cum potest cohibet, aut e cætu arcet civium, sit irregularis.

Omnino, quia qui scit agitari consilia, de quopiam interficiendo, certoque eius rei parus est, & non enunciat, cum debet in codolose agens, homicida est, proindeque irregularis, at magistratum cædes non latent in fontium, ut supponitur, non insidias comparat in vitam, fortunasque civium, quas & auctoritate sua dissipare, quibus sine capitis sui periculo possunt, ac debent obistere, id ergo cum non agunt, homicidæ sunt existimandi, proindeque irregulares, ac ordinum non capaces. Qui enim non repellit à socio iniuriam, cum potest, tam est in vitio, quam ille qui facit, Ambros. lib. 1. de officiis cap. 36. vide Angelum in verbo homicidium 1. num. 17. & 19. Sylv. cod. tit. 1. num. 14.

Quæritur decimo, An Clericis qui iurisdictionem obtinent temporalem, causas delegare sanguinis sine irregularitate liceat.

Quæstioni pridem est à Bonifac. VIII. responsum: sic enim ille in decretali Episcopus 3. Ne Clerici vel Monachi, Episcopus seu quicumque alius prælatus, vel Clericus iurisdictionem obtinens temporalem, si maleficio, aut homicidio in iurisdictione sua commissio, ballivo suo, aut alij cuiusque iniungat, ut super hoc, veritatem inquirens, iustitia debitum exequatur, irregularis censeri non debet, quamvis ipse ballivus, vel alius, contra malefactores ad pœnam sanguinis processerit, iustitia meditante. Nam licet Clericis causas sanguinis agitare non liceat, eas tamen (cum iurisdictionem obtinent temporalem) debent & possunt metu irregularitatis cessante, aliis delegare.

Quæritur undecimo, An qui alteri homicidii faciendi, consilio suo est auctor, eo secus sit irregularis.

Toletus in sua summa lib. 1. cap. 79. consilium tripartito dividit, in consilium exhortationis, approbationis, & simplicis opinionis cui quoad hoc astipulatur Præposit. in can. si quis viduam distinet. 60. Differt autem consilium à mandato, & auxilio quod quis homicidæ ad interimendum hominem tribuit,

primo, quod qui mandat, ac præcipit, sola voluntate mandat, ac præcipit, perque eam solam operetur, qui vero consulit, rationum momenta quasi submicula adhibeat, quibus fidem faciat, & ad agendum, quod persuadet ac consulit, impellat.

Dico ergo irregularem esse, qui rationibus apud aliquem efficit ut credat, interesse sua, ut in aliquem impetum faciat, eique vitam ac spiritum hauriat. Ita Doctores Comitoli lib. respons. 4. q. 10. theoremate undecimo, Portel. in dubiis regul. verbo homicid. n. 11.

B Causa est, quod qui alium iniuste opprimit, aut eius opprimendi est auctor, sit irregularis. At qui cohortando, monendo, consulendo est hoc affecutus, vis ut alienæ vitæ fieret, eius impressionis est causa, eaque efficax, cum si ea defuissent consilia, in eam nunquam mentem venisset interimens, in fontem ut perimeret, tam est ergo existimandus irregularis, quam qui manus ipse violentas ei infert, aut inferri iubet.

Sunt hæc tamen quæ sequuntur ad eam pœnam subeundam conditiones necessariæ.

C Prima, ut homicidium verè consilio imputetur, hoc est vi eius fiat, nam si is, cui consilium tribuitur, non ab eo ad faciendam cædem, sed impellatur aliunde, hoc est ab insito sibi in interfectum odio, vel alia quapiam causa simili, erit ab irregularitate liber consulens, Portelius supra num. 12.

Secunda conditio est in eo, ut qui consilium recipit, antea per se ipse, de necando homine consilia minime ceperit, nam id sibi constitutum si fuisset, certumque, ab hac pœna immunis foret, Hurtado de irregular. disp. 2. difficultate 6. num. 20.

D Causa est, quod tunc non sit consulens homicidii, quoad substantiam, vera causa, quam in sententiam iuere D. Antonin. parte 2. cap. 1. tit. 12. parag. 12. Lessius lib. 2. de instit. cap. 13. dub. 2. num. 6. non eum ergo irregularitas quæ homicidii facti est pœna, afficit.

At habet (inquies) à consulete interfectio, ut hæc sit numero non illa, aut alia, deinde ut citius, ut inhumanius, ac crudelius illata fuerit, est ei, ergo ut causæ imputanda, non alteri.

E Antecedente concessio, neganda est consequentia, eius non admittendæ est hæc causa: quod etsi consulens causat tunc sit distincti numero actus, non tamen in homicidium, quoad substantiam influat, sed quoad modum, duntaxat, si qui sibi dari consilium patitur, ita erat animo comparatus, affectusque ante illud auditum, ac receptum, ut ipse sine illo, rem confecturus esset.

Verum enim, an eo reuocato consilio, qui suavit, liberetur à seelere, controuersantur Doctores. Affirmatiua Nauar. placet ca. 27.

*summa Maiol. cap. 48. Comit. responsion. A lib. 4. q. 10. P. de Nauarra lib. 3. cap. 4. num. 27. Portelio in dubiis verbo homicidium num. 12.* nani quid ab eo exigere præterea debeat ac possit, non est facile dicere, quam in alterius exitium, male consultus telâ texuerat, aura meliore afflatus è cœlo rexit, quid ab eo, si ipsa superne in terras laberetur æquitas, postularet amplius? hæc illi coniectura satis probabili, ad fidem non absone.

Quæ tamen Læssio non probantur, *lib. 2. de iustit. cap. 13. dubit. 3. nu. 16.* negat enim ad culpæ fugam, consulenti satis esse, si quæ ipse consuluit, reuocet, insectaque nolit, utpote prohibita legibus, nisi etiam opposita persuaseat, V. C. suasisit quis amico ut litem contra fas æquumque, vicino intenderet, si pecuniam quam sibi mentitur debitam, denegat, eidem vim faciat, è re id sua esse, enim uerò si contenti se fuerit, honoris se ac famæ facturum aliam, proinde audendum esse, quod metuitur dedecus, vitæ alienæ periculo redimendum esse. Cõrredit hic auctor, ad officium boni viri cõsulenti satis nõ fore, si se deceptum asserat, si contra quam prudentia postulabat ac caritas, de vi inferenda fortunis, aut vitæ alienæ, iniqua se ac turpia dedisse cõsilia dicat, nisi quam habet anticiparam animo voluntatem ea faciendi, oppositis rationibus abstergat, ac dissipet. Est hoc firmamentum eius præcipuum, quod ostensione commodi, honoris, aut famæ, sibi ex hoc grandi, vastoque facinore conciliandæ in populo, consules, eius voluntati, quam est consiliis suis ad illud patrandum aggressus, fortes acresque ad malum stimulos addidit, qui stimuli perseuerant haud dubiè manentque, quandiu eodem incitatus motivo (ut aiunt) conceptum scelus vult prosequi, ex quo sequi ait, Læssius, quod cum sit consulens, huius voluntatis author, ac causa: fore quoque & effectus, id est necis, damni, ac proinde, veri speciem habere, extra irregularitatis periculum consulentem non fore, si dati consilii reuocatione mera, solaque contentus, non id agat, ut in contrarium inflectat eius animum cui auctor sceleris admittendi fuerat.

Est hæc sententia probabilis, prior tamen tenenda in praxi, ratio est, quod quando id operam consulens dedit, ut priora sua consilia, argumentis euerteret, faceretque pro viribus, ea ut iniqua, malaque esse parent omnibus, nec sequenda, non videtur horum executor, illis moueri, agique amplius, sed improbitate sua duntaxat, ac malitia.

Duodecimo quaeritur, *An de damnis quibuslibet, si mandati secutus, mandans teneatur.*

Factum est tale. Domesticis suis, vni ac alteri, dedit in mandatis dux belli, ut facto in prætereuntem impetu, cum opprimerent, ea non contenti iniuria, porro pergunt, domum aduolant, omnia dissipant, suppellectilem euertunt, vasa aurea, argenteaque auertunt, secumque improbe euehunt, quaeritur, an cum defuncti nece, præstare hæc damna eius hæredibus, mandantem sit necesse.

Pepulit hæc dubitatio non ita pridem aliquorum animos, quod animaduertent, ciuili Imperatorum lege, teneri reum, damni (ut loquuntur) extrinseci interesse omnino sarcire, illudque domino quanti eius interesset non fieri, rependere, *lege qui tabulas, & legeis cui de furt.*

Erat & alia dubitandi causa, nempe quod legerent in decret. Greg. noni si culpa tua finali de damnis & iniuria data quod qui occasionem damni dat, damnum quoque dare videatur.

Quid? quod ut est in cap. finali de homicid. in 6. cum mandando in culpa fuerit, & hoc euenire posse cogitare debuerit, ei domus, bonorumque euersio, in mandato suo tanquam in causa, volita esse censeretur? ob quam causam, ut est in eo canone, is qui mandat aliquem verberari (licet expresse inhibeat, ne occidatur vllatenus, vel membro aliquo mutiletur) irregularis efficitur, si mandatarius fines mandati excedens, mulet vel occidat.

Nihilominus si incommoda, damnaque de quibus est in quaestione mentio, imperantis non subire animum, eaque proinde inferri non iussit, crederem hæc ei præstanda non videri.

Primo, reparare damna non alius debet, quam qui eorum est causa positiua, vera & efficax, ut probat Sotus *lib. 4. de iustit. qn. 7. conclusione 4.* at in hoc causarum numero, locum sibi nullum imperans vendicat, respectu euersæ domus à famulis. Fuit ille quidem causa sine qua non, cum si homicidium fieri non iussisset, in occisi fortunas, bonaque non inuolassent eius domestici, non fuit tamen huius tam perniciosi effectus causa per se, & efficax, cum ad eum opera nihil suæ contulerit, nec ad actum, quo esse ille cœpit, & per quem, damnum est illatum proximo.

Secundo damnum quod nullo modo est volitum, non necessario est restituendum, at quæ domestici, domino nesciente damna intulere occisi hæredibus, ea nempe de eius domo, familiaque sibi præter ius fasque vindicando, quæ erant ad res varias illi futuræ utiles, nec in se & directe, nec in causa, & implicite sunt volita, non primum, ut est per se planum, non alterum, quia quæ indirecte

sub voluntatem cadunt, hæc necessarium A cum sua causa vinculum habent, atque, qualisque intercedit furto, cum homicidio connexio? aut quando, & ubi visum, ut à nece hominis, semper ad eius fortunas, bonaque euertenda, progressio fieret? non est ergo homicidium, furti causa, nec ad illud ex se, naturaque ordinatum ac directum; nec habent hæc duo delicta, connexionem inter se necessariam, sic ut vnum sequatur, nec natura sua dependeat ab alio, ut effectus à causa. A diuersis autem non fit illatio, ut colligitur ex cap. *audientiam* 12. de *decimis*, ubi ex hac voce labores negat Alexand. III. inferri posse noualia, cum hæc genere naturaque ab illis differant.

Argumentis respond. nepe in iis, de eo agi, qui damni causa positiua est ac efficax, per concursum affirmatiuum ac realem, & non negatiuum tantum, qui in eo est, quod sine tali causa, res non fieret, & nihil amplius, nec enim est ratio causæ, ab ista petenda negatione, sic ut illud dicatur causa, quo non concurrente, effectus non esset, sed ab affirmatione, quæ est concurrere, seu efficere, quod in presenti ut patet, locum non habet.

Decimo tertio quaeritur, *An qui in necem alienam consentit, dum sit eius nomine, sit irregularis.*

Affirmat Portelius in *dubiis regularib.* Verbo *homicidium* num. 16. cuius opinionis firmitermentum esse illud videtur, quod ut culpæ, pœna est comes, ita & homicidii irregularitas, sed homicidio dum fit actu, assensum dare, est eius causam esse, eique cooperari. Subscribunt hæc sententiam Theologi, dum in causarum moralium numerum, consensum referunt, dum homicidam aiunt, ad facinus, exhortatione, ad illud, ac ab aliorum approbatione ac consensu, expeditiorem reddi, quod ad rationem causæ pertinet.

Si tamen mea causa vis proximo (inquit) non fieret, grata mihi hæc tamen accideret, absque alio in eam cōcursu, irregularis non fierem, Portelius supra.

Ratio est, quod meus ille cōsensus ad mortem, tum nihil afferat: ut enim hic occidentem latet, ut in animi mei intimo penitenti occultus hæret, ita illi ad eam inferendam, stimulos viresque non addit, quare si se proderet, si foras ad eius conspectum erumperet, tum enim uero metuendum esset, ne consentientem irregularem faceret.

Huius quaestioni affinis est ista, ecquid à se factam eadem approbans, cum sui imposset, somnoque captus, irregularitatis maculam contrahat, sit hoc pro exemplo Mæuio veteres intercedebant cum Titio simul.

tates, dum eas vterque decoquit, forte accidit, ut in istum, ille districto ense, sed ab alienata per morbum mente, ferox irrueret, hominemque conficeret, nec diu fuit, cum sanitate sibi reddita, ad ingenium pristinosque mores rediit, de necando Titio, cum quo inimicitias agebat, ut olim fecerat, cogitat, dumque se ad id pro viribus comparat, sua illū confectum manu expirasse, nec sine gaudio intelligit, de hoc ergo homine quaeritur, an mors Titii, quam tum approbat, quam tum à se procuratam audit, & lætatur, cum irregularibus adnumeret?

Inferantur Suar. *disp.* 64. de *cenfur.* nu. 29. Portelius *supra* num. 17. nec secus quam illi iudico, nam etsi complacendo sibi in eo homicidio peccet, non tamen in illud, verè hic & nunc influit, nec cum factum est, peccauit, ergo cum irregularitas, quæ est pœna homicidii, in eius auctores duntaxat, causamque cadat, est ab ea futurus hic liber.

Decimo quarto quaeritur, *An qui bona fide, reoque ipso suadente, eius nomen ad iudicem detulit, sit irregularis, si hunc culpa sua mori acciderat.*

C Res est talis, cum animam ageret N. professione Clericus, Sacerdotem, quo erat hactenus ad confessiones usus, aduocat, eius operam ad suorum expiationem scelerum implorat, & quia decretoriam adesse diem vitæque sibi suæ venisse finem credebat, confessione animum eluere suum parat, ea peracta, Sacerdotem orat, iudicem suo ut nomine admoneat, latere tali loco argenti facti vim non modicam, quam ipse olim, dum sanus esset, clam domino auerterat, parerit iste, sed in pœnitentis sui perniciem, nam ut ex morbo conualuit, in vincula, magistratus imperio compingitur, dies ei de furto dicitur, conuincitur, damnatur. Quæstio est, Sacerdos ille irregularis fuerit, necne, ideo quod facto suo, hoc est explicatione culpæ à pœnitente commissæ, interitus eius causa extitisse videatur. Ei tribus propositionibus respondebitur.

Prima propositio, certum est à peruulgata summistarum doctrina, cum Sacerdotem, in irregularitatem, quæ est ex homicidio voluntario, lapsum non esse.

Huius nostræ propositionis fundamenta præcipua duo, primum, quod ei propositum nunquam fuit, per se primo, ac directe, pœnitenti nocere, nedum eius salutem in discrimen capitis vocare. Alterum, quod fuit ea furti declaratio ad pœnitentis preces suscepta, quod exonerandæ conscientie vtriusque, id est Sacerdotis, ac rei causa, instituta, quod propter læsum facta, nempe ne quid illi è rei suæ iactura detrimenti accideret, datum



datum autem eius subductione repara- A ret.

Propositio secunda, *Non est improbabile, eum Sacerdotem irregularitatis, quæ est ex homicidio non voluntario, seu casuali, contraxisse maculam.*

Primo, quia facta iudici per eum; furti manifestatio, eius auctori, hoc est pœnitenti suo, certissimum attulit exitium.

Secundo, quia futuri obitus causam, Sacerdos minime considerauit, quam tamen ipsi, diligenter animaduersam esse oportebat.

Enimuero in id est incumbendum singulis, B qui irregulares esse nolunt, irregularitate quæ est ex homicidio casuali, cui initium fuit ex opere licito, vt diligentiam necessariam afferat ne ex suo facto mors sequatur, qualis est futura testimonio P. Suar. *disp. 35. sect. 5. num. 41.* si fecit, quod potuit, ac debuit, ab eoque est id tantum præteritum, quod non est animaduersum, quia sine ingenii perspicacitate, solertiaque plusquam vulgari, animaduerti non potuit. At videre Confessarius potuit, sicut & quilibet alius, non omnino rudis ac hebes, ægrum reualefcere, datamque iudici de furto per eum commissam notitiam, prædicto pœnitenti nocere posse, eique viam ad patibulum, cruceinque sic facere, est ergo istiusmodi diligentia defectus in Sacerdote, certa eidem irregularitatis conciliandæ ratio, causaque.

Confirm. vt pœnitenti consultum esset, Sacerdoti satis erat, Iudici, aut auersæ rei domino patefacere, locum, vbi hæc noctis, ac tenebrarum velata tenebris latebat, de fure sermonem facere, quid erat necesse? itaque cum ille, quod alius parum licet cogitans non faceret, cum de nomine appellauerit, imprudentiæ sane, inconsiderationis, ac incogitantiæ in rebus politicis non vltimæ, notam in ea sibi nomenclatura inussit, ideoque & irregularitatem subiit, ob non adhibitam, in præcauendo securitæ mortis periculo, sufficientem curam ac prudentiam.

Quid si prædictæ diligentia omissio lethalis non erit? quid si fuit aliqua circumspectio, sed necessaria minor, sed sufficienti inæqualis ac impar?

Tertia propositio, *Si in prodendo fure, si in manifestando bona fide eius crimine Sacerdos mortaliter non peccauit, non est existimandus irregularis.* in opinione Suar. *disp. de censur. 45. num. 8.* Portelii parte 3. *casuum casu 23. num. 3.* Soti in lib. 5. *iustit. q. 1. art. 9.*

Ratio est, quod in communi opinione Doctorum positum sit, culpam, siue comittendo, siue quid omittendo suscipiatur, aut latam, aut leuem esse debere, nec ad contra- Pars secunda.

hendam irregularitatem satis esse leuissimam, ergo nec venialem.

Conseq. probatur, est leuis culpa iuridicesumpta, non Theologice, discessio ab eo quod diligentes faciunt, lata, deuiatio ab ea diligentia, quam communiter etiam parum frugi patres-familias, rerumque suarum incuriosi, in procuratione familiaræ afferunt: est autem vtrique plusquam venialis, vt pater, cum ferendum non videatur, id à quoquam non prospici, aut omitti, quod eiusdem generis accurati, diligentesque viri præuident, aguntque cum est necesse, vt ergo in hoc homicidii genere, cuius causa est casus, irregularitas non inducitur, ita & vitari nequit, quando est culpa iuridica cum Theologica coniuncta vt semper accidit.

Quanquam dici potest ad subeundam irregularitatem ex homicidio casuali, culpam satis esse leuem & quæ exitialis non sit, eius sunt opinionis Diu. Thom. in 2. 2. q. 64. art. 7. ad 3. Nauar. in *summa cap. 27. num. 222.* Franc. Mayra in 4. *sent. dist. 18. q. 4. parag. notandum,* Comit. *respon. moral. lib. 6. q. 13. nu. 1.* C vbi in eorum præceptione, qui summas cum cura studioque elaborarunt caput esse ait, *teneri eum irregularitate, qui aut rei non licite dat operam, quamuis nihil diligentia seu cautionis omiserit, siue cum rei licite eandem nauat, inconsiderando delinquit, in re aut genere, & tum negligentia culpam quæ sit perniciofa, eos non exigere, sed de hac re nos antea.*

Decimo quinto quaeritur, *An ut incuratur irregularitas, quæ ex homicidio fortuito nascitur, istud ex opere quocunque modo illicito sequi sufficiat.*

Non videtur. fac enim mihi quidpiam esse à superiore prohibitum V. C. equo in publicum die festo progredi, quis me ideo irregularem existimet, si sanitatis causa, cum in equo auram medici consilio captarem, inopinatò è manibus elapsus equus, puerum quæ in itinere iacentem reperit, pedibus atterat? nec enim est hæc infantis attritio mihi primò, per se, & directè volita, eum de ea, ne leuis quidem animum cogitatio subierit vnam, nec indirectè, in progressionem scilicet ad publicum, contra Superioris mandatum, nec enim est eiusmodi prohibitio causa securæ necis, & tamen ex opere illicito, equitatione scilicet, cum hanc esse non decebat, ortum habet, non ergo opus malum quodlibet, irregularitatem ex homicidio casuali ac fortuito, aptum est parere.

Eiusmodi illud ergo, & quale esse ad hunc effectum conuenit?

Respondet Ludouic. de Beia parte prima *respon. casu 40.* cui astipulantur Nauar. *cap. summa 27. num. 220.* Ludouic. Portelius

RRr



*in dubiis Regular. Verbo homicidium, fore tum eiusmodi, si homicidii propinqua sit causa, ex sua natura, consuetudine, aut operantis intentione, ad necem aut deformationem comparatum, quo ex principio inferendum, irregularem non esse, qui caput vino, aliquem interemit, nam etsi culpa se sua, vino epulisque oppleuerit, cum tamen id ei non sit in more, nec vnquam alias ei cum sui esset impos, aliquem contigerit laedere, nec in se, nec in ebrietate facta ab eo miseri occisio, voluntaria censeretur potest. Similiter si furiosus, aut infans seu dormiens hominem mutilet, aut occidat nullam ex hoc irregularitatem incurrit, Clem. V. in Clement. 1. de homicid. quia non est somnus, causa per se propinqua talis effectus, ad eum naturam suam aut consuetudinem directa.*

*Decimo sexto quæritur, An chirurgi & medici, qui secundum artis præcepta mutilant, sint irregulares.*

*Dico primò, Tales habendos esse, si mutilati, eorum negligentia aut imperitia diem suum obeant.*

*Ratio est, quod tunc ex delicto, causa sint eorum interitus, ac ex consequenti veri homicidæ, per actionem positivam ac veram.*

*Dico secundò, Qui iuxta artem, eiusque præcepta secut, ac mutilat, non est irregularis, etsi ex eo, aut alia curatione mors sequatur præter intentionem.*

*Ratio est, quod extra defectum lenitatis, mors ex opere aliquo nostro secuta, irregularitatem non pariat, nisi sit criminofum ac lethale, ac eiusmodi esse truncationes ac vulnera, quæ ex arte fiunt, nemo prudens existimauerit. Deinde cui non compertum, irregularitatem ex defectu lenitatis natam, esse pro iudiciis, forique affeclis, ac ministris, & non medicis ac chirurgis, nisi quid ergo ex imperitia, negligentiaque in curando vulnere, aut secando membro omiserint, qua ex omissione mors sit sequuta, irregulares non erunt.*

### QVÆSTIO XXVIII.

*An ad contrahendam irregularitatem ex homicidio indirecte voluntario, proindeque culpabil, culpa requiratur lethifera.*

**S**ufficere venialem existimant hi auctores Caiet. *ver. irregularitas*, Armilla *cod. num. 14.* Molina *tract. 3. disp. 77.* cum enim in tria genera, legalis culpa distribuatur, leuem, leuissimam & latam, à leuissima irregularitatem gigni aiunt, si illa culpa sit in

**A** committendo, non autem si eadem sit in omittendo. *nam iura*, inquit Armilla. *plus tolerant culpam omissionis, quam commissionis*, Comitulus nullam exigit, quando quis nauat operam rei sibi non concessæ, ex ipsoque homicidio, quamuis careat culpa, irregularitatem oriri ait *lib. 6. q. 52. & sequenti.*

**B** In contrariam partem abeunt reliqui cum aiunt, culpam siue committendo, siue quid omittendo suscipiatur, laram esse debere, nec ad contrahendam irregularitatem satis esse, leuissimam aut leuem: Opinioni huius asserendæ, ac propugnandæ principes, sunt Petr. Nauar. *lib. 2. de restitut. cap. 1. numero 69.* Auila *disp. 6. sect. 1. dub. 11. concl. 3.* Henric. *lib. 14. cap. 15.* Layman. *lib. sect. 5. tract. 3. par. 3. cap. 10. num. 3.* Quod meum sit iudicium de re proposita explanabo assertionem duplici.

**C** Prima assertio, *Ut in irregularitatem quis offendant, cum rei licita dat operam, necesse est, ut culpam subeat negligentia, seu inconsiderantia, ac inconsultæ rationis, que sit lata ac mortali.* Laym. loco proxime citato expresse, estque contra Caiet. & ceteros, qui scribunt homicidium, cuius causa est casus, eos afficere irregularitate, qui in alterius interfectione culpam admiscere tantum leuem, & non mortiferam. Assertionis hæc est ratio, quod mors sequuta, non potest homini esse voluntaria, nec ipse proinde cum ratione, audire homicida, nisi in causa, effectus ipse qui est nex aliena, fuerit ab eo volutus, quod nunquam accidit quantum est ad irregularitatem satis, nisi culpa præcesserit, & negligentia inconsiderantis, eaque non vulgaris, qualis est eius, qui non prospicit, quod eiusdem generis ac conditionis homines quanquam non diligentes, prouident, in hoc enim est lata culpa legalis, quod sit deuiatio incircumspecta ab ea diligentia, quam communiter habent homines, Bartolus *in leg. quod Nerva ff. depositi num. 27.*

**D** Assertio secunda, *Quando Clericus nauat operam, rei sibi non permisse, si mors præter eius votum, ac expectationem casu consequatur, sit irregularis, si non omnia prospexerit, quæ diligentes quique in operando, sibi perspecta, cognitaque esse volunt, & sic ad incurrendam irregularitatem ex homicidio fortuito, non est necesse culpam vllam exitialis, ac mortiferæ indiligentiæ, sed circumspectionis incautæ præcedere, satis est ad hunc effectum venialis, quia ut dicitur in reg. 19. de regul. in 6. Non est sine culpa, qui rei quæ ad eum non pertinet, se miscet, ac qui operatur quæ sibi non sunt concessa, is se immiscet, quæ ad eum non pertinent, ergo cum culpa*

culpa, non mortali cum eorum quæ prudens facere solet, ne operando noceat, nihil omiserit ut supponitur, ergo veniali, maxime si opus in quo versatur Clericus, non sit ab homicidii seiunctum periculo.

Ratio est, quod imprudentiæ sit non modice tali se periculo exponere, & licet effectus qui cum illo coheret, hoc est homicidium, non censeatur esse in eo implicite volitum, ob diligentiam quæ adhibetur ne accidat, quia tamen in iis quæ ut plurimum contingunt, nec nisi ægre separari à causa mali queunt, fortunam tentare velle, peccatum est venialis imprudentiæ, ab ea non est futurus immunis ac liber Clericus.

Ex primo capite, Irregulares sunt Iudex, & Magister, ille cum in exquirenda, aut tormentis exprimenda à reo facti veritate, iste, cū in castigando discipulo modum sic ambo exeunt, ut inde utriusque mors accidat, *Natur. lib. 5. consilij parag. 6. de homicid. & cap. Manual 25. num. 235. Couar. par. 2. parag. 4. num. 5. Henric. lib. 4. num. 4.*

Ex secundo, Bombardæ explosio irregularitatem Sacerdoti affert, qui cum ad venatum esset, in hominem intentam exoneravit, quem tamen adhibita diligentia credebatur esse animal, quia contra iura Ecclesiastica, venationi clamoræ, & quæ non nisi cum armis exercetur, operam tanquam rei sibi non concessæ dabat, *Comitol. responsion. lib. 6. q. 12.*

Ex eodem capite, in irregularitatem incidisse censendus est Clericus, qui ad curationem ægri ferrum & ignem adhibuit, effectum alio nullo quam sequente mortis, etsi hic nulli prorsus negligentiz, aut iniuriæ culpæ affinis esset.

Ratio est, quod sunt hæc artes Clericis prohibitæ, quibus non nisi adustione, aut abscissione membri, afferri medicina potest *cap. tua nos de homicid. nec mortis discutere periculum, quod illis, earumque functionibus est insitum, quantacunque diligentia valeat.*

Contra primam assertionem obiicit Molina, Irregularitas ex homicidio, culpæ non est agnata necessario, nam quid peccant Reges, quid Principes, quid Iudices, cum nocentium iugulum petunt, ab iisque extremum spiritum resti exprimunt? & tamen eo facto irregularitatem subeunt, huic ergo pœnæ culpa mortalis nulla, est præmittenda necessario.

Consequent. est falsa, nec satis apte ex Anteced. illata, quod enim à Iudice auctoritas stet publica, in damnando nocente non peccat, est tamen ex defectu lenitatis irregularis, quod manibus, animoque sonituum cruore tinctis, perfectam Christi man-

A suetudinem non referat.

Qui autem priuata potestate, vitam eripit alteri, ut ei nocet, ita peccat, ergo hoc ei peccatum debet esse voluntarium saltem indirecte, in negligentia, hanc autem si sit tolerabilis, si ferenda, si venialis, irregularitatem parere posse, grauem utique pœnam, quis dicat? est enim hoc in Doctorum præceptione caput, culpam pœnæ oportere parem esse, at est irregularitas, pœnarum, quas infligit Ecclesia, si non maxima, saltem tamen inter magnas non vltima, hanc subiri ergo non nisi ob culpam, quæ aliquo modo grauitate ei respondeat, est necesse, cum hæc abest in hoc homicidii genere, cuius causa est casus, irregularitas est nulla. Nam de periculo quod addit Sotus, ad rem non facit, quia si est probabile, & prospectum fuit, homicidium admissum, à casuali in voluntarium transfertur, nec culpa tantum in genere, & obiecto residet, sed etiam in agente, qui non tantum propter rem illicitam cui dabat operam, sed multo magis propter homicidium à se commissum, & volitum indirecte in sua causa, nempe diligentia & cautione non adhibita ne accideret: damnandus erit.

## QVÆSTIO XXIX.

*An qui in mortem alienam consensit, quam tamen nec intulit, nec inferentibus comitem se addidit, sit irregularis.*

**D**EFACTum est eiusmodi, in armatum, cum scholares incidissent aliqui, ab armis inopes, ab eoque pessimè essent ac indigne habiti, pleni ira, eius interficiendi commune consilium capiunt, ab eo ergo digressi, domum se quisque recipit, data sibi & accepta vicissim fide, faciendæ necis, ubi se primum daret occasio, post aliquanto, duo ex illis prætereuntem nacti, alia omnia quam de paratis sibi insidiis cogitantem, opprimunt. Quæritur hic ergo an tertius ille, qui cum istis societatem consilij paulo ante coierat, aberatque, cum sunt illud eius socii in E miseri exequuti perniciem, ex illa eade irregularitatem contraxerit.

Respondendum, in utroque illum foro, irregularem censerem. In externo quidem, quia palam, de eo interimendo promissa dedit. In interno vero, quia consuluit, quia hostis necandi causam, ac modum elegit, *can. si quis viduam 8. distinct. 50. parag. similiter, similiter si homicidij, aut facto, aut præcepto, aut consilio, aut defensione, post baptismum conscius fuerit, & per subreptionem ad Clericatum venerit.*

RRr ij

rit, deiciatur.

Nec cum iuuat, quod cum à sociis facta est in prætereuntem impressio, domi esset, à cædis illatæ loco, sociisque procul abesset. Nam qui homicidio causam dedit, sit hic eo nomine irregularis, at dedisse hunc tam voluntate, quam verbis, ac pollicitis, est planum, ergo, &c.

Quid? quod cum est communi consensu, ab his tribus conflata scelerata illa societas, cladis ei inferendæ, à quo se offensos aiebant, mutuo illam sibi suo faciendam nomine imperauerint, sed qui mandat homicidium, in irregularitatis laqueum incidit, si sequatur, illa ergo hunc teneri, verisimile est propeque ac certum.

Quid si ore tenus duntaxat, & non corde, intentandæ mortis approbator extitit? quid si eam optare præ se tulit, ne timidus appareret, ac honoris parum appetens?

Irregularem tunc eum non esse, existimare quis posset, quod in illum homicidii macula, ob defectum voluntatis eius faciendi, non cadat, ecquid ira vero? nempe quod clades, tantum homicidii vocanda sit nomine, quæ voluntarie vitam personæ adimit, quod iste non fecit.

Equidem si qui est oppressus, sacris foret initiatus ordinibus, nemo diceret tertium illum, qui mortis quidem afferendæ suasor fuit ore tenus, non vere & ex animo, absuit autem cum est à sociis illata communi opera, nemo (inquam) cum excommunicatum diceret, eo quod Ecclesia actus duntaxat perfectos in suo genere, ac completos puniat, cuiusmodi homicidium esse sine voluntate commissum, nemo opinor asseret, at eadem est irregularitatis causa, quæ excommunicationis, sunt enim ambæ peccati pœnæ, ambæ Ecclesiastica vincula, quibus, ne in illud diffuset, ac labatur humanus animus, impedire Ecclesia satagit.

Deinde Theologorum hoc axioma, actus scilicet tantum in genere suo completos, puniri ab Ecclesia, peræque, imo multo magis in irregularitatem transfertur, siquidem non quælibet hominis interfectio irregularitatem parit, sed quæ scienter ac consulto suscipitur.

Nihilominus in eam incurrisse est credendus, quia mortis causa extitit, quia de ea consilia cum sociis pestifera habuit, quia eam sua causa, nomineque procurari voluit, quia socios in proposito, assensu suo firmavit, à quo illis animum ad efficiendam cædem esse additum, quis non videt? nec enim ausuros fuisse eos vnquam tantum, ac tam scdum facinus, est credibile, si sibi persuasum fuisset, huic tertio odiosum futurum ac graue.

**A** Ad argumentum responderi debet, factam cladem à duobus, huic tertio, quantum est satis ad effectum præsentem, fuisse voluntariam, nam etsi forte initio abhorreret à crimine, nec ad illud afferret animum, illum tamen cum causa mortis, id est externa illa deliberatione coniunxit, cum eius esse voluerit particeps,

Equidem si voluntas deerat, si factum odebat, cur non id indicauit sociis? cur pertæsus culpæ, à se admissæ, in deliberando cum iis de nece consciscenda consilia prima non retexuit? cur nō ea de re socios admonuit? cur à meditato facinore, vt debebat, & poterat, non reuocauit? quare cum sequuta morte, is qui eam suo fieri nomine imperauit, in irregularitatem incidat, quin istius hic quoque nexibus irretitus hæreat, ambigi cum ratione non potest.

### QVÆSTIO XXX.

**C** An qui homicidium factum suo nomine, ratum habet, sit irregularis.

**R** Ati habitationem, irregularitatis notam inurere, dixere Molina, de instituto 4. disp. 33. memb. 4. Sylu. verbo homicid. 1. qu. 7. Maiolus de irregular. lib. 5. cap. 48. Nauar. cap. 27. num. 233.

In contrariam partem sunt transgressi hi auctores, Hurtado disp. 2. de irregul. diffie. 7. num. 25. Vega 2. parte summa verbo irregularitas casu 3. Portelius in dubiis regularib. verbo homicidium num. 16. Henriq. lib. 14. cap. 16. Corneio in 3. parte tract. 5. de irregul. disp. 1. dub. 2. qu. 2. num. 3. Suar. de censur. disput. 44. sect. 3. Coninch. de Sacrament. disp. 18. num. 72. pro eadem opinione facit Angelus in verbo homicidium 2. parag. 7. Laym. lib. 3. sect. 3. tract. 3. par. 3. cap. 4. num. 6. Ab his argumentis fidem accipit hæc opinio,

Primum est eiusmodi, ab homicidio non subitur irregularitas, nisi procurato, at qui scelus homicidii, facti suo nomine approbat, is illud non procurat, cum rati habitio illud consequatur, proindeque sit eo posterior, ergo eius non est causa, ergo nec irregularitatis in eo, qui illud vt nomine suo, causaque factum, ratum habet.

Secundum, Homicida voluntate (verba sunt Diu. Thom. in 4. dist. 25. q. 3. art. 1. questionum 1. ad quartum argumentum) incurrit reatum pœnæ æternæ, sed non irregularitatem, vel excommunicationem, vel aliquid huiusmodi. Sed rati habitio non se necessario verbis, nutu, vel alio signo quopiam prodit, cum sit facti alicuius approbatio, quæ tota quæta est interna

Merita est, ac in voluntate residens, irregularitatis ergo non est causa.

Tertium, (quod est Laymanni monitum) non contrahitur irregularitas nisi in casibus, qui nominantur in iure Pontificio, ut loquitur Bonifac. VIII. in decretali is qui de sentent. excommunicat. in 6. sed nulla lege Ecclesie est cautum, irregularitatem ob ratihibitionem incurri, hic ergo ei effectus non debet tribui.

At enim (inquies) ratihibitionem retrahit & mandato comparari, non est dubium de regul. iuris in 6. regula 10. & in decretali Bonifac. VIII. cum quis de sentent. excomm. in 6. sed quicquid fieri imperat est irregularis, ergo & qui ratam habet.

Respondet Diana par. 4. tract. 2. de irregul. resolut. 13. ratihibitionem mandato similiter esse quoad culpam, eique proinde comparari posse quoad poenam, si superior ita statuat, ut fecisse est certum, in causa Clericorum, quos ut lacerare, verberare, iniuria afficere est scelus, excommunicatione lata sententia à Bonif. VIII. & Innoc. vindicatum, ita & hanc iniuriā probare, ita & plagas, vulnera; eis inflicta rata habere culpa est testimonio, Bonifac. in decretali cum quis 23. de sent. excomm. in 6. his verbis: Cum quis absque tuo mandato, manus iniicit in Clericum tuo nomine violentus, si hoc ratum habueris, excommunicationem latam à canone incunctanter incurris, cum ratihibitio retrahatur, & mandato debeat comparari, si vero iniectio tuo nomine non sit facta, tunc licet pecces ratam habendo eandem, non tamen propter hoc excommunicationis illo vinculo innodaris, cum quis ratum habere nequeat, quod eius nomine non est gestum.

### QVÆSTIO XXXI.

An si Adulter, adultera maritum defendendi sui causa interimat, sit irregularis.

**D**iversis hac de re sententiis inter Doctores certatur, inter quos etsi conueniat, qui aduersarium impellente necessitate obruncat, quoniā expediendæ salutis alia ei via non patet, hunc necesse inuadenti afferenda, nec peccare, nec vlla se irregularitate illigare, dubitant tamen ecquid ex inuoluntario, ac casuali homicidio, cuius inferendi, culpa aliqua, aut res inferenti non licita, causa extitit, aliqua in operante redūdet irregularitas.

Molina de iustit. tract. 3. disput. 72. num. 5. eo propendit, ut hæc in adulterum resulter. Hanc eius opinionem sunt amplexi Villalobos tom. 1. tract. 21. difficult. 24. numer. 4. Vgolus de irregular. cap. 29. parag. 3. ex

**A** antiquis Diu. Thom. 2. 2. q. 64. art. 8. Tabiena verbo irregularitas 1. parag. 4. conclus. 1. Nec alium mentis sensum habuisse videntur, seu Theologi, seu quicunque iuris Pontificii interpretes, qui de hoc genere irregularitatis, quæ ex homicidio casuali nascitur, præcepta in commentarios suos retulere multa, ac varia, est enim in iis homicidium casuale ac inuoluntarium, irregularitatem ei gignere qui dat operam rei illicitæ, etsi eidem, tale homicidium vere non sit mortale, ita vero sentiunt Sylu. in verbo homicidium 2. regul. 3.

**B** Tabiena verbo irregularitas 1. parag. 4. conclus. 1. & alii qui cum Diu. Thom. 2. 2. q. 64. art. 8. affirmant vniuersaliter, casuale homicidium, danti operam rei illicitæ, semper imputari quoad poenā irregularitatis, licet non semper quoad culpam homicidii.

Secus existimatum est, à non minus multis bonarum rerum disceptatoribus, ut à Soto lib. 5. de iustit. q. 1. art. 9. Sayro de censur. li. 6. cap. 17. Auila par. 7. disp. 5. sect. 3. dub. 3. conclus. 1. Turriano de censur. lib. 9. disp. 65. dub. 2. Less. lib. 2. cap. 9. dub. 15. num. 106.

**C** Hæc sententia, cum & auctorum numero, & ratione, & humanitate sit commendatior, priori est anteponenda, ratio est multiplex.

**D** Prima quod homicidium ex casu, eius auctori tunc tantum irregularitatem afferat, cum cladis factæ propinqua est causa, Ludouic. de Beia parte 1. casu 40. Ancharan. in Glossa penult. cap. final. de homicid. in 6. Sed Adulterium causa eiusmodi dici nequit, ecquid ita vero? nempe quod rebus his duntaxat conueniat, Nauar. teste cap. 27. num. 220. de Beia supra, causæ propinquæ nomen, quæ ex natura sua, vel consuetudine, aut intentione operantis, in necem diriguntur, ac tendunt, quo de rerum genere, adulterium esse quis putet? & primo, si naturam spectes, non vim, non iniuriam corporis, non necem mariti adulteræ, pro fine constitutam habet, sed voluptatem sensuum, sed libidinem, hanc explere adultero est propositum, cum thorum alienum inuadit, ac maculat, de faciundo in vitam impetu, de necando marito adulteræ non cogitat, non est ergo adulterium, homicidii propinqua causa, qualem tamen esse oportet, ut homicidium ex casu, operanti imputeretur ad poenam, quod in maiori positum fuit & probatur.

**E** Qui periculo sui capitis, aut fortunarum, de capite periclitantem non protegit, cum potest, qui fame morientem pane non iuuat, etsi violatæ charitatis sit reus, non tamen Ecclesiasticæ legis, quæ peccantem poenā irregularitatis afficit, quia auxilii, ac victus negatio, in maxime necessario tempore

RRt iij



pauperis, natura sua, aut negantis voluntate, certo & efficaciter mortem ei non conciliat, cum aliunde recipere, & ad vitam opportuna sibi salutis remedia quærere ab alio valeat.

Similiter non est equus à Commodatario præstandus Domino, quem ad palum, aut sepes illiganum in via, cum iste luderet, aut turpiter ac fœdè ageret, cadens è cœlo fulmen cecidit, eo quod nec equi mora in itinere, eiusque in palo reuincti quies, nec sefforis oblectatio, aut fornicatio, res sint eiusmodi quæ cum equi interitu, vinculum vllum habeant ex natura sua, aut voluntate equitis necessariû. Verum est ergo, quæ fortuito accidunt, multa ac varia quotidie in hominum vita, ad pœnam, aut culpam operanti non tribui, si eorum propinqua non extet causa.

Secunda, (quæ est Soti argumentatio) vt homicidium casuale, ratione rei illicitæ irregularitatem pariat, exigit, vt opus illud cui consulto quis dat operam, sit periculosum ex genere suo, & mortis inductiuum, quando vero (inquit) opera illa non sunt Clericis ideo prohibita, quia periculosa, sed ob aliam causam, nempe quia indecora, quia ab eorum aliena sunt dignitate ac statu, tunc homicidium quod est casuale, irregularitatem non inducit. Sed Adulterium non est per se mortis causa, nec via ad occisionem mariti adulteræ, sed potius adulteri, neque hæc occisio est culpabilis in defensione, cum hanc natura cuique permittat, seruat tamen inculpatæ tutelæ moderamine, ergo marito adulteræ mors illata defendendi tui gratia ab adultero, non est isti, irregularitatis futura causa vel occasio.

Idem dicendum, quando quis conuitio alium ad se aggrediendum impulit, nam si vim eius repellere nequit, nisi inferendo ei mortem, vt non est hæc eius actio vitiosa ac culpabilis, ita nec pœna irregularitatis, conuitium enim via non est ad occisionem læsi, sed conuitiantis, Less. supra num. 106.

Similiter non est irregularis, quem casus eo redegit, vt illi sit necesse mori, aut se tueri, tunc enim etsi cum culpa impulerit nocere alteri, si tamen ab illo quærat ad mortem, quam euadere non sit facile, nisi illo è viuis sublato, vt omnis ei est honesta ratio custodiendæ salutis, cum alieno detrimento, ita & vitandæ irregularitatis Diana parte 4. tract. 2. resol. 2. parag. dicendum est igitur.

Quid si Adultero probabile erat fore, vt adulterio cognito, maritus vxorem interimeret? aut ipse in eas redigeretur angustias, vt in hunc cogeretur impressionem facere,

A aut eius manibus interire?

Respondent Laym. lib. 3. sect. 3. tract. 3. ca. 10. Suar. de censur. disp. 46. sect. 1. num. 12. Coninch. de Sacram. disp. 8. dub. 9. num. 64 adulterum irregularem esse, quando certum ei fuit aut vèrisimile, non sine morali periculo aut occumbendi, aut occidendi, offerre se stuprum mulieri.

B Ratio est, quod tùm adulter in necessitate se constituat, inferendi damni proximo, & ita habet adulterium rationem non solum adulterii, sed homicidii, indirectè in eo periculo voliti, ratione cuius indirectæ volitionis, definit esse casuale, quod definitur, occisio nec in se, nec in sua causa voluntaria.

C De quaestione alterà, est hic meus sensus, Adulterum irregularem non esse, si accadat adulterà à marito suo adulterii admissi conscio opprimi, quia illius respectu, est hæc eius occisio, à fortuna & casu, cuius rei est hoc argumentû, quod adulterium causa non sit mortis adulteræ efficax, cum ex eo non soleat vt plurimum sequi, quàm enim vbique, & quàm sæpe, datam maritis fidem, mulieres multæ fallunt? quàm multæ iis ex adulterino concubitu sobolem supponunt? quibus non modo, vis non est illata à coniugibus, sed ne signo quidem, aut nutu, carum est ab iisdem læsa, aut in suspicionem vocata cum probitate fidelitas, ergo cum quæ causæ sunt fortuitæ (quales sunt habendæ quæ effectus certo & efficaciter non sunt productiæ, sed tantum per accidens) irregularitatem non pariant, quisquis marito libidine sua causa erit, per iracundiam, vt vxorem secum in adulterio deprehensam D infesto ense transuerberet, necetque, irregularis non erit.

E Secundo (quod est monitum Megalæ de censur. lib. 7. cap. 2. q. 3. ad incurrendam irregularitatem ex homicidio casuali, proueniente ex opere illicito, tequiritur vt sit tale opus, per se aptum ad inferendum homicidium, & ea in agendo non considerarit, quæ animaduertit ab eo esse oportebat, ne sequeretur, secundo est necesse, vt eiusmodi opus homicidii immediata sit causa, at neutrum competit adulterio, comparato cum morte quàm adulteræ, maritus suus, culpæ eiusdem conscius ei intulit: non est ergo adulter ob eam necem irregularis: qua de re consulendi Præpositus in 3. parte qu. 5. de irregular. dub. 11. num. 88. Turrian. de censur. lib. 9. disp. 63. dub. 4.

## QVÆSTIO XXXII.

*An qui abortioni dat causam, pro irregulari haberi debeat.*

**D**ico primò, *Qui casu, ac sine intentione* illa præpostera, quidpiam efficit, unde perterrefacta mulier, factum abigit, irregularitate non tenetur: ita asserunt summæ scriptores penè omnes, Panormitan. secuti in cap. de cetero & in cap. exhibita de homicid. præcipui Sylu. in verb. homicidium 2. num. 14. Angel. eod. tit. 2. num. 12.

Causa est, quod opus ex quo sequitur irregularitas, cui initiū est à casuali homicidio, causa eius propinqua esse debeat. At nec metus iniectus foeminae, nec id quo animo imprimitur, eius est causa alia, quam remota ac per accidens, ergo incutienti irregularitatem non affert.

Dico secundò, *Qui poculum mulieri propinat amatorium, eo animo ut factum eiiciat, rationali anima præditum, nec sacris ordinibus initiari, nec receptis uti potest.*

Ratio est, quod ea actio, reum illum homicidii, iniustæque abortionis faciat, & ex constitutionibus Xisti quinti, & Greg. XIV. excommunicationi submittat, quæ non potest nisi auctoritate Episcoporum, seu Ordinariorum absolui Comitol. lib. respons. 4. qu. 13. at quisquis est reus homicidii, idem quoque est irregularis, procurare ergo necem prolis animatæ, eiusque abortionem, est, in irregularitatis laqueum incurrere.

Secundo, expetere per se necem hominis, eique causam asserre, malum est, quod irregularitatis pœnam adiunctam habet: homicidium enim tam casu, quam ex scientia obueniens, sic naturam ac conditionem causæ sequitur, ut si in ista, culpa tantum levis hæreat, leue sit homicidium, si grauis, graue. Sed factum animatum eiicere, aut eius exclusionem herbarum succo procurare, ac quærere, est interfectioni causam dare, quam rem Xistus V. in sua constitutione aduersus eos edita qui abortum factus procurat paræ. in super: immanissimum scelus nominat, ergo irregularitate, ut homicidia cætera puniendū.

Dixi rationali anima præditum, nam etsi effusio conceptus voluntaria, semper sit scelerata, ut pote generationi contraria, homicidii enim festinatio est, prohibere nasci, nec refert an natam quis eripiat animam, an disturbet nascentem, quare nobis homicidio semper interdico, etiam conceptum utero, dum adhuc sanguis delibatur in hominem, dissolvere non licet, Tertull. in Apolog. cap. 9. non habet hæc tamen factus

**A** dissolutio atque proiectio irregularitatem, nisi cum anima rationali vegetat, ac viuit, quia est hæc pœna homicidarum propria. At antequam mens intus sanguinem agitet, qui formatur in hominem in matris utero, homo nō est sed futurus quia fructus est in semine, inquit Tertul. supra, quo circa in c. si quis 5. de homicidio dicitur, eum qui fecerit ut mulier non possit concipere, vel ut proles non possit nasci, non absolute homicidam sed ut homicidam tenendum, quia ergo homicida non est, non punitur morte, sed exilio, si nobilis est, ad metalla si ignobilis, ut expresse habetur lege. si quis aliquid 38. digest. de pœnis.

**B** Quid si animatio sit dubia, quid si ei, qui mulieri auctor fuit, deponendi uteri, excutiendæ prolis conceptæ, non constet, an cum de eo consilia cepit pestifera, animam superne à cælo infusam haberet?

Censuere authores aliqui ut Gomez de delictis cap. 3. in rubrica de homicid. num. 3. & Præpositus in 3. parte q. 5. de irregul. dub. 8. num. 58. extra irregularitatem esse, qui de conditione factus dubitat, esset ne rationis expers, an compos, cum matri ad eum expellendum medicatum pharmacum præbuit, & quidem si adhibita diligentia remaneat dubium non videtur irregularis. Hæc ille.

**C** Verum enim sententia vera, eaque sola tenenda est, in dubio, viueret ne factus rationali anima, necne, irregularitate teneri, qui mulieri prægnanti medicinam ad propulsandum ex eius utero conceptum factum præbuit. Ita præstantes Theologi Sotus in 4. dist. 25. q. 1. art. 3. conclus. 4. Merolla in disp. Theol. to. 1. disp. 3. cap. 3. num. 237. Sanch. tom. 1. summe cap. 10. libri primi, nec secus sentire possunt, qui id à Pontif. decretum norunt in cap. significasti 18. de homicid. ubi cum de quodam sermo esset percussio à Sacerdote, occiso autem à Parœcianis, dubitaret autem Abbas istius Presbyteri, qui & Canonicus regularis erat an irregularitatem ex idu furi inflicto suscepisset, respondit Innoc. III. in hæc verba. Si discerni non possit, ex cuius ictu percussus interiit, in hoc caso tanquam homicida debet haberi Sacerdos, & si homicida forte non sit, à Sacerdotali officio abstinere debet, cum temerè celebrare, pro eo quod in altero nullum, in hoc casu cessare sit tutius, quam temerè celebrare, pro eo quod in altero nullum, in reliquo verò magnum periculum timeatur.

**E** Eximendi autem dubii de animatione factus in materna aluo, ratio esse hæc potest, ut sciatur, quando & in quod tempus incidit eius cōceptio, hoc est, prima ex mare & foemina commixtio, sic enim eam nominat Arist. in primo de generat. animalium cap. 10. nam cum ab eo die eorum sumendum sit

initium, quibus in ventre muliebri, pueri **A** corpus formatur, absoluitur autem maris quidem quadragesimo die foeminae octogesimo secundum Gloss. in cap. 12. *Leuitici* ex decreto Hippocratis qui eo die, vel post illum, aut 42. ad proiciendum foetum remedium mulieri daret, vel acciperet, homicida esset, & ex Ecclesiae sanctione irregularis, Comitol. lib. 4. respons. 9. 13.

Huic quaestioni est haec agnata, an Clericus qui sciens mulierem à se praegnantem redditam, meditari conceptam ab ea sobolis abortionem, irregularitatem suscipiat, si hanc pro virili non impediatur.

Qui affirmantem sequuntur, nituntur his rationibus, prima irregularitatem non effugit, cui cum incumbat ex iustitia, alienae salutis consulere, eam cum protegenda esset, negligit, sed patris sunt hae partes, exque ex iustitia, vitam tueri filii. ergo, &c.

Secunda, reus est homicidii, qui ei causam praebet. Fecit id Clericus, nam impraegnan- da muliere, in has eam angustias redegit, ut aut foetum ab illa extinguere, aut famae suae iacturam pati esset necesse, in irregularitate ergo incidet Clericus pueri pater, si eius eiectionem non impediatur, sic sentiunt Portel. in dubiis regular. verbo Abortus num. 14. Laym. lib. 3. sect. 3. tract. 3. parte 3. cap. 4. num. 7. Auila parte 7. disp. 6. sect. 2. dub. 7. conclus. 2.

In negantium partes qui sunt transgressi Turrianus de censur. lib. 9. disp. 63. dub. 3. Hurtado de irregularis. disp. 2. difficult. 9. num. 34. principiis nituntur oppositis, nempe nec patri necessitatem ullam esse lege iustitiae impositam, tuendi filii sed pietatis, paternique officii, quae est opinio Lessii lib. 2. cap. 9. dub. 13. num. 94. nec qui ex iustitia patrocinium, ac defensionem debent alteri, si vim ei fieri non impediatur, aut vitam adimi, irregulares esse.

Vtraque sententia probabilis, prior tamen praeter posteriore, quod assensum habeat Patrum, ac probationem in can. inferenda qui est Ambrosii 3. q. 3. his verbis: ex lib. 1. de officiis cap. 36. *Quinon repellit à socio iniuriam, cum potest, tam est in vitio, quam ille qui facit, & in can. qui sequitur, qui est Anastasii & Damasii nec enim caret scrupulo societatis occultae, qui manifesto facinori desinit obuiare, & in can. extremo cad. quaest. & causa, qui est D. August. in Psalm. 81. Qui desinit obuiare cum potest consentis,*

### QUESTIO XXXIII.

*An Dominus irregularis sit censendus, eo quod seruus cui mandauerat Ioannem occidere, ab eodem Ioanne sit occisus.*

**E** Sse, docuere hi omnes Suar. de censur. disp. 44. sect. 3. num. 18. Auila de censuris parte 7. disp. 6. sect. 2. dub. 5. conclus. 4. Sayrus li. 7. cap. 3. Reginald. lib. 30. tract. 2. cap. 11. sect. 1. n. 126. Villalob. to. 1. tract. 21. diffie. 20. n. 10.

**B** Ab hac vna ratione sensum suum reddere probabilem, quod Dominus tali suo imperio peccarit, cum nunquam non sit illaudabile, nunquam non perniciosum ac exitiabile animae, mandare alicui, ut inopinato impetu, & ex insidijs, hominem è vi- uorum numero tollat.

Pugnant pro Domino Henriq. lib. 14. cap. 16. num. 1. litera K. Turrian. lib. 9. disp. 63. dub. 3. Hurtadus de irreg. disp. 2. difficult. 6. num. 22. ubi haec habet. *Addo mandantem aut consulentem alicui ut occidat alterum, & idem est de mutilatione, non esse irregularem, ex homicidio casuali, etiamsi mandatarius, seu consultarius occidatur ab alio, quem inuadit. Ab illis stat Vasqu. in primam secundae to. 1. disp. 100. q. 73 art. 9. dub. 3. Qui alteri, inquit, suadet furtum ex quo scit illum puniendum poena mortis, non incurrit irregularitatem, quia non fuit causa homicidii. Haec ille.*

Cuius opinio his mihi argumentis fulciri posse videtur.

**D** Primo, quia irregularitas, est inflata iure ob mandatum aut consilium, quo quis imperat, aut consultat alicui, sibi manus violentas ut afferat, aut alteri, quod in praesenti casu non accidit, sed oppositum, nam nec Dominus est auctor ei, quem seruus suus aggredditur, ut eum perimat, nec seruo ipsi, seipsum ut perdat, nam verè causam non apponit, ex se ordinatam ad homicidium nec independentem à voluntate aliena, quod tamen esset necessarium, ut seipsum diceretur occidere.

**E** Secundo non est Dominus directa necis illatæ seruo suo, vel inferendae causa, nam haec ei non est pro fine proposita, sed Ioannis, à quo ille est victus. Non indirecta in causa: nempe in consilio, aut mandato, nam cum Dominus seruum suum nesciret viribus Ioanni esse imparem: ei venire in mentem non potuit; quod in iis poenis adhaeresceret, quas per illum de Ioanne repeti mandabat.

Quia res est tamen ob opinionum varietatem ambigua, auctor sum Domino, ut re-  
habilitari

habilitari se ab Episcopo postulet, qui A id potest vi concilii, à quo ei in *sess. 24. cap. sexto*, permittitur dispensare in irregularitate proueniente ex casuali homicidio quale est præsens, cum nemo eius homicidium intendat ac velit, cui dat in mandatis alteri vim facere, indirecte ergo tantum imputatur Domino, serui sui interitus, & ideo casualis est (vt loquuntur) ac fortuitus, similiter & quæ ex eo nascitur irregularitas, casualis, quod est Suaresii monitum, argumentumque præcipuum, quo probat irregulare esse Dominum.

no erat iussus

Questioni pridem factum est satis à Bonif. VIII. in decretali vltima de homicid. in 6. his verbis: *Is qui mandat aliquem verberari (licet expresse inhibeat, ne occidatur vllatenus, vel membro aliquo mutiletur) irregularis efficitur, si mandatarius fines mandati excedens mutilet, aut occidat, cum mandando in culpa fuerit, & hoc euenire posse cogitare debuerit.*

Secus visum Præposito q. 3. de irregul. dub. 10. num. 78. sed quo fretus argumento in eam mentem venerit, quia non video à Bonifac. B recedi non posse sentio.

## QVÆSTIO XXXIV.

*An qui mutilari aliquem imperauit, sit irregularis.*

**Q**uidquid secus Doctores sentiant, dicere non verebor, ab ea me opinione procul esse, quod vt notarunt Præpositus in 3. par. q. 5. de irregul. dubio 9. P. Corneio tract. 5. de irregul. disp. 2. dub. vnicuique q. 5. de eo expresse mentio nulla sit in iure, ergo cum irregularitas inuehenda sit nulla in mores, vsunque communem hominum, quæ non sit suo, proprioque comprehensa decreto, inter irregulares numerari cum non oportet, quide mutilando, id est membro rescando à corpore, non de occidendo, mandatum dedit.

At enim (inquies) quisquis alieno sanguine madidas manus habet, quisquis exhauriri vitam mandat aut consulit; irregularitatis laqueo se induit, ergo & qui membrum de corpore adimi.

Neganda est consequentia, primo, quia in re quæ est alieni arbitrii, ei stare oportet, non fingere, aut querere argumenta, quibus fiat confirmator, aut ad fidem leuior. Itaque cum consulentes homicidium, aut illud committentes, pari poena iura Ecclesiæ afficiant, non qui mutilationem suadent, aut imperant, tam erunt isti ab ea liberi irregularitate, quam vere sunt illi ea obligati.

Secundo non valet in poenis argumentum à simili, à paritate rationis, aut à maiori ad minus, ab his ergo qui necem consulunt, aut mandant, ad eos qui præter mutilationem nihil postulant, solidi nihil pro incurrenda irregularitate, ab his qui eam volunt, & mandant, inferri potest.

Quid si Dominus sola exigebat verbera, aut plagam leuem, morsque vt sit communiter, est sequuta, quia vehementiore quodam furoris æstu abreptus seruus, longius est nocendo progressus, quam à Domi-

Pars secunda.

## QVÆSTIO XXXV.

*An qui homicidam in faciendo scelere, necandoque homine comitantur sint irregulares.*

**D**ico primo, Qui homicida comitem se offert, siue ad auxilium, siue ad necem aliquis expeditus, si hac sequatur, est irregularis. Glossa in canonem studeat 39. distinctionis quinquagesimæ, Nauarr. in capite 27. manual. num. 227. illatione 13. loquitur his verbis: *Decimo tertio infertur, quod est irregularis huius speciei, qui illicite rixatur, aut certat cum alio, si eius amici superuenientes eum deformant, etiamsi absque eius consensu id faciant, videntur vt istius auctoris opinione, qui neci factæ præsens fuit, quamlibet eam noller, ex aliorum facto irregularitatem suscepit.* Nauarro astipulari Comitolum video lib. 4. respons. q. 56. ibi enim roganti, ecquid Sacerdos quidam in irregularitate esset, qui iuuenem districto ense, hominem cum quo eius amicus simultates gerebat, & quem ille, eius interimendi causa cursu sequebatur præcipiti, currens & ipse subsequutus erat, quamuis nec eius cædi interesse, nec eam accidere cuperet.

Respondit irregularem videri, quod eius occisioni fauerit comitatu, insecutione, & transcensu fossæ, quam superauerat, ne miser homuncionis cladi is interesset.

Dixi ad auxilium, quia si casu quis in homicidam incidat, aut forte quidpiam aliud agens, inopinato euentu, ad latera sua hominem interimere videat, illum ea clades irregularem non faciet, quia eius non est causa, quid enim dixit, aut in quo opere est versatus, unde alteri animus accreuerit? vel quo ad eadem expeditior homicida fuerit, aut ab occiso securior? ergo cum ex homicidio nasci solita irregularitas, concursum ad illud aliquem irregularis exigat, qui talem nullum adhibuisse probabitur, ab ea poena, futurus est quam liberrimus.



Dico secundò, *Qui amico dat se comitem in Via, cum armis, non interimendi animo, non nocendi, sed eius colendi causa, stipãdique, dum in publicum progreditur, in irregularitatem non incidit, si inimico cui casu sit obuiam, vitam exhauiat.* Ita Auila parte 7. disp. 6. sect. 3. dub. 1. conclus. 3.

Ratio est, quia ex homicidio casuali irregularitas contrahi nulla solet, nisi ab eo qui operam rei dabat illicitæ, quo de numero, non est amici ad honorem, cultumque eius apud populum, insequutio, non comitatus ad splendorem & gloriam, & non ad cladem.

Principio hoc Nauar. fretus dixit in consil. 32. de homicid. irregularem eum non esse, qui bono animo tenebat ensẽ districtũ manu dextera, quandoquidã alius à fratre percussus sic est in rixa, vt ex vulnere naturæ cõcesserit, fatisque quia (inquit) operam nauabat rei licitæ: Ex opposito. Illi qui non vt ferirent, sed vt percussoribus opem ferrent, si forte per aliorum violentiam impedirentur, paulo minori pœna debent mulctari, quia cum scriptum sit, qui potuit hominem liberare à morte, & non liberauit, eum occidit, constat ab homicidij reatu immunes non esse, qui occisoribus opem contra alios præstare venerunt, nec caret scrupulo societatis occultæ, qui manifesto facinori desinit obuiare, Alexan. III. in decret. sicut dignum 6. tit. de homicid.

### QVÆSTIO XXXVI.

*An qui homicidium consuluit, ignorat tamen aut dubitat an sit admissum, pro irregulari haberi debeat.*

**Q**ui facta diligentia dubitat, an quod fieri præcepit, aut consuluit, exequutioni sit mandatum, habere se necessario pro irregulari non debet, Sanchez tomo 1. Decal. cap. 10. num. 48. Suar. to. 5. de censuris disp. 40. sect. 6. num. 48. Fagundez lib. 2. in Decalog. ca. 10. num. 12.

Ratio est, quod irregularitas non incurritur nisi in casibus iure expressis, vt est in cap. is qui de sentent. excommunic. in 6. at in dubio facti homicidii solius, iura irregularitati locum esse volunt, vt est in decretali petitio penultima de homicid. ergo ad consiliũ non est eorum vis extendenda.

Confirmatur, qui facta diligentia sibi vt de re vniuersa constaret, remanet tamen dubius, an is cui vim inferre alteri suaserit, consilio suo paruerit, necne, & an illam, etsi nõ monitus, aut consilio suo ad illam non fuisset inductus, verè fecisset, de homicidio à se admissio non dubitat, cum non sit homici-

**A** da, sed de sua ad illud cooperatione, at in dubio, melior est conditio possidentis suam immunitatem ab irregularitate, quam non habentis, ergo cum non stet possessio legis, contra consulentem, nec sit præsumptio, factum ab eo homicidiũ, irregularis non erit.

In contraria sunt sententia, Couarr. in Clement. si furiosus 2. par. parag. 2. Sayrus de censuris lib. 7. cap. 3. num. 2. ceterique omnes, qui non solum in homicidio, sed etiam in omnibus aliis delictis, quibus pœna irregularitatis imponitur, in dubio facti, irregularitatem volunt contrahi: vt Rosella verbo dubium num. vnico, Angelus eod. num. 2. Rebell. de iustit. par. 2. lib. 1. qu. 13. sect. 2. num. 15. Vasq. 1. 2. q. 19. art. 6. disp. 65. cap. 3. num. 9.

Huius opinionis sunt hæc præsidia.

Primum, in dubio facti homicidii, irregularem censere se quisque debet, hic est tale dubium, ergo, &c.

Secundum, pro eo stat possessio, pro quo facit iuris præsumptio, at hæc est contra consulentem, cum sit probabile, tali consilio non dato, cladem non fuisse futuram: ergo & legis possessio, parendum ei est ergo à consulente, si dubitat, ex consilio suo secutam esse cladem.

Hæc sententia est probabilis, & in praxi tenenda, quando consulens non dubitat, an factum sit homicidium, cum certo constet esse admissum, sed consiliũ an suum ad illud sit cooperatum, & utrũ alter, sine eo illud fuisset commissurus, nescit, sed dubitat: in hoc eum casu irregularem esse, mea est opinio, ob argumenta allata pro secunda sententia, quia stat præsumptio & possessio legis contra consulentem, quandiu enim hic non probat oppositum, censetur suum consiliũ cooperatum, & verè influxisse in homicidium, & iuxta hanc præsumptionem, damnabitur in foro externo, & tenebitur de damnis ex tali occisione resultantibus.

Non influxisse vero præsumi poterit, si qui manus violentas occiso attulit, hostis eius erat, si veteres cum eo, acresque similitates exercebat, si ad necem omnia comparauerat, si se cõsilio inductum, consulētis ad eam neget. Henriq. lib. 14. c. 16. n. 3. Sanch. de matr. disp. 41. num. 17. Sayrus lib. 7. de censur. ca. 3. num. 2. Quod si consulentis causa, ac vt illi gratum faceret, de vita hosti adimenda cepisse se consilia dicat, irregularis erit consulens, per canon. si quis viduam dist. 50. qui ex cõsilio Martini Papæ est delumptus & per cap. 26. & cap. 2. de clericis pugnans. in duello vbi est his verbis: *Homicidium autẽ tam factò, quam præcepto, siue consilio, aut defensione, non est dubium perpetrari, poterit tamen cum eo, ad habendum beneficium, misericorditer dispensari.*

QVÆSTIO

## QVÆSTIO XXXVII.

*An qui dubitat an mutilauerit sit irregularis.*

**N**on esse vt sentiam, inducor hac causa maximè, quod mutilatio propriè sumpta non sit homicidium, sed eius inchoatio tantum, ergo cū Pontifices irregularitatem, vt iustam peccati pœnam, soli dubio facti homicidii adiunxerint, ad mutilationem trahi non debet, quæ est opinio Sanch. lib. 1. *summa* cap. 10. num. 49.

A nobis dissentiunt Couar. par. 2. parag. vnico num. 2. comment. in clement. si furiosus verbo mutilat de homicidio, Angelus verbo homicidium §. num. 3. Sylu. eod. 3. q. 4. dicto 1. Tabiena verbo irregularitas num. 41. Nauar. in *summa* cap. 27. num. 206. causa ita illis sentiendi vnica. Quod in iure mutilator & homicida, pro eodem vsurpari soleant, sicut mors & mutilatio, pro eodem accipi, vt fit planum ex Conc. Nicani can. 1. Si quis sanus seipsum abscidit, hic etiam si est in Clero, cessare debet, & ex hoc, nullum talem ordinari oportet. Idem statuit Græcanica Synodus vt ex Martino Braecar. refert. Gratian. dist. 35. can. si quis 9. Si quis, inquit, sanus, non per disciplinam religionis & abstinentiæ, sed per abscissionem plasmatis à Deo corporis, existimans posse à se carnales concupiscentias amputari, castrauerit se, non eum admitti decernimus ad aliquod Clericatus officium, quod si iam antepromotus fuerit ad Clerum, prohibitus à suo ministerio deponatur.

Sed respondend. est primo ex allatis canonibus aliud non colligi, quam pari pœna plecti solitos homicidas, & corpori infensos, grauesque mutilatores.

Deinde cum in pœnis argumentum à simili non valeat, ab homicidio, eiusque facti dubio, ad mutilationem, eiusque factæ dubium, irregularitas trahi non debet.

Tertio, cum verba legis pœnalis accipienda sint propriè, sitque mutilatio distincta ab homicidio, quod de isto iura decernunt, ad illam deriuari nequit. Quæ causa est cur existimem, consulentem mutilationem, irregularem non esse, quia irregularitas non incurritur, nisi sit in iure expressa, at canones ante citati contra consulentes homicidium, de mutilatione capi non debent cum ab illo ista differat, Præpositus qu. 5. de irregul. dub. 9. num. 64. Corneio in 3. parte Diu. Tho. tract. 5. de irregul. disp. 2. dub. vnico q. 5. nu. 3.

## QVÆSTIO XXXVIII.

*An sit irregularis qui alteri nasum, digitum, aut aures abscidit.*

**A**ffirmant Toletus lib. 1. cap. 76. num. 5. Caiet. 2. 2. q. 68. art. 1. Suar. 10. 5. in 3. par. disp. 44. art. 2. num. 9. Sotus lib. 5. de iustit. qu. 2. art. 1. eo quod digitum, qui non est alter ex duobus minimis, nasum, & aures, membra esse existiment humani corporis, distincta à cæteris, suamque ac propriam functionem habentia, hinc enim sic argumentantur.

Ad irregularitatem sufficit, quod pars membri quæ absconditur, specialem (vt a iunt) functionem habeat ad munus principalis membri. Deinde pollicis priuatio, eum cui est auulsus, à sacrorum vsu Ordinum remouet, ergo & qui abstulit. Hæc illi, quæ probanda non videntur his auctoribus Couar. in clementin. si furiosus par. 3. num. 8. Henr. 19. lib. 8. cap. 8. parag. 3. Sayro de censuris lib. 6. cap. 15. num. 15. Filliuc. 10. 1. tract. 20. cap. 1. num. 14. Bonac. de censur. disp. 9. 4. punct. 8. num. 8. Villalob. 10. 1. tract. 21. diff. 19. num. 4. Hurtado de irreg. disp. 2. diff. 5. num. 18. Præpos. q. 5. dub. 10. num. 71.

Ratio est, quod irregularitas quæ ex mutilatione oritur, membri esse debeat. At digitus, nasus, & auriculæ, membra non sunt: hæc enim Aristotele iudice, ac teste, sunt in corpore, operationis gratia, quam autem digitus, auris, & nasus, propriam ac sibi peculiarem vindicent, dicere non est facile.

Auris quidem, cartilago est, ad ornatum corporis, tutelamque auditus pertinens, non membrum. Turrian. de censur. lib. 9. disp. 67. digitus autem pars manus, nasus quidpiam in humana facie, quod eam decoram reddit.

Patet ergo ex dictis primo, amissione cuiuslibet digiti Clericum irregularem non fieri, sed pollicis tantum ac indicis, qui duo ad decentem sacrificii celebrationem sunt necessarii.

Patet secundo, extra irregularitatem esse, qui alterum occæcat, qui ei per iniuriam visum adimit, non tamen oculos exhaurit, quia excæcatio, quia oculorum suffusio, membri non est mutilatio.

Patet tertio, ex debilitatione membri, aut eius contusione, irregularitatem non nasci, quia debilitatio membri non est mutilatio, Villalob. supra num. 7.

Dices qui nasum corrasum habet, aut nulum, inter sacros templi ministros, accenseri nequit, ergo & qui illum possessori suo

infesta dextera fecat, ac adimit,

Neganda est consequentia, nam qui membrum virile cuiuspiam amputat, irregularitate se vincit & illigat, eo tamen, qui est à morbo, aut hostium invidia destitutus, pro irregulari non est censendus, ut est in *can. 1. Concilij Niceni. Si quis à medicis propter languorem defectus est, aut à barbaris excisus, hic in Clero permaneat, eadem totidem pene verbis habentur in can. nono distinct. 55. Si quis pro ggritudine, naturalia à medicis secta habuerit, similiter & qui à barbaris, aut dominis suis castrati, & moribus digni fuerint visi, hos canon admittit ad Clericatus officium promoveri. Ita ex Antec. in argumento posito, patet valide nihil ac efficaciter inferri, quod sententiæ nostræ præiudicium afferat.*

Equidem est membrum, cuius amputatio irregularitatem amputanti affert, pars in corpore, quæ propriam ac distinctam functionem sibi in eo vendicat, eamque distinctam à cæteris, ut colligitur ex his Pauli verbis primæ ad Corinth. 12. Si dixerit pes, quoniam non sum manus, non sum de corpore, non ideo non est de corpore, & si dixerit auris, non sum oculus, non sum de corpore.

Cum quo facit & Aristoteles de partibus animalium lib. 10. cap. 5. iam hoc quæro, quod sit nasi munus in homine, quo si hic careret, aliqua sui functione destitutus dici posset? per eum, cerebri sordes egeri quidem constat ac diffluere, sed hoc non est agere, non officio fungi in corpore. Quod autem de hac parte dicitur, eodem intelligi iure debet de digito, quem in membrorum numero reponendum negat Bartol. in leg. publicorum digestis de publicis iudiciis.

### QVÆSTIO XXXIX.

*An quando in rixa orta subito, quis occiditur dici hic possit occisus casu, & an Episcopus in ea dispensare irregularitate valeat.*

**D**ico primò, Si præterintentionem, hoc est sine voluntate necandi, è rixantibus alter cauat, casu casus esse dicitur non voluntariè.

Probat. Hoc differt casuale homicidium à voluntario, quod istud, dolo malo, animo occidendi committatur, (homicidas enim eos appellamus, qui dolo malo necant homines) casuale autem ex electione non fiat, ergo si voluntas, qua communiter efficitur homicidium, & quæ illud cogitatum velle solet, in illud non feratur, sed forte, animoque ob iram sui non compote accidar, casuale erit, induciturque ex eo irregularitas, ab Episcopo dispensari, per leges

**A** Concil. sess. 24. cap. 6. poterit, nam ibi fit ei facultas dispensandi in omnibus censuris, & irregularitatibus, quæ ex delicto inducuntur occulto, excepto homicidio voluntario, cuiusmodi non est casuale, quæ opinio est. *Auilæ de censur. parte 7. disp. 6. sect. 2. dub. 1. & sect. 5. dub. 5. conclus. 2. Aegid. de Coninch. de Sacramento. disp. 18. dub. 14. num. 111. Dianæ 2. par. tract. 15. resol. 21. Didaci Perez lib. 8. ordinamenti tit. 13.*

Dico secundò, Communiter tale homicidium, esse voluntarium, eiusque auctorem irregularem.

**B** Pars prima, patronos habet non infimæ notæ Theologos Molin. de iustit. to. 4. tract. 3. disp. 70. num. 7. Suarez. to. 5. de censur. disp. 44. sect. 1. num. 3. nec ad eius fidem faciendam deest ratio.

Nam etsi præter spem atque voluntatem, coorta sit repente inter occidentem & occisum, ex vehementi iracundia contentio non tamen vulgo lucem adimit, quæ cognoscendis est facinoribus necessaria, quæ si sunt vera, dicta est causa, voluntatem suscipere rixantes ambo possunt, interimendi se mutuo, suasque alterutrius morte vindicare iniurias, quo in casu admissum ab illis homicidium, futurum est voluntarium, ipsi vero irregulares, cum manus alieno imbutas sanguine habeant, cuius effusio, nisi cum à necessitate tuendi sui ortum habet, irregularitatem effundenti affert.

Dico tertio, In Episcopi iure non esse, dispensare in tali irregularitate, sed solius Papæ, quia eius solius est dispensare in lege, qui eius est auctor, nisi forte qui potestate legislatorem superat dispenseret, ergo cum beneficium dispensandi in irregularitatibus ex homicidio voluntario contractis, sibi reseruet Pontifex, id ab Episcopo conferri non poterit.

### QVÆSTIO XL.

*An qui sæpius cum suspensione aut censura quāpiam alia celebravit, plures irregularitates incurrerit, quarum in obtinenda dispensatione fieri mentio debeat.*

**P**robabile mihi est nō contrahere, causa est, quod idem effectus à duabus causis produci simul nequeat, ergo nec irregularitas, cuius est macula, ob homicidium vnum V. C. aut censuram contracta, irrogari per aliud, aut celebrationem in eadem censura iteratam.

Confir. Est irregularitas inhabilitas ad ordines suscipiendos, aut vsum iam susceptorum, ergo cum hæc sit indivisibilis, totaque ex quolibet opere, cui hæc ex præscripto Ecclesiæ

Ecclesie est annexa, redundet in operantem contra id, quod hæc sub hac pœna præcipit, aut verat, nihil est reliquum, quod ab eiusdem facti iteratione, produci in operante valeat.

Ita Henric. lib. 12. cap. 10. parag. 3. Filliucius tom. 1. tract. 10. par. 2. cap. 10. q. 7. Castus Palaus in opere mor. to. 1. tract. 3. disp. 6. punct. 16. parag. 4. Et de eo qui in excommunicatione iteratò celebravit tenet, Nauar. consil. 3. de raptorib. Sane etsi vnus idemque liberos in baptismo suscipiat non resultat tamen nisi vna compaternitas, ergo à pari ex repetitione celebratione in censura, non resultabit in celebrantem nisi vna irregularitas.

Contraria tamen sententia Romæ est in vsu, vbi fama est, eam opinionem in animis ministrorum fori Pontificii, pridem (incertum qua ex causa) inueterasse, plane vt sentiant, conscientie suæ satis non facere, qui suppressa eiusdem facti iteratione, à quo canonica lege irregulares sunt facti, contenti sunt narrare Pontifici, absolute tales se esse, numero non notato, quo in eius legem committentes, laqueo se irregularitatis induere, quam ego praxim vt magis tutam, ita in conscientia (nisi eam summus Pontifex seruati in Ecclesia imperauerit) non necessariam existimo.

Obiicies, cum de relaxanda irregularitate, Pontifici supplices libelli dantur, non plures, sed vnam duntaxat, vt rogatur, remittere ei est animus, at tot, quanquam numero tantum diuersas, in censura V. C. qui celebrat, incurrat, quot Deo in sacra ara, Ecclesie nomine, sacrificia offert ac dicat, ergo earum faciendæ est in prædicto libello mentio.

Min. est falsa, quia cū irregularitas, sit inhabilitas, eaq; per modum habitus, non potest operans, ex eadē causa magis inhabilis, reddi, cū tota inhabilitas, quāta est, prima celebratione in censura aut suspensione sit producta. Et licet (quod nō admittimus) secus esset quā dicimus, vnus tamen tantum meminisse satis foret, in cuius rei fidem exempla produci solent à scriptoribus varia, trium Diana meminit de irregul. parte 4. resol. 86. omnium clarissimum est quod de repetitis nuptiis profertur, has enim, etsi quarto, quinto aut sæpius quis frequentauerit, non est tamen huius iterationis necessario faciendæ mentio, quando petitur bigamie dispensatio, secundum Vgolin. de irregul. cap. 56. parag. 7. Auzila de censur. par. 7. disp. 8. ergo nec earum rerum, quæ ex vno eodemque principio irregularitatem pariunt. Eodem mihi pertinere videtur, quod de impedimentis matrimonii dicitur. Certum enim est ex coitu illicito affinitatem contrahi, quæ matrimo-

nio ad secundum vsque gradum inclusiue opponit obicem, fac ergo aliquem rem habuisse non semel, sed centies cum consanguinea eius, cuius tenetur amoribus, ac desiderio cocundæ cum ea societatis vitæ ac lecti, quæro ecquid sit necesse Pontifici hunc numerum exprimere, an non sit satis rem nude, hoc est factum exponere? id si conceditur, concedere quoque est necesse, cum dispensatione super irregularitate consequenda agitur, fungi cum officio, qui causam Papæ, clare ac diserte, ex qua ea sit nata significat, non expressis vicibus, quibus ei ex iteratione eiusdem causæ, principium est factum.

## DE CURIALIBVS.

## QVÆSTIO XLI.

Quinam intelligendi hoc nomine, & an irregulares haberi debeant.

**I**ntelliguntur primo, hoc nomine quilibet, publicis occupati ministeriis. quique magistratum ciuilem gerunt, siue temporarium siue perpetuum.

Secundo, vasalli (vt loquuntur) hoc est dominis eorumque potestati obnoxii homines, quique onera illis personalia certa debent, vt feudatarii, quos dominis inuitis ac reclamantibus, fieri posse Clericos, paucorum est opinio.

**T**ertio, eo quoque nomine intelligendi veniunt serui, qui operas suas locatas habent dominis, certo in annum aut menses pretio, quibus haud dubie fieret iniuria, si sine causa, additis sibi priuarentur hominibus.

Quarto, sunt inter curiales numerandi milites, & Aduocati in causis non criminalibus, Doctores item, Chirurghi, Medici, & si qui, aliis Sacramento adstricti, publica ab iis stipendia capiunt, de militibus & aduocatis expressa sit mentio in can. legem dist. 53. & in can. aliquando dist. 54. de Chirurgis & Medicis loquuntur Maiolus lib. 2. cap. 12. Henric. lib. 14. cap. 5.

**E**ntelliguntur etiam hoc nomine tutores, pupillorum curatores, testamentorum executores, vt est in canone magnus Episcopus ante citato.

Et quanquam permittatur Monachis, Episcopis & Clericis 21. q. 3. canone peruenit, Minorum tutelas, siue procuraciones obire, cum est necesse, quia tamen iis muneribus, cum obligatione ad ratiocinia non funguntur, ob eam causam irregulares non esse, dixit Maiolus loco citato.



Quæres quid de Clericis, qui Regi sunt à consiliis, aut causarum in Parliamentis arbitri sedent, ut Parisiis, vel sæpe sunt præsides, prouinciarumque Præpositi, ut Neapoli & Auenione, censere sit necesse?

Respondendum, si sententiam mortis dicant irregulares videri, Alexand. III. decreto in cap. sed nec procurationes 4. titulo ne Clerici vel Monachi secularibus se immisceant quam in sententiam eunt Maiolus lib. 2. cap. 3. finem & cap. 5. num. 15. Henric. & alii. contra quos pugnant Syluester verbo excommunicationis 9. num. 28. & Nauarrus cap. 27. num. 117. cum à Prælato, excommunicationem incurri negant, qui suæ dignitati, aut patrimonio, procurationem annexam habet, dummodo causis se sanguinis non immisceat, quanquam ad commune bonum leges eum condere posse, quas capitis pœna proposita seruare oporteat dixit Henric. lib. 14. capite sexto in fine, aliique cum illo, quos citat, qui omnes fatentur, Clericos, principum Consiliarios esse posse, eo quod ad id munus, tacitam habeant vel expressam Papæ licentiam, videre id tamen debet pro cetera sua prudentia, ne iudicio, in quo de capite & salute aliena agitur, interfint cum reliquis, quod enim id sit alienum à dignitate personæ quam sustinent, Alexand. III. iis interdictum voluit, in cap. 5. ne Clerici vel Monachi, his verbis: Clericis in sacris ordinibus constitutis, ex Concil. Toletano iudicium agitare sanguinis non licet, unde prohibemus, ne aut per se truncationes membrorum faciant, aut inducant inferendas, quod si quis tale quid fecerit, honore priuetur & loco.

Obiicit Maiolus quod est in decretali quarta, Alexand. III. titulo ne Clerici vel Monachi, interdicti Clericis ne operam suam in defungendo iudicis officio, seculari vlli Domino nauent, id facere ausi si fuerint, à factorum remouendos vsu ordinum.

Respond. eam decretalem contraria consuetudine abrogatam videri.

Secundo latam sententiam non habere, sed ferendam, verba ipsa quibus est concepta indicant, sic enim Alex. Procurationes Vilarum, aut iurisdictiones etiam seculares, sub aliis principibus, ut iusticiarius eorum fiat, Clericorum quisquam exercere non præsumat, si quis autem aduersus hæc venire tentauerit, ab Ecclesiastico ministerio fiat alienus, quæ verba cum pertineant ad iudicem, eius sententiam exigunt.

## QVÆSTIO XLII.

De seruis & obligatis ad ratiocinia.

**H**Os obligatione similes, & æque prope modum alieni iuris, ideoque naturæ coniunctos, tractatione non separabimus. De seruis ergo & mancipiis, quanquam seruos tales natio nostra non habet.

Dico tria, primò, Eos ad omnes ordines irregulares esse. Est enim id ex Leonis primi decreto planum, distinct. 54. can. 1. nam quid hac eius oratione clarius? Nullus Episcoporum, seruum alterius ad Clericatus officium promouere præsumat, nisi forte eorum petitio, aut voluntas accesserit, qui aliquid sibi in eo vindicant potestatis, & can. sequenti nulli de conditione serui, & can. si quis 18. ead. distinct. Specialiter à factis arcentur ordinibus sicut & cap. de seruorum titulo de seruis non ordinandis.

Rationē subdit Leo Pontifex in epist. 1. ad Episcopos per Capaniā, quod debeat esse immunis ab aliis, qui diuine militiæ est aggregandus, ut à castris Dominicis, quibus nom. eius ascribitur, nullis necessitatis vinculis abstrahatur, quo loco ad illud Pauli alludit: Nemo militans Deo, implicat se negotiis secularibus 2. ad Timoth. 2. propria autem ratio est, quod ut est in can. admittuntur 21. dist. 54. seruilis vilitas, hunc honorem non capiat.

Dico secundò, Hanc irregularitatem, non esse latam simpliciter, sed sub conditione, quæ habetur in canonibus si quis 7. dist. 54. can. admittuntur 21. & can. nulli 2. eiusd. distinct. in priori exigitur ut seruus qui est ordinandus, sit probata vita, & patroni consensus accedat, aut eorum qui aliquid sibi in eum vindicant potestatis can. admittuntur 21. cuius consensus ac libertatis charta, ante ambonem publicè est legenda, & tunc, si nullus contradicat, ordinari permittitur, can. nulli 2. dist. 54. nam hoc ipso ordinatus, fit ingenuus, dist. ead. can. si seruus sciente Domino, & sub eadem conditione, licet eidem religiosum fieri, can. generalis 12. eiusd. dist. debet ergo seruus libertatem à Domino prius consequi, & quidem integram, nullo sibi speciali retento obsequio, sic enim debet intelligi canon quicunque libertatem 72. Concil. Toler. 4. potest hic tamen spirituales sibi serui operas retinere, argumento est, quod in cap. nullus 4. de seruis non ordinandis, iubeatur deponi, si post Sacerdotium domini consensu receptum, in superbiæ elatus, horas canonicas, domino suo psallere noluerit.

Dico tertio, In pœnam violatæ huius conditionis præter peccatum mortiferum, seruum iterum in seruutem redigi, nisi forte factus iam esset

esset Sacerdos, tunc enim Presbyter huiusmodi, in suo gradu manet, sed peculii amissione multatur *dist. 34. can. de rebus & can. ex antiquis*, si caret peculio, redimere illud debet, si non potest, domino in his deferuiet, quæ Sacerdotii dignitatem non dedecent, *dist. 54. can. frequens*.

Dabit autem Domino Diaconus aliquem, qui suo loco, ac nomine serui ministeria expleat, (idemque de Subdiacono statuit Innoc. III. in cap. miramur de seruis non ordinandis) aut in seruitutem reuocabitur, cæteri gradus, ordinatum à nexu seruitutis non liberat, sic Gratian ex Conc. Tolet. *can. 2. dist. 54. canone de rebus 8. Caterum si à Dominis suis libertatem consecuti non fuerint, & ad Ecclesiasticos ordines aliquo modo irrepserint, Presbyter peculii amissione mulctetur, Diaconus vero, aut Vicarium pro se præstabit, aut in seruitutem reuocabitur, cæteri vero gradus, non possunt quenquam à nexu seruitutis absolvere.*

De his, qui in canonibus curiales nominantur.

Dico breuiter eos irregulares esse, donec suis se negotiis expediuerint, sicut serui, donec fuerint libertatem consecuti, ita discrete cautum esse reperio in *can. magnus Episcopus 23. dist. 54. qui repetitur in decretalib. titulo de obligatis ad rationcinia & tota dist. 53. & 51.*

Causa est, quod non patitur æquitas, Curia vel Principi, seruos suos, ac iustitiæ administrandæ præpositos, cum populi detrimento eripi, aut priuilegia Ecclesiæ lædi, si facti Clerici, ad sæculares retraherentur iudices, essetque plerisque occasio, non pietatis intuitu, sed pœnæ vitandæ desiderio, conuolandi ad Monasteria, aut nuncupandi se Clero, de quare Gregor. *lib. 7. epist. 11. ad Episcopos Siciliae, & habetur dist. 53. can. legem.*

### QVÆSTIO XLIII.

*An sint Irregularitates aliquæ, quæ ex culpa, in Sacramentis recipiendis, ac dandis admissæ, solitæ sint nasci & quæ.*

**Q** Vinque esse, quæ ob defectum, irregularitatem homini asserunt, dicere ante memini, eaque memoriæ causa, hoc versu inclusa esse, voluere summarum scriptores *Baptismus, ratio, sexusque, scientia, corpus.*

Prior particula, ab ordinibus, eorumque usu non baptizatos remouet.

Secunda, expertes rationis.

Tertia scēmas, & hermaphroditos, scientia ignorantes, vltima vitium habentes in corpore, cum quo, sine periculo, aut labe, ac deformitate non vulgari, ministeria or-

**A** dinis propria obire nequeunt, quo de genere sunt, mutus, cæcus, pollice carens, aut indice, &c. vitia occulta, irregularitatem non pariunt, vt pote ad sacram functionem non necessaria, nec scandalum natura sua, aut infamiam asserētia: Ad vitia corporis, animi quoque debent addi, vt esse ignarum, encephalenum, in fide neophytum.

Ad conuersationem pertinent, seruitus legalis, obligatio ad rationcinia, histronia, arte, etque ceteræ, quæ homini generant infamiam, nec hæ modo, sed & coniugia parum honesta, vt cum prostituta.

**B** Delicta autem non alia irregularitatem conciliant, quam quæ mortalia: Suar. *dispur. 40 de censur. par. 3. num. 17. & 18. idque secundum qualitatem externi operis, in quo dolus, contumacia, & contemptus reperiri debent, vt in excommunicatione maiore, ex quo sequi Doctores aiunt, ab irregularitate excusare ignorantiam etiam crassam, docetque maxime Nauar. consil. 13. de temporib. ordination. in fine, & consil. 15. de Cleric. excom. quia irregularitas est pœna, quam par est, non infligi nisi ob graue delictum.*

**C** Habet autem hæc irregularitas ex delicto, species quatuor, declaratas his verbis: *Infamis mutilaps, duplex Baptismus & Ordo.*

Et primo quidem irregularis est, qui à Schismatico aut hæretico baptizari se sinir, *Conc. Tolet. 4. can. 18. pari enim pœna ibi afficiuntur, qui in hæresim lapsi sunt, & qui in hæresi baptizati esse dicuntur, can. autem qui in qualibet ætate, qui alibi, quam in Ecclesia Catholica baptizati sunt, ad Ecclesiasticam militiam admitti prohibentur, nullus ergo eorum, qui sunt ab hæreticis baptizati, coopratur in vllum Clericorum ordinem, causa huius rei vnica, nempe quod ab hæreticis baptizati, aut hæretici ipsi sint, aut eorum credentes (vt loquuntur) ergo cum hi, & illi, sint irregulares, ex cap. ad abolendam 9. de hæreticis & cap. 2. & 6. eiusdem tituli in 6. eos quoque pari cum iis pœna teneri necesse est, qui ab iis baptizari volunt.*

Tres ad id tamen sunt condiuiones necessariz.

Prima vt deliberate se ac scienter, ab iis lauati sinant, nam ab hac pœna excusat ignorantia, quare sapientissime in Africano Concil. sancitum video, ne infantes, quod non suo fecerint iudicio, cum ad Ecclesiam Dei salubri consilio fuerint conuersi, parentum illos error impediatur, quo minus promoneantur sacri altaris ministri, *can. placuit 3. q. 4.*

Secunda vt id cum culpa faciant, enim uero reiectio à Clericatu, & ordine, pœna est, eaque grauis: culpam ergo sequatur est necesse.

Tertio, quia Clericatus & ordinis tantum sunt capaces rationis compotes, quales vulgo sunt adulti, itaque non alii, quam qui norūt quis in actionibus tenēdus sit modus, pœna hæc, ob baptismum, secundo receptum irrogatur, vt habetur in canone qui apud Donatistas 1. q. 4. ibi enim qui sine consensu, aut iudicio, nondum sciētes errores eorum interitum, & postea quā ad aetatem rationis capacem peruenierunt, agnita veritate, falsitatem eorum abhorrentes, ad Ecclesiam Catholicam, ordine antiquo per manus impositionem sunt recepti, tales ad suscipiendum ordinem Clericatus, non debet impedire nomen erroris. Non sunt ergo ab hæreticis baptizati, parentum errore, aut culpa, à Clericatus remouendi insignibus, nec propriis eius priuandi muneribus, maxime si veritate agnita errorem exuant, illudque forti ausu ante omnes, ac palam de testentur. Extenditur vero hæc pœna irregularitatis, manantis ab hæresi, ad generationem secundam paternam, & primam maternam ita decernēte Alex. III. in decret. 2. de hæretic. in 6. nam ibi eos prohibet in parag. inhibemus admitti ad beneficium Ecclesiasticum, ergo & ad ordines, & ad tōsuram, cū sine ea, dari nullum vlli possit ac debeat.

#### QVÆSTIO XLIV.

*An Rebaptizatus & rebaptizans sint irregulares.*

Dico primò, Eum qui voluntarie & scienter, iterato baptizari se patitur, irregularem esse: Patet ex canone qui in qualibet prima q. 7. cap. ex litterarum de Apostatis primo can. Afros. dist. 98. canone qui bis 118. de consecratione dist. 4. his verbis: Qui bis ignoranter baptizati sunt, non indigent pro eo pœnitere, nisi quod secundum canones ordinari non possunt, nisi magna aliqua necessitas cogat.

Pœnæ huius inferendæ occasio, ab Ecclesiæ in Donatistas odio est nata, quæ cum fidelibus nihil cum illis rebaptizare solitis, commune esse vellet, hanc iterati baptismi pœnam statuit, nec immerito, cum neminem Deo bis nasci per baptismum liceat, cum vna sit tantum originis macula, per huius Sacramenti gratiam delenda non plures, quod ipsum, per primo collatum sit amplissimè, frustra ergo ei secundus additur: quod autem Donatistæ rebaptizarent, patet ex titulo. Ne sanctum baptismum iteretur, & can. cum itaque baptismo de consecrationib. dist. 4.

Ab hac pœna excusant sequentia, primo ignorantia inuincibilis baptismi ante recep-

ti, quæ ignorantia facti dicitur, ita Sotus in 4. dist. 6. qu. 8. Syluest. Verbo Baptismus 5. qu. 3. Nauarrus Enchiridy cap. 27. num. 246. Couarruias ad Clementinam si furiosus parte prima. num. 8. Suar. disp. 31. sect. 6. parag. solet autem ro. 3. in partem 3. Diu. Thom. neque enim punitur hæc pœna, actio alia hominis, quam quæ est vitiosa, sed actionis factæ contra legem, culpam omnem abstergit ignorantia, eaque inuincibilis operis, ei repugnantis: ita Henric. lib. 14. cap. 4. num. 3. & lib. 2. cap. 31. num. 2. infantem rebaptizatum ab irregularitate excusat, quia caret vsu voluntatis propriæ.

Secundo, addit irregularem eū non videri qui rebaptizatum se sciens, id non improbat, quia rati habitio subsequuta non est causa facti præteriti, in quo repugnat, Syluestro Verbo irregularitas qu. 3. Maiolo lib. 3. cap. 13. in fine.

Tertio, excusat mortis incutendæ metus, nisi baptizatus iterum baptizari se sinat, dummodo id tamen in odium Dei, contemptumque Ecclesiæ non fiat, hæc enim cum intrinsece sint mala, nunquam, ne quidem mortis vitandæ causa sunt licita.

Hancque sententiam tenet Henric. lib. 14. cap. 4. parag. 3. littera L. & alii apud illum, nititurque hac ratione, quod non videatur cum hoc rigore, Ecclesiæ obligare velle fideles, vt vitam legibus suis posteriorem habeant, maxime cum carere possint voluntate recipiendi Sacramenti, eamque non concipere, cum eis mors intentatur, nam cum sine hac voluntate stare sacramentum nequeat, ea destitutus, Sacramentum recipere se fingit, non recipit.

Quarto, excusat coactio, nempe si quis inuitus, deque suo nihil ad baptismum afferens, iterum baptismo admouetur, quia tunc eius iteratio non est illi voluntaria, cum violentum id dicatur, quod fit passo vim nullam afferentē, vt ait Aristoteles.

Dico secundò, Rebaptizantem & qui ei ministrat irregulares quoque esse.

Huius assertionis eadem sunt probationes quæ superioris, & quidem de ministrante rebaptizante, constat ex cap. ex litterarum 2. de Apostatis, & consequenter de rebaptizante, cum ille ideo sit irregularis quod isti cooperetur.

Vt cum tamen pœna hæc afficiat, requiritur primo, vt erimen rebaptizantis sit publicum, quale est, cum rebaptizans Baptizatum publice, & non clam, & secreto rebaptizat, Syluester Verbo irregularitas qu. 4. Hurtadus disp. 2. de irregul. diffie. 1. Auila (et si seipsum corrigat stando pro contraria sententia) septima parte de censuris disp. 7. dub. 1.

Propositio

Propositionis duplex est causa, prima auctoritas Alexandri III. in decretali ex literarum de Apostatis, ad Abbatem sanctæ Genouefæ Parisiensis, à quo rogatus ecquid esset irregularis Acolytus, qui secundo baptismum ægro contulerat, quod sic eum valetudini restituendum crederet, respondit ad superiores ordines, verba sunt canonis, *promouendum non esse, si eius crimen est publicum, si vero occultum promoueri posse, & excessum suum dignis pœnitentiæ fructibus expiare.*

Confirm. de Rebaptizante, eodem iure fit Rebaptizans irregularis, quo minister, sed hic irregularitatem non incurrit, quando non est crimen eius publicum, ergo, &c.

Secunda, lex pœnalis in irregularitatis materia, stricte est interpretanda, non fieret id vero, si ob baptismum quomodolibet iteratum, & proinde occulte, conscioque nemine, irregularitas Clericum afficeret, occulte contra Ecclesiæ decreta, de non rebaptizando Catholico peccantem, sunt hæc ergo de Clerico publice peccante intelligenda, quam in sententiam inclinant, Suar. de Baptis. disp. 31. sect. 6. dub. 3. Ægidius num. 36.

Secundo ad incurrendam hanc pœnam, necesse est vt cum Baptismi cæremoniis, iterentur verba, & ad eius materiam accedat forma cum intentione ministri, quia nudæ cæremoniæ baptismum non faciunt, sed essentielles eius partes, cum intentione debita, at sola veri baptismi iteratio, irregularitate plectitur, vt pœna meritâ.

Confirmatur, per hanc pœnam, crimen punit Ecclesia perfectum in suo genere, at externa baptismi iteratio, cum eius conferendi voluntas interna deest, Baptismus non est. Deinde sine intentione baptizans Donatistas non imitatur, quos tamen Ecclesia eorumque asseclas, propriè punire hac pœna voluit.

Tertio ad subeundam hanc pœnam in præsentī materia opus est vt rebaptizans absolute rebaptizet, & non tantum sub conditione, ita Theologi, vt refert Thesaurus praxis Ecclesiast. parte. 2. cap. 1. Diana in addition. ad rom. 2. & resolut. 9. tract. 4. parte 2. suntque pro hac opinione argumenta sequentia.

Primū, irregularitas non incurritur nisi sit in iure expressa, cap. is qui 18. de sent. exco. in 6. sed ista non habetur expresse, quia in iure ponitur irregularitas, propter rebaptizationem, cuiusmodi non est ista, nam qui hypothetice tantum baptizat, voluntatem habet lotioni baptismali contrariam, si is cui eam largitur, antea baptizatus fuerit, ergo vere non rebaptizat, si baptismus ei legitime an-

Pars secunda.

A te collatus fuerit atque canonicè, ergo nec qui eum rebaptizat, de quo non constat aliquando sacris fuerit vndis tinctus, ex ritu Ecclesiæ, (etsi id fieri sine peccato nequeat, quando eius iteratò conferendi causa iusta nulla suppetit, nec est adhibita diligentia, vt de re vniuersa constaret) ergo (inquam) qui eum rebaptizat, quem est incertum, fuerit ne aliquando baptismalibus admotus aquis, irregularis non est.

Secundum, bona fides ab irregularitate liberat Henriq. lib. 14. cap. 4. num. 4. at facit pro rebaptizante bona fides, cum id licet in Theologia viri principes asserant.

B Tertium, *Vt non monstratur iteratum esse quod nescitur factum: canone solemnitates 16. de consecratione distinct. prima, ita nec intelligitur iteratum, quod ambigitur esse factum, nec male de Sacramento sentitur, cum illud non religionis contemptus, sed articulus necessitatis excludit, ca. finali de Presbytero non baptizato.*

C Quare qui scienter sub conditione rebaptizat, non est irregularis, ita docent Izaberna in 4. sentent. to. 1. dist. 6. q. 8. disp. 24. Cabrera de Sacrament. q. 66. art. 9. Barthol. de Angelis in exam. confess. Dial. 2. parag. 129. Suar. to. 5. disp. 31. sect. 6. dub. 5. Valerus in differ. verbo irregularitas diff. 2. n. 1.

Contra hos pugnant Canonistæ, Sayrus lib. 7. cap. 8. num. 23. Maiolus lib. 3. cap. 14. num. 5. Cuccus lib. 5. Institut. tit. 2. num. 142. Thesaurus parte. 2. praxis cap. 1.

## QVÆSTIO XLV.

*An ex iteratione aliorum Sacramentorum sequatur irregularitas.*

D A ssertio prima, *Iteratione Eucharistiæ, Pœnitentiæ, & Extreme Vnctionis, non incurritur irregularitas.*

Causa est, quod istorum Sacramentorum frequentatio, Eucharistiæ & Pœnitentiæ præ cæteris, utilis sit ac in laude, ergo eiusmodi, quæ puniri irregularitate non valeat,

E A ssertio secunda, *Nec Ordinis, aut Confirmationis repetitio, irregularitatem inuehit, ita à Castro lib. 1. ne lege pœnali cap. 7. Couarruias in Clementinam si furiosus parte prima num. 8. Auila parte 7. disp. 7. dub. 5. Suarez to. 3. disp. 43. sect. 2.*

Causa assertionis est vnica, nempe quod irregularitatis istiusmodi, in iure mentio reperiat nulla, non est ergo repetenti hæc Sacramenta, imponenda facile, ac temere, cum vt dicitur in canone is qui de sententia excommunicationis in 6. non nisi in casibus iure expressis, incurri soleat.

T Tt



Sententia contraria est Antonini apud Sayrum lib. 7. cap. 8. num. 27. sed non tenenda, eo quod Sacramentorum iteratio, solo Baptismo excepto, irregularitatem non pariat, sed periculum sacrilegii, ipsumque graue, Toletus teste lib. 1. cap. 65. num. 3. Thesaurus in praxi parte 2. cap. 30. Verbo Ordo, cui suspensionem addidere nonnulli, eamque latæ sententiæ, & reservatam, ex cap. 1. de secundis nuptiis, ubi de iterante Sacramentalem benedictionem est sermo, sed suspensionem esse tantum ferendæ sententiæ & non latæ, scripsit Thesaurus in praxi Eccles. verbo matrimonium cap. 2. & Verbo Ordo cap. 30.

### QVÆSTIO XLVI.

*Quæ & quales irregularitates ex Ordinis abusu impositæ sint Clericis.*

**P**rima assertio, Qui furtive ordinatur, id est ignorante Episcopo, & per fraudem, iis se adiungit, qui eius voluntate ac consensu, sacris sunt iniciandi ordinibus, est irregularis, nec ad illos prouehi per Episcopum ei licitum.

Sanxere id Pontifices duo, Cælestinus III. in decretali 2. & Alexand. III. in prima cituli de eo qui furtive, ibi enim, Episcopis fas esse ait, cum eo, qui furtive ordinem se Diaconatus suscepisse narrabat, in promotione ipsius ad Sacerdotale officium, condigna satisfactione imposita, nisi alia impediunt, arbitrato suo dispensare, nisi forte (quod est in more ubique modo fieri) talis accessus ad ordines, fuisset ab Episcopo, aut eius Archidiacono, sub excommunicatione prohibitus, nam tunc cum eo dispensare, illi est lege Alex. III. & Cælest. III. vetitum, nisi in aliquo Monasterio seu Canonici habitum suscipiat regularem: nam tunc postquam in eo aliquanto tempore fuerit laudabiliter conuersatus, ei poterit misericorditer providere, Episcopus ipse, vel eius Abbas, dispensando in aliis ordinibus cap. 1. & 2. de eo qui furtive. Clarissime Galli Pontifices, in Synodo Sueffione habita anno 853. Leone IV. Papa his verbis: *Iudicatum est à Synodo, ut qui Presbyteri sine examine, per ignorantiam, aut ordinantium dissimulationem sunt prouecti, cum fuerint cogniti, deponantur.*

Assertio secunda, Qui in censura actum sacri ordinis exercet, est irregularis.

De excommunicatione maiore, res est nota, ex cap. si celebrat. de Clerico excommunic. ministrante, de suspensione & interdicto pæcipiunt Pontifices; de priori quidem Gregor. IX. in cap. Apostolica nono eiusdem tit. de altero Bonifac. VIII. in cap. is qui 18.

**E**t is cui Ecclesiæ 20. de sent. exco. in 6. sit enim ille cap. 18. *Is qui scienter in loco celebrat supposito interdicto, (nisi super hoc privilegiatus existat, aut iure sit concessum eidem) irregularitatem incurrit, à qua nequit per alium, quam per Romanum Pontificem liberari: Vigesimo autem canone, idem in eo seruandum tradit, qui est interdictus personaliter.*

Dixi sacri ordinis, quia ministeria minorum propria, irregularitatem ea obeuntibus vix afferunt, cum à Laicis impune fieri etiam solemniter, mos communis gentium ferre omnium obtineat, ut notarunt, Henric. lib. 14. cap. 7. num. 1. litera F. Sorus in 4. dist. 22. q. 3. art. 1. Laym. cap. 5. parte 5. cap. 3. itaque non sunt irregulares Episcopi, Clerici, Subdiaconi, primi quidem, si in excommunicatione, aut suspensione, præstent ea, quamuis illicitè, quæ sunt iurisdictionis, non ordinis officia, ut sunt censuram ferre, ab ea absoluerè, modo sine stola, & precum solemnitate, in Parocho autem, matrimonio assistere, illi benedicere, Auila parte 7. disp. 9. sect. 2. dub. 2.

**C** Similiter nec sunt irregulares Clerici, si censura innodati, in Ecclesiâ responsoria & lectiones canant, si epistolam legant sine manipulo, quod insigne est ordinis Subdiaconatus, si tamen collectam præmissa Dominus vobiscum, in officio sacro legerent, si aquam solenniter benedicerent, si in loco sacro tempore interdicti, publicè mortuū, ac cum cantu sepulturæ mandarent, aut baptizarent cum solemnitate, pœnam hanc non euaderent, Nauar. lib. 5. consil. de Clerico excom. ministrante edit. 2. & in manu. cap. 27. nu. 244. Laym. supra num. 4.

Assertio tertia, Irregularis est Clericus qui scienter, serio, atque solenniter, sacro ordine utitur, quem non habet.

Sanxere hanc pœnam Pontifices duo, Hormisdas, & Urbanus III. iste ca. 2. ille primo de Clerico non ordinato ministrante, his verbis: *Si quis baptizauerit, aut aliquod diuinum officium exercuerit non ordinatus, propter temeritatem abiiciatur de Ecclesiâ, & nunquam ordinetur, sunt tamen ad eam rem conditiones aliquæ in eo, cui hæc pœna irrogabitur, necessariæ.*

**E** Primo enim debet esse Clericus, Angel. verbo irregularitas 5. num. 38. Henric. lib. 2. cap. 24. num. 4. litera S. Armilla verbo irregularitas num. 65.

Primo, quia in pœnis pars est amplectenda benignior, at est humanitatis in Pontif. Laicos lege sua non completi, velle tantum Clericos hac pœna plecti.

Secundo, cum irregularitas alium notet neminem,

neminem, quam quem iura ea volunt affici, ad Laicos non pertinebit hæc pœna, si de iis nulla fiat in constitutione Ecclesiæ mentio, verum est consequens, nam de Clerico ministrante, non autem de Laico est hæc irregularitas, vt Rubrica, & Titulus indicant.

Dixere sententiam oppositam hi authores, Sotus in 4. dist. 18. q. 2. art. 1. Sylu. verbo irregularitas q. 12. dicto 2. Suar. 3. pte to. 3. disp. 31. sect. 4. Valent. rom. 4. disput. 7. q. 10. parte. 1. opinioni suæ fidem esse volunt.

Primo à decretali Hormisdæ prima, de Clerico non ordinato ministrante, quæ verbis est generalibus ac indefinitis cōcepta, si quis baptizauerit, quæ ad Laicos pertinent, peræque ac Clericos.

Secundo quod sit turpius à Laicis ea exerceri, quæ sunt ordinis, quo carent, quam à Clericis, qui eius saltem initia prima habent in tonsura, qua sunt insigniti, non ergo eos sine pœna esse decuit.

Ad primum respondendum negatione minoris.

Secundi est vtræque propositio vera, negamus tamen eos irregularitatis pœna affici, quod hæc iure non sit expressa, & ita habendum est pro vero, ac constanti, pœnam hanc solis irrogari Clericis.

Secunda ad eam incurrendam conditio est, vt actus ordinis non habiti exerceatur solenniter, id est cum propriis eius ordinis insignibus, cuiusmodi sunt, quæ ei iure, vel consuetudine competunt, quare qui aquam benedicit, non cum superpelliceo, stola, aut alba, non est irregularis, nec qui his instructus ornamenti, dicit è superiori loco ad populum, quia non est concio, de earum numero actionum, quæ ordinis sunt propriæ, Nauar. cap. 27. num. 163. peccat tamen qui cum non sit Diaconus, ad concionandum cum stola, pulpitem inscendit.

Dictum est ergo verissime exigi ad hanc pœnam vt ministerium quod à non ordinato obitur, sit ordinis quo caret proprium, seu vt ab alio qui talem ordinem non habet, exerceri nequeat.

Tertio requiritur vt scienter fiat, vt enim à culpa, ita & à pœna, quæ eam sequitur, excusat ignorantia.

Quarto, vt serio & non per iocum.

Quinto, vt secundum Ecclesiæ institutionem, aut consuetudinem, ei operam dare, his qui tali ordine carent non sit permisum.

Eos tamen irregulares esse, qui à deposito, excommunicato, aut suspenso, ordinari se sunt passi, certi res est, ac indubitati iuris sic enim Episcopi Galli in Synodo Suefion. anno 853. Leone Papa quarto, interrogati enim

A à Iudicibus quid de his canonica authoritate decernerent, quos Ebbo post suam depositionem præsumpserat ordinare, responderunt Vt quidquid in ordinationibus Ecclesiasticis Ebbo post damnationem suam egerat, secundum traditionem sedis Apostolicæ, præter sacrum baptismum, quod in nomine sanctæ Trinitatis perfectum est, irritum & vacuum habeatur, & ordinari ab eo, in quamcunque orbis partem agentur, Spiritus sancti iudicio, ab Ecclesiasticis gradibus perpetuo habeantur, alieni, circa prædicta est.

Dubium primum, An excommunicatus in irregularitatem incidat, si coram se fieri sacrificium imperet.

Affirmant Villalob. in summa to. 1. tract. 21. difficult. 14. de Corneio in 3. parte tract. 5. de irregul. disp. 6. dub. unico q. 5.

Contraria sententia quæ est Præpositi est tenenda, causa est, quod irregularitas in iis tantum casibus incurritur qui sunt iure expressi: at istiusne vestigium quidem est vllum in decreto aut Conciliis, peccasse quidem excommunicatum ait Innoc. III. in ca. illud 3. de Clerico excomm. ministr. cum sub spe veniæ, diuina sibi facit celebrari, & communioni fidelium se ingerit, cum tamen irregularem esse non asserit: hac ergo macula aspersus haberi non debet.

Dubium secundum, An per indignam administrationem ordinis, incurratur irregularitas.

Affertio prima, Non quilibet ordinis administratio indigna, irregularitatis est causa.

Ratio est quod Sacramentorum collatio, facta cum peccati mortalis conscientia, scditatem habeat viro pio indignam: at aliquem sacrilegio irregularem esse ac fieri quis putet? ergo, &c.

Affertio secunda, Ordinis administratio, quæ est ideo indigna, quod fiat cum censura, pœnam habet irregularitatis adiunctam.

Causa est, Pontificum voluntas, Canonum ac Conciliorum authoritas, quibus id statuere placuit, scripta lege.

## QVÆSTIO XLVII.

E De Irregularitate quæ provenit ex Infamia.

Est Infamis, cuius vita & mores probari nulli probo possunt, vel vt loquitur Angelus Verbo infamia, cuius status, vita & moribus est reprobatus, est enim infamia nihil aliud quam famæ diminutio, seu mala de aliquo opinio, quæ disseminata est inter viros bonos, & graues, estq; orta ex proprio diffamati vitio, aut parentū eius, aut qualitibus, quæ nō sine culpa famam eius diminuunt, nā si in eo culpa nulla erit, fama que proinde nullo eius

TTt ij

eius vitio diminuta fuerit, ab ea imminutione purgare se infamatus poterit, & sic ordinari, Suarez *de censuris* disp. 48.

Dixi apud viros graves, nam dicta paucorum, & vilium, non inducunt infamiam, Piaſecius in *praxi Episc.* titulo de conferendis ordinibus cap. 1. art. 5.

Est autem infamia duplex, iuris & facti, prior appellatur legalis, & oritur ex peccato aliquo mortali proprio, cui, ex constitutione iuris, annexa est infamia, ut est in canone *infames* 6. qu. 1. *Infames*, inquit canon, esse eas personas dicimus, quæ pro aliqua culpa notantur infamia, & omnes quos Ecclesiastica vel sæculi leges, infames pronuntiant, quæ infamia etiam poenitentia tolli consueuerit, secundum Viualdum de *irregularitate* num. 10. incurritur tamen ante iudicis sententiam, cum crimina quibus est annexa, palam committuntur & publicè, quæ autem & qualia sint hæc crimina dicetur postea.

Dictum est *sæculi leges* nam quoties infamia quis à iure civili afficitur, infamis quoque censetur esse canonico iure, can. 5. omnes vero 6. qu. 1. Innoc. in cap. *qualiter* num. 6. de accusat. Maiolus de *irregul.* lib. 3. cap. 1. num. 3. Thesaur. par. 1. cap. 33. parag. aduertendum 1.

Oritur & iuris infamia, à confessione delicti, aut sententia iudicis, confessione quidem, cum reus in foro, crimen de quo accusatur, à se commissum fatetur, à iudice autem, cum punitur publice, soli mutatione, multa bonorum, confiscatione ut aiunt possessionum, aut cum definitiua (ut aiunt) iudicis sententia, renunciatur quis nocens, canone *infames* 3. qu. 7. parag. similiter & lege, palam digestis de ritu nuptiarum.

Dixi de quo accusatur, quia ad incurrendam infamiam ex hoc capite, tria sunt necessaria, accusatio, rei defensio, postremo eius condemnatio, Clarus li. 5. *sentent.* parag. *practica criminalis* qu. 72. accusatio quidem, quia reo lis est intentanda, vocandusque ad iudicium, ut causam dicat, defensio autem, quia nemo indicta causa, aut non auditus damnari debet, postea sequi debet sententia condemnatoria, quia sola iudicialis probatio, aut confessio criminis, non habentis adnexam infamiam, ipso iure, facti inducit infamiam, non iuris, Angelus *verbo infamia* num. 6. Auila parte 7. *disputation.* 4. dub. 5. si reus tamen confessus crimen puniretur, ut diximus antea, poena competenti ac proportionata eius delicto, vere diceretur infamis esse, iuris infamia, sicuti dicunt Molina loco ante cit. disp. 8. num. 19. Laym. lib. 1. tract. 5. cap. 4. num. 3.

Est & alia iuris infamia, à priori diuersa, quæ non ex aliqua hominis culpa ut prior,

A sed à parentum delicto ortum habet, laborant hoc infamiae genere, filii eorum ac nepotes, qui Cardinalem sunt insequuti hostiliter, cap. *Felices de poenit.* in 6. aut qui patre sunt nati perduelli, hoste patriæ, & de maiestate læsa principum, publicè conuicti, ac damnati.

Infamia facti est, ex ipsa rei indignitate secundum censuram bonorum virorum, lege 2. de obsequ. à liber. præst. parentibus, seu sinistra de aliquo opinio, quam eius peccata, populi, à quo extra iudicialiter cognita sunt, imprefere animo.

B Peccata dixi numero multitudinis, quia vnus aliquis actus, aut duo minus recti, hominem non notant, infamiaque maculant, nisi id expresse iura definiant, iuxta Piaſecium prima parte *praxis* cap. 1. art. 5. num. 2. quibus præmissis sit

Assertio prima, Infamia omnis tam iuris, quam facti qui laborat, ut irregularis, à sacris est ordinibus, eorumque vsu semouendus, tam decreto Concil. Tolet. 4. can. 18. Stephani Papæ in epist. prima ad Hilarium cap. 1. Greg. I. in cap. omnipotens 4. de accusationibus, quam communi Doctorum sensu Nauar. cap. 27. num. 104. Sayri lib. de censur. cap. 9. Suar. de censur. disp. 40. sect. 2. Sanch. in opuscul. lib. 6. cap. 3. dub. 5. nec enim decet hominem sine re, sine nomine, vita & moribus turpem, honoris summi, qualis est Clericorum, fieri participem, quo non nisi viros bonos, non nisi virtutibus claros, ac proinde ut Paulus loquitur epist. primo ad Timotheum capite tertio irreprehensibiles, atque vitæ innocentia, morumque, laicis priores frui oportet, quare cum personis vilibus & indignis potest dignitatis patere non debeant ut est in cap. inter dilectos de excessib. prelatorum, ab infami beneficia Ecclesiæ nulla acquiri possunt, Abb. in cap. querelam de iure iurando, Couar. 3. resolut. cap. 3. nu. 3. Sane à beneficiis & officiis Ecclesiasticis obtinendis repellit infamia, secundum Garciam parte 6. de benef. num. 41. Thesaur. supra parag. Aduertendum 2. non tamen prius ipso facto beneficiis obtentis, etiam habentibus dignitatis titulum Garcias supra num. 37.

E Ad hoc autem, ut quis ex facto quopiam suo, maculam nominis contrahat, requiritur primo, ut hæc iure sit ei imposita, & non imponenda tantum, quia lex poenalis non obligat ante iudicis sententiam, secus est, cum infamia hæc, principis voluntate operi est alicui adnexa, nam tunc iuxta legis exigentiam, hoc ipso quod fit, absque alia iudicis declaratione incurritur: Diana tract. 15. resolut. 240. non tamen in Gallia vbi hæc sola iudicis sententia irrogatur, cum cognitione causæ, quæ sola tunc facit rem notoriam

riam & publicam, vt probat Brodeus ad Loietum *litera D. art. 43. ex decretali Gregor. noni decima, de cohabitatione Clericorum*, vbi concubinariū publicum in officiis vitandū negat, nisi peccatum eius sit notorium, per sententiam, seu confessionem factam in iure, aut per euidētiā rei, quæ tergiuersatione aliqua celari non possit, vt si quis vicinia conscia, concubinam domi suæ perpetuo aleret, Glossa *pragmaticæ sanctionis de concubinariis verbo publica*.

Secundo necesse est vt crimen, cuius causa dicitur quis infamis, sit cognitum, nam sententia communis est, ex occulto nullo crimine, præterquam homicidii, irregularitatem contrahi, ita *cap. ex tenore de temp. ordinat. & cap. vlt. eiusd. tit. Henric. lib. 4. cap. 5. num. 1. Floron. de cas. reserv. parte 2. casu 7. Finellus de cas. reservatione cap. 9. num. 6.* & sane magna sequerentur incommoda, si cogerētur, culpæ occultæ rei ac conscii, habere se in numero irregularium, sic enim tenerentur de prode, & prodendo, facere iacturam suæ famæ, seque iure suscipiendorum ordinum, aut susceptorum vsu priuare.

Equidem Sodomiam cum occulte exercetur, non inducere irregularitatem, tradit Nauar. *cap. 27. num. 249. Val. to. 4. disp. 7. qu. 19. puncto 3. par. 5. Coninch. de Sacram. disput. 18. dub. 7. num. 50. Dian. tract. 17. resolut. 21.* & habetur expresse in *cap. vlt. de tempor. ordinationum*, ratioque ipsa fauet, quæ enim sunt occulta, non pariunt infamiam, vt ex multis probat Auila *de censur. par. 7. disp. 4. concl. 1.* quæ doctrina valet in omnibus aliis criminibus, quibus à iure infamia est annexa, ob hæc enim, non debet quis ab vsu, vel susceptione ordinum impediri, nisi in iudicio comprobata, vel alias notoria fuerint, Finell. *de casib. reservat. cas. 9. Garzias de benef. to. 2. par. 11. num. 15.*

At enim (inquies) iubentur à Pio V. Sodomitæ occulti, quique voluntate sunt tales, omni officio priuari, & ordine, quod est irregularem esse.

Respond. primo, hanc Bullam receptam non esse quoad forum interius, ita Henric. *lib. 4. cap. 5. num. 1. littera F. Sayr. lib. 7. cap. 12. num. 23.*

Respondend. secundo, Bullam hanc Romæ & alibi receptam non esse, quoad peculiarem hanc circumstantiam incurrendæ irregularitatis, aut priuationis beneficii, ex peccato tantum voluto, & non reuocato in actum, cum sit contra naturam, vt quis se prodatur, vt quis iacturam suæ famæ fructu nullo faciat.

Vt autem factum censeatur esse publicum, non est necesse, illud euidens illis esse, quorum respectu dicitur tale, hoc est publicum,

A sufficit quod sit notorium, & ex coniecturis valde probabilibus eiusmodi, quod credi possit, Nauarrus 27. *Enchiridij num. 255.* nam fama non est in virtutum euidentiā, (cum multi viri boni nullo suo merito audiant, quibus tamen nihil est in omni genere turpius, vt hypocritæ) sed est hæc in opinione populi, ergo nec infamia facti, facti cuius causa incurritur, euidentiā exigit, sed opinionem tantum vulgi, de eo admissio, à qua factum habet vt probabiliter sit admissum.

Exigit aliquid amplius Hurtadus: nam de *Irregular. disp. 11. difficult. 4. num. 12.* asserit, ad incurrendam irregularitatem per crimina, quibus iure non est ipso facto imposita infamia, requiri quod sint notoria, siue confessione rei in iudicio, siue sententia irrevocabili, siue notorietate facti, quando scilicet non sunt ita euidentiā maiori parti vicinæ, aut Collegii, vt nulla possint tergiuersatione celari, vt deducitur ex *cap. vlt. de temporib. ordinat.* vbi excipitur homicidium, ex quo etiam occulto irregularitas oritur, an autem requiratur ad hanc pœnam subeundam, sententia eius declaratoria, aut criminis facti, propter quod contrahitur dicitur alibi, verba Greg. IX. in decretali citata, sic habent. *Respondemus, quod si proposita crimina ordine iudiciario comprobata, vel alias notoria non fuerint, non debent hi, ( præter reos homicidij ) post pœnitentiam, in iam susceptis, aut suscipiendis ordinibus impediri.*

## QVÆSTIO XLVIII.

D *Quanam sint crimina ob quæ infamia incurratur.*

I Nfamiam, quælibet crimina conciliant, modo enormia, quæq; depositione sunt digna, qualia sunt stuprum virginis, Sodomia, periurium, adulterium, Gregor. IX. *cap. quasitum finali de temporib. ordinationum*, concubinarus, diu continuatus, Nauar. *cap. 27. nu. 248.* homicidium, falsum testimonium, vsuræ vsurarum, sacrilegium, duellum, crimen læsæ maiestatis, persecutio hostilis Cardinalium, & vniuersæ crimina omnia, quæ scandalum creant, quod cum ludendo aleatores faciant, infames appellantur in *cap. inter dilectos de excessibus prelatorum*, Ebriosi canonē ante omnia canone Ecclesiæ princeps dist. 25. seditiosi dist. 45. canone seditarios, excentes histrioniam, & artes sordidas, Clementina prima de vita & honestate Clericorum & canone meritum dist. 23. quæ duo totidem canonibus complexi sunt Galli Antistites, in Concilio Agathensi can. 69. & 70. his ver-



bis: Seditionarios, non ordinandos Clericos, sicut nec Usurarios, vel iniuriarum suarum Vltiores, scurras, & verbis inhonestis sonantes, ab officio remouendos Synodus statuit.

Insuper infames habentur fornicarii cum coniugata canone si Diaconus dist. 50. can. si in aliquo dist. 50. habentes domi suæ ancillas (vt vocant) reipsa concubinas can. qui in aliquo dist. 52. item qui publice pœnitent canone maritum dist. 55. quod & ab Hormisda sancitum est decreto 1. quod habetur insertum eius epistolis tomo. 2. Conciliorum pagina 535. à Patribus Concilii Epaunensis can. 40. Agathensis sub Symmacho Papa III. can. 43. in hæc verba: de pœnitentibus placuit obseruare, quod sancti Patres nostri Synodali sententia censuerunt, vt nullus de suis, Clericus ordinetur.

Præterea infames habentur qui vxores suas prostituunt, can. si quis vxorem dist. 54. hæretici insuper Conc. Tolet. 4. can. 18. relatum in canone qui in aliquo 5. dist. 51. sed de his postea.

His adiungendi qui duas eodem tempore coniuges, aut cum vna, concubinam habent ad libidinem, cuius fœdis irretitus amoribus, vt familiam, ita famam ipse suam, tam suis, quam maiorum præclaris collectam facinoribus, turpiter pessundat, lege cum qui Cod. ad legem Iuliam de adult. lege fin. digest. de his qui not. infam. parag. si vero.

Similiter & infames esse dicimus incestuosos, raptores maleficos, veneficos, de bellis publicis fugientes, & qui facultates Ecclesiarum abstrahunt iniuste, & qui fratres calumniantur, & accusant, & non probant, & omnes anathematizatos vel pro suis sceleribus ab Ecclesia pulsos, &c. 6. q. 1. can. infames 1.

Et quoniam parit omnis culpa, quæ est lethalis, auctori suo infamiam, vt est in epistola 1. Fabiani Papæ ad Orientales Episcopos. & refertur à Grat. causa 6. qu. 1. can. illi qui 3. ideo ob quodcunque peccatum mortale, licet non enorme, irregularitatem contrahi, dixit Hurtadus disp. de irregular. 2. dubit. 4. num. 11. quod non de facto, sed iure, intelligi debet, nam etsi in pœnam patrati alicuius facinoris mortiferi, ea macula, notaque aspergi quis possit iudicis Ecclesiastici, aut ciuilibus auctoritate, eam tamen actu, & de facto, peccando non subit.

Ad hæc infamia quæ ex parentibus redudat in posteros, aut ab vxoribus in viros, Clericos reddit irregulares, solennis ite pœnitentia, can. pœnitentes dist. 50. can. ex pœnitentibus. de quo sicut & de reliquis consulendi sunt Maiolus lib. 3. cap. 2. & 3. Couar. 1. par. Clement. si furiosus nu. 10. Sylu. verbo irregularitas parag. 17. verbo infamia & verbo crimen Petr. Greg. lib. 31. synagm. cap. 29. Henric. lib. 14. cap. 5.

## QVÆSTIO XLIX.

An crimina, quæ authorem suum infamia iuris inquinant, effectum hunc habeant, cum sunt occulta, & antalia, hoc est, non cognita irregularitatem generent.

**A**ffirmant S. Antonin. par. 3. tit. 28. cap. 6. parag. 7. Sylu. verbo irregularitas q. 14. Suar. disp. 48. sect. 1. num. 17.

Contra pugnant ceteri, negantque, irregularitatem infamiae, quæ iuris dici solet, creati villo delicto, quod ignoratur à populo. E multis exempli causa, paucos hos in medium proferre sufficit, Couar. lib. 3. resolut. cap. 3. num. 2. Nauar. cap. 27. num. 248. Coninch. disp. 18. dub. 7. nu. 56. Tertio dico, inquit Nauar. quod quacunque enormitas, sine notorietate non sufficit, contra quosdam male iniicientes scrupulos multis Ecclesiasticis, qui enormia delicta, occulta commiserunt.

Tueri se hæc opinio potest, primo, auctoritate Greg. IX. in cap. quæsitum finali de temporib. ordinat. vbi habet, suspectos de adulterio, homicidio & falso testimonio, si proposita crimina ordine iudiciario comprobata, vel alias notoria non fuerint, non debere (præter homicidij reos) post pœnitentiam, in iam susceptis, aut suscipiendis ordinibus impediri.

Secundo in cap. is qui de sent. in 6. statuitur, à nullo crimine quantumlibet graui, irregularitatem contrahi, nisi de quo id iura decernunt, at hæc, delicti quod nō patet, quod non scitur, quod soli suo auctori est cognitum, meminisse nuspiam leguntur, quod ergo crimen occultum est, effectum hunc in admittente, non producit, vt irregularem eum faciat, eo quod per nullum crimen occultum, vt paulo antea diximus, excepto homicidio, aut violatione censuræ, incurritur irregularitas.

Si tamen flagitium, quod iure ipso est damnatum infamia, esset multitudini notum, vel grauium honestorumque sermone damnatum, is notatus esset infamia iuris & facti, iuris quidem, quia hoc habet quælibet sententia, vt per eam factum damnetur, facti autem, quia infamia quæ hoc appellatur nomine, est publica notitia, vel opinio commissi criminis, per quod existimatio hominis apud viros graues læditur, quod in casu præsentis accidit, in quo supponitur, delictum esse cognitum: at ex notitia tam extra iudicium, quam intra, nascitur infamia, quæ est essentialiter in diminutione famæ posita, vnde sic argumentandi, occasio sese mihi tercia offert.

Infamia

Infamia formaliter nihil est aliud, quam A opinionis de aliquo conceptæ decrementum, ac imminutio, at hæc non minuitur, aut interit, nisi per admissionem criminis, à quo, de eius auctore male sentiendi materiam honestam homines trahant, ac iustam, quod facere prudenter, ac cum ratione non possunt, nisi factum nouerint, ergo occultum latensque, infamiam non parit.

## QVÆSTIO L.

*Abstergenda Infamia, tollendaque, quis sit modus.*

**E**Am, cum est facti, mutatione vitæ, eiusdemque traductione ad bonam frugem elui, dixit Nauar. cap. 27. manual. num. 204. Alii eam ad rem pœnitentiam sufficere, eamque iustam censent.

De tota controuersia quod meum sit iudicium, aliquot enunciationibus docebo.

Prima Enunciatio, Si crimen cui iure est alligata infamia sit occultum, tolli hæc pœnitentia poterit.

Probat, per quas causas quid ponitur, per easdem & dissoluitur, de regul. iuris regula 1. at delictis ipse suis, quilibet est causa, cur sit ac audiat infamis, maculam hanc ergo, quæ est suo vitio, culpaque sordidus, adimet, si eius causam, hoc est crimen à se admissum lacrymis ac dolore resecat.

Quid si occulta quidem est culpa, sed ne in vulgus emanet, eiusque notitiam, metuendi causa est aliqua?

Ego isti auctor essem ut de infamiae irregularitate anxius esset, nam si sacris se ad-moueri ordinibus sinat, si magistratu Ecclesiastico donari, aut simplici aliquo beneficio, ut isto priuari à iudice, sic & ab Episcopo ordinum ministerio, vsuque interdicti poterit, eo quod ab his suisque dignitatibus ac honoribus, infames repellit Ecclesia, quapropter quisquis est talis, tã conscientiz suæ, quã rationibus suis prudenter prospiceret, si ad sedem Apostolicam supplex accederet, suam ut infamiam autoritate qua præstat, abstergat.

Dico secundo, Cum est infamia iure contracta, aut per sententiam Magistratus politici illata, in ea solus Princeps dispensat, cuius autoritate, huic operi adnexa est infamia, aut irrogata per sententiam Magistratus, quem iuri dicundo subditis suis præpositum esse voluit.

Ratio est, quod ad eundem pertineat soluere, & ligare, priuare bonis, & ea cum placet reddere exulatum mittere, & in integrum restituere, quare non potest Pontifex

infamato ciuilitè, reditum ad honores, magistratus, ac officia concedere, quibus per admissionem criminis excidit, cui pro pœna, adiuncta est infamia à Principe, aut ludicis sententia.

Dico tertio, In infamia quæ oritur ex crimine, quod iure auctorem suum notat, solus Papa directe dispensat, indirecte Episcopus.

Pars assertionis veraque vera Nauarro est visa, in cap. manual. 27. num. 204. pars eius prima fidem habet tam à decretali Honorii III. cum inferior 16. de maiestate & obedient. quam à ratione, nam quid absolum magis, quam ut inferior superioris acta refingat? leges ab-roget? vel quid rationi minus conionum, quam ut is ius dicat, quem ad obsequendum natura peperit? at Papæ supremum est in omnes imperium, ergo cum inferior superiorem soluere nequeat vel ligare, sed superior inferiorem liget regulariter, & absoluat, & satis absolum videatur, ut filius potestatem habeat in parentem cap. cum inferior citato, mirabile videri nulli debet, si in legibus, quæ autoritate Pontificum de Infamia sunt politæ, dispensare Episcopus directe nequeat, quod ei tamen indirecte, ac accessorie non est negandum.

Enimuero illegitimis indulgere ei est licitum, ut ad minores ordines aspirare ausing, & possint, at sunt hi infames ex dictis proxime.

Quid? quod est in Episcopi iure, dispensare super delicto occulto, ex quo iure redundat in personam infamia, hoc vero quid est aliud quam accessorie, consequenter ac indirecte infamiam tollere? quare pari mihi veritate, pars hæc assertionis vltima niti videtur, ac prima, proindeque in praxi sequenda.

Dico vltimo, Infamiam quæ facti dicitur, abstergi factis oppositis, hoc est, vita ad præscriptum virtutis composita, quæ, quod errore natura aut caca libidine prius est factum, cogitandi sagacitate, morumque excellenti specie emendat, & corrigit, huc tendunt quæ sapienter argumentatur Gregor. Papa primus ad Secundinum epist. 53. lib. 7. post dignam satisfactionem, inquit, credimus posse redire ad honorem, cur ita vero, ratione reddit, quoniã perditam ouem nonaginta nonem non errantibus relictis in deserto, humero p̃y pastoris, ad ouile reportatam dominus restatur, si ouis perditæ, errans post inuentionem ad ouile humero reportatur, cur post pœnitentiam ab Ecclesiæ ministeriis lapsus non reuocetur?

Eandem sententiam confirmant Hieronymi verba ad cap. 3. Michæe Animaduerte in præsentiloco posse docere aliquem post peccatum, si tamen vitia pristina pœnitentia digna diluerit. Clarissime Agathense Concil. nam in eius canone primo, est, quod cum Clericos qui ob

superbiam de loco moti suo fuerant, pœnitentia correxerit, rescripti in matricula, gradum suum, dignitatemque recipiant.

Equidem fuit hoc genus infamie à vita, quæ vitiorum est scœdata labe, ut effectus à causa, sunt enim infames, qui pro aliqua culpa notantur infamia, id est omnes qui Christiana legis normam abiiciunt, & statuta Ecclesiastica contemnunt 6. q. 1. can. 17 sed sublata causa, effectum quoque cessare necesse est, de appellat. cap. cessante 60. ergo & infamiam, morum conuersione, vitæque in bonam frugem mutatione.

## DE HÆRETICIS.

### QVÆSTIO LI.

*An sint Irregulares.*

**D**ico primò, Tam hæreticos, quam qui eos domi suæ recipiunt, ac fouent, iis fidem adhibent, eos timentur ac protegunt, irregulares esse, ac infames.

Probat, illo cōmuni axiomate Canonistarum quòd quodcunque crimen promotum deiicit, etiam impediatur promouendum, quod habet Maiolus lib. 1. ca. 2. num. 9. Sed hæresis, prædictos omnes si fuerint Clerici, à suis ordinibus degradatos, sæculari iudicio facit obnoxios, ut statuit Gregorius IX. in Constitut. 3. quæ habetur in magno Bullario, ubi inter cætera statuit, ut si postquam quilibet talium fuerit excommunicatione notatus, à sua super hoc præsumptione non curauerit cessare, ipso iure sit factus infamis, nec ad publica consilia, vel officia, nec ad eligendos aliquos ad eiusmodi, nec ad testimonium admittatur, sit etiã interstabilis, sic ut nec habeat factionem testamenti, nec ad hereditatis successionem accedere valeat, quæ confirmavit Innocentius IV. & omnes deinceps Pontifices, de quorum mente luculenta testimonia extare constat, in titulo de hæreticis, & causa 1. q. 1. can. si quis, & can. infames 17 causa sexta q. 1. nec sunt hæretici irregulares modo, quia animum errore corruptum habent, sed insuper quia sunt infames, quia excommunicati, quia ab hominum semoti consortio, ad extremum quia non decet eis locum in Clero esse, qui in Ecclesia sedem non habent.

Quæres, An hæc accipienda sint de notoriis tantum, an etiam de occultis?

Respondendum, mentaliter hæreticos, ac per se occultos, irregulares non esse, ut dilerte asserit Nauarrus cap. 27. num. 249. de aliis qui sunt tantum occulti per accidens,

A res est dubia.

Sane negat idem author num. 248. crimen quodlibet enorme licet, nisi notorium, irregularitatem inducere, cui astipulatur Henricus lib. 14. cap. 4. num. 6. & probat hoc argumento maxime, quod irregularitas non nisi in casibus expressis iure induci soleat canone is qui de sententia in 6. at canon proferri nullus potest, in quo hæreticus, qui nulli est pro tali notus, dicatur irregularis, quin imo, ut pœnis prædictis subiaceat, denunciatus esse debet, ut Gregorius IX aliorumque Pontificum bullatum diploma indicat.

**B** Quid? quod canon ex tenore de temporibus ordinationum, habeat criminofum occultum si promoueri velit, prohibendum non esse, quod in capite ultimo eiusdem tituli etiam repetitur, dummodo tamen de homicidarum non sit numero, ergo cum iuxta commune pronunciatum, exceptio in non exceptis firmet regulam: homicidii designatio, tam hæresis, quam aliorum criminum, quæ sunt occulta, certa est ab iis, quæ irregularitatem pariunt, exclusio.

Contraria tamen sententia probabilitate non caret.

**C** Primo, quia Ecclesia hæreticos etiam occultos spiritualibus pœnis afficit, ut est excommunicatio.

Secundo, quia in can. ventum 1. q. 1. venientes ab hæreticis, simpliciter & absolute dicuntur irregulares, canones autem qui publicam huius criminis notitiam requirunt, eam, ut puniri, repellique publice illi possint, exigunt, non autem, ut non sint in animo suo irregulares, & si resipiscunt dispensatione non egeant, quod autem in cap. ultimo de temporibus ordinationum, homicidium tantum excipitur, fit ideo, quod Pontifici quatuor tantum crimina occulta, proposita fuerant non plura, adulterium, periurium, homicidium & falsum testimonium, de his ergo solis cum esset quæstio, quòdnam suum esset iudicium decernauit Pontifex, de hæresi autem quia de ea postulatum nihil fuerat, tacuit.

**E** Dico secundò, Non tantum hæreticos, sed & eorum complices, ut aiunt, etiam post factam pœnitentiam, vitæ mutationem, & conuersionem ad fidem, esse irregulares, Nauarrus & Syluester verbo irregularitas parag. 5. Maiolus lib. 5. cap. 46. num. 2.

Ratio est, quod pœnitentia culpam tollat, non pœnam Ecclesiasticam, aut censuras patet ex canone saluberrimum 21. primæ causæ q. 7. ubi hæretici resipiscences ab hæresi iubentur in magno beneficio habere si adempta sibi omni spe promotionis, perseuerent in quo inueniuntur ordine, hoc est, eo quo sunt antea magno Ecclesiæ

Ecclesiæ in eos beneficio insigniti, stabilitate perpetua maneant, si tamen iterata tinctione non fuerint maculati.

Est hoc vero beneficium, dispensationis gratia, ut patet ex canone conuenienter 4. eiusdem qu. 4. & causa, & 1. q. 1. canone ventum in fine, ubi ne exiguum quidem Clericatus honorem, venientibus ab hæreticis, concedi oportere iura docent, nominatim autem ad primatum est hæreticus inhabilis, docet Maiolus l. b. 5. cap. 26. num. 6. in fine, verba canonis citati cui initium est, *Ventum est ad tertiam*, sunt ista, *nostra lex Ecclesiæ est, venientibus ab hæreticis, qui tamen illic baptizati sunt, per manus impositionem, laicam tantum tribuere communionem, nec ex his aliquem in Clericatus honorem vel exiguum subrogare*: ita nati parentibus hæreticis, per lineam paternam, vsque ad secundam generationem, per maternam, vsque ad primam tantum, defensores ciuitatum, vocari ad consilia, esse milites, ad Doctoratum promoueri, aut iudices constitui nequeunt, Fagund. in primum præceptum Decal. cap. 19. num. 3.

Dico tertio, Hæreticorum tam filios, quam nepotes, irregulares esse, & ad beneficia Ecclesiastica possidenda, obeunda officia publica, iure Ecclesiæ, ineptos videri, nisi hi à quibus sunt nati, ante mortem ad unitatem Ecclesiæ redierint, idemque de filiis ac nepotibus, tam credentium, quam receptorum, & defensorum hæreticorum, dicendum esse nonnulli tradunt, idque vsque ad secundam lineam tam paternam, quam maternam: ita Bonifacius VIII. confirmans Innocentii statutum. & Alexander in capite statutum 2. de hæreticis, Fredericus Imperator in lege, quæ est Bullæ Innocentii IV. inserta, cuius initium est cum aduersus hæreticam, idque valet siue fuerint denuntiati, siue non, quia Extraneus ad euitanda, non fauet reis, aut eorum familiis, notandum tamen pœnam hanc inhabilitatis ad honores, & dignitates Ecclesiæ, ad eos pertinere tantum, quorum parentes verè sunt hæretici, aut tales mortui, ut habetur in cap. statutum citato, his verbis hoc sanè de filiis & nepotibus hæreticorum, credentium, & aliorum eiusmodi, qui tales esse, vel tales etiam decessisse probantur.

Notandum secundo, etsi admodum sit probabile, quodd lib. 14. c. 4. n. 3. Henricus asserit, si occulta fuerit hæresis, aut in natione infecta hac lue, pater in ea decesserit, filium si sit absque nota infamiae non videri irregularem esse, cum factus erit Catholicus irregularitate quæ suâ ex ea trahit originem, eâ tamen vitare hunc non posse, quam hæresis primo & perse inducit, licet occulta sit, in quorundam sententia, quin imo extat de-

Pars secunda.

Acretu Pauli IV. Greg. XIII. quo quibusdam in locis, hæreticorum filii, vsque ad quartam generationem excluduntur ab ordinibus, officio gubernandi, & prædicandi, & si in illo sint, deponuntur, licet per lineam feminam descendant quod duntaxat de his intelligitur quorum parentes per sententiam publicam condemnati sunt ac puniti, ut ait Nauarrus lib. 5. conciliorum titulo de hæreticis concilio 22. filius tamen ante crimen hæretici patris natus, quem in pertinacia sua fœde constantem, mors infœlix occupauit, quorundam opinione non est irregularis, ut ait Henriquez loco ante citato, quare.

Notandum tertio, hæreticorum filios, absolute & simpliciter, infames non esse, Menochius volumine 4. consil. 888. Sanctar. tract. de hæresi cap. 25. num. 12.

Ratio est, quod nemo pœna affici irregularitatis debeat, quæ non sit in iure expressa cap. is qui de sent. in 6. atqui pœna infamiae nullibi reperitur imposita hæreticorum filiis, sunt quidem inhabiles ad officia, & beneficia Ecclesiastica, non tamen ad testandum, & accusandum, ut ait Fagund. proxime citatus, quam tamen capacitatem excludit infamia, quæ est talis absolute, & simpliciter, cum est hæresi coniuncta ut est in can. non potest 2. q. 7. & cap. testimonium & ca. licet de testibus.

## QVÆSTIO LII.

An Apostata sint Irregulares.

Dico primo, Apostatas à fide quantumuis poenitentes, irregulares esse.

Probant, id Pontificii canones, ac decreta, nam hoc ipso quod edocent, eiusmodi hominum generi, esse ad ordines necessariam dispensationem, consequenter quoque supponunt eos irregulares esse, quod ipsum diserte quoque asserunt Sylu. verbo irregularitas q. 5. ver. apostasia n. 2. Soto in 4. dist. 25. q. 1. art. 3. post quartam conclusionem, Tabienus verbo irregularitas 4. num. 8. Felici. verbo irregularitas ca. 7. in fine Maiol. lib. 5. cap. 34. & Caiet. verbo apostasia, ibi enim apostatam à fide, in excommunicationem reliquasque hæreticorum pœnas, in quibus est irregularitas, incidere asserit. Verum cum Apostatarum varia sint genera, diuersique peccantium gradus, ita & diuersa irregularitas, qui fidei Christianæ propter iustum timorem, remisere nuntium, si erant Sacerdotes cum iis dispensare Papæ solius erit, ut est in can. Presbyteros dist. 50. si vero Diaconi, aut his dignitate inferiores Clerici, vel laici, eius-

VVu



dem erunt culpæ conscii, hanc illis condonare Episcopus, eisdemque reconciliare Ecclesiæ poterit: si autem sine timore, sed sponte fidem deseruerint Papa cum eis dispensabit non alius vt ait Sylu. loco cit. ex can. Presbyteros dist. 50. iuxta Hostiensis interpretationem, & illi quidem etsi contra fidei professionem peccauerint, non sunt tamen in foro conscientie Apostata, si eam in animo seruauerint, etsi vt Apostata in foro externo puniri possint, qui eam ore tam quam mente ciuant, vertunt in utroque foro Apostata, Sylu. verbo *Apostasia* num. 4. quod si qui in Iudaismum, Paganismum, vel Hæresim iterato labantur ac ruant, tanto hi difficilius dispensationem obtinere poterunt, quanto eorum est culpa grauior, imo sæpe eam non obtinent, cum sine vlla audientia, Alexand. III. decreto in cap. 4. de hæreticis in 6. iudicio seculari puniendi tradantur Maiol. loco cit. num. 2. & 3. & Sylu. verbo *hæresis* 1. q. 9. si tamen manifesta pœnitentiæ signa ostenderent, his pœnitentiæ, & Eucharistiæ Sacramenta, saltem in morte neganda non essent. Idem Alexand. cap. super eo 4. de hæreticis in 6. his verbis: Respondemus quod taliter deprehensi, etsi (vt dictum est) sine vlla penitus audientia, relinquendi sint iudicio seculari, si tamen postmodum pœniteant, & pœnitentiæ signa in eis apparuerint manifesta, nequaquam sunt illis (humiliter petita) Sacramenta Pœnitentiæ & Eucharistiæ deneganda, consulendus Sylu. verbo *hæresis* 1. q. 8. versu 13. &c.

Dico secundò, Apostatas à religione (quo nomine sunt intelligendi qui vita sunt religiosa ab ipsis professæ desertores, cum proposito vita secularis amplectenda cum animo, non reuertendi ad Monasterium) irregulares esse, Sanchez lib. 6. cap. 8. número 2. in Decalog. Roderic. q. regul. 30. art. 1. to. 1. Portellus in dubiis regular. verbo *Apostata* número 1. Bonacina de clausura quest. secundò punc. vndecimo parag. 1. num. 3. Nauar. lib. 5. consil. tit. de Apostatis consil. 1. quare differt à vago, & fugitiuo, qui iniussus exit à Monasterio, siue cum habitu, siue sine eo, non abiecta voluntate vitæ religiosæ, siue Monasticæ, qui proprie non est apostata, nec eius pœnis tenetur, nisi forte in externo foro Thesaurus 2. par. praxis verbo *Apostata* cap. 1. Sylu. verbo *apostasia* q. 4.

Hos porro Apostatas à religione irregulares esse, diserite traditur dist. 50. can. vlt. & 16. q. 1. can. legi 36. vbi negat Aug. sicut & in ep. 76. ad Aurelium tales ad Clerum admittendos, hoc enim ipsis facilius lapsus præbetur illis occasio, quo se putant, posse eligi ad aliquid melius cum facti fuerint deteriores, & ordinis Clericorum se indignissima iniuria, si desertores Monasteriorum, ad militiam Clericatus eli-

gantur, cum ex eis qui in Monasterio permanenti non nisi probatiores, atque meliores in Clerum assumere soleamus, &c.

Clarissimè autem in Concil. Arelat. 2. can. 25. sub Syluestro Hos qui post sanctæ religionis professionem apostatant, & ad seculum redeunt, iubemus ad Clericatus officium non admitti.

Etsi in apostasia ordines sacros receperint, etiam post pœnitentiam, absque dispensatione Romani Pontificis, ministrare in iis sic susceptis non possunt, statuit Honor. tertius cap. finali de apostatis, in minoribus autem sic receptis dispensabit Episcopus, nisi sint exempti vel deposuerint habitum, quia tunc erunt excommunicati, & à Papa dispensationem eos requirere erit necesse, vt patet ex cap. cum illorum de sententia excom. & Sylu. verbo *Apostasia* q. 8. in fine, & Maiolo lib. 2. ca. 1. num. 15. qui addit Religiosum non censi apostatam, nec fieri irregularem, si transeat ad alium Ordinem Religiosum, præsertim archiorem, etiam sine licentia, quod satis probatur ex cap. ex parte de temp. ord. Paulus tamen IV. vult vt translationes tales sint nullæ, nisi translati ad parem, vel archiorem ordinem, in obseruantia maneat, quo pertinet illud Trid. sess. 14. ca. 11. alias redeant ad ordinem suum sub pœnis Apostatarum: Huc pertinet eiusdem Pauli IV. constitutio quæ incipit postquam diuina, in qua omnes religiosos, quouis prætextu extra claustra viuentes, ad omnia Ecclesiastica ministeria reddit inhabiles, & ab executione quorumcunque ordinum, etiam factorum, & præsertim Presbyteratus, suspensos & inhabiles sub grauibz pœnis, super quatuor irregularitate, Pius IV. dispensauit in cōstitutione quæ incipit *Sedis Apostolicæ*: & alias quoque pœnas ad ius antiquum reduxit, vide Bullam Pii quinti quæ incipit *aquum reputamus*.

Dico denique Apostatas ab ordine Clericali, esse irregulares, quod de iis intelligendum non videtur, qui prima consue- ra accepta, aut etiam quatuor minoribus, ordini Clericatus, verbo, aut facto renunciant V. G. uxorem ducendo, fatetur Sylu. verbo *Apostasia* qu. 2. & 3. cum Maiolo lib. 5. cap. 34. num. 4. & aliis, sed de iis duntaxat qui sacro ordine suscepto, eoque cum habitu relicto, tanquam laici conuersantur, ac degunt in seculo.

Probatum assertio partim ex cap. 1. & 3. de Apostatis, partim ex can. vlt. dist. 50. vbi pœnam apostatarum à religione, Glossa his quoque apostatis conuenire dicit, imo totum illud cap. de Clericis explicat, suntque huiusmodi cogendi ad habitum Clericalem, alioqui priuantur priuilegio canonis. Si quis suadente

*suadente.* Addit Sylu. loco cit. eum qui primam tonsuram & beneficium habet, & re-  
tento beneficio, habitum & propositum  
Clerici deponit, mortifere peccare, esseque  
vere Apostatam, consequenter irregula-  
rem, quod tamen non satis probat Maiolus,  
qui huius est opinionis auctor.

De Schismaticis eadem ferme omnia, quæ  
de hæreticis sunt dicenda, cum vt plurimum  
sint hæretici, & sæpe decreta, contra vtros-  
que sint lata, vt causa 24. q. 1. & 1. q. 1. *can. om-  
nis cuiuslibet*, vide & cap. 1. & 2. de Schismati-  
cis & Maiolum lib. 5. cap. 46. num. 4.

## QVÆSTIO LIII.

*An hæretici sint irregulares ante sententiam  
iudicis declaratoriam.*

**S**ensus est an in foro conscientie, & ipso  
facto, hæretici sint ad officia, & benefi-  
cia publica obtinenda inhabiles, ante sen-  
tentiam iudicis.

Cuiuspiam videri posset, nullo iure, neces-  
sitate imponi iudici, ferendæ contra hæ-  
reticum sententiæ, ac declarandi criminis,  
cuius acerbitas, viam ei omnem ad honores  
Ecclesiæ præcludit.

Primo, quia sententia declaratoria tan-  
tum exigitur, cum irregularitas iure non  
incurritur, ac communis est opinio Azor.  
*parte 1. lib. 8. ca. 11. q. 15. Rodrig. in additionibus  
ad Bullam cruciatæ parag. 13. Farinacii tract. de  
hæret. q. 182. num. 7. o. Reginal. lib. 3. prax. trac.  
3. c. 15. num. 193. hæreticos iure ipso irregula-  
res esse, ergo, &c.*

Secundo, pœnæ quæ in priuatione rei cu-  
iuspiam spiritualis sunt positæ, hominem vt  
afficiant, sententiam iudicis non postulant,  
vt planum est in excommunicatione, & sus-  
pensione, quæ quia ipso facto incurri iubentur,  
illico, ac est commissum in legem, vim  
suam in nocentem exerunt, ac habet ir-  
regularitas omnis, priuationis instar, non  
actionis, cum sit inhabilitas ad ordines, eo-  
rum vsum ac beneficia, ita Suar. *de fide disp.  
11. sect. 5. num. 4. à Castro lib. 2. ca. 5. de Rass.  
singulari 81. Aragon. 22. q. 11. art. 3.*

Quibus habeo quod opponā primo, quod  
infamia, à qua habent hæretici, vt sint extra  
regulam, hoc est, irregulares, ordinumque  
ac Magistratum in Christi Ecclesia incapa-  
ces, quod infamia (inquam) sit in famæ, ac  
opinionis iactura posita, quam quis in homi-  
num animis de probitate sua ac moribus be-  
ne viuendo impresserat, ac sicut hæc, isti non  
perit, ita nec illis bona de aliquo concepta o-  
pinio, quandiu est eius crimē occultum: ergo

**A** declarandum, ne sine causa, ac contra fas, &  
æquum, beneficiis, ac honoribus publicis  
excludi videatur: Infamia enim in facto, &  
actuali aliorum notitia est posita.

Secundo, etsi iure bonis sit suis exutus hæ-  
reticus, iis tamen decedere, ac abire non te-  
neretur ante sententiam, ergo nec se pro infami  
gerere, quandiu talis esse nescitur, acce-  
dat ergo ea de re sententia, est necesse,  
quam declaratoriam communiter nomi-  
nant.

Huiusque sunt opinionis Simanc. *de Cathol.  
instit. tit. 9. num. 205. Farinacius de hæresi qu.  
289. num. 56. Sanch. ro. 1. Decal. lib. 2. cap. 26.*  
volunt enim hi auctores, hæreticum quan-  
diu de eius crimine certum nihil habet po-  
pulus, infamem non esse.

Est vtraque sententia tam Doctorum  
pondere, quam ratione approbanda.

## QVÆSTIO LIV.

*An beneficiis suis abire eaque ante sententiam  
relinquere hæreticus debeat.*

**I**Ta ne existimem persuadent argumenta  
sequentia.

Primum, pœna Ecclesiastica nulla hominē  
re possessa priuās, siue illa tēporalis sit, siue  
mixta, infligita etiam ipso facto, vel iure, locū  
habet in conscientia ante iudicis senten-  
tiam, vt affirmant Summistæ *Verbo assassi-  
nus & Verbo pœna*, Suar. lib. 5. de legib. cap. 8.  
num. 5. quam eius solius opinionem non esse,  
sed Doctorum omnium, tam ciuilis, quam  
Canonici iuris interpretum, docet Azor. ro.  
1. lib. 5. ca. 7. q. 1. & 3.

Quare magnum est discrimen inter pœ-  
nas Ecclesiasticas mere spirituales, vt sunt  
censuræ, & irregularitates, pœnasque alias  
temporales, vt est summa pecuniaria, &  
mixtas, cuiusmodi est priuatio beneficii, vel  
suspensio ab eo, nam illæ id est spirituales,  
incurruntur ipso facto etiam in conscientia,  
quando infliguntur ipso iure, sed non pœ-  
næ mixtæ, vel temporales, nisi sequatur sen-  
tentia, ergo cum carere beneficio, eo spoliari  
& excidere, pœna sit mixta, non spiri-  
tualis purè, eius subeundæ nulla est ante iu-  
dicis imperium, sententiamque necessitas.

Secundum, si beneficiis excidit, officiū-  
que hæreticus ipso iure, quæro, quo maxi-  
me? diuino? ac in instrumento tam veteri  
quam nouo nulla eius rei sit mentio, natura-  
li? ac nulla est necessaria inter fidem, offi-  
ciaque foritæm ciuilis, quam Ecclesiastici  
connexio, nam etsi Christiana fide infor-  
mata humana ratio, hæreticis imbutum er-

VVu ij

Sententia contraria est Antonini apud Sayrum *lib. 7. cap. 8. num. 27.* sed non tenenda, eo quod Sacramentorum iteratio, solo Baptismo excepto, irregularitatem non pariat, sed periculum sacrilegii, ipsumque graue, Toletoteste *lib. 1. cap. 65. num. 3.* Thesaurum in *praxi parte 2. cap. 30.* Verbo Ordo, cui suspensionem addidere nonnulli, eamque latæ sententiæ, & reservatam, ex *cap. 1. de secundis nuptiis*, ubi de iterante Sacramentalem benedictionem est sermo, sed suspensionem esse tantum ferendæ sententiæ & non latæ, scripsit Thesaurus in *praxi Eccles. Verbo matrimonium cap. 2.* & Verbo Ordo *cap. 30.*

### QVÆSTIO XLVI.

*Quæ & quales irregularitates ex Ordinis abusu impositæ sint Clericis.*

**P**rima assertio, Qui furtiue ordinatur, id est ignorante Episcopo, & per fraudem, iis se adiungit, qui eius voluntate ac consensu, sacris sunt initiandi ordinibus, est irregularis, nec ad illos prouehi per Episcopum ei licitum.

Sanxere id Pontifices duo, Cælestinus III. in *decretali 2.* & Alexand. III. in *prima tituli de eo qui furtiue*, ibi enim, Episcopis fas esse ait, cum eo, qui furtiue ordinem se Diaconatus suscepisse narrabat, in promotione ipsius ad Sacerdotale officium, condigna satisfactione imposita, nisi alia impediant, arbitrati suo dispensare, nisi forte (quod est in more ubique modo fieri) talis accessus ad ordines, fuisset ab Episcopo, aut eius Archidiacono, sub excommunicatione prohibitus, nam tunc cum eo dispensare, illi est lego Alex. III. & Cælest. III. vetitum, nisi in aliquo Monasterio seu Canonici habitum suscipiat regularem: nam tunc postquam in eo aliquanto tempore fuerit laudabiliter conuersatus, ei poterit misericorditer providere, Episcopus ipse, vel eius Abbas, dispensando in aliis ordinibus *cap. 1. & 2. de eo qui furtiue*. Clarissime Galli Pontifices, in Synodo Sueffione habita anno 853. Leone IV. Papa his verbis: *Iudicatum est à Synodo, ut qui Presbyteri sine examine, per ignorantiam, aut ordinantium dissimulationem sunt prouecti, cum fuerint cogniti, deponantur.*

Assertio secunda, Qui in censura actum sacri ordinis exercet, est irregularis.

De excommunicatione maiore, res est nota, ex *cap. si celebrat. de Clerico excommunic. ministrante*, de suspensione & interdicto pæcipiunt Pontifices; de priori quidem Gregor. IX. in *cap. Apostolica nono eiusdem tit. de altero Bonifac. VIII. in cap. is qui 18.*

**A** & is cui Ecclesia 20. de *sent. exco. in 6.* sic enim ille *cap. 18. Is qui scienter in loco celebrat supposito interdicto, (nisi super hoc privilegiatus existat, aut iure sit concessum eidem) irregularitatem incurrit, à qua nequit per alium, quam per Romanum Pontificem liberari: Vigesimo autem canone, idem in eo seruandum tradit, qui est interdictus personaliter.*

Dixi sacri ordinis, quia ministeria minorum propria, irregularitatem ea obeuntibus vix afferunt, cum à Laicis impune fieri etiam solemniter, mos communis gentium ferre omnium obtineat, ut notarunt, Henric. *lib. 14. cap. 7. num. 1. littera F.* Sotus in *4. dist. 22. q. 3. art. 1. Laym. cap. 5. parte 5. cap. 3.* itaque non sunt irregulares Episcopi, Clerici, Subdiaconi, primi quidem, si in excommunicatione, aut suspensione, præstent ea, quamuis illicitè, quæ sunt iurisdictionis & non ordinis officia, ut sunt censuram ferre, ab ea absoluerè, modo sine stola, & precum solemnitate, in Parocho autem, matrimonio assistere, illi benedicere, Auila *parte 7. disp. 9. sect. 2. dub. 2.*

**C** Similiter nec sunt irregulares Clerici, si censura innodati, in Ecclesia responsoria & lectiones canant, si epistolam legant sine manipulo, quod insigne est ordinis Subdiaconatus, si tamen collectam præmissa *Dominus vobiscum*, in officio sacro legerent, si aquam solenniter benedicerent, si in loco sacro tempore interdicti, publicè mortuū, ac cum cantu sepulturæ mandarent, aut baptizarent cum solemnitate, pœnam hanc non euaderent, Nauar. *lib. 5. consil. de Clerico excom. ministrante edit. 2. & in manu. cap. 27. nu. 244. Laym. supra num. 4.*

Assertio tertia, Irregularis est Clericus qui scienter, serio, atque solenniter, sacro ordine virtutur, quem non habet.

Sanxere hanc pœnam Pontifices duo, Hormisdas, & Urbanus III. *iste ca. 2. ille primo de Clerico non ordinato ministrante*; his verbis: *Si quis baptizauerit, aut aliquod diuinum officium exercuerit non ordinatus, propter temeritatem abiiciatur de Ecclesia, & nunquam ordinetur*, sunt tamen ad eam rem conditiones aliquæ in eo, cui hæc pœna irrogabitur, necessariæ.

**E** Primo enim debet esse Clericus, Angel. *Verbo irregularitas 5. num. 38. Henric. lib. 2. cap. 24. num. 4. littera S. Armilla Verbo irregularitas num. 65.*

Primo, quia in pœnis pars est amplectenda benignior, at est humanitatis in Pontif. Laicos lege sua non complecti, velle tantum Clericos hac pœna plecti.

Secundo, cum irregularitas alium notet neminem,

neminem, quam quem iura ea volunt affici, ad Laicos non pertinebit hæc pœna, si de iis nulla fiat in constitutione Ecclesiæ mentio, verum est consequens, nam de Clerico ministrante, non autem de Laico est hæc irregularitas, vt Rubrica, & Titulus indicant.

Dixere sententiam oppositam hi authores, Sotus in 4. dist. 18. q. 2. art. 1. Sylu. Verbo irregularitas q. 12. dicto 2. Suar. 3. pœcto. 3. disp. 31. sect. 4. Valent. rom. 4. disput. 7. q. 10. parte. 1. opinioni suæ fidem esse volunt.

Primo à decretali Hormisdæ prima, de Clerico non ordinato ministrante, quæ verbis est generalibus ac indefinitis cōcepta, si quis baptizauerit, quæ ad Laicos pertinent, peræque ac Clericos.

Secundo quod sit turpius à Laicis ea exerceri, quæ sunt ordinis, quo carent, quam à Clericis, qui eius saltem initia prima habent in tonsura, qua sunt insigniti, non ergo eos sine pœna esse decuit.

Ad primum respondendum negatione minoris.

Secundi est vtraque propositio vera, negamus tamen eos irregularitatis pœna affici, quod hæc iure non sit expressa, & ita habendum est pro vero, ac constanti, pœnam hanc solis irrogari Clericis.

Secunda ad eam incurrendam conditio est, vt actus ordinis non habiti exerceatur solenniter, id est cum propriis eius ordinis insignibus, cuiusmodi sunt, quæ ei iure, vel consuetudine competunt, quare qui aquam benedicit, non cum superpelliceo, stola, aut alba, non est irregularis, nec qui his instructus ornamenti, dicit è superiori loco ad populum, quia non est concio, de earum numero actionum, quæ ordinis sunt propriæ, Nauar. cap. 27. num. 163. peccat tamen qui cum non sit Diaconus, ad concionandum cum stola, pulpitem inscendit.

Dictum est ergo verissime exigi ad hanc pœnam vt ministerium quod à non ordinato obitur, sit ordinis quo caret proprium, seu vt ab alio qui talem ordinem non habet, exerceri nequeat.

Tertio requiritur vt scienter fiat, vt enim à culpa, ita & à pœna, quæ eam sequitur, excusat ignorantia.

Quarto, vt serio & non per iocum.

Quinto, vt secundum Ecclesiæ institutionem, aut consuetudinem, ei operam dare, his qui tali ordine carent non sit permillum.

Eos tamen irregulares esse, qui à deposito, excommunicato, aut suspenso, ordinari se sunt passi, certi res est, ac indubitati iuris sic enim Episcopi Galli in Synodo Suesion. anno 833. Leone Papa quarto, interrogati enim

à Iudicibus quid de his canonica authoritate decernerent, quos Ebbo post suam depositionem præsumpserat ordinare, responderunt *Vt quidquid in ordinationibus Ecclesiasticis Ebbo post damnationem suam egerat, secundum traditionem sedis Apostolica, præter sacrum baptismum, quod in nomine sanctæ Trinitatis perfectum est, irritum & vacuum habeatur, & ordinari ab eo, in quamcunque orbis partem agentur, Spiritus sancti iudicio, ab Ecclesiasticis gradibus perpetuo habeantur, alieni, circa prædicta est.*

Dubium primum, *An excommunicatus in irregularitatem incidat, si coram se fieri sacrificium imperet.*

Affirmant Villalob. in summa to. 1. tract. 21. difficult. 14. de Corneio in 3. parte tract. 5. de irregul. disp. 6. dub. vnic. q. 5.

Contraria sententia quæ est Præpositi est tenenda, causa est, quod irregularitas in iis tantum casibus incurritur qui sunt iure expressi: at istius ne vestigium quidem est vllum in decreto aut Conciliis, peccasse quidem excommunicatum ait Innoc. III. in ca. illud 3. de Clerico excomm. ministr. cum sub spe veniæ, diuina sibi facit celebrari, & communioni fidelium se ingerit, eum tamen irregularem esse non asserit: hac ergo macula aspersus haberi non debet.

Dubium secundum, *An per indignam administrationem ordinis, incurratur irregularitas.*

Affertio prima, *Non quælibet ordinis administratio indigna, irregularitatis est causa.*

Ratio est quod Sacramentorum collatio, facta cum peccati mortalis conscientia, scditatem habeat viro pio indignam: at aliquem sacrilegio irregularem esse ac fieri quis putet? ergo, &c.

Affertio secunda, *Ordinis administratio, quæ est ideo indigna, quod fiat cum censura, pœnam habet irregularitatis adiunctam.*

Causa est, Pontificum voluntas, Canonum ac Conciliorum authoritas, quibus id statuere placuit, scripta lege.

## QVÆSTIO XLVII.

*De Irregularitate quæ provenit ex Infamia.*

**E**st Infamis, cuius vita & mores probari nulli probo possunt, vel vt loquitur Angelus *Verbo infamia, cuius status, vita & moribus est reprobatus, est enim infamia nihil aliud quam famæ diminutio, seu mala de aliquo opinio, quæ disseminata est inter viros bonos, & graues, estq; orta ex proprio diffamati vitio, aut parentū eius, aut qualitibus, quæ nõ sine culpa famam eius diminuunt, nã si in eo culpa nulla erit, famaque proinde nullo eius*

TTt ij



eius vitio diminuta fuerit, ab ea imminutione purgare se infamatus poterit, & sic ordinari, Suarez de censuris disp. 48.

Dixi apud viros graues, nam dicta paucorum, & vilium, non inducunt infamiam, Piaſecius in praxi Episc. titulo de conferendis ordinibus cap. 1. art. 5.

Est autem infamia duplex, iuris & facti, prior appellatur legalis, & oritur ex peccato aliquo mortali proprio, cui, ex constitutione iuris, annexa est infamia, ut est in canone infames 6. qu. 1. Infames, inquit canon, esse eas personas dicimus, quæ pro aliqua culpa notantur infamia, & omnes quos Ecclesiastica vel sæculi leges, infames pronuntiant, quæ infamia et si poenitentia tolli consueuerit, secundum Viualdum de irregularitate num. 10. incurritur tamen ante iudicis sententiam, cum crimina quibus est annexa, palam committuntur & publicè, quæ autem & qualia sint hæc crimina dicitur postea.

Dictum est sæculi leges nam quoties infamia quis à iure civili afficitur, infamis quoque censetur esse canonico iure, can. 5. omnes vero 6. qu. 1. Innoc. in cap. qualiter num. 6. de accusat. Maiolus de irregul. lib. 3. cap. 1. num. 3. Thesaur. par. 1. cap. 33. parag. aduertendum 1.

Oritur & iuris infamia, à confessione delicti, aut sententia iudicis, confessione quidem, cum reus in foro, crimen de quo accusatur, à se commissum fatetur, à iudice autem, cum punitur publice, soli mutatione, multa bonorum, confiscatione ut aiunt possessionum, aut cum definitiua (ut aiunt) iudicis sententia, renunciatur quis nocens, canone infames 3. qu. 7. parag. similiter & lege, palam digestis de ritu nuptiarum.

Dixi de quo accusatur, quia ad incurrendam infamiam ex hoc capite, tria sunt necessaria, accusatio, rei defensio, postremo eius condemnatio, Clarus li. 5. sentent. parag. practica criminalis qu. 72. accusatio quidem, quia reo lis est intentanda, vocandusque ad iudicium, ut causam dicat, defensio autem, quia nemo indicta causa, aut non auditus damnari debet, postea sequi debet sententia condemnatoria, quia sola iudicialis probatio, aut confessio criminis, non habentis adnexam infamiam, ipso iure, facti inducit infamiam, non iuris, Angelus verbo infamia num. 6. Auila parte 7. disputation. 4. dub. 5. si reus tamen confessus crimen puniretur, ut diximus antea, poena competenti ac proportionata eius delicto, vere diceretur infamis esse, iuris infamia, sicuti dicunt Molina loco antecit. disp. 8. num. 19. Laym. lib. 1. tract. 5. cap. 4. num. 3.

Est & alia iuris infamia, à priori diuersa, quæ non ex aliqua hominis culpa ut prior,

A sed à parentum delicto ortum habet, laborant hoc infamiae genere, filii eorum ac nepotes, qui Cardinalem sunt insequuti hostiliter, cap. Felicis de poenit. in 6. aut qui patre sunt nati perduelli, hoste patriæ, & de maiestate læsa principum, publicè conuicti, ac damnati.

Infamia facti est, ex ipsa rei indignitate secundum censuram bonorum virorum, lege 2. de obsequ. à liber. præst. parentibus, seu sinistra de aliquo opinio, quam eius peccata, populi, à quo extra iudicialiter cognita sunt, imprefere animo.

B Peccata dixi numero multitudinis, quia vnus aliquis actus, aut duo minus recti, hominem non notant, infamiaque maculant, nisi id expresse iura definiant, iuxta Piaſecium prima parte praxi cap. 1. art. 5. num. 2. quibus præmissis sit

Assertio prima, Infamia omnis tam iuris, quam facti qui laborat, ut irregularis, à sacris est ordinibus, eorumque vsu semonendus, tam decreto Concil. Tolet. 4. can. 18. Stephani Papæ in epist. prima ad Hilarium cap. 1. Greg. I. in cap. omnipotens 4. de accusationibus, quam communi Doctorum sensu Nauar. cap. 27. num. 104. Sayri lib. de censur. cap. 9. Suar. de censur. disp. 40. sect. 2. Sanch. in opuscul. lib. 6. cap. 3. dub. 5. nec enim decet hominem sine re, sine nomine, vita & moribus turpem, honoris summi, qualis est Clericorum, fieri participem, quo non nisi viros bonos, non nisi virtutibus claros, ac proinde ut Paulus loquitur epist. primo ad Timotheum capite tertio irreprehensibiles, atque vitæ innocentia, morumque, laicis priores frui oportet, quare cum personis vilibus & indignis potest dignitatis patere non debeant ut est in cap. inter dilectos de excessib. prælatorum, ab infami beneficia Ecclesiæ nullæ acquiri possunt, Abb. in cap. querelam de iure inuando, Couar. 3. resolut. cap. 3. nu. 3. Sane à beneficiis & officiis Ecclesiasticis obtinendis repellit infamia, secundum Garciam parte 6. de benef. num. 41. Thesaur. supra parag. Aduertendum 2. non tamen priuat ipso facto beneficiis obtentis, etiam habentibus dignitatis titulum Garcias supra num. 37.

E Ad hoc autem, ut quis ex facto quopiam suo, maculam nominis contrahat, requiritur primo, ut hæc iure sit ei imposita, & non imponenda tantum, quia lex poenalis non obligat ante iudicis sententiam, secus est, cum infamia hæc, principis voluntate operi estaliciui adnexa, nam tunc iuxta legis exigentiam, hoc ipso quod fit, absque alia iudicis declaratione incurritur: Diana tract. 15. resol. 240. non tamen in Gallia vbi hæc sola iudicis sententia irrogatur, cum cognitione causæ, quæ sola tunc facit rem notoriam

riam & publicam, vt probat Brodeus ad Louetum *litera D. art. 43. ex decretali Gregor. noni decima, de cohabitatione Clericorum, vbi concubinariū publicum in officiis vitandū negat, nisi peccatum eius sit notorium, per sententiam, seu confessionem factam in iure, aut per euidentiā rei, quā tergiuersatione aliqua celari non possit, vt si quis vicinia conscia, concubinam domi suæ perpetuo aleret, Glossa pragmatice sanctionis de concubinariis verbo publica.*

Secundo necesse est vt crimen, cuius causa dicitur quis infamis, sit cognitum, nam sententia communis est, ex occulto nullo crimine, præterquam homicidii, irregularitatem contrahi, ita *cap. ex tenore de temp. ordinat. & cap. vlt. eiusd. tit. Henric. lib. 4. cap. 5. num. 1. Floron. de cas. reserv. parte 2 casu 7. Finellus de cas. reservatione cap. 9. num. 6. & sane magna sequerentur incommoda, si cogetetur, culpæ occultæ rei ac conscii, habere se in numero irregularium, sic enim tenerentur se prodere, & prodendo, facere iacturam suæ famæ, seque iure suscipiendorum ordinum, aut susceptorum vsu priuare.*

Equidem Sodomiam cum occulte exercetur, non inducere irregularitatem, tradit Nauar. *cap. 27. num. 249. Val. to. 4. disp. 7. qu. 19. puncto 3. par. 5. Coninch. de Sacram. disput. 18. dub. 7. num. 50. Dian. tract. 17. resolut. 21. & habetur expresse in cap. vlt. de tempor. ordinationum, ratioque ipsa fauet, quæ enim sunt occulta, non pariunt infamiam, vt ex multis probat Auila de censur. par. 7. disp. 4. concl. 1. quæ doctrina valet in omnibus aliis criminibus, quibus à iure infamia est annexa, ob hæc enim, non debet quis ab vsu, vel susceptione ordinum impediri, nisi in iudicio comprobata, vel alias notoria fuerint, Finell. de casib. reservat. cas. 9. Garzias de benef. to. 2. par. 11. num. 15.*

At enim (inquies) iubentur à Pio V. Sodomitæ occulti, quique voluntate sunt tales, omni officio priuari, & ordine, quod est irregularem esse.

Respond. primo, hanc Bullam receptam non esse quoad forum interius, ita Henric. *lib. 4. cap. 5. num. 1. littera F. Sayr. lib. 7. cap. 12. num. 23.*

Respondend. secundo, Bullam hanc Romæ & alibi receptam non esse, quoad peculiarem hanc circumstantiam incurrendæ irregularitatis, aut priuationis beneficii, ex peccato tantum volito, & non reuocato in actum, cum sit contra naturam, vt quis se prodatur, vt quis iacturam suæ famæ fructu nullo faciat.

Vt autem factum censeatur esse publicum, non est necesse, illud euidens illis esse, quorum respectu dicitur tale, hoc est publicum,

A sufficit quod sit notorium, & ex coniecturis valde probabilibus eiusmodi, quod credi possit, Nauarrus 27. *Enchiridij num. 255. nam fama non est in virtutum euidentiā, (cum multi viri boni nullo suo merito audiant, quibus tamen nihil est in omni genere turpius, vt hypocritæ) sed est hæc in opinione populi, ergo nec infamia facti, facti cuius causa incurritur, euidentiā exigit, sed opinionem tantum vulgi, de eo admissio, à qua factum habet vt probabiliter sit admissum.*

Exigit aliquid amplius Hortadus: nam de Irregular. *disp. 11. difficult. 4. num. 12. asserit, ad incurrendam irregularitatem per crimina, quibus iure non est ipso facto imposita infamia, requiri quod sint notoria, siue confessione rei in iudicio, siue sententia irreuocabili, siue notorietate facti, quando scilicet non sunt ita euidentiā maiori parti vicinæ, aut Collegii, vt nulla possint tergiuersatione celari, vt deducitur ex cap. vlt. de temporib. ordinat. vbi excipitur homicidium, ex quo etiam occulto irregularitas oritur, an autem requiratur ad hanc pœnam subeundam, sententia eius declaratoria, aut criminis facti, propter quod contrahitur dicitur alibi, verba Greg. IX. in decretali citata, sic habent. Respondemus, quod si proposita crimina ordine iudiciario comprobata, vel alias notoria non fuerint, non debent hi, ( præter reos homicidij ) post pœnitentiam, in iam susceptis, aut suscipiendis ordinibus impediri.*

## QVÆSTIO XLVIII.

D Quenam sint crimina ob quæ infamia incurratur.

I Nfamiam, quælibet crimina conciliant, modo enormia, quæq; de positione sunt digna, qualia sunt stuprum virginis, Sodomia, periurium, adulterium, Gregor. IX. *cap. quasitum finali de temporib. ordinationum, concubinitas, diu continuatus, Nauar. cap. 27. nu. 248. homicidium, falsum testimonium, vsuræ vsurarum, sacrilegium, duellum, crimen læsæ maiestatis, persecutio hostilis Cardinalium, & vniuersæ crimina omnia, quæ scandalum creant, quod cum ludendo aleatores faciant, infames appellantur in cap. inter dilectos de excessibus prelatorum, Ebriosi canonē ante omnia canonē Ecclesiæ princeps dist. 25. seditiosi dist. 45. canonē seditiosos, execrantes histrioniam, & artes sordidas, Clementina prima de vita & honestate Clericorum & canonē meritum dist. 23. quæ duo totidem canonibus complexi sunt Galli Antistites, in Concilio Agathensi can. 69. & 70. his ver-*

bis: *Seditionarios, non ordinandos Clericos, sicut nec usurarios, vel iniuriarum suarum ultores, scurras, & verbis inhonestis sonantes, ab officio remouendos Synodus statuit.*

Insuper infames habentur fornicarii cum coniugata canone si Diaconus dist. 50. can. si in aliquo dist. 50. habentes domi suæ ancillas (ut vocant) re ipsa concubinas can. qui in aliquo dist. 52. item qui publice pœnitent canone maritum dist. 55. quod & ab Hormisda sancitum est decreto 1. quod habetur insertum eius epistolis tomo. 2. Conciliorum pagina 535. à Patribus Concilii Epaunensis can. 40. Agathensis sub Symmacho Papa III. can. 43. in hæc verba: *de pœnitentibus placuit observare, quod sancti Patres nostri Synodali sententia censuerunt, ut nullus de suis, Clericus ordinetur.*

Præterea infames habentur qui vxores suas prostituunt, can. si quis vxorem dist. 54. hæretici insuper Conc. Tolet. 4. can. 18. relatum in canone qui in aliquo 5. dist. 51. sed de his postea.

His adiungendi qui duas eodem tempore coniuges, aut cum vna, concubinam habent ad libidinem, cuius scdis irretitus amoribus, ut familiam, ita famam ipse suam, tam suis, quam maiorum præclaris collectam facinoribus, turpiter pessundat, lege cum qui Cod. ad legem Iuliam de adult. lege fin. digest. de his qui not. infam. parag. si vero.

Similiter & infames esse dicimus incestuosos, raptores maleficos, veneficos, de bellis publicis fugientes, & qui facultates Ecclesiarum abstrahunt iniuste, & qui fratres calumniantur, & accusant, & non probant, & omnes anathematizatos vel pro suis sceleribus ab Ecclesia pulsos, &c. 6. q. 1. can. infames 1.

Et quoniam parit omnis culpa, quæ est lethalis, auctori suo infamiam, ut est in epistola 1. Fabiani Papæ ad Orientales Episcopos. & refertur à Grat. causa 6. qu. 1. can. illi qui 3. ideo ob quodcunque peccatum mortale, licet non enorme, irregularitatem contrahi, dixit Hurtadus disp. de irregular. 2. dubit. 4. num. 11. quod non de facto, sed iure, intelligi debet, nam etsi in pœnam patrati alicuius facinoris mortiferi, ea macula, notaque aspergi quis possit iudicis Ecclesiastici, aut ciuilibus auctoritate, eam tamen actu, & de facto, peccando non subit.

Ad hæc infamia quæ ex parentibus redûdat in posteros, aut ab vxoribus in viros, Clericos reddit irregulares, solennis ite pœnitentia, can. pœnitentes dist. 50. can. ex pœnitentibus de quo sicut & de reliquis consulendi sunt Maiolus lib. 3. cap. 2. & 3. Couar. 1. par. Clement. si furiosus nu. 10. Sylu. verbo irregularitas parag. 17. verbo infamia & verbo crimen Petr. Greg. lib. 31. synragm. cap. 29. Henric. lib. 14. cap. 5.

## QVÆSTIO XLIX.

*An crimina, quæ authorem suum infamia iuris inquinant, effectum hunc habeant, cum sunt occulta, & antialia, hoc est, non cognita irregularitatem generent.*

**A** Firmant S. Antonin. par. 3. tit. 28. cap. 6. parag. 7. Sylu. verbo irregularitas q. 14. Suar. disp. 48. sect. 1. num. 17.

Contra pugnant cæteri, negantque, irregularitatem infamiae, quæ iuris dici solet, creari villo delicto, quod ignoratur à populo. E multis exempli causa, paucos hos in medium proferre sufficiet, Couar. lib. 3. resolut. cap. 3. num. 2. Naqar. cap. 27. num. 248. Coninch. disp. 18. dub. 7. nu. 56. Tertio dico, inquit Nauar. quod quacunque enormitas, sine notorietate non sufficit, contra quosdam male iniicientes scrupulos multis Ecclesiasticis, qui enormia delicta, occulta commiserunt.

Tueri se hæc opinio potest, primo, auctoritate Greg. IX. in cap. quesitum finali de temporib. ordinat. vbi habet, suspectos de adulterio, homicidio & falso testimonio, si proposita crimina ordine iudiciario comprobata, vel alias notoria non fuerint, non debere (præter homicidij reos) post pœnitentiam, in iam susceptis, aut suscipiendis ordinibus impediri.

Secundo in cap. is qui de sent. in 6. statuitur, à nullo crimine quantumlibet graui, irregularitatem contrahi, nisi de quo id iura decernunt, at hæc, delicti quod non patet, quod non scitur, quod soli suo auctori est cognitum, meminisse nuspam leguntur, quod et ego crimen occultum est, effectum hunc in admittente, non producit, ut irregularem eum faciat, eo quod per nullum crimen occultum, ut paulo antea diximus, excepto homicidio, aut violatione censuræ, incurritur irregularitas.

Si tamen flagitium, quod iure ipso est damnatum infamia, esset multitudini notum, vel grauium honestorumque sermone damnatum, is notatus esset infamia iuris & facti, iuris quidem, quia hoc habet quælibet sententia, ut per eam factum damnetur, facti autem, quia infamia quæ hoc appellatur nomine, est publica notitia, vel opinio commissi criminis, per quod existimatio hominis apud viros graues læditur, quod in casu præfenti accidit, in quo supponitur, delictum esse cognitum: at ex notitia tam extra iudicium, quam intra, nascitur infamia, quæ est essentialiter in diminutione famæ posita, vnde sic argumentandi, occasio sese mihi tertia offert.

Infamia

Infamia formaliter nihil est aliud, quam A opinionis de aliquo conceptæ decremen- tum, ac imminutio, at hæc non minuitur, aut interit, nisi per admissionem criminis, à quo, de eius auctore male sentiendi mate- riam honestam homines trahant, ac iustam, quod facere prudenter, ac cum ratione non possunt, nisi factum nouerint, ergo occultum latensque, infamiam non parurit.

## QVÆSTIO L.

*Abstergenda Infamia, tollendaque, quis sit modus.*

E Am, cum est facti, mutatione vitæ, eius- demque traductione ad bonam frugem elui, dixit Nauar. cap. 27. manual. num. 204. Alii eam ad rem pœnitentiam sufficere, eamque iustam censent.

De tota controuersia quod meum sit iudi- cium, aliquot enunciationibus docebo.

Prima Enunciatio, *Si crimen cui iure est al- ligata infamia sit occultum, tolli hæc pœnitentia poterit.*

Probat, per quas causas quid ponitur, per easdem & dissoluitur, de regul. iuris regula 1. at delictis ipse suis, quilibet est causa, cur sit ac audiat infamis, maculam hanc ergo, quæ est suo vitio, culpaque sordidus, adimer, si eius causam, hoc est crimen à se admissum lacrymis ac dolore resecat.

Quid si occulta quidem est culpa, sed ne in vulgus emanet, eiusque notitiam, me- tuendi causa est aliqua?

Ego isti auctor essem ut de infamiae irre- gularitate anxius esset, nam si sacris se ad- moueri ordinibus sinat, si magistratu Eccle- siastico donari, aut simplici aliquo benefi- cio, ut isto priuari à iudice, sic & ab Episco- po ordinum ministerio, vsuque interdicti poterit, eo quod ab his suisque dignitatibus ac honoribus, infames repellit Ecclesia, quapropter quisquis est talis, tã conscientie suæ, quã rationibus suis prudenter prospice- ret, si ad sedem Apostolicam supplex acce- deret, suam ut infamiam autoritate qua præstat, abstergat.

Dico secundò, *Cum est infamia iure contra- cta, aut per sententiam Magistratus politici illa- ta, in ea solus Princeps dispensat, cuius authorita- te, huic operi adnexa est infamia, aut irrogata per sententiam Magistratus, quem iuri dicundo subditis suis præpositum esse voluit.*

Ratio est, quod ad eundem pertineat soluere, & ligare, priuare bonis, & ea cum placet reddere exulatum mittere, & in inte- grum restituere, quare non potest Pontifex

infamato ciuilitè, reditum ad honores, magistratus, ac officia concedere, quibus per admissionem criminis excidit, cui pro pœna, adiuncta est infamia à Principe, aut ludicis sententia.

Dico tertio, *In infamia quæ oritur ex crimi- ne, quod iure auctorem suum notat, solus Papa di- recte dispensat, indirecte Episcopus.*

Pars assertionis utraque vera Nauarro est visa, in cap. manual. 27. num. 204. pars eius pri- ma fidem habet tam à decretali Honorii III. cum inferior 16. de maiestate & obedient. quam à ratione, nam quid absolum magis, quam ut inferior superioris acta refingat? leges ab- roget? vel quid rationi minus conionum, quam ut is ius dicat, quem ad obsequendum natura peperit? at Papæ supremum est in omnes imperium, ergo cum inferior superiorem soluere nequeat vel ligare, sed superior inferiorem liget regulariter, & absoluat, & satis absolum videatur, ut filius potestatem habeat in parentem cap. cum inferior citato, mirabile videri nulli debet, si in legibus, quæ autoritate Pontifi- cum de Infamia sunt positæ, dispensare Episcopus directe nequeat, quod ei tamen indi- recte, ac accessorie non est negandum.

Enimvero illegitimis indulgere ei est li- citum, ut ad minores ordines aspirare au- sint, & possint, at sunt hi infames ex dictis proxime.

Quid? quod est in Episcopi iure, dispen- sare super delicto occulto, ex quo iure re- dundat in personam infamia, hoc vero quid est aliud quam accessorie, consequenter ac indirecte infamiam tollere? quare pati mihi veritate, pars hæc assertionis vltima niti vi- detur, ac prima, proindeque in praxi se- quenda.

Dico vltimo, *Infamiam quæ facti dicitur, abstergi factis oppositis, hoc est, Vita ad præscri- ptum virtutis composita, quæ, quod errore naturæ aut caca libidine prius est factum, cogitandi saga- citate, morumque excellenti specie emendat, & corrigit, huc tendunt quæ sapienter argu- mentatur Gregor. Papa primus ad Secundum epist. 53. lib. 7. post dignam satisfactionem, inquit, credimus posse redire ad honorem, cur ita vero, ratione reddit, quoniã perditam ouem no- naginta nonem non errantibus relictis in deserto, humero p̃i pastoris, ad ouile reportatam dominus testatur, si ouis perditæ, errans post inuentionem ad ouile humero reportatur, cur post pœnitentiam ab Ecclesia ministeriis lapsus non renocetur?*

Eandem sententiam confirmant Hiero- nymi verba ad cap. 3. Michæ. Animaduerte in presenti loco posse docere aliquem post peccatum si tamen vitæ pristina pœnitentia digna diluerit. Clarissime Agathense Concil. nam in eius canone primo, est, quod cum Clericos qui ob



superbiam de loco moti suo fuerant, *pœnitentia correxerit, rescripti in matricula, gradum suum, dignitatemque recipiant.*

Equidem fuit hoc genus infamie à vita, quæ vitiorum est scdata labe, ut effectus à causa, sunt enim infames, qui pro aliqua culpa notantur infamia, id est omnes qui Christiane legis normam abiciunt, & statuta Ecclesiastica continent 6. q. 1. can. 17 sed sublata causa, effectum quoque cessare necesse est, de appellat. cap. cessante 60. ergo & infamiam, morum conuersione, vitæque in bonam frugem mutatione.

## DE HÆRETICIS.

### QVÆSTIO LI.

*An sint Irregulares.*

**D**ico primò, Tam hæreticos, quam qui eos domi sua recipiunt, ac fœnent, iis fidem adhibent, eos tuentur ac protegunt, irregulares esse, ac infames.

Probat, illo cõmmuni axiomate Canonistarum quòd quodcunque crimen promotum deicit, etiam impediatur promouendum, quod habet Maiolus lib. 1. ca. 2. num. 9. Sed hæresis, prædictos omnes si fuerint Clerici, à suis ordinibus degradatos, sæculari iudicio facit obnoxios, ut statuit Gregorius IX. in Constitut. 3. quæ habetur in magno Bullario, ubi inter cætera statuit, ut si postquam quilibet talium fuerit excommunicatione notatus, à sua super hoc præsumptione non curauerit cessare, ipso iure sit factus infamis, nec ad publica consilia, vel officia, nec ad eligendos aliquos ad eiusmodi, nec ad testimonium admittatur, sit etiã intestabilis, sic ut nec habeat factionem testamenti, nec ad hereditatis successionem accedere valeat, quæ confirmavit Innocentius IV. & omnes deinceps Pontifices, de quorum mente luculenta testimonia extare constat, in titulo de hæreticis, & causa 1. q. 1. can. si quis, & can. infames 17 causa sextæ q. 2. nec sunt hæretici irregulares modo, quia animum errore corruptum habent, sed insuper quia sunt infames, quia excommunicati, quia ab hominum semoti consortio, ad extremum quia non decet eis locum in Clero esse, qui in Ecclesia sedem non habent.

Quæres, An hæc accipiendæ sint de notoriis tantum, an etiam de occultis?

Respondendum, mentaliter hæreticos, ac per se occultos, irregulares non esse, ut dilerte asserit Nauarrus cap. 27. num. 249. de aliis qui sunt tantum occulti per accidens,

A res est dubia.

Sane negat idem author num. 248. erimen quodlibet enorme licet, nisi notorium, irregularitatem inducere, cui astipulatur Henricus lib. 14. cap. 4. num. 6. & probat hoc argumento maxime, quod irregularitas non nisi in casibus expressis iure induci soleat canone is qui de sententia in 6. at canon proferri nullus potest, in quo hæreticus, qui nulli est pro tali notus, dicatur irregularis, quin imo, ut pœnis prædictis subiaceat, denunciatus esse debet, ut Gregorius IX. aliorumque Pontificum bullatum diploma indicat.

**B** Quid? quod canon ex tenore de temporibus ordinationum, habeat criminis occultum si promoueri velit, prohibendum non esse, quod in capite ultimo eiusdem tituli etiam repetitur, dummodo tamen de homicidarum non sit numero, ergo cum iuxta commune pronunciatum, exceptio in non exceptis firmet regulam: homicidii designatio, tam hæresis, quam aliorum criminum, quæ sunt occulta, certa est ab iis, quæ irregularitatem pariunt, exclusio.

Contraria tamen sententia probabilitate non caret.

Primo, quia Ecclesia hæreticos etiam occultos spiritualibus pœnis afficit, ut est excommunicatio.

Secundo, quia in can. Ventum 1. q. 1. venientes ab hæreticis, simpliciter & absolute dicuntur irregulares, canones autem qui publicam huius criminis notitiam requirunt, eam, ut puniri, repellique publice illi possint, exigunt, non autem, ut non sint in animo suo irregulares, & si resipiscunt dispensatione non egeant, quod autem in cap. ultimo de temporibus ordinationum, homicidium tantum excipitur, fit ideo, quod Pontifici quatuor tantum crimina occulta, proposita fuerant non plura, adulterium, periurium, homicidium & falsum testimonium, de his ergo solis cum esset quæstio, quòdnam suum esset iudicium declarauit Pontifex, de hæresi autem quia de ea postulatum nihil fuerat, tacuit.

**D**ico secundò, Non tantum hæreticos, sed & eorum complices, ut aiunt, etiam post factam pœnitentiam, vitæ mutationem, & conuersionem ad fidem, esse irregulares, Nauarrus & Syluester verbo irregularitas parag. 5. Maiolus lib. 5. cap. 46. num. 2.

Ratio est, quod pœnitentia culpam tollat, non pœnam Ecclesiasticam, aut censuras patet ex canone saluberrimum 21. primæ causæ q. 7. ubi hæretici resipiscunt ab hæresi iubentur in magno beneficio habere si adempta sibi omni spe promotionis, perseuerent in quo inueniuntur ordine, hoc est, eo quo sunt antea magno Ecclesiæ

Ecclesiæ in eos beneficio insigniti, stabilitate perpetua maneant, si tamen iterata tinctione non fuerint maculati.

Est hoc vero beneficium, dispensationis gratia, ut patet ex canone conuenienter 4. eiusdem qu. 4. & causa, & 1. q. 1. canone ventum in fine, ubi ne exiguum quidem Clericatus honorem, venientibus ab hæreticis, concedi oportere iura docent, nominatim autem ad primatum est hæreticus inhabilis, docet Maiolus l. 6. cap. 26. num. 6. in fine, verba canonis citati cui initium est, *Ventum est ad tertiam*, sunt ista, *nostra lex Ecclesiæ est*, *Venientibus ab hæreticis, qui tamen illic baptizati sunt, per manus impositionem, laicam tantum tribuere communionem, nec ex his aliquem in Clericatus honorem vel exiguum subrogare*: ita nati parentibus hæreticis, per lineam paternam, usque ad secundam generationem, per maternam, usque ad primam tantum, defensores ciuitatum, vocari ad consilia, esse milites, ad Doctoratum promoueri, aut iudices constitui nequeunt, Fagund. in primum præceptum Decal. cap. 19. num. 3.

Dico tertio, *Hæreticorum tam filios, quam nepotes, irregulares esse, & ad beneficia Ecclesiastica possidenda, obeunda officia publica, iure Ecclesiæ, ineptos videri, nisi hi à quibus sunt nati, ante mortem ad Unitatem Ecclesiæ redierint, idemque de filiis ac nepotibus, tam credentium, quam receptatorum, & defensorum hæreticorum, dicendum esse nonnulli tradunt, idque usque ad secundam lineam tam paternam, quam maternam: ita Bonifacius VIII. confirmans Innocentii statutum, & Alexander in capite statutum 2. de hæreticis, Fredericus Imperator in lege, quæ est Bullæ Innocentii IV. inserta, cuius initium est cum aduersus hæreticam, idque valet siue fuerint denunciati, siue non, quia Extraneus ad euitanda, non fauet reis, aut eorum familiis, notandum tamen pœnam hanc inhabilitatis ad honores, & dignitates Ecclesiæ, ad eos pertinere tantum, quorum parentes vere sunt hæretici, aut tales mortui, ut habetur in cap. statutum citato, his verbis hoc sanè de filiis & nepotibus hæreticorum, credentium, & aliorum eiusmodi, qui tales esse, vel tales etiam decessisse probantur.*

Notandum secundo, etsi admodum sit probabile, quod lib. 14. c. 4. n. 3. Henricus asserit, si occulta fuerit hæresis, aut in natione infecta hac lue, pater in ea decesserit, filium si sit absque nota infamiae non videri irregularem esse, cum factus erit Catholicus irregularitate quæ suâ ex eâ trahit originem, eâ tamen vitare huc non posse, quam hæresis primo & per se inducit, licet occulta sit, in quorundam sententia, quin imo extat de-

Pars secunda.

Acretû Pauli IV. Greg. XIII. quo quibusdam in locis, hæreticorum filii, usque ad quartam generationem excluduntur ab ordinibus, officio gubernandi, & prædicandi, & si in illo sint, deponuntur, licet per lineam femininam descendant quod duntaxat de his intelligitur quorum parentes per sententiam publicam condemnati sunt ac puniti, ut ait Nauarrus lib. 5. conciliorum titulo de hæreticis concilio 22. filius tamen ante crimen hæretici patris natus, quem in pertinacia sua fœde constantem, mors infelix occupauit, quorundam opinione non est irregularis, ut ait Henriquez loco ante citato, quare.

Notandum tertio, hæreticorum filios, absolute & simpliciter, infames non esse, Menochius volumine 4. consil. 888. Sanctar. tract. de hæresi cap. 25. num. 12.

Ratio est, quod nemo pœna affici irregularitatis debeat, quæ non sit in iure expressa cap. is qui de sent. in 6. atqui pœna infamiae nulli reperitur imposita hæreticorum filiis, sunt quidem inhabiles ad officia, & beneficia Ecclesiastica, non tamen ad testandum, & accusandum, ut ait Fagund. proxime citatus, quam tamen capacitatem excludit infamia, quæ est talis absolute, & simpliciter, cum est hæresi coniuncta ut est in can. non potest 2. q. 7. & cap. testimonium & ca. licet de testibus.

## QVÆSTIO LII.

An Apostata sint Irregulares.

Dico primo, *Apostatas à fide quantumvis pœnitentes, irregulares esse.* Probant, id Pontificii canones, ac decreta, nam hoc ipso quod edocent, eiusmodi hominum generi, esse ad ordines necessariam dispensationem, consequenter quoque supponunt eos irregulares esse, quod ipsum diserte quoque asserunt Syllu. verbo irregularitas q. 5. Ver. apostasia n. 2. Soto in 4. dist. 25. q. 1. art. 3. post quartam conclusionem, Tabienus verbo irregularitas 4. num. 8. Felici. verbo irregularitas ca. 7. in fine Maiol. lib. 5. cap. 34. & Caiet. verbo apostasia, ibi enim apostatam à fide, in excommunicationem reliquasque hæreticorum pœnas, in quibus est irregularitas, incidere asserit. Verum cum Apostatarum varia sint genera, diuersique peccantium gradus, ita & diuersa irregularitas, qui fidei Christianæ propter iustum timorem, remisere nuntium, si erant Sacerdotes cum iis dispensare Papæ solius erit, ut est in can. Presbyteros dist. 50. si vero Diaconi, aut his dignitate inferiores Clerici, vel laici, eius-

VVu

*suadente.* Addit Sylu. loco cit. eum qui primam censuram & beneficium habet, & re-  
tento beneficio, habitum & propositum  
Clerici deponit, mortifere peccare, esseque  
vere Apostatam, consequenter irregula-  
rem, quod tamen non satis probat Maiolus,  
qui huius est opinionis auctor.

De Schismaticis eadem ferme omnia, quæ  
de hæreticis sunt dicenda, cum vt plurimum  
sint hæretici, & sæpe decreta, contra vtros-  
que sint lata, vt causa 24. q. 1. & 1. q. 1. can. om-  
nis cuiuslibet, vide & cap. 1. & 2. de Schismati-  
cis & Maiolum lib. 5. cap. 46. num. 4.

## QVÆSTIO LIII.

*An hæretici sint irregulares ante sententiam  
iudicis declaratoriam.*

**S**ensus est an in foro conscientie, & ipso  
facto, hæretici sint ad officia, & benefi-  
cia publica obtinenda inhabiles, ante sen-  
tentiam iudicis.

Cuiuspiam videri posset, nullo iure, neces-  
sitate imponi iudici, ferendæ contra hæ-  
reticum sententiæ, ac declarandi criminis,  
cuius acerbitas, viam ei omnem ad honores  
Ecclesiæ præcludit.

Primo, quia sententia declaratoria tan-  
tum exigitur, cum irregularitas iure non  
incurritur, at communis est opinio. Azor.  
parte 1. lib. 8. ca. 11. q. 15. Rodrig. in additionibus  
ad Bullam cruciatæ parag. 13. Farinacii tract. de  
hæret. q. 182. num. 7. o. Reginal. lib. 3. prax. trac.  
3. c. 15. num. 193. hæreticos iure ipso irregula-  
res esse, ergo, &c.

Secundo, pœnæ quæ in priuatione rei cu-  
iuspiam spiritualis sunt positæ, hominem vt  
afficiant, sententiam iudicis non postulant,  
vt planum est in excommunicatione, & sus-  
pensione, quæ quia ipso facto incurri iuben-  
tur, illico, ac est commissum in legem, vim  
suam in nocentem exerunt, at habet ir-  
regularitas omnis, priuationis instar, non  
actionis, cum sit inhabilitas ad ordines, eo-  
rum vsum ac beneficia, ita Suar. de fide disp.  
11. sect. 5. num. 4. à Castro lib. 2. ca. 5. de Rass.  
singulari 81. Aragon. 22. q. 11. art. 3.

Quibus habeo quod opponā primo, quod  
infamia, à qua habent hæretici, vt sint extra  
regulam, hoc est, irregulares, ordinumque  
ac Magistratuum in Christi Ecclesia incapaces,  
quod infamia (inquam) sit in famæ, ac  
opinionis iactura posita, quam quis in homi-  
num animis de probitate sua ac moribus be-  
ne viuendo impresserat, at sicut hæc, isti non  
perit, ita nec illis bona de aliquo concepta o-  
pinio, quandiu est eius crimē occultum: ergo

**A** declarandum, ne sine causa, ac contra fas, &  
æquum, beneficiis, ac honoribus publicis  
excludi videatur: Infamia enim in facto, &  
actuali aliorum notitia est posita.

Secundo, etsi iure bonis sit suis exutus hæ-  
reticus, iis tamen decedere, ac abire non te-  
netur ante sententiam, ergo nec se pro infami  
gerere, quandiu talis esse nescitur, acce-  
dat ergo ea de re sententiæ, est necesse,  
quam declaratoriam communiter nomi-  
nant.

Huiusque sunt opinionis Simanc. de Cathol.  
institut. tit. 9. num. 205. Farinacius de hæresi qu.  
289. num. 56. Sanch. to. 1. Decal. lib. 2. cap. 26.  
volunt enim hi authores, hæreticum quan-  
diu de eius crimine certum nihil habet po-  
pulus, infamem non esse.

Est vtraque sententia tam Doctorum  
pondere, quam ratione approbanda.

## QVÆSTIO LIV.

*An beneficiis suis abire eaque ante sententiam  
relinquere hæreticus debeat.*

**I**Ta ne existimem persuadent argumenta  
sequentia.

Primum, pœna Ecclesiastica nulla hominē  
re possessa priuās, siue illa tēporalis sit, siue  
mixta, infligita etiam ipso facto, vel iure, locū  
habet in conscientia ante iudicis senten-  
tiam, vt affirmant Summistæ verbo assassi-  
nus & verbo pœna, Suar. lib. 5. de legib. cap. 8.  
num. 5. quam eius solius opinionem non esse,  
sed Doctorum omnium, tam ciuilis, quam  
Canonici iuris interpretum, docet Azor. to.  
1. lib. 5. ca. 7. q. 1. & 3.

Quare magnum est discrimen inter pœ-  
nas Ecclesiasticas mere spirituales, vt sunt  
censuræ, & irregularitates, pœnasque alias  
temporales, vt est summa pecuniaria, &  
mixtas, cuiusmodi est priuatio beneficii, vel  
suspensio ab eo, nam illæ id est spirituales,  
incurruntur ipso facto etiam in conscientia,  
quando infliguntur ipso iure, sed non pœ-  
næ mixtæ, vel temporales, nisi sequatur sen-  
tentia, ergo cum carere beneficio, eo spoliari  
& excidere, pœna sit mixta, non spiri-  
tualis purè, eius subeunda nulla est ante iu-  
dicis imperium, sententiamque necessitas.

Secundum, si beneficiis excidit, officiū-  
que hæreticus ipso iure, quæro, quo maxi-  
me? diuino? at in instrumento tam veteri  
quam nouo nulla eius rei fit mentio, natura-  
li? at nulla est necessaria inter fidem, offi-  
ciaque fori tam ciuilis, quam Ecclesiastici  
connexio, nam etsi Christiana fide infor-  
mata humana ratio, hæreticis imbutum, et

toribus hominem, Ecclesie Magistratibus, A  
eiusque bonis remouendum dicit, ut tan-  
tis honorum fastigiis imparem, iis tamen  
vere, ipsoque facto spoliatum esse, non in-  
dicat, cum natura ad ea quę sunt nobis cum  
gentibus communia se extendat, non vero  
ad ea quę sunt in se diuina, aut ad ea ordi-  
nem habent, ut beneficia. Non Canonico  
similiter, quę enim lex, quę sanctio, quę  
Pontificum decreta, hæreticum vnquam di-  
xerint, iure, factoque priuatum esse benefi-  
cio sibi collato, antequam fidem diuinam  
dedisceret, nouam imbiberet, non constat,  
& si quę extarent, iudicis tamen senten-  
tiā non excluderēt, cū qui canō fieri aliquid  
ante sententiā præcipit, aut ea non requisita,  
ante eam tamen non obliget, argumento est  
*can. 1. de homicid. in 6. nam ibi pœna deposi-*  
*tionis à beneficio, ipso facto imponitur, &*  
*additur nullatenus alia requisita sententia,*  
*& tamen in eodem canone excipitur decla-*  
*ratio facti seu criminis, Postquam, inquit ca-*  
*non, probabilibus istud constiteris argumentis.*

Ratio est, quod in canonibus aliud signi-  
ficet sententia proprie loquendo, & aliud  
declaratio criminis, ergo licet dicatur in ca-  
none, *absque alia sententia*, non propterea  
excluditur declaratio criminis, seu senten-  
tia declaratoria, quare hæreticum ipso facto  
non amittere beneficia, officiaque, quibus  
ante lapsum sui in hæresim instructus erat,  
sed his per sententiam priuari posse, à die  
commissi criminis, docent Sanch. *to. 1. Deca-*  
*log. lib. 2. cap. 26. num. 1. Suar. de fide disp. 21. sect. 5.*  
*num. 16. Fagund. in primum præceptum Deca-*  
*logi lib. 1. cap. 18. num. 10. nec similiter posses-*  
*sionem amittit, ut planum est, ex can. 28. li-*  
*cet Episcopus de præbend. in 6. nam ibi habetur,*  
*eum cuius beneficium iure vacat, vel etiam*  
*alteri est collatum, non posse sua possessione*  
*spoliari, nisi audiat, & nouus institua-*  
*tur processus, de iure possessionis.*

Potest tamen ante eam impetrari, & con-  
ferri alteri, quia à die commissi criminis va-  
cat, nam ut est *in decretali 2. Alexandri tertij*  
*de hæreticis in 4. facta ei de beneficio collatio,*  
*aut ad illud, officiaque publica promotio,*

nulla fuit ac irrita, *Hæretici, inquit canon,*  
*proximè nominatus credentes, defensores eorū,*  
*ipsorumque filij, vsque ad secundam generatio-*  
*nem, ad nullum Ecclesiasticum beneficium, seu*  
*officium publicum admittantur, quod si secus fa-*  
*ctum fuerit, decernimus irritum & inane.*

Non potest tamen eius possessio illis eri-  
pi, nisi per sententiam, Lessius *lib. 2. capi-*  
*te 29.*

Ratio est, quod beneficiarius duo in sua  
prouisione iura capiat, titulum beneficii sci-  
licet, & inductionem in possessionem actua-  
lem, realem, & corporalem, at hæreticus, B  
cui, antequam Christiana fides ei nulla esset,  
aut dubia, à Papa est aut Episcopo collatum  
beneficium, neutrum perdit, non titulum  
quia ei non aduersatur hæresis, cum hic in  
fide non fundetur, sed in Episcopi collatio-  
ne, facta idoneo ac capaci, qualis fuisse hic  
supponitur, cum inter beneficiarios, supe-  
rioris indulgentia locum sibi reperit, quę  
causa est, cur si resipiscat, si errorem depo-  
nat, Caluini que aut Lutheri pestifera dog-  
mata eiuret, ac euomat, beneficium sibi  
suum retinere tuta conscientia nulla noua  
collatione facta, aut prioris confirmatione C  
postulata, valeat, Suar. *de fide disp. 21. sect. 5.*  
*num. 16. Fagund. in primum præceptum Deca-*  
*logi lib. 1. cap. 18. num. 10. nec similiter posses-*  
*sionem amittit, ut planum est, ex can. 28. li-*  
*cet Episcopus de præbend. in 6. nam ibi habetur,*  
*eum cuius beneficium iure vacat, vel etiam*  
*alteri est collatum, non posse sua possessione*  
*spoliari, nisi audiat, & nouus institua-*  
*tur processus, de iure possessionis.*

Et quia quisquis beneficii possessionem  
retinet, titulum eius quoque coloratum ha-  
bet, ut ait Lessius *lib. 2. cap. 29. num. 65. & 64.*  
hinc est, quod hæreticus eius sibi fructus  
vindicare, illosque si officium expleuerit,  
retinere omnes, ac exigere valeat: Fagund.  
*lib. 1. cap. 18. num. 13. quia eius verus est posses-*  
*sor ac dominus, Suar. loco cit. nu. 19. resigna-*  
*re ergo illud ipsum similiter, ac permutare*  
*potest, quandiu eius erimen per sententiam*  
*non declarabitur, Declarato autem, inquit*  
*Fagund. retrohabetur ad diem commissi criminis*  
*sententia, factaque per hæreticum resignatio, aut*  
*permutatio beneficii, ab eo die nulla pronunciabi-*  
*tur, & ut resignatum autoritate iudicis au-*  
*ferri resignatario poterit, conferendum al-*  
*teri, Sanch. tomo 1. Decal. lib. 2. cap. 26. num. 9.*  
*Azor. to 1. lib. 8. cap. 13 q. 8. ita & compermut-*  
*anti ad suum, hoc est hæretico traditum, ut*  
*eius haberet, autoritate propria redire in*  
*conscientia est licitum, quia cum eius capax*  
*non esset hæreticus, à compermutante ad*  
*illum, transire beneficii dominium non po-*  
*tuit, ergo penes permutantem remanet, ad*  
*eum*



eum ergo quasi postliminio redibit sua sponte, hoc est sine Episcopi aut alterius collatoris noua voluntate, ac collatione.

## QVÆSTIO LV.

*An Episcopus possit dispensare in irregularitate contracta ex hæresi occulta.*

**H**æreticos irregulares esse, non modo quia infames, sed multo maxime, quod à Christi fide, ad errores descuerint ei oppositos, definierunt Episcopi in Concil. Elbertino can. 50. his verbis: *Ex omni hæresi, qui ad nos fidelis venerit, minime est ad Clerum promouendus, & si qui sunt in præteritum ordinati, sine dubio deponantur, sanxit eorum exemplo Gregor. I. in can. nos consuetudinem dist. 12. ne qui eiurata hæresi Episcopus ad Christiana sacra redierat, Cleri suffragio, ad primum vocari posset, causa autem prima q. 7. can. saluberrimum 21. statutum lego, vt qui ad Catholicam fidem reuerti ambiunt, in magno habeant beneficio, si adempta sibi spe omni promotionis, in quo inueniuntur ordine, stabilitate perpetua maneant, si tamen iterata tinctione non fuerint maculati.*

De hoc ergo genere hominum quaeritur, an cum sunt occulti, cum Deo soli cogniti, Episcoporum singulari erga eos pietate, in pristinum honorem restitui, ac ad sacros ad moueri ordines, iure quam optimo valeant.

Qui eosdem reconciliari Ecclesie, ac per Episcopos absolui posse negant, in eorum iure esse non putant, dispensare cum illis, quando in hæresim, occultam licet ac latentem, labi eos ac ruere contigit.

Eius sunt opinionis Suar. to. 5. de censur. dist. 43. sect. 1. Bonac. de censur. dist. 7. q. 3. par. 6. num. 11. Rodrig. to. 3. cap. 183. num. 5. Quia Episcopo (inquiunt) remittere hæresim occultam, eamque condonare hoc tempore per Bullam cœnæ, non est licitum, eo quod facultas quæ illi à Trid. sess. 24. cap. 6. ad eam rem concessa fuerat, omnis voluntate Pontificis euanesceat, cum quot annis eam in promulgatione prædictæ bullæ inanem vult esse, ac nullam, multo ergo minus, fas ei est futurum (inquiunt) in irregularitate, contracta ex hæresi occulta dispensare.

Contraria mihi sententia, vt longe priori vero propior placet, quam sunt secuti Garzias de beneficiis to. 2. par. 11. cap. 10. Sanch. lib. 2. Decal. cap. 25. num. 18. Viuald. in candel. de irregul. Fagund. lib. 1. de præcept. cap. 17. Farinacius de hæresi q. 192. num. 79.

Ratio est, quod legis, qua poena nocenti

imponitur, verba stricte explicari debeant, ac proprie, eiusmodi est, quæ facultatem Episcopis adimit, absoluendi ab hæresi, etiam occulta, ergo cum absolutio à dispensatione differat, priorisque tantum fiat in bulla mentio, non posterioris, ab vna facta ad aliam illatio, non valet.

Secundo minus est dispensare quam absolvere, cuius rei est hoc argumentum, quod cum forum animæ Abbatissæ non teneant, nam constat eas peccata monialibus non remittere, cum iis tamen ex causa, quoties res tempusque exigunt, in statutis ordinis dispensant, ergo etsi Episcopis absolvere de hæresi latente, nec cognita, iura non permitterent, illis tamen, quod est in eius dispensatione liberali ac gratuita fieri consuetum, non prohiberent.

## QVÆSTIO LVI.

*De Irregularitate quæ ex defectu corporis nascitur.*

**I**rregularitas quæ nascitur ex defectu corporis, ad has reuocanda causas videtur.

Primo, ad eam quæ ex absente eius pulchritudine oritur, aut quæ ex deficiente membro, ad pulchritudinem enim tria faciunt, secundum Diuum Thomam 1. parte q. 39. art. 8. in corpore, integritas membrorum, eorum cum reliquo corpore, & inter se proportio, postremo claritas, quare ex horum, aut omnium, aut singulorum defectu, deformitas nascitur, cuius iudicium demandatur Episcopo, vt statuatur eane sit tanta, quantum oportet, vt faciat irregularem, Nauar. cap. 27. num. 200. Henriq. lib. 14. cap. 8. num. 1. Syluester verbo corpore vitiatus num. 2. qui etiam addunt Prælato regulari, aut Confessario id non competere, Prælato autem in id incumbendum esse, vitum vt se præstet iniis repellendis ab ordine, quos casus, aut errans natura deformes fecit, ne decorem domus Dei, non satis dilexisse pro rei dignitate videatur, qua de re consulendi sunt hi canones, can. hinc etenim dist. 49. can. nullus penitentem dist. 55.

Tertio, irregularitas quæ ex defectu corporis incurritur, ad inuoluntatem, seu sanitatis priuationem reducitur, cuius, vt aliarum duarum, est hoc fundamentum, quod cum eiusmodi defectu, exerceri ordo susceptus nequeat, sine scandalo, & offensa spectantium, vt recte notauit Corasius part. 3. de beneficiis cap. 6. quæ vt melius intelligantur, ad certas conclusiones sunt reuocanda.

Assertio prima, Omnis defectus membri

*functionem ordinis impediens, aut notabilem deformitatem inducens, iure diuino, & naturali, cum in quo est, reddit irregularem.*

Patet ex distinctione 55. vbi cum in genere, corpore vitiatos, iura Ecclesiastica à sacris officiis arceant, multo magis destitutos membris, ad functionem sui ministerii necessarios, pro quo faciunt, canon primus de corpore vitiatis & penultimus eiusdem tituli, deinde ratio, nec enim hi, quibus pars aliqua corporis deest spectabilis, possunt defūgi sacris ministeriis, sine magna indecentia, populi-que nausea ac stomacho, vt habet canon qui in aliquo dist. 51. & canon primus de Clerico egrotante, proindeque nec possunt esse beneficiarii, maxime cum cura, quia beneficium officii causa datur, ex capite finali de rescriptis, ac orbatu membro aliquo, ad præstationem suæ provinciae, nequeunt viles esse Ecclesiae, eique deseruire Clericorum more, & quia cessante causa, cessat quoque effectus, canone cessante 6. de appellationibus, ideo vbi horro-ri non est aut scandalo membri additio, aut defectus, cessat irregularitas, quare leprosus inter leprosos, Æthiops inter Æthiopes, ritè ordinatus, celebrare sine culpa potest, Maiolus lib. primo cap. 131. in fine cui subscribunt Henriquez lib. 14. cap. 8. num. 3.

Dixi *functionem impediens*, irregularitas enim impedimentum est suscipiendi ordinis, aut in suscepto ministrandi, ergo si membri priuatio, functionem hanc non impedit, irregularitatem non pariet.

Excipit Nauarrus cap. 27. num. 200. parag. septimo dico: casum in quo Clericus, culpa sua, id incommodum à susceptis ordinibus pateretur: nam tunc (inquit) ad eorum executionem, quibus est initiatus, & ad quos est habilis, accingere se potest, & nō ad alios, respectu quorum est irregularis, ob inhabilitatem ad eorum exercitium.

Sed contra primo, quia inferiores ordines referuntur ad Sacerdotium, ergo si istius non est quis capax, nec ad alios futurus est ordines idoneus, dare hic tamen operam confessionibus audiendis poterit.

Secundo, non est potior vnus quam alterius ratio, nec collatio ordinis ad vnum fuit ipsius officium, & non ad alterum, ergo qui ob impedimentum exercendi aliquod officium ordinis, ab eius susceptione arceatur, simpliciter censendus est prohiberi ab omnibus.

Tertio, quia in eo qui sponte, aut culpa sua, defectum patitur, cessat omnis excusatio.

Assertio secunda, *Quicumque monstruosa feditate est natus, ut si caret pede altero, si iusto minor est, ut Pigmæi, si gibbosus, si cornua ha-*

*bet in capite, vlcus in facie perpetuo fluens, etiam sine ulla sua culpa, est irregularis, secundum Maiol. lib. 1. cap. 13. Nauarrum Enchiridij 27. num. 200.*

Ipsaque praxis Ecclesiae, & ratio indicat, habet enim indebita quantitas in defectu, aut excessu indecentiam, statu Clericali non satis dignam, quare monstris affines, vt Gigantes & Pigmæi, à sacris sunt exclusi ordinibus, Maiolo teste.

Assertio tertia, *Non modo notabilis deformitas ex defectu membri præcipui in corpore, sed mediocris quoque, ex priuatione occultæ partis, non necessaria ad vsum ordinum proueniens, cum irregularem efficit, cui hæc cum peccato aliquo suo accidit, Couarruias in Clementinam si furiosus parte 1. num. 5. Valentia 10. 5. disp. 7. qu. 19. puncto 3.*

Pars prima probatur, quæ horrorem spectantibus faciunt, aut sine magna exerceri indecentia nequeunt, hæc cum in quo sunt, irregularem reddunt, eiusmodi est haud dubie deformitas insignis, aut alia similis ex membri priuatione nata, vt innuitur in cap. 1. de corpore vitiatis non ordinandis, ergo, &c.

Pars altera similiter est certa: Enimvero constat à iactura virilium, celebrationis sacerdotum impedimentum nullum obici, cum his vacare Eunuchis liceat, cum natura, aut absque aliqua sua culpa, sunt tales, Eunuchus enim, inquit canon 21. Apostolorum, si per insidias hominum factus est, vel si in persecutione, eius sunt amputata virilia, vel si ita natus est, & est dignus, efficiatur Episcopus, & tamen Eunuchis ad ordines aspirare, est lege Ecclesiae prohibitum, si in se, infesta se-ruierint dextera, ea se parte truncantes, à qua habent vt sint Eunuchi: eius rei testis canon Apostolorum numero 22. his verbis: Si quis abscidit semetipsum, id est si quis amputauit sibi virilia, non fiat Clericus quia est suus ipsius homicida, & Dei conditionis inimicus, hæc canon in quam sententiam scripti sunt canones alii plurimi dist. 55. vt canon si quis pro aegritudine 9. canon Eunuchus 8. canon si quis abscidit 4. & canon qui partem 6. qui omnes legi possunt apud Gratianum loco citato: Eodem quoque pertinet can. 1. dist. 3. vbi ad sacros Clericorum ordines admittendus esse non dicitur, qui semetipsum quolibet corporis sui membro, indignatione aliqua, vel iniusto, vel iniustorum more superatus, truncauerit, quam id vero iuste statuerint, ac prudenter Romani Pontifices, indicant argumenta sequentia.

Primum pœna culpam sequitur, ergo si membrum erit amissum eius culpa, qui co-est priuatus, pœnam peccantium subire eum est necesse, at hæc est irregularitas.

Secundum non magis licet vim sibi inferre

ferre quam alteri, sed illata tertio, membri cuiuslibet amputatione, irregularitatem inferenti conciliat, ergo & sibi, quisquis abscissione partis cuiuslibet, etiam occulte, vim facit, irregularis erit.

Dixi cum peccato, quia aliunde orta deformitas, ut ex inuauetudine, non est irregularitati coniuncta, maxime si est leuis, aut operata vestibus, Rebuffus *parte 1. praxis titulo de dispensatione in corpore vitiatum num. 150.* aut si parer, si cernitur, modica tamen est, quo de genere est, habere oculos inæquales, & oblique tantum spectantes, aut casu amisisse partem digiti alterius, quam indicis, aut pollicis, vel totum, de parte est canon qui partem 6. de toto canon lator 11. dist. 55. Qui partem, inquit Innoc. epist. 4. ad Felicem cap. 1. relatus à Grat. in citata dist. can. 6. cuiuslibet digiti sibi ipsi volens abscidit, hunc ad Clerum, canones non admittunt, cui vero casu aliqua contigit, dum aut operi rustico curam impendit, aut aliquid faciens, se non sponte percussit, hos canones precipiunt, & Clericos fieri, & si in Clero reperi fuerint, non abiici, in eandem sententiam scripta est decretalis Honor. III. vltima, de corpore vitiatum: Stephani autem ad Rober. Metensem sunt hæc verba: si ita est quod Nortmannus digitum habeat abscissum, ad promouendum (si alius dignus fuerit) nihil ei nocebit.

Patet ex dictis primo, claudicationem eiusmodi, quæ accessum ad altare prohibet, aut incesum in functione ministeriorum, sine subsidio baculi, irregularitatem gignere, sic Nauarrus cap. 27. num. 199. Auila 7. parte disp. 3. dub. 10. Glossa in canonem si quis infirmare dist. 55.

Dixi sine baculo, minor enim claudicatio irregularitatem maxime in Gallia non inducit, quare claudos quibus ingredi facile siue vsu baculi licet, passim & vbique, volentibus Episcopis promoueri sine dispensatione, dixit Rebuffus *prima parte praxis titulo de dispensatione in corpore vitiatum numero 10.* nisi hoc forte paterentur incommodum sua culpa, nam tunc eos irregulares habendos esse Reginal. asserit, lib. 30. tract. 10. estque in canone qui partem sexto canonicæ poenitentibus 3. distinct. 55. & primo tituli de corpore vitiatum ubi parte digiti imminutus sua culpa, & cum infamia (nam in campum descenderat pugnaturus cum hoste singulariter) dispensandus dicitur, ut ei inter ordinatos sit locus: Satis potes, inquit Alexand. III. cap. primo eius tituli post peractam poenitentiam misericorditer cum eo agere, & permittere ipsum in suo ordine ministrare, & in can. 9. distinct. 55. qui sanus, non per disciplinam religionis, ut abstinentia, sed per abscissionem plasmatis à Deo corporis, existimans, posse concupiscentias carna-

les à se amputari, castrauit se, dicitur non admittendus ad aliquod Clericatus officium.

Patet secundo, non modo ab vsu ordinum, maxime Sacerdotii remotos esse, qui gradiendi, aut standi facultates sunt destituti, sed insuper à beneficiis necdum obtentis, quæ ordinem sacrum requirunt, arcendos lege canonica esse, ut sunt præfectura Cœnobitica, cap. exposuisti 6. de corpore vitiatum, Parochia, Corasius 3. parte de beneficiis cap. vltimo num. 5.

Dixi necdum obtentis, quia quibuscumque incommodum post receptos ordines superuenit, hi beneficia retinere iam habita possunt, modo de legitimo iis adiutore prouideatur ab Episcopo.

Patet tertio, cum cui digitus est amputatus in poenam admissi à se delicti, irregularem esse, ut & qui caret naso, & labiis, Nauarrus cap. 27. num. 223. Idque ob deformitatem non exiguam, quæ ex harum defectu partium, à quibus tamen faciei venustas pendet, oritur, similiter cui sine vlla sua culpa, deest digitus, ad frangendam, aut eleuandam hostiam necessarius, ut est pollex, aut index, irregularis est cap. vltim. de corpore vitiatum, hac enim lege dispensandum cum eo, cui ex digito auulsus unguis erat, respondit Honor. eius nominis III. si ad frangendam Eucharistiam esset in pollice ipso potens, eius ergo priuatio, certa est à sacris ordinibus, hominis remotio.

At enim (inquires) non impedit labiorum, ac nasi deformatio, vsu ordinis suscepti, aut susceptionem non habiti.

D Neganda est sequela, tollit enim harum priuatio partium, faciei ac vultus claritatem, cuius defectus parit irregularitatem, D. Th. teste, in dist. 52. q. 1.

Similiter est irregularis, qui aures sunt abscisse, sicut ex communi opinione docet Nauarrus cap. 27. n. 228. nisi capillatura proluxa ac longa, defectum hunc tegeret Auila 7. parte disp. 3. dub. 1. parag. sequitur 2. Coninch. disp. 38. dub. 13. n. 108. irregularis quoque est hermaphroditus, ad sexum virilem minus inclinans, quam scemineum, eo quod characteris sit incapax cum ad sceminam magis accedat, quam virum: Laym. lib. 1. tract. 5. parte 5. cap. 7. num. 1.

E Assertio quarta, Deformitas quæ consistit in priuatione membri, ad Ecclesiasticam munia necessarii, est indispensabilis, quia sicut quæ sunt iuris naturæ, statuta sunt, certa ac mutationis nescia: ita quæ iure diuino sunt omittenda, aut agenda, in nullius sunt iure, præterquam Dei, quæ ne fiant, aut contra, ut omittantur, arbitrato ipse suo, cum expedire iudicat, concedere potest, in ceteris tamen quæ non

sunt eius generis, dispensare Papa potest, ita Sylu. *Verbo casus num. 1. Versu ibid. Henriq. num. 2. Tabiena Verbo dispensatio num. 15. & Verbo corpore Vitiatum num. 2.* quæ assertio probari posse videtur, ex cap. 2. de corpore Vitiatum, ubi Alexand. III. dispensans cum Cisterciensi electo, quod maculam haberet in oculo, mandat Cantuariensi Archiepiscopo *ut cum consilio suffraganeorum suorum, quod exinde visum fuerit exequatur, in quo tibi, inquit, ex maxima dispensatione curauimus providere.*

Idem de truncatis naso, de monoculis, altero scilicet aut fœde maculato, aut eruto, præsertim sinistro, qui ex stylo Romano, dicitur oculus canonis, apud Nauar. cap. 27. num. 199. nisi dexter tali virtute polleret, ut eius ope sine deformi faciei conuersione legi canon posset Laym. supra.

Assertio quinta, *Modica seu mediocris deformitas, ex culpa incurta, irregularitatem generat*, ita Nauar. cap. 27. num. 198. probaturque Alexand. testimonio in decret. prima de corpore Vitiatum, ubi Sacerdos quidam, qui cum alio singulari congressus certamine, digiti partem amiserat, post peractam poenitentiam, facultatem ab Episcopo recipit, ministrandi in suo ordine cum hæc parstanta non esset, *quin sine scandalo celebrare posset.*

Est autem mediocris deformitas, si oculi grandiores sint quàm deceat, si sunt inæquales, si luculenta cicatrix in facie appareat, si os sit distortum, &c. si claudicatio deformis ac magna: Cum Clerico autem ut in ordine suscepto ministrare, aut recipere non habitum liceat, dispensare posse Episcopum indicat hæc Alexand. III. oratio in decret. 2. de corpore Vitiatum: *De macula vero, prædicto Archiepisc. mandauimus, ut cum consilio suffraganeorum suorum, quod exinde visum fuerit exequatur, in quo tibi ex maxima dispensatione curauimus providere in cap. 1. eiusd. tituli* permittit Episcopo dispensare cum Presbytero, qui in duello partem digiti amiserat.

Sunt tamen qui asserant, Episcopo, eiusque ad hanc rem autoritate opus non esse, quod membri abscissio, aut defectus partis alicuius in corpore, ad sacri functionem ministerii non necessariat, irregularitatem non pariat, nisi ratione infamiae, si crimen sit publicum, ac tale quod infamiam generet, ita Henriq. lib. 14. cap. 8. parag. 4. littera C. Sylu. *Verbo corpore Vitiatum q. 2.*

Ita opinandi causam hanc habent, quod ea de re, Pontificia nulla sit sanctio, decretum nullum, ergo cum irregularitas non nisi in casibus expressis in iure, contrahi non soleat, cap. 1. qui de sent. excomm. membri abscissio, cuius usus est nullus ad sacra ministe-

ria, aut eiusdem mutilatio, culpa mutilati facta, non est irregularitati nexa iure communi, quod si hic effectus eam non nunquam consequitur, non illi præcise ascribi debet, sed infamiae, ita Henriq. loco antecit. littera Z.

Assertio sexta, *Leuis deformitas, sine culpa contracta, irregularitatem non conciliat.*

Probatur ex cap. ult. de corpore Vitiatum ubi qui vngue pollicis destitutus erat, ad sacra altaris ministeria admittendus dicitur, si tantum ei virium, ab hoc casu natura reliquerit, quantum diuidendæ hostiæ honestas exigit. *Mandamus quatenus si ad frangendam Eucharistiam sit in pollice ipso potens, & aliud canonicum non obsistat, propter deformitatem huiusmodi non dimittas, quin eum ad ordinem promoueas Sacerdotij, Honor. III. in c. Thomas Monachus citato, mancus ergo dexterae suæ vngula, non est in irregularium habendus loco, quia tantillæ partis defectus in humano corpore, inuenustum nihil habet ac indecens, sic qui mediocre a tergo gibbum habet, qui digitos indicem & medium coniunctos, sine impedimento, qui decentes quidem oculos, sed acie videndi impares, eo quod dexter est obtusus, parumque aut nihil contuens, Pro leui quoque habendum est deformitate, quicquid est ex membri occulti deformatione, aut carentia, turpe ac dissonum in corpore, cuiusmodi est senos habere digitos in pede, aut manū Maiol. lib. 1. cap. 13. nu. 3. Felician. de irregular. 6. Versu habens membra superuacanea, quare eos sibi quemque rescindere posse, sicut etiam dentes, vel vngues nimium prominentes, si inde nullum vitæ periculum imminet, scribit idem auctor.*

Ratio est quod tales partes non sint membra, sed monstra, quare nec eis cui deerunt, mutilatus dici poterit, nec membro vlllo ad corporis perfectionem necessario, mancus.

Dico vltimò, *Eum cui iam ordinato deformitas superuenit ex mutilatione, aut aliter, irregularitatem non ferit, Patet ex can. præcepta 12. dist. 35.* qui est Gelasii ad Palladium Episcop. *Præcepta, inquit, canonum quibus Ecclesiasticar. gitor disciplina, sicut ad Sacerdotium debiles corpore non patiuntur venire, ita & si quis in eo fuerit constitutus, ac tunc fuerit sauciatus, amittere non potest, quod tempore sua sinceritatis accepit, quod est de membris ad Ecclesiastica munia, non necessariis capiendum, quia mutilatio membri, ad sacrum necessarii, diuino iure, & naturali, facit hominem ad id munus inhabilem, primo propter incapacitatem exequendi officii, secundo ob scandalum ex deformitate sequi solitum, quæ etsi culpa careat, ab ordinibus tamen remouet sic enim ex Concil.*



cil. Illerdensi colligere facile vbi statuere Patres, quod si quis in infirmitate positus medicorum incisione elaudus efficitur ad sacros ordines, non promoueat.

Quod si defectus cuiusmodi, post promotionem superueniens, hominem nimis deformem non reddit, exequi officia poterit, ad quæ defectus ipse, nullo est impedimento, ita cæcus, qui litare nequit, aut litanti nauare operam, consentientibus aures dabit, ad populum è superiori loco dicet, nec beneficio abire suo iubebitur, si ipse non fuit in culpa, quia afflictio afflicto non est danda, 7. qu. 1. can. cum percussio, sed Coadiutor ei dabitur, si beneficio ipse suo deseruire non poterit de Clerico ærotante cap. 3.

Quæ sequuntur dubitationem nonnullis minime absanam afferre possunt.

Primum dubium, An surdaster è numero sit irregularium.

Ambigendi causa dux, prima quod non videatur digne Sacramenta tractare posse, quod tamen Clemens in epist. ad Iacobum fratrem Domini 1. exigit tales, inquit, ad ministerium eligantur Clerici, qui digne possunt Dominica Sacramenta tractare, quod facere auribus capui, non nisi ægre possunt, quam enim decore, quam honeste, sacris in altari operabitur, qui ministrum sibi respondentem, nisi magno sonitu vocum eius auribus obstrepat, non audiet? quod tamen ab isto factum quis probet? cum sit vocis istiusmodi contentio insolens, ac noua, de se ridicula, & ad aucupandos spectantis populi cachinnos idonea.

Secunda, præcipit Gelasius Papa primus in epist. 1. ad Episcopos constitutos per Lucaniam ca. 2. Vt si quis ad Clericale officium accedit, etiam de Laicis, antea cta eius vita requiratur, ne sit aliquo facinore infectus, vel illiteratus, vel bigamus, vel corpore vitiatum can. priscis 1. distin. 55. sed surdaster est vitiatum corpore, surdastritas enim (fas mihi sit ita loqui) vitium est auditus, seu aurium, quæ ad corporis integritatem cum pertineant, his laborans, dici iure potest vitiatum corpore, hæc Comitol. respons. lil. 6. q. 55.

At ipse tam rationum, quam Doctorum autoritatem secutus, in contrariam opinionem abeo.

Primo quod cuiusmodi impedimentum toto in volumine canonum, hoc est Ecclesiasticarum sanctionum, nequaquam reperitur, quod tamen esset necesse, si à sacra æ ministeriis, ordinumque susceptione, remoueret vitium auditus, seu aurium: Irregularitatis enim, cum id non est expressum in iure, laqueum nemo incurrit, Bonifac. VIII. in decretalis qui de sent. excom. in 6.

Pars secunda.

A Secundo diuinis præfici Sacramentis, officiisque, qui potest, è numero excerpendus est irregularium vt habet Innocent. III. decretali quæ incipit, ars artium extra de qualitate ordine præficiendorum, sed hæc surdastrum, maxime si eius non sit insigne vitium, sacrorum ordinum muneribus valde incommodans, obire quid vetat? baptizare potest, ægros vngere, ad sacram aram, rem diuinam loco à turbis, populique consortio remoto facere, ac ne respondendo, vocem minister effundat, ei ad altaris cornu cominus adesse.

B Quid? quod sine ministro saltem qui respondeat, sacrificare non sit in vitio, cum est id necesse. Eum (inquit Nauar. lib. 1. consil. 7. & 8. de corpore vitiatum, & post eum Layman. lib. 1. tract. 5. num. 1.) qui post legitimam ordinationem, omnino surdus factus est, secreto sine ministro celebrare posse, est certum, quæ si sunt vera, vt esse, prudenter ambigi nequit, dicendum est ab hoc genere vitii, quod est in auribus, irregularitatem non existere, quod cum eo, sacrorum ordinum munera rite fieri possint, ac decenter.

C Ad argumenta contraria facilis est expeditaque responsio: nam primi neganda est minor, ad id quod de ministro additur, responsuro cum effusione vocis, nec proinde sine eorum cachinno probabili, qui sacrificio intererunt, dicendum est, vitari vtique posse, si aurium morbo, vitioque affectus, seorsim, non palam & in publico sacrificet.

Sumptum est in secundo argumento, ad genus illud irregularitatis quod indecorum appellatur, reuocari vitia, morbosque corporis, eorumque vno aliquo laborare surdastrum, quare

D Respondendum, ex fine minime obscuro legis, & ex mente non dubia Romanorum Pontificum, perspicui posse, surditatem eorum morborum genere non esse, qui à sacra ara, ac ordinibus arceant, cum ad diuina celebranda officia, Sacramentaque ministranda, eum quem afficit, absolute non reddat inhabilem, sed secundum quid tantum.

Dubium secundum, Sitne irregularis qui senos habet in dextera manu digitos.

E Non esse vt sentiam, persuadent argumenta sequentia.

Primum, quod irregularitas ex vitio existens corporis, deformitatem habere debeat, cū impotentia faciendi officii in altari, at numero quinario digitus sextus additus, splendori manus, sacrorumque ordinum muneribus, non incommodat, maxime si is qui est multiplicatus, à pollice, indiceque differat, nam tunc attolli hostia, frangique potest, peræque ac si digiti non essent nisi quinque.

XXx

Secundum, est morbus, ex Galeni sententia, *affectus ladens operationem sicut vitium*, quod virtuti opponitur, quæ est secundum Aristot. lib. 7. *physicorum* textu 17. *quædam dispositio perfecti, interruptio & remotio eorum, quæ sunt secundum naturam*, sed sexti digiti adiunctio ad quinque, manuum opera non tollit, nec in multis impedit.

Quid? quod digitus additus ad numerum consuetum, nihil eorum quæ natura ipsa per se exigit, adimat? quod vim ac robur dexteræ non imminuat? morbo ergo non laborat, ab eo ergo macula irregularitatis timenda nulla, quemadmodum nec deformitatis, cum regi possit, cum abscondi, ne videatur.

Huiusque sunt opinionis Henricus lib. 141. cap. 8. nu. 7. Auila *partes. disp. 13. dub. 1. Campanile in diuersis. iuris Canonici rubrica in cap. 17. num. 103.*

Quod si nihilominus ambigendi locus foret, ecquid ab eo digito corpori deformitas accideret huiusmodi, quæ irregularitatem inuheret, Episcopi super ea re iudicium inquirendum esset, ac sequendum, ut haberetur de corpore *vitiatum*, cui adiungenda Glossa, cum testimonio Doctorum Molinæ de *iustitia* to. 4. tract. 3. disp. 70. Suar. de *censur. disp. 51. sect. 3. n. 16.* Laym. lib. 1. tract. 5. par. 5. cap. 1. n. 5. similiter si de Regulari erit quæstio, deque membri eius deformitate, proprius eius prælatus, modo ab Episcopi potestate exemptus, suisque, commendatitiis ad ordines litteras dare sit solitus, arbitrabitur, secundum Angelum verbo corpore *vitiatum* num. 5. Auila loco citato disp. 3. dub. 2.

## QVÆSTIO LVII.

De Irregularitate proueniente ex morbo corporis.

Sicut deformitas inhabiles reddit ad ordines, propter indecentiam & impotentiam eorum exequendorum, ita & morbus, quoniam vero morbi vitia sunt corporis, plerique hæc, quæ hac quæstione dicuntur, ad idem caput vitiatorum in corpore reuocant, quæ nos distinctionis maioris causa separabimus: morborum porro aliqui ex indispotione cerebri, vel ex alio defectu rationem perturbant, ut contingit in omni amētium genere, siue illi perpetuo, siue ad tempus insaniant, in quibus sunt phanatici, lunatici, furiosi, fatui, epileptici, quibus adduntur arrepticii siue Energumeni, de quibus plerique Petrus Greg. lib. 13. *syntagmatum* cap. 5. & alibi, & Maiol. lib. 2. a cap. 13. ad finem, de qui-

bus vniuerse.

Dico amentes esse irregulares dist. 33. can. *Vsq. adeo si corpore*, inquit, *sanctum aut debilem nequidem sancta contingere lex diuina permittit, quanto magis doni celestis dispensatores esse non conuenit* (quod est deterius) *mente percussos & capite maritum & cap. infames paraghi nimirum omnes 6. qu. 1. à Clericatu arcentur non illi solum qui lucida habent in dementia interualla, sed etiam qui in furorem aliquando versi, insanierunt, vel afflictione diabolica vexati sunt.*

Soto in 4. dist. 25. q. 1. art. 2. concl. 3. ait amētes iure diuino esse incapaces ordinum, quoad vsum & cum grauissimo sacrilegio ludibrio Sacramenti; ac ordinari videtur autem falli Archidiaconus in dictum can. *maritum*, cum putat eum qui lucida habet interualla, posse ad minores ordines promoueri, cum canon simpliciter dicat, non esse ordinandum in Clericum, & ita sentit Maiol. lib. 2. c. 16. num. 16. cap. tamen 16. num. 12. contra sentit de comitalibus, non satis consentaneæ & sine fundamento. nicitur enim textu qui nil cum iuuat, & solus Papa cum eo dispensare potest ut vult Nauar. num. 203. nec tantum hi morbi impediunt promouendos, sed etiam promotos deiciunt, id est inhabiles ad vsum ordinum reddunt, ut patet ex dist. 33. can. *communiter*, & Diu. Thom. 3. parte q. 82. art. 10. ad 3. Vide etiam 15. q. 2. can. *vl.*

Assertio prima, *Qui morbi moraliter curari nequeunt, aut cum insigni vel perpetua corporis deformitate, debilitate animi, imminutione viriū, quæ sunt ad exercendum officium necessaria, vel sunt cum proximorum scandalo coniuncti, hi irregularitatem inducunt*, Ita Nauar. *Enchiridij* 27. nu. 202 Reginaldus & alii: Assertioni fides est à sanctionibus Pontificum Lucii III. de rectoribus 3. Clementis III. cap. *tua nos duxit* 4 Innoc. III. cap. *ex parte tua de Clerico egrotante*, ubi Parochus ob lepram, ab executione susceptorum ordinum remouetur, consequenter à susceptione eorundem, Maiolo teste lib. 2. cap. 18 quare sine Papæ dispensatione, leproso ad ordines aspirare, etiam ut inter sui similes ministret, non est secundum Nauarrum num. 202. licitum. Equidem hæc olim à Clem III. dicta in eiusmodi hominem sententia in decretali tua nos de Clerico egrot. De sacerdote qui diuino iudicio lepra morbo percussus, in Parochiali Ecclesia prælationis officio fungitur, dicimus quod pro scandalo & abominatione populi, ab administratione debet officio remoueri, ita quod iuxta facultates Ecclesiæ, siui necessaria quoad vixerit, ministrentur.

Est huic cōstitutioni adiungenda ratio nēpe quod cum morbi incommodis. nō nisi zgre ac vero etiam sæpe sit impossibile, id cuius causa

causa ordines instituti sunt in Ecclesia, ex-  
qui cum laude, ac est Pontificum decretis ei  
rei coniuncta irregularitas, à qua fit ordini-  
bus eorumque executioni mora. Irregulari-  
tate ergo hi morbi inferent, quibus medici-  
na afferti nulla potest, sic tamē vt si hi, ordi-  
nes præcesserint, eorum susceptionem peni-  
tus impediunt, si subsequantur, eorum vsum  
cui morbus est contrarius, cumque eo incom-  
patibilis.

Notant tamen Diu. Thom. in 4. dist. 9. art.  
4. dist. 9. art. 4. & Tabiena verbo corpore visia-  
tus, leprosis iam ordinatis concedi posse, vt  
inter sui similes, ministerium sacrum obeāt,  
nisi forte manus, inquinata plus æquo aut fa-  
cies eos indignos tali prouincia faceret, Re-  
ginaldus *señtione citata* nu. 55. non tamen pri-  
uatur dignitate sua, nec beneficio etiam E-  
piscopatu, vt patet ex causa 7 qu. 1. præsertim  
cap. de rectoribus & cap. tuam nos de Clerico agro-  
tante, sed eis dandi sunt coadiutores qui eo-  
rum vices agant, redditusque participes  
fiant. Idem sentiendum est de impetigine  
scabieque deformi, ob quæ mala non pare-  
bat olim ad Sacerdotium aditus. maxime si  
erat Herculeæ, quæ vicina lepræ, ex atra bi-  
le sicut & lepra gignitur.

Est similiter irregularis abstemius, cuiusmo-  
di est quisquis vinum sic odit, vt illud sine pe-  
riculo vomitus gustare non nouerit, ratio  
est, quod Presbyter celebrare, nisi commu-  
nicando sub vtraque specie nequeat, canone  
comperimus de consecratione dist. 1. Tabiena  
verbo vinum num. 2. Henric. cap. 8. num. 7.  
Nauarrus cap. 20. num. 240. irregularis est  
item qui sic est affectus, vt commode ac sine  
horrore, Clericalia exercere officia non  
possit, quo de numero sunt etiam paralitici,  
eo genere paralisis, quæ membra sic exte-  
nuat, sic vites, eorumque robur dissoluit ac  
enecat, his vt vti homini nō sit liberum. Eo-  
dem aggregandi, dolore quasi continuo ca-  
pitis oppressi eoque tam graui, vt de mini-  
strandis Sacramentis, diuinis obeundis offi-  
ciis, cogitationem suscipere nullam fructuo-  
sam ac vtilem valeant: hanc enim ob cau-  
sam datur Episcopo à Greg. I. coadiutor in  
canone scripsit primo, & in canone qualiter 12.  
causa septima q. 1.

Sunt his adiungendi, qui podagra laborant  
aut chyragra, eaque tam acuta & acri, quæ  
eos in altari consistere non sinat, vel vsum  
manus habere ad tractationem Eucharistiæ  
expeditum ac facilem, aut saltem non sine  
labore, & scandalo, ob tumorem manuum,  
deformitatem digitorum, eorumque debili-  
tatem: Glossa ad canonem si quis dist. 55. Panor-  
mitanus ad cap. secundum de Clerico agrotante.

## QVÆSTIO LVIII.

Quomodo & per quos tollatur irregularitas.

Dico primò, Irregularitates à Papa tolli pos-  
se, præter quinque, quæ sunt iuris diuini.

Quia vt sacrorum est princeps, vt con-  
dendi iuris Ecclesiastici auctor, ac arbiter,  
ita tollendi cum lubet, ac est irregularitas  
istiusmodi iuris effectus 2. q. 7. can. nos incom-  
petenter, ergo, &c.

Dico secundò, Soli Papæ iure communi ac  
ordinario, licitum esse dispensare in irregulari-  
tate.

Ratio est, quod iura refigere canonica, ea  
mitigare, aut tollere, nemini sit præterquam  
illi concessum, quæ enim agenda sunt cui-  
que, quæ fugienda præstiluunt, eaque aucto-  
ritate, cui ceteræ omnes, vt Episcoporum,  
& Sacerdotum, in procuranda salute com-  
muni populorum, sunt impares. At est om-  
nis irregularitas, iure præscripta canonum,  
vt est in decretali Bonifac. 11. qui 18. de sen-  
tent. excommunic. in 6. tolli hæc ergo ab Epis-  
copis, iure communi ac ordinario non po-  
test.

Dico tertio, Id eos tamen, facere Papæ fa-  
cultate posse, ita omnibus, quos sua virtus, cō-  
secutis temporibus ad gubernacula Chri-  
stianæ Reip. euehet, data est à Concil. pro-  
bante Pontifice, potestas dispensandi super  
omni irregularitate, proueniente ex deli-  
cto occulto, excepto homicidio voluntario,  
cæterisque quæ ad forum sunt deductæ con-  
tentiosum Trid. sess. 24. cap. 6.

Dico quarto, Regularibus plurimis idem in  
hac causa, singulari Pontificum erga eos benefi-  
centia licere, quod Episcopis. Sane constat, Six-  
tum eius nominis quartum, indulgisse Patri-  
bus à familia S. Francisci de Paula, vt con-  
fessionibus sæcularium aurem dare, eos ab-  
soluere à censuris, cumque iis dispensare in  
irregularitatibus, ordinario reseruatis pos-  
sent, Compendium Mendicantium verbo Abso-  
lutio quoad sæculares 2. parag. 20. Vega in sum-  
ma verbo Absolutio casu 44. Quo illi priui-  
legio, si in causa sæcularium, vtendum sibi  
non credunt, quod est modestiæ, possunt ta-  
men, tam concessione dicti Pontificis, quam  
Iulii secundi, à quo, id audere vt possent, tam  
circa sæculares, & Ecclesiasticas personas,  
quam regulares sui ordinis, Pontificio suo  
diplomate significatum esse posteris voluit  
vt scripsit Rodrig. 10. 1. qu. 61. art. 3. Portelius  
prima parte casuum casu 3. quæ eos facultate  
Romæ vt dixit Henric. lib. 7. de indulgent. ca.  
28. parag. 5. an autem ea similiter in Gallia

XXx ij

vti illos cum secularibus expediat, cum periculum scandali, iustæque offensionis Antistitum, aliorum esto iudicium.

Dicere hoc tantum placet, Prælatos regulares dispensare cum subditis posse.

Primo, in mutilatione membri voluntaria, occulta tamen, nec deducta ad forum contentiosum. Rodrig. to. 1. q. 24. art. 10. Portelius *de dub. regularib. Verbo Prælati num. 39.* & *Verbo dispensare num. 6.*

Secundo, per concessionem Eugen. quartæ factam Cisterciensibus, possunt Generales, Ordinis sui professos, Nouitios, ac donatos, semel absoluerè à quacunque inhabilitate, & irregularitate contractis, ante vel post ingressum religionis, etiam Papæ referuatis, ex quacunque causa, dummodo eis pœnitentiam pro modo culpæ imponant salutem, ac vtilem, Rodrig. tom. 1. quest. 20. art. 20.

Tertio dispensant in foro conscientie Regulares cum suis subditis, in omnibus, in quibus possunt Episcopi, Portel. in *addit. ad Verbum Abbas num. 2.* quam facultatem datam à Pio V. Prioribus Dominicanorum, ac Prouincialibus, & consequenter religiosis quibuscumque, qui voluntate Pontificis, iisdem ac illi, communionem quadam beneficii, priuilegiis gaudent, tradit Rodriguez in *Bullario fol. 926.* & Portelius proxime citatus, nominatim autem, hoc est peculiari ac proprio diplomate, fratribus S. Bernardi in Hispania, id permissum esse voluit Gregor. XIII. vt est in eorum *Compendio Verbo Absolutio quoad fratres parag. 11.* per se autem, & non per alios facere id superiores oportere, adnotauit idem qui supra Portelius in *dubii regular. Verbo Prælati num. 2.* & in *addit. ad Verb. Abbas num. 2.*

Quarto dispensant cum suis subditis in irregularitate, quam aborsus animati occulta procuratio, iis attulit, Vega in *summa tom. 2. disp. 15. casu 6.* Villalob. to. 2. tract. 12. difficult. 24. num. 6. Hieronym. Rodrig. in *compend. qq. regularium resolut. 4. num. 6.* & quanquam num. 15. citatæ resolutionis, asserat cum Aloysio Vega, loco adnotato, non modo cum est occulta irregularitas ex prædicto abortu, sed etiam cum est manifesta, notoriaque fratribus in cœnobio, dispensare cum eis Prælatum posse, negant id tamen nec sine ratione ceteri, quod coerceri scelera grandia, quale est præsens, pœnarum acerbitate oporteat, non palpari facilitate ea remittendi, cum aliorum scandalo.

Quinto dispensant in irregularitate, cuius causa homicidium voluntarium extitit, modo occultum. *Compend. mendicant. Verbo dispensatio parag. 24.* Corduba in *commentar.*

*ad eundem parag. Miranda to. 1. qu. 80. art. 10. conc. 2.* Portelius *Verbo abortus num. 10.* Laym. *de irregular. cap. 9. num. 7.*

Ratio est, quod Martinus eius nominis V. vt est in *Compend. Mendicantium Verbo dispensare num. 24.* & apud Rodrig. *tom. 1. qq. q. 24. art. 12.* absolute in Superiorum iure esse velit, dispensare posse cum subditis, in irregularitate nata ex homicidio, at ista voce, quodlibet, id est tam quod casu, quam quod voluntate est admissum, comprehendit est certum. Vetus enim est, verum tamen axioma canonici iuris, cuius etiam fit mentio in *lege non distingue dig. de recept. distinctioni locum non esse, cum eam lex non adhibet, at nulla Martinus est usus, sed vniuersè, à Regularium prælati, subditos suos absolui posse ait, ab irregularitate, cui ab homicidio factum esset initium, ergo tam quod est fortuitum, quam quod voluntarium, vox homicidii in eo priuilegio posita comprehendit, hoc tamen discrimine, quod à voluntario absolui regulares nequeant, nisi cum est occultum, dispensari autem in irregularitate à se incurfavaleat, ex homicidio casuali publico, aut defendendi sui causa admissio, coram & in multorum oculis, Rodrig. to. 1. q. 24. art. 13. *Compend. Din. Hieronymi Verbo dispensare in foro pœnitentie §. 10.* quo in genere, illustre est quod à Paulo tertio Religiosis S. Benedicti vallis Soleti indultum traditur, nempe vt *prima die lune quadragesimæ à singulis eorum peccatis, sententiis, censuris, & pœnis, per eos pro tempore incurfis, etiam in casibus quomodolibet reservatis, (exceptis contentis in Bulla Cœna Domini) absolui à superioribus suis possint, & cum iis super quibusuis irregularitatibus, per eos pro tempore quavis occasione, vel causa contractis dispensare, Rodrig. fol. 807. Bullar. quam potestatem delegare confessorio possunt, tam prædicti superiores, quam quilibet alii, cum iis in eo priuilegio communicantes, quia est iurisdicctio, per Papæ priuilegium habita, ordinaria secundum Sanch. lib. 2. de *matrim. disp. 40. n. 14.* Portel. *de dubiis in additionib. ad Verbum dispensare n. 2.* & *Verbo Abortus nam. 12.* ordinarios autem subrogare sibi certis posse homines, in quos potestatis suæ partem deriuent, notius est, quam vt explicari à me debeat, nisi id priuilegiatis veritum foret, vt prohibuit Pius V. Prouincialib. & Prioribus sui ordinis, nec enim in reconciliandis suis subditis cum Ecclesia per absolutionem censurarum, & dispensationem irregularitatis, in quo tantum eos posse voluit, quantum Episcopis per Concil. est permissum in *sess. 24. ca. 6.* modo id per seipsos, respectiue erga subditos duntaxat, facerent.**

Et quoniam in his quæ conceduntur Episcopis,



copis, per Concilium, suntque Papæ reser-  
uata communiter, continentur sequentia,  
Censuræ eaque numero tres, ex communica-  
tio, suspensio, interdictum, secundo pecca-  
ta reseruata, vt simonia in beneficiis, tertio  
irregularitas, quarto officiorum, vel bene-  
ficiorum iam obtentorum priuatio, quarto  
inhabilitas, qua quis, ob culpam eamque  
grauem, ad beneficia, aut officia obtinenda  
in posterum redditur inhabilis, hæc absolueri,  
aut in iis dispensare similiter ac Episcopi, Præ-  
lati regulares, vi huius priuilegii, poterunt,  
dummodo sint occulta, & non deducta ad fo-  
rum contentiosum, quæ ad re duo sunt necessa-  
ria, primum, vt ad iudicem, saltem per vnum  
testem sint delata, secundum vt hæc reo inti-  
mata sit delatio, nam si non sit intimata illi à iu-  
dice, non dicetur eius delictum, deductum ad fo-  
rum contentiosum, Portel. in addition. ad Verbum  
Abbas & Prior num. 5.

At enim (inquit) inhabilitatis ad bene-  
ficia, & officia non meminere Patres in ci-  
tata sess. 24. Concil. cap. 6.

Respondendum, eam suspensionis nomi-  
ne intelligi, hæc enim lato modo (vt aiunt)  
improprieque sumpta, & interdictum à lo-  
cis sacris continet, Thesauro teste 2. par. pra-  
xis verbo censura cap. 2. & priuationes officio-  
rum, ac inhabilitates, Rodrig. in explicatio-  
ne motus proprii Pij V. de ingressu mulierum in  
Monasteria virorum, quare ad beneficia reli-  
giosi regredi, quibus sunt priuati, & rehabi-  
litari ad officia, quibus iudicati sunt indigni,  
dispensante Prælato suo poterunt.

Sexto dispensant in irregularitate ex in-  
decenti celebratione contracta, vt puta in  
suspensione, excommunicatione, &c. Por-  
telius de dubiis verbo dispensare num. 9.

Septimo Generali, & Provincialibus, per-  
missum esse voluerunt Pontifices, dispensare  
cum subditis in pœnis incurtis ob violatio-  
nem Bullarum Apostolicarum, nisi eas sibi  
specialiter reseruauerint, quare si per eas  
sint prædicti regulares priuati honoribus or-  
dinis, ac officiis eiusdem, eos rehabilitari  
posse per Superiores, post iniunctam fa-  
ctamque condignam pœnitentiam, habent  
Capucinus in addition. ad compendium verbo  
Absolutio ordinaria quoad fratres fol. 27. ex pri-  
uilegio Ministr. infirmorum Rodrig. 10. 1. q. 24.  
art. vlt.

Octauo, dispensant in irregularitate ex  
bigamia similitudinaria, quæ accidit, cum  
Regularis professus contraxit matrimo-  
nium, & cum femina, quanquā non sua legi-  
tima vxore, ob impedimentum voti, tale ma-  
trimonium irritū consummauit Rodrig. loco  
proxime citato art. 20. & in Compendio socie-  
tatis, habetur eius Generalem Præpositum,

A cum subditis in Bigamia per priuilegium ea-  
de re à Xisto quarto datum Carthusiensibus,  
dispensare posse, idem concessum Hierony-  
mitis, vt est in eorum Compend. verbo Or-  
dines sacri parag. 6. Deinde.

Nono, dispensant, cum corpore vitiatas,  
vt promoueri possint ad ordines sacros,  
dummodo defectus non sit notabilis, nec  
scandalum generet, Rodrig. supra q. 3. De la  
Cruz de statu Relig. lib. 1. cap. 6. dub. 17.

Decimo, dispensare quoque prælatos posse  
in vera Bigamia cum suis subditis, imò &  
Confessarios quoslibet ordinis approbatos  
& expositos, tradunt Auila par. 7. disp. 7. dub.  
4. conclus. 8. Henric. lib. 1. de matrim. cap. 6. nu.  
11. in glossa litera Z. idque eis licere aiunt per  
Sixti quinti priuilegium, de quo, & alio Ro-  
drig. in compend. qq. regularium resolut. 16. num.  
14. vbi sic habet.

Nota cum Portel. in additionibus ad dub.  
Verbo dispensare num. 5. quod Prælati Regulares,  
per quandam concessionem Pauli tertii, de qua in  
Bullario, possunt semel singulis annis, prima die  
Lunæ Quadragesimæ, dispensare cum suis subdi-  
tis, in omni irregularitate, quauis occasione,  
vel causa contracta, vbi nihil excipit, neque  
bigamiam, neque homicidium voluntarium,  
quæ solent excipi priuilegiis, unde cum nec lex,  
nec Princeps distinguat, nec nos distinguere de-  
bemus, quæ sententia tanquam pia & probabilis  
potest in praxi teneri. Hæc ille, eam confir-  
mat, à Sixto quarto data per facultas Car-  
thusiensibus, de qua fit mentio in Societatis  
compendio.

Vltimo, dispensant Benedictini Valisso-  
letani, quique eorum priuilegiis fruuntur,  
cum subditis suis, in omni irregularitate,  
quauis occasione, vel causa contractis, in quo non  
limitat, inquit Portel. de dubiis regular. in ad-  
dit. ad Verbum dispensare num. 53. si sit delictum  
publicum, vel occultum, nec excipit bigamiam sed  
in communi ait & absolute, quauis occasione &  
causa contractis, qua concessione cum ab aliquo  
successore (Pauli scilicet III. à quo hoc priui-  
legium fuit concessum prædictis Religio-  
sis) non sit renocata, videtur posse Religiosos vi-  
sicut iacet sine limitatione. Hæc ille.

E

## QVÆSTIO LIX.

An Episcopis dispensare in irregularitate non  
nunquam liceat, & qua?

Dico primò, In Episcoporum iure esse, dispen-  
sare in irregularitate, cui causa est ab homi-  
cidio, per se primo ab inferente non intento, & vo-  
lito, sed casuali. Assertioni huic fides est ab  
auctoritate Nauarri & ratione.

XXx iij

Est homicidium voluntarium, illicita hominis interfectio, intenta siue volita in se saltem æquipollenter, ob aliam causam, & finem, quam vitandæ mortis, Nauar loco citato, tunc autem æquipollenter (vt aiunt) cadit sub voluntatem, quando est intenta in causa, adeo propinqua morti, vt moraliter sit impossibile, eam causam velle, & nolle occidere. Sed Episcopis, quando & quoties est libitum, potestate à Conc. tradita, in Trid. sess. 24. cap. 6. dispensant in homicidio non voluntario, ergo & in eo, quod non ex proposito directo ac formali, sed indirectè tantum & in causa est intentum.

Quæ opinio non est Nauarri tantum, sed Barbosa de potestate Episc. par. 2. allegat. 39. num. 42. Bann. in 2.2. q. 40. art. 2. dub. 4. de la Cruz in direct. 2. de irregul. lib. 9. conclus. 1. Laym. lib. 3. sect. 5. tract. 3. par. 3. cap. 12. num. 2. Henriq. lib. 14. cap. 14. parag. 1. litera N. & parag. 2. litera S. quare dispensare cum iis Episcopi poterunt, qui cum imprudenter, & incaute, mulierem grauidam pulsassent, ei fœtus abigendi causam præbuere, cum iis item, qui cum seruo imperassent, hosti plagas vt aliquas imponeret (hoc tantum) cum tamen è medio iratus sustulit, Nauar. supra num. 40. Similiter & cum eo, qui cum in publicum processisset, ne hosti pavidus videretur, aut irridendi sui, si domo pedem non efferret, populo materiam daret, repente inter eum, & illum exorta rixa, ne eius manu caderet, sua illum occidit.

Ratio est, quod eiusmodi homicidia non sunt simpliciter & perfectè voluntaria, sed ex casuali, voluntarioque mixta, secundum Diu. Thom. 2. 2. qu. 64. art. 8. ergo cum sunt occulta, in indispensabilibus non sunt censenda, cum sub exceptione voluntarii homicidii, cuius à Trident. fit mentio, non sint contenta. Nauar. capite 27. numero 240.

Confirm. fuit olim regularis quidam canonicus, qui ligone furem in capite percusserat, quo ex vulnere, aliisque à circumstante plebe, eidem inflictiis, diem suum obierat, iudicatus ab Innocent. Papa tertio irregularis, eo quod, cum discerni non potest, ex cuius ictu quis interiit, in dubio tanquam homicida, is qui plagam intulit, debeat haberi, & si forte homicida non sit, Sacerdotali tamen officio abstinere debet, cum in hoc casu cessare sit tutius, quam temere celebrare, cap. significasti 18. de homicid. Sed cum eo Sacerdote, dispensandum esse respondet Innoc. in proxime citata decretali, eo quod sine voluntate, animoque occidendi, fossorio ad ictum vsus erat, & quod sine scandalo Sacerdotalis officium posset celebrare. Vera est ergo assertio

A in irregularitate, quæ ex homicidio per se non intento prouenit, dispensare Episcopis licere.

Dico secundò, Idem illis quoque tentare liberum esse, cum est irregularitas ex mutilatione occulta membri, quamuis ex proposito facta, vt declarasse Congregationem Cardinalium, scribunt Hurtadus de irreg. diff. 20. n. 66. Piasecius parte 1. praxis cap. 1. art. 10. num. 7. nam si est publica, remanebit in terminis iuris antiqui, vt dispensari ad minores mutilans possit. Hæc iste, cuius & Hurtadi testimonio addenda est hæc ratio.

Nempe quod Episcopis concessa est irregularitatum omnium dispensatio, præterquam homicidii, bigamiz, & defectus natalium, at ab homicidio, distincta est mutilatio, ergo in irregularitate, qua hæc mutilationem afficit, dispensare poterit Episcopus.

Confirm. dispensare in irregularitatibus omnibus potest Episcopus, excepto homicidio voluntario, at mutilatio non est homicidium, nec pœnalia ex identitate rationis trahuntur ad similia, vt habet Glossa in cap. 1. de temporibus ordination. quare si erit mutilatio occulta, in ea dispensabit Episcopus virtute Concil. & ita nobiscum sentiunt Barbosa de potest. Episc. allegat. 39. num. 40. Homobonus de bonis in examine Eccles. par. 1. tract. 12. cap. 3. q. 10. Tannerus in 3. part. disp. 6. q. 10. dub. 11. num. 129. Gauantus in Enchirid. Episcop. verbo irregularitas num. 108.

Dico tertio, Cum est irregularitati initium ab homicidio occulto, ad propriam defensionem illato, sed cum excessu tamen aliquo, in seruando moderamine inculpatæ tutelæ, tollere eam similiter Episcopo legibus Ecclesie esse integrum. Ita Nauar. cap. 27. summa 240. & consil. 36. de homicid. Laym. lib. 3. tract. 3. sect. 5. cap. 12. Hurtad. de irregul. difficult. 10.

Primo, quia tale homicidium primo & perse non est intentum, nec proinde simpliciter, & absolute voluntarium.

Confirm. cum de Sacerdote consultus esset, Innocent. qui ligone furem in capite percusserat, dubiumque esset an iste tam hoc ictu, quam aliis, ei à rusticana plebe impositis, irregularis foret, respondit in hæc verba: Quamuis vim vi repellere omnes leges, & omnia iura permittant, quia tamen id debet fieri cum moderamine inculpatæ tutelæ, non ad sumendam vindictam, sed ad iniuriam propulsandam, non videtur idem Sacerdos à pœna homicidii penitus excusari, quem tamen ab Episcopo reconciliari oportere Ecclesie, ac reabilitari dixit in decretali 18. de homicid. Vt sic post pœnitentiam, ad cautelam iniunctam, possit in Sacerdotali officio ministrare, quæ sunt ergo de irregularitate ab eo tollenda hic dicta, pro veris

veris sunt habenda.

Confirm. Potest Episcopus dispensare in irregularitate, ex homicidio casuali contracta, ex dictis supra, *Sed homicidium censetur casuale, non tantum quod est indirecte commissum, sed etiam quod est directe commissum, excedendo moderamen inculpatæ tutelæ, & etiam quod est commissum ex subita ira, quamvis directe & plenè voluntarie*, Hurtadus de irregul. difficult. *Ultima num. 66.*

Causa est, quod occidens, primo & per se, necem non querat inuadentis, sed defensionem sui, respectu cuius, mors illata est per accidens. Addidi cum excessu nam quæ clades expers est culpæ, cum nullam inducat irregularitatem, dispensatione non indiget, ut habent decretales duæ, prima Alexand. III. in ca. lator 9. de homicid. Innoc. III. altera numero 13. eiusdem tituli.

Dico quartò, Religiosos parum scientes literarum ac gnaros, & eamobrem irregulares, ad Ordines sacros Episcopo dispensante, aspirare posse.

Ab hac assertionem stant hi viri, non opinione magis, quam re magni: Rodrig. in Compend. 99. regularium resolut. 52. num. 22. Diana de irregul. parte 4. resolut. 74. Peirinus de religiof. Prælat. q. 3. cap. 7. num. 20.

Ratio est, quod cum illi curam animarum non habeant, nec sint habituri, non videtur in iis tanta cruditio exigi, quanta in secularibus, quos administrandis Sacramentis sæpe præfici, Episcoporum prouidentia, curaque est certum. Ego sane, eos à Sacerdotio remouendos non crederem, maxime si dispensatio accedat Episcopi, cum canonem intelligunt, ac rubricas, quæ sunt de Missæ sacrificio, in Missali Pontificum auctoritate positæ.

Peirinus loco citato, & Bariola in Aphorismis litera R. Verbo regulares ad Ordines, satis esse aiunt, si legere norint & canere. Ac si cum iis dispensare Episcopi noluerint, sufficit eos à Prælatiis suis mitti cum literis, quibus doceatur à se examinatos esse, idoneaque ad ordines literatura instructos videri, Diana par. 2. tract. 16. resolut. 29. nam si Episcopi, secularibus, quibus Clericos de doctrina examinandos committunt, fidem adhibent, cur eam Regulari in pari causa negatum irent?

Dico quintò, In Bigamia quoque reali, quando est hæc occulta, magna que instat anima necessitas, estque periculum scandali futuri, nisi Bigamo consulatur, Episcopum dispensare cum eo posse, ita affirmandi dux mihi ac auctor Portellius parte 1. casu. 3.

Sic pro exemplo vir quidam, qui cum procul ab ea prouincia degeret, quam modo in-

A colit, & in qua domicilium sibi ac rebus suis constituit, duas sibi virgines copulauit uxores, quibus fato functis, bona se fide, ordinandum Episcopo obrulit, impedimenti sui ad suscipiendos ordines, occasione Bigamiz nescius, de hoc homine contendo, ei ab Episcopo facultatem concedi posse, utendi ordine suscepto sacerdotii, cum hac Bigamia.

Primo, quicquid Pontifici in vniuersa Ecclesia, ad animarum bonum & commodum, ius naturale ac humanum vult concessum, id Episcopo in sua Diocesi, cum est necesse, nisi Papa sibi id speciali sanctione reseruauerit, tentare ac facere est permissum. Sed pro casu præsentis facit necessitas, periculum scilicet amittendæ famæ, ac opinionis, quam de sua virtute, vitæque innocentia, præclaris suis factis, apud plebem obtinuit, si à dicenda Missa prædictus Sacerdos, diu cum populi offensa abstineat, in eam enim venire mentem poterit, quidpiam in eo subesse culpæ, quamobrem ad sacra Missarum solennia pro cæterorum more, non nisi raro, ac infrequenter, audeat accedere.

Et quanquam ab ordine repellatur Bigamus in cap. nuper, & cap. extremo de Bigamis, & à Concil. Nicæno ut est in epistola D. Ambrosii 82. in can. 2. Concil. Arelat. tertij sub Leone primo, in can. primo Concil. Romani sub Hilario, Hispanensis secundæ circa tempora Honorij & Sisebuti Regis canone 4. & Apostolorum 17. ubi si quis post baptismum, secundis fuerit nuptiis copulatus, aut concubinam habuerit, vetatur Episcopus esse, vel Presbyter, aut Diaconus, aut prorsus ex numero eorum, qui ministerio sacro deserviunt, si hæc tamen statuta vim suam omnem, ea seueritate qua sunt concepta, in istum exercerent, de quo fit in questione mentio, in apertum eius exitium haud dubie cederent, cum perpetuo sacris cum altaribus carere cum famæ suæ detrimento esset necesse, aut certe non modico tempore, nempe dum Roma istius impedimenti dispensatrices venirent literæ, quod quam à Christi Romanique Pontificis benignitate absit, in eorum opinione relinquo, qui potestatem condendarum legum, datam ei ad Catholicæ plebis commodum norunt, nullo modo ad exitium, fidem ergo omnem superat, velle Pontificem, in hac istius Presbyteri, de quo nobis est sermo, necessario tempore, Episcopo facultatem omnem ademptam esse, dispensandi in eius impedimento. Secundo qui canones contra Bigamos, sunt à Conciliis, aut Romanis Episcopis scripti, eos à suscipiendis ordinibus prohibent, nullo modo à susceptorum usu, in eos ergo non



committit Episcopus, si ordinato cum impedimento Bigamiae, ordinum suorum usum patiatur aut velit esse liberum.

Tertio, in Papae, conciliorumque legibus, dispensare potest Episcopus, cum est necesse, nec facilis est in urbem, Papamque transitus, ita culpas lethales, graues & acerbas, quas uti sui iuris in Bulla Coenae sibi Pontifex seponit, in necessitate, poenitenti condonat Episcopus, secundum doctrinam Henrici lib. 6. de poenit. cap. 16. num. 1. & cap. 9. num. 7. similiter cum res, temporaque exigunt, nec facilis est ad Papam recursus, dispensat in impedimentis matrimonii, ut notarunt Sanchez lib. 2. de matrim. disp. 40. num. 2. & sequentibus. Coninch. de Sacram. matrimonii & alii. Sed res haec ambae faciunt pro Sacerdote, de quo est quaestio, ergo ei concedi per Episcopum poterit, ut in suscepto ordine ministraret, eaque praestaret omnia, quae facere Sacerdotibus est in more.

Hanc opinionem tenuit in re dispari Antoninus Diana, huic enim quaestioni, an Episcopus possit in aliquo casu dispensare cum irregulari ex homicidio occulto, ut ministraret in susceptis ordinibus, respondet posse, cum est periculum scandali, nisi ministraret, aut difficilis est ad Papam recursus ob inopiam, vel distantiam, & hoc ex eius ordinaria potestate, aut ex tacita eius commissione, quod non sit verisimile, Papam in tanto, tamque certo animarum discrimine, dispensationem hanc sibi tunc reservatam esse velle, Diana 4. parte tract. de irregular. resolut. 100. & expresse Sanchez de matrim. lib. 7. disp. 86. num. 14.

Extra necessitatem, de qua proxime non dispensat Episcopus in Bigamia vera & reali, sed solus Papa cap. unico de Bigamis in 6.

Quid si sit interpretatiua, eaque occulta? Censet hanc Piasecius in praxi Episc. par. 1. ca. 1. art. 10. num. 11. ab Episcopo dispensari non posse ad ullos ordines, Suffragantur. Nauar. in manuali cap. 27. num. 197. Suar. de censur. disp. 49. sect. 6. num. 8.

Ab his dissentiunt Syluest. in Ver. bigamia q. 6. Praepositus in 3. parte q. 5. de irregul. dub. 7. num. 338. his verbis: Non est, inquit, improbabile quod possit dispensare Episcopus in irregularitate quam contrahit, is qui cognovit uxorem postquam adulterium commisit cum alio, etsi adulterium uxoris sit occultum, quia talis irregularitas oritur ex delicto. Item in ea quam contrahit sacerdos, qui post mortem uxoris, legitime existens in sacris, tentat aliam in uxorem accipere, quia etiam hac irregularitas oritur ex delicto, idque etiam si conetur contrahere cum vidua, nam cum matrimonium sit irritum non inducit irregularitatem ex defectu significationis, sed ex peccato. Hae ille, qui cum Sanchez lib. 7. de matrim.

A q. 84. & disp. 86. num. 4. existimat in eiusmodi casibus Bigamiae, quando est occulta irregularitas, Episcopum dispensare posse ad suscipiendos ordines tam sacros, quam non sacros, eosque cum suscepti sunt exercendos, cuius & aliorum opinio admitti potest quoad usum susceptorum, sed non ad accipiendum novos, (inquit Nauar. cap. 27. num. 19.) Quorum verovsum? minorum (inquit idem) quod negant tamen alii ut Suar. & Piasec. sed sine causa, ut videtur, quare eorum mihi sententia, priori postponenda videtur.

B Dico sexto, Episcopum dispensare posse cum irregulari, ex homicidio occulto casuali, tam ad minores ordines, quam eorum usum, beneficiumque simplex, Henrici lib. 14. cap. 14. num. 1. & 13. cap. 57. num. 1. Sylu. verbo homicidium 3. qu. 8. Laym. lib. 3. sect. 5. tract. 3. parte 3. num. 3.

Addit Nauar. cap. 27. summae num. 240. parag. quarto nota, irregulari ex huiusmodi homicidio casuali, indirecte voluntario, permittere posse Episcopum, ut beneficium curatum iam obtentum retineat, sed non ut nouum acquirat.

C Ratione hac maxime niti hi auctores solent, quod per Concil. non sit Episcopis adempta facultas ea, qua gaudebant ante illud, sed ut est in ca. 2. de Clericis in duello pugnantiis. cum homicida circa habendum beneficium, poterat misericorditer ab Episcopo dispensari, decreto Caelest. III. ergo & modo.

Ex vi tamen huius canonis, aut privilegii concessi in Trident. non potest Episcopus, sibi ius ac potestatem vindicare, dispensandi cum Iudice, Aduocato, teste, aut milite, qui in bello iusto stipendia meruit, & forte occidit, nec super irregularitatibus, quas contraxere hi omnes, procuranda iusta morte nocentium in foro, aut hostium in bello, Nauar. 27. summae num. 294. Henrici lib. 14. cap. 16.

D Causa est, quod Episcopi potestas in dispensandis irregularitatibus, reuocetur à Concil. ad casum, in quo ex delicto occulto, irregularitas provenit, cuiusmodi non sunt ex haud dubie, quae Iudicis, Aduocati, & militis sunt propriae, cum sit in laude Iudici, vitia à Republica exigere, eorum auctores pleetere, militi autem, iustas de hoste poenas repetere, accusatori, reo litem intendere, testi pro veritate testimonium non fallax, ac captiosum dicere.

E Cuius ergo futurum est hoc munus? cui demandanda prouincia dispensandi cum hoc hominum genere, si quando, eos cupido sacrorum Ordinum incesserit?

Regularium, si per Pontificem illis liceat super omni irregularitate dispensare, praeterquam in ea, quae ab homicidio voluntario,



rio, ut causa oritur, Caiet. *Verbo irregularitas in fine, Suar. de censur. disp. 47. sect. 6.* Caietani sunt hæc verba: *sciatis privilegiati in dispensatione irregularium citra homicidium voluntarium, posse se dispensare in omnibus casibus occisionis humane, in quibus non interuenit crimen homicidij, scito autem, quod appellatione irregularitatis homicidij voluntarii, non venit irregularitas propter occisionem in bello iusto, aut iudicio iusto, quoniam ubi non interuenit homicidium ibi non inuenitur irregularitas homicidij, quando autem homo iuste occiditur, non committitur homicidium, quoniam homicidium, non significat occisionem qualemcunque, sed iniustam, est hæc ergo Caietani ac nostra ratiocinatio.*

Homicidij voluntarii nomine, intelligitur tantum occisio iniusta, at talis non est rei in foro, hostis in bello iusto, ergo in irregularitate quam iusta clades Iudici affert, eiusque ministris, dispensare regularis poterit, si Papa in privilegiis ordini concessis, homicidium duntaxat voluntarium exceperit.

Induxit in eam mentem hæc ratio Doctorum non paucos, ut crederent, Episcopis id quoque per Conc. permissum esse: *Liceat, inquit, Episcopis in irregularitatibus omnibus, & suspensionibus ex delicto occulto prouenientibus, excepta ea, quæ oritur ex homicidio voluntario, & aliis exceptis, deductis ad forum contentiosum dispensare.* Sed non vident, istorum iura, potestatemque, ad delictum restricta esse, ergo cum Index, Aduocati, & testes, culpæ sunt in suarum ministerio functionum expertes, beneficio ibi concessio Episcopis, gaudere non poterunt.

Est tamen contraria opinio, Doctorum numero probabilis, cuius sunt hi patroni, Barbosa *de potest. Episcop. parte 2. allegat. 39. num. 47.* Molina *in summa parte 1. cap. 12. par. 12.* Nauar. *Enchirid. 27. n. 240.* indicant eius verba, initio huius quæstionis posita, Rodriguez *in Compend. qq. regular. resolur. 81. nu. 3.* Campanil. *in diuersis. iur. can. rubr. 11. cap. 23. n. 138.* Diana *parte 4. tract. 2. de irregular. resol. 70. qui resolur. 100.* addit, Clerico in sacris ordinibus constituto, irregulari tamen, eo quod bello iusto interfuit, permitti posse ab Episcopo, proprium ordinum officium ut præstet, ac beneficium sibi modis licitis comparet, ne mendicare in ordinis probum ac contemptum, rei domesticæ pressus angustis cogatur, pro qua opinione citat Mercetum *de Sacram. in 3. part. Diu. Tho. q. 24. dub. 9. num. 1.*

Quod autem de Regularibus proxime diximus, eorumque facultate ad dispensandum in irregularitate, maximè locum habet cum in eorum privilegiis mentio facta est

Pars secunda.

A homicidij absolutè sumpti, & sine addito, ut est in privilegiis societatis. Nam vi huius privilegij, Religiosi dicti ordinis, possunt absolute à iusto homicidio, quod fit vi legum, quia in facultatibus à Papa concessis, voces accipiendæ sunt propriè, maxime eo tempore, quo earum propria acceptio magis est fauorabilis, atqui homicidium iustum, propriè non est homicidium, ut ex D. August. docet Diu. Thom. 1. 2. quæst. 88. art. 6. ad 3.

B Confirm. Irregularitas quæ oritur ex homicidio iusto, non oritur propriè ex homicidio, neque ex delicto, sed defectu solo lenitatis, qui defectus propriè non est homicidium, ergo irregularitas ex defectu lenitatis proueniens, non continetur sub reservatione homicidij, Viuald. *in candelab. tract. de irregular. num. 217.* Armilla *ver. Irregularitas num. 3.*

C Septimò, cū eo qui ideo factus est irregularis, quod male ordines suscepit, aut non habitos usurpauerit, dispensant Episcopi, ut in ordinum ante acceptorum officio permaneat, non tamen ut ad maiores ascendat Urbanus III. *in cap. ex literis 2. de Clerico non ordinato ministrante, Gaugericus comment. ad Caiet. summam verbo irregularitas, versu quis in irregularitate possit dispensare.*

D Octauo, cum eo qui ordinis actum exercendo, interdictum generale, aut speciale locale, aut personale violauit, sepeliendo, administrando Sacramenta, aut celebrando diuina officia, dispensat Episcopus non ad ascendendum ad maiorem ordinem, sed ad utendum accepto, Nauarrus *in manuali cap. 27. nu. 243. sub finem.*

E Nonò cum eo, qui furtiuè suscepit ordines, si id facere, non fuerat sub anathemate prohibitus, dispensat Episcopus ad Sacerdotale officium, si vero interminatio anathematis super hoc facta est, monendus est, ut in aliquo, Monasterio, aut canonica, habitum suscipiat regularem, cui ex quo in habitu illo, aliquanto tempore fuerit laudabiliter conuersatus, poteris, inquit Alexand. III. *in decretali Veniens 1. de eo qui furtiuè ordinem suscepit, misericorditer prouidere, alioqui nulla ratione concedimus eum ad Sacerdotalem ordinem promoueri, quare qui contra Episcopi iusta imperia, prohibentis ante inchoatam ordinationem, sub pœna excommunicationis, ne quis non approbatus ordinem susciperet, ad eum tamen accessit, Romanus est mittendus, ut à Papa irregularitatis à se sic contractæ dispensationem obtineat, Rebuff. in praxi beneficiar. in regul. de Clerico male promoti Glossa 4. Piafec. in praxi Episc. par. 1. cap. 1. art. 10. num. 8. qui tamen ad religio-*

YYy

nem aliquam voluerint se transferre, & peracta A  
pœnitentia, pro arbitrio Episcopi eis iniuncta, ibi-  
dem laudabiliter fuerint conuersati, processu tem-  
poris, cum eis poterit de Papæ licentia dispensare,  
ut postmodum susceptorum ordinum executione  
latentur. Cœlest. III. in cap. innotuit extremo  
de eo qui furtive ordinem suscepit.

Decimo, cū eis qui ignoranter ordines sus-  
cepere ab Episcopo excommunicato, hære-  
tico, suspenso, degradato, tam in susceptis  
quam suscipiendis dispensat Episcopus cap.  
Ultimo de ordin. ab eo qui renunc. Episcop.

Vndecimo, cum Religioso à Religione B  
Apostata, minores ordines suscipiente, si  
tamen habitum non deposuit, dispensat Epif-  
copus cap. 2. ut periculosa ne Clerici vel Mona-  
cci in 6.

Duodecimo, dispensat cum illegitimo ad  
minores, & simplex beneficium, cap. finali de  
filiis Presbyteror. & cap. 1. eod. tit. in 6. Clau-  
dam hunc locum breui, sed utili & ad hunc  
locum pertinente Piafeci sententia, loco  
proxime citato num. 14. Regulariter tenendum  
est, in omnibus irregularitatibus Episcopum dis-  
pensare posse, quoad minores ordines, & simplex  
beneficium, praterquam in Bigamia (quæ ta-  
men an sit à cæterarum eximenda numero,  
non pauci dubitant) & homicidio Voluntario.  
Hæc ille.

Et hæc dicta sunt de priore modo, quo  
desinit Irregularitas, nempe auctoritate  
Pontificis, & Episcopi, beneficioque ac o-  
pera regularium, qui ad id ex privilegio  
Pontificis, potestatem sunt nacti necessa-  
riam.

Irregularitatis tollendæ modus alter est  
per Baptismum, quanquam non omnis ante  
eum susceptum contracta, eius beneficio, o-  
pera; abstergitur, nam quæ à bigamia, seu  
defectu Sacramenti, vitio corporis, animi,  
ac natalium ortum habent, hæc eo suscepto  
remanent, can. si quis viduam 13. dist. 34.

Abolentur hæc duntaxat Baptismi aquis,  
quæ sunt ex delicto, quo nomine homici-  
dium quoque intelligendum esse, docuere  
Villalob. to. 1. tract. 21. difficult. 7. num. 2. Di-  
cunt alii irregularitates omnes, prater eam  
quæ est ex bigamia, Baptismo remoueri ut  
Fœlician. c. 11. Sylu. verbo Baptismus, Honor.  
in Cœpendio iuris canon lib. 5. tit. 39. nu. 111. vbi  
sic ait. Tollitur Baptismo omnis irregularitas,  
etiā ex homicidio contracta, praterquam ea  
quæ contracta est ex defectu Sacramenti.

Contra sentit Hurtadus, sic enim ille loco  
citato, Ob eandem rationem Index, aut miles qui  
ante baptismum contraxit defectum lenitatis, oc-  
cidendo, aut mutilando, sunt post baptismum irre-  
gulares, quia post baptismum perseverat de-  
fectus lenitatis.

Hæc me ratio impellit ut credam, per ba-  
ptismum irregularitatem non tolli, quæ est  
contracta per delictum, cui infamia iure est  
annexa, ut est crimen maiestatis, nam face-  
re baptismus nequit, ne quis iuris infamia  
sit affectus, si tamen esset hæc iure annexa  
officio, illudque exercuisset non baptizatus,  
inter non baptizatos, ut hæc pro nihilo ha-  
benda foret inter Christianos, si apud illos,  
peræque ac Gentiles tale officium infame  
non esset, ita censeretur debet aboleri ac cessa-  
re per baptismum, Suar. disp. 48. sect. 2.

Quænam ergo, inquires, contracta ex de-  
licto irregularitas, per baptismum tollitur?  
Quæ oritur ex delicto cui non est infamia  
iure addita. Hurtad. supra num. 4.

Tertio cessant irregularitates bene mul-  
tæ, per professionem in religione, ac dis-  
pensationem Prælati, & quidem de vitio  
corporis, atque bigamia, dictum est supra, in  
qua dispensare eum posse, tenent Auila de  
censuris parte 7. disp. 7. dub. 4. conclus. 8. Hen-  
riq. lib. 2. de matrim. cap. 6. num. 11. in Glossa li-  
tera Z. imo & hoc à quolibet Ordinis con-  
fessario fieri posse validè, ex privilegio Six-  
ti V. habet P. Corneio in 3. parte Di. Thom.  
tract. 5. de irregular. disp. 10. dub. 1.

Legitimari quoque quoad ordines susci-  
piendos, ac susceptorum usum per profes-  
sionem, nemo est qui non asserat, post priui-  
legium Greg. XIV. de quo Barbosa de iure  
Pontif. lib. 1. cap. 42. num. 290. Est & aliud isto  
longe prius tempore, Patribus Congrega-  
tionis S. Ioannis in Portugallia, ab Eugen.  
IV. concessum, in quo asseritur, admissum ad  
professionem inter illos, si defectum natalium ha-  
bet, ipso facto censeretur dispensatum, non solum ad  
ordines, sed etiam ad omnia solita gubernari per  
fratres illius Ordinis, Prioratus, Præposituras, Re-  
ctorias, aut officia se inuicem compatiuntur. Com-  
pend. fratrum S. Ioan. Euang. fol. 9. parag. 2. In  
cuius communionem an religiones cæteræ  
veniant, non est facile dicere, ex eo certè  
fructum sibi aliquem, praterquam ad ordi-  
nes sacros, deriuari Minoritæ nolunt, cum  
ad præfecturas ordinis, neminem ex copula  
natum illicita, admittant, itaque Generalis,  
Prouincialis, Guardianus, Conuentus Vi-  
carius, Definitor, Discretus, seu Procurator  
ad Capitulum Generale, aut Prouinciale,  
esse inter eos duntaxat hi possunt, de quo-  
rum origine, natalibus, ac genere constat,  
dubiæ stirpis ac incertæ homines, ab his  
magistratibus excluduntur.

Dixi per professionem nam qui ea non emis-  
sa, remigraret ad sæculum, aut qui nullam  
fecisset ac irritam, ad ordines, Papa non dis-  
pensante, ad mouere animum, aut iis ab Epif-  
copo ornari non posset, Riccius in praxi to. 2.  
resol.

resol. 311. Barbosa in collect. to. 1. lib. 1. tit. 17. cap. 1. num. 9.

Causa est, quod irregularitatis istiusmodi cessatio, effectus sit veræ professionis, ac validæ, sed quæ professio, inanis fuit ac nulla, quæ Episcopi auctoritate ac sensu, in irritum abire est iussa, vera nunquam fuit ac valida, ergo, &c.

Neque id modo est necesse ad abstergendam maculam, quam culpa nulla sua, sed parentum, famæ suæ, ac nomini Regularis aspersam habet defectu natalium, oportet insuper, ut in ordine vitam agentis, ex præscripto regulæ, Præfato approbante ac iubente, locus ab Antistite inter sacros Ecclesiæ ministros, ordinis sacri collatione detur, nam qui emissis tribus votis substantialibus, per quæ verè Religiosi sumus, Gregorio XIII. teste ac iudice in Bulla cui initium est, *Ascendente Domino in nauiculam*, è societate, ex causa ante susceptos Ordines dimittitur, hic si natalium laborat infamia, privilegio Ordini concessio excidit, nec nisi ea purgata deletaque, dispensatione, noua Pontificis, ordinari potest: quia ut habet, Turrrian. de censur. lib. 9. disp. 71. dub. 2. prædictus favor, concessus videtur illis, qui ita sunt Religiosi, ut in eo statu suscipiant ordines.

Quid? quod è societate manumissi, necdum sacro Ordinis caractere insigniti, in ordinem redigantur sæcularium: quod nulla votorum lege astricti hæreant: quod amodo suo nutu, arbitrioque vivere queant: quo eos in statu propriis religiosorum privilegiis gaudere, quis credat?

Habet tamen opposita opinio suos patronos, Barbosa in de iure Pontificio lib. 1. cap. 42. num. 191. Sanctarell. & Suarez, quæ si est vera, ut è societate eiectiones homines, in irregularitatem, ex natalium vitio contractam, quasi postliminio non redeunt, quia hæc fuit privilegio ordinis sublata, ita sine nouo villo Papæ comætu ac facultate, ordinari possunt.

Scire quis hic auebit, an sola hæc irregularitas, professione regulari ac canonica cesset, an aliæ quoque in eandem sint classem includendæ?

Qua de questione iudicii quid Sotus haberet, expressit his verbis: in 4. dist. 25. qu. 1. art. 3. *Mos in Religionibus seruatur, siue iure communi siue consuetudine, siue privilegio obtentus sit: ut per professionem, omnis irregularitas, quantum ad ordinis suspensionem aboleatur, præter illam, quæ ex homicidio voluntario & ex bigamia contrahitur, non autem quantum ad prælationem.* Ei sunt in hoc causæ genere aduersati Auila disp. 10. dub. 3. Hentiq. lib. 4. cap. 8. numero 10. littera X. abdicatione sæculi, per pro-

fessionem vitæ religiosæ; irregularitatem, quæ est ex natalium defectu tolli, præterea nullam, quibus eo assentior libentius, quod pro se præsciui sensum habeant, literis testatum, in Pietau. Concilio à quo desumptus est canon primus tituli de filiis Presbyterorum ordinand. vel non, præscriptus his verbis: *Ut filij Presbyterorum, & ceteri ex fornicatione nati, ad sacros ordines non promoueantur, nisi aut Monachi fiant, vel in congregatione canonica viuantes, prælaciones vero nullatenus habeant.*

Quarto, cessat irregularitas cessante eius causa, exempli causa, sunt irregulares qui aetatem non attingere, ad ordines lege canonica necessariam, irregulares, qui eruditione non sunt instructi, quantum exigunt sacra sacrorum hominum ministeria, fac eos ut annis & robore, sic & eruditione crescere, hoc ipso irritati esse desinent irregularitatis vinculo.

Quinto, definit irregularitas, Episcopi dispensatione, in casu necessario, qualis est eius, qui ob factum homicidium, dedita operâ ac consulto, à sacris repulsus est altaribus, & tamen ne de hæresi, aut peccato aliquo graui sit suspectus, celebrare debet, hic si Romam petere, aut eò propter inopiam mittere nequeat, qui inde ministrandi in ordine sacro, facultatem sibi reportent à Pontifice, dispensare cum eo, ut susceptis fungatur ordinibus, Episcopo ex tacita Papæ commissione, tunc est integrum, Sylu. teste verbo dispensatio num. 15. Auila par. 7. disp. 5. dub. 3. conclus. 1. Addit Laym. lib. 3. sect. 5. tract. 3. par. 3. cap. 12. qui hoc modo est irregularis, posse post peractam penitentiam, Episcopo ante non rogato, aut dispensante, celebrare, quoniam absoluta necessitas postulat, ad vitandam infamiam, aut aliud graue periculû, pro qua opinione citat Alfonso à Castro lib. 2. de lege pen. cap. 15. Gutier. lib. 1. canonicar. qq. cap. 13. num. 21. & alios, quam opinionem ut probabilem defendi posse, cum de Bigamo ordinato in hac quæst. agerem, Doctorum auctoritate ac testimonio fretus, dixi.

Addo, utriusque ex probabili quorundam sententia iniungendum, ut dispensationem ex vrbe, suæ sibi irregularitatis procurent quam citissime, eo quod Episcopus, ut aiunt, non simpliciter irregularitatem adimat, sed solum eius effectum, suspensioni similem, & nimirum celebrare licet, interim dum culpa, & defectus occultus manet, & donec à Papa dispensatio impetretur, Laym. num. extremo.

In quo, ei ne assentiar, abducor ab hac causa.

Quod tam absolutio à culpa, quam dispensatio à pœna, eius auctoritate data, cui

YYy ij



reseruata est vtraque, absolute & simpliciter firata, nec à futuro euentu pendens, aut noua dispensatione Papæ indigens, patet in ea quæ est de impedimentis, cum quibus est contractum matrimonium, his enim per Episcopum, in casu necessitatis dissolutis, iterato non est eorum petenda à Pontifice dispensatio, accepta ab ordinario, ambos coniuges extra peccati periculum in tuto locat, ergo quæ ob causam infamiae, vel periculum graue quod metuitur, si Missa ab irregulari non celebretur, ac fiat, difficultates iterum, ac cætera, quæ aditum ei ad Pontificem, si non præcludunt, molestum tamen, alexque plenissimum efficiunt, quæ (inquam) datur ab Episcopo irregularitatis remissio, absoluta est, & simplex, nec à Papa iterato expetenda.

## QVÆSTIO LX.

*Dispensandi in irregularitate forma adhibenda quæ, & qualis.*

Certam nullam vidi hætenus, nec in iure esse puto, verbis præscriptam determinatis, ac propriis aliquam. Sufficit ad officium viri boni, dispensantem mentem suam his exprimere vocibus, quæ cuique indigent, constitutum sibi esse ac certum, irregularitatis laqueum, quo is vinctus tenetur qui ab eo liberari ac eximi postulat, autoritate qua pollet, soluere. Adhibentur hæc tamen communiter, *Dispenso tecum in irregularitate quam contraxisti ob tale delictum.* Interdum sufficit si signo, nutu, aut verbo ynico, indicet Episcopus, id vere se velle, nec gratus accidere sibi quidquam posse, quam postulata facere, itaque si oblato sibi libello supplici, in quo irregularis ab irregularitate petat eximi, ac benigne secum agi, respondeat Episcopus placere id sibi his vocibus *Volo, Fias, celebret, ordinetur, reconcilietur Sacramentis Ecclesie*, quid amplius exigere irregularis, ad culpæ fugam, nexisque canonici solutionem quo stringitur, cogitanti mihi non occurrit, indicant hæc enim Episcopi animum, ac cum eo dispensandi voluntatem, ac desiderium.

Quanquam nec verbis, aut literis ad hanc rem est opus, satis est, Episcopo annuente, ac conicio, ea ab irregulari fieri, quæ illi lege non sunt Ecclesie licita, aut ab eodem illi imperari, vt quæ ei sunt prohibita faciat.

Dispensat ergo cum irregulari Episcopus, id ei concedendo, à quo cum irregularitas submouet, vt si per se licere, integrumque esse dicat in id incubere, cui per irregularitatem, ei vacare non licet, habet enim vim

A eandem hæc operis faciendi concessio, ac si verbis dicta esset, cum dispensandi animum perinde ac verba significet, idem est de imperio quod irregularis, recipit, in ea incumbendi munera, quæ ei irregularitas prohibet, eo quod tale imperium, dispensationis instar habeat, cū sit perinde, ad opus auctoritate Superioris adigi, ac ad illud, per eundem dispensari.

In quo tamen ne quid peccet, ei duplex est adhibenda cautio.

B Prima, vt non nisi re discussa, cognitaque irregularitatis incursum causa, in ea dispellet, est enim Episcopus iudex, ac hunc sententiam incognita causa dicere, nec decet, nec licet. Deinde tempora incidere possunt, cum irregularitatem remitti non oporteat, ne qui eam contraxit, officio restitutus ac Sacramentis Ecclesie per Episcopum, insolecat, ne ergo temere quidpiam, ac imprudenter fecisse in hoc genere videatur Episcopus, prius de re vniuersa, causaque dispensationis dandæ, quæstionem iudice se ac arbitro, in animi sui tribunali instituet, vt quid ab eo officium postulet quid publica, priuataque caritas, intelligat.

C Secunda nunquam irregularem, irregularitatis contractæ nexu, liberum à se abire sinet sine pœnitentia: id enim Pontifices, id Ecclesie leges, id praxis ipsa, longo sæculorum firmata vsu exigit, nec Roma literæ ad nos vllæ dispensatrices huius vinculi veniunt, quæ pœnam irregulari aliquam non imponant, aut imponi ab Episcopo, vel Ordinario iubeant, hæcque est causa altera, cur non nisi cognitione præuia, cum irregulari dispensare oporteat, vt enim culpæ par esse pœna debet, æquari autem nequeat, illa, eiusque natura plene non perspecta, aut personæ, conditione, à qua est admissa, statu, ac moribus, ad ea omnia, singulaque dispensaturus Episcopus, oculos ac animum intendet, vt ad æquitatis, prudentiæque normam exacta pœnitentia, ipsi laudem, irregulari salutem afferat. Quam ad rem utile in primis est, ac necessarium, vt si irregularitas illum multiplex afficit, de omnibus Episcopum commonefaciat, nam si hic ab vna duntaxat eum liberet, nec officium irregulari præstare, nec ei, rei diuinæ ad mouere animum sine culpa erit integrum.

E Secus sentirem ac dicerem, si quod vsu venit in Religiosorum sacris cœtibz, dispensatio generalis foret, non vnam irregularitatem modo, sed omnes complectens, hac dispensandi communi forma. *Dispenso tecum in omni irregularitate*, qui enim omnem vult abstergam ac deletam esse, nullam excipit, ab omnibus cum eximit.

## QVÆSTIO



## QVÆSTIO LXI.

*Quanam excusent ab Irregularitate.*

**A** ssertio prima, Excusat primo metus non quilibet sed gravis, qualem Sacerdoti Princeps imponeret, si hunc cum excommunicatione cognita celebrare, vel sine ea, ante excommunicationem denunciatum id eum facere cogeret metu mortis, certo sibi subeunda ni pareret, aut si hac non incurritur, celebrare tamen ad vitandum scandalum est necesse, Henrici lib. 14. cap. 7. num. 6. Nauarrus Enchirid. cap. 27. num. 231.

Causa est, quod fidem omnem superet, Ecclesiam qua nihil est mitius, tam acerbe, nos ac durè habere velle, vt decreta obseruari sua, legesque, cum vitæ, famæque detrimento oporteat.

Assertio secunda, Ab ignorantia inuincibili malitiæ annexa actui, propter quem pœna Ecclesiastica incurritur, habet operans, ne irregularitatem ex delicto nasci solitam contrahat, Sanchez lib. 9. de matrim. disp. 32. num. 16.

Ratio est, quod quæ irregularitas ex peccato oritur, causam sui non habet aliam quam mortalem, sed actio facta cum ignorantia inuincibili malitiæ quam habet, scelere caret.

Maiores probatur, pœna esse debet par culpæ cap. felices de pœnis in 6. & cap. 2. de his que sunt à maiore parte capituli, his verbis: pœna non est ulterius protrahenda, quam delictum fuerit, sed esse irregularem est pœna, eaque maxima, non est ergo inducenda, vbi deest culpa.

Dixi ex delicto quæ enim irregularitas non tam culpam, quam factum sequitur, hæc ob solam duntaxat indecentiam, defectumque significationis subitur, & proinde sine noxa & hanc constat, data ignorantia quilibet tam iuris, quam facti contrahi: Caietanus 1. 2. q. 76. art. 6. Syluest. verbo ignorantia qu. 8. dicto 8. Causa ita affirmandi duplex.

Prima, ratio incurrendæ irregularitatis in casu indecentiæ, ex significationis defectu, ordini necessariæ petitur, at hæc deficit, tamen quando res sit vitiose, quam cum sine vitio, vt patet in irregularitate ex defectu natalium, aut bigamiæ, quid enim peccauit illegitimus? quid bigamus? & tamen ambo sunt extra regulam, ambo incapaces ordinis, nisi per Papæ facultatem ac veniam.

Secunda, ignorantia ideo eximit à pœna, quod liberet à culpa, at in casu præsentis culpa nulla exigitur, sed tantum res ipsa, cui ex dispositione canonum, irregularitas est annexa, ergo, &c.

**A** Quid si de qualitate rei constet, malamque eam esse, ac iure tam naturali, quam diuino prohibitam, sed non sub pœna irregularitatis & quid iuris?

Prima sententia notitiam pœnæ, id est irregularitatis adiunctæ actui, in operante vt hic eam incurrat, non exigit, hanc tenent Corduba lib. 2. questionarii qu. 27. Caietan. in summa de excomm. num. 377. Suar. to. 5. de censur. disp. 40. sect. 5. num. 10. Laym. lib. 2. tract. 5. parte 1. cap. 5. Rosella verbo ignorantia numero 13.

**B** Secunda aliorum opposita quam tueretur Portellus de dubiis Regularibus verbo ignorantia num. 19. Sanchez de matrim. lib. 9. disp. 22. Nauar. in summa cap. 23. num. 47. horum ego scriptorum vestigia, quamuis eminus oculis, animoque legens,

Dico, Ignorantiam iuris inuincibilem excusare ab irregularitate ob factum, inuincibilem naturali prohibentem imposita.

Ratio est prima, quod iusta, hoc est probabilis legis seu facti ignorantia, necessitati sit æquanda, ergo cum ab humanæ, id est Ecclesiasticæ legis præscriptione, cogente necessitate, recedere sine pœnæ metu liceat, licebit & per inscitiam, seu expertem culpæ Ignorantiam, quæ quia iusta est & probabilis, par est impotentiae.

Secunda, irregularitas ex delicto, absque sui contemptu legisque eam insipientis non incurritur, Fagund. lib. 2. in Decal. ca. 27. n. 10. Nau. ca. 27. manu. n. 252. quia est pœna contemptus, quod ipsum dixit Dominicus in cap. solet de sentent. in 6. sed contemptus notitiam exigit in contemnite, tam rei quæ contemnitur, quam legis quæ illam recipi aut fieri postulat, non enim contemnit disciplinam, qui ignorat militiam lege signorans 52. dig. locari.

**E** Tertio, id indicant non obscure decretales Pontificum epistolæ in canone proposuisti dist. 82. & capite 2. de constitut. in 6. nam in earum priore scribit Pontifex, Clericos qui impure ad eam diem vixerant, si ignorabant constitutionem Papæ Sirici, id prohibentis sub pœna depositionis, hac pœna plebendos non videri, & tamen clamis non erat, libidinem tam à natura, quam Deo prohibitam esse in cap. autē 2. de constitut. in 6. habetur ignorantes non ligari sententiis ordinatiorum, ergo nec pœnis per eos impositis.

Quarta, irregularitate quæ pœna est valde gravis, quippe quæ ordinem omnium vsu priuat & ideo non imponenda pro culpa veniali, Nauar. cap. 27. Enchirid. n. 252. non alii puniuntur, quam qui sunt contumaces ac inobsequentes Ecclesiæ, quo vitio non alios laborare est cerum, quam qui non sunt præceptum

YYy ii)

iubentis, aut prohibentis aliquid sub irregularitate omitti, aut fieri, non hæc ergo contrahetur nisi cum constabit delictum esse sub pœna irregularitatis prohibitum, & nihilominus fiet.

*Assertio tertia, Irregularitatem ex delicto excusat defectus rationis, in operante.*

Quia est hæc irregularitas effectus peccati, ut indicant hæc verba ex delicto, quibus significatur, eam à culpa ut à causa fluere, at est peccatum, humana actio, qualis esse sine ratione eiusque aduertentia qui potest pœna sanetunc affici, ut pote culpæ expertus non debet, ob quam causam infert. Couarr. ad Clementinam si furiosus, ebrium, aut quemlibet alium, qui cum sui potens non esset, occidit, irregularem non esse nisi, experti essent & hic, & ille, antea cum vino capti forent, arma se capere: & obuiis vim inferre solitos, quia in ebrietate, tanquam in causa, censeretur illis homicidium esse tunc voluntarium, eo quod ex tali opere sciqui posse, præuideri debebat, ac poterat.

*Assertio quarta, Ut ab irregularitate excuset defectus actionis interna, sine qua exterior esse vitiosa non potest, ita & externa, Auila 7. parte diffinit. 1. dub. 1. Nauarrus cap. 27. num. 192.*

Pars vltima, pater nam Ecclesia primo, & per se externa duntaxat punit, cum quæ latent, solique sunt Deo cognita, ut maleficii peragi nequeunt, ita nec plecti, quare quantuncunque quis ex deliberata occidendi voluntate, in hostem impetum faciat, non est irregularis, si voluntatem effectus non sequitur, sicut nec cum interimit, sed inscienter, ac in deliberate, eaque actione, quæ ab illo non proficiscitur, ut est rationis, sui que vere compos, atque adeo voluntate imperante, intellectu autem eam in illum finem dirigente, ita diximus irregulares non esse, qui bombardas distrahunt, enses donant, ad bellum iustum, aut defensionem alterius licitam comodant, pro talibus autem habendos, qui arma deferunt: hæc aliis in malum finem, ut necandi hominis causa, tribuunt.

*Assertio quinta, Cum ex delicto contrahitur irregularitas, excusat bona fides, Ludouic. Portelius parte 3. casu 40. Nauar. in summa cap. 25. num. 155.*

Ratio est, quod quæ irregularitas est ex delicto, hæc culpam tanquam causam sui supponat, at bona fides eam impedit, ergo, &c.

Confirmatur cum pœna præsumenti irrogatur, hac non tenetur, ex bona fide aut ignorantia operans. Henric. lib. 13. cap. 25. præsumere enim, est scienter, ac ex propo-

to, in legem committere, audere, & tentare aliquid contra ius, quo fere modo Romani Pontifices, ea voce utuntur, sic Alexand. III. loquens de Clericis & Monachis in Concil. Lateran sed nec procuraciones, inquit, aut iurisdictiones, etiam seculares, sub aliquibus principibus & secularibus viris, ut iustitarius eorum fiat, Clericorum quisque exercere præsumat, hoc est tentet, audeat, ne Clerici vel uenientes cap. 4 sed quæ irregularitates ex delicto proueniunt, hæc maximam partem præsumptionem exigunt, ut patet, ergo ab his bona fides liberat.

Secundo, si Sacerdos quem culpa aliqua sua in excommunicatorum numero posuit, celebret cum ignorantia vinculi, quo affectus hæret, aut bona fide existimet à se admissum nihil esse, quamobrem eam pœnam subeat, non est irregularis, ut docent Sylu. Verbo irregularitas num. 18 Nauar. cap. 27. num. 144. & 155. Henric. lib. 14. de irregularit. cap. 7. num. 1. freti hoc principio Nauar. in summa cap. 27. num. 15. Portelius 3 parte casu 41. asserunt, cum qui bona fide ante ætatem legibus canonicis necessariam, offert se initiandum Episcopo, irregularitate non affici, si post factam diligentiam, ut de ea certis sibi rumoribus aut propinquorum testimoniis constaret, bona fide credidit, ea se ætate esse, quam ad sacrorum Ordinum ministeria canones exigunt, bona ergo fides hominem ab eorum usu, ac susceptione non remouet, cum ergo excusat ne irregularis fiat.



## EPITOME TRACTATVS DE IRREGVLARITATE.

### CAPVT PRIMVM.

*Quid sit Irregularitas & quomodo ab aliis censuris differat.*



**E**ST irregularitas impedimentum canonicum, ex facto, vel defectu proueniens, quo quis prohibetur promoueri ad Ecclesiasticos ordines, vel in eis ministrare.

Dixi canonicum, ut vox ea indicet irregularitatem iuris diuini nullam esse. Enimvero ad id rerum genus, ea tantum pertinere est

est certum, quæ ex institutione diuina vim habent, cuiusmodi esse, vt mihi persuadeam, quæ de irregularibus documenta multa, & præcepta, in sacris Pontificum decretis dantur, impediunt quæ sequuntur.

Primum, quod lex noua, præceptis moralibus legis naturalis, articulis fidei, & Sacramentis gratiæ, sit contenta.

Secundum, quod libri sacri irregularitatem nequidem de nomine nouerint, quæro enim vbi, quando, quare, quomodo, & à quo, eius facta est vnquam mentio? Scio à Paulo 1. ad Timoth. 3. præceptum esse vt Episcopus vnus vxoris vir esset, nec ignoro ab extruendo sibi templo, Dauidem à Principe Deo repudiatū esse, quod humano sanguine pollutas haberet manus; Fili mi, inquit 1. Paralip. 23. *Voluntatis mea fuit, vt ædificarem domum nomini Dei mei, sed factus est sermo Domini ad me dicens, multum sanguine effudisti, & plurima bella bellasti, non poteris ædificare domum nomini meo, tanto effuso sanguine coram me, sed nego, inde concludi valide posse, ac efficaciter, homicidium & bigamiam, diuini esse iuris,*

Primo, quia de ædificando templo est sermo, de Sacerdotio nullo modo, ducta autem à simili, à decentia, ac honestate argumenta, præsertim in materia odiosa ac graui, qualis est ea, quæ pœnam habet, rem non faciunt.

Secundo, nego à bigamia, vlli iure diuino ad Episcopatum, aut ordines aditus interclusos esse, primo, quia Concilia, & Pontifices, id impedimentum canonibus tribuunt, si quos, inquit Zachar. epistola 6. reperit Episcopos tua fraternitas Presbyteros aut Diaconos, contra canones, vel statuta Patrum excessisse, id est in adulterio, vel si plures vxores habuerunt, nulla ratione Apostolica auctoritate permittas Sacerdotio fungi, & in Concil. Toletano 4. can. 18. hæc leguntur. *Non promoueantur ad Sacerdotium ex regulis canonum, qui semetipsos absciderunt, qui secunda vxoris coniunctionem sortiti sunt, aut numerosa coniugia frequentarunt videntur vt canonum, vt statutorum, vt humanæ legis, vt pote cuius Patres sint auctores, Zacharias meminit, non diuinæ? eam sane Apostolicam Leo nominat in epist. 85. secundum alios 87. ad Episcop. Afric. cap. 1. Si, inquit, in Veteri testamento hæc Sacerdotalium coniugiorum forma seruata est, quanto magis sub reuelata gratia constitui, Apostolicis debemus seruire præceptis? legis ergo de non recipiendo ad Ordines Bigamo, auctor Apostolus, non Deus, humana proinde est non diuina, alioqui nec cum bigamo dispensare Ecclesia posset, quod tamen fecisse Martinum Papam, pauca hæc ex canone 18. distinct. 34. de prom-*

Apta verba indicant, Lector, si viduam alterius, vxorem acceperit, in lectoratu permaneat, aut si forte necessitas sit, Subdiaconus fiat, similiter & si bigamus fuerit, nec quod est his grauius, rati forent ac validi, qui ei contra decreta canonum, ordines collati essent, quod Leo Papa I. epist. 3. ad Episcop. per Campaniam constit. cap. 2. refellit his verbis: *Constat ad Sacerdotium, peruenisse viduarum maritos, quosdam etiam quibus fuerant numerosa coniugia, & cum omni licentia, visa liberior, ad sacrum ordinem passim patefactis aditibus, fuisse permixtos, contra illam beati Pauli vocem, Vnius vxoris virum, non est ergo irregularitas in mores nostros diuino inuecti iure, sed humano tantum, quod Bonifacius de sentent. excomm. in 6. cap. is qui 8. declarauit his verbis: Si qui in Ecclesia, sanguinis aut seminis effusione polluta, vel qui præsentibus maiori excommunicatione notatis, scienter celebrare præsumit, licet in hoc temerarie agat, irregularitatis tamen, (cum id non sit expressum in iure) laqueum non incurrit.*

Differt autem irregularitas ab excommunicatione & censuris aliis, primo, quod istæ, & illa, sint vincula, sic enim nominatur excommunicatione in Concil. Lateran. sub Innoc. III. cap. 49. & in Concil. habito in Germania sub Conrado Cardin. can. 4. queruntur Patres reperiri in Ecclesia non paucos, qui non amore iustitiæ, sed liuore odij, vel fauore aduersariorum, excommunicationis vinculo innodant, quæ nomenclatura irregularitati non conuenit, quæ impedimentum tantū est Ecclesiasticū.

Secundo, est excommunicatus eiectus ab Ecclesia, Concil. Nicæn. can. 5. Aquisgranense can. 42. ibi enim mandatur singulis, vt qui abiiciuntur ab aliis non recipiantur, in Synodo autem Rauennat. sub Ioanne IX. cap. 8. habetur quod si quis Paschalem & Ioann. Diaconos Sanctæ Romanæ Ecclesiæ, à gremio sanctæ Dei Ecclesiæ sequestratos, in ipsos gradus, quibus canonica auctoritate sunt priuati, reducere quoquo modo tentauerit, hunc anathemate feriendum esse. De irregularibus simile dici quid potest? aut quando, vel cui eorum, vitio datum est vnquam, sacras ædes ingredi? cum populo supplicare publice Numini, aut ad Sacramentum Eucharistiæ, expiato prius per confessionem animo admitti?

Tertio, est irregularitas omnis à iure, nulla ab homine, qui Papa sit auctoritate inferior, cum censura ab utroque ferri sit in more.

Quarto, censuris nullus locus nisi ex facto, irregularitati initium quoque est ex defectu, tolle crimina & censura erit nulla, irregularitas culpam non necessario, vt sui causam exigit, sed aliquam duntaxat in eo quem notat, corporis, natalium aut

animi maculam, quæ cum in altaris sacro ministerio cum honore, decetiaque ut loquuntur versari non sinat.

Quinto, etsi irregularis ante dispensationem obtentam celebrans, peccet lethaliter, *cap. finali de tempor. ordinat. & cap. inquisitionis de accusat.* nouam tamen irregularitatem non contrahit cum id iure non sit expressum, sicut de excommunicatis, interdictis & suspensis, nec mirum, cum excommunicatio, interdictum, & suspensio, species sine censuræ, irregularitas vero minime.

## CAP. II.

*Ut Irregularitas contrahatur, quid sit necesse.*

**E**st hoc quoque inter cetera, quibus ab excommunicatione differt irregularitas, quod illa plebæ fideles possint, viri iuxta ac feminæ cuiusquemodi, modo rationis, sui que compotes, irregularitate non item, nec enim mulier vlla, religiosa vel laica, irregularis ad hanc diem, quod sciam, extitit, quam tamen, si monialibus est præposita, præfectura sua destitui, aut ad tempus ab eius administratione suspendi, æquitas ac ratio postulant, hoc enim est secundum Evangelicam sententiam, à villicatione villicum amoueri, qui non potest villicationis suæ dignam reddere rationem, Innoc. III. in Concil. Lateran. generali cap. 8.

Equidem qui palla altaris mortuum obvoluit, decreto Clement. in epist. 2. & Alvisiodor. Concil. can. 12. anathemate feriri potest, ergo & suspendi, cum sit hæc pœna, excommunicatione mitior.

Quid? quod regulares possunt à suis administrationibus amoueri Innoc. III. in Concil. generali cap. 8. degunt Abbatissæ sub regula, iisdem quibus Monachi votorum nexibus astrictæ, in cœnobiiis quæque suis viuunt, quæ ergo munera, quæ ex præscripto regulæ, officia Abbatissæ obeunt, ab iis suspendi queunt.

Est hoc ergo incurrendæ irregularitati imprimis necessarium, ut virum pro obiecto habeat, non mulierem, quia cum sit ordinis Clericalis incapax, in eam non cadit irregularitas, quæ quis in ordine, aut eius officio impeditur, Episcopus Scalensis de irregularib. cap. 5.

Secundo cum ex delicto contrahitur irregularitas, apertum istud, patenique esse debet, interna, quæque latent, isti non possunt esse pœnæ obnoxia, Nauar. cap. Enchir. 27. num. 192.

Primo, quia ut voluntatis humanæ opera, quæ talia, extra potestatem sunt Ecclesiæ, ita

**A** ea pœna insequi nec potest, nec debet. Deus enim omnipotens, ut nos à precipitata sententia prolatione compesceret, cū omnia nuda sint, & aperta oculis suis, mala tamen Sodomie noluit audita indicare, priusquam manifeste agnosceret, quæ dicebantur, cuius exemplo mouemur, ne ad perferendam sententiam vnquam precipites simus, aut temere, indiligenterque indiscussa quæque iudicemus, Euaristus epist. 2. At de internis, cum non sint hæc humanis peruia sensibus, quæstio institui, iusque dici non potest ab Ecclesia, irregularis non est ergo, cuius culpa animi latebris conclusa, Deum solum testem habet ac iudicem, non homines, quorum sub aspectum, oculosque non cadit.

**T**ertio, est id quoque ad irregularitatem necesse, ut de ea expressè fiat in canone mentio, ut est in cap. 11 qui 18. de sentent. excommunicat in 6. quæ hominem alium à Pontifice authorem habet, metui non debet, ut inanis, ac sine robore negligi potest, non curari, est enim rationi consonum, ut pœnalitas, pro vno casu iure lata, non extendatur ad alium, ob aliquam similitudinem: Odia enim restringi, & fauores conuenit ampliari de regul. iuris in 6. regula 15.

**D**ixi alium à Pontifice, primo, quia hætenus nec visum est, nec auditum, ab vlllo prioris sui Episcopo, factam esse legem, aut sententiam, qua peccanti imponeretur irregularitas.

**S**ecundo, est irregularitas, non tam pœna, quam impedimentum, quo quis ob indecentiam arcetur à suscipiendo ordine, vsuque suscepti, at Episcoporum non sunt partes, pro prudentia, suæque in Ecclesiâ caritate facere, ut qui sibi in Clero Christi que seruatores familia locum ambiunt, ab ea arceantur ob impedimenta ab ipsis constituta, sed Papæ, cui ut est gregis vniuersi cura cœlitus à Christo communi omnium pastore credita, ita ad eum præ cæteris, in id incumbere omni studio pertinet, ut si quid est in Clericorum vita, moribusque absonum, si quid personæ maiestate, quam in Dei Ecclesia sustinent, indignum, hoc ipsum sermone si potest, emendet ac corrigat, legumque æquitate abstergium, emaculet ac tollat.

**Q**uarto, ad irregularitatem est hoc quoque necesse, ut culpa ex qua oritur, sit in suo genere consummata, ac perfecta. Enimvero cum sit irregularitas grande malum, ab eo tantum opere, illam ortum trahere decuit, cui nihil ad sui complementum deesset, quare qui plagam alicui mortalem imposuit qui cicatricem in capite luculentam & grauem, quam certa mors consequetur, non est irregularis



gularis, quandiu hæc læsum non opprimit, A est enim homicidium, irregularitatis causa, non vulneratio, at tunc tantum, cum viuere læsus desinit, homicidium esse incipit, ergo, &c.

Hanc tamen eadem, aut actionem, quæ irregularitatem generat, esse eiusmodi non est opus, quæ argumentis probari, aut testimonio fide in foro debeat.

Primo, quia dispensare in irregularitatibus ex occulto delicto natis, Episcopis est per Trident. sess. 24. cap. 6. licitum, eius ergo opinione, sensuque, crimina quæ irregularitatem pariunt, non est necesse sic esse hominum generi nota, ut probari, queant, alioqui occulta esse cessarent, clara patentiaque forent.

Secundo, Testes in reum immitti tunc debent, cum res eius, causaque in foro, præsidente iudice, accusante autem aduersario agitur, at non est irregularitas ab homine, sed à iure, eaque ob culpam, quæ etsi sit occulta, nec defectu testimonii probabilis, quantum tamen est ex se, Ecclesiæ iudicio subiacet, ut pote vera culpa, eaque externa & spectabilis, per accidens tamen, quia non sit spectante turba, & in oculis hominum, sed occulte ut supponitur, & proinde hominum testimonio non probanda in foro.

## CAPVT III.

*Quot modis contrahatur irregularitas, & quos effectus habeat.*

**E**st autem contrahendæ irregularitatis bipertita ratio, ex facto & defectu, ad defectum quinque reducuntur species, una ex animi morbo, altera ex corporis macula, tertia ex ætatis defectu, quarta ex vitio natalium, quinta ex seruitute seu libertatis priuatione. Factum est duplex, eorum primum annexam habet culpam, ut homicidium, ea caret alterum, ut bigamia. Factum quod est criminofum species habet distinctas septem, primam ex homicidio voluntario, quo continetur etiam mutilatio, secundam, ex iterato baptismo, tertiam ex vitæ honestatis defectu, qui auctori suo creat infamiam, quartam ex infidelitatis actu aliquo, ut est hæresis, quintam ex ordine male suscepto, sextam ex eodem non collato, septimam ex usu eius præpostero.

Effectus eius sunt duo, primus remouere ab ordinum susceptione, secundus, prohibere ne eos ordinatus exerceat cap. 2. de Clericis pugnansibus, Trident. sess. 14. cap. 7. de reformat. ab irregulari tamen suscepti valent, quia

Pars secunda.

cum Sacramentorum institutio diuini sit iuris, impedire nequit Ecclesia, ne conferantur validè. cum quæ illis sunt intrinseca, materia sci licet, formaque, cum intentione debita adhibentur à ministro.

Beneficii autem acquirendi, & acquisiti, non est irregularis incapax, Syluest. ver. excommunicatio 4. num. 4. Suar. disp. 4. sect. 2. Aegid. disp. 18. nu. 6. Hurtadus de irreg. diffinit. 5. num. 21. quia ex nullo canone potest ea colligi incapax, ut tamen esset necesse, si beneficiis esset suis quis priuatus, quia est irregularis: priuari his tamen potest, ita decernente Alexand. III. in cap. Clericis 5. Ne Clerici vel Monachi, Clericis, inquit, in sacris ordinibus constitutis, ex Concilio Toletano, iudicium sanguinis agitare non licet, unde prohibemus, ne aut per se, membrorum truncationes faciant, aut iudicent inferendas, quod si quis tale quid fecerit, honore priuetur, & loco, Beneficia ergo sua retinere irregularis poterit, dum iis spoliatur à iudice, qui ei licite nullum conferet, etsi id esset facturum valide. si quod forte tribueret. Sic enim Cælest. III. in cap. Henricus 2. de Clericis pugnansibus. in duello de homicida voluntario (quem irregularem esse nemo ambigit) sic (inquam) Pontifex. Poterit tamen cum eo, circa habendum beneficium misericorditer dispensari.

Fieri id vero sine culpa modo non posse, Tridentin. innuit in sess. 14. cap. de reformat. 7. cum de homicida voluntario in hæc verba loquitur: Nullo tempore ad sacros ordines promoueri possit, nec illi aliqua Ecclesiastica beneficia, etiam si curam non habeant animarum conferri liceat, sed omni ordine, ac beneficio, & Ecclesiastico officio perpetuo careat, quæ enim non D licent, hæc fieri sine culpa nequeunt.

## CAPVT IV.

*De Irregularitate qua contrahitur ex animi vitio.*

**S**ub hoc genere irregularitatis contrahendæ ex animi macula, diuersæ continentur species seu modi, communiores hic prosequi mihi est animus, inter eas, primas sibi vindicat infidelitas, ita ut qui non est baptizatus, vere sit irregularis, & consequenter incapax ordinis, Innoc. III. author, in cap. Veniens 3. de Presbytero, consultus enim cum esset, utrum pro ordinato habendus esset, quem parentum caritas, cum est natus, baptismi salutaribus aquis non admouerat, respondit eum per singulos ordines promouendū usque ad Sacerdotium, secundo in Concilio apud Compendium legitur institutum, quod si

ZZz

quis in Presbyterum ordinatus, deprehenderit se non esse baptizatum, baptizetur, & iterum ordinetur, nec mirum quia Baptismus Sacramentorum omnium est ianua, ac fundamentum, quare ante susceptionem baptismi, non suscipitur aliud Sacramentum, quoniam ubi fundamentum non est superadificari non potest, Innoc. cap. Veniens 3. de Presbytero non baptizato.

Vt autem non baptizato, promoueri ad ordines decretis Pontificum, & Ecclesie, non licet, ita nec ei, qui iterato tingi scienter voluit, can. sicut semel primo distinct. 68. qui autem bis ignoranter baptizati sunt, non indigent pro eo poenitere, nisi quod secundum canones ordinari non possunt, nisi magna aliqua necessitas cogat, qui autem non ignoret, iterum baptizati sunt, quasi iterum crucifixerint Christum, per septem annos poenitent.

Rebaptizans item, & qui illi in eo cooperatur, ac ministrat, similiter est irregularis, de est in cap. ex literarum 2. de Apostatis, hæc autem irregularitas quoad ministrantem, est tantum, vt nequeat ad ordines superiores gradum facere, non autem in susceptis ministrare, sic enim Alexand. III. in cap. ex literarum citato. Quia nos duxit tua prudentia consulendos, qualiter puniri debeat Acolythus, quem minor ætas, & intentio fraternæ salutis, excusare videtur, (operam hic suam in respondendo rebaptizanti exhibuerat) Discretionis tue respond. quod ad superiores ordines promoueri (si publicum est quod proponitur) non valebit, si vero occultum est, promoueri poterit, & excessum suum, dignis poenitentia fructibus expiare.

Idem est de rebaptizante ac de eius ministro iudicium, secundum Panorm. in eum canon. & Hurtadum de irregular. difficult. 1. disp. 2. quia ille eodem est iure irregularis, quo ministrans, ergo vt hic cū crimen non est publicum, pro irregulari non est habendus, ita nec rebaptizans.

Quid si Sacramenta alia iterentur?

Ab iteratione Confirmationis & Ordinis, irregularitatem contrahi dixerunt scriptores aliqui, vt Antoninus, cui assentiri cæteris nō placet, quod de eo nulla sit in iure expressa mentio, Nauar. Enchirid. cap. 27. Auila par. 7. disp. 7. dub. 5.

Vt autem à susceptione ordinum, non baptizati, aut prudenter, dedicaque opera rebaptizantes repelluntur, ita & qui adulti cum essent, primigeniam Adæ culpam, baptismi Sacramento expiare nisi in extremis positi noluerunt, Concil. Neocæsar. can. 12. Si quis in aegritudine constitutus fuerit baptizatus, Presbyter ordinari non debet. Non enim fides illius voluntaria, sed ex necessitate est, nisi forte postea ipsius studium, & fides probabilis fuerit, aut hominum raritas cogat, quare si istarum re-

rum desit alterutra, nisi Papa dispensante non ordinabitur. Felicianus de irregularis. cap. 7.

Incapaces similiter sunt ordinum, hæretici quique iis opera, studioque fauent, Ambrosii ad Rufum epist. 22. cap. 3. sunt hæc verba. Nostra lex Ecclesia est, venientibus ab hæreticis, qui tamen ab illis baptizati sunt per manus impositionem, laicam tantum tribuere communionem, nec ex his aliquem, in Clericatus honorem vel exiguum subrogare.

Eos sane Laodicensis Synodus, sacris excludit ædibus can. 6. Carthagin. autem cui Cyprian. præfuit in can. 96. statuit, Imperatorem rogandum esse, vt legem à Theodosio eius parente latam, de decem libris auri aduersus hæreticos, qui ordinant, & ordinantur, accuratè seruet, in Nicæno autem primo Concil. can. 10. hæc leguntur: Quicumque ex iis qui lapsi sunt, vel per ignorantiam vel scientibus iis qui promouerunt, ordinati sunt, hoc Ecclesiastico canoni non præiudicat, si enim cogniti deponuntur, οὐ μὴν ὁ φελλόμενος ἐκ τῆς χριστονομίας καὶ ἐν αἰδίᾳ τοῦ χριστονομιστοῦ αὐτῇ γέγονε, vt qui ex ordinatione non inuentur, licet ipsa, sciente illo qui ordinat, facta sit inquit Balsamon in eum canonem.

Quod si eiurata hæresi fidem amplectatur Catholicā, eo quidē fungi ordine poterunt, quo erant ante abiecta religionis Christianæ mysteria instructi, sed ad superiorem, gradū nō facient, Sufficiet illis commissæ sibi plebis curam gerere, non autem illos etiam antistites, quos Catholica fides in Ecclesia sinu, & edocuit, & genuit, ad obtinendum primatus culmen anteire, Gregor. ad Episcop. Numid. lib. 1. epist. 75. Fidē facit canon Apostolicus 61. pericriptus his verbis: Si quis Clericus propter metum Iudei, vel Græci, vel hæretici negauerit, si quidem nomen Christi, eiiciatur, si autem nomen Clerici, deponatur, in quem locum tria Balsamon habet digna quæ hic inferantur, primum à fide Christi Apostatam fuisse depositum, id est irregularem. Alterum Clericos si sacras veltes deponunt & instar laicorum conuersentur ἡ δὲ πρῶτος αἰτία τῆς ἀναγωγῆς ἐστὶν τὸ ὁμολογεῖν non posse vt lectores quidpiam agere, quod est irregularem esse. Tertium quod multo magis, qui talem sua sponte abnegationem admisit, & sanctum habitum illulit, & ἐξέβαλεται τῆς τοῦ πνεύματος ἀρρώστιας, dignus prior ordine non censetur, vt pote qui eo uti, vt ante, non potest.

Par poena Apostatas à fide afficit, quia vt irregulares, susceptorum vsunt ordinum, suscipiendorum autem spe omni, nisi Papa dispēsaueit, priuati, (veri enim sunt hæretici,) quæ hos ergo leges, quæ iura à sacris remouent altaribus, excludunt & Apostatas.

Postremo

Postremo inter irregulares ex animi vitio, collocandi sunt Neophyti, & illiterati, de prioribus decreuere his verbis, Concilia & Pontifices Laodicen. can. 3. *Non oportet neophytum promoueri ad ordinem Sacerdotalem, Arelat. 2. can. Ordinari ad prioratus vel Sacerdotij officium Neophytum non debere, Sardicenses can. 10. Conueniens non est, nec ratio, vel disciplina patitur, ut temerè, vel leuiter ordinetur, aut Episcopus, aut Presbyter, aut Diaconus qui Neophytus est, maxime cum & magister gentium, B. Paulus ne hoc fieret, denunciaffe, & prohibuisse videatur, sed hi quorum per longum tempus examinata sit vita, & merita fuerint comprobata.* Enimuero verbo debet & exemplo Presbyter, singulos ad magnarum rerum studia acuere, vitiorum odium minutæ plebis animo alto defigere, incendere tepidos, tardos ad cursum cogere, quis in dictis, factisque tenendus sit modus, docere, hæc autem præstare neophytus qui potest? aut quomodo Sacerdotij magisterium implere, cuius nec officium tenuit, nec disciplinam cognouit? aut quid docere poterit, cum ipse non didicerit? Isidor. lib. 2. cap. 6. de Ecclesiast. officiis, Aquisgran. Concil. can. 9.

At erit opere (inquies) quam lingua melior, quæ sermone non poterit, faciendo, suadebit potentius quam dicendo. Quam id vero veri ab simile? ignorat momentaneus Sacerdos humilitatem, & mansuetudinem, ignorat blanditias Christianas, nescit seipsum contemnere, non ieiunauit, non flevit, non mores suos sæpe reprehendit, nec assidua meditatione correxit, incidunt in superbiam, qui in puncto horæ, necdum discipuli, iam magistri sunt. Hieronym. in epist. ad Oceanum: Aquisgran. Concil. can. 11. non expectari ergo à Neophyto earum virtutum exempla debent, quibus præstare fideles est necesse. Non negamus esse in laicis Deo placitos mores, sed milites probatque fidelia querunt instituta. Discere prius quisque debet, antequam doceat, exemplum religioso conuersationis de se potius præstare, quam sumere: emendatiorem esse conuenit populo, quem necesse est orare pro populo, Hormisda ad Episcop. Hispan. epist. 4. cap. 1. Quare si quem vita probabilis, ac mores commendarent, posset hic ex laico fieri Episcopus ac Sacerdos, exemplo D. Nicol. Ambros. & Seueri Gratian. dist. 61. can. statim 8.

Neophytis adiungendi sunt illiterati, hoc est rudes, ac litterarum ignari Nauar. cap. 27. n. 203. sic quidem ut latine quæ sunt scripta in canone, nequeant intelligere, can. illiteratos dist. 36. andoet. 1. Clerici, ad tempus à celebratione diuinæ hostiæ, & officii suspenduntur, ut docti valeant ad debitum ministerium aduenire, Synod.

A Romana sub Eugen. II. nam si in Laicis vix tolerabilis videtur infcitia, quanto magis in eis qui præsumunt, nec excusatione est digna, nec venia, Leo epist. 22. ad Constantinopolitanos.

Equidem consuram nisi confirmatis, ac cum fidei rudimentis, legere & scribere scientibus, dari posse, negat Trident. sess. 23. cap. 4. de reformat. Ad minores promoueri qui appetunt, debent latinam linguam intelligere, & testimonium habere à Parocho, scholæque magistro, Trid. sess. 23. cap. 5. & 11. Diaconos & Subdiaconos fieri non oportet, nisi probatos in minoribus ordinibus, ac literis, iisque quæ ad ordinem exercendum pertinent instructos cap. 13.

Presbyteros oportet scire canones alioqui quomodo indicabunt Ecclesiam? quis potest fieri medicus, si ignorat medicinam? Gregor. VII. can. 28. & 30.

Secundo quia dicere ad pop. Sacerdotes conuenit, scient scripturas sanctas, & canones meditentur, ut omne opus eorum, in predicatione diuina, & doctrina consistat. Conc. Tolet. 4. can. 24. quare ad Presbyteratus ordinem assumi alios Concil. prohibet sess. 13. cap. 14. de reform. quam qui ad populum docendum ea, quæ scire omnibus necessarium est ad salutem, ac ad administranda Sacramenta, diligenti examine præcedente idonei comprobati fuerint.

Ad hoc enim, ut est in can. 10. Synodi 7. Sacerdotium sunt sortiti, quare eos ibi Patres hortantur ut abiudicatis curis sæculi, principumque maxime, ac procerum neglectis negotiis accedant ad docendos pueros & seruos, & tunc eis dicitur à quibusdam, quoniam ad hoc sunt delecti. Quid enim aliud in Ecclesia Domini vtilius geri, quid accommodatius officio Episcopi potest inueniri, quam ut doctrina diuinorum, per ipsum insinuata, collataque verborum, possint credentes ad repromissum regnum peruenire cælorum? Cyprian. de bono pudro. n. 3. eo aspirare laudis ac gloriæ, vtrū ignari possint, deque scripturarum penu, sacras fidelibus apponere epulas? malo ab aliis cogitari, quam à me hic poni.

## CAP. V.

E De Irregularitate quæ ex corporis macula oritur.

Ad hanc irregularitatis speciem pertinent, non modo parte corporis aliqua destituti, ac debiles, ut claudi & cæci, ut est in can. Apost. 77. & 78. sed leprosi, furiosi abstemii, lunatici & obsessi, cæterique, qui etsi in corpore, vitio careant, in eo tamen defectu non visibili, quo laborant, quadam

prates sensuum est seclatus, in iis occupari sacrorum ministeriis, quibus augustius nihil est ac purius, ac curiales constat in ipsis muneribus etiam voluptates exhibere, quas à Diabolo inuentas esse non est dubium, Innoc. ibi, can. præterea dist. 51. Sunt enim Curiales, strictè sumpti, qui curiis sunt ascripti, ut iudices & decuriones, lego penult. Cod. de ex act. trib. lib. 50. leg. 11. 12. & 18. Cod. de Episcop. & Cleric. late autem, ac minus proprie Curialis cum sumitur, idem est, ac qui in Republ. vel curia, auctoritate Principis, aut Magistratus, officio publico, tam honesto, ut iudicis, Aduocati Tabellionis, quam turpi & obsceno, ut histriionis, ac mimi fungitur, in hunc est sensum usurpata hæc dictio, ab Innoc. can. præterea citato, lubet cum audire. Constat enim curiales in iis muneribus, etiam voluptates exhibere, quas à diabolo inuentas esse, non dubium est, & ludorum, & mimorum apparatus, aut præesse, aut forsitan interesse.

De magistratibus autem fori repudiandis à Clero, est canon Apostolicus 81. & 83. in hæc verba: Episcopus vel Presbyter, vel Diaconus exercitui vacans, & vtraque obtinere volens, Romanum scilicet magistratum, & Sacerdotale administrationē, deponatur, quod de his autem hic sanxere Apostoli, similiter decreuere de seruis, de quibus est hæc eorū cōstitutio in can. 82. Seruos in Clerū promoueri sine voluntate dominorū non permittimus, si quando autem etiam seruus, dignus visus sit, qui ad gradum eligatur, & Domini concesserint, ac liberauerint, & adibus amiserint, fiat, quare nec libertas, nec Sacerdotium, nec aliquid aliud, dominum ignorantem à serui sui dominio abalienat, Balsam. ibi.

Sunt etiam bigami in eorum cogendi classem, quos corporis macula aliqua inficit, ac scēdat, nec proinde Papa non dispensante, ac probante, ad diuina Clericorum admittēdi sunt munera, id enim vetant Apost. Pontifices ac Concilia, si quis, inquit canon Apost. 17. post baptismum secundis fuerit nuptiis copulatus, aut concubinā habuerit, non potest esse Episcopus, non Presbyter, non Diaconus, aut prorsus ex numero eorum, qui ministerio sacro deserviunt.

At est regendæ Ecclesiæ idoneus, moribus vitæque probus. Omnino nequaquam tamen vel ad Diaconi gradum, vel ad Presbyteri honorem, vel ad Episcopatus culmen ascendet, si aut ipsum, non vnius vxoris virum, aut vxorem vnius, non vnius viri fuisse elaruerit Leo epist. 85. ad Episc. Afric. cap. 1. quare de digamis consuli non debet, quod manifesta sit lectio Apostoli, vnius vxoris virum, ad sacerdotium, seu Clericatum, admitti debere, Innoc. epist. 4. cap. 2.

Est autem Bigamus, qui duas vxores suc-

cessiue, diuersisque temporibus habuit, vel vnam, non tamen virginem, & cuiusmodi homini, non tantum executio, vsusque ordinum, sed aliorum quoque susceptio interdicatur, ut habetur de bigamis non ordinandis cap. 1. 2. & 3. dist. 24. can. precipimus, can. si quis viduam. Prohibetur ei quoque tonsura sub anathemate de bigamis in 6. cap. vnico, ut mirum videri nulli debeat, si Clericale priuilegium nullum habeat, decreto Lugdunens. Concil. quod est tale, Digamos omni priuilegio Clericali declaramus esse nudatos, & coercionem fori secularis addictos, consuetudine contraria non obstante. Ipsi quoque sub anathemate prohibemus, deferre tonsuram vel habitum Clericalem.

Fit autem quis bigamus opinione quorundam, septem modis, communi & vera, tribus tantum. Re, interpretatione, & similitudine, re quidem, cum vxores duas successiue, siue ante, siue post baptismum habuit, can. deinde 3. dist. 26. & can. acutius 2. eiusdem distinct. nam ut femina si catechumena vitata est, non potest inter Virgines consecrari, ita non absurde visum est, bigamum non peccasse, sed normam Sacramenti omisisse, non ad vitæ meritum, sed ad ordinationis Ecclesiasticæ signaculum necessariam, dist. 26. can. 2. quibus verbis, causa vna de multis producit, ob quam in Christi exercitu, cum Clericis stipendia facere bigamo non est licitum, nimirum quod bis coniugatus, diuinam Christi Seruatoris coniunctionem, cum Ecclesia sponsa sua, eaque vnica referre non potest, cap. debitum de bigamis.

Similitudine sunt bigami, qui sacro insigniti ordine, aut solenni obstricti voto, cum scēmina contrahunt, eamque comprimunt, licet illa sit virgo, Innoc. III. est hic sensus cap. à nobis 7. de bigamis, & 27. q. 1. can. quotquot 24. qui est 19. Concil. Ancyran. vbi est his verbis: Quotquot virginatē pollicitam preuicari sunt, professione contempta, inter digamos, id est, qui ad secundas nuptias transferunt, haberi debent.

At enim (inquies) professum inter aut sacris instructum ordinibus, & scēminam, maritale vinculum intercedere nullum potest, bigami ergo nec iste, nec ille, esse possunt, aut dici.

Obiectioni pridem est ab Innoc. factum satis, cum in cap. à nobis 7. extra de bigamis eos Bigamos ait, non propter Sacramenti defectum, sed affectum, intentionis opere subsecuto.

Interpretatione dicitur bigamus, qui cum vna sola contraxit sed vidua, can. si quis viduam dist. 34. aut corrupta per alium, can. curandum, aut cum concubina, id est à se ante



matrimonium cognita *can. maritum dist. 33.* Hilarii quidem Papæ, est hæc sanctio, *ut bigamis, aut vidua, aut corrupta mariti, ad gradus Ecclesiasticos non accedant*; huic si non verbis, sensu tamen non est absimilis, quæ in Conc. Hispalensi, quarta est ordine: *Nunciatum est nobis apud Astigitanam Ecclesiam ordinationes quasdam illicitas extitisse, ut quidam, viduarum Levitarum ministerio sacrarentur, quos quidem convenit gradu suscepto, in irritum revocari, nec ulterius promoueri ad Diaconi ministerium, &c.*

In bigamia autem vera & reali dispensat solus Papa, ad ordines obtinendos, & obtentos exercendos, Maiol. lib. 1. de irregular. ca. 33. quia cum sit præceptum Apostolicum, eius autoritas requiritur, qui sit potestate Apostolis non impar, quod si ad minores dispensat Episcopus, ut est D. Thomæ opinio in 4. dist. 27. Sylu. verbo bigamia q. 6. non tamen nisi ad usum,

Cum bigamo qui similitudine tantum est talis, non dispensat Episcopus nisi ad minores, cum eo tamen si religiosis se votis obligauerit, dispensare superior ad sacros poterit, Rodrig. 10. 1. q. 14. art. 20. Portelius de dubiis regular. verbo dispensare num. 4. quod enim Carthusiensibus olim à Sixto IV. singulari in eos benevolentia concessum legitur, quod ab alio, alumnis D. Hieronymi in Hispania, ut in eorum Compendio verbo Ordines sacri parag. 6. legitur, è disciplina sua regularibus, quos casus, aut culpa, post conceptum de castitate votum, bigamos per consummatum matrimonium, licet nullum, reddidit, ad sacros ordines accessit ut indulgere hi valeant, hoc sibi ceteri religiosi quibuscum privilegia illi sua communicant, vèdicare sunt soliti. Sane constat societatis Præpositum cum istiusmodi Bigamis, si res ferat, ad omnes dispensare posse ordines, ut est in eiusdem Societ. compendio verbo dispensare parag. 5. & 6.

## CAP. VI.

### De Irregularitate ex defectu corporis.

**Q**Uod eidem quoque Generali Præposito & ceteris Religionum moderatoribus, licere aiunt in mutilatione membri voluntaria occulta, nec deducta ad forum contentiosum: Rodrig. tomo 1. q. 24. art. 10. Portelius in verbo dispensare num. 7. & in verbo Prelatus num. 39.

Est ergo mutilatus, hoc est membro mancus, non quolibet, sed ad ministerii sui functionem necessario, irregularis. Irregularis item, cuius facies, his est scedata macu-

**A**lis, quæ horrorem spectantibus faciant, ac nauseam, irregularis, qui Clericorum obire quidem absolute munera potest, sed non sine scandalo, aut nota, sic illi cui erutus est oculus, non possunt secundum canones, iura Sacerdotij concedi, Gelasius Papa ad Rufinum, & refertur dist. 55. can. si Evangelica 13. non Eunuchus, si quis abscidit semetipsum, id est si quis amputavit sibi virilia, non fiat Clericus, quia sui ipsius homicida est, & Dei conditionis inimicus can. Apost. 22. non parte sui aliqua, ad splendorem vultus, decentiamque utili, ac necessaria destituito. Prospiciendum est, ne duo simul in una sint Ecclesia Sacerdotes, nec literarum ignari, aut carentes aliqua parte membrorum, ad sacrum ministerium prorsus sinatur accedere, Hilar. epist. 1. ad Ascanium Tarracon. Episc. cap. 4. ita sinistra manu mutilatus, est ab Abbatis officio remouendus, ut dicitur in c. exposuisti 6. de corpore vitiat, similiter surdus & cæcus, Sacerdotes esse nequeunt, non propter defectum aut quia obleso corpore sunt, sed ne Ecclesiastica impediuntur munia can. Apost. 77.

**C**Quod si ex his defectibus aliquis, ordinato accideret, nec eum tamen nimis deformem redderet, exequi hic posset omnia, ad quæ talis defectus impedimento esse non solet, ita si quis oculis est captus, celebrare nequit, aut Evangelium, horasque legere, tamē ad populum dicere, confitenti aures commodare poterit, Eugenius Papa cap. 4. de Clerico agrote ministr. beneficium itē cui præest & quo privari non debet, si ipse sibi talis defectus causa non extitit, regere ac administrare, eius fructus percipere: Gregor. I. cap. 1. de Clerico agrote ministrante, coadiutor ei tamen ab Episcopo designabitur, si beneficium quo fruitur, de eorum sit numero, quæ Missam dici quot hebdomadis, aut diebus, populoque Sacramenta conferti exigunt, Innocent. III. in decretal. ex parte 5. de Clerico agrote ministr. & Lucius III. in cap. 3. eiusdem tituli. De rectoribus Ecclesiarum, inquit, lepra macula usque adeo infectis, quod altari servire non possunt, nec sine magno scandalo eorum, qui sani sunt, Ecclesias ingredi, hoc volumus te tenere, quod eis dandus est coadiutor, qui curam habeat animarum, & de facultatibus Ecclesie, ad sustentationem suam, congruam recipiat portionem.

**E**Si tamen esset vitium hoc occultum, si membri non necessarij ad Ecclesiastica munera privatio occulta, irregularitatem certe ei qui illo privatus foret, non pareret, nisi sua illud manu, aut alterius, sine causa tamē sibi amputari, demique curasset, ita canones, si quis absciderit 4. dist. 55. can. hi qui 5. can. qui partem 6. eiusd. dist. cap. significavit 4. de corpore vitiat. Dixi sine causa, nam Eunuchus si per insidias hominum

hominum factus est, vel si in persecutione, eius sunt amputata virilia, vel si ita natus est, & est dignus, efficiatur Episcopus.

Ad iustam causam referenda est ægritudo, cuius sanandæ gratia, si membrum de medicorum consilio est exsectum, ea corporis parte destitutus quisquis erit, ministerii sui officium exequi poterit Innocent. III. teste in cap. ex parte 5. de corpore vitiatæ, ad cuius testimonium Concil. quoque Nicæni primi adiungenda videtur autoritas, in cuius canone primo hæc scripta reperio: Si quis ægritudine, vela medicis sectus, vel à barbaris castratus, placuit ut iste permaneat in Clero. Si quis autem sanus seipsum abscidit, hic etiam si est in Clero, cessare debet, & ex hoc nullum talem oportet ordinari.

Similiter, si quis casu, rei licitæ dans operam, membrum, aut eius partem aliquam perdat, aut sibi amputet, à suscipiendo ordine non repellitur, nec à suscepto deiicitur, Pet. Greg. lib. 4. partition. iuris titulo 13. cap. 5. num. 2. modo ne ex eius abscissione deformitas aliqua plusquam vulgaris, aut inhabilitas ad præstationem officii non resulter, cap. ultimo de corpore vitiatæ & in cap. 2. eiusdem. tit. dicitur ad Episcopatum prouehi posse, qui maculam habet in oculo, non eiusmodi tamen, quæ magnæ deformitatis sit causa. Eodem modo cum quocunque alio, cui operam rei illicitæ danti, pars corporis aliqua, modica tamen deperit, pro solita sua caritate, dispensare Episcopum posse, ut in susceptis ministret, non autem ut ad superiores aspiret, dummodo tamen eius priuatio, deformitatem reliquo corpori non magnam afferat: habet, Fœlician. de irregul. Quare et si qui à natiuitate est cæcus, aut oculo sinistro caret, repellatur à sacris Ecclesiæ altaribus in can. si Evangelista 13. dist. 55. nam illi, cui erutus est oculus, non possunt secundum canones, Sacerdotij munera concedi, & in cap. cum tu de corpore vitiatæ, permittitur Archiepiscopo, ut cum habente in oculo maculam, ad ordines dispenseret, si est hæc tamen modica, dispensatione non indiget, cap. Thomas de corpore vitiatæ ultimo, ita gibbosus, & claudus ordinari queunt, imo & oculo dextro destitutus, per can. Apostol. 76. ubi est his verbis: Si quis oculo defectus, aut obtuso crure existat, & dignus sit, Episcopus efficitur.

Quo sunt honore indigni, qui ex coitu, diuinis prohibito legibus sunt nati, de filiis Presbyteror. cap. 1. nisi cum illis dispensatum fuerit, aut Monachi fiant, aut in congregatione canonica regulariter viuunt, de filiis Presbyteror. cap. 1. Ad dignitates autem, personatus, & alia beneficia curam animarum habentia, sine dispensatione sedis Apostolicæ, promoueri nequeunt, de-

creto Gregor IX. in cap. nimis in tua 18. eiusdem. titul.

At adulterinam, incestamque prolem, & quamlibet aliam non legitimam, Principis autoritate legitimam euadere posse, peruincunt tum quotidiana exempla, tum Doctorum communis sententia. D. Thomæ præ cæteris in 4. sentent. dist. 41. q. 1. art. 3. Coar. in 4. decretal. parte 2. cap. 8. parag. 3. numero 8.

Respondend. esse verè in potestate Principum, beneficium legitimorum hæredum largiri spuris, cum id sit sine dāno. & iniuria vel legitimorum liberorum, vel eorum, quibus est iam ius acquisitum in bonis testatoris, quod enim per legem inducitur, inquit loco citato Diu. Thom. per legem reuocari potest, ergo cum filiorum illegitimitas, sit per legem positiuam inducta, tolli hæc per eum poterit, qui auctoritatem habet legis. Sed est negandum, esse similiter iniure Principum, creare legitimos, ac ad suscipiendos ordines sacros reddere idoneos, qui ex adulterio, fornicatione, aut incestu sunt suscepti.

Cum huiusmodi autem potest Episcopus in minoribus ordinibus dispensare, collato etiam beneficio simplici, in maioribus solus Papa de filiis Presbyteror. cap. ultimo. Si tamen abiudicatis sæculi curis, religioni nomen dederint, in eaque vota nuncuparint, iurè communi censebuntur ad omnes ordines, sine facultate alia idonei: Portellus in dubiis regularib. verbo dispensare n. 1. non tamen ad dignitates Prælaturas & officia ordinis Rodrig. to. 1. q. 13. art. 6. & 9. nisi forte priuilegio gauderet ea religio, quod ab Eugen. IV. Congregationi S. Ioann. Euangelistæ concessum dicitur, nempe, ut eorum quilibet, qui in ea est professus, censeatur ad præfecturas, officiaque omnia ordinis dispensatus.

Deseruis dicere hæc habeo.

Primo reici eos ab ordine, de seruis non ordinandis cap. 1. & 2. & dist. 34. can. 1. nullus Episcoporum, seruum alterius ad Clericatus officium, promouere præsumat, nisi forte eorum petitio, aut voluntas accesserit, qui aliquid sibi in eo vindicant potestatis.

E Secundo, ad eum tamen admitti posse, si per dominum liceat, nam eo sciente & non contradicente, in Clero cum ordinatur, ex hoc ipso, quod constitutus est, liber fit & ingenuus dist. 34. si seruus 20.

Tertio, si manumissus libertatem consequatur Concil. Tolet. 4. can. 67. & 68. De familiis Ecclesiæ, constituere per Parochias Presbyteros, & Diaconos liceat, ea tamen ratione, ut antea manumissi libertatem status sui percipiant.

quarto, serui sine ea manumissione, aut A Domini voluntate, non admittendi ad ordines, causas fuisse Pontificibus varias, præcipue sunt istæ.

Prima, quod immunis esse debeat ab aliis, qui diuinæ iustitiæ est aggregandus, ut à castris Dominicis, quibus nomen eius ascribitur, nullis necessitatis vinculis abstrahatur, can. 1. dist. 54.

Altera, quod in id incumbendum sit singulis, ne per Christiani nominis institutum, aut aliena peruadi, aut publica videatur disciplina perueriti, Gelas. in epist. 1. ad Episcopos per Lucan. cap. 16. Enimuero cum serui Dominis sint obnoxii, de eorum subtrahi potestate, cum in Clerum transeunt, ecquid est aliud, quam inficis possessoribus, sua contra ius, æquumq; eripit: quare si in eo facta sibi queratur iniuriâ, & in Clericatus officio detineri contra voluntatem suam probauerint, discussos, & obnoxios approbatos, custodito legum tramite, sine intermissione restitui, Gelasius imperat, in can. ex antiquis regulis 9. dist. 54. hoc est in pristinam seruitutem redigi, quem mihi sensum à Concil. Tribur. iniectum fateor, in quo sic Patres præcipiunt, *Seruus non canonicè consecratus, postquam de gradu ceciderit, eius conditionis sit, cuius fuerat ante gradum, quod de constituto duntaxat in minoribus intelligendum esse, inde colligere posse, mihi videor, quod ad Diaconatum ignorante Domino, ac Ordinatore Episcopo promoti, precium illi pendere, aut Vicarium sibi iubeantur substituere, qui à se Domino exhiberi solita officia, eidem ex fide præstaret, quo priuilegio gaudere quoque Subdiaconos declarauit, Innoc. III. in cap. miramur 7. de seruis non ordinandis.*

Ad Presbyteros autem quod attinet, consistere hi in gradu poterant, si quæ, labore ac industria sibi bona pepererant, hæc domino fruenda relinquerent, lubet super ea re loquentem audire Pontificem in can. ex antiquis literis 9. dist. 54. Si quis iam ex his Presbyter reperitur, in eodem gradu, peculijsui amissione mulctatus, maneat. Diaconus vero, aut Vicariū præstet, aut si non habuerit, ipse reddatur. Reliqua vero officia, sciant neminem posse ab hac obnoxietate, si conuincitur, vindicari, quatenus hoc ordine custodito, nec Dominorum iura, nec priuilegia illa turbentur, debent hi tamen intra annum, ab eo die, quo de seruorum ordinatione illis constituit, & seruilem fortunam probare, & eos repetere can. si seruus 19. dist. 54. eo exacto, omni eorum repetendorum iure excidunt, secundum Raymund de originariis. ascriptiis & propriè dictis colonis.

## CAP. VII.

*Qui sint Irregulares ex delictis infamibus.*

P Aræ pena cum seruis, plecti solitos, magis corū reos criminum, quos infames dicimus, notius est, quam ut de eo ambigi cum causa queat, sic enim Pontifices Alex. III. in cap. ex tenore 4. & Gregor. IX. cap. quæsitum 17. de temporib. ordinationum. & canone qui in aliquo crimin. extremo dist. 31.

Est autem infamis, infamia ciuili quem lex, vel decretum principis, vel edictum prætoris, ex causa aliqua turpi notauit ut ignominiosum. Infamis autem facti infamia, is dicitur qui ob aliquod facinus notorium, malam vitam, aut exercitium abiectum & vile, aut punitione publica, male audit, quo sensu eos omnes infames dicimus, quorum vita libidine infesta, Deo est, ac hominibus exosa. Quare infamia, quæ apud Iurisperitos nota appellatur ac ignominia lege 1. parag. 1. digest. de iis qui notantur ignominia, triplex est, ciuilis, canonica ac facti. Prior sola legis autoritate infligitur, quod fit duobus modis, primo cum quis id facit, cui iure infamia est annexa, hoc est, cum in iis operibus versatur, in quibus iure cauetur, infamiam ipso facto incurri. Altero, cum quis in iudicio, de aliquo scelere publico, aut priuato est conuictus vel propria ipsiusmet confessione damnatus, vel pœna corporali affectus publicè, iustam nominis contrahit maculam.

Infamia canonica sic dicitur à canone, qui eam imponit, Facti, ex ipsa rei est in dignitate secundum censuram honorum virorum, leg. 2. digest. de obsequenti. à lib. & liber parent. & patr. præstandis, hoc est ex sermone communi hominum, ac opinione prouenit, factum id à quo quis habet, ut sit ipso facto infamis ob suam enormitatem, improbantium.

Ad eam rem autem est necesse, ut factum cuius causa quis est ea re infamis, & irregularis, sit publicum, hoc est notorietate iuris, aut facti cognitum, Alexand. III. est hæc sanctio in cap. ex tenore 4. de temporib. ordinat. & Greg. noni, in cap. quæsitum extremo eiusd. tituli, communi auctorum approbata sensu, Suar. tom. 2. de relig. lib. 3. de iuram. cap. 19. num. 13. Iulii Clari lib. 5. sentent. parag. periurium, nec enim subitur à quoquam infamia ex delicto, nisi sit tale, quale iura ad eum effectum postulant, quo de genere, non esse occultum, citati proximè canones indicant, ipsaque ratio, nam quid iniquius, quam ob crimen soli Deo cognitum, patere quenquam, hominum

hominum si non inuidia, ac odio, saltem neglectui, ob contractam à se infamiam: quare et si ut ea quis notetur, non sit necesse, eius existimationem per sententiam, aut iudicis edictum lædi, et tamen ipsa & opinione hominum, infamiae notam ut subeat, opus est ut eius crimen sit notorium notorietate facti, per eiusdem euidentiā, sic ut nullo remedio occultari, nulla tergiversatione clari possit, aut confessione propria, vel iudicis sententia. Aliquando enim (inquit canon infames 102. cause 3 qu. 7.) contrahitur infamia genere delicti, declarati per sententiam, veluti cum iudex pronuntiat, iniuriam fecisti, hereditatem expilasti, calumniatus es, aliquando genere pœnæ, sicut illi qui damnantur in opus publicum. qui pristinum quidem statum obtinent, sed damno infamiae, etiam post impletum tempus subiiciuntur, aliquando genere pœnæ, & delicti declarati per sententiam; veluti dum fustibus caeso per præconem dicitur. Calumniatus es, aliquando ipso genere facti, ut exerceentes improbum fœnus. Infamia ergo, ex qua oritur irregularitas per crimina non qualibet, sed notoria, notorietate facti, aut iuris, incurri debet, quando his non est canonico iure, aut ciuili annexa infamia, nam si legibus sunt damnata, si eiusmodi quæ auctori suo infamiam creent, non est necesse ea declarari tali per iudicem, debent tamen esse notoria notorietate facti, quia qui illa concipiunt, sunt, & habentur iure infames 6. q. 1. cap. infames, faciam ergo opere pretium meum, si eiusmodi criminum breuem hic attexuero indiculum; ex quo fiat coniectura de cæteris.

Ordior ab Apostasia, quæ triplex est, vna ab obedientia Dei, Prælatorum Ecclesiæ, & sacrarum legum, altera à fide, tertia à religione, patetque tum maximè cum sacri ordinis insignia, quæ sunt habitus, & tonsura, turpi à virtute ad vitium, à cœnobio in seculum transfugio deferuntur: & quidem ob prioris generis Apostasiam, notari quem infamia, decretalis tertia Clement. indicat, in qua Presbyteros, Diaconos, & Clericos omnes, tam maioris ordinis, quam inferioris, non solum infames, sed & excoꝛres à regno Dei, & consortio fidelium, ac à liminibus sanctæ Dei Ecclesiæ alienos esse ait, si Episcopis non obediunt 11. q. 3. can. si autem 11. A secunda similiter, notantur infamia Apostatæ in decretali Pii II. relata à Grat. causa 3. q. 4. can. 2. his verbis: Si quis à suo proposito retrorsum exorbitauerit, infamis efficitur: Apostasie quoque tertii generis adiunctam esse infamiam, Innoc. III. voluit in decretali sue 3. de Apostatis, donec deficiente probatione, ad eam abolendam, prædicti Apostatæ purgationem canonicam curauerint exhibere.

Pars secunda.

A Secundo, iure sunt infames, qui vsuras exigunt 3. q. 7. can. infames parag. porro.

Tertio qui alienum thalamum turpi adulterio commaculant digest. de ritu nuptiar. lege palam parag. quæ in adult.

Quarto qui prostituunt filias ac neptes, qui questum corpore faciunt, qui lenocinio scædas adiuuant maritorum voluptates, lege athletas parag. ait Præter dig. eod.

Quinto, qui periurio se inquinant Felinus in cap. testimonium num. 20. de testib. Iulius Clarus lib. 5. parag. periurium num. 3. & patet ex can. infames 17. & can. quicumque 6. q. 1.

B Sexto infamis est qui Christianæ legis normam abicit, & statuta Ecclesiastica contemnit.

Septimo, fures, sacrilegi, & omnes capitalibus criminibus irretiti, sepulchrorum violatores, qui aduersus paucos armantur, qui in mundo infamia notantur, similiter & incestuosi, homicide, periuri, raptores, malefici, venefici, adulteri, qui fratres calumniantur, & accusant, & non probant, omnes anathematizati, vel pro suis sceleribus ab Ecclesia pulsati, & omnes quos Ecclesiastica vel sæculi leges, infames pronuntiant 6. q. 1. canone infames 17.

C Octauo, monomachi, cæterique, qui singulari certamine lites sibi suas terminandas, exitu sæpe miserabili, ac funesto existimant.

Nono perduelles.

Decimo, S. Romanæ Ecclesiæ Cardinalium insecutores, ac hostes.

D Sunt & alia crimina, per quæ subitur infamia, & consequenter irregularitas, eiusmodi sunt graua, piacularia, scæda, enormia, & quidem duo sunt, quæ licet occulta, semper tamen impediunt promouendum, & promotum deiiciunt scilicet Simonia in ordine, & homicidium, istius Gregorius eius nominis IX. meminit in cap. vlt. de tempor. ordinationum, Simonie autem Paulus II. in Extravag. cum detestabile, & alii Pontifices, in c. tanta de Simonia, can. reperiuntur 1. q. 1. Glossa in cap. 10. de cohabitac. Clericorum & mulier. Felician de irregul. cap. 8.

E Et quanquam diuinis se ministeriis ingerere, aut ad ordines sine dispensatione aspirare homicidæ, & Simoniaci etiam occulsi non debeant, can. miror dist. 50. non tamen alij, qui magna quidem & horrenda conficiunt scelera, sed eiusmodi tamen quæ lateant, suntque Deo soli cognita, nam peccata pœnitentia, collatis sibi vii ordinibus poterunt, necdum autem habitos, sibi ex præscripto, rituque Ecclesiæ petere, ac recipere non vetantur, nisi forte homicidii admissi rei forent, hos enim ab ordine, nisi obtenta ante, dispensatione reuocat Ecclesia, ita Greg.

AAaa



IX. in cap. *quasitum* 17. de temporibus ordinationum. Si proposita crimina ordine iudiciario comprobata, vel alias notoria non fuerint, non debent hi (præter reos homicidii) post penitentiam, in iam susceptis, vel suscipiendis ordinibus impediri, qui si non penituerint, monendi sunt, &c. hoc ergo inter homicidium, simoniam, & alia crimina enormia licet, & fœda, discrimen est, quod ista post penitentiam, promouendum non impediunt, nec promotum delinunt, impediendo executionem recepti ordinis, ut est in ca. ex tenore 4. de tempor. ordinat. quod priora tamen duo crimina faciunt.

Enormia dixi, nam leuiatam quæ occulta, quam quæ manifesta, cuiusmodi sunt venatio, lusus alex, tabernarum frequentatio, in Clericis susceptione non tollunt ordinis, nec suscepti vsum impediunt, nisi hi moniti sapere, ac ab iis abstinere, obsequi & obsequatè renuerent, enimvero posset hæc infrastructi animi peruiticia, plecti tunc cum ratione, suspensione à suscepti ordinis, ac suscipiendi potestate: Felice. de irregularit. cap. 8.

Quid si delicta erunt inter summa, & infima, inter ponderosa & leuia, medio loco posita? qualia sunt furtum, adulterium, fornicatio, fraus cum dolo, falsumque testimonium?

Si hæc erunt maiori parti vicinæ, aut Collegii sic cognita, nulla ut possint tergiversatione celari, promotum de gradu deturbant, promouendum autem, ne porro ascendere valeat, retardant, fidem testimonii bina faciunt, Terasii vnum, Zachariæ Papæ alterum, sic enim ille in epist. ad Ioann. Presbyterum ante 7. Synodum posita. In scartatione, aut adulterio, si quispiam post baptismum fuerit deprehensus, diuini canones illum ad Sacerdotium non admittunt, hic autem in epist. ad Bonifac. IV. Nullus homicida, inquit, nullus adulter nullus fornicator, sacrum ministerium debet attere, sed neque penitens, qualis sacri canones prohibent esse Sacerdotem. Si erunt ex aduerso peccata hæc occulta, per penitentiam absterfa cum fuerint, ei à quo erunt admissa, exercendi ordinis iam suscepti, nouique suscipiendi facultatem non adiment. De vitæ mutatione per penitentiam sic canon 21. Synodi 6. in Trullo. Qui canonicorum criminum rei facti, & propterea perpetua depositioni subiecti, in laicorum locum detrusi sunt, si quidem ad conuersionem respicientes, peccatum delent, propter quod à graui exciderunt, & ab eo se penitus alienos efficiunt, Clerici habitu tondeantur, id est interprete Balsamone in eum locum tonsuram & Clerici habitum recipiant, tollit ergo infamiam conceptus dolor de peccatis, à quibus oritur, maxime cum sunt occulta. Alexander III. in ca. ex tenore litterarum 4. de temporib. ordinat. Quia peccatum oc-

A cultum est, inquit, si voluerit promoueri, eum non debes aliqua ratione prohibere, nec enim est aliquid, ex quo, absque notorietate oriatur irregularitas ne quid illa crimina, quibus iure imposita est ipso facto infamia, eum effectum producant, nisi sint notoria, secundum Hurtadum de irregular. diff. 4. n. 14. Gregor. enim, loco illo supra citato vniuersum Alexand. III. loquitur, quare non est necessario adhibenda vlla inter peccata distinctio, cum nullam quoad hunc effectum faciant.

B Excipienda sunt etiam, quibus ratione sui, seclusa infamia, adiuncta est irregularitas, hæc enim quamuis sint occulta, eam pariunt, quia ob peccata absolute sumpta, & præcisè ut sunt talia, imponitur, ergo & ob occulta, cum verè, & secundum se sint eiusmodi, qualia canones exigunt, ut irregularitatem ea committenti afferant. Eius generis crimina sunt, homicidium, rebaptizatio, & Sacramentorum administratio in censura, quæ etsi vero dolore penitentis, ac confessione, quam consequatur absolutio, sic remittantur, ut ne eorum quidem leue vestigium sit reliquum, quod Deo exosum reddat animum, non est ideo tamen sublata irregularitas, quia cum hæc nascatur ex infamia, quæ quia lata est ob crimen, aut officium semel exercitum, semper ex se moraliter perseverat, & consequenter irregularitas incurfa, donec dispensatione sit sublata, aut ablatione infamiae à Principe Ecclesiastico, aut seculari, pro eius qualitate, quod in criminibus non accidit, quæ publica quidem sunt, quia palam facta, non tamen notoria, ut pote quæ maiori parti Collegii, aut vicinæ non sunt nota, nam cum infamia tunc non generent, eo quod hæc communem opinionem requirant, satis est si delicta talia, mutatione vitæ, aut penitentia deleantur.

Pater ex dictis aliquem infamem esse.

Primo qui artem est professus, aut actu proficitur, opinione hominum, abiectam & vilem.

Secundo, qui culpam ex his contraxit aliquam, à quibus iure tam canonico, quam ciuili, homines habent ut infames sint, & dicantur.

E Tertio, qui vapulauit publice, aut poena aliqua est affectus, quæ eum merito in suspicionem magni alicuius admissi criminis vocet, ut si est ad triremes damnatus, si ad publica principis ergastula.

Quarto, qui crimen aliquod graue consciuit, aut mediocre, de quo accusatus, & conuictus corpore luit, aut honore.

Quinto, qui à se admissum facinus, fassus, est in foro, infamis est (inquit Balsamon, in Photii

Photij titulum 9. de peccatis Episcop. ὁ ἴδιος  
 ὁ ἴδιος καὶ ἀκριβὲς, τὴν ἐπὶ ἀποκρίσιν ἀγαγὴν τὴν  
 ἐπὶ ἀπαγίης παραγμῶν, ἢ ἐπὶ ὕβρεος ἀγα-  
 γῇ, hoc est qui proprio nomine actione furti con-  
 demnatus est, vel bonorum raptorum, & actio-  
 nis iniuriarum, & doli, vel qui de eiusmodi actio-  
 nibus pactus est, & pecunias dedit. l. ite nondum  
 contestata, commentariis autem in canonem  
 130. Concil. Carthagin. sub Cypriano, mi-  
 mos, & lenones infames nominat, item qui  
 pugnant cum belluis θηρομαχοί, qui pro lu-  
 cro vitam suam proiciunt, οἱ μισθοὶ λαμβάν-  
 οντες χάριν τῷ πολέμῳ τῷ θηρίῳ.

## CAP. VIII.

## De Irregularitate ex homicidio.

**Q**Uæ de homicidio tam voluntario,  
 quam casuali, dici solent in hac mate-  
 ria, reuocantur ad has regulas.

Prima est, irregularitatem incurere, qui  
 directa voluntate, consulto, & ex proposito  
 aliquem interimit, vt constat ex titulo de ho-  
 micidio in 6. & decretalibus.

Secunda, eandem poenam non effugere,  
 qui occidenti cooperatur in eo culpæ gene-  
 re, quia cooperari ad malum, est illius cau-  
 sam esse per veram actionem, quare quan-  
 do duo in conspectu aliquo vim intulere ali-  
 cui, nescit autem, vter duorum eum con-  
 fecerit, ambo sunt irregulares, vt pote ho-  
 micidæ ambo, ambo mortis eius causæ, cum  
 vtriusque percussione accide, vitam ille  
 amiserit, secus censendum foret, si leue tan-  
 tum vulnus eorum alter, nec lethale proin-  
 de læso intulisset.

Similiter est Clericus irregularis, qui ar-  
 ma ad pugnam dat mutua, quia tali actione,  
 opem confert ac auxilium, ad futuram ne-  
 cem, aut iam factam.

Ex eodem capite, qui enses, aut securim,  
 ad nocentis iustam poenam quærun, aut tri-  
 buunt, qui scalas ad locum supplicii defe-  
 runt, qui contra reum, iudices verbis inflam-  
 mant, & acuunt ordinari nequeunt.

Ratio est, quod istiusmodi hominum ge-  
 heri mors sit ascribenda cæsi, tanquam eius  
 causæ proximæ. Secus cum quis scalas, & se-  
 curim, alio sibi sine comparat, quam no-  
 cendi, puta ad domesticos vsus aut alios, &  
 casu deinde tarnifex, suspendendo furi eas  
 adhibet, nam tunc vt mortis non est per se  
 causa, qui securim sibi ad opus fabrilis, scalas  
 ad fructus ex arbore colligendos cutauerat;  
 ita nec irregularis: *absit enim vt ea que prop-  
 ter bonum, aclicitim facimus, si quid per hæc  
 præter voluntatem nostram acciderit, nobis im-*

*putetur: alioquin nec ferramenta domestica, &  
 agrestia sunt habenda, ne quis eis vel se, vel alte-  
 rum interimat, nec arbor & restis, ne inde se sus-  
 pendat, August. epist. 154. ad Publicol.*

Quarto sunt irregulares, qui rogam stru-  
 xere in quo arsit hæreticus, his enim, vt eius  
 caulis mors est ascribenda ambusti, secus; si  
 in eum ludibundi ligna iactassent, vt luceret  
 amplius, eoque iam mortuo: Nam ea ligno-  
 rum iactatio, quia ad eius tum interitum est  
 inutilis, causæ nomen non haberet.

Quinto est irregularis, qui reum licitori-  
 bus, quem scit ab illis ad mortem quæri, indi-  
 cat, item qui in illum eos acuit, qui immit-  
 tit ac incitat, qui Principis, aut prætereun-  
 tis populi auxilium implorat, ac incla-  
 mat, quo tam hi, quam alii ministri fori  
 clamore excitati accurrerunt ad subsidium;  
 hominemque victum compegere in erga-  
 stulum, estque huius corollarii ratio eadem  
 quæ superiorum, maxime, si erat verisimi-  
 le, cum capiendum non esse, nisi tali clamo-  
 re, & istis animus additus, & reus patefactus  
 foret. Quod si is quæ hic persequitur, in vo-  
 cem erumperet, vt vitæ suæ consulere, eius  
 impressionem ac insidias eluderet, res sibi  
 suas ab illo interuersas recuperaret, non  
 eum irregularitatis arguerem, quia res suas  
 tunc agit, estque per accidens, ac præter e-  
 ius voluntatem, si in manus, ac potestatem  
 viatorum, fur veniat, & sic pereat.

Regula tertia notanda in hac materia, in  
 eo est, quod voluntas occidendi, quod co-  
 natus, ad irregularitatem ex homicidio con-  
 trahendam, non sit satis, quia velle non est  
 facere, nec conari aliquem opprimere, effe-  
 ctu non secuto, est id fecisse. Quare ha-  
 beri pro irregulari non debet, qui po-  
 culum quidem mulieri propinavit amato-  
 rium, eo consilio, vt scetum abigeret, cona-  
 tu inani ac irrito, eo quod culpam completi  
 homicidii, ac iniustæ abortionis non susti-  
 neat, vt patet, cum quæ mulieri data est ad hau-  
 riendum potio, ad eum effectum, cuius causâ  
 est sumpta, inefficax fuerit, ac sine robore.

Regula quarta, est irregularis, quisquis  
 mandando, consulendo, verbis, aut præ-  
 sentia sua animando, auctor est alicui effi-  
 cax, faciendi homicidii.

Ratio est, quod his rebus omnibus, aut ea-  
 rum aliqua, aliquis est vera ac positiua necis  
 illatæ causa, quoad substantiam suam, ita  
 Alexander tertius in cap. sicut dignum 6.  
 extra de homicidio paragraph. vlli autem; eos  
 ait, qui cuidam Archiepiscopo Cantuar.  
 manus inferre violentas meditati, se comi-  
 tes addiderant, vt eum caperent si de illa cap-  
 tione, mors eius secuta fut, pari poenitentia, vel se-  
 re pari cum homicida puniendos esse: ergo &

irregularitate, cum hanc iste, qui animo in Episcopum infenso, ac eius occidendi causa venerat, effectu secuto incurrisset, cum decreto Concil. sub Martino habiti *can. 26. qui homicidij aut facto, aut praecepto, aut consilio, aut defensione est conscius, et per aliquam subreptionem ad Clericatum venit, deici debeat.*

Infertur hinc primo, ab irregularitate liberum videri, qui iudici suadet ac consulit, ne nocturnos fures virginum pudicitiae insidias molientes, aut homicidas, vivere sinat.

Ratio est, quod hae eius suasio neminem noceat, nemini, in particulari noceat, nullius speciatim vitam adimat, vno verbo peculiaris homicidii non sit causa, non sunt ob eam rationem irregulares Episcopi, ac Principes, cum his quos sibi in Repub. iuri dicundo subrogant, pro auctoritate imperant, ne maleficos, fures, ac adulteros patiantur vivere, sed in eis ad ceterorum terrorem, ac quitatis ac seueritatis exemplum statuunt, quod enim vniuersi tantum praecipiant, quod mandent, quod loquantur, nec indiuiduum vilius necis sunt causa, irregulares haberi non debent, non magis quam qui sciscitanti iudici, qua poena magna scelera castigari oporteat, quod iura, quod ratio, quod libri, quod aequitas ea de re statuerint, praecise respondet ac plane Panormit. in cap. ex literis de excessib. praelator.

Infertur secundo, ea poena teneri, non modo qui suo sunt consilio, adhortatione, aut precibus, alienae necis immediata causa, sed & qui mediate in eam influunt, modo efficaciter, ac secuto effectu.

Ratio est, quod tali concursu, mortem procurent ac afferant, ita qui interrogatus de modo euertiendi foetus, deponendi per abortionem vteri, rationem aperit commouendi ad vomitum stomachi, seminis priusquam concreseat in hominem, dissoluendi in matris utero, necandi per venenum animalis, irregularitate verè afficitur, si foetus excutitur, ac moritur, licet enim mortis eius immediata non sit causa, ei tamè ut mediatæ est ascribenda, si rogantem credidit suo ad alienam perniciem vsurum consilio, aut si culpam negligentiae, inconsiderantiae, seu inconsultae rationis, in non aduertendo subiit, quod cum cum ista diceret, aduertere erat necesse, quia in negligentia considerantis, quod prudentes ac accurati consultores providere solent ac prospicere, tacite est ac implicite mors aliena volita.

Infertur 3. irregulare esse, qui læso, suas ut vleiscatur iniurias magna vi orationis suadet ac cōsulit, ratus id sine alterutrins, id est lædētis aut læsi necesse non posse. Item qui

dolo cuiquam auctor fuit, alienis appetitum insidiis ne iunaret, vnde est factum, opis ut hic, auxiliiq; inops caderet, secus, si ab ea illud mente, caritas quæ cuique est inparata uersum se, diuertit, hominique opem non attulit, ne periret ipso, dum pereunti adesse, cum quo periculo eximere satagit.

Ratio est, quod nihil habet ea suasio, vnde homicidii maculam trahere valeat, nec enim est eius directa causa, ut patet, nec virtualis ac indirecta, cum à caritate originem habeat, quod enim eius, à quo periclitati de vita, pietatis ac amoris officia exhiberi noluit, salutem amaret ac veller, hanc ne in discrimen ipse vocaret cum adiuuando, est hortatus, in quo quid peccauit? aut oppressum ab hoste, alienae opis inopia, quid læsit, si hanc sine vitæ periculo, dare ipse non poterat? non est ergo irregularis.

Regula quia, ut irregularitatem ex homicidio quis contrahat eius causa esse debet propinqua, eaque directa, aut indirecta per actionem illicitam.

Ratio est, quod quæ præter voluntatem ac sine culpa mors infertur, hæc irregularitatis causa esse nequeat, eiusmodi est, quæ non à causa propinqua, aut actione non vitiosa oritur.

Fac enim tibi à dormiente, infanto, aut sui non compote, vim fieri, membrum abscindi, vitam tolli, talis irregularis non erit, cap si furiosus de homicidio in Clement. quia peccatum nullum est nolentis 15. q. 1. can. merito primo. Similiter, nec qui sibi, aut alteri, membrum de corpore, medici consilio sanitatis recuperandæ causa demit patitur, can. si quis à medicis, can. qui partem, can. si quis pro agitudine distinet. 35. cuius rei causa haud dubie non est alia, quam quod furiosi peccare nesciunt, in cuiusque autem potestate sit, se suaq; in tuto ponere, dictum est ergo verissime, irregularitatem ex homicidio non induci, quod sit licitum, aut certe non vitiosum.

Neque hæc alium, quam qui eius est causa proxima, directa aut indirecta afficit, Glossa in cap. de cetero de homicid. Nam quis eos irregulares putet, qui enses, bombardas gladios cudunt ac arma, ad vindictam nocentium? aut cusa profecturis ad bellum iustum distrahunt, venduntque? sunt tamen eorum artifices, quique illa emptoribus numerato pretio diuendunt, cladiū quæ securæ sūt, remotæ causæ quæ ergo actio irregularitatem parit ob eas, causa earundè propinqua esse debet, ac cū peccato coniuncta.

Non est eam ob rem irregularis, qui expediendæ salutis suæ causa, alienam perdidit, Clement. si furiosus de homicid. can. unico. Animuero

Enimvero vim vi repellere non sumenda A extra lenitatis defectum, ex homicidio non vindictæ animo, sed propulsandæ iniuriæ, sequatur, nisi vitioso ac illicito. *leges iuraque sinunt cap. significasti 18. de homicid. & dist. 1. can. ius naturale 7.* non est ergo ei timenda irregularitas, qui vt se defenderet, inuadentem oppressit, si tamen sibi fuga consulere potuit, si hostis declinando impetum, euadere periculū: mutilādo aut necando irregularitatem incurrit, quia inculpatæ tutelæ limites est egressus, plusque nocuit, quā vt se discrimini eximeret, necesse esset, nisi se forte, ideo fugæ nō dedit quia hæc, vt pote dedecoris ac ignominie plena, famæ suæ ac existimationi inuississet maculam, aut B se in apertum capitis periculum iecisset, quia de viribus suis ambigebat, metuebatque, ne factus ex fuga sua hostis audacior, eum à tergo confoderet, nam tunc si ommissa fuga, vt virum fortem decet, obsistat alacriter, si petitiones aduersarii eludat animose ac fortiter, & ita eum perimat, ab irregularitate est liber, quia se, vitamque suam, aliena posteriorem vt habeat, lex naturæ nulla, aut Dei exigit, fuit ergo à culpa vacuus, eū occidendo, qui in se iratus districto irruebat gladio: ergo & ab irregularitate, cum hæc

extra lenitatis defectum, ex homicidio non sequatur, nisi vitioso ac illicito.

Sexta, clades aut mutilatio ex opere orta illicito, irregularitatem generat, quemadmodum & ex licito, quando ne accideret, diligentia non est adhibita sufficiens ac necessaria.

Causa est, quod cædes tam in opere non bono, hoc est culpabili, quam eius omissione diligentie, quā requirit æquitas vt vitetur, censeatur indirecte volita, ita Diaconus ad superiorem gradum ascendere, aut in Diaconatus officio ministrare ab Alexand. III. est prohibitus, quod rei illicitæ dans operam, quendam vulnerasset, quo ex vulnere post octiduum obiit *cap. continebatur 8. de homicidio & cap. suscepimus 10. eod. titulo.*

Confirm. qui causa est propinqua, tam directa, quam indirecta homicidii, irregularitatem eo secuto contrahit, eiusmodi est, qui ex opere non bono cui dabat operam, aut omissione diligentie, ad præcauendam necem necessariæ, eius causa extitit: enimvero est id causa propinqua directa, quod ex natura sua, vel intentione auctoris, aut utroque, ad necandum dirigitur, quod hic accidit.

*Ad maiorem Dei, Dei paræque honorem & gloriam.*

F I N I S.







# INDEX RERVM MEMORABILIVM. AC NOTATV DIGNIORVM, QVÆ in hoc tomo continentur.

*Prior numerus designat paginam, posterior columnam & litteram.*

A.

## ABBATISSA.



**ABBATISSA** iure communi Clericos sibi subditos suspensione proprie sumpta punire nequit, 350. 1.c.d

### Abortio.

**Abortioni** qui dat causam casu ac sine intentione vlla præpostera non tenetur irregularitate, 305. 1.a b, qui poculum mulieri propinat amatorium, eo animo vt fortum eliciat rationali anima præditum, nec sacris ordinibus initiari, nec receptis vti potest, ibid. b.c.d. &c.

### Absolutio, absoluer.

**Absoluendi** data facultate ab excommunicatione qualibet, exceptis casibus, qui continentur in cœnz Bullæ, censetur etiam data facultas ab excommunicatione reservata Episcopo, 41. 2.b.c

**Absolutus** ab excommunicatione cum obligatione reincidentiz, nisi conditionem absolutioni appositam impleat, eadem numero redit excommunicatione, aut saltem similis, ibid. 2. c. 42. 1.a

**Absolutio** debet dari semota conditione omni tempore lubilæ, 42. 1.c.d.e. 2. a.b.c. qui peccatorem Deo reconciliare parat, priusquam eum reconciliauerit cum Ecclesia per absolutionem à censura quam contraxit, peccat, 43. 1.c.d.e. ad Sacramenta excommunicatum admittere, à nexu suo, hoc est censura quam culpa sua incurrit non liberum, peccatum est sacrilegium, ibid. 1. a.b.c. et si hæc absolutio sit illicita, est tamen valida & rata, ibid. d.e. 44. 1.a.b.c. &c.

**Absolvens** in conscientiz foro à peccatis non à censura excommunicatum iniuste ac sine causa, non peccat, 45. 1. a. b. qui facultatem habet ordinariam absoluendi eam delegare potest alteri, 45. 2. b.c.d. sese mutuo absoluerè possunt duo Presbyteri excommunicati in vitæ periculo, in dicenda Missa vt evitetur scandalum 46. 1. a b. &c. secus non item, ibid.

**Absolutio** à censura dari potest non audita prius confessione vt videre est in hæreticis & Apostatis, 47

1. a. secus autem cum est à summo Pontifice prohibitum, ibid. b.c.d. forma absoluendi & preces licet omittantur non impedit valorem & fructum absolutionis, 47. 1.c. 2. a.b. &c.

**Absolutio** formâ essentiali seruata valet, solemniformâ absoluendi à censuris prætermittit, 173. 2.d.e

**Absolutio** quæ datur à censura rata est, dummodo habeat quæ ad eius essentiam pertinet, 174. 1. b, secluso contemptu & scandalo, non est mortale ceremonias in absolutione excommunicationis adhiberi solitas, omittere, ibid. c.d

post Absolutionem censuræ quæ sunt de iure in foro conscientiz iniungenda, 174. 2.d.e, 175. & seq. in Absolutione censuræ quid agere debet Episcopus ne peccet, 176. 1.d.e. 1. a.b. &c. 177. 1. 2.

**Absolutus** ab excommunicatione in foro tantum conscientiz non potest cum quolibet liberè ac sine crimine congregari, 177. 2. c. d. e. 178. 1. a. b. &c.

Cum Romæ dantur discreto viro literæ, quibus ei sit potestas relaxandæ censuræ non potest eius Absolutio à remissione peccatorum sciungi, 178. 2. c. d.

**Absolutus** à peccatis, non autem ab excommunicatione, qua se hic irretitum nesciebat, iteratò ea sacerdoti explicare non debet, 179. 1. a. b. c. &c.

**Absolutio** ab excommunicatione quadruplex, 181.

1. 2.

**Absolutio** iudicialis quid 183. 1. a. b

**Absolutionem** petenti ad cautelam, non nocet ea petitio, 182. 2. c, 183. 1. a. b

**Absoluendi** à censuris potestas, cui ordinariè est commissæ, 183. 1. d. e, 2. a. b. &c.

**Absolutio** data à superiori antequam absoluendus satisfaciat parti cum potest, et si sit illicita, est tamen valida, 183. 1. c

**Absolutio** data à delegato Papæ aut Episcopi contra formam mandati, de non absoluendo ante satisfactionem, est nulla, 183. 2. c. d. e

**Absolutio** data ex causa falsa aut iniusta, est valida, 184. 2. a. b. c

**Absolutio** censuræ vi extorta non valet, ibid. e

**Absolutio** data sub conditione de futuro est nulla, 172. 2. a. b. &c.

**Absolutio** à censura data inuito est valida, 173. 1. c. d

# INDEX

Quando solum conceditur generalis potestas absol-  
uendi à censuris reservatis, non censetur in ea  
comprehendi casus Bullæ, ibid. 2.b.c  
Absoluedi potestas privilegiatis concessa, data ta-  
men per eos absolutio excommunicatis, tantum  
est pro foro interno utilis, 166.2.c  
Absolutio de excommunicatione data extra confes-  
sionem, est rata, 167.1.2  
in Absolutione censuræ sola absoluedi voluntas  
non sufficit, 167.2.d.e, certa verba pro foro con-  
scientiæ ex rei natura nulla sunt, quibus excom-  
municationis absolutio necessariò, sit impetien-  
da, ibid.  
Absolutio hæretico occulto, & fidei converso data,  
est inanis & irrita, 307.1.c, est tamen hominum  
opinionem ac sensu pro absoluto habendus, ibid.  
d.e  
Absoluedi à censuris duæ sunt formæ, 173.2.d.e  
Absolutio data à peccatis & non à censuris, absolu-  
to est & ex natura rei valida, 254.1.c.d  
Absolutio data sine iurisdictione est nulla, 452.1.c  
Absolutio censuræ cuiuslibet, à quolibet sacerdote  
impetrata, in mortis articulo est valida, 114.2.c.d  
115  
Absolutio Sacramentalis excommunicato data, ab  
eoque recepta, est valida, nec proinde iteratò de  
iisdem peccatis confessio est instituenda necessa-  
riò, 181.1.c  
Absoluedi facultatem à casibus reservatis qui dat  
alicui ex causa, non dat etiam laxandi censuras,  
nisi sit Papa, secùs si Episcopus, 118.2.b.c  
Absolueds excommunicatum contra quàm Ponti-  
fex literis suis imperat parte non satisfacta, pec-  
cat, 48.1.a, hoc modo absolueds tenetur de dam-  
nis si quæ læsus sua forte incuria negligentiaque  
est passurus, ibid. b, absolui potest excommuni-  
catus ante satisfactionem parti exhibitam valide  
ab eo, qui habet potestatem ordinariam absol-  
uedi, aut delegatam, quæ sit absoluta, nec vlla  
conditione restricta à iudice, ibid. c, secus verò si  
cum restrictione, ibid. d  
*Actio.*  
Actio nulla censuram Ecclesiæ meretur, nisi sit  
mortalis & sensibilis, 331.2.c  
Actiones quarum causa excommunicatus absolui  
potest à simplici sacerdote, quæ sunt, 34.2.d  
Actiones quæ excommunicatis sunt prohibitz sunt  
in triplici genere, 243.1.d.e  
*Actus.*  
Actus externus qualis debet esse, ob quem incurri-  
tur excommunicatio, 331.2.d.e  
Actus propter quem fertur excommunicatio  
quando dicitur completus, 332.2.d.e  
Actum qui exercet à quo est suspensus, peccat ex ge-  
nere suo mortaliter, 372.1.c.d, excusant tamen  
tria, ibid. d  
Actus ordinis in suspensione factus est validus, etsi  
sit culpabilis & irregularitati coniunctus, ibid.  
2.a.b  
*Adiuvare.*  
Adiuvare creaturas irracionales directione sermonis  
adeas, quasi se ipsæ moueant, aut nobis aduersa  
efficiant, malum est, malitia quæ est vanitatis  
propria, 104.2.d, adiuvant tamen ex pos-  
sunt ut ab alio mouentur ad nocendum, & qui-  
dem si his utitur Deus in eum finem orandus est  
ut placetur, ibid. e, culpa quæ in adiuvandis huius-  
modi rebus admittitur, est superstitionis cuius-  
dam vanitatis, ibid. 105.1.a

*Adulteri.*  
Adulter si adulteræ maritum defendendi sui causa  
interimat, non est irregularis, 503.2.c.d.e, 504.  
1.2  
*Amentes, Amentia.*  
Amentes sunt irregulares, 532.2.a.b  
Amentia eaque perpetua, homines iure naturali ac  
diuino sunt irregulares, 454.2.c. si tamen sic  
præterita ad susceptionem ordinum consulendus  
est Papa, ibid. d ad horum autem vsum requiritur  
Episcopi iudicium ac consensus, 455.1.b  
Amentes probandi sunt triginta diebus antequam  
celebrent, ibid. amentibus adiungendi sunt luna-  
tici & epileptici, ibid. c. d. quod si ordinati erunt  
celebrare poterunt positis quatuor conditionibus  
ibid. d.e  
*Anathema.*  
Anathema qui differt ab excommunicatione, 69.1.  
2.70.1.a.b,&c.  
Anathemate qui feriendus est, communiter debet  
moneri à præfule, 84.2.d.e  
*Angeli.*  
Angeli non afficiuntur censuris Ecclesiæ, 16.2.c  
Angeli excommunicandi non habent, 105.1.d  
*Apostasia.*  
Apostata ac instituti desertores possunt à Religio-  
num præpositis in Ordinem recipi, ac à ceniura  
absolui, eorum confessione prius non audita,  
47.2.2  
Apostata cædi nequeunt à sciente sine censura, 214.  
1.c.d  
Apostata à fide quantumvis penitentes sunt irre-  
gulares, 523.2.d.e  
Apostata à religione sunt irregulares, 524.1.c.d.e  
*Apparitores.*  
Apparitores ac præfecti vigillum non sunt excom-  
municati in Gallia, qui Clericos noctu cum ar-  
mis deprehensos mittunt in carcerem & armis  
suis spoliant, 332.2.e  
*Arcadius.*  
Arcadius & Eudoxia eius coniux ab Innocentio  
Papa primo è piorum cœtu summoti, 5.2.e,  
9.1.a  
*Aucupatio.*  
Aucupationi clamorose Monachi nigri si interfunt  
aut vacant, pœnas suspensionis à beneficio, &  
inhabilitatis ad aliquod de nouo acquirendum  
incurrunt. 374.1.a

## B

### BAPTISMVS.

**B**aptismus valide etiam citra necessitatem con-  
ferri potest ab eo quem Ecclesia censuris in-  
nexum tenet, 57.3.c  
Baptismus conferri potest tempore interdicti par-  
tibusque ac adultis, firmis adhuc & valentibus,  
409.2.a  
*Benedictio.*  
Benedictio mensæ, fructuum aut vestium Religio-  
sæ non est prohibita in interdicto, 416.1.d.e.2.  
a.b.c  
*Beneficium.*  
Beneficia non conferuntur nisi absolutis prius à  
Pontifice, 34.2.e. non prodesset hæc absolutio,  
si prouisus de beneficio excommunicatus esset ob  
hæresim, 37.1.a.b  
*Bigamia, Bigamus.*  
Bigamia triplex, vera, interpretatiua & metaphori-  
ca

# INDEX.

ca, 459.1.d  
 Bigamia est signum incontinentiæ, 460.2.b  
 Qui aliquo de his tribus modis Bigamus est, idem quoque est irregularis, 460.1.d.e  
 solus Papa in vera Bigamia dispensare potest circa sacros ordines, Episcopus tamen in similitudinaria, 461.1.a.b. 461.1.b.c  
 dispensat Papa in omni Bigamia, ibid.d.e  
 Bigamia dicitur irregularitas ex defectu Sacramenti 461.2.b.c  
 Bigamo qui verè est talis Papa permittere potest, ut ad ordines sacros aspiret. ibid.2.e. 461.1.a  
 Bigamus non est is habendus, qui quam corrupte ante matrimonium, ei legitime, rituque Ecclesiæ, postmodum coniungitur, 461.1.b.c  
 Bigamus qui est tantum interpretatiue, non est verè, requiescit digamus. 463.1.e.b  
 Bigami qui metaphoricè tantum sunt, ut dicantur tales, id habent à pœnæ culpæque similitudine, 463.1.e

## C

### CAPITULUM.

**C**apitulum sede vacante, aut creatus ab eo Vicarius in spiritualibus excommunicare potest, 105.2.e

#### Casus.

Casus, quibus Episcopo est licitum animaduertere in seculares, sunt numero quatuor, 17.2.b.c.d

#### Censura.

Censuræ acceptio quatuorplex, 2.a.b.&c. eius definitio. 2.1.e.2.a.b, tres sunt duntaxat censuræ, 3.1.a, in Ecclesiâ est potestas ferendæ censuræ, 4.1.d. e, hæc potestas data est Ecclesiæ à Christo Domino, ea authoritate qua illum instituit, divina scilicet & excellentiæ, 5.1.d.e. vsus potestatis censuræ ferendæ, ab Apostolorum temporibus ad hæc quibus viuimus continuata temporum serie viguit in Ecclesiâ, ibid.2.b.c. potestas hæc iudiciaria Ecclesiæ est de iure diu no, 6.1.e.2.a.b, Censuræ ob quid ab Ecclesiâ feruntur, earumque triplex finis, 6.2.e.d. 7.1.1  
 Censuræ diuisio qualis, 8.1.b.c.&c.  
 Censuræ quæ sunt à iure quomodo differunt ab his quæ sunt ab homine, 8.1.c.d.e.9.1.a.b.&c.  
 Censuræ vt valide infligantur tria sunt necessaria, 9.2.e, quis potest eas ferre, ibid. 2.b.c.&c.10.1.1.11.12. scilicet delegandæ sibi potestatis à Papa ad censuras est capax, 12.2.a.b.&c. Parochus castigandi rei per censuras ius non habet, 13.2.e.14.1.a.b.&c. quoniam censuris ligari possunt, 15.2.a.b.&c.16.1.1.17.1.2.

Censura ferri potest in mortuum, 18.19.20. non est communiter nisi ob culpas mortales infligenda, 20.1.c.d.e.21.1.2. culpa in cuius vindictam fertur censura debet esse inobedientiæ, per quam reus Ecclesiæ monita eiusque authoritatem spernere censeatur. 21.2.c.d

Censura cum est à iure, eiusque remissæ, ceteræ sunt Papæ voluntate adiunctæ ceremoniæ, vt quod contractæ veniam deprecabuntur, parti satisfaciunt, &c. hæc remitti inuito non debet, 173.2.b.c

Censura nulla ferri potest in eum qui non peccauit, 319.2.b.e

à Censurâ quænam excusant, 335.1.2.336.1.a.b

Censuræ interendæ vis potest retardari, & qua ratione, 336.1.d.e.&c.337.1.2

Censura quem contristatum tenet, hic si post eius

absolutionem habitam, rem pœnæ consimili dignam faciat, iteratò ea affici potest, 29.2.c.d. potest & iterum sæpiusque ligari antequam absoluat, ibid. si vno quopiam facto violentur variæ leges, quarum observatio imperetur sub totidem censuris quot sunt leges diuersæ numero, earum transgressor non vna censura, sed multiplici vincetus erit. 29.1.e.30.1.a.b.c.

cum plures legem Ecclesiasticam non seruant, quæ aliquid agi aut omitti sub censura imperat, qui in eam peccant, ea ligati sunt omnes, 30.2.a.b. si in personis pluribus lex censoria violatur ab aliquo, tot hic erit censurarum filius, quot personas offenderit, ibid.2.c.d

Censura tollitur communiter absolutione legitimi iudicis, 31.1.b

à Censurâ per sententiam particularem lata, is tantum iure communi ac citra priuilegium absoluit, qui eam posuit, ibid.e. potest per sententiam generalem lata censura remitti ab eo cui iure ordinario vel ex priuilegio est concessum ab iis absolueri, quæ sunt statuto aut iure imposita, ibid.2.c.d. excipiuntur tamen quidam casus, e.32.1.a.b.c.&c.

ad Censuram Canonis Si quis subeundam, opus est vt affectus interior, cuius impulsu manus violentæ iniiciuntur in Clericum, sit mortalis. 215.1.b.c

ad hanc Censuram incurrendam non requiritur aliqua læsio corporalis. ibid. d.e, quot sunt & quæ condiciones necessariæ ad hanc censuram incurrendam tam ex parte iniuriam facientis & passivi, ibid.2.a.b

in Censuram quis labi potest interdum etiam sine culpa, 39.1.a.b

Censura affici non est censendus delinquens, qui delictum non absoluit, cui pœnæ loco censura est addita, ibid.2.b.c.&c. pueniunt censurarum capaces, 40.1.b.c.d

Censuræ, actus valorem non impediunt qui exerceatur ratione publici officii ab excommunicato suspensio, aut interdicto tolerato, ibid. 1.b.c. secus autem à denunciato, ibid.d.e, est indignum & Ecclesiasticæ rationi contrarium aliquid superiorem accipere vt à censura nocentem liberet, 41.1.b.c.d. non peccat qui legem sancit qui iubentur Censuris innodati certam summam pecuniæ quot diebus & hebdomadis pendere, quandiu superioris absolutionis gratia, non sistunt, ibid. 1.a.b

Censuris innodatus imò & denunciatus, valide Sacramentalia conficere potest, 60.1.a.b.c. indiget tamen reconciliatione, ibid.d

Censuræ contemnuntur dupliciter, 60.1.e

Censurarum effectus quis circa non reos, 62.2.d.e qua obligatione tenemur vitare censuris innodatos.

Censura vt est pœna diuiditur in suspensionem, excommunicationem & interdictum, 64.1.d.e. 65.1.a.b. vt est sententia diuiditur in ratam & irritam. 65.1.d.e.2.a.b.&c.

Censurarum effectus primarius est vsus spiritualium, priuatio, 50.1.b.c.&c.2. a. huius effectus tres circumsistantur, ibid.2.b.c.&c.

Censuris vinculi possunt retinere suum patrimonium rerum suarum dominium & possessionem, vsufructum, ciuitatem, libertatem, exceptam item vsucapionem perficere, 51.1.e.2.a.b. Clerici & Laici quauis censura ligati sua priuilegia retinent, eisque vti possunt, nisi eis specialiter per sententiam



# INDEX

- derogetur, *ibid.* 1. c. d. 53. 54. nemo qui se siue iur-  
stè, siue iniuste censuris ligatum nouerit, siue to-  
leratus siue non ad Sacramentum pœnitentiæ ap-  
pellere animum potest, 54. 1. e. 55. 1. a. b. quilibet  
& quomodolibet censuris irretitus potest ac de-  
bet in mortis articulo baptismum conferre si alius  
huius Sacramenti minister magis idoneus non  
adsit sine ceremoniis tamen Ecclesiasticis, 55. 1. c.  
d. &c.
- in Censura baptismus valide potest dari etiam citra  
necessitatem, 57. 1. c. confirmatio dati & recipi,  
*ibid.* d. matrimonium, *ibid.* 1. b. c. Extrema unctio,  
*ibid.* c. Eucharistia confici & recipi, non tamen  
administrari sine culpa etiam in mortis articulo,  
*ibid.* 1. d. e. ordines possunt valide conferri & reci-  
pi, 58. 1. c. d. qui non est excommunicatus senten-  
tia iudicis, neque publicus Clerici percussor ve-  
rum dat ac validum pœnitenti pœnitentiæ sacra-  
mentum, *ibid.* 1. c. d. qui bona siue recipit absolu-  
tionem, nesciens oblitus se constructum censuris  
vel qui putat probabiliter se posse absolui à pec-  
catis priusquam à censuris, vere absoluitur à pec-  
catis nec tenetur confessionem iterare, 58. 1. c. 59
- ad Censuram incurrendam satis est inobedientia  
quæ sit tantum materialis ac generalis, 21. 1. b
- Actus, cuius causa censura fertur externus esse de-  
bet patensque & in genere suo completus, *ibid.* 1.  
c. d. e
- in Censura ferenda adhiberi debet quedam moni-  
tio, & quare, 21. 1. b. c. &c. debet esse trina, suffi-  
cit tamen una in casu necessitatis, 24. 1. b. c. d.
- ad Censuram quæ est ab homine infligenda solum  
requiritur canonica monitio pro culpa præterita  
aut præterente, 25. 1. b
- ad Censuram vero iuris incurrendam pro culpa futu-  
ra, nulla est necessitas, *ibid.* 1. c
- Censura debet ferri verbis, 25. 1. d. e. 1. a. b. &c. per-  
sona in quam fertur debet exprimi, *ibid.* 1. d. quæ-  
nam ab ea excusant 26. 1. c. d. &c. 1. a. b. &c.
27. 1. b. & seq. qui immemor præcepti, quo ali-  
quid iubetur aut vetatur sub comminatione cen-  
suræ, aut cum ignorantia non crassa aut supina  
censuram non incurrit, 26. 1. e. 27. 1. a. b. nec etiam  
qui aliquid facit aut omittit concomitante igno-  
rantia, quod iudex fieri aut omitti voluit sub cõ-  
minatione censuræ, *ibid.* b. c. d.
- Censuram ignorantia tam iuris quam facti impedit,  
27. e. defectus promulgationis & receptionis le-  
gis excusat à censura, 28. 1. d. defectus actus inter-  
ni, *ibid.* e. metus grauis mortis, infamiae, exilii ia-  
cturæ bonorum, &c. *ibid.* 1. a. b. incidunt tamen  
quidam tempora, in quibus propter mortis &  
infamiae metum, violari Ecclesiæ præceptum non  
oportet, *ibid.* 1. c. d. e
- Indeliberatio in violando præcepto Ecclesiæ, ali-  
quid iubentis aut vetantis sub censura, 29. 1. b. cas-  
us fortuitus, *ibid.* incertitudo iuris aut facti, con-  
suetudo rationalis præscripta, *ibid.* c. necessitas  
utilitas, ac quævis alia causa rationalis, *ibid.* d
- dubitans an Censura sit lata, & post mortalem dili-  
gentiam abhibita ut de re constaret, hærens in co-  
dubio, non tenetur se pro excommunicato ge-  
rere, & à sacris abstinere, nec priuatim nec publi-  
cè, 107. 1. b. c. d. neque etiam cum dubium est fa-  
cti, & à dubitatione adhibita est diligentia, ut sciret  
ecquid à se gestum comprehendatur sub censura,  
quæ data à superiore dicitur, 108. 1. a
- Censuræ latæ sententiæ Papæ non reservatur iniure  
& de quibus è Sacerdotum numero approbatus  
quilibet potest absolvere quænam sunt, 119. 1. b. c
2. 2. b. &c. 120. 1. 2. & seq.
- Cessatio à diuinis, *Cessatio à diuinis.*
- Cessatio à diuinis quid, 441. 1. b. quos effectus ha-  
bet, *ibid.* d
- ut Cessatio à diuinis sit licita, quæ conditiones re-  
quiruntur, *ibid.* 1. b. c. d. e
- Cessationem à diuinis ferre & auferre quis potest,  
442. 1. b. c. 2. a. b. c
- Chirurgi.
- Chirurgi & medici sunt habendi irregulares, si mu-  
tilati ex eorum negligentia aut imperitia diem  
suum obeant, 500. 1. b. non autem si secundum  
certa præcepta, *ibid.* c
- Clericus.
- Clericus recipiens ordinem in excommunicatione  
pro manuum iniectione est deponendus, 373. 1. e
- Clericus prouocans ad duellum aut illud acceptans  
est suspensus, 374. 1. e
- Clericus ab officio & beneficiis est ipso facto sus-  
pensus, qui Episcopi mortui, aut prælati regula-  
ris bona relictæ diripit & dilapidat, donec plena  
restituatur, *ibid.* 1. c. d
- Clericus toto triennio suspenditur à beneficio habi-  
to & habendo, qui Episcopum eligit non legiti-  
mum, aut legitimæ ætate, scientia & moribus non  
præditum, 374. 2. c. 375. 1. a. b. qui ad præsentatio-  
nem alicuius ordinatur cum pacto nihil petendi  
ab eo, est ipso facto suspensus, *ibid.* 1. a. b. ab exe-  
cutione suorum ordinum est iure suspensus, qui  
se his simoniace id est oblato pretio initiari est  
passus, *ibid.* c
- Clericus qui ex indebita ordinis receptione est sus-  
pensus, qui eum sibi conferri patitur, ab eo qui  
renunciavit Episcopatu quoad locum & dignita-  
tem, 375. 1. c. qui eum recipit ante legitimam æta-  
tem, & à Tridentino præscriptam, *ibid.*
- Clericus qui ordinatus fuit ab alieno Episcopo sine  
propriæ licentiæ est suspensus, 376. 1. a. qui extra  
tempora his est sine dispensatione initiatus, *ibid.*  
non seruatis interstitiis, *ibid.* per saltum, *ibid.* ab  
Episcopo excommunicato declarato vel notorio  
Clerici percussore vel suspensio vel interdictio de-  
clarato vel notorie hæretico, *ibid.* b
- Clericus secularis si scienter promoueri se fecerit,  
in excommunicatione positus aut suspensione,  
indispensabilis est, & à susceptis ordinibus depo-  
nendus, 376. 1. b. e. qui ordines fortuitue recipit, est  
ipso iure factusque à susceptis suspensus, irregula-  
ris quoad suscipiendos, *ibid.* c
- Clericus censetur grauiter percussus in ordine ad  
excommunicationem incurrendam, qui calcibus  
suis impetuit in platea, 127. 1. b. c
- Clericus rei sibi prohibiti dans operam puta vena-  
ri, mederi, ægros sanare more ac modo Chirurgi,  
per sectionem aut aduersionem, sit irregularis,  
472. 1. a. b. &c. 473. 1. a. b. c
- Clericus est subiectum materiale suspensionis, 350  
1. e
- ut Clericus qui accusat aliquem maleficii ob quod  
perire eum legibus est necesse, non sit irregula-  
ris, quænam requiruntur, 478. 2. b. c. d. &c. 479  
1. b
- Clericus in bello iusto manus cum hoste conferens  
& pugnando interimens aliquem est irregularis,  
479. 1. c
- Clericus qui capitis supplicio interest, & morituro  
presentiam suam accommodat quæ ratione est  
irregularis, 480. 1. b. c. d
- Clericus

# INDEX.

Clericus non est pro irregulari habendus, qui abso-  
lutionem iudici negat, reum absoluerit, ac de car-  
cere in libertatem afferere paranti, 480.1.c  
Clericus ab irregularitate excusatur, cum in bello  
iusto militibus est auctor, ut præclare rem gerant,  
seque viros in conflictu exhibeant, ibid.2.b.c.d  
Clerico licet sine irregularitate propriæ se manu  
tueri, ac repugnantes occidere, cum verba ab infi-  
delibus obsidetur, 481.1.a.b  
Clericus in bello defensionis milites ad rem bene ge-  
rendam, hostesque delendos adhortans, nemine  
in particulari designato, non est irregularis, 490.1  
d. secus si bellum sit iniustum & milites adhor-  
tetur ad occisionem, ibid.c  
Clericus qui interdicti sententiam non profert in  
scriptis, pœnâ Constitutionis Innoc. IV. cui ini-  
tiū cū medicinalis de sent. exco. subit, 406.1.b.c.d  
Clericus tam secularis quam religiosus qui præsu-  
mit celebrare illicite in locis interdictis, aut ex-  
communicatis & interdictis publice, nec tole-  
ratos ad Sacramenta, divina officia & Ecclesiasti-  
cam sepulturam admittit, suspenditur ab ingressu  
Ecclesiæ, donec satisfecerit ei cuius sententiam  
violauit, ibid.1.c.1.a.b  
Clericis prohibita sunt omnia officia divina interdi-  
cti tempore, præter Missas & horas, 407.1.c.2.a.b  
Clericorum nomine qui intelliguntur, 408.1.c.d  
Clericorum corpora & personarum Ecclesiastica-  
rum, quæ personaliter sunt interdictæ & nō vio-  
lantur interdictum illicite celebratione; possunt in  
interdicto locali, in locis sacris etiam interdictis  
sepeliri, sine campanarū pulsū in silentio, 412.2.c  
Clericis aliisque quænam sunt in interdicto concessa  
privilegia, 419.2.c.320.1.a.b.&c.  
in Clerico violatio interdicti est lethalis, 423.2.a  
à Clerico violatur interdictum, si interdictus specia-  
liter aut personaliter, actum sui ordinis exercere  
præsumat, quo tempore irregularitatem contra-  
hit, 405.1.b. item si divina officia in loco interdi-  
cto celebret, ibid.c  
Clericus peccat mortaliter cum interdictum violat.  
405.2.a. quænam eum exculant, ibid  
Clericus voluntarie percussit seipsum non est ex-  
communicatus, 217.2.a.b.c  
Clericus dum nauat operam rei sibi non permissæ, si  
mors præter eius votum ac expectationem casu  
consequatur, sit irregularis, si non omnia prof-  
pexerit, quæ diligentes quique in operando sibi  
perspecta cognitaque esse voluit, 500.2.d.c.501.1.2  
Clericus maiorum ordinum corrigi potest ac puniri  
absque excommunicatione à magistro, 231.1.d.c  
non decet illum ei subitici correctioni, quia mos est  
in pueros animaduerti, ibid.2.b.c.d  
Clericum tumultuantem qui è templo eicit cum  
ignominia, peccat in canonem 231.2.c  
Clerici percussio facta sine intentione inferendæ ei  
iniuriæ, pœnam canonis non habet, 232.2.d.c  
Clerici, qui in sacris ordinibus constituti, sociati  
sibi virginem in sceminam, cum qua consumma-  
uere matrimonium, possunt ab Episcopo suo re-  
stitui officio, & cum iis dispensari, 462.1.c  
Clericus qui meretricem sibi sceminam deligit, est  
irregularis, 462.2.c.463.1.c.d  
Clerici qui publicæ degunt armisque instructi ut ex-  
teri milites in campum prodeunt, si iustum est  
bellum, nullum autem propria manu occidunt,  
non sunt irregulares, 484.1.c.d.c  
Clericus est irregularis, qui iudici sententiam in  
reum mortis proferenti adest ut assessor, 485.1.b.c  
Clerici qui Regi sunt à consiliis, aut caularum in

Parlamentis arbitri sedent, si sententiam mortis  
dicant, videntur irregulares, 512.1.a.b.&c.  
Clerici quinam priuantur canonis privilegio, 225.  
2.c.d.c  
de Clerico repeti possunt pœnæ, vtrunque culpæ  
sux pares, 226.1.b  
Clerici puniri possunt cum delinquant, à patre, con-  
sanguineis & magistris, 226.1.b. si sunt facinoro-  
si, si factiosi, si perniciem propriæ aut alienæ vitæ  
molientes, tuta conscientia, comprehendi pos-  
sunt ut iudici sistantur Ecclesiastico, ab eoque  
puniantur, ibid.c.d  
Clerici non oēs gaudent canonis privilegio, 224.1.2  
Clerici percussor notorius absolui potest in tribus  
temporibus parte ante non satisfacta, 181.1.c.2.  
a.b.c.&c.  
Clerici in Gallia pro contracto ære, ministeriis sa-  
crarum ædium occupati excommunicari ne-  
queunt, 99.2.c  
Clerici, qui cum muliere gravida contra decorum  
iocantur ac ludunt, inconiuncte tamen, irregula-  
res sunt, si scemina cum qua discunt aut saltant  
sortum deponat, 473.1.a.b.c. debet tamen hæc a-  
ctio illicita, ex qua sequitur homicidium, esse eius  
causa propinqua, ibid.d.c  
Clerici percussor potest absolui à Regulari, 179.2.  
c.180.1.2  
Clericis qui iurisdictionem obtinent temporalem,  
causas delegare sanguinis sine irregularitate licet  
496.1.c.d  
Clericis est vetita venatio clamosa, 472.1.c  
Clericum qui notorie percussit vitari debet, 217.1.c  
in Clerici percussione ut factum dicatur notorium,  
quot testes requiruntur, 218.1.b.c  
Clericum percussit qui intelliguntur, 219.210.  
& seq.  
Clericorum nomine qui intelliguntur, 211.2.c.d.c  
Clericus qui differt à Religioso, 400.1.c.1.a.b.c  
Clericus est absque periculo irregularitatis incur-  
rendæ, etsi denunciaret ea crimina iudici quæ suis  
authoribus, cum erunt probata, certam perni-  
ciem afferent, 487.1.c.d

## Communicare.

Communicare licet cum excommunicato nomina-  
tim, aut notorio Clerici percussore in quibusdam  
casibus, 239.2.c.d.c.240.241.&c.  
Communicatio cum præciso non tolerato extra  
tempora iure permilla est peccatum mortale.  
242.2.a.b.&c.  
Communicare cum præciso non tolerato in rebus  
diuinis & sacris, semper est mortale, 243.2.a.b.  
item & in rebus quæ ad beneficia conferunt, mu-  
nus iudicis Ecclesiastici Vice domini, aut aduo-  
cati, ibid.c.d, communicare autem cum non tole-  
rato in rebus politicis & ciuicis, quæque nobis  
cum infidelibus sunt communes, est tantum com-  
muniter nisi veniale, ibid.243.2.c.244.245  
Communicare cum excommunicatis in rebus ciui-  
libus, eodem modo nunc licet, ac si excommuni-  
cati non essent, 258.1.d.c. licet etiam communi-  
care cum tolerato ad illud opus parato quod ab  
eo suscipitur & petiatur, ibid.2.b.c. existente gra-  
ui causa potest induci toleratus etiam non Paro-  
chus ad collationem Sacramentorum omnium,  
quorum conferendorum est capax, si præter eum  
non sit alius, à quo, ea pœn. tens similiter recipere  
valeat, ibid.2.c.259.1.a.b.c  
Communicans cum excommunicato habet in iure  
quosdam casus, qui cum excommunicatione ma-  
iore afficiant, & qui sunt hi, 246.1.a.b.&c.  
BBbb ij

# INDEX.

## Concubinarius.

Concubinarius ipso facto, iure nouo suspensus non est, sed suspendendus, 384. 1. c. d. e, 2. a. b. c. &c.

## Confessio, Confessarius.

Confessiones Parocho irregulari factæ, sunt tamen nec repetendæ, 451. 2. c.

Confessio quæ sit irregulari denunciato ac promulgato à iudice Ecclesiastico, probabiliter est nulla, 452. 1. c.

Confessarius potest sine irregularitatis incurso, de nocente quid sentiat expromere, ac magistratui vt conscientie satisfaciatur ac officio, auctore esse, 486. 1. b. c.

Confessarius non debet absolutionem fonti imperitæ, si de crimine iudice fateri id nolit, quod iudicem nosse est necesse nosse ad vindictam, 486. 1. c. 2. a. b. &c.

Confessarius non se inducit in irregularitatis laqueum, cum suo reus imperio, obiecta crimina confitetur, ob quæ vltimo est afficiendus supplicio, 487. 1. b. c. &c.

## Confirmatio.

Confirmatio à censuris irritito validè conferri & recipi potest 57. 1. d. e.

Confirmatio ministrari potest tempore interdicti parculis & ac adultis, firmis adhuc & valentibus, 409. 2. a.

## Correctio.

Correctio Euangelica denunciationi præmittenda est, cum profutura speratur, & nondum præmissa fuit, 207. 1. d. e.

## Consilium.

Consilium est triplex, 499. 1. c.

## Constitutio.

Constitutio Paulina non nocet delegatis à Papa iudicibus 132. 1. c. d.

Constitutiones Gregorii XIII. & Pij V. de clausura seruanda, pœnam excommunicationis ipso facto incurrendam habent, ac Papæ reservatam, 132. 2. b. &c. 133. 134. & seqq.

Constitutio Pii II. cui initium cum ex sacrarum pœna suspensionis ipso iure factoque eos afficit, qui sine legitima ætate vel facultate, vel extra tempus legitimum sacros ordines accipiunt est in vfu in Italia, 378 1. c. d. 379 1. 2.

Constitutio Pauli II. de alienatione bonorum Ecclesiæ vitanda, an excommunicationem Papæ reservatam inferat, 128. 1. d. e. 2. a. b. &c. 129. & seqq.

## Contumax.

Contumax & inobediens censuræ subest Ecclesiasticæ, 27. 2. b. est pœna contumacium, 28. 1. b.

Contumax variis pœnis plectitur, 61. 2. c. 62. 1. a.

Contumax est aliquis dupliciter, 76. 1. a. b. c. &c.

Contumacia quid, cuius causa fertur excommunicatione & quoduplex, 77. 2. a. b. &c. 78. 1. a. b. &c.

## Crimen.

Crimen dum sic est occultum, vt de eo non præcesserit infamia, nec verò argumenta suppetant vlla, quibus probari valeat, in eo casu præceptum superioris deco reuelando sub censura non obligat, 200. 2. c.

Cuius crimen non est cognitum nec defectu testium probatum, is non debet denunciari, 214. 2. c. d. e. explicantur dubia quædam de reuelatione criminum superiori facienda, 215. 1. d. e. 2. a. b. &c. 216. 1. a. quid Gallia obseruat tanquam sibi proprium in hac præsentimateria, 216. 1. d. e. 217. 218.

Quando Criminis reuelatio fieri non potest sine magno reuelantis incommodo spiritali aut temporario, tunc nulla est ad eam obligatio, 200. 1. c.

Crimina non visa, sed tantum audita ab ore hominum, quos sua leuitas infames, deque mendacio suspectos semper facit, non sunt denuncianda, 197. 2. d. e. qui audiuit & nescit à quo, & si scit, iudicat similiter eum ab aliis ignorantibus accepisse, iudici sub censuræ pœna exigenti, sistere se non tenetur, vt hæc eum quæ ab us didicit, edoceat, 198. 1. a. b. quæ à personis fide dignis sunt audita, hæc sunt denuncianda iudici, si ei non sunt ab his à quibus eadem didicimus, pro officio suo munereque exposita, ibid. c. d.

## Culpa.

Culpa quæ non apparet puniri censura potest, 331. 1. c. d. e. 2. a. b.

Culpa puniendi suspensione ex probabiliore sententia, debet esse mortalis, 351. 1. c. d. e. nihil tamen repugnat suspensionem leuem aliquam ob leuem culpam imponi, 352. 1. b. c. d.

## Curiales.

Curiales quinam dicuntur, 511. 2. c. d. &c.

## D

**D**æmones non sunt censuræ subditi, 16. 2. b.

## Defectus animi.

Defectus animi quid, 454. 2. a. & in quos cadat irregularitas ex eo orta, ibid.

## Degradatio.

Degradatio quid & quoduplex, 439. 1. c. 2. a. b. &c.

Degradandi Clerici forma quænam & qualis, 440. 1. c. 2. a. b. &c.

super Degradationis pœna hoc est priuatione privilegiorum omnium quæ Clerico competunt dispensare uon possunt Episcopi, 438. 2. d. e.

## Delegatus, Delegatus.

Delegatus quis potest duobus modis ad absolendum à censuris latis ab homine, 32. 1. c. delegatus habet eam potestatem quam ei delegans communicauit non maiorem, ibid. c. 33. 1. a. Papa aut Ordinarius cum mandant vt suspendat quis certum hominem sine alia commissione causæ potest is, post modum illum aboluere, quem alterius voluntate ac mandato ligauit, 33. 1. b. c. mortuo, vel censuris implicato delegante; integra adhuc re quam erat tractaturus delegatus, eius potestas deicit; sin autem ante mortem vel illius excommunicationem, iurisdictione sibi demandata vt corpus, is rem inchoatam explere potest, ibid. c. d.

## Deposito.

Deposito quid & quomodo à suspensione differt. 432. 1. 2. 433. 1. a. b. c.

Deposito propter quæ crimina est infligenda, 433. 2. b. c. &c. 434. 1. 2.

Deposito à quo & quomodo fieri debeat, quæ est dispositio ad degradationem, 435. 1. c. 2. a. b. &c.

Depositionis tres species, ibid. 1. c.

Deposito licet ad aliquem appellare, 436. 1. a. b. &c. 1. a.

Deposito licet liberè cum fidelibus vt ante viuere, pacisci, transigere, aut negotii faciendi societatem ac consilium inire, 436. 2. b. c. d. e. 437. 1. 2.

Depositi pœnæ quæ olim fuere, 436. 2. b. c. &c. pœna Depositionis latæ sententiæ ipso iure incurta, non ligat in foro conscientie ante sententiam declaratoriam

# INDEX

declaratoriam, 437.2.d. & 438.1.a.b. & c.  
ex crimine cui iure est adiuncta Deposito, non  
contrahitur irregularitas, si tale crimen est oc-  
cultum, 439.1.b qui tamen est iure depositus  
idem est irregularis, ibid.c

*Digamus.*

Digamus, vide *Bigamia*, *Bigamus*.

## E

### ECCLÉSIA.

**E**cclésiā interdicto supponi non potest ob cul-  
pam alicuius privati hominis, 431.1.b.c  
Ecclesiā potest vetare quodlibet peccatum mor-  
tale sub pœna excommunicationis, 75.1.c  
Ecclesiā potest priuare excommunicatum denūcia-  
tum spiritalibus suffragiorum commodis, 271.  
1.c.d.

Ecclesiā ius habet in mortuos etiam in foro exte-  
ri, 18.2 & 19.1.a.

in Ecclesiā Dei crimina sunt varia, ob quæ eorum  
auctores excommunicari sunt soliti, 10.1.d.c.

Ecclesiā in qua paganus sepultus est non licet  
consecrare, neque Missas in ea celebrare, sed  
iactari & mundari foras oportet, 419.1.a.b

Laici qui interdictum personale violant, quam pœ-  
nam subeant, 420.2.c.d.

*Episcopus.*

Episcopus excommunicatus non potest excommu-  
nicare, 106.1.b

Episcopus conferens ordines subdito alieno sine il-  
lius Ordinarii dimissorialibus literis aut licentia,  
incurrit suspensionem ipso facto per annum, à  
collatione ordinum, 376.2.c. est suspensus à  
Pontificalibus, qui rogatus ab Episcopo ut or-  
dines in suo Episcopatu conferat, eos aliis præ-  
bet quam qui sunt eius Episcopi subditi, ibid. d.  
ordinans coniugatum ad primam tonsuram, per  
annum est ipso iure suspensus à collatione tonsu-  
ræ, ibid.e. similiter qui irregularem ad ordines  
recipit, indignus est, qui eos postmodum conse-  
crat, 377.1.a. ordinans neophytum caret potesta-  
te conferendi eius ordinis, ibid. qui ordinat alie-  
nos Clericos in aliena Diœcesi, vel consecrat al-  
taria, anno à Missarum celebratione cessare de-  
bet, ibid.1.b, qui contra canones bigamum or-  
dinauerit vnius anni spatio se sciat esse suspen-  
sum à Sacerdotio, ibid.

Episcopus aut pastor Ecclesiæ ferentes interdictum  
in communitatem, eo ipsi non ligantur, secus si  
sit locale, 402.1.c.2.a

Episcopus extra Diœcesim positus de hæresis subdi-  
tum absolvere nequit, 307.1.a.b

Episcopus liberat ab excommunicatione cum Cle-  
ricus est leniter percussus, 233.1.a.b.c. sunt casus  
aliqui, in quibus de percusso Clerico haberi ab  
alio potest absolutio, quam Papa à Romano, ibi.  
2.d.c.234.1.2

Episcopus potest dispensare in irregularitate con-  
tracta ex hæresi occulta, 527.1

Episcopus suspensionis effectum potest suspendere,  
371.1.b

Episcopus ordinans ante legitimam ætatem est sus-  
pendendus non suspensus, 376.1.d.e. tonsuram  
conferens ante septennium completum, est sus-  
pensus per annum ab eius collatione, ibid.e. item  
conferens homini illiterato, ipso facto est suspen-  
sus ab eius collatione per annum, ibid. 1.a. con-  
ferens duos ordines sacros eodem die vni & ei-

dem, est ipso iure ab eorum ordinum collatione  
suspensus, ibid.b

Episcopus in quatuor casibus potest animaduvertere  
in Regulares, 17.2.b.c.d

Episcopus qui potestatem suam omnem transfert in  
aliquem, excommunicationum genus quod ad  
suum tribunal deducere est solitus, censeri debet  
illi permittere, 118.2.d.e

Episcopus existens in aliena Diœcesi non potest ab-  
solvere subditos ab hæresi aut casibus in Bulla  
cœnæ contentis, 49.1.a. potest absolvere non  
confessum, ibid.1.c

Episcopus publica censura irretitum, absolvere po-  
test facta ciuratione errorum publica, ac sponsio-  
ne ciurata, ibid.2.d.e

Episcopus Diœcesis, in qua peccatum est admissum  
potest aduenæ præcipere ut satisfiat læso, & si pa-  
tere renuit eum excommunicare, adhuc in sua  
Diœcesi commorantem, 14.2.a.b.c.d. aduenæ  
non comprehenditur sub sententia quæ dicta est  
in committentes aliquod crimen quando est in eo  
loco per modum transitus, aut non multum mo-  
raturus, ibid.2.d.c.13.1.a.b.&c.

Episcopus, Diaconus & Presbyter sœculares curas  
assumentes, deponi iubentur, 5.2.c.

Episcopo quod competit idem tribuendum est Le-  
gato à latere, 116.2.d.c

Episcopo onus incumbit observandi interdicti, cu-  
ius auctor est Pontifex, nec ab eo recedere potest  
sine crimine, nisi in casibus iure expressis, 421.  
2.b.c

Episcopus tamen interdicti generalis à iure, vel ab  
homine lati, lege non tenetur, nisi de eo in sen-  
tentia, expresse sit facta mentio, ibid.d. &

Episcopo in id incumbendum est, cum à se, aut e-  
ius superiore, ciuitas, regnum, aut provincia in-  
terdicatur, ne quid contra illud admittat, 422.  
1.a

à suo Episcopo excommunicari non potest delin-  
quens in loco exempto, 97.1.d

ab Episcopo qui in propria Diœcesi residet, alieni-  
gent ibidem versantes extra Ecclesiā per ex-  
communicationem poni possunt, 97.2.b.c

Episcopo sub pœna excommunicationis id iubenti  
denuntiari non debent, qui ordinem compen-  
dii sui non seruauerunt, sed prætermis-  
sis antiquis creditoribus de bonis debitoris sui sibi satisfac-  
ciunt, 205.2.a.206.1.2

ab Episcopo qui in propria Diœcesi residet, alieni-  
gent ibidem versantes, extra Ecclesiā per ex-  
communicationem poni possunt, 97.1.b.c.d

Episcopum qui decipit, peccat contra ius cano-  
num, fallum ei titulum tam patrimonii quam  
beneficii obtrudendo, ut eius intuitu, sacro ali-  
quod donec ordine, 380.1.c

Episcopi temporalem iurisdictionem obtinentes  
sibi substituere possunt magistratus ac iudices,  
qui suo nomine de delictis quæstionem insti-  
tuant, eaque, cum pœna sunt digna supplicio ius-  
topuniant, 484.1.d

Episcopi temporales ius habentes leges sciscere pos-  
sunt sine irregularitate, quas transgredi sit vio-  
lanti capitale, ibid.1.c

Episcopi ab irregularitate non eripiuntur, cum ipsi  
per se in nocentas dicunt mortis sententiam aut  
iudici imperant ut de his pœnas suspensio exigat,  
ibid.2.c.483.1.a.b.&c.

Episcopi dispensare in irregularitate ex defectu le-  
nitatis non possunt, 488.1.c. bene autem ex Pa-  
pæ liberalitate, ibid.2.b. &

BBbb ij



# INDEX:

In Episcoporum iure est dispensare in irregularitate  
cui causa est ab homicidio, per se primo ab infe-  
rente non intento & voluto, sed casuali, 535.2.e  
Episcopo dispensante Religiosi parum scientes ad  
ordines sacros aspirare possunt, 537.1.b.c  
Episcopus dispensare potest in bigamia reali, quando  
hæc est occulta, ibid.1.e, 550.1.b  
Episcopus dispensare potest cum irregulari ex ho-  
micidio occulto casuali tam ad minores ordines,  
quam eorum vltim beneficiumque simplex, 538.  
2.b.c.&c. 539.540  
Episcopis fas est reos non solum suarum legum, sed  
omnium insuper, quæ à Conciliis generantibus, vel  
Romanis sanctis Pontificibus, cum excom-  
municatione, eaque non reservata absolueret, 116  
2.b.c  
Episcopis fas est in depositionis pœna latæ sententiæ  
ipso iure incurta, dispensare, cum crimen ob  
quod est quis depositus, adulterio non est grauius  
438.2.a.b  
Episcopi non possunt dispensare super priuatione  
privilegiorum omnium quæ Clerico competunt,  
438.2.d.e

## Eucharistia.

Eucharistia in censura vere confici & recipi potest,  
non tamen sine culpa administrari etiam in mor-  
tis articulo, 57.2.d.e  
Eucharistia ministrari potest tempore interdicti non  
nisi ægris & constitutis in mortis periculo, 409.  
2.a.b.c. 410.1.2

## Excommunicatio.

Excommunicatio quid, 67.1.2. quibus nominibus  
olim fuit appellata, 68.1.b.c.&c. 2.a.b.&c. quid  
differt ab anathemate, 69.1.2. 70.1.a.b.&c. quo-  
tuplex, 70.2.c.d &c. 71.1.2. 72.1.a. in quo ex-  
communicatio quæ est ab homine ab ea quæ iu-  
ris est, differt, 72.1.c.d. &c. quodnam eius obie-  
ctum & finis, 73.1.b.c.&c. propter quam culpam  
fertur maior excommunicatio, 73.2.e. 74.1.2. 75.  
76.ad eff. Actum excommunicationis Ecclesiasti-  
cæ materia inobedientia sufficit, 76.2.c.d  
Excommunicatio in quibus calibus potest esse iniu-  
sta & tamen valida, 77.1.b.c.d.e. quis modus in-  
ferenda excommunicatione tenendus, 79.2.d.e  
Excommunicationis sententia quomodo ferenda &  
quibus vocibus, 80.1.2. scripto profertur debet, 81.  
1.c.d.e  
in Excommunicatione ferenda quid seruandum ex  
parte excommunicati, & quæ monitiones ei præ-  
mitti debent, 81.2.c.d.&c.  
Excommunicatio cum solenniter remittitur, sequen-  
da est loci cuiusque consuetudo, ac forma ritua-  
libus cuiusque Diocesis præscripta, eiusque ma-  
ximè, ubi absolutio impenditur, 168.1.c  
Quando Excommunicatio propter graue aliquod  
crimen contracta fuit, iuramentum à pœnitente  
ante eius absolutionem exigendum erit, quod a-  
modo Ecclesiæ morem geret & eius mandatis ob-  
temperabit, ibid.d.e  
Excommunicatus per generalem sententiam, ab eo  
absolui potest Episcopo qui præest loco in quo  
domicilium constituit, 171.2.c. si esset hæc ex-  
communicatio reservata Episcopo qui eum tulit,  
non posset reus in alio Episcopatu ubi versatur,  
absolui, ibid.2.d  
Excommunicatus per particularem sententiam &  
de nomine, absolendus est ab eo, qui illam dixit,  
171.2.c. valde tamen probabile est excommuni-  
catum per particularem alterius Episcopi senten-  
tiam ab Episcopo loci in quo versatur, absolui

posse, si sedem in eo sibi stabilem, firmamque de-  
legit, 172.1.a.b.&c.

Excommunicatio vt contrahatur à non parente legi  
Ecclesiæ de re aliena restituenda, aut veritate de-  
tegenda, quæ nescitur, & est occulta, prærequiritur  
in eo culpa lethali similis, 198.2.b.c.d.&c.  
Per accidens tamen, intentandæ excommunicationi  
culpa venialis sufficit, 199.1.b.c.&c.  
si Excommunicatio cuiusque effectus suspenditur ad  
actum aliquem aut tempus, in quo consistit abso-  
lutio cum reincidentia, eo elapso, redit illa sine  
nouo crimine, 185.1.e. noua culpa nulla, ab ino-  
bedientia virtuali distincta, est in excommunica-  
to necessaria, vt hic in antiquam suam censuram  
relabatur, si ab ea est absolutus cum obligatione  
reincidentiæ, si non ponatur conditio, cum qua  
fuit illa remissa, ibid.2.a.b.&c.  
Excommunicatio quomodo debet concipi, & qua  
forma, 338.1.d.e.&c.  
Excommunicationis effectus quis & quoruplex, 339  
1.d.e.&c. 340.& seq.  
Excommunicatus debet vitari sub mortali, 342.1.c.  
d.e. 2.a.b.&c.  
Quinque sunt tamen tempora, in quibus cum ex-  
communicato agere, cuique est impune, 343.1.  
c.d.e  
ab Excommunicatione absolvere cui est permillum  
in iure, 344.345  
Excommunicationis minoris qui sunt effectus &  
quis ab ea absolvere potest, 346.2.b.c.d.e  
Excommunicare qui potest, potest & suspendere,  
349.2.d.e  
si Excommunicatio per generalem tantum senten-  
tiam in eum est lata, tam qui præest Episcopatu  
in quem excommunicatus transit, quàm Sacer-  
dos ex approbatis quilibet, eam dissolvere cum  
fructu potest, 186.1.c  
Excommunicatus per specialem sententiam Episco-  
pi, de cuius Diocesi absolui non potest, ab eo,  
cuius esse incipit Diocesanus ac subditus, 186.1.  
d.e. 2.a.b.&c.  
Excommunicatus ab homine si Religioni dat no-  
men, ab eius prælato potest absolui, 186.1.e  
Excommunicatio, quæ ob alienam culpam intentat-  
ur alicui, est iniusta & nulla, 330.2.a.b, qui calis  
excipiuntur, ibid.c.d  
Excommunicato denunciato sine absolutione &  
contritione defuncto neganda est sepultura Ec-  
clesiastica, 267.1.b.c.d  
Excommunicationes Clementinæ nulli reservatæ  
quænam recensentur, 121.1.b.c.&c. 122.1.a.b.  
&c.  
Calis enumerantur, quibus est per Concilium Tri-  
dentinum adiuncta excommunicatio, eaque non  
reservata, ibid.2.c.d.e. 123.1.2  
Excommunicationes latæ sententiæ in Lateranensi  
& Constantiensi Concilio promulgatæ, nulli ta-  
men reservatæ recensentur, 124.1.a.b.c  
Excommunicationes reservatæ Papæ in Galia &  
vbique quænam sunt, 124.1.d.e. 2.a.b. &c. 125.  
126.& seq.  
Excommunicatus in interna gratiæ & charitatis  
communione persistere potest, 78.2.a.b  
iusta Excommunicatus, ex eo quod est in peccato  
mortifero & extra charitatem non desinit esse in  
Ecclesia & eius membrum, ibid.c.d  
Excommunicatus qui omnium conscientia est talis,  
ac proinde manifestus & denunciatus siue id iuste  
siue iniuste sit factum est extra Ecclesiam, 79.1.a  
b.&c.

Excommunicatio

# INDEX.

Excommunicatio quam non præcessit trina monitio non est nulla sed iniusta, 83. 2. c. d. e. sententia excommunicationis præmuti debet monitio, licet crimen sit notum omnibus, 87. 1. b. c.

Excommunicatio est valida, licet non sit servata forma iuris in excommunicando, 87. 2. b. c. quando est inualida, ibid. d.

Excommunicatio quid postulat ex parte excommunicantis, 85. 1. e. 1. 2. quibus notis internosci potest excommunicatio lata sententia ab ea quæ est ferenda, 88. 89. 90.

Excommunicationis causa efficiens duplex, 91. 1. a. b. quibus competit excommunicare, ibid. 92. & seq. iure communi ac ordinario excommunicare Parochi nequeunt, 94. 1. c. d. & c. sicuti tamen consuetudo largitur Parochis ut excommunicare possint, ea uti queunt, 95. 1. c. d.

Excommunicationis subiectum quodnam est, 98. 1. a. b.

Excommunicatio est actio imperantis & cogentis, ibid. 1. c.

quinam Excommunicari nequeunt, 99. 100. & seq.

Excommunicatio consuetudine induci non potest ac debet, 105. 1. a. b.

Excommunicatio minor quid, & quis eius effectus, 235. 236.

quare Excommunicatio minor sic dicta, 236. 2. c. 237. 1. a. b.

Excommunicationis minoris quæ sunt causæ, 237. 1. c. d. 2. a. b. & c.

ab Excommunicatione ad cautelam & in omnem euentum sacerdos absoluit, 114. 1. a.

ab Excommunicatione minori absolueri potest sacerdos quilibet approbatus, ibid. b.

dubitans excommunicationem contra se latam esse lucem ac conspectum hominum fugere non debet, focus verò si est lata, & dubitet an sit iusta, 110. 1. b. c. & c.

Excommunicatus quid differt à suspensio & interdictione, 50. 1. b. c. debet omnium Christianorum consuetudinem, declinare nisi quatenus iura permittunt, ib.

Excommunicatus non toleratus licet contritus communium suffragiorum Ecclesia particeps esse non potest, 273. 1. d. e.

Excommunicatus si est Clericus maiorum ordinum aut beneficiarius, potest ac debet dicendis horis priuatim dare operam, 274. 2. d. e.

in Excommunicationem Bullæ cœnz incidunt, qui hæreticorum libros hæresim continentes, vel de religione tractantes, legunt, retinent imprimunt, defendunt, 300. 1. d. e. 2. b. & c. 301. 1. a. 1. b.

cum Excommunicatis non licet absque peccato conuersari, 64. 1. a. b. à Parocho excommunicato licet audire sacrum, & accipere sacramenta, ibid. b. si dum sit factum, aut ministrantur sacramenta excommunicati se ingerant quid agendum, ibid. d. e. prophana possunt tractari cum eis, ibid. 2. a. b.

Excommunicatus in vna Diœcesi, vitari debet in alia & carere sacramentis, 262. 1. a. b. & c. non est tamen vitandus si eius excommunicatio non sit cognita, 263. 1. a. b. c. d.

Excommunicatus sacris Ecclesiæ officiis vacare non potest, ibid. 2. a. b. c. quod si iis vacet, sit irregularis 264. 1. d. e.

coram Excommunicato diuina mysteria celebrari non possunt, 265. 2. b. c. huic culpæ irregularitas nulla est coniuncta, ibid. e.

Excommunicatus infirmus non potest petere, ut in hoc vel illo loco sepeliatur, 266. 1. b. c. si tamen non est denunciatus potest sepeliri in loco religio-

so sicut ceteri, ibid. 2. b. c.

Excommunicatus à peccatis absolui potest prius quam ab excommunicatione, cum est excommunicatio iniusta, 254. 2. d.

Excommunicatus extra casum necessitatis licite sacrificare nequit, aut conferre Sacramentum, præterquam Baptismi ac pœnitentiæ in mortis articulo, 255. 1. c. d. extra necessitatem si absoluit facit id irritum ac inaniter, ibid. 2. b. c. d.

Excommunicatus toleratus licite conferre potest sacramenta, quoties aut ipsius grauis necessitas, aut notabilis proximi utilitas exigit, 256. 1. c. 2. a. b. & c.

Excommunicatio quid, 314. 1. 1.

Ferenda censuræ quis capax, 423. 2. d. e.

Excommunicatus non est, qui Clericum conatus est percutere, non percussit tamen, 333. 1. a. b.

pro Excommunicatis non habentur qui in campum processerunt pugnandi causa, sed ne se impeteret, sunt ab amicis cohibiti, 333. 1. b. c. nec ii quiscienter indignum eligunt, ibid. c.

Excommunicatio minor in quibus casibus contrahitur, 238. 1. 2.

Quis à minore Excommunicatione absolueri potest 246. 2. c. d. e. 247. 1. 1.

ab Excommunicatione lata in Clericorum percussores ordinarie absoluit Romanus Episcopus aut ab eo delegati, 347. 1. a. b. & qui excusantur ab itinere Romano, ibid. 2. a. b.

Excommunicationi canonis non subiicitur, qui cum ignorantia inculpabili status Clericalis, ad quem est is vocatus cui irrogatur iniuria, cum pugnis aut calcibus pupugit, 255. 1. a. b.

Excommunicati quinam sunt modo vitandi, 187. 1. d. e. 188. 1. 2.

Excommunicatio à iudice Ecclesiæ concedi potest pro damnis temporalibus, 190. 2. b. id tamen ex quo damnum temporale redundat in alium, & cuius causa impetratur excommunicatio, debet ita esse cognitum ut eius author nesciatur, 191. 1. b. c. & c.

Excommunicatio pro restitutione rei ablata, aut veritatis incognitæ restitutione ferri communiter ante duas monitiones præmissas non debet contra determinatam personam, lata tamen tenet, 194. 1. d. e.

Monitoria quando concedi debent, qua forma, & pro quibus rebus, 193. 1. d. e. 2. a. b. c.

Excommunicatio promulgata ab homine, hæc nolenti relaxari potest licite, 173. 1. d. e.

Excommunicatio non semper & in omni casu ob percussorem Clerici incurritur, 228. 2. c. d. e. 229. 230.

Excommunicati non sunt vitandi nisi sit declaratum per Iudicem consensum, 108. 1. c. d. e.

ab Excommunicatione excusat in lege materiæ paruitas, 108. 1. a. b. cum est certum, à superiore in peccati certum genus per censuras animaduertum esse, incertum autem est an iis comprehendantur ut ceteri, non teneor, si quid in legem peccauero, pro excommunicato me gerere, ibid. 2. d. e. 109. 1. a. b. c.

Excommunicatio non incurritur ob culpam quæ cessauit, nullamque contumaciam habet adiunctam, 109. 1. c. d.

Excommunicatio ferenda præsupponit peccatum mortale in eo, cui metus eius incurrendæ incurritur nisi obsequatur legi aut iudici, 109. 1. d. e.

Excommunicatus nominatim citari debet, non tantum cum certo scitur excommunicatus, sed

# INDEX.

etiam cum de eo dubitatur, nisi metatur dam-  
num notabile, 109.1.d  
Excommunicati excommunicationis maiore quæ-  
nam sunt pœnæ, 248.249  
Excommunicati excommunicatione maiori, hoc est  
denunciati, aut notorii percussores Clerici pro-  
hibentur à Sacramento, perceptione passiva,  
ibid. 1.d.e. 1.a.b  
Excommunicatione maiore irretitus, antequam sit  
ab ea absolutus, si sacramenta administrat, aut  
recipit, peccat mortaliter. 249.1.b.c.d. tale pec-  
catum ad speciem pertinet, 150.1.a.b. & quæ ex-  
citant, ibid.  
Excommunicatus peccat ultro se sacris ingerendo  
ministris, ac sine eorum necessitate graui, quo-  
rum causa ex obit, 159.1.b.c.d. 160.1.a.b.c. extra  
inductionem postulantis etiam potest excommu-  
nicatus toleratus non Parochus conferre sacra-  
menta licite, quoties id communis aut priuata  
alicuius necessitas, etiam vulgari non maior exi-  
git, ibid. 1.e. 2.a.b  
ne Excommunicatus quem Ecclesia tolerat, peccet  
in administrando Sacramento, quod quis ab eo  
sibi petit vt utile, aut necessarium, debet prius  
contesti, & si per tempus licet, confiteri & absol-  
ui, 160.1.b.c.d  
ab Excommunicato qui suscipit ordines, ad eorum  
est executionem vltimumque inhabilis, 256.2.c. 257  
1.a.b.c. qui cum excommunicatione matrimo-  
nium contrahit, peccat, 257.1.b. si nihilominus  
coniuges matrimonio suo vtantur ante Parochi  
benedictionem, aut alterius de eius licentia, non  
peccant mortaliter, ibid. 2.c.d  
Excommunicato suscipienti Sacramenta diuersa ab  
ordine, nulla iure ipso statuta est pœna, 257.2  
d.e  
Excommunicatus toleratus Sacramenta admini-  
strans cum conscientia peccati, nempe quia  
non est contritus, aut à censura absolutus peccat,  
non tamen sit irregularis, si se ante absolui cura-  
uerit, 261.1.a.b.c  
pœnæ quæ sunt conferentis Sacramentum cum ex-  
communicatione 261.2.a.b  
Excommunicatus non toleratus conferens Sacra-  
menta illicitè, excepto Baptismo non solemni, sit  
irregularis, 261.1.d  
Excommunicatum qui prius à peccatis quam cen-  
suraliberat, peccat contra religionem mortali-  
ter, 254.1.a.b  
Excommunicatus ab homine nominatim potest ab-  
soluti vi Commissionis Generalis, 165.2.e. 166.  
1.2  
Exempti ratione loci tantum excommunicari pos-  
sunt occasione contractuum, aut delicti extra lo-  
cum exemptum admissi, 107.  
1.b.c.  
Excommunicato denunciato nil spiritualis commodi  
ex communibus Ecclesiæ suffragiis prouenit,  
271.2.a.b  
Excommunicatio maior non tantum spectat ad ex-  
communicatos denunciatos & manifestos Cleri-  
ci percussores, sed etiam ad occultos, 250.1.c  
Excommunicatus denunciatus & non toleratus ex-  
communicare non valet, 105.2.b  
Excommunicare quinam iure possunt, 98.99  
Excommunicari quis potest, 98.1.2  
Explicatio Bullæ Cœnæ.  
Explicatio capitis secundi & sequentium Bullæ Cœ-  
næ, 301.2.d.e. 301.303  
Explicatio capitis tertii Bullæ cœnæ, qua parte agit

de immunitate Ecclesiæ, 303.2.a.b. &c  
Explicatio casuum Bullæ qui pertinent ad commu-  
nem Christianorum vtilitatem, 104.1.b  
Extrema vntio ab eo quem censura notat, valide  
confertur, 55.2.c.d

## F

### FILII.

Filius ob culpam patris censura notari nequit,  
329.2.c  
Famula.  
Femina iure diuino & naturali est irregularis, 459.1  
a.b. & sic est irregularis, vt ne quidem apta sit or-  
dinari, ibid. d.e  
Forum.  
Forum quid, 13.1.e. quod duplex & quæ differunt inter  
se, ibid. 14.1.a.b. &c.  
Fur.  
Fur, culpæ reus non est, si prælati decreto non ob-  
temperet, 208.2.a.b.c. &c. consensus facti crimi-  
nis non tenetur vi edicti aut præcepti superioris,  
illud ei deregere, cum ipsi soli est cognitum, scilicet  
que eius auctorem id nosse, nisi forte in Reip. bo-  
nique communis aut proximi perniciem verge-  
ret, 210.1.a.b. &c.

## H

### HAERESIS, HAERETICVS.

Hæretico occulto & fide conuerso data abso-  
lutio, est inanis & irrita, 307.1.c. est tamen  
in foro externo pro absoluto habendus, ibid. d.e  
an Hæresis, cum in Iubilæo aut priuilegio sit pote-  
stas alicui absoluendi à casibus Bullæ cœnæ, in-  
tellecta censetur, 307.2.d.e. 308.1.2  
Quid cum hæretico publico, qui multos annos in  
hæreticorum conuictu fuit facere est nocelle,  
cum ad pœnitentiæ Sacramentum accedit, 308.2  
e. 309.1.a.b.c.d  
Hæreticus duobus modis spectari potest, 309.1.b.c  
Hæresis vbi viget, si sint eius professores ac a Ecclesiæ  
censuratum reu ncti nodis, non sunt in congressu  
communique consortio vitandi, 309.1.e  
Hæreticum qui recipit, non subiacer Bullæ excom-  
municationi, 310.1.c.d  
Epistolam missam, in qua est hæresis qui legit ad  
amicum, non subiacer excommunicationi Bullæ  
cœnæ, 311.2.d.e  
Hæretici non sunt iure diuino excommunicati, 3.3.2  
a.b.c  
Hæreticus mentalis excommunicationem non in-  
currit, nisi verba aut signa quibus errorem suum  
in apertum profert, proditque hic foras, sint de se  
ac ex instituto hominum, declarandæ menti suæ  
errorique idoneæ, 305.2.b.c  
Hæreticus mentalis reconciliari potest à quolibet sa-  
cerdote approbato, 305.2.c.d. & si est occultus  
tantum per accidens, ibid. d.e  
Hæresis crimen ex se & natura sua occultum qui ad-  
misit Bullæ excommunicationem non incurrit,  
305.1.1.b  
de Hæresi absolvere inquisitoribus est permissum,  
306.1.b  
Hæretici excommunicari possunt, 106.1.e. sub sunt  
etiam excommunicationi, quibus id priuilegio  
conuenit, ibid. 1.b.c.d  
Hæretici

# INDEX.

- Hæretici non sunt infames si crimen eorum sit occultum ante sententiam iudicis declaratoriam,** 525.1.b.c.&c.
- Hæreticus beneficiis suis abire, eaque ante sententiam relinquere non debet,** 525.2.c.d.e
- Hæretici possunt absolui ab hæresi eorum prius non audita confessione,** 471.1.2
- Hæretici publici priusquam absoluantur, reconciliationis & penitentiae signa debent edere,** 49.2.c
- Hermaphroditus.*
- Hermaphroditus magis in feminam quam virum declinans est irregularis,** 459.2.b
- Homo.*
- Homines mortui excommunicandi non habent,** 105.1.d
- Homicidium, Homicida.*
- Homicidium duplex casuale & voluntarium,** 467.1.c
- Homicidii nomine quid communiter intelligitur,** ibid.c.d
- Homicidium voluntarium quale est dolo malo animoque occidendi, seu ex proposito re ipsa perpetratum, Irregularitatem infert facienti,** 467.2.a.b.c
- Quando plures unum sic vulnerant, ut postea intereat, omnes sunt irregulares, si ad necem verè sunt cooperati, tam in se quam in modo, nempe ut celerius accideret,** 468.1.b.c.d
- Qui tuendi sui causa alium interficit, dummodo limites moderatæ tutelæ non exeat, non est irregularis,** 468.2.b.c.d.e 469.1.2
- Qui ob defensionem Reipublicæ, vel proximi aggressorem opprimit, non debet ut irregularis ab usu suorum ordinum removeri,** 470.2.a.b.c. non fit irregularis qui interimit eum qui impetum facit in suas fortunas, ibid.2.b.c
- Homicidium casuale quid & quotuplex,** 471.2.a.b.c &c.
- Homicidium casu factum irregularitatem non infert, si opera dabatur rei licitæ, fuitque adhibita diligentia ad vitandam necem, quam exigerat prudentia,** 472.1.b.c
- Homicidium ut sit voluntarium, non est necesse in illud ferri voluntatem primo, per se & directe,** 490.2.c.d.e
- Quando Homicidium casuale est voluntarium, hoc est præsum in causa saltem ex suspitione, & non fuit adhibita prudens diligentia ne eueniret, eo secuto irregularitas incurritur,** 491.2.c.d
- duo necessario sunt vitanda ei qui irregularitatem quæ ex homicidio fortuito nascitur, fugere cupit,** 491.2.c
- Homicidium cuius causa casus extitit irregularitate neminem afficit, qui in alterius interfecione culpam non contraxit ullam,** 492.2.c.d.e
- qui alteri ad homicidium promittit auxilium, in numero est irregularium, ibid.1.b. si Chirurghi inopia, aut quia deerant qui læsi curam susciperent hic ad vulneris sui, etsi non mortiferi curationem, necessariis remediis destitutus interit, iniuste vulnerans, est irregularis, ibid. d.e quando percussus diem suum obit, non tam ex vulnere, quam medici imperitia seu negligentia, aut ipsiusmet percussus incuria, vulnerans tantum de vulnere, non autem de homicidio quoad penam, hoc est irregularitatem & obligationem relaxiendi damni,** 493.1.c.d
- Qui mandavit suasitue homicidium reuocato mandato vel consilio scelere liberatur,** 494.1.d. mandatum reuocatione finiri quam reuocationem semper facere, mandanti est concessum, etiam si id se non facturum esset iurisiurandi religione interposita pollicitus, ibid.d.e
- Mors à mandatario illata homini, post reuocationem mandati, ei à mandante intimatam, illum irregularitate non vincit, ibid.2.a.b. licet plus opere studii in reuocatione consilii, quam mandanti Doctores exigant, eadem tamen est vtriusque ratio, quandiu mandati reuocatio, non innotescit mandatario,** 494.2.d.
- Quando plures adoriuntur aliquem, irregulares censendi sunt omnes, etsi vnus quispiam eum lethaliter percusserit, non alii,** 495.2.d
- Magistratus qui scit itinera latrocinii infesta esse, in vrbe autem per tenebras grassari sicarios, in capitansontium, nec eos cum potest cohibet, aut à cotu arceat ciuium, est irregularis,** 496.1.a.b
- qui alteri homicidii faciendi, consilio suo est auctor. eo secuto est irregularis,** ibid.2.1.a.b.&c.
- Mandans tenetur de damnis quibuscumque vi mandati secutis** 497.1.c.2.a.b.&c.
- Qui in necem alienam consentit, dum sit eius nomine, est irregularis,** 498.1.c.d.e
- Sacerdos qui bona fide, reoque ipso suadente, eius nomen ad iudicem detulit, non est irregularis, si hunc culpa sua mori accidat,** 498.2.c.d.&c.
- non est improbabile eum Sacerdotem contraxisse maculam irregularitatis ex homicidio non voluntario seu casuali,** 499.1.a.b.c
- Si in prodendo fute si in manifestando bona fide eius crimine sacerdos mortaliter non peccauit, non est existimandus irregularis,** ibid.c
- Irregularitas ut incurritur, quæ ex homicidio fortuito nascitur, non videtur sufficere illud sequi ex opere quocumque modo illicito,** 499.2.c.d
- Homicidium factum suo nomine qui ratum habet, est irregularis,** 501.2.c.d.e. 503.1.a.b
- Homicidæ qui se comitem offert siue ad auxilium siue ad necem alicuius expeditus, si hæc sequatur, est irregularis** 507.2.b.c.&c.
- Qui amico dat se comitem in via cum armis, non interimendi animo, sed eius colendi causa stipendii que, dum in publicum progreditur, in irregularitatem non incidit, si inimico cui casu sit obuiam vitam exhaustat,** 508.1.a.b.c
- Homicidium qui consuluat ignorat tamen aut dubitat an sit admissum, pro irregulari haberi debet,** 508.2.b.c.&c.
- Si præter intentionem, hoc est sine voluntate necandi à rixantibus alter cadat casu casus dicetur non voluntarie, 510.1. d. e. communiter tale homicidium est voluntarium, & eius auctor irregularis** ibid. 2.a.b. in Episcopi iure non est dispensare in tali irregularitate, sed solius Papæ, ibid.2.c

## I N F A M I S.

- I N f a m i s quis dicitur,** 517.2.e
- Infamia quotuplex,** 518.1.a.b.&c.
- Infamia omnis tam iuris quam facti qui laborat ut irregularis, à sacris est ordinibus, eorumque usu semouendus,** ibid.2.b.&c.
- Infamiam quolibet crimina conciliant modo enormia, quæque depositione sunt digna,** 519.2.d.e
- Infames habentur fornicarii cum coniugata, 520.1. a. qui suas uxores prostituunt, ibid. b. incestuosi raptores, malefici, venefici, de bellis publicis fugientes, & qui facultates Ecclesie abtrahunt iniuste & qui fratres calumniantur & accusant & non probant,** ibid.c

CCc



# INDEX

- Infamia quid est,** 511.1.a  
**Infamie irregularitas, quæ inris dici solet non creatur villo delicto, quo ignoratur à populo, 510.2.a.b.c.&c.**  
**Si crimen cui iure est allegata infamia sit occultum, hæc potest Pœnitentiâ tolli,** 511.1.c.d  
**Cum est infamia iure contracta aut per sententiam magistratus politici illata, in ea solus princeps dispensat, cuius auctoritate huius operi adnexa est infamia, aut irrogata per sententiam magistratus, quem iuri dicundo suis subditis propositum esse voluit.** 511.1.e  
**In infamia quæ oritur ex crimine quod iure auctoritatem suam notat solus Papa directe dispensat, indirecte Episcopus,** ibid.1.a  
**Infamia quæ facti dicitur abstergitur factis oppositis hoc est vita ad præscriptum virtutis compolita,** ibid.2.d  
**Ignorantia.**  
**Ignorantia quid & quotuplex,** 26.1.e.2.a.b.&c.  
**Ignorantia tam iuris quam facti censuram impedit,** 27.1.e  
**Ignorantia etiam eius censuræ excusat,** ibid.2.c  
**Ignorantia, quæ est crassa, non est causa sine qua non, sed concomitans, hæc à censura non excusat,** ibid.d  
**Omnis ignorantia mortalis, seu mortalitæ culpabilis non est crassa & supina,** 39.1.b.c  
**Ignorantia crassa vnde oritur,** ibid.d  
**Ignorantia duplex,** 387.1.c.d  
**Illegitimi.**  
**Illegitimi omnes iure comuni ut à beneficiis, prælaturis & dignitatibus ita & ab ordinibus sunt repudiandi,** 463.2.c.d.e  
**Illegitimi qui sunt tantum specie, non censentur irregulares,** 464.1.a.b.c.&c.  
**Illegitimi non tantum specie sed re ipsa sunt tales, siue occulti, siue sint cogniti, sunt irregulares,** ibid.d.e  
**Illegitimi non modo irregulares sunt, sed culpabiliter promoti, rariorum nunquam sine magno labore rehabilitari possunt, ac si susceptis ordinibus sine dispensatione utantur peccant,** 465.1.c.d  
**Solus Papa dispensat cum Illegitimo ad maiores ordines, dignitates, prælaturas & beneficia duplicia, cum crimen parentum est cognitum.** 465.2.c.d.e  
**Irregularitas quoque ad ordines in Illegitimo tollitur, per canonici eius professionem in religione** 466.1.b.c.d.  
**Illegitimi suscipientes ordinem ante dispensationem, ipso iure ab eo sunt suspensi, in eo tamen si celebrant, Irregulares non fiunt ea irregularitate quæ fertur contra violantes censuras,** 466.1.e.2.a.b.&c.  
**Illiterati.**  
**Illiterati qui dicuntur, & censentur esse irregulares,** 457.1.a.b  
**Cum illiterato penitus nemo directe dispensare potest, ut inter ordinatos locum habeat,** 458.1.c.d  
**Indirecte tamen & oblique dispensat Pontifex in hoc defectu,** ibid.  
**Imprimementum.**  
**Imprimementum nomine quoniam in Bulla intelligi debent ad expressionem hæresis.** 313.1.c.d  
**Inobedientia.**  
**Inobedientia generalis quid,** 22.1.a  
**Inobedientia generalis satis est ad incurrendam censuram, ibid.b. ut quis inobediens Ecclesiæ dicatur quid sufficit, ibid.c. subest censuræ,** 27.2.b  
**Interdictum.**  
**Interdictum quid & quotuplex,** 397.1.2  
**Interdicto locali personæ non comprehenduntur immediate per se & absolute, sed mediate, ac cum respectu ad hunc locum specialem, qui est interdictus** 398.1.c.d.e  
**In interdicto locali generali continentur exemptorum Ecclesiæ,** ibid.2.b.c  
**Interdicta civitate, interdicuntur quoque suburbia, locaque ei adiacentia** 399.1.c.d.e etiam eius personæ quæ extant tempore interdicti, quam quæ ei postea advenient, ibid.2.c.d  
**Interdicta civitate vel Ecclesiâ destructa interdictum non tollitur etiam nova nouæque ædes in eodem loco construuntur** ibid.1.e  
**Interdicto clerico non censentur religiosi interdicti** 400.1.d.e  
**Interdictum cum est generale, inhibentur à sepultura, Sacramentis & divinis officiis, qui in interdicto populi continentur, tanquam membra & partes eius populi qui interdicuntur,** 400.2.g  
**Interdicti specialiter hi sunt, qui sunt de familia interdicta.** 401.1.b.c  
**Interdicti generaliter qui differant ab interdictis specialiter seu singulariter,** ibid.c.d  
**Nobiles Duces, Marchiones, Comites & Barones interdicto ei subiaccunt quo populus, etsi sint innocentes,** ibid.e  
**Interdicto non subfunt, qui in civitate populi interdicti habitant ad tempus studii vel negotiorum causa.** ibid.2.a. is tantum interdicere iure communi ac ordinatio potest, qui excommunicare & suspendere, ibid.2.c.d.e  
**Interdicti possunt tam personæ quam collegia, provincie & urbes,** 401.1.a  
**Interdictum locale siue generale sit siue speciale imponi non potest nisi ob mortale eius, cuius causa ponitur,** 401.2.c  
**Interdictum personale generale aut speciale, non potest imponi nisi ob mortale peccatum personæ cuius causa infertur,** ibid.c.d.e  
**Interdicti causa subiectiva quænam,** 403.1.d.e.2.a.b  
**item quænam causa finalis & formalis, ibid.2.c.d, c.404.1.a.b.&c.**  
**Interdictum tam generale quam speciale imponi potest ob alienam culpam,** 404.1.a.b.c.&c.  
**Interdictum Ecclesiasticum quorū modis violatur,** 405.1.b.c.d.e  
**Interdicta violantes quæ pœnæ sequantur, ibid.2.b &c.406.1.1**  
**Interdicti effectus quoniam sunt,** 407.1.c.d.e.2.a.b &c.408.409.& seq.  
**In Interdicto, Sacramentorum usus tam actius quam passivus prohibitus est,** 408.2.d.e  
**Interdictum non privat Sacramento pœnitentiæ.** ibid.e  
**Interdicti tempore Baptismus, Confirmatio, & Eucharistia conferri possunt, hoc tamen discrimine quod priora duo Sacramenta parvulis & que ac adultis conferri queant, postremum autem non nisi ægris & constitutis in mortis articulo,** 409.2.a.b &c.410.1.1  
**Interdicto durante nullus ordo sacer conferri potest,** 411.1.a.b.&c. fas tamen cuique est ad matrimonium animum adiungere, ita & illud re ipsa contrahere valide, ibid.1.a.b  
**Interdictum personale speciale non reservatum post satisfactionem, aut satisfaciendi cautionem, tolli potest à quolibet confessorio approbato vel Episcopo,** 419.1.b.c  
**Interdicto affectus cessari valet,** 420.2.e.421.1.a.b  
**Interdicto**

# INDEX

**Interdictio** supponi non potest Ecclesia aut ciuitas ob culpam priuati cuiuspiam hominis, 421.1.b.c  
in Interdictio diuina officia aliquando celebrari possunt solenniter, 421.1.c  
Interdictio supponi nequeunt Papæ privilegio, aliqui qui sunt in Dei Ecclesia, 422.1.b.c.&c.  
Interdictus ab ingressu Ecclesiæ potest ex adiacente ac vicino cimiterio, Missam audire, 422.2.d  
Interdictum quid, 424.1.a.b.&c. quod triplex, 425.1.a.b.&c. quæ ceremoniarum inferendo interdictio adhibenda, ibid. 2.a.b.&c. quænam vetantur interdicti tempore, 426.1.1. quæ sunt interdicti tempore permissa fidelibus, 427.1.2. 428.1.2  
Interdictum qui ferre possunt, 429.1.c.d. 2.2.a.b.&c.  
Interdictio Clero populus ac religiosi pro interdictis non sunt habendi, & e conuerso, 430.1.2.b.c  
Interdictum qui violant quas penas incutere solent, 430.1.c. 2.a.b.&c. 431  
Sepultura Ecclesiastica neganda est iis qui interdicti sunt personaliter ab ingressu Ecclesiæ, 432.1.b.c  
Qui interdicti sunt personaliter ab ingressu Ecclesiæ, his est neganda sepultura Ecclesiastica, 432.1.b.c  
qui non est interdictus personaliter sepeliri in loco sacro potest, distincto tamen ab eo in quem interdictum speciale cadit, ibid. e  
per Interdictum generale locale prohibetur ne quis Laicus in loco sacro sepulturam accipiat, 432.2.a.b  
in Interdictio personali generali sufficit, vt singula eius membra, in sacris ac sepultura vitare teneamur, si communitas ipsa sit denunciata, ibid. 2.c. in locali interdictio hi qui non sunt interdicti, nec interdictio causam dederit, sepeliri possunt in loco sacro non interdictio, ibid. d  
Interdicta terra alicuius Domini temporalis, censentur quoque interdictæ possessiones, quas habet in aliis Diocesisibus iuxta voluntatem eius qui censuram infligit, 433.1.c.d  
is cui est interdictus ingressus Ecclesiæ, non potest interesse rei diuinæ quæ in ea celebratur, ibid. e  
nequidem id ei permissum est, cum extra Ecclesiam in eo loco hæret, vnde audire & spectare possit quæ ibi geruntur ac fiunt, ibid. 2.a. potest tamen in cimiterio diuina audire & obire, ibid. c  
Cum quis de subditis alicuius principis, cuius terra interdictio generali locali est supposita, transit ad aliam prouinciam non interdictam, cessat esse, interdictus, ibid. d e  
Cui interdictus est ingressus Ecclesiæ, non patere potest aditus in templum priuatæ orationis causa, quotempore Ecclesiastica officia in ea celebrantur, 434.1.c.d  
Interdictum quo quis priuatur ingressu Ecclesiæ verum est ac proprium interdictum, 434.1.a.b. solius Papæ aut alterius ab eo delegati est interdictum generale infligere, cuius est locale generale aut personale, ibid. 2.a.b  
Interdictum poni potest ob aliâ causam quam contumaciæ, 434.2.b  
Cum fertur interdictum, contra participantes cum interdictis, idem nominatum à iudice qui sententiam interdicti in eos cogit officii sui tertio admonendi sunt aut semel duntaxat seu vnicâ monitione pro tribus cum intervallo competentem, aliâ interdictum est nullum, 435.1.b.c  
Interdictus ab ingressu Ecclesiæ ad diuina admitti non potest à Clerico, 435.1.c.d. qui intersunt di-

uinis officiis aut sacrificio, templo egredi debent, cum ad ea recipitur interdictus denunciatus, ibid. 2.a.b.c.d  
Cui est interdictus Ecclesiæ ingressus potest in ea humari si penituerit, aut à Sacerdote absolutus animam efflauerit, ibid. e. 436.1.a.b.c  
Interdictum quomodo denunciatur, 436.2.c. quomodo incurritur & tollitur, 437.1.b.c  
Recensentur casus in quibus interdictum generale iure incurritur, ibid. d. e. 2.a.b.&c. 438.1.a.b.&c.  
Interdictum locale particulare in quibus casibus à iure fertur, 438.2.b.c.d.e  
Quando interdictum personale generale communis est à iure cum tacita reservatione, vt accidit cum certum tempus, vel sub certa conditione imponitur, Episcopus illud relaxare non potest ante impletam conditionem, 439.1.c. 2.a  
Forma qua interdictum remittitur, certa nulla ac determinata, ibid. 2.d  
Interdictus, suspensus & excommunicatus qui differunt inter se, 50.2.b.c. interdictus nusquam gentium audire sacrum, aut interesse diuinis potest, ibid.  
*Irregularitas.*  
Irregularitas quid, 443.1.2  
Irregularitatis effectus qui & quot sunt, 444.2.2.b &c. 445. 446.  
Irregularitatis causa efficiens non est alia quam lex canonica, 446.2.b.c. causa materialis est duplex, peccatum & defectus tam corporis quam animi, etiam non culpabilis, 447.1.a.b.c.&c. etsi sit probabile actum vitiosum, ob quem incurritur irregularitas, etiam occultum, si tamen sit externus & natura sua talis, vt videri possit, ad eam inuehendâ sufficere, contrarium tamen probabilitate non vacat, ibid. 2.a.b.c. quæ tamen crimina irregularitatem inuoluunt ac inferunt, eo nomine tantum quod sunt notoria aut coniuncta cum iuris aut facti infamia, hæc in omnium sententia si sunt occulta, hunc effectum non habent ibid. e  
Irregularitatis inducendæ forma, certa nulla est Ecclesiæ præscripta lege, 448.1.b.c.&c.  
qui dubitat Irregularitatem facto suo coniunctam esse, excepto homicidio, nullo iure tenetur abstinere us operibus quæ irregulari sunt prohibita, ac pro tali publice se gerere, si post diligentem inquisitionem ad quam obligatur de re ipsa, aut iure constare nequiverit, 448.2.b.c.d.e  
qui dubitat se admisisse factum, cui adiuncta est irregularitas, non necessario gerere se debet in utroque foro pro irregulari, excepto casu homicidii, 449.1.b.c.&c.  
Irregularitas nec beneficio possessio priuat, nec acquisiti de nouo collationem irritat, 450.1.d.e.&c.  
qui Irregulari scienter peccata sua detegit in Sacramento penitentiae absolutionis habendæ causa, peccat mortaliter, 451.2.b  
qui Irregulari ad pedes accidit absolutionis causa, cum conscientia notitiaque legis Ecclesiasticæ, quæ irregularem ab hoc sacro munere remouet, eam non recipit, ibid. e.d  
Irregulari Parocho sed tolerato confessiones factæ, sunt ratæ nec repetendæ, ibid. e  
Irregulari denunciato ac promulgato à iudice Ecclesiastico confessio quæ fit est nulla, 452.1.c  
per Irregularitatem irregularius non admittitur faciendi actus sacros, eo modo quo fiunt à laicis, 453.1.a  
ab Irregulari quælibet sacramenta sumi possunt præter ordinem, & quæ ab eo pendent, 453.1.c.d.&c.  
Ccc ij

# INDEX.

- Irregulari iurisdidio non adimitur ab irregularitate,** maxime si hæc beneficio iam obtento aduenit, *ibid.* 2.2.b
- Irregularitatis species quæ, quot & quales,** 453.2.c d.e.454.1.a.b.&c.
- Irregulares sunt Neophyti** hoc est recens à Paganorum, aut Iudæorum erroribus conuersi ad Christi cultum, 455.2.b.c. nec debent publica his committi officia, *ibid.* d.e
- Irregulares sunt illiterati,** 457.1.2
- Irregulares sunt femina & hermaphroditi,** 459.1.a.b.&c.
- Irregularitas non contrahitur per mandatum generale mortis inferendæ,** 474.2.d. bene tamen per speciale opere subsequuto, *ibid.* e
- Irregularitas contrahitur tam mandato homicidii licito quam prohibito expresso aut virtuali;** si tale mandatum est causa eius proxima & particularis 475.1.a.b.c
- Irregularitatem non incurrit is qui tacet, aut alterum cum potest non adiuuat, si est homo priuatus,** pari tantum aut non maiore aliqua auctoritate prædictus, quam qui vim infanti parat, 475.1.d,e
- Irregularis est, qui necem alterius ut poterat & debebat ex iustitia, non impedit, puta quia ex officio, vel ratione stipendii, vel alicuius obligationis ab ea illum tenebatur eripere, homicidio sequuto,** 475.2.b.c.d
- Irregularitas proueniens ex defectu lenitatis pertinet ad eos qui publica exercent iudicia, ad Assessores Iudicum testes, accusatores, notarios, scribas publicos & custodes reo ad mortem eunti comites qui adduntur ne euadat,** 476.2.b.c.d.e
- Irregularis non est qui licet alicui intendit, qui postea iudicis ore sententiaque, in foro perit,** 477.1.b.c.&c.
- Irregularis non est Sacerdos qui reum comitatur ad mortem,** 481.1.e. bene quidem qui mortem rei procurat, ac appetit, iudicem ad eius vindictam acuendo verbis, signo, atque sermonibus, *ibid.* 2.b.c
- Irregularitas quæ nascitur ex defectu corporis ad quas est reuocanda causas,** 527.2.c.d.e
- Omnis defectus membri, functionem ordinis impediens, aut notabilem deformitatem inducens, iure diuino & naturali, reddit eum in quo est irregularem,** 528.1.a.b.&c.
- Quicumque monstruosa scorditate est natus, etiam sine sua culpa est irregularis,** *ibid.* 1.e.2.a non modo notabilis deformitas ex defectu membri præcipui in corpore, sed mediocri quoque ex priuatione occultæ partis non necessitat ad vsum ordinum proueniens, eum irregularem efficit, cui hæc cum peccato aliquo suo accidit, *ibid.* a.b.&c. 529.2.2
- Deformitas quæ consistit in priuatione membri ad Ecclesiastica munia necessarii, est indispensabilis,** 529.2.c
- Deformitas levis, sine culpa contracta, Irregularitatem non conciliat,** 530.2.a.b.c
- Is, cui iam ordinato deformitas superuenit ex mutilatione aut aliter, non fit irregularis,** *ibid.* 2.d.e
- Surdaster Irregularitatem non incurrit,** 531.1.e.2.a.b.&c.
- Qui senos habet digitos in dextera manu, non est irregularis,** *ibid.* 2.e
- Qui morbi moraliter curari nequeunt aut cum insigni vel perpetua corporis deformitate, debilitate animi & imminutione virium irregularitatem in-**
- ducunt,** 532.2.c.d.e
- Irregularitatem non incurrit qui notario operam nauant in transcribendis actis iudicii principique literis aut magistratus, quibus mortem reo imperant inferri,** 438.1.a.b
- Irregularitas non incurritur iteratione Eucharistiæ, Pœnitentiæ, & Extremæ vñctionis,** 515.2.d. nec non etiam Ordinis & Confirmationis, *ibid.*
- Irregularis est, nec ad sacros ordines prouchi per Episcopum ei est licitum, qui fortuitè ordinatur,** 516.1.b.c.d
- Item irregularis est, qui in censura actum sacri ordinis exercet,** *ibid.* e
- Est quoque irregularis Clericus, qui scienter, serio, atque solemniter sacro ordine vtitur, quem non habet,** *ibid.* 2.c.517.1.2
- Irregulares sunt tam hæretici quam qui eos domus recipiunt ac fouent, iis adhibent auxilium, eos tuentur ac protegunt,** 522.1.b.c
- Irregulares sunt non tantum hæretici sed & eorum complices, etiam post factam pœnitentiam, vitæ mutationem & conuersionem ad fidem,** *ibid.* 2.e
- Irregulares sunt tam filii hæreticorum quam nepotes, & ad beneficia Ecclesiastica possidenda & obeunda officia publica, iure Ecclesiæ videntur inepti, nisi hi à quibus sunt nati ante mortem ad vnitatem Ecclesiæ redierint,** 523.1.c.d
- Irregularitas ex delicto non est censura, 3.1.c.d. quid & à quo contrahitur,** 60.2.a.b.&c.61.1.2
- Irregulares sunt pugnantes in bello iusto ex defectu lenitatis,** 490.1.d. in bello quoque iniusto hortantes milites ad occidendum, *ibid.* e. & occidentes in bello iniusto eos qui sunt partis aduersæ & in eo pugnantes, *ibid.* 2.a.b
- Irregularis est dominus censendus, eo quod seruus cui mandauerat Ioannem occidere, ab eodem Ioanne sit occisus,** 506.2.a.b.&c.
- Irregularis non est qui aliquem mutilari imperauit,** 507.1.b.c.&c.
- Irregularis non est qui dubitat an mutilauerit,** 509.1.a.b.&c.
- Irregularis non est qui alteri aures, nasum, digitum, non quidem pollicem aut indicem abscidit,** 509.2.c.d.&c.
- Plures irregularitates non incurrit, qui sæpius cum suspensione aut censura quapiam alia celebravit,** 510.2.e.511.1.a.b.c
- Ab irregularitate quænam excusant,** 543.1.1. excusat primo metus non quilibet sed grauis, *ibid.* 1.a ignorantia inuincibilis malitiæ annexæ actui, *ibid.* 2.b, ignorantia iuris inuincibilis, *ibid.* 2.b. defectus rationis in operante, 544.1.a. defectus actionis internæ, sine qua exterior esse vitiosa non potest, ita & externæ, *ibid.* b.c. bona fides, *ibid.* 1.e.2.2.a.b
- Irregularitas quid est & quomodo ab aliis censuris differt,** 544.2.c 545.1.2
- Ut irregularitas contrahatur quid est necesse,** 546.1.b.c. &c.
- Irregularitatis tollendæ qui modi.** 538.539. & seq. in irregularitate dispensandi quæ forma adhibenda & qualis, 542.1.c.d.&c.
- Ut in irregularitatem quis offendant, cum rei licitæ dat operam necesse est, ut culpam subeat negligentis seu inconsiderantis, ac inconsultæ rationis, quæ sit lata ac mortalis,** 500.2.b.c
- quinque sunt quæ ob defectum, irregularitatem homini afferunt,** 513.1.e.2.a.b.&c.
- qui in mortem alienam consensit, quam tamen nec intulit, nec infortibus comitem se addidit, est irregularis,** 501.2.d.e.502.1.a.b.&c.
- Iudæi

# INDEX.

## *Judai.*

**Judæi**, aut hi qui recens ex eorum sunt superstitioso ritu transcripti in Ecclesiam, non debent publica exercere, 455.2.d.e.

oriundi à Judæis aut infidelibus, si ab infantia ad Christianorum mysteria per baptismum fuerint allecti, beneficia & sacros ordines suscipere possunt, 456.1.d.e. nouit non item, ibid.2.c.

## *Judex.*

**Judex Ecclesiasticus** qui contra ius & conscientiam in iudicio quicquam facit per gratiam & pecuniam, & ita partialiter est grauius est suspensus ac factus, 374.2.d.e.

**Præter Iudicem** & fori administratos sunt alii qui ex defectu lenitatis irregularitatem contrahunt, 481.2.d.e.

**Judici** non tenentur quis furem indicare, cum eius author propter paupertatem restitutionis faciendæ est impotens, 197.1.d.e.2.a.b.

**Judici** imperanti sub censura, vt delicta in futurum pendencia, comparata tamen in detrimentum tertii sibi manifestentur, detegi debent cum sunt publica, 193.2.e.

**Quando peccatum est secretum**, nec vergit in tertii cuiuspiam damnum, iudicis mandatum non debet capi cum ea seueritate vt existimet velle obligare sub excommunicatione ad illud reuelandum, 194.1.a.b. quando peccata sunt præterita & emendata, nec fuerit inquam publica, & pro præsentibus non habent effectum vllum pendente à futuro, qui timeri debeat non sunt hæc denuntianda, ibid.d.

**Judici** reuelationem criminis imperanti, quod est notorium, & generaliter inquirenti quis illud commiserit, obtemperandum est sub peccato mortali & excommunicatione si eius authorem dici sibi ab eius incurrendæ pœnæ mādauerit, 194.2.b.c. dum sub pœnæ excom. Iudex imperat, indicari sibi criminofum, vt eum corrigat, cogatque parti satisfacere, ei est parendum, ibid.d.e.

**Si præter vnum aliquem**, nullus alius sit in vrbe aut prouincia qui aliena bona in potestate manumque furis esse sciat, hic ad eum iudici manifestandum non tenetur, 195.1.d.e. cum delictum est publicum, aut semiplene proptum, vel est contra eius authorem magna præsumptio infamiaeque, qui rei sunt sub pœna peccati & excommunicationis tenentur parere iudici, ibid.2.b.c.

**Res** dum est nota tribus aut quatuor de vrbe aut Parrocchia à consensu dici sine culpa potest, ad emendam & non pœnam, 195.2.e.

**Judex** cum via inquisitionis ad pœnam delicti procedit, nemo tenetur ei patefacere, quæ de reo nouit, 196.1.b.c.d. an qui iuste compensationis nomine quidpiam retinet, teneatur iudici se sistere, ibid.2.a.b.c.

**Judices delegati** citra montani indifferenter ac promiscue, pœnam excommunicationis reseruata Pontifici non subeunt, si munus à litigantibus accipiant, 131.2.a.b.c. secus si Papæ vices agant in terris ei immediate vel mediate subiectis, ibid.d.e.

## *Iurisdiclio.*

**Iurisdiclio** non adimitur irregulari ab Irregularitate, maxime si hæc beneficio iam obtento, aduenit, 453.2.a.b.

## L

### *LAICVS.*

**Laicus** peccat mortaliter, cum interdictum locale violat, 405.2.d.

**Laicus** potest in articulo mortis à censuris absolueri prima duntaxat tonsura initiatus, 37.2.a.b.c. &c.

**absolutus à Laico** si moritur poterit terræ sacræ sine alia absolutione mandari sin autem conualuerit, ei se sistet iudici legitimo, à quo querenda erat solutio, quod in præstiterit in eandem relabetur censuram, 38.1.c.d.e.

**quid Laico absoluenti** obseruandum, ibid.2.a.b.c. &c.

**Laici** quauis censura ligati sua priuilegia retinent, eisque vt prius vt possunt, nisi eis specialiter per sententiam derogetur, 52.2.c.d.e.53.54.

**Laicus** peccat, pœnamque sibi excommunicationis conciliat, qui innocentem Clericum inique aut pliusquam meruit percutit, 226.1.c.2.a.b.c.

**in Laico** violatio interdicti est interdum venialis, interdum mortalis, 412.2.c.423.1.a.b.c.

**Laici** recens ad Clerum cooptati ad superiores ordines præpropere promoueri licite non possunt, 456.2.d.

**Laico** interdum ius comprehendendi Clerici ante consensum prælati sui sine excommunicatione competit, 232.1.e.

**Laici** tempore interdicti tam personalis quam localis nihil est per canones concessum, 408.1.e. tria sunt tamen tempora in quibus permittitur Laicis sacris se præsentibus officiis sistere, ibid.2.a.b.

### *Legatus.*

**Legatus** à latere & Archiepiscopus non possunt alium absolueri coram Episcopo, quem is censurâ notauit, 32.1.e.2.a.b.

### *Liber.*

**Lectio** cuiuslibet libri non hæretici non est sub censura prohibita nisi Calvinū aut Lutherum oleat, 310.2.c.d.e. ab ea excusat materiæ paruitas, 311.1.c.d.e.2.a.b.

**Librum** de hæresi scriptum à Catholico qui sumit vt contentas in eo hæreses intelligat, excommunicationi Bullæ cœnæ non subiacet, 311.2.b.c.

**Liber** scriptus ab authore hæretico, quibus iudiciis deprehendi valet de Religione differere aut tractare, 311.2.e.

**Libros** hæreticos legenti aut retinenti quid à censura proposita excusat, 312.1.c.d.e.

**Librum** hæreticum qui legi audit non est excommunicatus, 312.2.d.e.

**Libelli** prognostici vulgò *Almanachs* appellati non censentur prohibiti in Bulla cœnæ, 301.1.e.

**Qui** alicuius authoris scripta propter hæresim, vel falsi dogmatis suspensionem damnata legerit, habueritque, ipso iure, in excommunicationis pœnam incidit, eamque ob causam in eum tanquam de hæresi suspectum inquire & procedi potest, ibid.1.b.c.

**Qui** alios libros alia de causa prohibitos legerit habueritque præter peccatum mortale, Episcopo eorum arbitrio seuerè puniendus est, ibid.1.d.

### *Littera.*

**Litterarum** inscitia est vera Irregularitas, 457.1.d.  
CCcc ij



# INDEX.

## Locus.

Locus in quo præciosi sepelire est vetitum non nisi  
sacer est, 266.2.e

## M

### MANDATUM

**M**andati quatuor sunt genera, & quid vnum-  
quodque 474.2.b.c  
per Mandatum generale mortis inferendæ non con-  
trahitur irregularitas, ibid. d. bene quidem per  
speciale mandatum opere subsequuto, ibid.2.e  
tam Mandato homicidii licito quam prohibito ex-  
presso aut virtuali, irregularitas contrahitur, si ta-  
le mandatum est causa eius proxima & particu-  
laris, 475.1 a.b.c. 476.1.a.b.&c

#### Matrimonium.

Matrimonium in censura valide conferri & recipi  
potest, 57.2.b.c  
ad Matrimonium animum adiungere fas est cuique  
in interdicto, ita & illud reipsa contrahere va-  
lide, 411.2.a.b

#### Medicus.

Medici, patroni, & alii, ad quos de rebus gravibus,  
consilii causa referri solet, non tenentur eas reve-  
lare, 213.2.d.e

#### Membrum.

Membrum in homine quid est, 488.1.d.e

#### Monachi.

Monachi nigri cum interfunt aut vacant venationi  
aut aucupationi clamorose, penas suspensionis  
& beneficio & inhabilitatis ad aliquod de nouo  
acquirendum incurrunt, 374.1.a

#### Monialis.

Monialis quæ intendit abortum potione aut ve-  
na sectione non est excommunicata, 217.3  
d.e

#### Monitio.

Monitio debet præmitti sententiæ excommunica-  
tionis, etsi crimen sit omnibus notum, 87.1.b.c  
non est necesse eam fieri scripto, ibid. c.d. vnica  
sufficit pro tribus, ibid.d.e

Monitio in excommunicatione debet fieri sub com-  
minatione ab homine, 82.1.2. monitiones quæ  
fiunt in excommunicatione, non debent vno co-  
demque die fieri, 84.1.a.b.&c. communiter qui  
anathemate feriendus est, moneri debet à Prælu-  
le, ibid.2.d.e

Monitio quædam est adhibenda in censura ferenda,  
23.2.b.c.&c.

oportet eam esse trinam licet vna eadem sufficiat  
in casu necessitatis, 24.2.b.c.d. debet fieri nomi-  
ne iudicis & immediatè ipsi reo, præsentibus per-  
sonis idoneis, ibid.e. sub comminatione censuræ,  
25.1.a. solum requiritur canonica pro culpa præ-  
terita aut præsentis ad censuram quæ est ab homi-  
ne infligenda, 25.1. b. nulla autem est necessaria  
ad censuram quæ est ab homine infligenda, 25.1.  
b. nulla autem est necessaria ad censuram iuris in-  
currendam pro futura, ibid.1.c

#### Mortui.

Mortui licet non sint omnium censurarum capaces  
excommunicari tamen ob eadem crimina pos-  
sunt, ob quæ viui excommunicati fuissent, 18  
1.c.d

Mortuis non conuenit propriè nomen hominis, 20.  
1.c.d

## Mutilatio.

Mutilatio quid est, 488.2.d  
occasione mutilati membri habendus est nemo, nisi  
qui illud è corpore resecat, 489.1.d  
non est ab hoc Mutilationis prohibitæ capite irre-  
gularis, qui membrum suum aut alterius non am-  
putauit quidem, sed inutile aut aridum per con-  
tusionem aut verberationem reddidit, ibid.e  
qui Mutilandi sui in rixa aut deprehensus in crimi-  
ne causam dedit, non est irregularis, ibid.2. b.c  
qui in bello iusto ac defensivo, aliquem mutilat  
aut interimit non est irregularis, ibid.2.e

## N

### NEOPHYTI.

**N**eophyti, hoc est recens à Paganorum aut Iu-  
dzorum erroribus ad Christi cultum con-  
uersi sunt irregulares, 455.2.b

#### Notorium.

Notorium quid & quid differt à famoso, 304.  
2. b. d

## O

### OBLIGATIO.

**O**bligatio reuelandi criminis elapso termino  
dierum à iudice ad eam rem præstituto ex-  
pirat, 211.1.2. b. &c. ita ad cuius instantiam dicta  
est à prælato sententia cum termino, eum termi-  
num potest producere, ac maiorem temporis  
intercedinem concedere, iudice ante non con-  
sulto, ibid. 2. d. e. non potest tamen  
pars ad cuius instantiam lata est excommunicatio  
inconsulto ac nesciente iudice, tempus eius in-  
nouare aut mutare, sed prorogare tantum. 211.  
1.b.c.d

Qui de crimine admissio aliquid scit, cum est in e-  
dicto, ut illud intra octo dies prælato denuntiet  
non tenetur obsequi, si alii absint, qui cum eo  
præsentibus aderant cum est factum facinus, 212.2  
a.b.&c.

qui casus excipiendi ibid.e. 213.1.a.b

#### Occultum.

Occultum duobus modis dicitur, 304.2.a.b

#### Ordo.

Ordo, & quæ ab eo pendent ab Irregulari non po-  
tunt sumi, 451.1.c

Ordo sacer nullus est conferendus interdicto du-  
rante, 411.2.a.b

Ordines in censura valide conferri & recipi possunt  
58.1.c.d

#### Ordinarii.

Ordinarii qui dicuntur, 116.1.b.c

## P

### PAPA.

**P**apa irregularitates potest tollere præter quin-  
que quæ sunt iuris diuini. 533.2.a

Papæ soli iure communi ac ordinario licitum est dis-  
pensare in irregularitate, ibid. b. id tamen facere  
possunt Papæ facultate, quos sua virtus, conse-  
cutis temporibus ad gubernacula Christianæ  
reip. euehit, ibid.c.d.e

#### Parochus.

à Parocho excommunicato licet audire sacrum &  
accipere

# INDEX

Accipere sacramenta, 64.1.b  
 Parochus sacramenta censuris innodato dare potest  
 64.1.c  
**Parochi iure communi ac ordinario excommunicare** nequeunt, 94.1.c.d  
 si tamen consuetudo largitur Parochis ut excommunicare possint, ea uti queunt, 95.1.c.d  
 Parochus qui presentiam suam, coniugibus matrimonium contracturis accommodat non censeri debet interdictus, 420.2.a.b  
 Parochi & Religiosi possunt absolvere ab excommunicationibus quæ maiores sunt, nec tamen sunt in iure Papæ, aut Episcopis reservatæ, 117.1.d.e.2.a.b.&c.  
*Pater.*  
 Pater animaduertens in sacerdotem filium non est reus violatæ legis Ecclesiasticæ de non verberando Clerico, 231.1.b.c  
*Peccatum.*  
 Peccatum habens censuram annexam duo habet consideranda, 42.2.d  
 Peccatum excommunicatione puniendum, non est aliud communiter quam inobedientia, 75.2.e  
 Peccatum quodlibet excommunicatione non est puniendum, 333.1.d  
*Percussio.*  
 Percussio Clerici violenta quæ, 222.2.a.b.&c.  
 Percussio Clerici violenta, est in eius contactu ignominioso & infami sita, qui contactus est tam in plagatum ac cicatricis illatione quam in dedecorosa, statuique Clerici contraria attestatione, ibid.1.c.2.a.b.&c.  
*Pœnitentia, Pœnitentiary.*  
 Pœnitentiæ Sacramento quæ verba sunt adhibenda 168.1.c  
 Sacramentum pœnitentiæ ab excommunicato, suspensio, interdicto, denunciatis publice, aut notorio Clerici percussore datum, ratum esse non potest ac validum, 181.2.d.e  
 Pœnitentarii in Cathedralibus & privilegiati in Cœnobiiis aliis communicare facultatem absolvendi à reservatis quam habent à Pontifice, non possunt sine expressa Papæ licentia, 187.1.b.c.d  
*Pœna.*  
 Pœnæ mere spirituales quæ differunt à mixtis, 438.1.b.c.d  
*Pontifex.*  
 Pontificum diplomata Regibus Galliæ concessa an revocentur, 100.1.c.101.1.2.102. & seq.  
 Pontificalium nomine quid intelligitur, 377.1.c.2.a.b  
*Potestas.*  
 Potestas quæ est à lege absoluendi eum à censuris, quem Ordinarius ligavit, duplici ex causa datur, 33.1.c.2.a.b.&c.34  
*Praelati.*  
 Praelati, qui iurisdictionem quasi Episcopalem sibi vindicant, ac proinde possunt in subditas gentes animaduertere censuris Ecclesiæ, potestatem hanc suam alteri delegare valent, 104.1.2.b.c  
 Praelati bona suorum conuentuum alienantes absque debita solemnitate, sunt suspensi, 373.1.c.d  
 Praelati bona Ecclesiæ immobilia eiusque iura absque Papæ licentia, Laicis subiacentes, sunt suspensi, ibid.d.e  
*Pueri.*  
 Pueri sunt censurarum capaces, 40.1.b.c.d

R.

## REBAPTIZATVS.

**R**ebaptizatus voluntarie & scienter est irregularis, 514.1.c.d.&c.  
 Rebaptizans quoque & qui ei ministrat, ibid.2.d.e  
 secus autem si sub conditione rebaptizat, 515.1.c.2.a.b.

*Reges.*

Reges Christianissimi non excommunicantur & cur, 100.2.c.d

*Regulares.*

Regulares recipientes ordines sacros absque prælati sui dimissionis litteris, sunt suspensi à suorum ordinum executione, quandiu eorum ordinario visum erit, & absolutio reservatur arbitrio ipsorum, 373.1.b

Regularibus prælatis idem licet in suorum commodum, quod Episcopi possunt in suorum subditorum causa facere, 306.2.c

*Religiosus.*

Religiosus, qui peccauit in alieno territorio, à superiori suo corrigi potest, & censura plecti ob peccatum alibi patratum quam in Monasterio proprio, 97.1.d.e.2.a.b

Religiosi usurpantes sibi decimas Parochiæ absque privilegio sunt suspensi, 373.2.a

Religiosi in contemptum disciplinæ Ecclesiasticæ sacris se ordinibus iniciandos qui offerunt, sunt ab ordinis sic suscepti executione suspensi, ibid.1.b

Religiosi non professi, sine titulo ordinati sunt suspensi decreto Pii IV. ibid.2.b

Religiosi sacros ordines in statu Apostasiæ qui suscipiunt, suspensionem à diuinis incurrunt, ibid.2.c.d

Religiosi recipientes ordinem in excommunicatione pro manuum iniunctione, sunt ab executione ordinis suspensi, 373.2.e

Religiosi Societatis Iesu per Generalem aut ab ipso deputatos ab omnibus peccatis ante vel post ingressum Religionis commissis absolui possunt, 370.1.c

*Reus.*

Rei qui dicuntur, 15.1.b.c.d

Reus est præmonendus ante sententiam excommunicationis ferendam ut Ecclesiæ pareat, 81.1.c.d &c. debet fieri mentio dæci nomine, 82.2.e

Reus si monitus non sapit, si post correctionem Evangelicam obstinato est animo, si superiori obsequi renuit, ei est hic, eiusque crimen manifestandum, 107.1.b.c. secus si author est emendatus, res restituta, vel læso satisfactum, ibid.d.e

Reus seipsum iudici manifestare non debet, 100.1.b.c. in quinque casibus tenetur obsequi sententiæ à Superiore Ecclesiastico latæ de re latente & occulta detegenda sub pœna censuræ, 101.1.b.c. &c. 102.103. & seq.

Reus illico ac culpam admisit sub pœna censuræ spiritualium rerum usu priuatur, 51.1.a.b.c. nec absoluitur donec de eius absolutione constiterit, ibid.d.e.2.a.b.&c.52.1.a.b. quando uti potest sacramentis, & communicatione fidelium, ibid.2.e52.1.a.b.c

CCcc iiij

# INDEX.

## S

### SACERDOS.

**S**acerdos peccat mortaliter, qui pœnitentem à peccatis soluit, prius quam à censura, 181. 1.b.c

Sacerdos qui veniales culpas remittit in conscientie foro, non potest censuras nemini reservatas remittere, 183.1.c.d

Sacerdos non modo peccat orando publicè pro excommunicato denunciato, sed eius preces sunt irritæ ac nullæ si eas Deo offert vt publicus Ecclesiæ minister, 271. 2. b. c. d. secus si privatim oret, ibid. c. possunt & fideles Deo preces fundere non modo mente sed & ore privatim pro excommunicato denunciato, 272.1.b.c

Sacerdotes qui non tolerantur ab Ecclesia Sacramentum pœnitentiæ non conferunt, 54.2.a.b.c excepto mortis articulo, ibid. d. quilibet & quomodolibet censuris irriticus potest ac debet in mortis articulo baptismum conferre, si alius huius Sacramentum magis idoneus minister non adsit, sine ceremoniis tamen Ecclesiasticis, 55.1.c.d. &c.

Sacerdos quilibet in mortis articulo potest ac debet absolueret ab omnibus peccatis & censuris, 56.1.a.b. omnia diuina munera, quæ oneris rationem aliquam habent à censuris innodato obeunda sunt modò ne sint prohibita, ibid. d. e. potest quis censura innodatus obire aliqua, quæ rationem pœnæ aut obligationis non habent, sed tanquam priuatus, aut Laicus, non vt Ecclesiæ minister, ibid. 1.d.c

Sacerdotem percutiens vna tantum ligatur censura, 301.1.c

### SACRAMENTA.

Sacramenta qui largitur excommunicatis non toleratis, est ab ingressu Ecclesiæ interdictus, 261. 2.d.c

Sacramenta quilibet præter ordinem & quæ ab eo pendent, ab irregulari possunt sumi, 453.1.c

Sacramenta ab excommunicato recepta non sunt valida, 250.2.b.c.d.e

Sacramenta Confirmationis, Eucharistiæ, Ordinis, Vnctionis extremæ & Matrimonii ab excommunicato capiuntur validè, 251.1.d.e.2.a.b.c

Sacramentum pœnitentiæ impetritum excommunicatorum est, si ab eo bona fide suscipiatur, 252. 1. a

### Scientia.

Scientia iure diuino est in Sacerdote ad sui ministerii functionem necessaria, 457.2.d. pro diuersitate ordinum, est quoque in ordinatis necessaria diuersa scientia, ibid. c. 458.1.a.b.&c

### Serui.

Serui seu mancipia & obligati ad ratiocinia ad omnes ordines sunt irregulares, 512.2.a. b. c. hæc tamen irregularitas non est lata simpliciter, sed sub conditione, ibid. c. d. in pœnam violatæ huius conditionis præter peccatum mortiferum, seruus iterum in seruitutem redigitur, 512.2.c

### Simonia.

Simoniam qui in consequendis ordinibus commississe est conuictus, eo ipso ab illorum executione, per decennium sine spe dispensationis suspensus est, & per annum carceribus mancipandus, 387.2.c

Simoniaci qui confert ordines de iure communian-

tiquo, à collatione omnium ordinum per triennium est suspensus, 388.1.d.e

Quilibet occultus beneficii vel officii sui dignitatis collator Simoniacus & mediator, præter excommunicationem Papalem ab executione ordinum suspensus est, omnesque eius prouisiones confirmationes, ipso iure sunt nullæ, 388.1.e.2.a.b.c &c.

### Subditus.

Subditus excommunicari potest duobus modis, 95 2. b. extra Diocesim commorans nec statuto, nec sententiâ vlla Episcopi sui excommunicari potest, ib.

Reus qui cum in Diocesi esset, ea fecit dixitque, censuram merentur, eâ coerceri potest, etsi aliò absecesserit. 96.1.e. tēpora sunt in quibus sine culpa, qui se turpi transfugio in proximam provinciam pœnæ committit subtrahit, censura frangit potest, 96.2.c.d. e delinquens in loco exempto à suo Episcopo excommunicari non potest, 97.1.d

Subditus excommunicari non potest à superiori omnitempore, 98.2.a.b. sunt tamen casus quidam quibus id concessum Episcopo in aliena Diocesi tentare, ibid. c. d. &c.

### Suffragia.

Suffragia priuata quid 271.1.c

### Suspensio, Suspendus

Suspensio quid, 348.1.2. qui differt ab excommunicatione, 349.1.b.c.d

Suspensionis quæ causa effectiua, 349.2.d.e

Suspendere quemquam à diuinis Parochis est inhibitorium, 350.1.a.b

Suspendus à iurisdictione, si nominatim non sit talis & denunciatus, suspendit valide, non tamen sine scelere, 350.1.e

Suspensionis quæ causa materialis, 350.2.a

Cum non suspenditur certa aliqua persona, sed communitas, fieri id potest ob culpam alterius, 352 1.b.c

Cum tamen communitas suspenditur ob vnus aut plurium culpam, quisquis est culpæ vacuus extra scandalum, non necessario abstinere debet ab eo opere, à quo suspensa est communitas, ibid. d. e 2.a.b.&c.

Suspensionis quot sunt species, 353.1.a.b.&c.

Dicta in aliquem suspensionis sententia, sub quacunque verborum forma, dummodo suspendentis intentionem exprimant, pro rata habenda, est ac valida, 353.2.b

Iure tamen canonico certæ sunt solemnitates suspendenti seruandæ, ne peccat, ibid. c. d. 354.1.2.

Qui ab inferiori suspensus est ordine illi in superiori versari, eumque obire non est licitum, 355.1.b.c. & contra qui à superiori suspensus est ordine, non necessario ei inferioris usus est vetitus, ibid. 2.a

Qui ab opere determinato & certo suspenso iditur, non est ab aliis suspensus, quæ cum illo cohererent necessario, ibid. b

Qui ab eo opere est suspensus quod est exterorum veluti fundamentum ac basis, ab istorum quoque est usu prohibitus, ibid. c

Quid & quantum valent hæc dictiones, *Suspendo te à iurisdictione, officio & beneficiis.* 355.2.d.e.356. 357-358

Suspendus ab officio prohibetur ea facere, quæ illi ratione iurisdictionis, ordinis & administrationis Ecclesiæ competunt, 356.2.a.b.&c.

Qui suspensus est ab officio, fructus beneficii, qui non dantur ob præsentiam in choro, suos facere &c

# INDEX:

- Suspensus ab officio non potest divina facere officia, nec quæ beneficii sunt exequi, nec ministrare Sacramenta, ea tamen recipere quorum est capax, idque potest cum fructu præter ordinem, 357.2.d.e.
- Suspensus à beneficio, indebiti sunt fructus illi qui dantur tantum possessori suo, ob præsentiam in choro, præstationem eorum munerum, quæ facere ei est prohibitum per suspensionem, 358.1.c.d.
- Suspensus à beneficio, ius non est percipiendi ex eo fructus solitos, ibid.d.
- Suspensus quod iure incuratur ac facto, quomodo cognosci potest, 367.2.c.d.
- Quando suspensio est à iure siue generalis siue specialis in particulares imposita propter contumaciam, cum expressa aut tacita conditione, ut tunc & non ante relaxetur quam suspensus à contumacia delinquerit, nisi expressè Papæ referretur, potest à suspensi ordinatio auferri, 368.1.b.c.
- Suspensio absolute lata, si est ab homine ab illo tantum remittitur qui author est iuris vel statuti quonibetur incurri, vel eius succellore superiorem aut aliquo ab eis delegato, ibid.1.d.e.
- Si suspensio fertur ad certum tempus, hæc finitur cum illo, sine vlla alia absolutione, 369.1.a.b.
- Si pro pœna, lata est suspensio à Pontifice aut canone, ad tempus ante illud finitum, subditum suum absolueret Episcopus nequit, 369.1.d.e.
- Quando suspensio lata est non ut censura sed in pœnam, siue ab homine siue à iure, generaliter tolli non potest, nisi ab eo qui in eo iure dispensare potest, aut à Papa quando lata est ab homine, 370.1.b.c.d.
- quibus verbis absolutio à suspensione constare debet, 371.1.a.b.c.
- Suspensio interrupti potest & suspendi, ante absolutionem quoad effectum autoritate Papæ, vel illius à quo lata est, vel ab eius succellore aut superiorem, 371.1.d.
- Qui per suspensionem quæ sunt sibi prohibita facere apparat, peccat mortaliter, 363.1.d.e.
- Suspensio proprie sumpta non est, cum prælatus solo verbo alicui opus aliquod vetat aut præcipit, sub ea pœna, ibid.e.1.a.b.
- Quæ sunt opera, à quibus tempore sibi suspensi à beneficio debent, 363.2.d.e.
- Cum suspensus à beneficio, fructus suos non faciat, cui eos restitui est necesse, 364.1.b.c.&c.
- Suspensus ab ordine, ea omnia obire potest iurisdictionis opera, quæ actuale in vsum ordinis non requirunt, 364.2.d.e.
- Suspensus à iurisdictione, eos omnes actus exercere potest ordinis, aut spiritualis officii, qui iurisdictionem non postulant actualem ibid. 365.1.b.c.
- Suspensus à Diaconatu vel Subdiaconatu diuini, ab ambobus, eorumque propriis actibus non est suspensus, 365.1.c.1.a.
- Suspensus ab ingressu Ecclesiæ, Sacramentorum est capax, 366.1.d.
- Suspensi congressum colloquiaque nemo vitare debet ex vi præcepti Ecclesiastici, ibid. 1.a.b. cum eo tamen in actibus communicare, à quibus à iure est suspensus, aut ab homine, peccatum est in duobus casibus, ibid.b.c.d.
- Suspensus quando & quo tempore vitari debet, ibid.e.
- Suspensus ab ordine, officio, aut iurisdictione prohibetur ubique actus exercere, quos ei per suspensionem voluit Iudex esse prohibitos, 367.1.d.e.
- Suspensionem non est essentialia & intrinsecum quod feratur in scriptis, 367.2.a.b.
- Suspensionis effectus potest suspendi ab Episcopo, 371.2.b.
- Suspensionis effectus impeditur appellatione legitima, & quidem, si illa hanc præcessit, eam omnino impedit ne sit valida, 371.2.c.d.
- Suspensiones quæ sunt iure contra Regulares late recensentur, 373.1.2.
- Recensentur casus in quibus suspensio iure communi & antiquo, incurritur ipso iure aut facto à secularibus, 374-375.
- Suspensio quomodo violatur, 371.1.c.d.
- Suspensionem à divinis incurrit religiosus, qui in statu Apostasie sacros ordines suscipit, 373.2.c.d.
- Suspensiones quæ sequantur ex mala ordinum receptione, declarantur, 375.1.c.376.1.a.b.&c. & quæ à male ordinantibus incurri solent, ibid.1.e.2.a.b.&c.
- Ex suspensionibus quæ recensentur ab authoribus, & habentur octo numero in Tridentino Concilio nullæ ut sic, obligant in Gallia, 377.1.c.d.
- Suspensi non videntur in Gallia ipso facto, qui sacerdotii ordinem in ætate non legitima suscipiunt & si suspensi sunt, possunt ab Episcopo absolui, 378.2.b.c.d.
- Suspensus est iure antiquo, qui sacrum ordinem est adeptus sine titulo, 380.1.c.
- Suspensus à beneficio, præcise qua est talis, non est suspensus ab officio, sed à sola perceptione fructuum, ac temporali administratione beneficii, 358.1.c.d.
- Suspensus à beneficio vel officio, neutrius vsum ac exercitium interdictum habet, 359.1.d.e.
- qui multa habet beneficia, si simpliciter à beneficio suspendatur, ab omnibus est suspensus, 359.1.e.
- Suspensus à beneficio, ab officio non est suspensus ibid.1.c.d.
- Suspensio ab ingressu Ecclesiæ prohibet suspensio cuiuscunque ordinis intra illam, exercitium solenne & publicum, 359.2.d.e.360.1.a.b.c.&c.
- Suspensus noui beneficii est capax, 360.2.b.c.d.e.
- Suspensus à beneficio eligere potest ac eligi, conferre beneficium, aut ei nouum aliquod dari, 361.1.a.b.c.365.1.b.c.&c.
- Suspensus ab ordine, non liberatur ab horarum onere, ibid.d.e.
- Suspensus ab officio, non est quoque suspensus à beneficio, ibid.2.a.b.c.d.e.
- Suspensus ab officio in perpetuum, per iudicis sententiam à beneficio quoque non est suspensus, 362.2.a.b.c.363.1.a.b.c.
- Suspensio quid, 390.1.d.e.1.2.a.b.&c.
- quid differat ab excommunicatione, interdicto & irregularitate, 391.1.c.d.e. quod duplex, ibid.1.c.d.e.
- eius causæ, 392.1.b.c. effectus, 393.1.b.c. separari à se ac diuidi queunt, 394.1.d.e.
- Suspensus non est ipso iure factoque qui ordines non seruatis interdictis confert aut recipit, 385.2.c.386.1.a.b.
- Suspensiones quænam obligant, 386.1.c.d.e.&c.
- 387.388.
- Suspensionem auferre possunt prælati regulares præter Episcopos, 390.
- Suspensus, interdictus & excommunicatus qui differunt, 390.2.b.c.
- Suspensus fructibus beneficii caret obuentionibusque annuis, ibid.
- Suspensus hoc tempore ipso facto non est, qui suffi-



## INDEX

cienti ac idoneo ad vitam commensu sacros sibi  
ordines procurat. 380.1.e.2 a.b.&c.381.382  
Suspendi non sunt iure, qui promoti sunt per saltum,  
382.1.e.2.a.b.&c.  
Suspensionis in eos lata locus nullus est in Gallia pro-  
babiliter qui sine litteris dimissoris ordinantur,  
et si cum his initiandos se alieno Episcopo tra-  
dunt peccent mortaliter 383.1.2.a.b.c.&c.  
Suspensionis relaxatio quæ, 394.1.d.e.395.1.2.b.c.  
forma absolvendi à suspensione in foro iudiciali  
quæ, 395.1.c.d.e

### T

#### TEMPVS.

**T**Empus ætatis aliquod assignari debet ante  
quod non incuratur excommunicatio, 110.2  
b.c.d.& seq.

#### Tertiarij.

Tertiarii qui tria vota sunt professi in ordine Men-  
dicantium & agnoscunt eius superiorem sunt  
Clerici, 124.1.e

Tertiarii qui domi suæ degunt, et si habitum ordinis  
ferant non sunt Clerici. ibid.2.a.b

#### Tonsura.

Tonsura prima initiati gaudent privilegio canonica,

& sunt de Clericorum genere, 123.1.e.2.a.b.c  
*Turca.*

Turcæ, Iudæi, Sarraceni non sunt censuris Ecclesia-  
sticis subditi, 16.2.d.e

Turcæ, ac sacris nostris non initiati populi nequa-  
quam sunt subiectum excommunicationis, 86  
1.d.e

### V

#### VECTIGALES.

**V**ectigales Religiosorum exemptorum eximuntur  
à diris Pontificis, 100.1.b

#### Venatio.

Venatio clamosa est Clericis vetita, 477.2.e

Venationi clamorosa si Monachi nigri interfuerint aut  
vacent, pœnas suspensionis à beneficio, & inha-  
bilitatis ad aliquod de nouo acquirendum incur-  
runt, 374.1.a

#### Vniuersitas.

Vniuersitas, collegium aut ciuitas immediatè ex-  
communicari nequeunt, 330.1.b.c.d

#### Vfus.

Vfus quid, 13.1.e

#### Vxor.

Vxor ob mariti crimen cœsura notari nequit, 319.1.c

## FINIS.





31.

1. 15







